

15. 4



BIBLIOTHECA NAZ.
ROMA
VETTORIO EMANUELE

300

JUS CANO-
NICVM

R. P. PAVLI LAY-

MANNI, SOC: JESU

THEOLOGI,

ET OLIM

IN ALMA ET EPISCOPALI

ACADEMIA DILINGANA

SS. CANONVM ORDINARI.

PROFESSORIS.

Opus, nunc primum editum.

Adjunguntur alia ejusdem Authoris Opera,
quæ de Jure Canonico reliquit.

*Cum Gratia &
Privilegio*



Sacra Cæsarea

Majestatis. |||

D I L I N G A,

Permissu Superiorum.

Formis Academicis, Apud Ignatium Mayer: Anno Christi M. DC. LXVI.


134836
*REVERENDISSIMO ET CELSISSIMO
PRINCIPI AC DOMINO, DOMINO*

**JOANNI CHRI-
STOPHORO,**

**ELECTO EPISCOPO
AVGVSTANO, S. R. I. PRINCIPI:**

**PRAEPOSITO AC DOMINO
ELVACENSI;**

**PRINCIPI AC
DOMINO NOSTRO CLEMENTISSIMO.**



Celsissime

PRINCEPS.



*E*X quo die nuper ILLVSTRISSIMAM CELSITVDINEM TVAM, spectatissima per aliquot iam annos aliâ Principatu Virtus, designare cepit; vniuersosissimus verò suffragiorum consensus eligere; publicæ, demum expectationis sinus suscipere se, gavisus est; Augustani Pontificatus supremum caput: nemo fuit omnium, urbanioris aliquando iudicii mortalium, qui non in TE repetendum continuandumque vetustissimum illud institutum, ac morem, ex animo censeret; quo more discente, Principum, quâ Sacrorum, quâ Civilium, Electiones, ac dignitatum, & Annorum, & Exordia, congratulantis affectus lætæ quæpiam, per Arenam aut Xenium, & vestificatione corroborabantur.

Et huiusmodi quidem donariorum, apud diversos diversa, genera fuerunt: sic, ut (ne nostram hanc assertionem exempla sua destituant) præfatus fuit, Coronarium, teste Tullio, collatum à populo fueris; à Senatu verò, Constantino Magno, scutum aureum, aurea corona, DEI Signum aureum, aliæque Principibus aliis, oblata dona præciosa sint, & thesauris privatis publicisque deprompta. Quidam autem, aurû gemmisque neglectis, gratioribus animis litterarum quidpiam, ac præsertim ex Antiquitate resossum, & locò strenarum ac munerum, amplexi sunt. Inter quos, Evangelium Divi Matthæi, Barnabæ scriptum manu, repertumque cum Scriptoris corpore sub arbore ceratiâ, Zeno, Græcus Imperator, missum è Cypro sibi, latus accepit; & aurû circumdedit. Divi verò Gregorii Magni Moraliû tertium, quartumque, libros, annorum plusquam quinquaginta lætebris sepultos, diviniusque tandem repertos, Chindasvindus, Hispaniarum rex, oblatus sibi, gavisus est. Marci quoque Vitruvii, longè temporum situ squalens, ac tenebris demum exutum, volumen, quod architectonicis Præcepta complectitur, Aragonum

EPISTOLA

rex, Alphonsus, *afferri sibi, letatus est, quo tempore Neapolitanam is arcem, vetustate labantem, ad Vitruvianas maximè regulas, instaurabat. eaque causâ, quem diximus, auctorem, omni tegumentò destitutum, accuratissimè, non compingendum modò, sed insuper intus ac foris exornandum, curavit: caussatus, Indecens esse, Librum illum, qui doceret, quo pà- Quo se, Reges etiam, tegerent ac munerent, ipsummet intèrum immunitumque per ædificia circumferri.*

Regibus igitur illis, ac Principibus, quos nominabamus, Xenium fuisse gratum, etiam Libri, priùs annorum injuriâ quadam abstrusi; postea prolatis: nec ii duntaxat, quos ipsorummet offerentium manus lucubrâras, sed Alieni quoque; quos posterorum tamen industria, ne penitus interciderent, in lucem protulerat, virorumque Principum tutela commendâras.

Ex eo porrò Librorum censu, quos utiliter alii conscripserunt, & conscriptos alii publicârunt; nemo (judicio nostrò) præsens Commentariorum, in Decretales, Opus eliminaverit. Quamquam enim hoc, non Minerva nostræ sit; nostri tamen Ordinis, loci, domiciliique, partus, Laymannum habet auctorem, Societatis nostra Virum, ac Theologum, annis abhinc facile tringenta, morte quidem extinctum, sed doctrina famâ celebrè superstitem: Virum, cujus ingenii, doctrinæ, Resolutionumque, vivacissimo vigori, vel in Conscientiæ nodis, vel in Legum difficultatibus, aded non obstabat, aut annorum olim, aut bodie cimeterum, & sepulcorum ossium, ætas; ut in venerandos illius manes, (qui quotidie multos adhuc docent, ac porrò docebunt,) illud cadere meritò possit Baldi Jureconsulti: Plus valet umbra Senis, quàm, eloquentiâ claritatève nudatus, Juvenis gladius. Hic quidem certè loquitur eruditè facundèque Paulus noster, De Summa Trinitate, Fidèque Catholicâ, De Constitutionibus, De Rescriptis Pontificum, De Consuetudine, De Prælatorum Electione, Potestate, Translatione; super Officio Vicariorum, & Judicum, ac cæteris id genus, ad cælestis Sionis ædificationem spectantibus, quæq; (ni fallimur), archiepiscopis saltem Vitruviorum omnium Institutionibus, tantò potiora sunt, quantò Christiano cuivis, & Ecclesiastica præsertim conditionis hominibus, honorificentius est, secundùm Canonum normas, quàm ad fabri perpendiculum, sua metiri. Posterioris enim hujus mensura Scientia, Reges magis, ac Sceptra profana; prioris autem, Episcopos cumprimis, ac pedà Pontificum, decet: maximè, cum & ad Vlpiani Jurisconsulti mentem, in l. i. §. ff. de Just. & Jur. Publicum Jus, & utilitas, in Sacerdotibus versetur: quos mitrata dignitas, etiam ipsos, in suâ quemque diocesi, Reges Sacrorum constituit: ideoque, Legum etiam, ac religionum, amantissimos esse, scientissimosque, postulat. Taliū autem omnium Canonicarum præceptionum Summa, tum demum do-

ctina

DEDICATORIA.

Arina sua punctum fert, operaq; pretium; si Doctor in explanando commentundig. (quod prastitisse Laymannum nostrum, eruditi censent) facundia junxerit Claritatem. Ac jurè quidem, & necessariò. Quid enim tam proprium omni Legi, quàm Claritas? (velut est in authent. de Testam. imperf. §. 1.) *Ut aded Paria, dicat esse, Franciscus Aretinus, in l. qui ex plurib. ff. de verbor. obligat. Non dici quiddam, & Obscurè dici. Faces igitur, obscuritatem discentientes, Commentariorum perspicua lucerna sunt: quæ nec in scriniis latere, nec in angulis, aut sub terra, convenit; sed, in publicum proferri, lucique plena, typorum ministeriò, commendari, quod in Laymanno nos prestare comati sumus.*

Reliquum est, ut, qui lucem jam aspexit, Decretalium Primus hic explanator, Commentarius, sui Tutelam aliquam, potentiâ pollentem, inveniat: hoc est, Patronum. Eo si careat; tanquam Vitruvianus ille (cujus supra plus semel meminimus) liber, nudus, & inopertus, algebit. Præsidio verò Patrocinioque repertò; jam involutus, amictus, contestus, erit. Ad banc autem Tutelam, ac tegmen hoc inveniendum, non opus erit, vel ad Alphonsum quempiam, vel ad Zenonem, Orientis Imperatorem, decurri. Supplebit utrumque Principum illorum, TUA, CELSISSIME PRINCEPS, ILLVSTRISSIME PRÆSVL, auctoritas, atq; dignatio: quibus addimus, Et Jus.

Nihil æquius quisque diligit, aut tuetur fidelius; quàm, quod Suum est. Et hic, CELSISSIME PRINCEPS, hic ipse liber, TUA Celsitudinis est; non jam Xenio duntaxat, strenâque (quàm, in hoc munusculo, manibus Tuis insinuamus, & gremio;) sed eò quoque Jure, quo, Quidquid est Academiæ nostræ, fuitque, litteratum & eruditum; id devolvitur ad Celsitudinem TVAM: qua primis hujus Atheni Fundatoribus, non affectu benevolentia minus, erga genus omne Scientiarum salubrium, quàm Episcopalis cathedra Canonica suffragatione, succedit.

Ipse certè, Pia memoria, Laymannus, si revivisceret bodie (Vir aliqui, quantum ab omni fudè, tantum alienus & à palpo, nec multorum esse verborum solitus); hac tamen, & quidem mentis intimò sensu, dicere Tibi non utique dubitaret: Ego, CELSISSIME PRINCEPS, in hac Univeritate, sic annis aliquamultis, turbulentorum etiam temporum, Docendo sum versatus; ut, tametsi sensim Omnia fieri viderem adversariorum imperii Romani, nihilosecius tamen, & Academiæ nostram, & nos, laboresque nostros, Illustrissimorum Augustana Cathedra Pontificus, esse judicarem; obligatione tantâ, quantâ (velut ff. de pecul. l. quis ergò, docetur) etiam Omnibus nostris adhæret: ut proinde, sive vivens ederem quidquam in publicum, præsentì tunc viventique PRINCIPÌ, præsens ac vivens, consecratum voluissem; sive post obitum, & à tumulo quodammodo meo resossum, aliquid meorum edi nôsem: id illi dedicatum

EPIST. DEDICAT.

PRINCIPi cuperem, quisquē præcedentium successionem legitimam adisset; imprimisque, Juris omnis tutori. Talia vir ille diceret: ac CELSITVDINI TVÆ laborem hunc suum, ad pedēs pronè submitteret: quòdque Tuum, ab omni retrorsum Æternitate, Ficti, Fata decrevisset; id, Tuum ESSE, pronuntiaret; ac plura non adderet: non, videlicet, gemini Tui Principatūs; non, insignium TVÆ CELSITVDINIS in Societatem nostram meritorum; non denique virtutum, ornamentorūque Tuorum, ullā mentione corā, & in os, dispersā; quippe, nobiscum unā gnarus, De cujusque præclarè gestis, decentius unumquemque Secum, & ex ore famæ, quā cum illōmet præsentem, loqui: TEque præcipuè, mereri præconia, quā auscultare, male; nec facile quenquam dolentiùs vituperia sui, quā Te Tuāmet laudes, audire consueſſe.

Silemus igitur hæcenus: & affectu duntaxat (sed pronisimè) nos omnes, & opus hoc Auctoris candidissimi, CELSITVDINI TVÆ commendamus: cui Scriptori si fauerit ea; mirò beneficii prodigiò, post hæc tuum, ad alia quoque luci danda generis ejusdem, etiam mortuum excitabit. Ita semper, æternūque, CELSISIME PRINCIPS, vivas! Kalendis Januariis, Anni M. DC. LXXI.

Ex animo vovet,

ILLVSTRISIMÆ CELSITVDINI TVÆ

Devotissimus

Societatis IHSV Collegium Academicum
Dilinganum.

LE



LECTORI SALVTEM.

PROdit nunc tandem è prælo, publicam in lucem, partus posthumus Juris Canonici, à piæ memoriæ P. Paulo Laymann, Societatis nostræ Theologo, progenitus; qui, ut erat acri vir ingenio, defæcato judicio, studio indefesso, rarâque animi demissione ac modestiâ profundâ, quâ præcellebat, Juris ac Theologiæ moralis doctrinæ pari passu conjunctâ, præstans, itâ solidis & exquisitis elucubrationibus libros decretales D. Gregorij Papæ IX. & Bonifacij VIII., post moralem Theologiam (iteratis, magnâ cum utilitate multorum, vicibus à se prius editam,) adeò luculenter & feliciter illustravit: ut has, ejus ingenio, studio, ac virtute dignas, commentationes, non tantum Auditores frequentissimi, quos ipse, primus hîc Juris Canonici Professor, compluribus annis à vigesimo quinto hujus sæculi docebat, calamis semper avidissimis exciperent, sed aliarum quoque celebriorum Universitatum excellentissimi quique J. U. Doctores, ac Professores, in suorum etiam Auditorum usum & commodum, non tam in transcriptis exemplaribus communicari sibi cuperent, quàm, ut earum insuper copia communis omnibus Juris amantibus, beneficio typi publici, sinè mora fieret, ardentibus votis exoptarent. At interveniens, à diuturnis Germaniæ bellis, injuria temporum, & inopia sufficientium sumptuum, & (quod rei caput est,) ipsum revidendis, & ad prælum parandis, paginis intentum auctorem intempestiva mors occupans, moram desiderio nostro longiorem injecit: quæ tamen si, divinæ providentiæ indultô, pauculos unius anni spatio menses, laboribus, & vitæ ipsius, addi permisset;

AD LECTOREM.

misisset; multò citiùs & expeditiùs ad impressionem operis tam utilis, & tam exoptati, manus typothetarum, ac librariorum, appositæ fuissent.

Tamet si verò ne nunc quidem sint omnes in præsentì congestæ tomo partes totius operis; cùm ejus libri alii etiamnum imprimendi supersint: expectationi tamen ac desiderio plurimorum insigni doctrinâ præstantium Virorum ut aliquâ saltem ex parte satisfiat; placuit nobis, dum expediantur & reliqui, unum saltem, cùmque primum illorum, in publicum emit-ti: qui profectò doctrinâ tam abundante refertus est, ut vel ex eo solo fructum uberem sint reportaturi, qui studium & operam suam ejus attentæ lectioni diligenter sunt impensuri.

Quæ placuit Auctori, Methodus, accuratè quidem observat eundem Titulorum, & Capitulorum ordinem, quem ipse textus in Corpore, quod is interpretatur, tenet, & ad ejusdem Corporis usum Juris Studiosis familiariorem ac faciliorem reddendum, non parùm conducit: simul autem, ad unumquemque Titulum easdem pertractandas materias revocat, quæ sub iisdem titulis reperiuntur, in libro decretalium sexto.

Atque hæc obiter prælibata tibi sint, benevole Lector, ad primam hujus Operis frontem. Fructum dulciorem hauries ex ipso fonte: quo largiter fructe, & vale,.

LIBRI

LIBRI PRIMI DECRETALIVM

GREGORII IX.

P A P A E.

T I T V L V S I.

DE SVMMA TRINITATE,
ET FIDE CATHOLICA.

CAPITVLVM I.

Firmiter.

SVMMARIVM.

1. Ecclesiastici Canones homines Christianos ad salutem animæ, & vitam æternam consequendam dirigunt.
2. In causis, quibus anima salus vertitur, canones servari debent in omni foro.
3. Fides orthodoxa est fundamentum nostræ iustificationis, & speranda glorificationis.



Ecclesiasticos Canones ideo constitutos esse constat, ut eorum adminiculo homines Christiani salutem animæ consequantur, & ad vitam æternam ordinentur. Quare non incongruè dixit Glossa in reg. iuris 2. in 6. quod subiectum attributionis scripturæ canonici est homo dirigibilis non solum in bonum commune seu politicum,

ad quod scientia iuris civilis per se ac dire& ordinatur) *sed etiam in Deū*. Et iterum, *ubi vertitur periculum animæ, iudicandum esse secundum canones in omni foro*. quod etiam tradidit Abbas Panormit. in c. sæpe n. 4. de restit. spoliatorum, & Canonistæ communiter in c. ult. de præscriptionibus.

Cum itaque Fides orthodoxa fundamentum sit nostræ iustificationis, & sperandæ glorificationis, atque *sine Fide impossibile sit placere Deo*, ad Hebræos c. 11. v. 6. ideo ante omnia, ex generali Lateran. Concilio, habito anno Christi 1215. cap. 1. proponitur Fidei Catholicæ explicatio, prout ea à SS. Patribus in Nicæno, Constantinopolitano, Ephesino, & Chalcedonenſi Oecumenicis Conciliis tradita, & hætenus retenta, atque contra hæreticos defensa fuit, de Deo rerum visibilium & invisibilium Creatore, vno in substantia, & trino in personis, de Verbo Dei per Spiritum sanctum incarnato, ex Maria Virgine nato, mortuo, ac inferos descendente, ac resurgente, ad iudicium iterum venturo, & æternam seu gloriam, seu pœnam, pro-

operum meritis, reddituro. Additur porro doctrina de vna Ecclesia Catholica, Sacrificio Misse, Sacramentis Baptismi, Eucharistie, ac Pœnitentie, demum de statu coniugii inter fideles nequaquam dampnando. Videri potest c. 2. d. 23. vbi similis doctrina Catholice Fidei, quæ ab ordinandis Episcopis profitenda erat, proponitur, sumpta ex Ordine Romano, quem antiquissimum librum esse constat ex veterum Patrum allegatione, ac testimoniis.

CAPITVLVM II.

Damnatus.

SVMMA RVM.

1. *Ioachimus, Monasterij Florentis Abbas, perperam negans diuinam essentia in tribus personis veram ac simplicissimam unitatem.*
2. *Inter Creatorem & creaturam non similitudo perfecta, sed deficiens ac proportionalis cernitur.*
3. *Pralesum delinquendo non obest Capitulo, nisi id consenserit. Ex causa, interdum vnum alterius culpam luere debet.*
4. *Externus in fide hereticus non est, nisi pertinacia adiuncta sit.*

Symptum est hoc c. ex suprâ allegato Lateran. Concilio cap. 2. in quo erroris ac temeritatis damnatur Ioachimus Monasterij Florentis Abbas, qui edito libello contra Petrum Lombardum Magistr. sententiarum, eum de hæresi & infamia accusauit, quia lib. 1. sentent. d. 5. scripserit, quod Pater, Filius & Spiritus sanctus sunt vna summa & increata essentia; item, quod essentia diuina nõ generat, sed Deus Pater generans est, nec essentia diuina generatur, sed Filius Dei genitus est. Siquidem essentia diuina communis est tribus personis, siue, vna simplicissima essentia est Patris, Filij, & Spiritus sancti, distinctio autem, duntaxat est in personalibus proprietatibus.

Hanc veram & simplicissimam unitatem essentia Patris, Filij, & Spiritus sancti oppugnavit Abbas Ioachimus, existimans, unitatem naturæ, quæ diuinis personis tribuitur, esse quasi collectivam & similitudinariam, sicuti inter homines est vnus populus, vna Ecclesia. Ad quem errorem stabilendum allegavit S. Ioannis cap. 17. v. 11. vbi Christus pro fidelibus suis Patrem rogauit, *vi sint vnum, sicut & nos*. Non poterat videl. Ioachimus intelligere, quomodo personæ tres, adeoque discretæ, vna & indiuisa essentia diuina esse possent: quandoquidem vnum & plura, diuisum & indiuisum opposita sunt.

Ad verba ea Christi apud S. Ioannem respondet Lateran. Concilium, voculam, *sicut* significare similitudinem non perfectam, sed aliqualis proportionis, vt, sicut Pater & Filius vnum sunt in essentia, ita fideles vnum sint in gratia & charitate: quemadmodum etiam Matth. cap. 5. vlt. discipulis suis dixit Christus: *Estote vos perfecti, sicut & Pater vester celestis perfectus est. Ac si diceret manifestius, subiungit Concilium, Estote perfecti perfectione gratiæ, sicut Pater vester celestis perfectus est perfectione naturæ, vtrique videlicet suo modo: quia inter Creatorem & creaturam non potest tanta similitudo notari, quin inter eos sit maior dissimilitudo notanda. Ad aliam obiectionem responderi debet, Diuinam essentiam, quæ in se vna & simplicissima est, virtualiter esse plura, quia cum tribus diuinis personis identificatur, ita, vt tres personæ sint vnus Deus, seu vna indiuisa substantia. Ex quo etiam intelligitur, quod traditur à S. Thoma Aquin. in 1. p. q. 28. a. 2. & in Concil. Florentino Sessione 28. Essentiam diuinam & relationem non realiter, aut ex natura rei, sed sola ratione distinguui.*

§. In nullo.

Notandum 1. Quod hic dicitur, Monasterio, cuius Abbas fuit Ioachimus, nihil idcirco derogandum esse, Quia illius Regulæ, religioque disciplinæ retinentes, erroris, ac cri-

ac criminis participes non fuerant. Quare admonet Panormit. hic n. 2. quòd Prælatus delinquendo non obest Capitulo, si id non consensit, iuxta regulam 76. in 6. *Delictum persona non debet in Ecclesia detrimentum redundare.* Et reg. 22. in 6. *Non debet aliquis alterius odio pręgravari.* Interdum tamen iusta de causa accidit, vt alienam culpam alij quodammodo luant, quare in reg. 23. in 6. limitatè legitur, *Sine culpa, nisi causa subsit, non est aliquis puniendus.* Sic ex patre criminoso nati filij, dedecore aliquo notantur, vti apparet in natis illegitimè c. 1. & 2. de filiis presbyt. Item in liberis hæreticorum, c. 2. §. hæretici, de hæreticis in 6. Eorum quoque qui crimen læsæ Maiestatis commiserunt, l. Quisquis 5. §. filij. Cod. ad L. Iulian. Maiest. c. vergentis 10. de hæreticis. Præterea, si tale Prælatus crimen sit, v. g. dilapidationis bonorum, vt ob id Conuentus suspectus reddatur, quodammodo etiam in Conuentum redundabit, prout Felin. annotauit in c. his quę n. 2. de maior. & obed. Abb. in c. vlt. n. 8. de statu Monachorum, argum. eius textus, §. Si autem dilapidator. Alius casus videri potest in c. penult. de elect. vbi id dicam not. 2.

Notandum II. cum Gl. fin. hic, Licet doctrina Ioachim, tanquam repugnans fidei Catholicę, damnata hic fuerit, ipsum tamen auctorem eius hæreticum non fuisse, cuius oppositum non rectè hic docuit Abb. num. 4. Nam hæresis est error in fide, cum pertinacia iunctus. Clem. vn. hoc tit. & c. dixit Apostolus 29. capsa 24. q. 3. vbi bene tradidit Gl. ver. pertinaci, *Licet teneas aliquis ea, quę sunt contra fidem, dummodo paratus sit corrigi, non est hæreticus.* Atqui Ioachimus iste errorem suum pertinaciter non tenuit, cum, vt in hoc c. ad finem habetur, scripta sua omnia Sedis Apostolicę iudicio commiserit, seu approbanda, seu corrigenda: Hæreticus itaque non fuit. Vide quę docui

lib. 2. Theol. moral. tract. 1,

cap. 13. n. 3,

LIBRI PRIMI

DECRETALIVM
IN VI. BONIFACII VIII.
PAPÆ.

TITVLVS I.

DE SVMMATRINITATE
ET FIDE CATHOLICA.

CAPITVLVM VNICVM.

Fideli.

SVMMARIVM.

1. Spiritus sanctus à Patre & Filio tanquam vno principio, & vna spiratione procedit.
2. Rectè dicitur, quòd Spiritus sanctus à Patre procedit per Filium.

Capitulum istud sumptum est ex Concilio generali Lugdunensi sub Gregorio X. Papa, Anno Christi 1274. constit. 1. vbi contra errorem à Græcis seu Orientalibus inuestum definitur, Spiritum sanctum à Patre, Filioque, tanquam vno principio, & vna spiratione procedere. Nam Græci existimantes, Spiritum sanctum tantum procedere à Patre, obiciunt Romanis, siue Occidentalibus: Si Spiritus sanctus à Patre, Filioque procederet, absurdum id fecuturum esse, vt duo sint spirationis principia, duęq; spirationes. Ad hoc responderi debet, cum Concilio Florentino sess. 2. 2. negando, id cõsequens esse: quia Spiritus sanctus à Patre non procedit vt Pater est; neque à Filio, vt Filius est; sed quatenus vterq; Spirator est: Ideoque Spiritus sanctus non procedit à Patre, ac Filio, quatenus oppositionem relationum habent, sed secundum spiratiuam potetiam, quę vna eadẽq; est, à Patre æternum Filio communicata. Quamobrem & id rectè dicitur, quòd Spiritus sanctus à Patre procedit per Filium, teste S. Thoma 1. p. q. 36. a. 3.

Decret. Greg. Lib. I. Tit. II. Cap. I.
TITVLVS II.
DE CONSTITVTIONIBVS.



Post iacta Fidei Catholicæ fundamenta, agitur de Constitutionibus, siue legibus ecclesiasticis, qui & sacri canones appellantur, atque explicantur, quæ eorum vis sit, & obligatio. Sermo autem hic est non de canonibus siue decretis Fidei, quæ adeo certam & infallibilem ex diuina reuelatione veritatem obtinent, ut nullo vnquam tempore mutari, aut abrogari queant; sed de canonibus, seu decretis morum, quæ ab humana Prælatorum ecclesiasticorum voluntate ita dependent, ut, licet rectè & salubriter condita sint, tamen ob temporum, locorum, & aliarum circumstantiarum varietatem, mutari, & per desuetudinem, vel constitutionem contrariam vel omnino tolli, vel saltem ex parte per dispensationem eis derogari possint.

CAPITVLVM I.
Canonum.

SUMMARYM.

1. Sacri canones ab omnibus Christianis obseruari debent.
2. Homines non baptizati, ipsiq; catechumeni ecclesiasticis legibus ac poenis non astringuntur: sed alia ratio est de hereticis & apostatis.
3. Leges & canones seruari debent ab omnibus secundum accommodationem, vid. iis, quorum respectu conditi sunt.
4. Lex omnis generaliter fertur, & nulla propriè sunt leges personales.
5. Præuilegia non sunt propriè leges.
6. Rescripta Principum quâ ratione legum rationem habere possint.
7. Sacri canones circa materiam ecclesiasticâ versantes etiam à laicis obseruari debent. Quod si contra huiusmodi canones, legibus civilibus quidpiâ statutum reperitur, ea absolute censeri debent.
8. Leges civiles circa politicâ materiam

- nonico iure nihil peculiariter statutum sit, etiâ in foro ecclesiastico vim obtinere.
9. Potestas ecclesiastica & potestas civilis se mutuo adiuvare debent. Clerici quoad vim directiuam obligantur civilibus legibus Reipubl. cuius membra sunt.
 10. Si casus politicus in civili iure indecisus in canonico iure decisionem habeat, tunc canon etiam in civili foro allegari, & secundum eum iudicari debet.
 11. Si in materia politica aliter lege civili, & aliter lege ecclesiastica statutum sit, tunc lex civilis in foro civili, & lex canonica in foro ecclesiastico obseruanda est.
 12. Discrimen hoc in iis maximè locum habet, quæ ad iudicii ordinationem spectant: At verò in spectantibus ad decisionem causarum, iudex attendet ad statuta & consuetudines loci, ubi partes obligationem contraxerunt.
 13. Index secundum legem publicari præscriptum iudicare cogitur, nisi quod iuxta episcopii locum esse possit.
 14. In criminalibus causis, ob varietatem circumstantiarum, relinquitur iudicibus, præsertim maioribus magistratibus, arbitrandi facultas, siue ad poenam augendam, siue, & quidem frequentius, ad minuendam.
 15. Si causa à legi littera per episcopiam discedendi euidentis sit, index inferior seu subordinatus non cogitur ad Superiorem referre, secus, si causa dubia sit.
 16. Interdum per legem indeterminatè ac generatim decretum, grauius v. g. iudicia criminis requiri ad capturam, aut torturam: Interdum causa exempli declaratur, quantum grauius iudicia censeantur. In his autem iudiciis arbitrium non petens excluditur.
 17. Si casus nec per legem, nec per stylum Curia decisionem habeat, Index sequi debet sententiam Doctorum communem, quippe quæ probabilior esse cõtetur.

11. Vniu

12. *Vniu. Doctorum sententiam interdum plurimi alii sine maiore aliqua examinatione sequuntur.*
13. *Glossa magna, & maior, quam aliorum Doctorum, auctoritas censetur; praeferquam si communiter, seu à pluribus, reprobata sit.*
14. *Glossa inanius allegatur sine sensu, si ipsum sui expressum habeatur.*
15. *Si Glossa plures opiniones referat, considerabes approbare postremam.*

Sumptum est hoc c. ex Concilio Meldensi (vbi Iuo refert p. 5. cap. 171.) in quo praecipitur, vt sacri canones ab omnibus obseruentur; Et nemo in ecclesiasticis actionibus, aut iudiciis, proprio sensu, sed eorundem auctoritate ducatur:

Idem quoque de legibus civilibus decretum est in l. 3. C. de legib. vt *ab omnibus aequanimiter obseruentur.* Sed declarari id debet primò; Intelligendum esse de iis duntaxat, qui ad eandem Rempubl. spectant, siue magistratui Legislatori subsunt, sicuti indicatur in l. 2. ff. eod. quòd *lex communis sponso sit, ad eum praescriptum omnes, qui in ea Republ. sunt, vitam instituere debent.*

2. Ex quo provenit, quòd homines non baptizati, ipsique catechumeni legibus ac poenis ecclesiasticis non obligantur, cum Ecclesiae subiecti non sint, c. gaudemus 8. de divorciis, c. de iudeis 5. d. 45. vbi tamen admonemur, aliter sentiendum de haereticis, quippe qui per Fidem & Baptismum Christi susceptum, Ecclesiae membra facti sunt; Quamobrem si ab ea recesserint, etiam inniti ad obedientiam, & sacrorum canonum observationem, censuris ac poenis compelli possunt.
3. Declarari debet secundò; Quòd sacri canones, sicuti & aliae leges, ac statuta, seruari debent ab omnibus, secundum accommodationem, iis videlicet, quorum respectu, atque obligandi intentione, lata sunt. Non enim canones & leges semper communiter tudent ad omnes, qui subditi, seu eiusdem Republ. membra sunt; sed frequenter ad vnius generis, conditionis, negotiationis personas, aut certae provinciae, ciuitatis, aut loci incolas,

sicuti bene explicauit huius c. textum Frane. Suarez tract. de legibus lib. 1. cap. 6.

Nec refert, subinde mentionem fieri legis priuatae, ac personalis, quae ad particularem personam duntaxat tendit, vt in l. 1. ff. de Cōstitut. Principum, quòd *quidam sunt leges personales, nec ad exemplum trahuntur.* Nam quia Princeps alicui ob meritum indulget, vel si praemium irrogauit, vel si cui sine exemplo subuenit, personam non creditur, ait Vlpianus Iureconf. & Glossa hic verb. canonum, quòd *quidam sunt canones personales;* Haec enim intelligi non possunt de propriè dicta lege, aut canone; cum lex omnis sit communè pluribus praecceptum, l. 1. ff. de legibus, in communitate permanens, vimque obligandi habens; sicuti dicitur in l. 2. ff. eod. *Lex est, cui omnes homines decet obedire.* Et l. 7. ff. eod. *Iura non in singulas personas, sed generaliter constituuntur.*

Itaque priuilegium, quia tale, legis ratione propriè non habet, vt rectè tradit Suarez in cit. cap. 6. & lib. 8. de legib. c. 1. partim, quia particularem personam respicere potest, ita vt ad alias non pertineat; partim, quia obligationem respectu eius, cui datum est, non continet: siquidem *innitio beneficium non datur, reg. 70. ff.* Et nemo priuilegio vti cogitur. Interim verò priuilegium frequenter legis rationem habet quoad alios, quibus praecipitur, vt illud obseruari faciant; aut prohibetur, ne impellant, aut se opponant; dummodò priuilegiū sufficienter ipsis promulgatum, aut cognitum sit.

Simile quiddam de Principis rescripto tradi solet: Quatenus enim illud in certa causa, & erga certam personam ex Curia prodit, legis rationem habere non potest, vt rectè tradit Felin. in rubr. de rescriptis; sed quatenus ad alios ex Principis voluntate extenditur, legis naturam sortitur: Puta si tale rescriptum in corpore iuris positum sit; vel etiam ab inferiore, qui statutuū ius habet, inter statuta municipalia, vel synodalia collocatum, teste Felin. ib. Vel si definitiua sententia, aut iuris alicuius interpretatio à Principe facta in rescripto, ad iudicem inferiorem missa sit, omnibus iudicibus legis instar esse debet, non tantum in

illa causa, sed aliis quoque similibus, l. vii. C. de legibus.

- 7 Insuper *Notandum* I. circa verbum *ab omnibus*. Quod canones, siue leges ecclesiasticæ nō tantum à Clericis, sed etiam laicis obseruandæ sint, cūm omnes pariter eo ipso, quod fidem & Baptismum Christi suscepunt, ecclesiasticæ iurisdictioni subiiciantur, c. noui 13. de iudiciis. Intelligi autem hoc debet de canonibus circa materiam ecclesiasticam versantibus, vid. in causis piis, aut periculum peccati concernentibus, & , vt breuiter dicam, iis omnibus, quæ per se ac directe ad salutem animæ diriguntur.

Quod si in eiusmodi ecclesiastica materia contrarium aliquid ciuili lege statutum reperiatur, ea abolita censeri debet, vt secundum talem legem ne in ciuili quidem foro agendum, aut iudicandum sit, sicuti habetur in c. 1. & seqq. d. 10. Tales sunt Cæsareæ leges v. g. quæ vsuras lucrativas approbant, præscriptioni cum mala fide, seu conscientia iuris alieni assistent, mulieri intra annum viduitatis nubenti penam decernunt, nuptias absque patris consensu contractas irritas esse pronuntiant, &c. Sin autem à ciuili Magistratu leges circa materiam ecclesiasticam ferantur, sacris canonibus non aduersantes, quæ ea vim habere possint, dicitur infra hoc tit. c. Ecclesia 10.

- 8 Sed quid, vice versa, sentiendum de legibus ciuilibus circa materiam politicam, num ex etiam inter clericos, aut in foro ecclesiastico obseruationem, obligationemque habent? Respondeo & dico I. ex doctrina Gl. in reg. 3. ver. possessor in 6. Fel. c. Ecclesia n. 40. ibid. Abbas n. 15. & seqq. hoc tit. Si circa materiam politicam canonico iure nihil peculiariter statutum reperiatur, tunc leges ciuiles etiam in ecclesiastico foro allegari, & secundum eas iudicari debet, vt expressè habetur in c. 1. de noui operis nunciat. Ex quo hæc doctrina colligitur, quod leges politicæ, præsertim Cæsareæ, approbatæ & canonizate sint ab Ecclesia, si nihil contrarium canonico iure decretum reperiatur. Rationes huius doctrinæ dari debent: Prima, ex
9 eod. c. 1. desumpta; Quia expedit, vt duæ

potestates, ciuilis & ecclesiastica, in Christi Ecclesia se mutuo adiuuent: Et cūm secularis Magistratus canonum statuta in causis ecclesiasticis, seu ad animæ salutem pertinentibus, suscipere cogatur, æquum & congruum est, (sicut absolute loquendo non obligatorium) vt ecclesiasticus Magistratus leges ciuiles de causis politicis iuste latas, vitro suscipiat & veneretur. Altera. Quia leges ciuiles à legitimo Magistratu feruntur per potestatem à Deo acceptam, vt Apostolus testatur ad Rom. cap. 13. & bene hic annotauit Abbas n. 9. *Si lex ciuilis non est peccati contraria, seruanda est etiam in foro animæ: nam ex quo lex iusta est auctoritate Dei edita est: & ipse Deus videtur edidisse per ministros suos.* Quæ autem ratione clerici, seu ecclesiasticæ personæ his legibus ciuilibus, quo ad vim directiuam, nō autem coactiuam, obligentur, explicauimus in mor. Theol. lib. 1. tract. 4. c. 13. n. 14.

Corollarium. Si casus aliquis politicus, 10 spectato iure ciuili dubius, & non satis decisus sit; at verò in iure canonico decisionem habeat, tunc etiam in ciuili foro canon allegari, & secundum eum iudicari debet. Ita ex communi DD. in c. super literis, vbi id dicam de rescriptis, Felin. in cit. c. Ecclesia n. 49. Ratio est, quam supra indicauimus, quia ciuilibus & ecclesiasticis magistratus se mutuo adiuuant: *Sicut leges non dedignantur sacras canones imitari, ita & sacrorum canonum instituta Principum constitutionibus adiuvantur.* c. 1. de noui operis nunciat.

Dico II. Si in materia politica aliter lege 11 ciuili, aliter verò lege ecclesiastica statutum sit, tunc lex ciuilis in foro ciuili, lex autem canonica in foro Ecclesiæ seruari debet. Ita Gl. communiter recepta in c. 2. ver. lex ciuilibus, de arbitris in 6. Gl. in cit. reg. 2. eod. lib. ver. possessor, vbi ait: *Papa non potest tollere leges quoad iudicium seculare, nisi in iis, in quibus vertitur periculum animi, cum potestates sint distinctæ, videl. ecclesiastica à seculari.*

Hæc autem doctrina quàm maximè locum 12 habet in pertinentibus ad ordinationem iudicij, iuxta cit. c. 2. de arbitris in 6. *Quoad ordinem.*

Correctio
iuris ciuilibus
quoad animam
non mouetur
canonico.

ordinationem iudicij, inquit Abb. in cit. c. Ecclesia n. 24. attenditur locus, ubi iudicium exercetur. Exempli causa, si de crimine vsuræ clericus aduersus laicum agat coram iudice seculari, processus fiet non summarie & de plano, sed obseruat ordinariæ figuræ iudicij, sicuti in ciuili foro moris est, teste Gl. in Clem. dispendiosam, ver. vsuris, de iudiciis. Item, si laicus coram ecclesiastico iudice agat contra clericum, poterit ille appellare à sententia interlocutoria, vel omisso medio, ad Rom. Pontificem, sicuti in foro ecclesiastico permissum est. Sed alia ratio est quoad ea, quæ ad causarum decisionem spectant: In his enim iudex quicumque, siue ecclesiasticus siue secularis, attendere debet ad statuta & consuetudines, ex quibus litigantes per pacta, vltimas voluntates, delicta, &c. obligationem contraxerunt, sicuti Abb. annotauit in cit. c. Ecclesia n. 25. & 44. & dicam de hoc infra in eod. c. Ecclesia.

- 13) *Notandum II. e verbo: Nemo suo sensu.* &c. Iudex, præsertim Principi subordinatus, siue non supremus, non ex proprio sensu & arbitrio, sed secundum publicas leges, & Maiorum auctoritatem, iudicare debet. Consentit cap. 3. d. 4. ex quo colligitur, quod iudex non de legibus, quas constat legitimam auctoritate latus, & receptas esse, iudicare debeat, num ex iustis sint, sed secundum earundem præscriptum.

Verumtamen cum non omnes casus speciales vna lege vniuersali comprehendendi possint, ideo quandoque Iudici concessum est, occurrente graui circumstantia, secundum epikian à litera, seu externo quasi cortice legis recedere, non item à mente legislatoris: quando ita res comparata est, vt prudenter aestimare possit, si legislator præsens adesset, quod aliter in hoc casu, quam in lege sua vniuersum præscriptum erat, iudicaret.

- 14) Itaque maxime locum habet in poenis lege decretis ob maleficia, vt Innoc. super hoc annotauit. Tamen enim, si ob crimen aliquod certa poena legibus decreta sit, tam Iudex (excepta plenitudine potestatis supremæ) ordinariè augere, aut minuere non possit, l. 1. in fine, C. ad S. C. Turpillanum, & do-

cet S. Tho. 2. 2. q. 67. a. 2. Ql. in c. licet 3. ver. poenam pecuniariam, de poenis: siquidem nihil tam Reipubl. perniciosum est, quam si Iudices arbitraria faciant ea, quæ à lege certam definitionem habent, attamen, propter varias circumstantias & qualitates cum delictorum, tum personarum delinquentium, nec non locorum, in quibus iudicium agitur, non parua Iudicibus arbitrandi facultas permixta est, siue ad poenam augendam, siue, & quidem frequentius, ad minuendam, l. respiciendum 11. l. hodie 13. l. aut facta 16. ff. de poenis, & bene declarat Prosper Farinacius in praxi criminali q. 17. n. 6. & 7. Atque de consuetudine Imperij testatur Andr. Gaill lib. 2. de pace publ. cap. 9. n. 12. vbi addit, id maxime in maioribus magistratibus receptum esse: minores autem, Principe inconsulto, id agere non oportere, præsertim post latam condemnationis sententiam.

Videri potest Felinus hic n. 48. & seqq. 18 vbi plures casus enumerat, in quibus Iudex aut Officialis à præscripto legum ac præceptorum recedere possit, ob causam magnam & vrgentem. Limitat verò n. 50. nisi Superior in tali casu consuli possit. Quam tamen limitationem necessariam non arbitror, si causa euident sit, cum ipsamet iura huiusmodi epikian, seu arbitrandi facultatem Iudici permittant, vt videre licet in suprâ allegatis legibus. Sin autem causa dubia sit, tum Superior, non tantum si præsens sit, sed etiam absens, consuli debet, dummodo id fieri possit. Idque sumitur ex l. 1. d. de legibus, vbi Imperator ait: *Inter aequitatem, iuxta interpretationem nobis solam & operetur, & licet inficere.*

Cæterum interdum lex indeterminatæ & generatim statuit quidem, v. g. in criminalibus ad capturam, aut toruram criminosi deueniendum non esse, nisi grauius criminis indicia habeantur, item, si homini metus grauis, aut iniuria atrox illata fuerit, ita iudici iudicandum esse, Interim non satis definiendo, quænam indicia grauius, quæ iniuria atrox censi debeat, cum talia generalibus legibus, ob negotiorum ac circumstantiarum varietatem, definiere vix possiat in huiusmodi ca-

di casibus Iudicis cuiusque arbitrio, secundum facti, & personarum qualitates, multum relinqui debet, iuxta supra cit. l. aut facta.

Solet quidem interdum in lege speciatim designari, quoniam v.g. metus grauis, quæ atrocis iniuriæ censenda sit, aut quænam sufficientia ad torquendum reum indicia, sed id ferme tantum exempli loco fit, ut videre licet in criminali Caroli V. Cæsaris processu Iudicibus præscripto, & videri possunt, quæ docui mor. Theol. lib. 1. tr. 2. c. 6. n. 5. Iudex verò iis, quæ lege definita sunt, diligenter consideratis, ad paria, seu *similia procedere* inde, atq. *ita iudicare debet*, l. non possunt 11. ff. de legibus.

- 17 Addunt porro Abb. hic n. 15. Fel. n. 54. & alij, Si casus neque per leges, neque per consuetudinem seu Curie stylum, decisionem habeat, quod Iudex in iudicando adherere debeat Doctorum opinioni communi. Ratio est: quia Iudex, cum inter partes litigantes arbitri constitutus, quid vel quantum cuique iuris competat, definire debeat, quæ probabiliora, seu veritati ac iustitiæ magis consentanea sunt, sequi cogitur, uti docui lib. 1. Theol. moral. tr. 1. c. 5. n. 16. Sententia autem, cui plerique seu communiter omnes in eo genere periti adhererent, probabilior & veritati magis consentanea est: Ergo Iudex in iudicando eam sequi cogitur.

- 18 Limitari, seu declarari debet, Quod interdum vnius Doctoris sententiam v.g. Bartoli, aut Abbatis Panormitani, alij plurimi, sine maiore aliqua examinatione sequantur. Tunc fieri potest, ut ea per nouas, ac solidas rationes de falsitate ab vno, aut pluribus Doctoribus conuicta sit, adeoque pauciorum sententia præferri non immerito possit, uti aperte indicatur in l. 1. C. de veteri iure enuolendo, ibi: *sed neque ex multitudine auctorum, quod melius est, iudicatore, cum possis vnius forsitan & deterioris sententia & multos & maiores aliqua in parte separare*. vbi Gl. marginalis ait, *Ponderanda sunt sententia, non numeranda*. Consentire videtur c. Capellanus 4. de feriis.

- 19 Deinde limitat hic Felin. n. 54. post Bar-

tolum in l. vt vim 19. n. 8. ff. de iustitia & iure, quod auctoritas Glossæ contra opinionem communem præualeat. Quæ tamen limitatio non placet, quin potius ita dicendum: Licet magna, & si cætera paria sint, maior sit Glossæ, quàm alterius Doctoris auctoritas, quippe cum digna iudicata fuerit, ut ad canonis aut legis declarationem, in iuris corpore poneretur, nulla tamen Glossæ ratio habenda est, contra quam alij plerique Doctores sentiunt, eiusque doctrinam per iura & rationes reprobant. Quæ de re videri potest Zasius singular. respons. cap. 7. quem refert & sequitur Gaill lib. 1. obseruat. pract. obs. 153. n. 7. & 8. reprehendentem eos, qui ab vno homine, videl. Accursio, sæpenumero lapsos, constitutionis intellectum pendere existimant. æquitate, literâ & naturâ eius posthabitis.

Quædam hic obiter adijcienda: I. Quod 20 And. Gaill admonet cit. n. 8. Glossam inaniter allegari absq. textu, si ipsum eius expressum habeatur. Quæ reprehensio etiam in eos cadit, qui Doctorum auctoritates cumulant, prætermisso canone aut lege, ex qua tota doctrina accepta est.

II. Ex Felino hic n. 55. Si Glossa plures 21 opiniones referat, censendam esse approbare postremam, nisi aliud ex verbis eius colligi possit. Quod etiam de aliorum Doctorum scriptis sentiendum est.

CAPITVLVM II.

Cognoscentes.

PARAPHRASIS.

Qui culpâ caret, damnum aliquod sustinere nõ debet. Quare lex de nouo promulgata ad facta præterita, seu antecedentia non extenditur, ne alioquin legis prohibitionem, (aut præceptionem) ignorantes, detrimentum aliquod incurrant.

SVMMARIVM.

1. Res, quæ culpâ caret, in damnum vocari non conuenit, nisi inter contrahentes conuenit sit, ut etiam casus fortuitus & inculpatus præstetur, aut ob publicâ bonorum

bonum aliquis etiam sine culpa iure suo priuatur.

2. *Lex lata ad præsentia se non extendit, sed tantum ad futura.*
3. *Lex inuincibiliter ignorantem non obligat ad culpam, nec poenam. secus est, si sit irritans, quæ effectum suum consequitur etiam erga illos, qui post sufficientem promulgationem, eam inuincibiliter ignorant.*
4. *Alleganti ignorantiam legis non creditur in foro externo, nisi eam demonstret, cui non obstat regula Iuris 47. in 6. Præsumitur ignorantia, ubi scientia non probatur, recipit enim plures limitationes.*
5. *Si legis ignorantia demonstrari nequeat, possit autem coniecturis semper plenè probantibus ostendi, in supplementum iuramentum deferri potest à iudice.*
6. *Ignorantia naturalium legum non præsumitur, aut allegata admittitur, nisi ostendatur mens impotens aliquem fuisse, aut infantem, aut intellectum non ita perspicacem esse.*
7. *In foro conscientia creditur dicenti pro se, & contra se accusanti & excusanti, dummodo de contrario non constet.*

1. **C**apitalum hoc sumptum est ex Gregorio I. Papa lib. 7. reg. ltr. indist. 2. ep. 35. ad Fortunatum Neopolitanum Episcopum. Continet autem tres regulas, siue annotanda, quæ in Glossa hinc colliguntur.

Primum est intertextu, Rem, quæ culpâ caret, in damnum vocari non conuenit. Quæ tamen regula limitari debet primò; Nisi inter contrahentes aliquos conuentum sit, ut non culpam tantum, sed etiam casus fortuitus, & inculpatus præstetur, v. g. à commodatario, e. vn. de commodato. Secundò; Nisi ob publicum bonum, aliquis, absque culpa, iure suo priuatur. Quandoquidem Magistratus, præsertim supremus, de bonis priuatorum ex graui publica causa disponere potest; cum bonum priuatum bono publico, tanquam vniuersaliori & præstantiori posthaberi debeat. Quæ de re supra dixi tit. præc. c. 2. n. 3, & infra dicendum in c. Quæ in ecclesiarum.

hoc tit. Videri potest Mart. Nauarr. in c. Aut facta §. Euentus. n. 9. ver. Tertiò, d. 1. de penit.

Alterum. Lex lata ad futura negotia refertur, ad præterita autem se non extendit. De hoc dicitur in c. vlt. hoc tit.

Tertium. Lex ignorantes non constringit, ut etiam habetur in c. 2. eod. tit. in 6. Intelligi autem id debet de ignorantia probabili, & inculcata; & lege quatenus obligatoria est: Ut proinde sensus sit, quod inuincibiliter & inculpatè ignorantes alicuius legis promulgationem, eam non astringuntur, siue ad culpam, siue ad poenam, iuxta c. 1. de concess. præbendæ, in 6. Nam ignorantia tollit voluntarium: sine voluntario autem non est culpa; consequenter nec poena locum habet; quod quidem culpa & poena correlata sunt, ut colligitur ex c. satis peruersum 7. d. 56. & reg. 13. ff. Quare transgressio legis probabiliter ignoratæ materialis, non formalis censeri debet. Videri potest Auar. lib. 1. c. 6. fil. 1. de constitut. Suarez lib. 5. de legibus c. 12. n. 3. Mol. tract. 5. de iustit. disp. 71. n. 9. & seqq. & quæ docui lib. 1. Theol. moral. tr. 4. c. cap. 1. & 20.

Secus autem sentiendum de lege infirmante aliquem actum, v. g. contractum, nisi secundum præscriptam formam institutus sit: Ea enim lex effectum consequitur etiam erga illos, qui post sufficientem promulgationem, inuincibiliter ignorant. Exempli causa, si quis ex inuincibili ignorantia matrimonium contrahat cum consanguinea, aut affine sua intra quartum gradum, à culpa quidem immunis est, matrimonium tamen non subsistit. Ita annotauit præter alios hic Henr. Boich. n. 2. & docui in cit. c. 2. n. 7.

Queritur hoc loco, Num alleganti legis latæ ignorantiam in foro externo credendum sit? Videtur affirmandum ob reg. iuris 47. in 6. *Præsumitur ignorantia, ubi scientia non probatur.* Ratio huius regulæ est, quia scire est actus positivus, nescire autem quid negatiuum, seu priuatiuum: Atqui affirmanti aliquid actum esse, probandi necessitas incumbit, non ei qui negat, l. 2. ff. de probat. l. actor 2. j. c. eod.

4 Sed contrarium est dicendum ex communi doctrina, quam tradit Gl. in c. 2. ver. non probatur. d. 2. Ignorantiam legis aut edicti publici alleganti non esse fidem habendam, nisi illam demonstret, uti colligitur ex c. ult. Qui matrimonium accusare possunt. Ad regulam iuris responderi debet, eam plures limitationes recipere, quarum prima est, Quod factum proprium aliquis ignorare, aut oblitus esse non presumitur, iuxta c. ab excommunicato 41. de re scriptis: Nisi interdum ob temporis transacti diuturnitatem, uti docet Ioseph. Mascardus de probat. concl. 879. n. 40. Altera, Si quis dicat se nescire ea, quæ scire ad officium suum pertinent, audiendus non est, iuxta c. innouit, 21. de elect. Tertia limitatio ad propositum nostrum est, si quis dicat se nescire ea, quæ publicè gesta sunt: Quamobrem si lex in loco publico legitime promulgata est, & multò magis, postquam in communem observationem devenit, eius ignorantiam alleganti fides non habetur, iuxta c. 1. de postul. Prætor. & suprà cit. c. ult. Qui matrim. accus. possunt. ibi, *Cum rationabiliter presumatur, quod denunciationem publicè factam, idem existens in ipsa diuersione minime ignorauit, &c.*

Verumtamen hæc res ita in præsumptione iuris consistit, ut interim aduersus eam admittatur probatio in contrarium, si videlicet, certis, aut verisimilibus coniecturis legis latæ ignorantia ostendatur, admittenda tunc erit excusatio. Id verò variis modis accidere potest: I. Si ius valde abstrusum, ac paucis, & non nisi valde doctis cognitum sit, eius allegata ignorantia probabilis, & à pœna reueuabilis videri potest. sicuti ex communi docet Mol. cit. disp. 71. n. 10. vers. Quia re vera. II. Si quis inter homines non habitauit, aut in carcere conclusus fuit, ut credibile sit, legis notitiam non accepisse, uti annotauit Boich. h. n. 6. III. Si quis absens fuerit à diœcesi, provincia, aut ciuitate, in qua lex promulgata est, uti colligitur ex cit. c. ult. & tradit Gl. fin. hic, & bene declarat Abb. n. 10. Qui rectè etiam docet, in constitut. Imperatoris scientiam præsumi post lapsum duorum mensium à die factæ promulgationis in provincia,

iuxta Auth. Ut factæ nouæ constitutiones &c. collat. 5. At verò in legibus Pontificiis, vel statutis inferiorum legislatorum, tempus præsumptæ scientiæ, seu exclusæ ignorantie, arbitrium esse, considerat loci distantia. Vide quæ docui lib. 1. Theol. moral. tr. 4. c. 2. IV. In quibusdam personis, vid. mulier, milite, Minore annis xxv. simplici agricola, facilius est coniectura, eos legem publicam inculpate ignorasse, uti docui cod. tr. 4. cap. 20. n. 7.

His adde, si legis ignorantia non certis, sed 5 verisimilibus tantum, siue femiplenè probantibus coniecturis ostensa sit, in supplementum deferri à Iudice posse iuramentum, argum. suprà cit. c. ult. c. vt circa 4. c. nulli 8. de elect. in 6. & tradit Gl. in c. 2. ver. non probatur. d. 82. Abb. hic n. 9. Felin. n. 11. Gaill. lib. 2. obser. pract. obs. 148. n. 23. & seqq. Molin. cit. disp. 71. n. 3. Ob regulam communiter receptam Gl. in c. si verò aliquis 4. ver. propria manu, de sent. excomm. Quod ea, quæ occultata sunt, aut in animo consistentia, cum aliam dilucidam plerumque probationem habere non possint, per iuramentum confirmari debent.

Porro naturalium legum ignorantia inuincibilis multò minùs presumitur, aut allegata admittitur, cum eæ naturaliter cognitæ, & in mentibus hominum veluti inscriptæ sint: Nisi ostendatur, aliquem mentis impotem fuisse, aut infantem, aut non ita intellectum perspicacem, quin legem naturalem, non valde conspiciuam, probabiliter ignorare poterit, v.g. contractum aliquem, qui in loco aliquo passim celebratur, & à viris quibusdam doctis approbatur, iniquum & vsurarium esse. Quæ de re Mol. cit. disp. 71. n. 14. In foro 7 autem conscientie creditur dicenti pro se, sicuti & contra se, excusanti, sicuti & accusanti, dummodò de contrario non constet.

CAPITVLVM III. Translato.

SVMMARIVM.

1. Quod de vno conexo statuitur, ad alia quoque

quæ, connexa extendi debet; quod exemplis declaratur.

2. Hinc regula illa: Casus omissus iuris communis dispositioni relinquitur, non habet locum in connexis.
3. De similibus idem iudicium fieri debet, vti & idem ius, ubi eadem ratio.
4. Extensio legis alia est, propriè dicta, & vocatur extensio; Alia impropiè dicta, quam vocant comprehensionem, siue inclusivam.
5. Extensio comprehensionis legis non tantum favorabilis, sed etiam odiosa aut pœnalis, ob adequatam rationis similitudinem seu identitatem, tam extra quam intra iudicium rectè fieri potest, ac debet.
6. Extensio extensio obrationis, maximè in lege expressè identitatem rectè fit à iudicibus, & talis etiam fieri ab ijs debet ex præcepto.
7. Extra iudicium & in foro Conscientie Extensio hæc propriè dicta in ordine ad obligationes pariendas fieri non potest, potest autem in omni foro in ordine ad facultatem agendi, & liberationem à legis obligatione.
8. Occasio huius doctrina in hoc c. à Gregorio IX. tradita.

In hoc proponuntur verba ex c. 7. epistolæ ad Hebræos, & subiicitur interpretatio Glossæ ordinariæ ibidem. Verba epistolæ sunt: *Translatio sacerdotii, necesse est ut & legis translatio fiat.* Quibus verbis S. Apostolus Paulus ostendit Iudæis, cum Araonicum sacerdotium à Deo sublatum fuerit, tanquam imperfectum, atque perfectius Christi sacerdotium secundum ordinem Melchisedech successerit, vti promiserat Deus Psal. 109. v. 4. hinc consequens esse, quod etiam lex Moisaica cæremonialis & iudicialis cessarit, atque nova Evangelij lex servanda sit. Interpretatio autem Glossæ ordinariæ super c. 7. v. 12. ad Hebræos, talis est: Quando duo inter se connexa sunt, quod de vno statuitur, etiam de altero statutum censi debet. Siue, quando aliquid legitima auctoritate conceditur, vel

aufertur, censi debent etiam ea concessa, vel sublata, quæ cum illo connexa sunt. Atqui cum summo sacerdotio connexa est lex, siquidem ad summi Pontificis potestatem ac munus pertinet legem interpretari, populo proponere, præcipere item ac vetare, iuxta dictum Christi apud S. Matth. cap. 23. v. 2. & 3. *Super cathedram Moysi sederunt Scribæ & Pharisei: Omnia ergo quacunque dixerint vobis, servate & facite.* Quamobrem simul etiam ab eodem Deo, eadem sponsonie, per Moysen, in monte Sinai, sacerdotium & lex populo Israelitico data sunt. Itaque sublato sacerdotio Araonico seu Levitico, sequitur, quod & lex vetus Moisaica censi debeat abolita.

Notandum vn. Quod de vno connexorum statuitur, ad alia quoque connexa extendi debet. Hæc est summa huius c. sumpta ex Ioann. Andr. Abb. Felin. & aliis. Aliter etiam dici solet, quod connexorum idem est iudicium, apud Felin. hic n. 6. Gail lib. 1. obseruat. 35. edit. nouiss. Exempla multa afferri possunt. I. Sialicui iurisdicctio commissa sit, exerceri ea etiam potest in accessoriis & connexis, c. præterea 5. de off. delegati, & l. 2. ff. de iurisdicct. omnium iudicum.

II. Dispensatio, licet aliquin sit stricti iuris, tamen ad connexa extenditur, vti ex communi tradit Nauarr. consil. 3. de rescript. edit. 2.

III. Dux belli, seu Legatus à Principe constitutus, eo inconsulto, expedire potest quæ ad belli bonum statum necessaria esse videntur, v. g. inducias cum hoste pacisci, saltem ad tempus breue, vti docet Felin. c. ex literis n. 20. de rescriptis.

IV. Regula illa, quod casus amissus manet in dispositione iuris communis, locum non habet in connexis: quod enim connexum est, omissum censi non debet, vti docet Baldus hic & Felin. n. 6. Gail cit. obs. 35. edit. nouiss.

V. Procurator, aliûsue mandatarius, agendo ea, quæ connexa sunt mandato, non excedit fines mandati. Nam cui committitur vnum, censetur etiam committi id omne, ad quod perueniat ad illud; siue, sine quo il-

huc ritè obtineri non potest. Ita Felin. hic n. 6. Gail l. c.

VI. Si Episcopus Vicarium generalem constitutens vnâ eademque commissione, det ipsi potestatem iure ordinario competentem, insuper verò quasi accessorie quosdam casus speciales, alioquin delegabiles, committat, censerì debet eum constituere Iudicem ordinarium quoad omnia. Ita allegato hoc c. tradit Th. Sanchez lib. 3. de matrim. disp. 29. n. 8. Cum enim, inquit, hæc potestas simul ab eodem conferatur, sicut principalis ordinaria est, ita & potestas ei cõnexa.

Glossa hic ver. *Quod de vno, regulam tradit communiter approbatam, quod de similibus idem iudicium fieri debet.* Neque necesse est, vt res vna alteri similis sit quoad omnia, sufficit, si similes sint quoad id, in quo comparantur seu æquiparantur, prout hic bene annotauit Felin. n. 10. Ita multa, quæ in iure de seruis, aut filiis. statuta sunt, trãseruntur ad Religiosos, Et quæ de libertis statuta sunt erga patronum, ad vassillos erga dominum, vt notauit inter alios Iacob. Menoch. de remed. poss. rem. d. 1. n. 98.

Huc etiam spectat, quod DD. communiter tradunt cum ead. Gl. & alia Gl. in l. illud 32. ver. existimari, ff. ad L. Aquil. *vbi eadem ratio est, sibi idem interesse debet.* Quæ res non parùm difficilis est, & variè disputata à Doctoribus, vt videre licet apud Suarez de legibus lib. 6. cap. 3. & 4. & in Theol. morali lib. 1. tr. 4. c. 18. quomodo videl. lex vna propter similitudinem aut identitatem rationis, præsertim expressè in lege, ad alios casus

4 extendi possit, aut debeat. Suppositis iis, quæ ibi docui, in primis distinguere oportet inter extensionem legis propriè dictam, quæ aliqui *extensionem* vocant, & impropriè dictam, seu *comprehensum*, siue *inclusum*. Extensio extensiva est, si legis aliquis decisio transferatur ad alium casum, vel personas non tantùm vltra verba legis, sed etiam vltra mentem legislatoris, quauis non contra mentem. Extensio comprehensiva, siue inclusiva, si decisio legis transferatur ad alium casum, vel personam non *comprehensam* sub verbis, *comprehensam*

tamen in mente, prout habetur in l. scire 15. §. aliud ff. de excusat. tutor. ibi, *Et si maxime verba legis hunc habeant intellectum, tamen mens legislatoris aliud vult.* Et hanc non esse propriè extensionem, monuit Felin. c. super questionum n. 3. in fine, de off. deleg. *Quod venit à mente, inquit, non est extensio.* Eò quod præcipuum in lege sit mens siue intentio legislatoris, quomocumque perspecta ex lege: Ideoque quod secundum mentem est, satis in lege comprehensum censerì debet.

Deinde distinguere oportet inter leges, quatenus ad vsum forensẽ pertinere possunt, & quatenus extra iudicia earum vis & valor existit, siue ad obligationes creandas, siue ad facultates concedendas, &c.

Dico itaque primò, Extensio comprehensiva legis non tantùm fauorabilis, sed etiam odiosa, aut pœnalis, ob adæquatã rationis similitudinem seu identitatem, tam extra quàm intra iudicium, rectè fieri potest a debet. Ita pluribus allegatis Suarez cit. c. 4. n. 2. & sumitur ex c. si post quã 33. §. si verò electus. de elect. in 6. Probat: Nã hoc ipso quod aliquid est ex mente legislatoris, atq; comprehensum in lege, obligationes aliõq; effectus legis in omni foro sortitur. Neque aliud discrimen est inter legem fauorabilem & odiosam, nisi quod interpretatio extensiva vltra externam verborum corticem, sed intra præsumptam legislatoris intentionem facilius fieri potest in lege fauorabili, quàm in odiosa, sicuti docui in cit. c. 18. n. 9. & 10.

Exempla huius extensionis habemus in suprã cit. l. scire §. aliud, Et in l. si quis id 7. ff. de iurisd. omn. iudicium, vbi habetur, legẽ eam, quã cauebatur, si quis Prætoris edictũ in albo propositum corrupisset, vt aureis quingentis muldaretur, ob similitudinem rationis in eo etiã locum habere oportere, qui antequam proponeretur, vel dum proponebatur, corrumpere ausus fuit. Quia licet verba edicti cessent, sententiam tamen eius ad hunc quoque porrigendam, Pomponius censuit. Aliud exemplum in l. cum mulier 49. ff. soluto matrimonio &c. vbi postquam lex propoſita fuisset, *Cum mulier viri lenocia*

lenocinio adulterata fuerit, nihil ex dote venietur à marito: Cur enim improbi mores, quos ipse aut ante corrupit, aut postea probavit? Subiungitur à Iureconf. Si ex mente legis sumes quis, ut nec accusare possit, qui lenocinium uxori præbuerit, audiendum est. Vide, si placet, Nauarr. rubr. de iudic. n. 72. & seqq.

6 Dico II. Extensio legis propriè dicta, siue extensius ob rationes, præsertim in lege expressæ, identitatem, à Iudicibus rectè sit, imò ut talem extensionem faciant, ipsis præceptum est, uti habetur in l. 1. ff. de legibus. Non possunt omnes articuli singillarim aut legibus, aut senatusconsultis comprehendere, sed cum in aliqua causâ sententia eorum manifestata est, ut qui inquisitionis præest, ad simili procedere, & ita ius dicere debet. Constat inter cæteras 4. de rescr. Exemplum habes in c. cum dilecta 4. de confirm. vlti, ubi Innoc. III. in quadam controversia iudicando, perpendit iure civili statutum, & canonico receptum esse, ut testes, etiam ante litis contestationem, recipiantur, si de morte eorum timeatur, c. vlt. in princ. ut lite non contestata &c. Atque hinc, ob æquitatis similitudinem, per propriè dictam extensionem concludit, privilegiorum instrumenta, si de eorum corruptione timeatur, lite nondum contestata, renouanda esse.

7 Dico III. Extra iudicium, siue in conscientie foro extensio legis propriè dicta in ordine ad obligationes pariendas, locum nullum habere potest. Ita bene docet Suárez cit. lib. 6. cap. 3. num. 9. Probatur inde: Quia impossibile est, ut lex obliget ad id, quod in ea non est præceptum: Id autem quod in lege nec secundum verba, nec secundum mentem, adeoque nullo modo comprehensum, non est præceptum: Ergo &c. Dixi autem, in ordine ad obligationes pariendas, At verò in ordine ad facultatem agendi, liberationem seu exceptionem à legis obligatione, præsertim siue præiudicio alterius, extensio talis ob rationis identitatem in omni foro fieri potest. Sic dicunt DD. communiter, quod exceptio adiecta legi non ita confirmet legem in aliis casibus, quod minus exceptio ad alium casum ob rationis omni-

modam similitudinem extendi queat, argum. cit. c. cum dilecta, Abb. in c. cum omnes n. 7. hoc tit.

Quæret aliquis, Quà occasione, aut proposito huius c. doctrina à Gregorio IX. hic posita fuerit? Arbitror, eo consilio, ut ostenderet Papa, abolitâ lege veteri, vñ cum Sacerdotio Araonico, amplectendam nunc, seruandamq. esse legem Christi, summi à Deo Patre constituti Sacerdotis, ac legislatoris: Qui etiam in Sacerdotio, cum potestate leges interpretandi, quin & condendi, ac præcipiendi, visibilem in terris Vicarium constituit S. Petrum Apostolum, cap. 16. Matth. v. 16. & seqq. Intentio itaque Pontificis fuit, commendandi fidelibus, ut tum interpretationes, tum noua decreta à Rom. Apostolica Sede profecta, reuerenter suscipiant & obseruent.

CAPITVLVM IV.

Nam concupiscentiam.

SUMMARIUM.

1. *Leges humane obligant sub peccato, nisi sint merè penales.*
2. *Quarundam Religionum regula (quatenus non versantur circa obseruantiam votorum) per se sub peccato non obligant, ut Dominicanorum, & Societatis IESV; neque aliarum Religionum, ut Minorum de Obseruantia regula quoad omnia in eis contenta sunt de præcepto.*
3. *Quanam autem obligent, vel non, colligi debet ex materia, siue, & verbis regule, ex Maiorum traditione, consuetudine, & piorum hominum sensu & persuasione.*

Acceptum est istud c. ex Gl. ordinaria Apost. ad Roman. super ea verba vers. 7. *Concupiscentiam nesciebam, nisi lex diceret, Non concupisces.* Intentio autem Gregor. IX. Pontificis est, vniuersim ostendere, leges bonas, atque viles hominibus esse. Nam id bonum est, quo prohibetur malum: lege au-

tem prohibetur malum, imò omnia mala legibus vetantur. Id verò inde probatur: Si enim lex prohibet originem, ac veluti radicem omnis mali, sequitur quòd prohibeat omne malum: Atqui lex prohibet concupiscentiam, seu cupiditatem, quæ origo est ac veluti radix omnis mali, testante Apostolo ep. 1. ad Timoth. c. 6. v. 10. *Radix enim omnium malorum est cupiditas.*

Disputant hic Canonistæ, utrùm leges humanæ obligent sub peccato? Respons. est affirmatiua, cum S. Th. 1. 2. q. 96. a. 4. & constat ex definitione legis, quam tradidi lib. 1. Th. mor. tr. 4. c. 14. Quòd sit *reita ratio agendorum, à publica potestate Communitati denunciatæ, cum voluntate eam perpetuò obligandi.* Ex quo ita argumentari licet: Omnis propriè dicta lex iustum ac rationabile quoddam magistratûs præceptum est. Cõmunitati, seu multitudini hominum subiectorum, datum: Præceptum autem quodlibet magistratûs, si iustum est, in conscientia obligat subditos ad obediendum, scilicet S. Paulo Apostolo ad Rom. c. 13. v. 1. & seqq. Ergo &c. Exinde colligitur, quòd regulæ & ordinationes quarundam Religionum per se non obligantes sub peccato, non sunt propriè leges, sed monita quædam: Habent tamen similitudinem quandam legum; partim quia ab habentibus publicam potestatem, propter publicum bonum, ad subditos lætæ sunt, partim quia & ipsæ plerumque continent obligat onem aliquam, videl. pœnæ acceptandæ, si earum transgressores per Superiores præceptum imponantur. Cuiusmodi leges merè pœnales, id est, non sub culpa, sed ad pœnam iunctæ s. si Superiores præcepto imponatur, sustinendam; multo etiam in ciuili Repub. esse, negari nò potest. Quænam autem ex sint, ex materia, fine, modo ferendi, aliisque circumstantiis cognosci posset, dixi Theol. mor. lib. 1. tr. 4. cap. 15.

Dixi autem suprâ: *Quarundam Religionum regulas* (quateus ex non circa votorum obseruationem versantur) per se nò obligare sub peccato, v. g. Dominicanorû, Societatis nostræ. Sed neque in aliis Religionibus, v. g. Minorum de Obseruantia, omnia

quæ in regula continentur, sub culpæ reapse præcepta esse, tradidit E. man. Rodriq. regular. qq. q. 50. a. 1. Abbas hñc n. 2. & 3. Quare, quænam regulæ earundem Religionum sub peccato, mortali aut veniali obligent, & quæ non ita obligent, partim ex materia, fine, & verbis regulæ colligi debet, partim ex Maiorum traditione, consuetudine, & piorum hominum sensu ac persuasione. Vide etiam quæ docui Theol. mor. lib. 4. tr. 5. cap. 9.

CAPITVLVM V, Ne innitaris.

SVMMARIVM.

Sacri canones, à Patribus accepti, relicti proprio sensu, obseruari debent.

Sumptum est hoc c. ex Gl. ordinaria cap. 3. Prouerb. quæ explicans verba Salomonis cit. cap. v. 5. *Ne innitaris prudentia tua subiecit; Prudentia sua innittitur, qui eis quæ sibi agenda, vel dicenda, videntur, Patrum decretis prapponit.* Hæc autem id eò à Gregorio I. X. Pontifice allata sunt, ut iterum commendaret sacrorum canonum statuta, quæ à Patribus per Ecclesiæ traditione accepta, posthabito proprio sensu, Christianis omnibus obseruanda sunt, iuxta quæ suprâ dixi cap. 1. hoc tit.

CAPITVLVM VI, Cum omnes.

PARAPHRASIS.

Canonici Ecclesiæ Trecentis statutum fuerunt, vt ipsi quidem, sicuti hætenus in ecclesia illa consuetudo obtinuit, reditus percipiant etiam in absentia; siue nò residet: at verò deinceps qui institueretur Canonici, reditus non acciperent, nisi residerent. Statuerunt etiâ, vt vineæ, quæ hætenus singulis Canonicorum præbendis annexæ erant, suis quidem, dum viverent, annexæ manerent, sin autem vitâ decederent, vineæ ad Successores, seu nouos Canonicos non transirent, sed earum redditus inter Canonicos omnes diuiderentur.

Vtrum

Verumque Statutum Innocentius III. iudicauit iniquum esse, ideoque non obseruandum. Quare mandauit, vt iuniores Canonici antiquioribus in reddituum perceptionibus adæquerentur, secundum consuetudinem vsque ad illud tempus in ecclesia Trecenti obseruatam, vel secundum aliam obseruationem, si quæ in posterum rationabiliter instituta fuerit. Causam suæ sententiæ affert Pontifex, quia lex cum sit commune præceptum, non priuato commodo, sed pro communi utilitate constituta esse debet iuxta legem 1. ff. de legib. cap. 2. dist. 4. Constitutio autem illa Canonicoꝝ priuatum commodum fovebat, non commune Capituli & Ecclesiæ bonum respiciebat. Si enim Capitulo communiter vtiles esset constitutio, etiã ipsi seniores Capitulares eo comprehendi vellent. Quare bene Pontifex huc accommodat Canonis dictum: *Pater legem quam ipse intulit: & Prætoris acquisitam* Decretu lib. 2. ff. tit. 2. *Quod quisque noui iuris in alterum statuerit ad in ipsius quoque persona valere patiarur.*

SUMMARIUM.

1. Capitulum Episcopo viuente, absque eius consensu nihil statuit, vel nonare potest, nisi in causis minoribus, & ad Capitulum propriè spectantibus: quousu, statuitur huiusmodi etiam penam adicere potest.
2. Horum autem statutorum Executio vt expeditior sit, consultum est, & ferè cõsuetum, vt inter statuentes iuramento conseruentur: & ab Episcopo approbentur.
3. Capitulum consuetudinem receptam contra ius commune, v. g. nõ residendi absq. Episcopi auctoritate tollere non potest, nisi dimissa effectus sit, aut in fauorem à Sede Apostolica per priuilegium concessa.
4. Iniquum est statutum alicuius Collegiis aut Vniuersitatis, quo aliqui magis quam alii, qui tamē aequalis iuris sunt, preueniunt.
5. Ligantur statuti ad Communiatem laici ipsi etiam statuentes, Magistratum tamē summi, vt Imperator, Rex, Principes minus stricte, nec per se, & diuile, vt minores Magistratus & subditi.
6. Obligantur hi statuti non minus etiã Propositus aut Decanus, quàm alii Capitulares.
7. Episcopus cum consensu Capituli, vel Clerus statuere potest, vt Canonici vel alii Beneficiarij iuxta priorem antiquam consuetudinem, relicta non residendi libertate, qui deinceps instituendi erunt, omnes residere cogantur, ad effectum fructuum percipiendorum.
8. Simile statutum fieri potest in Generalibus Capitulis seu Congregationibus.

NOTANDUM I. Consuetudine immemoriali introduei potuit, vt Canonici vel similes Beneficiarij, etiam absentes fructus beneficii sui perciperent. Ita Gl. fin. hie, & tradit Abb. in c. extirpande 30. §. Qui verò, vbi de hoc dicam de Præbend. & sumitur ex textu huius c. Si quidem Papa eam Trecenti Ecclesiæ consuetudinem reprobendam non esse, duxit.

Porrò quid iure nouo Trident. de Canonicorum residentia decretum fuerit, vt non liceat eis ultra tres menses in anno ab ecclesia abesse, remoto quolibet statuto, aut consuetudine, videri potest in sess. 24. cap. 12. de reform. De Episcoporum & Parochorum residentia sess. 23. cap. 1. de reform.

QUAESTIO EST, Vtrum Capitulu Trecenti eam non residendi antiquam cõsuetudinem, contrario edito statuto, tollere potuisset?

Resp. & Dico I. Accedente auctoritate Episcopi, dubium non est, quin tolli potuisset. Nam tale statutum Ecclesiæ vtile est, & conforme iuri communi, vt constat ex tit. lib. 3. decret. de clericis non residentibus.

Dico II. Absque consensu & auctoritate Episcopi non potest Capitulum tale statutum condere. Ita hic Innocent. Ioan. Andr. Imola, Abb. Panormit. & alij, quamuis contrariu placuerit Felino n. 7. Nam Capitulum Cathedralis (spectato cõmuni iure, & seclusis specialibus priuilegijs, ac consuetudinibus)

bus) Sede Episcopali non vacante, spiritua-
lem in Ecclesia iurisdictionem non habet:
Ergo absque Episcopi auctoritate condere
non potest leges & statuta, quibus ecclesie
status, antiquæ consuetudines, aut iura mo-
tentur, prout etiam Abb. annotauit in c. quon-
iam, prope finem, de vita & honest. cleri-
corum, Suarez de legibus lib. 8. c. 6. n. 11. ar-
gum. c. cum accessissent 8. hoc tit. & sumitur
ex c. cum consuetudinis 9. de consuet.

Minora tamen, quæ pertinent ad bonum
ordinem, & regimen Capituli, eorumque
quorum administratio Capitularibus pro-
pria est, statuere possunt, etiam non interue-
niente Episcopi auctoritate, prout ex com-
muni docui lib. 1. Theol. mor. tr. 4. c. 7. n. 10.

Dubium verò est, num statuto huiusmo-
di, secundum maioris partis suffragia, etiam
pœnam adjicere possint? Videtur esse ne-
gandum: Nam pœnam imponere, iurisdictioni
est: Cum itaque Capitulum iurisdictione
careat, sede non vacante, sequitur, quod
nec pœnam decernere queat.

Sed arbitror affirmandum, ob regulam re-
ceptam, quod quicumque statuta edere pos-
sunt, ij etiam pœnâ intra terminos potestatis
sue adjicere valeant; quia id consequens,
connexum, ac sæpe necessarium sit ad legis
executionem, idque sumitur ex l. 1. ff. Si
quis in ius vocanti non obtemperauerit, &
esse communem doctrinam testatur Felin.
hsc. n. 14. Steph. Auffrelius in decr. 406. Ca-
pellæ Tholosanæ. Atqui Capitulum Cathedra-
le circa modum, & ordinem eorum, quæ
ipsi propriè commissæ sunt, statuta facere pos-
se, concors est Doctorum sententia: Conse-
quenter etiam pœnam siue multam trans-
gressoribus statuere poterit, prout etiam su-
mitur ex c. cum aliquibus 4. iuncta Glossa
ver. firmitate, de rescript. in 6.

Ad argumentum ista partem contrariam
respondetur; Etsi Capitulum Cathedralæ,
absolutè loquendo, non habeat iurisdictionem
in ecclesia, quippe cum totius diocesis
Pastor ordinarius Episcopus sit, habere ta-
men partem aliquam, seu potius vsum iuris-
dictionis, secundum modum administra-
tionis rerum suarum, siue à Superiore com-

missam, siue consuetudine comparatam. Si
quidem ipsum Capitulum, quatenus separa-
tè consideratur absque Episcopo, Collegium
sue Vniuersitatem efficit, cum Decanum ha-
beat, per electionem à se constitutum, secun-
dum Ecclesiarum Germaniæ nostræ consue-
tudinem. Videri potest Suarez cit. cap. 6.
n. 11. Idemque eadem ratione sentendum
de Collegiatis secularibus ecclesiis Episco-
posubiectionis.

Cæterum ad omne dubium circa talia sta-
tuta remouendum, consultum est, atque fer-
me consuetum, vt iuramento inter statuen-
tes confirmetur, ijsque qui de nouo in
Collegium recipiuntur, offerantur ad iuran-
dam obseruationem. Deinde, vt Episcopo
tradantur approbanda & confirmanda: Sic
enim executio statutorum expeditior fiet, si
Episcopus ad eorum, quæ ipsemet approba-
uit, obseruationem reluctantes compellat.
Quamuis etiam sine Episcopo, aut si Epi-
scopus statutum non approbârit, non desit
Capitulo ad pœnæ statuto adiectæ aliqua
côpulsionem facere, v. g. per subtractionè re-
dituum ex cômuni corpore, donec pœnæ sa-
tisfactum sit. Id enim necessarium est, per
modum connexionis, quia cui concessum est
antecedens, eidem & consequens, iuxta ea
quæ suprâ docui in c. translo, hoc tit.

Porro tradita doctrina, quod Capitulum,
consuetudinem receptam contra ius com-
mune v. g. non residendi in ecclesia, vbi ca-
nonicatus vel præbenda est, absque Episco-
pi auctoritate tollere non possit, limitari de-
bet primò; Si appareat, huiusmodi consue-
tudinem ecclesiæ damnosam, adeoque ir-
rationabilem effectam esse; quia in cultus
diuini diminutionem, pietatis & disciplinæ
ecclesiasticæ desertum, bonorum ecclesiasti-
corum dissipationem cedat; tunc relicta ta-
li consuetudine, ad ius commune, edito cômuni
statuto, redire concessum est, argum.
c. 1. De ijs quæ sunt à maiore parte Capi-
tuli. Quippe in hoc casu non tam aliquid
nouî statuerent, quàm id, ad quod secundum
ius diuinum & sacros canones obligati sunt,
declararent & reciperent. Nam sicuti ab ini-
tio lex aut cōsuetudo nulla constitui potest,
quæ

que irrationabilis, aut Ecclesię damnosa est; ita neque durare, aut consistere cum obligandi ratione, si temporis successu manifeste irrationalis ac damnosa efficiatur, iuxta regulam receptam, *Visiosum aliquid reddi, si in eum casum incidat, in quo non potuisset inchoari*. Siue, *Quod ab initio subsistit, de finis subsistere, si in eum casum incidat, in quo inchoari non potest*. Quare hoc ipso in casu Episcopus, etiā contradicente Capitulo, eiusmodi Ecclesię damnosam consuetudinem tollere non prohibetur, prout resoluit Abb. in c. ad audientiam n. 4. de cler. non resid. Felin. hic n. 9.

Secundò limitari debet, si consuetudo non residendi nixatur privilegio Sedis Apostolicę in fauorem concessio, Capitulum per renunciationem tollere poterit, ut ius commune obseruetur, sicuti constat ex c. cum accessissent h. 8. hoc tit. ex quo habetur, Canonicos privilegio renunciare posse, quod principaliter in ipsorum fauorem concessum est.

4 *Notandum II.* Iniquum est statutum alicuius Collegij, aut Vniuersitatis, per quod alij magis, quàm alij, qui tamen æqualis iuris sunt, grauantur. Hęc est principaliter intenta decisio huius c. Ratio dari debet primò, Quia lex est præceptum, ac veluti sponso quædam communis, ad cuius præscriptum omnes, qui è Communitate sunt, vitam instituerē debent, l. 1. & 2. ff. de legibus; Et non priuato commodò, sed pro communi utilitate conscripta, c. 2. d. 4. & docui lib. 1. Th. mor. tr. 4. c. 1. Constitutio autem, de qua hic mentio fit, inæqualitatem inter Capitulares, qui ex eodem corpore siue Collegio, eiusdēq; iuris sunt, inuehebat; Et non tam commune Capituli, atque Ecclesię bonum, quàm priuatum singulorum statuentium commodum respiciebat. Si enim Constitutio Capitulo communiter utilis existimaretur, etiam Capitulares statuentes eā comprehendi vellent. Quare meritò Pontifex accommodat huc Canonis dictum, *Pater legem, quam tu ipse ruleris*.

5 Porro ex hac doctrina colligi videtur, Quòd statuentes per se ac directè, non minùs, quàm alij ex Vniuersitate statuto à se e-

dito comprehendantur, & obligentur. Sed distinguere oportet cum Vdalrico Zasius super l. 1. ff. Quod cuiusq; Vniuersitatis, &c. Nam alij sunt summi, siue maiores magistratus, videl. Imperator, Rex, Principes, & qui regalia habent: Hi statutis suis ad Communitatem latis, non ita per se ac directè, neque tam strictè, vt subditi obligantur, l. digna 4. C. de legibus, & explicauit cit. tr. 4. cap. 9. Alij verò sunt Magistratus, seu statuentes inferiores, qui administrationem aliquam sibi commissam gerunt, non autem dominium iurisdictionis in alios, tanquam subditos exerceant. Tales, inquit loco cit. Zasius, sunt magistratus etiam in magnis ciuitatibus, aut oppidis, quæ per decuriones, consules, aut Senatores administrantur, & reguntur. *Hi statuentes statutis suis obligantur: quia si ligatur populus, etiam ipsi; cum & ipsi de populo sint*.

Idemque pari ratione sentiendum de Capitularibus, etiam ipso Præposito, aut Decano, quòd obligentur statutis in Capitulo cõmuniter latis, non minùs quàm alij Capitulares; cum & Decanus sit pars & membrum Capituli, siue vnus è Capitulo, tametsi dignior, aut antecessor: Quare etiam contra eius suffragium, si maior pars Capituli consentiat, statutum condi poteris, sicuti bene notauit Suarez cit. cap. 6. n. 20.

Secundò debet dari ratio dictę decisionis ex Prætoris edicto, relato lib. 2. tit. 2. ff. *Quod quisq; iuris in alterum statueris, eodem ipse uti debet. Quis enim aspernabitur*, inquit Prætor l. 1. ff. eod. idem ius sibi dici, quod ipse aliis dixit, aut dici effecit? Habet enim restoriso ista locum tam erga statuentes, quàm eos, qui statutum tale impetrarunt, cit. l. 1. Sed & locum habet in pactionibus; vt si tutor, nolens pupillum ab hæreditate debitis grauata abstinere, pacificatur cum creditoribus, vt parte debiti contenti sint, compelli poterit, vt & ipse, si pupilli creditor sit, eadem secundam proportionem parte contentus esse debeat. l. cum in eo, 45. ff. de pactis. Cùm generalis regula esse debeat, Quod aliquis æquum censet in aliis, etiam in se æquū censere debet.

C.

Exem-

Exemplum declaratorium eius Edicti, *summam*, vt ait Vlpianus in l. 1. ff. Quod cuiusque iuris, &c. *equitatem habentis*, attuli in cit. cap. 9. n. 3. §. Tertium, ex Gl. in ead. l. 1. in casu. Aliud affert Zasius cit. loco: Si in ciuitate aliqua à Magistratu, seu Decurionibus cautum sit, ne extraneo liceat emere, aut possidere bona immobilia, etiamsi titulo hæreditatis ea intra fines territorij acquisiuisset, sed incolis eius loci vendere cogatur, Tunc decuriones, seu statuentes illi, & qui tale statutum procurassent, per modum reformationis, alibi bona immobilia ipsi quoque emere aut possidere, sine iniuria, prohiberentur.

¶ *QVÆSTIO EST, Vtrum Episcopus, cum consensu Capituli, aut Cleri, eiusmodi statutum condere possit, vt Canonici, aliusue beneficiariis, iuxta priorem antiquam consuetudinem, relicta non residendi libertate; qui deinceps instituendi erunt, omnes residere cogantur, ad effectum fructuum percipiendorum? Videretur esse negandum; quia per tale statutum inæqualitas introducitur inter eos, qui eodem iure censi debent: Et cum Canonici quasi vnum corpus, ac Collegium efficiant, non debent diuerso iure censi, ait Gl. hic ver. constitutum, ex c. eum in tua 30. de decim. Nihilominus Canonistæ hic rectè affirmant, Hostiens. Innoc. Ioan. Andr. n. 24. Abb. n. 3. Nam tale statutum, legitimam Episcopi auctoritatem habet, atque rationale, ecclesiæque vtile esse potest. Ad argumentum in contrarium respondetur, Inæqualitatem aliquam inter eos, qui eiusdem iuris esse censentur, siue ex eodem corpore sunt, statui posse ex causa rationabili, aut aliqua necessitate, quæ hic interuenit, Quia suppono, antiquos, seu iam institutos canonicos non faciliè adduci posse, vt quoad suas personas in nouum, Ecclesiæ vtile, statutum consentiant. Accedit, quòd Canonici iuxta antiquam consuetudinem suscepti atque instituti ea mutatio grauis accedit, non ita verò postea recipiendis; quia ipsi ea conditione instituantur, vt iuxta ius commune residere cogantur.*

¶ Qua ipsa ratione in generalibus Capitulis seu Congregationibus Religionum, causæ

reformationis, statutum fieri potest pro illis, qui deinceps in Ordinem recipiendi erunt, relicta libertate aliis, quibus in professione eiusmodi conditio, aut obligatio proposita non fuit. Caueri tamen debet, ne magna sit diuersitas inter eiusmodi Collegij ad Cõmunis personarum: nam *plerumq; reprobatum dupliciter*, inquit Ioann. Andreas hic.

CAPITVLVM VII.

Quæ in ecclesiarum.

PARAPHRASIS.

Communitas quædam laicorum legem condidit, vt si quis eorum ad inopiam se vergere ostenderit, liberam facultatem habeat alienandi feudum, quod ab Ecclesia, vel Ecclesiasticis personis possideret. Querelæ ad Innocentium III. delatæ, respondit ille, eiusmodi statutum cõtra Ecclesiastica iura directè tendens nullius roboris esse, sed & alienationes seu venditiones feudorum factas absque legitimo Ecclesiasticarum personarum consensu ipso iure irritas esse.

SVMMARIVM.

1. *Laici statuti sui non possunt derogare iuribus Ecclesiarum.*
2. *Vasallus absq; Domini consensu feudum nec licitè, nec validè alienare potest. Si alienet, traditione secuta, eo priuari potest.*
3. *Communitates nullam iurisdictionem habentes, nullam propriè legem eandem possunt, possunt tamen ex conuentione & iuramento aliquid statuire, pertinet ad bonam administrationem aus defensionem rerum suarum.*
4. *Communitates iurisdictione præditæ possunt intra limites suæ iurisdictionis statutum seu legem condere.*
5. *Ius naturale etiam Magistratus laicum interpretari potest in rebus profanis & politicis; in spiritualibus interpretatio pertinet ad Ecclesiasticos, præcipuè ad Rom. Pontificem.*

6. *Legem naturalem præceptivam Magistratus secularis directè mutare non potest.*
7. *Potest tamen permissivam mutare.*
8. *Adversus ius gentium præceptivum à Magistratu humano status nihil potest, addi tamen ei aliquid potest.*
9. *Statutum fieri non potest præiudicans iuri aliorum absque causa.*
10. *Potest ex causa iusta & urgente v. g. ob publicam utilitatem.*
11. *Quæ autem & quanta causa requiratur, proluxit hic & infra docetur.*
12. *Pontifex liberam habet disponendi facultatem de beneficiis Ecclesiasticis & bonis, aut redditibus Ecclesiarum; non autem de fructibus & redditibus Ecclesiasticorum non superfluis, aut bonis eorum patrimonialibus.*
13. *Magistratus secularis neq. ex plenitudine potestatis quidquam disponere potest circa Ecclesias, personas Ecclesiasticas, & eorum bona.*
14. *Princeps, qui ex iusta causa res privatarum abstulit, teneretur ad compensationem damni, nisi aliunde excusetur.*
15. *Plenitudo potestatis extendens se ad ius subditis iusta de causa tollendum, est propria supremis Principibus, ab eo tamen alteri communicabilis.*
16. *Plenitudo hac potestatis in supremo Principe minimè à Legistis extenditur.*

NOTANDUM I. Laici statutis suis non possunt iuribus ecclesiarum derogare, ut hic, & in c. 1. d. 10. c. 1. d. 96. & c. nouerit 49. de Sent. excomm. ubi est lata sententia excommunicationis contra statuentes : Nunc autem lata est excommunicatio bullaris xv. Si quavis decreta in genere, vel in specie, ex quavis causa, & quovis quæsito colore, atq. etiam prætextu consensu consuetudinis, aut privilegij, vel alijs quomodolibet fecerint, ordinaverint, vel publicaverint; vel factis, & ordinatis vis fuerint, unde libertas ecclesiastica tollitur, seu in aliquo leditur, vel deprimitur, aut alias quovis modo restringitur, seu novatur, & dicta Sedis Apostolicæ, aut aliarum quarumcunque, ecclesiarum iuribus quomodolibet directè vel indirectè, tacitè vel expressè,

præiudicantur. Vide quæ infra dicentur in c. Ecclesia, boetii.

Notandum II. Vassallus, absque domini consensu, feudum alienare non potest. Sin alienet, alienatio irrita est, & vassallus eo privari potest, dummodò traditio secuta sit, lib. 2. feudorum tit. 5. 2. de prohibita feudi alienatione, cap. Imperialem.

Dux itaque causæ fuerunt, cur civium Teruisin. constitutio, atque alienationes feudorum inde secutæ irritæ fuerint. I. Quia erant contra iura ecclesiarum, de quibus laici, absque Prælatum ecclesiasticorum auctoritate & consensu, nihil statuere, iis derogare possunt: siquidem nulla iurisdicção aut potestas se extendere potest extra limites suos, l. ult. ff. de iurisd. omn. iudicum. II. Quia lege etiam seculari siue Cæsareæ, feudum abq. domini consensu alienari nequit. Sed sufficiebat Pontifici, ex priorè ratione statutum illud, & factas alienationes improbare: Quia tametsi ponamus, legem à magistratu iustæ ratione editam in ordine ad feuda secularia, ut ea alienare liceat, non tamen tale statutum fieri poterit in ordine ad feuda ecclesiastica, siue quæ ab ecclesiis habentur. Neque excusat hic ratio inopix, vel similis necessitas: Quia ratio necessitatis licet quâdoque iurisdicçãoem existentem, nimirum in magistratu seculari erga laicos extendere possit, ut propter eam licitè fiant, quæ alioquin licita non essent, attamen iurisdicçãoem, ubi nulla est, videl. erga clericos, & ecclesias, necessitas dare non potest.

Hæ occasione acceptâ, **Q**UÆSTIO VII. hic Doctores primò, Quam laicorum Communitas leges, siue statuta condere possit? Respondeo cum Abb. hic n. 5. Suar. de legib. lib. 3. c. 9. post Bart. in l. omnes populi, ff. de iust. & iure. Baldum & alios in l. ult. C. de iurisdicção. omn. Iudic. Quædam communitates siue plebes sunt, nullam iurisdicçãoem habentes, ut plebs pagi alicui nobili, aut baroni, vel civitatis magistratui subiecta. Et talis communitas statutum facere non potest, quia *facere statutum*, ait Baldus in cit. l. ult. n. 1. *est iurisdicção*: Idemque ex communi tradit. Auffer, in decisi. Tholosa-

n. 406. Guido Papa decis. Grationop. 63. 1. Possunt tamē per modū pacti, aut iuramēti inter ipsos præstiti aliqua statuere, quæ pertinent ad bonā administratiōē, aut defēsiōē rerum suarū; ideōq; collectam aliquam imponere, sicuti loco cit. dist. 11. Guido; ubi admonet primō n. 5. quod plebi, sine domini aut magistratūs sui consensu, concessum non sit se congregare, tractatus instituendi causa; quia prætextu alicuius liciti, v. g. collectæ necessariō indicendæ, quod illicitum est, machinari posset: Quare ordinariē huiusmodi congregationes ac conuenticula suspecta & prohibita esse solent, sicuti etiam notat Ioan. Faber Inst. de rerum diuisione, §. vniuersitatis, Abb. in c. ult. in fine, de testib. cogendis, arg. l. 1. ff. de illic. collegiis. Secundo admonet, Quia statutum huiusmodi per modum pacti editur, ideō necessarium esse, ordinariē loquendo, vt omnes consentiant; siquidem inuitus nemo cogitur pacisci, aut cōtrahere, aut quod proprium est, expendere, iuxta Gl. celebrem in l. 2. C. Quæ sit longa consuetudo, prope finem. Ordinariē dixi; Si enim necessitas postulare videatur, v. g. vt collecta fiat ad damnum aliquod auertendum, maiori parti minor consentire debet, vt i resoluit idem Guido n. 7.

Quædam verō sunt Communitates iurisdictione præditæ; & hæ secundum modum ac terminos iurisdictionis suæ statuere, siue legem condere possunt. Dico secundum modum ac terminos, &c. Nam interdum iurisdictionio Communitatis independens est; quia ciuitas, aut populus nullum Superiorem agnoscit, v. g. vrbes Venetorum, Genuensium. Et hi eadem potestate absolutā leges condere possunt, quā Rex aut Princeps in terris suis. Interdum verō iurisdictionio Communitatis dependens est, & modificata, si videl. Communitas aut populus secundum ætUALE vsu, subiecta sit iurisdictioni Superioris. De his Communitatibus loquitur Zasius in l. 1. ff. Quod cuiusque iuris &c. Licet magistratibus statuta facere, non solum maioribus sed etiam minoribus quod Gl. & Barolus tractant Latinis. Verum hæc doctrina est recepta moribus Germanis; quia vide-

mus, quod etiam Decanis facultatum, & quilibet infima oppida faciunt statuta.

Et quod dicit hic de Decanis facultatum, latius accipe ex l. ult. C. de iurisd. omn. Iudicum, ubi Baldus num. 1. Collegia approbata possunt inter se facere statuta de iis quæ pertinent ad eorum iurisdictionem. Et n. 2. Si causa vertitur inter artificem, & artem seu collegium, cognoscit Præpositus Collegii. Et n. 3. Qui præsumit istis artibus sine negotiatoribus, possunt cognoscere de omnibus causis, quas habent artifices inter se, vel quas non artifex mouet artificis ratione artis: Extra autem ea, quæ pertinent ad artem, non habent iurisdictionem, nec possunt statuta facere.

Sed declarari debet primō; Si eiusmodi Collegia Rectorum, seu Præpositum habeant, quod sine ipso nihil statuere possunt. Idemque eadem ratione sentiendum de Communitate studiosorum, eos absque Rectoris sui consensu nihil statuere posse, præterquā per modū pacti mutui circa materiam honestæ & concessam, vt supra dictū fuit de plebe. Secundo, dictæ ciuitates, Collegia &c. tali modo statuta edere possunt, vt tamē ea Principi seu Magistratui, cui subsumt, subiecta sint: Quare etiā in litibus causam, siue ad duos viros, seu Præpositos, siue ad maiorem magistratum, videl. Præsidem, deferre cuius liberum est, iuxta cit. l. ult. Videri etiam possumus, quæ docui Theol. mor. lib. 1. tit. 4. c. 8. n. 7.

Corollarium. Hinc patet discrimen inter imperij Romani Duces, Marchiones, Comites, &c. qui à Cæsare regalia habent, eiusque benignitate summum magistratum representant, vt cit. loco Zasius annotauit, atque supra dictas ciuitates. Isti enim etiam contra communes Cæsareas leges quandoque municipalia statuta pro terris suis condere possunt, dummodò nec Imperatori, nec aliis Principibus, aut populis præiudicantia sint, saluis etiam iis, quæ Principi summo seu Imperatori specialiter referuata esse solent, sicut Imola hic notat n. 14. At verò ciuitatibus, ac oppidis illis tanta licentia concessa non est. Num verò ciuitates Imperiales, id est, Imperatori immediatè subiectæ, iura Principis habeant (quod affirmat Gaill lib. 2. obser-

nat. 57. num. 7.) ad me non pertinet discutere.

Quarta secundo; Quousque se potestas humana in condendis legibus extendat circa ea, quæ naturalis, diuino, aut gentium iure statuta sunt. Quæ de re variè loquuntur Canonistæ, uti videre licet apud Hostiens. & Innocent. hic. Abb. n. 8. Felin. n. 8 & seqq.

- 5 Respondeo & dico I. Magistratus humanus ea, quæ naturalis iuris sunt, interpretari potest; adeo, ut talis interpretandi facultas in rebus profanis ac politicis etiam seculari magistratui competat: At verò in spiritualibus interpretatio pertinet ad Ecclesiasticos Prælatos, præcipuè Rom. Pontificem. Ratio assertionis est; Nam qui declarat, siue interpretatur, nihil immutat, aut de nouo addit, Bartolin. l. omnis populus, in princ. q. 6. Felinus in cap. 1. n. 1. de offic. delegat. & significat Gl. in l. 1. ver. interpretationem, ff. de orig. iuris.

Intellige autem, quod dixi, etiam laicos ius naturale interpretari posse, si interpretatio indubitata sit, v. g. præceptum de homine non occidendo, non comprehendere eum casum, quo necesse sit aggressorem iniustum occidere ob defensionem propriæ vitæ, l. 3. ff. de iust. & iure. Item præceptum de alieno non rapiendo ad eum casum non extendi, quo extrema necessitas compellat. Sin autè dubium existat de legis naturalis obligatione, v. g. utrùm contractus aliquis, spectato naturali iure, illicitus seu iniustus sit, necne, eius rei cognitio ad ecclesiasticos propriè spectat: Eorum enim, Sacerdotum, inquam, est discernere inter lepra & non lepra, siue, inter peccatum & non peccatum. Quæ ratione factum est, ut cognitio de vsuræ crimine Magistratui ecclesiastico commissæ fuerit, ob animæ periculum: quia animaduersum est, seculares in ea resæpius dubitasse, aut errasse, sicuti aduertit Lud. Molina tom. 2. de iust. tr. 2. disp. 333.

- 6 Dico II. Magistratus humanus legem naturalem præceptam mutare non potest, contrarium aliquid statuendo, aut in ea dispensando. Ita docent Theologi cum S. Th.

1. 2. q. 96. a. 5. Ratio est; quis inferior legem superioris tollere non potest, nec in ea dispensare. Si obijcias, quòd Prælati ecclesiastici frequenter dispensare soleant in votis, quorum obligatio diuini iuris est, Resp. Cùm Prælati Ecclesiæ ex iusta causa dispensant in votis fidelium, directè non fit aliqua mutatio, aut relaxatio diuinæ legis, præcipientis vota obseruanda esse, sed fit relaxatio seu remissio iuris dinini, id est, debiti Deo acquisiti, iuxta illud Psalmi 75. v. 12. *Venero & reddite Domino Deo vestro*. Eiusmodi inquam, obligationem siue debitum remittit Prælati Ecclesiæ, tanquam dispensatores fideles, seu Vicarii Dei, per potestatem ipsi à Christo commissam, ut quidquid soluerent in terris, solutum esset in cælis. Quæ similitudine Oeconomi, aut Vicarii, absentibus Dominis suis, interdum remittunt & cōdonant debita & obligationes: nihil interim agentes contra leges aut præcepta dominorū suorum: quippe quorum voluntas esse censetur, ut talis remissio, postulatam necessitate, fiat. Mutatur quidem ac tollitur per eiusmodi remissionē lex præcipientis debiti redditionem: sed indirectè tantum, quia mutatio accidit ex parte obiecti. Cùm enim Vicarius debiti remissionem facit, eò ipso lex & obligatio cessat, seu obligare desinit. Videri potest Suarez tom. 2. de relig. lib. 6. de voto cap. 9. n. 15.

Dixi autem in assertionem, legem naturalem præceptam directè mutari non posse. At verò legem naturalem permissiuam, ei aliquid addendo, siue perficiendo, magistratus humanus mutare potest. Sicuti enim ars naturam, ita legem naturalem positua lex quandoque perficit: non quidem contrarium illi statuendo, sed superaddendo, quod ab ea statutum non est: neque constitui prohibuit. Quæ ipsa ratione pleraque impedimenta diuinitia matrimonii per leges ecclesiasticas constituta sunt, non repugnantes lege naturali, ac diuina, sed permittente. Vide quæ docui in Theol. mor. lib. 3. tr. 1. de iust. cap. 5. n. 6.

Exinde colligitur bona doctrina Innocentij hic, Abb. n. 13. Felini n. 55 & aliorū: Tametsi

C 3

metli Magistrat⁹ ex causa aliqua negare possit actionem, ac compulsionem ad soluendum debitum iuris naturalis, v.g. ex simplici pacto, non tamen decernere potest, eiusmodi debita reddenda non esse: Præterquam si ratio publicæ necessitatis tale statutum, cum priuatorū aliquo præiudicio, postulet, Quæ de re in quæst. 3. dicitur.

Dico III. Magistratus humanus statuere non potest aduersus ius gentium præceptum: potest tamen iuribus gentium adijcere: cum pleraque eorum permissiua potiùs sint, quàm præceptiua. Prior pars assert. explicatur: Sic enim fœdera v. g. etiam cum hostibus, legatorum non violandorum religio &c. c. ins gentium 9. d. 1. iuncto §. Ius gentium Instit. de iure natur. gent. & ciuili, violare nefas est: cum inter homines pax mutua & societas, quæ humano generi quàm maximè necessaria, consistere haud possit, nisi talia inuolabiliter, ac sincerè obseruentur.

Quæ de redixi in Theol. mor. lib. 2. tr. 3. cap. 12. q. 5. Posterior pars declaratur: Nam

de iure gentium v. g. est, vt duo vel tres testes non suspecti ad rei gestæ probationem sufficiant: Sin autem constet de re gesta, etià absque testibus valorem & executionem habere debeat. At verò ius gentium haud prohibet, sed permittit, ob iustam causam, v. g. ob experientiam fraudum, quæ sæpenumero interuenire solent in vltimis voluntatib⁹, vt plures testes etiam ad formam siue substantiam actus, videl. vltimarum voluntatum necessarij sint.

Quæritur tertio: Num Magistratus, ob urgentem aliquam causam, statuere, vel decernere aliquid possit, cum præiudicio, seu diminutione iuris aliorum. Exemplum habes hic: Si decernatur, vt liceat cogente inopiâ, feudum absque domini cōsensu alienare: Aut si Princeps filium illegitimè natū cum præiudicio agnatorum, legitimet ad feuda ex pacto & prouidentia: Aut si decernatur, quæ ex iustitia debita sunt, v. g. à militibus iniuste ablata, restituenda non esse. De qua re multa Felinus hic n. 26. & seqq. Abb. n. 12. Imol. n. 21. 22. Legistæ in l. vlt. C. si cōtra ius vel publ. vtilitatem. Resp. & dico I.

Princeps seu quilibet Magistratus, absque causa, non potest statuendo, aut decernendo ius suum aliis auferre. Hæc est certa & receptissima sententia. Quia ideo Princeps seu Magistratus constitutus est, vt ius subditis reddat, iustitiamq; colat: Sumiturq; ex l. penult. C. de precib⁹ Imperatori offerendis, vbi dicitur, quod rescripta Principis, contra ius elicitâ, & quibus alius læditur, nulli⁹ roboris sint, nec à Iudicibus recipiendâ. Quamobrem omne rescriptum, priuilegium, concessio, aut dispositio Principis, eam tacitam clausulam cōtinere censetur, *saluo iure alterius, siue, sine alterius præiudicio*, l. ex facto 43. in princ. ff. vulg. substitut. l. 2. §. Si quis à Principe, ff. Ne quis in loco publico, c. super eo 15. iun. Gl. ver. intentionis, de off. deleg. Baldus in l. 1. circa finem, ff. de rerum diuis. Matth. de Affistis decis. Neapol. 334. n. 3. Andr. Gail. lib. 2. obs. 58. n. 5.

Dico II. Princeps ex causa iusta, vid. ob publicam vtilitatem, iuri alterius præiudicare, seu vni rem aut ius suum auferre, & alteri dare potest. Hæc itidem est receptissima sententia apud DD. suprâ citatos, lason. in l. Barbarius n. 24. ff. de Offic. Prætor. Baldus in l. 2. C. de seruit. & aqua. Ratio est: Quia bono publico, tanquam vniuersaliori ac præstantiori, cedit bonum priuatum, siue singulorum: quare quilibet contentus esse debet, vt sui iuris aut rei detrimentum aliquod patiatur, boni publici causa.

His verò pro declaratione addendum est; Si non certò constet de Principis voluntate, adeoque in dubio, nunquam præsumendum est, quod Princeps iuri alterius præiudicare voluerit, iuxta cit. l. 2. §. Si quis à Principe, & c. ex tuarum §. de auctor. & vsu pallij, vtrobiq; Glossæ & Doctores Nicolaus Euerardus in loco à plenitudine potestatis, ver. Sexto quod Papa, Andr. Alciatus de præsumpt. reg. 3. princ. præsumpt. 11. n. 1. 2. Vbi addit, quod in commissione quantumcunq; generalibus verbis facta nunquam concessum censetur, vt ius alteri quælitū tolli possit. Propterea, inquit, *Vicarius Imperialis ex quacunq; potestate generali non possit hoc facere*. Idque sumitur ex c. ex parte 13. de offi⁹.

offic. deleg. & suprà cit. c. super eo. Atq; ibid. n. 3. inquit, quod rescriptum derogans iuri tertij de falsitate suspectum esse debet, atque per obreptionem impetratum, l. nec accus. (de emancip. liberorum, vbi Baldus ait, quod non est de mente Principis tribuere alicui beneficium in alterius iniuriam. Idque locum habere, tametsi adiecta sit clausula; *Motu proprio & ex certa scientia*, ex probabiliore resoluit idem Alciatus n. 13. Præterquam si adiecta sint verba, *ex plenitudine potestatis*, vel si alioquin rescriptum motus proprii nullum effectum haberet, sicuti etiam in suprà cit. loco Euerardus annotauit, vel si aliis indubitatis indicijis appareat, Principem iuri alieno derogare voluisse.

Porro si id ipsum constat, præsumendum est, ex iusta causa Principem egisse, sicuti ex communi tradit hic Abb. n. 4. Guid. Papa dec. (Neapolit. 589. n. 5. quod in dubio pro Principe præsumendum sit: Dummodò ita statuere poterit, non repugnando iuri naturali, immunitati ecclesiasticæ, aut sacris canonibus, si secularis magistratus sit.

Eademque ratione dicendum, quod Princeps absque iusta causa statuere non possit, aut sententiam ferre contra leges positivas iustas, quæ in eâ republ. vlgent, cum ipse custos & vindex legum publicarum esse debeat, arg. c. vlt. in fine, de rescript. in 6. Tametsi autem Princeps absolute possit legi publicæ derogare, nisi tamen exprimat, aut alijs indicijis certò constet, cenferi non debet absolutè eâ potestate, seu plenitudine potestatis vti voluisse, Alciat. cit. reg. 3. præfupt. 36. n. 7. Gaill cit. obs. 58. n. 7. & lib. 2. obs. 142. n. 16. Innocent in c. innotuit, de elect. & alij communiter, quod semper, nisi contrarium appareat, Princeps ordinaria & legibus conformi, non autem extraordinaria & absoluta, seu plenitudine potestatis vsus cæseri debet.

Præcipua autem difficultas in eo versatur, quæ & quanta causa requiratur, vt Princeps statuendo, aut definiendo iuri alterius nocere possit: Respondeo, multa hic discernenda esse: Primò quidem quantum sit noxamentum, paruum an magnum. Nam pro quantitate noximenti, si vid. damnum græue multumque estimabile sit, grauior etiâ publicæ

necessitatis causa requiritur, vt per se patet.

Secundò distinguendum, num ius priuatum ex naturali, aut gentium iure proueniat; an verò ex legis positivæ beneficio aut Principis liberalitate. Nam in hoc posteriore casu facilius Princeps ad derogandū iuri alieno venire potest. Exempli causa, si per beneficiū præscriptionis ius alicui aut dominium rei acquisitum sit: quandoquidem hæc acquisitio ex legis Principi subiectæ beneficio prouenit, sicuti Felinus hic notat n. 48. Quando verò addit, à Principe pro libitu & sine vlla causa id fieri posse, fallitur: Partim quia posita præscriptionis lege, ius ac dominium verè acquisitum est vsucapienti, quo sine causa priuari nõ debet: partim quia, vt suprà dixi, Princeps secundum leges publicas agere & decernere debet, nec sine causa ab iis deuiare.

Aliud exemplum affert Felinus cit. loco, Quod Princeps ius & dominium alicui per sententiam acquisitum, rescissa sententia, pro arbitratu suo auferre queat, ex Baldo. l. vlt. n. 4. C. sententiam rescindi non posse, vbi ait, in sententia à Iudice lata subintelligendam esse clausulam, *saluâ plenitudine potestatis Cæsaris*. Quæ sententia vera est, si appareat, in sententia lata errorem, aut pimum iuris rigorem contineri: Sin autem iusta sententia fuit, non potest à Principe sine causa, aut pro arbitrio eius rescindi; multo verò minùs res adiudicata alicui auferri.

Et enim per sententiam Iudicis non tam de nouo ius tribuitur, quàm interpretatio sit, eaque authentica, ius parti competiisse; Iudex enim iuris cuiq; competentis interpres & arbiter est. Quare etiam Principis rescriptum contra sententiam, quæ in rem iudicatam transijt, irritum est, vti docet Gaill lib. 2. obs. 58. n. 6. ex l. vlt. C. sententiam rescindi non posse. Denique quæ à Principe subditis priuilegia concessa sunt, iterum auferri possunt: nisi transierint in contractū: tum enim absq; causa, seu pro libitu, tolli nequeunt: quia etiam Princeps ad contrahendū, aut donationis absolute factæ obseruatione obligatur, vti ex communi notauit Gaill lib. 2. obs. 55. Felin. hic n. 51. Afflict. cit. dec. 361. n. 10. & dixi de hoc in Theol. moral. lib. 1. tr. 4. c. 23. n. 25.

Tertiò

Tertiò distinguendum, num agatur de tollendo iure alteri iam acquisito, an verò acquiriendo; tollendo iure in re, an in spe. Illud enim ius, quippe firmitus ac certius, difficultas tolli potest, vti ex communi annotavit Gaill lib. 2. obs. 142. n. 14. Exemplum habemus in filiorum legitimatione, si fiat etiam in ordine ad successionem hereditatis paternæ. Ad quam longè granior, & ad bonum publicum pertinens causa seu necessitas requiritur, quando pater mortuus est, ad eòq; hereditas legitimis filiis aut agnatis delata, vel acquisita: Minor autem causa requiritur ad legitimandum filium patre adhuc vivente, præsertim petente, in præiudicium legitimorum filiorum: quamvis & hæc legitimatione odiosa censetur, Quia vt bene annotavit Zasius in l. cum hæredes, ante §. In ijs, ff. de acquir. posses. filiis legitimè natis gentium iure paterna hereditas, exclusis illegitimis, debetur, Non ita verò agnatis, quorum proinde nec mentio fieri debet in rescripto, sed nec eorum citatio requiritur, si filius naturalis seu illegitimè natus, patre adhuc vivente & consentiente, non extantibus filiis legitimè natis, legitimandus sit, vti docent Legistæ in l. Gallus 29. §. sed quid si tantum, Gaill cit. obser. 142. n. 1. & 11. Qui addit n. 14. & tradit Couarr. lib. 3. var. resol. cap. 6. n. 2. ex communi, quòd Princeps filium naturalem legitimare ac habilitare possit ad feuda antiqua ex pacto & providentia, item ad maioratus, seu fideicommissa, etiam cum præiudicio agnatorum: eum non habeant ius quæsitum in re, sed tantum in spe successionis, si possessor feudi, aut maioratus mortuus fuerit. Eiusmodi autem ius non censetur esse in bonis nostris, sicuti nec ius hereditatem consequendi, l. pretia 63. ff. ad Legem Falcidiam. Puto tamen, vt id iuste fiat, requiri causam; cum negari non possit, esse hanc aliquam imminutionem iuris descendens ex pacto & providentia antiqua.

Quartò considerandum est, an, & quantum potestatem habeat Princeps erga personas, & res siue iura, quæ decernendo aufert, aut abrogat.

Quamobrem aiunt Doctores apud Felinum hic n. 40. Iasonem in l. Barbarius n. 43. ff. de off. Præt. quòd Rom. Pontifex de beneficiis ecclesiasticis plenam ac liberam habeat dispositionem, in xta c. 2. de præbend. in 6. Cuius rei ratio est, quia Pontifex non ita beneficia confert, vt eorum administrationem à se abdicet. Liberam quoque habet de bonis, aut redditibus ecclesiarum disponendi facultatem, vt ea ab vna ad alteram ecclesiam, prout voluerit (saltem validè, & si causa subit, etiam licitè) transferre queat, si cuti ibidè tradit Felin. ex Paulo de Castro conf. 281. & ex communi sententia copiosè de hac re disserui in iusta defens. cap. 2. mem. 2. 3. & 4.

Alia verò ratio est de fructibus seu redditibus ecclesiasticorum, horum enim dominium cum clericis proprietatis iure acquisitum sit, ideo de his non potest Papa, multòque minùs de patrimonialibus Clericorum bonis, ad libitum disponere. Sed excipidubet, si clericorum, seu beneficiariorum redditus, etiam percepti, superflui sint: Quandoquidem tales redditus non absoluto dominij iure ad beneficiarios spectant, sed Ecclesiæ obligati manent, sicuti ex vera, & communi Canonistarum doctrina tradidi lib. 4. moral. Theol. 2. c. 3. Ex quo sequitur, cum clerici superfluos redditus suos ad causas pias, ex iustitiæ lege, expendere obligati sint, quòd neque Episcopus, occurrente aliqua causa siue necessitate, ex officio clericos ad hoc compellere, aut ipsis negligentibus, dispositionem facere prohibear.

At verò magistratus secularis (quicunq; sit) nihil disponere, aut statuere potest circa ecclesias, aut personas ecclesiasticas, earumne bona; multò minùs de Monasteriis, beneficiis, alijsque rebus ac iuribus sacris, siue spiritualibus; Ne quidem ex plenitudine potestatis: Quia talis potestas locum nò habet, nisi erga personas, aut res, quæ Principi subiectæ sunt, vti per se patet, & tradit Felin. hic n. 30. Atqui seculari magistratui in personas, aut res sacras, siue ecclesiasticas nulla iurisdicctio competit, prout omni iure notissimum est. Ergo & c. Neque obest, quod mali politici

politici subinde suggerunt, *Necessitas legem non habet. Et, quod non est licitum in lege, necessitas facit licitum*, reg. 4. de regulis iuris. Nam necessitas, aut ratio boni publici iurisdictionem fundatam, seu præexistentem extendere quidem potest, sed ubi non subest, dare non potest, sicuti bene notauit Suarez in defens. fid. Catholicæ lib. de iramunit. eccl. cap. 3. n. 8. quod *sola necessitas non dat iurisdictionem*. Laicæ autem siue seculari potestati, eo ipso quod secularis est, nulla iurisdictione erga personas & res ecclesiasticas competit: Ergo neque in casu necessitatis eandem acquirit. Et locum hic habet dictum vulgatum, *non entis non est qualitas*: Vbi, inquam, non est iurisdictionis potestas, nec potestatis plenitudo reperiri potest. Quæ doctrina ex hoc etiam c. colligitur, Quia, ut supra monui, Pontifex noluit hic disputare, nunt propter necessitatem inopiam decerni posset, ut feuda liberè alienare liceat, Satis erat respondere, id de feudis ecclesiasticis, seu ad ecclesiam pertinentibus nequaquam statui posse absque ecclesiasticarum personarum assensu. Nam, ut Glossa ibi in not. ait, *confisusio facta in rebus ecclesie per laicos non valet*. Vide quæ dicuntur c. ecclesia 10. hoc tit.

Restant duo dubia: Primum, Si Princeps, ob publicam causam, siue necessitatem, res privatorum abstulit, num ad compensationem damni obligatus sit? Communiter affirmatur, ut videre licet apud Isconem in l. Barbarius n. 3. ff. de Offic. Prætoris, Felin. hic n. 28. Matth. de Afflictis cit. decif. 361. n. 29. si Princeps ex causa auferat rem privato, quod cessante causa eam restituere debet. Hac ratione aiunt Doctores post Innoc. c. in nostra, de iniuriis, Ant. de Butrio in c. quanto n. 2. de iure iur. Felin. hic n. 53. Quod Princeps cum hostibus pacifici, seu pacem componere non debeat, nisi saluo iure subditorum, id est, ut damna ipsis iniuste illata refarciantur. Id tamen limitari debet, Si aliter pax Reipubl. vtilis ac necessaria obtineri nequeat, nisi illatorum damnorum remissio fiat, quæ neque Princeps ipse aliter restituere possit. hoc in

casu, ob commune bonum, nocumenta perferri debent à subditis.

Deinde si Princeps rei damnati ob crimē perduellionis v.g. bona confiscarit, & aliorum aliis applicarit seu donarit; postea autem damnatum, vnâ cum bonis suis, restituat, in hac restitutione bonorum non veniunt bona à Principe donata & alienata, sicuti ex communi docet Matth. de Afflictis supra cit. decif. 361. n. 29. Imola c. quia diligentia, n. 6. de elect. Felin. c. inter quatuor n. 4. & 5. de maior. & obed. Limitari tamen debet primo, Nisi Princeps ei, in quem res translata est, aliter compensationem facere velit. Secundo, Nisi ob publicum bonum pacis, necessarium esse videatur, rem donatam, vel aliter alienatam reuocari, ac restitui, neque aliter donatario, aut ei cui alienatio facta, restitutio fieri possit. Quam ipsam tamen limitationem restrictam leges apud Matth. de Afflictis decif. 361. n. 23. & seqq. ut locum nō habeat, si res Ecclesiæ donata, vel aliter in eam translata sit. Nam postquam bona legitime acquisita sunt Ecclesiæ, nulla laica potestas de ijs absque Prælatorum ecclesiasticorum consensu statuere aut disponere potest.

Alterum dubium, An plenitudo potestatis extendens se ad ius subditis, iusta de causa, tollendum, sit propria supremi Principis? Affirmant DD. communiter cum Gl. in c. constitutus ver. à quocunque, de relig. doctibus, quod solus Princeps rem vni auferre, & alteri dare potest. Non prohibetur tamē Princeps hanc ipsam potestatem, sicuti & alia regalia, aut reseruata, alteri concedere, vti ex recepta doctrina tradit Baldus in l. 2. n. 39. ff. de seruitut. & aqua, Felin. hic n. 3. 2. Gaill. obs. 142. n. 3. & 4. vbi aiunt, si Imperator Comiti Palatino legitimandi, seu natalibus restituendi facultatem concedat, explicandam esse, ut ea exerceatur absque aliorum præiudicio; præterquam si in concessione amplior potestas expressa sit. Quæ autem, aut quousque specialia, seu reseruata Imperatori, Imperij Ducibus, &c. communicata sint, tum ex inuestituræ verbis, tum ex communi &

D

pro-

probata consuetudine cognosci debet, prout declarat Felin. cit. n. 32. 33.

- 16 Ad extremum id solum moneo, Legistas quosdam plenitudinem potestatis in supremo Principe nimium extulisse, quasi prohibito omnia agere posset, uti videre licet apud Baldum in cit. l. 2. n. 40. *Fst autem plenitudo potestatis, arbitrii plenitudo, nulli necessitati subiecta, nullius iuris publici legibus limitata. Et paulò post; In Principe sedes libertatis est, & potest. preferre magis aequum minus aequum; & magis bono minus bonum, nam cum non sis obligatus ad aliquid, potest eligere sicut placet. Contra hanc falsissimam doctrinam, qua fons & scaturigo iustitiæ ac honestatis destruitur, librum elegantem scripsit Dom. Anton. de Petra, de iure quaesito non tollendo à Principe, videl. prohibita, & sine iusta causa. Cap. 24. n. 32. ait, si Princeps supremam potestatem non regulet secundum honestatem, potestas talis non est absoluta, sed dissoluta, & plenitudo temporaria, non potestatis dicitur. Et Baldus citato loco rectè dixit, quòd nulla auctoritas facere potest, ut Princeps non sit animal rationale, mortale, nec eum absolvere à lege natura, vel à diffinitione rei à rationis, vel legis aeternæ.*

CAPITVLVM VIII.

Cum accessissent.

PARAPHRASIS.

Cum Canonici quidam Ecclesiæ Tullensis significassent Papæ Innoc. III. Dignitatem Primicerij (de quo infra hoc lib. tit. 25.) tanto tempore vacasse, ut eius collatio ad Apostolicam Sedem deuoluta sit, Pontifex ad dictæ dignitatis collationem procedere volebat. sed Capitulum Tullense opposuit, Pontificem non rectè informatum fuisse, quandoquidem ipsi statum fecerunt, quod etiam à Sede Apostolica confirmatum fuit, ut Dignitas illa Primicerij extingueretur, eiusque relictus Canonici accrescerent. Quare mandauit Innocent. Si rem ita se habere cognos-

scatur, ut statutam in suo robore permaneat, nisi Canonici postea statuto suo contrauerint, Primicerium aliquem eligendo.

SUMMARYM.

1. Beneficiarij Ecclesiastici collatio propter negligentiam collatoris inferioris deuoluitur ad superiorem.
2. Eiusdem supprimendi seu extinguendi iusta causa est, ut reddam ei præbendam Canonici, si nimis tenuis sunt, accedant, non tamen sine auctoritate Pontificis, si dignitas sit, quæ in Ecclesia de iure communis esse debeat, aut noua à Pontifice instituta vel confirmata.
3. Statutum quod principaliter cedit in utilitatem statuentium, renuntiari potest per statuentes, etiam si foret à Papa confirmatum.
4. Confirmatum à Superiore confirmatione accidentali, tolli potest inferioris statuentis auctoritate.
5. Non item (saltem ordinarij) tolli potest statutum à Superiore confirmatum, confirmatione essentiali, ob bonum publicum.
6. Statutum, consuetudo, aut priuilegium cedens per se & principaliter in fauorem solius Capituli ab eo tolli potest, ex consensu maioris partis, si fauor compendat Capitulo, ut vniuersis, ex omnium autem consensu, si competat ille, ut singulis.
7. Statutum cedens etiam in aliorum gratiam, tolli non potest, absque consensu eorum, quorum interest.
8. Statutum Ecclesiæ à Papa confirmatum, confirmatione essentiali, sine eius consensu abrogari potest, si per eam abrogationem debeat ad ius commune observationem, & ea abrogatio sit futura Ecclesiæ utilis, siquæ ab ijs, qui potestatem habent leges ferendi, & immutandi Ecclesiæ statum.
9. Priuilegium per unum actum contrarium seu contrarietatem tolli potest, si con-

si contra privilegium operantes ei renuntiare possint.

10. Vt autem per alium contrarium amittatur privilegium, requiritur primo, et illud sit negativum. Affirmativa enim amitti non solent, nisi accedat expressio.

11. Requiritur secundo, ut alius contrarium voluntarie exerceatur contra privilegium, quod si habet tractum successum & alium iterabilem, per se non vltimus pium renuntiatio extenditur, quam a. Eius, qui exerceatur ei contrarius sit. Sane contingit in privilegio non habente tractum successum.

12. Requiritur tertio, ut qui operantur contra privilegium, facultatem habeant illud abolendi etiam expresse.

13. Idem est de statuto.

14. Nisi statum sit iuratum, cui si vero etiam alii contraveniunt, videntur id agere animo collapsi illud, ne prius videntur.

NOTANDUM I. Collatio beneficij ecclesiastici, propter negligentiam collatoris inferioris, devolvitur ad superiorem. De hoc dicitur in c. licet 3. de suppl. negl. Prælatorū.

NOTANDUM II. Iusta causa suppressendi, seu extinguendi ecclesiasticum beneficium censeri potest, ut eius redditus præbendis canonicorum, si nimis tenuis seu non sufficiens sint, accedat. Existimat verò Gl. hic ver. confirmatum, quam sequitur Alexander de Neuo n. 13. Vt dignitas in ecclesia extinguatur, necessarium esse auctoritatem Papæ. Idque verum est, si secundum ius commune canonicum talis dignitas in ecclesia esse debeat, uti colligitur ex hoc c. Ratio dari debet, quia inferiores Papæ statuere non possunt contra ius commune ecclesiasticum, uti docent DD. in c. 1. & Imola in c. Quæ in ecclesiis n. 24. hoc tit. Idemque sentiendum, si nova dignitas siue à Pontifice instituta, siue pro bono alicuius ecclesie confirmata, & stabilita fuisset, sine eiusdem auctoritate tolli eam deinde non posse. At verò extra hos casus, dignitatem ex iusta causa tolli posse ab Episcopo, docent Hostiens. Ioan. Andreas, Imola in hos

c. Gl. in Clem. 2. ver. vacabat, de rebus eccles. non alienandis.

NOTANDUM III. Statutum, etiam à Papa confirmatum, si principaliter cedat in statutentium, v.g. Capituli ipsius utilitatem, statuentes per renunciationem tollere possunt. Hæc est principaliter intentio decisio huius c. Pro cuius intellectu, formo QUESTIONEM, Num statutum, postquam Superioris auctoritate confirmatum est, sine eiusdem consensu & auctoritate tolli queat? In primis distinguendum cum Bartolo in l. omnes populi n. 33. ff. de iustit. & iure, Baldo in l. ex placito n. 7. & seqq. C. de rerum permutatione, quod alia sit confirmatio essentialis ac necessaria dantis formam & substantiam statuto, si ita inferiores tale quid statuendi per se ipsos potestatem non habent; alia verò confirmatio accidentalis, quæ non dat formam & substantiam statuto, si inferiores confirmationem petentes per se ipsos statuere potuerunt, sed dat maius robur, & auctoritatem, ut oppugnari faciliè non possit. Tum verò loci habet, quod communiter docent DD. super tit. vlt. lib. 2. decretal. *Confirmans nihil noui dat*; quia quod non est, non confirmatur. Præterquam si Princeps ex certa scientia, aut ex plenitudine potestatis confirmet, ut appareat maius robur statuto adjicere velle, quam primordialis eius natura habeat, uti notatit Syl. ver. absolutio 2. n. 5. Eman. Rodrig. tom. 2. regul. qq. q. 68. 2. 5. Gaill lib. 2. obs. 1. n. 16. 17. Vel si clausulam irritantem expresse adjiciat, videlicet ut irritum sit, si contra aliquid actum fuerit, iuxta c. dilecto 25. iun. Gl. ver. huiusmodi clausula, de præb.

Respondeo iam & Dico I. Statutum, quod à Superiore confirmatum est confirmatione accidentali, tolli potest eadem inferiorum auctoritate, quæ est introductum. Ita cum Bartolo, Baldo locis supra cit. & aliis communiter, Suarez lib. 6. delegibus cap. 26. num. 22. Ratio est aperta: Quia huiusmodi Superioris confirmatio non mutat naturam statuti, siue, ut breuiter dicam, non efficitur lex Papalis, eò quod à Papa confirmationem acceperit; sed manet municipalis, Episcopalis, aut Capitalaris, si

D 2

Amq

à municipio, Episcopo, aut Capitulo condi potuerat, consequenter & tolli potest. Quia eiusdem potestatis est ligare, & soluere.

5 Dico II. Statutum, quod à Superiore confirmationem essentiali ac necessariam accepit, ordinariè tolli non potest ab inferioribus. Ratio est: Quia eiusmodi statutum, quod v. g. à Papa confirmatum est, Papalem auctoritatem habet, iuxta l. 1. C. de iure veteri enucleando, *Omnia nostra facimus*, ait Imperator Iustinianus, *quibus auctoritatem nostram impartimur*. Inferior autem tollere non potest legem superioris, c. inferior 4. d. 21. Quare regulam tradit Bartolus cit. loco, *Quę statuta sine Superioris auctoritate condi non possunt*, ea sine eiusdem auctoritate abrogari non possunt: nam *eadem solemnitas requiritur ad destruendum, quę ad constituendum*, uti sumitur ex Authent. E contra, C. de repudiis.

Ceterum hæc doctrina intelligi debet de statuto à Superiore confirmato, propter bonum publicum, ita ut fiat lex iuris publici pertinens ad bonum statum v. g. Ecclesię: Secus autem, si statutum ita confirmatum, directè ac principaliter tendat in commodum ipsorum statuientium, & confirmationem à Superiore petentium. Tale enim statutum, cum se habeat per modum privilegij seu legis specialis, tollere statuantes possunt etiam sine confirmantis auctoritate, prout hic annotavit Abb. nu. 2. Felinus num. 3. Suarez cit. cap. 26. nu. 6. Eman. Rodriq. qq. regul. tom. 1. quæst. 10. art. 4. Azor tom. 1. moral. Institut. lib. 5. cap. 25. quæst. 15. & colligitur ex hoc ipso c. vti dixi in not. 3. & ex c. pro illorum nu. 22. de præb. & tradit Innoc. in c. accedentibus, de privileg. & docui in Theol. morali lib. 1. tract. 4. cap. 23. num. 20. quod Capitulum, vel Conuentus non possit tollere, vel renunciare iuri ecclesię vtili & honorifico, acquisito per statutum, consuetudinem aut privilegium: Secus tamen sentiendum esse, si ius aut facultas aliqua specialiter competat ipsi Capitulo, tum ei renunciare poterit. Est enim generalis regula, quod quilibet favori suo renunciare potest, l. si quis in conscribendo 29. C. de pa-

ctis. Si itaque favor est ipsius solius Capituli, aut Conuentus, Conuentus aut Capitulum renunciare non prohibetur ex consensu partis maioris, si fauor aut ius competat Capitulo ut vniuersis, ex omnium autem consensu, si competat ut singulis, iuxta receptam distinctionem Doctorum in c. cum omnes, vbi Abb. num. 5. hoc tit. Felin. 15. hoc tit.

Dixi autem, si statutum, consuetudo, aut privilegium per se ac principaliter respiciat vtilitatem ac fauorem solius Capituli seu Capitularium, quod tollere illud possint; Aliter verò dicendum, si etiam in aliorum gratiam constitutum aliquid sit, tunc tolli non potest absque consensu eorum, quorum intereat, ut indicat Bartolus citato loco num. 29. & bene annotat hic Abbas & Felinus n. 3. Exemplum affert Bartolus: Si statuto ciuitatis cautum sit, ut quicumque mercatores ad inhabitandum venerint, certo aliquo privilegio gaudeant; Et mercatores aliqui acceptando statutum, ea de causa accesserint, non potest cum eorum præiudicio ac detrimento, abrogari à ciuitate, nisi grauis causa, seu necessitas exigit. Nam statutum, sicuti & privilegium, quod transiit in contractum, aut quasi contractum, reuocari ordinariè non potest cum præiudicio aliorum, & locum hic habet reg. 21. in 6. iun. Gloss. fin. *Quod semel placuit, amplius displicere non potest*.

Aliam doctrinam tradunt Bartol. & Bal- 8
dus locis suprà cit. Abb. hic n. 2. Felin. n. 3. & sequitur Suarez cit. cap. 26. n. 18. Quod statutum Ecclesię à Papa confirmatum confirmatione essentiali & necessaria, sine eiusdem consensu abrogari possit, si per eam abrogationem redeatur ad ius commune obseruationem. Est enim fauorabilis redditus ad ius commune, uti hic ostendit Felinus, & Didacus Couarruias libr. 3. var. resolut. cap. 6. num. 3. Quod quæ alioquin fieri non possunt, frequenter permittuntur, si per eum actum ad ius commune redditur. Requiritur tamen, ut qui ecclesię aliquid statutum, contrarium statuendo tollunt, potestatem habeant, *leges ferendi*, atque

atque immutandi ecclesie eius statum, ut
suprà annotavi in c. cum omnes hoc tit. De-
inde necessariū est, ut reuocatio statuti spe-
cialis per Papam confirmati confirmatione
necessaria, vtilis ecclesie esse videatur: Sin
autem vtilius & commodius videatur esse
ecclesie, ut remaneat in antiqua, à Pontifice,
concessa obseruatione, Episcopus, aut in Re-
ligionibus Capitulum generale absque eius-
dem Pontificis consensu tollere non potest:
Quia Prælatus & Capitulum potestate non
habent, ut iura ecclesie vtilia tollant, aut eius
statum deteriore reddant, uti sumitur ex l.
ius publicum, §. ff. de pactis, & tradit DD.
cum Innoc. in c. accedentibus 15. de privileg.
Petr. Rauennas in tract. de consuetud. n. 60.
Abbas hic, ubi bene animaduertit, ideo po-
tuisse Canonicos in casu huius c. statum à
Papa confirmatum tollere, quia sublato eo
statuto, atque restituta dignitate Primicerii,
cultus diuinus & ecclesie decor auditus fuit.

9. **NOTANDUM IV.** Privilegium per vnica
contrauentionem, seu vsum ipsi contrarium
tollitur potest, si contra privilegium operantes
ei renunciare possint. ita sumitur ex hoc c.
& late disputant DD. cum Gl. hic vers. con-
trauenerunt. Ut autem hæc res plenè intel-
ligatur, animaduertendum est, plura esse ne-
cessaria ad hanc contrauentionem, tacitam-
que renunciationem privilegii.

30. **I.** Ut sit privilegium negatiuum, v. g. im-
munitatis à præstandis decimis, tributis, &c.
At verò affirmatiua privilegia, seu facultates
agendi, per non vsum amitti non solent, nisi
præscriptio accesserit. Quæ de re Hieron.
Schurp sent. 1. consil. 14. n. 2. & dixi de hoc
in suprà cit. cap. 23. n. 21.

11. **II.** Requisitum, ut actus aliquis volun-
tariè exerceatur contra privilegium. Ideo
enim dici solet hæc renunciatio tacita, quia
per factum contrarium voluntariè fit. Ideo
si nesciat quispiam se contra privilegium o-
perari, vel si protestetur expressè, nolle se
privilegio præiudicare, cessat renunciatio, l. 1.
C. de his qui munera publica sponte obeunt
lib. 1. o. vbi Bartol. & Abb. hic n. 7. Felin. n. 3 o.
limit. 5.

Idcirco considerandum quoque est, quo-

usque actus, qui exerceatur, privilegio con-
trarius sit: non enim vltieris renunciatio e-
ius (quippe quæ stricti iuris esse cen-
setur l. emptor 48. §. Lucius ff. de pactis)
extendi debet. Cum itaque privilegia aliqua
sint habentia tractum successiuum, & actum
iterabilem, v. g. immunitas à tributis, à deci-
mis, à iudicis tribunali, ideo si quis vnum, al-
terum, aut plures actus contrà exerceat, v. g.
decimas soluat, non potest ex hoc solum, &
nisi aliz circumstantiz & coniecturæ adint,
renunciatio privilegii absolute colligi, sed
tantum quoad eum actum, vel actus qui ex-
erciti sunt, sicuti hic bene docet Hen. Boich.
n. 9. & seqq. fusè Suarez lib. 8. de legib. cap.
35. & sumitur ex l. 2. ff. de priuil. veteranorū
& l. voluntariæ 12. C. de excusat. tutorum,
vbi Salic. ait, quod per vnum actum contra-
rium non perdit quis privilegium in aliis, si
habeat effectum iterabilem & successiuum, &
in l. 1. & 2. C. de his qui munera sponte sus-
cipiunt, lib. 10. quibus in locis habetur; Si
aliquis à muneribus publicis suscipiendis im-
munitatem habens, aliquod eorum sponte
suscipiat, non præiudicare sibi, quod minus al-
io tempore vel id ipsum, vel aliud munus vi
privilegii recusare queat. Excipitur verò
in cit. l. 1. & 2. si miles veteranus, cui vacui-
tas concessa sit, decurionis munus absq. pro-
testatione suscipiat, quod redire ad excusa-
tionem, & immunitatem, cui renunciassè cē-
setur, permittendus non sit: Propterea quod
decurionatus veluti aditus quidam sit ad al-
ia munera & dignitates, ad quæ decuriones
assumi possint; ita ut decurionis munus sponte
suscipiens habilem se ostendat ad quod-
cunq. munus, sicuti hic declarat Boich. n. 11.

Quare, ut suprà dixi, etiam aliz similes
coniecturæ concurrere possunt, ut per vnu
factum contrarium privilegio, quamuis tra-
ctum successiuum, actumq. iterabilem ha-
benti, quispiam renunciare videatur privi-
legio v. g. exemptionis, si quis ordinario lu-
dici absque vlla protestatione ita se sitat, ut
ex agendi modo & circumstantiis appareat,
quod se subiectum profiteatur.

Deinde licet vnus actus, vel etiam plu-
res plerumque non sufficiant ad eiusmodi a-

mittenda priuilegia viâ renunciationis, si tamen exerceantur sine vlla protestatione, v. g. sistendo se iudici, tributa, decimas &c. soluendo, constituunt quandoque alterum in possessione, ita vt per tempus legitimum præscriptionem perficere, adeoque viâ præscriptionis priuilegium amitti possit, vti constat ex c. si de terra 6. accedentibus 15. de priuileg.

Sin autem concessum alicui priuilegium non habeat tractum successuum, aut effectum iterabilem, sed vnico actu perficiatur, & impleatur: Tunc consequenter etiam vnico actu contrario, voluntariè exercito, aboletur. Et iste est casus huius c. Concessum enim erat Capitulo Tullensi, vt Primiceriatûs dignitatem extingueret, quæ concessio siue indultum vnico actu extinctionis cõplebatur: quod si postea sponte Primicerium elegerint Capitulares, adeoque dignitatem istam, quæ suâ pte naturâ perpetua est, resuscitasset, profectò priuilegio seu indulto Pontificis vno facto contrario penitus renunciasent.

- 12 III. Requisitum est, vt qui operantur contra priuilegium, facultatem habeant illud abolendi etiam expressè, sicuti ex communi Fel. hic n. 28. Qui enim priuilegium per expressam renunciationem tollere non potest, is neque per tacitam: siquidem expressi & taciti eadem vis est: Imò plus efficacius aliquid est, expressè renunciare, quàm tacitè, verbis quàm facto. Quò obrem distinguere oportet, num personæ particulari priuilegium datum sit, an verò Communitati, loco, aut dignitati. In primo casu, nulla est difficultas: cum sit regula iuris antiqui. dicitur in l. si quis in conferendo 29. c. de pactis, omnes licentiam habere sic, quæ pro se introducta sunt, renunciare. Sin Communitati cõpetit tota Communitas communi consensu renunciare non prohibetur, cum & hic regula locum habeat, quod fauori suo ij, quibus competit, renunciare possunt. argum. & c. pro illorum 22. de præbend. At verò si non tota communitas cõsentiat, sed qui administrationem aliquam gerunt, v. g. Episcopus cum Capitulo Cathedrali, Generalis Ordinarius cum Congregatione generali, non possunt priuilegio, quod est vtile ac honorificum

Ecclesiæ, renunciare expressè, cõsequenter nec tacitè: nisi præscriptio accesserit, vti supra dictum, & tradidit Henr. Boich. super hoc c. n. 13. Idemque pari ratione dicendû, si priuilegium reale, sit dignitati, aut loco, v. g. ciuitatis, aut ecclesiæ concessum: cum enim locus, cui ius aut priuilegium concessum commune sit, similiter & dignitas ad Ecclesiæ decorem pertineat, non potest per quorundam renunciationem tolli, Præterquam si appareat priuilegium vtile non esse, aut fortassis noxium: Imò hoc in casu per se cessat, ita vt obseruari non debeat, ob iuris regulam. 61. in 6 Quod ob gratiam alicuius concessum, non est in eius dispendium retorquendum.

Porro, quod attinet ad statutum, similiter dicendû, si qui illud expressè tollere non possunt; quod neque tacitè, siue per voluntariâ renunciationem. Sin autè expressè tollere possunt, quia v. g. sunt auctores statuti, seu doctores illi formam ac substantiam, tunc ei contravenire poterunt. Cæterum, si statutum habeat diuinitatem circa obiecta vel actus suos; siue quod plures ac diuersi specie sint, siue solo numero iterabiles, tunc videndum, quousque se contrauentio extendat: Cum enim habeat rationem cõtrarietatis seu priuationis, non plus tolli potest, quàm oppositio exigat. Exempli causa, si in Ecclesia statutum editum sit, vt nemini ex hæresi conuerso, aut ex Iudeorum prosapia orto, canonicatus conferatur: at verò non obstante statuto, ex hæresi conuersi absque protestatione recipiantur in Capitulum: non item ex Iudeo genere nati, fieri potest, vt statuto renuncietur quoad priorem eius partem, non autem quoad posteriorem, sicuti hic annotauit Boich. n. 10. Sed neque recipiendo vnum aut alterum ab hæresi conuersum, absolutè ac penitus renunciabitur statuto, sed tantum quoad eos actus & personas receptas. Simile est, si Religiosi alicuius Monasterii statuunt, quod nolint in Conuentum suum recipere duos fratres, aut tres ex eadè familia procreatos: ac postea recipiant tres eiusdem familie, non item duos fratres.

Limitari autem debet, quod docui, per vnicum aut etiam plures actus contrarios, (nisi aliæ adfint coniecturæ) statutum non

tollit absolute, Limitari debet, inquam, nisi illud iuratum sit, si vid. Capitulares, aut Cœnueales iurarent obseruatuos se statutum, seu non recepturos ei usmodi personas, quia Conuentui aut Congregationi noxium esse videatur, et postea contraveniant etiam vno actu, consentur regedere à statuto, quoad illam statuti partem, v. g. vt ex hæresi nati, vel tres ex eadem familia non recipiantur. Nō enim præsumendum est periurium, si erent autem periuri, si statutum iuramento confirmatum violarent; præterquam si illud abolere ac tollere vellent. Quare hoc ipsum tanquam benignius, præsumi debet, secundum doctrinam Felini hīc n. 11. & 12. quam testatur esse communem super c. dilecto 25. de præb. quod statuantes propriā auctoritate tollere possunt statutum iuratum: Consequenter si ei facto etiam vnico contraveniant, videntur id agere animo tollendi statutum, ne alioquin periuri sūt. Vide quæ dicuntur in cit. c. dilecto, & c. seq.

CAPITVLVM IX.

Cūm M. Ferrariensis.

PARAPHRASIS.

Lis iudiciaria agitata fuerat coram Episcopo Ferrariensi inter Martinum & alios quatuor Ferrariensis Ecclesiæ Canonicos ex vnâ parte, & inter Capitulum Ferrariensem ex alterâ parte: quæ iam prius coram Episcopo Ferrariensi agitata, deinde ad Papam Innoc. III. delata fuit. Martinus Canonicus suæ sociorum nomine proposuit, quod Capituli Ferrariensis Canonici, vt præbendas suas augerent contra antiquam Ecclesiæ sive consuetudinem, eos ad numerum minorem, videlicet 14. redegerunt, parte quidam proventuum communi mensæ Capitulari deputatâ, reliquos inter se diuiserunt, ita vt ob minorem numerum Capitularium singuli plus reciperent. Nihilominus postea contra propriam constitutionem venientes quinque Canonicos instituerunt, nullis designatis præbendis, tamen si reditus Ecclesiæ seu mensæ Capitularis non parum augeri fuert.

Ex aduersâ autem parte Procurator Ferrariensis Capitoli respondit, quod statutum Capitoli de numero præbendarum 14. à Sede Apostolica confirmatū fuerit. Cūm enim in ecclesiâ vna præbenda vacaret, Capitulum ad quorundam instantiam duos ad eâ instituisse, ita (arbitror) vt reditus inter se diuideret, postea verò ad preces Episcopi dictum Martinum & quendam alium à Capitulo receptum fuisse, eâ conditione, vt ius Canonice haberent, sed ex ea nullos reditus sperare possent, donec priores duo præbendas integras assecuti essent. Fuisse quidem industriâ quorundam Canonicorum Ecclesiæ proventus auctos, sed illud augmentum mensæ communi Capitulari, quod minus sufficiens esset, deputatos fuisse.

His ex utrâque parte relatis, mandat Innocent. III. Episcopo Chagienfi, vt examine hæc super re instituto, præbendis 14. in sua integritate relictis, quatuor canonicas ex redditibus exerecentibus præbendas constitui curet, non obstante confirmatione statuti de 14. præbendarum numero: cūm in eâ secundum stylum Curie Romanæ expressa, vel saltem tacite intellecta fuerit limitationis hæc clausula: nisi postea Ecclesiæ reditus ita augerentur, vt conuenienter plures Canonici institui possint. Accedit etiam, quod ipsi Canonici à statuto suo sponte recesserint, supra numerum statutum quatuor recipiendo. Facit autem Pontifex mentionem quatuor tantum, nam qui primus ad vacantem Canonicatum institutus erat, is præbendam integram, & non vt Capitulum volebat, dimidiatam percipere debeat. Denique ait Pontifex, omnia rescindi, declararique oportere irrita, quæ post litem motam & contestatam coram Episcopo Ferrariensi circa præbendas, & earum possessionem inuoluta fuerant.

S Y N H A R I V M.

1. In ista causa minnendi numerum Canonice est tenuitas reddituum, uti augendo eorundem notabile augmentum.

a. Bp

2. Beneficia, quæ ab alio, quàm Episcopo vel Capitulo, fundata sunt, sine patroni consensu supprimi aut diminui non possunt, nisi cogente necessitate: & tunc patronus requisitus consentire nolit.
3. Nec beneficia supprimi, vel diminui possunt in perpetuum ab Episcopo cum consensu Capituli, quæ in viribus, commodum cedunt, sed opus est consensu Papæ.
4. Numerus præbendarum etiam iuramento confirmatus mutari potest, re notabiliter mutata.
5. Aliud est ius Canonie spiritualis, & aliud ius præbende, sine hac non decet diu vivere Canonicum, qui officio saltem Horarum Canonicearum sit adstrictus, quam etiam, implorato iudicis officio, petere potest.
6. An expectantibus præbendam debeantur distributiones quotidianæ, & si in Sacris constituti sint, vocem habeant in Capitulo, ex cuiusque Ecclesiæ consuetudine cognoscendum.
7. Statutum etiam à Papa confirmatum de certo præbendarum numero intelligendum est cum clausula, nisi in tantum exerescerent Ecclesiæ facultates, ut pluribus possint sufficere competenter.
8. Numero Canonicorum aucto ob augmentum reddituum, in eorum perceptione novos Canonicos antiquis æquales esse decet.
9. Vales protestatio, ut Canonicus supernumerarius redditibus careat, dum præbenda vacet.
10. Protestatio est voluntaria declaratio de iure suo reinendo, aut iuri alterius contradicendo.
11. Protestatio non habentis ius nihil proficit.
12. Ea semel facta ad conservationem iuris, repeti non debet.
13. Ad omnem protestationem requiritur, ut sit contraria (intrinsecè vel extrinsecè) actui quem protestans voluntariè exercet.
14. Si protestatio intrinsecè repugnet actui, irritum est actus, v. g. Contractus Marri-

monij, Professio Religionis, cui adijci-
tur, licet non semper, si adijciatur contra-
ctui naturam suam ex iure gentium,
vel civili sortiendi.

15. Si protestatio extrinsecè, & secundum
accidentariam legis constitutionem re-
pugnet actui, pro irritis & non adiecta
habetur, actusque valet.

NOTANDUM I. Iusta causa supprimendi
Neclesiastica beneficia, siue supprimendi
numerus canonicorum est tenuitas reditu-
um. Nam tot Canonici, & Ecclesiæ ministri
institui debent, quot ex redditibus se decenter
sustentare possunt, vti habetur in c. de Instit-
tut. & c. ult. iun. Gl. ver. iuxta facultates, de
ver. signif. Quare cum talis præbendarum
diminutio facris canonibus consentanea sit,
eam Episcopus cum Capituli consensu face-
re non prohibetur, vti docet Gl. c. ex parte,
ver. diminuti, hoc tit. Innoc. in c. præced. n. 2.
ibid. Ioan. Andr. n. 2. Imola n. 4. Abb. n. 4. & in
hoc c. n. 2. & constat ex Trid. Concil. Sess. 24.
cap. 15. de reform. Multo verò magis augeri
potest, imò verò debet numerus præbenda-
rum, si redditus notabiliter aucti sint, ita ut
pluribus Canonicis decet sustentandis suf-
ficient. Vide etiam, quæ dicuntur in c. ma-
ioribus 8. de præbendis.

Excipitur primò; Si præbendæ non ab
Episcopo, vel Capitulo, sed ab alio fundatio-
nem acceperunt, supprimi aut diminui non
possunt sine patroni consensu. vti colligitur
ex c. Monasterium 33. causa 16. q. 7. & inter
alios annotauit Ioan. Andr. in c. præced. n. 19.
Abb. ibid. n. 5. Qui tamen rectè limitat; Ni-
si necessitas postulet mutationem aliquam
institui in beneficijs, & patronus requisit-
us consentire nolit, etiam eo inuito diminu-
tio beneficii fieri poterit: nam *patronus non
potest impedire magnum bonum ecclesiæ.*

Excipitur secundò; Si diminutio, aut
suppressio beneficii cedat in comòdum E-
piscopi & Capituli simul, quia bona com-
munia habent, tunc ea fieri non potest ab
Episcopo cum consensu Capituli: quia is in
proprio facto auctoritatem præstaret, quod
fieri nequit, iuxta Clem. 2. de rebus ecclesiæ

non alienandis, ubi id ipsum dicitur de vnione beneficii, & sumitur ex l. pupillus 5. ff. de auctor. tutori, ubi statuitur, non valere contractum, quem pupillus cum tutore suo instituit, ne is in causa propria auctoritatē præstet, valitum vero, si alter tutor, cui administratio bonorum pupilli credita est, auctoritatem interponat. Quare in suprâ dicto casu ad superiorem recurrendum est, videl. ad Archiepiscopū vel Papā, vti Hostiens. docet in c. præc. ibidem. Abb. n. 5. Ioan. Andr. n. 19. sed Gl. in cit. Clem. 2. ver. mensæ suæ, rectius sentire videtur, Archiepiscopū non posse auctoritatem interponere, cum ille casus non sit inter eos, qui Archiepiscopo erga Suffraganei sui diocesis competunt, qua de re infra hoc libr. tit. de offic. ordinarij.

Addit Gl. ibid. Neque posse per Episcopum auctoritatem effici, vt beneficium vniatur, aut reditus eius applicentur mensæ Capitulari, quia ad talem mutationem requiritur consensus Capituli, quem in propria causa præstare non potest. Intelligi autem hæc debent, si mutatio aut applicatio fiat in perpetuum, at verò ad tempus, propter necessitatem, v. g. vt debita Episcopatus, vel mensæ Capitularis soluantur, fructus beneficij vacantis eo applicari posse, annotat Gl. fin. in c. vnic. vt ecclesiastica beneficia sine diminutione conferantur, Felin. pluribus citatis in c. præc. n. 23. Sin autem bona Capituli & Episcopi diuisa sint, sicuti plerumque esse solent, tunc Episcopus non prohibetur ex causa iusta beneficium extinguere, aut præbendam minuere in commodum Capituli, aut fabricæ; etsi fortè indirectè & per accidens (non autem directè ac per se) ipse quoque Episcopus inde commodum ferat. Poterit quoque alicuius beneficij suppressio, aut diminutio ex iusta causa fieri, vt vni Capitularium præbendæ, v. g. Decanatus reditus applicentur, quia Capitulum tunc non dabit consensum in propria causa, quandoquidem causa decani, aut singulorum canonicorum distincta est à causa Capituli, prout annotauit Felin. in c. præc. n. 22.

Excipitur tertio ab Abb. in c. præc. n. 4. Si numerus præbendarum iuramento confir-

matus sit, non posse mutari propter periurij periculum. Sed non placet hæc exceptio, quia iuramentum de retinendo certo numero præbendarum, aut canonicorum, interpretandum est, si res in eodem statu permaneat, non autem vt etiam in eum casum se extendat, si res notabiliter mutata fuerit, ita vt secundum æquitatis rationem, & sacrorum canonum præscriptum, mutatio facienda sit, secundum eundem Abb. in c. dilecto n. 18. de præbend. & consentiunt, quæ dixi in Theol. moral. lib. 4. tr. 3. c. 9. n. 2. & mox dicentur in not. 4. Qua ipsa ratione rectè dixit idem Abb. tamen si numerus præbendarum auctoritate Papali definitus sit; quia confirmatio, quamuis simplex, facta cum clausula irritante, si quid contrarium factum fuerit, posse tamen numerum præbendarum augeri, auctis redditibus, vti constat ex hoc c. Atque vice versa, diminutis notabiliter redditibus, numerum diminui, dummodo debitum accreuerit, vel decrementum stabile futurum esse existimetur. Videri etiam potest Nicol. Garcias p. 12. de benefice. cap. 1.

NOTANDUM II. Ibi mensæ communiter deputantur, Capitulum vltra præbendas singulorum canonicorum habere insuper potest mensam communem, ex qua distributiones quotidianæ promantur, eleemosynæ in pauperes fiant, Officialium stipendia soluantur &c. Interdum verò canonicorum præbendæ diuise non sunt, sed reditus omnes Capitularibus in communi seruantur ab Oeconomo, atque inde certis temporibus, v. g. in fine cuiusque anni distribuuntur. Idemque fit, si præbendæ separatos quidem reditus habeant, sed non sufficientes. Videri potest Abb. hic n. 3. Ioan. Azor. tom. 2. Instit. moral. lib. 3. cap. 11. q. 10.

NOTANDUM III. Cum Gl. hic ver. *In canonicos receperunt*, Aliud est ius canonizæ spiritualis, & aliud ius præbendæ, seu fructuum temporalium percipiendorum. Potest enim aliquis esse canonicus, & nullo adhuc reddito seu fructu beneficij percipere, quare neque propriè beneficium habere censendum est. Sic etiam religiosus in monasterio, maximè si sit ex ordine Mendicantium, ait

E Abb.

Abb. in c. dilectus 19. num. 7. de præbend. ius spirituale obtinet, sine præbenda. Sed & vice versa fieri solet, ut aliquis, non tantum clericus, sed etiam laicus, v.g. cantor, aut ædificator templi, præbendam ex redditibus ecclesiasticis habeat, nullam autem canoniam siue ius spiritualis officij, sicuti legi potest apud Imolam in c. maioribus col. 2. de præbend.

Veruntamen non decet, ut receptus in canonicum, & officio saltem horarum canonicarum astrictus, diu sine præbenda sit, quare si occasio se obtulerit, quod eam iudicis implorato officio petere possit, constat ex c. reatum 9. iun. Glossa. & c. filius 19. de præbend.

6 Num verò dum expectantes præbendam sunt, distributiones quotidianas percipere debeant (quod sanè affirmatur in cit. c. dilectus) atque, si in sacris constituti sint, vocem in Capitulo habeant, ex consuetudine cuiusque ecclesie cognoscendum esse, monet Imola hic, & Azor in cit. c. 11. q. 13. post Gl. hic ver. ultra numerum.

7 NOTANDUM IV. Statutum etiam à Papa confirmatum, de certo præbendarum numero, explicari debet cum clausula, *Nisi instrumentum excreverint ecclesie facultates, ut pluribus possint sufficere competenter*: Ita hic in c. Et nota, quod dicitur *in tantum*, Nam ob modicum reddituum augmentum, numerus præbendarum augeri non debet, secundum Gl. in c. 1. de Instit. & Abb. ibi n. 5. sed redditus excrecentes ad communem usum Canonicorum, vel aliter, prout melius videbitur, applicari possunt, ut in fine huius c. significatur, & in c. ult. de verb. signif. Porro clausula illa, *Nisi reditus excreverint*, etsi expressa non sit, tacite intelligi debet, cum sit secundum stylum Curie, & sacrorum canonum requisitum. Quare Doctores hic apud Felin. n. 6. Nicol. Euerardum in loco argumentorum 104. n. 4. & 5. generalem regulam tradunt, quod clausula apponi solita secundum loci consuetudinem, aut instrumenti vel contractus naturam, si non exprimitur, subintellecra censetur. Vide quæ dicuntur in c. significatur 11. de præbend.

8 NOTANDUM V. Si numerus Canonicorum ob reddituum incrementum augendus sit, qui nouiter creantur canonici, in perceptione re-

dituum æquales esse deest antiquis. Ita sumitur ex textu c. prope finem, *Si ex eis partes*, &c. & argum. c. cum omnes, supra, eod. tit.

NOTANDUM VI. Interdum Capitulum ultra numerum Canonicorum definitum, per gratiam extraordinariam vñ vel plures recipit, ut sint supernumerarii. Tunc valet protestatio, ut interea redditus nullos percipiant, donec præbenda vacauerit, quando ad huiusmodi receptionem Capitulum non obligatur. Imò hoc ipso quod aliquis per gratiam extraordinariam, ut supernumerarius, etiam ex mandato Pontificis, recipitur, tali modo recipi censetur, ut ius in beneficio seu canonicatu plenum non habeat, uti notauit Felin. hic n. 23. Gl. hic ver. ultra numerum.

Veruntamen in casu huius c. Capitulares nihil iuuat protestatio; quia ipsi, propter reddituum incrementum, debebant novos canonicos instituere; idèq; institutio ea non proueniebat ex libera voluntate, sed ex officij necessitate ac debito. Quare ex textu huius c. alia regula celebris elicitur, quod protestatio non iuuat, si sit contraria facto, etiam consecutiuè secundum iuris dispositionem. Ita Abb. hic n. 16. Felin. n. 77. Anton. de Butrio n. 36. eleganter Guido Papa decif. Gratianop. 171.

Pro intellectu aduerte, Protestationem, uti hoc loco accipitur, aliud non esse, nisi mentis seu voluntatis declarationem de iure suo retinendo, aut iuri alterius contradicendo: Hæc enim, quas indicauimus, species præcipue protestationis, quæ proinde requirunt, ut alicui legitima facultas ita protestandi competat. Quare communiter dici solet, quod protestatio non habentis ius nihil proficit, l. si maior 13. C. de rescind. vendit. & tradit Baldus & alij in l. Papinianus 24. ff. de Publ. in rem actione, siue, ut Guido Papa ait decif. 172. Protestatio non iuuat, si facta non sit de eo, quod est in potestate protestantis: Item, si quis de iure teneatur consentire, aut approbare actum, frustranea & inutilis est, quæ contra sit protestatio, l. Nescimus 34. iuncta Gl. ver. conuenit, ff. de negot. gestis. Sic v. g. hæretici protestari non possunt aduersus orthodoxos, siue Catholicos, ne ipsi ecclesias aut bona ecclesiastica retineant, aut amissa

seu

seu erepta recuperent: quandoquidem hæreticis nullum in illis ius competit: consequenter Catholicos in possessione eorum retinenda, aut recuperanda impedire haud possunt.

- 12 Deinde dici solet, quod legitime interposita protestatio conservatiua sit iuris in futurum, apud Guidon. cit. decif. 172. num. 2. Cum autem semel ad iuris conservationem facta est protestatio, eam repetere necesse non est, argum. l. moræ 32. iun. Gloss. ver. repetendi, ff. de vfuris, & tradit Bartol. communiter receptus in l. de pupillo 5. §. Si quis Prætori, ff. de noui operis nunc. Etenim vim suam & effectum semper retinet eiusdemmodi protestatio, quamdiu voluntariè non exercetur actus contrarius siue retractatorius ipsius. Id verò in dubio non præsumitur, sed ita actus intelligendus, vt protestationem antecedentem non tollat, prout docet Baldus in l. nouissima Cod. de pactis, Mart. Nauarr. lib. 3. conf. 34. num. 3. de Regul. Ratio dari debet, quia mutatio voluntatis, atque iuris conservati voluntaria renunciatio præsumi facili non debet, l. cum de indebito 25. ff. de probat.

- 13 Porro ad omnem protestationem requiritur, vt non sit contraria actui, quem protestans voluntariè exercet. Est autem duplex hæc contrarietas; videlicet secundum rei naturam, & secundum iuris constitutionem, nam quod iure non possumus, id absolute efficere non posse censei debemus. Discrimen tamen est inter protestationem seu clausulam adiectam, si ea sit actui intrinseca, siue secundum naturam & substantiam eius repugnans, & inter protestationem seu clausulam si sit extrinseca, videlicet secundum legis dispositionem, contraria: Nam in prior casu corrumpit actus, v. g. contractus aut dispositio, cui adicitur, eo quod non videatur aliquis voluntariè agere, si actui clausulam aduersus eius substantiam apponat, vt constat ex cap. vltim. de condit. appositis, vbi dicitur, tamen si magnus sit matrimonij fauor, irritum tamen esse, si huius generis clausula aut protestatio adiciatur, v. g. *accipio te in uxorem, donec diuorem inueniro*. Et simili ratione, si quis Re-

ligionem profiteatur, cum protestatione intrinsece repugnante professionis actui, vt liceat retinere proprium, irrita est professio, vt rectè docet Gloss. in cit. cap. vlt. ver. contra substantiam, Guido loco citato num. 2. Fr. Suarez tom. 4. de statu Relig. lib. 6. cap. 22. nu. 14. contra Gloss. in c. solet 6. causa 32. quæst. 2. ver. nolint, Ioan. Andr. in cit. cap. vlt. Felin. hic n. 75. Imolan. 41.

Veruntamen in contractibus, ex iure gentium aut civili naturam suam & substantiam accipientibus, plerumque aliter se res habet, videlicet, vt, si aliquis clausulam protestationemque adiciat, quæ constitutioni ac veluti substantiæ contractus, in specie expressi repugnet, clausula, seu protestatio, aut conditio adiecta valeat, scilicetque in aliam speciem contractus transire: Propterea quod in cognoscenda specie contractus magis attendi debeat ad pacta à contrahentibus apposita, quam ad verba, quibus eum appellarunt, vt rectè docuit Abbas in c. constitutus num. 22. de relig. domibus. Exemplum habes: Si alicui negotium mandaueris, mercede ipsi constituta, cum mandato contraria sit merces (quippe quod suapte natura ex officio descendens gratuitum esse debet) transit conuentio in contractum locationis, l. 1. ff. mandati. Aliud exemplum in contractu consuali Germanico videre licet lib. 3. moral. Theol. tract. 3. cap. 17. num. 13. ver. Alterum. Aliud sumi potest ex casu l. cum precario 12. ff. de precario, vbi habetur, si quis alteri rem precario dederit, ita vt ad Kalendas Iulias reuocare non liceat, Existimat quidem Celsus eius legis auctor, precarij subsistere & clausulam eam pro non adiecta haberi. Quod ibid. approbat Bartolus, & in l. Vbi ita donatur 27. ff. de mortis causa donationibus, quasi hæc precarij conditio vt reuocari non possit, accidentaria sit, & ideo clausula ei repugnans pro non adiecta haberi debeat, iuxta doctrinam Gloss. in cap. 2. ver. Officiali, in fine, de consuetud. in 6. Quæ doctrina licet bona sit in ordine ad contrahentis falsam persuasionem, si is omnino volens precario rem dare, persuadeat sibi reuocandi facultatem ad contractus substantiam non

pertinere, Attamen in dubio potius actus ista interpretandus esse videtur, vt ei adiuncta clausula subsistat, argum. l. i. §. si conuenit, ff. de positi, & c. Abbate 2 §. de verb. signif. Adeo iure res non precario data, sed commodata esse censetur, iuxta regulam communiter receptam, quod conditio seu clausula appositae contra naturam contractus nominati, faciat eum transire in aliam contractus speciem. Esse autem eam conuentionem, seu clausulam, vt reuocare non liceat reuera repugnantem naturæ precarij, docet Gl. & DD. in cit. l. cum precario. Et confirmari potest ex l. i. si quis in principio, 22. ff. de legatis 3. vbi habetur, si quis dixerit, se mortis causa donare, ita vt donatio reuocari nunquam possit, censendam esse inter viuos factam donationem. Rationem suprà dedi, quia non tam ad verba, quam ad mentem seu voluntatem disponentis attendi debet: Ea autem esse censetur, potius vt actus suus cum omnibus adiunctis, si fieri possit, subsistat, quam vt aliquid eorum pereat.

- 15 Venio nunc ad alterum membrum suprà positi discriminis, videl. si protestatio actui voluntariè exercito contraria sit secundum extrinsecam, & accidentariam legis constitutionem. Quo in casu protestatio seu clausula pro inutili & non adiecta habetur, actus autem ipse subsistit. Exemplum habemus in textu huius c. Capitulares enim quoddam in Canonicos receperunt, cum protestatione, vt præbendas non perciperent, donec, &c. Quæ protestatio institutioni canonicorum contraria est extrinsecè, propter leges ecclesiasticas, quibus præcipitur, vt institutis præbenda assignetur, si redditus adfint. Quamobrem protestatione ea reiecta, receptio atque institutio Canonicorum consistit.

Aliud exemplum legi potest in c. 2. causa 10. q. 2. Si quis ecclesiam fundarit, adiecta clausula, vt administratio dotis ad Episcopum non pertineat, talis clausula pro non adiecta habetur, & fundatio subsistit. Quia secundum iura, inquit Glossa ibi ver. non pertinere, res omnes ecclesiarum ad ordinationem Episcopi pertinent, c. nouerint 6. ead. q. Alia verò pacta, quæ canonibus non repu-

gnant, fundator arbitrato suo adicere potest. c. verum, de condit. appol.

Tertium exemplum in suprà cit. l. si quis à principio, Si aliquis testamentum condiderit, appositae protestatione, quod id reuocare nolit, ea nihil obstante, subsistit testamentum, sed reuocabile. Quia propter legum constitutionem, hæc quasi necessaria proprietas vltimæ voluntatis est, vt contraria voluntate reuocari possit. Ad id tamen clausula ea protestationis proderit, vt, si testator aliud postea testamentum condiderit, nulla facta derogatione dictæ clausulæ, posterius testamentum pro irrito habendum sit, ed quod censetur immemor fuisse prioris voluntatis ac protestationis, quæ si in mentem ei venisset, testamentum prius non reuocasset.

Idemque eadem ratione, si Princeps vel Communitas statutum edat, cum protestatione, vt reuocari non debeat. Nam protestatio hæc potius extrinsecè contraria esse videtur statuto, quam vt eius intrinsecam naturam euertat, quippe cum ad statuti essentiam non pertineat reuocandi facultas, sed sit conditio seu proprietas positiuius legibus adscripta. Quare non obstante dicta protestatione seu clausula, statutum valebit, atque clausula id solam operabitur, vt, si postea contraria ab eodem legislatore aut successore constitutio fiat, nulla expressè facta derogatione prioris, posterior irrita censi debeat, secundum doctrinam Bartoli in l. omnes populi p. 3. l. ff. de iust. & iure. Abb. in c. præced. n. 3. argum. suprà cit. l. si quis in principio, vbi ex Bartolo generalis doctrina refertur: Si prior voluntas est derogatoria posterioris, prior valet, nisi expressa facta reuocatio voluntatis prioris. Quod & in priuilegiis locum habet, vti docui lib. 1. mor. Theol. c. 23. n. 26. & videri possunt, quæ dicam in c. i. hoc tit. in 6.

CAPITVLVM X.

Ecclesia S. Mariæ.

PARAPHRASIS.

Ecclesia S. Mariæ in via lata coram seculari iudice.

ri Iudice litem mouit Ioanni de Alteia, quod possessiones quasdam ad eandem Ecclesiam pertinentes detineret. Ioannes coram Iudice proposuit, se conueniendum non esse, cum possessiones illas per venditionem transfunderet in Ecclesiam S. Syluestri. Hoc intellecto, Senator vrbis, qui antea approbante populo Romano statutum fecerat, vt si quis rem religiosam pendente lite in alium transferret, possessio daretur petitori, vt alter, in quem translatio facta, cogeretur fieri petitor. Vi huius statuti spoliavit Ecclesiam S. Syluestri dictis possessionibus. Monasterium supplicauit Innocentio III. qui respondit, quod a Senatore factum fuerat in praiudicium Monasterij non conuenienti, nec confelsi, nec conuicti, irritum esse oportere, & possessiones eidem restituendas. Rationem huius responsionis præmisit Papa, quod laicis (quamuis piis seu religiosis) super Ecclesijs & personis ecclesiasticis nulla sit attributa facultas. Quippe ad quos obsequendi Ecclesiasticis Prælati spectat necessitas, non auctoritas imperandi.

Addit verò: tamen si decretum laicorum vna parte fauorem aut commodum aliquod Ecclesie continere videatur, tamen firmitatem non habere, nisi ab Ecclesia fuerit approbatum. In cuius rei confirmationem adducitur lex Basilij, illustris Patritij & Prætorij Præfetti, de nō alienandis prædijs, ornamentis & vasis Ecclesiarum. Quæ constitutio licet Ecclesie fauorem continere videatur, tamen in Romanâ Synodo sub Symmacho Papa irrita declarata est, eâ potissimum ratione, quia per Apostolicæ Sedis auctoritatem approbata non fuerit, vt videre licet c. 1. dist. 96.

SUMMARIUM.

1. Magistratus secularis circa Ecclesias, & personas Ecclesiasticas nihil cum auctoritate statueret potest.
2. Vnde leges civiles præcipiendo aut vando specificè disponentes de salubri

Ecclesijs aut ecclesiasticis rebus vel personis, nullam per seipsos vim habent, etsi earum commodum & fauorem concernant.

3. Habent tamen illæ vim suam, si merè priuilegiata sint, aut à summo Pontifice approbata.
4. Leges seculares onera, & grauamina per se ac directè imponentes ad Ecclesias personas, vel res ecclesiasticas se non extendunt.
5. Et si specifica ecclesiarum &c. in iis legibus mentio & comprehensio fiat, quoad eam partem pro irrita haberi debet.
6. Iurisdictio territorialis tantum erga personas & res subditas extenditur.
7. Doctrina modo tradita exemplis declaratur.
8. Quo sensu dicant DD. communiter: ea statuta contra libertatem ecclesiasticam censeri, quibus Clerici timidiore redduntur.
9. Ecclesiastici & eorum bona ecclesiastici magistratus dispositioni subiecta sunt, saluo tamen iure secularis magistratus, si bona immobilia reali aliquo onere affecta sint.
10. Princeps secularis priuilegio, quo granantur Clerici, moderatè uti debet.
11. Clerici legibus secularibus ex obiecto non onerosi secundum vim directiua obligantur.
12. Leges indifferentes, tum ad commodum tum ad onus afferendum personis singulis, non sunt censendæ ex obiecto onerosæ.
13. Leges communes potissimum approbata sunt à SS. Canonibus, non ita statuta municipalia communibus legibus aduersantia.
14. Maior fauor & exemptio à legibus civilibus cõpetit ipsi ecclesijs & causis pijs, quàm Clericis in particulari.
15. Probabilius est, non valere testamentum in terris Imperij, sine solemnitatibus à Iure Casareo requisitis.
16. Statuta & pacta familia idem ius for-

*tiuntur, quod leges & statuta publica
scripti supra dictum est.*

17. *Sententia iudicis lata, parte non
citata, vel non data copia defensionis,
aut sine cognitione causa, irrita est.*

NOTANDUM I. Magistratus secularis circa ecclesias & personas ecclesiasticas nihil cum auctoritate statuere potest. Ita hic, & eisdem ferme verbis refertur ex Concil. Lateranensi sub Innoc. III. in cap. ult. de rebus ecclesiæ nulla sit attributa potestas, quos obsequendi manet necessitas, non auctoritas imperandi. Ratio itaque est; Quia nulla iurisdictio extendere se potest extra limites suos l. ult. ff. de iurisdictione omnium iudicum: Atqui Ecclesiæ, res, & personæ ecclesiasticæ sunt extra limites iurisditionis ac potestatis secularis, quod apud Christianos omni iure notissimum est, ut proinde etiam Trident. Concilium dixerit Sess. 25. cap. 20. de reforma. *Ecclesiæ & personarum ecclesiasticarum immunitatem Dei ordinatione, & canonicis sanctionibus constitutam esse.* Confirmatur ex supra dictis. Statutum sumit vires à potestate statutum e. à nobis, 1. de sentent. Excom. Cùm autem nullus Magistratus secularis, neque etiam Imperator habeat potestatem super ecclesiis & personis ecclesiasticis, sequitur, nullum laicum quidquam statuere posse super rebus ecclesiasticis. Vide quæ dixi lib. 4. Theol. moral. tract. 9. & plura dicenda erunt lib. 3. decret. tit. de immunit. eccles.

Vniuersim autem hic disputari solet, Quenam leges secularis Principis aut Magistratus erga ecclesias, res, & personas ecclesiasticas vim aliquam habere possint, aut non possint. Quæ de re dicendum est primo; Si lex secularis magistratus, præcipiendo aut vetando, specificè disponat de ecclesiis, aut ecclesiasticis rebus vel personis, nullam per se ipsam vim habet. Hæc est præcipua intentio huius c. & habetur etiam in cap. 1. d. 96. c. quæ in ecclesiis, supra hoc titulo. Ratio est manifesta; quia lex vim

obligandi non habet sine iurisdictione: siue, ut aliter dicam, præcipere & vetare per legem, iurisdictionis actus est: Cùm itaque secularibus nulla erga ecclesias, res, item & personas ecclesiasticas sit attributa potestas iurisdictionis; sequitur, huiusmodi eorum leges irritas esse.

Ampliat autem assertio, ut locum etiam habeat, tametsi lex secularis ecclesiarum, vel ecclesiasticarum personarum fauorem & commodum respicere videatur, uti hic expressè dicitur, & auctoritate Synodi Romanæ sub Symmacho Papa confirmatur. Causa est; Cùm enim magistratus secularis per eiusmodi legem, (quæ, exempli causa, alienatio rerum ecclesiasticarum prohibetur, nisi forma per legem præscripta obseruata fuerit) iurisdictionem sibi usurpet erga ecclesiasticas res, aut personas, duo inde sequuntur incommoda; Videlicet quodd & vim contrahendi lex non habeat, quippe extra limites potestatis tendens; & Ecclesiæ magis noxia sit, quàm vt commodum aliquod afferat: Propterea quod ea res in exemplum trahi possit, vt vel idem magistratus, vel alij seculares arbitratu suo de rebus ecclesiasticis statuunt.

Aduertendum autem primo, quod dictum est in assertione; *Præcipiendo ac vetando.* At verò si leges secularium merum fauorè, siue priuilegium ecclesiis, aut clericis tribuant, ex subsistere possunt: Nam qui priuilegium dat, nõ arrogat sibi iurisdictionem aut imperium in priuilegiatum; partim quia priuilegia etiam non subditis, ipsisque extraneis dari possunt; partim quia ad priuilegij dati acceptationem & usum nemo cogitur. Legi potest de hac re Abb. in c. quod clericis n. 41. de foro comp. & hic n. 26, 26, & in repet. huius c. n. 37.

Secundo, quod in assert. dixi, *per se ipsam.* At verò leges à seculari magistratu de personis aut rebus ecclesiasticis latas Roman. Pontifex approbare, iisque auctoritatem tribuere potest. Tunc verò non obligabunt ex vi secularis potestatis, sed ecclesiasticæ, à qua approbationem, confirmationemque acceperunt. Et ita significatur in hoc c. ver. *nisi ab Ec-*

ab Ecclesia fuerit approbatum, vbi id Glan-
notauit, Abb. n. 10. Azor tom. 1. moral. instit.
lib. 5. cap. 12. q. 3. & exemplum eius rei ha-
bes in c. licet. de sepult. in 6. Et tunc quidem
leges ita confirmatæ per Papam redduntur
valide, non ex actu statuentium, sed ex au-
thoritate confirmantis, qui inutile reddit v.
tile, & ex infirmo facit firmum. argum. c. fin.
& ibi Glof. verſ. conſenſum 16. q. 1.

Corollarium. Authenticæ constitutiones
Iustiniani Imperat. quas limites potestatis
suz egrediens, de Ecclesijs, Episcopis, Cle-
ricis, Monachis præcipiendo & vetando
constituit, per se ipsas nullam obligandi
vim habent, tametsi ex in Gratiani decre-
tum insertæ reperiantur: Cûm is nullâ prorsus
potestate præditus fuerit leges seculari-
um Principum approbandi, aut canonizan-
di, sicuti docent Canonistæ, nominatim An-
ton. de Butrio & Felinus in c. 2. de rescript.
in fine. Veruntamen si ipsemet Pontifex in
decreto suo aut decretali responso Impera-
toris de rebus ecclesiasticis constitutionem
aliquam alleget, censetur eam approbare &
confirmare. Accedit, quod aliquæ eius ge-
neris Imperiales constitutiones, quæ ex ob-
iecto viles videbantur, ipsa generali eccle-
siarum acceptatione & visu approbatæ cõ-
feri debeant, vt proinde iam non tam Impe-
riales, quàm ecclesiasticæ esse videantur.
Legi hic potest Ioan. Andr. & Imola, qui be-
ne ait n. 3. eiusmodi secularis magistratus
statutum, de rebus Ecclesiasticis editum, ab
inferioribus, seu particularibus ecclesiarum
Prelatis acceptari aut approbari non posse.
Quod etiam tradit Abb. in repet. huius c.
num. 5.

DICENDUM SECVNDO. Leges secu-
lares, quæ generatim latæ sunt, si per se & ex
proprio obiecto, onus seu grauamen impo-
nant, aut iuri acquisito derogent, ad eccle-
sias, personas, & res ecclesiasticas se non
extendunt: Ita DD. communiter, Bartol.
in l. cunctos populos q. 5. n. 28. C. de sancta
Trinit. Imola in c. 1. ibid. Abb. n. 1. de con-
suet. Idem Abb. super hoc c. n. 25. in repet.
c. n. 14. 17. 17. & in c. constitutus n. 3. de in
integ. restit. Imola hic n. 9. Felin. q. 2. n.

69. Syl. in summa ver. lex q. 15. Andr. Gaill
lib. 2. obseru. 32. Suar. in lib. de eccles. im-
munit. cap. 12. Ratio dari debet: Quia hu-
iusmodi leges, onera & grauamina per se
ac directè imponentes, præ se ferunt iuris-
dictionem erga eos, quibus feruntur: At,
vt suprà dictum, clerici siue personæ eccle-
siasticæ subditæ non sunt seculari magi-
stratui, sed diuino pariter ac humano iure
exemptæ, ac liberæ, c. quamquam de censib.
in 6. vbi idem dicitur de ecclesijs, & rebus
ipsarum. Sicut enim res sacræ à profanis,
spiritualia à temporalibus discreta sunt, ita
& potestas ecclesiastica, & potestas secularis
diuersæ ac discretæ, c. duo sunt 10. d. 96.
Et ita quidè, vt sicuti corpus animæ, tẽpora-
lia æternis, profana spiritualibus, ita & potes-
tas politica potestati ecclesiasticæ tanquam
præstantiori cedere & subordinata esse de-
beat, cit. c. 1. & c. duo sunt, d. 96. c. solitæ 6. de
maior. & obed. extrauag. Vnant sanctâ eod.
tit. Sed nec possunt ecclesiasticæ personæ
se, aut ecclesias vel bona earum potestati
seculari subijcere, c. 2. de iudic. c. si dili-
genti 12. de foro compet. Vide Abb. hic
num. 6.

Hinc colligi potest: Si eiusmodi leges
per se ac directè grauantes, aut onera im-
ponentes, in Republic. generatim latæ sint,
ijs ecclesias, & personas ecclesiasticas non
censeri comprehensas. Sin verò specifica
mentio & comprehensio clericorum, aut
ecclesiarum, vel ecclesiasticarum rerum in
statuto fiat, quoad eam partem pro irrito
haberi debet. Id verò minùs ferendum, si
ratio statuendi de rebus aut personis eccle-
siasticis in statuto afferatur, *iurisdicção ter-
ritorialis* magistratui ciuili competens: cûm
iuribus tam ciuilibus, quàm canonicis,
& apud omnes Doctores notissimum sit,
iurisdictionem territorialem non nisi erga
personas & res subditas extendi, cuius-
modi non sunt res & personæ ecclesia-
sticæ. Si quid iuris de rebus ecclesiarum
disponendi seculares sibi vindicare volunt,
super priuilegio & concessione Prela-
torum ecclesiasticorum, præsertim Summi

Ponti-

Pontificis intentionem fundare debent, aut saltem super consuetudine immemoriali, quæ tamen præsumptionem factæ concessionis seu priuilegij secum ferat, dummodo capacitas sit in possidente, & eiusmodi priuilegium concedi non sit insolitum. Quæ de re dicetur in c. quando 4. de consuet. in c. generali 13. de elect. in 6. & in tit. lib. 3. decret. de immunit. eccleſ.

Adhuc verò grauius delinquit magistratus secularis, si & poenam ac gratiæ suæ amissionem, clericis statuti sui transgressoribus, vnâ cum laicis, tanquam inobedientibus, aut pertinacibus, adijciat, vel minetur. Quia statuta huiusmodi ecclesiasticæ libertati nimis apertè repugnant, atque à pietate & consuetudine Catholicorum Principum aliena sunt.

Dicit aliquis, Eiusmodi leges onera imponentes clericis æquè ac laicis, non niti potestate iurisdictionis erga ecclesias, aut personas, vel res ecclesiasticas, sed tacito quodam pacto, & iuris naturalis æquitate. Cum enim personæ ecclesiasticæ vnâ cum laicis, partes & membra ciuiliſ Reipub. esse velint, & communibus commodis, ac iuribus gaudere, decens est, atque intelligi oportet, quòd etiam oneribus, grauaminibus, & exactionibus communibus subiecti esse debeant, iuxta iuris reg. 55. in 6. *Qui sentis omni sentire debet commodum, & contrà.* Accedit, quòd magistratus secularis curam obligationemque gerat non minùs ad defendendas ecclesias, res & personas ecclesiasticas, quàm erga laicos subditos & bona eorum: Ergo neque ecclesiastici conquiri possunt, si quippiam ab eis exigatur, aut auferatur.

Respondeo: Pactum istud, aut cõsensum tacitum nullum esse: cum summus Pontifex aliique ecclesiastici Prælati perpetuò reclamant, & contradicant; ipsæ autem personæ clericorum priuatæ consentire, aut se obligare non possint, vt supra dictum. Sed neque ratio æquitatis, aut iuris regula hic locum habet: quandoquidem ecclesiasticis personis iura ea & commoda communia ciuitatis, aut Reipub. conceduntur ex debi-

to, propter spiritualia officia, quæ diebus & noctibus, sacrificijs ac precibus apud Deum instantes, & Sacramenta ministrantes, præstant: & accommodari huc potest dictû Apostoli epist. 1. ad Corinth. cap. 9. v. 11. *Si nos vobis spiritualia seminauimus, magnum est, si carnalia vestra metamur.* Non debent itaque ecclesiasticæ personæ, contra eorum iura & accepta exemptionis priuilegia, aliis oneribus grauari. Defensionem quoque ex eo, quem dixi, titulo, secularis magistratus ecclesijs, personis ac rebus ecclesiarum ex officio debet, non itaque iuste agit, si ob id, ad quod ratione officij & ex iustitia obligatus est, onera & exactiones imponat. Satiùs videri debet cuique Catholico Principi, si ob continuas preces & sacrificia, quæ pro ipso in ecclesijs offeruntur, à Deo patrocinium & defensionem accipiat; & non tanti æstimare, quòd ipse ecclesias & ecclesiasticos defendat, vt mercedem inde atque bonorum ecclesiasticorum diminutionem postulet; interim verò diuino patrocinio destituatur: Ita enim plerumque animaduersum est, & ex ecclesiastica traditione notum, eos à Deo derelictos, infeliciter gubernasse, aut vitam infelicer finisse, qui ecclesiasticam immunitatem multùm expugnarunt, aut violarunt.

Nunc ad declarandum assertionis sensum exempla quædam afferemus. Primum & notissimum est, si exactiones, collectæ, angariæ, seu vehiculares, aut similes præstationes personis ecclesiasticis indicantur, cõtra earum priuilegia & immunitates vtroque iure stabilitas, videl. in Authen. Cassa C. de sacrosanctis Ecclesijs, & in l. 1. Auth. Item nulla Cod. de Episc. & clericis. c. non minùs 4. c. aduersus 7. de immunit. ecclesiar. c. 3. cod. in 6. c. quamquam 4. de censib. in 6.

Alterum. Si leges seculares poenam aut inhabilitatem quancumque, decernant, comprehendendo etiam personas ecclesiasticas, ob delictum proprium, aut parentum. Videl. si statuto municipali cautum sit, vt filij ex illegitimo concubitu nati intestabiles existant, eorumque bona post mortem ad secularem fiscum deuoluantur. Hæc lex clericos & Religiosos obligare non potest, cum po-

nalis

malis & coactiva sit. Quod sanè extra controversiam est, si loquamur de bonis ex quacunque causa acquisitis post susceptum clericatum: quippe quæ nec per se, neque ratione personæ possidentis, seculari magistratui subiectæ sunt. Sed idem quoque sentiendum de bonis ante clericatum æquisitis: Si quidem in casu isto bona illegitimè nati dici non possunt per se, seu reali aliquo vinculo obligata fisco, sed duntaxat per accidens, & in ordine ac dependentia ad personam, si ea in subiectione vsque ad mortem perseveret. Sin autem persona à seculari magistratu per clericatum eximatur, eximituretiam res: Præsertim in hoc casu, cùm statutum illud proprium effectum suum nõ assequatur, aut exerceere possit ante mortem illegitimè nati. Qua de re videri potest, quæ hic scripsit Felin. n. 79. & n. 101.

Tertium. Statutum magistratus secularis, quo decernitur, vt si quis incolarum bona sua ex ciuitate aliò transferat, partem aliquam v. g. decimam fisco, aut Communitati soluere cogatur, ecclesiarum aut ecclesiasticarum personarum bona comprehendere non potest, ob defectum potestatis statuendi de his bonis, atque in præiudicium ecclesiarum, & ecclesiasticarum personarum, sicuti copiosius tradit Abb. hic in repet. c. n. 38. 39. Simile statutum est, si quis ciuium filiam, aut filium Religionem ingressurum dotauerit, vt partem detrudere Magistratui liceat: Aut, si quis ad piam causam legauerit, aut donauerit, vt partem aliquam publicæ fabricæ applicare necesse sit. Cuiusmodi statuta nulla etiam consuetudine stabiliri posse, post Hostiensis statatur hic Felin. num. 94. ex cap. 1. de consuet.

Quartum. Statutum, vt si quis incolarum vitâ excedat, aliqua pars bonorum eius loci Domino applicetur, tamen si ponamus respectu secularium subditorum iustum esse posse, tamen respectu clericorum iniustum est, & ipso iure irritum, atque ecclesiasticæ libertati penitus repugnans, vti per se, & ex dictis patet.

Quintum. Si municipali v. g. statuto decretum reperitur, vt qui Religionem in-

grediuntur, ab hæreditate excludantur, vel vt parte aliqua hæreditatis, aut vitalitio contenti esse debeant. Ita Abb. in repetit. huius c. n. 35. Felin. nu. 78. Gaill. cit. obs. 32. nu. 4. Tale enim statutum retrahit à Religionis ingressu, siue facit homines timidores, & impeditos magis, ne ingrediantur, ait Felin. ibid.

Sextum. Si statutum municipale sit, vt res immobiles æquæ ac mobiles triennij spatio vsucapiantur, irritum est in ordine ad personas ecclesiasticas. Idque in Camera Imperiali decisum esse, testatur Gaill. cit. obseruat. 32. ob regulam, quod *statuta laicorum non ligent clericos, cum sint contra libertatem ecclesiasticam*. iuxta Auth. Cassâ, vbi Bartol. & alij C. de SC. ecclesiis.

Septimum. Si statutum simpliciter ac generatim disponat, vt res immobiles non liceat alienare in extraneos aut non subditos, nõ extendit se ad clericos seu ecclesiasticos, vti ex communi docet idem Gaill. ead. obs. 32. n. 3. Idque, sicuti & alia suprà posita exempla multo magis locum habent, si eiusmodi statutum onerosum specificè disponat contra ecclesiasticos, vt ipsis vendere v. g. non liceat, prout constat ex 1. assert. & habetur expressè in c. vlt. de immunit. eccles. in 6. tametsi Gaill. n. 6. oppositum defendere conatus sit, post Baldum super hoc c. n. 6.

Porro ex dictis declarationibus colligi potest, quo sensu dicant DD. communiter cum Bartol. in cit. Auth. Cassâ, & in l. 1. §. Quæ onerandæ, ff. quarum rerum actio non datur, & videre licet apud Suarez de immunit. eccles. cap. 22. n. 11. Ea statuta contra libertatem ecclesiasticam censeri, quibus clerici timidores rediunt. Quemadmodum enim, quæ à seculari potestate commoda, fauores ac priuilegia clericis conceduntur, clericalem statum cohonestant, ipsos Clericos seu ecclesiasticas personas animant, & ad officia sua erga populum fidelem alacrius obeunda excitant, aliòsque plures ad statum clericalem amplectendum prouocant, ita vice versa, onera & grauamina, quæ laicorum statutis ac præceptis, personis ecclesiasticis seu directè, seu indirectè atq; in effectu, infe-

nuntur, Clericorum, seu ecclesiasticorum, statum dehonellant, & ignobilem ac despectum reddunt; Clericorum animos contristant, ac deiciunt, aliosque à statu clericali seu ecclesiastico absterrent. Quemadmodum enim libertas & immunitas homines ornat & extollit, ita contraria seruitus ac subiectio eosdem deprimit, uti colligitur ex cap. 1. in princ. de immunit. eccles. in 6. ibi, *Libertatem & immunitatem ecclesiasticam ledere ac minuire, tanquam honoris & privilegii ecclesiarum inuidi moluntur.* Etenim ad conseruandum Ecclesiæ decorem, & officiorū ac Sacramentorum dignitatem, Desq; ac Christi augēdum honorē, necessaria est semperq; fuit immunitas, ac libertas ecclesiasticorum, quæ proinde à piis Principibus frequenter agnita, legibus stabilita, à summis Pontificibus confirmata & præcepta est; & idcirco non nisi impie violari potest.

9 Id quoque hoc loco animaduertendum, quod ecclesiastici, eorūque bona siue reditus ecclesiastici Magistratui subiecta sint, qui proinde de iis disponere possunt, quandoque etiam onera imponendo, saluo tamen iure secularibus potestatibus competente, si bona, videlicet immobilia, reali aliquo onore affecta sint: Qua de re alibi agendum. Hoc autem secluso, si etiam magistratui seculari Clericos seu personas ecclesiasticas grauare concessum esset, profectò durior ac miserabilior foret conditio Clericorum, quàm ipsorum Laicorum. Id verò ab omni pietate, & Christiana traditione abhorret.

10 Corollarium. Si Principi alieni seculari priuilegium à Rom. Pontifice concessum esse ponamus, vt occurrente aliqua communi necessitate, ab ecclesiis & ecclesiasticis collectam ei exigere liceat: necesse est eum moderatè vti priuilegio, & ita vt ecclesiastici non nimis grauentur: Cùm, vt suprà dixi, alia sit eorū ratio, & conditio, quàm Laicorum: Ipsæ quoque secularis magistratus, quantumuis in hoc genere priuilegiatus sit, maiorem potestatem gerat erga laicos, tanquam subditos, quàm erga clericos, quippe quorum primordialis excom-

prio per concessum priuilegium non cessat. Denique priuilegium: ea semper conditione concessum esse censetur, vt, si temporis progressu ecclesiis nimis graue & damnosum reddatur, reuocari debeat, sicuti constat ex c. suggestum 9. de decimis.

DICENDUM TERTIO. Si leges seculares specificè non disponant de ecclesiis, aut ecclesiasticis rebus vel personis, neq; ex obiecto suo onerosæ sint, ob publicam utilitatem communiter latæ, circa materiam pertinentem ad iurisdictionem secularem, iis etiam ecclesiasticæ personæ secundum vim directiuam, non eoactiuam obligantur. Hæc est communis Doctorum sententia, teste Suarez lib. 3. de legibus cap. 34. num. 6. & tract. de immunit. eccles. cap. 16. num. 13. 20. & docui lib. 1. Theol. moral. cap. 13. vbi etiam dixi num. 6. Hanc obligationem erga Clericos directè non prouenire ex legibus civilibus, cùm: ex extra limites potestatis suæ extendi non possint, sed potius ex ecclesiastica potestate, per quam Clericis præcipitur, quod & naturalis æquitas postulat; vt proseruanda communi pace ac quiete, civilibus legibus se conforment.

Pro maiore intellectu aduertendum est: 1.º primò, Quod in assert. dixi, si leges ex obiecto onerosæ non sint. Interdum verò lex pro communi benelata, indifferens est tam ad commodum, tum ad onus afferendum personis singulis, v. g. vt masculini in successione hereditaria fœminis præferantur, vt in contractu aliquo instrumentum interueniat. Huiusmodi statuta censeri non debent ex obiecto onerosa, sicuti bene docet Abb. in repet. huius c. n. 40.

Secundò, A sacris canonibus potissimum approbatæ sunt leges communes, præsertim Imperatoris, at verò non ita approbantur specialia locorum statuta, quæ aduersus communes leges à seculari magistratu condita sunt. Ex quo colligitur, veram esse doctrinā Ioan. Imo: hæc n. 12. Abb. in repet. huius c. n. 39. Felini n. 81. contra Bart. in cit. l. omnes populi q. 5. statuto municipalit; quo solemnitates in testamento ultra ius commune requiruntur, non obligari Clericos, v. g. vt: *ut ita*

testamentum non valeat, nisi adhibiti sint octo testes, aut nisi intra sex menses magistratui exhibitum fuerit. Quia talibus statutis, per canones non approbatis, admittitur ecclesiasticis facultas testandi secundum ius commune, sicuti alioquin testari posset. Eademque ratione non male resoluit Abb. in repet. huius c. n. 36. & in c. quod Clerici n. 32. de foro comp. ibid. Ioan. Imola n. 4. & bene docet Felin. hic n. 101. Quod statutum municipale, ut primogenitus à paterna hæreditate excludat fratres postea natos, non obliget eos, qui tempore conditi statuti Clerici erant: sed sicuti tempore Laici & subditi fuerunt: tunc enim per constitutionem ab hæreditate patris, excepta portione legitima, exclusi censentur, eo quod ius primogenituræ, vi statuti, statim acquisitum sit primogenito.

Sed alia est ratio de legibus communibus, maximè Cæsareis. Sic enim DD. apud Abb. in repet. huius c. n. 18. statunt, quod Clericus, si hæres institutus inuentarium non fecerit, ultra vires hæreditatis cõdemnari possit in externo foro, ex l. vi. C. de iure deliborandi. Præterea, si Clericus hæres institutus, intra annum postquam à iudice monitus est, voluntatem defuncti non impleat, priuabitur hæreditate, iuxta Authent. Hoc amplius, Cod. de fideicom. Expeditius tamen est dicere, Auth. illam iure canonico receptam & stabilitam esse, atque ad eius imitationem canones editos, quibus Clerici obligantur, c. si hæres 6. de testam.

14 Secundò aduertendum, maiorem cõm fauorem, tam exemptionè à legibus ciuilibus, competere ipsis ecclesiis & causis piis, quàm Clericis in particulari. Quandoquidem causa publica fauorabilior est, quàm priuata; & illa per se ipsam magis directè & propinquè ad Dei cultum refertur. Inde colligitur veram esse doctrinam Abb. in cit. c. quod Clerici num. 26. Felin. super hoc cap. num. 82. Licet respectu Clericorum, seu ecclesiasticarum personarum particularium vim habeant leges Cæsareæ, quibus irrita v.g. redditur donatio facta supra solidos aureos 500. absque iudicis auctoritate, non item vim ha-

bere, respectu ecclesiæ aut causæ piæ, puta si pauperibus, aut xenodochio donatio facta sit. Simili ratione, tamen si testamenta secundum ius Cæsareum, minùs solemnia irrita sint eorum respectu, quæ Clericis seu personis ecclesiasticis relicta sunt, tamen comparatione eorum, quæ ad causas pias relicta, nulla ciuiliū legum solemnitas necessaria est: quia causa animæ, & causa Dei, quæ hic proximè agi censetur, adeo fauorabilis est, ut nulla constitutione ciuili, supra ius naturale, & gentium, restringi debeat, uti hic in repet. c. notauit Abb. num. 18. Felin. num. 83. cum Glossa in c. ead. esset 10. ver. improbamus, de testam.

Sed quid sciendum de ipsis Clericis, si testentur in terris Imperij, vel alio regno, in quo septem testes ad testamenti valorem, aut saltem quinque ad alterius voluntatis requiruntur, num & ipsi ead. lege adstringantur? Negant aliqui, quos secutus est Suarez de immunit. eccl. cap. 16. in fine. Sed contrarium magis placet, quod tradidit Abb. in repet. huius cap. num. 45. Lud. Mol. tract. 2. de iust. disp. 133. num. 8. Non valere testamentum Clerici conditum in terris Imperij, si solemnitates Cæsareæ iuris adhibuit non sint. Et hæc sententia in praxi obseruatur.

Porro quod dictum est de legibus & statutis publicis, idem quodummodo dici potest de statutis & pactis familiaribus. Si videl. vnius familiæ agnati inter se cum secularis Principis approbatione pacificentur, ut nemo etiam ex hæreditibus suis, absque aliorum & familia consensu, notabile quippiam donare aut legare possit, ita videl. ut hæredes, qui ipsimet pacti sunt, non aliter ad hæreditatem, ultra portionem legitimam, admittantur, nisi prius iuramentum seruandi statuti præstiterint. Talis pactio siue statutum firmum erit quoad causas profanas, etiam ipsas Clericorum personas particulares, si ijs donatio aut legatum non inuitu Ecclesiæ fiat. Non valebit autem statutum in præiudicium Ecclesiæ, siue non eo se extendere poterit, ut neque ecclesijs aut causis pijs quispiam ex bonis propriis non reui-

requisito aliorum consensu, donare aut legare possit, sicuti iure naturali & communi concessum est.

Cæterum si aliquis bonis suis, de quibus liberam disponendi facultatem habebat, vinculum apponat per fidei commissum, ut alienari extra familiam non possint, sed semper ad familiæ primogenitum, aut maiorem natu v.g. pertinere debeant, id omnimodè observandum, ita ut alienatio neque in ecclesiarum favorem fieri queat.

Tertiò aduertendum, in politicis contrariis, atque iudiciis contra laicum institutis in foro civili, valde conueniens, imò necessarium esse, ut clerici vnà cum laicis, inter quos degunt, eisdem legibus & statutis obligentur, prout videre est apud Hostiens. in summa de testam. §. Quomodo conficiantur, vers. verum Gl. in c. quod clericis 9. vers. aliquos de foro compet. Imolam hic n. 11. Felin. n. 81 casu tertio. Quandoquidem idem quoque observatur in extraneis seu non subditis, si alicubi contrahant, aut litigent, ut eiusdem loci leges aut consuetudines observare debeant, l. si fundus & ff. de euictionibus, vbi dicitur, inspiciendam esse consuetudinem loci, in quo contractum est. Imò hæc ipsa etiam dici debent de ecclesijs, si earum nomine contractus aut iudicia exerceantur in foro civili, seruandas esse leges & consuetudines eiusdem fori, dummodò iustæ & sacris canonibus repugnantes non sint. Quia hoc in casu ecclesia emens v.g. prædium, perinde se habere censetur, ac persona particularis: dummodò salua interim maneant iura specialia & privilegia ecclesiarum, v.g. ut in integrum restitutionem petere possint, si læsæ sint.

Restat, ut pars altera tertiæ assertionis declaratur, videlicet civilibus legibus, quæ ex obiecto non onerosæ, ob publicam Reipubl. quietem communiter lætæ sunt, Clericos non obligari secundum vim coactivam, id est, ut ad eiusmodi legum observationem cogi possint à magistratu seculari per citationem, condemnationem, sententiæ lætæ executionem, multæ impositionem. Nam tales actus iurisdictionis coactivæ exerce-

ri non possunt, nisi erga personas subditas: Clerici autem subditi non sunt seculari magistratui, sed notoriè exempti & liberi.

Atque hæc ipsa immunitas, si rectè aduertimus in hoc cæcundum præcipuum Innoc. III. Pontificis intentionem, defensa fuit. Non enim negavit Papa, possessionem ecclesijs & personis ecclesiasticis auferendam esse, si scienter eas esse litigiosas auerint, aut per aliam contractus speciem sibi compararint, vti statutum est in lege vltima, Cod. de litigiosis; Imò constitutionem istam ipsemet Pontifex in tali causa approbavit lib. 2. decret. tit. Vt lite pendente nihil innovetur, c. ecclesia 1. & 2. Sed aliud est, quod hic damnavit Innocentius III. videlicet Senatorem vrbis executionem eius legis etiam erga ecclesias facere ausum fuisse, cum tamen huiusmodi actus iurisdictionis coactivæ ad Iudicem ecclesiasticum propriè spectare debeat.

NOTANDUM II. Sententia Iudicis, quæ fertur parte non citata (præterquam si res notoria sit, ut nulla tergiversatione celari possit, quamvis & tunc citatio plerumque fieri debeat ad audiendam declarationem de notorio) vel non data copia defensionis parti, quippe cum defensio iure naturali debeat, ut quæ lata est sine cognitione causæ, pro irrita haberi debet. Ita sumitur ex hoc cap. in fine, & dicendum de his subsidiis in lib. 2. decretal.

CAPITVLVM XI.

Ex literis.

PARAPHRASIS.

Cum quidam Magistri, seu Professores Vniuersitatis Parisiensis antiquas & laudabiles Collegij consuetudines transgreduntur, Collegium Magistrorum interposito iuramento statutum edidit, ut si quis ex Magistris seu Professoribus ordinationi totius Collegij resisteret, & tertio monitus non pareretur, ex eo tempore Collegij cōmunionem, & magistratibus actibus priuaretur. Postea in talē ordinationis eiusdem transgress-

transgressionem cum contumacia iuncta incidit Guilielmus Magister, quæ proinde Vniuersitas Magistrorum à societate sua & Magistratibus excluderunt, sed quia is postea à contumacia recedens satisfactioni condignæ se obtulit, dubitabant Magistri, an Guilielmum, non obstante iuramento eorum, recipere possent ac deberent. Respondit Innoc. III. Post debitam satisfactionem restituendum esse: cum enim in statuto expressum non fuerit, ut pœna exclusionis seu priuationis à contumacibus incurra perpetua esset, intelligi debere secundum ius commune Canonicum, ipsumque stylum seu consuetudinem Curie Romanæ, ut pœna contumacibus infligenda duret, donec à contumacia recesserint.

SUMMARY.

1. Collegium Magistrorum artium & scientiarum possunt edere statuta iurisdictionalia, pertinentia ad professionem.
2. Potest Collegium ob crimen commissum priuare communionem reliquorum Collegiarum, saltem ad tempus, & iure ordinario: priuatio perpetua plerumque reservata est Vniuersitatis Rectori.
3. Pœna priuationis propter alicuius contumaciam lata, non expressâ eius perpetuitate, dependet à contumacia, ita ut hac cessante, etiam illa cesset.
4. Particulare statutum recipit interpretationem à iure communi, & stylo curiæ, qui ius facit.
5. Contumacia transiens in specificum debitum priuatione perpetua, post repitam uocationem & admonitionem puniri solet: quæ tamen si reservata non sit, per ordinariam dispensationem aut remissionem tolli potest.
6. Pœna ob aliud crimen absolutâ per sententiam definitam in iudicio illata, videtur esse perpetua, saltem donec condemnatus restituatur.
7. Si in aliquo Collegio aequali numero scin

potestare sint Clerici & Laici, illud censeri debet Ecclesiasticum.

2. In Vniuersitatibus studiorum creandus est Rector Clericus, ut in Studiosos Clericos habeat iurisdictionem.
9. Iuramentum appositum actui intelligi debet secundum naturam eius.

NOTANDUM I. Collegium Magistrorum artium aut scientiarum liberalium statuta edere possunt, pertinentia ad professionem suam. Ita sumitur ex hoc c. verborum ad Vniuersitatis, unde id Canonistæ hic communiter colligunt, & Syl. ver. lex 44. Item ex l. vlt. C. de iurisdictione omnium Iudic. & ex Auth. Habita C. Ne filius patre. Videri potest Abb. hic n. 1. & n. 7. Felin. n. 5. ubi resoluunt, Licet Collegium seu Vniuersitas Magistrorum caput seu rectorem non habeat, quod nihilominus ipsi corpus, seu omnes collectivè sumpti iurisdictionem habeant in singulos à collegio, eoque delinquentes punire possint, sicuti etiam Imola hic annotauit n. 5.

Suarez tamen lib. 4. de legibus cap. 6. n. 13, aliter intelligit, sermonem in hoc c. non esse de statuto alicuius iurisdictionis, sed fidelitatis ob mutuum pactum & interpositum iuramentum, ob verba ea, *Licet à vobis fide prestita fuerit constitutum*. Sed magis placet intellectus Glossæ summarizæ hic Imolæ n. 1. fuisse verum statutum ex iurisdictione proveniens, iuramento confirmatum, ut postea iterum dicam.

NOTANDUM II. Collegium v. g. magistrorum seu professorum, collegam ob commissum crimen eiusmodi pœnæ proportionatum, priuare potest communionem ipsorum, & excludere à facultate & actibus communibus, videl. conuentibus, consiliis, examinationibus, Doctorum creatione, publicâ professione, Ita ex hoc c. colligunt Ioann. Andr. num. 10. Abb. n. 3. Imola n. 2. Inspicienda tamen sunt cuiusque Vniuersitatis originalia statuta, privilegia, consuetudines. Plerumque enim eiusmodi exclusio seu priuatio, præsertim si in perpetuum inseratur, supremo Vniuersitatis rectori aut

gubernatori reservata est. Videri etiam potest Felinus hic n. 7. quando resoluit, cum Bartolo in l. sed & reprobari 7. ff. de excusatorum, non tantum Medicum, postquam semel approbatus à Republ. fuit, iterum ex causa iusta reprobari posse, ut dicitur in ea lege, sed etiam alios Doctores & Magistros, si postea intelligatur, imperitos esse atque ineptos, similiterque Curatos, etsi ad unam vel alteram ecclesiam habiles declarati sint, posse nihilominus si ad aliam ecclesiam denuo presententur, quamvis ea qualis aut minoris curæ sit, atque per accuratorem inquisitionem inhabiles reperiantur, reprobari. Sed neque prohibetur Episcopus, præsertim ex causa, Parochum examinatum & approbatum, denuo examini subijcere: Quandoquidem qui idoneus fuit, per socordiam, aliamque causam, inutilis fieri potest.

- 3 NOTANDUM III. Si poena privationis contra aliquem propter eius contumaciam lata sit, & non expressum, ut esset perpetua depositio ac remotio, censeri debet dependens à contumacia, ita ut eà cessante, poena remitti, aut tolli debeat. Ita sursum ex hoc c. vers. *Quia tamen*, ubi duplex ratio adijcitur: *Cum tam iuris canonici, quam nostri moris sit, ut is, qui propter contumaciam communionis privatur, cum satisfactionem congruam exhibuerit, restitutionem obtineat.* Ex quo colligunt hic Canonistæ, nominatim Abb. n. 5. quod particulare statutum recipit interpretationem à iure communi, propter favorem eius; Item à stylo seu consuetudine Curæ principali: quia etiam stylos Curæ ius facit, c. quàm gravi 6. de crim. falsi. Discrimen verò est, quod si statutum fori seu iurisdictionis ecclesiasticæ sit, interpretari debeat secundum ius commune canonicum, & styllum Curæ Romanæ, uti hic apparet: Sin autem fori seu iurisdictionis secularis, interpretandum est secundum ius commune, & styllum Curæ regni, sicuti cit. loco admonet Abb. Addendum tamen est, magnam quoque in interpretatione statutorum habendam esse rationem consuetudinis cuiusque loci: quia
- 4

communitas statuendo non censetur facile recedere velle ab antiquo tempore observatis & non reprobatis consuetudinibus, nisi id significet, argum. c. cum consuetudinis 9. de consuetud. l. 2. Cod. Quæ sit longa consuetudo.

Interdum verò contumacia transit in specificum delictum, v. g. non residentes in ecclesia, post repetitam vocationem, & admonitionem, tunc privatio in perpetuum per modum absolutæ poenæ inferri solet, ut constat ex c. ex parte, & pluribus sequ. de cler. non resid. Potest tamen etiam talis poena, si reservata non sit, per ordinariam dispensationem seu remissionem tolli, ut hic annotavit Felin. n. 18. & docui lib. 1. moral. Theol. tract. 5. p. 3. cap. 4. prope finem. Sin verò poena ob aliud crimen absolutæ lata sit, v. g. exilij, & nihil adiectum, videtur esse perpetua, saltem donec revocetur, seu condemnatus restituatur, teste Gl. hic ver. in perpetuum, Abb. n. 10. Imola n. 7. Quod tamen limitari debet cum eod. Abb. cit. n. 10. Henr. Boich in fine huius c. Si magistratus extra iudicium, vel non præmissa causæ cognitione, interlocutorie alicui prohibet, v. g. suæ artis exercitium, aut bonorum administrationem, eiusmodi præceptum non extendi ultra tempus, quo Magistratus iurisdictionem retinet, uti constat ex l. ult. ff. de poenis, iqn. Gl. ver. administrationis.

NOTANDUM IV. Si in aliquo Collegio 7 sunt tum clerici, tum laici, æquali seu numero seu potestate, uti accidit in Collegio Magistrorum siue Professorum, censeri illud debet ecclesiasticum: quia pars dignior trahit ad se partem minus dignam, siue, ut alijs verbis dicam, partis potioris maior ratio haberi debet. Ita sumi potest ex isto c. & docet hic Imola n. 4. Abb. n. 4. post Bartolum in l. ult. C. de Collegiis illicitis, quæ admonet n. 13. In Universitatibus studiorum erigendum esse Rectorem clericum: quia si laicus esset, nullam exercere iurisdictionem posset in studiosos clericos, sed ij à potestate eius exempti forent.

NOTANDUM V. Juramentum appositu 9

admi.

actum, intelligi debet secundum naturam eius: Quod alijs verbis dici solet, Iuramentum sortiri naturam & conditiones actus, cui adijcitur, quemadmodum 25. de iur. iur. & colligitur ex hoc e. quando Pontifex respondet, fidem præstitam seu Iuramentum non obitare, quò minus statutum de contumacis exclusionem intelligatur, sicuti suapte natura & secundum conditiones iuris intelligi debet, donec à contumacia recessum sit. De hac re dixi etiam supra in cap. eum M. except. 3. hoc tit. Videri etiam possunt, quæ ex eod. fundamento docui lib. 4. Theol. moral. tract. 3. cap. 9. coroll. 2. Quòd iuramentum præstitum circa maiorem iuris, interpretandum est secundum sermone iuris, neque ultra extendendum.

CAPITVLVM XII.

Ex parte.

PARAPHRASIS.

Canonici Ecclesiæ Eduensis. statutum ex antiquo tempore præbendarum numerum diminuerunt, licet redditus diminuti non essent. Episcopus Eduensis id Honorio III. proposuit, qui re intellectâ Cabilonensi Episcopo & Cantori mandauit, ut auctoritate Sedis Apostolicæ antiquum præbendarum numerum restitueret, id est quæ quas vacare intellexerint, adhibito consilio Episcopi Eduensis, personis idoneis conferant: non obstante, quòd confirmatio aliqua à Sede Apostolica de præbendis minuendis impetrata fuerit.

SUMMARYM.

1. Numerus præbendarum antiquitus definitus ob solum redditum notabile decrementum minui potest.
2. Non valet Clericorum statum & patrum: quod cedit in cultus diuini diminutionem.
3. Etiam si à Papa confirmationem accepit.
4. Beneficia Ecclesiastica personis idoneis conferri debent.

5. Mandatum de expediendo negotio cum consilio alterius non irritat actum expeditum sine consilio persona, si illud adhiberi non potuit.
6. Secus est, si consilium persona adhiberi potuit.
7. Et hoc non tantum intelligendum de mandato & commissione ab homine, sed etiam de commissione concessa à lege, qua intrinsicè modificata irritat actus, conditione aut modo non obseruato.
8. Nisi solemnitas aut conditio leuissit, aut ad negotii naturam intrinsicè non pertinet, aut iudici, cui vniuersitas causarum absolute commissa fuerat, nonum præceptum de iur. consilio aliter adhibendo.

NOTANDVM I. Numerus præbendarum antiqua constitutione, aut consuetudine definitus, diminui non potest: præterquam si redditus notabiliter decreuerint. Ita hic, & in eod. M. supra hoc tit. Et breuiter hic tradit Abbas num. 2. Per argumentum à sensu contrario notandum esse cum Gl. ver. immutari, quòd data diminutione reddituum, possunt Canonici, etiam sine auctoritate Papa, restringere numerum præbendarum, ita ut præbende suppressæ non conferantur amplius vacare: Et intelligo, quòd hoc faciant cum auctoritate Episcopi. Item hic docuit Imola. n. 2. & dixi iussu in eod. cap. eum M.

NOTANDVM II. Non valet clericorum statutum (sicuti neque pactum) quod in cultus diuini diminutionem cedit. Nam statutum debet esse rationale, ecclesiæ utilitatis, non damnosum: Nihil autem magis ecclesiæ damnosum, & irrationabile censeri debet, quàm si cultus diuinus, adeoque Dei honor & animarum spiritualis profectus minuat: Imò personæ ecclesiasticæ ex uocatione sua, & officij obligatione, tam in publicis, quàm priuatis actionibus, eo maxime, tanquam ad principalem scopum suum, spectare debent, ut cultus diuinus, & quæ inde sequi solet animarum salus, augeatur. Consentit eod. inter 3. eod. venerabilis 2. de consuet.

De pacto, quamvis iurato, si in cultus divini diminutionem cedat, irritum esse, constat ex c. si diligenti 12. de foro compet. quo habetur, quod privatorum ex pactis, etiam iuratis, iure publico derogari non possit.

3 NOTANDUM III. Eiusmodi statutum non valet, tamen si à Papa confirmationem acceperit. Ita hic dicitur, & notatur Gl. ver. confirmatione, dans duas rationes. I. Quia confirmatio, si fiat in forma communi, non dat actui valorem, c. cum dilecta 4. de confir. vtili, vbi dici solet, quod *qui confirmat, nihil dat de nouo, quia quod non est, non confirmatur*. II. Quia confirmatio ex ignorantia emanauit, cum à Capitularibus dissimulatum fuerit, præbendarum numerum antiquo statuto definitum, eorumque redditus diminutos non esse.

4 NOTANDUM IV. Beneficia ecclesiastica personis idoneis conferri debent. Ita hic mandat Pontifex Honorius III. in fine c. Et addit Gl. ver. idoneis; Tamen hæc conditio expressa non est, tamen subintelligendum fore; cum iure communi insit, c. causam quæ 8. de elect. c. 2. de rescript.

QUÆRUNT hic DD. circa verbum *cum consilio Episcopi*; Sicutui mandetur, vt negotium expedit adhibito consilio alterius, sicuti hic Papa mandauit, vt præbendæ vacantes personis idoneis cum consilio Episcopi conferrentur; Commissarius autem, seu mandatarius consilium personæ non adhibeat, num firmum sit, quod ita actum est: Respondeo, ex doctrina Imolæ hic, Abbatis, & Felini, post Bartol. in l. 1. §. si plures, ff. de exercitat. actione, & Dico I. Si consilium personæ adhiberi non potuit, quia mortua est, aut absens, & rogata accedere non vult, negotium autem dilationem non patitur, in hoc casu valet actus, expeditus etiam sine consilio personæ. Nam mandatum superioris intelligi ita debet, vt sit conforme iuri communi, vti colligitur ex c. præced. Atqui secundum ius commune canonicum, si consilium alicuius adhibendum sit, idque adhiberi non possit, sine eo procedere licet, c. cum in veteri § 2. de elect. c. vn. §. ult. Ne sede vacante &c. in 6. Ergo idem sentien-

dum de mandato, seu præcepto hominis, siue superioris.

Dico II. Si in tali casu consilium personæ adhiberi potuit, non valet actus, qui absque consilio gestus fuit, iuxta cit. c. cum in veteri, ian. Gl. ver. expectatum, vbi bene addit, non satis esse petere consilium, sed etiam expectandum esse responsum: quia verba mandati ita intelligi debent, vt frustraneum non sit. Probat assertio ex eo, quia non obseruatà formā mandati (sic ad rem propinque pertinens, veluti substantialis censi possit) non valet mandatum, l. diligenter 5. ff. mandati. Atqui consilij auditio multum refert ad negotij expeditionem, cum sæpe aliter & quidem rectius ageretur, si viri sapientis consilium audiretur. Ergo expressa in commissione conditio, vt negotium expeditur cum consilio alterius, censi debet intrinseca, & substantialis.

Adde, quod dictum est de commissione ab homine facta, idem quoque sentiendum de commissione, v. g. iurisdictione aut simili potestate, concessa à lege, si videl. commissio intrinsece modificata sit, irritum fore actum, si conditio aut modus non obseruetur: v. g. si iudici per statum municipale forma præscribitur iudicandi, adhibitis quatuor consiliarijs.

Sed aliter dicendum est, si solemnitas, aut conditio, seu à lege, seu ab homine, præscripta, levis sit, aut ad negotij naturam intrinsece non pertinens, sicuti annotauit Bartol. in cit. §. si plures n. 13. Felin. hic n. 8. Exempli causa, si præcipiatur, vt negotium intra dies xx. expeditur, valebit, et si postea expeditum sit, nisi expresse adiectum fuerit, vt alioquin non valeat. Alter quoque dicendum, si iudici v. g. cui antea vniuersitas causarum, iure ordinario aut delegato, absolute commissæ fuerat, nouum præceptum detur siue ab homine, siue à lege, vt in tali casu seu tali causarum genere adhibeat consilium viri sapientis. Non ideo enim iudicis processus aut sententia irrita iudicabitur, quod consilium non adhibuerit: cum non debeat esse præsumptio, quod concessa alicui potestas per superuenientis præceptū

anseratur, aut minuat, nisi id expressum sit. Et alioquin in dubio actum quemlibet ita interpretari convenit, ut valeat potius, quam ut pereat, c. Abbate 25. de verb. signif. Quamobrem in eiusmodi casu, præceptum de forma aut conditione seruanda in expeditione alicuius negotij, est quidem obligatorium, sed non irritans actum, si modus obseruatus non sit.

CAPITVLVM VLT. Quoniam.

PARAPHRASIS.

Gregorius IX. Constitutionem edidit, ut Clerici, qui in sacro ordine sunt, maiores redditus percipiant, & ut Clerici inferiores superioribus subditi sint, atq; obsequia præstent. Sed dubitatum fuit, vtrum hæc constitutio correctoria consuetudinis seu obseruationis inter Clericos recepta, extenderetur etiam ad Clericos antea promotos. An verò tantum locum habeat in Clericis post eam constitutionem promouendis. Respondit Gregorius, non extendi ad Clericos antea promotos & institutos, quia leges seu constitutiones futuris negotijs formam præscribunt, non autem ad præterita trahi debent, nisi expressè de præteritis cautum fuerit. Ita etiam habetur in l. leges 7. C. de legib.

SVMMARIVM.

1. Romanus Pontifex ecclesiasticis decretis omnes Christianos obligat.
2. Lex debet esse clara, & non ambigua.
3. Legem dubiam interpretari cum auctoritate, ad Principem spectat.
4. Constitutio, in qua exprimitur, quòd ad præterita negotia extendi debeat, præterita quoq; negotia comprehendit, nisi ea iam dicta sunt transactioe, sententia, solutione, vel iuramento.
5. In qua exprimitur, quòd ad futura tantum referri debeat, ad præterita extendi non potest.
6. Constitutio, qua absolue fertur, nullà factà mentione præteritorum aut futurorum, si est merè interpretatiua seu de-

claratiua, ad præterita extenditur.

7. Si est irritans, ita ut actum nulli declaret, comprehendit actus etiam præteritos.
8. Idemq; est, si irritans est, ut actum rescindat. Si autem lex decernendo imperat, ne actus validus sit, v.g. nouā formā præscribendo contractus, ad præteritos actus vel contractus extendi non debet.
9. Testamento condendo, si per legem aut statutum noua forma præscribitur, an extendi debeat ad testamenta antè condita, ex verbis Constitutionis colligendum est.
10. Si lex sit, propriè dispositiua, nihilq; in ea expressum, an ad præterita extendi debeatur. & de ipso facto, aut modo & forma faciendi disponat, non ex iudicio ad præterita: sedus est, si de executionis processu vltioris negotij capiti, modoculi omnino, vel maior ita statuenda ratio reperitur in præterito, qua in futuro.
11. Intelligenda est l. 23. ff. de legib. cum lex in præteritum aliquid indulget, in futurum verat: de venia delicti non extendenda ad delinquentes in futurum, ne præbeatur peccandi occasio.

NOTANDVM I. Romanus Pontifex per ecclesiastica decreta Christianos omnes obligare potest, cum ipse à Christo Domino, cum Apostolica auctoritate, constitutus sit Pastor omnium fidelium. Ita hic in princ. Quoniam constitutio Apostolica Sedes omnes adstringit, & in cuncta permittit 17. & 18. causa 9. q. 3. Quare qui subtrahit ab obedientia Pape, consequenter se subtrahit ab omni Christi: quæ est species quædam apostasiæ in Christianis, siue iis qui per Baptismum in Christi omne suscepti sunt, vti videre licet apud S. Thom. 2. 2. q. 12. a. 2.

NOTANDVM II. Legem oportet esse clarā, 2. & nō ambigūā, siue, ut hic dicitur, nihil debet obscurum vel ambiguum continere. Quamobrem notat Abb. hic n. 2. quòd transgressio legis dubiæ, aut obscuræ excusat, propter probabilem eius ignorantiam. Idq; maxime locū habet, si obseruatio, aut DD. persuasio assistat operati cõtra verū sensum legis, prout annotauit Gl. in c. vn. ver. de cetero, de postul. Prælat. in 6.

NOTANDVM III. Legem dubiam cum au-

G

thori-

fortitate interpretari, ita vt interpretatio necessaria & generalis sit, ad Prinej em spectat, l. leges 9. & seqq. C. de legibus, & c. inter alia, 3. 1. de sent. excomm. *Ut unde inu prodit, interpretatio quoque procedat.* Dixi de hac re lib. 1. Theol. moral. tract. 4. c. 18. n. 1.

NOTANDUM IV. Constitutio, siue lex futuris negotiis formam, modumque præscribit, ad præterita autem se non extendit, nisi nominatim de præterito tempore, & adhuc pendentibus negotiis cautum sit. Hoc est principale huius c. intentum, & sumptum est ex l. leges 7. C. de legibus. Pro maiore intellectu, distinguendum cum Anton. de Butrio hic n. 15. Abb. n. 9. & seqq. post Bartol. in l. omnes populi q. 5. n. 39. ff. de iust. & iure; Vel in constitutione exprimitur, quod ad præterita negotia extendi debeat, vel exprimitur, quod ad futura duntaxat referri debeat, vel absolutè fertur, nulla facta mentione præteriorum, aut futurorum. In primo casu, constitutio præterita quoque negotia comprehendit: Sed excipi debet, nisi etiam decisa sint transactio, sententia, solutione, vel iuramento, sicuti docet Bartol. cit. loco n. 40. & constat ex l. causas 16. C. de transact. (vbi bene rem explicat Iason nu. 3.) l. contractus 16. C. de fide instrumentor. l. vn. C. de contractibus Iudicum, in fine. Ratio est, quia nunquam presumendum est, quod Princeps seu Magistratus ius alteri quæsitum auferre velit, iuxta c. 3. iun. Gl. ver. intentionis, de decimis, imò neque potest id statuere, aut decernere, nisi ex graui causa, iuxta ea quæ suprà docui in c. Quæ in ecclesiaram 7. hoc titulo.

Ampliari debet exceptio primò, Et si causa siue lis iudiciaria non omnino absoluta sit, sed pendens per appellationem, quod terminari ac finiri debeat secundum leges vigentes tempore latæ sententiæ in prima instantia, & non secundum leges postea emanantes, licet in ijs expressum sit, vt ad præterita etiam extenderetur, iuxta Auth. Vt cum de appellatione cognoscitur, & c. Cuius rei ratio dari debet, quia Iudex appellationis veluti succedit in locum iudicis à quo, seu pri-

ma instantiæ, neque decet, vt quod ille rectè iudicauerat, improbet, aut retractet.

Ampliari debet secundò, Tametsi causa seu lis iudiciaria necdum decisa sit, sed tantum coapta & adhuc pendens coram Iudice, terminanda non est secundum nouiter emanatam constitutionem aut iurisdictionem Principis, sed secundum leges & consuetudines antiquas, iuxta Auth. In medio litis sacras iurisdictiones non fieri, collat. 8. §. Si verò dum causa: Ratio dari debet, quia partes in Iudicem consentire censentur secundum iura & leges, quæ tunc vigent, cum de futuris seu postea statuendis scire plerumq; nō possint. Exemplum dari solet: Si in aliquo regno noua datur constitutio, vt extantibus liberis masculis, feminæ excludantur à communi successione parentum nobilium, atque expressè adiectum sit, quod constitutio etiam ad hæreditates deuolutas extendi debeat, non tamen locum habet in casu, si hæreditas inter fratres & sorores diuisa tunc erat, cum lex edita esset, aut si de facienda diuisione lis pendebat coram Iudice, seu in firma instantia, seu per appellationem.

Limitari tamen hoc debet, Præterquam si statuto, aut iurisdictione Principis expressum sit, vt noua constitutio etiam ad causas litis pendentiæ extendatur. Quæ ipsa tamen extensio facienda non erit, ad causas seu lites per transactionem, aut iudicalem sententiam definitas; quod id valde incommodum & absurdum videatur, quæ penitus composita, transacta, aut finita sunt, immutare atque rescindere velle, vt colligitur ex suprà cit. l. vn. & l. fancimus 19. Cod. de sacrosanct. ecclesiis, ibi, *Quæ oportet non solum in casibus, quos futurum tempus creauerit, sed etiam in adhuc pendentibus, & iudiciali termino, vel amabili compositione non sopitis, obiners.* Et quod hic dicitur de causa finita per transactionem & Iudicis sententiam, idem quoque locum habet, si finita sit per iuramentum, aut factam solutionem v. g. hæreditatis acquisitionem, ita vt ius plene acquisitum sit. Videri potest Felin. hic n. 2. post Bartol. in l. 1. §. vlt. ff. ad Tertull.

5 In altero casu, si videlicet in constitutione expressum sit, vt ad futura tantum referri debeat, certum tunc est, ad præterita extendi non posse. Hoc enim proprium est constitutionum, saltem earum, quibus aliquid fieri præcipitur, aut vetatur, vt de futuris disponant, non de præteritis. Nam eiusmodi lex est præceptum subditis impositum, & regula operationis; quod autem præteritum est, de eo præceptum dari non potest, neque regula aut forma operandi præscribi, cum factum non possit fieri infectum. Ita rem explicat Franc. Suarez lib. 3. de legib. c. 18. n. 8.

6 In tertio porrò casu distinguendum, num lex sit interpretans tantum, num irritans seu infirmans actum, an propriè dispositiua. De lege interpretatiua, seu declaratiua dicendum, eam, si absolute lata sit, etiam ad præterita esse extendendam. Quæ est communis doctrina, vt videre etiam licet apud Bartol. in cit. *Omnes populi*, Felin. hinc. 4. Nauarr. in c. si quando except. 2. 1. n. 3. & seqq. de rescr. Suarez cit. lib. 3. c. 14. n. 2. Ratio dari debet: Nam qui ius declarat, non de nouo condit, sed quod antè positum est, denuntiat, arg. l. hæredes palam 2. 1. §. si quid ff. de testament. vbi generatim dicitur, quod qui declarat, nihil tunc dat, sed datum significat: quomobrem dicere solent DD. quod *magna obligat lex antiqua interpretata. quam noua interpretans.*

Quænam verò ex leges sint, non aliquid noui statuentes, sed quid iuris antea fuerit, explicantes, atque ideo etiam ad facta præterita trahendæ, id partim ex verbis legis colligi potest, prout exempli causa ostendit Suarez tom. 4. de relig. lib. 3. de admiss. scholarium & c. 4. n. 3. in Bulla Gregor. XIII. Papæ, cuius initium: *Quantò fructuosius, Diuina Societatem Iesv firma nostra declarationis subsidio cõmunire volentes, statuimus &c. quoscunque qui in ipsa Societate admissi, biennio probationis peracto, tria prædicta vota, tametsi simplicia, emiserint, emiserintque, in futurum, vtrà & propriè religiosis esse, & fuisse:* Partim verò colligi potest ex materia, & ratione legis: Inde enim frequenter intelligi poterit, tametsi Lex, consideratà verborum formâ,

videatur esse dispositiua & præceptiua in futurum (quia dicitur in ea, *statuimus, ordinamus, præcipimus, vt imposterum ita fiat,*) tamen reuera declaratiua esse iuris antiqui, quod imposterum, si fortè neglectum sit, in obseruationem deduci imperatur. Talia reperiuntur plurima in decretis summorum Pontificum, quæ & in vitis eorum referuntur: vt de S. Alexandro I. Martyre, quod *constituit, vt tantum panis & vinum in mysterio offerretur; vinum autem aqua misceri iussit: Idemq; decreuit, vt aqua benedicta sale admixto, perperu in ecclesiis asservaretur, & in cubiculis adhiberetur ad fugandos Demones,* Exemplum aliud habemus in c. vlt. de sponsa duorum, vbi definitur, si post matrimonium ratum, & nondum consummatum, aliud cum altera sit contractum, & consummatum, posterius esse irritum: Id verò etiam ad matrimonia, quæ ante illud Innoc. III. Papæ decretum contracta erant, referendum esse, intelligi potest tum ex materia decreti seu responsi Pontificij, tum ex ratione decernendi, quæ ibi assertur Ecclesiæ traditio, & Rom. Sedis obseruatio: tametsi verba in futurum duntaxat præcipere videantur: *In matrimonio de cetero contrahendis illud se volumus obseruare.*

Locutus autem sum de lege, quæ duntaxat declaratiua est, quòd ad præterita etiam extendi debeat: Veruntamen interdum lex non merè interpretatiua est veteris constitutionis, sed insuper pœnam transgressori adiciit, quæ antea decreta non erat, aut saltem non obseruata. Cuius rei exemplum assert. Eman. Rodriq. tom. 1. regul. qq. q. 6. art. vlt. Clemstern VIII. Pontificem in Constit. de largitione munerum, nihil noui præcepisse, sed id quod ex anterioribus canonibus, Regularibus obseruandum erat, declarasse; nouam verò pœnam adiunxisse, qua non obligabantur ij, qui ante eam Constitut. editam, in eo genere deliquerant.

Interdum verò pœnæ iam antè decrete, vltra verborum proprietatem, & ipsius iuris terminos, per nouam legem ex mera legislatoris voluntate fit declaratio extensiva, quam ad actus præteritos referre non oportet; nisi

expressum sit. Exemplum est in c. quantæ 47. de sent. excomm. vbi censura excommunicationis contra clericorum percussores lata, declarando extenditur etiam ad eos, qui delinquenti, seu percutienti consilium vel fauorem præstant, vel eum possint & ex officio debeant impedire, intermittunt: tamen si alioquin excommunicationes lætæ contra facientes, extendendæ non sint ad causas coadiuantes, vti ex communione docui lib. 1. Theol. moral. tract. 5. p. 2. cap. 5. n. 6. & videri potest Suar. lib. 3. de legib. cap. 14. n. 4. & de censur. disp. 12. sect. 4. n. 11.

Venionunc ad legem irritantem, quæ varia est, iuxta variam acceptionem verbi irritare, siue infirmare. Nam interdum in iure accipitur, vt idem sit, quod actum irritum declarare: & tunc lex irritans comprehendit etiam actus præteritos, si videlicet etiam anterioribus legibus, præfertim secundum ius naturale vetiti erant, eademque ratio irritationis in præteritis, quæ in futuris inest. Exemplum habes in l. vlt. C. de pactis, vbi irritum esse declaratur pactum de hereditate viuentis, si absque eius consensu fiat. Ex in l. penult. C. de incestis nuptiis, vbi statuitur, irritum esse iudicandum matrimonium, si contractum sit cum vxore fratris demortui, tamen si ea virgo, seu non ognita sit. Et esse hanc legem declaratoriam, colligitur ex l. vlt. C. eod. Aliud exemplum est in c. vt lex 40. causa 27. q. 1. vbi decoritur, vt quisquis post professâ continentiam, vxorem duxerit, ab ea separetur, quia matrimonium non esse censemus, ait Im. II. Papa, isq. loquendi modus satis significat, etiâ ante id in Ecclesia receptum fuisse.

Interdum verò irritare idem est quod irritum facere: Id verò duobus etiam modis fieri potest; Vel si lex actum, qui validus erat, rescindendo irritum reddat. Vt proinde in hoc sensu irritare aliud non sit, quam rescindere, quod sicut per sententiam fieri potest, vt videl. electio, vel beneficij collatio aut renouatio, si contra canonem facta sit, tamen si iure valeat, tamen in pœnam à Iudice rescindatur, ita nihil prohibet, eiusmodi irritationem seu rescissionem præteritarum v. g. electionum, fieri per legem generalem, sicut bene

annotauit Suarez cit. cap. 14. n. 11. Vel si lex decernendo impediat, ne actus validus sit, v. g. nouam formâ præscribendo, secundum quam contractus aliquis condi debeat: alioquin irritus sit: Eiusmodi legem ad præteritos actus v. g. contractus, extendi non debet, argum. huius c. vbi id annotat Anton. de Butrio n. 15. & Legistæ in suprà cit. l. leges, C. de Legibus, nominationi Bald. n. 2. Gaill lib. 2. obs. 9. n. 2. vbi aiunt, quod contractus quilibet æstimari debet secundum leges & cōsuetudines eo tempore vigentes, quo contractus est: Tum quia de futuris & superuenientibus contrahentes cogitare non potuerunt: tum quia ipsi per contractum ius ex mutuo consensu acquisitum est; quo priuari non debent.

Controuersia autem est inter Doctores, si per legem aut statutum noua forma testamenti condendi præscribatur, num ex tunc etiam debeat ad testamenta antea condita, viuente adhuc testatore, qui testamentum immutare, & secundum aliam de nouo præscrip. formam edere possit: Paulus Caltrensis in l. habemus n. 7. C. de testam. negat testamenta antea condita ea lege comprehendi, ideòq. valida censenda esse. Quod etiâ docuit Nauarr. in c. si quādo, except. 2. in l. 13. de rescript. Sed contrarium tradidit Iason in ead. l. n. 8. Felin. hie n. 1. col. 3. poit Angel. in Auth. Vt factus nouæ Constit. f. 1. Arbitror autem quā maxime attendendū ad verba constitutionis, num ea etiam ad testamenta facta referri possint. Item, nū ad ipsos testatores referantur, vt talem formā obseruare teneantur, si validè testari velint, an verò ad Iudices, vt testamēta valida non agnosceant, nisi eā cum formā condita sint. Nam hoc posteriore casu etiā ad præterito tempore scripta, a uenuncupata testamenta referri videtur, quādo quidem ea vim suam ante mortē testatoris afflicta non sunt, teste Apostolo ad Hebr. c. 9. v. 16. *Vbi testamentum est, mors intercedat testatoris necessē est. Testamentum enim in mortuis confirmatū est: alioquin nōdum ualor, dum uiuit testator.*

Reliquum est, vt dicamus de lege disponēte, ac propriè præcipiente aut vetante, si nihil expressum sit, vtrum ad præterita extendi debeat. Distingunt communiter DD. vti videro.

viderelicet apud Nauarr. in cit. except. 21, fermè tota: Vel lex disponit de ipso facto, aut modo seu forma faciendi, & non extendit ad præterita, seu quæ iam facta sunt, vti constat ex hoc c. Aut disponit de executione, aut processu vltiore negotij cæpti, tunc extenditur ad præterita. Exemplū habes in Clement. vn. iun. Gl. ver. deputati, de test. vbi statutum est, vt Religiosi, etiā exempti, si ad executionem vltimarū voluntatum deputati sint, Ordinarijs locorū executionis suæ rationem reddere teneantur. Hæc constitutio eos etiam Religiosos comprehendit, qui eo tempore deputati erant: sin autem executi tunc fuerant, nō comprehendantur: quia lex nō trahitur ad facta præterita, nisi id exprimat est. Aliud exemplum habes in c. 2. de concess. præb. in 6. vbi reprobat̃r omnis promissio, per quam datur via ad beneficium, vacaturum; ita vt ea effectum seu executionem nullam habere possit. Quæ constitutio plerique putant comprehendas etiam fuisse promissiones tum factas, sed nondum effectum consecutas, quamuis Gl. ibi contrarium docuerit, propter adiectam voculam *de cætero*. Quæ de re ibi dicendum erit.

Aliud exemplum est: Si lex decernat, vt debitores, à creditore moniti ad soluendum, si dies xx. moram culpabilem trahant, in carcerem conieciantur, extenditur non tantum ad futura debita, sed etiam ad ea quæ iam contracta sunt; ita vt si mora culpabilis post editam constitutionem commissā sit, pœnæ legis locus esse debeat. Etenim si rectè attendimus, nihilominus vera manet regula, quod lex non disponere censetur de factis, & negotio futuro: siquidē neq; ista lex disponit de contracto debito, quo modo fieri aut non fieri debeat; sed versatur circa debitum, tanquam materiam remotam, ac præsuppositam; propriè autem tantum disponit de executione futura. Quæ de re videri potest Nau. in dicta except. 21. in confut. contrariorum, resp. ad 4. & 5. Suarez suprà cit. cap. 14. nu. 12. vbi bene docet, quod lex impedire, aut vetare possit, ne actus tum cæptus consumatur, v. g. ne Nouitius professionem in

Religione edat. Trident. Concil. sess. 25. cap. 15. de regul. *Nec qui minore tempore, quam per annum, post susceptum habitum in probatione steterit, ad professionem admittatur*, Constitutio ista extendebatur ad eos etiam Nouitios, qui habitum tum susceperant, & in probatione versati sunt.

Requiritur tamen ad hoc, vt lex eiusmodi ad præterita quoque, nondum executionem consecuta, extendatur, eandem omnino, aut maiorem ita statuendi rationem reperiri in præterito, quæ in futuro, prout annotauit Vdalr. Zalsius l. 1. §. Hæc autem, ff. Quod quisque iuris &c. exemplum dans: Statutum aliquod decernit, si quis duobus annis in ecclesia laborauerit, aut in Vniuersitate docuerit, fruatur hoc privilegio: Nō minus eo comprehenduntur, qui tempore editi statuti laborarūt, aut docuerunt, quam qui postea laboraturi sunt; nisi expressum sit, si quis de cætero per biennium laborarit, aut docuerit &c.

Ad extremum, operæ pretium est hîc explicare, quomodo intelligenda sit l. 21. ff. de legibus; *Cum lex in præteritum aliquid indulget, in futurum notat*. Accipiemus enim est de indulgentia seu venia delicti, quæ à Principe fit criminosis: non esse eam extendendam ad eos, qui futuro tempore delinquent, ne alioquin lex anam & incitamentum peccandi præbeat. Exemplum huius rei reperitur in l. 2. C. de generali abolitione, atq; ita tradunt & explicat̃ Bart. & Bald. super cit. l. cum lex, Mart. Nau. in tr. de spolijs clericorum §. 19. n. 5. vbi aiunt, Si statutum editum sit, vt omnes banniti, è banno liberentur, solutis decem v. g. aureis, eo comprehendendi non debeant, qui futuro tēpore banno puniendi erunt, ne præbeat peccati occasio.

Atque idem obseruari debet in voluntarijs partium compositionibus, seu transactionibus: quod decerni possit, vt iniuria, aut dolus remissus, & condonatus sit, non autem, quod impoliterum impunè licet nocere, leg. si vnus 29. §. Illud nulla actione, ff. de pactis, & l. conuenire 5. ff. de pactis dotalibus. Id verò ex suprà cit. l. cum lex, singulariter annotandum; Si vel lege,

edicto, aut partium compositione delictum, aut iniuste illatum damnum remissum, vel ne accusatio institueretur, constitutum fuerit, eo ipso prouisum videri, ne in posterum delinquere, aut iniuriam inferre impune liceat: quia cum lex (idémque est in transactione, aut promissione) in præteritum aliquid indulget, in futurum vetat. Videatur etiam, quæ dicturus sum in c. penult. de confuet.

CAPITVLVM. I. cod. Tit.

in 6.

Licet Romana.

PARAPHRASIS.

Princeps (qualis in ecclesiasticis Rom. Pontifex est) condendo novam legem, eo ipso tollere censetur leges priores, quibus illa contraria est; non item tollere censetur particularia statuta & consuetudines locorum, nisi id exprimat.

SYMMARIUM.

1. Lex Principis posterior abrogat priorem, quatenus ei contraria est, licet id non exprimat.
2. In Principe censetur esse notitia omnium iurium, siue legum communium.
3. Unde error siue ignorantia iuris non excusat Principem, cum eius scientiâ se habere profiteatur.
4. Nec satis est Principem Consiliarios scientiâ ac prudentiâ adiuuari, sed necesse est, ut & ipse iuris, ac iustitiæ gnarus sit, curamq. reip. & subditis iustitiam administrandi principaliter gerat; non autem omnem, aut partem omnem in alios coniciat, aliâs ipsemet culpam eorum ferat.
5. Etiam inferior Magistratus leges sui fori nosse censendus est, idèquæ etiam velle statutum prius abrogare, si contrarium illi statuat; modo potestate statuendi & abrogandi prædictum sit.
6. Generalis consuetudo Principi & in-

feriori Magistratus aequè cognita considerari debet, atque lex scripta: adeòquæ etiam per subsequens statutum ei contrarium eandem abrogare.

7. Vt autem lex posterior Pontificia contraria Concilio Generali censetur derogare ei, debet derogatio esse expressa.
8. Et si illud nonissimamest, ut est Tridentinum, specialis eius mentio facienda est.
9. In rescriptis doctrina tradita vel maxime locum habet.
10. Peccat Legislatur, si legem reipubl. vitalem abrogat; abrogatio verò valida est, & effectum suum consequitur.
11. Lex & consuetudo rationabilis particularium locorum & personarum non abrogatur, nisi exprimatursaltem per clausulam generalem.
12. Admittit autem generali clausulâ: Non obstante quocunque statuto, aut consuetudine in contrarium: censentur omnia sublata, ac si in specie essent expressa.
13. Iudex quilibet probabiliter ignorare potest iura consuetudinis locorum alienorum.
14. Doctores & aliter asserenti, aut testanti de particulari consuetudine, statuto, privilegio, non est statim credendum.
15. Lex communis per legem contrariam si abrogatur, simul etiam statuta municipalia secundum legem, aut in illud commune conditum abrogata censentur.
16. Per legem generalem absque clausula derogatoria latam, non tolluntur privilegia non contenta in Corpore iuris.

NOTANDVM I. Lex Principis posterior abrogat priorem, quatenus ei contraria est, etiam nulla facta mentione prioris legis. Idem habetur in l. sed & posterioribus 27. ff. de legibus. Probari debet: Posterior voluntas, si & potestas adsit, superat priorem, ac tollit, si ei contraria sit: In legislatore autem adest potestas tollendi, seu abrogandi priorem legem, uti ponimus. Adesse

esse autem voluntatem, inde conuincitur, quia Princeps scit omnes leges suas, seu Reipubl. suæ: Consequenter, si legem condat, quæ priori contraria est, adeoque cum ea consistere nequit, hoc ipso eam sublatam vult.

Aduerte autem, quod dixi, abrogari legem priorem per posteriorem, *quatenus ei contraria est*, siue cum ea consistere non potest. Cum enim lex omnis, præsertim quæ toti regno seu Reipubl. communis, cum ratione constituta esse debuerit pro communi utilitate, cap. 2. dist. 4. ideo magnus legis, siue iuris communis fauor est, Adeoque correctio, seu abrogatio, aut derogatio odiosa, & nisi necessitas cogat, non afferenda, sicut docui lib. 1. moral. Theol. tr. 4. cap. 18. n. 2. & inter alios videri potest Decius in c. 1. lect. 1. n. 1. de Constit. Suar. lib. 6. de legibus cap. 27. n. 4.

2. **NOTANDUM II.** In Principe censetur esse notitia omnium iurium, siue legum communium. Ita hic significatur, quod *Romanus Pontifex iura omnia in serinio pastoris sui censetur habere*. Quod dictum hæreticorum Ministri ludibrij causa quandoque aduersus Romanum Papam obijciunt: sed frustra, & inscite, cum id Bonifacius VIII. huius cauctor, ex Imperatoris serinij mutuatus sit. Ita enim aiunt Imp. Honorius & Theodosius in Iommium 19. C. de testam. *Toto iure, quod in nostris est serinio constitutum, esse*. Hinc colligitur, quod error siue ignorantia iuris Principem non excusat, cum eius scientiam se habere profiteatur.

4. Ait verò Gl. sum. hic, id fieri propter *Consiliarios & sapientes affines Principi, qui dicuntur pars corporis eius*. Rectè quidem dicitur, Principem Consiliariorum scientiæ ac prudentiæ adiuuari: Interim verò necessarium, vt & ipse iuris ac iustitiæ gnarus sit, curamque Reipubl. & subditis iustitiam administrandi principaliter gerat, nō autem omnem, aut parē omnem in alios conijciat: Eō quod Dominus Deus, qui omnia providentissimè agit, ipsummet Principis, tanquam ministri sui cor, proximè e-

rudis, ac dirigit, Proverb. 8. *Per me reges regnant, & legum conditores iusta decernunt*. Ideo Salomon Rex lib. 3. Regum c. 3. v. 6. petijt à Domino cor docile, vt populum iudicare possit, & discernere inter bonum & malum; Quandoquidem etiam inter ipsos Consiliarios reperiri possunt, qui vel scientiæ destituti sint, vel rectè agendi voluntate; proprijs aut priuatis, minùs ponderantibus rationibus magis quàm bōno publico, iustitiæ, ac veritati seruientes. Et tum vel maximè error contingere potest, si ex plurium consultorum suffragijs Princeps discernere solitus sit: cum fieri possit, vt sapientes ac intelligentes numero ab alijs superentur, ijsque se opponere efficaciter non audeant: Tunc verò ad Principem pertinebit, inter bonum & malum, rectum & non rectum discernere, alioquin ipsemet culpam feret. Si enim, quæ Consiliariorum, Officiariorumque seu pacis, seu bellicæ industriæ laudabiliter acta sint, Principis honori ac laudi tribuuntur; cur non & quæ mala acta sunt, eidem adscribi debeant. Quare Salomon cap. 6. sapientiz v. 2. & seqq. ait Reges ac Principes hortatur: *Præbere aures vos, qui continetis multitudines, & placetis vobis in turbis nationū: quoniā data est à Domino potestas vobis, & virrens ab Altissimo, qui interrogabit opera vestra, & cogitationes scrutabitur: quoniā cum essetis ministri regni illius, non rectè iudicastis, nec custodistis legem iustitiæ, neque secundum voluntatem Dei ambulastis*. Horrendū & enō apparebit vobis: quoniā iudicium durissimū hiis, qui præsumt fiet.

Ampliori debet tradita doctrina primò; 3. Quod etiam inferior magistratus, seu legislator leges sui fori seu iurisdictionis, nosse censendus sit, & ideo si quid ijs contrarium statuatur, abrogare prius statutum velit; Cum eadem proportionalis ratio sit, dummodo magistratus statuendi, & abrogandi potestate præditus existat. Secundò, quod dictum est de lege communi, idem quoque dicendum de generali cōsuetudine; cum & ipsa lex quædam, siue ius non scriptum sit, & ideo æquè Principi, seu Legislatori cognita censi-

6 feri debeat, atque lex scripta; consequenter si generali seu communiter receptæ consuetudini contrarium quid statuat, censetur eam reuocare, seu ei derogare velle, prout hic annotauit Gl. ver. singularium, Baldus in l. 2. circa finem, C. Quæ sit longa consuet. Felin. in c. super literis n. 8. reg. 3. de rescript. quod Princeps præsumitur scire consuetudines multum vulgares, maxime loci, in quo ipse residet: Et ideo condendo legem consuetudini contrariam, videtur ei derogare velle, licet consuetudinis mentionem non faciat. Et hoc ipsum locum habere in inferioribus, v. g. si ciuitas statutum condat aduersantem consuetudini, quod eam reuocare censetur, docuit Petr. Rauennat. de consuet. n. 106. Abb. in c. vlt. n. vlt. de consuet. Dummodò, quod semper supponitur, ciuitas tali potestate prædita sit, prout annotauit Suarez lib. 8. de legibus cap. 20. n. 8.

7 Limitari autem debet tradita doctrina, quod lex posterior Pontificia contraria Concilio generali, non censetur ei derogare, nisi derogatio expressa sit, prout docet Rochus Curtius in c. vlt. de consuet. n. 546. & alij communiter, apud citatos in moral. Theol. lib. 1. tr. 4. cap. 2. Quare dici solet, post Archidiaconum super hoc c. quod Concilij generalis constitutio tacitam continet clausulam derogatoriam omnium subsequenarium dispositionum, quæ contrariæ sunt. At verò in alijs legibus communibus necesse est contineri expressam clausulam seu cautionem, vt per leges subsequentes censi non debeant reuocari, nisi earum mentio fiat in posterioribus, sicuti cum Ioan. Andr. hic notauit Philipp. Francus n. 12. Addit verò Suarez lib. 3. de matr. disp. 26. n. 7. cum Henr. lib. 7. de indulg. cap. 26. n. 3. si Concilium generale nouissimum sit, vt nunc est Tridentinum, specialem eius mentionem faciendam esse, neque sufficere generalem clausulam, non obstante quacunque lege, etiam Concilij generalis.

9 Porro tradita doctrina quàm maxime locum habet in rescriptis, prout constat ex c. nonnulli 28. vbi latè Felin. n. 3. 5. & seqq. eam, tract. 4. de etate & qualitate, c. ex parte,

de capellis Monachorum; propterea, quod in his, propter impetrantium importunitatem, errores faciliè contingant, sicuti Gl. indicat cit. c. ex parte; ver. nulla mentio. At verò leges maturiore cum examine, atque ex Principis certa scientia prodire solent, secundum Glossam super hoc c. verbo nescitur. Quamobrem, si ex coniecturis colligi possit, mentem Principis fuisse per posteriorem legem publicè latam ac promulgatam, derogare legi anteriori Concilij generalis, clausulà derogatoriā opus non erit. Idemque de testamento posteriore, reuocatorio, testamenti prioris, in quo etiam expressa clausula posita est, ne reuocatum censeatur, nisi clausulæ mentio fiat, reuocatum nihilominus censeri, & posterius præualere, si appareat de voluntate testatoris, ex communi docuit Iulius Clarus lib. 3. sent. 8. Testamentum, n. 8. 9. Ceterum.

Sed neque in rescriptis contra qualecunque ius positum, cui à Principe derogari queat, dummodò constet, quod ex Curi prodierit, & ex certa scientia, aliud requirendum est, sicuti Francus hic docet n. 10. & Imola in cit. cap. nonnulli, n. 6. Exemplum affert Francus; Si Papa scienter, licet ad petitionem & instantiam alicuius, referbat, vt impuberi beneficium curarum conferatur, satis esse, quod ex tenore ac forma rescripti appareat de certa scientia Papæ, licet clausula *Non obstante* &c. adiecta non sit. Verumtamen si aliquid insolitum, aut contra publicam vtilitatem rescriptum sit, nunciare oportet, vt secunda iussio fiat, Auth. Vt nulli iudicium, §. Et hoc verò iubemus, coll. 9. & tradit Gl. in l. vlt. ver. generali C. Si contra; &c. Deinde si in l. superiore contineatur clausula derogatoria contrariorum rescriptorum, tunc non sufficit Papam ex certa scientia rescribere contra ius illud, nisi si specialem mentionem faciat, sicuti Imola & Francus cit. locis docent, & videri potest Felin. in c. postulasti n. 2. & quæ ibi dicam, hoc tit.

Quæ hæc potest primò; Verum legislator arbitrato suo legem anteriorem reuocare, seu abrogare possit? Responso est affirmati-

firmatua, saltem vt abrogatio valida sit. Nam sicuti legis constitutio, ita & eius conservatio, abrogatioque pendet à libera voluntate legislatoris, siue is vnus & absolutus sit, siue dependens à proceribus, concilio, aut plebe. Quare dici solet, quodd eiusdem potestatis est ligare & solvere; legem condere & tollere: nam per quas causas aliquid nascitur, per easdem etiam dissolvitur, cap. 1. de reg. iuris. Peccat tamen legislator, si legem Reipublicæ vtilem abrogat; abrogatio verò effectum consequitur. Et potest hoc loco discrimen annotari; tametsi lex, si sine ratione & utilitate lata sit, vim nullam habeat; abrogatio tamen eius, etiam sine ratione & utilitate, effectum consequitur. Nam sicuti in aliis plebiscitis rebus plus requiritur ad rei generationem, quam eiusdem corruptionem, seu abolitionem, ita & ad legis abrogationem sufficit voluntas auctoris exterioris indicata, sed ad legis constitutionem multa requiruntur, vti docui lib. 1. Theol. moral. tract. 4. cap. 1. Dicunt verò Canonistæ, nominatim Innocent. in cap. quando, ibid. Abbas num. 13. de consuetud. Nicolaus Euerardus loco argum. 129. num. 13. resistendum esse Papæ, si absque ratione statum vniuersalis Ecclesiæ noua lege immutare attentaret, vt si Quadragesimæ legem, aut de bigamis non ordinandis tollere vellet.

NOTANDUM III. Princeps lege lata non censetur derogare velle particularibus locorum & personarum statutis ac consuetudinibus; nisi exprimat, dummodo ea rationabilia sint. Ita habetur in textu, atque ratio adiungitur: Cùm enim huiusmodi statuta & consuetudines facti sint, & in facto consistant, ea Princeps probabiliter ignorat; consequenter censi non potest ea reuocare velle, nisi exprimat, saltem per clausulam generalem, non obstante quocunque particulari statuto aut consuetudine in contrarium. Vbi statim obici potest, quod etiam statuta & consuetudines locorum particularia, quædam iura sunt, & ideo non rectè facti dicantur, quasi in iure

non consistant. Respondeo, Pontificem non negare, ea in iure consistere; cùm dicat eorum vim & obligationem, si rationabilia sint, permanere: Quod itaque aut, facti esse seu in facto consistere, pertinet tantum ad quætionem An est; num videlicet & quænam talia statuta & consuetudines existant, cùm ad factum pertineat, Pontificem probabiliter ignorare; & ideo censendum non esse, de iis vel cogitationem, vel abrogandi voluntatem suscepisse; nisi in lege à se lata exprimat, vti dixi.

Corollarium I. Si Princeps legi generaliter latæ clausulam: *Non obstantibus quocunque statuto, aut consuetudine in contrarium*, adiciat, censi debent omnia sublata; perinde ac si in specie expressa essent. Ita docet ex communi Andr. Gaill lib. 2. obs. 18. nu. 2. Cùm enim Princeps particularia statuta & consuetudines in specie scire non debeat, & plerumque non possit, ideo sufficit clausula derogationis generalis, ac veluti conditionalis, si quæ contraria sint, &c. His adde, quod interdum lex non tantum tollat contraria ei statuta aut consuetudines, sed etiam damnet & improbet, tanquam irrationalia, publico bono noxia, aut peccati nutritiua; tunc verò non tantum tollit, quæ in præfenti tempore vigent, sed etiam impedit, ne in futurum constitui aut introduci possint, sicuti docent Legistæ in l. omnes populi, vbi Vdalricus Zasius concl. 5. ff. de iustit. & iure, Baldus in Auth. omnes peregrini n. 2. C. Communia de success. Gaill cit. loco. Exemplum afferri solet ex Authent. Nauigia C. de furtis, vbi prohibetur, ne bona naufragantium eripiantur. *Sublata penitus omnium locorum consuetudine*. Adde, si lex lata (præsertim canonica) aliquid prohibeat, tanquam per se siue ex proprio obiecto illicitum, eo ipso tolli statuta & consuetudines in contrarium, ita vt neque in futurum introduci queant, sicuti Gaill & alij annotarunt.

Dixi autem præsertim canonica lege: Nam si civilis lex contrafactum v.g. tanquam vsurarium damnet, at verò Doctores aliqui, præsertim Theologi, quorum est hoc

examinare, probabiliter censent vsurarium non esse, sed iustum, fieri potest, vt contra eam legem statuta & consuetudines locorum retineantur: Præterquam quod eiusmodi leges prohibentes contractum vt illicitum vel vsurarium, seu Imperiales seu Pontificiæ, interdum intelligi debeant secundum præsumptionem fori externi: ideòque ad Iudices præcipue tendant, vt secundum eam præsumptionem iudicent. Cuius rei exemplum de censu vtrinque redimibili attuli in Theol. moral. lib. 3. tract. 4. de iust. cap. 18. nu. 6. ver. Alterum.

- 13 Corollarium II. Ex Petr. Rauenn. in tract. de consuet. n. 10. Iudex quilibet iura consuetudinis locorum alienorum probabiliter ignorare potest. Et ideo licet iura communia, & quæ loci particularia siue propria sunt, coram Iudice produci non debeant, nec de eis fieri positiones & probationes, aliud tamen sentiendum de consuetudinibus & statutis aliorum locorum..

- 34 Corollarium III. Doctore, vel alteri personæ simpliciter asserenti, aut testanti de particulari consuetudine, aut statuto loci, vel accepto priuilegio, non est statim fides habenda. Ita docet Alexander Imoleus, in l. post doctem. n. 29. ff. solut. matrim. Petr. Rauennates in tract. de consuet. nu. 178. Nauarr. in c. placuit d. 6. de penit. in fine. Quæ enim in facto consistunt, non simpliciter poni & asseri, sed demonstrari debent. arg. l. In bello 12. §. factę. ff. de capt. & postlim. reuerfis. Testes autem, vt plenè rem demonstrent iurati esse debent, ac voce deponere, vt examinari queant. Accedit, quod ad statutum legitime conditum, & in loco vigen; item ad priuilegium, quod in obseruatione existat &c. multo magis ad consuetudinem; vim iuris obtinentem, multa requiruntur, de quibus omnibus testari oporteret, sicuti videre est apud Gaill. lib. 2. obferu. 31. n. 16. Veruntamen illud quorundam dictum apud Nauarr. cit. loco, quod maiori Doctorem parti de consuetudine testatium credi non debeat, explicandum est, ita vt cedat in præiudicium alterius, seu iudiciale cõdemnationem. Attendendum quoque, num Doctores in commentariis suis te-

stentur de consuetudine loci, in quo versati fuerunt: tum enim maior eis fides tribuenda, quàm si ex aliorum relatione acceperint, iuxta ea quæ hic annotauit Francus num. 14. quod præsentēs & incolæ non censentur ignorare consuetudines locales, sed absentes & peregrini.

Quæritur hæc cum Gl. ver. facti. Si lex communis à Principe per legem contrariam abrogetur, vtrum simul etiam statuta municipalia, quæ secundum legem seu ius illud commune condita sunt, abrogata censeri debeant? Responso affirmatiua communiter recepta est, vt videre licet apud Felin. in c. 1. n. 15. de refer. Azor lib. 5. Instit. moral. cap. 26. q. 17. Si enim, vt ponimus, statutum municipale nihil prorsus aliud, aliæque ratione præcipiat, quàm quod communi iure statutum est, tum substantialiter non differt à iure communi, sed est tantum eius quædam interpretatio, propositio, ac promulgatio ad populum, eò quod specialis cautio magis attenditur, ac terret, quàm generalis. Videtamen quæ dicam infra in c. 5. in fine, de rescript.

Id solum supra dictis addendum est, doctrinam huius not. 3. per legem generatim latam, absque clausula derogatoria, non tolli particularia statuta & consuetudines, locum etiam habere in priuilegiis non contentis in corpore iuris: cum neque eorum omnium notitiam Princeps habere censetur. Ita ex recepta sententia docet Suar. lib. 8. de legibus cap. 39. reg. 1. Eman. Rodriq. tom. 3. regul. qq. 46. art. 1. concl. 1. post Gl. in c. 1. ver. vt liberę, de rescript.

CAPITVLVM II.

Vt animarum.

SVMMARYM.

1. A censura excusantur non tantum, qui statim secundum se ignorant, sed etiam qui ignorant censuram esse annexam.
2. Pontifex hoc c. ex proposito loquitur non de censuris Pontificiæ, sed inferiori.

*rum Ordinariarum. quamvis responsio
ibi tradita locum habeat etiam in Pon-
tificiis.*

3. *Subditus Episcopi non incurrit excom-
municationem latam per statutum E-
piscopi, si contra illud agat extra Dia-
cesin, scilicet est, si illa feratur per præcep-
tum.*
4. *Ex regula iuris, quod Iudici, si extra
territorium, vel supra modum sue iuris-
dictionis dicere vellet, impune non
pareat, colliguntur et colleria.*
5. *Locus plenissime exemptus intra diæce-
sim, acquiritur loco extra diæcesin,
non autem ille, qui plenissime exemptus
non est: unde subditus Episcopi in hoc
delinquens obligatur illius statuto.*
6. *Potest Episcopus in Monasterio non ple-
nissime exempto citare & iudicare per-
sonas sibi subdicas valide; non autem li-
cite, sine consensu Abbatis loci, qui ad
hoc, ut licite hæc fiant, requiritur.*

Capitulum istud suas partes continet,
Primæ his verbis Bonifacii VIII. constat;
*Vt animarum periculis obuietur. sententiæ
per statuta quoruncunque Ordinariorum pro-
latæ, ligari volumus ignorantes, dummodo
eorum ignorantia crassa non sit, aut supina.*

Circa hunc textum dubitari solet, de qui-
bus sententiis Pontifex loquatur; Et num de
sententiis etiam per Pontificias leges, an so-
lùm per episcopalia, seu similibus Ordina-
riorum statuta latis, sermo sit; Et num ali-
quid noui statuere decreuerit Bonifacius.
Respondere breuiter ex mente Glossæ super
hoc c. Ad 1. Pontifex præcipuè, & ex insti-
tuto loqui videtur de censuris per statuta
promulgatis, si quis v. g. *furtum commiserit,*
aut, *si quod iniuste accepit, non restituerit, ex-
communicatus esse, eiusmodi sententiâ non
ligari ignorantes, nisi ignorantia crassa sit.* Et
quia hoc est iuris beneficium seu potius be-
nigna interpretatio, latè accipi debet, quate-
nus materia obiecta permittit, ut sensus sit,
non tantùm eos à censura excusari, qui sta-
tutum secundum se ignorant, sed etiam qui
ignorant annexam ei censuram. Quod sanè

peculiare est in censuris, atque in aliis pro-
priè dictis pœnis locum non habet, ut, tam-
etsi aliquis sciat opus secundum se prohibi-
tum esse, si tamè nesciat annexam censuram,
eam non incurrit. Quia ad censuram requi-
ritur contumacia & virtualis quidam con-
temptus, non autem contemnit qui ignorat,
iuxta l. Qui ignorans 50. ff. locati, prout et-
iam docui lib. 1. Theol. moral. tract. 5. p. 1. c.
5. n. 7. Excipitur verò ignorantia crassa, si
videlicet alicui in mentem veniat rationabi-
liter dubitare, num opus aliquod sub eccle-
siastica censura prohibitum sit, & nulla, vel
vix vlla inquisitione facta, illud facere aggre-
diatur: siquidem & iste contemnere cen-
setur, quando ita temerè se committit periculo
agendi contra ecclesiasticæ censuræ prohibi-
tionem. Hæc est doctrina Suar. de cens. disp.
4. sect. 9. n. 19. Molinæ tract. 5. de iustit. disp.
71. num. 9. quamvis de hac re variè sint DD.
sententiæ, uti videre licet apud Suar. in cit.
disp. 4. sect. 9. & 10. Syl. ver. excommunic.
vlt. quæst. 3.

Ad 2. Pontificem ex proposito non loqui
de censuris Pontificiis, sed inferiorum quo-
rumcunque Ordinariorum. Idenim colligi
videtur ex contextu, & verbo *statutis*, quo
ius commune seu canones vniuersales ple-
rumque comprehendere non solent. Ratio au-
tem, cur de his tantùm statutis hic sermo sit,
dari alia non potest, nisi quia super his dun-
taxat quæstio mota fuit, cùm eiusmodi sta-
tuta in diocæses promulgata, citius in om-
nium diocæsanorum notitiam deueniant, &
ideo ignorantia minùs probabilis esse videat-
ur, quàm in Pontificiis de nouo editis Ro-
mæ decretis. Interim verò certum esse debet,
responsionem c. huius etiam in Pontificiis
constitutionibus, ceu bullis, sub censuræ cõ-
minatione latis, locum habere, ut tradide-
runt DD. iam citati, & dixi etiam in cit. c. 5.
n. 7. Cæterùm si quispiam contendere ve-
lit, verbum *statuti* hoc in loco latè accipi pos-
se, ut omnem legem ecclesiasticam compre-
hendat, item nomen *Ordinariarum*, ut etiam
Papam contineat, cùm ipse sit Ordinarius
Ordinariorum, non multùm ei repugnabo.

Ad 3. dicendum nihil hic de nouo Pon-
tificem

tificem statuisse; sed quod rei natura postulat, atque iuri communi canonico conueniens est, declarado exposuisse. Ita docui etiam in suprà cit. num. 7. & tradidit Domin. Sotus in 4. d. 22. quæst. 1. art. 2.

Altera pars huius c. hæc verba complectitur: *Statuto Episcopi, quo in omnes, qui furum commiserunt, excommunicationis sententia promulgatur, subditi eius furum extra ipsius diocesis committentes, minime ligari non solumur: cum extra territorium ius dicenti non pareatur impune.*

Est itaque hoc NOTANDUM, quod subditi Episcopi, seu diocesani non incurrunt excommunicationem latam per statutum Episcopi, si contra illud agat extra diocesis.

- 3 Nam nemo legem ferre potest vltra limites iurisdictionis suæ, vti hic dicitur in fine c. & sumptum est ex l. vlt. ff. de iurisd. omn. iudicum: Sin autem Episcopus subditos seu diocesanos suos per statutum obligare vellet, existentes extra diocesis, tunc extenderet legem seu statutum extra limites iurisdictionis suæ: Quandoquidem lex, seu statutum per se & immediatè tendit ad locum subiectum, videl. territorium seu diocesis, et quæ quasi cohæret: Et ideo non potest aficere seu infringere quæquam, si extra territorium aut diocesis existat. Alia verò ratio est de Superioris præcepto: si v. g. subdito ex diocesi discedenti sub pœna excommunicationis præcipiatur, ne furetur; incurrere is censuram potest delinquendo extra diocesis: Quia præceptum Superioris, sicuti & Iudicis sententia, immediatè tendit in personam subiectam, eiusque velut ossibus hæret, quocunque terrarum discesserit. Videri possunt quæ dixi fusius in cit. tr. 5. p. 1. cap. 4. coroll. 3. n. 7. & tract. 4. eiusd. libri 1. cap. 11. n. 1. & 2.

- 4 Porro ex tradita iuris regula, quod *Iudici, si extra territorium, vel supra modum suæ iurisdictionis ius dicere velis, impune non pareatur*, corollaria quedam colligit Vdalricus Zasius super eadem l. vlt. ff. de iurisd. omn. Iudicum. I. Si Archiepiscopus in Coëpiscopi sui diocesi fortè commorans, ibi causas per appellationem ad se deuolutas tractare

velit: excipi potest, quod extra diocesis ius dicenti impune non pareatur. II. Si Vniuersitas studiorum peltis tempore aliò commigret, Rector in aliena ciuitate ac veluti extra territorium suum, inter Studiosos dicere non potest: nisi noua promissione, aut iuramento se obligent ac subiiciant, etiam in ordine ad illum locum. III. Qui bannitum ex territorio proferit, offendendi facultate concessa, extra territorium offendit, puniri potest, iuxta doctrinam Baldi in l. 1. n. 6. ff. de hæred. instituendis, quod *sententia banni non excedat territorium bannientis*, siue profectantis. IV. Familia Iudicis criminofum fugientem extra territorium seu in alieno territorio persequi non potest, aut capere, prout etiam docuit Baldus in c. eum olim, in fine, de dolo & contumacia; Bartol. in l. quod ait lex, princ. ff. Ad L. Iuliam de adulter. Interdum tamen consuetudo permittit, vt liceat reum capere ad præsentandum Iudici loci, teste Zasio ibidem.

QVÆSTIO est: Si statuto episcopali a lex ludus prohibitus sit clericis, num ludentes in loco exempto existentes intra diocesis, cõtra statutum peccent; atque censuram, siquæ annexa sit, incurrant? Quæstionè hæc referendo Doctores, tractauit lib. 1. Theol. moral. tract. 4. cap. 11. n. 5. Quidam enim vniuersim aiunt, locum exemptum æquiparari loco extra diocesis, vt Ioan. Andr. hic & Zasius in suprà cit. l. vlt. col. 3. dans exemplum de Monasteriis, quæ tantum Papæ substant. At vt Suarez de cens. disp. 5. sect. 4. n. 6. excipit ecclesias & monasteria Religiosorum exemptorum, atque in his clericos Episcopo subditos obligari lege diocesana. Mihi videtur verissima sententia Petr. Ancharani hic, quam refert & sequitur Philip. Francus hic n. 11. Vel locus siue ecclesia & per se ac plenissimè exempta, etiam ratione populi, ita vt Prelatus eius quasi episcopalem iurisdictionem exerceat. In hoc casu vera est doctrina, quod locus exemptus intra diocesis æquiparatur loco extra diocesis, & sumitur ex c. Episcopus 7. de off. Ordin. in 6. vbi de Episcopo dicitur, dubium non esse, *quia in quolibet loco ipsius diocesis non exempta*

*pro, per se, vel per alium, possit pro tribuna-
li sedere:* vnde per sensum contrarium col-
ligitur, quod in loco exempto iudicia exer-
cere non possit, idque ne validè quidem.
Vel locus siue ecclesia non est plenissimè
exempta, quia vel populum subiectum non
habet, vel is ab Episcopo exemptus non est,
adeoque Prælati loci quasi episcopalem iu-
risdictionem habere non censetur. In hoc
casu, vera est doctrina Friderici de Senis in
consil. 2. allegata & commendata hic à Fran-
co cit. n. 11. quod *subditum Episcopi delin-
quendo in loco exempto, obligatur statuto
eius*: Quia privilegia ista exemptionis,
quatenus sunt præiudicia iurisdictioni ordi-
nariæ Episcopi, strictam interpretationem
recipiunt, neque debent de casu expresso ad
alios non expressos extendi, argum. c. cum
capella 16. de privileg. Et præberet hæc res
occasionem delinquendi, turbaretque non
parum diocesalem Episcopi iurisdictionem,
si ea erga Religiosorum Monasteria & Col-
gia, aut similia loca exempta, etiam compa-
ratione subditorum in ijs delinquentium, se

non protenderet, vti per se patet.

Quamobrem, si Episcopus in eiusmodi
Monasterio existens, personas sibi subditas
citaret, & iudicia inter eas exerceret, acta
valida forent, nec possent subditi contra pro-
cessum excipere: sed vt licitè ac convenien-
ter hæc fiant, requiritur consensus Abbatis
loci. Quæ doctrina sumitur ex c. luminoso
6. causa 18. q. 2. & traditur à Gl. in Clem. vn.
ver. aut earum parte, de foro compet. Et ab
hac sententia non discrepat P. Suarez cit. lo-
co: solum enim dicere intendit, Monasteria
& ecclesias Religiosorum exemptorum, non
esse omnino ac plenissimè exempta, & non
tam per se ac ratione sui, quàm personarum
privilegiatarum inhabitantium: Adeo quidè,
vt si acciderat, Religiosos locum seu ecclesi-
am deferere, aut in Religiosos vel Clericos
non exemptos transferendo alienare, ea baud
dubie sub iurisdictionem Episcopi recasura
sit: quia sublato principali, tollitur accessio-
rium, siue, sublato eo, quod est per se, tolli-
tur etiam id, quod est per accedens,

TITVLVS III. DE RESCRIPTIS.

SUMMARYM.

1. *Rescriptum vim constitutionis & legis
obtinet.*
2. *Et si propriè accipitur, est datum à
Principe responsum, ad alterius con-
sultationem, suggestionem, aut petiti-
onem.
Differt ab oraculo, epistola decretali,
& privilegio seu bulla gratia, in quo?*
3. *Rescripta alia generalia sunt; qua om-
nes subditos obligant; alia specia-
lia, qua in faciunt inter partes, & in
negotio, pro quibus emanant.*
4. *Rescriptum aliud est secundum leges
communes, & propriè Rescriptum di-
citur; aliud contra illas, & vocatur*

*privilegium; aliud denique præter eas,
& dicitur gratia seu beneficium Prin-
cipis.*

5. *Similis divisio est in Rescriptum iusti-
tia, & gratia seu beneficium.*



Est post Constitutiones siue
leges, de rescriptis Principum
tractatur. Nam ea vim legis
obtinere ait Vlpianus in l. 1. ff.
de Constit. Principum, *Quod
Principi placuit, legis habet vigorem.* Ve-
runtamen ex seq. §. eiusd. l. colligitur, Vl-
pianum legis vocabulum latè accepisse, pro
quacunque constitutione, iussione, aut sen-
tentia robur habente secundum plenam
Principis, à quo proficitur, potestatem:

H; Inquit

Inquit enim, *Planè ex his* (constitutionibus) *quædam sunt personales, nec ad exemplum trahuntur*: cum tamen dictæ leges commune, & ad omnes pertinens præceptum continere debeant, l. 1. & seqq. ff. de legibus, & dixi suprà in c. 1. tit. præced. In antiquis.

2 Pro maiore intellectu, aduertendum primo, Rescriptum Principis, si propriè accipiatur, aliud non esse, quàm à Principe in scripto datum responsum, ad alterius consultationem, suggestionem, aut petitionem. Quare differt ab oraculo, quod viæ vocis responsum est: Deinde differt ab epistola decretali & priuilegio, seu bulla gratiæ; quod hæc non semper dentur ad alterius petitionem, vel suggestionem: sed interdum proprio motu Principis, nullæque præcedente petitione.

3 Aduertendum secundò, Rescripta seu responsa Principis, alia generalia sunt, & alia specialia. Generalia sunt, quæ vim obligandi erga omnes, seu in omni loco subiecto habent: Vel quia eâ mente primitus data sunt, l. 3. §. Diuus Adrianus, ff. de sepulchro violato, & exemplū est in l. ult. C. de temp. in integr. restitutionis: Vel quia postea in corpus iuris cum auctoritate redacta, atque omnibus proposita sunt, vt vim legum seu decretorū haberent, vt constat ex præfat. Gregor. IX. Papæ super quinque libr. decret. & cap. 1. d. 20. & annotauit Bartol. in l. 1. ff. de constit. Princip. & videri possunt quæ dixi tit. præced. in c. 1. n. 6. Specialia autem rescripta, seu responsa sunt, quæ cum respectu ad certam causam, personas, locum, vel tempus emanarunt, iuxta c. 1. d. 29. neque maiorem postea extensionem acceperant. Et de his sermo est in l. 1. C. de legibus, vbi dicitur, quod responsa Principis ad relationes & suggestiones Iudicij in certo negotio, sicuti & priuilegia, seu concessiones factæ alicui prouinciæ, ciuitati, aut Curiæ, *generalia iura non sunt, sed leges faciant his duntaxat negotiis, ac personis, pro quibus fuerunt promulgata.*

4 Aduertendum tertio: Rescriptum Principis aliud esse secundum leges communes,

quod nomen rescripti stricte & propriè sibi vendicat: De his sermo est in l. penult. C. de precibus Imperatori offerendis, quod *rescripta Principis contra iam alicui ab omnibus Iudicibus refutari conuenit.* Aliud verò est contra communes leges, & dicitur priuilegium, quasi priuata lex, in fauorem alicuius specialiter data, c. 3. d. 3. Aliud denique est rescriptum præter legem, quod dicitur gratia seu beneficium Principis. Quamquam, vt suprà dixi, gratia, & priuilegium latius etiam patent, quàm rescriptum propriè & stricte acceptum. Id enim requirit, suggestionem seu petitionem præcessisse: At verò gratia & priuilegium interdum datur proprio motu & nullâ præcedente petitione, vt suprà dixi. Interim verò nihil prohibet, quin clausula *motus proprio* apponatur propriè dicto rescripto, si videl. antecessit petitio, sed Pontifex non eam ex ea, quàm ex sua gratia & liberalitate moueatur ad concedendum, vt videre est apud Petr. Rebyssum in praxi beneficii. tit. de clausulis mandator. n. 2.

5 Similis diuisio est, quod rescriptum aliud est iustitiæ, seu tendens ad iustitiæ administrationem: idque plerumque esse solet ad lites iudicarias, si videl. partibus in iudicio contententibus, ad controuersie terminationem Princeps secundum iura rescribat. Aliud verò est rescriptum gratiæ, seu beneficii, quod ex mera Principis liberalitate in fauorem alicuius, contra, aut præter commune ius conceditur: Et hæc vel gratiæ absolutæ sunt, in nullius grauamen cedentes, de quibus sermo est in suprà cit. l. penult. C. de precibus Imper. offerendis, *si sit aliquid, quod non ledat alium, & pro sit petenti, vel crimen supplicantibus indulgeat, seu condonet.* Vel gratiæ respectiue, & cum alterius onere, aut iuris aliquo præiudicio iunctæ. Tametsi verò istæ gratiæ, seu priuilegia, præsertim si nullâ antecedente petitione, motu proprio præcedant, nõ propriè rescripta dici debeant, latè nomen eo nomine etiam comprehenduntur, prout Abbas annotauit in rubr. huius tit. dicens, ita hic accipi, quia sub hoc titulo de rescriptis tracta.

tractatur etiam de priuilegijs, & rescriptis beneficialibus. Videri etiam potest Rebuff. in praxi benef. p. 1. tit. de differ. inter rescripta gratiæ, & iustitiæ, & in tract. de rescript. & literis regijs in præfat. n. 11. & seqq. Petr. Greg. Tholofanus lib. 1. de rescript. cap. 2. diuis. 3.

CAPITVLVM I.

Sicut Romana.

PARAPHRASIS.

Estio à Sede Apostolica generaliter concessa fuit licentia appellandi: postea uero Pontifex causam, quæ inter Titium & Caium erat, Iudicibus delegatis, sublato appellacionis remedio, commisit: sed Titius postea à sententia Iudicum appellauit. Hoc casu respondit Alexander III. appellacionem illius: admittendam: non esse: quia speciale rescriptum de non admittenda appellacione in certa causa derogat generali rescripto, seu priuilegio appellandi à Iudicibus.

SYMMAXIMUM.

1. Potest Papa, & quilibet supremus Princeps (solus tamen) iudici delegare causam, sublato appellacionis remedio.
2. Potest etiam Princeps alicui per priuilegium concedere, ut ei liberè appellare liceat.
3. Priuilegium, si fieri potest (uti potest in prædicto priuilegio) ita explicandum est, ut aliquid ultra ius commune tribuat.
4. Mandatum speciale derogat generali.
5. Ex si mandatum sit lex generalis, ei derogat lex specialis, siue hac sequatur, siue præcedat.
6. Lex generalis non derogat rescriptum iustitiæ ei contrarium.
7. Derogatur ei per priuilegium stricte acceptum, quod est contra ius seu com-

mune legem, quod est præter uoluntatem sui, priuilegium est late acceptum.

8. Priuilegium (late acceptum) generale derogatur & limitatur per speciale rescriptum, seu aliàs concessum priuilegium.
9. Rescripto generali, siue iustitiæ siue gratiæ, aut beneficiæ, derogatur per alterum speciale: quod tamen cum limitatione intelligendum.
10. Non ualet Rescriptum à Pontifice, nec executioni mandari debet, per quod illegitimè conferuntur Canonatus Ecclesiæ; in qua statutum viget, ut nemo illegitimè Canonici instituantur, nisi huius specialis mentio fiat, aut rescripto inserta sit clausula derogatoria.

NOTANDVM I. Rom. Pontifex, tanquam supremus Iudex in rebus ecclesiasticis, potest Iudici causam delegare, sublato appellacionis remedio: Sed id præter Principem seu supremum iudicem, nemini alteri concessum esse, constat ex c. super questionum 27. iun. Gl. ver. prouocationis, de off. delegati, l. r. §. Interdum, ff. A quibus appellare non licet, & uideri potest Gl. in c. vii. ver. figura, de hæret. in 6: quod inferiori Principe, etiam Legatus, non possit concessa alicui iuris remedia auferre.

NOTANDVM II. Princeps alicui per priuilegium concedere potest, ut liberè ei appellare liceat: Ita apertè colligitur ex textu cit. Sed est difficultas, quam hinc mouet Gl. ver. ut liberè. Priuilegia enim ita concedi debent, ut quippiam operentur, id est aliquid tribuant, quod iure communi concessum non est, uti constat ex l. 1. C. de thesauris lib. 10. & c. in his 30. de priuilegijs ubi id tradit Gl. communiter recepta ver. ex indulgentia. Atqui communi iure omnibus remedium appellacionis concessum est, maxime in causis ecclesiasticis ad Rom. Pontificem c. de appellacionibus 11. c. super eo 12. de appellat. Ergo inutile fuit priuilegium seu indultum à Sede Apostolica Titio datum, ut liberè appellare liceat.

Duplex

Duplex est responsio, quæ utraque vera esse potest : Prima quam indicat Gl. cit. & probat Innoc. hic, ver. Vel dici melius ; Nihil de nouo per hoc priuilegium concessum fuisse, sed communiter competentem appellandi facultatem speciali prouisione corroboratum ; quia id interdum, v. g. ob aduersariorum potentiam, expedit, siquidem specialis cautio plus timetur, quam generalis, e. quamquam 6. d. 23. vbi id, allegato isto e. annotauit Gl. ver. plus, quod aliquis iure communi, & dato priuilegio tueri se potest. Et secundum hunc intellectum facile defenditur ratio responsi Pontificij, quam in fine c. ponitur, *quia speciale mandatum derogat generali*. Mandatum enim seu rescriptum à Principe emanans contra ius commune, derogat ei, etiam non facta ipsius mentione ; dummodo eiusmodi derogatio insolita non sit, siue contra Cariz stylum, vti constat ex ijs, quæ dixi in c. 1. de constit. in 6. Cum itaque id frequens sit, ut Papa causam alicui specialiter committat, non adiecta clausula derogatoria iuris communis, cognoscendam, ac terminandam remoto appellationis remedio ; id eo, si ponamus, per indultum illud à postolicum Titio substantialiter nihil concessum fuisse, nisi quod iure communi competeat, sequitur, huic indulto per speciale subsequens mandatum seu rescriptum derogatum fuisse.

Altera est responsio Hostiens. in summa tit. de rescriptis, §. sed potest distinguui, quam reprobatur Gl. hic ver. vt liberè, sed defendit Ant. de Butrio n. 10. Indultum quodlibet, siue priuilegium, si fieri possit, ita explicare conuenit, vt aliquid ultra ius commune, seu quod communi iure concessum non est, tribuat, vti aperte habetur in cit. c. in his ; quando itaque in casu huius e. priuilegij, ut Titio concessum fuit, vt ei liberè appellare liceat, explicare debemus, indultum fuisse, vt modis etiam ijs, quibus alioquin eommuni considerato iure integrum non est, appellare possit ; dummodo concessio absurda & insolita non sit : videl. vt non tantum bis, sed sæpius in eadem causa ; & non tantum in scripto, sed etiam sine scriptura à

grauamine, aut sententia interlocutoria appellare liceat.

Sed secundum hunc intellectum, difficile est defendere rationem, seu regulam à Pontifice hic traditam : mandatum speciale derogat generali ; Non enim verum videtur, quod priuilegio generali supra, siue ultra ius alicui concessio derogetur per rescriptum seu mandatum speciale, si illius nulla omnino mentio fiat. Idque ostendi potest primò ; Quia posterius hoc rescriptum videtur procedere ex ignorantia prius dati priuilegij, iuxta c. 1. de constit. in 6. vbi Papa proficitur, se talia, quæ facti sunt, seu in facto consistunt, si in iuris corpore non contineantur, probabiliter ignorare. Secundo, Quia non facile presumendum est, quod Princeps iuri alteri acquisito per prius indultum, derogare velit : siquidem in Principe inconstantia reprehenditur, & vt ex Baldo refertur consil. 327. *Princeps debet habere vnum calamus & vnam linguam, non plures*. His tamen nihil obstantibus rectè defenditur intellectus huius Hostiens. ex c. dudum 14. de præbend. in 6. vbi habetur, quod secundum canonicas & legitimas sanctiones, per speciem generi derogatur, quamquã de genere in derogans specie micio nullas fiat. Et ex c. quamuis tibi ; 8. eod. in 6. vbi habetur ; Si Papa alicui generatim concessorit facultatem vacantis beneficia sua nomine conferendi, postea verò alteri beneficii in eadem ecclesia conferat, aut conferri mandet ; posterius istud mandatum seu rescriptum executioni mandandum esse ; nam prima generali gratia derogat posteriori speciali, licet quilla non fecerit mentionem.

Ad 1. argum. suprà allatum responderetur, Rescriptum speciale iuxta casum huius c. non esse omnino contrarium indulto priori generali, cum eius fructum & utilitatem non penitus tollat, sed aliquatenus tantum diminuat, aut limitet in alijs sui partibus, aut occurrentibus casibus integrum reliquens. Sed nec voluntas derogandi priuilegio prius generatim concessio desit : cum illud Pontifex eo modo ac conditione concedere

cedere soleat: vt ipsi integrum sit, occurrente aliquo casu, per rescriptum limitare, aut ei derogare, iuxta cit. cap. dudum, §. nos igitur. Quare tametsi ponamus, Pontificem ignorare, aut non recordari prius dati priuilegij generalis, hæc tamen ignorantia non est causa postea dati rescripti specialis: quandoquidem etiam ea sublatâ, probabiliter emanaret. Ad alterum respondetur, Si per prius concessum priuilegium ius in re alteri acquisitum sit, non esse præsumendum, Pontificem posteriore rescripto ei derogare voluisse, nisi exprimat, sicuti postea dicam. At verò si ius in re non acquisitum, sed tantum generalis alicui facultas ad actus publicos seu legitimos, qui nunquam sub Principis dispositione esse desinunt, concessa sit, v. g. appellandi liberè etiam sine scriptura, conferendi beneficia, iudicandi in certo causarum genere; existimandum est, quòd specifica dispositio generali deroget.

4. NOTANDUM III. Mandatum speciale derogat generali. Ita habetur in fine huius c. & consentit reg. 81. ff. *In toto iure generi per speciem derogatur, & illud potissimum videtur, quod ad speciem directum est.* & reg. 34. in 6. Verum, cum varia sint Principis mandata; Aut enim sunt leges, aut sunt rescripta, eaque vel ad lites, siue iustitias, vel rescripta gratiæ, eaque vel meræ gratiæ, seu beneficia; vel propriè & strictè priuilegia, quæ contra ius, seu vt derogatoria iuri, data sunt; aut denique rescripta beneficialia; De his singulis aliquid dicendum, vtram mandatum speciale deroget generali.

5. Dico autem I. Legi generali derogat lex specialis, siue specialis lequatur, siue præcedat. Quòd lex specialis posterior deroget priori generali, etiâ nulla eius facta mentione, constat ex c. 1. de constit. in 6. Quòd verò lex specialis prius lata, deroget posteriori generali, siue, vt aliis verbis dicam, quòd posterior lex generalis saluam relinquit legem priorem specialem, ab eaque limitetur, tradunt Doctores communiter apud Sanch. lib. 2. de matr. disp. 24. nu. 6. GL. incit reg. 34. in 6. Baldus hic nu. 12. & 13. Rodriq. tom. 1. rrg. qq. q. 59. a. 2. qui affert exemplū. Sit lex

aliqua antiqua, quæ nobilibus eorumque filiis vsum armorum permittat, vt ipsis à ludicis familia auferri nò possint; Postea feratur alia lex, quæ generatim vsum armorum prohibeat, non facta mentione, siue derogatione legis anterioris specialis: dicendum, eam non tolli per posteriorem; sed hanc limitari per anteriorem: quia generi per speciem derogatur: siue species antecedit, siue sequatur. Ratio huius doctrinæ est: Cùm enim iurū correctio odiosa sit, nec sine necessitate introducenda c. cum expedit 29. de elect. in 6. ideo, si fieri possit, & mens seu voluntas statuentis non apertè repugnet, ita vtramq; legem accipere debemus, vt posterior generalis anteriorem specialem non corrigat, seu aboleat, sed per eam limitari debeat, cùm id frequentissimum sit, vt regula generalis per specialia quædam limitetur. Aliquando tamen apertè ex verbis colligitur, per legem posteriorem, vniuersaliter latam, præsertim si prohibitiua sit, omnia tolli, quæ ei contraria sunt, quare tunc locum habet regula, quod qui omnia dicit, nihil excludit, c. solut. 6. §. vlt. de maior. & obed.

Dico II. Legi generali seu communi contrarium à Principe emanans rescriptum iustitiæ, ei non derogat, sed falsum & obreptitiū censeri debet. Nam Princeps fons iustitiæ est, ac veluti lex animata, Authent. de Consulibus §. vlt. iun. GL. ver. legem, collat. 4. Et ideo non decet, vt inde iniuriarum nascatur occasio, vnde iura nascuntur, l. meminere 6. Cod. vnde vi. Dixi de hac re in cap. quæ in ecclesiis 7. quæst. 3. dicto 1. de constitutione.

Dico III. Legi generali haud dubiè derogatur per priuilegium strictè acceptum, teste Abb. hic num. 8. Petro Rebuffo de rescript. & liter. regis in præfat. num. 72. & sumitur ex l. rescripta, Cod. de precibus Imperatori offerendis. Nam hæc est ratio priuilegij, quòd sit à Principe seu Magistratu concessa gratia, seu indulgentia, aduersus ius commune seu ordinarium, prout tradit idem Abb. in c. olim, num. vltim. de verb. signif. & docui in Theolog. moral. lib. 1. tract. 4. cap. 23. num. 5. vbi videre licet, priuilegium interdum latius

latius accipi, vt duas species complectatur, quia aliud est priuilegium contra ius, seu communem legem: aliud verò præter ius, seu vltra ius, v. g. potestas absoluendi, dispensandi, ex liberalitate Principis concessa alicui, vel aliquibus, quibus iure communi non competit.

- 8 Dico IV. Priuilegium (latè sumpto vocabulo) generale derogatur ac limitatur per speciale rescriptum, seu aliàs concessum priuilegium. Hoc est præcipuum huius c. intentum: Quare dicunt Doctores, vti videre est apud Anton. hic n. 1. Felin. n. 3. Rebuffum de rescript. & literis regijs in præfat. n. 107. Suarez lib. 8. de legibus. cap. 38. n. 5. & seqq. Azor tom. 1. lib. 5. cap. 22. q. 12. quòd *priuilegio generali obstat rescriptum seu priuilegium speciale*. Idque vel maxime locum habet, si priuilegium antecessit: Si v. g. alicui immunitas à tributis specialiter concessa sit, non derogabitur eius priuilegium per decretum subiequens, quo omnes tributum pendere iubentur. Non enim censetur Princeps prius concessum priuilegium auferre velle, nisi id exprimat, c. veniens 19. de præscript.

Sin autem rescriptum aut priuilegium posterius datum sit, distinguere oportet, vti supra in not. 2. huius c. Si enim nihil iuris in re acquisiti propriè auferatur, sed duntaxat facultas actuum exercendorum, qui Principis potestati suapte naturà subiacere censentur, per priuilegium limitatur, derogabitur priori generali. At verò si per prius generale alicui concessum priuilegium ius in re acquisitum sit, non censetur Princeps illud notabiliter imminuere velle: sed posterius derogatorium speciale rescriptum siue priuilegium ex prioris ignorantia procedere: eo quòd Princeps rescriptorum omnium, seu concessorum priuilegiorum, propter multitudinem, recordari non possit iuxta c. ex parte 12, de off. deleg. Et sumitur doctrina hæc ex c. quamuis 8. hoc tit. in 6. c. ex tua 9. de filiis presbyter. eamque exemplis declarauit in Theol. moral. lib. 1. tr. 4. c. 23. n. 27. limit. 2.

- 9 Rescripto generali, siue id iustitiæ sit, si-

ue gratiæ, aut beneficiæ, derogat alterum speciale, prout ex communi docet Rebuff. de rescript. & literis regijs in præfat. n. 103. & sumitur c. pastoralis 28. §. Præterea, vers. Nos autem, de offic. delegati, c. pastoralis, §. quoniam, hoc tit. & supra cit. cap. dudum. Dummodò materia subiecta patiatur, vt speciale mandatum seu rescriptum sit veluti limitatio quædam rescripti generalis. Sin autem ambo rescripta ita comparata sint, vt simul, spectatà intentione Principis, consistere non debeant, tunc valet prius rescriptum, posterius autem perignorantiam, vel obreptitià emanasse censetur, si de priore nulla in eo mentio fiat, c. 3. hoc tit.

QVÆRI solet: Si Pontifex pro illegitimè nato scribat, vt ipsi canonicatus conferatur in ecclesia, in qua statutum viget, vt nemo illegitimus Canonicus instituitur, num literæ valeant, & executioni mandari debeant. Videtur esse affirmandum, Quia tales literæ continent dispensationem in cōmuni iure, cuiusmodi dispensatio Pontifici Romæ permittitur, & non inconfuta est: derogatur itaque iuri communi, consequenter & statuto, cum id nihil diuersum contineat à statuto. Sed contrarium communiter tradunt, nominatim Ant. de Butrio hic n. 13. & seqq. Imola n. 12. Ioan. Andr. in c. 1. de filiis presbyt. in 6. Petr. Rebuff. in praxi benef. p. 1. tit. de differ. rescript. n. 14. Propterea, quòd rescripta ad beneficia, ad excludendam ambientium importunitatem, strictè interpretationis esse debeant, iuxta cit. c. 1. de filiis presbyt. in 6. Arbitror autem, doctrinam hæc intelligendam esse, non si Ecclesiæ statutum mera sit commemoratio, aut propositio communis ecclesiastici canonis, sed si ex propria ratione seu causa editum sit, nimirum ad arcendas dispensationes, tanquam noxias futuras ecclesiæ, in qua statutum viget. Negari enim non potest, quin statutum conforme iuri communi, si propriam rationem, vtilitatem & effectum habere possit, superaddant nouum vinculum seu obligationem: cum nihil obstat, eandem rem pluribus vinculis seu obligationibus subiectam esse: ita vt vno sublato, alterum permaneat. Quare in hoc

hoc

hoc casu, si statuti nulla mentio fiat, seu clausulam derogatoriam literarum habeant, obreptitiae iudicari debent. Et hæc est theoria Anton. cit. loco & Felin. hic. n. 15.

CAPITVLVM II.

Ex parte Conuentrenſi.

PARAPHRASIS.

Clericus Guilielmus literas impetrauit à Pontifice Alexandro III. ad Episcopum Conuentrensem, ut si ipsi constaret, Franciscum Beneficiarium de perurio conuictum esse, aut beneficio in perpetuum renūciasse, remoto Francisco beneficium conferret Guilielmo. Franciscus à sententia hac ad Pontificem, & à Romana Sede literas ad Archiepiscopum Cantuariensem reportat, quibus ipsi mandatur, ut præbendam absolute, & sine causæ cognitione restituat Francisco. Quo intellexto Papa rescribit ad dictū Archiepiscopum, quod non credat, se ita scripsisse ad Episcopum Conuentrensem, cum secundum stylum Curie addi, vel si non addatur, intelligi debeat conditio, (*si preces veritate nitantur*) Quare mandat Archiepiscopo, ut si in literis scriptum esse reperias, quod Franciscus absolute & sine causæ cognitione restitui debeat, nullā insuper in literis mentionem factā prioris rescripti à Guilielmo impetrati ad Episcopum Conuentrensem, prius latam ejusdem Episcopi sententiam confirmet, & Franciscum ad Sedem Apostolicam cum literis accedere compellat.

SUMMARIVM.

1. In rescripto ad instantiam partis dato semper inest, vel subintelligitur clausula: si preces veritate nitantur.
2. Non est tamen illa substantialis rescripto iustitia, ita ut per se illud reddat irritum, nisi causam definias. Est autem substantialis dispensationibus rescriptis gratia.

3. Eadem clausula necessariò in omni rescripto aut mandato Principis, etiam panali, & sine clausula iustificatoria promanante subintelligenda est.
4. Rescriptum iustitia, quod est contrarium iuri communi, & stylo Curie, de obreptione & falsitate suspectum est.

NOTANDVM I. In rescripto dato ad instantiam siue petitionem partis, etiam non exprimitur, subintelligi tamen clausula debet, si preces veritate nitantur. Consentit l. vn. C. de diuers. rescriptis. Quare notat Rebuffus in praxi benefic. p. 1. tit. de rescript. gratiæ & iustitiæ, secundum forum canonicum, clausulam ordinariè apponi solitam, et si non exprimitur, subintelligi debere: sed excipiendum esse; Nisi ius, vel stylus Curie, qui pro lege habetur, expressionem clausulæ alicuius tanquam necessariam postulet: tunc enim pertinebit ad formam rescripti, sine forma autem res non subsistit. Quare regula illa, quod *sacrum expresso aequiparatur*, seu *sacris & expressi eadem vis est*, limitari debet; nisi expressio requiratur, tanquam forma rei, prout patet etiam in expressione verborum in Sacramentis.

Corollarium. Si Aduersarius, contra quem rescriptum impetratum est, neget, vera esse quæ in eo continentur, probatio impetranti incumbit. Debet autem ea omnia probare, quæ pertinent ad fundandam intentionem seu petitionem suam; siue, sine quibus Princeps petitioni non annuisset, prout hic Baldus significat n. 7. Felin. n. 27. Idque procedit etiam in beneficialibus: Exempli causa, si aliquis à Pontifice petat sibi ex alterius beneficio, tanquam redditibus abundante, pensionem assignari, & pars, quæ possidet beneficium, neget abundantem esse, seu onus pensionis sustinere posse, petenti probatio incumbit.

QVÆSTIO IV. Interpretes, vtrum clausula hæc, siue conditio (siue expressa siue subintellecta) sit sine qua non, seu substantialis rescripto, ita ut per se illud censeatur irritum, nisi causam definias? Responso est negatiua, ut videre est apud Felin. hic. n. 1.

I 2 6. Bal-

6. Baldum in c. super literis n. 19. hoc tit. & sumitur ex l. 2. C. si contra ius, &c. Ratio est, quia clausula non apponitur ad fundandam seu inchoandam Iudicis, cui causa committitur. iurisdictionem, sed ad instruendum illum, quomodo secundum iustitiam procedere debeat. Sed alia ratio est de dispensationibus, aliisque gratiæ rescriptis: ea enim, si per obreptionem obtenta sint, siue narrata, ex quibus Princeps ad concedendum motus fuit, veritate destituta sint, iure ipso irrita sunt, ut proinde Commissarius seu Executor secundum ea operari non possit, iuxta l. 2. C. si contra ius, & docui in Theol. moral. lib. 1. tract. 4. cap. 22. num. 17. & dicendum erit infra in c. ad aures 8. c. constitutus 19. hoc tit. Quamobrem eadem ratione rescripta iustitiæ, per obreptionem emanantia, si non causam præparent, iudicemque instruant, sed causam definiant, ac terminent, ipso iure, & nontantum ope exceptionis, irrita existunt, prout bene annotavit Baldus in l. 1. num. 2. C. de collus. deteg. & sequitur Iason in l. 2. n. 22. C. si contra ius, &c.

3. His addendum; Clausulam, si preces veritate niantur, necessariam in omni Principis rescripto aut mandato, etiam pœnali, & sine clausula iustificatoria, uti vocant, promanante subintelligendam esse: ut proinde Reus per rescriptum damnatus, tamen si citatus sit duntaxat ad videndum se incidisse in pœnam v. g. banni, semper tamen excipere possit de obreptione; adeoque mandati vim per oppositionem falsitatis elidere, pœnamque evadere, ut videre licet apud Ancharam. consil. 240. Andr. Gaill. lib. 1. obseru. 15. num. 2. Ratio verò est, quia defensio contra falsitatem ac mendacium, cuiuslibet iure naturali permessa est, & ideo à Principe per rescriptum tolli non potest, quare nec sublatum unquam censetur, quacunque forma aut modo conceptum sit.

4. NOTANDUM II. Rescriptum iustitiæ, quod contrarium est iuri communi, & stylo Curie (quale erat illud, ut Commissarius absque causæ cognitione procederet) de obreptione, ac falsitate suspectum esse debet: Quare Commissarius secundum formam ta-

lis rescripti procedere non debet: donec Princeps certior factus, aliud rescribat, uti sumitur etiam ex l. vlt. Cod. de precibus Imperatori offerendis, & habetur apud Gregor. I. Pontificem, lib. 8. indict. 3. epist. 32. ad Episcopum Tauromitanum: *Si aliter se veritas, quam nobis insinatum est, fortassis habuerit, fraternitatis vestra subtiliter scripta nos instruant, ut quid sciendum sit, nostris iterum discurrentibus epistolis, agnoscatis.* Sed & pœnam meretur mendax impetrator, seu rescripti præsentator, Et eapropter, sicuti hic habetur, si quis rescriptum afferat alienum à ratione & stylo communi Curie, ad Curiam, vñ cum rescripto, tanquam de falsitate ac deceptione suspectus, remitti debet. Ita Imola hic num. 3. Abb. nu. 4. & constat ex c. si quando 5. hoc tit.

Videri etiam possunt, quæ dicam in c. inter cæteras 4. hoc tit.

CAPITVLVM III.

Caterum.

SYMMARIVM.

1. Delegatio Iudicis per primum rescriptum non tollitur per secundum, nisi de primo fiat mentio.
2. Processus tamen à Iudice posterius delegato institutus validus est, si nihil à parte excipiat contra rescriptum posterius.
3. Si prior impetrans suo rescripto renuntiet: tunc procedi potest secundum rescriptum posterius.
4. Rescriptum tamen iustitiæ ipso iure irritum est, si accessorium sit rescripto gratia obtentæ per obreptionem.
5. Si in posteriore rescripto mentio fiat prioris, censetur Papa causam à prioribus iudicibus auocare.
6. Et si clare constet, mentem Papa fuisse, tempore distans litterarum auocare acta ab eo tempore iudicis delegati, inuálida sunt.
7. Modus ordinarius & consuetus renouandi iurisdictionem delegatam est, ut renouatio vim ante non habeat, quam innotuit

mis delegato per litterarum auocatoriarum auocationem.

9. *Rescriptum ad Iudices utriusque partis consensu impetratum, non valet secundum ad alios iudices impetratum per alteram partem, nulla mentione facta à priori, & impetrans ad expensas condemnandus est.*

IN hoc c. tria respondet Alexander III. Papa: Primum. Si quis à Sede Apostolica litteras impetrauerit, quibus causa iudicibus delegata sit; postea verò eius aduersarius alias litteras ab eadem Sede impetret, in quibus eadem causa alijs iudicibus committatur; posterius istud rescriptum, si nulla in eo mentio fiat prioris rescripti, non obtinet firmitatem: quare prioris iudices, non obstante posteriore rescripto, ad decisionem causæ procedere possunt.

DUVM verò est: Num posterius rescriptum ipso iure irritum existat, an verò ope exceptionis; ita, vt si nihil à parte excipiat contra rescriptum, processus institutus à iudicibus posterius delegatis validus censeatur? Responderi debet, validum esse, ex doctrina Innocentij, & aliorum communi apud Abb hic n. 5. contra Tancredum apud Ioan. Andr. hic n. 7. Quod rescriptum iustitiæ, obtentum per obreptionem, non ante irritum, quàm per exceptionem elidatur, vt constat ex c. si autem 9. c. plerumque 23. hoc tit. c. vt debitus 59. de appellat.

3 Corollarium. Si prior impetratus rescripto suo seu expressè, seu tacitè renunciet, procedi potest secundum rescriptum posterius, quod tacitè veritate, seu nullà factà mentione prioris, emanauit: quippe quod ipso iure validum est, donec ab aduersario infringatur.

4 Bene tamen hic Abbas num. 6. limitat, Rescriptum iustitiæ ipso iure irritum esse, si accessorium sit rescripto gratiæ obtento per obreptionem, quia ruente principali, ruit etiam accessorium: cum accedens non possit subsistere sine fundamento. Exempli causa: Sempronius beneficium parochiale obreptitiè impetrauit à Papa: Is executorem deputauit Officiale Ecclesiæ Au-

gustanzæ. Rescriptum istud licet iustitiæ sit, tamen ipso iure irritum censi debet, vt colligitur ex c. constitutus 19. & c. audientiam 31. hoc tit.

5 Alterum dictum. Si in posteriore rescripto mentio fiat prioris rescripti seu factæ commissionis, censetur Papa causam à prioribus iudicibus auocare. Sed dubium est, si in hoc casu Iudices priores, permittente posteriore impetrante, procedant secundum rescriptum prius datum, vtrum processus valeat? Respondetur, cum Ioan. Andr. hic n. 7. inspiciendum esse: Num mens Pontificis fuerit, abolere reuocare priorem commissionem: Tunc non valet processus, ob defectum iurisdictionis: An verò reuocatio facta sit in gratià posterioris postulantis: Is enim fauori suo renūciare potest, & permittere aut cōsentire, vt causa secundum priores litteras apud prius datos Iudices agitur.

QUADSTO est, Si Papa aliūve Princeps causam alicui Iudici commissam, ab eo auocet, vel vt ipsemet cognoscat, vel vt alijs committat, vtrum statim ac secundæ, seu auocatoriæ literæ datæ sunt, an verò postea & quando, iurdictio à priore iudice ablata censi debeat? Resp. & Dico I. Si charè appareat, mentem Papæ fuisse, statim, seu tempore datarum litterarum auocare, vt quia in literis clausula irritans continetur, si quid ex eo tempore actū fuerit, tunc non valet, quod à delegato actum fuerit, ob iurisdictionis defectum. Ita docet Abb. hic n. 10. & in c. cum M. n. 33. de constitut. in c. audita n. 13. de concess. præbendæ in 6. Aufserius in Capellæ Tholof. q. 481. n. 4. Feolin: hic n. 18. Nam hoc in casu adest talis reuocandi iurisdictionem voluntas, vt ex verbis manifestum est; Atque ita reuocandi potestas: Cum enim iurdictio à delegato Iudice, per mortem delegantis, ipso iure seu lege, statim reuocata censeatur, si res integra sit, c. relatum 19. c. gratum 20. de off. delegati (quæ est tacita reuocatio iurisdictionis delegatæ per legem introducta, l. more 5. ff. de iurisd. omn. iudicum) multo magis locum habebit reuocatio iurisdictionis expressa, facta ab homine, seu Principe: &

I 3 quidem

quidem siue res integra sit, siue non: pendet enim id ex voluntate Principis. Non tamen decet, eiusmodi auocationes fieri cum aliorum præiudicio, & iudiciorum perturbatione: præterquam ex causa, v.g. in penam malè procedentis, aut iudicantis.

- 7 Dico II. Ordinarius & consuetus modus reuocandi iurisdictionem delegatam iste est, vt reuocatio ante vim non habeat, quàm delegato innotuit per literarum auocatoriarum præsentationem. Sumitur ex c. cum contingat 24. hoc tit. & docet Anton. de Butrio in cit. c. audita n. 14. Abb. cit. n. 13, & alij, quos refert & sequitur Thom. Sanchez lib. 3. de matrim. disp. 3. n. 11. & 12. disp. 36. n. 9. & videri potest Suarez lib. 8. de leg. cap. vlt. & quæ docui lib. 1. moral. Theol. cap. 23. n. 28. Eodémque modo iurisdictionis, seu in causa procedendi potestas Iudici delegato ante non acquiritur, quàm literæ ipsi præsentatæ sint, c. super eo 12. de appellat. Quare Felin. ex recepta sententia hic ait n. 11. *Nec conferri, nec auferri iurisdictionem ante literas præsentatas*: tametsi de datis literis delegatus aliunde notitiam acceperit. Ratio dari debet, quia hic est congruentior cum dandæ, tum auferendæ iurisdictionis modus.

Dico III. Si literæ reuocatorie iurisdictionis à prioribus Iudicibus ad instantiam partis emanarunt, tacite ipsi conditio inesse censetur, dummodò pars impetrans ijs vtatur, prout colligitur ex dictis c. præced. & tradit ex communi Folin. hic n. 11. Auffrelius cit. loco num. 5. & 6. Abb. Panormit. in suprà cit. c. audit. n. 5.

- 8 Tertium dictum Pontificis: Si rescriptum ad Iudices vtriusque partis consensu impetratum fuerit; postea verò ab vna parte, altera nesciente, impetretur rescriptum ad alios Iudices, nullà factà mentione de priore rescripto communi consensu impetrato, posterius obreptitium censi debet; Insuper impetrans ad expensas condemnari, quas Aduersarius eius propterea fecit. Ratio prioris partis est; Quòd Roman. Pontifex non soleat Iudices ex communi partium voluntate datos, ad vnius partis petitionem

reuocare: sed neque solet Indices dare, nisi ex partis vtriusque consensu, vt docet Abb. hic n. 11. Gl. in l. obseruandum 47. ff. de Iudicijs; Quamquam nihil etiam obstat, atque consuetum est, si non ambæ partes adsint, Iudicem delegare, quem pars vna petierit, quia alteri semper manet integrum eum allata causa recusare, c. causam 17. de offic. delegati, & docet ex communi Decius hic n. 10. Ratio posterioris partis est, quia dolose impetrans literas ad alios Iudices, iniusta causa est expensarum, quas aduersarius facere cogitur accedendo, aut curatorem mittendo, si citatus sit: Ergo hoc ipsi damnum compensare cogitur.

CAPITVLVM IV.

Inter cæteras.

PARAPHRASIS.

Archiepiscopus Eboracensis consuluit Alexandrum III. Papam, quid agendum, si Pontifex de duobus sub distinctione inquiri mandauit: quorum vnum verum reperitur, & alterum falsum: Exempli causa vtrum Rector ecclesiæ ex sacerdote illegitimè genitus sit, vel eam ecclesiæ illegitimè acquisierit; &, si ita esse compererit, eo remoto, parochiam alteri conferat; Respondet Papa; satis esse, quòd alterutrum delegato compertum fiat, vt ad amotionem, & ad alterius promotionem deuenire debeat, Idémque in similibus casibus obseruandum esse.

SVMMARIVM.

1. Si Princeps mandat in rescripto de duobus inquiri alternatiue, ad certum effectum consequendum, sufficit alterum delegato compertum fieri.
Ita in alternatiue contrahibus & promissionibus satis est alterutrum impleri à debitore, cuius est optio.
2. Interdum vocula alternatiua Aut, Vel, posita in obligatione aut mandato, non tribuit optionem, sed ordinem seruandum significat.

g. *In rescriptis iustitia, aut literis gratia subinde copulativa Et ponitur pro disiunctiva.*

NOTANDUM I. Si Princeps in ordine ad certum effectum mandet de duobus alternatiue inquiri, sufficit alterum eorum Commissario ostendi. Ratio est, quia ad veritatem enunciationis alternatiue satis est, si alterutra pars subsistat: sed ad veritatem copulatiue enunciationis vtriusque partis verificatio requiritur, §. penult. Instit. de hæred. instituendis.

Eademque doctrina etiam in contractibus & promissionibus locum habet, iuxta reg. 70. in 6. *In alternatiue debitoris est electio, & sufficit alterutrum impleri.* Idque extenditur in l. penult. C. de condict. indebiti; si quis debitor duarum rerum sub disiunctione, vtramque per errorem soluerit, ratus videl. vtramque copulatiue se promississe, optionem ei competere repetendi quam maluerit, sicuti & dandi optionem habere debebat.

In pœnis verò à lege, aut homine sub disiunctione hoc crimen decretis, distinguunt hic Abb.n.5. Felin.n.7. Num verba ad reum dirigantur, v. g. *solvat centum aureos, aut exulet à civitate*, tum optio ipsi reo relinquatur: An verò ad Iudicem referantur, *puniatur centum aureis, vel exilio*, tum iudicis arbitrio res committitur. Et verò in dubio, præsumendum ad Iudicem referri: quandoquidem pro varietate personarum, & circumstantiarum, varia pœna decerni solet; idque arbitrari ad Iudicem propriè pertinet, l. respiciendum 11. l. aut facta 16. ff. de pœnis.

Porrò pro maiore intellectu, duas bonas doctrinas afferre libet ex Gl. super cit. reg. 70. Prima, Interdum siue ex loquendi modo, siue ex materia subiecta apparet, vocalam alternatiuam *Aut/Vel*, positam in obligatione aut mandato, non optionem tribuere, sed ordinem seruandum significare. Cuius rei exemplum extat in l. cum pater 79. §. à te peto ff. de legatis 2. Item, si dux belli militi dicat, *aggredere hostem, cumque*

repelle, aut fuge; sensus est, si repellere non possis, fuge; Item si lex aut Superior Iudici præcipiat, vt criminosum aureis centum mulctet, aut flagellet; videtur significari, pecunijs mulctandum esse; at verò in defectu, si pecunias soluere non possit, in corpore puniendum.

Altera. In rescriptis iustitiæ, ac literis gratiæ seu dispensationibus quandoque copulativa. Et ponitur pro disiunctiva l. sæpe 53. ff. de verb. significat. Si videl. spectata materia subiecta, ac intentione & consuetudine mandantis, vnum ex pluribus membris seu partibus sufficit ad propositum effectum aliquem. Exemplum est in c. 2. supra hoc tit. Si Papa mandet Commissario, vt, si ipsi constiterit beneficiarium conuictum esse de periurio, & beneficio renuntiassse (vtrumque enim horum propositum erat Pontifici) reum inde remoueat, atque alteri conferat: videtur hoc in casu sufficere, si pars altera verificata sit. Quare Gl. ibidem ait ver. & perpetuo: *Si alterum per se sufficit ad remotionem alicuius, sufficit si alterum probetur, licet copulatiue ea duo mandentur.* Et paulò post: *Nunquam fuit intentio Dom. Papa, vt vtrumque necesse sit probare.* Limitat verò ibidem: Nisi expresse mandetur, quòd vtrumque probari debet. Vel si aduersarius seu impetrans ad vtrumque probandum se expresse obligarit, arg. c. licet 9. vbi id notat Gl. ver. se adstrinxit, de probat. Videri potest Rebuffus de rescript. & literis regijs in præfat. num. 57. & seqq.

Eandem porro doctrinam locum etiam habere in quibuscunque gratiæ commissiõibus, & dispensationibus, annotatur in decif. 7. Rotæ Rom. in nouis: *Licet plura capitula in commissione obtenta narrentur, quorum aliqua sunt falsa, aliqua vera; si ex vris potest sequi effectus & conclusio, vales commissio.* Et Nauarr. in consil. 7. hoc tit. edit. 2. *Quando in aliquo libello, commissio vel privilegio, ponuntur multa causæ, etiam copulatiue, quæ non omnes sunt de iure necessaria ad operandum aliquem effectum, sufficit, vt una illarum, quæ illum operari possit*

rescriptis sit vera. Videri etiam potest Felin. in c. 2. n. 21, & seqq. hoc tit.

NOTANDUM II. Si Princeps Iudicii formam secundum iustitiam procedendi in una causa præscribat, eandem quoque in alijs similibus observare debet. Ita hic, & in l. non possunt §. de legibus. Dixi de hæc re in c. 3. de Constit.

CAPITVLVM V.

Si quando.

PARAPHRASIS.

1. Alexander III. Papa scribit ad Rauennat. Archiepiscopum, si quando literæ Papales ad eum dirigantur, quæ ab æquitatis ratione quippiam alienum continent, quod turbari ideo non debeat: sed negotij, pro quo scribitur, naturam & qualitatem diligenter considerans, aut mandatum impleat: aut quare implere non possit, causam rationabilem per literas proponat. Neque enim Pontifex ægrè fert, ea mandata non impleri, quæ obreptitiæ seu per prauam suggestionem emanarunt.

SUMMARIUM.

1. *Is, ad quem dirigitur rescriptum Papæ, ei parere debet, vel rationabilem causam assignare, cur parere non possit.*
2. *Si Princeps aliquid insolitum, à ratione alienum, vel contra publicam utilitatem committat, aut mandet, non est executioni mandandum sed nona declaratio & noua iussio petenda. Idem iuris est in vniuersalibus legibus.*
3. *Principi mandanti quod est contra conscientiam, aut licite impleri non potest, patendum non est: neq. Officiario quauis constituto cum plenitudine potestatis v.g. Legato Generali belli, si mandet, quod reipubl. manifestè noxium, aut intentioni Principis contrarium.*
4. *Princeps ægrè ferre non potest, si re-*

scriptum eum obreptitium tanquam iniquum, & à ratione alienum arguantur.

NOTANDUM I. Si Princeps aliquid insolitum, à recta ratione alienum, aut contra publicam utilitatem committat, aut mandet, non est executioni mandandum, sed declaratio & secunda iussio petenda. Ita etiam habetur in Authent. Vt nulli Iudicum, §. Et hoc verò iubemus, collat. 9. & c. cum teneamur 6. de præb. vbi dicitur, non esse exequendum mandatum, si id sine scandalo fieri non possit. Videri potest Innoc. in c. inquisitioni, de sent. excomm. & S. August. serm. 6. de verb. Domini, relatus in c. Qui resistit 97. causa 1. q. 3. Gl. in l. 3. ver. Iudices, C. Si contrarius &c. *Non timeant miseri Prælati, si veritatem sequantur* (arguendo falsitatem) *cum Deo & Papa per hoc placeant.* Baldus in l. ult. n. 5. C. Sententiam rescindi non posse, vbi ait, *Clausulam ex certa scientia non operari in his, quæ Princeps præsumitur ignorare, vnde sunt facta commercia & bona consuetudines locorum.*

Eandem porro doctrinam non malè existimat Suarez lib. 4. de legib. cap. 16. n. 7. locum etiam habere posse in vniuersalibus Pontificijs legibus: Si videl. lex pro vniuersa Ecclesia, & tota v. g. Europa edita, vni regno aut prouinciæ, ob speciales causas à moribus hominum nimis discrepare, aut seruato difficillima videatur, expectandum esse, donec Pontifex informatus, iterum rescribat. Imò, addit Suarez, si clarum, seu indubitatum sit, legem nouiter editam ob speciales causas, & consuetudines loci, nequaquam convenientem esse prouinciæ, obligationem eius per se cessare: Eò quod Pontifex locorum specialia ignorare censetur c. 1. de Constit. in 6. Et non velle aliquid insolitum aut abhorrens à fidelium moribus statuere, aut præcipere. Vide quæ dixi lib. 1. moral. Theol. tr. 4. cap. 3. n. ult.

QUESTIO est: Si Papa clerico, qui notoriè indignus est, mandet beneficium conferri, vtrum Commissarius parere debeat? Respondeo cum Abbat. hic n. 3. Ioann. Andr.

Andr. in c. significauit, de off. Ordin. Capella Tholof. decil. 489. Vel manifesta est mens Pontificis, volentis vt huic indigno consecratur, vel non manifesta: Si hoc posterius, superferedi debet, donec Pontifex consultus iterum referbat. Sin autem prius, iterum distinguendum, num in inhabilitate dispensare possit Pontifex, tunc parendum est mandato, vti colligitur ex cap. 2. de schismat.

3. An dispensare non possit, idque vel quia absolute loquendo casus indispensabilis est, v. g. vt furioso, seu amentis beneficium consecratur; vel consideratis circumstantiis loci, &c. quia graue scandalum, & perturbatio certo orietur, vt sine peccato dispensatio non possit executioni mandari, tunc parendum non est, prout supra dixi, & tradunt Anton. de Butrio & Imola in cit. cap. significauit, in fine, Rebuff. de rescript. & liter. regis art. 1. Gloss. 4. Robertus Maranta in qq. legal. disp. 1. num. 19. quia si Princeps aliquid iubet, quod est contra conscientiam, aut licite impleri non potest, non est ei parendum. Pertinet hic, quod ex sancto Augustino serm. 6. de verbis Domini refertur in c. Qui resistit 97. causa 14. quæst. 2. *Sed quid? si illud iubeat Princeps, quod non debeat facere? Hic sanè contemne potestatem humanam, viximeus potestatem diuinam.*

Sed & id obiter aduertendum, quod in eodem loco subiungit Augustinus: *si aliquid Proconsul iubeat, & aliud Imperator, numquid dubitatur, illo contempto, illi esse seruandum?* Itaque acceptandum non est mandatum, nec exequendum, quamuis cum plenitudine potestatis constituti Officiarij, v. g. constituti Legati generalis belli, si quippiam mandet, quod Reipubl. manifeste noxiū, aut intentioni Principis contrarium est; quia potestatis plenitudo ad talia se nequaquam extendit: Interea tamen iussus seu mandatum superioris male obtemperantem aliquo modo excusat, vt in externo foro mitius puniendus sit, iuxta reg. Quod quis 24. & quæ ibi congerit Glossa in 6.

Adde his doctrinam Ioann. Andr. Anton.

& Imole in cit. cap. significauit, in fine, Felin. hic num. 6. & 7. quod inferior Princeps dispensare in aliqua inhabilitate non possit, nisi præmissa cognitione causæ: At verò Princeps ipse, v. g. Papa, tollere arbitratur suo potest inhabilitatem, ex iure positio ortam: ideoque sufficit, quod ex rescripto appareat, auferre voluisse, vt si dicatur: Titio, non obstante quod ex sacerdotem illegitimè natus sit, parochia confertur: Illo enim, quod Princeps iustà causà motus non fuerit ad dispensandum, seu habilitandum, tamen impedimentum ablatum est: sed secus est in inferiori, cui concessum non est in lege superioris etiam valide dispensare, nisi ex legitima causa: Non autem censetur ea adesse, nisi eius cognitio fuerit præmissa. Videri potest Franciscus Suarez lib. 8. cap. 13. num. 11. & seqq. & Theolog. moral. lib. 1. tract. 4. cap. 22. quæst. 1.

NOTANDUM II. Princeps ægrè ferre non potest, si rescriptum aut mandatum ex Curia ejus per obreptionem emanans, tanquam iniquum, aut à recta ratione alienum, arguat. Ita hic Pontifex ait: *Parienter sustinebimus, si non feceris, quod praua nobis fuerit insinuatione suggestum.* Quandoquidem id frequenter accidit, vt Principi multitudine negotiorum occupato, falsa pro veris suggerantur, aut ab ipso non satis cognita scribantur & mandentur, sicuti Imp. restantur in l. 1. Cod. de petit. bonorum sublati lib. 10. *Quoniam plerumque in nonnullis causis inuerecundis petentium inhibitione constringimur, vt etiam non concedenda tribuamus, &c.* Ideo dum eiusmodi obreptitia rescripta non acceptantur, non Principis potestas (qua de disputare sacrilegij instar esse censetur in l. disputare C. de crimine sacrilegij) in dubium vocatur, sed scientia & voluntas. Imò verò potestas & auctoritas Principis defenditur, quando id, quod legitime velle non potuit, ne voluisse quidem, neque sciuisse, ostenditur. Videri potest Andreas Gaill lib. 2. obseru. 58.

K

Vclair.

Vdafricus Zafius tom. 6. operum lib. 1. conf.
10. fol. 130. edit. Francofurd.

CAPITVLVM VI.

Cùm Ordinem.

PARAPHRASIS.

1. Si contra Cisterciensis Ordinis Professores (quippe quos Sedes Apostolica singulari favore prosequitur) rescriptum aliquod super decimis, vel aliis rebus, in quibus specialiter priuilegiati sunt, ab eadem Sede impetratum sit, in quo dicti Ordinis mentio non fiat, non tenentur Regulares ad illud respondere.

SUMMARIVM.

1. Cistercienses sunt priuilegiati, ut non possint ex rescripto Papa conueniri, nisi in eo mentio fiat de eorum Ordine.
2. Priuilegium à Principe concessum potest præscribere formam futuris rescriptis, ita ut ea non seruatà rescriptum ipso iure sit irritum.
3. Rescriptum in iuris, vel ad lites, valet, etsi in eo mentio non fiat priuilegiij cui competentis contra quos illud emanat, non item rescriptum gratia.
4. Priuilegia Regularium in Corpore iuris non contenta per clausulam generalem Non obstantibus, &c. non reuocantur, secus est, si in corpore iuris contineantur: ad hoc enim derogationem addi debet specifica eorum mentio.
5. Priuilegijs iisdem derogatur per clausulam generalem reuocatoriam, licet ea data sint cum clausula, ut nullà contrarià constitutione reuocata censeantur, nisi eorum specialis mentio fiat.
6. Excipiuntur ea, quæ cum tali derogatoria clausula in Corpore iuris extant, hæc enim per legem generalem non reuocantur, nisi specialis eorum mentio & derogatio fiat.
7. Quæ per modum contractus priuilegia concessa sunt per clausulam prædictam

generalem non reuocantur.

8. Exempli in iudicium vocati non tenentur comparere ad allegandum priuilegium, si id in Corpore iuris contineatur.
9. Episcopus notorie existens in possessione iurisdictionis erga Clericos, aut Regulares intra suam diocesim habitantes, potest contra eos procedere, non attenti eorum, quæ offerunt, priuilegijs & probationibus, imò nec appellatione.
10. Si autem dubium sit circa possessionem iurisdictionis, potest extrajudicialiter contra exemplis procedere, etiam censuram comminando: illi autem recusare & appellare ad Pontificem possunt.
11. Contra Monasterium notorie in possessione exemptionis existens, Episcopus procedere non potest, potest tamen petere exhibitionem priuilegiij, aut probationem legitimæ prescriptionis, interea autem resque ad cognitionem causæ in possessione relinquendum est.
12. Existens intra diocesim, qui de iure communis exemptus non sunt, dicunt autem se esse exemptos ex priuilegio aut prescriptione, in possessione exemptionis quidem sunt, ab Ordinario tamen citati comparere debent, & priuilegium edere, aut de prescriptione docere, si neutrum horum præstare possint, vis potest Ordinarius iurisdictione suâ contra illos.

NOTANDVM I. Priuilegium à Principe concessum potest præscribere formam futuris rescriptis, ita, ut si ea forma seruata non sit, rescriptum ipso iure irritum existat. Ita Anton. hic n. 2. Abbn. 2. Decius n. 3. Exemplum est hic: Si Ordo aliquis priuilegium habeat, ut per rescriptum conueniri non possit, nisi expressum sit, quod Religiosi sint eius Ordinis v. g. Cisterciensium, hoc in casu si v. g. Parochus aliquis impetret à Sede Apostolica, ut Monasterium S. Stephani intra parochiam suam situm, decimas ex agris suis præstare cogatur, subreptitium, imò irritum erit rescriptum; si in eo expressum non sit, Monasterium esse Ordinis Cisterciensium.

Sed **QVARTVM** hic primò, Num iuxta casum.

asum huius cap. necesse sit mentionem fieri privilegij, v. g. immunitatis à decimis eis competentis, contra quos rescriptum emanat? Resp. cum Baldo hinc num. 16. Boich n. 1. Vel est rescriptum iustitiæ seu ad lites, tum necesse non est eius immunitatis mentionem fieri, sicuti neque aliarum excoptionum peremptoriarum, cum in progressu lites semper opponi possint, uti constat ex cap. 1. de lites contest. in 6. & bene hic explicat Abb. n. 3. Vel est rescriptum gratiæ seu indulgentiæ, tum opus est eius mentionem fieri, alioquin subrepticium censetur, c. Inter 20. de sent. & re iudic.

4. **QVÆRITVR** secundo, Num sufficiat, si in rescripto contineatur clausula derogatoria privilegij generalis. Exempli causa, Si in rescripto Papali mandatum sit, ut à Commissario seu delegato Iudice visitari & in iudicium vocari possint Regulares, cuiuscunque ij Ordinis ac Religionis sint; quantumque, etiam specialiter privilegiati, aut exempti, num vi eius rescripti visitari aut conueniri queant Regulares, qui speciale privilegium acceperunt, ut per rescripta Apostolica conueniri non debeant, nisi vel Ordinis, vel accepti privilegij mentio specialis fiat? Respondeo & Dico I. Si eiusmodi privilegium Regularibus concessum in corpore iuris non contineatur, censi debet ei derogatum per clausulam generalem, *Non obstantibus quibuscunque, qualitercunque, conceptis privilegiis*. Ita docet Abb. in c. cum instantia n. 5. de cens. Felin. in c. nonnulli n. 6. hoc tit. Syl. ver. privilegium q. 10. dicto 6. Suar. lib. 5. de legibus disp. 38. n. 2. Ioann. Azor tom. 1. moral. Instit. lib. 5. cap. 22. q. 12. Ratio est: Quia Princeps neque à seipso, neque ab antecessore suo obligari potuit ad certam formam rescripti seruandam; multo minus ut datum privilegium auferre non posset, si vellet; vel le autem auferre, sufficienter ex ea generali reuocatoria clausula colligitur. Idque magis confirmabitur ex 2. resp.

Dico itaque secundo: Si privilegium huiusmodi in corpore iuris insertum sit, non derogatur ei per clausulam generalem, sed opus est specifica mentio seu derogatio priui-

legij, secundum formam, quæ in eo exigitur. Ita ex communi docet Felinus in cit. c. nonnulli n. 9. Suarez cit. cap. 38. num. 1. & docui lib. 1. Theol. moral. tract. 4. cap. 23. num. 26. ubi duas rationes attuli: I. Quia lex generalis non tollit specialem, si ob peculiarem rationem excepta videri possit: quia species derogat generi, sicuti supra etiam docui in c. 1. hoc tit. II. Quia Princeps iura omnia, adeoque etiam privilegia, si in iuris corpore continentur, nosse censetur cap. 1. de Constit. in 6. Et ideo si eis, quæ specificam derogationem requirunt, derogare vellet, in specie mentionem faceret. At verò quæ non sunt in iuris corpore posita, cum singula seu in specie ignoret, non potest ea specificè exprimere: & ideo ad derogandum sufficere debet clausula generalis, uti supra dixi.

Porro quod de rescriptis dictum est, idem quoque sentiendum de legibus, & sacris canonibus: Si videlicet privilegium datum sit Regularibus v. g. cum clausula, ut nulla contraria constitutione reuocatum censeatur, nisi eius mentio specialis fiat, nihilominus reuocatum censi debet per clausulam reuocatoriam generalem, *Non obstantibus quibuscunque, &c. privilegiis*, prout inter alios docet Francisc. Suarez in cit. cap. 38. num. 1. E-man. Rodriq. tom. 2. qq. regul. quæst. 2. art. 7. ubi ait, *Multa Religiones, præcipue mendicantes, huiusmodi habent clausulam derogatoriam constitutionum subsequens, nisi privilegiorum mentio fiat, & tamen inuenio multa earum privilegia reuocari in Concil. Trident. in quo nulla de ipsis Religionibus mentio fit*. Sed excipi hinc debet: Nisi privilegium cum huiusmodi derogatoria clausula in corpore iuris extet: tum per generalem legem non debet censi sublatum, aut derogatum, nisi specialis eius mentio ac derogatio fiat, prout Suarez loco citato docet, & Glos. celebris in Auth. Qua in provincia, ver. illic omni privilegio cessante, C. Vbi de crimine agi oportet. Et alia Glossa in l. 3. ver. pragmatica C. de silentiariis lib. 12. ubi accommodatum huic rei exemplum habetur: Decurionibus enim & silentiariis data privilegia ibi à Valentiniano Imperatore confir-

mantur adeo, ut nulla pragmatica functione eis derogatum censi debeat. Quamobrem etiam si generale statutum postea edatur in contrarium, non facta expressa derogatione eius legis, non censentur iij comprehensi.

Addit verò Suarez citato loco num. 3. aliam exceptionem, Quod per clausulam generalem *non obstantibus quocunque privilegio, &c.* censi non debent sublata aut derogata ea privilegia, quæ per modum contractus concessa sunt, v. g. in remunerationem meritorum, eumque non nisi ex gravi causa ad bonum publicum pertinente iuste tolli, seu revocari possint, & ideo huiusmodi revocatio in generali clausula non comprehenditur, sed opus est specifica expressa mentione, etiam si per modum contractus fuerint concessa. Quamvis neque hæc clausula, ex plenitudine potestatis proveniens sufficiet, si privilegia data sint non subditis, v. g. clericis, posteaquam ea acceptata, & ius acquisitionis privilegiatis. Cum plenitudo potestatis ad derogandum iuribus non subditorum se non extendat, prout etiam dixi in c. Quæ in ecclesiis 7. de Constit. & videri possunt, quæ docui lib. 1. Th. mor. tr. 4. c. 23. n. 25

8 NOTANDUM II. Si privilegiatus seu exemptus, cuius privilegium exemptionis in corpore iuris continetur, ad iudicium vocetur, respondere non tenetur, cum exceptione declinatoria notorie tutus sit. Ita colligitur ex textu huius c. in fine.

Existimat verò Glos. hic ver. *nulla facta mentione*, in fine, quod in casu huius c. *Monachi debeant venire privilegium suum allegaturi*, alioquin contra eos procedi possit, argum. l. si quis ex aliena 5. ff. de iudic. quam doctrinam eximit hic Abbas num. 8. Sed contrarium rectius docet hic Abbas num. 5. Necessarium non esse, ut exempti compareant ad allegandum privilegium, si id in corpore iuris continetur, argum. l. 3. ff. de iudicis. Quam sententiam potius confirmat cit. l. si quis ex aliena, Nam causa, cur ex aliena iurisdictione citatus ad Prætores, comparere debeat, ibi redditur: *Prætoris enim est astimare, an sua sit iurisdicatio*: Vbi Glossa explicans ait: *Scilicet cum dubium sit: aliàs*

non. Nullum autem potest esse dubium, si exemptio in corpore iuris contineatur, id est: quæ nec cognitioni, seu examini ullus locus relinquitur, prout mox iterum dicam.

QVÆSTIO ENIM hoc in loco tractari potest, si Episcopus seu Ordinarius loci contra Clericos aut Religiosos intra diocesis suam habitantes procedere, aut eos visitare velit, ij autem exemptos se asserant, quid de iure agere concessum sit Ordinario loci? Respondeo ex doctrina Abb. in c. venerabili, de censibus, Rota Rom. apud Ascan. Tamburinium de iure Abbatum tom. 1. disp. 15. q. 8. & Dico I. Si Episcopus sit in possessione iurisdictionis erga Regulares v. g. & hoc constet, tum non attentis quæ offerunt privilegiis, aliisue probationibus, procedere potest ad manutenendam seu defendendam possessionem iurisdictionis suæ: sed neque appellationem in hoc casu recipere tenetur, quia procedat tunc ut pars, non ut iudex, ait Abb. num. 3.

Dico II. Si dubium sit, num Episcopus in possessione iurisdictionis existat contra exemptos, potest similiter extrajudicialiter procedere, etiam censuras comminando: Illi autem reculare, & appellare ad Pontificem possunt. Ita vt si post appellationem censura lata sit, ea pendeat ex futuro euentu, si videlicet Pontifex cognouerit, iustum aut iniustum processum sententiamque fuisse. Ita post Innoc. in cit. c. venerabili, ibid. Abb. n. 3. vbi suadent, si allegantes exemptionem, ostendant privilegium suum, vt Episcopus illud cognoscat extrajudicialiter. Et Tamburinus nu. 3. referens Rotam Romanam, quod ad evitandum manutenzionem Ordinarii, non sufficit exhibitio privilegij, nisi vltterius ausus quasi possessio exemptionis, vti habetur in c. cum persona 7. de privil. in 6. Et n. 5. Eo ipso quod Ordinarius exercet iurisdictionem in una parte sua diocesis, videtur consensus in quasi possessione exercendi, quoad omnes, in quibus alter non habet particularem quasi possessionem. Et eodem n. 5. Per istam exhibitionem privilegij, quæ concernit petitorum, remaneret Episcopus priuatus sua quasi possessione, nisi eam manutenere ac defendere licitum esset.

*contra notata Abb. in c. 1. n. 1. Bursio n. 2. V's
l'pendente, &c.*

- 11 Dico III. Si Episcopus non sit in possessione iurisdictionis erga Monasterium v. g. sed illud in possessione exemptionis existat, atque de hoc constat; non potest Episcopus contra Regulares procedere, aut censuras comminari: Quia priuaret eos possessione, aut quasi possessione iuris sui. Potest tamen Episcopus petere, vt priuilegium exemptionis exhibeatur, aut de legitima prescriptione doceatur: interea verò dum res cognoscitur, in possessione relinquendi sunt, iuxta cit. cap. cum personæ, & docet Rota Rom. suprâ citata n. 7. Abb. in c. 1. num. 4. Vt lite pendente, &c. Syluest. ver. exemptio q. 6. Em. Rodr. tom. 2. regul. qq. q. 64. 2. 7. & Angel. ver. exemptio, §. Vtrum pendente, quòd exemptus pendente lite non est turbandus in possessione sua, etiamsi possideat contra ius commune: dummodo ex aliqua probatione, licet non sufficiente, ad finale intentum ipsi sufficiat possessionem suam.

- 12 Dico IV. Tamen si ij, qui intra diocesim existentes exemptos se dicunt, ex priuilegio aut prescriptione in possessione exemptionis sint, tamen ab Ordinario seu Diocesano citati comparere debent, atque priuilegium edere, aut de prescriptione docere. Quòd si neutrum horum præstare possint, concessum est Episcopo iurisdictione suâ contra illos vti, citato cap. cum personæ, in fine, & docet Syl. ver. exemptio q. 5. In dubio autem num priuilegium validum sit, aut saltem causam prescriptioni præbeat, non potest Ordinarius de eo cognoscere, aut contra illos pronunciare, vel possessione spoliare, prout loco cit. tradit Rodriguez; rationem assignans, partim ne quis sit iudex in propria causa, contra l. Qui iurisdictioni 10. ff. de iurisd. omni. Iudicunt: partim quia interpretatio priuilegiorum Apostolicorum eidem Sedi referuatur.

Aduertendum autem hoc loco: Hæc, quæ ex cit. cap. cum personæ, allata sunt, de ijs tantum intelligi debere, qui priuilegio aut prescriptione legitima ab Ordinario seu Diocesano exemptos se profitentur: non

autem de ijs, qui iure communi exempti sunt. Idque inde probatur, quia processus ille aduersus exemptos, quo compelluntur suum priuilegium edere, inde prouenit, quòd de iure communi, *Ordinarius intentio sit fundata*, cit. c. cum personæ: Hæc autem ratio nequaquam locum habet erga iure communi exemptos: Cum enim species deroget generi, c. 1. de rescriptis: ideo si ex vna parte Ordinarij iurisdictione in omnes intra diocesim existètes, ex alterâ verò parte, quorundam exemptio ex communi iure nota sit, non potest dici Ordinarij iurisdictione erga hos fundata. Quamobrem rectè docuit Ioan. Andr. in reg. 27. in 6. Abb. super hoc c. n. 5. Imola ibid. n. 5. Decius n. 4. de rescript. Syl. loco cit. q. 8. Eman. Rodriq. tom. 1. regul. qq. q. 36. 2. 4. quòd Religiosi mendicantes, cum iure communi, omnibus noto, exempti sint, comparere non teneantur, ad allegandam aut ostendendam exemptionem suam. Quorum communis doctrina conciliari potest cum alijs DD. apud Felin. hic n. 8. quando aiunt, quòd exempti si super exemptione citentur, comparere & priuilegium allegare debeant, etiamsi notorium esse existimetur. Id enim verum est, si priuilegium in corpore iuris contentum non sit: Discrimen est, quòd huiusmodi priuilegij, cum sit instar iuris communis, allegatio aut exhibitio frustra petatur; non ita verò priuilegij in corpore iuris non contenti: cum id omnibus ita notum non sit, aut, si notorium esse dicatur, hoc ipsum allegari, atque de eo cognosci potest: cum in facto potius, quàm in iure consistat. Quam ipsam doctrinam legere potes apud Sebast. Sapiam super Abbate in cit. c. cum ordinem, lit. d.

CAPITVLVM VII.

Eam te.

PARAPHRASIS.

Vacante Sede Tornaciensi, Alexander III. scripsit ad Capitulum eiusdem Ecclesiæ pro Petro ex Iudaismo ad fidem Catholicam conuerso, mandans, vt ipsi Canonicus in Ecclesia Tornaciensi conferra-

tur. Sed quia ius conferendi beneficia ad solum Episcopum, non etiam Capitulum in ea Ecclesia pertinebat, ideo m. datum Papæ exequi non poterat. Cùm autem Archidiaconus pariter & Canonicus eius ecclesiæ Episcopus consecratus esset, Petrus ab ipso Canonicum petiuit. Sed Episcopus se excusauit, quòd ipse à Sede Apostolica mandatum nullū accepisset. Hoc intellecto, Alexander III. reſcribit, excuſationem hanc inane eſſe, cùm ex datâ literarum cognosci potuerit eas promanasse tempore Sedis vacantis, seu cùm nullus eſſet Episcop⁹. Quamobrè literæ miſſæ fuerunt ad Capitulum, tanquam in quo interim omnis rerum administratio reſideret. Addit verò Pontifex, non ideo Petrum repudiandum eſſe, quia ex Iudæo genere ortus ſit.

SUMMARYM.

1. *In reſcriptis Principis, ſi dubitetur, an ſint obreptitia, tempus datæ inſpici debet.*
2. *Capitulum Cathedrale, vacante Sede, exequi poteſt mandata Apoſtolica Sedis, eſt eorum executio ad Episcopum propriè ſpectet.*
3. *Iudeus conuerſus poſtquam conſtantiam probauit, ad Ordines & beneficia promoueri poteſt.*
4. *Si ſtatutum foret in Eccleſia episcopali, vel regulari (vſi eſſe poteſt) vt nemo ex genere Iudeorum in eccleſiam, vt beneficiarius, aut in Monasterium recipiatur; Papa autem per reſcriptum contrarium mander, vt ſalu reſcripti recipi non debet, ſi huic nulla mentio vel clauſula ſtatuti uſerua ſit.*

NOTANDVM I. Collatio beneficii eccleſiaſtici eſt gratuita conceſſio, ſiue gratia, ac veluti ſpecies quædam donationis, prout hic appellatur.

NOTANDVM II. In reſcriptis Principis, ſi dubitetur de eorū viribus, aut ſint ne obreptitia, tempus datæ inſpici debet, ſic-

ut etiam habetur in c. conſtitutus 19. iun. Gl. hoc tit. ver. impetrâſſet. Item ſi agatur de capacitate Iudicis delegati, aut commiſſarij ſeu executoris, ad quem reſcriptum directum eſt, cap. ſtatutum 11. iun. Gl. ver. canonicis, hoc tit. in 6. & docet hic Decius n. 5. ſuſ. Boich n. 1.

NOTANDVM III. Capitulum cathedrale, vacante Sede, exequi poteſt mandata Apoſtolice Sedis, tamenſi eorum executio ad Episcopum propriè ſpectet: Exemplum habemus hic. Si vacet præbenda, cuius libera collatio ad Episcopum abſque Capitulo pertinet, non poteſt eam conferre Capitulum Sede episcopali vacante, c. vn. Ne Sede vacante in 6. Attamen ſi Papa mandet eam conferri certæ perſonæ, exequi poteſt, imò debet Capitulum; propterea quòd eiufmodi collatio ſit veluti neceſſaria: At verò in neceſſarijs præbendarum collationibus ſuccedit Capitulum, vti colligitur ex c. 1. de inſtitut. & tradit Nicol. Garcias p. 5. de beneficijs cap. 7. n. 51. Vt ſi ex fundatione certæ perſonæ, aut vni ex familia præbenda conferri debeat. Videri poteſt Innoc. hic, Anton. de Butrio n. 24. Abb. n. 14.

Obijci poteſt, quòd Pontifex hic dicat, Capitulum Pontificis mandatum exequi nō potuiſſe. Reſponſio colligitur ex textu, Ideo exequi non potuiſſe, quia cùm literæ præſentarentur, Episcop⁹ non iter electus confirmationem, quin & conſecrationem acceperat: Notum autem eſt, Capitulum ex eo tempore, cùm Episcop⁹ conſtitutus eſt, episcopalia negotia exercere non poſſe. Et enim Capitulum adminiſtrat loco & vice Episcop⁹, dum Seſes vacat, c. his quæ 11. c. cùm olim 14. de maior. & obed. Superueniente autem principali ceſſat poteſtas adminiſtratoris ſeu vices gerentis: atque ad ipſum, Episcopum, inquam, conſtitutum, ſtatim deuoluitur. Eapropter ait hic Pontifex, friuolam fuiſſe excuſationē Tornacenſis Episcop⁹, nullum ſe mādātum recepiſſe: Nam mandatum, cùm emanabat, non ad ipſum, qui nondum (vti ex datâ literarum colligi potuit) adminiſtrationem gerebat, ſed ad Capitulum pertinebat, ex quo etiam ipſe

Ad aures.

PARAPHRASIS.

Intellexerat Lucius III. Pontifex, quòd Decani, Archidiaconi, Præcentores, & alij ecclesiasticis dignitatibus præditi, tacitè dignitate seu personatu suo, atque simplici nomine se appellantes, literas super minoribus beneficijs à Sede Apostolica impetrarent: Eapropter rescribit Lincolnensi Episcopo, nolle se, vt eiusmodi literæ à personis, quæ pluribus redditibus abundant, contra pauperes clericos impetratæ vim obtineant.

SUMMARIVM.

1. *Rescriptum impetratum à Papa red-
ditur obreptitium, si in eo taceatur di-
gnitas aut personatus impetrantis.*
2. *Non item si impetratum sit ab Ordina-
rio, cui nota qualitates impetrantis
esse censetur, vel si alias certum sit
aut verisimile, Papam aut alium Prin-
cipem, etiam suppressâ qualitate & vo-
luntate, concessurum fuisse beneficium,
modo expressio qualitatũ non sit, vt
forma, requisita.*
3. *Princeps non solet beneficium uni con-
cedere, ita, vt aliter cedatur, saltem
grauiter. Vnde nunquam præsumi
debet, Principem rescribere, mandare,
privilegium vel beneficium conferre
voluisse cum graui seu notabili præiudicio.*

NOTANDVM I. Si Clericus obtinens dignitatem aut personatum, impetret aliud beneficium, etiam ex minoribus, debet exprimere qualitatem beneficij antè obtenti: alioquin rescriptum obreptitium censi debet. Ratio est: Quia est obtentum per taciturnitatem veri per se ad rem pertinentis, quo cognito, Papa rem postulatam probabiliter non concessisset; Cum non sit eius

vnus erat, videl. Canonicus & Archidiaconus, ac proinde scire debuerat, cur & quo tempore mandatum prodierit, atque executioni mandare, cum primùm ecclesiæ administrationem accepit.

3. **N**OTANDVM IV. Ex Iudaismo ad Fidem Catholicam conuersus, postquam constantiz suæ sufficientia signa præbuit, ad sacros ordines & ecclesiastica beneficia promoueri potest. Ita hic, & docui lib. 1. moral. Theol. cap. 2. assert. 5.

4. **Q**UÆSTIO est: Si in ecclesiâ Tornacensi statutum fuisset, vt nemo ex Iudæorum gente ortus, Canonicus, aut beneficiarius heret, vtrum Episcopus & Capitulum Petrum vi harum literarum Papalium recipere debuissent? Respondeo negatiuè, si nulla mentio, seu clausula derogatoria statuti inserta sit, iuxta doctrinam Ioann. Andreæ in c. ei cui, de præbend. in 6. Felin. in c. nonnulli n. 9. hoc tit. quòd Princeps non censetur derogare velle statutis & consuetudinibus locorum, nisi exprimat: & ideo per literas Papa nunquam derogatur statutis requirentibus certas qualitates in promouendo. Videri etiam potest Rota Roman. in decis. 1. in nouis, de præbend. Ratio responsionis sumitur ex c. 1. de consuet. in 6. ex quo colligitur, Pontificem censendum non esse particularium locorum seu ecclesiarum consuetudinibus ac statutis, si ea rationabilia sint, derogare velle, nisi exprimat: Statutum autem istud, vt nemo ex genere Iudæorum in ecclesiâ vt beneficiarius, aut in Monasterium, vel Ordinem recipiatur, rationabile esse potest; neque excedit potestatem statuendi, quæ est in ecclesiâ episcopali, aut regulari, prout videre licet apud Eman. Rodriq. tom. 1. reg. qq. q. 10. a. 3.

Neque obstat, quòd Pontifex in fine huius c. ait, *Quòd Iudæus extiterit, ipsum dedignari non debes.* Quia in ecclesiâ Tornacensi non extabat tale statutum; alioquin allegatum fuisset: Cum itaque spectato cõmuni iure, tales non repellantur, rectè dixit

Papa, eum, pro quo scriptum fuit, à præbenda repelli non potuisse.

eius intentio beneficia conferre personis, quæ iam antè ecclesiasticis beneficijs abundant; maximè cum pauperum clericorum, quibus minora beneficia competunt, detrimento, iuxta c. postulasti 27. hoc tit. Ita explicant Innoc. hic & Abb. n. 2.

Hac etiã de causa in Concil. Lateranensi sub Leone X. sess. 9. in Bulla reformat. Curia decretum est, vt beneficia quæ 200 ducatorum valorem annuum non attingunt, R. E. Cardinalibus non conferantur, præterquam si vacent per obitum vnus ex familiaribus eorum.

- 2 His duo adde : I. Si ab inferiore Ordinario, v. g. Episcopo, petatur beneficium, qualitates petentis, aut beneficij petiti non ita exprimi debent, sicuti si à Pontifice impetretur : quia Ordinario notæ esse censentur, prout Felin. annotauit in cap. in nostra, n. 25. coroll. 29 hoc tit. Idque verum est, si expressio veri non requiratur tanquam forma, ita vt sine ea rescriptum irritum sit, sed duntaxat ad subreptionem impediendam : subreptio autem per taciturnitatem veritatis locum non habet, vbi ea concedenti nota est. II. Neque tunc subreptioni propter taciturnitatem veri locus esse potest, si certum aut verisimile sit, Principem, v. g. Pontificem, nihilominus, etiam si veritas expressa fuisset, concessurum fuisse, prout etiam ex hoc cap. colligitur verbi *cum non sit intentionis nostra*, iun. Gl. in casu ; atque ex Ancharano conf. 137. exemplo declarat Auffrerius super decis. Capell. Tholos. 436. Quod mala expressio valoris beneficij non nocet, si ex literis colligatur, quod Papa opulentius etiam, & fortasse libentius, concessisset. Id tamen limitari debet, si versentur in casu, quod expressio qualitatibus tanquam forma requiratur, prout hic annotat Felin. n. 11. Sine forma enim res non subsistit, sicuti etiam supra dixi in c. 1. in 1. not. hoc tit. & videri possunt, quæ dicuntur in cap. super literis, 20. c. postulasti 27. hoc tit.

- 3 NOTANDUM II. Princeps non solet beneficium vni concedere, ita vt alter lædatur, *saltem grauiter*, ait Gl. hic ver. inten-

tionis : Modicum autem præiudicium æstimari non solet. Spectat hoc, quod ex S. Ambrosio refertur in c. denique 10. causa 14. q. 5. *Si non potest subueniri alteri, nisi alter lædatur, commodius est neutrum iuuari, quam grauari alterum*. Eapropter nunquam præsumi debet, Principem rescribere, mandare, aut priuilegium vel beneficium cõferre voluisse, cum graui seu notabili alterius præiudicio, vti hic Baldus notauit n. 2. & dixi in c. Quæ in ecclesiarum 7. de Constitut.

CAPITVLVM IX.

Si autem,

PARAPHRASIS.

Dubitabatur, si Titius rescriptum ad lites à Sede Apostolica impetrauerit, eoque v. sus non sit coram Iudice delegato ; Interea autem Caius, aduersarius eius, alio impetrato rescripto, in quo prioris mentio nulla facta, Titium in eadem causa ad iudicium trahat, quæstio, inquam, erat, an is exhibendo prius rescriptum, aduersus Caium excipere, eumque repellere possit. Respondet Lucius III. Papa, esse distinguendum ; Si prior impetrans Titius rescripto, ob dolum vel negligentiam, v. sus non fuit, (vnus anni spatio, sicuti habetur in c. plerumque 23. hoc tit.) excipere non potest : Sin autem non culpâ suâ, sed quia Iudicis delegati copiam habere non poterat, agere intermisit, competit ei exceptio aduersus literas posteriores.

SYMMARIVM.

1. *Valet rescriptum secundum impetratum ab Aduersario, licet non faciat mentionem de primo, si prior impetrans ob dolum vel negligentiam (intra vnus anni spatium) iulo non fuit usus.*
2. *Rescriptum iniustitia ex se perpetuum est, nisi postea aliud impetretur ei contrarium ;*

trarium, tunc enim ope exceptionis prius tolli potest ob dolum, aut negligentiam eo non uidentis.

3. *Vniuersim rescripta iustitia seu ad lites obreptionis obuenta, ipso iure nulla non sunt, sed per exceptionem elidi possunt.*
4. *Negligentia post anni lapsum presumitur in impetrante rescriptum, quo usus non fuit; non autem dolum, qui ab allegante probari debet.*

2. **NOTANDUM I.** Tametsi rescripta iustitiæ perpetua sint, si certum tempus definitum non sit, id est, semper eorum usus, seu utendi facultas duret, quamdiu permanet ius siue agendi, siue excipiendi, super quo fundantur, l. 2. iun. Gloss. ver. perennia Cod. de diuers. rescriptis; limitari tamen debet per hanc textum: Nisi postea aliud ei contrarium rescriptum à Principe impetretur: tum prius tolli potest ope exceptionis, propter negligentiam aut dolum eo non uidentis.

3. **NOTANDUM II.** Rescripta iustitiæ seu ad lites, obreptionis obuenta, non sunt ipso iure irrita, sed per exceptionem elidi possunt. Ita notant Interpretes hic Abb. num. 2. Anton. num. 7. Felin. cap. ad audientiam 31. num. 17. hoc titulo. Sanchez lib. 8. de matrimonio disp. 21. num. 3. & sumitur apertè ex textu: Nam posterior rescriptum, priori contrarium, eius mentionem nullam faciens, subreptitium est, ut etiam constat ex c. 3. hoc titulo. Et tamen anni elapso spatio si prior impetrans suo rescripto per negligentiam aut dolum non utatur, posterius vires & robur acquirit: Ergo non fuit irritum ipso iure, sed tantum infirmum, ut per exceptionem elidi possit: Nam quod ab initio vitiosum est, non potest tractu temporis conualescere, reg. ff. 30. Et reg. 18. in 6. Non firmatur tractu temporis, quod de iure ab initio non subsistit.

Obiicitur, quod Legistæ docent in l. licet 5. C. de except. & præscript. *Quæ sunt temporalia ad agendum, perpetua sunt ad excipiendum*: Itaque tametsi primi rescripti im-

petrator ex eo post annum agere prohibeatur. poteris tamen de obreptione rescripti posterioris excipere, ut efficaciter ex eo conueniri non possit. Respondeo: Si exceptio, siue ius excipiendi ex radice perpetua proveniat, puta ex iure naturali defensionis, quod per legem positivam non tollitur, tunc locum habet regula: Tametsi ius actionis tempore definiatur per legem, ius tamen excipiendi perpetuò manere. Exemplum est in l. purè 5. §. ult. ff. de doli & metus except. Si à quopiam v. g. in contractu deceptus es, seu dolo circumuentus, competit tibi aduersus eum actio de dolo, quam secundum l. ult. Cod. de dolo, intra biennium instituere potes: Quo elapso, tametsi de dolo agere concessum non sit, si tamen aduersarius aduersus te actionem moueat, petens seruari contractum, semper eum per exceptionem doli mali repellere poteris: cum naturalis æquitas non pariat, aliquem ex propria iniquitate commodum reportare: aut cum alterius iniuria, aut damno locupletari. Sin autem exceptio siue ius excipiendi ex fundamento seu radice mutabili proveniat, tum eo destructo aut infirmato, corruit etiam ius excipiendi, prout hic apparet. Siquidem tam actio, quam exceptio contra rescriptum posterius fundatur in rescripto prius impetrato: quod cum per canonis decretum in poenam negligentiam aut commissi doli, infirmatum sit, sequitur quod & actio, & exceptio infirma reddatur. Sic etiam se res habet, si rescriptum iustitiæ contra priuilegiatum impetretur non facta priuilegij mentione, competit exceptio aduersus rescriptum: Quæ tamen exceptio cum in priuilegio fundata sit, ideo si ponamus priuilegiatum ei voluntariè renunciaſſe, corruet exceptio vñ cum priuilegio. Quæ de redixi aliquid in c. cum Ordinem in quest. 1. & ibi Abb. num. 3. hoc tit. Videri possunt hic Ioann. Andr. Imola & Abbas: & quæ examinando traditam doctrinam docet Decius.

QVÆRUNT hic etiam DD. Num post anni lapsum dolum aut negligentiam præsumatur in eo, qui rescripto usus non fuit? Affirmant Hostiensis & Anton. n. 10. Abb. n. 4. Desius n. 2.

de negligentia; ita vt rescripti impetrator, si culpam aut causam in Iudicem conicere velit, à quo impeditus fuerit, quo minus actionem proponeret, probare teneatur. Negant autem de dolo: nam dolus non præsuntitur, sed ab allegante probari debet, l. quoties 18. §. qui dolo ff. de probat. Et sic hæc probatio per coniecturas, seu indicia exterius perspicua, l. dolum ex indicis 6. C. de dolo malo; eum dolus in animo residens per se non appareat.

CAPITVLVM X.

Ad hæc.

PARAPHRASIS.

Relatum fuerat Lucio III. Pontifici, quòd quidam ex Curia Romana literas afferrent, in quibus omnia eorum negotia vni Iudici, vel plurib⁹, quos ipsi elegerint, iudicio committantur: Vnde accidere solet, vt repudiato Iudicis ordinarij examine, ad vnum vel plures Iudices delegatos, qui ipsis propitij sint, aduersariæ autem parti suspecti, pro causis definiendis recurrant. Quod cum iniquum & irrationabile sit, mandat Pontifex Ordinario loci, vt si eiusmodi literas in provincia sua repperit, eas viribus carere Apostolicæ Sedis auctoritate decernat.

SVMMARIVM.

1. *Rescripta iustitia de falsitate suspecta sunt, ideoque reiicienda, in quibus certus iudex non delegatur, aut certo vni iudici omnia presentia & futura committuntur.*
2. *Item si quid consineant contra stylum Curie, aut naturalem æquitatem.*
3. *Potest Papa ex plenitudine potestatis per rescriptum dare potestatem eligendi quemcunque iudicem, salvo tamen iure recusandi.*
4. *Ex plenitudine potestatis potest Princeps operari contra ius commune positi-*

um, aut consuetudinarium, seu Curie sue stylum: modo nihil agat contra rationem aut æquitatem naturalem.

NOTANDVM I. Dux inter alias causas sunt (iuxta communiorum intellectum, in hoc c. insinuatæ) ob quas rescriptum de falsitate suspectum esse debeat: I. Si in rescripto certus Iudex non delegetur, sed arbitrio & electioni impetrantis committatur. Futurum enim est, vt Iudicem sibi propitium, aduersario autem suspectum eligat. II. Si negotia omnia cum presentia, tum futura vni, etiam certo, Iudici committantur: Quod secundum Rom. Curie stylum fieri non solet in rescriptis iustitiæ, cum per id ordinario Iudici multum derogaretur, quod plerumque non expedit, argum. c. peruenit 39. causa 11. quæst. 1. De rescriptis iustitiæ loquor: At verò per rescriptum gratiæ ad defendendum v. g. Ordinem Regularium, aut Monasterium ab iniuriis & impetitionibus manifestis aduersariorum, dari ita solent Iudices, qui dicuntur *Conseruatores*, cap. 1. & c. ult. de iudic. deleg. in 6. atque notarunt hic Imola & Abb. vterque n. 5.

NOTANDVM II. Si literæ Principis contra stylum Curie, aut contra naturalem æquitatem quippiam continentes presententur, de falsitate suspectæ sunt, ideoque relici debent. Ita hic, & supra in c. 2. hoc tit. & c. 3. de Capell. Monachorum.

QVÆRIT Glossa hic ver. *elegerint*: Num Papa ex certa scientia eiusmodi rescriptum committere possit, v. g. cum potestate eligendi quemcunque Iudicem? Et rectè respondet, committere posse, salvo tamen iure recusandi. Quod etiam docet Anton. hic in fine, ibid. Baldus, & Abb. n. 8. Nam vocula *ex certa scientia*, æquiualeat hic plenitudini potestatis: At verò Princeps ex potestatis plenitudine operari potest contra ius commune positum, aut consuetudinarium seu Curie sue stylum, dummodo nihil agat contra rationem aut æquitatem naturalem, tollendo v. g. ius naturale defensionis, aut sine necessitate partem alteram grauando; Id autem fieret, si causam seu litem decidendam committeret.

teret Iudici incerto, seu quem impetrans elegerit, non concessa parti alteri recusandi potestate.

CAPITVLVM XI.

Ad audientiam.

PARAPHRASIS.

H. de sancto Stephano, qui ab Episcopo suo excommunicatus fuerat, literas tanquam à Sede Apostolica missas præsentauit, in quibus de absolutione ipsi conferenda cōtinebatur: sed quia propter vitium latinitatis suspectæ erant, Episcopus remisit eas ad Lucium III. Papam: Qui hinc respondet; cū dictæ literæ manifestum in cōstructione peccatum contineant, non esse ipsis fidem habendam.

SUMMARIUM.

1. *Rescriptum, quod manifestum in cōstructione vitium suū solacismum continet, tanquam falsum rejici debet; nisi in eo stylo Curie, vel Camera Apostolica conforme sit, cum quo conferendum.*
 2. *Et hoc locum habet non tantum in rescriptis Pontificiis omnibus institiis & gratiis, sed etiam in rescriptis & privilegiis aliorum Principum.*
- Non autem in instrumentis Notariorum.*

NOTANDVM VN. Literæ, quæ tanquam ab Apostolica Sede missæ afferuntur, si in cōstructione verborum vitium manifestum, siue solacismum contineant, tanquam falsæ rejici debent. Ratio est: Quia rescriptum Principis transit per multas manus, & magna maturitate deoquitur, & Apostolicæ 4. causa 35. quæst. 9.

2. Ampliari debet doctrina primò cum Abb. hic n. 3. Vt intelligatur de omnibus rescriptis Pontificiis, siue sint institiæ, siue gratiæ. Secundò, vt locum etiam habeat in rescriptis & privilegiis aliorum Principum, cū eadem sit ratio. Non autem locum habet in instrumentis Notariorum, secundum Gloss. fin. hic Felio. in c. ex parte n. 2. de fide instrum. Quia

vnus hominem errare procliu est, l. errore 7. C. de testament. & in l. 2. C. de errore aduocatorum dicitur, quòd error libellum scribentis parti nocere non debeat: si ostendi possit, vel ex coniecturis appareat, à scribente erratum fuisse. Videri possunt quæ docui lib. 1. Theol. moral. tr. 4. c. 22. n. 27.

His addendum est, ex Petr. Gregor. Tholosano super hoc c. verbo peccatum: Antequam Pontificium rescriptum propter vitiatam latinitatem rejiciatur, verba eius conferenda esse cum stylo Curie, aut Camere Apostolicæ: videndumque, num loquendi modus dissimilis sit, necne: Cū non propter falsam latinitatem præcisè, sed inde ortam præsumptionem fraudis, rescriptum rejici debeat: Præsumptio autem cedit veritati, quando Principis voluntas probabilissimè appareat, sicuti etiam Gl. hic fatetur ver. manifestum, circa medium.

Si dicas, Ex hoc sequi, nullum esse discrimen inter Principis rescriptum, & Notarij, alteriusve similis personæ scripturam. Respondeo, Imò esse discrimen, Quod Principis rescriptum, in quo error manifestus continetur, quòd rationem in t. not. positam, magis suspectum sit de falsitate, vt non tam faciliè quispian admittatur ad probationem contrarij: quandoquidem suspicio hæc siue præsumptio est iuris & de iure, nisi contrarium indubiè appareat.

CAPITVLVM XII.

Ex parte S.

PARAPHRASIS.

Capella Emptonensis suberat Ecclesiæ de Tarento, cuius Rector de Tarento erat Sebastianus. Onuphrius Diaconus litem intendit Capellano Emptonensi coram Ordinario, ab eius sententia appellat Onuphrius, sed appellationem non prosecutus expellit Capellanum. Verùm Sebastianus causam sui Capellani prosequitur, & à Sede Apostolica literas ad iudices delegatos impetrat. Ab his in iudi-

L 2 cium

iudicium vocatus Onuphrius, obiecit, se literas priores à Sede Apostolica impetrasse, quibus potius deferri debeat, quam posterioribus, cum in eis nulla mentio fiat priorum. Verùm has literas idem Onuphrius vsque ad tertiam citationem superpreserat, nec eis vsus fuerat ob dolum vel negligentiam: quæ negligentia & dolus inde etiam apparebat, quia in impetratione literarum nullam de appellatione mentionem fecerat, cum tamen biennium à tempore appellationis elapsum fuisset. Quare in hac re referribit Clemens III. & mandat, si rem ita se habere constiterit, ut omnibus in statum pristinum restitutis, quæ post appellationem attentata fuerunt, Capella Ecclesiæ matri restituitur, & Onuphrius ad expensas præstandas Sebastiani Reçtori condemnatur.

SUMMARY.

1. *Que dicantur matrix Ecclesiæ.*
2. *Si Reçtor ecclesiæ superioris sit etiã inferioris seu capellæ, quã gubernat per Capellanum seu Vicarium, Capellanus capellam non suo sed Reçtoris principalis nomine possidet.*
3. *In libello de possessione retinenda, vel recuperanda mentio fieri potest de iure proprietatis, etsi id postea non ostendatur.*

NOTANDUM I. Si ecclesiæ parochialis seu plébana capellam sibi subiectam habet, eius comparatione dicitur matrix. At verò spectato communi iure, ecclesiæ parochialis non habet fundatam intentionem super capella intra fines parochiæ constituta, ut ipsi subiecta censeri debeat, tanquam matri: sed ostendi debet ius speciale, v. g. quod hæc ecclesiæ fundata fuerit, aut ex parochiæ relictibus erecta, ut subesset & regeretur ab Ecclesiâ parochiali, secundum Glossam in eam te 4. ver. pendeant, de æt. & qual. Abb. hic num. 1. Felin. 1. eundem Abb. in c. ad audientiam nu. 8. de eccles. ædific. Alioquin verò per ecclesiâ matricem, quæ intentionem fundatam super omnes diocesis ecclesias & capellas habet,

intelligi debet cathedralis seu episcopalis ecclesiæ venerabilis 22. de verb. signif.

NOTANDUM II. Si Reçtor ecclesiæ superioris, seu principalis, sit etiam Reçtor inferioris seu capellæ, quam per Capellanum seu vicarium gubernat, iuxta ea quæ tradidit Glossa in c. c. eam te, ibid. Anton. n. 10. tunc Capellanus capellam non possidet suo nomine, sed potius nomine Reçtoris principalis: quem admodum nec colonus fundum suo, sed domini nomine possidet, iuxta l. 1. c. Communi de vsucapion. & c. cum venissent l. 1. iun. Glossa in not. de rest. spoliat. Quare, sicut si colonus è fundo deiciatur, seu expellatur, domino competit actio seu interdictum possessionis recuperandæ, ut docet Bart. in l. 1. §. de jectur. ff. de acq. possess. Ita etiam si Capellanus Reçtori dicto modo subiectus deiciatur, Reçtor ecclesiæ matri actionem instituit, ut hic apparet, & annotavit Imolanum. 1.

NOTANDUM III. Ibi, cum de iure pertinetur 3. *as.* Quod in libello de possessione retinenda, vel recuperanda, nihil obstat mentionem fieri de iure proprietatis, etiam si id postea non ostendatur. Attenditur enim ad conclusionem libelli, & non ad ea quæ narrata sunt, & ea quæ narrantur, non extendunt conclusionem libelli. Ita hic Abb. notat n. 3. Anton. n. 2. Videri autem possunt quæ dicuntur in c. 2. de ord. cognit. Simili modo in decretis ecclesiasticis attendi debet ad sententiam definitionis, aut decisionis, & non ita ad rationes, & alia, quæ accessorie ac veluti incidenter, maiorisque confirmationis causa inferuntur. Horum enim non tanta auctoritas esse debet, adeoque si ponamus, falsum quippiam in decreto seu fidei, seu morum, contineri, nihilominus decretum vim suam habebit. Dixi de hac re aliquid in lib. 2. mor. Theol. tract. 1. cap. 2. fin.

NOTANDUM IV. Qui literas impetrat super causa, in qua appellauit, appellationis suæ mentionem facere debet. Item, ex diuturnitate seu mora temporis, quo impetrans literis non utitur, sed eos suppressit, negligentia vel dolus præsumi potest, uti etiã dictum in c. si autem 7. hoc tit. Item, post appellationem

DECM

sem interpositam, si quas attentata sunt, in statum pristinum reuocari debent. c. super questionum 27. in fine, ian. Gl. in not. ult. de offic. deleg. Item, si appellans appellationem suam intra terminum à iure vel iudice definitum non prosequatur, condemnandus est ad expensas aduersario præstandas, si quas prosequendo appellationem fecit. c. reprehensibilis 26. c. Nicolaus 64. de appellat.

CAPITVLVM XIII.

Sciscitatus.

PARAPHRASIS.

Quidam misit Cælestino III. petitorium, id est, scriptum continens dubitationem ac petitionem. Si Sedes Apostolica duobus vel pluribus iudicibus causam delegauerit, adiecta clausula, *si vnum mandatum exequi non possit*, vt alter vel reliqui sine illo exequantur, vtrum id de impotentia tam iuris quam facti intelligi debeat. Respondet Pontifex de vtrâque accipiendam esse: iuris impotentia v.g. est, si delegatus sit seruus, vel infamis, vel excommunicatus, vel iudiciorum omnino imperitus: facti impotentia est, si morte præuentus fuerit, aut graui morbo, aliâue necessitate impeditus, quò minus causam cognoscere queat. Adijcit verò Cælestinus, quòd impeditus causam suscipere, debeat impedimentum Collegis significare, quia ad legitimam excusationem non sufficit nolle causam suscipere, cum possit, nisi rescriptum alternativam contineat, si qui non potuerint, aut noluerint, alij in causa procedant.

SUMMARIVM.

1. *Impossibile non tantum censetur, quod naturaliter vel omnino non, aut difficillimè fieri potest, sed etiam, quod honestè fieri nequit.*
2. *Quadam persona à natura iudices esse prohibentur, vt furiosus, infans: quod*

dam à lege, aut recepta consuetudine, vt seruus, infamis, excommunicatus &c.

3. *Impedimentum post factam delegacionem Iudici superueniens impedit eum à munere cognoscendi & indicandi.*
4. *Impedimentum Iudicis (ordinarii & delegati) si naturale est, sed publicè & probabiliter ignorata est eius sententia & processus, non item, si impedimentum ex iure positum est.*
5. *Impedimentum iuris publicè notum Iudicis processum & sententiam inuadat, nisi partes nihil contra iudicem excipiant.*
6. *Valet sententia iudicis excommunicatis non visandi, si contra eum non excipiantur.*

NOTANDVM I. Duplex est impotentia, siue duobus modis impossibile aliquid dicitur, videlicet de iure, & de facto, c. ult. de pactis. Nam secundum communem loquendi & sentiendi modum, vtroque etiam iure confirmatum, non tantum id impossibile censetur, quod naturaliter vel omnino non, aut difficillimè fieri potest, sed etiam quod honestè & secundum mores fieri nequit, l. si stipulor 35. ff. de verbor. obligat. l. filius qui 15. ff. de condit. institut. vbi Papinianus l. C. ait: *Qua facta ladunt pietatem &c. & generaliter qua contra bonos mores sunt, nec facere nos posse credendum est.* Atque ideo horum omnium impossibilem, si alicui mandentur, nulla est obligatio, regul. 6. in 6.

NOTANDVM II. Quædam personæ à natura iudices esse prohibentur, vt furiosus, infans: Quædam autem à lege, aut recepta consuetudine, vt seruus, infamis, excommunicatus, &c. Videri potest Paulus l. C. in l. cum præter 12. ff. de iudicijs, quem secutus est Gratianus in c. 1. causa 3. q. 7.

NOTANDVM III. Clausula inserta rescripto iustitiæ, *Si non omnes interesse possint* &c. cum qui non vult interesse, cum possit, ab inobedientia non releuat: Interim verò aliorum iurisdictionem, etiam sine ipso, confirmat, c. prudentiam 21. §. Adijcimus, de offic. delegati.

3 **QVÆSTIO PRIMA.** Si impedimentum tempore factæ delegationis non fuit in Iudice, sed postea superveniat, num eum impediât à munere cognoscendi & iudicandi? Responſio debet eſſe affirmatiua cum Gl. hic ver. infamem. Abb. n. 7. Decio n. 7. Idq; verum eſt, ſiue impedimentum naturale ſuperveniat, vt furor, amentia; ſiue legitimum, vt ſi ſervus efficiatur, aut iuris infamiam contrahat, quippe quæ ipſo facto publici muneris privationem inducit, l. 2. §. ſi miles ff. Quibus ex cauſis infamia contrahitur. Sed alia ratio eſt de infamia facti, vt ſi quis in perurium incidat, aut homicidium committat. Tameſi enim teſtis ita criminofus ſaltem per partis exceptionem repelli poſſit, c. teſtimonium 54. de teſtibus: non tamen Iudex repelli poteſt, præterquam ſi ex crimine ſpecialiter parti ſuſpectus, ideò que reſcuſabilis ſit. Ratio diſcriminis inter Iudicem & teſtem afferri debet; partim quia contra Iudicem, ſi malè iudicàſſe videatur, appellationis remedium competit, vt hic Imola notauit n. 19. Abb. n. 8. Partim, quia Iudicis officium publicum eſt: & ideo non tam facile reſcuſari poteſt, vti hic Decius monuit n. 7. Idque maxime locum habet, ſi cauſa Iudici ordinario commiſſa ſit, cum enim in aliis cauſis toleretur, cur non in iſta? Cæterum, ſi impedimentum Iudici delegato ſupervenienti, poſtea ceſſet, vt ſi amentie morbus, in quem poſt factam commiſſionem incidit, tollatur, vel infamis priſtinæ ſanæ ac poteſtati reſtituatur, recuperat iuriſdictionem in cauſa ipſi delegata. Nam impedimentum temporale magis ſuſpenderit iuriſdictionem, quam tollit, teſte Anton. hic n. 23. Abb. n. 10. Dec. n. 8.

4 **QVÆSTIO SECUNDA.** Si impedimentum Iudicis, ſeu iſ ordinarius ſit, ſeu delegatus, ignorabatur, & poſt latam ab ipſo ſententiam innotefcat, num ea retractari, vel irrita cenſeri debeat? Reſp. & Dico I. Si impedimentum iudicadi, quamvis publicè ignoratum, naturale eſt, v. g. amentie morbus, aut ſurditatis, ita vt cauſam Iudex non intellexerit, irrita eſt eius ſententia, ac proceſſus.

Dico II. Si impedimentum ex iure poſi-

tium eſt, ſed publicè ac probabiliter ignoratum, valet ſententia & proceſſus, neque detecto poſtea errore, retractari debet, iuxta l. Barbarius, ff. de offic. Prætor. Exempli cauſa: Si iudex ordinarius vel delegatus à legitimo magiſtrato conſtitutus publicè in aliquo loco habeatur pro eccleſiæ membro, cum ſit excommunicatus non toleratus, vel pro libero homine, cum ſit ſervus, ſeu mancipium; vel pro mafculo, cum ſit fœmina, acta eius valent: Quare dicunt DD. quòd in hoc caſu error communis ſus tribuit. Dixi de hac re copioſè lib. 1. Th. mor. tr. 4. cap. 22. n. 9.

Dico III. Si impedimentum iuris publicè notum ſit, tameſi partes nihil contra Iudicem excipiant, ſiue quia id ignorant, ſiue quia remittere volunt, non valet proceſſus & ſententia iudicialis. Ita Imola hic n. 22. Abb. n. 12. Decius n. 7. Cum enim aliquis iure ipſo inhabilis eſt, partes non poſſunt eum habilem reddere: ſiue, vt aliter dicam, ſi defectus non pendet à voluntate partis, eius taciturnitas nihil operatur, ſecundum Gl. in l. 1. ver. inchoata, C. vbi de crim. agi oportet.

Addit Decius cit. loco, tameſi iuris impedimentum v. g. ſervitus, aut infamia, publicè ignoretur, poſſe tamen partem illud detegendo, excipere contra Iudicem, tam ordinarium, quam delegatum: ita, vt ſi nihilominus procedere velit, aduerſus ipſum appellari poſſit.

Sed & alius caſus eſt, in quo ſententia Iudicis ordinarij aut delegati valet, ſi contra eum non excipiat, ſecus, ſi ante latam ſententiam excipiat: Videlicet ſi iſ in excommunicatione exiſtat, non vitandus. Nam in Concilio Conſtantiensi, extrau. *Ad euitanda*, licentia data fuit fidelibus communicandi cum excommunicatis, ſi denunciati non ſint, nec notorij clericorum percuſſores, ita tamen, vt per hoc ipſiſ excommunicatis, nullus fauor factus fuerit, eſſet autem non parvus eorum fauor, ſeu commodum, ſi fideles contra Iudicem excipere non poſſent, ſicuti iure antiquo poterant, c. exceptionem 12. de except. Videri poſſunt quæ docui lib. 1.

Theol.

Theol. moral. tract. 5. p. 2. c. 2. effectu 8. & cap. 4. n. 4

CAPITVLVM XIV.

Pastoralis

PARAPHRASIS.

Si duo rescripta super eadem causâ ad diuersos iudices à Sede Apostolica peruenierint, & dubitetur, an prius per posterius reuocetur; tum si vna pars iudicum delegatorum alteri deferre velit, vt cognoscat, ad quos iurisdicção pertineat, illi soli, quibus deferretur hoc dubium, dirimant, antequam de causâ principali cognoscatur. Quòd si neutra pars iudicum alteri deferre velit, tunc simul vtrique, inspectis rescriptis eorundemque datis, definiant, vtri parti potius iurisdicção competere debeat. Quòd si inter se non consentiant, hoc casu (tametsi plures sint iudices ex vna parte delegati, quàm ex altera parte) communi partium litigantium consensu arbitri eligendi sunt, qui controuersiam hanc definiant, videl. ad priorēne, an ad posteriores iudices cognitio pertineat.

SUMMARIVM.

1. Index ordinarius & delegatus cognoscere potest, verum sua sit iurisdicção; & quidem si delegatus sit vnus, solus cognoscat; sin plures, & non concordent, ad arbitros recurrendum est.
2. Si index bonâ fide & probabiliter pronunciet, se competentem esse, & ab hac sententia interlocutoria non appellatur, processus & sententia in causâ principali valebit; licet postea innorescat, ab initio verè competentem non fuisse.
3. Secus tamen est, si iudicis iurisdicção fundata non sit; non enim in causâ principali procedere potest index, nisi certum sit de iurisdicçãoe sua.
4. Ex duplici titulo potest Iudicis iurisdicção

dictio non esse fundata: primo, si nullus sit ex parte rescripti, seu commissio-
nis pratenta. Secundo, si commissio sit à Superiore in causâ ad iurisdicçãoem ac potestatem eius non pertineente.

5. Error, quantumuis probabilis, iurisdicçãoem conferre non potest, si commissio non facta est ab habente potestatem.
6. Iudicis procedere, volenti obiectus defectus incompetentiæ, si sit talis, quem lex aut Superior, cui index ille est subiectus, supplere non possit, facit, vt in dubio nequeat de hac exceptione cognoscere, & indicare.
7. Secus est, si defectus sit, qui suppleri à lege, aut prædicto Superiore queat.
8. Si inter indices per diuersa rescripta super eodem negotio delegatos controuersia orta componi non possit, vtra pars cognoscere debeat, nec pars vna alteri deferre velit; per arbitros ab vtrique parte electos causâ decidenda erit.
9. Si causâ communi consensu duarum diuersarum partium (collegiorum seu corporum) decidenda sit, debet vtrouque maior pars consentire.

NOTANDVM I. Non tantum Index Ordinarius, exorto dubio, num ad ipsum pertineat iudicare, cognoscere potest, num sua sit iurisdicção, l. si quis ex aliena, s. ff. de Iudicijs, l. 2. ff. si quis in ius vocatus &c. sed etiam delegatus. Ita sumitur ex hoc c. & notat Abb. n. r. Felin. in c. super literis c. 18. 23. & seqq.

Sunt autem aliquæ adhibendæ declarationes: Prima est, Si vnicus index delegatus sit, ipse solus orto dubio cognoscat; Sin autem plures, seu vno, seu diuersis rescriptis, delegati sint, conuenire simul debent, ac dubium discutere: Sin autem consentire non possint, arbitros eligere, sicuti iterum dicam in 2. not.

Altera declaratio: Si index, ordinarius & aut delegatus, orto dubio de iurisdicçãoe sua in certa causâ, bonâ fide ac probabiliter

biliter pronunciet, se competentem esse: atque à sententia hac interlocutoria non appellatur, processus & sententia in causa principali valebit: esto postea comperiatur, ab initio verè competentem non fuisse, uti hic ex communi docet Anton. 3. & 9. latè Felin. cit. c. super literis fermè toto. Ratio dari debet, quia hæc est mens ac voluntas committentis iurisdictionem, ut orto dubio iudex in causa aliqua cognoscere possit, ad ipsum pertineat determinare; & secundum id procedere: Ideoque habemus hic alium casum, in quo *error probabilis imminuit*.

3. Quamobrem rectè ex communi doctrina in suprà cit. c. super literis n. 29. 30. notat Felin. Secus dicendum esse, si iudicis iurdictio fundata non sit; siue, ut clariùs dicam, si iurdictio eius per pronunciationem eam, competentem se esse, fundari non possit. Etenim iudex in causa principali procedere nunquam potest, nisi certus sit de iurisdictione sua, prout etiam docuit Steph. Aufrerius in capell. Tholomæ quæst. 479. n. 3. cum neque tutor administrare possit, nisi certus sit se tutorem esse l. quæro 3. in fine. ff. de eo qui pro tutore &c.

Accidit verò id, quod dixi, ut iudicis iurdictio fundari non possit, duobus modis; 4. Primò, si nullitas sit ex parte rescripti, seu commissionis prætextu; quia supposititia est, aut rescriptum falsum. Etsi enim tunc iudex, quamvis ex causa verisimili arbitretur ac pronunciet, ius cognoscendi se habere, irritum erit quicquid agitur, ob defectum commissionis, & acceptæ iurisdictionis. Distinguendum itaque, monet ibidem Felinus, inter literas falsas, & obreptitias: *Hæc verò dant nullam iurisdictionem: hæc verò dant eam super principali, quam super dubio iurisdictionis: & sententia ex eia lata transit in rem iudicatam.* Secundò, si commissio facta sit à Superiore in causa ad iurisdictionem ac potestatem eius non pertinentem, uti habetur in l. 3. C. si à non competente iudice &c. Tametsi enim in hoc casu, si dubius sit, iudex delegatus, cognoscere possit, num ipse vi eius commissionis procedere liceat, uti vult Baldus in eod. l. 2. n. 2. Felin. n. 36.

si tamen cognoscendo ac pronunciando se iudicem esse, erret, quia reuerà, ut ponimus, Superior causam, extra iurisdictionis limites existentem, committere non potuit, acta à iudice delegato irrita prorsus sunt.

Exemplum habemus, si Princeps secularis causam, quæ verè ecclesiastica & extra forum suum est, committat cognoscendam alteri, isque ob auctoritatem committentis, aliæque rationes, pronunciet competentem se esse, poterit quidem, si bonà fide procedat, excusari à culpa; sed acta eius irrita erunt, ob iurisdictionis defectum, quippe quam error, quantumvis probabilis, conferre non potest, si commissio non facta ab habente potestatem, prout docere solent Doctores in l. Barbarius, ff. de off. Prætor, & dixi aliquid in Theol. moral. lib. 1. tr. 4. c. 22. n. 9.

Eademque omninò ratione dicere id cogimur de iudice ordinario, si causa ad ipsum delata sit, de qua dubium est, num fori sui secularis sit, an verò ecclesiastici; ipse verò pronunciet, ecclesiasticam non esse, cum reuerà sit, atque talem esse postea intelligatur, acta eius iudicis & sententiam latam, irritam esse, quia à non iudice, seu cuius iurdictio fundata non erat, processerunt, sicuti mox amplius dicetur.

6. Tertia enim in not. 1. traditæ regulæ declaratio est: Si iudici, siue ordinario siue delegato, procedere volenti obijciatur defectus incompetentiæ, distinguendum vtrum defectus sit ex rei natura, siue talis, quem lex aut Superior, cui iudex ille subiectus est, supplere non possit; an verò defectus sit, quem lex aut Superior supplere queat. In priore casu, si v. g. obijciatur esse amentem, non potest in dubio de hac exceptione cognoscere: quia iurdictio eius sicuti super principali fundata non est, ita nec super accessorio isto seu incidente, prout pluribus allegatis docet Felinus in eod. c. super literis n. 23.

Præterea si iudici seculari in causa procedere volenti, pars obijciat, quòd sit ecclesiastica, ad ipsius proinde cognitionem, iurisdictionemque non pertinens, Aut, si citatus ad iudi-

Iudicem secularem, excipiat se clericum esse, iurisdictioni eius in hac causa non subiectum stante dubio de exceptione ista, iudex secularis cognoscere ac pronunciare non potest, saltem efficaciter, ut eius iurisdictioni per pronuntiationem, si non appelletur, fundamentum ac vires acquirat, prout in hoc ipso casu docet Glos. in c. si iudex 12. postest. ex comm. in 6. quod de re ecclesiastica & spirituali nec principaliter, nec incidenter habet secularis iudex se intromittere, iuxta c. tuam 3. de ord. cognitionis, c. lator 5. c. per venerabilem 13. Qui filij sine legitimi: sed, ut ait Gl. margin. ibi, Felin. h. c. n. 4. *In dubio isto ecclesiasticus est iudex, tanquam maior.* Eleganter Anton. de Butrio in c. a. super literis n. 40. & in c. si diligenti 13. nu. 14. de foro compet. ubi ait: *Propter dubium etiam causa deferentis causam ad iudicem secularem, quamquam cognoscere possit an sit iudex, non per hoc tamen subicitur clericus iudici seculari, quoad principalem causam.* Et paucis interiectis: *Per qua patet, regulam illam 1. si quis ex aliena ff. de iudiciis, (quod iudex in dubio cognoscere possit, num sua sit iurisdictioni, & ita eam fundare ac stabilire) procedere, quando iudex quis non est, esse eam potest, saltem in hoc & per hoc dum cognoscit, an sit iudex: ubi autem iudex non est, nec esse potest. dubium non facit eum iudicem, nec tunc pronuntiatione, per quam se iudicem pronuntiaret, faceret eum iudicem: quia sententia impossibilis nihil prodest. Quam ipsam doctrinam commendat & sequitur Felin. in c. n. 23. Et Decius in c. cum ordinem, in fine, hoc tit. Si iudex esset omnino incapax, prout est iudex secularis contra clericum, tali casu licet pronuntiaret se competentem, sententia nihil valet, ut notat Abb. c. si diligenti, col. fin. de foro compet.*

7 In posteriore autem casu, locum habet regula ea, quam paulo ante cum Ant. de Butrio produxi, quod iudex in dubio cognoscere possit de iurisdictione sua, eamque asserendo, etiam super causa principali stabilire. Sed declarandum & limitandum primo: Si qualitas fundans iurisdictionem Iudicis ordinarij aut delegati, extrinseca siue accessoria sit,

quia cognoscere non potest de causa, nisi existente tali qualitate, tunc ante omnia, saltem extrajudicialiter, informare se debet circa eam qualitem, si de ea dubitetur: Tum vero, si in partem affirmativam determinaverit, fundata erit iurisdictioni eius, etiam quoad causam principalem, tamen si ponamus, qualitatem verè non esse: quando versamur in casu, ubi lex aut superior supplere potest defectum. Exemplum habes in c. 1. & c. ult. de off. delegati in 6. ubi Conferuatoribus iudicibus committitur, ut de iniuriis, ac violentiis manifestis cognoscant: ad alia verò iudiciali cognitionem non extendant: Hoc ipso verò eis conceditur, ut preparatoriè cognoscere, & informare se possint, nam iniuria manifesta sit, siue talis, ut ad examē suum iudiciale pertineat, prout Felin. monet in c. c. super literis n. 20. arg. c. 1. & c. praeerea 5. de off. delegati: Quia qui concedit principale, concedit etiam accessoria, & preparatoria, sine quibus principale expediri non potest. Aliud exemplum est in c. accusatus 8. §. sand. de hæret. in 6. ubi dicitur, ut Inquisitores Fidei non se intromittant in cognitionem de crimine diuinationis, aut fortilegij, nisi hæresin sapiat manifestè: ubi videri potest Gl. ver. manifestè, Dominic. de S. Geminiano in c. 1. §. contrahentes, vers. sed quid, ibid. Francus n. 5. de foro compet. Felin. cit. n. 20. Bartolus in l. præscriptione n. 7. & 8. c. si contra ius vel util. publicam.

Limitandum est secundò, si non de nudo iurisdictionis exercitio agatur: quippe quod onus potius esse censetur, quam honor aut commodum, etsi fortasse modicum quid commodi, v. g. sportulas, adiunctum habeat, sed agatur vel de statu & existimatione personæ Iudicis, ut si ei obiciatur iuris infamia, aut contracta seruitus, adeoque de non modico commodò, quod ex iurisdictionis exercitio percipiet; Tunc iusta aderit causa, saltem ut suspectum iudicem recusandi, ita ut de exceptione illa ad firmandam iurisdictionem suam cognoscere non possit: Quia sicut in principali, ita etiam in accessorio seu incidente suspicio contra illum & recusatio locum habet. Quae de re videri potest Bartol.

in l. quidam consulebat, n. 3. & seqq. ff. de re iudic. Petr. Ancharanus in c. si contra not. 3. de off. deleg. in 6. Felin. in cit. c. super literis n. 23. & seqq. Anton. in c. ceteram n. 9. de iudiciis, Abb. in c. venerabili, de censibus, & in cit. c. super literis n. 10. iniquis ibi, *Quando exceptio pariter concludit in incidente, sicuti in principali, non potest iudex cognoscere.*

Porro ex his infert Abb. in cit. c. cum super n. 10. in 4. casu, Si non agatur duntaxat de iurisdictionis exercitio, sed de proprietate, ac statu subiectionis, quia citatus ait se à iurisdictione exemptum ac liberum esse, quod Iudex de hac exceptione ad fundandam iurisdictionem super causa principali cognoscere non possit, saltem efficaciter, & ita ut recusari nequeat, sicuti sentit Felin. in eod. c. super literis n. 24. Vide quæ docui supra in e. cum ordinem, hoc tit. prope finem.

NOTANDUM II. Si inter iudices per diuersa rescripta super eodem negotio delegatos, controuersia orta componi non possit, vtra pars cognoscere debeat: nec pars vna alteri deferre velit: per arbitros ab vtraque parte electos causa decidenda erit. Hoc est præcipuum huius c. responsum, quod declarat P. Lud. Molina tract. 5. de iustit. disp. 31. n. 2. Appellantur autem hi arbitri iuris, seu ex legis præscripto ac necessitate constituendi. Alium casum habemus in c. si clericus 46. causa 11. q. 1. Si Episcopus cum Clerico diocesis suæ controuersiam habeat, ad arbitros ab vtraque parte eligendos recurendum esse. Quæ de re dicendum alibi. Alius casus est in c. suspicionis 39. de off. delegati. Sed & in similibus, quamuis in iure non expressis casibus, ad arbitros conueniendum esse, putat Gl. in c. statutum 11. ver. copia, hoc tit. in 6. quam doctrinam examinat hic Felin. n. 1. & 2. Sic dicit lib. 1. Theol. moral. tract. 2. cap. 5. n. 26. Si supremi Principes inter se controuersiam habeant, atque ea per transactionem componi non possit, communis partium consensu arbitros esse eligendos, qui controuersiam dirimant: Idque ex gentium iure, & naturalis rationis præscripto, cum superiorem non habeant, ad quem lis decidenda re ferri

queat. At verò iudices delegati, si de iurisdictione dubitent, Superiorem consulere possunt, saltem cum res moram patitur, ut colligi videtur ex c. 2. de off. delegati. Quod & de ordinariis iudicibus, si inter eos de iurisdictione contentio oriatur, ad Superiorem referendam esse, tradit Felinus in c. super literis, n. 35. hoc tit. ex Angelo in l. 2. C. de in ius vocando.

QVÆRES. Quomodo id fieri possit, vt ex diuersis ad diuersos Iudices datis rescriptis non appareat, iuxta quod eorum rescriptorum iurisdictioni competat, & processus institui possit? Respondeo, cum Abb. hic n. 2. & seqq. Varias posse occurrere dubitationes. & inter eas hanc, si rescripta diuersa aut contraria vna eademque die data reperiantur. Tum enim si per testes probari, aut alia ratione constare possit, vnum priore diei hora datum esse, præferri id debet posteriori, prout docet Ioann. Andr. hic, Felin. n. 5. Zafius in l. 1. §. editiones, paulo post initium, ff. de edendo, qui addit, in instrumentis Notariorum horam etiam adiungi solitam esse. Plura de prioritate data inter duo rescripta videri possunt apud eundem Felin. cit. n. 5. & in c. capitulum n. 14. hoc tit.

NOTANDUM III. Circa ea verba, *quamuis plures sint*: Si causa communi consensu duarum diuersarum partium, collegiorum seu corporum decidenda sit, non sufficit maiorem (absolutè loquendo) partem congregatorum consentire; sed necesse est, vt utrobique pars maior consentiat. Exempli causa, si utrobique sint quinque congregati, vniuersim autem decem: atque ex vna parte quatuor, ex altera autem duo consentiant, dici non potest consensus duorum collegiorum seu corporum: sed opus est, vt ex vtraque parte minimùm tres consentiant. Similiter, si tria corpora seu collegia ius eligendi aut præsentandi habeant: & vnum Collegium quod triginta personas complectitur, in aliquam personam consentiat; alterum, quod habet personas viginti, non consentiat; in tertio denique, quod habet etiam viginti personas, consentiat minor pars, vid. nouem duntaxat, non erit rata electio: quandoquidem

dem non adest maior pars eligentium, si eligentes non vt personæ singulares, sed collectivè siue ad corpora concurrunt. Quæ est doctrina Gl. fin. hic Abb. n. 6. Felin. n. 8. §. Vbi duo corpora, pulchrè Anton. nu. 15. in fine, *Quando plura corpora, vt corpora, uniuersim ad expediendum actum, quolibet corpus habet unam vocem integram: quia attenditur corpus, & non numerus personarum.* Idem tradunt DD. in c. scriptum 40. de elect. vbi Abb. n. 6. fusè rem istam declarat.

S. Quoniam.

PARAPHRASIS.

Si alicui causæ cum generalitate absque personarum & rerum expressione delegata fuerint, v. g. cognosce de iniuria hac Titio illata, & quibusdam aliis tibi ab eodem proponendis: hoc casu iudex delegatus iurisdictionem habet veluti in habitu, licet actu eam exercere non possit erga personas & res, antequam exprimantur. Quamobrem si ab eadem Apostolicâ Sede aliud postea rescriptum emanet, quo causa specialis contenta sub generalitate prioris rescripti aliis iudicibus demandetur, speciale hoc rescriptum derogat generali, tamen si de eo nullam faciat mentionem.

SUMMARYM.

Iurisdictione delegata non datur in actu ante expressionem causarum, de quibus agendum: & personarum, contra quas agendum sit.

NOTANDVM I. Rescriptum ad lites speciale derogat priori generali, licet de eo mentionem non faciat: cum sit generalis regula, quod species derogat generi. Dixi de hac re in cap. 1. hoc tit. Excipiendum verò est: Nisi in priore generali dispositione posterioribus rescriptis forma præscribatur, vt in iis mentio seu clausula derogatoria ponatur, alioquin non derogetur, vt dixi in c. cum Ordinem 6. hoc tit.

NOTANDVM II. Si iudici delegatio facta sit sine expressione personarum, aut causarum, iurisdictionem acquirit duntaxat in habitu, eamque prius exercere non potest, nisi expressæ fuerint causæ, de quibus agendum, & personæ, contra quas agendum. Ita Gl. hic ver. iurisdictionem, & videri potest c. 2. de Libelli oblat.

CAPITVLVM XV.

Sedes.

PARAPHRASIS.

Inprimis præfatur Innocent. III. quod Sedes Apostolica exhibeat se liberalem postulantis, quamuis alij eius gratiâ abutantur, quare ad horum malitiam impediendam decernit, si in rescripto à Sede Apostolicâ impetrato personæ minores ac minus dignæ exprimantur, quæ in iudicio conueniri possint, adiectâ clausulâ indefinitâ, *Et quedam alia persona*, quod sub eâ non comprehendantur personæ maiores ac digniores, neque item multitudo personarum, sed summum 4. vt postea dicitur c. 2. eod. in 6. Similiter si in rescripto res minores expressæ fuerint, adiectâ clausulâ, *recognoscatur super his & aliis quibusdam*, per eam non comprehenduntur causæ grauiiores seu maioris momenti. Denique ait, si quis in petitione personas expresserit, non quod cum ijs iudicio contendere velit, sed vt alias parîs vel minoris conditionis personas, per adiectam clausulam, *Et quasdam alias*, conueniri possit, totum rescriptum irritum censendum esse. quia sua cuique fraus & dolus prodesse non debet.

SUMMARYM.

1. *Liberalitas est propria Principum.*
2. *Causa vel negotia committi possunt vni, sine specificis eorum expressione.*
3. *Clausula generalis seu indefinita subsequens ordinariè restringitur ad similia ijs, quæ præcesserint.*

Item dictio alius, alia, est implicativa similium.

4. *Subinda tamen diuersorum, & quandoque etiam maiorum comprehensiu. pro ratione intensionis disponentis, quæ tunc ex subiecta materia, tum ex ipsa verborum constructione, seu loquendi modo colligitur.*

5. *Corrumpente parte principalis rescripti ob subreptionem falsi, corruptus etiam pars accessoria.*

NOTANDVM I. Principem decet esse beneuolum, ac liberalem, uti hic indicatur, iun. Gl. ver. liberalem, & sumitur ex c. 1. de donat. & reg. 16. in 6.

NOTANDVM II. Licet in rescriptis, in quibus causæ delegantur, Iudices exprimi debeant, uti supra dictum in c. ad hæc hoc tit. Causæ tamen seu negotia vni committi possunt sine specifica eorum expressione: Cum non sit tantum periculum: quandoquidem delegatio fieri potest viro prudenti & in rebus versato, qui causas, quamuis plures & varias, iuste definiat. Quare interdum Iudices in certo loco delegantur ad vniuersitatem causarum, uti dicitur in tit. de off. delegati, hoc libro.

NOTANDVM III. Qui super diuersis causis, aut contra diuersæ conditionis personas rescriptum impetrat, in quo quedam negotia expressa sunt, aut quedam personæ, contra quas in iudicio contendendum sit, nominatæ, adiecta clausula generali, seu indefinita & alia negotia, & contra alias personas, in ea clausula conferri non debent comprehensia negotia maiora, sed tantum æqualia aut leuiora: sed nec personæ maiores seu digniores, sed tantum æqualis aut minoris conditionis comprehenduntur.

Ex his tradi solet regula, quod clausula generalis seu indefinita subsequens, ordinariæ restringitur ad similia ijs, quæ præcesserunt, secundum Anton. hic n. 10. Abb. n. 1. & 9. Decium n. 2. Item, dictio *alius, alia*, est implicativa similium, uti hic Imola notat n. 19. Felin. n. 6. & alij mox citandi.

Afferenda enim sunt traditæ doctrinæ ex-

pla: Primum ex Innoc. c. ex litteris 7. de iuro patr. ver. non exempto, Abb. hic n. 3. Si Episcopus alicui dicat, *Dono tibi villam, & omnia iura*, seu *alia iura*, quæ inibi mihi competunt, non comprehenduntur iura spiritualia, v.g. ius decimarum: Quia clausula generalis, & omnia iura, seu *alia iura* restringitur ad talia, cuiusmodi antecesserit, videlicet temporale prædij. Excipe, Nisi spirituale talis naturæ sit, ut cum re temporali accessorie transeat, videlicet ius patronatus, cit. c. ex litteris.

Alterum ex Baldo in l. A. procuratore. C. mandati, quod commendat hic Imola n. 11. Si Baro alicui dicat, *Vendo tibi hoc prædium & omnia iura, quæ mihi ibi competunt*, non comprehenditur vestigal ibi constitutum, nec locus gladij aut foreæ, quæ merum imperium continentur. Quia clausula generalis adiecta restringitur ad talia, cuiusmodi specificè antea fuerat expressum: videlicet prædium, atque adeo iura omnia, quæ communiter prædij annexa esse, siue cum eo vendi solent, comprehenduntur: Non autem ea, quæ, ut maiora, speciemus expressionem requirere videntur. Eapropter docuit etiam Zafius in l. Imperium, in fine, ff. de iurisdic. omn. iudicum, si Princeps in aliqua villa, pago, aut oppido iurisdictionem alicui concesserit, ea concessione non venire merum & mixtum imperium. Præterquam, si dicatur, largissimam vel omnimodam iurisdictionem tribui, secundum Gl. in Clem. vn. ver. omnimodam, de for. comp. quod *iurisdic. omnimoda* sumitur ut genus, comprehendens etiam merum & mixtum imperium, l. 3. & ff. de iurisdic. omn. iudicum: Et annotauit Ebran. Rodriq. tom. 1. reg. qq. q. 20. a. 4. in fine, quod signum vniuersale adiectum vocatur *alius* ampliat dispositionem, atque comprehendit facit etiam maiora expressis, Vt si Pontifex facultatem tribuat absolendi à certis casibus expressis; postea verò adijciantur verba, *et aliis qualitercunque, enormibus*, comprehendit etiam maiora expressis, & quomodo cunque referuata. Quamquam etiam hæc doctrina limitari debet, si vel ius, vel stylus Curie specialem expressionem postulet, tum sub generalitate

salutem et verborum non comprehensa censentur specialiter reservata, vid. Casus Bullæ Cœnæ Domini, maximè hæresis, sicuti docet lib. 1. moral. Th. tr. 5. p. 2. c. 5. n. 2.

Tertium est apud Lud. Molinam tr. 2. de iustit. disp. 495. n. 19. Si colonus casibus sortitis quibuscumque in specie expressis renuntiet, clausulamque generalem adiciat, & *causis fortuitis casibus*, intelligi debet de equalibus & minoribus, non item de maioribus ac magis insolitis, arg. huius c. & Clem. 2. de Procurator. Secus tamen dicendum videtur, si clausula exuberans, & aliis quibuscumque, qualitercumque, incidentibus, apponita sit.

Quartum apud Nicol. Euerardum in locis argumentorum, loco 5. Si dispensatum sit cum Titio, ut quæcumque beneficia simplicia, quæ sunt in diocesi Germaniæ superioris, ac inferioris, consequi possit, & postquam ad ætatem legitimam videl. 25. annorum pervenerit, duo curata aut aliàs incompatibilia vbiuis locorum existentia, acceptare possit, restringi debet generalitas vbiuis locorum ad beneficia curata, quæ in Germania superiore aut inferiore vacantia sunt.

Quintum ex Schola I. C. in liemptor 48. §. Lucius ff. de pactis: Quidam mercator acceptis à numulario rationibus dati & accepti, cum ipso convenit, ut si præterea aliquod instrumentum debiti reperiat, pro casu & inutili haberetur, clausula huius remissionis duntaxat intelligitur de debitis in genere cambij, de quo mentio antecesserat.

Sextum ex Proculo in l. v. §. cui dubia, ff. de tritico, vino, vel oleo legato: Si testator ita legarit: *Vinum amphorarium, Ammaum, Gracum, & omnia alia dulcia Titio dentur*, non de alijs rebus dulcibus intellexisse putandus est, nisi quæ portionis sunt.

Septimum legi potest apud Matthi. de Afflictis decis. 244. Ducula Calabriæ in testamento suo legavit centum pecuniæ summam Ecclesiæ S. Ianniarii, & ecclesiæ S. Arpini, & aliis sanctis Patronis Neapolitanis: Cum autem in ecclesiæ S. Ianniarii sepulta

essent quatuor corpora sanctorum Patronorum Neapolit. Atque item in ciuitate Neapolitana essent aliæ ecclesiæ sub nomine seu titulo eorundem sanctorum Patronorum, dubitatio inde orta est, num per eas voces & *aliis sanctis Patronis Neapolitanis*, testatrix legare voluerit ecclesijs in honorem Patronorum dedicatis: an verò ecclesiæ S. Ianniarii, in quo eorundem corpora requiescunt. Respondit Afflictis cit. loco: Quod illa dictio, & *aliis Sanctis*, posita in legato, est implicativa similium, & facit positionem eiusdem qualitatæ, quando ponitur inter ea, quæ sunt eiusdem rationis. Et sic cum testatrix primò legavit ecclesijs, & postea dixit, & *aliis Sanctis*, intelligitur legasse ecclesijs dictorum Sanctorum. Et postea: Nec debet esse in consideratione, quod dixit, & *aliis Sanctis*, & non dixit Ecclesijs Sanctorum. Quia secundum vulgarem usum loquendi feminatum cum voluit nominare ecclesijs nominando Sanctos. V.g. cum vult aliquis nominare ecclesiam S. Petri martyris, dicit, Lego S. Petro martyri: intelligitur autem de ecclesiæ S. Petri martyris: quia legata sunt ecclesijs Sanctorum, & non Sanctis, qui sunt in celo. Quam ipsam doctrinam tradidi in censuris contra Altrum inextinctum, p. 2. cens. 9.

Atque hæc quidem, quæ dixi, ita se habent: Non potest tamen omnino generalis doctrina tradi de voce *alium*, prout rectè annotavit Gl. in c. deinde 3. ver. cum ceteris, d. 26. Anton. hic n. 10. & alij quos refert Sanchez lib. 3. de matrim. disp. 20. n. 3. Sed in primis spectandum est, quænam fuerit mens seu intentio disponentis, quæ partim ex subiecta materia, de qua agitur; partim verò ex ipsa verborum constructione seu loquendi modo colligitur: Exinde interdum apparebit, vocem *alium* non esse implicativam similium, sed duorum comprehensionem, ut videtur Est. Luc. 23. v. 32. Quandoque etiam maiora complectentem, quam expressa præcesserunt: præsertim si signum generale adiectum sit: dummodo, sicuti suprà dixi, excludantur extraordinaria, insolita, & de quibus probabiliter, ne in

genere quidem, cogitatum fuit, iuxta reg. 81. in 6. *In generali concessione non veniunt ea, quæ quis verisimiliter non esset in specie concessurus.*

NOTANDUM IV. Propria fraus ac dolus nemini patrocinari debet, vti etiam habetur in c. seq. c. 2. de dolo & cōrumacia, c. 1. de eo qui duxit &c. c. dictum 4. iun. Gl. ver. fallaciam, causa 30. q. 1. l. verum 64 §. Tempus autem, ff. pro socio, ibi; *Nec enim aquū est, dolum suum quemquam releuare*: Ne inde aliquis commodum reportet, vnde pœnam meretur, quod æquitas non patitur.

NOTANDUM V. Si pars principalis rescripti ob subreptionem falsi corrūit, etiam pars accessoria seu ab ea dependens corrūere debet. Etenim in casu huius c. potissimum Papa delegauit Iudices ad expedienda negotia expressa; ad aliā verò non expressa concomitantes, ac veluti accessoriæ. Cū itaque ob simulationem & mendacium impetrantis rescriptum circa expressa corrūit, mirum non est etiam circa adhærentia siue concomitantia corrūere, vti colligitur ex verbis postremis c. *Creat penitus impetratis.*

CAPITVLVM XVI.

Ex tenore.

PARAPHRASIS.

Romanus Presbyter de Collouilla literas à Sede Apostolica impetrauit contra Abbatem de Becco, cūq; earum vigore Iudices delegati Abbatem citassent, Romanus noluit coram eis contendere. Postea verò alias literas ad alios Iudices super eadē causā à Papa impetrauit, nullā in eis factā mentione literarum priorum: coram his iudicibus Abbas vocatus noluit respondere, quod diceret se vi priorum literarū à prioribus iudicibus, quorum potestas reuocata non sit, citatum comparuisse, & respondere paratum fuisse. Hac re ad Innoc. III. delatā, respondet, Romanum vtriusque rescripti com-

modo carere, vt neutro vti possit, ne fraus ipsi sua patrocinetur.

SUMMARIVM.

1. *Coram iudice citatus comparens, si in eadē causā ab alio citetur, exceptionem declinatoriam apponere potest.*
2. *Rescriptum præsentatum iudici, iurisdictionem ei tribuit, & impetranti citato & comparante reo, non potest illi renuntiare sine consensu partis aduersæ.*
3. *Rescripta diuersa contra aliquem super eadē causā ad diuersos iudices, non factā mentione prioris in posteriori, & vtroque veniunt, perdit commodum vtriusque.*
4. *Dum autem neutro vsus est, potest vti priore, posteriore autem non nisi in casu, quo ex circumstantiis appareat, bonā fidē & ad cautelam illud esse impetratum: vel prius ob aliquem defectum sit nullum, aut per exceptionem elisibile.*
5. *Facultas alicui concessa ad aliquem actum intelligi debet de efficaci, qui possit habere effectum.*
6. *Verbum Creat in lege pœnali importat sententiam priuationis ipsa facta incurrendam.*

NOTANDUM I. Si quis coram Iudice citatus comparuerit: & postea coram alio super eadē causā citetur, declinatoriam exceptionem apponere potest, quod vbi lis cœpta est, etiam finiri debeat, l. 30. *Vbi acceptum* (etiam per citationem, ait Gl. ibi) *est semel iudicium, & ibi finem accipere debet.* Item, si duo iudices ordinarij, aut delegati concurrentem habeant iurisdictionem, & vnus eorum per citationem præueniat, alter pendente lite, se intromittere non potest, c. cū plures 8. de off. delegati, docet Andr. Gaill lib. 1. obseru. 29. n. 5. & obser. 32. num. 9.

Adde, quod in casu huius c. Iudici per præsentationem literarum non tantum iurisdic-

rescriptio acquisita fuerit: sed insuper etiam, post factam citationem, si reus ad defendendum se comparuit, rescriptum utriusque partis commune factum sit, cui proinde impetrator absque alterius consensu renunciare non potuit. Qua de re Abb. hic. n. 1. In. noc. in cap. conquestione, de rescript. spoliatorum.

NOTANDUM II. Qui contra aliquem super eodem negotio ad diuersos iudices diuersa rescripta impetrat, nullā in posteriore factā mentione prioris, propter malitiam & commissum dolum, ipso iure vtrumque perdit. Hæc est principalis decisio huius c. Pro cuius pleniori intellectu, aduertendum, Quod hæc sit poena à sacris canonibus inflicta, sicuti hic apparet, & in c. ult. hoc tit. Verba autem legis pœnalis intelligi debent cum effectu, c. hæc autem verba 17. vbi Nauarr. n. 9. d. 1. de pœnit. Idem Nauarr. & in tract. de alien. rerum eccles. n. 19. 20. Idcirco concludit Gl. hic. commuiter recepta, ver. commodò, & alia Gl. in c. dispensa 3. ver. fuerit, eod. tit. in 6. Pœnam hanc non incurri, nisi impetrans rescripto utroque usus fuerit.

Sed **QVÆSTIO** est, dum neutro usus fuit impetrans, num in eius optione sit, utro eorum uti, seu iudicibus præsentare malit? Respondeo & Dico primò: Certū est, quod uti possit priorē, cum per posterius, in quo nulla mentio prioris facta, reuocatum aut infirmatum non fuerit. Secundò: Si, omisso priorē, posterius præsentet, præsumptio doli subest: Atque ideo per exceptionem subreptionis elidi potest secundum rescriptum. Verantamen, si ex circumstantijs appareat, bonā fide, & ad cautelam impetrasse secundum, quia timebat iudicem per prius rescriptum delegatum moriturum, aut in terras remotas discessurum, vtrumque rescriptum firmum censeri debet: ita ut etiam priorē omisso, uti possit posteriore, secundum mentem Gl. hic. ver. commodò, Anton. n. 8. Abb. n. 5. licet aliter Cardinal. Hostiensis. Tertiò: Si literæ prius impetratæ ob aliquem defectum nullæ fuerunt, firmæ sunt posteriores ad alios iudices, etsi in ijs nulla

mentio priorum fiat, sicuti docet Gl. recepta in c. cum nostris 6. ver. vacaret de iure, de concess. præb. ex reg. 52. in 6. *Non præstat impedimentum, quod de iure non sortitur effectum.* Quartò: Idem probabiliter dicitur, si priorēs literæ, seu rescriptum prius impetratum per exceptionem elidi poterat, firmum fore posterius ad alios iudices, nullā prioris factā mentione, uti docuit Gl. fin. hic. Abbas n. 6. Decius n. 5. & alij plerique argum. l. si dari stipuler 25. ff. de verb. oblig. vbi dicitur, quod quasi nullum, siue inutile censetur, quod per exceptionem tolli potest. Item argum. c. plerumque 23. hoc tit. vbi narratur, rescriptum posterius, in quo nulla mentio facta est prioris ad alios iudices dati rescripti, non valere: cum tamen non ipso iure irritum fuerit, sed tantum ope exceptionis.

Porro ex ipsa doctrina, allegatā Gl. fin. huius cap. Nauarrus in tract. de relict. eccles. q. 3. mon. 9. n. 3. Suarez tom. 3. de relig. lib. 8. de paupert. cap. 16. n. 15. regulam colligunt, Si facultas alicui concessa sit ad aliquem actum, intelligi debere de efficaci, seu qui possit habere effectum: Ideoque facultatem à Pontifice concessam v.g. Religioso testandi de bonis acquisitis ex rebus ecclesiasticis, non restringi ad primum testamentum, cum illud perfectum non sit, dum testator viuit, sed sūapte naturā reuocabile sit: Poterit itaque Religiosus, recedendo à priore sua voluntate aliud, & aliud condere testamentum.

NOTANDUM III. Verbum *careat* positum in lege pœnali, videtur significare sententiam privationis ipso facto incurrendam, sicuti hic annotauit Felin. n. 16. & 17. & sumitur quoque ex c. præced. in fine, *careat penitus impetratis.* Ratio est; quia iste loquendi modus significat executionem siue effectum ex imperio ipsius legis, seu latoris tunc sententiæ, oriturum. Videri potest Franc. Suar. de censuris disp. 3. sect. 3.

CAPITVLVM XVII.

Cùm adco.

PARAPHRASIS.

Petrus Clericus in Ecclesia Modicensi sufficientem sibi præbendam consecutus, postea impetrauit à Papa literas, quibus eidem Canoniatum in Ecclesia de Gronzola conferri iubebat. Eo intellecto, Archiepiscopus Mediolanensis scripsit ad Innocentium III. mirari se tale rescriptum à Sede Apostolica emanasse, &c. Respondet Papa, mirari eum non debuisse, cum ex literarum tenore apparere potuerit, eas per subreptionem obtentas fuisse, quandoquidem de præbenda Petri, & quòd Canonicus esset Modicensis, nulla in ijs mentio facta fuit, imò nec quòd Clericus esset, insuper in literis Papalibus condito adiecta erat, si ad ecclesiasticum Ecclesie Gronzalenis beneficium dignus existeret.

SUMMARIUM.

1. *Habenti beneficium congrua sustentationi, pro qualitate personæ sufficiens, non debet aliud conferri.*
2. *Omissio in rescripto alicuius, quod iuxta stylum & formam Curia Romana est necessarium exprimendum, reddit illud obreptitium, & quidem ipso iure irritum.*
3. *In rescripto ad beneficium conferendum addi solet, vel subintelligitur conditio, si nullum canonicum impedimentum ei obstat.*

NOTANDVM I. Habenti beneficium ecclesiasticum, quod ad decentem sustentationem, spectatà qualitate personæ, sufficiens sit, non debet aliud conferri. Ita sumitur ex hoc c. iun. Gl. ver. sufficientem, & ex c. postulasti 17. hqc. ts. Ratio est: Quia ex abundantia reddituum ecclesiasticorum sequitur clericorum luxur, vanitas, & ecclesi-

asticæ disciplinæ relaxatio; item Ministrorum paucitas, & clericorum aliorum inopiæ consequenter cultus diuini diminutio. Et adeò quidem in Ecclesia Christi vstitutum erat, vt habenti beneficium sufficiens aliud non conferretur, vt Archiepiscopus Mediolanensis miratus hic fuerit, tale à Sede Apostolica mandatum emanasse: Neque verò Pontifex Innocent. III. admirationem rejicit, sed ait, ex literarum tenore colligi potuisse, eas obreptitias & irritas fuisse. Adde Trident. Concl. sess. 24. cap. 17. de reform. *Cùm ecclesiasticus ordo peruerit, quando vnus plurius occupat officia clericorum, sancti sacris canonibus cautum fuit, neminem debere in duabus ecclesiis conferri. Verum quoniam multi improba cupiditate affecti, se ipsos. NON DEVM decipientes, ea que bene constituta sunt, varijs artibus eludere, & plura simul beneficia obtinere nō erubescunt, sancta Synodus debiam regendis ecclesiis disciplinam restituere cupiens, præsentis decreti (quod in quibuscunque personis, quacunque titulo, etiam si Cardinalatus honor fulgeant, mandari obseruari) statuit, vt in posterum vnum tantum beneficium ecclesiasticum singulis conferatur. Quod quidem, si ad vitam eius, cui conferretur, honeste sustentandam non sufficit, liceat nihilominus aliud simplex sufficiens, dummodo vtrumque personalem residentiam non requirat, eidem conferri.*

NOTANDVM II. Rescripta ex Curia Romana promanantia diligenter inspiciei, & considerari debent, vtrum stylus seu forma scribendi obseruata fuerit, vtrum aliquid tacitum, seu omissum, quod necessarium erat exprimendum. Exinde enim apparebit nonnunquam obreptitia esse: & quidem ipso iure irrita, nec executioni mandanda, si sint rescripta gratiæ, aut beneficalia, vel dispensationes, vt dixi in c. 2. hoc tit. & habetur in c. constitutus 19. eod. & tradit hic Baldus n. 9. Fuerunt autem in his literis duo omissa, quæ necessariò, secundum Curie stylum, exprimenda erant: I. Quòd impetrans aliud & quidem sufficiens beneficium haberet: Id cum in Pontificiis literis non contineretur, conse-

consequens est, neque in supplicatione positum fuisse, adeoque obreptitiè literas impetratas, tacito videlicet eo, quod si sciuiſſet Pontifex, petitioni non annuiſſet, sed nec rationaliter annuere potuiſſet. II. Quòd impetrans reſcripti clericus eſſet: nam & id in beneficiis reſcriptis, ſecundùm Rom. Curie conſuetudinem, exprimi debet, vti ex textu colligitur, & docet Anton. n. 9. Abb. n. 2. Propterea quòd laicus eccleſiaſtici beneficii capax non ſit, e. 2. de inſtitut. Nam beneficium eſt ius quoddam ſpirituale, quod in laicum non cadit. Videri poteſt Azor tom. 2. lib. 6. c. 2. q. 5.

3. **NOTANDUM III.** In reſcripto ad beneficium conferendum, addi ſolet, vel, etſi non addatur, intelligi debet, conditio, ſi perſona, pro qua ſcribitur, ad beneficium illud idonea, ac digna ſit, ſive, ſi nullum canonicum ei obſtet impedimentum, ut videre eſt in c. veniens 13. de reuoc. vbi id notat Ioan. Andreas num. 1. & videri poteſt Nauar. in c. ſi quando except. 1. 1. n. 1. hoc tit.

CAPITVLVM XVIII.

Cauſam.

PARAPHRASES.

1. Pro intellectu huius c. ante omnia ſciendum eſt, quòd lib. 2. decretal. extet tit. 6. Vt lite non conteſtata, &c. *non procedatur ad reſcriptum receptionem, vel ſententiam definitiuam.* Id verò intelligi debet iure ordinario, & exceptis caſibus extraordinariis, qui aſſeruntur in c. ult. §. porro, eod. tit. Quare ſi Iudex conſeruati ad ipſum delat. in citatione peremptoria dicat, ſeu cominetur, ſe, nondum lite conteſtata, contra reum abſentem etiam proceſſurum eſſe ad teſtes recipiendos, & ſententiam definitiuam proferendam, aut ſi Iudici delegato ea procedendi poteſtas committatur, tum conſuetum & neceſſarium eſt, vt clauſula adiungatur, *quantum de iure poſſimus*, ſicuti videre licet in c. tum ex literis 5. de in integr. reſtit. c. cum dilecti 5. de dolo & contumacia. Eſt enim ea clauſula

limitans, ſi a reſtringens ad caſus, in quibus ita procedere de iure conſeſſum eſt.

SUMMARIUM.

1. *Lite non conteſtata, non poſſe peccati ad reſcriptum receptionem, vel ſententiam definitiuam iure ordinario, & exceptis caſibus extraordinariis.*
2. *Reſcriptum iuſtitie debet intelligi ſecundum ius commune, ita vt nihil ei contrarium decernat.*
3. *Secus eſt de privilegio Principis proprie dicto, & ſtatuto particulari.*
4. *Si conceptu falſo reſcripti, aut legis intellectui iudex proceſſum iudicarium inſtituit, reſcindit debet, aut irritus declarari, in quantum in eo erratum eſt.*

NOTANDUM I. Reſcriptum iuſtitie ita interpretari conuenit, vt iuri communi congruum ſit, ſeu nihil communi iuri contrarium decernat, tametsi neceſſe ſit à proprietate verborum recedere, vel adiectam clauſulam tranſponere, vti hic docet Gl. in notandis, & ver. præcedat. Anton. n. 5. Abb. n. 1. Decius n. 1. Gaill. lib. 1. obſ. 33. n. 6. & ſumitur ex hoc c. Tametsi enim, vti Anton. hic animaduertit n. 6. clauſula in medio poſita non ſoleat ad omnia, ſive vtrumque extremum referri, tamen in caſu huius reſcripti reſpondet Innoc. III. Papa, ad vtrumque referendum eſſe, videlicet ad probationes recipiendas, & ad definitiuam ſententiam procedendum eſſe, *quantum de iure conſeſſum eſt*: quandoquidem ita communi iure decretum eſt, à quo Princeps in reſcriptis iuſtitie nequaquam recedere ſolet. Adde, ſi in eiſmodi caſu ordo aut conſtructio verborum aliter defendi non poſſit, præſumendum, à ſcriptore tranſpoſitionem, aliamue mutationem factam eſſe, qui error veritati obſeſ non debet. L. 1. ore 7. & l. ambiguitates 24. C. de teſtam. & ſatis colligitur ex textu huius c. iun. Gl. ver. fuerat inſerenda.

Cæterum alia ratio eſt de Principis priuilegio propriè dicto: Ad eius enim rationem pertinet, vt ſit alicuius rei contra ius commune ex Principis beneuolentia conſeſſio,

sicut notauit Gl. in c. 1. ver. nescatur. de constit. in 6. & dixi in c. 1. in not. 3. dicto 3. de rescript. Quomodo autem eiusmodi privilegia in dubio interpretanda sint, videl. plerumque stricte, vt quàm minimùm, salua proprietate verborum, iuri communi derogent; Item, quòd omnia Principis beneficia ita intelligi debeant, vt iuri alieno acquisito nihil præiudicij afferant, docui copiosè lib. 1. moral. Th. tract. 4. c. 23. n. 5. & 6. & videri potest Felin. hic n. 7. & seqq. Azor tom. 1. moral. Institut. lib. 5. cap. 23. q. 2.

Alia item ratio est de statuto particulari: Id enim frequenter contra ius commune editur, dummodo statuentes tali potestate præditi sint. Quare licet verba statuti, si commode fieri possint, ita interpretari conueniat, vt cum iure communi consentiat, c. cum dilectus 8. de consuetudine, non tamè ita, vt verba ad sensum improprium aut insolitum trahantur, prout per sensum contrarium colligitur ex eod. c. cum dilectus, & notauit Abb. hic n. 6. vbi ait, rescriptum iustitiæ non ea intentione prodire, vt aliquid addat communi iuri, quomodo interdum particularia statuta eduntur.

4. NOTANDUM II. Si concepto falso rescripti, aut legis intellectu, iudex processum iudicium instituit, rescindi debet, aut irritus declarari, quatenus in eo erratum est: secus, vbi erratum non fuit. Ita sumitur ex textu, & docet Glossa in notandis: *solum illud rescinditur, quod est illegitimè factum.*

CAPITVLVM XIX.

Constitutus.

PARAPHRASIS.

Paulus Clericus à Cælestino III. literas impetrauit ad Decanum & Capitulum ecclesiæ Bituricensis, quibus mandabatur, vt ipsum Paulum in canonicum reciperent, eique præbendam, si vel tunc vacaret, vel proximè vacatura sit, conferrent. Cum autem Capitulum mandatum implere negligeret, idem Pontifex datis lite-

ris, quas vocant executorias, huius rei executores constituit. Interim mortuo Cælestino successit Innocentius III. coram quo controuersia hæc iterum agitata, proponente in sui defensionem. Capitulo, literas illas subreptitias fuisse, propter taciturnitatem veri, quandoquidem numerus Canonicorum in ecclesia Bituricensi iuramento confirmatus, & à Sede Apost. approbatus sit, cuius rei nulla in literis mentio fiebat. Hoc intellexit, scribit Innoc. III. ad Archiepiscopum Senonensem, si intellexerit numerum canonicorum iuramento constitutum fuisse in ecclesia Bituricensi, priusquam Paulus literas executorias à Sede Apost. impetrasset, irritum esse declaret: quidquid earum literarum vigore factum fuerat. Sin autem aliter se res habere compererit, videl. numerum canonicorum eotempore stabilitum non fuisse, tunc faceret illi in canonicum recepto præbendam, si vacauerit, assignari, sublato omni appellationis remedio.

SUMMARIUM.

1. Rescriptum gratia derogans ecclesiæ alicuius statuto iurato, nulla eius facta mentione, ipso iure irritum est; imò & illud, quod derogat iniurato statuto de certo numero Canonicorum.
2. Et si mentio fiat statuti, taceatur autem illud esse iuratum, rescriptum obreptitium & irritum censeri debet.
3. Idem est, si taceatur ab impetrante in eo verum, etiam probabiliter ignoratum.
4. Arguens rescriptum ob taciturnitatem veri esse obreptitium, tenetur id probare.
5. Nisi intentionem suam super narraturæ fundatam habet.
6. Ad cognoscendum, an rescriptum ob taciturnitatem veri sit obreptitium, inspicitur debet tempus impetrationis, seu datæ literarum.
7. Virescriptum gratia, iniustitia, & dispensationis propter expressionem falsi non sit obreptitium, debent narrata in eo vera fuisse tempore impetrationis, seu datæ literarum.

3. *Si rescriptum in parte principali propter obreptionem irritum sit, etiam eius pars accessoria irrita est.*

NOTANDUM I. Non valet rescriptum gratiæ, seu ad beneficium consequendum, derogans Ecclesiæ alicuius statuto iurato, nulla eius facta mentione. Ita sumitur ex hoc c. & tradit Gl. in notandis, Baldus n. 9. Abb. n. 5. Atque esse ipso iure irritum, colligitur ex fine huius c. iun. Gl. ver. irritum deernatis, & dixi supra in c. cum adeo 17. hoc tit.

Adde primò: Tamen si statutum decerto numero canonicorum iuratum non fuisset, nihilominus eius mentio fieri debuisse, sicuti ex communi docet Anton. hic n. 5. & 6. Felin. n. 1. Imola n. 2. & dixi in c. 1. de rescriptis in fine, quòd rescriptum gratiæ aut beneficiale non derogat statuto ecclesiæ, nulla eius facta mentione; cum mens Pontificis non sit laudabili locorum consuetudini aut statuto præiudicium adferre, nisi exprimat, c. 1. de constit. in 6. Videri etiam potest Francus in c. eicui, n. 5. de præb. in 6.

2. Adde secundo: Tamen si in literis Papæ mentio fiat statuti, si tamen taceatur, esse iuratum, obreptitiæ & irritæ censeri debent, uti docet Baldus hic n. 9. Abb. n. 7. Imola n. 5. Felin. n. 3. cum ait, *Statuta iurata non tolli per generalem derogationem statutorum*, licet in simili tradit Gl. in Clem. vn. ver. pacta de sepult. quòd *pactum iuratum non tollitur per clausulam, Non obstante pacto*. Ratio dari debet, quia tamen si in eiusmodi statuto v. g. de certo canonicorum numero per iuramentum firmato, censeatur excepta auctoritas Superioris, vid. Papæ, uti docui lib. 4. Theol. moral. tract. 3. cap. 9. n. 4. in alter. condit. *Salvo iure Superioris*, tamen Papa difficillius solet statuto derogare, propter vinculum iuramenti. Quandoquidem duplex vinculum firmitus est, quàm simplex. Ideoque addi debet clausula derogatoria, *non obstante statuto, etiam iurato*, prout videre est in c. cum aliquibus 4. hoc tit. in 6.

3. **NOTANDUM II.** Rescriptum gratiæ irritum fit propter taciturnitatem veri, etiam probabiliter ignorati ab impetrante. Quia

obreptio ista non tam vitiat rescriptum ob culpam aut dolum impetrantis, quàm ob defectum voluntatis in concedente; si videlicet probabiliter non concessisset, si rem plenè cognitam habuisset. Ita notavit Gl. in c. seq. ver. literas dedissemus, Anton. hic n. 5. Abb. n. 1. Thom. Sanchez lib. 8. de matrim. disp. 21. n. 56. & sumitur ex hoc c. quando Pontifex tantum respondet, attendendum esse, verum numerus canonicorum iuramento decretus tunc fuerit, cum P. Clericus literas impetravit.

NOTANDUM III. Circa verbum, *si vobis 4. confiteris*. Qui obijcit, rescriptum obreptitiæ propter taciturnitatem veri impetratum fuisse, tenetur id probare: cum id sit fundamentum exceptionis seu oppositionis factæ contra rescriptum. Itaque sumitur ex hoc cap. & docet Ioann. Andr. in c. vn. de litis contestat. in 6. Anton. hic n. 7. Abb. n. 2. & 3. Baldus n. 1. Imola n. 3. Dec. n. 1. At verò quòd rescriptum obreptitiæ impetratum non sit per suggestionem falsi, impetrans probare debet: videlicet quòd preces veritate nitantur, iuxta c. 2. de rescript. ubi id docui, & tradunt Abb. & Decius locis citatis. Idem Abb. in c. quia circa n. 3. de consang. & affin. Petrus Rebuffus in tract. de rescript. & liter. regis, in præfat. n. 56. argum. l. 2. ff. de probat. *Es incumbit probatio, qui dicit*, seu affirmat aliquid actum, *non qui negat*. Sed bene limitat Rebuff. Si impetrans intentionem suam super narratis fundatam habet, non tenetur eam probare: sed aduersarius contrarium ostendere debet: Ut si parochus, in parochiæ possessione notoriè existens, impetret rescriptum pro decimis intra parochiam existentibus, arg. c. 2. de restit. spoliatorum, in 6.

NOTANDUM IV. Ad cognoscendum, 6. an rescriptum ob taciturnitatem veri obreptitium sit, necne, inspicere debet tempus impetrationis, seu data literarum. Ita sumitur ex hoc c. iun. Gl. communiter recepta, ver. impetrasset, & tradit Abb. in cit. c. quia circa, n. 4. & in c. dilectus 27. n. 9. de præb. Quemadmodum hoc idem sit in iuribus seu obligationibus ex contractu, ut attendendum sit tempus, in quo contractum fuit. Quare Decius

cuius hic actus. 2. Quod excipiens de taciturnitate veri, teneatur illud probare secundum tempus, Vid. statutum de certo numero exitus tempore impetrationis: Siquidem agens, aut excipiens probare tenetur asserta cum omnibus qualitatibus, sine quibus intentio sua subsistere non potest.

7. Eademq; ratione ut rescriptum obreptionis non sit propter expressionem falsi, necessarium est, narrata in rescripto seu iustitiæ, seu gratiæ aut dispensationis, vera fuisse tempore impetrationis, seu dictæ literarum, sicuti habetur in cit. e. quia circa & de consang. & affin. ubi causa ad dispensandū in consanguinitatis impedimento, videl. proles nata, quæ Pontifici proposita erat, falsa dicitur, cum ante dispensationem obtentam, viam fuerit coniuncta carnis ingressa. Videri potest P. Sanchez lib. 8. de matrim. disp. 3. o. n. 4. & n. 5. ubi admonet Ordinarios & Confessarios, quibus dispensationes à Sede Apostolica committuntur, ut precum veritate cautè examinent: quia sæpè contingit, ut ea existere incipiat post concessionem Romæ factam: Ut si allegetur, feminam famæ iacturam passam, esse ex frequente cum viro, cui nuptura est, conversatione: infamia autem non nisi post tempus datæ dispensationis orta sit. Quæ de rege etiam in Theol. moral. lib. 1. tract. 4. o. 22. q. 2. Hic autem adiungo, Considerandam esse formam literarum, seu commissionis: quia interdum expediens siue mittens literas ipsemet non dispensat, sed iubet Commissarium dispensare v. g. super impedimento matrimonij, si persona verè pauper sit, & rationabilis causa urgeat, vid. scandalum, infamia, loci angustia, aut alio similis: tunc sufficit, causas subsistere tempore dispensationis à Commissario faciendæ, argum. c. ei qui, 2. 2. de præb. in 6.

- NOTANDUM V. circa verba, quidquid factum est occasione literarum, irritum & inane. Si rescriptum gratiæ, seu beneficiale, propter obreptionem in parte eius principali irritum sit, etiam pars accessoria ceteri debet irrita. Ita notauit Abb. hic n. 5. Dec. n. 2. & allegatis his verbis c. Sanchez lib. 8. de matrim. disp. 3. i. n. 6. Nam principalis intentio

Papæ fuit mandare, ut Pancratius in canonicum recipetur: quia verò Canonicus præbendæ diu carere non debet, adiecit, ut si aliqua vacaret, vel proximè vacatura esset, eisdem conferretur: Cum itaque principalis pars rescripti, propter tacitum statutum de certo numero canonicorum obreptionis fuerit, etiam altera pars de præbenda seu redditibus ipsi assignandis, & quidquid occasione literarum actum fuit, corruere debuit. Dixi de hoc in simili c. cum ad o. 15. hoc tit. in fine, & videri possunt, quæ dicam c. ad audienciam 3. i. infra, eodem.

CAPITVLVM XX.

Super literis.

PARAPHRASIS.

Dubium ortum fuit, quidnam sentiendum sit de literis à Sede Apostolica impetratis per taciturnitatem veri, aut per suggestionem falsi. Et alij quidem sentiebant tale rescriptum omnino irritum esse, ut impetrans nullum ex eo commodum percipere possit. Alij autem dicebant, licet secundum formam à Pontifice præscriptam, quippe subreptionis, procedi non debeat, tamen iudices delegatos causam cognoscere, & sententiam ferre posse secundum formam aut ordinem iuris communis. Ad hanc dubitationem Resp. Innoc. III. distinguendum esse, utrum literæ cum taciturnitate veri, & suggestionem falsi impetratæ fuerint per malitiam & dolum impetrantis; an verò per simplicitatem ac ignorantiam. Primo casu in poenam delinquentis omnino irritæ censi debent literæ, ut postquam iudici doli sufficienter demonstratus fuerit, superfedat causæ illius cognitione. In altero autem casu iudex attendere debet, num Papa, si falsitas suggesta non fuisset, aut veritas non occultata, nisi hominibus literas dedisset, licet non tali forma ac modo, tamen secundum formam iuris communis, tunc iudex nihilominus causam cognoscat secundum

iuris communis ordinem: An verò nullas omnino lictas Pontifex dedisset, tunc iudex delegatus procedere non potest, nisi fortasse, ut partibus conuocatis cognoscat de qualitate & modo subreptionis, & verum ea fuerit ratio impetrationis literarum, ita ut Princeps causam nullo modo delegasset, si veritate cognouisset, tum etiam iudex cognitionis officium nullo modo impendat. Sin verò Princeps nihilominus causam delegasset, licet non tali forma aut cum talibus clausulis, tunc iudex cognoscat absque eiusmodi specialiter præscriptis formis, sicuti ius commune & ordinarium requirit.

SYMMARIUM.

1. *Rescripta iustitia sub-vel obreptitia sunt, vel per taciturnitatem veris vel per suggestionem falsi ad rem intrinsecè pertinentis.*
2. *Utraque obreptio accidit: aut fraude siue ex malitia, aut ex simplicitate ac ignorantia: in priori totum rescriptum sit vitium; non item in posteriori.*
3. *Si Princeps cognita veritate aut suggestionem falsitatem penitus non dedisset rescriptum, vitatur rescriptum propter obreptionem, cuiusvisque dolo aut culpa, vel etiam sine culpa contigeris.*
4. *Et hoc non tantum locum habet in rescriptis iustitia, sed etiam in rescriptis gratia, & literis beneficialibus.*
5. *Iudex delegatus debet conformare processum voluntati & intentioni delegantis.*
6. *Circa legum civilium intellectum etiam in materia politica si diuersæ sint DD. sententia, Pontifex decidere potest, & clara iuris Canonici decisio in utroque foros standum est.*

NOTANDUM E ibi: *tacita veritate, vel suggesta falsitate.* Rescripta iustitiæ duas ob causas subreptitia, seu obreptitia sunt, Primò per taciturnitatem veri ad rem per se, siue intrinsecè pertinentis; Secundò per suggestionem falsi, videlicet intrinsecè ad rem spectantis, prout etiam colligitur ex l.

2. C. si contra ius &c. Idemque locum habet in rescriptis gratiæ, aut beneficialibus, prout ex communi docet P. Thom. Sanchez lib. 8. de matrim. disp. 21. n. 2. & seqq. Ratio est: Quia rescripta pendunt ex voluntate iurisdictionis mandantis: gratiam, aut beneficium conferentis: Duo autem sunt, quæ voluntarium tollunt; & consequenter concessionem; aut mandatum, vel saltem formam, modumue eius irritum, vel infirmum reddunt; ignorantia veri dissimulati, & persuasio falsi suggestiti.

Dixi autem id locum habere, si veritas dissimulata; aut falsitas expressa in rescripto sit res per se & intrinsecè pertinentis ad negotium; quia si tantum extrinsecè, & per accidens se habeat, non vitabitur rescriptum, siue id iustitiæ, siue gratiæ sit, tametsi Princeps; si veritatem cognitam habuisset, rescriptum non dedisset. Exemplum est: Si ponamus, in Curia aliqua odium conceptum esse aduersus Belgas, v. g. Tum si Titius Belga rescriptum impetret, dissimulans se Belgam esse, aut dicens, ex Moguntia se oriundum, non vitabitur propterea rescriptum; tametsi fortasse si Belgam se esse confessus fuisset, illud minime obtinuisset, quandoquidem; uti ponimus, circumstantia hæc, num impetrans Belga sit, an ex superiore Germania oriundus, ad causam siue rem, de qua agitur, per se nihil attineat.

Viterius; tametsi veritas occultata, aut falsitas expressa ad rem per se & intrinsecè pertineat, si tamen ea non fuerit causa finalis & principalis factæ concessionis, sed impulsiva tantum; quia siue ea, adeoque perspicua veritate, Princeps idem, eademque forma mandasset, aut concessisset, esto; fortasse difficilius, non debet rescriptum obreptitium censeri, uti ex probabiliori docui lib. 1. moral. Theol. tr. 4. c. 22. n. 20. & tradit Sanchez cit. disp. 21. n. 17. § 2. Nam falsitas causa impulsiva voluntarium non tollit: quandoquidem ea animum non mouet ad dandum absolute (siquidem etiam ea remota daretur) sed ad dandum libentius, citiusq;. Qua de re videri potest Alex. de Neuo in c. 3. de consan. utili vel inutili.

Porro quibus in casibus res ita comparata sit, ut Princeps nihilominus concessisset, id vir prudens arbitrabitur, considerato stylo seu consuetudine Curie, negotij qualitate & circumstantijs, prout allegato Lapo alleg. 89. docet Matth. de Afflict. decif. Neapol. 106. n. 4. Sanchez n. 19. Vide etiam, quæ dicuntur in c. postulasti 27. hoc tit.

2. NOTANDUM II. circa §. Nos igitur; Obreptio tam per taciturnitatem veri, quam per suggestionem falsi, duobus modis accidit, Aut fraude, siue ex malitia: Aut ex simplicitate ac ignorantia: Vbi nomine ignorantie, etiam crassam intelligere debemus; dummodo non sit ingens temeritas, ait Sanchez n. 66. & colligitur ex textu c. quando ignorantia fraudi opponitur ac malitie, quæ scientiam requirit & propositum circumueniendi saltem virtuale aut implicitum.

Discrimen autem inter obreptionem doloſam, eamque quæ ex ignorantia fit, ponitur in textu, Quod in priore, totum rescriptum, seu circa omnes eius partes irritum fiat; ita ut Iudex ne quidem secundum formam iuris communis, de causa principali cognoscere debeat, esto Princeps, etiam fementa eâ obreptione doloſa, dedisset nihilominus rescriptum, licet non eâ formâ, sed secundum terminos iuris communis. At verò in posteriore casu, locum habere debeat ea distinctio, ut, si Princeps, non interveniente obreptione, dedisset rescriptum, quamvis non in forma speciali, Iudex procedere possit secundum formam communem; nõ autem, si Princeps nullo modo dedisset.

Ut hæc res, quam variè disputando inuoluunt interpretes hic, clariùs intelligatur, imprimis affero exemplum ex Abb. hic n. 2. Titius à Papa (vel inferiore Ordinario, videtur enim doctrina huius c. etiam huic applicari posse, teste Sanchez n. 4.) impetravit literas contra debitorem suum, falsò allegans, in ciuitate sua consuetudinem esse, ut lites summarie & de plano, non autem obseruato iudiciario ordine, cognoscantur; Propterea Papa, causam cuidam commisit Iudici, adiiciens, ut summarie & de plano procedat. Tum distinguendum, num impe-

trans sciens & volens falsum allegarit; an verò per ignorantiam. In posteriore hoccasu procedere debet Iudex secundum formam ordinariam, seu communi iure obseruari solitam; saltem si aduersarius voluerit. At verò in priore casu integrum rescriptum euertere potest, ut Iudex à cognoscenda causa desistere debeat.

Nunc verò aliqua declaranda sunt: I. Quod rescriptum iustitie vel omnino, si dolo impetratum sit, vel secundum partem corruere debeat, si per ignorantiam obreptio interuenit; intelligi debet, dummodò pars aduersaria excipiat se opponat de subreptione, uti ex communi docet Anton. hic n. 13. 15. 20. Imola n. 5. Abb. n. 5. Sanchez n. 76. post Gl. ver. nullatenus, Idem, sumitur ex textu c. ver. postquam iudici super hoc facta fuerit fides; videl. per probationes ad instantiam partis opponentis obreptionem; Aut si ex euidencia facti obreptio notoria sit, iuxta doctrinam Gl. in l. 1. C. Qui & aduersus quos restit. ver. in consil. ibi Baldus n. 7. Gaill lib. 1. obs. 3. n. 4. quod Iudex supplet in facto, si notorium sit, etiam non potente parte. Itaque acquiritur delegato iurisdictio, ut procedere possit, donec obreptio notoria fiat in processu, deinde verò supersedere cogitur, vel omnino, vel secundum formam eam specialem, quæ propter obreptionem præscripta fuerat, ut supra explicatum.

II. Quod propter commissum dolum, Iudex penitus supersedere debeat, tametsi Princeps rescriptum dedisset in forma communi, si dolum non intervenisset; id non est ex natura rei, sed præter loco constitutum, ut colligitur ex verbis c. in sua peruersitate panam. Ex quo primò inferat Sanchez cit. disp. 21. n. 71. post Decium super hoc c. in mea edit. in 6. Si partes rescripti sint penitus separatæ, videl. super diversis negotijs aut causis; subreptionem ex dolo seu mendacio contingentem in vna parte, nihil nocere alteri parti. Censetur enim veluti duo rescripta: Et cum constitutio huius c. poenalis sit, extendi non debet, sed adhærendum regulæ iuris 37. in 6. *Utile non debet*
per

per inutile vitari. Idque sumi videtur ex c. si eo tempore 9. hoc tit. in 6.

Secundò infert idem Sanchez n. 67. Si non ipse impetrans, sed sollicitator aut Curialis dolum commisit, ut rescriptum obreptionis emanaret, non esse locum poenae; ut videl. totum rescriptum irritum sit, etiamsi Papa nihilominus rescripsisset, sed non secundum eum modum.

3. Cæterum, si Princeps cognitâ veritate, aut suggestâ falsitate penitus non dedisset rescriptum, vitiatum rescriptum propter obreptionem, cuiuscunque dolo aut culpâ, vel etiam sine cuiusquam culpa contigerit, quia deest voluntas committentis; dummodo res quæ tacetur, aut falsò narratur, per se, siue intrinsecè ad negotium pertineat, sicuti supra explicauimus.

4. III. declarandum, Tametsi textus huius c. loquatur tantum de rescriptis iustitiæ, locum tamen etiam habere debet in literis gratiæ, ac beneficiâlibus, uti hic docet Abb. n. 2. 5. 6. & 17. Decius n. 5. & ait esse communem Sanchez n. 54. Quare & in his distinguendum est, dolone an per ignorantiam obreptio contigerit; & si per ignorantiam, an Princeps nihilominus eandem gratiam dedisset secundum substantiam: Sin autem dolo, utrùm pars rescripti, in quo dolum commissus, coherens sit cum altera parte, an verò penitus separata, tunc enim pars gratiæ concessa, in qua dolum admissus non est, non vitabitur, donec per Iudicis sententiam, in poenam, rescindatur. Exemplum huius rei attuli in Theol. moral. lib. 1. tr. 4. c. 32. n. 25. de eo, qui dispensationem in voto castitatis impetrauit, ad ducendam consanguineam; allegata causa incontinentiæ suæ, quæ verè suberat; & allegatâ causâ, quæ penitus falsa erat, quod ea alium maritum conditioni suæ parem reperire non posset; Hoc in casu dispensatio super voto, consistet; at verò dispensatio super matrimonio contrahendo irrita erit, & quidem ipso iure. Hoc enim discrimen semper suppono inter rescripta gratiæ, & rescripta iustitiæ; quod illa per obreptionem irrita fiant ipso iure; hæc autem ope exceptionis, sicuti supra di-

xii in c. si autem 9. hoc tit. & tradunt DD. communiter apud Sanchez cit. disp. 2. l. n. 3. & n. 54.

Doctrina autem huius tertij declarandi partim sumi debet ex eo; quia si rescripta iustitiæ propter subreptionem irrita seu infirma redduntur, multo magis rescripta gratiæ, ac beneficiâlia; quippe cum hæc longè faciliùs infirmantur, prout Abb. annotauit n. 5. Decius n. 5. Partim verò ex eo, quod distinctio illa, ut attendamus, num Princeps nihilominus gratiam concessisset secundum substantiam, necne, est ex rei natura; adeò ut tametsi hoc c. non emanasset, ita distinguere oportuisset.

IV. declarandum, Cur aliquoties dixerim, ad iritationem rescripti seu iustitiæ, seu gratiæ, refertur, num Princeps, etiam cessante obreptione, eandem in substantia gratiam concessisset, aut rescriptum dedisset, necne. Si enim non eandem rem, eandemue gratiam concessisset; aut mandasset, sed aliam; adeòque, rescriptum aliud fuisset in substantia; irritum erit, quod impetratum est. Exemplum affert hic Innocent. ver. in communi forma, vers. Et nota quod generaliter, Abb. n. 3. in fine, Titius impetrauit rescriptum contra Caium debitorem suum per ignorantiam seu obliuionem, ex causa mutui; postea coram iudice delegato libellum format ex causa empti ac venditi: Hoc in casu iudex procedere non potest, ne quidem secundum formam iuris communis: quia causa, quæ proponitur, secundum substantiam alia seu diuersa est ab ea, quæ comprehenditur verbis rescripti. Similis casus circa materiam beneficialem habetur in c. susceptum 6. hoc tit. in 6. eumque explicabo infra in cap. significante 34. hoc tit. Ratio huius doctrinæ seu declarationis ea est, quia exinde quod de alia re Princeps scripsisset, seu aliam rem concessisset, si obreptio non interuenisset, non sequitur, quod eam concesserit, aut pro ea scripserit: sed potius contrarium; quia conditio non ponit rem in esse. Secus autem, si eandem rem in substantia, etiam sublatâ obreptione, absolute mandasset aut concessisset: tunc enim adeò absoluta

solita voluntas Principis: licet non secundum eum modum seu circumstantias, secundum quas propter errorem rescriptit.

5. **NOTANDUM III.** circa finem c. *Eadem ratio qua delegatum* &c. Iudex delegatus debet processum suum conformare voluntati ac intentioni delegantis, cuius vires agit, & à quo iurisdicção eius dependet, prout Abb. hic docet n. 3. Decius n. 4. & colligitur ex c. isto verbis allegatis, quando dicitur: post cognitam obreptionem, si appareat, quod delegans literas nullas dedisset, si obreptionem sciisset, quod etiam iudex nullatenus procedere debeat: secus, si delegans dedisset literas, saltem secundum formam communem: tunc etiam iudex ita procedere debet.

- NOTANDUM IV.** ex tota huius c. de cisione, maxime ijs verbis in principio positis, *diuersos intelleximus quersa sentire*, &c. Si circa legem ciuiliū intellectum, etiam in materia politica, diuersæ sint Doctorum sententiæ ac intellectus, Pontifex decidere potest: ita, ut viroque foro claræ iuris canonici decisioni inhærendum sit. Ita docui etiam supra in c. 1. n. 9. de Constit. & hic tradit Anton. n. 13. Imola n. 3. Abb. n. 3. Hieron. Schurpf cent. 2. consil. 7. n. 1. Orta autem fuerat inter Legistas controuersia ex duabus legibus, quarum inter se videbantur contrariæ, vid. l. 2. & l. et si legibus 5. C. si contra ius: Nam in priore dicebatur, præscriptione seu exceptione factâ obreptitiæ impetrati rescripti, Iudicem de exceptione cognoscere debere, & iuxta eam cognitionem, de causa ipse sententiam ferre. At verò in l. posteriore habetur, ut mendax prætor carere penitus impetratiis.

CAPITVLVM XXI.

Edoceri.

PARAPHRASIS.

Litteræ à Sede Apostolica impetratæ sunt contra Abbatem Ordinis Præmonstratensis, ad quarum tenorem coram iudice delegato respondere teneatur, sublato

appellacionis remedio. Sed quis causæ communis erat Abbat & Conuentui, in literis autem Apostolicis nulla mentio fiebat. Conuentus: ideo dubitabatur, an non Abbas appellare posset, si iudex declararet vigore literarum illum ad respondendum coram se obligari? Resp. Innoc. III. Abbatem (nisi alia rationabilis causa ipsi suffragetur) non posse per appellacionem subterfugere, quò minus coram iudice delegato respondere teneatur: propterea quòd ad ipsum propriè pertinet at Congregationis suæ negotia procurare. Secus tamen dicendum fore, si negotia Conuentus omnino separata sunt à negotijs Abbatis, ut ad illa administratio Abbatis se non extendat.

SUMMARYM.

1. *Pralatum Regularis in causa ipsi & Conuentui Regulari communi conuenitur per rescriptum, in quo solet quidem fieri mentio Conuentus, non tamen necessario.*
2. *Pralatum solus absque sui Conuentus consensu requisitus agere per se, & Procuratorem (non tamen vniuersalem) constituere, rumpere renouare potest.*
3. *Administratio plena & libera, adeoque etiam actio, & defensio in iudicio Pralato competit, tam in temporalibus, quam in spiritualibus.*
4. *Etiam Abbatissa & Priorissa habet liberam administrationem rerum Monasterij: & licet iurisdictionis spiritualis capax non sit, tamen ex commissione eius usum & executionem exercere potest in Moniales & Clericos beneficiarios, precipiendo etiam in virtute obedientie.*
5. *Per consuetudinem tamen & statutum introduci potest, ut saltem negotia ardua, grauiusque momenti in Monasterijs Pralatum sine consensu, vel consilio Conuentus non expediat.*
6. *Conuentui praiudicialia v. g. Monachorum receptio, non potest Pralatum agere*

*agere absque Conuentus, aut maioris
partis consensu.*

7. *Administrationem plenam & liberam
esse secundum canones penes Prælatos
regulares, intelligendum est iuxta an-
tiquam institutionem, qua eiusdem Or-
dinis ac regulae Monasteria, iura, &
bona ita separata, ut uni communi ac ge-
nerali Patri non subsint, secus est de al-
iis Religionibus v. g. mendicantium, in
quibus immediati Prælati subsint uni
Generali.*

8. *In Societate Superior id potest, quod est
ipsi concessum, non verò quidquid est ipsi
non prohibitum.*

9. *Iure communi, & ex prima auita regu-
laris institutione bona omnia Mona-
sterij communia esse debent Prælati &
Conuentui: speciali tamen iure consue-
tudinis, privilegij, statuti, maxime à
Pontifice confirmati, ex causa rationa-
bilis bonorum & prouentuum diuisio fi-
ri potest.*

10. *Quod tamen plerumq; noxiū est Reli-
gionibus, & à paupertatis perfectione
alienum,*

NOTANDUM I. Tamen si formæ consue-
tum sit, ut in rescripto imperato in cau-
sa, quæ communis est Prælati & Conuentui
regulari, mentio etiam fiat ipsius Conuen-
tus, tamen id necessarium non est. Hæc est
præcipua decisio huius c. Ratio redditur in
textu. Quia Prælati regulares ex officio tenentur
Congregationum suarum negotia pro-
curare. Itaque ita formatur argumentum: Ad
eum propriè pertinet in iudicio respondere,
causamq; defendere, ad quem rerum, de quibus
agitur, administratio spectat, prout ex
communis hic notat Anton. n. 2. arg. iam dicti
textus: At verò rerum communium Mo-
nasterij, siue regularis Congregationis, ad-
ministratio à sacris canonibus Abbati siue
Prælati concessa est, & quidem libera, siue
independens à Conuentu, ut colligitur ex c.
Abbatem 4. causa 18. q. 2. c. non dicatis 11. §.
Cum huius, causa 12. q. 1. & docet hic Imola
n. 1. Abb. n. 2. & in c. 2. n. 2. de solus. Fol. n. 5.

Nauarr. in cons. vn. De his quæ sunt à Prælati
sine cons. Capit. & in comment. 2. de Regu-
lar. n. 64. vbi exinde colligit, quod Prælatus
nec Superioris licentiâ, spectato communi
iure, ad agendum, vel respondendum pro bo-
nis & iuribus Monasterij, indigeat.

Tradita doctrina ampliari debet primò, 2.
Quod sicuti Prælatus solus in iudicio stare
potest pro rebus ecclesiæ suæ, ita etiam pro-
curatorem, seu actorem constituere, eumque
liberè reuocare, non petito consensu Con-
uentus, uti hic Anton. docet n. 21. Abb. n. 8. &
in c. vn. de Syndico n. 6. propter regulam re-
ceptam ex l. 1. ff. de procurator. quæ qui per
se in iudicio contendere potest, is etiam per
procuratorem. Si tamen vniuersalis pro-
curator constituendus sit, ita ut officium Syn-
dici, seu economi, suapte natura perpetuum
gerat, aiunt Innoc. hic Abb. & Ant. citatis lo-
cis, requiri consensum Conuentus: quia id
inter negotia ardua numeratur.

Secundò, Quod administratio, eaque ple-
na & libera, consequenter & actio, defensi-
que in iudicio, Prælati competat non tan-
tùm in rebus temporalibus, sed etiam spiri-
tualibus, quia tota potestas Monasterij penes
Abbatem seu Prælatum est, uti constat ex ca-
nonibus supra citatis, & videri potest Suarez
tom. 4. de Relig. lib. 2. de Religiosis quatenus
Prælati sunt, cap. 26. Quare solus, absque
Conuentu, seu non requisito Conuentu, Re-
gulares subditos suos corrigere potest, iuxta
c. cum ad Monasterium 7. & cap. vlt. de statu
Monachorum, & docet Ioan. Andr. in c. Ioan-
nes n. 16. de Regul. Abb. in c. reprehensibilis
nu. 11. de appell. solus item ordinare ea, quæ
pertinent ad cultum diuinum, aut Ecclesiæ ne-
cessitatem, teste Abb. in c. ea noscitur n. 4. de
ijs quæ sunt à Prælati & c. Tabiena in summa
ver. Abbas num. 13. Ex quo colligunt Ioann.
Andr. & Tabiena cit. locis, quod non ita in re-
bus gerendis regularis Prælatus pendeat à
Conuentu, sicuti Episcopus à Capituli con-
sensu, aut saltem consilio, iuxta cit. tit. libr. 3.
decret. de ijs quæ sunt à Prælati sine con-
sensu Capituli: propterea quod ipsa Ordinis
regula, maxime propter obedientiæ votum,
plenam Abbati seu Prælati regulari super

Regulares suos, & Monasterium, potestatem tribuat.

- 4 Tertiò, Quòd & Abbatisa seu Priorissa habet liberam administrationem rerum Monasterij, prout docet Abb. in c. 2. n. 4. de his quæ sunt à Prælatis &c. Iurisdictionis autem spiritualis licet capax non sit, quamobrem nec excommunicare, nec alias propriè dictas censuras inferre potest: tamen ex commissione Prælatorum ecclesiasticorum usum quandam, seu potius executionem iurisdictionis in Moniales, & Clericos beneficiarios exercet: Vnde & quodammodo Prælata dici potest. Qua de re: videri potest Syl. ver. Abbatisa, & Theol. moral. lib. 1. tract. 5. p. 1. cap. 3. n. 3. Constat etiam ex praxi Ecclesiæ, quòd Moniales votum obedientiæ edant erga Præpositam suam, quæ proinde illis præcipere potest, quod iustum est, atque conforme regulæ, ita vt ex religionis virtute, seu vi voti obedi- teneantur: qua de re Franc. Suarez tom. 4. de Relig. tract. 9. lib. 1. cap. 12. n. 8. Quamobrem sentiendum est eum eod. P. Suarez tom. 3. de Relig. lib. 10. cap. 11. n. 20. Azor tom. 1. Instit. lib. 13. cap. 10. q. 7. quòd Abbatisa non tantum administrationem politicam, aut domesticam (tanquam mater familias quædam) erga suas Moniales gerat: sed etiam spiritua- lem, ita vt spiritualia præcepta imponere, atque adeò, si res exigit, in virtute S. Obedien- tiæ præcipere possit, quæ animæ salutem spectantia, & regulæ consentanea sunt: Licet contrarium existimavit Domin. Sotus in 4. d. 20. q. 1. art. 4. Rodriq. tom. 1. regul. qq. q. 15. 2. 1. Sanchez lib. 6. moral. c. 1. n. 21. & 30.
- 5 Limitari autem debet primò: Quòd per consuetudinem, similiterque per statutum introduci in Monasterijs potest, vt Prælatus saltem ei, quæ grauiora sunt, seu maioris mo- menti, sine consensu, aut sine consilio Con- uentus non expediat. Quare, quomodo in hac parte se gerere debeat Prælatus, ex ordi- nationibus & recepta consuetudine cuius- que Monasterij petendum est. In dubio au- tem, præsumptio stat pro Prælato ex iure communi: quippe cui, vt suprà dixi, plenam & liberam administrationem sacri canones concesserunt.

Secundò, Quæ Conuentui præiudicialia esse possunt, v.g. Monachorum receptio, qua de re dixi Theol. moral. tract. 5. c. 5. n. 5. Item quæ ad statum ecclesiæ, seu monasterij, eius- que honorem spectant, vt si agatur de subie- ctione eius, aut membrorum ipsius, non potest Prælatus agere absque Conuentus aut mai- oris partis consensu, cum ea ad iurium alie- nationem, seu amissionem tendere possint. Ita Anton. hic num. 8. Imola n. 5. Henr. Boich num. 5.

Tertiò, Quæ suprà dicta sunt de Abbati- bus & Præpositis regularibus, quòd secun- dum canones, plenam ac liberam rerum Mo- nasterij administrationem, & consequenter in iudicio ætationem, defensionemque habe- ant, intelligi debent secundum antiquam in- stitutionem, iuxta quam eiusdem Ordinis ac Regulæ monasteria, iura & bona ita discreta ac separata habent, vt vni communi ac gene- rali Patri, quoad earundem administratio- nem non subint. At vetò de alijs Religioni- bus, videlicet Mendicantium, in quibus vnus Generalis, eisque subordinati Prouinciales, locorumque seu Monasteriorum, Collegio- rum, immediati Prælati ita constituti sunt, vt hi vid. Guardiani, Priores, Rectores à Pro- uincialibus: Prouinciales verò ab vno Ordinis Generali, tanquàm membra vnus Corpo- ris seu Congregationis totius ac vno Capite, tantum quoad iurisdictionem, potestatemque in ipsos exercendam, quàm quoad ecclesias, monasteria, Collegia, bonorumque, ac iurium administrationem, dependant (sicuti expli- caui in Censuris Astris inext. p. 1. loco 6. & p. 2. cens. 12. 13. 14.) aliter sentiendum: Videl. quòd quanta subordinatis potestas tam quo- ad iurisdictionem, quàm quoad bonorum ad- ministrationem, facultatemque standi in iu- dicio, competat, ex singularum Religionum constitutionibus, consuetudinibus, ac priui- legijs colligi debet. Et quidem de Societate Iesv, in qua magna dependentia est inferiorum à Generali, ait Suarez tom. 4. de Relig. lib. 10. de regimine Societatis, cap. 5. n. 6. in Societate ad cognoscendam vniuersusque, Præ- lati facultatem, vrendum potius esse affirma- tiva, quàm negativa regula, id est, ad vnum- quod-

quemque posse, quod sibi est concessum, non vero quidquid sibi non est prohibitum. De litibus autem forensibus, num suscipi possint, nō bene, videri possunt, quæ 2. Congreg. generali Soc. lxxv. can. 45. habentur, & reg. 15. & 16. Procurator. Colleg.

NOTANDUM II. Etsi spectato communi iure, & prima institutione vitæ canonicæ, aut regularis, bona omnia Monasterij communia esse debeant Abbati seu Præposito, & Conuentui, vti colligitur ex c. Cū ad Monasterium 6. de statu Monachorum, tamē speciali iure consuetudinis, privilegij, statuti, præsertim à Pontifice confirmati, ex causa rationabili introduci potest bonorum diuisio, vt videlicet mensa Prælati, & mensa Conuentus, siue vtriusque prouentus separati sint, vti colligitur ex hoc. in fine, & docent hic Interpretes communiter, & fusè Nauarr. in comment. 3. de regul. r. n. 9.

Quo ipso in casu bona, & prouentus ad Conuentum spectantia non Abbatis, sed alterius à Conuentu constituti Oeconomi, v. g. Prioris conuentualis administrationi subiecta erunt: Poteritque Conuentus Procuratorem aut Syndicum arbitrari suo constituturæ, ac reuocare: non requisito consensu Prælati: præterquam si causa ad ipsum quoque pertinere videatur. Quæ est communis doctrina Anton. hic n. 5. Abb. n. 6. Decij num. 9. quæ similiter etiam locum habet in negotiis, quæ propria sunt Capitali alicuius ecclesiæ secularis.

Corollarium. In eiusmodi causa, seu negotio quod Conuentus aut Capituli proprium est, non admittitur Prælatus ad agendum, nisi exhibeat mandatum, seu consensum Capituli: Potest tamen absque mandato admitti, si caueat, Conuentum postea rem ratam habiturum: quia eodem modo admitti solent personæ valde coniunctæ, vti dicitur infra hoc tit. c. nonnulli 28. §. Sunt & alij: Est autem magna coniunctio inter Prælatum, & Capitulum seu Conuentum; cū vnum corpus efficiant: Similiterque Capitulum seu Conuentus in causa Prælati per Syndicum seu Auctorem agere potest, si caueat Prælatus rem ratam se habiturum. quæ de re Imola hic n. 8.

Felin. n. 5. post Gl. in cap. 1. ver. legaliter, de procurat.

Addendum verò est, plerumque noxium esse Religiosorum Congregationibus, & à paupertatis perfectione alienum, si bonorum seu prouentuum diuisio inter Prælatum & Conuentum instituat: Quamobrem contra Prælatos, maxime Commendatarios Ordinis Cisterciensium, à Sede Apostolica obtentum, atque constitutum fuit, *vt omnia bona monasteriorum & aliorum locorum dicti Ordinis sint communia*, prout explicauit in Censuris p. 2. cens. 13.

Contra ea quæ in 1. not. dicta sunt, sentit Gl. hic ver. debeant, & alia Gl. in cit. c. t. ver. legaliter, de procurat. Prælatum regularem non posse in iudicio pro iuribus aut bonis monasterij communibus contendere, siue perse, siue per Procuratorem aut Syndicum, nisi Conuentus consensus accedat. Nam qui rem alienare non potest, is nec rem in iudicium deducere potest. L. ait Prætor, 7. ff. de iure deliberandi: Constat autem Prælatum absque Conuentus assensu, non posse alienare bona immobilia, & mobilia pretiosa, quæ seruari possunt: Ergo saltem in causis, in quibus de eiusmodi bonis agitur, Prælatum absque Conuentu in iudicio contendere non potest.

Opositum verò huius docent hic Innoc. Ioann. Andr. Anton. Abbas, Imola, Felin. locis citatis, Hear. Boich n. 7. Nam quicumque habent administrationem à lege, ij in iudicio agere & conueniri possunt, vti apparet in tutore comparatione bonorum pupilli, in patre comparatione bonorum aduentitiorum filii fam. in marito comparatione bonorum dotalem vxoris. Prælatus autem administrationem bonorum ecclesiæ suæ, à sacris canonibus concessam, obtinet, & quidem plenius, quàm v. g. tutor habeat, sicuti hic Abb. animaduertit n. 2. Interim tamen fateri debemus, tutius & consultius esse, propter auctoritatem Glossæ, vt procurator ad expedienda negotia, & in iudicio contendendum constitutur non solus Prælati auctoritate, sed etiam Conuentus interueniente consensu: Imò necessarium id esse videtur in rebus arduis, seu

quæ magni momenti sunt, uti possit Innocent. hic Abb. n. 6. & alij adment.

Ad argumentum Glossæ respondetur; regulam eam in maiore propositione allatam, falsam esse in ijs personis, quæ in iudicio agunt, non proprio nomini, sed alieno. Nam v. g. tutor pro rebus pupilli in iudicio contendere potest per se, vel substitutum procuratorem; licet pleraque eius bona absque iudicis auctoritate alienare non possit. Ad l. Ait Prætor, dico, esse casum cum speciale, quod hæres, dum de adeunda hæreditate in deliberatione versatur, securi alienare ex hæreditate nihil potest, ita neque in iudicium aliquid deducere, cum hæreditate nondum adita, nec dominium rerum habeat, nec à lege concessam administrationem.

CAPITVLVM XXII

Cum dilecta.

PARAPHRASIS

Dux Moniales monasterij Hesiensis, Regina & Gertrudis, apud Sedem Apost. con-
tendebant super electione Abbatisse: Regina quidem, quæ erat Custos monasterij, per se, Gertrudis per Procuratorem. Pontifex hanc causam in primis commendavit Scholastico Hildensi & aliis cum mandato, ut ante omnia in illa perturbatione & litigio Administratorem abbatisse constituerent, cui subtraheretur ex monasterio resignatio seu restitutio fieret. Postea eadem causa demandata fuit Abbati de Remech, & aliis cum simili mandato, ut de subtrahentium resignatione in manus Administratorem faciendâ prouideret. Verum Innocent. III. circa utrorumque iudicum processum, cognitis difficultatibus, decreuit posteriorum iudicum processum infirmandum esse, quia literæ ad ipsos impetratæ subreptitiæ erant, quandoquidem eadem causa prius aliis iudicibus delegata fuera, nullâ in secundis literis priorum factâ mentione. At verò priorum iudicum processum per se irritum ef-

fe, quia illi formam mandati non obseru-
runt, sed relicto articulo principali de pro-
videndo Administratore, & subtrahen-
tium resignatione faciendâ, de aliis articu-
lis, videlicet ad electionem Abbatisse per-
tinentibus inordinatè cognouerunt: quare denique hanc causam delegat Papa Archiepiscopo Magdeburgensi, ut restitutis Gertrude & aliis quibusdam Monialibus (quæ, uti videtur, ex monasterio eiectione erant) secundum formam mandati Apostolici in negotio isto cum rationis discre-
tione procedat.

SUMMARIVM.

1. Religiosus regulariter personam standi in iudicio non habet: habes tamen in quibusdam casibus, in quibus potest per se, vel per procuratorem in iudicio stare: Monialis autem tantum per procuratorem.
2. Rescriptum ad lites obreptitiæ impetratum non est ipso iure irritum, sed opæ exceptionis irritari potest.
3. In scripturis ordo verborum attendi debet, & quod prius precipitur, ante alia expediendum est.
4. Et qui prior nominatur, is censendus est dignior.
5. Dum vacat ecclesia regularis, Administrator interea à Superiore deputari debet.
6. Forma mandati seu commissionis facta obseruanda, aliis processibus irritus est. Si ea non fuerint iuris communis, sed à delegante de nouo præscripta, & sit substantialia.
7. Censetur forma substantialis, quando ea in mandato, alio modo, aut in alium finem exprimitur, quàm ius commune requirit.

NOTANDVM I. Licet regulares viri, & nique sexus in iudicio per se, vel per alium, ordinariè loquendo, contendere non possint, excipiuntur tamen casus speciales, inter quos vnus est, in causa electionis suæ ad Prælaturam, aliamue dignitatem vel officium. Alios casus refert Felin. hic n. 15. & 16.

& 16. Nauarr. comm. 2. de Regul. n. 65. Sanchez lib. 6. moral. cap. 12. n. 2. & seqq. Quosdam eorum casuum retuli in Theol. moral. lib. 4. tr. 5. cap. 11. Alij verò sunt: Si agatur de valore professionis: aut de electione Religiosi, num ea iusta sit: Item si alienata necessaria, aut expense à Monasterio denegentur: Si beneficium seculare, aut etiam regulare, quamuis manuale, & vt obedientiaris aliquis possideat, pro iure suo agere & se defendere potest, sicuti post Rot. Romanam docuit etiam Anton. in c. præced. n. 15. Potest autem in his casibus Religiosus seu per se, seu per procuratorem in iudicio stare, vt notat Abb. hic n. 1. arg. huius textus: Hodie tamen non conceditur Monialibus, vt extra claustrum se conferant, iuris sui prosequendi causa, sed procuratorem mittere debent, vt colligitur ex cap. vn. §. Postrò, de statu Regul. in 6.

Porro, quòd regulariter Religiosus personam standi in iudicio non habeat, inde colligitur DD. Quia sui iuris non est: nec dominium bonorū habet, ideòq; seruo; aut aliosam æquiparatur, qui in iudicio, absq; patris aut domini sui licentiā, contendere non possunt, l. vix 3. ff. de iudicijs, l. seruus 6. C. code. ult. de iudic. in 6. Quare aiunt Felin. hic n. 15. Nauarr. cit. comm. 2. n. 64. Sanchez cit. loco n. 9. Si Monachus aliòque Religiosus vestibus, aliāue re spoliatus sit, non posse eum, absque Prælati licentia agere pro restitutione, sed Monasterio competere actionem. Quòd si iniuria illata sit Religioso, non competet ipsi actio: neque condonatio, seu remissio: sed vtrumque ad Prælatum pertinet, præterquam si Prælatus absens sit, & procuratorem nullam reliquerit, prout hæc generatim traduntur de eo, qui in alterius potestate constitutus est, ini. sed si vnus 17. §. Prætor ait, ff. de iniurijs & famos. libellis.

NOTANDVM II. Rescriptum ad lites, obrepticie impetratum, quia v.g. in eonul-
la mentio facta prioris rescripti, non est ipso iure irritum, sed ope exceptionis irritari potest. Ita sumitur ex cap. isto, ver. irritan-
dum, & tradit Glossa in notandis, & ver. ir-

ritum, Anton. hic n. 4. Abb. n. 5. & n. 9. Vbi bene admonet, si agatur de publica vtilitate, vt in casu huius cap. quòd Iudex ex officio processum etiam parte non opponente, irritare possit, priusquam sententia in rem iudicatam transferat: Idemque sentiendum est, si obreptio notoria sit, prout suprā monui in c. super litoris, ad hoc tit.

NOTANDVM III. In rescriptis ordo verborum attendi debet, ita, vt quòd in rescripto, aut mandato prius præcipitur, ante alia expediendum sit. Ita sumitur ex hoc. iun. Gl. ver. transponentes, vbi Ioan. Andr. circa eandem Gl. Ant. n. 5. inquit, quòd ordinis peruersio, seu transpositio vitiat processum ipso iure.

Addit Felin. hic n. 4. post Domin. in cap. fin. de off. deleg. in 6. quòd is dignior censi debet, qui prior nominatur: Vnde colligit Tamburin. tom. 1. de iure Prælator. disp. 25. q. 7. n. 2. quòd Prælati Ordinis Prædicatorum antecedunt Prælatos Ordinis Minorum: Ex hi Prælatos Eremitarum S. Augustini: quos sequuntur PP. Carmelita; Quia iuxta hunc ordinem in iure nominantur. c. un. §. sanè, de relig. domibus in 6.

NOTANDVM IV. ibi: *Personæ idoneæ administrationem committerent*, quòd vacante ecclesia regulari, administrator à superiore, interim dum Sedes vacat, deputari debet. Ita sumi videtur ex textu, & notat Anton. hic n. 6. vbi ait, quòd vacante Sede Superior agit pro bonis ecclesie subtrahitis. Idemque docuit Ioan. Andr. in c. 2. n. 3. de testam. in 6. Felinus in c. his quæ n. 2. §. Quarto arguitur sic allegans & commendans dictum Archidiaconi super cit. cap. 2. quòd Episcopus habet curam statūs Monasterij, vacante Sede, & ipse dat administrationem in temporalibus ac spiritualibus. Quia omnia iura, inquit Felinus, quæ dicuntur Capitulo succedere vacante Sede, loquuntur de Capitulo ecclesie Cathedralis.

Corollarium. Vacante Prælatura regulari, Episcopus Administratorem cum auctoritate deputare potest, etiam quoad disciplinam regularem, si Monasterium exemptum non sit. Quia licet Episcopos in istis

negotij se non imifceat, ordinariè loquendo, secùs tamen est, si Prælatuſ deficiat, aut negligens vel remiſſuſ ſit, arg. c. irrefragabili 13. de off. ordinarij. & videri poteſt de hoc Franc. Suarez tom. 3. de Relig. lib. 10. cap. 11. n. 15. & ſeqq.

Cæterùm ſi adminiſtrator nulluſ à Superiore deputetur, tum Prior aut Senior gubernationem exercebit; ſed non propriè dictam iuriſdictionem: præterquam ſi per legitimè præſcriptam conſuetudinem, quippe quæ iuriſdictionem dare, ſicuti & auferre poteſt, c. cùm contingat, 13. de foro compet. aliud obtentum ſit,

Verumtamen contra notandum iſtud ſentit hîc Abb. n. 3. & alij apud Felin. loco cit. quòd adminiſtratio bonorum Monafterij, vacante Prælatura, pertineat ad Conuentû, argum. Clem. 1. verſ. Abbate autem, de ſtatu Monachorum; Et ad textum huiuſ cap. reſpondet Panormit. diſſidium ac perturbationem ortam fuiſſe in Monafterio. & ideo adminiſtratorem conſtitui debuifſe: quia in tali rerum ſtatu Conuentuſ ſeu Capitulum non cenſetur idoneum adminiſtrationi gerendæ. Quà ſimili ratione legimus in c. vit. de ſtatu Monachor. Si Prælatuſ regulariſ ob bonorum dilapidationem, aliudue crimen, amotuſ fuerit, à Dioceſano interim coſtituendum eſſe adminiſtratorem, donec aliuſ Eccleſiæ Prælatuſ ordinetur. Quamobrem, cùm hæc quæſtio, cui Prælatura vacante, in eccleſiis regularibus adminiſtratio bonorum competat, non ſatis deciſa ſit, diocæſorum conſuetudo ſequenda eſt.

6 NOTANDUM V. Forma mandati, ſeu factæ commiſſionis diligenter obſervari debet, l. diligenter 5. ff. mandati, alioquin proceſſuſ irrituſ eſt, vt Gl. hic docet, ver. irrituſ, & alij communiter, P. Ludou. Mol. tr. 5. de iuſt. diſp. 25. n. 2. Svar. de cenſ. diſp. 3. ſect. 12. in fine. Verùm in hac re diſtinguere oportet: Vel forma ſeu conditio quæ iudici delegato præſcribitur, iure etiam communi requiritur, tunc nouam formam non inducit. ſed ſolùm commiſſionem ſeu inſtructionem iudicis continet, ſecundùm Gl. receptam in Clem. 1. ver. reperiunt, de offic. de-

legati, Gl. in Clem. 1. ver. inhiſcentes, de iure patron. Innoc. in c. prudentiam n. 9. de off. deleg. Franc. Suarez lib. 5. de legibus cap. 31. n. 8. & ſeqq. Thom. Sanchez lib. 3. de matrim. diſp. 3. n. 3. Quare dicunt DD. in c. ſignificati 4. cum Gl. ver. conditione, de elect. & ſuper l. conditiones quæ extrinſecus, 98. ff. de condit. & demonſtrat. & l. 3. ff. de legatis 1. vbi Bartoluſ: quòd *exprefſio conditionis, quæ de iure inefſibili operatur*: quia etſi non exprimeretur, tamen ſubintelligi deberet. Quamobrem ſi conditio ſeu forma ſecundùm ſe non ſit actui exercendo ſubſtantialiſ, adeoque omiſſio ei긯 conditioniſ actum non efficiat irritu긯, etſi fortè illicitu긯 & non congruè factu긯, tunc idem quoque erit, ſi in commiſſione aut mandato conditio talis exprefſa fuerit. Exempli cauſa; *Conferat beneficium Titio, ſi idoneuſ eſt*: Tametiſ ponamus, minùs idoneu긯 eſſe, nec moribuſ, aut ſcientiâ commendatu긯: dummodò non inſaniſ aut omninò illiteratuſ, adeoque de iure inhiſcibilis exiſtat, valet collatio ipſi à Commiſſario facta, ſicuti iure ordinario valeret, prout docui lib. 4. moral. Th. tr. 2. cap. 15. n. 3. Et aſſert hunc caſuſ Innoc. in c. vit. de præſumpt. in princ. Imola in c. penult. n. 2. de Conſtit. Sanch. in cit. loco, & lib. 8. de matrim. diſp. 3. n. 26. Aliud exemplum attuli in mor. Theol. lib. 1. tr. 5. p. 2. cap. 6. q. 2. dicto 4. vbi hanc ipſam doctrinam tradidi.

Vel forma ſive conditio, aut procedendi moduſ iure communi non requiritur, ſed à delegante de nouo præſcribitur: tum cenſetur eſſe ſubſtantialiſ, vt niſi ea forma ſeruetur, actus irrituſ ſit. Exemplum habes hic: Quia forma procedendi, quam hic Pontifex præſcripſit, ac principaliter mandauit, vt delegati ad Monafteriu긯 perſonaliter accederent, adminiſtratore긯 conſtituerent, cui ſubtractoru긯 reſtitutio fieret, non merè iuriſ communis fuit, ſed ab homine, videl. Pontifice, ſpecialiter inuenta & propoſita. Dico, non merè; Negari enim non debet, cùm & exprefſe in textu c. dicatur, etiam contra iuriſ ordinem proceſſiſſe delegatoſ, dum poſthabita cognitione de ſpolio, de iure electio-

lectionis cognoscere cœperunt, contra l. 1. C. de appell. c. cum dilectus 6. de causa poss. & propriet. Ideoque ex hoc capite præcisè, processus eorum & sententia valuisse (sicet per appellationem rescindi posset, vti constat ex cit. l. 1.) si Pontifex nihil aliud, quàm id, quod iure communi statutum, mandare intendisset. Et hæc videtur mens Anton. de Butrio, quam hic fusè examinat Abbas num. 12.

Aliud exemplum huius posterioris membri habes apud Innocent. & Imolam. cit. locis. Si Papa mandet conferri alicui beneficium, si sit in iure Canonico, aut Theologo doctor, non valebit collatio; nisi conditio subsistat. Item, si mandet alicui, vt. post solertem indagationem suæ examen super vitâ & doctrinâ Titij, si idoneum repererit; beneficium ei Apostolicâ auctoritate conferat: non valet collatio, nisi examen præsumptum sit, vt bene docet Felin. in cit. c. vlt. n. 33. de præsumpt. Sanchez duobus locis supra citatis, contra Gl. in cit. Clem. 1. ver. repererint, de off. deleg. Nam. forma ea examinis præmittendi, spectato communi iure, non requiritur: sed sufficit, contra instituendum, aut providendum non adesse iudicia, quod minus idoneus sine indignus sit, iuxta cit. c. vlt. in fine.

Addendum verò his est, eum totâ potestas iudicis delegati pendere ex voluntate delegantis, ideo ante omnia considerandum esse, volueritne ipse, vt propter formam rescripti non seruatam processus irritus sit, necne. Quamobrem accidit interdum, vt tamen si à committente forma modûs procedendi, qui communi iure præceptus non est, præscribatur, tamen ex materia subiecta, loquendi modo, alijsque circumstantijs, vel ex Curie consuetudine colligi possit, non fuisse mentem committentis aut mandantis formam substantialem, seu sine qua non statueret, sed solum mentionem, instructionemque circa negotij expeditionem facere. Vt si Ordinarius dispensans in denunciationibus, sacerdoti alicui committat sagultatem assistendi matrimonio, adiecto; vt prius præcipiat sponis sub excommunicatione,

ne ante denunciations factas matrimonium consumment; Sacerdos autem omisso præcepto isto, sponso coniungat, valida erit desponsatio seu matrimonium, prout resoluit Sanchez cit. disp. 33. n. 2. & 6. Contrâ verò fieri potest, vt tamen si forma sue conditio, quæ iure communi requiritur, mandato apposita sit, velit tamen mandans sine ea actum, seu processum non subsistere; vt si apertò id exprimat, *aliter non valeat &c.* Vel si ex materia, scribendi modo &c. idem colligi debeat: Vt in casu huius c. quando non absolutè iudicibus præceptum fuerat, vt prius de spoliatione, quàm de iure electionis cognoscerent, sicuti de iure fieri oportet; sed procedendi forma specialis determinata erat, vt. facile apparet, Pontificem normam mandati substantialem ponere voluisse.

Inseruit huc, quod dicitur in supra cit. l. 5. ff. mandati, *Diligenter igitur fines mandati custodiendi sunt.* Et additur ratio: *quia qui excessis, aliud quid facere videtur.* Et 7 opt. mē Couarr. in c. alma mater, de sent. excomm. in 6. p. 1. §. 9. n. 8. eumque secutus Sanchez cit. disp. 33. n. 4. ex hoc ipso colligunt: quando in mandato forma alio modo, aut in alium finem exprimitur, quàm ius commune requirit, censeri formam substantialem. Item, *Ordo iuris in mandato iurisdictionis expressus ad instructionem causa, & ad iustitia ministerium formam non inducit: quam tamen constituit, si ab homine speciali quadam cautela ordo iuris modum procedendi concernens fuerit traditus.* Et hic est sensus huius c. ex mente Abb. hic n. 12. & adstipulatur doctrina Bartoli l. diem proferre 32. §. itari, ff. de recept. arbitris.

CAPITULUM XXIII.

Plerumque.

PARAPHRASIS.

Si alterum rescriptum super eadem causâ ad alios iudices impetretur, non factâ mentione prioris rescripti, si, per exceptionem

nem reiici potest, nisi is, qui prius rescriptum impetrauit, eo dolo aut negligentia per animum uti intermitteret: tum enim secundum rescriptum praeualebit primo. Debet autem haec censerī poena, cum aliqui vsus rescriptorum perpetuus sit, l. falso. C. de diuersis rescriptis.

SUMMARYM.

1. *Rescriptum secundum valet, licet in eo de primo (quo uti noluit impetrans intra annum) non fiat mentio.*
2. *Malitijs hominum non est indulgendum.*
3. *Ut valeat rescriptum secundum ob incurritatem prioris obreptitium, requiruntur duo: lapsus anni, & impetrantis prioris dolo, vel negligentia, dum noluit eo intra annum uti.*
4. *Unde iustum impedimentum ostendere ad eundem pertinet, & consultum est, quantum non necessarium, ut de eo protestationem facias.*

1 **N**ON raro accidit, ut aliqui Papalibus literis impetratis, eas longo tempore non praesentarent: eam autem aduersarij ipsorum alias literas ad alios Iudices impetrassent, quarum auctoritate citati fuerunt, tum demum prioribus suis literis productis contra posteriores exceperant, validas non esse, quod priorum nulla in eis mentio fieret. Cum itaque malitijs hominum indulgendum non sit, statuit hic Inuocentius III. ut si quis literis à Papa impetratis, ex eo tempore, quo Iudicum delegatorum copiam habuit, intra annum ex malitia vel negligentia, uti intermisserit, auctoritate posteriorum literarum conueniri possit, tamen si in eis de prioribus nulla mentio fiat.

2 **NOTANDUM I.** Quod malitijs hominum indulgendum non est, prout etiam habetur in c. significante 5. Qui matrim. accusare possunt, ex l. in summo 39. ff. de rei vindicat. Crescit enim peccandi desiderium, si prosper successus appareat; deprimitur autem, si obstacula, & successus non optatus

sequantur. Quamobrem nulla maior censeri debet hominis in terris infelicitas, quam si dum male agere pergit, felix esse videatur: Contrā verò, nemo felicior eo, qui dum bene agit, affligitur, & imprudentibus infelix esse videtur.

NOTANDUM II. Si prior impetrans literas Papales ex malitia aut negligentia, intra annum, posteaquam Iudicis copiam habere potuit, ei non praesentauit, conueniri poterit per literas posteriores ab Aduersario in eadem causa ad alios Iudices impetratas, tametsi in eis nulla priorum mentio facta sit, l. falso C. de diuersis rescriptis.

Corollarium Exinde aptè colligitur, & notat hic Ant. n. 8. Imola n. 3. Abb. n. 3. quod rescriptum ad lites obreptitū obtentū, (v. g. non factā mentione priorum literarum ad alios Iudices impetratarum) non est ipso iure irritum, sed per aduersarij exceptionem elidi debet. Si enim ipso iure irritum esset, non posset propter non vsum intra annum, accedente dolo aut negligentia aduersarij, valorem acquirere, ob iuris regul. 18. in 6. *Non firmatur tractu temporis, quod ab initio de iure non subsistit.*

Et aduertī hic potest ex verbis c. prout etiam admonet Abb. n. 1. & 7. duo requiri, ut posterius rescriptum, quod propter taciturnitatem prioris obreptitum fuerat, vires acquirat; Lapsus anni, quo prior impetrans rescripto suo vsus non fuit; Et eiusdem doli, vel negligentia. Porro tamen hic Gl. fin. rectè doceat, ex solo lapsu anni, quo impetrans rescriptum suum praesentare intermisit, praesumptionem negligentiae aut malitiae aduersus ipsum oriri. ut proinde contrarium, seu iustum impedimentum ostendere ad ipsum pertineat, argum. c. ult. de locato; Atque ob eam causam consultum fore, ut de hoc ipso impedimento protestationem interponat, argum. c. ult. de appellat. Nihilominus tamen, etiam nullā protestatione praemissa, si impedimentum allegetur & probetur, ad iudicem pertinebit arbitrarī, num excusatio iusta sit, an verò dolo aut negligentia interuenerit, prout Iac. Menochius docuit in arbitrar. Iudicium, qq. casu 204.

CAPITVLVM XXIV.

Cum contingat.

PARAPHRASIS.

Titius impetrauit literas contra Caium ad officialem cuiusdam ecclesie. Postea idem Caius alias literas super eadem causâ impetrat ad decanum alterius ecclesie. Officialis in eâ causâ procedens, & Caium excommunicans mandat Episcopo loci, vt eundem excommunicatum publicè denunciet. Sed mox à Decano aliud mandatum Episcopo superuenit, vt Caium ab excommunicatione absolutum promulget: vti iudici delegato Ordinarius parere debet? Resp. Innocent. III. Vel Ordinatio, cùm is mandatum primum accipit, notum est, vel ignotum, inter iudices delegatos de iurisdictione controuersiam esse: si notum est, non debet exequi mandatum, donec inter iudices contentio dirimatur. c. pastoralis 14. hoc tit. Sin autem ignotum, prius mandatū exequi tenetur. Quod si postea à posterioribus iudicibus mandatum contrarium superueniat, tum iubeat sibi exhiberi literas delegationis, & si in ijs reperiat priores literas expressè reuocari, exequatur secundum mandatum; si autem non reuocentur, nullatenus exequatur. Verùm si dubius existat de reuocatione, non debet exequi, donec controuersia de iurisdictione inter iudices sopita sit. Caueat tamen Ordinarius, ne declinandi mandati causâ dicat se dubitare de iurisdictione, vbi dubitandum non est, aut dicat se certum esse de valore vel reuocatione rescripti, vbi certum non est. Porro tametsi Ordinarius in tali casu literas à iudicibus delegatis petere possit, vt videat, num eorum mandatum exequi debeat, necne; non tamen ipse de eorum iurisdictione aut iure partium iudicandi potestatem vllam habet.

SYMMARIVM.

1. Delegatus Papa mandare potest Ordinarius in negotio sua commissionis.

Debet tamen sua delegationis exhibere literas, qua fidem faciant de potestate accepta.

2. Ordinarius controuersis inter delegatos iudices super iurisdictione illorum se non intromittere debet.

NOTANDVM I. Delegatus Papæ Ordinariis locorum mandata dare potest in ijs, quæ ad expeditionem commissæ sibi causæ pertinent: Quia in ea viceum Papæ representat, idè quæ maior est Ordinariis, c. sancti 13. de offic. delegati. Necesse tamen est, vt literas delegationis suæ exhibeat, quò siles illi de accepta potestate fieri possit, vti hic dicitur, & in c. cùm iniure 31. de elect. & in l. 1. C. de mandatis Principum.

NOTANDVM II. Si controuersia inter iudices delegatos de iurisdictione oritur, Ordinarius se immiscere non debet, partium diuersarum probationes aut exceptiones admittendo, ne iudicis officium sibi usurpare censetur. Sed eo solum fineliteras Apostolicas inspiciendas petere potest, vt cognoscat, num, & cui iudici obtemperare teneatur, si quæ vigore literarum, de quibus dubium ortum est, ipsi impenitentur.

Porro admonet hic Ioann. Andreas n. 3. Casum huius c. frequenter etiam accidere circa rescripta gratiæ, v. g. conferendorum beneficiorum, vt executores diuersa & opposita mandent locorum Ordinariis: Tum verò ita ipsis agendum esse, sicuti in hoc c. de rescriptis iustitiz declaratur.

CAPITVLVM XXV.

Olim.

PARAPHRASIS.

Pancratius clericus possidebat parochiam de Salice, quam Rudolphus de Clivio sibi per intermediam personam legitime collatam esse contendebat. Causa delata fuit ad Innocent. III. qui eam tribus Abbatibus delegauit. Hi partes semel, iterum, ac tertio citantes, cùm Pancratius nec per se, nec per procuratorem accedere vellet, eum ob-

contumaciam excommunicarunt, & fructus parochiæ interim sequestrarunt. Sed Pancratius postea iudicibus obedientiam pollicitus à censura absolutionem impetrauit. At verò in literis absolutionis abbas eo, quod positum erat de loco & die, in quo se sistere iudici debebat, ipse scripsit fructus sequestratos sibi restitui debere: quod facinus suum coram duobus Abbatibus (nam tertius delegatus de absentia se excusauerat) confessus fuit. Eapropter Innoc. Papa quibuscum aliis in mandatis dat, ut si ita est, Pancratio silentium in perpetuum imponant super petendâ parochiâ, eamque Rudolpho cum fructibus sequestratis assignent. Sed iudices hi dubitarunt, an clausula, *Si ita est*, ad id tantum, quod proximè antecesserat de rasura literarum, referri deberet, an verò ad omnia antecedentia. Resp. Innocent. ad omnia referendam esse, quia tamen si sufficiat crimen falsi de Pancratio ostensum esse, ut perpetuum ipsi silentium super parochiâ petendâ imponatur, non tamen ea Rudolpho assignari potest, nisi de iure ipsi competeret, seu de collatione legitimè facta ostensum fuerit.

SUMMARY.

1. In causa beneficiaria ob contumaciam rei fructus beneficij sequestrari possunt.
2. In eadem causâ falsificans literas, & de hoc crimine falsi conuictus, iure suo excidit, & in pœnam falsi incidit.
3. Contendens beneficium ad se pertinere, debet necessariò docere de iure & institutione sua, nec satis est probare aduersarium ius in eo nullum habere, aut ipsūmet hoc confiteri.
4. Confessio extraiudicialis in criminibus non praiudicat.

NOTANDVM I. In causa beneficiaria, si reus contumax sit, fructus beneficij sequestrari possunt: Nam actor, iure suo nondum ostenso, in possessionem mitti non debet, ob periculum, ne vitium intrusionis incurrat, iuxta c. vn. de eo qui mittitur in pos-

sess. causa rei seruandæ, in 6. Et notauit Ioan. Andr. hic n. 4. Abb. n. 5.

NOTANDVM II. Litigans Clericus de beneficio, si literas super ea lite falsasse conuictus fuerit, iure suo, si quod habeat, excidere debet, eique perpetuum silentium imponi. Ita sumitur ex textu. Ceterum si criminaliter agatur, clericus conuictus de crimine falsi, beneficiis in perpetuum priuandus siue deponendus, & in monasterium ad agendam penitentiam detrudendus dicitur in c. si Episcopus 7. d. 50. Quod si literas Papales aliquis falsauerit, excommunicationem contrahit; Et, si clericus sit, degradari, atque Curie seculari tradi iubetur in c. ad falsarium 7. de crimine falsi, & c. nouimus 27. de verb. signif.

NOTANDVM III. Clausula, *si ita est*, iuxta negotij qualitatem, seu sicut materia subiecta postulat, vel refertur ad id tantum quod antecessit, vel ad omnia quæ antecesserunt, uti Ioan. Andr. hic notat n. 16. Imola n. 16. Abb. n. 3. & colligitur ex textu, quando dicitur, Clausulam, *si ita est*, respectu silentij indicendi Pancratio, satis impleri, si vitium falsi, cuius proximè mentio facta, ostensum sit: At verò respectu parochiæ Rudolpho conferendæ, non impleri dictam clausulam, nisi omnia narrata ostensa fuerint, videl. non tantum commissâ rasura à Pancratio, sed etiam collatio legitimè facta Rudolpho: Quia beneficium ecclesiasticum non potest licitè sine institutione canonica obtineri, reg. 1. in 6. Videri hic potest Felin. n. 10. post Ioan. Andr. in suprâ cit. c. vn. col. 1. Quod non sufficit possessori beneficij, vt de aduersario ostendat, ipsum ius nō habere, aut ipsemet aduersarius hoc confiteatur; si possessor de suo iure seu institutione docere non possit. Eapropter, si vnus de beneficio contententium clericorum, de iure suo probando sibi diffidat, impetrare in Curia interdum solet literas in forma, *Si neutri, aut Si nulli*. Quæ de re videri potest Azortom. 2. mor. instit. lib. 6. c. 3. 2. q. 5. §. Sunt etiam.

Circa textum DVBITATVR primò, Vel Iudices principaliter ob contumaciam rei citati, fructus parochiæ sequestrarunt, vel accello-

cessorie propter excommunicationem eadem indictam: nam excommunicato fructus beneficij merito subtrahuntur, c. pastoralis 53. in fine, de appellat. Neutrum dici potest: Non 1. Quia, vt constat ex c. vlt. in fine, vt lite non contestata &c. Iudex ab initio duplicem pœnam contumaci infligere non debet, videl. excommunicationem, missionemque in bonorum possessionem, cuius veluti vicem hic tenet bonorum sequestratio Non 2. Quia deposita contumacia, & exhibitâ satisfactione congrua, ita vt absolutionem reus mereatur, fructus ei restitui debent, cit. c. vlt. §. in alijs. Resp. Ioan. Andr. hic, Imola n. 17. Abb. n. 5. Ostendi hoc argumento, Iudices non rectè processisse: Sed non ideo Pangratijs literas radere & falsare debebat: appellare autem poterat, seu querelam ad Papam deferre.

Dubitatur secundò; Cùm Pangratijs falsi crimen coram Iudicibus confessus fuerit, cur Papa nihilominus alijs Iudicibus mandet, vt super ea recognoscant, & si ita esse intellexerint, homini silentium imponant. Vtra respondens Interpretes hic: Id magis placet, quòd confessio Pangratijs non fuerit iudicialis, cùm enim tres delegati fuerant, vno eorum absente, reliqui duo cognoscere non poterant, c. causam 16. & c. penult. de off. sic. delegati. Quòd autem confessio extraiudicialis in criminibus non præiudicat, legi potest apud Felin. hic n. 2.

CAPITVLVM XXVI.

Dilectus.

PARAPHRASIS.

Abbas Monasterij S. Stephani à Papa Visitator constitutus fuit ciuitatis ac diœcesis Bononiensis; is in visitatione Bartholomæum & Antonium Presbyteros propter grauiam & manifesta delicta à beneficijs amouit & excommunicauit. Illi autem à Sede Apostolica, quasi spoliati fuissent, literas impetrarunt de restitutione ipsis faciendâ, non insertâ causâ amotionis, nec

factâ mentione excommunicationis suæ. Quare Innocent. III. scribit Episcopo Imolensi, si ita se rem habere cognouerit, vt literas subrepticias esse, & viribus carere decernat.

SUMMARIUM.

1. *Visitator constitutus cum potestate iudicandi, corrigendi, potest pro gravitate criminum Clericos beneficiarios beneficiis priuare & deponere.*
2. *Contra iudicem iniuste spoliante non potest impetrari restitutio in forma communis.*
3. *Nisi extraiudicialiter spoliasset, aut notorie etiam in iudicio iniuste.*
4. *Rescriptum iniustitia prater alias causas obreptitium fit per taciturnitatem veri, si impetrans mentionem non facit excommunicationis; vel si à iudice possessione sua priuatus causam suæ priuationis non exprimit.*

NOTANDVM I. Visitator constitutus à Papa (vel etiam Episcopo, sicuti Abb. hic docet n. 5.) cum potestate iudicandi, corrigendi, potest etiam clericos seu beneficiarios beneficiis priuare, ac deponere, si talem pœnam commissâ crimina mereantur. Dixi autem, si constitutus sit cum potestate iudicandi, &c. Secus enim sentiendum de visitatoribus, de quibus mentio est in c. penult. & vlt. de statu Monachorum: Ii enim constituti fuerunt ad ordinandum & reformandum Religiosos, non ad iudicandum & puniendum, prout ibi legi potest, & annotauit Anton. hic n. 8. Imola n. 6. Abb. cit. n. 5. Etenim visitatores illi deputati fuerunt à Capitulo generali Religiosorum, quod eam potestatem non habuerit priuandi Prælatos, multò minùs talem potestatem dare poterat; sed Superiori vid. Papæ, aut Episcopo denunciare debebat. Dixi de hac re in censura Astrin inextincti p. 2. cens. 42. 43.

NOTANDVM II. Contra iudicem iniuste priuantem siue spoliante, non potest impetrari restitutio in forma communis, sicuti si priuatus spoliasset. Ita sumitur ex hoc c.

& tradit Gl. recepta in c. 3. in fine causa 7. q. 1. & late hic explicat Felin. n. 1. Auffreri in Capell. Tholof. q. 491. Sensus traditæ doctrinæ est, quod qui à Iudice se spoliatur, seu possessione priuatum ostendit, non illi id seu ante omnia restituitur, sicuti si ab alio spoliatus esset: sed prius cognoscendum de causa priuationis, seu ablatæ possessionis: Neque enim vis, seu violentia censetur, quam magistratus rectè, ac licitè intulit. l. 3. ff. Quod metus causa. Semper autè in dubio pro magistratu, seu iudice præsumptio est, quòd rectè processerit, donec contrarium ostendatur, arg. e. quid culpatur 4. causa 23. q. 1. & tradit Gl. cit.

3 Limitari debet doctrina: Si Iudex extrajudicialiter aliquem possessione priuet, aut non seruato iuris ordine, v. g. possessorem, cuius euforata possessio est, non citando, aut defensiones eius audiendo, & quotiescunque notorium est, Iudicem iniuste possessorem deiecit: in his casibus Iudex ceneri debet vt priuatus: & ideo ab eo spoliatus incontinenti restitui debet, sicuti docet Abb. in c. conueniente, de restit. spoliatorum, late Felin. hic cit. n. 1. Capella, & ibi Auffreri in cit. q. 491.

4 NOTANDUM III. Præter alias, duæ causæ sunt, ob quas rescriptum iustitiæ obreptitium fit per taciturnitatem veri: Prima, si impetrans mentionem non fecerit excommunicationis, quâ affectus est: Nam rescriptum Papæ ab excommunicato impetratum ipso iure irritum est, adeoque adeest inhabilitas ex parte impetrantis, aut recipientis rescriptum, e. 1. hoc tit. in 6. Altera, si quis tanquam à Iudice priuatus, seu possessione sua amotus, causam amotionis non exprimat. Ita sumitur ex textu huius c. & fusè declarat Glossa hic ver. excommunicationis, & seq. Gl. ver. viribus carere.

CAPITVLVM XXVII.

Postulasti.

PARAPHRASIS.

Episcopus Veratimensis quesituit ex Innoc. III. Si à Sede Apostolica literas iuxta for-

mam cap. cum secundum Apostolum, acciperet: quibus iuberetur beneficium alicui providere, qui ex Vicariæ perpetuæ prouentibus, & proprio patrimonio commodè sustentari potest: an tales literas exequi deberet. Resp. Innocent. subreptitiis censendas esse, quippe impetratas tacita veritate, quam si Papa cognouisset, probabiliter non ita scripsisset, nam huiusmodi literæ à Sede Apostolica emanant pro clericis pauperibus, nullumque beneficium habentibus: qui autem Vicariam perpetuam obtinet, ecclesiasticæ beneficium non caret. Accedit, quòd neque literas gratiosas dare solet Papa, vt beneficium conferatur alicui, qui antea aliquod habet, nisi de eo mentionem faciat.

SUMMARIUM.

1. *Litteræ beneficiales alio sunt Iustitiæ, alia Gratiæ.*
2. *Rescriptum iustitiæ obreptitium est, si impetrans mentionem in eo non fecerit patrimonij, ad quod ordinatus est, vel beneficij, quod obtinet.*
3. *Causa impulsiva cessatio non vitiat rescriptum.*
4. *Intrusus idem beneficium, in quod se intrusus, impetrante, tacita intrusione, rescriptum est obreptitium.*
5. *Affectus beneficium per laicam potestatem, incapax fit eiusdem canonice assequendi.*
6. *Si intrusus in vno beneficio, quod illi citè, non autem de manu laici acceptum possidet, aliud beneficium impetrat, tacita intrusione, solâque possessione beneficij expressa, valida videtur esse impetratio.*
7. *Atque titulo beneficij clericum in sacris ordinari non debet, nisi ex patrimonio, vel aliunde commodam, & pro ratione sui status bonestatem habeat sustentationem.*

Pro intellectu huius c. sciendum est, literas beneficiales, id est, quibus à Papa beneficium alicui provideri, aut conferri mandatur.

datur, alias esse iustitiz. & alias gratiz. *Litteræ iustitiæ* (alias *pauperum* appellatur, item in *forma communi*.) quæ iuxta formam e. cum secundum 16. de prob. scribuntur pro clericis pauperibus, siue ijs, qui ab Episcopo sine beneficio aut patrimonio sufficiens, contra canones ordinati sunt. Quamobrem Pontifex pro his clericis, exigente iustitiâ scribere solet, ut ipsis proquisio, seu beneficii collatio fiat. Litteræ autem *gratiæ*, seu *gratiæ* appellatur, quæ pro alijs, non pauperibus seu indigentibus clericis, è Curia Romana emanant. Ita Ioan. Andr. & Abb. & alij hic, Rebuffus in praxi benefic. de differentijs inter rescripta gratiæ & iustitiæ, n. 31. & videri potest c. si patet 31. de præbend. in 6.

2. **NOTANDUM I.** Rescriptum iustitiæ, seu in forma communi clericorum pauperum obreptitium est, si in eo mentio non fiat patrimonij, ad quod impetrans ordinatus est, vel ecclesiastici beneficii, quod obtinet: Quare Episcopus, aliæque cui proquisio mandatur, exequi non tenetur. Hoc est præcipuum intentum huius c.

Aduertendum hoc loco, quod hic Felinus tradit n. 9. In impetratione rescripti gratiæ faciendam non esse mentionem prius obtentæ pensionis clericalis, aut præstimonij, si beneficia non sint, sed tantum loco stipendij, prout etiam ex communi docet Capella Tholos. q. 473. At verò in rescripto iustitiæ, siue secundum formam pauperum, mentionem eorum fieri oportere: Alioquin obreptitium erit, saltem, ut per exceptionem preceptorum infringi possit, si contra ordinatorem impetratum fuerit: quandoquidem per eiusmodi prouentus causa paupertatis tollitur. Imò ipso iure irritæ erunt tales litteræ, si non contra ordinatorem tanquam contentiosæ dirigantur, sed simpliciter mandetur alicui, ut clerico, tanquam pauperi, provideat: Tum enim quasi gratiosè iudicari debent, quibus id proprium est, ut ipso iure prout obreptionem irritæ censi debeant, prout supra aliquoties dictum, & sumitur ex l. si de natalibus rescript. Videri etiam potest Ioan. Andr. hic

& Abbas num. 3. Imola num. 7.

Ex hoc porro à verbis ijs, *Et habente beneficii sufficientis subsidium*, non pauci Doctores, Imola hic n. 4. Felin. n. 1. Abb. n. 1. Rodriq. tom. 2. regul. qq. q. 59. à 5. Azor tom. 2. mor. Instit. lib. 6. cap. 3. q. 20. §. Alij verò, & alij apud Sanchez lib. 8. de matrim. disp. 2. n. 10. regulam tradunt, rescripta, saltem beneficalia, per taciturnitatem veri ad rem per se & intrinsecè pertinentis, obreptitia fieri, si id tacitum fuerit, quod si cognouisset Princeps, difficilius rem petitam concessisset: siue, ut alijs verbis dicam, non tantum si taciturnitas veri sit causa finalis concessionis, quia eâ remota, adeoque habita cognitione veritatis, Princeps non concessisset: sed etiam, si sit causa duntaxat impulsua, quia si rem tacitam sciuisset Princeps, concessisset quidem, sed difficilius, vitari rescriptum. At præstat, ut adhæreamus doctrinæ, quam tradidi supra in c. super litteris 20. hoc tit. & in Theol. mor. lib. 1. tr. 4. cap. 22. n. 19. Rescriptum obreptitium non esse, si Princeps rem petitam, cognita veritate, eodem modo ac formâ concessisset, licet difficilius, dummodò neque ius, nec Curie stylus veri expressionem requirat, prout videre licet apud Sanchez cit. disp. 21. concl. 1. & seqq.

Noque obstant verba huius c. finalia: *Sensus enim eorum est*, quod Pontifex non solet scribere pro habente sufficiens beneficium, ut ei alterum conferatur, nisi de prioris mentionem faciat. Fuit itaque taciturnitas vicariæ perpetuæ causæ finalis concessionis, seu quæ sublata, id est, si sciuisset Papa veritatem, nullatenus ita scripsisset. Præterquam quod & stylus Curie huiusmodi expressionem postulat, prout etiam colligitur ex c. cum adeo 17. hoc titulo c. si motu 23. eod. in 6.

Ex his, & quæ dicta sunt in cit. c. super litteris, resoluitur Qvæstio, quam hic tractat Felin. in fine c. Verum rescriptum gratiæ beneficalis datum pro Titio, qui se antea in beneficium intruserat, administrationem & fructus eius non canonicè adepti capiendos, subreptitium & irritum censi debeas? Resp.

ex doctrina Card. Zabarella, & Petr. de Ancharano apud Felin. citato loco, Auffrerij in quæst. 484. Capell. Tholof. & Dico I. Si quis idem beneficium, in quod se intrusit, tacita intrusione, impetrauit, obreptitium est rescriptum, secundum omnes. Quia intrusio est canonicum impedimentum, inhabilitans personam ad assequendum beneficium: Collatio autem irrita est, si fiat ei qui ipso iure inhabilis existit. Dixi de hac re in Th. moral. lib. 4. tract. 2. cap. 15. n. 3.

5 Dico II. Si quis per laicam potestatem ecclesiasticum beneficium affectus sit, idem incapax sit eiusdem canonicè assequendi, argum. c. quisquis 43. de elect. & docet ex communi Syl. ver. beneficium 3. num. 1. Consequenter, nisi in rescripto, seu concessione beneficii exprimaturs inhabilitas ista, adeoque tollatur, irrita erit impetratio. Ex quibus etiam apparet, quod in his duobus casibus Papa saltem non talimodo ac forma scripsisset, si intrusionis vitium sciuisset.

6 Dico III. Si intrusus in vno beneficio, quod illicitè, non autem de manu laici acceptum possidet, aliud beneficium impetret, non factà mentione intrusionis, sed tantum quod beneficium possideat, videtur esse valida impetratio, prout præter Zaburr. & Anchar. etiam Felin. concludit hic in fine. Quia licet expressio intrusionis retraheret Papam à concessione alterius beneficii, tamen ea expressio intrinsecè non pertinet ad rescriptum. cum per id dicta intrusio purgari non debeat, (ait Felin.) prout accidit in duobus prioribus casibus. Et his consentiunt ea quæ suprà dixi in cit. c. super literis, quod taciturnitas veri non vitiet gratiæ rescriptum, si rei impetratæ intrinsecè non sit, tamen si cognitā eā veritate, Princeps gratiam non concessisset.

7 NOTANDUM II. circa ver. commodè & ver. competenter, quod clericus in sacris absque titulo beneficii ordinari non debet, nisi ex patrimonio, vel aliunde commodam, & considerato statu honestam habeat sustentationem. Bene enim annotauit Gl. in c. vii. §. Sanè, ver. absq. penuria, de statu Regul. in 6. Abb. hic not. 2. & in c. 1. n. 4. de Institut.

Felin. hic n. 3. quod alia sit sustentatio necessaria, quæ mendacitatem excludit: alia autem sustentatio congrua, secundum qualitatem statûs & personæ: Et inferuire id potest pro intellectu rescriptorum, in quibus conditio appellata est, *Si persona verè pauper est*. Nam in materia largæ interpretationis, seu gratia Principis, verificabitur, si persona congruam, siue decentem sustentationem non habeat, considerato statu suo, liberis & familia, quam alere cogitur, &c.

CAPITVLVM XXVIII.

Nonnulli.

PARAPHRASIS.

Quidam literas à Sede Apostolica impetrant ad iudices valde remotos, quamobrem reus ne laboribus aut sumptibus premeretur; vel cedere, vel vexationem redimere cogebatur. Ideo in Concilio Lateran. sub Innoc. III. decretum est, ne quis ultra duas dietas id est, iter duorum dierum extra diocesis suam per literas Apostolicas trahi possit: exceptis duobus casibus: Primus, si vtraque pars consentiat. Secundus, si in literis Apostolicis constitutioni illi expressè derogetur. Vide quæ dicam in c. Statutum 1. hoc tit. in 6.

SUMMARY.

1. Regis ad iudicium à loco remoto cum magnis sumptibus & laboribus citandus non est: nisi necessitas, aut causa gravior possulet.
2. Vi huius constitutionis non potuit quis ad iudicium citari ultra duas dietas extra suam diocesis, nisi de consensu partium, vel cum expressa mentione in rescripto & derogatione constitutionis.
3. Non iure sufficit & requiritur vna diea cum consensu expresso vtriusque partis, qua debet numerari à finibus diocesis.

4. Fa-

4. *Facta mentione dietæ, nisi exprimitur in specie legalis, vulgaris intelligenda est.*
 5. *Obreptitium est rescriptum iustitiæ, emanans contra hanc Conciliarem constitutionem sine clausula eius derogatoria, si postea veni ultra duas dietas. & spectato hodierno iure ultra unam ad iudicium trahatur.*

NOTANDUM I. Non est æquum, ut reus ad iudicium è loco remoto cum magnis sumptibus, & laboribus eietur, nisi necessitas aut causa gravitas postulet. Quamobrem dicunt Legistæ, nominatim Bartolus in l.cùm post. 16. C. de appell. Canonistæ hic, nominatim Ancharan. & Folin. in princ. Si negotium modicum sit, & distantia longa, quòd iudex causam in patriam litigantium ablegare cogatur, argum. cit. l.cùm post. Et Bartolus in l.mediterranæ 8. C. de annoniis lib. 10. generalem regulam tradit, *Non esse faciendum id, in quo plus expenditur, quàm commodi percipitur.* Exempla sunt: Debitor non tenetur reddere debitum, si plus in eo transmittendo expendere cogatur, quàm illud valeat, de quo dixi lib. 3. moral. Theol. tr. 2. de iustit. cap. 12. n. 1. Tutori non exigenti, quæ pupillo debita sunt, negligentia non imputatur, si in ijs exigendis plus expèdere necesse sit, quàm valeant. Iudex non debet testes citare ad locum iudicii, si adeò distent, ut plus pendendum esset in ijs ascendendis, quàm sit valor rei, qua de contenditur: quare hoc in casu examen testium alteri delegari debet. Denique si in adeundo Superiorem plus aliquis expensurus, quàm ratio & qualitas negotij suadeat, tum censerì quis debet ad Superiorem non habere recursum.

NOTANDUM II. Spectatà hac constitutione, quæ facta in Concilio generali sub Innocent. III. non potuit aliquis per litteras Papales ad iudicium citari ultra duas dietas, numerandas à fine diocesis suæ; præterquam si partes consentiant; vel in rescripto expressa fiat mentio & derogatio huius Conciliaris constitutionis. Hæc verò postea mutata sunt per cap. statutum 11. hoc

tit. in 6. & quidem in duobus, prout annotavit Lud. Molina tr. 5. de iust. disp. 25. n. 7. I. est, quòd non sufficiat quicunque consensus, etiam tacitus & præsumptus, sed requiratur expressus utriusque partis. II. est, quòd duæ dietæ, nouo eo iure ad vnam restrictæ sunt. Debet autem numeratio dietæ fieri à finibus diocesis, cum enim, ordinariè loquendo, gravari non censeatur pars litigans, si intra diocesis litigare debeat, argum. c. si episcopus 7. de offic. Ordin. in 6. ideo grauamen à finibus diocesis æstimatur, uti hic Abb. annotavit. not. 2.

QUESTIO prima. Quæ dicta sunt de duabus, seu vna dieta, siue diei itinere, intelligere debeant, de legali, quæ continet xx. milliaria Italica, id est, 20. millia passuum, passus autem quinque pedes habet, l. 3. iun. Gl. ff. de verb. signif. Ant. verò de vulgari, seu secundum loci cuiusque consuetudinem & consuetum? Quam posteriorem quæst. partem præfert Gl. hic ferme consuniter recepta, ultra duas dietas, Ant. hic n. 20. Abb. n. 5. Mol. tr. 5. de iustit. disp. 25. n. 7. per argumentum à speciali in c. præsent. 34. §. loca. de præb. in 6. Quare Menochius de arbitrarijs qq. casu 106. Angelus in summa, ver. dies n. 2. existimant, si de dietis sermo sit, neque exprimat, ut legales seu per legem definitæ intelligantur, iudicis arbitrio frequenter relinquendum esse, consideratis circumstantijs diei, itineris, ac personarum, quantum viæ spatium nomine dietæ comprehendatur. Et inferuire id poterit ad intelligenda privilegia v. g. Regularium, in quibus de duabus dietis, aut vna dieta mentio fit, ut attendatur num in specie exprimat dietam *legalem*; an non exprimat, tum enim de vulgari accipi debet.

QUESTIO secunda. Si in hoc c. clausula derogatoria rescriptorum contra hanc Concilij generalis constitutionem emanantium, posita non fuisset, an si postea reus, nullà factà mentione huius constitutionis, ultra duas dietas, & spectato hodierno iure, ultra dietam in iudicium traheretur, num obreptitium censerì debeat rescriptum? *Dico, si clausula posita non fuisset. Certum enim*

enim est, si ea posita sit in quacunq; lege canonica aut ciuili, non valere rescriptum contrarium, aut derogatorium, nisi de ea lege mentio fiat, aut specificè, aut saltem per verba æquipollentia, *non obstante constitutione de duabus dietis*, vti videre hinc licet apud Felin. n. 2. & seqq. Qui addit ex communi doctrina n. 5. ampl. 6. id locum etiam habere successoribus legislatoris: Cum enim successor legum anteriorum custos esse debeat, ac defensor, non præsumitur ab earum, quarum & notitiam habere censetur, recedere velle, nisi sufficienter declaret.

Nunc respondeo ad quæst. affirmatiuè cum Abb. hic n. 10. Baldo super l. ult. n. 5. C. Si contra ius &c. & alijs. Ratio est: Quia rescripta iustitiz, cum sint præiudicialia parti aduersariæ, procedere debent secundum iura, & ita vt aduersarius non nimis grauetur. Sed alia ratio est de rescriptis gratiz, videl. priuilegijs, ac dispensationibus: in ijs enim non est opus mentionem facere legis, cui derogant, vti docet Ioan. Andr. in c. vn. prope finem, de excess. Prælator. & docui supra hoc tit. c. 1. not. 3. dicto 3. Sed bene excipit Bart. in citl. ult. n. 4. Abb. hic cit. n. 10. Nisi priuilegium contra ius sit non parum præiudiciale, siue derogans iuri alteri acquisito: Cum Princeps non soleat, neque rationabiliter possit gratiam vni facere cum alterius detrimento, nisi grauis causa exigat.

Accedit verò, quòd canon huius c. sit Concilij generalis; adeoque habere censetur tacitam clausulam derogatoriam subsequentiũ dispositionum contrariarum, nisi in ijs mentio fiat constitutionis Conciliaris, prout videre est apud Felin. hic n. 3. Sanchez lib. 3. de matrim. disp. 2. 6. n. 7. & docui supra in c. 1. de constit. in 6.

Est tamen magnum discrimen inter constitutionem, in qua clausula derogatoria subsequentiũ dispositionum expressè requiritur, vt hic, & constitutionem, in qua tacitè siue præsumptè talis clausula inesse censetur. Primo, Si ex constitutione seu generalis Concilij, seu alia quacunq; expressè dicitur, eam reuocam non teneri, nisi specifica e-

ius mentio fiat, tum non tollitur per clausulam generalem, *non obstante quacunq;*, sicuti bene hic Abb. docuit cit. n. 10. Quia Princeps, notitiam anterioris legis habens, si eam tollere vellet, specificam derogationem adijceret, prout lex requirit, iuxta c. 1. de constit. in 6. At verò si lex Conciliaris talem clausulam nõ habet, sufficienter tollitur per clausulam eam generatim derogatoriam cuiuscunq; antecedentis legis.

Secundò: Ad derogandum legi Concilij, in qua clausula derogatoria subsequentiũ dispositionum aut concessionum tacitè continetur, sufficit, quòd appareat, aut coniectura capi possit de certa scientia ac voluntate Principis, prout hic tradit Abb. n. 8. & docui in cit. c. de constit. in 6. Et ad hoc defendendum, seu rescriptum à subreptione liberandũ multum momenti habet, si talis sit Curiz consuetudo, vt frequenter rescripta dentur contra Concilij alicuius canonem, quippe quo Papa ligari omninò non potuit. Exempli causa, Concil. Tridentinum voluit, sess. 24. c. 5. de reform. matrim. vt in secundo gradu consanguinitatis vel affinitatis nunquam dispenseretur, nisi inter magnos Principes, & ob publicam causam: Quotamen non obstante, Pontifex interdum cum quibusdam inferioris conditionis personis dispensat ex causa urgente, quamuis non publica; etiam non addit clausulam derogatoriam Conciliaris constitutionis. Sin autem lex anterior expressè postulet, vt in derogatione mentio eius fieri debeat: tum non valebit contraria dispositio, tametsi adiecta sit clausula motus proprii aut ex certa scientia, vti hic idem Abb. docet n. 9. argum. l. si quis in principio 2. ff. de legat. 3. vbi idem dicitur de testamentis. Ratio traditæ doctrinæ est: quia cum hæc res tota pendeat ex voluntate Principis, quippe qui absolute loquendo alligatus non est legibus positivis, quò minus ijs derogare possit; in priore illo casu facilis coniectura capi potest, quòd per speciale rescriptum gratiz, seu dispensationem aliquam ei derogare velit; etiam si id signatè non exprimat, dummodò rescriptum seu priuilegium non sit notabile.

SUMMARIUM.

liter præiudiciale. At verò in posteriore casu non ita præsumptio fieri potest: Cum enim lex anterior, quæ specialem & expressam mentionem requirit, formam de subsequen-
tibus rescriptis aut dispensationibus, ideo Princeps, dummodò, vt pono, lex illa in vi-
gore & obseruatione sit, nunquam videtur ei derogare velle, nisi exprimat. Tamen si
verba ista, *ex certa scientia*, aut *proprio mo-
ru* adiecta sint: quia vt bene Abb. hic cit. n. 9.
Felin. n. 11. Suarez lib. 8. de legibus cap. 12.
n. 11. Sanchez lib. 8. de matrim. disp. 21. n. 52.
clausula ea obreptionem tollere possit, non
tamen supplere voluntatem concedentis, aut
gratiam vltra eius intentionem extendere. Ea-
demq; de causa, cum Princeps particularia,
quæ facti sunt, ignorare censetur, c. 1. de con-
stit. in 6. ideo fit, vt propter defectum scien-
tiæ, & consequenter voluntatis, verosimili-
ter præsumptum, clausula *motus proprii* ne-
que personæ inhabilitatem, cuius in rescri-
pto nulla penitus mentio fit, neque ius alteri
quæsitum: neque particulare statutum loci
tollat, sicuti docent DD. apud Sanchez cit.
disp. 21. n. 49. & dicendum de hoc in c. si mo-
gu 23. de præb. in 6.

s. Sunt & alij.

PARAPHRASIS.

Aliqui illicitum quæstum exercentes, vt li-
res sopitas excitare, aut nouas suscitare
possent, fingebant causas, super quibus à
Sede Apostolica literas impetrarunt, abs-
que mandato Domini, siue eius cuius
causa agebatur: quas deinde literas vel reo
ad redimendam vexationem suam, vel a-
liori ad litis suæ prosecutionem vendi-
derunt. Quare decretum est in eodem
Concilio generali, vt si quis de cætero sine
speciali mandato Domini seu agētis prin-
cipalis literas à Sede Apostolica impetra-
re præsumperit, ex irritis sint, & impe-
tratis vt falsarius puniatur, præterquam si
persona valde coniuncta fuerit, quæ etiam
absque mandato ad agendum in iudicio
admittitur,

1. *Rescripta ad lites sunt strictè interpre-
tationis.*
2. *Nec si sint Papales, valent, si pro alio
sine speciali eius mandato impetrare
sint, & impetrans, tanquam falsarius,
puniendus est.*
3. *Et huiusmodi litera ipsæ iure nullæ sunt.*
4. *Neq; eas postea Dominus aut Principa-
lis ratificare potest.*
5. *Beneficia omnia sine gratia, adeoq; et-
iam dispensationes pro altera persona
capaci, absque villo eius mandato, im-
petrari possunt à Pontifice.*
6. *Ius tamen in re non acquiritur ei, cui
gratia est data, donec ipsemet vel ali-
us eius nomine ex speciali mandato ac-
ceptauerit, vel sine hoc acceptationem
factam ab alio eius nomine postea ra-
tam habeat.*

*Coniunctum pro coniuncto absque mandato
ad agendum admittitur, dummodò
caueat, eum ratum habiturum, quæ acta
fuerint.*

NOTANDUM I. Rescripta ad lites re-
stringenda potius sunt, quàm extenden-
da: siue, vt alij dicere solent, rescripta ad lites
strictè interpretationis esse debent. Ratio
est, quia præbent causam litigandi, & cedere
possunt in alterius præiudicium, idcirco o-
diola censentur, secundum Abb. hic not. 1. &
2. in fine. Idemque dicendum de priuilegiis,
quatenus ea cedere possunt in alterius præ-
iudicium, l. 2. §. Si quis Principe, ff. Ne quis
in loco publico &c. Item de rescriptis ad ec-
clesiastica beneficia c. quamuis 4. de præb. in
6. Idque propter ambitionem, & auaritiam,
quæ clericis valde noxia est, auertendam.

NOTANDUM II. Non valent literæ Pa-
pales ad lites, quæ pro alio sine speciali eius
mandato impetrare sunt: Et impetrans, tan-
quam falsarius, puniri debet. Id tamen intel-
ligi debet, non quod verè, crimen falsi com-
miserit: cum literæ falsatæ non sint, sed per-
inde ac falsarius puniendus, tamen si mitius,
& secundum Iudicis arbitrium, teste Abb.
hic n. 7.

3 **QVÆSTIO** prima. Numliteræ in casu huius c. ipso iure nullæ sint? Gl. ver. sine speciali mandato, & Abb. hic n. 6. negant; ideoque putant, si reus nihil excipiat, validas esse. Sed contrarium rectè docent Anson. n. 18. Imola n. 4. Nam inhabilitas personæ facit, ut ætus penitus nullus sit, cum ætus non subsistat sine potentia siue ædificati, siue recipiendi. At verò persona impetrans, nisi speciale mandatum habeat, inhabilis reddita est ad impetrandum rescriptum ad lites. Quæ doctrina sumitur ex l. licet 56. ff. de iudic. & l. licet 23. C. de Procurator.

4 **QVÆSTIO** secunda. Num Dominus seu Principalis ita impetratas literas postea ratificare possit? Videtur esse affirmandum, ex cit. l. 56. ff. de iudicis, & c. 2. de pactis, reg. 10. in 6. ex quibus iuribus habetur, quod quæ nomine meo gesta sunt, postea rata habere possim, & quod huiusmodi ratihabito per fictionem retrotrahitur, & mandato æquiparatur. Quamobrem Gl. communiter recepta in c. ex parte, de rescr. 33. ver. Procurator, & Abb. ibid. n. 8. aiunt, quod gesta per falsum procuratorem in iudicio postea ratificari possint, l. 3. falsus, ff. rem ratam haberi. Contrarium tamen omnes docent, post Gl. hic cit. ver. sine speciali mandato, & aliam Gl. in cit. reg. 10. ver. ratihabitionem, prope finem. Rationem dat Gl. hic, quam secutus est Zasius in l. si quis iniquum §. Si procurator, ff. Quod quisque iuris, esse hunc casum specialem, siue exceptum ab ea regula: Idque propter odium litium. Sed melior ratio est, quam Abb. hic dat n. 5. & pulcherrè tradit Bartol. in cit. l. 56. ff. de iudicis, Regulam illam, quod ratihabito retrotrahitur &c. Et quod ratum habere possim qua nomine meo gesta sunt: Intelligi debere, si alius defectus non fuerit, quam consensus, isque postea suppleri possit, quippe in partis lauorem requisitus, vti accidere solet in pactis & contractibus, cit. c. 2. de pactis; Et in litis contestatione, cit. l. licet: Non item, si defectus, ex ratione boni publici per legem introductus, suppleri non possit: Veluti si is, qui tuo nomine, absque mandato, in iudicio contendit, seruus fuerit, aut pupillus, non poterunt acta per ratifica-

tionem confirmari, secundum Gl. receptam in cit. l. licet, ver. cum esset. Deinde, si iudex alienus, seu iurisdictione carens, causam cognouerit, ac deciderit, non potest iudex proprius, seu ad quem causæ cognitio de iure pertinet, postea ratificare, tamen si ab initio mandare seu delegare potuisset, sicuti rectè docent ex communi, locis citatis, Bartol. & Abb. cum Gl. in ead. l. licet, ver. de iusta, argum. l. 2. C. de iure fisci lib. 10. Idque propter iurisdictionis publicæ defectum, quæ cum iudicio intrinseca & substantialis sit, ideo defectus iste per hominem, seu iudicem suppleri postea non potest, sed locum habet reg. iuris 30. ff. *Quod ab initio vitiosum est, non potest tractu temporis conualecere*. Eodem verò modo se res habet in casu huius c. quando, vt dixi, persona ob minuendas lites, & vitanda publica incommoda, incapax reddita est ad impetrandum rescriptum, sine mandato speciali.

Porro, quod ad praxin attinet, Gregor. Tholof. super hoc c. ver. exigi, testatur, in Curia Rom. vix aliquem huius can. vsum esse. Siquidem, vt Abb. hic ostendit n. 3. Procurator generalis, absque speciali mandato, rescriptum ad lites impetrare potest nomine proprio; eo modo ac iure, quo etiam ad agendum in iudicio admittendus est, absque speciali mandato, exceptis ijs causis, quæ speciale mandatum requirunt, c. qui generaliter 5. de procurator. in 6. Nauarrus quoque, in consil. 4. n. 7. de rescriptis ait, *In Rom. Curia parum curari de exceptione defectus mandati ad impetranda rescripta, etiam ad lites, de quo in §. sunt & alij.*

QVÆSTIO tertia; Num aliquis, similiter absque mandato speciali, vel etiam generali, pro altero impetrare possit à Papa ecclesiasticum beneficium, dispensationem, aliamue gratiam, seu priuilegium. Abbas Panorm. in c. innotuit, n. 10. de elect. inquit, ad petendam dispensationem in alterius gratiam, requiri speciale mandatum. Sed contrarium est dicendum, ita vt generalis doctrina sit, Beneficia omnia, siue gratias, adeoque etiam dispensationes, pro altera persona capaci, absque villo eius mandato, impetrari posse à

Pon.

CAPITVLVM XXIX.

Dilectus.

PARAPHRASIS.

Inter Ioannem & Iordanum Clericos controuersia erat de ecclesia S. Nicolai. Iordanus contra Ioannem à Sede Apostolica lites impetrauit ad Archiepiscopum Cantuariensem, & alios quosdam: sed Ioannes excipiendo opposuit, quòd ultra duas dietas à diocesi ad iudicium traheretur contra Concilium Lateranense, de quo nulla in rescripto mentio fiebat. Sed iudices hanc exceptionem admittere noluerunt, eò quòd dictus Ioannes in duabus aliis ecclesiis loco iudicij propinquioribus beneficia possideret, & eà ratione domicilium habere censeretur. Quare ab his appellauit Ioannes ad sedem Apostolicam, & appellationem prosequutus literas impetrauit ad Archiepiscopum Eboracensem, & Collegà. Verùm Archiepiscopus Cantuariensis & socij eius in causa nihilominus procedentes Eboracensibus iudicibus inhiuerunt, ne causam cognoscerent. Quod cùm Papæ Honorio III. significatum esset, mandauit Cantuariensibus, vt causæ cognitione supersederent, cùm non ad ipsos, sed ad iudices Eboracenses pertineat cognoscere, vtri parti iurisdictio competat.

SYMMARIUM.

1. *Domicilium contrahitur à Clerico in loco beneficij residentiam postulantis.*
2. *Dietæ in actione reali computanda est à diocesi domicilij, non diocesi, in qua res sita est.*
3. *Si quis in duabus diocesibus domicilium habeat, resq. litigiosa in vnâ earum sita sit, dietæ computanda est à fine diocesis, in qua res sita est. & domicilium habetur.*
4. *Ad iudicem appellationis, aut ab eo delegatum pertinet cognoscere, num à sententia interlocutoria recipienda sit, & si sit.*

Q

si sit,

Pontifice, prout hic docet Gl. cit. ver. absque speciali mandato, in fine, Felin. hic. n. 45. Rebuffus in praxi tit. de dispens. n. 23. Nauarr. in c. si quando, except. 1. de rescript. & in consil. 2. & 4. hoc tit. Suarez lib. 6. de legibus, cap. 13. n. 6. & 7. Idque probatur ex l. vniuersis 5. C. de precibus Imperatori offerendis, in qua generatim habetur: Rescripta per quemcunque pro altero supplicantem impetrata valere. Confirmatur: Cùm Princeps motu proprio, seu nemine petente, gratiam quamcunque, beneficium, aut dispensationem alicui conferre possit, absenti & ignoanti, l. qui absenti 3. ff. de acq. poss. c. si tibi absenti 17. de præb. in 6. Cur non etiam id possit, aliquo alio interueniente, seu pro altero petente? Veruntamen ius in re non acquiritur ei cui gratia data, donec acceptauerit, seu consenserit: Neque verò is, qui pro absente & ignoante impetrauit, eius etiam nomine acceptare potest, absque speciali mandato, eò quod acceptatio siue consensus sit actus personalis, prout docent DD. in c. accedens 23. de præb. Felin. hic. n. 46. Sufficit tamen, si quis postea ratam habeat acceptationem, quam alter ipseus nomine fecit, iuxta Gl. in cit. c. si tibi absenti, ver. habueris. Cùm non aliud hic desit, quam consensus partis, qui suppleri per rationem habitationem potest, vt supra dictum.

NOTANDUM III. Persona coniuncta admittitur in iudicio ad agendum pro altero, dummodo caueat, eum ratum habiturum, quæ acta fuerint, l. sed & hæc 35. ff. de procurator. Vbi & personæ numerantur, quæ coniunctæ censeri debeant, videlicet liberi, parentes, fratres, affines, & liberi. Arbitrantur verò alii, vt Baldus in cit. l. n. 2. Abb. hic n. 10. has personas, veluti exempli loco numeratas esse; Exempla autem non restringunt regulam, sed declarant, vt etiam in similibus locum habere debeat. Etenim lex citata considerat affectionem coniunctorum: quare ad iudicem pertinebit arbitrare, quæ persona ita coniuncta alteri societate, aut amicitia videri debeat, vt tanquam aliena ab omni suspitione fraudis, ad agendum admitti possit. Vide quæ dixi in e. edoceri 21. vers. Corollarium, hoc titulo.

si sit, inhibere iudici à quo, ne in causa procedat. Attentata post inhibitionem irrita censeri debent.

NOTANDUM I. Clericus in loco beneficii sui residentiam posulantis, domicilium habere censetur, secus, si beneficium residentiam non postulet. Hæc est communis doctrina, uti videre est apud Innoc. in c. ex ore n. 3. de priuil. Abb. & Felin. hic n. 2. eundem Abb. in c. postulasti n. 4. de foro compet. licet aliter sentiat Gloss. hic ver. domicilium. At verò Religiosi censentur habere domicilium in loco monasterii sui, teste Innoc. in cit. loco, Abb. in cit. c. postulasti n. 5. Felin. hic n. 8. Interim verò Religiosus non amittit ius, sine domicilium originis suæ, saltem quoad commodum, ut videl. ab Episcopo eius loci ordines accipere possit, prout Abb. notat cit. n. 5. Non item quoad onera siue obligationes: Quemadmodum per professionem in Religionem soluitur quidem patria potestas, non autem ius seu commodum successionis in paterna hæreditate, ait Felin. cit. n. 8.

2 Porro Innoc. hic in princ. quem sequitur Anton. n. 18. & alij, existimant, arg. huius c. in actione reali, id est, quæ ratione rei sitæ in aliqua diocesi, instituta sit, dietas, siue iure nouo vnam dietam, computandam non esse à diocesi domicilij, sed diocesi in qua res sita est. Contrarium tamen rectius docet Gl. in c. statutum 11. §. cum verò, ver. vnam dietam, hoc tit. in 6. quam sequitur hic Imola n. 12. Felin. n. 13. & alij plerique. Optimè autem declarat Abb. hic n. 3. & in c. ex parte n. 9. de foro comp. Et dicit primò, Intra diocesim, in qua res sita est, haud dubiè conueniri posse reum coram Ordinario, c. ult. de foro comp. Consequenter etiam coram delegato Papæ, cum Pontifex in iurisdictione concurrat cum omnibus locorum Ordinariis. Secundò: Si quis per rescriptum Papale conueniendus sit extra diocesim, vbi res sita sit (aut vbi contraxit, vel deliquit) computatio dietarum, aut dietæ vnus necessarii fieri debet à loco domicilij, adeoque beneficii residentiam posulantis; nulla habitatione, vbi res, de qua litigatur, sita sit. Idque probatur ex c. præc. & cit. c. statutum, in quibus dicitur, quod reus

per rescriptum Papæ trahi non possit extra diocesim ultra duas, & iure nouo extra vnam dietam: Atqui ratione rei possessæ non censetur aliquis habere diocesim, aut territorij, cum neque, absolute loquendo, subditus ibi sit: sed neque dici potest trahi extra diocesim, in qua res sita est: cum inibi domicilium, uti ponit, non habens, ordinariè non habitet. Itaque in casu isto, si alibi domicilium sit, & alibi res sit, licet conueniri possit intra fines diocesis rei sitæ, non tamen extra eam. Tertiò: Si quis in duabus diocesibus domicilium habeat, & in vna earum res sita sit, de qua litigatur, tunc si reus conuentus extra trahatur, dietæ computari debent à finibus eius diocesis, in qua res sita est, simul & domicilium habetur, argum. cit. c. ex parte 15, de foro compet.

Quamobrem in casu huius c. iustam appellandi causam habuit Ioannes, quod ultra duas dietas per rescriptum traheretur extra diocesim, in qua ecclesiam S. Ioannis, de qua lis orta erat, possidebat. Non itaque rectè censuerunt Iudices Cantuarienses, dietas à finibus alterius diocesis, in qua itidem beneficium possidebat Ioannes, computari posse: Præsertim, cum non credibile sit, inibi ad residentiam reum conuentum obligatum fuisse.

NOTANDUM II. Ad Iudicem appellationis, aut ab eo delegatum pertinet cognoscere, num appellatio ab interlocutoria sententia recipienda sit, necnè: Et, si recipienda, inhibere Iudici, à quo appellatum, ne in causa vltèrius procedat, ita, ut quæ post inhibitionem attentata fuerint, irrita censeri debeant, c. Romana 3. §. Quod si obijciatur, & c. non solum 7. de appell. in 6. Ex quo apparet, Iudices Cantuarienses in casu huius c. malè egisse, quando ipsi, à quibus ab Pontifice appellatum, Iudicibus ab eodem delegatis inhibuerunt, ne in commissio ipsis appellationis negotio procederent; cum tamen non ad dictos Cantuarienses, sed ad alios, quibus causa appellationis à Papa delegata erat, pertineret cognoscere, fueritne causa probabilis appellandi, & si talis videatur, inhibere.

Inter-

Interim rectè admonethic Innocent. n. 3. Glosa ver. inhibentes, Abb. n. 7. Felin. n. 13. quod non raro iudex à Papa delegatus, non præmissa aliâ causæ cognitione, inhibere possit iudici à quo, ne vltimiùs procedat; si nimirum ex rescripto Papæ appareat, eum iustitiam appellationis cognouisse, iuxta c. pastoralis 28. §. præterea, de offic. deleg.

CAPITVLVM XXX.

Capitulum S. Crucis.

PARAPHRASIS.

Callimachus clericus ab Honorio III. literas monitorias, & mox præceptorias impetrauit ad Capitulum collegiatæ ecclesiæ Cameracensis, vt ipsi Canonici conferretur: postea verò Beatus clericus ab eadem Sede impetrauit literas executorias ad Archiepiscopum Tornacensem, & collegas eius ad similem canoniceatum in eadem ecclesiâ, nullâ factâ mentione priorum literarum. Cum autem Capitulares contra hos iudices ad Sedem Apostolicam appellarent: Iudices eo non obstante, in illos suspensionis & excommunicationis sententiam protulerunt. Postmodum etiam Callimachus literas executorias impetrauit ad indices alios, qui & ipsi in Capitulares sententiam suspensionis & excommunicationis protulerant. De hoc toto processu informatus Papa, rescripsit Episcopo & Archiepiscopo Legionensi, vt absoluto Capitulo à sententijs suspensionis & excommunicationis, eum qui prius mandatum de prouisione faciendâ à Sede Apostolica impetrauit, in Canonicum institui curent, alteri perpetuo silentio imposito.

SUMMARIVM.

1. Excommunicatus aut suspensus propter nouam contumaciam iterum excommunicari aut suspendi potest.
2. Impetrans prior literas ad beneficium posteriori impetranti præferendus est.

3. Papa non solet grauare collatorem beneficiorum pluribus mandatis de prouidendo certis personis.

NOTANDVM I. Olim fermè consuetum erat, vt si Roman. Pontifex alicui gratiam de prouidendo ipsi beneficium faciebat, triplices literas scripserit: Primæ eant *monitoria*, quibus Papa veluti precibus primarijs adhibitis, hortabatur collatorem ordinariū, vt Titio beneficium, si quod valet, vel proximè vacaturum sit, conferre vellet. Deinde secutæ sunt aliæ *præceptorie*, quibus idipsum præciperetur: postea verò hæc duo literarum genera in consuetudinem abiisse, testantur Ioan. Andr. & Abb. in c. insinuatione, hoc tit. Petr. Greg. Tholos. lib. 3. de rescript. cap. 4. n. 1. Azor tom. 2. lib. 6. c. 32. q. 2. Nisi Pontifex scribat pro receptione Monialis in Monasterium, aiunt Ioan. Andr. & Abb. cit. loco. Tertiæ sunt *executorie* literæ, in quibus executor constituitur ad compellendum collatorem, ad prouidendum ei, cui Papa mandauit.

NOTANDVM II. Qui censuram excommunicationis, aut suspensionis incurrit, propter nouam contumaciam, iterum excommunicari, aut suspendi potest. Ita colligitur ex hoc c. & fusè hanc rem explicat Suar. de censur. disp. 5. sect. 2. n. 8. & seqq. & dixit quædam in Th. moral. lib. tr. 5. p. 2. c. 6. n. 10. Videri etiam potest c. officij 42. de sent. excomm.

NOTANDVM III. Qui prius literas ad beneficium impetrat, posterius impetranti præferendus est. Ita etiam habetur in c. tibi qui 12. eod. in 6. & notat Gl. margin. hic ver. *primus*, legendum id esse, non vt aduerbium, sed vt nomen. Nisi malis dicere (siue aduerbium sit, siue nomen) sensum verborum esse: ei præbendam conferendam esse, qui prius ad eos destinatum mandatum Apostolicum reportauit, id est, impetrauit. seu assecutus est.

NOTANDVM IV. Papa non solet grauare collatorem beneficiorum pluribus mandatis de prouidendo certis personis. Ita sumatur ex hoc c. & c. mandatum 38. hoc tit.

Q3

Quam-

Quamobrem si plures mandatum de prouidendo ad eandem ecclesiam, non pro eodem beneficii corpore, adferant, is, cuius literæ posteriores sunt in data, repelli potest per viam exceptionis, seu oppositi grauius, sicuti hic Abb. ait n. 4. Posset quidem collator vtrumque impetrandum recipere: sed non tenetur, quia si in posterioribus literis posita non sit clausula, non obstante quod pro alio scripserimus, intentio Papæ mandantis esse censetur, ut prouideatur impetranti, si prius pro alio non scripserit. Qua de re Innoc. hic. Verum in his immorari necesse non est; quandoquidem gratiæ expectatiuæ, seu literæ de conferendo beneficio proximè vacaturo per Trid. Concilium sess. 24. c. 19. de reform. penitus sublatae sunt: Multò minùs in Germania nostra, expectatiuarum, aut mandatorum, de quibus in casu huius c. aliquis locus esse potest, propter Concordata cum Nicolao V. Papa in Constit. Ad sacram.

CAPITVLVM XXXI.

Ad audientiam.

PARAPHRASIS.

Aliqui Clerici cum à Sede Apostolica impetrassent literas super prouisione beneficii, renunciarunt literis eà conditione, ut pensio annua, vel aliud beneficium ipsis conferretur. Postea ab eàdem Sede alias impetrarunt literas super prouisione ipsis faciendâ, de literis prius impetratis, & dicto modo venditis mentionem non facientes. Hoc intellecto Honorius III. depernit literas secundas ipso iure irritas esse, ideòque rescindendum esse, quidquid earum prætextu factum fuerit.

SUMMARIVM.

1. *Habens literas Papales ad beneficium proximè vacaturum, si eis renuntiat cum pacto, ut pensionem vel aliud beneficium consequatur, litera posterior*

res beneficiales, hoc sacro, impetrata irrita sunt.

2. *Renunciatio ista expectatiua cum pacto adpiscenda pensionis vel beneficii simoniaca est.*
3. *Littera expectatiua posteriores obreptitia sunt, si nulla in eis mentio fiat prius impetrata expectatiua, cui impetrans non absolute, sed pro pensione, aut ecclesiastico beneficio renuntiavit.*
4. *Rescripto gratia propter obreptionem nullo, irrita sunt etiam alia, quacumque occasione sine propter aliud alia sunt.*
5. *Rescripta obreptitia ad lites communiter loquendo, irrita non sunt, nisi opus exceptionis.*

NOTANDVM I. Si habens literas Papales ad beneficium proximè vacaturum, ipsis renuntiat, cum pacto ut pensio, nem vel aliud beneficium consequatur, & postea, eo tacito, alias similes literas impetrat, hæ posteriores irritæ sunt. Pro intellectu aduerte primò: Nihil ob stare, quò minùs aliquis literis expectatiuis, seu ad prouidendum, renunciet, prout ex communi tradit hic Abb. n. 7. Felin. n. 11. Imò eo ipso renunciare quispiam censetur, quando aliud beneficium, quod cum priore expectato incompatible est, cum pacifica possessione assequitur; adeò, ut tametsi adeptum beneficium deinde resignauerit, tamen gratiam expectatiuam non recuperet, Clem. gratiæ, iun. Gl. hoc tit. Ratio dari debet: Quia habens gratiam expectatiuam seu de prouidendo, eo ipso, quod prouisus non est, seu collationem nullam accepit, non habet ius ad beneficium, nisi remotè: quare liberè, etiam non requisito Superioris consensu, renunciare ei potest. Quemadmodum id ipsum similitudine dicendum est de præsentato seu nominato ad beneficium, qui itidem remotè ac præparatoriè quælibet ius acquirit. Imò hoc ipsum sentiendum de electo nondum confirmato, quod iuri suo liberè renunciare possit, secundum Gl. receptam in c. si electo 26. ver. renunciat de elect. in 6.

Adver-

2. **Aduerte secundò**, Si renunciatio ista expectatiuæ fiat cum conditione seu pacto adipiscendæ pensionis, vel beneficij, simoniacæ censeri debet. Quæ est magis recepta sententia apud Abb. hñc. n. 6. Felin. n. 11. contra Gl. ver. renunciantes, in fine, & colligitur ex hoc c. ver. taliter venditas, & ex c. vit. de pactis, ubi omnis pactio in spiritualibus, tanquam simoniacæ, damnatur. Sed neque locum hñc habet permutatio expectatiuæ cum beneficio: quia eadē expectatiua tendat ad beneficium, quod nondum vacat, adeoque ius in illo aut ad illud, si propriè loquendū sit, non habetur, ideo permutari non potest, iuxta doctrinam Ioan. And. in c. vn. de rerum permut. in 6. Atque bene docuit Suarez tom. 1. de relig. cap. 33. de simon. n. 8. permutationes beneficiorum odiosas, ideòque non extendendas esse; cum sint concessiones quædam, ac veluti dispensationes contra canones, quibus omnis pactio in spiritualibus prohibita est.

3. **Aduerte tertio**, Literæ expectatiuæ posteriores obreptitiuæ sunt, si nulla in eis mentio fiat prius impetratæ expectatiuæ, cui impetrans non absolute, sed pro pensione, aut ecclesiastico beneficio renunciavit. Ex quo indirectè colligi videtur, prout hñc Abb. annotauit num. 4. in impetratione beneficij mentionem quoque faciendam esse pensionis, si ea iure ac titulo beneficij ecclesiastici constituta sit, esto ea iniuste ac simoniacè possideatur, uti hñc notat Anton. n. 9. Ne alioquin commodum quis ex iniquitate sua reportet. Neque enim decet, ut stultus melioris conditionis sit, quam sapiens, c. eam qui 18. de prob. in 6. Vide quæ dicuntur in c. seq. in quæst.

4. **NOTANDVM III.** Si rescriptum gratiæ obreptitium, adeoque ipso iure nullum sit, etiam alia quæcunque eius occasione, siue propter illud acta sint, pro irritis haberi debent. Quia ruente principali, ruit etiam accessorium, prout dixi etiam in c. 3. hoc tit. & habetur in hoc c. in fine, sumitur quoque ex c. si supor. 9. de offic. deleg. in 6. latè explicat hñc Abb. n. 14. Felin. n. 17. & in n. 22. col. penult. Nauarr. in c. si quando, prælud.

1. n. 1. hoc tit. Id verò tanquam certum semper supponimus, rescripta beneficialia, & quæcunque gratiæ sunt, propter obreptionem penitus irrita esse, non item rescripta 5 ad lites, communiter loquendo, sed ope exceptionis irritari debere. Ratio discriminis est, quia in ijs negotium determinatur ac definitur, in his præparatur tantum aut committitur, prout notauit Baldus in l. 1. n. 4. C. de collat. deteg. Gaill lib. 1. obf. 14. n. 5.

CAPITVLVM XXXII.

In nostra.

PARAPHRASIS.

Clerici aliqui à Sede Apostolica plures literas ad diuersarum ecclesiarum beneficia impetrant, in posterioribus literis de prius impetratis nullam mentionem facientes: postea vigore vnius Apostolici Indulti in vnâ ecclesiâ recepti, licet nondum literas beneficialles asscuti, in alterâ ecclesiâ vigore aliarum literarum recipi postulant. Hoc intellecto Pontifex mandat Archiepiscopo Mediolanensi, ut hos clericos contentos receptione in vnâ ecclesiâ ad beneficium alterius ecclesiæ vigore literarum Apostolicarum aspirare non permittat, nisi in literis secundis mentio fiat, eos in vnâ ecclesiâ receptos esse.

SUMMARIVM.

1. *Receptus in canonicum cum expectatione præbendæ: propriè loquendo, beneficium non obtinet.*
2. *Debet in impetratione literarum ad alteram ecclesiâ Canoniam mentionem facere suæ receptionis.*
3. *Vnde habens & possidens beneficium, si aliud impetret, non tantum tenetur facere mentionem de habito iam & possesso beneficio, sed etiam de iure, quod habet ad consequendum beneficium, et si eo iniuste spoliatus sit.*

4. *Pla-*

4. *Plures literæ super eodem beneficio simul impetratæ omnes valent, si sint consentientes, & non repugnantes.*
5. *Idem est, si successine sint impetratæ.*
6. *Impetrans à Papa beneficij vacantis collationem per modum concursus, aut secundum Concordatam Germanicam in mense Papali, postior gratia beneficiæ obreptitiæ est, si nulla mentio fiat gratiæ de alio beneficio prius impetratæ.*
7. *Habens à Papa gratiam expectatiuam, si aliam impetret ad aliam ecclesiâ, postior rescriptum irritum erit, nisi priori renunciatum esse constet.*

NOTANDUM I. Receptus in Canonico cum expectatione præbendæ, propriè loquendo, beneficium non habet, prout constat ex definitione beneficij, quam traxi in Theol. moral. lib. 4. tr. 2. cap. 1. *Sus perpetuum recipiendi redditum ex bonis ecclesiæ, ratione spiritualis officij, ecclesiasticæ auctoritate constitutum.* Sanciturque istud not. ex hoc c. ibi, *Scies nondum in eis ecclesiasticum beneficium sint affectui.*

NOTANDUM II. Qui in canonicum, cum expectatione præbendæ, receptus est, debet in impetratione literarum ad alterius ecclesiæ canonicam, mentionem facere receptionis suæ. Hæc est præcipua intentio huius. Ex quo colligitur, quod impetrans à Papa literas ad beneficium, siue præbendam, non tantum de prius habito & possesso beneficio mentionem facere debet, cum ad eod. 17. hoc tit. c. si motu 2. 3. de præb. in 6. sed etiam de iure, quod habet ad consequendum beneficium, seu præbendam; quale ipsi habet qui in canonicum receptus; debetur enim ei suo tempore præbenda. Quæ eadem ratione docet Abb. hic n. 10. quod beneficium iniuste spoliatus, de eo in impetratione alterius mentionem facere debet: quia licet redditus nullus percipiat, habet tamen ius ac titulum percipiendi. Etenim qui actionem habet, siue ius petendi præbendam, aut eam recuperandi, ipsam rem habere videtur, reg. 15. ff. idq. etiam in personali actione locum habere declarat Gl. ibidem.

QUESTIO est. An literæ plures, seu simul & sub eadem data, seu successine, super eodem, aut diuersis beneficijs impetratæ, nullâ alterius impetrationis factâ mentione, subsistere possint? Respondeo & Dico I. Si plures literæ super eodem beneficio simul, siue eodem die, v. g. consecrationis Papalis, per diuersos intercessores impetrentur, ambæ aut omnes valent, si consentiant, seu repugnantes non sint. Hæc est communis doctrina apud Abb. hic n. 5. Felin. num. 1. Cum enim ambæ literæ eandem formam & datam contineant, in effectum censentur eadem, quamuis plura exemplaria: quemadmodum & vnicuique testamentum in pluribus chartis authenticis consignari potest, l. vnum 27. ff. Qui testameta facere possunt. Idque interdum necessarium esse potest, siue cautionis causa fieri, vt si forte vnum amittatur, alterius usus esse queat, prout in ead. l. dicitur, & annotauit Gl. in c. extenore 16. ver. negotio, hoc tit.

Dico II. Idem pari ratione sentiendum, si aliquis plures literas successine super eodem beneficio impetret; vt videl. magis munus sit. Ita Abb. n. 6. Anton. n. 6. Imola n. 6. Cum enim duo rescripta sub eadem formâ ad eundem effectum tendunt, non debet vnum per alterum elidî sed veluti vnum rescriptum, quamuis indubitatus aut securus, reputari. Videri potest Gl. cit.

Dico III. Si quis à Papa gratiam beneficiæ non per modum præuentionis seu expectatiuæ obtinuit, sed beneficij vacantis collatione per modum concursus, aut secundum Germanicam Concordatam in mense Papali, certum esse debet, posteriorem gratiam beneficalem obreptitiâ & irritam fore, si nulla mentio fiat gratiæ de alio beneficio prius impetratæ: eod. quod per eiusmodi gratiam impetratam, licet nondum præsentatam, nec plenè executioni mandatam, ius acquisitum sit.

Dico IV. Si quis à Papa gratiam expectatiuam de prouidendo consecutus sit, & vel eodem tempore seu sub eadem datâ, vel sub diuersa, aliam expectatiuam ad aliam ecclesiâ impetret, dubium est in vtramque partem disputabile, num vtrumque rescriptum
valens

valeat, ita vt in optione impetrantis sit, quo eorum vti velit. Partem affirmantem videtur amplecti Gl. hic, & tenet Petr. Greg. Tholos. super hoc c. Idque probari posse videtur tum ex hoc c. ver. in aliis receptis: Ergo per sensum contrarium, si ratione literarum, Clerici impetratores in aliis ecclesiis non dum recepti fuissent, aliter dicendum foret. Tum quia expectatiua proprie loquendo non tribuit ius ad beneficium, sicuti supra dixi in c. præc. Ergo non debet comprehendere ea regula, qua dicitur, quod impetrans gratiam beneficalem, teneatur facere mentionem de quolibet antè impetrato beneficio, aut iure beneficiali.

Contrarium tamen communiter tenent DD. Innoc. hic n. 7. Ioann. Andr. & Abb. n. 7. Imola n. 11. Felin. col. 2. Ioan. Azor tom. 2. lib. 6. cap. 33. q. 5. Ratio dari debet, non quia per expectatiuam ius beneficiale acquiratur, cuius mentio facienda sit, prout sentire videtur Azor cit. loco: sed quia taciturnitas huius expectatiue est rei intrinsicè pertinentis ad rescriptum posterius, quod Papa, si veritatem cognouisset, non dedisset, aut certè alio modo & conditione dedisset: Cum alioquin occasio præbeatur exercendis fraudibus; si duas, aut plures gratias, seu rescripta beneficia valide impetrentur, & quæ occasione plura in diuersis ecclesiis beneficia quandoque acquirantur. Cum itaque fraudibus & malitiis hominum obuiandum sit, & rescripta beneficia propter hominum arcendas cupiditates, odiosa censeantur, iuxta cap. 4. de præb. in 6. ideo existimandum est, contra intentionem Pontificis, atque obreptitiæ obtineri. Itaque in casu isto posterius datæ literæ irritæ erunt, præterquam si constet, aut probari possit, prioribus renunciatum esse.

Atque hæc inservient pro casu illo, si quis clericus ad beneficium presentatus, seu nominatus, aliud beneficium à Pontifice impetret, nulla presentationis illius mentione facta, nam literæ Papales obreptitiæ, & irritæ sint. Affirmandum cum Azor cit. q. 5. Non quod presentatus, propriè loquendo, ius ad beneficium consequatur, cum reuera non habeat nisi remotum ac præparatorium,

sed quia hac occasione ad pluralitatem beneficiorum, contra sacros canones, præter & contra voluntatem Papæ gratiam concedentis, aperiretur: Ideoque censeri hæc debet taciturnitas veritatis per se pertinentis ad negotium, quæ cognita gratia vel penitus facta non esset, vel saltem non eo modo, sed cum conditione, onere, &c. Quæ responsio saltem tunc vera est, si is cui presentatio facta, teneatur presentatum in beneficio instituere, per ea quæ tradit Felin. in c. in nostra n. 4. de rescript. Selua de benef. p. 3. q. 1. n. 1. & 2.

Ad argumentum 1. pro parte affirmante resp. ex ijs verbis nihil colligi posse pro questionis decisione: cum solum contineant casus Pontifici propositi relationem. Ad 2. patet responsio ex dictis.

CAPITVLVM XXXIII.

Ex parte.

PARAPHRASIS.

Papa privilegium concessit Degano & Capitulo ecclesiæ Laudunensis, vt contra iniustos impeditores suos sententiam excommunicationis proferrent. Vi huius privilegii excommunicarunt virum nobilem Ioannem, à qua sententia is ad Sedem Apostolicam appellasse videtur. In hac controversia vtrique pars misit procuratorem Romam, sed lite coram Papa contestata, cum procuratores rei gestæ fidem exhibere non possent, controversia commissa fuit iudicibus delegatis, eo adiecto, vt in causa procedant, tamen postea aliz literæ, sed absque striusque partis consensu, impetratæ fuerint. Ab his porro iudicibus citatus Ioannes, respondit se non obligari ad litigandum coram ipsis, quia Vincentium procuratorem ante expeditionem literarum reuocari propter suspicionem, quam aduersus eum acceperat. Sed contra hoc opposuit Capitulum, quod ea reuocatio mandati procuratoris nec ad ipsos, nec ad Pontificem peruenisset: quare iudices delegati pronunciarunt.

non obstante eà reuocatione ad ipsos spectare, vt de causa sibi commissa cognoscant. Quod cum agerent, procurator Capituli iudicibus exhibebat priuilegium Apostolicum, ex quo apparet, Capitulo potestatem non defuisse excommunicandi Ioannem: Ex aduerso stans procurator Ioannis alias literas Apostolicas postea impetratas exhibuit, quibus continebatur, vt si causam ex vtriusque partis voluntate definire non possent, illam cum sufficiente processu habiti informatione vnà cum priuilegio Capituli ad Sedem Apostolicam remitterent. Sed Capitulares dicebant, literas has posteriores irritas esse, quippe impetratas à Vincentio procuratore postreocationem mandati. His omnibus intellectis ac ritè perpèsis, Resp. Gregorius IX. Si reuocatio mandati ad procuratorem peruenerat, literas ab eo posterius impetratas irritas esse debere, ideòque à iudicibus delegatis causam decidendam esse secundum præcedentium Apostolicarum literarum concessionem. Cum enim in Concilio Lateranensi literæ Apostolicæ ad lites sine speciali mandato impetrari nequeant, nisi impetrans nomine alieno persona sit coniuncta, multò minus valere debet impetratio literarum facta à procuratore, posteaquam mandati sui reuocationem cognouit.

SYMMARIUM.

1. *Capitulum, etiam Cathedralis Ecclesia, de iure communi, iurisdictionem spirituales non habet: habet tamen interdum ex priuilegio Apostolica Sedis, aut consuetudine legitime præscripta.*
2. *Index notoriè iniuriam passus ratione publici officij, potest inconuenienti contra iniuriam inferentem procedere.*
3. *Index delegatus cognoscere potest, num sua sit iurisdiclio, etsi pars citata neget eis illam competere: scilicet est de Ordinario.*
4. *Pronunciatio, indicem se esse, est sententia interlocutoria: habens tamen vim*

definitiva, à qua etiam civili iure appellari possit.

5. *Dictum Aduersarij secundum vnum effectum impugnari potest, secundum alium admitti, vel etiam contra Aduersarium retorqueri.*
6. *Procurator ad negotia constitutus, re valide reuocetur, debet ei reuocatio intimari, & hoc sufficit, etiam si pars contrahens cum eo ignoret. Quæ post insinuatam reuocationem acta sunt, irrita habentur.*
7. *Excepitur tamen contractus matrimonij, & acceptatio beneficij ecclesiasticò facta à procuratore post reuocationem mandati, etsi eius notitia ad eum non peruenerit. Idem est, si sit simplex mandatarius, sine moris internuncius interuentis.*
8. *Etiã per tacitam reuocationem, quæ fit morte mandantis, reuocatur mandatum.*
9. *Procurator constitutus ad contrahendum, vel quasi contrahendum cum certa persona, in cuius præiudicium ac damnum edit reuocatio procuratoris, ordinari debet illi huius reuocatio insinuari debet, alius, licet eam faciat procurator, quæ gestata erunt.*
10. *Procurator ad lites post litem concessam, et valide reuocetur, reuocatio debet insinuari Iudici, vel Aduersario.*
11. *Procurator generalis ad negotia, sine Insistor, in certo loco constitutus, in eo reuocatio illius palam significanda.*

NOTANDUM I. Ver. auctoritate Apostolica indulgentia, Capitulum, quamuis sit ecclesiæ Cathedralis, non habet, iure communi spectato, iurisdictionem spirituales, cuius actus sunt excommunicare, interdictum ferre, &c. sed interdum ex priuilegio Apostolicæ Sedis, aut consuetudine legitime præscripta. Ita notat hic Ioan. Andr. Ant. Imola, Abb. Felinus, & alij, post Gl. in c. irrefragabili 13. ver. per Capitulum, de offic. Ordinarij, Gl. in c. dilecto 6. ver. Decano, de sent. excomm. in 6.

NOTANDUM II. Circa ver. *proculsione*, 2: Si cau-

Si causa offensionis notoria sit, potest is qui iurisdictione præditus est, contra offendentem, seu iniuriam ratione publicæ auctoritatis inferentem, incontinenti procedere. Quæ est limitatio quædam eius regulæ: quod nemo in propria causa iudex esse potest. Quæ doctrina etiam colligitur ex suprâ cit. c. dilectus, & notat hic Anton. n. 5. Dixi de hac re in Th. moral. lib. 3. tr. 6. c. 1. q. 4. except. 2.

3. **NOTANDUM III.** Ver. per quandam interlocutoriam protulisti. Iudex delegatus cognoscere potest, num sua sit iurisdictioni tametsi pars citata omnis iurisdictionis defectum obiciat, seu dicat, nullam penitus iurisdictionem competere ei, qui se delegatum afferit. Ratio dari debet. Quia iudex delegatus omnia agit nomine delegantis, cuius iurisdictioni eum, ut ponimus, fundata sit, & in dubium non reuocetur, habet etiam delegatus potestatem cognoscendi de eo, quod ab ipso promanat, videl. vtrum literæ delegationis valide sint, necne. Sed aliud dicendum videtur de iudice ordinario, v.g. Episcopo, cui si obiciatur, non esse legitimum Episcopum, id eo quod iurisdictione carente, de hoc dubio, si, uti pono, probabiliter opponatur, ipsemet cognoscere, & interlocutoriè dinoscere non potest, cum certus non sit de iurisdictione sua, siue, iurisdictioni eius fundata non sit. Et ita docet Abb. in c. super literis n. 10. casu 3. hoc tit. ibidem. Felin. n. 23. fall. 3. post Bartol. in Lex sententia, propè finem, ff. de testament. tutore, Baldum in l. Iudices n. 2. C. de fide instrument.

4. Circa idem verbum per quandam interlocutoriam, admonet Abb. hic not. 6, quod pronuntiatio iudicem se esse, sit sententia interlocutoria, habens tamen vim definitiuæ, ita ut etiam civilis iure ab ea appellari possit, secundum Gl. in Auth. Habita, in fine. C. Ne filius pro patre &c. Vide Andr. Gaill lib. 1. obseru. 130. n. 9.

5. **NOTANDUM IV.** Dictum aduersarij, quod aliquis impugnat secundum vnum effectum, admittere potest, imò etiam retorquetur contra aduersarium secundum alium effectum. Exemplum affert Bartol. in l. non trique, ff. de except. Si Titius debitor pupilli,

conuentus à tutore, excipiat se debitum soluisset pupillo, hoc in casu tutor exceptionem istam admittere poterit, quatenus Titius per eam virtualiter fatetur, debitorem se fuisse: non enim soluisset, nisi debuisset. Non autem admittet exceptionem eo fine, ut iterum soluere non teneatur, si solutio absque tutoris auctoritate facta fuit pupillo. Simili ratione in hoc c. Confessione Ioannis recipere noluisti Capitulum ad effectum irritationis, priorum literarum; Postea tamen eadem reuocationis confessione nixi sunt Capitulares ad effectum irritationis literarum posteriorum. Idque notauit Gl. hic ver. non valere dicebant, Abb. n. 5. dicens, quod aliquis fundare se potest super eo, quod impugnat, sed ad alium effectum impugnet, & ad alium se fundet. Videri etiam potest Abb. in c. bonæ 2. n. 29. de Prælat. Felin. in c. Capitulum n. 13. ad finem hoc tit.

NOTANDUM V. Acta à procuratore valida sunt, si reuocatio ad notitiam procuratoris non peruenit. Ita hic ver. si reuocatio, iun. Gl. ibidem. Imò si procurator ad lites constitutus sit, atque intersit aduersarij, & Iudicis, reuocatione cognitam esse, necesse etiam est, ipsis eam intimari, alioquin valebunt acta cum procuratore reuocato, prout ex hoc etiâ colligi potest, & paulò post declarabo.

QUESTIO enim hoc loco vniuersim tractari potest, Vtrum reuocatio Procuratoris valeat, tametsi non venerit in notitiam ipsius procuratoris, Iudicis, aduersarij, aut alterius partis contrahentis. Respondeo, & Dico I. Si procurator ad negotia constitutus sit, eius reuocatio antè vim non habet, quam ad ipsum peruenerit: quæ autem postea ab eo acta sunt, irrita censeri debent. Ita habetur in l. si mandasses 1. ff. mandati. Idemque locum habet in reuocatione tacita, quæ fit per mortem mandatis, l. inter causas 26. princ. ff. eod. & tradit Gl. communiter recepta in Clem. vi. ver. ignorantem, de renunc. Doctores alij apud Sanchez lib. 2. de matrim. disp. 11. n. 6. Ratio prioris partis assertur in cit. l. si mandassem, ne damno afficiatur is, qui mandatum suscepit. Interest enim plerumque procuratoris, mandati reuocationem scire: quandoquidem ipse contrahendo cum altero obli-

gationem contrahit, l. r. c. de sent. & interloc. Posterior verò pars, quòd videlicet sufficiat procuratori intimari reuocationem, etiam si pars contrahens cum eo, ignoret, inde probatur, quia aliorum contrahentium plerumque non interest reuocationem scire; cum saltem procuratorem sibi obligatum habeant, iuxta cit. l. r.

- 7 Sed excipitur primò contractus matrimonij, quod validum non est, si celebretur à procuratore ignorante reuocationem mandati sui, quod habuit cum certa persona nomine mandantis contrahendi, e. ult. §. sanè, de procurat. in 6. Ratio est, quia cum consensus contrahentium principalium ad essentiam matrimonij requiratur, ideo iure iuris supplere non potest, sicuti in aliis contractibus supplet, prout bene explicat Suarez citato loco.

Excipitur secundò cum Felin. hic n. 11. Quod acceptatio beneficii ecclesiastici facta à procuratore non valet, post reuocationem mandati, etsi ad procuratorem non peruenerit. Rationem dat Felin. quia inter beneficiarium & ecclesiam quasi spirituale matrimonium quoddam contrahitur, ad cuius valorem consensus acceptantis formalis & actualis requiritur. Sed alia ratio dari potest ex l. si pater 4. ff. de manumissis vindicta, ubi Bartol. & Dynus generalem regulam tradunt, quòd reuocatio mandati valet, etsi non perueniat ad noticiam mandatarij; si exinde non lædatur, siue eius non interfit, sicuti accidit in casu beneficii pro altero acceptati.

Obstare autem videtur Clem. vi. de Renunc. ubi habetur. renunciationem beneficii factam à procuratore post reuocationem eius, validam esse, etsi reuocatio neque ad procuratorem, neque ad eius, in cuius manibus renunciatio fieri debet, noticiā peruenerit. Sed persistendo in tradita doctrina, respondetur, id specialiter ibi constitutum esse in casu renunciatii beneficii; ad puniendam inconstantiam, quæ ecclesiasticas personas, præsertim in hoc rerum genere, non parum dedecet, uti ex princ. eiusdem Clem. satis colligitur. Videri possunt Dominicus, & Ancharanus & alij in cit. c. ult. de procurat. in 6.

Tertiò excipi, seu potius declarari assertio debet; Si non sit procurator, cui potestas situe generalis, siue specialis ad negotia peragenda data sit, sed simplex mandatarius, siue moris internuntius, & instrumentum mittentis. Huius executio non valet post mandati reuocationem, etsi reuocatio ad noticiam ipsius non peruenerit, uti hic notauit Felin. num. 18. Petr. Ancharan. in cit. cap. ult. Molina tom. 1. tract. 2. de iustit. disp. 269. num. 4. Sanchez cit. disp. 11. num. 7. Exempli causa, si miseris nuncium, vel famulum cum simplici mandato donandi scptum aureum Sempronio, non valebit traditio donatioue facta, postquam mutata voluntate, reuocasti mandatum: Si tamq. nuncius, siue simplex iste mandatarius, vel qui cum eo bona fide contraxit, damnum inde passi sint, iis rescarcire debes; quippe cum causa eius fueris.

His adde, quòd etiam per tacitam reuocationem, quæ fit morte mandantis, reuocatur mandatum. v. g. donandi aliquid alteri, ut postea efficaciter impleri non possit, l. z. iun. Gl. ver. dominij, ff. de donat. & docui lib. 3. Theol. moral. tr. 4. c. 1. n. 4. & 9.

Dico II. Si Procurator constitutus sit 9 ad contrahendum, vel quasi contrahendum cum certa persona, in cuius præiudicium ac damnum reuocatio procuratoris cadere potest, hoc in casu, ordinariè loquendo, necesse est, reuocationem etiam personæ illi innoscere: alioquin rata erunt, quæ à procuratore, quamvis sciente reuocationem, adeoque malà fide acta fuerunt. Ita docet Abbas hic num. 10. Felin. num. 22. Angelus in tit. Instit. de mandato, §. rectè, n. 7. Nota autem, quod dixi de procuratore constituto ad contrahendum, v. g. emendum, mutuo accipiendum à certa persona, aut quasi contrahendum, videl. in iudicio, iuxta l. 3. §. Item scribit, ff. de peculio: Si enim misisti procuratorem ad lites, & isque litem cum aduersario tuo contestatus est, quod is postea egeris, ratum habere debes, tametsi mandatum reuocaras, si reuocatio ad Iudicem, vel aduersarium non peruenerit, uti colligitur ex hoc c. & habetur expres-
sè

hūs in c. mandato 13. de Procurator. & do-
cet Abb. in cit. n. 10. Felin. cit. n. 24. Bartolus
in l. vn. n. 7. C. de satisfaciendo.

11. His addendum est; Si quis in certo loco
generalem procuratorem ad negotia, seu
potius institorem constituerit v. g. ad mer-
ces vendendas, necesse esse, vt eius reuoca-
tio palam in eo loco significetur, prout do-
cet Bartol. in cit. l. vn. n. 9. Ioann. Andr. hic
n. 17. Felin. n. 7. Abb. in c. 3. n. 5. de procurat.
& sumitur ex l. sed si pupillus 9. §. de quo.
ff. de institoria actione. Institor autem est,
qui tabernæ, vel cuiuslibet alteri negotiationi
præpositus est; ita dictus, quod negotiū ge-
rendo instet, l. institor 3. ff. eod.

Ex dictis denique clarè intelligi potest;
Cur reuocatio procuratoris in casu huius c.
facta à Ioanne sine Capituli, & Papæ notitia,
sufficiens non fuerit ad infirmandas literas
prioris, quippe cum ex post litis contesta-
tionem à Sede Apostolica, eum vtriusque
partis consensu impetratæ fuerint; ideòq;
reuocatio præiudicialis esse potuit, tam Ca-
pitulo liganti, quam ipsi Pontifici, coram
quo lis introducta fuit. At verò eadem
procuratoris reuocatio, si, vt posuitur, ad
ipsius notitiam delata est, non item ad no-
ticiam Capitali & Pontificis, sufficiens fuit
ad infirmandas literas posteriores, quippe
quæ extraiudiciales erant, atque in commo-
dum solius impetrantis datæ. Vide Gl. in
casu Abb. hic n. 10.

CAPITVLVM XXXIV.

Significante.

ΠΑΡΑΡΗΚΤΗ.

Raphaël literas Apostolicas ad iudices quos-
dam impetrauit contra Vitum super con-
trouersia de Bannis, & quibusdam alijs
similibus. In literis autem scriptum erat
de Vito diocesis Remensis. Vitus à iu-
dicibus citatus opposuit se vigore eius
rescripti conueniri non posse, quia non
de Remensi, sed Leodiensi diocesi sit.
Cum autem iudices exceptionem hanc
admittere nolentes nihilominus proce-

derent, ab ijs appellauit ad Sedem Ro-
manam. Quare Gregorius IX. scripsit
ad Decanum & Canonicum quendam
ecclesiæ Leodiensis, vt, si rem ita se ha-
bere cognouerint, irrita esse declarent,
quæ à prioribus iudicibus acta fuerunt.

SUMMARIVM.

1. *Rescriptum impetratum contra homi-
nem, qui in eo dicitur esse cetera diocesis,
qui tamen est alterius, obreptitium ha-
betur.*
2. *Error in nomine, siue alijs signis, aut
qualitatibus rei demonstranda causâ
adiectis, nihil obest dispositioni, si res
ipsa nota sit; secus est, si error in his fiat
per modum determinationis, siue taxa-
tionis.*
3. *Mandata de beneficio providendo non
debent ad casus alios, quam expressos
extendi.*

NOTA NDVM Vn. Qui coram Iudice per
literas Papæ delegato in aliqua diocesi
conuenitur, in quibus dicitur, conuentum
esse eiusdem diocesis, cum tamen ex alia sit
diocesi, contra literas, tanquam obreptitias
excipere potest. Hic est verus sensus, ac ve-
luti mens c. huius, prout significat Gl. hic
ver. Non de Remensi, & bene declarauit San-
chez lib. 8. de matr. disp. 21. n. 39. Eandem-
que doctrinam tradidit Baldus in l. prescrip-
tione 15. C. Si contra ius &c. Si quispiam
in supplicatione narrans pecuniam se mutu-
asse Titio, ciuitatis Perusinae, cum tamen is
iurisdictioni illi subditus non sit, impetrat
contra eum rescriptum iustitiæ ad Iudicem
Perusinum, reus citatus excipere & rejicere
potest rescriptum. Quia error iste causa
finalis fuit, cur ad hunc iudicem rescriptum
fuerit directum, eò quod, sicuti Baldus ibid.
ait, & Innoc. in c. dilecti n. 3. de foro comp.
Vbi quis sortitur forum Ordinarij, sortitur
etiam forum eius, cui Ordinarius subordi-
natus est, videl. Papæ, qui est Ordinarius Or-
dinariorum.

Aliiter verò formant casum, atque deci-

fionem huius c. Innoc. Ioann. Andr. Anton. Imola, Abb. Felin. in princ. siue num. v. quod rescriptum impetratum contra hominem vnius diocesis, non extenditur ad hominem eiusdem nominis alterius diocesis. Id verò diuersimodè explicat: Vel vt error acciderit circa personam, quia is, contra quem in alia diocesi existentem rescriptum impetratum erat, alius homo fuit, quamuis eiusdem nominis. Et secundum hunc sensum, quem sequitur Abb. antiquus hic, doctrina quidem vera est, sed non congruit verbis c. huius. Vel vt error duntaxat acciderit circa qualitatem personæ, quasi ea esset huius diocesis, cum tamen alterius esset, interim verò constaret de corpore. Et hic casus magis conuenit c. nostro: quandoquidem Virus conuentus non negauit se eum esse, contra quem rescriptum impetratum est; opposuit verò se non ex diocesi Ramensis esse, sicuti in literis continebatur, sed ex Leodiensi. Qui tamen error cum consistat in qualitate accidentariæ demonstrationis, disputant DD. citati, num is vitare debuerit rescriptum.

Pro intellectu huius rei annotanda est doctrina communiter recepta, quam hic tradit Abb. n. 4. & in c. super literis n. 6. Felin. ibid. n. 3. limit. 4. Rota Roman. dec. 4. aliis 582. de rescript. in antiquis. Sanchez cit. disp. 21. n. 35. & seqq. Error qualitatis adiectæ per modum demonstrationis, si de rei corpore constat, rescriptum, aliamue dispositionem non vitiat, si etiam sine tali errore, dispositio aut concessio ita facta fuisset. At verò error qualitatis adiectæ per modum determinationis, siue taxationis, vitiat rescriptum siue dispositionem: esto, error non fuerit eius causa: quia etiam eo remoto dispositio aut rescriptum ita prodixisset. Prior pars huius doctrinæ habetur in l. demonstratio 17. ff. de condit. & demonstration. Si ita seruus legatus sit, Stichum. cozum, Stichum Sutorum Titio lego, licet neque cozum, neque sutor sit, ad legatum pertinere, si de eo sensisse testatorem conuenit. In l. si quis fundi 4. ff. de legatis 1. Si quis in fundi vocabulo errauerit, & Cornelianum

pro Semproniano nominauerit: debet Sempronianus. Et Instit. de legatis: Si quis in nomine, cognomine, prænominis, agnomine legatarij errauerit, si de persona constat, nihilominus valet legatum. Nomina enim significatorum hominum causa repta sunt, qui si alio quolibet modo intelligantur, nihil interest. Quæ ratio generaliter probat traditam doctrinam, errorem siue in nomine, siue alijs signis aut qualitatibus rei demonstrandæ causa adiectis, nihil obesse dispositioni, si res ipsa nota sit, prout etiam habetur in c. l. demonstratio. Nam si persona legatarij designanda aliquid erroris fuerit, constat autem cui legare voluerit, perinde valet legatum, ac si nullus error interuenisset.

Idemque euenire potest in gratijs, ac dispensationibus: Si v. g. dispensatio petita sit pro Iacobo Fabro; ac verò in rescripto, per errorem, nominetur Iacobus Molitor; vel scribatur pro Iacobo Fabro, & dicatur esse Doctor Decretalium, cum sit Doctor Legi.

Sed dubium est, quod mouet Sanchez cit. disp. 21. n. 38. Si ponamus, Iacobum Fabrum esse hominem notum Pontifici, quem per errorem imaginatur sibi esse supplicantem, & ideo eius nomen rescripto siue gratiæ dispensationis inseritur, quæ tamen, vt pono, nihilominus emanasset erga Iacobum Molitorem, nisi error interuenisset, num rescriptum gratiæ prodesse possit supplicanti Iacobo Molitori? Affirmat Sanchez cit. disp. 21. n. 38. Quia in hoc casu error potius speculatiuus, quam practicus interuenit, quando Papa, propter merita causæ sibi propositæ, absolute vult dispensationis gratiam conferre homini supplicanti, vel pro quo ipsi supplicatur, licet quoad applicationem error, existimans esse alium hominem, quam reuera sit, iuxta ea quæ de intentione Ministri in sacramentis docui moral. Theol. lib. 5. tract. 1. cap. 4. n. 6. Respondeo autem, licet hæc doctrina valde probabilis sit, si loquimur de concessione gratiæ secundum se, quatenus ad substantiam eius, saltem in conscientiæ foro, scriptura non requiritur; sed sufficit Principis voluntatem declaratum & cogni-

cognitam esse: cuiusmodi voluntas hic deesse non videtur: Attamen ipsam rescriptā dispensationis in voto, v.g. aut impedimento matrimonij; multoque magis beneficiāle, aut ad lites, (quippe magis odiosum) irritum erit, nec executioni mandandum. Nam error circa personam, tanquam substantialis, vitiat rescriptum, vti omnes fatentur: In hoc autem rescripto continetur error circa personam, & quidem non atoidentaliter seu quoad nomen tantū; (quia positus est *Jacobus Molitor* per errorem pro *Jacobus Faber*) sed per se, & ex intentione concedentis, quia is putabatur pro hoc homine petitum esse. & ideo pro eo rescriptum fuit.

Nunc probatur altera pars suprà traditæ doctrinæ, & quidem ex iam tradito fundamento. Quod error rescriptum, aut dispositionem quamlibet vitiat, si sit circa substantiam rei, quæ conceditur, aut personam cui conceditur, & vno verbo circa substantialem obiectum eius, prout docui lib. 3. moral. Theol. tract. 4. cap. 5. n. 1. At verò error qualitatis rescripto adiectæ per modum determinationis, seu taxationis redundat in personam, aut substantiam rei, quæ per qualitatem determinatur, vti docui lib. 5. moral. Theol. tract. 10. p. 4. cap. 2. assert. 2. limit. 2. Exemplum huius rei in rescripto iustitiæ attuli suprà in c. super literis not. 2. declar. 4. hoc tit. In legatis exempla sunt: Si ita legaverit testator: *Pecuniam, quæ in designata arca est, Titio dari volo*, irritum est legatum, si in arca pecunia nulla sit. Sin verò ita: *Pecuniam, quæ in arca est, atque olim mihi à Caio donata, Titio detur*, valet legatum, si pecunia in arca sit, licet testatori à Caio non donata, eò quod satis constet de corpore pecuniæ: vt proinde per falsæ qualitatis demonstrationem vitari non debeat legatum, iuxta suprà cit. l. demonstratio, & l. quidam testamento, 99. iun. Gl. margin. noua, ff. de legatis 1. & Instit. de legato, §. Huic proxima. Eademque ratione, si error accidat circa personam, cui legatur: *Habeo nunc seruum in villa: eum manumitti iubeo*; irritum est dispositio testatoris, si seruus quidem

habeat, sed nullum in villa; Sin autem dicat, *seruum meum Pamphilum, quem nunc in villa alo, manumitti iubeo*, valida est dispositio, cum de persona constet. Semper tamen excipiendum, nisi de contraria testatoris voluntate liquidò appareat.

In rescriptis ad beneficia elegans casus, siue exemplum doctrinæ eius, habetur in c. susceptum 6. hoc tit. Si Papa pro duobus clericis beneficium quoddam vacans postulantibus scripserit, quorum prior proposuerat, vacare illud per obitum; posterior verò scripsit vacare per cessionem beneficiarj; hoc in casu beneficium ei conferri debet, qui posterius impetravit, si non per mortem, sed per cessionem seu resignationem vacet. Eodemque in c. generalis regula traditur, Si Papa mandet Titio beneficium conferri, quod per renunciationem Caij vacabit, non posse illud Titio conferri, si Caius prius moriatur, quam beneficium renunciet: adeoque illud per obitum vacare contingat. Rationem ibi assignabimus ex verbis eius c. Quia beneficium per obitum vacans est veluti species distincta à beneficio vacante per renunciationem: Siue, vt aliter dicam, qualitas hæc vacationis per renunciationem est determinatiua seu specificatiua beneficij, consequenter si qualitas in beneficio desit, siue in ea erratum sit, vitabitur commissio siue rescriptum.

Cæterum, si constet de subiecto, ac veluti corpore alicuius beneficij vacantis, v.g. per renunciationem Caij, adijciatur verò falsa demonstratio, vt quod sit patronatus laici, cum sit ecclesiastici, vel liberæ omnino collationis, eiusmodi error non vitiat rescriptum, si etiam eo sublato, rescriptum eodem modo emanasset; neque Curie Rom. stylus expressionem eiusce qualitatis postulet.

Simili ratione in c. cum de non 27. de præb. in 6. habetur: Si Papa mandet alicui conferri præbendam sacerdotalem, non posse ei conferri præbendam non sacerdotalem, seu diaconalem: Item, si mandet alicui conferri præbendam integram, non posse conferri dimidiam, tametsi impetrans, siue is pro quo scribitur, dimidia contentus esse velit: denique si

Papa mandat alicui conferri præbendam certi valoris, aliam minoris valoris, etiam volente impetrante, conferri non posse: Adverte autem ad verba eiusdem c. *In ecclesia, in qua integræ & dimidia præbendæ habentur*. Ex his enim apparet superius tradita doctrina, si subiectum secundum se indeterminatum & ad diuersas veluti species indifferens, determinetur ad rem siue speciem certam, esse qualitatem taxationis: Secus autem esset, si omnes præbendæ in aliqua ecclesia dimidiæ aut minoris valoris essent, & Pontifex pro Titio scriberet, ut vacans, aut proximè vagaturæ præbendæ, quæ integra, aut maioris valoris sit, conferretur. Hoc in casu conferri debet præbenda dimidia: quia qualitas, in qua errauit Pontifex, non taxationis, sed demonstrationis tantum est.

Adiungitur verò ibid. veluti confirmationis causa, quod huiusmodi mandata de providendo beneficio non debent ad casus alios, quam expressos, extendi: Quia fines mandati diligenter sunt custodiendi, l. diligenter §. ff. mandati. Neq; interpretatione benignâ, siue per epikeian extendi potest, eâ ratione, quod Principalis etiam alterum mandatum fuisset, si in mentem ei venisset &c. Cum enim aliud, & non istud mandarit, sequendus est tenor & forma mandati, ut docet Innoc. in c. super literis n. 3. hoc tit. Et ideo generalem regulam tradit idem Innoc. hic, Syl. ver. rescriptum q. 1. in fine, Philip. Decius in reg. 110. ff. n. 13. quod rescripta ad beneficium de casu aut persona expressa ad casum aut personam non expressam extendi non possint.

Ex dictis intelligi potest Rotæ Roman. decis. 4. de rescript. quam supra allegauimus, Abb. hic n. 6. & in c. super literis n. 6. eod. tit. Felin. hic n. vii. Si Papa iusserit conferri alicui beneficium sacristiæ, & appellauerit dignitatem, eadem esset duntaxat officium, non conuere rescriptum: quia error est in qualitate demonstrationis, non taxationis, seu determinationis: sed neque causa est concessionis gratiæ: quia si Papa sciuisset, non esse dignitatem, nihilominus cõcessisset: etiam

qui digni maiore reputauit, etis minore donasset. Quæ vera doctrina est, dummodò ponamus, constare de certo beneficii corpore, quod conferendum sit, & per errorem appellari dignitatem, sicuti ibidem Rota supponit. Secus verò dicendum foret, si Papa mandat, conferri alicui dignitatem in ecclesia, ita ut ea qualitas sit determinans beneficii conferendi: Aut si mandetur alicui conferri beneficium curatum, ita ut eam sit qualitas determinans beneficii: non poterit vi huius rescripti conferri officium, aut beneficium simplex, prout ex supra dictis constat.

His explicatis, restat, ut ad quæst. respondeam, in qua interpretes hic laborant. Cum enim in casu huius c. persona, contra quam rescriptum impetratum erat, nota esset, error accidentarius circa diocesin non debebat obesse rescripto. Respondent Abb. hic n. 4. Henric. Boich n. 3. & alij, non posse opponi contra eiusmodi rescriptum, propter expressionem alterius diocesis, sed propter distantiam itineris, si ponamus, Iudicem, ad quem reus tractus fuit, ultra duas dietas, & iure nouo ultra vnam distare.

Veruntamen retentâ explicatione huius c. quam in not. vn. proposui, aliter dicendum, in hoc ipso casu, si quis Iudicem ultra duas, aut iure nouo, ultra vnam dietam à diocesi sua impetrarit, obreptitiæ, seu falsò asserens se ex alia diocesi esse, errorem hunc esse intrinsecum rescripto siue delegationi ad hunc Iudicem directæ: & causam principalem siue finalem eius, quia si Papa veritatem cognouisset, huic Iudici nequaquam delegasset: aut saltem non tali modo, ac formâ, sed cum clausula derogatoria dietarum &c. Ideoque contra rescriptum istud tanquam obreptitium, ratione falsò nominatæ diocesis, rectè excipitur, prout in hoc c. manifestè indicatur.

CAPITVLVM XXXV.

Rodolphus.

PARAPHRASIS.

Remigius literas impetrauit contra Episcopum

pum Sagiensem, & quosdam alios Sagienſium diœceſis, ſuper controuerſiis de redditibus & aliis rebus. Iudices delegati vigore huius reſcripti citarunt Valentinum Reſtorem eccleſiæ S. Chriſtophori in ciuitate Sagienſi, quocum controuerſia Remigio erat, forteſſe de iure decimarum. Sed Valentinus excipiendo propoſuit, quod vi huius reſcripti Apoſtolici conueniri non poſſit, cum ipſe de ciuitate ſit Sagienſis: clauſula autem illa, *Et quosdam alios de diœceſi Sagienſi*, non comprehendat exiſtentes in ciuitate, ſed extra ciuitatem. Cum autem iudices exceptionem hanc admittere nollent, Valentinus ad Papam Gregorium XI appellauit, qui poſtea reſcripſit, exceptionem iuſtam fuiſſe, ideoque irrita eſſe declaranda, quæ à iudicibus illis contra Valentinum acta vel decreta fuerunt.

SUMMARIUM.

1. Per reſcriptum impetratum contra homines diœceſis, non intelliguntur, nec conueniri poſſunt homines ciuitatis, quæ eſt caput diœceſis.
2. In materia odioſa vocabulum accipi debet ſtriſſe, modo fraus aut eluſio ſtatuti, vel diſpoſitionis ſequi non poſſit, in materia fauorabili, ample & hoc etiam in materia indifferente, ſi ampla acceptio magis vocabulo propria, & uſitata eſt.
3. In materia odioſa nomine ciuitatis tantum comprehenduntur, quæ murorum ambitu continentur, in fauorabili, adiacentia ſuburbia, & pagi adciuiſatem pertinentes.
4. In fauorabilibus nomine territorij, diœceſis, aut diœceſanorum, intelliguntur etiam loca & perſona intra territorium, aut diœceſim exempta.
5. Prorogatio iuriſdictionis delegata parti cum conſenſu fieri non poſſe de perſona ad perſonam, poſſe tamen de re ad rem.

poſſunt conueniri homines ciuitatis, quæ eſt caput diœceſis. Ita omnes hic.

Pro intellectu autem, ac deſenſione huius cauetur eſt; Non raro accide, vt vocabulum vnũ, & non inuſitatũ, vel etiam propria ſignificatione, accipitur late, alia verò, etiam in conſuetã ſignificatione, capiatur ſtriſſe, ſpecificè, aut partialiter. Tum verò ſi non appareat, quænam fuerit mens ſtatuentis aut diſponentis, adeoque in dubio, vtra earum acceptationum præferenda ſit, hæc regula tradi debet. Quod in materia odioſa, vocabulum accipi debet, ſecundum ſtriſſam ſignificationem, dummodo fraus, aut eluſio ſtatuti, vel diſpoſitionis ſequi non poſſit. At verò in materia fauorabili, vocabulum accipi debet ſecundum amplam eius ſignificationem. Imò etiam in materia indifferente, ſi ampla ea acceptio magis vocabulo propria, magisue uſitata ſit. Ita docent hic Imola, Abb. Felin. & alij.

Nunc afferemus exemplum doctrine:

Primum eſt in c. ſi ſententia 26. de ſent. excomm. in 6. vbi habetur, quod interdicto populo, ſi aliud expreſſum non ſit, non cenſetur interdictus clerus. Ratio eſt: Quia populus ſæpe ita accipitur, vt à clero diſtinguatur: quare cum materia interdicti poenalis, ideoque odioſa ſit, vocabulum *populus* in dubio, iuxta ſtriſſiorem hanc ſignificationem accipi debet. At verò in materia fauorabili, vt ſi priuilegium ſeu gratia aliqua concedatur populo Auguſtano, etiam Clerici ac Religioſi ingeoꝝ comprehenduntur, argum. 5. Plebs autem, Inſtit. de iure natur. gent. & ciuili, vbi diſcitur, quod appellatione populi vniuerſi ciues ſignificantur, connumeratis etiam patrijs & ſenatoribus. Videri poteſt Syl. ver. clericus t. q. 2. Angel. eod. ver. 1. n. 2. & quæ hic Felin. congeſſit n. 18. Simili ratione docui in Theol. moral. lib. 1. tract. 5. p. 4. c. 4. n. 3. Quod in materia odioſa nomine clericorum non venit Episcopus, neque Religioſi: At verò in materia fauorabili comprehenduntur, cum verè cleriſi ſint.

Alterum. Nomine ciuitatis in materia odioſa, ea tantum continentur, quæ murorum ambitu incluſa ſunt, non item adiacentia ſuburbia

NOTANDUM Vn. Per reſcriptum impetratum contra homines diœceſis, non

urbia, & pagi ad ciuitatem pertinentes; vt colligitur ex c. si ciuitas 17. de sent. excomm. in 6. & docet Abb. hic n. 4. Felin. n. 1. Excipi tamen debet, vt suprà, I. Nisi aliud appareat ex verbis dispositionis. II. Nisi fraus aut illusio statuti, aut dispositionis sequi possit: tunc enim, vt ait Pontifex in cit. c. si ciuitas, expedit etiam in odiosa materia, ampliorem interpretationem fieri, videl. si ciuitas interdicta sit, vt etiam adiacentia suburbia comprehensa intelligantur, quia alioquin clerici celebrandi causa passim ad suburbia se conferrent.

At verò in materia fauorabili nomine ciuitatis, aut vrbis veniunt etiam loca adiacentia, vt colligitur ex l. 1. ff. de offic. Præfetti vrbis, & Lædificia 139. ff. de verb. signif. Veruntamen interdum ex circumstantiis apparet, quòd v. g. testator ciuitatem expresserit, vt à locis adiacentibus distingeret: e. c. *Lego Sempronio frumentum omne, quod in ciuitate habeo.* non videtur tunc legasse frumentum, quod extra ciuitatem est in horreis; præterquam, si inibi ad tempus tantum fuisset, vt postea ad ciuitatem transferretur. At verò si testator frumentum leget, quod Romæ habet, videri potest intellexisse etiam de frumento, quod in suburbij horreis asseruatur, prout Baldus hic docet n. 8. Felin. n. 3.

Huc etiam spectat, quòd natus in vico, vel castro vicino ciuitati, pertinente ad eius iurisdictionem, è ciuitate oriundus dicatur, l. Qui ex vico 30. ff. Ad Municipalem, l. Qui in continentibus 147. ff. de verb. signif. & notauit Bartol. in l. 1. n. 2. ff. Ad Municipalem.

4 Tertium. In fauorabilibus nomine territorij, diocesis, aut diocesanorum comprehenduntur etiam loca & personæ intra territorium aut diocesim exemptæ, non item in odiosis, vel onerosis, prout ex Paulo Castrensi consil. 132. refert & commendat Felin. hic cit. n. 18.

Quantum exemplum habemus in c. isto. Nam licet nomen diocesis frequenter, & quidem non improprie ita accipiat, vt etiam ciuitatem comprehendat, in qua ecclesia Cathedralis est, vt colligitur ex c. 1. de

off. Ordinarij, & c. vn. iun. Gl. ver. diocesi, de rerum permut. in 6. Interdum tamè strictius accipitur, pro reliquo territorio ad spiritualem Episcopi iurisdictionem pertinere, præter ciuitatem sedis & ecclesie Cathedralis, vt colligitur ex c. quamuis 4. de præbend. in 6. Quamobrem hæc acceptio diocesis in scriptis ad lites, quippe quæ odiosa sunt, idèque strictæ interpretationis esse debent, e. nonnulli 28. ff. suat & alij. hoc tit. præferenda est, nisi ex adiunctis aliud colligi debeat.

Nihilominus decisionem huius c. Petr. Greg. Tholos. hic & alij apud Abb. n. 3. tanquam minus iuridicam impugnât. Eò quòd ciuitas, in qua est ecclesia cathedralis, sic caput diocesis: ideo comprehendi debeat in diocesi. Respondeo, Si dicere velint, ciuitatem cathedralem reipsa contineri in diocesi, sicuti caput in corpore, nemo id negat: Sin autem velint, nomen diocesis nunquam usurpari pro reliquis eius partibus, præter ciuitatem cathedralem seu episcopalem, negari debet, Cùm iniustum non sit, vnâ speciem aut partem præcipuam ita usurpari, vt in communi nomine siue appellatione non veniat, prout videre est apud Canonistas super rubr. tit. de cognat. legali. Atque ita etiam caput non infrequenter accipi solet, vt à corpore reliquo distinguatur. Nonne etiam Episcopus est præcipuus clericorum, & tamen nomine cleri, aut clericorum in materia odiosa comprehendi non solet? Item Cathedralis ecclesia est caput ecclesiarum reliquarum diocesis, & tamen expressè respondit Bonifac. VIII. in suprà cit. c. quamuis, Si Papa mandet alicui beneficium provideri in aliqua ecclesia ciuitatis aut diocesis, mandatum istud ad ecclesiam cathedralem extendi non posse: Quia propter specialem eius honorem, sub ea verborum generalitate, in materia strictæ interpretationis, non censetur inclusa. Ex quo simili ratione inferunt Ioan. Andr. & Abb. hic n. 5. cum Gl. in c. accepimus 13. ver. in maiori ecclesia, de at. & qualit. Si Papa mandauerit alicui beneficium conferri in diocesi, non posse ipsi conferri in ciuitate episcopali quia in materia stricta, qualis hæc est ci-

est circa beneficia rescripta, nomine dio-
cesis non venit ciuitas episcopalis, seu cathe-
dralis.

¶ **Q**UASTIO hic moueri solet circa Glos-
fin. huius c. Si Papa secundum formam hu-
ius c. Iudices deleget, ad cognoscendam cau-
sam, quæ est contra Episcopum & quosdam
de diocesi: atque aliqui ex ciuitate cathe-
drali, vi huius rescripti conueniatur, qui
nihil excipiens in iudices consentiat, vtrum
processus valeat. Glossa hic rectè negat. Nam
priuatorum consensu dari non potest iuris-
dictio ei, qui nullam habet, l. 3. c. de iurisdic-
t. omni. Iudicium: Atqui delegatus iudex non
habet iurisdictionem, nisi secundum depen-
dentiam à voluntate delegantis, seu mandan-
tis. Cum itaque super personis in ciuitate
non sit ei iurisdictionis mandata, non potest eam
partium consensu acquirere, prout expressè
decisum est in c. P. & G. 40. de off. deleg.

Existimant tamen Ioan. Andr. hic n. 13.
Abb. n. 10. Imola in fine c. non improbabili-
ter, contra Gl. final. hic: Si in iudice delega-
to erga personam ad sit fundamentum iuris-
dictionis, posse rescripti extensionem fieri ad
res sub eo non comprehensas, si partes ex-
pressè veltacitè consentiant: c. c. Si Ecclē-
siæ Præpositus contra Decanum impetret
rescriptum ad Iudices super pannis & qui-
busdam aliis rebus: posse Iudices delegatos
maiorē etiā causam, quā sit ea de pan-
nis, proponente Præposito, cognoscere, si
Decanus non excipiat, ex c. sedes 15. hoc tit.
Ideoque aiunt, licet prorogatio iurisdictionis
delegatæ, partium consensu fieri non pos-
sit de persona ad personam, fieri tamen posse
de re ad rem.

CAPITVLVM XXXVL

Significauit.

PARAPHRASIS.

Gaspar & Bonifacius literas à Pontifice im-
petrarunt aduersus Episcopum Tullen-
sem, & quosdam alios clericos: vigore ha-
rum literarum iudices citarunt Comitissam
Namutensem, eò quod frater eius,

cui in Comitatu successerat, pecunias
mutuas acceperat à Gaspare & Bonifacio.
Sed Comitissæ procurator exceptionem
opposuit, eum frater illius tempore im-
petrarum literarum in viuis fuerit, & in
iudicium non vocatus, ipsam conueniri
amplius non posse vigore eius rescripti.
Sed Iudices hanc exceptionem admittere
noluerunt: quare ipsa appellauit ad Sedem
Apostolicam. Vnde Resp. Gregor. IX. Ab-
bati S. Iacobi, vt si res ita se habeat, acta
omnia contra Comitissam irrita esse pro-
nunciet.

SUMMARIVM.

1. Si per clausulam rescripti conueniendus moriatur ante litem contestatam, hæres eius conueniri non potest.
2. Prælati successor per eiusmodi clausulam conueniri potest, etsi rescriptum impetratum sit viuentis Antecessoris.

NOTANDVM VN. Si vi rescripti, seu fa-
ctæ delegationis per clausulam genera-
lem, & quosdam alios, conueniendus, ante
contestatam litem moriatur, hæres eius conueni-
ri non potest. Ita Gl. & alij communiter hic.

Ratio huius declarationis est ista: Hæres ad-
eundo hereditatem non suscipit obligatio-
nes pastorales, quas defunctus ante mortem
contraxit. Atqui frater huius Comitissæ
ante mortem ex Papali rescripto obligatio-
nem nullam suscepit: Ergo Comitissa, ratio-
ne hereditatis aditæ, siue vt hæres, loco fra-
tris defuncti conueniri non poterat vigore
eius rescripti. Maior est certa, Minor decla-
randa. Siquidem per clausulam eam gene-
ralem, & quosdam alios, optio datur impe-
tranti, quoniam conuenire velit: Itaque pri-
usquam voluntatem suam declarauerit, litem
mouendo personæ particulari, vid. Comitissæ,
nullam is ex rescripto Pontificio obligatio-
nem contraxit, argum. c. pastoralis 14. in fi-
ne, hoc tit.

Exinde colligitur primò, quod aliter di-
cendum, si in Papali rescripto nominatos fu-
isset Comes: tunc enim rescriptum respec-
tum habuisset ad eum particularem homi-
nem,

nem, in cuius demortui locum hæres succedit, cum iuris fictione hæres eadem persona eum defuncto intelligatur, Authent. de iureiurando à moriente præstito, coll. 3. & eum Gloss. communiter hic docent interpretes.

Secundo, quod aliter dicendum, si Comes ab adversario vigore rescripti, ante mortem suam in iudicium vocatus sit: tunc lite cum eo coepta per citationem, obligatio ex rescripto transiit ad hæredem eius Comitissam, sicuti ex hoc ipso c. colligitur per sensum cōtrarium, & docet Gl. recepta ver. viveret.

Tertio, quod aliter dicendum, si debitum ex mutuo incubuisset Comiti non obligatione personæ, sed ratione rei, siue quatenus erat possessor Comitatus: tunc enim Comitissa, ad quam Comitatus devolutus, vigore eius rescripti cum clausula generali, conveniri posset, uti eadem Gl. annotavit, & constat ex c. dilecti 17. de foro comp. ex quo habetur, quod Prælati successor per eiusmodi generalem clausulam conveniri possit, tametsi rescriptum impetratum sit, dum antecessor viveret: quandoquidem Prælati per se non conveniunt, sed ratione ecclesiæ aut dignitatis, quæ non extinguuntur, sed ab uno Prælato ad alterum transit, argum. c. quoniam Abbas 14. de off. deleg. Atque ita docet Ioan. Andr. hic n. 12. Abb. n. 4. Quare etiam vice versa, si Prælati nomine ecclesiæ suæ literas à Papa impetrauit, eo mortuo, successor quoque illis uti poterit.

CAPITVLVM XXXVII.

Ex insinuatione.

PARAPHRASIS ET SYMMA.

Litteræ exemptoriæ valent, tametsi monitoriæ non præcesserint: præterquam si in exemptoriis mentio fiat de monitoriis: tunc enim obreptitiæ illæ erunt, quippe per falsi oppressionem impetratæ.

Vide quæ supradiçta sunt in c. Capitulum S. Crucis § o. hoc tit.

CAPITVLVM XXXVIII.

Mandatum.

PARAPHRASIS ET SYMMA.

Si duo ad eandem ecclesiam à Sede Apostolica mandatum adferant, de providendo ipsi canonice, & in posterioribus litteris clausula consineatur, Si pro alio non scriptum, gratiam hanc exequaris, hoc casu non debet provideri posteriori, si illi qui prius impetravit, provisum fuerit: quia non est intentio Papæ, collatorem ordinarium gravare super receptione, seu insinuatione duorum, nisi id exprimitur.

Secundo mandato expressè posita fueris conditio, si pro alio non scriptum, qui gratiam prosequatur? Respondet bene Gl. Ideo dabitur fuisse, quia conditio posita fuit de præsentate: Nemo autem tum prosequatur, seu beneficium petebat, sed prior, pro quo scriptum fuerat, beneficium iam obtinebat. Nihilominus decernit Greg. IX. Papa, posterius mandatum rejci posse, quia si unus impetranti provisum sit beneficium, satisfactum est intentioni Papæ, cum is nollet ecclesiam super receptione duorum gravare, prout etiam colligitur ex c. penult. eod. tit. in 6.

NOTANDVM I. Si Papa mandet alicui canonicum in ecclesia provideri, necesse non est de præbenda mentionem fieri. Quia præbenda debetur Canonico, adeoque est quid consequens ad canonicatum, iuxta c. Si clericus 11. & c. si postquam 14. de præb. in 6. Qui autem vult antecedens, vult etiam consequens: & qui mandat principale, mandare etiam censetur accessorium. Ita Abb. hic n. 1. & in c. dilectus n. 6. de præb.

NOTANDVM II. Collator ordinarius per mandata Apostolicæ Sedis super beneficiorum provisione, censetur gravari. Quia beneficij collatio, cum sit gratia & donatio quædam, pertinet ad exercendam liberalitatem Prælati: præsertim erga eos, qui-

quibus bene obligatus est, uti notat hic Abbas antiquus. Quamobrem beneficiorum collatio censetur veluti fructus ecclesiasticæ dignitatis ac potestatis. Videri possunt, quæ scripsit Azor tom. 2. lib. 6. c. 32. & quæ docui in Theol. moral. lib. 4. tr. 2. cap. 10. & 11.

CAPITVLVM XXXIX.

Literis.

PARAPHRASIS.

Si Papa v.g. Gregor. IX. pro Guilielmo clerico scripserit, ut in canonicum recipere-
tur, nisi ecclesia antè à se grauata fuisset simili mandato: hoc casu Guilielmus institui debet ad canonicatum vacaturum, non obstante, quòd idem Papa ad eundem collatorem prius literas executorias dederit pro alio clerico, qui ab antecessore Pontifice monitorias literas impetrarat. Neque enim obstat, quòd Pontifex, nisi exprimat, eundem collatorem duobus mandatis grauare non solet, quia hoc casu Gregorius IX. posterioris tantum mandati auctor est; prius autem ab antecessore Honorio III. originem accepit: quod ut executioni mandetur, ad successoris officium pertinet curare.

SUMMARIUM.

1. Si successor exequatur opus ceptum ab Antecessore, tribuitur id magis Antecessori.
2. Gratia expectatiua seu mandata de prouidendo, omnino per Concil. Tridentinum sublata sunt.

NOTANDVM Vn. Si successor exequatur opus ceptum ab antecessore, tribuitur id magis antecessori: quia primordia cuiusque rei spectari debent.

Sed temporis successu in Roman. Curia consuetudo introducta fuit, ut Pontifex Rom. mox post promotionem suam, omnes antecessorum gratias expectatiuas seu de prouidendis beneficijs, quæ executioni mandata

non fuerunt, ita ut ius in ijs quæsitum, reuocaret, prout videre est in c. si is, 39. c. quondam 40. de præb. in 6. & c. vlt. de concess. præb. eod. libr. Propterea quòd gratia expectatiua ecclesijs grauamen inferant; prouisionem item, ac veluti pactionem de futura successione contineant, cuiusmodi pactio indecens censetur, c. 2. & 3. de concess. præb. cap. 2. eod. tit. in 6. Quamobrem Concil. Trident. sess. 24. c. 19. gratias expectatiuas, seu mandata de prouidendo omnino sublata esse voluit, prout etiam suprà dixi.

CAPITVLVM XL.

Abbatem.

PARAPHRASIS.

Pontifex scripsit pro Sebastiano clerico ad Abbatem S. Proculi, ut illi in aliqua ecclesiarum sui Monasterij beneficium prouideret; postea alias literas idem Pontifex dedit ad diocesanum Episcopum, quibus mandauit, ut in Diocesi sua, si pro alio scriptum non esset, faceret prouideri clerico Vdalrico. Hunc Episcopus iustus instituit in ecclesia ad Monasterij Abbatis pertinate; sed Abbas contradixit, quia ipse antea spirituale mandatum acceperat, ut Sebastiano prouideret. In hoc casu Respondet Gregor. IX. exceptionem Abbatis iustam esse; cum Pontifex non solet eundem collatorem pluribus eiusmodi mandatis grauare.

SUMMARIUM.

1. Mandatum generale non derogat speciali, præsertim prius impetrato.
2. Collatio beneficiorum ordinario inre pertinet ad Episcopum; speciali tamen consuetudinis sine priuilegio assignando ad inferiorem, v.g. Abbatem, Capitulum, &c.

NOTANDVM I. Mandatum generale non derogat mandato speciali, præsertim prius impetrato. Ita sumitur ex hoc c.

iun. Gl. ver. per literas generales, & dixi de hoc in c. 1. hoc tit.

2. **NOTANDUM II.** Licet collatio beneficiorum diocesis ad Episcopum iure ordinario pertineat, cum ex iniuncto 12. in fine de hæret. iure tamen speciali, siue consuetudinis, siue privilegij, quandoque inferiori competit, v. g. Abbati, aut Capitulo, prout videre etiam est in c. cum aliquibus q. hoc tit. in 6.

NOTANDUM III. Pontifex non tam ad ecclesiam attendit, ne vna pluribus gratijs expectatiuis grauetur, quam ad collatorem, ne vni plura talia mandata imponantur, prout Ioann. Andr. & Abb. hic annotant, & confirmari potest ex c. prefati 3. de off. legati in 6.

CAPITVLVM XL.

Ab excommunicato.

PARAPHRASIS.

Prelatus quidam subditum excommunicauit, non seruata formâ Concilij Lateran. in c. sacro, de sentent. excommunicat. vbi requiritur, vt antequam monitio canonica, causa rationabilis, & manifesta. Excommunicatus querelam deposuit ad Pontificem: is rescribit, ac mandat Excommunicatori, vt hominem non motâ difficultate absoluat. Sin autem parere recuset, deputantur alij iudices, qui mandatû Apostolicum exequantur, & absolutionem impertiant. Verum in rescripto Pontificis addita fuit clausula (*si ita est*) de qua dubitatur, an referatur ad excommunicatorem, quasi is cognoscere debeat, num excommunicatio legitime, necne inflicta fuerit; an vero talis cognitio ad iudices delegatos pertineat: & hoc posterius affirmat Gregorius I. X. additâ ratione, quia cum excommunicator de proprio facto certus sit, frustra ipsi cognitio causæ committeretur.

SUMMARYM.

1. *Rescriptum directum ad Excommunicatorem*

perit, vt absoluat excommunicatum de iniuncta excommunicatione querentem, illo nolente absolvere, delegatis iudicibus, causâ ab ijs cognitâ, absolutionem mandas.

2. *Ignorantia facti proprij ordinarij non presumitur, sed alieni.*

NOTANDUM I. Si excommunicatus Nad excommunicatoris Superiorem de iniusta excommunicatione querelam deferat. Superior remittit eum pro absolutione ad excommunicatorem, delegatis iudicibus, qui nolente illo absolvere, causâ cognitâ, absolutionem conferant: Excepto, si periculum in mora sit: vel si excommunicatio notoriè iniusta sit: Tum ipsemet Superior hominem statim absoluat; vel declarabit nunquam ligatum fuisse, si excommunicatio non tamen iniusta, sed etiam iniusta fuerat, iuxta ea quæ dixi in Th. moral. lib. 1. tr. 5. p. 1. cap. 6. Videri potest c. ad reprimendam 8. & quæ ibi dicuntur, de off. Ordinarij, Abb. hic n. 12. & seqq.

NOTANDUM II. Ignorantia facti proprij ordinarij non presumitur, sed alieni. Ita sumitur ex text. c. in fine. Et est hæc limitatio quædam reg. 47. in 6. prout etiam dixi in c. 2. de Constitut. & videri potest Gaill. lib. 3. obs. 48. n. 11.

CAPITVLVM XLII.

Si proponente.

PARAPHRASIS.

Aliquis modicum beneficium obtinens, ex quo sufficienter sustentari non poterat, & proponens Pontifici, se nullum beneficium habere, impetrauit rescriptum de prouisione faciendâ Tale rescriptum subreptitum & irritum est.

SUMMARYM.

1. *Rescriptum ad beneficium, & eiusdem collatio à Papa impetrata, non factâ*

men-

*mentione beneficij habiti, quantumvis
modici, obreptitia & irrita est.*

NOTANDUM Vn. Non tantum beneficij collatio à Papa impetrata, non fa-
cit mentione beneficij habiti, quantumvis
modici, obreptitia & irrita est, c. si motu 23.
de præbend. in 6. sed etiam gratia & rescrip-
tum ad beneficium obtinendum. Tamen si
verò casus c. huius propositus sit in sugge-
stione falsi; idem tamen sentiendum de sup-
pressionem veri, prout Gl. sentit in princ. hu-
rus c. Saltem ita dicendum, spectato hodi-
erno iure, & consuetudine seu stylo Curie,
qui ita facit, c. quàm graui, 6. de crimine
falsi, & annotauit knola hien. 3. Intelligi au-
tem debet de omni beneficio propriè dicto,
siue quod in titulum datur perpetuum, siue
temporalem, prout notauit Felinus c. in
nostra n. 18. hoc tit.

Obijci potest: Error siue ignorantia be-
neficij modici, non sufficientis ad sustenta-
tionem, non est causa gratiæ aut rescripti de
altero beneficio; quia etsi sciuiſſet Papa, be-
neficiu contulisset, aut conferri mandasset:
Ergo non debet dici gratia aut rescriptum
obreptitum. Confirmatur: Cùm modica
æstimari non soleant, ideo beneficium mo-
dicum siue exiguum quasi non beneficium
est. Resp. ad obiectionem, neg. consequent.
Quia si stylus Curie expressionem alicuius
rei in rescriptis exigat, censetur pertinere
ad formam eorum: & ideo non attenditur,
non taciturnitas eius rei fuerit causa con-
cessionis, necne, prout dixi in c. super literis
20. hoc tit. Ad Confirmat. dico; Nullum
beneficium ita modicum, aut non æstimabi-
le esse eo respectu, vt nulla ipsius in alterius
à Sede Apostolica impetratione ratio ha-
benda sit: Idq; propter cauendas deceptio-
nes, aliæque incommoda salubriter statutum.
Videatur Azor tom. 2. Instit. lib. 6. c. 10. q. 3.

CAPITVLVM VI.

Quia nonnulli.

PARAPHRASIS.

Aliqui rescriptis Apostolicis ad lites varijs

modis abutebantur. Vel enim nomine
suo literas impetrans alteri, cui idem er-
rat nomen, tradidit, & is, qui ita accepit,
quoslibet indebitè fatigauit: Vel impe-
trauit aliquis literas contra eas personas,
quibuscum nil ipsi controuersiz erat:
Vel literas impetratas ad controuersiam
decidendam traxit, quæ tempore impe-
trationis orta non fuit: Vel ad diuersos
iudices varia super vno negotio rescrip-
ta impetrauit: Vel etiam super pluri-
bus negotijs seu personalibus actionibus,
quæ commodius coram vno iudice ex-
pediri possent, idque fatigandi aduersa-
rij causâ, vt litem componi patiatur,
aut iure suo cedat: Vel denique reus
reconuenire volens actorem suum,
literas & ipsè aduersus actorem impe-
trauit ad iudices diuersos, aut vt compa-
seat in villa, v. g. Tusculanâ, cùm plures
eiusdem nominis villæ essent, vt si non
comparuisset, tanquam contumax ex-
communicaretur, & ita ab actione re-
pelleretur. Hi omnes, & singuli, vno ex
dictis modis rescripto Apostolico abu-
tentes, eius commodo carere, & aduersa-
rio ad expensas, & damna condemnari
debent.

SVMMARYM.

- 1. Rescripta iniuria sunt iura personalia, ideo alteri non possunt cedi, nec trans-
eunt ad successorem aut heredem, nisi
fuerint impetrata nomine dignitatis,
vel beneficij.*
- 2. Rescriptum ad lites cum clausula, Et
quibuldam alijs causis, non extendit se
ad causas, quæ post impetrationem ex-
orta sunt; Rescriptum ad beneficium
vacaturum non ad ea, quæ post datam
litterarum de nouo insinuantur.*
- 3. Nemo super vno eodemque negotio ad
diuersos iudices trahi debet.*
- 4. Qui aduersariam indebitè fatigat, ex-
pensas compensare cogitur à iudice in
eâ causâ delegato.*
- 5. Sed cum denique ad eas condemnare hic
index debet, si aduersarius petat.*

Index

Iudex non tenetur interponere officium suum, nisi parte petente, si agatur de utilitate privata, exceptis causis miserabilibus personarum, aut qua ad pietatem & misericordiam spectant.

6. *Qui alteri eiusdem nominis Apostolicas literas venditas tradit, committit crimen falsi, & criminaliter puniri potest; qui autem rescripto alieno utitur, ut reus criminis Stellationis puniendus est.*

NOTANDUM I. Rescripta iustitiæ sunt iura personalia, id est, eis tantum personis utilia, quibus concessa sunt: & ideo non possunt alteri cedi: nec transeunt ad successorem, aut heredem: nisi fuerint impetrata nomine dignitatis, aut beneficii, prout dixi in c. significavit 36. hoc t. Et ita notavit hic Ioann. Andr. n. 9. Abb. n. 2. & n. 9. ubi bene admonet: Irritum esse rescriptum, si tempore *dara* mortua sit persona, cui impetratum (idemque est in privilegio). Neratius 152. ff. de regulis iuris) vel contra quam impetratum, l. 2. ff. de sententijs, quæ sine appell. rescinduntur.

NOTANDUM II. Rescriptum ad lites impetratum, cum clausula *Ex quibusdam alijs causis*, non extendit se ad causas, quæ post impetrationem exortæ sunt. Simili modo legimus in Clem. vlt. eod. tit. Quod rescriptum impetratum ad beneficium in ecclesia aliqua vacaturum, non extenditur ad ea beneficia, quæ post *daram* literarum de nouo instituta sunt. Ratio dari debet, quod hæc rescripta strictè interpretationis sint, partim quod non deceat in his præsertim materijs, dispositionem facere de ijs, aut circa ea, quæ nondum sunt. Sed & generalis regula tradi solet, quod in simplici quantums generali dispositione, nisi aliud exprimitur, præsentia, non quæ necdum orta sunt, comprehendi solent, l. si ita scripisset 47. ff. de Legat. 2. & videri potest Zasius in l. si quis iniquum, §. Quod autem, ff. Quod quisque iuris &c.

Corollarium: Etiam ex hoc capite apparet, in rescriptis iustitiæ, ac beneficalibus

attendendum esse tempus *dara* literarum.

NOTANDUM III. Nemo super vno eodemque negotio ad diuersos iudices trahi debet: Idque duas ob causas: I. Ne continentia, seu connexio causæ diuidatur, l. Nulli 10. C. de iudicijs, & l. i. iuncta Gl. verbo eundem iudicem, C. de quibus rebus ad eund. iudicem eatur, vbi dicitur, quod in causis connexis plures, quamuis diuersi fori, coram vno iudice litigare debent. Ea propter Gaill. obseruat lib. 1. obs. 3. n. iurisdictionem Cameræ Imperialis ratione continentia: tum causarum, tum personarum (si videl. vnus consortium litis immediatè Cæsari subiectus sit) fundari posse: vt omissio medio iudice, ad superiorem, videl. Cæsareum tribunal, veniendum sit. II. Vt tempori, & sumptibus parcatur, & litibus modus statuatur, prout hic insinuat. Tametsi enim sermo duntaxat sit de iudicijs delegatis, tamen etiam ad Ordinarios, propter identitatem rationis in canone expressæ, extendi posse tradit hic Gl. ver. literas, in fine, Abb. n. 13. Quid porro sentiendum, si quis alterum in diuersis causis ad diuersos iudices trahat, dicitur in c. 3. eod. in 6.

NOTANDUM IV. Qui aduersarium 4 indebitè fatigando, causam ei præbuit expensarum, alteriusue damni, id ei compensare cogitur. Sed à quo iudice ad hoc condemnandus est? Rectè respondet Gl. hic ver. expensis ac damnis, Quod à iudice in ea causa delegato. Quia licet literæ ad eum impetratæ infirmæ sint, propter fraudem impetrantis, ne ex malitia sua commodum reportet, adeoque iudex super causâ principali iurisdictionem per eas non acquirat, nihilominus tamen iurisdictionem acquirit super quæstionibus incidentibus: vt videl. cognoscat, num rescriptum propter malitiam impetrantis, infirmum sit, & impetrans ad præstandas expensas condemnari debeat. Ratio huius rei est: Quia ad hæc incidentia cognoscenda fundata est per rescriptum iurisdicção delegati: Quare sicuti ordinarius iudex cognoscere potest, num sua sit iurisdicção: & si pronunciet non esse, actio-

rem ad expensas condemnare, ita & hic accidit, prout Abb. declarat n. 14.

- 5 Porro ead. Gl. ver. expensis, admonet, & Abb. n. 15. Iudicem tum demum partem ad expensas condemnare debere, si aduersarius petat. Qua de re Bartol. in l. diem §. Hoc autem iudicium, ff. de damno infecto, regulam tradit; Quod iudex non tenetur interponere officium suum, nisi parte petente, si agatur de utilitate priuata; exceptis causis personarum miserabilium, aut quarum pietatem, aut misericordiam spectare videntur.

- 6 His addendum, quod Innoc. hic notat, Ioan. Andr. n. 4. Abb. n. 18. Si quis literas Apostolicas alteri, qui eiusdem nominis, ad videntum tradat, committere falsi crimen, ita ut criminaliter puniri possit, prout colligitur ex l. falsi nominis §. 1. Qui falsam §. ff. de crimine falsi. Is autem qui rescripto alieno utitur, ut reus criminis stellionatus puniri debet, ut colligitur ex l. §. ff. de crimine stellionatus. Est autem stellio lacerti genus verusissimum, à quo stellionatus dicimus quamlibet imposturam, seu callidam circumuentionem, si proprio nomine careat.

CAPITVLVM I. cod. Tit. in 6.

Ipsò iure.

PARAPHRASIS.

- 1 Rescriptum ab excommunicato impetratum, atque processus ex eo rescripto institutus, ipsò iure irrita sunt; præterquam si impetratum sit in causa ipsius excommunicationis, aut appellationis articulo.

SVMMA RIVM.

1. Rescriptum impetratum ab excommunicato, & processus ex illo secutus, sunt ipsò iure irrita, nisi in causa ipsius excommunicationis, vel appellationis.
2. Excommunicatio facit hominem inhabilem ad impetrandum rescriptum, siue sit iustitia, siue gratia, aut priuilegi, cum restrictione tamen n. 1. asserta.
3. Processus iudicis delegati vigore rescri-

pri ipsò iure irriti, irritus quoque, censeri debet.

4. Decisio huius c. locum habet in rescriptis Papa, non aliorum Ordinariarum, ut nec in rescriptis Principum secularium.
5. Valeat tamen eadem decisio etiam, si excommunicatio est occultata, quamuis propter publicam & probabilem ignorantiam excommunicationis fieri queat. ut alia à iudice delegato vigore rescripti valida sint.

NOTANDVM I. Excommunicatio facit hominem inhabilem ad impetrandum rescriptum: Quæ causa est, quod rescriptum ipsò iure statim irritum sit, ob incapacitatem recipientis seu impetrantis.

Amplari debet hæc doctrina, quod locum habeat in omni impetrato rescripto, siue iustitiæ, etiam in causa spoliationis, alterius siue possessorij interdicti, sicuti hic Francus notauit n. 11. siue gratiæ, aut priuilegi, prout rectè docuit idem Francus n. 3. in princ. Suarez de cens. disp. 13. sect. 1. n. 12. post Gl. hic ver. alio, quod nullæ literæ impetratæ ab excommunicato valent, præter eas, quæ in textu exceptæ sunt: Potestque inde etiam confirmari; quia rescripta gratiæ facilius irrita redduntur, quam rescripta ad lites.

Restringi autem debet, sicuti in textu, Primò, quod excommunicatus super causa excommunicationis suæ, si eam à iudice suo instigat, iniustam aut inuolidam esse contendat, rescriptum à Papa ad iudicem delegatum impetrare possit, ne videl. ei desit remedium defensionis, uti Gl. magna hic annotauit: Et Anton. de Butrio hic not. 4. Licet aliquis prohibeatur agere ob certam causam inhabilitatis aut impedimenti, non tamen prohibetur agere iniciando inhabilitatem, dicendo v. g. se non esse legitime excommunicatum, se non esse amentem; & super eo rescriptum impetrare. Secundò, quod excommunicatus si à sententia iudicis appellauit, super articulo appellationis rescriptum Papale impetrare queat. Ratio est: Quia excommunicatus in iudicio stare potest, saltem

vt reus, c. intelleximus 7. de Iudiciis ; con-
sequenter & appellare , si à Iudice iniustitiam
pati videatur , cum id ad defensionem pro-
prijam pertineat , quæ nemini negari debet ,
vti hic Anton. notat n. 6. dans regulam , quod
si alicui concessum sit stare in iudicio , etiam
alia concessa ei censerentur debent , quia ad ius su-
um obtinendum necessaria sunt , arg. c. præ-
terea 5. de off. delegati , & l. 2. ff. de iurisdic-
t. omn. Iudicum. Et Philippus Francus con-
sequenter infert hic n. 12. Quod excommu-
nicatus , si non audiatur super exceptionibus
suis , & vniuersim loquendo , super articulis
causæ pendens coram Ordinario , impetra-
re possit rescriptum delegationis.

3. **NOTANDUM II.** Processus Iudicis de-
legati factus vigore rescripti , ipso iure irriti ,
irritus quoque censeri debet. Ratio est : Quia
delegatus vi eius rescripti non acquirit iu-
risdictionem , saltem quoad processum in
causa principali : vbi autem deest fundamen-
tum iurisdictionis , nihil agi potest iudiciali-
ter. Veruntamen cum in casu isto non deest
potestas in delegante , ideo delegatus ex vi
rescripti ad hoc fundatus est , vt cognoscere
possit , num sua sit iurisdic-ctio , siue num verè
excommunicatus fuerit impetrans , necne ,
prout etiam suprà dixi in c. ex parte 3. not.
3. hoc tit. inantiq.

QUESTIO prima ; Quænam causa sit ,
quod excommunicatus stare possit in iudi-
cio vt actor , si nec à reo per exceptionem ,
nec à Iudice ex officio repellatur , c. 1. de ex-
cept. in 6. & tamen rescriptum ad lites validè
impetrare non possit ? Varia respondet Gl.
hic ver. processus : Arbitror responderi pos-
se : Quod rescriptum iustitiæ , seu commissio
causæ , latè loquendo , sit gratia siue benefi-
cium Papæ delegantis : Generatim autem
omnis gratia , concessio , ac beneficium Papæ ,
ex stylo Curie , irritum est , si fiat excommu-
nicato , idque in odium excommunicationis .
At verò actor coram Iudice litigare volens
ius suum prosequitur , idèque valent acta ,
nisi per exceptionem excommunicationis
repellatur.

4. **QUESTIO secunda ;** Vtrum responsio
huius c. habeat etiam locum in rescriptis a-

liorum Ordinariorum , quod & ea ipso iure
irrita sint , si ab excommunicatis impetren-
tur ? Resp. negatiuè , cum Nauarro consil.
44. de Sent. excomm. edit. 2. Suarez de cens.
disp. 17. sect. 1. n. 2. Nam nomen rescripti ,
absolutè pronunciatum , accipitur pro res-
ponso Principis , seu eius qui Superiorem
non habet. Confirmatur ex eo , quod ideo
consuetudo Curie Romanæ vigeat , vt rescrip-
tis omnibus absolutio à censuris præmitta-
tur , in ordine ad effectum eorum consequen-
dum ; quod fieri solet ad cautelam , iuxta ea
quæ dixi lib. 1. Theol. mor. tr. 5. p. 1. c. vlt. n.
8. Quæ tamen absolutio in Episcoporum re-
scriptis præmitti non solet.

Interdum verò in absolutione ad cautelam ,
siue ad effectum præsentis gratiæ , v. g. disp-
sationis consequendum , limitatio apponit-
ur ; *Nisi in excommunicatione per annum
inforuerit* . Tum verò executor gratiæ super
hæc informationem capere debet : Nam de
ijs omnibus inquirere debet , quæ si essent ,
aut non essent , gratiæ effectum siue execu-
tionem impedirent.

QUESTIO tertia ; Vtrum responsio huius
c. locum habeat in rescriptis Principum secu-
larium , videl. Imperatoris , Regis , &c. Af-
firmat Nauarrus in cit. loco n. 2. & 6. Sed me-
rito dubitat , & partem negantem probabili-
orem autumat Suarez cit. l. 1. n. 3. Quia Pon-
tifici solum videtur propositum fuisse sta-
tuere de rescriptis Papalibus : quare cum de-
cretum huius c. odiosum sit , non debet fieri
extensio. Præsertim cum non sit eadem ratio
aliorum rescriptorum : propterea quod ec-
clesiasticus Princeps , siue supremus Eccle-
siæ Pastor excommunicatus , dum in excom-
municatione persistunt , magis quàm alij a-
uerfari debet , & cauere , ne beneficia contu-
macibus & Ecclesiæ inobedientibus proue-
niant. Accedit , quod incommoda sequi pos-
sint , si rescripta aliorum Principum irrita
sint , propter impetrantium excommunica-
tionem , quæ tamen ab ipsis tolli non potest .
sicut Pontifex tollit absoluoendo.

QUESTIO quarta ; Num decisio huius c. 5
locum etiam habeat , si excommunicatio oc-
cultæ sit ? Negat hic Archidiaconus , in cuius
senten-

sententiam propendet Nauarr. cit. conf. n. 8. Sed contrarium ex communiofe rectè docet Syl. ver. rescriptum q. 2. Suarez num. 4. Quia Pontifex generatim seu indefinitè loquitur de excommunicato; neque est ratio, cur ad excommunicatum notorium, seu publicum restringamus: Nam vbilius non distinguit, nec nos distinguere debemus, l. de pretio ro. ff. de public. in rem actione. Confirmatur ex eo, quòd in rescriptis auctoritate Papali emanantibus absolutio ad cautelam præmitti solet ab excommunicatione, &c. siue notoria sit, siue occulta.

Veruntamen propter publicam & probabilem ignorantiam excommunicationis, fieri potest, vt acta à iudice delegato vigore rescripti valida sint, iure ipso supplente defectum, argum. l. Barbarius 3. ff. de officio Prætoris. Idque ex probabiliori docet Sanchez lib. 3. de matrim. disp. 22. n. 19. licet aliqui contradicant apud eundem.

CAPITVLVM II.

Cum in multis.

PARAPHRASIS.

1. Cum sæpe in iure infinitas, & multitudo nimia reprobetur, ideo statuit Innoc. IV. Papa in Concilio Lugdunensi: vt, si quispiam contra certam personam rescriptum à Sede Apostolica impetrarit, cum clausula & quosdam alios, vigore eius clausulæ, non plures quàm tres vel quatuor in iudicium trahere possit: Item, vt impetrator rescripti nomina eorum in primo citatorio coram iudice delegato exprimere debeat, postea autem variare non possit, & pro nominatis alios substituere; ne videl. fraudi locus sit.

SYMMARIVM.

1. Clausula in rescripto quosdam alios non intelligitur ultra tres, vel quatuor, quorum nomina impetrata exprimere debet in primo citatorio, nec postea pro alijs substituere possit.

2. Si impetrator aliam personam citet, & ea non excipiat, processum irritum esse videtur.

Circa hoc c. duo breuiter aduertenda duxi: Primum, cum Gl. not. 3. Cum dicitur, necesse esse, vt impetrator personas non nominatas, seu in clausula indeterminatè contentas, coram iudice exprimat: intelligi debet sub conditione, si contra aliquas litigare velit: sin autem nolit, quia fortè cum ijs transigere mauult; nihilominus libellum contra personam in rescripto nominatam offerre potest: Quia nemo cogitur alicui litem intentare. Alterum cum Gl. ver. quorum: Si impetrans rescripti aliam postea personam, quam prius non nominarat, citari faciat, eaque comparens nihil excipiat, processus irritus esse videtur: Quia iudex vi rescripti super hac persona iurisdictionem non accipit; consequenter nec per taciturnitatem partis acquirere potest, prout etiam dixi in c. Rodolphus 35. in fine hoc tit. Et videri possunt, quæ dicta in c. sedes 15. eod. tit. in antiq.

CAPITVLVM III.

Dispendia.

PARAPHRASIS.

Si quis plures actiones personales alteri intentare velit, non ad iudices diuersos, sed ad eosdem literas impetrare debet: similiter & reus, si eodem durante iudicio actorem in alia causa reconuenire, vel ad eum conueniendum rescriptum Apostolicum impetrare velit, ad eosdem iudices id fieri debet, præterquam si illos vt suspectos recusare possit. Quòd si vel actor, vel reus contra hanc constitutionem egerit, in primis commodo literarum carebit, & processus iudiciarius non subsistet. Deinde aduersario, si per tales literas citatus fuerit, ad expensas condemnandus erit.

SYMMARIVM.

1. Reus conueniri potest actorem coram eodem iudice reconuenire.

2. *Et dum lis ab actore intentata pendet, coram alio eum convenire nequit.*
3. *Lex irritans quandoque est poenalis, interdum autem fauorabilis, & indifferens.*

Idem fermè constitutum fuerat à Gregor. IX. Papa, suprà in cap. ult. hoc tit. Hic verò additum ab Inno. IV. vt processus ipso iure irritus esset: Antea verò, si aduersarius coram altero iudice conuentus in actione personali, contra rescriptum malè impetratum non excepiisset, processus coram eo iuxta vim habuisset. Idque colligitur ex ver. *amplius ibid. Gl. & ver. processus valeat.*

Porrò cum hic sermo tantum sit de impetrantibus rescriptum ad iudices delegatos, in actionibus personalibus; non potest id extendi ad actiones reales; vel ad iudices ordinarios, etiam quoad personales actiones; saltem quod atinet poenam irrationis processus. Quod de re videri potest Ioan. Andr. hic, Anton. n. 18. & seqq. Francus n. 3. Innoc. & alij in cit. c. ult. Matth. de Afflict. decis. Neap. 354. n. 6. & seqq.

NO T A N D U M I. Licet rescripta iustitiz stricti iuris sint, & non extendenda ad casum, aut personam non expressam, tamen ius reconventionis postulat, vt qui alterum per rescriptum ad iudicem delegatum traxit, coram eodem vicissim conueniri queat. Ita hic in §. Reus quoque, & in l. cum Papinianus 14. iun. Auth. Et consequenter, C. de sent. & interloc. Ratio est; quia si quis elegerit iudicem contra aduersarium, ægrè ferre non potest, vt & aduersarius eundem habeat contra se, cap. 1. & 2. de mutuis petit. Idque ampliari debet primò; Quod locum habeat, etiamsi iudex alioquin iurisdictionem non habeat in actorem; si tamen is reum conueniat, non potest reconuenire volentem exceptionem incompetentis iudicis objicere, cit. l. cum Papinianus. Secundò: Locum habet reconuentio non tantum circa idem negotium, super quo impetratum est rescriptum, sed etiam super alio quolibet; ita, vt vtræque causa simul definienda sit, cap. 1. de mutuis petit. Tertiò, Quod reus conuen-

tus non tantum possit actorem coram eodem iudice reconuenire: sed etiam quod coram alio, dum lis ab actore intentata pendet, conuenire non possit, cit. Auth. Et consequenter. Eademque ratione hic dicitur, quod reus conuentus, lite durante, ad alium iudicem, quamuis in diuersa causa, rescriptum impetrare nequeat: vt videlicet litibus, valde exosis, moderamen aliquod adhibeatur. Quartò, quod rescripti impetrator, postquam illum præsentauit iudici delegato, & aduersarium citari fecit, non possit per poenitentiam resilire; quod minus reus comparsens illum reconuenire possit, etiam reluctantem; quare rescriptum veluti commune utrique parti factum est, argum. l. petenda 6. Cod. de temporibus in integr. restitut. Videri potest Vdalricus Zasius in l. si quis iniquum, col. 2. ff. Quod quisque iuris &c. vbi regulam tradit; si quis habeo auctore te, vii possum contra te, quamuis nolente te.

NO T A N D U M II. Circa verba finalia, *Simili poena &c.* quod lex irritans, quandoque sit poenalis; & hac ratione odiosa, nec facile extendenda. Dico *quandoque*; quia non semper lex irritans poenalis est; sed interdum publicam utilitatem spectans, id est, quæ fauorabilis; interdum verò indifferens, prout hanc rem explicat Suarez lib. 5. de legibus cap. 19. n. 8. & seqq.

CAPITVLVM IV.

Cum aliquibus.

PARAPHRASIS.

Si in aliqua ecclesia consuetudo vel statutum vigeat iuramento, vel Apostolicæ Sedis confirmatione roboratum, vt vltra definitum numerum Canonici non instituantur; Pontifex autem facultatem tribuat aliquem recipiendi supra numerum: dubitatur: an is auctoritate Apostolicæ receptus censetur, an verò per potestatem *Collatoris ordinarij*, v. g. Capitularium, ad quos literæ diriguntur. Resp. Bonifac. VIII. esse distinguendum. Si enim recep-

receptio seu institutio Canonici non pertinet ad eos, quibus literæ mittuntur, sed per eos facultatem acquirunt instituendi, tunc Apostolicæ auctoritate receptus censeri debet. Si verò ad ipsos Capitulares v.g. ad quos literæ destinantur, receptio seu institutio Canonici pertinet, tunc eorundem potestate receptus censeri debet, nisi in literis expressum fuerit, ut auctoritate Apostolicâ recipiatur.

SUMMARY.

1. *Receptus in Canonicum, Papali auctoritate receptus, preferendus est alteri etiam auctoritate Legati Apostolicæ recepto.*
2. *Gratia beneficialis à Papa impetrata contra consuetudines, privilegia aut statuta, non valet, nisi eorum mentio fiat per clausulam derogatoriam/saltem generalem. Non obstantibus, &c.*
3. *Papa, Princeps, vel alius Superior mandans aliquid ordinariæ habenti potestatem, non facit eum delegatum siue executorem, sed excitat eius potestatem: vel si impedita sit, impedimentum tollit.*
4. *Potest tamen is ipse confirmari commissarius aut delegatus: si videl. exprimat, ut Apostolicâ auctoritate v.g. procedatur.*

et hio Ioann. Andr. & Francus n. 1. addens, si statutum iuratum sit, etiam iuramenti mentionem faciendam esse, idemque est, si aliâ speciali ratione statutum confirmatum, roboratumque sit, uti ex hoc colligitur, & dixi de hac re in c. Constitutus 19. n. 1. hoc ait in antiq.

NOTANDUM II. Si Papa, aliâ siue Principis, aut Superior aliquid mandet ordinariæ habenti potestatem id agendi, non censetur eum facere delegatum, siue executorem, sed excitare eius potestatem, vel, si ea impedita sit, dispensando, aut relaxando tollere impedimentum: Hæc est præcipua intentio huius c. & notat Gl. in casu, & videri potest Ioann. Monachus hic, Gl. in c. licet 12. Felinus ibid. & alij, de offic. Ordin. ubi de hac re agendum.

NOTANDUM III. Etiam si quisquam ordinariæ potestatem quidpiam agendi habeat, potest tamen à Principe in eo negotio constitui commissarius aut delegatus, si videl. exprimat, ut Apostolicæ v.g. auctoritate procedatur, sicuti hic apparet in fine c. & in c. si apostolicæ 22. de præbend. in 6. Nam omnia nostra facimus (ait Imperator in l. 1. C. de veteri iure enucleando, allegatque in Gloss. c. 1. ver. auctoritate, de transact.) quibus auctoritatem nostram impertimur. Idque annotavit hic Francus n. 4. inquires, id observandum in commissiionibus, quæ à Papa locorum Ordinarijs fiunt. Perumque tamen vocula ea: *Vice nostrâ procedas, aut, ut Apostolicæ Sedis delegatus, adijci solet, si commissio aut mandatum excedat potestatem iudicis ordinarij, siue quoad causas secundum se, siue quoad personas, si videl. ab ordinaria iurisdictione exempta sint, uti passim in decretis Trident. Concilij de reformatione, videre licet.*

QVÆRES: Ad quid referat, num Canonici in casu huius c. Apostolicæ Sedis auctoritate, an verò ordinarij collatoris, receptus censetur? Resp. cum Gl. in princ. c. Quia si Papali auctoritate in Canonicum receptus fuit cum expectatione præbendæ, in eius assuectione, alteri, etiam auctoritate Apostolice Legati recepto, præferri debet, c. hi qui 12. de præb. in 6.

NOTANDUM I. Gratia beneficialis à Pontifice impetrata, contra ecclesiæ alicuius privilegia, consuetudines, aut statuta non valet, nisi eorum mentio fiat, saltem per clausulam derogatoriam generalem, Non obstantibus &c. Ita sumitur ex hoc c. & do-

CAPITVLVM V.

Si gratosè.

PARAPHRASIS.

Notum est ex c. eum in cunctis. 7. §. cum ve-

T, rō.

rd, de electione, quod beneficia omnia electi in Episcopum post eius confirmationem & consecrationem ipso iure vacant. Verum Pontifex cuidam ad Episcopatum promotus gratiam fecit, ut beneficia antea obtenta retinere possit vsq; ad beneplacitum voluntatis suæ, id est, quamdiu ipsi placuerit. Dubitatum fuit hoc casu, an mortuo illo Pontifice gratia expiret. Affirmat Bonif. VIII. propterea quod per mortem extinguatur voluntas, seu beneplacitum. Secus autem est, si dictum fuerit vsque ad beneplacitum Sedis Apostolicæ; quia enim Sedes ipsa, seu dignitas Episcopalis non moritur, ideo gratia durat perpetuò, nisi à Successore reuocetur. Cæterum talis gratia Pontificia intelligitur tantum de beneficijs canonicè obtentis; non autem mens est Pontificis dispensare in beneficijs non canonicè acquisitis.

SUMMARYM.

1. *Gratia facta Episcopo, ut possit retinere beneficia, est odiosa, ideòq; stricta interpretationis.*
2. *Gratia concessa à Principe usque ad beneplacitum suum, per mortem eius, etiam civilem, expirat.*
3. *Non item, si in rescripto dicatur: donec reuocauero, vel, quamdiu aliter non ordinauero.*
4. *Uti nec expirat, si concessa sit gratia usque ad beneplacitum Sedis, seu dignitatem, seu iurisdictionem obtinentis.*
5. *Gratia ad beneplacitum Papa, Regis, Episcopi, qui concessit, est perpetua, nec extinguitur cum persona, nisi aliud ex verbis adiunctis, aliisue circumstantijs colligi possit. Sunt tamen qui contrarium docent.*
6. *Si in rescripto gratia tam persona, quam dignitas expressa sit, probabilius est, per mortem concedentis gratiam non expirare.*

NOTANDUM I. Tametsi beneficia omnia assumpti ad Episcopatum ipso

iure vacant per promotionem (vbi vocant) prout habetur in c. eum in cunctis 7. §. Cum verò, de elect. potest tamen Pontifex Rom. & quandoq; solet ex iusta causa gratiam facere, ut ab Episcopo retineantur: Ea tamen, quia odiosa est, quippe beneficiorum pluralitatem, ministrorum paucitatem inueniens, ambitionemq; nutriendam, strictæ interpretationis esse debet. Videri possunt quæ docui Theol. moral. lib. 1. tract. 4. c. 23. n. 5. & 8.

NOTANDUM II. Gratia à Principe concessa vsq; ad beneplacitum suum, eo mortuo, sine alia reuocatione expirat. Idemque sentiendum de verbis æquipollentibus, ut si dicatur, *donec voluero, quamdiu ista mihi placuerit &c.* prout rectè docet Mol. in tr. 2. de iust. disp. 298. n. 10. & tr. 5. disp. 20. n. 6. Suar. lib. 8. de legib. disp. 33. n. 3. Ratio dari debet, quia verba ostendunt gratiam non absolutè cōcedi, sed cum limitatione, quamdiu perseverauerit concedentis voluntas, siue beneplacitum; cum itaque per mortem id omnino extinguatur, uti in textu dicitur, sequitur, etiam gratiam ita concessam extingui. Et debet hæc doctrina generatim intelligi de omni gratia, seu Principis beneficio, quantumvis favorabili, prout ex communi tradit Gl. hic ver. morte, Francus n. 10. Couarr. lib. 3. var. resol. c. 15. n. 4. Suar. cit. loco, Sanchez lib. 8. de matrim. disp. 28. n. 50. Quia ratio tradita in textu huius c. quod per obitum personæ eius beneplacitum extinguitur, perinde in omnibus gratijs locum habet; etiam Papalibus indulgentijs, sicuti Suar. notauit. Sumiturque eadem doctrina ex l. locatio 4. ff. locati, vbi dicitur: *Locatio, precariisne rogatio ista facta, quoad id, qui eam locasset, dedissetque, vellet, morte eius qui locauit, tollitur.* Vbi Bartolus quasi rationem assignans ait, *voluntas morte finitur.*

Ampliari debet tradita doctrina, ut locum etiam habeat in morte ciuili, videlicet depositione ab officio, eiusue resignatione, prout ex communi docet Sanchez cit. disp. 28. n. 56. Ratio dari debet, quia etiam tunc voluntas, seu perseverantia in voluntate concedendæ gratiæ cessat, eo quod radix & facultas

facultas volendi concessione, aut in voluntate perseverandi, quod est officium, penitus cessarit. Sed alia ratio est, si potestate præditus qui gratiam concesserat, in excommunicatione labatur, prout idem Sanchez ex communi tradit n. 57. Francus hic n. 12. post Bartol. in l. centesimis, §. Si ita stipulatus n. 12. ff. de verb. obligat. Ratio dari debet: quia voluntatis perseverantia, sicuti & ipsa potestas siue officium radicaliter manet in excommunicato, aut suspensio, tamen quoad exercitium impeditum sit: quemadmodum & in dormiente manet. Sed dubium est, si in furorem, seu amentiam eamque perpetuam incidat Princeps, num beneplacitum cessare, ideòque gratia extincta censetur? Affirmat Bartolus cit. loco. Sed contrarium rectè docuit Couarr. cit. n. 4. vers. Tertiò. Sanchez n. 58. Qui enim in furorem siue amentiam incidit, dum dignitatem, iurisdictionemque retinet, atque per Officiales, aut Vicarium administrat, interpretatiuè retinet voluntatem, eo ipso quòd mutare eam non potest, arg. c. maiores 3. §. vlt. de Baptismo, & l. si is qui 27. ff. de acq. possess. ubi dicitur, quòd qui possessionem falsis animo retinebat, furere coepit, eam non amittat, imò amittere non possit: furiosus, inquit ibi IC. Proculus, non potest desinere animo possidere.

Porro, si in collata gratia seu privilegio dicat Princeps, quòd permanere debeat, seu eo frui possit privilegiatus, donec reuocauero, vel, quamdiu aliter non ordinauero, per mortem concedentis non finitur, quia ad reuocationem, seu contrariam ordinationem actus positivus requiritur, prout ex communi docui lib. 1. Theol. mor. tr. 4. cap. 23. §. p. 5.

Ex his colligit Sanchez lib. 7. moral. cap. 29. n. 113. Si Religiosus administrationem, officium, siue obedientiam à Prælato accepit, referre, utrùm ea collata sit absolute, vel cum addito, donec reuocauero (quæ tamen conditio nihil addit, aut demit: cum de iure insit, sicuti & in gratia seu privilegio, c. cum ad monasterium 6. de statu Monach.) tunc enim non amittitur per mor-

tem conferentis: An verò collata fuerit ad beneplacitum Prælati; tunc expirat morte concedentis, prout etiam annotavit Ioann. Andr. in c. porrecta, in fine, de confirm. vtili & inutili.

NOTANDUM III. Si gratia à Principe concessa sit vsque ad beneplacitum Sedis, seu dignitatem aut iurisdictionem obtinentis, non extinguitur per mortem concedentis. Ratio datur in textu c. quia Sedes ipsa, siue dignitas non moritur, sed post mortem vnus vacat, & ad successorem transit. Eapropter Gl. hic ver. perpetuo, annotavit, Sicuti privilegium diuiditur in personale & reale, respectu eius cui conceditur, quia interdum conceditur personæ, & cum eadem extinguitur; interdum conceditur rei, v.g. Sedi, aut dignitati episcopali; tum ad successores in dignitate transit, reg. 7. in 6. reg. 68. & 156. ff. & docui lib. 1. Theol. moral. tr. 4. c. 23. n. 4. Ita etiam dici potest respectu concedentis, quòd aliud proveniat tanquam à persona eius, & ideo cum eadem extinguitur, aliud verò proveniat, tanquam à dignitate & officio eius, & ideo cum dignitate permanet privilegium, donec positivè reuocetur.

QUÆRITUR autem primò: Si gratia alicui facta sit cum adiectione, quamdiu Roman. Pontifici placuerit, siue ad beneplacitum Regis, ad beneplacitum Episcopi, & trum expirat per mortem eius Pontificis, Regis, aut Episcopi qui concessit? Doctores non consentiunt, vti videre est apud Sanchez cit. disp. 28. n. 62. cuius sententia mihi placet, In dubio, & nisi aliud ex verbis adiunctis, aliisve circumstantiis colligi possit, existimandum esse, gratiam esse perpetuam, nec extingui cum persona; quandoquidem emanavit sub nomine officij, seu dignitatis: quemadmodum si alicui delegatio facta sub nomine officij, aut dignitatis, eo mortuo non expirat mandatum, c. quoniam 14. de off. delegati. Contrarium tamen docuit Couarr. cit. cap. 15. n. 2. Mol. cit. disp. 298. n. 14.

QUÆRITUR secundò: Si utrumque, tam persona, quam dignitas expressa sit: Concedimus tibi facultatem &c. vsq. ad beneplacitum

citur nostrum, & Apostolica Sedis, nam per mortem concedentis extinguatur. Tractat quæstionem Francus hic n. 14. & refert Ioann. Andr. & Hostiensem, qui negant: Alios autem qui affirmant, si normam perfectionis præcessit, quippe cuius tum maior ratio habenda sit, propter ordinem scripturæ. argum. l. si communis seruus 7. ff. de stipul. seruorum. Arbitror priorem sententiam esse probabiliorem: Quia verba ita intelligi debent, vt frustra posita non sint; esset autem frustranea ea adiectio & *Apostolica Sedis*; nisi dicamus, sensum esse, gratiam dependere à beneplacito Sedis, ac dignitatis, quam nos nunc gerimus, *Apostolica*. Quare, si res dubia sit, sensus iste præferendus, maxime in gratia seu priuilegio, nemini præiudicante: quippe quod amplam interpretationem meretur, c. quamuis 4. de præbendis in 6. & suapte naturâ perpetuum, seu mansurum est, donec per actum reuocetur, iuxta reg. 16. in 6. *Decet, concessum à Principe beneficium esse mansurum.*

Adde, quod Andr. Gajll lib. 2. obs. 60. n. 16. dicat, non obferuari, vt gratia & priuilegium à Principe concessum, morte concedentis non extinguatur. Cuius rei non aliam rationem reddi posse video, nisi quod verba ea, *Concedimus ad beneplacitum Cæsareæ Maiestatis nostre*, benignè explicari possint, sicuti paulo antè significavi, vt proinde intentio Principis fuerit duntaxat cauere, & admonere, priuilegium non transire in contractum, nullamque obligationem parere sibi & successoribus, sed liberè reuocari posse. Quæ conditio licet suapte naturâ priuilegijs & gratijs insit, tamen expressa cautio obesse non potest, & quandoque, ad omnem dubitationem tollendam, prodesse, iuxta illud vulgatum, quod abundans cautela non nocet, reg. ff. non solent 95.

CAPITVLVM VI.

Susceptum.

PARAPHRASIS.

Pontifex mandarat Episcopo v. g. vt à Titio

clerico acceptâ beneficij, quod possidebat, resignatione, illud Sempronio clerico conferret; accidit verò, vt Titius, antequam resignaret, mortem obiret: hoc casu Episcopus, mandatum Apostolicum exequi non potest; cum beneficium non per resignationem, sed per mortem vacauerit; præterquam si de mandantis intentione aliud expressè appareat. Deinde, si duo super eodem beneficio literas Papales impetrent; quorum primus naruauerit vacare illud per obitum, posterior autem vacare per resignationem; hoc in casu, secundus, posthabito priore, beneficium assequi debet, posito quod per renunciationem siue celsionem vacauerit.

SYMMARIUM.

1. Vacatio beneficij per mortem, & resignationem, sunt diuersi modi seu species beneficiorum vacantium: ideo si in rescripto mandetur alicui conferre beneficium vacans, aut vacaturum per resignationem, non potest ei conferri beneficium vacans, vel vacaturum per mortem.
2. Quod similiter locum habet in alijs modis siue speciebus vacationis. Inò non tantum locum habet in rescriptis beneficialibus, sed etiam in omnibus rescriptis gratia, seu beneficijs Principis (etsi ea motu eius proprio concessa sint) & aliorum Ordinarium.
3. A verborum proprietate & communi acceptione recedendum est, si de alia intentione scribentis appareat.
4. Mors ciuili mortis naturalis non aequiparatur, nisi in casibus iure expressis.

NOTANDVM I. Si in rescripto beneficii mandetur alicui conferri beneficium vacans, aut vacaturum per resignationem; non potest ei conferri, si vacet aut vacaturum sit per obitum. Ratio indicatur in textu, iun. Gl. ver. susceptum. quia vacare per obitum, & vacare per renunciationem

fi nt

aut diuersi modi, ac veluti species beneficiorum vacantium: Ergo quod de vna dicitur, non potest de altera intelligi: siquidem à diuersis non fit illatio, sed si ante 17. ff. de except. l. si maritus 10. C. de donat. inter virum & vxorem, Guido decif. Gratianopol. 264. n. 3. Videri possunt quæ suprà dixi in c. significante 34. hoc tit.

Ampliari debet doctrina primò, Quòd similiter locum habeat in aliis modis siue speciebus vacationis, vt si mandetur alicui conferri beneficium, quod vacat per assecutione alterius incompatibilis, non potest conferri, quod vacat per matrimonij cōtractum: Præterquam si clausula adiecta sit, *vel quouis alio modo vacauerit*. Qua de re post Gl. ver. expressè, videri potest Francus hic n. 8. qui addit n. 9. Si facta sit impetratio beneficii vacantis per mortem Petri defuncti decedentis eo loco, tempore, vel alio quouis modo, non valitum rescriptum, si non per mortem Petri, sed alterius antecessoris proximi vacauit. Quia clausula *vel alio quouis modo* refertur ad id tantum, præsertim in hac materia strictæ, quod proximè antecessit.

2. Ampliari debet secundò, quòd tradita doctrina nō tantum locum habeat in mandatis, & rescriptis beneficialibus, quæ strictæ interpretationis esse debent; & in propria specie ac forma impleri, iuxta l. diligenter 5. ff. mandati; sed etiam in omnibus rescriptis gratiæ seu beneficii Principis, tametsi largam explicationem mereantur, prout rectè hic docet idem Francus n. 6. dans exemplum de eo, cui facta est facultas conferendi quinque beneficia vacantia in diocesi per mortem, non potest eis vi huius priuilegij conferre vacantia per renunciationem, prout docent DD. in c. quamuis 38. cum Gl. ver. decedentium, de præb. in 6. & c. sicut 5. cum Archidiacono & Gl. ver. decedentium, de verb. signif. eod. libro. Idque probatur: Quia nulla gratia, aut dispositio extendi potest ultra mentem seu intentionem concedentis, aut disponentis: Mens autem siue intentio disponentis ex verbis colligi debet secundum propriam institutionem eorum, aut consuetudinem acceptionem, qua de re dixi lib. 1. Theol.

moral. tr. 4. c. 18. n. 5. Quamobrem dicunt DD. quòd priuilegium non plus operatur, quàm verba exprimunt, vti colligitur ex c. porro 7. de priuileg. vbi Gl. ver. tenorem, quòd *priuilegium in sua forma tantum seruari debet, & non vltra extendendum*. Et videri de hac re potest Suarez lib. 8. de legibus c. 18. num. 15. 16. Sanchez lib. 8. de matrim. disp. 8. num. 4.

Ampliari debet tertio, Vt etiam locum habeat doctrina, etsi gratia proprio motu Principis concessa sit: propter rationem iam traditam; idque docuit idem Suarez n. 15. cum Gl. in Clem. 2. ver. directas, de præbend. vbi ait, *quòd motus proprius non ampliat gratiam, aut vim verborum, licet excludat subreptionem*.

Ampliatur quartò, quòd doctrina huius etiam habeat locum in rescriptis aut concessionibus aliorum Ordinariorum; quia ratio suprà tradita eodem modo in ijs ostendit.

NOTANDUM II. Circa ea verba, *Nisi de inuentione mandatis, &c.* Quòd à verborum proprietate & communi acceptione recedendum sit, si de alia intentione scribentis appareat, iuxta l. non aliter 67. ff. de legat. 3. *Intentio*, inquit Francus hic n. 4. *præferunt verbis, si de illa appareat, seu probari potest*. Quia verba instituta sunt ad significandam intentionem siue mentem loquentis: si ergo de ea aliunde constet, ratio verborum habenda non est. Quod vel maximè locum habet in Principe, qui verborum eicte formæ astrictus non est.

Aduertendum autem hoc loco, extensionem hanc verborum vltra eorum proprietatem, aut communem acceptionem, factam ex inuentione intentione loquentis, aut mandantis, vberiorè & ampliorem esse oportere in materia fauorabili, quàm in materia odiosa, aut quæ strictam interpretationem requirit, prout admonet idem P. Suarez cit. cap. 18. n. ult. Quare non immeritò Pontifex in casu huius c. vtrā materiam odiosam versante, requisit, vt à recepta verborum significatione recedatur, de alia scribentis intentione *apparete expressè*. Sin autem materia fauorabilis sit, v. g. Principis gratia nemini præiudici-

iudicans. item statutum aliquod, vel promissio obligationem inuehens, minore euidencia, attamen coniecturæ valde probabiliter conuincentes sufficient ad hanc vltra verborum proprietatem &c. faciendam extensionem. *Spestanda est*, inquit bene Suarez, *materia subiecta*: nam ad illam solent verba accommodari: & præcipue spestandum est, an sit *materia ambitiosa*, vel etiam *periculosa*, ex qua possit sumi occasio ad multiplicandas lites, vel peccata, ut videl. tunc verba coarctentur. Præterea circumstantia omnes causarum, & personarum diligenter attendende sunt: nam hæc omnia conferuntur, tum ad significationem verborum, tum ad mentem Principis intelligendam. Videri possunt, quæ dixi in c. 3. de Constitut.

Exinde resolui potest, Si vel à fundatore mandatum, vel à Capitulo aliquo legitime statutum sit, ut post mortem vnius beneficiarii, persona talis qualitatis substituatur, vel persona substituta, in locum defuncti, tale onus, aut commodum ferre debeat, num idem quoque extendi debeat ad eos, qui in beneficio succedunt per resignationem. Quæ de re Ioann. Andr. hic col. 1. Francus n. 3. Arbitror autem non posse generalem doctrinam tradere, sed ex materia subiecta, & circumstantiis colligendum fore, quænam fuerit mens statuentium: quippe qui sæpe ad iuridicam verborum acceptionem non exactè attendere solent, atque interdum vnam speciem vacationis, vid. per mortem, tanquam quæ cõmuniter accidere solet, nominare, ut tamen idem quoque in aliis, ob rationis identitatem, fieri velint, iuxta doctrinam apud Sanchez lib. 7. de matrim. disp. 8. n. 13. quod verba posita in dispositione ob frequentiores vsum, eam non restringunt.

4. NOTANDUM III. Mors ciuilis (vid. renunciatio aut depositio) mortis naturali non æquiparatur, nisi in casibus iure expressis. Ita sumitur ex hoc c. i. in Gl. ver. non morte, &c. ex ea parte, 12. 1. §. lo insulã, ff. de verb. obligat. vbi Gl. quod appellatione mortis, naturalis intelligitur, non ciuilis. Tametsi enim mors ciuilis, v.g. depositio, æquiparetur in iure mortis naturali, tamen æquipara-

tio ista locum nõ habet, nisi in casibus æquiparatis, uti videre licet apud Franc. hic & DD. ab eo citatos n. 16.

CAPITVLVM VII.

Gratia.

PARAPHRASIS.

Titius ignorans beneficium ab Episcopo sibi absenti collatum esse, impetrauit aliud beneficium à Sede Apostolicâ, nulla facta mentione beneficii prius sibi collati. Hoc casu dubitatum fuit, vtrum gratia Papalis valida, an vitiosa, seu subreptitia sit. Resp. Bonifac. VIII. validam esse, ita ut quidem vtrumque retinere non possit, si beneficia incompatibilia sint: fore tamen in optione impetrantis, vtrum eorum relinquere velit.

SUMMARIUM.

1. Beneficio sibi ab inferiore collato, nondum autem acceptato, potest à Papa validè aliud impetrare, nulla etiam mentione facta de collatione prioris, alterutrum tamen retinere debet, si de iure simul sint incompatibilia.
2. Rescriptum iactatū veritate obuentum, si ne dolo, valebit, si Papa etiam veritate cognita id concessisset, quamuis alio modo, aut sub alia conditione.

Variæ sunt huius c. explicationes, uti videre licet apud Domin. hic, & Francum n. 3. DD. in c. super literis, vbi Anton. n. 27. Abb. n. 5. Felin. n. 6. hoc tit. Sanchez lib. 8. de matrim. disp. 21. n. 60. Quid sentiam mox indicabo.

NOTANDUM Vn. Si cui ab inferiore collatore beneficii collatio facta sit, is quæ nondum acceptarit, seu consensum dederit, à Papa, nulla etiam mentione facta ea collatione, validè impetrat gratiam alterius beneficii: Si tamen vtrumque simul secundum canones retinere non possit, altero, quod maluerit, contentus esse debet. Hunc sensum videtur amplecti Gl. super ver. ignorant.

Quod

Quodd rescriptum beneficiale in hoc casu validum & non obreptitium sit, ita ostenditur: Vel enim esset obreptitium, quodd secundum stylum Curie, mentio prioris beneficii, quantumvis modici, tanquam forma seu conditio necessaria, requiratur, iuxta c. penult. hoc tit. in antiq. & c. si motu 23. de prae. in 6. Id verò dici non potest: quia canonici isti loquuntur de beneficio obtento. In casu autem nostro prius beneficium obtentum non est: cum ante consensum praestitum, is cui collatio facta, nihil penitus iuris in illo habeat, praeter id, quod consentiendo siue acceptando ius in eo acquirere possit, c. si tibi absenti 17. de prae. in 6. Vel obreptitium esset ex eo, quodd taciturnitas factae collationis, quamvis necdum acceptatae, causam praebat rescripti siue gratiae Papalis: quandoquidem si Papa veritatem cognovisset, verisimiliter non concessisset, cum per hanc viam beneficiorum pluralitas inuehi possit, à qua sacri canones, eorumque fideles custodes Romani Pontifices abhorrent, vti colligitur ex c. cum adeo 17. c. postulasti 27. c. in nostra 32. hoc tit. & ex Concil. Trident. sess. 24. c. 17. de reform. Verum aduertere oportet ad suprà cit. c. super literis 20. iis verbis: *factem in* 2 *forma communi literas dedissemus*: Exinde enim sumitur doctrina, si rescriptum (siue iustitiae, siue gratiae: cum eadem vtriusque ratio sit, nisi quodd hoc propter obreptionem, ipso iure vitatur, illud verò ope exceptionis) tacita veritate obtentum sit, sine dolo, valiturum rescriptum, si Papa etiam veritate cognita, concessisset, quamvis alio modo, aut sub aliqua conditione: tunc enim rescriptum siue gratia, saltem cum eo modo, aut conditione, executioni mandari poterit. Id verò in proposito casu ita accidit: Aut enim duo illa beneficia impetrans de iure, id est, iuste, & canonicè simul obtinere potest: tunc taciturnitas ea prioris collati, non acceptati beneficii, nequaquam est causa gratiae Papalis, quia eam Papa, etià re cognita, absolūtè, eodemque modo fecisset. Aut vtrumque simul de iure, id est, iuste, legitime, canonicè obtinere non potest: (non tantum si speciali ratione incompatibilia sint, iuxta c. referente,

7. & c. de multa 28. de prae. sed etiam ideo, quia obstat à sacris canonibus prohibita beneficiorum pluralitas, quorum singula ad honestam sustentationem sufficiant) tunc Pontifex illi, qui collationi, aut etiam electioni de se factae non consensit, aliud quoque conferret, sed sub modo & conditione, quae hic expressa est, vt vtrumque non retineat, sed si prius acceptare velit, posterius à Papa impetratum relinquit: sin hoc malit, illud ne acceptet, vel acceptatum resignet. Quod ipsum in hoc c. tanquam æquum & canonicum fieri iubetur.

CAPITVLVM VIII.

Quamuis.

PARAPHRASIS.

Titius à summo Pontifice gratiam obtinuerat de conferendo ipsi beneficio in ecclesia Cathedrali N. Mox idem Pontifex, vel successor eius gratiam reuocauit: Deinde verò similem gratiam Caio clerico ad eandem contulit ecclesiam: Postea dictus clericus Titius gratiae reuocatae restitutionem ab eadem Apostolica Sede impetravit. Cum itaque in ea Cathedrali ecclesia beneficium vacasset, dubitatum fuit. Titiusne, an Caius in eius affecutione esset preferendus? Respondit hic Bonifacius VIII. Papa, Titium preferendum esse: Quia talis restitutio, si aliud non exprimitur, fieri censetur sine praedicio iuris alieni.

SYMMARIUM.

1. Princeps nunquam censendus est gratiam alteri facere cum alterius iuris praedicio.
2. Restitutio à Principe alicuius ad iura sua legitime an. issa, noua gratia est, id est, non semper ea fit in integrum.
3. Episcopus non potest restituere presbyterum ob crimen depositum, inuito patrone.

NOTANDVM I. Princeps nunquam censendus est alicui gratiam facere, cum alterius

terius iactura, siue diminutione iuris sui, nisi id exprimatur. Dixi de hac re in c. quæ in Ecclesiis 7. de Constitut. Admonet autem Francus hic n. 3. ex hoc textu apparere, id etiam locum habere in materia, in qua Princeps per solam voluntatem suam possit ius alienum auferre, prout est in materia beneficiæ.

2. NOTANDUM II. Si quis à Principe ad iura sua, quæ legitime amisit, restituatur, censetur hæc noua gratia, ideoque non semper sit ea restitutio in integrum, ita vt omnia recuperet, quæ tempore priuationis habebat, prout fieri solet in restitutionibus, quæ exigente iustitia, aut æquitatis ratione fiunt, ob læsionem, ob vim, &c. l. 1. ff. ex quibus causis maiores &c. l. 1. & l. ult. in fine C. de sentent. passis. Ita sumitur ex hoc c. ver. cum talis, iun. Gl. ibid. & docet Baldus in cit. l. ult. Felinus in c. venerabili prine. de offic. deleg. Abb. in c. quia, n. 7. de elect. Ratio est: quia actio, seu ius quælibet, quod semel extinctum est, non renascitur, l. qui res 95. §. Aream, ff. de solut. vbi dicunt DD. quod obligatio extincta nunquam reuiuiscit.

Exinde colligitur primò cum Gl. hic ver. cum talis, quam Canonistæ communiter sequuntur, Zafius item allegato textu huius in Liura ff. de legibus; Si quis à Principe ob commissum erimen bonis suis priuatus sit, & postea restituatur, non recuperari ab ipso ea bona, quæ medio tempore alienata, aut alteri donata sunt: Cum enim res ac dominium bonorum pristinum amiserit, illud per restitutionem non recuperat: sed per nouam gratiam, concessionem, seu donationem Principis; quæ fieri non censetur cum præiudicio iuris alii personis acquisiti. Quare neque fructus intermedio tempore percepti recuperabuntur; si eorum percipiendorum ius alteri relinquebatur, Auth. Idem de Nestorianis, Cod. de hæreticis, & docet Francus hic in fine c. Zafius citato loco. Dixi de hac re aliquid in c. quæ in ecclesiis, dub. 1. de Constitut.

3. Secundò colligit eadem Gl. communiter recepta, Si ecclesiæ alicuius Presbyter ob erimen canonicè amotus, seu depositus sit,

postea restitui non posse ab Ordinario, sine patroni consensu, seu repugnante patrono. Ratio dari debet, partim quia est potius hæc noua institutio, quàm iuris pristini restitutio; ideo quodammodo noua patroni præsentatio necessaria est: partim quia negari non potest, vacante beneficio per depositionem, patrono acquiri ius alium præsentandi; quod ius inuito adimi non debet.

CAPITVLVM IX.

Si eo tempore.

PARAPHRASIS.

Sempronius cum vicefimum quartum ætatis annum necdum haberet, ideoque propter ætatis defectum ad beneficii curatum inhabilis esset, c. cum in cunctis 7. de electione. à Pontifice impertravit mandatum de providendo ipsi beneficii curam, vel sine cura animarum. Cum autem Sempronius annum ætatis 24. attigisset, vacauit in ecclesia beneficii curatum: dubitatur, an auctoritate litterarum Apostolicarum ipsi conferendum esset. Resp. Papa, conferri non posse: quia in gratiis beneficalibus inspiciendum est tempus datæ litterarum. Cum itaque eo tempore Sempronius inhabilis fuerit ad beneficii curatum, habilis verò ad non curatum: vigore eius rescripti consequi potest beneficii sine cura, non autem cum cura.

SUMMARIUM.

1. Rescriptum beneficalis, quod & quatenus tempore datæ litterarum fuit propter obreptionem irritum, non conualescit tractu temporis ob rei mutationem.
2. Idem quod secundum unam partem obreptionem est, secundum alteram, non conualem, sed separabilem, consistere potest.

NOTANDUM I. Rescriptum gratiæ, seu beneficalis, quod, & quatenus tempore imper-

impetrationis seu datæ literarum. propter obreptionem, irritum fuit, non potest tractu temporis, propter rei mutationem, conualescere. Ita intelligit & explicat Abb. in c. dilectus 27. n. 8. de præb. Felin. in c. eam te n. 18. hoc tit. Mart. Nauarr. in c. si quando except. 10. n. 6. vbi ait, quod ad cognoscendum, num rescriptum beneficiale obreptionis sit, attendi debet tempus *data*: Ita vt non sufficiat tempore executionis impetrantem habilem esse ad beneficium; nisi etiam fuerit tempore impetrationis, siue datæ literarum. Qui est casus huius cap. Ratio dari debet, quia *non firmatur tractu temporis, quod ab initio de iure non subsistit.* reg. 18. in 6.

Neque obstat huic doctrinæ, c. ei cui 29. in 6. vbi significari videtur per sensum cōtrarium, interprete Gl. ibid. ver. nondum; Si quispiam à Papa gratiam impetrauit, quā simpliciter mandabatur, vt beneficium proximè vacaturum ei conferretur; accidit autem, vt vacet sacerdotalis; conferri non posse vi eius rescripti, si tunc, id est, tempore vacationis impetrans ætatem legitimam affectus non sit; posse autem, si tunc affectus sit. Itaque ait Glossa: *inspicimus non tempus data siue vacationis beneficij, in quo gratiæ beneficiæ executio fit.* Resp. cum Abbate & Felin. cit. locis, In cap. illo *Eius*, nullam obreptionem contigisse; Igitur aliam regulam ex eo colligi, Videt. Cessante obreptione, si agatur de gratia, cuius effectus pendens & executioni mandatus non est, spectandum esse tempus non concessionis, seu impetrationis, sed executionis.

Ex quo colligit Abb. loco supra cit. Dominic. & Francus hic n. 5. Si Papa motu proprio mandasset iuxta tenorem huius c. videl. vt Titio beneficium proximè vacaturum cum cura, vel sine cura, prouideatur, posse prouideri curatum, etsi tempore impetrationis ætatem requisitam ad curatum non habuerit, dummodo eo tempore habeat, cum vacat curatum. Ratio est: quia motus proprius tollit obreptionem, c. si motus, 23. vbi omnes DD. de præb. in 6.

Dicit quispiam: Motus proprius tamen obreptionem tollat, non tamen tollit incapa-

pacitatem, seu inhabilitatem personæ, nisi quid addatur, ex quo colligi possit, Papam dispensare, seu impedimentum tollere velle, vt docet Gl. recepta in Clem. Si Romanus 4. ver. validam, de præb. & alia Gl. in cit. c. si motu, ver. ob hoc: vbi exempla ponuntur, de defectu natalium, vel ætatis, vitio corporis, bigamia, & similibus; quæ licet per viam subreptionis parri opponi non possint, opponuntur tamen per viam iuris communis; cum proprius motus talium dispensationem non faciat. Resp. nulla esse hie difficultatem; Vera enim hæc sunt, si addit incapacitas ex parte recipientis gratiam; vt si Papa puero conferat beneficium curatum; cum tamen nullum indicium appareat vossisse dispensare. Hic autem nulla adest incapacitas ex parte recipientis gratiam; cum secundum ius, certa ætas, videl. 24. annorum completorum, non requiratur ad acquirendam gratiam pro beneficio curato vacaturo; sed vt eam ætatem habeat clericus, cum ei tale beneficium conferatur.

NOTANDUM II. Rescriptum beneficiale, quod secundum vnâ partem obreptionis, & irritum est, secundum alteram partem, non connexam, sed separabilem; consistere potest. Quia vtile per inutile vitiari non debet, reg. 37. in 6. Sumitur a parte ex hoc c. ibi, *Beneficium autem sine cura*; & tradit Gl. communiter hic recepta, in fin. notando, Felin. allegato hoc c. in c. Sedes n. 2. hoc tit. Nauarr. consil. 8. n. 3. hoc tit. Gaill. lib. 1. obs. 66. n. 11.

CAPITVLVM X.

Si propter.

PARAPHRASIS.

Bonifacius VIII. Episcopo cuidam specialiter gratiâ concessit, vt ad dissolutionem debitorum ecclesiæ suæ omnium beneficiorum vacantium in diocesi primos fructus ad quinquennium percipere possit, non obstantibus quibuslibet consuetudinibus, priuilegijs, vel statutis, per quæ gratia ista impediri posset. Sed quia

liquorum beneficiorum fructus primi anni speciali consuetudine, privilegio, vel statuto debebantur ecclesie Cathedralis fabricæ, vel alteri vsui, vel aliqui personæ singulari, dubitatum fuit, quid de his fructibus faciendum esset. Resp. Papa, intentionem suam non esse, nouā illā concessione specialibus antea factis primorum fructuum applicationibus præiudicium asserre, nisi id expressum fuerit,

SUMMARYM.

1. *In generali concessione primorum fructuum Episcopo facta non comprehenduntur hi qui antehac fabricæ, alterius pio vsui, aut personæ debebantur.*
2. *Fructus hi seu redditus primi anni, quæ & annata vocantur, in vacantibus beneficijs iure designari possunt, & alteri pio vsui aut personæ applicari non tantum à Papa, sed etiam ab inferioribus Ordinarijs, qui tamen applicare non possunt eis sua mensa.*
3. *Si Episcopo Pontifex fructus omnium in diocesi vacantium beneficiorum cõcedat, ea generalitate comprehenduntur etiam dignitates v. g. Præpositura, Decanatus &c.*
4. *Non autem beneficia, & Prælatuæ exemptæ.*

HVIVS e. responsum non vno modo intelligitur: Aliqui volunt, mentem Pontificis Bonif. VIII. fuisse, vt fructus primi anni ex vacantibus beneficijs darentur ecclesie fabricæ, aut personæ illi, cui antehac dari debebant: at verò fructus anni secundi, ex speciali Pontificiâ concessione, Episcopo obuenirent. Ita significat Ioan. Monachus in e. cum aliquibus, ibid Probus hoc tit & lib. & alij, quos refert Gl. final. hic: Quia clausula *Non obstantibus* non tollit obstacula temporalia: (quod enim differretur, non aufertur) sed quæ gratiæ extinctionem operari possent. Alij verò, vt Gl. cit. Ioann. Andr. & alij multi dicunt, fructus primi anni Episcopo deberi ex Papali hac concessione: fructus autem secundi anni eo-

cclesie fabricæ, vel alteri vsui, iuxta consuetudinem, statutum, &c.

Sed neutra expositio textui congruere videtur: Et cum reservationes primorum fructuum cedant in præiudicium ac damnum beneficiorum, prout videre licet in extrauag. Ioannis XXII. Papæ *Suscepit*, inter communes, Ne Sede vacante aliquid innouetur, ideo credibile non est, nomine primorum fructuum, etiam secundi anni fructus hic comprehensos fuisse: cum id magna & exorbitans extensio esset.

Placet itaque intellectus, quem rubrica & indicat, & tradidit hic Archidiaconus, Petr. Ancharanus: explicant & declarant hic Anton. n. 5. & seqq. Francus n. 12. Quod in generali concessione primorum fructuum Episcopo facta, comprehendi non debent ij fructus, qui antehac fabricæ, alterius pio vsui, aut personæ debebantur: Propterea, quod Papa non censetur vni gratiam facere, cum alterius damno & præiudicio: Cum notum sit, quod privilegium speciale deroget privilegio generali, præsertim subsequenti, c. 1. hoc tit. in antiq. vbi id docui not. 3. dicto 4. & pertinet hac iuris reg. 81. in 6. *In generali concessione non veniunt ea, quæ quis versimiliter non esset in speciem concessurus.*

Neque iuvat causam Episcopi clausula *Non obstantibus*, posita in textu: quia ea intelligi debet secundum limites concessionis; videl. vt eorum beneficiorum vacantium fructus primos, qui ex voluntate Pontificis Episcopo obuenire debent, nulla consuetudo, privilegium aut statutum (si quod sit v. g. vt fructus omnes sine diminutione ad successorem in beneficio perueniant) impedire possit. Voluntas autem Pontificis alia non fuit, neque rationabiliter esse potuit, nisi eorum omnium beneficiorum vacantium, quæ antea simili onere erga alteram causam, aut personam grauata non erant, fructus ad quinquennium Episcopo, ad solvenda debita, concedere.

NOTANDUM I. Privilegium siue gratia generalis non derogat priori gratiæ seu privilegio speciali: sed potius ab ea limitatur,

tur, seu derogatur, iuxta regul. 81. ff. *In toto iure generi per speciem derogatur.*

NOTANDUM II. Fructus seu redditus primi anni, quæ & annata dici solent, legitimâ auctoritate designari possunt in vacantibus beneficijs ecclesiasticis, vt summo Pontifici, Episcopo, ecclesiæ fabricæ, vel alteri pio vsui, ob rationabilem causam, applicentur. Et fieri solet hæc fructuum demendorum designatio ante beneficiorum collationem, ita vt affecta iam hoc onere ad instituendos beneficiarios perueniant, prout annotauit Thom. Campegius de annatarum institutione, n. 11.

QUESTIO prima: Cuius auctoritate annata seu beneficiorum primi fructus designari, & alteri pio vsui aut personæ applicari possint? Respondeo, De Rom. Pontifice non posse esse dubium, prout constat etiam ex hoc c. sed & inferiores Ordinarios, videlicet Episcopos, ex iusta & rationabili causa, beneficijs annatas imponere posse, docent DD. hic in Gl. margin. Campeg. cit. loco. n. 6. Ioann. Andr. hic n. 5. vbi resoluit, quod Episcopus cum Capitulo, statutum facere possit de certa parte fructuum primi anni ex beneficijs in diocesi vacantibus applicanda ad fabricam ecclesiæ cathedralis, si eius reparandæ necessitas sit. Non potest autem Episcopus, etiam cum Capituli consensu, statuere, vt primi anni prouentus suæ mensæ applicentur; quia auctoritatem præstaret in proprio facto, seu proprio commodum, Clem. 2. de rebus ecclesiæ non alienand. Quare hoc in casu Pontifici auctoritate opus est, prout etiam in hoc c. apparet.

Videri possunt, quæ de annatis scripti Theol. moral. lib. 4. tr. 10. cap. vlt. § 5. n. 46. Quod adhuc hodie in quibdam Germaniæ ecclesijs vigeant, & quidem ita, vt Episcopo primi fructus, seu potius eorum pars moderata referatur. Neque satis constat, num per Concilium Tridentinum sess. 24. cap. 14. de reform. huiusmodi primorum fructuum ex vacantibus beneficijs subtractio simpliciter prohibita sit: an verò duntaxat, ne ita accipiantur, vt simoniæ speciem

gerat, pro collatione aut institutione capiantur.

QUESTIO secunda: Si Pontifex, iuxta casum huius c. omnium in diocesi vacantium beneficiorum fructus Episcopo concedat, num eâ generalitate comprehendantur etiam dignitates, v. g. Præpositura, Decanatus: & num etiam beneficia & Prælaturæ exemptæ? Ad primum, videri posset negatiuè esse respondendum: Quia in materia odiosa, adeoque strictæ interpretationis, nomine communi beneficiorum non veniunt dignitates: hæc autem annatarum concessio odiosa esse videtur: cum sit contra primæuam beneficiorum institutionem, atque derogat iuri instituendorum beneficiorum, quibus integri prouentus obuenire deberent, iuxta tit. lib. 3. decret. vt beneficia ecclesiastica sine diminutione conferantur. Nihilominus affirmatiuam partem rectè hic tenent Ioan. Monach. & Ioan. Andr. & sumitur apertè ex c. penult. de verbor. signifi. Ratio dari debet: Quia hæc concessio siue indulgentia potius fauorabilis, quàm odiosa censi debet, prout hic Gl. indicat, ver: primi anni, & tradit Francus hic n. 6. Domin. n. 9. Idque partim spectatâ intentione Pontificis, iuxta regulam, quam ijdem DD. tradunt, Couarr. lib. 1. resol. cap. 11. n. 5. Sanchez lib. 1. de matrim. disp. 1. n. 4. In dispositionibus, quæ vnâ ratione odium siue onus, alterâ fauorem continere videntur, principalem disponentis intentionem considerandam esse: dummodò ita res constituta sit, vt odium à fauore separari non possit: At verò si separari queant, tum eâ parte, quâ dispositio fauorabilis est, latè explicari, quâ verò odiosa, strictæ interpretationis esse debet, prout cit. locis Couarr. Sanchez declarant: Cùm itaque intentio Papæ præcipua fuerit fauorem Episcopo præstare, vt à debitis, quibus Episcopatus grauatus erat, liberaretur, nec possit fauor iste separari ab onere, seu derogatione iuris, quæ de obiectio fuit, ideo dicendum, concessionem hanc latè explicandam esse: Partim verò, spectatâ materiâ concessionis, hoc ipsum dici conuenit: Cùm sit facta Episcopo, tanquam patri

comparatione aliorum beneficiariorum diocesis: quibus, ut filijs, incumbit prouidere Episcopo, si indigeat: eaque ipsa prouisio, siue subsidium in honorem ipsorum quoque deriuatur. Quare licet, absolute loquendo, onus quoddam eorundem sit, tamen charitas subleuat, ut non aestimetur: Deinde si alij inferiores beneficiarij onus sustineant, ut primi anni fructibus, aut aliquā eorum portione carant, multo id magis sustinere debeat Præpositum, Decanum, & Canonicos, quippe qui in maiore gradu constituti, Episcopo suo propinquiore, magisque coniuncti sunt.

Ad alterum membrum quæstionis, affirmatiue respondet Ioan. Andr. hic n. 1. Petr. Ancharan. not. 3. Tametsi enim beneficia à iurisdictione Episcopi exempta sint, tamē in diocesi ejus existunt. Sed contrarium magis placet, quod hic Archidiaconus & alij ab Anthon. de Butrio n. 20. allegati docuerunt.

4. Nam beneficia hoc ipso quod à iurisdictione & curā Episcopi exempta sunt, cum ipso communionem non habent, ideoque nec obligationem erga ipsum suscipiunt, præterquam in casibus specificè expressis. Confirmatur: Exemptio est veluti speciale priuilegium: Et ideo per generalem concessionem ei derogatum censetur, argum. huius c. & l. decurionibus 3. c. de sennarijs lib. 12. iuncta Gl. Ad argum. pro parte affirmatiua resp. Beneficia exempta, cum administrationi episcopali subiecta non sint, non censeri esse de diocesi saltem generali appellatione beneficiariorum diocesis, in oneribus seu præstationibus non comprehendij.

CAPITVLVM XL

Statutum.

PARAPHRASIS.

Circa modum rescriptorum Apostolicorum ad lites aliter hic statuit Pontifex Bonifacius, quam antea tum ab ipso, tum ab alijs Pontificibus statutum erat. Et pri-

mò decernit, ut controuersie auctoritate Sedis Apostolicæ, vel legatorum eius, alijs non delegentur, quam ecclesiasticam dignitatem, vel personatum obtinentibus, aut Cathedralis ecclesiæ Canonicis. Deinde ut hæc causæ alibi non cognoscantur, quam in ciuitatibus & locis insignibus, ubi copia peritorum haberi possit.

SUMMARIVM.

1. Causæ ab Apostolica Sede, vel eius legatis commissi debent dignitatem ecclesiasticam aut personatum gerentibus, & Cathedralium ecclesiarum Canonicis.
2. Dignitatem habes, & delegationis capaces sunt, qui à præminentia, quam cum ecclesiastica iurisdictione gerunt, amouibiles sunt.
3. Hinc delegati Papa esse possunt Vicarius Episcopi generalis, seu Officialis principalis: & si duo sint Officiales aq̃ue principales, utriusque delegari potest.
4. Priores, qui toti Conuentui cum iurisdictione præsunt, possunt esse delegati Papa; non autem Guardiani Ordinis Minorum, nec Superiores Societatis IESU sine Præpositi Generalis licentia.
5. Beneficium & dignitas habet se ut excedens & excessum. Vicariatus enim generalis dignitas est, non beneficium, idem est de Cancellariatu in Academiâ à Sede Apostolicâ approbatâ; & Superioratus Ordinum Mendicantium.
6. Commissio alicui facta ratione officij vel dignitatis, quam postea resignauit, non ab ipso sed eius successore expediri debet, siquid est, si commissio facta sit persona.
7. Canonicis, ad quem littera Papales directæ sunt, ingrediens religionem, potest eas exequi.
8. Professus ecclesiæ Cathedralis regulari possunt esse Papa delegati, aut Legati, uti vniuersim omnes Canonici, etiam qui præbendam non habent.

9. Altera

9. *Actore & reo in eadem ciuitate aut diocesi existentibus, causa committi non potest extra ciuitatem aut diocesim, nisi in casibus hic nominatis.*

10. *Actor contra reum diuersa ciuitatis aut diocesis debet impetrare delegatum vel in ciuitate aut diocesi res, vel in alia non propria, nec ultra unam dietam exiens.*

11. *Delegatus extra locum commissionis nil agere potest, nisi de consensu partium expresse, nec alteri causam subdelegare, nisi in eum locum, & personis requisitam qualitatem habentibus.*

12. *Delegatus Apostolicus ad lites nullum munus à partibus accipere debet, nisi sit esculentum aut poculentum ex mera liberalitate oblatum, quod intra paucos dies absumi possit.*

13. *Alioquin acceptum restituere debet.*

14. *Et hoc etiam intelligendum est de aliis commissariis, quibus v. g. dispensationes super uotis, aut matrimonij impedimenti committuntur.*

15. *Ei incumbit sumptus prestare, cuius gratia actus exercetur.*

16. *Delegatus non debet assumere assessorem, nisi eo in conscientia indigeat, qui neuiri parti fuisse ius, & huic salarium pariter soluens, quod tamen, uti & Notariorum, delegatus iudex moderabitur, nec cum ijs, aut cum assessore lucrum participabit.*

Quis aliquid aduersus hanc constitutionem acceperit, ad integram restitutionem tenetur, non profutura ipsi remissione ab ijs facta, quibus restitutio fieri debet.

17. *Si quid iudicis conscientia aut prudentia relinquitur, non est locus querela, aut appellationi: nec opus certâ causâ cognitione aut probatione: pars tamen officium iudicij implorare non prohibetur, ut compellas Commissarium ad id, quod conscientia eius commissum est, rationabiliter expediendum.*

18. *Inhabilitas comparandi dominij accepti munneris non est ad alios iudices delega-*

tos extendenda, quàm P. p. & Legatorum eius.

19. *Delegatus non debet vocare testes, nisi causa status id requirat, & tunc producens expensis pro accessu, discessu, &c. soluere cogitur.*

20. *Quidquid contra hanc constitutionem actum fuerit, ipso iure irritum est.*

NOTANDUM I. Expedit quandoque, ut leges anteriores, si Reipublicæ minus commodas esse experientia doceat, mutantur, & aliz constituantur. Ita hic, & in c. non debet 8. de conf. & affinit.

NOTANDUM II. Tametsi dignitas & personatus interdum pro eodem accipiantur, uti colligitur ex c. eam accessissent 8. de constit. interdum tamen distinguuntur, ut dignitas sit ecclesiastica præminencia, iuncta eum iurisdictione fori externi: Personatus autem ecclesiastica præminencia sine iurisdictione. Quare de dixi in mor. Theol. lib. 4. tr. 2. cap. 4. n. 4.

NOTANDUM III. Causæ, auctoritate Sedis Apostolicæ, aut Legatorum eius, alijs committi non possunt præter dignitatem ecclesiasticam aut personatum gerentes, & Cathedralium ecclesiarum Canonicos. Hoc est præcipuum huius c. constitutum, pro cuius intellectu, anse omnia, circa verbum *causa* duo aduertenda sunt. Primum, cum Glossa ibid. quam interpretes ibi communiter approbant, & Imola in c. cum in iure, ibidem Abb. n. 2. de elect. fusc. Nauarr. in c. cum contingat, nullit. 2. n. 4. & seqq. Sermonem hic esse duntaxat de commissionibus, quæ fiunt cum annexa iurisdictione: sic enim nomen causæ accipi solet, ut iurisdictionem inuoluat, prout colligitur ex c. super questionum 27. post princ. de off. delegat. Quare annotauit Nauarr. cit. loco distinguendum esse inter executores, qui deputari solent super gratiis Sedis Apostolicæ: Aut enim sunt executores meri, qui partes iudicis assumere non debent, sed executionem tantum mandati facere, v. g. beneficium conferre, aut prouisum in possessionem mittere, nemine se opponente: Item ij, quibus articulus non iurisdictionis.

dictionalis, sed nudum ministerium; v.g. testium receptio committitur: hi non indigent ea qualitate, quæ in hoc c. postulatur. At verò executores gratiarum, qui partes iudicis assumere debent, iurisdictionem eue obinent, secundum Gl. receptam in Clem. vn. ver. *executores*, vbi ait, *quod executores ad prouidendum delegatam iurisdictionem habent*, in ijs requirantur huius c. qualitates; Tametsi in commissione non contineantur verba iurisdictionis processum significantia, vid. *vocatis*, *vocandis*, aut *contradictores compescendo*, & c. quia talis clausula tacite intelligitur in negotiis causæ cognitionem requirentibus. Et hæc eadem sentiri debent de subexecutoribus, prout videre licet in Rot. Romana decis. 1. de off. deleg. in antiquis: *Executor datus in literis gratis non potest mandare subexecutori, nisi sit persona habilis, de qua cauetur in c. statutum, de rescript. in 6. quod talis executor habeat potestatem cognoscendi, seu assumendi iudicis officium: Nudum autem ministerium simplici presbytero seu curato bene potest demandare, ut notat Archidiaconus in eo c. statutum, ver. causa.* Confirmatur ex c. cum in iure 52. de elect. vbi causa electionis faciendæ, adeoque extrajudicialis, commissæ est fratri cuidam Ordinis Predicatorum: cum itaque in hoc disertè nihil fuerit mutatum, & iurium correctio vitanda sit, c. cum expediat 29. de elect. ideo in eodem iure antiquo persistendum, arg. l. precipimus 32. Cod. de appellat.

Alterum: Statutum huius c. duntaxat locum habet in causis, quæ suapte natura coram ecclesiastico iudice tractari debent; Non item in ijs causis, in quibus etiam iudex laicus; secundum canones, idoneus esse potest, videl. si Pontifex in causa criminali, aut ciuili, contra laicum sibi subditum, aut per viam appellationis contra alium, iudices deleget; Cum enim commissio hæc iudici laico fieri possit, non minus poterit fieri clerico earenti qualitate hic requisita: excepta tamen sanguinis causa. Ita ex communiore annotauit Francus hic n. 12. post Ioann. Andr. in c. sua nobis 63. col. 1. de appellat.

2. **QUESTIO prima:** Vtrum ij dignitatem:

gerere, & delegationis capaces censeri possint, qui à præeminentia, quam cum ecclesiastica iurisdictione gerunt, nuntio Superioris, amobiles sunt? Responso est affirmatiua, prout videre licet in Clem. 2. hoc tit. Vbi in primis responsum est de principali Officiali Episcopi, quod à Sede Apostolica, vel Legato eius, dari possit delegatus; Is enim licet pro arbitrio Episcopi, aut sede vacante, Capituli eum constituentis, amoueri possit; tamen dum in officio est, ex episcopali iurisdictione ac tribunali; cui præest, præeminentiam ac dignitatem gerit, prout annotauit Gl. in cit. Clem. 2. ver. delegatus, Sbroz. de Vicar. generali lib. 1. q. 49.

Est autem hic aduertendum, eum qui in his aliisue pluribus regionibus, appellari solet Vicarius generalis Episcopi, in Italia appellari Officiale principalem, sicuti Azor testatur tom. 2. lib. 3. cap. 13. q. 8. Quamobrem literæ Apostolicæ, hæc quæ ad vitromontanas regiones destinantur, Officiali inscribuntur. Quo verbo semper intelligi solet principalis Officialis, cui videl. iurdictio episcopalis generatim, tam quoad causas, quam quoad loca diocesis commissæ sit, qui apud nos, vti paulo antè dixi, Vicarius in spiritualibus generalis appellari solet. Quod si verò in ecclesia aliqua, duo sint Officiales, quæ principales, seu duo Vicarij generales concurrentes in ordinaria episcopali sibi commissæ iurisdictione, vtrique delegari potest, secundum Gl. marginal. receptam circa verb. Principalis, cit. Clem. 2. Sin autem ita sint plures Episcopi Officiales; siue Vicarij; vt vnus in temporalibus sit, alter in spiritualibus; vel vnus in certa diocesis parte, aut quoad certas causas, v.g. matrimoniales, decimales; alter verò generatim sit constitutus, tunc iste solus, tanquam principalis literas apostolicas, quæ Officiali inscribuntur, accipiet, vti constat ex prædicta Clem. 2. iun. Gl. ver. Principalis, & verb. foraneo, & videri potest Sbroz. lib. 2. q. 29. Garcias de benef. p. 5. cap. 8. n. 36. 120. Et colligitur ex hoc ipso c. quia Officialis in temporalibus ecclesiasticam iurisdictionem non gerit; Officialis autem in spiritualibus certis causis, adeoque non

non generalis, iurisdictionis quidem officium exercet; sed præminentiam, dignitatemque in ecclesia non obtinet; quare delegatum Sedis Apostolicæ esse non posse, certum est. Imò non desunt, qui cum Gl. in cit. Clem. ver. Officialis arbitrantur, Vicarium generale in spiritualibus delegatum dictæ Sedis Apostolicæ, aut Legati eius, esse non posse, nisi etiam sit Vicarius siue Officialis in temporalibus, vti videre licet apud Sbrozium lib. 1. q. 49. Id tamen verum non est, & ecclesiarum praxi repugnans.

4. Secundò in ead. Clem. responsum fuit de Priore Conventuali, qui Congregationi Regularium cum iurisdictione præest, tametsi is non per electionem constitutus sit, sed à superiore v.g. Abbate, aliòve Prælato, ad nutum eius amovibilis, quòd delegatus esse possit, iuxta tenorem huius c. statutum, At verò Prior claustralis esse non possit. Ratio dari debet, quia Conventuali ille Prior dignitatem ecclesiasticam gerit, cum habeat præminentiam cum iurisdictione iunctam super certo collegij corpore, seu congregatione Regularium: Iste autem, claustralis inquam Prior, Abbati in eadem congregatione seu corpore ecclesiæ subiectus, non dignitatem, sed sollicitudinem potius gerere censetur, vti notavit Capra in ead. Clem. 2. n. 7. Abb. Panorm. in c. nisi essent n. 6. de præbendis.

Exinde inferunt Doctores, Dominicus de S. Gemin. in cap. nullus n. 6. de elect. in 6. Francus hic n. 4. Aug. in summa ver. delegatus n. 3. Syl. V. eod. q. 2. n. 3. & alij cõmuniter, quòd Guardiani Ordinis Minorum possint esse delegati Sedis Apostolicæ & Legatorum, eò quod dignitatem ecclesiasticam habeant. Sed Sanchez lib. 6. moral. cap. 13. n. 81. propter ea quæ tradit Rodriq. tom. 1. reg. qq. q. 65. a. 3. annotat, id PP. Guardianis non licere, propter peculiarem Ordinis constitutionem, eiusmodi iurisdictiones delegatas, iunctas cum Litigio, bonorum temporalium inter partes distributione &c. ad conservandam instituti puritatem, animorùmque quietem, ipsis prohibentem. At verò à Superioribus Societatis nostræ, talia sine Præpositi Generalis licentia, suscipi non posse, constat ex

Constitut. eiusdem Societ. p. 6. c. 3. §. 7. & tradit Sanchez eod. cap. 13. n. 67. & 82.

Corollarium. Beneficium & dignitas habent se ut excedens & excessum. ad eum modum proportionaliter, sicut animal & album, non enim omne, sed quoddam animal album est; & non omne, sed quoddam album animal est: Ita etiam quædam, non omnia beneficia dignitates sunt: & vice versa, quædam, non omnes dignitates beneficia sunt. Quod postrosum declarari debet: Nam primò, vicariatus generalis dignitas ecclesiastica est, sed non beneficium, sicut bene docet Azor cit. cap. 13. q. 8. Ratio dari debet, quia officium, & dignitas ea potius radicitur in principali, videl. Episcopo ipsi autem Vicario quodammodo cessa est: Ex quo fit, vt mortuo aut deposito Episcopo, expiret vicariatus. Mortuo autè, vel amoto Vicario, vicariatus propriè non vacet: cum tamen omnia beneficia, etiam manualia & regulares obedientie vacent, prout annotavit Gl. in cit. Clem. 2. ver. per electionem, & constat ex Clem. vn. de suppl. negl. Prælatorum, in princ. Secundò, Cancellarius in Vniuersitate studiorum à Romano Pontifice approbata, dignitatem seu personatum habet, videl. præminentiam ecclesiasticam: tametsi ea cum iurisdictione iuncta non sit: nam ad Cancellarij officium non requiritur iurisdictione; sed potestas ad gradus & honores academicos, jjs, qui idonei sunt, conferendos: Eapropter literarum apostolicarum delegatus esse potest, vti testatur Azor cit. cap. 13. q. 9. Et tamen Cancellarius ecclesiasticum beneficium dici non potest. Tertiò Superiores Ordinum Mendicantium, iurisdictione præditi super Congregationem, seu corpus aliquod ecclesiæ Regularium, Prælati sunt, ac dignitatem obtinent, vt supra dixi: Et tamen beneficium ecclesiasticum non habent, prout idem Azor annotavit q. 7. Quod maximè verum est in jjs Ordinibus Mendicantium, qui iuxta primam institutionem suam, redditus stabiles non habent. In Collegijs autem Societatis nostræ sunt quidem, ex primævacorum institutione ac fundatione, redditus stabiles: sed cum, eorundem administratio principaliter

non ad ipsos Scholasticos, aut Rectorem eorum, sed ad Societatem Professum, & quoad exercitium & usum, ad Præpositum Generallem pertineant, ideo in dictis Collegijs, ecclesiasticis beneficijs nullus locus esse potest. Videri possunt quæ docui in Censuris astri inext. p. 2. cens. 14. fol. 105. & seqq.

QVÆSTIO secunda; Si quis tempore delegationis dignitatem habuit, vel canonicatum cathedrallem, non item tempore præsentationis, utrùm idoneus sit ad exequendas litteras Papales? Respondeo. Si commissio facta est alicui ratione officij, aut dignitatis sue, quam postea resignauit, non ipse, sed successor in officio & dignitate expedire debet, secus, si commissio facta sit personæ, uti colligitur ex c. quoniam 14. vbi de hac re agendum, de offic. delegati. Ecclesiæ autem Cathedralis Canonico si fiat delegatio, semper censetur facta personæ; cum is propriè successeurem non habeat, secundum Gloss. receptam in c. quod sicut, 28. ver. consentire, in fine, de elect. Atque ita docet Gl. hic ver. canonicis, Domin. & Francus n. 9. Baldus in l. generaliter, C. de Episc. & Cler. vbi benedixit ex l. 2. ff. de Senatoribus; Nisi quis ob crimen remotus, seu depositus sit, ita vt infamiam contraxerit.

QVÆSTIO tertia; Si Canonicus, ad quem litteræ Papales directæ sunt, Religionem ingrediatur, utrùm eas exequi possit? Affirmandum est, cum Anton. hic n. 14. Franco n. 8. Quia status Religionis superueniens non efficit eum incapacem, dummodò Prælati licentia accedat: Et iam suprâ dictum, capacitatem delegati considerari secundum tempus factæ delegationis, quemadmodum & in delegante idem tempus attendendum est, argum. reg. 73. in 6. & tradit specul. p. 1. in tit. 1. §. fin. n. 22. v. Quid si causa, Francus hic n. 8. Rota Rom. tit. §. de rescript. in antiquis decisi. 27. aliis 122.

QVÆSTIO quarta; Utrùm Professi alicuius ecclesiæ Cathedralis regularis, possint esse delegati Romani Pontificis, aut Legati eius? Negat hic Ioann. Andr. post princ. Domin. q. 2. Francus n. 5. dicens, saltè exceptioni contra eos locum esse. Sed contraria senten-

tia videtur probabilior, quæ est Abb. in c. causam n. 9. de iudiciis, Sanchez in cit. lib. 6. cap. 17. n. 83. Cum & ipsi sint canonici Cathedralis: nec status Religionis repugnet, quandoquidem etiam Abbates, & Priores conuētales, qui veri Religiosi sunt, eiusmodi litteras & delegationes suscipere possunt, uti constat ex cit. Clem. 2. & suprâ explicatum.

QVÆSTIO quinta; An eiusdem Sedis, & Legatus eius, & delegatus esse possit Canonicus, qui præbendam non habet? Affirmandum est, cum Ioann. Andr. & Anton. hic num. 3. & aliis communiter; Idque non tantum, si sermo sit de Canonico ecclesiæ Cathedralis regulari, sed etiam de seculari: quia præbenda canonicum non facit, sed ius spiritualis officij, & sumitur ex cap. Si is cui 39. de præbend. in 6. iun. Gl. in notandis; Vbi habetur, si in ecclesia statutum sit, ut dignitas non conferatur nisi canonico; sufficere; si quis canonicum habeat, etsi non præbendam; secus, si in statuto expressè dicatur, ut canonico præbendato conferatur.

His addendum, quod in Concil. Trident. 25. cap. 10. de reform. præceptum sit, ut in qualibet diocesi quatuor probati viri constituantur, qui eas habeant qualitates, quæ in hac Bonifac. VIII. constitutione requiruntur, ut his præter locorum Ordinarios causæ ecclesiasticæ, seu ad forum ecclesiasticum pertinentes, à Romano Pontifice, aut Legato seu Nuncio erus, delegari queant. Interim tamen nihil obstat, quod minus Pontifex etiam alteri clerico, aut non habenti qualitatem communi iure requisitam, ex certa scientia committere possit, prout hic admonet Gl. ver. litterarum.

§. Cum verò.

Si actor & reus eiusdem ciuitatis, aut diocesis sint, causa committi non potest extra ciuitatem, aut diocesim; præterquam in casibus hic nominatis, videlicet si actio ab Episcopo, vel Capitulo cōtra aliquem de diocesi; vel vice versa, ab aliquo de diocesi cōtra Episcopum aut Capitulum; vel contra vniuersitatem ciuitatis, villæ, aut castri dirigenda sit; Vel deniq; si actor ciuitatē, aut diocesim, in qua

in quâ iudicium agitandum est, ob iustum periculum, intrare non audeat. His in casibus extra ciuitatem & diœcesim commissio fieri potest: ita tamen, vt ultra vnam dietam à sine diœcesis suæ nemo trahatur. Ceterum in dicto casu iusti timoris, qui & in litoris commissionis exprimi debet, necessarium est, vt qui eas ad iudicem extra ciuitatem, aut diœcesim impetrauit, ipsi de periculo, saltem per proprium iuramentum, fidem faciat.

Pertinet hoc etiam, quod in Clem. 1. hoc tit. decretum est: Si actor eisdem cum reo ciuitatis, aut diœcesis subditus sit alteri in alia ciuitate aut diœcesi existenti, qui & ipse ius agendi habeat, non posse in hoc casu reum trahi extra ciuitatem aut diœcesim suam. Exempli causâ, Si Prior Conuentualis subditus Abbati existenti in alia ciuitate aut diœcesi, controuersiam habeat cum colono degenti in ciuitate, aut diœcesi, in qua Prioratus existit, conueniri debet in eadem ciuitate aut diœcesi; nec trahi potest per literas Apostolicas ad litigandum in ciuitate aut diœcesi Abbatis, aut Prælati maioris, cui Prior aliisue Administrator subditus est; Tamen si controuersia sit super fundo pertinente ad mensuram Abbatis.

§. Cùm autem.

- 10 Si actore & reo diuersarum ciuitatum aut diœcesum existentibus, actor in ciuitate, aut diœcesi eiusdē rei Iudici causam delegari nolit, tum iudicem non quidem in sua, sed in alia ciuitate, aut diœcesi liberè impetrare potest: dummodo locus, ad quem reus trahendus est, ultra vnam dietam ab eiusdem rei diœcesi remotus non sit.

§. Cùm autem.

- 11 Iudex delegatus in alia ciuitate, aut diœcesi, nisi ad quam deputatus est, nec partes citare, nec de causa cognoscere potest: præterquam si partium consensus expressus accedat. Sed neque alteri causam subdelegare potest, nisi in eum locum: & non nisi personæ suprâ requisitam qualitatem habenti. Videri possunt Glossæ hęc.

§. Insuper.

Iudicium cum omni puritate coram delegato procedat: capropter nullum munus, aut quidquid aliud à partibus litigantibus accipiat, nisi sit esculentum aut poculentum, ex mera liberalitate oblarum, quod intra paucos dies assumi possit: Excipitur verò, si delegatus extra domicilium suum ad causam cognoscendam proficisci, necessarium sit: tum expensas itineris moderatas, æqualiter à partibus, quippe quarum commune negotium geritur, accipere non prohibetur, nisi personæ litigantes notabiliter pauperes sint. Explicat hunc textum Lud. Mol. tr. 2. de iustis, disp. 84. n. 1.

NOTANDUM I. Iudex delegatus non potest à partibus litigantibus munus aliquod accipere; Alioquin acceptum restituere debet, vt infra dicitur in §. Si quid autem.

QVÆSTIO autem est: Num consuetudo, quam in quibusdam diœcesibus vigere testantur, vt Officialis scutum aureum v. g. accipiat pro labore in audiendis testibus ad verificanda narrata, quos partes producant, repugnet decreto, vt nullum munus recipiat? Quam questionem in his terminis proposuit Nauarr. in consil. ult. hoc tit. edit. 2. circa commissiones in dispensando: quandoquidem etiam in ijs, secundum Roman. Curia stylum apponitur præceptum: vt *depositâ spe cuiusunque muneris, aut præmij, etiam sponte oblatis*, informatio capiatur &c. Afirmat Nauarr. cit. loco, propter generalitatem verbi, *cuiuscunque muneris*, sumpto etiam argumento ex hoc §. iun. Glossis. At verò Sanchez lib. 8. de matrim. disp. 35. n. 10. ait, viros doctos à se consultos, quos & ipse sequitur, arbitrari, idlicitum esse, non obstante hoc statuto, aut dictâ prohibitione, propterea, quod impensi laboris stipendium muneris aut præmij rationem non habeat. Mihi tamen magis placet Nauarri doctrina, eam scuti aurei v. g. acceptionem esse contra decretum; quippe quo omne munus prohibetur, & clarè in hoc cap. exprimitur, *nullum munus, vel quicquid aliud*. Et negari debet, quod in compensationem impensi la-

boris petitur, aut accipitur, muneris rationem non habere, cum notum sit, id quod comparatione aliorum laborantium merces appellatur, comparatione Iudicis, Aduocati, & c. honestiore vocabulo, *muni* vel *honorarium* dici, ut colligitur ex cap. 15. Matthæi vers. 5. & docui lib. 4. Theol. mor. tract. ult. cap. ult. n. 25. Confirmatur ex eo, quod mens Pontificis committentis sit, ut commissarius gratis exequatur, prout aperte hic dicitur, *gratis & cum omni puritate*: Non autem gratis fit, si in laboris compensationem, quippiam accipitur.

- 14 Porro: quæ hic specialiter de Iudice delegato ad lites decernuntur, ut quod esculenta & poculenta, liberaliter oblata, accipere ei liceat, & si præter hæc, aliquid aliud accipiat, eius dominium non acquirat, sed restituere cogatur, non obitante quavis remissione, infra §. Si quid autem, ea transferri non debent ad alios commissarios, quibus v.g. dispensationes super votis, aut matrimonij impedimenti committuntur. Videri possunt quæ dixi Theol. moral. lib. 4. tract. 4. c. 4. n. 10.

- 15 NOTANDUM II. Ei incumbit sumptus præstare, cuius gratia actus exercetur, l. sed etsi t. 1. §. Quò autem loco, ubi legi potest Bart. ff. Ad exhibendum, & l. quoniam 10. C. de testibus, & infra in hoc c. §. Proferendo, quibus in locis dicitur, sumptus testibus illum præstare oportere, qui eos producit. Quare & hic rectè dictum, cum Iudex causam utrique parti communem cognoscat, ideo sumptus itineris communiter & æqualiter esse præstandos. Videri potest Andr. Gaill lib. 1. obseru. 99. Zasius super l. Prætor ait, §. Is etiam, ff. de edendo: ubi ait, quod Iudex ex officio facit non ad partis instantiam, utriusque partis sumptibus expediri, ut cum peris consilia Doctorem.

s. Assessorem, s. Notarium, s. Si quid autem.

Delegatus assessorem sibi assumere non debet, nisi eo indigeat, quod conscientie illius committitur. Alioquin, si sine necessitate

te assumat, ex proprijs ei Iudex providere cogitur. Quod si assessore indiget, talem adhibeat, qui neutri parti suspectus sit. Huic verò salarium competens, prout Iudex moderabitur, partes, quarum negotium commune est, dare debent. Notarium porro aut notarios, ad scribendum assumptos, eum genus istud hominum in exigendo salario plerumque rationis metas excedat, Iudex delegatus prudenter refrænet, neque villatenus cum ijs, aut cum assessore lucrum participet. Quod si delegatus aduersus hanc constitutionem quippiam acceperit, ad integram restitutionem teneatur; non profutura ipsi remissione ab ijs facta, quibus restitutio fieri debet. Videri etiam possunt, quæ dicuntur in c. cum in omni, 19. de vita & honest. clericorum.

Circa verba illa §. assessorem, quod conscientia relinquatur, admonet Gl. ibid. si quid Iudicis conscientie relinquatur, non esse locum querelæ, aut appellationi, Idque verum est, quod parti non competat eiusmodi remedium per viam iustitiæ, attamen officium Superioris implorare non prohibetur, ut compellat commissarium ad id rationabiliter expediendum, quod conscientie eius commissum est, quia conscientia rationalis esse debet, non scrupulosa, argum. c. per tuas, 3. de simon. Et ita cum Domin. tradit Francus hic n. 6. & Sanchez lib. 3. de matrim. disp. 19. q. 3. Videri etiam potest Gl. in Clem. 1. de iure patronat. circa verba, *Ipso iure, Episcoporum conscientias oneramus*. videl. circa portiones Vicarij parochiarum competentes designandas, ubi iam tradita doctrina clarè proponitur.

Deinde ex eadem Gl. huius §. ver. relinquatur, pluribus allegatis tradit Francus hic n. 6. Sanchez lib. 3. de matrim. disp. 8. n. 4. Si quid alicuius conscientie, aut iudicio relinquatur, opus non esse certæ causæ cognitione, aut probatione, sed iudicare, vnde cumque is informationem, seu cognitionem rei consecutus sit, cuius arbitrium ipsi commissum est, dummodo de alterius præiudicio non agatur. Exempla sunt, si denunciationes triæ ante matrimonij celebrationem

nem remittendæ videantur, Trident. sess. 24. c. 1. de reform. matrimonij. Aut si ex commissiõne Sedis Apostolicæ, super impedimento matrimonij contrahendi dispensandum, dummodo scandalum, infamia, vel alia rationabilis causa ita postulare videatur: Hac in re plurimum momenti habere debet ipsius commissarij seu delegati iudicium; tametsi fortasse producti testes, isque qui eorum depositiones concepit, minùs apte causas explicarit: quandoquidem commissio talibus verbis fieri solet, apud Sanchez lib. 8. de matrim. disp. 35. n. 1. *Te diligenter super præmissis informes, & si per informationem eandem, præces veritate nisi repereris, super quo tuam conscientiam oneramus, tunc &c. Apostolica auctoritate dispenses:*

Circa §. Si quid autem, querit Gl. ver. remissione. Si Iudex parti litiganti, à qua munus accepit, re ipsa restituerit, num postea de nouo illud Iudici à parte liberaliter donari possit: Affirmat probabiliter Gl. quæ sequitur Molin. cit. disp. 84. n. 14. dummodo nihil in fraudem fiat, & is, cui donatur, desierit tunc esse Iudex delegatus donantis. Quia aliud est: restitutionem: accepti muneris remittere, quod hic prohibetur; aliud verò rem in effectu restitutam; de nouo donare. In odiosis verò, seu pœnalibus non debet fieri extensio de casu in casum. Quam ipsam ob causam Gl. in §. Insuper, ver. moderatas, & Mol. cit. disp. n. 16. bene admonet; hanc ipsam pœnam seu inhabilitatem comparandi dominij accepti muneris, extra casum, de quo e. loquitur, delegatorum Roman. Pontificis, & Legatorum eius, extendendam non esse ad alios indices delegatos.

s. Pro ferendo:

Delegatus testes vocare non debet, nisi conditio & status causæ postulet. Tum verò is, qui testes produxit, competentes expensas pro veniendo, commorando, redeundo, illis subministrare cogitur.

Vide quæ suprà dixi in hoc c. §. Insuper, not. 2.

s. fin.

Quidquid contra præsentem constitutionem actum fuerit, ipso iure irritum & inane est.

Bene hic Glossa admonet, hoc esse novum statutum: quia spectato priore iure, processus institutus, non obseruatis quibusdam, quæ hic præcipiuntur, validus erat, donec per exceptionem oppositam infirmaretur. Videri potest Suarez lib. 5. de legibus cap. 28. & 29.

CAPITVLVM XII.

Tibi qui.

PARAPHRASIS.

Caius à Sede Apostolica gratiam impetravit ad ecclesiam Biturensensem constituto ipsi executore, qui ipsum in Canonicum recipi faceret, & præbendam, si quæ vacaret, aut proximè vacaturam provide-ret. Postea similem gratiam expectati-vam in eadem ecclesia à Pontifice Seius impetrauit; qui literis suis priùs præsen-tatis, in Canonicum receptus fuit ante Caium; qui literas postea præsentauit. Inde dubium ortum est, vter horum in assecutione præbendæ vacantis antefe-rendus sit: Respondet Bonif. VIII. Si præ-bendæ eo tempore, cùm Caius prior liti-erarum impetrator in Canonicum rece-ptus est, Seio necdum collatà fuit, dictum Caium præferendum esse: Sin a-tem collatio tunc facta, relinquenda est præbenda eidem Seio proquiso: Præter-quam si executor intinuerit: collatori mandatum de providendo ipsi Caio, seu vigore mandati interdixerit ei, ne con-ferret, præsertim si cum inhibitione col-lationis interpositum sit decretum, vt al-teri facta collatio irrita sit: Idemque iu-ris esse debet, si in literis gratiæ Aposto-licæ insertum fuerit, vt irritum & inane esset; quidquid contra eam attentaretur. Tunc enim non obstat, quòd ante re-ceptionem Caij, priori literarum præsen-tatori

tatori Seio prębenda collata sit, eidem auferri, & Caio, conferri debet: Dummodo Caio, priori impetranti, dolus aut notabilis negligentia obijci non possit.

SUMMARYM.

1. *Impetrans gratiam expectatiuam post alium, si prius in Canonicum receptus est, in assecutione prębendę priori impetranti postponendus est, nisi dolus aut negligentia huic obijci possit.*
2. *Executores habens iurisdictionem delegatam.*

NOTANDVM I. Canonicatus distinguitur ę prębendę, adeo, vt inter duos impetrantes gratiam expectatiuam, si posterior prius in Canonicum receptus est, in assecutione prębendę priori impetranti postponendus sit.

Limitari tamen id debet, sicuti in fine e. dicitur: Nisi dolus, aut notabilis negligentia ei obijci possit. Exempla eius rei affert Francus hic n. 8. Felin. in c. Capitulum n. 5. hoc tit. Si primus gratię impetrator sciens posteriori prębendam conferri, id fieri permittat: Vel si intra terminum ę collatore, aut secundę gratię constituto executore, sibi assignatum, provideri sibi non faciat, seu collationem prębendę acceptare culpabiliter intermitat.

Aduertendum hęc obiter, decisioni huius e. non aduersari e. eum cui, 7. de pręb. in 6. vbi dicitur, eum qui canonicatum ę Sede Apostolica assecutus est, omnibus alijs pręferendum esse, etiam illi, qui literas de simili gratia prius pręsentauit, priusque receptus fuit. Nam textus ille loquitur de prouisione seu collatione canonicatus in forma *Dignum* ę Papa facta, per quam ius in re, & quasi dominium canonicatus seu beneficii acquiritur: hęc autem sermo est de gratia expectatiua, seu mandato prouidendi: *Eongia autem diuersa sunt, conferre & mandato conferri, ait Gl. in eit. e. eum cui.*

NOTANDVM II. Executor ę Papa constitutus ad expediendam gratiam beneficalem, habet iurisdictionem delegatam ę Pa-

pa, vt ex hoc cap. colligitur, eam dicitur, quod possit inhibere collatori, decretum interponere, & contradictores quoslibet compescere. Et ita annotauit Gl. hic ver. certo, & alia Gl. in Clem. 1. ver. executores de offic. delegati, & videri potest Francus hic n. 4. vbi admonet, ex doctrina Lapi. & cit. Gl. huius e. quod executor deberet esse certus ac nominatus; quemadmodum & de iudice delegato dictum in c. ad hęc 10. hoc tit. in antiq.

CAPITVLVM XIII.

Si pro te.

PARAPHRASIS.

Titius impetrauit literas executorias ad Prępositum ecclesię Biturenensis, vt ipsi Canonicatum, & prębendam vacantem, vel proxime yacaturam, Apostolicę auctoritate prouideret: si Episcopi & Capituli consensus accederet. Postea veró Sempronius ad eandem ecclesiam impetratę gratię, in Canonicum receptus fuit: Hoc facto, cum deinde Episcopi & Capituli consensus accederet, etiam Titio priori literarum impetranti, canonicatus collatus est. Hoc in casu, si post vtriusque receptionem, prębendam vacare contingat, dubitatum fuit, vter alteri antependendus sit? Respondet Bonifacius VIII. Sempronium esse in prębendę eius assecutione antependendum.

SUMMARYM.

1. *Si primo impetranti mandatur prouideri sub condicione, & secundus pried impetrans ante illius condicionem impletam obineat Canonicatum, in assecutione prębendę primo pręferatur.*
2. *Quod si Episcopus mortuus esset, aut impediatus, quo minus assensum daret cum Capitulo in mandato requisitum ad Canonicatum Titio conferendum, executor cum solo Capituli consensu prouidere non potuit, nisi in mandato expressum fuisset, vt cum consilio Episcopi executor procederet.*

NOTAN-

NOTANDUM Vn. Si vni mandetur provideri sub conditione, postea alteri absolute, atque ante conditionem impletam, canonicatus posteriori impetranti conferatur, is in affectuone præbendæ præponi debet priori impetranti & posteriori recepto. Hæc est summaria decisio huius. c. Ratio dari debet: Quia conditio de futuro contingenti suspendit quamlibet dispositionem & mandatum, ita grante non purificetur, atque effectum suum consequatur, quam ea evenierit, l. potior 11. ff. Qui potiores in pignore: Vbi in §. Si colonus similem huic casum legere licet: Si quis instrumenta, quæ in fundum iatulerit, pignoris loco obligarit: deinde verò, antequam ea intulit, alteri eadem instrumenta absolute oppigneret; ius pignoris huius posterioris potius cedere debet, quippe quod effectum prius consecutum est, quam prius, cuius apposta conditio postea impleta fuit. Sic & in casu huius c. gratia posteriori impetranti facta absolute, potior censi debet, quam facta priori sub conditione, donec ea impleatur: Consequenter si virore eius gratiæ posterior impetrans canonicatum consequatur, antequam conditio impleta sit: in affectuone præbendæ, tanquam potiore iure mixtus, præferendus est.

Apparet itaque, decisionem huius c. a solâ ratione niti, quod primo impetranti facta sit gratia conditionalis: sin autem absolute facta esset, in affectuone præbendæ præferendus esset posteriori impetranti, tamen si is canonicatum prius affectus esset, iuxta c. præcedens, prout præter alios annotavit Capella Tholof. q. 273. Addit Gl. in Clem. vn. ver. executorem, de concess. præb. idem dicendum fore, si mandato de providendo adiuncta sit conditio, si impetrans idoneus est, aut si assensum dederit. Quia talis conditio non mutat naturam gratiæ. Quam doctrinam etiam refert, & commendat Aufferius super cit. q. 273. Francus hic n. 4. Ant. n. 11.

QUÆRIT hic Gl. ver. assensus. Quid si Episcopus mortuus esset, aut impeditus, quominus assensum daret, vtrum executor, saltem cum Canonicorum seu Capituli consensu, providere potuisset. Videri potest esse af-

firmandum ex c. vn. Ne Sede vacante, in 6. Sed rectè negat Gl. Quia conditio ea mandato apposta, censetur forma eius, quâ non observari, corrumpit mandatum, argum. c. cui de non 27. de præb. in 6. Sed secus dicendum, si in mandato expressum esset, ut executor procederet cum consilio Episcopi, eo mortuo aut impedito procedere posset, argum. c. cum in veteri 31. de elect. Rationem dat Gl. cit. quia actus necessarii non pendet à consilio personæ, quod aliquis, requirere tenetur, sicuti pendet à consensu Episcopi, quandoquidem consilium ordinariè loquendo, sequi aliquis non tenetur. Quæ de re videri etiam potest Suarez lib. 8. de legibus cap. 13. n. 6. & quæ dicam in cit. c. cum in iure.

CAPITVLVM XIV.

Duobus.

PARAPHRASIS.

Si duo à Sede Apostolica literas executorias de præbenda ipsis in eadem ecclesia conferenda afferant, nec appareat, uter eorû literas prius impetravit, quis eorû in affectuone præbendæ præferendus? Resp. Bonifac. VIII. Papa: Si vni eorum ipse Pontifex canonicatum contulit, alteri autem non contulit, sed mandavit ab ordinario collatore conferri: hoc in casu is præferri debet, cui à Pontifice collatio facta. Sin autem Pontifex utrique contulit canonicatum; aut si utrique ab Ordinario conferri mandavit, tunc præferendus est is, qui literas suas prius præsentavit; cum alioquin in gratia æquales sint. Si denique accidat, ut & in præsentando concurrant, id est, literas simul præsentent, tum ij ad quos spectat canonicorum receptio, & præbendarum collatio, aut maiore eorum pars vnum ex duobus eligant, altero penitus excluso: nisi ex literis Pontificis expressè appareat, mentem eius fuisse, ut utrique provide-

retur.

SUMMARIUM.

1. *In literis beneficialibus attendendum tempus datæ, ut is, qui prius gratiam impetravit, alteri præferendus sit.*
2. *Pluribus cum literis Apostolicis eodem die ad eandem ecclesiam concurrentibus in præsentatione, præferendus est is, qui literas prius præsentavit: si simul autem concurrant, locus est gratificationi, ita ut unus illorum pro collatorum arbitrio eligi possit.*

NOTANDUM I. In literis beneficialibus de providendo, attendi debet tempus datæ, ut is, qui prius gratiam impetravit, alteri præferendus sit, iuxta iuris reg. 54. in 6. *Qui prior tempore, potior est iure.* Consentit tibi qui, 12. hoc tit. & lib. Quapropter, si duorum impetrantium literæ eodem die impetratæ sint, probatio incumbit ei, qui suas prius expeditas asseruat: Similiterque ei qui suas prius præsentatas, ait; cum hoc sit fundamentum intentionis suæ, prout docet Imola in e. relatum n. 8. de præbend.

NOTANDUM II. Si in literis de providendo, quæ pluribus eodem die ad eandem ecclesiam datæ sunt, apparere non possit de prioritate temporis, is præferendus est, qui literas prius præsentavit: Sin autem ponamus, duos, pluresve impetrantes simul præsentasse, tum locus est gratificationi, ita ut unus ex ijs collatorum arbitrio eligatur, sicuti hoc identidem dicitur de pluribus à patrono laico præsentatis in e. cum autem, 24. iun. Gl. ver. iudicio Episcopi, de iure patron. Ratio horum est, quia ambæ gratiæ expectatiæ validae sunt, quamvis collatores alterutram rejicere possint, siue contra eam excipere, quod Papa non solet ecclesiam unam pluribus eiusmodi mandatis gravare: sed debent tunc rejicere eam, quæ minoris firmitatis est: sin autem æqualis, tum demum gratificationi locus est. Alia verò ratio est de literis beneficialibus, quibus pluribus personis vno eodemque die eiusdem beneficii collatio facta est: In hoc enim casu literæ, quæ posterius datæ, obreptitiæ sunt, & penitus irritæ, ex quibus proinde nullum ius impetranti ac-

quiri potest, neque earum vigore in possessione, absque intrusionis vitio mitti. Quamobrem prioritas præsentationis in hoc casu prodesse non potest, sed si de prioritate collationis apparere nequeat, neutra gratia seu collatio Papalis executioni mandanda, interrim, donec quid certius intelligatur, prout bene docuit hic Philip. Francus n. 6.

CAPITVLVM VLT.

Quia.

PARAPHRASIS.

Bonifacius VIII. Pontifex revocat omnes indulgentias seu privilegia perpetua, quæ à se vel Antecessoribus suis concessa sunt personis, ut siue in scholis essent, siue in altera ecclesiarum suarum residerent, siue in Curia Romana moram traherent, siue in alio certo loco, vel etiam (*apparet, verba copulatum, non divisim accipi*) beneficiorum suorum fructus, exceptis quotidianis distributionibus, percipere possent, Et protestatur, se eiusmodi privilegium seu gratiam impostera personis non concessurum esse, optatque, cum præcipere non possit, ut nec successores sui concedant: Eò quod vagandi licentiam & dissolutionis materiam præbeat, & in cultus divini diminutionem cedat, atque ob eam plerumque divinum officium omittatur, cum tamen ecclesiasticum beneficium propter præstandum officium conferri soleat.

SUMMARIUM.

1. *Indulgentia seu privilegia omnia concessa à Bonifacio, & eius Prædecessoribus, Clericis de percipiendis perpetuo fructibus, in absentia sunt revocata.*
2. *Per hoc tamen non censetur sublatum privilegium percipiendi fructus beneficii in absentia concessum alicui ad tempus incertum seu indefinitum v.g. dum in studiis versaverit.*
3. *Neque etiam indulgentia concessa ecclesiis*

electis, vel dignitatibus reuocata sunt, sed tantum qua concessa sunt personis.

4. *Papa, alijsue Princeps successoribus suis imperare, aut legem præscribere non potest.*

In primis aduerte, hanc indulgentiarum reuocationem duobus modis limitari. Primo, vt tantum perpetuæ indulgentiæ fructus in absentia percipiendi reuocatz sint, non item ad tempus, v. g. quinquennij. Nomen autem *perpetuum* in iure idem significare solet, quod dum hominis vita durat, vti colligitur ex l. 1. ff. pro socio: Quo ipso sensu beneficia ecclesiastica perpetua dicuntur: siue quod ius tribuunt totâ vitâ duraturum, nisi beneficiarius legitime renunciet, vel ob crimen aut inhabilitatem amoueat, siue, quod per totam vitam durare possint, si sermo sit de beneficiis manualibus, argum. l. Iurisperi- tos 33. in princ. ff. de excusat. tutorum. Nam & hoc ipso sensu gratiæ Principis perpetuæ dicuntur, quia semper durant, donec reuo- centur, vel ijs renuncietur. Qua de re videri potest Azortum 2. lib. 3. cap. 26. q. 12. & do- cui Th. mor. lib. 4. tr. 2. cap. 1.

2. **Q**UÆSTIO autem est, si indulgentia siue privilegium fructus beneficii in absentia percipiendi, concessum alicui fuerat ad tempus incertum, seu indefinitum, v. g. dum in iudi- cis versaretur, vel in Episcopi seruitio, num sublatum censeri debeat? Affirmat hic GL. ver. perpetuas, ibid. Francus, quia etiam in hoc casu gratia perpetua esse possit, argum. l. sufficit 5. ff. de condic. indebiti. Contrarium tamen magis placet, quod Ioann. Monachus hic docet. Qualescunque fateamur, vocem *perpetuum* interdum ita vsurpari, prout etiam GL. annotauit in cit. l. 1. tamen ea vsurpatione mi- nus frequens est; neque huic textui satis ac- commodata videtur: Accedit, quod consti- tutio hæc correctoria sit, seu reuocatoria: & ideo quæ expressè non reuocantur, consistere censentur, argum. l. præcipimus 31. C. de appellat. Dicamus itaque; perpetuam indul- gentiam hic dici, quæ per se ac veluti positi- uè perpetuitatem habet, donec reuocetur: non quæ negativè tantum, quia certo tem-

pore non definitur; & casualiter fieri potest, vt totâ vitâ duret.

Secundò limitatur ista reuocatio, vt tan- tum indulgentiæ, quæ personis concessæ sunt, reuocentur: non item quæ ecclesiis, aut di- gnitatibus: Hæc enim realia, & localia privi- legia, suapte naturâ stabilitiora sunt, magisque fauorabilia, quàm quæ personalia seu perso- nis singulis concessa, prout hic GL. admonet, vel dignitatibus: Et GL. margin. ibid. fre- quenter fieri, vt quippiam per se concedatur ecclesiæ, aut dignitati: tametsi in utilitatem personarum quasi per accidens redundet.

NOTANDVM I. Propter ambitiosam petentium importunitatem fieri potest, vt Romanus Pontifex dispensationes & gratias circa beneficia largiatur, quæ in ecclesiarum detrimentum, cultûs diuini immutationem, & officiorum diuinorum neglectum cedunt, atque insolentiz & vagationis materiâ cler- icis præbent: Et ideo tales concessiones ab- olere conuenit, eam nihil magis Ecclesiarum Pastoribus, maxime supremo Pontifici in- cumbat, quàm diuini cultûs augmentum, ecclesiarumque decorem & bonum ordinem procurare: & quæ his contraria sunt, tollere. Porro ex hoc ipso textu colligitur, quod, quando Princeps rescripsit, aut indulgentiam, gratiamque concessit contra ius, aut utilita- tem publicam, obreptitiè, propter petentium opportunitatem, emanasse, censeri debeat, sicuti hoc ipso allegato textu, annotauit Gaill lib. 2. obseru. 58. n. 9. & Glossa hic ver. importunitatem, quod propter petentium importu- nitatem Princeps sæpe non concedenda conce- dit: vt hic vides, & l. 1. C. de pet. bon. subla- tis lib. 10. Dixi de hac rein c. quæ in ecclesia- rum de constit.

NOTANDVM II. Papa, alijsue Princeps 4 successoribus suis imperare, legemue præscribere non potest: quia par in parem impe- rium non habet, c. innouit 21. de elect. Sum- plit autem Bonif. VIII. extrema huius c. ver- ba ex l. digna vox 4. C. de legibus, vbi Impp. Theodos. & Valentinianus aiunt, *quod vobis licere non possumus, alijs indicamus.* Ibidem Salicetus, *Paribus licet indicare, non imperare.*

TITVLVS IV. DE CONSVETVDINE

SVMMARIVM.

1. *Consuetudo est in moribus constitutum.*
2. *Ad ius consuetudinis introduci potest re-
quiritur, ut ea sit iusta, & rationabilis.*
3. *Et cum populus plerumque iam non habet
a legis condenda potestatem adeo absq.
Principis aut Magistratus sui consen-
su, saltem tacito, ius consuetudinis in-
troducere non potest, nisi nec mulierum.*
4. *Si in arbitros compromissum sit, eo ad-
iecto, ut secundum iura & leges proce-
dant, aut pronuncient, procedere & pro-
nunciare non possunt secundum iura eo in
loco receptas consuetudines.*



Ubi haecenus dictum fuerit de iure scripto, videl. legibus ex rescriptis Principis, sequitur, ut de iure non-scripto agatur, quae est consuetudo. Nam, ut institui habetur, tit. de iure natur. gent. & ciuili, ius aliud est scriptum, aliud non scriptum: Scriptum ius est lex, plebiscitum, senatusconsultum, Principum placita &c. Ius non scriptum est, quod usus comprobauit.

Verumtamen differentia haec inter legem & consuetudinem essentialis non est: cum ad legis substantiam scriptura non requiratur: Sed quia leges vim suam promulgatione accipiunt, quae plerumque in scripto fieri solet, ideo ab hac origine sua leges dicuntur iura scripta, quamuis nihil obstat, etiam per vocem eas promulgari eum obligandi voluntate. Quomodo modum & vice versa, consuetudines populi in scriptum redigi possunt: suam verò originem & obligationis vim non accipiunt in scriptura, sed vtentium seu agentium frequentia, qui dicitur mos populi.

1. Consuetudo breuissimè definiri potest ex Iuliano IC. in l. 3. ff. de legibus, *In moribus*

constitutum. Vbi nomen *iuris* accipitur pro eo, quod Graeci vocant *ius*, id est, legem, quatenus ea late accipitur, ut utramque iuris scripti & non scripti species comprehendat. Quo sensu Iustinianus dixit in suprâ cit. Instituit. §. Constant. *hanc ei iuris legem, ei iuris legem.* Et Vlpianus in l. 3. ff. de legibus. *Dirurna consuetudo pro iure & lege in his, quae non ex scripto descendunt, obseruari solet.*

Quod additur in definitione, *moribus constitutum*, originem seu causam introducendi iuris seu legis non scriptae demonstrat, iuxta l. 3. ff. eod. Sed & ea, quae longa consuetudine approbata sunt, veluti tacita ciuium conuentio, non minus, quam ea quae scripta sunt, iura, seruantur. Et suprâ cit. l. 3. *Quidem enim interest, suffragiis populus suam voluntatem declarat, an rebus ipsis & factis.* Vult dicere Iureconsultus, si actus à populo, aut maiore populi parte, longo tempore (quod ciuili iure decennium est), vniuersimiter frequentetur, ipso hoc facto declarare videtur, si aliunde consuetudinem non appareat, velle populum iuris obligationem introducere, non minus quam si ius siue legem verbis, videl. scripto aut voce, proponeret ac promulgaret.

Corollarium I. Quae conditio ad legis constitutionem imprimis requiritur, ut sit iusta, rationabilis; Reipubl. utilis, e. 2. d. 4. eadem ad ius consuetudinis exigitur: At verò consuetudo, quae contra bonos mores est, aut cui leges resistent, atque corruptela vocari solet, non in iure, sed solo facto consistit, iuxta c. ex parte 10. & c. ult. hoc tit.

Corollarium II. Cum populus plerumque iam non habeat legis condendae potestatem, quando eam in vnum Principem, aut plures Optimates contulit, ideo nec ius consuetudinis introducere potest, absque Principis aut Magistratus sui consensu, saltem tacito. Multo verò minus in rebus ecclesiasticis.

saeticis Christianus populus consuetudinis statuendae potestatem habet, absque consensu Praelatorum, quippe penes quos, ex Christi institutione, omnis iurium ecclesiasticorum potestas residet. Videri potest Innoc. in cit. c. ex parte n. 3.

Corollarium III. Mulieres ius consuetudinis introducere non possunt; prout tradit ex communi Bartol. in l. i. ff. de legibus, arg. eiusdem legis, ver. virorum: Cum enim mulieres non debeant sedere in consilio, ideoque nec ad leges condendas adhiberi, consequens est, inquit Bartol. quod usus mulierum non inducat consuetudinem: quia lex & consuetudo aequipolescentes, l. de quibus 31. ff. eod. Videri etiam potest Abbi p. 20. consil. 53.

Corollarium IV. Si in arbitros compromissum sit, eo adiecto, ut secundum iura procedant, ij procedere possunt secundum iustas eo in loco receptas, & instar legum habitas consuetudines. Nam verbum generale generaliter intelligi debet, seu ita, ut omnes species sub se comprehendat: Cum itaque ius se habeat ut genus ad legem scriptam & consuetudinem, ideo iuris seu iurium appellatione utraque species comprehenditur; quando nulla ratio aut necessitas restringendi apparet. Quin etiam si adiectum sit, ut arbitri pronuncient secundum leges, possunt tamen ferre sententiam secundum consuetudines receptas. Nam verba dispositionis, si id fieri possit, ita accipi debent, ut ea conformis sit iuri communi: At vero ius commune precipit, ut in contrariis & iudicijs laudabiles locorum consuetudines obseruentur, c. 3. de eo qui mittitur in possessionem &c. l. circa 19. C. de locato, l. 3. C. de iudicijs priuatis, l. r. C. Quae sit longa consuetudo. Neque in contrariis, aut inusitatis est, ita nomen legis accipi, ut etiam iura consuetudinis comprehendat, sicut supra dictum. Sed etsi ponamus, nomen legis strictè fuisse acceptum; quatenus à iure consuetudinis distinguitur, nihilominus poterunt arbitri secundum receptas consuetudines, causam definire, nisi aperte appareat, aliam fuisse partium com-

promittenti in arbitros voluntatem. Cum enim leges scriptae decernant, laudabiles loci consuetudines esse seruandas, (nisi partes communi consensu, sine tamen iuris publici violatione, expresse ab ijs recedant) ideo dum arbitri iuxta consuetudines commissam sibi controuersiam definiant, id agunt, quod legibus scriptis, secundum quas pronunciare iussi sunt, valde consentaneum est. Videri potest de hoc corollario Abb. Panormit. in rubr. huius tit. Rochus Curtius de statut. & consuet. princ. n. 37. & seqq.

CAPITVLVM I.

Consuetudines.

PARAPHRASIS.

Decet Praelatos, ecclesiarum sibi subiectarum consuetudines, si ijs grauari videantur, remittere.

SUMMARIVM.

1. Consuetudines, quibus grauantur ecclesiae, veluti à Praelatis remittenda.
2. Rationabiles locorum consuetudines circa dona clericis vel ministris ecclesiae danda, seruanda.
3. Praelati ecclesiastici ecclesias, & beneficiarios petendo, vel accipiendo ab ijs subsidium, sine necessitate grauare non debent.

Plerique Canonistae existimant, in hoc et reprobatis fuisse consuetudines à laicis in ecclesiarum grauamen introductas; easque irritas declarari, aut saltem iudicis ecclesiastici officio tollendas esse. Ita hinc Innoc. Ioann. Andreas, Imola, Abb. Panorm. & alij. Exempli causa; Si consuetudo alicubi inualuerit, ut rustici parochiae decimas non ante persoluant, quam ipsis munus aliquod, siue xenium dederit. Nam leges & statuta laicorum, quibus ecclesijs aut statui ecclesiastico grauamen per se & directe imponitur, adeoque libertati ecclesiasticae repugnant, pro irritis haberi debent, c. quoniam in ecclesiis, & ecclesia, quibus locis id doni

de constit. Consuetudo autem, si per modum iuris seu obligationis introducatur, species legis est: Ergo consuetudo eiusmodi, quæ per se ac directe contra libertatem, siue in grauamen ecclesiarum, aut ordinis ecclesiastici introducitur, irrita est, & tolli debet.

Hæc verè quidem dicuntur, sed aliena sunt ab intentione huius c. Id enim sumptum est ex S. Gregorio I. Papa lib. 1. registri, indi. 9. epist. 94. ad Felicem Episcopum Messanens. Vbi approbat asseruandamque ait ecclesiæ Messanensis consuetudinem, secundum quam clericis xenia quot annis transmittantur: Prohibet verò, ne ipsi Pontifici impostero mittantur: Quia deest, inquit, vt consuetudines huiusmodi, quibus constat ecclesijs grauamen induci, vtrò remittamus: Cùm potius alijs ecclesijs à Sede Apostolica subsidium asserendū sit, quàm vt ab ipsis aliquid accipiat.

Igitur secundum verum intellectum huius c. NOTANDUM est I. Quòd rationabiles locorum consuetudines circa dona clericis, seu ministris ecclesiæ asserenda, seruari debeat,

NOTANDUM II. Quòd Prælatus ecclesiasticus, ecclesias aut beneficiarios sibi subditos, per petitionem aut acceptionem subsidij, sine necessitate, grauare non debet,

CAPITVLVM II.

Ex literis.

PARAPHRASIS.

Consuetudo alicubi fuerat, diuturno tempore obseruata, vt, si quis prædium, ecclesiæ, Monasterio, alteriue pio loco, seu inter viuos, seu per vltimam voluntatem, donare vellet, pugillum terræ manu acciperet, vel super extremitate pallij, quod Ecclesiæ Rector gestabat, aut super altari poneret, pluribus videntibus & audientibus testibus. Huiusmodi donationes quidam tanquam inualidas oppugnabant: Consultus de hac re Innocent. III. Papa respondit, Eiusmodi donationes,

vigore consuetudinis, ita factas locis pijs, firmiter obseruandas esse, imò per eas non tantum dominium rei donatæ, sed etiam promissionem traditam censi.

SVMMARIVM.

1. *possessio ordinariè quidem acquiritur per veram & realem apprehensionem, potest tamen consuetudine introduci, vt etiam per fictam acquiri possit.*
2. *Ficta apprehensionis altius expressum signum erit possessionis transferenda, si conuenientia verba addantur v.g. trado tibi possessionem prædij cum iuribus suis.*
3. *Quodlibet signum externum aptum significanda possessionis translationi sufficit ad possessionem fictè transferendam: modo alius verè non possideat.*
4. *Eiusmodi possessio, propè loquendo, non est vera, sed ficta possessio, unde etiam parè solum interdictum possessionis adipsam non autem recuperanda.*

NOTANDUM Vn. Consuetudine introduci potest, vt per apprehensionem fictam non tantum rei dominium, sed etiam possessio eius acquiratur. Ita Abb. Imola & alij communiter.

Pro intellectu aduertendum est primò; Ordinariè quidem ad acquirendam alicuius rei possessionem opus esse verà & realem eius apprehensione, iuxta l. 3. ff. de acq. possess. & l. licet, Cod. eod. attamen civilibus legibus constitutum, vt in quibusdam casibus sufficiens actus apprehensionis fictæ per quem traditio & apprehensio rei ex iuris dispositione significetur, atque ita possessio acquisita censeatur. Sic v.g. tradendo clauis in præsentia ædium, earundem possessio transfertur, l. clauibus 74. ff. de contrah. empt. Et qui alicui instrumentum donat ac tradit, in quo ius v. g. mancipiorum continetur, cùm dominium, tum possessionem eorum transferre censetur, l. 1. C. de donationibus. & plura similia recensit Th. moral. lib. 3. tr. 1. cap. 7. n. 2. Quòd si itaque legibus

cui-

ciuilibus, & ad eandem imitationem, canonice quoque constitutum fuit, vt per aliquem actum corporalem, qui sit signum traditionis & apprehensionis, possessio acquiratur, idem simili ratione per diuturnam consuetudinem (præsertim in materia fauorabili, videl. in ordine ad acquirendum ecclesijs & pijs locis) introduci potest.

2. **Secundò** aduertendum, Actum apprehensionis fictæ tunc expressius fore signum possessionis transferendæ, si verba conuenientia adijciantur, v. g. *trado tibi possessionem prædictam cum iuribus suis*. Et talia verba, vnâ cum pugilli traditione &c. prolata fuisse, colligitur ex verbis textûs, *sub testimonio videntium & audientium cum dicta forma*. Nam testis de sensu debet percipisse id sensibile obiectum, de quo testatur: Quamobrem ex Hostiensis notant hic Ioan. Andr. Imola n. 4. Abb. n. 5. Specialiter ad maiorem securitatem statutum esse de teste testimoniariorum, quòd testatorem videre debeat, l. hac consultiſsima 8. C. de testam. Alioquin verò sufficeret loquentem audire, dummodò vox eius indubitatè cognosceretur. Sin autem testari aliquis debeat de eo, quod vtriusque sensus, visus, inquam, & auditus obiectum est, vt in casu huius cap. nûm deponere testem necesse est, vidisse se pugillum v. g. terræ impositum fuisse: & audisse se verborum formulam, quæ pronunciari solet.

3. **Tertiò** aduertendum, per quodlibet signum, aut actum visibilem, aptum significandæ possessionis translationi, eam fictè transferri posset, tum per legem, vti constat ex l. raptoris 42. §. bona autem C. de Episc. & clericis, tum per consuetudinem, vti hic apparet: Et testatur Iason in l. si forori n. 2. C. de iure deliber. Andr. Gaill. lib. 2. obf. 129. n. 13. in plerisque Galliarum prouincijs receptum esse, vt per hæreditatis aditionem, declarando videl. hæredem se esse velle, non dominium tantùm, sed etiam possessionem rerum acquisita intelligatur: dummodò alius in eam possessione non sit, prout bene limitat ibid. Iason. Cum enim duo eandem rem in solidum possidere nò possint, vti constat ex

l. 3. §. Neratius, ff. de ieq. possell. ideo locus non est possessioni fictæ, si iam addit possessio alterius vera: Denique etiam per hominem, videl. Principem, posse, si is velit, solâ voluntatis declaratione, rei dominium & possessionem in alterum transferri, dubitandum non esse, ait Matth. de Afflict. decif. Neapol. 299. n. 25. Vt si Princeps sibi præsentem, de feudo per annulum v. g. aut enssem inuestiendo dicat, se tradere ei corporalem feudi possessionem, dummodò alius in possessione non sit, prout limitat idem Auctor n. 29.

Quartò aduertendû, Eiusmodi possessione, quæ sine reali & corporali apprehensione rei sit, propriè & absolute loquendo, non esse veram, sed fictam & abusiuam, prout ibid. Afflict. notauit, & constat ex cit. l. 3. in principio. Rationem dat Baldus in Auth. de functo n. 6. C. de ad SC. Tertullianum: Quia possessio, secundum propriam rationem suam, factum requirit, seu in facto consistit: ius autem, aut Principis deuotum factum supplere non potest, ita vt verè sit, quòd nò est, videl. res apprehensa sit, cum non est: Semper enim fictio differt à veritate, Exempli causâ, quòd illegitimè natus postea legitimatus à Principe est, non ideo verè legitimus est. Itaque id præstat apprehensio ea ficta, vt effectus & commoda possessionis translata censeantur, non item vera & corporalis possessio acquisita. Quare notant Baldus cit. n. 6. Iason cit. n. 2. Gaill. lib. 2. obf. 152. n. 16. Afflict. cit. decif. 299. n. 30. eiusmodi possessionem fictam non parere interdictum possessionis recuperandæ: Nam quòd possessionem verè nunquam habuit, non potest spoliatus dici, atque ad amissam possessionem restituendus: sed parere interdictum possessionis adipiscendæ, & quidem ita, ait Afflict. vt non possit opponi exceptio dominij. Aliis quoque effectus parit hæc possessio, videl. quòd per eam competat beneficium vfucapiendi: item Publiciana in rem actio, si fortè is, qui in casu huius rem ecclesiæ donauit, eius dominus non fuerat, prout hic notauit Abb. n. 8. in fine, & videri potest hic Anton. n. 31. Imolan. 16.

CAPITVLVM III.

Ad nostram.

PARAPHRASIS.

Inllexit Innocent. III. Papa, in Pictaviensi diocesi consuetudinem inualuisse, vt si causæ, etiam ecclesiasticæ, decidendæ essent, partium auditis allegationibus & querelis, quorumcunque præsentium, litteratorum & illiteratorum, sapientium & insipientium, sententia exquireretur, eaque staretur. Hanc consuetudinem ait Pontifex nullius momenti esse; quia rationabilis non est, & canonicis aduersatur institutis: quandoquidem sententia ab eo, qui iurisdictione præditus non est, nullam obtinet firmitatem. Eapropter facultatem tribuit Episcopo Pictaviensi, (seu potius iure concessam declarat) vt, ea consuetudine non obstante, causas subditorum suorum ecclesiasticas ipsemet secundum merita earum, & sicut ratio postulauerit, definire possit.

SUMMARIVM.

1. Consuetudo nulla est, ut index sit iurisdictione non præditus.
2. Iudici seu Magistratui consilia aliorum, & quidem plurium Sapientum, exquiranda, qua tamen sequi non tenentur.
3. Male plerumque reipubl. consultum est, si Princeps omnia Consiliarijs suis committat, ita ut ab eorum sententia nunquam recedas, vel qua & quibus rationibus ipsi statuerint, non recognoscat, cum ipsi potius Principi, quam Consiliarijs curæ reipubl. incumbat.
4. Noxium item reipublica est, si eius negotia promiscuè cum literatis & illiteratis tractentur, unde Consiliarij literati & sapientes à Magistratu adhiberi debent.

Nec sufficit Consiliarium esse Iurisperitum instructum, sed oportet eum etiam esse prudentem, ac verè sapientem: ad-

eoque virum bonum, & ab auaritia alienum.

5. Sententia lata à non iudice, ipso iure nulla est.

Multi hunc textum ita intelligunt, quasi Maici siue populus fuerit, qui de causis etiam ecclesiasticis sententiam dicere iussus esset: Propterea colligunt summam e. cum rubr. *Nen valet consuetudo, vt in causis ecclesiasticis dictum populi pro sententia teneatur*. Quia causæ ecclesiasticæ non laicorum, sed ecclesiasticorum iudicio definiri debent, e. 2. & 3. de iudicijs.

Veruntamen, cum Pontifex hanc rationem non attulerit: ideo placet alter intellectus, secundum quem est NOTANDVM I. Non valet consuetudo, vt in controuersijs seu iudicijs eorum sententiæ dari debeat, qui iurisdictione præditi non sunt. Ita Innoc. Ioann. Andr. Abb. Imola & alij. Probatur. Cum enim iurdictio pertineat ad substantiam iudicij, & iudex nullus esse possit, nisi iurisdictione præditus, ideo consuetudo illa, vt quorumlibet præsentium iudicio stetur, tanquam irrationabilis, iuribus omnibus contraria, ipsamque iudicij vim ac neruum euertens, nullius esse potest momenti.

Eapropter rectè colligunt hic Innoc. & Ioan. Andreas, quod nec in quibuslibet causis consuetudine introduci possit, vt ex securum populi, qui Magistratui subiectus est, vocem decidi debeant. Nam eo ipso quod populus se subiectum profiteretur, non potest per consuetudinem aut præscriptionem tollere ea, quæ ad Superiorem seu Magistratus iurisdictionem ac gubernatiuam potestatem intrinsecè & necessariò requiruntur, vt colligitur ex e. cum non liceat 32. de præf. & dixi de hac re lib. 3. Theol. moral. tr. 1. cap. 8. n. 6. illat. 2.

Deinde colligunt citati Doctores cum Gl. hic verqueritur, Consultum quidè esse, vt Iudex seu Magistratus aliorum, & quidem plurium, sapientium consilia exquirat, & audiat, sed non ita, vt obligatus sit ea sequi. Nam sententia vitima ad Iudicem spectat, quam auditis partibus, atque consultoribus suis

suis interrogatis, secundum id quod iustum est, & ratio dicitur, pronunciare debet. Quare etiam male plerumque Reipubl. consultum est, si Princeps ita omnia Consiliariis suis committat, ut ab eorum sententia nunquam recedat, vel quæ, & quibus rationibus ipsi statuerint, non recognoscat: Cum ipsi Principipotius, quam Consiliariis, officium & cura Reipublicæ incumbat, prout etiam supra docui.

4. **NOTANDUM II.** Consiliarij, aut Assessores, qui à Magistratu adhibentur, literati, & sapientes esse debent, Noxiūque est Reipubl. si promiscuè cum literatis & illiteratis, sapientibus atque insipientibus Reipubl. negotia tractentur: propterea quod proclive sit bonos à malis depravari, aut certe supplantari, iuxta dictum Domini Luc. 16. v. 8. quod *filij huius seculi prudentiores filijs lucis in generatione sua sunt.* Ita sumitur ex textu huius c. Non sufficit verò doctrinā, siue iuris peritiā instructum esse Consiliarium, nisi prudens ac verè sapiens, adeoque vir bonus sit: quamobrem passim in iure, viri boni arbitrium commendari, atque requiri solet. Est enim vir prudens, idēque bonus, qui non tantum quid rectum, iustumque, atque bono publico commodum sit, novit, sed etiam adsequendum, perpetuò inclinatus est, nullāque vitiosa affectione inde se amoveri patitur. Quamobrem Exodi cap. 18. n. 21. Iethro cognatus Moyli dixit: *Provide autem de omni plebe viros sapientes & timentes Deum, in quibus sit veritas, & qui odierint avaritiam, & constitue ex eis tribunos, & centuriones, & quinquagenarios, & decanos, qui iudicent populum omni tempore.* Ante omnia verò postulavit, ut ab avaritia alieni sint: hæc enim mentem exæcatam à vero, imò ab ipso Deo abducit, cum sit idolorum servitus, ad Coloss. cap. 3. v. 5. Vide quæ dixi in c. 1. de Constit. in 6. not. 2.

5. **NOTANDUM III.** Sententia lata à non iudice ipso iure nulla est, uti hic dicitur in textu, & sumptum est ex l. 1. c. Si à non competente &c. Probatūque ex eo, quia sententiam ferre iurisdictionis actus est: itaque nul-

la est sententia, quæ à non iudice, seu iurisdictionem non habente procedit.

CAPITVLVM IV.

Quanto.

PARAPHRASIS.

Relatum fuit ad Innoc. III. Papam, quod simplices quidam Sacerdotes apud Urbem Constantinopolim Confirmationis Sacramenta, quæ ab Apostolorum tempore solis Episcopis reservata sunt, Fidelibus ministrare præsumant, sola consuetudine in locis his vigente factū excusantes. Quare mandat is Vicario suo in Orientalibus regionibus constituto, ut Presbyteris omnibus prohibeat, ne imposterum si simili temeritate audeant. Tametsi enim ea Sacramenta à Fidelibus non contemnenda, sed magni facienda sint, minus tamen periculi est, si stante ea necessitate (quæ legi subiecta non est) ut Episcopus haberi non possit, omnino omittere, quàm ab his, quibus conferre non licet, cum temeritate (quæ lege damnata est) inaniter conferri & accipi: Etenim talis collatio seu administratio vnam quidem Sacramenti præ se fert, veritate autem & affectu destituta est.

SUMMARIUM.

1. Duo sunt Ordines Sacerdotum, primi & principales, Episcopales, alij simplices sacerdotes hic vocantur, alias Presbyteri dici solent.
2. Quæ sunt propria Ordinis Episcopalis, ea ab inferioribus Clericis, etiam Presbyteris, nullo usu seu consuetudine, quāvis immemoriali, acquiri, vel usurpaci possunt.
3. Qui per legem incapax est alicuius iuris, aut potestatis, si per solam consuetudinem seu exercitum & usum, quantumvis diuturnum, eius incapax fieri non potest: potest autem per dispensationem aut privilegium.

4. *Consuetudo obseruata, sciente eo, qui prius legiare potest, & cum posset, non prohibente, vim priuslegij habet.*

NOTANDUM I. Romanus Pontifex ab antiquo tempore Vicarios suos in ecclesiis quoque Orientis constitutos habuit, cum potestate præcipiendi ac vetandi, per Apostolicæ Sedis auctoritatem. Quod est certum signum potestatis vniuersalis erga omnes ecclesias se extendentis. Qua de re dixi in Theol. moral. lib. 1. tr. 4. cap. 6. §. 1.

1. **NOTANDUM II.** Duo sunt ordines sacerdotum; Alij primi ac principales, videl. Episcopi, qui & sacerdotes consecrare, & Fideles seu baptizatos confirmare possunt: Alij verò sunt ordinis secundi, qui simplices sacerdotes hoc loco appellantur, aliàs Presbyteri dici solent; ijs dictæ potestates non competunt. Qua de re regi lib. 5. Th. mor. tract. 9. c. 3. n. 4. & seqq. Ex quibus ibi dictis apparebit, de potestate Presbyterorum & Episcoporum malè hic scripsisse Abb. Panorm. n. 11. quem rectè inter alios refutat Ioann. Azor. tom. 2. lib. 5. cap. 1. q. 8.

2. **NOTANDUM III.** Quæ sunt propria ordinis episcopalis, ea ab inferioribus clericis, etiam Presbyteris, nullo vsu, seu consuetudine, quamuis immemoriali, acquiri, siue vsu capi possunt. Nam vsu capere seu præscribere non potest, qui est incapax eius actus, per quem vsu capere debet: Siue, vt aliis verbis dicam, incapax possidendi est etiam incapax præscribendi, quandoquidem *sine possessione præscriptio*, seu vsu capio non procedit, reg. 3. in 6. Sed omnis clericus Episcopo inferior, incapax est conferendi Sacramentum Confirmationis, & Ordinationis: Ergo tametsi diuturno tempore hos actus, videl. inualidè & sine effectù, exerceat, nunquam eas potestates vsu capere, & acquirere potest, prout in fine huius c. significatur.

Atque hæc quidem doctrina clara est, si loquamur de incapacitate, quæ provenit ex diuina lege seu institutione, vt in casu c. nostri: Sicut enim ea lex seu institutio per contrariam legem humanam abrogari nõ potest, v. g. vt Presbyteri ex vi & potestate ordina-

tionis suæ, baptizatos confirmet, ita nec per consuetudinem ea incapacitas tollitur: Sed idem quoque dicendum, si incapacitas ex lege politua proveniat, v. g. Ecclesiæ institutione: Tameñ enim, absolutè loquendo, non repugnet huiusmodi legem per contrariam consuetudinem aboleri; stante tamen lege, per quam personæ incapaces redditæ sunt actum aliquem validè exercendi, fieri non potest, vt per quamcunque, etiam in memorialem consuetudinem, siue exercitium, capaces reddantur, ob eandem, quam suprà dixi rationem; idque doctè, allegato hoc c. annotauit Suarez lib. 7. de legibus cap. 19. n. 17.

Res ista exemplis declarabitur: Primum. Stante lege canonica, quæ semper in ecclesia viguit, quòd ecclesiarum, & sacrorum vasorum, eorumque quæ sancti chrismatis vntionem postulant, consecratio propria sit Episcoporum, & Presbyteris ex vi ordinationis suæ, non competat, nullus Prælati seu secularis, seu regularis, aliqñue sacerdos non episcopus, per consuetudinem, quantumuis diuturnam, etiam immemoriam, accedente quoque bona fide, dictam consecrandi potestatem acquirere potest, prout inter alios docet Syl. ver. benedictio n. 3.

Alterum. Posito, quòd lex Bonifaciana in c. statutum 11. de rescriptis in 6. in obseruatione sit, sicuti reuera est, vt causæ ab Apostolica Sede & Legatorum eius non delegentur nisi personis in dignitate constitutis, aut Canonicis Cathedralibus, nulla consuetudine obtineri potest, vt alia persona talem qualitatem non habens literas accipiat & exequatur: propterea quòd lex ea irritans sit, adeoque mandati executio, facta à persona non capaci, irrita. Accedit hic specialiter, quòd mens committentis seu delegantis Pontificis non sit huius personæ, quæ requisitam qualitatem non habet, delegandi; idè quæ etiam ex hoc capite, videl. ob voluntarij defectum, irrita est delegatio causæ.

Tertium. Cùm ius decimarum spirituale sit, idè quæ in laicum non cadat, ideo nunquam etiam immemoriali tempore, & cum bona fide illud vsu capere potest, c. causam quæ 7. de præscript.

Quar-

Quantum. Cùm Laici incapaces sint spiritualium iurium eligendi ecclesiarum Prælatos, conferendi ecclesiastica beneficia; item iurisdictionis exercendæ in ecclesiis, & ecclesiasticas personas; ideo nulla, quantumvis diuturna aut immemoriali consuetudine, vel præscriptione acquirere eam possunt, ut docet lib. 4. Theol. mor. tr. 9. c. ult. & videri potest Suarez in tract. de immunit. eccles. cap. 3. n. 17. & seqq. post Ioann. Andr. in c. 2. de præb. in 6. Philipp. Decium in c. nouit. n. 12. de iudiciis.

Itaque in eiusmodi casibus, in quibus v. g. laici incapaces iurium spiritualium, aut Presbyteri incapaces potestatis consecrandi sacra vasa, nihilominus per concessionem aut priuilegium supremi Ecclesiæ Pastoris, capaces fieri possunt, ita argumentari possumus: Vel persona, quæcunque præter, aut potius contra communem legem canonicam, talem potestatem sibi arrogat, priuilegium accepit, aut non accepit: Si prius, dei non potest, quod eam præscriptione, seu diuturni temporis vsucapione acquisierit. Si posterius, locum habet regula superius tradita, & communiter à Iurecons. approbata, Ioan. Andr. Decio locis suprâ cit. Felin. in c. causam, n. 4. & seqq. de præscript. c. accedentes n. 6. eod. tit. quod posita incapacitate personæ, locum habere non possit vsucapio, quantumcunque, etiam immemoriali tempore, continuata: cùm enim actus, siue vsus & exercitium actuum, posita incapacitate personæ, nullum & irritum sit, non potest per illud ius aliquod acquiri, iuxta dictum vulgatum; *quod nullum est, nullum effectum producit.* Videri etiam potest Suarez lib. 8. de legibus cap. 7. ubi explicat regulam Iuristarum ex eodem fundamento desumptam, quod priuilegium potentius sit consuetudine, & multa per priuilegium acquiri possint, quæ consuetudine propter subiecti incapacitatem, acquiri non possunt. Qua de re dixi etiam in c. ecclesia 10. de constit. & in Theol. moral. lib. 3. tr. 1. cap. 8. n. 6.

3 NOTANDUM IV. Qui per legem incapax est, alicuius iuris aut potestatis, is per solam consuetudinem, seu exercitium & vsum, quâ-

tumvis diuturnum, eius capax fieri non potest. Hæc est doctrina in præc. not. explicata, & sumitur ex c. isto ver. *solum consuetudinem præcedentes*; & traditam Baldus hic in fine c. Abb. n. 2. Vide tur autem Pontifex Innoc. III. quando Presbyteros illos temeritatis arguit, quia solâ consuetudine nixi, Fideles confirmabant, insinuare, secus fuisse dicendum, si ipsi super concessione seu dispensatione à Sede Rom. Apostolica, propter necessitatem seu penuriam Episcoporum, ipsis factâ intentionem fundassent: tum enim de ea inquiri, seu examinari debuisset. Videri possunt, quæ dixi lib. 5. Theol. moral. tract. 3. cap. 6.

His adde primò, Ad vsucapionem, tum in hoc casu, tum in aliis suprâ allatis exemplis, haud sufficere, si cum immemorialis temporis vsu siue consuetudine facti, bonæque fide, concurrat fama concessi priuilegij, aut dispensationis, per quam persona capax facta sit. Hæc enim fama licet fidem bonam confirmet, faciâtque præsumptionem seu colorem tituli, ita ut possessor à possessione & exercitio amouendus non sit, prout locis suprâ allegatis rectè docuit Felinus, attamen si fama falsa sit, seu concessio nulla facta, re vera persona manet incapax: consequenter vsucapio siue præscriptio perfici non potest: Consequenter si veritas postea detegatur, videlicet nullam dispensationem factam esse, irrita censi debebit, quæ acta sunt.

Adde secundo, Quod in his, in quibus 4 Princeps priuilegium rationabiliter concedere potest, & solet, sufficit plerumque consensus tacitus: si videlicet fiat potestatem aliquam ab ijs, qui secundum communem legem incapaces sunt, exerceri, & non prohibeat, cùm si vellet, prohibere posset. Itadocet ex eommuni Petrus Rauenn. de consuetudine n. 61. & seqq. Rochus Curtius in c. ult. de consuet. n. 300. 301. ubi ait, *consuetudo obseruata sciente eo, qui priuilegiare potest, vim priuilegij habet.*

Porro de his, quæ in hoc c. dicta sunt, aliis quoque in locis ex instituto agendum erit: sed hic veluti generale fundamentum ex hoc c. eruisse, operæ pretium esse videtur.

CAPITVLVM V.

Cùm inter.

PARAPHRASIS.

Episcopus Cenomanensis, aut fortasse vacante Sede Capitulum, generale interdictum loci posuit in ciuitate Cenomanensi: sed Canonici ecclesiæ S. Petri de Curia illud obseruare recusantes, pulsatis campanis, ianuis apertis, & voce altæ diuina officia celebrarunt: Pro defensione ipsorum Procurator allegauit, quod ecclesiam S. Petri à primâ fundatione suâ libera existerit atque exempta, consuetudinem quoque fuisse, ut in ea ecclesia in generali edicto, excommunicatis & interdictis personaliter exclusis, diuina officia dicto modo celebrare liceret. Hoc cognito, decreuit Innocent. III. Papa, cùm per consuetudinem eam, si quæ esset, neruus ecclesiasticæ disciplinæ disrumperetur, irritandam esse.

SUMMARIUM.

1. Episcopus ecclesiam exemptam à sua iurisdictione directè subijcere interdicto non potest, potest tamen indirectè.
2. Non valet consuetudo, per quam sententia interdicti legitime lati, aut cuiuscunque censura ecclesiastica violatur.
3. Imò vniuersim non valet consuetudinis introductio, suo præscriptio, quotiescunque aliquid agitur contra disciplinam ecclesiasticam, qui est velut neruus ecclesie.
4. Consuetudo facti, si sit contra neruum ecclesiasticam disciplinam, rescindenda & tollenda; consuetudo autem iuris, vbi nulla introduci potest, ita ut nulla & irrita declarari debeat.

NOTANDVM I. Licet Episcopus directè non possit interdicto subijcere ecclesiam exemptam à iurisdictione sua, potest tamen indirectè & per consequentiam: Quia

in interdicto locali generali, si v. g. ciuitas interdicta sit, etiam exemptorum ecclesiæ comprehenduntur, cùm alioquin interdictum ferme inane foret, eiusque censura declinari posset, si populus in ecclesiis exemptorum officia diuina perciperet. Quamobrem posteriore iure Clem. ex frequentibus, de sent. excomm. Religiosi omnes, etiam exempti sententiam excommunicationis incurrunt, si generale interdictum loci legitimæ auctoritate positum non obseruent. Videri potest Abb. hic n. 3.

NOTANDVM II. Non valet consuetudo, per quam interdicti legitime lati sententia violatur. Ita annotatur in rubr. huius c. Idque ob rationis identitatem, extenditur ad omnem censuram, prout hic Abb. docet n. 2. *Consuetudo non valet, per quam sententia ecclesiastica censura violatur.* Ratio assignatur in textu: *Quia non valet consuetudo, per quam neruus ecclesiasticæ disciplinæ rumpitur: esset enim ecclesiæ noxia, irrationalis, idè obque rejicienda, argum. e. cùm venerabilis 7. & c. ult. hoc tit.* Atqui censura ecclesiastica est velut neruus ecclesiasticæ disciplinæ: quia sicuti corporis membra neruis continentur, ut officia sua ritè obire possint, ita & fideles ecclesiasticis censuris, earumque metu in officio continentur, & à peccatis atque inobedientia reuocantur.

Potest etiam generalius fieri ratiocinatio, ex mente huius c. *Non valet consuetudinis introductio, siue præscriptio, quotiescunque aliquid agitur contra disciplinam ecclesiasticam, qui est velut neruus ecclesie,* uti Gl. hic ait ver. de consuetudine: Per violationem autem censuræ, agitur contra disciplinam ecclesiasticam, seu, ut in textu dicitur, neruus ecclesie rumpitur: ergo non valet præscriptio, seu cuiuscunque consuetudinis introductio.

Dicit quispiam, in hoc c. non dici, consuetudinem esse irritam, sed irritandam. Quæ res mouit Lud. Molinam in tr. 2. de iustit. disp. 79. n. 6. ut fateretur, ex hoc c. non ostendi, consuetudinem contra neruum ecclesiasticæ disciplinæ introductam non valere, sed esse reuocandam seu rescindendam.

Con-

Contrarium verò cum Gl. tradunt hic interpretes communiter, & Suarez lib. 7. de legibus cap. 6. n. 8. vbi contendit, dictam consuetudinem irrationabilem esse, idèque vires obtinere non posse. Ad obiectionem resp. I. Non esse infrequens in iure, vt quod irritum est, dicatur irritandum, id est, irritum & inane declarandum, prout apparet in c. cum dilectus iun. Gl. ver. cassauimus, hoc tit.

- II. Duplex est consuetudo, facti, & iuris. Illa, si sit contra neruum ecclesiasticæ disciplinæ, rescindenda & tollenda est; at verò consuetudo iuris nulla introduci potest, idèque irrita, vt dixi, & inanis declarari debet.

CAPITVLVM VI.

Cum olim.

PARAPHRASIS.

Cum] Londonensis Episcopus in ecclesia sua creare vellet nouam dignitatem, seu personatum Præcentoriæ, eius rei licentiam ab Innoc. III. Papa obtinuit, eâ conditione, vt in assignandis ei redditibus nulli inferretur præiudicium; atque vt Præcentor in selsionibus, processionibus & alijs eum obtineret honorem ac dignitatem, quam in alijs Anglicanis ecclesijs Præcentores obtinent. Quòd si autem in eis diuersæ aut contrariæ consuetudines seruarentur, talis Præcentori Londonensi dignitas, seu præeminentia statueretur, vt alijs personis nullum præiudicium fieret, sed rationabiles in eadem ecclesia hætenus obseruatæ consuetudines illæ permanerent.

SUMMARIVM.

1. In ecclesiâ noua dignitas, aut beneficium institui non debet cum diminutione reddituum, aut iuris aliorum beneficiariorum.
2. Excipe primò: nisi necessitas seu magna utilitas ecclesiæ id postulet.

3. Secundo, nisi modicum & non æstimabile præiudicium inferatur.
4. Iure communi canonico de noua dignitate, aut officio in ecclesia nihil statuente, imitanda est consuetudo ecclesiarum vicinarum, in quibus eadem dignitas, aut officium existit.
5. Non item si dignitas vel officium de nouo sit erigendum, de quo iure communi canonico statutum est, si tunc enim hoc sequendum est, non consuetudo vicinarum ecclesiarum.
6. Vniuersitas studiorum de nouo erecta potius debet privilegia concessis in Anthem. Habita. C. Ne filius pro patre; ita vt etiam in causis criminalibus studio proprium iudicem habeant.

NOTANDVM I. Non debet in ecclesia noua dignitas, aut beneficium institui, cum diminutione reddituum, aut iuris aliorum beneficiariorum. Ita sumitur ex textu huius c. & tradit præter alios hic Baldus n. 4. dicens, quòd non debet vnum altare vestiri, ita vt alterum denudetur. Sed excipiendum est primò: Nisi necessitas seu magna utilitas ecclesiæ id postulet. Tunc enim non prohibetur Præcentor, (saltem cum Capituli, & patroni consensu) demere vni dignitati, aut beneficio, & alteri dare, sicuti hic docent Imola n. 5. Abb. in 6. arg. c. 1. de rebus ecclesiæ non alien. in 6. iun. Gl. ver. tenues, & c. 3. de ecclesiæ ædificandis, ver. magna difficultas; Ex quibus habetur, quòd ex causa necessitatis seu maioris utilitatis, v.g. ob multitudinem plebis, aut locorum distantiam, possit intra fines parochiæ ædificari capella, quamuis ob id parochialis ecclesiæ Rectori oblationes aliquæ decedant, aut redditus minuantur: sin verò absque causa id fieret, Rector parochiæ se opponere posset, iuxta c. 1. de noui operis nunciat. iun. Gl. ver. in præiudicium.

Excipiendum secundo, Nisi modicum, & non æstimabile præiudicium inferatur: Tum sufficiet quælibet causa rationabilis, seu ad augmentum diuini cultûs pertinens. Ita Gl. hic ver. præiudicium, Anton. num. 5.

Quâ ratione idem Anton. n. 15. docet, etiam nullâ aliâ causâ vrgente, nisi cultûs diuini augendi, posse Episcopum capellas ædificare intra parochias arbitratu suo, dummodò id fiat absque subtractione reddituum ex parochijs, etsi per accidens, seu consecutiue ijs aliquid decedat, quia oblationes & dona eo deferrentur, & populus ad officia diuina subinde accederet &c.

Cur autem in casu huius e. licentia nouam dignitatem præcentoriæ in ecclesia constituendi, etiam secluso præiudicio aliorum, à Pontifice petita fuerit, non satis constat: Fortasse id factum ob maiorem securitatem & firmitatem, aut quia Capitulum Episcopo contradicebat, uti Abb. hic ait.

- 4 NOTANDVM II. Si noua dignitas, aut officium in ecclesia aliqua constituatur, & ius commune canonicum de eo nihil disponat, imitanda est consuetudo ecclesiarum vicinarum, in quibus eadem dignitas aut officium exiit. Sed quid? si dignitas vel officium, v.g. Archidiaconi, Archipresbyterij, de quo iure communi statutum est, de nouo erigendum sit, sed in vicinis ecclesijs circa illud diuersæ specialis consuetudo existat, sequendumne est ius commune, an consuetudo vicinarum ecclesiarum? Placet responsio Abb. hic n. 6. & 7. sequendum esse ius commune, quia consuetudo specialis contra ius commune introducta ei non derogat, nisi limitatè, siue in ordine ad locum aut ecclesiam, in qua viget: sicuti vniuersim de consuetudine abrogatoria legum, atque præscriptione, ex communi tradit Bartol. in Auth. Qui rem, C. de SS. Ecclesijs, & pluribus allegatis docet Currius de consuet. n. 322. quod consuetudo contra ius non extenditur ad alium casum aut locum, Item quod consuetudo, quæ est in vna ecclesia, non extenditur ad aliam: Idem Ioseph. Mascard. not. 1. de probat. concl. 23. n. 12. & seqq. ubi limitat: Nisi sit locus accessorius, seu eiusdem iuris cum altero: quâ ratione consuetudo vigens in ciuitate plerumque extenditur ad vicos & castra vicina, si eiusdem iurisdictionis sint.

- 6 Exinde colligit Abb. hic n. 7. Si alicubi

studiorum Vniuersitas de nouo erigatur, quod potiri debeat priuilegijs concessis in Auth. Habita, C. Ne filius pro patre, ita vt etiam in causis criminalibus Præcentor proprium Academicum iudicem habeant, non obstante quòd Gl. ibi ver. si litem, dicat, propter non vsum, atque renunciationem tacitam, contrarium in Vniuersitatibus obseruari. Quia talis consuetudo (ait Abbas) non nocet, nisi in locis, in quibus est introducta.

Quæres: quinsam dictus sit Præcentor, & quod eius officium? Respondet Azor tom. 2. lib. 3. cap. 23. Eundem esse, qui in nostris ecclesijs Cantor dici solet: eiusque officium fuisse antiphonas & psalmos inchoare. Qui tamen si iurisdictionem propriè non habuerit, præminentiam tamen in sessionibus, processionibus &c. inter reliquos Canonicos, diuina officia horis diurnis atque nocturnis, in ecclesia celebrantes, gerebat, id eo quod dignitatem seu personatum habebat, inferiorem primicerio, de quo in c. vn. de offi. Primicerij. Succentorem autem, de quo mentio in c. inter dilectos 11. de excess. Prælator. ait Azor, esse eundem, qui in quibusdam ecclesijs Vicecantor appellatur, quia Cantoris, aut Præcentoris vice fungitur.

NOTANDVM III. Si aliquid agendum sit instar, seu secundum imitationem aliorum, & ea diuersa reperiantur, sequendum est id, quod magis rationabile, minusque præiudicij adfert. Ita hic, & simile quid habetur in c. ex parte 18. de censibus. Exemplum afferunt Anton. hic n. 12. Imola n. 4. Instrumentum contractûs, alteriusve dispositionis fieri conuenit secundum consuetudinem Notariorum, sin autem diuersæ formæ instrumentorum vsitate sint, imitanda est ea, quæ rationi & æquitati magis congruit. Verum id plerumq; in consilio duntaxat est, non in præcepto: cum non semper teneamur sequi, quod est optimum: sed sufficiat sequi, quod cum ratione aliqua receptum, non reprobatur, id eo quod tutum est; nisi Superioris impositum mandatum aliud postulet.

CAPITVLVM VII.

Cum venerabilis.

PARAPHRASIS.

Episcopus Hostienfis, & L. Presbyter S. Crucis Cardinales, Legati Sedis Apostolicæ in partibus Alemaniz, repperunt, quod Abbas Monasterij Hermionenfis, Romanæ Sedi immediatè subiecti, ad Abbatiam Monasterij Corbientis itidem ad Sedem Romanam specialiter pertinentis propriâ temeritate transferit, ab ipso Pontifice, aut vices eius in Germania tenentibus, licentia nec petita, nec obteſta. Poſtea verò Nunciij dicti Abbatis pro excuſatione facti allegarunt, generalem hanc eſſe eius terræ conſuetudinem. Sed Innoc. III. reſpondet, cum talis conſuetudo potius corruptela cenſenda ſit, quippe ſacris canonibus inimica, impoſterum ſeruandam non eſſe.

SUMMARIVM.

1. *Omnes eccleſiæ & monaſteria immediata Romana ſubiecta, iuri Romana Eccleſiæ ſubſeſſe, & exemptionem ac libertatem habere cenſentur.*
2. *Non valet conſuetudo, vt Prælatus eccleſiam ſuam dimittere, eiuſ renunciare poſſit, ſine licentia Superioris.*
3. *Nec valet conſuetudo, vt Prælatus electus non teneatur à Superiore confirmationem petere.*
4. *Generalis conſuetudo alicuius loci paſſim vigente, & tolerata, licet irrationabilis ſit, adeoque contra legem præualeat, tamen excuſationem aliquam, & veniam delicti aliquo modo mereri poſſe: ſecus eſt, ſi ſit conſuetudo ſingularum peccantium contra legem, tunc enim non minuitur peccatum, ſed potius aggrauatur.*

mediatè eidem ſubijciuntur, ſpecialiter ad ius Romanæ Eccleſiæ pertinere cenſentur, atque exemptionem & libertatem habere, prout dicitur in c. ſi Papa 10. in princ. de priuil. in 6. Atque ſimili ratione in Roman. Imperio quæ ciuitates, aut Nobiles v.g. Cæſari, nullo mediante ſubditi ſunt, exempti, & liberi appellantur, ac ciuitates ſpecialiter Imperiales.

NOTANDVM II. Non valet conſuetudo, vt Prælatus eccleſiam dimittere, eiuſ renunciare poſſit, ſine licentia Superioris. Sicut Abbas ſubiectus Epifcopo, (inquit Gl. hic ver. migrâſſe) ſine licentia Epifcopi renunciare, aut locum ſuum relinquere non poteſt, c. Abbas 8. cauſa 18. q. 2. ſic Abbas ſubiectus tantùm Papæ renunciare non poteſt, ſine eiufdem licentia; tametiſ inſufficiens ſit, c. vlt. §. Item ſi quis, de renunc. Ratio inſinuatur in textu c. Quia huiuſmodi conſuetudo bonum ordinem ac diſciplinam eccleſiaſticæ hierarchiæ deſtruit, ideoque irrationabilis eſt, & corruptela potius, quàm conſuetudo dici debet.

NOTANDVM III. Nec valet conſuetudo, vt Prælatus electus non teneatur à Superiore confirmationem petere. Ita colligitur etiam ex hoc cap. & tradit hic Ioann. Andr. n. 8. Abb. in c. tranſmiſſam n. 3. & c. qualiter n. 2. de elect. Ratio eſt, quia & hæc conſuetudo eſt contra bonum ordinem eccleſiaſticæ hierarchiæ, ſecundùm quem inferiores Miniſtri ac Prælati Eccleſiæ à Superioribus dependere, atque in ſua inſtitutione ius & auctoritatem accipere debent. Cum enim conſuetudo ſit iuſta iuris ac legis, ideo iuſta & rationabilis eſſe debet, alioquin nullam ex Principum voluntate & conſtitutionibus aſſiſtentiam vigoremque habet.

Præſertim verò eccleſiarum ſpeciales conſuetudines, ſi bono vniuerſalis Eccleſiæ, eiuſque fini, quæ eſt ſalus animarum, & vita æterna, incommodent, nullâ temporis diuturnitate robur acquirere poſſunt; ideoque abolendæ & corrigendæ: Tales ſunt conſuetudines, quæ, vt dixi, eccleſiaſticum bene conſtitutum ordinem ac dependentiam tollunt.

NOTANDVM I. Tametiſ omnes eccleſiæ & monaſteria Romanæ vniuerſali Eccleſiæ ſubiecta ſint, attamen quæ im-

hunc, disciplinam ecclesiasticam eneruant, peccandi materiam & occasionem præbent, cultus diuini immutationem introducunt, clericis officia diuina negligendi, vagandi, luxus & otii licentiam peimittunt.

Obijci potest contra not. III. Quidquid per priuilegium obtineri potest idem quod per consuetudinem immemorabilem, si sit capacitas in vscapiente, introduci potest. Atqui Summus Pontifex pluribus Religionibus priuilegio indultus, vt ipsarum Abbates, aut Præpositi generales, cum primum canonicè electi sunt, plenam iurisdictionem absque alia speciali Sedis Apostolicæ confirmatione, consequantur, vt videre est apud Em. Rodriquez tom. 2. regul. qq. q. 53. a. 3. Ergo hoc ipsum per consuetudinem immemorabilem, introduci potest. Respondetur: Ecclesiæ Ministros ac Prælatos non esse capaces ecclesiasticæ iurisdictionis consequendæ, & exercendæ, nisi cum ordine ac dependentia ad Superiores Prælatos, (arg. c. qualiter 17. de elect.) præsertim ad Rom. Pontificem, à quo tanquam Capite à Christo constituto, omnis ecclesiastica potestas in inferioribus ministris conueniente ordine descendit, vt docui lib. 1. Theol. moral. tr. 4. cap. 7. §. 2. Capaces itaque fieri possunt per concessionem seu priuilegium Papale; non autem per solam consuetudinem, iuxta ea quæ suprâ dixi in c. quanto 4 hoc tit.

4 NOTANDUM III. Generalis consuetudo alicuius loci, tametsi irrationabilis sit, idèoque contra legem non præualeat, tamen excusationem aliquam & veniam delicti aliquo modo mereri potest. Ita Gl. hic ver. migrasse, alia Gl. in c. denique 6. ver. consuetudine, d. 4. vbi ait, quod *consuetudo excusatur à pena temporalis*. Anton. hic n. 12. licet *consuetudo non excuset à peccatis, inducit tamen faciliorem potestatem dispensandi*, argum. c. 2. de tempor. ordinationum. Similia tradit Abb. hic n. 4. Imola n. 8. Nauar. in cons. vlt. n. vlt. de accusat. edit. 2. Idque colligunt ex hoc c. quandoquidem Pontifex non exprimit, quid in poenam temerarij transitus, decretum fuerit de Abbate, v. g. vt vtrâque Prælatûrâ careret, argum. c. quan-

to, de translat. Episcopi; & idèò credibile videri potest, in altera, ad quam transijt Abbatia, toleratum & confirmatum fuisse. Locutus sum autem in not. de irrationabili consuetudine *generalis*, seu quæ in Communitate passim viget, & toleratur. Sin verò sermo sit de consuetudine singulorum peccantium contra legem, non minuitur peccatum, sed potius aggrauatur peccatum, vt constat ex c. vlt. hoc tit. & Authent. Vt nulli Iudicium §. 1. verfi. Neq. verò angarijs. Tum quia perseverantia in peccato, eiusque iteratio per se auget, & aggrauat; tum quia virtutalem contemptum continere videtur, & idèò etiam in externo foro grauius puniatur, vt constat ex l. 3. Cod. de Episcopali audientia, vbi id Gl. & DD. notant, Rochus pluribus allegatis in c. vlt. n. 62. 63. hoc tit.

Positâ autem consuetudine generali, rectè traditam doctrinam defendit, & declarat Franc. Suarez lib. 7. de legibus cap. 19. n. 8. Partim quia ex publica consuetudine delicti, plerumque oritur ex parte singulorum delinquentium aliqua ignorantia, aut saltem minor consideratio deformitatis: Partim quia exemplum multorum delinquentium est vehemens quædam tentatio, ac veluti impulsus quidam ad imitandum, aliquo modo imminuens peccatum, ob hominis infirmitatem: Partim quia ex parte Reipublice nascitur inde difficultas, & quasi impossibilitas quædam multitudinem peccantium puniendi. argum. cit. c. 2. de tempor. ordinat.

CAPITULUM VIII.

Cum dilectus.

PARAPHRASIS.

Controuersia mota fuit coram Innocentio III. Pontifice, inter Guilielmum ecclesiæ Andrenf. Monachum, & Capitulum monasterij Karofensis, super iure eligendi Abbatem, & valore electionis factæ à Conuentu monasterij Andrenfis. Guilielmus proposuit, se à Fratribus dicti Monasterij concorditer electum fuisse, idèoque, cum tam de iure communi, quam Apostolicæ Sedis priuilegio, ad dictum

Con-

Conuentum duntaxat libera eligendi Prælatam pertineat, electionem sui à Pontifice confirmari petiit. Ex aduersa parte Procurator Capituli Karofensis proposuit, Episcopum ordinarium olim, ex voluntate & petitione patronorum ecclesiæ, constituisse, si numerus Regularium inibi ita augetur, vt Prior vel Abbas constituendus esset, quod electio penes eiusdem loci fratres, & Capitulum Karofense esse deberet, idque, eius statuti vigore, longo tempore obseruatum fuisse, videl. vt vacante Monasterio Andrensi, Fratres eiusdem loci & in Capitulo Karofensi conuenientes, è gremio eiusdem Karof. Monasterij sibi Abbatem eligerent. Quare petiit dictus Procurator, vt electio Guilielmi facta tum cõtra statuti tenorem, tum contra consuetudinem approbatã (quæ optima legum interpretis est) tanquam minùs canonica cassaretur. Pontifex Innocentius inprimis electionem eam cassauit, (id est, cassam & irritam esse declarauit) quia cognouerit factam esse à suspensis, & de suspensio. Quod verò ad ipsum ius eligendi attinet, considerandum esse ait, quòd verba statuti ita commodè intelligi possint, vt neque iuri communi, neque priuilegio à Sede Apostolica Fratribus Andrens. concessio derogeret, nimirum, vt electio Abbatis ad solum Conuentum Andrens. Monasterij spectet, confirmatio autem ad Capitulum Karofense. Ideoque mandet Pontifex, vt, nisi ex parte Cænobij Karofens. suprà dicta consuetudo, iuri communi cõtraria (videl. vt ex gremio eius ecclesiæ Abbas pro Monasterio Andrensi eligendus sit) fuerit probata, Andrens. Monachis ius electionis adiudicetur, tali modo, vt liberam facultatem habeant vel de ecclesiæ suæ gremio, vel aliunde personam idoneam canonicè eligendi, & Capitulo Karofensi præsentandi, vt ab eo (si canonica electio fuerit) confirmetur.

SUMMARIUM.

1. Religiosus ad Prælatum electus ius su-

um, sine alia licentia, in iudicio prosequi potest.

2. Patronus siue fundator ecclesiæ in ipsa fundatione, cum consensu Episcopice conditionem honestam, etiam contra ius commune, & interdum cum derogatione iuris episcopalis apponere potest.
3. Consuetudo approbata est optima legum interpretis.
4. Consuetudinis rationabilis & legitimæ præscriptio virtus est, vt legem tincere, mutare, & penitus abrogare possit, cuiusque obligationem in conscientia determinat.
5. Suspensus ab officio eligi non potest in Prælatum, nec promoueri ad aliud beneficium ecclesiasticum.
6. Suspensus ab officio, priuatus quoque, est potestate eligendi, & beneficia conferendi, ita vt electio, aut beneficij collatio passiva à suspensio, excommunicatio, aut personaliter interdictio facta, vniuersum irrita sit, alius autem, non nisi ab his, si denunciati sint, & non tolerati.
7. Suspensus à beneficio eligere, aut beneficia conferre, ratione eius censuræ potest.
8. Verba statuti, vel aliterius dispositionis ita explicari debent, vt quàm fieri potest salua eorum proprietate, aut communi acceptione à iure communi non recedatur.
9. Nisi statutum, priuilegium, aliaue dispositio alterius iuri derogaret, aut præiudicialis alteri foret, tunc enim verba potius impropiè explicanda sunt, quàm aut iustitiam laedatur.
10. Excusabiles sunt, & bona fide procedunt, qui in iura stant, aut cuiuslibet dispositionis, qua sensum dubium habet, vniuersum, quamuis falsum, operantur.

NOTANDUM I. Monachus, siue Religiosus ad Prælatum electus, ius suum, sine alia licentia, in iudicio prosequi potest. Ita etiam habetur in c. cum dilecta, 22. de re scriptis.

NOTANDUM II. Patronus, siue fundator ecclesiæ, in ipsa fundatione, cum consensu Episcop-

piscopi, conditionem honestam, etiam contra ius commune, & interdum eum derogatione iuris episcopalis, apponere potest. Ita sumitur ex textu huius c. & ex c. verum 5. de condit. appositis, & notat hic Baldus num. 9. Abb. n. 4. Rochus de consuet. n. 264.

Aduerte autem, quod dixi primò: In ipsa fundatione, non item postea, conditionem, modum aut grauenam apponi posse, prout rectè docet Gl. in c. 2. ver. sic quidam, causa 10. q. 1. Cum enim quilibet rei suæ sit moderator & arbiter, ideo in traditione, seu donatione facta ecclesiæ, velle aliquis potest non aliter nisi cum certa conditione donare, aut fundare, videl. vt electi Prælati confirmatio non ad Episcopum, sicuti iure communi decretum est, sed ad aliud Monasterium, aut Prælaturum eius pertineat. At verò post factam fundationem non potest talis aliqua conditio exigi, sicut habetur in cit. cap. 2. vbi id notat Gl. cit. ex l. 4. C. de donat. quæ sub modo, vbi dicitur, quod perfecta donatio conditiones postea non capis.

Secundò, quod dixi eum Episcopi consensu: Quia ipsemet fundator, cum sit persona priuata, non potest sua voluntate aut auctoritate, canones immutare, prout habetur in c. requisisti 35. ante medium, de testam. Quare etiam in hoc c. conditio illa, vt confirmatio ad Conuentum Karof. pertineat, Episcopi constitutum dicitur, factum secundum petitionem patronorum. Quo in loco rectè admonet Gl. ver. cõstitutum, Imola n. 21. Abb. n. 5. & 10. Episcopum, etiam petente aut consentiente patrono, non posse post factam fundationem, quando iam ius v. g. confirmandi Prælaturum episcopali dignitate acquisitum est, mutationem inilituere, vt confirmatio ad alium pertineat, nisi adsit iusta causa seu necessitas, & ea adhibeantur, quæ ad alienationem iuris ecclesiæ acquisiti necessaria sunt. Multò minus Episcopus, etiam eum Capituli sui consensu, generale statutum condere potest, vt, si fundatio aliqua Monasterij, aut Collegiæ ecclesiæ fiat, confirmatio Abbatis, aut Præpositi non ad ipsum, sed ad alium spectare debeat, prout bene docet Rochus in cit. c. vlt. n. 266. Partim quia Episcopus non potest

statuere contra canonum decreta. c. quod super 9. de maior. & obed. c. institutionis 7. causa 25. q. 5. & docent DD. in cap. 1. de conflit. Abb. in c. vlt. n. 9. hoc tit. Partim quia tale statutum irrationabile foret, & contra bonum ordinem ecclesiasticæ hierarchiæ, & ideo vim nullam haberet, iuxta c. 2. d. 4. *Erit autem lex honesta, iusta, &c.*

NOTANDUM III. Consuetudo approbata, est optima legum interpres, sumptum est hoc dictum ex l. 36. ff. de legibus: *Si de interpretatione legis queratur, in primis inspicendum est, quod iure ciuitatis recto in eius modi casibus usus fuit. Optima enim est legum interpres consuetudo.* Quamobrem hæc vna est ex proprietatibus consuetudinis, legem interpretari, & confirmare, teste Gratiano super c. in iis 3. d. 4. Ideoque quasi gemino iure fulcitur, cui tam lex, quam consuetudo assistit, vt ex hoc c. colligitur, & traditur in c. sopitæ 14. vbi Gl. & DD. communiter ver. consuetudine, de censibus. Quod si sensus legis siue statuti, spectato verborum tenore, atque interpretatione Doctorum, dubius sit, consuetudo communiter obseruata determinabit, vt aliud requirendum non sit, sed ita lex accipienda, sicuti consuetudo obseruatur, iuxta l. 37. ff. eod. vbi dicitur, *In ambiguitatibus, quæ ex legibus proficiuntur, consuetudinem, aut rerum perpetuò similiter indicatarum auctoritatem, vim legis obtinere.* Idque adeò, vt tamen ponamus consuetudinem populi, potentis legem condere, aut saltem habentis consensum tacitè approbatiuum Superioris (si per se legem condere non possit) aberrare à vero legis sensu, consuetudo tamè obseruari debeat, prout constat ex cit. l. 37. & tradit in his terminis Abb. hien. 7. Petr. Rauenas de consuet. n. 89. Suarez lib. 5. de legibus, cap. 4. n. 16. vbi bene admonet, non esse hanc meram legis interpretationem, sed potius mutationem: quandoquidem & hæc virtus rationalis & præscriptæ consuetudinis est, vt legem vincere, mutare, & penitus abrogare possit, c. vlt. hoc tit. & videri potest Bartol. in l. de quibus n. 5. ff. de legibus.

Exinde colligunt DD. communiter, vt videre est apud Thom. Sanchez lib. 6. moral. cap.

cap. 4. n. 27. Rodriq. tom. 1. regul. qq. q. 66. a. 4. & tom. 2. q. 101. a. vlt. si ex verbis legis aut ordinationis nõ satis appareat, num sub peccato obliget in conscientia, item, quàm grauis sit eius obligatio, videlicet num sub peccato mortali, an veniali, id per receptam & approbatam consuetudinem determinari, argum. Clem. Exiui, §. Item ordo communiter sensit, de verbor. signif. Nam sicuti per consuetudinem, nulla existente lege scripta, saltem cum scientia & tacita approbatione Superiorum, obligatio talis introduci potest; ita etiam, imò facilius, si lex aliqua existat, quæ per consuetudinem, interpretationem, corroborationem, & fortasse augmentum siue extensionem accipiat. Videri potest Suar. cit. loco, & eod. lib. 7. cap. 17. & quæ docui lib. 1. Theol. moral. tr. 4. cap. vlt. n. 3. & seqq.

Veruntamen discernendum hoc in loco est, num persuasio in populo, & quæ inde nasci solet consuetudo, iuxta quam lex accipitur & obseruatur, tanquam obligans sub peccato, aut sub mortali & non tantum veniali, iuncta sit cum intentione introducendæ eiusmodi obligationis, etiam si fortasse eam lex primordialis non habuerit, & tum vera est suprâ tradita doctrina, & satis confirmata in cit. Clem. Exiui, An verò procedat duntaxat ex suppositione legis ita obligantis, siue, vt clarè dicam, si populus seu Communitas ideo legem obseruet, quasi sub peccato, aut non veniali, sed mortali obligatam, quia existimat, suapte institutione talem ei obligationem inesse. Tum locum habet, quod traditur ab Innoc. in c. penult. ante n. 1. hoc tit. Gl. in c. frustra 7. d. 8. Gl. in l. de quibus 3. l. ver. abrogentur, ff. de legibus, quòd non valet consuetudo, quæ per errorem introducta est; & dicam de hac re in c. vlt. quæst. vlt. hoc tit. Nam actus agentium liberorum non producant effectum ultra intentionem: si itaque Communitatis intentio non sit absolutè obligationem introducere, sed tantum operari ex hypothesi obligationis per legem productæ, sicca non sit, vel non tanta sit, vt existimatur, sequitur, ex vi consuetudinis non oriri obligationem; sed sæpe per accidens ex conscientia erronea, siue existimante esse pecca-

tum, vbi non est, aut esse mortale, vbi tantum veniale; & nihilominus operante. Quamobrem in hoc ipso casu, si obseruatio consuetudinis legem interpretetur tanquam obligantem sub culpa, aut sub graui culpa, erit hoc potius signum, seu testimonium aliquod existentis eiusmodi obligationis, sed non certum & infallibile: præterquam, si sit totius populi Christiani, seu vniuersæ Ecclesiæ sensus, aut si de eare vniformis sit omnium DD. sententia; quippe cui error subesse non potest. Sin autem non omnium, sed plurimorum, & quasi communis sit doctrina, & hinc orta in populo fideli persuasio, legem canonicam v. g. sub mortali peccato obligare; tum si alij, quamuis pauci Doctores contrarium sentiant, aut senserint, eorundemque sententia damnata non sit, neque ex verbis, aut obiecto legis siue canonis satis appareat adeò grauis obligatio, tum non est asserenda cum certitudine.

NOTANDUM IV. Suspendus ab officio eligi non potest in Prelatum, sed nec ad aliud ecclesiasticum beneficium promoueri. Ita hic & in c. per inquisitionem 26. de elect. & in c. cum bonæ 8. de æt. & qual. Ratio est, quia non potest aliquis assumi ad suspensionem eius officij, cuius exercitio priuatus est, cap. vlt. de Cler. excommunicato ministrante. Quare ob eandem rationem, neque is qui à beneficio suspensionem incurrit, ad nouum beneficium promoueri potest, cit. c. cum bonæ, iun. Gl. ver. suspensi, & tradit alia Gl. in c. cupientes 16. §. Cæterum ver. beneficiis de elect. in 6. Idque intelligi debet vel vniuersim, si absolutè quis suspensus sit à beneficiis, vel limitatè, si in ordine ad certam ecclesiam, Neque refert, tamen si qui suspensionem à lege, aut homine illatam contraxit, beneficium tum nullum habeat: nam nihilominus in eo censura operatur, vt inhabilis fiat ad beneficium de nouo, durante suspensione, consequendum; sicuti & suspensus ab ordinibus, licet ordines aliquos non acceperit, & qui irregularitatem contraxit, etsi nullos ordines habeat, incapax tamen redditur ad accipiendum, idque propter regulam suprâ traditam, ex cit. c. vlt. quòd nemo promoueri debet ad

rale officium aut potestatem, cuius exercitium ipsi interdictum est. Quamobrem idem quoque eadem ratione dicendum de excommunicato, quod ad ecclesiasticam dignitatem aut quodlibet beneficium assumi non possit, e. postulasti 7. de clerico excomm. ministrante: Atque de interdicto personaliter, sicuti ex communi docet Syl. ver. electio l. q. 14. & sumitur ex suprâ cit. c. vlt. Multoque magis de irregulari, vti colligitur ex cap. nisi 10. de renunc. & docet ex communi Nau. in man. c. 27. n. 251. Cum enim beneficium detur propter officium, cap. vlt. de rescript. in 6. Ideo inhabilis ad officium ecclesiasticum, videlicet irregularis, inhabilis quoque censeretur ad beneficium.

6. **NOTANDUM V.** Suspendus ab officio priuatus quoque est potestate eligendi, & beneficia conferendi. Ita sumitur ex hoc c. Est autem discrimen inter electionem, aut beneficii collationem actiuam, & passiuam, de qua in præc. notando dictum. Quod actiua, facta à suspendo, similiterque ab excommunicato, iuxta c. vn. Ne sede vacante in 6. aut ab interdicto personaliter, iuxta c. cum inter 16. de elect. si denunciati non sint, sed tolerati, valeat, nisi per exceptionem repellantur; Idque propter Extrau. Concilij Constantiensis Adeundam, & dixi de hac re lib. 1. Theol. moral. tract. 5. p. 3. cap. 1. num. 3. At verò passiuæ electio vniuersim irrita est, si fiat ab irretitis censurâ excommunicationis, suspensionis, aut interdicti personalis: tametsi denunciati non sint; prout ex communi docet Suarez de cens. disp. 13. sect. 1. num. 26. Quandoquidem per Extrauag. Constantensem ipsis censurâ irretitis nullus fauor factus fuit, prout docui in eod. tr. 5. p. 2. cap. 4. n. 1. & 7.

7. Præterea suspendus à beneficio, licet promoueri non possit, vt supra dictum, ipse tamen eligere, aut beneficia conferre, ratione eius censuræ non prohibetur, vti colligitur ex cap. cum in cunctis 7. de elect. & cap. si compromissarius 7. eod. in 6. & tradit Gl. in cap. cum Vintoniensis 25. verb. admiserant, eod. tit. in antiq. ibid. Abb. num. 10. contra Nauarr. in cit. cap. 27. num. 36. §. Sexto.

& alios. Nam suspensio à beneficiis intelligitur à fructibus eorum percipiendis: eligere autem, conferre, aut instituere ad beneficia, propriè loquendo, non sunt fructus beneficiorum, sed potius actus officij, & iurisdictionis: Ergo eam versemur in materia penali & odiosa, extensionem, aut amplam interpretationem facere non debemus.

NOTANDUM VI. Verba statuti, foundationis, alteriusve dispositionis ita explicari debent, vt, quàm fieri potest salua eorum proprietate, aut communi acceptione, à iure communi non recedatur. Hæc est præcipue intentio huius c. doctrina, & notat Gl. hic communiter recepta ver. iuri communi. Consonat hoc, quod habetur in l. 2. vbi Gl. & DD. C. de noxal. action. & in l. vlt. §. In computatione. vbi Gl. Bartol. & alij C. de iure deliberandi, quod statutum disponens circa materiam, de qua etiam iure communi dispositum reperitur, ita, quatenus fieri potest, intelligi debeat, vt cum eodem consentiat: Sim autem, spectat à inprimis statuens intentione, aut verborum proprietate & c. diuersitas omnino vitari non possit, saltem ea non amplius, quàm necesse sit, extendi, sed potius restringi debeat; propterea quod ius commune fauorabile sit, idèquæ eius derogatio, seu correctio restringenda, iuxta cap. cum expedit 29. in princ. de elect. in 6.

Dixi autem *salua verborum proprietate*: Nec enim placet, quod hic Abb. tradit num. 21. si verba statuti duplicem habeant intellectum, proprium & in proprium, præferendum esse in proprium, vt cum iure communi consentiat: Contrarium enim colligitur ex Bart. in l. omnes populi n. 54. & seqq. de iust. & iure. Baldo in l. maximum n. 15. C. de liberis præteritis, vbi ait; Cum statutis municipalibus id ferme proprium sit, vt derogent iuri communi, ideo esse simpliciter intelligenda, vti verba sonant, non autem interpretationem capientiam esse à iure communi. Idemque pari ratione sentiendum de contractibus, foundationibus, (qui est casus cap. nostri) & priuilegiis

con-

concessis: prout videre licet apud Suarez hb. 8. de legibus cap. 27. dicto 2. & cap. 28. regul. 3. quandoquidem & in his vñtissimum est, quod legi communi deroget.

9. Ceterum, si statetum, privilegium, aliæve dispositio circa talem materiam versetur, quæ iuri alieno derogare, seu alteri damnum suis præiudicialis esse possit, tum verba potius ad impropiam acceptionem trahenda sunt, quam vt ius tertij lædatur, sicut ex communi rectè docuit Suarez cit. cap. 28. Gaill lib. 2. obs. 3. n. 6. qui addit n. 7. statuta non esse intelligenda captiosè, & cum iniuriæ aliorum, & potius superflua esse iudicanda, quam vt ex ijs alicui indebitè damnum inferatur. In Principe tamen maior est potestas alieno iuri derogandi, si causa iusta addit, ac de scientia & voluntate eius appareat, prout dixi c. quæ in ecclesiæ, de constitut.

10. NOTANDUM VII. Si statutum aut quolibet dispositio sensum dubium & ambiguum habeat, extensibiles censentur, & bona fide procedere, qui secundum vnum eius sensum, quamvis falsum, operantur. Quod alijs verbis dici solet, ignorantiam legis, aut dispositionis dubiæ excusare siue probabilem & iustam iudicari, saltem præsumptivè & an externo foro. Ita singulariter annotavit Abb. hic n. 13. & docent Legistæ in l. regula 9. ff. de iuris & facti ignor. & sumitur ex isto c. Cùm enim constitutum de modo electionis faciendæ duplicem sensum, id est, non improprium aut violentum sensum habere posset, tamen Pontifex alterum eorum, qui iuri communi conformis erat, præferendum esse iudicavit, vt in super. not. explicatum, limitas tamen, si consuetudo secundum alienum verborum sensum introducta esset, secundum eam procedendum ac deprecandum fore.

CAPITVLVM IX. Cùm consuetudinis.

PARAPHRASIS.

Quandoquidem consuetudinis, vsusque lon-

gæui non levis auctoritas est, contrà verò nouitates discordiam pariunt: ideo Innocent. H. auctoritate huius scripti mandat Capitulo Parisiensi, vt absque Episcopi sui consensu, ecclesiæ suæ constitutiones & consuetudines approbatas non immutent, neque nouas introducant: aut si quas introduxerint, irritas esse decernant.

SUMMARYM.

1. Consuetudo habet vim legis, si legitimè introducta sit.
2. Nouitates plerumque querelas & discordias pariunt, adeoque non facile introducenda.
3. Excepit; si constet mutationem factam esse à prima institutione, regulâ, aut lege, v. g. Canonicorum cum secularium tum regularium, monasteriorum, religiosorum; ad hanc enim reductionem & reformatio laudabilis est.
4. Capitulum absque Episcopi consensu non potest ecclesiæ suæ statum & consuetudines antiquas tollere, nouasque introducere.

NOTANDUM I. Consuetudinis, vsusque longæui non est vilis auctoritas, ita hic dicitur, & sumptum est ex l. 2. C. Quæ sit longa consuetudo. Habet enim vim legis, siue legi scriptæ æquiparatur, si probata seu legitimè introducta sit. l. de quibus 31. ff. de legibus, & dixi de hoc in rubr. huius tit.

NOTANDUM II. Nouitates plerumque querelas & discordias pariunt. Ideo facile inducenda non sunt, vt Gl. hic ait, ver. nouas, ex l. 2. ff. de Constit. Princeps, in rebus nouis confirmendis euidenter esse utilis debet, vt recedatur ab eo iure, quod diu æquum visum est. Atque Nauarr. in tract. de reit. eccl. q. 1. mon. 12. ex Hippocrate Aphorism. allegat, omnes mutationes periculosæ esse.

Excipiendum tamen est: Si constet, mutationem ac discidium factum fuisse à prima.

Atque

main.

ma institutione, regulâ, aut lege, tamen si in eo diu, seu tempore longæuo perseveratum, reductio tamen ad primam institutionem, & obseruationem, laudabilis plerumque & reformationis rationem habere censetur: Origoenim rei spectanda est, l. qui id quod 34. ff. de donat. Favorabilis quoque est reductus ad naturam primordialem, l. si vnus, 28. §. pactus ne peteret, in fine, ff. de pactis, & docetur in c. cum accessissent 8. vbi Felin. n. 5. & 6. de constit. Et est aliquale discrimen inter consuetudinem introductâ contra ius seu institutionem primæuam, & inter legem reuocatoriam iuris antiqui, quod hæc præcedente consultatione, & cognitione causæ emanare soleat, & ideo de eius ratione atque vtilitate minùs dubitari possit: at verò consuetudinis aduersus legem introductæ initium plerumque irrationabile, & peccato obnoxium sit; adeoque consuetudo non tam probata, quàm tolerata tamen temporis diuturnitate maiorem vim ac robur acceperit. Quæ theoria maximè locum habet, si constet, leges primordiales, à quibus per consuetudinem diuturnam recessum est, magna cum consideratione & accommodatè ad rei naturam, personarumque, de quibus latæ sunt, qualitatem, constitutas fuisse. Huius generis est primæ institutio, ac regula Canonicoꝝ cum secularium, tum regularium, Monachorum item omniumque Religiosorum: Consuetudines enim, quæ contra eam postea introductæ, plerumque minùs laudabiles, & statutoꝝ non conuenientes sunt; reformatio autem, seu reductio ad primæuam institutionem commendatur.

NOTANDVM III. Capitulum, absque Episcopi consensu non potest ecclesiæ suæ statuta & consuetudines antiquas tollere, nouasque introducere. Ita hic habetur expressè, & docui in c. cum omnes 6. de constitut., & in Theol. moral. lib. 1. tr. 4. cap. 7. §. 4. Sed numquid, vice versa, Episcopus, sine Capituli consensu, statutum nouum condere, aut antiquam ecclesiæ suæ consuetudinem, vel statutum tollere potest? De hac re dixi in cit. §. 4. n. 9. & videri potest

Abb. hic n. 5. qui bene etiam annotauit n. seq. Si penamus, Episcopum præscripsisse aduersus Capitulum, vt in exercenda iurisdictione, & dispensationibus, Capitularium consilium requirere non teneatur, consequens non esse, quòd etiam statuta condere possit Capitulo non requisito: quia statuti editio est quid separatim ab exercitio iurisdictionis circa casus particulatim incidentes, non autem præscriptio extenditur de casu ad casum. Accedit, quòd statutum certum ac firmum sit, atque per id status ecclesiæ magis mutari censetur, quàm per iurisdictionis exercitium, dispensationes &c. quæ pro temporum & personarum varietate mutantur.

CAPITVLVM X.

Ex parte.

PARAPHRASIS.

Ad Honorium III. Papam relatum fuerat, quòd in regione quadam duæ irrationabiles consuetudines vigerent. Prima erat, Si quispiam, seu indigena, seu alienigena, bona sua dissipasset, aut negligentia sua, vel quocunque casu amisisset, vxoris suæ bona mobilia & immobilia liberè alienare ei liceret. Altera, Si vxor in adulterium lapsa esset, vt nihilominus medietatem omnium bonorum, quæ vir lucratuſ esset, exigere & apprehendere posset, cum potiùs ab omnibus viri bonis excludi deberet. Has consuetudines declarat Papa obseruandas non esse.

SUMMARIVM,

1. Non valet consuetudo inducens homines ad peccandum, aut bona sua dissipandum, vti nec pacta aut statuta.
2. A consuetudine ad pactum, vel statutum, valet argumentatio negatiua, nõ semper tamen affirmatiua.
3. A statuto ad pactum, plerumque procedit argumentum negatiua.
4. Non valet statutum familia de successio.

cessionibus certo modo continuandis, nisi à Principe confirmetur.

5. *Non est aquum, ut aliquis inde premium consequatur, ex quo penam mereatur.*
6. *Non tantum civilis, sed etiam ecclesiasticus Magistratus debet noxias consuetudines tollere, si peccandi occasionem præbeant, vel iuri naturali repugnent, aut iniquitatem contineant.*
7. *Statuto, vel consuetudine introduci potest, ut si publicorum Officialium, aut Mercatorum bona ad soluenda debita non sufficiant, etiam dotes uxorum, & liberorum bona, tametsi heredes non sint, apprehendi possint.*

NOTANDUM I. Non valet consuetudo, per quam homines inducuntur ad peccandum, aut bona sua dissipandum. Ita rubr. summaria huius c. & sumitur aperte ex textu huius c. quando eiusmodi consuetudo dicitur *abusiva*, siue *abusiva* aliàs *irrationabilis*, seu minus *rationabilis*, c. 3. hoc tit. Et corruptela potius, quam consuetudo, c. cum venerabilis 7. eod. tit. Item *consuetudo prava, iniqua, ecclesiastica contraria bonis moribus*, c. ex frequentibus 3. de Institut. Huiusmodi enim descriptionibus aperte indicatur, consuetudinem per se, seu ipso iure irritam esse, propterea quod ad consuetudinis non minus, quam legis substantiam, requiritur, ut rationabilis sit, seu in iustificatione fundata, ut bene notat Abb. in c. ult. n. 2. hoc tit. Quamobrem in fine huius c. ait Pontifex, *declaramus, vos non teneri ad huiusmodi consuetudines observandas: Qui autem declarat, inquit Abb. hic n. 4. nihil de novo agit*, l. hæretes §. 1. Si quid post, ff. de testam. Videri potest Franc. Suarez lib. 7. de legibus cap. 7. n. 7.

Ampliari debet tradita doctrina primò, Quod neque pacta huiusmodi valere debent, quæ inducant ad peccandum, vel bona inutiliter dissipandum: quia sunt contra bonos mores, Reipubl. damnosa, publicis legibus inimica, uti constat ex l. conuenire §. ff. de pactis dotalibus, ubi dicitur, non valere

pactum, quod marito agere non liceat propter res amotas seu subreptas ab uxore, quia tali pacto mulieres inuitantur ad faciendum. Et in l. seq. habetur, non valere pactum, ut maritus de solo dolo, non item de culpa seu negligentia in bonis dotalibus administrandis teneatur: Interest enim Reipubl. ut dotes mulieribus saluæ maneant, l. 2. ff. de iure dotium.

Ampliari debet secundò, Quod nec statuta valeant, quæ peccandi occasionem præbent, aut bona propria inutiliter dilapidandi &c. Ita argumento huius c. tradit, præter alios, Nauarr. in tr. de spolijs clericorum §. 19. n. 5. ubi colligit, in puncto iuris veriorum esse sententiam Dominici super c. 1. de filijs Præsb. in 6. Tameñ Episcopus, per eum textum, cum illegitimè natis dispensare possit, ut ad ordines minores, & beneficia simplicia admittantur: non posse tamen generali edito statuto illegitimos ad ea habiles reddere, quia præberet peccandi occasionem: ideòque statutum irrationabile, & ecclesiæ damnosum foret.

Enimverò bona est argumentatio à contr. 2 fuerit ad pactum, vel statutum negativè: Id consuetudine introduci non potest, ergo nec pacto, aut statuto: Tameñ non semper valeat argumentatio affirmativè, id consuetudine introduci potest, ergo etiam pacto vel statuto. Exempli causâ: Communitas pagi per pactum aut statutum non potest novum solum instituire, potest verò per consuetudinem diurnam, instar legis, sciente & tolerante Prælato ecclesiastico, observatam. Deinde, non valet pactum vel statutum, ut receptus ad canonicatum 20. aureos ad ecclesiæ Cathedralis fabricam offerat, & tamen consuetudine diurnâ cum bona fide introduci poterit. Rationem affert Abb. in c. cum M. n. 25. de constitut. Quia statutum, sicuti & pactum, habet principium necessitatum seu coactionum: Communitas autem pagi non potest cogere ad festi observationem, nec Episcopus aut Capitulum cogere potest instituendum ad pecunias soluendas, quia collatio aut institutio simoniaca censeretur, arg. c. ex mul-

ex multis 9. causa 1. p. 3. At verò consuetudo habere potuit principium voluntarium, id est, ex actibus voluntariis seu liberis, cum bona fide, paulatim introduci potuit obligationis necessitas, seu consuetudo iuris, ut colligitur ex cap. ad Apostolicam 42. de simon.

- 3 Quod si verò statutum & pactum inter se conferre placeat, plerumque procedit argumentum negativè à statuto ad pactum: Id per Communitatis statutorum introduci non potest, quia est contra bonos mores. Ergo neque pacto constitui. Non autem procedit affirmativè: quia multa per statutum fieri possunt, non autem per pactum, ut docet Philipp. Docius in reg. ff. 27. Bartol. in alia 15. §. eleganter, ff. solut. matrim. arg. eius legis. Exempli causà, Forma & solemnitas statuto tolli, seu mutari potest, argum. l. 6 non speciali 9. C. de testam. Sed pacto tolli non potest, l. testandi 1. C. eod. l. nemo 58. ff. de legatis 1. Ratio est, quia iuri publico derogare cuiquam permixtum non est, cit. l. testandi. Videri etiam potest Imola in cap. ult. n. 39. hoc tit.

- 4 Hinc obiter colligitur: Non valere statutum familie de successionebus certo modo continuandis, nisi à Principe confirmetur: Cum enim familia (vii ponimus) ius statutum condendi non habeat, solum censeri debet pactum privatorum, per quod successionis iuri publico non derogatur. Atque ita docet Andr. Gaill lib. 2. obj. 27. n. 5. Rothal de feudis cap. 7. concl. 25. & sumitur ex l. licet 19. C. de pactis. & l. hereditas 5. C. de pactis conuentis, quibus in locis pacta de succedendo, & non succedendo uniuersim prohiberi videntur.

- 5 NOTANDUM II. Non est æquum, ut aliquis inde præmiu[m] consequatur, ex quo poenam meretur. Ita Ant. hic n. 13. Imola n. 5. & sumitur ex textu c. Cum enim iure tam civili, quam canonico, statutum sit, ut mulier de adulterio conuicta, in criminis poenam, dotem amittat, eaque marito acquiratur, l. Consensu 8. C. de repudijs, Auth. Ut liceat matri vel auiz, §. Quia verò, & c. plerumque; & de donation. inter virum & uxorem, l. d-

co æquitas non permittit, vt occasione commissi adulterij, lucrum ac veluti præmiu[m] consequatur ex bonis mariti, quæ v. g. is ex administratione & vñfructu bonorum dotalium acquisiuit.

NOTANDUM III. Non tantum ad civilem magistratum pertinet, consuetudines noxias & Republ. sua tollere, sed etiam ad ecclesiasticum, si tales sint, ut peccandi occasionem præbeant, vel iuri naturali repugnent, siue iniquitatem contineant. Qualis erat ea consuetudo, ut marito bonorum suorum dissipatori liceat vxoris, etiam non consentientis, dotem alienare. Ita annotauit: & ex textu c. colligit Abb. hic n. 5. Cum enim ecclesiastici Prælati officium sit, fideles sibi subditos ad salutem & vitam æternam dirigere, ideo ad eundem pertinet, peccata tollere, quæ ab eo sine directè abducunt, argum. c. nouit 13. de iudic. & c. consuetudo 5. d. 1. in quo indicatur, ad legitimam consuetudinem requiri, ut religioni conueniat, disciplinæ congruat, saluti proficiat.

Quærit hic Canonistæ, nominatione Imola n. 5. Abb. n. ylt. cum Gl. ver. alienat. Vtrum statuto, vel consuetudine introduci possit ad excitandam v. g. vigilantiam publicorum Officialium, aut Mercatorum, ut obnegligentiam, aut dolosam ipsorum administrationem, negotiationemque, si bona eorum ad soluenda debita non sufficiant, ut etiam dotes vxorum, & liberorum bona, tametsi hæredes non sint, apprehendi possint. Responsio est affirmatiua, quæ sumitur ex l. vlt. Cod. de primipilo, lib. 12. vbi habetur, Si primipilus (id est, annosæ militari præfectus iuxta l. sat is 4. C. Quibus in causis pignus & c. & l. 6. & 7. Cod. Theodof. de cohort. primip.) ob malam administrationem fisco obligatus, ex bonis proprijs satisfacere non possit, vxoris & liberorum bona, etiam si patris hæredes non existant, apprehendi possit. Ratio dari debet: Quia ob bonum publicu[m] si ratio necessitatis postulare videatur, Magistratus de bonis subditorum disponere potest, ut colligitur etiam ex l. penult. C. de primipilo: Quare si experientiâ cognitum sit, publicos Officiales, aut Mercatores, cum magno

magno Reipubl. aut exercitus detrimento, officiū suum malè administrare, dolis uti &c. nisi pœnz grauioris timore, eāque speciali & insolita coërceantur, ut in defectum propriorum bonorum, etiam quæ vxoris & iherorum, ad quos amor & affectus magnus est, apprehendantur; videri nō debet id alienum à ratione, quod in tali casu innocentes, propter culpam aut dolum nocentis, non quidem poenam propriè, attamen damnum sustinere debeant, argem. l. quisquis §. §. filij C. Ad L. Iuliam Maiestatis, l. iure prouisum §. C. de Fabricen. lib. 1, 1.

CAPITVLVM VLT.

Cùm tantò.

PARAPHRASIS.

1. Iuri naturali, quippe cuius transgressio salutaris periculum inducit, quacunque consuetudine, quæ tamen corruptela potius dicenda est, derogari non potest: Imò tantò grauiora sunt peccata, quanto diutius infelicem animam detinent. Tamen si quoque longeuæ consuetudinis non sit vilis auctoritas, non tamen est vsque adeò valitura, ut iuri positio præiudicium afferre queat, nisi sit rationalis, & legitimè præscripta.

SUMMARIVM.

1. Iuri naturali nullà consuetudine derogari potest.
2. Consuetudo alia est iuris constitutiva, alia abrogatoria.
3. Iuris constitutiva requirit potestatem condendi legem, non item abrogatoria, quæ obtineri potest, ignorante Principe legiflatore.
4. Ad consuetudinem per modum legis statuendam, vniuersim loquendo, requiritur, & sufficit tempus longum, scilicet decursum; ad abrogandam autem per consuetudinem legem ecclesiasticam requiruntur quadraginta anni.
5. Omni legi positiva per consuetudinem

derogari potest, non item iuri gentium præceptum.

6. Debet autem ea consuetudo esse rationalis, nulla enim consuetudines irrationabiles aduersus legem prævalere possunt.
7. Quæ sit consuetudo irrationabilis?
8. Religiosi per consuetudinem obtinere non possunt facultatem liberè testandi in causa sibi, in quibus ea privilegio Papali obtineri potest.
9. Consuetudo, ut sit abrogatoria legis, debet esse legitimè præscripta, hoc est, tanto tempore cum bona fide continuata, quantum iura ad legitimam præscriptionem requirunt.
10. Consuetudo ob errorem seu ignorantiam legis introduci nequit.

NOTANDVM I. Temporis diuturnitas, & inueterata consuetudo peccatum non minuit, sed auget, ut hic dicitur, & in c. eum haberet §. prope finem, de eo qui duxit &c. & c. non satis §. de Simon. Videri etiam possunt, quæ dixi in c. cum venerabilis 7. hoc tit.

NOTANDVM II. Lex positiva per contrariam consuetudinem, si rationalis & præscripta sit, aboletur. Pro maiore huius rei intellectu, aduertendum, Quod consuetudo, intellige publicam, alia facti sit, & alia iuris, prout colligitur ex textu cap. 2. hoc tit. in 6. Consuetudo facti aliud non est, quam mos populi, seu actus in populo, aut maiore parte populi, palam frequentatus. Consuetudo iuris non est aliud, quam ius moribus populi constitutum, ut dixi in rubr. huius tit. Quamobrem consuetudo facti est veluti via ad consuetudinem iuris constituendam, quia ex facto ius oritur. Ita colligitur ex c. 4. & 5. d. 1. & docui in Theol. morali lib. 1. tract. 4. c. vlt. n. 1. & videri potest Rochus super hoc c. in princ. n. 18. & seqq.

Uterius, sicut lex scripta alia est iuris constitutiva, alia iuris abrogatoria: Ita etiam consuetudo alia est, per quam ius nouum introducit, siue constituitur, alia verò est iuris siue legis antecedentis abrogatoria. De hac sermo est in hoc c. De illa autem in cit. g. 5.

d. i. ubi Isidorus ait: *Consuetudo autem est ius quoddam moribus constitutum, quod pro lege suscipitur, cum deficiat lex.* Vult dicere, iuxta l. de quibus 3. l. ff. de legibus, consuetudinem parem cum lege scripta obligationem habere: ideoque inlata legis, seu non minus, quam legem scriptam, observari debere.

Inter has porro consuetudines plura discernimina sunt: Primum. Consuetudo iuris constitutiva requirit potestatem legem condendi: quare si populus ea potestate praeditus non sit, tum consuetudinem iuris introducere non potest absque sententia, & tacito consensu Superioris, qui in eo genere legem condere potest, sicuti ex communi Petr. Rayenn. tract. de consuet. n. 96. Abb. hic n. 8. Th. Sanchez lib. 7. moral. cap. 24. n. 2. licet aliter Suarez lib. 7. de legibus cap. 13. n. 7. & seqq. At verò consuetudo abrogatoria legis civilis, tum ecclesiasticæ, obtineri potest, ignorante Principe legislatore, prout etiam ex hoc c. colligitur, cum ad consuetudinem legis positivæ abrogatiam, duo tantum requiruntur, ut sit rationalis, & præscripta, prout ex communi hic notavit Abb. n. 13. & confirmatur inde, quia alioquin nunquam, aut rarissimè leges communes per consuetudinem abrogantur, cum Pontifex, eademque ratio est de aliis Principibus legislatoribus, fateatur se locorum speciales consuetudines ignorare, in c. 1. de Constit. in 6.

Neque verò mirum videri debet, facilius concedi populo potestatem legem contraria consuetudine abrogandi, quam novam consuetudinem vim legis habentem introducendi. Nam in constituenda consuetudine iuris asseritur potestas & iurisdicção, quæ populo, saltem in causis ecclesiasticis, non competit. In civilibus verò causis facilius permittitur populo, legis obligationem per diuturnam consuetudinem, etiam ignorante Principe, introducere: quemadmodum & statuta condere, quamvis iuri communi contraria sint, non infrequenter Communitatibus concessum est, de qua re hic legi potest Abb. n. 9. At verò in legis abrogatione per desuetudinem non usurpatur iurisdicção; quandoquidem non imponitur obligationis vinculum, sed

dissolvitur, idque non directè, vel auctoritativè, quasi quippiam statuat populus, conveniunt ad abjiciendam legis obligationem; sed tantum indirectè per viam præscriptionis, seu diuturnam, cum bona fide, possessionem immunitatis à lege. Etenim, vniuersim loquendo, visum fuit expedire ad pacandas hominum conscientias, ut, si longo tempore in possessione alicuius iuris siue immunitatis existissent cum bona fide, in ea possessione, per legis assistentis & adminiculantis beneficium conservarentur. Quamobrem rectè dici solet, quòd omnis præscriptio iuris adminiculum postulet, & ideo iure resistente (videlicet in casu huius cap.) introductionem consuetudinis aduersus legem inhihibente; vel, quod eodem redit, consuetudinem damnante, irrationabilem, abusum, corruptellam appellante: ne in futurum quidem prævalere potest, quamdiu legis resistentia vigere censetur, prout docet Abb. in c. 2. n. 7. de probat. Suarez lib. 7. de legibus cap. 7. n. 8. & in tract. de immunit. eccles. c. 3. n. 12.

Alterum discrimen est. Ad consuetudinem per modum legis statuendam, vniuersim loquendo, requiritur & sufficit tempus longum, videl. decennium. At verò ad abrogandam legem ecclesiasticam, seu consuetudinem legi ecclesiasticæ contrariam, introducendam, x. anni requiruntur. Hæc est communior doctrina Gl. in c. vlt. ver. consuetudo, hoc tit. in 6. Gl. in c. consuetudo 7. d. 12. Abb. hic n. 11. & 13. Syl. ver. consuetudo n. 6. Rochi super hoc c. n. 409. Azor tom. 1. lib. 5. cap. 17. q. 6. & cap. 18. q. 6. eamque docui in Th. moral. lib. 1. tract. 4. c. vlt. n. 2. & 6. Prior partraditi discriminis sumitur ex l. sed & c. 34. ff. de legibus, iuncto tit. C. de præscript. longi temporis: Et habet etiam locum in legibus ecclesiasticis, cum de his nihil peculiariter statutum reperitur. Circa posteriorem verò partem adverte primò, Sermonem esse de lege ecclesiastica per consuetudinem abroganda, non de civili: Nam hæc generalis differentia est, quòd iura civilia inter præsentes tollantur, cum bona fide contragentium, spatio decennij, iuxta cit. tit. C. de præscript. longi temporis: At verò iura ecclesiastica

ante annos x l. per præscriptionem non tollitur, c. ad aures 6. cap. auditis 15. de præscript.

Aduerte secundò, sermonem esse de lege recepta, & stabilita: At verò lex non recepta minore tempore tolli potest, saltem non longiore, quàm decennij spatium, prout docui in eod. tract. 4. c. 3. n. 4.

Aduerte tertio, Sermonem esse de abrogatione legis per præscriptionem, seu contrauentionem cum bona fide, temporis diuturnitate continuatam. Sin autem loquamur de abrogatione legis concurrente Principis scientiâ, videntis ac tolerantis legem non obseruari, & publicè contra eam agi, ex quo interdum rationabilis coniectura capi potest de voluntate eius reuocandi legem, etiam antea receptam: multòque magis si recepta nunquam fuit: tum non potest certum tempus definiri, sed viri prudentis arbitrio relinquitur, consideratâ materiâ legis, & circumstantiis variis, æstimare, quænam sit Legislatoris voluntas: ab ea enim pendet subsistentia legis. Ex hoc bene docet Anton. hic n. 17. Suarez lib. 7. de legibus cap. 15. n. 5. At verò, si Princeps absens sit, aut probabiliter nesciat, legem non obseruari, seu contra eam à populo agi, aut, tamen si fortè sciat, non tamen constet, aut ex coniecturis colligi possit, contentum esse, vt lex abrogetur, tum persistendum est in suprâ tradita doctrina, requiri decennium, imò xl. annorum spatium ad abrogandam legem canonicam, quæ recepta & stabilita fuerat, prout bene hic docet Abb. n. 13. & 14.

Idemque pari ratione dici potest de consuetudine non contra, sed præter legem, etiam minore tempore, quàm decennij, eam stabiliri posse, si satis appareat de voluntate populi operantis, seu frequentantis actum, cum voluntate obligationem inducendi: & scientiâ atque consensu Superioris vt obligatio introducat, si populus per se legem introducere non possit, iuxta ea quæ indicat Suarez in cit. cap. 15. n. 8. Sin autem de hoc non satis appareat, amplectenda est communis doctrina, ad introducendum ius consue-

tudinis, decem annos requiri, atque sufficere, prout dixi in priore parte discriminis.

QVÆSTIO PRIMA. Quænam leges per contrariam consuetudinem abrogari possint? Respondeo: Positis conditionibus, quòd consuetudo irrationabilis non sit, & legitimo tempore præscripta, nullam legem positivâ, seu ecclesiasticam seu civilem, excipiendam esse, cùm vtroque in iure vniuersum & indistinctè significetur, iuri seu legi positivæ per consuetudinem derogari posse. Atque ita ex communi docet Rochus super hoc c. n. 212. 351. Suarez cit. lib. 7. cap. 19. At verò legem naturalem, ac diuinam nulla consuetudine aboleri, aut aliquatenus derogari posse, apud Theologos certum est, vti etiam constat ex hoc cap. iun. Gl. ver. iuri naturali, & tradit S. Th. 1. 2. q. 97. a. 3. ad 1. Suarez lib. 2. de legibus cap. 14. De iure gentium, numei per consuetudinem contrariam derogari possit, disputat Suarez cit. lib. 7. cap. 4. n. 5. & seqq. Sed breuiter dicendum, si sermo sit de iure gentium præceptiuo (iuxta distinctionem quam tradidi lib. 1. Theol. mor. tract. 4. cap. 8. n. 7.) illud per consuetudinem contrariam tolli non posse, prout bene docuit Rochus Curtius super hoc c. n. 445. & seqq. Bartol. in l. de quibus n. 5. ff. de iust. & iure, Azor cit. cap. 17. q. 4. Quæ enim omnibus rectè institutis gentibus, tanquam iusta & rationalia (haud dubiè ex naturali dictamine rationis) visa sunt, ea humanæ societati vtilia, ac necessaria, & quæ his opposita sunt, noxia censerentur, v.g. fœdera, inducias, pacem constitutam non seruare, legatorum immunitatem violare &c. Quare hæc neque per leges expressè constitui, neque consuetudine introduci possunt.

QVÆSTIO SECUNDA. Quo sensu dicitur, quòd consuetudo, vt legem superet & aboleat, rationabilis esse debeat; & quænam irrationabilis consuetudo esse censeatur? Respondeo ad primum: Quòd populus, aut Communitas, quæ legem directè seu conde- seu abrogare non potest, nihilominus eam tollere possit per contrariam consuetudinem, id prouenit ex assistentia legum cùm ciui-

nam tum canonicarum, quæ longæ consuetudini talem vim tribuerunt: At verò leges non approbant, aut fouent consuetudines, nisi quæ rationabiles, & honestate, vtilitatēque mixtæ sunt: Ergo irrationabiles consuetudines, quippe destitutæ abrogationis auctoritate, aduersus legem præualere non possunt. Rectè autem aduertit hic Abb. num. 6. satis esse ad legis abrogationem, quod consuetudo contra eam temporis diuturnitate introducta aliquâ consideratione vtilis & rationabilis, & alioquin non reprobata sit, licet aliâ consideratione, ob quam fortasse lex siue canon constitutus est, minus vtilis & rationabilis existat, argum. c. 3. hoc tit. in 6. vbi de hoc agendum.

- 7 Ad alterum respondet, Irrationabilis consuetudo censeri debet, quæ iuri naturali diuino, aut gentium, præceptis aduersatur, vel Religioni, pietati, aut bono publico incommodat. Cùm enim quod cuiusmodi est, per legem expressam constitui non possit, iuxta c. 2. d. 4. sequitur, quod neque per consuetudinem introduci queat, vti etiam colligitur ex c. consuetudo s. d. 1. & ex l. de precat. 9. ff. Ad L. Rhodium de iactu, in qua habetur, non valere consuetudinem, vt aufragis erepta bona non restituantur.

Pro maiore intellectu aduertendum est primo, Accidit interdum, vt tamen si aliquid, si præcisè ex obiecto suo consideretur, iuri naturali aut rectæ rationi aduersari videatur, per circumstantiam tamen aliquam cohonestetur, id è quæ tam longe, quàm consuetudine constitui possit: propterea quod ex circumstantia adiuncta fiat aliqua mutatio in obiecto. Exempli causa, iuri naturali, gentium, & publicæ vtilitati aduersatur, si res ciuibz propriæ auferantur, aut illata damna non compensentur, id è quæ hæc nec lege, nec consuetudine constitui possunt, Nisi circumstantia concurrat, quod id ad Rempublicam conseruandam necessarium sit. Qua de re Rochus hic n. 448.

Aduertendum secundò, Interdum ex ipso obiecto clare apparet, quod consuetudo iuri naturali, aut publicæ vtilitati repugnet, v. g. vt parentes necessaria alimenta filiis de-

negent, aut si in necessitate constitui sint, à filiis non adiuuentur: quia iura eiusmodi naturalia certa & immutabilia sunt. Interdum verò ad maiorem eertitudinem, quod consuetudo irrationabilis sit, habemus declarationem legum aut canonum: ita vt dubitari non liceat: quandoquidem consuetudines, sine legum adminiculo, seu resistētibus legibus, præualere non possunt, vti supra dictum. Sic consuetudo aduersus ecclesiasticam libertatem vtroque iure, tanquam irrationabilis damnata est, prout offendit lib. 4. Theol. moral. tract. 9. cap. vlt. num. 1. & tradit Gl. hic ver. rationabilis in fine, Bartol. incit. l. de quibus, num. 5. Abb. hic num. 5. Rochus super hoc cap. num. 415. & seqq. Interdum denique dubitari potest de consuetudine, in sacris canonibus expressè non reprobata, num ecclesiis damnoſa sit, aut ecclesiasticæ disciplinæ enervans, vel peccandi occasionem præbens, adeoque irrationabilis, necne; tum ad Ordinarios ecclesiæ Prælatos pertinet examinare, num ratio aliqua honestatis, aut necessitatis in ea reperiri queat, saltem ita, vt damnum, si quod ex alia consideratione Ecclesiæ, aut bono publico inferri potest, aequaliter compensetur. Et hoc sensu rectè docent DD. nominatim Abb. hic num. 5. Rochus n. 467. Henric. Boich. num. 11. post Gl. in cap. 1. ver. rationalia, de constit. in 6. Vtrum consuetudo rationabilis sit, relinquendum esse iudicis, seu viri boni arbitrio.

Ex hac theoria Innoc. Abb. & alij in c. nulli 5. de rebus eccles. non alien. Anton. in c. non est n. 6. ibid. Francus n. 2, hoc tit. in 6. inferunt, non valere consuetudinem, vt bona ecclesiastica à Præfato liberè alienare cõcessum sit: quia talis consuetudo non potest non cedere in graue detrimentum ecclesiæ: nec apparet, quomodo hoc damnum compensari, & res cohonestari possit.

Simili modo respondi in Theol. mor. lib. 4. tract. 8. cap. 3. num. 7. irrationabilem, & irritam esse consuetudinem, si vniuersim, & respectu omnium, saltem laicorum, introducta alicubi sit, vt sufficiat in Quadragesima ter in hebdomade ieiunare: Quia
per

per talem consuetudinem derogatur legi ecclesiasticæ antiquissimæ, ex Apostolica traditione semper & ubique obseruatæ, & Ecclesiæ quàm maximè vili: vt non appareat, quam ratione vtilitatis & necessitatis cohonestari queat, ita vt Prælati Ecclesiæ assistentiam ei & valorem dare iuste possint, ac velint.

QVÆSTIO TERTIA. Vtrum per consuetudinem obtineri possit, vt Religiosis liberè testari concessum sit in casibus, in quibus privilegio Papali testandi facultas dari potest. Afirmat Nauarr. in comment. 2. de Regul. n. 44. Sanchez lib. 7. moral. cap. 8. n. 62. ob regulam Doctorum, quòd quidquid privilegio acquiri potest, idem quoque consuetudine, saltem immemoriali, ex l. hoc iure §. 5. Ductus aquæ, ff. de aqua quodid. & æstiuæ. Confirmat Sanchez ex eo, quòd prohibitio testandi sit ex iure positio humanò: ergo per consuetudinem abrogari potest. Sed contrarium videtur tenendum, cum Rodriguez tom. 1. regul. qq. q. 69. art. 2. & alijs plerisque, quos citat Sanchez cit. loco n. 61. Probatur: Religiosi, nullà consuetudine introducere possunt id, quòd eorum statui, & paupertatis professioni repugnat: At verò de bonis, pro arbitratu disponere, siue in vita, siue in casu mortis, Superioris non habet licentià, id religioso statui & paupertatis professioni repugnat: Ergo &c. Maior est clara, quia supposito voto, seu professione paupertatis, talis observatio seu consuetudo repugnat religioni, pietati, adeoque naturali iuri; imò verò contradictionem inuoluere videtur, vt manens Religiosus ea agere licitè possit, quæ statui & professioni religiose contraria sunt, ut colligitur ex c. cum ad monasterium 6. de statu monachor. Probatur minor, quia in hoc consistit proprietas, quam Religiosi per paupertatis votum à se abdicarunt, quòd sit libera & independent à Superiore de bonis temporalibus pretio æstimabilibus disponendi facultas, prout ex communi doctrina explicauit lib. 4. Theol. moral. tract. 5. cap. 7. n. 1. Ergo deo. Potest autem Superior Religioso licentiàm dare disponendi de bo-

nis, seu particulatim, seu etiam per generale indultum, aut legem, quâ ratione Religiosis beneficij ecclesiastici administrationem gerentibus ipsa lego concessum est, vt de fructibus eius pro sua sustentatione, & in causas pias tempore administrationis suæ liberè disponere possint, prout ex communi doctui in cit. c. 7. q. 5. At verò stante hoc, quòd Superior videl. Rom. Pontifex nec particulatim dispensando, nec per vniuersalem licentiàm, aut legem (qualis nulla extat) Religiosis concessit, vt de bonis testari, seu mortis causà disponere liceat, non video, quâ ratione id consuetudine acquirere possint. Præterquam quòd ea etiam irrationabilis, & statui eorum minimè conueniens esset: Quamobrem etiam Nauarr. cit. loco dixit, credere se, nullibi gremium esse ulli Religiosis eiusmodi testandi consuetudinem. Ad argum. pro priorie sententia allatum facilis est responsio; Falsam esse regulam, si non sit capacitas in subiecto: At verò Religiosus incapax est de bonis disponendi inter viuos, aut mortis causà, nisi à Superiore licentiàm, aut concessionem acceperit: Fit autem capax per concessionem seu datam licentiàm, uti paulò antè dixi, & vniuersim, explicauit in c. quanto 4. hoc tit. Ad Confirmationem, dico, supposito professionis voto, prohibitionem ne Religiosi testari possint, nō ex solo iure positiuo provenire, sed ex naturali & diuino.

QVÆSTIO QVARTA. Quo sensu in hoc c. dicatur, quòd consuetudo, vt legem vincat & abroget, debeat esse legitime præscripta. Respondeo, sensum esse, quòd consuetudo introducta aduersus legem positiuam, vt præualeat, siue eam abroget, debeat esse completa per præscriptionem, id est, vt tanto tempore, cum bona fide, continuata fuerit, quantum iura ad legitimam præscriptionem requirunt. Quòd si verò propriè loquendum sit, consuetudo non præscribitur, sed per eam, si legitima requisita habeat, præscribitur aduersus legem.

Obiectionis causà afferri potest l. 2. C. Quæ sit longa consuetudo: *Consuetudinis, ususq. longani non vili multorum est: rōm*

rūm non effugit adeo sui valitura momento, ut aurationem vincat aut legem. Variæ sunt explicationes. Ea expeditissima & vera, quæ & ex hoc c. colligitur; vt consuetudo longa contra legem præualeat, duo esse necessaria; videl. vt sit rationalis; atque legis adminiculum siue afsistentiam habeat. Quemadmodum enim aliæ præscriptiones, ita & hæc præscriptio consuetudinis populi seu subditorum aduersus legem, ex voluntate seu concessione Legislatorum seu Principum vigorem accipit, ijsque resistentibus procedere non potest. Quo ipso etiam sensu consuetudo, quæ sacris canonibus inimica est, siue cui sacri canones resistunt, pro irrita habetur, c. quanto 4. c. cum venerabilis 7. hoc tit.

- 10 QVÆSTIO QVINTA. Vtrum consuetudo, ob errorem seu ignorantiam legis, introduci possit? Respondendum est negativè cum Gl. hic communiter recepta ver, legitimè præscripta, Gl. in c. frustra 7. d. 8. Doctoribus, quos allegat & sequitur Suarez lib. 7. de legibus cap. 12. n. 2. Probatur & explicatur: Siue loquamur de consuetudine præter legem, quam suprà appellavi noui iuris constitutivam; ad illam necessarium est, vt populus siue Communitas voluntatem habeat novæ iuris obligationis introducendæ; consequenter, si ex errore siue ignorantia circa legem procedat; quia videl. ideo actum frequentat, quod falsò existimet, se lege latâ ad eum obligari, aut ideo ab actu aliquo v. g. frumenti ex provincia euectione abstinere, quia falsò existimat, per legem prohibitum esse: tum nò habet voluntatem novæ obligationis introducendæ; quia error circa causam finalem & principalem agendi, tollit cōsensum, iuxta l. errantis 9. C. de iuris & facti ignorantia, & explicavi in lib. 3. Theol. moral. tr. 4. cap. 6. assert. 3. Quemadmodum in simili docent DD. quos allegavi lib. 4. Theol. mor. tr. 5. cap. 5. n. 9. Quod religionem invalidè professus, etiam si longo tempore actus Professorum exerceat, existimans se obligari, quia professio valida fuerit, nunquam eam ratificet; cum enim errantis non sit volun-

tas; seu voluntas non feratur in incognitum, non potest quis velle ratificare, seu validum reddere, quod nescit esse irritum.

Siue loquamur de consuetudine contra legem, quam suprà vocavi abrogatoriam legis, ad eam necessarium est, vt populus seu Communitas sciat legem latam esse: sin autem contra legem longo tempore operetur, quia falsò existimat, hunc esse legis intellectum: tunc legem non abrogat: cum nò habeat voluntatem agendi contra legem; sed ideo contra eam operetur, quia existimat operationem esse consentaneam legi, cum non sit: Errantis autem non est voluntas, cit. l. 9. & l. si per errorem 15. ff. de iurisd. omn. iudicium, ibi, cum non consensiant, qui errant. Ita inter alios docet Bartol. in l. 1. n. 21. C. Quæ sit longa consuetudo, & videri possunt, quæ docui in c. cum dilectus 8. hoc tit.

Sed obiicitur l. 38. ff. de legibus, vbi habetur: *Quod non ratione introductum est, sed errore primum, deinde consuetudine obtentum, in alijs similibus non obriens.* Variæ sunt explicationes, vt videre licet apud Suarez cit. cap. 12. Arbitror, sermonem ibi esse de consuetudine abrogatoria legis, seu bonâ fide contra legem per temporis diurnitatem præscripta; eam ad alios similes casus extendendam non esse: cum hæc sit generalis regula, quod præscriptio non extenditur à casu ad casum. Dicitur autem nò ratione, id est, non consultò, sed errore primum inchoatum, & longo deinde vsu obtentum; quia ad omnem vtiucapionem, præscriptionemue, quâ ius acquiritur, opus est, vt vtiucapiens existiment, se ius agendi habere, cum non habeant, ideòque in errore aliquo versentur, siue non consultò ius alienum vsurpent. In qua quidem consuetudinis præscriptione, difficile est dicere, quomodo primi legis latæ transgressores eam inchoare potuerint, ob fidei bonæ defectum: Sed posteriores, dum vident ab antecessoribus legem non obseruatam, seu contra eam absq; contradictione actû, existimare possunt, habuisse illos iustam id agendi causam, seu quia moribus eorum & vtilitati publicæ nò con-

grue-

gruebat, seu quia à Legislatore dispensationem, liberationemque acceperunt. Videri possunt, quæ docui lib. 1. Theol. moral. tr. 4. cap. 3. n. 4. & c. vlt. n. 15.

Ex dictis desèdi potest doctrina Iuristarum, quam cit. c. 12. n. 4. refert Suarez; Si error sit facti & quasi materialis, non posse consuetudinem iuris introduci, secus si error sit iuris, seu circa obligationem, adeoque quasi formalis. Verum enim est, si populus seu Communitas circa legem erret, existimans latam esse, cum lata non sit: aut non latam esse, cum lata sit, ex hoc errore consuetudinem introductam, vires non acquirere: secus verò est, si populus sciens legem latam, aut non latam esse, erret autem circa obligationem: siue quia actum aliquem publicè exerceat, ac frequentat, non tanquam ex libera voluntate (per eiusmodi enim voluntarios actus nunquam introducitur ius consuetudinis) sed quasi ex obligatione: cum tamen initio, siue in primordio introductionis, nulla sub sit: siue quia contra legem, vigorem suum habentem, operatur bonà fide existimans, se eà non obligari, uti suprà explicatum.

CAPITVLVM I. cod. Tit.

in 6.

Consuetudinis.

PARAPHRASIS.

Consuetudo, quantumvis immemorialis asseratur, (vt canonicus in ecclesia sua, vnà cum præbenda canonicali, duas dignitates, aut duos personatus, aut duo officia siue administrationes, vel dignitatem & personatum, dignitatem seu personatum & officium, absque Sedis Apostolicæ dispensatione obtineat) tanquam corruptela à Bonifac. VIII. Papa reprobatur: cum sit sacris canonibus inimica, & ab ambitionis radice procedat: Quare, licet iuramento firmata sit, obseruanda non est, quia iuramentum non est vinculum iniquitatis. Statuque Pontifex, vt in posterum nulli liceat, ni vnâ dignitatem, personatum, aut administrationem vel offi-

cium perpetuum (cùm vix vnus dignè quis adimplere possit) vnâ cum præbenda, absque Sedis Apostolicæ dispensatione, in eadem ecclesia obtinere, aut obtenta retinere: Quod si secus factum fuerit, irritum censeri debet.

SUMMARIUM.

1. Dignitas, personatus, & officium quid sint, & in quo differant.
2. Consuetudo à sacris canonibus reprobata vires acquirere nunquam potest, etiamsi iurata sit.
3. Talis est, vt vnus in eadem ecclesia dignitates, personatus, aut officia obtineat vnâ cum præbenda.
4. Potest tamen id fieri per Sedis Apostolicæ dispensationem.
5. Inualida est autem dispensatio, si obreptio aliqua ex parte impetrantis intercesserit. Si nulla obreptio intercessit, illicita nihilominus erit, si Pontifex sine iusta ratione necessitatis vel utilitatis dispense, peccabitque Pontifex ita dispensando, & is qui dispensationem petit, eaque vitur.
6. Valida est consuetudo, statutum, aut Episcopi dispensatio, vt vnus in eadem ecclesia cum canonicali præbenda dignitatem, personatum, aut officium obtineat, v. g. idem sit Præpositus & Canonicus.
7. Et tali duplices distributiones quotidianæ, duo item suffragia in electione competunt, nisi ecclesiarum consuetudo contrarium teneat aut dignitati v. g. Archidiacono aut Officiali principali per se non competat suffragium.

NO T A N D U M I. Dignitas, personatus, & officium interdum pro diuersis accipiuntur, uti hic apparet, & explicat Ioan. Andr. hic. Axor tom. 2. lib. 3. cap. 13. q. 5. Roderiq. tom. 1. reg. qq. q. 23. a. 9. quod dignitas sit præminetia in ecclesia cum iurisdictione seu administratione, vt Prælatura, & apud nos Decanatus ecclesiæ Cathedralis. Personatus sit præminetia in ecclesia absque iurisdictione

ditione, ut apud nos est Præpositura in ecclesijs secularibus, & Definitiones regulares, ait Rodriq. conferri possunt personarum habere. Officium (simplex intellige) est administratio aliqua, sine præminencia, & iurisdictione externi fori, v.g. officium Custodis, Thesaurarii, quippe qui ratione officij alios canonicos non antecedunt. Interdum verò dignitas & personatus pro eisdem accipiuntur, uti videre licet in c. cum M. 8. de Constit. & c. cum olim 6. hoc tit. in antiq. Præpositura quoque officium appellatur, (sed non simplex) in c. dudum n. 23. de elect. Archidiaconatus quoque, uti videre est tit. 23. lib. 1. decret. de offic. Archidiaconi. Dixi de hac re in mor. Theol. lib. 4. tr. 2. cap. 4. n. 4. §. Alia verò.

2. NOTANDUM II. Consuetudo, quæ ut ecclesijs damnosa, & morum corruptela, à sacris canonibus reprobata est, vires acquirere nunquam potest, etiam si iurata sit: quia iuramentum non est vinculum iniquitatis, c. quanto 18. de iureiur. Talis hic censetur esse consuetudo, ut aliquis in eadem ecclesia, una cum præbenda, duas dignitates, personatus, aut officia obtineat: quia id ambitionem & cupiditatem nutrit, præbet occasionem negligendi rerum ecclesiasticarum administrationem, idèque ecclesijs damnosa est. Talis quoque est consuetudo, ut Episcopus alium episcopatum, vel Prælatus aliam Prælaturam acceptet, aut suo episcopatu vel Prælaturâ reliquâ ad aliam propriâ auctoritate se transferat, iuxta c. cum venerabilis 7. hoc tit. in antiq. Eset enim hæc consuetudo ecclesijs noxia, sacris canonibus, & institutioni muneris episcopalis aut pastoralis, contraria: quandoquidem Prælatus, præsertim Episcopus, veluti spirituale cum ecclesia sua matrimonium contrahit, c. 2. de translat. episcopi.

Obijciatur: Si irrationabile, ecclesiæ damnosum, & sacris canonibus inimicum est, quod unus in eadem ecclesia duas dignitates, duos personatus obtineat, tum ne quidè per Sedis Apostolicæ dispensationem id fieri poterit, cuius contrarium dicitur in textu huius c. Similiter si ecclesijs damnosum

est, atque institutioni primæ episcopalis seu pastoralis officij repugnans, quod unus duos, pluresve episcopatus, aut prælaturas retineat, cum valde felix sit ille censendus, inquit Concil. Trid. sess. 7. c. 2. de reform. cui unam ecclesiam bene & fructuose, & cum animarum salute, regere contigerit, sequi inde videtur, quod neque Papa id permittere aut decernere possit. Resp. negando, id esse consequens. Licet enim statutum, seu introducta consuetudo, ut tale quid ordinari fiat, aut heri possit, non possit non esse ecclesijs & saluti animarum noxia, adeoque reprobata: non tamen ita reprobata, aut noxia est Roman. Pontificis dispensatio pro hac, aut alia vice, cum ea ob peculiare circumstantias honestari, & utilis esse possit. Signifi ratione, aiunt DD. apud Rochem in c. ult. de consuet. n. 190. non valere statutum aut consuetudinem, ut iniusti homicidæ, aut latrones, si pecuniariam aliquam multam soluerint, liberi pronuncientur: Eset enim Reipubl. noxia, & delinquendi, iniuriæque inferendi fomitem ministraret. Et tamen Princeps, siue is qui Reipubl. præest, in certo casu vitam Reo condonare, aut mortis supplicium in pecuniariam multam commutare non prohibetur.

Porro si Pontifex sine iusta ratione utilitatis seu necessitatis, super huiusmodi beneficiorum pluralitate, contra factorum canonum instituta, dispenset, refert, utrum obreptio aliqua ex parte impetrantis acciderit, necne: Si prius, irrita est dispensationis gratia. Quamobrem Concil. Trident. præcipit sess. 7. cap. 5. de reform. ut Ordinarii locorum quoscunque plura curata, aut alias incompatibilia beneficia ecclesiastica obtinentes, dispensationes suas exhiberi distulisse compellant. Sin posterius, valida quidem est dispensatio, argum. c. 2. de præbend. in 6. peccat tamen Pontifex ita dispensando: sed & is, qui dispensationem petit, eam vitat: Neque in conscientia tutus est, beneficiorum pluralitatem retinendo, maxime si eoram fructus abundantes inutiliter consumere, atque in ecclesiæ utilitatem non multa agere pergat. Sunt enim verò aliqui,

aliqui, imò, (vti sancta Trident. Synodus sess. 24. cap. 17. de reform. ait) *multi, qui imprubæ cupiditatis affectu se ipsos, non Deum decipientes*, plures diversarum ecclesiarum personatus, aliæ beneficia, cum fructuum ecclesiasticorum abundantia obtinent, ac retinent; indeque orti, deliciarum, ac luxus, non raro scandali occasionem accipiunt, ecclesiæ autem, salutis animarum, atque pietati & Religioni augendæ parum inferiunt, nonnunquam magis incommodant. Hi in conscientia tuti non sunt, sed neque Ecclesiarum Prælati, nisi eiusmodi abusus, eam se occasio obtulerit, tollere aggendantur.

6 NOTANDUM III. Valida est ecclesiæ alicuius consuetudo, aut statutum, sicuti & Episcopi dispensatio, vt vnus in eadem ecclesia, cum canonicali præbenda, dignitatem, personatum, aut officium obtineat, v. g. idem sit Præpositus & Canonicus. Ita Gl. hic ver. nisi vnicum, Anton. de Butrio n. 4. & seqq. Philipp. Francus n. 7. & sumitur ex c. eam te 7. de re scriptis, vbi Archidiaconus erat etiam Canonicus, & ex hoc c. per sensum contrarium: Cum enim Papa dicat, duas dignitates vel officia à Canonico in eadem ecclesia obtineri non posse, absque Papali dispensatione, satis indicat, vnam dignitatem, vel vnum officium cum canonicali præbenda, absque Papæ dispensatione, haberi posse; videl. vigore consuetudinis, aut statuti, vel dispensationis episcopalis, prout etiam tradidit Gl. in Clem. ult. in fine, post Innoc. quod in duobus canonis eiusdem ecclesiæ non possit Episcopus dispensare, licet dispensare possit in canonis & personatu, vel officio.

Hinc regulam tradit cit. Gl. fin. Dominic. & Francus hic n. 7. Ant. n. 5. quod in eadem ecclesia, absque Papali dispensatione, nō possit quis esse triplex; sed neque possit esse aliusquis duplex in beneficiis vniuersimibus, v. g. habere duos canonicatus in eadem ecclesia, Et ne quidem per modum connexionis, vti iisdem DD. notant, ex c. literas 9. de præb. Atque ideo canonis magis abhorrent à duobus beneficiis vniuersimibus in eadem ecclesia, quam à duobus curatis in ecclesiis diuersis. Vti colligitur ex c. super eo 6. de præb. in 6.

& docui lib. 4. Th. moral. tr. 2. cap. 8. num. 5.

QVARTIO est, Si quis cum canonicali præbenda dignitatem aut personatum obtineat, an ei duplices distributiones quotidianæ debeantur: duo item suffragia in electione competant, videl. quatenus Canonicus est, & Præpositus? Responso est affirmatiua, ex communiori & probabiliore sententia, Innoc. in c. cum olim, de sent. & re iudic. ibid. Ioan. Andr. n. 8. Abb. n. 6. Prohibet n. 7. Quia 7 nihil prohibet, diuersa iura in eadem persona concurrere, sicut colligitur ex l. tutorem 21 ff. de his quæ vt indignis &c. vbi ex Bartolo refertur, quando plura iura concurrunt in persona vnius, perinde est ac si concurrant in personis diuersorum. Excipe primò: Nisi ecclesiarum consuetudo contrarium teneat, quæ sœdè, inquit Ioan. Andr. æquissima videtur, vt singuli vnam tantum vocem habeant, sicuti & vnum os, vnumque caput.

Excipe secundò, Si dignitati v. g. Archidiacono, aut Officiali principali per se non competat suffragium in Capitulo, tum propter adeptionem canonicatus vnicum, non duo suffragia habiturum esse, satis constat. Et si similia dici debent de quotidianis distributionibus.

CAPITVLVM II.

Non putamus.

PARAPHRASIS.

Bonifacius VIII. Papa hic respondet; Non arbitrari se, consuetudinem, quantocunque tempore de facto fuerit obseruata, rationi consonam esse, vt ab Officiali Episcopi ad eundem Episcopum appelletur, cum idem sit vtriusque auditorium, ideoque appellatio ab eodem ad eundem interposita videretur.

SUMMARIVM.

1. Consuetudo, quæ est contra substantiam rei, de iure impossibilis & irrationabilis indicari debet.

Cc

g. Vnde

2. *Vnde repugnat à Vicario Generali ad Episcopum appellari.*
3. *In particulari tamen casu aliquo recusari potest, & ab eo supplicari Episcopo.*
4. *De nullitate sententia lata à Vicario agi potest coram Episcopo, aut de restitutione in integrum.*
5. *Vicarius Generalis si quid ex commissione officij sui canonicè egit, Episcopus reuocare, aut impugnare non potest.*

NOTANDUM Vn. Consuetudo, quæ est contra substantiam rei, de iure impossibilis, atque irrationabilis iudicari debet: Et ideo non valet consuetudo, etiam immemorialis, vt à Vicario Generali ad Episcopum appelletur. Ita sumitur ex textu huius cap. & tradit Gl. recepta hic in princ. Dominic. & Francus n. 7. Petr. Rauenn. de consuet. n. 107. Etenim ratio, ac veluti substantia appellationis in eo consistit, quod sit ad alium, eumque maiorem Iudicem provocatio l. r. §. Si quis, ff. de appellat. c. placuit 15. causa 2. q. 6. Episcopus autem, eiusque generalis Vicarius, seu Officialis principalis vnum idemque consistorium habent, vti hic dicitur: Ergo repugnat, ab Officiali ad Episcopum appellari.

Simili ratione dixi in cap. vlt. q. 3. hoc tit. non posse Religiosis per consuetudinem acquiri testandi facultatem, quia id esset contra substantiam professionis & status religiosi. Potest verò per consuetudinem introduci, vt ad testamentum sufficiant testes pauciores, quam septem: quia numerus iste testium, si rectè attendimus, non pertinet ad substantiam testamenti secundum se, seu spectatà eius naturà, vti constat ex cap. cum esses 10. de testam. sed prouenit ex iure positiuo, decernente irritum esse testamentum, sine ea solemnitate. quæ proinde per consuetudinem præscriptam tolli potest, prout bene explicat Rochus super cap. vlt. de consuet. n. 232. Videri possunt, quæ dicam in c. seq.

3. Porro, licet à Vicario generalis ad Episcopum appellari nequeat, attamen in particulari aliquo casu, tanquam suspectus parti litiganti, recusari potest, c. si contra 4. de off. deleg. in 6. Deinde, propter grauamen illatum

à Vicario generali supplicari potest Episcopo, vti docet Ioan. Andr. in c. Romana col. 1. ibid. Ioan. Monachus n. 3. de appellat. in 6. Nam reiecta appellandi facultate, conceditur saltem querelæ seu applicationis remedium, prout constat ex l. si quis 5. iun. Gl. & seq. Authent. C. de precibus Imperatoris offerendis, vbi habetur, licet à sententia Præfetti Prætorio appellari non potuerit, potuisse tamen intra dies decem supplicari ad Imperatorem. Denique de nullitate sententiæ latæ à Vicario agi potest coram Episcopo, aut de restitutione in integrum, prout videre licet apud Francum hic n. 10. Marantam in speculo aureo, siue de ordine iudic. p. 6. q. 5. princ. reg. 2. n. 371.

Neque obstat his, quod censetur esse substantialiter idem tribunal seu consistorium Episcopi & Vicarij eius: nihilominus enim differt iurisdicctio huius à iurisdictione Episcopi accidentaliter, tanquam ab ea dependens, ideòque firmior est in Episcopo, quàm in Vicario, sicuti aqua potentior est in fonte, quàm in riuulo, prout cit. loco Ioan. Monachus annotauit, Vbi ad monet, quod Episcopus prohibere possit Vicario suo, ne iudicet, cum omnis eius potestas ab ipso dependeat: Veruntamen si Vicarius quippiam ex commissione officij sui canonicè egit, Episcopus reuocare, aut impugnare non potest, prout tradit Rebuffus in praxi beneficij de Vicario Episcopi, n. 40. Azor. tom. 2. lib. 3. cap. 43. quæst. 6.

Notauit verò Gl. hic ver. Officiali, sermonem duntaxat esse de Officiali, seu Vicario generali. Quia secùs dicendum de Vicario Episcopi in certa parte diocesis; aut in causa speciali, prout hic Anton. notauit, & Maranta in speculo aureo, cit. reg. 2. n. 370. Nam ab his appellari potest ad Episcopum, quia non eandem cum ipso, adeòque ordinariam, sed delegatam iurisdictionem habere censetur. In quibusdam tamen apud nos ecclesijs præter Officialem principalem seu generalem Vicarium, est quidam Officialis minùs principalis, cui certa causarum genera in Consistorio episcopali commissa sunt: ita vt ab eo permixtum non sit ad Episcopum appellare.

CAP.

CAPITVLVM III.

Non est

PARAPHRASIS.

Non debet reprobari consuetudo, si alicubi canonicè præscripta sit, quòd Episcopus in inquirendis, ac puniendis subditorum criminibus Capituli sui consensum requirere non teneatur.

SYMMARIVM.

1. *Et si Episcopus, aliue Prælati negotia quedam cum consilio aut consensu Capituli expedire debeant, contrarium tamen per consuetudinem legitime præscriptam introduci potest, excipitur libera alienatio rerum ecclesiasticarum.*
2. *Ve autem canonicè Episcopus præscribat in talicasu, requiruntur præter annos XL. & bonam fidem titulus coloratus, seu presumptus, vel sine titulo tempus immemorabile.*
3. *Per consuetudinem, si irrationabilis non sit, & legitime præscripta, tolli potest solemnitas, quæ ex iuris positiui constitutione ad actus alicuius valorem necessarius est.*

NOTANDVM I. Tametsi, spectato communi iure, Episcopus in inquirendis ac puniendis subditorum criminibus, Cathedralis Capituli consilium adhibere teneatur, cap. 1. de excessibus Prælatorum, tamen per consuetudinem legitime præscriptam contrarium introduci potest.

Adde, idem quoque sentiendum de aliis negotiis, quæ secundum iura cum consilio, aut consensu Capituli expediri debent, quòd consuetudine præscripta Episcopus, aliue Prælati acquirere possit, vt solus expediat, c. ea noscitur, 6. hoc tit.

Excipiendum tamen, quòd Episcopus, aliue Prælati rerum ecclesiasticarum liberam alienationem consuetudine obtinere nequeat, prout docet Gl. recepta in Clem. 2.

ver. consentiente, in fine, de rebus eccles. non alien. & dixi de hoc suprà in c. vlt. hoc tit.

Deinde excipiunt aliqui negotia ardua, cuiusmodi est v. g. depositio Abbatis, aut Prepositi subiecti Episcopo. talia existimant, nulla consuetudine obstante, expedienda necessarii esse cum Capituli consilio. Ita Ioan. Monachus hic, & Anton. n. 7. Sed contrarium magis placet, quod hic tradunt Ioan. Andr. Probus, & alij. Nam lex siue canon generaliter positus, generaliter accipi debet, si nulla restringendi necessitas adsit, l. de pretio 10. ff. de Public. in rem actione, c. solitæ 6. de maior. & obed. Canon autem iste sine distinctione, adeò que generatim in hoc genere approbat consuetudinem canonicè præscriptam: neque adest restringendi necessitas: cum fieri possit, vt ob circumstantias locorum, personarum &c. æquè vtile, aut fortè vtilius ecclesiæ esse videatur, si Episcopus cum aliorum sapientium consilio negotia, etiam ardua, solus expediat: quàm si à Capituli requirendo consilio dependens, facilem & expeditum finem imponere non possit.

Obiter hic notari potest discrimen inter leges, seu canones vniuersales: Aliquæ enim ita Reipubl. Christianæ vtilis, bonis que rationibus constitutæ sunt, vt tamen oppositum earum, ob alias rationes considerationis sue, etiam vtile & rationabile videri possit: imò etiam interdum vtilius pro temporum, locorum aut personarum qualitate. Et hæc leges, siue canones per consuetudinem abrogari possunt, vt hic apparet & in c. vlt. hoc tit. in antiq. Aliæ verò sunt leges, præsertim canonicæ, quæ ita rationabiles & vtilis Ecclesiæ sunt, vt oppositum earum, absolute loquendo, non nisi damnosum, noxium, adeòque irrationabile censeri possit, vti colligitur ex ijs. quæ docui in c. vlt. hoc tit.

QUÆRITVR. Quidnam in casu huius c. requiratur, vt Episcopus contra Capitulum canonicè præscripsisse censendus sit? Respondetur eum Gl. hic ver. canonicè: Requiritur tempus annorum XL. cum bona fide, & titulo colorato, seu præsumpto: sine titulo autem, opus esse tempore immemoriali. Sumitur hæc doctrina ex c. 1. de præscript in 6. vbi ha-

betur, si ius commune præscribenti resistat, consequenter assisat ei, contra quæ præscribitur, præter annos XL. & bonâ fidem, opus esse titulo, vel, si titulus nullus sit, tempus immemorabile, qui ppe quod instat tituli est, si capacitas sit in vscapiente: Atqui in istocasu ius commune resistit Episcopo, assisit verò Capitulo, quando prohibet, ne Prælatus negotia ecclesiæ sine Capituli consilio administret: Ergo ad præscribendum contra Capitulum præter bonam fidem XL. anni cum titulo, aut sine titulo tempus immemorabile requiritur.

NOTANDUM II. Per consuetudinem, si irrationabilis non sit, & legitimè præscripta, tolli potest solemnitas, quæ ex iuris positivi constitutione ad actus alicuius valorem necessarius est. Ita sumitur ex hoc c. & indicat Gl. fm. hic. Nam sacri canones actus postulant in tractandis negotiis Capituli consilium ad Episcopum aut simili Prælato requiri, vt sine eo acta irrita sint, cap. nouit 4. c. quanto 5. de his quæ sunt à Prælatis &c. Quia tamen hæc conditio siue solemnitas non est actui, qui geritur, secundum se siue ex naturâ rei substantialis, (eo quod solus Episcopus auctoritate suâ actum expedit, v. g. sententiam contra delinquentem proferat) ideo per contrariam consuetudinem tolli potest; sicuti in præc. cap. dixi de requisito numero testium in vltimis voluntatibus.

Obijcitur primò, Vel Episcopus scit, Capituli consilium de iure requirendum esse, vel nescit: Si prius, bonam fidem non habet, ideoque præscribere non potest: Si posterius, itidem præscribere non potest, quia error facti & non iuris in vscapionibus prodest, l. iuris ignorantia 4. ff. de iuris & facti ignorantia.

Obijcitur secundò, Vscapio, siue præscriptio non potest introduci per actus nullos, siue irritos, sicuti docui in c. quanto 4. hoc tit. in antiq. Sed negotia acta, v. g. latæ sententiæ ab Episcopo, non requisito Capituli consilio, irrita censentur, sicuti suprâ dixi. Ergo non potest per eos conualescere consuetudo, tametsi adsit bona fides, &c.

Respondetur ad 1. Eo argumento ostendi, quod primus Episcopus contra Capitulum

præscriptionem inchoare non potuerit, nisi titulum coloratum habuerit, videl. Pontificiam concessionem, cui obreptio, aliâ duvitiâ ab Episcopo ignoratum inerat. At verò successores Episcopi, videntes ab antecessore vno aut pluribus talem consuetudinem absque contradictione obseruatum fuisse, credere potuerunt, eos iustam causam, titulumque habuisse, negotia Ecclesiæ ita tractandi, & ita contra Capitulum per tempus immemorabile præscribere potuisse, tametsi nullus titulus coloratus, seu præsumptus allegari possit. Ita docuit Archidiaconus hic, quem immortò Ioan. Andr. circa Gl. 3. refutat.

Ad 2. respondetur, Maiorem veram esse, si actus omnimodè irriti sint, prout accidere solet, si desit quippiam pertinens ad essentiam, siue substantiam actus intrinsecam, aut si inhabilitas sit ex parte agentis, quia sine agendi potentia, impossibile est actum validum prodire: Non item veram esse, si actus irritus sit, non omnimodè, sed ciuili tantum consideratione, non autem naturali. Hoc modo validus est contractus à pupillo vsus rationis habente, institutus sine tutoris auctoritate; Item testamentum absque testium legitimo numero, prout docui lib. 5. Theol. moral. tract. 4. cap. 1. §. n. 6. Atque hoc posteriore modo irrita censeri debent, quæ à Prælato sine Capituli consilio, aut simili à iure extrinseca seu accidentali requisita conditione acta sunt, prout docui in eod. cap. 16. in fine.

CAPITVLVM VLT.

Cum in tua.

PARAPHRASIS.

Pontifex mandauerat prouideri Titio præbendam proximè vacaturam in ecclesia N. constituto executore Caio. Cum autem vacaret præbenda, & executor procedere vellet ad conferendum, obiecerunt Canonici, in ea ecclesia consuetudinem esse, vt antiquiores vacantem præbendam optare possint, id est, suâ præbendam.

bendâ relicta, eam acceptare: quod iure gradatim fruebantur, ita ut si primus eam nollet, alius optandi ad sequentem pertineret, & sic deinceps. Hoc intellectus, respondet Bonif. VIII. Papa, Canonicos, non obstante mandato suo, posse iuxta eam consuetudinem, optare præbendam vacantem: Titio verò, pro quo scriptum erat, conferendam esse præbendam, quæ post Canonicorum optiones remanserit, dummodo ea priori impetranti debita non sit. Excipiantur tamen ab hac optandi potestate præbendæ ex, quæ apud Sedem Apostolicam vacant, si de ijs Pontifex provisionem faciat. Præterea, ne præcepta eius consuetudinis, mandata Sedis Apostolicæ de providendo nimium differantur, ideo optare volentibus xx. dierum spatium præfigitur; quibus elapsis excoitur, non obstante dictâ consuetudine, ad executionem mandati procedere debet.

SUMMA RIVM.

1. *Stante consuetudine optandi, potest Canonicus vacantem præbendam sine ulla collatione optare & accipere.*
2. *Ad hanc autem consuetudinem optandi requiruntur, & sufficit tempus decem annorum.*
3. *Reversentur nova consuetudines circa præbendas, & ubi locus optioni sit, docetur.*
4. *Optio quando locum habere possit in beneficijs vacantibus causâ permutationis.*
5. *In materia libera voluntatis per non vsum facultatis non amittitur facultas, secus est, si ius agendi alicui onerosum, vel cum eius præiudicio communium sit, tunc enim per non vsum, saltem xxx. annorum ius tale extinguitur.*
6. *Vnde Canonici longo tempore abstantes ab optando, optandi occasio oblata, per se consuetudinem optandi non amittunt.*
7. *Introdutta consuetudo optandi præben-*

dæ extendi non debet ad eas, quæ in Curia Romana vacant, idem est de beneficijs Pontifici reservatis.

NOTANDUM I. In quibusdam ecclesijs præbendæ canonicales æquales non sunt, sed aliæ alijs maiores seu meliores. Ita notat Gl. hic ver. meliores; Anton. n. 2. Phisipp. Francus n. 2.

NOTANDUM II. Equum est, ut clerici antiquiores, seu qui ecclesiæ longiore tempore ministrarunt, maiore honore afficiantur. Ita notavit Gl. hic ver. antiquiores, allegato c. statumus 8. d. 61. vbi Gl. ver. novit, ait, *Seniores in ecclesia semper præponendi sunt iunioribus in electione, in responsione, in subscriptione.* Consentit & dudum 22. de elect.

NOTANDUM III. Tametsi beneficium ecclesiasticum non possit licitè sine canonica institutione obtineri, reg. 1. in 6. Et tamen præbendam, nullo canonice conferente, & se ipso accipere possit, c. ult. de Institua. Stante tamen consuetudine optandi, potest Canonicus vacantem præbendam, sine ulla alia collatione, optare & accipere, prout hic Ioann. Andr. notat n. 2. Anton. n. 6. Francus n. 6. Rationem dant, quia non mutatur ius spiritualis tituli, siue canonici, adeoque opus non est collatione, aut institutione: sed vigore tituli canonici, & ecclesiæ consuetudinis, deferitur pristina præbenda, & capitur nova, consistens in temporalitate, videl. alijs agris, vineis, domo.

Exinde Rota Romæ decis. 5. de concess. præbendæ. Francus hic n. 6. Rochus tract. de consuet. n. 86. colligunt, quod existens in excommunicatione præbendam optare possit: quia non acquiritur novus beneficii titulus. Quam doctrinam (quæ vera est secundum casum huius c.) oppugnat Addit. 2. ad Rotæ decis. eodèmq. inclinât Couarr. lib. 5. resol. cap. 16. n. 4. Suar. de conf. disp. 13. sect. 15. n. 16. quod optio ab excommunicatione validè & cum effectu fieri non possit; sed tantum ut profit ei quoddam declarationem voluntatis. Quemadmodum id accidit in excommunicatione, si beneficium ipsi

in absentia ante contractam excommunicationem collatum sit: non enim efficit acceptatio, ut ius & quasi dominium beneficij illi acquiratur, secundum c. si tibi absentis, 17. de præbendis in 6. sed solum declarabit eius voluntatem, quæ si reuocata non sit, sed virtualiter maneat, prodesse poterit, ut post absolutionem ab excommunicatione, eius vigore beneficium acquisitum censeretur debeat: Cæterum si, qui in excommunicatione acceptauit, ante absolutionem moriatur, rectè ait Suarez n. 17. in fine, beneficium non vacaturum per mortem eius, cum beneficium verè ipsi nunquam acquisitum fuerit. Hæc dicta de acceptatione beneficij vera sunt, quid autem de optione sentiendum, dicetur mox in quæst. prima.

NOTANDUM IV. Papa per rescriptum gratiæ non censetur derogare laudabili consuetudini ecclesiæ, nisi exprimat. Ita sumitur ex textu, & notat Ant. n. 3. & colligitur etiam ex c. 1. de Constit. in 6. & c. constitutus 19. de rescript. ubi id docuit.

1. **QVÆSTIO PRIMA.** Quantum temporis requiratur ad eiusmodi consuetudinem introducendam? Resp. cum Gl. hic ver. consuetudine, communiter recepta,
2. Franco n. 5. sufficere decem annorum spatium: Propterea quoddam optandi consuetudo non sit contra ius, sed præter ius. Quare docuit Gl. citata, etiam per statutum introduci posse, ut vacantibus præbendis, Canonici optandi facultatem habeant; siquidem Episcopus vnà cum Capitulo statuere potest ea, quæ sacris canonibus non aduersantia, utilitatem & honestatis rationem gerunt.

Est verò hoc in loco diligenter aduertenda doctrina Rotæ Roman. in decis. vlt. hoc tit. in nouis, circa præbendas esse varias ecclesiarum consuetudines: In quibusdam enim neque numerus canonicatum certus est, nec distinctio aliqua præbendarum: In quibusdam est numerus canonicatum, sed non distinctio præbendarum, uti videre licet in Gl. c. vlt. ver. distinctio, de concess. præb. in 6. Et in his quidem ecclesijs non est locus optioni: nisi interdum quoad domum

canonicalem demortui. In quibusdam porro ecclesijs tam canonicatum certus numerus est, quam præbendarum actualis distinctio; sed id duobus modis accidere potest: Primo, ut præbendæ singulæ consistentes in agris, vineis &c. non sint annexæ certis canonicatibus: & in hoc casu per statutum, vel consuetudinem decennalem optio introduci potest. Secundo, præbendæ singulæ certis canonicatibus annexæ & correspondentes sint; tum verò optio fieri non potest sine mutatione tituli; ideoque ius canonicum eiusmodi optioni resistit, ut non nisi 40. annis cum titulo, vel sine eo, tempore immemoriali præscribi possit. Atque de hac optione rectè senserunt Couarr. & Suarez antea citati, quod in excommunicationem cadere non possit, quia per eam fit veluti permutatio beneficij, quia optans derelicto suo, aliud accipit, eo ipso quod aliam præbendam canonicalem assumit, quandoquidem dixi, & latè explicat Rota, canonicatus & præbenda canonicalis connexionem inuicem habent. Veruntamen cum in hoc c. nulla præscriptionis mentio fiat, verisimile est consuetudinem eam optandi fuisse prioris modi, qui iuri canonico contrarius non est, prout allegata Gl. hic ver. consuetudine obseruauit.

QVÆSTIO SECUNDA. Vtrum optio locum habere possit in beneficijs vacantibus causâ permutationis? Negat hic Gl. in notandis, atq; esse communem DD. sententiam, argum. c. vn. de rerum permut. in 6. ubi dicitur, beneficia permutata alijs conferri non posse, quam permutantibus. Contrarium tuetur hic Ioann. Andr. n. 2. Anton. n. 7. Resp. & Dico I. Si permutatio fiat ipsorum beneficiorum, siue canonicatum, aut, quod eodem recidit, præbendarum, quatenus annexæ sunt certis canonicatibus, optio statuto introduci non potest: sed nec consuetudine, nisi sit temporis immemorialis, aut annorum XL. cum titulo, quia ius canonicum resistit, uti bene tradit Gl.

Dico II. Si permutatio tantum fiat in temporalitate præbendarum, iusta est consuetudo, aut statutum, ut antiquior Canonicus

nicus quasi iure quodam retractus, permutatam optare possit: ne alioquin accidat, vt iunior meliorem habeat præbendam, quàm mior.

QVÆSTIO TERTIA. Si Canonici longo tempore, videl. decem, aut etiam quadraginta annis, abstinuissent ab optando, num optandi consuetudo amissa fuisset? Respondeo, Inprimis certum est, quòd non amittatur, si optandi occasio nulla se offerat, quia præbenda nulla vacauit, vti bene hic explicat Ant. n. 4. & constat ex ijs, quæ docui lib. 1. Theol. moral. tr. 4. cap. 23. num. 21. Deinde vera videtur doctrina Ioann. Andr. hic, Anton. cit. n. 4. Franc. col. 3. Felin. in c. 5 cum accessissent n. 26. 27. de Constit. In materia liberæ voluntatis per actus negatiuos, seu non vsum facultatis, ortæ ex statuto, consuetudine, aut priuilegio, non amitti facultatem, nisi apertè constet, ideo oblatà occasione, habentes facultatem eà non vti, quia à consuetudine aut priuilegio recedere, seu iuri suo renunciare velint. Quæ de re dixi in cit. cap. 23. n. 22. Consonat cum his quòd docuit Felin in cit. n. 27. Gaill lib. 2. obs. 60. n. 9. Si Imperator nobili priuilegi-

um concessit, molendinum pro arbitrio suo ædificandi, etsi plurimis annis non ædificauerit, non amittere eum facultatem. Cæterum si aliquis siue ex pacto, siue ex consuetudine præscripta, siue ex Principis absoluta concessione ius agendi alteri onerosum, seu cum alterius præiudicio iunctum nactus sit, per non vsum saltem xxx. annorum spatio, sicuti omnes aliæ actiones, extinguitur, sicuti ibidem Felin. annotauit, & constat ex ijs quæ dixi cit. c. 23. n. 21. & lib. 3. tract. 1. cap. 8. n. 16. dicto 7.

NOTANDVM V. Introducta consuetudo optandi præbendas, extendi non debet ad eas, quæ in Curia Romana vacant. Ita hic textus: Et addit Anton. hic n. 12. Archidiaconus & Francus n. 7. idem intelligendum de beneficijs Pontifici referuatis; quia inferiores sicuti per legem, ita & per consuetudinem introductam iuri Superioris, videl. Papæ præiudicare non possunt, arg. c. inferior 4. d. 21. & c. innotuit 20. de elect. Locum tamen habebit optio in beneficijs ad Papam deuolutis; quia deuolutio eorum fit retentà eorundem naturà & qualitate. Et ita docent DD. paulò antè citati.

TITVLVS V. DE POSTVLATIONE PRÆLATORVM.

Actenus veluti prolegomena quædam proposuit Gregorius IX. Pontifex, tractans, post Fidei Christianæ iacta fundamenta, vniuersim de iure, eoque duplici, videl. scripto & non scripto. Ordo iam postulat, vt ad partes iuris canonici explicandas aggrediatur: quarum prima & præcipua est de statu ecclesiasticarum personarum, adeoque de officio, potestate, dignitate Ministrorum Ecclesiæ. Similem methodum in ciuili iure obseruatam repe-

ries, vt posteaquam de origine iuris, de iure & iustitia, legibus & Principum constitutionibus actum esset, de hominum statu, eorum præsertim, qui iurisdictione ac potestate præditi sunt, tractaretur, vt videre licet in tit. ff. de statu hominum l. 1. vbi Gaius IC. ait: *Omne ius, quo vivimus, vel ad personas pertinet, vel ad res earum, vel ad actiones, quæ videl. in iudicio proponi solent.* Et in l. 2. *Cum igitur hominum causâ omne ius consuetum sit, primo de personarum statu &c. dicemus.*

Inter

Inter Ministros Ecclesiæ præcipuum locum Prælati tenent: qui ita instituntur cum iurisdictione ecclesiastica, ut sint Capita Collegiorum, ac veluti sponsi ecclesiarum seu regularium, seu secularium. Ad Prælatum autem tribus modis, ac veluti vijs pervenitur: postulatione, electione, & translatione, de quibus in hoc & duobus seqq. titulis sermo est.

Postulatio est alicuius personæ ad Prælatum seu dignitatem ecclesiasticam, erga Superiorem directæ petitio, ut eam dispensatiuè admittere velit. Quare postulatio in subsidium electionis introducta est: Quæ enim personæ eligi non possunt, non propter crimen, sed aliam inhabilitatem, ex postulari possunt. Qua de re Hostiens. in summa, de postulat. Prælatorum.

Corollarium I. Postulatio & electio Prælati in eo conveniunt, quod utraque refertur ad Superiorem prouisionem, per quem Prælati iurisdictionem accepturus est: Differunt autem, quia postulatio innititur gratiæ; electio autem innititur iuri, secundum Gl. receptam in c. vn. ver. eligo, hoc tit. in 6. Sensus est, quod per postulationem aliquis præsentatur Superiori, ut ex gratia illum dispensatiuè admittere, & instituere velit. Per electionem autem canonicam aliquis vocatur ad Prælatum, ita ut Superior electum confirmare debeat. Hinc itaq; oritur I. Quodd, ut supra indicaui, electio debeat esse personæ, quæ secundum iura habilis est ad Prælatum; postulatio autem personæ, quæ secundum iura inhabilis; ita ut dispensatio opus sit. Oritur II. Quod electio à Superiore confirmari dicitur, postulatio autem admitti, c. scriptum 40. de elect. III. Quod per electionem canonicè factam, cum ab electo acceptata est, ius aliquod ei conferatur, ita ut sine iniuriæ rei non possit, si idoneus est. At verò per postulationem nullum ius postulatæ confertur; imò in eam absolutè, siue absq; conditione relata in Superioris dispensationem, consentire non potest postulatæ ad Prælatum, cum inhabilis sit. Quà simili ratione docet lib. 5. Theol. mor. ar. 10. p. 2. cap. 7.

n. 4. quod impediri matrimonium contrahere, v.g. consanguinei aut affines in tertio gradu, sponsalia absoluta contrahere prohibentur: at verò sub conditione Papalis dispensationis consentire inter se, siue contrahere possunt.

Corollarium II. Vt inhabilis ad Prælatum postulari possit, necesse est, inhabilitatem dispensabilem esse: alioquin inutilis, imò etiam illicita dispensatio erit. Quare aduertendum, quod aliquæ inhabilitates seu defectus sunt, in quibus non potest dispensari ad Prælatum consequendam: ut si quis moribus infamis sit, aut omnino illiteratus. Aliquæ verò inhabilitates, in quibus non solet dispensari, ut si quis bigamus sit c. nisi 10. de renunc. aut spurius. Huc spectat, quod sub censura suspensionis à iure eligendi & postulandi pro vna vice, & à beneficijs eius ecclesiæ per triennium, prohibitum legimus in Extravag. vn. inter communes, hoc tit. ne ad ecclesiam Cathedralē postuletur, qui xxv. ætatis annū nō attigit, neque Religiosus ex Ordine Mendicantium ad ecclesiam inferiorem Cathedrali. Aliæ denique inhabilitates sunt, in quibus solet dispensari: Cuiusmodi inprimis est vinculum alterius episcopatus: Episcopus, in quā, ad episcopatum alterius ecclesiæ postulari, non eligi potest, c. vlt. hoc tit. Deinde sunt alij defectus dispensabiles, ut natalium c. innotuit 20. de elect. ætatis defectus Extravag. vn. hoc tit. inter communes. Item sacri ordinis defectus e. dudum 23. eod. tit. Et debent habilitates istæ Superiori manifestari, alioquin postulatio irrita erit, vti colligitur ex cit. c. innouit. Videri potest Ioan. Andr. in cit. c. vlt. q. 9. Syl. ver. postulatio q. 3. Angelus q. 1.

Corollarium III. Postulatio fieri debet ab eo Superiore, ad quem pertinet confirmatio Prælati, si electus sit, vti ex communi docet Abb. in cit. c. vlt. n. 10. hoc tit. rationem afferens, quia *admissio postulationis habet vim confirmationis*. Quare Episcopus ad alium episcopatum à solo Papa postulatur: quia celsio, & translatio Episcoporum, sicuti & episcopatum pluralitas, cum ex gra-

ex grauioribus causis sint, Rom. Pontifici referuntur, e. quod translationem 4. de offic. Legati, c. 3. de Baptismo. Ad alias verò inferiores ecclesias, aut dignitates postulationem Episcopi & similes ecclesiastici Prælati admittere possunt. ad quos confirmatio spectat; dummodo in defectu dispensare queant. Quamobrem si quispiam ad dignitatem, cui cura animarum annexa est, postuletur, qui xxi. ætatis annum non compleuerit, non potest eam postulationem Episcopus admittere; cum is in ætate iure communi canonico ad ordines vel beneficia requisita dispensare non possit, vti colligitur ex c. vn. de ætate & qualitat. in 6. iuncto Trident. Concil. Sess. 24. cap. 12. de reform. Videri potest Ioan. Andr. in cit. c. vlt. d. 1. & seqq. Syl. ver. postulatio q. 5.

CAPITVLVM I

Ad hæc.

PARAPHRASIS.

Mortuo Sennonensi Archiepiscopo, Canonici, tametsi in primis super electione Archiepiscopi conuenire non possent, & ideo aliqui eorum ad Pontificem appellarent: postea tamen inter se conuenientes, Altsiodorenses Episcopum in Archiepiscopum postularunt, per Magistrum R. Præcentorem, & Abbatem S. Petri petentes ab Innocentio III. ut facienda translationi pium præberet assensum. Sed Innocentius antè cognouerat, Episcopum Altsiodorenses interdictum, ob superinductum à Rege Philippo Mariam Morauiz Regis filiam, in Galliz regnum promulgatum Anno Christi 1198. non obseruasse: quod neque Procuratorum alter Magister R. negauit, sed excusationem attulit, quod interdicti sententia nec per Pontificem, nec per Cardinalem Apostolicæ Sedis Legatum, qui interdictum promulgarat, nec per deputati ab eo executoris litteras, aut mandatum, Episcopo intimata fuisset. Quæ tamen excu-

satio reicitur à Pontifice, tanquam non sufficiens, nec proficiens: cum interdictum à Legato Sedis à latere præsentibus multis solemniter ac publicè promulgatum fuerit, & multi in regno Francorum illud publicè obseruare cœperint: Neque enim uerò necesse est, constitutionem solemniter ac publicè promulgatam singulorum etiam aurius per litteras aut mandatum speciale, inculcari: Sed cum primùm quispiam publicam & solemnem promulgationem constitutionis aut sententiæ cognouerit, ad eius obseruationem obligatus est, prout etiam constat ex c. quod dicitur 14. d. 16. Sed neque id valet ad Episcopum excusandum, quod Rex in Altsiodorensi diocesi propriam terram non habeat: Cum Pontifex mandauerit, totam Regis terram subijci interdicto, idque mandatum interpretatus Legatus, in omnem terram, quæ eo tempore Regi adhærebat, interdictum promulgauit. Sed & inde constat, dictum Episcopum excusari non posse, quia cum ipse videret ab Ecclesia Metropolitana interdictum recipi & seruari, suam ecclesiam conformare debebat. Quamobrem Innoc. Papa postulationem reiecit, tanquam indignam. Tamen verò Canonici, eò quod indignam personam, quippe interdicti ecclesiastici violatorem postularint, concessa sibi facultate abusi fuerint, & ideo non immerito pro ea vice, priuari potuerint, tamen ex solita benignitate Pontifex ipsis concedit, ut per canonicam electionem aut postulationem ecclesiæ suæ personam idoneam prouideant.

SUMMARIVM.

1. Ob graue & publicum delictum seu Communitatis, seu eius qui Communitati præest, accedente consumaciâ, terra eius generali locali interdicto subijci potest.
2. Contra promouendum, ordinandum, &c. (ne indignus promoueat, ordinetur, &c.) Superior etiam nullâ precedente

Dd

denote infamiam aut querelam, ex officio inquirere debes.

3. *Constitutio aut sententia generalis Papæ quamprimum publicè & solemniter promulgata est, vim habet obligandi omnes, ad quas fertur, & quidem actualiter sub peccato singulos, qui quomodocunque certam notitiam legis, aut sententia promulgatae acceperint, licet eis per literas, aut mandatum legislatoris, vel executorum eius intimatum non sit.*
4. *Qui interdictum loci scienter ac temerè violavit, eligi aut postulari non potest ad Prælaturam.*
5. *Qui indignum scienter postulavit ad Prælaturam, eà vice privati sunt potestate postulandi & eligendi.*

1. **NOTANDUM I.** Ob graue & publicum delictum seu Communitatis, seu eius qui Communitati præest, accedente contumacia, terra eius generalis locali interdicto subiaci potest. Ita colligitur ex hoc c. & habetur in c. non est 11. de sponsal. & ex communi docet Syl. ver. interdictum 3. q. 5. Couarr. in c. alma, p. 2. §. 1. n. 4. Suarez de cens. disp. 3. 6. sect. 3. n. 6. & docui lib. 1. Th. moral. tr. 5. p. 4. cap. 4. n. 4.

2. **NOTANDUM II.** Tametsi contra promouendum, aut promotum inquisitio in ordine ad punitionem institui non possit, nulla præcedente infamia, c. qualiter 24. de accusat. Si tamen ad id tantum agatur, ne indignus promouetur, tum Superior, etiam nullo præcedente infamia, aut querela, ex officio inquirere debet, vti colligitur ex hoc c. & c. cum nobis 19. de elect. & tradit Innoc. hic n. 5. Anton. de Butrio n. 50. Abb. n. 34. Nauarr. in rubr. de iudic. n. 92. Th. Sanchez lib. 1. de matrim. disp. 14. n. 2. Vbi idem eadem ratione docet de admittendis ad Ordinis Sacramentum, adeo ut ipsi etiam ordinandi, si de indignitate, aut impedimento occulto intertogerent, illud confiteri teneantur, aut à petitione ordinum abstinere, vti colligitur ex c. nisi cum pridem, 10. iun. Gl. ver. non potuerit, de renunc. Item de coniungendis in matrimonij Sacramento, quod eius impedi-

mentum fateri teneantur, aut à matrimonio desistere. Et n. 3. defendit idem Sanchez consuetudinem tribunalium, secundum quam, etiam exacto iuramento, examinatorum personarum, quibuscum super matrimonij impedimento dispensandum est, num se carnaliter cognouerint ipse impetrandæ facilius dispensationis: Tenentur enim contrahere volentes confiteri fornicationem aut incestum, etiam occultum: quia non eò res tendit, ut puniantur, sed ne dispensationis gratia obreptitia & irrita reddatur. Vide etiam, si placet, Nauarr. in consil. 10. de consanguin. edit. 2.

NOTANDUM III. Constitutio, aut sententia generalis Papæ cum primùm publicè & solemniter promulgata est, vim habet obligandi omnes, ad quos fertur: Et ad obligationem actualern, siue vt ad obseruationem singuli sub peccato astringantur, sufficit quomodocunque certam notitiam legis aut sententiæ promulgatae accepisse: tametsi singulis per literas, aut mandatum Legislatoris, vel executorum eius intimatum non sit. Ita habetur hæc in textu, vbi Gl. ver. publicè promulgauerit, & explicat Abb. hic n. 9. Sanchez allegato hoc c. lib. 9. de matrim. disp. 3. 2. n. 3. & 4. Gail lib. 2. obseru. 48. n. 15. & 16. & videri possunt, quæ dixi lib. 1. Theol. moral. tr. 4. cap. 2. Rectè etiam in hoc c. ad tollendam Episcopi Altissiodorensis excusationem, æstimauit Pontifex Innocentius III. quod interdictum in regno Franciæ à multis ceperit tum obseruari, & quidem etiam in ecclesia metropolitana, cui Episcopus se conformare debuere. Alioquin enim excusationem aliquam afferre posset, si Episcopus aliquis siue Prælatus, legem aut sententiam generalem Pontificis Romæ aut alibi promulgatam, ad suam autem dioccesin cum mandato obseruandi specialiter non destinatam, obseruari non curauerit: eò quod intelligatur neque vicinos Episcopos, præsertim Metropolitanum, recepisse, aut seruare. Quæ de re videri possunt quæ dixi in cit. tr. 4. cap. 3.

NOTANDUM IV. Sicuti iudex quilibet orto dubio circa intellectum legis, eam interpretari potest, vt sciat, quomodo sententiam ferre debeat, non possunt i. s. de lo-

gibus

gibus: Ita etiam Legatus, seu delegatus Principis in dubio interpretatur rescriptum seu mandatum Principis, vt appareat, quomodo illud exequi, seu in commissa sibi causa procedere eum oporteat, vti ex hoc textu colligitur, & ex c. super literis 20. in fine, de rescriptis, & annotauit Innoc. hic n. 6. Ioan. Andr. n. 28. Abb. n. 18. qui tamen rectè excipit: Nisi dubium difficile & arduum, magnique momenti sit: tum Princeps consulendus erit.

Sed difficultas est, quomodo mandatum Papæ interpretari potuerit Legatus, vt etiam ad diocæsin Altisiodorensem extenderetur. Nam Pontifex mandauerat terram Regis Galliz subiecti interdictioni: At verò in diocæsi Altisiodorensi Rex propriam terram non habuit, vt in textu significatur: Ergo non potuit eò extendi. Glossa hæc ver. terram propriam, Innoc. hic n. 6. Abb. n. 27. Syl. ver. interdictionem 2. n. 3. dant duas responsiones: Prima est, quòd Legatus mandatum de terra Regis Francie interdicens, interpretando extenderit ad terras, quæ ipsis fauorem, consilium, aut auxilium præstiterunt. Sed hæc interpretatio iuridica non fuisse, neque à Pontifice approbata. Quia nec pœna, neque mandatum de pœna inferenda, extendi potest ultra terminos suos, nisi extensio ea in iure expressa sit, prout ex communi tradit Suarez de censur. disp. 32. sect. 2. n. 29. vbi ait, quòd aliqui dicunt, si terra Principis delinquentis interdicitur, comprehendere etiam terras communicantium in delicto, apertè falsum esse. Et Abb. hic n. 29. tradit; In fœdere publico inter Principes inito non inuadendi, aut offendendi terras alterius, non censi comprehendas regiones adherentium auxilio, nisi & ipsi exprimantur, vt in c. 2. de sent. & re iudic. in 6. Inde verò sumitur argumentum; si in materia fauorabili, & vbi æquitas talem comprehensionem auxilium postulat, extensio ad eos non fit ultra verba in fœdere expressa, multò minùs ea fieri debet in materia odiosa siue pœnali.

Altera & melior est interpretatio: Quòd terra diocæsis Altisiodorensis, quoad dominium proprietatis ad Regem Galliz non per-

tinebat, sed tantum quoad dominium iurisdictionis atq; siue supræmæ: Id verò sufficere videbatur Legato, vt in interdictione generali terræ regni Galliz comprehendere deberet, argum. c. sanè 11. in fine, de officio delegati, vbi dicitur, propter delictum Episcopi terram eius iurisdictioni spiritali subiectam, interdici posse: Eadem verò est ratio de terra subiecta iurisdictioni temporali alicuius domini delinquentis, & in delicto contumaciter perseverantis.

NOTANDUM V. Qui interdictionem loci scienter ac temerè violauit, eligi, aut postulari non potest ad Prælaturam: quia suspensionem contraxit, imò irregularitatem, vti hic Gl. notat ver. personam, Gl. in c. postulasti 7. ver. celebrare, de cler. excomm. ministr. Sylu. ver. interdictionem 5. n. 6. Suarez de cens. disp. 34. sect. 4. n. 14. & sumitur ex c. ult. de excessu Prælatorum, & docui pluribus allegatis Th. mor. lib. 1. tr. 5. p. 4. cap. 3. pœna secunda.

NOTANDUM VI. Qui indignum scienter postularit ad prælaturam, ea vice priuati sunt potestate postulandi, & eligendi. Ita Glossa hæc ver. priuare, quam ibid. sequitur Innocent. & Ioannes Andr. Abb. n. 31. & alij communiter. Ratio dari debet, quia ita de eligentibus scienter statutum statutum est in Concil. generali sub Alexandro III. c. cum in cunctis 7. de elect. Cum itaque electio & postulatio in iure æquiparata censentur, tantum tendentia ad eundem finem, ideo statutum de vno, etiam in materia pœnali, accipi debet, vt etiam sit statutum de altero, secundum receptam doctrinam Gl. in c. si postquam, 32. ver. provisione de elect. in 6. & inter alios docet Nauarr. in c. pœnæ n. 12. d. 1. de pœnit. Idcirco Innoc. III. non tam ipsi nouum condendo, quam vetus interpretando, rescripsit hic, & expressiùs in c. seq. & in c. scriptum 40. in fine, de elect. postulantes scienter indignum, ipso iure pro ea vice priuatos esse.

Neque obstat, quòd in textu huius c. dicat Pontifex, quoniam Canonici permitti sibi licentià abusi fuerint, quòd eos non immerito priuare possent. Explicari enim debet,

ex doctrina Ioan. Andr. ut sensus sit, quod eos priuatos merito declarare potuerit. Nam iura ita interpretari conuenit, ut cum aliis iuribus consentiant, e. cum expédiat 29. de elect. in 6. Cum itaque ex c. seq. & cit. c. scriptum, priuationem ipso iure incurri ob postulationem indigni, aperte constat, ideo eodem modo hic accipere debemus. Accedit in confirmationem, quod Papa non concederet postulandi aut eligendi facultatem, nisi eam Canonici amississent.

CAPITVLVM II.

Gratum.

PARAPHRASIS.

Postquam Papa Innocent. III. Canonice Senonens. postulationem factam de Altsiodorensi Episcopo reiecit, ut in c. præ. vidimus, ij. literis a postolicis subdole suppressis, mandante Legato Cardinale ad electionem iterum cōuenerunt: Et plures eorum eundem Altsiodor. Episcopum, quem Papa reiecerat, & suspensum declarauerat, denuo postularunt; aliis numero paucioribus Episcopum Cameracensem in Archiepiscopum postulantibus. Legatus uero cum intellexisset, Canonicos qui à Pontifice reprobata postulationem renouare præsumebant, eligendi privilegiū amississe, quod concessa sibi ex Apostolica Sedis potestate temerè abuteretur, ideòq; ad alios saniores cōsiliij, licet numero pauciores, eligendi & postulandi deuolutam esse facultatem, dictum Episcopum Cameracensem ad eorum postulationem, in pastorem ecclesiæ auctoritate Apostolica fretus ordinauit. Ideo Pontifex illum à sollicitudine ecclesiæ Cameracensis absoluit, & quæ à Legato ex mandato Papæ acta sunt, Apostolica auctoritate confirmat.

SUMMARIUM.

1. Qui postulationem de persona indigna temerè factam, & ob uitium personæ refutatam innouant, aut repetunt, concessa sibi eligendi & postulandi facultate, pro ea vice priuati sunt.
2. Si aliqui ex Capitulo priuati sint eligendi

di vel postulandi potest, attestata hæc potestas in alijs, quāuis numero pauciores sint, residet, imò si vnum tantum adfuit Capitularibus; alijs omnibus mortuis, priuati aut suspensi, si solum Prelatum eligere vel postulare potest.

3. Licet in vno iura Collegij residere possint, Collegiū tamē, seu corpus Collegij altius, & secundum proprietatem non manet.
4. Si omnes mortui sunt, iura collegialia, vni sunt rituli beneficiales, altius est defuncti, realia autem siue localia inherens loco, & ecclesiæ materiali.
5. Licet ius eligendi penes vnum residere possit, non potest tamen is seipsum eligere.
6. Legatus Sedis Apostolicæ (licet à latere etiam sit) ex iure tantum speciali, non commune, potest instituere translationem Episcopi ad aliam sedem.

NOTANDVM I. Qui postulationem de persona indigna temerè factam, & ob uitium personæ refutatā innouant, aut repetūt, concessa sibi eligendi & postulandi facultate, pro ea vice priuati sunt. Ita Innoc. Ioan. Andr. Anton. Abb. in notandis: & est principalis intentio huius c. Ratio dari debet: Quia privilegium restituens aliquos ad id, quod ex iuris communis dispositione amiserant, non plus tribuit, quā amissum sit; quia restitutio est iuris amissi recuperatio. Atqui secundum ius commune ita competit Canonicis ius eligendi & postulandi, ut si personam indignam postulent, tali facultate priuati existant, e. cum in cunctis 7. de elect. c. scriptū 40. eod. Ergo etiam privilegium seu indulgentia speciali benignitate datum Canonicis, ut nō obstante vitio ab ipsis facta postulatione aut electione (est enim vtriusq; eadem ratio, vt ex præ. c. constat) ad aliam electionē, postulationēque accedere possint, ita intelligi debet, ut si personam indignā postulent, vel, quod idem est, imò deterius, priore personę indigne postulationem renouēt, denuo priuati existant.

Obiicies: Qui privilegio sibi concessio abutitur, is meretur quidem, ut eo per iudicis sententiam priuatur, sed non ipso facto, seu ipso iure priuatus censetur, vti colligitur ex regula, ad quam Innocent. III.

Papa

Papa hic alludere videtur, & habetur in c. vbi 7. d. 74. *Privilegium meretur amittere, qui permissa sibi abutitur potestate*: Hanc enim amissionem siue priuationem per iudicis sententiam fieri debere, ex communi ostendit Suarez lib. 8. de legibus cap. 36. Respondeo: Rectè ostendi, quòd non cuiusque privilegij abusus priuationem ipso facto inducat: sed speciale hoc est in privilegio seu indulgentia, per quam alicui, vel aliquibus facultas conceditur, aut amissa restituitur, cui propter abusum ex iure communi, & ipso facto priuatio annexa est.

2. NOTANDUM II. Si aliqui è Capitulo privati sint, seu ad eligendum postulandumque inhabiles, tota electionis potestas in alijs, quamvis numero pauciores sint, residet. Ita habetur hic, & in c. bonæ 23. c. cum wintoniensis n. 25. de elect. Idque adco verum est, vt si vnus tantum Capitalarium adsit, alijs omnibus mortuis, privatis, aut suspensis, is solus Prælatus eligere vel postulare possit, sicuti hic docet Gl. recepta ver. pauciores, Gl. in c. statutum 22. ver. Collegiatas de elect. in 6. argum. l. sicut 7. §. In decurionibus, ff. Quod cuiusque Vniuersitatis &c. vbi Legistæ notant, cum Gl. ver. Nomen vniuersitatis, Tametsi iura Collegij per vnum acquiri non possint, tamen *si vnum solum remanet, sive & nomen Collegij seu Vniuersitatis conseruatur in illo*:

Duo hic animaduertenda sunt: Primum. Licet omnibus è Collegio mortuis præter vnum, iura Collegij in eo resideant, Collegium tamen seu corpus Collegij actu, & secundum proprietatem non manet: *sicuti & grex desinit*, ait Gl. & sequitur Anton. hic n. 26. *si vnum tantum animal mansit in grege*, l. si grege legato 22. ff. delegatis 1. Quod si omnes sint mortui, ne vno quidem remanente, tum sanè iura collegialia seu corporalia, cuiusmodi sunt beneficiales tituli, actu esse desinunt: at verò iura & privilegia realia siue localia inhærent censetur ecclesiæ materialiter, seu loco, quare cum locus, ecclesiæ, Monasterium, cui iura inhærent, siue ad quod bona pertinent, domino ac possessore careant, inter bona vacantia numerari debent,

prout fusè explicauimus in iusta defensione quæst. 1. præamb. fundam. 3. & in refutat. epilogi pag. 444. & in censura alstri inextincti loco 1. & p. 2. cens. 7.

Alterum. Tametsi ius eligendi penes vnū Capitalarem residere possit, nõ potest tamen is seipsum eligere, tum quia ambitiosus, & eo ipso indignus censeretur, prout tradit Abb. hic n. 9. argum. c. per nostras 26. de iure patron. c. scripturis 9. causa 8. q. 1. l. planè 4. ff. Quod cuiusque Vniuersitatis &c. tum quia sicut inter dantem & accipientem, ita inter eligentem & electum distinctio esse debet: quia nemo oritur à seipso.

Obijciat primò. Vnus non facit Collegium seu Capitalum; sed necesse est plures conuenire vt fratres, c. 1. de elect. Ergo vnus non potest exercere actus Collegij, videl. eligere, postulare. Resp. negando consequentiam, cum Gl. in l. Neratius 85. ff. de verb. signif. & Gl. supr. cit. ver. pauciores in hoc c. Licet enim ad constituendum Collegium seu Capitalum necesse sit plures conuenire, tamen omnibus mortuis, aut privatis, vis, potestas, & iura Collegialia in vno manent, donec alij accesserint: & ideo licet Collegiũ, siue Capitalum actu & secundum proprietatem non sit, manet tamen virtute & habitu.

Obijcies secundò. Non est infrequens, vt innocentes puniantur propter nocentes, v. g. liberi ob graue delictum parentum, videl. hæresin, c. statutum 15. de hæret. in 6. aut læsæ maiestatis crimen, l. quisquis §. filij, C. ad L. Iuliam Maiest. Et magis ad propositum est, quòd ob crimen atrox à maiore parte Communitatis commissum, alij quoque ex eadem Communitate, qui innocentes sunt, puniuntur amissione libertatis, imposito tributo, aut ciuitatis euerfione, dummodò crimen commiserint collegialiter conuenientes, & decernentes inique agendum esse, prout tradit Gl. in cit. l. sicut, ver. non debetur. Bartol. in l. aut facta, §. vlt. n. 9. ff. de penis, Abb. super hoc c. n. 4. & docui lib. 2. Theol. moral. tract. 3. cap. 12. n. 11. §. Porro. Resp. ad hæc, Verum esse, quòd innocentes puniri, seu potius damnum pati interdum soleant

Dd 3 ex iuris

ex iuris constitutione, si sint veluti portio siue pars nocentium seu delinquentium, vti possumus, est: At verò quòd peculiariter attinet ad Communitatem delinquentem, annotanda est doctrina Bartoli in cit. loco. n. 7. Vel pœna, quæ à lege, aut homine decernitur, talis est, vt in Communitatem cadere possit, non autem in singulos è Communitate, v. g. ciuitatis euerfio, Ordinis religiosi extinctio; vel talis pœna est, quæ etiam in singulos cadere potest, v. g. tributì impositio, suspensio. In priore casu non est dubium, traditæ doctrinæ locum esse, quòd ob atrocissimum crimen à maiore parte Communitatis collegialiter commissum, talis pœna inferri possit, vt etiam per accidens pœna, seu potius damnum redundet in innocentes: In posteriore autem casu distinguendum, sitne magna Communitas, quæ deliquit, ita vt innocentes à nocentibus difficilè discernantur, tum omnes imposito v. g. tributo puniri possunt: An verò non sit tam magna Communitas, quæ deliquit, vt in casu huius c. si Capitulares ad electionem Prælati conuenerunt, tunc pœnà eà priuationis, quæ non tantùm in Collegium cadit, sed etiam in singulos è Collegio; æquum non est eos affici, qui innocentes sunt, argum. l. i. ff. de magistrat. conueniendis

6. **NOTANDVM III.** circa verb. final. *Quod à te de mandato nostro factum.* Legatus Apostolicæ Sedis ex speciali commissione siue mandato, translationem Episcopi ad aliam Sedem instituere potest, Non item iure communi, tametsi legatus à latere sit, vti constat ex c. nisi 3. & c. seq. de offic. Legati.

CAPITVLVM III.

Bonæ.

PARAPHRASIS.

Cùm Guil. Archiepiscopus Rauennatis vità excessisset, Canonici in nouo substituendo Præfule non consenserunt: Nam alij S. Prædixis Præbyterum Cardinalem,

alij verò Imolenf. Episcopum postulauerunt. Innocent. III. Papa auditis, quæ pro vtraque postulatum parte, seu de iure, seu de facto allegata fuerant, plura insuper allegari curauit. Considerauit autem Pontifex, quòd dicti Cardinalis præsentia & assistentia non solum Romanæ, sed etiam vniuersali ecclesiæ, consequenter ipsi ecclesiæ Rauennatenfi vtilior esset, quamobrem vtilitatem communem particulari, & maiorem minori præferendam ratus, postulationi Cardinalis assensum præbere recusauit. Perpendens insuper, quòd Episcop⁹ Imolenfis à minore, quam tertia Canonicorum parte, postulatus fuerit, etiam eius postulationem reiecit; cùm Sedes Apostolica postulationem allicuius in tam magnà dissensione & contradictione recipere non solet: Quinimò tametsi aliquis in concordia, seu vnanimi consensu postuletur, postulationem tamen non ex iustitia debito, sed ex gratia admittere consueuerit. Quamobrem mandat Pontifex, vt ij, quibus suffragij ius competit, denuò ad canonicam electionem, aut postulationem seu nominationem personæ idoneæ conueniant.

SUMMARIVM.

1. *Nomine Clericorum comprehenduntur etiam Cathedralis ecclesia Canonici; nisi sit materia penalis, vel odiosa.*
2. *Si à partibus, earumque aduocatis aliquid pro causa sua defensione omittatur, iudex supplere potest, & præferre ea, quæ iuris publici consuetudinis receptæ sunt; non item quæ ad factum spectant, nisi in quibusdam tantum casibus.*
3. *Episcopatus & Cardinalatus incompatibiles sunt, nisi Summus Pontifex ex rationabili causa dispense.*
4. *Cardinalis presbyter, aut diaconus, non autem episcopus, eligi potest in Episcopum; quamuis vniuersim electio Cardinalis in Episcopum quodammodo postulatio sit, quia sine impetrato Summi*

mi

mi Pontifici consensu electionem acceptare non potest.

5. Plura necessaria sunt, ut postulatio à Superiore admittenda sit, quàm vi electio confirmanda.

6. Postulatio concors, vel à duobus Capitalium partibus facta, probabilis sine ulla iniuria postulantium & postulati reijci potest, nisi ob necessitatem vel utilitatem ecclesiæ facta esset, tunc enim ex debito officio à Superiore admittenda est.

7. Prælatus Papæ inferior facultate dispensandi super impedimento prædicto, postulationem concordem aut à duobus partibus Capitali factam admittere nolens, à Superiore cogi potest.

NOTANDUM I. Nomine Clericorum comprehenduntur etiam Cathedralis ecclesiæ Canonici. Ita colligitur ex inscriptione huius c. Sed excipi debet: Nisi materia pœnalis, vel odiosa sit, prout hic annotavit Abb. not. 1. argum. c. statutum 22. de elect. in 6. ubi dicitur, quod in materia pœnali nomine parochialis ecclesiæ non veniat ea parochialis, quæ simul etiam Collegiata est; quia propter specialem, eamque excellentiorem qualitatem, speciali sæpe nomine appellari solet. Sed pari ratione Canonici Cathedralis, & qui in ecclesiastica dignitate constituti sunt; item; Religiosi, tametsi clerici sint, tamen propter specialem, eamque excellentem qualitatem, proprijs sæpe nominibus compellantur: Et ideo in statuto pœnali, quod, uti dicitur in cit. c. statutum, restringi potius conuenit, quàm laxari, generali Clericorum vocabulo non comprehenduntur, præterquam si ex verbis adiunctis aut circumstantijs contrarium colligatur: vel si alioquin absurdum sequeretur: Quæ ratio dicitur in c. per exemptionem 9. de privileg. in 6. Si alicuius ecclesiæ clerici ad Ordinarij iurisdictionem per privilegium eximantur, etiam Canonicos eius ecclesiæ exemptos censeret: licet alioquin privilegium exemptionis, quippe iuri episcopali, atque, canonicis statutis derogans,

strictam interpretationem mereatur. Ratio verò est, quia exemptio ea ad Canonicos quoque, se extendens ex subiecta materia clare colligitur: quia absurdum esset, clericos inferiores exemptos esse, non item maiores seu Canonicos.

NOTANDUM II. Quæ partes, earumque Aduocati pro causæ suæ defensione in medium afferre omittant, Iudex ex officio supplet, quatenus id necessarium esse videatur ad controuersiz definitionem. Ita ex hoc c. colligit Gl. ver. *curauimus allegare*, & constat ex l. vn. C. Ut quæ defunctis aduocatis, iudex suppleat. Id verò intelligi debet, secundum Gl. ibi, Bartol. Baldum & alios, Iudicem quæ iuris sunt, aut consuetudinis receptæ, in medium proferre posse; non item ea, quæ ad factum spectant. Ratio est: quia Iudex in iudicio ea agere debet, quæ ad publicum eius officij pertinent, cuiusmodi v. g. sunt libellus seu positio actoris examinare, & si ineptus seu causæ non conueniens sit, reijcere, l. 1. ff. de offic. Assessorum: Item iuramentum de calumnia deferre, dilationem parti petenti concedere: sed & ad iura publica attendere, ut ea circa causam agitam in medium proferantur: quia secundum ea sententiam proferre debet: Non autem Iudex partium contententium officium usurpare potest: aut supplere ea, quæ ad proprium ipsarum, ac priuatum commodum principaliter referuntur, cuiusmodi sunt petere, excipere, testes, aliasue probationes producere, uti docet Baldus in cit. l. vn. n. 9. Abbas hic n. 10.

Quibusdam verò casibus Iudex etiam ea, quæ ad actum spectant, in medium afferre & supplere potest, & plerumque debet. I. est, si quid iudici notum sit ex actis in publico iudicio deductis, uti hic docet Baldus n. 3. Anton. n. 17. prout Gl. hic ver. *curauimus allegare*, argum. l. ult. C. de appellat. Et not. hic primò, quod dixi, si in publicum iudicium deducantur: Ea enim tantum iudici, tanquam publicæ personæ nota esse censentur, quæ ipso pro tribunali sedente producta sunt, non extra tribunal, l. dies 4. §. hoc autem iudicium, ubi id Baldus annotauit, ff. de da-

de damno infecto. Not. secundò, si pars litigans instrumentum aliquod in iudicium proferat, Iudicem ea quæ in instrumento continentur, allegare posse contra ipsum producentem; quia æquum haud esset, si actor vellet instrumento standum esse secundum vnam eius partem, non item secundum alteram, prout idem Baldus docet in cit. l. n. 5.

II. Casus: Si Iudex in medium proferat, quod notorium est, nullaque probatione indigens, argum. l. 1. vbi id notauit Gl. ver. in consilio, ff. Qui & aduersus quos &c. Specialiter verò Iudex exceptione repellit actorem, advocatum, aut productum testem, qui notoriè inhabilis est. v. g. publicè excommunicatus, vti constat ex c. 1. in fine, de except. in 6. & c. exceptionem 12. eod. tit. in antiq. Ratio est: quia ad publici iudicii honestatem tuendam interest, vt personæ de iure inhabiles repellantur. Cæterum si inhabilitas respiciat duntaxat commodum partis, vt quia est familiaris aduersarij, Iudex nihil opponere debet, prout hic Abb. notat n. 8. casu 6. & videri possunt, quæ docui lib. 1. Theol. mor. tr. 5. p. 2. c. 2. effectum excomm. 8.

III. Casus: Si animæ periculum vertatur, vti notauit Anton. hic n. 21. dicens, frequenter id accidere in causis matrimonialibus; Aut si de publico bono agatur, v. g. in electione aut postulatione Prælati, ne indigne promoueat, aut cum maioris boni detrimento, quàm secururâ utilitate, vti hic apparet, atque annotauit in c. 1. ver. excommunicatus sit, de except. in 6. Abb. hic n. 9. Vel si agatur causa pupillorum, vel personarum miserabilium, quas Iudex ex officio tueri debet, prout hic ait Anton. n. 20. Abbas cit. n. 9.

IV. Casus. Si quippiam in iudicium accessoriè veniat, seu per consequentiam, tum à Iudice proferri possunt, si iura ita exigant, v. g. vt fructus restituantur, qui post litem contestatam ex re aliena percepti sunt, l. ædiles 38. §. item sciendum, ff. de ædilit. edicto, & notauit Baldus in cit. l. dies, §. Hoc autem iudicium.

V. Casus, secundum Bartol. in cit. l. 1.

Vt quæ desunt Advocatis, & in Auth. Qui semel, C. Quomodo aut quando Iudex &c. In quo casu Iudex contra contumaciter absentem ad definitiuam sententiam procedere potest, æquum est, vt pro eo etiam suppleat, quæ ad factum pertinent. Eamque doctrinam tanquam æquam & à pluribus receptam sequitur hic Abb. cit. n. 9. casu 7. & docet Anton. n. 26. tametsi displiceat Baldo in cit. l. 1. eo quòd in iure non satis fundata reperitur.

NOTANDUM III. Episcopatus aut Cardinalatus incompatibiles sunt, nisi Summus Pontifex, ex rationabili causa dispenset. Ita sumitur ex textu c. & annotauit Abb. hic not. 3. Nam Cardinalis assistere debet Rom. Pontifici, eamque consilij adiuuare: Et sic vtilior est ecclesiæ vniuersæ; quatenus Pontifex & Cardinales pro omnibus ecclesijs curam & sollicitudinem gerere debent, vti hic in textu significatur, iuncta Gl. ver. generali. Sin autem Cardinalis Pontifici Romæ assisistat, non potest rectè præesse & inuigilare ecclesiæ Cathedrali, à quâ abens est, vti colligitur ex hoc ipso c. quando Pontifex Innoc. III. postulationi Cardinalis ad ecclesiam Rauennat. noluit assensum dare, quòd oporteret eum à Roman. ecclesiâ, vbi tamen plus prodesse potest, discedere, & ex Concil. Trident. sess. 23. cap. 1. de reform. & videri possunt, quæ dixi lib. 4. Theol. moral. tr. 2. cap. 6. q. 2. & Ioann. Azor p. 2. Instit. moral. lib. 7. cap. 4. q. 6. vbi rectè excipit eos episcopatus Vrbi vicinos, quos primi sex Cardinales Episcopi obtinent.

QVÆSTIO est, Num S. R. Ecclesiæ Cardinalis in episcopum eligi possit, an verò postulari debeat? Resp. cum Abbate antiquo, Hostiensis, & Ioann. Andr. in c. ecclesia 57. de elect. eligi posse; si sit Cardinalis Presbyter, aut Diaconus; secus si episcopus. Idque satis constat ex eod. c. ecclesia, tametsi ibi Anton. de Butrio n. 16. & Imola n. 4. contrarium dicant, eligi non posse, sed postulari debere, vti colligi videtur ex hoc c. Dicendum verò, quòd electio Cardinalis in Episcopum quodammodo postulatio sit: quia electionem acceptare non potest, nisi

Pon-

Pontificis imperato consensu: Quia eadem ratione Abbas in Episcopum eligi potest, sed transire ei concessum non est, deserto Monasterio suo, absque Papæ aut Legati à latere licentia, & si Abbatem 36. de elect. in 6. Cui doctrinæ consentit Innoc. in c. 1. n. 3. hoc tit. ubi ait: Quotiescunque nominatus in Episcopum, acceptare sine dispensatione non potest, postulatio censeri debet: Sin autem acceptare potest absque dispensatione, censetur electio, non obstante, quod opus sit licentia Prælati, cuius ecclesiæ obstrictus est, v. g. Monachus: Talis postulari quidem debet, at non postulatione solemnī, sed ad id solum instituta, vt transiendi licentia impetretur, prout explicavi in cit. tract. 2. cap. 19. n. 9. Ita verò etiam se res habet in Cardinali non Episcopo: Nulla enim lex canonica prohibet, quò minus Cardinalis ad episcopatum assumi possit, sed solum prohibetur, vt Cardinalis ecclesiam Romanam, cui astrictus est, absque Rom. Pontificis licentia non deferat. Exinde tamen sequitur, quòd hic etiam Panormit. n. 6. annotavit, per assumptionem Cardinalis ad episcopatum vacaturum Cardinalatum, iuxta c. de multa 28. de præb. Sed id observari non solet; propterea quòd Cardinalatus maior censeatur esse dignitas, quàm episcopatus, & Archiepiscopatus: non decet autem aliquem à maiore ad minorem dignitatem abire, ac veluti descendere, argum. c. 1. de translat. Episcopi, & c. seq. hoc tit. ubi id dicam not. penult.

5. **NOTANDUM IV.** Plura necessaria sunt, vt postulatio à Superiore admittenda sit, quàm vt electio confirmanda. Qua in re ita distinguendum: Vel postulatio concurrit cum alterius electione in discordia, vel non concurrit. Si hoc secundum, satis est, quòd postulatio persone idoneæ facta sit à maiore parte Capituli, vt eam superior ex gratia speciali admittere possit, vti constat ex c. postulationem 5. hoc tit. Nam ordinariè ad gesta Capituli seu Collegij plus non requiritur, quàm vt maior pars consentiat, prout hic Abb. annotavit n. 3. Petr. Greg. Tholos. tract. de elect. c. 2. n. 11. & habetur in cap. 1. de his quæ fiunt à maiore parte Capituli, & l. quod

maior 19. ff. Ad Municipalem, ubi dicitur: *quid maior pars Curia feceris, pro ea libetur, ac si omnes egerint.* Sin primum, requiritur, vt duæ partes Capituli in postulationem consenserint, & persona idonea sit: hoc in casu postulatio præfertur electioni, c. scriptura 40. de elect. Quia duæ partes Capituli totum Capitulum representant, c. cum nobis 19. de elect. secundum integr. lect. Sin autem in postulationem duæ partes non consenserunt, plerumque præfertur electio, dummodo ea facta fuerit à maiore parte, quàm sit terra, cit. c. scriptum & tradit Hostiens. tit. de postul. Prælat. §. Vtrum ius, n. 13. Abb. in cit. c. scriptum n. 14. Syl. ver. postulatio q. 7. Cujm enim postulantes sciunt, postulationem eam à Superiore admittendam non esse, nisi ex gratia speciali, atque nihilominus eam cum electione à reliquis facta præsentent, eo ipso consentire censentur, vt vel postulatio ipsorum admittatur, vel aliorum electio: quamobrem positum erit in arbitrio confirmatoris, vt, consideratis circumstantiis & qualitatibus personarum, vel postulationem admittat, vel electionem confirmet, vel utramque reiiciat; ideòque nec electio in hoc ius aliquod ante acquiritur, quàm confirmatoris assensus accesserit.

Sed **QVÆSTIO** est: Si quispiam, ad prælaturam idoneus à duabus Capitalium partibus postulatus fuerit, vtrum postulantibus, vel ipsi postulato ius aliquod acquiratur, ita vt Superior postulationem admittere debeat? Affirmat Ioan. Andr. in c. eum Monasterium n. 7. de elect. Sed contrarium est probabilius, prout colligitur ex cap. isto §. attendentes, ubi Gl. ver. attendentes, Hostiens. in summa, hoc tit. §. Vtrum ius: **Pro-** 6
priè loquendo nullum ius postulantibus, aut postulato competere; ideòque Superiorem iniuriam non facere postulationem reiiciendo, vti aperte colligitur ex hoc c. prope finem, *non tam ex iniustitia, quàm ex gratia.* Attamen ex debito officij Superiorem obligari ad postulationem eam admittendam, quæ concorditer, aut à duabus partibus ob necessitatem, aut utilitatem ecclesiæ, facta est, prout traditur in Gl. hic ver. gratia, Hostiens. & Greg.

Ee

& Greg.

ecclē. Episcopum denuo postularunt. Ad id verò respondet Innoc. Papa, horum ab aliis disidentium postulationem æstimādam non esse: quandoquidem ipsi antea Archiepiscopum Colocensem cum aliis postulauerint, & Papa eam postulationem admittendam censuerit. Etenim posteaquam postulatio postulantium subscriptione munita Pontifici oblata fuit, recedere illi haud possunt, eū alioquin illuderetur Pontifici, si eius requisitum, datūque iudicium immutare concessum esset. Considerauit quidem Pontifex, quòd non tantū eam Episcopi postulationem, sed etiam alteram Archiepiscopi improbare posset, & ipsemet Ecclesiæ Pastorem providere, quia ita in posteriore mandato continebatur, vt ad nouam canonicam electionem, vel concordem postulationem accederetur, alioquin Papam prouisurum: Illi autem eo accepto mandato, canonica electione non facta, in postulando magis etiam, quàm prius, discordes fuerunt: Veruntamen quia plenam de personis in regno Vngariæ notitiam non habebat, alienigenam verò ipsi præficere consultum non arbitrabatur, postulationi ipsorum acquiescendum esse iudicauit. Tametsi verò ex vna parte honestius esset, si suffraganeus ad Metropolim, quàm vt Archiepiscopus promoueretur, ex altera tamen parte consultius videbatur partem potiore postulantium sequi, ad eūq; Archiepiscopum Colocensem (quippe in quem omnes, quorum suffragia requirebantur, licet diuersis temporibus, consenserant) ecclesia Colocensi liberatam, ad Metropolin Strigoniensem transferre, quod vigore præsentium literarum facit, atque promittit, pallium Archiepiscopale pro eius Metropolitanæ ecclesiæ vsu se postea transmissurum.

SUMMARIUM.

1. Qui per diuturna consuetudinis prescriptionem acquisiuit ius eligendi Prælatum, censetur etiam acquisiuisse ius postulandi.

2. *Vs quæ prescribit ius eligendi, & consequenter postulandi, requiritur, & sufficit tempus ordinariū vi, videl. 40. annorum, si ius electionis contra Capitulum prescribatur.*
3. *Si existens in possessione intrinsece eligendi & postulandi non vocetur, agere potest ad postulationem, qua ipso contempto peracta est, rescindendum.*
4. *Si omnes Capitulares, aut Collegiati ad Capitulum vel Concilium legitime vocati sint, & aliqui accedere negligant, qui presentes sunt, statuere sine ipsis possunt, ita vt acta valeant, modo pars maior præsentium consensiat.*
5. *Contraria est doctrina Legistarum, qua hic conciliatur.*
6. *Si vel vnus contemptus fuit, is contemptum persequi potest, & petere electionis rescissionem.*
7. *Si postulatio Superiori nondum præsentata sit, possunt postulantes recedere, aut etiam nuncium ad Superiorem destinatum renouare.*
8. *Promouens aliquem ad Prælaturam, debet plenam noticiam habere, quòd idoneus sit.*
9. *Decens est, vt aliquis ex eiusdem ecclesiæ corpore ad Prælaturam assumatur, si idoneus adsit.*
10. *Sicut etiam, vt quis à minori dignitate ad maiorem transeat, & promoueat.*
11. *Si Archiepiscopus ad aliam ecclesiam Metropolitanam auctoritate Papa transferatur, aliud nouum pallium petere debet.*
12. *Antiquum pallium secum defert, non vt eo utatur, sed vt cum eo & nouo sepeletur.*

NOTANDUM I. Circa ea verba: *Assentes, quòd eis contemptis, &c.* Qui per diuturnæ consuetudinis prescriptionem acquisiuit ius eligendi Prælatum, censetur etiam acquisiuisse ius postulandi. Ita ex textu isto colligit Abb. hic n. 4. Tametsi enim præscriptio, quippe stricti iuris, non extendatur de casu in casum, argum. c. eūm olim

18. ubi idem Abb. Panorm. num. vlt. de præscript. eam nō plus aliquis præscribat, quàm possideat, fallit tamen ea doctrina in ijs, quæ necessariò connexa sunt, tanquam tendentia ad vnum finem; cuiusmodi sunt electio & postulatio; adeò ut cuiusque ius eligendi competat, eidem etiam postulatio concessa sit. Quamobrem si aliquis, qui è corpore ecclesiæ seu Capitulo non est, ad eligendum Prælatum admittatur, non tanquam ex gratia, sed tanquam ei ius competat, v. g. ratione dignitatis suæ, poterit temporis diuturnitate, cum bona fide, non tantum acquirere ius eligendi, sed etiam postulandi, prout Abb. hic annotavit cit. n. 4. argum. e. cum in tua 30. de decimis: Nam etsi in possessione postulationis non fuerit directè, & secundum se, eò quod occasio se non obtulerit postulandi, fuit tamen per accidens, & ex consequente: quia ius eligendi ordinariè secum trahit ius postulandi.

QVÆRITUR. Quanto tempore opus sit, ut ius eligendi, & consequenter postulandi aliquis præscribat, cui id secundum ius non competit? Respondetur ex ijs, quæ docui lib. 3. Th. 2. mor. tr. 1. cap. 9. n. 5. & 6. & quæ Abb. hic tradit n. 20. Requirit, & sufficere tempus ordinarium, vid. 40. annos, si ius electionis contra Capitulum præscribatur, prout etiam Gl. docuit in cap. 3. ver. in trium, de causâ possess. & propriet. Idque inde ostenditur, quia huius iuris possessio nō acquiritur, nisi cum scientia & patientia Capitularium: Positâ autem scientiâ & patientiâ, adest præscribendi titulus, & consequenter præscriptio, tametsi ius repugnet, aut præsumptio sit contra præscribentem, quia vid. is è corpore ecclesiæ non est (dummodo, ut ponimus, bona fides non desit) 40. annis perficatur, vti constet ex cap. 1. de præscript. in 6. Tametsi fortasse qui præscribit vni tantum electioni, tanquam ius habens, interfuerit, quia electus Prælatu 40. annis ecclesiæ rexit, prout Gl. paulò antè citata notavit.

Adde, quòd ius eligendi, & consequenter postulandi, citiùs acquiri possit per tacitum consensum Capitularium, si extraneum absque vlla protestatione sponte admittant, iux-

ta iuris reg. 43. in 6. *Qui tacet, consentire videtur*, quòd verum est in casu, si consentire nolens, contradicere deberet, argum. cap. 2. de confessis in 6. Dummodo Capitalares errore non ducantur, existimantes extraneo illi ius competere, eam non competat: Error enim tollit consensum, sed non præscriptionis remedium.

NOTANDUM II. Si quispiam existens in possessione iuris eligendi, & postulandi, non vocetur, agere potest ad postulationem, quæ ipso contempto peracta est, rescindendam. Italic in textu, iun. Gl. ver. eis contemptis; & idem de electione quæ mero iure valida est, rescindenda, propter contemptum, habetur in cap. bonæ 36. de elect. Quia, ut suprà dixi, electio & postulatio in iure æquiparantur quoad ius suffragandi: & ideo quod statuitur de vno, statutum etiam censetur de altero.

NOTANDUM III. Si omnes Capitalares, aut Collegiati ad Capitulum vel Concilium legitimè vocati sint, & aliqui accedere negligent, qui præsentés sunt, statuere sine ijs possunt, ita ut acta valeant, etsi non maior pars Capitali seu Collegij præsens sit: dummodo pars maior præsentium consensit. Ita colligitur ex textu huius cap. ibi, *Intelligentes, penes se tantum remanisse facultatem liberam eligendi*: Idque docet Gl. in Clem. quod circa, de elect. ver. quæ in facto, Innocent. in cap. 1. de maior. & obed. Ioan. Andr. in e. in causis num. 12. de elect. Abb. in cap. cum omnes num. 13. de Constit. Tametsi contrarium doceant Legiste, vti videre licet apud Bartol. in l. omnes populi quæ ff. 2. de iust. de iure, Iason. in l. iurifigentium §. Hodie tamen, num. 7. ff. de pæctis, ubi aiunt, opus esse, ut dum totius universitatis seu Collegij partes præsentés sint, & quod maior pars præsentium statuerit, illud ratum esse oportere: dummodo omnes vocati, & nemo contemptus sit: Quia dum partes ordinis totius Curie vicem suppleant, sit Gl. in l. nulli ff. Quod cuiusque universitatis &c. idemque colligitur ex l. nominationum 46. ff. de decationibus lib. 10. ubi id ipsum Bartol. & alij observant.

Sed conciliatio fieri debet ex doctrina Innoc. in c. eam nobis n. 6. de elect. Abb. in c. cum inter n. 5. & in causis n. 9. eod. tit. c. 1. n. 5. de maior. & obed. Vel loquimur de iure conuocandi Capitulum seu Collegium; Vel loquimur, posita legitimâ vocatione, de iure eligendi, aut decernendi. Si primum, vel aliquis est constitutus, qui cum auctoritate vocare possit Capitulares, aut Senatores: tum eo legitimè vocante, qui præsentibus sunt, secundum maioris & sanioris partis suffragia, eligere aut decernere possunt: Nisi alia sit loci consuetudo, vel nisi negotium arduum sit, ad quod expediendum necesse videatur plures expectari, præsertim si ius ipsum longius tempus concedat, v. g. trimestre pro electione facienda post mortem Prælati, c. no pro defectu 42. de elect. Vel nemo ad hoc constitutus est, tum necessarium esse videtur, vt duæ partes Capitularium vel Collegiatorum conueniant ad eligendum, vel decernendum, ita vt quod maior præsentium pars statuerit, id ratum sit (saluo iure rescindendi, si qui contempti fuerint) propterea quod potentia Capitularis, seu Conciliaris veluti tota in duabus partibus resideat, vt colligitur ex cit. c. eam nobis 19. de elect. & tradit ibi Abb. n. 9. Vbi eadem ratione ait, vt Capitulum coarctando terminum temporis trimestris alios vocet ad electionem, necesse esse, vt duæ partes Capitularium consentiant, Nisi peculiaris aliqua necessitas urgeat, vel periculum in mora sit: tum defendi potest doctrina Gl. in cit. c. eam nobis, ver. reuocare, si maior & sanior pars procedere velit ad electionem, quod id facere possit, præfixo termino, siue die conueniendi etiam ante trimestre tempus elapsum.

Sin autem de posteriore sermo sit, videl. de iure eligendi, aut decernendi, posteaquâ Capitulum conuocatum est, siue à Superiore, siue à Decano, aut Seniore iuxta ecclesiæ consuetudinem ad id constituto, siue à duabus partibus Capituli, aut Collegij, iuxta ea, quæ paulo antè dixi, Tunc, si aliqui non adsint, quia venire nolunt, aut non possunt, nec Procuratorem loco sui constituent, veluti

non consentur in numero Capitularium, aut Collegiatorum pro eo actu peragendo, alijque, quamuis pauciores sine illis procedere possunt, vt dixi supra in not. isto 3. argum. huius c. & tradit Abb. in c. quia propter n. 4. & 12. de elect. Franc. de Pauinis in tract. de potest. Capituli prælud. 54. n. 12. Sin autem plures adesse possint, ac velint, non valebis, quod agitur, si pauciores, quam duæ partes ad eligendum, aut decernendum conuenerint, At verò præsentibus duabus partibus, quod à maiore & saniore parte gestum, vel statutum est, validum censi debet, vt supra cit. Doctores tradant eum Glossa in cit. l. nulli ff. Quod cuiusque Vniuersitatis, argum. l. quod maior 19. ff. Ad Municipalem; Quod maior pars præsentis Capituli, vel Collegij decreuerit, pro eo habendum esse, ac si omnes decreuissent, dummodo duæ partes adsint, vt videl. vis Capitularis ad eligendum, aut decernendum non desit.

Loquor autem hic duntaxat de valore actus, v. g. electionis: Interim fateri oportet, si vel vnus contemptus fuerit, seu non vocatus, qui vocari potuisset, ac debuisset, quod contemptum prosequi possit, siue petere, vt electio rescindatur, vt supra dictum in 1. not. & dicetur infra in c. quod sicut, 28. de elect.

NOTANDUM IV. Postquam postulatio Superiori præsentata fuit, postulantes recedere seu variare non possunt, sed illius iudicium expectare debent, Ita hic in textu §. Nec obstat: Vbi etiam ratio adiungitur; quia si possent recedere postulantes, nobis frequenter illuderent: & iudicium nostrum ab eorum pendere arbitrio videretur.

Sed QVÆSTIO est, Si postulatio Superiori nondum præsentata sit, num postulantes recedere possint, aut etiam nuncium ad Superiorem destinatum reuocare? Negat Gl. in c. seq. ver. nullum, & c. ult. ver. permissione: hoc tit. post publicatum scrutinium à postulatione resilire concessum esse, argum. c. publicato 58. de elect. Sed affirmatiua pars quæst. colligitur ex cit. §. Nec ob-

Ec 3 stat.

7 stabat, per sensum contrarium, & docuit Hostien. in summ. huius tit. n. 12. Ioann. Andr. in hoc c. n. 8. Abb. n. 11. Imola & Abb. in cit. c. publicato, Syl. ver. postulatio q. 8. & dixit etiam in Theol. mor. lib. 4. tr. 2. cap. 12. n. 10. Neque obstat cit. c. publicato scrutinio, ubi id traditur de electione: Est enim discrimen, quod actus electionis procedat secundum ius commune, ex debito officij: consequenter, si legitime suffragia data & publicata sunt, resilire deinde non licet, ut dicitur in c. 3. de elect. & cit. c. publicato: At vero actus postulandi tendat ad gratiam & dispensationem impetrandam, contra iuris communis tenorem: nemo autem gratiam aut dispensationem petere cogitur, & reditus ad iuris communis formam favorabilis, & plerumque permissus est.

8 NOTANDUM V. Qui aliquem ad Prælaturam promouet, debet plenam notitiam habere, quod idoneus sit, cum alioquin graue detrimentum ecclesiæ inferri posset. Ita sumitur ex hoc c. §. Quia verò non plenā. Eapropter etiam Roman. Pontifex testimonia recipere solet de moribus & scientia, qui in Curia promouentur; præsertim ad episcopatus. Videri potest Bulla Gregor. XIV. Pontificis, cuius initium *Omni Apostolica*.

9 NOTANDUM VI. Decens & conueniens est, ut aliquis ex eiusdem ecclesiæ corpore ad Prælaturam assumatur, si idoneus adsit. Ita colligitur ex hoc c. ibi, *Nec vellemus proficere alienum*, ubi id notat Gl. & ex c. nullus inuitis, 13. d. 61. ex quo textu colligitur, esse veluti indicium, in ecclesiâ seu corpore Collegij idoneum non esse, si alienus seu extraneus promouetur. Veruntamen cum id principaliter in fauorem Capitularium cedat, ipsi huic iuri ac fauori renunciare possunt, & ex alia ecclesiâ personam idoneam eligere, aut postulare, & quidem laudabiliter, si id ecclesiæ suæ utile videatur. Quâ de re in c. cum nolis 19. & c. cum inter 21. de elect.

10 NOTANDUM VII. Decens est, ut aliquis à minore dignitate ad maiorem transferatur, seu promouetur, v. g. Episcopus ad ecclesiam metropolitanam. Ita sumitur ex hoc

c. iun. Gl. recepta ver. honestius, l. ut gradatim 11. ff. de munerib. & honoribus, & c. legimus 24. in fine, d. 93. Ob causam verò necessitatis, aut utilitatis, concedi potest transitus ad dignitatem parem, ut hic apparet, & colligitur ex c. ult. de translat. Episc.

NOTANDUM VLT. Si Archiepiscopus ad aliam ecclesiam Metropolitanam, auctoritate Papæ transferatur, aliud nouum pallium petere debet. Ita sumitur ex textu c. in fine, & notat ibi Gl. recepta ver. pallium, rationem dans, quia *pallium datur persona, sed contemplatione loci*. Ex quo sequitur, quod vterque tam translatus, quam successor in ecclesiâ metropol. ex qua transfertur, nouum pallium petere debet: Nam pallium, cum personæ datum sit, non transit ad successorem: Et cum personæ datum sit cum ordine ad ecclesias certæ provincie, aut diocesis, ideo Archiepiscopo ad aliam ecclesiam Metropolitanam translato vsui esse non potest, ut ex hoc c. constat. Inter ea rectè monent Innoc. in c. 2. ibid. Ioann. Andr. & Abb. n. 7. quod Archiepiscopus translatus pallium suum deferat; non ut eo utatur, sed ut cum eo sepeliatur. Quare colligit hinc Innoc. cit. loco, talem Archiepiscopum cum utroque pallio sepeliendum esse, ita tamen, ut posterius acceptum alteri suppositum sit: vel secundum quosdam (quod & conuenientius esse videtur) vno tantum induatur, quod posterius acceptit; alterum verò subijciatur corpori, aut capiti eius.

CAPITVLVM V.

Postulationem.

PARAPHRASIS.

Cum Capitulum Strigoniense, ut vidimus in præced. cap. Colocensem Archiepisc. vnanimiter postulasset, sed aliqui se apponerent, contemptum allegantes, scripsit Innoc. III. Licet per postulationem huiusmodi nullum ius sit alicui acquisitum, ideoque eam sine vilius præiudicio reiicere posset; tamen ex speciali gratia

ita visum sibi fuisse providere, ut utraq; pars Capitularium discordantium conspectui Apostolico per procuratores idoneos, ad omnia sufficienter instructos, se præsentet, eaque præsentem, quod iustum fuerit, Papa decernat.

SUMMARIUM.

1. *Per postulationem, etiam unanimiter factam, nec postulantis, nec postulato ullum sui aut propriè dicta actio acquiritur.*

NOTANDUM Vn. Per postulationem, nametsi unanimiter facta sit, nec postulantis nec postulato ullum ius, aut propriè dicta actio acquiritur: Ideòque postulatio absque cuiusquam iniuria seu præiudicio repellì potest. Ita sumitur ex textu c. Nam, uti apparet in princ. cap. præced. Capitulares unanimiter Archiepiscopum Colocensem postularunt, quibusdam alijs, quòd ad electionem vocandos se fuisse dicerent, contradicentibus: Quare si vera esset doctrina, quam Abb. hic tradit n. 2. Postulatione concorditer facta, aut saltem à duabus partibus Capituli, iniuriam irrogari postulantis, nisi postulationi admittatur, consequens foret, Papam exigente iustitià debuisse de controuersia ista cognoscere, cuius tamen contrarium dicitur in textu; quòd sine ullius præiudicio postulationem repellere posset, attamen ex gratia speciali velle se, ut partes veniant &c. Probatur autem consequens ex eo, quia licet Episcopus Quinque eccl. & alij, qui à Capitulo nõ erant, ius electionis sibi competere assererent, & ideo, quia non vocati, postulationi contradicerent, tamen Capitulares hanc eorum prætensionem negarunt, postulationemque suam unanimiter & legitime factam dicebant: Itaque si postulationi unanimiter facta sine iniuria reici non posset, exigere iustitiam potuissent à Pontifice, ut eam, præmissa causæ cognitione, admitteret.

Dicit aliquis: Cur ergo Pontifex ait, quòd de speciali gratia Capitularibus consulendum

duxerit. Respondeo, Pontificem in casu illo duas causas habuisse, cur postulationem non immeritò reijcere potuisset. Prima est: quia aliqui se opponebant, & contemptum suum allegabant: quæ de re prius cognosci debuit, & controuersia terminari (si illi in contradictione persistenter) atque interea Pastoris prouiso Metropolitanæ eccl. differri: Altera, quia Pontifex non faciliè annuit postulationi eiusmodi, ut Archiepiscopus suâ eccl. relicta ad aliam metropolitanam eccl. transiret: quia honestius est, ut transitus fiat ad maiorem dignitatem, quàm ad æqualem, uti dixit idem Innoc. in c. præced. in fine, & iterum in q. ult. de translat. Episcopi.

CAPITVLVM VLT.

Etsi unanimiter.

PARAPHRASIS.

Canonici Calaritani in Archiepiscopum eccl. suæ unanimiter elegerant Episcopum Sutrinensem. Eam verò electionem, tanquam contra sacros canones attentatam, Honorius III. irritauit, seu potius irritam esse declarauit: propterea quòd Episcopus eligi non possit, sed postulari: quippe eum eccl. suæ alligatus, non prius episcopatum alium acceptare possit, quàm per Apostolicæ Sedis auctoritatem à priore episcopatu liberatus sit.

SUMMARIUM.

1. *Episcopus ad alium Episcopatum vel Archiepiscopatum postulari potest, sed non eligi.*
2. *Quod tamen intelligendum de Episcopo confirmato. Electus enim ante confirmationem electionis renunciare potest, & consequenter ad aliam ecclesiam eligi.*

NOTANDUM I. Episcopus ad alium Episcopatum aut archiepiscopatum postulari quidem potest, sed non eligi: Quare si po-

si postulandus eligatur, irrita censeri debet electio. Ita hic: Idemque colligitur ex c. vn. hoc tit. in 6. ubi vniuersum sermo est de nō eligendo eo, qui postulari debet.

Corollarium. Si Canonici aliquem, qui de iure inhabilis est, seu dispensatione indiget, ad episcopatum, aliamue Prælaturam promoueri cupiant, nō debent in suffragiis, aut in libello Pontifici transmissio dicere; *Eligimus, aut elegimus, sed postulamus.*

NOTANDUM II. Episcopus veluti spiritali matrimonio copulatus est ecclesiæ suæ, prout etiam habetur in c. sicut vir 4. l. causa 7. q. 1. & c. 2. de transl. episcopi. In cuius signum annulum gerit, qui vinculum coniugij significare solet, vti colligitur ex cap. vlt. iun. Gl. ver. annulos, de vita & honest. cleric. Quamobrem sicuti qui matrimonio carnali copulatus est, alteri puellæ spondere non potest, ita nec Episcopus ad aliam ecclesiam transire: consequenter, tanquam inhabilis, eligi non potest, postulari tamen, vt per legitimam Roman. Pontificis auctoritatem à vinculo ecclesiæ suæ liberetur, translatiōque concedatur.

Verum secundum huius temporis consuetudinem, vnā cum postulatione, alia dispensatio impetrari interdum solet, vt videl. plures Cathedralis ecclesias habere liceat, & in digniore seu ampliore residere.

2. Sermo autem est de Episcopo confirmato: At verò electus, tamen electionem acceptare, idēque veluti inchoatum matrimonium spirituale inter ipsum sit & ecclesiam, iuxta c. cū inter 21. de elect. & tradit Gl. in cap. vn. ver. vera electio hoc tit. in 6. atamen electioni suæ, priusquam Roman. Pontificis confirmatio accessit, renuciare, & consequenter ad aliam ecclesiam eligi potest, iuxta cap. si electio 26. de elect. in 6.

Simili ratione qui episcopatus legitimè renunciauit, eligi potest, cū vinculum prius ecclesiæ solum sit. vñ Abb. hñc notauit num. 7. & tradunt DD. in c. post translationem 11. de renuñs.

CAPITVLVM Vn. cod. Tit. in 6.

Perpetuū.

PARAPHRASIS.

Bonifacius VIII. prohibet, ne eligentes aut postulantes Prælatus, talibus verborum formis, quas pernicioſa curiositas adinuenit, vtantur: *Eligo postulando*, vel *Postulo eligendo*: Item, *Eligo postulandum*, *Postulo eligendum*. Cū enim electio & postulatio disparata, & quodammodo aduersantia sint, sequitur, nec veram electionem ijs verbis significari. Sed & hæc verborum forma rejicitur, *Eligo in postulandum*, aut, *Postulo in eligendum*, cū rem imperfectam significant. Quod si vna ex talibus formis, electio vel postulatio facta fuerit, ipso iure irrita erit. Idemque constitutum esse vult de hac forma: *Eligo & postulo, prout melius de iure valere potest*, quia incertitudinem continet. Excipitur tamen si probabile dubium existat, num quispiam eligendus sit, necne: tum enim dicta forma vti poterunt Electores; ita tamen, vt qui electus vel postularus est, viam electionis vel postulationis (ne in incerto vagetur) tempore consensus (quem intra mensem post factam sibi præsentationem præbere debet c. quā sit 6. de elect. in 6.) determinare teneatur, eāque determinatā, ad alteram viam prosequendam conferre se non possit.

SUMMARYM.

1. *Electio & postulatio quodammodo sibi opponuntur, in quo?*
2. *Lex irritans aliquem actum, non trahitur ad præterita, si irritatio promissus per legem introducatur.*
3. *Si existente dubio probabile, num aliquis eligendus, an postulandus sit. Electores eligant & postulent, prout melius de iure valere potest, electus determinare debet, num viam electionis, an postu-*

postulationis profequi velis, & facta electione, consilium mutare non potest.

4. *Non vitiatur presentatio, si parvulus dicatur, Eligo Titium clericum presentandum.*

5. *Tutius est, ut forma servetur, & alia requirita ad electionem canonicam, serventur etiam in postulatione; necessarium tamen esse non videtur.*

NOTANDUM I. Electio & postulatio inter se adversantia, & quodammodo opposita sunt. Ita hic, & in c. vlt. eod. tit. in antiquis, iun. Gl. fin. ubi habetur, quod eligendus postulari non debet; nec postulandus eligi. Consistit autem oppositio potissimum in eo, quod eligentes proferunt nullum defectum esse in electo; & ideo perelectionem, accedente consensu eius, ius ipsi tribuendum. At vero postulantes proferunt defectum in postulato; atque ideo non posse eum consensum absolutum, siue non relatum in Superioris dispensationem, præbere, e. innotuit 20. hoc tit. & videri potest Abb. in oit. c. vlt. n. 11. Qua simili ratione, qui impediti sunt matrimonium contrahere v. g. consanguinei in tertio gradu, licet sponsalia absolute contrahere non possint, tamen sub conditione Papalis dispensationis, consentire, & spondere non prohibentur, prout docui lib. 5. mor. Th. tract. 10. p. 2. c. 7. n. 4.

2. NOTANDUM II. Lex irritans aliquem actum non trahitur ad præterita: si irritatio primitus per legem introducatur. Hæc doctrina constat ex c. vlt. de Constit. & videri potest Suarez lib. 3. delegibus, c. 14. n. 11. ubi admonet, rarum esse, ut lex de novo irritans actus, extendatur etiam ad præteritos, qui validi fuerant: Quare nec id præsumendum, nisi in lege satis expressum sit: dummodo actus per humanam potestatem rescindi possint.

Sumitur autem eadem doctrina ex isto cap. Tamen enim canon iste Bonifacii VIII. sit aliquo modo declaratorius iuris antiqui, prout hic DD. communiter tradunt, cum Gl. ver. de cætero, Nauarr. in c. si quando, except. 21. n. 5. de rescript. quatenus videl. declaratur, eas eligendi & postulandi formas,

animis convenientes, atque perniciose curiositate inuentas fuisse, quia tamen antea non extabat lex ecclesiastica, per quam eæ formulæ clarè reprobarentur; atque ideo iuxta multorum Doctorum opinionem, & præxin, in ecclesiis olim vigeant, prout colligitur ex c. post translationem 11. de renunc. Glossa fin. in c. vlt. hoc tit. in antiquis. Ideo nequaquam existimandum, electiones ac postulationes iuxta aliquam harum formarum factas, irritas fuisse: Et potest hic regula tradita cum Gl. ver. de cætero, quam plerique sequuntur, nominatim Francus n. 4. Suarez in cit. c. 14. n. 5. Si actus sit irritus non ex natura rei, sed considerata lege positiva, quæ tamen clara non est; & idcirco communi opinione, aut praxi, pro valido habeatur actus, tum propter probabilem ignoracionem, ipso iure succutri, & sustineri actum, propter multas, quæ alioquin sequi possent, difficultates.

Quærit hic Anton. de Butrio: Cùm in aliis causis cumlatio eorum, quæ oppositionem aliquam habent, admittatur cum clausula, *prout melius de iure valere potest; Ex caus. in ultimis voluntatibus; Si dispositio non valet iure testamenti, valeat iure codicilli*, l. 1. ff. de iure codicill. Et in eodem libello nullitas, & restitutio in integrum sub alternatione peti potest, iuxta c. constitutus 8. de in integrum restit. Similitè etque sententiæ nullitas, aut iniustitia, prout colligitur ex l. si expressim 19. ff. de appellat. Cur Pontifex in casu electionis & postulationis, dictam cumulationem rececit? Arbitror respondendum; Ex rei natura non posse certam rationem assignari, sed probabilem, & congruentem rationem, cur Bonifacius VIII. ita declarare, & decernere voluerit: Propterea quodd potestas eligendi, & potestas postulandi sint iura quædam, siue beneficia provenientia ab Ecclesia, & ideo summo eius Pastori Romano Pontifici plenariè subiecta, qui proinde formam, modumque eligendi, ac postulandi liberè prescribere potest, ita ut nisi forma ea observetur, esto de mente eligentium aut postulantium satis constet, actus corrumpi debeat.

vbi id annotauit Ioan. Andr. num. 35. Imola n. 4. Quomodo in quibusdam ecclesiis, etiam Cathedralibus, dignitas, v. g. Decanatus, aut Præpositura, electiua est, & confirmatio ad Episcopum spectat.

2. III. Secundum strictam & propriam significationem, definiri solet electio, *Persona idonea ad ecclesiam vacantem pastoralem dignitatem canonica vocatio*, apud Goffr. & Hostiens. tit. de elect. Atq; hæc pastoralis dignitas alio nomine *prælatura* vocatur, in qua aliquis instituitur, vt sit Caput Collegij ecclesiastici, ac veluti sponsus ecclesiæ seu secularis, seu regularis.

3. Electio ita accepta à præsentatione variis modis distinguitur: Primò, ius præsentandi, seu ius patronatus, quod idem spirituale est, ex gratuita Ecclesiæ concessione, ad laicos etiam pertinet, qui patroni sunt, id est, fundatores, constructores, aut donatores ecclesiarum, aut beneficiorum, cap. piam mentis 26. causa 16. quest. 7. & in Trident. Sess. 14. cap. 12. de reßorm. At verò ius eligendi laicis Ecclesiæ concedere non solet, prout infra dicitur, hoc tit. Secundò, per electionem publicatam acquiritur ius electo, saltem remotè: quia eius consensus requirendus est; quem si præstiterit, verè ius aliquod habet, ita vt confirmationem, si idoneus sit, postulare possit. Non ita euenit in præsentatione: Nam si patronus laicus aliquem collatori ordinario præsentauit, non prohibetur alterum quoque præsentare, cap. eum autem 24. de iure patr. Eritque in arbitrio collatoris, quem eorum instituere malit: Tamen verò in ecclesiastico patronatu talis optio collatori seu institutori non datur; sed qui primò præsentatur, institui debeat, cit. cap. eum autem, tamen adhuc differentia est inter præsentationem hanc & electionem: Nam si Capitulum v. g. ius præsentandi habeat, & capitulariter consentiat in præsentationem Titij, re integra, seu præsentatione nondum facta Superiori, siue Collatori, resiliro poterit, & alium præsentare: At verò electionis scrutinium, posteaquam in Capitulo pu-

blicatum fuit, reuocari amplius non potest, cap. publicato 58. hoc tit. Tertiò, Electio intimanda est electo, priusquam ea ad Superiorem deferatur, vt vidi apparet, num. consentire velit, necnò, cap. quasi sit 6. hoc titulo in 6. Ad præsentationem autem, quippe quæ per se ac directè ad collatorem seu institutorem dirigitur, nihil interest, vtrum præsentatus antè consenserit, necne: eum per consensum ipsius, saltem præsentatione Collatori nondum facta, nullum eius acquisitionem fuisse, prout paulò antè dictum in 2. discrimine.

A libera beneficij collatione, seu prouisione distinguitur electio, quòd per hanc non acquiritur ius in re & quasi dominium beneficij; sed tantum ius ad rem, posteaquam electio acceptata est ab electo, prout ex communione Anton. de Butrio cap. in nostra, num. 25. 26. de rescript. At verò per collationem, seu prouisionem acquiritur quasi dominium, & ius reale in beneficio, v. g. episcopatu, si à Pontifice propter reservationem iuxta Extrauag. ad Regimen, de præbend. aut propter deuolutionem iuxta cap. quamquam 18. hoc tit. in 6. alicui liberè collatus fuerit: Et si fortè possessio nondum acquisita, prout constat ex c. si tibi absenti, 17. de præb. in 6.

Hinc existit I. Si electus ante confirmationem moriatur, quòd Prælatura vacare censetur per mortem non huius electi, sed prioris Prælati, prout ex homini tradit Ioann. Selua de benef. p. 3. q. 1. n. 6. Sin autem prouisus in beneficio, ante possessionis acquisitionem, è viuis excedat, beneficium vacare censetur per mortem eius; quandoquidem beneficium, quo tempore ipsi collatum, ab eoque acceptatum fuit, de iure vacare desierat, consequenter per mortem eius de nouo vacat, prout tradit Gl. recepta Clement. 1. ver. collato, Vt dicit pendente &c. Selua cit. q. 1. n. 13.

Existit II. Quòd electus ante acceptam confirmationem in beneficio, aut Prælatura, liberè, seu non requisito Superioris consensu, renunciare possit, argum. ead audientiam

yr. de reſcript. & tradit Gl. communiter recepta in c. ſi electio 26. hoc tit. in 6. Gl. in c. 2. ver. renuntiavit, de in integr. reſtit. ſelua eit. q. 3. n. 7. Sin autem beneficiarius, præſertim eccleſiæ Prælatus, ius habeat in beneficio per confirmationem, aut quacumque institutionem, renunciare valide non poteſt, niſi in manu Superioris, aut ordinarij collatoris, iuxta q. admonet 4. de. renunc. & c. non oportet 19. c. ſi qui verò 23. cauſa 17. q. 1.

Exiſtit III. Quòd electus, ante acceptã confirmationem; beneficium aut prælaturã adminiſtrare non poſſit, iuxta c. qualiter 17. hoc tit. c. avaritiæ 5. eod. in 6. Poſt confirmationem autem, aliãque collationem, ſeu verbalẽ institutionem, non tantũ adminiſtrare beneficium poteſt beneficiarius, ſed etiam eius poſſeſſionem propriã auctoritate, dummodò de facto vacet, capere poſſit conſuetudo eccleſiæ vigeat, vt per perſonas ad id deputatas in poſſeſſionem introducat, ſive inſtalletur, vt dicetur in c. ad hæc 7. de offi. Archidiaconi.

Denique 2. nominatione differt electio; quòd per hanc, poſtquam acceptata eſt, acquiritur ius electo, vt ſuprà dixi, & conſtat ex c. eũd. inter 21. hoc tit. Non ita verò per nominationem, iuxta c. quod ſicut 28. hoc tit. Eſt autem nominatio duplex: Vna, quæ ſit ante electionis ſcrutinium, ſi vnus, vel plures in Capitulo proponantur, tanquam viri boni, & idonei ad Prælaturam. Quã tamen nominatione non obſtante, Capitulares alium eligere poſſunt, cit. c. quod ſicut 24. hoc tit. Altera nominatio præſentationi ſimilis eſt, ſi duo vel tres Superiori ſeu collatori proponantur, ex quibus vnum eligere aut admittere debeat. Cujuſmodi nominandi conſuetudo in cit. c. quod ſicut, reprobat, ſi fiat orga laicum; quippe qui iuris electionis incapax eſt. Quod intelligi iure proprio. Verũ ex Summi Pontificis commiſſione & priuilegio ſpeciali, nihil obſtat tale ius Principi laico competere. Sic enim v. g. in regno Granatenſi duo Regi nominantur, quorum vnum ipſe eligit, & admittit ad Prælaturam, teſte Couarr. in 4. decret. p. 2. cap. 3. §. 5. n. 9. In Gallia autẽ

Rex, ex Apoſtolicæ Sedis conceſſione ipſe habet viros idoneos nominandi ad eccleſias Cathedrales, & pleraſque Prælaturas, per concordatã inter Leonem I. & Franciſcum I. apud Tamburin. tom. 1. q. 7.

CAPITVLVM. II.

Nullus.

PARAPHRASIS.

In eccleſia, ſeu Congregatione eccleſiaſtica Prælatus per congregatorum ſeu Capitularium electionem præfici debet. Sin verò aliter quis eccleſiam aſſecutus ſit, tanquam qui per cupiditatem, & contra canonica regulæ diſciplinam ingreſſus; remouendus eſt.

SUMMARIVM.

1. Ad cuiuscunque Congregationis eccleſiaſtica & ſecularis conſtitutionem requiruntur minimum tres perſona,
2. Vna ex his ſi moriatur, aut inde abeat, manet adhuc Collegium, ſed quodammodo imperfectum. Vno ſolo remanente, non manet Collegium actũ: iura tamen collegialia in ipſo ſolo perſiſtunt, donec alij acceſſerint.
3. Non poteſt quidem hic vnus ſeipſum eligere in Prælatum; poteſt tamen nominare aliam idoneam perſonam in Prælatum. Conſultius tamen faciet, ſi in alios compromittat, vel etiam in vnum v. g. Episcopum, cui Collegium ſubiectum eſt.
4. Ad populum conſtituendum requiruntur perſona minimum decem; iura tamen populi, ſeu eius Vniuerſitatis etiam in vno conſeruantur.
5. Si omnes de Collegio ſeu Vniuerſitate mortui ſint, aut eligendi & ſimilia iura ac priuilegia corporalia extinguuntur, non item realia, qua per ſe deſectũ loco ſine rei competunt, hæc enim conſeruantur etiam in ſolo ſi adificium dirutum ſit.

ff. 3. 6. Ad

3 NOTANDUM III. Si existente dubio probabili, num aliquis eligendus an postulatus sit, Electores eligant & postulent, prout melius de iure valere potest, electus determinare debet, num viam electionis, an postulationis prosequi velit: & facta electione, consilium mutare non potest. Ita hic Bonifac. VIII. Ratio dari debet, quia in eisce modi negotii expedit, & congruum est, vt consensus siue acceptatio feratur in rem certam, & non dubitatam. Simile quiddam habetur in c. vt quis duas 25. de elect. in 6. & in l. eum qui, §. i. ff. de acquir. vel omitt. hæred. vbi dicitur interprete Bartolo, non posse aliquem adire hæreditatem, si de viribus testamenti dubitet. Et bene admonet Francus hic n. 2. non raro accidere, vt, tametsi institutio actus in origine admittatur cum incertitudine, certificari tamen debeat in sui perfectione, & executione.

Pro confirmanda doctrina huius not. adduci potest reg. iuris 21. in 6. *Quod semel placuit, amplius displicere non potest.* Quæ tamen regula, vt ibid. Gl. Dynus, & alij tradunt, minimè vniuersalis est, sed in quibusdam locum habet, in quibusdam non habet, sicuti & ista regula: *Ex duobus incompatibilibus vnum eligens variare deinde potest.* Et multum ea res pendet ex iurium constitutione, cuius tamen plerumque ratio congruentiæ reddi potest. Exempli causa, qui ad Prælaturam electus semel consensum dedit, ante impetratam confirmationem resiliire potest, & dissentire, prout colligitur ex c. 2. de translat. episc. in fine, iun. Gl. ver. perdurante, & tradit Gl. in cit. reg. 21. in 6. Quia per consensum nulli alterius acquiritum fuit, ideòque dissensus in nullius præiudicium, sed nec in damnum ecclesiæ cedere videtur. Item in contractibus, si promissus, aut venditus tibi sit equus v. g. quem ex tribus elegeris, & si vnum elegisti, potes tamen recedere ab optione, & alium præferre: si traditione nondum facta, res adhuc integra sit, nullumque aliud damnum promissori, aut venditori eueniat, iuxta l. eum qui 138. §. cum purè, ff. de verb. oblig. Contrà verò, qui aduersario, eoram Iudice suo, promissit, se in

iudicio cum ipso litigaturum, recedere non potest absque contumacia, cap. 1. de iudiciis; quia aduersario ius aliquod acquiritum censetur; ideòque locus est regulæ iuris ff. 76. *Nemo potest mutare consilium suum in alterius iniuriam.* Similiter in hæreditatis additione, vel repudiatione: posteaquam enim hæres institutus voluntatem suam adeundi, vel repudiandi declarauit, mutare deinde non potest: cum mutatio fieri non possit sine aliorum præiudicio: Nisi quòd ætate minoribus per restitutionem in integrum succurratur, l. si maior 4. C. de repud. hæreditate. Idem quoque in legatis accidit, prout habetur in l. 5. ff. de legatis 1. *Serui electione legata, semel duntaxat optare possumus.* Et la. apud Ausidium 20. ff. optione & elect. legata, vbi & ratio adiungitur: *Quia si legatarius rem vnam ex ijs, quarum optio ipsi facta, eligat, mox eius dominus efficitur; ideòque electio executionem secum trahit.*

Restant circa materiam huius c. & vniuersim de postulatione, pauculæ quæstiones: PRIMA. Num vitietur præsentatio, si patronus dicat, *Eligo Titium clericum in præsentandum.* Respondetur negatiuè, cum Ioann. Andr. hic col. 1. Anton. n. 7. Franco n. 1. & alijs. Cum enim præsentatio diuersa sit ab electione & postulatione, neque eisdem iuris regulis definiatur, ideo quæ hic de electione, & postulatione dicta sunt, ad præsentationem transferri non possunt, argum. c. vlt. iun. Gl. ver. ex vi iuris patronatus, de iure patron. Si itaque constet de voluntate patroni præsentare volentis, ea verborum forma sufficiens censeri debet.

ALTERA. Quod in hoc c. dicitur de dubio probabili, num accipi duntaxat debeat de dubio facti, an verò etiam de iuris dubio? Priorem partem quæstionis tenet Gl. hic ver. probabiliter. Sed contrarium putò esse dicendum, cum Franco hic n. 6. Cum enim cano iste indistinctè loquatur, nisi quando probabiliter dubitatur, utrum quis sit eligendus, vel possit postulatus, nostrum non est restringere ad dubium facti; cum nulla sit restringendi necessitas: quandoquidem etiam probabile dubium super iuris intellectu excusatur, existen-

existentibus diuersis doctorum virorum opinionibus, ait Francus cit. loco; ex c. vt debitus 59. de appellat. Idque in eundem finem allegat Ioan. Andr. in fine huius c.

5. **TERTIA.** Num in postulatione necessarii obseruanda sit forma cap. quia propter 42. de elect. vt videl. præmittatur scrutinium, & alia requisita ad electionem canonicam, An verò sufficiat concordia postulantium, & publicatio postulati, saltem coram populo? Priorem questionis partem tenet Abb. in cit. c. quia propter, n. 9. q. 2. post Innoc. in c. in causis n. 1. de elect. Ratio dari potest: Quia electio & postulatio in iure æquiparantur, prout docui supra in cap. t. hoc tit. not. 6. Posteriores verò partem amplexus est Cardia. Hostiens. in summa huius tit. 5. Verum quod in postulatione, Fracus hien. 3. Syl. ver. postulatio, quæst. 2. cum quibus dicendum: Licet tutius sit, propter prioris sententiæ probabilitatem, vt forma scrutiniij, &c. obseruetur, tamen necessarium id non videri: Quod eo etiam argumento colligit Syluester, quia si in postulatione non minus, quam

in electione, opus esset formare decretum, & alia agere, tunc postulationes resillire non possent à postulatione, antequam ea Superiori præsentata est, sicuti nec eligentes ab electione: Id tamen falsum esse, dixi in c. bonæ 4. hoc tit. not. 4. Ad rationem pro priore sententia allatam responderi debet: Electionem & postulationem non censi æquiparatas in ijs, quæ ad essentiale earum discrimen pertinent, vel inde oriuntur: Tale autem hic cernere licet: siquidem per electionem legitime factum ius electo, post eius consensum, acquisitum est: ita vt Superior ipsi confirmationem impartiri teneatur: Non item per postulationem, prout ex communi docui in c. 3. & c. vlt. hoc tit. in antiq. Ex quo sequi videtur, quod, cum electio maioris efficacie sit, seu maioris potestatis actus, maior etiam ad eam solemnitatis forma requiratur: quemadmodum & ad testamentum, tanquam perfectius quid, maior solemnitas in iure requiritur, quam ad codicillum, aliamque vltimam voluntatem.

TITVLVS VI. DE ELECTIONE, ET ELECTI POTESTATE.

SVMMARIVM.

1. *Electio tribus modis accipitur.*
2. *Proprie accepta est persona idonea ad ecclesiam vacantis pastorem dignitatem canonicam vocatio.*
3. *Electio ita accepta in quo differat à præsentatione.*
4. *In quo à collatione siue provisione libera beneficij.*
5. *In quo à nominatione.*



Post Prælatorum postulationem agitur hic de altero, eoque ordinario modo assumendi personas idoneas ad ecclesiasticam Præ-

laturam, videl. de electione. Electio cano-

nica, siue ecclesiastica tribus modis accipi solet: I. Latissimè, pro quacunque vocatione aut institutione clerici ad ecclesiasticum beneficium: quomodo legimus in c. cum ecclesia 51. hoc tit. collationem canonicatus electionem appellari, cum potius creatio canonici vocanda sit. Sed & pro præsentatione clerici ad beneficium nomen electionis vsurpatum reperitur in c. querelam 24. hoc tit. & c. nosse 12. & seqq. d. 63. quibus in locis ius eligendi, id est, nominandi, postulandi, aut præsentandi populo tribuitur.

II. Lata acceptione beneficium electuum appellatur omne illud, ad quod alicui ius tribuitur per suffragia, & subsequentem alterius confirmationem, iuxta c. dudum 22. hoc tit.

vbi id annotavit Ioan. Andr. num. 35. Imola n. 4. Quomodo in quibusdam ecclesiis, etiam Cathedralibus, dignitas, v.g. Decanatus, aut Præpositura, electio est, & confirmatio ad Episcopum spectat.

III. Secundum strictam & propriam significationem, definiri solet electio, *Persona idonea ad ecclesiam vacantem pastoralem dignitatem canonica vocatio*, apud Goffr. & Hostiens. tit. de elect. Atq. hæc pastoralis dignitas alio nomine *prælatura* vocatur, in qua aliquis instituitur, ut sit Caput Collegij ecclesiastici, ac veluti sponsus ecclesiæ seu secularis, seu regularis.

Electio ita accepta à præsentatione variis modis distinguitur: Primò, ius præsentandi, seu ius patronatus, quod item spirituale est, est gratuita Ecclesiæ concessione, ad hæc etiam pertinet, qui patroni sunt, id est, fundatores, constructores, aut dotatores ecclesiarum, aut beneficiorum, cap. piam mentis 26. causa 16. quest. 7. & in Trident. Sess. 14. cap. 12. de reform. At verò ius eligendi laicis Ecclesia concedere non solet, prout infra dicitur, hoc tit. Secundò, per electionem publicatam acquiritur ius electo, saltem remotè: quia eius consensus requirendus est: quem si præstiterit, verè ius aliquod habet, ita ut confirmationem, si idoneus illi, postulare possit. Non ita evenit in præsentatione: Nam si patronus laicus aliquem collatori ordinario præsentavit, non prohibetur alterum quoque præsentare, cap. cum autem 24. de iure patr. Eritque in arbitrio collatoris, quem eorum instituere malit. Tamen verò in ecclesiastico patronatu talis optio collatori seu institutori non datur: sed qui primò præsentatur, institui debeat, cit. cap. cum autem, tamen adhuc differentia est inter præsentationem hanc & electionem: Nam si Capitulum v. g. ius præsentandi habeat, & capitulariter consentiat in præsentationem Titij, re integra, seu præsentatione nondum facta Superiori, siue Collatori, resiliro poterit, & alium præsentare: At verò electionis scrutinium, posteaquam in Capitulo pu-

blicatum fuit, reuocari amplius non potest, cap. publicato 58. hoc tit. Tertiò, Electio intimanda est electo, priusquam ea ad Superiorem deferatur, ut videri appareat, num consentire velit, necnò, cap. quam sit 6. hoc titulo in 6. Ad præsentationem autem, quippe quæ per se ac directè ad collatorem seu institutorem dirigitur, nihil interest, utrum præsentatus antè consenserit, necne: eum per consensum ipsius, saltem præsentatione Collatori nondum facta, nullum eius acquisitum fuerit, prout paulò antè dictum in 2. discrimine.

A libera beneficij collatione, seu prouisione distinguitur electio, quod per hanc non acquiritur ius in re & quasi dominium beneficij: sed tantum ius ad rem, posteaquam electio acceptata est ab electo, prout ex comituni notauit Anton. de Butrio cap. in nostra, num. 25. 26. de rescript. At verò per collationem, seu prouisionem acquiritur quasi dominium, & ius reale in beneficijs, v. g. episcopatu, si à Pontifice propter reservationem iuxta Extrauis. ad Regimen, de præbend. aut propter deuolutionem iuxta cap. quamquam 18. hoc tit. in 6. alicui liberè collatus fuerit. Et si fortè possessio nondum acquisita, prout constat ex c. si tibi absenti, 17. de præb. in 6.

Hinc existit I. Si electus ante confirmationem moriatur, quod Prælatura vacare censetur per mortem non huius electi, sed prioris Prælati, prout ex communi tradit Ioann. Selua de benef. p. 3. q. 1. n. 6. Sin autem prouisus in beneficio, ante possessionis acquisitionem, è viuis excedat, beneficium vacare cenëbitur per mortem eius; quandoquidem beneficium, quo tempore ipsi collatum, ab eoque acceptatum fuit, de iure vacare desierat, consequenter per mortem eius de nouo vacat, prout tradit Gl. recepta Clement. 1. ver. collato, Ut lite pendente &c. Selua cit. q. 1. n. 13.

Existit II. Quod electus ante acceptam confirmationem in beneficio, aut Prælatura, liberè, seu non requisito Superioris consensu, renunciare possit, argum. e. ad audientiam

fr. de script. & tradit Gl. communiter recepta in c. si electio 26. hoc tit. in 6. Gl. in c. 2. ver. renuntiavit, de in integr. restit. delua cit. q. 1. n. 7. Sin autem beneficiarius, præferim' ecclesie Prælatus, ius habeat in beneficio per confirmationem, aut quamcunque institutionem, renunciare validè non potest, nisi in manu Superioris, aut ordinarij collatoris, iuxta q. admonet 4. de. renunc. & c. non oportet 19. c. si qui verò 23. causa 17. q. 1.

Existit III. Quòd electus, ante acceptã confirmationem, beneficium aut prælaturã administrare non possit, iuxta c. qualiter 17. hoc tit. c. avaritiz 5. eod. in 6. Post confirmationem autem, aliamue collationem, seu verbalem institutionem, non tantum administrare beneficium potest beneficiarius, sed etiam eius possessionem propriã auctoritate, dummodò de facto vacet, capere, nisi consuetudo ecclesie vigeat, vt per personas ad id deputatas in possessionem introducat, siue installetur, vt dicetur in c. ad hæc 7. de offic. Archidiaconi.

Denique à nominatione differt electio; quòd per hanc, postquam acceptata est, acquiritur ius electo, vt supra dixi, & constat ex c. cum inter 21. hoc tit. Non ita verò per nominationem, iuxta c. quod sicut 28. hoc tit. Est autem nominatio duplex: Vna, quæ fit ante electionis scrutinium, si vnus, vel plures in Capitulo proponantur, tanquam viri boni, & idonei ad Prælaturam. Quà tamen nominatione non obstante, Capitulares alium eligere possunt, cit. c. quod sicut 24. hoc tit. Altera nominatio præsentationi similis est, si duo vel tres Superiori seu collatori proponantur, ex quibus vnum eligere aut admittere debeat. Cuiusmodi nominationis consuetudo in cit. c. quod sicut, reprobat, si fiat erga laicum; quippe qui iuris electionis incapax est. Quod intelligi iure proprio. Verum ex Summi Pontificis commissione & priuilegio speciali, nihil obstat tale ius Principi laico competere. Sic enim v. g. in regno Granatensi duo Regi nominantur, quorum vnum ipse eligit, & admittit ad Prælaturam, teste Couarr. in 4. decret. p. 2. cap. 3. §. 5. n. 9. In Gallia autem

Rex, ex Apostolicæ Sedis concessione ius habet viros idoneos nominandi ad ecclesias Cathedrales, & pleraque Prælaturas, per concordata inter Leonem I. & Franciscum I. apud Tamburin. tom. 1. q. 7.

CAPITVLVM K

Nullus.

PARAPHRASIS.

In ecclesia, seu Congregatione ecclesiastica Prælatus per congregatorum seu Capitularium electionem præfici debet. Sin verò aliter quæ ecclesiam afflatus sit, tanquam qui per cupiditatem, & contrarianonice regulæ disciplinam ingressus, remouendus est.

SUMMARIVM.

1. Ad cuiuscunque Congregationis ecclesiastica & secularis constitutionem requiruntur minimum tres persone,
2. Vna ex his si moriatur, aut inde abeat, manet adhuc Collegium, sed quodammodo imperfectum. Vno solo remanente, non manet Collegium actiu: iura tamen collegialia in ipso solo persistunt, donec alij accesserint.
3. Non potest quidem hic vnus seipsum eligere in Prælatum, potest tamen nominare aliam idoneam personam in Prælatum. Consultus tamen faciet, si in alios compromittat, vel etiam in vnum v. g. Episcopum, cui Collegium subiectum est.
4. Ad populum constituendum requiruntur persona minimum decem; iura tamen populi, seu eius vniuersitatis etiam in vno conseruantur.
5. Si omnes à Collegio seu vniuersitate mortui sint, aut eligendi & similia iura ac priuilegia corporalia extinguuntur, non item realia, quæ per se durent loco sine rei competunt, hæc enim conseruantur etiam in solo si edificium destructum sit.

ff. 3. §. 1. ad

6. *Ad cuiusque sacri corporis seu Congregationis, videl. Monasterij, Collegij, aut Ecclesie Collegiata constitutionem requiritur, ut unum caput habeat.*
7. *Ecclesia particularis potest esse parseclesie magis universalis, & tunc illius ecclesia particularis possunt esse plures pastores, sed inuicem subordinati, ita ut unus alteri subiciatur.*
8. *Si quis non canonicè sit ad Prælaturam assumptus, eius electio est irrita, & censetur intrusus.*
9. *Per legitimam præscriptam consuetudinem obtineri potest, ut ius eligendi ad alios clericos pertineat, qui è Capitulo aut Corpore ecclesie non sunt.*
10. *Possunt Electores ius suum eligendi pro una vice in alium v. g. Episcopum suum conferre, abdicare autem illud vniuersum & absolute Capitulares non possunt.*
11. *Possunt idem quemlibet Clericum extraneum nulla censurâ irretitum & c. ex communi consensu secum ad eligendum admittere, saltem pro una vice.*
12. *In fundatione ecclesie statui potest cum consensu Episcopi, & acceptatione, ut electio aut nominatio Prælati pertineat ad alterius ecclesie Prælaturam, aut Conuentum, vel ad ipsum patrum ecclesiasticum.*
13. *Olim consuetudo erat, ut ad plebem nominatio seu postulatio Episcopi, ad Clerum verò electio spectaret, qua tamen postea propter multum abusum est sublata.*
14. *Laicus non potest ex pacto, fundatione, aut quâvis concessione ius eligendi competere, excipitur tantum auctoritas Sedis Apostolicæ.*
15. *Et hoc ius eligendi, multoque magis ius beneficia (etiam manualia) conferendi, neque per immemoriam consuetudinem præstari potest à laicis.*
16. *Qui ab ipsi beneficia accipiunt, excommunicationis subiacent, & insuper electio, collatio, & institutio irrita est.*
17. *Idem est de iure destituendi, tam enim*

destitutio, quàm institutio ecclesiasticis iuris & potestatis est, qua in laicum non cadit.

18. *Causa, cur Ecclesia ius præsentandi laicis concesserit, non autem eligendi est, quia ius electionis magis spirituale est, quàm præsentationis.*

NOTANDUM I. Interdum clerici deserviunt ecclesie alicui duntaxat ut personæ, seu beneficiarij singulares, diuersis officijs, aut ministerijs destinati, quamuis vni alicui v. g. Parocho subiecti sint. Et hi non efficiunt vnum corpus, collegium, siue congregationem, quare nec commune sigillum habere possunt, c. dilecta 14. de excess. Prælatorum: Neque vnum commune Procuratorem, siue Syndicum constituere, l. 1. §. 1. ff. Quod cuiusque vniuersitatis & c. & tradit Gl. recepta in cit. c. dilecta, ver. nec vnum corpus. Interdum verò clerici sunt in ecclesia ut fratres, seu collegium, congregationem, vnum corpus ecclesiasticum constituentes: quæ dici solet ecclesia collegiata, cuius Caput est Prælati, qui à Congregatione seu Collegio eligi debet, ut hic dicitur, & in c. ult. causa 16. q. 7. & c. Abbatem cui libet 3. & c. Abbatem in Monasterio 4. causa 18. q. 2.

QUÆSTIO est: Quot personæ requirantur ad Collegium, seu Congregationem ecclesiasticam constituendam? Variè hac de re loquuntur DD. uti videre est in Gl. hic ver. duo, Baldo n. 3. Abb. n. 5. Respondeo autem & Dico I. Ut Collegium, seu Congregatio quæcunque constituatur, tres minimum personæ requiruntur. Ita habetur in l. Neratius 85. ff. de verb. signif. & tradit Gl. libid. Bartol. in l. Prætor, ff. de vi bonorum raptorum. Idemque tradit Vlpianus de familia domus in l. detestatio 40. ff. de verb. signif. quòd duo non faciunt familiam, sed minimum tres requiruntur. Ratio dari debet: Quia ad familiæ constitutionem requiritur, ut patremfamilias habeat, qui sit veluti Caput familiæ: si autem duæ tantum personæ sint, præter Caput nõ erit nisi vnicum membrum, quod absurdum videri

videri debet Eodem autem modo rationari licet de Collegio seu Congregatione ecclesiastica: siquidem, ut ex hoc c. colligitur, & infra iterum dicam, in ea Caput, seu Prælatus esse debet, & ita præter Caput, non erit nisi vnum membrum. Confirmatur: In Collegio seu Congregatione ecclesiastica, in qua ius Prælatus eligendi iuxta hoc c. residet, debet esse Capitulum, uti constat ex tit. Libri 3. decretal. De his quæ fiunt à Prælatis sine consensu Capituli: Vbi autem duæ personæ sunt, quarum vnus Prælatus, non potest esse Capitulum, seu Conuentus Capitularis: Cùm Capitulum personarum collectionem significat, atque, ut ex iam dicto tit. decret. constat, Prælatus à Capitulo distinctus est: Quare etiam Gl. ait in Clem. Vt ij qui, ver. in eisdem, de ætate & qualitat. *Prælatus & Capitulum diuersa sunt, & nomen Capituli non comprehenditur Prælatum.*

Et hæc quidem specialiter dicuntur de Collegijs sacris seu Ecclesiasticis, quæ, ut infra dicam, vnum corpus congregationis non efficiunt, nisi quatenus vnum Caput habent: Sin autem sermo sit de alijs politicis corporibus, congregationibus, seu collegijs, ad quorum statum non requiritur, ut vnum Rectorem seu Caput habeant, nihilominus sentiendum est, ad eiusmodi Collegij constitutionem duas personas non sufficere: Quia si Collegium sine Capite seu Rectore permanferum sit, debet habere in se aliquam vim seu potestatem coercitionis, saltem modicæ, argum. l. ult. Cod. de iurisd. omn. Iudicum. Id autem fieri non potest, si tantum duo in Collegio sint: quia puniens debet esse fortior eo, qui puniendus est: siue, ut alijs verbis dicatur, vnus facile resistet alteri, & puniri se non patietur: Imò, si alter etiam delinquat, vicissim vnus ab altero puniri debet: Itaque ad cuiusq; Congregationis constitutionem requiri videtur, ut tres minimum personæ sint.

2 Dico II. Si Collegium ex personis minimum tribus constitutum sit, & vnus moriatur, aut à Societate abeat, manet Collegiū, sed quodammodo imperfectum; Tametsi e-

nim Collegium in duobus inchoari, seu constitui non possit, tamen permanere potest, quia plus plerumque requiritur ad rei alicuius generationem seu primam constitutionem, quam ad eiusdem conservationem. Porro in hoc ipso casu vnus alterum Rectorem eligere non prohibetur, si is consentiat, prout docet Ioan. Andr. in reg. 80. in 6. Sin autem vnus solus remaneat, non erit Collegium actu: quippe cùm Collegium plurimum personarum collectionem significet: nihilominus iura omnia collegialia in ipso solo persistunt, donec alij accesserint, prout docet Glossa in supr. cit. l. Neratius, & habetur in l. scit. 7. §. In decurionibus, ff. Quod cuiusque Vniuersitatis nomine agatur, ibi, *Cum ius omnium in vnum reciderit, & extet nomen Vniuersitatis: id est, memoria, inquit ibi Gl. nec tamen res: quia vnus non est vniuersitas, nec vniuersi, aut vniuersus.* Ex quo sequitur, etsi is vnicus, alijs omnibus mortuis, eligere seipsum nequeat, quod tamen possit eligere se potius nominare aliam idoneam personam in Prælatum, cùm ius electionis in ipsum reciderit: Consultius verò agat, si in alios committat, vel etiam in vnum, v. g. Episcopum, cui Collegium subiectum est, iuxta c. causam 8. hoc tit.

Simili ratione ad populum constituendum, requiruntur personæ minimum decem, argum. c. vnio 3. causa 10. q. 3. iun. Gl. ver. mancipia, & l. Prætor 4. ff. de vi bonor. raptor. Quod si aliqui moriantur, ut pauciores decem sint, dummodo aliqui remaneant, nominabitur adhuc populus: Sin autem ad vnicum deueniatur, non erit quidem populus, aut plebs, iura tamen populi, seu vniuersitatis eius in ipso conseruabuntur, iuxta cit. l. scit. §. In decurionibus.

Dico III Si omnes à Collegio, seu Vniuersitate mortui sint, ius eligendi, & similia iura ac priuilegia corporalia seu collegialia extinguuntur. Quæ est receptissima DD. sententia, prout fuscè ostendi in Censura Astri inextincti p. 2. cens. 8. & antea docueram in quæst. canonicis de Prælat. ecclesiast. elect. q. 18. Loquor autem de iuribus,

quæ

quæ ipsi Corpori seu Congregationibus per se insunt, & corporalia, aliâs communiter *personalia* appellari solent; cuiusmodi etiam sunt tituli beneficiales, prout latè explicauit in cit. Censur. p. 2. cens. 5. & cens. 7. Secus autem dicendum de iuribus ac priuilegijs localibus, adeoque realibus, videl. quæ per se ac directè loco, siue rei competunt, videl. ciuitati, academix, monasterio, ecclesiæ, quatenus eæ voces pro materiali structura accipiuntur, prout explicauit in cit. cens. 7. in princ. Hæc enim iura, omnibus membris Vniuersitatis seu Collegij vitâ defunctis, vel abscedentibus, iurisque renunciandis, conseruantur, atque remanere censentur, etiam in solo, si ædificium dirutum sit, l. æde sacra 73. ff. de contrah. empt. c. hoc diximus 9. iun. Gl. ver. destructa causa 16. q. 7. tradit Abb. in c. 2. n. 12. de postul. Prælat. & dixi latius in suprâ cit. p. 2. cens. 6. fol. 71.

Contra doctrinam huius not. obijciatur, quod in hoc cap. significari videatur, duos Congregationem, aut Collegium efficere posse; *Nullum in ecclesia, vbi vel tres fuerint in Congregatione &c.* Ob hanc causam Gl. hic & Innocent. distinguunt inter Congregationem & Collegium; ad illam adiungunt sufficere duos; ad Collegium autem constituendum requiri tres. Quæ tamen distinctio nullum iuris, aut rationis fundamentum habet. Abbas verò n. 6. & multi alij Canonistæ putant, ipe iurato iure canonico, duos clericos sufficere ad collegiū ecclesiasticum, seu collegiatam ecclesiam constituendam; de iure autem civili tres personas necessarias esse. Sed non placet hæc distinctio: quia à iure civili recedendum non est, nisi à canonico immutatum reperiat, iuxta ea quæ dixi in c. 1. de constitut. Cum itaque iure civili, & quidem conuenienter rerum naturæ, vti suprâ ostendi, vniuersim decretum fuerit, ad Collegij constitutionem tres minimam personas requiri, idem secundum ius canonicum dicere conuenit: quandoquidè in eo nihil contrarium reperire licet. Respondetur enim ad obiect. ex hoc c. defumptam: Quod Lucius Papa, huius c. auctor, alludens ad verba Christi Dñi Matth. cap.

18. v. 20. *vbi sunt duo vel tres congregati nomine meo, ibi sum in medio eorum.* Caputulum seu Congregationem indigitare voluerit, cui ius competat viduatæ ecclesiæ per electionem providendi. Quod si mordicus aliquis inherere velit alternatiæ, *duo vel tres*, fateatur, etiam in hoc ipso casu ecclesiæ collegiatæ vacantis, non tantum in tribus, sed etiam in duobus Capitulum conseruari, quod pròinde electionem propriè dictam, & canonicam, secundum viam scrutiniij (adhibitis extraneis scrutatoribus, prout in hoc casu concessum est) instituere queat, passim antè docui in hoc ipso not. 1. dicto 2.

NOTANDUM II. Ad cuiusque sacri corporis seu congregationis, videl. Monasterij, Collegij, aut ecclesiæ collegiatæ constitutionem requiritur, vt vnum Caput habeat. Ita sumitur ex hoc cap. Siquidem per ecclesiam, in qua duo vel tres sunt congregati, intelligitur ecclesia collegiata, vti bene Abbas antiquus annotauit in fine huius c. Per Presbyterum autem eligendum intelligitur Prælat, prout Innoc. hic & alij omnes explicant. Cum itaque intentio Pontificis sit hic definire, per quem, seu per quos ecclesijs collegiatis Prælat, præficiendus sit, supponit vtique in ijs debere esse Prælatum, seu Caput Collegij. Videri possunt canones in decreto Gratiani causa 18. q. 2.

Eandem doctrinam, quæ certissima est, pluribus in locis tradidi in Censura altri extincti, Quod ad omnem ecclesiam, seu Christi fidelium congregationem sacram, requiritur, vt vnum visibile Caput habeat: hoc ipso, quod similitudinem & analogiam humani corporis gerere debeat, secundum Apostolum ad Rom. cap. 12. v. 4. Itaque sicut corpus humanum non est sine vno æstabili Capite ita nulla ecclesia Christiana sine vno visibili Pastore seu Rectore: aut si eo per mortem aut celsionem destituta sit, orbata & viduata dici debet. Sine vno inquam: quia vnus ecclesiæ non possunt esse duo Pastores seu Rectores, inter se non subordinati; sicuti & vnus humani corporis non possunt esse duo Capita, nisi sit monstrum. Quæ est ratiocinatio & doctrina Alexandri

Alexandri III. Papæ in Concil. generali Lateran. c. quoniam 14. de offic. Ordinarij, & explicauit in allegato. tract. p. 2. cens. 42. Videri etiam de hac re potest Afcianus Tamburiniustom. 1. de iure Abbatum disp. 5. q. 22.

Aduertendum porro est, quod vnum corpus morale, videl. ecclesia particularis possit esse pars ac veluti membrum corporis seu Ecclesie magis vniuersalis: tum verò particularis eius, ecclesie plures Pastores, seu Capitula erunt, sed inuicem subordinata, ita vt vnum alteri subiiciatur. Hoc ipsum manifestè ærnitur in Ecclesia vniuersali, ecclesias particulares in se tanquam partes & membra sua complectente. Quamobrem Ecclesie Collegiatæ, clerici v.g. plures ordinarios Pastores habent, videl. Præpositum siue Decanum; Episcopum, si ecclesia exempta non sit: atque summum Pontificem. Simili quodam modo accidit in Ordinibus seu Religionibus Mendicantibus, vt singula Monasteria, aut Collegia proprium immediatum Præpositum, Priorem, Guardianum, vel Rectorem habeant; mediâtè verò subsint Provinciali; ac postea Generali Ordinis. Propter quam subordinationem ac dependentiam ab vno generali Capite, exercente gubernationem, atque iurisdictionem in omnes provincias, & provinciarum singula Monasteria, aut sacra Collegia, accidit, vt vnum sit corpus totius Religionis: eaque vnitas tantò maior, ac perfectior est, quantò maior tum dependentia, & influxus Pastorum superiorum in inferiores seu subordinatos; tum verò membrorum inter se coniunctio, bonorum, iuriumque communicabilitas, vt latius explicauit in Cens. Aftri inextincti p. j. loco 6.

NOTANDUM III. Si quis non canonice, siue contra canonum præscripta ad prælaturam assumatur, videl. ab ijs, qui ius eligendi non habent, irrita est promotio. Imò talis intrusus censeri debet, qui non per legitimam electionis viam, prælaturam assecutus est. Sed etsi ijs, quibus eligendi ius competit, postea per transactionem vel similem modum ratificare velint electionem vitiosam, factam ab ijs, qui ius eligendi nō habuerunt, non possunt tamen id agere, teste Gl. recepta

in c. dudum 22. ver. electionis tempore, hoc tit. & sumitur ex reg. 29. ff. *Quod ab initio vitiosum est, non potest tractu temporis conualescere.*

Atque hæc vera sunt spectato communi iure, & primæua ecclesiastica institutione, vt ius eligendi Prælatum ad Capitulum seu Congregationem pertineat; quod ius in Germaniæ nostræ prouincijs adhuc hodie ætinetur, propter Concordata inter Nicolaum V. Pontificem, & Fredericum III. Imperatorem.

QVÆSTIO prima. Vtrum ius eligendi Prælatum etiam alijs clericis, qui è Collegio non sunt, competere possit? Respondeo & Dico I. Per legitimè præscriptam consuetudinem, abstinere potest, vt ius eligendi ad alios clericos pertineat, qui è Capitulo aut Corpore ecclesie non sunt, vt constat ex c. bonæ 4. de postul. Prælat. cap. quod sicut 28. hoc tit. & c. 2. de integritate restitut. & dixi supra incit. c. bonæ not. 1. Similiterque per priuilegium summi Pontificis id à clericis obtineri posse, certum est, & patet ex seq. q.

Dico II. Electores ius suum eligendi pro vna vice in alium, v.g. Episcopum suum, conferre non prohibentur, c. causam 8. hoc tit. Sed vniuersim & absolute ius eligendi Capitulares à se abdicare haud possunt: tum quia talis abdicatio, seu renunciatio ecclesie noxia, & præiudicialis est: tum quia sacris canonibus aduersatur, quibus præcipitur, vt electio Prælati penes Conuentum sit: Non possunt autem Capitulares contra ius commune canonum statuire.

Dico III. Electores quemlibet clericum extraneum, nullà censurâ irretitum, &c. secum ad electionem peragendam ex communi consensu admittere possunt, saltem pro vna vice, vt constat ex c. scriptum 40. §. Et si partes, hoc tit. Num verò

Dico IV. In fundatione ecclesie collegiatæ, cum secularis, tum regularis, cum Episcopi consensu & acceptance, decerni potest, vt electio aut nominatio Prælati pertinere debeat ad alterius Ecclesie Prælatum, aut Conuentum, vel ad ipsum patronum ecclesiasticum, vt colligitur ex c. cum dilectus 8.

Gg

de con.

de consuet. & tradit. Gl. in c. nobis 25. ver. nifi aliter, de iure patron. Quia sacri canones permittunt eiusmodi conditiones, quæ nec bonis moribus, nec ecclesiæ immunitatibus aduerfantur, in ipsa fundatione acceptari, vt eò promptiores fideles sint ad ecclesiæ fundaciones, c. præterea 23. de iure patron. c. verum 4. de condit. appositis, & dixi suprà in cit. c. eum dilectus.

QVÆSTIO secunda. Quale ius laicis competere possit in Prælatorum electione? Respondeo, & Dico I. Olim consuetudo erat in ecclesiis, vt ad electionem Episcopi plebs vniuersa, vnà cum clero, conuocaretur, prout testatur Cælestinus I. Papa in epist. 1. cap. 2. ad Episc. Galliæ, & Leo I. in epist. 87. ad Episcop. Viennens. Non quòd ius eligendi penes laicos fuerit, sed quia testimonium eorum de probitate electi exquirendum esset, iuxta monitum Apostoli ep. 1. ad Timoth. c. 3. v. 7. *Oportet autem illum & testimonium habere bonum.* Quem locum Origenes allegans homil. 6. in Leuiticum ait, *Requiritur in ordinando sacerdote & presentia populi, ut sciant omnes & certi sint, quia qui praestiter est, qui sanctior, qui in omni virtute eminentior, ille eligitur ad sacerdotium.* Et Leo I. Papa in Epist. 93. ad Episcopos prouinciae Viennens. quæ incipit, *Diuina. Teneatur subscriptio clericorum, honoratorum testimonium, Ordinis consensus & plebis: qui praefaturus est omnibus, ab omnibus eligatur.* Similia leges apud S. Cyprian. lib. 1. epist. 4. Theophil. Alexandrin. can. 6.

Veruntamen alio modo laici eòcurrabant, ac suffragabantur, & alio clerici. Nam laici postularunt aliquem, eique probitatis, & scientiæ testimonium dederunt: clerus postea elegit, & electioni subscripsit, quam laici improbare deinde non potuerunt, si, quod iuste opponerent, non haberent: quare idem Leo Papa in alia epist. quæ est 95. ad Rusticum scripsit: *Nulla ratio finit, ut inter Episcopos habeantur, qui nec à clericis sunt electi, nec à plebibus expetiti, nec à prouincialibus Episcopis cum Metropolitani iudicio consecrati.*

13 Vbi videmus, quod ad plebem nominatio seu postulatio Episcopi, ad clerum verò ele-

ctio, ad Episcopos consecratio spectabat. Porro consuetudo ea requirendi populi nominationem ac testimonium, propter multos abusus, temporis progressu sublata est. Videri etiam possunt, quæ Gratianus con-gessit d. 63.

Dico II. Laicis non potest ex pacto, fundatione, aut quauis donatione seu concessione competere ius eligendi Prælatum ecclesiasticum: Quia laici spiritualia tractare non possunt, c. 2. de iudiciis. Ius autem eligendi Prælatum spirituale est, Ergo non cadit in laicum. Cederet quoque id in detrimentum ecclesiasticæ libertatis, si ecclesiasticorum Prælatorum electio, aut institutio laicorum potestati committeretur: Quare cum Prælati Papæ inferiores sacris canonibus & immunitati ecclesiasticæ derogare non possint, id eo ipsi laicis talem potestatem concedere haud possunt, secundum Gl. receptam in c. nobis 25. ver. aliter, de iure patr. argum. c. sacrosancta 51. hoc tit. vbi Abb. n. 2. Excipitur itaque tantùm auctoritas Sedis Apostolicæ, per quam tale ius eligendi, aut etiam beneficia ecclesiastica, vt infra dicam, conferendi laicis personis committi potest: Qua enim ratione facultas nominandi & præsentandi Episcopos Toletano Archiepiscopo Regibus Hispaniarum competit, prout videre licet in Concil. Toletano 12. can. 6. & Tolet. 16. in decreto iudicij. Item Galliæ Regibus in Delphinatu potestas concessa est Episcopos, aliosque Prælatos nominandi, & summo Pontifici præsentandi, vt legere est in Conc. Lateran. sub Leone X. Papa Sess. 11. in epist. eiusdem Leonis, cuius initium *Primitiua.*

Obiter hic moneo, Gratianum can. 2. d. 63. fabulosum commentum ex Sieberto descriptisse, qui ingratiam Henrici Imperatoris omnium ecclesiarum inuestitura illicite sibi vsurpantis, nulla antiquioris auctoritate nixus suo arbitratu confinxit, huiusmodi potestatem etiam olim Carolo magno Imperatori cõcessam fuisse. Videri potest Anastasius Bibliothecarius in vita Adriani II. Libri Capitulorum Caroli Magni cap. 94. allegatum à Gratiano in c. sacrorum 34. c. 11. d. 63. Et Concil. Lateranense II. sub Paschali II.

Papa

Papa celebratum Anno Christi 1112. vbi dicitur, quod electus canonice à clero & populo, à nemine consecratur, nisi prius à Rege inuestiatur esse contra Spiritum sanctum, & Canonice institutionem. Seuerinus Binius in notis super vita Adriani I. tom. 3. Concil. p. 1. sect. 1. fol. 421. & quæ scripti in luita defensione cap. 4. refut. mem. 20. assert. 2.

Simili imprudentia attulit idem Gratianus d. 63. can. 23. in quo asseritur, in Romana Synodo à Leone VIII. Papa eandem Episcopos inuestiendi potestatem concessam fuisse Ottoni I. Imperatori, quam antea Carolo Regi Adrianus Papa dederat. Quod item figmentum ab impostore quodam Luitprando adscriptum esse apertissimus documentis ostendit. Seuer. Binius in Conciliabulo Romano, sub Leone VIII. Antipapa, tom. 3. Concil. p. 2. fol. 158. post Cardin. Baronium in Annum Christi 963. Videri etiam potest P. Iacobus Keller in Papatu Catholico art. 12. cap. 3.

Quæstio tertia, Num laici per consuetudinem immemoriam præscribere, atque acquirere possint ius eligendi Prælatos, aut beneficia ecclesiastica conferendi? Loquor autem de meris laicis, & secularibus personis. Non item de laicis, qui Religionem professi ecclesiasticæ personæ censentur; v. g. Conuersi Regulares; hos enim ius eligendi, imò & conferendi beneficia præscribere posse, rectè affirmatur apud Ioan. de Selua de beneficio p. 2. q. 19.

15 Pro affirmatiua quæst. parte esse videtur, Quia quidquid per priuilegium acquiri potest, idem quoque per consuetudinem immemoriam, quippe quæ habet vim, aut saltem præsumptionem accepti priuilegij, l. 3. §. Ductus aquæ, ff. de aqua quotid. & æstiu. Atqui ius eligendi, aut beneficia conferendi dominis laicis à Rom. Pontifice cõcedi posse, communiter fatetur DD. vti videre licet in Gl. c. Imperium §. d. 10. Gl. super summa ver. ecclesias causæ 16. q. 7.

Sed contrarium constat ex c. cum terra 13. c. quod sicut 28. c. quisquis 43. c. sacrosancta §. t. hoc tit. vbi dicitur, quod ius eligendi in Collegiata Ecclesia non cadit in laicum, & c.

Massana 56. eod. tit. Non obstante contraria consuetudine, quæ dici debet potius corruptela. Quod si autem ius eligendi per consuetudinem acquiri non potest à laico, multò minus ius conferendi, & instituendi; quippe quod maius, & potentius est, magisque spirituale, vti notant DD. in c. si tibi absenti 17. de præb. in 6. & singulariter notat Selua in cit. q. 19. n. 5. Eandemque doctrinam, quod ius eligendi, multoque magis ius beneficia conferendi à laicis præscribi non potest, tradidit Hostiens. in sum. huius tit. §. Quis possit eligere, Ioan. Andr. in c. 2. prope finem, de præb. in 6. Abb. Panormit. in cit. c. quisquis n. 4. hoc tit. & in c. nouit, n. 22. de iudic. c. 2. de Institut. n. 6. & 7. in c. quod autem n. 12. de iure patron. Felin. in c. dilecto n. 1. de testib. Ioan. Selua in cit. q. 19. n. 5. & seqq. & p. 2. de benefic. q. 23. n. 10. & 22. Ratio demonstrans est: Qui est incapax possessionis, est etiam incapax præscriptionis: Nam, vti habetur in reg. 3. de reg. iuris in 6. Sine possessione præscriptio non procedit: Cum itaque laicus iura spiritualia, cuiusmodi sunt ius eligendi, ius beneficia conferendi, possidere non possit, c. causam 7. de præscript. cit. c. sacrosancta, cit. c. Massana, sequitur, quod ea iura nullo vnquam tempore præscribere possit.

Ad argum. in contrariam partem respondetur, cum Ioan. Andr. & Felino locis paulò antè citatis, falsam esse eam regulam in ijs, quæ possideri non possunt, absque concessione seu priuilegio: In hoc enim casu potentius est priuilegium, quam cõsuetudo immemorialis, prout etiam annotauit Abb. in cit. cap. nouit n. 22. & cit. c. quisquis n. 4. Verum quidem est, quod si vnà cum tempore immemoriali concurrat constans fama accepti priuilegij à Sede Apostolica, laicus, ob difficultatem exhibendi priuilegij, relinquendus sit in exercitio iuris eligendi, aut conferendi, propter præsumptionem, quæ in tali casu pro ipso est: Non ideo tamen fateri debemus ipsi præscripsisse, aut præscriptionem tutum esse. Si enim famam falsam fuisse, nullumque penitus priuilegium datum fuisse postea compariatur, iudicandum erit cõtra laicum, ipsique ius illud auferendum, quippe cuius incapax

Gg 2 cit,

est, nisi privilegium seu concessionem à Romano Pontifice habeat: Ipse etenim solus est, qui ex plenitudine potestatis, ejusmodi ius spirituale laicis committere potest, secundum Gl. receptam in cit. ver. ecclesias, in fine. Ioann. Andr. in suprâ cit. cap. 2. de præb. in 6. ad finem: Et de hac tota theoria videri potest Felin. in c. causam n. 7. de præscript. Selua cit. p. 23. n. 24.

Ex his itaque apparet, si merus laicus ius eligendi, aut beneficia conferendi, beneficiariusque destituendi sibi arroget, sola consuetudine (quæ abusus & corruptela dici debet, cit. cap. sacrosancta, cit. c. Massana,) se defendens, nec Apostolicæ Sedis privilegium exhibere, nec huiusmodi concessionis famam, aut traditionem demonstrare valens, in conscientia tutum non fore; sed poenis canonicis subiectum tam ipsum, quam eos, qui ex ejusmodi inani potestate ecclesias, aut beneficia consequantur. Idque quam maximè procedit in dominis laicis Regi, aut Imperatori subiectis: Nam, ut exempli causa dicam, cum in Germania nostra ne ipse quidem Imperator, aut supremi Imperij Rom. Principes talem beneficia conferendi potestatem ex Apostolicæ Sedis concessionem sibi vendicent, quanto minus credibile est, inferioribus dominis, Comitibus, Baronibus, Nobilibus, talem unquam factam fuisse concessionem, cuius proinde neque vestigium ullum apparet, vel allegari potest. Videri potest Concil. Tridentin. Sess. 25. cap. 20. de reform. ubi contra eos agitur, qui libertatem, & iura ecclesiarum violant.

16. **Item**, qui ecclesias aut beneficia accipiunt, imprimis excommunicationi subiacent, & si quis clericus 16. causa 16. q. 7. c. generali 13. de elect. in 6. c. relatum 21. de iure patron. in antiquis, & videri potest Concil. Lateran. sub Leone X. in Bulla Reformat. Curie, §. Et cum fructuum. Sess. 10. Insuper electio, collatio, aut institutio facta auctoritate laici, pro irrita haberi debet, prout videre licet in suprâ cit. cap. quod autem 5. de iure patron. ubi etiam ratio exprimitur: *Quia pro non dato habetur, quod ab eo*

datur, qui non potest de iure donare. Vñ Gl. ver. si consensus, ait, quod laicus ecclesiam dare non potest, quia ad eum non pertinet. Removeri itaque taliter institutus ab Episcopo debet, tanquam malè intrusus: Deinde si tempus semestris, aut quatuor mensium elapsum sit, intra quod patronus Episcopo, alterius Ordinarii ecclesiastico collatori neminem canonicè instituendum præsentavit, suo iure uti debet Collator, atque liberè instituere cap. 2. de concess. præb. c. 3. c. eam te 22. de iure patron. Quod si denique ita intrusus in ecclesia sue beneficio persistere voluerit, à ministerio ecclesiastico & ordine deponendus est, uti habetur expressè in cap. præterea 4. de iure patron.

Et quæ hoc in loco dicta sunt, locum habent non tantum si ecclesiæ aut beneficia à laicis conferantur in perpetuum, sed etiam si vt. manualia: quandoquidem etiam ea vera ecclesiastica beneficia sunt, in spirituali iure, quod laici dare haud possunt, consistentia. Deinde locum etiam habent quæ dixi, si laici ius destituendi, seu amovendi clericos à beneficiis sibi arroget. Est enim hic abusus quidam & corruptela, in grave ecclesiarum, & ecclesiasticæ disciplinæ detrimentum redundans, prout constat ex cit. cap. præterea, ubi decernitur, laicum talia præsumptè anathemate feriendum esse.

Rectè enim uerò in eod. cap. præterea, pariter ratione improbat, si laici clericos in ecclesiis instituunt, aut remouent: quia utraque, tum institutio, tum destitutio, ecclesiastici iuris, ac potestatis est, quæ in laicum non cadit: Imò tametsi per privilegium speciale institutio siue collatio laico alterius personæ concessa esset, non deberet tamen ea extendi ad depositionem, seu remotionem, prout docuit Abbas in cap. eum ex iniuncto, num. 3. & seqq. de hæreticis.

Quæstio quarta: Quare Ecclesia personis laicis, videl. patronis, ius præsentandi ad beneficia concesserit, non ita verò ius eligendi. Respondero, Causam esse, quia ius electio-

electionis magis spirituale, ac potentius est, quam ius præsentationis: Nam electio proxime dirigitur ad electum, ipsique ius aliud quod tribuit, iuxta c. quam sit 6. hoc tit. in 6. quamobrem inter eligentes & electum velut spirituale matrimonium inchoari consideratur, e. e. inter 21. hoc tit. At vero præsentatio ad Superiorem dirigitur, à quo præsentatus omne ius spirituale per institutionem ad beneficium, assequitur. Accedit, quod ius præsentandi seu nominandi ad Prælaturas laicis personis ordinariè concessa non sit: Propterea quod Prælati in ecclesiastica dignitate constituti, præcipuum in Ecclesia locum obtineant, iurisdictionemque, etiam in ipsos alios clericos, exercent: Non decet autem, ut Magistratus ecclesiasticus à laicis constituatur, atque clericis obtrudatur.

CAPITVLVM II

Ofius.

PARAPHRASIS.

Tametsi Episcopus, qui se propriè tenuerit ad alium Episcopatum transulit, excusationem afferat, quod à populo postulatus fuisset, eiusque rei literas exhibeat, minimè tamen audiendum esse, præeuntes Ofio Cordubensi Episcopo, Concilium Sardicense decreuit: Propterea quod fieri posset, ut aliqui, etiam pauci, pecuniâ aut præmio corrupti, clamorem in ecclesia edant, aliisque ad postulandum episcopum concitent. Quare persistendum in pœna decreta, ut episcopus se transferens ad aliam ecclesiam, ne laicam quidem in fine vitæ Communionem accipiat, nisi per penitentiam errorem suum retrahat.

SUMMARIVM.

1. Electio seu potius postulatio populi non sufficit ad canonicam Episcopi translationem.
2. Nemo Episcoporum, præbiterorum de

una ecclesia ad aliam se transferat, translati non recipiendus est ecclesia sua, si non obediunt, Communionem privandus.

Hoc c. sumptum est ex can. 1. & 2. Oecumenico Concilij Sardicensis, quod post Nicœnam magnam Synodum, Anno Christi 347. congregatum fuit, præfidente Ofio Cordubensi Episcopo, qui in partibus illis Orientis, Apostolicæ legationis munereungebatur, uti testatur Gelasius Cyzicenus lib. 2. actorum Nicœni Concilij cap. 5. & 12. & apparet ex subscriptionibus utriusque Concilij, Nicœni & Sardicensis: siquidem Ipse ante alios omnes, etiam Apostolicæ Sedis legatos Presbyteros, subscripsit; Idemque indicat Baronius Ann. Christi 347. n. 5. & 10.

Can. illo 1. Concilij Sardicensis Patres, proponente Ofio, seuerè prohibuerunt, ne quicumque Episcoporum de suæ ciuitatis episcopatu, ad alterius ciuitatis episcopatum transferri se auderet, eo quod eiusmodi transitus ex ambitione & avaritia provenire soleat, eum nemo unquam repertus fuerit, qui à maiore ciuitate ad minorem transferret: Pœna autem apposta erat, ut talis ne laicam quidem Communionem acciperet posset. Veruntamen, quia aliqui se ad huiusmodi transitum per postulationem & clamorem adactos esse dicebant, ideo post dictum can. alter annexus est can. à Gregor. IX. Papa hic descriptus, in quo etiam ea excusatio rejicitur.

NOTANDVM Vn. Electio seu potius postulatio populi, non sufficit ad canonicam Episcopi translationem; cum populus interdum non sincerâ fide, & affectu Episcopum sibi deponat. Ita Gl. recepta hic verba populi.

QVÆSTIO prima. Quenam Communitio laica dicta sit? Severinus Binius tom. 2. Concil. p. 1. in notis Concilij Ilerdensis fol. 628. arbitrabatur, per laicam Communionem intelligi eam, quæ extra cancellos altaris S. Eucharistia laicis data fuit. Clerici enim intra cancellos post Sacerdotis Com-

munionem communicabantur. Quare in Concil. Leodicensi can. 19. legimus, quòd *solum ministerio facto dectis ad altare ingredi, & communicare ibidem liceat.* Hæc, quamvis secundum se vera sint, non sufficient tamen ad huius can. textum explicandum. Quia non satis intelligitur, quâ ratione Patres in hoc can. sicut & in Eliberino Concil. can. 1. statuerint, vt Episcopi, aut alij Sacerdotes, vel Clerici, in commisi criminis pœnam, ne laicam quidem, id est, eam, quæ extra cancellos in ecclesia dari solita fuit, inter laicos in fine vitæ communionem participarent, cum eo tempore, quo morti proximi erant, ad ecclesiam accedere haud potuerint. Quare magis placeat sententia Roberti Bellarmini lib. 4. de Euchar. c. 24. laicam communionem hic appellari, quæ quibusdam in locis sub vnâ tantum panis specie laicis dabatur, plerumque etiam domum deferenda, prout ostendi in mor. Theol. lib. 5. tr. 4. cap. 5. n. 13. Clericalem autem, seu Sacerdotalem Communionem dictam fuisse, quæ clericis intra altaris cancellos sub vtraque specie præberi solita est.

QVÆSTIO secunda, Cur verbaea, *Nisi de eo panisueris*, huic cap. adiuncta fuerint, cum tamen in can. 2. Concilij Sardicenis non habeantur? Resp. Merito ea à Gregorio IX. Pontifice declarationis causâ adiecta fuisse. Constat enim ex Concil. Nicæno I. can. 13. & Innoc. I. Papa in epist. 3. ad Exuperium, circa ea tempora obtinuisse regulam canonicâ, quæ hætenus etiam semper obseruata fuit, vt nulli criminisforam, qui pœnitentes essent, in fine vitæ sacrum Viaticum negaretur: qua dere dixi in Theol. moral. lib. 5. tr. 5. cap. 7. n. 3. Aduertendum itaque in dicto Concil. Nicæno I. can. 15. & 16. decretum fuisse, vt nemo Episcoporum, Presbyterorum, Diaconorum, aliorumque clericorum de vna ecclesia, aut parochia ad aliam se transferret: si contrâ factum fuerit, translatus restituatur ecclesiæ suæ, si non obediit, Communionem priuetur. Hunc Concilij Nicænicæ canonem, quòd non satis obseruatus fuerit, eo etiam prætextu, quia subinde Episcopi populi clamo-

re se postulatos fuisse dicerent, renouare volentes Sardicenis Concilij PP. duos illos canones statuerant; Ne autem fateri cogamur, ipsos à Concilij definitione, in re admodum graui recessisse, ideo intelligere e. istud debemus cum limitatione, quam hic declarandi causâ Gregor. IX. adiecit, *Nisi de eo panisueris.*

CAPITVLVM III.

Postquam.

PARAPHRASIS.

Electio Prælati, si canonicè peracta fuit, à Superiore admitti, & electus confirmari debet: Sed prius in loco, vbi conuersatus, idè quæ notus est, de eius vita & actibus inquiri oportet. Sumptum est ex Greg. I. Papa lib. 8. registri, epist. 18.

SUMMARIUM.

1. Electio à principio est libera voluntaria: sed confirmatio est necessaria.
2. Post seruinium publicatum recedere electores non possunt, aliumque eligere.
3. Confirmatio ordinariæ ad proximum Superiorem pertinet, cui ecclesiæ aut dignitas electi subiecta est.
- Unde Abbates & Præpositi non exempti confirmandi sunt ab Episcopo diocesano; Ordinarius verò exempti Generalem Ministerium seu Præpositum habentis electi Prælati à dicto Generali nisi privilegio concessum sis, vt cum prius canonicè electi in electionem consenserint, plenam iurisdictionem & administrationem sine alia confirmatione consequantur.
4. Idem idem est circa confirmationem Abbatissarum &c.
5. Superior, priusquam electum confirmet, de eius moribus & sententiâ apud eos, quibus notus est, inquirere debet. Quibus hac inquisitio esse debeat.
6. Inquirere etiam debet de forma & serie electionis, num canonicè facta, nihilque

hilque substantiale pretermisum sit.

7. *Prelatus semel examinatus si ad aliam Prelaturam assumatur, iterum examinandus est.*

8. *Modus observandus in examinando Episcopo electo.*

NOTANDUM I. Electio à principio est liberæ voluntatis, sed confirmatio est necessitatis. Ita Ioan. Andr. hic n. 2. Anton. n. 5. Sensus est: Quod eligentes quem voluerint, idoneum eligere possunt, sed electum Superior ex officio suo confirmare tenetur: alioquin iniuriam inferet non tantum electo, sed etiam electoribus; adeo ut ipsi quoque electionem prosequi, & confirmationem postulare possint, cum etiam ipsorum, quin & ecclesiæ intersit, ut electio canonicè facta executioni mandetur, siue electus confirmetur. Quod & Cæsareo iure receptum erat, ut electi, v. g. ciuitatum defensores, à Præfecto prætorio confirmandi essent, Auth. de defensoribus ciuitatum, §. Iusserandum, iun. Gl. ver. decreta. & Gl. in l. priuatorum, ver. sed pono, C. de iurisd. omn. Iudicum.

Excipi tamen debet plenitudo potestatis in Principe, qui ex graui causa publicam vtilitatem concernente, legitimè electum rejicere potest, v. g. ut persona multo magis idonea promoueatur, prout etiam Nicolaus V. indicauit in Bulla Coneordatorum Germaniæ, *Ad Sacram.* Deinde improbare non potest consuetudo, quæ in quibusdam ecclesijs viget, ut à Canonicis v. g. Decanus electus, si electioni consentiat, mox omne ius acquirat, nec Superioris confirmatione opus sit; dummodò electio concorditer facta fuerit: alioquin ad Superiorem pertinebit electores ad concordiam compellere, vel deferre ei cui ipsi videbitur, secundum Baldum in Auth. Habita, n. 44. Cod. Ne filius pro patre: Necessè etiam est ad eiusmodi consuetudinem ephonestandam, ut ecclesiæ damnoſa esse nō appareat: Quod damus Abbati hic n. 3.

2. Dixi autem in notando; Electionem à principio esse liberæ voluntatis: quia post

scrutinium publicatum recedere non possunt electores, aliumue eligere c. publicato 58. hoc tit. Quia functi sunt officio suo, uti explicabo.

QVÆSTIO est, Ad quem electi Prælati confirmatio pertinet? Respondeo, 1. Ordinariè loquendo, confirmatio ad proximum Superiorem pertinet, cui ecclesiæ aut dignitas electiua subiecta est, prout docet Holtiens. in summa hoc tit. n. 6. Eman. Rodriq. tom. 2. regul. qq. q. 53. a. 3. Igitur Abbates & Præpositi non exempti confirmandi sunt ab Episcopo diocesano, At vero Ordinis exempti generalem Ministrum, seu Præpositum habentis, electi Prælati, videl. Abbas, Prior, Guardianus, Prouincialis à dicto Generali confirmationem accipiunt: nisi priuilegio concessum sit, ut cum primum electi fuerunt, omnem potestatem in temporalibus ac spiritalibus exercere possint, adeoque confirmatione non indigeant, qua de re Rodriq. cit. q. 53. a. 6. Ipsi porro Generales, sicuti & Abbates quidam exempti atque Sedi Apostolicæ immediatè subiecti, à Romano Pontifice, vel Legato eius, si in provincia sit, confirmari debent, c. si Abbatem 3. de elect. in 6. Ordines vero Mendicantium à Sede Roman. priuilegium obtinent, ut generalis Minister siue Præpositus, cum primum canonicè electus in electionem consensit, plenam iurisdictionem, administrationemque, sine alia Pontificis confirmatione, consequatur, apud Rodriq. cit. q. 53. a. 3. Videri etiam possunt, quæ docui in Censura Altri inextincti p. 2. cens. 3.

Denique Episcoporum confirmatio, ubi canonicè eliguntur, hodie ad Summum Pontificem spectat, sicuti & olim spectabat circa tempora Nicolai I. Papæ, uti videre licet in c. 1. d. 22. & Gregorij I. c. quantò 10. d. 63. Quibusdam verò temporibus permittebat ecclesiæ Romana, ut electi Episcopi à Metropolitanis confirmarentur, iuxta c. 2. d. 23. c. cum dilectus 32. hoc tit. c. si Archiepiscopus 6. de tempor. ordinat. Interim tamen referendum erat ad Roman. Pontificem, quoniam Episcopi in provincijs canonicè electi & conſirmati essent, prout vide-

ro h-

se licet apud Simplicium Papam in epist.
14. & epist. 17. ad Acatium.

Addidi autem. *Ubi episcopi canonice eliguntur*, Etenim secundum sacros canones Episcopi electio ad clerum, seu clericorum, id est, clericorum collegium spectat, c. 1. hoc tit. c. ult. § sed nec d. § 1. c. cleri 26. c. vota 27. c. obeuntibus 35 d. 63. & c. ult. d. 79. Idq; in Germaniæ diocesis observatur, ut episcoporum electio Cathedralibus Capitulis competat: electorum autem confirmatio à Roman. Pontifice petenda sit: quam ipse post exhibita instituti examinis testimonia, conferre solet, atque iubere, ut confirmatus consecratur, iuxta Concordata inter Nicolaum V. Pontificem, & Fridericum III. Imperatorem, in Bulla quæ incipit *Ad sacram*. Videri potest August. Barbosa de offic. & potestate Episcopi, p. 2. allegat. 27. n. 27. Azor tom. 2. lib. 3. cap. 29. q. 18.

- 4 His adde, quæ de electorū confirmatione in hoc not. dicta sunt, etiā ad Abbatissarū &c. confirmationem transferenda esse: Si enim Monasterium Monialium Sedi Apostolicæ immediatè subiectum sit, Abbatissa, Priorissa, seu Præposita electa à Rom. Pontifice confirmationem petere debet, prout ex commun. tradit Azor tom. 1. lib. 13. cap. 10. q. 3. Id verò intelligi debet per Procuratorem: Quia Moniales non ipsæmet, causâ electionis prosequendæ, aut oppugnandæ ad Apostolicam Sedem accedere, sed Procuratorem mittere debent, c. indemnitatibus 43. §. Porro, hoc tit. in 6. Sin autem Monasterium religioso virorum Ordini subditum ad Prælatum eiusdem Ordinis confirmatio spectat: Sin autem Episcopo subiectum sit, Episcopus confirmationem conferet.

- 5 NOTANDUM II. Superior, priusquam electum confirmet, de eius moribus & scientiâ apud eos, quibus notus est, inquirere debet. Ita hic, & in c. 2. d. 23. c. nobis 19. c. nihil 44. hoc tit.

QUESTIO prima. De quibus qualitatibus inquisitio siue examen institui debet? Glossa in c. si fortè 11. hoc tit. in 6. scientia, distinguit: Quod quædam sunt qualitates intrinsecæ, ac veluti innatæ, ut quod homo sit ye-

rax, pacificus, castus, sobrius, & hæc aliquis habere præsumitur, argum. l. cum quidam, 24. ff. de legatis 2. c. vn. de feruntio in ordine faciendo, & c. ult. de præsumpt. Aliæ verò sunt qualitates affectivæ, & extrinsecæ, v. g. scientia, ætas: & eiusmodi qualitas non præsumitur, sed probari debet, & ideo examen instituitur.

Operæ pretium est hanc doctrinam discutere, & ideo Dico I. Examen nō tantum de scientia, ætate &c. promouendi ad Prælatum instituendum debet, sed etiam de moribus & virtutibus eius. Ita colligitur ex hoc c. & c. cum in cunctis 7. hoc tit. & habetur expressè in c. 2. d. 23. *Qui episcopus ordinandus est, ante omnia examinetur, si naturā sit prudens, si docibilis, si moribus temperatus, si virā castus, si sobrius, si semper suo negotiū cauens, si humilis, si affabilis, si misericors*. Hæc verò qualitates Gl. numerat inter intrinsecas, ac veluti innatas, & tamen de his examen instigari debet. Ratio dari debet ex altera doctrina eiusdem Gl. ver. scientia, Tamen si nihil negotij cum aliquo sit, non oporteat in eius vitam inquirere, sed potius pro bono & integro eum virū habere, dum contrarium non apparet: Si tamen filium matrimonium illi collocanda sit, quemadmodum Prælatus electus ecclesiæ veluti sponsus per confirmationem tradendus est, merito inquiritur in vitam, & mores eius, non videlicet præditus sit ijs dotibus siue virtutibus, quæ ad Prælatum minus necessariæ sunt.

Dico II. Non fas sit intentioni Ecclesiæ, nec aueritur periculum indignos assumendi Prælatos, si testes examinati de virtutibus, seu qualitatibus, quas intrinsecas vocat Gl. ex præsumptione respondeant esse humilem, sobrium, misericordem, benignū &c. eò quod contrarium nō viderint, vel intellexerint, & ideo in dubio bonū esse existimare debeant. Idq; probatur his rationibus: I. Quia post lapsum humani generis in peccatum, & naturæ inclinationem ad malum, virtutes eiusmodi non sine labore & assuetudine acquiruntur: ergo & ipse aliquo modo affectivæ sunt: ut si possint se non prodant, seu indi-

indiciis posituiis non deprehendantur; non possit oriri præsumptio, seu probabile iudicium, eas homini inesse.

II. Sunt quædam virtutes, seu bonæ mētis qualitates in Prælato necessariæ, quarum actus seu effectus nisi videantur, seu posituiis ac sensibilibus indicijis deprehenduntur, non possum affirmatiue, absque errandi periculo, iudicare homini inesse: sed, nisi contrarium deprehendero, aut indicijis cognouero, dubitare debeo, num infans, necne: Tales sunt, prudentem esse, vigilantem, benignum, misericordem, affabilem, mansuetum, orationi deditum, &c. Quamdiu autem in vtramque partem dubius sum, non possum, saltem sine errandi periculo iudicare, aut testificari pro hominis probitate, aut bona qualitate, vti cum S. Thoma tradidit Caiet. 2. 2. q. 60. a. 4. Lud. Molina tr. 4. de iust. disp. 17.

Neque obstat hinc doctrina S. Th. eod. art. 4. in corp. *Vbi non apparet manifestum indicium de malo alicuius, debemus eum bonum habere, in meliorem partem interpretando, quod dubium est.* Nam ipsemet S. Th. in resp. ad 1. statuit, in eiusmodi interpretatione siue iudicio frequenter nos falli: sed errorem hunc non imputari ad culpam, quia in nullius iniuriam cedit: Accedit, quod (vt Caietanus ibi doctè explicat) error huiusmodi intellectus speculativi, cum circa singularia versetur, non censetur notabilis defectus, aut malum operantis. Quamobrem, ex hypothesi, si quis existente dubio de probitate & improbitate hominis, iudicare velit, præstat, vt in meliorem partem intellectum inclinet, quia tamen fallatur, error tamen nec perniciosus erit, nec moralis, prout etiam explicauit in mor. Theol. lib. 3. tract. 3. p. 2. cap. 2. n. 7. Hæc ipsa autem doctrina & rationes eius duntaxat locum habent in iudicijs priuatis: Exinde autem colligi potest, quod in publicis dandis testimonijs, præsertim in ordine ad prælaturam assequendam, contrarium prorsus sentiendum sit: videl. existente dubio, ita vt indicia maiora non habeantur pro probitate, seu bona qualitate, quam in oppositum: non fore legitimum testimonium, seu informationem factam pro idoneitate; propterea,

quod iudicium istud errori expositum sit, vt supra ex S. Thom. & Caiet. cognouimus, atque insuper error practicus sit perniciosus, & Ecclesiæ noxius, c. nihil 44. de elect. Quam ipsam ob causam etiam in hoc c. exigitur, iun. Gl. ver. conuersatus, vt inquisitio de electa apud eos fiat, quibus notus est.

III. Testis, vt legitimus censetur, de eo testari debet, quod sensu aliquo, aut, si materia circa quam testatur, non patitur, saltem indicijis & coniecturis deprehendit, ita se habere: In examine autem instituto super præficiendis, testimonia postuluntur de virtutibus, seu qualitibus necessarijs ad prælaturam: Ergo nisi habeantur saltem indicia & coniecturæ positivè ostendentes, ac persuadentes, non erunt legitima testimonia. Quæ ipsa est doctrina Anton. de Butrio in supra cit. c. vn. de scrutinio n. 10. & 12. vbi etiâ respondet ad obiectionem ex eod. c. vn. (idemque respondere debet ad supra cit. cap. vlt. de præsumpt.) adfuisse iudicium, seu coniecturam de probitate, quia ordinandus tanquam idoneus per literas præsentatus, & commendatus fuit: quare cum maior certitudo plerumque haberi non possit, sufficit huiusmodi probabilitas, sicuti in eod. c. vn. significatur, ibi; *Quoniam humana fragilitas nosse sinat, & testatur, illum ad huiusmodi officij esse dignum.* Vbi videri potest Gl. ver. & scit, & Anton. n. 10.

His duo addenda sunt: Primum, quod Superior ante confirmationem inquirere etiam debet de forma & serie electionis, num canonice facta, & nihil substantiale prætermisum sit, c. nihil 44. hoc tit. Adquam rem inserviet decretum electionis, in quo totus electionis processus authenticè descriptus est. Quade re Innoc. & Glan. c. innotuit ver. decreto, ibid. Anton. n. 15. Abb. n. 14. de elect. Syl. ver. electio 1. q. 18.

Alterum. Si Prælatus, qui semel examinatus fuit, ad aliam prælaturam eligatur, iterum examinandus est, argum. c. scriptum 40. in fine, hoc tit. Cum fieri possit, vt interea nouum impedimentum aut inhabilitatem contraxerit: Idque maximè locum habet, si ad maiorem dignitatem aliquis assum-

Hb

men

mendus sit, iuxta Gl. in cit. c. scriptum, ver. præsumptione.

QVAESTIO secunda. Quis modus observari debeat in examinando Episcopo electo? Respondetur, Eum à Gregorio XIV. Pontifice præscriptum esse in Bulla, quæ incipit *Omni Apostolica*, apud Quarantam in summa ver. electio fol. 309. Secundum quem modum in Germania nostra ita proceditur, ut electus viciniore alicui Episcopo examinandum se tradat, super certis articulis per testes idoneos & iuratos adstruendis: Ejusque examinis processus Romam mittitur ad confirmationem electo ritè examinato & probato impetrandam. Articuli autem examinis sunt hi: I. An promouendus ex legitimo matrimonio, & à parentibus Catholicis natus sit, c. cum in cunctis 7. hoc tit. c. 2. §. hæretici, de hæreticis in 6. II. An trigessimum ætatis annum compleverit, cit. c. cum in cunctis: nisi postulatus fuerit, tunc enim sufficiunt anni xxvii. cæpti, extrauag. vn. de postulat. Prælator. inter communes. III. An saltem sex mensibus in sacro ordine constitutus fuerit, iuxta Concil. Trident. Sess. 22. c. 2. de reform. IV. An in Theologia, vel iur. canonico Doctor, vel Licentiatius sit, aut saltem publico alicuius Academiæ, vel aliorum probatorum & expertorum testimonio, ad alios docendos idoneus indicatus, Trident. Concil. cit. cap. 2. de reform. V. An bonæ famæ sit, vitæ integræ, num in ecclesiasticis functionibus versatus, prudens, ac rebus gerendis idoneus, cap. 2. d. 23. c. Qui in aliquo, quod est vlt. d. 51. Et obligantur conscientie eorum, à quibus instructio seu testificatio sumenda est, ut ea fideliter & gratis referant.

CAPITVLVM IV.

Significasti.

PARAPHRASIS.

Paschalis Papa per Apocrisarios, seu Referentes suos pallium misit Archiepiscopo Panormitano, tali conditione, ut in verba sibi præscripta iuramentum Apostolicæ

Sedi præstaret. Quid Reges, & regni Proceres mirati sunt, quasi fieri non oporteret: Primò, quia traditio potestatis spiritualis (quæ per pallium archiepiscopale significatur, iuxta c. ad honorem 4. de auctor. & vsu pallij) purè fieri debet, non sub conditione, siue grauius impoſito. Secundò, quia Christus Dominus Matth. cap. 5. v. 34 præcepit, *non intrare omnino*. Tertiò, quia neque ab Apostolis, neque in Conciliis tale iuramentum præceptum esse, reperitur. Ad 1. respondet Pontifex; Sicuti Christus B. Petrum Ecclesiæ Pastorem constituturus, ab ipso conditionem, promissionemque exegit dilectionis; ita Sedes Apostolica ab ijs, quos in partem pastoralis officij adscribit, conditionem ac promissionem fidelitatis, vnitatis, & obedientiæ exigere solet. Ad 2: Christus eo in loco significare voluit, iuramentum originem habere ex malo, siue peccato: quamobrem si homines fidem & obedientiam seruarent, iuramento nullo opus esset: Cum itaque in Episcopis non semper fides, sinceritas, & obedientia constiterit, quin imò aliqui suspecti sint, qui etiam post præstitum iuramentum defecerunt, ideo cogitur Pontifex iuramentum pro fide, vnitatem & obedientiam exigere. Ad 3. Quod Concilia Romanæ ecclesiæ legem non præſtant; cum omnia per Romanæ Ecclesiæ auctoritatem facta sint, roburque acceperint: Et ideo in eorundem statutus Romani Pontificis auctoritas semper excepta intelligatur: Quare concludit Pontifex, Quandoquidem Archiepiscopus à Rom. Apostolica Sede pallium, tanquam insignia dignitatis petat, accipiatque, quæ à B. Petri corpore desumuntur, ideo æquum esse, ut Archiepiscopus vicissim debeat subiectionis signa, præſtito iuramento, exhibeat, quibus declaratur, quod sit membrum in corpore Ecclesiæ, cum alijs membris, & ipso Capite Christo, eiusque in terris Vicario co-hærens, vnitatemque conseruans. Ita explicat Hostiensis, & Ioan. Andr. hic n. 12. & 13.

SUMMARIUM.

1. *Expressio conditionis secundum eum modum, quo suapte naturâ, siue ex necessitate inest, nihil operatur. unde dispositionem non reddit conditionalem, sed absolutam relinquit.*
2. *Summus Pontifex est supra Concilium Generale, quod proinde legem ei imponere non potest in condendis statutis morum, quò minus ob iustam causam ea mutare, aut tollere, vel in ijs dispensare queat.*
3. *Episcopi & Archiepiscopi tanquam membra cum membris inter se iuncta sunt, cum Rom. Pontifice tanquam totius Ecclesie capite, à quo omnis ecclesiastica potestas derivari debeat.*

NOTANDUM I. Expressio conditionis secundum eum modum, quo suapte naturâ, siue ex necessitate inest, nihil operatur: quare nec facit dispositionem conditionalem, sed absolutam relinquit. Ita sumitur ex hoc cap. iun. Gl. communiter recepta ver. conditione, & habetur in l. 3. vbi Bart. & alij, ff. de legatis 1. & l. conditiones 99. ff. de condit. & demonstrat. Exem. causâ. Si Episcopus alicui beneficium curatum conferat, expressa conditione, ut prius habitam ecclesiam parochialem resignet, non est illicita pactio, seu obligatio: cum ea iam. antè ex iuris necessitate imposita fuerit, c. de multa 28. de præb. Dixi autem, si conditio exprimitur secundum eum modum, &c. Secus verò est, si novus obligationis modus imponatur: Exemplum. Is cui beneficium ecclesiasticum confertur, ex gratitudine obligatus est ad præstanda obsequia, deferendum honorem collatori, & promotori suo: quare de hac ipsa obligatione, sicuti naturaliter & necessario inest, commone fieri potest promotus, absque simoniæ vitio. At verò non potest in pactum & obligationem deduci, ut talia obsequia præstet, quasi ex iustitia teneatur, & ad ea compelli possit, quia ista obligatio suapte naturâ non inest, sed nova eaque simoniaca pactione inducitur. Videri possunt, quæ hic tradit Abb.

n. 6. & quæ docui lib. moral. Theol. 3. tract. 4. cap. 16. n. 4. §. Sed quæstio est.

NOTANDUM II. Iuramentum non est illicitum, sed virtutis Religionis actus, si comites habeat veritatem, iudicii discretionem, atque iustitiam. De hac re dixi in lib. 4. tr. 3. cap. 3.

NOTANDUM III. Sicuti in humano corpore caput est supra reliqua membra, ita summus Pontifex est supra Concilium, etiam generale: si id sumatur tanquam distinctum à Pontifice: Sin autem generale Concilium accipiatur, quatenus etiam Pontificem tanquam partem præcipuam includit, non rectè dicitur, Papam esse supra Concilium: cum pars non sit excellentior suo toto. Hinc inferitur, quòd Concilium generale in condendis statutis morum, legem Rom. Pontifici imponere non possit, quò minus ob iustam causam ea mutare, aut tollere: vel in ijs dispensare queat. Siue enim spectentur statuta Concilij abstrahendo ab auctoritate ex confirmatione Papæ, tum inferior est potestas, quæ superiori obligationem asserere haud potest, c. inferior 4. d. 21. Siue spectentur, quatenus Papalem auctoritatem approbationemque acceperunt, non potuit vel Papa sibi, vel successoribus suis legem imponere: quia par in parem non habet imperium, c. innouit 21. hoc tit. Adde, quòd secundum rationabiliter præsumptam Rom. Pontificis voluntatem, graui & urgente de causa, si ad ipsum Pontificem accessus non sit, etiam Episcopus dispensare possit, iuxta ea quæ docui lib. 1. Theol. moral. tract. 4. cap. 22. n. 4. & tradit inter alios Abb. Panorm. in c. cum dilectus n. 10. de elect.

Locutus sum autem de statutis morum, prout etiam declaratum reperitur in Trident. Concil. Sess. 25. cap. 21. de reform. *Sancta Synodus omnia & singula sub quibuscunque clausulis & verbis, quæ de morum reformatione, atque ecclesiastica disciplina in hoc sacro Concilio statuta sunt, declarat, ita decreta fuisse, ut in his salua semper auctoritas Sedis Apostolica & sit, & esse intelligatur.* At verò fidei decreta diuini iuris atque infallibilia sunt, vs nulla humana potestate mutari

queant, quippe à Spiritu sancto, qui nec falli, nec fallere potest, Ecclesiæ in Sanctis œcumenicis Conciliis inspirata. Videri potest Abb. hien. 3. & quædocui in Theol. mor. lib. 2. tract. 1. cap. 2. n. 4.

3. NOTANDVM IV. Episcopi, & Archiepiscopi tanquam membra cum membris inter se vniti sunt, atque cum Romano Pontifice tanquam totius Ecclesiæ Capite, à quo omnis ecclesiastica potestas, secundum Christi commissionem & dispositionem, derivari debeat. Qua de re dixi lib. 1. mor. Theol. tract. 4. cap. 7. §. 2. Sumitur autem hæc doctrina ex §. fin. huius c. vbi dicitur, quòd insignia dignitatis, siue pallium archiepiscopale, quo veluti particula potestatis ecclesiasticæ significatur, de corpore B. Petri, vbi plenitudo potestatis est, desumatur, prout hic Ioan. Andr. explicat, & dicam iterum in e. 3. de auctoritate & vsu pallij.

CAPITVLVM V.

Quia

PARAPHRASIS

Quidam abiurato schismate, quod contra Alexandrum III. Papat ab Octauiano excitatum erat Anno Christi 1160: ad Ecclesiæ unitatem rediit: Pòstea electus est in Episcopum suffraganeum Ecclesiæ Aquileiensis. Hoc in casu Legatus à latere quæsiuit, num electionem istam confirmare deberet: Respondit Pontifex Alexander, Se dispensatiue id permittere, dummodò electus ille à schismatico Episcopo nullum ordinem acceperit, & aliàs idoneus sit: Quare mandat Legato Cardinali, vt eum ab Episcopis suffraganeis Aquileiensis Ecclesiæ consecrari curet: saluo interim iure Ecclesiæ Metropolitanæ, si relicto schismate ad unitatem Catholicam redierit.

SVMMARYM:

1. Schismatici ad unitatem Catholicam

reuerſi schisma abiurare debent, vti hæretici hæresin.

2. Schismaticum ad Ecclesiæ unitatem reuerſum ad episcopalem dignitatem promoueri non debet.
3. Qui ab Episcopo schismatico (postquam denominatus est) Ordines suscepit, suspensus est, seu potius irregularis.
4. Si Archiepiscopus in schisma vel hæresin lapsus sit, amittit ius consecrandi Episcopos provincie, & alij Coepiscopi seu Suffraganei Episcopi supplent defectum eius.
5. Si Episcopum vnà cum Capitulo in schisma lapsus sit, perdit iura ecclesiæ sue, secundum exercitium tamen, non autem secundum habitum.

NOTANDVM I. Schismatici ad unitatem Catholicam reuerſi, Schisma abiurare debent, vti etiam habetur in c. quoties 9. causa 1. quæst. 7. ex Gregor. I. Papa lib. 1. o. Registri epist. 31. Idemque in hæreticis ad Ecclesiam Catholicam reuerſis obseruandum, vt hæresin abiurare cogantur: siquidem omnes hæretici etiam schismatici sunt.

NOTANDVM II. Qui ex schismate ad Ecclesiæ unitatem reuerſus est, ad episcopalem dignitatem prouehi non debet, vti etiam habetur in cap. nos consuetudinem 81 d. 12: quod est Gregorij I. Papæ lib. 1. cap. 75. ad Episcopos Numidiam Pontifex tamen eam talibus dispensare solet, vti hic apparet, & annotauit Glossa in cit. cap. ver. prohibemus. Quare non videtur hæc seuisse propriè dicta electio, sed potius postulatione personæ alioquin inhabilis, nisi Pontificis dispensatio accederet. Verùm in iure, præsertim antiquo, promiscuè usurpantur interdum vocabula electionis & postulationis.

NOTANDVM III. Qui ab Episcopo schismatico (posteaquam denunciatus est, considerato iure nono extraug. Ad cuiusmodi Ordines suscepit, suspensus est, seu potius irregularis iuxta cap. 1. & cap. 2. de schis.

de schismaticis : Quare talis eligi non potest, aut promoueri. Sed Pontifex Romanus etiam cum his, qui à schismatico Episcopo ordinati sunt, dispensare potest, & interdum solet, uti constat ex cit. c. 1. & videre licet in tom. 3. Concil. Sever. Binijs in notis Concilij Lateran. sub Alexandro III. Papa, fol. 561. col. 2. Legi etiam possunt, quæ de eui in Theol. moral. lib. 3. tract. 9. cap. 10. suspensæ.

NOTANDUM IV. Si Archiepiscopus in schisma vel hæresin lapsus sit, amittit ius consecrandi Episcopos prouinciæ : & alij Coepiscopi seu Suffraganei Episcopi suppleant defectum eius, ut ex hoc e. apparet, & notat Ioanni. Andr. hic n. 7. Abb. n. 5. Et videri potest generalior doctrina, quomodo Suffraganei vicini Episcopi defectum Metropolitani suppleant in Gl. c. 1. ver. Episcoporum, d. 100.

NOTANDUM V. Si Episcopus, uti cum Capitulo in schisma lapsus sit, perdit iura ecclesiæ suæ : Attamen secundum exercitium duntaxat, & non secundum habitum, quia plenè recuperat, posteaquam ad Ecclesiā redierit unitatem, uti hic apparet, in fine huius c. Veruntamen si priuatio iurū vel bonorum per sententiam, aut canonem suæ legē illata sit, tum necessaria est Principis restitutio, ut colligitur ex c. vergentis, de hæreticis, & lvi. Cod. de sententiam pæsis & restitutoris : Etenim quod Vniuersitas si tota delinquat, iura sua perdat, docent Regist. cum Gl. fin. in l. iubemus C. de SS. Ecclesijs, Glossa supra reg. 76. in c. ver. delictum circa finem.

CAPITVLVM VI.

Licet.

PARAPHRASIS.

Alexander III. Papa in Concilio Lateranensi can. 1. decreuit, ut electus à duabus partibus Cardinalium eo ipso verus ac indubitatus Pontifex, absque vlla exceptione, existat, tametsi reliqui consenti-
re nolint, vel in aliam suffragia sua dir-

gant. Sin autem à tertia seu reliqua parte electus siue nominatus nomen Roman. Pontificis assumpserit, tam ipse, quam omnes ij, qui eum receperint, excommunicationem & suspensionē ab ordine ipso facto incurrant, quin & sacrā Communionē, præterquam si in extremis constituti sint, priuati existant. Præterea constituit sub eisdem pœnis, ut electus à paucioribus quàm duabus Cardinalium partibus, Papalem dignitatem non assumat, nisi aliorum etiam vota, ita ut duæ partes compleantur, accesserint. Id verò speciale esse debet in Roman. Pontificis electione, pristino iure vigorem sum retinente circa alias electiones, ut videl. sufficiat, si pars maior & sanior eligentiū consentiat : Nam si in his aliquod dubium postea emerferit, Superioris iudicio definiri poterit, quod non ita in Roman. Pontificis electione, cum in terris Superioriorem nullum habeat, fieri potest.

SUMMARIUM.

1. Electio Summi Pontificis ad Cardinales spectat.
2. Et si ea facta fuerit à duabus partibus Cardinalium, omnimodè ea rata haberi debet, ita ut nec vlla exceptione Excommunicationis, vel alterius censuræ oppugnari possit.
3. Recensentur tamen aliqui casus, in quibus electio Summi Pontificis ipso iure irrita est, & ut talis declarari potest.
4. Eligi debet ex Cardinalibus, si idoneus adsit, quod si tamen alium seu clericum seu laicum eligerent, valida foret electio.
5. Casus, quo à Concilio Generali Papa à Cardinalibus non canonice electus declareretur, & rejciatur, electio alterius Papa non ad Concilium (nisi in casu necessitatis) pertraheretur, sed adhuc pœnes R. & Cardinales permaneret.
6. Electio Papa, quæ ab initio propter defectum numerus eligentium inualida fuit, conualescit per suffragia, quæ postea accedunt. In alijs Prælatorum & lib. 3. electio.

lectionibus alia electio inchoari debet.

7. *Facta electione canonica Summi Pontificis, omnis ei potestas super Ecclesiam à Christo Domino confertur, ita ut alia confirmatione non indigeat.*

NOTANDUM I. Electio Summi Pontificis ad Roman. Ecclesie Cardinales spectat. Ita sumitur ex hoc c. & c. 3. eod. in 6. Et est id conforme primæ ecclesiæ institutioni: Nam electio Prælati ad Clerum, seu clericorum Collegium spectat, c. 1. hoc tit. Cardinales autem pars præcipua sunt cleri Romani, ipsiq; Ecclesie Romanæ Capitulum representant: Ergo ad Cardinales electio spectat Romani Pontificis; qui & ipse S. Petri Principis Apostolorum successor est, teste S. Cypriano lib. 1. epist. 3. ad Cornelium Papam, S. Hieronymo in epist. ad Damasum, & Concil. Chalcedon. act. 3. in relatione ad Leonem I. Papam.

Olim verò etiam populi testimonium, ac postulatio seu nominatio requirebatur, vti suprà dixi in c. 1. & docet Azor tom. 2. lib. 4. c. 2. q. 2. Atque habetur in Concil. Romano sub Ioann. IX. tom. 3. Concil. 9. Quia sancta. Quare mirum videri non debet, etiam Imperatoris Legatos electioni interfuisse, non tantum vt cum reliquo populo boni Pontificis electionem à clero Romano impetrarent, sed etiam vt violentias, ac turbationes, quæ oriri possent, auctoritate suâ impedirent, sicuti in eodem Concilio legi potest. Id verò ius à Iustiniano, Mauritio, alijsq; Imperatoribus quibusdam male usurpatum fuit, vt electum Roman. Pontificem inthronizare non liceret, nisi prius approbatio & confirmatio Imperatoria accessisset. Quæ ipsa res interdum schismatici occasionem præbuit: Quamobrem Nicolaus IV. Adrianus II. & alij Pontifices, etiam consentientibus Imperatoribus, absum illum sustulerunt, & Roman. Pontificis electionem clero liberam fecerunt, vti videre licet in c. cum Adrianus 29. & pluribus seqq. d. 63. Quandoquidem etiam olim ante Iustiniani Imperatoris tempora, liberam clericis Romanum Pontificem eli-

gendi potestatem fecisse: neque Imperatores, aut Reges auctoritatem suam interposuisse, eruditè ostendit Roman. Ecclesie defensor contra Henrici IV. Imperatoris Aduocatum, in Concilio congregato in Osorio Germanie loco contra Cadaloum Pseudopapam, tom. 3. Concil. p. 2. Seuer. Binij fol. 238.

NOTANDUM II. Speciale id est in Romani Pontificis electione, quodd, si ea facta fuerit à duobus Cardinalium ad electionem conuenientium partibus, omnimodè rata censeri debeat, ita vt neque per objectionem excommunicationis, alteriusue censuræ, quantumuis apparentis in ipso electo, oppugnari possit, vti hinc notat Gl. ver. exceptione: Sed neque per exceptionem excommunicationis, alteriusue censuræ cuiuscunq; in Electoribus apparentis, vti decretum est in Clem. Ne Romani, §. Cæterum, hoc tit. & videri potest Azor tom. 2. lib. 4. cap. 5. q. 7. Suarez de censur. disp. 14. sect. 2. n. 19. vbi ait: validam fore electionem Papæ, tametsi ponamus tam electum, quam Cardinales eligentes in excommunicatione existere.

Sunt verò aliqui casus, in quibus Roman. Pontificis electio ipso iure irrita est: atque vt talis declarari potest. Primus. Si electus in notoria hæresi existat, vti docet Gl. recepta cit. ver. exceptione, Abb. hic n. 10. & 11. Azor cit. q. 7. §. Ergo quæstionis; & colligitur ex Bulla Iulij II. cuius initium *Cum tam diuino*, in Concil. Lateran. sess. 5. Si enim accidat, Papam hæreticum manifestum fieri, coram Concilio accusari poterit, vt deponatur, iuxta c. si Papa 6. d. 40 (quamuis id Deum nunquam permissurum esse, præ creditur) Ergo multo magis si accidat, manifestum hæreticum eligi, talis electio oppugnari, & irrita declarari potest. Quia secundum ius diuinum, hæreticus non est Ecclesie membrum, consequenter nec Caput Ecclesie esse potest. Videri possunt quæ docui lib. 2. Theol. moral. tr. 1. cap. 7. assert. 2.

Secundus. Si electus in Pontificem, ob alium defectum, spectato iure diuino, aut naturali, inhabilis sit, videl. si sit infans, æmens, mulier: quia talia impedimenta iure cano.

canonico tolli, aut suppleri non possunt, prout bene hic declarat Abb. cit. n. 11.

Tertius. Si Pontifex simoniace electus sit, oppugnari & reijci potest electio, tanquā ipso iure irrita, ut habetur in cit. Bulla Iulij II. & colligitur ex c. si quis pecunia 9. d. 79. & tradit Azor cit. lib. 4. cap. 5. §. Deinde quæres.

Quartus. Si electio Pontificis facta sit per metum grauem & iniustum, irrita censi debet, ut constat ex Concil. Constantensi sess. 39. & docet Azor cit. lib. 4. cap. 2. q. 6. & cap. 5. q. 7. §. Si demum, ubi recte ex Baldo admonet, talem metum interuenisse, ostendi debere: Neque licet Cardinalibus, ut in supra dicta sess. habetur, ad aliam electionem procedere, nisi prius conuocato Concilio generali de nullitate electionis cognoscatur: præterquam si electus ipsemet electioni suæ renunciaret. Quod quidem in hoc casu facere tenetur, si sciat electionem per metum grauem & iniustum, à quacunque persona illatum, peractam fuisse: quandoquidem ea ipso iure irrita est: alioquin enim ab Ecclesia rescindi nunquam posset.

Necesse autem est, ad electionem ex hac causa impugnandam, ut metus iniuste incassus sit ad certam personam eligendam, sicuti hic Abb. tradit n. 12. & c. cum terra n. 3. hoc tit. & colligitur ex c. 3. §. Cæterum, eod. tit. in 6. ubi etiam ratio insinuat: quia si vnus certus eligi debeat, vitiatur substantia electionis, in eo consistens, ut electio ex pluribus fiat, eligentium arbitrio. Sin autem Electores Cardinales iniuste cogantur ad eligendum vnum ex pluribus determinatis personis, aut certo personarum genere, substantia electionis, absolute loquendo, consistit: nec iure canonico talis electio infirmata reperitur: consequenter valida censi debet.

Quintus. Si obijciatur, quod eligentes ius eligendi non habuerint, quia non sunt S. R. E. Cardinales: Tunc enim destruitur fundamentum electionis: si ostendatur eam prouenisse ab ijs, qui tali potestate carebant; dammodo defectus, qui obijcitur, occultus non sit. Atque ita docet Azor cit. c. 5. q. 7. §.

Quæres insuper, post Abb. hic n. 10. & 11. ubi allegat doctrinam Gl. notabilem in Clem. vn. ver. non obstante, de sequestr. possell. & fructuum: Esi per constitutionem inhibeatur, ne contra latam sententiam nullitas obijci possit; nihilominus obijci posse defectum iurisdictionis, seu sententiam à non iudice prolatam esse: Quia constitutio prohibens exceptionem contra sententiam, supponit sententiam esse: non est autem sententia, quæ ab eo lata est, qui iurisdictione caret. Ita etiam sacri canones ad formam & substantiam electionis Pontificiæ requirunt, ut à Cardinalibus, & tanto eorum numero peracta sit: Locus itaque est exceptioni, per quam substantia hæc & fundamentum eueritur.

Ex dictis colligitur, Tametsi Cardinales vnum ex Corpore seu Collegio suo eligere debeant, si idoneus adsit, uti constat ex c. 1. d. 23. c. 3. & 4. d. 79. si tamen alium, seu clericum seu laicum, eligerent, valida censi electio deberet: Propterea quod ea ob nullam inhabilitatem ex iure positio prouenientem infirmetur, nisi infirmatio in iure canonico expressa sit. Atque ita ex communi docet Azor cit. cap. 5. §. Cæterum.

Obijciatur autem I. Summus Pontifex nō ligatur ecclesiasticis legibus, quatenus poenales, aut irritantes sunt; Ergo non potuit in Concilij constitui, ut electio Romani Pontificis facta v. g. per simoniam aut metum grauem & iniustum, irrita esset. Respondetur, neg. consequ. Quia licet Pontifices, aut Concilia generalia non possint eiusmodi leges imponere Pontificibus successoribus, si verè & legitime electi sint, cum par in parem non habeat imperium, cap. innotuit 20. hoc tit. possunt tamen electionis formam substantialem præscribere, seu conditiones, sine quibus verus & legitimus Pontifex eligi, & constitui non possit.

Obijciatur II. Si electio Pontificis ob defectum aliquem vitari, & corruiere potest, sequi videtur, non esse certum, an Ecclesia verum Pontificem ac Pastorem habeat. Respondetur: Vel defectus eiusmodi coram Ecclesia manifestus est; vel non manifestus, sed occultus.

occultus: Si primum, nullum subesse potest periculum: quia Ecclesia talem Pontificem non acceptabit, sed palam reclamabit. Si secendum, quia pontifex v. g. hæreticus occultum ad Pontificatum assumi, licet is verè Caput Ecclesiæ non sit, tamen propter publicam ignorationem, Deus (qui in necessarijs non deest) supplebit defectum, ut omnia eius acta & decreta perinde valeant, & obligatoria sint, ac si verus Pontifex esset, argumento eorum, quæ docent DD. ex l. Barbarius 3. ff. Offic. Prætorum. Neque permittet Deus, ut hæresin suam Ecclesiæ ex Cathedra proponat, quæ de re latius egi in Theol. mor. lib. 2. tr. 3. cap. 7. assert. 3. Accedit, quod valde probabile sit, diuinâ prouidentia impediri, ne vnquam hæreticus, aut simili substantiali occulto defectu laborans, in Pontificem eligatur.

QVÆSTIO est: Si accidat, ut congregato Concilio generali, Papa à Cardinalibus non canonicè electus declaratur, ac rejiciatur, vtrum ad Concilium tunc pertineat alium Pastorem Ecclesiæ prouidere? Resp. cum Azor cit. tom. 2. lib. 4. cap. 2. q. 14. Etiam in hoc casu electionem penes R. E. Cardinales permanere: Cum enim ea eligendi potestas à Summis Pontificibus, approbantibus etiam generalibus Concilijs, collata & confirmata sit, non potest ea absque iure expresso, & absque necessitatis causa, eisdem auferri. Necessitas autem pro ea vice auferendi Cardinalibus eligendi facultatem, esse possit. si v. g. ad schisma tollendum, cui plerique Cardinales fauerent, expediens esset, electionem à Concilio generali fieri, secundum Azor cit. loco.

NOTANDUM III. Speciale id quoque est in Roman. Pontificis electione, quod quæ ab initio propter defectum numeri eligentium inualida fuit, conualecit per suffragia, quæ postea accedunt. At verò in alijs Prælatorum electionibus necessarium est, aliam electionem inchoari, vti colligitur ex c. auditis 29. hoc tit.

Sciendum verò insuper est, quod Gregorius XV. Pontifex novam Constitutionem de forma Roman. Pontificem eligendi edi-

dit, in cuius observationem Cardinales XL iurasse, testatur Ioann. Malderus 1. 2. q. 95. a. 1. non longè à fine.

NOTANDUM IV. Facta electione canonica Romani & vniuersalis Episcopi, omnis ei potestas super Ecclesiam à Christo Domino confertur, ut proinde aliâ confirmatione non indigeat, prout etiam indicatur in c. 1. n. 3. & c. nouit 13. vbi Innocentius III. dixit: *Potestas nostra non est ex homine, sed ex Deo*, & explicauit hanc rem in Theol. moral. lib. 1. tr. 4. cap. 6. n. 6. Nihilominus consuetudo obtinet, ut Romanus Pontifex post electionem confectetur & coronetur: Et antequam id peractum est, in Bullis non se absolute Episcopum appellat, sed electum Episcopum: Neque id tempus, quod ante coronationem est, Apostolatus sui vocat, sed *suscepti Apostolatus officij*, vti videre licet in Gl. in reg. iuris super data, yer. Pontificatus.

CAPITVLVM VII.

Cum in cunctis.

PARAPHRASIS.

Cum in omnibus promouendis ad sacros Ordines & ministeria ecclesiastica de his tribus inquirendum sit, ætate, morum grauitate, & literarum scientia, multo magis huiusmodi inquisitio fieri debet in Episcopo, quippe qui ad aliorum curam positus, in se ipso ostendere debet, qualiter alios in Domo Dei oporteat conuersari. Ideo, ne quod ob temporum necessitatē, secus interdum actum fuit, in exemplum à posteris trahatur, Alexander VI. in Concilio Lateranensi cap. 3. decreuit, ut nullus in Episcopum eligatur, nisi qui xxx. ætatis annum exegerit, & de legitimo matrimonio natus sit, qui etiam vitæ & scientiæ commendabilis demonstretur.

SYMMARIUM.

- 1, Circa promouendos ad sacra ministeria, præsertim Episcopos, tria inquire debent.

debent, atque maturitati, morum probitas, & scientia requisita.

2. Plurimum interest Ecclesie, eiusque boni status, ut Episcopi alijq; ecclesiastici Prælati tam seculares, quam regulares honestate morum, & scientia clari sint.
3. Communiter loquendo, morum & disciplinæ integritas in sacris Congregationibus, præsertim vna cohabitantium v. g. Religiosorum, pendet ex Prælato, & eorum præfatu, ita ut si ea collapsa fuerit, plerumq; huius radix & origo sit, negligentia, imperitia, aut imprudentia eorum, qui præfunt, vel qui proximi præfuerunt.
4. Quæ propter temporum necessitatem interdum dispensatiue facta sunt, non debent trahi ad exemplum, vti etiam seculi necessitate fieri permittantur.
5. Ad Episcopatum eiusque administrationem plerumq; non satis idoneum est, nisi instructus SS. Theologia & Canonum peritus.
6. Vnde si fieri possit, ad Episcopatum, Vicariatum, & similes Prælaturas & dignitates quarendi sunt, qui in utroque hoc studio exercitati sint. Si autem contingat, eos haberi non posse, præferri haud dubie debet purè Theologus purè Canonista.

NOTANDUM I. In promovendis ad sacra ministeria, præsertim in Episcopis, tria inquiri debent, ætatis maturitas, morum probitas, & scientia requisita. Et debent, maxime in Episcoporum, aliorumque Prælatorum promotione, accipi testimonia, siue informationes ab ijs, qui personam, eiusque qualitates cognitas habent, vti colligitur ex verbis huius c. *commendabili demonstratur*, & dixi de hoc fusiùs in c. 3. not. 2. q. 1.

NOTANDUM II. Plurimum interest Ecclesie, bonique eius status, & disciplinæ ecclesiasticæ conservandæ, si Episcopi, alijque Prælati cum secularibus, tum regulares honestate morum, atque scientiâ clari sint: Propterea quod ij alijs, quorum curam gerunt, positi sint ad exemplum, ac proinde in

seipso opere ostendere debeant, quam morum honestatem, & scientiæ eruditionem in alijs exigunt. Hoc ipsum Christus Dominus significare voluit apud S. Matth. cap. 5. quando discipulis suis dixit v. 15. *Postest lux mundi*, & v. 17. *Sic luceat lux vestra* coram hominibus, ut videant opera vestra bona, & glorificent Patrem vestrum qui in caelis est. Et v. 20. *Qui autem fecerit & docuerit, hic magnus vocabitur in regno celorum.* Non sufficit itaque, si Episcopi, alijque Ecclesiarum Præpositi ac Rectores populum, & eorum sibi subiectum bene doceant, salubria decreta, & ordinationes condant, visitationes frequentes instituunt, nisi exemplo præcant, & quæ in alijs postulant, & necessaria esse contendunt, in seipsis exhibere atque ostendant.

Si loqui velimus de sacris Congregationibus, præsertim vna cohabitantium, v. g. Religiosorum, tametsi negari non possit, reperiri subinde aliquos duræ cervicis, qui nec verbo, nec exemplo facili ad morum, & disciplinæ integritatem adduci se sinunt, attamen, communiter loquendo, in eam sententiam ire possumus: totum pæne eiuscæ Congregationis statum, & disciplinam pendere ex Prælato, iisque qui reliquis præfati sunt Adeo, ut si disciplina alicubi labatur, siue inordinatè viuat, si originem indagare quis velit, plerumq; reperturus sit negligentiam, imperitiam, aut imprudentiam in ijs qui præfunt; aut qui proximè præfuerunt: quamobrem dicitur in c. nihil 44. hoc tit. *Nihil esse, quod Ecclesia Dei magis officiat, quàm quod indigni* (videl. indocti, imprudentes, aut moribus non probati) *assumuntur Prælati ad regimem animarum.*

NOTANDUM III. Quæ propter temporum necessitatem interdum dispensatiue facta sunt, non debent trahi ad exemplum, vti etiam seculi necessitate fieri permittantur. Talia sunt v. g. quod iuvenes, aut adulescentes, vel qui sacris ordinibus initiati non sunt, nec initiari volunt, Episcopi aut Prælati ecclesiarum constituantur. Hæc si quandoque facta sunt postulante necessitate, commendari debent, sin autem necessitas non sit, aut non

ii
santa,

tanta, vt in re admodum graui, & ex qua ecclesijs plurimum detrimenti afferri solet, indulgentia siue dispensatio fieri debeat, nulla apud Deum excusatio esse potest. Ita annotauit etiam Abb. hic n. 1. not. 4.

Quasi 10 hic tractari potest, Si quispiam ad episcopatum, aut episcopatus administrationem promouendus sit, Theologusne, an Canonista, si cetera paria sint, præferri debeat? Pro Theologo stant Theologi, vt videre licet apud Domin. Sotum lib. 3. de iust. q. 6. a. 2. Azor tom. 2. lib. 3. cap. 28. q. 10. Sed Canonistæ, saltem in quibusdam casibus, fauent Canonici iuris Doctores, Hostiensis in c. 1. ibid. Abb. n. 9. de consang. August. Barbosa de offic. & potest. Episcopi p. 2. allegat. 1. n. 30. Respondeo ad quæst. & Dico I. cum Eman. Rodriq. tom. 1. qq. regul. q. 11.

§ a. 4. Ad Episcopatum, vel administrationem episcopatus plerumque non satis idoneus ceteri potest, nisi qui vtrâque ead. sacræ Theologiæ, tum sacrorum canonum peritiâ instructus est, vt manifestè colligitur ex c. 1. & c. nulli 4. & seq. d. 38. quibus in locis habetur, quod Episcopus Euangelium, & omnem Scripturam sacramatque sacros canones scire debeat, vt populum vniuersum curæ suæ commissum edocere queat: Prius enim discere oportet, quam vt dignè quis alios instruere possit, cap. sic viue 26. causa 16. q. 1. Non requiritur tamen in Episcopo scientia eminens, c. nisi 10. de renunc. sufficit, si tanta adsit, adiuncta prudentia & rerum experientia, vt erroribus ac deceptionibus obnoxius non sit, sed inter bonum ac malum, aptum & ineptum, à suis adiutoribus seu officialibus suggestum consilium, discernere queat. argum. c. nullus 16. ead. d. 38. vbi dicitur, quod Episcopum etiam à minimis eruditus, si quid forte est vtilitatis, aut salutis, inquirere oporteat.

Declaratur ampliùs quæ dixi: Præter doctrinam veritatis Christianæ, qua populum sibi subiectum Episcopus pascere debet, atque ab hostibus defendere; multa quotidie ex sacris canonibus responsa dare cogitur circa Ministrorum ordinationes, officia, beneficia; circa Prælatorum sibi subiectorum ex-

lectiones, confirmationes, institutiones; circa iura patronatus, decimarum, ecclesiasticorum prouentuum, immunitatum; circa vota, iuramenta, dispensationes, censuras, irregularitates, matrimonij impedimenta, rerum ecclesiasticarum alienationes, pias foundationes, vltimas voluntates, &c. Et eod. quidem magis, quò amplior episcopalis diocesis sit, & plures ecclesias subiectas sibi habet. Quare hoc ipsum Theologiæ Studiis perpendere debent; quanto maiorem in Ecclesia Christi fructum facturi, & Episcopis adiumentum allaturi sint, si ead. sacræ Scripturæ, & Scholasticæ Theologiæ laudatissimo studio, sacrorum etiam canonum cognitionem coniungant.

Dico II. Si accidat, vt ex duobus, tanquam 6 præ aliis omnibus idoneis, ad ecclesiam Cathedralē, vel aliam prælaturam promotendus sit; quorum vnus purè Theologus, iuris canonici peritiā vix vllam, siue exiguam habens; alter sit purè Canonista, in Theologia vix quidquam versatus; præferri haud dubiè debet Theologus. Quia cognitio veritatis Fidei magis necessaria est, quippe fundamentum ecclesiasticæ gubernationis, ac disciplinæ. Sed, vt dixi, si fieri possit, querendi ac promouendi sunt tales ad Prælaturas, Vicariatus, & similes dignitates, qui in vtroque studio versati, & exercitati sint.

§. Cùm verò electus.

PARAPHRASIS.

Posteaquam in Episcopum electus confirmationem accepit, bonorūque ecclesiasticorum administrationem; tempusque à sacris canonibus accipiendæ consecrationi elapsū est, vacant omnia eius beneficia, quæ habebat: ita vt liberè conferri possint ab eo, cui de ijs disponendi ius competit.

SUMMARYM.

1. Post plenam Episcopatus affectionem omnia beneficia, quæ prius habuit promoueri, ipsi iure vacant.

2. Qui-

2. *Quibus quasi gradibus plenitudo episcopalis acquiratur.*
3. *Consecratio Episcopi post confirmationem intra tres menses fieri debet, nisi inevitabile impedimentum interveniat.*
4. *Si cuius consecrationem accipiat Episcopus, statim eius beneficia vacant.*
5. *Vacabunt etiam, si ex dispensatione Papæ, elapsi trimestri, Episcopus non tenetur consecrationem accipere.*
6. *A quo Episcopo, & quo modo, loco, & tempore fieri debeat consecratio.*

NOTANDUM I. Post plenam episcopatus afectionem, omnia beneficia, quæ prius habebat promotus, ipso iure vacant. Et hodie quidem eiusmodi beneficia, quæ per promotionem vacare dicuntur, Rom. Pontifici reservata sunt, extrauag. Ex debito, de elect. & Extrauag. Ad regimen, de præbendis, inter communes. De beneficiis autem vacantibus per promotionem ad Abbatis & Prioratus videri potest Flaminius de resign. benef. lib. 3. q. 1. n. 95.

NOTANDUM II. Plenitudo potestatis episcopalis, etiam ad eum effectum, ut beneficia promoti vacare censeantur, his veluti gradibus acquiritur: I. Est electio canonica, cui postulatio æquiparatur. II. Est confirmatio, per quam datur ius administrandi, possessionemque capiendi. III. Adeptio possessionis pacificæ tam in spiritualibus, quam in temporalibus, saltem quoad maiorem bonorum partem, argum. c. 1. §. illum autem, de restit. spoliator. in 6. & tradit. Abb. hic n. 4. Antqn. n. 8. Gl. in c. sit tibi 26. ver. vacare, de præb. in 6. Videri etiam potest Gl. in c. commissa 35. ver. pacificam, hoc tit. in 6. IV. Est consecratio, per quam etiam ea acquiruntur, quæ ad ordinis episcopalis exercitium spectant, c. transmissam 15. iun. Gl. ver. de talibus, & c. quod sicut 28. §. Super eo, hoc tit.

3 Porro consecratio Episcopi intra tres menses post acceptam confirmationem fieri debet, nisi inevitabile impedimentum interveniat, c. 1. d. 75. & cap. 1. d. 100. & in Trident. Sess. 23. cap. 2. de reform. ubi statuitur, ut Ecclesiis Cathedralibus præfecti, si munus

consecrationis intra tres menses non susceperint, ad fructuum perceptorum restitutionem teneantur: si intra totidem menses postea id facere neglexerint, ecclesiis ipso iure sint privati.

QUESTIO prima. Si Episcopus prius, quam trimestre spatium elapsum est, consecrationem accipiat, vacante statim eius beneficia? Negat Hostiens. hic, propter textum huius §. in quo ad beneficiorum vacationem inducendam requiritur, ut tempus de consecrandis Episcopis à sacris canonibus definitum elapsum fuerit. Sed Gl. ver. ad quem spectat, quam Innoc. hic n. 4. & alij interpretes communiter sequuntur, affirmat, partem amplectitur: quia tunc plene quis affectus est episcopatum, uti colligitur ex c. super his 16. de accusat. Ideoque adeest ratio & fundamentum, cur alia eius beneficia vacare debeant. Ad argum. Hostiensis ex textu huius §. respondetur: Nihil aliud ibi significari, nisi quod non tantum consecratio Episcopi, post pacificam adeptam possessionem, faciat priora eius beneficia vacare, sed etiam, si promotus in culpabili mora consecrationem accipiendi existat: cum non debeat eum ex negligentia & culpa suum commodum ferre.

QUESTIO secunda: Si Episcopus indultum, seu dispensationem Papæ accipiat, quod minus post elapsos tres menses consecrationem accipere teneatur, num interea beneficia eius vacent, necne? Ioan. Andr. & alij apud Anton. de Butrio hic n. 13. aiunt, vacare, si dispensatio facta est ad instantiam: eò quod odiosa censetur, & strictè interpretationis: ac proinde non debeat duo operari, videlicet relaxare legem accipiendæ consecrationis, & beneficiorum vacationis: secus, si motu proprio Papa eiusmodi indulgentiam concessit, argum. c. si motu 22. de præb. in 6. Sed à priore dicto recessit Anton. loco cit. & Abb. n. 8. argum. huius §. in quo secundum communem intellectum, beneficia promoti in Episcopum vacare dicuntur in duobus casibus: si consecratio accepta est, aut tempus trium mensium, concurrente negligentia, elapsum: Cum itaque in casu acceptæ dispensationis, etiam ad instantiam promoti,

neutrum horum adfit, non videntur vacare beneficia: Et contra fundamentum Iouannis Andr. affert aliam regulam Abb. hinc num. 8. & post eum alij, quos citat & sequitur P. Sanchez lib. 8. de matrim. disp. 1. n. 24. Quod dispensatio, tamen si aliquin stricti iuris sit, & non extendenda, comprehendere tamen debet ea, quæ sunt accessoria, siue necessarii consecutiuæ, secundum Gl. receptam in cap. quia 6. ver. plures, de prob. & sumitur ex c. accepimus 13. de etate & qualitate. Ex eo autem, quod consecrationis accipiendæ obligatio sublata est, necessario sequi videtur, vt & beneficiorum vocatio sublata censetur, argum. huius textus.

Respondeo tamen & Dico I. Has theorias parum prodesse, cum testetur Abb. hinc n. 3. & alij apud Azortom: 2. lib. 7. cap. 16. q. 12. §. præterea, Romanæ Curie consuetudinem esse, vt beneficia promoti statim post confirmationem vacare censeantur aliis que conferantur: quæ praxis reprehendi non potest, dummodo promoti securi sint de consequenda possessione: Sin autem possessionem episcopatus consecuturi non putentur, v.g. Suffraganei titulares, non video, quomodo eorū beneficia vacare possint, ita vt statim ad Pontificis collationem deuoluantur.

Dico II. Abstrahendo etiam à praxi illa; puto ad propositam quæstionem indistinctè responderi posse affirmatiuè. Nam secundum sacros canones duo decreta sunt, vnum per se ac principaliter, vt promoti ad episcopatum beneficia vacent, propterea quod non deceat in altiore dignitate constitutos inferioribus officiis aut ministerijs deferuire, argum. cap. ad aures 8. ff. de rescript. Alterum autem accidentarij, seu accessoriè, vt talis vacatio incipiat à tempore consecrationis, vel elapso tempore, quod cōsecrationi accipiendæ est præscriptum: Tamen si itaque hoc accidentale, seu accessorium per dispensationem tollatur, non ideo tamen tollitur, quod est per se ac principale: cum principale non pendet ab accessorio, prout in simili dixi in Theol. morali lib. 5. tract. 4. cap. 5. num. 8. Ex quo patet, regulam ex Abbate Panorm. allatam, veram quidem esse, sed non rectè ad

propositum applicari: cum vacatio beneficiorum non ex sola consecratione, aut eius accipiendæ negligentia consequens sit, sed ex ipsa quoque promotione, cum possessionis pacificæ alsecutione, si ponamus consecrationem non esse subsecuturam: Accedit denique, non esse conueniens, vt deterior sit conditio Episcoporum, qui ecclesiasticæ traditioni, & rectè constitutis canonibus obtemperantes, consecrationem accipiunt, quam eorum, qui quocunque pretextu, postulata dispensatione, subterfugiunt.

QVÆSTIO tertia. A quonam Episcopo consecratio fieri debeat, & quo modo? Respondeo, & Dico I. Episcopus à tribus Episcopis consecrari debet, vt habetur in Concil. Carthagin. 4. can. 2. in cap. vlt. d. 51. cap. porrò d. 66. cap. Ne Episcopi 7. de tempor. ordinat. Quod si in prouincia vnus tantum Episcopus adfit, is conuocabit alios ex prouincia vicina, cum quibus comprouincialem Episcopum consecret, prout tradidit Robertus Bellarmin. lib. 4. de notis ecclesiæ cap. 8. Henric. lib. 10. cap. 7. n. 3. & cap. 24. Est autem valde probabile, ex summi Pontificis dispensatione etiam vnum Episcopum consecrationem peragere posse: Quamobrem testatur Augustinus Barbosa super Trident. Sess. 23. c. 2. de reformat. Plum. V. concessisse, vt in locum duorum Episcoporum, assistentium, vbi ij haberi aut accesseri non possunt, duo Abbates, vel alij in dignitate constituti Presbyteri subrogari queant.

Dico II. Modus consecrandi Episcopum est per impositionem manuum Episcoporum, vt colligitur ex Apostolo 1. ad Timoth. c. 4. v. 14. 2. ad Timoth. c. 1. v. 6: Forma autem, Accipe Spiritum sanctum, &c.

QVÆSTIO quarta. Quo in loco, & quo tempore Episcopus consecrandus sit? Respondeo, & Dico I. Et si decens sit, Episcopi consecratione, si extra Urbem fiat, in ecclesia Cathedrali, ad quam promotus est, peragitur, non tamen id necessarium est, sed in alia quoque ecclesia, præsertim intra prouinciam, aut diocæsin, institui potest, vt colligitur ex supra cit. cap. vlt. d. 51. & cit. Sess. Trident. 23. cap. 2. de reformat.

Dico

Dico H. Episcopi & Archiepiscopi die Dominico consecrari debent, ex antiquissimo, & ut Leo I. Pontifex ait, relatus in cap. quoddam dicitur 5. & 75. Apostolica traditione. Attamen Roman. Pontifex dispensatione licentiam dare potest, ut consecratio Episcopi alio die fiat.

s. Inferiora.

PARAPHRASIS.

Decanatum, Archidiaconatum, & alia beneficia curata, etiam parochiales ecclesias nemo suscipere potest, nisi 25. ætatis annum attigerit, & scientiâ ac moribus commendatus existat. Et debet promotus ad huiusmodi beneficium intra tempus à iure definitum, ordinem sacrum requisitum accipere; alioquin, si post admonitionem non paruerint, remoto omni appellationis refugio, remouendi sunt, & officia alijs conferenda, qui ea & velint & possint conuenienter implere. Idque accipiendum non tantum de promouendis, sed etiam de iam promotis, dummodo canones eorum ordinationi non obstant.

SUMMARIVM.

1. Ad beneficium curatum qualecunque infra episcopatum requiritur ætas 25. annorum captorum. Ad dignitates & personatus sine cura animarum anni 22. completi requiruntur. Irrita est promissio, si fiat alijs, quàm hanc ætatem habentibus.
2. Quædam ecclesiastica beneficia sunt, quibus annexa est obligatio suscipiendi sacri Ordinis; quibusdam autem non est, nisi extraordinariè.
3. Sufficit tamen, si quis sacrum Ordinem accipiat, intra annum post diem promotionis sue ad beneficium, cui sacri Ordinis obligatio est annexa, numerandum.
4. Vniuersim loquendo satis non est, promouendum ad beneficium, cui sacer Ordo annexus est, eam ætatem habere, ut intra annum Ordinem suscipere possit.

si ad tale beneficium in canonico iure certa ætas per se ac directè requiratur. v. g. ad curatum quodlibet beneficium requiruntur 24. anni completi.

5. Sæpius est, si certa ætas tantum per accidens & consuetudinè requiratur, ut sit in Canonicatibus Cathedralis Ecclesiæ; tunc sufficit, promouendum in ea ætate esse, ut intra annum sacrum Ordinem accipere possit.
6. Omnes Cathedralis ecclesiæ Canonici cum instituuntur, saltem eam ætatem habere debent, ut intra annum subdiaconi fieri possint, videl. 22. ann.
7. Hac tamen Constitutio non obseruatur omnimodè in plerisque Germania Cathedralibus Ecclesijs, dum passim pueri in Canonicos assumuntur, non sine paruo Ecclesiæ detrimento.
8. Si in literis foundationis expressè sit, ut Capellania sacerdotalis sit, sine ut Capellani per se sacrificia celebrare debeat, poteris nihilominus illa conferri non Sacerdoti modo habeat eam ætatem, ut intra annum Sacerdotium accipere possit.
9. Ex causa grani & necessaria Episcopum dispensare potest in ætate promouendi, quando ea per accidens ratione annexi Ordinis requiritur.
10. Qui ad dignitates ecclesiasticas & curata beneficia assumuntur, scientiâ & moribus, commendati esse debent.
11. Electio, presentatio, aut promissio beneficii irrita est, si fiat omnino illiterato, qui literas latinas ne legere quidè sciat.
12. Si quis legere & scribere sciat, licet non intelligat, eius presentatio aut beneficii collatio ipso iure quidem valida esse videtur, resindi tamen debet: imò si beneficium curatum sit, aut ecclesiæ Cathedralis, ipso iure irrita est promotio.
13. Si electio aut promissio beneficii facta sit notato iuris infamia, omni iure irrita est.
14. Si facta sit homini criminoso, seu infamia facti laboranti, irrita est in ordine ad forum externum.

14. *Hic tamen in ordine ad forum internum, si nemo se ipsi opponat, & speret se breui defectum, videl. per publicam vite emendationem tollere posse, tutius esse potest; ita ut tituli reualidatione aut dispensatione non indigeat. Eadem ratio est de alijs quibusdam defectibus.*
15. *Fundatur predicta doctrina in hoc generali principio: si in electione aut provisione beneficii, alienatione rei ecclesiastica, vel simili actu desit solemnitas, vel aliquid requisitum (iure positum) substantiale, servata tamen sint omnia de iure naturali necessaria, nec iniuria interuenerit, in conscientia tutius est electus, prouisus, aut contrahens, donec Iudicis auctoritate talis actus rescindatur.*
16. *Excipe, nisi ab initio Magistratus actum ita infirmet (sicuti potest, & nonnunquam solet) ut ne in conscientia quidem foro vllus inde effectus sequatur.*
17. *Afferuntur casus, in quibus electio, aut provisio beneficii adeo infirmata est, ut electus aut prouisus nullum omnino ius in beneficio acquirat, ita ut in conscientia foro resignare obligatus sit, nisi dispensationem, titulique reualidationem impetrauerit.*
- Si ante obrentam dispensationem in propria persona beneficium administret, ritium intrusionis incurrit, ob quod de nouo inhabilis redditur ad illud assumendum.*
18. *Ordinarie loquendo, irregularis, vel aliter inhabilis ad Prælaturam aliudque beneficium ecclesiasticum, non potest illud petere, vel acceptare, nisi prius dispensationem super defectu, si dispensabilis sit, obtineat.*
19. *Accidere tamen potest casus, in quorumque liceat absque dispensatione ante impetratam.*
20. *Constitutio hac Alexandri III. trahitur etiam ad præterita.*
21. *Qui beneficium certum, Ordinem sacrum requirens, canonicè affectus fuit, si sit*

ne culpâ suâ eum accipere non possit, non debet beneficio iniunctus priuari.

NOTANDUM I. Ad beneficium curatum qualecunque infra episcopatum requiritur ætas xxv. annorum ceptorum, uti etiam habetur in c. licet canon 14. hoc tit. in 6. & in Concil. Tridentino sess. 24. cap. 12. de reform. In quo eodem cap. ad dignitates & personatus, quibus animarum cura non incumbit, anni xxii. completi requiruntur. Quod si alijs, quam dictam ætatem habentibus prouisio fiat, irrita censeri debet, cit. c. licet, & Trident. sess. 22. cap. 4. de reform. in fine.

NOTANDUM II. Quædam ecclesiastica beneficia sunt ex propria institutione sacrum Ordinem requirentia, Et horum alia Sacerdotalia, ut Decanatus, Præpositura, Abbatia &c. Alia Diaconalia, ut Archidiaconatus, de quo infra hoc libro tit. 23. Alia Subdiaconalia, v. g. Canonicatus ecclesiæ Cathedralium iuxta Trident. Concil. sess. 24. c. 12. de reform. ubi salubriter decretum; ut in omnibus ecclesiis Cathedralibus omnes canonicatus & portiones habeant annexum Ordinem Presbyterij, Diaconatus, vel Subdiaconatus: Episcopus autem, cum consilio Capituli, designet, ac distribuat, prout videri expedire, quibus quisque Ordo ex sacro annexus in posterum esse debeat: Ita tamen, ut quidvis saltem pars Presbyteri sint; ceteri vero Diaconi, aut Subdiaconi: ubi vero consuetudo laudabilior habet, ut plures vel omnes sint Presbyteri, omnino obseruetur.

Alia autem beneficia sunt, quibus sacri Ordinis suscipiendi obligatio annexa non est; præterquam extraordinariè, si ob ecclesiæ necessitatem, siue Ministrorum penuriam, Superioris præceptum urgeat, iuxta c. quæris 6. de ætate & qual. Talia, spectato communi iure, sunt canonicatus ecclesiarum Collegiatarum: Sed hi Canonici, dum in sacro Ordine constituti non sunt, vocem in Capitulo habere non possunt, Clement. 2. de ætat. & qualitate, Concil. Trident. sess. 22. c. 4. de reform. Quicunque in Cathedrali seu Collegiata seculari, vel regulari ecclesia diu-

non mancipatum officijs, in Subdiaconatus ordine saltem confisus non sit, vocem in huiusmodi ecclesijs in Capitulo non habeat; etiamsi hoc sibi ab alijs liberè fuerit concessum. Videri potest bona Gl. in Clem. 2. ver. ex tunc, de ætat. & qualitate &c.

Dixi autem *secundum communem iure*: Laudabiles enim ac retinendæ sunt quarundam secularium ecclesiarum Collegiarum consuetudines, aut statuta, vt omnes Canonici Presbyteri sint, aut saltem in sacro ordine constituti.

Porro necessarium non est, vt affectus beneficium, cui sacri ordinis obligatio annexa est, actu eum habeat: sed sufficit, si intra annum post diem promotionis suæ numerandum eum accipiat, iuxta cit. Clem. 2. & Concil. Trident. sess. 24. de reform. §. Neminem: Alioquin, nisi impedimentum legitimum ostendatur, iuris pœnas incurret, qui se intra id tempus ordinari non curauit. Quod si post admonitionem contumacia accesserit, etiam priuari poterit, & beneficium alteri conferri, qui officio satisfacere velit, argum. huius §. & tradidit Gl. in cit. c. licet canon, ver. priuatus. Id verò in curatis beneficijs speciale est, quod ipso iure amittantur, si promoti intra annum; cessante legitimo impedimento, Sacerdotium non accipiant, etiamsi nulla monitio antecesserit, cit. c. licet canon, & c. commissæ 35. eod. in 6. vbi etiam explicatur, annum numerandum esse à tempore, quo possessio beneficii curati pacifica habita, vel per promotum stetit, quod minus eam haberet.

Eapropter notant DD. hic apud Abb. n. 10: Azor tom. 2. lib. 6. cap. 8. quæst. 11. & 12. Quædam esse beneficia sacerdotalia, diaconalia &c. *secundum aptitudinem*: quia sufficit, quod ad ea promoti intra annum ordinem sacrum requisitum accipere possint: Alia verò esse *secundum ætatem*, si videlicet statuto diocesano, aut in fundatione requiratur, vt v. g. canonicatus, aut capellaniz nō nisi Sacerdotibus, aut saltem in sacro ordine constitutis conferantur. Nisi autem id clare decretum sit, statuti aut fundationis

verba intelligi debent iuxta iuris communis dispositionem.

Exinde Abb. in cit. hic n. 1. Azor cit. cap. 8. q. 14. explicant & resoluunt casum c. ei cui, 29. iun. Gl. in casu, de præb. in 6. Si Papa Titio, qui Sacerdos non est, sed intra annum Sacerdos fieri potest, mandet conferri beneficium sacerdotale, accedat autem vacare sacerdotale secundum aptitudinem, conferendum esse Titio: Non item, si sit sacerdotale secundum ætatem. Nisi Pontifex clausulam adiciat, ex qua satis constet, quod statuto, aut consuetudini ecclesiæ derogare voluerit. Cæterum generalis adiecta clausula *Nō obstantibus quibuscunque statutis, aut consuetudinibus* non debet videri sufficiens ad derogandum, si conditio Sacerdotis actualis ex fundatione, præsertim à laico facta, requiratur: Partim quia literæ omnes ad beneficia strictam interpretationem merentur c. quamvis 4. de præb. in 6. Clem. 2. iun. Gl. ver. expressè eod. tit. & videri possunt, quæ dixi in c. constitutus 19. de rescriptis, partim quia Roman. Pontifex non facillè solet fundatorum voluntates immutare, ne aliquin homines à pijs eiusmodi dispositionibus abstrahantur.

Quæstio prima. Num vniuersim loquendo; satis sit, quod promouendus ad beneficium; cui sacer ordo annexus est, eam tunc ætatem habeat, vt intra annum ordinem suscipere possit? Respondeo; Ad beneficia huiusmodi, interdum in canonico iure certa ætas per se ac directè requiritur, v. g. ad consequendum episcopatum anni xxx. & ad quodlibet beneficium curatum anni xxiv. completatum non sufficit tanta ætas, vt promotus intra annum Sacerdos fieri possit: Irrita itaque est collatio parochiæ facta v. g. Diacono; qui annum xxiv. non egerit non quia Sacerdotium non habet, sed quia legitimam ætatem affectus non est, vti constat ex hoc §.

Neque verò Episcopo in hoc casu dispensandi facultas concessa est, secundum Gloss. communiter receptam in c. cum dilectus 32. ididem Abb. n. 9. hoc tit. & aliam Gl. in suprà

suprà cit. c. licet canon, ver. carere, ibidem Francum n. 4. Ioannem Monachum n. 5. Capellam decit. Tholofana q. 3. 19. Ioannem Azor tom. 2. lib. 6. cap. 5. q. 9. vbi aiunt, quod Episcopus non dispenfet in ætate secundum canones requisita ad beneficium, nisi dispensatio ipsi specialiter concessa sit, argum. c. vn. iun. Gl. ver. permittimus, de æt. & qualitate in 6.

- 5 Interdum verò certa ætas ad beneficia requiritur per accidens & consecutiue, quatenus sacer ordo beneficijs annexus est, v. g. canonicatus ecclesiæ Cathedralis: Tunc sufficit, promouendum in ea ætate esse, vt ordinem sacrum intra anni spatium accipere possit, prout rectè docuit Abb. in c. dudum s. 2. n. 12. hoc tit. Azor tom. 2. lib. 6. cap. 5. q. 5. in fine, vbi ait, secundum Trident. Constit. cit. sess. 24. c. 12. de reform. omnes
- 6 Cathedralis Ecclesiæ Canonicos, cum instituuntur, sakem eam ætatem habere necessarium esse (videl. x xii. annos inchoatos) vt intra anni spatium Subdiaconi fieri possint. Hæc verò constitutio in plerisque Germaniæ Cathedralibus ecclesijs non omnimodè obseruatur, quando pascim in Canonicos (vocem tamen in Capitulo non habentes) assumuntur pueri, qui ætatis annum xiv. attigerunt: interdum etiam, qui nec xii. aut xiii. annos habent: tamen plerumque Romæ dispensatio impetretur, aut saltem collationis factæ reuolutio, vt perinde valeat, ac si à principio canonica fuisset. Ex qua ipsa tamen re ecclesijs non paruum detrimentum provenire solet: propterea vel maximè, quòd in ea ætate plerumque non appareat, an qui promouentur, idonei futuri sint, & ecclesiæ viles: Præstaret laud dubie, ex ecclesiæ Cathedralis proventibus portiones, non beneficiales decidi, pro pueris, etiam nobilibus, sustentandis in literarum studio: vt ex ijs, posteaquam ad ætatem legitimam deuenissent, eligi possent, qui bonis moribus pariter & doctrinâ ornati ad seruitium Dei idonei viderentur. Vide tamen quæ infrâ dicam in hoc §. q. 3.

De pueris non faciliè ad beneficia eccle-

siastica instituendis videri etià potest Henric. Gaudauensis quodlib. 9. q. 30. Ioann. Maior in 4. sent. d. 24. q. 5. Caiet in summa, ver. beneficia ecclesiastica, cap. 2. vbi ait, *Conferre pueris ecclesiastica beneficia, existimantibus alijs adultis idoneis, non solum inexcusabile, sed etiam intolerabile videtur*. Neque ob stare debet, quòd, spectato antiquo iure, impuberes, post exactum ætatis septennium, beneficiorum simplicium capaces censebantur, secundum Gl. receptam in c. super inordinata 35. ver. pueri, ibid. Abb. n. 8. de præbendis, & colligitur ex c. ex eo 32. in princ. hoc tit. 6. vbi legitimus, ecclesiæ Cathedralis Canonicum in ætate pupillari constitutum fuisse. Nam circa ea tempora rectà intentione & solius diuini seruiij causa, à pijs parentibus pueri offerebantur ecclesijs, vt in sacro aliquo Collegio ad omnè pietatem, & ecclesiasticos ritus instituerebatur: Nunc autem liberè vagari, & non raro malis moribus assuecere permittuntur, donec ad eam ætatem veniant, vt sacrum ordinem accipere, & Capitulares fieri possint.

Baldus in c. cum adeo n. 10. de rescriptis eumque secutus Felin. in c. si quando n. 4. eod. tit. aiunt, si Papa scilicet scribat pro infante, seu minore septem annis, vt ei beneficium ecclesiasticum conferatur, non esse obediendum, nec ligens executioni mandandas. Sed non rectè sentiunt: cùm Pontifex in ecclesiasticis beneficijs plenitudinem potestatis obtineat c. 2. de præb. in 6. c. propter sinit 4. de concess. præbendæ, & annotauit Azor cit. cap. 5. q. 8. §. Sed quærat aliquis: Qui tamen bene addit, *Dubitandum non est, his iuris relaxationes ecclesijs multum videri, & ex his maximum animæ periculum creari, tum in ipsis infantibus, tum in ijs qui eas impetrandas curant*.

Qvæstio secunda. Si in literis fundationis expressum sit, vt Capellania sacerdotalis sit, siue, vt Capellanus per se sacrificia celebrare debeat, num ea conferri possit non sacerdoti, si eam is ætatem habeat, vt intra annum Sacerdotium accipere possit? Respondendum est affirmatiue: Quia huiusmodi fundationes, non minus quam statu-

tuta,

etate, ita explicare conuenit, vt cum iure communi congruant. Debet itaque prouisus interea dum Sacerdos ordinatus non est, per substitutum Sacerdotem beneficio suo satisfacere.

8 QUAESTIO tertia. Verum Episcopus dispensare possit in etate promouendi, quando ea non per se ac directè requiritur, sed per accidens ratione annexi ordinis, sicuti suprà dixi de Cathedrali ecclesiæ Canonicis: Non improbabiler affirmat Anton. de Butrio in c. præterea n. 7. de etat. & qualitat. dispensari posse ex causa graui, & necessaria: cuiusmodi est studiorum, argum. c. cum ex eo 34. hoc tit. in 6. Cum enim ex ea causa permittatur Episcopo, vt in non accipiendis ordinibus dispensare queat, consequenter etiam, vt in etate, si ea solum per accidens, siue propter ordinis sacri susceptionem requiratur. Additur quidem in cit. cap. cum ex eo, quod Curatus dispensatus propter lthydia, vt sacerdotium intra septennium recipere nõ teneatur, saltem Subdiaconus fieri debeat, id tamè duntaxat de beneficiis curam animarum habentibus decretum est. Atque iuxta hanc theoriā defendi potest, quod suprà dixi, in Cathedralibus ecclesiis Germaniæ Canonicos, videl. dispensatūq; institui studiorum prosequendorum causa, qui intra septem circiter annos sacrum ordinem, ob etatis defectum, accipere non possunt. Interim tamè verum censeo, quod ibidem addidi, huiusmodi dispensationes seu potius consuetudines ecclesiis utiles non esse.

Plura de etate requisita in beneficiariis videri possunt in Theol. moral. lib. 4. tract. 2. cap. 14. n. 3.

9 NOTANDVM II. Qui ad dignitates ecclesiasticas, & curata beneficia assumuntur, scientiā & moribus commendati esse debent. Ita hic, & in Concil. Trident. Sess. 24. cap. 12. de reform. Idem quoque vniuersim de promouendis ad beneficia habetur in cap. graue 29. de pract. & Clem. 1. de et. & qualitat.

10 QUAESTIO prima. Num electio aut prouisio beneficii irrita sit, si fiat illiterato? Respondeo & Dico I. Si quis omnino illiteratus sit, vt literas latinas ne legere quidem

possit, eius electio, præsentatio, aut prouisio ipso iure irrita est, arg. c. vlt. de tempor. ordinationum in 6. Quia, vt dicitur in c. illiteratos d. 36. *literis carens sacris non potest esse apertis officis.*

Dico II. Si quis legere & scribere sciat, licet non intelligat, eius præsentatio, aut beneficii collatio ipso iure valida esse videtur, teste Nauarro in c. si quando, except. 12. de rescript. n. 8. Rescindi tamen debet, vt colligitur ex Concil. Trident. Sess. 7. cap. 3. de reform. & sess. 24. c. 12. de reform. Imò, si beneficium curatum sit, aut Ecclesia Cathedralis, ad quam ita illiteratus promouetur, ipso iure irrita est promotio, vt colligitur ex hoc §. & c. vlt. de et. & qualitat. An verò ita indignus in conscientia semper obligatus sit ad resignandum, dicam postea q. 3.

QVAESTIO secunda. An electio, aut prouisio beneficii irrita sit, si fiat moribus improbo, aut infami? Respondeo & Dico I. Si electio seu prouisio facta sit notato iuris infamia, seu per sententiam Iudicis infamata, irrita est omni iure. Quæ est certa doctrina: Cum enim isthæc infamia ipso iure prius dignitatibus acquisitis, l. vn. c. de infamis lib. 10. & docet Couarr. in pract. qq. c. 19. n. 5. multò magis repellit ab acquirendis: Videri possunt quæ dixi in Theol. moral. lib. 1. tract. 5. p. 5. cap. 5.

Dico II. Si electio, vel prouisio beneficii fiat homini criminoso, seu infamia facti laboranti, irrita censeri debet in ordine ad forum externum: quia Iudex seu ex officio, seu parte se opponente atque petente, electionem, collationem, seu quamlibet institutionem, & omnia quæ eius prætextu facta sunt, perinde rescindere debet, ac si ab initio irrita, videlicet non canonice peracta sint. Idquæ, quod attinet ad dignitates, vtroque iure satis expressum est, hoc ipso c. post princ. iuncto c. innotuit 20. hoc tit. c. inter dilectos 11. de excess. Prælatorum ibi, *cum personæ vilibus & indignis pota dignitatem patere non debeant, iuxta legitimas sanctiones.* Videl. l. vn. C. de infamis lib. 10. & l. 2. C. de dignitat. lib. 12. *Neque famosis, & notatis, & quos scelus & vita turpiendo inquinat, & quos infamia*

miā ab honestorum hominum cōsuegērat, dignitatis poria patebunt. De aliis quoque beneficijs id colligitur ex hoc §. & suprà cit. c. graue, & Clem. 1. de ætate & qualitate.

- 14 Dico III. In ordine ad conscientiam electi, seu prouisi, laborantis infamiā facti, siue commissi criminis, si nemo se ipsi opponat, & speret breui pōst tempore se defectum, videlicet per vitæ publicam emendationem, tollere posse, tutus ipse esse potest, ita vt tituli reualidatione, aut dispensatione non indigeat: Eademque ratio est de alijs quibusdam defectibus: videlicet si electus, aut prouisus tempore electionis, aut prouisionis, irregularis fuit, suspensus, minore excommunicatione affectus, aut ætatem legitimam vel scientiam requisitam nondum consecutus, si enim breui pōst tempore speret se absolutionem v.g. à suspensione, dispensationem super irregularitate habiturum, scientiam acquisitionis sufficiens, &c. in foro conscientie acquiescere potest, secundum doctrinam Innocent. in c. quod sicut n. 8. hoc tit. & c. cum nostris n. 1. de concess. præbendæ, Ioan. Andr. in c. Capitulum n. 54. de rescriptis, Felini in c. inquisitionis 23 n. 6. de accusat. Abb. in c. 1. n. 19. de in integrum restitut. ad finem, & in c. quia plerique n. 31. de Immunit. eccles.

Quæ ipsa doctrina ex generali ore, principio seu regula desumitur, quam iidem DD. tradunt, Nauarrus quoque de alienat. rerum eccles. n. 17. & de spoliis clericorum §. 2. n. 6. Sanchez lib. 8. de matrim. disp. 7. n. 12. Syluester ver. alienatio q. 13. Sa. ver. contractus n.

- 15 Si in electione, aut prouisione beneficii, alienatione rei ecclesiasticæ, vel simili actu, defuit solemnitas, aliudue requisitum, licet id secundum ius positium censetur esse substantiale, si tamen obseruata sint ea, quæ spectato iure naturali necessaria sunt, tum electus, prouisus, aut contrahens (dummodò nulla iniuria interuenerit) tutus est in conscientia, donec electio, collatio, alienatio, aut similis actus, ab eo qui potestatem habet, rescindatur. Quod ipsum ius a canonica non raro significat, quando v.g. electionem, quæ ipso iure infirma est, dicunt à Iudice irritandam siue rescindendam esse; idēque Iudicis sen-

tentiā, saltem declaratoriā, opus esse, vt electus, vel prouisus abcedere cogatur. c. cum dilectus 8. de consue. c. 1. de postul. Prælatorum, c. scriptum 40. hoc tit. prope finem, & c. vlt. de cleric. excomm. ministrante.

Porrò hæc ipsa doctrina non ita accipi debet, quāsi vniuersalis sit, siue quoddam Magistratui cum ecclesiastico, tum seculari, defuit potestas, lata lege, ob publicam vtilitatem, contractum aliquem, electionem, collationem, aliudue actum, qui iure naturali præcisè spectato subsisteret, ita penitus ab initio infirmandi, vt ne in conscientie quidem foro aliquis ex eo effectus sequatur: Sed ita doctrina ea accipi debet, quod in dubio, & nisi lex exprimat, vel ex natura contractus, alteriusue actus necessariò sequatur, præsumendum non sit, talem esse humanarum constitutionum rigorem, prout etiam docui Theol. moral. lib. 1. tract. 4. cap. 16. n. 6. & 9. Hic verò exempla, siue casus aliquos afferre placeat, in quibus electio aut prouisio beneficii per ecclesiasticam legem adeò infirmata est, vt electus, aut prouisus nullum omnino ius in beneficio acquirat; idēque retinere illud non possit, sed in conscientie etiam foro resignare obligatus sit; nisi dispensationem, tituliq. reualidationem impetraverit: Quod si autem ita inualidè electus, aut prouisus in propria persona administret, vitium intrusionis incurrit, ob quod de nouo inhabilis redditur ad idem beneficium assequendum, iuxta ea quæ dixi in Theol. mor. lib. 4. tra. 2. cap. 15. n. 3.

Primus. Si quis in maiore excommunicatione constitutus sit, eius electio, præsentatio, aut prouisio omnimodè irrita est, vt nullum ipsi ius acquiratur, & beneficium, donec cum eo dispensatum sit, retinere non possit, c. postulatistis 7. de cler. excomm. ministr. cap. 1. de rescript. in 6. & videri potest Suarez de censur. disp. 13. tota f. 1. Et locum id habet, tametsi excommunicatio occultæ, aut probabiliter ignorata sit ab excommunicato, prout tradit Gl. in cap. apostolicæ ver. probabilis cit. tit. Abb. cit. cap. postulatistis n. 3. & 4. Suarez cit. sect. 1. num. 3. contra Felin. eod. cap. apostolicæ col. 2. Nauarr. in cap.

Frates

Frates n. 45. d. 5. de pœnit. ubi aiunt, si quis excommunicationem, inhabilitatemque ignominiosum beneficium accepit, validam esse provisionem.

Secundus. Si electores, aut collatores beneficiorum excommunicati sint, aut ab officio suspensi; denunciati tamen, seu non tolerati. Verumtamen hæc electionis aut provisionis nullitas provenit potius ex natura rei: Cum enim per eiusmodi censuram auferatur, seu impediatur potestas eligendi, aut providiendi, sequitur nullius momenti aut efficacis posse esse electionem seu provisionem.

Tertius. Electio, postulatio, confirmatio, provisio beneficij, quæ interveniente simoniaca labe facta, viribus omnino caret, juxta Extravag. 2. de Simon. inter communes: Ideoque nullum ius acquiritur provisio, sed in conscientia obligatur beneficium vñ cum fructibus restituere.

Quartus est, quem suprà indicavi, quod electio aut provisio facta infami iuris infamia, omni iure irrita sit. Aduertendum autem hñc discrimen inter infamiam iuris, & infamiam facti (quæ aliud non est, quàm publicam notitiam, aut opinio commissi criminis, per quam hominis existimatio, spectata qualitate & statu personæ, apud viros prudentes graviter lædatur) quod ad tollendam iuris infamiam Principis dispensatione, ac restitutione opus sit, qui Princeps in ordine ad beneficia ecclesiastica consequenda, hæc dubiè est solus Papa. At verò infamia facti, tametsi orta sit ex crimine gravi, & digno depositione, penitus aboletur per factum contrarium, id est, publicam & constantem vitæ emendationem. Ratio dicti discriminis sumitur ex iuris regulis, *Cessante causa, cessat effectus*, e. cum cessante 60. de appellat. Et, *per quas causas aliquid nascitur, per easdem dissolvitur*, e. 1. de regulis iuris. Quod si verò commissio crimine pœna suspensionis, depositionis &c. ipso iure annexa sit, tum absolute, aut dispensatione opus esse, nemo dubitat: Tale est, ex. em. Sodomiz crimen frequentatum: cum enim deiciat hominem iure beneficij acquisiti, propter Pij V. constitutionem

Bulla eius 70. quæ incipit *Horrendum* multò magis impedit, ne promoveatur: Si tamen crimen occultum & ad forum contentiosum deductum non sit, Episcopus absolvi, aut dispensare potest, per Trident. Concil. concessionem Sess. 24. cap. 6. de reformat.

Quæstio tertia. Vtrùm electus ad prælaturam, aut quodlibet beneficium promouendus, occultum suum defectum, aut inhabilitatem manifestare debeat? Respondeo & Dico I. Ordinariè loquendo, qui est irregularis v. g. aut aliter inhabilis ad prælaturam, aliudue beneficium ecclesiasticum, non potest illud petere, aut acceptare, nisi prius dispensationem super defectu, si dispensabilis sit, obtineat. Sumitur ex cap. innovit 20. in princ. hoc tit. c. nisi 10. §. Personæ verò, de renunc. cap. ult. ver. scienter de cler. excomm. ministr. Quæ eadem ratione docent DD. communiter apud Sanchez lib. 3. de matrim. disp. 14. quod irregularis vel abstinere debeat à successione ordinis, vel defectum suum, etiam occultum, manifestare, dispensationemque impetrare. Neque enim verò in tali casu homini imposita est necessitas seipsum infamandi: cum possit ab ordine accipiendo abstinere, item prælaturam, aut beneficium ecclesiasticum non petere, aut non acceptare.

Dico II. Accidere potest casus, ut prælatura, aliudue ecclesiasticum beneficium alicui deferatur, quod non facilè recusare queat, neque occultam irregularitatem, aliàmue inhabilitatem, absque sui infamatione, manifestare, prout bene docuit P. Franc. Suar. 2. de censur. disp. 40. sect. 2. n. 31. & 34. Ratio est: Quia electio, collatio, aut provisio beneficij facta personæ irregulari, naturaliter & quasi fundamentaliter consistit, uti suprà explicavi: tametsi verò iure ecclesiastico prohibita sit, imò etiam in ordine ad externum forum irrita, tamen lex ista positiva, vnde obligatio inhabilitatem suam explicandi, aut abicedendi promanat, non obligat in casu necessitatis. Cui doctrinæ consentit Innocent. in cit. c. innovit num. 2. ubi vacet: Si irregularis tacuit defectum suum, & postea

impetrauit dispensationem super irregularitate, electionem aut collationem antea factam eo ipso validam censeri: Id verò falsum esset, si electio aut collatio secundum fundamentum & substantiam ante omnem iudicis sententiam irrita esset: Quia *quod ab initio vitiosum est, non potest tractu temporis conualescere*, reg. 29. ff.

Adde his, tametsi prouiso beneficii omni iure penitus irrita sit, videlicet in casibus supra enumeratis, posse tamen contingere casum, ut aliquis, quantum in se est, sibi oblatum licite acceptet, propter grauem necessitatem: v. g. Si Titius sciens simoniacam pactionem interuenisse, vel conscius occulte suae excommunicationis, quam prodere non potest, nec absolutionem impetrare, à patre suo, grauib. intentatis minis, cogatur beneficium ecclesiasticum statim acceptare; postea revalidationem tituli consecuturus, aut beneficium renunciaturus.

20. **NOTANDUM III.** Constitutio ipsa Alexandri III. Papæ trahitur etiam ad præterita, uti significatur in verbis vlt. huius §. *Hoc sanè*. Quia, ut Gl. hic ait, non est noua constitutio, sed potius declaratoria seu potius confirmatoria iurum antiquorum, quibus eadem de ætate & ordine præficiendorum ad beneficia statuta erant. Imò verò vltantur olim fuit, ut nemo Presbyter ordinaretur ante annos ætatis xxx. exactos, uti videre licet in d. 78. c. 1. & seqq.

NOTANDUM IV. Circa ea verba, *scilicet non obstant*. Qui beneficium certum ordinē sacrum requirens canonicè affecutus fuit, si sine culpa sua eum accipere non possit, nō debet beneficio inuitus priuari. Ita Gl. recepta super hoc §. ver. si canones, Ant. de Butrio hic circa versum *hoc sanè* n. 4. & alia Gl. in c. licet canon 14. ver. priuatus, post mediū, hoc tit. in 6. argum. c. ex parte 5. de clerico & gro. ibi, *Nec affl. 10. affl. 10. addita*, imò potius ipsius iudicandum. Secus dicendum, si sua culpa in habilitatem ad ordinem suscipiendum contraxit: tum enim, nisi ecclesiæ valde utilis esse censeatur, remouendus erit, iuxta c. quæris 6. iun. Gl. ver. 1. c. 1. de ætate & qualitate præficiendi.

5. Clerici sanè.

PARAPHRASIS.

Si Clerici, siue canonici personam indignam, videl. legitimæ ætate, scientiâ, aut morum honestate carentem, in Episcopum elegerint, priuati sunt pro ea vice eligendi potestate; insuper suspensi per triennium à beneficiis: quia dignum est, ut quos Dei timor à malo non reuocat, ecclesiasticæ severitas disciplinæ coërceat. Episcopi autem, si contra formam præscriptam in hoc c. §. *Inferiori* indignum promouerint, aut promoueri consenserint, eorundem officiorum ac beneficiorum conferendorum potestatem pro ea vice amittant; Et per Capitulum, vel, si id concordare nequeat, per Metropolitanum ordinentur.

SUMMARY.

1. Clerici siue Canonici indignum eligentes in Episcopum, vel postulantes, priuati sunt pro ea vice eligendi potestate; & suspensi per triennium à beneficiis.
2. Suspensionem autem tantum incurrunt, qui ad Cathedralē ecclesiam indignum eligunt.
3. Probabilius est, penam priuationis pro vna vice latam contra electores personæ indignæ, etiam in inferioribus dignitatibus ac Prælaturis locum habere.
4. Hoc certum est, quod Capitulum Collegiatum vel regularis ecclesiæ eligens indignum, Superior v. g. Episcopus electores pro ea vice priuare, & ipse iure deuolutionis prouisionem facere possit.
5. Eadem pena afficit eos, qui confirmationem, collationem, & institutionem dant indigno.
6. Et hi cum electoribus in conscientia rei sunt, præsertim si indignum ad Prælaturam & beneficia curata promoueant.
7. Episcopum conferens iure proprio, non deuolutionis indigno dignitatem aut beneficium curatum, priuatur pro ea vice iure conferendi, idē ad Capitulum deuoluitur. Si autem in Capitulo sit defectum

se. Intest. de nobilitate ad Metropolitanū.

8. *Et hac poena afficit etiam electores alios non Episcopos, Confirmatores & infirmiores indigna persona in dignitate, vel beneficio curato.*
9. *Neque tamen afficit electores &c. indigna persona ad beneficium simplex.*

NOTANDUM I. Electores Episcopi indigni pro ea vice privati sunt, ipso iure, eligendi potestate, atque à beneficijs suis per triennium suspensi, Id verò limitari debet, ac restringi ad beneficia, quæ in ea ecclesia, in qua electio fit, obtinent, c. si compromissarius 37. in 6. Idemque pari modo intelligendum de postulantibus Episcopum indignum, iuxta c. r. vbi id docui not. 6. de postul. Prælatorum.

QVÆSTIO prima. Si Electores ex alia causa, præter defectum ætatis, scientiæ, aut morum, indignum ad ecclesiam Cathedralē elegerint, aut postulerint. v. g. qui sacrum ordinem non suscepit, iuxta c. dudum 22. hoc tit. vtrūm pœnas hic decretas incurranter Videri esse affirmandum, argum. c. bonæ 23. vbi id docet Gl. ver. licentiam. Inola n. 4. & c. dudum 22. iun. Gl. ver. in ordinibus, hoc tit. & cit. c. si compromissarius, vbi dicta pœna indistinctè statuitur eligentibus indignum.

Contrà verò obijci potest cum Ioanne Andrea in cit. c. bonæ n. 1. & in reg. iuris 15. in 6. Quod hæc generalis Concilij Constitutio, alijs postea canonibus innouata, aut confirmata, poenalis sit, & ideo extendi non debeat ultra tres eos casus in principio huius c. expressos. Respondetur; Quod etiam in materia poenati, seu odiosa: extensio ad alios casus, aut personas, quæ in lege expressæ non sunt, fieri debeat, si vel ex alijs iuribus, aut Principis interpretationibus seu responsis, appareat, speciales casus, aut personas exemplarum causâ nominatas fuisse; dispositionem autem generaliter, aut in alijs quoque similibus, aut iure æquiparatis intelligendam. Et ita colligitur ex c. si postquam 33. iun. Gl. ver. prouisione, hoc tit. in 5. & c. nihil 44. hoc tit.

QVÆSTIO secunda; Num eandem quoque poenam incurrant Electores, si indignū non ad Cathedralē, sed inferiorem ecclesiam seu Prælaturam eligant? Respondeo & Dico I. Suspensionem à beneficijs per triennium duntaxat incurrunt, qui ad Cathedralē ecclesiam eligunt indignum. Ita habetur expressè in cit. cap. cum compromissarius.

Dico II. Probabilius est, poenam priuationis pro vna vice, latam contra electores personæ indignæ, etiam in inferioribus dignitatibus ac Prælaturis locum habere. Ita enim colligitur ex alijs iuribus, vid. c. dudum 22. hoc tit. c. perpetuæ 7. & c. quamquam 18. iun. Gl. ver. secus, & ex c. si compromissarius 37. per sensum contrarium, eod. tit. in 6. & tradit Gl. in cit. c. dudum ver. in ordinibus ibid. Abb. n. 11. contra Ioan. Andr. in supra cit. regul. 15. in 6. eo argumento motum, quod in cap. seu Constitut. Concilij Lateranensis, solum mentio fit de electoribus personæ indignæ ad ecclesiam Cathedralē, prout idem Ioann. Andr. obseruauit super hoc cap. ver. in Episcopum. Cui respondendum; Ex alijs posterioribus iuribus haberi hanc interpretationem, quod eadem poena etiam in inferioribus Prælaturis locum habere debeat.

Addo verò, saltem id certum esse debere, quod si Capitulum v. g. Collegiatæ secularis, aut regularis ecclesiæ indignum eligant, Superior v. g. Episcopus, electores pro eavi-ce priuare, atque ipsemet iure deuolutionis prouisionem facere possit. vti constat ex supra cit. c. dudum, & cit. c. quamquam, in fine. Ratio reddi debet; quia spectatâ rei naturâ omnibus electoribus personæ indignæ ad Prælatam, supra dicta priuationis poena congruit, ac veluti debita est: partim vt in eo puniantur, in quo deliquerunt: partim, quia saltem pro ea vice, propter præsentem affectionem aut animorū dispositionem, non satis dispositi cententur ad bonam ecclesiæque vtilem faciendam electionem.

QVÆSTIO tertia. Num eadem poena afficiat quoque illos, qui personæ indignæ in dignitate, aut prælatura consueuerunt

dant, collationem, aut institutionem? Affirmari debet, argum. c. nihil 44. iun. Gl. ver. canonicam, hoc tit. & docet Innoc. hic n. 8. Abb. n. 4 & in cit. c. dudum, n. 11. Azortom. 2. lib. 6. cap. 26. q. 13. Gl. hic ver. conferendis.

NOTANDUM II. ibi, *Dignum est enim, 6 ut quos &c.* Electores etiam in conscientia, siue apud Deum rei sunt, si personam indignam eligant, præsertim ad prælaturas & beneficia curata, cum ea res in graue Ecclesiæ detrimentum cedat. Eapropter tum electores, tum collatores aut institutores examina diligens de moribus, scientia, ætate &c. præmittere tenentur: cum non excuset ignorantia facti alieni, si quis ex officio inquirere, & cognoscere debeat, c. quamuis de reg. iuris, & dixi de hoc in c. 2. de Constitut.

7 NOTANDUM III. Si Episcopus personæ indignæ dignitatem, aut beneficium, cui animarum cura annexa est, conferat, priuatur pro ea vice iure conferendi, idque ad Capitulum deuoluitur: Sin autem etiam in Capitulo defectus, aut impedimentum sit, deuolutio fit ad Metropolitanum. Consentit c. 2. de concess. præbendæ. Ratio prioris dicti dari debet, quia magna inter Episcopum & Capitulum communio est, sicuti inter caput & reliqua eiusdem corporis membra: vt proinde merito vnus defectus ab altero suppleatur.

Notant autem Innocent. hic n. 7. Abb. n. 5. Imola n. 2. & alij plerique contra Francum in cap. quamquam, eod. tit. in 6. traditæ doctrinæ locum duntaxat esse, si collatio, aut confirmatio ad Episcopum pertineat iure proprio, quatenus eius ecclesiæ pastor est, quo iure etiam Capitulum propter communionem, quæ est corporis cum Capite, participare censetur. Secus autem dicendum, si collatio, confirmatio, aut institutio ad Episcopum pertineat iure deuoluto, propter negligentiam, aut delictum Prælati inferioris. Exempli causâ, si Abbas regularis beneficia ad suam collationem spectantia, intra sex menses à die vacationis numerandos, conferre negligat, collatio ad Episcopum diocesenum deuoluitur, Clem. vn. de

suppl. negl. Prælatorum. Sin autem etiam Episcopus negligat, vel indignum instituat, potestas ea vice instituendi, non ad Capitulum Cathedrale, sed ad Superiorem Episcopum, videl. Metropolitanum deuoluitur, argum. c. Ne pro defectu 41. hoc tit. & c. licet 3. de supplenda negl. Prælatorum: Propterea quod in hoc casu potestas conferendi, aut instituendi non competat Episcopo ratione ecclesiæ suæ, sed veluti per accidens, quatenus superior est collatoris ordinarij, vt proinde non immerito, si & ipse negligat, aut indignum eligendo delinquat, ad Superiorem ipsius Metropolitanum, aut Papam collatio deuolui debeat. Quæ eadem ratione dicendum, quod Prælati, videl. Episcopus, vel Archiepiscopus in ijs, quæ agit iure ac potestate ad se deuoluta, non teneatur habere consensum Capituli; Imò nec consilium eius requirere ex necessitate, sed tantum ex honestate aut quadam æquitate, secundum Gl. in c. Ne pro defectu 41. ver. consilio, ibid. Abb. n. 6, hoc tit.

QUESTIO prima. Vtrum pœna hic decreta Episcopis, etiam alijs Prælati, aut personis ecclesiasticis inferatur, si personæ indignæ confirmationem, aut institutionem in dignitate, aut beneficio curato, impertiant? Affirmandum cum Suarez de censur. 3. disp. 3. 1. sect. 2. n. 10. Quia, vt hic etiam Gl. indicauit ver. fecerit, Episcopo pœna ea decreta fuit, quia ad ipsum ordinario iure beneficiorum collatio pertinet: Quod si verò iure speciali ad alium pertineat, non est vlla ratio, cur non & ipse pœnâ istâ afficiatur, si personæ indignæ conferat.

QUESTIO secunda. Vtrum eadem pœna priuationis pro vna vice locum etiam habeat in collatoribus, aut prouisionibus beneficiorum simplicium? Videtur pos. 9 se affirmari: quia non pauci Doctores vniuersim, & indistinctè dicere solent, propter collationem aut institutionem indigni ad beneficia, priuationem incurri, & deuolutionem ad alium fieri, propter delictum Gl. hic ver. conferendis, Abb. n. 4. & 5. Azor cit. cap. 26. q. 12. & 13. Sed non audeo id dicere; cum nullus extet canon, quo id significetur: sed

sed tantum de praelaturis, dignitatibus & beneficijs curatis : Neque licet extensionem facere, praesertim in hac materia poenali : eo quod maius delictum sit, ideoque grauius puniendum, si ad maiora beneficia indigni promouantur. Quamobrem hoc in casu subueniendus per c. 2. de concess. praebendæ: Posito enim, quod collatio beneficij ita facta sit indigno, vt etiam irrita censetur, saltem secundum externum forum (prout supra explicauimus), post elapsos sex menses pro uisio fieri poterit ex causâ deuolutionis propter negligentiam : Cum perinde esse censetur, collationem beneficij ecclesiastici omnino non factam fuisse, & non canonice atque inaniter factam.

CAPITVLVM VIII.

Causam.

PARAPHRASIS.

Mortuâ Abbatisâ Monasterij S. Margarethæ, Moniales potestatem eligendi in Episcopum per compromissum contulerunt. Episcopus ipsis nominauit N. eiusdæ Monasterij professam: sed Moniales eam potestatem recipere recusarunt. Quâ re intellectâ, mandat Alexander III. Papa Rauenatensis Archiepiscopo, vt Moniales cogat ad N. nominatam, dummodò idonea sit, accipiendam in Abbatisam.

SYMMARIVM.

1. Ius eligendi habentes possunt compromittere in alios, imò unicum virum, clericum tamen, qui Prælaturam ipsis nominet, vel eligat.
2. Capitulum ecclesie Collegiatæ secularis aut regularis ius eligendi ex communi consensu ac compromissione committere potest Episcopo, cui subiectum est, & ad quem Prælati confirmatio spectat.
3. Necessè tamen est, vs. Episcopus electionem prius peragat, electum Capitulo proponat, citationes publicas & per-

emptorias eorum, quorum interest, faciat, quàm à se electum confirmet.

4. Is, cui commissæ est potestas eligendi Prælaturam, aut Capitaneum belli, aliūque Officiale constituedi, intelligi debet de persona idonea, & aliam mandans recipere non tenetur.

NOTANDVM I. Is quibus ius eligendi Prælaturam competit, compromittere possunt in alios, imò etiam vnicum virum, qui Prælaturam ipsis nominet, siue eligat, vt hic habetur, & in c. quia propter 42. hoc tit. Consentit l. item eorum 6. §. Si Decuriones addit: *Parui enim refert, an ipse ordo* (Decurionum) *elegerit, an is ordo negotium dedit.* Debent autem esse clerici, quibus electio per compromissum committitur, vt ex communi Abb. hic n. 5. tradit, argum. c. contingit 8. de arbitris, vbi id Gl. marginalis annotauit: Quia laici negotia ecclesiastica tractare non debent, c. 2. de iudicijs; Et iura huiusmodi spiritualia non cadunt in laicos, sacrosancta §. 1. hoc tit. Exceptâ plenitudine potestatis Pontificis, per quem talis commissio laicis fieri potest.

NOTANDVM II. Capitulum ecclesie Collegiatæ secularis, aut regularis ius eligendi, ex communi consensu ac compromissione, committere potest Episcopo, cui subiectum est, & ad quem Prælati confirmatio spectat. Credibile enim est Monasterium istud Monialium subiectum fuisse Episcopo, in quem Moniales electionem Abbatisæ contulerunt.

Notant autem hic Ioan. Andr. n. 4. Butrion. n. 9. Abb. n. 6. Innoc. & Gl. in c. eam inter 21. ver. confirmauit, hoc tit. in casu isto, necessarium esse, vt Episcopus electionem prius peragat, electum Capitulo proponat, citationes publicas & peremptorias eorum, quorum interest, faciat, iuxta cap. vlt. hoc tit. in 6. quàm à se electum confirmet, iuxta doctrinam Innoc. & Gl. in cit. c. eum inter, Abb. in c. Ne pro defectu n. 4. eod. tit. Si actus sapientie naturâ diuersi, tendentes tamen ad eundem finem seu effectum, in vna persona concurrant, distinguendum esse, num

num in eodem iure seu potestate fundati sint, an in diuersis iuribus seu potestatibus: In priore casu simul eodem actu, virtualiter duplici, expediri possunt: Vt si propter negligentiam inferiorum electorum, eligendi potestas ad superiorem deuoluta sit, tum prouisio seu institutio cum electionis, tum confirmationis vim habebit: Idemque est, si ob negligentiam patroni, Episcopus, post sex mensium spatium, alicui liberè conferat, c. licet 3. de transl. Episc. c. 2. de concess. præb. collatio ista vicem præsentationis, & institutionis supplet. Sin autem actus suapte naturâ diuersi in distinctis iuribus seu potestatibus fundati sint (vt in casu proposito, quando electio sit nomine aliorum, iuxta cit. 1. Si Decuriones, vbi dicitur, electionem ab ijs fieri censer, qui eligendi auctoritatem alteri commiserunt) tunc simul eodem actu expediri haud possunt, vti colligitur ex suprâ cit. c. cum inter, iun. Gl. ver. confirmauit, & c. cum inter 18. vbi id dicam not. 3. hoc cit.

4. **NOTANDUM III.** Si alicui commissâ sit potestas eligendi Prælatum; similiterq; si commissâ potestas Capitaneum belli, aliumque Officialem constituendi; intelligi id debet de persona idonea: Et aliam recipere non tenetur, qui mandauit. Ita Gl. hic communiter recepta, Abb. n. 4. Butrio n. 9. & sumitur ex l. Si procurator 6. ff. de conduct. indebiti, c. si compromissarius 7. hoc tit. in 6. Ratio est, quia mandans aliquid fieri, censetur velle, vt id rectè, & vtiliter fiat.

CAPITVLVM IX.

Nôsti.

PARAPHRASIS.

Notum est, quodd Episcopus electus, priusquam à Romano Pontifice confirmationem accipiat, res ecclesiæ administrare, beneficia & honores ecclesiasticos conferre non debeat. Quamobrem Alexander III. mandat alicui à se delegato Episcopo, vt Linconienſi electo Apostolicâ auctoritate iubeas, si quam eiusmodi con-

cessionem, aut collationem fecit, reuocare studeat.

SVM MARI VM.

1. *Electus Episcopus ante confirmationem beneficia conferre, vel aliter administrare non debet.*
2. *Episcopus per electionem acceptatam iurisdictionem episcopalem non acquirit (secus si speciali concessione) sed tantum in petendâ à Superiore, vt illam conferat.*
3. *Communiter docetur, si Papa viua voce, seu oraculo aliquem pronunciet Episcopum, erit is Episcopus etiam nondum formatiſ literis: oppositum tamen videtur decretum à Bonifacio VIII. in Extrauag. I. inter communes, cuius iniunctum inuenitur de Electione.*
4. *Prælatus post acceptam confirmationem, alium beneficiarius post verbalem institutionem, collationem, seu inuestituram suam possessionem vacante capere, administrare, & iura prælatus, aut beneficio suo competentia exercere potest.*
5. *Si specialis consuetudo sit alicuius ecclesiæ, aut statutum vigens, ne verbaliter institutus, prouisus, aut confirmatus possessionem, quamvis vacante, ipsemet capiat, sed solemniter & corporaliter in eam introducat, deberit obseruari: ita vt priusquam solemnitas peracta sit, possessio acquisita non censetur.*

NOTANDUM Vn. Episcopus electus à Administrationi rerum & iurium ecclesiæ, ad quam electus est, ingerere se non debet, priusquam à Papa confirmationem accipiat. Ita etiam habetur in c. qualiter 17. hoc tit. & videri potest c. nihil 44. eod. vbi limitatio aliqua continetur.

QUESTIO prima, Num Episcopus per electionem, antequam confirmatio acciperet, iurisdictionem episcopalem habeat? Gl. in e. quando 19. vsr. relatio. vcr. si qua-

ras, d. 63. quam hic sequitur Abb. num. 2. ad
 2. quæst. hanc respondet, Quod electio per electionem
 acquiritur ius prælaturæ, sed non exercitium
 prælaturæ vel administrationis: per confirmationem autem nihil iuris noui acquiritur,
 sed tantum exercitium. Hæc doctrina mihi non placet,
 quia spiritualis & ecclesiastica iurisdic-
 tio in Episcopos non peruenit nisi per summi Pontificis auctoritatem, &
 concessionem, ut videlicet debitus ordo ecclesiasticus
 à Christo institutus hierarchiæ obseruetur,
 prout colligitur ex c. qualiter 17. hoc tit. & egi de hac re lib. 1. Th. moral. tr. 4.
 cap. 7. §. 2. Quare præstat, ut dicamus, per electionem
 ab electo acceptatam, ipsi iurisdictionem prælaturæ
 non acquirit (secundum specialem concessionem aut
 privilegium Apostolicæ Sedis) sed tantum ius petendi iurisdictionem,
 à superiore conferendam.

QVÆSTIO secunda; An cum primum Episcopus, seu
 Prælati à Rom. Pontifice, electionem eius approbante, aut aliter ipsi
 providente, pronuntiatus est, etiam ante lito-
 ras expeditas, iurisdictionem & administrationem
 consequatur? Ad quæstionem hanc respondet Baldus
 in l. Humanum n. 6. c. de legibus, quem hic Abb. sequitur n. 4. Tam-
 burinius tom. 1. de iure Abbatum disp. 16. q. 2. & alij
 communiter. Si Papa viuz vocis oraculo quem
 pronuntiet Episcopum, mox, etiam nondum for-
 matis literis, Episcopus erit: quia literæ non
 requiruntur ad essentiam, sed ad probationem,
 c. institutionis 7. causa 25. q. 2. vbi vniuersim dicitur de
 Apostolicæ Sedis decretis, siue in scripto facta
 sint, siue absque scripto, siue aliqua refraga-
 tione, esse obseruanda; vbi Gl. ait ver. præsen-
 tia; Sic ergo sententia Principis ius facit, licet
 non redigatur in scriptis. Atque ideo admo-
 net Baldus in fine cit. l. Humanum; Si Papa
 interim moreretur, antequam litera fierent,
 non expiraret ius quasi sum, sed deberent
 litera postea fieri tempore successoris, faciendo
 mentionem de dispositione predecessoris.

Veruntamen in Extrau. 1. inter communes,
 cuius initium summa, de elect. à Bonifacio VIII.
 Pontifice decretum fuit, ut Episcopi, alijue
 Prælati, qui apud Sedem Aposto-

licam promouentur, aut confirmantur, &c. absque dictæ
 Sedis literis de eorum provisione, aut confirma-
 tionem accipere non præsumant; nullique eos,
 absque dictarum literarum ostensione recipere,
 ipsique parere possint: idque sub pœnis ibi
 contentis, quæ tam Prælati regimina siue
 administrationes exercentibus, quam aliis qui
 illos recipiunt, aut parent, ipso iure inferuntur.
 Explicat hanc extrauag. Abb. hic n. 4. & in cit. c. qualiter not. 1. Suar.
 de censur. disp. 3. sect. 5. n. 23.

QVÆSTIO tertia; An eo solo, quod Prælati
 à Superiore confirmationem accepit (expedita
 etiam scripturâ, si ea necessaria sit) actus iurisdictionis
 exercere, & bona ecclesiæ administrare possit,
 an verò necesse sit, eum prius in possessionem solemniter intro-
 duci? Respondeo, & Dico I. Spectato iure
 communi, & ordinario, Prælati post acceptam
 confirmationem, aliis siue beneficiariis post acceptam
 veralem institutionem, collationem seu inuestituram,
 statim possessionem capere, administrare, & iura
 prælaturæ aut beneficio suo competentia exercere
 potest: Quandoquidem per ipsam collationem
 seu veralem institutionem, canonice factam,
 aliquis titulum beneficii consequitur, adeoque
 ius, siue facultatem, possessionem vacantem
 capiendi, iura competentia exercendi, bona
 administrandi. Ita Glossa hic argum. huius c. ver.
 confirmata, & colligitur ex c. transmissam 15.
 hoc tit. vbi Gl. ver. de talibus, ibidem Innoc. n. 1.
 Ioan. Andr. n. 6, tradit Gl. penult. in l. Priuatorum 3.
 c. de iurisdic. omn. iudicium, Bartol. in l. cum solus
 n. 4. ff. de vscapion. Iacobus Menochius de
 adipisc. possess. remedio 4. n. 182.

Dixi autem vacantem possessionem accipi posse:
 Sin autem alius quipiam in possessione prælaturæ,
 aut beneficii existat, tum non licet propria
 auctoritate possessionem, administrationemque
 capere: Esset enim hæc vitiosè acquisita
 possessio, in qua ita possidens defendendus
 non foret, sect. ult. C. si per vim: Imò
 censeretur spoliasse priorem, quamuis malæ
 fidei, possessionem, argum. l. si lex stipulatione 5.
 ff. de acq. possess. & c. gra-

uis 11. de restit. spoliatorū, & tradit ex communi Abb. in e. cum super n. 15. de causa possels. Quod si propriè dicta violentia illata esset à prouiso, siue titulum consecuto, mereretur is priuationem iuris sui, iuxta e. cum qui 18. de praz. in 6. & c. 2. causa 16. q. 6. & docet Abb. cit. n. 15. Petr. Rebuffus in praxi beneficiaria, de miss. in possessionem, n. 3.

Dico II. Si specialis alicuius ecclesie consuetudo, aut statutum vigeat, quod verbaliter institutus, prouisus, aut confirmatus, possessionem, quamuis vacantem, iplemet capere non debeat: sed solemniter & corporaliter introduci in possessionem: id obseruari debet: Adeo, vt prius, quàm ea solemnitas peracta sit, possessio acquisita non censeatur, prout tradit Abb. in cit. cap. cum super n. 17. Atque vocari ea solet *installatio*; quæ olim per Archidiaconum fieri solita est, e. adhuc 7. ver. In quadam, de offic. Archidiaconi, & e. cum Bertholdus 18. in princ. de sent. & re iudicata.

Sed, quid ad rem facit inuestitura, quæ fieri solet per bireti, anulū, aut pannorum traditionem, de qua multa Dynas in reg. 1. in 6. Respondeo ex doctrina Ioan. Andr. in e. transmissam n. 13. hoc tit. Abb. in e. auctoritate n. 9. de institut. & in e. ex literis n. 10. de consuetud. Inuestituram interdum fieri vnà cum verbali institutione, seu tituli traditione: Interdum verò post tituli collationem, seu institutionem, quæ verbo, aut scripturà fit. In priore casu inuestitura continet, seu significat translationem iuris ac tituli: vnde deinde nascitur facultas accipiendi possessionem rei vacantis; aut eam petendi, si ab alio corporaliter introducendus sit inuestitus. In posteriore autem casu solemnitas ea inuestituræ parùm, aut nihil plerumque operatur: quia titulus iam antè collatus, & ius acquisitum est, possessio autem per inuestituram, ordinariè loquendo, non transfertur, prout colligitur ex l. prædia 48. de acq. poss. c. per tuas 3. iun. Gl. ver. in possessione, de donat. tradit Innoc. in cit. e. transmissam n. 1. in fine & docui in Theol. moral. lib. 3. tract. 1. c. 7. Quemadmodum enim in quibusdam ecclesiis con-

suetudo vigeat, vt electus, cum primùm electioni consensit, inthronizetur, vel in altari collocetur, quæ mera solemnitas est ad significandum ius illi ad prælaturam inchoatiuè acquisitum, ita inuestitura, quæ post confirmationem, aut tituli collationem adhibetur, plerumque tantùm significatiua est iuris antea accepti, nec non facultatis possessionem vacantem intrandi, & acquirendi.

Adieci autem voculam *plerumq.*: Potest enim interdum fieri, vt per inuestituram tradatur possessio rei, Si videl. vel ipse possessor antiquus, vel is qui ecclesie v. g. vacantis custodiam cum auctoritate habuit, in conspectu rei, per suprà dictam inuestituram transferat possessionem. quod fieri posse colligitur ex l. Quod meo, 18. §. si venditorem, ff. de acquir. possels. & l. clauibus 74. ff. de contrah. empt. Et inferuit huc doctrina Gl. in c. cum vos 4. ver. æconomos de offic. ordinarij, quod *Episcopus, vel alius Prælatas, ad quem pertinet institutio, debet habere custodiam illius ecclesie vacantis.*

QVÆSTIO quarta: Cur Pontifex in fine huius c. mandarit Episcopo necdum confirmato, vt concessiones seu collationes beneficiorum à se factas reuocaret: Cum tamen ordinariè non sit concessum, contra proprium factum venire: Et electus sicuti potestatem dandi beneficia, propter defectum iurisdictionis non habuit, ita nec cum auctoritate auferre potuerit: Multa de hoc Gl. fin. hic, Abb. num. 5. & seqq. Anton. n. vlt. Sed respondeo breuiter: Non aliud Alexandrum III. hic significare voluisse, nisi vt ex mandato suodiceretur Episcopo, curandum ipsi esse, vt collationes à se malè factæ rescindantur: Quod fieri potest, si intimetur prouisis, eorum prouisiones ipso iure manifestè irritas esse: Quod si recedere nollent, tum cogi deberent non quidem ab Episcopo ante acceptam confirmationem, sed à Capitulo, penes quod episcopalis iurdictio interim residet.

* * *

CAPITVLVM X.

Confiderauimus.

PARAPHRASIS.

Cum ecclesie cuiusdam Canonici in Prælati electione versarentur, quidam alij ex Canonici se opposuerunt, appellantes ad Sedem Apostolicam, eò quòd electio non rectè institueretur: Verùm Canonici illi, posthabita appellatione, nihilominus processerunt, & Ioannem Frontinum elegerunt. Alij verò seorsim conuenientes, nondum cassata illa priorè electione, in alium suffragia sua contulerunt. His intellectis, Alexander III. iudicauit, neutram earum electionum consistere debere: Prior enim illa rescindi debet, quia post appellationem interpositam, & contra tenorem priuilegiarum ecclesie illius peracta. Posterior autem infirma censetur, quia & post interpositam appellationem, & priorè illa electione nondum cassatà, instituta fuit. Quare Pontifex Canonici liberam potestatem facit iterum conueniendi ad personam idoneam faciendam electionem, ita vt prius electorum fama illæsa permaneat; imò, vt de nouo, secundum aliam formam, & obseruatis ecclesie illius priuilegiis, vnus eorum eligi queat.

SYMMARIVM.

1. *Qua post appellationem extraiudicalem gesta sunt, non sunt ipso iure irrita, sed veluti suspensa.*
2. *Si electio prius peracta ipso iure valuit, tamen si ob defectum aliquem, vel omissionem solemnitatem rescindi debeat; posterior electio, qua ante cassationem prioris celebrata fuit, ipso iure irrita est.*
3. *Electores non ob quodlibet vitium aut defectum in electione admissum iure electionis pro ea vice priuati sunt, sed tantum si indignum scienter eligant. alius ad aliam electionem progredi possunt.*

4. *Si electio alicuius cassata sit non ob vitium persone, sed ob non seruatum formam, aliamue causam; electus iterum eligi: aut promoueri potest siue in alia ecclesia, siue in eadem.*
5. *Potest ex iusta causa, v. g. publici scandali vitandi prohiberi, ne certa persona eligatur, et sic absoluit loquendo cax & digna fores.*

NOTANDVM I. Quæ post interpositam appellationem extraiudicalem (v. g. ne in electione Prælati procedatur, quia canonica nõ sit) gesta sunt, non sunt ipso iure irrita: sed veluti suspensa: quia à Superiore, si appellationem legitimam esse pronuntiavit, irritari debent. Ita sumitur ex hoc c. iun. Gl. ver. appellationem, Abb. hic n. 1. vbi monet, aduertendum esse, num appellatio fiat à parte, vt hic; an verò à iudice, licet extra iudiciu: hæc enim appellatio parit effectum suspensiuum, Quæ de re dicitur in c. eam nobis 19. hoc tit.

NOTANDVM II. Si electio prius peracta ipso iure valuit, tamen ob defectum aliquem, vel omissionem solemnitatem (quia v. g. contra statutum, aut accepti priuilegij formam peracta fuit) rescindi debeat, posterior electio, quæ ante cassationem prioris celebrata fuit, ipso iure irrita est. Ita Gl. recepta, ver. appellationem.

NOTANDVM III. Electores non ob quodlibet vitium, aut defectum in electione admissum, iure electionis pro ea vice priuati sunt; sed tantum si indignum scienter eligant: Aliquin verò permittitur illis, vt, si electio ob aliquam causam irrita sit, vel rescissa, ad aliam electionem accedant, vti constat ex c. si electio 26. hoc tit. in 6. Sed aliaratio est in electoribus compromissariis: hi enim cùm eligendi potestatem in seipsis iure proprio radicatum non habeant, sed concessam ab alijs pro vnà vice, postquam semel electionem fecerunt, siue bene siue malè, functi sunt officio suo, ait Gl. in c. causam 8. ver. recipi, hoc tit. & habetur in c. eam compromissarius 37. eod. tit. in 6. Videri potest Abb. in cit. c. causam n. 10.

4. **NOTANDUM IV.** Si electio alicuius cassata sit non ob vitium personæ sed ob non seruatum formam, aliamue causam, electus iterum eligi, aut promoueri potest, siue in alia ecclesia, siue in eadem, cap. super eo 12. hoc tit. Papa tamen, ad amouendam dissidij causam, noluit permittere, vt vnus ex his in discordia electis ea vice promoueretur, sicuti notauit Gl. fin. ver. *præter istam ecclesie ordinationem.* Quare Abb. hic circa eandem Gl. inquit aduertendum, posse esse iustitiam, v.g. publici scandali vitandæ, causam, ob quam prohibeat Superior, ne certa persona, etsi ea absolute loquendo capax & digna sit, eligatur.

CAPITVLVM XI.

Suffraganeis.

PARAPHRASIS.

Episcopi suffraganei, ad mandatum Metropolitanæ sui, postquam is confirmatus est, tamen si pallium à Sede Apostolica nondum acceperit, Coepiscopum consecrare non prohibentur.

SYMMARIUM.

1. *Archiepiscopus post confirmationem, etsi nondum pallium acceperit (sed nec consecratus sit) exercere potest ea, quæ iurisdictionis sunt, adcoq., potest committere facultatem ordinandi, & consecrandi Coepiscopum suis suffraganeis.*
2. *Si Metropolitanus ultra tres menses post confirmationem & consecrationem pallium non petat, præmissis canonicis monitionibus dignitate priuandus est, & consecrationes Episcoporum à Suffraganeis, cum consilio Rom. Pontificis, peragenda.*

NOTANDUM I. Archiepiscopus, qui est veluti Dux, seu Princeps inter Coepiscopos provincie suæ, alio nomine *Metropolitanus* appellatur. siue à *ἀρχή*, id est, mēsurā aut numero: Nam sicuti provincia decem, aut vndecim ciuitates continet, ita Archiepiscopus decem, aut vndecim Suffraganeis

seu Coepiscopis præesse debet, secundum antiquam distributionem, c. 2. causa 6. q. 3. Siue, quod magis placet, à *μῆτρος* quia Archiepiscopus in ciuitate metropoli, id est, præcipua ac veluti matre aliarū in provincia, l. vn. C. de Metropoli Beryto lib. 11. ecclesie suæ sedem habet. Et hanc derivationem sequitur Petr. Gregor. Tholosanus lib. 15. synagm. cap. 1. t. n. 4. Ioan. Passeratius ver. *μῆτρος*, ex Budæo, & Thucydide.

NOTANDUM II. Archiepiscopus post confirmationem electionis suæ, etsi nondum pallium acceperit, (sed nec consecratus sit) exercere potest ea, quæ sunt iurisdictionis, adeoque ordinandi, & consecrandi Coepiscopos facultatem committere Suffraganeis suis. Ita textus huius c. prout eum DD. communiter intelligunt. Simili ratione Episcopus confirmatus, etsi sacerdos non sit, absoluerendi tamen à peccatis potestatem alteri sacerdoti committere potest: quia eiusmodi commissio seu delegationis ordinis, sed iurisdictionis actus est. Et Sede Episcopali vacante, Capitulum Cathedrale licentiam ordinandi clericos diocesis altari Episcopo committere potest, spectato iure antiquo c. cum nullus, de tempor. ordinat. in 6. vbi de hoc dicam.

Huc verò doctrinam aduersari videtur reg. 72. in 6. *Qui facit per alium, perinde est, ac si faciat per seipsum.* Exinde alia regula colligitur apud Ioan. Andr. hīc. *Quod aliquis per se facere non potest, id nec per alium potest.* Deinde, quod in cap. 1. d. 100. habeatur, impediri ac differri Suffraganeorum ordinationem, si Metropolitanus pallium à Sede Apostolica non accipiat. Hæ obiectiones adeo magni momenti quibusdam Canonistis videbantur, vt hanc decretalem reijcerent, vt videre est in Gl. in c. 1. de transl. Episc. ver. confirmasse. Sed non recte: Facile enim respondetur ad allegatas regulas cum Abb. hic n. 1. & in c. 1. num. 6. & 10. de transl. Episc. Azor tom. 2. lib. 3. cap. 29. quæst. 7. eas locum habere si commissarius, seu is cui commissio sit, agat iure & auctoritate committentis: Tum verum est, quod demandari aliquid non possit, nisi mandans ius habeat per se faciendi: quia *actio dat, quod non habet.*

Et reg.

*Et reg. 79. in 6. Nemo potest plus intris in alium transferre, quam sibi competere dig-
noscat. At verò sacros ordines Episco-
pus suffraganeus confert vi & potestatis or-
dinis & consecrationis suæ; tametsi ad legi-
timum ordinationis exercitium iurisdic-
tio necessaria sit, quam ipsi Episcopus, vel Ar-
chiepiscopus, cum primam confirmatus est,
delegare potest. sed supra cit. c. 1. d. 100. o-
missis alijs responsionibus; quæ videri pos-
sunt in Gl. c. 1. ver. confirmasse, de translat.
Episcopi. Abb. hic n. 1. dicendum arbitror;
Licet Metropolitanus, ante acceptum pallium,
potestatem consecrandi Episcopum suffraga-
neis suis delegare possit, vt ex hoc c. con-
stat; accidit tamen non raro, vt is malit con-
secrationes differri, donec accepto à Sede A-
postolica pallio, ipsemet eam peragere possit.
Cui rei subuentum est in eo c. atque statu-
tum, si Metropolitanus ultra tres menses post
confirmationem, consecrationemque suam,
pallium à Sede Apostolica petere intermit-
tit, eum, præmissis canonicis monitionibus,
dignitate priuandum, atque consecrationes
Episcoporum à Suffraganeis, cum Romani
Pontificis consilio peragendas esse.*

CAPITVLVM XII.

Super eo.

PARAPHRASIS.

*Quæsitum fuit ex Pontifice Clemente III.
Si alicuius electio cassata sit, is autem po-
stea ad aliam ecclesiam eligatur, num con-
firmatio ipsi dari debeat? Respondet Pa-
pa; Si prior electio cassata fuerat non vi-
tio personæ, sed ob formam electionis
non seruata, nihil impedire, quò minus
ad aliam, imò verò etiam eandem eccle-
siam promoueat; præterquam si simo-
niacæ prauitatis aliquid interuenerit.*

SUMMARIVM.

1. *Si cuius electio cassata fuit non vitio
persona, sed ex alia causa, iterum eli-
gi potest, etiam ad eandem ecclesiam.*

*præterquam si labes simoniaca inter-
cessit.*

2. *Electio irrita ob vitium corporis, eo sub-
lato vel curato, qui semel repulsus est,
iterum eligi potest; si autem sit irrita
ob vitium animi seu crimen, quod com-
missum est circa ipsam electionem, vel
eius effectum, tunc aliquis ineligibilis
redditur, donec cum eo dispensetur. I-
dem communiter asserunt DD. de alijs
etiam criminibus.*
3. *Si crimen Simonia in electione aut pro-
motione ad Prælaturam interuenit, et-
iam ignorante electo, aut prouiso, ad-
eoque sine eius culpa sit ineligibilis &
incapax beneficij.*

NOTANDVM I. Si electio irrita, vel
cassata sit non ob vitium personæ, sed
ob aliam quancunque causam, non debet
id obesse electo, quò minus iterum promo-
ueri possit; etiam ad eandem ecclesiam;
præterquam si labes simoniaca intercessit.
Ita in textu c.

Hinc verò Gl. hic in fine casus, per sen-
sum contrarium aliam regulam colligit: Si
electio ob vitium personæ cassata sit, ita ele-
ctum denud eligi aut promoueri non posse
ad Prælaturam. Quæ tamen illatio diffi-
cultatem habet. Nam Pontifex in hoc c. re-
gulam vniuersalem tradidisse censetur: Si
alicuius electio cassata sit non ob vitium per-
sonæ, ille iterum eligi potest: Ex quo non
rectè inferitur, quòtiscunque electio cassata
est ob vitium personæ, eum iterum eligi
non posse: Cum ad verificationem doctri-
næ huius cap. satis sit, si ob vitium personæ
cassata sit electio, frequenter accidere, vt ea
inhabilis sit, quò minus iterum eligatur.

Itaque ita distinguamus: Vel electio irri-
ta aut cassata fuit ob vitium corporis: vel
ob vitium animi, siue crimen electi. In prio-
re casu, sublato seu cuncto corporis vitio,
qui semel repulsus est, iterum eligi aut pro-
moueri potest, vt colligitur ex c. cum inter
21. hoc tit. & tradit ibi Innoc. n. 1. Abb. n.
7. contra Gl. ibid. ver. recularis: Eademque
ratio est. si propter statum defectum electio

LI 3 cassata

caſſata fuit : quia ceſſante cauſa ceſſare debet effectus, c. cum ceſſante 60. de appellat. Veruntamen ſi certum ſit, aliquem morbo epileptico, vel ſimili ſuapte natura durabili ſive non facile curabili laboraſſe, præſumptio debet eſſe contra illum, vt priuſquam oftendatur, Medicorum v. g. teſtimonijs, eum perfectè ſive conſtanter curatum eſſe, eligi aut promoueri non debeat. Quæ eſt ſententia Ioann Andr. in cit. cap. cum inter, ibid. Anton. de Butrio n. 23. 24. Imola n. 7. Rodriq. tom. 2. regul. qq. q. 54. 2. 5. Et videri poſſunt, quæ dixi lib. 1. Theol. moral. tr. 5. p. 5. cap. 7. n. 2. & 3. de ordinatione huiusmodi morbo laborantibus non impertinenda.

In poſteriore autem caſu iterum diſtingui poteſt: Vel enim crimen commiſſum eſt circa ipſam electionem aut effectum eius, tunc videtur aliquis ineligibleis fieri, donec cum eo diſpenſetur, argum. c. quilibet 43. hoc tit. vbi ineligibleis eſſe pronunciat, qui per abuſum ſecularis poteſtatis ſe eligi paſſus eſt. Eadẽque ratione, ſi alicuius electio caſſata ſit, quia ante acceptam confirmationem, adminiſtrationi prælaturæ ſe intruſit, iuxta c. qualiter 17. hoc tit. Gl. in c. nõſti 9. ver. concedend, hoc tit. eligi deinde non poſſe, tradit Abb. in eod. c. qualiter n. vlt. vbi addit, in petitione confirmationis ſeu promotionis faciendam eſſe mentionem huius intruſionis; ne impetratio ſubreptitia fiat. Vel eſt aliud crimen, ob quod electio alicuius reſciſſa fuit, tunc ſi ponamus, crimen plenè emendatum ac ſublatum eſſe, non habemus iuris textum expreſſum, quo talis denuò eligi aut promoueri vetetur, quia tamen DD. communiter ita docent, argum. huius textus, vbi id docet Ant. n. 14. 15. Innoc. in cit. c. cum inter n. 1. Abb. n. 7. idem Abb. hic n. 4. extendens etiam ad præſentationem, & collationem, Hoſtiensis in ſumma, hoc tit. §. ſi quis eligendus n. 10. Ideo in praxi retinenda eſt ea doctrina, quod reſpuſus ob crimen iterum eligendus, aut promouendus non ſit; niſi Superioris diſpenſatio, præmiſſa cognitione de præſente habilitate perſonæ, accedat. Idque confirmatur ex

c. poſt translationem 11. de renunc. vbi habetur, ſi quis propter criminis conſcientiam prælaturæ renunciauit, aut renunciare coactus, vel depoſitus fuit, iterum eligi non poſſe: Cuius rei ratio reddi debet, quia negari non poteſt, per eiuſmodi, ob crimen commiſſum, factam reſpuſam, renunciationem, depoiſitionem, exiſtimationem perſonæ non parum grauari; vt noua electio aut promotio non ita facile permittenda ſit.

NOTANDUM II. Id ſpeciale eſt, quod in deteſtationem criminis ſimoniz decretum, vt ſi ea in electione aut promotione ad prælaturam, aliudue eccleſiaſticum beneficium interuenerit, etiam ignorante electo, aut prouiſo, ideòque ſine culpa eius, ineligibleis is fiat, ſive incapax beneficii; præterquam ſi diſpenſatio accedat, c. 1. cauſa 1. q. 5. c. penult. hoc tit. cap. nobis 27. de ſimon. & videri poſſunt quæ dixi in Theol. moral. lib. 4. tr. 10. cap. vlt. §. 7. n. 73.

CAPITVLVM XIII. Cum Monasterium.

PARAPHRASIS.

Episcopus quidam ſignificat Celeftino III. Papæ; Cum Monasterium de Pellicia, in ſuo Episcopatu ſitum, ad eam diſſolutionem veniſſet, vt fratres eius domus Religionis obſeruantiam, ordinemque abiecerint; Ipſos in quendam, qui cum fratribus ſuis in eremo laudabiliter conuerſus fuit, boni teſtimonii virum, vnanimiter conſentientes, Abbatem eum ſibi poſtulâſſe: Hanc verò poſtulationem ſe Episcopum admiſiſſe; & ideo petere ordinationem illam à Sede Apoſtolica confirmari. Huic petitioni annuens Celeftinus Papa, ordinationem illam, ſicuti canonice eſt facta, ſe confirmare ait.

SUMMARYM.

1. Ad Episcopum inre communi ſpectat electos Abbates & Præpoſitos generales confirmare, & poſtulatos, quantum id ſit.

id secundum canones permiffum est, admittere.

Hoc e. variè ab interpretibus intelligitur, quia nescitur, quisnam ille fuerit ex eremo postularus. Multi arbitrantur, non fuisse Religiosum, sed Eremitam votis religiosi non astrictum. Mihi verò contrarium videtur: cum in textu dicatur, fuisse cum Fratribus suis in eremo laudabiliter conuersatum, quo loquendi modo cœnobitica Religioforum vita significari solet. Arbitror itaque fuisse alterius Ordinis professum; & id eo postularum: quia etiam eo tempore dubitatum erat, num ex alio Ordine Abbatem eligere licitum esset. Neque id facile attentabatur, nisi Superioris accedente consensu, & ideo per postulationem potius, quàm electionem constitutebantur. Hanc verò dubitationem sustulit postea Clemens V. Pontifex in Clement. 1. hoc tit. prohibens; *Ne Religiosus aliquis in Abbatem, vel Prælatum alterius Religionis vel habitus de cætero eligatur*, vbi Glossa yer. eligatur, admonet; *Non prohibet postulari ex causa, sed quòd à Papa postulatio fieri debet*. Sed Cælestini III. tempore Episcopus proprius talem postulationem admittere poterat: Quam obrem Pontifex admissionem illant, institutionemque Abbatis, cum non appareat contra canones factam esse, confirmauit seu approbavit.

NOTANDVM Vñ. Ad Episcopum, iure communi canonico, spectat electos Abbat, & Præpositos regulares confirmare; & postularos, quatenus id secundum canones permiffum est, admittere. Ita colligitur ex hoc c. & habetur in c. 1. causa 18. q. 2. ian. Gl. ver. instituire.

CAPITVLVM XIV.

Cum terra.

PARAPHRASIS.

Intellexit Cælestinus III. in terra Hierosolymitana prauam consuetudinem irrepressisse, vt, cum Prælati electio celebranda es-

set, Conuentus, ad quem electio pertinebat, duas personas Patriarchæ vel Principis auribus insinuaret; ex quibus ille vnam deligere, vel, si mallet, totam electionem rejicere posset. Hanc consuetudinem, quippe redundantem in grauamen & perniciem ecclesiasticæ libertatis, penitus abolendam esse, Pontifex ait: Atq; decernit, vt in omnibus Conuentualibus ecclesijs forma canonica electionis obseruetur, videl. vt electores in vnum locum, vbi electio Prælati celebranda est, conueniant, & inuocatâ Spiritûs sancti gratiâ personam nominent. Quòd si in persona vel in modo electionis peccatum sit, tandiu diligentiam inquisitionis adhibeant, donec vacanti ecclesiæ personam idoneam provideant. Eo autem peracto, non est prohibitum Regis, aut Patriarchæ assensum super electione requirere; dummodò eam, (supple si canonicè facta sit), non impediunt.

SUMMARIVM.

1. *Consuetudo, qua contra ecclesiasticam libertatem tendit, damnata est, & abolenda.*
2. *Per consuetudinem bonâ fide præscriptam potest ius eligendi penitus auferri, & alteri ecclesiastica persona, seu dignitati aut Collegio acquiri: vel ita restringi, vt ex certo genere personarum, etiam si tantum dua forent (i. donec tamen) vna eligenda sit.*
Non tamen per consuetudinem introduci potest, vt remanente iure eligendi penes Conuentum aliquem, eorum electio ita pendeat ab arbitrio alterius, vt qui electus est, ab eo admitti, vel rejci; aut si duo electi & propofiti sint, vterque rejci possit.
3. *Valebit electio: si electores per metum iniustum & cadentem in viram constantem adigantur ad eligendum vnum ex pluribus, aut certo personarum genere, secus contingit in matrimonio, & professione religiosa.*

4. *Consuetudine introduci potest, ut Prælatus electio intimari debeat Principi, aut patrono ecclesiarum, etiam laico, imò quandoque, ut hoc fiat, consilium est.*
5. *Ipsi tractatus autem electionis laici, quævis patroni sint, non permittuntur sese immiscere.*
6. *Consuetudine vel fundatione constitui potest, ut Princeps aut Patronus laicus ad electionem Prælati vocandus sit, non ut electioni se immisceat, sed ut suâ præsentia & auctoritate liberam & canonicam defendat.*
7. *Sic etiam per consuetudinem, privilegium, & fundationem status potest, ut mors Prælati nunciari debeat Principi aut Prælato laico, ut eius consensus seu magis patrocinium ad novam electionem petatur.*

NOTANDUM I. Consuetudo, quæ contra ecclesiasticam libertatem tendit, damnata est, & abolenda. Ita docent Canonistæ hic, & in c. 1. de consuet. Legistæ in Auth. Cassa de SS. ecclesijs. Videri possunt, quæ docui in cit. c. 1. & in c. Quæ in ecclesijs 7. & c. ecclesia 10. de Constit. & in Theol. moral. lib. 4. tr. 9. cap. 10. Talis fuerat consuetudo, ut Prælatorum ecclesiasticorum electio à Regis seu Principis secularis arbitrio, & assensu dependeret: Quod licet per Apostolicæ Sedis privilegium constitui possit, non tamen per consuetudinem introduci, prout etiam constat ex c. quod sicut 28. hoc tit. Sed difficultas non parva est, Num per consuetudinem imperioſam introduci possit, ut electio Prælati supra dicto modo pendeat ab arbitrio Episcopi aut Patriarchæ? Pro paræ affirmante est cap. cum dilectus 8. de consuet. & c. Abbate 25. de verborum signif. quibus in locis habetur, libertatem electionis ita per consuetudinem restringi posse, ut ex alterius ecclesiæ corpore aliquem eligere necesse sit: Imò etiam, ut electio nō ad Collegium, siue Conuentū, sed aliam personam, v. g. Episcopum pertineat, ut colligitur ex c. 2. de in integr. restit. Sed per parte negantæ stare videtur hoc e.

quando tam de Patriarcha, quàm de Rege negatur, electionem Prælati ab eorum arbitrio, vigore consuetudinis, pendere posse:

Respondeo cum Ioann Andr. hic num. 3. Abb. n. 2. Couar. in 4. decretal. p. 2. cap. 3. §. 5. n. 8. Per consuetudinem bonâ fide præscriptam posse ius eligendi (prout ex allegatis iuribus constat) penitus auferri, & alteri ecclesiasticæ personæ seu dignitati, aut Collegio acquiri: Posse etiam ius eligendi per consuetudinem limitari, seu restringi, ita videl. ut ex certo personarum genere, etsi contingat tantum duas esse, dummodò idonea reperiatur, vni eligenda sit: Quia substantia electionis nihilominus consistit, argum. l. ferui 5. ff. de legatis 1. At verò per consuetudinem introduci non potest, ut remanente iure eligendi pænes Conuentum aliquem, eorum electio ita pendeat ab arbitrio alterius, ut qui electus est, ab eo admitti, vel reijci, aut si duo electi, & propositi sint, vterque reijci possit, uti in hoc cap. dicitur: Id enim est contra substantiam electionis, idcirco dum Patriarcha, aliûve ecclesiasticus fatetur Capitulo aut Conuentui competere ius eligendi, non potest per consuetudinem cum bona fide acquirere, ut electio dicto modo ab arbitrio suo pendeat, arg. c. 2. de consuet. in 6.

Id verò non malè admonet loco cit. Couarr. quòd potuisset Patriarcha per consuetudinem præscriptam acquirere, ut Conuentus duas eligere deberet, quorum vnus ab ipso approbaretur. Vel enim electionis substantia non euertitur, sed restringitur duntaxat: vel, si contendas nō esse propriè dictam electionem, sed potiùs prælationem seu nominationem duorum, etiam id fieri potest per consuetudinem, ut ablata Conuentui facultate propriè dictæ electionis, aliquos præsentare teneatur Ecclesiastico Superiori, ex quibus vnus sit instituendus. Non item Regi, aut seculari Principi, cum enim id ius ecclesiasticum & spirituale sit, per consuetudinem à laico acquiri non potest, licet per privilegium Sedis Apostolicæ possit.

Ex suprâ tradita doctrina colligit Abbas
in 9

in c. licet n. 12. hoc tit. & super hoc c. n. 3. & alij apud Sanchez 2 lib. 4. de matrim. disp. 12. n. 20 & dixi etiam supra in cit. c. licet, not. 2. casu 4. mero iure valituram electionem, si electores per metum iniustum, & cadentem in virum constantem adigantur ad eligendum vnum ex pluribus, aut certo personarum genere quia substantia electionis consistit, nec exat aliquis canon, quo talis electio infirmata sit. Poterit tamen, & plerumque debeat in criminis detestationem, & quia electio minus canonicè, vid. non cum plena libertate facta est, à Superiore rescindi. Bene autem admonent Couarr. & Sanchez cit. locis, matrimonium ipso iure irritum fore, si contrahatur per talem metum grauem & iniustè extortum, quo aliquis adigitur ad ducendam vnā ex pluribus determinatis, v.g. vnā ex filiabus Titij, aut ex certa familia. Quia ad matrimonium plena libertas requiritur, c. cum locum 14. de sponsal. & c. 2. de eo qui duxit, &c. Accedit, quod matrimonij, cum suapte naturā perpetuum atque indissolubile sit, nisi ob talem coactionem, & plenā libertatis imminutionem, ipso iure irritum esset, postea nunquam rescindi posset, & ita infelices exitus facile sequerentur, cit. c. cum locum. Quare idem quoque ob eandem rationem dicendum est de Religionis professione, eam irritam fore, si quis graui & iniusto metu cogatur ad proficendum non tantum in vna certa, sed etiam si cogatur indeterminate ad proficendum in aliqua quacunque Religione: quandoquidem professio in Religione non minus, quam carnale matrimonium, libertatem exigit, & coactionem non admittit, c. 1. de ijs quæ, c. cum virum 12. de Regul. cap. vlt. Qui clerici, vel videntes.

NOTANDUM III. Si ecclesia Pastore orbata sit, Conuenticuales seu Capitulares in vnum locum conuenire debent, & post inuocatam S. Spiritus gratiam, curam inquisitionis adhibere, donec personam idoneam secundum formam canonicam elegerint. Videri potest Gl. hic ver. diligentiam.

NOTANDUM IV. Consuetudine introduci potest, vt Prælatus electio iniurari debeat

Principi, aut Patrono ecclesiarum, etiā laico, vti hic dicitur, & in c. cum inter 18. c. quod sicut 28. hoc tit. Imò consuetum quandoque est, eam significari, vt appareat, num eam oppugnare velit, tanquam institutam contra formam canonicam, aut de persona inhabili seu indigna, c. nobis 25. de iure patron. & notauit Abb. hic n. 2. Sin autem ritè peracta sit electio, non potest eam impedire, vti hic dicitur in fine c. & tradit inter alios Hostiensis in summa, tit. de electione, §. Quis possit eligere.

Sed QVÆSTIO est; Num Princeps, aut Patronus laicus ad ipsam electionem Prælati vocari, vel admitti debeat? Respondeo, & Dico I. Tamen olim consuetudo fuerit, vt, cum electio Prælati peragenda esset, vocatorum etiam laicorum mens & consilium exquireretur, prout S. Cyprianus testatur lib. 1. epist. 4. & dixi supra in c. 1. hoc tit. tamen mos iste postea desit, atque hodie non permittitur, vt laici, quamuis patroni sint, vnā cum clericis, tractatui electionis se immisceant, argum. c. 1. d. 63. c. sicut 28. c. sacrosancta 51. hoc tit. vbi id Gl. tradit, ver. in laicum.

Dico II. Consuetudine, vel fundatione constitui potest, vt Princeps, aut Patronus laicus ad electionem Prælati vocandus sit, non vt electionis tractatui se interponat, sed vt suā præsentia & auctoritate Clericorum liberam & canonicam electionem defendat, prout annotauit Hostiensis in summa, hoc tit. §. Quis possit eligere. Qua etiam ratione olim Imperatores Christiani Concilij Episcoporum intererant, vt tamen nullo se verbo interponerent, sed liberum omnino Sacerdotibus arbitrium relinquerent, vti videre licet apud S. Ambrosium lib. 5. epist. 32. Ad Valentinianum: & apud Theodosium & Valentinianum Imperatores in epist. ad Synodum Ephesinam Oecumenicam, tom. 1. cap. 32.

Et sic defendi etiam potest, quod Innoc. 7. docet in supra cit. c. quod sicut num. 2. per consuetudinem, & priuilegium (adde & fundationis literas) statui posse, vt mors Prælati nunciari debeat Principi, aut Patrono laico, vt consensus eius, seu magis patrocinium ac

defensio petatur ad nouam electionem, iuxta canones, celebrandam. Videri etiam potest Petr. Greg. Tholosanus tract. de elect. cap. 19. num. 15.

CAPITVLVM XV.

Transmissam.

PARAPHRASIS.

Clerici cuiusdam diocesis illicita perpetrantes, cum propter excessus suos ab Episcopo electo & confirmato, suspensionis, interdicti, aut excommunicationis sententia constriherentur, eam contempnā, dimiserunt ecclesias suas, & liberè, clericali dimisso habitu, vagantes, & laicorum negotiationibus se immiscentes, obiecerunt, Episcopum, ante consecrationem acceptam, sine speciali Sedis Apostolicæ indulto, correctionem exercere non posse. Hoc intellecto, scripsit Cælestinus III. Papa ad Episcopum, quod post acceptam electionis suæ confirmationem, de talibus, quæ proposita fuerunt, & similibus liberam statuendi, quod iustum est, & ecclesiasticæ utilitati congruit, habeat facultatem.

SUMMARIUM.

1. Episcopus electus aut postulatus post confirmationem acquisit potestatem exercendi ea omnia, quæ sunt iurisdictionis episcopalis.
2. Episcopus non consecratus etiam causas criminales clericorum per se, & tantum incidenter propositas cognoscere, & iudicare potest: exceptis hijs, quæ ad realem siue solemnem degradationem spectant.

NOTANDVM Vn. Episcopus electus aut postulatus, post confirmationem per litteras authenticas acceptam, licet consecratus non sit, aut nondum Sacerdos, exercere ea omnia potest, quæ ad iurisdictionem pertinent, uti sunt iudicare, punire, censuras

ferre, ab eisdem absolvere, iurisdictionem in externo & interno foro delegare, gratias & privilegia concedere, à vassillis fidelitatis iuramentum accipere, beneficia ecclesiastica conferre, inuestire, præsentatos instituere, electos confirmare. Ita docet Gl. recepta hic ver. talibus, Innoc. ibid. Sanchez in lib. 7. moralium cap. 3. n. 67. Suarez lib. 4. de legibus cap. 4. n. 9. vbi cum S. Thom. in 4. d. 20. q. vn. a. 4. quæstion. 2. addit, quod & indulgentias concedere possit, cum tamen indulgentiarum concessio videatur actus maxime spiritalis inter omnes, qui iurisdictionis sunt.

QVÆSTIO autem est, Cur & quo sensu Pontifex, posteaquam respondit, de talibus & similibus, videl. ad potestatem iurisdictionis pertinentibus, Episcopum confirmatum, nondum autem consecratum, liberam statuendi habere facultatem, exceptionem adiecerit: *Præter ea quæ maioris discussionis inquisitionem exigunt, & ministerium consecrationis desiderant.* Quidam apud Abb. in e. 1. n. 5. de translat. Episcopi, Ioan. Andr. hic n. 11. Felin. in e. eam te n. 5. de rescriptis, inde collegerunt, quod Episcopus non consecratus causas clericorum criminales, per se & non tantum incidenter propositas, cognoscere & iudicare non possit. Sed hoc dictum merito rejicitur ab Innoc. hic, in fine: Primò, quia Episcopus eiusmodi cognitionem criminalem delegare alicui potest, qui episcopalem consecrationem non habet; Secundo, quia Episcopus per confirmationem accipit merum Imperium, cum possit excommunicare, &c. Ergo etiam de causis criminalibus cognoscere potest. Dicendum itaque cum Innoc. cit. locos Pontificem excipere voluisse eas duntaxat maioris inquisitionis discussiones, quæ ad realem siue solemnem clericorum degradationem spectant, hæc enim consecrationis episcopalis ministerium requirunt, c. 2. de pœnis in 6. & explicauit latè lib. 1. Theol. moral. tr. 5. p. 3. cap. 5. n. 4. Nisi quis dicere malit, quando iuxta veteris ecclesiæ morem, Episcopus causas criminales Sacerdotum & Diaconorum cognoscere solus non potuit, sed tantum in Coepiscoporum conuocato concilio c. si autem 5. & c. ult. causa

15. q. 7. pro maiore tunc conferuanda auctoritate, oportuisse Episcopos, qui conuenirent, esse consecratos, prout Abb. antiquus, & Innoc. hic indicare videntur, ver. inquisitionis: sed ista iam in desuetudinem venerant.

CAPITVLVM XL

Cum inter.

PARAPHRASIS.

Romanus senior Schafhusianus Monachus in Abbatem eius Monasterij electus fuit: sed Romanus iunior, & alij quidam se electioni opposuerunt. Controuersia hæc à Sede Apostolica varijs iudicijs commissa, sed decisa non fuit. Cum autem Romanus senior pro ferenda sententia apud Sedem Apostolicam instaret, Cælestinus III. Papa eum inuitum coëgit, vt in compositionem consentiret, atque renunciaret Abbatiæ de manu Pontificis Prioratum & Custodiam (seu Custodis officium) reciperet, ita vt ea dum viueret, possidere posset. Postea verò, cum idem Romanus domum reuersus fuisset, ab Aduersariis suis Monachis, compositionem obseruare nolentibus, ad Prioratum & Custodiam admissus non est, sed malè tractatus, iniectis in eum manibus violentis: horum manus cum euasisset, appellauit ad Sedem Apostolicam, volens impedire, ne ad nouam electionem Abbatis procedere possent. Erat tum quoque in ijs Germanicis partibus Legatus à latere, qui Monachos, ob hunc & alios eorum excessus, suspensioni, & Monasterium interdicto subiecerat. Sed illi nec interpositæ appellationis, neque suspensionis suæ rationem habentes, ad electionem nihilominus conuenerunt, atque Romanum iuniorem in Abbatem elegendi referabantur. Hæc causa cum Innocentio III. Papæ relata esset, in primis respondit, Electionem Romani iunioris ex eo capite infirmari non posse, quia post appellationem celebrata sit: Cum enim Romanus senior Abbatiæ corà Pontifice

renuntiasset, eius propiè nihil intererat, nouam electionem institui. Quòd verò ad alterum caput attinet, non poterat Pontifex satis tum cognoscere, num electio à suspensionis celebrata fuerit. Tamen enim id colligebatur ex literis Præpositi & Capituli Cathedralis Constantiensis, in quibus de interdicto Legati à latere mentio facta; huic tamen relationi repugnabat factum Episcopi Constantiensis, qui vt Diocesanus dicto Romano iuniori in Abbatem electo benedictionis munus impendit: Quamobrem licet obiectum fuerit, non tamen probatum, electionem ab interdictis celebratam fuisse, eam Pontifex irritare non potuit: Visum itaque eidem fuit, vt causam duobus, in ijs partibus, Abbatibus committeret, hac forma, vt, si eis constiterit, electionem à suspensionis celebratam fuisse, ea penitus cassata, Monasterio, post suspensionis & interdicti sententiam, præmissa satisfactione condigna, relaxatam, personam idoneam prouideri eurent.

SUMMARIUM.

1. *Papa in causis, maximè beneficialibus, potest partes cogere ad compositionem pacis statuendam, & discordiæ ac scandalum amouendi causa.*
2. *Non licet alicui appellare, si eius nihil inter sit: licet tamen non tantum si alicuius inter sit proprio nomine, sed etiam si alieno, v. g. si alicuius procurator constitutus sit, vel ratione necessitudinis, ut pater pro filio, clericus in causa ecclesiæ, monachus in causa monasterij.*
3. *Abbas electus & confirmatus benedicitur, ut ea, quæ ordinis sunt, ritè exercere possit, v. g. populo benedicere, sacra vasa (si id ex privilegio Sedis Apostolicæ concessum sit) consecrare &c.*
4. *Cur instituta sit Abbatum & Præpositorum regularium benedictio, & inter hanc & consecrationem Episcopi quod discrimen.*
5. *Abbatibus ut sanctorum Dominicis diebus benedici debeant, nullo iure præscribitur.*

tur; observari tamen soles, ut illa fiat Dominico siue alio festo die.

6. Abbas semel benedictus, si assumatur ad alterius monasterij prælaturam non debet iterum benedici.
7. Abbatissa si intra annum à confirmatione sua tempore benedictionem non accipiant sine rationabili causa, à iure suo excludunt. & nova provisio fieri debet.
8. Si electio Prælatus celebrata sit à suspensione, vel excommunicatione, vel personaliter interdictis, ipso iure irrita est.

NOTANDVM I. Rom. Pontifex in causis maximè beneficialibus egere potest partes contententes ad compositionem, pacis statuendam, & discordiæ ac scandali amovendi causa. Ita Ioan. Andr. & Anton. rum. 4. Abb. num. 1. eum Gl. marginali, Felinus in cap. 7. Quæ in ecclesiis n. 45. de Constitut. Ratio dari potest, quia in ecclesiasticis beneficijs supremam administrationem, & plenissimam dispositionem obtinet, cap. 2. de præbend. in 6. Alioquin verò, seu ordinariè, potest quidem iudex, imò sæpe debet partes contententes ad concordiam & compositionem hortari, iuxta cap. 1. & c. studendum 7. d. 90. non autem compellere inuitos, quin potius precibus ius dicere cogitur, secundum Gl. receptam in l. 1. §. Et post, ff. de noui operis nunciat. Nisi causa valde dubia & intricata sit, & partes longo tempore, magnis sumptibus, litigant, uti hic tradit Anton. num. 26. Abb. num. 9. & docui lib. 1. Theol. moral. tract. 1. cap. 5. num. 16. §. Quæres. *Pertinet enim ad iudicis officium lites diminuire*, l. quidam 21. ff. si certum petatur. Et maximè quidem in litibus beneficialibus, si decidi faciliè non possint, Episcopi & similes Prælati partibus diu litigantibus compositionem imperare possunt, argum. cap. placuit 9. d. 90. & cap. quæsitum 5. de rerum permut. Videtur enim ex eo textu colligi, quòd Episcopus ex causa utilitatis etiam inuitos beneficiarios de loco ad locum institutà beneficiorum permutatione, transferre possit.

NOTANDVM II. Licet prioratus, &

alia officia seu beneficia claustralia, non sint perpetua, sed manualia, quæ secundum Abbatem voluntatem auferri possunt, cap. cum ad Monasterium 6. §. Tales autem, de statu Monachorum; Sed neque à Sede Apostolica indulta prodire soleant, in quibus Religiosis Prioritates & similes administrationes seu officia ad vitam eorum confirmantur, cap. ad nostram 5. & c. seq. de confirmat. vtili; Excipi tamen debet, Nisi summus Pontifex alicui ex certa scientia regulare & claustrale eiusmodi beneficium siue administrationem in perpetuum, & ut irrevocabile ab inferioribus Prælatis, conferat. Quod hic Cælestinus III. legit, propter bonum pacis, & concordie. Et ita annotauit Innocent. hic in princ. Anton. num. 8. & 27. Abb. n. 2. & 10.

NOTANDVM III. Non licet alicui appellare, si eius nihil interfit, uti hic dicitur, vers. *Nos attendentes*, in cap. quod sicut 28. hoc tit. & in l. 1. ff. de appellat. Veruntamen, licitum est appellare non tantum si alicuius interfit proprio nomine, sed etiam si alieno; puta, si alicuius procurator constitutus sit, vel alienum negotium geras, & dominus mox ratum habiturus sit: Item affectionis, ac necessitudinis causa, pater, aut mater pro filio, si causa eius deserta sit, appellare non prohibetur, prout hæc habentur in cit. l. 1. Quamobrem eadem ratione clericus in causa ecclesiæ suæ, & Monachus in causa Monasterij sui, opponere se potest, si quid non rectè seu non canonicè agatur, & appellare; quia eius quodammodo interest, cum sit membrum ecclesiæ seu congregationis: Et ideo R. senior, tamen ab appellatione repulsus fuerit, quatenus contra electionem se opposuit proprium interesse prætendens, postquam is electioni suæ renunciaret; auditus tamen fuit, quatenus idem contra electionem appellauit, allegans eam à suspensionis factam fuisse. Et ita Innocent. hic annotauit num. 2.

Obijcit Gl. hic ver. ex consensu: Si pars vna transactionem seruare nolit, etiam altera rescire potest, l. si diuersa 14. C. de transact. Respondeo, cum Abb. hic n. 13. in solut. 3. Abb.

3. Abb. antiquo in fine huius cap. Quod transgigenti, si ex sua parte impleuerit, & altera pars implere nolit, resiliere licet: atque, nisi malit compellere ad implendum, transgigentem rescindere: prout hoc ipsum etiam in contractibus innominatis contingit, l. 1. ff. de rerum permutat. & docui lib. 3. Theol. moral. tr. 4. cap. 3. n. 3. At verò in casu nostro compositio à Pontifice proposita, omni ex parte impleta, & perfecta fuit: Cum & R. senior electioni simpliciter & purè renunciàrit: vicissim vero Prioratus & Custodiæ collatio eidem per manus Pontificis facta fuerit: Quare cum postea Monachi, mutata voluntate, eum recipere nollent, non poterat renunciationem suam reuocare, sed ius sibi in Custodia & Prioratu acquisitum, coram Sede Apostolica, aut Legato eius, ad obtinendam, aut retinendam possessionem, prosequi debebat.

NOTANDUM IV. Sicuti Episcopus post electionem & confirmationem consecratur, ita Abbas electus & confirmatus benedicitur, ut ea quæ ordinis sunt, ritè exercere possit. videl. populo benedicere, sacra vasa (si id ex privilegio Sedis Apostolicæ concessum sit) consecrare, primam tonsuram & Ordines minores Regularibus suis subditis conferre, iuxta c. 1. d. 69. & Concil. Trid. sess. 23. cap. 10. de reform.

QVÆSTIO prima. Quare instituta sit hæc Abbatum & Præpositorum regularium benedictio? Respondeo: Institutam esse à sacris canonibus secundum similitudinem & proportionem consecrationis Episcopalis: ut quia Abbates isti Episcopis proximi sunt secundum honores, & quandam ordinis episcopalis participationem, ita etiam benedictionem aliquam participent. Sunt tamen non pauca discrimina inter consecrationem Episcopi, & Abbatis alteriusve Prælati benedictionem. Primum, Episcopi consecrati per Sacri Chrismatis unctionem fit, non item Abbatis benedictio.

Secundum. Consecratio Episcopi Sacramentum est, characterem imprimens: sed benedictio Abbatis est simplex & deprecatoria manûs impositio, c. 1. d. 69. iun. c. ma-

nus 74. causa 1. q. 1. Quamobrem consecratio Episcopi non nisi ab Episcopis fieri potest: sed benedictio Abbatis interdum ab Episcopo assistentibus duobus Abbatibus (ut similitudinem aliquam episcopalis consecrationis habeat) fieri solet.

Tertium. Episcopus, post confirmationem suam, antequam consecratus sit, absolute Episcopus, aut Pontifex appellari non deberet, secundum Gl. in Clem. 2. in not. de celebr. missarum: sed Abbati, post confirmationem, tametsi nondum benedictus sit, nomen Abbatis absolute competit, prout docet Abb. in c. quanto n. 3. de offic. Ordinarij. Felin. in c. eam te n. 7. de rescript. Cardin. Tuschus ver. Abb. concl. 8. n. 3. argum. c. 1. de suppl. neglig. Prælatorum, c. indemnitate 43. §. sane, hoc tit. in 6. & apparebit ratio ex seq. discrimine.

Quartum. Consecratio Episcopi simpliciter necessaria, ac veluti substantialis est, ad hoc ut actus ordini episcopali proprios exerceat, cuiusmodi est sacerdotes ordinare &c. sed neque alios actus ordinis episcopalis, qui non ita proprij sunt, quò minas Sacerdotibus simplicibus, seu non episcopis, à Sede Apostolica committi queant, videl. ordines minores conferre, vasa sacra consecrare, & similia Episcopus confirmatus, tametsi Sacerdos sit, ante consecrationem exercere potest: cum enim sacramentalia ista ordini episcopali per se ac directè ab ecclesia annexa sint, idè non vult ea nisi ab ordinatis episcopis exerceri. At verò benedictio Abbatis respectu exercitij ordinis non consecrari esse substantialis, sed potiùs solemnitas quædam accidentaria, arg. cit. c. 1. de suppl. neglig. Prælatorum: Et constat ex eo, quia quibuscumque in locis consuetudo viget, ut Abbates non benedicantur, & nihilominus omnia Abbatum, etiam quæ ordinis sunt, officia exerceant, si Sacerdotes ordinati sint, teste Angelo ver. Abbas n. 3. Tuschus eod. verbo concl. 8. n. 3. Rodriq. tom. 1. regul. qq. q. 18. a. 2. & colligitur ex c. alienationes 37. causa 12. q. 2.

Ceterum, si consuetudo vigeat, ut Abbates vel Præpositi post confirmationem so-

ceptam benedicantur, tum seruanda est regula proportionalis; Quod sicuti Episcopus post confirmationem electionis suæ exercere potest ea, quæ ad iurisdictionem spectant, non item ea quæ ad Ordinis potestatem, c. transmissam 15. vbi bene Abbas antiquus, hoc tit. Ita etiam Abbati electo per confirmationem confertur omnis potestas iurisdictionis, non item ordinis potestas: Eam enim per benedictionem assequi censetur, iuxta c. eum contingat 11. de stat. & qualitat. & docet Abb. in suprâ cit. n. 3. Syl. ver. Abbas n. 4. Adde his, quod quibusdam in locis Episcopi non aliter confirmant Abbates & Præpositos, quàm vt ipsi canonicè electis benedictionem solemnem impendant. Quo in casu benedictio loco confirmationis est: Et hoc casu intelligendus videtur Innocentius in cit. c. 1. n. 1. de suppl. negl. Prælatorum, vbi significat, quod Abbas ante acceptam ab Episcopo benedictionem, administrare non debeat, præterquam si is in mora, aut negligentia conferendi existat, iuxta cit. c. 1.

QVÆSTIO secunda. Quonam die Abbatibus benedictio peragi debeat? Aliqui existimant, Dominico tantùm die benedictionem dandam, vt Abb Panorm. in c. eum sis. de consecrat. eccles. vel altaris; Hostiensis quoque, teste Gl. in Clem. 2. ver. benedici, tutius id esse, arbitratus est, propterea quod Episcopus Dominico die consecrari debeat, c. quod die 5. iun. Glossa ver. Sacerdotum. d. 75. Sed responderetur cum Gl. recepta in cit. Clem. Tuscho in cit. concl. 8. n. 19. Barbosa de offic. Episcopi p. 2. alleg. 27. n. 51. De hac re nihil statutum in iure reperiri: & id eò necessitatem non imponendam, vt Abbates Dominicis tantùm diebus benedicantur: Obseruari tantùm solet, iuxta communem doctrinâ apud Syl. ver. Abbas n. 4. Angelum n. 3. vt Abbatibus benedictio siue dominico die, siue alio festo die celebretur, sicuti & ordinis minores festis quibuslibet diebus conferri solent, c. 3. de tempor. ordinat. At verò Abbatissæ benedictionem quolibet die fieri posse, monet Gl. recepta in cit. Clem. ver. benedixi; quia longè minus habet be-

nedictio Abbatissæ, quàm Abbatis, prout ibid. Gl. explanat.

QVÆSTIO tertia: Si Abbas, postquam semel benedictus est, ad alterius Monasterij prælaturam transferatur, debetne iterum benedicere? Respondendum est negatiuè ex communi doctrina apud Azor tom. 1. lib. 12. cap. 29. q. 4. Barbosa de offic. & potest. Episcopi p. 2. allegat. 27. n. 51. Quemadmodum nec coniuges denuò benedici solent, si in prioribus nuptijs benedictionem acceperunt, c. 1. & 3. de sec. nuptijs. Accedit, quod benedictio Abbatissæ fiat ad similitudinem consecrationis episcopalis, quæ iterari non potest. At verò Abbatissæ benedictionem iterari solitam esse, testatur cit. loco Azor, & Nau. in consil. 2. ad 1. q. de statu Monach. edit. 2.

His adde, quod in suprâ cit. Clem. 2. §. 7 statuimus, pœna decreta est, si Abbatissæ in Monasterijs, in quibus benedici solitæ sunt, infra annum à confirmationis suæ tempore, benedictionem accipere, absque rationabili causa intermittant, à iure suo penitus excidant; ita vt noua prouisio fieri debeat.

NOTANDVM V. Si concurrent probationes seu præsumptiones in vtrâque partem contrariæ, se inuicem infringunt, ac diminuunt, vt lude x ijs stare non debeat, sed maiorem inquisitionem facere. Ita sumitur ex textu ibi, unde vel scriptura, & notauit Imola n. 9. ex c. 3. iun. Gl. ver. & testibus, Qui filij sint legitimi.

NOTANDVM VI. Si Papa causam coram se, ob defectum probationum, sufficienter cognoscere & iudicare non possit, tum solet eam in partibus siue in loco, vbi testes audiri & examinari possunt, delegare, vti hic apparet, vers. fin. Ideoque mandamus, & notauit Abb. hic n. 14. Interdum verò demandatur tantùm per literas Compulsoriales, vt testes audiantur, instrumenta edantur, eaque Romam, pro causæ informatione, mittantur.

NOTANDVM VII. Si electio Prælati celebrata sit à suspensis, vel excommunicatis, vel personaliter interdictis, ipso iure irrita est. Ita hîc dicitur in fine c. iun. Glossa ver. cassâ-

Qualiter.

PARAPHRASIS.

Vacante ecclesiâ Pennensi, Canonici Primicerium ecclesiæ suæ, in Episcopum elegerunt. Is nondum acceptâ à Sede Apostolica confirmatione, administrationi Episcopatus se immiscuit, recipiendo eum à clericis, tum à laicis iuramenta, eum tamen scire debuerit, quod nemo secundum Apostolum ad Hebr. 5. cap. sibi sumit honorem, sed qui à Deo vocatur: Id eò Innocentius III. Papa tum ob hanc causam, tum etiam quia Primicerius episcopali muneri conuenientem scientiam non habebat, ipsius electionem irritandam iudicauit, omnia quæ vigore eius facta sunt, irrita esse pronuncians.

SUMMARIVM.

1. *Episcopus electus ante confirmationem administrare non debet, aliàs ipso iure priuatus existit, nec per nouam electionem eligi potest.*
2. *Debet habere Episcopus scientiam competentem muneri episcopali, uti & alij Prælati & curati clerici conuenientem suis officijs.*
3. *Electione cassata, omnia rescindi debent, quæ ratione officij, aut iurisdictionis usurpata gesta sunt: scilicet est, si ob vitium aliquod occultum Episcopi, vel alterius Prælati, institutio vel confirmatio inualida sit.*

NOTANDVM I. Episcopus electus ante confirmationem administrare non debet. Ita hic, & in c. nōsti 9. vbi id docui not. vn. hoc tit. Alioquin eius electio in pœnam cassari debet: Imò ipso iure priuatus existit, ex quo tempore administrationi se malè ingessit, iuxta c. si auaritiæ 5. hoc tit. in 6. Tamen si aliqui aliter sentiant, quam quæstionem ibi examinabo.

Addit Abb. Panorm. hic n. vlt. ex Archidia

cassata, vbi admonet, cassandam dici electionem, id est, cassam & irritam esse declarandam, quia suspensi eligere non possunt. Intelligi verò id, spectato hodierno iure, debet, si denunciati sint, vel si per exceptionem oppositam repellantur, prout docui in c. eum dilectus 8. de consuet. not. 5.

QUÆSTIO est: Si in censura suspensionis & interdicti R. iuniorem elegerunt, ad quem prouisio Prælati spectare tunc debebat, ad ipsos, an ad alios? Gl. fin. hic, quam sequitur ibi Abb. Panormit. & Anton. n. 22. ait: Quod à Capitulo seu Conuentu noua electio fieri debeat: idque colligit ex textu: quia eum Papa mander, nouam prouisionem fieri, non autem explicet, à quibus, factis significare videtur, ad Capitulares pertinere, posteaquam ij à censura, post satisfactionem congruam absoluti fuerint.

Hæc doctrina vera est, cum tribus tamen limitationibus: I. est, Si Capitulares in hoc casu Rom. iuniorem elegerint suspensum, aut personaliter interdictum, idque scienter & illicite, tum priuati fuissent pro ea vice iure electionis, idque ad proximum Superiorem deuolutum fuisset, e. quamquam 18. in 6. Et fortasse in hoc ipso casu, cum Pontifex nesciret, quomodo electio prior parata esset, maluit terminis generalibus uti, & mandare, vt de persona idonea consulatur.

II. Si Capitulares, posteaquam ob censuram omnes denunciati fuerunt, vel contra eos exceptum, electionē irritam peregerint, atque vltra tres menses absolutionem petere, nouamque canonicam electionem facere culpabiliter intermittant, ius eligendi pro ea vice ad Superiorem deuoluatur, iuxta cit. c. quamquam, & c. vn. Ne Sede vacante, 3. Cum verò.

III. Si non omnes Capitulares suspensi, vel interdicti sint, tum ijs priuatis (siue ipso iure, si denunciati existant, vel ope exceptionis) ius eligendi pro ea vice ad alios censurâ non irreuitos deuoluitur, iuxta c. 2.

de postulat. Prælatorum. vbi id docui not. 2. & c. Cum Vinconien-
sis 25. hoc tit.

diacono in suprà cit. c. auaritiæ, quòd ita priuatus, aut repulsus per nouam electionem eligi non possit, quia electio prior casata fuit vitio personæ, iuxta c. super eo 11. hoc tit. Sed neq; à Pontifice electionis suæ validationem promotionemue consequi posset, nisi vitium intrusionis suæ explicaret; Eademque ratio est, si quis per abusum secularis potestatis factam electionem acceperit, c. quisquis 43. hoc tit. Consecrunt, quæ docui lib. 4. Theol. moral. tr. 1. cap. 15. n. 3.

2. **NOTANDUM** II. Episcopus habere debet scientiam competentem muneris episcopali: Et ita de alijs quoque Prælati, aut Curatis clericis dicendum; requiri in eis scientiam maiorem, aut minorem; prout ratio officij, & cura, administratioque, quæ ipsis incumbit, exigere videtur. Ita sumitur ex hoc c. ibi, *Nec donum scientia Pontificis conueniens* & lute explicat Abb. in c. cum in cunctis n. 4. hoc tit.

3. **NOTANDUM** III. Si cuius electio casata sit, omnia reuocari & rescindi debent, quæ ratione officij, aut iurisdictionis usurpatæ gesta sunt: Quare si v. g. Episcopus electus ante confirmationem beneficia contulit, collationes, tanquam irritæ, reuocari debent. Sed alia ratio est, si Episcopo vel alteri Prælato confirmationis, aut institutionis titulus, ob vitium aliquod occultum, inualidus, collatus fuit: tunc enim quæ ab eo ratione officij gesta sunt, valida iudicari debent, argum. l. Barbarius ff. de Offic. Prætoris.

CAPITVLVM XVIII.

Cum inter vniuersas.

PARAPHRASIS.

Archiepiscopus Capuanus Panormi vitæ defunctus fuit, præsentibus Decano & alijs ecclesiæ Capuanæ Canonicis: Ij scripserunt ad Capitulum Capuanum, vt ad electionem Archiepiscopi non procederent, donec ipsi aduenissent. Eo intellecto, Capitulum terminum illis XII. die-

rum præfixit, intra quos, post literarum receptionem, reditum instituere deberent. Hæc res cum Innoc. III. Pontifici relata fuisset, scriptis is ad Capuanum Capitulum; quòd ecclesiarum consuetudo non exigit, vt Canonici ad electionem Præfatis è loco tam remoto vocentur, præsertim cum Decanus & alij Canonici mortem Archiepiscopi, quippe ei tunc præsentibus, non ignorarint, & ideo aliqui eorū ad ecclesiā Capuanā reuersi fuerint, Quare cum mora longior in Prælati electione suspensa, & sæpe damnosa ecclesiæ sit, mandat Papa Capitulo, vt ad Archiepiscopi electionem conueniat, & invocata S. Spiritus gratia, personam per canonicam electionem concorditer assument; postea verò nuncios idoneos transmittant, per quos à Pontifice vice Regi assensum, & Apostolicæ confirmationis gratiam postulent.

SUMMARIVM.

1. Mortuo Prælato Capitulum sine ij, qui in loco ecclesiæ præsentibus sunt, terminum præfixere possunt, infra quem Prælati electio instituenda sit.
2. Capitulares intellecta morte Prælati, etsi maior eorum pars existat extra locum ecclesiæ, vel Capituli, eò se ad electionem conferre debent; neque negasse est (secundum specialem consuetudinem) absens vocari.
3. Alias minor Capituli pars, etiam vnus ad eligendum procedere potest, illis alijs non expectatis, si modo hi absentes intra trimesstre, aut semestrem à SS. Capituli definitum aduenire possint, & non adueniant; ante quem terminum non expedit, vt absensibus dies præstinatur, nisi duo adsint Capitularium partes, vel consuetudo aliud obtineat.
4. Si duo agendi facultates tendentes ad eundem finem seu effectum in eodem persona concurrant, quæ in diuersis potestatibus fundata sint, simul eodem actu expediti non possunt.

NOTA

NOTANDVM I. Mortuo Prælato Capitulum siue ij qui in loco ecclesiæ præsententur, terminum præfigere, aut diem nominare possunt, intra quem, vel in qua Prælatus electio instituenda sit. Ita colligi potest ex hoc c. Pendet autem hæc res ex ecclesiarum consuetudine: Quibusdam enim in ecclesiis Decanus, aut, si absens sit, Senior diem electioni constituit: Plenisque verò in locis conuenire solent, qui præsententur, aut non longe distantes sunt Capitulares, & diem electionis capitulariter decernunt, atque absentibus per nuncium, vel literas intimant. Qua de re Greg. Tholos. in tract. de elect. cap. 14. & videri possunt, quæ supra dixi in cap. bonæ 4. de postul. Prælator. not. 1.

NOTANDVM II. Capitulares (quamuis maior eorum pars sit extra locum ecclesiæ suæ, siue Capituli) intellecta morte Prælati, eo se conferre debent ad electionem instituendam: Alioquin possunt alij, tametsi pauci, ad eligendum procedere, si terminus à iure præfixus appropinquet. Ita sumitur ex hoc cap. & tradit Innoc. hic n. 6. Adde, quòd seclusa speciali consuetudine, necesse non sit absentes in hoc casu vocari, prout etiam in hoc cap. indicatur, quia dies statuta pro homine interpellat, l. magna 12. c. de contrah. empt. Et, cum qui certum est, certiorari videri non oportet. reg. 31. in 6.

NOTANDVM III. Si Canonici à loco, ubi electio instituenda, multum distantes sint, ita vt commodè vocari aut accersiri nequeant, absque ijs electionem alij, quamuis numero pauciores, peragere possunt. Ita habetur hic & in c. quia propter 42. hoc tit. Ex hoc autem c. colligitur, in hac re attendendam etiam esse ecclesiarum consuetudinem, prout hic notauit Gl. ver. remoti, ex c. In Genesi 55. hoc tit. Et verò pluribus in ecclesiis consuetudo viget, vt omnes qui in regno sunt, destinato ad eos nuncio, vel literis vocentur: dummodò speciale periculum in mora non sit, ob quod electionem accelerari oporteat: dummodò etiam intra tempus trimestre, aut semestrem, à sacris canonibus definitum cap. ne pro defectu 41. hoc tit. qui absentes sunt, aduenire possint. Interdum ta-

men, si aliqui accedere intra illud tempus iuste impediti sint, v. g. ob violentiæ periculum, electio ultra terminum à iure statutum prorogari æquum est, donec omnes conuenire possint, argum. cit. c. Ne pro defectu, ver. *In hoc impedimento cessante*. Videri etiam potest Ioan. Andr. hic n. 15. Innoc. in c. cum nobis n. 6. ibid. Abb. n. 9. & 10. hoc tit. vbi aiunt, si inster terminus electionis faciendæ, iuxta iuris præscriptum, atq; aliqui aduenire negligent, quòd etiam minor Capitularium pars, imò vnicus ad electionem procedere possit: quia ius vniuersitatis in eo residet, l. sicut 7. in fine, ff. Quod cuiusque Vniuersitatis, &c. cap. vlt. d. 65. iun. Gl. ver. superflus. Sed ante iuris definitum terminum nõ expedit absentibus, vt adueniant, diem præstitueri: nisi duæ ad sint Capitularium partes, vel consuetudo ecclesiæ obtineat, vt v. g. Decanus, aut Senior diem statuere, & absentes vocare debeat. Qua de re Innoc. cit. loco, & dixi de hoc in cit. c. bonæ 4. de postul. Prælatus. Videri etiam possunt quæ dicam in c. seq.

QVÆSTIO est, Si Capitulares in casu, quo absentes multum remotos vocare non tenentur, eos nihilominus vocent, præfixo termino, intra quem accedere, vel adesse debeant, vtrùm postea, mutata voluntate, electionem absque illis peragere possint? Affirmat Innoc. in fine c. Abb. n. 11. Sed contrariū docet Gl. hic ver. assumatis, quòd expectare debuissent vocatos, nisi Papæ mandatum superuenisset. Arbitror respondendum, Si Capitulares nihil contra canones, aut in damnum ecclesiæ egerant absentes ex loco remotiore vocando, quia ante trimestre, vel semestrem à iure definitum spatium aduenire possunt, & periculum in mora non est; expectandos esse, qui vocati sunt: Ratio est, quia in hoc casu iuri suo, quod valde remotos vocare non teneantur, sine publici iuris violatione, renunciarunt. Videri potest Anton. hic n. 19.

NOTANDVM IIII. Si duæ agendi facultates tendentes ad eundem finem seu effectum in eadem persona concurrant, quæ in diuersis potestatibus fundatæ sint, simul eodem actu expediri non possunt. Exempli causa: Si Canonici ecclesiæ Cathedralis compro-

mittant in Archiepiscopum seu Metropolitanum, qui ex Sedis Apostolicæ privilegio potestatem habeat confirmandi suffraganeos suos; prius eligere seu nominare debet Episcopum, secundum formam compromissi; deinde autem confirmare, vti Gl. & Innoc. docent in c. cum inter 21. ver. confirmavit, Abb. in c. Ne pro defectu 41. n. 4. hoc tit. & docui supra in cap. causam 8. not. 2. eod. tit. Quamobrem etiam in casu huius c. distincti actus, siue consensus Romani Pontificis requirebantur, prout Gl. fin. hic notavit. Nam electionem Archiepiscopi approbare debuit Papa potestate Regia; quia terra Capuana, ipsumque totum Siciliæ regnum, Pontifici feudatarium, ab ipso administrabatur, priusquam Friderico II. inuestituram dederat: Eandemque electionem confirmare debuit Papa auctoritate Apostolica. Videri potest Abb. hic n. 7.

CAPITVLVM XIX.

Cum nobis.

PARAPHRASIS.

Ecclesiæ Capuanæ Canonici, acceptis literis Apostolicis, quarum in præcedente c. mentio facta est, conuenerunt ad eligendum Archiepiscopum: Cumque ea de re tractarent, Archidiaconus appellauit, ne fieret electio, nisi canonica, & mox vnâ cum quibusdam alijs, à Capitulo egressus est. Cum autem reuocati redire nollent, cæteri considerantes, etiam sine illis ius electionis sibi competere, Ecclesiæ Romanæ Subdiaconum elegerunt. Quam ipsam electionem refutari non posse, Innocent. III. hic respondit: Non enim ea ratione reiici potest, quia post interpositam appellationem celebrata sit: Nam appellatum censeri debet, non vt nulla electio fieret, sed vt canonica fieret: si itaque canonicè electio facta, nihil contra appellationem, sed potius secundum eam processum est. Sed neque absentia Archidiaconi, & sociorum obesse potest electioni,

cum enim sollicitè reuocati ad electionem faciendam redire nollent, alienos se fecisse videntur. Nec demum electio eiusdem Subdiaconi oppugnari poterat: quod ex aliena ecclesiâ electus fuisset: Licet enim sacri canones significant (c. nullus inuitis 13. d. 61.) alioquin è gremio ecclesiæ eiusdem eligendum esse, si idoneus adsit: id tamen præcipue in fauorem Capitularium constitutum est, cui ipsimet renunciare possunt. Accedit quod Romana ecclesiâ omnium ecclesiarum caput existat, quare si de eius gremio quispiam in alius ecclesiæ Prelatum eligitur, non potest censeri de aliena ecclesiâ assumptus: cum membra à capite suo aliena non sint.

Cæterum, tametsi contra personam electam nihil propositum, aut obiectum fuerit, tamen iuxta præceptum Apostoli 1. ad Timoth. cap. 5. v. 22. *Manus cito nemini imposueris*, Pontifici ex officio incumbit, examinare, num qualitates requisitas habeat, videl. ætatem legitimam, morum honestatem, & scientiam sufficientem. Et verò de morum honestate ipsemet Pontifex testimonium electo perhibet: De scientia, tametsi eminens non sit, tamen sufficientem esse, ex alijs intellexisse se, ait: De ætate autem, cum indagasset, à nemine audiuit, annum xxx. attigisse. Quamobrem Papa tam personæ quàm ecclesiæ providere volens, canonesque obseruare, dictum Subdiaconum, propter vrgentem vtilitatem, necessitatem Ecclesiæ Capuanæ Procuratorem constituit, liberam ei tam in temporalibus, quàm in spiritualibus administrationem committens.

SVMMA RIVM.

1. Si electus ad Prælaturam inhabilem se fiat, defectum suum, cum deo inquisitio sit, manifestare tenetur, aut ab accipienda electione abstinere.
2. Si contra electionem Prælati appelletur, ne casus, videlicet canonice, postea autem canonice infirmatur, nihil agitur contra appellationem.

3. Si congruo tempore, & loco instituta electione Prælati, aliqui adesse nolint, qui ius eligendi habent, habentur quasi non essent de Capitulo, & tota eligendi potestas in aliis residet Capitalaribus.
4. Si cæpto electionis tractatu, aliqui electores egrediantur, maneant autem due partes, vel pars maior comparatione existentium, possunt hi prosequi electionem.
5. Si maior pars Capitalarium egrediantur ex conventu, reliqui procedere non possunt, nisi 1. in festo terminu à iure ad electionem faciendam, aut 2. periculum sit in mora, aut 3. consuetudo vel statutum ecclesie aliud obtineat, tunc enim in prædictis casibus pauciores numero, imo unusquisque ad electionem procedere potest.
6. Ad officium Confirmatoris pertinet, inquirere in personam electam, num qualitates requisitas habeat, etiam nemine opponente.
7. In Prælato, etiam Episcopo, non requiritur scientia eminens, modo adsit sufficiens, seu conveniens.
8. Pontifex interuenit ecclesie Cathedrali vacanti Procuratorem seu Administratorem constituit cum libera tam in spiritualibus quam temporalibus administrandi facultate.

NOTANDUM I. Si electus ad prælatum inabilem se fecit, defectum suum, cum de eo inquisitio fit, manifestare tenetur, aut ab acceptanda electione abstinere. Ita sumitur ex hoc c. in princ. & docui in c. 1. not. 2. de postul. Prælat.

NOTANDUM II. Si contra electionem Prælati appelletur, ne ea fiat, videl. non canonicè, postea autem rectè & canonicè instituitur, nihil agitur contra appellationem. Ita sumitur ex hoc c. in princ. Ratio dari debet, quia extrajudicialis appellatio non tendit eò, ut suspensiuum effectum pariat: sed eò tantum, ut grauamen non inferatur, aut ab eo cesset. Quamobrem ij, à quibus ita appellatum, non prohibentur procedere in nego-

tio v.g. electionis: sed effectus eius pendebit à futuro euentu, ita vt si Superior contra appellatorem postea iudicauerit, consistere debeat electio, tamen si post appellationem facta sit, vt colligitur ex hoc c. & tradit Innocentius in c. cum inter 21. hoc tit. n. 4. ibid. Imolan. 16. Abb. n. 11. Syl. ver. appellatio q. 2. vbi addunt, tamen si appellans extrajudicialiter offerat se ad probationes defectus, v.g. electionem non canonicè fieri, in continenti attendas, nihilominus procedi posse ab appellatis, donec Superior contra eos decreuerit, argum. c. 1. iun. Gl. ver. offensum, de his quæ fiunt à maiore parte Capituli. Sin autem appellatio iudicialis sit, qualis etiam ea censeri debet, quæ fit à Prælato (quamuis extra iudicium) cuius est de electione iudicare, eamque confirmare: tum locum habet regula, quod post appellationem interpositam, nisi ea vt manifestè friuola reijciatur, ulterius procedi non potest: & quod attentata post appellationem in irritum reuocanda sint, c. super eo 10. iun. Gl. ver. appellationem fieri, de appellat.

Obijci potest contra priorem huius doctrinæ partem c. considerauimus 10. hoc tit. vbi Papa reprehendit electionem, & cassandam iudicauit, eò quod post appellationem ad Sedem Apostolicam peracta fuerit. Respondeo, Electionem ibi fuisse improbatam, & rescissam, non præcisè quia facta fuit post appellationem, sed quia non obstante appellatione, contra formam priuilegiorum eius ecclesie, in electione processum. Quare ex eo cap. id solum colligitur, quod Capitalares malè agant, & reprehensione digni sint, si post appellationem interpositam ex causa legitima, quia v.g. electus indignus est, aut electio secundum formam canonicam non instituitur, de ea re inquisitionem instituere intermittant, aut temerè in cæpto negotio progrediantur. Quemadmodum & collator beneficii, si quispiam collationi, ne fieret, se opponeret, quod persona indigna esset, malè ageret, & puniri posset, si nulla facta inquisitione, temerè procederet, sicuti Abb. cit. loco annotauit.

NOTANDUM III. Si congruo tempo-
N n 2 re, &

re, & loco instituta electione Prælati, aliqui adesse nolint, qui ius eligendi habent, quasi non censentur in numero electorum: totaque eligendi capitularis potestas in aliis residet. Ita sumitur ex c. quod sicut 28. hoc tit. & c. bopæ 4. de postulat. Prælatorum, & ex hoc c. iun. Gl. ver. alienos, ubi Canonici, qui ex statu electionis discesserunt, & ad electionem peragendam accedere noluerunt, alienos se fecisse censentur.

Pro doctrina huius not. videri potest Gl. in Clem. Quod circa 6. iuxta finem, hoc tit. ubi tria genera Electorum æquiparat, I. eorum, qui ad electionem venire non possunt, nec procuratorem mittere: vt quia nimis remoti sunt, idèdque vocari non debent, iuxta c. præc. II. eorum, qui cum possent, adesse seu accedere nolunt, argum. huius c. III. eorum, qui expressè electionis iuri renuntiant: Atque Glossa, & sequitur Nauarr. in consil. 7. de elect. edit. 2. hos omnes non computari in numero Capitularium. Ex qua ipsa doctrina cit. loco Nauarr. & Rodriq. tom. 2. regul. qq. q. 52. art. 13. inferunt, si aliquis Conuentualium schedam vacuam, seu in qua nihil scriptum, in vnam mittat, eius nullam habendam esse rationem, quia censi debet iuri electionis renunciaſſe.

4 QVÆSTIO autem est: Num tradita ex c. isto doctrina; Si electores aliqui cæpto electionis tractatu egrediantur, & redire noliunt, quod alij sine ipsis procedere possint; vniuersim vera sit, seu multi, seu pauci comparatione eorum, qui exeunt, in Capitulo remaneant. Respondeo & Dico I. Supposito, quod Capitulum legitimè cõgregarum fuerit ad electionem faciendam, non tantum si duæ partes comparatione exeuntium remaneant, sed etiam, si pars maior, electionem prosequi possunt, absque ijs qui sine necessitate discesserunt. Ita docet Abb. hic n. 10. & sumitur ex doctrina Gl. in c. cum inter 21. ver. Capituli, hoc tit. Nam posteaquam Collegium seu Capitulum legitimè congregatum fuit, stari debet iudicio partis maioris, ac sanioris, iuxta c. 1. de his quæ sunt à maiore parte Capituli.

Adde, tamen si qui sponte recesserunt, in

casu huius c. maioris certitudinis causa, reuocati fuerint, tamen id necessarium non fuisse: quia paris contumaciæ est, legitimè vocatum non venire, & post aduentum discedere, c. certum 43. causa 11. q. 3. & cap. 1. de iudiciis.

Dico II. Si maior pars Capitularium egrediatur ex Conuentu, reliqui procedere non possunt: Quia censentur velle dissolvere Capitularem Conuentum, quibus alij minores numero obtemperare tenentur. Ita Abb. cit. n. 10. Anton. n. 33. prope finem, & sumitur ex doctrina Gl. in cit. c. cum inter, ver. Capituli, *Si dissensio sit inter Canonicos, ibi est Capitulum ubi est maior pars* suprallegitimè congregandorum. Sed limitari debet primò: nisi inter terminus præfixus à iure ad electionem faciendam. Secundò, nisi periculum in mora sit: Tertiò, nisi consuetudo, aut statutum ecclesiæ sit, vt vnus v. g. Decanus, aut Senior, ius habeat discernendi electionis diem, aliòsque vocandi; In his casibus, si qui venire negligunt, aut si venerunt, temerè & sine causa recedunt, alij quamuis numero pauciores, imò vnicus procedere potest, secundum Innocent. hic num. 6.

NOTANDUM IV. Superior ad quem pertinet confirmare electum, ex officio venit inquirere circa personam electam, num qualitates requisitas habeat, tamen si nihil contra eam opponatur. Ita hic §. His igitur, & in c. nihil 44. hoc tit. & dixi supra.

NOTANDUM V. In Prælato, etiam Episcopo, non requiritur scientia eminens, modò adsit sufficiens, seu conueniens. Ita habetur hic vers. Illius quoque, & in c. qualiter 17. iun. Gl. ver. conueniens, hoc tit. Imò aliquando magis idoneus est ad prælaturam, qui scientiam non eminentem, attamen sufficientem habet, cum prudentia & charitate iunctam: Nam *scientia inflat, charitas verò adificat*, 1. ad Corinth. 8. v. 1. *Et ideo imperfectum scientiam potest supplere perfectio charitatis*, c. Nisi cum pridem 10. vers. Pro defectu, de renunc.

NOTANDUM VI. Pontifex ecclesiæ cathedrali vacanti, ob eius necessitatem seu vtilitatem,

tatem, interdum Procuratorem seu Administratorem constituit, cum libera tam in spiritualibus, quam temporalibus administrandi facultate. Qua de re in c. is qui 42. hoc tit. in 6.

CAPITVLVM XX,

Innotuit.

PARAPHRASIS.

Vacante Sede Vigoriensi, Prior & Conuentus eius ecclesie in Episcopum eius ecclesie elegerunt Archidiaconum Eboracensem. Eius confirmationem, quia absens fuerat, distulit Archiepiscopus Cantuariensis. Postea vero accedens Archidiaconus humiliter confessus est, se ex solutis personis natum esse: ideoque abque Sedis Apostolicę dispensatione promoueri non posse. Hac re per Coepiscoporum relationem cognitā, Innocentius III. Papa, respondit: Tamen in Concilio Lateranensi sub Alexandro III. c. cum in cunctis 7. hoc tit. decretum fuerit, electionem eius, qui ex legitimo matrimonio natus non est, irritam & nullam esse, tamen hoc non ita statutum esse, ut successori Pontifici adempta sit dispensandi potestas, cum par in parem imperium non habeat. Et verò in hoc casu multa erant, quę dispensationem fieri suadebant, videl. scientia literarum, morum honestas, virtus & bona fama electi: Accedebant & alia, ut concors Capituli electio, Principis assensus, Archiepiscopi & Coepiscoporum eius suffragatio, humilis confessio electi. Verantamen, post diligentem rei discussionem, Pontifex iudicauit dispensationem dandam non esse, eo quod Capitulum dictū Archidiaconum non humiliter postulārit, sed improvidē elegerit. Quare dictus Innocentius III. dictam electionem, auctoritate suprà allegati canonis, irritam & inanem esse pronunciat; Ex gratia tamen remittit poenā Capitularibus, quam vigore eius canonis incurere vi-

debantur: non adigens illos ad probandam ignorantiam, quam allegabant. Tamen verò Pontifici, post electionis castigationem, humiliter fuerit supplicatum: & cum Archidiacono illo dispensare dignaretur; quia tamen supplicatio ea nomine Capituli facta non est: sed Capitulares ad Sedem Apostolicam nuncios pro confirmatione petenda destinarunt, ideo supplicationem admittendam tunc non esse duxit, decernens omnia esse irrita, quę Canonici, ante receptionem literarum Papalium, super ordinatione Episcopatus attentauerunt: Quod si tamen Capitulum Vigoriense eundem Archidiaconum, ob merita eius, postulandum esse existimet, postulationem eam apud Sedem Apostolicam præsentare poterunt.

SUMMARIUM.

1. Ecclesia regularis habens Priorem & Conuentum, potest esse Cathedralis, ita ut Conuentus Regularium in habeat vacante ecclesia Episcopum eligendi.
2. Illegitimis dispensatus ad beneficium, etiam curatum, aut ad dignitatem, non ideo dispensatus est ad dignitatem episcopalem, aut Cardinalitiam.
3. Si Capitulares indignum in Episcopum eligant, electio est nulla.
4. Princeps suis decretis non potest obligare successorem, quod minus ab iis recedere, aut dispensare ex iusta causa possit.
5. Merita persona, populi petitiō &c. in istam causam dispensationis concedenda præbere possunt.
6. Si electores illegitimè natus, vel alio defectu laborantem, suis indignum eligant, presumptio est contra illos, quod id scienter egerint, ideoque contrarij probatio ipsis incumbit. Idem est cum Confirmatoribus & Instigatoribus persona indigna.
7. Non valet electio, si postulandum eligant.
8. Eligentes indignum, v. g. Natalium.

defectu laborantem, ignorauer, mox errorem suum corrigere possunt, eundem postulando.

9. *Sublato per dispensationem electi aut prouisi defectu ab eo, qui dispensandi potestatem habet, ius electi aut prouisi conualefcit.*

1. **NOTANDUM I.** Ecclesia regularis, habens Priorem & Conuentum, potest esse Cathedralis; & ita quidem, vt Conuentus, seu Capitulum Regularium ius habeat, vacante ecclesiâ, Episcopum eligendi. Ita sumitur ex hoc c. & annotauit Ioann. Andr. hic, Em. Rodriq. tom. 1. regul. qq. q. 1. a. 3. Poterant tamen Episcopum sibi deligere secularem: Erâtque is confirmandus ab Archiepiscopo, cui & ecclesia subiecta erat, quemadmodum id ipsum videre est in ecclesia Chiementi, quæ regularis & Cathedralis est, subiecta Archiepiscopo Salisburgensi.

2. **NOTANDUM II.** Tametsi illegitimus dispensatus sit ad beneficium, etiam curatum, aut dignitatem, vt in casu huius c. ad Archidiaconatum, qualem dispensationem Papa conferre potest. c. 1. de filiis Præbys. in 6. non ideo etiam dispensatus censetur ad dignitatem episcopalem, vel Cardinalitiam. Ita sumitur ex hoc c. & c. cum Vintoniensis 25. hoc tit. tradit Abb. hic n. 4. argum. l. relegatorum 7. §. fin. ff. de interdictis & relegatis. Docui lib. 5. Theol. moral. tr. 10. p. 3. cap. 5. n. 18.

3. **NOTANDUM III.** Si Capitulares personam indignam eligant in Episcopum, electio ipso iure irrita est. Ita dicitur in hoc c. quod est declaratorium c. cum in cunctis 7. hoc tit. Ibi autem expressè hoc non dicitur; sed colligi potest ex §. Clerici: Dum enim ibi continetur, si Capitulares contra formam eius decreti, videl. personam indignam eligant, pro ea vice priuatos esse eligendi potestatem, satis innuitur, electionem irritam esse, idcircoque ad alios deuolui. Videri possunt, quæ dicam in cit. c. cum Vintoniensis, & c. quamquam 18. eod. tit. in 6. & quæ dixi suprâ in cit. c. cum in cunctis.

NOTANDUM IV. Princeps suis decretis non potest obligare successorem, quod minus ab ijs recedere, aut dispensare ex iusta causa possit. Ita hic, & significatur etiam in c. vlt. de rescript. in 6. & c. significasti 4. vers. Aiunt in Concilio, hoc tit. & in l. ille à quo, 13. §. Tempestium, vbi id Gl. & DD. annotant, ff. ad S. C. Trebellianum: Quod maior minorem cogere potest, non vice versa: sed nec pat. in patrem imperium exercere potest. Abb. Panorm. hic n. 5. ponit exemplum de duobus fratribus castrum aut ciuitatem pro diuiso possidentibus, quod neuter in alterum iurisdictionem exerceat. Ratio huius rei etiam ex philosophia reddi potest: Naturæ enim congruum est, vt quod debilius est, patiatur ab agente fortiore: simile autè nō agat in simile, nec remissius, aut debilius in id, quod fortius magisque intensum est. Quam theoriam ad alia applicatam videre licet apud Vdal. Zasium in l. possessio §. Veteres ff. de acquir. possess. Si duæ sententiæ contrariæ sint paræ roboris, quod vna alteri non præiudicat: Item si probationes paræ sint inter actorem & reum, quod neutrum præualere possint in vim probationis: sed locus tunc debet esse regulæ, quod actore non probante, absoluitur reus.

NOTANDUM V. Merita personæ, populi petitio, & cætera quæ in hoc c. §. Multa etiam, enumerantur, iustam causam dispensationis concedendæ præbere possunt. Inferuire huic potest, quod in Concil. Trident. sess. 25. cap. 18. ibi certo personarum, verumque defectu significatur, duas occurrere posse causas, ob quas legem, dispensando, soluere liceat, videl. peculiaris constitutio rerum, & peculiaris constitutio personæ. Videri de hac re potest Suarez lib. 6. de legibus cap. 18. n. 25, Abb. Panormit. hic n. 5. Anton. n. 28. qui ex verbis huius cap. annotant, quod ad obtinendam confirmationem prouisionemque Prælatum multum prodest electorum concordia, petitiones populi, Principis assensus, & aliorum vota.

NOTANDUM VI. Si electores illegitimè nati, vel alio defectu laborantem siue in-

ue indignum eligant, præsumptio est contra illos, quod id scienter egerint, ideoque contrarij probatio ipsis incumbit. Ita sumitur ex textu huius c. iun. Gl. ver. ignorantiam. Neque obstat reg. iuris 47. in 6. *Ignorantia videl. facti alieni præsumitur, ubi scientia non probatur*: Excipi enim debet nisi de eo inquirere, & notitiam capere alicui ex officio incumbat, uti hic patet, & sumitur ex c. quamuis, de regulis iuris, c. ult. de clandestina dispensat. §. Si quis vero, l. regula 5. §. Sed facti, ff. de iuris & facti ignorantia, & videri potest Abb. hic n. 21. Sanchez lib. 3. de matrim. disp. 42. n. 1. & lib. 1. moral. Theol. cap. 20. n. 7. Et quæ hic dicuntur de electoribus, idem eadem ratione sentiendum de confirmatore, aut institutore personæ indignæ. Atque addi debet, tametsi pœna privationis pro ea vice non incurratur, nisi quis indignum scienter eligat, aut promoveat, uti ex hoc c. colligitur, & cit. c. Cùm Vintonienfis, & c. quamquã 18. hoc tit. in 6. attamen ignorantiam directè voluntariam, siue affectatam, si videl. de industria intermittatur inquisitio, ne defectus appareat, æquiparari sciētix, prout colligitur ex cit. c. ult. §. Si quis vero, ibi, *cum saliter contrahendo, non expertes scientia, vel saltem affectatores ignorantia videantur*: Idque annotavit Gl. hic ver. ignorantiam. Anton. n. 24. & docui in suprâ cit. cap. 20. n. 2.

NOTANDUM VII. Si quis propter defectum, eumque dispensabilem, eligatur ad Prælaturam, cùm tamen postulari debeat, non valet electio. Ita sumitur ex hoc c. §. Et quamuis, & inter alios notavit Anton n. 32. Et hæc ipsa causa est, cur Pontifex Innoc. III. noluerit, dispensando in natalium defectu, confirmare aut promovere Archidiaconum, cùm nec electio, supple canonica, præcesserit, nec postulatio: Electionem quidem facere attentant, sed sine effectu: Postulationem autem nullam proposuerunt: quia licet alij apud Pontificem supplicarent, non tamen id nomine aut mandato Capituli egerunt.

Quamobrem non rectè ex hoc textu col-

ligit hic Abb. n. 10. quod ad impetrandam dispensationem pro altero, requiritur eius mandatum id enim falsum est, cùm sufficiat, gratiam dispensationis, sicuti & aliud quodlibet donum, vel beneficium, pro alio absente & ignorante impetratum, postea ab eo acceptari. Idque ex hoc ipso c. colligitur; quia si Capitulum, quamvis ignorante aut saltem non mandante Archidiacono, dispensationem in natalium defectu postulasset, eam Pontifex misericorditer concessisset, prout ex textu colligitur. Vide quæ dixi in c. nonnulli 28. §. Sunt & alij, de re-scriptis.

Denique & hoc colligitur ex textu in fine; Quod qui personam indignam, v. g. 8 natalium defectu laborantem ignoranter elegerunt, mox errorem suum corrigere possint, eundè postulando. Dico, si ignoranter: Nam si scienter elegerint, essent pro ea vice priuati, ut nec postulare possent.

Quæret aliquis: Nōne Pontifex hoc in casu potuisset dispensando supplere omnem defectum, & Archidiacono Episcopatū providere? Cur itaque id non egit, cùm personæ merita, & multa alia dispensationem propè exigenter? Respondeo & Dico 9 Dubium non esse, quin Papa cum Archidiacono dispensare, ei que providere potuisset: cùm etiam de alio inferiore Ordinario, v. g. Episcopo id tradat hic Innoc. n. 2. Abbas n. 11. Si quis ob defectum nulliter electus aut prouisus sit, sublato per dispensationem defectu, ab eo qui dispensandi potestatem habet, ius electi aut prouisi conualescere. Cuius rei ratio dari debet; quia si defectus ex iure positio dispensabilis sit, electio aut prouisio quodammodo, videlicet fundamentaliter & iure naturali spectato, subsistit; & ideo sublato defectu per legē positivam introducto, etiam ciuilitè, seu in ordine ad externum forum, perfici potest. Dummodò res in nullius præiudicium cedat, prout notabiliter limitat Abbas cit. loco Si enim Capitulares v. g. indignum ignoranter elegerint, penes ipsos maneret ius aliam electionem peragendi: itaque absque eorum consensu defectus in ordine ad ius electionis

nis

nis eius stabilendum ab Ordinario tolli nō posset : secūs, si scienter : tum enim eorum, proprium delictum allegantium ; contradictioni locus non esset, vt constat ex c. nulli 8. hoc tit. in 6. & c. diuersis 5. de cler. coniugatis. Deinde si prouisus ob crimen priuationem ipso iure incurrisset ; & prouisio ad alium spectaret, non posset Ordinarius in crimine dispensando, titulum eius validare, cum præiudicio collatoris non consentientis, argum. c. quamuis, 8. de rescript. in 6. vbi Gl. fin. ex eodem fundamento resoluit ; Si Episcopus in beneficiarū depositionis sententiam tulerit, non posse deinde eum restituere absque patroni consensu, cui nouæ præsentationis faciendæ ius acquisitum est. Videri potest Francus ibid. n. 7.

Dico II. Cur Pontifex Innoc. III. dispensandum non esse existimārit, causa est, quod cū fuerit sacrorum canonum, & ecclesiasticæ disciplinæ obseruantissimus custos ; noluerit videri factum Capitularium, aut vota eorum approbare, qui Archidiaconum illegitimè natum, sine postulatione interposita, promouere tentarunt ; Namque vt ex omnibus dicti Pontificis responsis apparet, id maximè ipsi cura fuit, vt omnes, præsertim ecclesiastici viri, canones sacros &c. scirent, & obseruarent.

CAPITVLVM XXI.

Cū inter.

PARAPHRASIS.

Super electione Episcopi in ecclesia Saonenſi controuersia orta fuit, eāque ad Sedem Apostolicam delata : Ex parte Capitulariū proposuit Procurator, quod Canonici in loco Capituli conuenientes, cōmuni consensu, excepto S. Subdiacono, elegerunt Hastensis ecclesiæ Præpositum, electiōque in publicum scriptum redacta sit. Ex aduerso dictus S. proposuit, quod ipse, cū Hastensis ille Præpositus nominatus esset, se appellando opposuerit, quia morbo epileptico laboraret, cuius rei causa etiam antehac tanquam inhabilis, fuis-

set repulsus : Sed neque oportere ex alia ecclesia quempiam eligi, si idoneus in Saonenſi ecclesia reperiatur. Præterea relatum fuit coram Pontifice, quod post eam appellationem, dictus S. Archipresbyter Saonenſis in Archiepisc. Mediolanensem compromiserunt, qui G. Modicensam Canonium ipsis dedit & confirmauit. His ita relatis, Innoc. III. Pontifex mandat à se delegatis Episcopis, vt electionem Præpositi à maiore & saniore Capituli parte factam, publicatam & subscriptam, si accedente etiam consensu electi veluti spirituale matrimonium contractum fuit, Apostolicā auctoritate confirmet ; nisi sufficienter ostensum fuerit, eum morbo epileptico (cuius causā appellatum fuit) laborare : Non obitate appellatione, si quæ ex alijs recensitis causis, quippe quas friuolas Papa iudicat, interposita fuerat : Non obstante etiam confirmatione ab Archiepiscopo, si in eum, vt proponebatur, compromissum fuit, Modicensi Canonico impartita : cū electores à priore illa electione resilire haud potuerint : Quod si autem compromissum non fuit ; tum, etiam si Præpositus electioni suæ necdum consensit, eo tamen consentire volente (dummodò à morbo immunis sit) electionem ipsius confirmet.

SUMMARIUM.

1. Secundum Canones electio intra ambitum ecclesiæ Cathedralis celebranda est, si extra illum celebratur, per sententiam rescindi potest.
2. Electus ob vitium vel morbum à Prælatore repulsus iterum eligi potest.
3. Valida est electio extraneis si fiat à maiore parte.
4. Electores potuerunt olim, iam non possunt recedere ab electione publicata, etiam si electus consensum nondum dederit.

NOTANDVM I. Electio Prælati quibuscumque in ecclesijs in loco Capituli celebratur

lebrator, vthic: Quibusdam verò in choro ecclesie, vt videre est in c. cum nobis 19. hoc tit. Quare cuiusque ecclesie consuetudo hac in referenda est. At verò ex c. quod sicut 28. hoc tit. constat, secundum canonicas sanctiones, electionem Episcopi intra ambitum ecclesie Cathedralis celebrandam esse, siue fiat in choro, siue in Capitulo, siue in alio honesto conclauis, vti Abb. docet in cit. c. quod sicut n. 2. Et attribuitur Gl. in c. 1. d. 23. ver. fieri in vrbe (loquens de omni electione) irritam fore, si absque rationabili causa extra ecclesie ambitum fiat: quod & Abbas loco cit. tradit & Anton. in eod. c. quod sicut n. 6. Verumtamen cum hæc nullitas in iure expressa non reperitur, dicere potius, electionem, tanquam contra canonum præscriptum factam, rescindi posse per sententiam, argum. c. quamquam 18. ibi, *vel per sententiam*, hoc tit. in 6. Videri possunt quæ dicam in c. bonæ 23. hoc tit.

NOTANDUM II. Si electus ad prælaturam ob morbum siue corporis vitium repulsam tulit, iterum eligi potest, si existimetur plenè curatus esse. Ita contra Gl. ver. recusatus Innoc. hic n. 1. Anton. n. 10. Abb. n. 7. & colligitur ex textu c. Cum enim obiectum fuisset, Præpositum etiam antehac ob morbum epilepticum, repulsam fuisse, non mandauit Papa de hac repulsa fieri inquisitionem; sed solum, num eo tempore, quo promouendus est, huiusmodi morbo laboraret. Interim negari non debet, si constaret, ob huiusmodi morbum aliquem repulsam tulisse, presumptionem contra illum fore, prout docui in c. super eo 12. hoc tit. Quia verò ea repulsa eoram Pontifice relata tantum, non etiam ostensa fuit, ideo simpliciter is respondit, probationem impediementi, videl. morbi epileptici, Subdiacono opponenti incumbere.

NOTANDUM III. Licet honestius esse videatur, si Canonici Prælatum ex propria ecclesia eligant, dummodò aliquis idoneus adsit, tamen id necessarium non est: cum iuri suo in hoc renunciare possint. Ideoque valida erit electio extranei, si fiat à maiore parte, vti contra Gl. hic ver. *aliam*, innotam p. 4.

tradit Anton. n. 25. Abb. n. 8. & sumitur ex c. à nobis 19. hoc tit. & ex hoc textu: quando Pontifex omnes contra electum factas obiectiones, præter eam de morbo epileptico, tanquam friuolas reiecit. Idem quoque docui suprà in c. bonæ 4. de postulat. Prælatorum, not. 6.

NOTANDUM IV. Circa §. fin. Quòd si electores: Videtur ex eo §. colligi, secundum ea tempora, Electores potuisse recedere ab electione, etiam publicata, si electus consensum necdum dedit: quia videri poterat adhuc res integra, & ius nondum acquisitum: Sed contrarium postea definitum est à Gregorio IX. Papa in c. publicato n. 58. hoc tit. Idque annotauit Innocent. in fine c. Anton. hic n. 34. dicens, quòd in *veritate ita sonat littera*. Glossa verò, quam Abb. & alij sequuntur, ver. non compromiserint, improprie & abusiue textum interpretatur. Alias interpretationes legere licet apud Innoc. & Anton. cit. locis.

CAPITVLVM XXII

Dudum.

PARAPHRASIS.

Orta discordia circa electionem Præpositi Coloniensis ecclesie; quia alij Præpositum S. Georgij, alij autem Præpositum SS. Apostolorum Petri & Pauli elegerant, Pontifex Innocent. III. causam quibusdam iudicibus commisit, ita, vt si partes consentirent, ad definitiuam sententiam procederent: sin minùs ad Apostolicam Sedem, causam instructam remitterent. Iudices delegati vocatis ad se partibus, testes receperunt, eligentium conscientias examinarunt, & allegationes partis vtriusque audierunt. Sed quia S. Georgij Præpositus iudicium sententiæ subicere se noluit, causam ipsi ad Sedem Apostolicam destinarunt: præfixo termino, intra quem partes contendentes per se, vel per Procuratorem idoneum, Romæ se sistere deberent. Et Præpositus quidem Apostolorum constituto tempore aduenti: sed al-

ter Præpositus nec ipsemet venit, nec alium loco suo misit. Pontifex autem, inspectis ijs, quæ à Iudicibus acta fuerunt, reperit, quod pro Præposito Apostolorum faceret eligentium maior auctoritas; pro Præposito S. Georgij maior electorum numerus. Ille enim electus fuit à quatuordecim, qui dignitate, ætate, ac tempore alios antecedant. Hic verò à viginti quatuor electus fuit. Obiectum quidem erat Præposito S. Georgij, quod nec scientiam, nec ætatem requisitam haberet, neque sacro ordine insignitus esset; sed quid dictus Præpositus contrā allegarit, vel ad obiecta responderit, non poterat Pontifex ex transmissis actis cognoscere, quod causa non sufficienter instructa missa fuerat. Quamobrem ad definitivam sententiam procedendum sibi non esse existimavit, sed causæ decisionem Iudicibus delegavit sub hac forma, vt, si notorium fuerit, vel demonstratum, Præpositum S. Georgij electionis tempore defectum in scientia, ætate, aut sacro ordine habuisse, quod minus secundum sacros canones ad Præposituram eligi potuerit, ei (non obstante quod absens sit) silentium imponant, atque SS. Apostolorum Præposito dictam præposituram adiudicent: Sin autem defectus ostensus non sit, tum ipsius Præpositi S. Georgij electionem confirmant: quandoquidem nō tantum pars maior, sed pænè duæ partes electorum in eum consenserint, & ita appareat, bono zelo (dummodò impedimenta siue defectus cessent) electionem peractam fuisse.

SUMMARY.

1. Beneficia electiva propriè sunt prælatura, ad quas aliquis per Suffragium vocatur.
2. Index delegatus causam remittens ad delegantem potest terminum litigantibus præfigere, intra quem coram Superiore delegante comparere debeant.
3. Suffragia æstimantur ex auctoritate, & numero. Illa consistit in dignitate, ætate, & tempore possessi officij, siue iuris Colle-

gialis. Dignitas autem ipsa persona accipitur ex prerogativa beneficij aut officij, generis nobilitate (qua tamen in Religiosis minus attenditur) & scientiâ literarum.

Numerus illa attendi debet, vt maior pars præsumenda sit esse sanior, donec contrarium offendatur.

4. Si Capitulares in discordia duas electiones peractas & promulgatas, quarum una est de indigno, altera de digno: valida est electio, licet à minore Capitularum numero facta sit.
5. Index si de causa sufficienter instructus non sit, ad definitivam sententiam procedere non potest, etiam contra contramam, alias sententia erit irrita.

NOTANDUM I. Beneficium electivum interdum latè accipitur pro omni eo, ad quod alicui ius tribuitur per suffragia, & alterius confirmationem: Talis erat dignitas huius Præposituræ, quæ, vt ex integra huius electione colligitur, curata non fuerat. Interdum verò accipitur strictè pro prælatura, ad quam aliquis per suffragia vocatur, vt sit sponsus ecclesiæ, iuxta c. quia propter q. 2. hoc tit. Videri possunt quæ docui lib. 4. Th. mor. tract. 2. cap. 12. n. 7.

NOTANDUM II. Si iudex delegatus causam remittat ad delegantem, quia ipsemet iuxta formam commissionis eam definire nequit, partibus contententibus terminum præfigere potest, intra quem coram Superiore delegante sistere se debeant. Ita annotavit Anton. hic n. 5. Abb. n. 1. Innoc. in c. vlt. de accusat. in princ. ibid. Ioan. Andr. n. 8.

NOTANDUM III. Suffragia æstimantur tum ex auctoritate, tum ex numero eligentium: Et auctoritas quidem in tribus consistit, in dignitate, ætate, & tempore possessi officij, siue iuris collegialis. Ipsa autem dignitas personæ ex tribus accipitur, beneficij aut officij prerogativa, generis nobilitate (quæ tamen in religiosis minus attenditur, secundum Abb. hic n. 2.) & scientiâ literarum. Numerus autem eligentium ita attendi debet, vt sit maior pars præsentium, atq; ius eligendi ha-

di habentium, præsumptio esse debeat, donec contrarium ostendatur, quòd sit etiam pars sanior, siue quòd zelo bono moueatur ad eligendum: idque tantò magis, quòd numerus auctior, siue magis vltra medietatem excesserit, vti hic apparet, & de hac re infra dicendum in c. ecclesia 57. hoc tit.

4. NOTANDVM IV. Si Capitulares in discordia duas electiones peragant, & promulgent, quarum vna est de persona indigna, altera electio de digno, censeri debet valida, tametsi à minore Capitularium numero facta sit. Ita habetur in hoc c. & notat Gl. recepta ver. in ordinibus: Ratio est, quia dum alij Capitulares indignum scienter eligunt, priuantur pro ea vice eligendi facultate, & mox omnis potestas deuoluitur ad alios, quamuis pauciores numero, vti ij vel eodem tempore, vel post, tanquam penes quos vis Capitularis residet, electionem suo iure peragere possint. Et habent hæc etiam locum in electionibus ad alias dignitates aut prælaturas præter episcopalem, sicuti suprà docui in c. cum in cunctis not. 1. q. 2. dicto 2. & clarè apparet ex hoc c.

5. NOTANDVM V. Iudex si de causa sufficienter instructus non sit, ad definitiuam sententiam procedere non potest, etiam contra contumacem. Ita sumitur ex hoc c. §. Cum autem allegationes, & notauit Innoc. n. 4. Anton. n. 3. rationem dantes; quia iudicis delegati culpa accidit, vt causa instructa ad delegantem non peruenerit: Insinuant itaque, secus faciendum esse, si per partis cõtumacis culpam, (quia allegationes, probationes, ac defensiones suas non produxit) causa instructa non sit, argum. c. cum Bertholdus 18. de sent. & re iudic. l. properandum 1. §. fin. autem, C. de iudiciis: Et hæc doctrina vera est, si iudex ex actis, seu productis pro parte non contumace animum suum circa iustitiam causæ satis informare, atque pro parte altera, quamuis absente, Deum præ oculis habens, supplere possit ac velit, Alioquin verò si iudex non satis instructus in controuersia mota sententiam ferret, ipso iure irrita censeri deberet, argum. c. Tum ex literis 5. de in integrum restit. & tradit Abb.

hic n. 5. Vide quæ dixi in c. 3. not. 2. casu 5. de postul. Prælat.

CAPITVLVM XXIII.

Bonæ memoriæ.

PARAPHRASIS.

Defuncto Conrado Moguntinæ Sedis Archiepiscopo, cum Sifridus Præpositus S. Petri & alij pauci Canonici Moguntiam, propter potentiam Philippi Sueuorum Ducis Moguntinæ rum commorantis, accedere non auderent, reliquis Canonicis inbibuerunt, alioquin ad Sedem Apostolicam appellantes, ne sine ipsis ad electionem procederent. Sed Canonici, posthabita ea inhibitione & appellatione, Luitpoldum Wormatiensem Episcopum postularunt, in eam etiam à sede sua auocatum, introduxerunt, & tam in spiritualibus, quàm temporalibus administrare fecerunt, freti potentia Philippi Ducis, cuius conatibus contra Ottonem Saxoniz Dacis filium Episcopus fauebat. Eo intellecto, alij pauci Canonici Bingæ conuenerunt, & suprà dictum Sifridum in Archiepiscopum elegerunt, postea causam totam ad Innoc. III. Pontificem perscripserunt. Is Prænestino Episcopo Sedis Apostolicæ Legato in mandatis dedit, si constaret, Luitpoldum, relicta Sede sua, se transulisse, & administratorij Episcopatus se immiscuisse, vt postulationem eius irritam pronunciaret; Interim ex speciali indulgentia relinquens ei Wormatiensem episcopatum; licet, spectato iure canonico propter transitum propria auctoritate temerè attentatum, vt roque episcopatu priuari posset, c. quanto 3. de translat. Episcopi. Insuper inquirat Legatus, num Sifridus Præpositus & socij eius iustam causam, videl. metus, habuerint, alijs interposita appellatione inhibendi, ne absq. ipsis in electione procederent: Et, si ita esse cognouerit, dicti Præpositi electionem confirmet; Non obstante, quòd ea

peracta fuerit, postquam appellatio ad sedem Apostolicam interposita erat: quādoquidem absentes isti pauci Canonici non absolute inhibuerunt appellantes, ne Archiepiscopi electio fieret, sed ne absque ipsis fieret, qui propter metum violentiæ accedere tunc prohibebantur. Cum itaque alij Canonici Moguntiae contra appellationem istam indebitè conuenientes, Episcopum Wormatiensem postularint, eandemque absque Sedis Apostolicæ licentia transeuntem receperint; in primis obijcere non possunt, seu exipere de interposita appellatione: cum ipsi prius in eo genere deliquerint: frustra autem legis auxilium implorat, qui committit contra legem: Deinde scire debent, quod ob delicta sua iuris eligendi priuationem contraxerint, & ideo ad alios, quamuis paucos tota vis eligendi deuoluta esset. Porro tamen notoria essent, quæ Episcopo Wormatiensi & fautoribus eius Canonicis obiecta fuerant, tamen Legatus ad maiorem cautelam testes recepit, & cognita causa, postulatione dicti Episcopi irritam iudicauit, Præpositi verò electionem auctoritate Apostolica confirmauit, eundemque prius à se Presbyterum ordinatum consecrauit. Obijciebatur quidem contra Legati processum, quod non citato Episcopo & fautoribus eius processisset: sed responderi ad hoc Innocentius Papa, citatione opus non esse, si excessus Rei notorius sit: Atque pro Iudice præsumptionem esse oportere, quod omnia ab eo rite peracta fuerint: Præterquam quod nec hoc ipsum, uidel. Episcopum & socios citatos non esse, facile ostendi queat. quia propositionem facti negatiuum directè demonstrari, naturaliter impossibile est: Præterquam, quod si singuli asseuerarent citatos se non esse, testimonia eorum singularia, & non contestantia forent. Accedit quoque, quod Episcopus & fautores huiusce rei non fuerint ignari, cum ipsi ad Legatum nuncium designauerint, & ideo etiam procuratorem, si uoluissent, secum

mittere potuissent. Tamen si verò, ut dictum, Pontifex propter iudiciariam auctoritatem, pro gestis à Legato præsumptionem facere possit, magis tamen innititur suprà dictis tribus causis, ex quibus apparet, electionem dicti Episcopi iure optimo reiectam, electionem autem Præpositi Sifridi rite confirmatam fuisse. Denique ponamus, paucos eos Canonicos deliquisse, quod post appellationem interpositam, electionem instituerint, tum dicendum foret, propter omnium Capitularium delictum, prouisionem Archiepiscopi Moguntini ad Rom. Pontificem deuolutam fuisse, qui proinde, sine ullius iniuria, eundem Sifridum præficere potest. Ob has itaque causas, Papa Innocentii appellationem postulationis factam à Legato ratam habet, electionem verò Præpositi Sifridi confirmat.

SUMMARY.

1. Si Capitulares à loco ecclesie absentes ob instam violentiam merum accedere nequeant, inhibere possunt aliis in loco electionis existentibus, ne eligant absq. ipsis, nisi sit periculum in mora.
Si autem non inhibeant, electio sine illis facta rata esse videtur.
2. Si in loco ecclesie electio institui non possit, v.g. propter pestem, aut periculum violentiæ, in alio tuto loco haberi poterit.
3. De hoc impedimento, siue instat causa instituendi extra locum ecclesie electionem, aut partes Capitularium indicare debent, si congregari possint: si non possint, sufficiet maior pars Capituli, imò & pars minor, si impedimentum manifestum sit, & infles tempus à iure definitum, vel periculum in mora sit.
4. Capitulares absentes suo iure eligendi & postulandi à vice priuari sunt eo iure, & illud ad alios non consentientes, licet pauciores, denoluitur. Quod si omnes deliquerint, denoluitur ad Superiorem, siue eum, cuius est electum vel postulatum confirmare.

s. Regis

5. *Recipientes postulationum ad administrationem ante admissionem postulationis à Superiore factam, pro ea vice iure eligendi & postulandi privati sunt, non item recipientes ante confirmationem obtinentiam.*
6. *Si una pars alteri parti offerat pacti alicuius conditionem, hac autem non acceptet, vel si acceptavit, postea isa violet, ut illa à qua obtulit, aut pacta fuit, libera censeri debeat, tum contra eam locus non est querela de promissione, aut pacto violato.*
7. *Si causa (v.g. delictum rei) & quod nulla ipsi defensori competat, notoria sit non est opus citatione, aut probatione, aliis processu, sed mox ad sententiam definitivam procedi potest.*
8. *Pro indice presumptio est, quod omnia legitime egerit.*
9. *Factum negativum, id est, quod aliquid actum non fuerit, non potest directe per testes vel instrumenta probari, potest indirecte & per accidens.*
10. *Negativa ab allegante probari debet, si super eam quis fundet intentionem suam.*
11. *Testes singulares non probant sufficienter, sed debent esse centeser, ut sufficiat ad condemnandū rei crimen non confessi.*

NO T A N D U M I. Si Capitulares aliqui à loco ecclesie absentes ob iustum violentie timorem accedere nequeant, tum alijs in loco electionis faciendæ morantibus inhibere possunt, ne absque ipsis ad electionem accedant, nisi periculum in mora sit. Ita Gl. hic ver. metuebant, & sumitur ex c. quanto 10. d. 63. Si tamen absentes in tali casu non inhibeant electionem fieri, videtur rata esse illis, argum. c. quod sicut 28. hoc tit.

Aduerte autem quod dixi, ob iustum violentie timorem: Licet enim ponamus, quod electioni nulla violentia illata esset, si tamen periculum probabile fuerat, ita ut merito timeretur violentia, seu libere electionis violatio, iusta erit causa electionem interim

inhibendi, argum. l. habitatores, §. o. §. iterū, ff. locati. Et locus est huic doctrinæ, tametsi imminet tempus, quod electioni à iure definitum est: quia id non obligat, si iustum impedimentum adsit, argum. c. quia diversitatem §. de concess. præbendæ, & c. ne pro defectu 41. hoc tit.

N O T A N D U M II. Si Capitulares in loco ecclesie convenire non possint ad Prælati electionem, v.g. propter pestem, aut violentiam inferendā: probabile periculum, tum in alio loco tuto electionem instituere non prohibetur. Ita sumitur ex hoc c. & cit. c. quod sicut, tradit Gl. hic ver. metuebant, Gl. in c. 1. d. 23. ver. fieri in Vrbe. Cui cōsistent doctrina Bart. in l. omnes populi n. 16. de iust. & iure, Baldi in l. cunctos populos n. 11. C. de summa Trinit. Quod universitas expulsa à loco proprio, alibi congregari, ac statuere possit.

Pro declaratione autem, quæ in his duobus notandis dicta sunt, distingui debet cum Abb. hic n. 10. inter impedimentum personale, & reale. Si enim impedimentum, quod minus Capitulares aliqui ad locum ecclesie, in quo electio instituenda est, venire non possint, personale sit, v.g. ob insidias, quas personarum suarum respectu ab inimicis timent, tum procuratorem mittere debent, iuxta c. quia propter 42. §. illud, hoc tit. & tradit hic Innocentius n. 2. Sin autem non mittant, vel ob quameunque causam mittere non possint, tum ipsorum ratio habenda non est: sed alij sine ipsis procedere possunt, saltem si tempus à iure definitum imminet, iuxta c. cum inter 28. vbi id docui, & in c. cum nobis 19. not. 1. hoc tit. Sin autem impedimentum reale sit, siue ipsa electionem in loco ecclesie faciendam concernens, vt si violentia electioni timeatur, iuxta casum huius cap. vel ob pestilentiam in loco grassantem, exiundum esse videatur, tum locus erit suprā traditis doctrinis.

Q U A S T I O autem est, num in hoc ipso casu sufficiat, si maior pars Capitularium conveniat & decernat de huiusmodi impedimento, siue iustam adesse causam extra locum ecclesie electionem instituendi, ita vt alij quoque eo se conferre teneantur, & au-

si nolint, absque ijs electio peragi possit? Affirmat Gl. hic ver. metuebant, & Innoc. n. 2. Abb. verò hic n. 10. arbitrabatur, necessarium esse, vt duæ Capitularium partes conueniant ad id decernendum. Sed arbitrator, conciliari posse. Si enim Capitularium duæ partes aduocari, seu congregari possint, vera est doctrina Abbatis, iuxta ea quæ docui in c. bonæ 4. de postulat. Prælatorum. Sin autem congregari nō possint ad deliberandum seu decernendum de loco; tum maior pars Capituli si conueniant, & decernant extra ecclesiam, ob iustam causam, seu necessitatē electionem fieri debere, alij quoque eò se conferre debebunt, aut, si nolint, vel non possint, absque ijs electio peragetur, sicuti etiam docuit Ioann. Andr. in c. cum inter 18. n. 29. hoc tit. Propterea quòd ibi censeri debeat esse Capitulum, siue Collegium, vbi legitime congregati sunt Capitulares. Imò arbitrator, si impedimentum electionis in loco ecclesiæ instituendæ manifestum, seu indubitatum sit, & insit tempus à iure definitum, vel periculum in mora existat, quòd etiam pars minor Capitularium (præsertim si inter eos ille sit, qui ex consuetudine aut statuto ecclesiæ, alios aduocare solet) diem & locum electionis constituere, & alijs intimari possit; si videl. ij id agere impediti sint, aut culpabiliter negligent: eò quod in huiusmodi casu vis capitularis seu collegialis etiam in paucis consistere possit.

4 NOTANDUM III. Si Capitulares abutuntur iure eligendi aut postulandi, ea vice priuati censentur, & potestas tota ad alios non consentientes, quamuis numero pauciores, deuoluitur: Sin autem omnes deliquerint, ad Superiorem, siue eum, cuius est electum, vel postulatam confirmare. Ita colligitur ex hoc c. & tradit Gl. ver. licentiam, Anton. in principio huius c. Abb. n. 2. Imola n. 4. qui duo rectè hinc colligunt, quòd pœnæ c. cum in cunctis 7. §. Clerici, non tantum incurrantur in casibus inibi expressis, sed etiam in alijs similibus; si circa electionem aut postulationem delinquant, ita vt priuationem mereri videantur, argum. huius cap.

Aduertit autem Innocent. hic n. 4. quem Abbas cit. n. 2. & alij sequuntur, Tamen Capitulares, si inhabilem siue postulandum, sine Superioris licentiâ ac dispensatione ad administrationem recipiant, adeo delinquere censentur, vt pro ea vice postulandi, eligendæ facultate priuati censentur, vt in hoc c. dicitur, non tamen id similiter locum habere, si Electores electum à se, ante obtentam confirmationem ad administrationem prælaturæ recipiant: Tamen enim electus ita se malè ingerens, iure electionis ipso facto priuatus existat, cap. avaritiæ 5. hoc tit. in 6. Electores tamen ipsum recipientes, priuati non sunt; & ideo, nisi per sententiâ tanquam minus idonei priuentur, ad aliam electionem accedere possunt: Propterea quòd hæc pœna priuationis de casu isto expressa non sit, neque ob rationis paritatem ad eum transferri possit; eò quòd longè grauius delinquant Capitulares, si postulandum, siue inhabilem, & cui nihil omnino iuris acquisitum est, sine Superioris licentiâ recipiant, quàm si legitimè electum, ante confirmationem obtentam.

NOTANDUM IV. Si vna pars alteri parti 6 offerat pacti alicuius conditionem: hæc autem non acceptet: aut si acceptauit, postea ita violet, vt illa, quæ obtulit, aut pacta sunt libera censeri debeat, tum contra eam locus non est querelæ de promissione, aut pacto violato. Ita docet Baldus in l. semel mora, ff. solut. matrim. exemplum afferens: si duo pacem firmarunt de non offendendo; vnus autem fœdus seu pacem violarit, conqueri non potest de altero, si & ipse postea pacem non seruet, ideo ab altero obseruandum non est. Qua de re videri etiam potest Bartol. in l. cum pater, §. libertis, ff. de legatis 2. Simile quid accidit in proposito casu: Inhibitionem cum interposita appellatione, vna pars canonicorum fecerat alteri parti, ne ad electionem Prælati absque illis accederent: Hæc autem inhibitionem, vel ab initio non acceptauit, vel, si acceptauit, postea violauit; & ita quidem, vt se prorsus indignos & inhabiles redderent, constituti, ac veluti pacti, vt vna pars sine altera ad Prælati electionem

Et onem procedere non deberet: Itaque con-
queri hi non possunt de alijs Capitularibus,
quod à constitutione atque interposita ap-
pellatione recesserint. Partim, quia vt in textu
dicitur, *frustrà legi* (aut cuiuscunq; consti-
tuti) *auxilium implorat, qui delinquit in le-
gem*, l. auxilium 37. ff. de minorib. xxv. annis,
& c. quia frustrà 14. de vsuris: Partim quia
res non in eodem statu permansit, sed ita im-
mutata, vt vna parte Canonorum priua-
tionem incurrente, altera pars absque illis ad
electionem accedere iure poterit.

- 7 **NOTANDUM V.** Si causa (v.g. deli-
ctum Rei) & quod nulla ipsi defensori cō-
petat, notoria sit, non est opus citatione, aut
probatione, alioue processu, sed mox ad sen-
tentiam definitiuam procedi potest. Ita Gl.
hic ver. notorius; Innoc. in cap. quanto, de
translat. episc. Gl. in l. Si verò 5. §. Qui pro
rei ver. euentissimè ff. Qui satisdare co-
gantur, Abb. hic n. 5. & sumitur ex c. de ma-
nifesta 17. causa 2. q. 1. c. venerabilem 34.
hoc tit. & clarex hoc c. ibi, *excessus notorius
examinatione non indiget.*

Veruntamen ad cautelam, seu securitatis
gratiâ, Iudex etiam in causa notoria Reum
citare, & reliquum iuris ordinem obserua-
re potest, vti hic apparet & annotauit Gl.
ver. testes recepit. Hoc ipso tamen, quia
non ex necessitate, sed ex abundante iuris or-
do obseruatur, ideo si accidat defectum ali-
quem interuenire, non ideo totus proces-
sus, ipsaque definitiua sententia corrui-
re debet, prout hic Abb. annotauit n. 8.

- 8 **NOTANDUM VI.** Pro iudice, ob iudi-
ciariam auctoritatem habente præsumptio
esse debet, quod omnia rite & legitime ege-
rit. Ita hic, & in c. in præsentia 6. de renunc.
vbi de hac re dicendum erit, & in c. quoni-
am 6. de probat.

- 9 **NOTANDUM VII.** Factum negati-
uum, id est, quod aliquid actum non fuerit,
non potest directè per testes, vel instrumen-
ta probari: Ita hic, & sumpta sunt verba hu-
ius c. ex l. actor 23. c. de probat. cum per
rerum naturam (id est, secundum naturæ
cursum loquendo) *factum negantis pro-
batio nulla sit*, siue nulla neganti probatio

suppetere queat. Ratio est, quia testis (ea-
démque ratio est de Notario instrumentum
conficiente) testari debet de visu, alioue
sensu, v. g. vidisse se Titium cædentem, au-
diuisse blasphemantem: Quod si hoc testi-
monium verum sit, spectato naturæ cursu,
per se ac necessariò sequitur, Titium verbe-
râsse, blasphemâsse; Non ita verò, si testis de-
ponat, se non vidisse Titium cædentem, non
audiuisse blasphemantem, spectato rerum na-
turæ cursu, per se ac necessariò consequens
est, eum non verberâsse, aut non blasphemâsse.

Aduertendum autem, quod dicitur, nega-
tiuum assertionem, seu depositionem directè
ac per se probari non posse: At verò indi-
rectè & per accidens potest, idque duobus
modis, vti videre licet apud Ant. hic n. 55.
Abb. n. 13. Ioann. Petr. de Ferrarijs in præti-
ca, in forma opponendi contra testes, ver.
Et periuri, de negatiua mera, Primò, Si
negatio per modum entis priuatiui non mi-
nus, quàm negatiua in sensum cadat: vt si
testis deponat Titium non fuisse palliatum,
ense accinctum: Huiusmodi enim negatio-
nes seu priuationes per accidens, siue per
remotionem entis, percipi possunt. Se-
cundò, Si testis deponat de affirmatiuo,
quod sensu percepit, exinde autem necessa-
riò consequens sit negatiua: Idque accide-
re solet, si assertum negatiuum certo loco,
tempore, aut personis determinatum sit,
v. g. si Titius dicatur esse auctor homicidij
commissi Augustæ, Kalendis Iunij, testis iu-
ratus autem deponat, se eo die eundem Ti-
tium vidisse Constantiæ, prout constat ex
l. optimam 14. C. de contrah. stipul. c. ex
tenore 35. de testibus.

Adde his l. quod negatiua probari po-
test per præsumptiones; ita vt onus con-
trarij probandi in partem aduersariam re-
ijciatur, iuxta c. tertio loco 5. de probat.
& notauit Gl. hic ver. per rerum naturam,
Anton. in cit. n. 55. Adde II. Quod ne-
gatiua ab allegante probari debet, si super
eam fundent intentionem *factum regu-
la generalis sit, astringi ali-
dum id, quod est fundame-
sue, prout hic Abbas notauit num. 14. &
Matthi:*

Math. de Afflictis decif. Neapolitan. 377. num. 7.

11. NOTANDUM VIII. Testes singulares, tamen si plures sint, non tamen probant sufficienter, & plenè, sed necessarium est ad probationem, vt sint testes. Ita etiam habetur in c. licet causam 19. de probat. & c. cum dilectus 32. hoc tit. Dicuntur autem testes, qui de vno & eodem facto testantur: Testes autem singulares, qui diuersa, non autem contraria, testantur. Et potest esse hæc diuersitas secundum omnia prædicamenta, vt Baldus declarat in l. de quibus 32. ff. de legibus: In prædicamento substantiæ habemus exemplum hic: Si vnus canonicorum testetur, citationem ad se non peruenisse, & alius item testetur, citationem peruenisse ad se, non sunt testes, cum de diuersis subiectis testimonia proferrant. In prædicamento vbi, & quando, Si testis, vel denunciator deponat, de Caia visa in conuentu dæmonum, qui fuerat prope Lauingam, anno tali, mense tali: alius autem de visa eadem Caia in conuentu Dæmonum alio anno, aut mense, alioque in loco, prout latius explicauimus in Theol. moral. lib. 3. tit. 6. de iustit. cap. 5. §. vn. qui est in sagis, in 3. edit. Atque ita hanc rem explicat Baldus cit. loco, Prosper Farinacius in praxi crim. q. 64. Ioann. Crættus in tract. de testibus, n. 217. vbi ait requiri, vt testes deponant super vno & eodem facto; alius propter separatiorem factorum non probant, intellige plenè, vt sufficiat ad condemnationem Rei crimen non confessi.

CAPITVLVM XXIV.

Querelam.

PARAPHRASIS.

Cardinalis tituli S. Vitalis per Oeconomum seu Syndicum Ecclesiæ S. Agathæ, quam ipse habebat in commendam, controuersiam mouit Presbytero Ecclesiæ Saluatoris. Petebar autem Oeconomus, Presbyterum ab ecclesia Saluatoris remoueri, eò quod sine Cardinalis auctoritate in-

stitutus esset: Ecclesiam enim illam pleno iure incorporatam & subiectam esse ecclesiæ S. Agathæ, quæ iure commendæ ad dictum Cardinalem S. Sufannæ pertineret: Insuper petebat pensionem sexdecim denariorum Papiensium, quæ ab ecclesia Saluatoris annuatim debita sit ecclesiæ S. Agathæ, modò autem negata, adeoque subtracta. Ad hoc respondit Presbyter ecclesiæ Saluatoris, se Cardinali iniuriam nullam intulisse, neque ecclesiam suam in præiudicium ecclesiæ S. Agathæ, quippe ad quam nullo iure pertineret, recessisse, sed præsentatum fuisse à populo, ad quem hoc ius ex antiqua consuetudine pertineret, Institutum autem canonicè fuisse ab eodem Cardinali tituli S. Sufannæ, cui dicta Saluatoris ecclesia tanquam suo titulo in spiritualibus subiecta esset. His vtrinque auditis, Innocentius III. Papa, successor Cælestini III. coram quo causa hæc coëpta, non finita fuerat, Presbyterum ab impetitione Oeconomi absoluit, quòd constaret, populum in possessione præsentandi tunc fuisse, & ecclesiam Saluatoris ad titulum S. Sufannæ pleno iure perquisisse, saluà interim quæstione super iure patronatus, num id ad populum ecclesiæ Saluatoris, an verò ad ecclesiam S. Agathæ spectare debeat. Ad præstandam porro pensionem denariorum condemnat Presbyterum ecclesiæ Saluatoris; qui plenè oñsensum fuerat, eam per multos annos persolutam fuisse ecclesiæ S. Agathæ, saluà tamen quæstione iuris proprietatis inter vtramque ecclesiam.

SUMMARIUM.

1. *Habens ecclesiam vnā in titulum, inu-
terdum aliam ecclesiam accipit in com-
mendam, quæ si perpetua sit, vim &
effectum tituli habere censetur, & ve-
luti dispensationem quandam super
pluralitate, aut aliā inhabilitate con-
tinet.*
*Commendata beneficia semper manent in
prouisione Papæ.*

2. *Cardinalis ordinariam, & quasi episcopalem iurisdictionem obtinet in ecclesia sui tituli, aliisque capellis pleno iure ei subiectis seu incorporatis.*
3. *Præsentatio facta ab eo, qui est bona fide in possessione iuris præsentandi, licet postea appareat ius illud de iure ad alium pertinere, modo ante factam præsentationem lis coram iudice contestata non fuerit.*
Idem etiam de electione intelligi debet.
4. *Ius præsentandi à laico præscribi potest.*
5. *Siquis non per seipsum, sed per procuratorem in iudicio agat, sententia contra procuratorem ferri potest, & si agatur similiter, etiam debet, exceptis quibusdam casibus, quod tamen in foro canonico minus attenditur, & in eorum est sententia, siue ea in procuratorem, siue in principalem feratur.*
6. *Pensionarius seu colonus pensionem solueret recusans, sicut a nie tanquam debita soluta sint, cogendus est spoliatum restituere iure suo, & negatam pensionem solvere; qui tamen deinde potest super iure soluenda pensionis litum mouere.*

NOTANDVM I. Qui habet ecclesiam vnam in titulum, interdum aliam ecclesiam accipit in commendam, seu administrationem, gubernationemque, vti hic apparet. Quod si commenda perpetua sit, vim & effectum tituli habere censetur, & veluti dispensationem quandam super pluralitate, aut alia inhabilitate continet, quâ obrem non nisi à summo Pontifice concedi solet, prout latius docui in lib. 4. Th. moral. tract. 2. cap. 5. q. 8. Porro tamen si commenda perpetua effectum & utilitatem tituli in plerisque tribuat commendatario, vt ea agere possit, quæ intitulus, re ipsa tamen non censetur tituli collatio facta: quâ obrem commendata beneficia semper manent in manu, seu prouisione Papæ commendantis; aded, vt post mortem commendatarij ipsi referuata maneant, atque ab alio conferri non possint, prout ex communi notauit Azor tom. 2. lib. 6. cap. 3. l. q. 7.

NOTANDVM II. S. R. E. Cardinalis 2 ordinariam & quasi episcopalem iurisdictionem obtinet in ecclesia sui tituli, aliisque capellis pleno iure ei subiectis seu incorporatis. Ita sumitur ex hoc c. & c. his quæ 1. de maior. & obed. & notat hic Abb. n. 3. Suarez allegato hoc c. lib. 4. de legibus cap. 5. n. 4 & docui in Theol. morali lib. 1. tr. 4. cap. 7. n. 27.

NOTANDVM III. Præsentatio (quæ hic electionis nomine, latè sumpto vocabulo isto, significatur) facta ab eo, qui bona fide est in possessione iuris præsentandi, valida censeri debet, tamen si postea appareat, ius præsentandi de iure ad alium pertinere, dummodo ante factam præsentationem lis coram iudice contestata non fuerit. Ita colligitur ex hoc c. & tradit hic Gl. ver. super iure, & habeturetiam in c. consultationibus 19. de iure patron. iun. Gl. in c. ex literis 7. ver. vel antequam eod. tit. Ratio dari solet: Quia præsentare est quasi fructus quidam iuris patronatus seu iuris præsentandi; sicuti & eligere fructus iuris canonicalis, aut iuris eligendi. At verò bonæ fidei possessor fructus interim percipere non prohibetur, donec ipsi lis super proprietate mota sit, l. bonæ fidei 48. ff. de acquir. dominio, & docui Theol. mor. lib. 4. tract. 2. cap. 13. n. 19. Accedit benigna iuris canonici dispositio, facta in fauorem possessoris bonæ fidei, tum in commodum ecclesiæ, vt ministri eius citius & certius instituantur: Et quæ hic dicuntur de præsentatione, pari ratione intelligi debent de electione, quippe quæ in plerisque æquiparata sunt.

Porro exinde colligit Abb. hic n. 9. quem sequitur Syl. ver. præscriptio 2. q. 5. Si laicus tempore diuturno præsentauerit clericos ad beneficium, tamen si inde præsumptio oriatur, vis præsentandi ad ipsum spectare; præscriptionem tamen perficere nunquam posse: propterea quod ius præsentandi, quippe spirituale, possidere non possit laicus, nisi ex Ecclesiæ concessione: Ecclesia autem laicis ijs tantum ius præsentandi clericos ad beneficia concedit, qui fundatores, constructores, aut dotatores sunt ecclesiarum, ac beneficiorum: Ergo si huiusmodi causa siue titulus

verè non sublit, laicus capax non est possessionis iuris præsentandi, consequenter nec præscriptionis. Sed, si rectè attendimus, contrarium ex hoc c. satis apertè colligitur; cum dicat Pontifex, *constituisse sibi, quod populus in quasi possessione præsentandi clericum existebat*; cum tamen de iure patronatus, seu iure præsentandi, nunc ad populum pertineret, quæstio indecisæ permaneret. Quamobrem pro sententia Io. Andr. Henr. Boich super hoc c. n. 11. & seqq. & aliorum multorum, quam communem hic fasetur

4 Abb. Panorm. quòd ius præsentandi à laico præscribi possit, ita argumentari licet; Cum laicus, etiam sine vero titulo, aut facta concessione, ius præsentandi possidere possit, sequitur inde, quod per temporis legitimi decursum, etiam v'suapere possit; cum nihil desit eorum, quæ iuxta canones ad præscriptionem requiruntur. Quam tamen quæstionem alibi plenius examinabo.

- 5 NOTANDUM IV. Si quis non per ipsum, sed per procuratorem in iudicio agat, sententia contra procuratorem ferri potest, uti hic apparet, vers. nos igitur, iun. Gl. ver. æconomi, & in c. olim 20. de censibus. Imò secundum ius civile l. 1. C. de sent. & interloc. omni. Iudicium, si agatur civiliter per procuratorem, sententia ferenda est contra procuratorem, ita vt aliter lata non subsistat, si cum ipso lis contestata fuerat: Cuius rei ratio est, quia tunc quasi contractum cum procuratore censetur: quare sicuti in cōtractibus actiones & obligationes procuratori sibi acquirere censetur, quas deinde mandanti seu principali cedere debet, l. multum interest, 6. iun. Gl. ver. potes, & seq. C. si quis alteri vel sibi; (dummodò sit verus procurator, & non tantum nuncius, qui habeat se vt merum instrumentum mittentis, cit. l. multum) ita etiam si res habet in quasi contractu per iudicalem litis cōtestationem. Declarationes, siue limitationes traditæ doctrinæ sunt hæ: Prima, In causa matrimoniali, & beneficiæ, aut simili spiritali, sententia ferri non potest erga procuratorem, sed necessariò ad principalem referri debet, prout hic Anton. admonet n. 45. Abb. n. 10. Ex causâ, Vt Maritus vxori coha-

bitet, coniugij debitum reddat; Vt clericus beneficium resignet.

Altera. Si de crimine agatur per procuratorem criminaliter, in dominum, siue eum qui procuratorem ad sui defensionem misit, sententia ferenda est, l. ult. C. de iniuriis.

Tertia. Si agatur iudicio non ordinario, sed simpliciter & de plano, principalis condemnari potest etiam in causa civili, & in foro civili, teste Gl. margin. in suprâ cit. l. 1.

Quarta. Si Syndicus seu procurator, aut administrator generalis nomine ecclesiæ alteriusve Communitatis in iudicio agat, aut si tutor, vel curator nomine pupilli, siue natu minoris, sententia etiam in civili foro ferri potest contra Communitatem, aut pupillum, uti notauit Bartol. in ead. l. n. 13. Quia enim pupillus, & ecclesiæ aliæve communitas necessariò agere debet per alium, vid. procuratorem, Syndicum, aut tutorem, ideo merito statutum; vt actiones & obligationes ad ipsos quoque transeant, quorum nomine agitur, l. cum qui 5. §. Item si mihi, vers. si actori ff. de constit. pecunia.

Quinta. Si Dominus, siue principalis in principio litis præsens fuerat, eamque ipsemet contestatus, poterit deinde in ea causa ferri sententia aduersus ipsum, etsi loco sui constituto procuratore discesserit, uti Gl. notat in suprâ cit. l. 1. ver. non fuit, argum. l. furti 6. §. si quis alieno, ff. de his qui notantur infamiâ, licet contrarium teneat Bartol. suprâ cit. loco.

Sexta. In foro canonico minùs attenditur ad has à iureconsultis ethnicis inuentas subtilitates, sed siue in procuratorem, siue in principalem sententia concipiatur in civilibus causis, rata censi debet, secundum Gl. fin. in c. licet 9. de probat. Gl. in c. suscitata 6. ver. monasterium, de integ. restitut. Capellam Tholoz. q. 102: Nam re vera ipse dominus per procuratorem principaliter contrahens est in negotiis; & in iudicio litem cum aduersario contestans, sicuti bene docuit P. Ludou. Molinæ tom. 2. de iustit. disp. 55. n. 4. & sumitur ex reg. 72. in 6. *Qui per alium facit, perinde est, ac si faceret per se ipsum.* Quamobrem etiam executio sententiar,

siz. v. g. solutionis debita exactione fieri solet in bonis domini mandantis: Atque vice versa, si in iudicio vincat Procurator, ipsi mandanti seu principali, non procuratori, solutio fieri debet, præterquam, si etiam ad recipiendam solutionem mandatum habeat, l. hoc iure, 86. ff. de solut.

Denique testatur Andr. Gaill lib. 1. observat. 111. In camera Spirensi, in qua lites omnes per procuratores agitantur, sententiam semper ferri erga principalem siue dominum, tametsi is nunquam in iudicio præsens fuerit.

NOTANDUM V. Si pensionarius aut colonus pensionem solvere recuset, quasi ad eam obligatus non sit, cõsetur dominum spoliare possessione iuris, in qua hætenus fuit, pensionem capiendi. Quamobrem, si ostensum fuerit, pensionem antea solutam fuisse, tanquam debita esset; deinde verò denegatam, ac veluti subtractam, ante omnia cogendus est pensionarius restituere spoliatum iure suo, ipsique pensionem negatam solvere; deinde autem, si velit, super iure soluendæ pensionis litem mouere non prohibetur: cum sit canonica regula, quod spoliatus prius restitui debet, quam de iure proprietatis contendere teneatur, c. vlt. de ordine cognit. c. cum olim 7. de causis poss. & propriet. & tradit Gl. h. c. ver. statum, Innoc. n. 3. & 4.

Contra hanc tamen doctrinam insurgunt Legistæ, Cynus, & alij ab ipso citati in l. si certis annis, q. vlt. C. de pactis; dicuntque, contra hoc c. querelam, opus esse querelâ; quandoquidem fieri non posse videtur, ut possessio habeatur præstationis, aut debiti merè personalis, cum persona libera, aut quod ipsi inhæret, possideri non possit. Quamobrem Bartol. in l. vlt. ff. Quorum bonorum, Abb. in c. peruenit n. 3. de censibus, & super hoc c. n. 13. ea ratione defendunt huius c. decisionem, quod pensio fuerit realis, videl. debita causa alicuius rei, siue fundi obligati ecclesiæ S. Agathæ ad pensionem annuam; huiusmodi enim census siue seruitutes reales possideri posse, dubium non est.

Verum, ut rectè hic animaduertit Anton. n. 27. id non colligitur ex c. isto, sed potius

contrarium, cum absolute dicatur, ab Ecclesia S. Saluatoris annuatim per multa tempora solutam fuisse pensionem, postea autem vel vnica vice per denegationem, subtractam. Quamobrem Anton. cit. loco, Innoc. hic n. 3. & 4. Felinus in c. conquestus n. 4. de foro compet. Capella Tholof. q. 56. doctrinam huius c. defendunt etiam in personalibus præstationibus, siue pensionibus; ita vt si tanquam personaliter obligatus ad præstationem annuam aliquamdiu solueris Titio, postea verò solvere cesses, Titius tanquam spoliatus interdictum possessorem saltem vtile intentare possit, vt restituatur, iuxta hoc c. Idemque tradunt Angelus in suprâ cit. l. si certis annis, & Ioann. Faber Institut. de interdictis, in princ. vbi testatur, hanc sententiam consuetudine omnium curiarum tam spiritualium, quam secularium receptam esse; eandemque per vniuersam Galliam seruari, testis est Rebuffus apud Iacob. Menochium. remed. 1. recuper. possess. n. 87.

Ostendi autem potest tradita doctrina ex eo, quod certum sit, in persona fundari posse obligationem præstationis, aut pensionis annuæ, ratione alicuius causæ præcedentis, v. g. pacti, seu contractus, vltimæ voluntatis, fundationis; Ex apparet quoque in decimis, & tributis personalibus; in annuis debitis alimentis, iuxta l. 1. C. de fideicommissis; Censibus item personalibus, de quibus dixi in Theol. morali lib. 3. tit. 4. de iust. cap. 18. n. 7. Cum itaque obligationi persone, ex altera parte, videl. creditoris, respondeat ius petendi siue exigendi, idque vsum siue exercitium habere possit, vt nimirum creditor semel, aut sæpius pensionem annuam, tanquam ex aliqua suprâ dicta causa debita exegerit, & sine contradictione receperit, negari non potest, per hunc vsum acquirere illum possessionem, aut quasi possessionem, seu malis dicere statum quandam obligationis erga se, siue iuris sui; in qua proinde quasi possessione defendendus sit: aut si spoliatus, ante omnia restituendus, vt docent DD. in l. cum de in rem verso 6. argum. eius testis, ff. de vsuris.

Adde cum Anton. hic cit. n. 27. Tametsi posses.

possessio aut quasi possessio eiusmodi annui debiti, absque causa & titulo, saltem colorato, nasci non possit; posse tamen continuari, etiamsi causa & titulus nesciatur: adeo, ut si allegata temporis diuturnitate, in quo annuatim pensio, tanquam debita soluta fuerit, etiamsi causa siue origo debiti ostendi iam non possit, in possessione aut quasi possessione defendendus; vel, si pensio subtracta fuit, tuendus sit actor, secundum huius c. decisionem.

Neque obstat, si quis obijciat, quod temporis decursus non sit modus aptus inducendæ obligationis, aut debiti, ut videre licet apud Bartol. in cit. l. cum de in rem verso, num. 2. ff. de vsuris. Respondetur enim, non ex temporis decursu oriri obligationem siue debitum, eiusque possessionem; sed ex tempore diuturno vniformiter factæ præstationis oriri præsumptionem antecedentis causæ siue tituli, unde obligatio, seu debitum, aut saltem possessio vel quasi possessio eius, cum bona fide, ortum duxerat, prout ex iam cit. l. constat.

Ad argumentum contra doctrinam huius c. allatum respondetur, Personam liberam possideri non posse absolute loquendo, aut quatenus libera est: sed quatenus persona obligata est ad aliquid dandum, vel faciendum, siue annuatim, siue quoties causa aut occasio aliqua iusta ita exigit, eatenus libera non est; consequenter ex altera parte dari potest quasi possessio iuris, uti apparet etiam in operis obsequialibus, quas non tantum liberti, sed liberæ quoque personæ Principibus, aut dominis suis debent, & personæ ecclesiasticæ submissionem, obedientiamque Prælati, v. g. Episcopis suis; huiusque submissionis quasi possessionem haberi, aut pro eius, si subtracta sit, recuperatione, interdictum possessorium concedi, ex Ecclesiæ praxi notissimum est: Quamobrem Innoc. hic n. 4. indistinctè ait, quod in rebus incorporalibus, siue iuribus, spoliatio contingere possit.

* * *

CAPITVLVM XXV.

Cum Vintoniensis.

PARAPHRASIS.

Vacante ecclesiâ Vintoniensis, discordia erat inter Canonicos circa Episcopi electionem: & Archidiaconus quidem cum alijs quibusdam Decanum Salubriensem elegit: Cæteri autem considerantes, electionem hanc irritam esse, quod Decanus illegitimè natus esset, ad aliam electionem Præcentoris Linconiensis processerunt, vitrò ad eligendum secum admittentes Archidiaconum & fautores ipsius; quamvis propter electionem personæ indignæ a se factam priuati fuerint. Cæterum etiam altera hæc electio à Pontifice cassata fuit, eò quod per impressionem, seu violentiam laicorum peracta esset. Postea denuò conuenientes Canonici, cum in eligendo Præsule consentire non possent, quosdam ad Innoc. Papam destinârunt, per quos coram Pontifice controuersia dirimeretur, & electio perageretur: Atque illi quidem qui Præcentorem elegerant, obiecerunt alijs, quod illegitimè natum scienter eligendo, pro ea vice priuati essent electionis iure, & per triennium à beneficijs suspensi. Ad hoc verò ipsi respondebant; Licet illegitimè natus esset Decanus ille, tamen à Sede Apostolica dispensationis gratiam accepisse, idque se legitimè probaturos, asserabant. At verò Innoc. III. duas alias rationes affert, ob quas Archidiaconus & socij ad nouam electionem coram ipso celebrandam, non minus quàm alijs, admitti debeant: Prima est, quia Canonici Archidiaconum & socios spontè ad alteram faciendam electionem admiserant. Secunda, quod Lateran. Concilium temerè eligentibus personam indignam tantum pro vna vice priuationem decernat; & idcirco, cum electio quæ coram Pontifice per procuratores peragenda erat, non secunda, siue proxima sit post eam, in qua indi-

indignus electus fuerat, sed tertia, ideo ab ista excludi non possint.

SUMMARIUM.

1. *Electio, quæ per impressionem seu violentiam laicorum celebrata est, per sententiam cassari potest: si electores consentiant, ut laici electioni se immiscuant, canonicis penis subiiciuntur.*
2. *Capitulares, ad quos propter delictum aliorum indignum eligentium tota potestas eligendi deuoluta est, possunt, si velint, admittere priuatos ad nouam Prælati electionem.*
3. *Unus tamen solus Capitularium se opponere potest, quò minus siue extraneus siue priuatus admittatur, aut in eligendi per compromissum in alios transferatur.*
4. *Eligentes scienter indignum priuati sunt potestate eligendi in electione tantum una, quæ proximè occurrit.*
5. *Si electio indigni promulgata fuit secundum maiorem partem suffragij ius habentium, inter quos alij scienter, alij vero ignoranter id egerunt, ij, qui digno suffragia dederunt, electionem suam promulgabunt validè, si quidem numero superent eos, qui indignum ignoranter elegerunt.*
6. *Si notorium sit aliquos esse priuatos, ij, post admonitionem, ut ab electione discedant, parere nolint, etiam vi adhibita repelli poterunt, per se loquendo, & seclusis extrinsecis incommodis.*
7. *Eadem vi adhiberi potest notorio clerici percussori, alijque excommunicato, non tolerato, si Missæ sacrificio assistat, & monitus discedere nolit.*

NOTANDUM I. Electio, quæ per impressionem seu violentiam laicorum celebrata est, per sententiam cassari potest. Ita sumitur ex hoc c. secundum integram eius electionem. Sin autem electores consentiant, ut electio per abusum laicorum se immiscensium celebretur, canonicis præis sub-

ijciuntur, & electio ipso iure irrita est, cap. quisquis 43. hoc tit. vbi ita docet & distungit Anton. n. 8.

NOTANDUM II. Capitulares, ad quos propter delictum aliorum personam indignam eligentium, tota eligendi potestas deuoluta est, possunt, si velint, admittere priuatos ad nouam Prælati electionem. Ita colligitur ex hoc c. & tradit Gl. ver. admitterendus, Innoc. n. 4. Abb. n. 8. Ratio est: Quia eligentes indignum non incurrunt suspensionem aliquam ab officio, sed tantum pro vna vice priuantur iure eligendi, idque ad alios Capitulares non delinquentes deuoluitur, ita ut tota potestas electionis, etiam si vnicus tantum sit, illuc deuoluatur, c. 2. de postul. Prælator. vbi id docui. Quare sicuti hi non priuati quoslibet extraneos clericos secum ad electionem peragendam admittere possunt, c. bonz 4. de postul. Prælat. c. scriptum 40. hoc tit. & tradit Gl. in c. 3. ver. vocemque de causa possess. & propriet. ita etiam priuatos Capitulares admittere non prohibentur, prout Abb. hic n. 3. argumentatur.

Rectè tamen admonet ibi idem Panorm. 3 & in cit. c. scriptum n. 3. quòd vnus solus Capitularium opponere se possit, quò minus siue extraneus aliquis, siue priuatus admittatur: aut ius eligendi per compromissum in alios transferatur, prout idem Panorm. declarat c. in causis n. 3 hoc tit. Tametsi enim ad ea, quæ ex necessitate, aut secundum vtilitatem ecclesiæ disponenda sunt, sufficiat, si maior pars præsentis & legitimè congregati Capituli consentiat, iuxta c. 1. de his quæ fiunt à maiore parte Capituli, & l. 19. ff. ad municip. *Quod maior pars Curia efficit, pro eo est, ac si omnes egerint, non tamen id locum habet, si absque necessitate, aut publicà vtilitate, Capitulares, siue Collegia statuere velint, cum derogatione aut imminutione aliqua iuris singulorum: tunc vnus etiam se opponere, siue impedire potest, iuxta iuris reg. 29. in 6. Quod omnes tangit, debet ab omnibus approbari: Et reg. 56. In re communi melior est conditio prohibentis, ex l. Sabinus 28. ff. communi*

diuidendo. Minuitur autem ius singulorū eligentium, vt eorum vota plerumque minus efficacia sint, si etiam aliorum suffragia recipiantur: secus autem esset, si duntaxat vt consultores, propter ecclesie utilitatem vocarentur, iuxta c. obeuntibus 35. d. 63. Ad hanc enim vocationem & admissionem sufficit consensus maioris partis Capituli, prout Abbas Panorm. hic n. 4. annotauit.

Hic addendum: Si Capitulares eos, qui vocati fuerant, ad electionem faciendam vocarunt, & admiserunt, licet ea ob discordiam, aliamue causam impedita, aut rescissa fuerit, nihilominus priuatos recuperasse ius suum per Capitularium condonationem, à qua semel facta recedere non possunt, iuxta reg. 33. in 6. *Mutare consilium quis non potest in alterius detrimentum*, & tradit Gl. hic ver, admiserant, argum. eius textus, Ioann. Andr. n. 13. Abb. n. 9. & videri possunt quæ docui in c. vn. not. 3. de postul. Prælatorum in 6.

4. NOTANDUM III. Eligentes scienter personam indignam non secundum totam Prælatuæ vacationem priuati sunt, sed tantum in ordine ad vnam proximam electionem, quæ tamen si effectum consecuta non fuerit, vt quia electus non acceptauit, aut renunciauit, aut mortuus est; vel quia electio ob occultum vitium electi, vel quia administrationi ante confirmationem se ingessit, vel similem ob causam, à Superiore rescissa fuit, priuati & semel puniti recuperant ius eligendi, ita vt ad sequentem, quam hic tertiam electionem Pontifex vocat, procedere non prohibeantur. Ita docet Gl. hic communiter recepta ver. tertia, & alia Gl. in c. si electio 26. ver. integrum, eod. tit. & videri potest Abb. Panorm. hic n. 12. Cæterum, si altera pars Capitularium, quæ in prima electione, personam indignam eligendo, aut laicos ad eligendum secum admittendo, priuationem quoque incurrat, tunc, quia tota Capitularis facultas penes ipsos resedit, electio ad Superiorem deuoluitur, iuxta c. bonæ 23. in fine, hoc tit. & videri potest Ioann. Andr. hic n. 16. Abb. n. 12. Henr. Boich n. 1. & 12.

Exinde pro praxi hæc colligi possunt;

Primum, Si post publicatum scrutinium appareat, quod maior pars Capitularium indignum elegerit, alij numero pauciores vtiliter remagent, si patiantur illos ad publicam electionis decretum procedere. Tum verò ijs priuatis & exclusis pro ea vice, iure eligendi vt proprio, siue ad ipsos solos deuoluto, vtuntur. Constat enim ex c. perpetuum 7. hoc tit. in 6. Eligentes indignum priuationem antè non incurrere, quam publicæ siue communis electionis decretum formatum sit: Nam pœna intelligi debet cum effectu, c. relatum 4. de cler. non resident. Atqui electio non censetur facta, nisi post promulgatum scrutinium, capitulare decretum formatum sit: Ergo &c.

Alterum. Post promulgatum decretum de persona indigna, probabile est, quod pauciores, qui indignum non elegerunt, si circa aliam personam consentientes sint, statim ac veluti eodem electionis contextu, non inchoato nouo scrutinio, electionis suæ decretum formare possint, prout Abb. docuit in c. congregato 53. hoc tit. argum. eius textus, iun. Gl. ver. postmodum, ibidem Ioann. Andr. addens, quod *poterant etiam ex in, ternullo id facere, repetito tamen inter eos scrutinio & tractatu*.

Tertium. Posteaquam Capitulares, qui priuati non sunt, electionem suam, siue eodem tractationis contextu, siue nouo scrutinio & tractatu instituto, promulgarunt, licet ea, vt supra dixi, ex aliquo accidente effectum consecuta non sit, cessat priuatio eligentium indignum, atque recuperant ius ius electionis suæ.

QVARTIO prima: Si electio indigni promulgata fuit secundum maiorem partem suffragij ius habentium, inter quos alij scienter, alij verò ignoranter id egerunt, potestne pars minor, qui personæ dignæ suffragia dederunt, promulgare electionem suam? Respondeo esse distinguendum: Vel enim hi, qui digno suffragia dederunt, superant numero eos, qui indignum ignoranter elegerunt, tū validè promulgabunt electionem digni, iuxta c. scriptum 40. hoc tit. & tradit Ioann. Andr. in cit. c. congregato, in

fine

fine: Vel non superant numero, tum electionem suam de digno promulgare haud possunt: quia non est facta à maiore parte Capituli, quandoquidem ij, qui indignum ignoranter, siue ignari defectus, elegerunt, priuationem pro ea vice non contraxerunt: necessarium itaque est, vt cum his non priuatis nouum scrutinium inchoent. Exempli causa: Si triginta canonici sint, quorum viginti suffragati fuerint Caio indigno, & electionis decretum formarint: alij decem, si suffragiis consentiant in Titium dignum, electionem valide promulgabunt, posito, quod ex electoribus indigni nouem duntaxat ignorantia laborauerunt, secus si decem, aut plures ignorantes fuerint.

QUÆSTIO SECUNDA. Si Capitulares priuati velint se ingerere proximæ electioni, num per vim expelli possint? Respondeo: dum Abb hinc n. 14. Vel notorium est, illos in pectam priuationis pro ea vice incidisse, vel non est notorium: Hoc posteriore casu, non possunt per vim expelli: quia nemo in causa non notoria ius suum contra aduersarium exequi potest: Quare à Superiore petere debent Capitulares: vt illi qui deliquerunt, causa cognita, priuati declarentur, iuxta c. scriptum 40. hoc tit. c. cum secundum 19. §. Confiscationis de hæret. in 6. Aut si electio statim faciendâ sit, contra illos protestari possunt reliqui Capitulares, quod suffragia priuatorum pro ea vice æstimari non debeant, c. Cumana 50. hoc tit. & tradit hic Innocentius n. 6. In priore autem casu, si videlicet notorium sit aliquos esse priuatos, ijque post admonitionem vt ab electione discedant, parere nolint, etiam adhibita vi, repelli poterunt. Nam vim vi repellere omni iure licitum est, c. significasti 18. de homic. & c. 3. de sent. excomm. Priuati autem dum electioni se ingerunt, ac moniti abstinere recusant, veluti vim inferunt: Cum enim eorum priuatio, vt i pono, atque inhabilitas nota sit, perinde censetur, vt extranei: Ergo repelli possunt, per se loquendo, & seculis extrinsecis in modis. Quâ similitudine docent DD. in Clement. Grauis de sent. excomm. Si notorius clericus percussor, aliusve excom-

municatus, non toleratus, missæ sacrificio assistat, atque monitus discedere nolit, per vim expelli posse. Et Bartolus in l. 1. §. hoc interdictum. 4. ff. de itinere, atque priuato ita loquitur: Si Vniuersitas vel Capitulum coadunatum esset ad faciendum aliquid, & ibi esset aliquis qui non est de corpore Capituli, & velles omnino ibi esse, posses licite per Vniuersitatem expelli, quia turbat Vniuersitatem vel Capitulum in quasi possessione iuris, in qua est. Consentiant his quæ dixi lib. 3. Theol. moral. tr. 1. cap. 7. n. 8. §. præterea.

CAPITVLVM XXVI.

Per inquisitionem.

PARAPHRASIS.

Cum ad Innocentium III. Papam relatum fuisset, electionem R. in episcopum Tholosanum, præcedente illicitâ & simoniacâ cum Canonicis pactione peractam fuisse, quosdam destinauit, qui ex Apostolico mandato de Episcopo, & statu episcopatus inquisitionem iustituerent. In eâ inquisitione Mascaron Cancellarius, vnus ex electoribus, iuratus asseruit, sciuisse se, quod R. & amici eius quosdam Canonicos precibus sollicitarent, vt suffragia sua in ipsum R. derigerent: Sciuisse etiam, quod idem R. cæteris Canonicis, qui primæ ipsius electioni se opposuerant, iuramentum præstiterit, pro certo habens, iuramentum illud illicitam & simoniacam pactiorem continere. Insuper confessus fuit, quod post cassatam dicti R. Episcopij electionem, domum episcopalem ipse detinuerit, & episcopales redditus nomine ac voluntate R. receperit, in eiusdem vsus expendens: Nihilominus Mascaron post hos excessus suos in Tholosanæ ecclesiæ Præpositum institutus fuit. Sed Papa Innocentius III. mandat hic delegatis suis, vt dictum Mascaron à Præpositura amoueant, eo quod indignum ad episcopatum scienter eligendo beneficijs ad triennium suspensus esse debeat, ideoque ad dignitatem Præpositi

posituræ promoueri haud potuerit, iuxta Concil. Lateran. in c. cum in cupētis, §. Clerici, hoc tit.

SYMMARIUM.

1. Si inquisitio instituitur contra Prælaturam propter delictum eius, plerumque etiam ea fit de statu ecclesie eius, & clericorum cum eo habitantium.
2. Eligens scienter indignum ad Prælaturam, in qua adipiscenda simoniam commisit, est suspensus per triennium à beneficijs, quæ in ea ecclesia obtinet.
3. Confessio facta ab aliquo in uno iudicio, adduci potest tanquam probatio ad convincendum illum in alio iudicio. Secus est in testimonijs & instrumentis productis.

NOTANDUM I. Si instituitur inquisitio contra Prælaturam, propter delicta eius, plerumque etiam inquisitio fit de statu ecclesie eius, & clericorum cum eo habitantium, uti somitur ex hoc c. & notauit Gl. ver. episcopatus, & ex c. qualiter 17. de accusat. Quia plerumque reperiuntur aliqui participes, consentientes aut fauentes crimini. Ob quam causam, ait Abb. hic n. 2. statutum fuisse in c. vl. §. Si autem dilapidator, de statu Monachorum; Si Prælatus regularis propter bonorum ecclesiasticorum dilapidationem deponatur, administrationem rerum, interim dum alius substituitur, non Conuentui, quippe tunc suspecto, relinquendam, sed administratorem alium Monasterio deputandum esse; Idque etiam in secularibus ecclesijs, ob eandem rationem, in tali casu fieri posse.

NOTANDUM II. Qualiquem ad Prælaturam, in qua adipiscenda simoniam commisit, scienter eligit, per triennium suspensus est à beneficijs, quæ in ea ecclesia obtinet. Constat ex textu huius c. & ex c. cum in cunctis 7. §. Clerici, hoc tit. e. compromissarius 37. eod. in 6. ubi hæc pœna decreta est eligentibus personam indignam, sive inhabilem: Atqui simoniacum inhabi-

lem reddi ad Prælaturam, aliudue beneficium, in quo simoniam commisit, consequendum, constat ex c. penult. hoc tit. & c. nobis 27. de simon. Quibus in locis additur, id locum habere, tamen si ignorante eo, qui electus aut prouisus est, simonia commissæ fuerit: Videri possunt quæ docui lib. 4. Theol. moral. tr. 10. cap. vl. n. 72.

Veruntamen ob alias quoque causas Mascaron iste à Præpositura illa amoueri debuit, tanquam non canonicæ, atque inualidæ institutus. Primò, quia R. in episcopum elegit, postquam is rerum episcopalium administrationi malè se immiscuerat: Ex textu enim c. colligi videtur, duas dicti R. electiones celebratas fuisse; vnam in discordia, quæ statim cassata fuit, sed nihilominus eius nomine ac voluntate Mascaron bona ecclesiastica vsurpauit; Alteram verò in concordia, cuius ratione Mascaron suspensionem incurrisse dicitur. Secundo, quia propter huiusmodi excessus facti infamiam incurrerat, atque ideo portæ dignitatum ipsi patere non debebant, iuxta c. 87. in 6. & annotauit hic Innoc. n. 1.

QVÆRIT Glossa hic ver. se indignum, ver. Sed quare, Cur sententia hæc lata fuerit contra Mascaron ex testimonio, seu confessione, quam in examine contra R. electum instituto antea fecerat; cum tamen quæ inter alias personas, aut & in alio iudicio acta sunt, obesse alicui non debeant, c. inter dilectos 7. de fide instrum. c. penult. de re iudic. Respondeo cum Gl. cit. & Imola hic n. 9. Henr. Boich n. 4. Canonicum Mascaron non præcisè ut testem in causa Episcopi electi examinatum fuisse; sed etiam per inquisitionem generalem in omnia membra ecclesie institutam; ac proinde confessionem eius, tanquam in propria causa factam, ipsi præiudicasse. Neque enim negari potest, ex ea ipsa inquisitione, super quâ Pontifex decisionem suam fundat, cognitum fuisse, dictum Mascaron suspensionem à beneficijs incurrisse; adeoque institutionem eius in Præpositura irritam fuisse, iuxta ea quæ docui in c. cum dilectus 8. de confus. & consequenter amouendum. Addit verò

Innoc.

Innoc. hic num. 2. quem sequitur Abb. n. 12. Guido Papa in decil. Gratianopol. 254 quod confessio facta ab aliquo in vno iudicio, adduci possit tanquam probatio ad convincendum illum in alio iudicio; licet secus se res habeat in testimoniis, acque instrumentis productis: quia propria confessio omnem probationem superat, nullumque reo subterfugium relinquit, arg. c. pertuas 10. de probat.

CAPITVLVM XXVII

Cum causam.

PARAPHRASIS.

Vacante Prioratu ecclesie S. Petri Lunacen-
sis, Canonici regulares eiusdem ecclesie
elegerunt bonum Presbyterum non pro-
fessum: Huic electioni opposuit se Bru-
nus canonicus, & alius quidam, sed reli-
qui electionem suam defendebant allega-
tione consuetudinis, quod continuè per
multa tempora Prior eius ecclesie fuisset
regulam non professus. Hac controuersia
ad Innoc. III. Papam delata, respondit is,
scriptum esse Deuerson. cap. 22. num. 10.
Non erabis in bone simul & asino, id est,
(vt in Concil. Hispanensi explicatur, relato
in c. in noua 22. causa 16. q. 7.) homi-
nes diuersæ professionis non sociabis:
*Neque debet quisquam vestem induere de
lana linæ, contextam*, id est, homines di-
uersi habitus sociari nõ debent. Ideo man-
dat irritam, siue irritam declarari Presby-
teri electionem, insuper compelli ipsum,
aliõsque, qui in Monasterio professionem
non ediderunt, vt vel S. Augustini regu-
lam profiteantur & seruent, vel ab ecclesia
S. Petri discedant.

SUMMARIUM.

1. *Non valet consuetudo, vt non professus,
vel alterius Ordinis, aut habitus pro-
fessus in Prælatum regularem eligatur
& est electio irrita.*

*Relig. tamen eligetur ad ecclesiam regula-
rem, si Cathedralis sit, clericum seculari*

riti, aut Ordinis nouitius.

2. *Non valet etiam consuetudo, vt non pro-
fessi, vel alium Ordinem professi in regu-
lari aliqua ecclesia collegialiter vi-
uant.*

NOTANDUM I. Non valet consuetudo, vt non professus, vel alterius Ordinis aut habitus professus in Prælatum regularem eligatur: Est ipso iure irrita electio iuxta c. nullus 28. hoc tit. in 6. & Clement. 1. eod. tit. Ratio dari debet, quia huiusmodi consuetudo ecclesiis noxia censetur: nam *con-
barere & bene coniungi non possunt, quibus
studia & vota diuersa sunt*, cit. c. in noua. Id
tamen peculiare est, quod ad ecclesiam regula-
rẽ, si Cathedralis sit, clericus secularis, aut
Ordinis Nouitius rectè eligatur, cit. c. nul-
lus, & c. innotuit 20. hoc tit. Idque propter
excellentiã dignitatis episcopalis, quæ regu-
laris professionis defectum supplet, vti Gl.
indicit in c. quod De timore 5. ver. regi-
men, de statu Monachorum.

NOTANDUM II. Non valet etiam con-
suetudo, vt non professi, vel alium Ordinem
professi in regulari aliqua ecclesia collegialiter
viuant: ob eandem rationem, quia con-
suetudo huiusmodi ecclesiis damnoia, & ir-
rationabilis censetur, prout habetur in suprã
cit. Clem. 1. *Rationi non congruit, vt homi-
nes diuersæ professionis, vel habitus simul in
eisdem monasteriis socientur*. Nihil tamen
obstat, quin in eodem Monasterio, siue eccle-
sia regulari diuisi Conuentus sint, vnus v. g.
clericorum secularium, & alter regularium,
sub diuersis Præpositis constituti, vti Gl. in
cit. Clem. ver. Monasteriis, annotauit.

CAPITVLVM XXVIII.

Quod sicut.

PARAPHRASIS.

Post electum, confirmatum, & consecratum
Archiepiscopum Armachanum, sex ei ob-
iecta, Innocentio III. Papæ proposita fue-
runt, ad depositionem eius obtinendam;
Tria contra electionem, & alia tria contra

Qq

per.

personam illius. Aduersus electionem quidem, quod ea, post aliarum trium personarum nominationem facta esset; Et interpositam à Rege appellationem; Et non presentibus Episcopo Mirindinensi, atque Abbate Mellifontis, quibus etiam ius suffragij competeat. Contra personam autem Archiepiscopi obiectum fuit, quod ante confirmationem eos Archiepiscopatus administrauerit, quod in ipsa consecrationis suæ die, antequam missarum solemnia finirentur, acolythum ordinaret; denique quod tabulam argenteam, absque causa necessaria, & cum ecclesiæ detrimento, vendiderit. Ad hæc singula respondit Pontifex in hoc c. secundum integram eius lectionem: Ad 1. obiectum aduersus electionem; Per nominationem illam, (seu propositionem trium, tanquam qui digni electione sint) nullum ius nominatis acquiritur: quare ea non obstante, ad canonicam electionem dicti Archiepiscopi perueniri potuisse: Accedit, quod nominatio extra ecclesiam Cathedralem facta fuerit. quod signum est, eam propriè electionem non fuisse, quippe quæ, si fieri potest, in ecclesia Cathedrali peragenda est, secundum canonicas sanctiones. Ad 2. Regis appellatio inanis cenferi debet: cum electio in eius præiudicium non cesserit: quandoquidem non simplex nominatio, sed sollemnis electio debet Principi præsentari, ut assensum præbeat, licet per abusum, siue usurpationem interdum aliter à quibusdam fiat. Ad 3. Si Episcopus ille & Abbas, qui interesse electioni debebant, non contempti, sed vocati fuerunt, dummodo sine periculo vocari potuerint, non debet eorum absentia, siue quod venire noluerint, siue quod non potuerint, electionem impedire: Sin autem contiterit, vocatos non fuisse, sed contemptos, infirmenda erit electio sine ipsis celebrata, nisi ipsi, propter bonum pacis, postea consentire velint.

Ad primum porro obiectum contra personam, respondet Innoc. III. Papa; Si Le-

gatus Sedis Apostolicæ in prouinciis Hieronymi tunc non fuerat, cum electio peracta est, dissimulari id posse: quandoquidem Rom. Sedes patitur, ut Metropolitanis regionum ab Vrbe remotarum, si concorditer electi sint, administrare incipiant, priusquam confirmationem & pallium archiepiscopale acceperint. Ad 2. Ratione eius excessus puniendum esse Archiepiscopum: quia solus Rom. Pontifex, (utpote qui ante hymnum Angelicum consecratur, & consecratus ipsemet deinde missarum solemnia perficit) in die consecrationis suæ ordines conferre potest: Alij verò, qui inter epistolam & Euangelium consecrantur, missarum solemnia non celebrant, sed celebrant, ne mysterium unitatis diuidatur, concelebrant, non debent tunc ordines conferre: Accedit, quod Archiepiscopo sine pallio à Sede Apostolica accepto, non liceat concilium cogere, chrisma conficere, ecclesias dedicare; & ita nec clericos ordinare, aut episcopos consecrare, cum talia non tanquam simplex episcopus, sed tanquam Archiepiscopus facere videatur. Ad 3. Cum alienationi illi populi & cleri consensus accesserit, dissimulari potest: dummodo ecclesiæ, si quod damnum illatum sit, Archiepiscopus refarciat. Hæc scripsit Innocentius ad 1. tit. S. Stephani in Cælio monte Presbytero Cardinali, Apostolicæ Sedis Legato.

SUMMARY.

1. *Per nominationem non acquiritur in aliquod nominato, vti per electionem electo.*
2. *Electio Prælati intra ecclesia ambium fieri debet si quidem id fieri possit.*
3. *Honestæ est consuetudo, ut electio à clericis peracta Principi insinuetur: abusu tamen, & praua ecclesiastica potestatis usurpatio est, si Principi proponantur aliqui ex quibus vnum eligere possit.*
4. *Rite vocati Capitulares, si non veniant, Principis electio peragi potest.*

5. Si vocandus contemnitur, eo prosequente contemptum, electio inuaidatur.
6. Non tamen uno, vel pluribus contemptis, ipso iure electio irrita est.
7. Contempto mortuo, eius successor in beneficio aduersus electionem agere potest, si ius suffragij contempto debeatur ut talis ecclesie Prælati, & expressè, vel tacitè non remisit.
8. Si ius suum electionem oppugnandi contemptus remisit, iudex ex officio electionem rescindere non potest.
9. Electio, etiam confirmata, rescinditur, si contemptus petat.
10. Episcopus eo die, quo consecratur, Ordines conferre non debet.
11. Episcopi & Sacerdotes in Missa, in qua consecrantur, non celebrant sed Episcopo celebranti concelebrant.
12. Prælati male alienans damnum ecclesie illarum ex propriis refarcire debet, etsi adfuisset Capituli consensus, propter quem tamen culpa & pena à canonicis decreta restituitur.

NOTANDVM I. Per nominationem non acquiritur ius aliquod nominato, sicuti per electionem electo. Ita hic in princ. c. & dixi de hac re in rubr. huius tit. circa finem.

NOTANDVM II. Electio Prælati intra ecclesie ambitum fieri debet, uti hic dicitur, & in c. qua fronte 53. de appellat. & dixi de hac re in c. cum in e. 21. not. 1. supra hoc tit. Declaratur autem hoc in loco, si id fieri potest: alioquin, si impedimentum, seu moralis impossibilitas incidat, etiam extra ecclesiam aut ciuitatem episcopalem electionem peragi, nihil obstat. Quia de re dictum est in c. bonæ 23. not. 2.

NOTANDVM III. Tametsi honesta sit consuetudo, ut electio Prælati à clericis peracta Principi insinuetur, abusus tamen, & ecclesiasticæ potestatis praua usurpatio censeri debet, si Principi seu potestati laicæ aliqui proponantur, seu nominentur, ex quibus vnum eligere aut admittere possit. Ita etiam habetur in c. cum terra 14. hoc tit. ubi id docui not. 4. & in c. 1. not. 3. q. 3. eod. hoc tit. At tamen per Sedis Apostolicæ priuilegium lai-

co tale ius concedi potest, prout docui in rubr. huius tit. ad finem, & in cit. q. 3.

NOTANDVM IV. Si Capitulares ad electionem Prælati congruo tempore aut loco celebrandam vocati non veniant, siue quia non possunt, siue quia venire nolunt, sine ipsis electio peragi potest. Ita hic, & in c. cum nobis 19. ubi id docui, hoc tit. Quare hoc in casu, absentes quasi non censentur in numero Capitularium, prout dixi in cit. c. cum nobis, & in c. bonæ 4. not. 3. de postul. Prælatorum.

NOTANDVM V. Contemptus à Capitularibus, si velit, contemptum suum prosequi potest, id est, petere ut electio ne ipso celebrata, in irritum reuocetur. Dicitur autem contemptus, qui ius electionis habens, cum vocari potuerit, ac debuerit, vocatus non fuit ad electionem aut non tempestiue vocatus, ita ut commodè accedere possit. Colligitur hæc omnia ex isto c. vers. Si autem. Dixi autem, si velis petere &c. Potest enim etiam, ob pacis bonum, consentire electioni, siue eam non oppugnare, sed ratam habere velle: Sed non decet eum hoc in casu consentire, si electionem ecclesie vtilem non esse arbitretur, sicuti Syl. annotauit ver. electio 1. q. 6. dicto 5.

QUESTIO prima. Num electio vno, aut pluribus contemptis peracta, ipso iure irrita sit? Responso est negatiua: Quia si electio irrita esset, contemptus eam suo consensu confirmare non posset, uti colligitur ex c. seq. Dicendum itaque, validam esse electionem, ita ut si contempti dissimulent, siue se non opponant, omni iure consistat. Requiritur tamen, ut vis Capitularis non desit, prout annotauit Abb. in c. bonæ 36. n. 4. hoc tit. & docui in supra cit. c. cum nobis, necessarium esse, ut duæ partes Capitularium eorum, qui possent & vellent electioni interesse, congregati sint: sin autem pauciores sint, quia plures quam tertia pars contempta est, non erit rata electio, cum desit causa efficiens, quæ, ut dixi, residet in duabus saltem partibus ad electionis, aliumue Capitularum, aut collegialem tractatum instituendum, uti tradit idem Abb. in c. 1. n. 14 & 15. de his quæ sunt

à maiore parte Capituli, & intc. quia propter n. 4. & 5. vbi bene admonet, eos qui venire volunt, aut non possunt, non computari in numero. Idemque sentiendum de ijs, qui nimis remoti sunt, idemque vocari non debent, c. cum inter 18. & cit. c. quia propter 42. hoc tit. Videri potest Franc. de Pauinis in tr. de potest. Capituli prælud. 5. n. 12.

QVÆSTIO secunda: Si qui contemptus fuerat, mortuus sit, num successor in beneficio eius aduersus electionem agere possit? 7 Responder Gl. recepta hic ver. consentire, verf. Item pone: Vel ius suffragij alicui conuenit vt talis ecclesie Prælati, tum eo mortuo si contemptus expressè, vel tacitè non remisit, agere potest de contemptu: quia iura Prælati adhaerent dignitati, quæ non extinguitur, sed ad successorem transit, c. si gratiòse 9. de rescript. in 6. Vel ius suffragij alicui competit, tanquam canonico, seu Capitulari: tum successor in beneficio agere non potest de contemptu: quia canonico mortuo aut resignante, iura eius ad Capitulum transeunt, c. relatum 12. de testam. Ideoque propriè loquendo successorem ipse non habet. Ex quo sequi videtur, quòd in hoc casu Capitulares conqueri possent; nisi electionem ipsi met fecissent, idemque contemptum prosequendo proprium factum condemnarent. quod permittendum non est. Quæ est doctrina Innocentij hic n. 5.

QVÆSTIO tertia: Posteaquam contemptus seu expressè seu tacitè ius suum electionem oppugnandi remisit, an nihilominus iudex ex officio electionem rescindere possit? Responso est negatiua, cum Abb. Panormit. in c. In Genesi 55. circa Gl. ibid. ver. nec præmissi num. 10. hoc tit. ob regulam receptam in l. dies 4. §. hoc autem ff. de damno infecto: Si agatur de fauore non publico, sed priuato; & ille cuius intereſt, remittat, iudicem non posse officium impartiri: In hoc autem casu non agi de fauore publico, sed priuato, inde constat, quia iuri introducto in fauorem publicum aliquis renunciare non potest, c. si diligenti 12. de foro compet. Huic autem iu-

ri contemptum suum prosequendū tenudciare is potest, qui contemptus fuit, vt ex hoc c. constat: Ergo &c.

NOTANDUM V. Contemptus petere potest, vt electio sine ipso facta rescindatur, non obstante, quòd confirmata fuerit. Ita colligitur ex hoc c. & tradit Innocent. hic num. 4. Ioann. Andr. num. 17. & sumitur ex c. cum dilectus 32. hoc tit. Ratio est: quia confirmatio innuitur electioni, tanquam canonicè, & legitime peractæ: si itaque electio ob aliquem defectum rescindenda sit, cadet etiam confirmatio exinde secuta, argum. c. qualiter 17. hoc tit. Veruntamen si ij, qui contempti fuerant, quando publico edicto ante confirmationem moniti sunt, iuxta c. ult. hoc tit. in 6. se non opposuerunt, censeri debent iuri suo renunciasse, vt postea audiendi non sint.

NOTANDUM VI. Episcopus eo die, quo consecratur, ordines conferre non debet. Arhierar tamen Gl. hic ver. diuidatur, prope finem, verf. Sed finita missa; nihil obſtare, si necessitas postulet, quòd minùs posteam missam, in qua consecratus est Episcopus, aliam missam celebrans, ordines conferat. Sed quia Episcopus in die dominico consecratur, in quo alij sacri ordines conferri non debent; ideo Hostiensis & alij communiter hanc Gl. reprobant: sed Abb. hic n. 13. defendit quòd ordines minores, qui quolibet die dominico aut festo conferri possunt, iuxta c. 3. de tempor. ordinat. Neque occurrit, quòd contradici possit, nisi fortè factis decens non esse, vt consecratus mox eodem die episcopalia exerceat: cum non desint tunc alij Episcopi, qui id munus obire possint.

NOTANDUM VII. Episcopi & Sacerdotes in missa, in qua consecrantur, non celebrant, sed Episcopo celebranti concelebrant: Ratio insinuat in textu huius c. ne diuidatur mysterium unitatis: Si enim Sacerdos vel Episcopus assistens Episcopo sacrificanti celebraret, siue hostiam & calicem consecraret, accidere posset, vt principalis celebrans non consecraret, quòd est còtra mysterij unitatis. Quæ de ro dicit in Th. mor. lib. 1. tr. 9.

p. 5. c. 3. n. 5. Qualem autem intentionem habere debeant Sacerdotes, qui cum celebrante Episcopo verba consecrationis proferentes celebrant, hic disputat Innocent. n. 12. Abb. n. 13. Sed egi de hoc lib. 5. Theol. moral. tr. 2. c. 7. n. 5. & 6.

NOTANDUM VIII. Tametsi ad alienationem rerum ecclesie immobilium, aut mobilium pretiosarum, præter tractatum, & Capituli consensum, requiratur etiam causa utilitatis, iuxta c. sine exceptione 52. causa 12. q. 2. & c. 1. de rebus ecclesie, non alienandis in 6. facilius tamen culpa & poena à sacris canonibus decreta, propter adhibitum Capituli consensum, Prælati alienanti remittitur: damnum tamen ecclesie illatum ex proprijs refarcire debet. Ita colligitur ex textu c. in fine, & notavit hic Imola n. 8. Hodie tamen aggravatur delictum, propter iuramentum, quod Episcopi edant res ecclesiasticas non alienandi, inconsulto Pontifice.

CAPITVLVM XXIX.

Auditis.

PARAPHRASIS.

Canonici ecclesie Baiocensis discordes inter se, duas electiones fecerunt: Cum enim in Capitulo convenientes de electione Episcopi tractarent, Decanus cum paucioribus (astute, uti videtur) proposuit seu nominavit R. Subdiaconum, Cantor autem cum pluribus Guil. Archidiaconum; quamvis solus Cantor à proposito hoc suo recedens, postea Magister R. nominavit: Decanus, primam vocem habens, ad electionem ipsam pergere volebat; sed contra appellatum fuit ad Sedem Apostolicam, ne absque consensu totius Capituli, aut maioris & sanioris partis ad electionem procederet. Sed Decanus cum paucioribus, seu non habens maioris partis consensum, sed longe minoris, subito in electionem prorupit, (de Guil. Archidiacono, uti Glossa, loquitur. Andr. & plerique alij testantur) appel-

lans, ne quis contra eam electionem quidquam attentaret: In cuiusque electionis defensionem attulit, quod postea alij plures Canonici assensum suum adiecerunt. Sed Innoc. III. Papa respondet: cum electio ab initio ipso iure irrita fuerit, non potuisse per subsequentem aliorum consensum convallescere; præsertim pendente adhuc appellatione. Porro abicendentibus Decano & socijs eius, Cantor & reliqui in Capitulo remanentes, post priorem illam nondum cassatam electionem, pendente ad Sedem Apostolicam interposita appellatione, à nominatione dicti Archidiaconi recesserunt, & R. Subdiaconum de novo elegerunt. His auditis & intellectis Pontifex utramque electionem irritandam esse decrevit.

SUMMARIUM.

1. Electio ipso iure nulla non potest convallescere.
2. Accessio votorum post promulgatum decretum electionis omni iure irrita est, idcirco non potest ex post facto convallescere.
3. Vocata maxime propriè accepta non est restrictiva dicti antecedentis, sed confirmativa.

NOTANDUM I. Si electio ipso iure nulla sit, non potest postea convallescere, accedente v. g. plurium Canonicoorum consensu. Ita hic dicitur, & constat ex reg. 29. ff. Quod ab initio vitiosum est, non potest tractu temporis convallescere. Sed distinguere hoc in loco oportet: siquidem duobus modis accidere potest, ut electio vel alia dispositio irrita sit ipso iure, seu ex iuris dispositione: Primo, ut nullo modo subsistat, & ne quidem naturalis alicuius obligationis effectum habeat: Tum vera est regula, cuiusque exemplum hic habemus: Cum enim vis Capitularis in eligendo, seu electione valida formanda, non consistat in minore parte, imò nec in medià parte presentis ac suffragantis Capituli, consequens est, quod

electio à paucioribus seu minore Capituli parte peracta, nullius omnino roboris sit, quippe destituta causâ efficiente. Secundò, electio, aliâve dispositio dicitur ipso iure (videl. positivo) irrita, quæ licet spectato naturali iure subsistat, tamen non subsistit in ordine ad forum externum, in quo seu ex Iudicis officio, seu petente parte, actus perinde irritari potest, acsi ab initio nihil omnino virium habuisset. Tali modo quæ ob metum grauem & iniustum peracta sunt, licet spectato iure naturali subsistant, cum consensus absolute non desit, tamen secundum Prætoriam æquitatem rescindi debent, vti docui lib. 3. Theol. moral. tr. 4. de iustit. cap. 6. n. 3.

Alienatio quoque rerum ecclesiasticarum immobilium aut mobilium pretiosarum, quæ assertuari possunt, si fiat à Prælato sine tractatu & consensu Capituli, ipso iure, videl. ecclesiastico, irrita censetur, c. si quis presbyterorum 6. iun. Gl. ver. ab initio nullas, de rebus ecclæs. non alienandis, non ita tamen, quòd nullam etiam naturalem obligationem pariat, si Prælato alienanti administratio rû competeat, sed quòd talis alienatio ita rescindi possit, & plerumque debeat, acsi ab initio nullus omnino roboris fuisset: Ex quo fit, quòd eiusmodi alienatio, si ei aliud non desit, per Capituli consensum postea accedentem, omni iure conualescere, aut ratificari possit, iuxta c. 3. de ijs quæ sunt à maiore parte Capituli: Deinde, licet Capituli consensus non sequatur, si tamen alienatio, spectato iure naturali, iniusta non sit, & nemo ei se opponat, aut rescissionem eius petat, in conscientia tutus est is, cui alienatio, siue emptio facta est, vti præter alios docet Abb. Panorm. in c. 1. n. 19. de restit. in integrum, Nauarr. in tract. de alienat. rerum ecclesiasticarum n. 17. & dixi lib. 1. Theol. moral. tr. 4. cap. 16. in fine.

Simili ratione tradit hoc ipsum Abbas cit. n. 19. Felinus, pluribus allegatis, in c. 2. n. 4. de rescript. de actu electionis, si peracta sit secundum ius gentium, & naturale, licet iuris positui conditio aliqua aut solemnitas desit, electum tutum esse in conscientia,

donec electio rescindatur, quando. vt ponimus, subiectam absolute incapax non est, & adfuit consensus eorum, qui spectato iure naturali, actum exercere possunt. Qua de re plura dixi in c. cum in cunctis 7. §. inferiora q. 2. hoc tit. Et ibid. q. 3. ex eodem fundamento defendi Innocentij doctrinam, quòd electio, quæ ob inhabilitatem ex iuris positui constitutione irrita censetur, v. g. propter electi irregularitatem, et sublata conualecat.

QVÆRES: Cum electioni de Archidiacono facta à Decano & socijs eius, alij deinde plures electores accesserint, adfuit maioris partis Capituli in eandem personam consensus: Cur ergo electio eius rata censi non potuit? Responsio indicatur in textu, accessionem votorum factam esse post promulgatum electionis decretum, quod cum omni iure irritum fuerit, non potuit *ex post facto* (vt in textu huius c. dicitur) conualescere. Num autem electio valere possit, si post publicatum scrutinium, decreto necdum formato, eiusmodi acceptio fiat, dicam in c. quia propter 22. requis. 6. c. publicado 58. hoc tit.

NOTANDUM II. Vocula *maximè* si propriè accipiat, non est restrictiua dicti antecedentis, sed confirmatiua. Ita sumitur ex textu huius c. iun. Gl. ver. *maximè*, & notauit Gl. in c. vlt. §. Porro, vers. Si verò aliter, ver. *maximè*, vt lite non contestata, Restrictiua esset, si quis ita diceret, Contractus cum pupillo institutus valet, *maximè* si tutoris accedat auctoritas: Nam vt veritas huius propositionis defendatur, rò *maximè* accipi debet, vt idem sit quod dummodò. Verùm acceptio hæc rara est, & impropria, & ideo non tenenda, nisi necessitas cogat, quia alioquin iurium contradictio, vel aliud absurdum sequeretur. Confirmatiua autem est, si dicam: Valet testamentum ad pias causas cum duobus testibus, *maximè* si etiam publicus Tabellio adhibitus fuit: Sensus enim est, quòd cum Tabellione indubitatiùs valeat, tametsi etiam sine eo validum esset. Sic etiam in textu usurpatum fuit: Electio celebrata à minore Capituli

In causis.

PARAPHRASIS.

ruli parte omni iure irrita fuit, ideòq; conualefcere non potuit; maxime post appellationem interpositam.

NOTANDVM III. Electio, quæ omni iure statim ab initio penitus irrita fuit, dicitur interdum irritari, siue cassari, id est, irrita & cassa declarari. Ita apertè colligitur ex hoc c. in fine, ver. irritandam, & ex c. bonæ 36. & duobus seqq. hoc tit. Eodèmq; modo Gl. in c. cum inter 16 hoc tit. ver. *cassata*; eam vocem interpretatur, id est, *cassa nunciata*.

QVÆRITVR. Quid sentiendum de posteriori electione facta à Cantore & socijs eius, num etiam ea ipso iure irrita fuerit? Affirmandum est; eiuſque rei duæ causæ afferri solent, quarum vtræque bona est. Prima, quia etiam posterior electio celebrata fuit à minore Capituli parte, posteaquam Decanus cum fautoribus suis, ijsq; qui postea ad eorundem vota acceſſerunt, in domos suas abierunt. Imò, tamen pars maior fuisset, sed non duæ Capituli partes, non potuissent, præsertim pendente appellatione, absque alijs ad electionem procedere, prout Abb. hic annotauit n. 8.

Dicetaliquis: Priores illi, Decanus videl. & socij eius, minùs canonicè eligentes priuati fuerunt; consequenter tota eligendi facultas ad alios, quamuis numero pauciores, deuoluta fuit. Respondeo, non fuisse priuatos, cum non elegerint personam inhabilem, seu indignam. quamuis priuari potuerint, quòd contra formam canonicam elegerissent, vti constat ex c. quia propter 42. hoc tit. iun. Gl. ver. priuentur, & c. quamquam 18. eod. tit. in 6.

Alterà causa: Quia Cantor & socij eius Subdiaconum eligere præsumpserunt, quem potius postulare debuerant; cum nondum emanàrit Innoc. III. Papæ constitutio c. à multis 9. de ætat. & qualic. quod licet Subdiaconum in episcopum eligere. Ita hic ex Hostiensis testatur Ioann. Andr. n. 32. c. istud ex dicto Innocentio publicatum fuisse anno octauo Pontificatus, at verò c. à multis, anno decimo. Quod etiam annotauit Abb. antiquus hic col. 2. & 3.

Vacante ecclesià Tholosanà, Canonici conuenientes duos ex ipsis elegerunt, qui compromitterent in quinque Capitulares, per quos, post præstitum iuramentum Episcopus eligeretur: ita, vt si concorditer vel eorum tres in personam, quæ idonea esset, consentirent, pro Episcopo absque contradictione reciperetur: Cum autem quinque ij compromissarij à reliquis in locum proprium secessissent, & concordēs esse non possent, tres eorum Episcopum Conuennarum postulandam decreuerunt, & Capitulo proposuerunt: Sed alij duo tertia abhinc die adiunctis sibi quibuscumque paucis Capitularibus, Agensem Archidiaconum elegerunt. His ita Innocentio Papæ relatis ex vna parte, ex altera videlicet Archidiaconi parte, milli nuncijs responderunt; Compromissarios, quia concordēs inter se non erant, sed contentiosè clamauerint, adeoque Capitulo suspecti essent, per duos Canonicos eò destinatos, Apostolicæ auctoritate à Capitulo inhibitos fuisse, ne procederent, sed ad Capitulum se conferrent, & cum alijs Fratribus siue Canonicis electionem peragerent: Huic reuocationi duo ex Compromissarijs obtemperantes ad Capitulum reuersos fuisse, alijs tribus non contradicentibus: qui licet & ipsi ad fores Capituli peruenerint, postea tamen recessisse. Cum autem Capitulares toto eo die aduentum ipsorum expectassent, sequente die campanam, sicut moris est, ad congregandum Capitulum pulsari curasse; tribus autem illis cum paucis complicitibus, se absentantibus, à Priore, cum maiore & sanione Capituli parte, suprà dictum Archidiaconum electum fuisse. In hac controwersia iudicauit Pontifex, cum postulatō Episcopi per eos facta fuerit, in quos totum Capitulum eligendi potestatem transferat, non pos-

uisse

tuisse Capitulum, quando res integra nō fuit, sed in tractatu iam processum ab electoribus, compromissum reuocare: Et ideo subsecutam Archidiaconi electionē irritandam censet Pontifex; Mandat verò Abbatibus quibuscumque, vt, si Conueniarum Episcopus vtilem, & necessarium esse ad regimen ecclesiæ Tholosanæ cognoscerent; & tam scientiā, quā exemplo bono instructum, idoneūque ad hæreses, quæ in Tholosana ecclesia per antecessentium Præfulum negligentiam miserabiliter & damnabiliter pullulauerunt, extirpandas, ad dictam Tholosanam ecclesiam, propter vtilitatem & vrgentem necessitatem, transeundi licentiam tribuant.

SUMMARIVM.

1. Capitulares compromittere possunt, non tantum in personas certas, sed etiam incertas, ita vt vnus pluresue deligantur, per quos compromissarii nominari debeant.
2. Forme vsitatum est, vt compromissum fiat in personas impares numero, potest tamen etiam in pares.
3. Ad valorem compromissi requiritur, vt omnes Capitulares consentiant.
4. Concorditer fieri non in iustate dicitur, quod fit ex maiori partis Capituli, vel alterius Collegij consensu.
5. Compromissarii constituti ad eligendū, possunt etiam postulare.
6. Electio Prælati de die, non nocte institui debet, nisi eiusdem necessitas cogat.
7. Compromissum reuocari non potest, si res integra non sit.
8. Neque reuocari, vt adhuc integrā, potest ab vno, vel minore partis Capitularium, alijs pluribus repugnanti bus.
9. Scientia & rerum peritia requiritur non eadem ad quamlibet regendam ecclesiam, sed pro qualitate huius maior, minor, &c. Maior, vbi heretici grassantur.

NOTANDVM I. Capitulares compromittere possunt non tantum in personas certas, sed etiam incertas; ita vt vnus, pluresue deligantur, per quos compromissarii nominari debeant. Ita sumitur ex hoc c. in princ. Quā ratione etiam docent DD, in c. innouit 12. de arbitris, quod partes litigantes non tantum per se ipsos arbitrum, vel arbitros constituere possint, sed etiam eligere aliquem, per quem arbitri ipsis designentur.

NOTANDVM II Forme vsitatum est, vt compromissum fiat in personas impares numero; quod id expeditius sit ad suffragiorum maiorem, sicuti hic apparet, & in c. cum dilectus 32. c. cum in iure 33. hoc tit. Compromitti tamen etiam potest in numerum parem, sicuti apparet in c. cum in veteri 52. eod. tit. vbi in sex personas compromissum est. Habentur hæc l. Item si, 19. §. Principaliter, ff. de arbitris.

NOTANDVM III. Ad vim & valorem compromissi requiritur, vt omnes Capitulares consentiant, vti ex hoc c. colligitur, ver. singulis; & docui supra in cap. cum Vintonienſis not. 2. quod quilibet contradicere possit, ne fiat compromissum; Sed quid si vnus, vel pauci expressè non consentiant, nec contradicant, cum possent contradicere, num taciturnitas pro consensu reputabitur? Negat Abb. hic num. 3. quod res sit magni præiudicii: Sed non satis intelligo magnitudinem præiudicii, si pars maior, potior, & sanior, nemine contradicente, iudicet vtile fore, si in aliquos compromittatur; Et ideo contrarium censeo probabile. Videri possunt quæ docui lib. 1. Theol. moral. tr. 2. cap. 3. n. 3.

NOTANDVM IV. Proprie & strictè loquendo, concorditer fieri dicitur, in quo omnes consentiunt, prout hic apparet, in princ. c. & annotauit Gl. in c. cupientes 16. ver. concordem hoc tit. in 6. Latius tamen & non in iustate concorditer fieri etiam dicitur, quod fit ex maiori partis Capituli, alteriusue Collegij consensu, si pars minor iustam contradicendi causam non habeat, vti constat ex cap. 1. iura Gloss. in notandis,

dis, de ijs quæ sunt à maiore parte Capituli, & admonet Gl. in c. vbi periculum 3. hoc tit. in 6. Et hæc acceptio plerumque præferenda, nisi ex adiunctis aliud colligi debeat, vt si requiratur *plena concordia*, secundum Gl. margin. in cit. c. vbi periculum.

6 NOTANDUM V. Si constituentur compromissarii ad eligendum, possunt ij etiam postulare. Ita hic habetur, & tradit Gl. recepta ver. postulat, & habetur in c. quod trāslationem 11. iun. Gl. ver. liberam, de renunc. Nam electio & postulatio, tanquam ad vnum finem tendentia, in iure æquiparantur.

6 NOTANDUM VI. Electio Prælati non de nocte, sed de die institui debet. Ita colligitur ex hoc c. quando dicitur, Capitulares cum tota die expectassent, electionem in diem sequentem distulisse. Idque ex communi docet Gl. in c. vn. ver. occulta, vt ecclesiastica beneficia sine diminut. conferantur, ibid. Abb. n. 8. Nauar. in consil. 8. hoc tit. Rodriq. tom. 2. regul. qq. q. 52. a. 15. imò Gl. cit. quam multi sequuntur, existimant electionem instituendam secundum formam c. quia propter, irritam fore, si de nocte celebrata sit: Verum cum hæc pœna nullibi expressa legatur, arbitror rescindi posse, tanquam non canonicè factam. Sed excipi debet cum Rodriq. cit. loco, nisi euident. necessitas cogat, electionem de nocte celebrari: nam necessitas legi non subiacet, c. 2. de obseru. ieiunij: Tum verò luminaria adhiberi debent, vt fraudis suspicio absit: Idemque pari ratione sentiendum de actibus iudicialibus, & aliis publicis: suspecta enim sunt, si fiant de nocte, seu in tenebris, vt docent DD. cum supra cit. Gl. in ver. occulta. Adde his, cum Ioanne Andr. in c. quod sicut n. 8. hoc tit. si electio de die cœpta in vesp̄am protrahatur, & cum solis luce absolui non possit, proximè sequente die peragendam esse, dummodo græue periculum in mora non sit.

7 NOTANDUM VII. Compromissum reuocari non potest, si res integra non sit: sed cūs, si res adhuc integra est. Hæc est præcipuè intentio huius c. responsio. Prior autem eius pars ostenditur in textu, quia per

compromissum, totum Capitulum, nemine contradicente, vt iuprà explicatum, eligendi facultatem pro ea vice in alios transulit: ergo permittendum non est, saltem cū res integra non est, sed potestas commissæ quasi radicata in compromissarijs. Videri hic potest Innocent. n. 4. & n. 6. vbi etiam explicat, quando res non integra dicatur, si videl. Compromissarii ad substantialia seu per se ad electionem pertinentia processerint, tractantes inter se, siue nominantes aliquem tanquam idoneum ad prælaturam: Si autem solemnitas præparatoria duntaxat, v. g. Missa de Spiritu sancto antecesserit; vel, et si Capitulum, aliudue conclauæ electionis causa ingressi fuerint compromissarii, sed nondum tractare cœperint, res adhuc integra censetur.

Posterior autem pars traditi notandi colligitur ex hoc c. per sensum contrarium, & ratio assignari potest, quia antequam compromissarii commissæ, ac veluti delegata sibi potestate vt incipiant, non censetur ea in illos efficaciter transulisse, aut in ipsis esse fundata, argum. c. quamuis 6. de offic. delegati in 6. vbi hoc idem dicitur de subdelegato, cui potestas iudicandi in totum commissæ fuit.

Verum distinguere hic oportet cum Gl. ver. cū res non esset, Innocent. cit. n. 4. Ioan. Andr. n. 38. Anton. n. 34. Abb. n. 11. Velenim compromissum ita sit, vt habeat rationem commissionis, delegationis, & cuiusdam mādātī, eligendi nomine totius Capituli, in publicam ecclesiæ vtilitatem; tum vera est tradita doctrina: cū id sit proprium commissioni, seu mandato, vt re integra reuocari possit, §. re cētē, Instit. de mandato. Vel compromissum sit in gratiam ipsorum compromissariorū, in quos Capitulares pro ea vice ius eligendi liberaliter transferre voluerunt, tū reuocari non potest, etiam si res integra sit: quia habet rationem alicuius donationis, quæ postquam acceptata fuit, perfecta & irreuocabilis censetur, l. siue 17. C. de donat. Monent verò Ioan. Andr. & Anton. cit. locis, quodd in dubio existimandum magis sit, compromissum priore modo, non posteriore fa-

R 7 tum

ctum fuisse videl. ob ecclesie utilitatem, non præcipue ob compromissariorum commodum, vel honorem.

Adde, ex Innoc. hic cit. n. 6. si electio effectum consecuta non est, quia electus acceptare noluit, aut si Compromissarii tractatum de aliqua persona instituerent, sed re infecta discesserunt: cum enim in his casibus ad novam electionem accedendum sit, res integra adhuc censi debet: Quin imò, cum electionem, postulationem promulgando, compromissarii functi sint officio suo, ideo ad alium electionis tractatum procedere non possunt, sine nova commissione. In quo differunt electores compromissarii, quippe qui non proprio iure eligant, ab electoribus ordinariis: hi enim cum facultatem eligendi stabilem, & veluti habituatam habeant, etsi electionem peregerint, quæ caduca sit, aut fiat, dummodo priuationem non contraxerint, ad aliam electionem procedere possunt, ac debent, uti constat ex c. officij 28. hoc tit. Simile discrimen est inter Iudicem ordinarium, & delegatum, quod ille si male pronunciauit, siue sententiam dixit, quæ ipso iure irrita est, v. g. die feriato, eam corrigere possit, aliter pronuntiando, non item delegatus. Is enim cum iurisdictionem quasi momentaneam habeat, postquam semel pronunciauit, siue bene, siue malè, functus est officio suo; & ulterius non potest pronunciare, l. si ut proponis 4. vbi DD. communiter. C. Quomodo & quando &c. latè Felinus in c. ex litteris n. 1. de offic. Iudicis delegati.

8 QVÆSTIO est: Num etiam vnus, vel minor pars Capitularium, aliis pluribus repugnantibus, siue non consentientibus compromissum reuocare possint, si res integra sit? Ita affirmat Innoc. hic n. 5. Ioan. Andr. n. 37. Quia sicuti vno solo repugnante compromissum fieri non potest, sicuti supra dixi not. 3. ex hoc ver. *singulis*, & ver. *unanimiter de consensu totius Capituli*: ita nec executioni mandari vno contradicente, si res integra sit, seu negotium necdum ceptum. Sed contrarium placet, quod docuit hic Abb. n. 16. quod compromissum, posteaquam legitime decretum est, mutari aut reuocari

non possit, nisi ex maioris partis Capituli consensu: Quia *mutare consilium quoniam non potest in aliterum detrimentum* reg. 33. in 6. Cederet autem in detrimentum Capituli, si quod ab eis vnanimi consensu constitutum fuit, aliquis postea contra aliorum voluntatem retractare vellet, præterquam si ostendat compromissum ecclesie noxium esse, ut id merito propter publicam auctoritatem retractari debeat. Alioquin verb etiam publice interest, ut quod à maiore parte Capituli decretum fuit, ratum maneat, c. 1. de his quæ fiunt à maiore parte Capituli.

NOTANDUM VIII. Non eadem scientia, rerumque peritia &c. ad quamlibet regendam ecclesiam requiritur, sed maior, vbi hæretici grassantur, seu ob alias causas & circumstantias, oportet Prælatum esse eximie doctum, industrium, aut vitæ probitate conspicuum. Ita sumitur ex hoc c. in fine, & c. scriptum 40. prope finem, ver. tanto præfultato, & c. ecclesia 57. hoc tit. vbi id annotauit Abb. n. 4. vbi ait, quod *scientia requiritur in Prælato secundum qualitatem ecclesie*.

CAPITVLVM XXXI

Cum Ecclesia.

PARAPHRASIS.

Cum ecclesia Vulterana, decrecente Canonico numero, debito destitueretur seruitio, Episcopus quosdam de nouo elegit, atque instituit: sed eos Canonici recipere noluerunt, quod talis electio in ipsorum præiudicium tenderet. Eapropter Episcopus querelam detulit ad Innocent. III. qui causam istam Episcopo Florentino commisit: coram quo comparens idem Episcopus Vulteranus, duos articulos proposuit: Vnus erat, ut ab iniuria sibi à Canonici illata defenderetur: Alter, ut ius electionis sibi liberum adiudicaretur. De his articulis postea consultus Papa Innocentius, respondit: Quoad primum articulum, Canonicos absoluedos esse ab impetitione Episcopi: quia nemo

nemo iniuriam facere censetur, qui iure suo vitur: atqui Canonici per testes melius ostenderunt, ipsos ante Episcopum in possessione iuris eligendi fuisse: ergo sine iniuria Canonicos ab Episcopo creatos recipere recusarunt. Circa alterum quoque articulum Canonicos à petitione Episcopi esse aboluendos, præfertim, si notorium sit, in Tuscia generalem esse eam consuetudinem, ut in Cathedralibus ecclesiis Canonicorum electio ad solum Capitulum, irrequisito Episcopo, spectet.

SYMMARIUM.

1. Si numerus Canonorum, aliorumue Conuentualium notabiliter minuat, ecclesia debito obsequio, seu seruitio destitui censetur. & ideo alij de nouo iuxta antiquam consuetudinem, considerari etiam ecclesie facultatibus creati debent.
 2. In eodem libello cumulari potest iudicium possessionis, ac petitorium.
 3. Qui electum vel prouisum ab eo, qui in possessione eligendi vel prouidendi est, admittere noluit, turbatur eius possessionem.
 4. In iudicio possessionis, vel quasi possessionis retinenda ut possidere debet, qui antiquiorem possessionem probat, si pro noua possessione titulus iustificari non possit.
 5. De iure etiam communi creatio Canonorum, vti & aliorum beneficiariorum institutio ad Episcopum spectare videtur, adhibito tamen consilio & consensu Capituli.
- Nisi præbenda canonicales ex communibus ecclesie bonis instituta sint; tunc enim creatio Canonorum ad Episcopum & Capitulum pertinet.

NOTANDVM I. Si numerus Canonorum, aliorumue Conuentualium notabiliter minuat, ecclesia debito obsequio, seu seruitio destitui censetur; & ideo alij de nouo, iuxta antiquam consuetudinem, con-

sideratis etiam ecclesie facultatibus, creati debent, vti ex hoc c. colligitur, & c. cum M. 8. vbi id docui, de constit. c. ex parte 10. iun. Gl. fin. de concess. præb. Tamen si verò, ut in eod. c. ex parte, habetur, præbendæ vacare non censeantur, si ecclesia non numerata, siue Canonorum aut Conuentualium numerus determinatus non sit, & ideo prouidendi potestas, propter negligentiam non prouidendi tempore semestri, ad Superiorem ipso iure non deuoluatur; potest tamen Superior tempus definire; intra quod Canonici, alijue ministri, aut Conuentuales institui debeant, atque negligentibus ijs, ad quos pertinet, ipsi semet prouidere, argum. c. irre-fragabili l. 3. §. excessus, de offic. Ordinarij, & ex Hostiensis annotauit Abb. hic n. 7. Anton. n. 18.

NOTANDVM II. Nomen electionis interduum accipitur improprie, ut idem sit quod creatio Canonici, seu collatio canonicatus. Nisi malis dicere cum Anton. hic n. 5. Quod Capitulum habuerit ius eligendi Canonicos, postea ab Episcopo confirmandos: Episcopus autem negabat Canonici hoc ius, asserens electionem istam, & consequenter institutionem ad se pertinere.

NOTANDVM III. In eodem libello cumulari potest iudicium possessionis, ac petitorium. Ita sumitur ex hoc c. & notant Anton. Abb. Baldus circa Gl. fin. hic, & habetur in c. 2. & 3. iunctis Glossis in notandis, de causa posses. & propriet. Questus in primis Episcopus fuit, se in possessione creandi Canonicos à Capitulo molestari, dum à se electos admittere recubabat; petens se ab hac iniuria defendi. Proposuit itaque interdictum possessionis, seu quasi possessionis retinendæ. Deinde verò egit iudicio petitorio, seu confessoria actione, ut ipsi aduersus Capitulum ius creandi Canonicos adiudicaretur, prout cit. locis Anton. Abb. & alij annotarunt.

NOTANDVM IV. Qui electum, aut prouisum ab eo, qui in possessione eligendi, aut prouidendi est, admittere noluit, negantes ius competere electori & c. turbatur possessionem eius. Ita sumitur ex textu huius c. & notauit hic Anton. in fine. Turbari enim

cenſetur poſſeſſor, ſi in fructuum perceptione impediatur: At verò electio, vel collatio beneficii veluti fructus eſt poteſtatis, aut officij alicuius: Ergo ſi in eo uſu, exercitio, & quaſi uſu poteſtatis quiſpiam impediatur, quaſi poſſeſſio eius turbari dicitur. Addit Anton. eodem in loco; Etiam tunc turbationem fieri, ſi electus minis terreatur, ne electioni conſentiat: cùm & in hoc caſu impediatur, ne electio effectum ſuum conſequatur. Cæterùm (vt in eod. c. rem iſtam examinando reſpondit Innoc. Papa) hæc intelligi debent de bonæ fidei poſſeſſore, ſive cuius poſſeſſio colorari, vel iuſtificari poſſit: Sin autem poſſeſſio vitioſa, & malè uſurpata videatur, tum non attenditur huiuſmodi turbatio, nec pro poſſeſſore nouo, agente interdicto poſſeſſionis retinendæ, pronunciari debet, ſicuti mox dicam in ſeq. not.

4 NOTANDUM V. In iudicio poſſeſſionis, aut quaſi poſſeſſionis retinendæ, is obtinere debet, qui antiquiorem poſſeſſionem probat, ſi pro noua poſſeſſione titulus iuſtificari non poſſit, ſed maiores & liquidiores probationes pro parte aduerſaria (etiã ſi ea in poſſeſſione tunc non ſit) exiſtant. Ita ſumitur ex textu c. & ſimilis habetur decifio in c. licet cauſam 9. de probat. vbi DD. communiter Ratio dari debet, quia in hoc caſu poſſeſſio noua præſumitur vitioſa, iuxta l. vlt. c. de acquir. poſſeſs. & l. ſiue 16. C. de probat. Et ideo per interdictum. *Vti poſſidetis, ita poſſideatis*, ſtabiliti & confirmari non debet cit. c. licet cauſam.

Pro praxi, colligitur de iſſo caſus; Capitulum eccleſiæ Collegiatæ per annos plurimos fuit in quietâ & coloratâ poſſeſſione creandi Canonici: poſtea autem Epifcopus uſurpauit collationem canonicatus: Canonici tum contrâ proteſtati ſunt: aut ob errorem, vel metum contradicere intermiſerunt; ſaltem voluntariè non conſenſerunt: Hoc in caſu, qualis qualis poſſeſſio noua Epifcopi proficere non debet, vt ſequente etiam vice, ſi nouus Canonicus ab Epifcopo inſtituatur, Capitulum cum recipere, atque aded poſſeſſionem Epifcopi ſtabilire tenetur. Quod vel maximè locum habet in cauſa iſta

beneficiaria, propter vitandam inſtitutionis periculum, quod inſtituendi contraherent, quando Epifcopi poſſeſſio colorata non eſt, ſive Epifcopus bonæ fidei poſſeſſor non exiſtit; ideoque ab ipſo facta inſtitutio, ſeu collatio valida non eſt, prout docet Gloſſa & DD. in c. conſultationibus 19. de iure patron. Anton. hic num. 24. dicens, quòd *poſſeſſio recens, vbi conſtat de antiquiore poſſeſſione, non dat validum actum electionis*. Videri poſſunt quæ dixi in c. querelam 24. not. 1. hoc tit.

QVARTUM hic cum Gl. ver. poſtulauit, ad quem ſpectato communi iure, creatio Canonici in eccleſia Cathedrali pertinere debebat, ad Epifcopumne, an Capitulum, vel utrumq. ſimul. Dico ſpectato communi iure, quia iure ſpeciali conſuetudinis aut ſtatuti conſtat electionem ſive creationem Canoniorum, pertinere poſſe ad ſolum Capitulum, irrequiſito Epifcopo, vt in hoc c. apparet. Vel vice verſa, ad ſolum Epifcopum; vel ad Epifcopum & Capitulum ſimul, iuxta c. va. Ne Sede vacante, in 6. Reſpondeo, ſpectato communi iure, creatio Canoniorum, ſicuti & aliorum beneficiariorum inſtitutio ad Epifcopum ſpectare videtur, iuxta c. cùm ex iniuncto 12. in fine, de hæret. & c. 1. de capellis Monachorum. Nam cura eccleſiarum & eccleſiaſticorum beneficiorum Epifcopo demandata eſt, e. 2. de præb. in 6. c. regenda 4. cauſa 10. q. 1. c. omnes baſilicę 10. c. nullus 11. cauſa 16. q. 7. adhibito tamen conſilio Capituli, imò pleriq. & nõ improbabiliter exiſtunt, in hoc caſu opus eſſe conſenſu Capituli; cùm ipſius etiam propriè interſis, quales Canonici & Fratres aſſocientur.

Excipi debet: Si præbendæ canonicales ex communibus eccleſiæ bonis inſtitutę ſint, tum æquum eſt, & iuri etiam communi conſentaneum, vt creatio Canoniorum ſimul ad Epifcopum, & Capitulum pertineat, prout hic Anton. annotauit n. 21. Imola n. 5. Abb. n. 8. qui addit, in dubio præſumendū eſſe, præbendas, ſi patronum non habent, ex communibus bonis inſtitutas eſſe: Sin autem præbendæ patronatę ſint, tum ad præſentationē patroni, inſtituere ad Epifcopum pertinet.

No

NOTANDVM VL Tametsi generalis provincie consuetudo aduersus ius commune præscripta extendi non debeat ad ecclesiam aut locum, in quo ea non viget; quia præscriptio, cum sit iure derogatoria, extendi non debet; si tamen de iure speciali probationes seu documenta alia adsint, confirmationem accipiunt ex aliarum ecclesiarum provincie consuetudine. Ita sumitur ex hoc c. in fine: Cum enim Capitulum alias probationes de iure suo Canonicos, irrequisito Episcopo, creandi attulisset, in confirmationem, maioremque præsumptionem æstimat Pontifex, quod eadem in Tuscia generalis consuetudo seruetur. Videri possunt quæ dicuntur in c. super eo 22. de censibus.

CAPITVLVM XXXII.

Cum dilectus.

PARAPHRASIS.

Vacante ecclesia Morinensi, ex vna parte propositum fuit Innoc. III. Papæ, quod Capitulares ex vniuersi consensu in tres eiusdem ecclesie Canonicos compromiserunt, tali forma, vt exquisitis voluntatibus singulorum Capitularium, aliquem ex gremio ecclesie sue eligerent: Quam formam Compromissarii secuti, Archidiaconum elegerunt: De cuius persona non minus, quam de forma electionis, Metropolitanus, inquisitione facta, speciatim, num ætatem sufficientem haberet (de eo enim dubitatum fuerat) electionem solemniter confirmavit. Verum ex aduerso opposuit se B. Canonicus, quod Compromissarii formam compromissi non seruauint, Fuisse enim constitutum, vt Capitulum eum recipere deberet, quæ ab omnibus, aut à maiore & saniore parte nominatum, Compromissarii elegerunt: Sed dictos Compromissarios Archidiaconum, quem pauci duntaxat ex Capitulo nominarant, eligere præsumpsisse. His coram Pontifice propositis, mandat is Iudicibus delegatis, vt à contradicторibus illis exacto iuramento, quod dici

soleat, de malitia, id est, non malitiosè litem Episcopo moueri, tribus verò Compromissarijs iniuncto iuramento *de veritate dicenda*, quoniam ex Canonicis dictum Archidiaconum, Episcopum ab ipsis electum, nominarint; si omnes tres, aut saltem duo eorum iurati dixerint, maiorem Canonorum partem in Archidiaconum consensisse, contradicторibus illis silentium imponant; eò quod ipsorum testimonia, quippe singularia, ad probationem non sufficiant. Sin autem ex eorundem Compromissariorum depositionibus constiterit, Archidiaconum à paucioribus nominatum fuisse, tunc, si Canonici intentum suum sufficienter ostenderint, videl. formam compromissi fuisse eam, vt is eligatur, in quem maior & sanior pars conuenerit, electio Archidiaconi cassetur (id est, nulla pronuncietur, interprete Glossa) Alioquin verò, si id ostensum non fuerit, dicta electio rata habeatur, & contradictores per ecclesiasticam censuram compellantur. B. autem præbenda Morinensis ecclesie priuaret: quandoquidem ad hanc penam se obligauit, si in probatione deficeret. Nihil autem ob stare debet, quod de ætatis defectu obiectum fuit: cum idem B. contradicтор huic obiectioni, non multum institerit; & super hoc à Metropolitano iudicatum fuerit. cuius proinde sententia in rem iudicatam transijt, cum intra decem dies ab eà appellatum non fuerit.

SUMMARIUM.

1. Potestas eligendi per compromissum interdum committitur absolute, interdum limitate, & cum restrictione, v.g. ut unus ex Capitularibus eligatur.
2. Etiam in causa beneficiaria sententia transit in rem iudicatam, si ab eà intra decem dies appellatum non fuerit.
3. Si actor vel accusator se obligauit ad certam penam, nisi probauerit, ad eam evitandam requiritur sufficiens probatio, imperfecta & semiplena non ex-

R. g. casus.

cusas, sicut excuset à pœna legali.

4. *Testes cateroquin idonei aut suspecti admittuntur interdum propter necessitatem, quia alij haberi non possunt.*

NOTANDVM I. Potestas eligendi per compromissum interdum committitur absolute: Tum verò omnis eligendi potestas à Capitularibus in Compromissariis translata censetur; ita ut quæcumque personam idoneam, etiamsi ex gremio ecclesiæ non sit, eligere suo arbitratu possint, ut hic docet Gl. ver. gremio, Anton. n. 12. & alij ex c. in causis 30. hoc tit. Interdum verò committitur limitatè, siue cum restrictione v. g. ut vnus ex Capitularibus eligatur, ut hic, & in c. seq. Aut ut aliquis eligatur, qui non sit ex Compromissariis; vel ut is eligatur, in quem secreto exquisitis voluntatibus singulorum, maior & sanior eorum pars consenserit, ut hic, & in c. si cui, 23. eod. tit. in 6. Cæterùm in hoc posteriore casu ad eò restricta est Compromissariorum potestas, ut censi debeant electores ministeriales, quippe pendentes à voluntate & determinatione Capitularium, prout hic Abb. notauit n. 3. & videri possunt, quæ dixi in c. cum terra 14. not. 2. hoc tit.

NOTANDVM II. Etiam in causa beneficiaria, si à sententia intra decem dies appellatum non sit, transita in rem iudicatam, ut postea opponere se volens, audiendus nō sit, c. quoad consultationē 15. de re iudic. Id verò intelligi debet, ut excludatur contradictor, in proprium præiudicium; Non item in præiudicium ecclesiæ; aut in præiudicium animæ, si peccati periculum imminet, argum. c. lator 7. de lent. & re iudicata. Itaque nihilominus poterit quispiam iudici denunciare, aut querelam proponere, ad impediendum peccatum, & ecclesiæ damnum, propter intrusionem malè promoti, iuxta c. constitutus 46. de appellat. & tradit Innoc. in c. ad aures n. 8. de rescript. Anton. hic n. 20. Sed & iudex ex officio in tali casu, videlicet post appellationem desertam, procedere potest contra non canonicè electum, aut institutum, ut in beneficio, aut prælatura non

permaneant, c. constitutus 45. de appellat. & ex communi notauit Abb. hic n. 5. Videri possunt quæ docui lib. 3. Theol. moral. u. 6. cap. 6. n. 4.

NOTANDVM III. Si actor, seu accusator obligauit se ad certam pœnam, nisi probauerit, ad eam euitandam requiritur probatio sufficiens; imperfecta autem, siue semiplena probatio, aut quælibet coniectura, qualem hic B. habuit per testes singulares, non excusat, prout colligitur ex hoc c. prope finem, & annotauit Abb. n. 8. Sed ad pœnam legalem euitandam sufficit, si accusator imperfectè, aut per bonas coniecturas rem ostenderit, iuxta c. 1. §. ult. hoc tit. in 6.

NOTANDVM IV. Testes, qui alioquin tanquam minùs idonei, aut suspecti, repelli deberent, admittuntur interdum propter necessitatem, quia alij haberi non possunt, argum. l. consensu 8. C. de re iudic. & notauit Gl. hic ver. etsi tres, Th. Sanchez allegato hoc c. lib. 1. de matrim. disp. 71. n. 12. Nam cum in casu huius Compromissarii arguerentur, quòd contra formam compromissi, non habito maioris partis Capituli consensu, elegerint, iidem quasi in propria causa admittuntur, ut iurati dicant, quosnam ex Capitularibus Archidiaconum nominarint; quandoquidem alij non aderant, cum exquisitio voluntatum in secreto facta fuerit.

CAPITVLVM XXXIII.

Cum in iure.

PARAPHRASIS.

Cuiusdam ecclesiæ Capitulum compromissit in septem ex suis Canonicis hac formâ, ut quem omnes, vel maior pars Compromissarium, siue vnus ex seipsis, siue alium ex gremio ecclesiæ elegerint in Decanum, Capitulum recipere teneatur. Accidit autem, ut tres Compromissarii nominarent Titium, qui & ipse ex septem vnus erat: alij verò tres nominarent alium Canonicum, non ex numero Compromissariorum; hoc in casu quæsitum fuit,

fuit, vter horum assumi debeat in Decanum. Respondet Innoc. III. Papa, Titium, si electioni de se factæ consentiat, & canonicum non obstat impedimentum, Decanum esse oportere.

SUMMARIUM.

1. *Fieri potest in compromisso, ut unus Compromissariorum alijs ante ipsum eligentibus, à quibus nominatus est, consentiendo numerum augeat, & ita electionem de se corroboret.*
2. *Idem fieri potest etiam in alijs electionibus, in quibus forma scrutini non observatur.*
3. *Etsi in compromisso non exprimatur, ut Compromissarijs liceas unum ex seipsis eligere, id ipsum tamen illis licebit.*

NOTANDUM Vn. Fieri potest in compromisso, ut unus Compromissariorum alijs, à quibus nominatus est, consentiendo numerum augeat, & ita electionem de se corroboret. Ita sumitur ex hoc c. & l. plane 4. ubi id tradit Gl. ver. potest, ff. Quod cuiusque vniuersitatis &c. docet Innoc. hic n. 1. Ioann. Andr. n. 8. Anton. n. 34. Abb. n. 5. Imola n. 2. Ioann. Calderinus n. 12. contra Gl. hic ver. consentiat. Tamen si enim is, qui seipsum eligit, ambitiosus censetur, ideoque indignus, c. scripturis 9. causa 8. q. 1. tamē qui electioni de se ab alijs factæ consentit, ambitiosus iudicari non debet; quare si is quoque ius eligendi habeat, consentiendo eligere seipsum, siue potius colligere non prohibetur: Etenim in hoc casu electio ortū non habet ab ipso, qui eligitur (nemo enim oritur à seipso) sed ab alijs: quare electus principaliter se non eligit, sed tantum accessorie, & ut dixi, coeligit, prout hic Imola n. 6. & alij supra cit. notauerunt.

Quædam tamen hoc in loco aduertenda sunt: Primum. Huic electioni, seu coelectioni duntaxat locum esse, si alij ante ipsum coelectorem elegerunt. Sin autem aliquis nondum ajs. tis aliorum electorum suffra-

gijs seipsum nominaret, tanquam ambitiosus adeoque indignus, repellendus foret. Ceterum Gl. hic ver. consentiat, Abb. n. 4. circa finem non malè admonent, si Titius alium elegerat, & subsequentes in ipsum consentiant, quod reuocare possit suffragium suum, atque electioni de se factæ consentire. Semper tamen necessarium est ad hanc coelectionem, ut accedente suffragio coelectoris, maior eligentium numerus pro ipso sit. Ponamus exempli causâ, esse sex electores, atque duos eorum eligere Titium, qui & ipse ex electoribus est, tres alios verò vota sua in Caium dirigere, tum Titius seipsum eligere non potest. Sin autem septem electores sint, tum tribus eligentibus Titium, is consentire, & electionem stabilire, seu ratam facere potest. Similiter, si tres tantum electores sint, & vnus nominet Titium electorem, is consentiendo præualebit Caio, quem tertius elector nominauit. Multò verò magis, si duo tantum sint electores, & vnus alterum nominet, is consentiendo electionem ratam efficiet. Quòd si denique in vnicuique compromissum fuerit, quamvis plenissimo modo, ut quemcumque idoneum, aut qui maximè idoneus videatur, Compromissarius eligat, ipsemet tamen exceptus videri debet, sicuti Gl. recepta hic ver. ex se annotauit; cum absurdum sit, ut aliquis seipsum directè eligat: cum inter dantem & accipientem debeat esse distinctio personarum, c. vlt. de Institut. c. per nostras 26. de iure patron. Videri potest Azor tom. 2. Institut. lib. 4. cap. 5. quærit. 8.

Alterum. Tradita hic doctrina non tantum in compromisso locum habere potest, sed etiam in alijs electionibus, in quibus forma scrutini tradita in c. quia propter 42. hoc tit. non obseruatur, prout iterum dicam in seq. c. & ex communi docet Mol. tr. 2. de instit. disp. 592. n. 13. At verò secundum formam scrutini, cum suffragia secretò dari, & nomina suffragantium publicari nunquam debeant, non videtur electus à medietate Capituli suam electionem per consensum corroborare posse, prout hic notat Gl. in ver. consentiat, Abb. n. 5. Imola

n. 5. Gl. item in c. Cumana 50. ver. ad maiorem partem hoc tit.

QUANTO est. Si in compromisso nō exprimitur (prout hic expressum fuit) vt Compromissarij vnum ex se ipsis eligere liceat, vtrum nihilominus id ipsum concessum sit? Negat hic Gl. ver. ex se, Syl. ver. electio 2. n. 21. Sed Innoc. hic n. 1. Abb. n. 4. Imola n. 3. rectē contrarium docent. Quia nemini officium suum damnosum esse debet. Eset autem damnosum Compromissarijs, & sæpe etiam ipsi ecclesiæ, si iure electionis passiuæ per compromissum priuarentur. Neque ratio Gl. quidquam vrget, quia à se ipso videtur electus: Non enim Compromissarius à se, sed à socio, aut socijs eligitur, licet ipse consentiat, vt supra explicatum.

Exinde colligunt DD. apud Abb. cit. n. 4. Rodriq. tom. 2. regul. qq. q. 70. a. 4. Si testator iusserit pecuniam pauperi dari, & duos executores posuerit, quod eorum vnus nominare possit alterum, si is verè pauper sit, & legatum accipere velit. Nam hoc in casu executor iste pauper non censetur in propria causa auctoritatem præstare (quod iure prohibitum est) sed alteri præstanti consentire. Quā ratione Vlpianus in l. pupillus 4. ff. de auctor. tutorum, respondit, Pupillum obligari non posse tutori, ipso auctore; sed si plures sint tutores, vno auctoritatem præstante, pupillum alteri posse obligari.

Sed ponamus, vnicum executorem nominatum esse à testatore, qui pecuniam v. g. pauperibus dare debeat, potestne se ipsum eligere, si verè pauper sit? Affirmat Sanchez lib. 6. moral. cap. 1. n. 53. Sed alij plerique negant, Baldus hic n. 6. Abb. Rodriq. cit. locis, Syl. ver. testamentum 2. q. 2. dicto 5. Respondendum videtur, id pendere ex voluntate testatoris, rationabiliter præsumpta. Si enim iusserit vnum aliquem pauperem ab executorē eligi, cui pecuniæ certa summa, aut annua pensio, alimentorum loco tribuatur, non potest executor seipsum eligere; cum talis electio manifestè repugnet intentioni testatoris. Sin autem executori iusse-

rit, vt certam pecuniæ summam inter pauperes, pro cuiusque conditione ac necessitate, distribuatur, tum, si ipsi executori specialiter nihil relictum sit, partem aliquam legati, tanquam pauper, eodem iure quo alij, accipere non prohibetur: ne officium illi suum damnosum sit. Quā eadem omnino ratione de eleēmosynario respondit S. Thomas in 2. 2. q. 33. a. 9. ad 3.

CAPITVLVM XXXIV.

Venerabilem.

PARAPHRASIS.

Cum discordia esset in Germania circa Imperatoris electionem, quia alij Ottonem Saxonie Ducem, alij Philippum Sueuie Ducem, alij denique, quamuis pauci, Fridericum Sicilie Regem, dicti Philippi fratrem Henrico nepotem elegerant; Innocentius III. Papa Prænestinum Episcopum in Germaniam misit, qui improbatā Philippi electione, imperium Ottoni stabiliret: Tunc Principes, qui Philippo adhæserant, in hunc modum questi sunt: Vel Legatus Sedis Apostolicæ electoris personam gessit, vel cognitoris seu iudicis: Si electoris, tum falcem mittens in messem alienam, ius electionis sibi usurpauit, quod Imperij Principibus competit. Si cognitoris, tum non rectè processit, quando parte alterā non citatā, sententiam tulit. Ad hæc respondet Innocentius, agnoscere se, ius eligendi Regem Rom. in Imperatorem postea promouendum, ad Germanie Principes de iure, & antiqua consuetudine pertinere; & quidem ex Sedis Apostolicæ benignitate, quæ Imperium Romanum in personam Caroli à Græcis transiit in Germanos; Vicissim verò ipsam Principes Germanie agnoscere, quod ad Roman. Pontificem pertineat ius & auctoritas examinandi personam electam, ad Imperium promouendam, cum etiam eam inungat, consecret & coronet: Notum enim est ad eundem pertinere examinationem personæ, ad

ae, ad quem & manus impositio. Quid enim? si Principes sacrilegum aliquem, excommunicatum, satuum, hæreticum, aut pagani eligere, num Pontifex eum consecrare, aut coronare deberet? Quare ad obiectionem Principum ait: Legatum nec electoris, nec cognitoris personam; sed denunciatoris officium gessisse, quia Philippum Sueviæ Ducem denunciavit ac declaravit indignum; Ottomem autē Regem idoneum ad Imperium obtinendum. Quamvis præter hanc indignitatis causam, etiam aliæ non desint rationes, cur contra Philippum pro Ottone declaratum sit: siquidem plures ex ijs, quibus de iure ac consuetudine ius eligendi competit, in Ottomem consenserant: At verò Philippi Ducis fautores, alijs absentibus & contemptis eligere præsumpsit: electioni autem vel vnius contemptus plus obstat, quàm contradictio multorum: & ideo Pontifex iustitia exigente, non Philippum Ducem, sed Ottomem reputat ac nominat Romanorum regem. Accedit quoque, quòd Rom. Pontifex in electorum discordia, si post admonitionem, tempore competente expectaverit, alteri parti favere possit, eiusque electionem approbare, præsertim cum etiam vñctio, consecratio, & coronatio à Rom. Pontifice peti soleant: idque tum iure patet, tum exemplo. Si enim Principes admoniti & expectati vel nolint, vel non possint inter se consentire, num ideo Sedes Apostolica aduocato & defensore carebit? Notum etiam est, cum Lotharius & Conradus in discordia electi fuissent, Lotharium à Rom. Pontifice coronatum fuisse, Imperiumque obtinuisse. Porro impedimenta, ob quæ Philippus Imperio indignus declaratus fuerit, plura & notoria sunt. Primum, quòd in excommunicatione electus fuerit, quam Cælestinus III. ob inuasionem patrimonij S. Petri ipsi iniunxit, eamque censuram ipsemet postea agnovit, quando per destinatum nuncium absolutionem petijt. Alterum, quia periturij criminis obstrictus erat: Iurauerat e-

nim Henrico fratri de filio eius Friderico ad Imperium promouendo: sed eo non obstante, Imperium ipsemet usurpare, per ambitionem, præsumpsit. Neque verò excusationem prætereundum, iuramentum illud de eligendo Friderico illucitum fuisse, idè quæ non observandum; quia de hac ipsa quæstione prius Sedem Apostolicam consulere debuisset, quàm contra iuramentum temerè ageret. Tertium, quia Philippus, eiusque maiores & agnati ecclesiâ Romanam persecuti sunt, ac proinde ingratos se, & indignos nouo beneficio præbuerunt. Denique, si Philippus Imperium obtineret, videri is posset iure successione obtinuisse, & sublatâ Principibus eligendi libertate, ceteris Imperium consequendi spes ac fiducia posterum præcisa esset: Etenim Fridericus Anobardus Conrado Patri ex familia de Staphen Sueviæ Duci in Imperio successit. Friderico autem Henricus filius: Quòd si iam Philippus eiusdem Henrici frater, eoque defuncto, fortasse nepos eius ex Henrico Fridericus ignior sufficeretur, videri posset, non sine præiudicio Principum, de familia Ducum Sueviæ quasi necessariò aliquis ad Imperium assumendus. Quare mandat Innocentius Thuringiæ Duci (ad quem hæc literæ scriptæ sunt) vt à Philippo recedat, & Ottomni Regi adhæreat, non obstante fidelitatis iuramento, si quod illi præstitit: Cum enim Dux Philippus ab imperio obtinendo repulsus sit, consequenter cessare debet observatio iuramenti, quod ei vt futuro Imperatori factum fuit.

SYMMARIUM.

1. Imperium Occidentale à Grecis ad Romanos in persona Caroli Magni translatum est.
2. Ius eligendi Romanorum Regem, in Imperatorem postea promouendum, Germania Principibus competit ex Sedis Apostolica concessione.
3. Septem Principes Electores non in statu

si fuerant ante tempora Innocentij IV.

4. *Quo ordine Electores Principes sua vota edicere debeant.*
5. *Habent hi sui non tantum eligendi Regem Romanorum, sed etiam Imperatorem.*
6. *Intra quod temporis spatium, si corona Imperij vacet, electio Imperatoris perfici debeat.*
7. *Ex qua natione, & in quo dignitatis gradu constitutus eligi debeas in Imperatorem.*
8. *Missus, ut latam iam sententiam denunciet, iudici personam sustinere non potest, sed meram executionem exhibet.*
9. *Ad summum Pontificem persinet de qualitatibus Imperatoris electi inquirere, eundem, si dignum & idoneus sit, confirmare, seu electionem eius approbare, eundem ungere, consecrare, & coronare.*
10. *Electores Principes indignum eligentes pro ea vice privati iure eligendi non sunt, sed ad aliam electionem transire debent, quod si nolint, vel diu cunctentur, electio ad Rom. Pontificem deuolvitur.*
11. *Si eligant eorum etiam plures indignum, electio persona digna, quamuis eas fiat à paucioribus, praualevere debet, & approbatur.*
12. *Electio excommunicati in Imperatorem ipso iure irrita est.*
13. *Si Electores secundum maiora suffragia non conueniant, post admonitionem & competentis temporis interpositi expectationem Papa potest electio, cui vult, gratificari, eumque confirmare.*
14. *Si duo in discordia electi sint Imperatores, ambo imperium administrare non debent, spectato iure communi, ipsiusque, antea Bulla constitutionibus.*
15. *Vacante Imperio Rom. ad quem eius administratio pertineat?*
16. *Institutio Imperatoris ad eum finem propriè refertur, ut sit patronus ac defensor Catholice fidei, & Ecclesia Christi, ac Sedis Apostolica Romana.*
17. *Potens absolutiorem ab excommunicacione, vel aliâ censurâ, eò ipso sit eâ ligatum fuisse facietur, nisi petita sit ad cautelam tantum, & maioris securitatis causa.*

18. *Examen & decisio quaestionis de iuramenti valore & obligatione ad Praetores ecclesiasticos, maxime Rom. Pontificem spectat.*

19. *Non expedit, ut in libera electione Regis, aut Imperatoris ex eadem familia longissimo tempore aliquis eligatur. Potest tamen interdum esse iusta, & utilis Reipublica causa perpetuandae electionis.*

20. *Instrumentum alicui praestitum tacitas in se conditiones habet, v. g. salvo iure & auctoritate Superioris; si res in eodem statu permanserit.*

NO T A N D U M I. Imperium occidentale à Græcis ad Germanos in persona Caroli Magni translatum est, videl. à Leone III. Pontifice Anno Christi exeunte DCCC. in die Natalis Domini, vti inter alios testatur Paulus Diaconus lib. 23. rerum Romanarum, Rhegino Vrspergensis Abbas, Sigebertus in Chronico Anno 801. Kranzius lib. 2. hist. Saxoni. cap. 18.

Dicitur autem in textu huius c. Imperium dum in Carolum magnum translatum fuit, in Germanos fuisse translatum, non aliam ob causam, nisi quia Carolus natione Germanus fuit; quandoquidem & in Germania natus sit, prope Moguntiam, teste Kranzio lib. 2. Saxoniæ cap. 8. Rheuano lib. 2. rer. Germanic. Panuino lib. 2. Rom. Imperator Anno 744. & ex patre Pipino genitus origine & sanguine orientalis Francus. Nam Franci Orientales Rheno traiecto Gallias occuparunt, vti videre licet apud Baron. Anno Christi 456. Surium in Aëtis S. Genouefz Virginis; & postea Regem sibi statuerunt Clodouicum, siue Ludouicum I. Francum, qui & Christi fidem suscepit Anno Christi 499. vti videre licet apud Sigebertum in Chronico, Anno 499. Baronium in eundem Annum, Surium in vita S. Remigij Episcopi die 13. Ianuarij. Ab eoque tempore

pore semper ex orientalium Francorum gente reges creabantur, secundum vniuersi populi suffragia & postulationem: Iique Reges cum Gallia, tota Germanie imperabant, vsque ad Ludouicum Arnolphi filium, qui ex Carolinorum Regum Francie sanguine, vltimus Rex fuit, teste Vrspergenſi in Chronico Anno 914. Nauclero in Chronico volum. 3. generat. 31. Rhenano lib. 2. vbi de regno Germanie, Rob. Bellarm. lib. 2. de translat. Imperij cap. 1. & 2. Id verò considerantes Franci Orientales & Saxones, atque indecorum arbitantes, quod in Gallijs deficient Carolina stirpe, Regi alicuius Gallorum non ex Carolina familia, aut ex Francorum orientalium, siue Germanorum gente subesse deberent, Anno Christi 912. Regem Germanie creauerunt Conradum Francie Ducem, cuiusque mortuo, cum Henricum filium Ottonis Saxonie Ducis filium ad Imperium prouehere vellent, is contentus Regis titulo, Imperatoris nomen ac honorem assumere recusauit, donec eo mortuo, filius eius Otto magnus Germanie Rex, demum etiam Imperator à Saxonibus & Francis constitutus fuit, primus inter Saxones Romanorum Imperator: Quamquam & ipsi Saxonie Duces à Carolinis secundum muliebrem stirpem descenderint. Videri potest Abbas Vrspergenſis in Chronico Anno Christi 920. Abb. Kranzius lib. 3. histor. c. 2.

QVÆSTIO secunda. Quenam causa fuit, Imperium occidentale à Græcis transferendi ad Germanos? Respond. Quia Græci Imperatores Ecclesiam Romanam in Occidente à Longobardis, eorumque Rege Desiderio, aliisque hostibus, partim non potuerunt, partim verò, quia hæretici Iconomachi erant, defendere noluerunt. Atque eo ipso tempore in Oriente regnabat Irene mulier, quæ filium Constantinum Imperatorem in captiuitatem redactum excecauerat, vti videre licet in annal. Francorum Fuldenſibus Anno 797. Itaque vt ecclesia in Occidente idoneum defensorem ac patronum haberet, ius, ac dignitas Imperialis in Carolum Francum, adeoque Germanum translata est, prout hic indicatur, & clarius à Pio II. Pontifi-

ce in epist. ad Mahumetem Turcorum Regem. Accedebant præclara merita eiusdem Caroli Regis, qui iam antè Longobardos Italianâ expulſit, & quæ ab ipsis Rom. ecclesiæ crepta erant, cumulatè restituit; aliisque multis aduersus Catholicæ Fidei hostes obtentis victoriis præclarus extitit. Quæ videri possunt apud dictum Kranzius lib. 3. histor. Saxon. c. 83. Blondum decade 2. lib. 1. Bellarm. lib. 1. de translat. Imperij cap. 13.

QVÆSTIO tertia. Quidnam eà Imperij Occidentalis translatione Carolo Francorum Regi à Leone III. Pontifice datum fuerit? Respondeo verbis Card. Rob. Bellarmini lib. 1. de translat. Imperij cap. 13. vers. Decimosexto, *Id Imperij translatio effecit, vt Carolus illa ipsa quæ habebat, non tantum vt Rex, aut Patrius, sed vt verus Imperator, & Augustus retineret; neque ius haberet, ad alias item provincias, quas Occidentalis Imperij fuisse, atque iniuriâ ab alijs occupatas esse, constaret; vt denique nominibus, titulis, honoribus omnibus veterum Cæsarium vteretur, atque eo nomine omnes alios Reges ac Principes cum ipse, cum successores eius, ac posteri anteirent.*

NOTANDUM II. Ius, siue potestas eligendi Romanorum Regem, in Imperatorem postea promouendum, Germanie Principibus competit, ex Sedis Apostolicæ concessionem. Ita hic dicitur, & in Clem. Romani, de iureiur. Hæc res ita se habet: Otto I. ex Saxonum gente ad Imperium prouectus est summi Pontificis Benedicti XII. approbatione, & coronatione facta Anno Christi 963. prout testatur Sigebertus in Chronico, & alij apud Bellarm. lib. 2. de translat. Imperij cap. 3. Ab Ottone I. ex Apostolicæ Sedis concessionem, dignitas Regia & Imperialis quasi hæreditaria fuit, quippe concessa Ottoni & successoribus ipsius, cum potestate successorem eligendi, prout videre licet in decreto Leonis VIII. Papæ ad Ottonem I. Quamobrem ab Ottone I. ad Ottonem II. ab hoc ad Ottonem III. Imperium Romanum deuenit. Sed cum Otto III. filius orbesset, nouam constituendi Rom. Imperatoris formam proposuit, à Gregorio V.

Papa approbandam, videl. per Principem Imperij cum ecclesiasticorum, tum laicorum electionem, vti videre licet apud Cæsar. Baronium Anno Christi 996.

¶ *QVÆSTIO prima.* Quoniam tempore septem Imperij electores Principes constituti fuerunt? Respondeo, & Dico I. Apertè falsum est, quod Ioannes Aventinus lib. 5. annal. Boiorum, eumque secutus Panvinus in Comment. de Comitibus Imperator. scripserunt, ante mortem Friderici II. Imperatoris Electores septem institutos non fuisse. Nam (vitalia taceam, quæ Cardinal. Bellarminus congerit lib. 3. de translac. Imperij c. 1.) Hostiensis in summa tit. de elect. §. 10. dum queritur de tyrannide Friderici II. Imperatoris, numerat quoque septem Principes electores Imperij. Ergo vivente Friderico II. Imperatore septem Electores instituti erant.

¶ *Dico II.* Electores septem Imperij ante tempora Innocentij IV. adeoque ducentis & amplius annis post mortem Ottonis III. constitutos non fuisse, credibile est. Quæ est sententia Cæs. Baronij Anno Christi 996. n. 54. & seqq. Id verò certum esse debet, ante eam Innocentij IV. tempora, consuetudinem fuisse, vt non septem tantum, sed Principes Imperij vniuersim, alique præcipui Imperij Ordines Regem Romanorum eligerent, prout ostendit Baron. cit. loco, & inclinat Azor tom. 2. lib. 10. quæst. 6. Nam id omnes, qui vsque ad tempora Innoc. IV. scripserunt Historici testantur apud Onuph. Panuinum, Bellarmin. Baron. Azor citatis locis; de Principibus septemuiris nullam omnino facientes mentionem: quod signum est, illorum tempore institutos non fuisse. Atque sub Innocent. III. Papa in discordia, hinc Ottonem Saxoniz Ducem, illinc Philippum Sueviz Ducem à pluribus, quàm septem, Principibus electum fuisse, satis clarè ex hoc ipso c. *Venerabilem* colligitur, & ex Authenticis instrumentis, cum singulorum Electorum subscriptione, demonstrat Baronius.

Dico III. Persuasio Auctoris de Regimine Principum inter opera S. Thomæ, de

quo videri potest Bellarmin. de scriptor. ecclesiasticis, & aliorum posteriorum apud eundem Bellarminum cit. lib. 3. cap. 3. Azor cit. quæst. 6. vt septem Electorum institutionem ad tempora Ottonis III. & Gregor. V. Papæ referrent, ex malè intellectis verbis Martini Poloni Historici in Ottone III. hausta est: *Licet tres Ottones*, inquit, *per successionem generis regnauerunt, tamen postea fuit institutum, vt per Officiales Imperij Imperator eligeretur, qui sunt septem, videlicet primi tres Cancellarij, &c.* Ecce, quod non dicat Martinus, Ottonis tempore septem Principes Electores institutos fuisse, sed postea, videlicet circa sua tempora: Fuit enim Penitentiarius Innocentij IV. Papæ, vti refert Bellarmin. lib. 3. de translac. Imperij cap. 1. ex Onuphrio Panuinio in addit. ad Platinum. Hanc Cæsaris Baronij sententiam, quam ipse *præsumit*, & *lucemetriciana perspicuum sententiam* vocat, ideo etiam libentius amplector, quia, vt supradixi, textus huius e. consonat, maxime secundum integram eius lectionem apud Christophorum Geboldum de septem Imperij Electoribus, ex qua apparet, electionem Imperatoris apud Imperij Principes vniuersim, adeoque etiam penes Philippum Suoniz Ducem fuisse.

¶ *QVÆSTIO secunda.* Quo ordine Electores Principes suffragia sua edicere debent? Respondeo. Eo ordine, qui à Carolo IV. Imperatore in Bulla aurea præscriptus legitur tit. 4. *Omnibus, seu his qui potuerunt & voluerunt interesse, inuicem congregatis, Archiepiscopos Moguntinus, & non alius, Electorum vota singulariter habet inquirere: Primò quidem interrogabis à Treuirense Episcopo, cui primam vocem competeret declaramus, secus competens habemus competisse: Secundo à Colonienſe Episcopo; Tertiò à Rege Bohemia, qui inter Electores laicos, ex regia dignitatis fastigio, iure & merito obtinet primariam; Quarto, à Comite Palatino Rhens; Quinto à Duce Saxonia; Sextò, à Marchione Brandenburgensi.* Et paulò post: *Quo facto, dicti*
Prin-

Principes conseres ipsam (Moguntinum Archiepiscopum) vice versa requirunt, ut & ipse intentionem suam exprimat, & ipsis aperiat votum suum.

Verum, quod ad Regem Bohemiz attinet, ab initio institutum fuit, ut ipse non eligeret, sed ut arbiter seu diremptor adesset, si sex Electores Curie Principes paribus votis dissentirent, quod non obscure indicat Abbas Stadenfis Albertus, qui ante mortem Friderici II. in Chronico ita scripsit apud Cæs. Baronium Anno Christi 996. *Ex praxatione Principum & consensu eligunt Imperatorem Treuentis, Moguntinus, & Coloniensis: Palatinus eligit, quia Dapifer est: Dux Saxonia, quia Mariscalum, Et Margravinus de Brandeburga, quia Camerarius. Rex Bohemia, qui Pincerna est, non eligit, quia Teutonici non est: Imò nec Princeps Imperij, aut Curie Princeps, cum Bohemiz regnum Imperio Romano subiectum non sit: qua de re legi potest Arumæus Saxoniensis Iureconsultus, in tractatu de Comitibus Imper. ad sex Curie Principes. Temporis autè progressu introductum fuit, ut etiam Bohemiz Rex eligeret, & quidem ante alios Electores seculares, ut ex verbis cit. Bullæ aureæ apparet, & annotavit Azor tom. 2. lib. 10. cap. 3. q. 4. ex Ioan. Capistrano in tractatu de Papæ & Ecclesiæ auctoritate, p. 2. Potest tamen etiam secundum Bullæ aureæ constitutionem accidere, ut Rex Bohemiz, si videat se à sex electoribus Principibus Curie in discordia, siue utrinque paribus suffragijs electum esse, aut, ut plenius dicam, si tria pro se vota habeat, suo adiecto suffragio, electionem de se confirmare, iuxta ea quæ suprà dicta sunt in g. cum in iuro 31. hoc tit.*

5 QVARTO secunda. Num Imperij Electores ius habeant duntaxat eligendi Regem Romanorum, an verò etiam Imperatorem? Priori partem questionis sequitur Azor tom. 2. lib. 10. cap. 4. q. 1. Chokier tract. de precib. primarijs Imperatoris sect. 1. ver. elector, quia in hoc, c. & suprà cit. Clem. Romani, significatur, Principibus cōpetere potestatem eligendi Regem Roma-

norum, postea promouendum in Imperatorem. Sed in contrariam partem habemus textum expressum in c. 2. de sent. & re iudic. in 6. *Illi autem ad quos in eodem Imperio Imperatoris spectat electio, eligant liberè successorem.* Eapropter Paulus V. Pontifex in Bulla Indulti precom primatiarum, inuicibil. Imperatorem nostrum Ferdinandum II. vocauit *Romanorum Regem illustrem, in Imperatorem electum.* Quare dicendum est, quòd septem Electores cum Regem Romanorum, tum Imperatorem eligunt, sed diuersimodè: Nam Rex Romanorum absolute appellari potest post legitimam electionem, non item Imperator, sed cum addito *electum*: Ex quo patet responsio ad argum. ex hoc c. & suprà cit. Clem. desumptum: Etenim electus per vñctionem, consecrationem, & coronationem à Pontifice promouetur, ut ex eo tempore absolute Imperator dici possit, ut rectè annotauit Rescoursus Castaldus q. 45. & significatur in Bulla aurea sit. 2. prope finem. Sic etiam nec Roman. Pontifex antè coronationem suam annos Pontificatus numerare solet.

QVARTO tertia. Intra quod temporis spatium, si corona Imperij vacet, electio Imperatoris perfici debeat? Respondeo, de hoc ita statutum est in Bulla aurea: *Statuimus, & ordinamus, ut Archiepiscopus Moguntinensis, qui fuerit pro tempore, singulis Principibus coelectoribus suis, ecclesiasticis & secularibus electionem per suos Nuncios presentibus debeat literis intimare. In quibus literis talis dies & terminus exprimat, infra quem eadem litera ad singulos eisdem Principes verisimiliter possint peruenire. Huiusmodi autem litera continebunt, ut à die in literis ipsis expressa, intra tres menses continuos, omnes & singulis Principes Electores Francofurtum ad Almam sibi conferant, vel suos Legatos ad eundem terminum atque locum mittant, cum plena & omnimoda potestate &c.*

QVARTO quarta: Eam qua natione, & in quo dignitatis gradu constitutus eligi debeat in Imperatorem? Respondeo & Dico I. Necesse est, ut ex Germanorum gente sit,

qui in Imperatorem eligitur, prout ex communi docet Castaldus q. 7. n. 7. Azor cit. lib. 10. cap. 3. q. 3. Abb. hic n. 17. argum. huius textus & c. in die 15. d. 5. de consecrat. vbi Gregor. VII. ait, quod *Tentonici concessam est regimen nostre ecclesie*. Aduertendum tamen est, hac in re non tam considerari, num in Germania natus sit, qui eligitur, sed potius, num ex Germanorum familia ac gente ortus; Tamen si aliqui, inter quos Castaldus & Azor cit. locis, sufficere existiment, si materno sanguine à Germanis originem trahat: quod tamen extra dubitationem esse non videtur.

Dico II. Nihil siue in iure, siue in Bula aurea expressum reperitur, in quo dignitatis gradu constitutus esse debeat eligendus Rex Romanorum, vel Imperator, num videl. esse debeat Dux, Marchio aut Comes: Requiritur tamen tantà præditiū esse potentia, corporis & animi habitudine, alijsq; qualitatibus, vt absolute idoneus existat ad Imperium administrandum, Ecclesiam & Christi Fidem Catholicam contra inimicos eius defendendum, &c. Et ita ex communi Azor cit. lib. 10. cap. 4. q. 7. Castaldus q. 9.

8 NOTANDUM III. Qui mittitur, vt latam iam sententiam denunciât, cognitoris siue iudicis personam sustinere non potest, sed merum ministerium, seu executionem exhibet. Ita colligitur ex textu, vers. *Objectioni*: Idque maximè procedit, si principalis, seu mittens, sententiam antè tulit in causa notoria; adeo vt nullâ etiam citatione opus esset, prout de casu huius c. annotauit Abb. hic n. 19.

9 NOTANDUM IV. Ad Roman. Pontificem perinet, de qualitatibus Imperatoris electi inquirere, eundem, si dignus & idoneus sit, confirmare, seu electionem eius approbare; eundem vngere, consecrare, coronare. Ita hic, & in Clem. Romani, de iureiur. ante medium, *De ipsius (Henrici) fide, probitate, & alijs, qua in persona Imperatoris sunt merito requirenda, cum pluribus Prælati, & alijs magna auctoritatis viris, qui eiusdem Henrici mores, conditionem & statum plenius nouerant, inquisito, eiusque*

persona (cuius etiam nos & Fratres nostri aliqualem prius notitiam habebamus, propter quod facilius transiimus in examinatione huiusmodi) idonea indicata, ipsum nominauimus, denunciamus, & declarauimus Regem Romanorum, ipsius approbantes personam, eumque sufficientem & habilem declarantes ad suscipiendam Imperiali celsitudinis dignitatem, ac decernentes vñctionem, consecrationem, Imperijq; Romani coronam sibi per manus nostras debere concedi.

Circa quæ posteriora verba sciendum, Imperatorem ex antiquo more à Romano Pontifice sacro oleo iungi, non in capite, sed in brachio, vt constat ex c. va. de sacra vñctione, §. Vnde; atque per manus impositionem deprecatoriam consecrari, sicuti hic indicatur, & videre licet in Pontificali Romano. Insuper Imperator consecratus coronam auream ab eodem Pontifice accipit, vt habetur in eod. Pontificali, tit. de triplici Imperatoris corona, & in Gl. cit. Clem. Romani ver. vestigijs. Quod si verò accedat Pontificem Romæ abesse, tum ab alio Cardinale Episcopo in Vrbe iungi, consecrari, & coronari potest ex Pontificia commissione; vel extra Vrhem ab ipsomet Pontifice. Quo modo Carolus V. Imperator à Clemente VII. Bononiæ coronatus fuit Anno Christi M.D.XXX. die 24. Februarij. Sed post hunc Imperatorem nemo alius inunctus & coronatus fuit. Videri potest Castaldus q. 18. & seqq. & q. 33. Azor cit. lib. 10. cap. 5.

QVÆSTIO prima, si in examinatione, seu inquisitione de electo reperiat, Electores indignum aut incapacem scienter e-legisse, vtrum pro ea vice priuati censeri debeant; ita vt electio ad Roman. Pontificem depoluatur? Aliqui affirmant, inter quos Abb. hic n. 20. Azor cit. lib. 10. cap. 4. q. 5. Sed oppositum verisimilius est, quod etiam Castaldus inclinat q. 15. Propterea quod hæc priuationis poena in casu electionis Imperatoris, nullibi expressa sit; sed tantum de electionibus ecclesiasticorum, c. cum in cunctis 7. hoc tit. & alijs iuribus: exinde

exinde autem in materia pœnali extensio fieri non debet ad alios casus & personas. Quamobrem præstat, ut dicamus, si Electores personam indignam elegerint, iubendos esse aliam, quæ idonea sit, eligere; quod si nolint, aut per negligentiam diu cunctentur, tunc demum ad Roman. Pontificem pertinebit Imperio supremum Principem Ecclesiæ defensores ac patronum providere, argum. huius c. 5. Numquid enim.

Cæterum id fieri debemus, si Electorum aliqui, quamvis numero plures, personam indignam eligant, v.g. hæreticum, quod a horum suffragia prævalere debent, eorumque electio de persona digna approbari, sicut bene docet Azor cit. cap. 4. q. 5. §. Si quas, & colligitur ex hoc ipso c. quando Pontifex plures causas enumerans §. Obiectioni, earum Ottonis electionem approbandam esse duxerit, in primis asserti *merita electorum*, quia persona Philippi erat indigna, persona autem Ottonis idonea. Ratio dari debet: Nam si aliqui personam indignam scienter & sponte eligant, perinde censeri debet, ac si eligere nolint, eum paria sint actum non exercere & invalidam exercere: Constat autem, si aliquis, cui eligendi ius competit, eligere nolit, potestatem omnem apud alios residere, uti docui etiam supra.

QVÆSTIO SECUNDA, Si in Imperatorem eligatur excommunicatus, num electio ipso iure irrita sit? Negat P. Suarez de censur. disp. 16. sect. 2. electionem excommunicati in Imperatorem, aut Iudicem secularē ipso iure irritam esse; sed à Superiore, videl. in casu nostro à Pontifice, irritandam ait. Quia licet iura canonica electionem excommunicati ad dignitatem, officium, aut beneficium ecclesiasticum, irritam pronuncient, uti apparet ex c. postulasti 7. de cler. excomm. ministrante, non tamen inde extensio argumentatio fieri debet ad dignitates & officia secularia: Partim, quia excommunicatus potiori iure prohibetur à spiritualibus officiis & functionibus, partim quia Pontifex & ecclesiastici Prælati plus iuris habent erga dignitates & officia ecclesiastica, ut ab iis excommunicatos prohibeant, quam erga se-

cularia. Sed Gl. hic ver. electus communiter recepta, contrarium rectius docere videtur, cum sit regula canonica, ex cap. ult. de cler. excomm. ministr. quod nemo assumi potest ad officium, cuius exercitium ipso iure ipsi prohibuitur est: Excommunicato autem prohibitum est omne exercitium iurisdictionis, etiam in foro externo seculari, iuxta ea quæ docui lib. 1. Theol. moral. tr. 5. p. 2. cap. 2. n. 13. Ergo &c. Est tamen hæc doctrina intelligenda iuxta ea, quæ supra docui in c. cum in cunctis 7. hoc tit. irritam esse eiusmodi electionem in ordine ad forum externum, ita ut reprobari ac rescindi possit, perinde ac si ab initio penitus irrita fuisset.

NOTANDUM V. In discordia, id est, si Imperij Electores, secundum maiora suffragia, in eandem personam non conveniant, post admonitionem, atque competentis interpositi temporis expectationem, Rom. Pontifex licet dirimere, & alteri electo gratificari, eumque confirmare potest. Ita expressè Innoc. III. huius c. auctor, rationem assignans, quia Sedes Apostolica aduocato & defensore diu carere non debet: id quæ tradunt Gl. & DD. ibi ver. favere, Azor cit. lib. 10. cap. 4. q. 10. Qui bene etiam admonet q. 2. & sumitur ex hoc c. vers. *Quamvis plures ex illis*, & habetur expressè in Aurea Bulla tit. 1. §. 1. & tit. 3. §. Postquam autem, sufficere in electione Imperatoris eam concordiam, quod plures Electores, videl. saltem quatuor, si omnes septem per se vel per Legatos, in eandem personam idoneam consentiant: Quia quod maior pars Collegij decernit, id veluti à toto Collegio procedere videtur, L. quod maior, 19. ff. Ad Municipalem.

QVÆSTIO PRIMA, Si duo in discordia electi sint Imperatores, utrum uterque, dum his composita sit, Imperium administrare possit? In primis suppono in hac questione, communem esse Canonistarum sententiam, prout testatur Isola hic n. 6. Abb. n. 26. Castaldus de Imperat. q. 46. n. 6. Martinus de Corazis tract. de Principibus, q. 29. Ioann. Salsus de benef. p. 2. q. 15. n. 17. Azor tom. 1. lib. 10.

lib. 1. o. cap. 6. q. 2. Quod Roman. Imperator, cum primum à maiore parte electus est, iura imperij administrare possit, quod & Bulla aurea confirmat, tit. 2. §. Et quia, ubi Carolus IV. Imperator de antiqua, ut ipse ait, approbata, & laudabili consuetudine decrevit, ut, qui in Regem Romanorum electus est, peracta statim electione, priusquam in causis alijs, siue negotijs virtute sacri Imperij administrat, vniuersis & singulis Principibus Electoribus, ecclesiasticis & secularibus, qui propinquiora Sacri Imperij membra esse noscuntur, omnia ipsorum privilegia, libertates, iura, libertates, concessionem &c. absque delatione, confirmare & approbare debeat. Additur vero, id sub nomine Regis faciendum, postea, cum coronatus fuerit, eadem sub titulo Imperialis innouaturus, iuxta ea quæ supra dixi in hoc e. not. 2. q. 2. in fine.

Hoc supposito, ad proposita supra quæst. plerique affirmatiue respondent, apud Castaldum q. 70. Azor cit. lib. 1. o. cap. 6. q. 2. §. Insuper, post Gl. in cit. Clem. Romani, §. Porro, ver. Reges. Et ait Azor cit. loco, id accidere posse, si tantum sex Electores sint, (quia vnus nec per se, nec per nuncios accessit, aut iterum recessit) atque duos paribus suffragijs eligant, hoc in casu verumque Imperium administrare posse. Verum extremio, rectè quidem dici, de facto ita nonnunquam accidisse, ut duo in discordia electi administrarent, tolerante Romano Pontifice, & Præcibus Imperij, cum impedire statim non possent, Atque spectato communi iure, ipsiq; aureæ Bullæ constitutionibus, id fieri non debet, cum eo modo electis in discordia ius nullum competat. De iure communi constat, quod ad electionem legitimam maior pars Curie, siue Collegij requiri solet: In aurea autem Bulla ita legimus tit. 1. *Præstito per Electores, seu Nuntios iuramento* (de idonea persona, absque illicita pactione eligenda) *ad electionem procedet, nec ex tunc de civitate Franciscus separantur, nisi prius maior pars ipsorum temporale Caput mundo elegerit, seu populo Christiano, Regem fidel. Romanorum in Casarem promouendum, Quod si facere di-*

stulerint intra xxx. dies à die præstiti iuramenti numerandos, ex tunc transactis eisdem triginta diebus, amodo panem manducant, & aquam bibant, & nullatenus ciuitate exeant antedicta, nisi prius per ipsos, vel maiorem partem ipsorum, Reitor seu temporale Caput fidelium, electum fuerit.

QVÆSTIO secunda, priori annexa. Ad quem Imperio Roman. vacante, administratio eius pertineat? Respondet, In aurea Bulla ita decretum esse: Quod vacante Imperio, Illust. Comes Palatinus Rheni, loco Romanorum Regis, in partibus Rheni, & Suevia, & in iure Francoconio, ratione Principatus, seu Comitatus Palatini, prius iure, esse debet promisor Imperij, cum preestare iudicia exercendis, ad beneficia ecclesiastica præstandi, recedendi redditus, inuestiendi ad feudis, iuramenta fidelitatis nomine Sacri Imperij, recipiendi, quia tamen per Regem Romanorum postea electum suo tempore omnia innouari, & de nouo iuramenta præstari debeant. Feudis Principum duntaxat exceptis, & illis, quæ Sacerdotibus vulgariter apellantur, quorum inuestitura & collationem sibi Imperatori, vel Regi Romanorum specialiter reseruamus. Ipsi tamen Comes Palatinus omne genus alienationis seu obligationis rerum Imperialium, expressè sibi nonnullis interdictum. Et eodem iure prouisionis Illustrem Ducem Saxonie, S. R. I. Archimarchallum frui volumus in his locis, ubi Saxonica iura seruantur, sub omnibus modis & conditionibus, sicut prius est expressum.

NOTANDUM V. Imperatoris Romani institutio ad eum finem propriè refertur, ut sit patronus ac defensor veræ Catholicæ Fidei, & Ecclesiæ Christi, ac Sedis Apostolicæ Romanæ, ad hæreticos, aliosque impios hostes domandos, & alia præstanda, quæ ad iussum patrocinium ac defensionem spectare possunt. Ad quam ipsam defensionem, armis & potentia sua, quatenus potest, exhibendam, Romanus Rex seu Imperator in electione sui, Electoribus septem iuramentum edere solet, ut proinde ex officio obligatus existat. Et hæc ipsa est summa digni-

tas, & prerogativa Imperatoris Romani, quod sit Ecclesie vniuersalis constitutus Ad-uocatus, & patroonus. Hac enim de causa dixit Gregor. VII. Papa, relatus in c. in die 15. d. 5. de consecr. quod Teuthonicis concessum sit Romanæ Ecclesiæ regimen, videlicet quoad ius supremæ aduocatiæ. Plura de hoc legi possunt in libro Composit. Pacis q. 83. §. 1. edit. 2. Videri etiam potest P. Lud. Moli-
næ tract. 2. de iust. disp. 24.

- 17 NOTANDVM VI. Si quis ab excom-municação, vel alia censura absolutionem petit, eo ipso se ea ligatum fuisse fatetur. Ita Innoc. Papa III. in hoc c. ibi, *quod postmo-dum recognouit*. Excipe, nisi aliquis exprimat, vel ex coniecturis colligi possit, absolu-tionem petitam fuisse duntaxat ad cautela-m, siue securitatis maioris causa; quia, vt dici solet, abundans cautela non nocet, l. tes-tamentum 17. iun. Gl. ver. cautela, C. de tes-tam.

- 18 NOTANDVM VII. Si quaestio oria-tur de iuramenti valore, atque obligatione, eius examinatio atque decisio ad Prælatos ecclesiasticos, maxime Rom. Pontificem spectat. Ita colligitur ex textu huius c. & indicat Gl. hic ver. venire, tradit Anton. n. 25. Abb. n. 24. & idem Abb. in c. cum con-tingat n. 15. de iureiur. atque docui in Th. morali lib. 4. tract. 9. c. 2. n. 9. §. De crimine. Poterat autem in casu huius c. dubium esse de obligatione iuramenti. Cum enim electio Imperatoris non esset posita in arbitrio Phi-lippi, sed ex Principum Imperij libera vo-luntate penderet, non poterat ille iuramen-to se obligare ad promouendum Fridericum, filium Henrici: Præterea, iuramentum istud illicitum videbatur ex parte exigentis Hen-rici Imperatoris: Cum enim nullum ius successionis filio vindicare potuerit, non rectè eligendi libertatem restrinxit: Vt proinde dubitari non immerito potuerit, num per iuramentum liberas Philippum, quam & ipse in eligendo habuit, imminuta censi debue-rit. Cæterum hæc non ostendunt, Philippum ex iuramento obligationem nullam contra-xisse: sed quod eius relaxationem facilius impetrasset. Nam in primis nihil obstat, quò

minus id, quod ex alieno arbitrio pende-t, alteri per iuramentum promittatur: tum verò sensus est, quod iurans, quantum in ipso est, operam dare velit, vt id fiat quod promitti-tur, videl. vt Henrici filius ad Imperium pro-moueat, dummodo idoneus sit, & sine pub-lico aliquo damno, alteriusque præiudicio, promoueri possit. Deinde, nihil obstat, iu-ramentum ex parte exigentis illicitum esse: nam nihilominus seruari id debet, si absque spiritualis salutis dispendio, hoc est, absque peccato seruari possit, c. 1. c. debitores 6. c. si verò 8. c. cum contingat 28. de iureiur. Id-que Innoc. huius c. auctor exemplo Israelita-rum ostendit, dum Iosue Gabazonitis iura-mentum præstitum, quamuis non sine dolo eorum extortum, ob diuini Nominis reue-rentiam seruauit. Videri hic potest Innoc. Commentator n. 5. Imola n. 19. & quæ docui Theol. morali lib. 4. tr. 3. cap. 7. Denique Phi-lippus, vi iuramenti sui, obligatus fuisse vi-detur, vt suffragium electionis Friderico da-ret, si non ex vi pacti, siue ex iustitia, quòd talia pacta ambitioni inservientia reprobata sint; saltem ex virtute Religionis; posito, quòd Fridericus idoneus esset, & eius electio Imperio Romano utilis. Ex his autem co-gnoscitur, rem ita comparatam fuisse, vt rectè dixerit Innoc. ipsam Sedem Apostolicam cõ-sulendam fuisse, quàm vt Philippus propria temeritate contra iuramentum suum ageret, quando Imperium Rom. ambitionis vitio ipsemet vsurpare præsumpsit.

NOTANDVM VIII. Non expedit, vt 19 in libera electione Regis aut Imperatoris, ex eadem familia longissimo tempore aliquis eligatur, Quia *videretur regnum non ex ele-ctione, sed ex concessione pendere*. Et id in præ-iudicium aliorum Principum redundaret, ait hoc in loco Innoc. III. Papa. Verùm inter-dum iusta & Reipubl. utilis causa esse potest, perpetuandæ huiusmodi electionis, si videli-cet alicuius familie merita ita exigant, aut si alij non reperiantur ita potentes, Imperio siue regno defendendo idonei: Incommo-da autem ea, quæ obijciuntur, tolli possunt per protestationem, quam facere debet electus, quòd filiis & agnatis suis nullum vnquam

ius ad exigendum Imperium, aut dignitatem regiam acquisitum esse; prætere de vel, aut possit.

10. NOTANDUM FX. Iuramentum alicui præstitum tacitas in se conditiones continet; quarum una est *salus iure & auctoritate Superioris*. Item, *fides in eodem statu permanere*: prout docui in Theol. moral. lib. 4. tract. 3. cap. 9. & sumitur ex hoc e in fine, iun. Gl. & DD. ver. obseruari, ubi Imola n. 14. Sanchez lib. 3. moral. cap. 13. n. 9. Cum enim à Thuringie Duce, aliisque quibusdam Principibus, Philippo, tanquam Imperatori electo, fidelitatis iuramentum præstitum fuerit, consequens est, ut, si eius electio à Romano Pontifice legitime reprobata & cassata sit, iuramenti eius obligari per se cesset; eo quod corruerit fundamentum, seu ratio fundandi obligationem iuramenti.

CAPITVLVM XXXV.

Coram.

PARAPHRASIS

Cum in quadam ecclesia dum celebratur essent electiones in discordia, mandauit Pontifex Innoc. III. Cardinali tit. S. Pudenzianæ, ut de earum valore cognosceret; & si utramque cassandam esse iudicaret, Canonicis omnibus, qui in provincia sunt, conuocatis aliam fieri electionem curaret; eamque, si à maiore & saniore eorum parte fuerit celebrata, per censuram ecclesiasticam firmiter obseruari faceret.

SUMMARIVM

1. Ad electionem omnes, qui sui suffragij habent, vocari debent per literas, aut nuncium, & quidem de iure communis, non habita ratione, num in provincia, vel extra eam sint, sed solum an locorum distantia, & alia circumstantie consideratis, commode venire possint.
2. In dubio, an quis commode vocari potuisset & debuisset, iudex est Superior, cuius est electionem confirmare.

3. In qua ipsa re maxime, vbi & in voce, nonne ad alios tractatus, v. g. rei ecclesiastica alienationem cuiusque ecclesie consuetudo spectanda, & sequenda est.

NOTANDUM Vn. Ad electionem omnes qui sui suffragij habent, vocari debent per literas, aut nuncium, prout declarauimus supra.

Porro ex eo, quod in textu dicitur, omnes qui in provincia fuerint, conuocandos esse, collegerunt aliqui, omnes Canonicos, seu sui suffragij habentes, qui in eadem provincia (siue Archiepiscopatu, ut explicat Capella Tholos. q. 42.) existunt, vocandos esse ad electionem; eos autem qui extra provinciam sunt, non esse vocandos, arg. huius textus: Cuius rei ratio asserri potest; quia in provincia existentes quodammodo pro præsentibus habentur, qui autem extra provinciam, pro absentibus, l. ult. C. de præscript. longi tempor. Sed respondeo cum Gl. hic ver. in provincia, Innoc. Ioan. Andr. Anton. & Abbate, & dico I. Spectato communi iure, omnes absentes ad electionem vocandi sunt, non habita ratione, num in provincia, vel extra provinciam existant, sed solum, an locorum distantia, aliisque consideratis circumstantiis, secundum boni viri arbitrium, commode vocari possint, iuxta e. cum inter 18. vbi id docui, e. quod sicut 28. e. bonæ 36. e. quia propter 42. hoc tit. Atque ad eum Superiorem, cuius est electionem confirmare, pertinebit postea iudicare, num aliquis absentium, qui vocatus non fuit, commode vocari potuisset, ac debuisset, si is de contemptu suo agat, ut colligitur ex e. ult. hoc tit. in 6. & tradit hic Abbas. 3.

Dico II. In hac ipsa re quam maxime; spectanda est cuiusque ecclesie consuetudo, eaque sequenda; Idque siue consuetudo sit, ut nemo vocetur ex ijs, qui absentes sunt à loco, vbi electio fieri debet, argum. e. cum in ecclesiis, 33. vbi id Gl. annotauit, ver. si commode, de præb. in 6. Quia notum est, quod per consuetudinem ius eligendi licet acquiri potest, iuxta e. 3. de causa possels. & propriet. ita etiam restringi, vel omnino amitti;

mitti: quemadmodum etiam dici solet, quod consuetudo iurisdictionem dat & aufert, DD. in c. cum contingat, 13. de foro comp. siue consuetudo sit, ut omnes, ubique sint, absentes vocari debeant: Ea tamen intelligenda, dummodo sine graui ecclesie detrimento aduocari possint, nam alioquin, ut damnosa ecclesie consuetudo aboleri deberet: Deinde ut ij ad diem electionis rationabiliter definitum, aduenire possint, quia alioquin frustra vocarentur. Et quæ hic dicuntur de vocandis Capitularibus ad electionem, locum etiam habent, si consuetudo aliquibi sit, ut omnes vocentur ad alios tractatus, v. g. rei ecclesiasticæ alienationem. Verum seclusa consuetudine, necesse non est absentes vocari ad tractatum, & consensum præstentem alienationi, secundum Gl. communiter receptam in cit. c. cum in ecclesiis, ex Auth. hoc ius porrectum, iun. Gl. ver. maiore, C. de SS. Ecclesiis, quemadmodum nec ad alias res tractandas, nisi magni admodum momenti sint.

Ad argum. ex hoc g. desumptum respondetur. Esse responsionem hic à Pontifice datam ex causa aliqua speciali, siue propter particularem eius ecclesie consuetudinem, siue propter circumstantiam aliquam, ob quam visum fuit Pontifici, omnes Canonicos, qui in provincia erant, vocandos esse: Ex fortasse nulli fuerunt tunc absentes extra provinciam. Ad cit. l. ult. dici debet: Esse illud peculiariter decretum in ordine ad vscapionem rerum immobilium perficiendam, ut habentes domicilium in eadem provincia, siue sub vno eodémque regimine sunt, prout docui lib. 3. Theol. moralis, tract. 1. de iust. cap. 8. n. 13. Ideoque ad casum nostrum transferri non posse.

CAPITVLVM XXXVI.

Bonæ.

PARAPHRASIS.

Cum S. Cremonensis Episcopus, in ægritudine constitutus morti vicinus esset, Ca-

pitulum H. Canonicum, eo tempore Regij studiis vacantem ad noui Episcopi electionem vocauit, constituto termino Vigiliæ Pentecostes: Deinde mortuo Episcopo S. in Feria secunda Pentecostes, antequam corpus sepulture traditum esset, Archipresbyterum eius ecclesie per compromissum in Episcopum elegerant. At verò H. postea adueniens, quod existimaret electionem eam, ad quam ipse vocatus non fuerat, sed contemptus, nullius momenti esse, atque eligendi facultatem ad se solum deuolutam esse, Archidiaconum elegit. Controuersia ista ad Innoc. III. Papam delata, censuit in primis, electionem ab H. factam, priusquam prior electio Apostolicæ Sedis auctoritate cassata esset, nullius esse momenti, & in penam temere præsumptæ electionis ipsi iniunxit, ut si Capitulum denuo conueniens electionem priorem de Archipresbytero renouet, contradictionis vocem emittere non posset. Enimvero hanc ipsam quoque à Capitulo factam electionem, iustitia exigente Pontifex cassauit, partim quia corpore Episcopi defuncti nondum sepulture mandato, de electione tractatum instituerunt contra canonicas sanctiones, partim quia H. Canonicus, contemptus fuit: in huiusmodi autem casu plus vnus contemptus, quam multorum contradictio obesse solet. Neque excusationem affert, quod idem H. citatus fuprit: quia citatio ea legitima non fuit, sed temeraria, quippe facta ante mortem Episcopi; & ideo obligare non potuit citatum.

SUMMARYM.

1. *Viuentis Prelati ecclesia, etiam si seum vita desperata sit, illicitum & inualidum est tractatum de electione successoris.*
2. *Citatio ad nouam electionem ante mortem Prelati, ipso iure irrita est.*
3. *Per tractatum intelligitur ille, qui collegialiter fit, extra illum prohibitum non est, incidenter ac veluti per accidens mentionem facere de vltima persona sub-*

fituenda post mortem Prælati senis aut infirmi.

De qua tamen non licet quidquam mutuo promittere aut pacisci.

4. *Non prohibetur ipse Prælatus ante mortem quidpiam cum Capitularibus in collegiali consensu de forma & modo electionis statuere. & de successore consultare.*
 5. *Nulla electione vel conventionione constituitur potest Prælato Coadiutor cum potestate succedendi, nisi auctoritas summi Pontificis interueniat.*
 6. *Corpus Prælati prius sepeliri debet, quam de electione successoris tractetur. Absolutio tamen id necessarium non est.*
 7. *Electio, quæ aliquo contempto celebrata est, non est ipso iure irrita, sed ad petitionem contempti irritanda à Superiore, quod tamen in aliis actibus collegialiter peractis locum non habet.*
 8. *Propter contemptum alicuius electores non iurantur iure eligendi pro ea vice, neque denoluntur ad alios non delinquentes seu contemptos.*
- Potest tamen Pontifex in poenam delicti electores pro ea vice facultate eligendi privare.*

NOTANDUM I. Quamdiu vivit Prælatus ecclesiæ, tametsi eius vita desperata sit, non tantum illicitus, sed etiam invalidus est tractatus de electione successoris. Ita hic habetur, & in c. nullus 7. d. 79. Ratio est: Quia electio pro inconueniente habet, eligi Prælatum, aut de eius electione tractari, antequam Sedes vacet. Quare non obstat regula, sumpta ex c. vxore 7. de sepult. Quod *dispositio facta tempore inhabili, subsistere potest, si conferatur in tempus habile.* Nam regulæ huic locus non est, si tempore inhabili alicui ablata sit potestas disponendi. Quæ simili ratione, coniugi, durante coniugio, concessum non est pacisci de nouo matrimonio contrahendo post mortem coniugis, quia tale pactum contra bonos mores, ideoque non obligatorium iudicatur, argum. e. sicut, 39. causa 7. quæst. 1. & dictum est Theol. moral. lib. 5. tr. 10. p. 4. c. 10. n. 7. Quin & occasio-

nem mortis machinanda: eiusque tractatus præbere possent, vti colligitur ex c. 2. de concess. præbendæ.

Exinde sequitur, quod etiam in textu huius c. habetur, quod citatio ad faciendam nouam electionem, si emissâ sit ante mortem Prælati, ipso iure irrita sit: & ideo non constingat citatum: quia præditi à non habentibus citandi potestatem. Quare perinde est, ac si nondum constitutus Iudex aliquem citet ad diem, in quo iurisdictione præditus erit, inualida est citatio, quia facta à non habente potestatem: Itaque in talibus initium spectare oportet: quod enim *initio iustus est, non potest tractu temporis conualescere*, reg. 29. ff.

Porro per tractatum electionis, quem ante mortem Prælati reprobatum esse dixi, oportet intelligere eum, qui collegialiter fit, quasi ordinando, aut statuendo, siue circa personam certam eligendam, siue circa tempus aut locum, ad quem Electores in proxima electione venire debeant: Talia enim decerni non possunt, sedè nondum vacante. At verò prohibitum nõ est extra Capitulum seu collegialem Conuentum, vel etiam in ipso Conuentu Capitulari, sed incidenter tantum ac vehuti per accidens, mentione facere de certa persona substituenda post mortem Prælati admodum senis, aut infirmi, cum talis mentio non fiat in ordine ad decretum definitiuum, ac ordinatiuum, idèq; non habeat rationem tractatus Capitularis. Cauendum tamen est, ne mutua promissio, aut pactum intercedat de certa eligenda persona: tales enim pactiones reprobantur. Quare cassari poteris electio postea facta, si ex eiusmodi pactione originem cepisse appareat. Sumpta hæc sunt ex Innocentio hic n. 2. & seqq. Ioan. Andrea n. 17. Anton. n. 14. Abb. n. 12.

Præterea ipsemet Prælatus non vetatur cum Capitularibus quippiam statuere circa formam, tempus, locum electionis: cum ipse statuendi potestate præditus sit: Quin etiam ante mortem suam Electores conuocare potest, eisque ad concordiam hortari, & de certo idoneo successore consultare, eisque aliquem proponere, vti docet Innoc.

Innoc. cit. n. 3. argum. c. si transitis 1. iun. Gl. ver. non possit d. 79. Sed quia talis consultatio non est electio, (quandoquidem ea fieri non potest Sede non vacante) ideo Capitulares non prohibentur ab eo, quod in consultatione visum fuit, recedere, & aliam personam eligere, cum iure cautum sit c. 3. & c. Episcopo 4. causa 8. q. 1. ne Episcopus ante vitæ finem successorem sibi constituat.

- 5 Corollarium: Nulla electione, aut conventionione Prælato constitui potest Coadiutor cum potestate succedendi, nisi Summi Pontificis auctoritas, ob ecclesiæ alicuius necessitatem, interueniat, iuxta Concil. Trid. sess. 25. cap. 7. de reform. & docet Azor tom. 2. lib. 3. cap. 2. q. 2.

- 6 NOTANDUM II. Corpus Prælati defuncti prius sepulturæ tradi debet, quam de eligendo successore tractetur. Ita hic & in c. nullus 7. d. 79. ubi statuitur, ut electio Episcopi ante tertium depositionis diem non fiat. Absolutè tamen necessarium id non esse videtur, secundum Gl. hic ver. tractatum, Innoc. Ioann. Andr. Imol. & alios: quia statim post mortem Prælati ecclesia vacat, atque soluta est. Quare valida est electio & prouisio alterius, Imò interdum, propter occurrentes circumstantias, etiam licita: ut si, ob iustam causam, sepultura differenda sit. Profectò tempus trimestre, aut semestrem, quod iura canonica electionibus faciendis definiunt, à die mortis prioris Prælati, dummodò ea Electoribus cognita sit, numerandum esse, tradit Gl. communiter recepta in c. postquam 11. d. 40. & colligitur hæc doctrina ex c. Episcopo 4. causa 8. q. 1.

- 7 NOTANDUM III. Electio, quæ aliquo contempto, id est, non legitime vocato, cum posset ac deberet vocari, celebrata fuit, non est ipso iure irrita: sed ad petitionem contempti, irritari debet à Superiore. Ita hic, & sumitur etiam ex c. quod sicut 28. in not. 5. hoc tit. Hoc autem in loco aduerbi potest doctrina Pontificis Innoc. III. quam etiam in c. venerabilem 34. hoc tit. attulit, quod vnus absens contemptus plus valet ad rescindendam electionem, quam

multorum presentium contradictio. Si enim maior & sanior pars Capitularium in vnâ personam idoneam consentiant, alij iure contradicere non possunt, siue contradicendo nihil efficiunt. Et tamen vnicus solus, qui contemptus est, agere potest ad electionem rescindendam.

Addit verò hic Abb. n. 10. Alios quoque electus, qui collegialiter peracti sunt aliquo contempto, seu non vocato, cum vocari debuisset, & potuisset, eo postulante, rescindendos non esse, tanquam non legitime factos.

NOTANDUM IV. Si electio peracta fuit aliquo contempto, non ideo electores priuantur pro ea vice eligendi potestate, neque ob eorum delictum ius totum electionis ad alios non delinquentes, siue contemptos deuoluitur, cum hæc poena priuationis, aut deuolutionis in iure expressa non reperiatur. Quare, si ob alicuius contemptum electio cassata sit, Electores vnâ cum contempto ad aliam canonicam electionem procedere, & si velint, prius electum iterum eligere possunt. Ita colligitur ex textu huius c. iun. Gl. ver. expectare, & tradit Ioan. Andr. n. 15. Abb. n. 9. Imola n. 8. Sed bene admonet Gl. iam cit. quod Papa in poenâ delicti possit Electores, propter contemptum, priuare pro ea vice eligendi facultate.

CAPITVLVM XXXVII.

Cum ad nostram.

PARAPHRASIS.

Cum Innocentius III. intellexisset, quod H. qui se pro Abbate gerebat, ante quam eligeretur, Ordinem professus non fuisset, electionem eius censuit irritam esse, (id est, irritam declarandam.) Quia ecclesiasticæ traditioni repugnat, eo quod Monachus fieri debeat sine spe, aut promissione Abbatæ, alteriusque obtinendæ Prælaturæ, aut dignitatis.

SUMMARIUM.

1. Male promissum seu intrusus ad benefici-
T. 3

64173

cium aut dignitatem, non debet appellari v.g. Parochus, Abbas, &c. sed qui pro Parocho, Abbate, &c. se gerit.

2. *Non professus non potest in Abbatem seu Prælatum regularem assumi.*

NOTANDUM I. Malè promotus, siue intrusus ad beneficium, aut dignitatem, non debet appellari v. g. Parochus, Præpositus, Abbas (ne quis in eum consentire, aut promotionem eius approbare videatur) sed qui pro Parocho, Præposito, Abbate se gerit, ut hic dicitur.

NOTANDUM II. Non potest aliquis simul professionem in Ordine facere, atque in Abbatem, seu Præpositum regularem eligi, aut assumi: sed qui eligitur, iam antè professus esse debet. Ita hic iuncto c. cum in Magistrum 49. hoc tit. Ratio affertur in textu huius c. Quia religiosum statum purè ob Dei honorem, seu diuini obsequij causâ, amplecti oportet; non spe Prælatûræ, aut dignitatis. Quod si id in pactum deducatur, *Profiteor religionem, ut in Abbatem eligar*, simonia committitur; idèoque irrita est talis electio, c. ult. de pactis.

CAPITVLVM XXXVIII.

Officii.

PARAPHRASIS.

In Monasterio quodam Conuentuales non poterant Ordinis sui personam idoneam, pro loci eius conditione, reperire ad prælatûrâ: quare viro cuidam nobili persuaserunt, ut filium suum prudentiâ insignem ad Religionem suscipiendam induceret, nullâ tamen spe factâ patri de eligendo filio in Abbatem. Paruit pater, finitque induxit ad Religionem, qui paulò post à Monachis in Abbatem electus fuit; eiusque electio ab Apostolicæ Sedis Legato confirmata. Sed dubitatum postea fuit, num id rectè à Legato actum fuerit, an verò cassanda sis electio, non obstante, quòd electus canonico iuramento purgare se paratus esset, nullâ se am-

bitione ad professionem faciendam indutum fuisse; & si cassanda electio sit, utrùm denuò eligi possit? Respondet Innocentius Papa: Electionem illius, qui paulò antè habitum religiosum assumpsit, irritam esse; cum non deceat aliquem magistrum fieri, priusquam discipulus fuisset: sed posteaquam in regula Ordinis sufficienter instructus fuerit, tum si necessitas, vel euidens Monasterij utilitas postulet, purgatione canonica ab ipso receptâ, in Abbatem assumi posse.

SVMMARIVM.

1. *Professionem in Religione pædens spe assequenda Prælatûræ, seligatur in Prælatum, electio reprobatur potest.*
2. *Non eligendus, nisi instructus in regula & disciplina Ordinis.*
3. *Damnabiles sunt Religionum Prælati, qui Ordinis sui regulam, statutorum, ac probatarum consuetudinum notitiam acquirere, & in prompta memoria tenere in postremis habent; temporalium curâ se solos penè immergentes.*
4. *Nullum iure canonico, per se loquendo, inter professionem & Professum electionem ad Prælatûrâ regularem definitum temporis spatium est; per accidens tamen improbari potest electio eius, qui non esset professus fuit.*
5. *Legatus Summi Pontificis iure antiquo potuit, non autem nunc potest dispensare, ut qui professionem regulæ, eamque expressum, post annum probationis consensum exactum non edidit, in Abbatem eligatur.*

NOTANDUM I. Qui professionem in Religione edit, ob spem assequendæ Prælatûræ, eo ipso indignum se ostendit, ut proinde eligi non debeat; & electio reprobatur. Ita sumitur ex textu c. quando Pontifex purgationem exigit, quòd nulla ambitione indutus fuerit, & tradit Abb. hic n. 2. argum. c. in scripturis 9. causa 8.

q. 1. eius rubrica, seu summa c. sic se habet: *Locus regiminis sicut desiderantibus est negandus, si fugientibus est offerendus.*

2. NOTANDUM II. Prius aliquis in regula & disciplina Ordinis instructus esse debet, quam in Prælaturam eligatur. Non enim expedit, nec decet aliquem magistrum fieri, qui vix discipulus esse cepit, iuxta monitum S. Hieronymi in epist. 4. ad Rusticum: *relatum in causa 16. q. 1. c. 26. 27. Multo tempore discis; quæ postmodum doceras: Et iterum, Ne miles, antequam tyro, ne prius magister sis, quam discipulus.* Consentit c. miserum, d. 61. & c. cum in magistrum 49. hoc tit.

3. Damnabiles itaq; sunt Religionum Prælati illi, qui Ordinis sui regularum, statutorum, ac probatarum consuetudinum notitiam acquirere, & in prompta memoria tenere, in postremis habent; temporalium rerum, atque administrationi se penè totos immergentes: Cum tamen in his, videl. temporalibus, non salus Monasterij, Collegij, aut domus regularis consistat; sed in regularum, seu disciplinæ regularis observatione: quæ si vigeat, temporalia, secundum Dei providentiam, atque promissionem factant fidelibus suis, ijs maxime, qui diuino eius obsequio penitus se manciparunt, nunquam deesse poterunt, Matth. cap. 6. vers. 24. & sequentibus.

QVÆSTIO est: Quantum temporis intercedere debeat, ut aliquis post editam professionem, Abbas aut Præpositus regularis eligi possit? In primis observari debet discrimen inter ius antiquum, & quo hodie vivimus, post Concil. Trident. sess. 25. cap. 15. de Regular. Nam iure antiquo prohibitum quidem erat, ne ante exactum probationis annum facillè aliquis ad professionem admitteretur, ad Apostolicam 16. de Regular. tamen professio valebat, uti etiam ex hoc c. colligitur: Iure autem nouo professio irrita est. Nunc respondeo ad quæst. Nullum iure canonico, per se loquendo, inter professionem & Professi electionem temporis spatium definiri, teste Innoc. hic n. 2. ubi ait, quosdam dicere, quod in ea-

dem die, quæ sit monachus, potest eligi in Abbatem, per accidens tamen, quia plerumque paruo temporis spatio necessaria rerum notitia, ac virtutis perfectio, quæ ad Ordinis Prælaturam requiritur, obtineri non solet, improbari potest electio eius, qui noviter professus fuit: sed cum dicto discrimine si enim, spectato iure antiquo, aliquis non anno integro, sed paruo tempore, verbi gratiâ, vno mense, in Religione versatus, in Abbatem electus fuerat, irrita censi debuit electio, ob præsumptionem, quod ob imperitiam, seu defectum notitiæ eorum, quæ ad regulam Ordinis spectant, idoneus non esset. At verò iure nouo, cum annus probationis exactus esse debuit, valebit electio, argument. etiam huius capit. quando Pontifex facultatem concedit, eundem, qui malè electus fuerat, vacante eadem Prælaturâ, adeoque intra trium mensium spatium, ob ecclesiæ necessitatem (si interea ritè instructus fuerit) denudò eligendi. Ad Superiorem tamen, priusquam electionem confirmet, examinare pertinebit, num persona idonea, & in Constitutionibus Ordinis instructa sit, & si defectum reperiatur, electionem cassare.

Exinde solui potest altera QVÆSTIO, quam hic mouent Interpretes, num Apostolicæ Sedis Legatus in hoc casu dispensare possit? Videtur enim negandum, argum. huius cap. eamque partem videtur secutus Imola hic n. 6: Sed Respondeo & Dico I. Spectato iure antiquo, adeoque in casu huius c. Legatus ex rationabili causa permittere potuit, ut Religionem ingressus, ante exactum anni spatium non tantum profiteretur, sed etiam in Abbatem eligeretur, dummodo competenter in regulâ Ordinis instructus videretur: Ita sumitur ex hoc ipso c. & cit. c. ad Apostolicam, ver. non passim, & ver. quolibet indifferetè. At vero, ut regulam nondum professus Abbas crearetur, non videtur alius, præter Pontificem, etiam olim, saltem post editam Clem. 1. hoc tit. permittere potuisse, sicuti cum Gl. hic ver. in continentem, vers. Sed quare non potuit, docuit Abb. n. 4. Imola eian. 6. Gl. supra cit. Clem. 1. ver.

ver. eligatur, contra Compostell. quem refert & non improbat Baldus hic n. 2. Sed neque permittere poterat Legatus, ut ita post ingressum Religionis, interiecto paruo tempore, in quo experimenta aliqui non potuit, etiam emissâ professione eligeretur: cum neque ipse Pontifex, quavis virgine necellitas, id concedendum esse duxerit.

Dico II. Spectato iure nouo, dispensare non potest Legatus, aliusue Papâ inferior, ut qui professionem regulæ, eamque expressam, post annum probationis continuum exactum, non edidit, in Abbate eligatur, iuxta Trid. Concil. sess. 25. cap. 21. de Regular. At verò mox post professionem, nō opus videtur esse dispensatione, sed interuam causæ cognitione, & approbatione, ne electio, tanquam facta de persona minus experta & idonea, oppugnari queat.

CAPITVLVM XXXIX.

Illa.

PARAPHRASIS.

Innoc. III. Papa confirmat quandam electionem tanquam canonicam, non obstantem, quod quidam Electores, excommunicatione simplici, siue minore, videlicet, et, quæ ob eam communicationem cum excommunicato contrahitur, affecti fuerint: Addit verò ad cautelam, si aliquis exinde defectus in electione interuenisset, se eum ex plenitudine potestatis supplere.

SUMMARIVM.

1. Excommunicatio minor non priuat aliquem iure electionis.
2. Priuat autem excommunicatio maior, & quidem non tantum passiuam, sed etiam actiuam.
3. Electoribus absque necessitate & processione aduentibus excommunicatum non toleratum ad electionem, electio ex communi DD. sententia irrita est.

4. Si in electione, aut alio actu suo contrahat defectus aliquis ex positis iuris constitutione pendens in iuramentis, Principi, qui in spiritualibus est Rom. Pontifex, ex plenitudine potestatis eum supplere potest, quâ tamen vixim est censendus cum prauis iudicio terri.

NOTANDVM I. Excommunicatio minor non priuat aliquem iure electionis, ita colligitur ex hoc c. & docent DD. communiter, cum Gl. in not. Ratio est: Quia minor excommunicatio, quæ & simplex appellatur, non priuat hominem communicatione fidelium, sed tantum participatione sacramentorum. c. ult. de cler. excomm. ministrante: Vbi tamen additur, quod talis eligi non debet, adeo, ut si scienter electus fuerit (id est, sciens suam excommunicationem, sicuti expiatus Theol. moral. lib. 1. tr. 5. p. 2. c. 3. n. 5.) eius electio irritanda sit.

De maiore autem excommunicatione, quod repellat hominem ab electione, non tantum passiuam, sed etiam actiuam, colligitur ex c. cum dilectus 8. vbi id docui not. 4. & 5. de consuet. & c. cum inter 16. vbi id docui not. 7. hoc tit. & tradunt Doctores in c. vi. Ne Sede vacante in 6. per eum textum.

Hic autem, & in suprà cit. c. ult. & in c. ult. de Procurator. disputant, num electio irrita sit, si Electores absque necessitate, & processione, secum ad eligendum admittant excommunicatum non toleratum: Et plerique affirmant, vti videre licet apud Innoc. hic n. 3. Abb. n. 7. Suarez de censur. disp. 14. sect. 2. n. 14. & seqq. qui denique propter auctoritatem DD. & textum cit. c. ult. eandem sententiam sequendam esse existimat. Veruntamen cum hæc electionis nullitas nulpam expressa sit, ideo contrarium defendit P. Agidius Coninck tom. 2. de Sacram. disp. 14. dub. 10. n. 93. ita tamen, ut Superior in penam, cuiusmodi electionem rescindere possit. Sed agam de hac quæst. ex instituto in cit. c. ult. Ex hoc autem c. pro communi sententia arbitror coniecturam capi posse, Cum enim Pontifex quodammodo in dubium reuocet, num electio exinde

defectum patitur, quod electores quidam minore excommunicatione affecti fuerint, pro certo habere videtur, si in maiore excommunicatione fuissent, electionem irritam futuram fuisse.

4. NOTANDUM II. Si in electione, aut alio acto sine contractu, defectus aliquis expositi iuris constitutione pendens, interueniat. Princeps, qui in spiritualibus est Romanus Pontifex, ex plenitudine potestatis, eum supplere potest. id est, efficere, ut ratos & validos existat, perinde ac si ab initio legitime fuisset institutus. Sic colligitur ex c. isto, & tradit hic Anton. n. 1. Abb. n. 3. Card. Zabarella in Clem. Pastoralis, §. Cæterum not. 3. de sent. & re iudic. Quare dicere interdum solent Canonistæ: quod *Papa facere potest ex non entem*, quando videl. ex certa scientia seu de plenitudine potestatis, actum inualidum confirmat, seu potius innouat, & validum reddit. Verum tali potestate uti censendum non est cum præiudicio tertij, iuxta ea que dixi in c. que in ecclesiam 7. de Constitut.

CAPITVLVM XL

Scriptum.

PARAPHRASIS.

Cum in discordia ad ecclesiam Constantinopolitanam ex vna parte Archiepiscopus Eradiensis postulatus fuisset, ex altera verò parte S. Plebanos S. Pauli de Venetijs electos, utraque pars iam postulanti, quam eligentium, ad Sedem Apostolicam missis Procuratoribus, causam suam defenderunt. Sed quia Pontifex Innocent. III. ex transmissis & relatis coram se plenam controversiæ cognitionem assequi non potuit, eam proximo Notario suo commisit, mandans ei dem, ut diligentissime inquirat: Venetijs quidem de moribus postulati & electi, quia ibi nati & educati fuerunt, Constantinopoli verò, ubi postulatio & electio peractæ, de studijs postulantium, atque eligentium, deque

ceteris rebus, que ad causæ institutionem pertinere poterant. Tum verò, si partes in eum vt Iudicem consentiant, procedat hoc modo: Si consenserint, remissa se habere, sicuti Pontifici relatum fuerat, quod Canonici consenserint, vt septem Præpositi, per se, vel per alios, ad electionem admitterentur, duo item Procuratores pro cæteris Conuentualium ecclesiarum Prælati, tunc si tot eo tempore Prelati fuerant, vt eorum voces, vnâ cum suffragia septem Præpositorum, & nouem Canoniorum, (quos constat in postulatione Archiepiscopi consensisse) duplo maiorem numerum facerent, quam erat numerus Electorum Plebani, videl. sedem istudum postulationem, dummodo postulatus dignus sit. A postolica auctoritate admittat. Sin autem ad faciendum numerum duplo maiorem postulantium vota simul iuncta non ascendant, tum electionem Plebani confirmet, si indignus non sit. Quod si verò duplo maior numerus postulantium repertus fuerit, sed qui postulatus est indignus tum vtramque, postulationem videl. & electionem, reprobet, præterquam si omnes, aut maior pars postulantium deliquerint postulando indignum, hoc in casu electionem confirmet, si electus idoneus est, quippe cum illis prius ius eligendi ad alios deulatum sit.

SYMMARIVM.

1. Electores electionem, vel postulationem suam coram Superiore prosequi possunt, presentes, vt ea sicanonica sit, admittatur, vel confirmetur.
2. Præpositus ecclesiæ Cathedralis, si non sit etiam Canonicus, non habet vocem in Capitulo, nisi aliusd obtrineas conferendo.
3. Ad electionem Prælatis potest quisquam mittere non tantum vnum, sed plures. & hi possunt à pluribus constitui, quorum nomine ac loco plura suffragia habeant.
4. Si postulatio cum electione concurrens, vt illa admittenda sit, debent due partes

V n Cap.

Capitularium confensisse in postulandum.

9. Si plures Vniuersitates congregentur ad expediendum alium, habentes vocem seu ius suffragij, non vt diuersa Corpora seu Vniuersitates, sed vt eam personam omnes vni pro presente aut Corpus aut Collegium efficiunt, tum attendi debet ad numerum suffragantium secundum capita, & non secundum corpora.
10. Prænotum ad prælaturam, si ad alium eligatur, aut postuletur, iterum præmissis examini approbati debet.

NOTANDUM I. Electores electionem, postulationemque suam coram Superiore prosequi possunt, petentes, vt ex, si canonice fit, admittatur, vel confirmetur. Ita hic, & in c. bone 36. vbi id Abb. notauit n. 3. hoc titulo.

NOTANDUM II. Præpositus ecclesiæ Cathedralis, si non sit etiam Canonici, non habet vocem in Capitulo, nisi aliud obtineat consuetudo. In colligi videtur ex hoc & notauit Abb. hic n. 4. Idque in Germaniæ Ecclesiis Cathedralibus etiam inde constat, quia in ijs Præpositura est prima dignitas post episcopalem: & tamen Capituli Caput Decanus est, iurisdictionem aliquam in Canonicos exercens.

NOTANDUM III. Ad electionem Prælati potest quispiam mittere non tantum vnum, sed etiam plures: Et possunt hi siue plures, siue vnus, à pluribus constitui, quorum nomine ac loco plura suffragia habent. Ita sumitur ex textu huius c. quando dicitur, duos Procuratores tor habuisse voces, quot eo tempore Ecclesiæ Conuentuales habebant Prælatos, quorum nomine illi aderant. Videri potest & si quis iusto 46. hoc tit. in 6. Idcirco autem, interprete Gl. hic ver. temporis, Pontifex ait, numerandos esse Prælatos, qui tunc vivebant: Quia si ecclesia aliqua vacabat, Capitulo siue Conuentui non competebat ius electionis: Etenim Capitulum vacante Sede non succedit in ijs, quæ Prælati iure speciali competunt ratione dignitatis, vti docuit D.D. in c. verum 7.

de foro compet. Abb. hic n. 13. Anton. a. 24. Hoc autem ius eligendi Patriarcham Constantinopolitanum Prælati ecclesiarum Conuentualium iure speciali consueuerunt, aut priuilegij, competebat ratione dignitatis eorum. Ergo, &c.

NOTANDUM IV. Si postulatio & electio in discordia concurrant, vt illa admittenda sit, necesse est duas partes Capitularium consensisse in postulandum. Ita habetur hinc expressè, & docui in c. 3. de postulat. Prælatorum not. 4. Quam obrem cum electionis de Plebano fuerint vota sedecim, Præpositorum autem septem, & Canoniceorum novem postulantium Archiepiscoporum vota itidem sedecim, inquiri iubet Pontifex, quoniam fuerint Prælati, quorum omnium & singulorum nomine Præpositores nulli in eundem Archiepiscopum consenserunt. Necesse enim erat, minimum etiam sedecim fuisse, vt postulatio in ea discordia admitti possit. Quod si tantus Prælatorum numerus non fuisset, sed solum quindecim v. g. idcirco vota pro Archiepiscopo vniuersim triginta & vnum, hoc in casu voluit Papa Plebani electionem, siis dignus sit, confirmari; quæ facta esset à pluraquam tertia suffragantium parte, quo in casu plerumque electionem confirmari, docui in cit. c. 3. not. 4.

NOTANDUM V. Si plures Vniuersitates congregentur ad expediendum alium, habentes vocem seu ius suffragij, non vt diuersa Corpora, seu Vniuersitates, sed vt eam personam omnes vnum pro presente actu Corpus, aut Collegium efficiant tam attendi debet ad numerum suffragantium secundum capita, & non secundum corpora. Ita colligitur ex c. Cumana 50. hoc tit. & in hoc etiam e. apparet: Cùm enim esset Capitulum, seu Corpus Canoniceorum, & Vniuersitas Prælatorum Conuentualium habentium ius suffragij, quatenus erant personæ singulares, prout additio Gl. hic annotauit ver. duo, & septem Præpositi; iustus est Logus computare numerum personarum, non capitum omnium suffragantium: Sectis autem est, si diuersa Corpora seu Congregationes conueniant ad quippiam decernendum, inquit

anquam corpora : hoc enim in casu non attenditur ad numerum personarum seu capitulum, sed fieri potest, ut quod paucioribus secundum Capita visum fuit, id ex plurium Corporum sententia decretum censatur, sicuti hic explicat Abb. n. 6. & declaravi in e. pastoralis 14. r. t. 3. de rescriptis.

NOTANDUM VI. Si in discordia duo decreta posita. omnis, aut electionis formata sunt, & unus de persona digna, alterum de indigna, fieri potest, ut valeat decretum de digno, etiam si sit à minore, v. g. tertia parte Electorum; si ponamus omnes eos, aut saltem tam multos scienter eligisse, vel postulasse indignum, ut ipsi prius, eligentes dignum maiorem Capitulii partem efficiant. Ita sumitur ex textu e. huius in fine, & explicat Abb. n. 14. in casu 4. docui idem in c. cum Vintoniensis 25. not. 3. q. 1. & dicitur iterum in c. congregato 3. eod. hoc tit.

NOTANDUM VII. Promotos ad prelaturam, si ad aliam eligatur, aut possitetur, iterum promissio examine, approbati debet; eum fieri possit, ut impedimentum, aut indignitatem postea contraxerit, maxime si ad altioris dignitatem promovendus sit, ut in casu huius e. ad Patriarchatum, prout Gl. hic notavit ver. presumitur.

CAPITVLVM XL

Ne pro defectu.

PARAPHRASIS.

Ne Ecclesie, si Pastoribus diu deficiunt sint, à lupis, id est, animarum raptoribus inundantur, & damnum spirituale patiantur, aut in temporalibus facultatibus detrimentum incurrant, in generali Concilio Lateranensi sub Innocentio III. Pontifice, cap. 23. statutum est, ut non ultra tres menses Cathedralis & regularis ecclesie vacent: Intra quod temporis spatium, si electio Prelati (iusto casante impedimento) celebrata non fuerit, Electores, seu ad quos eligendi potestas pertinet, ea vice prius optinenda & ipsi eligent.

diad proximum Superiorem deuoluantur: Qui & ipse intra tres menses (ad die deuolutionis numerandos) eum consilio Capituli sui & aliorum pradiatum virorum. Deum pro oculis habens, ecclesie viuacitate personam idoneam providere tenetur, & quidem ex eadem ecclesia, si idoneus reperiri alioquin ex alia: nisi ipse quoque visioni canonice potius subiectus esse velit.

SYMMARIUM.

1. Ecclesie Cathedralis & regularis ultra tres menses vacare non debent. Alias autem prelati, dignitates & beneficia sufficiunt intra semestra tempus conferri, & prebendi.
2. Prelatus ecclesiarum collegiarum probabiliter etiam intra trimestre tempus providendi debent, quarum Prelati ordinarium ac generale iurisdictionem in clericis sua ecclesia, iure specialiter exercent.
3. Tempus infra trimestre, extra casum necessitatis sibi Papa restringere potest.
4. Computari debet à die vacationis coepta.
5. Tempus hoc à iure definitum non currit infra impeditis, si agatur de pana obmram seu negligentiam.
6. Deuolutio potestatis eligendi propter negligentiam electorum fit ad proximum Superiorem, cuius est confirmatio electum.
7. Prelatus in ius, quia iure ac potestate ad se deuoluta expedit, non tenetur requirere consensum Capituli sui, nisi ex quadam equitate.
8. Superior, ad quem deuolutio facta est, debet aliquem eligere ex eiusdem ecclesie gremio seu corpore, modo idoneus adfir: alius potest ex alia ecclesia personam idoneam assumere.

NOTANDUM I. Ecclesiam Cathedralis, & regularis ultra trium mensium spatium vacare, seu Pastore carere non debent, uti hic statuitur. Sed alias Prelatus, digni-

tates, ac beneficia sufficit intra semestrem tempus conferri, aut promitteri, c. 2. de concess. præb. Ratio discriminis est: Quia alij beneficiarij, etiam collegiarum ecclesiarum Prælati, spectato iure communi, non exercent iuris iurisdictionem in clericis: sed ea Episcopo competit: At verò regulares Prælati, tametsi exempti non sint, iurisdictionem ordinariam se generalem exercent in Religiosis suis, saltem in causis spectantibus ad vota religiosi, observationem regulæ, & domesticam disciplinam, vti constat ex c. ad aures 5. de tempor. ordinat. & docui in Th. moral. lib. 1. tract. 4. cap. 7. §. 8. Maiorem verò, ampliorémq. iurisdictionem in clericis, alioquin fideles Episcopi obtinent, quare de eorum electione non vitra tres menses protrahenda etiam in antiquis canonibus cautum est: ob eundem 35. d. 67.

2. QVÆSTIO prima: Vtrum eadem constitutio extendi debeat ad ecclesiarum collegiarum Prælatos illos, qui & ipsi ordinariam ac generalem iurisdictionem in clericos suæ ecclesiæ, iure speciali, exercent? Probabiliter affirmatur, cum Gl. in c. seq. ver. ecclesiis viduatis, Abb. hic n. 5. Imola n. 2. Idque propter identitatem rationis, considerata intentione Legislatoris, quæ sunt in hoc, vt ecclesiis viduatis, seu Pastores velati sponso, à quo reguntur, carentibus tempore provideatur, ne detrimentum aliquod patiatur. Quæ ratio locum etiam habet in dictarum ecclesiarum Prælati, qui & ipsi sponi dici possunt, si in ijs ecclesiis, quas regunt, iurisdictionem generalem erga suos exercentes, principales sunt, siue Capita eandem ecclesiarum, argum. c. sicut in vnaqueque 4. causæ 21. q. 2. Idque indubitatus est, si ecclesiæ ab Episcopo exemptæ sint, ita, vt Prælati earum quasi episcopalem iurisdictionem obtineant. Confirmatur ex eo, quod principalis intentio constitutionis huius sit, *providere ecclesiis viduatis, ne damnum patiantur*; ideoque fauorabilis censeri debeat, vt eius extensio ultra vim verborum, spectata intentione legislatoris, iuridica videri possit, iuxta ea, quæ docui in Theol. morali lib. 1. tract. 4. c. 18. n. 9.

QVÆSTIO secunda: Num tempus istud, §. Capitularibus à iure concessum restringi possit, vt intra breuius tempus eligere teneantur? Respondetur, In casu necessitatis, si videl. Capitulares, ob periculum moræ, electionem accelerare deberent, à Superiore, v. g. à Legato Apostolico, aut Episcopo, si ecclesiæ viduata ipsi subiecta sit, cogi possunt: Sed extra talem casum, adeoque ordinariè loquendo, solus Papa, ex plenitudine potestatis suæ, temporis spatium, iure communi indultum, restringere potest: Non item alius, tametsi Legatus à latere sit: quia privilegium à Superiore concessum inferiori tollerere non potest, secundum Gl. in c. pro illorum 22. ver. auctoritate propria, de præb. Abb. in e. eum in veteri n. 1. hoc tit. & constat ex reg. 17. in 6. *Indultum à iure beneficium non est alicui auferendum.*

QVÆSTIO tertia: Quomodo tempus 4. trium mensium computari debeat? Respondetur, ex c. Quia diuersitate 5. de concessione præb. computandum esse non absolute à die vacationis, sed die vacationis cognitæ, siue, vt ibi dicitur, *à die notitia ipsius vacationis*: Nam qui nescit, agendi poteitatem non habet, l. annus 6. ff. de Calumniator. l. cum sex menses 5. ff. de edilit. edicto, & patebit magis ex not. seq.

NOTANDUM II. Tempus à iure definitum non currit, iuste impedito, si agatur de pœna ob moram seu negligentiam inferenda. Ita hic, & in cit. c. Quia diuersitate. Quamobrem Gl. margin. in c. bene nouit 18. d. 61. ait, *quod tempus deputatum ad electionem celebrandam, est utile, non continuum; nam non currit in isto impedimento deservit, neque ignorantis*. Et Gl. incit. c. qua, ver. suspensionis, quod tempus, in quo quis eligere non potest, non currit.

NOTANDUM III. Deuolutio potestatis eligendi, propter negligentiam electorum, fit ad proximum Superiorem, etiam in ecclesiis Cathedrali, ita, vt si Canonici Cathedrales per tres menses Episcopum eligere negligant, ius eligendi pro ea vice ad Archiepiscopum deuoluitur, iuxta hoc c. quod est editum post c. dilectus 12. de cõcess. præb. in quo

in quo contrarium ab eodem Innoc. responsum fuerat. At verò in altero casu priuationis, videl. si Electores siue Canonici Ecclesie Cathedralis indignum eligant, deuolutio statim fit ad Papam, vti declaratum est in c. quamquam 18. hoc tit. in 6. & videri debet Gl. ibi ver. deuoluatur. At verò in ecclesijs inferioribus deuolutio semper fit ad proximam Superiorem, cit. c. quamprimum.

Ceterum, quod dictum est, propter negligentiam Electorum in ecclesia Cathedrali, deuolutionem ad Archiepiscopum fieri, id declarandum videtur, locum tantum habere, si ad Archiepiscopum, seu Metropolitanum pertineat confirmatio Episcopi electi, iuxta receptam doctrinam. Gloss. in Clem. vn. ver. dispositionem, iun. Gl. margin. ibid. Abb. in c. 1. n. 10. hoc tit. Rebus in praxi benefic. tit. de deuolut. n. 18. quod propter negligentiam electorum ius eligendi deuoluatur ad Superiorem, cuius est confirmare electum, similiterque propter negligentiam presentantium ius providendi deuoluatur ad eum Superiorem, cuius est instituire presentatum, siue is Episcopus, siue alius Prælati sit. Porro, iure antiquo spectat, infrequens non erat, vt confirmatio Episcopi Metropolitanum relinqueretur, vti annotauit Abb. Panormit. in c. nihilin. 2. hoc tit. & colligitur ex c. 2. d. 23. c. cum dilectus 32. hoc tit. c. si Archiepiscopus 6. de tempor. ordinat. vn. de scrutinio in ord. faciendo. At verò secundum iura nouiora, præsertim Extraug. ad Regimen, de præb. posteaquam Episcoporum promotio Rom. Pontifici reueruata est, plerumque deuolutioni ad Archiepiscopum in casu isto negligentie Canonicoꝝ Cathedralium locus non est, ne quidem in Germania nostra; multo minus in ijs regnis, in quibus ius Episcopum eligendi Cathedralibus Capitulis allatum est. Dixi autem *plerumque*, quia etiam in Germania reperitur adhuc Episcopatus aliqui, v. g. in Salisburgensi prouincia, Metropolitanæ Ecclesie ita subiectæ, vt earum Episcopi à Metropolitanis confirmationem accipere debeant. In hoc itaque casu locus est huic decretali

Ne pro defectu, & cit. decretali Quamquam.

NOTANDUM IV. Prælati, videl. Episcopus aut Archiepiscopus, in ijs que iure ac potestate ad se deuoluta expedit, non tenentur requirere consensum Capituli sui. Ita colligitur ex textu huius c. iuncta Gl. ver. consilio, in fine; Rationem huius rei reddidit in cap. cum in cunctis 7. §. Clerici sancti, hoc tit. Addit verò Gl. quam sequitur Abb. n. 6. & alij apud Innoc. prope finem huius c. quod nec consilium Capituli adhibere teneatur ex necessitate, sed tantum ex quadam æquitate. Cum enim etiam talia non sine consilio virorum prudentium expedire debeat Episcopus, æquum est, vt, si tales in Capitulo seu corpore ecclesie sue habeat Episcopus, eorum opera præ alijs utatur.

NOTANDUM V. Superior, ad quem potestas eligendi ob negligentiam deuoluitur, debet aliquem eligere, ex eiusdem ecclesie gremio, siue corpore, dummodò idoneus adsit, alioquin ex alia ecclesia personam idoneam assumere non prohibetur. Ita habetur in hoc c. Idem sumitur ex c. 13. d. 61. *Nulli inuiti datur Episcopus*, vbi Gl. Tunc de aliena ecclesia eligantur, quando in propria nullus inueniunt idoneus; & si clerici viderint si in hoc prægrauari, sit eis facultas appellandi & contradicendi. Et Eman. Rodriq. tom. 2. regul. qq. q. 53. a. 9. In iuriis fieri fratribus, si inter eos reperitur dignus prælati, & alius præficiatur.

Obijciatur: Deuolutio fit eodem iure ac potestate, quam ij habuerunt, à quibus fit: subrogatum enim imitatur naturam eius, cui subrogatur. I. eum qui 10. §. Qui iniuriarum, iun. Gl. ver. danda, ff. Si quis cautionibus, c. ecclesia 3. Vt lite non pendente, iun. Gl. ver. successerunt, Capella Tholof. q. 70. Nauarr. consil. 12. de celebr. missarum, Euerardus in loco à vi subrogationis: Atqui Capitalibus liberum est vel ex ecclesie suæ corpore, vel alium eligere, vti constat ex c. cum nobis 19. & c. cum inter 21. hoc tit. Ergo eadem quoque facultas competet ei, ad quem eligendi potestas deuoluta est. Quæ ipsa etiam causa est, cur Superior, ad quem deuolutio facta, tres menses aut sex menses

V r § ha-

habent ad providendum, sicuti ij, à quibus devolutio facta, ut ex hoc ipso c. colligitur: Fit enim devolutio cum eadem conditionibus & qualitatibus; adeo ut si ex certa gente, aut familia quispiam eligendus, præstantandus, aut promovendus erat, talem etiam Superior, ad quem ob negligentiam aut delictum, devolutio facta, instituere debeat, prout videre licet apud Petr. Rebuffū tract. de nominat. q. 8. & in praxi beneficii, de devolut. n. 30. Respondeo ad objectionem; Secundum sacros canones, & Ecclesie praxin, non esse in Collegio aut Congregatione instituendum Prælatum, qui ex corpore non sit, nisi ipsi Capitulares consentiant, ac veluti iuri suo renuncient, sicuti docui in c. cum inter 21. not. 3. hoc tit. Hæc autem conditio æquæ observatur in devolutione, ut videl. Superior aliquem è gremio ecclesie, à qua devolutio facta, eligere aut instituere debeat, nisi Capitulares in alium sponte consentiant. Quod verò ius istud remunerationis seu voluntarij consensûs, dum personale sit, ad Superiorem non devolvitur, per se liquet.

CAPITVLVM XLII.

Quia propter.

PARAPHRASIS.

Innocentius III. Papa in eodem Lateran. Concilio cap. 24. tres formas canonicæ electionis proposuit, quarum una, reiectis alijs, quas quidam perperam & non sine ecclesiarum detrimento introducere conati fuerunt, usurpari debeat. Prima est per scrutinium, siue secretam suffragiorum collationem. Si in loco, ubi electio celebranda est, præsentibus omnibus, qui debent, & volunt, & possunt commodè interesse, affluantur tres è Collegio, fide digni, qui secretè & sigillatim vota euektorum diligenter exquirant, & in scriptis redacta mox publicent, in comuni, nullo appellationis interdicto obstructo, ut in collatione habita, eligatur, in quem omnes, vel maior & sanior

pars Capitali consentit. Altera forma est per compromissum, si eligendi potestas aliquibus viris idoneis ab Electoribus committatur, qui vice omnium ecclesie viduarum provideant de Pastore. Tertia est quasi per inspirationem Spiritûs sancti, si omnes Electores veluti in corde & ore in eandem personam absque vitio consentiant. Præter has formas, siue aliter quam hic præscriptum, electio facta irrita est; Electores autè, si contrarias formas eligere attentaverint, pro eis vice eligendi facultate priuati existunt.

SUMMARYM.

1. *Accidentales solemnitates recessant, quæ ante electionem præmissæ sunt, & si per consuetudinem receptæ sunt, omitti non debent, omisse tamen electionem non vitiant.*
2. *Recipiuntur substantiales, seu per se requisitæ ad electionem, quæ sunt per scrutinium, Primum est, ut omnes sui suffragij habentes congregati esse debeant, si velint, & commodè possint; Et hoc quidè requisitum commune est etiam ceteris alijs electioni.*
3. *Secundum requisitum: Tres scrutatores eligi debent à Capitulo, qui & ipsi à Capitulo sunt, de his tamen communiter consensu, vel partis maioris, possint etiam alij viri idonei assumi.*
4. *Si Capitulares aliqui scrutinium facere aggrediantur, adhuc non constituti vel electi, alijs videntibus & non contradicentibus, actus erit validus.*
5. *Tertium requisitum: Scrutatores electores omnes, secretè & sigillatim, scrutari debent seu suffragia eorum exquirere.*
6. *Possunt præter scrutatores & Notarii duo vel tres testes adhiberi: consensum tamen huic constitutioni erit, si testes non adhibeantur.*
7. *Modus scribendi faciendus in quo cõstet, Quartum requisitum: Post omnium collecta suffragia, eorum omnium publicatio mox coram omnibus fieri debet, suppressis nominibus eligentium.*
8. *Quintum requisitum: Post publicam scrut-*

scrutinium statim sequi debet collatio numeri ad numerum, & aliud actum, iuxta ritum meriti.

9. Sententia requisita: Post factam collationem, si in vnum, & unumque dignum ac habilem, maiorem & saniores patrum Capituli censuisse appareat, decretum electionis formari, sed ab uno, qui praestit Capitulo, seu qui primus scrutatoribus suffragium suum declaravit, aut ab alio in Capitulo ad hoc deputato publicè promulgari debet.

Forma huius decreti electionis.

10. Electio capitularis si non à maiore Capituli parte facta, adeoque ipso irrita sit, et per aliorum accedentem consensum confirmari potest ante, non autem post promulgationem electionis.
11. Haec forma scrutinij in electionibus eorum tantum Praelatorum servanda est, qui ordinariam & generalem spirituales iurisdictionem in subditis exercent, sunt Episcopi, Praelati regulares, & Collegiatae ecclesiae Praepositi, qui ob exceptionem generalem iurisdictionem in clericis exercent.
12. In his omnibus electionibus servari debet hac forma scrutinij, nisi privilegium Apostolicum, vel immemorialis aliterius eligendi modi cum bona fide observantia, vel denique paucis electorum aliam eligendi formam permittat.
13. Electio Praelati in ecclesia viduata si fiat forma scrutinij non observata, ipso iure irrita est, si ea vel à Superiore per sententiam declaratoriam rescindi possit.
14. Et Capitulares non quidem ipso iure pro ea vice primarios esse, sed à Superiore per sententiam privandos.
15. Capitulares post electionem, in qua forma scrutinij servata non est, promulgationem, sed nondum electo insinuatam, aut ab ipso non acceptatam, aliam electionem inchoare possunt, si velint, excepto casu, quo indignum elegissent.
16. Ad formam compromissi requisita, ad formam scrutinij necessario observanda non sunt.

17. Si compromissum sit in plures, e.g. tres, & duce indignum eligant, eligendi potestatem non ad unum, vel minorem partem devolvitur, sed ad Capitulum.

18. Ad electionem quasi per inspirationem Spiritus S. requiritur tantum, ut nulla precedente dispositione de certis eligendi persona omnes unanimiter in eandem personam absque fraude, & vitio simonia &c. consentiant.

Aduertendum, quod quaedam sunt accidentales solemnitates ante electionem praemitti solitae: huiusmodi ferme sunt: I. In die electionis Missa de S. Spiritu celebratur, & Electores sacrificant, aut S. Eucharistiam accipiunt. II. Ante tractatum electionis hymnus *Veni sancte Spiritum* ab omnibus clara voce recitatur. III. Aliquis nomine totius Capituli protestatur, nolle se quempiam ad electionem admittere, aut suffragium eius valere, qui de iure ad eligendum inhabilis est, iuxta ea quae dixi in c. Illa 39. hoc tit. & dicitur in c. vii. de Procurator. IV. Si quis ad hunc potestatem praeditus, absoluit omnes ab excommunicatione, alijque censuris, in ordine ad canonicam electionem effectum. V. Interdum tractatus praemittitur, in quo personae aliquae palam nominantur, & proponuntur in Capitulo, quae ad praedictam idoneae videantur iuxta e, quod flos 28. hoc tit. Haec electioni omni accidentalita sunt, ob quorum omissionem non vitiantur: attamen, si per consuetudinem recepta sunt, omitti non debent.

Substantialia, seu per se requisita ad electionem Praelati ecclesiae viduatae, si per scrutinium fiat, multa à Doctores recensentur, quae ex textu huius c. colliguntur. Primum. Omnes ius suffragij habentes congregati esse debent, si velint, & commodè interesse possint. Cuius requisiti duas partes sunt, Prior, quod Electores collegialiter convenire debent ad electionem celebrandam, sicut & ad alium omnem tractatum collegialiter Capitulari: Quia non dicitur Universitatis aut Collegij consensus, aut consensu decretum, nisi una convenientes tractant, & con-

ferent, secus si sensim aut separatim, c. in Genesi § 6. hoc tit. & docet Gl. in l. scuti 7. ver. non debeat, ff. Quod cuiusque Vniuersitatis nomine gestum. Posterior, quod omnes Electores siue ius suffragij habentes qui volunt, & commodè interesse possunt, vocandi sunt; quod intelligitur, dummodò abentibus nesciant electionem eo die futuram: Qui autem certus est, certiorari ulterius non debet, reg. § 1. in 6. Ceterum pro ea vice ius suffragij non habent, vt quia ob delictum priuati sunt, suspensi, personaliter interdicti, vel excommunicati, & qui interesse electioni nolunt; aut commodè adesse, seu aduocari non possunt, ij connumerari non debent inter Electores, adeoque tota virtus & potestas penes alios remanet, sicuti suprà aliquoties dictam. Atque hoc primum acquisitum commune est omni electioni Collegiali: Cetera autem, quæ sequuntur, propria electioni, quæ per scrutinium fit.

Alterum requisitum. Tres scrutatores à Capitulo eligi debent, qui & ipsi à Capitulo sunt. Ita habetur hic expressè, ver. *eres à Collegio*. Arbitrator tamen Gl. hic ver. *viris*, non esse de substantia electionis, vt tres sint scrutatores, iisque ex Collegio siue Capitulo congregato, cum possint etiam alij assumi, viri digni fide, de quibus nulla fraudis suspicio esse possit. Sed contraria sententia est communis apud Innoc. hic n. 1. Imolam num. 1. Anton. n. 6. Baldum n. 9. Quia verba huius c. sunt clara, à quibus proinde recedendum non est. Ceterum ea Glossæ doctrina occasione editi introducendæ consuetudini, quæ in plerisque Germaniæ Ecclesiis viget, quod Capitulum ex communi consensu, seu partis maioris suffragiis, alios viros idoneos ad scrutinium faciendum assumere possit.

Debent autem scrutatores esse *virii fide digni*, vt in textu c. dicitur, qui singulorum vota fideliter exquirant, atque secretum seruare nòrint: Admonent etiam DD. hic post Hostiensem, quod scrutatores esse non debeant inhumani aut vultu terribiles, sed tales, coram quibus libere, & securè sententiam suam quisque suffragantium dicere pos-

sit; alioquin, adiectà causà, appellari possent, vt videre licet in Gl. marginali hic ver. de Collegio.

QUESTIO est. Si Capitulares alij scrutinium facere aggrediantur, alijs videntibus & non contradicentibus, cum tamen ad id constituti siue electi non fuerint, num valere debeat quod agitur: Affirmandum est cum Speculat. lib. 4. part. 1. tit. de elect. § 1. n. 20. Abbate hic n. 13. auctoritate Gl. in c. scit cum 21. ver. per vnum hoc tit. in 6. quæ hoc ipsum docet in casu, si per vnum è Capitulo, alijs videntibus & permittentibus, communis electio pronuncietur. Quia taciturnitas in re appetibili siue fauorabili, consensum aut mandatum continere censetur, secundum Gl. receptam in reg. 41. in 6. Hic autem versumur in re appetibili ac fauorabili, vt videl. ecclesiæ Prelati prouideatur. Accedit, quod si Capitulares non consentirent, ex officio suo contradicere deberent; consequenter taciturnitas eorum, dummodò si vellent contradicere, facile posset, reputabitur consensus: Atque adeo, cum expressi & taciti eadem vis sit, ad scrutinium assumi censentur, eo ipso quod non repelluntur.

His adde ex Eman. Rodriq. tom. 3. regul. qq. § 2. a. 3. consultum esse, & in multis ecclesijs consuetum, vt scrutatores iuramentum edant in manibus eius, qui Capitulo præest, aut à Capitulo mandatum habet, quod fideliter agere, & quæ secreta esse debent, populare nolit.

Tertium. Scrutatores Electores omnes & secretè & sigillatim scrutari debent, seu suffragia eorum exquirere. Ita habetur in textu huius c. Ratio autem constitutionis est, vt omnes sua vota liberius exprimere possint.

QUESTIO autem est, Vtrum alij quidam, tanquam testes, adhiberi possint? Affirmat Innoc. hic. n. 1. & sequitur Abb. n. 4. præter scrutatores, duos vel tres tales adhiberi posse: Cum enim dicitur, scrutinium secretè & sigillatim fieri debere, solum significari videtur, non esse sciendum coram Capitulo, seu alijs Electoribus audientibus; sed

sed singulos seorsim, v. g. in angulo conclusi, audiendos. Conformis tamen est constitutio huius, si testes nulli adsint, cum neque eorum presentia opus sit, si tres, sique fide digni scrutatores constituantur: Notarius tamen, siue Tabellio publicis adhiberi potest, qui singulorum responsa & suffragia in scriptum redigat, secundum Gl. hic ver. redacta, ibid. Abb. n. p. & t. Petr. Gregor. Tholofr. de elect. c. 16. n. 8.

6. Scrutinij faciendi modus in his constituitur: I. Electores singuli coram scrutatoribus se sistentes, examinantur, & quidem iuramento, vel saltem secundum conscientiam adstricti, quam personam, tanquam maximè idoneam, & qua ratione, ac zelo eligant. II. Scrutatores scrutinium incipiunt ab eo, qui Collegio præest, siue præcipuus est: deinde verò, si ex electoribus sint, ante alios, suffragia à se ipsis mutuo exquirant, videl. duo ab uno: huius propterea, qui si ipsi, post aliorum omnia sibi agnita suffragia, suffragaretur, vota sua ex illis intruere, & interdum arbitratus suo, alicuius electionem impedire, vel promovere possent. III. Scrutatores, vel unus eorum ad id deputatus, vel Tabellio, si adhibeatur, vel loco eius duo iurati testes votum singulorum in scriptum redigunt, vti supra est dictum.

Veruntamen dicta scrutiandi forma non in omnibus ecclesiis exactè observari solet. Nam in quibusdam, etiam Cathedralibus, satis factum esse existimatur, si Capitulares, post præstitum iuramentum de idoneo secundum conscientiam & existimationem suam eligendo, aliquem scrutatoribus nominent, neque exquiri solet, quibus rationibus, seu quo zelo moueantur: In ecclesiis verò multis regularibus consuetum, ut Electores singuli nomen eius, quem eligere volunt, in charta scribant, eamque clauam, vel obsequatam in vroom scrutatorum conijciant, prout videre licet apud P. E. man. Rodriq. cit. q. 51. art. 8. & in Constitut. Societ. Iesu p. 8. cap. 6.

7. Quantum. Post omnium collecta suffragia, eorum omnium publicatio mox coram omnibus fieri debet, vt appareat, quidnam, aut qui-

nam singularem electi fuerint: nomina autem eligentium euulganda non sunt. Quamobrem licet nihil obstat, imò consilium sit, cum electione per scriptas schedulas peragitur, vt electores nomina sua adscribant, quod appareat scrutatoribus, suffragia vnica à singulis electoribus, nemine prætermisso, accepta fuisse, tamen nomina eligentium suppressi debent, non minùs, quàm si iuxta formam huius c. singulorum suffragia, & rationes siue motus suffragandi à scrutatoribus, etiam cum nominibus suffragantium, in scriptum redacta sint, prout etiam Trid. Concil. tradidit sess. 25. cap. 6. de Regular. Adde, quibusdam in ecclesiis consuetum esse, vt post peractam electionem schedula in conspectu omnium comburantur.

Ideo autem statutum fuit, vt suffragia, postquam in scriptum redacta sunt, suppressi nominibus suffragantium, max. siue incontinenti, id est, nullo actu alio interposito, publicentur, quia ante publicationem Electiones ab electione sua recedere possunt, non item post publicationem, c. publicato 58. hoc tit. Quapropter si scrutinij publicatio differtur, is qui electum se arbitratur, aut alius quilibet à Capitulo petere potest, vt scrutinium publicetur, argum. cit. c. publicato.

Quantum. Post publicationem scrutinium, statim sequi debet collatio, quam scrutatores, aut alij à Capitulo ad id deputati facere debent numeri ad numerum, zeli ad zelum, meriti ad meritum, c. In Genesi 55. hoc tit. Collatio numeri ad numerum facienda est, vt appareat, quot suffragia quilibet habeat, & an aliquis à maiore Capituli parte electus sit, Zeli ad zelum collatio fieri, seu ipsorum elegantium expoliti intentiones ac motus expendi debent, vt appareat, quis à saniore Capituli parte electus fuerit: Etenim vt rata fiat electio, requiritur, si non omnes, saltem vt copulatiue maior ac sanior pars presentis ac legitime congregati Capituli in eundem consenserit, prout ex hoc c. constat. Denique meriti ad meritum collatio ad ipsum electum refertur, vt appareat, num idoneus sit, vel vter ex duobus electis magis idoneus.

Veruntamen in multis Ecclesiis, præsertim

rim Ordinum regularium non alia collatio fieri solet, nisi numeri ad numerum, quia ob perfectam probitatem Electorum, eorumque iuramentum, de quo supra dubitare non liceat, eum qui à maiore parte electus fuit, verè idoneum esse. Atque tales eligendi formæ, in quibus non omnes huius conditiones observantur, privilegii interdum Apostolicæ Sedis munus sunt, uti videre licet in Clement. Exiui. §. Damus, de verborum signifi. Interdum vero consuetudine immemoriali.

Pro maiore declaratione huius requisiti, addendum est ex doctrina Innocentij in c. In Genesi n. 2. & j. hoc tunc quod post publicatum scrutinium, exactior collatio siue discussio faciendâ sit, si questio seu dubium moveatur, quàm si non moveatur. Nam hoc posteriori casu sufficit, fieri collationem generalem, videl. Titus habet de comp. suffragia, Caius novem. Titij lectores habuerunt zeolum, qui sunt Capitulares digniores, antiquiores, prudentes: Et elegerunt virum boni exempli, qui vilius ecclesiæ futurus sit, ob solentiam & rerum generalium peritiam. Quare in hoc casu, si ponamus vivuerim movende cum fuisse Electores, promulgabitur electio Titij.

Sin autem post promulgatum scrutinium questio moveatur, ex varia esse potest: Prima, Vtrum omnes presentes fuerint, qui vocari debebant, & adesse voluerint, ac potuerint. Id enim refert scire, ut intelligatur, an solum duas partes Capitalarium convenientes. Item, an electio oppugari postea possit ab aliquo, contemptum suum prosequente. Quod doctrina sumitur ex cit. c. In Genesi.

Altera. Nem aliquis suffragium invalidum sit. Hæc enim questio discutit debet, ut intelligatur, num Titus electus à decem, quorum unus dubium suffragium tulit, à maiore Capitali parte electus fuerit: id est, electio promulganda sit, necne. Talis questio est, si post promulgatum scrutinium moveatur, (expediret autem ab initio discutiri) num aliqui Canonici sint excommunicati, vel suspensi, vel personaliter interdicti, horum enim suffragia reijci possunt, imò debent, si

denunciati, aut tolerati non sint, iuxta ex quo docui Theol. mor. lib. 1. tr. 5. p. 2. c. 2. n. 13.

Tertia. Vtrum electus vitio laborans, siue inhabilis sit, quia in Capitulo contra eum opponitur defectus scientiæ, morum, naturalium, sacri ordinis, censura excommunicationis, suspensionis, aut personalis interdicti. De hoc, antequam communis electio sequatur, exacta discussio fieri debet, non per modum iudicii, neque ut sententia feratur, sed solum ad veritatem cognoscendam præsentis negotij expeditione. Quin imò generalis hæc regula tradi potest ex doctrina Abb. in c. In Genesi n. 2. hoc tit. Si in Capitulo inter Capitulares controuersia orietur, eam à Capitulo definiri non posse: tantum ponamus Capitulum iure special, v. g. præscriptæ consuetudinis, iurisdictionem in singulos exercere: Præterquam si causæ, v. g. aliquis Capitalaris iniuria, ad modum notoria sit: Alioquin enim Capitulum in causa propria iudex esse non potest, l. vn. c. Ne quis in sua causa iudicet.

SEXTVM. Post factam collationem, si in vnum eumque dignum se habilem, maiorem & saniorum Capituli partem consensisse appareat, decretum electionis formari, idque ab vno, qui præest Capitulo, seu qui primus scrutatoribus suffragium suum declaravit, aut ab alia à Capitulo ad hoc deputata persona, publice promulgari debet. Ego N. nomine meo, & aliorum eligentium miris, consensum, invocata S. Spiritus gratia, an Episcopum (aut in Abbatem &c.) huius ecclesiæ N. alio, & electum pronuncio, & eorum vobis publico, in nomine Patris, & Filij, & Spiritus sancti, Amen.

Corollarium: Cum electio Capitalaris, et per decreti promulgationem, non ante, quam tenus est ex parte Capitali eligentis, perfecta sit, hinc sequitur, si electio non à maiore Capitali parte facta, id est, quæ ipso iure irrita reperitur, quod postea per aliorum accedentem consensum, confirmari non possit, iuxta c. auditis 29. vbi id docui, hoc tit. Sed antequam electio promulgata est, si v. g. in collatione numeri ad numerum appareat, quod nemin in scrutinio nominatorum suffi-

cientem.

cientem suffragiorum numerum habeat, tum non prohibentur Canonici, mutati sententia accedere ad numerum eius, qui plura suffragia, aut si duo equalia suffragia habuerunt, vni eorum suffragari, eumque eligibilem facere, prout docuit Abb. in c. publicato 10 §. n. 7. hoc tit. Syl. ver. electio 1. q. 7. Propterea quod ex scrutinij publicatione nullum vis cuiquam acquisitum sit, & nisi Electores variant, seu suffragia mutant, nunqui electio securura sit, cum ea fieri debeat secundum maiorem Capituli partem. Arbitror tamen si electio per formam scrutinij, in quo vna singulorum publicata non sunt, eam varietatem, accessionemque ad eam, eosque plures suffragari, fieri debere inchoato nouo scrutinio, prout infra iterum dicetur.

Q. V. §. 10 prima. Vtrum forma scrutinij, quae hic traditur (extra compromissum & modum eligendi per inspirationem S. Spiritus) in omnibus electionibus Capitularibus observari debeat? Respondeo, cum GL. recepta hic ver. videtur: In electionibus eorum tantum Praetorum necessarium seruandam esse, qui ordinariam & generalem spirituales iurisdictionem in subditos exercent, cuiusmodi sunt Episcopi, & Praelati regulares, & Collegiatae ecclesiae Praepositiij seculares, qui vel ob exemptionem ab Episcopo, vel specialia aliquo iure generalem iurisdictionem in clericis exercent. Nam Concilium Lateranense formam hic praescribit eligendi Praetorum in ecclesiis viduatis: Ecclesiae autem viduae sunt, quae Pastorem, veluti sponsum suum, amiserunt: Tametsi vero, proprie ac strictè, Episcopi duntaxat cum ecclesiis suis quasi vinculo spiritualis coniuncti censentur, c. sicut 59, ian. GL. causa 7. q. 1. c. 3. de translat. Episcopi, latius tamen accipiendo, etiam alij ecclesiarum sui sacrorum Collegiorum Praelati, non tantum regulares, sed etiam seculares, si ordinarii & generalem iurisdictionem habeant, veluti sponsi dici possunt, & ecclesiarum morte naturali, aut iuridica, v. g. depopulationis, viduari, prout etiam docuit in c. Ne pro defectu 41. hoc tit. Neque obitare debet, quod Praelatus ecclesiae siue regularis,

siue secularis, ita iurisdictione generali praeditus sit, vt tamen ab eo ad Episcopum appellari possit, & causae grauioribus eidem reseruatae sint: Aut si vna cum Praelato in iurisdictione concurrat Episcopus, deturquelosus persequenti: Quomodo id ipsum accidit in Praelatis Ordinum mendicantium, qui à Generali suo, & Provinciali dictumodo dependent, & tamen cit. c. Ne pro defectu, nomine Pastoris, cuius morte viduatur ecclesia, comprehendendi censentur.

At verò in alijs electionibus ad beneficia, aut dignitates, quae tales praelaturae non sunt, quales descripti, sufficit quomodo expressum esse consensum maioris partis Electorum in communi congregatorum, secundum GL. receptam in c. sicut 21. ver. formam, hoc tit. in 6. Syl. ver. electio 2. q. 1. Angelus eod. ver. 29. & alij communiter.

Q. V. §. 10 secunda. An in omnibus doctorum Praetorum electionibus ea quae hic descripta est, scrutinij forma seruanda sit? Responso est affirmatiua ex communi sententia. Sed limitari debet. I. Nisi privilegium Apostolicum habeatur de alia forma electionis tenenda, aut vna vel pluribus scrutinij conditionibus omittendis. II. Si à tempore immemoriali, cum bona fide, aliter in electione Praelati obseruatum, quàm in hoc c. Quia propter praescriptum est, & DD. communiter ad formam scrutinij requirere solent. III. Si valde pauci sunt Electores, vid. tres tantum, (aut etiam quatuor secundum Innoc. hic. n. 4.) non tenentur seruare, cum nec possint, hanc formam scrutinij: Ita DD. plerique, inter quos Bald hic n. 20. dñs rationem: quia statutum cessat, si verba statuti seruari non possint. Arbitratur quidem Host. hic compromissi formam assumendam, etiam si aliquis Capitalium contradicat, sed Abb. super hoc c. §. vel saltem, Rodrig. tom. 2. Regular. qq. q. 5. a. 2. contrarium ratiò docent, quia nemo cogi potest, vt abiecta electionis libertate, ex alieno arbitrio pendeat. Itaque, nisi consuetudo permittat, vt scrutatores adhibeantur, qui ex Capitulo non sunt, poterit vnus Capitaliarum cum Notario scrutator contineri, vel possunt, sine forma scrutinij,

X x 2 hic

hic præscripta sua suffragia voce aut scripto exprimere, iuxta morem antiquum; præsertim, si duo tantum sint, sufficiet eorum consensus quomodoque declaratus. Sin denique videntur, potest is eorum testibus suffragium suum exprimere, nisi malit in alium, vel alios ius electionis transferre: tum enim ipsemet si idoneus sit, prælatum consequi poterit.

QUÆSTIO tertia. Estne ipso iure irrita electio Prælati in ecclesia viduata, si fiat forma scrutiniij non observata? Affirmant DD. communiter, propter verba clara huius c. *Aliter electio non valet*. Sed intelligi in primis debet iuxta ea, quæ in c. cum in cunctis 7. hoc tit. & alijs docui, electionem ipso iure irritam esse, ita vt à Superiore per sententiam declarationem rescindi possit, perinde ac si ab initio penitus, nulloque iure subsistisset. Alioquin verb, si non rescindatur, quia nemo est, qui eam oppugnat, neque Superior ex officio mouetur, electus tutus manet in conscientia, cum naturalis obligatio, atque ius ortum ex eligentium consensu subsistat. Quare electus defendere se potest regula 33. Cancellariæ de trienniali possessione; videl. quod post elapsam triennium à die possessionis acquisitæ numerandum, molestari amplius non debeat. Deinde pars ea requiritur, secundo loco recensiti, quod omnes ius suffragij habentes, qui possunt ac volunt interesse, vocari debent, nec semper ita se habet, vt eius omisso electionem ipso iure irritam faciat, sed interdum irritabilem: videl. si vnus aut plures contempti sint, duæ tamen partes Capitalarium, quippe in quibus ius Capitalaris ad tractatum institutum consistere censetur, conuenerint, iuxta ea quæ dixi in c. quod licet 8. hoc tit.

QUÆSTIO tertia. Vtrum Capitalares, si non seruati formâ scrutiniij, electionem faciant, ipso iure pro ea vice priuati existant? Dicendum cum Gl. hic ver. priuantur, Anton. n. 52. Abb. in ver. nisi n. 3. non esse priuatos, sed à Superiore per sententiam priuandos, quia id verba c. 6. Qui verò significat, eligendi ea vice potestate priuantur. Consensus c. quamquam 18. hoc tit. in 6. Post

sententiam autem, deuolutio electionis pro ea vice fit ad proximum Superiorem, in Cathedralibus verò ecclesijs ad Papam, iuxta cit. c. quamquam. Id verò intelligendum, si omnes eligendo deliquerint, sin autem non omnes, quia aliqui abentes fuerint, aut se opposuerint & appellauerint, ne tali modo electio fieret, deuolutio fit ad ipsos, secundum Gl. receptam in cit. c. quamquam, ver. deuoluetur.

QUÆSTIO quarta. Quid sentiendum, si Capitulares post electionem, in qua forma Concilij seruata non est, promulgatum decretum, sed nondum electo insinuatum, aut ab ipso non acceptatum, aliam electionem inchoare velint: sed Canonici aliqui, qui non interfuerunt, se opponant, appellantes ad Superiorem, vt propter formam scrutiniij non seruata, transgressores priuentur, & tota potestas ad ipsos recidat? Diferentes hæc de re sunt Interpretum sententiæ: Hostiensis & post eum Anton. hic n. 52. existimat, contractioni locum esse, vt electio noua fieri possit. Sed contrarium melius docere videtur Innoc. hic n. 9. fusc hæc rem examinans, & post eum Abb. hic ver. nisi, n. 5. Ratio est, quia ante latam priuationis penam Electores sunt in possessione iuris eligendi, & ideo valere debet electio. Sed alia ratio est in casu, quo Capitulares indignum elegerunt: tunc enim ipso iure priuati existant, & tota electionis potestas penes alios non priuatos manet, iuxta c. 2. de postulat. Prælatorum. Videtur etiam potest. Ioan. Andr. hic n. 42. 43. 60.

Atque hæc de forma scrutiniij dicta sufficiant. De altera quæ est compromissi, superius pluribus in locis egi, hic autem iterum annotare liber, argum. huius textus, ver. *Vel saltem ad formam compromissi*, quippe quæ vt diuersa, & distincta à forma scrutiniij proponitur, conditiones & requisita eius necessarii obseruanda non esse, cum nec verba præscriptæ formæ ei optari satis possint, vt assumantur tres de collegio, qui vna cunctam exequantur, &c.

Id in QUAESTIONE est, Si compromissum sit in plures, v. g. tres, atque eorum duo personam indignam eligant, utroque pro ea vice priuati

privati sunt, cum eligendi potestas ad Capitulum devolutur, an vero tota maneat penes alios, videl. in proposito casu penes vnicum, qui in maligni electionem non consensit. Posterioriorem quest. partem amplectitur est Abbas in e. cum in iure, in fine hoc tit. Sed contrarium magis placet, quod cum Archidiacono docet Syl. ver. electio 2. q. 19. Nam potestas compromissi non se extendit ultra intensionem compromittentium: Hi autem nolunt electionem pendere ab vno. Sed contrarium minore compromissariorum, sed vel expriment, vel intelligunt, eam personam se recepturos, in quam omnes, vel pars maior illorum consenserit, dummodò idonea sit. Videri possunt quæ dicam in c. si compromissarius 17. hoc tit. in 6.

18 Denique, quod attinet ad electionem quasi per inspirationem S. Spiritus, Ad eam alia forma, aut solemnitas non requiritur, sed solum, ut nulla precedente disputatione de certa eligenda persona, omnes unanimiter in eandem personam, absque fraude, vitio simonæ &c. consentiant. Quia omnem ordinem, aut eligendi formam sanctus Spiritus, qui ad eiusmodi electionem animos mouisse censetur, abundè supplet, ut dicitur in Constitut. Societ. Iesu p. 8. cap. 6. num. 5.

§. Illud autem.

PARAPHRASIS.

Prohibetur in eodem Concil. Lateranensi sub Innoc. III. ne Capitularis loco suo procuratorem constituat, nisi absens sit, & legitime impeditus accedere ad electionem: de quo, si opus esse videatur, iuramento fidem facere teneatur: Tunc, si voluerit, vicem suam, iussu suffragii, committere potest, qui tamen è Collegio sit.

SUMMARY.

- a. In negotio electionis non potest quis regulariter procuratorem constituere, cum tamen Capitulares, si velint, etiam à non impedito accedere, possunt accipere.

re, neque tantum vnum ex Collegio, sed etiam extraneum.

2. *Existens in ciuitate, in qua electio peragitur, si ob infirmitatem accedere non queat, potest procuratorem constituere, qui cum speciali mandato iuramenti, si exigitur, prestare tenebitur, quod si accedere impeditus sit.*

Si infirmus ipsa malis dare suum suffragium, scrutatores ad eum accedere, & illud ab eo accipere debent.

Nemo Capitularium ordinariæ cegi potest per se, vel per alium ad electionis tractatum veniat, nisi interesse ecclesie omnium presentiam, vel futurum aut consuetudine requirat.

Pro declaratione, seu limitatione huius §. aliqua aduertit debet. Primum, ex Abb. hic n. 1. Syl. ver. electio 1. q. 3. Quod Capitulares, si velint, etiam à non impedito accedere, procuratorem accipere possunt. Et non tantum vnum ex Collegio, sed etiam extraneum aliquem, argum. c. scriptum 40. hoc tit. §. Esti partes consenserint. Quia constitutio huius §. potissimum in fauorem Capitularium emanauit, qui proinde fauori suo renunciare possunt.

Alterum. Si aliquis in ciuitate, in qua electio peragitur, infirmitate detentus sit, quo minus ipsemet accedere possit, procuratorem constituere non prohibetur, qui tamen, perinde ac si ab absente mitteretur, iuramentum in animam domini, siue principalis, cum speciali mandato, quod is accedere impeditus sit, si tale iuramentum exigerit, de quo Innoc. super hoc c. n. 11. Sin autem ipsemet infirmus suffragium suum dare malit, tunc scrutatores, si commodè fieri possit, ad ipsum accedere, & suffragium eius recipere debent, prout hic Innoc. docet, n. 2. Syl. ver. electio 1. q. 4. argum. l. 1. iun. l. 5. ff. de Procurator. Ceterum nemo Capitularium, ordinariè loquendo, compelli potest, ut per se, vel per alium ad electionis tractatum veniat, præterquam si ob aliquas circumstantias, Ecclesie interesse videatur, ut omnes adsum, Vel nisi ecclesie altius status

rum, aut consuetudo omnium presentiam exigit. Quia de re DD. in c. 1. de his que sunt à maiore parte Capituli, Abb. super hoc c. n. 4. Syl. loco supra cit. dicto 3.

CAPITVLVM XLIII.

Quisquis.

PARAPHRASIS.

Si quis per abusum potestatis secularis contra ecclesiasticam libertatem electus, consensum dare præsumperit, eius electio ipso iure irrita est, & electus ineligibilis redditur, ita vt ad nullam dignitatem ecclesiasticam abque dispensatione eligi possit. Qui autem talem electionem celebrare præsumperint, ab officiis & beneficiis penitus suspendi debent per triennium, insuper eligendi pro ea vice facultate priuati existunt. Ita Innoc. III. statuit in Concil. generali Lateranensi, cap. 25.

SUMMARIVM.

1. Electio facta per abusum secularis potestatis est contra ecclesiasticam libertatem ipsoque iure irrita.
2. Tunc autem contrahitur talis abusus, quando laicus cum auctoritate se immiscet electioni, ita vt libertatem clericorum, ad quos propriè spectat electio, impediat.
3. Et locus est huic constitutioni, licet laicus id agat vt consuetudine immemoriali, modo ea non habeat formam annexam accepti primatui & Apostolici.
4. Consensum electionis de se facta per abusum laice potestatis, capere commodum electionis, & efficiunt ineligibiles ad dignitatem.
5. Et hac papa inhabilitatis est lata sententia.
6. Dispensabilis tamen est hac inhabilitas non tantum à Papa, sed etiam ab Episcopo aut simili potestate predicta.
7. Acceptans electionem in casu huius c. non fit inhabilis ad beneficia curata, &

- alia beneficia quæ dignitates non sunt.
8. Panam hanc inhabilitatis incurrunt, qui ecclesiasticam dignitatem à celebratione persona laica acceperunt, ita vt promissi deinde ad eandem vel aliam absque dispensatione non possint.
 9. Presbiteri eligendi tunc priuati sunt potestate, & ab officiis & beneficiis per triennium suspendi debent.
 10. Si Capitulares ob merum gramam consentiant, vt per abusum secularis potestatis celebrentur, panam huius c. non incurrunt.
 11. Talis tamen electio ipso iure irrita est.
 12. Et Capitulares, si temerè electionis talis consentiant, ipso iure etiam pro ea vice priuati sunt eligendi potestate.

NOTANDVM I. Electio quæ fit per abusum secularis potestatis, ecclesiasticæ libertati repugnat, ipsaque iure irrita est. Ita hic, & videri potest Concil. Trident. sess. 25. cap. 20. de reform. vbi contra eos agitur, qui ecclesiasticam libertatem laidunt.

QUÆSTIO prima. Quid sit electio fieri per abusum potestatis secularis? De hoc videri potest Gl. hic ver. abusus, Innoc. prope finem, Abb. n. 4. Anton. n. 10. Suarez de censur. disp. 31. sect. 3. suspens. 10. Respondeo autem: Tunc contingere cum abusum, si laicus cum auctoritate se immisceat electioni, ita vt libertatem clericorum, ad quos propriè electio spectat, quomodocunque impediat, iuxta c. cum terra 14. c. circumspecta 5. c. Massana 56. hoc tit.

QUÆSTIO secunda. Quid si laica potestas id agat vt consuetudinis immemorialis, habetne locum huius c. constitutio? Affirmat rectè Abbas hic n. 4. Quia mera consuetudo, quocunque tempore durat, non potest laicos habilitare ad spiritualia, prout docet Ioann. Andrin. in c. 2. de præb. 6. & sumitur ex cit. c. Massana, ex quo etiam constat, talem non posse dici consuetudinem, sed potius abusum & corruptelam. Dixi autem de mera consuetudine, quia si consuetudo immemorialis etiam habeat formam

nam accepti privilegij Apostolici, licet id ob temporis diuturnitatem exhiberi nequeat, non potest quidem causam præscribendi dare, ob incapacitatem subiecti, potest tamen efficere bonam fidem, ut in tali casu penali huic constitutioni locus non esse videatur. Nam quod ex titulo aliquatenus colorato, & cum bona fide agitur, non potest dici abusus.

4. NOTANDA II. Si quispiam electioni de se factæ per abusum laicæ potestatis consentire præsumpserit, caret commodo electionis, & intelligibilis sit, nec absque dispensatione ad aliquam dignitatem eligi potest. Sensus est, quod consensus in electionem nihil ei prodest, & si novæ electio instituitur, ipso electionis incapax sit; sed nec ad alias quamcumque dignitatem, sine dispensatione, assumi possit.

QVÆSTIO PRIMA. Num hæc inhabilitas poena sit laicæ sententiæ, an ferendæ? Videri potest hoc potius esse dicendum, propter verbum *intelligibilis fiat*, videl. in futurum. Sed contrarium rectè docuit Gl. hic communiter recepta, ver. fiat; ipso facto inturri inhabilitatem. Ad rationem dubitandi respondetur cum ead. Gl. & Anton. hic scilicet. ubi ait, doctrinam illam, quod verba significancia in futurum inducant poenam sententiæ ferendæ, limitari debet, nisi alia verba præcedant, aut sequantur, ex quibus contrarium colligi possit, prout hic immediate sequitur, *nec absque dispensatione* &c. Sensus itaque verborum esse debet, si quis electioni de se contra libertatem ecclesiasticam factæ, consentire præsumpserit, ipso facto inhabilitis fiat. Et ita docuit Baldus hic n. 3.

QVÆSTIO SECUNDA. Quisnam in hoc casu super inhabilitate dispensare possit? 6. Respondeo; quod non tantum Papa, sed etiam Episcopus, aut similis potestate præditus dispensare siue habitare possit. Ita docet Gl. hic ver. fiat. Innocent. n. 1. Imola n. 4. Abb. n. 8. Felin. in c. at si clericus, §. Deauctoritatis, n. 2. de iudicijs; et si contrarium videatur sentire Anton. hic n. 13. propterea quod constitutio hæc sit Concilij generalis,

in qua Episcopus non dispensat. Sed probatur id, quod dixi argum. c. nuper 29. de sent. excomm. & ex doctrina Gl. in c. In quibusdam 12. ver. dispensatum, de penis; Si in canone permittente dispensationem, non exprimatur, quis dispensare possit. ad Episcopum pertinere; Alioquin enim frustra adijcerentur ea verba, cum constet, Pontificem dispensare posse. Ad hunc tamen dictum respondet aliqui apud Anton. eic. loco, verba huiusmodi, *nisi dispensetur*, non frustra adijci; tamen dicamus solum Papam dispensare posse; quia is facilius dispensabit, nec opus erit tunc lueris adijci clausulam, *N. nobiscum Concilio generali*. Et hæc sententia probabilis quidem est, sed prior communior & probabilius: Si enim mens canonis esset dispensationem Pontifici excipere velle, tam ita expressisset: *Nec absque dispensatione Apostolica Sedis* &c.

QVÆSTIO TERTIA. Num acceptans electionem in casu huius c. inhabilis etiam fiat ad beneficia curam, & alia beneficia, quæ dignitates non sunt? Responso debet esse negatiua; Quia legem poenalem extendere non oportet ultra verba, quæ in ea expressa sunt: Canon autem iste clare exprimit, ut ita electus ad dignitatem eligi non possit. Quamvis contrarium docuerit Abbas antiquus hic in fine c. Licet talis ad canonicatum promoueri possit; quia canonicus etiam ecclesiæ Cathedralis inter dignitates non numeratur, non tamen posse promoueri ad curam animarum, seu ecclesiæ parochialem; quia ea dignitas æquiparatur, c. dudum §. 4. infra hoc tit. Sed respondetur; Licet beneficium curatum æquiparetur dignitati aut personatui quoad pluralitatem, ut ibi, & in c. de multa 28. de præb. non tamen in alijs.

QVÆSTIO QUARTA. Vitam poena hæc inhabilitatis incurrat etiam ab ijs, qui ecclesiasticam dignitatem ex collatione personæ laicæ acceperunt? Ita affirmat Gl. hic in c. si quis deinceps 12. ver. interdicimus in fine, causa 16. q. 7. Capella Tholosana q. 484. Abb. hic n. 2. Felin. in c. postulasti n. 15. de rescriptis, Azor tom. 2. lib. 3. cap. 50.

q. 5. Contrarium docet P. Suarez cit. sect. 3. n. 15. Quia textus e. specialiter loquitur de acceptante electionem per abusum secularis potestatis factam. Ergo non debet extendi ad alios casus in materia penali. Veruntamen arbitrari licet, ante hac constitutionem sacris canonibus & ecclesiastica praxi receptum fuisse, ut qui praelaturam aut dignitatem ecclesiasticam de manu laici acciperet, in poenam criminis, tum eius quam accepit, tum alterius in capax esset. præterquam si cum eo dispensaretur: alioquin Concilium non tam confidenter id statuisset de acceptante electionem, nisi idem locum haberet in acceptante collationem. Et habemus huius rei indicium in cit. c. si quis deinceps, & in c. si episcopus 14. c. si quis Clericus 16. ead. q. 7. Accedit, quod plures casus sunt, in quibus etiam in materia penali ob identitatem vel maiorem rationis extensionem fieri delect, vel si alioquin absurditas sequatur. aut si duo spectato eodem fine & effectu in iure equiparata sint, aut inter se subordinata, tanquam perfectum & imperfectum, prout docui in lib. 1. Theol. moral. tr. 4. cap. 18. n. 10. eadque ad hunc casum non incongrue applicari possunt. Respondeo itaque & Dico ad questionem;

1. Eum qui a manu potestatis laice ecclesiasticam dignitatem recipit, inhabilem reddit, ut promoueri deinde ad eandem vel aliam non possit absque dispensatione, argum. huius c. accedente communi DD. sententia.

Exinde sequitur, quod si talis, qui per abusum laice potestatis electionem acceptauit, non precedente dispensatione a Superiore confirmationem accipiat, titulum non consequatur, quia electio, quæ non substat, non confirmatur, prout tradit Felinus in c. postulasti n. 15. de re script. Deinde si per laicæ potestatis abusum quispiam prælaturam, aut dignitatem affecit, postea vero à Superiore ecclesiastico eandem obtinere velit, quod debeat inhabilitatem, quam contraxit, explicare, vitium quoque intrusionis, si administrationi se ingressus, prout Abb. hic tradit n. 2. Felin. cit. m. 15. Capella cit. q. 484.

NOTANDUM III. Qui electionem cum abusu secularis potestatis celebrare, præsumunt, (cùm electio irrita sit) eligendi tunc facultate privati sunt, insuper aboliticijs & beneficijs per triennium suspendi debent.

QUESTIO prima. Si Capitulares ob metum grauem consentiant, ut electio per abusum secularis potestatis, siue personis laicis auctoritatem sibi in actu electionis usurpantibus, celebretur, poenam huius can. incurrant? Responso est negatiue, secundum Baldum hic n. 2. & 3. Suarez cit. sect. 3. n. 14. alios communiter. Nam verbum presumptionis positum in textu huius c. temeritatem significat, quam iustus seu probabilis metus tollit: Similiterque, si electores probabili persuasione ducantur, rationale ius laico per privilegium competere, licet reuera non competat.

QUESTIO secunda. Verum electio, quæ per abusum potestatis secularis celebratur, Electoribus non ex temeritate, sed graui metu consentientibus, nihilominus irrita sit ipso iure? Affirmari debet: quia vniuersim & indistinctè prohibetur in textu, ne electioni per abusum secularis potestatis de se factæ aliquis consentiat, alioquin poenas incurrit: Sin autem electio valida esset, non prohiberetur electus, antequam ea rescinderetur, acceptare. Ratio dari debet: Quia electio huiusmodi potius in odium laicorum se immiscet, quam Electoribus consentientium, hoc in can. infirmata est. Videri debent quæ dicam in c. Massana 56. hoc tit.

QUESTIO tertia. Num Capitulares qui electioni temerè in hoc casu consentiunt, ipso iure privati sint pro ea vice? Arbitror esse affirmandum, cum Gl. in prima respons. in qua tamen ipsa non persistit, sed sequitur Abbas antiquus hic in fine c. & Suarez cit. sect. 3. n. 12. in fine, ait esse indubitatum. Probatur autem hæc sententia primò ex c. cum in cunctis 7. §. Clerici hoc tit. vbi idè loquendi modus habetur, eligendi sunt potestates priuati, quæ vocula tunc ad omnes explicatur, ut idem sit, quod pro ea vice, imò

imò ab ipso Pontifice Innoc. III. in c. cum Vintonienſis 25. hoc tit. qui & illius & huius c. Auctor eſt. Secundò probatur ex verbis huius c. in quo veluti ratio redditur, cur Capitulares pro ea vice electionem aliam celebrare non poſſint, quippe ipſo iure privati quia prior illa, quæ per abuſum poteſtatis ſecularis facta, irrita eſt.

Contrarium tamen docet GL. cit. in altera reſponſum ſequitur Abb. hic in fine c. eſſe hanc penam ſententiæ ferendæ. Cùm enima dictum eſt, Electores per triennium ſuſpendentes eſſe ab officiis & beneficiis, conſequenter debent eſſe *irre*, id eſt, pro eo triennij tempore privati. Alioquin argumentatur GL. tantum pro vna vice privati eſſent, reliquo ſuſpenſionis ſux tempore eligere poſſent, quod abſurdum eſt. Reſpondeo ad obiect. abſurdum iſtud non ſequi. Quia duplicem penam Concilium his tranſgreſſoribus inferre voluit, vnam, vt ipſo iure privati eſſent eligendi poſſitate pro ea vice: Alteram, vt etiam poſtea per ſententiam ſuſpendantur ab officiis & beneficiis. Ex ſententia autem GL. ſequeretur, quòd Capitulares, qui conſentiendo in abuſum electionis per impreſſionem poteſtatis laice peccarunt, priuſquam per ſententiam Iudicis privati eſſent, aliam electionem canonicam inſtituere poſſent. Id verò minis conueniens, & alienum à mente Concilij videtur: quia decens eſt, vt in eo puniantur, in quo peccauerunt.

CAPITVLVM XLIV.

Nihil.

PARAPHRASIS.

Cùm nihil ſit, quòd Eccleſiæ Dei magis officiatur, quàm ſi indigni Prælati ad regimen animarum aſſumantur, ideo in Concilio Lateran. ſub Innoc. III. Papa c. 26. decretum eſt, vt, ſi quis ad regimen animarum electus fuerit, is, ad quem confirmatio ſpectat, cùm electionis proceſſum, tum perſonam electam diligenter examinet. ſin ſecus ſperit innotet præſumptum, nò

ſolùm deiiciendus eſt ita promotus, ſed etiam promouens pamiſſus, ita quidem, vt, ſi de negligentia eius conſtitit, maxime ſi hominem inſufficientis ſcientiæ, inhoneſtæ vitæ, aut non legitime ætatis approbat, proximam confirmationem impendendi poteſtate careat, & à proprijs beneficijs perceptione ſuſpendatur, quàmvis Superiori (qui ſuſpenſionem intulit) viſum fuerit. Sin autem per malitiam, ſedolum conuiſus fuerit indignum confirmari grauius puniendus eſt, (Superioris arbitrio, quia hic penam nò determinatur) ſed & Episcopi ad ſacros ordines & eccleſiaſticas dignitates promouere debent huiusmodi perſonas, quæ commiſſum ſibi officium dignè poſſint adimplere, ne & ipſi canonice ſubſint vltioni. Porro Prælati, qui Rom. Pontifici immediatè ſubiecti ſunt, ij perſonaliter (ſi commodè fieri poſſit) conſpectui eius ſe præſentent ad confirmationem accipiendam, aut perſonas idoneas mittant, per quas Pontifex de electione & perſona electa edoceri poſſit. Verumtamen hiſ, qui ab Vrbe valde remoti ſunt, videl. vltra Italiam conſtituti, ſi in concordia electi ſint, diſpenſatiue, propter neceſſitates & vtilitates eccleſiarum, permittitur interim adminiſtratio in ſpiritualibus & temporalibus. ita tamen vt de rebus eccleſiaſticis nihil penitus alienent. Munus autem benediſtionis ſeu conſecrationis accipiant, ſicuti antea conſueuerunt.

SYMMARIVM.

1. Superior electum ad prælaturam antequam confirmet, examinare debet formam ſeu proceſſum electionis, & perſonam electam, præcipuè circa ſcientiam eius, mores, & ætatem.
2. Confirmant per negligentiam indignum ad prælaturam electum, ipſo integro diſpenſatiue confirmandi primum ſuccoſum, & à beneficio eſt ſuſpendendus. Confirmant autem per malitiam, grauius puniri debet.

Ty

8. Qui

3. *Qui extra Italiam versantur ac degunt, censeri debent valde remoti ab Vrbe.*
4. *Prælati Rom. Pontifici immediatè subiecti, in concordia electi, valde ab Vrbe remoti, videl. extra Italiam constituti, interim dum confirmantur a iam in spiritualibus quàm temporalibus administrare possunt, ita tamen, ut nihil alienent.*
5. *Intelleguntur autem hic Prælati Rom. Pontifici immediatè subiecti, omnes y. q. ratione ecclesiæ ad Rom. Pontificem immediatè, errentes, & ab eo confirmationem accipiunt.*
6. *Legati aliter in prouincia sui possunt hi ab eo etiam confirmari.*
7. *Intellegitur quoque hic loci electio in concordia facta, quæ vel est omnium electorum, vel saltem maioris aut maioris partis, ita ut reliqui siue pauciores, nulla probabili ratione se opponere possint, sed consentire & approbare debeant.*
8. *Prælati in casu huius c. administratio compelli ex i. a. casum necessitate, vel periculi, ne ecclesiæ damnum inferatur.*
9. *Hec tamen indulgentia administratio Prælati tantum electio extra Italiam concessa est, non autem postulatione.*
10. *Non improbitur tamen prædicta indulgentia locum habet etiam in aliis Prælati electio, qui Episcopo vel Archiepiscopo subiecti sunt.*
11. *Electio in casu huius c. ante acceptam confirmationem administrant, si coniungat post electionem ob defectum rescindenda, quæ ab electo alia sunt, pro valde haberi debent, si electio non ipsi iure sed per sententiam irritabilis est.*
12. *Electus, qui auctoritate huius can. ante acceptam confirmationem administrat, est in quasi possessione prælaturæ.*
13. *Viator licentia huius c. in ecclesiis Germaniæ, propter earum necessitates, & utilitates in praxin deduci possit.*

NOTANDUM I. Antequam Superior electum ad prælaturam confirmet, examini diligens præmittere debet de forma

electionis, & persona electæ, præcipue circa scientiam eius, mores, & ætatem requisitam. Constat c. 3. & c. cum nobis 19. hoc ut. c. ult. eod. in 6.

NOTANDUM II. Qui indignum ad prælaturam electum approbat seu confirmat, maxime si defectu scientiæ, morum, aut ætatis laboret, ipso iure priuatus est proximam confirmationem impendendi potestate, & à beneficio suspendendus, si per negligentiam id actum: Sin verò per malitiam vel dolum egisse conuictus fuerit, grauius puniri debet.

Hic duo obiter admonendi sumus. I. Tametsi res præcipue sint defectus, vid. scientiæ, morum, & ætatis legitime, ob quos electio reprobat, & pœne electoribus, & confirmatori decernuntur, uti constat ex c. cum in cunctis 7. hoc tit sunt tamen plures etiam alij defectus seu inhabilitates, prout docui in cit. c. cum in cunctis, & sumitur ex hoc c. verbum maxime, quod secundum propriam significationem est inclusiuum aliorum. H. Dolo, siue per malitiam aliquid factum esse non præsumitur, sed ostendi debet, uti hic patet ver. si verò conuictus, & in l. Quotiens 18. ff. de probat. Qui dolo dicit factum aliquid, dolum admissum docere debet, & annotauit Gl. in c. sedes 15. ver. dolo, de scriptis. Ceterum ex verisimilibus coniecturis præsumptio fieri potest de commissio dolo, iuxta c. 2. iun. Glossa ver. coniecturas, de renunc. in 6. l. dolum 6. C. de dolo: saltem si quis id agat, quod omnes communiter sciunt prohibitum esse, aut id non agat, quod sibi agendum esse, secundum Gl. in cit. l. dolum, ex c. 1. de præsumpt.

NOTANDUM III. Qui extra Italiam versantur, ac degunt, censeri debent valde remoti ab Vrbe. Ita hic dicitur expresse. Et potest hoc dictum inferuire primo in alijs casibus, quibus ob nimiam distantiam, difficultas adeundi Pontificem excusare censetur. Secundo inferuire potest, vt quotiesunque ecclesiæ aliqua tam longè distet à Curia Romana (vbiqueque ea sit) quanta est distantia Urbis Romæ à finibus Italiæ, censeri debeat valde remota à Curia, prout post Hoeslium Beuchic docet Anton. n. 24. & Abb. n. 7. 8.

9. 8. Quia principalis intentio Pontificis spectanda est, quæ est providere ecclesiis, ne ob moram expectandæ confirmationis, detrimentum in spiritalibus & temporalibus patiantur, ut patet ex verbis istis, *dispensavit propter necessitates ecclesiarum, & utilitates.* Quod verò adiectum est, *videlicet ultra Italiam*, id potius exempli causa factum est, quando de facto Curia Romæ existens, ultra montana, seu ultra Italiam degentes, nimis à Curia distare censeri debent. Quod autem exempli loco, siue ut certa species declaratione asserat, id regulam, siue legem ex vniuersali ratione traditam non restringit, uti notant DD. cum Gl. ver. pauci in c. 1. Ne Clerici vel Monachi, & in l. non possunt 1. ff. de legibus. Quapropter si Curia Pontificis in Galliam, vel Germaniam transiret, qui Romæ v. g. degerent, valde remoti à Curia essent, idè quæ privilegiis seu dispensationibus, quæ valde distantibus à Curia concessa sunt, gaudere censerentur. Neque dici potest, hanc esse extensionem ultra verba c. quippe quod solum loquitur de Prælati existentibus ultra Italiam, seu valde remotis ab Vrbe Roma. Nam verba legis debent adaptari menti siue intentioni auctoris, quæ ex ratione, præsertim si ea in lege expressa sit, colligitur, uti docui in Theol. mor. lib. 1. tr. 4. c. 18. n. 3. ver. Secundo.

NOTANDUM IV. Prælati Rom. Pontifici immediatè subiecti, si ab Vrbe valde remoti, videlicet extra Italiam constituti, atque in concordia electi sint, interim dum confirmationem à Sede Apostolica accipiunt, tam in spiritalibus, quam temporalibus administrare possunt, ita tamen, ut de rebus ecclesiasticis nihil omnino alienent. Ita textus huius c.

5. QVÆSTIO prima. Quinam Prælati Rom. Pontifici immediatè subiecti hoc in loco intelligantur? Resp. cum Gl. hic ver. ad Romanos. Omnes intelligi, qui ratione ecclesiæ ad Rom. Pontificem immediatè pertinent, ab eoque confirmationem accipere solent; siue sint Abbates, Præpositi, siue Episcopi, vel Archiepiscopi. Sed excipi debet, iuxta c. si Abbatem § 6. f. huiusmodi, hoc tit. in 6. Si

Legatus à latere in provincia sit, à quo Prælati eiusmodi confirmationem accipere possint. Idque notauit Abb. hic n. 3.

QVÆSTIO secunda. Quænam hic censeri debeat electio facta in concordia? Abb. P. norm. hic n. 4. ait. Eam tantum intelligi, quæ sit *in eadem discrepante*. Sed id nõ placet: Quia hac ratione non satisfieret intentioni Concilij Lateranensis, volentis providere ecclesiis valde distantibus, ne ob moram longiorum, detrimentum pauerint; cum rarissimum sit, ut electio fiat de aliquo, in quem omnes, nemine discrepante, suffragia direxerint. Dicendum itaque iuxta ea quæ docui c. in causis 30. not. 4. hoc tit. satis videri acceptione (quæ & præferri debet, præsertim in materia fauorabili ecclesiis) concordem electionem dici, quæ vel omnium est Electorum, vel saltem maioris ac minoris partis, ita ut reliqui, siue pauciores nulla probabilis ratione se opponere possint, sed consentire & approbare debeant.

QVÆSTIO tertia. Nom Prælati in casu huius c. administrationem duntaxat habeant, quatenus necessitas postulat, siue periculum est, ecclesiæ damnum inferatur? Ita enim docuit Abb. antiquus in fine huius c. & Imola n. 7. ubi aiunt, quod non possit Prælati obedientiam à subditis, aut fidelitatem à vasallis ante confirmationem recipere, quia talia dilationem patiuntur & periculum est, ne postea, si aut in forma electionis, aut circa personam electam defectus reperiatur, confirmatio & titularum prælatuæ penitus negetur. Sed contrarium videtur probabilius, quod docuit Gl. hic ver. administrent, Archidiaconus in c. Indemnitatebus §. si verò, hoc tit. in 6. Innoc. hien. 2. ad finem, dicens, quod *se administrare possunt, ac si essent Prælati confirmati*. Probatur tum ex hoc c. quando sine vlla limitatione administratio permittitur, præterquam ut nihil penitus alienentur; quæ exceptio confirmat concessum administrandi potestatem in alijs omnibus, quæ excepta non sunt. Tum ex cit. §. Si verò, ubi in simili casu libera administratio ante acceptam confirmationem conceditur, excepta alienandi facultate.

Y 2

QVÆ-

8 **QVÆSTIO** quarta. Num hæc indulgentia conceffa Prælati electis vitra Italiam, cõpetat etiam postulat, vt & ipsi administrare possint, priusquam postulatõ à Sede Apostolica admittatur? Videri alicui posset, esse affirmandum, quia electio & postulatõ æquiparari solent, eisdemque regulis definiti. Sed contrarium responderi debet cum Innoc. hic, post princ. & Abb. n. 7. Nam electio & postulatõ etfi in quibũdam æquiparentur, tamen in alijs quibũdam diuersa sunt, & quodammodo contraria, vti habetur in c. vn. de postul. Prælatorum: Notum autem est, quod à diuersis, aut repugnantibus nõ fit bona illatio. Talis enim diuersitas hic cernitur: Quia per canonicam electionem electo ius acquiritur ad prælaturã, saltem vt eam petere possit, eique ex iustitia debeatur, si idoneus sit. At vero per postulationem, quantumvis cõoordem, nullum ius postulatõ acquiritur: quare nec petitio seu actio ei competit, cum actio definitur ius petendi eius rei, quæ ipsi ex iustitia debetur, vti doceri solet Institut. de actionibus in princip. Sed rogare tantum, siue officium Superioris implorare potest postulatõ, vt ex gratia, & secundum æquitatem canonicam admittatur, si Capitulares vel omnes, vel saltem due partes eorum consenserunt, & scriptum 40. hoc tit.

QVÆSTIO quinta. Vtrum eadem indulgentia locum habeat in Prælati electis, qui Episcopo aut Archiepiscopo subiecti sunt, si accidunt, vt propter itineris distantiam, altitudo impedimentum confirmatio breui tempore obtineri non possit? Negat Gl. ver. administrarent, quam hic sequitur Anton. n. 6. Quia Constitutio hæc exorbitans est à iure communi, & dispensatio quædam ac proinde stricti iuris, & non extendenda. Sed contrarium nõ improbabiler docet hic Abb. n. 10. propterea quod, vti supra dictum, principalis intentio Concilij fuerit providere ecclesiis, ne, si Prælati electi longo tempore administrare non possint, detrimentum aliquod patiantur: Quæ ratio perinde locum habet in ecclesiis subiectis Episcopo, aut Archiepiscopo. Quod vero harum mentio facta non fuerit, sed tantum earum, quæ Rom.

Pontifici immediatè subijciuntur, causa la prompta est, quia in his frequentius inuimodi casus, ob itineris distantiam, occurrunt. Addit idem Abb. Panorm. n. 9. Tamen Prælatus non valde remotus sit, si tamen propter viarum impedimenta & pericula, v. g. belli tempore, non possit ad Superiorem accessus esse pro confirmatione petenda, & ideo dis expectandum, locum esse huic constitutioni: quia *hæc verba deficiant, non tamen ratio & mens eius*. Ad rationem Gl. respondetur: Etfi hæc constitutio, quatenus à communi iure, quo electus ante acceptam confirmationem administrare prohibetur, exorbitans est, odiosa & strictæ interpretationis censi possit, alia tamen principaliore ratione, quatenus in fauorem & vtilitatem ecclesiarum lata est, potius fauorabilis iudicatur. Ideoque propter identitatem rationis, præferim quæ in ipsa constitutione, & quidem inserta iuris communis corpori, expressa est, extensionem meretur, secundum doctrinam Gl. in c. sciunt. 1. ver. alios, hoc tit. in 6. quam sequitur Ioan. Andr. in c. vlt. col. 2. eod. in 6. Abb. cit. n. 9.

QVÆSTIO sexta. Si electus in casu huius c. ante acceptam confirmationem administraret: postea verò accidat, electionem, ob aliquem deprehensum defectum rescindit, aut irritam declarari, vtrum ea, quæ de electo acta sunt, pro validis haberi debeant, necne? Hanc quæstionem tractat hic Gl. ver. administrarent, fusè Innoc. n. 1. & seqq. Anton. n. 17. & seqq. Abb. n. 11. & seqq. Breuiter puto, distinguendum: Vel electio ob defectum ipso iure irrita fuit: vel non ipso iure, sed per sententiam irritari potest. Si hoc posterius, valent omnia acta; exempli causi, si aliquis fuerat contemptus, qui postea impetret, vt electio rescindatur. Sin prius, refert, num defectus publicè notus fuerit, tum nõ valent acta: Sin autem publicè ignotus, valere debent omnia acta. Atque in hoc casu rectè ait Glossa cit. *Circa spiritus reualis valet quicquid fecit, etiam in temporalibus bene administrando, emendo, recipiendo, non dando, siue donando*. Rationem dare debemus, quia in casu ipso concurrit

currit licentia suae auctoritatis Superioris, ex hoc can. & publica eaq. probabilis ignorantia defectus, pendens ex iure positivo, qui proinde supplebilis est, argum. l. Barbarius, ff. de offic. Praetorum. Idemque dicendum, si stabiliter electus confirmationem accepisset, quae postea detecto vitio & errore, cassaretur, quae antea gesta sunt a confirmato, existente publica ignorantia defectus, rata censeri debent, ut hic notat Ant. n. 39.

- ¶ QVÆSTIO septima. Num electus, qui auctoritate huius can. ante acceptam confirmationem administrat, sit in possessione Praelaturae? Pro parte affirmativa quærit esse potest, quod facultas administrandi sequitur possessionem, tanquam quidam fructus suae effectus eius, quare dicit Abb. hic n. 111. quod antequam possessionem praelaturae quis acceperit, administrare non debeat. Sed contra est; quod possessor quilibet rem tenet iure suo, siue ut suam, & specialiter quidem in beneficiis, possessio supponit titulum, siue canonicam institutionem, argum. reg. 1. in 6. At verò per electionem non acquiritur beneficii titulus, aut quasi dominium eius, sed per sequentem confirmationem Superioris, quae præcedente electione canonica, institutioni comparatur, prout etiam docui in Theol. morali lib. 4. tr. 2. cap. 12. q. 1. Ad hanc difficultatem rectè respondet Gl. ver. administrant, quod Praelatus sit in quasi possessione. Quia praelaturam quasi suam, seu quasi ius in ea habens tenet, idque non tantum propter canonicam electionem, ex qua ipsa actio nata est, ut confirmetur, qui autem actionem habet, quasi rem ipsam habere videtur, reg. 1. ff. i. iun. Gl. sed etiam can. huius affectum, tribuentis illi plenam administrationem, perinde ac si confirmatus Praelatus esset, excepto quòd nihil penitus alienare possit. Quia simili ratione maritus res dotales, tanquam suas tenet, propter plenam quae ipsi a lege tributa est administratio. L. prædium 23. C. de iure dotium. Est tamen haec possessio mariti veluti prouisional, & durans interim, dum matrimonium consistit, similiterque ista possessio Praelati necdum confirmati durat interim, donec de e-

lectione instituto examine sententia feratur: nam si confirmetur electus, corroborabitur possessio, sin cassetur, auferetur male electo.

Potè quod in textu dicitur, Praelaturam nihil penitus de rebus ecclesiasticis alienare posse, id eò referri existimo, ut nihil det aut expendat, quo bona praelaturae minuantur, adeoque nihil donet, nisi ob causam, aut quandam necessitatem: quod commune est omni administratori, quae de re dicam in c. 2. cum Gl. ver. liberam, de suppl. negl. Praelatum in 6.

¶ QVÆSTIO Vltima. Num huius c. licentia in ecclesijs Germaniae, etiam Archiepiscopatibus, & Episcopatibus, in praxin deduci possit, ut videl. in concordia electus, interim donec à Sede Apostolica confirmationem accipiat, in spiritualibus & temporalibus administret? Respondeo. Nihil mihi occurrere, cur id fieri non possit, vigore huius can. & propter necessitates & utilitates ecclesiarum: Praeterea, si alicubi appareat, & experientia cognitum sit, malè rem administrari, & praelaturae vacanti detrimentum inferri, si Capitulum administrationem gerat, v. g. si consuetudo in aliqua ecclesia viget, ut Capitulares per vices, alternis diebus aut septimanis, administrent: quae res occasionem praebere solet prodigalitatis, & dilapidationis, quomobrem si tale quid fiat, ad restitutionem illati damni omni iure Capitulum obligatur, argum. etiam huius c. partim, quatenus in eo indicatur, quòd ipsemet quoque electus, cum potius administratorio nomine res praelaturae teneat, nihil penitus alienare, aut sine utilitate absumere debeat; partim quatenus Capitularibus omnibus facultas bona à praecessore relicta occupandi, usurpandi, absumendi adempta est.

CAPITVLVM XLV. Ut praeerit.

PARAPHRASES.

Honorius III. Papa decreuit, ut expensis necessariis, quas Capitulum Constantinopolitanum, vel eius Nuncijs, Sede vacante pro electionis negotio facerent, etc.

Yy

bonis Patriarchatus accipiantur, dum ipsi Capitulares bona Patriarchæ præcedentis non occupent, aut usurpent.

SUMMARIVM.

1. *Expensa necessaria, quæ sunt pro electione Prælati noui, de bonis prælatu-
ra debent fieri, vel, si Capitulum ali-
quid de suo expendit, si ex iisdem reddi.*
2. *Canonicus absens à loco ecclesiæ, in quo
electio peragenda est, sumptus profes-
sionis suæ ipsius facere cogitur, nisi
propter ecclesiæ vel prælatu-
rum bonum inde discesserit.*
3. *In causa persequenda, vel oppugnanda
electionis expensæ funtuntur à præla-
to, si Capitulum bona fide causam elec-
tionis persequatur, & id faciat in con-
cordia, saltem ea, ut maior pars in e-
lectionem consenserit, alijs se non op-
ponentibus, nec appellan-
tibus. Idem est, si id faciat in discordia, & ma-
ior pars Capituli habeat præsumptionem
pro se, quod bona fide & vultuer
negotium ecclesiæ gerat.*
4. *Contemptus electionem oppugnans ipse
met expensæ præstare cogitur, non item
oppugnans electionem factam de per-
sona indigna, aut Canonicus accusans
vel denuncians Prælaturæ malum &
ecclesiæ noxium, ut deponatur vel cor-
rigatur, si in iudicio obtineant.*
5. *Regularis adversus Prælaturam suam a-
gens Monasterium expensæ facere cogi-
tur.*
6. *Si electio electionis suæ causam pro-
sequitur & obtinet, expensæ accipiet aut
repetet ex redditibus prælatu-
ræ suæ, non item, si succumbat.*
7. *Expensæ ordinariæ & moderatæ, quæ fi-
unt in funere defuncti Episcopi, vel si-
milis Prælati, debent fieri ex mensa
sua redditibus prælatu-
ræ, quæ si non suffi-
ciant, ex mensa capitulari subsidium
asferendum.*
8. *Expensæ vero extraordinariæ, ut appa-
ratum funerum in vestibus consanguini-*

*neorum & amicorum, non fieri debent
à prælatu-
ra vacante, nec à Capitulo.*

9. *Prælatus non potest legatum immo-
datum ex redditibus prælatu-
ræ pro
pultura sua relinquere, pro busina-
men struenda centesimam partem cen-
sus ad ecclesiæ aliquam conferre po-
test.*
10. *Non licet Capitularibus bona mobilia
relicta à Prælato occupare, aut sibi vi-
surpare.*

NOTANDVM I. Expensæ necessariae
quæ sunt Sede vacante in negotio e-
lectionis noui Prælati, de bonis prælatu-
rum accipi debent: Aut si Capitulum aliquid de
suo expendere debuit, ex iisdem bonis ipsi
restituendum. Ita habetur in textu huius.
Ratio est: Quia electio principaliter tendit
in bonum prælatu-
ræ vacantis, cuiusque ne-
gotium vtiliter geritur: Ergo ex ea, siue re-
ditibus prælatu-
ræ accipi debent expensæ ne-
cessariæ, seu moderatæ, quæ sunt v. g. in
nuncijs destinandis, Tabellione & larecon-
sultis adhibendis, confirmatione petendâ &c.
Et habetur hæc locum non tantum in elec-
tione Archiepiscoporum, & Episcoporum,
sed etiam aliorum Prælatorum, cum omni-
um eadem sit ratio, prout docet Gl. recep-
ta hic ver. expensæ, & consentit c. cupi-
entes 16. §. Ad hæc hoc tit. in 6.

Loquitur autem Pontifex de expensis ne-
cessarijs, quæ alijs dici solent moderatæ & si-
nem 5. c. cum dilecti 6. de dolo & contu-
macia: Quibus opponuntur expensæ super-
fluæ, id est, quæ, & quatenus non necessariæ,
aut vtiliter sunt. Hæc enim si faciat Sede va-
cante Capitulum præstare ipsi, nec ex
prælatu-
ræ redditibus accipere, aut repetere
potest: cum negotium vacantis ecclesiæ vi-
tutiter gestum non sit.

Corollarium. Si Canonicus absens sit à
loco ecclesiæ, in quo electio peragenda est,
sumptus redditus siue professionis suæ ipse
facere cogitur: nam hæc est gratia, siue
privilegium, quod à loco ecclesiæ abesse
potuerit. Excipi debet, nisi propter eccle-
siæ, aut prælatu-
ræ utilitatem discedere de-
buerit.

fuerit : tunc enim officium damnosum ei esse non debet.

Obijcit aliquis: Capitulo ex officio incumbit, vt vacante Sede Prælaturam eligat. Ergo suis id expensis agere debet. Resp. cum Iouan. Andrea hic, negandum esse consequentem. Quia sæpe accidit, vt aliquis ratione officij teneatur ad præstandum quippiam, attamen non suis expensis, sed eius, in cuius gratiam laboratur, vti patet in visitatore ecclesiarum, in Episcopo prohielente ad consecrandas ecclesias &c.

¶ QVÆSTIO est prima, de expensis, à quo fieri debeant in causa prosequende, vel oppugnandæ electionis? Respondeo ex doctrina Gl. fin. in cit. cap. cupientes, Innoc. hic. n. 1. Abb. n. 7. Cardin. Tuckho in concl. præst. ver. expensis, concl. 644. Vel Capitulum prosequitur causam electionis, vel electus ipse. Si Capitulum, vel id facit in concordia, saltem ea, cum pars maior consensit, alijs se non opponentibus, nec appellantibus, hoc in casu accipiet expensas a prælatura, tamen causam non obtineat, dummodò bonâ fide, & sine dolo causam prosequatur, arg. l. Prætor 9. ff. Quod ait Prætor, ff. de bonis auctor. Iudicis possidendis, & l. sed an vitro 21. ff. Is autem, ff. de negot. gestis. Vel id facit in discordia, tunc distinguendum inter maiorem Capituli partem, & partem minorem. Nam maior pars Capituli habet præsumptionem pro se, quod bonâ fide & vtiliter negotium ecclesiæ gerat: quare repetet expensas, tamen causâ cadat, argum. cit. §. Si autem. At verò minor pars expensas non repetit ab ecclesiâ, nisi obtineat: alioquin enim non vtiliter egisse præsumitur, sed laus & consilius fuisse maiori parti consentire, aut se non opponere, quam litigare.

Simili quadam ratione, si contemptus electionem oppugnet, implemet expensas præstare cogitur, tamen causam obtineat, & electio ad eius petitionem rescindatur, non tantum, quia propriam causam egisse censetur, sed etiam, quia prohiisset magis ecclesiæ, si electionem de persona idonea factam ratam habuisset. Sectis verò est, si quispiam electionem oppugnet, quia facta sit de indig-

no atque in iudicio obtineat, tum expensas ab ecclesiâ recipere debet, quippe cuius causam principaliter egisse existimatur. Quemadmodum & Canonicus accusans & denunciatus Prælaturam malam, & ecclesiæ noxiam, vt deponatur, aut corrigatur, si obtinet, recuperat expensas ab ecclesiâ, tamen id non egerit ex Capituli mandato, secundum Gl. in c. cum pro causa 6. ver. de mandato, de Procurat. Imò verò, si Regularis quispiam aduersus Prælaturam suam agat, Monasterium expensas facere cogitur, c. ex parte 11. & c. penult. de accusat. Cum enim Religiosus proprium non habeat, interdum periret ius ecclesiæ, nisi generatim prouium esset, vt Monacho, cum ius agendi habet, expensas præstarentur.

Venio nunc ad alteram partem primæ distinctionis: Si electus electionis suæ causam prosequitur & obtinet, expensas accipiet, aut repetet ex retributis prælaturæ suæ. Sin autem succumbit, non est consuetudo, vt expensas ab ecclesiâ accipiat: quia suum potius negotium egisse censetur. Etenim in hac expensarum materia præcipue attendendum est, cuius negotium principaliter agatur, vt is ad expensas teneatur, l. vlt. C. de litibus & imaginibus.

¶ QVÆSTIO altera, hic tractari solita de sumptibus funeris, qui sunt defuncto Episcopo, vel simili Prælato, num ecclesiæ seu prælaturæ vacanti incumbant, an potius ex bonis patrimonialibus faciendæ sint ab hereditibus defuncti? Resp. ex doctrina Abbatis hic n. 7. Petr. de Vbaldis in tract. de canonica episcopali & parochiali cap. 13. & Dico 1. Ordinarij & moderati sumptus funeris ecclesiæ incumbunt, faciendi ex mensa seu retributis prælaturæ: Quod si ij non sufficiant, ex mensa Capitulari subsidium afferendum. Ratio dari debet: quia ad honorem ecclesiæ spectat, vt Prælatus eius honeste sepelatur, argum. l. quod si nulla 28. ff. de religioj & sumptibus funeris: Redundat quoque id in Capitulum, quippe quod præcipua membra ac veluti corpus ecclesiæ repræsentat, id est, eius quoque interesse censetur, vt Capitecorum, siue Prælatus decenter sepelatur, tradatur.

Dico

8 Dieo II. Sumptus extraordinarios fune-
ris, ecclesia, siue prælatura vacans præstare
non tenetur, multò minùs Capitulum. Tales
expensæ sunt v. g. quæ in vestes consanguin-
eorum, vel amicorum expendantur: cum
ex principaliter fieri censentur ob fami-
liæ honorem, aut specialem amicitiam.
Sed alia ratio est de vestibus famulorum,
& officialium, quos Prælatus conuenienter
pro statu suo aluit.

9 His adde, quòd Prælatus non possit lega-
tum immoderatum ex prouentibus præla-
turæ pro sepultura relinquere: Attamen, dū
viuit, ad sepulturæ suæ constructionem, cen-
tesimam partem census ad ecclesiam aliquā
conferre non prohibetur, c. penult. de do-
nat. ubi videtur potest Ioann. Andr. n. 2.

10 NOTANDVM II. Capitulares bona, vi-
del. mobilia, quæ Prælatus desunctus reli-
quit, occupare, aut usurpare sibi non debent.
Idem habetur in c. quia sæpe 40. hoc tit. in
6. & Clem. statutum 7. eod. tit. Sin autem
bona vacantis prælaturæ sibi iniquè vsur-
pent, aut occupent, debitores sunt, cum ad
acceptorum restitutionem obligentur, &
ideo rectè eis negatur expensarum in nego-
tio ad prælaturam spectante repetitio, donec
ipsi, qui malè acceperunt, restituant. Aliæ
explicationes videri possunt in Gl. hñ. Abb.
n. 6. Imola in fine c.

CAPITVLVM XLVI.

Cum post petitam.

PARAPHRASIS.

Postquam Archiepiscopus Lugdunensis ces-
sionem, quam diu instanter à Pontifice
petiuerat, tandem obtinuit, Canonici con-
corditer eiusdem ecclesiæ Præpositum
elegerunt. Cum autem electio Honorio
III. Pontifici præsentata esset, reperit is
ex actis, quòd post publicationem suffra-
giorum & collationis tractatum, aliqua
protractio facta fuisset, & assensus electi
prius petitus, quàm electio formata.
Quamobrem dictus Papa Honorius elec-
tionem eam, iustitiam ita exigente, cassauit,

SYMMARIVM.

1. Episcopus episcopatus renunciare non
potest sine Roman. Pontificis licentia.
2. Ad formam electionis spectat, ut post
scrutinium publicatum, & factam col-
lationem numeri ad numerum, & c. mox
electionis decretum formetur, ac pro-
mulgetur.

NOTANDVM I. Episcopus episcopa-
tus renunciare non potest sine Roman.
Pontificis licentiâ, quam ipse etiam facili-
ter non concedit. Ita hic, & in c. ad supplicatio-
nem, g. & in c. nisi cum pridem 10. de re-
nunc.

NOTANDVM II. Ad formam, ac vel-
uti substantiam processus electionis spectat,
ut post scrutinium publicatum, & factam
collationem numeri ad numerum & c. mox,
siue in contingenti electionis decretum for-
metur & promulgetur. Alioquin electio causa
& irrita iudicari debet. Dixi de hoc in c. quia
propter 42. hoc tit. requisit. 4. Quamobrem ait
Gl. hic ver. protractam, quod uno contextu
solum fieri debet, & electio fieri, antequam ad
alias se diuertant electores. Id vero ita in-
telligendum, sicuti de factione testamenti
habetur in l. hæres palam 1. ff. de testam.
& l. cum antiquitas 28. c. eod. Vt in actio-
num contextu negotium peragatur, siue,
nullus alienus actus, nisi postulante neces-
sitate interponatur. Sin autem aliquid peti-
tens ad ipsum electionis expediendum ne-
gotium intercedat, non vitijabitur electionis
actus. Videlicet, si publicato scrutinio, & fa-
cta collatione, electores ab eligendo, vel po-
stulando exquirant, (etiam nullis nuncijs
ad absentem, si non longè distans sit) num
consentire velit, necne: Interdum enim ita
expedire videtur, ne si post formatum ele-
ctionis decretum, qui electus est, consentire
recuset, vilipendatur dignitas, & ab altero
difficilius acceptetur, prout Abb. hic n. 5.
annotauit.

QVÆRES. Quæ itaque causa fuit, cur
electio hæc à Pontifice cassata, seu cassi de-
clarata fuerit? Resp. Dupæ causæ esse pos-
sunt:

SUMMARYM.

tuisse: Prima, quæ satis in textu c. exprimitur. Quia electio protrahitur, siue negotium electionis interruptum. Nam post publicationem servitium, & factam collationem, credibile est Electores dissoluisse Conuentum, & ad alia diuertisse. Ita Ioan. Andr. hic.

Altera causa reddi potest, Quia Præpositi consensus absolute requisitus fuit, quasi electio ex parte eligentium perfecta fuisset. Quamobrem peccatum fuit circa ordinem processus adeoque in forma electionis, cum prius electionis decretum formidum & publicandum sit, quam electus electioni, tanquam de se facta consecratur. Ita docet Anton. hic n. a. & Innoc. in fine, his verbis: *Antequam esset electio in Capitulo publicata, consensus electionis ac si facta esset. & sic non fuit servata forma.* Non item contra processum electionis peccatum fuisset, si Præpositus concitissile electioni ut facienda, seu potius rogatus, aperuisset mentem suam, si eligentur canonice, quod repugnare non veller, uti supra dixi, & tradit idem Innoc. licet dubitet Abb. antiq. hic. Videri possunt quæ dicam in q. quàm sit b. hoc tit. in 6.

CAPITVLVM XLVII

Constitutio.

PARAPHRASIS.

Duorum Monasteriorum Abbates, missis Procuratoribus ad Sedem Apostolicam, petuerunt rescindi electionem Abbatis Monasterij Fisanensis; eo quod, ipsis contemptis, seu non vocatis, peracta esset. Cum autem Procuratores causam exprimere iussi essent, ob quam ius suffragij in eo Monasterio dictis Abbatibus competere allegata fuit, quod olim, cum ex eo Monasterio assumpti essent ad Monasteriorum suorum abbatias, Abbas & Conuentus Monasterij Fisanensis specialiter illis concesserint, ut in Capitulo eiusdem Monasterij vocem, seu ius suffragij haberent. Hanc rationem friuolum reputans Honorius III. super hoc duobus Abbatibus illis perpetuum silentium imposuit.

1. Si petitioni actoris ius commune resistat, cogitur se exponere causam petitionis suæ.
2. Professus vniuersi monasterij si transferatur ad aliud, vel in alterius Monasterij Abbatem assumatur, ipso facto amittit vocem seu ius suffragij in prioris monasterij Capitulo.
3. Religiosus, qui professionem edidit cum stabilitate loci, de iure communis & ordinario non potest cogi ad transfusum ad aliud monasterium.
4. Si vniuersum Monasterium sine Prioratu ab altero monasterio dependat, eius subiectum sit, ita vniuersum illorum proprium ac stabilem Conuentum non habeat, sed dependentur ab altero. Monachi & Prior Conuentualis illius locum habebunt in Capitulo principalis monasterij, & ad electionem Prelati vocandi sunt. Secus est, si vtrumque distinctum Corpus seu Conuentum efficiantur.
5. Regulari professu neque gratuita confessione potest reservari ius suffragij in duobus monasterijs.

NOTANDVM I. Si petitioni Actoris ius commune resistat, cogitur se exponere causam petitionis suæ, ut hic apparet, & in c. i. de officio Vicarij. Quare si vel nullam causam exprimere possit, vel ineptam exprimat, ut hic, reijctur eius petitio, siue libellus. Etenim in proposito casu, cum ius electionis ad Collegium seu Capitulum spectat, iuxta c. i. hoc tit. Ideo nullas qui e Collegio seu Capitulo non est, ius suffragij seu electionis vendicare sibi potest, nisi ex causa aliqua, siue titulo speciali. Consensus c. Romana §. hoc tit.

NOTANDVM II. Professus vniuersi monasterij, si transferatur ad aliud Monasterium, vel in alterius Monasterij Abbatem assumatur, ipso facto amittit vocem seu ius suffragij in prioris Monasterij Capitulo. Ita hic docent omnes DD. & admonet Ioan. Andr. ad marg. huius c. relatus, id diligenter,

quia experientia constat, facillimè Monachos vocatos ad alia Monasteria, hac de re dubitare. Sed dubium nullum esse debet, cum habeamus expressam iuris decisionem, & communem DD. consensum. Ratio est, quia per eam translationem ad aliud Monasterium efficitur, vt *nullam communionem habeat cum priore Monasterio*, ait Abb. hic not. 2. & sumitur ex c. vi. de relig. domibus, vbi Concil. generale Lateran. sub Innoc. III. ait, *Prohibemus, ne qui in diuersis Monasteriis locum Monachi habere presumat.*

3 Corollarium. Religiosus, qui professionem edidit cum stabilitate loci, siue in ordine ad certum Monasterium, non potest cogi ad transitum in aliud Monasterium, spectato comuni & ordinario iure, prout inter alios docuit Nauarr. comment. 4. de Regul. n. 22. vers. *Ex praedictis defaminatio*. Nam per professionem specialiter factus est proprius eius Monasterij filius, eique tanquam pars, siue membrum incorporatum: ergo inde imperio Abbatis auelli non potest, auelleretur enim ab obedientia, quam vouit, seu professionem, quam edidit. Et hæc quidem in not. 2. tradita doctrina extra controuersiam est, si Monasteria sunt gubernata per se, siue sub diuersis, & inter se non subordnatis Superioribus, seu Prælati constituta.

4 Sed Qvæstio est, Quid si vnum Monasterium, seu Prioratus ab altero Monasterio dependeat, eique subiectum sit, iuxta c. 1. de priuileg. in 6. potestne Monachus, siue Professus vtriusque iura participare? Respondet cum GL in cit. c. 1. ver. *dependere*, cum sua addit. Ioan. Monacho ibid. Ioan. Andr. in supracit. c. vi. de religiof. domibus, Inprimis in hac re attendendum esse ad consuetudinem cuiusque loci: Sin autem de communis iure quæstio mota sit, tum inspicere debet, atque distingui, quanta sit subiectio vnus Monasterij erga alterum. Si enim Abbas superior, seu principalis arbitrata suo collocet ibi, ac reuocet Monachos seu Regulares ex Monasterio seu Prioratu sibi subiecto, tum signum est, quod Prioratus iste seu Monasterium inferius non habeat proprium ac stabilem Conuentum; quia inferius Monaste-

rium pleno iure incorporatum fit Superiori: quod eo etiam signo cognoscitur, si Prioratus aut inferius Monasterium administrationem bonorum exerceat cum dependentia à Monasterio maiore. His positis circumstantiis, tam Monachi, quam Prior Conuentualis locum habebunt in Capitulo Monasterij principalis, vt etiam ad Abbatis electionem vocari debeant. Sin autem inferius Monasterium siue Prioratus habeat bona omnino discreta, & proprium Conuentum, à quo Prælati eligatur, licet fortè confirmandos à Prælato superiore, iuxta c. cum dilectus 8. de consuet. tunc Monachi inferioris Monasterij non concurrent ad actus Capitulares Monasterij superioris. Imò fieri etiam potest, vt superius Monasterium ex speciali institutione seu fundatione, constituat Prælatum Monasterio inferiori, iuxta cit. c. cum dilectus, & tamen Monachi eius non concurrant ad electionem Abbatis superioris, si videl. nihilominus distinctum ipsi corpus seu Conuentum efficiant.

NOTA NDUM III. Adeo id iure cautum est, vt Monachus seu regularis Professus in duobus Monasterijs locum, aut ius suffragij non habeat, vt neque gratuita concessio id ei reservari possit. Ita hic in textu huius c.

Si difficultas est, cur hoc ius suffragij Monachis ad aliud monasterium transiatis, vel assumptis in prælaturam, reservari non possit, cum etiam cuiuslibet extraneæ personæ liberaliter concedi queat, vti constat ex c. scriptum 40. hoc tit. & aliis iuribus. Ad hanc quæst. si in terminis generalibus proponatur, num ius suffragij electiui personis extraneis, siue ijs qui à Collegio non sunt, liberaliter concedi possit, respondeo, esse distinguendum, ex doctrina Anton. hic n. 11. Abb. n. 2. Imole n. 3. Vel ius istud eligendi ex speciali gratia conceditur dignitati, vel personæ. Si dignitati, valet concessio; dummodò Superioris consensus & alia requisita interueniant, cum sit species quædam alienationis. Sin personæ, iterum distinguitur, vtrum id fiat Sede vacante, pro vna vice, & valet concessio, iuxta cit. c. scriptum. An verò non vacante Sede, & non valet concessio, quia præ se

fert

ferre tractatum futuræ electionis, quæ ante mortem Prælati reprobatur, argem. c. bonæ 36. hoc tit. & c. constitutus 11. de concess. præbendæ. Denique si concessio fiat personæ, non tantum pro vna vice, sed absolute & in perpetuum, seu ad vitam eius, tum consistere forassee poterit, si Superioris consensus atque aliæ solemnitates adhibeantur, dummodò fiat modo possibilibi, & à sacris canonibus non reprobato. Cuiusmodi concessio hæc fuerat, ut Monachus in duobus monasteriis intitulus, seu Capitularis existeret, quod sacris canonibus, & ecclesiasticæ traditioni repugnat.

Cæterum decisioni huius c. obstare videtur c. cum ecclesia, quod est 3. de causa possessionis & propriet. in quo cuiusdam Episcopi electio, ad quam alterius ecclesiæ clerici vocati non fuerunt, rescinditur, & clericis pristinam quasi possessionem reducitur, postquam ostenderunt, ipsos trium immediatè antecedentium Episcoporum electioni interfuisse, & vocem habuisse, tunc verò non vocatos, sed contemptos fuisse: ergo idem in hoc casu responderi debuit. Respondeo ex doctrina Gl. hic ver. quo iure, Anton. n. 6. Abb. n. 2. Casus vtriusque c. esse valde diuersos. Primò, quia in cit. c. 3. cum labatur actio petitoria, cum possessorio: hic autem nulla fit mentio possessionis, aut spoliationis, credibile enim est, hanc fuisse primam electionem, post transiitum Abbatum duorum ad aliud Monasterium, sed agebatur hic actio confessoria, ut de claretur ipsis ius suffragij competere, & ideo contemptos esse, atque electionem rescindendam.

Secundò. Tamen si ponamus, Abbates illos fuisse in possessione electionis, quia aliquando vna cum aliis fratribus Abbatem elegerant, tanquam ius habentes, tum verò vocatos non fuisse. tamen pro ipsis non ita pronuntiari potuisset, sicuti in casu cit. c. 3. pro clericis. Quia quando ius commune resistit possessioni, ea prodesse non debet possessori, nisi sit colorata, aut habeat præsumptionem pro se, prout videre licet apud Abb. in cit. c. 3. n. 52. Idque maximè locum habet in benefi-

cialibus; aut si agatur ad hoc, ut aliquis electus, aut promotus amoveatur, seu electio rescindatur. Hic autem nullus fuit color, causa, siue titulus cohonestans possessionem: nam ea ipsa causa quæ allegabatur, fuit contraria iuri, atque impossibilis, ideòque euerrens penitus intentionem actoris. Imò etiam euerrens compoda possessionis, quandoquidem notorius aut sponte confessus defectus proprietatis elidit possessionem. At verò in casu cap. 3. possessio colore, ac presumptionis iuris ac tituli pro se habebat ex longissimo temporis decursu.

Teriò, Quòd electio, quæ peracta est non vocato eo, qui erat in possessione iuris eligendi, rescindi debeat, id de bonæ fidei possessore intelligendum, non item de possessore malæ fidei, sicuti docent DD. in c. 3. vbi idem Abb. n. 53. Atqui clerici illi in casu eiusdem c. erant in possessione bonæ fidei, vti satis ex textu colligitur: Hi autem Abbates, si possessionem suffragij habuerunt, mala fide, & contra sanctorum canonum decreta iam nacti fuerant, vti ex suprà dictis constat.

CAPITVLVM XLVIII.

Ecclesia.

PARAPHRASIS.

Vacante ecclesia Rothomagensi, conuenientes Canonici ad electionem, in diuersas sententias & suffragia diuisi sunt: Nam quidam eorum in Thomam consenserunt, alij quidam in Cancellarium, cæteri singuli in certas alias personas vota sua direxerunt. Cum autem controuersia hæc, seu discordia ad Honorium III. Pontificem delata esset, & multa coram eo proposita, repertum est in primis, quòd non maior pars Capitularium absolute loquendo, sed solum comparatione partium minorum, sua vota in Thomam contulerint. Deinde compertum, quòd post suffragiorum publicationem, & electionis tractatum, ad electionem processum non fuerit: Tamen enim solemnitis deportationis.

ad sellam Episcopalem, siue inthronizatione, & quidem post appellationem interpositam, secuta sit, tamen ea pro electione reputari haud debet. Ea propter Pontifex id, quod circa Thomam factum est, casu, sed neque petitionem eorum, qui in Cancellarium conseruerunt, admisit.

SYMMARIUM.

1. *Ad electionem requiritur, ut fiat à maiore & saniori parte Capituli presentis. Idem requiritur in aliis omnibus Capitularibus seu Collegialibus actibus.*
2. *Vbi est votorum pluralitas, praesumitur etiam quod sint vota saniora donec contrarium probetur.*
3. *In Ordine Minorum Provincialis electus à maiore parte Capituli, secundum numerum, non obstante exceptione & contradictione quacunque alterius parte à Generali Ordinis Ministro confirmandus est.*
4. *In electionibus in quibus observari debet forma e. quia propter, requiritur solemnitas electionis promulgatio verbi concepta, in aliis sufficit facto communis Capituli eligenti consensum declarari.*

NO Tandum I. Ad electionem canonicam requiritur, ut sit facta à maiore & saniori parte Capituli. Ita Gl. hic in not. Innocent. & alij communiter. & habetur etiam in c. quia propter 42. c. Cumana 50. & c. in Genei 55. hoc tit. Et colligitur aperte ex textu quod non sufficit electum esse aliquē à parte seniore, nisi etiam sit pars maior Capituli presentis. Quod verbum *presentis* id eo addo, quia maioritas suffragiorum considerari debet in ordine ad Capitulares, seu Electores presentes, dummodo tantus eorum numerus sit, videl. saltem duae partes ius suffragij habentium, qui volunt ac possunt interesse secundum Gl. in l. quod maior i. p. ff. ad Municip. & conit. ex l. j. ff. Quod causae Vniuersitatis & c. ut ius Capitularis ad eligendum non desit. Si itaque in Capitulo congregato fuerint viginti electores, ne-

cessē erat vnde in Thomam consensisse, ut eius electio valere posset: Neque satis fuisse, si decem, quantumvis iuste, prudenter, & zelo reliquos superarent, consensuisse: quidquidem Pontifex in casu huius c. nulla fuit examinatio, num suffragia collata in Thomam maioris fess eligentium, seu electi meritis ponderis esse deberent, electionem cassandam duxit, ideo quia ad maiorem partem Capituli non peruenimus. Consensit & Cumana 50. hoc tit.

Hic addo, quod non tantum in electionis actu, sed etiam alijs omnibus Capitularibus seu collegialib⁹ actibus, ut firmitate obtineant, necesse sit maiorem partē praesentium in Capitulo, legitime, aut saltem valide congregato, consentire, argum. c. i. & toto tit. De his quae sunt à maiore parte Capituli & cit. l. quod maior. Et bene notat Gl. in cit. c. 1. ver. rationabiles, quod ubi est votorum pluralitas, praesumitur etiam quod sint vota saniora, donec cōtrarium ostendatur, argum. cit. c. 1. & c. dodum 22. hoc tit.

Loquor autem de actibus Capitularibus, seu collegialibus: Advertenda enim est doctrina Bartoli communiter recepta in l. si vi 36. alids incipit *Pomponius* i. q. j. ff. de re iudic. Quod interdum actus, v. g. praesentationis ad beneficium, pertinet ad plures vt singulos, siue vt singulares personas: nunc praeualer consensus partis maioris comparatione partium aliarum, iuxta c. j. de iure patr. Interdum pertinet actus, v. g. electionis, aut tractatus de alienatione faciendi, ad plures vt vniuersos, siue vt corpus Collegij, aut Capituli consistentis; tunc requiritur maior pars Collegij praesentis, & ius decernendi habentis. Cū enim difficile, & saepe impossibile sit, vt omnes cōsentiant, quia varij sunt hominum persuasiones ac sententiae; ideo quod maior pars Curiae (praesentis) efficitur, pro eo habetur, ac si omnes egerint, cit. l. quod maior, iun. Gl. ver. Curia.

A tradita verò doctrina excipit Abb. hic n. 6. cum Gl. in Clem. 1. §. Demum, vers. Tertiū vota, de verborum signif. Si in Ordine Minorum Provincialis eligatur, valere electionem factam à maiore parte Capituli, et si

Cum in magistrum.

PARAPHRASIS.

non sit absolute maior, sed comparatione partium aliarum. Veruntamen hoc non dicitur in §. eius Clement. sed longe aliud decernitur, videlicet nulla habita zeli ad zelum collatione aut consideratione, cum, qui à maiore parte Capituli, secundum numerum eligitur, non obstante exceptione & contradictione quacumq; alterius parte, à generali Ordinis Ministro confirmandus esse. Idque speciale est in electionibus regularium Prælatorum; quia in alijs electionibus, quæ per formam scrutiniij, excipi potest contra partem maiorem Capituli, quod non sit sanior, iuxta e. quia propter 42. hoc tit. Exceptio tamen hæc, seu oppositio ostendi debet; cum præsumptio pro maiestate sit, uti suprà dictum.

NOTANDVM II. In ijs electionibus, quibus obseruari debet forma cit. e. quia propter, non sufficit communem Capituli eligentis consensum factò aliquo declarari, v. g. deportatione ad sedem Prælati, aut collatione super altari: sed requiruntur solemnitas electionis promulgatio, verbis concepta, prout dictum est in cit. e. quia propter, & traditur in hoc e. Ratio est, quia si verba sint de substantia actûs, factum non æquiualeat verbis, iuxta e. j. de Baptismo. At verò in alijs electionibus, in quibus non obseruanda est solemnitas e. quia propter, necessaria non sunt verba; sed quomodocumque, seu verbis seu factò aliquo, consensus eligentiu personam aliquam sufficienter declarata sit, conserui debet rata electio, quia spectato jure naturalij aliud non requiritur. Ita annotauit Abb. hic n. 3. & Imola n. 3. vbi ait: *Electio debet verbaliter exponi, nec sufficit, si factò fiat. Et sic nota, quid vbi verba sunt de substantia, plura operantur verba, quam saltem Regulariter autem sufficit, voluntatem aperire, vel factò.* Potest tamen vel statuto, vel consuetudine receptum esse, vt etiam ad alias electiones verba adhibenda sint.



PARAPHRASIS.
Intellexerat Gregorius IX. Pontifex, quoddam in quibusdam Monasterijs, jure diocesano Episcopo subiectis, in Abbates assummerentur, qui ordinem regularem nondum professi essent: Hos, siue Monachi, siue Canonici regulares sint, amouendos esse respondens, rationem afferens. Quia in Magistrum assumi non debeat, qui formam discipuli non assumpsit, nec sit præficiendus, qui subesse non nouit.

SUMMARY.

1. Non professus in Prælatum regularem eligi non potest.
2. Neque eodem non professu Prioratus, aut administratio qualibet in ordine committi potest.

NOTANDVM Vn. Qui ordinem professus non est, ad prælaturam regularem promoueri non potest. Ratio datur in textu, quia talis nouitius & inexpertus esse censetur, & ideo non decet eum fieri Magistrum, siue Abbatem, aut Præpositum Magistrum: Consensus e. eum ad nostram 37. hoc tit. Nam qui in Rectorem, siue Magistrum Monasterij assumitur, in regula expertus & peritus esse debet, e. officij 38. hoc tit. Quis autem ordinis nondum professus est, in regula expertus non censetur, uti dictum in e. eum ad nostram 37. hoc tit. Hodierno autem iure e. nullus 28. eod. tit. in 6. requiritur, vt professionem expressam aliquis fecerit: Eaque irrita est, si fiat ante expletum probationis annum, iuxta Concil. Trident. sess. 25. cap. 15. de Regular. Ideoque his decretis obuiatum fuit abusi, qui olim inualuerat, scilicet Nauarr. consil. 61. de Regularibus edit. 2. vt post breuissimum tempus, videlicet vnius aut alterius hebdomadæ, aliqui professionem in Religione ederent, tantum, vt in Abbates, siue Præpositos regulares assumerent.

possent. Addendum, quod in Clement. Ne in agro, quæ est l. de statu Monachorum, §. Caterum, vers. Sanè, decretum est, ut Prioratus aut administratio quælibet in Ordine alicui committi non possit, nisi expressam professionem fecisset.

CAPITVLVM L.

Cumana.

PARAPHRASIS.

Ecclesia Cumana vacante, atque congregatis Canonici, qui tum præsentés erant, & tribus Abbatibus, quibus ius suffragij indubitatè competebat, die ad celebrandam electionem constituta, cum etiam Capellani & clerici ciuitatis electioni se debere interesse dicerent, sub hac protestatione admissi fuerunt, vt suffragia illorum quæ nec de iure, nec de consuetudine interesse deberent, non valerent. Facto deinde, iuxta formam Concilij generalis sub Alexandro III. scrutinio, septem Canonici, vnus Abbas, vndecim Capellani, & nouem Clerici ciuitatis in Archiepiscopatum conferunt. Nouem autem Canonici, vnus Abbas, & vndecim Clerici Archiepiscopo eius celestis suffragati sunt. Hoc intellecto processu, Gregorius IX. Pontifex respondit, Quod neutra electio ad maiorem partem totius Capituli peruenit. Fuerunt enim vniuersum viginti & vnus Electores, quibus ius suffragij competere noscebatur, quorum octo in Archiepiscopatum, decem in Archiepiscopatum, tres reliqui in alium, vel alios vota sua direxerunt. De Capellanis autem & Clericis ciuitatis probatum non fuerat, quod ad electionem admitti deberent, aut seu de iure seu de consuetudine antehac admissi essent. Tameñ enim Capellani duabus præcedentibus Episcoporum electionibus interfuerunt, & cum alijs scrutatores elegerint, non tamen ostensum fuit, eorum vota requisita fuisse, aut cum alijs elegisse: sed etsi ponamus, vota eorundem fuisse petita, aut ipsos cum alijs

elegisse, non tamen inde constat, id eis de iure competere, aut ex consuetudine præscripta: Accedit deinde, quod supra dictæ electiones factæ sint contra formam dicti Concilij generalis, quia collatio in cõmuni, quæ post scrutinij publicationem fieri debet, omisa fuerat: quomobrem Pontifex vtramque illam electionem sententialiter irritandam, ex Fratrum suorum suæ Cardinalium consilio censuit; priusquam Electores pro ea vice eligendi facultate,

SYMMARIVM,

1. *Capitulares ex maiori partè consensu possunt electioni faciendæ diem decernere, sed intra trimestre à die vacationis cognita.*
2. *Capellani, alijs, beneficiarij non Canonici aut Conuenticales, non habent vocem in Capitulo, nec faciunt vnum Corpus seu Collegium, nec possunt habere sigillum in cõmuni.*
3. *Ad cautelam fieri potest, & in quibusdæ ecclesijs solet, protestatio generalis in electionibus, non est intentionem Capituli, vt vilius suffragium valere debeat, nisi quatenus de iure valere potest.*
4. *In materia acquisita facultatis, seu iuris aut obligationis nomine consuetudine intelligenda est legitime præscripta.*
5. *Qui est in possessione vniuersi iuris, non idcirco est etiam in alterius non connexi.*
6. *Qui iterum aut tertio elegerunt Prælatum, non tamen ideo de iure suo, aut consuetudine præscripta probasse censendi sunt.*
7. *Si clericus volens cum Capitalibus eligere, non est in possessione iuris eligendi expellit potest etiam vi adhibita, nec opus est protestatione. Si autem Capitalulares expellere eum nolint, vel non possint, protestatio ad hoc proderis, non consensu: vt dicuntur.*
8. *Si clericus volens cum Capitalibus eligere, est in possessione cum mala fide, Capitalulares eum propria auctoritate expellunt.*

expellere non possunt, suffragium tamen eum non valet, & ipso etiam contradicente utilis sit protestatio, ut eius suffragium non valeat, nisi quatenus de iure valere debet.

9. *Eadem protestatio proderit, si dubium sit, an clericus cum alio eligere volens sit in possessione bona fidei.*

10. *Si confessus clericum esse in possessione iuris eligendi sine mala fide, valere debet suffragium eius.*

11. *Protestatio, qua fit ad conservandum ius protestantis sine praeiudicio alterius, contra quem fit, non requirit eius consensum.*

Si autem fiat protestatio cum praeiudicio, aut diminutione iuris aduersarij, non prodest protestanti, nisi sit acceptata.

12. *Electio facta non valet, omissa collatione, & electores pro ea vice privati possunt.*

NOTANDUM I. Capitulares ex maiori partis assensu diem decernere possunt electioni faciendæ; quod intellige intra tres menses, à die vacationis ipsis cognita: ulterius enim, secluso legitimo impedimento in ecclesiis cathedralibus & regularibus ecclesiis, differre non licet, c. ne pro defectu 41. hoc tit.

NOTANDUM II. Capellani, alijque, beneficiarii, qui Canonici non sunt, aut Conventuales, nec non habent in Capitulo ecclesiarum: Imò nec per se faciunt vnum corpus seu collegium; sed ministrant ecclesiis dumtaxat ut personæ singulares, sicuti annotat Gl. recepta in c. penult. c. ver. aliosq. de Cler. non resident. & constat ex c. dilecta 14. iun. Gl. ver. nec sunt vnum corpus, de excess. Prælator. ubi habetur, quod eiusmodi clerici seruientes ecclesiis non possint habere sigillum in communi.

NOTANDUM III. Si celebranda sit electio Prælati, & clerici aliqui interesse, & eligere, velint, de quorum iure non constat, admitti interdum poterunt, cum protestatione, ut eorum suffragia non valeant, nisi vel de iure, vel consuetudine interesse, & eligere debeant. Ita sumitur ex hoc c. Imò verò in qui-

buidam ecclesijs consuetudo est, ut semper ad cautelam fiat protestatio generalis, non esse intentionem Capituli, ut vilius suffragantium suffragium valere debeat, nisi quatenus de iure valere potest.

Porro ex hoc eodem textu colligunt Ios. Andr. & Abb. hic n. 4. Anton. n. 9. Imola n. 7. nomen consuetudinis absolute pronuntiatur intelligi debere de præscripta. Sed arbitror, hoc dictum non esse vauesaliter verum, sed ita dicendum: Si verlemur circa materiam acquisitionis facultatis, seu iuris, aut natæ obligationis, nomine consuetudinis intelligendæ esse legitime præscriptam: quia per eam solum ius nascitur, aut obligatio alteri imponitur. Videri de hac re potest P. Franc. Suarez lib. 7. de legibus cap. 8. num. 17. 18.

NOTANDUM IV. Qui est in possessione vnius iuris, non ideo est in possessione alterius iuris non connexi: consequenter nec præscribere potest alterum ius diuersum, quia sine possessione præscriptio non procedit, reg. 3. in 6. Signum autem est, iura eorumque possessionem esse separabilia, si actus, quibus acquiritur, separari possunt, ac solent, ut in casu huius c. ex speciali cōcessionē, aut consuetudine competere potest clericis, qui è Capitulo non sunt, ut electioni Prælati interfint, & cum alijs scrutatores eligant; non item, ut suffragia electionis dent: præsertim cum iure huiusmodi speciali, & à communi iure exorbitantia, videl. ut qui è Capitulo non est ius suffragij habeat, non præsumatur, sed certam probationem requirant, uti etiam dixi inc. constitutus 47. hoc tit.

NOTANDUM V. Etiam si aliqui, qui è Capitulo non sunt, ostendant, se vni cum Capitalaribus, semel iterum, aut tertio eligisse Prælatum, adeoque esse in possessione iuris eligendi, non tamen ideo de iure suo, aut consuetudine præscripta probasse censendi sunt. Ita habetur hic, iun. Gl. ver. iam præscripta: Sic patet, inquit, quid sita possessio non dat nec creat ius nisi sit præscripta: Et clarius habetur in c. 3. vbi Gl. ver. breuitatem temporis, de causa possess. & propriet.

Nam

Nam præter possessionem requiritur etiam bona fides, temporis legitimi decursus &c.

¶ Qvæstio est, quam Glossa hic mouet ver. protestatione, & tractant Interpretes, Innoc. n. 4. Abb. Antiq. ver. quod vox, Anton. n. 15. Imola n. 7. fusc. Abb. n. 5. & seqq.

Ad quidnam valis sit protestatio, cuius mentio fit in hoc c. & num consensus siue acceptationem requirat eius, contra quem protestatio fit? Respondeo secundum yarietatem casuum, & Dico I. Si clericus, qui non est membrum Collegij seu Capituli, electioni Prælati se immiscere volens, non est in possessione iuris eligendi, tum opus non est protestatione; quia expelli potest, etiam vi adhibita; si autem Capitulares nolint, aut non possint consensui facto ipso obfistere, tum protestatio ad hoc proderit, ne consensui & possessionem stabilius videantur.

8 Dico II. Si clericus volens cum Capitularibus eligere, est in possessione cum mala fide; quia clanculum, v. g. aut per vim ad auctoritate expellere eum non possunt, iuxta c. in litem 5. de reitut. spoliatorum, suffragium tamen eius non valet, quia malæ fidei possessor nullum ex possessione sua commodum seu fructum percipere debet, l. mala fide, C. de conditione ex lege. Quibrem etiam ipso contradicente utiliter fiet protestatio, quod eius suffragium valere noli, nisi de iure, vel consuetudine præscripta valere debeat, vti hic Innoc. tradit n. 4. ver. protestatione.

9 Dico III. Si dubius est, num clericus, qui cum alijs eligere vult, in bonæ fidei possessione existat, tum ne turbatio fiat, atque interim possessio clerico non confirmetur, proderit protestatio, vt eius suffragium non valeat, nisi quatenus de iure valere debet: Nam Superior, qui electionem confirmaturus est, causam examinare debet; vt si repererit, fuisse illum in possessione iuris eligendi, & quidem bona fide, suffragium eius valeat, sin autem in possessione cum bona fide non fuit, non valeat. Idque tradidit idem

Innoc. cit. loc. Anton. n. 16. Neque potest in hoc casu is, contra quem protestatio fit, contradicere, cum eius iuri, aut possessioni, si habet, nihil præiudicetur, sed solum contempnat, vt protestantibus ius suum conferatur.

Dico I V. Si constet, clericum esse in possessione iuris eligendi, neque appareat mala fides in possessore, tunc valere debet suffragium eius, & computari in numero ad electionem perficiendam, prout constat ex c. querelam 24. c. in Genesi 55. hoc tit. & clarior ex c. 3. de causa possell. & proprietat. cum olim 7. iun. Gl. ver. duobus, eod. tit. de causa possell. c. consultationibus 12. de iure patronatus. Quamobrem in casu protestatio nihil obest possessori, saltem si eam non acceptet, siue in eam consentiat, prout recte hic tradit Gl. ver. protestatione. Tamen vero in tali casu vult sit contra protestari, tamen id necessarium non est; quia taciturnitas non reputatur consensus, si agatur de inferendo alicui præiudicio, aut minuendo iure eius, prout docet Gl. & DD. in reg. 41. in 6. Regula itaque generalis tradi potest, cum cit. Gl. Anton. Abb. & alijs supra cit. Felinus in c. cum M. n. 77. de Consuet. quod protestatio, quæ fit ad conferendum ius protestantis siue præiudicio alterius, contra quem fit, non requirit eius consensum, argum. l. Nescimus 16. ff. de negot. gestis. Sin autem protestatio fiat cum præiudicio, aut diminutione iuris aduersarij, non prodest protestatio, nisi sit acceptata, quia non potest aliquis alteri iniquam conditionem asserre, nisi consentiat.

Verumtamen in casu huius c. nequaquam existimandum est, de Capellanorum & clericorum ciuitatis possessione, contistisse, sed planè contrarium; cum Pontifex expressè dicat, non fuisse oblatum, illos in prædictis Episcopum elegerit, consequenter non erant in possessione iuris eligendi: Alioquin, si in possessione fuissent, & quidem cum bona fide, (ea enim præsumitur in possessore, donec contrarium demonstretur) protestatio illa Capituli, vt suffragia eorum non valeant, nisi de iure &c. valere debeant, ipsis nihil obfuisse, etiam acceptata: pro-

pterea

pterea quòd, vt supra dictum, suffragium eius, qui in possessione bonæ fidei est, de iure valere debeat. Itaque clara & indubitata est hæc Gregorij IX. decisio, quòd suffragia Capellanorum & Clericorum numerari non debeant; quia de possessione eorum in præcedentibus electionibus ipsis acquisita nihil ostensum; quò minus autem in vltima electione possessionem acquirerent, obstat protestatio, quis aliter admissi non sunt, nisi vt suffragia eorum non valeant, si de iure aut consuetudine præscripta valere debeant. Addit verò Pontifex ex abundante. Posito etiam, (quod tamen verum nõ erat, aut saltem de eo non constabat) illos in præcedentibus Episcoporum electionibus suffragia electionis dedisse, non tamen necessario sequitur, eorum iam, siue in vltima electione suffragia, tanquam valida de iure, aut consuetudine præscripta admitti debere. Potuimus enim fieri, vt in prioribus electionibus admissi fuissent, non tanquam ex debito, sed precario, & ex gratia, sine acquisitione iuris, aut possessionis; poterat etiam fieri, vt, cum dubia & controuersa videretur possessio, admissi essent cum protestatione, de qua paulò antè hic dictum est. Sed hæc dicuntur tantum ex hypothesi, atque vberioris doctrinæ causa; non quòd necessaria sint, ad defensionem decisionis Pontificis, cum clarè in ea expressum sit de electione Capellanorum & clericorum, quòd ea antecesserit, adeoque ex ea possessio aliqua acquisita videri possit, nihil fuisse probatum.

NOTANDVM. Si collatio, quæ post suffragiorum publicationem, ante electionis decretum fieri debet, omissa sit, electio irrita est, tanquam facta contra formam Concilij generalis, atque electores pro ea vice priuari possunt eligendi potestate. Videri possunt quæ dixi in c. quia propter 42. hoc tit. in quinto requisito.

CAPITVLVM LI.

Sacrosancta.

PARAPHRASIS.

Comes de Varenna patronus Monasterij S. Pancratij, pertinens ad ecclesiam Clu-

niacensem, compositionem cum Abbate Cluniacensi, cum consensu Capitali eius, iuri contrariam, & ecclesiæ damnosam iniij, videl. vt defuncto Priore S. Pancratij, Abbas Cluniacensis duos ex ordine Cluniacensi, quos aptissimos iudicaret (excepto Priore Cluniacensi & Priore de Charitate) nominare debeat, ex quibus duobus optio relinqueretur Comiti, vt vnum ad Monasterij eius Prioratum assummat. Hanc compositionem alius Abbas Cluniacensis, prioris successor, oppugnare volens, causam hanc Gregorio IX. Pontifici proposuit, qui ita pronunciauit; Cùm ius eligendi in ecclesiâ Collegiata non cadat in laicum, dictam compositionem exemplo perniciosam esse, & ecclesiasticæ libertati repugnantem: Ideoque vult, vt non obstante ea compositione, Prioratum S. Pancratij, sicut alios sibi subditos Prioratus, liberè ordinare, siue Priorem in eo instituire possit, patrono autem factam ordinationem denunciaret, vt, si velit, honestum impartiar assensum.

SUMMARIVM.

1. Non valet pactum aut translatio, qua ecclesiæ damnosa, & libertati ecclesiasticæ contraria est.
2. Secundum hodiernam ecclesiæ praxin permiendum non videtur, ut laici, etiam patroni, translati electionis vni cum clericis intersint.
3. Instauratio sine prouisso Prelati in monasterio alteri monasterio subiecta pertinet ad Abbatem monasterij superioris, si huius arbitrio sit communis fratrum, ut ex vno monasterio in alterum transferantur.

NOTANDVM I. Nõn tantum ecclesiæ Cathedralis, & Prelatus pius, yid. Episcopus, denominari solet à loco, fides ciuitate v. g. Ecclesiæ Augustana, Episcopus Augustanæ Ecclesiæ; non expresso nomine Sancti eiusdem ecclesiæ; sed etiam hoc ipsum fieri solet in alijs ecclesijs principalibus, Sedi Apostolicæ immediate subiectis, quorum Pre-

lati quasi episcopalem iurisdictionem obtinent. prout hic apparet in textu, & notavit Abb. n. 1. Adde Glossam in c. quamvis 4. ver. non extendit, & quæ ibidem volente Deo dicuntur in 6.

NOTANDUM II. Non valet pactum, aut transactio, quæ ecclesiis damnosa, & libertati ecclesiasticæ contraria est: Idque maxime procedit in casu huius c. quando ius eligendi, aut assumendi aliquem ad prælatum committitur laico. Cum tamen laicus eiusmodi iuris, qui ppe spiritualis, incapax sit, ut dixi in c. 1. & c. cum terra 13. hoc tit. & sumitur ex c. Massana 56 eod. vbi eadem ratione reprobatur consuetudo, qua laici electionis ius sibi vindicare præsumunt.

Obitare tamen videtur c. nobis 25. de iure patroni in quo quærebatur, vtrum patronus ad electionem Plebani esset cum clericis admittendus an vero repellendus, tamen si longa consuetudine allegaverit se interesse debere: Ad id respondit Clemens III. Papa: *In Comenensibus ecclesiis non electionis Prælati faciendæ, sed iam factæ honesti ius patroni postulatur assensus, nisi aliter de sua iurisdictione obtineat, ut partes suas interponere debeat electionis tractanda.* Duæ sunt probabiles responsiones. Vna Glossæ ibidem, ver. misaliter, sermonem esse de patrono ecclesiastico, non laico. Altera Innoc. in c. quod sicut n. 2. hoc tit. Ioan. Andr. in cit. c. nobis num. 12.

Licet consuetudine, aut pacto constitui non possit, vt laicus electioni se immisceat, tamen quam ius eligendi, aut assumendi Prælatum habens, vt dictum est in not. isto, posse tamen introduci, aut constitui, vt consilium laici patroni ante electionem requirendum sit, aut vt laicus vnâ cum clericis tractatæ de electione ritè instituenda interesse debeat: silem defensionis causa, vt omnia tranquille & ordinatè peragantur, quod verbis suprâ ex c. illo nobis allegatis colligi videtur, ita tamen, vt ipsis clericis libera eligendi facultas non adimatur, idque confirmatur ex c. quia igitur 9. & seqq. d. 63. & videri potest Gratianus post c. cum longè 25. ead. d. 63.

At verò secundum hodiornæ ecclesiæ praxin, permittendum non videtur, vt laicus, et-

iam patronus tractatui electionis vnâ cum clericis interlit. Quod si huiusmodi consuetudo olim tolerata fuerat, tamen postea correctum fuisse, dicere oportet cum Glossæ ver. In laicâ, ver. sic enim corrigitur, & colligitur ex c. cû terra 14. hoc tit. c. quod sicut 28. eod.

Contra hanc tamen doctrinam viden potest scripsisse P. Lud. Molina tr. 2. de iurib. disp. 75. n. 8. vbi ait. Electionem Prælati in ecclesiis Collegialibus non pertinere ad patronum, sed ad Capitulum. *nisi patronus qui ecclesiam fundavit, aut dotavit, id in pactum deduxisset, suusq. illi concessum.* Et postea exinde inferit, ius eligendi seu nominandi Prælatum in ecclesiis Collegialibus posse à patrono per temporis immemoralis decursum præscribi. Verum tamen P. Molina ibi electionis nomen latè & improprie accepit pro præsentatione: Quod vel inde colligitur, quia pro confirmatione sententiæ suæ allegat Concil. Trident. sess. 25. cap. 9. de reformatione, quod expressè loquitur de iure præsentationis. Item Couarr. in reg. possessori p. 2. §. 10. n. 3. qui rectè ibi docet, nulla consuetudine aut præscriptione posse patronum laicum ius eligendi Rectorem ad collegialem ecclesiam acquirere, secundum Gl. ab omnibus receptam in suprâ cit. c. nobis, cum sit necessarium privilegium Rom. Pontificis, vt hoc ius laicis possit competere. Postea subiungit: *Aut autem præsentandi Prælatum ad ecclesiam collegiatam patronus laicus habere potest, si tempore constitutionis ecclesiæ, aut dotacionis ius ex consensu Episcopi ceperit, secundum Cardin. in Clem. pluribus, §. vlt. de iure patron.* Ex quo deinde colligit, hoc ius præsentandi Prælati in ecclesiis collegialibus, etiam Cathedralibus, per immemoralis temporis præscriptionem acquiri. Doctrina itaque Molina consentit cum his, quæ à Couarruua dicuntur, imò inde, mutatis a liquidantulum terminis, accepta fuit. Cur autem ius electionis minis in laicum cadere possit, quàm ius præsentationis, dñi in rubric. cit. Arton. in eod. c. quod sicut, num. 6. Verum cum in nullo iure expressum sit existimarem, electionem rescindi posse contra canones factam.

Not.

NOTANDVM III. Si Monasterium, siue Prioratus alteri Monasterio subiectum siue subordinatum sit, institutio siue prouisio Prælati in monasterio subiecto pertinet ad Abbate monasterij superioris. Ita colligitur ex textu huiusmodi & notauit Gl. in casu c. i. cod. tit. in 6. vbi ait, quod plures abbatis habent Prioratus conuentuales sub se, quos conferunt Abbates iure suo, & non eligunt monachi illius Prioratus conuentualis. Id verò arbitror intelligendum esse, si inter monasterium superius & inferius tanta sit communio Fratrum, vt ex vno monasterio in alterum transferantur arbitrio Prælati superioris: Sin autem ea communio non sit, sed inferius monasterium Conuentum separatam & propriam habeat, tunc spectato communi iure, electio Prælati in Monasterio inferiore spectat ad Conuentum eiusdem Monasterij: confirmatio verò ad Prælatum superioris, cui subiectum est, at verò iure speciali sine consuetudine etiam tunc electio seu prouisio Prælati seu Prioris conuentualis ad superiorem Prælatum spectare potest. Ita habetur in c. cum dilectus 8. de conuict. Videri possunt quæ dicuntur in causa 18. q. 2. c. 1. & seqq.

CAPITVLVM LII.

Cum in veteri.

PARAPHRASIS.

Vacante ecclesia Bisuntina, Papa mandauit Capitulo, vt intra 40. dies post literarum suarum receptionem, idoneum Pastorem eligerent, cum consilio Abbatis S. Benigni, & Abbatis S. Moribundi, & Fr. Guilelmi Ordinis Prædicatorum: Alioquin hi tres Archiepiscopus ecclesie Bisuntinae prouiderent. Canonici, post hoc acceptum mandatum, diem electionis decreuerunt, & in sex Canonicos compromiserunt, quorum eligendi potestas durare deberet, vsque ad assumptionem candelæ ipsius ecclesiæ. Compromissarij habito tractatu de Archiepiscopi electione, conueniunt in Abbatem S. Benigni, & super

hoc consilium duorum sociorum eius exquisierunt, quorum vnus respondit, post deliberationem inter ipsos habitam se responsuros: Cum autem responsum dare differrent, & candelæ deficeret, non expectato responso, elegerunt dictum Abbatem in Archiepiscopum Bisuntinum. Negotium istud ad Papam Gregor. IX. relictum fuit, sed ipse Archiepiscopo Viennensi, & Abbati de Firmitate delegauit, mandans eis, vt, si post habitam inquisitionem intelligant, quod Compromissarij in tractatu de electione dictorum virorum consilium requisissent, electionem Abbatis S. Benigni, si persona idonea sit, confirmarent. Sin autem in electionis tractatu consilium eorundem requisitum non fuisset, etsi forte postea fuerit requisitum, vel si responsum non fuisset expectatum: aut denique, si persona idonea non esset, electionem eius irritam iudicarent. Postea verò cum delegati inquisitionis suæ tenerem ad Pontificem missi, respondit ipse, Cum compertum fuerit, quod Compromissarij non competente tempore consilium dictorum virorum requisierint circa personam Abbatis S. Benigni eligendam, & postquam requisitum fuit responsum, non nisi modico tempore expectarent, electionem de dicto Abbate, non ob vitium personæ, sed electionis, rescindant, cum alijs imputari, aut obesse non debeat, quod electores ad tam modicum tempus ardentis candelæ se astrinxerint.

SYMMARIVM.

1. Index & mandatarium, qui indicare, vel negotium exequi debet, audito aliorum sapientum consilio, non prohibetur causam vel negotium alteri delegare, sed delegatus sapientes etiam consulere debet, sicut delegatus.
2. Compromissarij compromittentes statuere tempus possunt intra quod illi eligere debent.
3. Si consilium requirendum sit ab aliquo, dandum est ei tempus, quod competentis deliberationi sufficiat.

4. Si lege, statuto aut in commissione alicui facta ad actum aliquem v.g. electionem, testamentum &c. expediendum, adhibendum sit consilium aliquorum, potest talis actus etiam erga eam personam exerceri, cuius alias consilium petendum fuisse.
5. Si statuto cautum sit, ut mulier ex bonis suis nihil alienet, nisi cum consilio vel consensu duorum consanguineorum, potest mulier vendere rem uni consanguineo cum consilio aut consensu alterius consanguinei.
6. Si consilium alicuius petendum sit, debet id fieri dum res integra est, aliis si quid neglectum fuerit, culpe non tempus in d. consilium petenti imputabitur.
7. Si iussus consilium alicuius in negotio expediendo exquirere, consulere eum non possit, vel consultius responsum tempore competente dare nolit, absque eo procedi potest, & si quo mandati absens sit, & negotium expeditionem possit.
8. Actus ordinarii non valet absque consensu alterius, si ei ad eum requisitus sit.
9. Qui ex mandato negotium expedire debet cum consilio alterius, exquirere illud, & audire tenetur, non tamen sequi, nisi pleno intellectu careat, aut officij seu administrationis pariter capsi sit, qui in consilium adhibendus est.
10. Vnius negligentia alteri obesse non debet.

¹ NOTANDUM I. Si cui mandatur, ut causam seu negotium aliquod expedit cum consilio aliquorum, potest is, eo non obstante, causam alteri committere, sius delegare, ea tamen conditio, ut is cui committitur, earundem personarum consilia adhibere debeat. Nam si qui alteri in potestate succedit, eodem, quo ille, iure aut obligatione tenetur, argum. reg. 46. in 6. Quare inquit Abb. hic n. 3. Si iudex ex forma statuti, aut hominis, iudicare debeat auditio consilio sapientum, non prohibetur causas alteri delegare: sed delegatus sapientes etiam consulere debet, sicut delegans.

² NOTANDUM II. Compromissarii tem-

pus constituere possunt compromittentes intra quod illi eligere debeant, alioquin eorum potestas expirat. Ita notavit Imochius n. 4. Imola n. 6. Anton. n. 3.

NOTANDUM III. Si consilium aliquorum requirendum sit, debet ita requiri, ut habeant tempus sufficiens ad deliberandum, priusquam respondeant, adeo, ut vnus solus impedire possit, quod minus responsum detur ante tempus, quod competenti deliberationi sufficiat. Nam, ut dicitur in c. ponderet 1. q. d. 50. Tempore indigemus, ut aliquid maius agamus: Nec precipitemus consilia & opera nostra.

NOTANDUM IV. Si lego, statuto, aut in commissione alicui facta, ad actum aliquem, v.g. electionem, testamentum, aut contractum expediendum, adhibendum sit consilium aliquorum, nihil obstat, quod minus eiusmodi actus etiam erga eam personam exerceatur, cuius alioquin consilium petendum fuisse. Ita colligitur ex hoc c. Nam Pontifex mandauerat, ut electio fieret cum consilio trium, inter quos vnus erat Abbas S. Benigni: postea vero, cum Compromissarij eundem Abbatem eligere vellent, eius consilium super hoc non exquisierunt, sed tantum duorum aliorum. Ita annotauit hic Gl. ver. duorum, & sequitur Anton. hic num. 17. Contrarium tenet Ioan. Andr. n. 17. Abb. n. 10. quia forma mandati exacte seruanda debet: Cum itaque mandatum sit, ut trium consilium requiratur, etiam eius, quem Compromissarij eligere cupiunt, saltem in genere, petere debent. Veruntamen textus huius c. stat pro Gl. Ad rationem in contrarium respondetur, in mandato quoque potius attendendum esse ad mentem, quam verba mandantis: Et in commissione aut mandato expediendum esse casum specialem, quem ipse met mandans rationabiliter exclusum seu non comprehensum voluit: Talis autem est petitio consilij ab eo, quem Electores seu Compromissarij eligere decernunt, preferunt si id fiat cum consilio aliorum, qui super hoc audiri debebant.

Corollarium. Si statuto cautum sit, ut mulier ex bonis suis nihil alienet, nisi cum consilio

consilio vel consensu duorum consanguineorum, nihil obstat, quò minus mulier vendatrem vni consanguineo, cum consilio, aut consensu alterius consanguinei, argum. l. pupillus §. ff. de auctor. tutorum.

- 6 NOTANDUM V. Si consilium alicuius petendum sit, debet id fieri, dum res integra est, & vt tantum temporis spatium superest, quo ille deliberatum responsum dare queat; alioquin si quid neglectum fuerit, culpa eius imputabitur, qui non tempestive consilium petiit. Quamobrem generatim hic docent DD. Ioan. Andr. n. 5. Imola n. 8. eum Gl. ver. requisitum, quòd non possit aliquis allegare impedimentum, cuius ipse causam præbuit, nimis tardè negotium aggrediens, videl. in casu huius c. consilium non maturè exquirere, argum. l. 2. §. Si quis tamen, ff. si quis cautionibus, &c.

- 7 QUESITO est, Si iussus consilium alicuius in negotio expediendo exquirere, consulere eum non possit, vel consultus responsum tempore competente dare nolit, vtrum absque eo procedi possit? Respondeo eum Abb. antiquo hic, vers. Quid si isti consilium, affirmandum esse, si talis sit casus, qualis in hoc c. proponitur, quòd mandans absens sit, & negotium expeditionem possulet, Idque sumitur ex hoc c. ijs verbis, *si consilium consilium requisitum*, & ex c. vn. §. vlt. Ne Sede vacante in 6. Videri poteit Abb. Panormit. hic n. 13. vbi antiqui Abb. doctrinam examinat.

- 8 Sicut autem non consilium tantum, sed etiam consensus alterius ad actum expediendum postuletur, tum ordinariè loquendo, non valet, quòd absque consensu gestum est: Quamobrem, si illa consentire nolit, à Superiore suo cogi ad id poterit, si rationabiliter contradicendi causam non habet, vel sine eius consensu licentiam agendi Superior dare poterit, argum. l. si cum dotem §. Eo autem tempore, ff. soluto matrimonio &c. Interdù etiam, considerata qualitate facti, siue præstatio consensu, quem alter iniussit, siue irrationabiliter negat, procedi poterit, ratione officij, alteriusque debiti: Vt si Capitulum, vel ecclesie pariter consenti-

re nolit vnioni faciendæ, quam magna & euidentis necessitas seu vtilitas ecclesie postulet, etiam eo nolente quandoque vnio- nis Episcopus instituire poterit, prout docet in Th. morali lib. 4. tit. 3. c. 9. in fine.

NOTANDUM VI. Si alicui mandatum sit, vt eum alterius consilio negotium agat, exquirere illud & audire tenetur, non tamen sequi. Ita sumitur ex hoc c. iun. Gl. communiter recepta ver. expectatum, & cum olim 7 de arbitris. Nam hæc, generatim loquendo, libertas esse debet consilium petentis, vt examine apud se possit, tum consilium expediat, necne, prout Gl. annotauit in reg. 62. in 6. *Nidius ex consilio dummodo fraudulentum non sit, obligatur*: Quam regulam, in confirmationem huius not. adduxit Atton. hic n. 20.

Sed expiendum est primò, cum Bartolo in l. 1. §. si plures n. 6. de exercit. actiōe; Si alicui, qui plenum intellectum non habet, præceptum imponatur exquirendi consilium alterius, v. g. natu minori, tum assensumari debet, mentem mandantis esse, vt sine illius consensu & approbatione nihil agatur, quis alioquin negotio non satis prosperum esset, idque sumitur ex l. Impuberibus 7. ff. de suspectis tutoribus.

Expiendum secundo, Si alicui præceptum fuerit, vt requirat consilium alienius, quiofficij seu administrationis particeps est, tum etiam consensus eius postulari videtur, argum. c. venerabili, 37. iun. Gl. ver. consilio, de offic. iudic. delegati, & l. Titium 48. ff. de auctor. & peric. tutorum. Idemque dicendum, si eius, cuius consilium requirendum dicitur, alia ratione interit, v. g. Capituli, aut patroni, ne iura ecclesie diminuantur, tum etiam consensus expedandus est, per se & ordinariè loquendo.

NOTANDUM VII. Vnius negligentia alteri obesse non debet. Ita sumitur ex fine huius c. & consensu reg. 22. in 6. sumpta ex l. si quis 33. C. de inofficiolo testam.

Non debet aliquis alterius vicio præiudicari.

Congregato.

PARAPHRASIS.

Cum Capitulum ecclesie Niuernenſis congregatum ad electionem Episcopi ſuffragia dedissent, publicato ſcrutinio, apparuit tredecim in Decanum, & octodecim in Cantorem conſenſiſſe: qui proinde, tanquam maiorem partem Capituli facientes, electionem eius promulgauerunt. Sed alij qui pro Decano ſuffragati erant, exiſtantes, electionem eam Cantoris, quippe ſufficientem ſcientiam non habentis, irritam eſſe: & electores illos, grauiter delinquentes, iuxta Concilium Lateranenſe c. cum in cunctis 7. hoc tit. pro hac vice eligendi proteſtate priuatos, omnemque ſus electionis ad ipſos deuolutum eſſe: Decanum in Episcopum elegerunt, contra priorem de Cantore factam electionem, ad Sedem Apoſtolicam appellantes: Sed alij Canonici eſt diuerſo petierunt à Pontifice Gregor. IX. vt eam Decani electionem irritam declararet: cum à paucioribus facta fuerit, & quidem prior ea Cantoris electio caſſata fuiſſet. Ad hæc reſpondet Pontifex, & mandat cuidam Episcopo: Si Cantor defectum in literatura non patitur, & alias idoneus fit, vt eius electione Apoſtolica auctoritate, priore electione infirmata, conſirmet: Alioquin verò, ſi Cantor defectum patitur, ejus electione irrita declarata, Decanum, ſi nullum canonicum ei obſtitat impedimentum, dicte Eccleſie Niuernenſis, eadem Apoſtolica auctoritate præficiat.

SUMMARIVM.

1. Si una pars Capitalis ſcienter eligat indignum, pars altera, quamuis minor numero, ſtatim non inchoato nouo ſcrutinio, electionem de altero digno promulgare poſſeſt.
2. Electio aut ſimilis alius ipſo iure irrita

itur, interdum irritandus dicitur, hoc eſt, irritum denunciandum.

NOTANDVM I. Si pars vna Capituli deliquit eligendo indignum, pars altera, quamuis minor numero, ſtatim non inchoato nouo ſcrutinio, electionem de altero digno promulgare poſſeſt. Ita hic ſecundum communem intellectum, & conſenſum c. cum Vintonienſis 25. hoc tit. vbi id docui not. 3. & c. ſcriptum 40. vbi id docui not. 5. eod. tit. Ratio indicatur in textu huius c. quia cum alij delinquentes ipſo iure priuati exiſtant pro ea vice, veluti non reputantur inter Capitulares: Quare cum alij, qui non deliquerunt, totum Capitulum repræſentent, formare poſſunt electionem ſecundum ſuffragia, quæ in ſcrutinio dederunt pro perſona digna.

Pro pleniori intellectu quædam ex communi doctrina aduerſari debent. I. Quod loquimur de caſu, in quo eligentes perſonam indignam deliquerunt, vid. ſcienter ita eligendo, iuxta c. cum in cunctis 7. hoc tit. Id verò in caſu huius c. ſi videt, eligatur ſcienter, bonæ vitæ, ſus ſimili doſect laborans, ſermè præſumitur, prout etiam ex hoc c. apparet, atque tradidit Gl. in reg. 47. in 6. *Præſumitur ignorantia, vbi ſcientia non probatur*, dicens quod hæc regula vera eſt in his, quæ quis ſcit, aut indagare non tenetur: In his aut, quæ quis ſcit, aut indagare tenetur, non habet locum, ſicut in eligendo Prælati, iuxta c. 2. d. 61.

II. Nomine electionis factæ de perſona indigna accipere debemus eam, quæ communi nomine facta eſt, prout reſponſum eſt in c. perpetuæ 7. hoc tit. in 6. & dixi in ſuprà cit. c. cum Vintonienſis not. 3. At verò quæ in ipſo ſcrutinio ſingulariter dari ſolent ſuffragia ſeu vota, electionis nomen propriè loquendo, non merentur, prout ex hoc etiam c. colligitur, & notauit Abbat. not. 2.

III. Quod pars altera, quæ in perſonâ indignâ ſuffragia non direxit, ſi animaduertens alios propter formam electionem de indigno priuatos eſſe, nouum ſcrutinium, alijs excluſiſ

clufus, aut etiam voluntariè fecum admiffis (iuxta ea quæ dixi in eod. c. cum Vintonienfis not. 3. jinchoare nolit, tum electione de perfona digna statim, fiue incontinenti promulgare debent, vti colligitur ex c. cum poft 46. vbi DD. communiter docent, quod processus electionis sine interruptione peragi debet; idque annotant Gl. hic communiter recepta ver. postmodum, & explicat Abb. hic. n. 6. & Innoc. in princ. huius c.

IV. Si pars minor Capituli electionem de perfona digna prius promulgasset, ea ex subsequente electione facta ab altera parte de perfona indigna, confirmationem aut valorem non acciperet, prout ex communi hic notavit Ioann. Andr. Imola n. 8. Anton. n. 6. Abb. n. 5. & sumitur ex c. auditus 29. hoc tit. vbi dicitur, quod ex post facto non potest consualere, quod ab initio nullum fuit: At verò electio, quippe à minore Capituli parte facta, priusquam alij plures numero electione formata, priuatione contraxerant, penitus irrita fuit: Ergo consualere aut confirmari non potest, si electio aliorum de perfona indigna sequatur.

2. **НОТЪ КЪ ВЪ МЪ II.** Electio, aut similis actus, quo ipso iure irritus est, interdum dicitur à Superiore irritandus, aut cassandus, id est, irritus denunciandus, vti apertè etiam ex hoc c. colligitur.

CAPITVLVM LIV.

Dudum.

PARAPHRASTIS.

Rhotomagensi ecclesia vacante, Candinici in vnum cōuenientes Decanum suum in Archiepiscopum elegerunt: Sed Archidiaconus & alij quidam de electioni opposuerunt, ad sedem Apostolicam accedentes: ex altera etiam parte missio Procuratore, qui causam eligentium defendere. Archidiaconus inter alia obiecit electo, quod post Concilium Lateran. sub Innoc. III. (in quo c. 13. cautum erat, vt quicquid beneficium acciperet, eiusmodi prius habitum, tanquam ipso

iure vacans, dimittere debeat, alioquin vtroq. priuaretur) ipse Archidiaconatus Ambianensem obtinuerit, & cum eo plures ecclesias parochiales, quas ante Conciliū obtinuerat, retinere præsumpserit, imò ecclesias illas, dimisso Archidiaconatu, adhuc retineat: In quo facto eius plura delicta concurrunt, videl. statuti generalis Concilij transgressio, vitium cupiditatis (quod ipse in alijs reprehendere debebat) ex beneficiorum pluralitate contractum: quasi furtum & rapina, ex contradictione beneficiorum ad se non pertinentium, quippe quæ ipso iure, post adptionem alterius vacabant: Denique deceptio animarum, quarum curam gerere præsumpsit, cum tamen ea priuatus esset. Ex altera vero parte stans Procurator eorum, qui Decanum elegerant, tametsi dictam beneficiorum pluralitatem confiteretur, excusauit tamen, literis exhibitis, quod à Rhotomagensi Archiepiscopo talis illi concessio facta esset: Verum cum hanc excusationem frivolum iudicasset Pontifex Gregor. IX. mandauit quibusdam à se delegatis, vt, si constaret, dictum Decanum parochiales ecclesias, post Archidiaconatum, curam animarum habentem, receptum tempore electionis sue retinuisse, neque Sedis Apostolicæ super ea re dispensationem exhibere posset, electionem eius Apostolica auctoritate cassaret: Coram his itaque iudicibus delegatis partes comparuerunt, atque præstito iuramento de veritate dicenda, positiones & responsiones hinc inde fecerunt. Deinde verò Iudices, non obstante, quod Decanus prætextu quorundam grauiumini ad sedem Apostolicam appellaret, eius electionem irritauit, & Cennanensem Episcopum ecclesiæ Rhotomagensi prouiderunt. His intellectis, Pontifex respondit, processum horum Iudicū irritū esse, quia licet corā ipsis positiones & responsiones super pluribus articulis factæ sint, nulla tamen litis cōtestatio: Quare ea coram ipso Papa controuersia de Decani electione agitata fuit, atque facta

litis contestatione, præstitoque à paribus iuramento de veritate dicenda, Decanus confessus fuit, se post adeptum Archidiaconatum ecclesiæ parochiales tempore electionis sue retinuisse, sed excusauit factum, quod non crederet Archidiaconatum curam animarum habere. Sed cum idem Decanus in iudicio confessus fuerit, quod Archidiaconus Ambianensis & fluras ferre, & absolueret, ecclesiis interdiceret, visitare item & inquirere, ac procuraciones ratione visitationis recipere solet, satis constat, quod curam animarum habeat. Deinde etsi Archidiaconatus curam animarum annexam non haberet, tamen negari non potest esse personatum, de quo similiter, vt de curato beneficio statutum est, vt per alterius eiusmodi beneficii affectionem vacaret. Neque iurauit Decanus, quod asserit, à Sede Apostolica se priuilegium siue dispensationis gratiam accepisse, quia in eius impetratione falsitatem suggessit, & veritatem suppresit, & ita quidem, vt si falsitatem non dixisset, nec veritatem tæuisset, gratiam eam non accepisset. Suggessit enim ipse, parochiales ecclesias canonice se obtinuisse, quod falsum erat: cum nemo duas parochiales ecclesias obtinere possit, nisi vna alteri vnita sit, vel vnquam habeat in titulum, & alteram commendatam habeat: quod tamen hic non accidit. Præterea dum assereret, ex personatu seu Archidiaconatu tenere se redditus percipere, tacuit, quod ex alijs ecclesijs plures redditus habeat: Tacuit etiam, quod præter ecclesias illas parochiales, plura alia beneficia ecclesiastica diuersis in locis possideret: Non autem fuit intentio Pontificis, in tot beneficijs, præsertim curam animarum habentibus dispensare: sed nec intentio eius fuit aliquid de nouo concedere Decano, sed tantum, vt eo tempore habita licite retinere posset. Tandem itaque cum videret Decanus aliquid non superesse, quam vt sententia contra ipsum pronunciaretur, tam iuri (si quod haberet) quam huius sponsi res-

sit: quam cessionem Pontifex admittendam esse duxit.

SUMMARY.

1. Secundum ius civile in causa populari non licet per procuratorem agere, sed solum excipere ac defendere.
2. Nemo potest plura beneficia curata, vel plures personatus siue dignitates simul obtinere in titulum abique sedis Apostolicæ dispensatione. sed ipse iure prius habitum beneficium vacat, vel si retinere beneficium illud præsumpserit, vtroque priuandus est.
3. Mala fidei possessor siue qui beneficium aliam rem ad se non pertinentem iniquè possidet, quasi furum aut rapinam committit, vti & si iniuste fructum percipiat.
4. Qui beneficium curatum mala fide administrat, decipit animas, quorum curam gerit.
5. Si populus probabiliter ignoret defectum, v. g. quid curatum sit, & hic defectum congerit inopertente auctoritate Superioris, alia eiua valens, si cuius est: eā non interueniente. Idem est, si legitimè promotus potestate eā priuatus est, & priuatio publice ignota sit, valebunt eius alia, non item, si de illa priuatio publicè constet.
- Interfuit est, qui ab initio sine canonico titulo possessionem beneficii accepit.
6. Qui plura beneficia præsertim curata, aut personatus cum abundantia redditus possident, plerumque non sunt iuri in conscientia.
7. Pontifex concedens alicui, vt plura beneficia habeat, quorum vnum aut aliud quod abundantiam reddituum aut affectionem aliorum incomparabiliter dimittere debebat, simul retinere possit, intelligi debet de hijs, quæ canonice obtenta sunt.
8. Ante sententiam laicam litigans huiusmodi potest. Cedens aut huiusmodi censetur iuri suo cedere, si quod ei competere.
9. Beneficium ecclesiasticum non canonici possident.

*possidens graviter peccat, & peccatus veni-
tando plura beneficia curata, aut plu-
res personatus. ipsi iure illis primatus
est, & ad ordinem, aliudque beneficium
quodcumque inhabilis existit.*

NOTANDUM I. Licet secundum ius ci-
vile in causa populari, id est, quæ publi-
cum commodum principaliter spectat, per
procuratorem agere non liceat, sed tantum
excipere ac defendere, l. licet 42. ff. de Pro-
curatoribus. tamen in hac causa, quæ quodam-
modo popularis est, quia tuetur ius publi-
cum ecclesie, non prohibetur unus, vel plu-
res Capitulares per procuratorem impugna-
re electionem de aliquo non canonice factâ,
vbi ex hoc e. apparet, & annotavit Innoc. hic
n. 1. Ratio est, quia etiam in populari actione
per procuratorem aliquis agere potest, si
eius citiam propriè interfuit, ita vt ipse ante
alios ad agendum seu accusandum admitten-
dus sit, prout constat ex cit. l. licet, iun. Gl. ver.
multo magis, & l. j. ff. de sepulchro violato.

NOTANDUM II. Nemo potest plura
beneficia curata, vel plures personatus sine
dignitate simul obtinere in titulum, absque
Sedis Apostolicæ dispensatione, sed ipso iure
prius habitum beneficium vacat, cum ben-
eficiarius alterum allecatus est: sin autem re-
tinere illud presumpserit, vtroque in penam
privandus est. Ita hic dicitur ex Concil. La-
teran. sub Innoc. III. prout refertur etiam in
e. de multa 28. de præb. Videri possunt quæ
copiosè docui in Theol. moral. lib. 4. tract. 2.
cap. 8. assert. 2. & 3.

NOTANDUM III. Malse fidei possessor,
siue qui beneficium, aliâque rem ad se non
pertinentem iniquè possidet, quasi furtum,
aut rapinam committit. Ita hic dicitur, de
consentit c. sæpe 18. de restit. spoliationis. vbi
Gl. ait ver. iniuste detinere; *Iura pro eodem
repunt, auferre & iniuste detinere.* Ad-
de, quod malse fidei possessor fructus iniuste
percipiendo verè ac propriè furtum com-
mittit, secundum Bartol. in l. sequitur, §. fru-
ctus unus. ff. de usufructu Anton. hic num. 22.
Abb. n. 19.

NOTANDUM IV. Qui beneficium cu-

ratum malse fide administrat (v. g. à seculari
domino collationem accipiens) decipit ani-
mas, quarum curam gerit absque canonico
titulo. Quia non intrat per oltium, id est,
non legitima auctoritate obtinuit, ideoque
quasi fur est & latro, Ioan. c. 10.

QUESTIO est: Quid si populus pro-
babiliter ignoret defectum, vid. Curatum
esse intralum, aut malse fidei possessorem,
vtrum valide sint v. g. absolutiones à pecca-
tis eorum, qui bona fide ei confitentur. De
hac questione agit Gl. hic ver. deceptus, In-
nocent. num. 3. Abb. n. 20. Imola num. 25.
Respondeo breuiter & dico: Vel Curatus
intratus fuit, non interueniente auctoritate
legitimi ecclesiastici superioris; & non va-
lent actus eius, prout ex communi doct. San-
chez lib. 3. de matrim. disp. 22. num. 49. (Vel
interuenit auctoritas Superioris, vt in casu
huius e. quamvis cum occulto, seu commu-
niter ignorato defectu, & tunc valent actus,
argum. l. 3. Barbarius ff. de officio Pretorum.
Vel denique aliquis legitime promotus, per
legis constitutionem, aut hominis senten-
tiam vel reuocationem, amittit potestatem,
ita vt malse fide, & iniuste curam animarum
exerceat, tunc si priuatio, aut reuocatio pu-
blice ignota sit, valere debent actus, vti pro-
babiliter valde docet idem Sanchez cit. disp.
22. num. 58. & 59. ad vlt. vbi rectè admonet,
cum qui post incursum priuationem benefi-
cium malse retinet, propriè non dici intru-
sum, licet aliter sensisse videatur Baldus hic
num. 18. Nam intrusus est, qui ab initio sine
canonico titulo possessionem beneficij
accepit. Sin autem priuatio per legem aut
hominem facta, publice nota sit, tunc non
valent actus: & hoc in casu verum est, quod
Pontifex dixit in fine c. per Decanum ani-
mas damnabiliter esse deceptas; Nisi malis
dicere cum Abb. hic num. 20. Animas fu-
isse deceptas, quatenus erat ex parte huius
Curati, & quoad potentiam, quia si defe-
ctus publice innotesceret, tum se vera de-
ceperunt.

NOTANDUM V. Ordinarius iudicij
processus non sufficit, si solum positiones ali-
quæ fiant ab actore, ad quas aduersarius
Bbb respon-

repondeat; alia autem litis contestatio non sequatur. Ita hic, & penè eisdem verbis in c. 1. de litis contestatione. Sed aduertendum, quòd interdum positiones fiant super quibusdam tantum articulis seu partibus cause; ad easque aduersarius respondeat, præparationis seu informationis gratiâ, vt appareat quomodo & super qua re contentio sit, & lis contestanda. Et in hoc casu intelligendus ille textus. Interdum verò positiones in oblatio libello, quem articularum vocant, fiunt ab Actore super tota causa, ad quas si Reus respondeat animo contradicendi, & per mutuum consensum litigandi, videtur esse lis contestata: Et hæc est doctrina Bartoli in l. vn. n. 13. c. de litis contestat. Porro tamen si iudicij processus sine litis contestatione, (quæ in actoris petitione proposita in iudicij, & aduersarij responsione animo litigandi facta consistit) non possit subsistere; nihilominus tamen consilio Rei eorum Iudice facta, v.g. respondendo ad particularem positionem, valida est, ipsique prædicant, argum. c. 1. de accusat. in 6. & tradit Abb. hic. n. 11.

6. **NOTANDUM VI.** Qui plura beneficia, præsertim curata, aut personatus, cum abundantia redditum possident, plerumque non sunt tuti in conscientia. Id colligitur ex textu huius c. Quia si exculari factum posset, id heret propter Rom. Pontificis indulgentiam, siue dispensationem: At verò Gregorius I X. Pontifex canonum peritissimus & obseruantissimus satis significat, intentionis sue non esse (cùm nec rationabiliter esse possit, seclusa extraordinaria & speciali causa) vt vnus plura beneficia præsertim curata, aut dignitates seu personatus cum redditum abundantia possideat. Videri potest Concil. Trident. sess. 7. c. 2. & c. 3. de reformat. sess. 24. c. 17. de reformat.

7. **NOTANDUM VII.** Si Pontifex alicui gratiam faciat, vt plura beneficia, quorum vnum, aut aliqua ob abundantiam reddituum, aut affecutionem alterius incompatibilis, dimittere debebat, simul retinere possit, intelligi duntaxat debet de ijs, quæ canonicè obtentæ sunt. Ita habetur hic expressè, addita ratione; nec intentionis nostra fuit aliquod de

nouo concedere, sed vt per indulgentiam pfecta habita liceret retinere. Idem respondit Bonifacius VIII. Papa in c. signatione 5. de scripturis 5. vbi Gl. ver. canonicè. *Nihil nouum in rebus hæc dispensatio, sed veteris confirmatio & prorogatio.* Idem tradit hic Innoc. n. 17. & n. 8. vbi rationem affert, quia dispensationes huiusmodi restringendæ sunt: Et si iudicatum fuisse ait, contra Præpositum Argentin. habentem dispensationem, quòd præter obtentam, aliud beneficium curatum libere recipere, ac licet retinere posset, eam dispensationem non extendi ad validandum titulum in male obtentis.

NOTANDUM VIII. In toto iudicio regio processus, antequam sententia lata sit, pars litigans lite cedere potest. Ita sumitur ex hoc c. in fine. Additur autem ibi, Decanum non tam liti, sed etiam iuri, si quod ei competere, celsisse; ne quispiam existimare possit, renunciasse tantum instanti iudiciali, quam per litem contestationem acquisierat, reservato iure suo: Docent tamen DD. communiter, & colligitur ex l. postquam 4. C. de patris, & l. litus nomen; 16. ff. de verb. signific. quòd cedens liti, nisi intentionem suam aliam esse clare exprimat, censeri etiam debet iuri, si quod habeat, renunciare velle: quam ob rem talem renunciationem seu cessionem facere non potest, qui ius alienandi non habet. v. g. Prælati abque Capituli consensu, vti hic annotauit Abb. n. 17. Ne videl. indirectè faciat, quòd directè facere non potest, contra reg. 84. in 6. *Cùm quid una via prohibetur, aliter ad aliam non debet admitti.*

NOTANDUM IX. Beneficium ecclesiasticum non canonicè possidere, graue est peccatum, cùm ob id aliquis indignus reddatur, quippe vitæ & moribus improprie, cuius proinde electio ipsi iure irrita sit. Hæc est præcipua huius c. decisio. Notat autem Gl. hic ver. electionis tempore, iuxta e. huius tenorem, cassandam quidem fuisse electionem Decani, si is tunc in crimine persistebat: sed celsus autem, si eo tempore quo electus fuit, beneficium dimiserat, & crimen per prælatum purgaret; quia ad meliorem conversionem nequam prior vita commaculata, c. nunquam 4. d. 56.

d. 56. Verum iure nouo extrauag. execrabilis Ioan. xxix. qui ita deliquit retinendo plura beneficia curata, aut plures personatus, ipso iure vtroq; priuatus, atque ad ordines, & aliud quodcunque ecclesiasticum beneficium inhabilis existit, in §. porro, cit. extrauag.

CAPITVLVM LV.

In Genesi.

PARAPHRASIS.

Pontifex Gregorius IX. electionem G. in Episcopum irritam esse decernit, quia plures in ea defectus reperiuntur. Nam primo, suffragia non habuit partis maioris Capituli, sed tantam, comparatione partium minorum: (quæ de re dictum in c. constitutis 49. hoc tit.) Secundo, post scrutinium publicum collatio facta non est, zelus ad meritum, meriti ad meritum: imò nec numeri ad numerum, cum discursum non fuerit, vtrum duo Canonici G. & H. ad electionem admittendi essent, an verò excludi possent: quorum tamen prior (qui non nisi cum protestatione admissus fuit) in possessione canonicatus fuit: alter verò absens fuit, & in tali loco, & quo vocari debebat: eum secundum consuetudinem ecclesiarum Galliarum absentes à toto regno vocentur. Tertio, post publicum scrutinium secuta non fuit electio communis, sed singulorum elegerunt: Ex quo alterutrum absurdum sequitur: vel quòd publicatio scrutinij comparatione eorum, qui in G. confederant, inaniter repetita fuerit: vel quòd tot electiones, videl. singulares essent, quot eligentes. Sicuti autem ex pluribus singularibus enunciationibus non fit vna vniuersalis, nisi per signum vniuersale coniungantur, ita ex pluribus singularibus consensibus non fit vna communis electio. supple. nisi copulerent secundum formam traditam in c. quia propter.

SUMMARIVM.

1. *Id. de quo certum est, quòd fit in possessione canonicatus, ut in §. capitulares, admitti debet cum aliis ad electionem.*
2. *Si dubium sit inter duos, vter illorum sit in possessione, vterq; admitti potest cum protestatione, ut eius suffragium valeat, qui interesse & suffragium dare poterat & debebat.*
3. *In electione canonice ecclesiastici prelati (non autem in electionibus ad alios personatus, vel beneficia) non sufficiunt consensus singulares, seu singulorum capitularum, sed subsequi debet communis electio modo collectio enunciat: Egonomine meo & omnium consentientium eligo, &c.*

NOTANDVM I. Si constet, siue certum sit, alicum esse in possessione canonicatus, ipsiusque iuris Capitularis, cum alijs ad electionem admitti debet, absque protestatione. Ita sumitur ex hoc c. §. Nec pramilli duo, & explicauimus supra in c. Cumana §. 5. not. §. in quibus dicto §. Ratio autem est: Quia potestas eligendi sequitur possessionem bonæ fidei, cit. c. Cumana, & c. 3. de causis possess. & propriet. Sensus est. quòd electio, seu potius suffragium eius ad electionem faciendam valere & computari debet, qui in possessione cum bona fide (quæ quidem præsumitur, donec contrarium appareat) existit: tamen si ipsa ius ei non suffragetur, prout Gl. hic annotauit ver. possessione, vel quasi. Porro indubitatum possessionem Canonicatus, ipsiusque iuris Capitularis Pontifex ex actibus collegit: quia G. habebat Italiam, siue locum suum in choro, locum quoque in Capitulo, legebat, & cantabat ut Canonicus, ad electiones, quæ occurrerunt, ad dignitates & personatus, tanquam Canonicus vocatus fuerat.

Corollarium. Si duo veniant, qui electioni interesse volunt: quorum vnus asserit se esse in possessione Canonicatus, & iuris Capitularis, alter verò contendit canonicatum,

Massana.

PARAPHRASIS.

Prohibet Gregor. IX. Pontifex, ne laici vñ cum Canonicis Episcopum eligere presumant, Sin id factum fuerit, electionem irritam esse deernit, non obstantia contraria consuetudine, quæ dici debet potius corruptela.

SYMMARIVM.

1. Non valet electio Prælati ecclesiastici facta per laicos & Canonicos.
2. Per laicos intelliguntur seculares, non laici religiosi seu Cœnastici, qui per consuetudinem immemoriali temporis secularitatem eligendi acquirere possunt.
3. Nulla vnquam consuetudine ius eligendi ecclesiasticum Prælatum acquirere possunt persona laica, & seculares.

NOTANDVM I. Irrita est electio, si laici vñ cum clericis ad Prælati ecclesiastici electionem concurrant. Ita hic, & communiter e quisquis 43, hoc tit. Pro declaratione quendam animaduertenda: Primum. Materiam huius prohibitionis, ac penalis constitutionis esse, ne laici vñ cum clericis concurrant ad eligendum, secus, si intersint electioni, ob aliquam utilitatem, v. g. vt institutiones impendantur, prout ex Compos. hic Abb. n. 13. Abb. antiquus, Baldus, Anton. & alij annotarunt. Ordinariè tamen non est permittendum laicis, vt electioni ecclesiasticæ intersint, prout docui in c. sacrosancta 51. hoc tit. Imò si se ita immisceant, vsurpata aliqua auctoritate, vt clericorum libertatem aliquo modo impendant, irrita erit electio, non ex vi huius canonis sed e quisquis 43. hoc tit.

Alterum. Constitutio ista non est ex natura rei, sed in penam introducta. Nam aliquin, spectatù naturæ ecclesiasticæ electionis, reiectis laicorum, tanquam incapaciis, suffragijs, vim obtinerent suffragia clericorum, iusta

& ius Capitulare sibi deberi, in hoc casu, si de possessione illius non dubitetur, admitteendus is est ad electionem, aliisque capitulares actus, & alteri præferendus, secundum doctrinam Imoc. in cit. c. Cumana n. 4. Abb. ibid. n. 11. Quia, vt paulò antè dixi, potestas eligendi sequitur possessionem bonæ fidei, Idemque pari ratione dicendum de iure præstandi, c. consultationibus 25. de iure patr. Et enim si exclusio eo, qui in possessione non est, alter, qui ius & titulum allegat, admittitur, tum possessor, absque publica Iudicis auctoritate, et possessionis sua pelleretur, quod ne dum quidem concessum est, si appareat malæ fidei possessorem esse, c. ex literis 25. de relict. spoliatorum. Cæterum, si dubium sit, num ille sit in possessione, aut quasi possessione, quam ait se habere, tunc in casu isto vtique admitti possit, eum protestatione, vt eius suffragium valeat, qui interesse, & suffragium dare poterat ac debebat.

NOTANDVM II. Ad electionem canonicam Prælati non sufficiunt consensus singulares, seu singulorum Capitularium, sed subsequi debet communis electio modo collectiuo enunciata; *Ego nomine meo, & omnium consensum eligo, &c.* Ita hic, & in c. quia propter 42. hoc tit. in c. sicut 2. eod. in 6. Ratio est: Quia ita visum fuit sacrorum canonum conditoribus, vt Prælati electio fieri non sit à personis particularibus, sed à congregatione siue collegio, ita etiam verbis explicaretur. Verùm id duntaxat locum habet in ecclesiasticis electionibus Prælatorum, in quibus necessariò obseruari debet forma præscripta in cit. c. quia propter; non autem in Capitalibus electionibus ad alios personatus, vel beneficia, in quibus fuit, si consensus à singulis secundum maiorem præsentis Capituli partem explicentur, cum neque naturali iure, aut consideratà naturà electionis secundum se, plus requiratur. Et hæc est doctrina Gl. à pluribus recepta in cit. c. sicut, ver. formam.

Cætera, quæ in hoc c. continentur, alibi, allegato hoc ipso c. declaravi, præsertim in cit. c. quia propter, & cit. c. Cumana.

iuxta iuris reg. 37. in 6. *Vtile non debet per inutile vitiari.* Quod verum est, si Clerici non consentiant in laicorum suffragia, quia prohibere eos non possunt: fecius, si expresse, aut tacite consentiant; adeoque voluntarie laicos admittant. Hoc in casu electio, etiam secundum naturam rei, non est valida, iuxta ea quæ dicuntur in c. ult. de Procurat. Nam, ut Baldus, Anton. & alij hic annotant, *vile per inutile vitiatur* in inordinabilibus, seu inseparabilibus; cuiusmodi etiam est decretum electionis, si à pluribus, tanquam vno Corpore, quorum vnus, aut aliqui incapaces sint. Videtur potest Suar. tō. de Reliq. lib. 2. de Religiosis, quatenus Prælati sunt, c. 4. in fine.

Quæritur autem Num hæc constitutio principaliter edita sit in odium laicorum, se electioni immiscuentium an verò in odium clericorum illos admittentium; adeoque, si ponamus clericos extra culpam esse, quia per grauem metum coacti sunt laicos secum ad electionem admittere, maxime si etiam contra protestantur, num electio valeat ex solis clericorum suffragiis, iuxta cit. reg. 37. in 6. Valida esse affirmat hic Abb. n. 5. Henric. Boich. n. 5. existimantes fuisse sententiam Innoc. in c. Cumana in princ. hoc tit. Quære hæc sententia probabilis est. Sed arbitror contrariam iuribus conformem esse. Probat I. Quia ex verbis c. colligitur, aliquid supra id, quod ex natura rei est, in peccatum presumptionis decerni. II. Quia ex eisdem c. verbis apparet, presumptionem laicorum hic principaliter argui; *Ne per Laicos cum Canonice Pontificem electio presumatur.* III. Quia canon iste indistincte loquitur, electionem ita præsumptam (vid. per laicos) nullam firmitatem obtinere: Ergo ad nos non pertinet eum restringere; præsertim cum materia eius principaliter fauorabilis sit, videl. ad immunitatis ecclesiasticæ conseruationem pertinens. IV. Sumitur argumentum ex c. quisquis 43. hoc tit. vbi, si textus diligenter expendatur, apparebit, quod Innoc. III. in Concilio Laterano, tanquam principij supponat. Electionem per secularis potestatis abusum factam ipso iure

irritam esse: Et exinde duo inferi, primo, quod qui tali electioni de se factæ consensuerit, electionis commodo careat: Cur autem consentire aliquis non possit, si electio in hoc casu valida esset. Secundò, quod Capitulares male agant, & ideo merito puniendi sint, si electionem huiusmodi, quæ ipso iure irrita est, præsumperint celebrare. Itaque pars ista quæ sit negatiue ex eo clare colligi videtur; nisi quis negare absque probabilitate velit, quod electio facta per laicos, vnà cum clericis, per vim iniustam & grauem, se ingerentes, non censetur facta per abusum secularis potestatis.

Tertium. Non videtur Gregor. IX. aliquid hic de nouo decernere voluisse, sed quod iam antè in ecclesia vsitatum, & in supra dicto Concilio generali definitum erat, ad casum, de quo interrogatus fuerat, accommodare voluisse. Quamobrem licet solum hic mentio fiat de Episcopi electione, tamen idem obtinere debet in alijs ecclesiasticis electionibus, quibus electio aliquid spirituale confertur. Idque propter identitatem rationis: notumque est, si quid in certa causa à Principe responsum sit, ex identitate rationis, ad similia trahi debere, iuxta, non possunt 11. & seq. ff. de legibus. Ex ita Imola, alijque DD. c. huius prohibitionem generatim accipiunt, rationem assignantes; quia ius eligendi non cadit in laicum. Licet Baldus hic n. 5. contendat, de Episcopis tantum electionem esse accipiendum.

Quartum. Laicorum nomine hoc in loco seculares intelligi debent, vt aperte colligitur ex supra cit. c. quisquis, cuius quædam confirmatio censeri debet hæc Constitutio, sicut indicat Innoc. super hoc c. At verò Laici Religiosi, seu Conuersi, hæc electioni Prælati interesse, siue colligere non debeant, v. ex eo 32. §. In ecclesijs, hoc tit. in 6. tamen quæ hic decernuntur, in hoc casu locum non habent, vt præter alios annotauit Boich. hic n. 3. Idque vel ex eo colligitur, quia eiusmodi Conuersos per consuetudinem temporis immemorialis facultatem eligendi acquirere nihil obstat. Quæ est doctrina Innoc. in c. 2. d. 2. de Institut.

NOTANDUM II. Nulla vnquam consuetudine obtineri potest, vt persone laicæ & seculares ecclesiasticum Prælarum eligant. Consentit c. sacrosancta § 1. hoc tit. Ratio duplex asseri potest: Prima, quia talis consuetudo ecclesiasticæ libertati aduersatur, & ideo, iure canonico ei resistente, præuolare nunquam potest, c. 1. & vlt. de consuetud. Secundò, quia ius eligendi, cùm spirituale sit, non aditum laicum: quare cum illud laicis absque Sedis Apostolicæ concessione possidere non possit, ideo ne longo vsu aut consuetudine quacunq; præscribere possit, argum. c. causam quæ 7. de præscript.

CAPITVLVM LVII.

PARAPHRASIS.

Cùm ecclesia Cathalanensis vacaret, conuenerunt Canonici, atque diem electionis faciendæ statuerunt, absente G. qui ei conuentui interesse noluit. Postea adueniente die præstituto, & dicto G. cùm adhuc absens esset, non vocato, electionis scrutinium factum & publicatum fuit, atque repertum, quod quatuordecim R. presbyterum Cardinalem, septemdecim verbò R. canonicum Remensem elegerunt, cui electioni postea adueniens dictus G. consensum suum addidit. In hac discordia ex vtriusque parte missi sunt Procuratores ad Sedem Apostolicam. Et verò pro electione R. allegabatur, quod quatuor suffragijs alterâ electionis superans maiorem Capituli partem (annu-merato etiam suffragio dicti G.) habebat, quæ proinde etiâ sanior reputari debeat, cùm vbi maior numerus est, maior etiam zelus præsumatur. Ex parte aduersâ oppugnabatur electio R. quòd in ætate defectum pateretur, nec scientiam sufficientem ad Cathalanensem ecclesiam gerendam haberet: Deinde apparere, cùm Ij. qui Cardinalem elegerunt, meritis & auctoritate alios superarent, meliorem eos zelum habuisse, præsertim habito respectu ad electum, quippe qui maturam

ætatis, & eminentis scientiæ sit. Addabatur ex parte hæc, quòd consensus dicti G. (quem pars fauens ipsi R. contempti asserbat, quauis pars altera diceret, quòd potius ipse Capitulum non adueniendo contempserit) cùm non in scrutinio præstitus fuerit, sed postea accesserit, suffragiorum numerum augere non potuit. Denique verò perpendendum, quòd Concilium generale sub Innoc. III. Papa, quando decernit, electionem inusitadam esse, si contra formam in eo præscriptam peccatur, non debet ad contemptum & alia, quæ ad formam spectant, extendi, quale est illud, quod ibidem dicitur, vt omnibus præsentibus, qui debent, volunt, & possunt commodè interesse, electionis processus instituantur: ne aliquo nimia iurium antiquorum immutatio introducatur, cùm credendum non sit, Rom. Pontificem, cuius est iura tueri, quod aliis multis vigilijs excogitatum & inuentum est, quali vno verbo euertere voluisse. Itaque his, quæ hinc inde proposita sunt, plenius intellectis, electionis dicti R. quòd in eum maior & sanior pars non consenserit (prout in Concilio supra dicto generali exigitur) Põtifex ex Fratrum suorum consilio sententialiter irritandam esse duxit.

SYMMARIUM.

1. *Ecclesia Rom. Cardinalis, si Episcopus non sit, potest esse Cathedralis ecclesia canonice.*
2. *Si quisquam ius eligendi habet, ab ecclesia absens citatus sit ad tractandum de electione instituenda, iij. tractatus interpresoluerit, debet postea iterum citari ad dictæ electionis faciendam, si enim ignoret.*
3. *Si Capitulus absens nunquam citatus alibi, seu prefixum terminum electionis faciendam, non potest agere de contemptu.*
4. *Ad electionem requiritur copulatio, vt maior & sanior pars Capituli in eundem consenserit.*

Non

Non valet tamen electio, quæ est à senioris parte, nisi etiam sit pars maior.

1. *Capitularis post apertum scrutinium & publicatum adueniens, non potest suffragium suum adicere ad augendum vel complendum numerum.*
6. *Si Capitularis post publicatum scrutinium & nondum promulgato electionis decreto adueniat, perinde quævis scrutinium esse inchoandum, audiri debet, si sit unus ex ijs, qui volenti & passim commodè interesset electioni.*
7. *Clausula in fine discussionis posita non refertur ad omnia antecedentia, si ali- quod absurdum, aliudque inconueniens sequetur.*

TAmens, quæ in hoc c. referuntur, ad partium allegationes pertinent, vsque ad §. Nos ergo. ex quibus, præcisè spectatis, nulla firma doctrina colligi potest, adiunctis tamen Glossis, & communi consensu Doctorum, à quibus quædam partium allegata probantur, notanda quædam etiam ex his asserre, abs se non erit.

NOTANDUM I. Ecclesiæ Rom. Cardinalis, si episcopus non sit, potest esse Cathedralis ecclesiæ Canonicus, prout hic Anton. n. 5. Imola cit. 1. Abb. n. 3. docent, & ideo dicunt, quod non valet canonicatus, & alia minora beneficia prius habita, per ascensionem dignitatis Cardinalitæ. Imò de nouo conferri posse eiusmodi beneficia, si residentiam non exigit, admonet Abb. ibid. Sin autem beneficium residentiam postulet, vel sit curatum, aut personatus, tum opus est Pontificis dispensatione, vt vnam Cardinalitatu retineri possit.

NOTANDUM II. Si quispiam, ius eligendi habens, ecclesiæ absens, citatus sit ad tractandū de die electionis instituendæ, isq. tractatui interesse noluerit, debet postea iterum citari, ad diem electionis faciendæ, si eum ignoret. Hæc fuit intentio partis suæntis R. Remensis Canonici; quæ proinde allegabat G. fuisse contemptum, Contra verò dicebat pars altera, non fuisse contemptum, cum potius Capitulum fuerit contemptum.

à G. non accedente. Et rectè quidem hoc posterius dictum fuit, si ponamus, G. Canonicum absolute dixisse, quod electioni interesse nolit, aut non possit: nam qui semel citatus, dixit se non venturum, iterum citari non debet, vti hic Gl. docet ver. vocato, Anton. n. 17. Baldus n. 1. Item si ponamus, G. terminum præfixum, seu diem electionis faciendæ nominatum non ignorasse, iuxta reg. 31. in 6. *Eum qui certum est, certiorari vltius non oportet, & tradit hoc Innoc. n. 1. Anton. cit. n. 17. Abb. n. 9.* At verò secundum terminos nostris notandi, si videl. aliquis duntaxat citatus sit ad tractatum de præfigendo termino, seu nominando electionis die, citari debet, si terminum electioni definitum ignoret; alioquin contemptus censeri debet. Ita docet Gl. recepta ver. vocato, Innoc. Anton. Abb. cit. locis, Abb. antiq. in princ. c. Imola n. 8. & sumitur ex doctrina Glossæ communiter acceptæ in c. 2. ver. tenetur, de dolo & contumacia in 6. quod citatur ad vnum iudicij actum, etsi contumax sit, citari iterum debet ad alium actum, v. g. ad sententiam definitiuiam, argum. c. cum olim 34. in fine, de testibus, secus, si sit citatus ad totum causam, prout ibidem Ioan. Andr. annotauit: Sic & in proposito casu, si Canonicus absens citatus sit ad tractandum de die electionis, eamque prosequendam, adeoque ad totum prosequendæ electionis negotium, fuisse itea citatio, vti Anton. cit. loco annotauit.

QVÆSTIO autem est, si Capitularis absens nunquam fuerit citatus, sciat tamen præfixum terminum electioni faciendæ, num agere possit de contemptu? Affirmant hic Anton. & Imola cit. locis: Sed rectius negare videtur Abb. n. 9. ex doctrina Bartoli in l. emptor C. de eiusd. Si denunciatio non ad aliud tendere debeat, nisi vt notificatio fiat alicui, eam faciendam non esse scienti, iuxta cit. reg. 31. Sin autem denunciatio fieri debeat etiam ad alium finem, quomodo emptor detumescere debet venditori, si tem super re sibi vendita motam esse, vt videl. deficiat, an, & quibus modis causam defendere

defendere seu liti assistere valit, l. s. c. de petic. & commodi rei venditæ: Cùm itaque in proposito casu denuntiatio electionis faciendæ nō aliō spectare videatur, nisi vt omnes interfint, qui debent, volunt, & possunt commodè interesse, e. qui propter 41. hoc tit. Ideo non videtur necessariō faciendi ijs, qui electionem ad diem præfixum futuram esse, alioquin fiant.

NOTANDUM III. Ad electionem requiritur copulatiuè, vt maior & sanior pars Capituli in eundem cōsenserit. Ita etiam habetur in c. dudum 18. c. auditus 29. cit. e. quia propter, c. In Genesi 55. hoc tit. At tamen in dubio, vbi maior numerus est, zelus melior præsumitur: secūs, si ex collatione clarè appareat, zelum eligentium, & electi ex altera parte prævalere, c. si quando 9. eod. tit. in 6.

Non valet tamen electio, quæ est à sanioris Capituli parte, nisi etiam sit pars maior: prout constat ex hoc ipso c. quandoquidem ex parte G. presbyteri. Cardinalis non eo fine allegatum fuit. Electores eius meritis & auctoritate excelluisse, vt electio eius à Pontifice confirmaretur; sed tantùm vt R. Canonici Remensis rescinderetur: Quare etiam Pontifex nihil in sententiā de illa electione expressit, satis indicans, post rescissam electionem eiusdem Canonici, de qua lis mota fuerat, ad aliud scrutinium accedendum esse.

His addendum, quod etiam in alijs consultationibus ac decretis, quæ sunt à Collegio aut Vniuersitate, attendi solet, non tantum an pars maior numero, sed etiam auctoritate, dignitate, & rationum pondere consenserit, secundum Gl. receptam in l. Pomponius, § 6. ver. dissentiret, ff. de re iudic. Quamobrem admonet Abb. hic cit. n. 9. consilium non esse, vt in electione suffragia dentur per fabas, seu lupinos; quia apparere non possit, quæ sit pars sanior eligentium: Multæ tamen electiones, præsertim apud Regulares, sunt per schedulas clausas, ita vt non inquiratur, à quibus eæ date sint, aut quo zelo siue ratione, propterea quod

benigna præsumptio sit, partem maiorem esse etiam sanioiorem.

NOTANDUM IV. Si Capitularis, qui absens erat, post scrutinium apertum adueniat, non potest suffragium suum adicere: ad augendum seu complendum numerum: Vt si ponamus, vniuersim fuisse 14. electores præter G. absentem, atque ex scrutinio publicato apparuisse septemdecim consensisse in R. Canonico Remensem, non paruit G. suffragium suum adicere ad complendam maioritatem numeri, ita vt electionis decretum formari possit. Hæc est præcipua doctrina huius c. eamque commendat Innocentius, Ioann. Andr. Abb. & alij, circa Gl. ver. adijcere. Nam secundum formam c. quia propter, suffragia omnium secretè accipi debent, antequam eorum publicatio fiat: alioquin ex vnus, aut alterius (vid. in proposito casu ex Canonici G.) arbitrio penderet, vt Canonici electionem firmaret, aut infirmaret; quod intemini, ac decreto Concilij eius generalis repugnat.

QVÆSTIO est, Si Capitularis post publicatum scrutinium, nondum promulgato electionis decreto adueniat, petatque novum scrutiniū esse inchoandum, num sit audiendus. Respondeo ex doctrina Gl. in cit. ver. adicere, Anton. n. 19. & in c. seq. n. 12. Vel est vnus ex ijs, qui volunt & possunt commodè interesse electioni, tum audiri debet, vt aliud scrutinium incipiat: quia alioquin non seruaretur forma sæpius citati c. quia propter. Neque arbitror his discrimen faciendum esse, num Capitularis seu ius suffragij habens, verè contemptus fuerit, an non verè: quia Capitulum falsò existimabat eum longè distantē vocari nō posse, aut non debere. Vel non est vnus ex ijs, qui volunt & commodè possunt interesse: seu quia semel dixerit, se interesse nolle, sed eoque pro es vice iuri suo renunciavit: sed quis tam longè distans erat, vt vocandus, & expectandus non esset, tum audiendus non est; quia res tum integræ non est: quare post publicatum scrutinium statim, nulla ipsius

habita

habita ratione, ad electionem veniendum, si ea secundum maiorem presentis in scrutinio Capituli partem fieri possit. Secus autem dicendum, si veniat ante peractum scrutinium: Cum enim res adhuc integra sit, admitti debet, argum. l. Quod si minor 25. §. Scauola, vbi id Gl. marginalis annotat, ff. de minoribus.

7 NOTANDUM V. Clausula in fine dispositionis posita non refertur ad omnia antecedentia, si aliquid absurdum, aliudue inconueniens, quale est multorum iurium correctio, sequeretur. Ita singulariter hic annotat Abb. n. 5. Recte enim ex parte fluente electioni Canonici Remensis allegatum fuit, tamen si in e. quia propter, posita fuerit clausula finalis vt *aliter*, quam ibi præscriptum fuerat, *facta electio non valeat*, referendum tamen duntaxat esse ad ea, quæ ad formam electionis spectant: sine forma enim sua res non subsistit, non autem referendum ad ea, quæ ad electionis iustitiam spectant, quale est illud, vt quædam Capitulares, seu ius suffragii habentes intersint, adeoque si absentes sint, vocentur, qui volunt & commodè possunt interesse: quæ de re dixi etiam in e. quod sicut 28. h. c. tit. Quare rectè hic dixit idem Abb. post Bartolum in l. Prætor 4. §. Et quæ hæc differentia, ff. de vi bonor. raptorum: Clausulam in fine positam non ad omnia antecedentia referri, si ratio diuersitatis addit, cur ad aliqua referri debeat, ad alia autem non debeat, vt in proposito casu.

Diuidet autem doctrina eiusdem Abb. in e. In Genesi n. 1. h. c. tit. Quod hoc vt consideretur, num electum habuerit maiorem partem totius Capituli, debent contempi computari in numero eorum, qui faciunt Capitulum, Et subiungit, idem esse in omnibus adhibui collegit et explicandi, vt non valeat, quidquid factu seu decernit maior pars presens, si illa pars non fuit maior pars habita respectu ad eos, qui debebant. Ponit exemplum: In Vniuersitate sunt duodecim: Undecim se congregant, contempe duodecimo, non valebit quidquid sit per sex, qui a computato absente non reperiunt dispositio facta a maiore parte totius Capituli. Sed contrarium expresse docue-

rat ipsemet Abb. tum alibi sæpe, tum in e. quia propter, n. 12. vbi ait: *Vocatio absentium* (qui vocari possunt & debent) *non est de forma substantiali, sed de iustitia: quare retractabitur electio, si contempti presequantur contemptum. Intellegit tamen, quod ad validitatem electionis requirantur due partes vocandorum* (hæc eorum, qui debent, volunt & commodè possunt interesse) *aliis non consideret vniuersitas, & valebit quidquid disponit maior pars, vbi notatur in l. nulli ff. Quod cuiusque vniuersitatis*. Ibi autem cum Gl. ver. due partes docent DD. Si due partes Curie congregatæ sint, id in quod maior pars presentium consenserit, ratum esse oportere, saluo tamen iure opponendi se, si contempti electionem ratam esse nolint. Et in e. cum omnes n. 1. vbi ait, Opinionem Legistarum & Canonistarum esse, quod interuenire debent due partes vniuersitatis, & ex his duobus partibus debet ad minus consentire minor pars, & sic intelligi debet, quod maior, ff. ad Municipalem: Et probatur ratione: Due partes representant totam vniuersitatem, dista l. nulli ff. Quod cuiusque vniuersitatis, l. nominatum C. de decurionibus, lib. 10. ergo sufficit maior pars ipsarum duarum partium, Et n. 12. subiungit, Dicebat, quid licet due partes sufficiant ad validitatem actus, si contra pars fuit contempta, tunc possunt contempti persequi contemptum, & facere actum retrahari. Eandem doctrinam habet hic Innocent. n. 3. Imola n. 13. Quando non vocatis aliquibus vocandis proceditur ad alium electionis, vel alium, in quo requiratur vocatio absentium, tunc si due partes vocandorum fuerint presentes, tenet actus sed poterit agi de contemptu.

CAPITVLVM LVIII, Publicato.

PARAPHRASIS.

Post scrutinium publicatum, Electores variare seu vota sua mutare non possunt, quia est faciendi collatio, & electio cele-

Ccc brane

branda: Ad quod etiam per Superiorem, si opus sit, compelli possunt.

SUMMARYM.

1. Electores post scrutinium publicatum variare non possunt.
2. Si Capitulares etiam post publicatum scrutinium, & saltam collationem, agnoscant aliquem contemptum, possunt ad electionem procedere.
3. Si post publicatum scrutinium advertant electionem ob admissum defectum formam non posse, novum scrutinium inchoare possunt, & debent.
4. Publicare scrutinio compelli possunt ad collationem, & electionem.

NOTANDUM I. Electores post scrutinium publicatum variare non possunt. Glossa hic ver. variare, inquit rationem huius rei, & varia respondet. Dico autem ex communi doctrina, præcipuum huius rei casum esse, quia tunc electores functi sunt officio suo, & ideo suffragium revocare non possunt, argum. c. si tibi absenti 37. de præb. in 6. Pro cuius intellectu, aduerto, si forma c. quia propter, observetur, esse veluti duplicem electionem: Una est singulorum optio, seu suffragio; altera est vera & propriè dicta electio communis, Capitularis, & solemnitas. Prior illa electio, seu potius suffragio effectum suum, & complementum accipere censetur per scrutinij publicationem; & ideo ea facta Electores officio functi sunt, ac variare seu suffragia mutare non possunt. Videri potest Imola hic n. 4. Abb. n. 3. quorum uterque admonet ex Bartolo in l. absenti ff. de donat. doctrinam istam, quod in electionibus post publicata suffragia singulorum, variare non licet, locum dumtaxat habere in ijs, qui ex speciali commissione, aut officij sui necessitate electionem faciunt; secus, si qui iure proprio ac libere eligant, v.g. Princeps, Communitas, aut Senatus civicus Praefectus & Officiales suos, tum suffragia, etiam publicata, revocare & mutare possunt, donec fuerint intmata & acceptata. Alia ratio in textu huius indicatur, Vt fiat progressus in

negotio electionis, cum enim scrutinium per publicationem complementum accipit, ad alia quæ sequuntur, videl. ad collationem, & postea ad electionem celebrandam transitus fieri debet. Sed prior ratio generalior est, ostendens etiam in alijs electionibus ecclesiasticis, in quibus scrutinij forma non observatur, variationem fieri non posse post suffragiorum publicationem: quæ de re Anton. hic n. 17.

QVÆSTIO est, Si post publicatum scrutinium & saltam collationem, Capitulares agnoscant, aliquem contemptum, seu non vocatum fuisse, qui vocari & adesse debet, num collatione facta ad electionem procedere possint? Resp. cum Anton. hic n. 12. Abb. n. 8. Locum esse nihilominus doctrinæ huius c. vt electio celebretur, quandoquidem ea valida fuit: & fortasse contemptus, si rem intelligat, ante ratam habebit. Sin autem contemptus, ante formatum electionis decretum veniat, petatque novum scrutinium inchoari, satisfaciendum esse petitioni, dixi in præced. c. Deinde, si Electores post scrutinium publicatum animadvertant, electionem ob defectum commissum formari non posse, novum scrutinium inchoare possunt, ac debent.

NOTANDUM II. Si electores post publicatum scrutinium non procedant ad collationem & electionem, per Superiorem, si opus est, compelli possunt. Sed obijci potest: Nam constat ex c. quia propter 42. c. cum post 46. hoc tit. Processum electionis vitari, nisi collatio statim sine incontinenti post publicatum scrutinium fiat, & mox communis electio subsequatur: Itaque si occiderit electores cunctari, siue post publicatum scrutinium collationem, electionemque differre, frustra compelli videntur ad eam peragendam, sed interposita ea morâ, electio irrita futura est. Respondeo: Hæc duo, quæ inter se non pugnant, iure canonico statuta esse circa electionem in forma scrutinij. Primum, vt electores vno contextu electionem peragere teneantur, alioquin electio irrita pronunciari debet. Alterum, si post publicatum scrutinium non procedant ad electionem eius, in quem

part maior & sanior Capituli consensit, vt ad id compellantur: alioquin enim de industria & in fraudem canonis, moram trahere atque efficere, vt electio post intervallum facta, irrita iudicaretur. Quamobrem ne ipsius propria fraus prosit, à Superiore compelli debent ad electionem, etiam post moram, validè perficiendam Et quicumque ex Capitularibus, vel etiam ipsemet eligendus, adire potest Superiorem, implorando eius officium ad Electores compellat ad progrediendum, sicuti de iure tenentur.

CAPITVLVM LIX.

Si alicuius.

PARAPHRASIS.

Si quispiam ad praelaturam per simoniam, eius reiignarus, neque ratum habens, electus fuerit, non tantum irrita pronunciarì debet electio, sed nec Episcopus dispensare potest cum electo, vt ea vice ad praelaturam illum promoueat. Sin autem aliquis ad simplex beneficium per simoniam prauitatem promotus fuit ignoranter, cum eo Episcopus post liberam resignationem dispensare non prohibetur.

SUMMARIVM.

1. Electio, aut collatio beneficij per simoniam, quamuis ignorante electo, aut prouiso, reprobanda debet.
2. Est ipso iure irrita, & non tantum rescindenda per sententiam.
3. Electio vel promotio ad ecclesiasticum beneficium per simoniam ita infirmata est, vt electus aut prouiso (licet eo ignorante simonia commissa sit) ad idem beneficium pro ea vice in eapax existat sine dispensatione.
4. Episcopus dispensare potest cum simoniace promotio ad beneficium simplex, si liberè resignet, non item si quales pacto affectum esset maiora seu duplicita bene-

ficia, nisi in casu euidenti ecclesia necessitata.

5. Mitius agitur cum eo, qui vltro cedit beneficio, quam si per sententiam amouetur.
6. Argumentum à sensu contrario in iure validum est, si quidpiam speciale in dispositione aliqua ponatur causatum, sine vt principaliter mouens ad disponendum.
7. Secus si assertum, aut exemplificatum.

NOTANDVM I. Electio, aut collatio beneficij, interueniente simoniaca prauitate facta, quamuis ignorante electo, aut prouiso, reprobari debet. Ita hic, & consensit c. i. causa 1. q. 5. cit. c. ex insinuatione 26. c. vobis 27. c. sicutus 33. de simonia.

QVANTUM autem est Num ipso iure irrita sit electio aut prouiso, an vero rescindenda per sententiam. Posteriore quæsit, partem docuit hic Abb. antiq. Nauarr. consil. 95. de Simon. edit. 2. & alij, eo argum. moti, quod iura canonica solum significant, eiusmodi electionem esse reprobandam, non autem dicunt, ipso iure nullam esse. Sed contrarium rectè hic docuit Abb. n. 2. Capella Tholoianctio Comment. in decil. 439. fusiè Suarez tom. 1. de relig. de Simon. cap. 57. n. 35. & fuit sententia S. Th. 2. 2. q. 100a. 6. in corp. & a. 3. prout ostendit Couarr. in reg. peccatum p. 2 § 8. n. 7. & seqq. Probatur: Si enim vera esset posterior sententia, tum promotus per interuenientem simoniacam prauitatem, posteaquam rem cognouisset, retinere posset beneficium, aut dignitatem, donec per sententiam Superioris rescinderetur collatio, aut prouisio. At consequens est falsum, prout constat ex cit. c. ex insinuatione, iun. Gl. communiter ibi probata ver, resignati, & clarius ex cit. c. nobis, vbi dicitur, quod secundum factorum canonum insinuat, etiam parulis, qui cupiditate parentum ecclesiam per pecunias sunt adepti, eas dimittere tenentur. Idque expresse docet S. Th. in cit. a. 6. & ipsemet Nauarr. in consil. 97. de simon. alijq. communiter. Ergo, &c. Deinde, posterior sententia vera est, simoniace prouisus

per ignorantiam, non teneatur ad restitutionem fructuum perceptorum ex beneficio, nisi post iudicis sententiam & privationem, ex eo enim tempore, & non ante, tamen est prauitatis simoniace, cuius ipse causam nullam præbuit, prius notitiam accepisset, malæ fidei possessor esse inciperet; sed ante latam sententiam non teneatur aliquis eo quod suum est, priuare. At verò consequens illud esse falsum, docent Theologi cum S. Th. in cit. a. 6. Quarr. cit. §. 8. n. 8. ipsemet Nauarr. consil. 97. de Simon. ad quæst. quartam. Id autem miror, quod idem Nauarr. in cit. consil. 95. in resp. ad argum. vers. Tertio, dixerit, doctrinam S. Thomæ in alleg. a. 6. potius fauere fuz sententiæ, quod videlicet collatio beneficij per simoniam facta, ignorantem prouiso, non sit ipsius iure nulla, quia ait, *S. Th. ignorantem teneat* (post notitiam acceptam) *restituere beneficium, & restituere fructus extantes; non autem bona fide consumptos: quod nulla ratione defendi possit, si collatio esset omnino nulla: quia nulla ratione excusari potest à reuerendia fructuum consumptorum, nisi illa simoniaca collatio, presentatio, vel electio valeat, donec inciperet se verius nullatam.* Veruntamen rectissime id defendi potest ac debet, cum certa iuris regula sit, quam tradunt DD. in l. Item veniunt 22. §. Præter hoc, si. de pet. hæredit. quod bonæ fidei possessor, postquam intellexit rem suam non esse, teneatur restituere fructus extantes, non autem bona fide absumptos, nisi quatenus inde locupletior factus est, quia v. g. eos vendidit, & pretium adhuc extat, aut patrimonium eius inde augmentum est, vti explicauit in Theol. moral. lib. 3. de iustit. tract. 2. cap. 3. n. 1. Et cur, obsecro, qui ita prouisus fuit, post habitam interuenientis simoniæ notitiam, debeat fructus extantes, quos ante percepit, restituere, etiam ante latam sententiam: cum dicat Nauarr. cit. consil. 95. habuisse eum ius in beneficio; consequenter itaque fructus omnes lucrari debuisset. Denique & id inaudium, saltem nullo iure expressum est, quod per solam scientiam acquiritam antecedentis simoniæ, aliquis amittat ius, ac titulum beneficij sui, ita vt in consilij

tia dimittere illud teneatur, & prout voluit Nauarr. in cit. consil. 97 ad quæst. quæst. Potius ex eo, quia post acquisitam notitiam in conscientia obligatus ille est dimittere beneficium, colligere potuisset, prouisionem eius antea, siue ab origine sua irritam fuisse, & id eo, vñ cum fructibus extantibus, restitui seu resignari debere, prout clarè docuit S. Tho. cit. loco, in corp. art. 6.

Ad argum. pro posterioris quæst. parte aliam, Resp. Electionem, siue collationem eiusmodi reprobendam, id est, reiiciendam esse, quia inualida sit. Eodémque recidit, si dicas, reprobendam esse collationem per sententiam declaratoriam facti, seu, per quam, præmissa cognitione causæ, declaratur ac pronuncietur, interuenisse simoniacam conuentionem, idè què de iure irritam esse collationem, electionemque. Id enim frequenter occurrit in iuris corpore, vt quod vno in loco dicitur irritum & inane, v. g. electio attentata contra formam Concilij Lateran. sub Alexandro III. vti videre est c. In Genesi 55. in fine, hoc tit. Idem, ob eandem causam non obseruatur formæ eius Concilij, dicatur sententialiter irritandum, c. ecclesia 67. in fine, eod. tit.

Obiter hica uerti potest, quod memini ante annos non paucos responsum esse, cum expedita iam esset supplicatio ad impetrandam dispensationem super inualiditate collati canonici adolefacti, quo ignorante pater eius Simoniam in affectione commiserat; non esse opus, vt dispensatio peteretur, quia plus quam triennio dictus adolefactus, cum bona fide, beneficium illud pacifice tenuit, ideoque tutus est in omni foro, per regulam Cancell. xxxiii. de trienniali possessione. Quod in hoc ipso casu annotant P. Suarez cit. cap. 57. n. 39.

NOTANDUM II. Ad eodè iure infirmata est electio, aut promotio ad ecclesiasticum beneficium, per Simoniam facta, etiam ignorante electo aut prouiso, vt ad idem beneficium pro ea vice, siue durante ea vacatione, incapax existat, nisi eum ipso dispensetur ab eo, qui tali potestate præditus est, de quo in seq. notanda.

Dile.

Difficultas autem est, qua ratione ob aliquem delictum puniatur innocens, qui inculpatus ignoravit, contra c. 2. de conitit. *Res qua culpa caret, in damnum vocari non debet.* Resp. cum Anton. hic n. 8. opponendo aliam regulam, quæ est 23. in 6. *Sine culpa, nisi causa subiecta, non est aliquis puniendus.*

Hic autem causa subiecta, non quidem ut aliquis propriè puniatur, siue ei aliquid adimatur: sed potius ut beneficij collatio, seu prouisio propter simoniaci criminis scditatem impediatur: Adiecta etiam inhabilitate in odium rei, non in odium personæ: Volo dicere, in detestationem simoniacæ factionis, per quam aliquis ad beneficium destinabatur, rectè à sacris canonibus decretum fuisse, ut pro ea vice attentatio illa effectum nequaquam habere posset, constituto illo incapaci, quem simoniaci promouere volebant: At verò purgato vitio illo, siue interueniente persona, quæ valde prouisa sit, aliqd, occurrèto beneficij eiusdè vacatione, repulsam illi, quippe in cuius persona defectus non sit omnimodè, si alioquin dignus sit, promoueri posse: Multo verò magis ille ad alia ecclesiæ dignitatè, aut beneficij assumi poterit c. post trāslat. 11. §. Rufus, de renūc.

NOTANDUM III. Discrimen est, quod si aliquis ignorans per simoniacam prauitatem promotus sit ad beneficium simplex, Episcopus, dummodò ille liberè resignarit, dispensare possit, ut idem mox beneficium consequatur, aut in eo relinquatur: Secus autem dicendum de alijs beneficijs maioribus, seu duplicibus. Hunc esse sensum huius c. supponere videntur DD. & apertè tradit Suar. in cit. lib. de Simon. cap. 61. n. 10. Cùm enim Pontifex veluti excipiendo respondeat, Episcopum dispensare posse cum promotò ad beneficium simplex, post liberam eius renunciationem, satis indicat, dispensare non posse, si quis beneficium qualecunque, non simplex, tali pacto assecutus sit. Neque obstat, quod in priore e. parte meritò duntaxat sit de prælatura: Id enim, ut ex subiunctis colligitur, exempli tantum causa factum, quia tunc de eorum casu dubitatum fuerat.

Excipiunt verò non pauci, quod Episcopus etiam ad beneficij curatum aut dignitatè in eadè vacatione assequendū, in casu huius c. dispensare possit, non ob merita personæ (hic enim casus exclusus videtur) sed ob euidenti ecclesiæ necessitatè, quia alius ratione reperiri non potest. Ita enim docuit hic Hostiens. Anton. Imola, & alij: Quod huiusmodi casus secundum epikian exceptus videri debeat. Neque est id improbabile, propter Doctorum auctoritatè, argum. c. 3. ead. causa 1. q. 5. Quamvis contrarium senserit Abb. hic n. 5.

NOTANDUM IV. Mitius agitur cum eo, qui vltro cedit beneficio, quod derelinquere debet: quàm si per sententiam amoueatur. Ita sumitur ex c. in fine, & notat Gl. in not. vlt. Quænammodum etiam consuetum est, ut si Prælatus de crimine depositione digno suspectus, aut infamatus, si vltro resignet, ut leuius cum eo agatur, & v. g. pensio ex Prælatura assignetur, non ita verò, si per sententiam deponatur.

QUESTIO restat, quam aliqui occasione huius, alij occasione præced. c. tractant, ubi videri potest Ioann. Andr. & Abb. Panormit. Num argumentum à sensu contrario in iure validum sit? Communis est responsio, firmum & validum esse, si quæpiam speciale in dispositione aliqua potius casualitè, siue ut principaliter mouens ad disponendum; tunc rectè infertur, cùm in contrario seu opposito eius contraria seu opposita ratio cernatur, dispositionem in eo locum non habere. Exemplum huius rei proponitur in l. 1. ff. de officio eius, cuius data est iurisdicctio, ubi habetur, quæ sunt meri ac mixti imperij, speciali privilegio concessa magnis iudicibus, cuius iure delegari non posse, idque, tanquam fortissimè argumento, inde ostenditur, quia lege Iulia de vi concessum est Prouinciæ Præsidibus ob necessitatè abens est, quod alteri mandare possit: Exinde enim per contrarium sensum colligi debet, committere eorum non posse, quandoquidem absentia est causæ finalis & principalis, cur delegandi facultas ei concedatur.

7 Sin autem speciale quippiam in depositione ponatur non cautivè, sed assertivè, aut exemplificativè, tunc non procedit argumentum ad remotionem contrarij seu oppositi. Exemplum habemus in l. Conventicula 22. C. de Episcopis & Clericis, ubi prohibetur, ne aliqui in priuatis ædibus conventicula, cōdonatis turbis inibuant, disputantes de fide Catholica seu definitis in Concilio: Ex quo minimè inferre licet, quòd in loco publico talia conventicula liceat celebrare quia ratio prohibitionis, quæ est turbatio in rebus fidei, æquè imò magis locum habet in disputatione, quæ in loco publico instituitur, prout constat ex l. 2. ubi id Gl. notauit ver. publicè, C. de summa Trinitate. Aliud exemplum afferunt Canonistæ in e. cum ad Monasterium, de statu Monach. nominatim Ioann. Andr. circa verbum *nisi in infirmatorio*, ex reg. S. Benedicti cap. 39. ubi ita legitur: *Carnium quadrupedum omnino ab omnibus abstinetur comestio, prater omnino debiles & aegrotos*. Ex quo non licet inferre, quòd bipedum & volatilis comestio Monachis permissa sit, sed potius, quòd species, tanquam magis visitata, pro omni carniū genere posita fuerit: siquidem ratio, quæ sola esse potuit quadrupedia prohibendi, videl. appetus, mortificatio, & abstinentiæ virtus salutaris, æquè & magis in volatilibus locum habet. Videri potest Ioann. Turresemata in exple. eius regulæ tract. 104.

Addit verò DD. communiter, argumentum a sensu contrario non procedere, si inde absurdum, vel inconueniens sequatur, vt videre licet in allato exēplo de prohibita quadrupedum comestione: Item si oppositum eius, quod per tale argumentum inferendum esset, in iure clarè decisum esset, argum. l. 2. ubi id notauit Gl. Bartol. & alij C. de condit. inferitis, & tradit Gl. recepta in e. significasti 18. ver. clerici tamen, de foro compet. Aliud exemplum leges in l. fin. §. filijs autem familias, C. de bonis quæ liberis, ubi decernitur, filijs scilicet testari concessum non esse de bonis aduentitijs, quorum vfusfructus penes patrem est. Ex

quo tamen per sensum contrarium inferre non licet, testari eos posse de ijs aduentitijs bonis, in quibus patri vfusfructus non quæritur, quia oppositum huius, videl. quòd de nullis aduentitijs filiusfam. testari possit, sed solum de castrensis, aut quasi castrensis, satis expressum videtur in l. penult. C. Qui testam. facere possunt, & docent ibi Iason, Alexand. de Imola & alij communiter. Ratio huius doctrinæ est, quam legere est apud Nicolaum Euerardum in loco a contrario sensu: Per subauditiones, sue intellectus tacitos & coniecturales, non debet introduci iurium correctio, secundum Gl. receptam in e. cupientes §. Quod si per viginti, ver. petere, hoc tit. in 6. propterea quòd iurium correctio odiosa sit, & quantum fieri potest, vitanda, e. cum expedit 29. cod. in 6. Neq. facile legislator censendus sit legè prius, multà curâ & sollicitudine constitutam tollere velle, nisi clarè exprimat, e. ecclesia 47. §. neque enim, suprâ, hoc tit. At qui argumentum a sensu contrario fit per tacitum, subauditum, & coniecturalem sensum, vt tradit Gl. in cit. l. 2. ver. voluntatis, ibid. Bartol. C. de condit. inferitis, & sumitur ex l. apud antiquos 2. iun. Gl. ibi, per coniecturam interpretati sunt C. de furtis.

Neque obstat his, quod dici solet, argumentum a sensu contrario esse fortissimum, iuxta Gl. receptam, e. cum Apostolica 7. iuxta finem, ibi, *per quod indirectè datur intellectus*, de his quæ sunt a Prælati &c. & sumitur ex cit. l. 1. ff. de officio eius, cui mandata est iurisdicção, ibi, *huius rei fortissimum argumentum est*. Respondetur enim. Esse argumentum efficax, & firmum, sed cum ex interpretatione, seu subauditione haustum, ideo credere verbis alibi clarè expressis: cum quòd clarum, & in firma quodammodo possessione est, non deceat tolli & everti per obcurum, argum. l. ille aut ille 25. ff. de legatis 3. Limitationes verò, quibus etiam iuri communi derogatur per tacitum intellectum, seu argumentum a sensu contrario, videri possunt apud Euerard. loco cit. §. Illud tamen limitatur.

Demum pro confirmatione argumenti ducti

ducti per sensum contrarium, exempla aliqua afferam, ex cit. c. huius de elect. titulo desumpta, ut appareat, cur questio ista hoc in loco proposita fuerit. Primum est ex c. bonæ 4. de postul. Prætor. ubi dicitur, postulantem variare non posse, posteaquam postulationi Superiori præsentata est: Ex quo inferitur, si præsentata nondum sit, quod postulantem variare possunt: Cùm id inconueniens non sit, & nullo alio iure prohibitum videatur: Estque specialis ratio, cur post præsentationem variare non liceat; ne videl. Superiori illudatur.

Alterum habetur in c. præced. quando dicitur, quod Electores publicato scrutinio variare non possint: Ex quo recte inferitur, quod ante scrutinij publicationem variare seu suffragia sua mutare queant: Nam publicatio ut specialis ratio prohibet variationis afferri videtur, prout ibi explicauit in t. not. & videri potest ibi Imola, & Abb. n. 6.

Tertium sumitur ex textu huius c. Quando Pontifex dixit, cum electo ac prouiso in simplici beneficio ab Episcopo dispensari posse, recte hinc inferitur primò. In beneficiis non simplicibus seu duplicibus, ac maioribus eiusmodi dispensationem interdiktam esse Episcopis: cùm non appareat alia causa, cur in simplicibus concessa sit dispensatio; nisi quia minora facilius conceduntur, atque in maioribus cautius agendum est: ait Glos. hic ver. illa vice. Secundò, ex hoc ipso c. per sensum contrarium inferitur, si quis etiam simplex beneficium per simoniacam interuentem prauitatem scienter consecutus fuit, aut postea ratum habens, quod actum est, cum eo Episcopum dispensare non posse, quia non frustra hic adiecta fuit conditio limitans & qualificans, *ignorante eo & postea ratum non habente*, idque conforme est c. nobis 27. de simonia. Tertiò sequitur, Episcopum dispensare nõ posse cum promotio ad beneficium simplex ipso ignorante, nisi libere prius illud resignarit, sed à iudice, per sententiam coactus. Nam ratio, cur dispensandi facultas in casu illo Episcopis concedatur, alia afferri non potest, nisi quod magis dignus sit misericordiâ, & ab omni su-

spicione alienus, qui sponte renunciat: ergo in opposito oppositum decerni debet. Et confirmari possunt, quæ dixi: Nam regula canonica est, quod simoniace electus aut prouisus, ad idem consequendum beneficium inhabilis fiat, adeo ut Episcopus cum eo dispensare non possit, cit. c. nobis: Ergo exceptio quæ in hoc c. proponitur, confirmat dictam regulam in alijs omnibus casibus, qui sub exceptione non comprehenduntur.

CAPITVLVM VI.

His quibus.

PARAPHRASIS.

Si Superior, v. g. Pontifex, aut Episcopus prohibuerit Canonicis, aut Conuentualibus, ne ad electionem Prælati absque suo consensu procedant, dubium est, num interea dum eligere intermittunt, currat eis tempus à iure definitum: Respondet Gregor. I X. Papa, affirmandum esse, si illi in mora fuerunt licentiam petendi.

SYMMARIVM.

1. *Electioibus impeditis currit tempus, si ipsi possint impedimentum tollere.*
2. *Impedimenta autem alia sunt ordinaria, alia extraordinaria: hæc sola cursum temporis, non illa impediunt.*

NOΤΑΚΔΥΜΝ. Electioibus impeditis currit tempus, si ipsi impedimentum tollere possunt. Quare huic responsioni Pontificis non obstat regula sumpta ex c. quia diuersitatem 5. de concess. præb. Tempus à iure definitum non currit legitime impedito: Non enim impediti censeri debent, qui impedimentum tollere possunt. Quia, ut habetur in reg. 135. ff. *Qui potest facere, ut possit condonari parere, iam posse videtur.* At qui Capitulares consensum petendo à Superiore impetrare possunt, ut non eligendi facultatem: Ergo simpliciter impediti non sunt, sed ex hypothesi, si licentiam suâ culpa petere intermittant.

Inde verò per sensum contrarium colligitur, si Capitulares consensum à Superiore petere non possint, aut petitiū impetrare nequeant, quòd interea tempus legitimum eis non currat. posito quòd expressè inhibitiū sit. vi. nisi consensus impetratus sit, electio non fiat: Tum enim locum habet, quòd dici solet: Impedito agere non currit tempus legitimum, cit. c. quia. ian. Gl. ver. suspensionis. l. i. §. vlt. C. de annali except. l. in rebus §. o. C. de iure dotium. Quare tempus, trimestre v. g. Canonici definitum ad electionem Prælati peragendam, post diem cognitæ vacationis numerandum non continuum censeretur, sed vtile. Adgrate tamen, quòd bene hic annotauit Anton. de Butrio n. 4. Quædam esse impedimenta ordinaria, ideòque præcognita à decernente tempus. v. g. quòd Capitulares absentes aduocare debeant atq; interea eligere non possint: Et hoc tempus currit ipsis; quia ideo longior terminus præfixus fuit, quòd eiusmodi mora frequenter interponi debeat. Quædam autem esse impedimenta extraordinaria, & per accidens occurrentia: & hæc eorsum temporis impediunt.

CAPITVLVM. I. cod. Tit.
in §.

Statuimus.

PARAPHRASIS.

Si quis electionem, postulationem, aut provisionem alicuius de prælatura, dignitate, aut canonicatu impugnet, obijciens aliquid contra formam, aut contra personam, atque ob eam causam ad Sedem Apostolicam appellet. tam is qui oppugnat, quam is qui defendit, & omnes quorum interest, & quos causa contingit, per se, vel per procuratores ad causam instructos ad Sedem Apostolicam intra mensem numerandum à die appellatiōnis cognita aduersario, vel Procuratori eius iter arripere debeant. Quòd si

vna parte presente, altera non aduenerit, per dies viginti expectetur, postea in causa ea electionis, postulationis, aut provisionis oppugnatz, non obstante cuiusquam absentia, sicuti de iure procedendum est, procedatur. Ita statuit Innoc. I V. Papa in Concilio generali Lugdunensi, Videri etiam debet Clem. 6. sam, hoc tit.

SUMMARYM.

1. *Electio, postulatio, aut provisio vel institutio alicuius in beneficio ecclesiastico duabus de causis oppugnari potest. 1. quod forma obseruata non sit. 2. quod aliquid sit prætermisum, quod ex iure seu iustitia requiritur.*
2. *Liti iustitia præter actorem & reum, etiam alie persone adesse possunt, & admitti debent, si ostenderint suam interesse.*
3. *Procurator admitti potest in causa impugnata electionis, postulationis, aut provisionis, sicuti criminis & defensionis, etiam persona electa: ad hoc tamen debet habere speciale mandatum.*
4. *Procurator mitti debet ad causam suam sufficienter instructam.*
5. *In causa beneficiaria si pars contrarie sit, procedi potest etiam sine non contestata.*

NOTANDVM I. Electio, postulatio, aut provisio, vel institutio alicuius in beneficio ecclesiastico duabus de causis oppugnari potest: I. Quòd forma obseruata non sit. Secundo aliquid prætermisum, quod ex iure seu iustitia requiritur, v. g. in electione aliquis non vocatus, qui vocari potuit ac debuit.

NOTANDVM II. Liti institutæ, præter actorem, eumque, contra quem actio tendit, etiam alie persone adesse possunt, & admitti debent, si ostenderint suam interesse, vti hic habetur. & in c. veniens §. 8. de testibus. Videri potest Anton. hic n. 3.

NOTANDVM III. Procurator admitti potest

s. Adjicientes.

PARAPHRASIS.

Qui contra electionem, postulationem, aut provisionem alicuius, ad sedem apostolicam appellans, quod contra formam seu processum electionis &c. opponit, plenè non probaverit, in expensis, quas pars altera fecisse docuerit, est condemnandus: Qui verò defecerit in probatione eius, quod contra personam obiecit, à beneficiis (quæ in ea ecclesia obtinet) per triennium suspensus est: Quod si interea propria auctoritate se ad ea ingesserit, ipso iure in perpetuum, sine spe dispensationis, privatus maneat: Nisi manifestè ostenderit, quod à vitio calumniæ causæ probabilis & sufficiens excusatur.

SYMMARIUM.

1. Si agatur de iure alterius auferendo, aut minuendo, requiritur probatio plena, & non sufficit simplens.
2. Alter intentionem suam non probans, condemnandus est parti alteri in expensis.
3. Plus puniatur, qui contra personam electi, postulat, aut provisi aliquid obiecit, & non probat, quam qui formam seu processum oppugnat in probatione deficiit.
4. Non probans, quod obiecit contra personam electi, per triennium à beneficiis ecclesiasticis, quæ in ea ecclesia obtinet, ipso facto suspensus est.
5. A quâ tamen penâ error probabilis & sensus excusatur.

NOTANDUM I. Si agatur de iure alterius auferendo, aut minuendo, requiritur probatio plena & non sufficit semiplena, ita sumitur ex textu iun. Gl. ver. plenè non probaverit. Porrò tamen si videi possit Pontifex in hoc e. exigere plenâ probationem ab eo tantum, qui formam electionis oppugnat, tamen ex e. vt circa 4. infra hoc tit. constat, idem quoque intelligendum de eo, qui contra personam aliquid obiecit.

D d d

No.

potest in causa impugnata electionis, & postulationis, aut provisionis, tametsi criminis & defectus obijciantur personæ electæ. Sed necessarium est, vt ad id habeat mandatum speciale iuxta Clem. 2. de Procurator. Videri potest e. tuz s. de Procur. e. super his 16. de accus.

NOTANDUM IV. Si terminus à iure definitus, intra quem electionem aliquam, postulationem, aut provisionem oppugnare debeat per se, vel procuratorem, tum si procuratorem mittere placeat, debet is mitti ad causam totam sufficienter instructam. Ita hic, & in e. cupientes 16. §. Si verò in discordia, infra eod. tit. vbi etiam explicatur, quomodo debeant esse instructi, & in e. 1. de Procurator. Gl. in e. vlt. ver. sufficienter instructum, de dolo & contumacia. Eademque ratione Iudex (præsertim in huiusmodi beneficialibus causis, quippe quæ celerem expeditionem postulant) terminum assignare potest, ad quem pars litigans per se, vel procuratorem, venire debeat sufficienter instructa: ita vt, nisi noua causa occurrente, dilationem aliam Iudex concedere non teneatur, quæ de re Ioan. Andr. hic col. 2. Franc. c. 1.

NOTANDUM V. In causa beneficiaria si pars contumax sit, procedi potest etiam litem contestata. Ita hic, & in e. vlt. §. Porrò, vt lite non contestata, &c. Idem in eod. §. & in e. accedens 4. Vt lite non contestata, decernitur de causa matrimoniali. Ratio est, quia huiusmodi lites diu prorogari non debent, propter periculum, vt contat ex cit. e. accedens, & e. finem §. de dolo eontum. vbi dicitur, quod beneficia ecclesiastica sine dispendio diu vacare non possunt. Videri hic potest Ioan. Monachus, Gl. in ver. absentia.

Porrò in casu isto, si terminus à iure præfixus sit, vt pars litigans compareat, opus non est alia citatione ad constituendum contumacem; quia terminus à iure, aut etiam à Iudice definitus, peremptoriæ citationis vim habet, e. sape 44. de appellat.

& tradit Gl. in cit. ver.

absentia.

3. NOTANDUM II. Si actor intentionem suam legitime non probauerit, parti aduersarie ad expensas præstandas condemnari debet. Ita hic: Similitérque si reus conuentus, postquam actoris intentio fundata est, exceptionem incontinenti non probauerit, ad expensas moderatas condemnandus: præsertim in causa beneficiaria, e. cum finem 5. de dolo & contumacia.

3. NOTANDUM III. Plus puniatur, qui contra personam electi, postulati, aut prouisi aliquid obijciens, in probatione deficit, quam qui formá seu processum oppugnans, deficit: Illud enim ad criminatíonem & calumniám spectat adeò, ut actioni iniuriarum secundum aliquos locus esse possit, teste Anton. hic n. 7. A pœna tamen hic decreta & calumniæ suspensio liberatur, si probabilis errore se ductum esse ostenderit, vti hic dicitur, & in l. 1. §. 1. ff. ad SC. Turpillianum: Calumniæ enim crimen intentionem malam requirit, ut ibid. significatur, iun. GL. ver. intendere, & alia GL. in l. Athletas 4. ver. ex vtraque, ff. de his qui notantur infamia. His addé, quòd in tali casu probabilis offensæ ignominia, etiam condemnatio ad expensas remittitur, secundum GL. receptam in eit. c. cum finem, ver. expensas. Imò communiter tradunt DD. apud Anton. Gabrielium de execut. rei iudicatæ concl. 1. de expensis. statutum, vt victus victori in expensas condemnatur, limitandum esse conformiter iuri communi, nisi probabilem quis litigandi casum habuerit.

4. NOTANDUM IV. Qui opponens contra personam electi, postulati, prouisi in probatione deficit, per triennium à beneficijs ecclesiasticis ipso facto suspensus est. Intelligi autem debet de beneficijs ijs duntaxat, quæ in ea ecclesia obinuit, prout declaratur in c. si compromissarius 37. infra eod. tit. & libro, iun. GL. ver. beneficijs.

QVÆSTIO EST, Si quispiam probabilis errore ductus contra personam aliquid obijcit, quod postea probare non potest, utrùm pœnam hanc incurrat. Afirmat Franc. Suarez de cens. disp. 31. sect. 3. n. 11. quia in textu huius c. suspensio indultè decernitur de-

ficienti in probatione; exceptio verò, quæ subiungitur, nisi manifestissimè confusus documentis, &c. eò spectat, vt dispensari cum eo possit, aut tempus suspensionis coartari. Sed contrarium arbitror esse dicendum, quòd hic Doctores communiter significant, vt videre licet apud Anton. n. 8. Ioan. Andr. col. j. ante 1. GL. vbi simpliciter aiunt, quòd error probabili, si ostensus sit, excuset à pœna suspensionis hic decreta. Et Francus super hoc §. n. 2. generalius loquitur, quòd probabili causa litigandi excuset succumbentem, non tantum ab expensis, sed etiam à pœna iuris. Idemque significat GL. hic ver. delecerit, vbi fraudem requirit. Idèoque inferit, si quis plura contra personam obiecerit, & vnica eorum probat, euitari pœnam; quia non fuit in fraude. Quæ doctrina vera est, saltem si id obiectum tale est, vt per se sufficiat ad impediendam, aut rescindendam electionem, postulationem, aut prouisionem, argum. c. inter cæteras 4. de rescriptis. Ad rationem prioris quæst. parte allatam, Resp. Exceptio nem illam, cum sit veluti clausula finis ibi posita, sine incommodo ad omnia antecedentia referri posse: Imò videtur necessàriò ita referri, ne alioquin incommòdum sequatur. Nam ipsemet P. Suarez fatetur, esse hanc pœnam à iure decretam, quæ proinde culpam requirit: ea autem cessante (si videl. aliquis probabilis errore inductus, bona intentione, opponat aliquid contra personam) cessare debet pœna.

CAPITVLVM II.

In electionibus.

PARAPHRASIS.

Si in electionibus, postulationibus, aut serotinjs suffragia adsint conditionata, alternatiua, vel incerta, ijs posthabitis & reiectis, electio (vel postulatio) secundum aliorum duntaxat, quæ legitime data sunt, suffragia celebrari debet. Ita Innoc. IV.

Papa in eodem Concilio Lugdunensi.

SVW

SYMMARIUM.

1. *Suffragia conditionata, alternatua & incerta ipso iure irrita sunt in electionibus.*
2. *Etiā electus debet purē & simpliciter consensum dare.*
3. *Suffragia in scrutinio data, ac postea publicata, si quis inter ea non sint legitima, pro non datis haberi debent, ita ut pro ea vice omnis vis suffragandi penes alios, qui legitime suffragati sunt, residat.*

PRO intellectu, in primis aduerte: suffragium conditionatum esse, si quis dicat. *Eligo Titium aut consensio in Titium, si & Caius in eum consensit.* Suffragium alternatium est. *Volo ut Seius, aut Sempronius Episcopus fiat.* Suffragium incertum. *Consensio in eam personam, in quam Caius consensit.* Ita Glossa hic explicat.

NOTA PRIMUM Vn. Suffragia conditionata, alternatua, & incerta ipso iure irrita sunt, & pro non datis habentur in electionibus, ac postulationibus ecclesiasticis, totumque iam electionis, aut postulationis celebrandæ penes aliorum, legitime data ac publicata suffragia residet. Ita textus huius c. Continet autem duas partes, quarum prima est secundum naturam rei: Nam electio, postulatio, quin & prouisio beneficij numerantur inter eos actus legitimos, qui iuxta legis præscriptum fieri debent absolute ac simpliciter, ita ut ne conditionem, nec diem recipiant, iuxta reg. 50. in 6. Præstantur enim suprâ dicti actus à Prælati ecclesiasticis ex officij necessitate, ita ut ecclesiis, ac beneficijs vacantiis certò & mox prospectum sit, quem admodum ob eandem etiam rationem datio tutoris nec diem, nec conditionem recipit, iuxta reg. ff. 78. Adus legitimi. Ex quo apparet, partem hanc constitutionis locum etiam habere in ecclesiasticis electionibus, quæ non per formam scrutinij, sed alio quocunque modo fiunt.

Addendum est primò ex Ioan. Monacho hic n. 4. & 7. Ioan. Andr. n. 6. Neque tale suffragium vim habere: *Eligo Titium, si con-*

senferis. Nam electus consentire debet electioni de se factæ: si autem ex talibus suffragijs celebrari posset electio, tum electus non consentiret electioni de se factæ: quandoquidem electio Capitularis debet esse contormis datis prius suffragijs sive votis: si ita, quæ hæc suspensa sint, etiam electio non facta, sed suspensa censeri debet.

Adde secundò ex Archidia. & Anton. hic n. 12. Francon. 5. Vim non habiturum suffragium, si datum sit sub conditione de præsentente, aut præterito, v. g. Si Decanus morbo liberatus est, posito quòd id Electionis incognitum sit. Cùm neque ex eiusmodi suffragijs, saltem ante veritatis indagationem, certa electio subsequi possit. Excipit verò GL hic ver. incerta, à DD. communiter recepta, Adijci posse conditionem, quæ super naturâ inest, v. g. *confero tibi beneficium hoc, si ueracis, aut si eius capax es.* quia talia non faciunt actum conditionalem, cùm nihil noui adijciant, sed actus naturam explicant, ait Ioann. Andr. prope finem huius c. & tradit Francus hic n. 4.

Addendum tertio, ex doctrina Ioan. Andr. hic & Franci cit. n. 4. quòd etiam electus debeat purē, & simpliciter consensum dare electioni, alioquin post tempus transiret e lapsum ad aliam electionem procedi poterit, iuxta c. quam sit 6. infra hoc tit.

Altera verò pars huius constitutionis penalit est, quòd videl. suffragia ita data ad eò irrita, & pro non datis haberi debeant, ut pro ea vice vis suffragiorum omnis penes alios, qui legitime suffragati sunt, residat: Id extendi non potest extra casum hic expressum, videl. de suffragijs in scrutinio datis, ac postea publicatis, ex quibus vis oritur electionem capitularem celebrandi. Itaque cùm primum publicata sunt vota secundum formam scrutinij data, si quæ inter ea appareant minus legitima, videl. conditionalia, alternatua, aut incerta, pro non datis haberi debent, atq. electio de eo, qui secundum maiorem partem reliquorum vti huius suffragio nominatus est, promulgari: Neque videtur hoc in casu nouum scrutinium inchoare posse Capitulares, cùm, uti hic dicitur.

tur, iuncto e publicato § 8. hoc tit. in antiquo electio mox celebrari possit, ac debeat. Ceterum, qui minus legitima suffragia dederunt, aut equum scrutinium publicatum sit, ea corrigere possunt, argum. cit. e. publicato, & tradunt hic Ioan. Andr. Dominic. Anton. Francos, & alij circa Gl. ver. residente.

CAPITVLVM III.

Vbi periculum.

PARAPHRASIS.

Quandoquidem ubi maius periculum impendet, ibi diligentius prospiciendum, constat autem graua pericula inde promittere posse, si Romanam Ecclesiam longotempore vacare contingat: Idcirco Innocent. IV. Pontifex in eod. Concil. Lugdunensi cap. 2. in primis confirmat ea, quae ab antecessoribus suis, praesertim ab Alexandro III. in e. licet de vitanda 6. hoc tit. in antiq. de Romani Pontificis electione decreta sunt, quaedam adiicienda esse, necessarium iudicat.

Primum. Ut Cardinales elapsis decem diebus post mortem Pontificis (si ea in ciuitate accidit) qui praesentes tunc sunt, ad conclave palatii, in quo Pontifex habitauerat, se conferant, & inde non egrediantur, donec electio perfecta sit.

Alterum. Sub poena excommunicationis ipso facto incurrendae, prohibetur, ne quis Cardinalibus, aut vni eorum scripturam, aut nuntium mittat, vel cum aliquo secreta loquatur, quoad in palatii conclauis congregati sunt.

Tertium. Si Cardinales intra triduum, posteaquam conclave ingressi fuerunt, Ecclesiae non prouiderunt, quinque se-

quentibus diebus vnum tantum eis ferulum tam in prandio, quam in cena praebeatur: sin autem neque per hos dies electionem perfecerint, praeter panem, vinum, & aquam nihil ipsis ministraretur, donec prouisio illa seu electio subsecuta sit.

Quartum. Cardinales nihil omnino ex Camera Pontificis, nec quippiam aliud ex Sedis vacantis obuentionibus recipere aut usurpare sibi debent, sub poena suspensionis ab omnibus redditibus, donec quod acceperint, plenè restituant & satisfaciant.

Quintum. Si acciderit, Pontificem extra ciuitatem, in qua cum Curia sua residerebat, vitam excedere, teneantur Cardinales egredi ad electionem in ea ciuitate an cuius territorio Pontifex obiit, aut, si id fieri non possit, in alia vicina peragendam. Similia habentur in Constit. Nicolai II. Papae c. 1. d. 3.

Sextum. Dominos, Rectores, & Officiales eius ciuitatis, in qua Rom. Pontificis electio celebranda, Apostolicae Sedis auctoritate, quae praedicta sunt, obseruari faciant, sed amplius aliquid attentare non praesumant, idque sub grauib, ibi adiunctis, poenis.

Septimum. Omnia praeter, obligationes, & iuramenta, si quae inter Cardinales fiant, (poeta de certa persona, aut ex certa aliqua natione, vel ciuitate, in Pontificem eligenda) penitus cassantur.

Octauum. Audita morte Rom. Pontificis, in ciuitatibus, aliisque locis insignibus, exequiae celebrandae sunt, & praeter quotidie à Fidelibus ad Dominum Deum fundendae, pro concordia & Ecclesiae vtili noui Pontificis electione, donec certus de ea perfecta nuncijs auditus sit.

AD LECTOREM.

Desinuerat R. P. Paulus Laymann uniuersum Ius Canonicum doctissimis suis Commentariis illustrare, sed desinatus exequi non licuit; ea enim mors praematura auctoris abruptit in limine Operis, ita ut praeter illa, quae ad primi libri Decretalium sex titulos, eosque non omnino integros habilem legisti, aliud nihil ex his ad nos peruenit.

uenerit. Sufficere tamen ad elucidationem reliqui Turis Pontificij possunt, quidem P. Laymann per aliquot annos in publicis prelectionibus magna omnium acclamatione, nec minori fructu in Academia Dilingana docuit. Quibus licet ad perfectum statum ultima manus Authoris desigadeoque à priorum Commentationum gravitate & libertate multum distent, suam tamen doctrina soliditate, & exquisita eruditione, Turis huius intelligentibus hoc quantumvis delicato literarum seculo ita sese probaverunt, ut multis non exiguo labore, vel sumptu exscripserint: fuerint etiam, qui propè sacrilegij instar censuerint, vel uno apice eorum, quæ summus hic Vir in sua Canonice elucubrasset, literariam rempublicam defraudare. Ne igitur in publica commoda peccaremus, horum votis obsecrati sumus. Et quidem eo pronius, cum non dubitarem, quin & suo, & lectorum iudicio aliorum vota & rem ipsam esse approbaturos.

SUMMARIUM.

1. Cardinales obligantur ad seruandam formam electionis hoc c. præscriptam.
2. Non possunt in vacante Sede, aliam iurisdictionem exercere, quia aliis ad summum Pontificem spectat.

QUÆRES PRIMò. Verùm Cardinales obligentur ad seruandam hanc electionis formam, vel aliam quamuis, quæ à Sum. Pontifice legitime statuta fuit. Responsio est affirmatiua in Clement. Ne Romani: ubi ratio adiungitur; Quia lex Superioris per inferiorem (quales Cardinales sunt Sum. Pontificis comparatione) tolli aut mutari non potest.

QUÆRES secundò. Verùm Cardinales Sede vacante, aliam iurisdictionem, quæ alioquin ad Sum. Pontificem spectat, exercere possint? Responsio est negatiua in ead. Clement. Excepto, quod Ecclesie Romanæ Camerarius, si vacante sede moriatur, aut alio modo deficiat, atque penitentiariorum in decedentium locum, quin & nouos numero audiore, (si id Cardinalium ceteri concorditer expedire visum fuerit) subrogare possint.

CAPITVLVM IV.

Vt circa.

PARAPHRASIS.

Ne Prelaturas, personatus, & alia per ecclesiastica beneficia diu vacare cum Ecclesie

detrimto contingat, in eodem Concilio Lugdunensi sub Gregor. X. constitutum est c. 1. vti si quis iam electioni, postulationi, vel provisioni se opponat, obijciendo aliquid contra formam, aut contra personas seu eligentium, prouidemus, seu electi, prouisi, & idcirco ad Superiorem appellet, teneatur in publico instrumento omnia & singula, quæ obijcere velit, exprimere; Atque insuper coram publica persona, seu Magistratu, corporale iuramentum prestare de veritate dicenda: id est, quod credat vera esse, quæ exprimit, & se probare posse: Atque Magistratus, seu Tabellio eius iuramenti præstiti testimonium inferat datis literis, seu instrumentis. Alioquin, si appellare volens eadem in instrumento non exprelerit, non poterit deinde ipse, vel adherentes ea obijcere, nisi aliquid opponendum postea de nouo emergerit, aut in noxiam appellantis peruenerit, vel noua probandi facultas oblata fuerit: Itatamen, vt hoc casu proprio corporali iuramento fidem faciat, quod ea antea ignorauit, nunc autem ita cognouerit, vt probare se possit. Hoc c. magis declarat iuramentum in cap. 15 cui, & c. Procurator, c. constitutio, & in Clem. Constitutionem eod. tit.

SUMMARIUM.

1. Ad maiorem solemnitatem & firmitatem actus requiritur interdum iuramentum corporale, hoc est, iactis Evangelij.

2. *Iurans de veritate dicenda, vel præstans iuramentum calumnie, non iurat vera esse, quæ dicturus est, sed credere esse vera, & à se probari posse.*
3. *Ignorantia per iuramentum probari debet, si præsumptio sit contra allegantem.*
4. *Hæc constitutio afficit etiam Collegium, v. g. Capitulum, quod provisionem ab Episcopo factam oppugnare vult.*

Capitulum alicui provisionem impugnare, & ad Superiorem appellare, atq. iuramentum corporale præstare per procuratorem, dato ei mandato speciali, vti etiam Gl. margin. hic obferunt iuramentum proprium dici, quod præstatur per se; vel per procuratorem habentem mandatum speciale iurandi in animam mittentis. Cui doctrinæ consentit g. procurator, 18. hoc tit. & lib.

CAPITVLVM V.

Auaritiæ.

PARAPHRASIS.

Cum iure canonico constitutum sit; vt electus administrationi seu in spiritualibus, seu in temporalibus se non immisceat, donec confirmationem à Superiore acceperit, aliqui electi, cupiditate infligante, alium modum excogitarunt, quo administrationem accipere possent. Videl. vt interim tanquam procuratores, seu economi Ecclesiarum constituerentur, donec confirmationis literæ adessent. Hoc autem sustulit Gregor. X. in eodem Concilio Lugdunensi c. 4. prohibens, ne quisquam administrationem dignitatis, ad quam electus est, sub titulo economi, aut procuratoris, alioue quæsitio colore in spiritualibus, aut temporalibus per se, vel per alium, in totum, vel in parte, ante acceptam confirmationem accipere, seu administratione se ingerere præsumat: Qui scilicet exiit, iure electionis, si quod ipsi quæsitum fuerat, eo ipso priuatus sit.

SYMMARIVM.

1. **NOTANDVM I.** Ad maiorem solemnitatem, & firmitatem actus interdum requiritur iuramentum corporale, quod fit manibus tacto aliquo corpore, videl. (secundum Ecclesiæ praxin) Euangeliorum libro, iuxta Clement. I. §. porro, de hæret. iun. Gl. ver. tacto. Et ait hic Gl. ver. præstito, omnia iuramenta, quæ à Iudice, vel à partibus ex necessitate deferuntur in iudicio, esse corporalia, id est, tactis sacris Euangelij. Videt etiam quæ dicam c. ult. de iuram. calumnie.
2. **NOTANDVM II.** Iurans de veritate dicenda, vel præstans iuramentum calumnie, non iurat vera esse, quæ dicturus est, sed credere esse vera, & existimare, à se probari posse, idè quæ non calumnie inferendæ causâ questionem mouere. Ita colligitur ex textu, & notat Gl. ver. probare.
3. **NOTANDVM III.** Ignorantia per iuramentum probari debet, si præsumptio sit contra allegantem: Vt in casu nostro, quia debebat ab initio inquirere, & cognoscere ea, quæ obijcere vellet, aut probare possit. Tunc itaque ignorantiam alleganti, cum ea in animo latens & occulta esse soleat, iuramentum deferitur, vti etiam in c. nulli, 8. hoc lib. & tit. Ita Ioann. Monachus hic n. 29. & Gl. ver. per proprium.
4. **QVÆRITVR:** Vtrum hæc constitutio afficiat etiam collegium, v. g. Capitulum, si provisionem ab Episcopo factam oppugnare velit. Responso est affirmatiue, cum Ioan. Monacho n. 8. Quia ver. *Quicumque comprehendit etiam personas fideles*: vid. corpora, siue Collegia, dummodò capacia sint eiusmodi actus, vt in proposito est: Quia potest

1. *In fraudem legis agere censetur, qui id ipsum, quod lex vetat, secundum effectum allegatur, quamuis alio prætextu, seu quæsitio colore.*
2. *Fuit extensio huius pænæ, quæ habetur c. qualiter 17. xxiij. b. i. ita vt lectum habeatur casu, quo aliquis administrationis dignitatem sibi arrogauit, prætextu economie.*

3. El.

g. *Electus qui ius œconomi seu administrationis impetrauit, sed re ipsa non administravit, penam hanc canonicam non incurrit.*

NOTA RVML. In fraudem legis agere censetur, qui id ipsum, quod lex vetat, secundum effectum assequitur, quamvis alio pretexto, seu quæsito colore. Cui consentiunt, contra, 29. ff. de legibus, & reg. vlt. in 6. *Certum est, quod is committit in legem, qui legis verba complectens, contra legis voluntatem.* Exemplum hic habemus: Prohibitum est, ne electus se ingerat administrationi: si autem non ingerit se electioni, vt electus, sed quæsito titulo œconomi, seu administratoris: re ipsa tamen id ipsum assequitur, quod canon vetat. Cæterum per auctoritatem Sum. Pontificis potest electus, licet iam dum habilis fiat ad prælaturam, quia v.g. ætatem legitimam nondum habet, & electus Oeconomus constitui, vt constat ex c. cum nobis, 19. extrâ, hoc tit. iun. Gl. ver. procuratorem concedimus.

Aliud exemplum: Prohibitum est, ne quis duobus beneficiis curata in titulum possideat: Quod si iam aliquis vnum in titulum, & alterum in commendam perpetuam impetret, in fraudem legis id agit, cum perpetua commenda titulo beneficii æqualeat, quare nemini concedi potest, præter Sum. Pontificem, cuius est in canone dispensare, sicuti indicatur in Trident. Sess. 7. c. 4. de reformat.

Circa penam hoc c. decretam duo dubia sunt: Primum: An, & quomodo differat a pena, quæ habetur c. qualiter, 17. extrâ, hoc tit. Dux sunt opiniones, quas hic Gl. refert, ver. priuatos. Prima, quam vt communior sequitur Abb. in cit. c. qualiter: Quod hic corrigatur ius antiquum: quia olim electio eius, qui se electioni ante confirmationem immiscuit, per sententiam irritanda fuerit, vti significatur in cit. c. qualiter, iam verò ipso iure irrita sit. Sed obstat huic sententiæ, quod sine necessitate iuris antiqui correctio introducur. Altera, quam hic sequitur Io. Monachus: Casum huius c. esse diuersum, quia hic non punitur electus, qui absolute

administrare ante confirmationem præsumpsit, sed qui in fraudem canonis id agit, quæsito colore, seu prætextu œconomi impetrat. Quod factum, quia in se dolum continet, videtur grauius puniendum, vt talis ipso facto excidat iure electionis, si quod habeat. Ego vero arbitror, probabilius dici quod etiam in c. qualiter contineatur pena latæ sententiæ, ita vt ingerens se administrationi, ipso facto priuationem incurrat: licet opus sit sententiæ, & executione Superioris. Ob quam causam Pontifex ibi ait, electionem irritandam esse, id est, irritam declarandam, tum quia electus in eo casu indignus erat, tum quia ante acceptam confirmationem administrare cepit. Hoc autem c. 2. fit extensio eius penæ, saltem interpretatiua, quod etiam locum habere debeat, in casu, quo aliquis administrationi dignitatis se immiscuit, quæsito titulo seu prætextu œconomiz.

Alterum dubium. Si electus ius œconomi seu administratoris impetrauit, sed re ipsa non administravit, vtrum penam hanc canonicam incurrat? Facilis est responsio cum Gl. communiter recepta, ver. eo ipso. Quod non incurrat, quia verba legis penaliter intelligi debent cum effectu, iuxta c. relatum, 4. de clericis non residendis: Et constitutio lata in facientem, non censetur comprehendere eum, qui parat se ad faciendum, ait Gl. margin. hic.

CAPITVLVM VI.

Quam sit.

PARAPHRASIS.

Cum Ecclesiis noxium sit, si prælaturæ longo tempore vacant, statutum est in eodem Lugdunensi Concilio sub Gregor. X. c. 9. Si electio celebrata fuerit, electores dum primum commode possunt, electo presentent, eiusque consensum requirant: Electus autem intra mensem à die presentationis numerandum, si consensum velit, consensum exprimere teneatur: Quod si ultra distulerit, iure, si quod ex electione acqui-

acquiescerat, hoc ipso priuatus existat: nisi talis persona sit, quæ eligitur, vt electioni abique Superioris sui licentia consentire non possit: quo casu electus, vel electores, qui fieri potest celeritate, licentiam à Superiore procurare debent. Alioquin, si intra tempus, quod consideratis circumstantiis locorum, &c. sufficiens videri potest ad impetrandam Superioris licentiam, ea non habeatur: electores ad aliam electionem accedendi liberam facultatem consequuntur. Porro electus intra tres menses à præstito consensu numerandis confirmationem petere tenetur: alioquin ius electionis ipso facto amittit. Eademque est ratio in postulatione, vti Gl. hic adiecit ver. vacetur.

SYMMARIUM.

1. *Ex ordinariis nemo cogi potest, vt consentiat electioni ad prælaturam, dignitatem, aut alius beneficiorum promissionibus: potest tamen quis cogi ab ecclesia necessitatem, vel magnam utilitatem.*
2. *Melius agit electus, si acceptæ prælaturam modo id agat, non vt præsit, sed vt multis profuit ad gloriam Dei: & magis idoneus non adfit, qui, eo recusante, eligendus sit.*
3. *Electus, v.g. Religiosus, ad alterius abbatiam monasterium, nisi intra debitum tempus licentiam impetret, in reque sito primatur: & nisi electores intra trimestris tempus tum ad electionem procedant, illa vice & illi iure eligendi priuati sunt.*
4. *Licentia autem tali petenda est à proximo Superiore, cuius monasterium subiectum est.*
5. *Electus intra mensem post impetratam licentiam consentire debet.*
6. *Superior ordinariis compelli non potest ad dandam licentiam.*

NOTANDUM I. Ordinariis aliquis non cogitur consentire electioni ad prælaturam, aut quamvis dignitatem: sed potest etiam recusare. Idemque dicendum de alijs be-

neficiorum promissionibus, vt colligitur ex c. si tibi absenti, 17. de præbend. in 6. Quia iure beneficium non datur, reg. 69. ff. Et non potest liberalitatis, seu donatio uolenti acquiri, l. hoc iure, 19. §. Non potest, ff. de donationibus.

Dixi autem ordinariis: Nam propter Ecclesiæ necessitatem, aut magnam utilitatem Superior, qui ius imperdidi habet in tali casu, cogere potest ad prælaturam acceptandam, vt docet S. Th. 2. 2. q. 18. §. 2. & colligitur ex c. si eus sit, 1. q. 6. & c. ante omnia, 7. d. 40. vbi S. Augustinus Epist. 148. ad Valerium Episcopum scribens, ait: Vm sibi fidam esse in promotione ad Episcopatum. Necesse tamen est, vt qui initio inuitus est, postea consensum præbeat: cum sine libero consensu electio, aut promissio perfici nequeat.

QUÆRES: Vtrum melius, magisque laudandum sit, electioni consentire, an verò ex humilitate recusare? Respondeo: Melius agit electus, si electioni canonice consentiat, non vt præsit, sed vt multis profuit ad gloriam Dei: dummodò nemo magis idoneus adfit, qui, eo recusante, eligendus sit. Ratio est: Quia ex motiuo charitatis agit, & præstantissima virtus est. Neque obstat, quòd alius æquè idoneus adfit: Nam iste vocationem habet ex electione: ideo merito præferendus est alteri. Imò, tamen si alius magis idoneus adfit, non erit reprehendendus, qui vocationi electionis quæ fuit consensum dedit: modo & ipse idoneus sit: melius tamen hoc casu ager, si prælaturam in magis idoneum transferri fategerit. Quòd si verò ita res comparata sit, vt electus præ alijs idoneus videatur ad Ecclesiam regendam, tum iure naturali ex charitatis virtute obligatur ad acceptandum, vt dixi lib. 4. Theol. mor. tit. 2. c. 15. q. 3. Porro, vtrum prælaturam appetere licitum sit, disputauit eod. tract. 2. c. 15. q. 2.

NOTANDUM II. Si electus, v.g. Religiosus, ad alterius Abbatie Monasterium, intra tempus, quod ad petendam & impetrandam licentiam, spectatis circumstantiis boni viri iudicio sufficiat, eam non impetret per se, vel alium, neque electores pro ipso impe-

CAPITVLVM VII.

Perpetua.

impetrent, post lapsum eiusmodi temporis priuatur electus omni iure, vt ad aliam electionem procedendum sit, atque nisi procedant electores intra tres menses, iuxta c. Ne pro defectu 41. hoc ite. ea vice iure eligendi priuati existant. Ita ex hoc c. ver. liberam, collegit hic Ioan. Monachus, sed postea aperte definitus est à Benedicto X. l. extrauag. communi, quæ incipit: Si Religiosus.

4. **QVÆRIS** primo: A quonam Superiore licentiam petere debeat is, qui ecclesie aliquis affluus est, ita vt transire inde non possit? Respondeo. Petendam esse à proximo Superiore: videl. ab Abbate, & Episcopo, cui Monasterium subiectum est; à Pontifice vero, si electus sit Cardinalis, vel Abbas, aut Religiosus Monasterij, quod Sedi Apostolicæ immediate subiectum est.

5. **QVÆRIS** secundo: Postquam electus licentiam consentiendi impetrauit, habetne integrum mensem, seu triginta dies, ad deliberandum? Responso est affirmatiua, cum Gl. ver. conditio, Ioan. Monacho, n. 8. ver. Sed obtemperat: Quia tempus iure statutum non debet currere impedito, c. quia diuersitatem, de præbend. Sed electus consentire non potuit ante impetratam licentiam: Ergo ante impetratam licentiam non incipit tempus xxx. dierum, siue vnus mensis ad deliberandum concessus.

6. **QVÆRIS** tertio: Vtrum Superior compelli possit ad licentiam dandam. Respondeo cum eodem Ioan. Monacho n. 12. Ordinariè compelli non posse, arg. c. ad aures, s. de tempor. ordinationum: quia hæc est gratia quædam, ad quam faciendam nemo compellitur iuxta c. precariz, 1. o. q. 2. Dixi autem ordinariè: Quia si necessitas postulet, vt subueniatur alicui v. g. Monasterio, compelli potest Abbas, vt Religiosum suum ad Abbatum vel aliam administrationem transferri consentiat, si causam rationabilem negandi non asserat. Quia hoc casu ex emulatione negare censetur, si nolit alteri prodesse eo casu, quod id sibi fidei Monasterio parum, aut nihil oberit.

* * *

CAPITVLVM VIII.

Nulli.

PARAPHRASIS.

Eligentes aliquam personam, postquam electio publicata est, audiendi non sunt, si eam oppugnare velint, obijciendo ipsi electo aliquid crimen vel defectum: Nisi causa impugnationis postea accesserit, v. g. quia electus administrationi se statim

Ecc

immis-

immiscuit: vel nisi causa oppugnandi prius aderat, sed probabiliter ignorata: Quo tamen casu ignorantiam suam iuramento confirmare tenetur, qui electionem oppugnare vult. Et habet hæc constitutio etiam locum in illo, qui electionem ipso absente factam, postea consensu suo approbavit. Ita Gregor. X. in eodem Concil. Lugdun. c. 7.

SUMMARIVM.

1. *Quæ semel quæ approbavit, improbare aut rescire non potest, nisi ex causa postea emergente.*
2. *Paria sunt eligere, & electioni factæ consentire in ordine ad voluntatis approbationem, non autem in ordine ad alios effectus.*

NOTANDUM I. Quod semel approbavi, improbare deinde aut rescire non possum, nisi ex causa postea emergente. Constat iuris regula 21. hoc lib. *Quod semel placuit, amplius dissolvere non potest*, nulla interpretatione Dyni ibid. n. 11.

NOTANDUM II. Paria sunt eligere, & electioni factæ consentire. Quod verum est in ordine ad voluntatis approbationem. Sed non, quod attinet ad alios effectus; nam eligens auct. numerum: suffragiorum non item qui electioni factæ consentit, siue eam ratam habet, ut bene hic notat Gl. margin. post Ioan. And. n. 3. Ioan. Monachum n. 1. & confirmatur ex reg. 120. ff. Aliud est vendere, aliud vendenti consentire.

NOTANDUM III. Paria consentur non esse, & non apparere, ut hic & docent Legistæ l. In lege fundi, ff. de contrah. emptione.

CAPITVLVM IX.

Si quando.

PARAPHRASIS.

Si acciderit electionem in discordia celebrari, decernit Gregor. X. in Concilio Lugdun. c. 8. ut pars illa eligentium, quorum data

suffragia in duplo minore numero sunt, nihil alteri parti, pro qua stat numerus duplo maior, obijcere possit, quod spectat ad extenuationem zeli, aut meriti, dicendo videl. esse electores minoris auctoritatis, aut electum minus dignum: At verò obijcere possunt eligentibus, quod suffragia eorum omnino vitiet, v. g. fuisse communicatos, & suspensos.

SUMMARIVM.

1. *In discordia eligentium si pars horum una notabiliter numerus maior est, prevalere debet altera, licet sit sanior, dummodo electus absque idoneitate sit.*
2. *Si autem ex una parte eligentium sit quidem numerus maior, non tamen multum excedens altera verò pars auctoritatis & meriti electi multum superet, ad novam electionem procedendum est.*

HOC loco uniuersum disputari potest, celebratis in discordia duobus electionibus, ita ut pro una sit maior numerus eligentium, pro altera verò dicatur esse maior auctoritas eligentium, & maius meritum electi, siue ut breuiter dicam, si una eligentium pars sit maior numero, altera verò dicatur esse sanior utraque alteri preferenda sit? Respondetur cum Ioan. Andrea, in c. Electi, 57. n. 38. Abb. ibid. n. 13. extrâ, hoc ut. Vel numerus vnus partis valde excedit alterius partis numerum, tunc prevalere debet pars illa, pro quo stat numerus maior, dummodo electus absque idoneitate sit. Quia cum alterutra harum electionum admittenda sit, illa autem admitti non possit, quæ spectat numero tertiam Capituli partem non excedit, aut vix excedit, sequitur alteram electionem, quæ numero adeo superat, admittendam esse. Vel numerus vnus partis non multum excedit, tunc iterum distingue: Vel auctoritas eligentium, & meritum electi multum superant, aut non multum. Hoc posteriore casu, admittenda est electio facta à maiore parte Capituli. Quia propter modicum excessum recedendum non est à regula canonica, quod gesta à maiore parte Capituli rata esse

esse debent, c. 1. de ijs quæ sunt à maiore parte Capituli. In priore autem casu neutra electio confirmanda est: seu, vt alijs verbis dicam, pars sanior agere potest, non vt sua electio admittatur, sed vt alterius partis electio irrita pronuntietur. Quia in c. quia propter, secundum communionem DD. interpretationem, ad canonicam electionem vtrumpque requiritur, vt & maior, & sanior pars Capituli in vnum consenserit. Quamuis contradicatur Gl. in c. de Ecclesia, ver. non consenserit, existimans electionem, quæ facta est à parte saniore, præferendam esse: quia pars sanior censetur etiam maior.

QVÆRIT. Quid igitur hoc casu faciendum, si ex vna parte sit numerus maior eligendum, quamuis non notabiliter excedens, altera verò pars auctoritate, & meritis electi multum superare videatur? Respondeo, Nouam electionem inchoandam esse: quia neque illorum canonicum effectum habere potuit. Neque enim dici potest, tali casu electionem ad Superiorem deuolui. cum neque in forma peccatum fuerit, neque indignus electus sit, neque tempus transierit elapsum, vt i proponimus.

CAPITVLVM X.

Quamuis.

ΠΑΡΑΡΤΗΣΙΣ.

Hæc constitutio Gregorij X. c. 9. Concil. Lugdun. secundum id tempus emanauit, cum Episcopi canonice electi à Metropolitano confirmationem accipere solerent: Hodie autem eiusmodi dignitates Cathedrales, Episcopatus, inquam, & Archiepiscopatus, Sedi Apostolicæ referuntur, secundum reg. 2. Cancellariæ: Ita tamen, vt in Germania secundum Concordata cum Nicolao V. in Bulla, quæ incipit: Ad sacram, electio Capitulo Cathedrali relinquatur, quæ, si secundum canones facta sit, confirmari debeat. Summa constitutionis est: Tamen si Alexander IV. Pontifex quaslibet appellationes in causis Episcopaliū electionum ad Sedem Apo-

stolicam admittendas esse decreuerit, propterea quod eiusmodi causæ seu controuersiæ meritis inter maiores numerentur, quarum cognitio Sedi Apostolicæ referatur, c. maiores, de Baptismo, & c. Vt debitus, c. 9. de appellat. Verum Gregor. X. ad reprimendam appellationum frequentiam, & appellantium temeritatem coercendam, statuit, vt, si in causâ Episcopalis electionis appellatum fuerit, ei appellatiōi non deferatur, neque negotium ad Sedem Apostolicam deuoluatur, nisi appellatio in scripto proposita fuerit, adiecta causâ rationabili, quæ, si probata sit, legitima censeri debeat. Sin autem nulla causâ adiecta sit, vel quæ friuola appareat, appellatio rejiciatur. Sed tamen si appellatiōi deferatur, nihilominus liceat partibus, (nulla tamen simoniaca pactione interueniente) ab ea recedere, priusquam Apostolica Sedi representata fuerit. Atque ipsi Iudices, ad quos causâ pertinuerit, nisi appellatum fuisset, diligenter inquirant, num simoniaca prauitas interuenierit, & si interuenisse cognoscant, nequaquam se intramittant, sed ad Sedem Apostolicam causam ablegent, prægentes partibus peremptorium temporis terminum, intra quem cum omnibus actis, & instrumentis, Apostolico se conspectui sistere debeant.

SYMMARIVM.

1. Non expedit, vt appellanti bus ad superius tribunal facile deferatur.
2. Appellans renuntiare potest appellationi, priusquam Superiori presentata est, aut aduersario intimata.

NOTANDVM I. Non expedit, vt appellanti bus ad superius tribunal facile deferatur, cum ob eam causam lites protrahantur. Ex quo, maxime in causis beneficiis, damna proueniunt Ecclesiis, quando Prælati, alique ministri tardius prouidentur. Quamobrem moderationem quandam appellationibus statuere, æquum est, vt etiam

etiam notari lib. 1. Theol. moral. tract. 4. c. 7. num. 6.

NOTANDUM II. Appellans renunciare potest appellationi, priusquam ex Superiori præsentata est: non item postea, saltem in eiusmodi maioribus causis, vt hic Monachus docet n. 7. & 10. Cæterum postquam appellatio aduersario intimata est, non potest appellans abque eius consensu renunciare: nisi expensas, vel si alia de causis interitis, compensare velit, iuxta c. interposita, 70. §. Ille, de appellat. & docet hic Ioan. Monachus, n. 6. §. Sed numquid.

CAPITVLVM XI.

Si forte.

Si quis electo, postulato, aut aliter promouendo ad dignitatem, inter alia obijciat defectum scientiæ, aut corporis manifestum, seu qui facili cognosci possit, Iudex ante omnia examini subiiciat promouendum, vtrum talis in eo defectus appareat, necne: Atque huius rei facta discussio vel initium præbebit alijs obiectis examinandis, vel denegabit. Si enim compertum fuerit, quod aduersarius falso obiecit defectum omnino à prosecutione causæ repellendus erit, vt neque in alijs audiatur, sed perinde puniatur, ac si omnium obiectorum probatione defecisset. Ita statuit Gregor. X. in eod. Concil. Lugdun. c. 10.

Ratio constitutionis est, quia ex vna parte homines proni esse solent ad impediendas prouisiones dignitatum, quas sibi ipsis, vel amicis aut consanguineis obuenire malent: Ex altera vero parte eiusmodi causalium expeditio celeritatem desiderat, vt, quam fieri potest, citissime ecclesiis viduas sit prouideatur. Modus autem citò expediti causam erit iste, si Iudex ante omnia de manifesto, qui obiectus erat, defectu inquirat, etsi in eo falsitatem deprehendat, præsumptionem faciat, etiam in alijs obiectis, quorum inquisitio difficilior est, fraudem & calumniam committi, atque idcirco opposentem repellat, ac puniat, perinde ac si in o-

mnibus calumniari voluisset. Sin autem defectum, quem obiecerat, verum deprehendat, sufficientem iam causam habebit electum, vt indignum repellendi, & efficeretur ad aliam canonicam electionem, seu prouisionem processus fiat.

Est autem id speciale in hac causâ oppugnatæ electionis, aut prouisionis: Nam alioquin aduersarius in vno obiecto deficiens, admittendus est ad probationem aliorum obiectorum, vti colligitur ex c. 1. §. adiciens, hoc tit. Vide, quæ dixi c. 1. hoc lib. & tit. Id. Q. 2. 2. 2. hic Ioan. Monachus n. 11.

Id. Q. 2. 2. 2. hic Ioan. Monachus n. 11. Gl. ver. initium. Quomodo intelligendum sit, quod in textu dicitur, euentum factæ inquisitionis de defectu manifesto initium daturum alijs examinandis obiectis, vel negaturum? Arbitror ita respondendum: Si facta inquisitione defectus obiectus deprehendatur, qui tamen per se solus sufficiens non sit ad infirmendam electionem aut prouisionem: tum ad alia examinanda obiecta gradus fiet. Sed etsi sufficiens sit ad infirmendam prouisionem, tamen plerumque expedit plures causas infirmationis cognoscere, vt causâ tantò clarior, & minis dubitata sit: Præterquam, quod Iudex seu ex officio, seu accusante aduersario procedere possit non tantum in causâ electionis, seu prouisionis infirmandæ, sed etiam ad alias penas canonicas inferendas. Sin autem facta inquisitione defectus personæ obiectus non appareat, tunc, ordinariè loquendo, aduersarius repellendus est, tanquam qui in probatione totius causæ defecerit, consequenter Reus absolendus, saltem in ordine ad hoc iudicium. Dixi autem ordinariè, quia si manifestò appareat, Auctorem probabili ignorantia motum obiecis defectum, tum ad alia probanda obiecta admitti potest. Quod verò hic dicant Gl. & Ioan. Monachus, in casu isto, quo falsitas obiectionis manifestò apparet, Iudicem ex officio procedere posse ad alia examinanda obiecta, hoc dictum non videtur satere ad intentum Pontificis, qui hac constitutione finem vltimponi controuersis, si obiectus defectus contra personam, facta veritatis inquisitione, non appareat. In-

terim

terim tamen non negatur, (quamuis id ad propositum non faciat) quòd iudex ex alijs iudicijs, vel alio accedente accusatore, nouum processum instituere possit.

CAPITVLVM XII.

Sciant.

PARAPHRASIS.

Excommunicationis sententiam ipso facto incurrunt, quicunque clericos, aliàsue personas ecclesiasticas, ad quas in Ecclesijs, Monasterijs, aliisue pijs locis electio spectat, vel earundem consanguineos, in beneficijs, aut quibuscumque bonis, grauari præsumperint, per se, vel per alios spoliando, aut aliter iniuste persequendo: propterea quòd rogati, vel moniti, vt certam personam eligant, petitioni parere noluerint. Ita Gregor. X. in eod. Lugdun. cap. 11.

SUMMARIVM.

1. *Ad censuram huius c. incurrendum requiritur i. grauumen iniustum.*
 2. *Per illud inferatur, quia persona illa electa non fuit, pro qua rogatum seu intercessum est.*
 3. *Hæc censuratio locum habet etiam in Clerico, aliàsue persona ecclesiastica nolente præsentare, postulare, confirmare, instituere, ita vt qui illum propterea persequitur, excommunicationem incurrat.*
 4. *Statuitur hæc pœna non tantum in facientes, seu spoliantes, sed & in mandantes, & mandatarios exequentes.*
 5. *Dam extenditur hæc pœna ad consanguineos, intelligendum est de consanguineis vsque ad quartum gradum.*
- P**RO declaratione huius censuræ quædam aduertenda sunt: Primum. Adeam incurrendum requiritur grauumen iniustum. Quare si quis electiofynam, quam antea dare solitus erat, loco pio subtrahat, propterea

quòd eius Rector noluerit instituere personam, pro qua ille rogauit, non incurritur censura, vt notauit Nauar. in man. c. 27. n. 122.

Secundum. Necessè est vt grauumen iniustum de causa inferatur, quia persona illa electa non fuit, pro qua rogatum, seu intercessum est, vt colligitur ex verbis c. pro eo quòd.

Tertium. Aliquæ personæ ecclesiasticæ sunt, & tamen non Clerici, vt Moniales, Religiosi conuersi, Religiosi militares, hospitalarij.

Quartum. Quòd hic dicitur de electione, videtur exempli tantum causa dictum, vel species viurpata pro genere, vt prominde constitutio hæc locum etiam habeat in clerico, aliàsue persona ecclesiastica, nolente præsentare, postulare, confirmare, instituere; vt qui ob eam causam illam persequitur, excommunicationem contrahat, propter omnimodæ rationis identitatem. Quare est communis DD. sententia, Gl. ver. alios, Ioan. Monachi, n. 4. Nauar. loc. cit. Suarez de censur. disp. 23. sect. 4. n. 4.

Quintum. Hæc pœna statuitur non tantum in facientes, seu spoliantes, sed etiam in mandantes spoliari. Sed dubium est, vtrum eam quoq. incurrat mandatariorum exequens. Negat Ioan. Monachus n. 3. sed magis placet sententia Gl. cit. ver. alios: quòd incurrat pœnam, cum verè ac realiter persequatur, aut vexet, quamuis ab alio iussus. Quemadmodum si quis Clericum verberet ex alterius mandato, tam ipse, quàm mandans excommunicationem canonis contrahit, iuxta c. Vniuersitatis, 24. de sent. excommun. Si tamen talis persona sit, quæ necessitate quadam poreat, vt filius, seruus, censuram hanc probabiliter effugiet, vt Ioan. Andr. hic notauit n. 2.

Sextum. Quòd hæc pœna extenditur ad consanguineos personarum ecclesiasticarum, id communiter intelligitur de consanguineis vsque ad gradum quartum. Attenta uero, nomine consanguineorum nõ posse etiam comprehendere alihnes, vel familiariter coniunctas personas. Quòd verum est: sed bene aduertit Suarez, posse esse quasdam personas eo modo

do coniungas. vt iniuria, vel spoliatio ipsius illata deriuetur atque etiam intendatur in personam ecclesiasticam, eò quod eligere recusat personam, pro qua rogatum fuit. quo casu censura excommunicationis contrahetur.

CAPITVLVM XIII.

Generali.

PARAPHRASIS.

In generali Concilio Lugdunensi cap. 12. excommunicantur omnes, ac singuli, qui sub titulo regulariorum, vel cultodiarum seu guardiarum, vel aduocationis seu defensionis, in Ecclesiis, Monasterijs, alijsque pijs locis, bona eorum de nouo usurpare præsumunt: Sed & Clerici, Monachi, & reliquæ ecclesiasticorum locorum personæ, si id fieri procurent. Porro Clericis, qui se, quatenus possunt ac debent, tanta audentibus non opponunt, interdicitur ab eo tempore, ne de prouenibus earum ecclesiarum, aut locorum quidquam percipiant. At verò si domini, qui à fundatione Ecclesiarum, aliorumque locorum, vel ex antiqua consuetudine dicta iura sibi vendicant, ijs præcipitur, vt potestate sua non abutantur, & ab ijs, quæ ad fructus seu redditus tempore vacationis prouenientes non pertinent, se abstineant, & bona reliqui, quorum se custodiam habere asserunt, dilabi non permittant, sed in bono statu conseruent.

SUMMARIVM.

1. *Vt reseruantur de nouo bona ecclesiarum, monasteriorum, &c. sub titulo regulariorum, &c. excommunicationem incurramus, &c. cuiusmodi reseruantur. 1. Vt aliqui regalia, ius custodiæ, vel aduocationis de nouo sibi vendicet. 2. Vt ab eum iustitia bona ecclesiarum, monasterij &c. usurpare præsumat.*
2. *Vacante ecclesiâ laicus non potest censuram in iurisdictione aduocatus seu administrator bonorum ecclesiæ.*

3. *Si tamen laicus v. g. patronus vel aduocatus titulum administrationis fundatum habeat in consuetudine immemorabili, & difficile illi auferri poterit.*
4. *Curandum autem tunc est, vt talis administratio seu perceptio fructuum non cedat in gratiam ecclesiæ.*
5. *Consuetudo Gallia, secundum quam ecclesiæ vacantibus prouentus Rex Gallia administrat, non in iure facta, sed titulo Pontificij privilegij niti debet.*
6. *Male faciunt Clerici ac persone religiosæ. & interdum etiam censuram incurruni, si secularibus dominis, qui libertatem ecclesiasticam violant, & intra ecclesiâ usurpant, consilio aut quantum opus fuerit, aut quantum in ipse ipsi, non impediunt.*

NOTANDVM I. Ad hanc excommunicationem incurrendam duo coniunctim requiruntur. Et vt aliquis regalia, ius custodiæ, vel ius aduocationis de nouo sibi vendicet. & vt ob eum titulum bona Ecclesiæ, Monasterij, alteriusque ecclesiastici loci usurpare præsumat. Ita docet Ioan. Andr. hic. c. 1. N. uar. in man. c. 27. n. 123.

Regalia hoc loco dicuntur collectæ, nos vocamus staturas, quas Imperator titulo supremi dominij imponit, secundum quod omnes terras Imperij, ratione feudi antiquissimè, subiectas sibi habet, vt Glindicat in c. tributa caus 23. q. 8. eaq. regalia (in c. præterea 23. de iure patron. appellatur regium) inferioribus ducibus ac magistratibus in feodalum dari solent.

Exinde autem inferitur 1. Si terra nomine feudi, adeoque onere regali Imperatori obligata, ad ecclesiam transeat, onus simul transferri, quia res transit cum onere suo &c. ex litem 5. de pignori.

2. Hæc causa est, cur Imperator generalis quodammodo patronus censeri debeat ecclesiis, quæ in Imperio sunt, vt ex communij docet Castaldus q. 100. videl. ratione fundi, qui ex antiquissima origine secundum proprietatem ad Imperatorem seu regem spectabat, cum ecclesiæ fundarentur. Intè.

litteris tamen ius præsentandi pertinet ad eum, qui ecclesiam fundauit, quia præsentandi ius relictum fructus quidam est, qui ad vasallum pertinet, non ad Dominum. Ius custodiæ seu guardiæ dicitur, quod alicui competit ad custodiendam ecclesiam, aut Monasterium, & bona eius conferuanda, præsertim cum Sedes vacat. Ius aduocationis, seu defensionis dicitur, quod competit patrono, vt ecclesiam defendat, & curam habeat, ne bona eius dilapidentur, aut pereant. Et hoc ius sæpe connexum est cum iure cultodiæ, seu guardiæ.

NOTANDVM II. Qui ex fundatione vel antiqua & præscripta consuetudine, sub titulo Regaliorum, custodiæ, vel aduocationis sibi competens, vacantis Ecclesiæ bona administrat, & fructus tunc prouenientes accipit, ij excommunicationem hanc non incurrit. Ita colligitur ex textu, & docet Nauar. loc. cit. Suarez de cens. disp. 23. sect. 4. num. 6.

Porro ex textu isto per sensum contrarium colligit Abbas in c. edoceri, n. 9. de re scriptis, & in c. Vt præteritæ, 45. num. 8. de elect. Quod vacante ecclesia laicus constitui possit vniuersalis œconomus, seu administrator bonorum ecclesiæ, modo spiritualibus se non immisceat, & iurisdictionem nullam in personas ecclesiasticas exerceat. Sed contrarium docet Innoc. in c. 2. de iudicijs, argum. eius textus, & apertius in c. indicatum d. 89. vbi Gregor. I. Ianuario Episcopo interdicit, ne secularibus viris eiusmodi administrationem committat: Et in Concilio Trident. Sess. 25. c. 9. de reformat. prohibetur, ne patroni beneficiorum fructuum, aut aliarum obuentuum perceptioni ex vili causa, vel occasione se ingerant.

Aduerto tamē, cum hic titulus administrationis in temporalibus, tempore vacantis prælaturæ, aut beneficii absolute eadat in laicū, v. g. ecclesiæ patronum, vel aduocatum ideo difficile illi asserri possit, si in consuetudine immemoriali fundatus sit, vt non obscure colligitur ex textu isto, qui si non approbat, saltem tolerat eiusmodi consuetudines. Bene tamen admonet Gl. & Ioannes Mona-

chus hic, num. 9. quid ex administratione, seu perceptio fructuum non debeat cedere in grauen ecclesiæ. Quamobrem in primis curam habere debent patroni seu aduocati, qui tale sibi ius vendicant, vt bona vacantis ecclesiæ non alienentur, vel distrahantur. atque in huius rei testimonium rerum præsentium inuentariam conficere eo oportet, vt Ioan. Andr. hic notauit. Deinde abstinere debent à perceptione fructuum, qui maturi non sunt, seu quorum percipiendorum tempus nondum aduenit cuiusmodi etiam syluæ ceduz, ait Gl. hic, quæ tempore vacationis non sunt in eo statu, vt cędi debeant. Denique fructus, & redditus, qui eo tempore proueniunt, successori in beneficio, aut prælaturæ seruari debent, iuxta c. vlt. de offic. Ordin. in 6. Neque potest aduocatus, vel ius custodiæ, administrationis sue habens, eos sibi accipere, nisi sint modici, ac moderati, quando antiqua consuetudo ita obtinet, vel tales moderati prouentus in litteris fundationis patrono reuerati sint, iuxta c. præterea, 24. de iure patronatus, & docet hic Ioan. Monachus, n. 9. Vbi addit, non valere consuetudinem, quamuis immemorabilem, vt fructus omnes, etiam copiosi, ecclesiæ vacantiis à patrono vel administratore (præsertim laico) absumantur, cum talis consuetudo ecclesiæ damna sit, idēque præualere non possit, iuxta c. 1. cod. in 6. Quare quod Ioan. Andreas hic num. 4. Ioan. 5. Chokier in regul. 1. Cancell. n. 13. & alij restantur de consuetudine Galliæ, secundum quam vacante ecclesia Episcopali, vel Archiepiscopali, Rex ecclesiæ vacantis prouentus libere administrat, & colloca, ipsaq; beneficia interim, quibus vult, cōfert, ea, inquam, consuetudo non mero facto, sed titulo Pontificij priuilegij inniti debet, vt Chokier ibid. notauit.

NOTANDVM III. Malè faciunt Clerici, ac persone religioſæ, imò interdum censuram incurrunt, si secularibus dominis, dum ecclesiasticam libertatem violant, & iura ecclesiæ vsurpant, consilio aut quauis opo faveant, aut, quantum in ipsis est, impedire intermittant. Ita colligitur ex textu, & annotasse videtur Ioan. Andr. n. 1. & 2.

CAPITVLVM XIV.

Licet canon.

PARAPHRASIS.

In Concilio generali Lateranensi sub Innocentio III. editus est canon. *Cum in cunctis*, qui est 7. de elect. In eo cautum erat, ut nemo ad ecclesiam parochialem promoueretur, nisi xxv. annis annuum attigisset, & scientia, ac moribus commendatus esset: sed & quod promotus tempore constituto post monitionem sacerdotum suscipere deberet. Sed quia constitutio hæc à quibuldam negligentiùs obseruabatur, eam renouat, & amplius corroborat Gregor. X. in Lugdunensi Concilio cap. 13. ita tenens primò. Ut promotio alicuius ad ecclesiam parochialem, qui dictam ætatem assecutus non est, ipso iure irrita existat. Secundò: Ut parochialem ecclesiam legitime assecutus, in ecclesia sua personaliter residere teneatur. Tertiò: Ut intra annum à die suæ promotionis numerandum sacerdos fieri debeat, alioquin, post elapsum annum, si sacerdotium non suscepit, ipso facto priuatus existat. Super residentia tamen poterit Ordinarius, videlicet Episcopus, aut simili iurisdictione præditus, ad tempus bene dispensare, prout rationalis causa postulaueit. Consentit his Trident. sess. 24. c. 12. de reformat. c. extirpandæ, 30. 9. Qui verò, vbi Abb. not. 1. de præb.

SUMMARIUM.

1. *Omne beneficium curatum censetur ecclesia parochialis, ad cuius regimen 20. anni compleri in parochia requiruntur.*
2. *Tempus, in quo Episcopus super residenda dispensare potest, cum eo, qui habet curatum beneficium, est nouo iure annum longius in casibus iure expressis, quorum præcipuus est ob causam studiorum.*

Ue circa hoc & diei possent, pleraque explicata sunt in cit. c. cum in cunctis, &

explicabuntur infra in c. cum ex eo, 34. & seq. hoc tit. & lib. Hic autem duo queri possunt: Primum. *Quænam censeri debeat Ecclesia parochialis*, ad cuius regimen xxv. anni compleri requiruntur. Respondet ex Concil. Trident. cit. c. 12. *Esse omne beneficium curatum*, id est, cui cura animarum per se incumbit, licet alioquin sit personatus seu dignitas. Nota autem, quod dico *per se*. Quia si canonicatus v. g. aut præposituræ, quæ per se curata non est, vnita seu incorporata sit ecclesia parochialis, conferri illa potest minorem ætatem habenti: v. g. præposituræ ei, qui xxii. annos compleuit, vti Cardinales declararunt super cit. cap. 12. Ratio est: Cum enim beneficium vnitum accessorium sit principali, ideo attenditur ad naturam & conditiones beneficii principalis, nõ accessorii, vti etiam dixi lib. 4. Th. mor. tr. 2. c. 9. n. 2.

AIterum quesitum: *Quodnam censeri debeat tempus breue, in quo Episcopus super residentia dispensare potest cum eo, qui curatum beneficium adeptus est.* Respondet: Cum iura hæc non decernant, boni viri arbitrio relinquendum esse, secundi mexigentia rationalis causæ, seu necessitatis. Sed id nouo iure definitum esse videtur in Concil. Trident. sess. 7. c. 12. *Facultates de non promouendo, præterquam in casibus inter expressis, concessis, ad annum tantum suffragantur.* Casus autem, in quo maius tempus concedi potest, præcipuus est ob causam studiorum, expressus in cit. c. cum ex eo, & notauit Gl. margin. super cit. c. 12. sess. 7. Trident. Concilij.

CAPITVLVM XV.

Nemo.

PARAPHRASIS.

Idem Gregor. X. hoc can. (qui in Lugdun. Concil. decimus quartus est) tria præcipit circa parochialium ecclesiarum commendas: Primum. Ut ecclesia parochialis nemini commendetur, nisi legitimam ætatem assecutus, videl. annum xxv. ingressus sit, & in sacerdotio constitutus.

Alte-

Alerum. Vt non nisi vna commendetur, idque si evidens necessitas, aut vtilitas ecclesie exigat. Tertium. Vt commenda ultra sex menses non duret. Adijcit autem, quicquid fecit actum fuerit in ecclesiarum parochialium commendis, ipso iure irritum esse.

SYMMARIUM.

1. Parochialis ecclesia non commendari debet, nisi ob necessitatem, vel vtilitatem ecclesie.
2. Et talis non est, si non commendari possit.
3. Ordinarius eam non ultra sex menses.
4. Dubio & difficultatibus circa commendam occurrit, saltem satis profertur Trident. Concil. sess. 24. c. 18. de reformat.

NOTANDUM I. Commendæ ab Episcopis, & similibus Prælati fieri non debent, nisi ob necessitatem, vel vtilitatem ecclesie; vt eam commendatarius interim custodiat & administret, donec idoneus ei pastor provideatur. Quamuis autem is, cui ecclesia ad tempus commendata est, titulum beneficii non habeat, plus tamen iuris obtinet, quam merus administrator, aut cultos: quippe cum, spectata saltem consuetudine, permittatur Commendatario, vt fructus beneficii interim percipiat, & annexis beneficio iuribus utatur, eum & labores parochiales sustineat. Ita docet hic Ioan. Monschus num. 1.

NOTANDUM II. Sicut nemo potest duas ecclesias curatas habere in titulum, absque Papæ dispensatione, ita nec duas in commendam: sed vnam in titulum, & alteram in commendam temporalem nihil obstat eundem obtinere, iuxta e. d. dum, 54. extrâ, hoc tit. & notat hic Gl. ver. vnam.

NOTANDUM III. Ordinariè Episcopus non potest alicui parochialem ecclesiam dare in commendam ultra sex menses: quamvis possit ad tempus minus, sicuti & ante sex menses reuocare, saltem ex causa. Cum enim commenda temporalis non in vtilitatem persone fiat, sed in solius ecclesie vtilitatem, id eo huius tantum ratio habenda est, ita tamen

vt Commendatarius dampnum non patiatur, aut aliter id ipsi compensetur. Videri potest Azor tom. 2. lib. 6. cap. 31. q. 6. §. Quæres. Porro licet ordinariè, vt dixi, Episcopus non possit tempus semestrem prorogare, vt bene tradit hic Gl. ver. durare, sed tamen dicendum videtur, si necessitas ecclesie prorogationem commendæ postulet; Vt quia intra sex menses idoneus Pastor, seu Rector haberi nequit, aut quia Pastor ordinarius longiore tempore absens debet. Deinde Capitulum commendam prorogare poterit, si accidat sedem Episcopalem ultra sex menses vacare, sicuti notat Azor cit. c. 31. quæst. 1. Porro his difficultatibus, ac dubijs, quæ circa commendas occurrere solent, satis prospectum est in Concilio Trident. sess. 24. c. 18. de reformat. quod etiam in plerisque apud nos ecclesiis seruatur, Vt in eiusmodi casu, quo ecclesie Parochialis pastor absens est, vel parochia vacante idoneus Rector statim institui non potest, interim Vicarius congrua ei assignata reddituum portione deputatur, qui onera ecclesie sustineat. Videri potest Ioan. Gallemart in declarat. Cardinal. prætermisiss. Sess. 6. de confirmat. c. 3. ver. commendæ perpetuæ, fol. 683.

CAPITVLVM XVI.

Cupientes.

Continet hæc constitutio tum confirmationem e. quam sit, suprâ, eod. lib. & tit. tum quædam ad eam adlectiones. In primis enim decreuit Gregor. X. in cit. e. Vt electores, quamprimum commode fieri possit, electionem præsentem electo, an consensum præbere velut: Huic decreto adijcit Nicolaus III. in ista constitutione, §. Cæterum, vt, si electores ultra octo dies ex eo tempore numerandos, quo commodè potuerunt electionem electo intimare, distulerint, à profectione electionis quoad suas personas exclusi sint, & à beneficijs eius ecclesie per triennium suspensi, quod si ea propria auctoritate se ingesserint, in perpetuum privati existant.

Secundò decreuit Gregor. X. vt electus intra mensem à die præsentationis computandum, consensum adhibere teneatur, nisi reculare velit. Huic Nicol. III. id solum explanationis gratiã adijcit, huius mensis computationem faciendam etiam esse à tempore, quo electio non quidem à Capitulo præsentata est electo, sed ea aliter in eius notitiam peruenit.

Tertio decreuit Gregor. X. vt electus intra tres menses, post præstitum consensum, confirmationem petere teneatur. Hanc partem Constitutionis Gregorianæ, quod attinet à ecclesiis Cathedralibus, & regularibus, quæ Sedis Apostolicæ immediatè subiectæ sunt, immutat Nicolaus III. statuens, vt electus post consensum præsentationi præstitum, vel, si præsentatio tempore debito facta non sit, post habitam notitiam electionis, intra vnum mensem iter arripiat ad Sedem Apostolicam pro petenda confirmatione. Finito autem eo mense, considerandum erit tempus, quo spectatà locorum distantia Romam accedere electus poterit, atque insuper ad tempus istud viri boni arbitrio æstimandum, adijciuntur viginti dies, intra quos si personaliter (nisi ob magnam loci distantiam privilegio, aut consuetudine præscripta remissio facta sit) non aduenerit, aut, si iussit impeditus sit, procuratorem seu Nuncium, non miserit, aut si is intra dies quindecim post dictos viginti numerandos plenam fidem non fecerit de impedimento, tum electus omni iure, si quod habet, priuatus existit, nisi talia impedimenta interuenissent, quæ ad declinationem pœnæ huius Iudicii sufficientia videantur. Probare autem electus debet impedimentum personalis aduentus sui, & nihilominus, eo impedimento cessante, personaliter comparere, aliquo in amittit sui, uti habetur in §. Insuper. Atque hæc de electo. Quod verò ad electores attinet, ij duas personas ex Capitularibus sufficienter instructas ad Sedem Apostolicam mittere debet, & quidem expensis prælatoris, si bona eius à bonis Capituli diuisa sint: Sin verò communia, ex eisdem, vel si non suppetant, aliunde à Capitulo prouisi. Quod si

verò accidat, electionem in discordia fortum electus, vel electi (quo casu diuersarum electionum, ex vtraque parte Capitulares duo mittendi sunt) expensas sustinere debent, idque sub pœna priuationis, nisi ex inopia excuset. Vide quæ dixi in c. vt præteritis, 45. extr., hoc tit. Si autem electores dictas personas, vel saltem, si ex impeditis sint, procuratorem sufficienter instructum non miserint, patientur pœnam.

Atque hæc, quæ dicta sunt, ferme similiter locum habere debent in causis electionum, in quibus ad Sedem Apostolicam appellatio conceditur, iuxta c. 1. eod. lib. & tit.

Ad extremum adijcit Nicol. III. in postulatione quædam obseruanda esse, quæ de electione suprà dicta sunt, nisi aliquis postuletur, qui antea ecclesiæ alicui alligatus sit, tum enim iura antiqua obseruari debent. In duobus præterea causam postulationis diuersum esse, notum est. Videl. Quod postularius consensum postulationi præbere non debet, & quod ad ipsum non pertinet expensas facere, sed ad postulantes, tamen si postulatio in discordia facta fuerit. Vtrum verò postulantes, eligentes, aut electi repetere possint expensas, quas fecerunt, id ex æquitate & præscripto aliorum canonum iudicandum erit. Vide quæ dixi suprà in cit. c. Vt præteritis.

CAPITVLVM XVII.

Fundamenta.

SYMMARIVM.

1. *Constantinus Imperator Lateranensium palatium ipsiusq. urbem Romanam Syluestro P. & eius successoribus donauit.*
2. *Hanc donationem Constantinianam certam esse sui publicis diplomatis Frænci Reges professi sunt.*
3. *Nullus Imperator, Princeps, aut alius instabili præceminencia vel potentia debet eligi in Senatorum aut Rectorum urbium.*
4. *Excusantur, qui originem ex Vrbis Romanæ*

mana

mana trahunt, & vel perpetuam habitationem ibi habent, ut ad annum vel tempus breuius eligi possint.

LEO III. huius Constitutionis Auctor, in primis præfatur, quomodo Christus Dominus B. Petrum Apostolum supra reliquos Apostolos honorarit, vt & ipsorum, quippe omnium Christi sequacium, eas pot constitueret, & quidem ita, vt talis summa potestas in successoribus eius semper duratura esset. Sed & idem Saluator illi B. Paulum socium in Gentium Apostolatui adiunxit: Per vtriusque autem doctrinam, atque morem gloriosam Vrbs Romana resplesceret.

NOTANDVM I. Iurisdicchio ecclesiastica à summa Pontifice veluti totius Ecclesiæ Capite in reliquos Episcopos, atque ecclesiæ Pastores conueniente ordine, ac subordinatione deriuatur, secundum Christi voluntatem, & institutionem. Ita colligitur ex hoc c. & explicari latè lib. 2. tract. 1. c. 6. §. 1. & c. 7. §. 2. Veruntamen ipsos Apostolos non à B. Petro, sed à Christo ipso Apostolatum, & iurisdictionem in omnem ecclesiam, quamuis cum subiectione ad Petrum, acceptile, certum est.

1 Deinde subiungit idem Leo III. Quomodo diuinà providentia factum fuerit, vt Constantinus Imperator post Christi fidem ac baptismi sacramentum Lateranense suum palatium, ipsamque, Vrbem Romanam Syluestro I. Vrbs Romæ Episcopo, & successoribus eius donarit, ipse in Orientem discedens, Bizantijs (quæ postea Constantinopolis, & noua Roma dicta est) sedem Imperialem constituens.

2 Porro de hac donatione Pontifici facta ab Imperatore dubitari non debet: cum constet, longè ante tempora Caroli magni dominia Vrbs Romanæ ad Pontificem pertinuisse: quandoquidem Franci Reges, in primis Carolus Magnus ea à Longobardis inuasoribus erepta, Romanæ ecclesiæ se restitueret, publicis diplomatis professi sunt: Neque vilius in antiquitate vestigium apparet, quod ea terra alio modo ad Pontificem Ro-

manum, nisi ex Constantini liberalitate prouenit. Ceterùm editum quod to. 1. Conciliorum inferunt est de Constantini donatione, cuius etiam in hac Nicolai constitutione mentio fieri videtur, à Grecis falsaribus profectum, fidem non meretur: cum plura in eò cōtineantur, quæ aperte falsitatis conuinci possint, vt bene ostendit Suerinius Binius to. 1. Concil. vbi de donatione Constantini, fol. 250. 254.

Præmissis præfationibus, Papa aperit propositum suum esse, vt Vrbs Romana tum religione, tum temporalis potestate ad eum emens, perpetua quiete fruatur, & vt ipse Pontifex atque Cardinales securè conuenire, & quæ quouis tempore expedire videntur, absque cuiusque impeditione, libere decernere possent. Ad hoc consequendum, omnemque oppressionem à populo Romano amouendam, statuit, vt impofterum siue speciali Sedis Apostolicæ licentia in literis obtenta, nullus Imperator, Rex, Princeps, Marchio, Comes, aut Baro, aut eiusmodi potentis personæ frater, filius, aut nepos, in Senatorem, aut Rectorem Vrbs eligatur, alijs verò quilibet non ultra annum ad tale officium assumatur. Alioquin electi, & omnia acta, eiusmodi promoti ipso iure irrita sint, ipsique tam electores, seu promotores, eorundemque auxiliatores, & fautores excommunicationem latæ sententiæ Sum. Pontifici reservatam incurrant: Sed & electi, seu promissi excommunicationem eandem contrahant: insuper tum ipsi, tum eorum posteris omnibus feudis, ac quibuscumque gratijs, quas à Romana, aut alijs ecclesijs consecuti sunt, ipso facto priuati existant.

Exciipiuntur tamen, qui ex Vrbe Romana originem trahunt, vel perpetuam habitationem habent, vt ad annum, vel tempus breuius eligi possint, tamen dictorum potentium personarum fratres, aut filii, aut nepotes existant: Imò tamen ipsi comitatum, baroniam aut similem iurisdictionem temporalem extra urbem & territorium eius possideant: dummodo non tantæ potentie sint, vt spectato sine huius Constitutionis, sub ea merito comprehendendi censentur.

CAPITVLVM XVIII.

Quamquam.

SUMMARIVM.

1. *In Cathedralibus ecclesiis Canonici intra eligendi priuati, aut eligendi deuoluntur ad Papam, praterquam in casu negligentia, intra tres menses ad electionem non procedentis.*
In inferioribus ecclesiis deuoluntur ad proximum Superiorem.
2. *Canon correctorius iuris antiqui non est extendendus ultra casum expressum.*

Districte enim est, quod ius deuolutionis inter ecclesias Cathedralis, & alias inferiores, siue regulares sint, siue seculares, quod in his si Capitulum quacunque ex causa eligendi facultate priuatum sit, eligendi potestas ad proximum Superiorem deuoluitur. At uero in Cathedralibus distingui debet, utrum priuatio accidat propter eligendi negligentiam, siue si Canonici Cathedralis intra tres menses eligere intermittant, tum electio deuoluitur ad proximum Superiorem eius ecclesie, uidelicet ad Metropolitanum: si autem ob aliam causam eligendi potestate priuati sint, ut quia indignum elegerunt, uel formam electionis uitarunt, tum deuolutio fit ad Papam. Ita hic respondit Bonifacius VIII. Pontifex.

Pro maiore intellectu aduertit hic Gl. ver. deuoluitur: Secundum antiquum ecclesie morem prouisione Episcoporum, & Archiepiscoporum spectare ad Sum. Pontificem, ut colligitur ex c. 1. d. 22. c. porro. 4. c. Salontianæ 24. d. 61. c. pastoralis 7. q. 1. Inferiorem autem ecclesiarum Prælatos, nisi specia- liter exempti sint, ab Episcopis institui: Ita tamen, ut secundum eosdem sacros canones, electio Prælati ad cuiusque ecclesie Collegium, seu Capitulum spectet, ut dixi in c. 1. extra hoc tit. Quare mirum non est, si Capitularibus ab quacunque causam eligendi iure priuatis, institutio Prælati ad eum

Superiorem deuoluatur, ad quem de iure confirmatio eius pertinet: uidel. Si Cathedralis ecclesie Canonici priuati sint, ad Sum. Pontificem; Sin uero Capitulares inferioris non exemptæ ecclesie priuentur, deuolutio fiat ad Episcopum. Et ita absque discrimina obseruatum fuit etiam tempore Innoc. III. qui in c. dilectus 12. de concess. prebende, respondit, irritam esse prouisionem Episcopi, quam Metropolitanus attentaui, quasi ad ipsum propter negligentiam Capitularium potestas deuoluta sit, cum talis deuolutio ab ecclesia Cathedrali ad sedem Apostolicam fiat.

Verum postea in Concilio Lateranensi sub eodem Innoc. can. 23. quod est, c. ne pro defectu, 41. extra hoc tit. concessum fuit, ut etiam à Cathedralibus ecclesiis ad Metropolitanum deuolutio fiat ob negligentiam Capituli intra tres menses ad electionem non procedentis. At uero in alijs casibus Capituli priuati seruari debet ius antiquum, ut ne ad Metropolitanum, sed statim ad Papam ius eligendi deuoluatur. Et hæc est mens istius Constitutionis *quamquam*. Circa textum huius c. duo notanda occurrunt:

1. Quod canon correctorius iuris antiqui non est extendendus ultra casum expressum, uti etiam habetur l. præcipimus, in fine C. de appellat. Nam in cit. c. na pro defectu, contra ius antiquum fuit constitutum, ut in casu negligentie etiam in Cathedralibus ecclesiis deuolutio fieret ad immediatum Superiorem, uidel. Metropolitanum: Id uero extendendum non esse ad casus alius priuationis respondit hic Bonifacius VIII.

2. Si electores indignum eligant, ipso iure priuati sunt ea vice, atque ius eligendi ad alios est Capitulo, qui electioni non consenserunt, deuoluitur: Sin autem formam electionis non obseruent, per sententiam Superioris priuandi sunt. Quare cum electioni hoc casu irrita non sit, possunt electores, neque per sententiam priuentur, ad aliam canonicam electionem accedere.

CAPITVLVM XIX.

Is cui.

SUMMARIVM.

Appellans contra electionem, postulationem, aut provisionem, tenetur iurare, quod credit vera esse, quia obicit, & se probare posse, alius nisi ita iurauerit, omnino repellendus est.

Gregor. X. in c. Vt circa 4. hoc lib. & tit. decreuit, vt appellans contra electionem, postulationem, aut provisionem, teneatur iurare, quod credat omnia à se obiecta vera esse, & à se probari posse. Sed cum aliqui male interpretantes hanc constitutionem, dicebant sufficere, si actor iuraret, se credere vera esse obiecta, & à se probari posse, saltem ea, quæ sufficiant ad causam suæ victoriam, seu vt electio infirmetur. Hanc interpretationem rejicit Bonifacius VIII. atque iurandum esse, sicut Gregor. X. præscripsit, quod credat vera esse, quæ obicit, & se probare posse: alioquin nisi ita iurauerit, omnino repellendum esse.

Ratio, cur ita statuerit Gregor. X. ea est, quam asserit Gl. ibi: quia intentio illius fuit Actoris calumniam reprimere, atque punire, quæ vno etiam obiecto falso committi potest, atque mereri, vs tota accusatio ruijciatur.

NOTANDVM Vn. A verbis legis alterius dispositionis recedendum non est, nisi manifestum sit, aliud sensisse disponentem: e. ad audientiam, i. 2. de decimis, l. non aliter, 69. ff. de legatis 1. §. l. 1. §. Si quis, ff. de exercitoria actione, vbi dicitur, quod in re dubia melius est verbis edicti seruire.

CAPITVLVM XX.

Qui contra.

SUMMARIVM.

Qui contra personam non tantum electam, vel postulandam, sed etiam eligendam, aut postulandam a se, iurare, ne eligatur.

debet omnia obiecta in scriptis exprimere, & iurare, se credere ea vera esse, nec calumniam inferre.

Debitum fuit circa constitutionem e. Vt circa, quod ibi inter alia dicitur, si quis contra personam electi aut postulati appellet, quod omnia obiecta in scriptis exprimere, & iurare debeat, se credere ea vera esse, &c. alioquin non audiendus sit, sed penitus repellendus. Vtrum, hæc constitutio locum etiam habeat, si electio, vel postulatio non facta, sed facienda sit, adeoque si appellet non contra personam electam, sed eligendam, seu ne talis eligatur. Respondet Bonifacius VIII. affirmandum esse, si contra personam certam appelletur, ne v. g. Titius eligatur, vel postuletur.

Quod hæc vera sit interpretatio, colligitur ex contextu cit. e. Vt circa: Quando enim duo in iure æquiparantur, tum statum de vno debet etiam censeri de altero statutum, vti docent DD. in l. si quis seruo, 20. Cod. de furtis: Atque electio, postulatio, prouisio in isto negotio appellationis moderandæ æquiparantur, vti patet ex cap. 1. & c. vt circa, hoc lib. & tit. Ergo cùm in cit. e. vt circa, expressum fuerit, non tantum de provisione facta, sed etiam facienda accipiendum esse, idipsum similiter intelligi debet de electione, ac postulatione, sicuti Gl. ibi annotauit ver. facienda. Accedit, quod siue electio facta, siue facienda sit, eadem sit ratio constitutionis, nec calumniam inferatur personæ, contra quam appellatur, nisi obiecta in scriptis exprimantur, addito iuramento tum de veritate dicenda, tum de calumnia non inferenda.

CAPITVLVM XXI.

Sicut.

SUMMARIVM.

Si per formam comprahissi proceditur ad electionem per vnum facienda est electio, non promulgatio, perinde vbi si, quando proceditur per formam seruiting.

Eft 3

Quæ.

Statutum.

SYMMARIVM.

Si intra annum adeptus ecclesiam parochialem sacerdos promotus non fuerit, quamvis nulla precedente monitione, iure, quod habebat ad ecclesiam illam, priuatus est. Secus est, si ecclesia parochialis sui simul collegiata.

IN e. cum in cunctis, sub Innoc. III. statutum fuit, ut, quicumq. dignitatem vel personatum cum cura animarum, aut parochialem ecclesiam consecutus esset, teneatur tempore constituto post monitionem facerdotium suscipere, alioquin priuandum esse. Huic verb. constitutioni postea adiecit Gregor. X. in e. licet canon, ut, nisi is qui parochialem ecclesiam asscetus fuit, intra annum à die promotionis sacerdotium susceperet, ipso facto, absque alia sententia, priuatus existeret. Sed ponamus, aliquam esse ecclesiam parochialem, quæ simul sit Collegiata: ita ut Præpositus eius Collegiatæ ecclesiæ sit etiam Parochus, seu Rector plebis, quaeritur, vtrum in eo locum habeat Constitutio Gregor. X. ita vt si intra annum post adeptam ecclesiam illam sacerdos promotus non fuerit, quamvis nulla præcedente monitione, iure, quod habebat ad ecclesiam illam, priuatus existat. Ad hoc dubium negatiue respondet Bonifacius VIII. huius e. auctor.

Rationem huius responsionis ipsemet Bonifacius indicat: Cum in materia pœnali, aut odiosa stricta interpretatio facienda sit, iuxta iuris reg. 16. & 46. hoc lib. ideo nomine ecclesiæ parochialis in pœnali illa Constitutione non censetur comprehensa ea parochialis, quæ simul est Collegiata, propter specialem eius qualitatem. Simili ratione communiter diei solet, quod in materia odiosa nomine clericorum nō comprehendantur Episcopi, neque Religiosi: quia licet & ipsi Clerici sint, tamen specialem qualitatem habent, ob quam communi Clericorum nomina

Quiastrum fuit ex Bonifacio VIII. quod in e. quia propter, decretum fuit, si per formam scrutiniij ad electionem procedatur, necessarium esse, vt ab vno communis electio fiat; hoc ipsum etiam obseruari debeat, si per formam compromissi procedatur ad electionem, vt ea ab vno nomine communi promulgetur: *Ego nomine meo, & aliarum mihi consentientium eligo Tyrium*; alioquin electio per compromissum irrita sit. Ad hanc questionem respondet Pontifex affirmatiue, nihil obstant, quod ciuili l. Item si vnus, 17. §. Item si plures, ff. de receptis, qui arbitrium &c. statutum reperitur, vt nunquam vnus ex pluribus arbitris sententiam dicere cogatur, sed vnus aut nullus.

Probatur hæc responsio, ac interpretatio Bonifacij: Nam vbi eadem omnino est ratio, idem ius censeri debet. Ratio autem vaic, cur canones velint, electionem ab vno, nomine collectiuo promulgari, ea est, quia electio est vnus Capituli: Ergo decens est, vt ab vno fiat vice Capituli, seu tanquam representante totum Capitulum. Atqui hæc eadem ratio etiam locum habet in compromisso: quandoquidem Capitularis eligendi potestas in compromissarios translata est, ita vt & ipsi vice totius Capituli aliquem eligere debeant, sicuti aperte dicitur in e. c. quia propter. Atque applicari hæc potest reg. communiter tradita: Quod subrogatur imitatur naturam eius, in cuius locum subrogatur.

Cur autem secus dicendum sit de iudicibus delegatis, atque arbitris; quod oporteat omnes sententiam, vel arbitrium pronuntiare, aut saltem vnus nomine omnium, sed in plurali numero; *Nos iua censimus*, iuxta c. cum ab vno, 4. de sent. & re iudicata in 6. causa huius est, quia iudicibus delegatis, iplisq. arbitris causa committitur, non vt Collegio, sed vt singulis, arg. l. duo ex tribus, 39. ff. de re iudicata, ibi: *Omnes iudicare iussunt*. At verò electio à Capitulo, seu Collegio fieri debet: Ergo id etiam verbis significandum esse, canones voluerunt.

ne in materia strictæ interpretationis comprehendendi non debeant. Id verò intelligi debet in dubio, & nisi ex materia dispositionis, aut adiunctis aliud manifestò appareat.

Obijciat aliquis: Si alicuius ecclesiæ Prepositus, sit etiam ibi Canonicus, vel Capellanus, tum statuta pœnalia & onerosa, quæ de Canonicis aut Capellanis lata sunt, etiam in Prepositum cadunt, quatenus & ipse Canonicus, vel Capellanus est: Ergo similiter si alicuius Collegiatæ Ecclesiæ Rector, sit etiam Parochus, statuta onerosa lata in Parochos, etiam in illo locum habebunt, quatenus & ipse Parochus est. Respondedo, hæc vera esse, si prepositura & canonicatus, seu Capellania diuersa beneficia censeantur: atque simili modo, si alicuius Collegij Rectori cum Pontificia dispensatione super beneficiorum pluralitate &c. parochialis ecclesia de nouo conferatur, eo casu locum habebit dispositio e. licet canon. Nos autem versamur in casu, quo eadem ecclesia simul est Collegiata, & Parochialis; ita vt idem Rector Collegij, eo ipso etiam Parochus existat; tum dicimus attendendum esse ad naturam principalis, vid. ecclesiæ collegiatæ, & secundum hanc etiam accessorij, videl. parochialis ecclesiæ conditiones & requisita regulanda esse.

Ad extremum duo aduente: Vnum est: Duobus modis fieri potest, vt Rector ecclesiæ Collegiatæ sit etiam Rector parochialis: Primus: Si ecclesia parochialis eleuetur in Collegiatam, quia prius regebatur ab vno Parcho habente Cooperatores; nunc autem regitur à Rectore habente Collegium Canonicorum. De hoc vide in c. ex parte, 4. de Sepulchris. Secundus modus est per vniõnem ecclesiæ parochialis ad Collegiatam: quæ de re dixi lib. 4. tr. 3. c. 9. n. 2. Vtroque autem horum modorum parochialis ecclesia veluti amittit naturam suam, & induit naturam & conditiones Collegiatæ, tanquam principalioris.

Alterum. Specialiter constitutum esse in Clement. Ne in agro s. ceterum de statu Monachorum, quòd Conuentualis seu Regularis ecclesiæ Rector, qui ibi appellatur Prior Conuentualis, intra annum à die pro-

uisionis ac possessionis sacerdotium suscipere debeat: alioquin ipso iure prioratu priuetur.

CAPITVLVM XXIII.

Si cui.

PARAPHRASIS.

Capitulares compromiserunt in Titium tali forma, vt ipse secretò ac sigillatim exquisitis voluntatibus singulorum, atque in scriptum redactis, eum eligeret, in quem maior pars comparatione aliarum partium consenserit: Erant autem duodecim v. g. Capitulares; sex eorum consenserunt in Caium, quatuor in Sempronium, duo reliqui in alium; Titius Compromissarius exceptis his suffragiis, & in scriptum redactis, elegit Titium; hæc electio à Bonifacio VIII. pronuntians esse irrita, quia facta sit contra formam e. quia propter, in qua requiritur, vt pars maior totius Capituli in eundem consenserit.

SUMMARY M.

Si Compromissarius, secundum traditam sibi formam, vt secretò & singulorum voluntatibus in scriptum redactis, illum eligat, in quem non maior pars Capituli, sed plures aliorum comparatione, consenserint, irrita est electio.

V T appareat ratio decisionis huius c. obijciat contra eam: Capitulares communi omnium consensu in vnam personam, v. g. Episcopum compromittere possunt, vt ipsi Pastorem idoneum nominet, quem recipere teneantur, vti habetur in c. causam, f. extrà, hoc tit. Ergo etiam communi omnium consensu compromittere possunt sub hac forma, vt in quem maior pars comparatione aliarum partium consenserit, is in Praetum eligendus sit. Respondedo curi Ioan. Monacho hic n. 2. negandam esse consēq. Quia in priore casu Capitulum transferat se potestatem eligendi, atque vni soli committit: iure concessum est, saltem si talis potestas

Quorundam.

SUMMARIVM.

1. Religiosus Ordinis mendicantium nulum ius acquirere potest ex electione aut postulacione in discordia facta ad praelaturam extra Ordinem suum: nec consentire poterit, citam de Pralati licentia.
2. Idem est de electione facta à minori parte ad quamlibet praelaturam de religioso non mendicante.
3. Casus in quibus electio facta à minori parte Capituli, quæ aliquin valida esset, ideo ipsa iure irrita censetur, quia facta est de religioso non mendicante.
4. Si religiosus non mendicans electus sit à media parte Capitularium, quibusdam ex altera parte suspensus, priuatus, vel vtracque conditionata, aut incerta assensibus, electio non tenet, tanquam facta à maiori parte Capituli non priuati.

DEcreuit in hoc Pontificatus VIII. quod à Religiosis Ordinibus mendicantium nulum ius acquirere possit ex electione aut postulacione ad praelaturam extra Ordinem suum, si in discordia facta sit: sed nec tali electioni consentire queat, tamen Regularis Prælati sui licentiam habeat.

QUÆRITVR I. Quenam hoc loco censenda sit electio facta in discordia? Respondeo, Si vel duæ electiones publicentur, vel vni electioni, antequam publicata sit, se quisque opponat. Sin autem electionem factam secundum maiorem Capituli partem aliquis oppugnet, non comprehenditur hoc decreto: cum non sit facta in discordia, sed discordia seu oppositio postea aduenit. Quæ autem ab initio electio valida facta est, ergo per superuenientem discordiam vitari non debet, vti docet hic Ioan. Monachus, per regulam quam DD. tradunt in l. vit. C. de nuptiis: Res perfecta non vitatur, est vitata ad casum, in quo incipere non potest. Quemadmodum

testas committatur Superiori, qui et confirmandi potestatem habet: Nam id solum ex cit. c. causam, probari potest: quamvis Gl. communiter recepta in c. quia propter, ver. viris, generalius intelligat. At vero in casu huius c. Capitulum non transfert à se eligendi facultatem, sed personam vnam, aut plures constituit, quæ suffragia secundum formam c. quia propter excipiant, in scriptum redigant, ac postea eligant: Consequenter seruari debet forma electionis ibi præscripta, videl. vt maior pars Capituli in eundem consenserit, imò verbum etiam requiritur, vt sit sanior, iuxta c. cum expediat, 29. h. c. lib. 8. tit. Quare opus quoque est, vt publicatio, et collatio aliqua suffragiorum fiat, vti notat Ioan. Andr. in cit. c. cum expediat, n. 2.

Sed quæres primò Vtrum supra dicta electio facta à Compromissarijs, de eo, in quem maior pars Capitularium coparatione aliorum: partium consensit, consistat solum in ijs electionibus, quæ fieri non debent secundum formam c. quia propter: vt si ecclesiæ Collegiæ præpositus iurisdictionem ordinariam ac generalem nõ habens eligendus sit. Ita affirmat Gl. hic ver. Concilium: sed arbitror esse negandum. Quia, et paulo ante dixi, id commune est omni electioni canonice, imò omni decreto, quod à Collegio seu Capitulo procedit, vt in illud pars maior totius congregati corporis consenserit.

Quæres secundò. Vtrum hac forma compromitti possit in viros idoneos, v. g. septem, vt in quem pars maior compromissariorum coparatione aliarum partium consenserit, is in Prælatum eligatur. Respondeo: Negative. Quia id, secundum canones & ecclesiæ praxin, commune est omni electioni Capitulari, seu Collegiali, vt rata non sit, nisi in eam saltem maior pars consenserit. Atqui electio per compromissum est etiam Capitularis, cum fiat nomine Capituli, seu vice Capituli concedentis potestatem. Ergo, &c. Quare hac accomodari etiam potest iuris Reg. 79. in 6. Nemo potest pluvius in alterum transire, quamvis sic competere dignoscatur. Vide quæ dixi supra in c. tunc, 2. h. c. lib. 8. tit.

modum & vice versa, si electio in discordia facta sit, non poterit deinde consulescere, si consentiant, qui si opposuerunt: eum electio semel irrita postea non consulescat, sicuti hic Ioan. Andr. notauit.

S. Circa

A dicit hoc s. Bonifacius: quod alij religiosi, qui mendicantes non sunt, & electionibus, postulationibus, aut prouisionibus ad quancunque praelaturas nullum ius acquirant, neque ijs, quamuis habita licentia praelatorum suorum, consentire queant, si a maiore parte Capituli processerint.

Dubitatur 1. circa s. Circa, vtrum eius constructio locum etiam habeat in electione ad praelaturam Ordinis, vt & ipsa irrita sit eo ipso, quod a minore parte Capituli processit. Responso est affirmatiue, quia tradit hic Gl. ver. quaslibet, Ioan. Andr. n. 4. Rodriq. to. 2. regul. qq. q. 56. a. 2. contra Ioan. Monachum hic. Sumitur autem hac responsio ex ver. textus: *Ad praelaturas quaslibet*. Idemque infra hoc tit. de electionibus Monialium statutum reperitur in c. Indemnitatibus 43. s. Si qua.

3 Dubitatur 2. Quinam sint casus, in quibus electio facta a minore parte Capituli, quae alioquin valida esset, ideo ipso iure irrita censetur, quia facta est de regulari Ordine non mendicantis? Gl. hic ver. numero, asserit vnum casum tanquam principium: si pars minor eligentium maior iudicetur. Sed contrarium ex eodem iure supra docui, ad electionem canonicam non sufficere, quod pars minor in electionem consenserit, nisi etiam sit maior numero. Igitur asseremus alios casus.

Primus. Si pars maior Capitularium, quae tamen duas partes Capituli non faciat, aliamquem postularunt: electio de religioso non mendicante facta ab altera Capituli parte, quae minor numero est, ipso iure irrita censetur, neque confirmari debet.

Alter: Si aliqui ex electoribus a vice priuati sint, quia indignum elegerunt, licet secundum benignam dispositionem, ac veluti si contemp. tota iis Capitularis in alijs non

priuatis residet, tamen hac ioris fictio in electione aut postulatione facta de Religioso locum non habet: sed in tali electione omnes Capitulares siue electores computandi sunt, vt appareat, vtrum Religiosus ex non mendicantibus a minore Capituli parte electus, aut Religiosus ex mendicantibus in discordia electus fuerit. Ita enim expresse declaratum est in Clement. Quod circa 6. hoc tit. Si sint v. g. decem Capitulares, quorum sex elegant personam indignam, & quatuor Titium religiosum: Dico in primis, si electio extra Ordinem fiat ad ecclesiam, si electio Cathedralis de religioso mendicante, irrita censeri debet, cum sit facta in discordia. Idemque similiter dicendum, si aliqui Capitulares postea reperiuntur fuisse excommunicati aut suspensi. Nota, quod dico *postea*: si enim contra tales, cum expelli non possint, nominatum fiat protestatio, quod eorum suffragia valere non debeant, in numero eligentium non videntur comprehendi. Deinde dico: si talis electio extra, vel intra Ordinem fiat, ad quamcunque praelaturam de religioso non mendicante, ea irrita censeri debet, quia facta sunt a minore parte Capitularium.

Quia circa istam constitutionem attenditur tantum, quinam de facto fuerint Capitulares praesentes ad eligendum, non item quocumque fuerint secundum iuris effectum.

Tertius Casus: Si aliqui dederunt vota conditionata, alternatiue, vel inorta, licet rig. ordine ad alias electiones pro non appositis habeantur, c. 2. eod. tit. & lib. tamen in ordine ad computandum numerum electorum, vt appareat, an pars minor Capitularium Religiosum non mendicantem elegerint, computanda sunt, yti colligitur ex cit. Clement. Quod circa.

Quartus Casus valde probabilis est: si aliqui sint contemp. id est, non vocati, cum vocari debuissent, quod etiam in numerandi sint, vt appareat, vtrum a minore parte Capituli electio de Religioso facta fuerit. Sed, si absentes contemp. non fuerint, vel vocari non potuerunt, vel non debuerunt, aut vocati venire neglexerunt, hi enim in numero Capitularium, quoad hunc electionis actum

actum computandi sunt, secundum Gl. in Clem. Quod circa 6. hoc tit. ver. que in facto.

- 4 Dubitatur 3. Si Religiosus Ordinis non mendicantis electus sit à media parte Capitularium, quibusdam ex altera parte suspensis, privatis, vel vota conditionata aut incerta afferentibus, utrum electio consistere debeat, tanquam facta à maiore parte Capituli non privati. Affirmat Sanchez & alij apud ipsum lib. 7. moral. c. 29. n. 54. Quia constitutio ista exorbitans à iure communi non debet extendi ultra casum expressum. Casus autem expressus est, si electio facta sit à minore parte Capituli: Ergo si non à minore, sed equali parte fiat, standum est iure communi.

QVÆRITUR II. Quidnam mouerit Pontificem, ut hanc constitutionem specialiter fecerit de Religiosis mendicantibus, ut electioni extra Ordinem factæ in discordia eligentium consentire non possint? Respondet: Quia ipsi arctiorem paupertatem ac mundi contemptum professi, magis quam alij Religiosi à litibus abstinerere debent, ne temporalibus prouentibus ac honoribus inhiare videantur.

QVÆRITUR III. Vtrum hæc constitutio etiam locum habeat in Religioso Ordinis Mendicantium facto Episcopo, vel Cardinale, si ad Episcopatum, vel Archiepiscopatum alium eligatur, aut postuletur in discordia, quod eius electio vel postulatio irrita sit? Affirmat Gl. hic ver. mendicantium, quam ut communiter receptam sequitur Rodriq. loco cit. Sanchez lib. 7. moral. c. 29. n. 48. Sed valde dubitatur de hac doctrina: Quia cum iste translatus ex monasterio ad Episcopatum, vel Cardinalatum, aliam principaliorum qualitatem consecutus sit, secundum eam iudicari debet, argum. c. statutum 22. hoc tit. & lib. vt proinde non sine probabilitate dici possit, eius electionem validam esse, quatenus est facta de Episcopo vel Cardinale, & non de monacho. Verum cum talis Episcopus vel Cardinalis transire non possit absque Summi Pontificis consensu, ad eundem pertinebit iudicare, an talem in discordia factam electionem, postulationemue confir-

mare, atque transendi licentiam dare velit, necne.

QVÆRITUR IV. Si Capitulares contra suspensum, aut excommunicatum protestentur, quod eius suffragium valere non debeat, utrum nihilominus in numero computandum sit in ordine ad æstimandam discordiam, aut numeri minoritatem? Respondendum videtur: si nominatim contra certam personam, quam expellere non possunt, protestentur, valebit protestatio, vt in numero eligentium non computetur. Secus si in genere ac indeterminatè protestentur, tunc enim valebit suffragium suspensi, quatenus in hoc casu de iure potest, vt impidire possit alteram electionem factam de Religioso.

QVÆRITUR V. Vtrum constitutio hæc in utroque casu locum etiam habeat in præsentatione, ita vt ea in concordia patronorum facta esse debeat de Religioso mendicante: Et de non mendicante opus sit, vt non fiat à minore parte Collegij (si vt Collegium præsentens) vel non à minore parte, compensatione aliarum partium, si vt singuli præsentent? Videtur esse affirmandum, quia textus videtur verbi *promissantis*, quod secundum Gl. communiter receptam in Clement. ult. verbi *promissioni*, generale est, vt etiam præsentationem comprehendat. Accedit, quod eadem contentiones aliæ incommode oriri possint ex præsentatione ad prælaturam, si in discordia facta sit, vel à minore parte Capituli.

Sed contraria sententia magis placet cum Cæsare Lambertino l. c. lib. 2. p. 1. q. 7. a. 20. n. 8. apud Sanchez cit. l. n. 51. quod numerus Capitularium in his constitutionibus dicatur minor, eo ipso quod non est maior, adeoque non sufficiens ad electionem seu decretum capitulare. Neque enim responderi hic potest, numerum meditationis attendendum esse ad numerum, qui est de facto, non qui est secundum iuris dispositionem & effectum. Et merito quidem: quia nisi ita dicamus, non

erit

Vt quis.

SUMMARIUM.

Non potest electus duas electiones persequi, sed alteram eligere debet. vnaque electa ad alteram redire non potest.

erit sublata occasio discordiæ, si duabus electionibus ex æquo factis, vna pars alteri iuris defectum obijcere possit. Pontifici autem per hanc constitutionem propositum erat, discordiæ omnem occasionem rescire.

Confirmatur primò ex eademnitibus 43. §. sanè, hoc lib. & cit. vbi idem statuitur obseruandum in electionibus monialium: & facit Pontifex tria membra: Vel electio in discordia ita fit, vt duæ partes Conuentus in eandem consentiant: Vel ita fit, vt saltem maior pars Conuentus in eandem consentiat: Vel ita, vt minor pars Conuentus in eandem consentiat. Vbi, ne dicere cogamur esse imperfectam Bonifacii VIII. doctrinam ac distributionem, fateri debemus, partem minorem esse omnem eam, quæ non est maior.

Confirmatur secundò: Ponamus in Ecclesia Cathedrali esse duodecim Capitulares; sex eorum eligere Religiosum mendicantem in Episcopum, alios sex alium non mendicantem, qui tamen indignus sit: Quæro, vtrum hæc electio censeatur facta à maiore parte Capituli, adeoque valida. Si negent, habeo intentum: quòd media pars Capitularium in his electionibus non sufficiat. Si autem affirmant, repugnat hoc e. & cit. Clem. quod circa, Quia talis electio maximè est in discordia, si duæ electiones fiant secundum æqualem numerum suffragantium. Ad argum pro priore sententia patet respons. Non enim fit extensio ad casum expressum, si per partem minorem Capituli intelligatur, quæcunque non est maior.

Ex dictis sequitur corollarium: si duodecim sint electores, quorum quinque eligant v. g. religiosum non mendicantem, septem alij Canonicum suæ ecclesiæ, sed vnus eorū vel plures sint suspensi, aut afferant suffragia alternatiua, neutram electionem valituram: Quia licet illi, quorum suffragia iuris effectū non habent, ob sint alteri electioni, eò quòd in numero etiam computentur, tamen suæ electioni non profant, cum iuris effectū careant.

* * *

Si quis ad eandem ecclesiam, seu prælaturam duabus electionibus electus sit, non potest vtramque prosequendo confirmationem petere; etiam protestando, quòd non intendat, nisi ex ea, ex qua ius sibi competat, confirmationis effectum consequi. Quamobrem, necum ecclesiæ, ad quam electus est, vel aduersarij, si quem habet, discrimine in incerto vegetur, eligere is debet, vtram electionem prosequi malit, eiusdemque confirmationem petere: Ad eò, vt ad alteram deinde electionem, cui alteram præferendo renuntiasse censetur, regressum habere haud possit.

Modos, quibus fieri possit, vt idem ad eandem prælaturam duabus electionibus vocetur, numerat hic Gl. ver. duas. Si existimetur in priore electione defectum commissum esse, atque ideo post lapsum temporis trimestris, aut semestris Superior eundem electum instituatur: Vel si ipsi Capitulares, nondum priuati, nouam electionem de eodem electo facere aggressi sint.

Quæritur autem, quæ sit ratio decisionis: Respondetur; Eam esse: quia confirmatio pro obiecto habet electionem, eamque vnicam, ac certam: cum confirmatio sit instar decreti: quod non in incerto vagari debet. Quamobrem petitor electionem determinare cogitur, quam à Superiore confirmare velit. Alia verò ratio est de defendente ius beneficii sui, vti colligitur ex reg. 20. in 6. *Nemo pluribus vsi defensionibus prohibetur.* Quare notat Abb. in c. post electionem, 6. de concessione præbendæ, quòd dubitans de valore collationis primæ, consulto faciet, si alteram impetret: Quia per id non censetur renunciare primæ, cum non sint contrariæ;

ideoque ex utraque se defendere possit, vel ita, vt si in prima defensione succumbat, ex altera se defendat.

Breuitur dici potest, discrimen hoc esse: Cùm electus sit petitor confirmationis, ideo determinare debet, quid petat, seu quam electionem confirmare velit: At verò protulisse non est petitor, sed defensor iuris sui: ad quod faciendum omnes ipsi modi permittuntur, dummodo non sint contrarij, ne de mendacio arguatur, vt Dynus notat in cit. reg. 20. n. 5.

CAPITVLVM XXVI.

Si electio.

SUMMARIVM.

Si electio non consensu, vel post datum consensum renuntiatus, aut mortuus est, vel oculatus defectus electionem vitians sit prodidit, eligentes integrum tunc tempus habebunt ad nouam electionem peragendam, nisi fraus intercesserit.

Electio de Titio facta effectum consecuta non est, quia nobis consentire, vel post primum consensum, ante impetratam confirmationem, renuntiavit, aut mortuus est, aut forte defectus, qui ante latebat, in electo se prodidit, v. g. quod sit illegitimus, his casibus integrum eis tempus relinquitur ad nouam electionem peragendam, videl. trium mensium spatium in ecclesijs Cathedralibus & regularibus, & ne pro defectu, q. 1. extrà, hoc nō. Sex mensium verò in alijs ecclesijs Collegiatis, c. 2. de concess. prabendæ: dummodo nihil in fraudem factum sit à Capitularibus. Exemplum huius fraudis affert Gl. hic ver. fraudulente: Si Capitulares de industria aliquem, quem sciant acceptaturum nō esse, eligant eo fine, vt ecclesiæ vacatio diutius prolongetur. Hoc casu post lapsum temporis legitimi à die primæ vacationis priuationem incurrent, & potestas eligendi ad Superiorem deuoluitur: cùm æquum non sit, vt propria ipsi sua prætorum cinctur.

CAPITVLVM XXVII.

Si Religiosus.

SUMMARIVM.

1. *Si Religiosus non obtinuit licentiam consentias electionis, de se facta extra Monasterium, electio irrita est.*
2. *Non requiritur tamen licentia Conuentus, sed sufficit solius Prælatus, non nomen generale tantum, sed particularis, & quæ electionem factam subsequatur.*
3. *Ad quam ecclesiæ extra Monasterium suum Religiosus eligi possit.*
4. *Quæ Prælatus Religioso licentiam dare debeat electioni extra monasterium de se facta in casibus concessis consentiendo, ac transiundo.*
5. *Prælatus ad dandam licentiam ordinari cogi non potest: potest nomen cogi à suo proximo Superiore, si hoc ob causam necessitatis, aut magna utilitatis ex hoc charitatis ad eam dandam obligatio esse videatur.*
6. *Religiosus Prælatus, quam legitimè acceptans, renunciare potest absque Prælatus Ordinis consensu.*

Religiosus, cùm ex alieno Prælato sit arbitrio dependens, electioni de se factæ extra Monasterium suum, consentire non potest, ante petitam, & impetratam licentiam à Superiore suo: alioquin consensus non valet, & electio eo ipso irrita pronuntiatur.

S. Quia verò.

A multis disputatum fuit, vtrum Superior Ordinis Religioso suo licentiam consentiendo, & transiundo ad Prælaturam, ad quam electus est, dare possit absque consilio Fratrum, seu Conuentus sui. Ad hoc Bonifacius VIII. respondet, posse id facere Prælatum, Capitulum non requisiti, vt eo ceteris, ac facilius ordinationes Ecclesiæ, vel Monasteriorum, ad quæ Religiosi electi fuerint, expediri queant.

His porro addenda est Clement. vlt. de elect. vlt. decretatur, non sufficere Prælatis

licet

henciam, si generatim alicui data sit, vt liceat consentire electioni, aut prouisioni, si quam de ipso fieri contigerit, imò, etiam si (vt Gl. ibi communiter recepta docet) particularitatem alicui data sit, si contingat eum in tali ecclesia eligi: Sed opus est, vt licentia electionem factam subsequatur.

QVÆSTIVS PRIMVS: Quenam ecclesiis sine, ad quas Religiosus extra suum Monasterium eligi possit? Respondeo, & dico I. Religiosus eligi ad alterius Monasterij Prælatum, si eiusdem Ordinis sit, secus si alterius Ordinis. Ita habetur in Clement. 1. hoc tit.

Dico II. Religiosus eligi potest ad ecclesiam Cathedralē siue Episcopalem, siue e regularis sit, siue secularis. Ita habetur in ead. Clement. 1. & c. Si Abbatem, § 6. hoc tit. & lib. Excipe: Quodd Religiosi Societates ad dignitatem quālibet extra Societatem eligi, vel potulari nō possint, quia id eorum Constitutionibus repugnat: adeo vt nec Præpositus Generalis electioni de se factæ consentire possit, nisi Sum. Pontifex cogit, vt habetur p. 9. Constitut. c. 4. §. 5. & c. 5. §. 6. neque alteri Societatis Religioso licentiam consentiendi dare queat, nisi Sedes Apostolicæ præceptum compellat, vti habetur in Constitut. Societatis I. §. v. p. 9. c. 3. §. 13. Id verò Sanchez lib. 7. moral. c. 29. a. 67. de ijs tantum dignitatibus intelligendum esse ait, quibus honor & opes annexæ sunt, non item de Episcopatibus Æthiopiæ, & similibus, quibus cum oneribus paupertas adiuncta est.

Dico III. Non constat inter DD. Vtrum Religiosus eligi possit ad Prælaturā ecclesiæ Collegiatæ secularis. Afferunt enim Gl. incia. Clem. Abb. in c. Quod De timore, §. n. §. de statu Monachorum, Syl. ver. Religio, 7. q. 4. & 6. Rodriq. tom. I. regul. qq. q. 14. a. 4. Less. lib. 2. de iust. c. 41. n. 98. Sed negat Hostiensis in Summa tit. de statu Monachorum, n. 6. Ioan. Andr. in cit. c. 6. quod Doin, n. 6. Armilla ver. Monachus, n. 5. argum. ducto per sensum contrarium ex c. 2. Clem. 1. vbi conceditur, vt Religiosus in E-

piscopum secularis aut regularis cuiuslibet ecclesiæ eligi possit.

Accedit, quod canonica regula sit, Beneficia secularia secularibus Clericis, regularia autem regularibus conferenda esse. c. cum de beneficio, §. de præb. in 6. Clem. vn. de supplem. negl. Prælatorum: Et, Religiosos in ecclesiis secularibus assumendos non esse, ne à professione sua deuant, & fupero, 9. de Regularibus, & c. Ab hac autem regula discendum non est, nisi exceptio habeatur expressa in iure: Atqui iura præter ecclesias Cathedralēs, de quibus supra dixi, non excipiunt, nisi ecclesiis parochialibus, in quibus propter prædicationis officium erga plebem permittitur Regularibus Canonici, vt propter ecclesiarum commodum inuicem possint, cit. c. Quod Dei timorem. Verum de hac controversia solliciti esse iam non debemus: In primis enim fuerit prohibitum est in extraxis, dispensans, de postulato prælatorum, ne Religiosus Ordinis Mendicantium ad ecclesiam Cathedrali inferiorē possit eleuari. Quodd verò ad non Mendicantes attinet, vniuersim testantur Doctores apud Sanchez lib. 7. de Relig. c. 29. n. 70. & 72. hodie non permitti Regularibus etiam Canonici, vt ad beneficia quæcunque, præter Episcopatum, etiam si curata sint, vel ecclesiarum Collegatarum prælaturæ, promouantur absque Sum. Pontificis dispensatione. Vide quoque dixi lib. 4. Th. mor. tra. c. 4. n. 2.

Cæterum adhuc hodie Prælati Ordinum, Religiosos suos, cum potestate iterum amouendi, intrinsece possunt ad parochias Monasterijs eorum subiectas. Iamque dubitari non debet de ea parochia, quæ in loco Monasterij sita, à prima institutione Regularibus commissa est: quæ de re vident. less. 25. de Regular. Sed & in ea parochia id locum habet, quæ postea Monasterio incorporata est, quod Prælati Ordinis Regularem suū idoneum intrinsece possit, qui tamen ab Episcopo examinari, & parochia eius visitari debeat: Quia vno intelligitur, salvo iure Episcopali, vti dixi lib. 1. tit. 4. c. 7. n. 30. ex: Concil. Trident. sess. 7. c. 7. iunctis de-

clarat. Cardinal. & sess. 24. c. 3. & 18. de reformat. Excipe: nisi Prælatus Ordinis exemptus veluti episcopalem in territorio illo iurisdictionem obtinens, vt Episcopus, nihili iuris sibi vindicare queat. Vide quæ dicam in c. 1. de Capellis Monachorum, & quæ docet Less. lib. 2. de iust. c. 41. n. 98.

QVÆRITVR secundò: Quisnam Prælatus Religioso licentiam dare debeat electioni extra Monasterium de se factæ in casibus concessis consentiendi, atque transeundi?

4 Respondeo, & dico I. Prælatus Ordinis immediatus, videl. Abbas, Præpositus, aut Priortalem licentiam dare potest. Ita docet Sanchez lib. 7. moral. c. 29. n. 65. Spectandæ tamen sunt etiam Constitutiones, & privilegia Ordinum Mendicantium, quibus fermè obtentum est, vt præter Ordinis Generalem, aut Prouincialem, talem licentiam dare queat: de quo Rodriq. tom. 2. regular. qq. q. 56. a. 2.

Dico II. Si Monasterium, ex quo Religiosus, præfertim in aliam dioccesim, transferendus est, Episcopo subiectum sit, etiam ipsius consensus requiritur. Ita docent Innocentius in c. quia translationem, de renunt. ibidem Ioann. Andreas n. 6. Ioann. Ananias n. 33. Archidiaconus & Ioann. Andreas, in hoc cap. dicunt, id iuri consonum esse, vti colligitur ex c. qui verè 12. 16. q. 1. idèoque seruandum, vbi id consuetudine receptum est, sicuti in his prouincijs. Ratio est: Quia ad Episcopi curam spectat, prouidere, vt in Monasterijs sibi subiectis viri idonei maneant, per quos administrationes & officia regularia exerceantur: quæ sæpe negligi debebunt, si Religiosi ad alias dioceses extrahantur.

QVÆRITVR tertio: An rectè dicatur, quod Prælatus Ordinis, etiam non requisito Capitulo, licentiam transeundi Regulari suo dare possit. Nam transitus iste personæ species quædã est alienationis, quæ à Prælato fieri non potest, absque Capituli consensu, s. sine distinctione, 12. q. 2. & c. 1. de rebus ecclesiæ non alienandis, in 6. Respondeo cum G. hic, ver. sint variæ, fuisse de hac re olim dubitatum, cum variæ iura allegaren-

tur, quarum aliqua consensum requirere videbantur, vt c. statui & c. 2. de statu Monachorum, verò Capituli nullam mentionem vt c. 1. d. 58. c. cum pro vtilitate 16. q. 1. & c. post translationem nunt. Verum Bonifac. VIII. l. 1. tit. secundum canones decisa, ecclesiarum respexit, quibus citatur, si solius Prælati licentia a canonicæ electioni præbendum.

QVÆRITVR quarto: Vtrum Prælatus licentiâ cogi possit à Superiore? Respondeo, & dicol. Ordinè loquendo, Prælatus cõpelli non potest licentiam dandam, Est enim hæc licentia, atque obligationis remissio, autem faciendam non compellit.

Dico II. Si Prælatus ob causas aut magnæ utilitatis ex lege obligatus esse videatur ad licentiam tunc à Superiore cogi potest. Ita tenet recepta in c. quàm sit, 5. 2. ver. ad ordinandum, Abb. in timorem, n. 12. de statu Monachorum. c. nullus, 17. de iure patrum.

Dico III. Prælatus in tali test. à proximo Superiore, vti Episcopo, cui subiectus est: Si licentiam dare nolit, ab Archiepiscopo iussus Abbas, vel Episcopus licentiam recusare, ipse Superior eius illo iurisdictionem præbere possit. Probatur ordinariè propter negligentiam, uoluntatem potestatis sit ad proximiorum, vti colligitur ex c. quia hoc lib. & tit. & c. 1. de supplementis. Et ita docet Sanchez lig. c. 29. n. 69. contra Gl. hic, & alios ibi citatos, qui opus esse Pontificis auctoritate,

QVÆRITVR quinto: Vtrum Prælatus, quam legitimè renunciare possit absque Prælati consensu. Negat Imola in c. 1. 71. de testam. ratione huius textus & nolle non habet. Sed contra est cum Sanchez cit. c. 29.

sicuti Ordinis Prælatum cogere non potest Religiosum ad acceptandam dignitatem extra ordinem, ut dixi Th. mor. lib. 4. tr. 2. c. 15. q. 3. dicto 2. ita nec cogere potest ad retinendum, seu non renuntiandum; consequenter sine licentia eius renuntiare potest. Ratio est, per quam etiam satisficit argumento sententiarum contrariarum: Quia Religiosus velle & nolle non habet, seu ex voluntate Prælati pendet in ijs tantum, quæ ad Ordinis regulam & institutum spectant: Prælati autem extra Ordinem magis subducit Religiosum à regula & instituto, &c.

CAPITVLVM XXVIII.

Nullus.

SUMMARIVM.

Religiosus in Abbatem seu Ordinis sui Prælatus eligi non potest, nisi sit expressè ante professus; potest tamen tacite professus, uti & Ordinis novitius eligi ad Episcopalem dignitatem, seu in regulari seu seculari ecclesia.

Religiosus in Abbatem, seu Ordinis sui Prælatus eligi non potest, nisi professionem expressam ante ediderit: alioquin electio irrita est. Verùm ad dignitatem Episcopalem, seu in regulari seu in seculari ecclesia, qui tacite professi sunt, sicuti & Ordinij Novitij, eligi non prohibentur.

NOTANDVM Vn. Qui tacite, siue ipso facto in Religione professus est, tamen cum alijs eligere possit, & ex eo, 32. § In ecclesijs, hoc lib. & tit. tamen eligi non potest in Prælatum Ordinis: sed requiritur, ut expressè professus sit. Vide, quæ de modis expressæ, & tacitæ professionis dixi lib. 4. Th. mor. tr. 5. c. 5. Porro, cur ad episcopalem dignitatem euehi possit Religiosus, qui non expressam professionem edidit, ratio indicatur in textu: Quia ad eam etiam Ordinij Novitij atque Clerici seculares admittuntur,

si ecclesiæ regendæ idonei sint. Vide Gl. hic, & c. 1. ne sede vacante.

CAPITVLVM XXIX.

Cum expediat.

SUMMARIVM.

Forma electionis tradita supra in c. cum dilectus 32. non est sublata in can. Quia propter.

Innoc. II. in c. cum dilectus, 32. approbavit hanc eligendi formam: Si Capitulares compromittant in aliquos, ut eum, in quem maior & sanior pars, secretò inquisitis singulorum suffragijs, consenserint, eligere debeant. Hanc formam suspicabantur sublatam esse in can. Quia propter, quandoquidem in eotriplex tantum electionis forma approbatur: videl. per scrutinium, per compromissum, per inspirationem. Dictus autem eligendi modus ad nullam harum electionum spectare potest. Hanc dubitationem soluens Bonifac. VIII. respondet, formam illam compromissi traditam ab Innoc. III. sublatam non esse in Concilio Lateranensi per can. Quia propter. Nam magis expedit, ut si fieri possit, iura consuecuerint, quàm ut eorum correctio inuehatur. In casu autem proposito iura consuecuerint possunt, si videl. dicamus, formam traditam in c. cum dilectus, esse veluti mixtam ex scrutinio, & compromisso, seu ex utraque participantem.

Sed queritur: Vtrum sit potius, forma scrutinij an compromissi? Respondeo: spectata principali intentione, est potius compromissum, uti notauit Ioann. Monachus, n. 9. & colligitur ex textu huius c. Potest autem compromissum fieri vel absolute, vel limitatè, siue cum certa conditione, quæ obseruari debeat, videl. in proposito, ut inquisitis secretò singulorum voluntatibus, &c.

CAPI-

rum, si actor, qui manifestum defectum obiecerat, eo reiecto seu reuocato, alijs infestare permittatur.

NOTANDUM Vn. *Mutare consilium quis non potest, in alterius detrimentum, vti etiam habetur in reg. 33. hoc lib.*

Sed querit hic Gl. ver. pœnitere: Quid si aduersarius, siue electus consentiat, vt ad defectum manifestum, quem actor obiecerat, ostendendum nonteneatur, vtrum reuocatio à Iudice necessarîo admittenda sit. Responsio est negatiua: Quia, vt controuersia citò expediatur, & ecclesiæ Prælati idoneus provideatur, expedit ante omnia examinari, vtrum defectus manifestus, qui obiectus fuerat, in electo reperiatur, necne. Ex quo satis colligitur, rationem, quæ in textu afferatur de præiudicio electi, non esse adæquatam: quia eo etiam cessante, si videl. electus huic suo iuri & commodo renuntiet, constitutioni locus erit. Quia agitur hic etiam de iure publico, cui priuatis pactionibus renuntiare nequit.

CAPITVLVM XXXII.

Exco.

PARAPHRASIS.

Quidam ecclesiæ Cathedralis Canonicus, in pupillari ætate constitutus, vocatus non fuit vnâ cum alijs Canonicis ad electionem Episcopi: Quæsitum fuit, vtrum de contemptu conqueri, & idcirco electionem se absente impugnare possit. Negando respondet Bonifac. VIII. Quia nec iura, nec ratio permittit, vt is, qui plenam rationis discretionem consecutus non est, ad præstandum in electione suffragium admittatur.

SUMMARIUM.

1. *Iure antiquo etiam pupillum, modo infantiam excessisset, capax erat beneficij ecclesiastici: iure autem nouo Trident. nemo ante decimum quartum annum inhabilis.*

2. *In Religionibus ad spiritualia opera institutus nullus admitti debet ad electionem, nisi expressè, vel tacite professus. Neque laici conuersi cum Clericis, nisi diuturna consuetudo aliud prescripserit.*

NOTANDUM. Pupillus, id est, minor xiv. annis modò infantia excesserit, iure antiquo beneficium ecclesiasticum consequi, imò Canonicus, etiam ecclesiæ Cathedralis, esse poterat: sed ad Capitulum talis nō admittebatur, quòd rationis maturitatem consecutus non esset. Ita docet Gl. inc. si eo tempore, 9. de rescriptis, hoc lib. ver. etatē. Postea verò Innocent. VIII. reg. 17. Cancellar. statuit, vt ad præbendam canonicalem in ecclesiâ Cathedrali nemo admittatur, nisi decimum quartum ætatis annum compleuerit, neque ad canonicatum ecclesiæ Collegiatæ, nisi saltem annum decimum exegerit. Idque adeò, vt neque prouisio, aut mandatum de prouidendo personæ dictam ætatem non consecutæ à Sede Apostolicâ recipiendum sit, nisi expressa mentio fiat, non obstantē minoræ ætate prouidendum esse.

Denique verò in Concilio Trident. sess. 23. c. 6. de reformat. generatim constitutum est, vt nullus, quamuis primâ tonsurâ initiatus, aut in minoribus ordinibus constitutus sit, beneficium ecclesiasticum ante decimum quartum ætatis annum obtinere possit. Id verò Cardinales eo loco declararunt accipiendum esse de anno decimo quarto cæpto. Vide quæ scripsi lib. 4. Theol. moral. tr. 2. c. 14. edit. 2.

s. In ecclesiis.

IN ecclesiis regularibus, aut Monasterijs, qui religionem seu expressè, seu tacite professi non sunt, cum professi ad electionem admitti non debent: sed neque laici conuersi vnâ cum Religiosis clericis electioni interesse debent.

Pro intellectu huius s. aduerte, quòd aliquæ Religiones ad spiritualia opera institutæ sunt, quorum professi præcipui clerici esse debent; Aliquæ verò Religiones ad opera

temporalia in bonum ecclesiæ præstanda constituantur, ut militares, hospitales. De illis ait hic Bonifac. quod eorum laici cōuersi, tametsi & ipsi veri Religiosi sint, si tria substantialia vota secundum Ordinem regulam edant, ut dixi lib. 1. tr. 5. p. 2. c. 9. n. 4. tamen ad electionem, & alios actus Capitulares vnā cum professis admittendi non sint. Excipe eum Innoc. in cap. 2. de Institut. Gl. hic ver. electionibus, nisi in aliquo Monasterio per diuturnam consuetudinem ius Capitulare præscripserit. Neque enim huic præscriptioni obstat c. Massana, § 6. extra, hoc tit. vbi. reprobatur consuetudo hanc, si laici vnā cum clericis electionem faciant. Id enim intelligi debet de laicis secularibus, non de laicis Religiosis: nam in hos, tanquam personas ecclesiasticas, ius eligendi cadere potest.

De alijs verò Religiosis ait hic Bonifacius, quod laici electionem Prælati facere possint, dummodò seu expresse, seu tacite Ordinem professi sint: Alij autem non professi repelluntur.

CAPITVLVM XXXIII.

Si postquam.

SUMMARIVM.

1. Si contra electionem in Cathedrali, vel regulari ecclesia in scriptis ex causa probabilis appelletur ad Papam, & Ordinarius pendente appellatione ad confirmationem procedat, ea invalida est, nisi appellans ab appellatione recesserit.
2. Appellatio facta ante sententiam definitiuam non impedit processum in causa.
3. Electum appellans non tantum venire ad curiam Romanam debet, sed ibidem electionis negotium vsque ad finem prosequi. Ita decernit c. cupientes, supra eod.
4. In omni lege, etiam penali, attendenda mens legislatoris, & non præcisè eius verba.
5. Idem c. cupientes, decernit, quando ap-

pellatur à confirmatione, vel alia provisione.

6. Ob identitatem rationis extenditur etiam lex penalis, si casus specificus exempli loco adductus fuisse appareat, & dispositionem in alijs similibus locum habere.

Si contra electionem in ecclesia Cathedrali, vel regulari, cuius confirmatio ad Ordinarium pertinet, videl. Archiepiscopum, vel Episcopum, ad Sedem Apostolicam ex causa probabilis (quæ si probetur, iusta reputari debet) in scriptis appelletur, & Ordinarius nihilominus procedat ad confirmationem, ea irrita est; præterquam si appellans ab appellatione recesserit.

Notat autem hic Gl. ver. ad Sedem Apostolicam; post Ioan. Monachum, n. 1. esse id specialiter constitutum in casu isto electionis ad Cathedralē, vel regularem prælaturam si ad Sedem Apostolicam extra, vel intra iudicium appelletur. Nam alioquin appellatio facta ante sententiam definitiuam non impedit, quò minus valeat in causa procedi possit, atque expectari, nam Superior, ad quem appellatur, cognita veritate, acta rescindere velit, & non solum; §. illa, de appellat. hoc lib.

S. Si verò electus

Si electus in ecclesia Cathedrali, vel Regulari, qui propter immediatam subiectionem, vel appellationem ad Sedem Apostolicam, eò se personaliter intra mensem conferre cogitur, iuxta constitut. Nicolai III. in c. cupientes, § 6. hoc lib. & tit. Si inquam, is veniat quidem ad Curiam Romanam, electionis negotium prosecuturus, sed inde recedat, antequam causa finita sit, iure electionis per dictam Constitutionem cupientes, priuatur celsari debet. Quamuis enim ea, si verba præcisè spectentur, puniat tantum non venientem, tamen, si mens legislatoris, quæ ex fine cognoscenda est, attendatur, statim apparet, perinde esse, si quis veniat quidem, sed non maneat. Nam paria esse iudicantur

antur, non venire, & cum veneris, non expectare, c. certum, 43. causa 11. q. 3.

NOTANDVM Vn. Vniuersum in omni lege, etiam poenali, præcipue attendi debet ad mentem legislatoris, & non præcisè ad verba, quibus usus est. Alioquin fraudem committimus in legem, si verba eius amplexi, contra rationabiliter intelligendam legislatoris voluntatem nitamur. Non dubium, C. de legibus. Vide quæ dixi lib. 1. tract. 4. c. 18. num. 4.

s. Cùm autem.

Amertsi in cit. c. *Cupientes*, solum mentio facta sit electionis, tamen etiam de confirmatione (si videlicet aduersus confirmationem electi, aut contra provisionem, quæ ob eligentium negligentiam deuoluta erat, ad Sedem Apostolicam appelletur) intelligi debent, quæ ibi de veniendo, & mittendo ad Curiam dicta sunt.

NOTANDVM Vn. Ob identitatem rationis extenditur etiam lex poenalis, si appareat, casum specificum veluti exempli loco adductum fuisse, dispositionem veluti etiam in alijs similibus locum habere. Cuiusmodi interpretatio in dubio à Principe fieri debet, cuius etiam est legem condere, vti constat ex l. 9. & seqq. C. de legibus, & c. inter alia, § 1. de sent. excom. ibi, *ut vnde ius prodierit, interpretatio procedat.*

CAPITVLVM XXXIV.

Cùm ex eo.

PARAPHRASIS.

Gregor. X. in Concil. Lugdunensi, c. licet canon. 14. hoc lib. & tit. decreuit, vt promotus ad ecclesiam parochialem intra annum à die adeptæ possessionis sacerdotium suscipere, & personaliter residere teneatur; alioquin, si intra id tempus promoueri neglexerit, absque alia monitione priuatus existat. Verùm, cùm ob hanc Constitutionem aliqui ecclesias parochiales accipere recusarent, Et cùm multi Cle-

rici essent, quibus nec patrimonium, nec beneficia alia suppeterent ad studendum, docendumq; in scholis, quod in magnam iacturam ecclesiæ vniuersalis cedere videbatur: quandoquidem ea ad fidelium instructionem ac regimen viris literatis quàm maximè indigeret: His rationibus motus Bonifac. VIII. ac volens iuuare eos, qui in scientijs proficere desiderant, præfenti Constitutione permittit, vt Episcopi, ac similes Prælati cum obtinentibus ecclesias parochiales dispensare possint ad septennium, causâ studij literarum in quacunque facultate, secundum Gloss. ver. *literarum*. Debent tamen intra annum à tempore obtentæ parochiæ numerandum, subdiaconatum suscipere; alioquin priuati sunt, si culpâ suâ neglexerint.

SYMMARIVM.

1. Episcopus & similes Prælati dispensare possunt cum obtinentibus ecclesias parochiales sibi subiectas, quod vsque ad septennium studendo, non teneantur ad sacerdotium promoueri: modo idonei sint ad studia, vsq; absolutis magnum in ecclesia fructum promittant.
2. Et habet hæc facultas dispensandi etiam locum in beneficijs simplicibus v. g. Canonici. imò in ijs ea facultas ultra septennium extendi potest.
3. Durante septennio debet in beneficijs curatis, & ijs, quæ personale seruizium requirunt, vt Capellania, idonæ Vicarius constitui, cui congrua sustentatio ex prouentibus ecclesiæ designetur.
4. Elapso septennio debet dispensatus intra annum sequentem promoueri ad sacerdotium.

NOTANDVM I. Magnus in iure studiorum fauor est, & multa priuilegia studentibus concessa propter vtilitates, quæ exinde in ecclesiam proueniunt. De his vide Horatium Lutium tract. de priuileg. Scholarium.

NOTANDUM II. Episcopus hac dispensandi facultate uti non debet, nisi cum idoneis ad studia, de quibus spes esse potest, quod post absoluta studia vberioris ecclesie fructus allaturi sint, quibus compensetur iactura, si quam ecclesia, in qua instituti fuerunt, ex eorum absentia patiatur. Ita Ioan. Monachus, n. 1. Gl. ver. literarum.

QVÆRITVR: Vtrum facultas ista dispensandi, in fauorem studiorum concessa, locum etiam habeat in beneficijs simplicibus, v. g. ² canonicatu. Responso est affirmatiua, sumpta ex c. tuz, 1. 2. de clericis non residentibus, vbi id tradit Abb. num. 6. Quod facultas dispensandi Episcopis concessa, vt causâ studiorum Parochus in absentia fructus accipere possit, ob maioritatem rationis, locum etiam habeat in beneficijs simplicibus. Imò arbitror, de hac re in beneficijs simplicibus nunquam dubitatum fuisse, cum id ecclesie praxis confirmaret, vti etiam colligitur ex c. relatum, 4. de clericis non residentibus, & supponitur in Trident. sess. 7. cap. 12. de reformat. iun. Gl. margin. Quare Rebuffus de priuileg. Scholarium, summar. 1. num. 9. vniuersim ait: Qui studet, dicitur ecclesie seruire: studet enim, vt postea ecclesie melius seruiat, eamque protegat. Et Horatius in cit. tract. priuileg. 100. Quod absens studiorum causa pro residente habetur, id eoque fructus percipere possit: quia studens censetur laborare pro commodo totius Ecclesie.

Neque opus est, vt hanc dispensandi licentiam in beneficijs non curatis intra septennium coarctemus; sed quamdiu Episcopo visum fuerit ecclesie expedire, eam extendere poterit. Quam ob causam dixi in lib. 4. The. moral. edit. 2. tr. 2. c. 14. num. 1. ver. Quæstio hoc loco, nihil contra Trident. Concilium agi, si Episcopus, vel Capitulum Cathedrale suæ ecclesie canonicatus conferat adolescentibus, modò 14. ætatis annum ingressi sint, qui interea studijs operam nauent, donec ætatem consequantur, vt suscepto ordine sacro ad Capitulum etiam admittantur.

Dicit aliquis: Cur ergo in c. vlt. de Magistris studiosis tantum Theologie ad quinque-

nium cōceditur, vt fructus suorum beneficiorum percipere possint. Respondeo, eum Gl. ver. de licentia; Esse illud generale priuilegium iuris directè concessum studiosis, vt sine alia dispensatione, ab Episcopo impetrata, eo frui possint.

s. Porro.

Interim dum Parochus super residentia; dispensatus, in studijs versatur, bonus, & ad hoc munus sufficiens Vicarius deputandus est, congrua ipsi ex ecclesie prouentibus portione designata.

QVÆRITVR: Quod in hoc c. requiritur, vt loco parochi absentes Vicarius constitutur, num etiam accipiendum sit de alijs beneficiatis non curatis, si studiorum causa absint. Responso est negatiua apud Abb. in cit. c. tuz, de clericis non resident. n. 6. Quandoquidem iura id non exigunt, nisi in beneficio curato. Sed limitanda est hæc doctrina Abbat. Nisi tale sit beneficium, quod ex propria institutione personale seruitium præstandum habeat, vt capellania in certo altari constituta.

s. Elapso.

Post elapsum septennium, debet Parochus super sacris Ordinibus, excepto Subdiaconatu, dispensatus, intra annum sequentem diaconus & sacerdos fieri; alioquin incurrit penam, c. licet canon; nisi causa iusta eum excuset.

CAPITVLVM XXXV. Commisssa.

PARAPHRASIS.

Aliquis ad parochialem ecclesiam promotus, per negligetiam distulit sacerdotium accipere, vt appareret, intra eum annum promotum non iri; vtrum statim cum hoc apparet, parochia priuatus censeri debeat, ita vt alteri, etiam eo nolente seu non cedente, conferri queat: Respondet Bonifac. Non prius priuatum esse, quam annus integer elapsus fuerit.

SYMMARIUM.

1. *Ut Rector ecclesie parochialis, non promotus ad sacerdotium, penam priuationis incurrat, requiritur, ut annus, elapsus septennio integer sit completus.*
2. *Pœna legalis statuta ex non facto intra certum tempus, non incurritur, nisi illud tempus integrè sit elapsum.*
3. *Et annus ille non currit legitime impedito.*
4. *Non promotus si eâ conditione acceperat parochiam, ut fructus interea perciperet, postea eam dimissurus, teneretur ad restitutionem ipsorum, & in defectum huius promouens, qui eâ mentis contulit, ecclesiam debet seruare indemnem.*

2. **NOTANDUM** Vn. Pœna legalis statuta, nisi intra certum tempus aliquid factum fuerit, non incurritur, antequam integrè elapsum sit. Hac de re dixi in lib. 3. Th. moral. tr. 4. c. 16. n. 12.

s. Annus.

Tempus enim, intra quod promotus ad parochiam sacerdos fieri debet sub pœna priuationis, currit à die habitæ possessionis pacificæ, aut si per prouisum steterit, quod minus eam consequatur. Sed tempus hoc anni non numeratur, dum aliquis legitime impeditus est sacerdotium consequi.

3. **NOTANDUM** I. Prouisus, possessionem non consecutus, excusare se non potest, si per eum steterit, quod minus consequatur. Ita etiam habetur in c. licet, 28. de præb. hoc lib.

Sed **QVÆRIT** hic Gl. primo: Quid si prouisus non omnium reddituum sed partis tantum possessionem nactus sit, tenebiturne ad sacerdotium promoveri? Et bene respondet affirmatiuè, si liberum curæ exercitium habeat. Vide Gl. in c. Si tibi concessio, 26. hoc lib. de præb. in fine.

QVÆRITUR secundo: Quid si statim post adeptam possessionem parochiæ, lis illi moueatur, curritne illi tempus anni? Respondet, Quod non: Secus est, si aliquam-

diu, videl. vno, aut altero mense, pacificè possedit, & postea illi lis super parochia mota fuit.

NOTANDUM II. Tempus statutum non currit legitime impedito, si agatur de pœna, aut quasi pœna incurrenda. Ita etiam habetur suprâ hoc lib. & tit. c. quàm sit, 6. in fine, & dixi ibi.

Ob eam causam monet hic Gl. ver. iusto impedimento, consultum esse, ut parochus, qui ordinationem ultra annum distulit, prius vocetur & audiatur, quàm parochia eius, tanquam ipso iure vacans, alteri conferatur: cum ille excusationem iusti impedimenti afferre possit, & ideo collationem alteri factam rescindere.

s. Cæterum.

Si quis parochiam acceperit, animo non suscipiendi sacerdotium intra annum, sed fructus interea percipiendi, parochiam postea dimissurus, is, nisi voluntatem fraudulentam mutet, ad perceptorum fructuum restitutionem obligatur. Hanc constitutionis partem plenè explicauimus lib. 4. Th. moral. tr. 2. c. 14. n. 9. & 10.

§. Illum.

Qui parochialem ecclesiam alieni confert, sciens, quod non habeat intentionem sacerdotium intra annum suscipiendi, præter diuini Numinis offensam, etiam obligationem erga ecclesiam contrahit, ut eam indemnem seruet. Id verò Gl. ver. indemnem, non malè intelligit in defectum parochi fraudulentum, vti si non restituat fructus, quatenus ecclesia læsa est, talis obligatio redundet in promouentem, quippe qui particeps est commissæ fraudis.

CAPITVLVM XXXVI.

Si Abbatem.

SYMMARIUM.

1. *Abbas eligitur in Episcopum, sed trans-*
Hhh 3 *ire*

ire non potest sine licentia Papa vel Legati à Latere, si exemptus est, proximi autem Superioris, videlicet Episcopi, si exemptus non est.

4. *Episcopus ad alium Episcopatum postulari debet, eligi non potest.*

confirmare potest. At verb alij Legati, seu Nuncij, non à latere, sine speciali commissione id agere haud possunt. De hac re dixi lib. 1. tr. 4. c. 7. §. 6. n. 22.

CAPITVLVM XXXVII

Si Compromissarius.

SYMMARIVM.

1. **A**bbas Sedi Apostolicæ immediatè subiectus, licet in Episcopum eligi possit, tamen monasterium deferere, & ad aliam ecclesiam transire ei non licet, nisi à Pontifice, vel Legato à Latere, si in prouincia sit, licentiam acceperit.

2. **NOTANDVM** Vn. Abbas, sicuti & alius Religiosus, ad Episcopatum eligitur: Episcopus autem ad alium Episcopatum postulari debet. Ita docet Gl. hñ. Nam sacri canones prohibent Episcopum ad alium Episcopatum transferri, nisi Sum. Pontifex dispense, à quo talis translatio postulari debet, e. inter corporalia 1. & c. ult. de translat. Episcopi. At verb alijs Prælati Episcopo inferioribus etiam regularibus permittunt sacri canones, vt à sua ecclesiâ translati, ad Episcopatum assumantur, vti constat ex c. nisi, 10. prope finem, de renunt. quummodo licentia eius Superioris, cui subiecti sunt, acceperit. Aliud est autem licentiam dare, & aliud in lege dispensare, vt explicauimus lib. 1. tr. 4. c. 22. n. 1. ver. Tertio.

Corollarium. Licentiâ assentiendi electioni, & transeundi ad Episcopatû, aliâque prælaturam petere debet Abbas à proximo suo Superiore, videl. ab Episcopo, si exemptus non est; à Papa verò, vel Legato eius à latere, si exemptus ac Sedi Apostolicæ immediatè subiectus. Ita Ioann. Monachus n. 1. vbi addit, si Sedes Episcopalis vacet, Capitulum talem licentiam dare posse.

§. Huiusmodi.

Legatus à latere, seu Cardinalis, cum post Romanum Pontificem maximam potestatem habeat in prouincia, ad quam missus est, Archiepiscoporum, Episcoporum, & exemptorum Prælatorum, electiones ex officio

1. *Si Compromissarius vnus vel plures non eligunt intra tempus iuris potestas prouidendi ad proximum Superiorem deuoluatur.*
2. *Si eligant, sed indignum, vel electum acceptare nullis, reddit ad compromittentes.*
3. *Et ipsi soli eligentes à beneficijs ecclesiasticis per triennium suspensi sunt: Compromittentes autem tunc solum, quando id scienter ratum habuerint.*
4. *Papa tamen hac suspensionis non habet locum in Episcopo compromissario.*
5. *Neque in electione inferiorum Episcoporum.*
6. *Capitulares si in electione hac inferiorum Episcoporum eligant indignum, electio probabiliter ipso iure irrita est, ab eo, vt potestas eligendi deuoluatur ad alios non delinquentes.*
7. *Restringitur etiam hac pena ad beneficia, qua elector possidet in ea ecclesia, quam per indignam electionem offendit.*

Si Compromissarius vnus, vel plures ad eligendum Episcopum constituti intra tres menses à die vacationis numerandos eligere culpabiliter intermittant, potestas prouidendi ad proximum Superiorem deuoluatur. Quare sibi imputare debent compromittentes, quod eligendi potestatem in talem, vel tales personas contulerint.

§. Si verò.

Sin autem Compromissarius, aut Compromissarii eligant indignum, seu scienter

terid egerint, seu ignoranter eligendi potestas ad compromittentes reuertitur. Idemque dicendum, si electus acceptare noluit.

Prima pars huius §. Si Compromissarii indignum Episcopum scienter eligant, quod potestas eligendi ad Capitulares redeat, inde probat Bonif. Quia æquum non est, ut dolus Compromissariorum ijs, qui in culpa non sunt, imputetur. Cæterum, si electionem indigni ratam habuerunt, tum perinde est, ac si eam fieri mandasset: id eoque pœnas priuationis, ac suspensionis incurrunt, iuxta reg. 10. hoc lib. *Ratihabitionem, ratihabiti, & mandato non est dubium comparari.*

Sed Quidam: Cur in priore casu negligentiam Compromittentium luere debent Capitulares; non item in posteriore casu? dolum eligentium indignum. Respondeo: Si quid, quod mihi incumbit faciendum, alteri committam, & ille negligat, eius negligentia seu omissio mihi nocet, l. si procuratorem; §. si tutores, ff. mandati. At vero dolus mandatarii, cum in committendo consistat, domino aut principali obesse non debet, si is extra culpam est, l. vlt. C. de Procuratoribus. Quare inquit Ioan. hic n. 1. Hostiensis n. 3. *Procurator obest domino in omittendo, non in committendo.*

Posteriorem partem huius §. Si compromissarii indignum ignoranter elegerint, non posse eos ad aliam electionem procedere, sed eligendi potestatem redire ad Compromittentes, inde probat Bonifac. VIII. Quia electio ipsius commissa est pro vna vice: si igitur semel elegerunt, siue bene, siue male, cum officio suo functi sint, non possunt iterum sine noua commissione eligere.

3. Pœna si Compromissarii indignum elegerint, à beneficiis ecclesiasticis per triennium suspensus est, iuxta Concil. Lateranense, c. cum in cunctis, 7. extrà, hoc tit. Hanc verò pœnam non incurrunt compromittentes: nisi electionem ratam habuerint: Quia alioquin æquum non est, ut innoxij alienam culpam luant: cum pœna suam auctorē tenere debeat. In seqq. §§. sequuntur restrictiones electæ pœnæ.

PRIMA. Si Compromissarius, qui indignum elegit, Episcopus sit, non incurrit suspensionem, propter e. quia periculosum, 3. de sent. excom. hoc lib. ubi decernitur, ut Episcopi nullam interdicti, aut suspensionis censuram incurrant, nisi de ipsis expressa mentio fiat.

ALTERA. Pœna hæc suspensionis per triennium ab ijs tantum incurritur, qui Episcopum indignum eligunt: Non autem locum habet in aliorum Prælatorum, aut beneficiariorum electionibus. Ratio est: Quia in c. cum in cunctis, tantum mentio fit de electoribus Episcopis: ergo cum pœnalis constitutio sit, non debet ea extendi ad alios electores: Præsertim cum Episcopi electio maioris momenti sit, id eoque grauius puniri debeant, qui in ea delinquant, eligendo indignum. Quæ est communis D. D. explicatio, cum Gl. in c. quamquam 18. hoc lib. & tit. ver. secus:

Sed hinc exoritur quæstio non satis explicata: Si Capitulares ad inferiorem prælaturam aut dignitatem eligant indignum; vtrum electio ipso iure irrita sit, & ad alios non delinquentes eligendi potestas deuoluatur. Est, qui negantem partem tenet, quia ex hoc c. & toto contextu c. cum in cunctis, aperte constat, pœnam priuationis & suspensionis à beneficijs decretam ibi esse duntaxat in eligentes indignum ad Episcopatum: ergo transferri non debet ad alios. Sed contrarium docet Gl. in cit. c. quamquam, ver. secus, & ver. in inferioribus; & indicat Imola in cit. c. cum in cunctis, §. Clerici, n. 1. Licet pœna suspensionis in electionibus non episcopalibus, sed inferioribus locum non habeat, tamen priuationis pœnam locum habere, vti aperte colligitur ex c. dudum 22. extrà, hoc tit.

Respondeo & Dico I. Pœna tum priuationis tum suspensionis à beneficiis in cit. c. cum in cunctis, duntaxat lata est contra scienter eligentes personam indignam ad Episcopatum: Hæc est communis, quam ibi notat Ioan. Andr. ver. Episcopum Abb. §. Clerici, n. 28.

Dico II. Certum esse debet, quod Canonici aut quicumque Capitulares si indignum elegerunt

elegerunt aliquam dignitatem, à Superiore pro ea vice privati possint. Ita aperte colligitur ex cit. c. dudum, propter finem. Quare rectè monent DD. apud Gloss. fin. in cit. c. quamquam, quòd Episcopus alium instituere possit in Abbatem, si Monachi indignum eligant.

- 6 Dico III. Valde etiam probabile est, quòd eligentes indignum in inferioribus dignitatibus, ipso iure irrita sit, adèd vt tota eligendi potestas in alijs non delinquentibus resideat. Colligitur ex c. perpetuè 7. hoc lib. & tit. & tradit Gl. in c. dudum, ver. in ordinibus, argum. eius textus, in quo electio in Præpositum, quæ à minore & saniore parte Capituli facta erat, dicitur confirmanda: quæ tamen non confirmaretur, nisi alijs privati essent.

Ad fundamentum contrariæ sententiæ Respondetur: Verum esse, quod in c. cum in cunctis, pœna priuationis, sicut & suspensionis statuitur tantum contra electores ecclesiæ Cathedralis, non tamen inde per contrarium sensum argumentari licet, in alijs pœnam illam priuationis locum non habere: quando oppositum expressè in iure decusum est, videl. cit. c. dudum. Si autem petas: Cur pœna hæc priuationis statuitur contra omnes electores indigni: non item pœna suspensionis? Resp. Quia spectatà rei naturà pœna priuationis quodammodo debita est electoribus indigni: tum vt in eo puniantur, in quo deliquerunt: tum quia, saltem pro ea vice, propter præsentem malignam affectionem, non satis dispositi censentur ad bonam, & ecclesiæ vtilem electionem faciendam.

- 7 TERTIA. Suspendio à beneficijs per triennium intelligitur tantum de ijs, quæ elector possidet in ea ecclesia, quam per indignam electionem offendit. Quamobrem, quod dictum est in c. 1. in fine, hoc lib. & tit. Quòd deficiens in probatione eorum, quæ contra personam electi, postulati, aut prouisi obiecerat, à beneficijs per triennium suspensus esse debeat, similiter de ijs tantum intelligi oportet, quæ in eadem ecclesia obtinet.

CAPITVLVM XXXVIII.

Procurator.

SUMMARIUM.

Procuratorem constituere potest appellans contra eum, qui oppugnare vult electionem; debet autem in procuratorio mandato omnia specificè exprimere, qui contra formam, vel personam obijcere vult.

Qui electionem, postulationem, aut prouisionem alicuius oppugnare vult, contra eum ad Superiorem appellans, procuratorem constituere non prohibetur: Sed necesse est, vt in procuratorio mandato omnia specificè exprimantur, quæ seu contra formam, seu contra personam obijcere vult, qui appellat: alioquin procurator admittendus non erit. Debet autem Procurator speciale mandatum habere de præstando corporali iuramento in animas eorum, quorum procurator est, quòd ipsi credant ea, quæ expressa sunt, vera esse, atque probari posse. Quare vides, quòd e. istud declarationem continet c. vt circa 4. eod. lib. & tit.

CAPITVLVM XXXIX.

Si confirmationem.

SUMMARIUM.

Cassata confirmatione, aut cassata declaratio ex aliqua causa, non ideo etiam electio, si canonicè peracta est, cassata est.

Si accidat confirmationem, ex aliqua causa cassari, aut irritam declarari, non ideo etiam electio, si canonicè celebrata fuerat, infirmari debet.

Ratio est: Quia vtile ab inutili non vitatur, si vnum ab altero diuidi possit, vti docent DD. in reg. 37. hoc lib. Neque naturæ rerum congruit, vt accessorio destructo etiam fundamentum corruat, sed fundamento ruente, necesse est etiam accessorium cadere. Atqui electioni, tanquam fundamento, accedit confirmatio: ergo si confirmatio inutilis sit, non ideo

ideo electio corrumpit: Sin autem electio iustis sit, confirmatio eius nulla erit.

CAPITVLVM XL.

Quia scpe.

SYMMARIVM.

1. Si Capitula, Conuentus, Collegia, & persona eorundem singulares occupent bona à Prælato relicta, aut sede vacante obuenientia, donec plenè restituant, ab officio, & quibuscunque beneficiis sunt suspensi, non obstant quocunque privilegio, statuto, vel consuetudine.
2. Proventus etiam, qui sede vacante obueniunt, ad Capitulum non pertinent, nisi ratione iurisdictionis ab eo exercita acquirantur.

Capitula, Conuentus, Collegia, & personæ eorundem singulares, si aliquid ex bonis à Prælato antecedente relicto, aut sede vacante obuenientibus occupent, inter se diuidant, surripiant, vel absumant, suspensi manent ab officio, & quibuscunque beneficiis, donec plenè restituant, quod acceperunt: Idque non obstat quacunque consuetudine, statuto, aut privilegio. Ratio huius Constitutionis est, quæ in præmio affertur: quia bona à Prælato antecessore acquisita, vel sede vacante proueniètia, ad prælaturam pertinent: quæ vel in ecclesiæ eiusdem utilitatem conuertitur, vel futuro successoris relinqui debent, atque interim ab ecclesiæ Oeconomo, vel, si alius administrator deputatus est, cõseruari.

3. Sed dubitare aliquis potuit: Numquid ij prouentus, qui sede vacante ratione iurisdictionis, & sigilli obueniunt, ad Capitulum pertinere debent, si interim iurisdictionem exerceat? Videtur enim affirmandum, propter iuris reg. 55. hoc lib. Qui sentis onus, sentire debet commodum, & contrà. Præterea fructus debentur iurisdictioni tanquam accessorij: ergo qui iurisdictionem exercet, etiam fructus inde prouenientes habere debet. Sed his non obstantibus, contrarium expresse responsum fuit à Clem. V. Clem.

ina penult. de elect. Ratio reddi debet: Quia Capitulo, ratione obligationis, & connexionis, quam habet ad ecclesiæ, & cum Capito ecclesiæ, eius bona tueri debet, non perdere: Quemadmodum simili ratione mater, atque agnati proximi ratione coniunctionis cura pupillo, eius bona ex pietatis lege administrant, non percepto inde emolumento. Ad reg. 55. respondeo: Eam locum non habere, si onus ex propria institutione, aut natura rei annexum est alicui officio, sine comodo: Vti patet in tutela, præsertim legitima; item in mandato, quod gratuitum esse debet, l. i. ff. mandati. Ita tamen, vt eiusmodi officia damnoſa non sint, sed expensæ omnes repositi possint.

Ad alterum respondetur: Si quis nomine suo iurisdictionem exerceat, prouentus inde prouenientes accipere ipse potest: sin autem nomine alieno, ipsi referuare debet. Atqui Capitulum, sede vacante, iurisdictionem exercet non nomine ecclesiæ, tanquam eius tutor, administrator, conservator: Ergo non sibi bona attribuire, sed ecclesiæ relinquere, & successoris referuare debet. Sed excipitur in dicta Clement. penult. Nisi quedam singulares personæ sint, quibus ratione dignitatis suæ (quia v. g. sunt Præpositi, aut Decani ecclesiæ) iurisdictione sede vacante ex consuetudine, statuto, privilegio, ita competit, vt interim fructus ex eadem iurisdictione prouenientes ipsimet retineant. Talis consuetudo reprobatã censeri non debet. Vnde etiam c. vlt. de offic. Ordinarij, hoc lib. & tit.

CAPITVLVM XLI.

Constitutio.

SYMMARIVM.

Quæ in decretis, vt circa 1. hoc tit. & lib. præscripta sunt circa appellationem contra prouisionem alicuius, solum in extrajudicialibus locum habent; in iudicialibus antiqua iura seruanda sunt.

Quæ à Gregorio X. c. vt circa, 4. hoc tit. & lib. præscripta sunt, vt obseruentur ab appellantis contra electionem, postulationem

tionem, vel prouisionem alicuius, accipi debent duntaxat de appellatione extra iudiciali: Sin autem in iudicio appelletur, procedendum est secundum iura antiqua.

Contra hanc responsionem obijcitur. Vbi eadem est ratio dispositionis, ibi idem ius esse debet: sed ratio, quæ mouit Gregor. X. in cit. c. vt circa, ad nouam formam præscribendam appellationibus, vt via malitiis hominum præcludatur, æquè locum habet in appellatione intra iudicium, quàm extra iudicium: Ergo idem de vtroque statutum videri debet. Respondetur cum Gl. marginali, in hoc c. Quòd lex exorbitans, sicuti & pœnalis, aut alia quæ strictè interpretationis est, propter similitudinem rationis in ea expressæ extendi non debet ad similia, nisi necessitas aliqua cogat: Quia correctio iurium, quatenus fieri potest, vitanda est, c. cum non expedit, 29. hoc lib. & tit. l. præcipimus, C. de appellat. Ita colligitur ex hoc c. & docui lib. 1. Th. mor. tr. 4. q. 18. n. 9. in fine.

Prælati potestatem habeat, cum eos successori referre, idè què rationem reddere debeat, vt hic Ioan. Andr. annotauit: attamen in administratione, & iurisdictionis exercitio æquiparatur Prælato: Imò aliquantò maiorem potestatem habere videtur in administratione, quippe plenam ac liberam, quàm an Episcopus habere censeatur, non satis liquet: vt hic videre licet in Gl. ver. & libera. Nam alienatio rerum mobilium pretiosarum tali administratori concessa videtur ex iusta causa, secundum Gl. hic ver. immobilia: Ea tamen Prælati interdici est, c. nulli, de rebus eccles. alien. vel non.

Porrò non solet facile Pontifex generalem administratorem cum libera ecclesiæ Cathedrali statuere, nisi Capitulum, cui aliam administrationem competeret, suspectum ipsi sit: ita vt etiam ad electionem noui Episcopi in tali casu procedere non debeat: cum Papa prouisionem ad se reuocare censeatur. Vide Gl. hic, ver. confirmatus.

CAPITVLVM XLII.

Is cui.

SUMMARIVM

Qui habet plenam administrationem ecclesiæ Cathedralis vacantis, omnia iurisdictionalia exercere potest, non autem ea, quæ ordinis episcopalis sunt, nisi Episcopus sit.

Qui vacantis ecclesiæ Cathedralis administrator, cum plena ac libera potestate constitutus est à Sum. Pontifice (cuius id proprium est) ille omnia, quæ iurisdictionis Episcopalis existunt, & quæ electus ac confirmatus Episcopus potest, liberè exercere valet: excepto quòd immobilia bona ecclesiæ alienare nequit. Illa verò, quæ ordinis Episcopalis sunt, si ipsemet Episcopus non sit, per alium consecratum Episcopum expedire debet.

NOTANDVM Vn. Administrator generalis cum libera, à Pontifice constitutus alicui ecclesiæ, licet in fructibus non eamquam

CAPITVLVM XLIII.

Indemnitatibus.

SUMMARIVM

1. *Monialis non admittitur ad electionem, nisi duodecimum annum compleuerit, & tacite vel expresse professionem ediderit: Abbatisa autem, vel Priorissa, nisi trigessimum, & insuper expresse professæ fuerint.*
2. *Iure nouo Trident. Moniales hodie non possunt ad electionem admitti, nisi completo XV. Karatis anno, post completum annum XII. pella habitum regularem suscipere possunt, ante admissionem autem ad professionem debet examinari de proposito liberè proficiendi.*
3. *Eodem iure Trident. Abbatisa, vel quacunq; Monasterij præfecta eligi non potest, nisi quadragesimum, aut in quibusdam casibus trigessimum annum compleuerit.*
4. *Electa à duobus partibus, cum per scriptum*

- sinium proceditur, promisso examine, non obstanti quacunque contradictione alterius partis, à Superiore confirmari debet, & benedici, si Abbatissa sit.
8. Publicato scrutinio, antequam ad actus extraneos se diuertant, possunt suffragium mutare, & accedere ad illam, quæ à maiore parte electa, est.
 9. Si per accessum aliarum duæ partes compleantur, ita electa confirmetur, & benedicatur, ut n. 4. dictum, ita tamen, ut post benedictionem & professionem acquisitam locum adhuc esse possit obijcien-
dia per modum denunciationis, vel ac-
cusationis, ob quæ ab officio amouen-
da sit.
 10. De obiectis contra electam à maiori par-
te, quæ tamen duas partes nec per acces-
sum habet, absque strepitu iudicario in-
quiretur; ipsa interim in spiritualibus
& temporalibus administrabit: nihil
autem alienabit, nec monialem recipiet.
 11. A minori parte electa nullum ius acqui-
ritur, neque alia possunt accedere ad
eam.
 12. Neque est facienda collatio xeli ad xel-
um, aut meriti ad meritum, sed tantum
numeri ad numerum.
 13. Qui electioni præest, ad susceptionem suf-
fragiorum, non ingredi debet claustra
monasterij extra casum necessitatis.
 14. Si monasterium Apostolica Sedi imme-
diatè subiectum est, Preposita monialium
& Pontifice confirmationem petere debet
per procuratorem, ab Episcopo, si subsit
Episcopo, si Religioso virorum Ordini,
ab eius Prelato.
 15. Abbatisse, quæ benedici solent, benedi-
ctionem intra annum à die Confirmationis
numerandum petere tenentur.
 16. Abbatisse, & quævis Monialium Præ-
fæta habent usum quandam iurisdictionis
spiritualis, saltem indirectæ ex commis-
sione ipsi facta à Summo Pontifice, vel
Ordinis Prelato.
 17. Possunt Moniales eligendi potestatem in
Episcopum, vel Ordinis Prelatum con-
ferre.

15. Si contingat appellari in electionibus
Monialium, hæc personaliter non veni-
eni ad Sedem Apostolicam, sed Procura-
torem mittenti.

16. Inyisdem excoisantes discordiam, vel ex-
ortiam nutriendes & non componere stu-
dentes, ipso iure excommunicantur.

17. Hæc Constitutio locum etiam habet in
conuentibus mulierum, quæ Canonice
vocari solent.

AD electionem Moniales admitti nō pos-
sunt, nisi duodecimum ætatis annum
complerint, & professionem tacite, vel ex-
pressè ediderint. Abbatisa autem, vel Prio-
rissa (vbi Monasterium per Priorissam gu-
bernatur) eligi non potest, nisi quæ annum
trigesimum exegerit, & expressè professæ
fuerit.

Quædam hiæ aduertenda sunt: I. Hodie
post Trident. sess. 25. c. 17. de Regular.
Moniales ad electionem admitti nō possunt,
nisi xvi. ætatis annum complerint, quia tan-
ta ætas ad professionem requiritur. Sufficit
tamen etiam post Tridentinum, si tacite
professæ sint; modò anno continuo in pro-
batione steterint, iuxta, ea quæ dixi lib. 4.
Th. moral. tr. 2. c. 5. n. 1.

II. Post expletum ætatis annum duode-
cimum, non antè, puellæ habitum regula-
rem in Monasterio suscipere possunt: sed an-
tequam ad professionem admittantur, ab E-
piscopo, vel Vicario de proposito liberè
profutendi examinari debent, secundum Tri-
dent. sess. 25. c. 17. de Regularibus.

III. Nouo iure Trident. sess. 25. c. 7. de
Regularibus, Abbatisa, aut quocunque alio
nomine appelletur, quæ Monasterio præ-
fæta est, eligi non potest, nisi annos quadra-
ginta compleuerit, & annis octo post expres-
sam professionem in Monasterio laudabiliter
vixerit. Quod si in Monasterio talibus
qualitatibus prædita non reperiatur, ex alio
eiusdem Ordinis eligi poterit. Sin autem id
incommodum videatur Superiori, qui ele-
ctioni præest, tum sufficiet, si trigesimum an-
num exegerit, & quinq; annis in Religione
post professionem laudabiliter vixerit. Vide

etiam declarationem. i. Cardinal. apud Ioan. Gallenart.

S. Sanè.

IN hoc s. duo dicuntur: Primò: Si electio inter Moniales in discordia fiat per scrutinium: ea quæ à duabus partibus electa est, non obstante quacunque contradictione partis alterius, à Superiore (præmissis tamen examine, quod ex officio facere tenetur) confirmari debet. atq; benedici, si Abbatisa sit.

Secundò: Si neutra electio duas partes habeat, tunc liceat Monialibus, etiam post publicatum scrutiniũ, & factam electionem, suffragium mutare, atque illi accedere, quæ à maiore parte electa fuerat: dummodò id fiat incontinenti; sine antequam ad actus extraneos sediuertant.

Quòd si per accessum aliarum duarum partes cõpleantur, ita electa cõfirmetur; ac benedicatur, sicuti suprà dictum fuit. Ita tamè, ut etiam post benedictionem, & acquisitionem gubernationis possessionem, liceat aliquid per modũ denuntiationis, vel accusationis obijcere, ob quod de officio ac dignitate deiicienda sit.

Sin autem ad eam, quæ à maiore parte electa fuit, aliæ accedere noliunt, vel non vsque ad duas partes; tum Superior, ad quem confirmatio spectet, audiat obiectiones earum, quæ electioni contradicunt, facta inquisitione plena sine strepitu iudicii: Interim verò electa in spiritualibus, & temporalibus administrare poterit; ita tamen ut nihil omnino alienet, nec Monialem aliquam recipiat.

Ea porrò, quæ à minore parte Conuentus electa est, ex tali electione, hoc ipso quòd à parte minore fiat, nullas vires habet: adeò, ut neque per aliarum accessum postea conualescere queat.

Ut autem facilius in his Regularium electionibus ad concordiam perueniat; collatio numeri tantum ad numerum, non item æli ad zelum, meriti ad meritum fieri debet.

Circa hæc aduerte primò: Licet in Ordine S. Francisci v.g. Guardiani, & Priores non à Monasteriorum Conuentibus, sed in Capitulis generalibus, & provincialibus eligantur, uti videre est apud Rodria. ro. 2. regul. 9. 5. 4.

atque tamen expedire magis visum fuit, ut Abbatisarum, & Priorissarum electio Conuentui relinquatur, sicuti idem monet Rodriq. eod. tomo; q. 5. 5. a. 1.

Aduerte secundò: Quòd Gregor. XIII. in Bulla 84. quæ incipit: Expositum, decreuit, ut Abbatisæ, & aliorum Monasteriorum Præfectæ eligantur tantum ad trienniũ vsq;. Id tamen in Monasterijs, quæ Prælati Ordinum Regularium non subiiciuntur, his regionibus ferme obseruari non solet.

Aduerte tertio: Abbatisarum, seu Præpositarum, sicuti & Prælatorum, aliorumque regularium Officialium electiones per vota secreta fieri debent, quæ nunquam publicentur, iuxta Trident. Constit. sess. 25. cap. 6. de Regular. Quocum non pugnat, quin ab eis suffragium in scripto mittere, vel Procuratorem constituere possit, si Religionis consuetudo aut statutum id permittat, sicuti ex Cardinalium declaratione testatur Azor to. 1. lib. 13. c. 10. q. 2. Id verò speciale est in electione Abbatisarum, seu Præpositarum, quòd Episcopus, vel alius Superior, cui Monasterium subiectum est, suffragia singularum, adhibito vno aut altero teste, ante cancellorum fenestram excipere debeat, iuxta Trident. sess. 25. c. 7. de Regular. Non prohibetur tamen Superior hanc suffragiorum exceptionem alteri delegare. Et quamvis ordinariè ita seruandum sit, ut ad cancellos suffragia ore prolata excipiantur, fieri tamen posse, ut ad Monialium iniquitatem dandã, atque concordem & canonicam electionem peragendam necessarium sit, Prælaturam intra septa Monasterij ingredi, docet Ioan. de La Cruz de statu Relig. lib. 1. c. 5. dub. 2. concl. 3. not. 3. apud Ioan. Gallenart in remission. ad cit. c. 7.

Aduerte quarto: Si Monasterium Sedi Apostolicæ immediate subiectum sit, Abbatisa seu Priorissa à Pontifice confirmationem petere debet: Sin autem Religioso virorum Ordini subiectum Monasterium, à Prælato Ordinis: Si denique Episcopo subiectum, ab eodem confirmari debet electio Abbatisæ, aut Præfectæ Monialium. Ita Azor cit. c. 10. q. 3; vbi tamen minor, quòd dicas, in iure canonico

monico non reperiri, Abbatissam confirmandam esse; cum in hoc e. id expressè dicatur.

Aduerte quintò: Quod hic dicitur, Abbatissam canonicè electam & confirmatam benedicendam esse, id apertius traditur in Clem. Attendentes, §. statimur, de statu Monachorum, vt infra annum à suæ confirmationis tempore benedicantur, in Monasterijs, in quibus solitè sunt Abbatissæ benedici. Non enim vbique benedicuntur; sed cuiusque regionis mos in hac re sequendus est, vti Gl. ibidem monet, ver. solitè.

Aduerte sextò: Quòd hic Pontifex ait, vt Abbatissa in spiritualibus, & temporalibus liberè administret. Exinde enim inferitur, quòd Abbatissæ, & quæuis Monialium præfectorum spirituales quandam iurisdictionem, saltè indirectè participant, ex commissione ipsi facta à Prælati Ecclesiæ; adè vt Monialibus suis, quæ iusta sunt & regulæ conformia, præcipere possit, etiam in virtute S. obedientiæ, atque alia præstare, de quibus dixi lib. 1. Th. mor. tr. 5. p. 1. c. 3. n. 4. & tradit Azor. q. 7.

s. Cæterum.

SI Monialis per compromissum electa fuerit, & aliquæ ex Conuentu se opponant, distingue: Vel minor pars se opponit, tum electa confirmari & benedici debet: Vel pars maior se opponit, tum confirmatio & benedictio interim differetur, sed electa liberè administrabit, sicuti in superiore casu dictum; nisi opponentium pars duplo maior existat, tunc administrare non debet electa, sed litis euentum expectare.

Aduertit autem Thomas Zerola in præxi Episcopali, ver. Abbatissa, ad sextum, post Constitut. Trident. Concil. sess. 25. c. 7. de Regular. in electione Monialium non esse locum compromisso; cum suffragia ab Episcopo, aut delegato eius sigillatim exquiri debeant. Si tamen Moniales in ipsum Episcopum, vel Ordinis Prælaturum electionis potestatem conferant, haud dubiè is prouidere poterit, iuxta causam, 18. exttâ, eod. tit.

s. Porrò.

SI in electionibus Monialium appellatio nem fieri contingat, Moniales ad Sedem Apostolicam personaliter venire non debent, sed Procuratorem mittere. Quoad alia verò etiam in his seruanda est Constitutio Nicolai I l. c. vt circa 4. hoc lib. & tit.

s. Postremò.

Qui ad dirigendas electiones Monialium destinantur, si discordiam inter eas excitent, aut exortam componere non audeant, ipso iure excommunicantur.

s. Supradicta.

Uz de electionibus Monialium hac Constitutione dicta sunt, similiter seruari debent in Conuentibus mulierum, quæ canonicè votari solent Clem. Attendentes, §. illas, de statu Monachorum; sed Religiosæ non sunt, cum proprium retineant: Omnia, inquam, hic præscripta in earum electionibus seruari debent, excepto, quòd suffragium actiuum & passiuum habeant, tametsi professionem religiosam non emittant. Per hoc tamen non intendit Pontifex earum statum, regulam, vel ordinem approbare.

§ Adhæc.

Quæ hic specialiter de mulierum electionibus statuta sunt, ad alias electiones ecclesiasticas transferri nequaquam debent.

CAPITVLVM XLIV.

Prouida.

PARAPHRASIS.

In c. quamuis, 10. hoc lib. & tit. statuit Gregorius X. Si in causa electionis Episcopalis ad Sedem Apostolicam appellatum fuerit, sed partes postea ab appellatione recedant, quòd Metropolitanus, à quo appellatum erant, diligenter inquirere de-

Iti 3 beati.

beat, num simoniaci pactio interuenerit, & si interuenisse intelligat, causam ad Sedem Apostolicam ableget. Sed quia nonnulli Metropolitani omissa hac inquisitione, ad Episcopi electi confirmationem, & consecrationem processerunt, decernit hic Bonif. VIII. eam confirmationem, & consecrationem, aliisque processibus irritos esse debere, & confirmantem, ac consecrantem ab Episcoporum confirmatione, & consecratione per annum continuum ipso iure suspensum: vt in eo ipso, in quo peccauerit, puniatur,

SUMMARYM.

Consecrationem Episcopi factam à Metropolitano, non præmissa inquisitione, nullius firmitatis esse asserit. h. textum, quod intelligendum non secundum potestatem ordinis, sed exercitij suspensionem.

Processerunt hæc constitutiones secundum ea tempora, quibus Episcopi à Metropolitanis confirmationem accipere soliti erant, vti dixi in cit. c. quamuis. Circa textum aduerte, quod Bonifac. ait consecrationem Episcopi factam à Metropolitano, non præmissa inquisitione, nullius firmitatis esse, id bene monet Gl. intelligendum esse non secundum characterem, & Ordinis acceptam potestatem, sed secundum exercitij suspensionem: quod videl. ita consecratus Episcopus actus ordinis licite exercere non valeat. Quomodo explicari etiã debent canones in decreto Gratiani causa 9. q. 1. c. 1. & c. ordinationes, & q. 3. c. 1. & c. Episcopum. Vide quæ dixi lib. 5. Th. mor. tr. c. 9. n. 5. /

CAPITVLVM XLV.

Si cotempore.

PARAPHRASIS.

Papa mortuo alicuius ecclesiæ Episcopo, reseruauit sibi prouisionem, missis literis cum mandato, vt ad electionem, vel pro-

uisionem non procedatur, alioquin irritum fore, quod se scienter, seu ignoranter attentatum fuerit. Verum cum hæc litteræ datæ essent, electio Episcopi peracta erat, & postea subsecuta confirmatio, quaeritur, an ea rata manere debeant. Respondet Bonifacius VIII. quod electio & alia quæ antecesserunt decretum, firma consistant: sed ea, quæ postea subsecuta, v. g. confirmatio, irrita censi debet.

SUMMARYM.

1. *Si pontifex sibi prouisionem Episcopi reseruauit, irrita est electio aut confirmatio post decretum inhibitionis seu auocationis facta, quamuis ab ignorantibus.*
2. *Si Pontifex sibi beneficij, aut presaturæ non episcopalis collationem reseruauit, neque expressit, vt, quacunque etiam ignoranter ab Ordinario facta fuerint, irrita sint, teneat prouisio facta ante receptionem decreti.*

NOTANDVM I. Electionem, aut prouisionem, quæ canonicè peracta est, Pontifex non censetur reuocare: cum sine graui causa ius alicui quaesitum non auferat. Ita notat Innoc. in c. innotuit, 20. n. 6. extrà, hoc tit. Quare licet Pontifex, vbi specialia concordata non sunt, cum alijs Ordinarijs concurrat in collatione beneficiorum, tamen, si Ordinarius, ad quem de iure spectat, præuenit Papam prouidendo, prouisio Papæ irrita est, vti dixi Th. mor. lib. 4. tr. 2. c. 10. n. 2. ver. Secundò.

NOTANDVM II. Si Papa electionem, & prouisionem Episcopi ad se auocauit, irrita est electio, aut confirmatio eius, post decretum inhibitionis, seu auocationis facta, quamuis ab ignorantibus. Ita Bonifacius VIII. hic. Ratio est, quam Ioann. Monachus reddit: Quia Summus Pontifex cum omni alio Ordinario in ecclesiastica iurisdictione ac potestate concurrat: Ergo potest quamlibet causam ab eius potestate extrahere, & sibi reservare, aut alteri committere

tere

SYMMARIUM.

- 1: Procurator ad eligendum constitutus non potest unum nomine suo, & alium nomine mittentis eligere, nisi de certa persona eligenda mandatum speciale habeat.
- 2: Canonicus absens (licet nullus ex Capitulo pro ipso eligendi mandatum suscipere; neque Capitulum extraneum admittere velit) suffragium suum per literas exprimere non potest.
- 3: Potest tamen hoc fieri, & valet in electionibus Regularium.

tere absque iniuria. Et habet id locum in quibuslibet provisionibus beneficiorum; ut si Papa praevenit conferendo, vel referuando, collatio facta postea à collatore ordinario, quamvis ignorante, irrita censeri debeat, uti aperte colligitur ex c. si beneficia, 10. de praebend. hoc lib. & tradit Innoc. in c. e. innotuit, in fine.

¶ Ceterum si Papa beneficij, aut praeterea non Episcopalis collationem referuarit sibi, neque expresserit, ut quaecunque etiam ignoranter ab Ordinario facta fuerint, irrita censeri debeant, non est praesumendum, quod voluerit derogare electioni, aut provisioni factae ante receptionem decreti sui: Quia iste est conuenientior modus reuocandi facultates, ne alioquin confusio oriaturo, si forte aliquis interim bona fide institutus, ac possessionem nactus sit. Quare quod in hoc c. dicitur, facta post reservationem Papae, v. g. confirmationem, & consecrationem electi, irrita esse, id specialiter statutum est circa Episcopatus, cum eorum causa, tanquam maiores, specialiter Papae reservatae sint, etiam secundum antiquos canones: Et ita docet hic Gl. ver. Cathedralis, Francus; n. 2. Garcias de beneficijs, p. 4. c. 3. n. 23. 40.

CAPITULUM XLVI.

Si quis iusto.

PARAPHRASIS.

Qui iuste impeditus electioni interesse nequit, potest non tantum unum, sed & duos procuratores loco suo constituere; ita tamen, ut singulis potestatem eligendi det in solidum, videl. ut unus sine altero eligere possit. Sin autem hoc casu ambo postularent ad electionem admitti, audiri non debent, quia possent diuersis personis suffragium dare. Quare ad Capitulum pertinebit, alterum horum eligere. Quod si autem Capitulum, aut saltem maior pars Capituli non consentiat, tum is qui prius in instrumento procuratorio nominatus fuit, alteri praefertur.

NOTANDUM Vn. In dubio praesumitur potest, eum qui in instrumento prius nominatur, digniorem; & alteri in pari causa praefendum visum fuisse ei, qui instrumentum, vel dispositionem quamlibet fecit.

S. Porro.

Non potest procurator ad eligendum constitutus, alium suo nomine & alium nomine mittentis eligere; nisi mandatum habeat de certa persona eligenda.

Ratio prioris partis est, quia quæ conscientia, inquit Gl. ver. nihil agit, tenetur meliorem eligere nomine suo; ita etiam nomine domini. Ratio posterioris, quia eo casu potius is eligit, qui mandauit, quam mandatarium seu procurator. Quare hoc casu etiam potestatem suam subdelegare poterit. Sin autem certa persona procuratori nominata non fuit, non videtur concessa potestas subdelegandi: quia censetur electa industria, seu discretio personae, uti Gl. margini hic indicauit.

S. Absens.

Si ponamus, quod nullus ex Capitulo, pro absente, & accedere impedito, eligendi mandatum suscipere velit, neque Capitulum consentiat, ut extraneus procurator constituitur, poterit ne ille absens suffragium suum ad Capitulum destinare in literis expressum? Responder Bonifac. VIII. Quod non: Quia secundum formam praescriptam in c. quia propter, suffragia secretè & sigillatim danda sunt in ipso scrutinio: iste autem suffragium suum

suum dat ante scrutinium. Ponamus enim illum interim mortuū esse: apparet profecto, eum suffragium non dare, sed dedisse.

Cæterum in electionibus, v. g. Regularium, in quibus forma scrutiniij exactè non seruatur, sed schedulæ obsignatæ in urnam coniiciuntur, nihil obstat suffragium ita scriptum ab absente vel infirmitate detento mitti ad Capitulum, vti dixi in c. Indemnitatibus, 43.

CAPITVLVM Vlt.

Quoniam,

SUMMARYM.

- a. Si in electione discordi adfuit coelectus, vel oppositor, is nominatim vocandus est ad causam suam agendam: si nullus adfuit, generale mandatum ad Ecclesiam valens assignandum, in quo citandi volentes se opponere confirmationi, assignato peremptorio, aliter confirmatio non tenet.
- a. Oppositor veniens post editum, & peractam confirmationem, si is absens fuit, & allegare potest probabilem ignorantiam editi, audiendus est.

Accidit interdum, si electio in concordia celebrata non sit, sed vel duæ electiones factæ, vel vni electioni aliqui se opposuerunt, ne confirmaretur, vt Ordinarius ad confirmationem, non coelecto, aut ijs, qui se electioni opponebant, non vocatis, neque

discullo negotio, ad confirmationem impartiendam festinaret. Quare statuit Bonificus VIII. vt si coelectus aliquis adfuit, vel oppositor, is nominatim vocetur ad causam suam agendam: Sin autem nullus talis adfuit, generale edictum ad ecclesiam valens assignatur, in quo peremptorie ad diem definitum citentur, si qui electionem factam impugnare velint, quod minus confirmanda sit: Hæc si omissa fuerint, confirmatio irrita erit. Et vult pontifex, vt hæc eadem obseruentur, et si electio in concordia, id est, vnica, nemine opponente, celebrata fuerit.

NOTANDVM Vn. Si per editum vocandi sint ij, quorum interest, tum nominanda est persona, si noscatur: sin verò personæ non noscantur, generaliter citantur, vt compareant ij, ad quos negotium principaliter, aut irreparabiliter pertinet, vti docet Abb. in c. exhibita, n. 5. de iudic. Ibid. Felinus n. 2.

QVÆRITVR: Si aliquis post generale edictum, & secutam confirmationem veniat, qui opponere velit, vtrum audiendus sit. Respondeo: Si is absens fuit, vt probabilem edicti ignorantiam allegare possit, audiendi debet. Sin verò non absens, aut non longè distans, ordinariè non auditur, nisi ignorantiam coniecturis alstruat, & iuramento confirmet, arg. c. vlt. Qui matrimonij accus. possunt. Cæterum ad denuntiationem canonicam, vt indigna seu inhabilis persona ecclesie non præsit, ordinariè aliquis admitti debet etiam post confirmationem, & consecrationem, vti Abb. docet in c. nihil, 44. n. 6. extra, hoc tit.



TITVLVS VII. DE TRANSLATIONE EPISCOPI



Hic est tertius modus ad prælaturam perueniendi, per Translationem: quæ tamen solum in Episcopis locum habet, quia inferiores Prælati, videl. Abbates, & Præpositi eligi possunt, ita tamen, vt ante impetratam licentiam electioni consentire nequeant, sicuti dixi in c. 51. Abbatem, 3. 6. de elect. in 6.

CAPITVLVM I.

Cum ex illo,

PARAPHRASIS.

Ex speciali privilegio, quod Christus Dominus B. Petro Apostolo, & in ipso Successoribus eius Summis Pontificibus concessit Matth. 16. Ioan. 21. canonica instituta promanarunt, vt causæ grauiorés, cuiusmodi est etiam Episcoporum translatio, Apostolicæ Sedi referuarentur, ita vt nemo alius, sine eius consensu, se intromittere possit. Quamobrem miratur Innocentius III. quod Patriarcha Antiochenus Lucium Apamensem electum Archiepiscopum, ad Tripolitanam ecclesiam translulerit, atque ex Archiepiscopo Episcopum constituere præsumperit. Tamen si verò dictus Lucius consecrationem nondum acceperit, tamen post electionem confirmatus erat; ideoque Archiepiscopalia, quatenus ei licitum erat, administrabat: quia inter alia Episcopum Valientem confirmauit. Quare ne etiam alijs talia perpetrandi audacia addatur, Innoc. dictum Antiochenum Patriarcham ab Episcoporum confirmatione suspendit.

SUMMARYM.

1. *Causæ maiores, ex speciali privilegio Petro & successoribus eius concessæ, referuatae sunt Romanae Sedi Apostolicæ. Et quæ sint illæ causæ maiores.*
2. *Qui Pontificie potestati resistit, & iura eius violat, in magis ordinationi diuina resistit, quam si alteri ordinationi resistat.*
3. *Episcopi, alijsq; Prælati nihil contra vniuersales Ecclesiæ Canones statueræ possunt.*
4. *Episcopus, vel Archiepiscopus electus (licet confirmatus sit) ante acceptam consecrationem non debet absolui vocari Episcopus, sed cum addito Episcopus electus, aut confirmatus.*
5. *Potest vterq; ante consecrationem beneficia conferre, & electos confirmare.*

NOTANDVM. I. Causæ maiores in signum privilegij specialis Apostolicæ Romanæ Sedi referuatæ sunt, c. quod translationem, 4. de offic. legati, c. maiores, 3. de Baptismo. Causæ autem maiores, & Summi Pontifici specialiter referuatæ, sunt ferme istæ: Fidei controuersias authenticè definire, cit. c. maiores, c. quoties, 12. causa 24. q. 1. Episcopos transferre, deponere, renuntiationes eorum admittere, c. 2. hoc it. c. quamuis, 7. causa 3. q. 6. c. cum pridem, de renuntiat. Generale Concilium congregare, c. 1. & 2. d. 17. Irregularitates, matrimonij impedimenta dirimentia statuere, in casibus referuatjs dispensare, absolueræ, &c. Provenit autem hæc grauiorum casuum referuatio ex privilegio, quod Christus singulariter Petro, & Successoribus concessit, vt supremam & vniuersalem potestatem in ecclesia gererent; cōsequenter potestatem alijs sibi subordinationatjs Episcopis, ac Prælatjs limitatam concedere possent, causas maiores & arduas suo tantum

examine referuantes. Vide Gl. in cir. c. quod translationem, ver. referuata, & quæ dixi lib. 1. Th. mor. tr. 4. c. 6. §. 1.

2. Corollarium I. Qui Pontificiæ potestati se opponit, seu iura eius violat, is magis ordinationi diuinæ resistit, quàm si alteri humanæ potestati resisteret: Quandoquidem potestas Pontificia immediatè à Deo, & Christo Domino prouenit, c. quamuis, d. 11.

Corollarium II. Car Duces Imperij municipalia statuta contra leges communes Cæsareas condere possint, non item Episcopi alique Prælati quippiam contra vniuersales ecclesiæ canones statuere, vti hic ex communis sententiæ docet Anton. de Butrio, c. 3. Ratio reddi debet; quia Imperator talem potestatem Ducibus concessit, vt quæ suis prouincijs conuenientia esset: putarent, nonnunquæ etiam aduersus communes leges decernerent.

3. At vero Pontifex talem potestatem Episcopis non concedit, cùm valde expediat, vniuersales ecclesiæ canones omnibus locis obseruari. Interim tamen permittit Pontifex, vt per consuetudinem diuturnam, si especialiter reprobata non sit, neque ecclesiis damnoſa, lex vniuersalis Pontificia tollatur, c. vlt. de consuet.

4. NOTANDUM II. Episcopus, vel Archiepiscopus electus, tametsi confirmatus sit, ante acceptam consecrationem, non debet absolute vocari Episcopus, sed cum addito, *Episcopus electus, aut confirmatus*. Similiter modo licet iam dixi in c. Venerabilem, 34. de elect. Quod Imperator antequam coronatus, & consecratus est, non absolute Imperator, sed *electus Imperator* vocari soleat, tametsi iura Imperij nihilominus administrare possit.

5. NOTANDUM III. Archiepiscopus vel Episcopus electus, & confirmatus, ante consecrationem potest beneficia conferre, & electos confirmare: Quia potest ea præstare, quæ ad iurisdictionem spectant, licet non ea, quæ ordinis sunt, iuxta c. suffraganeis, 11. de elect. & notat hic Gl. ver. confirmat.

firmat.

CAPITVLVM II

Inter corporalia.

SYNOPSIS.

1. Vinculum spirituale fortius, seu minùs dissolubile est, quàm carnale, ideoque matrimonium spirituale, quod est inter Episcopum & ecclesiam, solui non potest, nisi auctoritate diuina.
2. Vnde Episcoporum translationes, & defecutiones insistantur, & eorum renunciationes admittuntur, à Pontifice non mera potestate humana, sed potius diuina, tanquam Vicario à Christo insinuo.
3. Electos in Episcopos, & confirmatos, solum Papa transferre potest.
4. Oblationis identitatem seu paritatem in lege expressa extenso subinde fieri potest ad casus similes.
5. In materia communiter prohibita, quod concessum non reperitur, eò ipso prohibiti censi debet.
6. Plus peccat (ceteris paribus) Superior, quàm subditus, si ad idem factum prohibiti concurras.
7. Facilius ignoscitur ei, & mitius punitur, qui ex simplicitate aut ignorantia peccat, quàm qui ex certa scientia seu malitia.
8. Pontifex Episcopum ab ecclesia sua liberare non propriè dispensat in lege diuina, sed apponit conditionem, per quam lex obligare desinit.
9. Quamuis non videatur Christus determinatè quicquam præcepisse de Episcoporum officio indissolubili, sed id dispositioni Ecclesiæ reliquisse.

Discrimen est inter res corporales, ac spirituales, quod illæ facilius generantur, quàm corrumpuntur. in spiritualibus autem contrarium accidere solet. Nam Episcopus solus alicui ordinem conferre potest, sed solus auferre, seu degradare non potest, iuxta c. de pœnis, in 6. Sed & Episcopi à Metro-

poli-

politanis consecrantur: cum tamen non possint deponi, nisi à Rom. Pontifice. Quia ergo vinculum spirituale fortius, seu minus dissolubile est, quam carnale, carnale autem matrimonium humana potestate dissolui nequeat, iuxta verbum Domini Matth. 19. *Quod Deus coniunxit, homo non separet*: sequitur, neque matrimonium spirituale, quod inter Episcopum & ecclesiam suam est, nisi Dei auctoritate solui possit.

Postea obiectiones quasdam adiungit idem Innoc.

Prima: Frequenter à Romano Pontifice Episcoporum translationes, aut depositiones institui, aut renuntiationes admitti.

Ad id respondet Innoc. III. Pontificem, hæc agere non mera potestate humana, sed potius diuina, tanquam Vicarium à Christo constitutum; neque tam per potestatem ipsi à concilio canonibus concessam, quam ex Christi institutione, & privilegio, quod Petro, & successoribus eius concessum est.

Altera obiectio: Cautum non reperiri de Episcopo non consecrato, quod absque Sedis Apostolicæ auctoritate Episcopatum deferre non possit. Ad id responder Innoc. III. Idem de similibus, propter expressam rationis identitatē, iudicium esse oportere: Atqui Episcopus consecratus ideo sine licentia Papæ ecclesiam relinquere non potest, quia cum ipso spirituale matrimonium cōtractum est. Quæ ratio etiam procedit in electo post acceptam confirmationem: cum consecratio Episcopalis nihil addat ad vinculum erga ecclesiam contractum: quandoquidem fieri sepe solet, ut aliquis omnino liberatus ab ecclesia sua, nullique alteri ecclesiæ allegatus, characterem tamen, & ordinem Episcopalem conseruet.

Tertia obiectio: Quod in c. quoniam d. 100. ecclesiæ viduatæ dicuntur, doneceorum Episcopi consecrationem acceperint, Ad id respondet Innoc. ecclesiam viduatam dici, non absolute, sed secundum quædam, quia eius Episcopus, quæ ad ordinis potestatem spectant, exercere non potest. Quia simili ratione ecclesiam viduatam dicere solemus, quæ Episcopum quidem habet, sed

inutilem ad exercenda Episcopalia munia.

Quarta: In eod. c. quoniam, habetur, si Episcopus ultra sex menses consecrationem petere negligat, secundum Metropolitanum iudicium compelli posse, ut cedat Episcopatu: Ergo Metropolitanus Episcopum non dum consecratum ecclesiæ suæ liberare potest. Respondet Innocentius primò: Non esse consequens, si Metropolitanus cōcessum fuit, ut Episcopum ab ecclesia sua auferat in penam, compellendo illum renuntiare Episcopatu, quod etiam translationem Episcopi, quæ ad gratiam spectat, instituire possit. Secundò: Illa ipsa cessio, seu renuntiatio non admittitur absque Romani Pontificis auctoritate, quippe qui Metropolitanum talem potestatem concessit. Quod si circa translationem Episcopi idem Metropolitanus permittere voluisset Pontifex Rom. utique expressisset: enimvero in talibus rebus prohibitum censetur, quod concessum non reperitur.

Postquam hæc disputaui Innoc. factū narrare aggreditur: Videl. Rhotomagensis Archiepiscopus absque Romani Pontificis auctoritate, Episcopum Eboracensem ecclesiæ suæ liberavit, & ad Andegauensem ecclesiam transeundi licentiam dedit: Illum verò suscepit, & consecrauit Archiepiscopus Turonensis: Eapropter Archiepiscopus Bituricensis iuxta Apostolicæ Sedis mandatum Archiepiscopos illos à confirmatione & consecratione Episcoporum: Episcopum verò ab executione Episcopalis officij suspendit. Cur autem Archiepiscopi, quamois plus peccarint, tamen minus puniti fuerint, quam Episcopus, causam dat, quia propter spontaneam confessionem, & supplicationem deuotam, veniam merebantur. cum non ex malitia, sed potius ex simplicitate deliquerint. Sed quia etiam Episcopus reatum suum agnoscens misericordiam humiliter implorauit, ideo Innocent. III. liberat Episcopum à priore sua ecclesia, & cum Capitulum Andegauense in priore suo consensu, seu postulatione perfitat, ab facultate, ut à vinculo suspensionis absolutus, eandem ecclesiam gubernare possit.

K k k z

Obij.

Obijcitur I. contra discursum Innoc. ex diuersitate rerum corporalium & spirituum: Quod etiam carnale matrimonium facilius contrahi potest, videl. mutuo consensu, & tamen eodem consensu dissolui non possit: Ergo vniuersim verum non est, corporalia difficilius destrui, quam construantur. Respondeo: Quod matrimonium carnale non, sicuti alij contractus, mutuo consensu dissolui queat, id vel maxime habet ratione Sacramenti, seu sacri mysterij, adeoque quatenus spirituale quiddam est, vti dixi eod. tr. 10. p. 2. c. 1. Nihilominus autem procedit argumentatio Innoc. III Si matrimonium carnale, quod plurimum de corporali participat, dissolui non potest, Christo id prohibente: maiore aliqua ratione credere debemus, Christum nolle, vt matrimonium spirituale dissoluiatur.

NOTANDUM I. Cur inter alios Prælatos, & ecclesias suas matrimonium spirituale non ita contrahi censeatur, sicut inter Episcopum & ecclesiam suam, causa ista assignari debet, quia sacri canones non prohibent, illos ad ecclesiam suam transferri; dummodò proximi Superioris licentia accedat. At verò Episcopus ab ecclesia sua liberari non potest, excepta plenitudine potestatis Papalis. Ita notauit Abb. c. vlt. n. 5. hoc tit. vbi addit: Et ideo spectato communi iure solus Episcopus anulū deferre debet: sed alij Prælati ex præscripta consuetudine aut priuilegio. Neque etiam negari debet, latiore acceptione alios quoque Prælatos, qui Collegium habent, cui præsent, præsertim si ordinariam & generalem iurisdictionem exercent, ecclesiarum suarum sponso dici posse.

NOTANDUM II. Ob identitatem seu paritatem rationis in lege expressæ, extensio quandoque fieri potest ad casus similes: eum de similibus idem iudicium esse debeat. Qua de re dixi lib. 1. Th. mor. tr. 4. c. 18. n. 9. 5. Cæterum.

NOTANDUM III. In materia communiter prohibita, hæc regula tradi potest: Quod concessum non reperitur, ex ipso prohibito censeri debet: Idemque ferme est, si dicas, quod ius singulariter concessum

seu priuilegium ad alia extendi non debet, & sane, de priuilegijs, l. ius singulare, 16. iun. Gl. ff. de legibus. Contra verò, in materia communiter non prohibita intelligitur, quod prohibitum non reperitur, vti Gl. hic notat. ver. non inuenitur.

NOTANDUM IV. Cæteris paribus, plus peccat Superior, quàm subditus, si ad idem factum prohibitum concurrat: v. g. Episcopus male ordinans, magis culpabilis est, quàm is, qui ab ipso ordinis ita suscipitur. Quia subditus quadatenus excusare se potest, quod iussu, consilio, aut saltem exemplum Superioris sui secutus sit.

NOTANDUM V. Facilius ignoscitur ei, seu mitius puniuntur, qui ex simplicitate aut ignorantia, præsertim non crassa delinquit, quàm si ex certa scientia, seu malitia, Qua de re dixi lib. 1. Th. mor. tr. 4. c. 26. assert. 2.

Obijcitur II. Vel est diuina traditio ac lex, vt Episcopi à Sede sua non transferantur, vel est tantum Ecclesiastica, adeoque humana. Si prius dicatur, tum neque Pontifex dispensare poterit, eum Pontifex in lege diuina dispensare non possit. Si posterius dicatur, obstant verba Innoc. in hoc, & seq. c. vbi vult, pari modo Deum spiritualis, ac carnalis matrimonij dissolutionem suo tantum iudicio reservasse. Responderi potest primo: Concedendo esse traditionem diuinam; tunc ad argumentum dici potest: Quando Sum. Pontifex Episcopum à Ecclesia sua liberat, non propriè eum dispensare in lege diuina; sed apponere conditionem, per quam lex obligare definit.

Pro cuius intellectu aduerte, quod docui etiam lib. 5. Theol. moral. tract. 10. p. 3. cap. 5. & lib. 5. tract. 3. cap. 6. assert. 2. Diuinas quasdam traditiones esse, quibus aliquid fieri iubetur, aut prohibetur, nisi Summus Pontifex Christi Vicarius ob bonum Ecclesie, aliud in casu speciali faciendum iudicauit: Videl. Quod matrimonium ratum indissolubile sit, excepto si Pontifex ob iustam publicam necessitatis causam dissoluendum iudicauit: Tum verò nihil agitur contra legem, seu traditionem diuinam,

nam,

nam, sed apponitur conditio, per quam legis obligatio cessat. Ita etiam se res habet in casu proposito.

Secundo, & , vt arbitror, melius respondetur: Christum determinatè nihil tradidisse, aut præcepisse de Episcoporum officio perpetuo, & indissolubili; sed id Ecclesiæ disponendum reliquisse: Est tamen lex illa seu traditio antiquissima, cuius initium ignoramus, ac proinde Apostolicam fateri cogimur: Excepta semper plenitudine potestatis Apostolicæ, cum ad bonum Ecclesiæ vniuersalis quandoque necessarium sit, tales sedium mutationes institueri, sicut aduertit Pelagius Papa in c. scias. 35. ead. q. 1. Ad verba Innoc. III. respondetur: Supremam Pontificiam potestatem non humanam, sed diuinam dici; quia immediatè prouenit non ab hominibus, sed à Deo ex Christi promissione, Matth. 16. Ioann. vlt. Quo etiam sensu Apostolicæ traditiones, v. g. ieiunium quadragesimale, admixtio aquæ ad vinum consecrandum, interdum à Patribus vocantur diuina mandata; quia etiam Apostolorum decernendi potestas immediatè à Christo prouenit. Iussit enim Christus, saltem generatim, vt Apostoli ea ecclesijs constituerent, quæ ecclesiæ necessaria viderentur: quare non incongruè eorum constituta diuina dici possunt, cum etiam à sancto Spiritu egerentur, vt falsitati & erroribus locus nullus esset.

CAPITVLVM III.

Quanto.

PARAPHRASIS.

Potestatem transferendi Episcopos ita iuri suo Christus reseruaui, vt soli eius Vicario B. Petro, & per hunc successoribus eius speciali privilegio concesserit: quamobrem omnis antiquitas, & Conciliorum canones testantur Romanæ Sedi, ob prærogatiuam eius, singularem reuerentiam exhibendam esse. Ex quo sequitur, quod

non homo, sed potius Deus separat, quos Romanus Pontifex (qui non puri hominis, sed veri Dei vicem gerit) ob ecclesiarum vtilitatem, non humana, sed potius diuina auctoritate separat. Quamobrem cum Episcopus Hildesheimensis suâ ecclesiâ desertâ ad Herbipolensem propria auctoritate se transtulerit, præcipitur ei, vt ecclesiæ Herbipolensis administrationem penitus derelinquat, & ad Hildesheimensem, quâ improbè dereliquit, redire non permittatur: quia secundum sacros canones, qui ad ecclesiâ præferunt maiore, aut diuiniorem, adeoque cupiditate honoris vel diuitiarum, se transtulit, vtrâque carere debet; (saltem post Iudicis sententiam) neque enim plus colligitur ex c. si quis Episcopus, § 1. causa 7. quæst. 1. Canonici verò ecclesiæ Herbipolensis, qui suffragia sua in dictum Episcopum contulerant eligendo, à potestate eligendi pro ea vice suspenduntur: vt in eisdem puniantur, in quo peccauerant.

SUMMARIVM.

Episcopus propria auctoritate ab vno episcopo ad alterum se transferens, vtrique carere debet, saltem post Iudicis sententiam.

Hoc c. ferriè intelligitur ex præcedentibus. Id tamen dubitari potest; Cur verba illa Christi apud S. Matth. c. 19. *Quos Deus coniunxit, homo non separet* Pontifex afferat ad statuendam indissolubilitatem Episcopatus, seu officij Episcopalis: cum certum sit, ijs verbis solum esse sermonem de matrimonio carnali. Respondeo: Argumentum ita formandum esse: Si matrimonium carnale insolubile est, sequitur etiam spirituale insolubile esse oportere. Atqui carnale solui non posse humana potestate, constat ex Matth. 19. cap. ergo nec spirituale. Maior ostendi debet: cum quia spiritualia suapte naturâ difficilius destruantur, quàm carnalia; cum quia carnale ideo indissolubile est ex Dei institutione, quod insolubile Christi cum ecclesiâ coniunctionem

repræsentet. Atqui etiam Episcopus cum ecclesia sua copulatus significat Pontificem secundum ordinem Melchisedech, à Deo Patre vñctum, & ecclesiæ suæ perpetuo tempore præpositum. Habemus ergo, quoddam spirituale matrimonium inter Episcopum & Ecclesiam suam solui non debeat mera humana potestate; quamvis solui possit ab publica necessitate, auctoritate Vicarij Christi, per speciale privilegium siue commissionem ipsi factam, iuxta c. vlt. hoc tit. & suprâ cit. c. scias.

CAPITVLVM Vlt.

Licet.

PARAPHRASIS.

In primis repetit Innoc. similitudines inter carnale, & spirituale matrimonium. Prima: Sicuti illud solui non potest humana potestate; ita nec spirituale soluitur, nisi à Vicario Christi, qui est successor B. Petri. Secunda. Sicut matrimonium carnale aliud est inchoatum, videl. sponsalia de futuro, aliud ratum, videl. sponsalia de præsentē; aliud consummatum, videl. matrimonium, cui legitime contracto copula accessit. Ita etiam matrimonium spirituale aliud censerī potest initiatum, videl. per electionem ab electo acceptatam, iuxta c. cum inter, 21. de elect. aliud verò ratum per confirmationem; aliud deniq. consummatum, seu perfectum, per consecrationem.

Postea proponitur casus: Episcopus Hildesheimensis, de quo præc. c. dictum est, excusationem attulit, cur non temerè aut propria auctoritate ad Herbipolensem ecclesiam transierit, quia ab antecessore Innoc. gratiā acceperit, vt si fortè contingat eum ad maiorem dignitatem vocari, illam assumere liceret, dummodò nihil obstatet, quod canonicis institutis contrarium foret.

Hanc excusationem rejicit Innoc. ob duas causas: Prima est, quia tametsi po-

testas concessa fuerit transeundi ad dignitatem maiorem, (cuiusmodi dispensatio propter maiorem vtilitatem facilius concedi solet) non tamen inde consequens est, quod vi illius dispensationis transire potuerit ad parem, videl. similem dignitatem episcopalem. Altera. Tametsi ponamus, dispensationem illam se extendisse ad episcopale aliam dignitatem, quia tamen postulatio, sicut & electio, prius examinari debet, imò in dispensatione illa Apostolica non tantum postulationis, sed etiam personæ postulatæ inquisitio & examen reservatum esse videtur, per verba illa, *dummodò nihil de canonicis obuiet institutis*: ideo dictus Episcopus Hildesheimensis, Ecclesiam Herbipolensem, antequam postulatione eius examinata fu-
erit ab eo, ad quem pertinebat, transire haud potuerit.

SUMMARYM.

1. *Privilegia data contra ius commune, stricta interpretationis esse debent.*
2. *Gratiā dispensationis facta Episcopo, vt ad alterum episcopatum transire, vel alterum, priore ratento, accipere ei liceat, facit, vt Episcopus perinde ac si electus esset, in postulationem de se factam consentire, sibi que ius acquirere possit, ita vt superior eum confirmare teneatur, nisi aliud canonicum impedimentum reperias.*

NO T A N D U M I. Privilegia data contra ius commune, strictæ interpretationis esse debent, vti etiam dixi lib. 1. Th. mor. tr. 14. c. 23. n. 5. Quia magnus est fauor iuris communis, cui per privilegium derogatur. Quæ ratio restringendi privilegium tantò magis locum habet, quântò sanctior, & stabilior censetur esse canon, in quo dispensatur, seu contra quem privilegium impetratur: Idq. adhuc magis, si rarior ac difficilior dispensatio esse soleat; aut si impetratio dispensationis ambitiosa esse videatur, videl. vt ad dignitatem maiorem, vel parem, sed (vt fieri solet) diuiniorem prælaturam transire liceat.

NOTA

NOTANDUM II. Et si vnus Episcopatus altero ditior sit, non ideo censi debet dignitatis maioris, sed paris.

QVÆRITVR: Quidnam conferat gratia dispensationis, si Episcopo alicui fiat, v. g. vt ad alterum Episcopatum transire, vel alterum, priore retento, accipere possit? Respondet: Id ipsi confertur, vt proinde ac si electus esset, dummodò maior pars Capitularium in eum secundum formam canonice suffragia direxerint, in postulatione de

se factam consentire, sibi que ius acquirere possit; ita vt Superior (qui iam plerumque est Papa) eum vi dati priuilegij, confirmare teneatur, si aliud canonicum impedimentum non reperiat. Quamobrem talis vocatio per suffragia secundum effectum instar electionis censi debet: quamvis tutius sit, vt Capitulares retineant nomen postulationis: quia saltem spectata origine talis postulandus est, non eligendus. Ita colligitur ex textu, & notat hic Innoc. n. j.

TITVLVS VIII. DE AVCTORITATE, ET VSU PALLII.



UM in præcedentibus Titulis dictum fuerit de modis acquirendi Episcopatum; adijcitur tit. iste de auctoritate & vsu pallij, quod præcipuum, seu Archiepiscoporum insigne est. Eius figuram describunt Abbas hic in rubr. Syl. ver. pallium, quodd sit vestis alba in circuli modum, pectus & humeros circumdans, ac quatuor nigris crucibus distinctum, anteriore parte nonnihil dependens.

CAPITVLVM I.

Cum super.

PARAPHRASIS.

Verba, quæ in forma traditionis pallij habentur, *Tradimus tibi pallium, vt eo intra ecclesiam tuam utaris*, ita intelligi debent, vt liceat Archiepiscopo in omnibus prouinciæ suæ ecclesijs pallio uti. Sin autem extra ecclesiam sit, quamvis alijs sacerdotibus indutus, v. g. in processione

solemni, pallium gestare non debet. Ita Clemens III. in hoc c.

SUMMARIVM.

1. *Intra quamuis ecclesiam suæ prouinciæ Archiepiscopus uti pallio potest, non extra.*
2. *Competit hoc ius pallij summo Pontifici; Patriarchæ, & Archiepiscopis, si instanter petuerint, à Sede Apostolica mittitur, denique etiam Episcopis quibusdam ex speciali priuilegio.*
3. *Non potest hac pallij transmissio impediri per obiectionem criminis aut defectus, nisi obijciens promptam fidem faciat, seu obiectionem legitime probet.*
4. *Archiepiscopus consecratus extra ecclesiam suæ prouinciæ ex commissione Archiepiscopi vel Episcopi exercere potest episcopalia, v. g. Ordines conferre, antequam pallium acceperit.*

NOTANDUM Vn. Licet nomine ecclesiæ Episcopalis, Cathedralis plerumque intelligatur, tamen in materia hac fauorabili, & nemini præiudicante, in priuilegio quod Archiepiscopo conceditur, vt in eccle-

sua sua pallio utatur, comprehenduntur omnes ecclesie intra totam eius provinciam, etiam locorum exemptorum, uti hic docet Abb. n. 2. Stephanus Quaranta in Summa Bullarum, ver. Archiepiscopus, autor. 3. 2. §. Notandum.

2. **QVÆRITUR I.** Quibus competat hoc pallij ornamentum? Respondeo: In primis Summo Pontifici, uti habetur infra, c. ad honorem. Deinde Patriarchis reliquis, & Archiepiscopis: quibus Papa confert, si instanter petierint, c. prisca. c. rationis, & seqq. d. 100. ubi Gregor. I. ait, se vñ cum pallio transmissio, privilegia omnia Andree Archiepiscopo in Epyro confirmare, quæ antecessores sui concesserant. Sed antequam pallium accipiat Archiepiscopus, debet solum Catholicam, & erga Sedem Apostolicam subiectionem, obedientiamque iuramento profiteri, c. optatum, ead. d. & c. significasti 4. de elect. Denique etiam Episcopis quibusdam speciali privilegio pallium à Sede Apostolica mittitur, quos refert Hostiensis hic n. 3. Azor. tom. 2. lib. 3. c. 24. q. 3.

3. His adde, quod in extrauag. Ioannis XXII. inter communes, sub eod. tit. habetur: Pallij transmissionem impediri non posse per obiectionem criminis, aut defectus, nisi obijciens promptam fidem faciat, id est, intra bimestre spatium, interposito iuramento, obiecta legitime probet.

QVÆRITUR II. Si Archiepiscopus extra provinciam suam à diocesi Archiepiscopo rogetur, ut sacros ordines cōferat, vel ecclesiam consecret, quomodo id agere debeat. Respondeo, cum Hostiensis hoc tit. §. Et quoloco, in fine. Debet id agere Pontificalibus indutus, præter pallium, quod ipsi extra provinciam suam induere non permittitur. Quod obstat, c. quoddam sicut, 28. §. præterea, de elect. Non enim ibi dicitur, quod Archiepiscopus, quæ eo loco enumerantur, exercere non possit sine pallio (alioquin nec Concilium convocare posset, nisi pallio indutus, quod constat falsum esse) sed quod ea exercere prius non possit, quam

pallium acceperit, sed neque Archiepiscopus appellari possit. Præterea valde credibile est, Archiepiscopum consecratum, antequam pallium acceperit, ex commissione alterius Archiepiscopi, vel Episcopi in diocesi eius, episcopalia exercere posse, v. g. ordines conferre, quia apparet, quod id non agat ut Archiepiscopus, sed ut simplex Episcopus: uti Hostiens. l. cit. observavit. Contrarium tamen resoluit Abb. in c. ex tuarum, n. 19. hoc tit.

CAPITVLVM II.

Ad hoc.

SUMMARYM.

1. Non potest Archiepiscopus alteri Archiepiscopo pallium commodare.
 2. Pallij usus habet se instar privilegij personalis, sed cum restrictione ad locum.
 3. Si Archiepiscopus ad alium transferatur Archiepiscopatum, & alium in locum eum substituitur, uterque novum pallium petere debet.
- Interim Archiepiscopus translatus pallium secum feret, non ut eo utatur, sed ut cum eo sepeliatur.*

QUæsitum fuerat ex eodem Clemente III. utrum Archiepiscopus alteri Archiepiscopo pallium commodare possit? Ad id neganter respondit, quia pallium personæ conceditur, tanquam privilegium eius, cum quo etiam sepeliri debet.

Adde, quod dictum est c. præced. Archiepiscopo prohibitum esse pallij usum extra ecclesias suæ diocesis: Ergo frustra illi commodabitur pallium alienum.

NOTANDVM Vñ. Pallij usus habet se instar privilegij personalis; sed cum restrictione ad locum. Conceditur enim personæ cum ordine ad ecclesias propriæ diocesis.

Obijcies: Pallium debetur dignitati Archiepiscopali, saltem ex gratia generali. Ergo potius inter realia, quam personalia privilegia

privilegia numerari debet. Respondeo, distinguendum esse inter ius pallij petendi, ipsumque pallium & usum eius. Ius pallij, à Sede Apostolica petendi, secundum canones adhæret dignitati Archiepiscopali; idèque inter privilegia realia rectè numeratur, quia ad successorem quemlibet transit.

At verò concessio pallij sit personæ, ita ut usus eius alteri communicari nequeat, sed cum persona extingatur. Interim verò persona, cui pallium ratione dignitatis ecclesiæ suæ conceditur, attendere debet ad privilegia ecclesiæ suæ, ut pallio utatur, sicuti alij antecessores sui. Qua ratione Gregorius I. Pontifex lib. 4. epist. 54. ad Ioannem Episcopum Ravennæ scribit, si in ecclesia eius moris fuit, ut aliquoties, videl. quater in anno, liceat Archiepiscopo extra ecclesiam in litaniis publicis pallio uti, se ipsi hoc privilegium non auferre; licet alioquin secundum canones pallij usus solum in ecclesia permittitur sit.

Corollarium. Si Archiepiscopus ad alium Archiepiscopatum transferatur, & alius ei substituitur, uterque novum pallium petere debet: quia pallium, cum sit personæ datum, non transit ad successorem, ut suprà dictum. Et cum sit datum personæ cum ordine ad certæ diocesis ecclesias, ideo extra ecclesiam illam translatò inferuire nequit, uti constat ex c. bonæ. 4. in fine, de postulat. Prælatorum. Monent autem hîc Ioan. Andr. & Abb. n. 7. quòd Archiepiscopus translatus pallium secum deferat, non ut eo utatur, sed ut cum eo sepeliatur. Qua de re Innoc. hic, ubi monet, quòd talis Archiepiscopus cum utroque pallio sepeliendus sit, ita tamen, ut posterius acceptum alteri superpositum sit, vel, secundum quosdam, quod & convenientius videtur, vnotantem induatur, quod posterius acceperat, alterum autem subijciatur corpori, aut capiti eius.

CAPITVLVM III.

Nisi,

PARAPHRASIS,

Troianus Episcopus postulat fuit ad ecclesiam Panormitanam; Legatus à latere,

non requisitâ prius Sedis Apostolicæ sententiâ, dedit ei transeundi facultatem: is translatus, & receptus mox Archiepiscopum se appellavit. Id postea resciens Innoc. III. scripsit ad Legatum, Tametsi postulatio dicti Episcopi à Sede Apostolica approbata fuisset, quòd tamen Archiepiscopum se nominare nõ debuerit, priusquam pallium à Sede Apostolica accepisset, in quo Pontificalis officij plenitudo, cum Archiepiscopalis nominis appellatione confertur. Monet autem Legatum Pontifex, ut rem gestâ ita studeat palliare, seu tegere, ut id in confusionem suam, & Sedis Apostolicæ opprobrium nõ redundet. Quòd si verò necesse sit, ut vel Legatus confundatur, vel Pontificia potestas detrimentum patiatur, potius permittenda erit confusio Legati: dicendo videl. Malè egisse Legatum, quòd Episcopum sine Pontificis auctoritate transfulerit, & Archiepiscopum appellari permiserit, pallio à Sede Apostolica nondum recepto,

SUMMARIVM.

1. Archiepiscopus ante acceptum pallium non obtinet plenitudinem officij Archiepiscopalis, ita ut actus iurisdictionis maiorem ipsi proprios, v. g. Concilium provinciale convocare, provinciam visitare, ei non liceat, uti nec actus Ordinarii, qui intra Missarum solemnias, aut saltem cum episcopalibus ornamentis peraguntur.
2. Licetum est veritatem dissimulare; nunquam autem falsitatem simulare.
3. Legatus & quilibet Officialis tueri domini sui honorem debet, & potius suam, quam publicæ auctoritatis damnum permittere.

NOTANDVM I. Archiepiscopus ante acceptum pallium à Sede Apostolica, non obtinet plenitudinem officij Archiepiscopalis; id est, non omnia exercere licet potest, quæ ad Archiepiscopum spectant, tametsi electus, confirmatus, imò & consecratus sit. Quia in re ita distinguit post Hostiensensem n. 1. Azor. 2. lib. 3. c. 24. q. 5. Velagitur de actibus

bus iurisdictionis, tum die, quod actus maiores, cuiusmodi est v. g. Concilium provinciale convocare, exercere non possit ante acceptum palliū, e. quod sicut 28. §. Præterea, de elect. At verò alios actus iurisdictionis v. g. causas audire, delegare, iudices creare, ordinandi, consecrandi potestatem dare non prohibetur, vti colligitur ex c. suffraganeis, 11. de elect. Vel agitur de actibus ordinis; tunc distinguitur: quæ ab Archiepiscopo inter Missarum solemnias, aut saltem cum Episcopalibus ornamentis peraguntur, vti sunt ordinare, chrisma conficere, ecclesias consecrare, talia exercere non debet ante acceptum pallium, cit. c. quod sicut, §. Præterea: Quia ea non ut simplex Episcopus, sed ut Archiepiscopus facere censetur, cum tamen ante pallium acceptum, quo plenitudo Episcopalis officij designatur, pro Archiepiscopo se gerere non debeat. Quos verò actus ordinis Archiepiscopus solā tantum indutus exercet, ut si vasa sacra, aut cæmeteria benedicat, talia peragere potest, priusquam pallium acceperit.

2 NOTANDUM II. Licitum est quandoque veritatem palliare, seu dissimulare: sed falsitatem simulare nunquam licet; cum id species quædam mendacij sit. Qua de re dixi lib. 2. Th. mor. tr. 1. c. 11. n. 2. §. Porro, & lib. 4. tr. 3. cap. 13.

3 NOTANDUM III. Legatus & quilibet Officialis publicus Domini sui honorem defendere debet, & potius priuatum damnum permittere, quam ut publicæ potestatis, & auctoritatis diminutio fiat: quia bonum publicum præferendum est priuato.

nec vbiq; nec semper in Missarum solemnijis vtuntur; sed in ecclesiis tantum suis, & certis diebus: quoniam in partem sollicitudinis, non in plenitudinem potestatis vocati sunt.

SUMMARIUM.

1. *Vfui pallij tantum esse debet inter Missarum solemnias.*
2. *Es certis diebus solemnibus iuxta consuetudinem cuiusque ecclesie Metropolitana.*

NOTANDUM I. Pallij vfus secundum canonones esse tantum debet intra missarum solemnias, vti etiam habetur in c. pallium, & c. contra, d. 100. & docet Hostiensis n. 6. Tabiena, ver. pallium.

NOTANDUM II. Pallium, quod Archiepiscopo mittitur, de corpore B. Petri acceptum dicitur, non quod necessario benedicendum sit super altari eius (vti Gl. existimauit c. significasti 4. de elect. ver. assumuntur, cui hic contradicit Hostiensis n. 3.) sed quia significat veluti particulam potestatis ecclesiasticæ, deriuatam ex plenitudine potestatis Pontificis, vti colligitur ex cit. c. significasti.

QVÆRITUR hic: Quinam sint ij certi dies, quibus Archiepiscopo permissum est pallio vti in ecclesiis sibi subiectis? Respondeo. 3. Eos numeratos esse hic à Gl. ver. ad honorem, Hostiensis §. Et quibus diebus. Vno verbo dici potest, Pallio Archiepiscopum vti posse in diebus solemnibus, spectata consuetudine cuiusque ecclesie Metropolitanae;

CAPITVLVM V.

Ex tuarum.

PARAPHRASIS.

Compustellanus Archiepiscopus supplicauit Innoc. III. Pontifici, vt extra prouinciam pallio vti per Apostolicæ Sedis indulgentiam ipsi concederetur; propterea quod frequenter extra prouinciam ob ecclesie suæ negotia commorari debeat; & in Hi-

CAPITVLVM IV.

Ad honorem.

PARAPHRASIS.

Solus Pontifex Romanus in omnibus Missarum solemnijis vbiq; locorum pallium gerit, ad significandum ecclesiasticæ potestatis, quam gerit, plenitudinem. Alij autem, quibus pallium concessum est, eo

in Hispania generalis consuetudo existat, vt Archiepiscopi etiam extra prouincias suas pallio indifferenter vtantur. Respondet Pontifex; Tametsi talis consuetudo dicenda potius sit corruptela, nihilominus ex gratia speciali indulgere se Archiepiscopo Compostellano, vt, si necessitate occurrente ordinationis Clericorum, vel Episcoporum consecrationis faciendæ, ad ecclesiam sibi subiectam tunc accedere nequeat, sed ad alienam se conferre cogatur, pallio vti ipsi liceat; dummodo is, ad quem ecclesia pertinet, id permittat.

SUMMARYM.

1. Non valet consuetudo, vt Archiepiscopus sine priuilegio speciali pallio vtatur extra prouinciam suam.
2. Priuilegium alicui concessum ita interpretandum est, vt aliis non fiat praiudicium.

NOTANDVM I. Non valet consuetudo, vt Archiepiscopus, sine priuilegio speciali, pallio vtatur extra prouinciam suam. Ratio est: Quia pallij concessio expressis verbis ad prouinciam limitatur: *intra ecclesiam suam eo vtatur*. Ergo contra primam pallij institutionem est, & contra proprios concessionis limites, si pallij vsus extra prouinciam extendatur.

2. NOTANDVM II. Priuilegium alicui concessum ita interpretari oportet, vt alijs praiudicium non generetur. Videl. Priuilegium Archiepiscopo concessum, vt pallio in prouincia aliena vti ipsi liceat, explicari debet, si Prælatus eius loci, consensum præbeat. Sed cuiusnam consensus hoc casu requiritur? Respondeo cum Abb. hic n. 11. & c. seq. n. 3. Si Archiepiscopus in aliena diocesi Clericos ordinare velit, in primis consensum habere debet proprij Episcopi; ne eius iurisdictionem inuadere censeatur. Deinde, si pallio vti velit inter ordinandum, necessaria ipsi est licentia Metropolitani: cum enim is pallium acceperit tanquam priuilegium personale protota prouincia, seu om-

nibus ecclesijs prouinciæ suæ. sequitur, si alius Archiepiscopus in tali ecclesia pallio vtatur, id cedere in diminutionem iuris illius, nisi consensum præbuerit.

CAPITVLVM VI.

Cum sis.

SUMMARYM.

1. In qualibet ecclesia sue prouinciæ Archiepiscopus, permixtis diebus, Missam celebrans vii pallio potest.
2. Eodem vii posse videtur extra ecclesiam sub dio celebrans ob populi multitudinem, quam ecclesia non capit.

Non tantum in ecclesijs Cathedralibus, sed etiam in alijs prouinciæ suæ ecclesijs Archiepiscopus in diebus solemnibus inter Missarum solemnias pallio vti potest.

QVÆRIT hic Ioan. Andr. Quid si Archiepiscopus sub papilione in castris, aut in domo priuata propter necessitatem celebret, vtrum pallio vti possit? Videtur enim affirmandum arg. huius c. propter verbum *vbicumq;*. Sed Ioan. Andr. & alij negant. Quia iura iuribus concordare oportet, c. cum expediat, 19. de elect. in 6. Constat autem ex c. 1. vsu pallij ad ecclesias restringi: Ergo illud *vbicumq;*, *celebraueris* explicari debet, in quacunque tuæ prouinciæ ecclesia celebraueris.

Arbitror tamen, si ob hominum multitudinem, quam ecclesia capere non potest, præforibus eius altare extruatur portatile, quod in eo Archiepiscopus celebrare possit solemniter cum pallio. Quia eius, quod per accidens in aliquo casu contingit, ratio haberi non solet. Atque hæc celebratio veluti subrogatur in locum eius, quæ in templo fieri deberet, vt proinde eisdem priuilegijs gaudeat. Spectanda verò etiam in hac re est ecclesiæ cuiusque consuetudo.

CAPITVLVM VLT.

Quia nos.

S V M M A R I V M.

1. *Sine pallio & sandaliis potest Archiepiscopus celebrare.*
2. *In aliena diœcesi celebrans Missam vti isdem potest, non petita licentiâ proprii Episcopi, iuxta probabilem sententiam; contraria tamen viget consuetudo, in Germania saltem.*
3. *In Missa pro defunctis Archiepiscopo pallio vti non licet, nisi in priuilegio expressum sit, usum ei concessum in tali Missa.*

Archiepiscopus quidam inter alias quaestiones proposuit Honorio III. Vtrum tam in sua, quam in aliena diœcesi celebrare possit absque pallio, & sandaliis. Deinde vtrum licitum ipsi sit pro defunctis cum pallio celebrare. Ad 1. q. affirmatiuè respondet Honorius: Quia nec in sua diœcesi Archiepiscopus pallio semper vti debet, sed ijs tantum diebus (videl. solemnibus) qui in ecclesiæ suæ priuilegijs expressi sunt. In aliena verò diœcesi pallio vti non debet, nisi speciale priuilegium habeat: & tamen nihilominus Missam celebrare potest.

Sed numquid in aliena diœcesi celebrans Missam, sandaliis, alijsque Pontificalibus insignibus vti potest, etiam non petita licentiâ proprii Episcopi? Eadèmq. quaestio procedit de Prælati benedictis, vtrum Pontificalibus in aliena ecclesia vti possint absque licentiâ Prælati. Hanc q. tractat Gl. in Clem. Archiepiscopo, de priuilegijs, & cum Hostiensis tenet sent. affirmatiuam, contra Innocent. in hoc c. Quia insignia Pontificalia spectant quodammodo ad celebrationem Episcopi: vt sicuti Missam celebrare in aliena diœcesi Episcopo concessum est, ita etiam insignibus Episcopalibus vti, vti docui etiam lib. 3. tr. 4 c. 5. n. 5. in fine. Quasi simili ratione

docent DD. apud Angel. ver. priuilegium, §. 4. quòd priuilegium concessum Episcopo tempore interdicti Missam faciendi, explicandum sit, quòd in Pontificalibus possit: quia hic est proprius eius sacrificandi modus. Idèmq. inter alios docet Augustinus Barbosa de offic. Episcopi, p. 2. allegat. 27. n. 64. addens, quòd Episcopus in aliena diœcesi populo solemniter benedicere possit, etiam absque ordinarij Episcopi consensu: quia iste est actus ordinis, non iurisdictionis. Hæc sententia est probabilis. Sed aduerto inprimis, contrariam vigere consuetudinem, saltem in nostra Germania; non enim solent Episcopi in diœcesi aliena, aut alij Prælati in ecclesiis sibi non subiectis sacrificare in Pontificalibus, multo minùs actum Pontificalis exercere, v. g. solemnem benedictionem dare, nisi accedat cõsensu Episcopi ordinarij, vel alterius Prælati, si v. g. Abbas in alieno Monasterio celebret. Et consentithuic consuetudini, c. Abbates, de priuili. in 6. & cit. Clem. Archiepiscopo. Ad rationes in contrarium responderi potest: Insignia Pontificalia v. g. pedum, anulum, non significare tantum ordinem & dignitatem episcopalem: sed etiam iurisdictionem, maxime si accedat solemniss populi benedictio: quare hæc competunt Episcopo, vel alteri Prælato non simpliciter, sed cum ordine ad ecclesiâ, vel diœcesiam suam. Ex quo sequitur, quòd Episcopus, qui renuntiauit Episcopatu, Pontificalia exercere non possit, absque Apostolicæ Sedis licentiâ, arg. c. de renunt.

Alia quaestio Innoc. proposita erat, vtrum in sacrificio pro defunctis Archiepiscopum pallio vti oporteat. Responsio est negatiua, nisi in priuilegio expressum sit, vt in Missa pro defunctis pallio vti liceat: alioquin solum in solemnibus diebus, quibus Archiepiscopus pro defunctis non celebrat, pallio vti debet. Hæc videtur esse mens

Gl. Innoc. Abb. & aliorum hic.

TITVLVS IX.

DE RENVTIATIONE.

Rostquam dictum est de modis acquirendi prælaturam ecclesiasticam, postulatione, electione, translatione, atque depalio, per quod traditio potestatis ecclesiasticæ completur, subiungitur de renuntiatione, qui est præcipuus modus prælaturæ, aliæque ecclesiasticæ beneficia amittendi. Renuntiatio interdum accipitur latè, pro cuiuscunque iuris sui refutatione, quo sensu dicunt DD. in c. quia periculosum, 8. causa. 7. q. 1. quod liberum cuique sit iuri suo renuntiare: dummodò id fiat sine præiudicio alterius, etiam Ecclesiæ, seu Communitatis: ob quam causam Clerici priuilegio canonis, aut fori renuntiare haud possunt. Interdum verò accipitur strictè, vt in hoc tit. pro resignatione iuris sibi competentis circa beneficium ecclesiasticum, & definiri solet: spontanea proprii beneficii dimissio, facta coram legitimo Superiore, id acceptante.

CAPITVLVM I.

Literas.

Archiepiscopus Londonensis aliquoties à Sede Apostolica petiuerat, vt Archiepiscopatu renuntiare ipsi liceret, prætendens senectutem, & corporis debilitatem, ob quam ad onera ecclesiæ sustinenda insufficiens esset. Ad id respondit Alexander, Consultius se arbitrari, vt eo tempore persecutionum Ecclesiæ Anglicanæ auctoritate eiusdem Archiepiscopi gubernetur, quam vt nouo incognito nauarcho committatur: præsertim cum corporis viribus deficientibus, ardore fidei & deuotionis tantò magis augeatur. Quare hortatur Archiepiscopum, vt Apostolicæ Sedi molestiam exhibere desinat, liberationem petendo, cum non

deceat in ipsis periculis belli exuere militis cingulum, priusquam victoria ab hostibus obtenta, & optata pax restituta sit.

NOTANDVM I. Prælati renuntiatio admittenda non est, dum ecclesiæ utilis existit. Qua de re infra in c. nisi, 10. hoc tit.

NOTANDVM II. Miles durante bello non facile dimitti debet: cum id in Reipubl. seu exercitûs damnum cedat. Quæ de re GL. margin, hoc cap.

CAPITVLVM II.

Cùm inter.

PARAPHRASIS.

Inter Petrum Gaufridi, & quosdam alios Canonicos diu fuerat agitata controuersia super beneficio ecclesiastico, & pertinentibus iuribus, videl. stalli in choro, loco in Capitulo. Denique Petrus cessit iure, si quod ei competeret, iuramento se obstringens, quod beneficium istud petere amplius nolle. Postea verò Romanus Pontifex idem beneficium Petro conferri mandauit, si maior Capitularium pars consensum dederit: Queritur, vtrum iuramētum ob stare debeat, quò minus Petrus beneficium consequi possit. Respondet Pontifex: Si maior pars Capitularium consensum præbuit, Petrum non obstante iuramēto suo, in possessione beneficii, in quo Pontificia auctoritate inuestitus est, defendendum esse.

SVMMA RI VM.

1. Qui iuramento renunciat beneficio, licet potest illud nihilominus petere & obtinere, si denno eligatur, vel insinuetur.

2. *Et hoc quidem procedit etiam in casu quo per iuramentum renunciaisset omni iuri quaesito, & acquirendo, & Superior imperaret, ut oblata praelatura vel beneficium acceptaretur.*
Aut in fauorem Canonicorum, qui eum de nouo eligerent, editum esset iuramentum.
3. *Obligabit autem hoc iuramentum, si editum esset in honorem Dei.*

NOTANDUM Vn. Qui beneficio, quamuis iuratus, renunciauit, potest nihilominus illud petere, & obtinere, si post iuramentum denno ad id eligatur, vel instituat. Et generalius loquendo: Renuntiatio, ipsumque iuramentum renuntiandi iuri suo interpretandum est secundum rei statum, & causam tunc subsistentem, non item si causa superueniat, arg. veniens, 16. & c. quemadmodum, 25. de iureiur. Quia simili ratione, si pacem cum inimico iuratus iniueris, non obligaris iuramento, postquam noua illum offendendi causa superuenit; v. g. si ille iterum iniuriam intulit, vti Abb. hic docet n. 10. Ratio est: Quia iuramentum, cum strictae interpretationis esse oporteat, iuxta l. quidquid, ff. de verbor. obligat. extendi non debet ad futura, quae plerumque incognita sunt, ideoque non comprehensa censentur sub iurantem intentione, Quia de re vide, quae fusiùs dixi lib. 4. Th. mor. tr. 3. c. 9. n. 1. & n. 5. in. 4. condit. Vel dicere potes, renunciationem, cum sit iuris resolutio, quae non faciliè praesumitur, strictae interpretationis esse, ideoque non extendendam ad renuntiationem iuris ex causa postea superueniente oritari, vt docet Ioseph. Mascardus vol. 3. de probat. concl. 126. n. 13.

Sed restat quaestio, si animus fuit per iuramentum renuntiandi omni iuri seu quaesito, seu ex noua causa acquirendo, vtrum nihilominus acceptari possit beneficium ob nouam electionem, vel institutionem. Resp. In primis omne eiusmodi iuramentum interpretandum est, saluo iure Superioris, qui ex iusta causa, tendente ad ecclesiae utilitatem, imperare potest, vt oblata Praelatura, aut be-

neficium acceptetur, argum. c. venientes, 19. de iureiur. Deinde, considerandum est, in cuius praecipue fauorem, aut utilitatem iuramentum editum sit: An in Canonicorum, quibuscum controuersia intercessit; tum ijs de nouo eligentibus renuntians consensum dare potest, vti rectè hic docet Innoc. Quia iuramentum in alicuius fauorem, aut utilitatem editum, intelligi debet, nisi ille expressè, vel tacite obligationem remiserit, vti dixi. lib. 4. Th. mor. tr. 3. c. 9. n. 4. in 3. condit. An verò iuramentum editum fuerit in honorem Dei, quia beneficiatus seculo renuntiare, & Religionem ingredi cogitauit; tum sanè obligatur iuramento, propter statum Religiosae paupertatis meliorem.

CAPITVLVM III,

Ex transmissa,

PARAPHRASIS,

Rubeus secularis, Canonicus Ecclesiae S. Nicolai, cum infirmitate premeretur, petit in Monasterio Saluatoris habitum monasticum, eum cum induisset, ex morbo conualuit. Quamobrem rogauit, ex Ecclesia S. Nicolai ea sibi restitui, quae obtulerat, ijsque obtentis, reuersus est ad Monasterium, votum seu desiderium suum monastici Instituti impleturus. Sed mox mutato animo, antequam professionem ederet, volebat restitui in ecclesiam S. Nicolai, cuius Canonicus fuerat. Ad id respondet Alexander III. Quoniam Ecclesia S. Nicolai à Rubeo soluta est, propter tacitam eius renuntiationem, quam fecit petendo, & recipiendo ea, quae ecclesiae donauit: ideo Abbatem S. Nicolai & socios eius compelli non posse ad recipiendum Rubeum: quamuis rogari possint, vt eum de nouo in fratrem & canonicum ex gratia recipere dignentur.

SUMMARYM.

1. *Qui renunciat beneficio, illud repetere*

non potest, sed amittit omne ius in beneficio.

2. *Idem est de eo, qui absolute & in perpetuum depositus est.*
3. *Mulieres, ut nouitia, ingressa Monasterium, strepetant & recipiant dotem, hoc ipso significant, se mutasse animus, & nolle Religionem profiteri,*
4. *Forè non est consultum, ut beneficiatis religionem ingressuri ante ingressum beneficio renunciant. Renunciatio autem facta post ingressum ante duos menses professioni faciendæ proxime irrita est.*

NOTANDVM I. Qui renuntiat beneficio expressè, aut tacitè (quod fit factò aliquo renuntiationem significante) amittit omne ius in beneficio, posteaquam renuntiatio à Superiore accepta fuit: adeò, ut si de nouo instituat, vltimū locum tenere debeat. Idemq; dicendū de deposito absolute, seu in perpetuū. Sed alia ratio est de priuato ad tempus, seu suspensio: is postea restitutus, recuperat iura & locum suum, vti constat ex l. 1. ff. de decurion. lib. 1. vbi id Bartol. docet, & Abb. hic. n. 5.

NOTANDVM II. Si mulieres, quæ alata dote in Monasterium, probationi se subiiciant, dotem repetant, & recipiant, eo ipso significant, animum se mutasse, ut Religionem profiteri nolint: Quia censentur repetere tanquam datum ob causam, causā non secutā.

Ad extremum monere hic volui, ferme non esse consultum beneficiatis, ut Religionem ingressuri beneficijs suis antè renuntient. Sin autem post ingressum tempore durantis probationis, ante duos menses professioni edendæ proximos, beneficio suo aliquis renuntiet, irrita est renunciatio, ob Trident. Constit. sess. 25. c. 16. de Regular. Quamobrem durante tempore probationis, beneficium, si opus sit, per Vicarium administrari debet, congrua illi fructuum portione assignata. Vide quæ dixi, lib. 3. Th. moral. tr.

§. C. 7. q. 3.

Admonet.

PARAPHRASIS.

Alexander III. scribit ad Episcopum Tornacensem, ut prohibeat Clericis suæ diocesis, ne Ecclesias ad suam prouisionem spectantes absque assensu suo accipere, detinere, aut dimittere præsumant: Sin verò contra hanc prohibitionem fecerint, canonicas in eos censuras inferat.

SVMMARIVM.

1. *Ad Episcopum spectat iure ordinario beneficiatos in ecclesijs instituere, eorūque resignationes acceptare.*
2. *Beneficiatis resignare debent beneficia sua in manibus Ordinarij: alijs reuocari possunt: quod tamen suas limitationes patitur.*
3. *Resignationes ecclesiarum parochialium ordinarij non acceptantur, nisi saltem tribus vel quatuor annis ecclesiam possederit: difficilius recipiuntur resignationes Prælatorum habentium ordinariam & generalem iurisdictionem, ut sunt Abbates, Præpositi, alij Regulares, &c.*
4. *Ordinarij sciens discessum Prælati, aliteri sue beneficiati, si non contradicant, neque infra sex menses eum reuocet, censetur renuntiationem habere ratam.*
5. *Beneficiatus ab ingressu in religionem impediri non potest ab Episcopo, ita ut sufficiat ab eo hoc casu licentiam petere, licet eam non obtineat.*
6. *Neque ab Episcopo impediri potest, si ad maiorem curam, dignitatem, vel prælaturam eligatur, & nullum obstat canonicum impedimentum.*
7. *Et si ius conferendi beneficia perlineat iure speciali, vel consuetudine ad inferiorem Episcopo, non tamen propterea etiam ad eundem pertinet potestas resignationes accipiendi, nisi in iurisdictionem*

non

nem in beneficiatos habeat, ut eos etiam destituere, seu deponere possit.

8. *Accusatus de crimine, ob quod beneficium privari potest, ante sententiam privationis renuntiare potest, nisi iam conclusum sit in causa, vel alius impetrarit à sede Apostolica beneficium, de cuius vacatione speratur.*

NOTANDUM I. Ad Episcopum iure Ordinario spectat, beneficiatos in Ecclesijs instituere, eorumque resignationes accipere. Ita etiam habetur c. 2. & seq. causa 10. q. 1. c. 2. de Instit. c. 1. de capell. Monachorum c. cum exiniuncto, 12. de hæreticis, quod ad officium Episcopi tam institutio, quàm destitutio sacerdotum pertinet.

9. **NOTANDUM II.** Beneficiati beneficia, quæ canonicè consecuti sunt, arbitrato suo deserere non possunt; sed ea in manibus Ordinarij resignare debent: alioquin reuocari possunt, vti etiam constat ex c. non oportet, 19. c. si quis verò, 23. & seq. causa 7. q. 1. Et de omnibus beneficiatis tradit hic Gl. communiter recepta, ver. inconfusio. Cum enim Ecclesia seu beneficium beneficiato obligatum sit, adeò, vt sine iusta depositionis causa eo privari non possit, si ipsi in titulum, adeoque in perpetuum collatum fuerat, æquum omnino est, vt similem obligationem beneficiatus contrahat, ne videlicet beneficium dimittere seu resignare possit, nisi acceptante Ecclesiæ Prelato. c. 3. n. 44.

Sed limitari debet primò: Si quis solum habeat ius ad rem, per electionem, postulationem, aut literas Papales de promovendo. tum propria auctoritate renuntiare potest, ante accedentem Superioris confirmationem, aliàque institutionem. Ita sumitur ex c. ad audientiam, 31. de rescript. & c. si electo, 26. de elect. in 6. vbi id tradit Gl. communiter recepta, ver. renuntiat, Anton. de Butrio, c. quod in dubijs, n. 4. Ioann. Ananias, n. 18. hoc tit. Sed bene monet Gl. cit. Non obstante denuntiatione electi, si electores in materia, aut forma electionis non peccarunt, posse Superiorem, cognita causa,

eos privare, aut priuatos declarare; quandoquidem electio, quoad ipsos, qui officio functi sunt, effectum habuisse censetur per electionis promulgatum decretum, vt dixi in c. publicado, 58. de elect. & sumitur ex c. perpetuo, 7. eod. in 6.

Secundò limitant Anton. Butrio c. quod in dubijs, n. 4. hoc tit. Garcias de benefic. p. 11. c. 3. n. 249. etiam post collationem, si causa litigiosa sit, & ius verè dubium, renuntiari posse absque Superioris auctoritate. Quia renuntiatio, per quam in causa dubia receditur à lite, fauorabilis est, ac facilius admittenda.

Sed contrarium magis placet, quod docet Ananias cit. c. quod in dubijs, n. 18. Primò: Quia hæc limitatio nullo iure ostendi potest: Ergo standi est regulà, quod resignatio beneficii acquisiti absq. Superioris auctoritate fieri nõ debeat. Secundò: Quia sæpe inter est, vt Episcopus, seu Ordinarius cognoscat causam renuntiationis, præsertim in beneficijs curatis, vtrum Ecclesiæ expedit, necne: Itē, num facta sit sponte, nullo metu cogente, nec simoniæ a portione interueniente: propter quas non expedit, vt renuntiatio beneficii firma sit, priusquam ab Ordinario approbetur, seu ratificetur. Fateor tamen ob litis componendæ, seu cõcordiæ causam, renuntiationes in causa dubia seu litigiosa facilius admittendas esse. Videri etiam possit Azor. tom. 2. lib. 7. c. 30. q. 3. vbi tradit, beneficium litigiosum nec impetrari, nec apud Papam renuntiari posse in gratiam alterius, non facta mentione litigiosi.

His adde primò: Renuntiationem Canonicatum, & similibus simplicium beneficiorum, Ordinarij, alijsque habentes ius recipiendi resignationes, faciliè admittere debent, ordinariè loquendo: dummodò beneficiato, si in statu ecclesiastico manere velit, prouisum sit, vt honestè se alere queat. At verò resignationes ecclesiarum parochialium, spectata consuetudine Curie Romanæ, quam alios Ordinarios imitari decet, ordinariè non recipiuntur, nisi Parochus aliquot, saltè tribus vel quatuor annis ecclesiam possederit. Quæ de Garcias p. 11. c. 3.

num. 44. Habenda etiam inprimis est ratio plebis, quid ei vtile sit, arg. c. quidem, 12. infra, hoc tit.

Aliquantò difficilius admittuntur resignationes Prælatorum, habentium ordinariam & generalem iurisdictionem, cuiusmodi sunt Abbates, & Præpositi Regulares, &c. Veruntamen si causam aliquam cedendi habeant, ab Episcopo retinendos non esse constat ex c. vlt. causæ 16. q. vlt. Denique Episcoporum, qui archissimo & indissolubili vinculo cum ecclesiis stricti censentur, resignationes non admittuntur, nisi à Sum. Pontifice, ex vna causarum, de quibus infra c. nisi, 19. hoc tit.

4. Adde secundò: ex Innoc. & Ioan. Andr. hoc c. Si Ordinarius sciens discessum Prælati, alteriusve beneficiati non contradicat, neque eum intra sex menses reuocet, quòd renuntiationem eius ratam habere censetur; ideòque electores ad nouam electionem, vel ob causam negligentie Superiorem ad nouam provisionem procedere posse: Consulitus tamen esse aiunt, vt prius admoneatur Ordinarius, quàm tale quippiam saltem ab inferioribus electoribus aut collatoribus attemptetur.

5. Adde tertio: Si beneficiatus ad Religionem se conferre velit, impediri non posse ab Episcopo; adeò, vt hoc casu sufficiat licentiam petere, iure ipso Pontificio discedendi potestate faciente, si Episcopus eam neget, argum. c. licet, de Regular. & tradit Gl. cit. Hostiensis hic in sum. §. Cui fit renuntiatio, Abb. in hoc c. n. 4.

6. Adde quarto: Si beneficiatus ad maiorem curam, dignitatem, vel Prælaturam eligatur, & nullum canonicum obstet impedimētum, Episcopum impedire eum non posse, vti docet idem Hostiensis in sum. tit. de postulat. Prælatorum, §. Quis postulandus, Gl. final. huius c.

QUÆRTUR PRIMO. Si beneficii collatio pertineat ad inferiorem Episcopo, videl. ad Capitulum ecclesiæ Cathedralis, vel ad Præpositum, vtrum in manibus eiusdem collatoris, an verò in manibus Episcopi cessio seu resignatio beneficii facienda sit.

Respondeo, & Dico I. Tametsi iure speciali, vel consuetudine præscripta ius conferendi beneficia pertineat ad inferiorem Episcopo, nò ideo consequens est, quòd ad eundem pertinere debeat potestas resignationes accipiendi: præterquam si iurisdictione obtineat in beneficiis, ita vt eos etiam destituere seu deponere possit: cuiusmodi potestatem quasi episcopalem habent quidam Prælati exempti. Ita post Innoc. in c. quod in dubijs, Abb. ibid. n. 6. Ioan. Ananias n. 19. Gl. in Clem. vn. hoc tit. ver. manibus, Ibid. Imola, Christoph. Rossiniacus de beneficijs, c. 14. n. 54. Petr. Gregor. Tholos. de re benefic. c. 31. n. 11. Ratio est: Quia præscriptio, præsertim contra facultates Episcopis communi iure concessas, strictæ interpretationis esse debet, vt non extendatur ad casum, seu actum diuersum: Atqui beneficia conferre, & beneficiatorum resignationes accipere, diuersa iura sunt, quæ frequenter nò ad eundem, sed ad diuersos spectant, vti ostendit Tholosanus cit. loco. Ergo ex eo, quòd ad inferiorem Episcopo beneficij collatio speciali iure spectat, non est consequens, ad eundem etiam pertinere, vt resignationes accipiat.

Dico II. Frequenter accidit, vt hæc dux potestates in inferioribus collatoribus coniunctæ sint, vt sicuti beneficia conferre, ita etiam eorum resignationes accipere possint. Hæc assertio est secundum mentem Gl. in cit. Clem. vn. Hostiensis in sum hoc tit. §. Cui fit renuntiatio, Syl. ver. renuntiatio, q. 3. vbi generatim aiunt, beneficiorum resignationes coram eo fieri, à quo acceptæ fuerunt. Quod intelligo, non quia ita secundum canonum præscripta fieri necesse sit; sed quia ita fieri plerumque consuevit, vt iidem, ad quos iure ordinario pertinet beneficia conferre, seu beneficiatos instituere, resignationes etiam accipiant: saltem, si loquamur de simplicibus beneficijs, v.g. canonicatibus, quos si Capitulum v.g. sine dependentia ab Episcopo conferat, eorundem quoque resignationes accipere consuevit. Sed alia ratio est de beneficijs curatis, quorum prouiso, & consequenter etiam de titutio seu resignatio, absque examine, seu assensu Episcopi fieri non de-

bet in ecclesiis subiectis curæ eius, vti non obsecrè colligitur ex hoc c. & c. 1. de capellis Monachor. & c. vn. eod. in 6. Trident. sess. 25. c. 9. de reform. & videri potest Abb. c. in Lateranensi, § 1. n. 6. de præb.

8. **QVÆRITVR** 1. Vtrum accusatus de crimine, ob quod beneficio priuari potest, ante latâ priuationis sententiam renūciare possit: Responsio est affirmatiua, quam ex comuni explicauit lib. 4. Th. mor. tr. 2. c. 17. prope finem. Et ampliatur hæc doctrina apud Steph. Quarentam in sum. Bullarij, ver. beneficiorum resignationes, vt etiam procedat pendente appellatione post sententiam priuationis, quia sententia per appellationem suspensa manet, dummodò hoc casu in resignatione mentio fiat de appellatione. Limitationes verò duas affert idem Auctor circa resignationem in alterius fauorem: I. Si conclusum sit in causa, ita vt nihil restet, nisi proferenda sententia. II. Si alius quispiam à Sede Apostolica impetrauit beneficium, de cuius vacatione speratur: his duobus casibus renuntiatio irrita, aut subreptitia censenda erit.

CAPITVLVM V.

Super hoc.

PARAPHRASIS.

Titius beneficij possessionem amisit, illudq. ad Caium peruenit: Ille reposcit beneficium à Caio, tanquam in quo canonicè inuestitus fuerat: Caius excipit, quòd idem Titius spontè cesserit, seu renuntiàrit beneficio, nullam causam exprimens factæ renuntiationis. Sed Titius Actor negat se sponte renuntiàsse, quin potius vi & metu adactum fuisse.

QVÆRITVR hoc casu primò: Vtrum Reus audiendus sit, si spontaneam renuntiationem, sine causæ expressione obijciat. Secundò: Vter ad probationem pro altero admiuendus sit, Actorne, quòd sponte non renuntiàrit, an verò Reus, quòd spontanea renuntiatione interuenierit.

Ad 1. q. respondet Clemens III. Vtile &

consultum fore, vt Iudex, coram quo controuersia agitur, causam renuntiationis inquirat, & cognoscat, eùm verisimile non sit, quòd Titius beneficium, ex quo sustentari debet, & multis fortè expensis ac laboribus acquisiuit, facili de causa abiuraret: Quòd si autem allatâ causâ renuntiationis, intelligat eam probabilem esse, ad eòq. renuntiationem factam non per vim aut metum, nec per extorsionem, neque per pecuniæ, aut promissionis interuentum (maximè si nec iuramentum interuenierit; quandoquidem iuramentum rarò ex spontanea voluntate, sed plerumque ex necessitate procedit, à malo originem trahens) illam admittat: præterquam si Actor replicet, se quidem renuntiàsse beneficio, sed renuntiationem spontaneam non fuisse. Hoc casu Actor ad probandam replicam admitti debet. Quia licet factum negatiuum, si nudè & præcisè spectetur, probari non possit: potest tamen, si implicitè & virtualiter cōtineat affirmatiuum, vt in casu proposito, si Actor dicat se renuntiàsse non sponte, implicitè asserit sibi vim illatam esse. Fieri autem tunc solet, vt pro eius replicatione (considerata conditione dignitatis, ac bonæ opinionis suæ) maior præsumptio sit, quam pro exceptione Rei; ideòque hoc casu Actor, præ Reo ad probationem admitti debeat.

SVMMARIVM.

1. Renunciatio non facili præsumitur, id est, que stricti iuris seu interpretationis est, neque extendenda ultra casum expressum.
2. Actor sua petitionis causam exprimere debet, non autem, ordinariè loquendo, reus sua exceptionis.
3. Si præsumptio maior sit pro actore replicante, quam pro reo excipiente, tum Actor potius ad probationem replica admittendus est.
4. Renunciatio beneficij facta alicui, quàm legisimo Superiori aut Collatori, valet in præiudicium renunciantis, ita vt beneficio priuari possit.

1. Simoniaca renuntiatio omni iure irrita est: quamvis simoniace renuncians in criminis poenam beneficio privati possit.

NOTANDUM I. Renuntiatio facile non presumitur, ideoque stricti iuris, seu interpretationis esse censetur, uti docent DD. apud Iosephum Mascardū de probat. vol. 3. cōcl. 1263. Est enim repudiatio iuris, adeoque species quædam donationis: nemo autē facili de causa donare, seu propria iactare creditur, l.cū de indebito, 25. ff. de probat. Quamobrem docent Doctores apud eundem Mascardum, quod renuntiatio extendenda non sit ultra calum expressum: ut si quis iuri suo renuntiet ex vna causa, vel vnijs privilegijs adiumento: non ideo etiam censendus sit renuntiasse ex alijs causis, titulis, aliisque privilegijs. Si tamen renuntiatio generalibus verbis concepta fuerit, ad omnia se extendit, solum familia, & non maiora ijs, quæ expressa sunt, iuxta ea quæ dixi in c. sedes, 15. de rescriptis. Neque tamen renuntiatio generalis extendi debet ad insolita, aut probabiliter incognita, neque ad ea, quæ specialem renuntiationem suapte natura requirunt, qualis est causa alimentorum, dotis, bonorum feudaliū. Interdum tamen si renuntiatio generalissima sit, præsertim geminata, etiam ea comprehendere censetur, quæ alioquin specialem derogationem requirunt, uti notauit idem Mascardus cit. concl. 1263, n. 45. post Bartol. in l. si de certa, C. de transact. & l. in fine, ff. si quis in ius.

NOTANDUM II. Non vti actor causam suæ petitionis exprimere debet, l. 1. ff. de eundo, cap. 2. de libelli oblatione: ita etiam Reus, ordinariē loquendo, exceptionis causam dicere tenetur, quia actio tendit ad alterius obligationem: exceptio verò ad liberationem: liberationis autem maior fauor esse solet, iuxta l. tale, 40. ff. de pactis, l. cū de indebito, 25. in fine, ff. de probat. c. si cautio, 14. de fide instrumentorum: Ex quibus iuribus habetur, quod confessio debiti sine expressione causæ rejicit onus probandi in creditorem: sed confessio solutionis, aut remissionis sine expressione causæ, absolute li-

berat debitorem. Veruntamen si præsumptio sit contra Reum excipientem, tum Iudex ex officio cogere illum potest ad expressionem causæ: Vt in proposito casu, si Reus conuentus dicat, quod Aduersarius spontanea voluntate renuntiari beneficio, interrogari potest, quam causam ille habuerit huius renuntiationis faciendæ. Quia id scire vtile est ad causæ expeditionem: quamuis absolute non necessarium, cū satisfaciatur Reus, si testes exhibeat, qui dicant se renuntiationi factæ interfuisse, eamque audiuisse, neque vllam aduersus circumstantiam, ob quam non spontanea, sed coacta aut extorta renuntiatio censeri deberet, sicuti ex Antonio de Butrio refert hic Imola, n. 18.

NOTANDUM III. Si præsumptio maior sit pro Actore replicante, quàm pro Reo excipiente, tum Actor potius ad probationem replicæ admittendus est: Vt in proposito casu, si vir probatæ vitæ dicat, ac probare velit, se non sponte, sed coactum beneficio renuntiasse: quandoquidem nemo facile iuribus & commodis suis renuntiare censetur. Accedit, quod violentia, quippe exterior conspicua, facilius probari possit, quàm spontanea renuntiatio, quæ in animo latens est, & ferme probari non potest, nisi per negationem, videlicet nullam vim adhibitam fuisse: qua de re videri hic potest Innocent. n. 8. Abb. 34. 35. Vide quoque in simili dixi lib. 4. Th. mor. tr. 3. c. 5. n. 3. dicto 2.

His adde: Si Actor probet se violentiam passum, atque beneficio spoliatum esse, ideoque agat interdictō possessionis recuperandæ, ei obijci non posse exceptionem factæ renuntiationis, uti habetur in c. 2. de restit. spoliatorum: quia spoliatus prius restitui debet, quàm de iure proprietatis discipetur.

NOTANDUM IV. Renuntiatio beneficii facta alteri, quàm legitimo Superiori aut collatori, valida est in præiudicium renuntiantis, ita ut beneficiū priuari possit. Ita docent DD. in c. quod in dubijs, hoc tit. & colligitur ex hoc textu, cū dicitur, renuntiationem à Superiore admittendam, seu ratam habendam esse, si ostensum fuerit, non

vi, nec metu, nec oppressione, nec pecuniæ interuentu, nec alia simoniaca pactione pactam fuisse, haud dubiè coram alio, quàm Superiore. Porro si ostensum fuerit, per vim, aut metum iniustum renuntiationem factam esse, seu in manibus Superioris, seu alterius cuiusque, succurrendum est metum passo, iuxta c. 2. de ijs qui vi, &c. Sin autem renuntiationis simoniaca fuit, omni iure irrita censeri debet, iuxta c. cum non pridem, & c. ult. de pactis. Quamuis simoniacè renuntians in criminis poenam beneficio priuari possit per Superioris sententiam, vti Gl. hic notauit, ver. pecuniæ, Gregor. Tholof. de re beneficiaria, cap. 31. in fine. Videri potest Garcias de beneficijs p. 11. c. 3. n. 145.

CAPITVLVM VI.

In præsentia.

PARAPHRASIS.

Titius Caio possessori Abbatiz litem intentaui, dicens eam ad se pertinere. Causa delata fuit ad Sedem Apostolicam: Pontifex eam commisit Episcopo Dulmensi, & quibusdam alijs, Illi pro possessore contra actorem Titium iudicarunt. Sed is contendebat sententiam esse nullam; quia lata sit contra liquidam probationem iuris sibi competentis; cum tamen possessor parum vel nihil probauerit. Ad hoc respondet Clemens III. scribens ipsi Caio possessori Abbatiz, quòd Iudex interdum non attendat ad vnam vel alteram probationis speciem; sed ex confessionibus partium, testium depositionibus, alijsque publicis allegationibus formes animi sui iudicium, atque ita sententiam pronuntiet: tantùmque esse iudicialis sententiae auctoritatem, vt semper pro eius iustitia præsumi debeat, donec contrarium legitime probetur. Quamobrem tamen Caius possessor coram Iudicibus delegatis nihil omnino probasset, tamen standum esset sententiæ Iudicum, nisi Adversarius ostenderet, eam rescindendam

esse. Verumtamen, cum etiam constet ex quibusdam Episcoporum literis, eiusque propria confessione, quòd iuri, si quod ei ad Abbatiam competere, sponte renuntiasset, ideo Pontifex ei super eadem Abbatia silentium imponit.

SYMMARIVM.

1. Iudex non tenetur sententiam ferre secundum quamcunq. probationis speciem; attendere autem debet ad omnia ea, quæ in iudicium producantur, ad allegationes, probationes, confessiones partium, &c.
2. Præsumptio est pro iudicis sententia esse iustam, & legitimè latam.
3. Non tamen hac præsumptio est semper iuris & de iure, ita vt probatio in contrarium non admittatur.

NOTANDVM I. Iudex non tenetur sententiam ferre secundum quamcunq. probationis speciem, quia quid iurum cuique probationi insit, prudentis Iudicis arbitrio committitur, l. 3. §. Eiusdem quoque, ff. de testibus. Sed Iudex ad omnia attendere debet, quæ in iudicium producantur, ad allegationes, probationes, confessiones partium, testium qualitates, ac depositiones, denique quid iuri aut receptæ consuetudini conueniat, vt id in medium producat, atque ex his denique sententiam format, quæ iusta iudicetur.

NOTANDVM II. Præsumptio est pro Iudicis sententia, eam iustam, seu legitimè latam esse. Ita etiam habetur in c. bonæ, 21. de elect. c. sicut, 16. in fine, de testibus: Et in reg. 207. ff. dicitur, quòd *res iudicata pro veritate accipitur*. Ratio sumi debet partim ex auctoritate Iudicis, publicum officium gerentis, vti colligitur ex cit. c. sicut: partim ex partium quodam consensu, quæ per litis contestationem sententiæ Iudicis se submittere censentur. Quare idem etiam dicendum de sententia arbitri, præsumptionem esse pro iustitia eius, donec contrarium appareat, sicuti hic notat Anton. de Butrio, addit. Ioann. Andr. lit. a.

Sed limitari debet primò: Nisi dubitetur de iurisdictione ac potestate Iudicis: Quod intellige de eo, qui inferiorem ac limitatam iurisdictionem habet; sicuti & de eo, qui delegatus, iuxta c. cū in iure, 3. 1. de offic. delegati ubi dicitur, quod non credatur aliquis esse delegatus, nisi delegationem suam ostendat. Quia simili ratione docet Bartolus in l. si forte, ff. de castrensi peculio. Quod non credatur simplici ac non probatæ assertioni Prælati, quod donationē faciat propter præcedentia merita: aut si asserat, se res ecclesiæ alienare præcedente tractatu cum Capitulo, quia sic qualitates ad substantiale fundamentum actūs pertinent, quod imprimis adstrui seu probari debent, si partes litigantes, cū præsentēs sint, venturam non contradicant, sed tacite in Iudicem consentiant, valebunt acta eius; dummodò talis causa sit, ut partes Iudicis iurisdictionem prorogare seu extendere possint, ut docet Felinus in c. ecclesia, n. 21. de Constitut. Menochi. de arbit. Iudicium qq. q. 76. n. 11.

Limitatur secundò: Nisi à sententia appellatum sit; præsertim postquam appellatio recepta fuit: tum cessat præsumptio pro lata sententia; cū de eius iustitia cognoscendum sit, ut hic docet Innocentius n. 1. Ioann. de Anania, n. 25. in fine, Guilielm. Durando in speculo iuris, lib. 2. p. 3. de sententia, §. 6. n. 11.

Limitatur tertio: Nisi contrarium ostendatur, quod videl. Iudex iniquam sententiam tulerit, seu contra acta & adducta in iudicio, siue contra leges publicas, ac receptas. Ita hic, & in c. quoniam, 1. de probat.

Sed QUÆRITUR hoc loco, utrum præsumptio pro iustitia late à Iudice sententiæ, sit iuris ac de iure, ita ut non admittatur probatio in contrarium. Respondeo cum Guilielmo Durando cit. n. 11. Anania hic n. 32. Vel obijciatur, aliquid contra processum iuris, aut acta substantialia iudicij, v. g. Reum non fuisse citatum, nec præsentem, litem non fuisse contestatam, iuxta c. vn. de litis contestat. hoc casu admittitur probatio contra Iudicem. Quamobrem in c. quoniam,

n. 11. de probat. præcipitur Iudici, vincta iudicij à Notario, aut duobus viris idoneis scribi curet; alioquin fidem ei non habendam super processu iudicij, nisi quatenus legitimis confliterit documentis. Vel obijciatur, contra leges seu iura publica sententiam latam esse: tunc non auditur obijciens, nisi iniustitia sententiæ manifesta sit, cit. c. 1. c. inter cæteras, 9. de sent. & re iudicata, c. pastoralis, §. verum, eod. tit. Item si Iudex in pronuntiando, seu ferenda sententia, causam, ex qua sola motus fuerit, afferat falsam, & quæ sit contra leges: qua de re Gl. in cit. c. inter cæteras, Innoc. hic n. 2. Anania n. 41. & sumitur ex l. qui testamento, ff. de excusat. tutorum. Vide, quod tradit Menochius de arbitrar. qq. q. 339. quod Iudex imperitè iudicans litem suam faciat, quia parti læsæ damnum refarcire tenetur, in quantum id facere potest.

CAPITVLVM VII.

Sanct.

PARAPHRASIS.

Cælestinus III. Legato à Latere mandauit, ut Henricum Subdiaconum in Pictauiensi ecclesia institui curaret: Ille obtempers mandato Apostolico eundem in dicta ecclesia Canonicum instituit. Sed Canonici obstiterunt, eundem Henricum recipere recusantes. Et cū is nihil contra Canonicos proficeret, tandem consilio quorundam ex Canonicis inductus, literas suas Capitulo reddens, misericordiam impetrare debuerat, ab ijs dispendium tulit: quia (ut arbitror) Canonici allegarunt, eum renuntiasse iuri suo, idè quæ exclusum esse debere. Sed Pontifex Cælestinus, nolens imperfectum manere, quod ipse & Antecessores eius de Henrico in Canonicum instituendo decreuerunt, mandat Capitulo, ut ipsum in fratrem & Canonicum admittant.

S U M M A R I U M.

*Beneficiarius reddendo literas beneficiales Canonice, &c. renuntiando, non vnde-
quaque valide beneficio renunciat, cum
resignationes beneficiorum fieri debe-
ant coram Superiore.*

*Vnde ex equitate Pontifex talem renuncia-
tionem hic non admisit, nec ratam ha-
buit.*

Contra responfionem Cælestini obiicit Gl. ver. reddens: Henricus reddendo literas renuntiavit iuri suo: Ergo spectata iustitiæ lege, admittendus iterum non erat ad canonicatum; sed solum ex misericordia & gratia, ad quam faciendam nemo obligatur: quia quod ex debito fit, non est gratia. Antecedens probatur, ex e. cum pridem, de pactis, vbi Clericus quidam liti beneficiali tradendo authentica instrumenta: Ex l. 1. C. de donationibus, vbi dicitur, quod traditione instrumentorum, quibus emptio mancipiorum retinetur, ipsa mancipia donata & tradita intelligantur, ita vt donatario dominium eorum acquiratur: Ex l. 1. qui chirographum, 59. delegatis 3. vbi dicitur, quod legatus alicui chirographum seu instrumentum, quo actiones debitorum continentur, ipsas actiones seu debita, non meras tabulas seu membranas legasse censetur. Ex l. 2. C. Quæ res pignori obligari possunt, vbi respondetur, quod alicui in pignus dans instrumenta, quibus emptiones agrorum suorum continentur, ipsos agros obligare censetur. Ex l. 2. ff. de pactis, vbi habetur, quod reddens debitori cautionem, seu instrumentum, quo de debito reddendo cauetur, ipsum debitum remittere censetur. At verò reddens pignus, non ideo debitum condonare præsumatur, l. post pignus, ff. eod. Quia, vt Gl. ibi ait, redditio pignoris aliam vtilitatem habere potest, quam debiti condonationem: quandoquidem id frequens est, vt pignore vti volens, id cupiam mihi à creditore concedi, salua confessione debiti, vti constat ex l. certè, 6. §. quæsitum, ff. de precario: Cum itaque renuntiatio stricta inter-

pretationis esse debeat, non est absque necessitate extendenda. Quia non præsumitur facile aliquis iactare, quod suum est, e. quod super, hoc tit. & l. cum de indebito ff. de probat.

Ad hanc difficultatem varias responfiones dant Doctores, vti videre est apud Gl. hic ver. sustinere, Ioann. Andr. Ananiam, Anton. de Butrio & alios, Abb. in e. ecclesia, 4. n. 10. & seqq. vt lite pendente &c. Prima, eaque ferme communis, Henricum non renuntiasse iuri suo, tametsi literas tradiderit. Quia ius Canonicatus ipso consecutus non erat ex literis Papalibus, quibus eum in Canonicum institui mandauerat; sed ex institutione facta à Legato: Quare discrimen est inter traditionem harum literarum: & traditionem instrumentorum, quibus ius rei emptæ, vel ius debiti, actionesque continentur. Verùm hæc responfio difficultates patitur: Prima: Quia in textu non dicitur, Henricum literas Papales Capitulo tradidisse, sed redditis literis suis, (ijs, vt opinari licet, quibus ius institutionis sue ad Canonicatum continebatur) misericordiam Capitularium se subiecisse. Secundo: Quia hæc subiectio, & petitio gratiæ satis significat, Henricum iuri suo renuntiare voluisse: cum gratiæ seu misericordię locus non sit, vbi iustitiæ debitum manet. Tertiò: Quia redditio literarum aliam vtilitatem aut finem habere non potuit, nisi renunciationis,

Altera responfio: Quod Henrici renuntiatio à Pontifice rescissa fuerit, propter deceptionem ac dolum Capituli: Ipsi enim fraude eum induxerant ad redditionem literarum, & misericordię implorationem: Atqui ex consilio, si fraudulenter sit, quilibet obligatur, l. quod si, 6. ff. de dolo, & reg. 62. n. 6. Nullus ex consilio, dummodo fraudulenter non sit, obligatur. Hęc responfio difficultatem habet: cum enim non Capitulum, sed aliqui tantum ex Capitularibus consilium aliud dederint, constat, contra ipsum Capitulum actionem de dolo, ad rescissionem renuntiationis ipsi factæ, institui vaud posse. Nisi dignando dicere velimus, in Capitulari Consensu decernum fuisse

fuisse, vt tale Henrico consilium fraudulentum suggereretur, eiusq; rei executores aliquos à Canoniciis statutos fuisse.

Tertia responsio: Renuntiationem Canoniciatus factam Canoniciis per traditionem literarum validam fuisse: Nihilominus Henrico subuentum fuisse Iudicis officio propter æquitatem. Hæc responsio supponit, quodd Capitulum speciali iure aut privilegio potuerit Canoniciatum resignationes recipere. Quo supposito, vera est responsio: Et consistit æquitas ratio in eo, quod non fuerit renuntiatio omnino sponte, sed ad redimendam vexationem facta. Cum enim Henricus à Canoniciis se impetraturum non speraret, vt eum secundum Pontificis mandatum, & Legati institutione de iure admitterent; sperauit se facta iuris sui renuntiatione, per gratiam ipsorum admissum iri. Cum autem renuntiatio, quippe donationis species quædam, suapte natura exigat, vt spontanea & liberalis sit, ideo facile per Iudicis officium succurritur, qualicumque etiam non grauem metum passio. Vide quæ dixi lib. 3. Th. mor. tr. 4. c. 6. assert. 3.

Alia æquitas ratio erat: Quia Capitulum debebat exequi mandatum Apostolicum suscipiendo Henricum: ergo non extra culpam fuit accipiendo renuntiationem eius non omnino voluntariam. Cum autem æquum non sit, vt Capitulum ex propria culpa commodum reportet, ideo tum ob hanc causam, tum ad defendendam Apostolicæ Sedis auctoritatem renuntiatio rescissa fuit, siue ea non obstante, Henricus in Canoniciis institui debuit.

Quarta responsio. Quod renuntiatio non vndequeque valida fuerit; quia facta erat coram Canoniciis tantum, non autem coram Superiore, cuius etiam resignationes recipere, iuxta c. admonet, 4. hoc tit. Quapropter æquitas non permisit, vt Pontifex dictam renuntiationem non canonicè factam admitteret, seu ratam haberet; partim quia non sponte facta erat, sed ob præcedentem iniustam vexationem, iuxta c. super hoc, 5. eod. tit. partim quia necesse erat ad Apostolicæ Sedis auctoritatem tuendam, vt prouisio

eius mandato inchoata perficeretur, seu plenæ executioni traderetur, per susceptionem Canoniciorum, & quietæ possessionis traditionem.

CAPITVLVM VIII.

Quod in dubiis.

SUMMARIUM.

1. Renuntiatio beneficij facta in manibus laici, irrita est, renuncians tamen beneficio spoliandus est.
2. Renunciatio facta in manibus Clerici, cui potestas recipiendi eam non competit, valida est quoad ipsum renunciantem, non autem quoad Ecclesiam, vel Superiorem.

Potest tamen ita renuncians penitere, & per penitentiam renuntiationem renouare; si suam Superior auctoritatem nondum interposuit, & res integra sit.

3. Beneficiarius renuncians in manu laici, citari & per sententiam priuari debet, si autem resignauit in manu clerici, & resignationem non renouauit, Superior beneficium alteri conferre non prohibetur: consulemus tamen est renunciantem citari.
4. Nisi renuncians in manu clerici, antequam Superior renuntiationem ratam habet, proprietatem seu ius beneficij non amittat, amittit tamen possessionem.

Si quis beneficium ecclesiasticum in manibus laici resignauerit, tamen iterum susceperit, irrita est renuntiatio, sed renuncians beneficio priuandus est.

1. Circa textum huius c. aduerte primò: Quod dicitur sponte: quia si ob metum resignauit, succurritur ei, vt beneficium retinere possit, iuxta c. ad audientiam, 4. de ijs, quæ vi &c. Aduerte secundò: Quod dicitur renunciantem priuandum esse: videl. per Iudicis sententiam, vti rectè hic docet Anton. de Butrion. 8. Quia si ipso iure priuatus esset renuncians, tunc videretur renuntiatio in manibus

manibus laici facta aliquem effectum consecuta: quod inconueniens reputari debet.

Sed quid? Si renuntiatio beneficii fiat in manibus Clerici, cui accipiendi resignationem potestas non competit? Tum communiter respondent Doctores, quos refert Garcia de beneficijs p. 11. c. 3. n. 219. & seqq. renuntiationem validam esse, quoad ipsum renuntiantem; non autem quoad Ecclesiam, seu Superiorem. Sensus esse debet: Quod in arbitrio Superioris positum sit, vtrum renuntiationem ratam habere velit, & renuntiantem cogere, vt beneficium dimittat, dummodo renuntiatio sponte facta fuerit, vti habetur in c. super hoc, 5. eod. tit. Ita cum Gloss. hic ver. in manu, docet Innocent. n. 1. Anton. n. 8. & alij, quos citauit lib.

4. Th. mor. tr. 2. c. 17. n. 4. §. Porro. Dicit tamen Gregor. Tholosanus de benef. c. 31. n. 11. Vincentius apud Anton. de Butrio hic n. 8. Garcia n. 227. quod antequam Superior suam auctoritatem interpoluit, id est; dum res integra est, renuntians per penitentiam reuocare possit renuntiationem factam in manu Clerici, cui tale ius non competebat: ed quod renuntiatio effectum omnino consecuta non sit, argum. l. 3. & 5. ff. de cess. bonor. Sin autem in manu laici renuntiatio facta fuerit, non obstante, quod reuocauerit renuntians beneficium, a Superiore priuari potest, vti ex hoc c. colligitur: Quamuis aliqui considerantes verba textus, arbitrentur, huius penae locum non esse, nisi renuntians ab eodem laico beneficium deinde susceperit.

QVÆRITVR: Vtrum Superior cognita renuntiatione facta in manum alterius, beneficium alteri conferre possit, etiam non vocato eo, qui renuntiavit.

Respondeo & Dico I. Si beneficiatus renuntiavit in manum laici, citari, & per sententiam priuari debet, antequam beneficium alteri conferatur, Ita colligitur ex hoc c.

Dico II. Si beneficiatus resignauit in manum Clerici, neque resignationem reuocauit, Superior beneficium alteri conferre non prohibetur: propterea quod resignatio, quantum est ex parte resignantis, valida sit,

ac proinde ad plenum effectum renuntiationis duntaxat necessarium est, vt Superior verbis, seu facto ipso declaret, quod renuntiationem admittere, seu ratam habere velit, vti docet Ananias hic, n. 11. Consultum tamen est, renuntiantem citari, vt appareat, num renuntiatio sponte facta sit, an vero ob metum, item, num simoniaca pactio interuenit: quia etiam hoc casu renuntiatio omnino irrita est, licet renuntians per sententiam contra Reum citatum latam beneficio priuari queat, vti dixi in c. admonet, 4. hoc tit.

DICES: Est, quod renuntians in manu Clerici, priusquam Superior renuntiationem ratam habet, proprietatem seu ius beneficii non amittat, ideoque vacare nondum censetur, vtrum saltem possessionem amittat. Responso est affirmatiua, cum Innoc. hic n. 1. Abb. n. 8. & alij communiter. Quamobrem ait Garcia, p. 11. c. 3. n. 237. quod renuntians contra eum, cui renuntiavit, non possit agere de spolio, nisi ostenderit se possessioni beneficii incubuisse, & ita spoliatum fuisse.

CAPITVLVM IX.

Ad Supplicationem.

PARAPHRASIS.

Archiepiscopus Ragusensis impetrauit ab Innoc. III. cessionem, ac liberationem ab ecclesia: ed quod sine vitæ suæ periculo (fortasse propter insidias) accedere aut commorari ibi non posset. Verum ne idem Archiepiscopus, cum opprobrio ministerij atque dignitatis Archiepiscopalis, rerum temporalium subsidij destitueretur, approbat & confirmat Pontifex, quod dicto Ragusensi, cum consensu Regis Angliæ, Archiepiscopus Eboracensis beneficium in Episcopatu Carleoli contulerit. Addit Innocentius, se renuntianti concessisse, vt in eodem Episcopatu Carleoli officium Archiepiscopale, excepto pallij vsu, exercere possit, Archiepiscopo Eboracensi, tanquam Metropolitano suo subiectus.

SUMMARIUM.

1. Clerici, maxime Sacerdotes & Episcopi, ab ecclesia ali debent, praterquam contumaciter in crimine perseverantes, ut omnis subsidij denegationem, & ipsam excommunicationem mereantur.
2. Episcopatus renunciatus potest aliud, etiam minoris dignitatis beneficium, v. g. parochiam consequi.
3. Neque in hoc casu Episcopus de dignitate sua descendit, cum idem homo diversis iuribus censeatur.

NOTANDUM I. Postquam Ecclesia ex fidelium oblationibus, ac pijs fundationibus sufficientes redditus accepit ad ecclesiasticorum Ministrorum sustentationem, in opprobrium cedit ecclesiastici ordinis, si Clerici, praterquam Sacerdotes atque Episcopi, necessarijs ad honestam vitæ sustentationem destituuntur. Quare Ecclesia eos alere debet, spectato cuiusque statu ac dignitate: idque adeo, ut etiam ob crimen à beneficijs suspensus, aut depositus, tamen ab ecclesia ali debeat, ne cum opprobrio cleri mendicare cogatur, praterquam si in crimine contumaciter perseveret, ut omnis subsidij denegationem, ipsamque excommunicationem mereatur, secundum Gl. in c. pudeat, 39. ver. & sui, d. 50. & dixi lib. 1. tr. 5. p. 3. c. 5. n. 3.

NOTANDUM II. Qui Episcopatus renuntiavit, potest deinde aliud, etiam minoris dignitatis, beneficium v. g. Parochiam consequi. Multo magis Episcopus factus Religiosus, in Abbate assumi potest, uti hic Ananias notat, n. 9. Antoa. de Butrio n. 6. cum Gl. c. hoc nequaquam, 45. causa 7. q. 1.

Sed obitare videtur, quod secundum iura non liceat in dignitatibus descendere, iuxta l. 2. C. Quomodo modum civilia munera indicantur, lib. 10. *Maioribus honoribus functos, ad minores devocari non oportet, rationis est.*

Respondeo primo. Excipiendam esse necessitatem, si alij tam idonei non reperiantur, secundum Gl. in cit. l. 2. & sumitur ex l. honor, 1. 4. prope finem, ff. de muneribus & honoribus.

Respondeo secundò. Tametsi decens non sit, neque facile permittendum, ut à maiore dignitate v. g. Archiepiscopali aliquis transferatur ad minorem, puta Episcopalem, ut colligitur ex c. de translat. Episcopi; postquam tamen renuntiavit Archiepiscopatus, definit esse Archiepiscopus, sed retinet dignitatem episcopalem; ita ut insignibus episcopalibus ex Pontificia concessione uti possit; licet ordines conferre nequeat: cum subditos non habeat, ut infra hoc lib. dicetur tit. de ordinatis ab eo, qui Episcopatus renuntiavit. Quare apparet, nihil ob stare, quò minus is, qui Archiepiscopatus renuntiavit, in alterius ecclesiæ Episcopum eligatur, cum non descendat: praterquam, quod hic utilitatis ecclesiæ ratio quoque habenda sit, si is qui Archiepiscopatus renuntiavit, ad Cathedralis alterius ecclesiæ regimen utilis esse videatur.

Sed qua ratione beneficium minus, v. g. Canoniciatum, vel parochiam consequi potest, ita ut non descendere censeatur? Facile id dicitur: cum Archiepiscopus, vel Episcopus, tametsi non renuntiet, ex Papæ dispensatione propter reddituum Episcopatum tenuitatem, talia beneficia retinere, vel de novo accipere possit. Neque verò tunc, si Episcopus v. g. parochiam consequatur, de dignitate sua descendere censetur: cum idem homo diversis iuribus censeatur, ut colligitur ex c. postulatis, 15. de concess. præbendæ, & c. cum capella 16. de privilegiis. Exempli causa fieri potest, ut Episcopus in alia ecclesia sit Præpositus, Canonicus, aut Parochus: quo casu, ut Canonicus v. g. locum suum inter Canonicos retinere, & respectu Episcopo illi, in cuius diocesi beneficium obtinet, subiectionem & obedientiam debet, uti hic ex communi Butrio respondet n. 7. Sic itaque dico, quod Episcopus, qui Episcopatus renuntiavit, honorem ac dignitatem Episcopalem retineat, tametsi postea Canonicus, vel alicuius ecclesiæ Parochus fiat: cum accessus minoris honoris aut beneficii ad maiorem dignitatem eam non destruat, nec minuat: cum diversa quidem, sed non repugnantia iura sint. Quin & eadem ratione fieri

N n n s u l e t ,

soler, vt Rex aliquis seu Monarchia, prouinciam iure feudi alteri Regi obnoxiam accipiat, eoque respectu feudatarius fiat alterius Regis, adeoque subditus eius ratione territorij, licet, absolute loquendo, paris, vel fortè maioris dignitatis existat.

CAPITVLVM X.

Nisi cum pridem.

PARAPHRASIS.

Archiepiscopus Calaritanus magnam instantiam petijt ab Innocent. III. licentiam remouendi Archiepiscopatu, vt sepositis euri, salutis sue ac vite meliori in solitudine vacare posset. Ad id respondet Innocentius, quod se Ieremiâ sanctiorem estimare non debeat, qui licet ob humilitatem refugerit prædicationis officium, Ierem. c. 1. tamen volente ac iubente Deo suscepit, ac studiose adimpleuit. Quare non verè humilitatis desiderio Archiepiscopum moueri videtur: quin potius sub prætextu humilitatis malè erigere versicem, quando in resignandi proposito pertinacem se ostendit. Etenim vera humilitas sicuti hominem adigit, vt honores non querat, sed, quatenus ipsi concessum est, fugiat; ita etiam persuadet, vt oblatos per obedientiam suserat, & se pertinaciter liberare non intendat.

SUMMARIUM.

1. *Episcopi officium præcipuum est, populum sibi commissum docere seu verbum Dei prædicare per se, vel aliam, si ipse ob iustas causas non possit, per alium.*
2. *Non est causa sufficiens deferendi Episcopatum, aut propria saluti quis melius vacare possit, etiam religione suscepta.*
3. *Si Episcopus relicto episcopatu, alioque licentia Papæ sufficiens profiteatur, irrita est professio.*
4. *Vorum Episcopi, qui adhuc ecclesia sua utilis est, de ingredienda religione irritum est.*

5. *Enumerantur sex causæ, ob quas Episcopo licentia renuntiandi concedi possit. Prima est conscientia criminis, propter quod officij executio etiam post peraltam penitentiam impeditur.*
6. *Secunda causa est corporis debilitas, qua Episcopum impotentem reddit ad exequendum officium pastorale.*
7. *Tertia est defectus scientiæ, qua sufficiens esse debet, licet in Episcopo eminens desideretur.*
8. *Quarta est malitia plebis obediensiam negantis, aut infidiam parantis.*
9. *Quinta est graue scandalum populi, quod ex Episcopi, aut alterius Prælati præsentia paratur.*
10. *Sexta, irregularitas persone, in qua Papa dispensare non solet, vt si forè si bigamus, vel vidua maritus.*

NOTANDVM I. Officium præcipuum Episcopi est populum sibi commissum docere, seu verbum Dei prædicare. Si tamen ob multas alias occupationes, aliæque causas eo munere ipsemet fungi non possit, permittitur, vt alios idoneos prædicatores substituat.

NOTANDVM II. Non est causa sufficiens Episcopatum deferendi, vt propriæ salutis Episcopatum deferendi, vt propriæ salutis quis melius vacare possit, etiam Religione suscepta. Ita docet S. Th. communiter receptus in 2. 2. q. 183. a. 3. ad 1. Ratio est. Nam Episcopo, qui se susceptione Episcopatus obligauit ad suam, & subditorum salutem procurandam, melius est, vt in eo statu perseueret, quam diu ecclesie, cui se obligauit, utilis esse potest. Sin autem utilis esse desinat, tunc melius ipsi est, vt relicto & alteri tradito curâ subditorum, totum se propriæ salutis promouendæ impendat.

Exinde infert Valentia to. 3. disp. 10. q. 3. p. 4. ver. *Ex quo sequitur*, irritam esse professionem Religionis, factam ab Episcopo, nullâ aliâ causâ cogente, nisi vt priuatis commodis vacet in Religione. Sed id verum non iudico, si Sum. Pontificis licentia acceperit. Licet enim Pontifex malè faciat, tali casu cessionem concedendo, ea tamen valida est, vti colligitur.

colligitur ex ijs. quæ dixi in t. de translat. Episcopis, & tradit Suarez to. 3. de relig. lib. 1. c. 20. n. 7. Sin autem Episcopus de facto Episcopatu absque licentia Papæ Religionem profiteatur, irrita est professio. Quia Deus non acceptat professionem Religionis, si ecclesia repugnet: Atqui ecclesia repugnat, ut Episcopus gregem suum, cui se obligavit, deferat, nisi à Sum. Pontifice liberationem impetrarit.

4 Sed quæstio est, utrum valeat votum Religionis ingrediendæ editum ab Episcopo? Negat absolute Hostiensis in Sum. tit. de voto, & voti redempt. §. Quis vovete possit, Richard. in 4. d. 38. a. 4. q. 2. Tabiena ver. votum, 5. q. 1. n. 2. & alij apud Suarez to. 1. de relig. lib. 3. de voto. c. 4. n. 8. Sed Syl. ver. votum, 3. q. 1. Azor to. 1. lib. 11. c. 16. q. 2. Sanchez to. 1. de relig. lib. 4. c. 25. n. 26. Suarez loc. cit. aiunt, votum hoc Episcopi non esse omnino irritum, quia obligat eum ad petendam licentiam à Pontifice, quâ denegatâ liber erit à voto.

Respondet ad q. Si Episcopus, qui ecclesiæ suæ adhuc utilis est, Religionis ingressum voveat, ut propriæ salutis melius vacare possit, eius votum omnino irritum est. Primò: Quia votum esse debet de bono meliore, & quod Deo gratum sit: Sed Religionis susceptio est opus minus bonum, quàm sit officium Episcopale in eo, qui suscepto Episcopatu ecclesiæ se obligavit, quamdiu obligationi satisfacere, seu ecclesiæ utilis esse potest. Ita expressè docet S. Th. cit. a. 6. vbi ait, quodd Episcopus, qui ecclesiæ adhuc utilis est, retrocederet, seu descenderet à perfectione, si Religionem ingredi vellet: Idemque docet Sotus lib. 10. de iust. q. 2. a. 4. Valencia cit. p. 4. Secundo: Quia frustra peteret licentiam talis Episcopus, quàm Pontifex non concederet, imò secundum canones concedere non posset, nisi aliud addit impedimentum, ob quod Episcopatum deferri consilium sit, uti patet per leg. §. huius c.

Obijciatur c. per tuas, 10. de voto, vbi is, qui Religionis susceptionem voverat, & postea, non impleto voto, Episcopatum suscepit, voti transgressor dicitur, &que consu-

litur, ut resignato Episcopatu, Domino reddat promissum: Exinde enim inferitur, statum Episcopalem non esse perfectiorem, melioremque, quàm statum Religionis aliquin votum Religionis suscipiendæ commutari posset in susceptione Episcopatus: quia promissum non infringit, qui in melius commutat, c. 3. de iureiur. Facilis est responsio: Antequam aliquis munus Episcopale suscipiat, valere votum Religionis ingrediendæ: Atque huic homini melius esse, Deoque gratius, ut votum suum impleat. Quia status Episcopalis perfectus est, imò perfectissimus, non quia ad perfectionem multum conferat, sicut status religiosus, sed quia perfectionem supponit, ac requirit in suscipiente, ac retinente Episcopatum, uti etiam significat Trident. Concil. sess. 6. c. 1. de reformat. At verò status Religionis non postulat aliquem perfectum esse, sed ut ad perfectionem consequendam per media in Religione præscripta tendat. Quamobrem melius Deoque gratius opus facit, qui, excepta necessitate, munus Episcopale refugit, ut Religionem suscipere, & in ea se perficere possit. At verò postquam suscipit Episcopalem statum, obligationemque suscepit, incapax factus est Religionem ingrediendi, nisi à Sum. Pontifice ecclesiæ suæ liberatus sit, propter impedimentum aliquod satisfaciendi officio Episcopali, ut statim dicam. Legi potest Suarez to. 3. de relig. lib. 1. c. 19. & 20. & quæ dicuntur in cit. c. per tuas.

§. Intueri.

SEx causæ sunt, ob quas Episcopo renuntiandi licentia concedi possit. Prima est, Conscientia criminis, propter quod officij executio etiam post peractam poenitentiam impeditur.

Quænam sint ista crimina? Respondeo, Inprimis ea, quæ titulum Episcopatus invalidum reddiderunt: v. g. si simoniacè electus, vel institutus fuit, iuxta ea quæ dixi c. innotuit, n. 10. de elect. Tunc distinguere, cum Anton. de Butrio, & Anania hinc, 12. Vel enim crimen, ac defectus tituli notorius est, tunc cedere potest, etiam non requi-

fità licentiâ Papæ: Vel est occultus defectus, tunc ad vitandum scandalum renuntiare debet in manibus Papæ, vel tituli reualidationem ab eodem impetrare. Cæterum, si aliquis in excommunicatione, suspensione, vel irregularitate occulta institutus fuit, sublato impedimento per eum, qui potestate absolvendi, aut dispensandi præditus est, eo ipso titulum validari, tanquam probabile docui lib. 4. Theol. moral. tr. 2. c. 15. n. 2. & suprà de elect. c. super eo, 1. n. 3. §. Deinde.

Secundò: Si Episcopus post canonicam institutionem, ob crimen v. g. Sodomiz iuxta Pij V. Constit. incurrat penam depositionis, aut suspensionis in perpetuum sine spe relaxationis, tunc iusta causa adest cessionem à Pontifice impetrandi. Sitamen crimen occultum sit, idèoque infamiam annexam non habeat, proprius Episcopi Confessarius absolvere eum poterit, propter Trident. concessionem sess. 24. c. 6. de reformat. Quòd Episcopi dispensare possint in omnibus irregularitatibus, & suspensionibus provenientibus ex delicto occulto. Vbi Cardinalium declaratio adiungitur: *Episcopo in aliquo delicto prolapsò, licet ad se absolvendum proprium Confessarium deputare, cum eadem auctoritate, quam ipse potest ex eo dem hoc cap. in sibi subditis exercere.*

Tertio: Si Episcopus crimen incurrat, cui ipso iure infamia annexa est, v. g. Si Romanæ Ecclesiæ Cardinale hostiliter percontus est, c. felicit, de pœnis, in 6. Loquor autem de infamia iuris, id est, quæ ipsa lege, vel Iudicis sententiâ ob crimen inhiæta. Alia autem est infamia facti, quæ incurritur ob quodlibet crimen mortale, per quod hominis existimatio, spectata conditione personæ, graviter læditur apud viros prudentes. Et hæc infamia per penitentiam ac publicam vitæ emendationem tolli potest: Quare non deiecit hominem à dignitate acquisita, ante Iudicis sententiam, & depositionem. Quare dixi lib. 1. tr. 5. p. 5. c. 4. n. 5.

S. Alia.

Altera causa, ob quam Episcopo licentia renuntiandi concedi potest, est corpo-

ris debilitas, seu ea ex infirmitate, seu ex senectute proveniat. dummodò tanta sit, ut impotentem reddat ad exequendum officium pastorale. Videri de hac re possunt testimonia ex S. Gregor. I. congesta à Gratiano causa 7. q. 1. c. 1. 3. & 4. quibus habetur, quòd Episcopus ob infirmitatem deponendus non sit, sed Vicarij & Coadiutores addiscendi, qui ex rebus Episcopatus alantur. Imò tamen morbus incurabilis sit, tamen ad renuntiationem cogi non posse, colligitur ex c. parte, 5. de clerico egrot. Si tamen ob morbum parva ex ipso utilitas in Ecclesiam redundet, tum eius voluntaria cessio admitti potest, assignata ipsi congrua pensione ex Episcopalis redditibus, ad vitam suam, ut Sotus docet tit. loc. Valentia cit. p. 4. §. Quocirca. Atque idem fermè locum habet in alijs Prælati ecclesiarum: Parochis verò ob eandem causam senij vel infirmitatis diuturnæ, propter quam ecclesiæ regendæ minùs viles videantur, citiùs indici potest renuntiandi præceptum, assignata illis pensione, aut alio beneficio, ex quo se honestè alere possint, arg. c. tua, 4. de clerico egrot. Et de ea re dixi lib. 4. tract. 2. cap. 17. num. 2. princ. & n. 3. in fine.

§. Pro defectu.

Hæc est tertia causa cessionis: si Episcopus scientiâ careat. Ea enim tum ad spiritualium administrationem, tum ad temporalium curam Prælatonecessaria est. Tamen verò scientia emens desideranda sit, sufficit tamen scientia competens: quia imperfectum scientiæ supplere potest perfectio charitatis: siquidem Apostolus ait 1. ad Corinth. 8. quòd *scientia inflat, charitas autem edificat*. Vide quæ dixi in c. qualiter, 17. de elect. & c. innouit, 20. eod. tit. Non esse irritam electionem aut institutionem Episcopi, qui sufficienter doctus est, modò non omnino illiteratus sit: neque talem obligari ad resignandum, si spes sit, quòd non longo tempore sufficientem scientiam comparare queat.

§. Pro-

s. Propter malitiam.

Hec est quarta causa, videl. plebis malitia Episcopo obedientiam negantis, aut infidias parantis. Non tamen ob quamlibet culpam, aut inobedientiam plebis, pastor eam deferere debet; sed si ita pertinaciter pastori se opponat, ab eoq. abhorreat, ut ad maius malum vitandum, ne fortè in lupos conuertantur, id est, à vera Religione, vel Ecclesie unitate omnino deficiant, tali casu ipsis quandoque ad tempus cedendum, & cum Superioris licentia pastor amouendus est. Idque etiam de Parochis, alijsque animarum pastoribus dici debet, quòd interdum amouendi, seu transferendi sint, si plebs, aut subditi ad eòs ipsos, quamvis culpabiliter contradicant, aut ab eis abhorreant, ut spes reconciliationis non sit. Vide Amaxiam super hoc §.

§. Pro graui.

Quinta causa est, graue scandalum populi, quod ex Episcopi, aut alterius Prælati præsentia patiuntur. Quamuis distinguendum sit inter scandalum Pharisaicum, seu ex malitia profectum, & scandalum pusillorum, seu ex ignorantia aut infirmitate ortum. Nam ob hoc scandalum sedandum frequentius cedendum est iure, quod aliquis habet. Sed Pharisaicum minus plerumq. curandū est: nisi cum pertinaciter malis etiā simplices, aut innocentes inuoluantur, seu ad ruinam trahantur. Exemplum huius habemus in S. Gregor. Nazianzeno, de quo legimus die 9. Maij, quòd scandalum ac seditionis sedandæ causa, quæ ob eius bene facta fuerat exorta, sponte cesserit ecclesie Constantinopolitana.

s. Personæ verò.

Vltima causa affertur irregularitas personæ. Distinguendum tamen est, verum sit irregularitas dispensabilis, an verò talis, in qua Papa dispensare non solet: Si irregularitas, v.g. si bigamus, aut qui viduum uxorem habuerat, Episcopus factus

sit, is renuntiare debet. Sin autem dispensabilis, v.g. natalium defectus, tum, si res occulta sit, non expedit licentiam renuntiandi concedere, sed potius dispensationis gratiam largiri: Quamuis id etiam obseruandum, quòd cum spurij, seu ex damnato coitu ortis difficilior fiat dispensatio. Atque simili quoque modo Papa dispensabit cum eo, qui in irregularitate ob homicidium occultum Episcopus creatus sit; non item si defectus publicus, seu notorius sit. Vide quæ dixi lib. 1. Th. mor. p. 5. c. 9. & in c. innouit, 13. de elect.

s. Verum.

Pergit in hoc §. & sequentibus dicere Innocent. si Episcopus nullam ex dictis cedendi causam allegare possit, Episcopale officium ipsi retinendum esse: cum sui iuris, ac libertatis non sit, sed ecclesie suæ in perpetuum obligatus. Neque verò est, quòd refugiens labores, ac curas ad vitam contemplatiuam tanquam optatiorem, melioremque aspiret; cum maioris perfectionis sit, cum vita contemplatiua actiuam coniungere, exemplo Moysis, qui modò in montem ascendens gloriam Domini speculatus est; modò in castra descendens populi necessitati prouidit. Quamobrem facilius permittitur, ut Monachus seu contemplatiuus ad præsulatum, videl. Episcopatum ascendat; quàm ut præsul, seu Episcopus ad monachatum descendat.

NOTANDVM Vn. Vita contemplatiua, si cum actiua iungatur, reliquis præstantior est, ut etiam cognoscitur ex vita Christi, & Apostolorum. Vide quæ dixi lib. 4. Th. mor. tr. 5. c. 3.

CAPITVLVM XI.

Post translationem.

PARAPHRASIS.

Postquam Episcopus Fauentinus ad Archiepiscopatum Rauennatensem translatus

Nnn 3^a fuit,

fuit, Præpositus & Canonici Faventini ecclesiæ potestate eligendi Episcopum vni suorum Canonicorum commiserunt: Is Ignatium olim Episcopum Sartanensem, tum verò Regularem professum ecclesiæ S. Fridiani postulavit: Impetratâ autem licentiâ à Priore Conventûs, Præpositus & alij Canonici postulationem etiam ab Innocentio III. approbari petiverunt. Cùm causam istam examinaret Innocentius, ob stare ipsi videbatur canon Concilij Constantinopolitani, in quo cautum reperitur, vt qui ab Episcopatu ad vitam monachalem, ac penitentiam locum descendisset, iterum ad Episcopalem dignitatem non assurgeret. Aduertit tamen Innocentius, plures casus esse posse, quibus talis reasumptio Monachi ad Episcopatum permissa esset: Videl. Si quis propter persecutiones, aut corporis infirmitatem resignato Episcopatu cum Superioris licentiâ vitam monasticam suscepisset; eo impedimento cessante reassumi posset. Idemque est, si quis propter scientiæ defectum Episcopatum renuntiasset, & postea in Monasterio scientiam nequeitum consecutus esset, iterum canonicè vocatus seu electus ad Cathedram Episcopalem ascendere posset. Præterea si quis simoniaca interueniente prauitate, rei istius ignarus, Episcopatum adeptus fuerit, & rē postea cognita, dignitatem dimittens in Religionem professionem ediderit, licet ad eundem Episcopatum (saltem pro illa vice, iuxta c. penult. de elect.) eligi non possit, tamen ad alium quin proueniatur, nihil obstat. Ex quibus apparet, prohibitionem canonis illius, ne quis ex Episcopo factus Monachus, iterum ad Episcopalem dignitatem ascendat, non esse vniversaliter intelligendam: Sed aliqui intellexerunt canonem in eum tantum casum constitutum esse, si quis ob crimen commissum penitentiam agendam causa, deserto Episcopatu, vitam Monasticam suscepisset, quod iterum assumendus non sit. Alij vero intellexerunt de omnibus ad Religiosam vitam ab Episcopatu

descendentibus, non quod iterum eligi non possint, sed quod ad dignitatem, quam deseruerunt, propria auctoritate se recipere nequeant. Sed Pontifex Innocentius priorem intellectum amplecti videtur, idcirco mandat Rauennatenſi Archiepiscopo, vt causam inquirat, cur Ignatius ille, derelicto Episcopatu, vitam Regularem suscepit, & si compererit, aliam fuisse iustam causam præter criminosam conscientiam aut confessionem, tum, si necessitas, vel utilitas postulare videatur, licentiam ei Apostolica auctoritate requibat ad regimen ecclesiæ Faventini ascendi; præsertim si loco tantum ac regimine Ecclesiæ Sartanensis cesserat, non item ordine ac dignitate Episcopali: quia hoc casu vehemenssima præsumptio est, illum non ob crimen commissum ad Religionem se contulisse, cùm Sedes Apostolica ipsi nequaquam permisisset, post confessionem suam in Pontificali ordine ministrare. Sin autem intellexerit Archiepiscopus, confessionem illius & Religionis suspensionem propter commissum crimen factam esse, tum iniungat Canonicis, vt ad aliam electionem accedant; cùm durum videatur, contra Concilium Constantinopolitanum adeo celebre postulationem admittere.

SYMMARIUM.

1. *Episcopus, qui ob crimen Religiosus factus est, iterum ad episcopatum eligi non potest: secus est, si ob aliam causam cum legitima summi Pontificis licentiâ ad religionem transiit.*
2. *Contra Canones Concilij Generalis non facile dispensat Pontifex, licet absolute loquendo dispensare possit.*

NOTANDUM I. Qui ex Episcopo Religiosus factus est ob crimen, iterum ad Episcopatum eligi non potest: secus, si ob aliam causam cum legitima Superioris, videl. Summi Pontificis auctoritate ad Religionem transiit.

NOTANDVM I. Interdum Episcopus renuntiat loco tantum ac regimine, seruat ordine ac dignitate Episcopali; interdum autem renuntiat non tantum loco, ac regimini, sed etiam ordini ac dignitati. Existimo autem, si Episcopus ad Religionem se conferat, presumendum esse, quod utrique renuntiare velit, nisi specialiter obtineat à Pontifice, ut ipsi Pontificalia exercere liceat. At verò si Episcopus renuntians Religionem non ingrediatur, plerumque à Sede Apostolica ipsi permittitur ordinis Episcopalis exercitium ac dignitas: ne alioquin ob crimen depositus videatur. Idque etiam colligitur ex c. ad supplicationem, 9. hoc tit. & videri potest Anton. de Burrio, in c. 1. de ordinatis ab Episcopo, & Hostiensis eod. tit. col. penult.

NOTANDVM III. Contra Canones Concilij generalis non facile dispensat Summus Pontifex; quamuis, absolute loquendo, possit dispensare. Nam quod tam magna auctoritate & consensu Patrum stabilitum fuit, non decet immutare, etque derogare, nisi causa grauis ita postulet.

Porrò tametsi Innocentij responsio, ac definitio vera sit; tamen circa allegationem canonis, eiusque explicationem non caret res difficultate. Arbitratus enim est Innocentius, (fortasse alicuius Capitularis, aut librarij fidem sine vltiore inquisitione secutus,) canonem illum esse Concilij Constantinopolitani I. sub Damaso Pontifice celebrati, quia ait, Concilium illud, in quo canon iste habetur, esse vnum ex quatuor præcipuis oecumenicis Concilijs, quæ vti sancta Euangelia recipienda esse Patres dixerunt, videl. Nicænum, Constantinopolitanum, Ephesinum, & Chalcedonense, de quibus dixi lib. 2. Th. mor. tr. 1. c. 2. n. 4. Veruntamen in illo Concilio talis canon non reperitur, vti etiam aduertit Suarez tomo 3. de Relig. lib. 1. c. 20. n. 13.

Adde, quod Gregor. I. lib. 6. epist. 31. testatur, Ecclesiam Romanam canones eius Concilij Constantinopolitani primi nunquam recepisse, sed solum quod in eo contra Macedonium hæreticum definitum fuit.

At verò in decreto Gratiani super e. hoc nequaquam, causa 17. q. 1. Gregoriana correctio affert canonem Constantinopolitanæ Synodi sub Ioanne VIII. (quæ tamen non est V. Oecumenica, vt Gratianus putauit) ita quod canonem tale quippiam decretum est; sed, vt legenti patebit, secundum eum intellectum, quem ex quorundam sententia Innoc. hic postremo loco adduxit: Videlicet, permittendum non esse, vt Episcopi, qui quandoque repentino spiritu afflati ad Monasteria, relicto Episcopatu se contulerunt, postquam statum religiosæ humilitatis ac penitentiaæ amplexi ac professi sunt, iterum suo arbitratu ad Episcopatum reuertuntur. Putarunt enim illi, se eo transitu non renuntiasse Episcopatu, sed simul & Monachos & Episcopos esse posse, ex loco in locum arbitratu suo aduolantes: quod in ecclesiam nunquam concessum, ideoque ea in Synodo rectè prohibitum fuit.

CAPITVLVM XII.

Quidam.

PARAPHRASIS.

Qui licentiam cedendi beneficio à Superiore petierunt, postquam eam obrinuerunt, cedere coguntur. Cùm enim in postulatione causam cedendi habuerint, aut etiam proposuerint, videlicet ecclesiæ bonum, aut ipsorum salutem, tametsi postea vel suasionibus aliorum, quæ sua sunt, quærentium, vel propria leuitate reuocare velint, audiendi laud sunt.

SUMMARIVM.

1. *Due sunt potissimùm causa cessionis seu renuntiationis: Commodum Ecclesiæ & salus propria renuntiantis.*
2. *Qui cedens licentiam petiuit, ex quo illam impetrauit, cedere cogitur.*
3. *Siquis ipso facto perse, vel alium renuntias beneficio in manibus Superioris, non teneat renocationem Superioris admittere.*

4. *Si autem non ipso facto cedat beneficio, sed petat licentiam cedendi, revocari potest renuntians, antequam Superior licentiam concessit.*

NOTANDUM I. Dux potissimum causæ sunt cessionis, seu renuntiationis, Commodum ecclesiæ, quia beneficio aliquis, ut par est, præfesse non potest: vel salus propria renuntiantis, ut quia Religionem ingredi vult, vel in loco beneficii periculum patitur &c.

2. NOTANDUM II. Qui cedendi licentiam petiuit, postea cedere compellitur.

Obijciunt l. 5. ff. de cessione bonorum: *Quem pœnitent bonis cessisse, potest defendendo se consequi, ne bona eius veniant.* Respondent hic Innoc. Butrio, Ananias, & alij afferendo discrimina inter cessionem bonorum, & beneficii renuntiationem: Primò, Quia renuntiationi beneficii necessariò sit coram Superiore, cui illud videretur, si postquam is eam approbavit, pœnitere liceret: sed cessio bonorum non necessariò sit coram Superiore, cùm etiam extra iudicium fieri possit, l. ult. ff. eod.

Secundò: Quia beneficiatus non est absolute dominus beneficii, cùm id ad ecclesiam spectet, argum. c. 2. de donat. Qui autem bonis cedit, dominus eorum est: quare cùm de maiore eius præiudicio agatur, facilius ei succurritur. Simili ratione qui hæreditatem extranei repudiavit, per pœnitentiam resiliere amplius non potest, l. 4. C. de repudianda hæreditate. Sin autem filius patris hæreditatem repudiavit, conceditur ei pœnitentia, antequam res hæreditariæ distractæ sint, l. ult. C. de repud. hæz.

Tertio: Quia ad bonorum cessionem necessitas plerumque compellit: Renuntiatio autem liberè, & nemine compellente fieri solet, quare non est ratio, cur pœnitentia locus esse debeat, sicuti in bonorum cessione.

Porro circa renuntiationem beneficii, non eam revocare liceat, ita distingue cum Innocentio, iungsta Clement. vn. de renuntiatione. Vel aliquis ipso facto per se, vel

per alium cedit seu renuntiat beneficio in manibus Superioris, v. g. *Cedo beneficio. supplicans ut cessionem hanc admittere velitis*: Vel non ipso facto cedit, sed petit licentiam cederi, uti in hoc c. Primo casu Superior non tenetur revocationem admittere: quia ipsi illudatur, si fortè iam dispositionem fecit alteri personæ idoneæ providendi. Requiritur tamen, secundùm Rylum Curie Romanæ, consensus expressus renuntiandi ab ipsomet renuntiante, si præsens sit: sin absens, à procuratore eius præstitus in Cancellaria, & Camera Apostolica, ut docet Azor tom. 2. lib. 7. c. 21. q. 14. & c. 23. q. 3.

Nec obstat, quamvis resignatio, facta per procuratorem, rata & irrevocabilis sit, tametsi procurator antè revocationem fuerit, si revocatio neque in procuratoris, nec in Superioris notitiam pervenit, neque item per fraudem alicuius factum fuit, quò minus pervenerit, iuxta cit. Clem. vn. hoc tit.

Altero verò casu, revocari potest renuntiatio, antequam Superior licentiam concessit, uti per sensum contrarium colligitur ex hoc c. ver. *ex obiecta*. Sin autem iam concessit licentiam, tum distingue, vtrum concessio ab ipso Superiore absolute facta sit: tunc omnis pœnitentiæ locus sublatus est. An verò non absolute, sed alicui commissa potestas renuntiationem recipiendi, tum attendenda sunt verba commissionis, & qualitas conditionis, quæ interdum sponi solet; v. g. accipe renuntiationem, onerata conscientia renuntiantis, quòd iustam renuntiandi causam habere sibi videatur, tum recedere is adhuc potest. Vel accipe renuntiationem, si ita expedire, omnibus perpensis, tibi videatur, tum in arbitrio prudentis Commissarii positum erit, vtrum revocatio renuntiantis admittenda sit, necne.

Obijciunt aliquis: Postquam postulatio alicuius ad prælaturam Superiori præsentata est, postulantes recedere non possunt, c. bonæ, 4. de postul. præl. Ergo nec renuntiaturs posteaquam petitionem suam Superiori præsentavit. Respondeo, negando consequ. Quòd enim postulantes post præsentationem

sentationem recedere non possint, causa est, quia officio ipsis à iure concessio functi censentur: quæ ratio in renuntiatione locum non habet.

Denique de resignationibus à resignatario in loco beneficij publicandis, iuxta constitutionem Gregor. XIII. in Bulla 87. quæ incipit *Humano*, videri potest Steph. Quaranta in summa Bullarij, ver. benefic. resignationes, Garcias p. 11. c. 3. n. 273. Azor 10. 2. lib. 7. c. 24.

CAPITVLVM XIII.

Veniens.

PARAPHRASIS.

Ioannes Subdiaconus ad tres Iudices impetravit literas ab Innocentio III. quibus mandabatur, vt ipsi Ioanni, si canonicum impedimentum nõ obstaret, præbendam ecclesiæ S. Florinj in Confluentia, quam eiusdem ecclesiæ Decanus resignauerat, conferri curarent. Cùm autem mandatum Apostolicum exequi vellent, quidam eius ecclesiæ Canonici se opposuerunt, eod quod dictus Ioannes literis Papalibus renuntiasset: Id autem negat Ioanne, produxerunt illi testes, qui hoc solum deponebant, quod Ioannes se gratiæ Capituli commiserit. Quo intellecto, Iudices duo delegati definiuerunt, illum literis Papalibus renuntiasse, ideoque earum vigore non posse amplius præbendam petere. Ab hac sententia Ioannes ad Sedem Apostolicam appellauit, Vigiliam Epiphaniæ terminum appellationis designans. Cùm autem Romam venisset, Honorius III. successor Innocentij, Capellanum suum causæ huius auditorem, ac definitorem constituit; sed aduersarius, aut Procurator eius non comparuit: denique verò aliquis aduenit literas habens, duntaxat ad impetrandum, & contradicendum. Cùm autem mandatum eius sufficiens non esset ad causam prosequendam, Auditor id solum egit, vt dictorum Iudicum senten-

tiam cassaret: quod cùm iustitia exigente factum sit, id ratum & firmum esse respondit Honorius.

SUMMARIVM.

1. *Impetraturus beneficium à Papa præter alia exprimere debet, quod, & quo modo illud vacet.*
2. *Executores dati ad beneficia, habent iurisdictionem delegatam in ea causa.*
3. *Appellans contra sententiam definitiuam potest statuere terminum, ad quem in Curia Romana comparandum sit.*
4. *Committens se gratiæ aut misericordie alterius, non ideo renuntiat iuri suo, idem est, si quis voluntati vel arbitrio alterius se submisit: quod intelligendum est, modo iustè seu vt vir boni arbitrius fuerit.*

NOTANDVM I. Impetraturus beneficium à Papa præter alia exprimere debet, non solum quod vacet, sed etiam quomodo vacet, vtrum per mortem, an per resignationem. Ita notat hic Ananias, n. 1.

NOTANDVM II. Executores dati ad beneficia, censentur habere iurisdictionem delegatam in ea causa: quomobrem iudices hic appellantur, qui exortam controuersiam iudicialiter definiuerunt. Ita etiam colligitur ex c. tibi, 12. de rescript. in 6. & notat Gl. in Clem. vn. de offic. delegati, ver. executores, Anton. hic not. 2. post Innocent. in c. vlt. de præsumpt.

NOTANDVM III. Appellans contra sententiam definitiuam potest statuere terminum, ad quem in Curia Romana comparandum sit: adeo vt si appellatio ab aduersario fuerit approbata, vterque per se, vel per procuratorem sufficienter instructum ad causam agendam in Curia comparere debeat, alioquin in expensis condemnabitur. Sin autem appellatio approbata non fuerit, tunc sufficit mittere procuratorem ad impetrandum, & contradicendum, id est, non vt causam ibi agat, sed vt alios iudices in prouincia impetret, vel huic impetrationi contradicat. Quæ de re Gl. hic, & traditur in c. Nicolao, 64. & c.

Ooo

inter-

interposita, 70. §. 1. de appellat. Quid autem specialiter observandum sit in appellationibus causarum beneficiorum, dixi in c. 1. & c. epientes 16. de elect. in 6.

Præcipua autem difficultas restat, cur Auditor, cuius sententiam approbavit Pontifex, Iudicum illorum sententiam cassaverit, ob quam causam alij deinde Iudices in ecclesia Leodiensi constituti fuerunt. Aliqui dicebant, ideo sententiam horum iudicum irritam fuisse, quia cum tres deputati essent, duo tantum sine tertio iudicarunt. Sed cum huius peccati in textu mentio nulla fiat, non est id præsumendum, sed potius, quod causa ipsis commissæ fuerit, additâ clausulâ, *quod si non omnes interesse possint, saltem duo exequantur*, iuxta c. prudentiam, 21 de offic. delegati.

Alij dicebant, ideo sententiam Iudicum cassatam fuisse, quia contra Ioannem Subdiaconum nullus legitimus contradictor comparuit: Nam Canonici illis, ut personæ singulares sunt, nullum ex renuntiatione ius quæsitum erat: nomine autem Capituli opponere se non poterant, absque mandato ostenso, c. 1. de procurator. Ad hoc respondere debet, Canonicos, ut singulares personæ sunt, potuisse opponere, quo minus Ioannes in suo Collegio institueretur absque legitimo titulo, quippe cui renuntiaverat, sicuti quilibet & Capitulo se opponere potest, ne aliquis per fraudem seu per literas falsas intrudatur, quia id omnium Capitularium interesse censetur, adeo ut Capitulum hanc oppositionem singulis prohibere non possit, secundum Innoc. in hoc c.

- 4 Vera igitur, & communis responsio est apud Innoc. hic, & Ioan. Andr. n. 9. Anton. n. 5. Ananiam n. 10. Si quis se committat gratiæ, aut misericordiæ alterius, non ideo renuntiare iuri suo: quia non aliud proficitur, quam se sperare, quod per gratiam, seu liberalitatem illius consecuturus sit, quod optat: Sin minus, integrum ipsi erit per iustitiæ viam exigere. Idemque esse, ait hic Ioan. Andreas, si quis voluntati, aut arbitrio alterius se submiserit: quia ita intelligi debet, dummodò is iustè, seu ut vir bonus arbitrat

fuerit, argum. l. si libertus, 30. ff. de operis libertorum. Quæ doctrina ex eo confirmatur, quod supra dictum, renuntiationem strictè interpretandam, neque facillè præsumendam esse.

CAPITVLVM XIV.

Lectæ.

PARAPHRASIS.

Abbas S. Petri Ecclesiæ Tullensis, existimans se ex infirmitate moriturum, Monachos suos, aliquo fraudulentum suggerente consilium, ab obedientia absoluit, & mox Episcopum vocavit, ut in eius manibus Abbatiam resignaret, non tamen resignavit. Porro eidem Abbati ad sanitatem restituto Monachi capitaliter congregati obedientiam denuo promiserunt. Super hoc casu quæstio mota fuit, vtrum dictus Abbas regimini suo renuntiassè censendus sit. Respondet Honorius III. eum non renuntiassè.

SUMMARYM.

1. Si Prelatus ab obedientia subditos absoluit, non ideo Prelatus renuntiat.
2. Valide aliquis renuntiat iuri reali, ut servituti, etiam absente eo, in cuius utilitatem renunciatio cedit.
3. Quod tamen verum est tantum in iis iuribus, quorum renunciatio in libera nostra potestate est, non autem in ecclesiasticis beneficiis, aut dignitatibus.

Ratio responsionis est manifesta: Quia voluntas renuntiandi non sufficit, nisi factum sequatur, arg. c. 1. de eo qui mittitur in possess. iun. Gl. ver. voluntatem. Abbas autem iste voluit quidem renuntiare, non autem renuntiavit, cum sciret se non posse nisi in manibus Episcopi: quem proinde vocavit, sed (siue aduenerit, siue non) meliore consilio capto, renuntiationem intermisit.

Neque obstat, quod Monachos ab obedientia

diencia absoluit : Nam absolutio ista irrita fuit. Fieri enim non potest, ut Prælato, dum prælaturam retinet, subditi, præsertim Regulares professi, obedientiam non debeant, cum prælatura & subiectio, Regimen & debita obedientia correlata sint. Quare frustra Monachi illi reuerentiam & obedientiam de nouo sponderunt Abbati, à qua nunquam liberati erant : Absolutio enim ab obedientia sequitur renuntiationem Prælati ; eam verò antecedere haud potest.

2. **NOTANDUM Vn.** Quod docent Innoc. in c. veniens, Anton. ib. n. 6. Ananias, n. 33. & seqq. Quod aliquis iuri reali, videl. dominio, aut quasi dominio, ut seruituti &c. valide renuntiet, etiam absente eo, in cuius vtilitatem renuntiatio cedit, adeo, ut & possessionem, vñ cum dominio amittat, si vtrumque perdere velit ; præsertim si à re abscedat, ut appareat, quod eam pro derelicta habeat : Quin etsi non recedat, sed corpore insistet, si tamen declaret, non habere se animum possidendi, cum nolit esse suam, videtur amitti possessio, iuxta l. si quis vi, 17. §. differentia. ff. de acquir. possels. vbi dicitur, quod possessio recedit, ut quisque constituit nolle possidere. Quamdiu autem possessionem aliquis retinere vult, seu nomine suo possidere, non potest dominium perdere, ut ibidem dicitur. Hæc, inquam, doctrina locum duntaxat habet in ijs iuribus, quorum renuntiatio libera in nostra potestate est, non item in ecclesiasticis beneficijs ac publicis dignitatibus, quas amittere non possumus, nisi recipiente eo, à quo accepimus, sicuti constat etiam ex l. penult. ff. de offic. Præsidis, vbi dicitur, quod *Præfes* provincia abdicando se non amittit imperium ; vbi Gl. addit, nisi id faciat in manu Principis, à quo habet imperium. Sic & Episcopus non potest renuntiare, nisi in manu Papa: Neque Abbas, nisi in manu Episcopi, cui subiectus est. c. vlt. causa 16. q. vlt. e. Abbas, 8. causa 18. q. 2. Vel in manibus Superioris sui Regularis, aut Papæ, si exceptus est, c. vlt. hoc tit.

Veruntamen, si aliquis renuntiet beneficium suum in manu Clerici pro Superiore acceptantis, quamvis sine mandato, tum va-

lebit renuntiatio quoad renuntiantem ; ita ut in arbitrio Superioris postea sit, an renuntiationem ratam habere velit. Ita notat Petrus Ancharanus. c. 2. hoc tit. in 6. arg. l. siego, 24. ff. de negotijs, & consentiunt ea, quæ dixi suprâ, e. super hoc, & e. quod induerit.

CAPITVLVM VLT.

Dilecti.

PARAPHRASIS.

Perlatum fuit ad Gregor. IX. Pontificem, quod Abbas Monasterij S. Guilielmi, Sedis Apostolicæ immediatè subiecti, cum se insufficientem cerneret, renuntiari Abbatie in manibus Conuentualium suorum : qui proinde Gasparem S. Victoris Monachum in Abbatem elegerunt. Ad id referripit Gregorius, cessionem irritam fuisse, cum Abbas ille absque Sedis Apostolicæ assensu cedere nequiverit : consequenter etiam electionem nullius esse momenti. Quamobrem iubet Abbatem in locum suum restitui ; postea verò permittit, ut eius celsio Apostolicæ Sedis auctoritate recipiatur.

SUMMARIUM,

1. *Prælatus vel alius beneficiatus cedens in manibus non sui Superioris, vel Collatoris, sed aliorum clericorum, potest, sed non tenetur, Superior cessionem admittere.*
2. *Prælato potenti iusta de causa cessionem, deneganda ei non est.*
3. *Si non valet Prælati renuntiatio, nec valet etiam electio.*
4. *Si presentatio ad beneficium, vel eius collatio pertineat ad Abbatem, aut electio ad Capitulum, tenetur horum consensum Episcopus requirere.*

NOTANDUM I. Si Prælatus, aliùsue beneficiatus cedat in manibus non sui Superioris aut Collatoris, sed aliorum Clericorum, non tenetur Superior cessionem admittere. Potest tamen, si velit, eam ratam

Ooo 2 habere,

habere, vti dixi in c. quod in dubijs, & docet hic Gl. ferme communiter recepta, ver. in manibus.

QVÆRES: Cūr ergo Pontifex iussit eum in locum suum restitui, atque iterum renuntiare, si priorem renuntiationem approbare potuisset. Resp. Ideo non approbasse, seu ratam habuisse cessionem factam in manibus Conuentualium, quia ipsi eam pro rata, & firma habuerunt, adeo, vt veluti vacaret Abbatia, ad nouam electionem procedere ipsis liceret. Quare ad refutandum errorem istum, Papa mandauit prius restitui Abbatem in locum suum, & postea renuntiare in manibus Papæ.

2. **NOTANDUM II.** Si iusta aliqua de causa Abbas, vel similis Prelatus cessionem petat, ipsi neganda non est, vti etiam habetur in c. vlt. causa 16. q. vlt. & dixi de hac resuprà in c. admonet, 4. hoc tit.

3. **NOTANDUM III.** Si non valuit renuntiatio Prelati, non potest etiam valere electio: & vniuersim si aliquis legitimè destitutus non fuit, alius in locum eius legitimè institui non potuit, c. hæc quippe, 10. causa 3. quæst. 6. Sicut etiam dictum e præced. Si renuntiatio, adeoque vacatio prælaturæ legitimè non antecessit, non valuisse absolutionem ab obedientia. Quia hæc sequitur ad renuntiationem: vbi autem principale non consistit, nec accessorium consistere potest. Ita notauit hic Gloss. ver. electionem.

4. **QVÆRIT** hoc loco Ioan. Andr. num. 8. Ananias num. 17. Si præsentatio ad beneficium pertineat ad Abbatem v. g. vtrū Episcopus teneatur eius consensum requirere? Et respondent affirmatiuè, argum. c. in Lateranensi, 31. de præbendis, c. adhuc, de officio Archidiaconi, vbi & ratio afferitur: quia quod omnes tangit, ab omnibus approbari debet. Idemque simili ratione docet Gloss. in cap. vii. de rerum permut. in 6. ver. collationem, Anron. in c. quod in dubijs, num. 6. Ananias num. 27. Garcias p. 11. de beneficijs, cap. 3. num. 72. Si ad alios, v. g. Capitulum pertineat electio: vel ad a-

lium v. g. Præpositum, aut Abbatem pertineat collatio beneficii, quodd Episcopus cessionem beneficiati accepturus, eius consensum requirere debeat.

Hanc doctrinam communiter receptam limitandam censeo; Quodd patronus, electores, & collator contradicere non possint, si Episcopus iusta de causa resignationem beneficiati seu absoluzam, seu causâ permutationis accipere velit: quia id ad officium eius, à sacris canonibus ipsi commissum spectat, vt suprà dictum in c. admonet 4. Quare ea maximè de causa dictis personis renuntiatio seu recipienda, seu recepta significari debet, vt ipsi vacatione beneficii cognita ad nouam præsentationem, electionem, aut collationem procedere possint.

CAPITVLVM. I. cod. Tit. in 6.

Quoniam.

PARAPHRASIS.

Summus Pontifex renuntiare potest Papæ, tum maximè, si se insufficientem agnoscat ad regendam Ecclesiam vniuersalem. Ita definuit Cælestinus V. præmissa deiberatione cum Cardinalibus, inter quos vnus erat Bonifacius VIII. successor illius. Cuius rei ipsemet, huius causauctor, testis omni exceptione maior existit.

SUMMARY.

1. *Summus Pontifex potest liberè Papæ renuntiare, neque obest, quodd renuntiatio hac non possit fieri in manu Superioris, ita enim fieri debet renuntiatio respectu illius, qui Superiorem habet.*
2. *Si Papa se Pontificatu abdicat, hanc abdicationem Deo acceptat, hoc est, Pontificiam potestatem ab eo tollit.*
3. *Gravissimè peccabit Pontifex, si absq. necessitate Papæ renuntiet.*

In con-

IN contrarium obicī solet : Renuntiatio fieri debet in manu Superioris : Papā autem Superiorem in terris non habet : Ergo renuntiare non potest. Sin autem dicatur, quod Deus eius renuntiationem acceptet, ea acceptatio incerta videtur, cum nullo signo cognoscatur. Respondetur : Regula illa, quod renuntiatio prelaturæ &c. in manu Superioris fieri debet, de ijs duntaxat traditur, qui Superiorem habent, non autem de Principe, seu Superiorem non habente. Sic etiam (ait hic Ioann. Monachus) regulam habemus, quod nullus in propria causa iudex esse potest, l. Qui iurisdictioni, 10. ff. de iurisdictione omnium iudicum : Et tamen Princeps, seu qui Superiorem non habet, in propria causa iudicare potest, vti dixi lib. 3. Th. mor. tr. 6. c. 2. n. 11.

Porrō si Pontifex abdicet se Pontificatu, necessariō dicere debemus, quod Deus abdicationem acceptet, seu ab ipso Pontificiam potestatem tollat. Nam alioquin consequens esset, ut Ecclesia longo tempore à nullo pastore visibili gubernaretur, si vno se abdicante, alius in locum eius cum simili vniuersali potestate substitui non posset : id verò repugnat Christi promissionibus. Atque hæc ratio ostendit validam fore renuntiationem Papatus, etiamsi sine iusta causa fiat : Cum enim Ecclesia Pontificem cogere non possit ad retinendum Pontificatum, sed tantum monere, ac rogare ; si is, posthabitis monitionibus, officium pastorale re ipsa, & voluntate deferat, non esset Ecclesiæ prouisum, nisi eo abdicante se, alius eligeretur.

Grauius tamen peccabit Pontifex, si absque necessitatis causa Papatu renuntiet : cum inter ipsum & Ecclesiam vniuersalem artificiosum vinculum, à Deo ipsi imposuit, existat. Videri potest Ioann. Andr. super hoc c.

CAPITVLVM II.

Si te.

PARAPHRASIS.

Titius impetrauit à Pontifice gratiam, quam

vocat expectatiuam, id est, mandatum, ut in ecclesia v. g. Augustana prouideretur ipsi dignitas, vel præbenda, si vacaret, alioquin proximè vacatura. Hoc intellecto, Caius æmulus eius, qui tenuis beneficium possidebat, illud resignauit, ut Titius à pinguiore, quæ postea credebatur per mortem, vel alio modo vacatura excluderetur. Hoc casu respondet Pontifex, non obstante ista resignatione, perinde ac si ea facta non esset, Titium expectare posse, donec piguius illud beneficium vacet ; dummodo sufficientibus indicijs ostendi queat, Caium in fraudem, aut odium Titij beneficium suum resignasse.

S Y M M A R I V M.

Ostenditur equitas responsionis Pontificis : quod scilicet non teneatur is, qui impetratā gratiā expectatiuā à Papa, expectat primum vocaturū beneficium pingue, tenue aliud accipere, si interea hoc in fraudem eius alius resignet, cum proximè credatur pinguius vacaturum.

Æquitas huius responsionis sumitur ex reg. 20. in 6. *Non debet aliquis alterius odio pregrauari.* Et l. 1. ff. de dolo malo, dicitur, quod per dolum malum deceptos, actio de dolo, (si alia nulla competat) secundum Prætoriam æquitatem concedatur, ne vel dolosis malitia sua sit luerosa, vel deceptis simplicitas damnosa.

§. Cæterum.

Quod si Caius ille renuntians beneficio tenuiori, alterum pinguius postea vacans ipsemet obtinuerit, eo ipso præsumptio erit, in fraudem id egisse, ut alia probatione opus non sit. Pœna autem ipsi statuta sit, ut utroque beneficio careat : priore quidem, quia ei renuntiavit : posteriore autem, tum quia alteri est debita, tum quia æquum non est, ut ipsi calliditas sua profit, seu ex propria iniquitate commodum ferat. Ita Ioann. Monachus hic.

O o o ; TITV.

TITVLVS X.

DE SVPLENDA NEGLIGENTIA PRÆLATORVM,



QUO de Prælati Ecclesiasticis, eorumque potestate & officio agendum sit, hoc tit. resoluitur, si in aliquo casu Prælati officium suum præstare intermittat, quis talem negligentiam seu defectum supplere debeat, ut ecclesiæ, quàm fieri potest, maturè prouisum sit.

CAPITVLVM I.

Statuimus.

PARAPHRASIS.

Alexander III. scribens ad Ordinem Cisterciensium, ait: Si Episcopus tertio cum humilitate, ac deuotione requisitus, ipsorum Abbates benedicere renuat, quòd ipsi nihilominus & Monachos suos benedicere, & alia quæ ad officium suum spectant, exercere possint, interim dum Episcopus, deposità duritià suà, benedictionem petitam conferat,

SUMMARIVM.

1. Si Diœcesanus debet requisitus benedicere nolit Cisterciensem Abbatem (vel alium quemcunque benedici ab Episcopo solitum) potest nihilominus is benedicere suos Monachos & suum officium exercere.
2. Benedictionis Abbatis canonice electi & confirmati effectus est, ut per eam accipiat potestatem Ordinis, ut Episcopus per Consecrationem.
3. Sunt tamen magna discrimina inter consecrationem Episcopi, & benedictionem Abbatis, alteriusque Prælati, quæ hic enarrantur.
4. Benedictio Abbatis fieri potest non solum

- solum Dominico, sed quolibet festo die, imò sine graui delicto etià die non festo.
5. Iterari ea non debet, si Abbas vel Abbatissa ad aliam Prælaturam transferantur.
 6. Altius Ordinis Episcopali latiori modo proprii simplicibus sacerdotibus in dignitate constituti à Sede Apostolica committi solent per priuilegium.
 7. Acquiri autem per solam consuetudinem, quæ constante, & immemoriali fama priuilegiij Apostolici subnexa non sit, non potest. ut sacerdotes non Episcopi Ordinis, etiam minores tantum conferant.
 8. Neque, ut in eas benedictiones seu consecrationes, quæ cum sacra Chrismatis unctione peraguntur, exercere possint, aut recedens altaria & virgines cōsecrare.
 9. Possunt tamen Sacerdotes non Episcopi in dignitate constituti, aut Prælaturam habentes benedictiones paramentorum & probabiliter etiam corporalium per immemorialem consuetudinem cum bona fide præscribere.
 10. Quin Prælati omnes, qui Pontificalia exercent, per diurnam & approbatam consuetudinem corporalia benedicunt: Prælati autem mendicantium ex Apostolico priuilegio corporalia & alia paramenta, in quibus unctio Chrismatis non intercedit, & quidem non tantum pro sua ecclesià, sed etiam aliunde ipsis allata.
 11. Officia recensentur, quæ Prælati post benedictionem exercere possunt, vel etiam ante, si Episcopus ter requisitus eam conferre nolit.
 12. Benedictio populi publica non solemniter à solis Sacerdotibus fieri potest, solemniter Episcoporum propria est, & Abbatibus,

ac si

ac similibus Prælati non omnibus, sed quibusdam speciali privilegio concessa.

13. In fine officij Prælati, saltem ijs, qui benedici solent, aut episcopalia insignia gerunt, concessum est Professos & Novitios suos solemniter benedicere: præsentem tamen Episcopo nec sacerdos, nec Abbas debet benedicere, nisi ipsi licentiam dante.

14. Hodierno iure Trident. Abbates ac Prælati Regulares, si sacerdotes sint, & benedicti, vel à Sede Apostolica privilegiati, ut possint Pontificalia exercere, perinde ac si benedicti sint, possunt regularibus subditis suis (non alijs) primam tonsuram & quatuor Ordines Minores conferre.

15. Abbates exempti proprium districtum habentes, in quo quasi Episcopalem iurisdictionem exercent in subditis seu secularibus, non prohibentur hys conferre Ordines Minores.

16. Potestatem Ordines Minores conferendi restringenda videtur ad Prælatos habentes mitram & baculi.

17. Abbas benedictus & Pontificalia exercens, potest saltem cum Episcopi consensu, tonsuram & Minores Ordines conferre alijs personis tum Regularibus tum secularibus, ita tamen, ut non sufficiat consensus generalis, sed necessaria sit licentia pro ordinationibus singulorum.

18. Si Prælati Regulari & successoribus eius ante annos v. g. centum concessum sit privilegium consecrandi vasa sacra cum unctione Chrismatis, & præcedentes Prælati eo usi non sint, potest eorum Prælati modernus qui ius habet mitræ & baculi, neque eis constas de revocatione eius privilegij.

nedictionem requirere non debeant, sed à sui Ordinis Abbatibus benedici possint, vel sine benedictione Pontificalia exercere possint. Qua de re Rodr. tom. 2. regul. qq. q. 26. a. 3.

QVÆRITVR primò: Vtrum hæc Alexandri responsio solum referenda sit ad Abbates Ordinis Cisterciensis, an verò generalis esse debeat, ut locum etiam habeat in aliorum Ordinum Abbatibus, qui ab Episcopis benedici solent, quod ijs recusantibus, nihilominus officium suum exercere queant? Respondent DD. communiter cum Gl. cum contingat, l. 1. §. Abbati, de ætate & qualitat. Esse generale rescriptum: quia Pontifex in suo responso non significat, se speciale privilegium Cisterciensibus conferre: sed spectata tum rei æquitate, tum necessitate, ne officium Abbatis diu intermittatur, generale ius statuisse, argum. c. nihil 44. de elect.

QVÆRITVR secundò: Si Episcopus rationabilem causam prætendat, cur Abbati benedictionem conferre nolit, vtrum nihilominus officium exercere possit. Responsio est negativa, cum Innoc. hic & Ioan. Andr. in 6. Nam in hoc Alexandri responso supponitur, Episcopum ex duritia & mentis quadam obstinacia benedictionem denegare: quando ter humiliter admonitus eam dare renuit: Contumax autem non censetur, qui causam rationabilem habet, cur non obtemperet, argum. l. contumacia, §. 3. ff. de re iud. Porro, ut contumacia seu obstinacia in non parendo appareat, ordinariè requiritur monitio trina; quamvis una etiam pro trina interdum sufficere possit, cit. l. contumacia. Qua simili ratione arbitratur Antonius hic, si Episcopus nulla probabili ratione allata, statim in prima postulatione obstinatum se ostendat in benedictione deneganda, non opus fore repetita petitione, sed sufficere eam vnicam. Simili ratione dicitur in c. Venerabilibus, 7. §. Porro, ver. Secus de sent. excomm. Si reus in iudicio apertè dixit se non pariturum, iterum citandum non esse, cum eius contumacia manifesta sit. Qua de re Abb. in c. vlt. n. 8. de dole & contum.

QVÆ

PRO intellectione huius c. adverte, quod tempore Alexandri III. Ordo Cisterciensium non haberet tanta exemptionis privilegia, quanta postea à Sede Apostolica accepit, & nunc obtinet, ut eius Ordinis Abbates exempti ab Episcopis, eorum be-

quod benedictio Abbatis fiat ad similitudinem consecrationis Episcopalis, quæ iterari non potest. Abbatissæ autem benedictionem, ubi ea in consuetudine est, multi aiunt iterandam esse, si ad aliam prælaturam transferatur. Sed Azor cit. q. 4. rectè dicere videtur, non apparere causam, cur benedictio iterari debeat.

6 **QUÆRITUR** sexto: Quinam actus Ordinis Episcopalis simplicibus Sacerdotibus in dignitate constitutis, videl. Romanæ Sedis Cardinalibus, Abbatibus, aut Præpositis, à Sede Apostolica committi soleant: A Sede Apostolica, inquam: Nullus enim alius Episcopus ea, quæ ordinis sunt, alteri committere potest, sed tantum ea, quæ iurisdictionis, e. aqua, de consecr. Eccles. vel altaris, & declarat Iac. Sbrozjus lib. 2. de offic. Vicarij, q. 7. & seqq. Respondeo: Inter actus ordinis Episcopalis alij sunt proprii strictè, vt alijs Sacerdotibus committi vel non possint, vel non soleant, nisi ex graui & speciali causa: videl. ordines sacros conferre, & baptizatos confirmare. Qua de re dixi lib. 5. tr. 3. c. 6. & tr. 9. c. 9. Alij verò sunt actus ordinis Episcopalis proprii latiore modo, quia à Sede Apostolica (non item à inferioribus Episcopis, iuxta e. aqua, de consecr. Eccles. vel altaris) committi solent Sacerdotibus non omnibus vel communiter, sed plerumque ratione alicuius dignitatis, vel in modum priuilegij specialis: videl. vestes, etiam corporalia, pro vsu sacrificij benedicere, vasa sacra, & similia, ad quæ chrisma adhiberi debet, consecrare, primam tonsuram, & ordines minores conferre, populum solemniter benedicere.

QUÆRITUR septimò: Cum certum sit, talia, quæ ordinis Episcopalis latiore modo propria sunt, Sacerdotibus non Episcopis per priuilegium Sedis Apostolicæ competere posse, vtrum etiam per consuetudinem immemoriam acquiri possint.

7 **Respondeo** & **Dico** I. Nulla consuetudine etiam immemorali, si sola sit, & constante fama priuilegij Apostolici non subnixâ, acquiri potest, vt Sacerdotes non Episcopi, ordines, etiam minores tantum, conferant: Et

eadem videtur esse ratio primæ tonsuræ. Ita docet ex communi Azor tom. 1. lib. 5. c. 19. Constat enim ex traditione Ecclesiæ, quod Minister ordinarius ordinationis sit solus Episcopus, vti etiam docet Trident. sess. 23. can. 7. Ergo sine Apostolicæ Sedis commissione ac priuilegio, vel saltem constante & immemorali fama eius, Sacerdotibus non Episcopis potestas ordinandi competere non potest.

Dico II. Neque eas benedictiones, seu consecrationes, quæ cum sacra chrismatis vnctione peraguntur, Sacerdotes non Episcopi per meram consuetudinem, quantumuis immemoriam, comparare possunt. Ita docet Syl. ver. benedictio, n. 3. Aluinus de potestate Episc. & Abb. c. 21. num. 12. Azor tom. 1. lib. 10. c. 28. q. 2. Quia ex Ecclesiæ traditione constat, consecrationes Ecclesiarum, altarium, vasorum, & c. Episcopalis ordinis proprias esse oportere; excepta commissione, vel priuilegio Sedis Apostolicæ: Quibus addi debet ecclesiarum violataram reconciliatio, & virginum consecratio, vti constat ex e. quamuis, d. 68.

Corollarium. Si Abbas aliquis potestatem horum consecrandorum sibi vendiderit, niti debet non mera consuetudine, sed priuilegio Apostolico, aut saltem constante fama eius; cum fieri potuerit, vt priuilegium aliquando datum amissum fuerit. Tunc autè si ponamus, priuilegium nunquam datum fuisse, quod tamen datum tempore immemorali cum bona fide putabatur, hoc casu per diuturnam consuetudinem acquiri poterit potestas talium consecrandorum, Pontifice non reclamante, quippe cum eiusmodi rationabili titulo nixas consuetudines non reprobet, sed magis approbet, e. vlt. de consuetudine.

Dico III. Benedictiones paramentorum, & probabiliter etiam corporalium, Sacerdotes non Episcopi, si in dignitate constituti sint, aut prælaturam ecclesiæ habeant, per immemoriam consuetudinem cum bona fide præscribere possunt. Ita addit Gl. in c. Abbates, 3. de priuileg. in 6. ver. tonsuram, Syl. loc. cit. Aluinus cit. cap. 21. num. 13. Ratio est: Quia talium benedictiones in sa-

cris canonibus non reperiuntur ita appropriatæ Episcopis, sicuti eæ, quæ Chrismatis vñctionem habent. Nisi quod de corporali significatur in c. consulto, 45. d. 1. de consecrat. illud ab Episcopo consecrandum esse: Quod etiã hodie obseruari solet, vt eius benedictio nõ tam faciliè à Sede Apostolica Sacerdotibus non Episcopis concedatur, sicuti
 10 aliorũ paramentorum ecclesię. Verumtamen Prælati omnes, qui Pontificalia exercent, per diuturnam & approbatam consuetudinem corporalia, sicuti alia paramenta, benedicunt, vt innotauit Sã ver. benedictio, num. 4. & videri potest declaratio Cardinal. super lefs. 23. Trident. cap. 10. Sed & Prælati Mendicantium, licet Pontificalia insignia non gerant, nec benedici soleant, tamen ex Apostolicis priuilegijs corporalia, & alia paramenta, in quibus chrismatis vñctio non interuenit, benedicere solent, teste Rodriq. tom. 1. regul. qq. q. 19. a. 2. Ioan. de la Croix de priuileg. Regul. lib. 2. c. 5. dub. 8.

Addit verò Aluinus ex Geminiano in c. Abbates, 3. de priuileg. in 6. posse Prælatos corporalia, & alia paramenta per consuetudinem immemorabilem benedicere non tantum pro sua ecclesia, sed etiam aliunde ipsis allata. Cuiusmodi consuetudinem arbitror, ob quandam necessitatem, accedente etiam Episcoporum consensu, saltem tacito, in Germaniæ prouincijs introductam esse, eò quod in diocesibus amplis, impossibile sit ex omnibus ecclesijs paramenta ad Episcopum afferri, vel eius aduentum expectari, vt benedicantur. Quod verò attinet ad consecrationem vasorum, & similium, quæ per chrismatis vñctionem peragitur, Sedes Apostolica concessionem, seu priuilegium, si quod Prælati non Episcopis conceditur, plerumque limitare solet ad vsum propriarum ecclesiarum; ne alioquin concessio in præiudiciũ Episcopalis potestatis cedat.

11 **QVÆRITVR** octauo: Quænam sint officia illa, quæ Abbas, vel similis Prælatus post benedictionem exercere potest, imò etiam ante benedictionem, si Episcopus ter requisitus conferre nolit? Respondeo, Esse eos actus ordinis, qui licet spectato communi iure sim-

plicibus Sacerdotibus non competunt, tamen quibusdam in dignitate, aut prælaturâ constitutis, per consuetudinem aut priuilegium Apostolicum conceduntur. Vt enim huiusmodi actus, Ordini Episcopali proprii, alijs autem Prælatis communicati, maiore cum solemnitate peragerentur, ideo benedictio Abbatum inuenta est, vt sit veluti loco cuiusdam consecrationis, vti appellatur in c. alienationes, 37. causa 12. q. 2. Quæ causa est, cur Abbatibus, & alijs Præpositis, quibus actus eiusmodi Pontificales exercere concessum est, etiam insignia quædam Pontificalia (id est, quæ ab origine seu prima institutione Pontificum, seu Episcoporum propria sunt) à Sede Apostolica concedantur. Porro sicuti ex verbis priuilegij, vel si id non extet, ex constante fama & traditione priuilegij Apostolici petendum est, quos actus Episcopales Prælati quilibet, seu in dignitate constituti Præpositi exercere possint, ita etiam ex singulorum priuilegio peti debet, quibus Episcopales insignibus vti possint. Nam aliqui Prælati mitrat non sunt, tamè baculum siue pedum pastorale gerunt: Contrà verò aliqui mitram in capite gerunt, sed baculum non gerunt, si videl. in dignitate constituti, nullam iurisdictionem exerceant, vt quidam ecclesiarum Cathedralium Præpositi. Id verò generatim dici posse videtur, argum. c. vt Apostolicæ, 6. de priuileg. in 6. quod cum mitra tanquam præcipuo ornamento Episcopali fermè etiam anulus, chirothecæ, sandalia, caligæ, tunica, dalmatica, & pectorale coniuncta esse soleant. Horum & aliorum Pontificalium insigniorum mysticam interpretationem reperies apud Guil.

Durandum in rationali, lib. 3.
 Superest, vt de quibusdam actibus Pontificalibus, à Prælati non Episcopis exerceri solitis speciatim aliquid dicamus. Primus est, solemnitis benedictio populi. Vbi notandum, quod benedictio super hominem vel est priuata, vel publica. Priuata fieri potest ab omnibus Clericis, imò etiam laicis, & faminis sanctimonialibus, vti dixi lib. 5. tr. 9. c. 13. n. 1. Publica benedictio à solis Sacerdotibus fieri potest. Imò generalis regula est, quam

quam tradidi cit. c. 1. n. 11. quoddam Diaconus nullam publicam benedictionem exercere possit. Porro benedictio populi publica diuiditur apud Mascardum vol. 1. de probat. concl. 169. quod alia sit solemnis, quæ fieri solet in fine diuinorum officiorum, præmissa vericula: *Adiutorium nostrum in nomine Domini, &c.* Sit nomen Domini benedictum: alia benedictio populi non solemnis, sed simplex, hæc à Sacerdotibus omnibus post missam fieri solet. At verò solemnis populi benedictio Episcoporum propria est, & Abbatibus, ac similibus Prælati non omnibus, sed quibusdam speciali privilegio Apostolico concessa est, ut in ecclesiis pleno iure, id est, quoad temporalia, & spiritualia, interprete Gl. c. 3. §. Ecclesiis, ver. pleno iure, de priuilegiis sibi subiectis benedictionem populo largiri possint, c. Abbates, de priuilegiis in 6. ubi additur, quoddam extra ecclesias suas publicè & per vias populum benedicere Abbates non debeant: quod tamen Episcopis permixtum esse, ait Barbosa cit. p. 2. allegat. 27. num. 63.

13 Cæterum existimandum est, omnibus Prælati regularibus, saltem qui benedici solent, aut qui Episcopalia insignia gerant, concessum esse, ut Professos & nouitios suos solemniter ad finem officiorum diuinorum benedicant, argum. huius c. Si tamen Episcopus officio interfit, non debet Sacerdos vel Abbas benedictionem impendere, nisi ipso annuente, seu licentiam dante, uti notat Gl. c. Ecce, d. 95.

Alter actus Pontificalis, qui Abbatibus competere potest, est collatio primæ tonsuræ, & ordinum minorum. De hoc dico I. Primam tonsuram & Lecturatum omnes Abbates seu Prælati regulares post benedictionem olim conferre potuerunt, si ab Episcopo benedictionem acceperant, c. quoniam, d. 69. c. cum contingat, de ætat. & qualitatibus.

Dico II. Quoddam Abbatibus communi iure Acolythos, & Exorcistas ordinare poterint, non reperitur: sed quoddam ex consuetudine diuturna id fecerint, colligitur ex Concilio Tridentino, sess. 23. c. 10. & c. 1. de ordinatis ab Episcopo, qui Episcopatum renuntiavit.

Dico III. Hodierno iure, Trid. Sess. Abbatibus ac Præpositi regulares, si Sacerdotes & benedicti sint, vel à Sede Apostolica privilegiati, ut possint Pontificalia exercere, perinde ac si benedicti sint, primam tonsuram & quatuor ordines minores regularibus subditis suis conferre possunt: alijs autem nequaquam. Idque ampliatur contra Clementem. Ut Apostolicæ, de priuilegiis in 6. tametsi exempti sint ab Episcopo, attamen existentes intra dioccesin eius. At verò si Abbates exempti proprium districtum habent, in quo quasi Episcopalem iurisdictionem exercent in subditos seculares, tum ijs minores ordines conferre non prohibentur.

Dico IV. Facultas illa ordines minores conferendi restringenda esse videtur ad eos Prælatos Regulares, qui ius mitræ & baculi deferendi habent, sicuti indicatur in declaratione Cardinalis super cit. sess. 23. c. 10. & docet Zerola in praxi Episcopali, ver. Abbas. Sæpe verò. Aluinus de potest. Episcopi & Abbatis c. 21. n. 22.

Id dubitari solet, utrum Abbas, qui benedictus est, & Pontificalia exercet, saltem cum Episcopi consensu tonsuram & minores ordines conferre possit alijs personis, tum regularibus, tum secularibus? Respondeo probabiliter affirmari posse, propter declarationem Cardinalium super Sess. 23. c. 10. de reformatione, de qua testantur Ioan. Gallemart. ibid. Zerola ver. Abbas, Barbosa p. 2. allegat. 3. n. 13. Aluinus loco supra cit. Sorbo in compend. priuilegiorum, ver. ordines sacri: eam tamen declarationem, ut non sufficiat consensus seu licentia generalis, sed necessaria sit pro ordinationibus singulorum.

Corollarium. Hinc intelligi potest, quid respondendum sit ad casum istum. Quidam Prælati regulares, vel seculares, mitræ alijsq. Pontificalibus insignibus utens, hoc etiam à Sede Apostolica privilegium habet, ut vasa sacra consecrare, & campanas cum chrismatibus vñctione benedicere possit pro usu suæ ecclesiæ tantum, potestne Episcopus illi licentiam dare consecrandi calices, aut benedicendi campanas ecclesiarum, quæ ipsi Episcopo subiectæ sunt. Respondeo, Non potest ei da-

ei dare licentiam generalem : cum privilegium Papale ad eiusmodi actus episcopales exercendos Episcopus extendere non possit. Sed pro occurrente aliquo casu, vel necessitate, arbitror licentiam dari posse : quia id non videtur repugnare voluntati Pontificis, postquam Prælatus ille à Sede Apostolica ad talia, saltem pro sua ecclesia, benedicenda privilegiatus fuit.

Tertius actus Pontificalis ab Abbatibus seu Prælatibus benedictis exerceri solitus, est consecratio vasorum, & benedictio paramentorum altaris. De quibus suprâ satis dictum fuit.

- 18 Ad extremum quæret aliquis : Si Prælato alicui regulari, & successoribus eius ante annos v. g. centum, aut amplius à Sede Apostolica concessum sit privilegium, ut sacra vasa cum chrismatis vñctione consecrare possit, præcedentes autem Prælati aliqui eo privilegio nunquam usi fuerint, verum iste Prælatus, qui alioquin ius mitræ & baculi habet, dictum privilegium, de cuius reuocatione nihil unquam auditum fuit, exercere possit : an verò per non usum, amissum censeri debeat? Respondeo, cum Rodriq. tom. 1. regul. quæst. 18. art. 1. Felino c. cum omnes, num. 15. de Constit. Quòd Prælatus per merum non usum privilegij illud perdere non possit, idèòque integrum sit successorij privilegij usum temporis diuturnitate intermissum reuocare. Vel enim privilegium amissum est per præscriptionem, vel per tacitam reuocationem. Primum dici non potest : Quia in actibus merè voluntarijs, ac nemini onerosis non procedit præscriptio; ut si habeas privilegium legendi libros hæreticos, & conunquam utaris, non propterea amittis : quia nemo cogitur privilegio, aut beneficio uti, sicuti dixi lib. 1. tract. 4. c. 23. num. 22. Neque alterum dici potest : quia Prælatus non potest renuntiare iuribus ac privilegijs, quæ data sunt dignitati suæ : cum talis renuntiatio sit species alienationis, quæ requirit causam iustam, & Capituli consensum, &c. Si igitur Prælatus per expressam renuntiationem tale privilegium per-

dere non potest, multò minus pertàctam, & præsumptam. Verum tamen est, ex diuturno non usu privilegij præsumptionem oriri, privilegium datum non esse, vel reuocatum : ut proinde hoc casu necesse sit illud exhibere. Quamobrem etiam Summus Pontifex consuetudinem habet, ea tantum privilegia v. g. Regularium confirmandi, aut alijs per communicationem conferendi, quæ in usu sunt.

CAPITVLVM II.

Sicut.

PARAPHRASIS.

Perlatum est ad Clementem III. quòd alicuius diocesis Monachi, & Canonici regulares, redditus quarundam Parochiarum, in quibus ius præsentandi, seu ius patronatus habebant, vñibus Monasteriorum suorum applicarent : neque velint, ut si dictas ecclesias vacare contingat, personæ ad eorum præsentationem instituantur ab Episcopo, sed ipsi, occasione concessionis ipsis factæ à quibusdam antecessoribus Episcopis, arbitrato suo Vicarios instituant, & destituunt, eosque pensionibus ita onerant, ut paupertate pressi nec Ecclesiæ decenter deservire, neque Episcopo subsidia debita præstare, neque erga peregrinos hospitalitatem exercere queant. Ad hæc respondet Pontifex : Non esse permittendum, ut antiquus & debitus Ecclesiæ status aliquorum vecordia subvertatur, idèòque tales excessus ab Episcopo (sicut Ecclesiæ à iurisdictione eius exemptæ non sunt) emendandos esse : Insuper si Monachi, aut Canonici regulares intra tempus à Concilio Lateranensi sub Alexandro III. definitum, videlicet intra sex menses à die vacationis numerandos (cap. 2. de concess. præb.) personas idoneas ad ecclesias vacantes Episcopo nò præsentauerint, ipsemet iure deuoluto institu-

Attuere Rectores poterit; sed pro vna vice tantum, ut deinceps patronis præsentandi ius integrum seruetur.

SUMMARIUM.

1. Patronus etiam Ecclesiasticus, non potest reditus ecclesiæ, vel beneficii in suos usus tenuerere.
2. Patronus ecclesiæ curata non potest in ea presbyterum instituere, nec destituere, sed debet Episcopo personam idoneam præsentare, à quo instituatur. Rationem tamen administrationis temporalium exigere potest à Rectore, quod ius non habet patronus laicus.
3. Episcopus non potest intra ecclesiarum alteri donare, etiam pio loco, sine Capituli consensu. Nunciatur Trident. prohibitum est Episcopis ecclesiam parochialem Monasterio, Abbatia, dignitati, vel alteri beneficio simplici unire.
4. Si Ecclesia parochialis uniat Monasterio & c. veluti extinguatur beneficium curatum ita ut patronus sui præsentandi amittat, unde ad unionem faciendam patroni consensus requiritur.
5. Vicarius maxime si inuestitus sit, teneatur ad subsidium charitativum & alias exactiones, quæ aliquando beneficiati ab Episcopo imponuntur.
6. Vicarius alius est perpetuus, qui ab Episcopo inuestiri debet; alius temporalis, & ad nutum Rectoris principalis amovibilis, qui titulum beneficii non habet.
7. Ius præsentandi presbyterum in Ecclesia parochiali Monasterio acquiritur vel ob meritum patronatus, vel ob factam incorporationem seu unionem parochia.
8. Si Ecclesia ratione populi non est exempta, sed subiecta Episcopo in spiritualibus: Monasterium, licet cateroquin exemptum, cui illa ecclesia unita est, debet primò præsentare Vicarium idoneum ab Episcopo examinandum & instituendum.

9. Secundò debet eius ecclesiæ sacra tota conservare, & altaris paramenta reparare, in defectum redituum, qui profanbrica deputati sunt.

10. Tertio Vicarius, etiam temporalis, & Religiosus Ordinis exempti, subiacet visitationi Episcopi eius, cui populus subiectus est.

NOTANDUM I. Patronus, etiam Ecclesiasticus, non potest reditus Ecclesiæ, vel beneficii, sub prætextu iuris patronatus, proprijs vlibus applicare, excepto si moderatam aliquam præstationem, cum Episcopi consensu in literis foundationis sibi reservasset, iuxta c. præterea, 23. de iure patronat.

NOTANDUM II. Patronus Ecclesiæ curatæ non potest in ea presbyterum instituere, multo minus destituere: sed debet Episcopo personam idoneam præsentare, à quo instituatur. Quare, tamen Ecclesiasticus patronus sit, v. g. Abbas, Monasteriū, vel Capitulum Collegiatum, nihil circa curam plebis, & sacramentorum administrationem Rectori instituto præcipere potest, sed Episcopo denuntiare, si officium male administraret: Potest tamen rationem administrationis temporalium exigere à Rectore, præsertim si ipsi suspectus sit, e. in Lateranensi, 3. de præbend. Cuiusmodi ius laico patrono non competit, uti Abbas ibi notavit, n. 2.

NOTANDUM III. Episcopus non potest iura Ecclesiarum alteri donare, etiam pio loco: Quod intelligi debet, nisi consensus Capituli accedat, vii Gl. hic notat, ver. concessione. At verò cum Capituli consensu poterat olim Episcopus loco pio seu religioso donare iura & reditus Ecclesiarum parochialium, cum patroni consensu, c. parochialis, 7. de donat. Nunc verò per Trident. Concil. sess. 24. c. 13. de reformat. prohibitum est Episcopis, ne parochialem Ecclesiam Monasterio, Abbatia, dignitati, Canonicali, vel alteri beneficio simplici uniant.

NOTANDUM IV. Si parochialis Ecclesiæ unita sit Monasterio, dignitati, Canonicatui & c. veluti extinguatur beneficium

ppp } curatum

curatam, ita vt patronus ius præsentandi amittat, sicuti ex communi docet Felinus c. cum accessissent, n. 2. de constitut. Barbosa de offic. Episc. p. 3. allegat. 72. n. 189. Garcias de benef. p. 11. c. 2. n. 3. Quamobrem ad vnionem faciendam patroni consensus necessarius est, iuxta cit. c. pastoralis, & dixi lib. 4. Th. mor. tr. 2. c. 13. q. 5. corol. 2. Facta enim vnione, Rector principalis semper censetur esse is, qui Abbatiam obtinet, canonicatū, aliudue beneficiū, qui proinde Vicarium constituere, & Episcopo præsentare debet, congrua illi assignata redituū portione, ita vt decetem sustentationē habeat, & hospitalitatem erga peregrinos, ac misericordiam erga pauperes exercere possit, vt hic & in c. de Monachis, 12. de præbend.

5 NOTANDUM V. Vicarius, præsertim si inuestitus seu intitutus sit, tenetur ad subsidium charitativum, & alias exactiones, quæ aliquando beneficiatis ab Episcopo imponuntur. Ita hic & cit. e. de Monachis: Hæc enim sunt iura Episcopalia, quæ Pontifex ait Vicarijs persoluenda esse. Id verò intelligi debet secundum ratam portionem, quæ ipsis ex beneficio prouenit. Interdum verò Vicarijs, alijsq; pensionarijs portio seu pensio assignatur omnino libera, ita vt totum onus principali Rectori incumbat, tamen si is alioquin exemptus sit. Non enim exemptus est ratione populi, & ecclesiæ parochialis Episcopo subiectus: quia vnio fieri censetur, saluo iure Episcopali, vt dixi lib. 3. Th. mor. tr. 3. p. 1. c. 3. n. 11. & 12. & lib. 4. tr. 2. c. 17. q. 5. & docent DD. in cit. c. pastoralis, vbi Abb. n. 6. Hoc autem casu necesse non est, vt aliqua certa portio reddituum ex beneficio designetur, sed sufficit ei dare congruentem sustentationem, quando, vt dixi, omnia alia onera, etiam hospitalitatis exercendæ, incumbunt principali, v. g. Monasterio, vti habetur in Clem. 1. de iure patron.

6 Aduerte autem, quod dixi, præsertim si inuestitus &c. Est enim duplex Vicarius, perpetuus, & ad nutum Rectoris principalis amobilis. Perpetuus ab Episcopo inuestiri debet: quia vicaria perpetua est benefi-

cium, ideoque in titulum erigitur, vti ex communi testatur Garcias de benef. p. 11. c. 2. n. 15. Sed Vicarius temporalis, seu amobilis titulum beneficii non habet: nisi quod multi dicant apud Ioann. Galleart, super Trident. sess. 7. c. 7. in remissionibus, ante finitum annum, Vicarium temporalem non posse amoueri, nisi causa exigat. Quod sanè æquum est, maximè si Vicarius secularis sit.

NOTANDUM VI. Si patronus intra tempus legitimum non præsentet, vel collator ordinarius non provideat, deuoluitur ius ad Superiorem tantummodo pro ea vice, adeo vt tamen collatio vel institutio non consequatur, patronus vel collator recuperet ius suum. Ita docet Azor tom. 2. lib. 6. c. 28. q. 14. In simili dictum est in c. cum Vintonienſis, 25. de elect.

Pro pleno intellectu huius c. aduertendum est, quod Monasterium & eius nomine Abbas ius præsentandi presbyterum in ecclesia parochiali duplici ex capite habere possit: Vel ob merum ius patronatūs, vel ob factam incorporationem seu vnionem parochiæ. Quod ad primum attinet, ius patronatūs monasterio varijs modis acquiri potest: puta quia ecclesiam ædificauit, dotauit, aut eius ædificationi fundum suum assignauit: vel quia ius patronatūs Monasterio donatum est, vel cum rerum vniuersitate ad illud transijt, v. g. per emptionem castri, aut domini. In hoc casu loquitur Clemens III. huius c. auctor, quod Monasterium Episcopo Rectorem idoneum præsentare debet instituentum; præter id autem neque redditus ex parochia accipere, neque vllum ius in presbyterum sibi usurpare possit. Idemque traditur in c. In Lateranensi, 1. de præbend. in c. vn. de capellis, in 6. & in c. sanct. causa 16. q. 2. interprete Gl. princ. eiusdem q. 2. & Gratiano super c. vlt.

Quod ad alterum attinet, parochiæ incorporatio duobus modis fieri potest Monasterio, Capitulo Cathedrali, Canonicarui &c. Vel quoad temporalia tantum, vel quoad temporalia & spiritualia simul, & sic pleno iure, Vniones, seu potius donationes paro-

parochiarum quoad temporalia tantum (videl. vt relicta congrua portione Presbytero, reliqui prouentus, vel pars eorum ad Monasterium pertineat) solum Episcopi facere solebant, iuxta c. pastoralis, 7. vbi id Innoc. notat, n. 1. Abb. n. 8. de donation. & in c. 3. n. 6. de priuileg. Ea nimirum conditione, vt Monasterium, vel Capitulum, cui incorporationis redditum facta est, nihil omnino iuris seu in personam Presbyteri, seu circa eorum populi sibi vendicat. Neque verò hoc casu necesse est, vt præsentatio presbyteri ad Monasterium pertineat, quando solum redditus temporales donati fuerunt, & non simul etiam ius præsentandi Rectorem.

Vniones seu incorporationes Ecclesiarum parochialium, aliorumue beneficiorum, quæ Monasterio fiunt quoad temporalia, & spiritualia, dicuntur fieri pleno iure, interprete Gl. in cit. c. 3. ver. pleno iure. Verum & hunc ipsum modum incorporationis distinguere oportet secundum doctrinam Innoc. & Ioann. Andr. in c. 1. de capellis Monachorum, Abb. in cit. c. 3. n. 1. Aluini de potest. Episc. & Abbat. c. 13. n. 3. At merito Velenim Ecclesia Monasterio subiecta est iure plenissimo, ita vt etiam populus ab Episcopo exemptus sit: hoc casu Monasterij Abbas habet iurisdictionem quasi Episcopalem, ita vt sine dependentia ab Episcopo diocesis Presbyteros seu Vicarios instituere, & destituere possit, vti etiam docet Rodrig. tom. 1. regul. q. 36. a. 1. Vel Ecclesia ratione populi non est exempta, sed Episcopo subiecta in spiritualibus: hoc casu nihil ferme refert, vtrum Monasterium secundum se exemptum sit ab Episcopo, necne: quia vtroque casu, qui frequentissimus est, obseruari debent ea, quæ ex mente Concilij Tridentini proxime subiungam.

Primum: Vicarium idoneum præsentare debet Episcopo, ab ipso examinandum, & instituendum. Sed dubitatur primò: Vtrum is perpetuus esse debeat, an temporalis. Respondet, cum Garcia p. 11. de beneficijs, c. 2. n. 4. Barbosa de potest. Episc. p. 3. alleg. 72. n. 189. In primis inspicendum esse, quid antehac consuetum fuerit, & quid in literis

factæ vnionis, seu incorporationis contineatur: quia status Ecclesiæ non facile immutandus est, argum. huius c. vbi id notant Ioann. Andr. & Anton. de Butrio, & Clem. vn. hoc tit. Concessum tamen est Episcopo, si Ecclesiæ expedire videatur, ordinare, vt Ecclesia deinceps per Vicarium perpetuum ordinetur, tamen si antehac semper temporalem habuerit, vti habetur in Bulla Pij V. q. 6. quæ incipit: *Ad exequendum*, & in Trid. sess. 7. c. 7. de reform. iuncta Cardinal. declaratione. Sed limitari id debet primò: Nisi in literis vnionis à Sede Apostolica factæ post Concil. Trid. expressum sit, quòd Parochia per Vicarium temporalem regi debeat. Excipe secundò: Nisi Ecclesia curata dicto modo vnita sit Monasterio, tum prohiberi non potest, quòd minus Ordinis eiusdem Regularis, ad nutum Prælati amobilis, seu Obedientiarius Episcopo præsentetur examinandus, & instituendus. Ita enim concessum esse à Gregor. XIII. ea conditione, vt Religiosus socium Ordinis sui secum habeat, testatur Cardinal. declaratio super cit. sess. 7. c. 7. de Reform. Garcias cit. c. 2. n. 13, Barbosa cit. alleg. 72. n. 190. Aluinus de potest. Episc. c. 14. n. 2. Vide etiam c. vlt. de Capellis Monachorum, & Concil. Trident. sess. 25. c. 11. de reform. cum Cardinalium declarationibus. Dubitatur secundò, Vtrum Vicarius regularis esse debeat, an secularis? Respondet: Si Rector principalis sit regularis, v. g. Præpositus aut Capitulum Ecclesiæ Cathedralis, non potest institui Vicarius regularis, iuxta ea quæ dixi int. de elect. Dico II. Si parochia Monasterio vnita sit, Abbas regularem Vicarium ad nutum amobilem constituere potest excepto, si in literis vnionis expressum sit, vt per Vicarium secularem parochia administretur, vel nisi à longissimo tempore per Vicarium secularem administrata sit, præsertim si intulatus fuerit.

Secundum: Monasterium, cui ecclesia vnita est, eius facta tecta conservare, & altaris paramenta reparare debet. Quod intelligi debet in defectum reddituum, qui pro fabrica deputati esse solent. Ita colligitur ex c. 1. de his, de Ecclesijs adif. Ratio est: quia cum Monasterium

Monasterium ex ecclesiâ comoda percipiat, vld. annuos prouentus, etiam onera sustinere debet, iuxta l. vn. c. de caducis tollendis, §. profecundo, in fine, ibi: *Neque enim ferendus est is, qui lucrum quidem amplectitur, onus autem ei annexum contemnit.* Quare Aluinus cit. c. 14. n. 3. inter alia signa Ecclesiarum parochialium pleno iure, id est, etiam quoad spiritualia ad Monasterium spectantium hoc etiam numerat, si Abbates illis suppeditare tenentur calicem, missale, & alia eiusmodi, quibus obligantur ad conseruationem fabricæ totius, vel partis Ecclesiæ, & adeandem refarciendum, si quâdo indiget.

no Tertium. Vicarius, non tantum perpetuus, sed etiam si temporalis tantum sit, subiacet visitationi Episcopi, seu Ordinarij eius, cui populus subiectus est: non obstante, quod Vicarius, v. g. Religiosus Ordinis aut Monasterij exempti, secundum propriam personam exemptus sit; nihilominus subiacet visitationi, & iurisdictioni Episcopi, quoad curam populi, & administrationem sacramentorum. Ita Trident. sess. 25. c. 11. de Regular. cum declarat. Cardinalium. Verum, vt in postrema declaratione habetur, ijdem Vicarij Monasteriorum, tum non tantum Regulares, sed etiam seculares, si ad nuntium amobiles sint, visitari etiam possunt à Prælato Monasterij: quia etiam ipsi in spiritualibus immediatè subijciuntur, tanquam immediato Rectori suo, à quo & auocari possunt. Præterea excipitur in dicto c. 11. Monasterium Cluniacense, & omnia ea, in quibus Abbates, Generales, seu capita Ordinum sedem ordinariam principalem habent; nam parochiæ eorum ibidem sitæ ab Episcopo visitari non debent.

Exinde colligitur; longè plus iuris in parochia habere Abbatem Monasterij v. g. si deputatus sit Vicarius temporalis, quàm si perpetuus. Ille enim nullum ius, seu titulum habet; & omne ius parochiæ est penes principalem. At verò Vicarius perpetuus ius, ac titulum in parochia obtinet: cum autem ius siue titulus beneficij indiuisibilis sit, secundum doctrinam Hostiensis in sum. de filijs presbyterorum, §. Qui filij presbyte-

rorum, ex c. Michael 12. eod. tit. & c. 4. causæ 21. q. 1. in quo habetur, quod vnus Monasterij non possint esse duo Abbates; sed nec duo Episcopi in eadem Ecclesiâ, teste S. August. ideo dicendum est, eandem curam parochiæ ad vtrumque pertinere diuersimodè; ad Vicarium quidem in actu, ad principalem in habitu, prout distinguunt DD. in c. super eo. 6. ver. annexæ, de præbend. in 6. & docui lib. 4. Th. mor. tr. 2. c. 5. q. 9. Quamobrem Vicarius ab Episcopo institutus & intitulus à principali parum dependere videtur in spiritualibus, cum cura parochiæ ipsi attributa sit.

Iis, quæ suprà dicta sunt, ob stare videtur c. 1. de capellis Monachorum: *In Ecclesijs, ubi Monachi habitant, populus per Monachum non regatur sed Capellanus, qui populum regat, ab Episcopo, per Concilium Monachorum instituitur.* Resp. Non satis liquet, quidnam eo c. constitutum sit ab Urbano II. quamobrem variæ eius explanationes afferuntur, vt videre licet apud Abbat. ibi, & Aluinum de potest. Episc. c. 13. n. 3. Arbitror, Urbanum III. loqui de Ecclesijs parochialibus, quæ prope Monasterium edificatæ sunt; earum enim curam Monachi sibi deposcebant, eo solo titulo, quod in fundo ipsorum edificatæ, aut ab ipsis dotatæ fuerint. Id verò reiectum fuit in cit. c. 1. sicuti & in hoc c. & c. In Lateranensi, 31. de præbend. Qui enim Ecclesiam pro cura populi, Episcopo subiecti, fundat, edificat, aut dotat, ius patronatus quidem acquirit; sed curam, aut redditus Ecclesiæ nequaquam, nisi id ab Episcopo vitro concessum sit. Quæ concessio frequenter olim facta erat, vt Ecclesiæ in loco Monasterij edificaretur, & dotaretur eo pacto, vt Monachorum curæ subiecta esset, atque ita Ecclesiæ ab origine sua regularis per regularem Vicarium regeretur: cuiusmodi ius Monasterijs nequaquam auferri potest ab Episcopis. Interdum verò Ecclesiæ parochiales, quæ per seculares Rectores administrabantur, postea incorporatæ sunt Monasterijs pleno iure, id est, etiam quoad spiritualia. Quo casu suprà dixi, inspicendas esse literas vnionis, & quidnam

ad vltque obseruatum fuerit: quia status Ecclesiæ non facili mutari debet.

CAPITVLVM IV.

CAPITVLVM III.

Literas.

Licet.

Honorius ex vna parte, & Remigius per procuratorem suum ex altera parte, diu apud Sedem Apostolicam litigauerant de Archidiaconatu Richemundiz: Quare vt ea res expediat, mandat Innocent. III. si constet, quod Archidiaconatus ille annum integrum vacauerit, semestri quidem, cum collatio ad Capitulum pertinebat; altero autem semestri, cum collatio per deuolutionem ad Archiepiscopum Eboracensem spectabat. (numerato tempore non à die vacationis, sed habitæ notitiæ vacationis) vt vtrique litigantium silentium imponatur. Cum enim dictus Archiepiscopus Superiorem non habeat præter Pontificem, ad eum secundum canones Archidiaconatus illius collatio deuoluta fuit.

NOTANDVM I. Si Capitulum, ad quod collatio beneficii, aut dignitatis pertinet, intra sex menses conferre negligat, ius conferendi pro ea vice deuoluitur ad Archiepiscopum, si ei Capitulum immediatè subiectum sit. Quod si & ipse per alterum semestrem conferre negligat, deuolutio fit ad Papam. De hac re dictum est in c. Ne pro defectu. 41. de elect.

NOTANDVM II. Si pœna ob negligentiam decreta sit sententiæ latæ ipso iure, ordinariè non conceditur licentia moram purgandi. Ita Gl. hic ver. imponatis, Anton. n. 5. Quia, vt Gl. ait in c. licet canon, 14. ver. executione, de elect. in 6. canon, qui est lata sententia, habet in se executionem. Id verò intelligi debet hoc modo, quod iudex perinde pœnam exequi debeat, ac si ab initio contracta sit, rescindendo omnia, quæ secùs attentata sunt. Quomodo Pontifex in hoc c. rescidit, seu potius irritam declarauit collationem Archidiaconatus, si facta sit post tempus semestris.

Quidam Prælati & Capitula, beneficia & dignitates tanto tempore conferre distulerunt, vt secundum Lateran. Concilium sub Alex. III. iure conferendi pro ea vice priuati essent: Postea verò quàm intellexissent aduentum Legati Apostolici, beneficia illa ac dignitates conferre aggressi sunt. In hoc casu respondet Innoc. III. collationes, secundum canones irritas quidem censi posse, & malè institutos remoueri, tamen ex misericordia, si aliquin idoneæ personæ sint, à Legato in possessione pacifica tolerandos esse: Sin autem non idonei, ijs remotis, alias personas idoneas, auctoritate Apostolica, ad quam propter negligentiam inferiorum collatorum, deuolutio facta est, à Legato instituendas esse.

NOTANDVM I. Si priuati iure conferendi, aut eligendi pro vna vice nihilominus aliquem eligant, aut instituant, licet electio, collatio, aut institutio irrita declarari possit, interim tamen, dum nemo se opponit, electus, aut institutus tutus est in conscientia. Ita docui in c. innotuit, 20. de elect. & sumitur ex hoc c. Quia nisi collatio beneficiorum, facta post incursum priuationem, aliquo modo valida fuisset, instituti beneficia retinere non potuissent, absque tituli reuocatione.

NOTANDVM II. Si priuati propter eligendi aut conferendi negligentiam, elapso trimestri aut semestri tempore, nemine se opponente, nihilominus eligant aut beneficia conferant, tolerari id potest: quia multa per patientiam tolerantur, quæ si deducta essent in iudicium, exigente iustitia non tolerarentur, c. iam dudum, 13. de præbend. Dummodò absque Ecclesiæ, seu boni publici detrimento tolerari possit: alioquin enim Superior ex officio, etiam nemine petente, procedere potest.

NOTANDVM III. Si aliquis in pacifica beneficii possessione sit, non tam facile ipsi aufer-

Q99

aufer-

aufertur, sicuti si nōdum possessionem nactus esset. Quamobrem impetrare volens beneficium mentionem facere debet secundum sty- lum Curie Romanæ, quod alius in possessione colorata existat, c. cūm nostris 6. de consecr. præb. Quia Pontifex non solet alteri conferre beneficium, nisi prius facta sit discussio de iure possessoris.

CAPITVLVM VLT.

Dilecto.

PARAPHRASIS.

In Ecclesia Salamantina electio Cantoris, quæ communiter ad eiusdem ecclesiæ Episcopum & Capitulum spectabat, semestris spatium à die notæ vacationis facta non fuit: postea tamen Decanus & quidam alij Canonici Petrum elegerunt, ad Sedem Apostolicam appellantes, ne contra eam quidquam attentaretur. Sed Archiepiscopus Coripostolanus intelligens, electionem ad se tanquam proximum illorum Superiorem deuolutam esse, non obstante appellatione illa, Gregorium ad Cantoriam illam elegit. Eo facto vterque electus, videl. Petrus & Gregorius Procuratores miserunt ad Sedem Apostolicam. Causa commissâ Pancratio S. Marcelli Cardinali Presbytero, iudicatum fuit, electionem Decani & sociorum eius irritam declarandam esse. At verò Archiepiscopi electionem de Gregorio, dummodò canonicum ipsi non obstat impedimentum, confirmandam esse.

SUMMARIVM.

1. Si ad Episcopum vel Capitulum pertinet collatio beneficij, propter negligentiam v. g. Episcopi, fit deuolutio ad Capitulum, & vice versa.

NOTANDVM I. Collatio Canonica- tum, & personatum in ecclesia interdum pertinet ad Episcopum & Capitulum

simul, vt hic, & c. vn. Ne sede vacante, in 6. Interdum verò ad solum Episcopum, quamuis cum consilio Capituli spectato cōmuni iure, cit. c. vn. §. Cūm verò, & c. 2. de consecr. præb. & dixi c. cūm ecclesia, 31. de elect. Denique interdum ad solum Capitulum spectat collatio: Et his posterioribus duobus casibus deuolutio propter negligentiam, fit ab Episcopo ad Capitulum, & vice versa, cit. c. 2. In primo autem casu deuolutio fit ad Archiepiscopum, vt in hoc c. apparet, Ab Archiepiscopo denique ad Papam, vt in c. præced. Quare Capitulum instante termino temporis semelstris monere potest Episcopum, eoque negligente, solum Capitulum sine Episcopo procedere: & vice versa, Episcopus absque Capitulo.

NOTANDVM II. Si fiat appellatio extraiudicialis, ne contra electionem factam quippiam attentetur, aut in electione vltorius non procedatur, non obstante tali appellatione, procedi poterit. Sed quæ post appellationem interpositam facta fuerint, veluti in suspenso erunt, quia si pro appellatione à Superiore iudicatum fuerit, rescinduntur acta, sin verò contra appellationem, tum firma consistent, si aliud nihil obstat. Ita etiam habetur in c. considerauimus, 10. & c. cūm inter, 21. de elect.

CAPITVLVM. I. cod. Tit.

in 6.

Romana.

PARAPHRASIS.

Cūm Archiepiscopus Remensis prouinciam visitaret, suffraganeos quosdam Episcopos ob culpas suas excommunicauit: Et postea edictum per prouinciam publicari curauit, vt, dum Episcopi in excommunicatione essent, subditi eorum diocesani liberè ad prouinciam Rhemensem pro terminandis suis controuersiis accederent. Hanc rem cūm intellexisset Innocentius IV. Pontifex, reuocauit edictum: eò quòd casus iste excommunicationis Episco-

Episcoporum non reperiatur inter eos, quibus secundum iura canonica Archiepiscopo in subditos Episcoporum suffraganeorum iurisdictione competit. Si tamen culpæ Episcoporum mereantur, aliter ab Archiepiscopo puniri possunt.

SUMMARYM.

1. *Archiepiscopus habet iurisdictionem in suos suffraganeos; nullam autem in eorum subditos, nisi in casibus iure expressis.*
2. *Vnde iurisdictione Episcopi suffraganei excommunicati non deuoluitur ad Archiepiscopum.*

NOTANDVM Vn. Archiepiscopus iurisdictionem habet in Episcopos suffraganeos, vt ijs præcipere possit, quæ ad officium ipsorum spectant, atque ad executionem compellere, etiam per censuras, teste Gl. c. de ijs, 13. d. 12. ver. adstringat. At vero in subditos Suffraganeorum non potest exercere iurisdictionem, nisi in casibus iure expressis: quorum præcipuus est, si ab Episcopi sententia ad Archiepiscopum, seu Metropolitanum appellatum sit, c. conquestus, 8. causa 9. q. 3. & videri potest c. pastoralis, 11. de offic. iud. Ordinarij. Alios casus leges apud Hostiens. de offic. Ordin. §. Sunt autem, Ioan. Monachum in hoc c.

Quare ita argumentatur Pontifex hic, & in cit. c. pastoralis: In materia prohibitoria quod non est concessum, censetur esse prohibitorium, c. Inter corporalia, de translat. Episc. Sed hic versatur in materia prohibitoria: quia secundum canones Archiepiscopus non exercet iurisdictionem in subditos Suffraganeorum, cit. c. conquestus, & c. nullus Primas, 7. ead. causa 9. q. 3. Neque vspiam reperitur casus iste iure expressus, si Episcopus excommunicatus sit, quod ob defectum eius, quia iurisdictionem ipsemet exercere non potest, causæ omnes ad Archiepiscopum deuoluantur.

Quare valde dubito de doctrina Quarantæ in sum. Bullar. ver. Archiepiscopus, n. 21.

quam ait communem esse, contra Abbat. Panormit. Si Episcopus suffraganeus negligens sit, videl. legitimè admonitus non ordinet, non condemnet, quos debet, quod Archiepiscopus eo inuito vices supplere possit, videl. in diocesi eius ordinare, excommunicare, absolueret. Nam talem potestatem Archiepiscopo concessam in iure non reperiunt.

QVÆRES: Quid igitur agendum, si subditi ab Episcopo suo excommunicato iurisdictionem petere nolint, aut nō possint, quia vitandus est? Respondeo, cum Ioan. Monacho hic, n. 11. & Petr. Ancharano ad Papam recurrendum esse, qui Episcopum ab excommunicatione absoluet, vel alio modo ecclesię prouidebit. Interim verò, dum responsum veniat, aut prouisio à Pontifice fiat, Capitulum quæ necessaria sunt, & dilationem non patiuntur, exequi poterit, arg. c. Si Episcopus, 3. hoc tit. Quia id veluti naturale est, vt defectum Capituli, reliquum corpus suppleat, donec maius remedium adhibeatur. Vide quæ dixi lib. 1. tr. 4. c. 7. §. 3.

CAPITVLVM II.

Grandi.

PARAPHRASIS.

Cum Portugalliz Rex regnum malè administraret, & ecclesias, atque ecclesiasticas personas, pauperes quoque & orphanos grauari sineret, Innocent. IV. necessitatibus istis succurrere intendens, Coadiutorem Regi designauit fratrem suum Bononiensem Comitem, scribens ad Comites & Barones Regni Portugalliz: vt cum plena administrandi potestate recipiant, eique obediant iuramento, aut patto, quo ipsi Regi, aut alteri personæ stricti sunt, vel eiusdem Regis prohibitionem non obstantibus: Alioquin, si dicti Barones & Comites Apostolicum mandatum accipere, & exequi neglexerint, mandat Archiepiscopo Bracharensi & Episcopo Colimbriensi, vt illos præmissa

canonica monitione, per censuram ecclesiasticam, remota appellatione, compellat. Per hoc autem non intendit vel Regi, vel filio eius legitimo (si quem habuerit) regnum adimere, sed potius per sollicitudinem & curam dicti Comitiss Boloniensis, Regem ac regnum eius, & subditos à destructione defendere, atque conservare.

SUMMARYM.

1. Si Rex vel Princeps Christianus negligens sit in administratione sui regni, aut iura regni dissipet, debet ei Coadiutor vel Curator assignari à Superiore, si quem habet, vel hoc deficiente, aut negligente, à Papa.
2. Et quidem in hoc casu potest dare curatorem cum plena libera administrandi potestate, qui tamen hoc ipso succedendi sui non habet, licet non raro illud Papa concedat.
3. Non potest Curator vel Administrator facere donationes absolutas, potest tamen ob causam, videl. ob merita, pietatem, &c. & modicam.

NOTANDUM I. Si Rex, aliussue Princeps Christianus administrationem regni negligat, aut iura regni dissipet, & perdat, debet illi Coadiutor, seu Curator assignari à Superiore, si quem habeat: Alioquin, nisi Regni proceres remedium sufficiens adhibere possint, ad Sum. Pontificem pertinet providere, & Coadiutorem dare: ut videl. causæ ecclesiarum, & personarum ecclesiasticarum, pauperum item, atque orphanorum, aliorumque miserabilium (quorum cura specialiter ad Ecclesiam spectat, ut colligitur ex c. 1. & 2. d. 87. c. ex parte, 15. de foro compet.) integræ, atque defensæ maneat: & ut Christiani subditi omnes in ordine ad Christi fidem tenendam, & ex eius præscripto viuendum, non impediatur. Nam sicuti temporalia spiritualibus ratione finis subiecta sunt; etiam temporalis potestas spirituali subiecta, seu potius subordinata esse debet; ita, ut, si à fine æternæ feli-

citatis, ac Dei præceptis deuiet, à spirituali seu ecclesiastica potestate iudicari, ac dirigi possit, iuxta extrauag. Vnam sanctam: quæ est Bonif. VIII. inter communes, de maior. & obed. Atque annotauit Ioan. Monachus hinc. 5.

NOTANDUM II. In tali casu si Rex regnum, & multò magis si Episcopus Episcopatum malè administret, Papa ei Coadiutorem, ac Curatorem dare potest, cum plena & libera administrandi potestate, c. ex parte, 5. de Clerico ægrot. Non tamen hoc ipso, quod Coadiutor datus sit, succedendi ius habet: ut bene hic Gl. magna aduertit. Sed ea est specialis gratia, si Papa alicui Episcopo, vel alteri Prelato Coadiutorem det, cum succedendi facultate: quam tamen Papa non raro dat. Addit Glos. super ver. liberam, ad eò plenam administrationem habere eum, qui Curator, seu Administrator regni datus est, ut etiam donationes facere possit. Quod intelligi debet in primis de remuneratorijs; deinde etiam de alijs moderatis, & regno non præjudicialibus: eò quod Regibus speciale & proprium sit donare. Alioquin verò Administrator, etiam cum liberæ datus, absolutas donationes facere prohibetur: nisi id quod expressè, aut saltem præsumptiuè, concessum sit, ut docent DD. in l. contra, 28. §. Si filius, ff. de pactis, & l. Filiusfamilias, 7. ff. de donat. Potest tamen facere donationes ob causam, videlicet ob merita, ob pietatem &c. Quia talem donationem facere non est perdere, quod solum Administratori denegatum censi debet, cit. l. Filiusfam. Denique facere potest donationes modicas, secundum loci consuetudinem, videl. Prelatus Monasterij, vel similis Administrator cum libera datus, iuxta c. 3. de donat.

CAPITVLVM III.

Si Episcopus.

PARAPHRASIS.

Si Episcopus ab infidelibus, vel Schismaticis captus fuerit, non Archiepiscopus, sed

sed Capitulum, perinde ac si Sedes per mortem vacet, in spiritualibus, ac temporalibus administrare debet; donec libertati restituatur, vel per Sedem Apostolicam (quæ in tali casu prospicere, & ideo quàm primùm commodè fieri potest, à Capitulo consuli debet) aliud ordinatum fuerit.

S Y M M A R I U M.

Episcopo à paganis vel Schismaticis capto, Episcopatum administrat non metropolitani, sed Capitulum.

Rationem huius responsionis assignant h'c Gl. Ioannes Monachus, Ancharanus, & alij communiter. Quia per captivitatem Episcopus Servus effectus est, argum. l. 5. ff. de captivis; consequenter iura Episcopalia amisit: quæ tamen postliminiò recuperat, si libertati restituatur. Sed hæc doctrina non placet, & repugnare videtur l. ult. §. His ita, C. de Episc. & Clericis: Neque enim Christianos, nedum Episcopos, cum ab infidelibus aut hæreticis in odium Catholicæ fidei capiuntur, eorum servos effici, & iura seu civilia, seu Ecclesiastica amittere censendum est: Quin potius dicendum, Episcopum captum ab infidelibus ex captivitate per Epistolas subditis suis præcipere, & quatenus potest, Ecclesiam suam administrare posse.

Quare arbitror, cum Syl. ver. Archiepiscopus, n. 3. generaliorem responsionis Bonifacianæ rationem assignandam esse: Si Episcopus perpetuo, seu durabili & absolute dicto impedimento detentus sit, seu ob captivitatem ab hostibus, seu ob amentie morbum, ad Capitulum interim pertinere ius administrationis; donec à sede Apostolica aliud ordinetur: quia perinde tunc censeri debet, ac si Sedes vacaret, si Episcopus absolute & omnino impeditus sit. Quia simili ratione ait Stephanus Quaranta in summa Bullarj, ver. Archiepiscopus, n. 22. Si Episcopus in partes remotas abijt, nullo Vicario constituto, quodd Capitulum interim administret.

N O T A N D U M Vñ. Capitulo plus su-

ris, saltem in habitu, erga Ecclesiam competit, quàm Archiepiscopo. Tamen enim Archiepiscopus iurisdictionem in Episcopum exercere possit, non tamen in ecclesiam eius, nisi in casibus specialiter ei commissis, vt c. præced. dictum fuit. At verò Capitulum iurisdictionem exercet in defectum Episcopi: Quod tamen non eo sensu intelligendum est, quasi propter culpam aut negligentiam Episcopi iurisdictionis potestas ad Capitulum devoluatur: id enim falsum est, exceptis casibus iure expressis circa beneficiorum collationes: alioquin verò Capitulum Superioris, videl. Metropolitanæ, aut Papæ iurisdictionem implorare debet, per quam Episcopus ad officium compellatur. Sed intelligi debet, si Episcopus nullus adsit, vel ad administrationem omnino inutilis sit, quodd interim Capitulum, perinde ac si Sedes vacet, administrare debeat, donec Pontifex aliter provideat. Aduerte autem quod dixi, *Si omnino impeditus aut inutilis sit*: Sin verò ob senium, vel infirmitatem non omnino, sed ex parte inutilis, tum expectari debet, donec Papa certior factus Coadiutorem ipsi attribuas, vti Archidiaconus & Anchoranus notarunt, in q. ult. hoc lib.

CAPITVLVM Vñ.
Ecclesiæ.

P A R A P H R A S I S.

Vacante Ecclesia Cathedrali, alius præter Roman. Pontificem non potest illi Visitatorem, seu Administratorem deputare: nisi Capitulum negligenter aut perperam administret, tunc Archiepiscopus, ob negligentiam aut malitiam Capituli (eo vocato, atque causæ cognitione præmissa) Administratorem constituere poterit.

S Y M M A R I U M.

1. Ratio, cur vacante ecclesia Cathedrali solum Papa Visitatorem, seu Administratorem deputare possit: Archiepiscopus id non potest, nisi ob negligentiam

& malitiam Capituli, & cum causa cognitione.

a. Talis autem Visitor seu Administrator constitutus ab alio, quam à Papa, non potest ea beneficia conferre, quæ ad liberam Episcopi collationem pertinent.

Ratio est: Quia ad Capitulum, vacante Sede pertinet ius administrationis: quod illi Archiepiscopus auferre non potest, absque causa necessitatis. Sin autem necessitas postulare videatur, tum iura dant Archiepiscopo hanc potestatem, causâ prius iudicialiter cognitâ. At verò Summus Pontifex ob plenitudinem potestatis suæ Administratorem liberè deputare potest, sed non solet, si Capitulum nihil deliquerit.

§. Huiusmodi.

Ad Administrator, qui Sede Vacante, ab alio, quam Summo Pontifice constitui-

tur, non potest ea beneficia conferre, quæ ad liberam Episcopi collationem spectant: licet alioquin tam in spiritualibus, quam temporalibus legitimam administrationem habeat.

Ratio est: Quia Administrator fructus ac redditus Episcopatus successoris conservare debet. vlt. d. 61. Collatio autem libera beneficiorum veluti inter fructus Episcopatus computatur: Ergo &c. Accedit, quod Administratori, quamvis cum libera constituto, donare non est concessum, vt dixi suprà hoc lib. & tit. c. 2. Collatio autem beneficii veluti donatio quædam est, vt etiam appellatur in c. 3. extrâ, hoc tit. Sin autem collatio beneficiorum communiter ad Capitulum & Episcopum pertinet, tum vacante Sede, vnâ cum Capitulo conferat Administrator, vt Gl. hic notauit.

TITVLVS XI. DE TEMPORIBVS ORDINATIONVM, ET QUALITATE ORDINATIONVM.



Via Prælatorum, maximè Episcoporum proprium est, primam tonsuram & ordines conferre, ideo de his tractatus hoc loco instituitur.

CAPITVLVM I.

Subdiaconos.

SVMMARIVM.

Diebus Dominicis, vel Sabbato Pentecostes ab alio, quam Papâ, sacri ordines conferri non possunt; possunt tamen diebus Dominicis & festis ordines minores conferri, & virgines consecrari, quibus anno atatis 25. velum consecratio-

nis dare proprium est Episcopi, alijs delegari non potest, nisi à solo Papâ; velum autem continentia etiam simplex sacerdos dare potest.

In hoc c. tria asserit Alexander III. Papa. Primum: Subdiaconos nemini, præter Romanum Pontificem, die Dominica ordinare concessum est. Quod etiam statutum leges in Concilio Lateranensi sub eodem Alexandro, in appendice tit. de dispositione Clericorum, n. 23. Subdiaconatus enim inter sacros ordines numeratur: sacros ordines verò tantummodò in Quatuor ieiuniorum Temporibus conferre licitum est, vt ibidè habetur n. seq. Excipitur verò plenitudo potestatis Papalis, quæ ob speciale priuilegium, eiusmodi legibus, quoad propriam personam, non adtingitur.

Alterum.

Alterum. Diebus Dominicis concessum est ordines minores conferre, & Virgines consecrare. His adde, ex eodem Concilio Lateranensi, cit. tit. n. 25 Non tantum Dominicis, sed omnibus festis diebus minores ordines conferri posse, de quo infra c. 3. Virginum autem consecrationem non tantum diebus Dominicis, sed alijs quoque solemnioribus festis, constat ex c. deuotis, 9. causa 20. q. 1. ubi tamen certi dies præscribuntur, vid. Epiphania Domini, natalitia Apostolorum, & Octaua Resurrectionis, Ait verò Tabiena ver. Virginum consecratio, n. 6. secundum quosdam etiam in alijs festiuitatibus Virgines consecrari posse: quod etiã docent Barbosa de potest. Episc. p. 2. alleg. 27. n. 54. Sã ver. consecratio, n. 51. Instante autem mortis periculo, omni die hæc consecratio fieri potest, iuxta cit. c. deuotis.

QVÆRIT: Cuius sit velum consecrationis Virginibus dare, anno videl. ætatis XXV. iuxta c. placuit, 14. c. virgines, 15. ead. q. 1. Respondeo cum S. Th. 4. d. 38. q. 1. d. 5. Paludan. a. 3. Syl. ver. Virginum consecratio, n. 3. Tabienam ibid. n. 1. Esse id proprium Episcoporum, neque alteri delegari posse, præterquam à Sum. Pontifice. Qui tamen non facili id alijs committere solet, aded, vt Rodriq. tom. 1. regul. qq. q. 64. a. 2. dicat se nullum inuenire potuisse priuilegium, secundum quod Regulares Mendicantes Moniales suas consecrare possint. Sed velum continentiz viduis simplex etiam sacerdos dare potest, c. vlt. causa 20. q. 1. Vide Hostien. in sum. hoc tit. n. 4. & quæ docui lib. 3. f. 4. n. 8.

Tertium. In Sabbato Pentecostes sacri ordines conferendi non sunt, sed in hebdomada sequente, cum acceptis Spiritus sancti gratiã ieiunium instituitur.

CAPITVLVM II.

Sanct.

PARAPHRASIS.

In Scotia, & Vallia inualuerat consuetudo antiqua, vt in dedicationibus Ecclesiarum,

vel altarium, sacri ordines conferrentur, extra Quatuor ieiuniorum Tempora. Hanc consuetudinem ait Alexander III. esse penitus improbandam, quippe institutioni ecclesiasticæ repugnantem: Imò nisi multitudo ita ordinatorum, & antiqua terræ consuetudo obstarat, non deberent illi in susceptis ordinibus ministrare; & ordinatoris potestate ordinandi priuandi forent.

SUMMARYM.

1. Non est laudabilis, sed potius improbanda & tollenda consuetudo introducta contra Ecclesiæ vniuersalis canones, qualis est canon de sacris ordinibus præmissio ieiunio conferendis.
2. Excusantur tamen à culpa & pœna diœcesani, si se tali consuetudini conformant, modo ea iuri naturali non repugnet, aut ecclesiæ per se damno sit.

NOTANDVM Vn. Consuetudo particularis introducta contra Ecclesiæ canones in vniuerso orbe introductos, præsertim si ab Apostolis instituti sint, (qualis est canon iste de sacris ordinibus præmissio ieiunio conferendis, vt dixi lib. 4. tr. 8. c. 2. n. 4.) laudabilis non est, sed potius improbanda, atque, si fieri possit, tollenda. Quia valde expedit vniuersalis Ecclesiæ canonibus, non sine iusta ratione institutis, particulares quæque ecclesias conformari. Cæterum, dum eiusmodi consuetudo, iuri alioquin naturali non repugnans, neque ecclesiæ per se damno, toleratur, seu non damnatur, à culpa & pœna excusantur diœcesani, si posthabitis ecclesiæ vniuersalis canonibus, illi se conformant: eò quod quisque conformare se possit, & plerumque debeat antiquæ, & aliquo modo præscriptæ, consuetudini eius ecclesiæ, cuius proximum membrum est, vt docui lib. 1. tr. 4. c. 3. n. 5. & c. 11. Talis est consuetudo Orientalium sacerdotum, qui matrimonio ante sacerdotium contracto vtuntur, contra antiquum & in ecclesiis vbique receptum Apostolorum canonem. Hæc consuetudo

ſuetudo laudabilis cenſeri non debet, ſed, ſi fieri poſſit, tollenda: interim tamen dum non tollitur, excuſat Græcos à peccato. Qua de re dixi lib. 5. tr. 9. c. 11. Cætera, quæ de ſuſpenſione, tum ab ordinante, tum ab ordinatis incurrenda hic dicuntur, ſi ordinatio extra quatuor ieiuniorum tempora fiat, infra explicabuntur.

CAPITVLVM III.

De eo.

SVMMARIVM.

1. Ordines minores, etiam extra generalem ordinationem, quouis Dominico die, aut feſto conferre licet, modo non tam multis ordinentur, ut videatur eſſe generalis ordinatio.
2. Subdiaconatus autem & alij Ordines conferri debent in quatuor temporibus, Sabbato ſancto, & Paſſione.
3. Prima tonsura quouis die conferri poteſt, Minores autem ordines die Dominico, aut ſecundum Eccleſia (ſaltem particularis) præceptum, feſto conferri debent.
4. Prima tonsura & quatuor Minores eodem die conferri poſſunt. Quibusdam locis conſuetudo eſt, ut conferantur non in ipſo Sabbato, ſed anticipatè præcedente feria V I aut I V. & tempore matutino.
5. Non eſt neceſſarium, ut in eccleſia conferantur, ordinatio enim hac inſtitui in alio honeſto loco poteſt, præſertim in domo episcopali.

Ordines minores non tantum in ordinatione generali conferre licitum eſt, ſed etiam quouis die Dominico, aut feſto, ſaltem vnus, & alter ordinari poteſt, imò etiam plures, ait Gl. communiter recepta, dommodo non ſint tam multi, ut videatur eſſe ordinatio generalis. At verò Subdiaconos nulli Episcopo, præter Sum. Pontificem ordinare conſeſum eſt, niſi in ordinationi-

bus generalibus, quæ fieri debent in Sabbatis Quatuor Temporum, Sabbato Paſſionis Domini, & Sabbato Reſurrectionis.

His quædam addenda ſunt I. Prima tonsura quolibet die conferri poteſt, cum de hac re nihil iure conſtitutum ſit, ut docet Tabiena ver. ordo 2. n. 4. Armilla eod. ver. n. 7. Henric. lib. 10. c. 12. n. 1. Sed minores ordines die Dominico aut ſecundum Eccleſiæ (ſaltem particularis) præceptum, feſto conferri debent, iuxta probabiliorẽ ſententiam apud Barboſam p. 2. alleg. 11. n. 18. I I. Quatuor minores ordines ſimul eodem die conferri poſſunt, imò etiam cum prima tonsura, ubi talis eccleſiæ conſuetudo eſt, teſte Tabiena ver. ordo, n. 3. Syl. eod. ver. 2. n. 7. I II. Prima tonsura, & quatuor minores in quibusdam eccleſijs conferuntur non in Sabbato, ſed per quamdam anticipationem præcedente feria V I, aut I V. quæ conſuetudo reprehendi non poteſt, ut dixi lib. 5. Th mor. tr. 9. c. 8. n. 1. I V. Neceſſe non eſt, ut prima tonsura, & quatuor minores ordines conferantur ſub Miſſæ ſacrificio: neque ut ordinans ieiunus ſit, teſte Armilla ver. ordo, n. 6. Barboſa p. 2. alleg. 11. n. 19. Conſuetudo tamẽ eſt, ut tempore matutino conferantur. V. Neque etiam neceſſarium eſt, ut prima tonsura & ordines in eccleſia conferantur, cum etiam in alio loco honeſto, præſertim episcopali domo, ordinatio iſta iſtitui poſſit, ſicuti teſtatur Henric. lib. 10. c. 11. n. 8. Barboſa cit. allegat. 11. n. 20. & ſumitur ex c. quando & ubi, d. 75.

CAPITVLVM IV.

Ex tenore.

SVMMARIVM.

Criminoſus occultum moneri poteſt, ne promoveatur ad ordines, ſed ſi velit & petat, prohiberi non poteſt.

Si aliquis Clericus occultum peccatum commiſerit, quod ſi notorium vel publicum eſſet, nec in ſuſceptis ordinibus miniſtrare

Arare, nec ad altiores ordines ascendere permitteretur; huic Episcopus pœnitentiam condignam imponat, eique suadeat, vt parte pœnitentiæ peractâ in susceptis ordinibus ministre, sed ijs contentus, ad altiores ordines non ascendat. Quod si nihilominus ordinationem petat, non potest ei Episcopus negare, quando crimen occultum est.

Sermo hic est de crimine, quod neque populariter notorium est, neque iudicialiter, sed Episcopo secretè cognitum ad paternam correptionem; ita vt euulgare ei non liceat, sicuti docui lib. 3. p. 3. c. 4. n. 6. & tract. 3. c. 3. num. 5.

Casus autem huius e. duobus modis intelligi potest: Primo, de crimine, quod ipso iure suspensionem, aut irregularitatem non dispensabilem ab Episcopo inducit. Vt si Diaconus abortum mulieri procurarit, factu iam animato: Hoc casu Episcopus homini in conscientiæ foro iniunctâ pœnitentiâ condignâ, suadeat, vt in susceptis ordinibus ministre, quatenus id necesse est ad infamiam evitandam; sed ad ordinem presbyterij non ascendat, ante impetratam dispensationem à Papa. Quod si nihilominus ordinari se publicè petat, tametsi occultè indignus sit, repelli non potest: Eo quod sacramenta, & omnes actus publicæ potestatis, gubernationis, aut dispensationis exerceri debeant secundum publicam notitiam & opinionem, non secundum priuatam scientiam gubernantis, vel dispensantis: cum alioquin multa scandala, perturbationes, & iniuriæ oriri possent, vt docui lib. 5. tr. 4. c. 6. n. 19. Et ita explicant hoc e. Gl. fin. Syl. ver. ordo, 3. q. 9. Sanchez lib. 3. de matrim. disp. 15. n. 8. Hic tamen intellectus difficultatem aliquam patitur: quia textus significat, quod Episcopus occulto criminoso suadere debeat, vt ad superiores ordines non ascendat: cum tamen ipsi eum in isto casu imperari debeat pro conscientie foro, vti constat ex c. ult. hoc tit.

Secundò intelligi potest de crimine enormi, quod per se non infert suspensionem, aut irregularitatem; sed suspensionem, ac depositionem mereretur per iudicis sententiam, si notorium, aut iudicialiter cognitum esset,

v. g. incestus. Et enim Clerico incestuoso occulto Episcopus pœnitentiam condignam in foro conscientie peragendam imperare debet, atque insuper suadere, vt aliquamdiu abstineat à sacro ministerio, donec parte pœnitentiæ peractâ, Deo satisfecerit pro peccatis; ad superiores autem ordines, propter humilitatem, & ad dignam agendam pœnitentiam, non ascendat: Si tamen promoueri velit, repelli non potest, cum iure impeditus non sit. Qua simili ratione dixi lib. 5. Theol. mor. tr. 10. p. 4. c. ult. §. veruntamen, quod marito incestuoso in foro conscientie suaderi possit, vt mortuæ uxore à secundis nuptijs abstineat, ob pœnam tanti delicti: sin autem nolit, imperari ei id non posse.

CAPITVLVM V.

Ad aures,

PARAPHRASIS.

Aliqui Religiosi questi sunt apud Archiepiscopum Turonensem, quod Prælati eorum consentire nolint, vt ad superiorum ordinum gradus ascendant; cum tamen digni essent, & nullus eis defectus obijci posset. Ad id respondit Lucius III. honestius, ac tutius esse, vt Religiosi obedientiam Præpositis suis impendentes in inferiore ministerio deseruiant, quàm vt cum Præpositorum scandalo gradum appetant superiorem; cum non in gradum sublimitate, sed in amplitudine charitatis acquiratur regnum Dei. Sed & ideo Religiosorum querele conficiendum non est, quia fieri potest, vt Prælati eorum secreta crimina vt defectus nouerint, quos ad sublimiores ordines promoueri non debeant,

SUMMARIUM.

1. Prælati Ordinum ratione voti obedientia potestatem iurisdictionis obtinent in suis regulares, vt præcipere possint, quæ pertinent ad Ordinis regulam, disciplinam, ordinum gradus, &c. nec Episco-

pus se immiscere potest, nisi constet de negligentia, vel iniuria Prælati.

2. *Prælatum sciens in secreto (non sacramentali) alicuius regularis defectum, v. g. irregularitatem ex homicidio occulto, non debet, neq; potest eum ad Ordines mittere.*

NOTANDUM Vn. Prælati Ordinum potestatem iurisdictionis obtinent in Regulares suos, vt ipsi, ratione præstiti voti obedientie, præcipere possint, quæ pertinent ad Ordinis regulam, disciplinam, rationem viuendi, officia, & ordinum gradus: Ita, vt Episcopus se immiscere non debeat, nisi constet de negligentia, vel iniuria Prælati. *Quæ de re dixi lib. 1. Th. mor. tr. 4. c. 7. n. 28.*

Objici solet: Quod responso huius c. contraria videatur c. præced. Respondeo; Nequaquam esse contrariam. Quia si Clericus, v. g. ad beneficium promouendus, ordines superiores petat, Episcopus ratione officij sui obligatus est illi conferre, si canonicum impedimentum ipsi objicere non possit, tamen occultum eius erimen sciat, vt supra dictum. Sed alia ratio est de Prælato Ordinis, qui obligatus non est Regulares suos ad altiores dignitates, aut ordinum gradus promouere; cum obedientiarj sint, seu ex imperio & dispositione Abbatis pendentes,

2. iuxta c. non dicatis, 12. q. 1. Quamobrem si Prælatum in secreto (non sacramentali) sciat alicuius Regularis sui defectum, v. g. irregularitatem ex homicidio occulto, non debet, imò neque potest eum ad ordines mittere; cum sine peccato suscipere nequeat. Constat enim, quod Prælatum mittendo, adeoque iubendo, vt ordines irregularis accipiat, cooperaretur peccato eius.

CAPITVLVM VI.

Si Archiepiscopus.

SVMMARIVM.

1. *Metropolitanus ab omnibus Suffraganeis consecrari debet*
Sed hac obligatio videtur in his provinciis esse remissa ex voluntate Papæ.

2. *Suffraganei à tribus Episcopis consecrantur, iussu Metropolitanæ, & cum consensu aliorum Episcoporum comprouincialium.*

3. *Et hoc antiquo iure; nouo autem prouisiones ecclesiarum Cathedralium seu Episcopaliū sunt reseruate summo Pontifici, nisi quod nominatio seu presentatio personarum idonearum ad Episcopatum relicta sit Regi Gallie, Hispanie, Polonia, &c.*

In sola Germania ius eligendi Capitulum Cathedralibus adhuc competit per Concordata Germania cum Nicolao V. Pontifice.

4. *Consecratio Episcoporum etiam in alia ecclesia, quàm Cathedrali iustitui potest. Generalis autem clericorum ordinatio in Cathedrali, vel alia, quantum fieri potest, digniore ecclesia.*
5. *Episcopi vel Archiepiscopi die Dominico consecrari debent.*

AD consecrationem Archiepiscopi, quæ in ecclesia metropolitana fieri debet iuxta c. qui in aliquo, §. Sed nec, in fine, d. 51. omnes Episcopi Suffraganei seu Comprouinciales venire debent, vt omnibus presentibus & assistentibus ordinetur. Ita Lucius III. atque habetur in c. 1. d. 66.

Arbitror autem, ex Summi Pontificis voluntate hanc obligationem remissam esse in his prouincijs, quibus Episcopi à Metropolitana ecclesia plerumque plurimum dierum itinere distant.

s. Reliqui.

EPiscopi Comprouinciales à tribus Episcopis, iussu Metropolitanæ, requisito prius consensu aliorum Comprouincialium Episcoporum, consecrari debent. Ita etiam habetur in c. porro, d. 66. & tota ferme d. 64. & 65.

Quod si in provincia contingat vnum tantum adesse Episcopum, is conuocabit Episcopos vicinæ prouinciæ, & cum illis ordinabit Episcopum Comprouincialem, c. si forte, d. 65. Quia hoc ius Vniuersitatis de-

uoluitur ad vnum, ait Gl. ibi, ver. superstes.

Sciendum verò est, decreta hæc intelligenda esse secundum ea tempora, quibus confirmatio Episcoporum Metropolitano relinquebatur: Is enim prius singulorum Comprouincialium suffragia exquirere debebat, quodd dignum iudicarent eum, qui in Episcopum ordinandus esset. Quodd si omnes, aut pars maior Comprouincialium consentiret, tum vel ipsemet eum cum duobus alijs Comprouincialibus Episcopis consecrare, vel tres ad consecrandum deputare debebat, vt apparet in c. seq. Postea verò Summus Pontifex prouisiones Ecclesiarum Cathedralium, seu Episcopaliū omnes sibi reseruauit, extrauag. Ad regimen, de præb. & reg. 2. Cancellar. Nisi quodd nominationem seu præsentationem personarum idonearum ad Episcopatus & alias prælaturas Regibus Galliz, Hispaniz, Poloniz, &c. reliquerit: In sola autem Germania ius eligendi Episcopos, sicuti canones antiqui requirebant, Capitulis Cathedralibus adhuc competit per Concordata Germaniz cum Nicolao V. Pontif. Sed confirmatio electorum à Pontifice intra tres menses petenda est, quam is conferre solet post exacta de electis testimonia, instituto examine, eosdémque mox consecrari iubet. Videri potest Azor tom. 2. lib. 3. c. 29. q. 1. Barbosa de potest. Episc. tit. 1. cap. 4.

4 QVÆRES: Quo loco, aut die Episcopi consecratio fieri debet. Respondeo, & dico I. Licet decens sit, eam fieri in Ecclesia Cathedrali, tamen id necessarium non est; cum de eo iure nihil statutū reperiatur: Quare etiam in alia Ecclesia consecrationem Episcopis (non verò Archiepiscopis) dari posse, docet Tabiena ver. confirmatio, n. 13. in fine, & sumitur ex c. qui in aliquo, §. Sed nec, in fine, d. 51. De generali autem Clericorum ordinatione statuit Synodus Trident. sess. 23. c. 8. de reformat. vt ea in Cathedrali Ecclesia, aut, si in alio loco instituitur, in digniore, quantum fieri potest, ecclesia, clero præsentē, publicè fiat.

5 Dico II. Episcopi, & Archiepiscopi die Dominico consecrari debent, ex antiquiss.

ma (vt Leo I. arbitrat, relatus in c. quod die, d. 75.) Apostolica traditione. Quare alia die, absque Sum. Pontificis licentia, consecratio Episcopi peragi non debet.

CAPITVLVM VII.

Ne Episcopi.

Idem omnino in hoc c. habetur, quod in præced. traditum, & explicatum fuit.

CAPITVLVM VIII.

Cum quidam.

SUMMARIVM.

Ordinatus extra legitima tempora, vel ante legitimam ætatem, vel sine literis dimissorialibus, à susceptis ordinibus suspensus manet.

Q Vi Ordines acceperit eo tempore aut die, quò conferri non debent, videl. extra quatuor tempora (vti Gl. interpretatur) à susceptis ordinibus suspensus manere debet, donec absolutionis gratiam mereatur.

De hac re habemus nunc clariorem Constitutionem Pij II. quæ incipit, *Cum ex sacrorum*: Qui extra legitimata tempora, vel ante legitimam ætatem, vel sine literis dimissorijs aliquem ex sacris ordinibus accipere præsumperit, ab eodem suspensus maneat, donec ab Ordinario suo absoluitur. Legi debent, quæ circa hanc suspensionem annotauimus lib. 5. tr. 9. c. 10. n. 2. suspens. 3. & quæ scripsit Quaranta in sum. Bullarij, ver. ordo, princ. Barbosa p. 2. de potest. Episc. allegat. 14. vbi etiam refert priuilegia à Pontificibus Trident. Concil. concessa quorundam Ordinum Mendicantium Regularibus, vt extra quatuor tempora, cum Prælatorum suorum licentia, sacros ordines suscipere possint.

CAPITVLVM IX.

Cum secundum.

SUMMARIVM.

Latini secundum morem Græcorum extra quatuor Tempora ieiuniorum ordinari non debent.

Rrr 2

Gra

GRæci consuetudinem habebant sacros ordines etiam extra quatuor ieiuniorum tempora conferendi. Hanc consuetudinem, si apud Græcos ab antiquo tempore recepta & exercita sit, licet Cælestinus III. damnare non audeat, ita ut secundum eum morem ordinati culpam, aut censuram contrahere censendi sint, prohibet tamen ne Latini secundum dictum Græcorum ritum ordines accipere à Græcis Episcopis permittantur.

Ratio responsionis dari debet. Quia Clerici à proprio Episcopo secundum canones ordinari debent. Tamen si verò Episcopi possint licentiam, seu literas dimissorias dare, ut ab alieno Episcopo ordines accipiantur, non tamen expedire visum fuit, ut dimissoriæ darentur ad Episcopum Græcorum, extra quatuor ieiuniorum tempora, contra antiquos canones ordinantem.

Corollarium. Si Latina Ecclesia vicina sit Ecclesiæ Græcæ, in qua Eucharistiæ consecratio & communio sit in pane fermentato, non videtur permittendum, ut subditi, absque necessitatis causa, ex Ecclesia Latina egrediatur ad Græcam, ut ibi in fermentato Eucharistiam accipiant, ne Orientalium consecrandi ritum præferre videantur ritui Ecclesiæ Romanæ, ab Apostolis per traditionem accepto. Sed alia ratio est, si Sacerdos latinus peregrinari debeat per terras Orientalium: is enim si velit, conformare se poterit Ecclesiæ Græcorum, & in fermentato consecrare, vel communicare, ut ex communi dixi lib. 1. tra. 4. c. p. 12. num. 6. Propterea quoddam consecrandi consuetudo approbata sit pro Ecclesiis Orientalibus in Concilio Florentino, in decreto unionis: Ille autem peregrinus versatur in Ecclesia Græca: Ergo consuetudini ibi approbatæ se conformare potest: idque causâ pacis, & ne ritum Græcorum damnare videatur.

* * *

CAPITVLVM X.

Ex parte.

PARAPHRASIS.

Monachus quidam albi habitus transiit ad Monachos nigros, eorumque habitum induit, atque ad sacerdotium promotus est: Quæsitum fuit ex Innoc. III. Papa, verum in sacerdotij ordine ministrare permittendus sit. Afirmat Innoc. III. si nulum aliud impedimentum canonicum obstat.

SUMMARIUM.

Monachus transiens absque licentia & dispensatione ad Ordinem alium non strictiorem, in quo sacerdotium accepit, permittendus est in eolibet ministrare.

CAnonistæ duobus modis hoc c. intelligunt. Primò, quod transiit ad Monachos regulæ strictioris. Sedum nulla fuisset ratio dubitandi, & consulendi Pontificem, cum transiit ad Ordinem strictiorem canonico iure permittitur, licentiâ Prælati petita, quamvis non obtenta, c. licet, 1. de Regul. & docui lib. 4. tr. 6. c. 6. n. 9.

Alter, & probabilior intellectus est, quod absque licentia & dispensatione transiit ad Ordinem non strictiorem. Quamobrem videbatur suspensionem Papæ reseruatam incurrisse, propter ordinem in apostasia susceptum, iuxta c. ult. de apostatis, ubi habetur, quod Religiosus in apostasia ordinatus, eo ordine uti non possit, absque Papæ dispensatione. Ad hoc respondet Innoc. III. Hunc Monachum apostatam non esse, cum à Religione non omnino discesserit, sed in alia Religionē transiit. Quamvis ea in re peccarit mortaliter, arg. c. intelleximus, 12. de xat. & qualis, & quidem contra vota sua, quibus se huic Ordini, ac Prælati tradidit: Imò hodie excommunicationem Sedi Apostolicæ reservatâ incurrit Religiosus Ordinem Mendicantis, si ad non mendicantem Ordinem se transferat, extrauag. 1. de Regularibus. Vide Syl. ver. Apostata, q. 4.

CAP.

Quod translationem.

PARAPHRASIS.

Quæsitum est ex Innoc. I. l. quid agendum sit Clericis latinis, qui exeuntes ad Ecclesiam Græcam, à Græco Episcopo, secundum ritus eorum, extra Quatuor ieiuniorum tempora ordines sacros susceperunt. Respondet Papa, distinguendum esse; Si absque licentia seu dimissorijs literis sui Episcopi ordines susceperunt, interdicens est illis ordinis exercitium; eò quòd ab Episcopo alieno sine licentia proprii ordinati fuerint. Sin autem Episcopus licentiam dedit, culpandos quidem est, quòd Clericos suos secundum Græcorum ritum ordinari voluerit; dum tamen talis ipsorum ritus ab Ecclesia toleratur, Clerici sic ordinati ab executione ordinum susceptorum impediri non debent.

1. *Qui ab alieno Episcopo sine licentia proprii Ordinarij ordinem suscipit, iuxta legitimam executionem non habet.*
2. *Ritus antiquus extra quatuor ieiuniorum Tempora ordinandi toleratur in Græci; magis tamen probatur consuetudo Latinorum.*

NOTANDVM I. Qui ab alieno Episcopo sine licentia proprii ordinem accepit, eius legitimam executionem non habet. Quare hoc sensu, videl. in ordine ad exercitium, dicitur talis ordinatio irrita, d. 71. c. 1. & seqq. Verùm hæc non est propriè dicta suspensio, cùm etiam sine culpa contrahi possit ab eo, qui inuincibili ignorantia laborat. Nouiore autem Constitut. Pij I. l. propriè dicta suspensio incurritur ab ijs, qui sine dimissorijs literis ab Episcopo alieno sacrum ordinem accipere præsumperint. Ad quam censuram incurrendam requiritur dolus, aut saltem culpa crassa & mortalis, vti dixi lib. 5. Th. moral. tr. 9. c. 10. n. 8.

NOTANDVM II. Licet propter consuetudinem antiquam in Græcis toleretur ritus extra quatuor ieiuniorum Tempora ordinandi, contraria tamen Latinorum consuetudo, vtpote antiquis canonibus consentanea magis probatur: quare permittendum non est, vt Latini, relicto suo more, Græcorum ordinationem suscipiant. Tametsi ex hoc solo capite, quòd extra quatuor Tempora à Græcis ordinati sint, nulla suspensio aut inhabilitas contrahi debeat: quia per eiusmodi inhabilitatem ad ordinis suscepti exercitium damnaretur ritus ille Græcorum, argum. c. cùm non est, eod. tit. quem tamen Ecclesia non damnare, sed tolerare vult.

CAPITVLVM XII.

In distribuendis.

SUMMARIVM.

Ordinatus à Papa, sine eius licentia ad superiores Ordines non promouetur.

Qui à Summo Pontifice ordinatus fuit, non potest ab alio Episcopo, absque Sedis Apostolicæ licentia, ad superiores ordinis gradum promoueri. Ita communiter hoc c. intelligunt Canonistæ.

Ratio est. Quia propter excellentiam Pontificis potestatis, non videtur convenire, vt quod ipse cepit, non perficiat, argum. c. fanè, 7. de renunt. Quare dicere solent; Si Papa semel manus apposuit, quòd alius se immiscere non debeat. Sic etiam dici solet de beneficijs Ecclesiasticis, postquam semel Pontifex manus apposuit, referuando, aut quomodocumq; disponendo, quòd inferior Ordinarius disponere omnimodè prohibetur, extrausg. vlt. de præbend. & dixi lib. 4. Th. moral. tr. 2. c. 11.

Est autem hoc speciale in Pontifice: Et videtur accipiendum de omnibus ordinibus, etiam prima tonsura, vt qui eam à Pontifice accepit, ab alio Episcopo, sine licentia Papali, ordinari non possit, propter rationem suprà datam. At verò ordinatus ab vno Episcopo

Rer; pisco

piscopo v. g. originis, ad superioris ordinis gradum promoueri potest ab alio Episcopo, v. g. Domicilij vel beneficij, argum. c. cum nullis, eod. tit. in 6. Excipe: Nisi Clericus in sacris, vid. Subdiaconus ordinatus sit ad Ecclesiæ seruitium, seu beneficium residentiam postulans, tum is ab alio Episcopo superiorem ordinem accipere non potest absque consensu prioris ordinantis, vti testatur Quaranta ver. ordo, Paulus Piascius in praxi Episcopali, p. 1. c. 1. n. 2. ampliat. 2. ex Trident. sess. 23. c. 16. de reform.

CAPITVLVM XIII.

Literas,

PARAPHRASIS.

Electum Episcopum Imolensem Bononiensis Episcopus in Sabbato quatuor Temporū Diaconum ordinauit, atque Dominica sequēte continuato ieiunio sacerdotium contulit. Quia in re peccatum fuisse, respondit Innoc. III. Quia vno die duos sacros ordines conferre licitum non est. Hoc autem casu duo sacri ordines vno die collati censentur: nam ideo ieiunium continuatum fuit, vt ob eam, fictione canonica, vespera ad manē, & manē ad vespēram traheretur, ac veluti vnus diei ordinatio censeretur. Alioquin frustra ieiunium continuatum fuisset, cum etiam sumptā cenā in Sabbato, manē sequente ieiunij surrexissent ad Sacerdotij collationem. Quare Innoc. Papa Episcopum Bononiensem, vt in eo puniatur, in quo deliquit, à collatione Diaconatūs & Presbyterij; Imolensem verò electum Episcopum ab executione Sacerdotij suspendit, absolutionem sibi referuans.

S V M M A R I V M.

1. Duos sacros ordines conferens & accipiens vno die incurrit suspensionem, vti & is, qui cum quatuor Minoribus suscipit Subdiaconatum.
2. Ob causam rationabilem potest differri

sacrorum ordinum collatio ieiunio Subbati continuato vsque ad manē Domini-
ce sequentis.

3. Qui in Sabbato Sacerdos initiatus est, in Dominica consecrari Episcopus potest, etiā non continuato ieiunio.
4. Inter aliorum sacrorum ordinum suspensionem interstitium temporis requiritur, in quo tamen Episcopus dispensare potest; ordinati tamen absque huius dispensatione suspensionem non incurrunt.

NOTANDVM I. Qui vno die duos sacros ordines eidem confert, & qui accipit, suspensionem incurrunt. Qua de re dixi lib. 5. Th. mor. tr. 9. c. 10. n. 10. & videri potest Barbosa p. 2. de potest. Episc. allegat. 14. n. 11. Sed & ij suspensionem incurrunt, qui cum quatuor Minoribus Subdiaconatum accipiunt, c. 2. de ea qui furtiuē &c. præterquam si regionis consuetudo id permittat, vti Cardinales declararunt super Trident. sess. 23. c. 13. de reform. & videri potest Gutierrez lib. 1. canon. qq. c. 26. n. 32.

NOTANDVM II. Propter multitudinem ordinandorum, aliāque causam rationabilem, generalis ordinatio differri potest vsque ad Dominicam, si ieiunium exactum continetur, ita vt per fictionem iuris, Subbati & Domini matutini veluti vnus dies, propter ieiunij continuationem, reputetur. Ita Leo I. epist. 79. ad Dioscorū, relatus in c. Quod à patribus, d. 75. & tradit Gl. hic communiter recepta, ver. pertinere, & dixi de hoc lib. 5. Th. mor. tr. 9. c. 8. n. 5. Vbi addidit n. 6. ex omnium sententia apud Anton. hic. n. 3. in fine. Eum, qui in Sabbato Sacerdos ordinatus est, in Dominica, non continuato ieiunio, Episcopum consecrari posse; cum id nusquam prohibitum reperitur. At verò inter aliorum sacrorum ordinum suspensionem interstitium temporis sacri canones requirunt, vt videre est in Trident. sess. 23. c. 11. 13. & 14. quibus requiritur, vt inter quatuor minores, & suspensionem Subdiaconatūs; atque iterum inter Subdiaconatum & suspensionem Diaconatūs

natūs, denique inter Subdiaconatum, & susceptionem sacerdotij saltem annus integer (Ecclesiasticus) interponatur, nisi ob ecclesię utilitatem aut necessitatem aliud Episcopo visum fuerit. Potest igitur Episcopus dispensare: & Sede vacante, Capitulum: Et quidem etiam cum Religiosis, tamen si exempti sint: possunt enim, cum Prælatorum suorum licentia, subicere se Episcopo in suscipiendis gratijs dispensationum, vel absolutionum, ut dixi lib. 1. Th. mor. tr. 4. c. 23. n. 7. At verò cum non diocesanus, seu alio Episcopo subiectis non potest dispensare Episcopus ordinans, nisi id in literis dimissorijs expressum sit, uti Cardinales responderunt apud Barbosam p. 2. allegat. n. 9. Piascium in praxi p. 1. c. 1. n. 7. Quare qui dimissorias impetrant, curât id inferi, alioquin in Ecclesijs, quibus Trid. Concilium in diligente observatione est, repellentur ante transacta interstitutionum legitima tempora.

QVÆRIT. Vtrum ordinati absque Episcopi expressa, aut tacita dispensatione, interdictijs non observatis, censuram aliquam contrahât. Responso est negativa, cum Zecola in praxi Episc. p. 2. ver. ordo, §. 8. Suar. de censur. disp. 31. c. 1. n. 43. & aliorum. Quia licet Sixtus V. suspensionem decreverit, ea tamen à Gregor. XI V. postea sublata est.

CAPITVLVM XIV.

Vel non est.

PARAPHRASIS.

Episcopus Conuentrensis puerum tredecim annorum Subdiaconum ordinavit. Id ægrè ferens Innoc. III. mandat, uti Episcopus à collatione ordinum, puer autem in eodem ordinantis ab executione officij Subdiaconi, vsquedum ad ætatem legitimam pervenerit, suspendatur: Insuper Episcopus per censuram Ecclesiasticam compellatur, ut puero beneficium Ecclesiasticum provideat.

SUMMARIUM.

1. *Episcopus ordinans aliquem ante legitimam ætatem meretur poenam suspensionis ab ordinis collatione.*
2. *Ordinatus tamen ante legitimam ætatem suspenditur ab Ordinis executione usque ad ætatem legitimam.*
3. *Ordinans aliquem non habentem titulum sustentationis, vel patrimonium sufficiens, ei beneficium ecclesiasticum provideri debet.*

NOTANDVM I. Episcopus aliquem ordinans ante legitimam ætatem, meretur poenam suspensionis ab ordinis collatione, ut in eo puniatur, in quo deliquit.

NOTANDVM II. Qui ante legitimam ætatem ordinatus est, ab ordinis executione abstinere debet, donec ætatem debitam consequatur. Idque verum est, tamen si censura suspensionis ablata sit per absolutionem ab Episcopo, v. g. aut Confessario privilegiato datam: non enim possunt super ætate ad ordinis exercitium requisita dispensare, ut docui lib. 5. Th. mor. tr. 9. c. 10. n. 3.

Veruntamen rectè advenit Suarez de censuris disp. 28. l. 4. n. 3. puerum hunc propriè non incurrisse censuram suspensionis: nam suspensio propriè dicta non incurritur nisi ob culpam: Puer autem iste peccasse non videtur, sed per simplicitatem Episcopo paruisse. Sed vocatur suspensio latiore significatione, quia ob ætatis defectum prohibitum ipsi erat ordinis suscepti exercitium: neque super ea re Papa dispensare voluit, propter iniuriam malè ordinantis, quam is ordinato, ipsique ordinationis sacramento intulit. Etenim inhabilitas seu prohibitio malè ordinati, ut ministerium exequi non possit, cedit aliquo modo in poenam ordinantis, uti etiam notavi c. quod translationem, in fine.

Corollarium. Qui ob simplicitatem, seu ob ignorantiam non mortalem, sacris ordinibus se ordinari patitur, post adeptam legitimam ætatem celebrare potest, non petita dispensatione, vel absolutione: quia non fuit propriè suspensus.

NOTAN-

NOTANDVM III. Episcopus ordinem maiorem conferens non habenti titulum sustentationis, vel patrimonium sufficientem, beneficium Ecclesiasticum ei providere debet: Atque interea dum consequatur, ipse Episcopus, & successor eius hominem alere cogitur, c. Episcopus, 4. e. cum secundum, 16. de prebend. c. Si Episcopus, 37. eod. in 6. Vide quæ dixi cit. c. 10. n. 5.

CAPITVLVM XV.

Dilectus.

PARAPHRASIS.

Vacante Ecclesia Humiliensi, Canonici elegerunt, aut potius postularunt Guilieum in minoribus ordinibus constitutum. Hinc Episcopus Trecentis vno die omnes tres sacros ordines contulit: Et cum de hoc facto suo examinaretur, iuratus dixit, non proprio ausu, sed ex Metropolitanis mandato id egisse: postea verò confessus fuit, sine mandato se ad hanc inordinatam ordinationem processisse. Sed etsi Archiepiscopus illi mandasset, parere illi non potuisset: cum Archiepiscopo in hac re facultas à sacris canonibus concessa non sit. Quare cum dictus Episcopus Trecentis in pluribus grauiter deliquerit, ideo eum Honorius III. ab ordinandi potestate tandem suspendit, donec Sedi Apostolicæ visum fuerit absolvere.

SVMMARIVM.

1. *Episcopi & Archiepiscopi non possunt dispensare in vniuersalibus Ecclesie canonibus, nisi id ipsis concessum sit.*
2. *Si Superior aliquid iubet contra legem, in qua dispensare non potest non debet subditus obedire.*

NOTANDVM I. Episcopi, & Archiepiscopi dispensare non possunt in vniuersalibus Ecclesie canonibus, nisi id ipsis concessum reperiat. Quæ de re dixi lib. 1. Th. mor. tr. 4. c. 22. n. 4.

NOTANDVM II. Si Superior aliquid iubeat contra legem, in qua dispensare non potest, non debet subditus obedire: quia ille transgreditur limites potestatis suæ. Sin autem Superior aliquid iubeat contra legem, in qua dispensare potest, debet illis obediri, quia tacite seu ipso facto dispensare censetur. Vt si Prælagus dispensandi potestate præditus subditum, quem irregularem esse scit, ad ordines suscipiendos mittat, sicuti dixi eod. c. 22. n. 7.

CAPITVLVM XVI.

Consultationi.

PARAPHRASIS.

Gregorius X. consultus ab Archiepiscopo Baranensi de ijs, qui extra tempora statuta sacros ordines acceperunt, Respondet: Dubium nullum esse, quin sacrum characterem acceperint: Et quamuis ab executione ordinis suspensi esse debeant, tamen Archiepiscopum, post poenitentiam ipsis pro delicto impositam, permittere posse, vt in ordine suscepto minigrent.

SVMMARIVM.

1. *A suspensione, aliæue censura, quæ indefinitè fertur, nec Papa reservatur, absolute potest Episcopus, & similis Episcopali iurisdictionem habens, si reus deposita contumaciâ Ecclesie parere velit.*
2. *Nisi tamen crimen à Clerico commissum sit depositione dignum.*

NOTANDVM Vn. Si in canonibus suspensio, aliæue censura indefinitè fertur propter delictum, & Pontifici non reservetur, censetur Episcopis aliisque similibus Episcopali iurisdictionem habentibus concessa potestas absoluedi, si reus deposita contumaciâ Ecclesie parere velit. Ita colligitur etiam ex c. ex literis, 11. de constitut. & c. nuper 29. de sent. excommun. Idem.

Idemque multo magis dicendum, si lex indefinitè iubeat suspensionem ob tale crimen à Iudice ferri, uti docet Suarez de censur. disp. 29. sect. 1. num. 18. Sin autem canon tempus definiat, quo suspensio durare debeat, tum inferior, videl. Episcopus, relaxare non potest. Qua de re dixi lib. 1. tr. 5. p. 3. cap. 4.

Deinde tradita doctrina limitari debet: Nisi crimen à Clerico commissum tale sit, ob quod secundum canones deponi debeat, videl. vnum ex maioribus, seu enormibus, sicuti explicauit p. 3. n. 2. §. crimina. Nam in talibus dispensare non potest Episcopus, c. at si clerici, 4. §. de adulterijs, de iudicijs. Id verò nunc intelligi debet de criminibus notorijs, aut ad forum contentiosum deductis. Si enim occulta sint, Episcopus pro foro conscientiae absolueret & dispensare potest, homicidio voluntario excepto, per Concil. Trident. sess. 24. c. 6. de reform.

CAPITVLVM VI.

Quæsitum.

PARAPHRASIS.

Quæsitum fuit ex Gregor. IX. Pontifice, quid agendum esset cum Clerici, qui adulterij, periurij, homicidij, aut falsi testimonij crimine se maculauerunt. Respondet Pontifex: Si talia crimina neque in populo notoria sint, neque per iudiciarum processum comprobata, videl. per testes, aut propriam Rei confessionem, hoc casu Clerici criminosi post actam de crimine penitentiam non debent prohiberi, quò minus in susceptis ordinibus ministrarent, & ad superiores ordines ascenderent: excepto tamen homicidio. Sed ante actam penitentiam monendi, & diuini iudicii proposito metu, obtestandi sunt, ut ne cum periculo damnationis suæ, in susceptis ordinibus ministrare, multo minus ad ordinem superiorem aspirare audeant.

SUMMARIVM.

1. Si crimen Clerici enorme vel populariter vel iudicialiter notorium sit, prohibendus is est ab executione Ordinis suscepti, & suspensione altioris.
2. Occultum criminofus post actam penitentiam in officio suo ministrare potest, excepto crimine homicidij.
3. Potest Sacerdos notorie criminofus, & ab exercitio ordinis non prohibitus, post penitentiam & emendationem publicè notam iterum celebrare, saltem aliquo temporis intervallo interposito.

Hinc per contrarium sensum colligitur, si crimen eiusmodi enorme vel populariter, vel iudicialiter notorium sit, prohibendos esse Clericos ab executione ordinis suscepti, & suspensione altioris, addq. vel absolute, si spectatis omnibus, pœnæ dispositionis infringenda videatur. Vel saltem ad tempus, donec plenè de commisso crimine satisfecerint.

NOTANDVM I. Crimen adulterij, incestus, periurij, falsi testimonij ipso iure non inferunt suspensionem, aut irregularitatem. Quare si facinus occultum maneat, Clericus post actam penitentiam de tali crimine, in officio suo ministrare potest. Excipitur autem crimen homicidij, quod etiam si occultum maneat, irregularitatem conciliat, eamque non ab alio, quam à Summo Pontifice dispensabilem.

NOTANDVM II. Ex hoc c. probabiliter colligitur, non tantum Sacerdotes (de quibus dubium non est) sed etiam alios in sacris constitutos mortaliter peccare, si cum conscientia peccati mortalis in ordine suo ministrarent, e.g. Diaconus Euangelium solemniter caneret. Sed hæc q. plenè disputaui lib. 5. tr. 1. c. 5. q. 4.

QVÆSITVS: Si Sacerdos y g. fornicationem, vel adulterium in populo notorium commisit, sed ab Ordinario exercitium ordinis ipsi non prohibeatur, potestne post penitentiam, & emendationem publicè notam, interposito saltem aliquo temporis interval-

teruallo, iterum celebrare? Responſio eſt affirmatiua, quam docui lib. 1. tr. 5. p. 5. c. 4. q. 2. dicto 3. Quia, vt ſuprà dixi, nec ſuſpenſus, nec irregularis eſt. Infamiam quidem contraxit popularem; ſed ea vti per crimen contracta fuit, ita per eius abolitionem, ſeu pœnitentiam tollitur.

CAPITVLVM. I. cod. Tit.

in 6.

Sxpè.

PARAPHRASIS.

Clemens IV. prohibet, ne Episcopuſ aliquis Italiae Clericum vltromontanum ordinare præſumat, niſi à Pontifice expreſſam licentiam acceperit, vel ab Episcopo ſuo literas patentes aſſerat, in quibus cauſa rationalis contineatur, cur ipſum nolit, aut non poſſit ordinare. Si ſecùs factũ fuerit, ordinis penà condignà puniendus erit ordinatus verò manebit ſuſpenſus, vt à nemine, ne quidem à Pœnitentiarijs Sedis Apoſtolice ſine ſpeciali Pontificis licentia abſolui poſſit.

SUMMARIUM.

Licet Episcopus Italia vltromontanum ordinare nequeat ſine ſpeciali facultate Papa, vel per patentes literas Episcopi ſui, poterit tamen Italus vltra montes ordinari, ſi petat.

Circa hanc Conſtit. quaeritur primò, Vtrum ſimiliter locum habeat, ſi Italus vltra montes ſe ordinari cupiat? Videtur enim eſſe affirmandum, propter identitatem rationis. Sed bene negant Gl. ver. Italiae, Ioann. Monach. Archidiaz. Ancharanus, & alij plerique. Quia lex pœnalis, aut à iure antiquo exorbitans propter ſimilitudinem rationis extendenda non eſt ad caſum, vel perſonas non expreſſas, ſicuti docet Gl. in reg. 49. in 6. ver. in poenis. Neque obſtat, tamenſi rationem diuerſitatis forte ſiſſe aſſignare nò poſſimus: potuit enim legiſlatores mouere ra-

tio, quam nos ighoramus, cur de Italis, & non de vltromontanis tale ſtatutum ediderit. Quo ſenſu Vlpianus dixit l. 28. ff. de legibus, quod non omnium, quia à maioribus conſtituta ſunt ratio reddi poſſet.

QUÆRITVR ſecundò: Vtrum ſatis etiam ſit, ſi diſiſſioriè literar, quales in textu requiruntur, ab Episcopo domicilij aſſerantur. Negat Gl. ver. emiſit, quia in textu tantum ſit mentio de Episcopo originis, & de Episcopo beneficij. Sed contrarium rectius docent Ioan. Monachus, Archidiaconus, Ioan. Andr. Ancharanus. Quia hæc extenſio vltra verba textus, propter omnimodam ſimilitudinem rationis facta, alijs iuribus conſentanea eſt, vt apparet ex c. 3. hoc lib. & tit. Eſt autem id frequens, imò neceſſarium, vt vnum ius per alterum ſuppleatur, arg. c. cum expediat, 29. de elec.

QUÆRITVR tertio. Vtrum huic pœnali conſtitutioni locus etiam ſit, ſi Clericus vltromontanus in Italia primam tonſuram, vel ordines minores accipiat? Aliqui negant apud Ancharanum hic. Quia in proœmio ſolum ſit mentio de ſuſceptione ordinis ſacri, Sed Gl. hic ver. clericum, aſſerit: quia conſtitutio generatim loquitur, vt nullus Episcopus vltromontanum clericum ordinare præſumat: cum ergo ius non diſtinguat, nec nos diſtinguere debemus, arg. l. de pretio, 8. ff. de Publiciana. Alij verò diſtinguunt, vt Suarez diſp. 31. ſect. 1. n. 19. Textum intelligendum etiam eſſe de quatuor minoribus, non autem de prima tonſura: Quia primam tonſuram conferre propriè loquendo, non eſt clericum ordinare, cum prima tonſura non ſit ordo, neque ea clericis conferatur, ſed laicis. Mihi placet ſententia Gl.

Ad fundam. 1. ſententiæ reſpondetur, Potius attendenda eſſe verba conſtitutionis, quam quid in proœmio præmiſſum fuerit. Ad fundam. Suarez reſpondetur cum Gl. Quod Episcopus vltromontano primam tonſuram conferens clericum ordinet, quando per eam clericũ eſticit. Eſt id frequens in ſacris canonibus, vt prima tonſura clericalis ordo dicatur, cuiusque collatio clerici ordinatio, vt conſtat ex c. Lugdunenſis, 9. q. 2. &

clarius

clarius ex c. cum contingat, 1. de m. & qual. & optimè notavit Nauar. conf. 1. hoc tit. edit. 2. Quare etiam poena huius e. vt taliter ordinati absque spe dispensationis suspensamaneant, locum habet in tonsuratis: quia tonsuræ collatio rata non censetur, in ordine ad superiorem gradum seu ordinationem accipiendam, nisi in hoc casu Papa ratificet ac dispenset.

CAPITVLVM II.

Eos qui.

PARAPHRASIS.

Qui Clericum aliene diocesis, absque Superioris sui licentia scienter, aut per ignorantiam affectatam, vel quemcunque preteritum ordinare præsumpserit, per annum à collatione ordinum suspensus est: Episcopus quoque suspensio ordinantis manifesta fuerit, clerici ipsi subditi libera interim facultate gaudebunt ab Episcopis vicinis ordines accipiendi. Quod verò ad ordinatos attinet, circa eos seruanda sunt prædicta iura d. 71. cap. 1. & seqq. quibus determinatur, vt eorum ordinatio irrita censetur, non quod characterem non acceperint, sed quod legitimam ordinis executionem non habeant, nisi cum ipsis dispensetur, vti etiam dictum fuit in c. quod translationem, 1. t. extrà, hoc tit. & optimè hic docet Ioan. Monachus, n. 8. vbi rectè etiam admonet, hanc non esse propriè suspensionis censuram: sed inhabilitatem quandam, propter defectum ordinantis, vti etiam dixi lib. 5. tit. 9. c. 1. o. n. 2.

SUMMARIVM.

1. Qui Clericum aliene diocesis absque Superioris sui licentia scienter, vel per affectatam ignorantiam, aut quemcunque preteritum ordinare præsumpserit, per annum à collatione Ordinum suspensus est.
2. Et probabiliter quidem omnium Ordini-

num, & non tantum illius, quem ordinans subdito non suo malè contulit.

3. Episcopus ob causam, qua sibi visa est rationabilis, alienum bona fide ordinans, non incurrat censuram suspensionis: scilicet autem est si temere & sine rationabili causa, siue sileo quodam prætextu ratihabitionis.
4. Neque circa poenas & inhabilitates Trident. quidquam mutauit: requirit autem, vt. ab Episcopo alieno ordinari cupiens literis dimissorijs à proprio Ordinario commendetur. Si scilicet fiat, & sacrum Ordinem aliquis ab alieno Episcopo sine eius dimissorijs suscipiat, propter suspensionem incurrit.
5. Hac constitutio etiam locum habet in Prælatu Episcopo inferioribus, v. g. si subditis non suis sine licentia Ordinarij ipsorum minores ordines conferant.
6. Episcopus subditos suos in aliena diocesi ordinans, absque licentia expressa Episcopi proprii, ab exercitio Pontificalium per annum, sic autem ordinati ab executione ordinum suspensi sunt.
7. Neque permixtum est in loco exempto intra diocesin suo absque Ordinarij licentia Episcopalia exercere, & Ordines conferre.
8. Vti nec in diocesi aliena absque Ordinarij licentia etiam primam tonsuram conferre potest suis subditis Episcopus.

NOTANDVM Vn. Si Episcopus propter contrariam censuram ordines non conferat, possunt subditi ad alium Episcopum se conferre: sed incumbit illis probatio, quod ordinatio in sua Ecclesia posita non fuerit propter censuram suspensionis aut excommunicationis ab Episcopo contrariam, vti docet Rebuff. in praxi benefic. tit. de dimissorijs n. 19. Piafescius p. 1. tit. 1.

QVÆRITVR primò. Vtrum poena suspensionis sit à collatione omnium Ordinum, an eius tantum, quem ordinans subdito non suo malè contulit: Quod sit suspensio à collatione eorum ordinum tantum, qui malè collati sunt, tenent Ioan. Monachus & Dominicus

hic arg. vlt. hoc lib. & tit. *ut in eo ordinans in quo peccauit, puniatur*. & argum. c. si compromissarius, 37. de elect. ex quo habetur, quod pena canonis accommodetur ad materiam, de qua agitur. Hæc sententia probabilis est, sed contraria, quæ est Gl. hic ver. ordinum, textui magis congruit: quandoquidem absolute dicitur, ordinantem à collatione ordinum suspensum esse, & ubi censura eius manifesta fuerit, subditos ad vicinos Episcopos pro ordinatione accedere posse. Vbi autem lex non distinguit, nec nos distinguere debemus, arg. de pretio, ff. de Publiciana. Ad congruitatem prioris sententiæ respondetur, contrarium colligi ex c. vel non est, 14. extra, hoc tit. ubi puerum ordinans in Subdiaconum, absolute à collatione ordinum suspenditur. Loquitur autem textus huius de duntaxat de ordinum collatione. Quid verò de collatione primæ tonsuræ in hoc casu statutum sit, habetur infra c. vlt.

3. **QVÆRITVR II.** Vtrum Episcopus censuram incurrat, si Clericum alienum ordinet, ea præensione, quod Episcopus proprius id ratum habuit sit? Negat Rebuffus in praxi benefic. p. 1. de forma dimissor. liter. num. 11. Quaranta in summa, ver. ordo, §. Amplia hanc extrauag. *Quia non potest aliquis ratum habere, quod suo nomine gestum non est*, reg. 9. in 6. Affermat Gl. in e. vlt. causæ 9, q. 2. ver. poterit, Suarez de censur. disp. 31. sect. 1. n. 17. Azor tom. 2. lib. 3. c. 48. q. 3. Respondeo; Si Episcopus ob causam, quæ ipsi rationalis visa fuit, Clericum alienum bona fide ordinauit, existimans videl. proprium Episcopum contentum fore, non incurrit censuram suspensionis, quia non peccat mortaliter. Sin autem temerè, & sine rationabili causa, sine (vt in textu indicatur) ficto quodam prætextu ratihabitionis ordinauerit, incurrit censuram. Et verò nihil interest, vtrum Episcopus postea contentus sit, necne? Quia id solum attendi debet, vtrum Episcopus obtemeritatem peccauerit, idèque censuram incurrerit, quæ superueniente ratihabitione tolli non potest. An verò sine temeritate egerit: quamuis postea Episcopus contentus non sit, non debet ti-

meri censura. Ad reg. iuris 9. responderetur Sensum regulæ esse, quod aliquis actum, qui suo nomine gestus non est, ratum habere non possit, ita vt ex eo obligationem acquirat, tanquam ob iuris fictionem eius auctor aut mandator fuerit, iuxta reg. 10. in 6. Interim nihil prohibet, quin aliquis actum non suo nomine gestum superueniente consensu approbet, & quandoque confirmet, sicuti constat ex c. quod sicut, 23. de elect.

QVÆRITVR III. Vtrum Trident. Concilium circa hanc rem quippiam mutauerit Sess. 23. cap. 8. de reformat. Respondeo. Nihil mutasse circa pœnas, & inhabilitates: Requirit autem, vt ab Episcopo alieno ordinari cupiens, literis dimissorijs, seu testimonialibus à proprio Ordinario cõstentetur, *si scilicet fiat ordinans à collatione ordinum per alium; ordinatus verò à susceptorum ordinum executione, quam diu proprio Ordinario videbitur expedire, sit suspensus*. Quæ verba intelligi debent, vt sint conformia iuribus antiquis, videlicet si quis sacrum aliquem ordinem per dolum, vel culpam latam acceperit, ab alieno Episcopo absque literis dimissorijs, tum propriæ suspensionem incurrat, ob Constitut. Pij II. *Cum ex sacrorum*, aded, vt si in suscepto ordine, ignorantia non excusatus ministret, irregularitatem incurrat, dispensabilem tamen ab Episcopo, si delictum publice notum non sit. Idque per Trident. concessionem Sess. 24. c. 6. de reformat. Si vero ordines minores tantum acceperit ab Episcopo alieno absque dimissorijs, quamuis per dolum, vel si sacrum ordinem acceperit per simplicitatem, credens id sibi licitum esse, tum inhabilitatem quidem contraxit, vt sine proprii Ordinarij licentia in ordine suscepto ministrare non debeat, tamen propriæ suspensus non est: neque ministrando in ordine irregularis fiet, tamen si Episcopi arbitrio puniri possit. Quæ de re vide Zeram, ver. dimissoria, ad 3. & 4. quæsitum.

QVÆRITVR IV. Vtrum hæc Constitutio non tantum locum habeat in Episcopis, sed etiam alijs Prælati v. g. Abbatibus, si minores ordines conferant libidinis non suis sine licentia Ordinarij ipsorum. Responso est af-

est affirmativa, cum Gl. hic ver. eos qui. Nam canon generaliter loquitur de ijs, qui ordinant Clericum suæ parochiæ seu curiæ non subiectum. Quare si Prælatus regularis diocæsanus sibi in spiritualibus non subiectus, absque Ordinarij licentia, vel alterius Monasterij regularis, sine licentia Prælati ordinat, suspensionem à collatione Ordinum incurrit ex hoc e. Sed cuius in hoc casu licentia opus est, Ordinarij Prælati, an Episcopi diocæsis? Respondeo, Opus est tum licentiâ seu literis testimonialibus Prælati regularis, tum verò etiam consensu Episcopi, vti Cardinales declarant apud Galliam super Trident. sess. 23. c. 10. de reform. Credibile tamè est, non contracturum Prælatum suspensionis censuram, si alterius tantum consensum seu licentiam habuerit.

QVÆRITUR V. Vtrum Episcopus subditos suos in aliena diocesi ordinare possit? Respondeo & Dico I. Si Episcopus electus, etiam sibi subditos, in aliena diocesi ordinet, absque expressa licentiâ Episcopi proprii, ordinans ab exercitio Pontificalium per annum, & sic ordinati ab executione ordinum suspensi sunt. Ita Concil. Trident. sess. 6. c. 5. de reform.

Circa quam Constitut. Nota I. Eà vniuersim prohiberi exercitium Pontificalium in diocesi aliena, adeò, vt Episcopus in aliena diocesi sacra vasa, aut calices etiam pro propriæ ecclesiæ vsu consecrare, aut subditis suis confirmationis sacramentum ministrare non possit, alioquin suspensionem incurrit à Pontificalibus, id est, omnibus actibus, qui episcopalis Ordinis proprii sunt.

Nota II. Quod Concilium requirat licentiam expressam Episcopi proprii, id è, quod non sufficere præsumptam sub spe ratihabitionis. Si tamen Episcopus bona fide, existimans se non agere contra Concilium, neque contra voluntatem Episcopi diocæsis, actum episcopalem exerceat, arbitror illum immunem fore à censura suspensionis; quia ea non incurritur nisi ob culpam, eamque mortalem, vt dixi lib. 2. Th. mor. tr. 3. p. c. Quamvis contrariū in hoc casu responderit Nauar. lib. 5. Confil. 12. de cler. excom. ministr.

edit. 2. Zerol. in praxi p. 2. ver. Episcopus, n. 2. Sed alia ratio est de ordinatis: Horum enim ordinatio facta extra diocæsin sine Episcopi ordinarij consensu irrita censetur quoad executionem, tamen si fortè ipsi non peccarint, existimâtes v. g. Episcopum suum ordinandi licentiam habere, iuxta c. Episcopum, 7. causa 9. q. 2. Etenim sicut censetur à iudice nō suo, vel à iudice extra territorium lata irrita est, ita secundum canones ordinatio ab Episcopo non suo, vel à suo extra diocæsin habita, irrita censetur in ordine ad legitimam executionem.

Dico II. Neque concessum est Episcopo in loco exempto intra diocæsin sito, Episcopalia exercere, & Ordines conferre, sine consensu Episcopi ordinarij. Sin autem locos exemptus sit extra diocæsin, seu nullius diocæsis, tum sufficit licentia seu vocatio Prælati exempti. Ita declarant Cardinales super Trident. sess. 6. c. 5.

Dico III. Non desunt DD. qui dicunt, Episcopum in diocesi aliena, absque Ordinarij licentiâ, primam tonsuram suis subditis conferre posse. Ita Rebus. in praxi, p. 1. tit. de Clericis, & à quibus creentur, n. 11. Azortom. 2. lib. 3. c. 48. q. 3. Henriq. lib. 2. sum. c. 6. §. 6. Ratio reddi potest: Quia collatio primæ tonsuræ non tam propriè inter actus Pontificales numeratur: cum etiam ab ijs interdum conferatur, qui insignia Pontificalia non gerunt, vt dixi in c. 2. de suppl. negl. Prælatorum. Hæc sententia displicet Barbozæ p. 2. allegat. 6. n. 19. Et non immerito, cum in iure fundamentum non habeat. Negari autem debet, primæ tonsuræ collationem non esse actum Pontificalem, cum spectato communi iure, & spectata prima institutione solis Episcopis competat. Apparatus autem, seu insignia Episcopalia accidentaria sunt, quorum omisio non facit actum Episcopalem non esse. Quare Nauar. in consil. 12. de Cleric. excommun. ministr. edit. 2. benedictionem corporalium, quæ tamen fit absque Pontificalibus,

inter actus Pontificales nu-

merat.

SSS

CA.

Cum nullus.

PARAPHRASIS.

Cum sacris canonibus prohibetur, ne quisquam Clericum ordinet absque licentia ordinarij Superioris sui, hoc nomine intelligi debet Episcopus eius diocesis, ex qua oriundus est ille, qui ad ordines promoueri cupit, vel in qua beneficium obtinet, vel in qua domicilium habet.

SUMMARIUM.

1. Episcopus originis, domicilij vel beneficii iure communis Ordines conferre, & literas dimissorias dare potest.
2. Inferiores autem Prelati non nisi ex speciali indulto, vti & Officialis & Vicarius Generalis literas dimissorias dare possunt.
3. Nec Capitulum Sede vacante, exceptis quibusdam casibus.
4. Prelati regulares possunt dare subditis suis regularibus (non secularibus) literas dimissorias, sed ad Episcopum eius diocesis, in qua situm est Monasterium, cuius incolae est Regularis ordinandus.
5. Plerique tamen Ordines exempti possunt dare suis subditis Regularibus dimissorias ad quemcunque Episcopum Catholicum, à quo etiam ordinari possunt.

NOTANDVM Vn. Triplex est Episcopus, qui ordines iure communi & ordinario conferre potest, & consequenter dimissorias literas dare: (Quod enim quis per se facere, id etiam alteri capaci committere potest, iuxta reg. 68. in 6.) Videl. Episcopus originis, Episcopus beneficii, Episcopus domicilij, vti fuse explicauimus lib. 5. Th. mor. tr. 9. c. 9. assert. 4. Addit Barbosa p. 2. allegat. 7. n. 4. Si Episcopus ex privilegio, vel præscripta consuetudine ordines qui-

buidam conferre possit, eum etiam literas dimissorias dare posse. Quomodo in Trident. Concil. sess. 23. c. 9. de reformat. concessum est, vt Episcopus Clericum familiarem, seu domesticum, alioquin non subditum, si triennio cum ipso commoratus sit, ordinare possit: modò ei statim beneficium conferat. Vbi Cardinales declararunt, eadem ratione dimissorias literas ipsi dari posse. Porro quod hoc e. de ordinum collatione dicitur, etiam de prima tonsura intelligi debet, cum & hæc ordinatio quædam sit, vt supra dixi e. 1. hoc lib. & tit.

§. Inferiores.

Inferiores Prelati, etiam Regulares, non possunt literas dimissorias ad alienum Episcopum dare, nisi id eis à Sede Apostolica specialiter indultum sit, quod Clericos aut subditos suos, ad quem voluerint Episcopum, ordinandos mittere possint. Sed neque Officialis, seu Vicarius Generalis Episcopi literas dimissorias dare potest.

Id verò limitari debet I. Nisi Vicarius ab Episcopo speciale mandatum, vel licentiam dandi dimissorias acceperit, vti Gl. notauit ver. extendat. II. Nisi Episcopus in partes remotas abscesserit, vti in hoc e. dicitur. §. Episcopo. Monent tamè Iac. Sbroza de Vicario Episc. lib. 2. q. 41. n. 12. Praeficius in praxi Episcop. p. 1. e. 1. n. 10. non esse satis tutum, vt Vicarius absente Episcopo sine mandato specialij dimissorias concedat. Sed in hoc spectanda ex consuetudo diocesis, & quæ sit censenda voluntas Episcopi absentis. Vide in declarat. prætermis- sis super Trident. sess. 23. c. 11. de reform.

His adde ex Trident. sess. 23. c. 10. de reformat. Quod neque exemptis Prelatis concessum est literas dimissorias subditis suis secularibus ad alterum Episcopum dare, cum eorum ordinatio spectare debeat ad Episcopum diocesis, intra cuius fines exemptus Prelatus habitat. Præterea, licet olim Sede Cathedrali vacante Capitulum ordinandi licentiam, aut literas dimissorias concedere potuerit,

potuerit, vti hic apparet in cit. §. Episcopo, tamen ea factas, exceptis quibusdam casibus, ablata est in Trident. sess. 7. c. 10. de reform. & dixi lib. 1. tit. 4. c. 7. n. 16. Quare hodie ordinatio, Sede vacante, fieri non potest intra annum. Quod tamen intelligi debet de ordinatione subiectorum: interim non prohibetur Capitulum in diocesi sua externos ordinandi alicui Episcopo licentiam dare, vt docet Henric. lib. 10. c. 12. Pfalscius p. 1. c. 1. n. 10.

§. Religiosi.

SI Monasterium situm in vna diocesi prioratum habeat in alia diocesi, eumque non exemptum ab Episcopo loci, tum qui in prioratu illo cum Superiorum facultate degunt, ordinari possunt ab Episcopo eiusdem loci seu diocesi, licet inde oriundi non sint.

Nunc verò habemus expressiorem de hac re Constitutionem Clementis VIII. apud Quarantā in sum. Bullarij, ver. ordo, Barbosa p. 2. alleg. 7. n. 18. & in declarat. Cardin. prætermisiss, super sess. 23. Trident. c. 10.

4 Quod Regulares Prælati literas dimissorias subditis suis iidem regularibus (non autem secularibus sub poena suspensionis ab officio & beneficio, cit. sess. 23. c. 10.) dare possint, sed ad Episcopum diocesānum, nempe eius diocesis, in qua situm est Monasterium, in quo à Superiore positus est Regularis ordinandus; ea tamen limitatione, vt si Episcopus ille absens sit, vel ordinationes non habiturus, tum Regularis ad quemcumque alium Episcopum mitti possit, à quo examinandus erit quoad doctrinam: dummodò ne quid in fraudem fiat, seu non de industria differatur concessio dimissoriarum ad proprium diocesānum (v. g. donec Sedes vacet, & nulla ibi ordinatio sit) vt ad alienum Episcopum literæ dirigi possint. Porro si ob causam absentiz, vel non habitæ ordinationis, dimissoriæ ad alium dirigantur Episcopum, ea in literis exprimenda erit. Vide etiam Trident. ead. sess. 23. c. 12. de reform. Rodrig. tom. 1. q. 18. a. 6.

QUÆRITUR: Vtrum hæc intelligi etiam debeant de Prælatis Regularibus exemptis ab Episcopo, quod Regulares suos mittere debeant ad Episcopum eius diocesis, in qua Monasterium eorum situm est. Videtur esse affirmandum, cum Clemens VIII. nihil distinguat inter exemptos, & non exemptos. Cæterique tamen Ordines exempti priuilegium à Sede Apostolica acceperunt, quod à quocunque Episcopo Catholico cum Prælatorum suorum licentia seu literis dimissorijs ordinari possint, vt videre licet apud Rodrig. tom. 1. q. 18. a. 5. Mirandum in man. Prælatorum tom. 1. q. 39. a. 3. Compendium Societ. Iesv, ver. ordo. Neque talibus priuilegijs repugnat Concl. Trident. cit. sess. 23. c. 10. cum tantum prohibeat regularibus Prælatis, etiam exemptis, re secularibus subditis suis dimissorias ad alios Episcopos concedant. Cæterum si Prælatus exemptus regularis, vel secularis, quasi Episcopalem in loco iurisdictionem obtineat, quod propter immemorabilem consuetudinem dimissorias subditis suis secularibus dare possit, ex responsione Rotæ Rom. tradit Pfalscius p. 1. c. 1. n. 12.

CAPITVLVM VI.

Nullus.

PARAPHRASIS.

Hoc e. quatuor prohibentur: Primum. Ne quisquam Episcopus, aliudue infanti, id est, qui septem annos ætatis non impleuit, primam tonsuram conferat: Præterquam si Religionem ingrediatur, videl. à parentibus, vel tutoribus oblatas, vt olim moris erat. Quod annotauit hic Ancharanus.

Secundum. Ne prima tonsura conferatur homini illiterato, id est, qui literas latinas omnino nescit, vt idem Ancharanus annotauit. Vide Trident. sess. 23. c. 4. de reform.

Tertium. Ne quisquam tonsuram primam conferat homini diocesis alienæ, absque

absq; licētia Superioris, id est, Episcopi, vti constat ex c. prae. & notat Gl. hic ver. Superioris. Tamen si enim in c. prae. duntaxat statutū esse videatur de ordinatione strictē sumpta, quōd Clerico alienae diocesis absq; licētia, seu dimissorias literis Episcopi proprii fieri non possit, idem tamen sentiendum quoq; est de collatione primae tonsuræ, vti constat ex hoc c. & c. primatus, d. 71. Quare etiam prima tonsura ab alieno Episcopo malè collata irrita cēseri debet. ita vt sine dispensatione Episcopi ad vltiorem ordinem ascendere non possit. Censura tamen maior seu feuerior ipcurritur ab eo, qui ordinem tonsurato confert, quā ab eo, qui primam tonsuram, vti dictum est in c. 2. hoc lib. & tit.

Quartum. Ne prima tonsura conferatur coniugato, nisi Religionem intrare, vel ad sacros ordines promoueri velit. si tamen vxor etiam Religionem ingredi, vel in seculo manens continentiae votum edere velit. dummodò hōc casualis etatis sit, vt extra incontinentiae periculum esse videatur. Quia de re in c. cum sis, c. coniugatus, c. vxoratus, de conuers. coniug.

Qui autem contra hæc fecerit, per annum à collatione tonsuræ clericalis tantum ipso iure suspensus manet: vt videl. in eo, in quo peccauit, puniatur.

SUMMARIUM.

1. Si Episcopus proprius suspensus est, non ta-

men diocēsani liberè possunt ad alium Episcopum pro susceptione clericalis tonsuræ accedere.

2. Potest autem Episcopus suspensus (vti & confirmatus ac nondum consecratus) dare literas dimissorias ad alienum.

QUÆRITUR hic primò: Si Episcopus proprius suspensus sit, vtrum diocēsani liberè ad alium Episcopum pro susceptione clericalis tonsuræ accedere possint? Negat hic Gl. fin. communiter recepta: cum id nullibi expressum sit; sed tantum clericis, quod Episcopo suspensio propter alienae diocesis Clericum ordinatum, ad alium Episcopum accedere liceat, c. 2. hoc lib. & tit. Potest verò Episcopus suspensus in hoc casu dare literas dimissorias ad alienum Episcopum, sicuti Episcopus confirmatus, ac nondum consecratus, teste Ioann. Andr. & Anchoran. hic.

QUÆRITUR secundo: Vtrum hæc poena extendenda sit ad eos, qui ordines v. g. minores conferunt infanti, illiterato, aut coniugato? Ita affirmat S. Anton. in sum. p. 3. tit. 28. c. 4. Sed contrarium est tenendum: Quia lex poenalis propter rationis identitatem extendenda non est vltra casum expressum. Adde, specialiter prohibendum fuisse, ne prima tonsura conferatur inhabilibus personis, cum ea sit veluti ianua, per quam homines ad statum clericalem admittuntur, vti Suarez annotauit de censur. disp. 31. 5. n. 3.

TITVLVS XII. DE SCRVTINIO IN ORDINE SERVANDO.



Agitur de scrutinio, id est, examine, quod ante ordinationem institui debet, numidonei sint, qui ordinationem petunt, iuxta

c. 2. d. 24. Hoc autem examen ad Episcopum ordinarium pertinet, qui si dimissorias literas dare velit ad alium Episcopum, prius examen de vita ac moribus ordinandi insti-

tueri

uere debet, vti constat ex Trident. sess. 23. c. 3. de reform. Nisi malit examen hoc institui ab Episcopo, qui ordinaturus est, sicuti Cardinales ibid. declararunt.

Corollarium. Si ad alienum Episcopum literas dimissorias afferat ordinandus, inspicat Episcopus literas: Et, si videat, illum de moribus, doctrinâ, sustentationis titulo sufficienter commendari, non opus erit eum examinari: potest tamen, si velit, eum examinare, præsertim in doctrina, vt tantò securior sit in conscientia. Sin autem de doctrina & similibus non commendetur, relinquitur examini ordinantis, qui si hominem, siue commendatum, siue non commendatum idoneum non reperiat, non debet illum ordinare. Ita docet Prasæcius in praxi, p. 1. cap. 1. num. 8. Abb. in c. cum secundum, 16. n. 6. de præb. vbi monet, & habetur in c. Si Episcopus, 37. de præb. in 6. Si quis ab alieno Episcopo quæ literis dimissorias, absque titulo sustentationis ordinetur, eum non ab ordinante, sed à proprio Episcopo, qui dimissorias dedit, ælendum fore.

Quod sanè ordinariè verum est: Interdum tamen accidit, vt qui longo tempore absens est, ignotus est, petat ab Episcopo originis dimissorias, isque totam causæ indaginem committat Episcopo loci, vbi ordinandus pro tempore versatur: tum huic omnis cura & obligatio incumbere videtur.

De examine ante generalem ordinationem instituendo legere potes, quæ Gratianus congeffit d. 24. præsertim c. quando, in Concil. Nannetensi, c. 17. quod Episcopus à latere suo eligere debet sacerdotes, & alios viros prudentes, & exercitatos, qui ordinandorum vitam, genus, patriam, ætatem, institutionem, locum, vbi educati sunt, si sint bene literati, & instructi in lege Domini, diligenter inuestigent, ante omnia si fidem Catholicam firmiter teneant, &c.

De Episcopi verò examine à Metropolitano instituendo, antequam ei consecrationem conferat, leges in c. Qui Episcopus, d. 23. quod sumptum est ex Concil. IV. Carthaginensi, cui S. Augustinus interfuit. Id verò obseruatum olim fuit, eum approbatio

seu confirmatio Episcopi electi ad Metropolitani pertinebat. Posteaquam verò Summi Pontifices Ecclesiarum Cathedralium prouisiones sibi reseruauerunt, inquisitio seu processus super promouendis ad Episcopatum in Curia instituitur: In Germania autem electus à Capitulo se viciniori Episcopo examinandum tradit super certis articulis per testes iuratos adstruendis: cuiusque examinis processus Romam mittitur, ad confirmationem electo ritè examinato & probato impetrandam.

Articuli autem examinis instituendi proponuntur à Gregor. XIV. in Bulla, quæ incipit: *Onus Apostolica*, apud Quarantam ver. electio, fol. 309. An promouendus in Episcopum ex legitimo matrimonio, atque ex Catholicis parentibus natus sit. An ætatis trigessimum annum compleuerit. An saltem sex mensium spatium in sacro ordine constitutus fuerit, iuxta Trident. Constitut. sess. 23. c. 2. de reformat. An in Theologia vel iure canonico Doctor, aut Licentiatus creatus, vel saltem publico alicuius Academicæ, vel aliorum probatorum & expertorum testimonio ad alios docendos idoneus iudicatus sit, ead. sess. 23. c. 2. Vtrum sit bonæ famæ, vitæ integræ, ac probatæ: num in ecclesiasticis functionibus versatus, prudens, ac rebus gerendis idoneus.

CAPITVLVM VN.

Ex parte.

PARAPHRASIS.

Consuetudo est in Ecclesia Romana, vt Archidiaconus Pontifici ordinandos Diaconos, vel Presbyteros præsentet, postulans nomine totius Ecclesiæ, vt hunc, vel hos Subdiaconos ad ordinem Diaconatus, hunc, vel hos Diaconos ad ordinem Presbyteratus promouere velit. Tum Pontifex interrogat, vtrum eum, qui præsentatur, dignum esse cognouerit: Ad hoc respondet Archidiaconus, quantum humana fragilitas nosse sinit, scire se ac testifi-

T 11 cari,

eari, illum dignum esse. Quod si verò accidat, hominem reuerà indignum esse, non peccat Archidiaconus, dummodo non loquatur contra consensientem: quia non absolutè testificatur eum dignū esse, sed in quantū humana fragilitas nosse sinīt: quādoquidem eum, quem indignum esse non nouit, dignum æstimare debet. Quamobrem Episcopus tali testimonio contentus ad ordinandum procedere potest, nisi forte de indignitate ordinandi ipsi constet. Quo casu, si quis in Episcopum consecrandus esset, is qui ad consecrandum destinatus est, prius Metropolitānum de hominis indignitate admonere deberet, quā ad publicum scrutinium deueniretur. Quamquam Ecclesiæ Romanæ non ante Episcopi consecrationem, sed ante Diaconi, vel Presbyterij ordinationem dictum scrutinium præmittere solet.

SUMMARYM.

1. *Testes deponentes de alicuius innocentia, potestate, aut idoneitate ad officium, beneficium, ordinem, potius de credulitate, quā de veritate testantur.*
2. *Debent tamen ij habere sua credulitatis probabilis, & bene examinata indicia: si autem persona ignota foret, & nulla inquisito præmissa, testificari de eius qualitate non possent.*
3. *Defectum occultum, vel impedimentum alicuius sciens, ob quod ad ordines promoueri, vel matrimonium contrahere non possit, post secretam monitionem (quam præmittere tenetur, si se aliquid profecturum arbitretur) frustra adhibitam, debet id ad Superiorem deferre.*
4. *Archidiaconus occultum sciens defectum illius, quem Episcopo presentare debet, videlicet, se nec priuata monitione, neq; delatione ad Superiorem, quicquam profecturum: eā vico declinet officium presentandi, si sine suspitione, vel infamatione potest: si non potest dicat verba ista in Pontificali præscripta: Quantum humana fragilitas nosse sinīt, scire se ac testificari presentatum esse dignum.*

NOTANDVM I. Testes deponentes de alicuius innocentia, probitate, aut idoneitate ad officium, beneficium, ordinem, testantur potius de credulitate sua, quā de veritate: Id est, se verisimiliter credere, seu existimare hominem probum, dignum esse: quamuis absolutè loquendo, propter humanam fragilitatem, decipi atq; errare possint. *Qua de re dixi lib. 4. tr. 3. c. 4. n. 4.*

Requiritur tamen ad eiusmodi testificationem, vt testis habeat probabilis & bene examinata indicia, quæ prædūtem existimationem gignant de personæ innocentia, vel probitate & idoneitate. Sin autem persona ignota alicui esset, nullāque de ea inquisitionem præmisisset, tum de eius qualitate testificari non posset; quin potius prudenter dubius maneret, bonusne an malus, dignus an indignus esset, de cuius promotione agitur, iuxta ea quæ dixi lib. 3. tr. 3. p. 2. c. 3. asserit. 4. Idque quā maximè locum habet, si queratur de qualitatibus extrinsecis, seu adiectitijs, videlicet, ætate, doctrina, &c. hæ enim qualitates non præsumuntur, sed ostendi debent. Veruntamen post institutum examen, ac commendationem ab alijs fide dignis acceptam, Archidiaconus, aliūque præsentator, rectè respondet, æstimare se idoneum, ac dignum, qui ordinetur, quando nullum in eo crimen aliūque defectus apparuit. Ita explicat hic Anton. Butrio, n. 6. cū Innocentio, & alijs.

NOTANDVM II. Si quis occultum alicuius defectum seu impedimentum sciat, ob quod ad ordines promoueri, vel matrimonium contrahere non possit, atque per secretam monitionem, (quam præmittere tenetur, si se aliquid profecturum arbitretur) hominem à proposito sacramenti accipiendi, amouere non possit, debet id ad Superiorem deferre, vt rem impediat. Idque maximè locum habet in eo, qui ad Sacramentum accipiendum aliquo modo concurrere debet, videlicet, Episcopus Comprouincialē electū consecraturus, aut Parochus parochianum matrimonio iuncturus. Cū enim isti ob defectum iurisdictionis de crimine aliōque defectu occulto efficaciter inquirere non possint,

possint, sed neque publicè accedentem repellere, opus est, ut ad Superiorem res deferatur, vid. ad Metropolitanum aut Papam, si agatur de consecratione Episcopi non idonei; vel ad Episcopum, si agatur de matrimonio diocesani occulto impedimento laborantis, iuxta c. ult. de clandest. desponsat. & docuj lib. 3. tr. 3. p. 2. c. 4. n. 10.

Quærent hîc DD. Quid agendum sit Archidiacono, si occultum defectum nouerit eius, quem Episcopo præsentare debet. Respondet. Si nec priuata monitione, neque delatione ad Superiorem quippiam se professurum videat, quia ipsi fides non habebitur,

cum crimen ostendere non possit. Tunc operam dare debet, si sine suspitione aut infamatione possit, ut officium præsentandi ea vice declinet. Sin autem declinare non possit, dicat verba illa, quæ secundum præscriptum Pontificalis dici solent. Neque enim mentitur, aut contra conscientiam loquitur, cum ea verba proferat ut persona publica, seu in personâ Ecclesiæ: quo sensu verum dicit, si defectus occultus mansit, & in præcedente examine aut inquisitione non proditus. Ita docent Innocent. Ioan. Andr. n. 10. Anton. Butrio in fine c.

TITVLVS XIII. DE ORDINATIS AB EPISCOPO, QVI EPISCOPATV RENVN- TIAVIT.

CAPITVLVM I.

Requisiuit.

PARAPHRASIS.



EX Alexandro III. quæsiuit Toletanus Archiepiscopus de Clericis, qui ab Antecessore suo, postquam is Episcopatu renuntiavit, ordinati sunt, vtrum in susceptis ordinibus ministrare possint. Respondet Papa, esse distinguendum: Vel enim loco tantum renuntiavit, & non dignitati; vel loco simul, & dignitati. In primo casu ius habet ordines conferendi, sicut antea, si ab aliquo Episcopo rogatus sit, ut subditos suos ordinet. In secundo autem casu refert, vtrum sacros, vel minores ordines contulerit. Si enim aliquis à tali Episcopo ordines tantum minores,

seu usque ad Subdiaconatum (exclusiue) acceperit, nullam suspensionem vel inhabilitatem contrahit: quandoquidem ij ordines quandoque etiam à non Episcopis (v. g. ab Abbatibus) conferuntur. Sin autem sacros ordines à tali Episcopo, & quidem scienter acceperit, executione ordinum priuatus esse debet. Sin autem ob ignorantiam, nisi crassa vel supina fuerit ignorantia, proprius Episcopum eo dispensare potest.

SUMMARIUM.

1. *Episcopus renuncians non tantum loco, sed etiam episcopali dignitati, alius episcopales, saltem ei proprios, exercere non potest.*
2. *Episcopus inhabilis ad ordines legitimè conferendos, non reddit eos, quos ordinat, habiles ad executionem legitimam Ordinum ita susceptorum.*
3. *Inhabilitas ista non est propriè censura*
T 11 2 *suspensio*

suspensionis, sed potius quadam irregularitas, quæ tolli debet per dispensationem Papa, si ea contrahi sit per culpam mortalem notoriam; Episcopi autem, si per ignorantiam inculpam, aut saltem non crassam, Ordinem sacrum Clericus ita acceperit.

4. *Episcopus regimini tantum, & non etiam dignitatis renuntians, si alicui absque licentia ordinarij Episcopi Ordinem sacrum conferat, ordinatus ordinis suscepti executione priuatus est: potest tamen cum eo Ordinarius dispensare.*

1. **NOTANDUM I.** Episcopus interdum renuntiat loco tantum, id est, officio & administrationi Episcopali; retinens tamen dignitatem, quam habet ex consecratione, ut possit actus Pontificales exercere. Interdum verò renuntiat tum loco, tum dignitati. Quo casu actus Episcopales exercere non potest, saltem eos, qui Episcopali dignitati ita proprii sunt, ut ab inferioribus sacerdotibus conferri non soleant. At verò facultati ordines minores conferendi, calices, & paramenta sacre benedicendi &c. non censetur renūtiassse Episcopus, cum Episcopali dignitati renuntiauit: quòd quidem tales actus etiam à non Episcopis interdum exercentur, & renuntiatione strictæ interpretationis esse debet. Semper tamen requiritur licentia Episcopi proprii, ut Diocesani eius etiam in minoribus ordinentur ab Episcopo, qui Episcopatu renuntiauit, ut bene Host. notauit hoc tit. 9. Quid iuris. Vide quæ dicta sunt in e. quod translationem, 11. de reuot.

2. **NOTANDUM II.** Si Episcopus habilis non sit ad ordines legitime conferendos, non efficit eos, quos ordinari habiles, ad vsum seu executionem legitimæ ordinum ita susceptorum. Non enim plus aliquis dare solet, quàm in potentia habet: Episcopus autem, qui ordinis ac dignitati Episcopali renuntiauit, vel qui excommunicatus vel suspensus, itèmq; denunciatus est, &c. is characterem quidem Episcopalem habet, sed potestatem ordines legitime conferendi non habet. Ergo sequitur, quòd characterem quidem ordinatis

conferat, ita ut ordine suscepto validè uti possint: potestatem autem legitime exequendi non conferat.

NOTANDUM III. Inhabilitas ista non est propriè suspensionis censura; sed potius irregularitas quadam; cum etiam absq; culpa, & cum inuincibili ignorantia contrahi possit. Quamobrem non per absolutionem, sed per dispensationem tolli debet: quamvis cum discrimine. Si enim scièter quis, vel per culpam mortalem, ordinem sacrum acceperit ab Episcopo, qui tam regimini, quàm ordini & dignitati Episcopali renuntiauit, tunc dispensatio Sum. Pontifici referatur; quòd spectato iure nouo, Trident. sess. 24. c. 6. de reformat. intelligitur, si facinus notorium sit. Sin autem per ignorantiam inculpam, aut saltem non crassam, ordinem sacrum Clericus ita acceperit, Episcopus cum eo dispensare potest.

QVÆRIT. Quid si Episcopus, qui regimini tantum, non dignitati renuntiauit, sacrum ordinem alicui conferat, absq; ordinarij Episcopi licentia? Respondeo, cum Suarez de censur. disp. 3. sect. 1. suspens. 1. Ordinatos ordinis suscepti executione priuatos esse, non quia ordinati sunt ab Episcopo, qui renuntiauit, sed quia ab alieno sine proprii Episcopi licentia ordinem acceperunt. Veruntamen in hoc casu Episcopo ordinario absolutè conceditur dispensandi facultas, Trident. sess. 23. c. 8. de reform. & dixi suprà in e. tit. q. de tempor. ordinat. in 6.

CAPITVLVM II.

Cum Clericis.

SUMMARYM.

1. *Cum Clerico, qui ab Episcopo excommunicato per ignorantiam ordinatus est, potest Episcopus proprius dispensare.*
2. *Clericus grani metri adactus, ut ab Episcopo, qui renuntiauit Episcopali dignitati, excommunicato suspensio, simoniae coeog, denunciato, ordines accipiat, inhabilitatem ad Ordines, & quandam quasi irregularitatem contrahit.*

Si Cle-


SI Clericus ab Episcopo excommunicatus, per ignorantiam ordinatus fuerit, Episcopus proprius cum eo dispensare potest. Hinc autem per sensum contrarium colligitur, si Clericus scienter vel per ignorantiam crassam, ab excommunicato ordinem acceperit, Episcopum dispensare non posse, ut in susceptis ordinibus ministret, aut ad altiores ascendat. Consentit et ordinationes, 5. causa 9. q. 1.

Ratio est: Quia excommunicatus non habet potestatem legitimam ordines conferendi: ergo qui ab eo ordinantur, non recipiunt ius exercendi ordines legitime, sicuti præc. c. argumentatus sum, argum. c. quod autem 5. de iure patron. *Pro non dato habetur, quod datur ab eo, qui de iure dare non potest.* Et habet hæc ratio locum in Episcopis hæreticis, schismaticis, aliisque excommunicatis: item in depositis, ab ordine suspensis, interdictis, denique & in simoniacis, c. si quis à simoniacis, 108. causa 1. q. 1. Cæterum post Extrauag. Concil. Constantiens. Ad euitanda, necesse est, Episcopum ob cri-

men vel censuram denunciari tanquam vitandum, aut notorium clerici percussorem esse, ut ordinatio eius legitimum exercitium ordinantis non conferat, sicuti bene docet Syl. ver. interdictum, q. 7.

QUÆRITUR: Si quis graui metu adigatur, ut ab Episcopo, qui Episcopali dignitati renuntiavit, vel ab excommunicato, suspensio, simoniaco, eoque denunciato, ordines accipiat, vtrum dictam inhabilitatem ad Ordines, ac veluti quandam irregularitatem contrahat. Negat Nauar. c. 27. n. 241. Syl. 10. cit. Sairus in thesauro lib. 4. c. 14. n. 5. Sed contrarium est tenendum cum Maiolo lib. 4. de irregul. c. 22. Suarez. de censur. disp. 3. l. f. 1. n. 63. Quia hæc inhabilitas non incurritur ob culpam ordinati, (à qua metus grauis excusare potest, si non in Religionis, aut Ecclesiasticæ potestatis contemptum incuriatur, uti dixi lib. 1. Th. mor. tr. 5. p. 1. c. 5. in fine) sed ob indignitatem malè ordinantis: Maior autem est ordinationis peruersitas, si etiam vis iniuria ordinatoris accesserit.

TITVLVS XIV. DE ÆTATE, ET QUALITATE, ET ORDINE PRÆFICIENDORVM.

nsus tit. est, Quanam ætate, vitæ ac moribus, & quo ordine clericali debeant esse præditi, qui ad prælaturas, aliæque Ecclesiasticæ beneficia promouentur. Nam Pontifici propositum est agere de sacra ordinatione: Clerici autem eo fine ordinantur, ut ad Ecclesiasticæ ministeria instituuntur. Igitur de eorum ætate, & alijs qualitatibus agendum est.

CAPITVLVM I.

Vt Abbates.

PARAPHRASIS.

Abbates, Præpositi, & Decani, qui Presbyteri non sunt, fiant: Et qui Archidiaconi.

rum obtinet, Diaconus: qui Archipresbyteratum obtinet, presbyter ordinetur: Sin nolit, dimittere debet dignitatem, seu beneficium suum: Imò etiam si iustà causà impediatur, quò minus ordinari possit.

SUMMARIVM.

Sub pena priuationis beneficij debent beneficiati suscipere Ordines, quos beneficia requirunt, etiamsi iustà causà impediti sint, modo impedimentum sit periculum. seu deu duraturum.

NOTANDVM I. Quædam sunt dignitates, ac beneficia Ecclesiastica, quibus ipso iure annexus est sacer ordo, seu potius obligatio.

Tit 3

obligatio sacrum ordinem suscipiendi intra annum post promotionem, iuxta Clement, 2. eod. tit. c. cum in cunctis, 7. §. Inferiora, de elect. Trident. sess. 22. c. 4. de reform. Vide quæ dixi in cit. c. cum in cunctis.

Id verò difficile est, quod hoc loco adiungitur, tametsi iustà causà impediti sine Clerici beneficiati, quò minùs sacrum ordinem beneficio suo annexum suscipiant, priuandos esse: cuius contrarium significatur in c. 1. de Clerico ægrotante, & expressius in cit. Clem. 2. de ætat. & qualit. Hostiensium, hoc tit. princ. & c. commissa, 35. de elect. in 6. Innocent. & Anton. de Butrio super hoc c. Glossa in cit. Clem. 2. ver. impedimento, iura ista conciliant. Si iustum impedimentum ordinis requisiti suscipiendi ex culpa contractum sit, non excusat; præsertim si ante beneficii acceptionem præuisum fuerat. Sin verò absque culpa contractum sit impedimentum, id beneficiato obesse non debet. Sed non placet hæc distinctio: Quia minùs restringit textum: is enim absolutò ait, non obstante impedimento iusto talem amouendum esse: maxime autem iustum est, si culpa non præcessit. Arbitror, aliter distinguendum esse. Vel impedimentum perpetuum, seu diu duraturum est, vel temporale. Si temporale, seu non longo tempore duraturum, vniuersim dici debet, institutum amoueri non posse; dummodò impedimentum ordinis suscipiendi iustum sit: tametsi fortè ante beneficii acceptionem præuisum fuerit, vel culpa aliqua præcesserit: vt si in rixa Clericus debilitatus sit, quò minùs constituto tempore ordinem requisitum suscipere queat, argum. c. vn. Ne Seda vacante, in 6. Sin autem perpetuum, seu diu duraturum impedimentum est, auferri debet beneficium: Cùm enim beneficium de iure propter officium, c. vlt. de rescript. in 6. merito auferatur illi beneficium, qui ad præstandum officium, seu satisfaciendum obligationi beneficii inhabilis redditus est, c. vlt.

* * *

Ex ratione.

PARAPHRASIS.

Episcopus Conuenerensis pueris nondum decennè ætatem consecutis in Archidiaconatu Castronsi Ecclesias quasdam concessit, quæ interim laicorum imperio administrabantur. Id ægrè ferens Alexander III. mandat Episcopum corripere, ecclesiarum administrationem atque custodiam a motis laicis, idoneis Clericis committi, donec pueri ad ætatem legitimam perueniant: Insuper prohiberi Episcopo, ne impofterum ecclesias, nisi personis ætatem, & scientiam requisitam habentibus regendas committat, alioquin ipsi pœnam decernendam, atque concessiones seu institutiones irritas iudicandas fore.

SUMMARYM.

1. *Episcopus non potest dispensare super ætate in sacris canonibus requisita ad beneficium.*
2. *Si Clerico ante ætatem requisitam beneficium collatum sit, Superior collationem irritare potest.*
3. *Beneficium curatum per Papa dispensationem alicui minori concessum, per clericum interea illud administrari debet, non laicum.*

NOTANDVM I. Episcopus non potest dispensare super ætate in sacris canonibus requisita ad beneficium. Ita etiam habetur in c. seq.

NOTANDVM II. Si Clerico ante ætatem requisitam beneficium collatum sit, Superior collationem irritare potest: nisi malit eam dispensatiuè tolerare; dummodò potestate præditus sit dispensandi super defectu: vt in casu proposito Sum. Pontifex. Ceterùm, si particulari alicuius ecclesie Collegiata decreto certa ætas in promouendis exigatur, v. g. vt intra annum sacrum ordinem susci-

fulcipere quæant, tum Episcopus eum Capituli consensu dispensare non prohibetur: cum talis dispensatio in proprio ipsorum iure seu statuto fiat. Quod si autem literæ fundationis requirant, ut capellania v. g. Sacerdoti conferatur, utrum Episcopus dispensare possit, dixi lib. 4. Th. mor. tr. 2. c. 13. in q. 6. n. 13.

NOTANDUM III. Si aliquis per Papæ dispensationem ad beneficium curatum promotus sit, qui ob ætatis defectum præesse ipsemet non possit, debet interim administrator, seu Vicarius temporalis deputari, qui Clericus sit, non laicus: nam laici Ecclesiastica negotia gerere non debent, c. 3. de iudicijs.

CAPITVLVM III.

Indecorum.

SYMMARIVM.

Regimen Ecclesiæ minori quatuordecim annis committi non debet; maior ætas requiritur iuxta posteriores canones.

Ecclæsiarum dignitates, seu personatus impuberi, seu minori x v. annis committi non possunt: Et talis provisio seu institutio ab Episcopis facta irritanda erit, ipsique grauiter puniendi. Ita Alexander III. in hoc c. Sed postea editis canonibus maior ætas requisita fuit: videl. si personatus, v. g. Decanatus, aut Archidiaconatus curam animarum annexam habent, anni xxiv. completi, c. cum in cunctis, 7. §. inferiora. de elect. in Trident. sess. 24. c. 13. de reform. Ad dignitates verò seu personatus, quibus cura animarum annexa non est, x x i. anni completi, cit. c. 12. Ad reliqua verò simplicia beneficia, ordinariè ac per se loquendo, anni quatuordecim, saltem coepti, Trident. sess. 23. c. 6. de reformat. iun. declarat. Cardinal. Vide quæ dixi, in cit. §.

Inferiora.

CAPITVLVM IV.

Eam te.

PARAPHRASIS.

Prohibet Alexander III. ne quisquam ad beneficium curatum instituasur, etiam si literas Apostolicas afferat, nisi præditus sit scientiâ bonis moribus, atque ætate in Lateranensi Concilio requisitis, c. cum in cunctis, 7. de elect. Præterea iubet, ut qui plurium Ecclesiarum curam habent, quarum vna ex alia non pendet, ij, remota appellatione, coguntur ad vnam eorum, quam maluerint, dimittendam: nisi ita tennes reditus habeant, ut proprios Sacerdotes alere non possint.

SYMMARIVM.

1. Si Papa iubeat alicui conferri beneficium, licet in literis non exprimatur, intelligitur tamen conditio, si idoneus sit.
2. Ad beneficia curata potissimum requiruntur qualitates istæ, scientia competentis, morum honestas, & ætas legitima.
3. Qui habet duo beneficia curata, vel alterum personatum, aut dignitatem, ipso iure priuatum existit prius habito, illudque dimittere debet.
4. Si parochialis ecclesiæ tenues penes ipsum habet, qui alendo sacerdoti non sufficiant, quomodo ab Episcopo providendum?

NOTANDUM I. Si Papa iubeat alicui conferri beneficium, etsi in literis non exprimatur, intelligitur tamen conditio, si idoneus sit, iuxta c. cum ad eod. 17. de re scriptis. Potissimum autem ad beneficia curata requiruntur qualitates istæ. Scientia competens, morum honestas, & ætas legitima. Tamen si verò in ætate Pontifex dispensare possit, tamen non præsumitur contra generalis Concilij decretum dispensare, nisi id exprimat, c. ex parte, de Capellis Monachorum.

NOTANDUM

NOTANDUM II. Tempore Alexandri III. prohibita erat pluralitas beneficiorum curatorum; ita verò, ut qui duo curata obtineret, cogendus esset ad alterum, quod mauerit, dimittendum. Post verò sub Innoc. III. in Concil. Lateranensi in c. de multa, 28. de præbend. & latius à Ioanne XXI. in extrauag. execrabilis, eod. tit. statutum fuit, ut obtinens alterum beneficium curatum vel alterum personatum seu dignitatem post pacificam eius possessionem, ipso iure priuatus existat prius habito, illudque dimittere debeat: alioquin ipso iure priuatur ambobus beneficijs, illaque Sedi Apostolicæ reservata maneant.

Porro si parochiales ecclesiæ tenues proventus habeant, qui alendo sacerdoti non sufficiant, quomodo huic rei ab Episcopo providendum sit, declarat Concil. Trident. sess. 21. c. 5. de reform. & sess. 24. c. 13. §. In parochialibus, de reform. Ut vide). vnio beneficiorum instituitur; tamen sine præiudicio ea obtinentium, ita ut vnio effectum non consequatur ante illorum mortem, vel resignationem, uti explicauit lib. 4. Th. mor. tr. 2. c. 9. n. 9. Sin autem vnio institui non possit, quia v. g. patronus consensum dare recusat, tum vel decimarum assignatione, vel parochianis indicta collecta succurri debet; vel denique cogantur patroni pro cultu diuino & sustentatione Rectoris sufficientes redditus præbere, aut vnionem permittere, sicuti Cardinales declararunt super cit. sess. 21. c. 5. de reform. Quomodo autem providendum sit, si populus numerosus, vel nimis distans ad vnā parochiam congregari non possit, leges ead. sess. c. 6. Vide quæ dixi lib. 4. Th. mor. tr. 2. c. 13. n. 10. §. quarto.

CAPITVLVM V.

Præterea.

SUMMARYM.

Is, qui nondum est in sacris, dispensatiue ad curatum beneficium assumi potest, ita tamen, ut intra annum in presbyterum ordinari possit.

Licet spectato ordinario iure ad beneficium curatum promoueri non debeat, nisi in sacro ordine constitutus, dispensatiue tamen permitti potest, ut in minoribus tantum constituti instituantur; dummodò tales sint, ut intra breue tempus in presbyteros ordinari queant.

Nunc verò definitus est annus, numerandus à die, quo prouisus beneficii possessiōnem consecutus est, vel per eum stetit, quò minus assequeretur: Intra quod anni tempus nisi iustè impeditus sit, ordinem sacrum requisitum accipere debet; alioquin priuatus erit, c. cum in cunctis, 7. §. Inferiora, de elect. & Clem. 2. hoc tit. c. 2. de institut. in 6. Imò promotus ad curatum beneficium, nisi intra annum sacerdos fiat, ipso iure priuatus est, §. licet, 14. de elect. in 6. & dixi de hac re in cit. §. Inferiora. Porro, quòd Gl. in cit. c. licet, ver. priuatus, iustum impedimentum excusare negat, si ex culpa provenierit, ut quia prouisus suspensionem ab ordinibus contraxit, id supra reieci c. 1. Si tamen quispiam per fraudem inhabilem se faciat, quò minus intra annum promoueri cogatur, is haud dubiè poenam iuris incurrit: cum nemini fraus propria patrocinari debeat. Sed & in poenam priuari poterit, qui sciens se intra annum ordinem requisitum ad beneficium suscipere non posse, impedimentum reticuit: dummodo tanta culpa commissa videatur, ut priuationem mereatur.

CAPITVLVM VI.

Quæris.

PARAPHRASIS.

Episcopus quidam consuluit Alexandrum III. quid Clericis agendum esset, multa Ecclesiastica beneficia obtinentibus, & commoniti, ut ordines maiores accipiant, id agere recusant, quò quòd dicant occultum crimen se commississe, ob quòd saluà conscientia ad superiorem gradum ascendere non possint. Respondet Pontifex, An antiquis canonibus (relatis d. 74.)

NON

non satis apparere, quid agendum esset; cum diuersa, & in speciem contraria responsa legantur: Quare ad dubitationem istam tollendam, statuit Papa: Vt talibus dicto modo se excusantibus, Clerici inferiores, qui digni sunt, ut ascendant, præferantur in dignitatibus, & beneficijs ecclesiasticis: Illis verò alijs etiam auferantur beneficia, quæ possident nisi seruitijs suis valde vtilis ecclesiæ existant. Quod si autem nulla prætexta impedimenti excusatione, pro sola voluntate sua ordinari recusent, cum tamen ecclesiæ utilitas, aut necessitas postulet, ut ordinentur, tum per beneficiorum subtractionem, amissionemque, omni remota appellatione, compellantur.

SUMMARY.

1. In duobus casibus potest Episcopus compellere beneficiatos, vt ad altiores ordinem ascendant.
2. Quod si in alterutro casu beneficiatus monitus prætextas impedimentum irregularitatis vel censure ex occulto crimine contractum, beneficio priuandus est, si absque recusis sacri Ordinis susceptionem.

Hoc responsum Alexandri intelligi debet in ijs tantum casibus, quibus Episcopus compellere potest beneficiatos, vt ad ordinem altiores ascendant. Hi autem sunt duo: Primus, si beneficiatus annum habeat ordinem sacrum, seu potius obligationem suscipiendi ordinis sacri intra annum. Tunc compellendi sunt, in primis per subtractionem distributionum quotidianarum, iuxta Clem. 2. hoc cit. Deinde per subtractionem reddituum beneficialium, vel partis eorum, denique per priuationem, vt ex hoc textu colligitur.

Alter casus. Si beneficium non habeat annum sacrum ordinem, tamen ecclesiæ utilitas seu necessitas v.g. Ministrorum penuria postulet, vt beneficiatus sacrum ordinem accipiat, iuxta c. si qui, & c. placuit, d. 74. Quod si verò beneficiatus ab Episcopo ex vna harum causarum monitus, prætextat impedimen-

tum irregularitatis, aut censure ex occulto crimine contractum; tum remouendi sunt, seu beneficijs priuandi. Quod intelligo, si simpliciter renuant sacri ordinis susceptionem: Secus si non simpliciter, sed ad tempus sperantes se breui impetraturos dispensationem super defectu, tum illis tempus constitui poterit, intra quod sublato impedimento promoueantur, iuxta ea quæ suprà dixi hoc tit. c. t.

Excipitur verò: Nisi tales beneficiati in suo seruitio, quod ecclesiæ præstant, valde vtilis sint, tum tolerari posse. Quæ tamen exceptio iure nouo circa beneficia, quibus sacer prout annexus est, locum non habet, vt colligitur ex cit. Clem. 2. Vt ij, & in Trident. Sess. 7. c. 12. de reform. vbi prohibetur, ne facultates de non promouendo, seu altiores ordinem non accipiendo beneficiatis ultra annum non prorogentur.

Potest, si beneficia ecclesiastica, neque propria institutione, aut fundatione, neque speciali canonum constitutione ordinem altiores requirant, neque item ecclesiæ necessitas promotionem postulet, tum canonica regula c. gesta, c. vbi ista didicisti, & c. Honoratus, d. 74. adhuc hodie locum habere debet, quod nemo inuicem ad superiorem ordinis gradum promoueri debet. Sed hoc agat Episcopus, quod antea Gelasius Papa consuluit in c. ult. ead. d. Si propter ecclesiæ utilitatem cupiat beneficiatos ad altiores ordines ascendere, promoueat Acolythos seu in minoribus constitutos, si digni sunt, vsque ad sacerdotium, vt sic præferant alijs in sessionibus, ac præbendarum commodis, iuxta c. statumimus, l. g. de maior. & obed. Hac ratione allicientur & alij ad ascensum.

CAPITVLVM VII.

Ad aures.

PARAPHRASIS.

Canonicus quidam proposuit Clementi III, Pontifici, Cum ipse medicinis peritus sit, pluribus secundum artis præscripta me-

Vuu dica-

dicamenta præbuisse, cum diligentia, sed sæpius male successisse; quia ex medicinis, quibus homines sanare volebat, aliqui mortis periculum incurrerunt: Quærebatur, utrum nihilominus ad sacros ordines promoveri posset. Respondet illi Pontifex: Si conscientia in his te remordet, de consilio nostro ad ordines maiores ne ascendas.

SUMMARIVM.

1. *Medicina peritus, & secundum regulas artis operatus, ob ænium mortis infirmi, non incurrit irregularitatem.*
2. *Incurrit autem clericus in maioribus, & Religiosis, si artem chirurgicam exercet, & per incisionem vel aduersionem mors vel mutilatio (etsi casu, & omni adhibita diligentia) sequatur.*

CONTRA hanc Clementis responsionem obijcitur: Ex homicidio casuali, & omnino inculpato non incurritur irregularitas: Atque homicidia ista, si ex medicinis secuta sunt, omnino casuاليا & inculpata fuerunt. Ergo Canonico illi nullus irregularitatis scrupulus iniiciendus fuit. Maior est certa ex c. latere, 9. de homicidio, & docuilib. 3. tr. 3 p. 3. c. 10. assert. 1. Minor constat ex l. illicitas, §. Sicuti, ff. de offic. Præfidis. Nam ad officium seu obligationem Medici ægros curantis plus non requiritur, quam ut in arte peritus ac versatus sit, (nam imperitia culpæ annumeratur in ijs, qui ut periti operam suam promittunt, l. si quis domum, 9. §. Celsum, ff. locati) & ut secundum artis regulas, adhibita diligentia, operetur. Quod si nihilominus euentus infelix sequatur, id Medico imputari non potest, sed casui & fortunæ. Quamobrem Galenus dixit, Medicum fortunatum esse oportet; quia in particulari ob varia adiuncta multa incidunt, quæ neque à prudentissimo prævideri possunt. Respondet: Si Canonicus ille in minoribus constitutus, medicinæ peritus fuit, & secundum regulas artis operatus, irregularitatem timere non debuit, sicuti etiam Innoc. hic notauit. Quamobrem neque Pontifex illi absolutæ

præcepit, ut à sacris ordinibus abstineat. Ceterum suspicatus fuit Pontifex, non omnem culpam abfuisse: eam maximè ob causam, quia ad Clericos beneficiatos, quamos in minoribus tantum constituti sint, non pertinet artis medicæ, aut chirurgicæ exercitium, nisi necessitas aut pietas in aliquo casu subsidium à Clerico exigit, ut docet Nauar. c. 25 man. n. 110. Cum igitur Canonicus ille operam dederit rei illicitæ, sibi quæ prohibitæ, & falsus fuerit sæpius ex medicinis suis hominibus mortis periculum generatum fuisse; non credebatur simplici & non probatæ eius assertioni, quod & artis peritus esset, & cum omni diligentia operatus. Sed potius præsumptio fuit contra hominem, quod saltem levis seu venialis negligentia & culpa commissa fuerit. Ea autem sufficere debet ad irregularitatem ex secuto homicidio contrahendam, si quis operam dedit rei sibi prohibitæ, secundum probabiliorem DD. sententiam, quam tradidi eod. c. 10. assert. 3. dicendo 2. Ceterum Clericis in maioribus, atque Monachis seu Religiosis exercitium artis chirurgicæ per incisionem vel aduersionem seuerius prohibitum est, adeo ut si mors, aut mutilatio exinde secuta sit, quamvis casu & omni adhibita diligentia, irregularitas contrahatur, iuxta c. sententiam, ne Clerici vel Monachi, & dixi cit. c. 10. assert. 2. Videri potest Hostiensis hoc tit. n. 4.

CAPITVLVM VIII.

Cum bonæ.

PARAPHRASIS.

Clemens III. citat ad se Clericos quosdam Baranensis Ecclesiæ, ut responderent ad obiecta Archidiaconi sui, quem grauitè læserant. Cum autem illi accedere contemnerent, suspensionis sententiam in eos promulgauit: In qua illi censura triennio permanentes, etiam beneficia ecclesiastica interim consecuti sunt. Sed dubitatum postea fuit, an ea beneficia retinere possent. Ad id respondet Cælestinus III. Successor

cessor Clementis, quod non liceat eis beneficia, quæ ante suspensionem habuerunt, neque quæ postea consecuti sunt, retinere: Ideoque mandat Archiepiscopo Baranensi, ut illos, propter pertinaciam & contemptum Sedis Apostolicæ omnibus beneficijs priuet.

SUMMARYM.

1. Clerici priuandi sunt beneficiis, quæ in suspensione acceperunt.
2. Qui contumaciter persistit in excommunicatione, aut suspensione, priuatur beneficio, quod prius habebat, & interea acquisiuit.

DE hac Cælestini responsione nullum dubium est, quoad vnam partem, videlicet clericos priuandos esse beneficijs, quæ in suspensione acceperunt. Quemadmodum enim qui ab ordine suspensus est, nouum ordinem suscipere non potest, ita qui ab officio, vel beneficio suspensus est, ei aliud officium aut beneficium ecclesiasticum conferri haud potest, arg. c. vlt. de cleric. excom. ministr.

Quoad alteram verò partem dubium est, vtrum suspensus ab officio, vel beneficio, si per eum stet, quod minus à suspensione absoluat, beneficijs ante suspensionem obtentis priuandus sit. Respondeo ex doctrina Innoc. super hoc c. Suspendio varijs modis ob culpam ferri potest: Primò, ad tempus definitum, v.g. ad triennium: hoc casu puræ pœnæ rationem habet, & per se ipsam cessat, tempore elapso, nisi prius à Superiore dispensatio, seu relaxatio impetretur. Idemque est, si sub conditione lata sit suspensio, donec restituatur, donec satisfecerit: nisi quod in ordine ad forum externum requiratur absolutio, seu potius declaratio, conditionem impletam, seu satisfactum fuisse.

Secundò ferri potest suspensio propter commissum crimen, tanquam pura pœna in perpetuum: & tum parum differt à depositione, seu priuatione; saltem qui ita absque spe relaxationis suspensus est, beneficij priuari debet, iuxta ea quæ dixi lib. 5. tr. 5. p. 3. c. 1. n. 3. & c. 5. n. 1.

Tertiò fertur suspensio tanquam propriè dicta censura propter præsentem contumaciam, ita ut ea deposita, absolutio conferenda sit. Cæterùm si Reus in contumacia diu perseveret, seu per ipsum stet, quod minus absoluat, denique indignus reputatur, qui ab Ecclesia recipiatur, & à contracta censura absoluat, vti colligitur ex hoc textu, Et in e. rursus, 36. & c. seq. causa 11. q. 3. excommunicationis censurâ alitribus annis præfigitur, intra quem causam suam peragere possint: postea audiendos non esse. Id verò Innoc. Ioan. Andr. Ant. Butrio hic ad censuram quoque suspensionis extendunt; si suspensus intra annum ecclesiæ satisfacere, & absolutionem petere per contumaciam intermitat, postea audiendum non esse, consequenter priuandum, seu deponendum: Et quod hic de triennio relatum est, facti speciem fuisse. Ego verò arbitror, nullum certum tempus definiri posse, sed superioris iudicio committendum, vtrum tanta & tam diuturna in excommunicatione, aut suspensione persistens, contumacia sit, ut spectata qualitate facti, priuationem beneficiorum mereatur. Quod verò in cit. c. rursus, & seq. annalis temporis mentio sit, id secundum eorum temporum & criminum circumstantias decretum est. Sed etsi ea pœna in persistentibus in excommunicationis censurâ adhuc hodiè locum haberet, tamen ad suspensionem sine iuris textu extendi non posset.

CAPITVLVM IX.

A multis.

SUMMARYM.

1. Subdiaconus liberè in Episcopum eligi potest.
2. Clericus autem in minoribus constitutus non potest eligi, sed postulari debet.

DEbitum fuit, vtrum Subdiaconus in Episcopum liberè eligi possit, an verò postulari debeat. Quod enim postulari debeat, significat Urbanus I. Papa relatus in c. vlt. Vu u 2 d. 60.

d. 60. Sed respondet Innocentius III. Id dictum fuisse ab Urbano, quia eo tempore Subdiaconatus non erat ordo sacer, seu annexam non habebat obligationem continentie. Sed posterioribus seculis introductum, ut neque Subdiaconi ordinarentur, nisi continentiam promitterent; & tum etiam Subdiaconatus intra sacros seu maiores ordines numeratus fuit, uti testatur Urbanus II. relatus in c. eos qui, & seqq. d. 32. item Gregor. I. lib. 3. epist. 5. ad Bonifac. relatus in c. Subdiaconis, ead. d. & lib. 1. epist. 42. ad Petrum Subdiaconum, relatus in c. 1. d. 31. ubi ait, ante triennium in Sicilia promulgatum esse decretum, ut etiam Subdiaconi, sicuti ante hoc tempus in Romanam Ecclesiam introductum erat, in ordinatione sua continentiam, etiam à proprijs, quas antè duxerant, vxoribus promitterent: idque statutum deinceps obseruandum. Qui autem ante illud statutum in Sicilia ordinati sunt Subdiaconi, permittendum, ut suis vxoribus vtantur: cum durum videatur, viros coniugatos, qui consuetudinem continentie non habent, neque eam in ordinatione promiserunt, ad continentium compellere; atque periculum, ne in deterius ruant. Constat ergo, cum à tempore Gregorij I. Subdiaconatus inter sacros ordines numeratus fuerit, id eo Subdiaconum liberè in Episcopum eligi posse.

NOTANDUM I. Ordo sacer dicitur ille, cui continentie promissio annexa est: Fortasse ideo, quòd qui talem ordinem suscipiunt, continentie voto edito, se Deo quodammodo consecrant.

NOTANDUM II. Clericus in minoribus, seu non sacro ordine constitutus in Episcopum non potest eligi, sed postulari debet,

CAPITVLVM X.

Tuam.

PARAPHRASIS.

Legatus à latere retulit Innocentio III. de Monacho, qui in minoribus ordinibus constitutus, ad sacros promoueri non poterat, quia v.g. ob corporis defectum irregularis erat, alioquin verò morum hone-

stie & industria insignis, ut spes esset per eum Monasterium reformandi, si in Abbatem institueretur: quod etiam laici eius consanguinei & alijnes instanter petebant. Hoc intellecto, mandat Innocentius Legato, ut dictum Monachum instituat in Abbatem, non propter laicorum preces; sed propter Ecclesie illius necessitatem, & vtilitatem. Ita explicant Gl. Innocent. Ioan. Andr. & alij communiter.

SUMMARIVM.

1. Monachum in minoribus constitutum & irregularè ob monasterij necessitatem dispensatum in Abbatem institui potest.
2. Pertinet autem in hoc casu potestas dispensandi ad summum Pontificem, & non ad Prælatos inferiores.

NOTANDUM I. Monachus qui ob iustam causam ad sacerdotium promoueri nequit, propter Monasterij necessitatem in Abbatem dispensatiue promoueri potest.

QVÆRES: Ad quem pertineat in hoc casu dispensare: Respondeo, Ad Pontificem, nò item Prælatos inferiores. Quia secundum canones, assumptus ad beneficium aut dignitatem, cui cura animarum annexa est, intra annum sacerdos fieri debet, uti dixi suprà c. 1. hoc tit. Facilius autem Pontifex dispensat, ut ad abbatiam aut similem curam ecclesià aliquis promoueat sine obligatione sacerdotium suscipiendi, quàm ad Episcopatum. Quia episcopale officium non tantum consistit in iurisdictione erga subditos, sed magis etiam in potestate ordinis exercendi. At verò officium Abbatis potius in gubernatione consistit, quàm in exercitio ordinis, arg. c. 1. causa 18. q. 2. Sed quid si Monachus in minoribus constitutus intra annum Sacerdos fieri possit, concessumne est Episcopo illum promouere ad Abbatiam? Respondeo, Si Ecclesie vtilitas suadeat, promoueri posse: quia sacri canones non ita exigunt, ut qui ad alias prælaturas & beneficia curata eligitur vel promouetur, actu sacrum ordinem habeant, sicuti in electo Episcopo requirunt, uti constat ex c. præterea, hoc tit. & docet Hostiensis hic n. 3.

No.

NOTANDVM II. Nihil impedit, quò minus aliquis ad preces aliorum eligatur, aut instituitur in beneficio: dummodò non propter præces, seu intuitu precù id fiat principaliter, sed quia persona digna est. Quòd si autem propter preces aliquis promouetur, quia dignus non est, aut minus dignus quàm alij, tum committitur peccatum acceptionis personarum, in eo consistens, vti dicitur lib. 4. Th. mor. tr. 2. c. 15. ti. 6.

CAPITVLVM XL

Cùm contingat.

PARAPHRASIS.

Laici frequenter solebant ab Abbatibus Monasteriorum, quorum subditi erant primam tonsuram accipere. Sed dubitauit Archiepiscopus Rhotomagensis, vtrum per hanc tonsuram ordo clericalis conferatur. De ea re consultus Innocent. III. respondit: Secundùm 7. generalis Synodi decretum, quod refertur c. 1. d. 69. Abbatibus, si sacerdotes, & ab Episcopo benedicti sint, permissum esse, vt in proprio Monasterio per primam tonsuram iuxta formam Ecclesiæ datam, ordinem clericalem conferant.

SUMMARYM.

1. Prima tonsura est ordo clericalis latè, quia per eam clericus constituitur.
2. Abbas ab Episcopo benedictus olim in suis Monasterijs primam tonsuram & quatuor Minores etiam secularibus conferebat, quod hodie quoad seculares sublatum est per Trident.

NOTANDVM I. Prima tonsurà dicitur ordo clericalis latè: quia per eam Clericus constituitur seu ordinatur. Exinde autem tanquam à fundamento, vltiores ordinù ac potestatum gradus vsq; ad sacerdotij apicem, numerantur septem, qui propriè & strictè ordines dicuntur, iuxta Trident. sess. 23. c. 2. & can. 2. de Sacram. Ordinis: Episcopatus denique haud dubiè sacer ordo

est. Sed ideo (secundùm communem loquendi consuetudinem) numerum non auget: quia nò omnino seu adæquatè distinctus est ab ordine presbyteratus, sed eum in se includit, neq; nouum characterem confert, sed in ordinatione presbyteratus acceptum auget ac perficit. Vide, quæ dixi lib. 5. Th. mor. tr. 9. c. 3.

NOTANDVM II. Olim Abbates ab Episcopo benedicti in suis Monasterijs primam tonsuram (quatuor minores) etiam secularibus subditis suis conferebant. Id autem, quoad seculares, sublatum est in Trident. sess. 23. c. 10. de reformat. Quæ de re dixi in c. 1. de suppl. neg. Prælatorum.

CAPITVLVM XII.

Intelleximus.

PARAPHRASIS.

Canonicus regularis postquam diu in Monasterio laudabiliter versatus absque dispensatione transiit ad ordinem Monachorum, in eoque tempore aliquo commoratus, postea poenitentia morus petijt & impetrauit, vt in Monasteriũ, vnde discesserat, reciperetur. Ibi tam laudabiliter vixit, vt vnanimi Fratrum consensu electus fuerit in Abbatem. Eare intellecta, scribit ad ipsum Innocent. III. vt memor esset, quidnam ab Urbano II. in c. mandamus, causà 19. q. 3. decretum fuerit: Ne Canonicus regularis, nisi publicè lapsus esset, Monachus fieret: Alioquin ad ordinem Canonicorum reuertatur, & cuculum tanquam memoriale suæ transgressiõis, deleat, atque vltimum in choro locum teneat.

SUMMARYM.

1. Canonicus regularis concessum est transire ad ordinem Monachorum, sed non vice versa.
2. Ordines Religiosorum, qui diuini minister-

nisterijs vacant, perfectiores ac digniores sunt, quàm Religiosorum laicorum, v.g. militarium, Hospitalarium, &c.

professis ad hos transire, etiamsi ponamus strictiorem in his Regulam seruari.

CAPITVLVM XIII.

Accepimus.

PARAPHRASIS.

Contra hanc Innoc. III. doctrinam obijcitur responsio Alexandri III. antecessoris eius in c. sanè, 10. de Regul. Quòd Canonici Regularis transire possit ad Monachos, si eorum religio strictior sit. Exinde ita argumentari licet: secundùm canones licitum est Religioso, petità, quamuis non obtentà licentià, melioris vitæ zelo transire ad Religinem strictiorem, c. licet, 18. de Regular. Sed regula Canonico Regularium laxior est, quàm regula Monachorum, vti expresse idem Innoc. III. respondit in c. Quòd Dei timorem, de statu Monachorum.

Hanc difficultatem soluit S. Th. 2. 2. q. ult. a. 8. & Ioann. Andr. in cit. c. sanè: Olim in plerisque Monasterijs, quippe quæ in solitudine ædificata erant, Monachi in Clerum assumpti non erant, vti constat ex congestis à Gratiano causa 16. q. 1. c. 2. 3. 6. c. generaliter, 40. Quamobrem permissum non fuit, vt Canonici Regulares, qui iuxta professionem suam diuinis officijs, & sacerdotio destinati erant, ad tale Monasterium seu Congregationem Monachorum laicorum transirent. Sed quia Monachi frequenter etiam in Clerum assumebantur, vti constat ex c. si Monachus, & seqq. ead. q. 1. ideo quædam eorum Monasteria Sacerdotum, aliorumque Clericorum Congregationes erant, ad quas proinde Canonici Regularibus, non obstant professione & instituto suo, transire fas erat; dummodò locus seu Monasterium, ad quod se recipiunt, ætioris obseruationis sit, vt appareat melioris vitæ zelò eos moueri. Et hoc iure hodie vtimur, vt Canonici Regularibus concessum sit transire ad Ordinem Monachorum; sed non vice versa, vti dixi lib. 4. Th. mor. tr. 5. c. 6. q. 3. addendo 5.

2. **NOTANDVM VN.** Ordines Religiosorum, qui diuinis ministerijs vacant, perfectiores ac digniores sunt, quàm Ordines Religiosorum laicorū, cuiusmodi sunt ordines Militarium, Hospitalarium &c. Quamobrem concessum non est illorum ordinum

Episcopus Bracharensis, eiusque antecessor nonnullos Clericos in maioribus absque titulo sustentationis ordinauerat. Quamobrem pro illis scripsit Pontifex, & mandauit, vt beneficia in ea ecclesia acciperent. Sed Episcopus contra mandata Apostolica excepit, quòd ad beneficia idonei non essent. Hoc intellexit, Innoc. III. ita respondit: Quamuis, si iure agendum sit, Episcopus hanc exceptionem opponere nò possit: quia ipse & successores eius Clericos ante ordinationem examinare debebant: quare sibi iam imputent, si indignos seu minùs idoneos ordinarunt: nìli fortè indigni redditi fuerint. Nihilominus Pontifex, cum pro talibus scribit, vt beneficia consequatur, apponere solet conditionem, si digni sunt. Quam vt gratiam, & benignitatem Apostolicam Episcopus agnoscere debet, quòd à se vel antecessore suo sine titulo ordinatorum, Papa per delegatos & executores suos prius examinari curet, quàm beneficia ipsi tribuantur. Mandat itaque Pontifex Innocent. III. si Episcopus mandata Apostolica de talibus acceperit, ipsis beneficia in Cathedrali, aut alia diocesis suæ Ecclesià prouidere non cunctetur, ita tamen, vt si exceptiones opponere velit, eæ audiantur, sint,

1. *Dignum ad ordines sacros, censetur etiam dignum ad beneficium ecclesiasticum: unde non est opus nouo examine pro beneficio.*
2. *Nisi post ordinationem se indignum reddiderit, vt eius crimen, aliusue defectus proditus sit.*
3. *Aut beneficij qualitas v.g. quia bene-*

CINTE

cium curatum est, vel dignitas, nouum examen requirat.

4. *Obligatio alendi & providendi clericos sine titulo ordinatos incumbit Episcopis, adeoque transit ad successorem Nisi Ecclesia Prelatus, vel Archidiaconus clericum præsentauerit Episcopo, tunc enim huius præsentaturus, clericum alere tenentur.*
5. *Ordinandi ab Episcopo examinati, possunt iterum ab eodem examinari, si opus esse iudicauerit, & à Papa, si beneficium ex quacunque mandet.*

NOTANDUM I. Qui dignus censetur ad ordines sacros, dignus etiam iudicatur ad beneficium Ecclesiasticum. Quia ordo sacer, & titulus aliquis beneficii connexa sunt, inquit Innocent. hic. Quare opus non est, ut pro beneficio consequendo iterum examinetur.

2. Excipe I. Nisi clericus post ordinationem se indignum reddiderit. Vel nisi eius crimen, aliudve defectus tempore ordinationis latuerit, qui postea proditus est, argum. c. pastoralis, 4. de exceptione, & docet hic Innocentius, Gl. ver. exceptionem.

3. Excipe II. Nisi beneficii qualitas, quia v. g. est curatum, aut dignitas, nouum examen requirat, arg. scriptum, 40. de elect. c. cum secundum, 16. ver. Inde est, de præb. & notat hic Anton. Butrio n. 6.

NOTANDUM II. Non tantum si ipsemet Episcopus, sed etiam si antecessor eius alienum in maioribus sine titulo ordinavit, beneficium ei conferre tenetur, & antequam conferat, ex propria mensa providere. Ita etiam habetur in cit. c. cum secundum, & c. Episcopus. 4. eod. tit. de præbendis. Quia obligatio illa alendi & providendi clericos sine titulo ordinatos incumbit Episcopis: Ergo transit ad successorem.

Sed excipi debet primò: Nisi aliquis Ecclesie Prælati Clericū præsentauerit Episcopo, tunc ipse, qui præsentavit, Clericum alere tenetur, si ex servitio, aut beneficio Ecclesiastico sustentationem non habeat, cit. c.

cum secundum. Sed in defectum eius, id est, si præsentator alere non possit, tum Episcopus (dummodò in aliqua culpa fuerit) providere tenebitur, teste Innoc. hic. Quare cauti esse debent Episcopi, ut non quorumlibet præsentationes atque alendi obligationes recipiant. Vide quæ dicam in cit. c. Episcopus.

Excipe secundò: Nisi Archidiaconus, cui ex officio incumbit Clericos ordinandos examinare c. ad hæc, de officio Archidiaconi, aliquem absque titulo, vel alius non idoneum Episcopo præsentet, tum Archidiaconus, cum in culpa fuerit, providere illi tenetur, donec beneficium consequi possit, uti hic docet Innocentius, n. 1. & Gl. ver. examinari. Imò Gl. hæc generaliter loquitur de omni examinatore. Sed contrarium magis placet, quod Innoc. ait in c. seq. Si quis non ex officio, sed speciali mandato Episcopi examinet, examinatur non tenetur providere, (quamvis aliter ab Episcopo puniri possit) sed mandans. Quemadmodum & navis exercitor tenetur ex culpa Magistri, ait Host. hoc tit. n. 4. ex l. 1. ff. de exercitoria act. §. Magistrum. Cæterum etiam in dicto casu, si Archidiaconus malè à se præsentatum alere non possit, in Episcopum obligatio cadet: cum ipse Archidiacono attendere, & curam gerere debeat, ut nō nisi digni ad ordines promoveantur. Quamobrem etiam examini interesse, vel alios viros idoneos nomine suo ad examinandum constituere potest.

NOTANDUM III. Etiam si Episcopus ordinandos examinaverit, tamen Superior eius, videl. Papa, iterum examini subijcere potest, si beneficium qualecunque, ipsis conferri mandet. Imò verò etiam ipsemet Episcopus ex officio propter bonum publicum Ecclesie, si opus esse videatur, nouum examen seu inquisitionem instituire debet de promouendis, tametsi vel ipsemet, vel antecessor eius in culpa fuerit, indignos ordinando. Quia de re Hostiensis in sum. huius tit. princ.

Anton. hic n. 6.

CAPITVLVM XIV.

Cum sit.

EOs qui ad Sacerdotium promouendi sunt, Episcopus per se, vel per alios diligenter instituire debet in diuinorum officiorum celebratione, & sacramentorum administratione. Sanctus enim est, paucos habere bonos & idoneos, quam multos malos aut imperitos Ministros. Ita Innoc. III. in Concil. I. Lateranensi c. 27.

Loquitur autem de ijs ad sacerdotium ordinandis, qui ad curam animarum promouendi sunt: hi enim magis exercitati, & in Ecclesiasticis rebus versati esse deberent, iuxta c. 1. & seqq. d. 38.

CAPITVLVM Vlt.

Quamuis.

PARAPHRASIS.

Multa contra Episcopum Calinensem, coram Innoc. III. obiecta fuerunt. Sed id vnicum ad eius depositionem sufficere debet, quod ipsemet confessus, se Grammaticam nunquam didicisse, nec legisse Donatum: & adeo notorium exitit, eum prorsus illiteratum esse, vt contra Deum & sanctos Canones fieret, si in officio Episcopali toleraretur, ideo Pontifex illum penitus ab executione officij Pontificalis, & administratione Ecclesiæ Calinenfis amouendum esse decreuit.

SUMMARIUM.

1. Defectus debita scientia reddit irritam electionem Episcopi.
2. Etiam Abbas, quæ neque à Superiore confirmanda est; & si confirmata sit, rescindi ab eodem potest.

NOTANDUM Vn. Si illiteratus in Episcopum promouetur, irrita est promotio, atque remoueri potest. Sed distin-

gui debet, vtrum omnino illiteratus sit, tunc spectato iure naturali, adeoque in conscientia resignare tenetur. An vero non omnino illiteratus, sed non sufficienter doctus, qui tamen doctrinam intra tempus non longum acquirere possit. Tunc rescindi quidem posset electio, aut promotio, tanquam contra canones; donec tamen rescindatur, tutus est in conscientia electus, aut promotus.

QUERIT hic Anton. Butrio: Si electus aut promotus in Episcopum Grammaticæ artē nunquam didicerit, sed vsu latinam linguā comprehenderit, vtrum tolerari possit, si alioquin prudens, & idoneus sit. Et bene respondet affirmando.

Iterum querit: Si Abbas electus & institutus Grammaticam, atque linguam latinam nescire deprehendatur, vtrum deponi debeat, si alioquin in regula versatus, & prudens sit. Negat Butrio: Quia in Abbate magis requiritur prudentia, quam doctrina: Et olim Abbates laici erant, vti colligitur ex c. à Subdiacono, d. 93. Sed bene monet Gl. ibi v. Abbas: Quod hodie Abbates in magno honore sint in Ecclesia, atque clericis secularibus præferantur: quare opus esse videtur, vt etiam scientiæ præditi sint. Accedit, quod in cit. c. cum in cunctis, ad omnem dignitatem, quæ curam animarum annexam habet, scientia requiritur: Et in c. 1. hoc tit. præcipitur, vt Abbates, si Presbyteri non sint, fiant.

Dico itaque, Electionem Abbatis, qui scientiæ caret, quæ ad sacerdotem, eumque curatū & in dignitate constitutū requiritur, irrita esse, neque confirmandam à Superiore. Quod si confirmata sit, Superiorius habet eam rescindendi, tanquam contra canones factam. Interim verum est, quod in Abbatibus non tanta requiritur doctrina, quanta in Episcopis. Deinde si Abbas non omnino illiteratus, sed non sufficienter doctus sit, potest in prælatura permanere, si Superior eum toleret, eo modo proportionali, sicuti suprà de Episcopodisum est.

CAPITVLVM Vn. cod. Tit.
in 6.

Permittimus.

PARAPHRASIS.

Bonifacius VIII. permittit Episcopis, ut cum ijs, qui vicissimum ætatis annu compleuerunt, dispensare possint ad consequendas dignitates & personatus, si curam animarum annexam non habeant.

SVMMARIVM.

1. Episcopus non potest dispensare super ætate requisita in ordinandis, vel præficiendis secundum vniuersales Ecclesiæ canones.
2. Ad dignitatem ecclesiasticam cum curâ animarum nemo promouendus ante 25. annum; ad non curatum cum dispensatione Episcopi promoueri aliquis potest post 20. annum completum.
3. Hodie secundum Trid. ad eiusmodi dignitatem & personatum requiritur ætas exacta 22. annorum.

NOTANDVM Vn. Episcopus non potest dispensare super ætate secundum vniuersales Ecclesiæ canones requisita in ordinandis, vel præficiendis. Itaque hic Gl. Ioan. Andr. & alij. Id verò colligitur ex verbo *permittimus*, id est, concedimus & indulgemus; quod alioquin absque speciali hac concessione Episcopis illicitum esset: Ex enim secundum iura, etiam ciuilia, ad digni-

tatem nemo promoueri debet ante 25. ætatis annum, saltem cæptū. l. Ad Rempubl. 4. ff. de muneribus. Cū autem in Concilio generali sub Alexan. III. c. cū in cunctis, 7. de elect. expresse prohibitum fuerit, ne quisquam ad dignitatem ecclesiasticam cum cura animarum promouetur ante dictam ætatem annorum 25. ideo eo canone in suo vigore permanente circa alias dignitates non curatas Bonifac. VIII. permisit Episcopis, ut post 20. annum completum dispensare possint.

Quare non placet, quod tradit Hostiens. in summa huius tit. n. 1. Archidiaconus, & Dominicus de Geminiano super hoc c. Episcopum in ætate dispensare posse etiam circa dignitates curatas, si rationabilis causa, seu Ecclesiæ utilitas postulet. Nam si hæc doctrina vera esset, tum absolute dicendum foret, quod Episcopus contra canones vniuersales dispensare possit: quandoquidem omnis dispensatio causam rationabilem postulat.

Hodie verò secundum Trident. constitut. Sess. 24. cap. 12. de reformat. Ad eiusmodi dignitates ac personatus requiritur ætas exacta 22. annorum. Atque hæc ipsa ætas sufficere debet, tamen si dignitas, quæ per se curata non est, v. g. Decanatus, vni tam habeat parochialem seu curatam Ecclesiam. Attenditur enim ad naturam beneficij principalis, non vni & accessorij: quippe quod naturam & conditiones suas veluti amississe censetur, cū alteri principaliori beneficio annexum fuit, vti dixi lib. 4. tr. 2. c. 9. num. 2.

TITVLVS XV, DE SACRA VNCTIONE.

CAPITVLVM VNICVM.

Cū venisset.

Episcopus quidam Græcus consecratus fuit, non adhibita christianis unctione, X x x quæ



Vm in Episcoporum consecratione sacra unctio adhibeatur, ideo hoc loco responsum Innoc. III. de varijs sacris unctionibus proponitur.

quæ in capite fieri solet ex antiquissima traditione. Quamvis Orientales talæ exæmonia in consecratione suorum Episcoporum vti non soleant. Hoc intellecto, mandat Innoc. III. omissam exæmoniam suppleri, & dictum Episcopum ab Episcopo Albanensi, assistentibus ei duobus alijs Episcopis (sicuti mos Ecclesiasticus requirit) in manibus & capite sacro chrismate inungi.

NOTANDUM Vn. Si exæmonia, etiam accidentales, seu ad substantiam Sacramenti non pertinentes, omissæ fuerunt, postea suppleri debent. Vide quæ dixi lib. 5. Theol. moral. tr. 2. c. 8. num. 10.

s. Scire.

DVplex est vñctio, Vna interior & invisibilis, per Spiritum sanctum. Altera exterior & visibilis, quæ est signum interioris. Ipsa autem interior vñctio non tantum est significatio, sed etiam res Sacramenti. Ad exteriorem vñctionem benedicitur oleum, quod duplex est, Catechumenorum, & Infirmorum. Consecratur etiam chrisma ex oleo & balsamo, idque mystica ratione, quia per oleum nitor conscientia, per balsamum odor bonæ famæ significatur. Et hoc chrismate vngitur Episcopus in capite, & in manibus: in manibus quidem ad significandam potestatem consecrandi & benedicendi; in capite verò ad significandum supremam Episcopalis ordinis potestatem. Presbyter autem cum consecratur, in manibus vngitur oleo benedicto simplici, ut Hostiensis hic docet, n. 3. & Gl. in c. præterea 12. d. 23. Videri etiam potest Durandus lib. 1. rationalis, cap. 8.

s. Vnde.

REGes quoque, Principes populi, inungi solent, aliter tamen, quam Episcopi, seu primi Sacerdotes: Nam hi in capite vnguntur chrismate; Reges autem in brachio oleo simplici.

s. Quia verò.

QUIA Christus sanguinis sui effusione fidelibus omnibus promeruit, ut acceptis Spiritus sancti gratia, quodammodo Sacerdotes sint, ex corde puro orationum sacrificia ipsi offerentes, secundum illud S. Petri epist. 1. c. 2. *Vos estis genus electum, regale sacerdotium*; ideo in nouo testamento omnes Christiani vnguntur, bis ante baptismum oleo benedicto, videlicet in pectore, & in scapulis, & bis post baptismum, chrismate sancto, videlicet in vertice; & postea in fronte, cum confirmantur.

s. Per frontis.

CHRISMATIONE frontis manibus impositio designatur, quæ alio nomine Confirmatio dicitur, quia per Spiritus sancti robur & augmentum confertur. Quamobrem hanc chrismationem solus Episcopus seu summus Sacerdos conferre potest; uti ex Actis Apostolorum, cap. 8. colligimus, alia autem vñctiones ab alijs etiam simplicibus Sacerdotibus ministrantur.

s. Vngitur.

SED & altare, ecclesia, atque calices, cum consecrantur, inungi solent, secundum morem ecclesiasticum, quem ex S. Sylvestro Papa accepimus, qui altare lapideum consecrans illud chrismate vngebat. Neque propterea iudaizat Ecclesia tales vñctiones adhibendo, sicuti imperiti aliqui obiecerunt. Nam Iudæi vñctiones per figuram, & significationem gratia futuræ exercebant: Nos autem in veritate, & secundum significationem gratia præsentis.

s. Licet.

ROManus Pontifex baculo pastorali non vtitur, sicuti alij Episcopi, & Prælati. Idque tum propter historiam, tum propter

myfticam rationem. Hiftoriam refert Innocent. in lib. 1. de myfterijs Miffæ, c. 62. Quia B. Petrus baculum fuum mifit Euchario primo Treuiforum Epifcopo, quem vñ cum Valerio & Maximo ad prædicandum Euangelium deftinauit genti Teuthonica. Ei fuffecit in Epifcopatu Maurinus, qui per baculum S. Petri à morte fuerat fufcitatus. Quem baculum ufque hodie cum magna veneratione feruat Ecclefia Treuifenfis. Atque ideo, inquit

Durandus in rationali, lib. 3. c. 15. Papa in illa tantum diœcefi baculo vtitur. Myftica verò ratio eft: Quia baculus pastoralis curuus eft, ad fignificandum, quod is, qui baculum à Superiore accepit ad regendum, ab eodem inſecti, & exigente cauſa penitus remoueri poſſit. Quod in Pontifice locum non habet, quia Superiorem in terris nullum habet. Ita Gl. margin. hic, & Hoſtienſis hoc tit. in fine.

TITVLVS XVI. DE SACRAMENTIS NON ITERANDIS.



Gitur de ijs Sacramentis, quæ characterem imprimunt, & quidem ex propoſito tantum, quorum adminiſtratio propria eſt Epifcoporum, videlicet Confirmatione, & ordinatione: Quod ea nunquam iteranda ſunt; ſed, ſi quippiam in eorum adminiſtratione omiſſum, id poſtea ſupplendum.

CAPITVLVM I.

Pastoralis.

PARAPHRASIS.

Ex Innocentio III. duo quæſita ſunt: I. Vtrum Titius, qui intermiſſa manuum impositione Subdiaconus ordinatus erat, in eo ordine adminiſtrare permittendus ſit. Alterum. An Sacramentum Confirmationis iterari debeat in eo, qui per errorem oleo ſimplici, non chrifmate vnctus fuit in fronte. Ad vtrumque ſimul reſpondet Pontifex; In talibus non eſſe iterandum aliquid, ſed cautè ſupplendum, quod incautè fuerat prætermiſſum.

SUMMARIVM.

1. Ordinatus in Subdiaconum ſine manuum impositione, permittendus eſt mini-

ſtrare, prius tamen ſupplendum, quod erat omiſſum: nihil autem iterandum.

2. Similiter in confirmato non chrifmatis, ſed olei vnctione.

Contra priorem reſponſionem obiicitur primò c. Subdiaconus 15. d. 23. in quo habetur, quod Subdiaconus manūs impositionem in ſui ordinatione non accipiat. Ad id reſpondet hic Gl. ver. impositione. Quod Subdiaconus in ordinatione non accipiat manūs impositionem conſecratoriam, quæ ab Epifcopo fit, dicente: *Accipe Spiritum ſanctum*, &c. ſed deprecatoriam tantum manuum impositionem, iuxta c. 1. d. 69. & c. manus 74. cauſa 1. q. 1.

Altera reſponſio eſt Innocentij IV. Pontificis, qui ſuper hoc c. teſtatur, textum eſſe corruptum, & legendum Diaconatum pro Subdiaconatu: Quare etiam Gl. marginalis fatetur, in duobus vetuſtioribus exemplaribus legi Diaconatum.

Secundò obiicitur: Quod Pontifex non reſponderit ad factam interrogationem, num ille ſine manuum impositione ordinatus miniſtrare permittendus ſit. Reſpondeo, cum Gl. Innocentio, & alijs. Implicite reſpondiſſe; Prius ſupplendum eſſe, quod erat omiſſum, quàm miniſtrare permittatur. Quod maximè verum eſt, ſi ſequamur vetuſtior-

rem Innocentij lectionem : siquidem manus impositio pertinet ad essentiam ordinationis Diaconi , ut dixi lib. 5. tract. 9. cap. 5. ass. 3.

Ex posteriore autem responso Innocentij vultu Caiet. 3. p. q. 72. art. 3. balsami admixtionem non esse de necessitate Sacramenti Confirmationis , seu balsamum non esse partem substantialem materię Confirmationis : Nam alioquin si sine balsamo unctio in fronte facta esset , repeti debuisset. quod negat hic Innocent. Sed contrariam sententiam, tanquam communiorē , secutus sum lib. 5. tract. 2. c. 2. n. 1. Ad textum hunc respondetur : Interrogationem incongruam, vtrum Sacramentum Confirmationis iterandum, seu iterum conferendum sit, reiecit se Innocentium, cum indubitatum sit, talia Sacramenta, quę characterem imprimunt, nunquam iteranda esse : sed id, quod omis-
sum, seu collatum nunquam fuerat, supplendum; erat autem omissa chrismatis unctio; ea igitur conferenda, non autem iteranda erat. Sed neque in eiusmodi casu accidentales ceremonias repetere oportet; sed id solum, quod pretermisum erat (seu accidentale seu substantiale sit,) supplere. Vido quę dixi cit. cap. 2.

CAPITVLVM II.

A nobis.

PARAPHRASIS.

Quęsitum fuit ex Honorio III. Vtrum corpora fidelium, quę à Schismaticis in loco sacro sepulta fuerant, exhumari deberent: Et an vestes sacerdotales, cum quibus, & altaria, in quibus Presbyteri degradati celi brauerant, iterum consecrari. Respondet Honorius III. Corpora fidelium ob id tantum, quod à Schismaticis sepulta fuerint, exhumanda non esse: Neque vestes iterum benedicendas, aut altaria denuo consecranda.

SUMMARY.

1. *Sepultus à Schismaticis, ob hoc solum exhumandus non est.*
Neque ecclesiastica, aut vestes iterum consecrandę, aut cum solemnitate reconciliandę, si ab hæretico, degradato, &c. Episcopo sunt consecratę.
2. *Quę ab Episcopo excommunicato non tolerato, aut degradato, vel deposito consecratę sunt, reconciliatione opus non habent; quamvis decens sit, ut simplex aliqua benedictio adhibeatur vasis sacre v.g. à talis Episcopo consecratę.*

Ratio harum responsionum dari debet. Quia fidelium corporum sepultura traditorum exhumatio; item altarium, aliarumque rerum sacrarum reconciliatio, aut resecratio introduci non debent, præter casus iure expressos. Videri possunt, quę docui lib. 5. tract. 5. c. 5. & 6.

Sed neque ecclesię, altaria, aut vestes iterum consecrandę, aut cum solemnitate reconciliandę sunt, si ab hæretico, excommunicato non tolerato, aut degradato Episcopo consecratę fuerint. Quia sicuti in Sacramentis malitia ministri non impedit eorum valorem, & effectum; adeo, ut etiam ab hæreticis, ac Schismaticis, depositis quoque, aut realiter degradatis valide conferantur, nec repeti debeant; vti dixi lib. 5. tr. 1. cap. 5. quęst. 5. Ita etiam de Sacramentalibus, ab Ecclesia institutis, & sacerdotali aut Episcopali ordini annexis sentiendum est, ea valide conferri, non solum à Ministris malis, sed etiam hæreticis, Schismaticis, excommunicatis, degradatis; dummodo intentionem benedicendi, aut consecrandi habeant saltem implicitam, dum facere intendunt, quod Ecclesia Romana & Apostolica solet; debitaque formā & materiā vtantur, vti habetur in c. Ecclesiis, 20. d. 1. de consecrat.

Obijcies; Si Episcopus excommunicatus non toleratus, aut degradatus, vel depositus

Presbyter.

PARAPHRASIS.

Sacerdos & Diaconi, cum ordinantur, manuum impositionem, tactu corporali, accipiunt. qui ordinandi modus primum ab Apostolis vsurpatus est, vti constat ex S. Paulo 1. ad Timoth. 4. & 2. ad Timoth. 1. & Actor. c. 14. Quod si manuum impositio per obliuionem, aut errorem omiſſa fuerit, non est aliquid iterandum; sed in ſequente generali ordinatione cau- tē ſupplendum, quod prætermiſſum fue- rat. Manuum autem impositio ſimul fie- ri debet cum forma verborum, *Accipe Spiritum ſanctum &c.* quæ & oratio dicitur, atq; benedictio Episcopalis, e. Presbyter, c. Diaconus. d. 22.

SUMMARYM.

1. Si in ordinatione presbyteri aut Diaconi omiſſa ſit manuum impositio, nihil eorum repeti debet, quæ ritē in ea ordinatione peracta ſunt, ſed ſola manuum impositio ſupplenda.
2. Materia & forma ſacramenti ſimul, ſeu eodem tempore (moraliter intelligendo) ſuper ordinandis adhibenda eſt, ab eodem etiam miniſtro.
3. In ordinatione clericorum interuenire debet tactus corporalis, neque tamen ad ſubſtantiam ſacramenti ſufficit moralis, curandum autem ex neceſſitate præcepti, ut ſit phyſicus.
4. In ordinandis diaconis & presbyteris non eodem modo manuum imponuntur.

NOTANDVM I. Si in ordinatione Presbyteri, aut Diaconi omiſſa ſit manuum impositio, nihil eorum repeti debet, quod ritē in eorum ordinatione factum erat. ſed ſola manuum impositio cautē (id eſt, vt, quā ſieri poteſt, ab alijs non aduertatur) ſupplenda eſt. Si videl. in generali ordinatione, is qui manuum impositionem non

xxx 8 acco.

ſtus ſacros Ordines conferat, ordinati non conſequuntur executionem legitimā, antequam cum ipſiſdiſpenſetur, vti dictum eſt ſuprà tit. 13. de Episcopo qui Episcopatu renuntiauit. Ergo eadē ratione ſi talis Episcopus eccleſias, altaria, aut vaſa conſecret, vel veſtes benedicat, non poterunt ea, tanquā ſacra; ad ſacrificium Miſſæ adhiberi, niſi diſpenſatio & rehabilitatio ſeu reconciliatio Episcopi accedat. Ita concludunt hic Ioann. Andr. Antonius, & in c. conſuluiſti, 7. de conſecr. Erel. & altaris.

Reſpondeo & dico I. Argumentum hoc probabiliffimē conuincit, talia ad ſacrum vſum adhiberi non poſſe, ſine Episcopi diſpenſatione. Cū enim Episcopus v. g. degradatus poteſtatem non habeat legitimē talia conſecrandi, conſequens eſt, quod ea conſecrationem non accipiant, in ordine ad legitimā executionem, argum. c. quod autem, 5. de iure patronat.

Reſpond. II. Non rectē hinc inferunt Canoniffæ, quæ à tali Episcopo conſecrata ſunt, reconcilianda eſſe. Ita docet etiam Suarez 3. p. tom. 3. q. 81. l. 4. ver. Violatur etiam: Tum quia Eccleſia non poteſt violari, cū conſecratur: quia violatio ſeu deſtructio ſupponit formam, ſeu habitum: Tum quia Eccleſia, altare &c. non debent reconciliari, niſi in caſibus iure canonico expreſſis, vti habetur in cit. c. Eccleſijs: Sed caſus iſte violationis nullo expreſſus eſt, vti fatetur Ioann. Andr. II. cc. addens, quod neque in Pontificali orationes pro tali reconciliatione extent: Ergo non eſt aſſerenda.

Reſp. III. Nihilominus decens eſt, vt in tali caſu ſimplex aliqua benedictio, ab Episcopo, aut, iuſſu eius, ab alio ſacerdote, cum aſperſione aquæ benediſſet, adhibeatur vaſis ſacris v. g. ſi à non tolerato, depoſito, aut degradato Miniſtro conſecrata fuerit, ſicut in ſimili dixi lib. 5.

Th. mor. tr. 5. c. 3.

n. 14.

accepit, proxi- alijs ordinandis assistens quod ipsi deest, consequatur, vti Hostiens. explicat hoc tit. 6. Et qualiter conferatur.

- NOTANDVM II. Materia & forma sacramenti simul, seu eodem tempore super ordinandis adhiberi debent. Idemque sentiendum de alijs sacramentis. Id verò spectata necessitate sacramenti de morali conjunctione intelligendum esse, docui lib. 5. Th. mor. tr. 2. c. 7. n. 8. Adde, quòd idem debeat esse minister, qui manus v. g. Diacono imponit, & verba benedictionis profert: alioquin si alius Minister materiā sacramenti applicet, alius autem formam verborum proferat (quo modo Caluini istis quibusdam locis baptizare solent) videtur sacramenti collatio irrita esse & rependi, vti colligitur ex c. quorundam, d. 23. & dixi cit. t. 2. c. 7. n. 7.

- NOTANDVM III. In ordinatione Clericorum interuenire debet tactus corporalis; v. g. vt manus capiti imponatur, vt patena, calix, liber Euangeliorum tangatur. Verum ad substantiam sacramenti non requiri ta-

ctum physicum, sed sufficere moralem acceptationem oblati v. g. calicis, moralem item manuum impositionem capiti ordinandi factam, tanquam probabile docui lib. 5. Th. mor. tr. 9. c. 5. n. 4. Sed ex necessitate precepti curandum est, vt verè corporalis & physicus tactus interueniat.

NOTANDVM IV. Formam sacramenti interdum Patres, & Pontifices vocant orationem, seu precem mysticam, vti etiam notauit lib. 5. Th. mor. tr. 8. c. 3. n. 2.

QVÆSTIO: Vtrum ordinandis diaconis & presbyteris eodem modo manus imponantur. Respondeo: Non eodem modo: Nam in Diaconi ordinatione Episcopus manum dexteram imponit super caput ordinandi, c. Diaconus, d. 23. Sed in ordinatione Presbyteri ambas manus imponit, vt in Pontificali habetur. Sed & ante ordinationem, reliqui presentes presbyteri iuxta manus Episcopi suas quoque manus super caput presbyteri ordinandi tenent, c. presbyter, ead. d. & notat Gl. hic. ver. impositio.

TITVLVS XVII.

DE FILIIS PRESBYTERORVM

ORDINANDIS, VEL NON.



Hoc, & seqq. Titulus, vsque ad xxxiii. agitur de ijs, de quibus dubitari potest, vtrum ordinari debeant, an verò propter irregularitatem, aliāque causam, ordinatio ipsis deneganda sit. Verum titulus iste de filiis presbyterorum non omnia comprehendit, quæ in e tractantur. Quare ita potius ponendus esset. De filiis presbyterorum, & alijs illegitimè natis, vtrum ordinari ac præfici possint.

CAPITVLVM I.

Vt filii.

PARAPHRASIS.

Filij Sacerdotum (quos in sacerdotio genuerunt) & alij ex fornicatione nati, ad sacros Ordines promouendi non sunt: nisi Religiosi fiant: Veruntamen tales Religionem professi ad prælaturam assumi non debent. Sed nec serui, seu mancipia, ordinandi sunt, nisi prius à dominis suis libertate donentur. Sed de seruis tit. seq.

SUMMARIUM.

1. *Omnes illegitimè nati irregulares sunt, nisi ab Ecclesiastico Principe legitimètur, vel illegitimus religiosus fiat.*
2. *Ad Prælaturam autem, vel curam animarum extra, aut intra Ordinem promoueri non possunt.*
3. *Ordinum mendicantium Prælati dispensare possunt ad prælaturas intra Ordinem consequendas.*

NOTANDUM I, Omnes illegitimè nati, non tantum spurii, (seu ex damnata copula orti) sed etiam naturales, (siue nati ex simplici fornicatione) irregulares sunt, vt ad ordines, etiam minores, promoueri non possint, absque dispensatione. Ita hic, iun. c. 1. eod. in 6. & dixi lib. 1. Th. mor. tr. 5. p. 5. c. 5. & videri debet Host. hoc tit. 5. Quæ est causa, Rebuffus in praxi benefic. tit. de dispens. super defectu natalium.

Excipitur I. Nisi ab Ecclesiastico Principe, videl. à Papa, vel ab ipso potestatem habente legitimatus sit, tum ad ordines etiam ascendere potest. Non sufficit autem Principis secularis, vid. Imperatoris, aut Regis legitimatio; cum ea ad ciuilia tantum iura, non item ad ecclesiastica se extendat: sicuti nec vice versa Sum. Pontifex sibi in temporalibus non subditos ad ciuilia iura & officia legitimare solet. Quia sicuti officia ecclesiastica à ciuilibus diuersa sunt, ita & potestates discretæ esse debent, vt docuit Nicolaus I. in epist. ad Michaëlem Imperatorem, prope finem. Vide, quæ dixi lib. 5. Th. mor. tr. 10. p. 3. c. 5. n. 16. & quæ infrà dicam c. 1. eod. tit. in 6.

Excipitur secundò: Nisi illegitimus Religiosus fiat. Nam Religiosi eo ipso quòd votum in Religione approbata ediderunt, ad sacros Ordines dispensati censentur. Imò etiam ad vtendum ordinibus susceptis: Tametsi enim illegitimos, quamuis dicant se Religionem ingressuros, Episcopi ordinare non soleant ante professionem (quamuis in casu isto, postulante causa, dispensare fortasse possint, secundum Hostient. hoc tit. n. 8.) si tamen illegitimi, absque dispensatione ordi-

nati fuerint, ac postea professi, probabile est maculam aboleri, vt celebrare possint, argum. c. 1. d. 56. iun. Gl. & docet Sanchez lib. 5. moral. c. 5. n. 10. contra Sairum in thesauro lib. 6. c. 12. n. 3. Cum enim illegitimè nato, si religiosus factus sit, ordines suscipere concessum sit, cur non etiam susceptis vt? Cum id faciliorem concessionem habeat, vt dixi lib. 5. Th. mor. tr. 5. p. 5. c. 9.

Cæterum ad prælaturam illegitimè natus promoueri non potest, vt habetur hoc c. Sed neque ad curam animarum extra, aut intra Ordinem, c. ult. eod. tit. Sed alia officia, seu administrationes ordinis, etiam prioratum claustralem, qui ad nutum Superioris auferri potest, illegitimè natis Religiosis conferri possunt, vt colligitur ex iuribus citatis, & docet Nauar. Consil. 6. de filiis Presbyterorum, n. 6. edit. 2. Sairus loc. cit. Sanchez. n. 16.

Præterea Ordines Mendicantium Apostolicum priuilegium habent, vt eorum Prælati in Capitulo Generali, aut Provinciali cum illegitimè natis dispensare possint ad Prælaturas intra Ordinem consequendas, vt videtur est apud Rodriq. tom. 1. regul. q. 13. a. 6.

CAPITVLVM II.

Præsentiam.

PARAPHRASIS.

Robertus Presbyter, ex sacerdote illegitimè natus, impetrauit ab Alexandro III. Pontifice capelianiam in Ecclesia, in qua pater eius beneficium habuerat, in postulatione id ipsum reticens. Hoc cognito, rescribit Papa, non obstantibus prioribus Papalibus literis, Robertum à capelianiam amouendum esse.

SUMMARIUM.

1. *Filii clericici illegitimè nati non possunt obtinere beneficium in ecclesiâ, in qua pater ex officio ministravit, vel benificium*

Yyy cium

ciam habet, aut habuit; nec pensiones habere super fructibus paterni beneficii.

2. *Religiosus illegitimus non potest in seculari ecclesia ex officio v.g. ut parochus aut Vicarius ministrare, in qua pater eius beneficium habet, vel habuit.*

3. *Filius illegitimus non potest in Religionem seu monasterium, in quo pater eius professus est, ipso vivente suscipi.*

4. *Prohibet Trident. ne in fraudem huius constituti. resignationes reciproca fiant in fauorem filiorum à parentibus clericis.*

5. *Littera papales subreptitiae sunt, praesertim beneficiales, si impetratae sunt iurata veritate, qua si cognita fuisset Pontifici, gratiam non fecisset, aut beneficium non contulisset, vel conferri mandasset.*

6. *Papa facilius dispensat cum filio Sacerdotis, ut possit ipsum ministrare in eadem ecclesia, quam ut simul cum patre.*

NOTANDUM I. Filius Clerici illegitimè natus non potest obtinere beneficium in ecclesia, in qua pater ex officio ministravit. Id verò expressius definitum est in Concil. Trident. sess. 25. c. 15. de reform. Vt non liceat filio Clerici illegitimè nato in ecclesia, vbi eius pater beneficium aliquod ecclesiasticum habet, aut habuit, quodcumque, etiam dissimile beneficium obtinere, nec quoquo modo ministrare: sed nec pensiones habere super fructibus beneficii, quod pater eius obtinuit. Ratio constitutionis affertur in eod. c. 15. vti paternae incontinentiae memoria ab Ecclesijs, seu locis D E O sacralis longissime arceatur.

Sunt autem diligenter attendenda verba Constitutionis, vti vltra ea extensio non fiat in materia penali. Primò itaque ad hanc inhabilitatem requiritur: quòd sit filius clerici, non ex matrimonio legitimo natus. Quòd si ante clericatû patris ex fornicatione susceptus sit, etiam comprehenditur hoc decreto. Neque iuvat, tamen si illegitimè natus à Pontifice legitimatus sit; nisi etiam

hac inhabilitas expressè sublata fuerit, vel docet ex communi Saurus in thesauro lib. 6. c. 9. n. 30. Nam etiam post legitimatiónem manet incontinentiae paternae memoria, quæ locum sacrum dedecet, vti leges apud Gallemart in remiss. super cit. c. 15. Trid.

Sed QUAERITUR primò: Vtrum etiam Religiosi comprehendantur, si ex clericis illegitimè nati sint? Negat absolute Saurus apud Ioann. Gallemart in remissionibus super cit. c. 15. Respondeo & dico I. Religiosus illegitimè natus non potest in ecclesia seculari ex officio ministrare v.g. ut parochus, aut Vicarius in qua pater eius beneficium habet, vel habuit. Nam cap. huius atque Concilij Trident. constitutio generalis de omnibus illegitimè natis presbyterorum filijs, siletem in ordine ad seculares ecclesias, prohibitionem continet. Accedit, quòd eadem ratio urgeat, vti paternae incontinentiae memoria à locis sacris adoleatur.

Dico II. Filius illegitimè natus, in Religionem seu Monasterium, in quo pater eius professus est, ipso vivente suscipi non potest. Ita statuit Gregor. XIV. in Bulla, quae incipit: *Circumspecta*, apud Quarantam in summa Bullarj, ver. Monasteria. Inde autem per contrarium sensum colligi videtur: Si pater mortuus sit, suscipi posse in eadem Religionem seu Monasterium. Quia, vti Roderig. notavit tom. 1. Regul. q. 13. a. 6. Alex. III. in hoc c. & Trident. Concilij intentio non fuit restringere illegitimis libertatem Religionem ingrediendi; eò quòd Patres eorum, quamvis sacerdotes, in eodem Monasterio vel Religione professi non ediderint.

Q V A E R I T U R secundò: Vtrum dictis constitutionibus comprehendatur etiam nepos ex filio illegitimo clerici legitimè vel illegitimè natus, quòd ex officio ministrare non possit in ecclesia, vbi eius pater beneficium habet, vel habuit. De hac re diversæ Cardinal. declarationes, & contrariae DD. sententiae extant. Sed probabilius negatur. Quia in constitutione penali, & odiosa, qualis hæc est, appellatione filiorum non

com-

comprehenduntur nepotes, vti dixi etiam lib. 4. Th. mor. tr. 2. c. 14. n. 5.

Alterum Ræquisitum est. Quod pater beneficium habeat, vel habuerit. Vnde colligitur primò: Si filius etiam illegitimè natus, in aliqua ecclesia beneficiatus fuerit, ac mortuus sit, vel resignarit, posse patrem eius in eadem beneficium acquirere, imò filio in eodem beneficium succedere, non obstantibus dictis constitutionibus, quippe quæ extendi non debent ultra easum expressum. Accedit, quod alia sit ratio in filio succedente patri: quia filius quodammodo representat patrem, idè quæ paternæ incontinentiæ memoriæ continuat. Quæ ratio non ita locum habet in patre comparatione filij illegitimi. Ita ex communi docet Nicol. Garcias p. 7. c. 3. n. 28. Navar. lib. 1. conf. 9. & 10. hoc tit. edit. 2. Simul tamen non possunt pater & filius in eadem ecclesia ex officio ministrare, vti apertè ex Trid. Concil. colligitur. Quare si filius iam obineat in ecclesia beneficium, pater eius admitti non potest, vti etiam Cardinal. declarant cit. c. 15. n. 4.

Colligitur secundò. Si pater in ecclesia intitulatus non fuit, sed vti Capellanus, vel Cooperator amobilis inseruiuit, posse filium eius illegitimè natum in eadem ecclesia beneficium acquirere. Ita Cardinales declarant apud Garciam locogit. n. 73. Simul tamen permittendum non est, vt pater & filius quomodocunque ministrent ex officio & obligatione, tametsi pater intitulatus non sit. Sed ex deuotione, aut ad stipem promouendam nihil impedit eos simul celebrare: vel vnum ita celebrare in ecclesia, vbi alter beneficiatus est, sicuti ex probabiliori docet Garcias n. 70.

Colligitur tertio: Si pater pensionem tantum in ecclesia habuit, quam in alterum transferre concessum sit, quod eam filio cedere possit: quia pensio non est beneficium. Ita ex communi Azor tom. 2. lib. 8. c. 7. q. 7. Garcias cit. c. 3. n. 34. De hoc tamen merito dubitari potest, si pensio spiritalis sit, seu ex spiritali ministerio proveniens, iuxta ea, quæ dixi lib. 4. tr. 2. c. ult. n. 1.

Sed QVÆSTIVM. Quid si pater in aliqua

Ecclesia intitulatus nullos redditus habuit, sed tantum sedem ac locum v. g. Canonici, potestne eius filius illegitimus in eadem Ecclesia beneficium, aut pensionem aliquam consequi? Respondetur negatiuè ex Cardinal. declarat. apud Garciam n. 66.

Quæritur secundò: Quid si pater intitulatus fuit in Ecclesia, sed possessionem nunquam est assecutus, quia prius resignauit. Respondetur ex eodem Garciam n. 55. Gallemart. cit. c. 15. n. 4. 5. Non sunt, & n. 6. posse filium in eadem Ecclesia institui. Quia non plenè censetur beneficium in Ecclesia consecutus. Sed vice versa si pater possessionem beneficii, quamuis non pacificam, & sine titulo legitimo acquisierit, tum filius in eadem Ecclesia ex officio ministrare non potest, vti ex Cardinal. declarat. refert idem Garcias n. 59.

Quæritur tertio: Quid si pater intitulatus fuit, & possessionem beneficii assecutus, tamen nunquam in eo ministrarit? Respondetur, filium eius in eadem Ecclesia deservare, aut beneficium consequi non posse: quia pater eius beneficium consecutus censetur: idè quod obstat Constitutio Trident. Ita Cardinales apud Gallemart n. 4. in fine, Garciam n. 56. 57.

Tertium Ræquisitum. Vt beneficia, seu officia in eadem Ecclesia sint. Sin autè in diuersis ecclesiis v. g. parochialibus, quarum vna est vnita alteri, tanquam filia matri, nihil obstat filium illegitimum fieri Vicarium aut Capellanum in Ecclesia accessoriè vnita, absque obligatione ministrandi in Ecclesia principali, cuius Rector sit pater eius. Sed si autem est, si beneficia, vid. ecclesie parochiales ita sub eodem Rectore vnite sint, vt vtraque sit per se ac principalis, tunc si pater in vna est, aut fuit Rector, vel aliter beneficiatus, tunc filius eius illegitimus nò poterit ex officio ministrare. Ita Cardinales apud Ioan. Gallemart, cit. c. 15. & Garciam num. 62. 65.

Histribus positis conditionibus seu requisitis, constitutio prohibitiva tria continet. Primum. Quod filio clerici beneficium qualecunque conferri non possit. Et debet

hoc intelligi de beneficio etiam manuali, atque commenda temporalis. Alterum. Quod filius Clerici in ea ecclesia quouis modo ministrare permittendus non sit. Quod intelligi debet ex officio, ut videl. Cooperatorem, vel sacellanum agat pro stipendio seu salario sibi constituto. Sed quod neque Sacristæ, vel Cantoris officio in ea ecclesia fungi possit, Cardinal. declarant, cit. c. 15. Tertium. Quod pensionem aliquam ex fructibus eius beneficii, quod pater obtinet, vel obtinuit, filius consequi non possit.

- 4 Porro his addendo prohibet Tridentin. Concil. eod. c. 15. in fine; ne in fraudem supra dictæ constitutionis regenerationes recipere in fauorem filiorum à parentibus Clericis hiant. Necesse tamen est, ut aliqua pactio inter renuntiantes interueniat, & non ex mera voluntate, aut ex gratitudine aliquis renuntiet filio eius, qui tibi aut cognato suo antè renuntiaret, uti videre licet apud Nauar. lib. 1. consil. 10. de renunt. edit. 2. Exempli causa: Titius Parochus parochiam suam renuntiavit in fauorem Carj, qui est filius Sempronij Rectoris alterius Parochiæ: iste Rector post duos, vel tres annos Parochiam suam, nulla præcedente resignandi obligatione, renuntiat in fauorem Dei, qui est filius illegitimus Titij, valida & Trident. Concil. non repugnans hæc renuntiatio indicari debet.

- 5 NOTANDA V. II. Literæ papales subreptiæ sunt, præsertim beneficiales, si impetratæ sint tacita veritate, quæ si Pontifici narrata, & cognita fuisset, nequaquam gratiam fecisset, aut beneficium contulisset, vel cõferri mandasset, c. cum ad ead. 17. c. super literis, 20. de refer. Cæterum si Papa proprio motu, & ex certa scientia conferatæc mandet conferri beneficium Titio, qui Clerici filius est, tamen illud olim à patre eius obtentum fuerat, validum est rescriptum, & executioni mandandum. Quia clausula *ex certa scientia* rescripto inserta omnem præsumptionem subreptionis excludit: quin potius præsumi debet, Papam sciuisse impedimentum eius, pro quo scribit, & cum eo dispensare, sicuti docet hic GL. ver. non obstantibus, & sequitur Anton. & alij, arg. c. si motu, 23. de præb.

in 6. Vel etiam si in specie nescierit, voluit tamen dispensare, si canonicum impedimentum Papali potestati qualecunque subsit; idque propter adiectam clausulam, non obstantibus: sicuti notauit Lopus c. 1. de filijs Presbyterorum in 6. n. 6.

Hic addendum est, quod Papa cum filio sacerdotis facilius dispense, ut post ipsum ministraret in eadem ecclesia, quam ut simul cum patre. Id enim ecclesiæ decori magis repugnat, arg. c. cum decorem, 15. hoc tit. & notat Rebuff. in praxi, tit. de dispens. super defectu natal. n. 31.

CAPITVLVM III.

Præsentium.

Filius sacerdotis non potest suscipi ad ministerium Ecclesiæ, cui pater eius præfuit: Et si susceptus est, inde amouendus est.

CAPITVLVM IV.

Conquerente.

Si constat, quod pater Richardi, ex ipso illegitimè nati, in ecclesia beneficium aliquod, v. g. personatum obtinuit, non potest Richardus vel idem, vel aliud in eadem ecclesia beneficium habere, aut retinere.

CAPITVLVM V.

Veniens.

PARAPHRASIS.

Niclaus Clericus ab Episcopo suo Presbyter ordinatus fuit, & Rector Capellæ S. Leonardi creatus, sed postea ab eodem spoliatus ac deiectus, eo quod pater eius in eadem ecclesia ministrauerit. Quare Niclaus questus est Alexandro III. Qui re intellecta, scripsit ad Episcopum: Si is eo tempore, quo Niclaus presbyterum ordinauit, & Capellæ præfuit, sciuerat, patrem eius in eadem ecclesia ministrasse, cum

tum ecclesiam seu Capellam ipsi restituat, amoto altero presbytero, si quem in locum eius substituit. Sin autem ignorauerat, nihilominus ipsi ecclesiam restituat, donec ei de alio beneficio prouideat, ex quo honestè se alere possit.

SUMMARYM.

1. *Superior proprio facto contradicere, illudque oppugnare, aut rescindere non potest.*
2. *Episcopus beneficium alicui contra canones conferens, cum non esset dispensandi potestate praeditus, si is à beneficio amouendus sit, a superiore Episcopo v.g. Metropolitano amoueri debet.*

Contra hanc Alexandri III. responsionem non exiguae difficultates mouentur; supposito, quod Nicasius iste ex Sacerdote illegitimè natus fuerit, sicuti plerique Canonistæ intelligunt, & textus indicat, quando absolute proponitur, patrem in eadem Capella ministrasse, & ideo filium instituendum non fuisse. Quod de legitime nato filio dici non potest, nisi pater immediate substituat, ut infra hoc tit. declarabitur.

Difficultates autem sunt hæc: Prima, Constat exc. 2. & seqq. c. ad abolendam, 16. hoc tit. Filios presbyterorum illegitimos ex ecclesiis, in quibus patres eorum beneficia habent, aut habuerunt, amouendos esse. Quare si Nicasius iste, tanquam non canonicè institutus, remoueri debuit, cur Pontifex iussit eum restitui, & quidem amoto altero, qui in locum eius auctoritate ipsius Ordinarii substitutus erat?

Altera. Cùm Nicasius reticendo inhabilitatem suam, Episcopum rei ignarum fraude circumuenerit, non debebat ex iniquitate sua commodum referre. Igitur omnino remouendus erat, neque restituendus, donec aliud ei beneficium prouideretur.

Sed his non obstantibus, defendenda est responsio Alexandri Papæ, atque Notandum, hinc eruendum. Quod superior proprio facto contradicere, illudque oppugnare aut re-

scindere non possit, uti hic Innoc. Andr. Anton. & alij communiter tradunt. Id verb intelligi debet, dum modò factum, v.g. collatio beneficii, saltem secundum substantiam, seu spectato naturali iure, subsistat, donec à Superiore rescindatur. Si enim nullo modo actus subsistat, quia v.g. potestas in conferente omnimodè deficit, tunc Superior proprium factum tanquam irritum reuocare potest ac debet. Cuius exemplum habemus in c. nostri, 9. de elect. ubi Episcopus, qui ante confirmationem, ideòque antequam iurisdictionem consecutus fuerat, beneficia contulerat, collationem reuocare iubetur. Quare si Episcopus alicui (qui tamen spectato naturali iure habilis est) beneficium contra canones contulit, cùm dispensandi potestate præditus non esset, non ipsemet eum amouere potest, sed si amouendus sit, à Superiore Episcopi, videl. à Metropolitano, vel Papa amoueri debet, uti expresse habetur in c. diuersis, 5. in fine, de cleric. coniugatis.

Quare patet, quid respondendum sit ad obiectiones. Ad 1. Quod Episcopus non habuerit ius Nicasium amouendi, si eum scienter instituerat, consequenter non habuit ius alterum substituendi. Si enim vnus substitutio rata non fuit, neque alterius substitutio valere debuit.

QVÆRES. Quid itaque in tali casu facere debet Episcopus. Respondeo: Si nemo homini litem moueat, & scandalum nullum sublit, dissimulare rem potest. Sin autem lis coram ipso moueatur, vel scandalum additum suadere, imò etiam imperare homini potest, ut beneficium resignet, vel à Superiore reuocationem tituli petat. Quod si recuset, tum in poenam contumaciæ & inobedienciæ eum priuare poterit vel quod tutius est, eum, ut à Superiore priuatur, seu amouatur. Porro Summus Pontifex in casu huius c. noluit amouere Nicasium, sed gratiam illi facere, uti bene notauit Gl. hic, ver. restituit, quia Nicasius ei supplicauit, partim verò in odium Episcopi, ne temerarium eius factum temerè promouentis, & mox proprium factum retractantis, approbare videretur.

Ad 2. resp. Considerata quidem ea parte,

Yyy 3 qua

que in obiectione proponitur, Nicalium priuationem meruisse: Ex altera verò parte considerandum est, quòd Episcopus, cum Nicalium presbyterum ordinauit, debuisset illi secundum canones titulum beneficii prouidere, c. cum secundum, 16. de prabendis: consequenter non potuit illum à parochia remouere, nisi ad alterum beneficium transferendo. Quod cum Episcopus non fecerit, mandatur ipsi, vt hominem ad suum beneficium, vnde non debito modo amotus erat, restituar, donec ei aliud beneficium prouideatur. Videri potest Rebuff. in praxi, tit. de dispens. super natal. defectu n. 79.

CAPITVLVM VI.

Proposuit,

PARAPHRASIS.

Romanus Sacerdotis filius ab Episcopo Oxonensi Subdiaconus ordinatus fuit. Postea eum loci Dominus, ac patronus ad parochiam presentauit. Sed Episcopus presentationem reiecit, eo quòd non esset legitime natus. Hæc de re Romanus conquestus est Alexandro III. Is scribis ad Episcopum, indignum esse, quòd ordinatus Subdiaconus beneficii ecclesiastici prouisione carere debeat. Ideo mandat, vt honestus ac probatus Sacerdos, cum Romani consensu instituat in ecclesia illa, Romanus autem Subdiaconum eius, seu ministrum agat: cui etiam redditum medietas assignetur. Quandoquidem presbyter ibi institutus non potest solus, atque sine ministro Missarum solemniam, & alia officia diuina celebrare.

SYMMARIVM.

1. *Postea, quòd filius sacerdotis, vel alium illegitimè natus ordinatus est, ei de beneficio prouideri debet.*
2. *Parochialis ecclesia eos redditum habere*

deberet, ut præter Parochum seu Rectorem, Diaconum seu Cooperator ali possit: quamuis hoc pluribus locis consuetudine non obstruatur.

NOTANDVM I. Licet Episcopus illegitimè natum in sacris ordinare non debeat, sine Papæ dispensatione, si tamen eum ordinauit, debet illi ecclesiasticum beneficium prouidere; cum non debeat eum egerere ac mendicare cum opprobrio cleri, c. Diaconi sunt, 23. circa medium, d. 93. Ita Anton. hic, n. 1.

Cum itaque Episcopus Romano saltem simplex beneficium prouidere debuisset, Pontifex hoc ei consilium suggestit, vt alius in ea Ecclesia Rector institueretur, Romanus autem eius hypodiaconus esset, media parte redditum eidem assignata.

Sed queri potest I. Quare Pontifex non dispensauit cum Romano, vt Ecclesiam illam curatam regere posset. Resp. Quia non decet Pontificem cum filio sacerdotis ad beneficium curatum dispensare, sine magna causa, vt docet Host. hoc tit. n. 8. Tali autem causa hic deest.

Secundò: Quare dicitur, ipsius Romani consensum requirendum esse? Ideo arbitror; quia cum partim ratione ordinationis suæ absque titulo beneficii, partim ratione presentationis, ius & actionem aliquam habuerit contra Episcopum, voluit Pontifex, vt in hanc veluti transactionem ipsi propositam consentiret; non negata illi facultate, si quid opponere vellet.

Tertiò: Cur non etiam dicitur, consensum patroni in institutione alterius Presbyteri requirendum esse? Respondeo: Id non negari, sed supponebatur, si Romanus consenserit, patronum quoque contentum fore; cum tota hæc prouisio in ecclesiæ illius utilitatem, & honorem cessura sit.

NOTANDVM II. Parochialis Ecclesia eos fundationis redditus habere deberet, vt præter Parochum seu Rectorem Diaconus seu Cooperator ali possit: cum solus sacerdos

dos congruè ac decenter sine ministro diuina officia celebrare non possit. Ita bene hic notat Gl. ver. soluit. Quamuis hoc pluribus locis consuetudine non obseruetur.

CAPITVLVM VII.

Ex transmissa.

PARAPHRASIS.

Gaspar Clericus (legitimè natus) à patre suo ad beneficium quoddam presentatus erat. Sed Archiepiscopus Cantuariensis eum instituere nolebat, quod pater eius idem beneficium obtinuerit. Timebat enim, ne ea res speciem quandam successionis hæreditariæ præ se ferret, si filius patri in beneficio succederet. Ea re intellecta, Alexand. III. mandat Archiepiscopo, ut dicto Gaspari beneficium conferat: cum enim post patrem alia persona in beneficio intercesserit, nullum esse potest hæreditariæ successionis periculum.

SUMMARIVM.

Filius legitimus eodem beneficio frui potest, quo mediæ pater fruebatur.

NOTANDVM Vn. Filius legitimus idem beneficium, quod pater eius habuit, absque dispensatione obtinere potest, si non immediatè ei succedat. Quia hoc casu dici non potest, quod iure quasi hæreditario id consequatur; cum non patris, sed potius alterius personæ successor sit. Necessè tamen est, ut persona intermedia non tantum titulum acceperit, sed & possessionem, uti notat Rebuffus in praxi tit. de dispens. super natalium defectu, n. 22. Sed etsi possessionem beneficii extraneus acceperit, sed statim filio antecessoris resignarit, censetur fraus commissa contra canonem, ut idem Rebuff. notat num. 23.

* * *

CAPITVLVM VIII.

Constitutus.

PARAPHRASIS.

Guilielmus Clericus capellaniam quandam adeptus, in ea pluribus annis ministravit: postea à quodam milite eà spoliatus, & eiectus fuit. Cum autem de hoc apud Ordinarium questus esset, obiectum illi fuit, quod pater eius in eadem capella ministrarit. Sed Guilielmus replicauit, quod pater eius nullum in ea capella titulum habuerit, neque perpetuus Vicarius fuerit, sed nomine ac vice ipsius Guilhelmi ad tempus ministrarit. His coram Alexand. III. propositis, respondet, si ita se res habeat, Guilielmo beneficium illud vna cum redditibus ab alieno possessore perceptis restituendum esse.

SUMMARIVM.

1. *Filius etiam illegitimus, patrem ut Vicarium temporalem in administrando beneficium constituere potest.*
2. *In iure spoliatus beneficio, ad illud restituendus debet vna cum fructibus perceptis & percipiendis.*
3. *Si spoliatus simul iudicio possessorio & petitorio agat, Iudex inquirere debet, an per vim spoliatus fuerit, & an ei in beneficio competat: scilicet est, si tantum possessorio agat, sine restitutiōe possit.*

NOTANDVM I. Filius patrem ut Vicarium temporalem in administrando beneficio constituere potest. Idque locum habet siue legitimus filius sit, siue illegitimus. Sin vero filius patri beneficium renuntiari, eumque inuestiri permiserit, tum filius idem beneficium nunquam consequi potest, si illegitimè natus est: sin autem legitimus, saltem immediatè post patrem, adipisci illud non potest.

NOTANDVM II. Si quis beneficio ini-

iniuste spoliatus fuit, restitui ad illud debet, vnà cum fructibus ab iniquo possessore perceptis: quin & ijs, quos ipsemet percepisset, nisi iniuste spoliatus fuisset, ita vt per omnia indemnis seruetur, vti habetur in c. grauis, 11. de restit. spoliator. & reg. 79. ff. & dixi lib. 3. Th. mor. tr. 2. c. 4. in fine.

3. NOTANDUM III. Si spoliatus seu deiectus à beneficio, simul iudicio possessorio, & petitorio agat, tum lude de vtroque inquirere debet: videl. vtrum per vim spoliatus fuerit, & vtrum ei ius in beneficio competat, vti hic notat Gl. ver. eiectus, & habetur etiam in c. cum dilectus, 5. de causa poss. & propriet. Alioquin verb, si deiectus tantum possessorio agat, siue restitui se postulet, non potest ei obijci vitium canonice institutionis: sed ante omnia restitui debet. & postea quæstio agitari de proprietate iuris, seu titulo beneficij, iuxta c. in literis, 5. de restit. spoliator.

CAPITVLVM IX.

Ex tua.

PARAPHRASIS.

Archiepiscopus Eboracensis obtinuerat à Papa Alex. III. facultatem dispensandi cum Clericis, filiis sacerdotum (legitimis) vt possent retinere ecclesias, quas eorum patres immediate ante illos possederunt. Sed postea quidam clerici cõtra sacerdotum filios ab eodem Pontifice literas impetrarunt ad quosdã iudices, quibus mādabatur, si constaret illorum patres immediate ante Ecclesias possedisse, filij remoueantur, & Clerici, qui literas impetrarunt, instituantur. Verum Alexander postea de tota causa plenè edoctus, rescripsit Archiepiscopo, li ipse priorum literarum suarum vigore cum quibusdã sacerdotum filiis dispensarat, vt posterioribus literis tãquam subreptitijs nihil moueatur. Addit deinde, sacris canonibus repugnare, quodd beneficià Ecclesiastica à laicis, sine Episcopi auctoritate conferan-

tur: quare si qui Clerici ita instituti sint, remoueri debeant.

SUMMARIUM.

1. *Littere papales disponentes de instituendo impetratis in beneficio, a motu possessore, subreptitijs sunt, & executioni non mandandæ, si in ijs mentio non fiat dispensationis ab Ordinario factæ.*
2. *Laici non possunt beneficia conferre, aut beneficiatos instituere.*

NOTANDUM I. Litteræ Papales, quibus iubetur, vt impetrans in beneficio instituatur, a motu possessore tanquam viciosè intruso, subreptitijs sunt, & executioni non mandandæ, si in ijs mentio non fiat dispensationis ab Ordinario factæ, saltem in ijs casibus, quibus dispensandi facultas ei competit.

NOTANDUM II. Laici non possunt beneficia conferre, aut beneficiatos instituere. Tametsi enim, si Ecclesiæ patroni sint, Clericos præsentare possint ad beneficia, non tamen ipsi eos instituunt, sed ordinarius collator, videl. Episcopus, aliusue Prælati.

CAPITVLVM X.

Quoniam.

PARAPHRASIS.

Si notorium est, quodd patres Clericorum illegitimè natorum in aliqua ecclesia personatus possederint, absque testium auditione, aliòque iudicario processu, filij ex eadem ecclesia amoueri debent.

SUMMARIUM.

In causa publicè notoria non est necesse testes producere, aut ordinem iudicarium obseruare: sed tamen propositi seu allegati debet factum esse notorium.

NOTANDUM Vn. In causa publicè notoria necesse non est testes producere, aut ordinem iudicarium obseruare. Ita etiam habetur in c. de manifesta, 17. causa 2. q. 1. Necesse tamen est, vt proponatur, seu appareatur factum notorium esse, vt apparet, inqui-

inquisitione, aut probatione non indigere, vti docent DD. in l. ea quidem, 7. C. de accusat.

CAPITVLVM XI.

Ad hæc.

SUMMARIVM.

1. *Filius etiam legitimus remouendus est à beneficio, quod pater immediate antequam possedit.*
2. *Nepos autem, vno patre suo succedere potest in eodem beneficio immediatè auctore suo.*

Filij Clericorum, etiam legitimè nati, amouendi sunt ab Ecclesijs, quas patres eorum, nulla mediante persona, in titulum, etiam per modum perpetuæ vicariæ, tenuerunt.

Ratio affertur in Trident. sess. 25. c. 7. de reform. Quia in beneficijs ecclesiasticis ea, quæ hæreditariæ successionis speciem præ se ferunt, sacris constitutionibus contraria sunt. vti videre est in c. Apostolica, 7. causa 8 q. 1. Necessè autem est, vt pater beneficij possessionem asecutus sit, tametsi fortè nullos redditus perceperit, aut nunquam in ecclesia ministrarit. Sin autem tantum titulum beneficij, non autem possessionem consecutus sit, quia statim renuntiavit, tum filius idem beneficium consequi potest, quia hoc casu pater quasi non cõsetur habuisse beneficium, quod nunquam tenuit seu apprehendit, vti docet Garcias p. 7. c. 3. n. 55.

Sed quæstio est: Vtrum nepos in eodem beneficio immediatè succedere possit auctore suo? Negat Gl. hic ver. filij. Sed melius distinguit Hostiensis in sum. huius tit. 5. Qui filij, Innoc. in hoc c. Syl. ver. beneficium 3. q. 6. Vno patre suo succedere posse, eo mortuo non posse. Quia tunc in locum patris sui subintrans, auctore filij loco esse censetur, Inst. de hæredum qual. 5. sui autem. Quare tota ratio hæreditariæ successionis euitandæ hic locum habet, vt dixi lib. 4. Th. mor. tr. 2. c. 14. n. 6.

Si Obijcias: In materia odiosa nomine filiorum non comprehendi nepotes. Resp. Non versari nòs in materia odiosa aut pœnali: siquidem filij legitimè nati non ob pœnam aliquam à paternis beneficijs arcantur: sed principaliter ob honorem Ecclesiarum, ne in ijs hæreditariæ successionis iura introducantur. Quare spectata principali intentione, constitutio hæc potius fauorabilis iudicari debet. Accedit, quòd nepotes, post mortem patrum suorum, etiam filiorum nomine comprehendi soleant, si de successione, aut quâ successione hæreditaria sermo sit.

Corollarium. Neque nepos legitimè natus ex filio illegitimo Titij, post mortem patris, succedere potest in beneficio Titij auctoris sui: saltem si pater eius, quia legitimatus erat, ius succedendi habuerat in bonis Titij, quod ius in nepotem transit. Et ita sentiant hic Hostiensis, Innoc. & alij.

CAPITVLVM XII.

Ad hæc.

PARAPHRASIS.

Filius Episcopi, qui ex legitimo matrimonio ante patris sacerdotium natus est, ad sacros Ordines promoueri, & in eam etiam Cathedrali Ecclesia, cui pater eius præest, aut præfuit, beneficium, v. g. præposituram, aut Canoniatum consequi potest.

SUMMARIVM.

Filius legitimè natus in eadem ecclesia, in qua pater beneficium habet, aliud quodcunque consequi potest.

NOTANDVM I. Filius in eadem Ecclesia, in qua pater beneficium habet, aliud quodcunque beneficium consequi potest. Idq: verum est, tametsi beneficium filio collatum simile sit paterno, vt si filius Canonicus fiat in eadem Ecclesia, in qua pater

eius Canoniatum habet. Ita contra quosdam Canonistas rectè docet Rebuffus in praxi tit. de dispens. super defectu natalium, n. 32. ubi ait, inauditu esse, ut filius legitimus petat dispensationem ad obtinendum beneficium in ecclesia, eo quod pater inibi etiam habeat. Nam in filiis Clericorum legitimis id solum cauetur, ne patribus in beneficio immediatè succedant. Si autem pater & filius simul beneficia, quamvis similia, obtineant, unus non succedit alteri, eo ipso quod uterque suū habet, & retinet. Accedit, quod successio necessario fiat in eodē beneficio; ubi autem duo beneficiati sunt, necesse est etiam esse duo beneficia, v. g. duos canonicatus esse, argum. c. dilecto, 25. de prab. Ergo successioni locus non est.

NOTANDUM II. Post mortem patris beneficiati filius legitimus in eadem ecclesiā beneficium consequi potest, dummodò non in eodem immediatè illi succedat. Ita Hostiensis hoc tit.

§. Qui filij.

C Orollarium. Si Ecclesia Collegiata numerata non sit, id est, numerum Canonicorum determinatum nō habeat, tum post mortem patris Canonici, statim conferri potest Canonici filio eius legitimo. Quia cum Canonici in ecclesia non numerata morte Canonici vacare non censentur, iuxta c. ex parte, 10. de concess. prab. & dixi lib. 4. Th. mor. tr. 2. c. 16. n. 5. ideo dici non potest, filium in eodem beneficio succedere patri. Ita notavit hic Anton. de Butrio.

CAPITVLVM XIII.

Michael.

PARAPHRASIS.

Presbyter quidam significauit Alexandro III. quod Rectoriam alicuius Ecclesiæ canonicè adeptus fuisset, quam ante ipsum Antonius possidebat. Sed Marcus filius legitimus Antonij assererebat, sibi eiusdem Ecclesiæ Vicariam perpetuam competere. Ad id respondet Papa, si res

ita se habeat, uti narratur. Marco silentium perpetuum super ea Vicaria imponendum esse.

SUMMARYM.

1. *Non potest filius esse Vicarius perpetuus ecclesiæ, cuius immediatè parens Rector fuit.*
2. *Pater, ad quem ratione alicuius personæ, ecclesia parochialis per incorporationem spectat, Vicarium ibi perpetuum instituere non potest legitimum filium suum.*
3. *Si Rector principalis ecclesiæ mortuus sit, & Vicaria etiam vacet, potest ea filio defuncti Rectoris conferri, nisi personæ media intercessit.*
4. *Si pater in aliqua Ecclesia Vicarius intitulatus fuit, non potest immediatè post ipsum filius Vicariam consequi.*

NOTANDUM Vn. Filius legitimus non potest obtinere Vicariam perpetuam eius ecclesiæ, in qua pater eius Rector principalis, nulla persona mediante, extitit. Ratio est, quam assignat Hostiens. hoc tit. §. Qui filij. Quia vnus beneficii v. g. parochiæ, vnus est titulus, seu vnum & indiuisum ius, c. dilecto, 25. de prab. Ergo si filius perpetuam Vicariam acquirat, adeoq; intituletur in parochia, quam pater ei proximè obtinuerat, censetur succedere patri.

QUESTIO I. Potestne pater, ad quem ratione alicuius personæ, ecclesia parochialis per incorporationem spectat, Vicarium ibi constituere legitimum filium suum? Respondet: Possè constituere Vicarium temporalem; non autem perpetuum, seu intitulatum. Et hunc arbitror fuisse casum huius c. quod Marcus ab Antonio patre suo Vicarius constitutus fuerit, illoque mortuo, quasi ius & titulus Vicariæ sibi competere, recedere noluerit. Quod improbat Papa: quia si ecclesiæ Rector filium suum Vicarium perpetuum seu intitulatum faceret, tum ius beneficiale illi communicaret; ideoque filius quasi hæreditariè succederet in iure patris.

Dices

Dices: Ponamus, priorem Antonij Rectoris Vicarium mortuum fuisse, si filius eiusdem Antonij substituatur, non succedet patri suo, sed antecessori Vicario. Respondeo. Id fieri non posse: nam mortuo Vicario ius omne parochiæ deouoluitur ad Rectorem: consequenter si filius eius deinde Vicarium perpetuam assequatur, censetur succedere in iure patris.

QVÆRIS II. Si Rector ille principalis mortuus sit, & Vicaria etiam vacet, potestne ea filio defuncti Rectoris conferri? Resp. Posse conferri, si persona media intercessit. Id verò duobus modis accidere potest. Primo: Si Rector mortuus sit ante Vicarium, tum eo etiam mortuo non censetur filius illius Rectoris succedere patri, sed potius Vicario. Secundo: Si Rectoria principalis ad alium deuoluta sit, potest is filium prioris Rectoris Vicarium instituere: cum non succedat in iure & titulo patris, sed potius in iure præsentis Rectoris. Quare Presbyter, de quo mentio est in hoc c. potuisset, si voluisset, Marcum instituere Vicarium suum: sed Marcus ideo repellebatur, quia putabat sibi ius competere ad Vicarium ex præsentatione, aut institutione profecta à patre suo.

QVÆRIS III. Si pater in aliqua Ecclesia Vicarius intitulus fuit, potestne immediate post ipsum filius Vicariam consequi? Resp. cum Rebuffo in praxi tit. de dispensat. super defectu natal. num. 16. Non posse. Quia etiam hæc res hæreditariæ successionis imaginem quandam refert. Multo minus filius, nulla medietate persona, Rectoriam principalem consequi poterit eius ecclesiæ, in qua pater eius Vicarius fuit, ut hic ex communi Antonius notauit.

CAPITVLVM XIV.

Litteras.

PARAPHRASIS.

Relatum est Alexandro III. quoddam Henricus, quem Sacerdos in Sacerdotio ex uxore legitima genuit, sacros ordines suscipere cuperet. Ad hoc respondit Pontifex, Licet

incontinentia Sacerdotum in filiis quoque notanda & redarguenda sit, in hoc tamen casu, si alioquin dignus est Henricus, permittere se, ut ordinetur, & ecclesiasticum beneficium consequatur.

SVMMARIVM.

1. *Filius, quem Sacerdos post promissam continentiam ex uxore genuit, absolute loquendo, legitimus censetur.*
2. *Est tamen irregularis.*

Disputant hic Canonistæ, utrum Henricus iste filius legitimus fuerit, necne: Et utrum Papa cum ipso dispensaret, an verò secundum ius commune ad ordines & beneficia ecclesiastica admissus fuerit.

Ad 1. resp. ex communiore sent. apud Suarez de censur. disp. 50. sect. 2. n. 3. Sanchez lib. 9. de matrim. disp. 38. contra Rebuff. in praxi tit. de dispensat. super defectu natal. num. 40. & Gloss. hic ver. not. vn. Filium, quem sacerdos, post promissam continentiam ex uxore genuit, absolute loquendo, legitimum censeri: cum ex vero matrimonio natus sit, quippe quod semel legitime contractum, nullo voto simplici continentie dissoluitur, sed neque professione solemni in Religione, si consummatum fuerat.

Ad 2. resp. Licet talis filius legitimus sit, ac proinde hæreditariæ successionis, aliorumque iurium capax, attamen irregularem esse, atque sine Sedis Apostolicæ licentia ad sacros ordines & beneficia ecclesiastica promoueri non posse, sicuti Innoc. hic, & alij communiter docent, atque aperte colligitur ex hoc c. secundum integram eius lectionem, apud Suarez cit. sect. 2. n. 5. Cum Henricus iste per paternam incontinentiam genitus sit, ideo secundum canones ab ordinibus repellendum esse: tamen ut postulationis fuit apud Sedem Apostolicam effectum aliquem consequatur, permittere se, &c. Ratio est: Quia negari non potest, quin filius ita genitus ex sacerdote, aut sacrum ordinem professo, maculam aliquam contrahat propter incontinentiam, & sacrilegium patris, argum. c. ministri, 19. d. 8). Sed & periculum sit, si sacerdos ordinetur, ne patri similibus euadat.

Zzz 2 CAPL

CAPITVLVM XV.

Cum decorem.

Filij Canonorum illegitimè natis conferri non debent beneficia in ijs Ecclesijs, in quibus Patres eorum canonicatum obtinent.

CAPITVLVM XVI.

Ad abolendam.

Filij Canonorum illegitimi, præsertim si spurij sint (sive nati ex mulieribus, cum quibus tempore conceptionis, aut natiuitatis matrimonium consistere non potuisset) in eisdem secularibus ecclesijs, in quibus eorum patres instituti sunt, canonici fieri non possunt. Et si quis talem instituere præsumperit, à beneficiis suis suspendatur. Ita hoc c. intelligit Gl. ver. illegitimi, & Innoc. hic.

Nota hic argumentum à sensu contrario: Cum enim Pontifex specificè ac limitatè prohibeat si ios illegitimos canonicos institui in ecclesijs secularibus, in quibus patres eorum canonicatum affectui sunt; censetur permittere, vt filij illegitimi recipiantur in ecclesijs Canonorum regularium, in quibus patres eorum professi sunt. Ita Gl. hic ver. ecclesijs. Sed quid de hac re iure nouo statutum sit, dixi suprà c. 2.

CAPITVLVM XVII.

Dilectus.

Si filius legitimus patri suo in eadem ecclesia absque Sedis Apostolicæ dispensatione, immediatè successit, inde, prout sacri canones statuunt, amouendus est: Tamen si asseratur, quod Legatus Apostolicus cum eo dispensarit.

NOTANDVM Vn. Legatus Sedis Apostolicæ non potest in vniuersalibus canonibus dispensare, nisi id ei aut præscripta consuetudine, aut speciali priuilegio competat.

CAPITVLVM VLT.

Nimis

Filij sacerdotum, & alij illegitimè nati Clerici ad dignitates, personatus, & curata beneficia absque Sedis Apostolicæ dispensatione promoueri non possunt; sin autem ita promoti sint, remoueri debent.

Hinc verò per sensum contrarium colligunt DD. Quod Episcopus cum illegitimis dispensare possit ad beneficia simplicia, vt expressius habetur in c. 1. eod. in 6.

Sed quæres: Si beneficium simplex v.g. ecclesiæ Collegiatæ Canonicatus curam animarum per accidens annexa habet, propter vntionem Ecclesiæ parochialis, vtrum ad illud beneficium consequendum Episcopus cum illegitimo ex causa iusta dispensare possit? Resp. affirmatiuè cum Lappo in cit. c. 1. n. 3. Ancharano ibid. q. 1. contra Gl. ver. tale. Quia beneficium vntum per se non confertur, sed accessoriè cum principali, cuius naturam & conditiones sequitur, vt dixi lib. 4. tr. 2. c. 9.

CAPITVLVM I. cod. Tit.

in 6.

Is qui.

PARAPHRASIS.

Illegitimè nati per Episcopi dispensationem (si alio impedimento canonico non laborent) ad ordines minores, & beneficium, cui cura animarum non incumbit, promoueri possunt: dummodò tale beneficium sit, vt limites dispensationis Episcopalis non excedat. Sed ad maiores ordines, & beneficia curata absque Apostolicæ Sedis dispensatione promoueri nequeunt.

S. Ille verò

Qui à Sede Apostolica dispensationem accepit, vt non obstante defectu natalium, beneficium, etiam curatum, consequi possit,

possit; is prætextu huius dispensationis, quippe quæ tanquam à iure communi exorbitans, strictam interpretationem mereatur) vnicui tantum beneficium obtinere possit.

SUMMARY.

1. Aliud est legitimatio, aliud verò dispensatio cum illegitimo ad certum actum seu effectum, v.g. ad ordines, beneficia.
2. Discrimen I. Legitimatio est absolute dicta natalium restitutio, ita ut per se legitimatus gaudeat omnibus legitimorum iuribus.

Dispensatio non abolet defectum natalium, sed tribuit, ut eo non obstante illegitimus ad vnum vel plures actus legitimus admitti possit.

3. Discrimen II. Dispensatio strictam interpretationem; latam autem habet legitimatio.
4. Discrimen III. Legitimatio proprium Principis priuilegium est; Dispensatio autem etiam quandoque ordinario iure inferioribus competit.
5. Beneficia simplicia, quæ limites dispensationis Episcopalis excedunt, sunt, quæ vel secundum ius commune, vel secundum consuetudinem Curia Rom. vel ecclesie particularis iuratum, aut à Sede Apostolica confirmatum statutum illegitimis provenire non possunt.
6. Dispensatio papalis super natalium defectu explicari debet, ut non plus conferat, quam verba strictè accepta significant.

1. In primis sciendum est, quòd aliud sit legitimatio, aliud verò dispensatio cum legitimo ad certum actum, seu effectum, v.g. ad ordines, ad beneficia. Inter hæc enim varia discrimina sunt: Primum & præcipuum, quòd legitimatio sit absolute dicta natalium restitutio, ita ut legitimatus omnibus legitimorum iuribus gaudere possit, iuxta l. quærit, ff. de natalibus restituendis. Præterquam si aliqua vel in ipso rescripto, vel communi iure, aut consuetudine regni specialiter exce-

pta sint. Quomodo legitimatus in ciuilibus succedere non potest in paterna nobilitate, feudo, &c. Et legitimatus in Ecclesiasticis promoueri non potest sine noua Pontificia dispensatione ad dignitatem Episcopalem vel Cardinalitiam, ut dixi lib. 5. tr. 10. p. 3. c. 5. n. 17. & 18. At verò dispensatio absolute non abolet defectum natalium, sed tribuit, ut eo nõ obstante, illegitimus ad vnum vel plures actus legitimus admitti possit. Ex quo nascitur alterum discrimen; Quòd dispensatio in defectu natalium, cuius iuri communi (quod fauorabile est) deroget, strictam interpretationem habere debeat, uti dicitur in hoc c. f. sanè, & consentit c. non potest, 21. de præb. in 6. iun. Gl. magna. At verò legitimatio, cum sit gratia & beneficium Principis, amplam potius interpretationem meretur, quod notarunt Lappus & Ancharanus super hoc c. Couar. in epit. 4. decretal. p. 2. c. 8. §. 8. n. 5. Molina to. 1. de iust. tr. 2. disp. 173. n. 3. Tertium discrimen. Legitimatio, seu natalium restitutio proprium Principis priuilegium est. At verò dispensatio in ordine ad certum actum, vel effectum etiam inferioribus quandoque communi & ordinario iure competit, v.g. Episcopis, ut cum illegitimis subditis, vel saltem diocesanis suis dispensare possit ad ordines minores, & beneficia simplicia.

Nunc quaeritur: Quænam beneficia simplicia sint, quæ limites dispensationis Episcopalis excedunt. Resp. Ea sunt, quæ vel secundum ius commune, vel secundum consuetudinem Curia Romanæ, vel secundum Ecclesie particularis iuratum, aut à Sede Apostolica confirmatum statutum illegitimis provenire non possunt. Exemplum primi: Illegitimus per Episcopi dispensationem consequi non potest beneficium simplex in ecclesia, ubi pater eius beneficiatus est, aut fuit. Exemplum secundi. Illegitimus per Episcopi dispensationem non potest consequi Ecclesie cathedralis Canoniciatum, ut docet Rebuffus in praxi tit. de dispensat. super defectu natalium, n. 10. Quandoquidem etiam Papa in dispensatione cum illegitimo ad beneficia quæcunque excipere solet dignitates

& Canonicatus in ecclesia Cathedrali, & primam seu principalem in Collegiata, sicuti restatur Garcias de benef. p. 7. c. 2. n. 71. Vtrum autem, spectato iure communi & abstractendo à consuetudine Curie, Episcopus cum illegitimo ad canonicatum Ecclesie Cathedralis dispensare possit, disputant hic DD. & multi affirmant, inter quos Archidiaconus & Dominicus contra Ioan. Monachum hic, n. 7. & Gl. hic ver. beneficium. Videri potest Less. lib. 2. de iust. c. 34. n. 86.

Exemplum tertij. Si Canonici Ecclesie Collegiatæ statutum fecerint, ut nemo in Capitulum recipiatur, nisi legitime natus sit, non potest in eo Episcopus, vel similis Prælatas dispensare, si iurauit se quonque illud seruaturum, vel si Apostolica auctoritate confirmatum est. Idemque est, si Capitulum statutum habeat à Papa confirmatum, ut in Canonicum nemo recipiatur, nisi in maioribus ordinibus constitutus sit: cum enim Episcopus non possit cum illegitimo dispensare in ordine ad ordines maiores, consequenter non poterit eum habitare ad eius ecclesie canonicatum, nisi prius à Papa dispensationem accepisset, ut ordines sacros suscipere ei liceat. Videri potest Ioan. Monachus n. 4. Lappus n. 5. & Anchoranus §. Quæro, vtrum. Qui tamè probabiliter aiunt, Episcopum in tali casu dispensare posse, si beneficium, ut ordinariè accidit, non requirat sacrum ordinem actu, sed ut intra annum promoueatur: iuxta c. commissa, 35. in 6. de elect. Si enim dispensatus intra annum non promoueatur, amoueri poterit, sin autem accepta noua dispensatione à Sum. Pontifice, ordinetur, tum beneficium retinebit.

s. Sanè, ut supra.

NOTANDUM Vn. Dispensatio Papalis super natalium defectu, ita explicari debet, ut non plus conferat, quàm verba stricte accepta significat. Qua de re legi possunt, quæ congerunt Rebuffus cit. tit. de dispensat. super natalium defectu, n. 41. & seqq. Sairus in thesauro, cit. lib. 6. c. 11. n. 17. Couar. in 4.

decret. p. 2. c. 8. §. 8. n. 5. Videl. Si Papa cum illegitimo dispensauit, ut ordines suscipere possit, intelligendum est de minoribus tantum: Si dispensauit ad ordines, etiam sacros, non censetur etiam dispensasse ad beneficium, Quod tamen mihi non placet: quandoquidem secundum canones ordinato in sacris debetur beneficium, c. proposuit, hoc tit. Si ergo Papa concessit prius, censeri debet etiam concessisse consequens, iuxta ea quæ dicam in c. cum teneamur, 6. de præb. Præterea qui à Papa dispensatus est ad beneficia, non potest igitur obtinere pensionem, cum pensio propriè non sit beneficium: Item qui ad beneficia simpliciter dispensatus est, non potest promoueri ad curata: Et qui ad curata etiam dispensationem obtinuit, non ideo cõsequi potest dignitates, aut personatus Ecclesiarum: Et qui ad beneficia quæcunque, etiam dignitates, non ideo obtinere potest principalem in Ecclesia Collegiata, nec maiorem post Episcopalem in Cathedrali: quibus secundum stylum Curie hæc dignitates specialem expressionem requirunt, ideoque in generali concessione, seu dispensatione non comprehenduntur, argum. reg. 81. in 6. Denique dispensatus ad dignitates quæcunque non ideo habilis censetur ad Episcopatum, vel Cardinalatum, ob eandem specialitatis rationem.

Denique ut ex hoc § colligitur, dispensatus à Pontifice ad beneficium simplex, aut curatum, si eo retento, aliud beneficium consequi velit, non tantum prioris mentionem facere debet, sed etiam natalium defectum exprimere, uti ex communi docet Couar. cit. §. 8. n. 5. Molin. cit. disp. 173. num. 35. Sed neque dimisso vno beneficio, super quo dispensatus est illegitimus, aliud obtinere potest absque noua dispensatione. Cuius rationem affert Ioann. Monachus hic, quia prior dispensatio si data sit super certo beneficio, effectum suum consecuta fuit, ideoque eius efficacia cessat. At verò legitimatio semel data semper manet & operatur. Porro si Papa cum illegitimo indeterminate dispensarit, ad beneficium aliquod consequen-

sequendum, tunc vno dimisso aliud consecrari poterit, ut bene hic distinguunt Dominicus de Geminiana, & Anchoranus.

CAPITVLVM II.

Si is.

PARAPHRASIS.

Titius illegitimè natus impetrauerat à Papa dispensationem ad omnes ordines, & beneficium, etiam curatum consequendum. Postea aliam dispensationem obtinuit, ut liceat ipsi duo, aut plura beneficia curata habere, nulla facta mentione defectus natalium; hoc casu ait Pontifex Bonifac. VIII. posteriorem dispensationem subrepticam, & nullius momenti esse: Quia verisimile non est, Pontificem eam concessurum fuisse, si natalium defectus expressus fuisset.

S V M M A R I V M.

1. *Dispensatio super impedimento restringitur ad tenorem postulationis.*
2. *Dispensatio Papalis facta ex motu proprio, seu ex certa scientia, non requirit, ut totum impedimentum exprimatur in literis.*

PRO confirmatione huius responsi in primis repetendum est, quod dixi præced. c. & notat hic Anchoranus: Licet legitimus à Principe, alia iura ac priuilegia consecrari possit, tamen defectum natalium subtrahat: cum is per legitimatorem sublatum sit: secus tamen est in dispensato ad certum effectum, v. g. vnum beneficium curatum accipiendum: Is enim nihilominus illegitimus manet; consequenter in impetratione nouæ gratiæ, quæ illegitimis non facillè concedi solet, debet defectum natalium iterum explicare. Deinde aduertendum est ex Lappo c. 1. n. 6. hoc tit. & lib. Si Papa ad alius petitionem dispenseret super impedimento, tum dispensatio restringitur ad ea, quæ à postulante proposita sunt, consequenter si totum impedimentum non est expressum, dispensatio non valet; cum personam non omnino habilem faciat. Sicuti apparet in casu huius c. Siquidem Titius ad obtinendum alterum curatum habet duo impedimenta; videl. quoddam vnum iam habeat & retinere velit. & quoddam natalium defectu laboret: quare vtrunque in petitione explicare debet.

Sin autem Papa motu proprio, seu ex certa scientia dispenseret, tunc non requiritur, ut totum impedimentum in literis exprimatur; cum sufficiat clausula generalis, non obstantibus; per quam omnia impedimenta sublata censentur, quæ Apostolica potestate auferri possunt, ac solent.

TITVLVS XVIII.

DE SERVIS NON ORDINANDIS, ET EORVM MANVMISSIONE.



Vmma eorum, quæ hoc tit. decernitur, in his consistit. Serui, seu mancipia ordinari non debent, nisi à dominis suis manumissi, seu libertate donati sunt, c. 1. & c. 4. consuluit, hoc tit. Quare si quis

domino ignorante in minoribus ordinatus fuit, potuit eum sibi vendicare seu repetere, c. 2. eod. Sin autem in sacris domino inuito ordinatus esset, quid agendum fuerit, dixi lib. 1. Th. mor. tr. 9. p. 5. c. 8. n. 1. & de hac re mentio fit in c. penult. hoc tit. Interdum ve-

ad manumittebat seruum, referuatis tamen sibi operis seu seruitijs spiritualibus, quæ manumittenti præstare cogebantur, vti videre est c. colibentius, eod. & c. 2. de successione ab intestato. Sed & quandoque ea reservatione serui, manumissi fuerunt & in sacris ordinati, vt quidquid acquirerent, ad ecclesiam, à qua libertatem consecuti fuerant, spectare deberet, c. 3. eod. Sed etsi absolute & simpliciter libertate donati fuerint, domino obsequia, & gratitudinis vicem præ-

stare obligati erant, ita vt dominum in iudicio accusare prohiberentur, alioquin in seruitutem reduci possent, cit. c. 3. §. Quibus. Et in c. nullus 4. hoc tit. manumissus degradari iubetur, si domino suo obsequij causa horas canonicas præstare recusauerit. Denique seruus ratione natiuitatis censeretur, qui ex matre serua natus est, tametsi pater liber fuerit. c. ult. hoc tit. Nam partus sequitur conditionem matris.

TITVLVS XIX. DE OBLIGATIS AD RATIOCINIA ORDINANDIS, VEL NON.

CAPITVLVM Vn.

Magnus.

SUMMARIUM.

1. Obnoxij ratiocinij, vt Syndici, officiales seu curiales publici, & pupillorum tutores, ordinari non debent, nisi deposito munere, & redditibus rationibus digni iudicati sint.
2. Excipiendi tamen sunt tutores & defensores personarum miserabilium, vel talium, quæ auxilio ecclesie maxime indigere videntur.
3. Vti & ij, qui legitimi suorum agnatorum tutores sunt.
4. Constitutio hac extendenda est ad ea etiam officia, aut negotiationes seculares, quæ in clericis non tolerantur.



De Procurator, Syndici, Officiales seu curiales publici, & pupillorum tutores, ordinari non debent, nisi deposito munere, & redditibus rationibus di-

gni visi sint. Alioquin si antequam à publicis eiusmodi muneribus liberi sint, in clerum assumantur, periculum est, ne ecclesia infametur. Ita statuit Concil. Carthag. 1. cap. 8.

Excipiendum est primò: Nisi quis tutor, aut defensor constitutus sit personarum miserabilium seu indefensarum, vel talium personarum, quæ ecclesie auxilio maxime indigere videntur. Cùm enim eiusmodi munera clericis suscipere pietatis causa concessum sit, c. 1. causa 21. q. 3. consequens est, vt ob tale munus susceptum à clericatu aliquis repellendus non debeat.

Excipiendum secundò: Qui agnatorum suorum legitimi tutores sunt, ad ordines admitti possunt; quia etiam Clericis tales tutelae suscipere concessum est, vti colligitur ex cit. c. 1. & docet Syl. ver. tutela, q. 3. & dixi lib. 3. Th. mor. tr. 4. c. 9. n. 4.

Excipiendum tertio: Quod consuetudine introductum sit, vt Clerici possint esse secularium Principum Consiliarij, Cancellarij, imò etiam Iudices in causis civilibus, non criminalibus, vti docet Suarez de cens. disp. 51. f. 3. n. 19. & dixi lib. 1. Th. mor. tr. 5. p. 3. c. 8. n. 4. Ideo ob tale munus non debet quis

ab

ab ordinatione repelli, si alioquin dignus sit.

- 4 Deinde amplianda est constitutio, quippe quæ potius exempli causa officia quædam publica nominat, ut locū habeat in omnibus officiis aut negotiationibus secularibus, quæ in clericis non tolerantur, sicuti Suarez notavit cit. l. 3. n. 15. Cuiusmodi est obligatio militiæ c. vn. d. 53. obligatio feudi, ob quod personaliter servire debeat, uti videre est apud Syl. ver. feudum, q. 8. Item vectigalium, agrorum colendorum conductiones, alizue negotiationes clericis prohibitz, c. 2. & 3. causa 21. q. 3. c. 1. & 2. Ne clerici vel Monachi secularibus negotiis se immisceant, c. consequens, c. fornicari, d. 88. Quamobrem qui ordinationem sacram desiderant, ab his obligationibus, & functionibus prius liberi esse debent.

Quod si officio deposito obligatio remanet ratiociniorum, seu rationū reddendarū, tum ita distinguendum: Vel Reipubl. seu Magistratui rationes reddi debent, tum obligatus ordinari non debet, priusquam rationes reddiderit. Quia periculū est, ne à Magistratu repetatur, tanquam rationibus ex publica administratione obnoxius, & inde lites oriantur, & ecclesiæ vexatio, c. 2. & 3. d. 51. c. vn. d. 53. iun. l. rescripto 6. §. debitores, ff. de muneribus, & l. officiales, 4. C. de Episc. & Clericis. Vel rationes reddi debent personæ privatæ, aut ratione bonorum privatorum, v. g. ex administratione tutelæ, tum probabiliter dicitur, hominem deposito officio, etsi rationes nondum reddiderit, ordinari posse: nisi periculum sit, ne exinde

clerus, aut ecclesiæ, cui adscriptus est, vexationem, aut infamationem patiatur. Ita enim colligitur ex hoc c. & iuribus suprà citatis, & docet Gl. hic ver. ratiocinia, Hostiensis §. quis obligatus, Innoc. n. 3. Ant. n. 3.

Periculum autem infamiz, vel vexationis suberit primò: Si tutori v. g. lis de dolo, seu perfidia iam mota sit, vel postea mouenda existimetur. Quia si ex tali accusatione damnatus fuerit, reddetur infamis, l. furti, 6. §. mandati, ff. de ijs qui notantur infamia.

Secundò: Si ita rationibus obligatus sit, ut debitīs soluendis impar existat, ideò quoque creditores ordinationis contradicant, tum ordinari non debet, priusquam se rationibus expediuerit: Ne lites à seculari foro trahantur ad Ecclesiasticum tribunal, quippe in quo ordinatus conueniendus erit: quia Auctor forum rei sequi debet, c. cum sit, 8. de foro compet. Sed numquid ob solum æs alienum, cui debitor soluendo non est, à sacris Ordinibus repelli debet? DD. communiter negant, ut videre est apud Suarez cit. l. 3. n. 23. & seqq. Quia bona sua creditoribus cedendo postea securus erit, donec ad meliorem fortunā deuenierit. Qua de re dixi lib. 3. Th. mor. tr. 3. p. 1. c. 1. 2. q. 1. Veruntamē si talis persona beneficio Ecclesiastico careat, neque patronum habeat, qui spondeat se sustentationem ordinato daturum, si indigeat, tum ex causa paupertatis, seu insufficientis sustentationis à sacris Ordinibus repelleretur, iuxta Concil. Trident. sess. 21. c. 2. de reform. Vtrum verò debitīs obstrictus ad Religionem suscipi possit, disputavi eod. tr. 3. p. 1. q. 2.



TITVLVS XX.

DE CORPORE VITIATIS ORDINANDIS, VEL NON.

CAPITVLVM I.

De Presbytero.

PARAPHRASIS.



Vidam sacerdos sponte in duellum descendit, & partem digiti amisit; dubitabatur vtrum sacrificare posset? Respondet Alexander III. Tameſi is grauius deliquerit, tamen poſt peccatam poenitentiam, miſericorditer permitti poſſe, vt celebret, ſi tantum de digito non amiſit, vt abſque ſcandalò celebrare poſſit.

SUMMARIVM.

1. *Qui partem digiti, veletiam integrum digitum ad hoſtiam frangendam non neceſſarium amiſit, irregularis non eſt, modo magna deformitas non ſit, de quo iudicat Ordinarius.*
2. *Facilius tamen ad ordines, eorūque vſum admittitur, qui ſine culpa ita mutilatus eſt.*

NOTANDVM. Qui partem digiti, etiam ad frangendam hoſtiam neceſſarij, videl. pollicis, aut indicis amiſit, ſi deformitas notabilis non eſt, non debet cenſeri irregularis. Idemque ſentendum, ſi integer digitus ad hoſtiam frangendam non neceſſarius amiſſus ſit, dummodò magna deformitas non ſit. Quod iudicare ad Episcopum pertinet.

2. Aduerte tamen, ita mutilatum facilius ad Ordines ſuſcipiendum, vel ſuſceptis vtendum admitti, ſi ſine culpa res accidit: difficilius autem, ſi per propriam culpam. Poſſe enim tam graue eſſe delictum, vt me-

reatur ſuſpenſionem ab ordine, vel depoſitionem: conſequenter ita delinquens ab ordinatione repellì poſeſt, tanquam moribus indignus. Et ita intelligitur textus huius c. Non enim Episcopus, ad quem Alexander III. ſcripſit, cum preſbytero illo diſpenſauit ſuper irregularitate, quam non incurrit, ſed poenam, quæ ipſi infligi debebat, temperauit, & ita miſericorditer permittit, vt mox poſt actam poenitentiam celebrare poſſet. Ita ſignificat Nauar. c. 27. n. 156. & docet Suarez de cenſur. diſp. 51. l. 2. n. 7.

Porro de poenis, quæ iure nouo concertantibus duello impoſitæ ſunt, dixi lib. 3. Th. mor. tr. 3. p. 3. c. 5. in fine.

CAPITVLVM II.

Cum de tua.

PARAPHRASIS.

Quidam in Episcopum electus fuit: ſed electioni duo obiecta erant: quòd in oculo maculam haberet, & filius Canonici eſſet. Ad hæc reſpondit Alexander III. Se Archiepiscopo Cantuarienſi deſiſſe in mandatis, vt ſuper natalium defectu cum electo, ſeu potius poſtulado (olim enim hæ voces promiſcuè vſurpabantur) diſpenſaret. Quod verò ad maculam oculi attinet, vt adhibito ſuffraganeorum conſilio, ſtatueret, quod ipſi viſum fuerit. Addit Pontifex, quòd electus hanc vt maximā Apoſtolicam gratiam, & diſpenſationem agnoſcere debeat.

SUMMARIVM.

1. *Supervitio corporis, ſi ſit magna deſormitas, non facile diſpenſat Pontifex, præſertim*

praefertim ad dignitatem episcopalem consequendam.

2. *Iudicium de deformitate, an tanta sit, ut promotionem ad ordines vel dignitatem impedire debeat. Ipsi penes eum, qui ordines vel dignitatem iure ordinario, vel sibi delegato conferre debet.*

NOTANDUM I. Summus Pontifex super natalium defectu quandoque etiam dispensat ad consequendum Episcopatum.

NOTANDUM II. Super vitio corporis, si sit valde magna deformitas, non facile dispensat Pontifex, praefertim ad dignitatem Episcopalem consequendam. Propterea Pontifex, tametsi maximam gratiam electo facere intenderit, tamen mandat Archiepiscopo, ut cum Coepiscopis suis consideret, quanta sit deformitas, & utrum secundum canones & consuetudinem Ecclesiae dispensari possit, ita ut scandalum & admirationem in populo non generet.

NOTANDUM III. Iudicare, utrum corporis defectus, aut deformitas tanta sit, ut promotionem ad ordines, vel dignitatem impedire debeat, ad eum pertinet, qui ordines, vel dignitatem iure ordinario, aut sibi delegato conferre debet. Ita notat hic Hostiensis. Et quae impediunt, Anton. not. 2. Huiusmodi deformitates plures numerantur: Si quis maculam in oculo habeat: si oculos lippos, & lacrymantes; alterum, vel utrumque deformiter prominentem, si partem auriculae amiserit: si nasum deformem habeat, faciem maculatam, vultuatam, cicatricibus plenam: si lingua impeditus, ac balbus sit: si manus habeat tremulas, si sex aut quatuor digitos: si scabiem deformem, ac constantem: si gibbosus: si claudus: si statura nimis parvus, &c. Si tali, inquam, defectu laborans ordines petat, ad Episcopum, eiusque substitutum spectat iudicare, utrum magna seu notabilis deformitas sit, necne. Si videatur magna non esse, ordinari potest: Sin magna appareat, ordinari non potest, absque Papae dispensatione: qui tamen, ut supra dixi, eam non tribuit, si valde magna deformitas sit: esset enim contra reuerentiam sacra-

menti, si adeo deformes Ministri ad altare ministrarent: si denique res dubia appareat, poterit quandoque dispensare, seu potius benigne interpretari, non esse deformitatem grauem, quae hominem irregularem faciat. Ea quae dispensatione Episcopus facilius utitur his casibus: I. Si quis Religiosus sit, aut Religionem ingressurus. II. In ordine ad minores ordines tantum, & beneficium simplex. III. Cum iam ordinato, ut ordine suscepto ut liceat. Vide quae dixi lib. 1. Th. mor. tr. 5. p. 5. c. 9. n. 2. §. Tertiò, & c. 7. ubi n. 1. annotavi, ex duobus capitibus aliquem irregularem censeri propter corporis defectum, si vel magnam deformitatem, aut horrorem continet, vel ordinis, praefertim sacrae celebrationis, congruum exercitium impediatur. Quare ad haec duo Episcopus ordinaturus attendere debet. Si oculus v. g. aut manus defectum habeat, & vel magna deformitas appareat, vel etsi non magna, tamen hostia difficulter manibus frangi, vel canon è libro difficulter, aut cum deformi vultus conversione legi possit, tum irregularitas censeri debet. Videri potest Hostiensis loc. cit. Ioan. Andr. super hoc. c. Vivaldus in Candelabro, de irregularitate, in tertia specie. Simon Maiolus de irregularitatibus, c. 18. 25.

Quaeritur hoc loco: Si Archiepiscopus non adhibito consilio Coepiscoporum dispensasset cum electo super oculorum defectu, utrum valida fuisset dispensatio. Negatiue respondendum est, cum Antonio hic. Quia se delegato Iudici forma procedendi praescribatur, censetur ea substantialis: quandoquidem ea non obseruata, transcendit limites commissae potestatis, ideoque nihil efficit, ut docui lib. 1. Th. mor. tr. 4. c. 16. n. 7.

CAPITVLVM III

Ex parte.

S Y M M A R I V M.

Seipsum castrans, vel castratus ab alijs, irregularis est. Is autem, qui absque genitalium naturae, vel in cunabulis scilicet,

Aaaa 2 licet

licitè etiam ad Episcopatum promoueri potest.

Qui seipsum castrauit, aut ab alijs castrari curauit, irregularis est: vt ordinari non debeat, vel, si iam ordinatus est, à sacro ministerio amoueri. Qui autem absq. genitalibus natus est, aut in cunabulis, vel per hominum malitiam, (vel quacunque necessitate) sectus, is, si alioquin dignus, etiam ad Episcopatum promoueri potest.

Ratio prioris partis est. Quia maxima hæc deformitas est, & iniuria Creatoris, si quis seipsum deformet, seu membrum aut partem membri sponte nullaque cogente necessitate sibi abscindat, vt videre est d. 55. c. Si quis abscidit, & seq. Et inc. qui partem, ead. d. ex Innoc. I. refertur, quòd qui partem cuiuslibet digiti volens sibi abscidit, secundum sacros canones in clerum adsciscendus non sit.

Posterior pars habetur in c. maritum, d. 33. c. si quis à Medicis, & pluribus seq. ead. d. 55. Ratio verò est: Quia si absit culpa, nemo propter corporis defectum à sacris ministerijs arceri debet, nisi vel deformitatis & scandalum pariat, vel congruum ordinis exercitium impediat, vt præced. cap. dictum est.

Aduerte autem, quod dixi, *si culpa absit*. Nam si quis per culpam, quamuis absq. proposito directo, seipsum mutilet, aut causa existat, v. g. in rixa, cur ab alio mutiletur, integri membri, etiam occulti, abscissione, irregularitatem contrahet, perinde ac si causa existeret, vt alius mutilaretur, sicut bene explicat Suarez disp. 51. s. 2. n. 8. Vide quæ docui lib. 1. Th. mor. tr. 5. p. 5. c. 7. n. 5. & lib. 3. tr. 3. p. 3. c. 1. n. 10. & 11.

CAPITVLVM IV.

Significauit.

PARAPHRASIS.

Intellexit Alexander III. quòd Benedictus Presbyter castrari se curauit, existimans, ea re Deo se obsequium præstare. In ea causa

scribit ad Archiepiscopum Rauennæ, si alioquin dignus iudicet presbyterum, vt ipsius auctoritate Apostolica, quin & propria fretus, sacerdotale officium absq. altaris ministerio, prout expedire videbitur, concedat.

SUMMARIUM.

1. *Origenista seipsum castrantes zelo falsæ castimonie, irregulares iudicati sunt.*
2. *Sacerdos ex quadam simplicitate seipsum castrans, licet partialem tantum irregularitatem contrahat, non potest tamen vt Diaconus vel Subdiaconus ministrare officio.*

Fuit iste Origenis, & Eunuchorum error, seipsum castrantium falsæ castimonie zelo, qui à patribus irregulares iudicati sunt, vt dixi lib. 3. Th. mor. tr. 3. p. 3. c. 1. Nihilominus Pontifex cum Presbytero illo, quod simplicitate quadam deceptus videretur, ex parte dispensandum putauit, vt præter altaris ministerium alia sacerdotalia munera peragere posset, v. g. solemniter baptizare, benedicere, pœnitentes absolueri, morituros vngere. Tum verò irregularitatem non totalem, sed partialem contraxisset censetur, vt dixi lib. 1. Th. mor. tr. 5. p. 5. c. 1. n. 7.

QUÆRITVR: An sacerdos iste contracta irregularitate partiali, quæ est perpetua inhabilitas ad altaris ministerium, possit tamen vt Diaconus, vel Subdiaconus sacrificio ministrare? Affirmat Anton. in fine huius c. & inde probari potest, quòd pœnæ in dubio benignam ac strictam interpretationem mereantur, iuxta reg. 49. in 6. Sed contraria sententia placet, quam indicat Hostiens. hoc tit. 5. Quid sit impotentia, & expressè tradit hic Ioann. Andr. n. 3. Tum quia altaris ministerium indefinitè & indistinctè positum comprehendit etiam Diaconi, & Subdiaconi ministerium. Tum quia meminisse oportet, quòd presbyter iste secundum canones erat irregularis, ac deponendus: Quare hæc Alexandri responsio non pœnam continet, sed

sed privilegium & gratiam dispensationis contra ius commune. At verò eiusmodi dispensatio cum odiosa sit, strictam interpretationem meretur, c. 1. & 2. de filiis presbyt. in 6. Consequenter ita intelligere debemus, ut sacerdotale officium, quod absque altaris ministerio permittitur, etiam Diaconi & Subdiaconi ministerium excludat. Arbitror tamen, quod Archiepiscopus Rauennanensis, si ipsi visum fuisset, 'permittere homini potuisset, ut tanquam Diaconus ministraret: eo quod Pontifex formam ac terminos dispensationis non omnino definierit, sed eius arbitrio relinqueret.

CAPITVLVM V.

Ex parte.

Qui ob periculum lepræ, Medicorum consilio, genitalia sibi abscindi curauit, irregularis non est. Ita etiam habetur in c. si quis à Medicis, 7. d. 55. & dictum est suprâ c. 3.

CAPITVLVM VI.

Exposuisti.

PARAPHRASIS.

Episcopus Militenſis quendam in Abbatem promouit, quem postea intellexit manu sinistra carere. De ea re consultus Alex. III. respondit, eum esse ab officio deponendum: tum quia ad ordines sacros cum tam enormi defectu promoueri non potest: tum quia Episcopum fraudulentè decepit, defectum reticendo.

SUMMARIUM.

1. *Mutilatus manu, aut inutilem habens, ita ut celebrare Missam non possit, irregularis est.*
2. *Credibile tamen est, ealem ab Episcopo dispensari posse ad Ordines, & beneficium simplex consequendum.*

NOTANDVM Vn. Qui manu altera caret, aut inutilem habet, ita ut Missam celebrare non possit, irregularis est, & ordinari non potest. Licet enim is, qui in sacer-

dotio absque propria culpa debilitatus, aut mutilatus est, alia officia sacerdotalia, præter altaris ministerium, exercere possit. ordinari tamen non debet, si ob corporis defectum ad altaris ministerium, ac celebrationem Missarum inhabilis est: cum alij ordinum gradus, & ministeria habitudine habeant ad sacrificium Missæ, tanquam sitem & completum eorum, sicut colligitur ex c. vlt. hoc tit. Credibile tamen est, Episcopum in tali casu dispensare posse ad ordines minores, & beneficium simplex consequendum, ut docet Viualdus de irregular. tit. de dispensat. Papæ reseruatis, n. 4. arg. c. 1. de filiis Presbyt. in 6. Obijci potest c. tuam, 10. de etat. & qual. ubi Abbas permittit irregularem in Abbatem eligi, ea conditione, ut sacros ordines nunquam suscipiat. Respondeo cum Gloss. hic. Id per dispensationem factum esse, propter necessitatem. Hic autem necessitas dispensandi non erat: nec persona dispensationem merebatur, quippe quæ defectum suum & irregularitatem in promotione significare debebat, ut dictum etiam fuit in c. innotuit, 20. de elect.

CAPITVLVM VLT.

Thomas.

PARAPHRASIS.

Iste Thomas dubitauit, an irregularis esset, & ad ordines suscipiendos inhabilis, quia casu quodam pollicis dextræ ungulam amiserat. Respondit Honorius III. Deformitatem hanc non videri tantam, ut ab ordinibus repellendus sit: quare si nihilominus manus ad frangendam Hostiam potens existat, ordinari posse.

SUMMARIUM.

Carens ungula pollicis, ab ordinibus repellendus non est.

NOTANDVM Vn. In corporis defectu duo considerari debent, ut iudicari possit, num ab ordinibus impediatur: An deformitas magna, seu notabilis sit: Et num ordinis exercitium, præsertim Missæ celebrationem impediatur, iuxta ea quæ suprâ dicta sunt cap. 1. & penult.

TITVLVS XXI.

DE BIGAMIS NON ORDINANDIS.

CAPITVLVM I.

Vt bigami.

SVMMARYM.

1. Bigami sunt irregulares.
2. Item qui publicam pœnitentiam ob crimen egerunt.
3. Et qui ab altero viro repudiata vxorem duxit.



Vt bigami sunt, seu alteram vxorem duxerunt ac cognouerunt, & qui pœnitentes sunt, seu publicam pœnitentiam egerunt, & qui ab altero viro repudiata vxorem duxerunt, irregulares censendi sunt. Consentit e. ex pœnitentibus, 55. d. 50.

De bigamis non ordinandis habetur in c. 2. & seqq. d. 26. in c. præcipimus, & seqq. d. 34. & dixi copiosè lib. 1. tr. 5. p. 5. cap. 6.

De ijs, qui publicam seu solemnem pœnitentiam ob crimen egerunt, non ordinandis habetur in cit. c. pœnitentibus, & docui lib. 5. tr. 6. c. 7. n. 6.

Denique de vxore ab altero viro repudiata, seu relicta, quòd qui eam duxerit & cognouerit, Clericus fieri non possit, habetur etiam in c. si quis viduam, 8. d. 50. Potest autem id duobus modis intelligi: Primò, quòd dimissa fuerit, quia matrimonij vinculum non consistebat, propter impedimentum dirimens, tunc qui eam duxerit & cognouerit, interpretatiuè bigamus & irregularis est, sicuti qui aliam à quocunque viro præter se cognitam, seu corruptam duxerit. Secundò, si repudiata ac dimissa sit per diuortium, non dissoluto vinculo substantiali, tunc qui eam, marito eius adhuc viuente, inualidè duxerit, & maritali affectu cognouerit, quasi biga-

mus censetur, & irregularis est, arg. c. nuper, hoc tit.

CAPITVLVM II.

Super eo.

SVMMARYM.

1. Bigamus promotus ad sacros ordines, penitus est ab ijs amouendus, nec licet cum eo dispensare.
2. Potest tamen Papa dispensare in irregularitate bigamiae, non solet tamen, nisi ex grauissima causa, licet facilius dispenset ad minores ordines accipiendos.

S bigamus ordinatus sit, ordinans potestate, & officio ordinandi priuandus est: at verò ordinatus, si ad ordines sacros promotus fuit, penitus est amouendus: Neque enim cum bigamis contra Apostolum dispensare licet, vt vel ad ordines sacros promoueri, vel promoti in ijs ministrare possint. Sed cum ordinatore, vt ordinandi potestatem recuperet, dispensare licet.

Loquitur hic Lucius de ordinibus sacris, de quibus Apostolus ad Timoth. cap. 3. Vt Episcopi, quo nomine etiam presbyteros comprehendit, atque Diaconi non creentur, nisi monogami, id est, qui præter vnā vxorem, aliam non habuerint.

Difficultas autem est, vtrum Papa dispensare possit in irregularitate bigamiae. Aliqui Canonistæ negant, vt videre est in Gl. ver. dispensare, quia Lucius III. in hoc, cap. ait, quòd contra Apostoli præceptum dispensare non licet. Sed affirmandum est cum Innoc. hic, Gl. in c. lector, 8. d. 34. Anchorano in c. 1. de bigamis, in 6. S. Thom. Soto, & alijs in 4. d. 27. q. 3. a. 3. Quia Papa dispensare potest in omni iure Ecclesiastico, etiam ab Apostolis

lis constituto: cum ipse in ligando & soluendo Apostolica auctoritate præditus sit. Ad texum resp. cum Suarez de censur. disp. 49. sect. 6. n. 6. Non diei in hoc c. quod non possit dispensari cum bigamo, sed quod non liceat dispensare contra Apostolicam & in tota Ecclesia receptam traditionem: quandoquidem etiam ad supremum Ecclesiæ Pastorem pertinet optimè constitutos Ecclesiæ canones custodire, ac propagare. Quæ ratio ostendit, quod Summus Pontifex non soleat absque grauissima causa dispensare eum bigamis, præsertim veris, & propriè dictis. Sed neque dispensare facile solet: vt qui viduam vxorem duxit, ad ordines sacros (inter quos etiam Subdiaconatus numeratur) promoveatur, vti constat ex c. nisi, 10. §. Personæ, de renunt.

Sed ad minores ordines accipiendos Papa facilius dispensat: Imò aliqui, inter quos S. Thom. 1. cit. hanc facultatē etiam Episcopis concedunt, arg. cit. c. lector, ex quo tamen parum probari potest: cum non sit Martini Papæ (vt Gratianus scripsit) sed Bracharenfis Archiepiscopi. Id tamen ex eo textu colligitur, fuisse aliquarum Ecclesiarum consuetudinem, vt Clerici, qui viduam vxorem duxerant, in clero permitterentur; imò postulatē necessitate etiam ad Subdiaconatum, non vltius, promouerentur. Sed hæc hodierno iure permilla non sunt, vti colligitur ex c. vn. eod. tit. in 6. vbi id notat Anchoranus in fine. Vide quæ dixi lib. 1. tr. 5. p. 6. c. 6. num. 7.

CAPITVLVM III.

De bigamis.

Presbyteri, qui verè bigami sunt, aut qui viduas vxores habuerunt, neque viuens vxoribus, neque defunctis ac celebrationem admitti debent cum perperam ordinati fuerint, contra Apostoli doctrinam, & Ecclesiæ consuetudinem.

QVÆRES. Vbi Apostolus prohibeat, ne is, qui viduam vxorem habuit, presbyter ordinetur. Respondeo; Exare de hac re can.

18. Apostolicum à Gratiano relatum, c. si quis viduam, 15. d. 55.

CAPITVLVM IV.

Nuper.

SUMMARIVM.

1. *Qui promotus ad sacros ordines, mortua vxore, aliam de facto duxit & cognouit, bigamia poenam incurrit (licet verè bigamus non sit) & contrahit irregularitatem indispensabilem.*
2. *Et hac poena extenditur etiam ad laicos, qui inualidè secundas nuptias contrahunt.*

AIt in hoc c. Innocent. III. dubiam questionem esse; Vtrum Clericus in sacris constitutus, qui antè vxorem virginem habuerat, si eà mortuà aliam ducat de facto, non de iure (quia irritum est matrimonium) bigamus censi debeat. Pro parte quæst. affirmante est, quod in talibus matrimonijs non ad iuris effectum, sed potius ad prauam intentionem cum opere subsecuto attendi soleat: Nam ideo secundum leges infamia notatur, qui duas simul vxores habet, l. quid ergo, ff. de his qui notantur infamia. Et presbyter punitur, qui nuptias non legitimas contraxit, c. presbyterum, d. 28. Ex altera verò parte obstat videtur, quod veritas præferenda sit opinioni, seu iuris præsumptioni: alioquin bigamus censi deberet, qui nullam vxorem validè duxit, vt si quis de facto, non de iure contraheret cum duabus, v. g. consanguineis suis. His disputatis, amplectitur Innoc. partem q. affirmatiuam, videlicet Clericos in sacris, qui post primam vxorem defunctam, aliam inualidè duxerunt, & cognouerunt, licet re ipsa bigami non sint, tamen quasi bigamos habendos, idè quæ ad ordines indispensabiles censendos esse. id quæ propter affectum intentionis, cum opere subsecuto, id est, quia, quantum in ipsis erat, voluntariè matrimonium alterum contraxerunt & consummarunt.

Qvæ.

QUÆRES; Quanam ratione, aut fundamento hæc responsio Innoc. nitatur? Resp. Eam niti praxi ecclesiastica, secundum quam clerici in sacris, si nuptias secundas priore muliere mortua, aut viuentem, inualidè contrahant, irregulares iudicantur, tanquam bigami sint, & indispensabiles, iuxta ea quæ c. 1. dicta sunt. Et æque interpretatio in odium Clericorum ita contrahentium facta est, id eòque ad alios cum vxore altera, vel vtraque inualidè contrahentes, spectato iure canonico scripto, extendenda non videtur: Quia non præstat impedimentum, quod de iure non sortitur effectum, reg. 5. in 6. Nihilominus, propter auctoritatem DD. hanc responsionem Innoc. generatim intelligentium de omnibus etiam laicis, si inualidè contrahant nuptias secundas, quod irregularem quasi cuiusdam bigamiæ indispensabilem contrahant, in praxi sequendam esse, docui lib. 1. tr. p. 5. c. 6. n. 5. Eò quod censuræ & Irregularitates, etiam sine scripto iure, per vniuersalis Ecclesiæ consuetudinem diuturnam introduci possint.

CAPITVLVM V.

Debitum.

DVplex est matrimonium. Vnum ratum, quod mutuo contrahentium consensu constituitur, & significat coniunctionem Christi cum Ecclesia per charitatis vnionem, iuxta Apost. 1. ad Corinth. 6. *Qui adheret Domino, vnus spiritus est.* Alterum est matrimonium carnis copulâ consummatum, quod significat coniunctionem Christi cum Ecclesia per carnis assumptionem, de qua S. Ioan. c. 1. scripsit; *Verbum Caro factum est.* De eodemque Apostolus ad Ephes. 5. scribens ait; *Sacramentum hoc magnum est, ego autem dico in Christo & Ecclesia.* Hoc posito sciendum est; Cum dicitur, bigamos atque irregulares esse eos, qui cum duabus vxoribus, vel cum vidua matrimonium contraxerunt, ita semper intelligendum esse, quodmodò matrimonium consummatum fuerit. Quare si aliquis duas vxores duxerit,

sed alteram earum, priorem aut posteriorem carnaliter non cognouerit, bigamus non est. Idemque iudicium est de eo, qui viduam duxit & cognouit, quæ à priore marito cognita non est, sed virgo permansit. Ratio est: Quia bigamiæ irregularitas oritur ex defectu Sacramenti, id est, quod matrimonium bigami non perfectam, sed quodammodo deficientem gerat similitudinem Verbi incarnati. Nam Filius Dei copulauit sibi Ecclesiam vnâ, ab alio non assumptam. Ergo illi tantum bigami & irregulares censendi sunt, qui duas vxores cognouerunt, siue vt Innoc. loquitur, qui carnem suam in duas vxores diuiserunt; vel qui vnâ vxorem cognouerunt, quæ tamen ab alio viro cognita fuit, seu quæ carnem suam in plures maritos diuisit. Vide quæ dixi cit. c. 6.

NOTANDVM Vn. Quicumque duas vxores successiue duxit & cognouit; & quicumque ab alio marito cognitam duxit & cognouit, bigamus est, & irregularis. Idemque & de eo sentiendum, qui mulierem extra matrimonium corruptam duxit, & cognouit.

CAPITVLVM VI.

Quia.

SUMMARIUM.

1. *Qui plures concubinas habent, non sunt bigami.*
2. *Sacerdotes concubinarij olim erant ipso iure suspensi.*

PResbyteri, qui plures concubinas habuerunt, non sunt bigami censendi. Quare Episcopus cum talibus perinde ac cum alijs Sacerdotibus fornicarijs, quoad sacerdotalis officij executionem, dispensare potest.

NOTANDVM Vn. Sacerdotes concubinarij olim erant ipso iure suspensi, vt etiam post aeternam poenitentiam celebrare non possent, priusquam Episcopus cum ipsis dispensaret. Ita colligitur ex hoc c. contra Gl. c. si qui sunt, 15. d. 81. Quid autem, spectato hodierno iure, sentiendum sit, dixi lib. 1. tr. 5. p. 5. c. 4. n. 11. & lib. 5. tr. 9. c. 12. n. 10.

CA.

CAPITVLVM VLT.

A nobis.

PARAPHRASIS.

Subdiaconus, qui de facto tantum (cum de iure non posset) viduam in uxorem duxit, licet verè bigamus non sit (cum matrimonium validum non fuerit) tamen quasi cuiusdam bigamiz (quam interpretationem vocant) indispensabilem irregularitatem contraxisse censendus est: Non propter defectum Sacramenti (cum nulum hic matrimonij Sacramentum fuerit) sed propter prauam matrimonij contrahendi intentionem, cum opere subsecuto,

SUMMARIUM.

1. Clericus in sacris constitutus viduam in uxorem inualide ducens, & cognoscens, perinde irregularis est censendus, ac si verè bigamus esset.
2. Si autem Virginem ducat, bigamus non censetur, irregularitatem tamen contrahit, licet dispensabilem ab Episcopo.

NOTANDVM Vn. Si Clericus in sacris constitutus viduam in uxorem inualide ducat, & cognoscat, irregularis cenferi debet, perinde ac si bigamus sit,

Sed quid? Si Clericus in sacris, vel Religiosus virginem ducat? Respondeo, Talem bigamum non cenferi, nihilominus irregu-

laritatem, quamvis dispensabilem ab Episcopo contrahere, vti habetur c. sanè, 4. de cleric. coniugatis, & dixi cit. c. 6. num. 6. Sed quid.

CAPITVLVM VNICVM

cod. Tit. in 6.

Altercationis.

SUMMARIUM.

Bigamus priuatus est omni privilegio clericorum, & est subiectus foro seculari. prohibetur etiam ei sub excommunicatione, ne habitum & tonsuram more clericorum deferat.

D Vbitatum olim fuit, vtrum Clerici (intellige de ijs, qui in minoribus constituti sunt) si alteram uxorem ducant, vel viduam, aut corruptam, clericalibus privilegijs gaudere possint? Aliqui enim affirmabant, (aduentes Episcopum cum talibus dispensare posse, vt supra dixi c. 2.) Sed contrarium hic definit Gregor. X. in Concil. Lugdun. Eiusmodi bigamos omni privilegio clericorum priuatos esse, & iurisdictioni fori secularis subiectos, quavis consuetudine non obstante. Eisdem quoque sub excommunicationis inferendæ pœna prohibetur, ne habitum & tonsuram clericorum more deferant. Idem quoque decretum olim fuerat à Siricio Papa in c. quisquis, d. 84. Vide quæ dixi lib. 1. tr. 5. p. 2. c. 5. n. 3.

TITVLVS XXII.

DE CLERICIS PEREGRINIS.

CAPITVLVM I.

Tua.

SUMMARIUM.

1. Iure antiquo clerici transmarini, & alij peregrini non erant suscipiendi, nisi quinquæ Episcoporum chirographis si-

dem faciant de sua ordinatione.

2. Nouo iure Trident. sine commendatitiaz sui Ordinarij licetia a nullo Episcopo ad diuina celebranda, & Sacramenta administranda admitti debent.
3. Quomodo differant licetia dimissoria, testimoniales, commendatitia, & formata.

Bbb

4. Cl.

4. Clerici in sacris, si peregrinari velint, vel discessuri sint, non potest negare Episcopus commendatitias, vel testimoniales nisi beneficia habeant in titulum, ratione quorum ad residentiam obligentur.
5. Generatim loquendo, merè testimoniales dari debent, si commendatione digni non sunt.



Onfultus fuit Alexander III. vtrum clerici peregrini & ignoti, qui ex remotis regionibus literas Episcoporum commendatitias, seu formatas auferunt, fufcipi poffint, ac miniftrare permitendi fint, tametsi quandoque incertum fit, an vera Episcoporum figilla adfint. Ad hoc refpondet: Quod olim Patres ftatuerunt de Clericis transmarinis, seu ex Africa aduenientibus tota d. 98. vt tanquam ordinati clerici non fufcipiantur, nifi minimum quinque Episcoporum chirographis fidem faciant de ordinatione, idipfum obferuandum quoque effe circa alios clericos peregrinos. Adicit verò, non ftatim permittendos effe miniftrare, donec de eorum moribus ac vita, & num ordines, etiam minores, gradatim acceperint, inquifitio facta fuerit.

Quòd hic quinque Episcoporum testimonia requirantur, id fecundum ea tempora, quibus fraudes multæ in hoc genere contigerunt, conftitutum fuit, vt videre eft in c. 2. & 3. d. 98. Nunc verò feruari debet Conftitutio Trident. feff. 23. c. 16. de reform. Vt nullus Clericus peregrinus, sine commendatitias, seu Ordinarij literis ab vilo Epifcopo ad diuina celebranda, & sacramenta adminiftranda admittatur. Quod etiam ftaturum fuit in Concil. Chalcedon. can. 13. relato in c. extraneo, 7. d. 71. Ex quibus decretis colligitur, fi clericus peregrinus & ignotus Epifcopi Ordinarij literas commendatitias, quæ & formatæ dicuntur, auferat, quæ omni fraudis fufpitione carere videantur, à locorū Ordinarijs ad celebrandum admitti poffe: qui n & ad vltiores ordines (fi legitimis dimifforias habeant) vel beneficia ab Epifcopis

promoueri, poftquam probitatis ac doctriinæ fpecimina dederunt.

QVÆRITVR I. Quomodo inter fe differant literæ dimifforiæ, testimoniales, commendatitiæ, & formatæ? Refp. Si proprie loquendum fit, Dimifforiæ dicuntur, quas Epifcopus fubditis fuis dat, vt ab alieno Epifcopo ordinentur: vel vt liberi à beneficio, quod in diœcefi obtinebant, alibi intitulari atque feruire poffint. Literæ autem merè testimoniales funt, quibus id folum Epifcopus teftatur, quòd Clericus hos, vel illos ordines legitime confecutus fit. Commendatitiæ verò literæ, quæ clericis peregrinaturis vel difceffuris dantur, vt appareat non tantum, in quo ordinis gradu pofiti fint, fed etiam quàm moribus & doctriinæ commendati. Denique literæ formatæ, licet communiam confuetudine pro testimonialibus collatorum ordinem accipiantur, olim tamen generalem acceptionem habebant, vt omnes Epifcopolæ canonicæ, seu Ecclefiafticæ formatæ dicerentur, quia fecundum certam formam fcriptæ erant: frequenter autem accipiebantur pro commendatitiis, quæ difceffuris fidelibus, præferim clericis, & pifcopi dabant, & alio nomine *communicatoria*, item *pacifica* vocabantur, quia abituris in testimonium catholicæ communionis dari folitæ erant, vt videre eft tom. 1. Concil. apud Seuer. Binnium, in vita Xifti 1. & tom. 2. p. 2. in notis Concilij Hifpalenfis 2. Plura de varijs Epifcopolarum canonicarum formis legere potes apud Baronium Anno 142. n. 6.

QVÆRITVR II. Vtrum Epifcopus Clerico in facris, fi intra, vel extra diœcefin peregrinari, vel omnino difcedere velit, literas commendatitias aut testimoniales dare debeat? Videtur enim negandum ex Concil. Nicæno, can. 16. & refertur in c. fi quis verò, 23. caufa 7. q. 1. & 4. can. 41. Laodic. quod refertur in c. non oportet, 16. d. 5. de consecrat. Sed refpondendum eft, ex refponfo Cardinal. fuper cit. c. 16. cum Suarez lib. 3. de voto. c. 4. n. 9. Barbofa de pœneft. Epifc. p. 2. allegat. 20. n. 5. Quòd Epifcopus Sacerdotibus, aliisque Clericis peregrinaturis, aut difceffuris non poffit negare commendatitias, vel testimoniales;

miales; nisi beneficia habeant in titulum, ratione quorum ad residentiam obligentur.

5. Cavendum tamen est, si ob criminis conscientiam, vel suspicionem discedant, ne tanquā boni, & probati commendentur. Imò generatim loquendo, merē testimoniales dari debent, si commendatione digni non sint. Ad canones suprà allegatos respondetur, maiorem fuisse olim, cum pauciores clerici & omnes intulati essent, permanendi, & sine iussu Episcopi ab Ecclesia sua non discedendi obligationem.

CAPITVLVM II.

Inter.

PARAPHRASIS.

Constantinopolitanus Patriarcha quæsiuit ex Innoc. III. utrū clericos, qui sine Ordinatorum suorum literis dimissorios, aut testimonialibus adueniunt, si iuramento confirmare parati sint, quod hos vel illos ordines legitimē susceperint, ad superiores ordines promouere licitē possit. Respondet Papa; Si alia documenta ordinationis acceptæ non exhibeant, ordinandos non esse; præsertim si necdum eorum probitas cognita est.

SUMMARIVM.

1. Iuramentum per se solum non sufficit ad aliquid ostendendum præsertim si homo ignotus aut suspectus sit.
2. Amissio literarum dimissoriarum, vti & ipsa accepta ordinatio clericis potest per testes legitimis probari; tutius tamen erit, salem ab usu Ordinum suspendere, dum alios ab Ordinatore suo impetret.

NOTANDVM I. Iuramentum per se solum non sufficit ad aliquid ostendendum, præsertim si homo ignotus, aut suspectus sit. Nam iuramentum communiter defertur in subsidium probationis: Ergo si qualitas extrinseca, v.g. ordinatio suscepta, quæ

non præsumitur, astrui & probari debeat, non sufficit solum iuramentum.

NOTANDVM II. Si Clericus dicat se dimissorias seu formatas amisisse, possunt etiam literæ, sicuti & ipsa accepta ordinatio, per testes legitimis probari. Ita habetur in c. eum olim, 12. in fine, de priuilegiis. hic, ver. per argumenta. Tutius tamen erit in hoc casu hominem interim suspendere ab ordinatione, donec alias literas, si id fieri possit, ab ordinatore suo impetret.

CAPITVLVM III.

Tux.

PARAPHRASIS.

Si Clericus peregrinus ac ignotus sine literis commendatitiis aduenierit, nisi per alia legitima testimonia, videl. per testes fidem fecerit de ordinatione sua, non est permittendus in publico celebrare. Quod si verò aliquis secretò celebret, poterit sustineri.

SUMMARIVM.

1. Sacerdos peregrinus, qui literas formatas aut commendatitias non habet, alius autem legitimis documentis docere potest se ordinatum esse, celebrare permittendus est, si fraudis aut flagitiosa vita nulla suspicio subsit.
2. Idem peregrinus, si de eius ordinatione non constas per formatas, vel eas suspectas habet, potest nihilominus adniti ad celebrandum, non quidem in publico, sed secreto.
3. Episcopus prohibere etiam potest, ne presbyteri peregrini celebrare permittantur in ecclesiis Regularium alterius Ordinis, nisi ipsæ literas eorum viderit, & examinasset.

NOTANDVM I. Sacerdos peregrinus, qui literas formatas, aut commendatitias non habet, quia v.g. ea in via amisit, si alijs legitimis documentis ostendat se ordinatum esse, celebrare permittendus est, si fraudis

dis aut vitæ flagitiose nulla suspicio subfit.

2. **NOTANDUM II.** Si Sacerdos peregrinus à Missarum celebratione repellatur, quia formatus non habet, vel suspectus habet, a-moto v. g. aut fracto sigillo, is potest nihilominus secretò celebrare: cum suspensus, vel irregularis non sit. Ita Innoc. in c. 1. hoc tit. Nauar. consil. vn. hoc tit. edit. Barbosa p. 2. allegat. 20. n. 3. Et si episcopus interdum dissimulare potest, nisi probabilis fraudis suspicio addit: tunc verò interdicere illi debet, ne priuatim etiam celebret, & transgredientem punire. Idque colligitur etiam ex Concil. Trident. sess. 22. in decreto de obseruandis in celebrat. Missæ: *Ut irreuerentia euitetur, singuli in suis diocesis interdiciant, ne cui vago & ignoto sacerdoti Missas celebrare liceat.*

3. His addit Barbosa p. 2. allegat. 21. n. 8. Quòd Episcopus prohibere etiam possit, ne Presbyteri peregrini celebrare permittantur in Ecclesiis Regularium, nisi ipse prius literas eorum viderit, & examinaret. Id verò intelligi debet de Presbyteris secularibus, vel etiam Regularibus, si alterius Ordinis sint: Et, si Episcopus, vel Vicarius eius præsens sit.

Ad extremum aduerte, Casum huius c. diuersum esse à duobus præcedentibus: Hic enim quæritur de clerico peregrino, qui vt hospes in loco moratur, mox discessurus: illis verò de quæstû fuit, vtrum Clerici aliunde aduentantes ad aliquam Ecclesiam suscipi, vel etiam vltius ordinari ac promoueri possint. Adquam rem maiora testimonia, & experimenta requiruntur. Ita Innoc. notauit incit. c. 1. hoc tit.

CAPITVLVM VLT.

Te nobis.

PARAPHRASIS.

Non est permittendum, vt Prælati inferiores in Ecclesiis non omnimodè exemptis

instituant clericos peregrinos, sine examine & consensu Episcopi ordinarij. Quòd si id factum fuerit, poterit Episcopus institutos remouere, nisi dispensatiuè tolerare malit.

SUMMARIVM.

1. *Inferiores Prælati collatores non exempti ab Ordinarijs prohiberi possunt, ne peregrinos in suis ecclesijs instituant, nisi prius Episcopus eorum dimissorias viderit & examinaret.*
2. *Alios autem notos & probatos sine examine instituere possunt ad simplicia beneficia, quorum liberam collationem habent.*

NOTANDUM Vn. Episcopus vi huius can. & Concil. Trident. sess. 23. c. 16. de reform. prohibere potest inferioribus collatoribus, ne in Ecclesiis iurisdictioni ipsius Episcopi subiectis, siue non omnimodè exemptis instituant clericos aliunde aduentantes, si ignoti sint, nisi Episcopus eorum literas dimissorias, aut commendatitias prius viderit, & examinaret: quandoquidem ad ipsum spectat cauere, ne improbi clerici in diocesin suam recipiantur.

Alios verò notos, aut probatos Ministros etiam sine Episcopi examine inferiores collatores instituere possunt ad ea simplicia beneficia, quorum liberam collationem habent: non item ad beneficia curata, sed neque adea, quæ iurispatronatus sunt: In his enim priusquam instituantur, ab Episcopo examinari debent, secundum Trident. sess. 7.

c. 13. de reform. iun. Cardinal. declarat.

& sess. 25. cap. 9. de reformat.

* * *

TITVLVS XXIII.

DE OFFICIO ARCHIDIACONI.



Vperioribus Titulis generatim actum fuit de Ecclesiæ Ministris, quos ordinare, & instituere ad Episcopos pertinet: sequitur, ut in specie dicatur de quibusdam dignitatibus, personatibus & officiis Ecclesiasticis. Et primò de officio Archidiaconi, qui secundum pristinam consuetudinem, primam post Episcopum in Ecclesijs dignitatem obtinet, uti constat ex c. ad hæc, hoc tit.

CAPITVLVM I.

Vt Archidiaconus.

PARAPHRASIS.

Archidiaconi officium in eo consistit, quòd sit Vicarius Episcopi in omnibus (quod intellige tum in temporaliū, tum spirituum rerum administratione) ideòq. curā vniuersi Cleri tam in ciuitate Episcopali, quàm in Parochijs habet: Et saltem tertio quoque anno, si Episcopus ipsemet nō potest, diocēsin visitare debet, & quæ emendanda sunt, tanquam Episcopi vicem gerens corrigere.

SUMMARYM.

1. Archidiaconi officium in primitiua Ecclesia erat, imperare Diaconis & Subdiaconis, eos ad altaris ministerium instruere, & bona Ecclesiæ administrare, ac dispensare.
2. Eius officium nunc sumendum potius ex cuiusque ecclesiæ consuetudine & statuto, quàm iuribus scriptis.
3. Differre ab officio Generalis Vicarij in duobus.
4. Archidiaconus secundum ius commune.

5. & seclis particularium ecclesiarum consuetudinibus, præferendum est Prepositus & Decano, seu Archiepiscopo.
6. Dignitas Vicarij Generalis absolute minor censetur, quàm alie quædam ecclesiæ Cathedralis dignitates, qualis est Archidiaconi.
7. Episcopus per seipsum vel Vicarium Generalem, aliumve quot annis visitet diocēsin, vel si ob latitudinem vno anno non potest, saltem biennio visitatio absoluitur.
8. Visitatores præter procuraciones, hoc est, victualia moderata sibi, ac suis necessaria, nihil omnino exigere aut accipere debent.

Sciendum est primò: Archidiaconus, ut nomen ipsum indicat, est diaconorum Princeps, seu primus Diaconus, eius, secundum pristinam consuetudinem, magna in Ecclesia Romana dignitas fuit. Quia enim Diaconi Episcopo proxime assistebant in sacrificio, eimque perpetuò comitabantur, ideò ipsis quoque dispensatio, & administratio patrimonij Ecclesiastici commissæ fuit, uti colligitur ex c. 6. Acto. vbi Ioannes Lorinus legi potest, ver. 3. Quare in primitiua Ecclesia Archidiaconi officium erat, tum Diaconis, & hypodiaconis omnibus imperare, eòque ad altaris ministerium instruere, tum verò bona Ecclesiastica administrare, ac dispensare. Progressu autem tēporis Archidiaconi potestas maior euasit, ut Vicarius Episcopi in omnibus esset, totique clero imperaret. Videri potest Azor to. 2. hb. 3. c. 12.

Sciendum est secundò: Archidiaconi officium, ac potestas neque olim fuit, neque nunc est eadem in omnibus Ecclesijs: quare rectè hic notauit Innocent. Syl. ver Archidiaconus n. 1. Si cognoscere velimus Archidiaconi officium, potius inspiciendam esse

Bbbb 3 cuius-

eiusque ecclesię consuetudinem, aut statutum, quàm iura scripta. Nam in quibusdam Ecclesijs Archidiaconus nullus est: sed eius officium, quod hic describitur, vel Archipresbyter seu Decanus præstat, vel generalis Episcopi Vicarius, seu Officialis: In quibusdam verò Ecclesijs Archidiaconus quidem est, sed tantum præminentiam inter Canonicos habet, nullam verò iurisdictionem, vel administrationem. *Qua de re Azor lococit. q. 6.*

- 3 Nunc QVÆRITVR primò: Quomodo Archidiaconi officium hoc e. descriptum differat ab officio generalis Vicarij, de quo lib. 6. decret. tit. 13. lib. 1. Respondeo, his modis differre. I. Archidiaconus ipso iure est Vicarius Episcopi, cùm officium Vicariatus eius dignitati annexum sit, ideòque auferri ei non potest: Sed Vicarius ab homine, videl. Episcopo, tamen secundum institutionem & auctoritatem canonum instituitur, & ad libitum eius amoueri potest: Aliter dici potest, quòd Archidiaconus sit Vicarius natus, intitulatus & perpetuus: Officialis autem sit Vicarius factus, non intitulatus, ac temporalis. Videri potest Butrio c. ad hæc, hoc tit. Iacobus Sbrozjus de Vicario Episc. lib. 1. q. 3. n. 15. Hostiensis tit. de officio delegati, n. 2. Vbi doctè distinguit, quòd Archidiaconi iurisdicctio ordinaria directè proveniat à lege, indirectè autem ab homine, v. g. Episcopo instituyente Archidiaconū, nam per consequentiam tribuit ei potestatem ordinariam Vicariatus. At vero Vicarij Generalis seu Officialis iurisdicctio (quæ & ipsa ordinaria est, vt infra dicam tit. 28.) directè provenit ab Episcopo creatante & instituyente Vicarium; indirectè verò à lege seu canone. *Quia canon auctoritatem dat Vicarium generalem instituēdi: nam alioquin nemo Principe inferior officium aut iurisdictionē suam iure ordinario exercendam committere potest. docent DD. in l. penult. ff. de iudicijs, Robertus Marunta de ordine iudiciorum p. 4. n. 52.*

Alterum discrimen. Ab Archidiacono ad Episcopum appellari potest, c. referente, 7. de præbend. Sed à Vicario Generali seu

Officiali ad Episcopum appellari nequit, c. 2. de consuet. in 6. Is enim Episcopi tribunali seu consistorio præest: Sed Archidiaconus propriam, eamque subordinatam Episcopo iurisdictionem habet. *Quemadmodum & à Principum Vicarijs, atque vrbū præfectis appellare licet, vt Gl. notauit in l. t. C. de officio Vicarij, Tuschus ver. Vicarius, concl. 482. n. 20.*

QVÆRITVR secundò: Vtrum Archidiaconus Vicario generali, item Archipresbytero, Præposito, seu Decano præferendus sit. Hanc quæst. tractat Sbrozjus lib. 2. q. 23. Respondeo: Si de dignitate Archidiaconi secundum ius commune, & seclusis particularibus Ecclesiarum consuetudinibus, loquamur, certum est, Præposito, & Decano seu Archipresbytero, præferendum esse Archidiaconum, quippe cui omnis totius cleri cura commissa est, c. ad hæc, 7. hoc tit.

Neque obstat, quòd absurdum videatur, Diaconum presbytero præferri: non enim præferretur ordinis ratione, sed ob maiorem iurisdictionem, & administrationem. Quo simili modo Cardinalium dignitas maior censetur quàm Episcoporum, quia illi proximè assistentes lateri Sani, Pontificis, eius negotia curant, vti bene annotavit Tuschus cit. loc. n. 15. Sic etiam olim in quavis Ecclesia Cathedrali septem Diaconi constituebantur, vt Episcopo adessent, eiusque negotia procurarent, vt habetur in can. 15. Concil. Neocesariensis, relato in c. Diaconi, d. 93. Qui prouide presbyteris, quippe sacra tractantibus, in externa gubernatione præponebantur, maxime illorum Princeps, siue Archidiaconus, Nihilominus eum diuinamysteria agerentur in ecclesia, presbyteros sequi debebant. Fuit autem ob eam rem tempore Anastasij I. circa annum Christi 400. grauis contentio orta inter Diaconos & Presbyteros: Dum enim illi, ob commissam sibi administrationem, superbiā elati presbyteros contemnerent: hi autem se fortiter opponerent, ac dicerent, secundum consuetudinem Ecclesię Romanæ adeò Presbyteros Diaconis præferri, vt illis stantibus presbyteri ad diuinam officia

officia sedere possint: eoque per contentionem progressi fuerunt, ut neque Euangelium coram populo legentibus Diaconis, Presbyteri à sede sua exsurgere vellent. Contra quos statutum edidit idem Anastasius, vti habetur in Pontificali libro: *Constituitur, ut quoties Evangelia recitarentur, sacerdotes non sederent, sed curui starent.* Legantur, quæ scribit S. Hieron. epist. 85. ad Euagr. relatus in c. legimus, 24. d. 93. & Baron. Ann. 402. n. 42.

Quod ad alterum attinet, Canonistæ quidam, inter quos Felinus in rubr. de maior. & obed. n. 10. Tuschus cit. concl. 482. n. 21. aiunt, absurdum & stultum videri, si Archidiaconus præcedere velit Episcopi Vicarium, cum eius tribunal inferius sit, & subiectum Consistorio Episcopali, cui præest Vicarius Generalis, seu Officialis. Sed de facto in pluribus Ecclesijs contrarium observatur, ut Vicarius generalis seu Officialis sequatur Ecclesiæ Cathedralis Archidiaconum, Præpositum, & Decanum, quin imò aliquibus locis omnes Ecclesiæ Cathedralis Canonicos. Talem autem consuetudinem damnare difficile est. Accedit, quòd in c. ad hæc, 7. expressè habetur, quòd secundum Romanum Ordinis constitutionē, Archidiaconus maior post Episcopum, eiusdem Episcopi Vicarius existat. Quare respondetur ad obiectionem: Consideratione diuersarum causarum, & locorum, eandem personam eidem anteferri & postponi, vti constat ex l. 1. C. de officio Vicarij, vbi dicitur, in causis civilibus atque iudicijs Vicarios Comitibus militari-
bus anteposendos esse, sed in rebus militari-
bus postponendos: Ita dico de Vicario; Li-
cet is in tribunali suo, quatenus Episcopi ibi
vices actualiter gerit, superior sit, siue iurisdic-
tionem in alios omnes clericos, etiam Archidiaconum, exerceat (cum nullus subditus Episcopo eius tribunal declinare possit) tamen extra tribunal suum, ut in ecclesia, in processionibus, alijsque conuentibus post-
poni potest, ita ut, absolute loquendo, dignitas Vicarij generalis minor censeatur, quam
alix quædam Ecclesiæ Cathedralis dignitates.

Denique quod attinet ad diocesis visitationem, de qua in fine huius c. mentio fit, seruari nunc debet constitutio Trident. sess. 24. c. 3. de reform. Ut Episcopus per se ipsum, vel, si impeditus sit, per Vicarium generale, aliumque Visitatorem diocesis quotannis visitet. Quòd si ob latitudinem vite anno tota visitari non possit, saltem biennio visitatio absoluat. Quòd si Archidiaconi, aliique inferiores ius visitandi per Ecclesiæ consuetudinem habeant, rum visitationis suæ rationem Episcopo intra mensem reddere cogantur: & eo non obstante, Episcopus aut visitator eius visitationem instituere potest. Porro visitatores, præter virtualia moderata sibi ac suis necessaria (quæ procuraciones vocantur c. procuraciones, 23. de censibus, c. felicitis, 3. eod. in 6.) nihil omnino exigere aut accipere debent.

CAPITVLVM II.

Officium.

Ad officium Archidiaconi pertinet Diaconos, aliosque Ministros inferiores ad altaris ministerium instruere; præcipere, quis Diaconorum Euangelium (si ipsemet non voluerit) legere, aut cantare debeat. Vnde c. 1. d. 25. & quæ dicta sunt c. præced.

CAPITVLVM III.

Ea quæ.

Cum Archidiacono custodia rerum Ecclesiasticarum præcipue commissæ sit, ideo si quid per culpam vel fraudē cuiuspiam perierit, ab ipso repetetur. Ita Gregorius I. regit. 1. epist. 10. ad Fortunarum Diaconum.

NOTANDVM Vn. Supremus rerum Ecclesiæ Custos tenetur non tantum ex culpa propria, lata aut leui, sed etiam ex culpa aut dolo inferiorum, v. g. si sacristæ culpâ aliquid perierit. Id verò intelligi debet, si ipse Superior negligentiz argui potest, quòd inferioribus non attenderit, vti hic Anton. docet n. 1. Sed prius obligatur inferior, qui perdidit,

didit, aut destruxit, & in defectum eius Superior, cui ex officio incumberebat impedire, iuxta ea quæ dixi lib. 3. Th. mor. tr. 2. c. 6. n. 2.

Archidiaconis.

CAPITVLVM IV.

Cum satis.

PARAPHRASIS.

Non valet consuetudo, vt Archidiaconus curata beneficia conferat, sine Episcopi consensu.

SUMMARIUM.

Consuetudine introduci non potest, vt in ecclesia Episcopo subiectis Ministris curati sine eiusdem approbatione instituantur.

NOTANDVM Vn. Consuetudine introduci non potest, vt in Ecclesijs Episcopo subiectis Ministris curati sine eiusdem approbatione instituantur. Ita intelligit Anton. hic, & Azor tom. 1, lib. 5. c. 19. §. consuetudo item, & consentit Syn. Trid. sess. 7. c. 13. de reformat. Nam consuetudo, quæ Ecclesijs perniciosa est, prævalere non potest: Esset autem Ecclesijs perniciosum, si sine cognitione ac consensu supremi in diocesi pactoris, videl. Episcopi, inferiores curati instituerentur. Accedit, quod Episcopus curam parochiarum sibi subiectarum deponere non possit, sed providere debeat, vt populus in spiritualibus bene pascatur, sacra legitime administrantur, iuxta c. regenda, & seqq. causa 10. q. 1. Id autem curare non potest, nisi sciat, quin & quales curati præficiantur. Interim fateamur, quod inferiores Prælati per consuetudinem acquirere possint ius instituendi, etiam ad curata beneficia, sed non sine examine, & approbatione Episcopi, vti constat ex c. ad hæc, 7. hoc tit. Eodémque modo intelligi debent, quæ Innocent. docet imper hoc c.

* *

Spectata Ecclesiastica institutione, non videtur Archidiaconis concessum, in aliquem sententiam excommunicationis promulgare, nisi Episcopi accesserit auctoritas.

Contra hoc Alexandri III. responsum obijciunt c. dudum, 54. de elect. & c. 1. de eo qui fortitue, & c. quibus habetur, quod Archidiaconus possit excommunicare. Idque fatentur DD. in c. cum ab Ecclesijs, 3. de off. Iudic. Ordinarij. Et constat ex eo, quia Archidiaconus spectato communi iure, habet ordinariam fori externi iurisdictionem in alios clericos, c. 1. & c. ad hæc hoc tit. Ad hæc autem iurisdictionem pertinet præcipere, & inobedientes pœnis ac censuris coercere, vti dixi lib. 1. Th. mor. tr. 5. p. 1. c. 3. ass. 1. Resp. Rectè dixisse Alexandrum Papam, spectata Archidiaconi institutione, non competere ipsi potestatem excommunicandi: cum curam animarum non habet, sed vt Minister & custos Episcopo adiunctus est: Quamobrem Diaconi oculi Episcopi appellantur, c. Diaconi, 11. d. 93. c. ad hæc, hoc tit. eisdémque rerum Ecclesiasticarum custodia, & administratio credita est. Sed progrediēte tempore Archidiacono maior potestas, atque iurdictio commissæ fuit; non tamen in omnibus Ecclesijs, sed in Ecclesia Romana, quam quædā aliz imitantur sunt Ecclesiæ. Quare tota hæc res ex cuiusque Ecclesiæ consuetudine pendet. Lege c. legimus, 14. d. 93.

CAPITVLVM VI.

Mandamus.

Archidiaconus non nisi semel Ecclesiæ Archidiaconatus sui visitare debet, nisi causa specialis emerferit, ob quam sæpius visitari debeant.

NOTANDVM Vn. Prælati Ecclesiæ suas singulis annis, non sæpius, visitare debent,

bent, c. relato, 9. & seqq. causa 10. q. 1. Sin tamen causa postulet, bis visitare potest, sicuti de Episcopo habetur in c. cum venerabili, 21. iun. Gl. ver. bis in anno, imò quoties ipsi videbitur, secundum Trident. sess. 6. c. 4. de reformat. Videri potest Azor tom. 2. lib. 3. c. 40.

CAPITVLVM VII.

Ad hæc.

AD officium Archidiaconi (secundum Ecclesiæ Romanæ consuetudinem) pertinet Leuitis, & hypodiaconis imperare; curam parochiarum gerere; adeò, vt & Archipresbyteri, qui & Decani appellantur, eius iurisdictioni subsint. Sed ardua, seu maiora negotia ad maiorem se, videl. Episcopum referre debet. Sed & Clericorum ordinandorum examinatio, atque institutio ad eundem Archidiaconum spectat, ita tamen, vt prius Episcopo præsententur, ab eoque approbentur.

Idemque dicendum de Decanis ruralibus, ab Archidiacono instituendos, amouendosque esse; sed non sine Episcopi consensu. Nam quod omnes tangit, ab omnibus approbari debet: Decani autem illi rurales subsunt tum Archidiacono, tum etiam Episcopo: Ergo eorum institutio, & destitutio ad vtrumque pertinere debet.

Hoc est præcipuum huius tit. c. Sed quia eius materia satis explicata est, c. 1. 4. & 5. hic nihil adijcio. Legi potest c. 1. d. 24. & c. Legimus, 24. d. 93.

CAPITVLVM VIII.

Significasti.

PARAPHRASIS.

Archidiaconus sine consensu Episcopi litteras dimissorias dare non potest. Sed neque Clerici freti talibus litteris absque Episcopi licentia datis ordines accipere possunt; alioquin ab executione ordinum

prohiberi possunt. Ratio responsi est: quia per litteras dimissorias derogatur iuri Episcopali, quod habet ad ordinandos Clericos sibi subiectos: Ergo præter eius consensum dimissoriæ dari non possunt. Quæ ipsa causa est, cur vacante Sede, Capitulum dimissorias concedere non possit. Quia iura Episcopalia successori referre debet.

SUMMARIUM.

Dimissoriæ sine consensu Episcopi ab Archidiacono vel Vicario Generali datæ, pro non datis haberi debent.

NOTANDUM Vn. Si dimissoriæ sine consensu Episcopi ab Archidiacono, vel Vicario Generali datæ sint, pro non datis haberi debent: ita vt pœnæ & inhabilitates incurrantur, de quibus dixi in c. 2. de temp. Ordin. & in 6. Vtrum verò in absentia Episcopi Archidiaconus dimissorias dare possit, ex consuetudine cuiusque Ecclesiæ petendum est, vti Gl. hic notat ver. litteras. Vide quæ dicta sunt in c. 3. de tempore ordinat. in 6.

CAPITVLVM IX.

Vt nostrum.

Spectato communi iure, ad Archidiaconum pertinet, ad Ordines promouendos examinare, & Episcopo præsentare; Abbatibus, & Abbatissas instituere.

Intellige hæc cum dependentia ab Episcopo: Quia is curam Ecclesiarum sibi à sacris canonibus & Sede Apostolica commissam à se deponere nec debet, nec potest, vt dixi suprâ c. cum satis, 4. hoc tit.

CAPITVLVM VI.

Dilecto.

PARAPHRASIS.

Archidiaconus Senonensis querelam detulit ad Honorium III. contra Abbatem, Cccc &

& Conuentum Monasterij S. Petri Senonensis, quod procuracionem annuam sibi ratione visitationis debitam denegaret. Eam causam Papa quibusdam Abbatibus delegauit. Coram his comparens Archidiaconus petijt, vt, cum Monasterium intra fines Archidiaconatus sui situm sit, Abbas & Monachi suæ iurisdictioni, correctioni, & visitationi subiaceant, saluâ suâ Regulâ, & obedientiâ, quam Abbati suo debent. Petijt quoque, vt qui in districtu Senonensi existunt, (præter ipsi Archiepiscopum & familiarem eius) in prima instantia coram ipso Archidiacono, non coram Offic. ali dicti Archiepiscopi conueniri debeant.

S V M M A R I V M.

1. *Archidiaconus habet iurisdictionem ordinariam inferiorem, & Episcopali Consistorio subordinatam.*
Vnde ab eo ad Episcopum appellari potest.
2. *Archidiaconus in Monasteria iurisdictionem non habet, licet sita sint intra fines suos, nisi legitimè præscripserit.*

1. **NOTANDVM I.** St libellus formetur contra Monasterium circa iuræius, tam Abbas, quàm Conuentus in eo exprimi debet.

NOTANDVM II. In quibusdam diocesis Archidiaconus iurisdictionem exercet in clericos & parochias ciuitatis Episcopalis, ac certum districtum adiacentem. Qui fines Archidiaconatus dicantur, vt videre est in Augustana Synodo sub Ottone Cardinale & Episcopo, c. 7. Quibusdâ verò locis non vni tantum, sed plures Archidiaconi constituti sunt, qui partes diocesis veluti regiunculas subiectas sibi habeant, tanquam Vicarij Episcopi ratione dignitatis suæ constituti.

NOTANDVM III. Archidiaconus habet iurisdictionem ordinariam inferiorem, & Episcopali Consistorio subordinatam. Quare licet causæ iudiciales Clericorum ad ipsum in prima instantia deferendæ sint,

tanquam ordinarium pastorem; tamen ab eo tribunali appellari potest ad Episcopum, seu Officalem eius, argum. e. irrefragabili, 13. §. excessus, de offic. Ordinarij.

Dicit aliquis: Igitur Archidiaconus intentionem suam fundatam habuit, quando ostendit, Monasterium intra fines Archidiaconatus sui situm fuisse: cum ipse, spectato communi iure, omnem curam totius cleri habeat, c. 1. e. ad hæc, hoc tit. Cur itaque adactus fuit ad ostendendam iurisdictionem suæ præscriptionem, alioquin à petitione suâ repellendus? Respond. cum Innoc. hic. Si Episcopus hanc petitionem seu libellum porrexisset, ostendendo Monasterium intra fines suæ diocesis situm esse, fundatam habuisset intentionem, & in petitorio obtinisset, vt constat ex causa 18. q. 2. e. si quis Abbas 19. & seq. nisi Monasterium vel priuilegio, vel præscripta consuetudine exemptionem ostendere posset, e. cum venerabilis, 7. de Religios. domibus. Sed alia ratio est de Archidiacono: Licet enim cura totius cleri ipsi commissâ sit, tamen hoc nomine non veniunt Religiosi, aut Monasteria, ob Regulam communiter traditam: Quod in materia odiosa, aut præiudicante appellatione Cleri Regulares non comprehendantur.

Est itaque IV Notandum: Archidiaconus in monasteria sita intra fines suos iurisdictionem non habet, nisi eam per diuturnâ consuetudinem legitimè præscripserit. Sed & ratio est, cur Religiosi Archidiacono subesse non debeant. Quia præter Episcopum, ordinarius eorum Prælatus est Abbas, seu Præpositus Regularis. Igitur consentaneum non est, vt alium adhuc Ordinarium habeat.

Id porro difficultatem habet, quod Honorius hic respondit: Si appareat, consuetudinem fuisse vt Archidiaconus, aut antecessores eius, in Monasterium istud, vel in alia eiusmodi Monasteria iurisdictionem exerceret, in ea saltem iurisdictione, quam erga dictum Monasterium præscripserit, confirmandum esse. Nam huic responsioni obstat, quod præscriptio non sit extendenda ultra locum vel personas, vt docet Abb. in c. cum locum, n. vlt. de præscript. Fieri autem ex-

tensio

tenſio, ſi ex eo, quòd Archidiaconus conſuetudine diuturna iuriſdictionem in Monaſteria quædam intra fines Archidiaconatûs ſita acquiſuiſſet, inde inferre licet, etiam in hoc Monaſterium, quòd eius iuriſdictionem forte nunquam agnouit, aut admiſit, ius ali- quòd competere. Multa hic dicunt Innocen- tius, & Antonius de Butrio. Breuiter respon- deo: Si Archidiaconus in nouem v. g. Mo- naſteria Ordinis S. Benedicti intra distri- ctum ſuum poſita iuriſdictionem conſue- tudine diuturna compararit, iuris præſum- ptionem eſſe, quòd etiam in decimum Mo-

naſterium eiſdem qualitatis, & inter eoſ- dem fines iuriſdictionem habeat: eùm de ſi- milibus idem ius cõſeri debeat, arg. c. cogn- oſcimus. 29. q. 2. cauſa 2. Verum contra hanc iuris præſumptionem admittitur probatio in contrarium: ſi nimirum Monaſterium illed decimum oſtendat, quòd Archidiaconus iuriſdictionem in ipſos non exercuerit, vel, etſi voluerit exereere, tamen admiſſus non fuerit: hoc caſu obſtare ipſis non debet, quòd in alia ſimilia Monaſteria iuriſdi- ctionem conſuetudine compararit, ſeu præ- ſcriperit.

TITVLVS XXIV. DE OFFICIO ARCHIPRES- BYTERI,

CAPITVLVM I.

Vt Archipresbyter.

SUMMARIVM.

1. *Archipresbyter præſt reliquis presbyteris, ſi vrbanius eſt, ſeu Eccleſiæ Cathedralis Decanus.*
2. *Alij Archipresbyteri ſunt, qui Decani & Vicarij rurales ſeu foranei vocantur, hi delegatam iuriſdictionem, & penitus dependentem ab Ordinario habent.*

1 **A**rchipresbyter ſubeſt Archidiacono, tanquam vicem Episcopii gerenti. Imperat reliquis presbyteris, quorum veluti Dux, ſeu Decanus eſt; abſente Episcopo Miſſarum ſolemnia celebrat, collectam dicit, vel alij dicendam mandat. Ita Iſidorus Hiſpalenſis relatus in c. 1. d. 25.

Eſt autem hic ſermo de Archipresbytero ciuitatis, ſeu eccleſiæ Cathedralis Decano.

2 Præter hunc autem alij ſunt presbyteri, ſeu

Decani rurales, vt Gl. annotauit in c. ult. hoc tit. Idem, que Vicarij rurales, ſeu foranei appellatur in Clem. 2. de reſcript. De ijs cõmunitè docent DD. cum Gl. ibid, ver. foraneo, quòd habeant iuriſdictione delegatam, & omnino de dependentem ab Ordinario, à quo arbitrato ipſius deponi poſſint. Cæterù pluribus Eccleſijs ſunt Decani, ſeu Vicarij rurales per electionem Capituli ruralis, & ab Episcopo vel Officiali, ſeu Generali Vicario confirmantur: Ita vt ollicium & iuriſdictionem quandam ordinariam habeant ſubordinatam Episcopali, iuxta doctrinam Innocent. in c. eùm ab Eccleſiarum, 3. de offi. Ordinar. Quamobrem nec priuari ſeu deponi ab ollicio poſſunt, niſi ob crimen mereantur, ſicuti dixi lib. 1. Th. mor. tr. 4. c. 7. n. 20.

CAPITVLVM II.

Ministerium.

Archipresbyter curam habere debet, vt Sacerdotes Cardinales, (ideſt, qui pa-
Cccc 2 rochijs

rochijs præfati sunt, Gl. margin. interprete) in administratione sacramenti, & horis canonicis psallendis assidui sint. Episcopi sui præceptis obediunt: Episcopo autem absente, omnia quæ sacerdotalis officij sunt, agere, vel alteri sacerdoti committere debet.

CAPITVLVM III.

Officium.

Archipresbyter ciuitatis, absente Præsule, inchoat officium Ecclesiasticum, dat benedictionem presbyteralem, Missam canit, vel alteri demandat: Episcopo Missam canente ordinat sacerdotes ad altaris ministerium: Custodi præcipit, vt in sacramento Eucharistia adsit pro morituris, ne sine sacramentis decedant: vt aliunde accedentium diocesanorum confessiones secundum Episcopi prouisionem excipiantur: Sed & ad Catechumenorum informationem, & infantium baptismum sacerdotes prouidere debet. Legi hic potest Host. n. 3 & 4.

CAPITVLVM VLT.

Vt singulæ.

PARAPHRASIS.

Decens est, vt Episcopus onera sua partiat, & sicut ipse Ecclesie Matrici seu Cathedrali præest, ita per plebes Archipresbyteros seu Decanos rurales constituat, quorum officium sit non tantum plebis imperitæ sedulam curam gerere, sed etiam presbyteris, qui minoribus parochijs præfunt, inuigilare, & quæ quisque industria opus diuinum exerceat, ad Episcopum referre.

SUMMARIUM.

1. *Habet Archipresbyter seu Decanus ruralis iurisdictionem in foro externo, ita tamen, ut causas grauioris momenti ad Episcopum referat. Circa urbanum spectanda est cuiusque ecclesie consuetudo.*

2. *Habuit olim iure antiquo iurisdictionem fori interni in reliquos sacerdotes, nunc autem iure nouo sacerdotes & alij Clerici seculares cuiuslibet Confessorio exposito confiteri possunt.*
3. *Decanus ecclesie Cathedralis dignitate seu personatum habet non item ruralis.*

QUÆRITVR I. Vtrum Archipresbyter iurisdictionem habeat in foro externo? Affirmat Gl. in hoc c. ver. referant. Idque satis colligitur ex textu, si sermo sit de Archipresbyteris seu Decanis ruralibus, qui veluti Vicarij Episcopi fori constituuntur ad gubernationem Cleri: Ita tamen, vt quæcunque alicuius grauioris momenti sunt, ad Episcopum referat. In ciuitate autem, siue vbi Sedes Episcopalis est, necesse non est, Archipresbyteros Ecclesiarum iurisdictionem externam habere: cum omnia ad Episcopum, aut Officiale eius, vel ad Archidiaconum referri possunt. Spectanda verò est cuiusque Ecclesie consuetudo. Nam quibusdam locis, in quibus Archidiaconus non est, iurdictio in Clericos competit Archipresbyteris seu Decanis Ecclesiarum Cathedralium & Collegiatarum, vti notauit Hostiens. hoc tit. n. 1. Petr. Gregor. Tholos. lib. 15. Syntag. c. 21. n. 15.

QUÆRITVR II. Vtrum Archipresbyter siue Decanus iurisdictionem fori interni in sacerdotes reliquos habeat? Respondeo. Spectato iure antiquo, habere iurisdictionem & curam animarum; adeo vt nemo presbyterorum alteri, quam Archipresbytero suo de peccatis confiteri poterit, vti colligitur ex c. 1. & c. 2. vbi id Anton. notat hoc tit. & Ioann. Andr. in c. officium n. 4. eod. Abb. in c. 3. in fine, de ecclesijs ædific. Postea verò per consuetudinem obtentum est, quæ & hodie viget, vt sacerdotes alijque Clerici seculares cuiuslibet exposito Confessorio confiteri possent, vti dixi lib. 5. Th. mor. tr. 6. c. 10. n. 4.

QUÆRITVR III. Vtrum Archipresbyter seu Decanus dignitatem aut personatum habeat. Interest enim, vt sciatur, vtrum ipsi à Sede apostolica, aut Legato eius causæ delegari

delegari possint, iuxta e. statutum 17. de rescript. in 6. Et utrū Iudex conservator cōstitui possit, iuxta. e. vlt. de offic. delegati, in 6. Resp. & Dico I. Dēcānus Ecclesiæ Cathedralis, dignitatem, seu personatum habere censetur. Quia tametsi ponamus, iurisdictione præditum non esse, habet tamen præminentiam inter Canonicos, & alios Clericos. Qua item ratione Præpositi Ecclesiarum secularium, licet nullam administrationem seu iurisdictionem exercent, tamen

propter eminentiam, seu præcessionem, dignitatem seu personatum habere censentur. Videri potest Syl. ver beneficium, t. q. 5. 8

Dico II. Decani rurales non censentur habere dignitatem, vel personatum, sed simplex ministerium, seu officium. Neque in Ecclesijs principalibus, seu Cardinalibus præminent; sed solum in minoribus seu plebanis parochijs, vti constat ex hoc e. ver. per minores titulos.

TITVLVS XXV. DE OFFICIO PRIMICERII

CAPITVLVM VNICVM.

Vt primicerius.

Primicerius, sub Archidiacono constitutus, in docendo, ac psallendi ratione præest Diaconis, & alijs Clericis: quorum curam sollicitam gerere debet, vt disciplina inter eos obseruetur.

Aduerte primò: Quod olim veteres in tabulis ceratis scribere soliti sint. Hinc factū est, vt qui tabulis publicis præfectus erat, primicerius appellaretur, id est, primus notarius, seu protonotarius, vti constat ex tit. Codicis lib. 12. de primicerio, & secundo cetero, iur. Gl. rubricæ, & Nouel. 8. Iustin. c. 14. §. A spectabili. Sed & aliorum officiorum, vt cubiculi, palatii, militiæ, fabricæ primus præfectus, & vno verbo, quicumque in aliquo hominum ordine primus albi, seu tabulæ ceratæ locum obtinuit, primicerius dictus fuit: qui autem secundum locum tenuit, secundocerus; qui tertium, tertiocerus, vti constat ex l. vlt. C. de domesticis, lib. 12. & notauit Azor cit. l. 3. c. 17. q. 1. Petr. Greg. Tholosanus lib. 15. Syntag. c. 22. Quare pri-

micerius hoc loco ille dicitur, qui tūm in choro psallentium, tūm in schola primum inter Diaconos, ac reliquos Clericos locum habuit. Quare quibusdam Ecclesijs Præcentor appellari solet, vti videre est in e. cum olim, 6. de consuet. & qui alterum post ipsum locum tenet, Successor, vti videre est in e. inter dilectos, 11. de excess. Prælator. & notat hic Hostiensis.

QVÆRITVR, Vtrum primiceriatus, cantoria, seu præcentoria sit dignitas, seu personatus? Respondeo: Si primicerius, seu præcentor, ratione officij sui, inter alios Ecclesiæ Canonicos præminentiam habeat, seu priorem locum in choro, in Capitulo, in processione, censetur habere dignitatem, seu personatum. Idque constat ex e. cum concessissent, 8. de constitut. Idemque dicendum est de subcentoria, vti Gl. docet in cit. e. inter dilectos. Et de Thesaurario, seu Custodis officio; sicuti Azor annotauit cit. c. 16. q. 6. Quod si verò Ecclesiæ Custos v. g. officium seu administrationem habeat absque præminentia, quia ratione muneris sui alios Canonicos non antecedit, tunc licet beneficium duplex, & præbendam meliorem obtineat, non tamen dignitatem seu personatum, vt dixi lib. 4. tr. 2. c. 4. n. 4. §. Alia verò.

TITVLVS XXVI. DE OFFICIO SACRISTÆ.

CAPITVLVM VN.

Vt sciat.

AD Sacristam spectat custodia sacrorum thesauri Ecclesiastici, atque luminarium vaforum, vestimentorum, & omnis cura.

TITVLVS XXVII. DE OFFICIO CVSTODIS.

CAPITVLVM I.

Custos.

EAdem, quæ superiore tit. ad Sacristæ munus pertinere dicta sunt, hoc tit. custodis officio tribuuntur. Quare idem videtur esse custodis officium, quod Sacristæ, qui etiam thesaurarius dicitur. 1. d. 26. Atque ita notauit Hostiens. & Azor, tom. 2. lib. 3. c. 16. q. vlt. & colligitur ex c. 2. hoc tit. in fine,

CAPITVLVM II.

Custos.

Describitur custodis officium: Et epilogus adiungitur, quod in his tribus, Archidiacono, Archipresbytero, & Custode, inter se secundum charitatem conspirantibus, veluti tribus columnis Ecclesia nititur debeat.

Hinc itaque apparet, quod Custos non differat à Sacrista, licet titularum horum compilator pro diuersis habuisse videatur

TITVLVS XXVIII. DE OFFICIO VICARIÏ.

CAPITVLVM I.

Ad audientiam.



Georgius Presbyter à Vicaria sua viginti annis abfuerat, atque interim personatus, quin & curam animarum alibi consecutus est: postea autem re-

uersus Vicariam suam repetere volebat. Quo intellecto Alexander III. respondit, Presbyterum illum non admittendum: cum sacris canonibus repugnet, ut qui curam animarum gerit, alio loco Vicarius existat.

NOTANDVM Vñ. Vicarius perpetuus, cum ius reale ac titulum beneficii obtineat, inter eos numeratur, qui curam habent animarum. Quare vacat ipso iure eius Vicaria.

ria, per adoptionem alterius curati beneficij, iuxta c. de multa, 28. de præb. & extrau. ex. erabilis. eod. tit. Et Vicariam consequi nemo potest ante xxv. ætatis annum completum, & cum in cunctis, 7. de elect. & prouisus amittit Vicariam, nisi intra annum Sacerdos ordinetur, c. licet canon, 14. de elect. Habentur hæc in Clem. vn. de officio Vicarij.

CAPITVLVM II.

Prouideas.

Plures Vicariæ eidem conferri non debent: Cum enim (si in titulum, seu in perpetuum conferantur) curam animarum habeant, non potest aliquis duabus deferuire.

CAPITVLVM III.

Ad hæc.

PARAPHRASIS.

Si personatum obtinens (v. g. Cathedralis Ecclesiæ Decanatum) cui parochialis Ecclesia vnita est, Vicarium inibi instituerit, eique cum Episcopi assensu & auctoritate certam reddituum portionem assignauerit, atque mortuo Decano, seu Persona, alius successerit, non potest is Vicarium amouere, aut pensionem ipsi designatam minuere: Sin vero ob crimen priuationem mereatur, tum à Iudice suo condemnandus erit.

SUMMARIUM.

1. *Nominatio seu institutio Vicarij perpetui pertinet ad Rectorem principalem; portio reddituum ei designanda ad Ordinarium.*
2. *Institutus vix quicquam pendet à Rectore principali: ita ut exercitium iuris parochialis in pertinentibus ad curam animarum spectet ad Vicarium; in pertinentibus autem ad externam defensionem, vindicationem, &c. pertinet ad principalem, saltem si is maiorem reddituum partem accipiat.*

3. *Si Parochialis ecclesia vnita est prelatura, vel beneficio electiuo in institutione Vicarij perpetui, non est requirendus consensus patroni.*
4. *Erit autem patroni consensus requirendus in aliis casibus.*

NOTANDVM I. Nominatio, ac veluti institutio Vicarij perpetui pertinet ad Rectorem principalem, v. g. qui parochiam beneficio suo, aut prelaturæ vnitum habet; præcedente tamen examine & consensu Episcopi, seu Ordinarij, cuius etiam est congruentem fructuum portionem designare. Constat Trident. Synodus sess. 7. c. 7. de reformat. iun. declarat. Cardinal. num. 5. Porro portio Vicario designanda plerumque est tertia reddituum, interdum maior, vel minor, sicuti Ordinario visum fuerit, vti videre est in cit. c. 7.

NOTANDVM II. Postquam Vicarius perpetuus cum congrua portione institutus est, vix quidquam dependet à Rectore principali, cum ius reale beneficij curati ordinaria auctoritate consecutus sit; quo spoliari non potest, nisi per Iudicis sententiam ob crimen. Quare ob eandem rationem admonet Rebuffus in praxi, p. 1. tit. de Vicarijs perpetuis, n. 1. Azortom. 2. lib. 3. c. 6. q. 2. in fine. Quod ipso Vicario inuito, Rector principalis in Ecclesia deferuire, seu Sacramenta ministrare non possit, quia tota cura actualis Vicario commissa est; principalis autem non nisi in habitu curam retinet, vt dixi in c. 2. de suppl. negl. Prælat. & in c. Michael, 13. de filijs Presbyter. & docet Rebuffus n. 11. Abb. in c. extirpandæ, repet. 5. Qui vero, n. 15 de præb. Cardinal. Zabarella in cit. Clem. vn. de offic. Vicarij, quaest. 10. vbi doctè distinguit: Quod exercitium iuris parochialis in pertinentibus ad curam animarum pertinet ad principalem: sed exercitium iuris parochialis in pertinentibus ad externam defensionem, vindicationem, & forum contentiosum, (sicuti & ad fabricæ reparationem) pertineat ad principalem; saltem si is maiorem reddituum partem accipiat. Quam obrem inquit, capellæ seu parochiæ, quæ Monasterijs

rijs vnitz sunt, Monachorum dicuntur, non Vicariorum. Ceterum pro ipso iure Vicariatus retinendo, aut recuperando, ipsemet Vicarius aget, si intitulus est, vti docet Syl. ver. Vicarius, q. 2. dicto 4.

3 QVÆRIT hic Gl. ver. Episcopi: Vtrum in constituendo Vicario perpetuo non tantum nominatio Rectoris principalis interuenire debeat, sed etiam consensus patroni? Inprimis consentiunt DD. si parochialis Ecclesia vnita sit prælaturæ, seu beneficio electiuo, in institutione Vicarij, patroni consensum requirendum non esse: quia is per vnionem, saltem si cum eius consensu facta fuerit, censetur amississe ius præsentandi, nisi id specialiter sibi referant, vti docet hic Innocent. Gl. ver. Episcopi, Lapis in Clem. vn. hoc tit. & docui lib. 4. tr. 2. c. 9. n. 9. Sed in alijs casibus questio procedit, vti si v. g. propter amplitudinem parochiæ, constituta sit capella seu Ecclesia filialis, principaliori seu matri- ci subiecta, ita vt in ea Vicarius à principali Rectore cum Episcopi approbatione ponendus sit, vtrum etiam patroni consensus & præsentatio requiratur. Negatiue respondet Gl. hic, ver. Episcopi. Sed contrarium colligitur ex c. 3. de Ecclesiis ædific. vbi id docet Gl. ver. Rectoris, Alanus, Innocentius & Antõ. super hoc c. Lapis, & Zabarella in Clem. vn. hoc tit. Syl. cit. q. 2. dicto 3. Nam patrono competit præsentare ad titulum parochiæ à se fundatæ, dotatæ, aut ædificatæ: Vicarius autem in parochia in perpetuum institutus canonicum titulum acquirit (saltem utilem: nam directus titulus est penes Rectorem principalem.) Ergo à patrono præsentari debet: Vel potius ab utroque, id est, cum Rectore principali, tum patrono, præsentabitur Episcopo.

CAPITVLVM IV.

Clericos.

PARAPHRASIS.

Permitti non debet, vt Vicarius alium sibi Vicarium substituere possit.

SYMMARIVM.

1. Vicarius, et si perpetuum, non potest alium Vicarium perpetuum substituere: potest tamen temporalem.
2. Vicarius temporalis, si solum officio non sufficit, potest sibi adiungere cooperatorem: non potest autem alteri totum Vicaria officium demandare.
3. Vicarius alium sibi similem Vicarium substituere prohibetur.

D Isputant hic Canonistæ, an, vniuersim loquendo, Vicarius Vicarium substituere prohibeatur? Resp. & Dico I. Vicarius etiam si perpetuus sit ac titulum habeat, non potest alium Vicarium perpetuum instituere. De hac assert. nemo dubitat: Quandoquidem neque ipsemet Parochus seu Rector ordinarius Ecclesiæ talem Vicarium instituere possit, cum per seipsum deferuire debeat, exceptis casibus iure concessis, iuxta c. extirpandæ, 30. §. Qui verò, de præb.

Dico II. Vicarius perpetuus non prohibetur Vicarium temporalem ad tempus breue ex causa iusta substituere, tradendo illi totum officium seu administrationem suam. Ita docet Hostiensis hoc tit. n. 5. Anton. in fine huius c. Zabarella in cit. Clem. vn. q. 1. Nam Vicarius perpetuus veluti ordinariam curam & iurisdictionem habet, vti notauit Innoc. in c. seq. arg. l. 2. C. de officio eius, qui vicem alicuius Iudicis, vel Præsidis obtinet. Ergo sicuti alijs parochis, seu curatis, ita & ipsi concessum est, propter necessariam absentiam, vel infirmitatem alium sibi idoneum sacerdotem ad tempus breue substituere. Sin autem impedimentum diu duraturum sit, Episcopus admonendus erit, vt interim Vicariū constituat, arg. c. cum ex eo, de elect. in 6.

QVÆRES: Quid tempus breue, vel longum censi debeat. Resp. Si curatus ultra duos menses à parochia abesse debeat, necesse est, vt ab Ordinario licentiam habeat, & Vicarium eiusdem auctoritate constitutum relinquat, vti expressè habetur in Trid. sess. 23. c. 1. de reform. Sin autem præsens sit Curatus, attamen infirmitate detentus, probabile

bile est, quod etiam ultra duos menses Vicarij, v.g. Cooperatoris sui opera vti possit, totum ei officium suum commendando, & consilij suis adiuuando. Sin autem impedimentum diu, v.g. pluribus mensibus duraturum sit, Ordinarium certiore reddere debet Curatus.

2. Dico III. Vicarius qui titulum non habet, sed ad tempus ab Episcopo constitutus est, (v.g. dum parochus in studiis versatur, donec sacerdos factus sit, professionem in Religione fecerit, aut ob senium, aliamue infirmitatem ineptus vitam finierit) talis, inquam, Vicarius temporalis, si officium solum explere non possit, Cooperatorem seu Coadiutorem adscire non prohibetur: sed totum Vicariæ officium alteri demandare nequit, spectato communis iure. Ita ex communi Sanchez lib. 3. disp. 3. n. 2 & 15. Ratio reddit debet, quia tanta, & non maior commendandi, aut substituendi potestas Vicario temporali ab Ordinario concessa censetur. Et confirmatur inde: Quia sicuti delegatus ad vniuersitatem causarum, cum quasi ordinariam seu equiparatam ordinariam iurisdictionem habeat, vnam vel alteram causam, aut partem iurisdictionis delegare potest, vti colligitur ex l. 1. §. ab eo, ff. Quis, & a quo, & docet Gl. communiter recepta in l. 2. iudice, §. ver. non habet, C. de iudicijs, Gl. in c. cum causam, ver. delegatus, de appellat. Ita etiam Vicarius temporalis, cum & ipse quasi ordinaria iurisdictione, videl. sibi concessa, ac veluti commendata vtatur, ideo & ipsi alteri non totum officium, sed partem eius ex causa iusta commendandi potestas permittitur censetur. Limita assertionem; quibusdam locis consuetudinem interpretari, quod Ordinarius instituens in parochia Vicarium, etiam temporalem, seu amobilem permittat ipsi facultatem, ob causam necessariæ absentie, vel infirmitatis, ad breue tempus alium substituere, totum ipsi officium suum commendando. Quæ de re lege, quæ dixi lib. 5. tr. 6. c. 10. assert. 6. n. 13.

3. NOTANDUM Vg. Vicarius alium similem sibi Vicarium substituere prohibetur. Si enim perpetuus est, alium perpetuum Vi-

carium instituere nequit: cum idem titulus Vicariæ ad duos spectare non possit. Si autem temporalis Vicarius est, alium, etiam temporalem, Vicarium substituere nequit, nisi extincta ab Ordinario expresse, vel tacite accepta: adeo vt non suo, sed potius Ordinarj iure & auctoritate alium substituatur. At verò Vicarius perpetuus, etiam suo iure, seu proprio iure ad tempus modicum, & ob causam iustam Vicarium substituere potest, vt dictum est.

CAPITVLVM V.

Sua.

Vicarius Papæ iurisdictionem extra Urbem exercere non potest, nisi ei specialiter concessum sit. Quare literæ iustitiæ ab ipso impetratæ ad loca provinciarum Romanæ, quæ est inter Capuanam & Pisanam provincias, subreptitiæ censi debent, præsertim si ipsemet Pontifex in particulari sua provincia commoretur.

De Vicario Vrbis Romæ, qui siue præsentente, siue recedente Pontifice, constitutus est, nihil certum dici posse, annotauit hie Ioann. Andreas, n. 7. Quia eius potestas pendet ex voluntate & commissione Papæ. At verò P. Gregor Tholosanus in syntagm. iuris, lib. 47. c. 35. n. 9. Quod Vicarius Papæ non tantum in Vrbe Roma, sed in tota diocesi Romana iurisdictionem ecclesiasticam in Clericos, & Religiosos, qui exempti non sunt, exerceat. Plura de Vicario Vrbis legere potest apud Francisc. de Pausinis de potest. Capituli sede vacante, p. 2. princ. q. 10. n. 35.

CAPITVLVM VLT.

Ex parte.

Vicarij perpetui in suis Ecclesijs personaliter residere, & ad sacerdotium promoueri per fructuum subtractionem compelluntur. Ratio est: quia curam animarum, ac veluti curatum beneficium obtinent.

Nunc verò Vicarij perpetui, si iura annuum, post pacificam vicariæ possessionem,

D d d

legiti-

legitimo impedimento cessante, sacerdotium non accipiant, ipso iure priuationem incur-
runt, iuxta c. licet canon, 14. de elect. iun.
Clem. vn. hoc tit. & dixi supra c. 1.

CAPITVLVM PRIMVM. cod. Tit. in 6.

Romana.

PARAPHRASIS.

Archiepiscopus Rhemenfis ob causam ius-
tam excommunicauerat Officialem, seu
Vicarium generalem Suffraganei sui. Du-
bitatum fuit, verum hæc sententia afficiat
etiam eos, qui ab eodem Generali Vicario
in officio eius gerendo (vel in totum, vel
in partem) substituti sunt: Et an acta ita
substitutorum à Generali Vicario, seu
Officiali valida essent. Ad primum re-
spondet Innocent. IV. Quod Vicarij sub-
stituti, seu vicem gerentes ipsius Officia-
lis, propter eius excommunicationem,
censurâ eadem non afficiantur: cum exer-
cendo officium, seu ministerium sibi com-
missum non ideo communicent in crimine,
ob quod excommunicatio in Officialem
lata est. Ad alterum respondet: Acta
Viciorum substitutorum irrita esse, si ab
ipso tantummodo Officiali, qui excom-
municatus est, iurisdictionem acceperint.

S Y M M A R I V M

1. Viciorum tres species sunt: prima eo-
rum, qui à lege seu canone constituuntur,
secunda, qui ab homine, scilicet qui sub-
stituti in eadem iurisdictione dicuntur.
2. Generalis in spiritualibus Vicarius Epi-
scopi habet ordinariam potestatem.
3. Vicarij temporales nec ordinariam, nec
delegatam iurisdictionem habent, sed
velut ordinariam.
4. Discrimen inter Vicarium Episcopi Ge-
neralem in spiritualibus unum, & Vi-
cium eiusdem Generalem in tempora-
libus tantum.

5. *Vi Vicarius in spiritualibus generalis fieri
debet et esse commissarius generalis loco-
rum seu totius diocesis, & causarum.*
6. *Requiritur etiam ut sit Vicarius seu Of-
ficialis principalis.*
*Quandoque duo sunt Vicarij seu Officiales
in diocesi, quorum unus principalis est,
alter vero minor principalis, qui tan-
tum in quibusdam casibus præest Con-
sistorio: & ipse non potest esse delegatus
Sedis Apostolicæ, nisi aliam dignita-
tem habeat, vel Ecclesiæ Cathedralis
Canonicus sit.*
7. *Si duo sunt Officiales aequè principales,
rescriptum gratia v. g. dispensationis
faciendæ, presentari potest uni ex illis,
cui impetrans maluerit, et ita, locum præ-
sentationis, ita ut post presentationem uno
factam, alter se immiscere non possit.*
8. *Vicarius Generalis seu Officialis Episco-
pi, ut ei in episcopali tribunali substitui-
tus est, eadem cum Episcopo persona
censetur, unde, sicut Episcopus, Metro-
politano subiectus est, secus est, si ut pri-
uata persona delinquas, tunc enim Epi-
scopus index est.*
9. *Potest Episcopus de delicto aut negligen-
tia Vicarij in officio suo commissæ cogno-
scere, eumque punire, ita ut Archiepi-
scopus se immiscere non queat, nisi Epi-
scopus requiritur cognoscere, & factum
emendare negligat.*
10. *Vicarius Generalis alium sibi non simi-
lem substituere in officio Vicariatus pot-
est, eius tamen excommunicatio in sub-
stitutum non redundat, nisi in crimine,
ob quod ille excommunicatus, scienter
ille communicaret.*
11. *Ex causa necessitatis propter absentiam,
vel infirmitatem, Vicarium etiam sibi
similem hoc est eum simili iurisdictione
substituere potest.*
12. *In iussu seu auctoritate Episcopi alium
sibi substituat, absolute, & ad tempus
longum, valet substitutio.*
13. *Vicarium delegare potest non suo iure, sed
iure ac potestate sibi commissâ ab Ordo-
nario.*

14. *Vicario Generali excommunicato, atque visitando, si is ab eo solo iurisdictionem accepit, ea vi non potest, si res adhuc integra sit, & causa nondum coacta: si-
cut autem, iurisdictione respectu eius causæ non sufficiens, sed absolui potest.*
15. *Per mortem, vel renunciationem Episcopi extinguitur omnis iurisdictione Vicarij.*
16. *Mortuo Episcopo Capitulum Cathedralis Vicarium confirmare debet: vel eodem, alium substituere, idq. intra decem dies post mortem. qui vacante sede Episcopalem iurisdictionem loco & in-
re Capituli exercet.*

Pro pleniore doctrina inprimis dubitari potest: Quotuplex sit Vicarius. Resp. ex doctrina Roberti Marantæ de ordine iudiciorum, p. 4. d. 5. n. 6. In iure potissimum reperiri tres species vicariorum, seu locum tenentium. Prima species eorum est, qui à lege, seu canone constituti dicuntur, ita ut propriam & ordinariam iurisdictionem obtineant, quamvis subiectam & subordinatam principaliori. Talis Vicarius est Archidiaconus, iuxta c. 1. de offic. Archidiaconi.

Altera species Vicariorum est, qui ab homine, videl. Superiore ordinario constituitur, ita ut potestatem, vel iurisdictionem diuersam obtineant à constituyente: Et horum aliqui iurisdictionem habent delegatam ad vniuersitatem causarum, aliqui verò ordinariam. Exemplum huius distinctionis, quod attinet ad iurisdictionem etiam externi fori, habes in Vicarijs ruralibus, de quibus dixi in c. 1. de offic. Archipresbyteri. Sin autem sermo sit de Vicarijs in foro internæ iurisdictionis tantum, exemplum habes in Vicarijs parochiarum: Alij enim iurisdictionem seu curam animarum quasi ordinariam habent; intellige secundum exercitium, seu vtilem, non directam, vti explicavi in c. 3. extrà, hoc tit. Alij verò sunt Vicarij habentes iurisdictionem, seu potius partem iurisdictionis delegatam: Et hi dici solent Cooperatores Parochorum: cum enim iurisdictione aliqua præditi sint, & non ordinaria, vt constat, se-

quitur, quòd habeant delegatam ab ipsis Parochis, seu Curatis.

Tertia species Vicariorum est, qui ab homine ita constituuntur, vt iurisdictionem non diuersam, sed eandem habeant cum constituyente, quamuis alio modo, videl. cum dependentia ab ipso constituyente. Et hi proprio nomine substituti in eadem exercenda iurisdictione dici solent: Quare licet ordinariam iurisdictionem sibi concessam habeant, tamen nullum in ea ius vel titulum obtinent, sed veluti opera locata deferuiunt: ideòque temporales sunt, & amobiles.

Ex hoc genere Vicariorum inprimis est generalis in spiritualibus Vicarius Episcopi: habet enim iurisdictionem ordinariam, non delegatam, sicuti contra Goffredum tit. de offic. vicarij, docet Innoc. in c. sua, eod. tit. Gl. in c. 2. eod. in 6. ver. officialem, & alia Gl. in c. Romana, 3. de appellat. in 6. ver. generaliter, Specul. lib. 1. speculi, p. 1. tit. de offic. ordinarij. n. 2. Pelinus in rubr. de offic. delegati, n. 4. Et probatur inde: Quia Vicarius generalis eandem habet iurisdictionem eum Episcopo, in cuius tribunali causas cognoscit, & iudicat: Episcopus autem ordinariam habet: Ergo & Vicarius ejus generalis, seu principalis Officialis. Ita inter alios ratiocinatur Bertachinus tract. de Episcopis, lib. 4. p. 7. q. 9. n. 11. Præterea: Iurisdictione delegata licet ab ordinaria iurisdictione derivata sit atque dependens, tamen est diuersa, seu distincta, sicuti lumen v. g. à sole distinguitur: quamobrem à iudice delegato ad delegantem appellari potest, c. super quæstionem, 27. §. Porro, de offic. delegati. Sed à Vicario generali ad Episcopum appellari non potest, propter rationem, quæ affertur in c. Romana, 3. de appellat. in 6. & c. 2. de consuet. in 6. quia non est appellatio ab eodem ad eundem. Ergo Vicarius generalis delegatus non est, sed ordinarius, seu potius substitutus Ordinario in eadem iurisdictione. Interim verò non prohibetur Episcopus, vel summus iurisdictionem obtinens, Vicario suo quædam specialiter delegare, vt infrà dicam.

Cæterum, qui in parochijs Vicarij temporales loco alterius absentis, aut infirmi
Dddd 2 con-

constituuntur, iurisdictionem in foro interno habent; & non ordinariam. Quia ordinariam iurisdictionem habens proprio iure utitur, officiumque administrat, iuxta l. more, §. de iurisdic. At verò Vicarius temporalis ius nullum in parochia habet, sed ut mercenarius deferuit, pro libitu amobilis. Sed neque delegatam iurisdictionem obtinet; cum non diuersam, sed omnino eandem exerceat eius, cuius locum aut vicem gerit: Igitur habet iurisdictionem veluti ordinariam, cum sit substitutus in ordinaria iurisdictione, officio, aut cura.

Secundò dubitatur: Vtrum discrimen sit inter Vicarium generalem, & Officiale principalem Episcopi, vel similem iurisdictionem gerentis. Resp. In iure canonico appellationes istas pro eodem accipi, vti colligitur ex c. ult. iun. Gl. margin. infra hoc tit. & Trid. sess. 24. c. 16. de reform. & docet Syl. ver. Vicarius, in princ. Sbroz. de Vicario Episc. lib. 1. q. 7. Sanchez lib. 3. de matrim. disp. 29. n. 15.

Est autem Vicarius Episcopi alius simpliciter generalis, cui administratio tam in spiritualibus, quam temporalibus commissa est. Alius autem generalis secundum quid: F. totum vel in spiritualibus tantum, vel dumtaxat in temporalibus. Inter utramque horum duplex discrimen est: I. Vicarius seu Administrator generalis Episcopi in temporalibus laicus esse potest, spectato hodierno iure, vti ex communi docet Sbroz. lib. 1. q. 3. n. 5. Sanchez lib. 7. de matrim. disp. 46. n. 14. Sed Vicarius in spiritualibus Clericus esse debet, cum spiritualia negotia laicis committi non possint, cap. 2. de iudicijs. Alterum discrimen: Vicarius in temporalibus tantum delegatus sum. Pontificis esse non potest, nisi alia ratione dignitatem, ac præminentiam in Ecclesia habeat.

Sed ad generalem Vicarium Episcopi in spiritualibus frequentes literæ iustitiæ, & gratiæ à Curia Romana destinantur, vti testatur Sbroz. lib. 1. q. 49. Verum cum ad has regiones vltimontanas literæ Apostolicæ destinantur, Officialis inscrip. sunt. Cum enim Vicarius generalis, seu Officialis iurisdic-

tionem Episcopalem in eodem tribunali exerceat, inde præminentiam trahit, vti eius officium inter dignitates numeretur.

Requiritur tamen ad generalem vicarium, vt tum generalitas locorum, seu totius diocesis, tum verò generalitas causarum ipsi commissa sit. Sin verò Vicarius, aut Officialis Episcopi solam constitutus sit pro ciuitatibus: non potest censeretur generalis. Sed iurisdic. eius censebitur diuersa à iurisdictione Episcopali, non ab similibus iurisdictionibus Vicariorum ruralium: vt proinde nec ipse Sedis Apostolicæ delegatus esse possit, argum. Clem. 2. de rescript. & docet Sbroz. lib. 2. de Vicario Episc. q. 29. Garcias de benefic. p. 5. c. 8. n. 36.

Deinde requiritur, vt sit Vicarius seu Officialis principalis: Interdum enim duo sunt in diocesi officiales, vnus principalior, & alter ei subordinatus, vel alter eorum præest Consistorio Episcopi tantum in quibusdam casibus, v. g. matrimonialibus, decimalibus. Et ille non potest esse Sedis Apostolicæ delegatus, nisi aliunde præminentiam vel dignitatem habeat, vt si Ecclesiæ Cathedralis Canonicus sit. Ita colligitur ex cit. Clem. 2. & ijs quæ docet Garcias cit. c. 8. n. 20.

Quòd si autem duo Officiales equè principales & in solidum constituti sint, an, & à quo causæ Officiali delegate expediri debeant, tractat Zab. Clem. 2. de rescript. Anton. & Imola in c. quomā, de off. deleg. n. 5. Barbatia col. 9. quòd rescriptum propter incertitudinem vitetur, ideòque ad Papam rescribendum, vt nouam commissionem faciat, arg. c. ad hæc, 10. de rescriptis. Sed ex hoc c. nihil ostendi potest, quia loquitur in casu, quo Iudex omnino incertus datus est, hic autem loquimur in casu, quo Iudex incertus ex certis delegatus fuit. Et arbitrator valde probabiliter dici posse cum Gl. in c. quoniam, ver. substitutū, ibid. Beroio n. 74 Sanchez lib. 8. de matrim. disp. 27. n. 37. rescriptum ipso iure validum esse, ita vt si aduersarius consentiat, vel nihil opponat, is iudex expedire possit, cui impetrans prius præsentauit. Sin autem aduersarius excipiat, tum ne præiudicium illi fiat, si fortè huic Papa non commisit, eius declaratio po-

tio petenda est. Veruntamen declarando non nouum delegationis ius conferret, sed prius explicaret, iuxta ea, quæ docet Bartol. in l. Duo sunt Titij, 30. ff. de testam. tutela. Consequenter dicendum est cum Sanchez cit. loco. Quod scriptum gratiæ v. g. dispensationis faciendæ in tali casu præsentari possit Vicario, cui impetrans maluerit: cum de nullius præiudicio agatur, & beneficia Principis latam ac benignam interpretationem habere debeant, e. quamuis, 4. de præb. in 6. Et erit in hoc casu locus præuentioni, vt post præsentationem vni factam, alter se immiscere non possit. Siquidem hæc est institutio iudicij externi, vt si plures iudices in solidum concurrant, detur locus præuentioni.

Veruntamen in foro conscientiæ si v. g. à sacra pœnitentiaria Confessario in Theologia aut iure Canonico Magistro committatur facultas dispensandi, quod dimisso, qui v. g. iudicat dispensationem fieri non posse, vel non nisi cum magno onere, aut imposita longa pœnitentia, impetrans alterius iudicij se submittere possit, probabiliter docet Sanchez lib. 8. disp. 27. n. 40. contra Nauar. consil. 8. de offic. delegati edit. 2. Ratio est: Quod delegans seu committens causam, censetur id facere secundum naturam & institutionem fori: Atqui non, vt in externo foro, vbi iudicium cœptum est, etiam finiri debet. l. 30. ff. de iudicijs, ita etiam se res habet in foro conscientiæ: quin potius concessum est pœnitenti, si habeat priuilegium v. g. eligendi Confessarium pro vna vice, atque vnus eum absolueri noluisset, iterum se eidem, vel alteri subijcere: dummodo absolutio prius collata non fuerit, seu causa consummata non sit, iuxta ea, quæ tradit etiam Suarez p. 3. tom. 4. disp. 27. s. 4. dub. 2.

His præmissis sequuntur Notanda, quæ ex isto c. colliguntur: Primum. Vicarius Generalis seu Officialis Episcopi, quatenus consideratus Iudex in eius tribunali iurisdictionem exercens, sic eadem cum Episcopo persona censetur Quare sicuti Episcopus ita & ipse, Metropolitano subiectus est, qui pro-

inde illum ratione officij malè administrati, aut iniuste sententiæ latæ punire, & excommunicare potest, vt in hoc c. apparet, & notauit Gl. hic, ver. rationabili causa. Ioann. Monachus .n. 2. vbi aiunt, si Vicarius Episcopi delinquat vt persona priuata, quod Archiepiscopus se immiscere non possit, nisi ad ipsum appellatum sit, secus, si deliquerit in pertinentibus ad officium seu iurisdictionem suam. Et Pauinus de potest. Capituli Sede vacante, p. 2. princ. q. 10. n. 25. Sbrozcius lib. 3. de offic. Vicarij, q. 57. n. 6. Quod Episcopus teneatur exhibere Vicarium Archiepiscopo poscenti. Veruntamen Officiali Archiepiscopi nulla competit potestas in Coepiscopum aut Vicarium Generalem eius, ob dignitatem & eminentiam iurisdictionis Episcopalis, sicuti DD. communiter annotant.

Declarandum tamen est hoc Notandum. Quod Episcopus possit de delicto aut negligentia Vicarij in officio suo commissa cognoscere, eumque punire, si ipse extra culpam fuit, vti docet Speculator lib. 2. partic. 1. tit. de competentis iudicis additione, §. Sequitur videre, n. 3. & Sbrozcius cit. q. 57. n. 11. Imò aiunt, quod Archiepiscopus in hoc casu se immiscere non possit, nisi Episcopus requisitus cognoscere recusasset. Ratio huius declarationis afferri debet, quod Vicarius etiam ratione officij sui quodammodo subiectus & subordinatus sit Episcopo suo: quia licet eius potestas & iurisdic-tio eadem sit cum iurisdictione Episcopali, alio tamen modo in Vicario residet, & aliter in Episcopo, in illo videl. cum dependentia à voluntate, & imperio Episcopi. Quamobrem Episcopus inuigilare debet Vicario, & quæ malè ab eo acta sunt, rescindere: neque enim culpa Officialis, aut Vicarij domino nocere debet, ait ~~lib. 2. in~~ ^{lib. 2. in} praxi, de Vicarijs n. 41. arg. l. vn. §. Si Procurator, ff. Si quis ius dicenti non obtineat, & tit. de forma Vicariatus, l. 40. vbi exemplum affert: Si Vicarius beneficium Ecclesiasticum personæ indignæ contulit, id eoque priuationem pro ea vice incurrit, e. cum in cunctis, §. Clerici, de elect. quod id

Dddd 3 Epi-

Episcopo, si nec mandarit, nec ratum habuerit, obesse non debeat, quò minùs digno conferre possit. Quia sicuti culpa, ita & poena proprias debet tenere auctores, l. sancimus, 2. C. de pœnis. Et Episcopus committens Vicario conferendi facultatem, censetur mandasse, ut idoneæ personæ conferatur: quare si indigno contulit, transgressus est limites mandati. Sed neque potest Vicarius, rescissa priore collatione, alteri cōferre: cūm functus sit officio suo, id eòq. potestas redeat ad committentem, videl. Episcopum, argum. c. Si compromissarius, 37. §. Si verò eligat, de elect. in 6. Quotiescunq. Episcopus in culpa fuit, ut quia imperitum Vicarium constituit, aut negligentem sciens tolerauit, tum tenetur ex maleficio, aut quasi maleficio eius, etiam ad damnorum rescissionem, ut docet idem Rebuffus de forma Vicariatus, n. 189. Sbroz. lib. 2. q. 30. Pauinus de potest. Capit. Sede vacante, p. 2. princ. q. 10. n. 23. Piascius in praxi Episc. p. 2. c. 4. n. 15.

Corollarium. Tamen si Vicario Generali ad Episcopum appellari nequit, tamen supplicari potest, ut acta eius rescindantur, vel de nullitate sententiæ cognoscatur: quia talis supplicatio seu petitio etiam ad ipsum Vicarium dirigi potest, ut annotauit Cardinal. super Clem. 1. de rescript. q. 7.

10 NOTANDUM II. Vicarius Generalis Episcopi alium sibi substituere non prohibetur. Id enim supponitur in hoc c., quando queritur: Si Vicarius ab Archiepiscopo excommunicatus sit, utrum excommunicatione etiam in substitutum eius, siue vices illius gerentem redundet. Poterat enim esse ratio dubitandi, secundum Ancharanum hic. Quia Archiepiscopus excommunicauerat Vicarium sub nomine officij: Ergo videbatur censurâ afficere eum omnem, qui officium Vicarij gerebat. Sed contrarium asserendum est, quia excommunicatio, cūm grauissima poena sit, non afficit nisi personas delinquentes: Quòd si verò substitutus Vicarij communicauit excommunicato in crimine, ob quod excommunicatus fuit; si videl. propter excommunicationem Episcopi Vicario sub excommunicationis censura interdi-

ctum sit, ne officium Vicariatus exerceret, tum si quis ab eo commissionem aliquam scienter acciperet, communicaret illi in crimine, ob quod excommunicatus est, id eòque & ipse similem excommunicationem incurreret, iuxta c. si concubinae, 55. de sent. excommun. & notat hic Ioann. Monachus num. 6.

Sed ob stare videtur c. Clericos, extrâ hoc tit. vbi dicitur: Quòd Vicarius alium Vicarium substituere non possit. Respond. sicut ibi, & Dico primò cum Ioann. Andr. & Ancharano hoc c. Roberto Maranza de ordine iudiciorum, p. 4. distinet. 5. q. 1. Sbrozio lib. 2. q. 66. Vicarius Generalis non potest absolute loquendo officium suum alteri cōmittere, seu alterum similem sibi Vicarium substituere, argum. Authen. Vt nulli iudic. cum liceat &c. collat. 9. Imò neq. Episcopus suum officium ordinarij alteri committere potest, nisi id à lege concessum esset: cūm inferior Principe Vicarium constituere non possit, iuxta cit. Auth. Vt nulli iudicium, & Authen. de collatoribus, §. Ad hæc prohibemus: quandoquidem Vicarius ordinariam potestatem habere censetur, uti constat ex tit. ff. de officio eius cui alterius vices.

Dico II. Vicarius Episcopi ex causa necessitatis propter absentiam, vel infirmitatem Vicarium simili iurisdictione substituere potest secundum Gl. receptam in Clement. 1. ver. locum, de Regular.

Dico III. Si Vicarius iussu, seu auctoritate Episcopi alium sibi substituatur, absolute, & ad tempus longum, valet substitutio. Quia non tam ipsius Vicarij generalis quàm Episcopi substitutus seu Vicarius censetur, uti notat Rebuffus de forma Vicariatus, n. 77. & seqq. Sbroz. cit. c. 66. n. 17. Siquidem, ut suprâ dictum, Episcopus præter officialem principalem, alium minùs principalem, vel subordinatum principali creare potest.

QVÆRITUR hoc loco: Utrum Vicarius generalis causam vnam vel plures alteri delegare possit? Affirmat Sbroz. lib. 2. cit. q. 66. n. 20. & seqq. Quia omnis iudex ordinarius alteri delegare potest, uti docent DD. in l. more, ff. de iurisdic. Sed Vicarius genera-

genera-

generalis, saltem in causis ratione Vicariatus sui ipsi competentibus, & ordinarius Iudex est: Ergo tales causas delegare potest. Et addit Sbrozjus n. 16. Etiam ad vniuersitatem causarum delegatos in diocesi institui posse à Vicario, v. g. rurales Decanos. Sed contrà est. Quòd quicunque iure non suo, sed alieno iurisdictionem obtinet, alteri demandare seu delegare non possit, vti habetur expressè in cit. l. morè. Vicarius autem Generalis non iure proprio, sed sibi commissio iurisdictionem Episcopalem obtinet: nam alioquin titulum in Episcopali officio haberet. quod nemo dixit: Ergo delegare non potest. Respond. igitur ad q. & Dico. Quòd

13 Vicarius delegare possit non suo iure, sed iure ac potestate sibi commissà ab Ordinario: sicuti suprà dixi de Vicarijs temporalibus parochiarum, quòd Cooperatores sibi adscribere possint, eis partem iurisdictionis delegando, ex facultate & permissione ipsis ab Ordinario concessa. Neque id mirum videri debet, quandoquidem de Vicario Generali generatim dici potest, eius potestatem amplius non extendi, quàm ipsi fuerit concessum, vti notauit Piascius in praxi p. 2. c. 4. n. 12. Qui exinde colligit, Vicarij iurisdictionem esse quasi delegatam; mallem dici, esse ordinariam, quamuis in Vicario existat per modum eiusdem delegationis, seu commissionis, iuxta Voluntatem committentis. Neq; dubitari potest, quin in generali commissione Vicariatus potestas delegandi ad vnam vel alteram causam comprehendatur, cum id parè necessarium sit ad officium Vicarij generale, præsertim si diocesis ampla sit. Sed vtrum delegare possit ad vniuersitatem causarum in foro externo sine speciali Episcopi mandato, id ex consuetudine diocesis colligi debet: Si enim Episcopus talia fieri sciat, & patiarur, tacitè eam potestatem committere censetur.

14 NOTANDA III. Si Vicarius generalis excommunicatus sit, atque vitandus, ita vt iurisdictione priuatus censeatur, tum etiam acta vices gerentis irrita erunt, si ab eo solo iurisdictionem acceperit. Ita Gregor. X. in

hoc c. Sed variè explicant hic Canonistæ, vti videre est in Gl. magna, & apud Ioann. Moenachum, & Ancharanum hic, Ioann. Andr. n. 2. Abbatem in c. licèt, n. 8. de offic. iudicis delegati. Communior autem responsio est, si Vicarius generalis excommunicatus sit, qui ab ipso solo (non accedente Episcopi auctoritate) iurisdictionem acceperunt, non posse eà vti, si res integra sit, seu causa nondum cœpta: Sin autem res integra non sit, sed reus v. g. citatus, tum non suspendi iurisdictionem respectu iuris causæ, sed absolui posse, nihil obstant, quòd Vicarij excommunicatio superuenit. Atque hæc sententia verissima est, si loquamur de delegatis à Vicario, quòd sicuti morte delegantis eorum iurisdictione extinguatur, si res integra sit, non item si causa cœpta, ita etiam suspendatur eorundem iurisdictione per delegantis excommunicationem: quæ quasi mors ciuiliis est, sicuti docent DD. in c. licèt, 30. vbi Abb. n. 8. de offic. delegati. Verùm Gregor. X. in hoc c. loqui non videtur de delegatis à Vicario, sed de substitutis, seu vicem gerentibus; atque absolutè, & sine distinctione, quòd per excommunicationem Vicarij substituentis eorum quoq; iurisdictione suspensa sit.

Est autem magnum discrimen inter delegatum & substitutum, Quia substitutus v. g. à Vicario ad tempus modicum propter absentiam suam, idem tribunal, eandemque iurisdictionem obtinet, vti optimè notauit Robertus Maranta cit. p. 4. dist. 5. n. 18. Quare mirum non est, si excommunicato Vicario substituyente, adeoque suspensa eiusdem iurisdictione, etiam substituti ab ipso iurisdictione suspèdatur, tametsi causa cœpta sit, quandoquidem non diuersam iurisdictionem obtinet, vti bene notauit Innoc. in cit. c. licèt, in fine, Sbrozjus de Vicario Episc. p. 3. q. 18. n. 10. At verò delegatus habet iurisdictionem deriuatam, & distinctà à iurisdictione subdelegantis: quare mirum non est, quòd subsistere possit, causà iam cœpta, tametsi delegantis iurisdictione per mortem naturalem, aut ciuilem sublata sit. Nam parietiam ratione, si Episcopus excommu-

nicatus

nicatus sit, aut suspensus, vel interdictus (intellige si denunciatus fuerit, vel notorius Clerici percussor) tum suspēditur iurisdicō Vicarij etiam quoad causas iam cōptas: Per mortem verō, vel renuntiationem Episcopi extinguitur omnis iurisdicō Vicarij, quippe qui eandem cum Episcopo habet, vti dixi lib. 1. tr. 4.

Corollarium. Mortuo Episcopo Capitulum Vicarium Generale seu Officiale confirmare debet, vel eo remoto, alium constituere; idq. intra decem dies post mortem Episcopi, secundum Trident. Constit. sess. 24. c. 17. de reformat. Atque iste à Capitulo vacante Sede constitutus vel confirmatus Vicarius Episcopalem iurisdictionem loco & vice Capituli exerceat. Quare eiusdem Vicarij potestas vnā cum Capituli iurisdictione iterum expirat per noui Episcopi cōfirmationem, & Episcopatus possessionem, ita vt denuo confirmari debeat, sicuti tradit Franc. de Pauinis de potest. Capituli, Sede vacante, p. 2. q. 10. n. 19. Sbrozjus lib. 3. q. 42. n. 9.

Porro ex his colligit Felinus e. eam te, n. 17. ver. Faciunt hæc, de rescript. Quod causa à Sede Apostolica delegata Vicario seu Officiali Episcopi, ab illo cognosci non possit, si Episcopus mortuus sit, cum à Capitulo assumptus & confirmatus iam non sit Vicarius Episcopi, sed Capituli. Contrarium tamen probabiliter tradit Sanchez lib. 8. de matrim. disp. 27. n. 33. Cum enim Episcopalis iurisdictionem vice Capituli exerceat, quodammodo est Vicarius Episcopi, sicuti eum etiam appellat Zabarella Clem. 2. de rescript. q. 13. Accedit, quod in his commissionibus ad mentem potius Summi Pontificis, quam ad iuris rigorem attendere oportet. Accedit id, quod bene annotauit Beroius in e. quoniam, n. 81. de offic. delegati, ex Baldo in l. 4. C. de emancip. liberorum; Tamen si rescripta ad lites strictam interpretationem habeant, quatenus concernūt iura ex præiudicio partium; tamen amplam interpretationem merentur, quatenus concernunt potestatem seu facultatem Principis con-

cedentis aut delegantis. Quia simili ratione probabiliter dicitur cum Flaminio de resignat. benefic. lib. 1. q. 11. n. 17. Sbrozio lib. 3. q. 49. in fine. Sanch. lib. 8. disp. 27. n. 41. & alijs apud Franc. Pauinum de potest. Capituli, Sede vacante p. 2. q. 10. n. 13. Si causa à Sede Apostolica delegata sit Officiali sub nomine officij sui, neque ex coniecturis appareat, quod delegans intentionem ad personam singularem direxerit, Vicario mortuo, aut deposito, causam à successore expediri posse, sicuti & à substituto: Licet plerique contrarium sentiant, Dominicus in c. statutum, col. 3. de rescript. in 6. Decius, in c. quoniam, 14. n. 9. Beroius n. 100. Felinus n. 7. de offic. delegati, & alij apud Pauinum l. c. Sanchez citata disput. 27. n. 8. propter regulam ex Bartolo acceptam in l. quod Principi, ff. de legibus; Si dignitas alicui competat non proprio, sed alieno iure, commissionem illi factam ratione dignitatis, non transire ad successorem. Quod enim causa alicui delegata ratione dignitatis ad successorem deuoluatur, ratio est, quia dignitas, (competens alicui iure proprio) nunquam moritur, ideoque ad successorem transit, e. si gratiose, de rescript. in 6. Hæc autem ratio cessat in Vicario: Cum enim ius nullum dignitatis habuerit, dignitas eius extinguitur per mortem aut depositionem, ideoque propriè successorem non habet. Quæ sententia spectato iuris rigore vera est: Sed prior, vt dixi, probabilis, & in praxi tuta, propter præsumptam mentem Pontificis delegantis illi, qui officiū Vicariatus exerceat, vt bene aduertit Abb. in cit. e. quoniam, n. 11.

Sed numquid etiam, vice versa, Episcopus causam Vicario suo sub nomine officij delegatam cognoscere potest? Respond. & dico l. Dum Vicarius in officio est, Episcopus se intromittere, aut quoad talem causam Vicario quidquam imperare nequit. Ita ex omnium sententia docet Rebuff. in forma Vicariatus, n. 161. Sanch. cit. disp. 27. n. 30. Nauar. lib. 1. consil. 5. de offic. delegati, edit. 2. Quia quoad hanc causam sibi à Sede

Apo

Apostolica delegatam nullam habet Vicarius cum Episcopo communionem; neque ipsi subordinatus est, sed potius maior Episcopo, iuxta c. sanè, 11. de offic. del.

Dico II. Neque mortuo, aut deposito Vicario Episcopus causam expedire potest. Ita ex communi Docui cit. c. quoniam, n. 9. Nau. & Sanchez II. cc. contra Bertachinum de Episcopis lib. 4. p. 7. q. 4. Ratio est: Quia licet mortuo, aut deposito Vicario, officium Vicariatus ad Episcopum redeat, non tamen iurisdictione à Papa delegata ad Episcopum devolvitur: cum ea omnino diversa ac separata sit.

CAPITVLVM II.

Licet.

PARAPHRASIS.

Si Episcopus Generalem Vicarium instituat, tamen si vi huius generalis commissionis ad ipsum causarum Episcopatum cognitio pertineat, non tamen in delinquentes inquirere, eosdemque punire, vel à beneficijs aut officijs suis amovere potest, nisi talis potestas ei specialiter committatur.

SYMMARIVM.

1. Licet aliquis vs Vicarium Generalem, seu principalis Officialis constitutus sit, non potest tamen ea expedire, quæ specialem commissionem desiderant.
Habet interim præsumptionem pro se, quod omnes causas episcopales iurisdictionis expedire possit, nisi iure scripto, vel recepta ecclesiarum consuetudine inter speciales numerari constet.
2. Enumerantur causæ speciales, quæ in generali officio Vicariatus non comprehenduntur; & inter eas primum locum tenent causæ criminales.
3. Secundum locum tenent matrimoniales.
4. Tertium tenent casus seu peccata in foro penitentia Episcopo reservata, ab his enim (& multis alijs à reservatione Sedis

Apostolica) absolvere non potest, neque absolvendi potestatem alijs committere, absque speciali commissione.

5. Sunt & alij casus, qui quid graves & ardui sint, Vicario commissi non censentur.

NOTANDVM Vn. Qui Officialis principalis seu generalis Vicarius Episcopi constitutus est, non potest ea præstare, quæ specialem commissionem desiderant. Simile quiddam legimus in c. 5. de Procurator. in 6. Qui generaliter constituitur ad negotia Procurator, agere & experiri potest, exceptis his casibus, qui mandatum exigunt speciale. Habet tamen Vicarius generaliter institutus præsumptionem pro se, quod omnes causas iurisdictionis Episcopales expedire possit, nisi constet vel ostendatur iure scripto, aut recepta Ecclesiarum consuetudine inter speciales numerari, vti ex communi docet Garcias p. 5. de benefic. c. 8. n. 65. Rebuffus in praxi p. 1. tit. de forma Vicariatus, n. 152. Adeo quidem, vt si in aliquo can. dicantur, quippiam ad Episcopum, vel diocesani potestati pertinere, nisi inter casus exceptos sit, censi debet etiam Vicario Generali competere: cum eadem ipse iurisdictione præditus sit.

Inter causas autem speciales, quæ in officio Vicariatus generaliter commissio non veniunt, primum locum tenent criminales; aded, vt si absque speciali Episcopi commissione Vicarius se intromittat, processus irritari debet primò: Quod Vicarius, absque speciali commissione, inquirere & cognoscere possit de delictis, non vt puniat, sed vt Episcopo referat, vti docent hic Lapus, n. 1. Ancharanus ante q. 1. Franc. de Pauinis de potest. Capituli p. 2. q. 10. n. 31. & alij apud Sbrozium lib. 2. q. 143. qui addit n. 8. quod Vicarius eum, de quo inquisuerat, sine Episcopi mandato absolvere possit, si absolvendum esse existimet.

Secundò: Quod Vicarius sine speciali commissione inquirere possit non in ordine ad puniendum, sed ad emendandum, scandala cavenda, &c. vti docent DD. citati.

E e e

Ter-

Tertio: Si civiliter tantum, non criminatim agatur de crimine, Vicarius cognoscere poterit. Exempli causa: Abbas non exemptus, qui ius instituendi habet, Clericum aliquem instituit ad beneficium patronatum, sine patroni presentatione. Patronus petit, institutionem irritam iudicari, & institutum amoveri. Vicarius hanc causam cognoscere potest, cum non tendat ad punitionem, sed ad damni illati, seu iuris violati amotionem. Ita docent hic Ioann. Andr. & Geminianus, qui tamen rectè monet, huic doctrinæ locum non esse, si Clericus absque patroni consensu ab Episcopo institutus sit: quia inferior non potest cognoscere de facto Superioris sui: Vicarius autem Episcopo inferior est. Ergo, &c.

Quarto: Vicarius absque speciali commissione leues pœnas, v. g. pecuniarias multas propter excessus non graues imponere potest, sicut docet Sbrozcius lib. 2. quæst. 143. n. 12. Nam modicæ coercitionis potestas cuilibet, præsertim ordinariam iurisdictionem exercenti, necessaria est, vti dixi lib. 1. Th. mor. tr. 4. c. 5. n. 9. & dicam tit. seq. c. 4.

Cæterum si excessus grauis sit, non potest Vicarius pœnam leuem infligere, sed Episcopo referre debet, vt dignè & canonicè puniatur. Sed etsi specialem commissionem habeat, causas criminales cognoscendi, ac iudicandi, non tamen potest pœnam canone, vel statuto diocæsali definitam in leuiorem, v. g. pecuniariam commutare. Nisi etiam in talibus dispensandi specialem ab Episcopo licentiam habeat, posito, quod Episcopus dispensare possit, vti colligitur ex c. licet, iam. Gloss. ver. pœnam pecuniariam, de pœnis.

3 Alterum locum tenent causæ matrimoniales, quæ inter maiores & arduas, atque ad Episcopalem tantum dignitatem ordinario iure pertinentes numerantur, c. penult. de in integrum restit. c. accedentibus, 12. de excess. Præl. & Concil. Trid. sess. 24. c. 20. de refor. Nihilominus potest Episcopus causarum matrimonialium cognitionem Vicario generali specialiter committere, vel al-

teri perito & idoneo delegare, ex eorum uni docent Bertachinus tract. de Episc. p. 7. lib. 4. q. 20. Rebuffus de forma Vicariatus, tit. 155. Sbrozcius p. 2. q. 43. Sanchez lib. 3. de matrim. disp. 7. n. 20. Quia Episcopus committere, seu delegare alteri potest, quæ ad Episcopalem ordinariam iurisdictionem spectant, vti ex c. cum docet Syl. ver. Episcopus n. 9. Sanchez lib. 2. de matrim. disp. 40. n. 17. Sed cognitio causarum matrimonialium pertinet ad Episcopalem ordinariam iurisdictionem, cit. c. accedentibus, ex quo habetur, quod alij inferiores Episcopo de talibus causis cognoscere non possint, nisi ex speciali commissione, vel alia legitima causa, videl. consuetudinis præscriptæ, vti Gl. fin. interpretatur. Sed & ipsemet Sum. Pontifex causas matrimoniales quandoque non Episcopis, v. g. Officiali, vel Abbati alicui committit, vt constat ex c. ex literis, 4. de in integr. restituit. Vide, quæ dicam in c. 3. de offic. delegati, not. 3. §. Quæres.

Tertium locum tenent casus, sed pœcata 4 in foro pœnitentiæ reseruata Episcopo. Ab his enim Vicarius absolvere non potest, neque alij absoluendi potestatem committere, absque speciali commissione. Multò minùs Vicarius, absque speciali commissione absolvere potest à pœcatis, seu casibus Sedis Apostolicæ reseruatis, sed ea ratione Episcopalibus, quia si occulti sint, Episcopali absolutioni in foro conscientie demandantur in Trident. sess. 24. c. de reformat. Potest tamen Episcopus non tantum in casu particulari potestatem absoluendi Vicario suo, vel alteri idoneæ personæ delegare, vti Henr. arbitratu est lib. 14. de irregul. c. 19. in fine, sed etiam generatim: vti bene docuit Nauar. lib. 5. consil. 11. de priuileg. n. 4. Garcias p. 7. c. 8. n. 48. Sanchez lib. 2. de matrim. disp. 40. n. v. t. Nameq. quæ ordinariæ iurisdictionis sunt, possunt absolute ac generaliter delegari: Absolutio autè à casibus occultis Papalibus eum sit Episcopis in perpetuū concessa, in ordinariam transit. Ergo, &c. Neq. repugnat verba Trid. c. 6. quia ijs solū significatur, potestatem absoluendi eo loco Episcopis concessam, non cōpetere Vicarij ratione

ratione officij seu Vicariatus sui, sed opus esse speciali delegatione seu commissione. Alioquin verò ab alijs casibus seu peccatis Episcopo, aut Sedis Apostolicæ non referentis diœcesanos omnes Vicarius Generalis absque speciali mandato absolvere potest, & alijs sacerdotibus absolvendi potestatem conferre: cum sit parochorum Superior ordinarius totius diœcesis. Et ita ex probabiliore & in praxi recepta sententia tradit Syl. ver. confessor, l. q. 1. Henric. lib. 6. c. 13. n. 3. in comment. tit. m.

5. Alij casus sunt, qui quòd graves & ardui sint, Vicario commissi non censentur: Quia in generali commissione non veniunt ea, quæ quis verisimiliter in specie non concederet: Vxi sunt diœcesin visitare, Synodum congregare, ultimas pias voluntates exequi, &c. de quibus Rebuffus tit. de forma Vicariatus, n. 109. Sbrozsius lib. 2. q. 46. 49. 119. 120.

CAPITVLVM VI.

Cum in generali.

PARAPHRASIS.

Vicarij Generalis potestas non se extendit ad donandum. Quia in generali concessione seu commissione non veniunt ea, quæ quis verisimiliter in specie concessurus non esset. Accedit, quòd neque administratorum libera constitutus, ordinariè loquendo, donationes facere queat. Sed neque beneficia conferre Generali Vicario concessum est, nisi ea potestas ab Episcopo specialiter commissæ fuerit.

SYMMARIUM.

1. In generali officio Vicarij spiritualis non continetur potestas donandi, dispensandi, beneficia conferendi, &c. nisi ei specialiter commissum sit.
 2. Per commissionem autem hanc conferendi beneficia non adimit sibi Episcopus conferendi potestatem, sed concurrens cum Vicario suo.
 3. Certi beneficij nondum vacantis collatio, aut respectu certa persona committi non potest Vicario.
 4. Potest ei committere Episcopus facultatem accipiendi resignationem beneficij determinati, eaque admissa, denuo eadem committere facultatem conferendi; simul autem & coniunctim non potest.
 5. Non prohibetur Episcopus in instituendi aut presentandi ad certum beneficium, cum Capituli sui assensu annectere dignitati, alterius beneficio in perpetuum.
 6. Si alicui iure debitum sit beneficium in ecclesia, Episcopus mandare potest Vicario, ut in eadem Ecclesia morte aut resignatione vacaturum beneficium Canonico illi conferatur.
 7. Si data sit Vicario ab Episcopo facultas beneficiorum resignationes accipiendi, non ideo etiam destituere seu privare potest beneficiarios.
- Nec vice versa data facultate privandi, etiam resignationes liberae accipere potest: vti nec concessa potestate destituendi, concessa est potestas conferendi, aut vice versa.
8. Canonice electos confirmare, & presentatos instituere potest; non autem ecclesias & alia beneficia vnire, dividere, vel suppressere absque speciali commissione.
 9. In generali officio Vicarij non comprehenditur potestas dispensandi in votis, iuramentis, legibus, in quibus concessum est Episcopo dispensare, nisi ipsum in generali officio Vicariatus eam annectat, aut Vicarius sciente & solerante Episcopo dispense in casibus frequenter occurrentibus.
 10. Episcopus potest Vicario suo committere potestatem dispensandi in casibus simulatione dignitatum sua à Sede Apostolica generaliter commissis.
 11. Causam item sibi à Sede Apostolica delegatam eidem suo Vicario subdelegare potest.
 12. Si Episcopus Vicario suo generalem fa-

cultatem det expediendi omnia quæ potestatis sua sint, seu plenam omnia expediendi facultatem, excepta beneficiorum collatione, hac formulâ censentur reliqua specialia comprehendendi.

15. *Sic eadem facultatem plenam & liberam expediendi omnia, quæ ipsæ facere potest, non comprehenduntur ea, quæ specialem delegationem desiderant: sufficit tamen, si vnum speciale exprimitur, ut per id ad alia extensio fiat.*

NOTANDUM I. Licet Vicarius Generalis cum ordinaria iurisdictione constitutus sit, non tamen ea præstare potest, quæ vel suapte natura, vel ex iuris dispositione specialem commissionem desiderant: Vti sunt donare, dispensationes, aliâsque meras gratias facere, beneficia conferre, dimissorias dare, &c. Ratio est: quia officium Vicarij Generalis in subsidium Episcopi institutum est propter quandam necessitatem: ideo ea sine speciali commissione præstare non potest, quæ ad liberalitatem, aut qualemcunque alienationem spectant.

Quædam autem horum in specie explicabimus. Primò: In generali officio, seu iurisdictione Vicarij non comprehenditur beneficiorum collatio. Potest tamen conferendi potestas ei specialiter committi. Quod tamen non ita intelligendum est, quasi per hanc commissionem Episcopus sibi adimat conferendi potestatem. Quin potius Episcopus tunc concurret cum Vicario suo: imò si non constet, vter prius contulerit, præferenda est collatio Episcopi, tanquam amplioris potestatem habentis; sicuti simili ratione de Papa dicitur comparatione inferiorum in c. dudum. 14. §. nos igitur, de præb. in 6. Et docent. DD. apud Sbroz. lib. 2. q. 93. 94.

3. Deinde non ita intelligendum est, quasi Episcopus, seu inferior Papæ, Vicario committere possit potestatem conferendi certum beneficium, antequam vacet, sed tantum generalem facultatem conferendi, quæ alioquin ipsi ratione Vicariatus non competeret, specialiter concedere, vti docent

DD. in c. constitutus, 11. de concess. præbendæ, Gl. recepta in c. deliberatione, §. prohibemus, ver. cuiusque, de offic. legati, in 6. Rebuffus tit. de Vicarijs Episcoporum, n. 15. vbi generalè regulâ tradit: quòd Episcopus non possit Vicario generali collationem committere sine respectu certi beneficij, siue respectu certæ personæ: v.g. Titio conferas beneficium in hac Ecclesia vacaturum, siue per mortem siue per resignationem. Tum quia talibus commissionibus præbatur occasio modis inconcessis aperiendi viam beneficijs vacaturis, siue, vt clarius dicam, periculum est, ne modis illicitis, videl. mortis machinatione, aut resignaturi circumventionem, vacationis beneficij procuraretur, contra prohibitionem c. 2. de concess. præb. Tum quia per huiusmodi commissiones determinatas inducuntur beneficiorum reuerutiones, vel expectatiuæ, quæ odiosæ sunt, & Episcopis non concessæ, secundum Gl. in c. cum dilectus, 27. ver. quempiam præsentare, de iure patronatus, & videri potest Trident. sess. 24. c. 19. de reform.

Sed limitari debet hæc doctrina primò: Quòd Vicario generali conferri possit potestas conferendi beneficia restricta ad certum locum, seu partem diocesis, modò ibi plura beneficia existant, sicuti tradit Rebuffus n. 24. Sbroz. lib. 1. q. 53. n. 5. post Gl. cit. §. prohibemus, ver. cuiusque. Data opera loquor de Vicario generali. Nam alteri neque in specie, nec in genere vacatura beneficia conferendi potestatem Episcopus, aliâsue præter Papam ordinarius committere potest, vti colligitur ex cit. §. prohibemus, iun. Gl. ver. prohibemus, & tradit alia Gl. in c. statutum, 3. ver. id canonicè, de præb. in 6. Abb. in c. constitutus, n. 5. de concess. præb. Rebuffus tit. de forma Vicariatus n. 6. & alij plerique apud Sbrozium lib. 1. q. 52. n. 2.

Limitatur secundò: Quòd Episcopus committere possit Vicario facultatem accipiendi resignationem beneficij determinati; eaque admissa, eidem committere facultatem, conferendi, sicuti tradit Gl. communiter recepta in cit. §. prohibemus, ver. cuiusque. Nam hoc casu Episcopus non committit collationem

nem beneficij vacaturi, sed vacantis. Sed simul ac coniunctim potestatem resignationem accipiendi, ac conferendi beneficij certi, committi non posse, plerique docent, vti videre est apud Abb. cit. n. 5. Sbrozium cit. q. 52. n. 25.

5 Limitatur tertio: Quod Episcopus non prohibetur ius instituendi, aut presentandi ad certum beneficium cum Capituli sui assensu annexere dignitati, alterius beneficio in perpetuum: cum hæc non sit commissio seu delegatio, sed transeat in potestatem ordinariam. Atque ita notauit Rebuffus tit. de Vicarijs Episc. n. 27. ex c. 3. de Eccles. edific.

6 Limitandum videtur quarto: Si alicui iure debitum sit beneficium in Ecclesia, quia v. g. canonici sue præbendam consecutus fuit, quod Episcopus Vicario mandare possit, ut in tali Ecclesia vacaturum beneficium, cum commodè fieri potest, eidem conferatur. Quia sicuti conditiones, quæ de iure insunt, in pactum deduci possunt, iuxta l. 3. ff. de rebus creditis; ita etiam quod de iure faciendum est, ut fiat, mandari, seu committi potest. Vide quæ dixi lib. 4. tr. 2. c. 10. n. 2.

Amplius autem debet tradita doctrina: Quæ de collatione beneficiorum dicta sunt, simili ratione locum habere in presentatione; cum & hæc liberalis gratia, ac veluti donatio sit. Imò concessa Vicario potestate conferendi beneficia, non ideo censetur concessa facultas presentandi, nec eligendi. Quia à diuersis non fit illatio; conferre autem & presentare diuersa sunt, cum in illis, 16. de præb. in 6. & docet Rochus de iure patron. ver. honorificum, n. 25. Garcias p. 7. c. 8. n. 83. Sed neque concessa Vicario facultate beneficia conferendi, resignationes accipere potest, seu absolutas, seu causâ permutationis, vti ex communi Zabari. in Clem. vn. de rerum permutatione. Flamin. Parisius de benefic. resign. lib. 7. q. 24. n. 15. Sbrozium lib. 2. q. 71. Multo minus concessa Vicario potestate resignationes accipiendi, beneficia conferre potest, quia conferre plus est, quam resignationes accipere, vti docet Flamin. cit. q. 24. n. 8. 17. Nam Capitulum v. g. sede vacante beneficiorum resignationes accipere, sed non conferre pot-

est, quæ liberæ collationis sunt ad Episcopum spectantis. Ergo multo minus Vicarius; quandoquidem Capitulum sede vacante maiorem potestatem exercet, quam Vicarius Episcopi possit, absque specialibus ei factis commissionibus. Si tamen commissâ sit Vicario potestas resignationes accipiendi causâ permutationis, quod possit etiam conferre, cum collatio non sit libera, tradit Dominicus. ult. hoc tit. in fin. vti docet Flamin. Præterea si data sit Vicario facultas resignationes accipiendi, non tamen potest destituere, seu priuare beneficiarios: cum id maioris potestatis sit. Sed neque vice versa, data potestate priuandi, resignationes accipere potest: cum à diuersis non fiat illatio, teste Flamin. n. 19. Quod si Vicario data sit potestas destituendi, non ideo conferre potest: sicuti nec vice versa concessa potestate conferendi, venit potestas destituendi. Tametsi enim hæc fermè coniuncta sint in potestate ordinaria, non tamen in delegata seu commissâ: cum hæc dependeat à voluntate committentis. Denique si data sit Vicario facultas conferendi omnia beneficia ad collationem Episcopi spectantia, tamen conferre non potest ea, quæ Episcopus confert iure speciali seu deuoluto, vti docet Rebuff. in forma vicariatus n. 98. Flamin. de resign. benefic. lib. 1. q. 24. n. 64.

Veruntamen, cum Vicarius ratione officij generatim commissi expedire possit ea, quæ iustitiæ ac necessitatis sunt, ideo canonice electos confirmare, & à patronis presentatos instituere potest, absque speciali commissione, arg. c. ex frequentibus, de instit. & docet Gl. hic ver. non possunt, Ioan. Andr. n. 2. Ancharanus in fine, Bertachinus de Episc. lib. 4. p. 7. q. 16. Sbrozium lib. 2. q. 70. & 111. Garcias cit. c. 8. n. 84. Flamin. lib. 7. q. 24. n. 27. & dixi lib. 4. tr. 2. c. 10. n. 6. quâuis contrarium sentiat Rebuff. in forma vicariatus, n. 126. Sed Ecclesias aut beneficia vnire, diuidere, aut omnino suppressere, Vicarijs concessum non est, absque delegatione speciali: cum hæc causæ inter arduas numerentur.

Secundò: In generali officio Vicarij spiri-
Ecce ; ritua-

ritualis non comprehenditur potestas dispensandi in votis, in iuramentis, in legibus, quibus concessum est Episcopo dispensare. Ita ex communi Rebuffus in forma vicariatus, n. 44. Gutierrez lib. 1. canon. qq. c. 19. n. 15. Sanchez lib. 2. de matrim. disp. 40. n. 12. Quia dispensatio est species quædam gratiæ, ac remissionis, quæ in generali commissione Vicariatus non comprehenditur. Accedit quod dispensatio æquiparatur restitutioni in integrum, quæ in generali mandato, aut commissione non continetur, l. illud, 25. §. si talis, ff. de minoribus.

Limitari debet primò: Nisi ipsum ius Vicario generali dispensandi potestatem committat. Ita probabiliter docent non pauci DD. inter quos Gutierrez l. c. Sbrozcius lib. 2. q. 101. Sanchez lib. 3. disp. 7. n. 10. contra Henric. lib. 1. c. 5. n. 5. Garciam p. 7. c. 8. n. 60. Quod Vicarius ex officio suo ob causam iustam dispensare possit circa matrimonij denuntiationes. Quia in Concil. Trident. sess. 24. c. 1. de reform. matrim. talis dispensandi potestas Ordinariis committitur: Nominè autem Ordinarij etiam Vicarij intelligi debet, vti ex communi docet Flamin. Parisius de resign. benefic. lib. 3. q. 1. n. 22. Imò etiam nomine Episcopi, aut diocesani: vt in casu Trident. sess. 23. c. 15. de reform. vbi de approbatione Confessariorum, quam à Vicario etiam fieri posse probabiliter docet Suarez tom. 4. disp. 28. sect. 5. Item in casu Trid. sess. 25. c. 3. de reform. vbi agitur de excommunicatione, quæ intentari solet ad inuentorum restitutionem faciendam, licet dicatur à solis Episcopis promulgandam non esse, tamen eo nomine etiam Vicarium comprehendit, docent multi apud Sanchez lib. 3. de matrim. disp. 29. num. 16. Garciam p. 5. q. 8. num. 94. Nihilominus verò poterit Episcopus eiusmodi facultatem v. g. dispensandi in renuntiationibus, apprc. di Confessarios, sibi ipsi referuare, vti ex communi docent Gutierrez cit. n. 15. Sanchez suprà cit. disp. 7. n. 10. Sbrozcius lib. 2. q. 112. n. 6. Cùm enim Episcopus generalem Vicarium pro voluntate sua instituat, & amoveat; ideo vel amplam, vel restrictam potestatem ei conferre,

aut semel statim extendere, aut restringere non prohibetur, vti ex recepta doctrina tradit etiam Pasiesius in praxi Episcopali, p. 2. c. 4. n. 12. Garcias p. 5. c. 8. n. 89. Igitur, an Vicarius in matrimonij denuntiationibus dispensare possit, ex mente cuiusque Episcopi & Ecclesiæ consuetudine colligi debet.

Limitatur secundò: Nisi Vicarius generalis, sciente & tolerante Episcopo, dispense in casibus frequenter occurrentibus v. g. circa ieiunia, festa, & similia. Nam vbi diocesanes amplè sunt, & negotia multa, difficile est talia omnia ad Episcopum referri: Idemque sentiendum, si Episcopus absens sit, aut in Ecclesia Cathedrali, vbi frequentior populus est, non resideat. Quamvis enim absentia Episcopi maiorem Vicario potestatem non tribuat, per se loquendo, vti notauit Sbrozcius lib. 2. q. 30. n. 16. consuetudo tamen, & antecedentium Vicariorum praxis interdum ostendit, Episcopum contentum esse, ideòque tacite committere tantam potestatem. Imò si Episcopus valde remotus sit, vt consuli & responsum haberi non possit, quodammodo necessaria ac debita est Vicario aliqua dispensandi potestas, arg. c. 3. §. Episcopo, de tempor. ordinat. in 6.

Restant qq. aliquæ. PRIMA: Vtrum Episcopus Vicario suo committere possit potestatem dispensandi in casibus sibi à Sede Apostolica commissis, aut concessis? Respondeo & dico I. Posse, si generalis commissio, seu delegatio à Sede Apostolica, vel Concilio generali facta sit Episcopis ratione dignitatis suæ, v. g. dispensandi in omnibus irregularitatibus & suspensionibus ex delicto occulto prouenientibus, excepto casu homicidij voluntarij, sess. 24. Trident. c. 6. de reform. Quia talis potestas per generalem commissionem facta dignitati Episcopali transit in ordinariam: consequenter alteri committi potest.

Dico II. Etsi Episcopus Vicario suo commiserit dispensandi facultatem in casibus Episcopalibus, eà tamen commissione non comprehenduntur casus à Sede Apostolica etiam generaliter delegati Episcopali dignitati, nisi aliquid addatur, ex quo colligi possit,

fit, mentem Episcopi esse committere omnem suam potestatem quatenus delegabilis est. Ita docet Rebuffus in forma Vicariatus, n. 46. Idemque sentiendum erit de casibus Papalibus, qui per accidens ad Episcopum devoluntur ob difficultatem adeundi Papam, ut colligitur ex ijs, quæ docet Sanchez lib. 2. disp. 40.

II Dico III. Episcopus causam à Sede Apostolica sibi delegatam generali Vicario subdelegare potest. Ita DD. communiter, ex c. 3. de offic. delegati.

Sed limitatur primò: Sinudum ministerium, seu executio, sine causæ cognitione mandata sit, ea subdelegari non potest, c. ult. §. cæterum, de offic. delegati.

Secundò: Si personæ delegati industriam specialiter electam esse, vel ex adiunctis, vel ex causæ arduitate cognosci possit, cit. c. ult. §. is autem. Nihilominus hoc casu articulus aliquis causæ v. g. testium examen, alteri committi potest, ut docet Felinus in c. si pro debilitate, n. 4. de offic. delegati, Sbrozium lib. 2. q. 43. n. 31.

Limitatur tertio: Quòd Episcopus, vel alius Sedis Apostolicæ delegatus causas sibi commissas, ordinariè loquendo, subdelegare possit non item in futurum committendas. Quia non potest aliquis iurisdictionem alteri committere, quam non habet, ut notat Felinus cit. c. ult. n. 8. Sbrozium cit. q. 34. num. 6.

ALTERA. Si Episcopus Vicario committat generalem potestatem ad omnia expedienda, excepta beneficiorum collatione, utrum reliqua, quæ specialem delegationem desiderant, expedire possit, v. g. dispensare, absolute à casibus Episcopali dignitati specialiter commissis. Afirmat Domin. de Geminiano in c. 2. hoc tit. Euerardus in eo, g. ab except. ad regulam, & alij apud Couar. 2. resol. c. 5. n. 9. Quia exceptio apposta regulæ vniuersali, eam confirmat in alijs. Contrarium docet Ancharanus in cit. c. 2. ver. quæro Episcopus, & alij apud Sbrozium lib. 1. q. 65. num. 13. Quia exceptio rei quæ sub regula non comprehenditur, non debet esse ampliatiua, sed

diminutiua, cum itaque secundum iuris dispositionem collatio beneficiorum in generali mandato non comprehendatur, ideo exceptio illa non videtur apposta ad comprehensionem reliquorum specialium, sed solum ad significandam diminutionem, adeoque supplet particulam aduersatiuam, ut sensus sit: Quòd Vicarius omnia exercere possit, quæ iure ordinario ad eius officium spectant, sed beneficia conferre non possit. Atque hæc sententia magis placet, ea tamen declaratione, quam adhibet Garcias cit. c. 8. n. 79. Si Episcopus omnia, quæ potestatis suæ sunt, Vicario committat, absque beneficiorum collatione, hac commissionis formula reliqua specialia comprehendendi. Cum enim collatio beneficiorum contineatur in regula seu propositione vniuersali, ideo eius exceptio alia eiusdem generis confirmare censetur, sicuti etiam docet Gl. in c. 1. ver. committantur, hoc lib. & tit.

TERCIA. Si Episcopus Vicario generalem facultatem det expediendi omnia, quæ potestatis suæ sunt, sine quæ ipse facere potest, seu plenam & liberam det expediendi omnia facultatem, utrum comprehensa censeantur ea, quæ specialem delegationem requirunt, ut beneficiorum collatio, dispensatio, &c. Responsio est negatiua ex communi DD. sententia apud Cotar. 1. resol. c. 6. n. 3. ver. sexto, Sbroz. lib. 1. q. 66. n. 5. quæ sumitur ex c. qui ad agendum, 4. de Procurat. in 6. ex quo regulam colligunt DD. Quòd specialia non censeantur commissæ, aut mandata, nisi exprimantur. Sufficit tamen, si vnum speciale exprimatur, & per id ad alia extensio fiat. Exempli causa: Committimus tibi in spiritualibus Vicario generali facultatem dispensandi, & alia specialem commissionem postulanti: nam ex vitalis consensionis poterit Vicarius alia, quæ vel minora, vel quæ æqualia sunt expressis, non item maiora expedire, secundum doctrinam Baldi communiter receptam in aliquando, n. 8. q. 15. ff. de officio Proconsulis, quam explicauimus in c. sedes, 15. not. 4. de refeript. ubi tamen annotauimus, ante omnia attendendum esse ad intentionem committentis.

mittentis : cū h̄ iuris p̄sumptiones sint, quibus locus non est, si de contraria veritate constat.

QUARTA. Quæ Episcopus Vicario suo specialia, seu in generali & ordinaria Vicariatus potestate non comprehensa committit, pertinentne ad iurisdictionem eius ordinariam, an delegatam ? Interest autem id scire, quia si ad delegatam iurisdictionem spectant, ab eius sententia appellari potest ad Episcopum; Et mortuo, vel deposito Episcopo, non extinguitur iurdictio Vicarij, si causa cōpta sit: Secūs autem dicendum, si ordinariæ iurisdictionis censeantur. Resp. cum Sbrozio lib. 2. q. 55. Garcia p. 5. c. n. 41. Sanchez lib. 3. disp. 29. n. 8. Si ea quæ specialia sunt vel initio commissionis generalis Vicariatus officio annectantur, vel postea tanquam Vicario Generali, seu intuitu Vicariatus committantur, in ordinariam iurisdictionem transire censebuntur: quia accessorium sequitur naturam principalis. Sin autem Vicario quæ specialia sunt, seorsim & non intuitu, aut sub nomine Vicariatus committentur, pertinebunt ad delegatam.

TITVLVS XXIX. DE OFFICIO ET POTESTATE IUDICIS DELEGATI



Um superioribus Titulis dictum sit de Ecclesiæ Ministris, qui principaliter ad diuina tractanda instituuntur, sequitur, vt de ijs agatur, qui ad causas externas iudiciales destinati sunt: Et primò de Iudice delegato, seu extraordinario, postea de ordinario: quòd delegatus à Principe maior, ac dignior sit alijs ordinarijs iudicibus, quibus in causa sibi delegata imperare potest, c. sanè 11. hoc tit. Videri potest Franc. Coscius.

Pro Tituli autem huius declaratione duo quæri possunt: I. Quomodo differant officium, & potestas, Alterum Quis sit Iudex delegatus. Ad 1. resp. Sub hoc tit. tractari, quidnam Iudex delegatus præstare obligatus sit, & quidnam præstare possit. Nam alia sunt quæ possumus, alia verò quæ etiam facere debemus. Hæc officij dicuntur, illa potestatis. Hanc interpretationem innuit Abbas in rubr. & traditur à Bartol. Cartagena ead. rubr. ohser. 2. Aliam affert Felinus in rubrica ex Ioan. Andrea: Quòd officiū significet ipsum actum secundum seu exercitium,

potestas autem sit in habitu, seu in actu primo.

Ad alterum resp. Delegare significat, alterum in locum suum sufficere. videl. Vt si Titius, qui meus debitor est, debitorem suum Caium substituatur, vt pro ipso mihi soluat, dicitur is debitor delegatus à Titio, l. Si Titius, 33. ff. de nouationibus. Itaque Iudex delegatus (qui extraordinarius appellatur e. de cætero, de transactionibus) est, cui causa iudicialis concessa est, alterius vice, & auctoritate cognoscenda, ita vt iurisdictionem habeat deriuatam à committentis iurisdictione. Ita fermè definit Hostiensis hic, & sumitur ex l. 1. §. Qui mandatam, ff. de officio eius, cui mandata est iurdictio. Atque in eo differt à Iudice ordinario, quòd is propriam iurisdictionem habere censeatur, ideòque suo iure causas cognoscere, ac definire possit. l. more, §. iun. Gl. ver. suo iure, ff. de iurisdictione. Iudex autem delegatus non suo iure, sed alieno utitur, cit. §. Qui mandatam. Solū mouet difficultatem, quòd Vicarius Generalis seu Officialis Episcopi iurisdictionem ordinariam habere dicatur, & tamen

pre-

propriam non habeat. Respond. Iurisdictione Vicarij Generalis, ab alijs ordinarijs multum differt, & quibusdam modis convenit cum iurisdictione delegata ad vniuersitatem causarum, sicuti notauit Piascius in praxi p. 2. c. 4. n. 11. Absolutè tamen potius dicenda est ordinaria, quàm delegata, propterea quòd distincta non sit ab Episcopali iurisdictione: Et ob hæc ipsam causam addidi verba vltima definitioni, quòd Iudex delegatus iurisdictione derivatā habeat, per quod differt à iurisdictione Vicarij Generalis, quippe qui propriè derivatam non habet, sed eandem. Delegatus autem Iudex diuersam iurisdictionem obtrinet, quamvis dependentem, ac veluti cessam, seu vtilem. Videri potest Gl. in cit. §. Qui mandatam, & Bertachinus tract. de Episcopis lib. 4. p. 7. q. 9. n. 11.

CAPITVLVM I.

Quia quæsitum.

PARAPHRASIS.

Accidit interdum, vt impetrantes à Sede Apostolica rescriptum iustitiæ, minis ac terroribus impediuntur, quòd minus eo vti possint, & reos in ius vocare, ac proinde mandarum Apostolicum eludatur. Hoc casu respondit Alexander III. Iudicem delegatum per Ecclesiasticam censuram coercere posse non tantum eos, qui in iudicium venire detrectant, sed etiam eorum fautores principales, si manifestè cognitum sit, quòd processum causæ impedire conentur: Eò quòd malè facientes, & consentientes pari pœna, etiam scripturæ testimonio, digni sint. ad Roman. 1.

SUMMARIVM.

1. Potentium mina plerumque iustum metum inferunt, si spectata persona qualitate efficaces existimantur.
2. Iudex delegatus iurisdictionem exercet non sanium in partes contendentes, sed etiam in eos, qui eius iurisdictionem, sine causa processum impedire vel turbare volunt.

3. *Ordinarium remedium, quo iudices ecclesiastici ordinarij & delegati contra contumaces, & iura ecclesiastica violare attentantes vti debent, est censura ecclesiastica, præsertim excommunicationis. Extraordinarium est innocantio brachij secularis.*

4. *Malè faciens & consentiens pari pœna digni sunt. Est autem consensus quatuorplex; negligentia, consilij, cooperationis, auctoritatis seu mandati.*

NOTANDVM I. Potentium minæ iustum plerumque metum seu terrorem inferunt. Quod tamen intelligi debet, si spectata qualitate personæ, alijsq; circumstantijs, minæ efficaces existimantur, quia qui minas intendant, eas exequi solitus est. Quæ de re Abb. hic n. 3. Felinus n. 2. & dixi de hac re lib. 5. Th. mor. tr. 10. p. 2. c. 5. n. 3.

NOTANDVM II. Iudex delegatus non tantum iurisdictionem exercet in partes contententes, sed etiam in alios, qui iurisdictionem eius, siue processum causæ impedire, vel turbare volunt, tametsi id in delegatione expressum non fuerit. Ita Gloss. marg. hic, quam Canonistæ communiter sequuntur.

Sed obijci potest: Quòd iurisdictione delegata stricti iuris censetur, neq; extendenda aut proroganda vltra causam, vel personas in rescripto expressas, e. cum olim, 32. & c. P. & G. 40. hoc tit. Cum delegatus non propria, sed demandata iurisdictione utatur: fines autem mandati diligenter custodiendi sunt, nec vltra prorogandi, l. diligenter, 5. ff. mandati, c. cum dilecta, 22. de rescript. Respond. cum Francisco Coscio super hoc c. n. 21. Delegatum non excedere fines mandati, si ea prælit, quæ necessaria sunt ad causæ executionem, & mandati impletionem. Nam qui mandat principale, censetur etiam accessoria mandare, seu qui executionem finis committit, etiam media, quæ necessaria sunt, committere censetur, c. præterea, 5. hoc tit.

NOTANDVM III. Ordinarium remedium, quo Iudices Ecclesiastici tam ordina-

ffff rj,

rij, quàm delegati, contra contumaces & inobedientes, aut iura Ecclesiastica violare attentantes, uti debeant, esse censuram Ecclesiasticam, præsertim excommunicationis: Extraordinarium autem seu in subsidium datum remedium, esse inuocationem brachij secularis. Hoc autem extraordinario vtendum non est, nisi propter necessitatem, si ordinarium, & propriè Ecclesiasticum remedium sufficere non videatur. Ita sumitur ex cit. c. vn. de statu Regular. in 6. & c. 1. c. quoniam, 14. in fine, de offic. Ordin. c. dilecto, 6. de sent. excommun. in 6.

4. **NOTANDVM I V** Male faciens, & consentiens, pari poena digni sunt. Sed quod attinet poenam à iudice insilendam, aptè distinguit hic Gl. ver. pari poena, Innoc. n. 1. consensum esse quadruplicem; Primus negligentiz, si quis delictum impedire possit, ac negligat. Requiritur tamè, saltem in civili foro, vt aliquis ex aliqua iustitiæ, nõ solius charitatis, obligatione impedire teneatur, v. g. famulus mortem domini, aut filius patris, sicuti dixi lib. 3. Th. mor. tr. 3. p. 3. c. 3. n. 5. Sin autem alius quispian specialiter non obligatus impedire negligat, si dolus absit, in civili foro non punitur, teste Gl. reg. 50. ff. Felino hic n. 4. Alter est cõsensus consilij. Nam consilium delinquendi præbens, delicti particeps fit, atque pari poena puniendus est, si consilium efficax fuit; quia hominem permouit ad malum patrādum, quia alioquin id non patrasset, l. non solum, §. si mandato, ff. de iniurijs, c. sicuti dignum, 6. §. Qui verò, de homic. iun. Gl. ver. prouocassent. Sin autem etiam absque dato consilio patrasset, mitius puniendus est, quàm patrator. Ita distinguit Dynus reg. 62. in 6. n. 3. Abb. hic n. 5. Felin. n. 8. Tertius est consensus cooperationis, si furantem v. g. vel occidentem quis adiuvet, illi clauus, huic censuram præbendo. Et talem crimine participantem pari poena afficiendum esse docet Bartol. in l. si quis opem, 34. ff. de furtis, Abb. hic membr. 3. dummodo auxilium socij efficax fuerit, & causa delicti, sicuti hanc doctrinam limitat Felinus hic n. 14. & dixi lib. 3. Th. mor.

tr. 2. c. 5. n. 6. §. Nomine participantis. Quartus est consensus auctoritatis, seu mandati: Si is, qui imperandi auctoritate præditus est, vt Prælati, Pater, Dominus malum patrari iubeat. Talis censetur principalis delinquens, ideòq; maiore etiam poena dignus, quàm executor, secundum Gl. hic, & dixi de hoc lib. 3. Th. mor. tr. 2. c. 6. n. 2.

CAPITVLVM II.

Sanè.

PARAPHRASIS.

Si quis literas iustitiæ à Sede Apostolica impetrauit ad Iudices delegatos, & postea aliæ literæ (ad eosdem Iudices) destinatae sunt, oppositum quiddam cõtinentes, nulla facta mentione priorum literarum; tum Iudices supersedere debent, donec consulto Sum. Pontifice, eius voluntatem plenius cognoscant: ne alioquin literarum varietas commissæ causæ terminationem impediat.

SUMMARIVM.

1. Cum diuersa litera ad eosdem Iudices destinatae sunt, & dubium sit de mente Pontificis, petenda est prius eius declaratio, quàm causa definiantur.
2. Quotiescunque iudex dubitat de rescripto Apostolico, verum per aliud renouatum, vel immutatum sit, Sedes Apostolica consulenda est.
3. Non censetur derogatum Apostolico rescripto priori, per posterius, si de priori mentio nulla sit.

HOC c. variè explicant Canonistæ, uti videre est apud Abbatem hic. Sed nulla est difficultas, si sequamur explicationem Gl. in c. 3. ver. priores, de rescript. Andr. Barbatiz hic prope finem c. Quod literæ posteriores ad eosdem iudices destinatae sint: Tali casu, si dubium sit de mente Pontificis, eius declarationem petendam prius esse, quàm

quàm causa definiatur. Sin autem ad diuersos iudices rescripta veniant, quid agendum, seu quomodo res componenda sit, alibi definitum reperitur, videl. in c. si autem 9. c. pastoralis, t. 4. de rescript. Nam hoc casu diuersitatem duorum rescriptorum expediebat certis legibus definire, ne alioquin vel utriusque seorsum contraria iudicent, vel contentio aut dissidium inter eos oriatur: quæ non ita locum habent, si diuersa rescripta ad eosdem, vel eundem iudicem dirigantur. Accedit, quod non multum ad causæ iustitiam interest, vtrâ pars iudicum delegatorum cognoscat, cum id extrinsecum & accidentale sit. Sin autem circa ipsam substantiam, aut processum causæ opposita mandata Apostolica veniunt, apparet necessarium esse, vt Papa prius consulatur: cum alioquin commissarius exequi non possit, quod mandatum est, si mandantis voluntas ipsi cognita non sit.

2. **NOTANDUM I.** Quod ex hoc textu generatim colligunt Abb. hic n. 1. Felinus n. 1. Barbatia col. 1. Specul. tit. de offic. legati, §. sexto, Quotiescunque Iudex dubitat de rescripto Apostolico, vtrum per aliud rescriptum reuocatum, vel immutatum sit, Sedem Apostolicam consulendam esse. Neque Legatum, etiam à latere, se intromittere posse, Felinus docet, ac Speculator n. 33. Quia eiusdem est vti legem, ita & rescriptum interpretari, cuius & condere. Et consentit hic c. si quando, §. de rescript. c. cum venissent, 12. de iudic.

3. **NOTANDUM II.** Sicuti lege aut rescripto Pontificis contrario non censetur derogatum statuto, vel consuetudini speciali, si de ea mentionem non faciat, c. 1. de constitut. in 6. ita neque derogatum censetur rescripto priori, si de eo mentio nulla fiat. Quia tam multa à Sede Apostolica rescripta promanant, vt ea, eorumque contenta singula reminisci Pontifex non possit. Ex quo tamen non inferas, idem de alijs inferioribus Ordinarijs sentiendum esse: Sed de his interdum, consideratis circumstantijs, præsumi poterit, quod postero contrario rescripto prius reuocare aut

immutare velint, tametsi de eo mentionem non faciant.

CAPITVLVM III.

Si pro debilitate.

PARAPHRASIS.

Delegatus à Sum. Pontifice. si causam expedire impeditus sit, potest eam alteri idoneo subdelegare, qui orta aliqua difficultate delegatum principalem consulere debeat. Excipitur verò, nisi causa delegata grauis, & ardua sit, talis enim alteri subdelegari non potest.

SUMMARIUM.

1. *Delegatus à Principe subdelegare potest, alterumque cogere ad acceptandam subdelegationem.*
2. *Subdelegare autem debet personis discretis & idoneis, qui sunt bona conscientia, & rerum iurisque periti, & diti.*
3. *Non potest tamen delegatus Principis subdelegare causam graui seu arduam.*
4. *Iudex alteri causam subdelegare potest, reseruato sibi hoc iure, vt consilium suum requirendum sit, quo casu eo non requisiti, sententia lata nulla est.*

NOTANDUM I. Delegatus à Principe subdelegare potest, seu alteri causam delegare. Ita etiam habetur in l. à iudice, §. C. de iudicijs. Dicitur autem subdelegatus, cui causa vel tota, vel pars seu articulus, v. g. testium receptio, à delegato committitur, secundum Guil. de offic. delegati, §. 1. princ. Ratio alia reddi non debet, nisi quod hoc speciale priuilegium delegatis Principum, ob eminentiam eorum, à legedatum sit, c. pastoralis, 28. hoc tit. Ex quo colligit hic Gl. ver. liberum, Barbatia. col. 4. Abb. n. 1. Hippolytus Riminaldus. n. 6. quod delegatus Principis, etiam partibus inactis, causam alteri delegare possit: Imò tametsi nulla eum

cogat necessitas, vti apertè constat ex cit. c. pastoralis: Sed necessitatem ad id inferuire, vt delegatus per Principis auctoritatem alterum cogere possit ad acceptandam delegationem, arg. c. 1. e. præterea, 5. hoc tit.

2. **NOTANDVM II.** Delegatus subdelegare debet personis discretis, & idoneis. Per discretiorem indicat viri boni, ac prudentis conscientia: per idoneitatem iurium peritia, atque rerum experientia. Nam hæc duo in iudice requiruntur, bona conscientia, & rerum iuriumque peritia, secundum doctrinam Baldi l. hac lege, C. de sententijs ex periculo recitandis, Barbatæ hic col. 3.

3. **NOTANDVM III.** Delegatus Principis causam sibi commissam alteri subdelegare non potest, si grauis seu ardua sit. Ratio reddi debet ex c. vlt. §. is autem, hoc tit. iuncto c. is cui, 12. eod. in 6. Quia causæ grauitas persuadet, industriæ personæ delegatæ singulariter electam fuisse. Hoc loco Barbatia plura specialia affert, propter causæ arduitatem.

Primò: In causa graui si quis ipsemet se sistere non possit, non tenetur procuratorem mittere. argum. c. 2. de procurat. & docet Gl. in Clement. vn. ver. fautores, de foro compet. Innoc. in c. 1. n. 1. de procurat.

Secundò: Quæ ardua & magni momenti sunt, Prælati expedire non potest sine consensu aut consilio Capituli, secundum Innoc. in c. edoceri, n. 4. de rescript. & c. causam, de iudic. Abb. in c. at si Clerici, §. de adulterijs n. 16. de iudicijs. Quia de re dixi lib. 1. Th. mor. tr. 4. c. 7. n. 9.

Tertiò: Inferiores iudices, aut commissarij, quæ ardua sunt, expedire non debent sine relatione ad Superiorem, argum. c. ad hæc 8. de offic. Archidiaconi, & Exod. 18. vbi Moyses iuxta consilium Iethro cognati sui constituit iudices inferiores, qui quæ maioris momenti erant, ad ipsum referre deberent.

Quartò. Papa, quæ ardua sunt, absque consilio Cardinalium agere non debet, teste Ioann. Monacho, c. super eo, 4. n. 3. de hæret. in 6. Tamen si enim Papa plenitudinem potestatis vniuersalis habere dicatur, iuxta Clement. 1. vt lite pendente, tamen & ipse

canones ac rationabiles Ecclesiæ consuetudines seruare debet; alioquin peccabit. Ita bene ex Paulo Castrensi notauit Probus in addit. Ioann. Monachi cit. c. super eo, n. 26.

QVÆRES: Quenam causæ arduæ censendæ sint. Respondent communiter hic Canonistæ, Decius n. 5. Felinus. col. 3. & alij apud Menoch. in arbitrijs Iudicum qq. casu 205. Iudicis arbitrio id relinquendum esse. Sed idem Decius considerans verba huius c. probabiliter docet, Tamen si causa aliqua absolute grauis sit, v. g. matrimonialis, quam Episcopo Sum. Pontifex delegauit; si tamen, vt ordinariè fieri solet, non adeo grauis videatur, vt sine ipsius præsentia expediri nequeat, posse eam alteri personæ peritæ, v. g. Officiali delegari. Idemque tradunt Abb. c. ex literis, 4. not. 2. ibid. Imola n. 1. de in integr. restit. Quod maxime hoc tempore verum videtur, postquam causæ matrimoniales doctissimis multorum commentarijs explicatæ sunt. Quamuis contrarium doceat Sbroz. lib. 2. de Vicario Episc. q. 43. n. 18.

NOTANDVM IV. Iudex alteri causam subdelegare potest, reseruato sibi hoc iure, vt consilium suum requirendum sit. Quo casu consilium necessariò petendum, & debito tempore expectandum erit: ita vt sine eo aliter sententia lata irrita haberi debeat: quia delegatus formam delegationis transgressus fuit, vti docet hic Abb. n. 6. Decius n. 8. & dixi in c. venerabili extr. 37. Cæsetur autem delegans reseruare sibi, vt consilium eius adhibeatur tanquam viri boni, ac prudentis, non tanquam iudicis: cum Iudex causæ huius cognitionem iurisdictionalem à se amouisse, & alteri imposuisse censetur, ideòque vnà cum illo indicare non possit, ait Gl. hic communiter recepta, ver. te consulere. Etenim vniuersim loquendo, tamen si alicuius consilium de iure, statuto, vel pacto requirendum sit, non tamen necesse est consilium sequi. Veruntamen, si quis alteri causam committat, eo expresso, vt consilium eius sequendum sit, tunc facit se participem iudicij, ita vt sententia lata non valeat, nisi ipso assentiente, vti bene hic docet Decius

n. 9. Abb. n. 9. ubi regulam tradit ex Bartol. l. 1. §. si plures, ff. de exercitoria actione, ubi consilium requirendum est ab eo, qui officij particeps est, absque eius assensu gesta non valent.

CAPITVLVM IV.

De causis.

PARAPHRASIS.

Si causa alieni delegetur, intra certum tempus expedienda, post lapsum eius temporis expirat iurisdictione delegati, nisi partes communi consensu præfixi temporis terminum prorogarent.

SUMMARIUM.

1. Si causa committitur iudici delegato intra certum tempus definenda, eo lapsso expirat iurisdictione & commissio eius non item, si iudici ordinario Superior eius ita talem causam decidendam præcipiat.
2. Possunt tamen partes terminum à delegante præfixum prorogare, nisi delegans prohibuerit, vel ob bonum publicum terminus sit præfixus.
3. Iudex delegatus reum ob contumaciam excommunicare potest.
4. Iudex tenetur delinquentibus penam imponere, quæ legibus definita est, neque potest in aliam mitiorem commutare, aut dispensare, si sit inferior Principe.
5. Potest tamen propter particulares circumstantias minuere vel aggravare penam arbitrari, seu interpretari.

NOTANDVM I. Si Iudici delegato tempus præscriptum sit, intra quod causam definire debeat, censetur esse forma substantialis, quæ non observata expirat mandatum & commissio eius. Sin verò Iudici habenti iurisdictione ordinariam Superior eius præcipiat, ut talem causam intra certum temporis terminum expediat, malè agit differendo, sed valet sententia etiam postea lata. Ita quo-

tauit hic Decius n. 9. Ratio discriminis quia in priore casu Superior delegato dat iurisdictionem eius causæ, & quidem limitatè secundum formam commissiionis ac mandati. In posteriore autem casu Superior Iudici dat iurisdictionem eius causæ, sed modum tantum tempestivæ expeditionis præscribit. Qui modus seu conditio substantialis censeri non debet, cum non facile existimandum sit, Superiorem iurisdictionem concessam alicui adimere, seu ad se revocare velle. Videri potest Gl. in Clem.

NOTANDVM II. Tametsi terminus expediendæ causæ à delegante præfixus sit, tamen partes communi consensu ulterius prorogare seu extendere possunt. Ita habetur in l. 2. §. Si & Iudex, ff. de iudic. & docent Canonistæ in c. super eo, 12. de appell. Ratio est. Quia terminus causæ citius expediendæ in fauorem partium constitutus videtur. ergo huic suo fauori renuntiare possunt, arg. e. ad Apostolicam, 16. de Regular.

Excipe primò: Nisi delegans prohibuerit, ne terminus prorogaretur, cit. l. 2. §. Si & Iudex.

Excipe secundò: Si appareat, non ob partium fauorem, sed ob bonum publicum terminum temporis præfixum esse, quia specialiter interlit v. g. Ecclesiæ, ut controuersia aliqua beneficiæ citò expediat, sicuti Decius notauit cit. loco. Quæ ipsa causa est, quod terminus à iure communi definitus litibus seu controuersiis ciuilibus expediendis, à partibus prorogari non possit, cum iurium communium publicus fauor sit, uti docent DD. in l. properandum, 13. C. de Iudicij. Est autem tempus litibus finiendis constitutum triennium, cit. l. properandum. Idque etiam secundum ius canonicum obseruandum esse, existimat Barbatia hic col. 2. quandoquidem l. illa *properandum* correctæ non reperitur, atque Reip. vile est, ut controuersiæ, quàm fieri potest, celeriter definiantur, c. 2. de sent. & re iudic. Sed contrarium docet Gl. in cit. l. properandum, vers. Item quid, arg. e. penult. de iudic. quæ difficultas ibi examinabitur cum Gl. ver. non obstante.

His verò addendum: Si Iudici delegato

tempus definitum sit, intra quod causam definire, seu expedire debeat, id trahendum non esse ad executionem sententiæ: Quin etiam post lapsum eius temporis exequi poterit; cum iurisdictioni eius omnino finita non sit, arg. c. significasti, 7. hoc tit. & tradit hic Ioan. Andr. n. 19. Abb. cit. c. significasti n. 2. & sumitur ex c. querenti, 26. infra eod. Sed secus dicendum, si terminus praxius sit iurisdictioni delegati, cum etiam executio sententiæ iurisdictionis actus sit.

s. Illis etiam.

Si partes à delegato Iudice legitimo modo citatæ, accedere vel eiusdem mandato parere reculent, pœnam eis infligere debet, si quæ iure canonico definita sit; alioquin pro qualitate delicti, & causæ, arbitriam imponere.

NOTANDUM I. Duplex esse potest contumacia rei; una in non veniendo, cum citatus fuit; altera in non parendo Iudicis mandato. Et esse priorem ac veluti duplicem contumaciam, quæ in non veniendo est, ex communi tradit Decius super rubr. de iudic. not. 7. Barbatia hic col. 7. Ob utramque autem, si reus in contumacia perseveret, excommunicationis sententia infligi potest, teste Decio vbi supra, Barbatia col. 8. & Felino num. 9. vbi ait, oranem delegatum Iudicem coërcitionem aliquam habere, ita ut si aliæ pœnæ, aut multæ non sufficiant, excommunicare possit, arg. c. ex literis, 29. hoc tit.

NOTANDUM II. Iudex tenetur delinquentibus pœnam imponere, quæ legibus definita est. Neque potest in aliam mitiorem commutare, aut dispensare, si sit inferior Princeps. Et habet id locum etiam in Iudice ordinario, si dispensandi potestas in lege Superioris concessa ei non sit, vti constat ex l. 1. ff. ad SC. Turpillian. & contra Gl. hic ver. eandem infligas, docet Ioan. Andr. n. 4. Abb. n. 16. Barbatia col. 8. Menoch. in arbitrarijs qq. casu 96. n. 10. & seqq. Farinac. in praxi criminali, tract. 13. q. 17. n. 3. S. Th. 2. 2. q. 67. a. 4. Porro tantum Iudex pœnam legi-

bis decretam minuere non possit dispensando, multo minus augere; nihilominus, propter particulares circumstantias minuentes, vel aggravantes, arbitrari seu interpretari potest, non recedendo à mente legislatoris (quippe qui omnes casus particulares prævidere non poterat) seu iorem aut mitiorem pœnam inferendam esset, vti bene docet Abb. cit. n. 16. & sumitur ex l. aut facta, 16. ff. de pœnis.

CAPITVLVM V.

Præterea.

PARAPHRASIS.

Si causa alicui delegata sit, tamen si partes nullum à delegatæ mandatum acceperint, neque in literis expressum sit, quod Iudex delegatus contumaces punire, eisque censuram inferre possit, nihilominus ea auctoritate delegantis exercere potest: Nam eo ipso quod causa alicui commissæ est, censentur alia omnia commissæ, quæ ad causam expediendam pertinent, seu necessaria sunt.

SUMMARYM.

1. *Iudex ordinarius & delegatus pœnas imponere potest iuxta causæ ac delicti qualitatem.*
Non tantum partibus contendentibus, sed etiam testibus falsum dicentibus in iudicio, si per hoc iurisdictioni delegati impediatur, vel retardetur.
2. *Concesso vno, censentur concessa alia omnia, sine quibus illud expediri non potest.*
3. *Et vice versa prohibitis vno censentur etiam prohibita reliqua, per quæ periclitatur ad illud.*

NOTANDUM I. Non tantum Iudex ordinarius, sed etiam delegatus pœnas imponere potest, iuxta causæ ac delicti qualitatem. Quia alioquin eius potestas inefficax foret, ac primum timeretur. Neque de hoc dubitari potest, si sermo sit de partibus con-

tendentibus, erga quas iurisdicção delegata est. Sed dubium est de alijs personis, v. g. si testis falsum dixisse eoram delegato conuincatur, vtrum eum punire possit, an verò cognitionem ac punishmentem ad delegantem remittere cogatur. Ad hoc respondent Abb. hic n. 4. Felinus in c. 1. n. 15. hoc tit. Si per hoc, quòd testis in iudicio falsum dixit, iurisdicção eius impediatur, aut retardetur, à delegato puniri posse, alioquin non posse: cum in eum iurisdicçãoem directè non acceperit, sed solum in consequentiam, quatenus ea necessaria est ad causæ expeditionem, sicuti etiam indicat Gl. fin. in l. questum, 13. ff. de testibus. Arbitratur autem Decius n. 5. in fine; quòd testis falsum deponens regulariter puniri possit à Iudice delegato, quia, nisi tali potestate præditus esset, non timeretur, sed faciliè eluderetur eius potestas, arg. l. nullum, 14. C. de testibus.

NOTANDUM II. Concesso vno, censetur concessa alia omnia, sine quibus illud expediri nò potest. Consentit c. prudentiam 21. §. Sexta, in fine hoc tit. Quia alioquin frustranea & inefficax esset facultas, nisi etiam ad necessaria media seu adminicula se extenderet. Exempla huius regulæ affert Felinus hic n. 4. Si Papa concesserit Episcopo, vt charitativum subsidium, aliamve sollicitam petere possit, concessum illi est recusantes cogere. Legatus missus ad componendam pacem inter subditos Regis, potest rumpenti pacem statuere pœnam. Et Procurator ad vendendum equum, potest de eviçione eius cauere: non autem potest terminum solutionis faciendæ prorogare, ac veluti mutuo dare. Quia mandati fines seruandi sunt, neque ad diuersa, & non connexa extendendum, de quo dicam infrà c. cum olim, 32. hoc tit.

Deinde excipi debet: Quòd ea commissio non censeatur, quæ specialia esse solent, & sine speciali atque expressa commissione exerceri non possunt, v. g. absolutio ab excommunicatione Papæ reservata, vt habetur in c. prudentiam. §. adjicimus.

Sed questio est. Si id quod mandatum fuit, absque altero expediri possit, absolute

loquendo, sed non faciliè, seu, vt aliter dicam, si aliquid non simpliciter necessarium sit, sed secundum quid, vt causa commodius expediat, num eò vsque mandatum se extendat. Negat hic Felinus cit. n. 5. Contrarium verò docet hic Decius n. 6. Sed præstat, vt dicamus cum Barbatia hic col. 6. Nullam de hac re generalem regulam tradi posse, sed in eiusmodi commissionibus ac mandatis, imprimis attendendum esse ad mentem, seu voluntatem committentis, tum verò ad qualitatem negotij, & capacitatem aliàsque circumstantias ipsius delegati, aut mandatarij. Denique sciendum, in gratijs seu meritis beneficijs ampliorem interpretationem fieri posse, iuxta l. 3. ff. de Constit. Principum, vt ea etiam concessa censeantur, quæ cum vsu rei concessæ communiter coniuncta esse solent: Vt si alicui singulari personæ concessa sit facultas tempore interdicti Missam audiendi, potest etiam domesticorum suorum comitatum adhibere, iuxta c. licet, 11. §. 1. de priuilegiis. 6. & tradunt DD. apud Salsum in thesauro lib. 3. c. 5. n. 29.

Hic addit Gl. fin. hic; Quòd & vice versa, prohibito vno, censetur etiam reliqua prohibita per quæ peruenitur ad illud.

Exempli causa: Cùm clerico in sacris matrimonium prohibitum sit, etiam sponsalia prohibita censi debent, vti constat ex l. oratio, 16. ff. de sponsal.

Quòd si ponamus plura esse media perueniendi ad rem prohibitam, tum exactè discerni debet, vtrum vnum eorum in prohibitione expressum fuerit causa restrictionis, an causa exemplificationis: v. g. Si prohibitum sit, ne aliquod personarum genus ad prælaturam eligatur, intelligi etiam debet de postulatione ac præsentatione. Quia principalis intentio statuentis est prohibere, ne tales minus idoneæ personæ promouerentur. id autem perinde est, siue fiat per electionem, siue per præsentationem. Sin autem Pontifex Legato à latere, alioquin speciali facultate prædito disponendi cum illegitimis, etiam ad prælaturas, prohibeat, ne illegitimè natorum electiones confirmet, non debet prohibitio extendi ad postulationem: cum dispar ratio sit ele-

tionis & postulationis in ordine ad impetrandam admissionem, vel confirmationem.

CAPITVLVM VI.

Quamuis.

PARAPHRASIS.

Duobus Iudicibus causa à Sede Apostolica commissæ erat, sed non addita clausula; Si vnus cognoscere non possit, aut nolit, vt alter solus cognoscat. Dubitatum est, an hoc casu alter Iudicum causam alij, etiam ipsi Coiudici suo, subdelegare possit. Ad hoc respondet Alex. III. affirmatiue.

SYMMARIVM.

Iudex indicare potest, vt delegatus & subdelegatus; non debet tamen variam, sed vnâ sententiam proferre: quod locum habet in omnibus casibus pendensibus à iudicio intellectus, secus probabiliter est in casibus pendensibus ab arbitrio voluntatis.

NOTANDVM Vn, Iudex duplici iure, ac veluti duas personas agendo iudicare potest, videl. vt delegatus, & vt subdelegatus. Sed necesse est, vt vnâ non variâ sententiam proferat, vti bene hic monst. Abb. n. 2. Decius prope finem, iun. addit. Quia qua conscientia iudicat aliquid iustum esse vt delegatus, eâdem quoq; vt subdelegatus, arg. e. penult. §. Porro, iun. Gl. ver. nihil agit. Et admonet Decius post Abb. ex e. cum olim, de sent. & re iudic. id locum habere in omnibus negotijs pendensibus à iudicio intellectus: Vt si quis duplici iure fungatur in præsentando clerico ad beneficium, v. g. vt Ecclesiæ Præpositus, & vnus ex Canonicis; vel si Procurator à duobus constitutus ad præsentandum, vel eligendum, quod in talibus casibus diuersos nominare non possint. Sed in pendensibus ab arbitrio voluntatis secus dicendum, ait Decius, contra Lapum: v. g. si duæ electiones in discordia factæ sint,

quoddam contemptus, seu ad eligendum non vocatus, possit vni earum se opponere, vt rescindatur, alteri se non opponere. Quod probabiliter dictum videtur, saltem si rationem afferat contemptus, cur huic, non alteri electioni se opponat, ne alioquin ex inuidia vel æmulatione procedere videatur.

QUÆRES. Quæ fuerit ratio dubitandi in hoc c. Ea fuit: Quia si duobus Iudicibus causa commissæ fuit non in solidum, sed vt simul cognoscant, non addita clausula, *Si non omnes*, vnus sine altero cognoscere non potest. c. causam, i. 6. hoc tit. Sed solutio est: quia alter, cui socius partes suas committit, non censetur solus, seu iure singulari iudicare, sed tam suo, quàm socij nomine. Et cum à iure concessum sit delegato Principis partes suas alteri subdelegare, fauor iste seu priuilegium ab Principis honorem datum restringi non debet, sed potius ample interpretandum: vt etiam ipsi coiudici commissio fieri possit.

CAPITVLVM VII.

Significasti.

PARAPHRASIS.

Si Iudex à Sede Apostolica delegatus executionem sententiæ à se latæ Ordinario committat, is verò vel nolit, vel non possit (alijs sibi resistentibus) exequi, non prohibetur delegatus ipsemet, Apostolica sibi commissâ auctoritate exequi, & eos qui resistunt, & Ecclesiastica censura coercere.

SYMMARIVM.

1. *Delegatus Principi, cui absolute causa commissæ est, habet potestatem cognoscendi, decidendi, exequendi, vel executionem alteri committendi.*
2. *Delegatus Papa, si Ordinarius vel Princeps laicus innocatus non veli, vel possit succurrere, potest ipse manu armata sententiam suam executioni mandare.*
3. *Episcopus temporalis iurisdictione carens potest habere armatos officiales paratos*

*vatos ad executionem iustitia, si opus
sit aduersus contumaces.*

NOTANDVM I. Cui causa à Principe absolutè delegata est, is non solum potestatem habet cognoscendi, ac decidendi, sed etiam exequendi, vel alteri executionem committendi. Consentit *c. ex literis*, 29. hoc tit.

NOTANDVM II. Delegatus Papæ sententiæ à se latæ executionem frequenter committit Ordinarioloci, quippe per quem id melius fieri potest, cum Officiales idoneos habeat, qualibus ipse Iudex delegatus ferre earet. Sitamen velit, & possit, non prohibetur exequi per se, vel proprios Ministros, vti hic docent Innocent. Abb. Barbat. Decius & alij, contra Gl. magnam not. 1.

QVÆRITVR hic primò: Quæ fuerit ratio dubitandi in hoc *c.* Respond. Eam fuisse, Quia si Iudex delegatus executionem sententiæ alteri mandauit, censetur functus officio suo, & iurisdictione à se abdicasse, vt eam reassumere non possit, saltem si alter exequi coeperat, iuxta *c. in literis*, 9. hoc tit. Responso est facilis, si dicamus cum Abb. hic n. 7. Barbat. col. 3. Quod in casu huius *c.* delegatus iurisdictionem non abdicarit, quia ordinarium non constituit subdelegatum, sed solum ministrum ac veluti Officiale suum, implorando auxilium eius ad sententiæ executionem.

QVÆRITVR secundò: Vtrum delegatus Papæ manu armata sententiam executioni mandare possit? Respondeo & Dico 1. Certum esse debet, quod delegatus brachium seculare in subsidium inuocare possit, si aliter causam sibi commissam expedire, aut sententiam à se latam exequi non possit. Ita docent hic Innoc. & Ioann. Andr. n. 7. Abb. n. 8. Barbat. col. 6. Decius n. 4. Zabari. in Clem. vn. de offic. delegati. Prob. addit. ad Ioann. Monachum in *c. vn.* n. 4. de statu Regul. in 6. D. Martha de iurisdic. p. 1. c. 50. Cum enim Episcopo talis potestas inuocandi brachij secularis concessa sit, argum. c. Administratores, 26. causa 24. q. 3. cur non etiam delegatus Papæ, cum in causa sibi commissam

maiore illo potestate & auctoritate fungatur, *c. sanè*, 11. hoc tit. Neque refert, quod in Apostolicis mādatis interdum clausula illa addi solet; *Inuocato etiam, si opus sit, auxilio brachij secularis*. Nam etiam si non exprimat, tacite intelligitur: cum non raram id sit, vt quæ de iure inlunt conditiones, exprimentur, quia expressa magis apprehenduntur, quàm subintellecta. Hæc autem facultas, si opus sit, inuocandi brachij secularis de iure inesse videtur, cum alioquin potestas iudici delegato commissæ sepe inutilis esset, nec executioni mandari posset.

Dico II. Delegatus Papæ ordinariè loquendo, manum armatam ipsemet conducere non debet, sed aliunde accersere, inuocando auxilium in primis Ordinarij Ecclesiastici, si sufficiens sit, alioquin Principis laici: Sed si isti succurrere ei non possint, aut nolint, adeoque in defectum etiam ipsemet delegatus manum armatam conducere poterit. Ita hic docet, & DD. conciliat Decius cit. n. 4. Ratio est: Quia delegatus non potest aliquid, præsertim quod arduum sit, agere, nisi in mādato eius comprehendatur. Sed vt manum armatam delegatus conducatur causæ expeditionem, non censetur comprehensum in mandato, si modo faciliore, magisque consueto vti possit, videl. inuocando auxilium potestatis ordinariæ, ecclesiasticæ in primis, deinde secularis. Sed in defectum, id est, si ordinarius seu magis consuetus iste succursus haberi non possit, tum non prohibetur ipsemet remedium adhibere, argum. *c. præterea*, 5. hoc tit.

QVÆRITVR tertio: Vtrum Episcopus, qui tēporali iurisdictione caret, Officiales armatos habere possit, paratos ad executionē iustitiæ, si opus sit, aduersus cōtumaces. Negat Abb. hic n. 10. Sed alij cōmuniter affirmant post Bald. in l. nam salutem, §. fin. ff. de offic. præfecti Vigiliū, vti videre est apud Barbatiam hic col. 7. Decium n. 6. D. Martham cit. c. 50. Quia licet Clericis armorum vsus prohibitus sit, excipi tamen debet casus necessitatis, si aliter iura sua contra impediētes exercere, aut defendere non possint, arg. *c. dilecto* 6. de sent. excom. in. 6.

CAPITVLVM VIII.

Si quando.

PARAPHRASIS.

Quidam Clerici Prælatos quarundam Ecclesiarum ad iudicium coram legato Papæ trahebant, ostendere conantes, dictas Ecclesias ob causam transactionis, vel similes ad ipsos de iure pertinere: Iudex delegatus causâ cognita eisdem Clericis adiudicauit Ecclesiis. Verùm Ordinarius loci pro certo sciuit, dictos Clericos canonica institutione carere. Hoc casu dubitatur, an Ordinarius delegato violententer resistere non possit, quod minus sententiam exequatur, Clericos in possessionem mittendo. Respondet Alex. III. Quod resistere non debeat; sed apud ipsum insistare, ut executionem differat, donec Sedes Apostolica super ea re consulatur.

SUMMARIUM.

1. *Iudici publica auctoritate utenti inferior violententer resistere non potest.*
2. *Nisi iudicialiter notoriâ iniuriam inferret: tunc enim per se loquendo, ei resisti potest, si grauamen per appellationem reparabile non sit.*
3. *Compositio, transactio vel Iudicis sententia in causis beneficialibus & matrimonialibus non tribuit ius, ita ut aliquis ad opponendum & contrarium probandum non admittatur.*

NOTANDVM I. Iudici, quatenus publica auctoritate quippiam agit, aut decernit, inferior violententer resistere nō potest. *Qua* in re plenè distinguunt Abb. hic, n. 2. Decius n. 2. Primò: Si Iudex extra iudicialiter, seu ut priuata persona iniuriam alicui inferat, tum ei, sicuti alteri, violententer resisti potest. *Quod* intellige, per se loquendo, nisi maius scandalum, aliudue malum oriturum sit. Ita docet Gl. in l. 3. ver. ut vim, ff. de iustit. & iure, Innocent. hic, argum. l. prohibitum C. de iure fisci, lib. 10. vbi habe-

tur, quod etiam Principis Officialibus resisti possit, si aliquid agant, aut exigant, cuius commissionem, seu mandatum non habent.

Secundò: Si Iudex iudicialiter, seu vt publica persona iniuriam inferat, volens v. g. iniustam sententiam exequi; tunc vel notoria est iniustitia, vel non notoria, licet parti læsæ certò cognita sit. Priore casu resistere potest, non item secundo. Ratio discriminis est: *Quia* si iniustitia processus notoria sit, Iudex non tantum secundum veritatem, sed etiam secundum fori externi apparentiâ potestatis suæ limites excedit: At verò in secundo casu non excedit secundum externam apparentiam: Ergo publica potestas sæpe contemni videretur, si palam resistere liceret.

Tertio: Si Iudicis iniustitia, seu processus iniustus notorius non est, tum iterum distinguendum. Vel grauamen, quod Iudex inferre vult, est reparabile per appellationem. Hoc casu appellatio ad Superiorem interponi debet. Sin autem Iudex appellationem nō admittat, cum debeat admittere (si videl. nullo rationabili prætextu vt friuolam rejicere possit) iniuriam notoriam inferre, vt ei resisti possit. Sin autem grauamen, quod Iudex actualiter inferre, non sit reparabile per appellationem: quia v. g. in causa criminali nō cōsuetum est appellationem admitti: vt si iniuste damnatus à Iudice ad mortem trahatur, non solum ipse se defendere, vt expressè docet S. Th. 2. 2. q. 69. a. 4. in corp. sed etiam alij opem ferre, secundum doctrinam Gl. in c. Non in inferenda, 7. causa 23, q. 3. Imò alios succurrere, & eripere posse, tametsi auxilium ipsorum non imploretur, tradit Bartolus in cit. l. prohibitum. Decius hic n. 5. Felinus col. 2. & sumitur ex cap. 24. Prouerb. *Erue eos, qui ducuntur ad mortem.* Hæc tamen intelligi debent, per se loquendo, nisi maioris mali, aut scandali periculum timeatur, vti bene monet S. Th. cit. loc. Quare si Iudex secundum publica allegata condemnarit hominem re ipsa innocentem, neque ipse per violentiam resistere, neque alij opem ei ferre poterunt: cum ea res publicæ potestatis contemptum præ se ferat, & grau-

ican.

scandalo non careat, vti dixi lib. 3. Th. mor. tr. 6. p. 3. c. 2. q. 1. in fine.

NOTANDUM II. Quamuis Iudicis auctoritate transactio aliqua in lite beneficiaria facta sit, non tamen inde consequens est, beneficium ad eum pertinere, cui adjudicatum est, vel cui Aduersarius voluntarie cessit. Ita hic singulariter notat Barbatia col. 3. Quod compositio, transactio, vel Iudicis sententia in causis beneficialibus (similiterque in matrimonialibus, de quibus Sanchez lib. 7. disp. 100. n. 13. & lib. 8. disp. 27. n. 39.) non conferat ius, ita vt aliquis ad opponendum ob contrarium probandum non admitatur. Ratio est: Quia beneficium Ecclesiasticum non potest absque canonica institutione obtineri, reg. 1. in 6. Quomodo cunque igitur partes inter se componant, aut Iudex vel arbiter pronuntiet, si non præcessit canonica institutio, non acquiritur titulus beneficii. Præterquam si quis triennio cum bona fide in colorata possessione fuerit, iuxta reg. Cancell. 33.

Exemplum habes: Caius contra Titium inualidè, vti putabatur, in beneficio institutum impetrauit mandatum Apostolicum, vt beneficium sibi conferatur. Iudex delegatus executus fuit, vel simpliciter conferendo impetranti, possessore remoto; vel per amicabilem compositionem grauando illū, vt vnus vel alterius anni prouentus pristino possessori relinquat, iuxta ea, quæ dixi lib. 4. Th. mor. tr. 10. c. vlt. n. 58. His non obstantibus, si quis ostendere velit, impetrationē Caij subreptitiam fuisse, audietur, non obstante compositione, aut Iudicis sententia. Quandoquidem non per sententiam iudicalem, sed per canonicam, seu legitimam Superioris institutionem beneficii titulus acquiritur.

CAPITVLVM IX.

In literis.

PARAPHRASIS.

Postquam Iudex delegatus sententiam per se, vel per alium (veluti Ministrum suū) executus est, vel alteri exequendam man-

datit, seu delegauit, eius potestas, & iurisdicctio cessat: cum sit functus officio suo.

SVMMARIVM.

1. Iudicis potestas & iurisdicctio finitur, postquam sententia executioni mandata est, nisi hanc alteri v. g. Ordinario commisisset, ita vt eum subdelegatum suum constituisset, & se executionem iam cepisset.
2. Si Iudex delegatus functus est suo officio, ita finita est eius iurisdicctio, vt absque noua commissione assumi amplius non possit.
3. Iudex ordinarius à se latam sententiam, si ipso iure irrita non est, reuocare non potest, secus est, si ipso iure irrita sit.
4. Affertur causa disparitatis in hoc inter Iudicem ordinarium & delegatum.

NOTANDUM I. Potestas, & iurisdicctio Iudicis delegati non finitur post latam sententiam; sed cum sententia executioni mandata est. Præterquam si executionem alteri, v. g. Ordinario loci committat, ita vt eum subdelegatum suum (non merum Ministrum suum) constituat. Tunc iurisdicctio- nem à se amouisse censetur. Id verò intelligi debet, si subdelegatus negotium exequi cœperit. Sin autem nondum cœpit, sed res integra sit, tum subdelegans executionem reassumere potest; quia iurisdicctio non censetur efficaciter transisse in subdelegatum, si eà vti non cœpit, c. quamuis. 6. eod. tit. in 6. Ita explicant hic Abb. n. 2. Barbatia col. 2. Imola n. 4. & 5. licet aliter sentiat Gloss. hic ver. præcepit.

NOTANDUM II. Si Iudex delegatus functus sit officio suo, finita est eius iurisdicctio, vt assumi amplius non possit, absq; noua commissione. Quare docent hic Canonistæ plerique, cum Innocent. n. 2. Dynus in reg. 21. in 6. Abb. in c. 1. n. 28. de re iudic. & alij apud Sanchez lib. 8. de matrim. disp. 27. n. 39. Quod Iudex delegatus, postquam sententiam tulit, siue bene siue malè, non possit eam reuocare, aut iterum iudicare: quia functus est officio sibi com-

Gggg 2 misso,

misso, argum. c. si compromissarius, 17. §. si vero eligat, de elect. in 6. & habetur expressius in l. si vt proponis, 4. C. Quomodo, & quando Iudex &c. vbi Legistæ aiunt, Si sententia à Iudice delegata nulliter lata sit, v. g. die festo, vel contra absentem non contumacem, finitam esse eius iurisdictionem, ideoque causam alterius Iudicis cognitioni committi posse.

Excipitur primò: Nisi delegati sententia ideo nulla sit, quia formam mandati non obseruauit. Tunc enim veluti non vsus iurisdictione sua censetur, vti Abb hic notat n. 4. argum. l. quid tamen, 2. ff. de recept. arbitris.

Excipitur secundò: Nisi Iudex delegatus sit ad vniuersitatem causarum: quia is Ordinario æquiparari solet, secundum C. l. in c. cum causa, 62. ver. delegatus, de appellat. Zabar. Clem. 2. de rescript. q. 24. Felinus in rubr. de offic. delegati, n. 4. Nam exceptionem affert Barbatia hic, Imola n. 7. contra Decium n. 5.

Excipe tertio: Quod executor gratiæ, v. g. beneficalis, si ob iuris vel facti errorem provisionem fecit, quæ irrita fuit, aliam validè facere possit, secundum Innoc. in c. 1. ibid. Abb n. 28. de re iudic. Cum enim gratia effectum consecuta non sit, ideoque permaneat, etiam executio eius permanere debet, arg. c. si super, 9. de offic. delegati in 6. Plures limitationes affert Decius, & Barbatia hic.

3 Sed quid de Iudice ordinario, an sententiam à se malè latam reuocare, & denuò iudicare potest? Respondeo cum Innocent. hic n. 1. Abb. n. 3. Dyno cit. loco, ac alijs. Vt: Sententia est ipso iure irrita, vel non est irrita ipso iure. Hoc casu eam reuocare non potest, quia nisi ab ea appellatum, ideoque iurisdictione ad Superiorem deuoluta sit, transi sententia in rem iudicatà. Si tamen Iudex perperam iudicadò partim damnum intulit, ad eius reparationem cogi potest, vti dixi in princip. c. 15. Sin autem ipso iure sententia irrita sit, videl. lata contra legem manifestam, potest eam reuocare, atque nouam sen-

tentiam pronuntiare, l. si pates, 6. C. Quomodo & quando. Quia, vt tradit Gl. communiter recepta in l. Iudex, 55. ff. de re iudic. quod nullum est, nullum effectum producit, argum. l. Si se, §. condemnatum, ff. de re iudic. & l. si expressim, 19. ff. de appellat. Potest tamen in hoc casu sententia nulliter lata à Iudice inferiori, etiam Superior adiri, vt reuocata sententia, aliter iudicet, sicut docet Bartolus in cit. l. si expressim, n. 34. vbi regulam affert n. 15. Sicut appellatio deuoluit totam causam ad Superiorem, ita etiam nullitas sententiæ latæ deuoluere potest. Idque singulariter hic monet Abb. n. vlt. locum etiam habere in Archiepiscopo-comparatione Coepiscopi, si is sententiam ipso iure irritam dixerit, tametsi ab ea appellatum non sit, posse nihilo minus adiri per viam nullitatis: cum hæc æquiualeat appellationi. Quæ est probabilis doctrina, quam hic amplectitur Felinus n. 4. Sed displicet Decio n. vlt. argum. c. pastoralis, de appellat.

Queret aliquis causam disparitatis inter ordinarium & delegatum? Cur iste officio suo functus censetur, si sententiam, quantum ipso iure nullam pronuntiavit, vel si alteri delegauit exequendam, ita vt eam reassumere non possit, si eam subdelegatus exequi cœpit, tametsi perficere nolit, aut non possit? Ordinarius verò non censetur his casibus officio functus, vt amplius se immiscere nequeat. Respondeo, causam esse, quam indicat Felinus ex Baldo in cit. l. si vt proponis, Quia Iudex ordinarius ampliorem, magisque stabilem iurisdictionem habet, quam alteri delegando, aut semel sententiam proferendo, saltem in habitu & radice retinet: Sed iudex delegatus censetur habere potestatem valde angustam, & restrictam, ita vt si semel egit, quod mandatum est, omni potestate ac iurisdictione exutus sit. Quæ res multum etiam pendet ex iuris posit-

CAP. I.

Consultationibus.

PARAPHRASIS.

Titius asserens se à Caio Ecclesia Parochiali, aliòne beneficio extra iudicium iniuste spoliatum, impetrauit à Papa reſcriptum ad Iudices, quibus mandabatur, si eis conſtiterit, ita ſpoliatum fuiſſe, ei beneficium intra duorum menſium ſpatium reſtituant. Sed Caius ſtudioſiorum, vel peregrinationis cauſa tunc aberat, vt intra dictum tempus Iudicibus ſe ſiſtere non poſſet. Hoc caſu tamenſi Titius per teſtes idoneos oſtendere paratus ſit, ſe à poſſeſſione iniuſte deiectum fuiſſe, reſtitui non debet: niſi Caius, qui tum poſſidet, per contumaciam ſe abſentarit.

SVMMARIVM.

Contra reum abſentem, non tamen per contumaciam, iudex non iudicat, etiam iudicio poſſeſſorio recuperanda.

NOTANDVM Vn. Contra reum abſentem, niſi contumax ſit in comparando, Iudex iudicare non debet, etiam iudicio poſſeſſorio recuperandæ. Exinde tamen per ſenſum contrarium inferre non licet, Quotieſcunque reus in comparando contumax eſt, ad ſententiam definitiuam, vel quaſi definitiuam procedi poſſe, quamuis lis conteſtata non ſit: ſufficit ad exceptiuam niſi tuendam, ſi quibusdam caſibus, etiam lite non conteſtata, ad receptionem teſtum, & ſententiam definitiuam procedi poſſit aduerſus contumacem. Videlicet ſi Caius, qui in parochiam ſe intruſiſſe dicitur, poſt habitam Apoſtolicam literarum notitiam, fraudulenter ſe abſentauit, atque per edita citatus non compareat, vt Eccleſiæ parochiali prouiſum ſit, tum teſtes etiam contra abſentem recipi, & ſi cauſa actoris liquida ſit, poſſeſſio ei reſtitui poteſt, vt ex hoc c. colligitur, ex c. quoniam, 5. ſ. porro, vt lite non conteſtata, &c.

Quæ verò hic Gl. ver. reſtitutionem, l. mola n. 3. & ſeqq. & alij congerunt, ea pertinent ad cit. c. quoniam, 5. In alijs.

CAPITVLVM XI.

Sanè.

PARAPHRASIS.

Delegatus Sedis Apoſtolicæ vices ipſius Pontificis gerit in cauſa ſibi delegata: quomobrem maior, ac ſuperior illis cenſeri debet, quorum cauſam terminandam ſuſcepit; adeò, vt ſi Epicoſopus, vel alia quæuis perſona, in cauſa illa rebellis, vel contumax fuerit, à Iudice delegato, ſecundùm facti qualitatem, ſeu ſuſpenſionis, ſeu interdicti, illata ſententia, compelli poſſit: ita videl. vt temperatè procedens, Epicoſopo ingreſſum Eccleſiæ, vel officium ſacerdotale interdicit, vel terram eius iuriſdictioni ſpecialiter ſubiectam, interdicit ſubijciat.

SVMMARIVM.

1. *Delegatus in iuriſdictione ſua vices delegantis gerit: unde pari ferme honore dignus eſt.*
2. *Pœna ſunt temperanda ſecundùm ſalutem & perſonarum qualitatem.*

NOTANDVM I. Eadem perſona, quæ abſolute loquendo ſubiecta eſt alicui, ſecundùm quid, ſeu in certa cauſa poteſt eſſe Superior. Exemplum eſt: Si controverſia, quam Clericus cum Epicoſopo Auguſtano habet, à Sede Apoſtolica delegata ſit Eccleſiæ Cathedralis Decano. Ita Abb. hic notat n. 3. Decius n. 2.

NOTANDVM II. Delegatus in iuriſdictione ſua vices delegantis gerit: quare pari ferme honore dignus eſt, vt ſumitur ex c. vlt. d. 93. & notat hic Abb. n. 2. Ex quo tamen non rectè inferes, delegato iuriſdictionis tantùm exercitium, ſeu vſum competere: quin imò iuriſdictionem habet, eamque diuerſam, quippe inferiorem & ſubiectam

Gggg 3 iuriſ.

iurisdictioni delegantis, ut constat ex l. vit. ff. de iurisdictione eius, cui mandata est iurisdictione, & tradit Gl. in c. ait Prætor, §. ver. non habent, ff. de sent. & re iudic. Quamobrem delegatus, sicut & legatus, honorandus quidem est tanquam repræsentans delegantem, cuius derivata auctoritate ac potestate fungitur, non tamen æquæ honorandus, ut principalis, sicuti Barbatia hic scribit col. 2. Decius col. 1. Tamen si enim potestatem aliquam delegans delegato impartiuit, tamen ampliorē sibi referuauit.

2. NOTANDUM III. Pœnæ temperandæ secundum facti, & personarum qualitatem; Ita ut Episcopo, quamuis contumaci, propter statum, ac dignitatis excellentiam, non facile pœna excommunicationis intelligenda sit. Quæ de re in c. 2. eod. tit. in 6.

Quod denique in hoc c. dicitur, quod delegatus ob contumaciā vel rebellionem Episcopi, si causa grauitas exigere videatur, terram, quæ ad iurisdictionē eius pertinet interdicto subijcere possit, id Abbas hic n. 6. Barbatia col. 5. secuti Vincentium explicant locum habere, si terra temporalis iurisdictioni subiecta sit, non item si spirituali. Alij communiter tenent contrarium, Felinus n. 2. Decius n. 5. Couar. in c. alma, p. 2. §. 1. n. 4. Suarez de censur. disp. 3. §. 3. n. 7. post Archidiaconum in c. si sententia, 16. de sent. excomm. in 6. Sed mihi non displicet sententia Abbatis. Eam enim indicant ver. c. Quod delegatus terram ad Episcopi iurisdictionem specialiter pertinentem interdicto subijcere possit. Quasi diceretur, si terra alium dominum non habeat, sed Episcopi propria sit, tam interdici posse, propter Episcopi grauem contumaciā, arg. cit. c. si sententia, & c. 1. de postul. Prælator. Neque licet ita inferre in materia pœnali. Propter delictum Reſtoris seu Domini temporalis interdictum terræ eius imponi potest: Ergo etiam propter delictum Reſtoris spiritualis, seu Episcopi. Cū illud iure expressum sit, hoc non sit: quare standum est regula communi, ut nemo propter alterius culpam puniatur.

CAPITVLVM XII.

Ex parte.

PARAPHRASIS.

Nicolaus ab Alexandro III. Pontifice literas impetrauit ad Episcopum Conuentrensem; ut Archidiaconatum primò in Ecclesia eius vacaturum conferret. Sed Rabanus, æmulus eius, alias ab eodem Alexandro literas ad Archiepiscopum Eboracensem, nulla priorum literarum facta mentione, attulit, quibus mandabatur, si Melchior Auunculus eius Archidiaconatum dimittere vellet, ut ipsi Rabano conferretur. Dubitabatur, utri duorum impetrantium Archidiaconatus, cui Melchior absolute cesserat, conferri deberet; respondit Pontifex, quod priori: quia si memor fuisset priorum literarum, postorius mandatum non dedisset.

SVM MARI VM.

1. Pontifex non presumitur rescire scriptis suis derogare iuri alteri prius concessio.
2. Oblinisci & potest rescire scriptorum suorum, ita ut posterius emanet sine recordatione prioris.
3. Si dispositio generalis in certa specie verificari debet, dispositio posterior specialis ei non derogat.

NOTANDUM I. Pontifex non presumitur rescire scriptis suis derogare iuri alteri prius concessio, ut etiam colligitur ex c. quamuis, 18. de rescrit. in 6. & l. 2. §. meritò, & §. Si quis à Principe, ff. Ne quis in loco publico, & notat hęc Barbatia col. 1. Imola n. 1. & dixi lib. 1. tr. 4. c. 23. n. 27. in subtilitat.

NOTANDUM II. Transuersalis v. g. nepos auunculo, vel patruo suo immediate succedere potest in beneficio: quia Pontifex dispensationis nullam mentionem facit; Ergo signum est, id iure communi concessum esse, uti aperte etiam colligitur ex c. 2. de arbitris,

bitris, & notat Imola hic n. 1. Ratio reddi debet, quia inter collaterales minor est successione necessitudo, quam sit filij, aut nepotis erga ascendentem, iuxta ea quæ dicta sunt c. ad extirpandas 11. de filiis Presbyter.

2. **NOTANDUM III.** Pontifex obliuisci potest rescriptorum suorum, ita ut posterius emanet, sine recordatione prioris, idque propter multitudinem & varietatem agendorum, ait Barbatia hic col. 2. Licet alioquin in facto proprio non præsumatur obliuisci, nisi tempus diuturnum intercesserit.

Contra resp. Alexandri obijciunt: Rescriptum speciale derogat generali, tametsi de eorum mentionem non faciat, c. 1. de rescriptis. Atqui Nicolaus impetrauerat rescriptum generale de conferendo Archidiaconatu, qui primò in Ecclesia vacaturus esset. Rabanus verò rescriptum speciale, ut adauuensi Archidiaconatum promoueretur, si vacaret: Ergo huius rescriptum derogare debebat priori. Resp. Maiorem esse veram, si speciale rescriptum non sit propriè oppositum generali, sed cum eo consistere possit, uti explicauimus in cit. c. 1. In proposito autem casu rescriptum posterior propriè ac directè oppositum est priori, saltem secundum determinationem euentus, uti Gl. hic notauit, verum non obstantibus, & Abb. num. 6. Nam Nicolaus mandatum erat conferri Archidiaconatum primò vacaturum: Primò autem vacabat Archidiaconatus Melchioris, per liberam eius renuntiationem: Ergo Pontifex directè repugnat, dum eundem Archidiaconatum alteri, videlicet Rabano, conferri iubet. Eodèmq; recidet, si dicas, prius rescriptum in effectu non esse generale, sed speciale. Quamobrem regulam tradit Abb. ex doctrina Bartoli in l. si domino 99. n. 1. ff. de legatis 1. Si dispositio generalis in certa specie verificari debet, dispositio posterior specialis ei non derogat: quandoquidem etiam prior secundum euentum specialis est. Exemplum: Si Papa Titio mandet conferri beneficium primò vacaturum in diocesi, postea mandet Caio conferri primò vacaturum in ciuitate diocesis, si accidas pri-

mitus vacare beneficium in ciuitate, debetur Titio, non Caio; nisi appareat, quòd Pontifex voluerit derogare iuri Titij.

CAPITVLVM XIII.

Ex parte.

PARAPHRASIS.

Si Iudici delegato à Papa certa procedendi, vel iudicandi forma præscripta sit, eo non obstante, exceptiones rationabiles admittit, & secundum iuris æquitatem procedere debet: Nisi in literis exprimat, ut nullæ exceptiones admittantur; quòd tamen Pontifex apponere non solet.

SUMMARIUM.

1. Si Iudici delegato certa forma procedendi præscripta sit, non debet eam obseruare cum magno præiudicio partis.
2. Nihilominus debet procedere, ac iudicare secundum aequitatem iuris informatam, seu iura, ut legibus non repugnet.
3. Si casus lege definitus non est, Iudici, quod æquum ipsi videtur, arbitrari permisum est.
4. Vbi de contraria voluntate Principis non constat, iudex inferior rationabiles exceptiones admittere debet.

NOTANDUM I. Si Iudici delegato certa forma procedendi præscripta sit, non debet eam obseruare cum magno præiudicio partis: quare exceptiones rationabiles admittit debet. Vt si Iudici tempus præfixum sit, intra quod causam definire debeat, Reus autem dilationem petat, quia propter grauem infirmitatem intruere causam non possit. Ratio est: Quia Pontifex non censetur præiudicare velle iuri partium, præsertim naturalis defensionis, c. super eo, 15. hoc tit. adeò quidem, ut quomodocunque, etiam impropiè, verba explicanda sint potius, quam ut alterius iuri derogetur, sicuti hic Decius docet num. 4. exemplum afferens: Si Papa mandet Titio conferri beneficium, non obstante

stante collatione prius alteri facta, explicandum esse de collatione inualida.

2. **NOTANDUM II.** Etsi certa forma Iudici delegato præscripta sit, nihilominus debet procedere ac iudicare secundum iuris æquitatem. Quia Pontifex in rescriptis ad lites, quæ propriè ad iustitiam administrandam tendunt, non censetur derogare iuri communi, vti etiam constat ex c. causam quæ, 18. de rescriptis.

NOTANDUM III. Index procedere debet secundum æquitatē, quæ iure informata est, seu ita, vt legibus non repugnet. Non enim *Index clementior lege esse debet*, sed eius verbis standum, Authent. de Iudicibus, §. oportet, iun. Gl. Si tamen casus lege definitus non sit, tum Iudici, quod æquum ipsi videtur, arbitrari permixtum est, c. vlt. de transact. in fine, iun. Gl. ver. æquitate.

4. **NOTANDUM IV.** Si Princeps scribat, in causa procedendum esse, nulla admissa exceptione, intelligi debet de exceptione irrationabili, aut quæ solum ad prorogandum iudicium apposita videtur, de quo hic videri potest Barbat. col. 2. Sinautem expressè additum, nulla *quamvis rationabili* exceptione admissa, tum standum est formæ mandati, quando nullus dubitandi locus relinquitur: quia Princeps ex plenitudine potestatis iuri communi, aut partis derogare censetur. Quod in civilibus causis ob grauem causam facere potest, præsertim si aliud defensionis remedium parti litiganti supersit, præter id quod ei adimitur. Ita docet Barbatia hic col. 6.

Exemplum habes: Si Papa causam Iudici committat, eo addito, vt reculari non possit, explicari debet de friuola & irrationabili reculatione: Sin verò addat, vt reculari non possit quantumvis rationabiliter, id seruari debet: cum aliud remedium parti non desit, videlicet appellandi aut Iudicis officium implorandi.

* * *

CAPITVLVM XIV.

Quoniam.

PARAPHRASIS.

Alexander III. causam quandam delegauit Abbati Leicester, & Abbati Vniceltrix: mortuo isto, Abbas ille partes citauit, & cum interim in locum demortui alius substitueretur, mandatum Apostolicum successori illi porrexit, & cum eo causam definiuit. Quærebatur, an id rectè factum fuerit, & sententia à duobus lata rata esse deberet. Affirmat Alexander Papa; Eò quod delegatio Abbatibus sub nomine non propriarum personarum, sed dignitatum ac locorum facta sit.

SUMMARIVM.

1. Delegatio facta dignitati, non expresso nomine proprio, transit ad successorem in dignitate, non autem administratorem, qui pro tempore ecclesiæ vacantis constituitur.
2. Si causa alicui commissa est expressè tum proprio nomine, tum dignitati v. g. Henrico Episcopo Augustano committimus, in dubio censenda est personalis commissio, nisi ex alijs coniecturis voluntas delegantis cognoscatur.
3. Si commissio facta est intuitu Archidiaconi, v. g. dignitatis, ea amissa, non potest is causam cognoscere.
4. Potest autem eam cognoscere, si commissio facta est intuitu persona, modo non ob crimen depositum sit.
5. Mandatum Principis censetur expeditum & efficax, etsi delegato nondum innotuerit, priuilegium è contrà & beneficium motu proprio concessum non censetur ratum ante acceptationem.
6. Commissio legato Sedis Apostolicæ facta sub nomine dignitatis, non transit ad successorem, transit autem illa, quæ facta est Vicario Episcopi.

NOTAN-

NOTANDUM I. Si duobus Iudicibus causa delegata sit, adiecta clausula, *Si non omnes*, atque eorum vno impedito, vel mortuo alter solus procedere cœperit; cessante impedimento recuperat is, qui impeditus erat, aut successor eius iurisdictionem sibi commissam: quippe quam nunquam omnino amisisse censetur, quamvis suspensum habuerit. Ita notat hic Gl. ver. præfixit, & sumitur ex l. cum alijs, C. de curatore furiosi, vbi curator datus furioso dilucida intervalla habenti, nō definit esse curator, dum homo ille rationis vsu polleret, licet eo temporis intervallo suspensa sit tutoris administratio, cum ipsemet, cui curator datus est, omnia per se agere possit. Videri potest Decius hic n. 3. in Gl. 1.

NOTANDUM II. Si delegatio, seu commissio alicui fiat sub nomine dignitatis, v. g. Episcopo Augustano, tum eo mortuo, vel renuntiante, ad successorem in eadem dignitate transit: Sin autem facta sit sub nomine proprio, Titio hanc causam committimus, ad successorem non transit. Simile quiddam docet DD. de beneficijs, ac privilegijs Principum, quod alia sint realia, videl. quæ intuitu loci, aut dignitatis data sunt, ac proinde ad successorem transeunt: alia verò personalia, quæ personæ intuitu concessa sunt; de quibus dicitur in reg. 68. *In omnibus causis id observatur, ut vbi persona conditio locum facit beneficio, ibi deficiente ea, beneficium quoque deficiat.* Qua de re dixi lib. 1. tr. 4. c. 23. n. 4.

Hæc doctrina declaranda est: Primò, Quod commissio vel privilegium datum nomine dignitatis, transeat ad successorem in dignitate, tanquam qui equali iure fungitur; non autem transeat ad administratorem, qui pro tempore Ecclesiæ vacantis constituitur. Quamobrem ex communi docet Abb. in c. verbum n. 9. de foro compet. Decius hic n. 3. Quod nec ad Capitulum vacante Sede deponantur ea, quæ Episcopo ratione dignitatis suæ speciali iure data, aut commissa sunt. Verumtamen, si quæ speciali iure delegata sint Episcopis, in ordinariam eorum iurisdictionem transeant, v. g. dispensandi atque absolvendi potestas in casibus Papalibus occultis,

de quibus Trident. sess. 24. c. 6. de reform. ea ad Capitulum vacante sede transit, vti colligitur ex doctrina Felini. in c. eam re, 7. n. 17. de rescript. & tradunt Rodriq. tom. 1. regul. q. 61. a. 9. Sanchez lib. 8. de matrim. disp. 61. n. 10. contra Suarez in 3. p. tom. 4. disp. 41. sect. 2. n. 13.

Secundò: Quod commissio facta intuitu dignitatis transeat ad successorem, tamen si res integra sit, seu causa nondum cœpta. Ita Abb. hic n. 3. Decius n. 3. & alij fermè communiter apud Sanchez lib. 8. disp. 27. n. 7. Quia si res integra sit, siue cœpta, militat eadem ratio, quod dignitas, & quæ ratione dignitatis competant, ob mutationem personæ non mutantur, c. si gratiose, 5. de rescript. in 6.

Tertiò: Vt cognoscamus, num dispositio, vel delegatio facta sit intuitu loci, ac dignitatis, an verò intuitu huius personæ, non ad sola verba attendere debemus, sed potiùs ad præsumptam voluntatem committentis vel disponentis, quatenus ea tum ex materia subiecta, tum ex adiunctis colligi potest. Quia præsumptionem vnam (quæ videl. ex verbis desumitur) alia maior & virgenter superat, iuxta Gl. fin. in c. transmissæ. Qui filij sint legitimi. Et ita singulariter hic notant Imola n. 23. Abb. n. 8. quam hic sequitur Felinus n. 3. Beronius n. 83. communem esse ait Decius concl. 1.

Exempli causa: Si Papa expresso nomine dignitatis, Abbati alicui deleget causam aliquam adiiciens rationem, quæ ad ipsum propriè spectat, vt quia in hoc genere obdiurnam experientiam, ac doctrinam versatus esset: tum conferri potest personæ industria singulariter electa, arg. c. mandata, 6. de præsumpt. Addunt aliqui apud Sanchez cit. disp. 27. n. 15. Si delegatus sit amicitia vel sanguine coniunctus deleganti, quod delegatio censetur facta ex singulari affectione erga personam, vt ad successorem non transeat, arg. c. requisiti, 15. de testamentis, vbi habetur; Si Episcopo aliquid per vltimam voluntatem legatum sit, id factum præsumi non Ecclesiæ, sed personæ intuitu: contrarium verò præsumendum, si ab extraneo le-

H h h
garum

gatum sit. Verum rectè monet Sanchez cit. loco, discrimen apertum esse inter hos casus: quia in causarum delegationibus plerumque non attenditur ad sanguinis, vel amicitie conjunctionem, sed ad auctoritatem, & peritiam, quæ plerumque etiam in successoribus reperitur. Legata autem specialiter fieri solent propinquitatis ratione. Simile quid docet Gl. in c. 2. §. sanè, ver. expresserit, de testam. in 6. Si testator hæreditatis executorè dixerit, vel scripserit Abbatem sancti Proculi, qui propinquus eius erat, affectione personæ id factum videri, vt ad successorem non transeat. Sed hæc præsumptio minus certa videtur, cum testamenti executores sæpenuero deputantur propter auctoritatem ac fidelitatem, quæ etiam in successoribus inesse solet.

Contrà verò ex materia subiecta cognosci quandoque potest, tamen in rescripto expressum fuerit nomen personæ, tamen eam mortuam ad successorem, vel hæredem eius transire: Ita v. g. successor alicuius Prælati, vel hæres alicuius Comitum conueniri potest ex rescripto Principis, quod de pecuniaria soluendo debito sub proprio nomine ad antecessorem datum fuit, vt dixi in c. significauit, 36. de rescript. & c. dilecti, 17. de foro comp.

2. **QVÆRITVR** autem I. Si causa alicui commissa sit, expressum tum proprio nomine, tum dignitatis, v. g. Henrico Episcopo Augustano committimus, num in dubio existimandum sit, commissionem factam esse personæ, an dignitati. Communiter ferè respondent, Bartol. l. more, in fine, ff. de iurisdic. Ancharanus c. si gratosè, post melius, de rescript. in 6. Si nomen proprium præponatur, censeri personæ intuitu commissum; saltem si ea nota sit, vt distinguit Abb. hic num. 8. & alij apud Imolam, hic n. 23. Mihi verò magis placet, vt dicamus cum Imola, n. 25, si ex alijs coniecturis voluntas delegantis non cognoscatur, censendam esse personalem commissionem. Quandoquidem vniuersim verum est, quod species determinet genus, siue ea antecedar, siue sequatur. Accedit, quod appositio no-

minis proprii inutilis esset, & nullum effectum haberet, nisi commissionem faceret personalem. Verba autem rescripti aliquid operari debent, ait Sanchez cit. disp. 27. n. 20. Et videtur hæc doctrina colligi ex c. si is cui, 10. eod. tit. in 6.

QVÆRITVR II. Si commissio facta sit Archidiacono huius Ecclesiæ, is autem dignitatem amittat per resignationem aut promotionem, vtrum nihilominus cognoscere eam possit? Resp. & dico I. Si commissio facta esse videatur intuitu dignitatis, ea amissa non potest causam cognoscere. Ita Innoc. hic n. 1. Ioan. Andr. n. 4. & esse communem ait hic Abb. n. 8. in fine, contra Ioan. Monachum, in c. statutum, n. 8. de rescript. in 6. vbi contrarium docet, si dignitas per promotionem amittatur. Ratio est clara. Nam talis commissio adhæret dignitati; ergo deposita dignitate amittitur, & ad successorem pertinet. Debet autem ampliari assertio, vt locum etiam habeat, tamen si causa excepta sit, vt signatè monent Innoc. & Ioan. Andr. II. cc. Sanchez cit. disp. 27. n. 24 & 28.

Dico II. Si commissio facta sit personæ, seu personæ intuitu facta, deposita dignitate, vel officio, (dummodò non ob crimen depositus sit, l. 2. ff. de senatoribus) eam exequi potest delegatus, tamen si causa nondum excepta fuerit. Ita Gl. in c. statutum, 12. ver. canonicis, de rescript. in 6. ibidem Monachus n. 7. Ioan. Andr. n. 20. Cardinal. Zabarella Clem. 2. de rescript. q. 6. Decius hic col. 6. Ancharan. in c. si gratosè, prope finem, eod. tit. in 6. Tabiena ver. delegare, q. 12. n. 13. Flamin. de resignat. benefic. lib. 1. q. 11. n. 6. Ratio est: Quia sicut priuilegium, ita & rescriptum personale personæ adhæret, & cum ea perpetuatur, dummodo statum contrarium seu impossibile non assumat. Atque Gl. illa communiter recepta, si tempore commissionis, seu datæ literarum delegatus capax fuerit, videl. in dignitate constitutus, tamen tempore præsentationis resignarit, quòd eam exequi possit. Sed vice versa, si tempore præsentationis dignitatem obtineat, vel Ecclesiæ cathedralis canonicus existat, non item tempore commissionis, quòd

commissionem personæ, non dignitatis intuitu exequi non possit: quare in talibus initium spectandum est, arg. c. si eo tempore, 9. de rescript. in 6.

- 5 Corollarium. Ex hac communi doctrina sequitur, quoddam mandatum Principis censetur expeditum, & efficax, tametsi delegato nondum innouerit: In quo differt à privilegio aut beneficio, quod motu proprio concessum est, & ante acceptationem ratum non censetur, vti dixi lib. 1. tr. 4. c. 23. n. 9. Ratio discriminis est: Quia privilegium aut beneficium, cum species quædam donationis sit, non debet dari iniuncto, sed consentienti: At verò Principis mandatum etiam nolentes obligat ad acceptandum, iuxta c. pastoralis, 11. de offic. Ordinarij, vt bene docet Felin. c. prudentiam, 21. §. ad ieiunium, hoc tit. Quare ita argumentari licet: *Factum legitime tractari non debet, tametsi casus postea eueniat, à quo non potuit inchoari*, reg. 73. in 6. At verò Principis commissio constituit, ac rata fuit, tempore expeditionis litterarum. Ergo tametsi commissarius postea ad statum deueniat, in quo ipsi commissio secundum iura fieri non potest, si videl. dignitati, aut canonicatui Ecclesiæ Cathedralis renuntiavit, nihilominus commissionem exequi poterit. Quandoquidem dicta personæ conditio seu qualitas tempore commissionis faciendæ requiritur, non tempore executionis, c. statutum, 11. de rescript. in 6. Cæterum si Canonici delegatus à Sede Apostolica statum incompossibilem, seu contrarium Ecclesiasticis negotijs assumat, vt si uxorem ducat, tum commissionem exequi hand poterit, sicuti cit. locis docent Zabarella, Decius, Tabiena, Francus in cit. c. statutum n. 8. & alij. Sed quid si Religionem ingressus sit? Resp. Exequi eum posse, Nisi talis Religio sit, cuius instituto eiusmodi causarum expeditiones specialiter repugnent, iuxta ea quæ dixi in eod. c. statutum.

- 6 QVÆRITVR III. Si commissio legato Sedis Apostolicæ facta sit sub nomine dignitatis, vtrum ad successorem eius transeat. Resp. negatiuè cum Abb. hic n. 11. Augustin. Berozio n. 102. & seqq. Felino n. 8. Quia Lega-

tus pro arbitrio Papæ creatur, ac reuocatur, ideòque eius dignitas propriè non vacat, nec successorem habet. Sed alia ratio esse videtur de Vicario Episcopi. Cum enim ordinarius ac veluti debitum sit, vt Episcopus Vicarium seu Officialem habeat: quamobrem Papa committendo causam Officiali, videtur ad officium eius, non ad personam respexisse, vti dixi c. 1. de offic. Vicarij, in 6.

CAPITVLVM XV.

Super eo.

PARAPHRASIS.

Orta controuersia inter Titium & Caium de iure præsentandi Presbyterum ad Ecclesiâ Parochialem, Papa commisit causam alicui Abbati, hac forma: vt si constiterit ipsi, ius præsentandi ad partem alterutram pertinere, ad præsentationem eius de persona idonea factam, Ecclesiâ illâ, appellatione remota, ordinet, seu provisionem faciat. Dubitabatur hoc casu, vtrum delegatus Episcopo infcio, aut Archidiacono, vel Archiepiscopo reclamante prouisum in possessionem mittere possit: Et si Episcopus, vel Archidiaconus, ad quem de iure institutio pertinet, contra delegatum instituere volentem appellet, vtrum appellationi deferendum sit. Respondet Alexander III. Non esse Pontificis intentionem dictâ commissionis formulâ præiudicium generare Episcopo, Archidiacono, vel Archipresbytero: quamobrem si ad ipsorum aliquem institutio pertinet, præsentationem ipsi faciendam esse: Atque appellationem eorundem admittendam esse, si iuri suo præiudicium generari prætendant: cum appellatio non eorum, sed partium contententium respectu in rescripto Apostolico inhibita fuerit.

SYMMA RI VM.

1. Rescriptum Principi non ita intelligi debet, vt alteri præiudicium inferatur, nisi id exprimitur.

H b b b 2

s. Ext.

2. *Exe'utio lata sententia à delegato iudice differri debet propter appellationem eius, cuius interest, ne executioni mandetur, nisi appareat, quod malitiosè, aut solùm differenda executionis causa interponatur.*

NOTANDUM I. Rescriptum Principis non ita intelligi debet, ut alteri præiudicium inferatur, nisi id exprimitur. Ita etiam habetur in l. 2. §. si quis à Principe, ff. Ne quis in loco publico, & videri hic potest Abb. n. 2. Decius col. 1. Vbi id ampliat, tamen si Princeps motu proprio, seu ex certa scientia rescribat: Item, tametsi tantum agatur de iure ad rem, & nondum plenè acquisito.

Necesse tamen est, ut verba rescripti aliquam, quamvis impropriam significationem retineant. Ut in casu huius c. verba illa *Ecclesiam ordines*, ita explicari debent, cura, ut Ecclesia ordinetur, videl. per eum, qui ius habet. Quòd si autem rescriptum, alium, quamvis improprium intellectum habere non possit, nisi ut aliquid agatur cum præiudicio alterius; tunc seruanda sunt verba rescripti, atque existimandum Principem ex plenitudine potestatis derogare voluisse iuri tertij, præsertim si motu proprio, seu ex certa scientia promanuit. Sicenim ex recepta doctrina tradit Decius in c. quoniam, col. 5. limit. 2. hoc tit. Licet Princeps in dubio non censeatur uti plenitudine potestatis, secus tamen esse, si aliàs dispositio eius aut rescriptum inutile redderetur.

Sed quid si institutio eius beneficij ad Pontificem tum pertinuisse, v.g. per deuotionem, potuissetne delegatus præsentatum instituere vigore eorum verborum, *ordines Ecclesiam*. Responsio est affirmatiua apud Abb. h. c. n. 5. Quia licet rescriptum Principis, quatenus partibus, vel alijs personis præiudicare potest, strictè interpretationis esse debeat, tamen amplius potius interpretationem meretur cum respectu ad ipsum committentem, uti etiam supra dictum in c. 1. de officio Vicarij, in 6. Imò etiam ex textu colligitur, quòd delegatus instituere potuisset, vel in possessionem mittere, si is, ad quem de iure pertinebat, consensum dedisset,

saltem tacitum, ut quia sciens id agi non prohibuisset, uti idem Abb. notauit.

NOTANDUM II. Executio sententiæ latæ à delegato Iudice differri debet, propter appellationem eius, cuius interest, ne executioni mandetur. Nisi appareat, quòd malitiosè, aut tantummodo differendæ executionis causa interponatur, uti Glof. hic aduertit ver. tenebit. Quamuis hæc malitiæ præsumptio tolli possit, si opponens seu appellans incontinenti probationes offerat, iuxta Gl. in c. suscitata, 6. ver. sententiæ, de in integr. restitut.

CAPITVLVM XVI.

Causam.

PARAPHRASIS.

Causam diuortij inter duos coniuges Pontifex duobus Episcopis commiserat: ij iudicarunt mulierem viro restituendam esse. Quòd cum factum esset, vir mulierem adeò flagellauit, ut in confessionem eruperit, inter ipsos consanguinitatis impedimentum intercedere. Hoc intellecto, alter eorum Episcoporum iudicauit, illos separandos esse. Sed Alexander II. postea declarat, sententiam vnus Iudicis delegati, absque foci pronuntiatam irritam fuisse, ideòque viro mandandum, ut uxorem suam recipiat, & maritali affectu tractet. Postea verò, si quis matrimonio accusare, seu impedimentum eius ostendere voluerit, ab eisdem Iudicibus audiendum esse.

SVMMARIVM.

1. *Confessio grami metu extorta, non valet.*
2. *Si plures Iudices delegati sint, non habens iurisdictionem in solidum, vnde vnus sine altero procedere non potest, nisi in forma commissionis aliter expressum sit, secus est in iudicijs ordinarijs, v. g. duobus consulibus ciuitatis.*
3. *Si Iudex contra formam mandati iudicauit, sententia irrita est.*
4. *Si in sententia ferenda eandem mandati formam non seruauit, non censetur esse functus.*

functus suo officio; unde iterum iudicare potest.

NOTANDUM I. Confessio metu extorta non valet: Sed debet esse metu graui, spectata conditione personæ metuentis. Minor enim requiritur in muliere, quàm in viro, ad hoc vt iustus, seu grauis censeatur, secundum Gl. in c. eum locum, 14. ver. metus, de sponfal. & dixi lib. 1. Th. mor. tr. 2. c. 6. n. 5. Vide quæ hic scribit Barbati, statim à principio.

NOTANDUM II. Si plures Iudices delegati sint, non habent iurisdictionem in solidum: Quare vnus sine altero procedere non potest, nisi in forma commissionis aliter expressum sit, vt dicam in c. eum plures, 8. eod. tit. in 6. Quæ de re infra dicitur in c. prudentiam, 21. hoc tit. Secus est in iudicibus ordinarijs, si plures iurisdictionem actualem habeant, v. g. duo consules in ciuitate: poterunt enim & simul, & seorsim iudicare, vt colligitur ex l. vn. ff. de officio consulis, vbi Bartol. n. 1. & 2. & Gl. in c. vt officium, 11. de hæret. in 6. Gl. in c. prudentiam, 21. ver. teneatur, ibid. Abb. de off. deleg. Idemque communiter docent de Iudicibus delegatis ad vniuersitatem causarum, v. g. duobus visitatoribus diocesis, quod habeant iurisdictionem in solidum. Quia eorum iurisdictione ordinariæ æquiparatur. Quæ est communis sententia apud Decium hic, col. 4. Barbat. col. penult. arg. l. 1. §. si plures, ff. de exerc. act. Quamuis repugnet Abb. hic n. 7. arg. cit. c. vt officij: quasi ibi specialiter constitutum fuerit, vt hæreticæ prauitatis inquisitores (qui ad vniuersalem causarum in hæresis materia delegati sunt) & simul, & separatim cognoscere possint. Verum ex textu non satis colligitur, id specialiter constitutum fuisse: cum plura eo c. demandata sint, & hoc ipsum, de quo loquimur, à Pontifice specialiter declarari potuerit, ne dubitationi locus esse posset.

NOTANDUM III. Si Iudex delegatus contra formam mandati iudicauit, irrita est sententia: Quare si eam executioni mandauit, deijciendo aliquem de possessione, ante

omnia restituendus est spoliatus. Ita etiam habetur in c. cum causa, 22. hoc tit. Et in c. conqurente, 17. de restit. spoliatorum, ex quo habetur, quod etiam is, qui à iudice, ordinario aut delegato, ordine non seruato spoliatus est, ante omnia restituendus sit.

NOTANDUM IV. Si Iudex delegatus in sententia ferenda formam mandati non seruauit, non censetur esse officio suo functus: quare iterum iudicare potest. Ita colligitur ex hoc textu, & dixi etiam suprà cit. c. in literis, 9. not. 1. hoc tit.

CAPITVLVM XVII.

Causam.

PARAPHRASIS.

Controuersiam quandam, quæ erat inter Franciscum & Romanum, Alexander III. tribus Episcopis delegauit. Sed quia Franciscus vnum horum Episcoporum, tãquam suspectum sibi recusauit, ed quod dominus esset dicti Romani, ideo Pontifex loco illius subrogauit Herfordensem.

SUMMARIUM.

1. *Iudex vn suspectum recusari potest, si suspicio seu causa recusandi probabilis asseratur.*
2. *Et potest recusari etiam vnu ex collegio iudicum, si consideratis circumstantijs probabile sit periculum peruersus, aut iniustitia.*
3. *Iurisdictionem voluntariam dispensationis, legitimationis &c. potest exerceri erga familiares domesticos, consanguineos, filios etiam proprios.*

NOTANDUM I. Iudex vt suspectus recusari potest, si suspicio, seu causa recusandi probabilis asseratur, e. suspensiones, 39. hoc tit. & c. licet, 10. de foro compet. Vel si ea iure expressa sit, vt hic: Videl. Si Iudex sit dominus aduersarii, quocum contendere debes, vt etiam colligitur ex l. qui iurisdictioni, 10. ff. de iurisdic. omnium iudic. Quia censetur, illum peculiariter dilige-

H h h 3 re, aut

re, aut defendere velle. Nomine autem domini intelligitur quicumque Superior, etiam paterfam. comparatione domesticorum suorum, vti hic notant Abb. n. 2. & constat ex c. insinuante, 25. hoc tit. Decius col. 1. Barbat. col. 1. Sed limitationes aliquę afferuntur, vt videre licet apud Felinum hic n. 3. Prima: Si Iudex sit dominus partis vtriusque, vti colligitur ex c. ex transmissa, 6. de foro comp. quia par affectionis causa suspicionem affectionis tollit, ait Gl. in c. 1. ver. parentes, causa 3. q. 5. Secunda. Si contra iudicem, qui recusari possit, nihil excipiat. Quam esse communiorē doctrinam, testatur Decius hic n. 2. Idque similiter locum habet in testibus consanguineis, aut familiaribus accusatoris, & si reus nihil contra eos excipiat, eorum testimonium valere debeat, secundum Gl. in cit. c. 1. Multo magis si quis domesticum conueniat coram domino, aut patre suo, is ius dicere poterit, teste Gl. in l. qui iurisdictioni, 10. ff. de iurisdic. Tertia. Si Iudex desit esse dominus partis contententis: quia cessat causa suspicionis. Quarta. Si tanta sit, & tam perspecta viri iustitia, vt omnem affectionis suspicionem tollere videatur, vt si sit Monachus Cisterciensis, ait Speculator super hoc tit. §. Superest. n. 7. & Commentator eius ibid. ver. lit. 1. Sed de hac limitat. non immerito dubitat Decius in fine c. Quia quoniam hæc causa recusationis iure expressa sit, præsumptio est pro recusante, quę difficile ter infringi poterit per præsumptionem oppositam: cum nemo ferme hominum adeo constantis virtutis sit, vt eius iudicium nulla singulari affectione aut amore inclinari possit: nam amor etiam prudentum iudicia peruertit. Videri etiam potest Specul. tit. de iudice delegato, §. Superest.

QUÆRITUR: Si vnus ex Collegio iudicum parti contententi sit suspectus, vt quia ipse inimicus est, an recusari possit. Et similis quæstio est de Candidato, an contra vnum ex Collegio Examinatorum vt suspectum sibi excipere possit. Ita affirmat Abb. hic n. 2. quem sequitur ibi Gl. marginalis,

& Felinus n. 1. Sed contrarium tenet hic Barbatia col. 1. Quia tamen vnus est Collegio ex sinistro affectu iudicaturus sit, præualebunt tamē aliorum plurium suffragia. Sed contrā est primò: Quia etiam in casu huius c. tres erant Iudices delegati, & vnus, quia suspectus esse poterat, remouebatur. Deinde, si tres, aut quatuor testes adducantur, etiam vnus à principio, tanquam suspectus (vt quia inimicus v. g. est) recusari poterit, tamen si ex vnus testimonio sententia contra reum ferenda non sit, vt bene Felinus hic admonet. Negari enim non potest, quin malignus affectus etiā vnus ex iudicibus, Examinatoribus, aut testibus homini periculum generare possit: cum facile sit ab vno etiam alios peruertere.

Arbitror itaque, veram esse Abbatis doctrinam, ita tamen, vt vniuersim locum non habeat. Quia consideratis circumstantiis, apparet quandoque, nullum esse periculum peruerfionis, aut iniustitię, tamen vnus v. g. ex vniuersitate Iudicum sit dominus aut consanguineus aduersarij, quocumque litigas; vel vnus Examinatorum sit consanguineus, aut dominus eius, quocumque pro cathedra contendis. Porro iurisdictionem voluntariam v. g. dispensationis, legitimationis &c. nihil obstat, quò minus aliquis erga familiares, domesticos, consanguineos, etiam proprios filios exerceat, vti ex communi hic notat Felinus, & Glossator marginalis.

CAPITVLVM XVIII.

Cum te.

PARAPHRASIS.

Si delegatus à Papa aliquam causę partem, seu articulum, v. g. inquisitionem, ac testium depositionem, vni aut pluribus Ecclesiasticis personis (vt laboribus, & sumptibus partium parcat) subdelegauit, sententia sibi reseruata, hoc casu si contingat à subdelegatis iudicibus appellari, per eam appellationem non suspenditur iurisdictione delegati.

SUMMA.

SUMMARIUM.

1. *A subdelegato delegati Papa, qui subdelegauit causam non totam, sed aliquam eius partem, non ad Papam, sed ad delegantem appellandum est, nisi huiusmodi distinctio fuerit impedita, v. g. diuturna infirmitate, absentia, &c.*
2. *Delegatus Papa causam sibi commissam persona Ecclesiastica vni, aut pluribus, non laicis delegare potest.*
Delegatus Principis alij subdelegare non potest, nisi quibus Papa subdelegare solet, scil. in dignitate constitutis, aut Cathedralis ecclesie Canonicis.
3. *Si subdelegati in sententia ferenda inter se discordent, statur sententia partis maioris; si autem illorum duo tantum sint subdelegati, tum neutrius sententia valet, sed ad delegantem principalem recurrendum, si subdelegatio in totum facta fuit.*
4. *Si subdelegati ab vno in sententia discordent ab altero delegato, recurrendum est ad subdelegantem, qui si in totum subdelegauit, non ad ipsum, sed ad subdelegantem primum recurri debet. Debet etiam in hoc casu maior pars subdelegatorum consentire in altero delegato.*
5. *Expedis, vt Iudex ordinarius & delegatus articulum aliquem causæ, v. g. testium examinationem alteri committat, ne è longinquo euocari debeant.*

NOTANDUM I. Licet, ordinariè loquendo, ad Papam appellari poterit, omissio medio, v. g. ab Episcopo statim ad Sedem Apostolicam, intermissio Metropolitano, argum. c. Ad Romanum 8. causa 2. q. 6. Limitari tamen debet: Si delegatus Papæ causam non totam, sed aliquam eius partem subdelegauit, hoc casu non ad Papam, sed ad delegantem appellandū esse, vt etiam habetur in c. super quæstionibus, 27. §. porro, hoc tit. Rationē dant Abb. hic n. 1. Decius n. 1. Cum enim Pontifex totam hanc causam delegato commiserit, ita vt vices ipsius gerat, frustra

neum videri potest, si ad Papam appelletur, cum in delegato Papalis potestas adsit. Abb. hic, n. 1. Sed excipi debet: Nisi iurisdicatio delegati fuerit impedita, v. g. propter diuturnam infirmitatem, aut absentiam; aut si inutilis reddita per excommunicationem, aut mortem delegati, c. si cui, eod. in 6.

NOTANDUM II. Delegatus Papæ causam sibi commissam personæ Ecclesiasticæ vni, aut pluribus, non laicis delegare potest. Ita Gl. hic ver. à personis. Sed hodie prouisum est in c. statutum, 1. §. in nullo, de rescript. in 6. vt delegatus Principis alijs subdelegare non possit, nisi quibus Papa delegare solet, videl. in dignitate constitutis, aut Cathedralis Ecclesiæ Canonicis.

NOTANDUM III. Delegatus Principis causam subdelegare potest vni, vel pluribus. Sed quid si subdelegati in sententia ferenda discordent vel inter se, vel cum altero delegato. Respondeo & Dico I. Si subdelegati inter se discordent, statur sententiā partis maioris: sin autem duo tantum sint, qui concordare non possint, tum neutrius sententia valet, sed ad delegantem principalem recurrendum, si subdelegatio simpliciter siue in totum facta fuit, argum. c. vlt. de sentent. & re iudic. Tamen si enim textus ille loquatur de delegatis, eadem tamen ratio est de subdelegatis, sicuti hic monet Decius prope finē.

Dico II. Si subdelegati ab vno in sententia discordent ab altero delegato, tum recurrendum est ad subdelegantem, si non in totum subdelegauit: sin autem in totum, ad delegantem primum, argum. cit. vlt. Quin imò necessarium est hoc casu, vt maior pars subdelegatorum consentiat cum altero delegato. Sin autem duobus existentibus subdelegatis vnus consentiret cum altero delegato, alter non consentiret: Hoc casu non valeret sententia, propter ea quæ in simili dixi in c. pastoralis, 14. de rescript. & videri hic potest Abb. n. 3. Felinus n. 2. not. 2. de rescript. Quamobrem admonet hic Ioann. Andr. consultum non esse, vt delegatus pluribus subdelegeret, maxime si socium habeat, cum quo iudicare debeat: nisi illos subdelegatos in solidum constituat, sicuti in simili habetur c. penult.

penul. princ. de elect. in 6. Alij tamen, vt Imola hic n. 4. Abb. n. 3. hoc consilium non recipiunt.

NOTANDUM IV. Vt laboribus & expensis parcatur, expedit, vt Iudex ordinarius, vel delegatus articulum aliquem causet, v. g. testium examinationem alicui committat, ne è longinquo loco euocari debeant. Quamobrem ex Petr. Ancharano referunt hic Barbatia col. 2. Decius n. 3. Si Episcopus amplam diocesim habens causam subditorum in loco nimis remoto ab illis cognosceri velit, partes petere posse, vt alijs Iudicibus in propinquo delegetur; alioquin eos tanquam grauatos appellare posse. Id verò declarari debet, si causa magni momenti non sit; vt constat ex l. cum post, 26. C. appellat. Sectus, si ardua, seu alicuius momenti, ita vt tractari debeat in loco, vbi peritorum copia est, iuxta c. statutum, 11. de rescript. in 6. Quare id frequens est, vt in causis non leuibus partes etiam è loco remoto ad Consistorium Episcopi citentur.

CAPITVLVM XIX.

Relatum.

Quæritum fuit ex Lucio III. Si causa ab antecessore eius Iudicibus delegata sit, & priusquam illi eam terminauerint, Papa mortuus sit, vtrum in causa procedere possint. Respondet Lucius: Si lis ante obitum antecessoris contestata sit, morte eius non extinguatur mandatum, seu delegatio. Sin autem contestata non sit tempore obitus, tum Iudices delegati in causa illa procedere non possunt.

CAPITVLVM XX.

Gratum.

PARAPHRASIS.

Vrbano III. de duobus consultus erat. Primum: Si Iudex delegatus per editum partes citarit, ante delegantis obitum, sed

lis post eiuſdem mortem contestata sit, vtrum Iudex in causa procedere possit, cognita delegantis morte. Alterum: Si Titius à Iudicis sententia appellauit, sed postea inducias petijt ad producendos testes, ac denique reſtituens huic productioni, receptas attestaciones publicari postulauit; vtrum hæc agendo appellationem deseruisse censendus sit. Ad I. respondet Papa: Cum per citationem causa sit veluti cœpta, potest Iudex, imò debet in ea procedere, ac definire: præsertim, si (tempore litis contestandæ) de obitu delegantis certus non fuerat. Ad II. respondet: Quòd Titius per ea, quæ narrata sunt, ab interposita appellatione reſtisse censetur.

SUMMARYM.

1. Mortuo delegante, si citatio iam facta, iurisdiclio delegati perpetuatur; extinguitur autem, si citatio facta non sit.
2. Ad perpetuandam eiusdem delegati iurisdictionem sufficiens citationem ab ipso emanasse, etsi ad partes non peruenierit.
3. Requiritur autem, vt citatio ab ipso delegato vel subdelegato facta fuerit; alias nunquam iurisdiclio perpetuatur.
4. Iurisdiclio ordinaria non expirat per mortem Principis, à quo concessa est, si ordinarij eà rei non capis.
5. Mandatum à Superiore datum ordinario Iudici, aut Officiali, illo Superiore mortuo, mandatum non expirat, sed potest, re licet adhuc integra, executioni mandari.
6. Intelligi hoc debet in ordine ad intra seu facultates, quæ per negotij inchoationem acquisita censentur; non item in ordine ad impendendam obligationem.
7. Si commissiones seu facultates habent rationem gratia seu beneficii acceptati, morte concedentis non expirant; secus est, si habent rationem mcrimandati, & negotium capium non est.
8. Iurisdiclio concessa ad vniuersitatem

rem causarum delegata, mortuo delegante non expirat, postquam unum earum tractare cepit.

9. Iurisdicção delegata, si nondum coepa sit, non expirat per mortem delegantis, posito, quod mors in eo loco ignoretur, etiamsi Iudex delegatus prius eam non ignoret, & in hoc casu acta valens.
10. Ita valet etiam dimissoria data ab Icaro post mortem Episcopi publicè ignoratâ.
11. Renouatione non auferitur potestas delegata aut Icarij, priusquàm ipse ea intimata fuerit ab ipsomet renouat, vel nomine eius per nunciũ, procuratorẽ, literas.
12. Quo signo cognoscatur, utrum alicui sit commissã iurisdicção ordinaria, an verò delegata.
13. Appellationi rennunciare censetur, qui alium contrarium exercet.

Contra prius responsum obijecit e. præcedens, quod directè contrarium est. Hæc ec. conciliare conatur Abb. hic n. 1. I. mola n. 3. Sanchez lib. 8. disput. 28. n. 10. Sed mihi magis placet, quod Decius hic ait, n. 1. & alij apud Abb. cit. c. 8. Præcedens Lucij III. responsum, ab Urbano III. fuisse correctum. Procius intellectu aduerte, quod canones, quantum id fieri licet, ciuilibus legibus conformantur, e. i. de noui operis nuntiatione. Legibus autem ciuilibus expressè statutum est, quod iurisdicção delegata expiret per mortem, aut amotionem delegantis, si res integra, seu causa nondum coepa sit; non item expiret, si causa coepa sit, l. & quia, 6. ff. de iurisdicção. Nam id vniuersim verum est, quod mandatum morte mandantis, si res integra, seu negotium nondum coeptum sit, expiret. l. mandatum, 15. C. mandati. At verò ciuilibus legibus expressum satis non est, utrum iurisdicção delegata primum per litis contestationem coepa censetur, an verò solam citationem. Nam prius illud non pauci affirmant, vt Bartol. in cit. l. Et quia, Gl. lib. ver. antequàm, Gl. in cit. l. mandatum, ver. finitur, & alij apud Sanch. cit. disput. 28. n. 9. At verò Bartolus in ead. l. Et quia, & alij plures arbitrantur, etiã ciuili iure sufficere citationem à Iudice factã esse,

vt iurisdicção coepa & ideo perpetuanda censetur. Imò non pauci existimant, neq; citationem requiri, sed satis esse, si aliqui iudicialis præparatio antecessit, vt infra dicam.

Hinc itaque orta est diuersitas decretorum, quod Lucius III. priorem sententiam tãquam tutiorem secutus aliter respondit, quàm Urbanus III. secutus sententiam posteriolem, quæ & benignior est. Igitur est

NOTANDVM I. Mortuo delegante, si citatio iam facta est, iurisdicção delegati perpetuatur, sin autẽ facta nõ est citatio, extinguitur. Ita hic expressè docet Urbanus III. Ratio est: Quia iurisdicção delegati per mortem delegantis non extinguitur, si illã vti ceperit, e. licet, 30 hoc tit. Atqui principium & fundamentum iudicij, seu contentioz iurisdicçãois est citatio, s. vlt. In tit. de pæn. temerè iudicantium, iun. Gl. e. vlt. de off. legati, & docet Gl. in c. quoniam, 11. ver. citationes, de probat. Ergo &c.

NOTANDVM II. Ad perpetuandã iurisdicçãoem Iudicis delegati, sufficit, si citatio ab ipso emanarit, tametsi ad partes non peruenerit. Gl. magna communiter recepta in Clem. 2. Vt lite pendente, Abb. hic & alij apud Sanchez lib. 8. disput. 28. n. 13. contra Cardinal. Zabarell. in cit. Clem. 2. opposit. 6. Colligitur ex verbis huius c. *Proposito citationis edicto*. Nam olim citationes fieri solebant per edicta publica: sed hodie fieri debent per literas, aut nuntium destinatum ad personam citandam: nisi fraudulenter lateat, vel impediatur, quò minus citatio peruenire queat, vel si locus aut domicilium iurò adiri non possit, deniq; quotiescunq; nescitur, vbi sit, qui citari debet, tum publicis edictis locus est, Clem. 1. de iudicijs, & docet hic Abb. n. 4. Robertus Maranta de ordine iudiciorum, p. 6. n. 82. Ratio autem traditæ doctrinæ est: Quia citatio habet vim præcepti, quod quatenus à Superiore, seu Iudice procedit, effectum consecutum censetur, atque quatenus est ex se, potentiam obligandi continet, tametsi per accidens, videl. propter ignorantiam, non obliget, donec alteri intimetur, vt in simili dixi de legis obligatione in lib. 1. Th. mor. tr. 4. c. 2. n. 1.

QVÆRITVR primò: Vtrum iurisdic-
 delegata eo ipso perpetuari conſeatur, etiam
 ſuperueniente morte delegantis, quia dele-
 gatus alteri ſubdelegauit. Aſſerunt Hoſ-
 tienſis in cit. c. licet, c. l. in c. penult. ver. pro-
 ceſſum, eod. tit. in 6. Syl. ver. delegatus, q. 6.
 Nam iurisdic-
 tio perpetuatur, cum primùm
 delegatus ea vti cœpit, cit. c. licet. Atqui eam
 ſubdelegando vtitur iurisdic-
 tione ſibi dele-
 gata: Ergo &c. Et ſimili ratione aiunt Ho-
 ſtienſis & Syl. ll. c. Barbatia c. relatum, col.
 8. & alij apud Sanchez n. 8. ſi qualitercunque
 iudicium etiam extrinſecè, ſeu præparatori-
 e cœptum ſit, vt ſi Iudex delegatus locum
 iudicio exercendo elegit, Notarium vocauit,
 aut citationem fieri iuſſit. Sed contrarium
 eſt dicendum, niſi citatio ab ipſo delegato,
 ſeu à ſubdelegato facta fuerit, nunquam per-
 petuari iurisdic-
 tionem. Ita Ioann. Andr. in
 cit. c. penult. n. 1. Dominicus col. 1. Felino
 in c. relatum, n. 1. Sanchez. cit. diſp. 28.
 n. 18. Ratio eſt: Quia delegare & ſubdele-
 gare, ſicuti & Notarium eligere non ſunt ac-
 tūs iudiciales: quamobrem etiam extra ter-
 ritorium Iudicis ordinarij, aut delegantis
 fieri poſſunt, teſte Felino l. c. conſequenter
 per exercitium talis actūs non eſt cœptum
 iudicium. Confirmatur hæc doctrina ex c.
 penult. eod. tit. in 6. & c. ult. de offi. legati.
 Ad argum. pro parte contraria reſp. maio-
 rem veram eſſe, ſi delegatus actum iurisdic-
 tionis intrinſecum ſeu ſubſtantialem exercuit,
 ſecūs, ſi extrinſecum, & accidentalem tan-
 tum, cuiuſmodi eſt ſubdelegare.

Corollarium. Si delegatus Principis cau-
 ſam ſubdelegari, ſicuti ei comuni iure con-
 ceſſum eſt, & poſtea re integra moriatur, ſu-
 perſiteſte principi delegante, expirat poteſ-
 tas ſubdelegati. Secūs verò eſt, ſi alius dele-
 gatus ſubdelegauit per poteſtatem ſpeciali-
 ter ſibi à delegante conceſſam. Ita Sanchez
 in 3. 6. in fine. Ratio diſcriminis eſt: Quia in
 priore caſu ſubdelegatus immediatè accipit
 poteſtatem à ſubdelegante: at verò in poſte-
 riore potiùs à delegante principali, cuius
 nomine & auctoritate ſubdelegatus, ſeu ſub-
 ſtitutio ſit, arg. c. 1. de officio Vicarij in 6.

QVÆRITVR ſecundò: Vtrum etiam iu-

riſdic-
 tio ordinaria exparet per mortem Prin-
 cipis, à quo conceſſa eſt, ſi Ordinarius ille iu-
 riſdictione vti non cœpit. Reſponſio eſt ne-
 gatiua, ex l. & quia, 6. ff. de iurisdic- & c. 2. de
 offi. legati, in 6. Ratio eſt, quam Abb. aſſert.
 in c. relatum, n. 4. hoc tit. Quia iurisdic-
 tio ordinaria à lege, aut Principe conceſſa, cum
 primùm acceptata eſt, tanquam gratia ſeu
 ius quoddam adhæret perſonæ, conferens
 illi ſtatum ac dignitatem Iudicis, ac Superi-
 oris. Gratia autem, ius, ſeu beneficium alicui
 à Principe conceſſum, morte concedentis
 non expirat, c. ſi ſuper, 9. eod. tit. in 6. Ergo
 neq. iurisdic-
 tio ordinaria. Imò firmiùs radi-
 cata eſt ordinaria iurisdic-
 tio, quàm aliæ gra-
 tiæ Principis. Hæ enim ordinariæ per mortē
 Principis expirant, ſi cōceſſæ ſint ad bene-
 placitum concedentis, c. ſi gratioſe, 5. de reſ-
 ſcript. in 6. Sed iurisdic-
 tio ordinaria tū ſi for-
 mula conceſſa, per mortem Principis non
 extinguitur: Idque propter publicum ſa-
 no-
 rem, ait Sanchez lib. 8. diſp. 28. n. 5. &
 plures reſert, ac ſequitur Menoch. de arbitra-
 rijs Iudic. qq. caſu 69. n. 9. At verò iurisdic-
 tio delegata cum ſit inſtar mandati, quod
 in gratiam mandantis fieri ſolet, potiùs cen-
 ſetur eſſe aliquid ſpectans ad mandantem, ſeu
 delegantem, quàm delegatum. Quo uſque
 iſte cauſam aggredi cœperit, ex eo tempore
 iurisdic-
 tionis poteſtas veluti offiſibus eius in-
 hæret, ſeu, vt clariùs dicam: ex eo tempore,
 non antè Iudex eſſe incipit, vti colligitur ex
 c. quamuis, 6. hoc tit. in 6.

Corollarium I. Si quid à Superiore man-
 datum ſit ordinario Iudici, aut Officiali, illo
 mortuo, non extinguitur mandatum, ſed po-
 teſt executioni mandari, tametſi res integra
 ſit. Ita intelligenda eſt doctrina Bartoli in
 cit. l. & quia, n. 5. Abb. in c. relatum, n. 9.
 hoc tit. ex Auth. Vt nulli iudicium, 5. Et hoc
 verò iubemus, Aliorum apud Sanchez cit.
 diſp. 28. n. 42. Ratio eſt: Quia tale manda-
 tum cenſetur eſſe acceſſorium iurisdic-
 tionis, aut officio ordinario, iuxta c. licet, 12. de
 offi. ordinarij. Acceſſorium autem ſequitur
 naturam principalis, argum. c. 9. hoc tit. in 6.

Corollarium II. Quod dictum eſt, man-
 datum non extingui morte mandātis, ſi ne-

gotium

gotium ceptum est, id intelligi debet in ordine ad iura, seu facultates, quæ per negotij inchoationem acquisitæ censentur: Non item in ordine ad imponendam obligationem. Quamobrem docent Syl. ver. mandatum, q. 3. Sanch. eic. disp. 28. n. 47. quod præceptum Superioris, morte præcipientis omnino extinguitur, tametsi res integra sit: v.g. si Prælati tibi præceperit, ut peregrinatione inlituas, atque dum in via procedis, certior reddaris de morte illius, illico recedere potes, neque perficere cogaris. Si tamen tuâ interfit, ut perficias, non prohiberis perficere, ne officium mandati à te susceptum damno tibi sit.

7. Corollarium III. In quibuscunque commissionibus, aut facultatibus considerandum est, num habeant rationem gratiæ, seu beneficii acceptati, tum non expirant morte concedentis: an verò habeant rationem meri mandati, & censeri debent expirare morte mandantis, si res integra sit. Hanc doctrinam tradidit lib. 5. Th. mor. tr. 6. c. 10. q. 4. Exempla plurima sunt: videl. Potestas absolvendi à casibus referuatis, dispensandi in impedimentis matrimonij, in votis, assistendi matrimonio, suscipiendi ordines ab Episcopo alieno, eligendi Confessarium, vescendi ovis, aut carne tempore Quadragesimæ, in beneficio non residendi, testamentum faciendi. Tales, inquam, facultates seu à Papa concessæ sint, seu ab alio potestatem habente, morte concedentis non extinguuntur, cum sint gratiæ. Ita præter alios docet Henric. lib. 7. c. 21. n. 6. Syl. ver. dispensatio, n. 11. q. 6. Quare si Papa v.g. committat Ordinario loci, alteriue personæ, ut cum certa persona dispense in matrimonij impedimento, si preces veritate nitantur, censetur gratia iam facta Titio, & Ordinario solum executio demandari, quam is petenti negare non potest, etiam si qui gratiam concesserat, mortuus sit, sicuti bene docet idem Henric. n. 7. Sæ ver. dispensatio n. 6. Sanchez eic. disp. 28. n. 87. Sin verò gratia facta non sit, sed faciendæ quia commissum seu mandatū erat Ordinario loci, ut cum Titio causâ cognitâ dispenseret, si ipsi videatur, tum expirat morte

mandantis, si causa cepta non sit, secus, si cepta: Ut si Commissarius informationem de veritate precum acceperit, superueniente morte delegantis, causam exequi poterit, ut docet Sanchez cit. disp. 28. n. 20.

Simile quiddam est: Si Titius famulo suo mandauerit, ut Caioprasentet, & seu expressè seu tacitè consentienti 100. aureos donet, & ante executionem moriatur Titius, potest ac debet famulus exequi: cum Caius ius suum exigere possit. Sin verò Titius famulo mandauerit, ut Caios absenti, & nondum acceptanti 100. aureos donet, sed ante mortem non exequatur, postea exequi non potest: quia mandatum morte mandantis extinguitur: Et donatio hæc nondum erat facta, sed faciendæ. Ita docet Baldus in l. & quia, ff. de offic. Proconsulis, Ludovic. Molina to. 2. disp. 263. 264. §. iuxta hætenus, & dixi lib. 3. Th. mor. tr. 4. c. 1. n. 5.

QVÆRITVA tertio: Vtrum iurisdicção contentiosa ad vniuersitatem causarum delegata, mortuo delegante expiret? Videtur esse negandum, quia iurisdicçãoi ordinariæ æquiparatur, ut dixi. Contraarium communiter docent DD. apud Sanchez cit. disp. 28. n. 34. argum. c. ne aliqui, 10. de hæret. in. 6. iun. Gl. magna, & dixi de hoc lib. 5. Th. mor. tr. 6. c. 10. q. 4. Ad rationem in contrarium respondet Abb. in c. relatum, n. 7 hoc tit. Non in omnibus æquiparari ordinariæ. Sed arbitror, facilius responderi posse, iurisdicçãoem ad vniuersitatem causarum ordinariæ æquiparari, postquam ea in Iudicem delegatum transijt, ipsique plenè acquisita censetur. Adeò quidem, ut etiam in hoc casu, postquam Iudex ad vniuersitatem causarum delegatus, vnam causam tractare cœpit, iurisdicção eius etiam quoad alias nondum ceptas stabilita & perpetua maneat, idque propter earum connexionem in ipsa commissione factam: Sequens enim foret, si plures causæ in commissione specificè expressæ fuissent, tum vnâ earum ceptâ, iurisdicção quoad alias non ceptas, morte delegantis cessaret, uti ex communi docet Sanchez cit. disp. 28. n. 27. argum. l. scire, 29. ff. de verb. obligat. Præterquam si causæ inter

se connexionem habeant, ita ut vna alteram secum trahat, iuxta. vlt. C. de duobus reis, & notauit Abb. in c. licet, 30. n. 5. hoc tit. Exinde tamen nemo inferat, si cui à Papa, Episcopo vel Parocho commissi seu delegata sit facultas audiendi confessiones fidelium omnium, aut diocesis eorum, aut parochianorum, quod mortuo delegante, facultas expiret, si delegatus ea vti non coeperit. Contrarium enim asserendum, cum hæc sit gratia, quæ morte concedentis non expirat. Quæ de re lege, quæ dixi cit. c. 10. q. 4. n. 22. & docet Sanch. lib. 8. disp. 28. n. 72.

QVÆRITVR quartò: Vtrum iurisdicctio delegata, si nondum coepta sit, ipso iure expiret per mortem delegantis, tamen si ea in loco, ubi iurisdicctio exercenda est, ignota sit. Respondeo & Dico I. Parum aue nihil refert, vtrum ipsemet delegatus mortem sciat, an nesciat. Ita ex communi docet Specul. tit. de offic. delegati, §. Restat, n. 5. Sanchez lib. 3. disp. 22. n. 59. resp. ad I. Cum enim iurisdicctio nondum inhæreat delegato, ideo cum fiat auctore, videl. delegante expirat, siue sciat siue ignoret delegatus: præsertim cum iura nihil distinguant.

9 Dico II. Si mors publicè in eo loco ignoretur, tamen si iudex delegatus priuatim sciat, valens quæ ab ipso acta sunt, argum. l. Barbarius, ff. de offic. Prætorum. Concurrunt enim hic titulus coloratus, seu præsumptus, cum literæ commissionis à legitimo Superiore, aut qui pro tali publicè habebatur, exhiberi possint, atque publica ignorantia, defectus ex morte proueniens: quare, cum impedimentum istud ex iure tantum positiuo proueniat, ius supplere censetur ob publicam utilitatem, iuxta ea quæ dixi lib. 1. Th. mor. tr. 4. c. 22. n. 9. Et ita contra Abbat. hic. n. vlt. docet Sanchez eit. loco, post Flamin. Parisum lib. 7. de resignat. benefic. q. 24. n. 33. ampliat. 4. ubi idem docent de Episcopi Vicario, valere acta eius, si mors Episcopi publicè in eo loco ignoretur. Quod etiam tradit Henric. lib. 6. c. 13. n. 3. lit. A. in comment. & lib. 10. c. 22. n. 3. in

10 comment. lit. P. qui loquitur de dimissorijs datis à Vicario post mortem Episcopi, pub-

licè ignoratum. Idemque eadem ratione dicendum, si potestas delegati, vel Vicarij reuocata sit, sed reuocatio publicè ignoretur, vti docet idem Sanchez & Flaminius locis citat. Anastasius Germonius de indultis Cardinal. §. Tibi quoad vixeris. n. 63. Imò hoc peculiare est, quod reuocatione non auferatur potestas delegati, aut Vicarij, præquam ipsi intimata fuerit ab ipso met reuocante, seu nomine eius permissum nuntium, procuratorem, literas, vti ex communi tradit Rebuffus in praxi benefic. tit. de forma vicariatus, n. 212. Sanchez lib. 3. disp. 30. n. 11. & seqq. argum. l. si fortè, 17. ff. de off. Præsidis, iun. Gloss. ver. cognouerit aduenisse.

QVÆRITVR quintò: Quo signo cognosci possit, vtrum iurisdicctio alicui commissi, sit ordinaria, an delegata? Respondeo ex doctrina Bartoli in l. & quia, n. 8. ver. iuxta hoc, ff. de iurisdicct. Abb. in c. relatum n. 5. hoc tit. Vel committitur causa vna, vel plures specificè ac determinatè, & censetur esse iurisdicctio delegata. Vel committitur vniuersitas causarum à Principe: & censi debet ordinaria, nisi aliud exprimat, vel ex adiunctis colligatur esse delegatam, vt si Princeps dicat, *auctoritate nostra assignat*. Vel denique causarum vniuersitas committitur ab inferiore, videl. ab Episcopo, & distinguendum, vtrum fiat ex lege, aut consuetudine vim legis habente, aut ex electione vniuersitatis. Quæ ratione in diocesis Parochi, Archidiaconi, vel Archipresbyteri seu Decani cum certa iurisdicctione eorum officio annexa ab Episcopis institui debent, & eorum iurisdicctio ordinaria est, iuxta l. & quia, iun. Gl. ver. nec legem, ff. de iurisdicct. Vel denique instituuntur ab homine, videl. ipso Episcopo, designante illis iurisdicctiorem arbitrati suo, & censi debent delegati. Quandoquidem inferior Papa Iudices ordinarios in foro externo, aut interno instituere non potest, vti etiam dixi suprà.

QVÆRITVR sextò: Si delegans in excommunicatione, aut suspensione sit, non toleratus, vtrum iurisdicctio delegati cesset. Resp.

cu

eum Host. & Dominico in c. 1. col. 2. de offic. Vicarij in 6. Tabiena, ver. Vicarius, n. 8. Abb. in c. licet, 3 o. n. 8. hoc tit. Sanchez lib. 3. disp. 3 o. n. 7. Non omnino cessare, sed suspendi iurisdictionem delegati, quoad negotia nondum cœpta. Sed quoad negotia cœpta radicata est iurisdictione in delegato: quamobrem non suspenditur per inhabilitatem delegantis: in quo differt iurisdictione delegati à iurisdictione Vicarij generalis, quippe cum diuersa non sit ab Episcopi iurisdictione, vti dixi in c. 1. de offic. Vicarij, in 6.

13. **NOTANDUM II.** Appellationi interpositæ censetur quis renuntiare, si actum appellationi contrarium exerceat: vt si inducias petat ad respondendum obiectis, vel testium publicationem fieri. Idemque est, si Iudicem quis recusarat, & postea tale quippiam ab eodem petat, censetur iterum consentire in Iudicem, adeoque reuocare recusationem. Cæterum si grauatus, post grauamen illatum, coram Iudice litigare pergat, non censetur renuntiare appellationi interponendæ: quia fieri potest, vt de ea deliberet. Vide Gl. hic ver. recessum, Abb. n. 6. Decium n. 4.

CAPITVLVM XXI.

Prudentiam.

PARAPHRASIS.

Inter alia ex Coelestino III. quaesitum fuit: Si causa tribus Iudicibus commissa sit, ita, vt si omnes interesse nequeant, duo exequantur, vtrum reus comparere teneatur, quando à duobus tantum citatus fuit. Præterea, si à tribus Iudicibus citatus comparuerit, vtrum duo in causa procedere possint, si tertius nec veniat, nec per literas, vti fieri solet, se excuset. Respondet Papa, Nisi duobus Iudicibus seu ex certo nuntio, vel excusatore cum literis destinato, aliunde constiterit, quod tertius adesse non possit (vel nolit) duo illi procedere haud possunt: si procedant, acta irrita erunt. Nam ex antiqua consuetudine Pontifex maualt causam commit-

tere duobus, quam vni, tribus, quam duobus: quia integrum magis iudicium æstimatur, quod plurium sententij confirmatur. Quare si aliter, quam ipsis mandatum Iudices procedant, præter formam mandati iudicare censendi sunt.

Atque per hoc etiam satisfactum videtur primæ dubitationi, vti hic Gl. magna in fine annotauit. Si enim Iudices duo sine tertio procedere non possint, sequitur quoddam citatus à duobus tantum comparere non teneatur, cum ius citandi non habuerint. Nisi in citatione expriment impedimentum, aut excusationem tertij: tum fidem habere debet citatus, atque comparere, vti Abb. hic docet n. 17.

SUMMARIUM.

1. *Plures iudices ad terminandam causam delegati non habent iurisdictionem in solidum, nisi id in forma exprimitur.*
2. *Vnde si duo iudices absq; tertio iudicassent, tertium postea acta ratificare non potest.*
3. *Si plurium cognitio, vel consensus, aut similis forma seu conditio requiritur ob fauorem priuatorum, ij, quorum interest, renunciare possunt; non item, si conditio ob publicum fauorem apposta sit.*
4. *Delegatus compelli potest ad acceptandam delegationem, & si nolit, puniri potest à delegante, vel ab immediato etiam suo Ordinario.*
5. *Si rem coram delegato obijcit excommunicationem actori, quam non probat intra tempus debitum, audiatur actor.*
6. *Si verò de excommunicatione constitutus, delegatus absoluet alterum, nisi ob aliam causam, que in iudicio non deuenit, excommunicatus fuerit: tunc ad excommunicatorem remittendus erit, qui si malitiosè nolit, delegatus Papa eum absoluet, in commodum partis, non autem eius proprium.*
7. *Absolutus à delegato, posita cautione, ob causam, pro qua fuerat excommunicatus, ab excommunicatore compellendus*

erit ad satisfaciendum: sin autem is uoluit, ab ipso delegato.

NOTANDUM I. Si plures iudices ad causam terminandam delegati sint, non habent iurisdictionem in solidum, nisi id in forma exprimatur. Quae de re in c. eum plures, 8. cod. tit. in 6.

Sed contrà obijci potest, quòd iurisdictione sit indiuisibilis, secundum Gl. hic ver. teneatur, Abb. n. 6, Gl. in c. loquitur, 18. ver. in solidum, causa 24. q. 1. Ergo non potest pluribus partialiter competere. Resp. Dicitur illud duplicem declarationem requirit.

Prima est. Tamen si iurisdictione secundum se diuidi nò possit, ita ut pluribus secundum diuersas sui partes competat: potest tamen pluribus ita competere iurisdictione, ut eam singuli totam habeant, sed non totaliter. Quam admodum, ait Gl. cit. si plures vnam trabem furentur, quam vnus asperse nequit, singuli totam furantur, licet non totaliter.

Pro cuius rei pleniori intellectu sciendum est, ex doctrina Abb. hic n. 6. & seqq. Decij n. 7. Vel iurisdictione aut similis potestas v.g. praefatendi, Doctores creandi, competit pluribus collegialiter, tunc singuli iurisdictionem, aut potestatem illam non exercent, sed Collegium: Quamobrem sententia aut decretum eorum non valet, nisi sit ex consensu maioris partis Collegij legitime congregati, l. quod maior, 19. ff. ad Municip. Quod si autem obijciatur, reliquam partem, quae non consensit, saniores esse, etiam de hoc cognosci debet, uti Gl. margin. notauit in l. quod maior, 19. ff. ad Municip. Abb. hic n. 10. Quamuis Decius hic dicat, in profanis, seu non Ecclesiasticis causis semper sufficere, quòd pars maior Collegij consenserit. Vel iurisdictione, aut similis potestas competit pluribus ut singulis, tunc differentia est: Quòd Interdum eis competat totaliter, seu in solidum: ut si sint duo generales Vicarij Episcopi, hi tum simul, tum seorsim causas cognoscere possunt. Quòd si vnus praecupet, alter se immiscere nequit, nisi illi, qui coeperat, impedimentum incidat, uti notat Bartolus in l. 1. ff. de offic. consulis, Abb. hic n. 1. Barba-

tia col. 1. 1. constat ex c. eum plures, 8. hoc tit. in 6. ubi plures iudices à Papa delegantur, sub ea forma, ut coniunctim & diuisim procedere possint, ideòque detur locus praerogationi. Idemque dicendum de pluribus tutoribus, quòd singuli administrationem habent in solidum; ita ut vnus sine altero pupilli negotia gerere possit: praeterquam si de eo agatur, ut tutela finiatur, l. vlt. C. de auctor. praestanda. Denique idem dicendum de pluribus haeredibus, quòd antefactam diuisionem, in oppida & castra habeant iurisdictionem in solidum; quamuis vnus sine altero statuere aut immutare non possit cum illius incommodo, uti hic Abb. docet n. 12. post Bartol. in l. Pomponius, ff. de re iudic. quam doctrinam examinat Barbatia col. 30. Interdum verò iurisdictione, seu potestas competit pluribus, ita ut singuli totam habeant, sed non totaliter, ut initio dixi.

Altera declaratio est. Licet iurisdictione secundum se diuidi nequeat, tamen per accedens diuidi potest, videl. ratione temporis, aut loci. Exemplum primi: Si duo Consules ciuitatis alternis annis officium administrant, seu iurisdictionem exercent. Hoc casu officium, seu iurisdictione consulis per accedens diuiditur in ordine ad exercitum, secundum varia tempora. Secundi: Si territorium ex hereditate fratribus proueniens inter ipsos diuidatur, consequenter etiam iurisdictione in ordine ad loca illa diuiditur. Potest autem talis diuisio semper institui, nisi terra vinculo primogeniturae restricta sit, aut ex feudi specialis concessione, aliaue dispositione hanc conditione habeat, ut indiuisa maneat. Quae de re Abb. hic n. 13. Felin. n. 3. Lud. Molin. tom. 3. de iust. p. 1. disp. 581. Porro admonet Felinus n. 5. Quandoquidem communio, praesertim in iurisdictione exercenda, discordias ponere solet, ideò quandoque cogi posse socios ad talem diuisionem instituendam.

NOTANDUM II. Duo modi sunt, quibus aliquid denunciari alteri possit, ut is eundem habere debeat: Videl. per nuntium certum, ac fidei probare, cuiusmodi potissimum esse solent officiales iurati. Et per literas si-

gillo proprio, seu authentico munitas. Ita notat hic Barbatia col. 42.

QUARE hic Gl. Si duo Iudices absque tertio procedant, vtrum tertius postea ratificare possit acta. Videtur affirmandum arg. e quod sic ut, 28. de elect. vbi dicitur, quod Capitularis contemptus, seu non vocatus ad electionem, eam, si rescindere nolit, ratificare possit. Sed bene respondet negativè: quia quod ab initio nullum est, non potest postea conualecere, reg. 29. ff.

Sed vt hæc quaestio, An consensus subsequens sufficiat ad confirmandum, seu ratificandum actum præcedentem, plenius tractetur, ita dicendum videtur: Vel actus propter defectum consensus omnimodè, seu omni iure irritus est: Et tum consensus subsequens non potest actum efficere validum; cum ad præteritum non detur potentia. Si v. g. Confessarius non approbatus, vel non expositus penitentes absoluit, non potest Episcopus, vel Pontifex postea, quod actum est, ratum habendo, absolutionibus valorem tribuere, sicuti docui lib. 1. tr. 4. cap. 2. n. 8. Excipe: Nisi specialis titio, aut dispositio iuris subueniat. Quo modo si quis meo ignorantis nomine quippiam egerit, possum deinde ratum habere, perinde ac si initio mandassem, iuxta reg. 10. in 6. *Ratibabitionem retro irahis, & mandato nō est dubium aequiparari.* Vel actus aliquo modo, v. g. spectato naturali iure, validus est, licet secundum ius positivum irritus. Tunc ad duo potissimum attendi debet. Primum est. Vtrum actus, qui ob defectum præstiti consensus, iure positivo irritus est, subit adhuc potestati, ac dispositioni eius, qui consensum postea supplere, seu ratificare cupit. Nam hæc ratione docent DD. Quod Capitulum rata habere possit, quæ à Prælato non requisito eius consensu acta sunt, vti dixi lib. 3. tr. 4. c. 10. n. 4. Prælati quoque noviter electus, contraclus, quos Capitulum vacante Sede instituit, si Eccl. sic expedire videantur, ratificare, vti dixi lib. 1. tr. 4. c. 7. n. 15.

Quamobrem generalem regulam tradit Abbas hic num. 19. ex Innocent. num. 7. Si omisso alicuius conditionis, vel solem-

nitaris ex mea potestate non dependentis efficiat actum ipso iure nullum, non possum eum postea ratificare: secus si pendeat à mea potestate. Quare sententiam nulliter latam v. g. die feriato partes ratificare non possunt, vt valeant tanquam sententia; quavis possint, vt valeat in vim parti seu transactionis, ait hic Decius n. 20. Sed Papa potest ipsam sententiā ratificare, & approbare.

Alterum est, ad quod attendi debet. Vtrum plurium cognitio, vel consensus, aut similis forma, seu conditio requiratur potissimum ob favorem priuatorum: tum ij, quorum interest, renunciare possunt, adeo vt si nihil contra actum vel processum opponatur, adeoque tacite consentiant, validus censi debet, arg. c. vlt. §. is autem, hoc tit. Secus, si conditio ob publicum favorem appositā sit, vt in casu proposito: quia sæpè expedit magis Reipubl. vt causæ à pluribus iudicibus cognoscantur, vti bene docet Abb. hic cit. n. 19. contra Innoc. n. 4. Quare patet etiam responsio ad e. quod sic: Nam quod omnes, nemine prætermisso, ad electionem vocari debeant, id principaliter decretum est ad iura ipsorum Capitularium tuendum: cum alioquin ad valorem actuum sufficiat duas partes curiæ aut Capituli congregari.

§. Adjicimus.

SI in rescripto adiecta sit clausula, *Si non omnes poteritis, tum duo, aut unus procedat*, tum si vnus aliquis, vel plures eorum, tamen possint, tamen interesse nolint, alter vel reliqui in causa procedere possunt. Ratio est: Quia licet voluntas non sit impossibilitas ex parte nolentis, est tamen ex parte coiudicis, qui cum nolente causam cognoscere non potest, vt rectè aduertit Abb. n. 2.

NO T A N D U M Vn. Delegatus compelli potest ad acceptandam delegationem. Ita etiam habetur in l. vn. c. Qui pro sua iurisdic. Id verò declaratur, si sit subditus delegantis, iuxta e. pastoralis, 1. de offic. Ordinarij. Secundo: Si sine gravi suo detrimento possit: alioquin, ordinariè loquendo, non censetur Superior subdito mandare velle, quod sine gravi rei familiaris periculo exequi non possit.

fit, secundum Gl. ver. cum possit. Si tamen Princeps ita declaret, etiam grauius iubenti obediri debet, arg. c. 3. d. 19. dummodo non sint impossibilia de iure, aut de facto.

Quærit hic Gl. ver. redarguendus. Quisnam Superior punire debeat delegatum, si mandatum Apostolicum exequi nolit; Et respondet, quod delegans, ad quem ea causa pertinet. Eamque Gl. communiter receptam esse, ait Imola hic n. 40. Quamuis Abb. hic in fine velit, quod etiam ab immediato suo Ordinario, perinde ut alij criminosi puniri possit, eo quod mandatum Superioris sui exequi contempserit.

s. Sexta.

ID quoque quæsitum fuit ex Cœlestino III. Si coram delegatis Iudicibus reus Actori excommunicationem obijciat, ob quam in iudicio is stare impediatur, vtrum actor nihilominus audiendus sit, quando reus quod obiecit, statim probare non vult, aut non potest. Ad hoc respondet, Si Reus obiectionem, seu exceptionem illam Actori de excommunicatione eius oppositam statim, vel intra terminum competentem (videlicet octo dies postea, cap. 1. de except. in 6) non probauerit, Actorem audiendum esse. Verum si ex confessione eiusdem Actoris, aut aliàs legitime constiterit de excommunicatione illius post Apostolicum rescriptum incurfa, tum à Iudicibus delegatis absolui debet: quia Pontifex ipsis causam delegando etiam alia commississe censetur, quæ accessoria sunt, & ad causæ expeditionem necessaria. Sed excipitur primò: Nisi Actor ob aliam causam, quæ in iudicium non deuenit, excommunicatus fuerit, tum ad auctorem excommunicationis, Iudicem ordinarium, vel delegatum pro absolutione mittendus erit: qui si absolvere per malitiam recuset, tum delegati Iudices secundum formam Ecclesiæ absolutionem conferant. Secundò: Nisi excommunicatio Sedi Apostolicæ specialiter referuata sit.

NOTANDUM I. Reus Actorem repel-

lere potest obijciendo illi excommunicationem maiorem, propter quam in iudicio stare non possit: quandoquidem excommunicatio priuat hominem forensi seu iudiciali communicatione, vti dixi lib. 1. tr. 5. p. 2. c. a. n. 14. Quare necesse est, vt Actor excommunicatus, excipiente contra illum Reo, aut repellatur à Iudice, aut (si iudicet causam terminandam esse, v.g. ad mandatum Papæ) absoluator ab eo, ad quem vt auctorem pertinet. Veruntamen, si absolutio (vt sæpè fit) conferatur homini non absolute, sed tantum ad præsentem actum iudiciale exercendum, cuius alioquin incapax esset, illum Iudex delegatus semper conferre poterit, cum eà re excommunicatoris iurisdictioni nihil omnino præiudicet, siquidem quoad alia omnia, adeoque absolute loquendo, hominis excommunicatio permanet, vti constat ex ijs, quæ dixi lib. 1. tract. 5. p. 1. c. ult. n. 8. & quæ tradit Abb. in c. veniens, 18. n. 18. de testib. Suarez de censur. disp. 7. sect. 8. num. 19. & 20.

NOTANDUM II. Tamen si Iudex delegatus etiam quæ accessoria causæ sibi commissæ sunt, expedire possit, iuxta c. præterea, 5. hoc tit. duplex tamen est limitatio. Prima. Quod quæ specialia sunt, seu specialem commissionem exigunt, ea expedire nequeat: Quamobrem, vt in hoc c. dicitur, Iudex delegatus actorem absolvere non potest ab excommunicatione Papæ referuata. Quod intelligit hic not. 5. Si excommunicatio ob aliam causam, quæ delegata non est, contracta fuerit.

Altera. Si quod expediri debet, ad causam delegatam propriè ac directè non spectat, sed ad alterius iurisdictionem, ac potestatem: tum is moneri prius debet, vt officium præstet: sin autem malitiosè recuset, tum ob necessitatem ad ipsum delegatum potestas deuoluitur. Vt in casu huius Capituli Si actor causam delegato Papæ prosecutus dicatur excommunicationem Episcopalem incurrisse, ad Episcopum, tanquam auctorem & proprium Superiorem mittendus est, vt absoluator, præstita cautione, seu promissione parendi mandatis Ecclesiæ. Quod si

Epis-

Episcopus absolvere malitiosè recuset, tunc delegatus absolvere eum poterit.

Sed quid? si Episcopus ideo non absoluat hominem, quia dignus non est, videl. in pertinacia persistens. Resp. Hoc casu neque delegatus absolvere potest absolute; sed vel repellere debet actorem, & Pontificem de statu causæ informare; vel, si necessitas postulet, vt causæ v.g. matrimonialis terminetur, tum hominem absolvere potest ad reincidentiam, id est, tantum ad præsentem actum iudicalem exercendum, ita vt postea sit in eandem excommunicationem reincidentat. Nam tali absolutione, seu potius habilitatione aut dispensatione nihil præiudicatur iurisdictioni excommunicatoris, cum quoad alia omnia, adeoque absolute, excommunicatio hominis permaneat, vti constat. Dixi autem, si necessitas id postulet: Sed, ordinariè loquendo, verum est, quod Decius hic docet not. 4. Licet testis ad reincidentiam absolui possit ab excommunicatione, in commodum partis; non tamen ipsum actorem in commodum proprium.

s. Si verò.

Si excommunicatore per malitiam dene-gante absolutionem, iudices delegati excommunicatum præstita cautione, quod mandatis Ecclesiæ parebit, absoluerint; tum ad eundem excommunicatorem (si Papa specialiter alijs nõ delegaverit) pertinebit causam illam finire, & iuxta præcepta impingere, quibus absolutus obedire debet. Sin autem excommunicator malitiosè differat causam illam finire, tum ipsi delegati iurisdictionem in eadem illa causâ exercere poterunt: eo quod accessorium ad principale trahatur.

Casus, & dubitatio hæc est: Papa cuiusdam Canonici causam aliquam delegavit: Sed Reus coram delegato exceptit contra Actorem, quod excommunicationem Episcopalem contraxisset. Iudex delegatus petijt ab Episcopo, vt exacta cautione parendi Ecclesiæ mandatis, absolueret Actorem. Illo pertinaciter abnuente, ipsemet delegatus ab-

solutionem contulit, cautionemque accepit. His positis, restat dubium, Vtrum Episcopus, qui excommunicarat, an verò delegatus, cui cautio præstita est, ad satisfaciendum cōpellere possit: Respondet Pontifex, quod excommunicator: Sin autem is noluerit, tum demum delegatus. Ratio est: Quia ad excommunicatorem per se spectat tota causa illa, ob quam excommunicatio lata est: At verò ad delegatum eadem spectat per accidens, seu ob incidentiam alterius sibi delegatæ causæ: Quod autem per se est, principalius est, quàm id, quod est per accidens.

CAPITVLVM XXII.

Cùm causâ.

PARAPHRASIS.

Innocent. III. controuersiam super decimis, quæ inter duos Archiepiscopos erat, tribus Iudicibus commisit. Vnus Archiepiscoporum ad citationem duorum Iudicum accessit, atque excipiendo proposuit, quod iudicio illorum se submittere non cogatur; partim quia cùm causâ tribus commissâ esset, à duobus tantum, tertio inconsulto, neque vices suas committente, citatus fuerit: partim quia ante eorundem citationem, & literarum notitiam, nuntium ad Sedem Apostolicam propter eandem causam destinârit: quod ipsi suffragari debeat, iuxta Alex. III. constitutionem infrâ de appellat. c. adhuc, 30. Sed Iudices exceptiones istas admittere nolentes, interlocutoriam sententiam protulerunt, quod dictus Archiepiscopus coram ipsis respondere teneatur. Quamobrem is ad Sedem Apostolicam appellauit. Sed eo non obstante, Iudices processerunt, atque Actorem in possessionem decimarum introduxerunt. Hoc intellecto Papa alijs constitutis Iudicibus mandauit, si ita res se habeant, sicuti narratum fuit, vt decimas Archiepiscopo, (siue per potentiam laicalem, siue per dictos Iudices spoliatus fuerat) vnâ cum fructibus

K k k k

inde

inde perceptis restitui faciant, præsertim cum decimæ illæ Archiepiscopo antehac à Sede Apostolica confirmatæ fuerint: Quod si autem contra dictum Archiepiscopum quippiam de iure seu proprietate decimarum oppositum fuerit, eisdem Iudicibus cognoscere ac definire debeant.

SUMMARIVM.

1. Si ex tribus iudicibus delegatus tantum unus, aut duo citent partes non tenentur comparere, nisi unus suas vices alteri commiserit, aut in citatione insertum sit, unum ex iudicibus se excusasse.
2. Spoliatus à iudice contra ius, restituendus est, & postea de iure seu proprietate spoliati cognoscendum.
3. Trina monitio opus est, ut propter negligentiam Superioris potestas procedendi ad inferiorem deuoluatur.

NOTANDVM I. Si ex tribus Iudicibus delegatis, tantum vnus, aut duo citent, partes non tenentur comparere. Ita etiam habetur in c. prudentiam, 21. hoc tit. Sed limitari debet: Nisi vnus suas vices alteri commiserit, c. quamuis, 6. hoc tit. Vel nisi in citatione insertum sit, vnum Iudicem se excusasse, cit. c. prudentiam. Deinde, si citatus non ab omnibus, cum non teneatur, tamen comparere, quando omnes tres præsentés sunt, respondere tenetur, secundum Innoc. hic, quem sequitur Barbat. hic col. 4. Decius not. 3. Nam cum plures præsentés sunt, citatione opus non est, arg. l. de vnoquoque 47. ff. de re iudic. Licet aliter Hostiensis apud Abb. hic n. 3. sentiat.

NOTANDVM II. Sicuti spoliatus à priuato ante omnia restituendus est, c. 1. de restitut. spoliati. ita etiam spoliatus à iudice contrarius; & postea de iure seu proprietate spoliati cognoscendum. Consentit cap. 3. de procurator. & conquerente, de restitut. spoliator. Sed in hoc puncto ita distinguendum cum Abb. n. 4. Barbat. col. 5. Decio in 4. not. Felino col. 1. Vel Iudex incompetens est, seu non præditus potestate, vt in casu huius c.

tunc simpliciter vera est doctrina: Vel est Iudex competens, tum ordinariè est præsumptio pro illo, quod iuste processerit. Quare spoliatus ostendere debet, sibi iniuriam illatam; alioquin restituendus non est, arg. c. dilectus, 26. de rescript. vbi id dixi not. 1. & docet Gloss. communiter recepta in c. præsentium, 3. causa 7. q. 1. in fine. Excipe I. Nisi Iudex non seruato iuris ordine hominem spoliari, cit. c. conquerente. II. Nisi notorium sit, Iudicem iniuste condemnatum spoliasse.

Querit I. hic Gl. ver. ab illis: Quo iure duo Iudices delegati tertium ad causam tractandam citare possint, cum par in parem non habeat imperium, c. innotuit, 20. de elect. Et bene respondet, quod non possint eum citare cum imperio; sed admonere, vt veniat. Quæ etiam ratione qui in Capitulo senior est, aut Decanus, reliquos Canonicos conuocat ad electionem, vel consultationem; & tamen venire recusantes punire non potest; cum spectato communi iure Capitulum, vel Decanus in singulis Canonicis iurisdictionem non habeat, ait Abb. hic n. 7. ex Innoc. c. cum nobis, 19. n. 4. de elect. Simili modo, qui in liga aliqua, seu inter confederatos potentior est, socios vocat ad conuentum; sed venire nolentes punire non potest; nisi pena conuentionalis inter ipsos constituta sit. Quæ de re Decius hic col. 2.

Secundò querit Gl. Vtrum sufficiat vna citatio, seu monitio, constituto termino competente, intra quem si non rescribat, nec accedat tertius delegatus, potestas ad alios deuoluatur, si rescriptum clausulam habeat: *Quod si non omnes.* Et respondet non sufficere vnam, sed requiri trinam monitionem. Sed alij plerique contrarium sentiunt, vt videre est in Gl. margin. huius c. Gl. in Clem. 1. ver. requisierit, de hæreticis, ibi Zabarel. q. 18. Abb. n. 8. Felin. col. penult. argum. c. si Episcopus, 13. d. 18. iun. Gl. vbi generatim, quod in citatione extraiudiciali, (imò etiam iudiciali, si citatus, v. g. cuius id inter est, comparere non teneatur) vna citatio, seu vocatio sufficiat, dato tempore ad veniendum sufficiente. Sed limitari debet cum Dominico in c. fi

e. si contra, 4. ver. Sed an sufficiat, hoc tit. in 6. Nisi iura trinam requisitionem expressè requirant, vt in c. 1. de suppl. negl. Prælatorum, ex quo textu generale regulam hic tradit Abb. & Imola, trina monitio opus esse, vt propter negligentiam Superioris, potestas procedendi ad inferiorem deuoluatur.

CAPITVLVM XXIII.

Cum super.

PARAPHRASIS.

Controuersia erat inter Conuētum de Conchis, & Simonem, qui ex Abbatia eiectus erat, Rogerio in locum eius substituto. Quam causam Innoc. III. commisit Episcopo Lefionensi, & Abbati de Becco, adiectà clausulà; Vt vno nolente aut non valente, alter solus procedat. Partibus in conspectu Iudicum constitutis, Rogerius qui intrusus in Abbatiam dicebatur, alterum Iudicem, vid. Episcopum recusauit, tribus de causis: I. Quia idem Episcopus cum Monasterio suo controuersiam habebat. II. Quia reieuntem se ex Curia Romana ad osculum pacis non admisit. III. Quia ipsimet Rogerio dixit, quod ei in hac causà impedimento esse vellet, si posset; Et obtulit se coram altero Iudice, vel coram arbitris, quos partes elegerint, singula probaturum. Sed cum Episcopus admittere hæc noller, Rogerius appellauit. Sed duo isti Iudices interloquendo pronuntiarunt, appellationem friuolam, nec admittendam esse; atq; in causà principali procedentes definierunt, Simonem ad Abbatiam restituendum, ipsi Rogerio perpetuum silentium indicentes. Hoc intellēto processu, idem Innocent. III. ita rescripsit: Tamen si Abbas de Conchis absque Episcopo, qui recusatus erat, solus procedere potuisset, antequam appellatum fuit; postea verò quàm cum dicto Episcopo, tanquam coiudice interlocutus est, appellationem illam non valuisse, ex eo tempore nec solus, nec cum socio pro-

cedere potuit. Non solus; quia admittendo alterum vt Coiudicem, confessus est, se nec velle, nec posse Apostolicæ Sedis commissionem solus exequi. Sed neque eum Episcopo, licet voluerit, procedere potuit, quippe cum is post legitimas excusationes, & appellationem contra ipsum, iudicandi potestatem non habuerit. Sequitur itaque, quod acta eorum duorum delegatorum iudicum, omnimodè irrita sint. Hic est casus huius c. secundum integram eius lectionem ex Bern. vt Gl. magna testatur.

SUMMARIVM.

1. Non tantum partes contendentes, sed etiam tertius, cuius interest, recusare iudicem potest.
2. Sunt autem tres causæ iudicem recusandi. 1. Si litem quis habeat cum iudice. 2. Si iudex signum beneuolentia, quod alius eiusdem status & conditionis exhibere solet, sibi denegat. 3. Si iudex minas intemeret.
3. Vno ex delegatis recusato; alter solus procedere potest.
4. Vt actus sui legitimus & validus, duco-
pulariè requiruntur: Agendi potestas
& voluntas.
5. Qui actum liberè exercet, censetur consi-
teri pertinentia & consecutus ad il-
lum.
6. Non valet actus eo modo, quo potest vale-
re, nisi ad id sententia operantis, saltem
implicita & interpretata extendatur.
7. Iudex delegatus dubitans de potestate
socio, aut cum repellere non valens, pro-
testetur, quòd velit sententiam valere,
vt laram à se solo; si non valeat, vt laram
à duobus coniunctim; si autem non
protestetur, & sententia collectiue fere-
tur, præsumptio est contra ipsum, quòd
noluit solus iudicare, maximè si putet,
eum priuatum non esse.

NOTANDVM. Non tantum partes ipse,
contendentes, sed etiam tertius, cuius
Kkkk 2 inter-

interest, excipere potest contra Iudicem, et tuncque ut suspectum recusare. Nam Simon controuersiam mouit Conuentui, a quo Abbatia deictus erat, postulans se restitui: Sed quia Rogerij substituti causa per accidens agebatur, ideo comparens alterum ex Iudicibus recusauit. Ita notauit Butrio hic & Abb. n. 2. Barbat. col. 1. & sumitur etiam ex c. cum super. 17. de sent. & re iudicata.

2. Porro ex textu isto iun. Gl. tres causas Iudicem recusandi colligit Abb. n. 3. Barbat. col. 2. Felinus n. 3. Prima. Si litem seu controuersiam iudicalem cum Iudice habeas. Nam animi partium contendantium plerumque aduersus se mutuo exasperantur: quare qui tecum in iudicio contendit, aduersarius tuus dicitur, cap. 1. de iudic. Secunda. Si Iudex signum beneuolentiae, quod alijs eiusdem conditionis, & status hominibus exhibere solet, tibi denegat, ea res offensionem, aut inimicitiam prae se fert, iuxta ea quae docui lib. 2. tract. 3. cap. 4. num. 2. Tertia. Si Iudex tibi minetur, si occasio se offerat nocendi, aut vindicandi, re eà contra te usurum.

3. NOTANDUM II. Si vnus ex delegatis Iudicibus ut suspectus recusetur, & causa suspicionis probabilis videatur (quod iudicare ad alterum non suspectum pertinet, c. si contra 4. eod. in 6.) tum ille solus procedere potest, ob clausulam, *si non ambo possint*. Ita notat hic Imola n. 4. Barbat. col. 3.

4. NOTANDUM III. Ut actus legitimus ac validus sit, duo copulatiue requiruntur: Agendi potestas, & voluntas. Consequenter, si quod potes agere, nolis, & quod vis agere, non possis, nullus sequetur effectus. Ita Abb. hic n. 8. Barbat. col. 4.

5. NOTANDUM IV. Confessio non tantum ore fit, sed etiam facto, iuxta c. nullus, 4. de praesumpt. Aded, ut qui actum liberè exercet, censetur confiteri, quae continent, aut consecutivae sunt ad actum, secundum doctrinam Innoc. in c. cum venerabilis, n. 3. & 4. de except. Quemadmodum qui instrumentum coram Iudice producit, censetur confiteri omnia, quae continentur in eo: cum non possit vnā partem recipere, & alteram rej-

cere sicuti tradit Innoc. loco cit. & in c. cum olim, n. 5. de censib. Abb. hic num. 7.

Contra resp. Innoc. in hoc c. obijcitur cum Gl. ver. mutuo aduersantibus. In l. 1. §. 1. ff. Quod falso tutore, & c. respondit Iureconf. Si duo tutores auctoritatem praesentent pupillo v. g. contrahenti, verus & falsus, valere quod agitur, ex persona veri tutoris, licet non valeat ex persona falsi. Ergo simili ratione, si sint duo Iudices delegati, quorum vnus potestatem retinet, alter priuatus est: eorum sententia valebit ex parte habentis potestatem. Ratio reddi potest quia censetur esse voluntas agentis, ut si actus valere non potest, sicuti agitur, valere tamen debeat, sicuti potest, arg. c. vn. Idem quoque de despons. impuber. in 6. vbi dicitur, Si impuberes matrimonium contrahant, quod facere non possunt, valere eorum contractum ut sponsalia, quae celebrare possunt. Respondeo, Regulam illam, si non valet, quod ago, valeat sicuti valere potest, in praesumptione voluntatis fundari. Quae praesumptio in cit. c. vn. ex iure adiuuatur, in matrimonij fauorem. Alioquin ad alias circumstantias & coniecturas in dubio conseruandum, quae in vtramque partem variae esse possunt. Quia de re dixi aliquid lib. 3. tr. 5. c. 8. n. 4. Id verò certum est, si appareat, non valde aliquem agere alio modo, nisi eo, quo non potest, nihil efficit. Quare neque impuberum contractus subsistet, si expriment, vel ex coniecturis appareat, noluisse eos aliter contrahere, nisi ut matrimonium inter eos ratum sit. Quia actus humani extendi non possunt ultra eorum intentionem, saltem implicitam, aut interpretatiuam, l. non omnis, 19. in princ. ff. de rebus creditis. Sed neque tutor auctoritate valide interponet, si nolit valere negotium nisi per vtriusque auctoritatem. Ceterum talis intentio in tutore non praesumitur, cum ex iuris communis dispositione habeat potestatem in solidum, seu sine altero auctoritatem interponendi, l. vlt. C. de auctorit. praestanda.

At verò in proposito casu constabat, quod Abbas noluerit causam definire, ut solus, sed vna cum socio, seu coiudice. Quare rectissime infer-

Inno-

Innoc. acta eius irrita esse; quia quomodo potuit procedere, videl. solus, noluit, eo autem modo, quo voluit procedere, videl. cū socio, nō potuit. Quare ita argumentari licet: Non valet actus eo modo, quo valere potest, nisi ad id se intentio operantis saltē implicite aut interpretatiue extendat. Sed intentio Abbatis nequaquam fuit, vt in causa illa procederet solus: Quia interlocutoriē pronuntiavit, Coiudicem suum immerito recusatum esse, atque iudicandi potestatem retinere, ideoq; sine ipso se procedere non posse. Consequenter noluit aliter procedere. Ita bene notat hic Decius col. 3.

7 Corollarium. Iudex delegatus dubitans de potestate locij, vel eum repellere non valens, protestari potest: si non valeat sententia vt lata à duobus coniunctim, quod valere debeat vt lata à se solo, vt singulariter hic notat Abb. n. 10. & sequitur Barbat. col. 7. Sin vero nihil protestatur, & sententia nomine collectio feratur. *Nos condemnamus* &c. præsumptio est contra illum, quod nolit solus iudicare, præsertim si exilimit, eum priuatum non esse, argum. l. qui in aliena, 6. §. Si is qui, ff. de acquir. hæred. Quia simili ratione, si duo tantum sint Capitulares, quorum vnus suspensus, vel inhabilis, & nomine amborum, seu collectiue decretum electionis sine protestatione formetur, *Nos eligimus*, puto irritā fore electionem: Alia vero ratio est, si plures electores sint, & vnus eorū suspensus, vel inhabilis: tum valebit decretum Capitulare cōparatione plurium. Quia locus est regulæ, reg. 37. in 6. Quod inutile accedēs vtili illud vitare non debeat, vt notat Abb. n. 11.

CAPITVLVM XXIV.

Consuluit.

PARAPHRASIS.

Quæsitum erat ex Innoc. III. Si partes ad restium depositiones, aut earundē publicationes, vel sententiam definitiuam, peremptoriē citatæ sunt ad diem definitum, & altera ad vespem diē non aduenerit, virum eadem die Iudex in negotio pro-

cedere debeat, vel differre in diem sequentem. Deinde, si vsque in sequentem diem expectatum sit, vtrum contumax iterum citari debeat, eod quod in die partibus designata processum non fuerit. Ad hoc respondit Papa: Si Iudicis delegati iurisdictione die illo, ad quem partes citatæ sunt, non finiatur, secundum æquitatem expectandum erit in diem alterum: tum verò necesse non est, contumacem iterum citari: nisi gratiam ei Iudex facere velit. Sin autem potestas Iudicis vltra eum diem non extendatur, tum expectandum non est in diem sequentem, ne iudicialis potestas frustranea sit. Cauendum quoque, ne iudicium, secundum hæc iustitiam ad noctem differatur: Tametsi enim secundum morem Romanum, dies (naturalis) à media nocte incipiat, & sequentis noctis media parte finiatur; ita vt quod etiam in dimidiatis noctibus actum est, perinde sit, ac si quavis hora luteis actum esset, l. more 8. ff. de ferijs; tamen quod attinet ad iudicia, congruum nō videtur, vt ea de nocte exercentur. Porro Iudex decretus, quando partes peremptoriē citat, non debet terminum nimis eborāre; nisi necessitas eogat.

SUMMARYM.

1. Iudex citans partem ad certum diem, si in eo non comparat, expectare potest ad diem sequentem; non tamen tenetur, sed etiam absente parte procedere potest ad definitiuam sententiam contra contumacem.
2. Tenetur autem pars altera, que præsens est, expectare, si sequenti die iudicis iurisdictione non exipiat; expensa tamen maiores refarciri debet, si propterea maiores factæ essent.
3. Omnia negotia, v. g. contractus, transactiones, beneficiorum collationes, &c. ordinari de nocte geri possunt, nisi ius scriptum aut consuetudinarium repugnet.
4. Iudex male agit, de nocte iudicium in-

¶¶¶¶ §. si tuum.

stituendo: si tamen partes nihil excipiant, acta valent.

NOTANDUM I. Iudex peremptorie citans partem ad certum diem, si in eo non compareat, expectare potest ad diem sequentem: Sed secundum iuris rigorem, expectare non tenetur; sed etiam absente ad definitivam sententiam procedere potest contra contumacem. Ratio prioris partis est. Quia secundum benignitatem tota dies partitionate tribui potest ad cooperandum: consequenter iudicium differri in diem sequentem. Veruntamen si partibus presentibus ad diem constitutam iudex non procedat, quia v. g. impeditus est, tum nova citatione opus erit, vti hic notant Abb. n. 4. Decius col. 2. Barbat. col. 6. Ratio posterioris est: Cum enim congruum non sit iudicia de nocte peragi, ideo pars citata ad certum diem, maturè se sistere debet. Quare si in citatione ad certam diem, hora expressa non sit, ea intelligi debet secundum qualitatem peragendi negotij: Vt si Canonici citentur ad electionem faciendam xxiv. die Augusti, manè adesse debent: quia eo tempore electio peragi solet post decanatum officium de S. Spiritu. Et simili ratione, inquit Innocent. in c. cum nobis, de elect. n. 5. Abb. hic n. 5. Decius n. 4. Barbat. col. 6. Si iudex consuetudinem habet certa diei parte, v. g. post meridiem iudicare, citatus ad certum diem eo tempore adesse debet.

Hinc inferunt idem Abb. & Decius, n. 2. Quod expediat parti contendenti, si iudicem benignum ac sibi faventem habeat, præferim in istis arbitrarijs. Quare malè agere ait Procuratores & Aduocatos, si iudicem verbis exasperent.

Secundò inferunt idem Abb. n. 7. & 8. Cum iudici hoc casu à iure concessum sit in diem sequentem iudicium prorogare, quod pars altera, quæ præsens est, expectare teneatur: adeò, vt si absq. iudicis licentia discedat, tanquam contumax puniri possit. Neque obijci potest, talem terminum productionem credere in præiudicium alterius partis, quæ præsens est. Quia huiusmodi præiudicij ratio habenda non est, l. si debitori, §. ff. de iudi-

cij. Sed æquum videtur, vt expensæ referantur, si propterea maiores fieri debeant, vti Gl. hic obseruat ver. gratiam fecerit, & sequitur Abb. n. 9.

NOTANDUM II. Si negotium speciali ratione non requirat, vt lucis tempore fiat, rectè dicitur factum die x. Aprilis, dummodò ante medium noctis fiat. Et ordinariè, inquit Decius hic col. 4. omnia negotia de nocte geri possunt, nisi ius scriptum, aut consuetudinarium repugnet, sic v. g. contractus, transactiones, testamenta, beneficiorum collationes nocte institui non prohibentur, vti Decius loco cit. exemplificat. Sed numquid iudicarius processus irritus censi debet, si de nocte adhibitis sufficientibus luminarijs institutus sit? Respond. Partes opponere se possunt, ne iudicium de nocte instituantur. Sin autem nihil excipiant, adeoque tacitè consentiant, licet malè agat iudex, si seclusa necessitate, de nocte iudicarium processum peragat, tamen acta valere videntur, cum nullo iure irrita esse legamus. Multa enim fieri prohibentur, quæ tamen si facta sint, subsistunt, c. ad Apostolicam, r. 6. de regul. & monet hic Gl. ver. tenebras, & Hostiensis apud Barbat. in hoc c. post medium, contra Innoc. hic n. 5.

CAPITVLVM XXV.

Iniquante.

PARAPHRASIS.

Robertus controuersiam habebat cum Thoma de iure parochiali: Nam Innoc. III. commiserat Episcopo Vigoriensi, eiusdem Officiali, & tertio eisdem, hac formula, vt si non omnes possent, Episcopus cum eorum altero cognosceret. Accidit autem, vt lite iam contestata, ante definitivam sententiam Episcopus Robertum in familiarem suum asciceret, ex quo etiam dicti Officialis familiaris effectus est: ita vt vterque tanquam suspectus à Thoma recusari potuerit. Quamobrem is intelli-

gens

gens, quod tertius Iudex sine Episcopo, iuxta formam rescripti Apostolici, procedere non posset, alios Iudices sibi dari postulauit; eisdemque petitioni Papa assensus est, ideoque scripsit ad quendam Abbatem, ac Priorem, si ita est, ut ipsi narratum fuit, & Thomas, postquam aduersarius eius Episcopi familiaris factus est, in eundem Iudicem non consensit, ipsi in causa secundum prioris rescripti tenorem procedant; alioquin partes ad priores Iudices reuertantur.

SUMMARIUM.

1. Si unus litigantium factus est familiaris seu domesticus Iudicis, hic ut suspectus recusari potest, nisi alia adfuerint, quae suspicionem excludant.
2. Facilius est recusari Iudicem, ut suspectum, quam testem.
3. Pars litigans non tantum in causa propria, sed etiam in causa ecclesiae potest recusare Iudicem, eo quod sit dominus, vel consanguineus aduersae partis.

NOTANDUM I. Si unus litigantium post litem contestatam factus est familiaris seu domesticus Iudicis, is ut suspectus recusari potest. Excipe: Nisi considerata persona Iudicis, & circumstantiis reliquis, appareat, sinistrae suspicioni locum non esse. Ita Barbat. hic col. 1. & consentiunt, quae dixi in c. causam, 17. hoc tit.

NOTANDUM II. Si Episcopus tanquam suspectus recusari possit, consequenter etiam Officialis eius, propter affectionem, quam erga Episcopum gerit, & causas & acta eius defendenda. Ita Abb. hic n. 2. Barbat. col. 2. Imò ait Gl. hic ver. familiarem, quam Barbat. col. 3. & alij sequuntur. Si dominus suspectus sit, totam eius familiam recusari posse: Et simili ratione si Iudex inimicus domini tui sit, potes eum ut suspectum recusare; quia videtur etiam te odisse, ut Abb. hic docet n. 6. argum. l. vn. C. Si quacunq; praeditus potestatem &c. Veruntamen, ut supra dictum, eiusmodi suspicio contrariis maiori-

bus coniecturis seu praescriptionibus superari & elidi potest, ut notat etiam Gl. hic ver. familiarem, & alia Gl. in c. cum H. 3. 5. quam ibi commendat Abb. n. 4. Felinus n. 4. eod. tit. facilius recusari Iudicem, ut suspectum quam testem, cum etiam frater contra fratrem testari possit, c. literas, de praesumpt. Cuius rei rationem afferunt ex necessitate: Quia plures plerumque Iudices haberi possunt, sed non testes. Addi potest, quod testes à Iudice examinentur, ut appareat, num vera dicant: sed Iudex in iudicio non habet, à quo examinatur: ut proinde ipsi facilius sit iniuriam inferre, quam testis. Vide Barbat. hic col. 4.

NOTANDUM III. Pars litigans non tantum in causa propria, sed etiam in causa Ecclesiae recusare potest Iudicem, eo quod sit dominus, vel consanguineus aduersarii. Ita Abb. hic n. 3. Imola n. 8. Neque obstat, quod aliquis in causa Ecclesiae suae Iudex esse potest, secundum Gl. in c. 1. ver. punire, de poenis, in 6. Ergo multò magis consanguineus, vel Dominus Rectoris ecclesiae in causa eiusdem ecclesiae Iudex esse potest. Rectè enim respondet Abb. Posse esse Iudicem, & valere eius sententiam, nisi ut suspectus repellatur.

CAPITVLVM XXVI.

Quærenti.

PARAPHRASIS.

Dubitatum erat, si delegatus Papæ aliquem excommunicarit, eo quod sententiæ à se latae parere noluerit, utrum enim, si postea parere velit, absolueret possit. Aliqui respondebant, quod absolvere eum non possit, cum officio functus sit: Alij verò, quod semper absolvere possit, eum iurisdictionem non amittit, donec sententiæ eius pareat. Sed Innocent. III. ita secundum æquitatem decernit: Quod delegatus Papæ non tantum tempore quadrimestri, quod Reo ad soluendum debito à Iudice concessum est, sed integro anno post

post latam à se sententiam iurisdictionem retineat ad eius executionem. Quia simili ratione si ob contumaciam Rei ante litis contestationem Actor in possessionem missus sit causa custodiz, annus conceditur contumaci, intra quem si appareat, possessionem recuperare possit; sed postea non restituitur, licet de proprietatis iure audiendus sit, c. quoniam, 5. §. in alijs, Vt lite non contestata &c.

S Y M M A R I U M.

1. *Iudex delegatus habet iurisdictionem, & eam distinctam à iurisdictione delegantis.*
2. *Condemnato actione personalis ad soluendum quatuor menses conceduntur; in realibus autem actionibus sententia, ubi in rem iudicatam transit, executioni mandari debet; in criminalibus statim executio, nec appellationis remedium admittitur in Imperio.*
3. *Iudex delegatus integrum annum habet ad executionem sententia à se late.*

NO T A N D U M I. Iudex delegatus habet iurisdictionem, eamq; distinctam à iurisdictione delegantis. Ita hic notant Abb. n. 2. Barbat. col. 2. & alij, & dixi supra contra quosdam, qui in l. ait Prætor, 5. ff. de re iudicata, aiunt, quod Iudex delegatus iurisdictionem non habet, sed duntaxat cognitionem, seu notionem.

NO T A N D U M II. Condemnato actione personalis ad soluendum quatuor menses hodie cōceduntur, c. quod ad consultationē, 15. de re iudic. l. 2. & 3. C. de vsuris rei iudicatz. Et numeratur hoc tempus à die latæ sententiæ, vel si ab ea appellatum sit, à die confirmationis prioris sententiæ, cit. l. 2. Cæterum in arbitrio Iudicis est, tempus hoc à lege concessum ex causa iusta arctare, vel prorogare, iuxta cit. c. quod ad consultationem. & l. 2. ff. de rei iudic. & videri potest Barbatia hic col. 5. In realibus autem actionibus, latæ sententiæ, mox vt in rem iudicatam transit, (videl. post decendum, si appellatum non est) exe-

cutioni mandari debet; nisi possessor statim restituere non possit, tum designato illi termino sufficienter cauere debet de restitutione faciēda, Infit. de off. Iudicis, ff. Et si in rem, & docet Gl. hic ver. quadrimestre tempus. Deniq; in criminali actione indulgeri nō solet, sed statim executio fieri, l. cum reis, 18. C. de pœnis. Ad qd, vt nec tempus decendij, quod comuni iure ad appellandum conceditur, necessariò expectandum sit. Quam praxin vt non alienam à iure defendit Barbatia hic col. 8. contra Gl. in cit. l. cum reis, ver. iuris sententiam, Abb. hic n. 4. post Bartolum in l. qui ultimo, ff. de appellat. Verum in Imperio criminaliter condemnatis appellationis remedium non conceditur.

NO T A N D U M III. Iudex delegatus integrum annum habet ad exequendam sententiam à se latam. Sed ad pleniorē doctrinam ita distinguendum cum Gl. hic, Abb. n. 7. Barbatia non longè à fine; Vel Iudex delegatus sententiam nondum tulit, & durat eius iurdictio semper; quia rescripta sunt perpetua, nisi reuocentur, c. si autem, 9. de rescript. vbi id dixi not. 1. Vel tulit sententiam, sed executus non est; & conceditur illi annus ad exequendum. Idq; intelligitur de anno continuo, qui continet dies 365. argum. l. cum hæres, 4. §. Stichus, ff. de statu liberorum, ex quo textu sumitur regula, quam hic tradit Abb. n. 3. Si in iure anni tempus definitum reperiatur, in dubio accipiendum esse de continuo. Vel denique sententiam executus est, & iurdictio eius expirat, c. in literis, 9. hoc tit. dummodò sententiæ eius paritum sit: Sin verò condemnatus paulò post ab executione recessit, iterum turbans victorem, perinde est, ac si non paruerit, argum. c. diuortium, 21. d. 1. de pœnit. Quare hoc casu delegatus reassumere potest iurisdictionem, non vt iterum de causa cognoscat, sed vt ad veram & stabilem executionem compellat, si annus nondum finitus sit, secundum doctrinam Gloss. hic ver. ad integrum annum.

Quærunr hic, vtrum etiam delegatus ab inferiore Ordinario, vel subdelegatus à delegato Principis sententiam à se latam exe-

qui possit, videl. intra annum. Negat Imola hic, in fine, post Bartol. l. à Diuo Pio, 15. ff. de re iudic. Sed Abb. hic n. 8. affirmat cum Gloss. in c. si quis contra, 4. de foro compet. Quia cum causa alicui absolute committitur, censentur omnia commissa, quæ ad eius executionem spectant. Quæ res ibi plenius examinanda erit.

CAPITVLVM XXVII.

Super quaestionum.

PARAPHRASIS.

Delegatus Papæ audientiam causæ commisit Titio, cognitione ac sententia sibi reueruata. Titius citauit Reum, qui comparere noluit, quod sine consensu suo deputatus esset auditor. Et pro defensione sua allegauit quandam Innoc. III. Constitutionem, in qua continebatur, Si alicui à Papa causa, remota appellatione, delegata sit, quod ipse eam subdelegare non possit, adempto remedio appellationis. Verum si delegatus ad nõ iurisdictionale articulum aliquem v.g. ad testium examinationem meram deputauerit auditorem, quod ab eo nequeat appellari, si de partium consensu datus fuerit. Vnde ex sensu contrario colligi videbatur, si de consensu partium datus nõ sit (vt in casu proposito) quod ab eo appellari possit. Per hanc suam cõstit. in primis ait Innoc. nequaquam derogari constitut. Alex. III. in c. cum te, 18. hoc tit. Nam Alexander locutus est in casu, quod delegatus Apostolicæ Sedis cognitionem alicuius articuli, seu articulum iurisdictionalem alteri, sententiæ sibi reueruata, subdelegauerit: quod per appellationem à subdelegato subdelegantis iurisdictione nequaquam suspendatur. Innoc. autem locutus est in casu, quo non causæ cognitio, sed nudum ministerium circa aliquem articulum, seu articulum nõ iurisdictionalis alicui à delega-

to Papæ, aut quocunq. alio Iudice committitur, quod ab eo appellari non possit, nisi formam mandati excedat, vel vt spectus recusetur, dummodò hoc casu non sit datus ex consensu partium.

SUMMARIVM.

1. *Delegatus Papæ potest principium, medium, & finem totius causæ consuetum & diuim subdelegare, quo casu à subdelegato appellari potest.*
2. *Si medium tantum causæ, v.g. testium depositiones alicui vt merito auditori committantur sine iurisdictione, ab eo nequit appellari, nisi fines mandati excedat, vel meritis suspectus sit.*
3. *A subdelegato in totam causam appellari debet ad Papam; à subdelegato autem non in totum, ad subdelegantem.*
4. *Auditor datus à delegato recusari non potest à partibus, nisi causa iust à totam delegato ostensâ.*
5. *Nemo præter Principem causam committere potest, remoto appellationis remedio.*
6. *Appellari ab Auditore non potest, recusari tamen potest, vt suspectus.*
7. *Delegatus ab inferiore ordinario, v.g. ab Episcopo, subdelegare non potest.*
8. *Potest tamen is, cui vniuersitas causarum commissa est, vnam aut plures causas alteri committere, non tamen totam vniuersalitatem causarum.*
9. *Facultas delegata Parocho v.g. absoluerendi à casibus reueruatis ab Episcopo, si ei ratione officij comperat, transiit ad successorem, & in certis casibus subdelegari poterit, non item, si ea comperat vt privilegium personale, & propter indultiam, vel singularem eius suauorem.*
10. *Inferior Principe non potest committere suo delegato, vt suo nomine subdeleger, potest tamen ei concedi, vt subdeleger nomine ipsius ordinari delegantis.*

LIII

Quo

Quo casu appellabitur non ad delegatum, sed ad primum delegantem.

11. *Delegatus à non Principe alteri causam, vel articulum causæ iurisdictionalem subdelegare nequit; potest tamen articulum non iurisdictionalem.*
12. *Si unus ex duobus à Principe, remota appellatione, delegatus, v. g. Filius Cais delegato vices suas committat, Cais non potest alteri causam delegare.*
13. *Neque potest procedere, remoto appellationis remedio.*
14. *Et si ab eo appellatur, ad primum delegantem appellari debet.*

INnoc. II. non negavit à subdelegato appellari posse, si principium litis, videl. litis contestatio, vel finis litis, videl. sententia definitiva, aut tota causa ei commissæ sit: Enimvero indubitatum esse debet, quod Papæ delegatus non tantum totam causam, sed etiam partes singulas causæ diuisim subdelegare possit: nihil obstante quod dicitur, Iudicem, antequam sententiam ferat, debere per se ipsum cognoscere & principium, & medium, & finem litis: Nihilominus enim, si sententiam sibi reseruauit delegatus, omnia quæ à subdelegatis acta sunt, diligenter inuestigare, & perpendere debet.

s. Verum.

SI delegatus Papæ causam totam vel partem eius alteri ut Iudici subdeleget, ab eo appellari potest. Sin autem medium causæ v. g. testium depositiones alicui ut mero auditori committat, ab eo appellari nequit: nisi fines mandati excedat, vel merito suspectus sit. Quare ne recusari possit, consultum est, ut ex partium consensu deputetur.

s. Porro.

IN casu, quo delegatus Papæ alteri tantquam Iudici subdelegat, distinguendum est, utrum totam causam committat: tum non ad ipsum, sed ad Papam appellari debet. An vero non totam, sed sententia ipsi subde-

leganti reseruata sit, tum ad subdelegantem appellabitur. Atque simili ratione si ab auditore in casu, quo id licitum est, appelletur, ad delegatum prouocari debet. Et bene monet Gl. hic, hæc locum etiam habere, tametsi delegato Principis causa commissæ sit, appellationis remedio non sublato.

s. Quem verò.

Auditor à delegato deputatus recusari non potest à partibus, nisi coram eodẽ delegato causam recusationis iustam ostendant.

NOTANDUM I. Iura iuribus consentire, & quantum fieri potest, conciliari debent; exponendo, & interdum per alia iura supplendo; cum non omnia eadem lege, aut canone contineri, & explicari possint. Ita sumitur ex c. cum expediat, 29. de elect. & l. non est nouum, 26. l. sed & posteriores, 28. ff. de legibus.

NOTANDUM II. Nemo, præter Principem, causam committere potest, remoto appellationis remedio.

NOTANDUM III. Delegatus Principis potest vel totam causam alteri delegare, vel aliquam eius partem. Sed si deleget partem, tum distinguitur, an sit articulus iurisdictionalis, v. g. litis contestatio, receptio testium, & articulorum, de quibus examinandi sunt testes; vel non est articulus iurisdictionalis, ita ut nudum ministerium v. g. testes examinandi, eorumque depositiones annotandi, committatur. Discrimen est, quod in priore casu commissarius censetur esse Iudex subdelegatus; in posteriore non est Iudex, sed merus auditor, & quodammodo executor.

QVÆRITVR hic primò: Utrum ab auditore appellari possit ad Iudicem delegantem? Respondeo & Dico I. Appellari ab eo non potest, tanquam à Iudice, cum Iudex non sit. Sed locus est appellationi extraiudiciali, si indebitè grauetur, aut limites commissionis suæ excedat, sicuti limites de mero executore dicitur in c. nouit, 43. de appellat.

Dico I. Si datus auditor queritò suspectus

sint absque speciali consensu Ordinarij, propterea quod illis facultas absolvendi non ratione officij, sed merè delegato seu commissio iure competat. Idemque eadem ratione dicendum est de facultate assistendi matrimonijs, tametsi ea à Parocho generaliter delegata sit Cooperatori, quod sine expressa aut facta licentia Parochi, seu Ordinarij alteri Sacerdoti, etiam in speciali casu, committere non possit, licet cōtrarium sēserit Sanchez cit. disp. 31. n. 21. Sed quod dixi, probatur ex Concil. Trident. sess. 24. c. 1. de re-form. matrim. Ratio autem est: Quia delegatus ad vniuersitatem causarum non potest subdelegare, nisi ratione eius delegationis sibi factæ censetur officium veluti ordinarium habere. Quod de Cooperatoribus operam suam, veluti locantibus Parocho præsentari dici non potest. Accidit, quod facultas illa subdelegandi, quæ delegatis ad vniuersitatem causarum competere dicitur, ex iure vel consuetudine vim iuris habente provenire debet. Non est autem consuetudo in ecclesijs, ut Cooperatores Parochorum sine eorum præsentium consensu alicui committant eiusmodi potestatem.

Tertia limitatio est Gl. in c. is cui, 12. ver. per alium, eod. tit. in 6. Bartol. in l. more, 5. ff. de iurif. Abb. in c. cum causam, 62. n. 4. de appellat. Syl. ver. delegatus, q. 8. dicto 3. & aliorum apud Sanchez cit. disp. 31. n. 6. Quod delegatus ab inferiore ordinario subdelegare possit, si ipsi id concessum fuerit. Contrarium verò docet Archidiaconus, in c. quamvis, eod. tit. in 6. Cardinal. Zabarella in Clem. 1. hoc tit. q. 12. Quia iudicem dandi potestas nemini competere debet, nisi id à lege vel Principe concessum sit: siquidem iurisdictionem à superioribus ad inferiores gradatim descendere oportet. Atqui leges, & Principes non nisi ordinarijs, & à se delegatis Iudicibus facultatem tribuunt Iudices constituendi, l. more, 5. ff. de iurif. dict. l. à Iudice, C. de iudicijs, & cit. c. cum causam. Ergo delegatis non Principi talis facultas competere non potest. Hæc sententia non inani fundamento niti-

tur: Sed quia prior in praxi recepta est, uti testatur Gl. margin. in cit. c. is cui, quod frequenter Episcopi causam committant cum clausula, *per te, vel per alium*, ideo præstat, ut dicamus cum Dominico in cit. c. is cui, in fine, Felino in hoc c. §. Si verò, n. 18. Licet inferior Principe committere non possit delegato suo, ut suo nomine subdeleget: posse tamen ipsi facultatem dare, ut subdeleget nomine ipsius ordinarij delegantis: Ut proinde tertius non accipiat iurisdictionem à secundo, sed à primo: quamobrem ab illo nunquam appellabitur ad secundum, seu ad delegatum, sed ad primum delegantem, ut bene colligit Zabarella loc. cit. & docet Abb. in c. cum Bartolo, n. ult. de re iudic. Felinus in hoc c. §. Porro, n. 12. Atque hæc doctrina, & praxis probari potest ex l. vnus ex familia, 61. §. Si de Falcidia, ff. de Legat. 2. vbi habetur, si hæres iussus sit eligere vnum ex familia Titij, quem ipse voluerit, ad legatum fundum capiendum, legatarium non ab hærede, sed à testatore beneficium capere. Item ex l. non distinguemus, 32. §. Quæsitum, ff. de receptis qui arbitrium, vbi dicitur, quod arbiter arbitrium, vel partem eius alteri delegare non possit, ne in infinitum abeat, & vix vnquam arbitrium dicatur, si vnus alteri committere velit: posse tamen alterum ex partium consensu, seu compromisso alterum statuere, seu designare, per quem arbitrium dicatur. Simili itaq; ratione Episcopus v. g. delegare potest causam Titio, adiecta facultate, si per le cognoscere nolit, ut aliam idoneam personam designare possit, per quam cognoscatur seu tota, seu pars eius.

Neque obstat huic doctrinæ, quod obijcit Zabarella cit. q. 12. Quod iudex certus, non incertus delegari debeat, argum. c. ad hæc, 10. de re scriptis. Respondetur enim cum Felino cit. §. Si verò, n. 13. ad 2. Iudicem certum fieri per designationem delegati: nam per eam designationem, tanquam conditionem cum qua & sine qua non cōferatur illi iurdictio à primo delegante. Quamobrem consultum est addere in commissionibus: *Committito tibi hanc causam exercendam per*

te, vel per alium, quem ad id elegeris, cui ex tunc potestatem cognoscendi committo. Ad ead. hæc respondetur, ibi solum cauere, ne opus fore electio Iudicis delegati vni partium committatur.

Corollarium. Tamen si Cooperatores Parochorum alteri facultatem confessiones audiendi committere non possint, quandoquidem absoluedi potestas ipsis commissæ est, non item potestas delegandi, vti bene notauit Suarez p. 3. t. 4. disp. 26. sect. 1. n. 4. tamen nihil obstat, quin Parochus Cooperatori suo mandare possit, si v. g. in hac Ecclesia sua, ad quam ipsum mittit, consentientium copia requiratur, vt quemcumque approbatum sacerdotem nomine ipsius Parochi constituat ad confessiones ibi recipiendas, vti etiam dixi lib. 5. tr. 6. c. 10. n. 14. Eandemque potestatem dare poterunt Vicarij, quibus loco absentis Parochi cura totius Parochiæ commissæ est, de quibus dixi supra, & videtur potest. Tabiena ver. absolutio, t. 9. 14. in fine, & ver. excommunic. 5. casu 15. n. 4.

¹¹ Quartò limitatur. Licet delegatus à non Principe alteri causam, vel articulum causæ iurisdictionalem subdelegare nequeat, potest tamen committere articulum non iurisdictionalem, constituendo v. g. aliquem meum auditorem, seu examinatorem testium. Ita habetur in hoc c. ver. Nos autem, vbi significatur, quod non tantum Papæ delegatus, sed quicumque Iudex auditorem, vel executorem ad aliquem causæ articulum eò. statuere possit. Dicitur autem articulus iurisdictionalis, qui causæ cognitionem continet, idèoque iudicis personam requirit: articulus verò non iurisdictionalis, qui non causæ cognitionem sed nudum ministerium, vel executionem aliquam habet, idèoque etiam in alia, quam Iudicis persona sumari potest, secundum doctrinam Gl. communiter receptam in Clem. vn. ver. Iudices, hoc tit. vbi exemplum affert: Si testes recepti sint, atque iurati, & articuli, super quibus producantur examinati, & interrogatoria formata, cum ipsi testium examinatio & auditio, cum nudum ministerium contineant, ad eò vti etiam

sesto die exerceri possit, à quolibet seu ordinario seu delegato Iudice committi potest. Quia dicit Abb. hic n. p. Sed ipsam testium receptionem, cum nondum approbati sunt, nec interrogatoria formata, non potest Iudex alteri committere, nisi sit ordinarius, vel à Principe delegatus, quia continent articulum iurisdictionalem, vti colligitur ex cit. Clem. vn.

Corollaria. Ex his defendi potest, quod docuit Vivaldus in Appendice Candelabri c. 14. n. 40. Licet Regularæ v. g. qui ex Pontificio privilegio dispensare vel commutare possunt vota, alteri committere, seu subdelegare non possint, quia eiusmodi facultates dispensandi aut absoluedi non habent ratione officij, aut quasi ordinarij, sed iure speciali: posse tamen eos, si causa rationabilis, v. g. multitudo consentientium cogat, ita dicere consentienti suo: *Commuto tibi hoc votum in opera, qua vir ille doctus tibi desig nari censuit sententiâ te stare volo.* Quia mera operum designatio, adeoque nudum ministerium alteri committitur: Sicuti si Confessarius virtute cæsum in iungat penitenti ea penitentis opera, quæ vir ille iusta esse arbitratus fuerit. Quamuis huiusmodi facultatibus, tanquam in Ecclesia non vtitis, raro & non nisi ob aliquam necessitatem vtendum sit.

Huc etiam spectat, quod tradit Nauar. in man. c. 27. n. 45. quod delegatus ab Episcopo, vel subdelegatus à delegato Papæ, postquam causam excommunicationis v. g. sibi commissam cognouit, & Reum absoluedum esse decreuit, simplex ministerium absoluedi cuique sacerdoti committere possit, arg. c. huius.

Denique huc spectat, quod docet Sanchez cit. lib. 3. disp. 3. n. 20. Si Vicarius generalis alicui sacerdoti committat, vt receptis testibus, ac informatione de habilitate personarum assistat matrimonio earum, licet hanc testium receptionem alteri delegare non possit, cum sit actus iurisdictionalis, ipsam tamen assistentiam & coniunctionem sponso- rum alteri committere non prohibetur, cum sit nudum ministerium, non actus ali-

cuius iurisdictionis, vti docui lib. 5. tr. 10. p. 2. c. 4. n. 5.

S. Si verò.

SI vnus ex duobus à Principe, remota appellatione, delegatis, v. g. Titius Caio condelegato vices suas commisit, Caius non potest alteri causam delegare: Neque potest procedere, remoto appellationis remedio: quod si ab eo appelletur, non ad Titium condelegatum, sed ad primum delegantem appellari debet.

Tria sunt asserta. Primum ita probari debet: Licet delegatus Principis subdelegare possit, non tamen potest hanc iterum subdelegandi potestatem in subdelegatum transfundere. Atqui Caius in proposita causa est subdelegatus à Titio Principis delegato: Ergo alteri committere non potest. Maior probatur: Tum quia facultas subdelegandi est priuilegium personale Principis delegato specialiter concessum: Ergo non potest ad alterum transfundi. Tum quia priuilegium non debet extendi ad casum diuersum: est autem aliud subdelegare, & aliud dare facultatem subdelegandi: Ergo ex eo, quod prius concessum est Principis delegato, non sequitur, etiam postariis concessum esse.

Dices. Cum Caius hoc casu duplici iure Iudex sit, vt delegatus, & vt subdelegatus, poterit iurisdictione in hac causa alteri committere vt delegatus Principis, & retinere vt subdelegatus. Respondeo, Id fieri non posse. Partim, quia iurisdictione, quando in vnā personam translata est, indiuidua manet, vt non possit vna ratione transferri, & altera retineri. Partim quia Titius voluit vices suas delegare Caio Coadiudici suo, & Caius ita acceptauit. Si autem Caius iurisdictionem suam alteri committat, tum desinet esse Iudex, atque fieri poterit, vt alter ille discordet in sententia ab ipso Caio: quod repugnat priori subdelegationi factæ à Titio. Cæterum Caius iste non prohibetur sibi adhibere assessorem, non conferendo illi partes iudicandi, sed consilium dandi, iura explicandi.

Alterum ita declaratur ab Innoc. III. in hoc §. Licet delegatus à Principe, propter adiunctas clausulas, solus procedere posset, remota appellatione, si videlicet alter delegatus impeditus fuisset: non tamen potest ita procedere, si subdelegationem à socio acceptauit. Cum enim iurisdictione eius indiuidua sit, vnāque sententiam proferat, si ab ea appellari non posset, consequens foret, quod subdelegatus procederet remota appellatione: Id verò absurdum est: cum priuilegium istud soli Principis delegato vt personale, & alteri incommunicabile competere possit.

Tertium ita probari debet: Cum iurisdictione indiuidua sit in persona Caii, necesse est absurdum sequi, si dicamus ab eo ad Titium subdelegantem appellari posse. Vel enim tota causa ei à Titio commissa est, vel pars. Si primum, cessauit eius iurisdictione: Ergo ad ipsum non appellatur, iuxta §. Porro, hoc e. Si secundum, iterum appellari non potest: quia appellatio est ad superiorem Iudicem, non ad parem, vti hic Gl. docet ver. si non possunt, & DD. in l. 1. §. si quis, ff. de appell. Titius autem & Caius sunt pares in hac causa: Ergo, &c.

Corollarium: Transferri huc potest axiomata Philosophorum. Quod effectus sequitur deteriorem partem suam causam. Seu, quod *perfectum ex integra causa: Imperfectum autem ex quolibet defectu existit*. Diximus enim, quod delegatus Principis, propter admixtionem imperfecti, videlicet subdelegationis acceptæ à socio, ea præstare non posset, quæ alioquin ratione delegationis suæ posset. Videri hic potest Abb. & Barbat. col. 2. huius §.

§. Eius ergo.

Continet repetitionem eorum, quæ dicta sunt princ. huius c. & §. verum. Videlicet. Tamen si Auditor absque partium consensu datus sit, non esse locum appellationi: nisi is vt suspectus recusetur, vel partes iniuste grauet, tum causa recusatōis, vel grauamen eorum delegato probari debet: quod si eam, cum iusta sit, admittere recuset, & ad audito-

rom

rem partes compellat, tum appellare possunt ad Principem delegantem; & quod interim actum fuerit, pro irrito haberi.

NOTANDUM Vn. Ab auditore non appellatur, cum Iudex non sit sed causa recusationis, vel grauamen deferretur ad Iudicem, qui Auditorem dedit. Sin autem is iustam recusationis vel grauaminis amouendi causam admittere nolit, tum ab eoad superiorem Iudicem appellari potest.

CAPITVLVM XXVIII

Pastoralis.

PARAPHRASIS.

Cum delegato Principis ipsa lege concessa sit iurisdicção ad subdelegandum alteri, ideo recipere recusantem compellere potest, modo non malitiosè se ipsum subtrahere, & exonerare intendat. Alioquin, nisi delegatus coërcitionem aliquam haberet, eius in hac re potestas ac iurisdicção inutilis foret. Cauere tamen debet delegatus, vt, si postulatè necessitate, personis superioribus causam delegandam arbitretur, in coactione inferenda dignitatis rationem habeat.

SUMMARIUM.

1. *Delegare vel subdelegare causam contentiosam est actus iurisdictionis.*
2. *Delegatus Principis, id est, Superiorem nullum agnoscens, causam sibi commissam delegare potest cuiusque personæ habili, cui ipse delegans committere posset.*
Imò subdelegatum compellere potest ad suscipiendam subdelegationem; nisi malitiosè onus in ipsam exoneret.
3. *In coactione tamen, & pœna illatione haberi debet ratio dignitatis personæ.*
4. *Delegatus causam totam, & partem eius alteri subdelegare potest, renitentem autem acceptare, potest ad acceptandum compellere & punire.*

5. *Rescriptum posterius contrarium priori, nulla facta mentione renouationis, subreptitium censetur, nisi Papa ex certa scientia posterius rescriptum mittat.*
6. *Iudex appellationis, qui confirmat sententiam, quam alius tulit, non mandatur executioni, sed prior iudex, ut iudicium, ubi caprum est, etiam perficiatur.*
7. *Ordinarium, & alius, qui inter exactor est, ad mandatum delegati sententiam exequi debet, nisi manserit in iustam esse ei constet, saltem in causa criminalis tunc enim non debet exequi, sed ad Superiorem seu iudicem referre.*
8. *Delegatus eum, a quo impeditur malitiosè, vt nequeat die statuta procedere, punire, & causam alteri iudici neutri parti suspecto, ad eandem diem cognoscendam, remota appellatione, committere, nisi partes licite prorogent.*

NOTANDUM I. Delegare, vel subdelegare causam contentiosam est actus iurisdictionis, uti habetur in l. 3. ff. de iurisdicção. *Iurisdicção est Iudicis dandi licentia.* Quare nemini competere potest, nisi iudiciaria potestate præditus sit: quia nemo alteri dat, quo Iipse non habet, seu nemo plus iuris in alterum transferre potest, quam ipsi competere noscatur, reg. 79. in 6.

NOTANDUM II. Delegatus Principis, id est, Superiorem nullum agnoscens, causam sibi commissam delegare potest cuiusque personæ habili, cui ipsemet delegans secundum iura committere posset, iuxta e. statutum, in princ. & §. in nullo, de rescript. in 6. Imò si causa aliqua subdelegando appareat, aut præsumi queat, cogi potest alter ad suscipiendum: Præterquam si videat, quod ille malitiosè onus, v. g. odium seu periculum offendendæ partis in ipsum deriuare intendat, tunc acceptare non cogitur: Imò generatim dici potest, quotiescunque eadem causa recusandi militat in subdelegando, quæ est in delegato, quod subdelegandus acceptare non cogatur. Vide quæ dixi in c. 3. not. i. hoc tit.

Porro

Porro maior necessitas requiritur, ut delegatus superiorem suum cogere possit ad causam sibi à Principe commissam suscipiendam: Et in ea ipsa coactione, aut pœnæ illatione dignitatis rationem habere debet, iuxta ea quæ dicta sunt supra in c. sanè, 11. hoc tit. Et videri possunt, quæ hic congerunt Barbatia col. 4. Felinus n. 1. & seq. de personis nobilibus, aut in dignitate constitutis plerumque mitius puniendis, saltem pœna corporali, aut simili: nam talis pœna in maiore seu digniore persona maior censetur. Verum in quibusdam casibus delictum specialiter aggravatur, propter delinquentis dignitatem & auctoritatem, ut in perfidia, perisurio: quare & pœna augei debet, iuxta c. cum quidam, de iureiur. 12. iun. Gl. ver. dignitate. Rectè autem Gl. hic ver. si coercitionem, ostendit, quod Princeps delegatus ex iusta causa cogere possit subdelegatum, & acceptare renitentem punire. Quia delegare est mandare, seu præcipere: quamobrem fieri non potest, nisi erga personam iurisdictioni delegantis subiectam, uti habetur in l. vn. C. Qui pro sua iurisdictione, &c. Atqui potestas præcipiendi sæpe inutilis esset, & illusoria (ut in seq. etiam c. habetur) nisi adiunctam haberet potestatem pœnam inferendi, saltem modicam, seu leuem. Est enim alia punitio maior, quæ directè infertur personæ per tormenta, carcerem, sibi subtractionem; alia modica, quæ est pecuniaria multa, uti ex Baldo hic refert Imola n. 6. Abb. n. 9. Sed & Ecclesiastica censura, præsertim excommunicatio ad maiorem coercitionem spectat: Imò etiam bonorum confiscatio, aut magnæ bonorum partis privatio: siquidem quia etiam ea in personæ notabilem afflictionem redundat.

s. Item cum.

- 4 Sicuti delegatus causam totam alteri subdelegare potest, ita & partem seu articulum aliquem v.g. partium citationem, & renitentem compellere, ac punire.

Probat: Quia quod iuris est in toto quoad totum, idem iuris est in parte quoad

partem, l. quæ de tota, 76. iun. Gl. ver. dicta sunt, ff. de rei vindic. Et habet hæc regula locum, inquit Abb. hic, si eadem sit ratio partitis, quæ totius: v.g. Qui mala fide fundum alienum possidet, debet eum cum fructibus omnibus restituere, ergo etiam qui partem fundi alieni mala fide possidet, cum fructibus eius restituere cogitur.

s. Præterea.

Papa aliquibus commissit causam, remota appellatione. Sed Titius conuentus nihilominus appellavit ad Pontificem, isque causam alijs iudicibus postea delegavit, querebatur, utrum priorum Iudicum iurisdictioni & sententiæ eorum executio suspensa censeretur? Respondet Papa Innoc. Si Papa ex certa scientia appellationis causam alijs iudicibus committat, tum censendum esse revocare iurisdictionem priorum Iudicum, ut interim executio sententiæ suspensa esse debeat, donec de causa appellationis cognitum fuerit.

N O T A N D U M Vn. Licet rescriptum posterius, quod est contrarium priori, nulla facta mentione revocationis, subreptitium censeatur, iuxta c. 3. de rescript. tamen hæc regula limitari debet, nisi Papa ex certa scientia posterius rescriptum mittat, tum censetur priori derogare, quatenus contrarium est. Ut in proposito casu; Papa delegaverat causam, appellatione remota: postea admissa appellatione rescriptis ad alios Iudices, ut de eius iustitia cognoscerent, hoc casu, si vel in rescripto posteriore addita sint verba, *ex certa scientia*, vel ex adiunctis seu alijs narratis appareat, Pontificem sciuisse, quod causa prius commissa fuerit, appellatione remota, priorum iudicum iurdictio, & sententiæ latæ executio interim suspensa esse debet.

Q UÆR E S I. Si tantum suspensa est iurdictio priorum iudicum, donec posteriores cognoscant, quare dicit hic Pontifex, iurisdictionem priorum Iudicum revocari? Respondeo, Revocari non absolutè, sed secundum quid, quatenus ipsis concessa erat, remota appellatione.

Q UÆR E S II. Si posteriores Iudices
contra

contra appellatam cognoscant, vtri iudices latam prius sententiam exequi debeant? Resp. Hanc q. tractat hic Innoc. n. 7. ver. donec, Imola n. 14. Resp. cum Abbat. hic n. 7. Barbat. col. 2. arg. c. cum in Ecclesia, 38. de appellat. vbi Gl. ver. alioquin, regulam tradit, *Quodd Index appellationis, qui confirmat sententiam, quam alius tulit, non mandat eam executioni, sed remittit ad priorem: vt videl. iudicium, vbi latum est, etiam perficiatur, quamuis aliter docuerit idem Abb. in cit. c. cum in Ecclesia, n. 8. sed tu vide Gl. magnam, & quæ ibi dicuntur in c. 1. de appellat. in 6, Tholosan. de appell. lib. 2. c. 14. n. 19.*

s. Quia verò.

Si Iudex delegatus sententiæ à se latæ executionem Ordinario demandet, is autem sciat iniustam esse, nihilominus exequi tenetur, nisi obtinere possit, vt onus executionis sibi auferatur. Ratio est: Quia non-cognitio, sed mera executio ei demandata est: Ergo obsequi debet delegato, tanquam qui ipso in hac causa maior seu superior est.

Aduerte, quod Iudex differat ab executore. Nam Iudex principaliter datur ad cognoscendum, & sententiam ferendam, accessorie autem, & consequenter ad exequendum. Executor verò principaliter datur ad exequendum; quamuis interdum accessorie cognoscere debeat, vt mox dicam. Est enim alius executor merus, & alius mistus, secundum Gl. hic ver. et si sciat, Imolam n. 19. Merus executor dicitur, cui nulla cognitio, sed sola executio causæ plenè cognita, & decisa committitur, & ipse nullas exceptiones admittere potest, vti colligitur ex l. sicut propositis, 6. C. de executione rei iudicata, & docet Gl. communiter recepta in c. de cætero, 5. de re iudic. Si tamen manifestò constet, errorem commissum esse, aut fraudem interuenisse, non debet exequi, sed ad Superiorem, seu Iudicem referre, iuxta c. 2. de crimine falsi, & videri potest Suarez de censuris disp. 3. sect. 15. n. 6. Executor mistus dicitur, cui non mera executio, sed etiam cognitio de facienda executione committitur. De hoc

sermo est in l. 4. C. si contra ius, &c. *Et si non cognitio (causæ principalis) sed executio mandatur, de veritate precum inquiri oportet, vt si fraudis interuenierit, &c.* Talis est executor, qui à Papa per rescriptum deputatus est ad conferendum alicui beneficium, vti colligitur ex Clem. vn. hoc tit. iun. Gl. ver. executores, quæ inde colligit, quod isti deputati ad exceptionem habeant iurisdictionem delegatam. Et de hoc executore misto dicendum, quod exceptiones admittere, & de ijs cognoscere, quæ sunt ad impediendam, aut minuendam executionem, vt si deputatus sit ad executionem imperatæ solutionis, & reus conuentus compensationis factæ exceptionem obijciat, de ea cognoscere poterit. At verb de exceptionibus, quæ sunt de iustitia causæ, cognoscere ipse non potest, nisi in eum finem, vt intelligat, an ob eam causam ad Superiorem remittere debeat, iuxta c. de cætero, 5. de re iudic.

Quodd si verò Iudex de statu rei informatus nihilominus executionem imperet, obedire debet executor, etsi sciat sententiam iniustam esse, sicut hic Innoc. docet.

Sed pro pleniori huius doctrinæ intellectu ita distingue: Vel sententia iniuste lata est in causa ciuili, vel criminali: Si hoc secundum, ita vt agatur de occisione, vel mutilatione hominis innocentis, executor, v. g. Minister Iudicis, exequi non potest, vti hic Felinus notat n. 24. & docui lib. 3. tr. 6. c. 2. n. 8. s. ob eandem, quamuis aliqui nullum discrimen agnoscant inter causam ciuilem, & criminalem, vti videre licet apud Imolam hic n. 32. & seqq.

In causa ciuili iterum distingue: Vel sententia Iudicis non tantum iniusta est, sed etiam irrita, quia lata est contra iura manifestata, vel nullo iuris ordine obseruata: Et tunc executioni mandari non debet, quia tunc non agit vt Iudex, arg. c. forus 10. de verb. signif. & ex communidocet Imola hic n. 28. Abb. n. 4. Suarez loco cit.

Vel sententia valida est, quamuis iniusta seu contra ius partis litigantis, tunc denuo distinguendum: Velenim sententia est tantum materialiter iniusta, quia Iudex secundum

M m m m d m

dum publica acta & allegata iudicauit, tunc executor, si facile errorem ostendere non possit, recte eam exequitur, iuxta ea quæ dixi cit. c. 2. n. 8. & tradit Suar. cit. sect. 15. n. 7. ubi id declarat in sententia excommunicationis, si executori mandetur, ut eam denuntiet, qui scit materialiter iniustam esse, latam tamen secundum allegata & probata: imò etiam si de hoc dubitet, & executionem subterfugere non possit. Quia in causa dubia Superiori parendum est, arg. huius §. *Quia non cognitio, sed executio mandatur eidem.* Vel est formaliter iniusta, quia Iudex ex imperitia, aut dolo ita iudicauit, tum deputatus ad exequendum, si onus à se rejicere non possit, neque etiam tanquam grauatus ad Superiorem facile appellare, tum exequi potest. Ratio est. Quia veluti iure debitum est, ut postquam sententia in rem iudicatam transiit, executioni mandetur. Condemnatus autem partim sibi imputare debet, quòd intra tempus ipsi concessum non appellarit: partim verò adhuc remedium habet, ut contra Iudicem agat ad damni illati refactionem, uti hic Gl. notat ver. sciat, in fine, Abb. num. 5. & docui cit. cap. 2. quæst. 3. num. 10. Quia sententia Iudicis, à qua appellatum non est, non ita transit in rem iudicatam, ut naturalis obligatio tollatur, iuxta l. Iulianus, 60. ff. de condict. indebiti, ubi dicitur, quod sententia iudicis debitorem absolviendo, non faciat, ut non sit debitor.

Porro quod Syl. monet ver. Iudex, 1. in fine, Iudicem delegatū, qui ex necessitate cogitur causam suscipere, si per imperitiā erret in iudicando, excusatū esse, quando assessoris, seu consiliarij, qui pro idoneo haberi solet, consilium secutus fuit; hoc non ita locum habet in delegatis Papæ, quippe quibus ratione dignitatis suæ, in qua constituti sunt, incumbit, ut se idoneos reddant ad causarum sibi delegatarum cognitionem. Verum tamen est, quòd delegatus, sicuti & ordinarius Iudex, quandoque excusetur, si in re dubia aliorum Doctorum, seu Consiliariorum sententiæ bona fide acquiescat.

s. Cùm autem.

Accidit interdum, ut partes malitiosè citati sunt, à Rege vel Archiepiscopo euocari; decernit Innoc. si Iudici delegato talis fraus partis litigantis perspecta fuerit, eam competenter puniat, & ne commodum ex malitia sua reportet, causam alteri iudici neutri parti suspecto ad eundem diem cognoscendam, remota appellatione committat: nisi utraque litigantium pars consentiat, ut lis prorogetur.

NOTANDVM Vn. Casus est specialis, in quo subdelegatus à delegato Papæ procedere potest, remota appellatione, ipso iure talem facultatem committente. Ratio afferitur: Quia æquum non sit, ut pars una ex propria fraude commodum ferat, cum alterius partis incommodo. Quæ ratio tum maxime locum habet, si etiam Iudici delegato causa commissa fuerat, remoto appellationis remedio.

CAPITVLVM XXIX.

Ex literis.

PARAPHRASIS.

Controuerfia de canonicatu erat inter Antonium, & Canonicos S. Iustinianæ: Eam Pontifex ad petitionem Canonicorum commisit Præmicerio Grandensi, & Plebano S. Sophiæ: Postea verò Antonius alias literas super eadem causâ impetrauit ad Archipresbyterum Paduanum: Is procedens in ea causa, in Canonicos S. Iustinianæ excommunicationem promulgari curauit, eò quòd Antonium in Canonicum recipere nollent. Sed priores illi deputati Iudices mandarunt Patriarchæ Grandensi, ut dictos Canonicos excommunicatos non esse declararet, ac denuntiaret; eò quòd literæ posteriores, in quibus de prioribus nulla mentio fiebat, subreptitiæ essent, per quas nulla Archipresbytero potestas collata sit. Cùm verò Patriarcha mdatum exequi veller, Archi-

Archidiaconus Castellanus obstitit, & impediuit, ne literæ eius pro publica concione legi possent: quam obrem à Patriarcha, vnâ cum Ecclesia eius, interdicto subiectus est. Hac quæstione ad Papam Innoc. III. relata, alijs delegatis Iudicibus mandat, vt si veritate inquisita, ipsis constiterit, quod in literis secundis expressa mentio facta non sit de prioribus, tum sententiam interdicti latam à Patriarcha confirment, & obseruari faciant, donec eidem Patriarchæ de illata iniuria sufficienter satisfactum sit: Quandoquidem priores iudices potuerunt causæ illum articulum subdelegare Patriarchæ, consequenter is coercitionem habuit erga volentes eum impedire, cum alioquin iurisdicção inutilis & illusoria foret. Sin autem constiterit, priores literas per secundas legitime reuocatas fuisse, tum sententiam interdicti irritam pronuntient: propterea quod priores iudices, potestate sua in hac causa priuati, nullam iurisdictionem, aut coercendi potestatem deriuare potuerint in Patriarcham. Ita habetur secundum integram huius c. lectionem.

SUMMARIUM.

1. *Subdelegatus Papa, non merus executor, potest coercere seu punire inobedientes & impediētes eum in exercitio iurisdictionis.*
2. *Qui ob manifestam iniuriam contraxit censuram, non debet prius ab ea absolui in externo foro, quam parti læsæ satisfecerit.*

NOTANDUM I. Literæ posteriores in eadem causa impetratæ ad alios iudices, censentur subreptitiæ, si in ijs non fiat mentio literarum priorum. Ita etiam habetur in cap. 3. de rescript. & cap. 2. de dolo, & contumacia.

His addi debet, quod non sufficiat fieri mentionem literarum, non obstantibus literis, si quas alijs dedimus, sed opus esse mentione speciali literarum ad priores iudices in hac causa datarum, vti constat ex c. bonæ,

3. de confirmat. vtili & inutili: Nam reuocatio potestatis delegatæ censetur esse odiosa, quia cedit in cōtempum priorum iudicum, nisi causa afferatur, cur talis mutatio facienda sit, arg. c. vt debitus, 69. de appellat. & videri potest Barbat. hic col. 1. & 2. l. mola n. 6.

NOTANDUM II. Subdelegatus Papæ potest coercere, seu punire inobedientes, atque impedire eum volentes in exercitio iurisdictionis. Id verò intelligi debet, si non nudum ministerium aut mera executiū cui demandata sit, sed articulus aliquis iurisdictionalis. Quare colligere debemus, Patriarchæ non fuisse mandatum, vt declarationem à prioribus Iudicibus de nullitate excommunicationis factam duntaxat promulgaret: sed vt post causam ab ipso cognitam promulgaret. Alioquin enim, si Patriarcha merus executor seu Minister fuisset, non potuisset dicere Innoc. eum iurisdictionem à Iudicibus ipsi hanc causam delegantibus accepisse, & ideo coercitionem habuisse, cum iurisdicção sine potestate coercendi delusoria sit. Ita bene notauit hic Barbat. col. 8.

NOTANDUM III. Qui ob manifestam iniuriam censuram contraxit, non debet prius ab ea absolui in externo foro, quam parti læsæ satisfecerit. Ita habetur etiam in c. ex parte, 23. & seq. de verb. signif. & c. 2. de sent. excom. in 6. & notat Gl. hic ver. satisfactum, Abb. in c. cum contingat, 3. d. n. 1. hoc tit. Sed vide quæ dixi lib. 1. tr. 5. p. 2. c. 6. q. 2. dicto 4.

CAPITVLVM XXX.

Licet vndique.

PARAPHRASIS.

Papa tribus Iudicibus causam commiserat adiuncta clausula, si omnes interesse non possint, vt duo exequantur: Postea vnus Iudicum alteri vices suas commisit: tertius autem vt suspectus merito recusatus fuit. His positis, ille qui vices suas commisit, è vita excedit, quæritur hoc casum superstes collega in causa procedere possit tum suo, tum defuncti nomine. Respon-

Mmm 2 det

der Innocent. III. distinguendum esse: Si ante mortem illius iurisdictione uti non cepit, non potest solus iudicare: quia mandatum seu delegatio ipsi facta morte mandantis expiravit, cum res integra esset: si autem ante mortem mandantis iurisdictione mandata uti cepit, procedere potest iudicando suo, & alterius iam defuncti, nomine.

S Y M M A R I U M.

1. *Iurisdictione delegata, aut subdelegata morte committentis expirat, si res tunc integra sit.*
2. *Expirat etiam subdelegati iurisdictione, ut integra, si causa delegata sit à Principe alicui ratione dignitatis sua, eo deposito, vel renunciantis, aut ad aliam dignitatem translatam.*
3. *Idem est, si alicui à Papa causa delegata sit intuitu personae, si ea deposita sit à dignitate, vel Canonice: seu si est, si dignitati, vel Canonice renunciantis, vel aliò translata sit.*
4. *Si primus delegans mortuus est, vivas vero delegatus; subdelegati iurisdictione non expirat, causa nondum cepta: mortuo autem delegato, & superstiti primo delegante, extinguitur subdelegati iurisdictione, si ea nondum vii ceperat.*

NO T A N D U M I. Et si in rescripto positum sit, ut duo procedant, nihilominus unus alteri vices suas committere potest, ita ut ille duplici iure ac nomine in causa procedat. Quae de re dictum est supra.

2. **N**O T A N D U M II. Iurisdictione delegata, aut subdelegata morte committentis expirat, si causa tunc integra sit, seu nondum cepta per citationem partis, uti dictum est supra in c. gratum 20.

QU A R T U S primò: Si iudex delegatus à dignitate depositus sit, vel renunciavit, utrum subdelegatus procedere possit, si res integra sit. Respondeo & dico I. Si causa à Principe delegata sit intuitu dignitatis sue,

eo deposito, vel renuntiante, aut ad aliam dignitatem translatam, expirat iurisdictione subdelegati ab ipso, si res integra sit. Ita docet Gl. hic ver. re integra, quam sequitur Imola hic num. 25. Quia mors naturalis & civilis æquiparantur, quando eadem militat ratio, ut in casu proposito: Quandoquidem æquè per depositionem, ac per mortem naturalem iurisdictione delegata aufertur, si in dignitate eius fundata sit.

Contrarium tamen ex Hostiensis docent hic Abb. num. 7. Barbat. col. 10. Nam hoc casu delegatus censetur eo iure causam subdelegare, quo eam accepit: accepit autem eam iure dignitatis, non personali: quare cum dignitas per depositionem non expiraret, consequens est, ut nec subdelegatio eius intuitu facta expiraret, argum. c. si gratiosè, 5. de rescript. Resp. maiorem esse negandam. Quia, ordinariè loquendo, delegatio, aut subdelegatio non procedit à dignitate, sed à persona: adeò, ut etiam Papæ mandata atque commissiones ab auctoritate personæ procedere censeantur, non ab ipsa dignitate, aut sede, quæ semper permanet: alioquin falsum esset, eas morte Pontificis extinguere, si res integra sit, c. relaxum. 19. hoc tit. c. si cui, 36. de præbend. in 6. Verum quidem est, quòd dignitas, seu sedes v. g. Apostolica sit causa & radix potestatis seu auctoritatis, ex qua promanant rescripta; proximè tamen procedunt ab auctoritate personæ, non dignitatis: nisi expressè addatur, *Sedes Apostolica tibi commissa*. Hoc enim casu per mortem Pontificis non expiraret commissio, tametsi res integra esset. Quae de re videri potest Sanchez cit. Disp. 28. num. 44. Accedit his, quod idem Sanchez eodem loco annotavit, Inferiores Principe non posse iurisdictionem contentiosam alijs delegare, ita ut sit perpetua, seu ut mortuo delegante non expiraret, si res integra sit.

Dico II. Si causa alicui à Papa delegata sit intuitu personæ, tunc ea deposita à dignitate, vel Canonice, expirat iurisdictione subdelegati, si res integra sit: secus

Cum in iure.

PARAPHRASIS.

secus: verò dicendum, si dignitas, vel canonicatus renuntiavit, vel alio translatus est. Ratio vtriusque partis est: Quia dum res integra est iurisdictione delegata censetur potius pertinere ad delegantem, vel subdelegantem, ab eoque dependere sicuti dixi in c. gratum, 19. hoc tit. Consequenter si ille deponatur, vel alia ratione statum incompossibilem assumat, ut iurisdictione ipsi auferatur, non poterit amplius in persona delegati, vel subdelegati fundari. Sin autem delegatus renuntiet, aut transferatur, nihilominus retinet iurisdictionem in ordine ad illam causam, uti dixi eod. c. gratum, q. 19. consequenter etiam in subdelegato eius iurisdictione fundari potest.

QVÆRITVR secundò: Vtrum subdelegatus procedere possit, si primus delegatus mortuus sit, viuat verò delegatus: aut vice versa delegatus mortuus sit, viuat verò primus delegatus. Respondeo et Dico I. In priore casu refert, vtrum causa (si tota subdelegata fuerat) coepta sit, necne. Si nondum coepta, expirat iurisdictione: Quia subdelegatus subrogatus delegato: ergo sicuti huius iurisdictione cessat per mortem delegantis, re integra; ita & subdelegati, argum. c. penult. eod. in 6. Sin autem coepta est causa à subdelegato, non expirat eius iurisdictione, quippe quæ in ipso radicata est, argum. c. penult. hoc tit. & docet Sanchez lib. 8. disp. 28. n. 37.

Dico II. In altero casu, si nimirum mortuo delegato, superstes sit primus delegans, extinguatur iurisdictione subdelegati, si eam nondum uti coeperat, sicuti valde probabiliter docet idem Sanch. n. 36. ex ratione l. more, 13. de iurisdictione. Cum enim Principis delegatus potestatem subdelegandi ex lege, ad eoque veluti ordinariam habeat, uti notavit Abb. hic n. 4. sequitur, quod ipse sit radix ac fundamentum potestatis subdelegatæ, quæ proinde extinguatur ruente delegato, seu eo qui subdelegavit. Excipe. Nisi delegatus non suo nomine, sed auctoritate ac potestate sibi tradita à primo delegante subdeleget, tunc ipso mortuo, siue viuat siue non viuat delegatus, expirat iurisdictione, si causa integra seu nondum coepta sit.

Aliquis asserens se Apostolicæ Sedis delegatum, mandat Ordinario loci hoc modo: Auctoritate, qua fungor, iniungo tibi, ut Titium denunties excommunicatum: Sed Ordinarius dubitat de commissione illi à Sede Apostolica facta, vtrum mandatum sibi iniunctum exequi teneatur. Respondet Innoc. III. quod non teneatur exequi, nisi de mandato Apostolico certa ipsi fides fiat.

SUMMARIUM.

1. Nisi delegatus de delegatione sua fidem authenticam faciat, non est ei parcendum.
2. Ante litem contestationem pars litigans opponere potest defectum iurisdictionis, seu delegationis.
3. Si delegatus intelligat oppositionem frivolum esse, aut malitiosè opponi, cogere potest ad parcendum.
4. Is, pro quo delegatus sententiam tulit, curet etiam mandatum seu commissionem coram Iudice, præsentem parte, à Notario registrari ac transcribi.

NOTANDVM Vn. Nisi delegatus de delegatione sua fidem authenticam faciat, non est ei parcendum. Consentit c. cum contingat 24. de rescriptis. Ratio est: Quia factum non præsumitur, sed probari debet, præsertim si allegetur in alterius iurisdictionem, uti hic docet Barbât. col. 2. & 4. & dixi lib. 1. Th. mor. tr. 1. c. 5. n. 30. Idemque dici debet de quibuscunque mandatariis, procuratoribus, sed & legatis Apostolicis circa speciales facultates, ut ijs fides haberi debeat, mandatum vel commissionem exhibendam esse. Quia de re Felinus hic n. 11.

Sed declarari debet primò: Quod aliquis possit quidem exigere literas delegationis, aut mandati, sed non debeat, si sine illis si-

dem habere velit asserenti, uti hic docet Abb. n. 4. Secundò: Si dominus qui potestatem delegat, præsens sit, ut facili ex ipso quæri possit, tum literæ plerumque non exhibentur, uti hic notat Barbatia col. 4. Tertiò: **Q**uòd pars litigans ante litem contestationem opponere possit defectum iurisdictionis, seu delegationis, sed non potest, nisi cum onere probandi seu ostendendi defectum, uti hic notat Abb. n. 7. Barbatia col. 8. arg. e. inter Monasterium, 20. de re iudicata. Tamen si verò talem negatiuam ostendere difficile sit, tamen non dicitur impossibile, saltem ut indirectè probetur, v.g. delegantem eo tempore non fuisse in loco, ubi & quando delegatio facta narratur, sicut Imola hic notat n. 7.

Sed quid? Si exhibito mandato, Ordinarius, vel pars citata, nolit parere, inficiando iurisdictionem delegati prætextu falsitatis in rescripto apparentis, alteriusque defectus. Respond. Si delegatus intelligat oppositionem frivolum esse, aut inutiles opponi, cogere potest ad parendum, uti ex Hostiensis docet hic Abb. n. 5. Barbat. col. 5. Quia Iudex non tantum Ordinarius, sed etiam delegatus, exorto dubio, cognoscere potest, num sua sit iurisdictione, uti ex communi docet D. Martha de iurisdic. p. 2. c. 4. ex l. 2. ff. Si quis in ius vocatus non ierit, iun. Gloss. Videtur tamen discrimen hoc esse inter Iudicem ordinarium, ac delegatum, quòd ille iurisdictionem fundatam habeat, idèoque etiam in causa verè dubia ipsi parendum sit: cum in dubio inter Superiorem, & subditum præsumptio sit pro Superiore, argument. e. quid culpatur, 4. causa 23. q. 1. At verò delegatus Iudex non habet fundatam iurisdictionem: idèoque nisi eam ostendat, ita ut rationabiliter dubitari non possit, non competit ei vis compellendi, uti ex Hostiensis hic annotavit Barbatia col. 5. & docet etiam Innocent. hic n. 3. Ad extremum notanda est doctrina Gl. hic vers. super mandato, quam explicant hic Barbatia col. 11. Abb. n. 6. Felinus n. 8. & in c. ult. de fide Instrumentorum. Tamen si in publico instrumento exhibeatur lata sententia à delegato Iudice, non tamen exinde ostendi, quòd is habuerit m-

datum ac iurisdictionem: quare cautus esse debet is, pro quo delegatus sententiam tulit, ut etiam mandatum, seu commissionem coram Iudice, præsente parte, à Notario registrari, ac transcribi curet. Nam alioquin si in actis publicis à Notario mentio tantum facta sit delegationis, aut mandati procuratorij transumpti, ea res probat quidem productionem mandati, sed non tenorem eius, uti singulariter Innoc. hic notavit n. 4. Cæterum, si constet, partem à Iudice delegatam, ac præsentem iudicio, ante litem contestationem nihil opposuisse, præsumptionem nasci pro iurisdictione eius, supra dixi, & tradunt DD. citati.

CAPITVLVM XXXII.

Cum olim.

PARAPHRASIS.

Abbas quidam & Conuentus eius conquærentes de Comite Alfriso Iorense, quòd in eorum territorio stagnum, molendinum, & domum extruxisset, imperarunt à Papa causam hanc quibusdam Iudicibus delegari. Coram his lite contestata, receptis ab utraque parte testibus, & testimonijs eorum publicatis, Comes opposuit, quòd Iudices de damnis in memoribus & alijs rebus illatis, testimonia recipere, aut cognoscere non debeât, cum in rescripto commissionis Apostolicæ nullade damno mentio facta sit. Sed Iudices de exceptione hac cognoscentes, interlocuti sunt, etiam de damnis cognoscere ad ipsos pertinere: Quo audito Comes à sententia ista ad Sedem Apostolicam appellavit: Iudices reiecta appellatione tanquam non legitima, Comitem denuo ad iudiciū citarunt; sed cum is neque per se, neque per alium compareret, ipsum excommunicarunt. Hoc processu ad Papam Innoc. III. delato, respondet is: Cum ad Iudices non spectaret cognitio de damnis illatis, eò quòd de his in rescripto mentio facta non fuerit, neque Iudices iurisdictionem suam eò

EXTEN-

extendere seu prorogare potuerint: quem admodum nec Procurator ad alia, quam quæ in procuratorio mandato expressa sunt, constitutus esse censetur: ideo rectè egit Comes, quod statim ac publicatis attestationibus intellexit testes super damnis illatis examinatos deposuisse, cōtraderit: Iudices autem perperam interlocutori sue runt, consequenter appellatio Comitum contra interlocutoriam legitimè interposita, sententia autem excommunicationis nullius roboris cēferi debet.

SUMMARIUM.

1. *Qui violant immunitatem ecclesiasticam, etiam coram ecclesiastico Iudice conveniri possunt.*
2. *Non tantum edificans in alieno solo, sed etiam preparatoria faciens, v. g. locum adaptando, nemora succidendo &c. obnoxius est noui operis denunciationi.*
3. *Rescriptum delegationis est strictæ interpretationis: unde non est extendendum de causa expressa ad non expressam, si ea connexa non sit, sed separabilis.*
4. *Iudex delegatus ex partium consensu iurisdictionem prorogare potest, si prorogatio sit dubia, & Iudice pro sua iurisdictione indicante, partes appellando non contradicant.*
5. *Si autem manifesta sit prorogatio quoad substantialia, ea fieri non potest, secus est, si tantum sit prorogatio quoad accidentalia: modo restrictionem factam esse constat principaliter in fauorem partium.*
6. *Procurator ad lites mandatum sua procuratoris prorogare non potest, domino ignorante.*
7. *Mandatum procuratoris ad lites & negotia strictæ interpretationis est.*

NOTANDUM I. Qui violant iura & immunitatem Ecclesiasticam, vt Comes iste volens stagnum & molendinum in terra Ecclesiæ edificare, ij coram Ecclesia-

stico etiam Iudice conveniri possunt: quare talia crimina censentur mixti fori, si Reus laicus sit. Ita sumitur ex c. cum sit, 8. de foro compet. & docet hic Barbat. col. 3.

NOTANDUM II. Non tantum si quis a re ipsa in alieno solo ædificet, sed etiam si præparationem faciat, v. g. locum adaptando, nemora succidendo, materiam aduehendo, locus est noui operis denuntiationi, de qua tit. 32. lib. 5. decret. Vel interdicto *Vt possideris*, vt à violentia desistatur, sicuti Innoc. hic docet princ. & Barbat. col. 4.

NOTANDUM III. Rescriptum delegationis est strictæ interpretationis: quare extendendum non est de causa expressa ad non expressam, si ea connexa non sit, sed separabilis. Sicuti in casu proposito: Mandatum cognoscendi, vtrum Comes ius ædificandi habeat, & cognoscendi de damno illato diuersa, & separabilia sunt, cum diuersas actiones requirant.

Cæterum, si commissum sit alicui, vt iudicet de iure ædificare volentis, consequenter etiam prohibere & repellere potest ædificatorem, si ius non habere iudicatum fuit: quia id ad sententiæ executionem spectat, c. significasti, 7. hoc tit. Item si alicui commissum sit, vt de illata iniuria, damno, aut spoliatione iudicet, potest partem lædentem compellere ad restitutionem, aut satisfactionem: quia hæc connexa sunt, vt eadem actione peti soleant. Ita notat hic Innocent. n. 2. Ioann. Andr. n. 8. Abb. n. 7. Cæterum si post litis contestationem Comes ædificationis prosequenda causa damnum in memoribus dedisset, tunc cause commissæ annexum fuisset, vt per sensum contrarium ex textu colligitur.

NOTANDUM IV. Iudex etiam delegatus, interlocutorio pronuntiare potest, iurisdictionem sibi competere, adeo, vt si pars non appellet, sententia illius transeat in rem iudicatam. Quia de re Gl. fin. in Auth. habita, C. Ne filius pro patre, Barbat. hic col. 9. Imolan. 9.

Quod verò ijdem Doctores, & Abb. n. 3. Felinus n. 3. hic disputant, vtrum Iudex delegatus ex partium consensu iurisdictionem

ucom

nem prorogare possit, arbitror distinguendum: Vel enim prorogatio, seu extensio iurisdictionis ultra commissionis formam, manifesta est, vel dubia. Si dubia, & Iudex pro iurisdictione sua iudicet, nec partes appellando contradicant, tum fieri potest, ut iurisdictione prorogetur, sed per accidens propter ignoracionem, & rei iudicatz auctoritatem. Sin autem manifesta prorogatio, tum vel est quoad substantialia, cuiusmodi est prorogatio de casu ad casum, aut de persona ad personam. Et hæc fieri non potest etiam de partium consensu, uti sumitur ex hoc c. & ex c. P. & G. 40. hoc tit. vbi id docet Abb. n. 22. Ratio est: Quia delegatus habet iurisdictionem non absolutam (nisi sit ad vniuersitatem causarum delegatus, vt dicam in c. P. & G.) sed secundum quid, seu limitatam ad causas & personas: quæ limitatio exacte seruari debet. Vel est prorogatio, quoad accidentalia, videl. locum, tempus, quantitatem rei. Tum prorogatio fieri potest ex partium consensu, dummodò appareat, limitationem seu restrictionem in eorumdem partium fauorem principaliter factam esse. Et quidem de prorogatione temporis, intra quod iuxta formam rescripti causa expedienda esset, leges in c. de causis, 4. hoc tit. De prorogatione loci in c. statutum, 11. § cum verò, de rescript. in 6. vbi tamen expressus partium consensus requiritur. Quod speciale censeri debet, cum alioquin expressi, & taciti eadē vis sit, iuxta Gl. in c. 1. ver. opera, d. 43. Deinde necesse est, ut locus, ad quem iurisdictione transfertur, subiectus sit iurisdictioni delegantis, vel saltem vt Ordinarius illius loci contentus sit, sicuti monet Abb. in cit. c. P. & G. n. 14. Denique de prorogatione ad qualitatem constat ex l. de qua re, 74. § 1. iun. Gl. ver. ius-fus, ff. de iudicijs.

- 5 Veruntamen Procurator ad lites neque mandatum suæ procuracionis prorogare potest domino ignorante; quippe cuius interest, nihil ultra commissionem suam agi, uti Imola hic notat n. 10. Neque consentire potest Procurator, quamuis generale mandatum habeat, vt rescriptum, quod in domini sui fauorem ad locum, tempus, aut quan-

titatem restrictū est, prorogationem consequatur, nisi dominus sciat, ac tacite consentiat; vel nisi mandatum generale habeat cum libera, uti ex communi docet Felinus cit. c. P. & G. n. 11. Denique, vt supra monui, necesse est restrictionem iurisdictionis factam esse in fauorem partium: Sin autem in utilitatem mandantis, alteriusve personæ, vel ob fauorem publicum, tum mandati fines exacte seruari debent, neque ultra extendi possunt, uti hic Abb. monet n. 9. ex c. cum dilecta, 22. de rescript. & c. venerabili, 17. hoc tit.

NOTANDUM V. Mandatum procuratoris ad lites strictè etiam interpretandū, neque extendendum est ad ea, quæ non expressa, vel expressis necessariò coherentia non sunt. Et eadem est ratio de procuratore ad negotia, sicuti hic exemplificant Abb. & Felinus. Si Titius à Caio mandatum acceperit pecunias debitas recipiendi, confessio procuratoris de pecunia numerata non præiudicat domino, quando ille nō ad consentiendum, sed ad recipiendum duntaxat mandatum accepit. Verum quidem est, quod confessio recepti debiti, v. g. ex causa mutui probet solutionem factam, c. si cautio, 14. de fide instrumentorum, sed non nisi eius respectu, qui confessus est, aut confessionem fieri mandauit.

Deinde: Si quis constitutus sit ad vendendum rem certam, pretio certo ipsi constituto, nō potest fidem habere de pretij solutione: nisi sit consuetudo mandantis, vt emptoribus fidem habeat de solutione ad aliquod tempus differenda; vel si mandatarius prudenter rem domini agat, vt si is præsens esset, faciliè consensum daret. Quæ de re Mol. tom. 2. disp. 552. Vide quæ dixi lib. 3. Th. moral. tr. 4. c. 27. n. 6.

CAPITVLVM XXXIII.

Cum olim.

PARAPHRASIS.

Cum Sebastianus & Benedictus dignitatum suarum permutationē instituere vellent, contro-

controuersia inter eos orta fuit, quam Innocent. III. quibuldam Iudicibus delegauit: si acta per Benedictum ad eundem Pontificem transmiserunt. Sed lator Benedictus non sine iniuria delegatis Iudicibus, imò ipsi Pontifici illata, sigillis amotis, literas aperuit. Hac re postea ipsi coram Pontifice obiecta, excusauit, quòd Iudices acta non fideliter annotarint, id eòque se veritum, ne literas Vriæ deferret, eas aperuisse, & quod suspicatus erat; comperisse. Verum, si Benedictus sibi consultum voluisset, literas sibi suspectas non recipere debuisset; aut, si recepit, integras asserre, & suspicionis suæ causas coram exponere. Accedit, quòd Pontifex non proprio motu Iudicem Benedicto constituit, sed què ipsemet petierat. Quamobrem Innocentius obiecta eius contra Iudicum literas, quas temerè violarat, audire noluit: Ne ex proprio dolo commodum ferat; sed potius in eo ipso puniatur, in quo peccauit.

SUMMARIUM.

1. *Iniuria vel inobedientia Iudici delegato illata redundat in personam delegantis.*
2. *Qui literas, vel instrumentum malitiosè aperuit, aut falsauit, audiendum non est, si eas de falsitate arguere velit.*
3. *Iudicem à Principe datum pars litigans recusare potest, ut suspensum, probabili allegata causa suspicionis, nò item eum, quem ipsa pars petiuit, nisi causa recusationis supernenerit, aut incognita apparuerit.*
4. *Literas alterius aperiens, ut falsarius puniri non potest.*
5. *Falsarius autem est, qui à literis vel instrumento authentico sigillum, vel plumbum signatum auellit: vti & ille, qui instrumentum, quod partibus commune non est, ideo aperit, ut aduersario ostendat, & re ipsa ostendit.*

NOTANDVM I. Iniuria vel inobedientia Iudici delegato illata, censetur

redundare in personam delegantem, cuius auctoritate fungitur in officio ac potestate sibi commissa. Ita notant hic Abb. n. 1. Barbat. col. 1. in confirmationem allegans dictum Christi Lucæ 10. *Qui vos audit, me audit; & qui vos spernit, me spernit*: Item praxin Iudicum delegatorum, ita procedentium; *Cum N. mandatis nostris, imò ueris Apostolicis non parueris, &c.* Videtur autem, quòd hoc casu uterque, tum delegatus tum delegans iniuriam prosequi possit. Sed videri potest Barbatia hic col. 2.

NOTANDVM II. Qui literas, vel instrumentum malitiosè aperuit, aut falsauit, postea audiendus non est, si eas de falsitate arguere velit. Tum quia æquum nò est, ut quis ex propria iniquitate commodum ferat, c. sedes, 15. c. ex tenore, 16. de rescript. Ille autem commodum ferre, tex literarum apertione, si postea eas de falsitate arguere posset. Tum quia æquum est aliquem in eo puniri, in quo peccauit: Ille autem peccauit in literis violandis & quodammodo falsandis: ergo meritò punitur, ut literas tanquam suspectas, aut falsas arguere nò possit. Ex quo inferitur, secundum Abb. n. 3. Quòd qui clam fecit sibi testiū depositiones manifestari, postea audiendus nò sit, si eas impugnare velit: Accedit, quòd cū semel deceperit, minor ipsi fides haberi debet, iuxta iuris reg. 8. in 6. *Semel malus semper presumitur esse malus*. Nihilominus verò Iudex ex officio potest, ac debet cognoscere, num falsitas aliqua subsit, uti bene Barbatia hic annotauit col. 6.

NOTANDVM III. Iudicem à Principe datum pars litigans recusare potest ut suspensum, illata causa probabili suspicionis: Sed Iudicem, quem ipsa pars petiuit, recusare deinde non potest: nisi causa recusationis postea supernenerit, vel antea incognita apparuerit, uti colligitur ex c. insinuante, 25. hoc tit. & notat Barbatia hic col. 6.

Querunt hic Doctores: Vtrum iste literas aperiens, tanquam falsarius puniri poterit. Affirmat Gl. hic ver. sigilla, quam sequitur Barbatia hic col. penult. Sed contrarium docent Innocent. & Abb. hic, quos secutus sum lib. 3. Th. mor. tr. 3. p. 1. c. 4. n. 2.

Nunn

Non

Non esse propriè falsarium, neque ut talem puniendum esse, sed mitius, spectata qualitate facti. Quia crimen falsi continet veritatis peruersionem, uti dixi in cit. c. 4. Qui autem literas aperit, ut legatis veritatem non peruertit.

5 Sed limitari debet primò: Qui à literis vel instrumento authentico sigillum, vel plumbum signatum amouet, falsarius censeri debet: quia peruertit veritatem, & auctoritatem literarum, uti hic Felinus significat col. ult. Idemque eadem ratione Syl. ver. falsarius, q. 3. tradit de eo, qui scripturas lacerat, vel comburit, vel dolose abscondit, nec earum veritas apparere possit.

Limitari debet secundo: Nisi literas seu instrumentum, quod partibus commune non sit, ideo quis aperiat, ut Aduersario ostendat, secuto effectu, censetur falsi crimen commisisse, uti docent DD. citati: id quod hæc sit iuris, seu iustitiæ peruersio cum dolo, & alterius damno iuncta.

CAPITVLVM XXXIV.

Cùm olim.

PARAPHRASES.

Quidam Presbyter intra fines Parochiæ S. Mariæ Rauennatensis Capellam seu Ecclesiam construxit in honorem S. Agathæ: Rector S. Mariæ se opposuit, & impetrauit causam quibusdam Iudicibus committi. Ii pro Ecclesia S. Mariæ sententiam pronuntiarunt: Sed Cappellanus S. Agathæ parere recusans, alias literas à Sede Apostolica impetrauit ad Ferrariensem Episcopum: Et cum diu coram eo litigasset, postea obtinuit, ut dicto Episcopo Ludonico Bononiensi Canonicus adiungeretur, hac adiecta clausula: Si non ambo interesse possint, ut solus Episcopus cognoscat. Accidit autem, ut Ludonicus causam cognoscere impeditus, alteri vices suas subdelegarit: quem Episcopus recipere noluit, quod clausula: Si non ambo verificata fuerit, ideoque solus iudicando, suprà dictorū Iudicum senten-

tiam contra Capellanum confirmauit. Sed quia Capellanus, qui etiam appellarat, sententiam Episcopi obseruare noluit, denique causa ad Sedem Apostolicam delata est, cui Innoc. III. Cardinalem quendam auditorem, seu cognitorem designauit; qui cum videret, Clericum, seu Capellanum S. Agathæ cum instrumentis Ecclesiæ aduenisse, sed literas rati habitationis non attulisse, eam de rato habendo per fidei iussores cauere iussit, & postea Ferrariensis Episcopi sententiam confirmauit, atque Innocentius Papa approbauit.

SUMMARYM.

1. *Intra fines parochiæ non est noua capella seu parochialis ecclesia adificanda, adificata destruenda est.*
2. *Alterius causam agere permittitur coram iudice, etsi mandato procuratoris careat, si secum causæ instrumenta afferat, & cautionem fideiussoriam de rato habendo prestet.*
3. *Delegatus subdelegatum collegæ impedit non tenetur admittere, si in rescripto est clausula: si non potest, aliter solus procedat.*

NOTANDVM I. Intra fines Parochiæ non est noua Capella, seu parochialis Ecclesia adificanda: Et, si adificata sit, destrui debet, c. 1. & 2. de noui operis nuntiis. Præterquam si Ordinarius ex causa iusta id necessarium iudicet, c. 3. de Ecclesijs ædif.

NOTANDVM II. Qui ad iudicium venit pro alio causam acturus, licet mandatum procurationis, seu literas, quod dominus rem ratā habiturus sit, secum non afferat, si tamen habeat secum instrumenta causæ, presumptio est pro eius mādato, ut saltem cum cautione fideiussoria, quod dominus, seu principalis rem ratam habiturus sit, admittatur. Ita sumitur ex l. 1. C. de Procuratoribus. *Cautio rati habitationis tunc exigitur à procuratore, quoties incertum est, an ei negotium mandatum sit, & tradit Gl. hic ver. absq; literis, Innoc. princ. Abb. n. 2. & alij plerique. Verum alius intellectus, quem assert. Anton. hic.*

hic, Imola n. 9. Barbatia col. 1. 1. improbabilis non est: quod Capellanus ideo sine mandato ad agendum admissus fuit, præstita cautione *de rato*, quia prosequabatur causam Ecclesiæ suæ, iuxta doctrinam Gl. receptam in c. cum olim. 34. de testibus, ver. per exceptionem. Quod clericus ad agendum pro Ecclesia sua etiam sine mandato admittitur, si cauet de rato. Vide quæ dixi in c. nonnulli, 28. not. 2. de rescriptis.

§ NOTANDUM III. Si duo Iudices dati sint, adiecta clausula, si vnus non possit, tum alter solus procedat; hoc casu si impedimentum incidat non voluntarium, sed necessariū seu inenitabile, quod minū ille procedere queat, statim censetur purificata clausula, & totum procedendi ius alteri acquisitum: Consequenter impeditus subdelegare nequit, aut certe subdelegatus ab ipso per exceptionem repelli potest. Ita Gl. ver. quod non intelligitur, Innocent. n. 2. ubi ait, quod hoc casu delegatus impeditus subdelegare quidē possit, sed collega non teneatur eum recipere: Idemque docet Imola n. 3. 1. Ratio est: Quia rescripta Principum intelligi debent secundū ea, quæ frequenter, non quæ raro contingunt: sicuti hoc ipsum delegibus dicitur in l. Nam ad ea, 5. ff. de legibus: Id autem frequēs est, vt delegatus ipse mer causam cognoscere nō possit, id autem perrarō accipit, vt Iudex neq; per se, neq; per aliū cognoscere queat: Ergo clausula illa, *Si non ambo &c.* secundū priorem, nō posteriorē intellectum accipi debet. Veruntamen cū delegatus Principis ius habeat causam alteri subdelegandi, si impeditus sit, hoc iure uti poterit, nisi propter clausulam illam, quæ in favorem collegæ adiecta censetur, contra subdelegationem excipiat.

CAPITVLVM XXXV.

Cū R.

PARAPHRASIS.

Raphael Canonicus Iannensis Ecclesiæ in controversia, quam habebat cum Publico

ciue Iannensi, à Papa impetrauit Præpositum S. Dominici: Sed cū is ciuem tunc absentem citasset, is excusauit, quod propter multas & graues inimicitias ciuitatis suæ se coram Iudice illo silteren non posset. Quo intellecto Innoc. III. rescripsit Præposito, quatenus dicto Raphaëli permittat, vt seu in ciuitate, seu in diocesi Iannensi eligat virum prudentem (exceptis canonicis fratribus suis) coram quo causa cognoscatur: eidemque Iudici Apostolica auctoritate præcipiat, vt dictam causam, secundū prius tenorem remota appellatione definiat.

SUMMARIVM.

1. *Iusta causa non comparendi est, si citatus ad locum secure accedere non possit.*
2. *Conceditur iuxta stylum Curia certum Iudex à parte vna postulatus, si pars aduersa non contradicat.*
3. *Recusari potest Canonicum vt suspectum Iudex in causa Canonici.*
4. *Si principalis inierit alicui, vt Iudicem aliquem constituat, constitutus si censetur à mandante, non ab exequente.*

NOTANDUM I. Iusta causa non comparendi est, si citatus ad locum secure accedere non possit. Interdum verò saluus conductus securitatem præstare poterit. Interdum opus erit Procuratorem mittere, si is tutum accessum habeat, & causa ardua non sit. Quæ de re vide, quæ hic scribit Felinus n. 2.

NOTANDUM II. Si pars vna certum Iudicem in causa delegari postulet, stylus Curie est, vt concedatur, dummodò aduersarius contentus sit, aut iustam contradicendi causam nō offerat. Ita sumitur ex c. nonnulli 28. de rescriptis. & notat hīc Abb. in fine. Barbat. col. penult. Monet tamen Imola hīc n. 15. & Gl. in l. obseruandum 47. ff. de Iudicijs, si vtraq; pars præsens sit in Curia, non dari Iudicem secundū vnus tantū partis petitionem. Quod verò in hoc casu potestas

Nnnn 2 eligens

eligendi Iudicem quemcunque facta sit Rapphæliæ, secūdm Gl. fin. in hoc c. specialis gratia fuit, ideo fortasse concessa: quia prius etiam Aduersario gratia facta fuit, quādo ad petitionem eius prior Iudex remotus est.

3. **NOTANDVM III.** Canonicum in causa Canonici aduersarij tui tanquam Iudicem suspectum recusare potes. propter præsumptionem affectionis singularis erga socium & fratrem. Qua de re dixi in c. causam, 17. & c. insinuante, 25. hoc tit.

4. **NOTANDVM IV.** Si principalis iusserit alicui, vt Iudicem aliquem constituat, constitutus is censetur à mandante, non ab exequente. Ita notat hic Felinus n. 3. cum Gl. in Clem. dudum, 9. Huiusmodi, ver. obuentionibus omnibus, de sepulturis, Abb. in c. in causis, 3. o. n. 5. de elect. vbi ait, Quod fit per executores, aut commissarios (secundum committentis voluntatem) id censetur fieri ab ipso committente, argum. l. vnum ex familia, 67. §. 1. ff. legat. 2. vbi Bartolus exemplum affert: Si testator aureorum summam legarit ad pias causas arbitrio executoris applicandas, is verò applicet ad Ecclesiæ fabricam, ornamenta, aut luminaria, non exigi posse portionem canonicam, dummodo non fiat in fraudem Episcopi, iuxta c. vlt. de testament. & dixi de hoc lib. 3. Th. mor. tr. 5. c. vlt. n. 13.

CAPITVLVM XXXVI.

Cū contingat.

PARAPHRASIS.

Si aliquis questus fuerit apud Pontificem, quod ab Episcopo suo post appellationem legitime interpositam, vel aliās iniuste excommunicatus fuisset, Pontifex autem Iudicibus delegatis mandarit, si ita se res habeat, vt hominem absoluant, vel sententiam excommunicationis irritā esse declarent: verū Episcopus contrarium ostendere paratus sit, quod videl. ante appellationem interpositam, vel aliās iniuste excommunicauerit, quid tum agendum? Respondet Innoc. III. Hoc casu vtriusq.

partis probationes admittendas esse, nam ex ijs apparebit, vtrum excommunicatio iusta, an iniusta, vel omnino nulla fuerit. Cæterum si quis proponat se iniuste excommunicatum fuisse, tum ordinariē statim absolendus est, antequam eius probationes admittantur: Præterquam si asserat, in sententia errorem intolerabilem expressum fuisse, idque se mox ostensurum. Et in hoc ipso casu, si videl. quis dicat, iniuste se excommunicatum esse, Episcopus ad probationes, quod iuste excommunicari, admittendus non est, inquit homo ille absoluitur: quia tametsi constaret recte excommunicatum fuisse, tamen humiliter petenti absolutio impertienda foret: quare non nisi post absolutiōnem vtriusq. partis probationes admittendæ sunt, vt appareat iuste, an iniuste excommunicatio illata fuerit.

SVMMA RI VM.

1. *Excommunicatus super sententia excommunicationis triplicem petitionem ponere potest; & quis cuiusq. effectum.*
2. *Testium deposiciones concordanda, si fieri potest; aliās fides habenda maiori numero, digniori, aut qui verisimiliora & magis consona deponunt.*
3. *Exceptiones & probationes non admittendæ, si inutiles & nihil profuturæ sunt, vel tempore non competente proponantur.*

Pro intellectu huius c. aduerte, quod excommunicatus triplicem petitionem super sententia excommunicationis proponere possit: Prima est, dicendo sententiam esse ipso iure nullā, vt quia post interpositam appellationem lata fuit, vel quia intolerabilem iuris errorem continet, sicut explicauit lib. 1. Th. mor. tr. 5. p. 2. c. 6. n. 2. Et hoc casu ante omnia Iudex cognoscere debet de valore excommunicationis: quia si irrita esset, frustra absolutio conferretur. Altera est, dicendo sententiam esse iniuste seu illicite latam; non negando tamen valide latam esse: Et hoc casu ante omnia à Iudice absoluedus erit, si promittat Ecclesiæ mandatis se paritūrum; postea autem receptis vtrinq. probatio-

bationibus cognoscendum iuste ne, an iniuste excommunicatus fuerit. Quia siue vnum siue alterum ostendatur, partim refert ad absolutionem; cum vtroque casu conferenda sit, si satisfacere Reus paratus sit. Tertia est simplex petitio absolutionis, non allegando iniustitiam, vel irritam esse: Et hoc casu censetur supplicans fateri excommunicationem suam, vti bene hic docet Barbat. col. 2. arg. l. ad solutionem, 5. C. de re iudic. vbi dicitur, quod à iudice petens solutionis dilationem, sententiæ eius acquiescere conuincitur.

Ex textu autem NOTANDVM est I. Quod interdum ab vtraque parte litigantium testes recipiantur, quorum depositiones, si fieri possit, ad concordiam redigi debent, ne perulij crimine notentur, e. cum tu, 1. 6. de testibus. Sin id fieri nequeat, quia prorsus contraria inter se dicunt, tum fides habenda est testium numero maiori, digniori, aut qui verisimiliora, & magis consonantia depouit, de qua re Gl. hic ver. vtriusque partis, Barbatia col. 1. Abb. n. 7.

NOTANDVM II. Exceptiones, & probationes admittendæ non sunt, si vel inutilis, & nihil profuturæ sint, l. ad probationem, 2. 1. C. de probat. Vel tempore nõ competente proponantur, vt hic. Si tamen ludez, exceptiones, quæ suapte natura prosumt, licet non debito tempore afferantur, eandemque probationes, sine protestatione, admittat, tum sententiam super eis proferre debet, vti Gl. hic docet, & sequitur Abb. n. 8. afferens exemplum, Si quis contra executionem sententiæ, posteaquam ea transit in rem iudicatam, excipiat esse iniustam, licet hæc exceptio tunc repellenda sit, iuxta e. inter Monasterium, de re iudic. si tamen ea à iudice admittatur, & cognoscatur, tum etiam sententia proferri debet super iniustitia. Et hunc esse vnum casum, inquit, in quo sententia, posteaquam in rem iudicatam transit, retrahari debeat. Alterum verò casum esse, si pars victrix faciat, sententiam fuisse iniustam, secundum doctrinam Innoc. in e. quia plerique, n. 3. de immunit. Ecclesiar. Et tertius casus esse debet, si notorium sit aut fiat, sententiam iniuste latam esse. Quorum

omnium ratio est; quia præsumptio iuris, & de iure, quæ pro iustitia rei iudicatæ esse solet, cedere debet contrariæ veritati cognitæ, aut probatæ. Videri tamen possunt, quæ contra dictam Abb. doctrinam obijcit Barbat. hic.

CAPITVLVM XXXVII.

Venerabili.

PARAPHRASIS.

Cum Cephaludensis Episcopus à Friderico II. Imperatore spoliatus esset, Honorius III. mandauit Archiepiscopo Cusentino, vt illud ad Episcopatum, & alia sibi erepta restitui curaret. eoque plenè restituto, atque corporalem & pacificam possessionem adeptus, si Episcopus ob dilapidationem bonorum meritò suspectus est, virum prouidum & honestum coadiutorem eidem adiungat, sine cuius consilio nihil circa temporalia administrare debeat, donec Pontifex, veritate plenius perspecta, aliter provideat: interim verò vtrique omne genus alienationis interdixit sit.

Sed quia Archiepiscopus corporis infirmitate impeditus erat, causam hanc primum Abbati Panormitano, postea Thesaurario Cusentino subdelegauit. Vtriusque autem processus Pontifex Honorius cassauit: Abbatis quidem, quia contra Apostolici respecti formam, priusquam Episcopus restitutus esset, inquisitionem de ipso instituit, an de dilapidatione suspectus sit. Thesaurarij verò, quia Archiepiscopus non poterat illi causam committere, posteaquam officio suo functus fuerat.

SUMMARIUM.

1. Spoliatus iniuste ante omnia plenè restitui debet.
2. Si Episcopus & alius Prælatum ecclesiasticus suspectus de dilapidatione bonorum est, Coadiutori interdum datur, ita vt non omnis administratio, bene-

nam tamen alienatio ei penitus interdicitur; interdum si maius periculum sit, interdicitur ei administratio in temporalibus.

3. *Si delegatus Principis causam totam subdelegavit, functus est officio suo, postquam subdelegatus causam agere cepit.*
4. *Delegans delegatam a se potestatem revocare potest valide & licite, si iustam renovandi causam habeat.*
5. *Princeps aut quicumque Ordinarius iurisdictionem, etiam ad universitatem causarum contentiosam aut voluntariam in externo vel interno foro delegantem potest suam revocare potest.*
6. *Renovare possunt etiam inferiores Ordinarii, eorumque Successores privilegia & facultates, si merito gratuito concessa sint, ita ut non transferant in donationem aut pactum propter aliquid vicissim receptum.*

NOTANDUM I. Spoliatus iniuste ante omnia plenè restitui debet, ita ut corporalem possessionem rerum ereptarum, mobilium & immobilium, vñ cum fructibus recuperet. Ita habetur etiam in causa 2. q. 2. c. 1. & seqq. & tradit Gl. hic ver. plenariè, Innocent. n. 1. Abb. n. 2. Barbat. col. 3. Videri potest c. 1. de restit. spoliat. in 6.

NOTANDUM II. Si Episcopus, aliusve Ecclesiæ Prælati de dilapidatione bonorum non immerito suspectus esse summaria inquisitione ac processu cognoscatur, interdum à Superiore (qui comparatione Episcopi, Summus Pontifex est) Coadiutor ei datur, ita ut licet non omnis administratio, tamen bonorum alienatio ei penitus interdicitur, sicuti hic notat Abb. n. 8. Imola n. 2. Barbat. col. 4. & 18. Gl. in c. licet Heli, 3. 1. ver. de dilapidatione, de Simon. Interdum verò, si maius periculum esse videatur, statim suspenditur, seu interdicitur ei administratio in temporalibus, iuxta cit. c. licet Heli, & c. ult. de accusat. & videri potest Archidiaconus in c. Vulteranæ, 2. 5. causa 1. 2. q. 2. Postea verò plenus, & ordinarius processus in-

stituitur, ut appareat, quomodo Ecclesiæ providendum, & num Prælati omnino deponendus sit. Sed potest etiam, non præmissa inquisitione, an suspensus sit, statim fieri processus super veritate, videl. dilapidatione, si de ea infamatus sit, vel accusator aut denunciator adsit, qui ob Ecclesiæ periculum amovendum, per testes, aliarum indicia veritatem demonstrare paratus sit, vti hic Abb. notat n. 8.

NOTANDUM III. Si delegatus Principis causam totam alteri subdelegavit, censetur functus officio suo, posteaquam subdelegatus causam agere cepit. Quamobrem ex eo tempore non potest se amplius immiscere, aut commissionem factam ad se revocare, aut alteri committere. Ita notat Gl. hic communiter recepta, ver. vices suas. Sed dum res integra erat, seu subdelegatus nondum iurisdictione uti cœperat, poterat subdelegans potestatem revocare, vti Gl. monet ver. non potuit. Quia id commune est omni commissioni ac mandato, ut dum res integra est, potestas commissæ ad mandantem magis spectare censeatur, idè quæ arbitratu eius revocari possit. Consentit c. quamvis, 6. eod. in 6.

Sed obijci potest: Quòd processus Abbatis contra formam rescripti à pontifici (quæ perinde à subdelegato, vti à delegato observanda erat) institutus, omnino irritus fuerit: Ergo eo non obstante, poterat se immiscere Archiepiscopus, qui ei commiserat. Respondeo, cum Imola hic n. 28. Quòd Abbas causam sibi commissam agere cœperit, quando eos, qui violentiam Episcopo intulerunt, citavit, licet postea perperam processerit. Vide quæ dicta sunt suprâ c. gratum, 20. hoc tit.

QUÆRES: An ipsemet delegans delegatam a se potestatem revocare possit. Resp. & dico I. Certum est, quòd revocare possit, si res integra sit, seu iudicium nondum cœptum: Sed etsi cœptum fuerit, saltem validè revocabit; quin etiam licitè, si iusta revocandi causa subsit: ut quia, subdito impedimento, ipsemet causam cognoscere vult: dummodò delegatum indemnem servet; ne ipsi officium

cium suum damnosum sit. Nam ita etiam de alijs mandatarijs, ac procuratoribus, docent DD. in §. rectè, Instit. de mandato, & videri potest Mol. tomo 2. disp. 552. n. 6. & quæ dixi lib. 3. tr. 4. c. 26. n. 6.

- 5 Dico II. Si Princeps, aut quicumque Ordinarius iurisdictionem, etiam ad vniuersitatem causarum, contentiosam aut voluntariam, in externo vel interno foro delegat, eam arbitratu suo reuocare potest. Ita ex cōmuni docet Suarez in 3. p. tom. 4. disp. 26. sect. 3. Sanchez lib. 8. de matrim. disp. 33. n. 6. vbi monet, hanc doctrinam maximè veram esse, si Princeps iurisdictionem alicui etiam gratosè commiserit v.g. ad dispensandum, legitimandum, à peccatis absolvendum. Quia, vt Baldus monet in l. 3. n. 10. C. de bonorum posses. vnde liberi, in concessione iurisdictionis semper intelligitur excepta suprema potestas Principis. Sed & inferiores
- 6 Ordinarij eorumque successores privilegia & facultates reuocare possunt, si merè gratuita data sint, ita vt non transferint in donationem aut pactum, propter aliquod vicissim receptum, sicuti idem Baldus monet, & legi possunt, quæ docui lib. 1. tr. 4. c. 23. n. 25. & seqq.

CAPITVLVM XXXVIII.

Significantibus.

PARAPHRASIS.

Iuliana nobilis vidua, mentiens se pauperem literas à Sede Apostolica ad quosdam Iudices impetrauit super controuersia, quæ habebat cum Margaretha & filio eius. Hi citati coram Iudicibus excipiendo proposuerunt, quod literæ subreptitiæ essent, quippe per suggestionem rei falsæ obtentæ; cum Iuliana dines esset: quamobrem coram Domino, sub cuius iurisdictione erant, se conueniendos esse, & non coram alijs Iudicibus, illo non requisito. Hoc audito, Iudices illi delegati interloquendo pronuntiarunt, se vigore earum literarum procedere non posse. Deinde verò partes

compromiserunt in arbitros, hac conditione, vt si ij intra tempus ipsis constitutum, causam non deciderent, ad eisdem illos Iudices denuo deuolueretur. Cum autem arbitri intra tempus definitum non pronunciarint, iudices delegati iurisdictionem, iuxta compromissi formam, resumpserunt: Sed cum partes se grauari ab illis sentirent, ad Sedem Apostolicam appellarunt: Eoque cognito processu Gregor. IX. respondit, acta eorum Iudicum irrita declaranda esse.

SUMMARIUM.

1. *Iudex ecclesiasticus in causis civilibus personarum, alterius temporalis iurisdictioni subiectarum, ordinariè se non intromittit, nisi in extraordinarijs casibus, videl. propter defectum & negligentiam secularium Iudicum; item in causis personarum miserabilium, quales sunt pauperes, & oppressi, & ope destituti.*
2. *Si Iudex delegatus pronunciat, sibi nullam iurisdictionem competere, parte non appellante à sententia hac interlocutoria, transit ea in rem iudicatam.*

Pro intellectu huius c. aduerte, Quod Iudex Ecclesiasticus in causis civilibus personarum, alterius temporalis iurisdictioni subiectarum ordinariè se non intromittat, iuxta c. nouit, 13. de iudic. c. causam, 7. Qui filij sint legitimi: sed in quibusdam casibus extraordinarijs, videl. propter defectum, seu negligentiam Iudicum secularium, c. licet, 10. de foro compet. Item in causis personarum miserabilium, cuiusmodi sunt pauperes, & oppressi, atque ope destituti, c. super quibusdam, 26. in fine, de verb. signif. c. 1. & 2. d. 87. Hæc itaque causa fuit, cur rescriptum & delegatio Apostolica subreptitia iudicata sit, quia eam causam Pontifex non suscepisset, sed ad proprium seculare forum ablegasset, si viduam nobilem ac diuitem esse sciuiſſet. Vnde quæ dixi lib. 4. tr. 9. c. 2. n. 2. & 3.

NOTANDVM Vn. Si Iudex delegatus

pronuntiet, sibi nullam iurisdictionem, seu ius de causa hac cognoscendi competere, & pars litigans à sententia hac interlocutoria non appellet, iuxta c. dilectus 3. 4. de prebend. transit ea in rem iudicatam: vt postea officium Iudicis in eadem causa, sine noua commissione assumere non possit: Ne quidem ex partium consensu: cum partes nullam habentes iurisdictionem conferre non possint, l. priuatorum, 3. C. de iurisdic. Ita Gl. hic ver. procedere, Barba. col. antepen. Quemadmodum enim, inquit hic Abb. n. 7. Si orto dubio de valore rescripti, Iudex pronuntiet iurisdictionem sibi competere, & pars non appellet, processus validus ceteri debet, propter rei iudicatæ auctoritatem, vt idem docuit in c. super literis, 2. o. in fine, de rescript. Ita & vice versa, si Iudex delegatus iudicet contra valorem rescripti, & pars impetrans non appellet, non poterit deinde Iudex procedere, quia officio functus censetur.

Obijcies: Si Iudex iurisdictionem aliquam habet, tum partes in ipsum consentiendo iurisdictionem eius prorogare possunt, l. i. ff. de Iudicijs. Sed rescriptum ad lites subreptitium, cum non sit ipso iure nullum, sed tantum ope exceptionis, c. 3. & c. plerumque 23. de rescript. Iudici delegato iurisdictionis aliquam confert, vt hic Abb. docet n. 8. Ergo partes consentiendo in hos Iudices potuerunt illius iurisdictionem confirmare, & quodammodo prorogare. Resp. Licet partes consentiendo in Iudices delegatos possint supplere defectum iurisdictionis, qui est ex parte rescripti subreptitij, non tamen eum, qui est ex parte obiecti, ipsiusque veritatis, quandoquidem in casu nostro causæ ciuiles personarum non miserabilium non pertinent ad Iudicem Ecclesiasticum, nisi ob negligentiam Iudicis laici. Sed vtrum interueniente postea negligentia Domini secularis, Iudices in huius rescripti, saltem ex partium consensu procedere potuerint, merito dubitari potest. Affermat Abb. loco cit. Sed arbitrator, probabilis negari: cum non sit consuetudo Ecclesiasticorum Prelatorum, vt causas seculares committant, antequam ad ipsos deuolutæ sint, vt bene annotauit Innoc.

hic n. 1. Igitur hoc rescriptum ex errore substantiali promanans, omni iure irritum fuisse videtur, per quod nulla omnino iurisdictione collata fuerit.

CAPITVLVM XXXIX.

Suspicionis.

PARAPHRASIS.

Quidam Iudex delegatus à Reo vt suspectus, recusatus erat. Ad causam hanc suspicionis cognoscendam arbitri à partibus electi sunt: Sed dubitabatur, vtrum Iudex recusatus arbitris terminum præstinare possit, intra quem cognoscere debeant. Respondet Gregor. IX. Quid non possit, cum ipse in hac causa suspectus sit, ne forte noceat: sed ipsimet arbitri partibus terminum ad probationes suas afferendas statuere, sicut & alia omnia agere debent, quæ ad hunc suspicionis articulum spectant. Vtrum Iudex delegatus (cui vnà cum iurisdictione, reliqua etiam, sine quibus ea exerceri nequit, commissa censetur) arbitros compellere potest, vt vel concordent in eadem sententia, vel tertium arbitrum aduocent, cum quo vnus, vel ambo consentiant ne alioquin causæ principalis definitio plus iusto differatur.

SUMMARIUM.

1. Si Iudex recusetur, eligendi sunt arbitri ad causam recusationis cognoscendam, nisi ea in iure expressa, aut aliis notoria sit, aut recusatio manifestè iniusta vel frivola.
Item si duo Iudices delegati sint cum clausula: Si non ambo potestis, &c. aliter de alterius recusatione cognoscit.
2. Si arbitri duo non concordent, tertius ab eis eligendus est, qui eorum discordiam dirimat.
3. Et si arbitri voluntarii non cogantur arbitrium suscipere: cogi tamen possunt, quia ex iuris necessitate eligi debent.

No-

NOTANDUM I. Si index vt suspectus recusetur, ex causa probabili, quæ si probata fuerit, legitima reputabitur (ait Gl. hic ver. suspitionis causa) tum ex partium consensu arbitri eligendi sunt, qui de tota causa suspitionis cognoscant, per potestatem ipsis à iure collatam, vti Imola hic obseruat n. 11. Ita etiam habetur in c. cum speciali, 61. de appellat. & c. 2. eod. in 6. & videri potest Ioann. Andr. hic.

Excipe primò: Si causa recusatationis in iure expressa, aut aliàs notoria, seu indubitata sit: aut si recusatio Iudicis manifestè iniusta, aut friuola est, his casibus opus non est, vt in arbitros cōpromittatur, sicuti Gl. notat incit. c. cum speciali, ver. iustæ suspitionis.

Excipe secundò: Si duo Iudices delegati sint cum clausula, *si non ambo potestis, &c.* tum de causa suspitionis, vni obiectæ, alter cognoscere potest, c. si contra 4. eod. in 6.

NOTANDUM II. Si duo electi arbitri non concordent, cogi debent à Iudice ad eligendam personam tertiam, cuius auctoritate discordia eorum dirimatur. Ita etiam de voluntarijs arbitris habetur in l. Item si vnus, 17. §. principaliter, ff. de recept. qui arbitrium, c. innotuit, 12. de arbitris. Posteaquam verò arbitri sententias suas in discordia dixerunt, videntur esse functi officio suo, vt tunc nihil ampliùs agere possint: quamobrem hoc casu ad Superiorem recurrendum est, arg. c. vlt. de sent. & re iudic. & tradit hic Ioan. Andr. n. 9. Abb. n. 11. contra Speculatorem in tit. de recusat. §. vlt. ver. Quid si arbitri electi, Imolam hic n. 21. qui dicunt, arbitros, etiam post latas à se diuersas sententias posse tertium vt diremptorem eligere, cum textus c. huius nihil distinguat, num sententia lata sit, an ferenda. Quam sententiam ob auctoritatem Speculatoris probabilem, imò & æquitati consonam esse, ne causa delegata maneant indiffusa, censet Abb. hic, quamuis prior, vt dixi, de iure verior.

Denique notat Gl. communiter recepta ver. Ad quos, Tamen si arbitri voluntarij non cogantur arbitrium suscipere, l. 3. §. 1. ff. de receptis, qui arbitrium, & c. secus tamen sentiendum de his arbitris, qui ex iuris necessi-

tate eligi debent, eos ad suscipiendum id minus compelli posse.

CAPITVLVM XL.

P. & G.

PARAPHRASIS.

Publius, & Gaspar Mercatores, literas Apostolicas contra Episcopum Londonensem impetrarunt ad Abbatem S. Genouesæ, in causa mutui, quod suo loco & tempore ipsis perfolutum non fuerit. Pendente hoc iudicio, ad eundem Abbatem, Apostolicum delegatum, Innocentius laicus accessit, qui & ipse mercatori pecuniam debebat, asserens coram Abbate, nisi debitum intra terminum constitutum solueret, vt excommunicationis & interdicti sententiam in ipsum, & terram eius promulgaret. Re hac intellecta, respondit Gregor. IX. censuras ea occasione latas ab Abbate in dictum Innocentium irritas esse: Cum enim is Abbatis iurisdictioni subditus non esset, non potuit eius iurisdictionem prorogare: quia delegata iurdictio de persona in personam non extenditur: tamen si Iudex ille delegatus, videl. Abbas, ordinariam etiam iurisdictionem aliquam habeat.

SUMMARIVM.

1. Promittens certo loco, aut tempore solutionem, si in mora sit, compensare debet, quatenus creditoris interest, solutionem iuxta conventionem factam non esse.
2. Reus obligare se potest coram iudice suo, nisi intra tempus definitum prestiterit, ad quod de iure obligatus est, vt excommunicationis vel interdicti pena subiaceat.
3. Iurisdictione delegata non potest prorogari seu extendi de persona in personam, nisi in duobus extraordinarijs casibus.
4. Etiam si ea concurrat cum ordinaria.

Oooo NOTAN-

NOTANDUM I. Qui promisit certo loco, aut tempore se soluturum, si eo loco, aut tempore (dummodò in mora sit) nò soluat, compensare debet tum damnum inde emergens, tum lucrum cessans, adeoque quantum interest creditoris, solutionem, uti conuenienter erat, factam non esse. Ita habetur in l. 2. ad finem, & l. 3. ff. de eo quod certo loco, & docet hic Gl. communiter recepta, ver. loco, & termino.

NOTANDUM II. Reus obligare se potest coram Iudice suo, nisi intra tempus delicti præliterit, ad quod de iure obligatus est, ut excommunicationis, vel interdicti pœnæ subiaceat. Ita docet Gl. hic ver. promulgare, quam DD. communiter sequuntur, uti videre est apud Abb. num. 6. Imolam n. 25. Quæ admodum, inquit Gl. aliquis se obligare potest sub pœna beneficii amittendi, c. cum dilectus, 32. prope finem, de elect. & c. ult. iun. Gl. ver. causæ, de crimine falsi.

Verùm hæc dicta declaratione indigent: Nam ad pœnam amittendi beneficii clericus se obligare potest, cum ordine ad Superioris voluntatem, per quam priuari possit, uti bene admonet hic Gl. marginal. Quod verò attinet ad censuræ, v. g. excommunicationis sententiam inferendam, nisi debitum v. g. intra definiti temporis terminum solutum fuerit, distinguendum est: Vel enim Reus subiicit se *sententia postea ferenda*; tunc intelligi id debet secundum iuris communis dispositionem, ut antecedit monitio, & cognoscatur de contumacia. Quare hoc casu promittens non nouam obligationem contrahit, sed priorem grauiorem facit, quando cum excommunicationis sibi inferendæ mentione se obligat, iuxta c. Ego Berengarius, 42. d. 2. de consecrat. Vel Reus subiicit se *sententia lata sub conditione, si non satisfecerit*. Et hoc fieri non potest, nisi Iudex velit, & exprimat, se ea seueritate præcipere Reo, ut si intra tempus præfixum non satisfecerit, ipso facto excommunicationis sententiam incurrat. Quo casu opus non erit alia monitione: quia ipsum præceptum, iusta de causâ ita factum perpetuò admonet, uti ex communi tradit Suarez de censur. disp. 3. sect. 8. n. 5. Necessè tamen est, ut Iu-

dex, priusquam hominem pro excommunicatione habeat, ac denuntiet, eodem ad se citato, de crimine contumaciæ cognoscatur: quia fieri potest, ut aliquod ante terminum lapsum superuenerit, quod eum excusaret, & inculpatum reddidit; ut quia soluere non potuit, aut non debuit, eò quod creditor ipsi condonarit. Quæ de re legi potest Innocent. hic, Ioan. Andr. n. 3. Felinus n. 2. Suarez cit. disp. 3. sect. 6. n. 8.

NOTANDUM III. Iurisdicção delegata non potest prorogari, seu extendi de persona in personam. Ratio est: Quia iurisdicção delegata, cum potius ad delegantem pertineat, quam ad delegatum, suapte naturâ strictæ interpretationis est, & ultra terminos commissionis non extendenda. Excipe primum: Quod ad personas, quæ per accidentem, siue accessorie veniunt, extendi possit iurisdicção delegati, ut si tertia persona, cuius interest, eius suum ponat coram delegato, ut etiam supra indicaui in c. cum super, 23. not. 1. hoc tit. vel si coram delegato fideiussor datus compellendus sit ad satisfaciendum. Quæ de re Felinus hic num. 5. Excipe secundò: Quod iurisdicção delegati ad vniuersitatem causarum prorogari possit, secundum probabilem doctrinam Gl. in l. 1. ver. qui tribunali, ff. de iudicijs, quam hic sequi videtur Felinus num. 6. fallent 6. contra Abb. n. 5. Nam hæc iurisdicção ordinariè æquiparatur, secundum Gl. in c. cum causam, 62. ver. delegatus, in fine, de appellat. Iurisdicção autem ordinaria cum partium, ipsiusque Iudicis consensu ad personas alioquin non subiectas prorogari potest, cit. l. 1. iun. Gl. Verùm ad hanc prorogationem requiritur tum voluntas, tum potestas se subijcientis Iudici. Defectu voluntatis inutilis est prorogatio, si quis ideo respondeat coram Iudice, quia falsò existimat, se eius iurisdicçãoi subditum esse, uti notat Gloss. hic, ver. prorogatio nulla. & Felinus hic, constatq; ex l. si per errorem, 15. ff. de iurisdic. ubi & ratio assignatur: *Cum non consentiant, qui errant: quid enim tam contrarium consensu est, quam error*. Defectu potestatis clerici subijcere se non possunt laicorum iurisdicçãoi, cum exemptio Clericorum ob publicum

blicum Ecclesiæ favorem constituta sit, c. si diligenti, 12. de foro compet. Sed neque in Ecclesiasticum Iudicem alienum, absque Ordinarij sui licentia, Clerici consentire possunt, iuxta c. significasti, 18. eod. tit. & tradit Innoc. in c. de causis, 4. n. 1. hoc tit. Ratio asserri debet: quia quod iurisdictione ad personas Iudici non subiectas ex earundem consensu prorogari possit, id Cæsaris legibus introduci potuit quoad subditos Imperij; non item quoad subditos alienos; cuiusmodi sunt Clerici. Ex quo resoluit Rodriq. tom. 1. regul. quæst. 36. art. 5. ibid. Abb. num. 10. Quod exempti à iurisdictione Episcopi, & immediatè subiecti Papæ, tanquam proximo suo Ordinarij, sine eiusdem consensu Episcopali iurisdictioni subijcere se non possint. Quod tamen intelligi debet secundum forum contentiosum. At verò in foro sacramentalis pœnitentiæ, ad absolutionem accipiendam à peccatis; & in actibus iurisdictionis voluntariæ ad petendam dispensationem in votis, legibus ieiuniorum &c. accedere possunt exempti ad Episcopum diocesis suæ, ne alioquin cedat exemptionis privilegium in ipsorum incommodum, contra iuris regulam 61. in 6. *Quod ob gratiam alienius conceditur, non est in eius diffidendum retorquendum.* Idque notat Syl. ver. absolutionis, 5. n. 2. & dixi lib. 1. tr. 4. cap. 23. num. 7. §. Denique.

- 4 His adde: Tametsi in eandem personam concurrant ordinarij iurisdictione, & delegata, ut si Episcopo causa aliqua à Sede Apostolica commissa sit, non posse prorogari iurisdictionem eius delegatam, ut ex textu huius c. constat.

CAPITVLVM XLI.

Cum vicesimum.

PARAPHRASIS.

Qui vicesimum ætatis annum complevit, iudex delegatus esse potest. Sed ante eam ætatem nemo delegari potest, præterquam

à Principe: Aut nisi partes scienter consentiant, ut alicui, qui tamen decimum & statuum annum excessit, delegatio fiat.

SYMMARIVM.

1. *Iudex ordinarius in externo foro constitui non potest minor xxv. annis, nisi loci consuetudo aliud, vel Princeps minorem natu constituat.*
2. *Delegatus esse potest, qui vicesimum annum complevit; minoris adhuc ætatis esse potest, si à Principe ex certa scientia deitur, vel in salem partes consentiant.*
3. *Minor xx. annis arbitrer constitui nequit.*
4. *Mortuo Rege aut Principe successoris regni, vel principatus administratio permittitur subinde, modo pubes sit, in quibusdam tamen provinciis plena pueritæ, hoc est, ætas 18. annorum expellenda est.*

Circa quæstionem hanc, quanta ætas in Iudice requiratur, distinguere oportet, vtrum sit Iudex ordinarius, an delegatus: Et num à Principe datus, an ab inferiore: Denique vtrum ex partium consensu, an sine eo.

Igitur Dico I. Iudex ordinarius in externo foro constitui non potest minor xxv. annis, l. cum lege, 41. ff. de recept. qui arbitrium, &c. l. Ad Rempubl. 8. ff. de muneribus, l. non tantum, 11. ff. de decurionibus. Cum enim minores natu ad propria administranda non satis idonei iudicentur, multò minus ad Rempublicam administrandam, inquit Abb. hinc n. 5. Excipe primò: Nisi consuetudo loci permittat, ut ante legitimam ætatem Iudices ordinarij creantur, uti significatur in cit. l. non tantum. Excipe secundò: Quod minor natu à Principe Iudex constitui possit, quia censetur dispensare in ætate; dummodò ex certa scientia egerit, l. quidam, 57. iun. Gl. ver. decrevit, ff. de re iudic. & tradit Gl. communiter recepta in

Oooo 2 l. cum

l. cum Prætor, 16. ver. & impubes, ff. de iudic. Vide Imolam hic & Abbatem.

2 Dico II. Minor xxv. annis potest esse Iudex delegatus; adeo ut partes ratione solius ætatis recusare ipsum non possint: dummodò annum viciesimum compleverit. Ita sumitur ex hoc c. & cit. l. quidam. Id verò speciale est, quòd inuitus non cogitur delegationem vel arbitrium acceptare: sin autem acceptauit, cogitur sententiam dicere: sed potest petere restitutionem in integrum, si ex imprudente acceptione lusus sit, cit. l. cum lege.

Porrò requisitum illud, quòd Iudex delegatus viciesimum ætatis annum compleuisse debet, limitandum est primò: Nisi Iudex à Principe datus sit, quippe qui in ætate dispensare potest. Requiritur tamen, ut Princeps ex certa scientia minorem annis xx. iudicem dederit: alioquin rescriptum subreptitium censetur. Deinde valde probabiliter dicitur cum Imola hic n. 12. Abb. num. 2. quòd Princeps impuberem ad iudicandum inter partes habilitare non possit. Nam Principi concessum non est iura naturalia, & quæ gentium omnium communia sunt, mutare, s. naturalia, Instit. de iure natural. gent. & ciuili. Sed ut impuberes Iudices constituantur, à natura & omnium gentium consuetudine alienum est, cum iudicij maturitatem consecuti non sint, uti constat ex l. cum prætor, 12. de iudic.

Limitandum est secundò: Nisi partes consentiant, ut minor xx. annis, dummodò octodecim annos compleuerit, Iudex à non Principe delegetur, ut hic, & in cit. l. quidam. Sed compromissarius, vel arbitrer, à partibus constitui non potest, qui minor est xx. annis, uti constat ex cit. l. cum lege. Rationem leges in Gl. hic ver. ætatem: quia multa sunt remedia in iudicio, ut supplicatio, appellatio, quæ in arbitrio non sunt. Cæterum, si arbitrer eo tempore, quo sententiam inter partes præstans fert, ætatem legitimam habeat, etsi ante affectus non fuerat, valet quod agit: quia partes denuò in illum compromittere censetur, dummodò scienter agant, ut Imola hic notat num. 8.

Barbat. col. antepen. ubi benè monent, secus esse in iudice, quippe qui à partibus iurisdictionem accipere non potest.

Quærant hic Abb. & Barbat. Si mortuo Rege, aut Principe successores legitimam ætatem non habeat, quamvis pubes sit, num regnum administrare possit, an verò administrator seu curator statuendus. Quam q. in vtramque partem disputat Ioan. Andr. in addit. speculi, quæst. 1. posteriorem eam partem eligens. Sed contrarium tenet Abb. & ita obseruari solet, ut regi administratio natu minori relinquatur, si pubes factus sit: In quibusdâ verò provinciis plena pubertas expectanda est, quæ 18. ætatis anno contingit, l. adrogato, 40. ff. de adoption. Neque refert, quòd minor natu ad graues conuersas decidendas idoneus non sit. Nam etiam scæmina ad iudicandum idonea non censetur, reg. 2. ff. & tamen si ex successione ei regnum debeatur, administrationem habet, cum possit Iudices idoneos constituere.

CAPITVLVM XLII.

Vno.

PARAPHRASIS.

Si vnus ex Iudicibus delegatus, vel arbitris vitâ excesserit, etiam aliorum officium expirat: nisi in delegatione, vel compromisso clausula adiecta sit, *si non ambo, aut si non omnes, &c.*

SUMMARYM.

1. Potestas plurium delegatorum & arbitratorum expirat per mortem vniui; nisi clausula si non omnes, &c. adiecta sit, vel res integra non sit, &c.
2. Secus est in arbitratoribus.

NOTANDVM Vn. Sicuti mortuo vno delegatorum, aliorum potestas expirat, si res integra sit, sic etiam se res habet in arbitris, quòd mortuo vno delegato Iudice, alterius vel aliorum plurium iurisdictione expirat,

Quoniam.

PARAPHRASIS.

Si præter duos Iudices, Papa ex officio, aut partium consensu tertium delegatis potest alteri subdelegare : propterea quod Pontifex delegans non intendat personam providere, sed causam. Idem quoque dicendum, si Papa committat Episcopo. Si non omnes potestatis, ut frater, Episcopo, cum altero Coiudicum cognoscas, quod Episcopus vices suas subdelegare possit, ita ut alij sine subdelegata procedere non valeant.

SUMMARIUM.

1. *Delegatus Principis ordinariè subdelegare potest.*
2. *Delegatus Papa, cui personaliter executio mandata sit, potest partibus consentientibus alteri delegare, nisi ei commissum sit inquisitio, vel promissio de Prælatu, aliusque ministris Ecclesiæ.*
3. *Si clausula aut conditio commissioni adiecta sit in partium favorem, ab ea recedi potest cum earundem consensu, non item, si adiecta sit ob publicam utilitatem.*
4. *Delegatus Principis, si eius industria ac fides electa est, subdelegare non potest. Et quando censetur eius industria & fides electa.*
5. *Cui nuda ministerium personaliter exequendum commissum est, ipse plerumque exequi debet.*
6. *Quod si sub nomine dignitatis alicui commissum sit transitus ad successorem.*
7. *Et si ex causa Christi alicui talis commissio fiat nudi ministerii, ut hominem excommunicet, vel absolvas, ratione illius competet ei iurisdictio.*

rat, constat etiam ex c. licet, 30. hoc tit. & c. Raynaldus 18. de testament. Ratio verò est, quæ affertur in l. duo ex tribus, ff. de re iudic. Quia omnes simul iudicare iussunt. Excipitur verò primò: Nisi clausula, *si non omnes &c.* adiecta sit. Secundò, Si res integra non sit, sed iudicium agitari cõptum, tum vnius morte non extinguitur iurisdictio aliorum, cit. c. licet, & notat Gl. hic, ver. delegatorum. Tertiò, Si vnus alteri vices suas commiserit, illo mortuo iurisdictio manet, etiamsi res integra sit, c. quamvis, 6. hoc tit. Quartò, Si delegatio facta sit intuitu dignitatis: quia morte delegati non extinguitur, sed ad successorem transit, c. quoniam, 14. hoc tit.

Ampliari autem debet tradita doctrina, ut locum etiam habeat, si alter Iudicis iudicandi potestate priuatus sit, ut quia infamis redditus est iuris infamia, ut colligitur ex c. seiscritatus, 14. de rescript. & docet Gl. cit. Vel si ob crimen à dignitate, quam habet, personam depositus, sicuti dixi in cit. c. quoniam, & c. licet,

Quæri solet: Quod hic dicitur de arbitris, vtrum etiam locum habeat in arbitratoribus? Et respondet affirmatiuè Ioann. Andr. n. 3. Abb. n. 4. Quia generali arbitratorum appellatione etiam arbitratores comprehenduntur, uti constat ex l. societatem, 76. §. arbitratorum, ff. pro socio. Quare regulam hic tradis Abbas: Quod iura facientia mentionem de arbitris, etiam ad arbitratores referri debeant, nisi ratio diuersitatis appareat. Verum si per arbitratorem intelligamus eum, qui ius partibus non dicit, sed amicabiliter eas componit, eum nomine arbitri non comprehendendi, dicitur in l. Pomponius §. recepisse, ff. de receptis qui arbitrium, & notat Bartolibi, *Arbitrator est, inquit, qui inter partes iudicis officium assumit, non qui amicabiliter componit.* Quare quæ his ec. de arbitris dicuntur, transferri non posse ad arbitratores, qui ius partibus non pronuntiant, annotauit Barbat. hic col. 2. Vide quæ dixi lib.

4 Th. mor. tr. 3. c. 1. n. 6.

* * *

PRo intellectu notant hic Imola n. 2. Abb. n. 3. Barbat. col. 2. Si partes in Curia

0000 } præ-

præfentes ſint, non dari Iudicem ad petitionem vnius, iuxta Gl. in l. obſeruandum 47. ff. de iudic. Sed vtrique parti permitti, vt Iudicem ſibi delegent, atque ad faciliorem cauſæ expeditionem, tertium ſuperaddi ex partium communi conſenſu, aut, ſi conſentire nequeant, ex officio Papæ. Præterea Pontifex interdum ex tribus deputatis Iudicibus vnum præſeligere ſolet, *Si non omnes, tu Epifcopo &c.* Quo caſu, Epifcopus vno collega mortuo procedere poteſt cum altero: ſed non vice verſa ambo illi abſque Epifcopo.

Ait itaque Pontifex, non obſtante hac præſelectione, poſſe præſelectum alteri ſubdelegare: Item, non obſtante, quòd Iudex tertius communi partium conſenſu electus ſit, poſſe eum alteri vices ſuas committere: quod intelligendum videtur, etiam non requiſito conſenſu ipſarum partium, ſecundum Gl. hic ver. negotijs. Ioann. Andr. & Abbat. hic n. 5. contra Specul. hoc tit. §. Sequitur, princ. Id verò probabilius eſt, quod idem Specul. tradit, quòd Iudex tertius, qui veluti diremptor ex partium cōſenſu, vel ex officio Papæ deputatus eſt, non poſſit vices ſuas committere alterutri Iudicū, quem pars ſibi delegit.

NOTANDVM Vn. Delegatus Principis ordinariè poteſt cauſam alteri ſubdelegare. Neque præſumendum facile eſt, quòd in commiſſione electa fuerit induſtria perſonæ. Quia Princeps attendere nõ ſolet ad perſonas, quibus committitur: ſed potiùs ad cauſas, vt citò expediatur. Quare alia ratio eſt de gratijs ac priuilegijs, quæ in fauorem perſonarum conceduntur, atque idcirco in alias perſonas transfundi non poſſunt, vt dixi etiam ſuprà in c. ſuper quæſtionū, 27. hoc tit.

s. Is autem.

SI cui à Papa cauſa commiſſa ſit, ita vt eam perſonaliter exequatur, nihilominus eam partibus conſentientibus alteri delegare poteſt: præterquam ſi mandatum ſit, vt inqueſtitio aliqua fiat, vel Eccleſijs prouideatur de Prælatiſ, aliſue Miniſtris: tum enim,

ſingulariter cenſetur electa induſtria, ac fides perſonæ, cui commiſſio ſit.

NOTANDVM I. Si clauſula, aut conditio commiſſioni adiecta ſit in partium fauorem, ab ea recedi poteſt cum earundem conſenſu expreſſo, aut tacito. Sin autem ob publicam vtilitatem adiecta ſit, tum locum habet regula: Quòd forma reſcripti exactè ſeruari debeat, alioquin acta irrita ſint, c. venerabili, 37. hoc tit. c. cum dilecta, 22. de reſcript. Ita bene hic docet Innocent. n. 1. Quia partes, inquit, renuntiare his poſſunt, quæ pro ipſis introducta ſunt, non autem ijs, quæ pro publica vtilitate, aut Iudicis officio decreta.

NOTANDVM II. Si Princeps induſtriam ac fidem à ſe delegati elegiſſe cenſeatur, non poteſt ſi alteri cauſam ſubdelegare. Conſentit c. 3. hoc tit. Porro induſtria Iudicis delegati ſpecialiter electa cenſetur: Primò; Si ipſa verba expreſſè ſignificent: vt ſi dicatur, *Per te ipſum*, ſeu *perſonaliter exequaris*; item, *confidimus de induſtria*, ac *diſcretionē tuā*; dummodò appareat, quòd hæc verba referantur ad ipſam cauſæ cognitionē, & non ad expeditionem quæcumque. Quia ſi delegatus idoneæ perſonæ ſubdeleget, ſatis prudenter prouidiſſe cenſetur cauſæ expeditioni. Secundò; Si grauitas negotij requirere videatur: ſeu quia iure expreſſum eſt, vt grauis & nõ ſubdelegabilis cauſa cenſeatur, vt in c. is cui, 12. in 6. ſeu quia qualitas negotij talis eſt, vt non facile ab alio expediri poſſit, vt Innoc. hic docet, n. 2. Abb. n. 6. & plura leges apud Felinum ſuper hoc §. n. 2. & 4.

s. Cæterum.

SI cui à Sede Apoſtolica commiſſum ſit, vt erucem prædicet (pro recuperatione terræ ſanctæ) vel excommunicet, aut abſoluat aliquos, vel cum irregularibus diſpenſet, vel penitentias iniungat, non poteſt tale quippiam alteri committere: quia non iuriſdictio, ſed certum aliquod miniſterium ei commiſſum eſt: Excipitur verò Legatus Apo-

Apostolicus, qui talia per alium exercere potest. Idque propter multitudinem negotiorum, ait Felinus hic, quæ solis expedire non potest.

NOTANDVM. Quod dicitur, Principis delegatum causam sibi commissam alteri de-
mandare posse, intelligitur de iurisdictiona-
libus: Sed nudum ministerium, seu execu-
tionem sibi à Principe delegatam personaliter
plerumque exequi debet. Tamen si verò casus
in specie hic exprimantur, tamen ratio adie-
cta ostendit, de omnibus casibus similibus
idem de iure dicendum esse, per regulam
quam tradunt DD. in l. cum pater, 77. §. dul-
cissimis, ff. de legatis, 2. Quod ratio adiecta
dispositioni eam restringat, vel extēdat. Siue,
vbi eadem omnino dispositionis ratio est in
lege expressa, idem ius cēferi debet.

Hæc verò non ita intelligenda sunt, quasi
in nullo casu ministerium nudum Commis-
sarius alteri delegare possit: Nam interdum
talis est commissio, vt appareat æquè per al-
terum præstari posse, vt constat aperte ex c.
is cui, 2. eod. tit. in 6. Sed dicendū est, Prin-
cipem causæ alicuius executionem, aut nu-
dum ministerium committendo, frequen-
tissimè attendere ad industriam personæ, vt
in exemplis prædictis, & alijs similibus, quæ
in executore industriam, & rerum peritiam
requirunt. Rationem assert Abb. hoc c. §.
is autem, n. 6. Cū in articulo iurisdictiona-
li secundum publicas leges procedendum
sit, perinde ferè esse solet, quisnam Iudex
constituatur, dummodò legum peritus sit.
At verò in nudo ministerio, & executione
potius operatur hominis industria, & aucto-
ritas: quare sæpe ad eam Princeps respicere
solet.

Sed quærunthic primò: Si nudum mini-
sterium alicui commissum sit, sub nomine di-
gnitatis, vtrum ab eo ad successorem trans-
eat. Affirmari debet cum Imola hic n. 36.
Abb. n. 7. Felino n. 8. Menochio lib. 1. arbitr.
qq. q. 68. Sanchez lib. 7. de matrim. disp.
27. n. 15. contra Bartolum in l. more ff. de
iudicijs, & alios apud Sanchez. Nam ideo
Episcopo v. g. sub nomine dignitatis causa

exequenda committitur, quia præsumptio est
quod etiam successores idonei ad execu-
tionem futuri sint, vt bene notauit Ioan. Andr.
hic n. 25. Videri etiam potest Innocent.
hic, n. 3.

Quærunthic secundò: Si nudum ministe-
rium, seu vera executio alicui commissæ sit,
vt hominem excommunicet, vel absoluat,
num ratione huius commissionis iurisdic-
tio aliqua ei competat. Gl. margin. hic, &
Abb. n. 5. negant argum. huius textus. Præ-
terquam si literis Apostolicis clausula adiecta
sit, *contradictores compescendo*. Sed arbitror
probabiliter dici posse cum Gl. hic ver. com-
missum, Ioan. Andr. n. 33. Imola n. 19. Si alicui
commissio talis extra Curiam Pontificis
fiat, quod compescere & punire possit, tam-
etsi clausula illa adiecta non sit; cum de iure
insit, argum. c. præterea, 5. & c. ex literis, 29.
hoc tit. vbi regula traditur, quod commissio
vno, cēsentur etiam alia commissæ, sine quibus
illud expediri nequit. Id verò maximè
locum habet in Pontificijs mandatis, qua-
rum expeditionem, propter Apostolicæ Se-
dis auctoritatem non conuenit impediri, aut
retardari: Et speciatim, quod executor Pa-
pæ in prouisionibus beneficiorum, iurisdic-
tionem habeat, quatenus ea necessaria est ad
mandatum implendum. Ad argum. in con-
trarium respondetur: Licet nudum ministe-
rium v. g. excommunicationis inferendæ, aut
promulgandæ, iurisdictionem per se non cō-
tineat, posse tamen per accedens adiunctam
habere iurisdictionem, quæ etiam in hoc
casu subdelegari poterit, licet ipsa executio
non possit, vt docent hic Innoc. n. 4. Abb. n.
4. Et in simili tradit Specul. tit. de iudice
delegato, §. ult. n. 24. Licet Iudex conferra-
tor quatenus sine indagine iudiciali de iniu-
rijs manifestis tantum cognoscit iuxta c. 1.
eod. tit. in 6. alteri vices suas committere ne-
queat, posse tamen committere cogni-
tionem causæ, si dubitetur, an ini-
uria manifesta sit.

* * * *

CAPIT.

CAPITVLVM I. cod.

Tit. in 6.

Statuimus.

PARAPHRASIS.

Conseruatores, qui à Sede Apostolica deputantur, à manifestis iniurijs ac violentijs defendere debent eos, quorum defensio ac conseruatio ipsis commissæ est: Sed ad alia, iudicalem cognitionem exi-gentia, se intromittere non debent,

SUMMARIUM.

1. Conseruator est, qui à Papa datus ad defendendum aliquos aduersus iniurias & violentias manifestas, absque indagine iudiciali.
2. Recusari non potest, si requisitus qualitates habet.
3. Daresolent Iudices Conseruatores super quibuscunque violentijs & iniurijs.
4. Nec possunt tantum defendere ab iniurijs & violentijs illatis, sed etiam ab inferendis.
5. Regulares Ordines iniuriarum passi in causis tam civilibus, quam criminalibus, siue actores, siue rei sint, Conseruatorem eligere possunt, qui non sapient in causa manifesta, sed etiam si iudicalem indaginem requirat, sine strepitu iudicij procedat,

Conseruare idem est, quod seruare ius pristinum, vti notauit Cardin. Tuschus ver. conseruare, concl. 759. Quare Iudex conseruator propriissimè dicitur ad seruanda & tuenda iura & priuilegia, quæ v. g. Regularium Ordinibus à Sede Apostolica concessa sunt.

Generalitèr autem, Iudex conseruator dicitur, qui à Sum. Pontifice datus est, ad defendendum aliquos aduersus iniurias, & violentias manifestas, absque indagine iudiciali. Est quidem controuerfia inter Canonicos, vtrum ab inferiore Ordinario Con-

seruator dari possit: Affirmant enim cum Archidiacono Ancharanus hic q. 3. Dominicus col. 2. Negant verò cum Ioann. Andr. Syl. ver. Conseruator, q. 1. Azor. tom. 2. lib. 5. q. 6. Rodriq. tom. 1. regul. q. 65. a. 2. argum. e. huius, & e. vlt. cod. tit. Et verò secundùm formam, quæ hodie Conseruatores dari solitos esse, dicam in fine huius c. & secundùm amplissimam potestatem, vt à nemine, ne quidem à Legatis à latere, aut quibusvis Ordinarijs in suo officio impediri queant, sed contra ipsos impedire volentes procedere possint, vti Cardin. Tuschus refert ver. Conseruator, Hac, inquam, forma, & potestate certum est, Conseruatores à solo Papa dari posse.

Dantur autem, spectato communi iure, Conseruatores ad arcendas violentias, & iniurias manifestas, sine indagine & inquisitione iudiciali. Nomine iniuriarum intelligi debet quodcunque damnum iniuste illatum, vti bene docet Rodriq. 2. 12. Manifestum autem dicitur, quod vel ita patens est in publico, vt nulla tergiversatione celari possit, vel si in iudicio notorium sit, vt si reus à Iudice Conseruatore citatus, secundùm Gl. h. c. ver. cōseruatores, Syl. ver. conseruata, q. 3. dicto 3. Rodriq. cit. a. 12. ver. aduertendum, & sumitur ex c. vltra. 7. ver. non distretur, de cohabit. Cleric. & mulierum. Etenim vtroque casu, siue iniuria notoria sit euidentia facta, siue confessione Rei coram Iudice, cessat dubium & iudicialis inquisitio seu examen.

Quod si verò Reus citatus, mox obijciat iniuriam notoriam non esse, aut quod fecit, se iure fecisse: tunc Conseruator hoc ipsum cognoscere potest, an videlicet crimen notorium sit, adeoque num in hoc casu iurisdic-tio sibi competat, hic docet Ioann. Andr. paulò post princip. Lapus n. 2. Ancharan. col. 1. Dominicus ad 1. Gl. Syl. cit. q. 3. argum. l. si quis ex aliena, 5. ff. de iudicijs, vbi generatim docent DD. quòd Iudex cognoscere possit, an sua sit iurisdic-tio. Nam alioquin inutilis ferè esset potestas Cōseruatoris, si criminoso obijciēte defectum notorij, de hoc ipso cognoscere non posset: Cùm autem Princeps potestatem alicui cō-

mittit,

mittit. censetur etiam ea committere, sine quibus res expediri non potest. c. præterea. 5. extra, hoc tit.

3. Corollarium I. Licet aliquin Iudex delegatus tanquam suspectus recusari possit; id tamen speciale habet Conseruator, quod recusari non possit, si alias à iure requisitas qualitates habeat, de quibus in c. ult. hoc tit. Ita Gl. communiter recepta ver. Conseruatores, in fine. Ratio est: Quia in notorijs non admittitur recusatio, vel appellatio: Sed Iudex Conseruator de notorijs tantum cognoscit. Ergo &c.

Ceterum si dubium sit de notoreitate, & de hoc dubio Conseruator cognoscere velit, tanquam suspectus recusari poterit: sicuti & appellari à sententia interlocutoria, si factum notorium esse Iudex pronuntiet, vti bene notauit Cardin. Tuschus ver. Conseruator, concl. 760. ex Abb. p. 1. consil. 100. n. 3. vbi singulariter notat; Licet in facto notorio appellari non possit, c. cum sit. 5. §. præterea, iun. Gl. de appellat. tamen à sententia Iudicis declarantis esse notorium, appellari potest.

Corollarium II. Licet aliquin generalitas causarum præsentium, & futurarum à Papa delegari non soleat, cum per eiusmodi delegationem Ordinariorum potestati multum derogetur, vti Gl. aduertit in c. ad hæc 10. de re scripti. Multò minus Iudex incertus delegari soleat, quem pars sibi elegerit: cum possit propitium seu fauentem sibi deligere, cum alterius partis detrimento, cit. c. ad hæc. Tamen Iudices Conseruatores à Papari solent super quibusconq; violentijs, & iniurijs. Neq; enim obstat primò; quod ordinariorū Iudicum iurisdictioni derogetur. Quia fauor pauperum, & oppressorum, præsertim Ordinum Religioforum, id persuadet, vt in speciale Sedis Apostolicæ patrocinium recipiantur. Neque obstat secundò, quod oppressores, si laici sint, ad Ecclesiastici Conseruatoris forum trahantur: Cum enim Ecclesiasticas personas opprimunt, & vexant, eorūque crimen sit mixti fori, vt etiam ad Ecclesiasticum tribunal citari queant, c. cum sit. 8. de foro compet. & tradit Couar.

in pract. qq. cap. 6. Non obstat tertio; quod causarum generalitas delegetur, & quidem Iudici Conseruatori electo v. g. Regularibus secundum eorum priuilegia. Cum enim spectato communi iure, Conseruator in causis dubijs iurisdictionem non habeat, sed tantum in manifestis iniurijs, non est periculum, ne in fauorem partis læsæ iniuste procedat, vti Ancharanus hic notat. col. 1. Deinde, si in causa dubia, aut iudiciale examen requirente procedere debeat, vt suspectus, iusta suspicionis allata causa, recusari poterit: ab eoque siue iudicialiter, siue extra iudicialiter grauante ad Sedem Apostolicam appellari. Denique Sum. Pontifex ex plenitudine potestatis suæ, ob fauorem publicum personarum, quæ se ipsas defendere non possunt, & sæpe opprimi solent, specialia iura & priuilegia, vltra communes canones concedere non prohibetur, vti Rodriq. notat, cit. q. 65. a. 1.

His addendum est primò: Quod Iudex Conseruator non tantum defendere possit 4. iniurijs & violentijs illatis per censuras compellendo iniuriantem ad satisfactionem competentem; sed etiam ab iniurijs ac violentijs iheredis. Vt si aliquis paratus sit ad vim, aut bellum iniustum inferendum Ecclesiasticis personis, earum Conseruator sub censura excommunicationis præcipere illi potest, vt obstat, argum. e. Romana, 5. ver. Caueant, de sent. excomm. in 6.

Addendum secundò: Quod Summorum 5. Pontificum priuilegijs ampla supra ius commune facta sit potestas Regularibus Ordinibus, vt iniuriam passi in causis tam ciuilibus, quam criminalibus, & siue actores sint, siue rei, Iudicem Conseruatorem eligere possint, qui non tantum in causa manifesta, sed etiam si iudiciale inuaginem requirat, sine strepitu iudicij procedat, vti videre licet apud Syl. ver. Conseruator, q. 3. in fine, Rodriq. cit. q. 65. a. 12. Erasim. Cokier de Conseruator. q. 1. & in comp. priu. Soc. Iesv. ver. Conseruator, §. 1. Imò admonet Gl. magna hic, Dominicus in c. ult. hoc lib. & tit. 5. Conseruatores, ver. Quæro, an indistinctè, Nauar. c. 27. man. n. 125. Rodriq. cit. a. 12.

Pppp quod

quòd hodie plerumque Conseruatores dari soleant, vt iudiciale cognitionem habeant : Idque ex plenitudine Pontificiæ potestatis, ait Rodriq. hic a. 1. quæ canonum decretis ita alligata non est, quòd minùs ex iusta & publica causâ recedere possit. Plura dicentur infrâ c. vlt. hoc tit.

CAPITVLVM II.

Quia Pontificali.

PARAPHRASIS.

Indices, & Conseruatores à Sede Apostolica deputati, in coactione ac punitione Episcoporum mandata ipsorum violentium, moderatione vti debent, propter reuerentiam Episcopalis culminis : Ita vt Episcopo contumaci primò Ecclesiæ ingressus interdicatur, postea officium sacerdotale, deinde ab officio absolutè suspendatur, & sic deinceps aggrauetur censura : nisi contumacia Episcopi nimis accrescat, vt excommunicatio inferenda videatur. Consentit c. sanè, 11. & c. pastoralis, 28. extrâ, eod. & videri potest l. vlt. C. Vbi Senatores &c.

SUMMARIVM.

1. In censuris ferendis, præsertim contra personas ecclesiasticas, gradatim procedendum est, ita vt leuiiores priùs inferantur.
2. Episcopus contra Iudicem excommunicare volentem, non obseruato hoc ordine appellare potest, tanquam grauatus; si autem non appellet, sententia erit valida, licet Index malè agat, & puniri possit.

NOTANDVM Vñ. In censuris ferendis, præsertim contra personas Ecclesiasticas sublimes, gradatim procedendum est, ita vt leuiiores priùs inferantur, vti etiam significatur in c. vlt. in fine, vt lite non contestata, & dixi lib. 1. Th. mor. tr. p. 2. c. 1. n. 6. Ratio est: Quia censura est pœna medici-

nalis, quæ ideo infertur, vt reus à cõtumacia & culpa recedat, & Ecclesiæ obediat, iuxta c. 1. de sent. excom. in 6. Quare si finis iste per leuiora remedia obtineri potest, non est ad seuerissimam excommunicationis pœnam descendendum: nisi grauis, aut diuturna contumacia talem seueritatem exigere videatur, vt ecclesiæ auctoritas, & disciplina Ecclesiastica conseruetur.

QVÆRITVR I. Quæ hic dicuntur de Episcopis, an etiam locum habeant in electis ac confirmatis, sed nondum consecratis? Respondendum est affirmatiuè cum Ioann. Andr. hic princ. Dominico, ver. Quæro an iste textus. Nam generalis regula tradi potest ex Abb. in c. accedentibus, n. 3. de excess. Prælatorum, Quæ Episcopis ratione dignitatis Episcopalis concessa sunt, & non ratione ordinis, ea ab electis & confirmatis, quamuis non consecratis, exerceri posse, vti est dispensare, indulgentias dare, Confessarios approbare, exponere &c.

QVÆRITVR II. Si delegatus Papæ non obseruato hoc ordine, Episcopum sibi inobedientem ac contumacem statim excommunicet, num valeat sententia? Resp. Quòd Episcopus contra Iudicem excommunicare volentem appellare possit, tanquam grauatus. Sin autem non appellet, videtur sententia valida, licet Index malè agat, & puniri possit, secundum Gl. hic ver. aliter, Dominic. circa Gl. fin. Tamen enim præmissio ordinis ab homine mandante præscripti vitiè processum, c. venerabili, 37. extrâ, hoc tit. c. Pisanis, 19. de restit. Spoliatorum; non ita tamen, si ordo à iure præscriptus violetur, nisi is substantialis sit: Ordo autem ille substantialis censi non potest, dummodò contumacia Episcopi grauis & absolutè loquendo, capax sit tantæ censuræ.

CAPITVLVM III.

Si duo.

PARAPHRASIS.

Papa tribus Iudicibus causam aliquam delegauerat; duo eorum partem seu articulum

lam causæ iurisdictionalem alijs commiserunt: Quod si tertius delegatus cum duobus delegatis ad articuli eius cognitionem procedat, & pars litigans appellet, ad cuius tribunal appellatio tendere debet? Respondet Bonifacius VIII. In hoc casu non ad subdelegantes, sed ad Papam, ut primum delegantem, appellandum esse.

SUMMARIUM.

1. Si tota causa alicui committatur, appellandum est ad primum delegantem; si autem tantum articulus causæ, ordinariè à subdelegatis ad subdelegantem appellari debet; nisi cum subdelegato uno vel pluribus cognoscat delegatus.
2. Si Iudex ordinarius, v. g. Episcopus causam delegarit, semper à delegato appellabitur ad delegantem.

A Dueret, quod dubitatio ista moueatur, si non tota causa alijs Iudicibus commissa sit, sed pars siue articulus. Quia si tota causa committatur, constat ex c. super questione, 27. §. Porro, appellandum esse ad primum delegantem. Sin autem articulus causæ delegatus sit, ordinariè à subdelegatis appellari solet ad subdelegantem, cit. §. Porro. Sed ab hac regula exceptio ponitur, nisi cum delegato vno vel pluribus cognoscat delegatus. Tunc enim si ad condelegatū appellaretur, absurdū hoc sequeretur, quod à pari appellaretur ad parem, cum tamen appellatio omnis ad maiorem seu superiorem tendere debeat, l. 1. §. Si quis, ff. de appell. c. anteriorum 24. §. illud, causa, 2. q. 6. Videri potest Ioann. Monachus hinc n. 2.

Ceterum, si Iudex Ordinarius v. g. Episcopus causam delegarit, semper à delegato appellabitur ad delegantem. Ratio discriminis est: Quia tametsi Ordinarius causam in totum deleget, non potest tamen à se iurisdictionem abdicare, cum eam propriā & stabilem habeat: At verò delegatus, cum propriā non habeat iurisdictionem, sed concessam, eam in totum abdicare, & alteri committere non potest. Quia ipsa etiam causa est, cur Or-

dinaris delegatam iurisdictionem semper reuocare possit, non item delegatus, si subdelegauit, & subdelegatus iurisdictione uti coepit. Ita notat Ancharanus c. si is cui, hoc lib. & tit.

CAPITVLVM IV.

Si contra.

SUMMARIUM.

1. Cum recusatur vnus ex duobus delegatis à Papa cum clausula: quod si ambo &c. Iudex non recusatus debet cognoscere: si non adsit ea clausula, ad arbitros recurrendum est.
2. Si vnus ex duobus iudicibus causam totam alteri subdelegauit, is autem ut suspellus recusetur, poterit de causa suspicionis proposita ante citationem falli subdelegans cognoscere.
3. Cum recusatur delegatus Episcopi, vel eius Officialis, de causa recusationis cognoscat Episcopus.
4. Si subdelegatus ad partem tantum causæ à parte iam citata tantum suspellus recusetur causam suspellus non citatam subdelegans cognoscat. Si autem subdelegatus sit ad totam causam, arbitri eligendi sunt, vel condelegatus iudex debeat cognoscere, si adiecta sit clausula, quod si ambo &c.
5. Iudex ordinarius vel delegatus cognoscere potest, an sua sit iurdictio, nisi dubium existat circa ipsam iudicis personam.

S I duobus à Papa Iudicibus delegatis, contra vnum eorum causa suspicionis obijciatur, quæ si probata fuerit, legitima cōferi debet ad recusandum Iudicem, quæritur, quis probationes admittere, & de causa recusationis cognoscere debeat. Respondet Bonifac. VIII. Si in commissione adiecta sit clausula, *Quod si ambo non possint, vnus in causa procedat*, tunc Iudex non recusatus debet cognoscere: Sin autem clausula illa non adsit, tum ad arbitros recurri debet.

Pppp 2

Vide

Vide quæ dicta sunt in c. suspicionis 39. extrà. eod.

- 2 Sed queri hic potest? Si vnus ex duobus Iudicibus causâ alteri subdelegauit, is autem vt suspectus recusetur, quis de causâ suspicionis cognoscere debet? Respondeo & Dico I. Si tota causâ alteri subdelegata sit, & antequam citatio facta, partes suspicionis causam proponant subdeleganti, poterit is de ea cognoscere, iuxta c. super quæstionum, 27. §. Porro, extrà eod. & tradit. Dominic. hic col. vlt. post Innoc. quem refert & sequitur Gl. hic ver. Episcopi.

Dico II. Si subdelegatus à parte iam citata tanquam suspectus recusetur, distinguendum est, vtrum tota causâ subdelegata sit, an pars: Si pars tantum sine articulus, subdelegans cognoscat, vti Gl. hic docet cit. ver. Episcopi. argum. cit. c. super qq. §. Si verò. Sin tota causâ alteri commissa sit, tunc arbitri eligendi sunt: Vel Index condelegatus cognoscat, si adiecta sit clausula, *Quod si non ambo*, vti colligitur ex hoc c.

§. Cum autem.

- 3 SI contra delegatum ab Episcopo suspicionis causa opponatur, de ea Episcopus cognoscere debet. Idemque seruari debet, si Officialis Episcopi tanquam suspectus recusetur. Tamen si enim ab Officiali ad Episcopum appellari impossibile sit, c. 2. de consuet. in 6. potest tamen ad eum recurri, vt de causa suspicionis cognoscat.

Rationem discriminis dat Gl. fin. Quia de substantia appellationis est, vt tendat ad aliud tribunal maius, siue Iudicem maiorem. At causa recusationis etiam à pari, v. g. condelegato; imò etiam à minoribus, videl. arbitris, cognosci potest. Aliam rationem asserit Gl. marginal. ex Ancharano hic not. vlt. Quia appellatio respicit iurisdictionem, quæ eadem est in Episcopo & Officiali eius. At verò recusatio respicit personam, quæ diuersa est: ideo appellatio ab Officiali ad Episcopum fieri nequit: Sed recusatio Officiali, non ideo etiam Episcopus recusat.

Sed quid si causa suspicionis perinde Epi-

scopum, ac Vicarium officiat, vti videre est in c. insinuante, 25. extrà, eod. quis tum cognoscat? Respond. cum Dominico in fine huius c. Arbitros eligendos esse, iuxta c. eum speciali, 61. de appellat. Quod ipsum quoque agendum esse ait hic Ioann. Andr. & Ancharanus, not. 4. si Episcopus in remotis partibus sit, vt ad ipsam quæstio referri facile non possit.

NOTANDUM Vn. Tamen Index ordinarius, vel delegatus cognoscere possit, an sua sit iurisdicção, l. 2. ff. Si quis inius vocatus, l. si quis in aliena. §. ff. de iudicijs, limitari tamen debet: nisi dubium existat circa ipsam Iudicis personam; vti si obijciatur, quod sit excommunicatus, infamis, amens & similiter, si vt suspectus recusetur, de tali exceptione Index cognoscere non potest, quia sicuti suspectus, aut deficiens censetur in causa principali, ita & in accessoria. Quare hoc casu Superior aduocandus est, vel arbitri eligendi. Ita docet Bartolus in l. quidam consulebat, n. 3. & seqq. ff. de re iudic. Ancharan, hic not. 3. Probus addit. 1. in Ioann. Monchum, contra Innoc. c. eum super, 23 n. 3. extrà, hoc tit. Imò generaliter loquuntur DD. in l. de iure, 37. ff. Ad Municipalem, quod Index, cuius iurisdicção in dubium reuocatur, si inde commodum percepturus sit, non possit ipsemet pro se sententiam ferre.

CAPITVLVM V.

Iudex.

PARAPHRASIS.

Si à Papa delegatus Index legitime recusari possit (quia v. g. dominus est impetrans) non prohibetur eum sibi commissam alteri subdelegare, priusquam recusatio contra eum proponatur. Adeo vt si in totam causam subdelegari, commissio ex hoc capite impugnari aut recusari non possit: Sin autem partem tantum siue articulum causæ alteri commisit delegatus, tum recusari potest, & commissio eius oppugnari.

SYM.

S V M M A R I V M.

1. Si causa probabilis suspicionis contra iudicem delegatum proponatur, suspensa est iurisdictio & potestas eius; consequenter alteri subdelegare non potest.
2. Minus est aliquid in iudicio probatum esse, maius autem & efficacius quid secundum legitimas probationes esse iudicatum.
3. Partes non possunt in iudicem delegatum, cuius iurisdictio finita, aut omnino extincta est, consentire.

Ratio prioris responsi est: Quia Iudex quamvis suspectus, tamen reuera Iudex est: quare sicut causam ipsemet cognoscere potest, si contra eum non excipiat, ita etiam alteri committere, antequam recusetur. Ratio posterioris est: Quia causa suspicionis personam delegati afficit, idcirco vitium personale est, quod ad successorem seu substitutum non transmittitur, arguit. l. an vitium, §. ff. de divers. & temporal. preterit. Sed alia ratio est, si ipsa iurisdictio, aut commissio valor secundum se in dubium revocetur, uti constat ex e. penult. hoc lib. & tit. & notat Ioan. Andr. hic n. 1. Dominus in princip.

Ceterum, si delegatus partem causæ duritaxat committat alteri, dum iurisditionem sibi ipsi reservat, etque per sinistratam affectionem nocere potest parti litiganti: quamobrem contra eum recusandum se in dubium revocetur, uti constat ex e. penult. hoc lib. & tit. & notat Ioan. Andr. hic n. 1. Dominus in princip.

§. Post recusationem.

Proposita, aut etiam probata recusationis causa, Iudex delegatus vices suas alteri committere potest, si pars consentiat: sed ea nolente non potest. At postquam sententia lata est contra Iudicem recusatum, ne quidem cum partium consensu subdelegare poterit, cum Iudex esse desierit.

1. NOTANDUM I. Si causa probabilis suspicionis contra Iudicem delegatum proponatur, suspensa est iurisdictio & potestas

eius: consequenter alteri subdelegare non potest. Ita docet hic Ancharan. not. 4.

NOTANDUM II. Minus est aliquid in iudicio probatum esse; maius autem & efficacius quid secundum legitimas probationes iudicatum esse, uti Gl. hic monet ver. super ea. Quia de re habes Gl. elegantem in l. sed si possessori, ff. de Iureiurando. 1. §. ult. ver. probatum esset; ubi ait, quod ex sola probatione non noscitur actio in factum, nisi sequatur sententia; nec furto probato irrogatur infamia, nisi sententia, aut confessio intercedat. Sed iuramentum parti delatum ac prestitum, iudicialis sententiae vim habet, ut ibidem dicitur. Vide Ioan. Monach. in fine, Ancharan. not. 5.

NOTANDUM III. Partes non possunt in Iudicem delegatum consentire, cuius iurisdictio finita, aut omnino extincta est, ut in casu proposito, per sententiam recusationis legitime adversus Iudicem lata. Ita etiam sumitur ex l. priuatorum, §. C. de iurisdict. Sed alia ratio est de Iudice ordinario; tamen enim sententia recusationis contra ipsum ab arbitris lata sit, possunt partes mutata sententia renuntiare iuri suo, & sponte ipsi se subijcere, uti colligitur ex l. 1. ff. de Iudicis. Nam iurisdictio, si aliqua subsistat, prorogari potest, non autem si nulla subsistat: quia quod non est, non extenditur. Quia ipsa etiam causa est, cur Iudex ordinarius v. g. Episcopus, tamen ut suspectus recusatus sit, & contra ipsum pronuntiatum, possit ac debeat causam alteri non suspecto delegare, e. si quis contra, 4. iun. Gl. ver. recusator, de foro compet. Sed delegatus, post latam sententiam, causam committere non potest, cum iurisditionem omnem amiserit, ut hic dicitur. Potest tamen appellare a sententia contra se lata. Quia de re videri hic potest Ioan. Monach. n. 3. & 4.

Corollarium. Si Abbas v. g. cui à Sede Apostolica intuitu dignitatis causa delegata est, ante latam sententiam recusationis obicitur moriatur, successor eius iudicare potest: quia cessat ratio recusationis, si facta fuerat ratione personæ, non ratione dignitatis. Quod si vero recusatus post latam sententiam

PPP § tiam

tiam mortuus sit, transire iurisdictionem non potest, cum extincta sit. Ita Ioan. Andr. hic n. 1. Dominic. col. 2. §. Sed pone.

CAPITVLVM VI.

Quamuis.

SI delegatus Papę causam totam alteri subdelegarit, ab eodem reuocare, seu iurisdictionem reassumere potest, si res integra sit, seu iudicium nondum ceptum per participationem: Cuius ratio est, quia iurisdictionem non censetur efficaciter transisse in subdelegatum, nisi cum eam exercere coepit.

NOTANDVM Vn. Delegatus subdelegans, etiam in totum, re integra commissionem reuocare potest. Consentit iudicium, § 8. ff. de Iudicijs, ubi dicitur, quod *Iudicium soluitur vel ante eo, qui iudicare iusserat, vel Superiore eius.* Est tamen discrimen inter ordinariam, & delegatam iudicem, quod ille causam alteri delegatam, etiam postquam cepta, imò lis contestata est, reuocare, aut reassumere possit, vti Gl. ibid. notat. Sed delegatus si alteri vires suas commisit, censetur officio suo functus, & iurisdictione priuatus, postquam ab eo subdelegatus iudicium coepit.

CAPITVLVM VII.

Si delegatus.

PARAPHRASIS.

Quidam à Sede Apostolica delegatus alteri commisit vires suas, hac forma, vt in causa procederet, quoties illum abesse contingeret: postea subdelegans moritur, hoc casu ait Bonifac. VIII. subdelegatum, si viuente illo iurisdictione vti coeperat, ad sententiam definitiuam procedere posse. Idemque sentiendum, si delegatus causam subdelegarat, donec eam reuocauerit.

* * *

s. Ad eum.

SI delegatus alteri causam subdelegarit, donec reuocet; aut si sententia executionem, vel alium iurisdictionalem articulum sibi reseruauit, his casibus si accadat appellari, etiam post latam sententiam, non ad primum delegantem, sed ad delegatum causa deferenda est.

SVMMARIVM.

1. *Delegatus absolute & limitatè, aut conditionatè, quoties eum abesse contigerit, aut donec reuocauerit, subdelegare potest.*
2. *Verba commissionis aut delegationis benigne explicanda sunt, potius vt valeat & perseueret, quàm vt pereat & cesset.*
3. *Delegatus causam ita subdelegare potest, vt sententia executionem sibi reseruet,*

NOTANDVM I. Delegatus non tantum potest absolute causam subdelegare, sed etiam limitatè, aut sub conditione; quoties eum abesse contigerit, aut donec reuocauerit. Cuiusmodi limitatio ad id conducit, vt subdelegans non censetur iurisdictionem omnino à se abdicare. Ita hic notat Gl. ver. reuocandas, & ver. committi. Nam qui secundum priorem formam delegat, iurisdictionem assumit, si præsens sit, arg. c. si quem, §. de Procurat. hoc lib. & tit. Qui autem secundum formam posteriore, ius reuocandi iurisdictionem retinet: reuocare autè iurisdictionem, sicuti & dare ad eum pertinet, qui iurisdictione præditus est.

NOTANDVM II. Verba commissionis, aut delegationis benigne explicanda sunt, potius vt valeat, & perseueret, quàm vt pereat, & cesset: quia id inferuit ad causæ velociorem expeditionem. Itanotat hic Gl. marginal, & colligitur ex textu: quia verba delegationis, si abesse me contingat, latè accipiuntur, vt etiam morte interueniente, procedere possit subdelegatus. Nam abesse etiam dicitur, qui in humanis esse desinit, h. mulieris, l. 3. in fine, ff. de verb. signif.

No-

NOTANDUM III. Delegatus causam ita subdelegare potest, ut sententiæ executionem sibi referuat: quo casu non censetur iurisdictionem omnino à se abdicare, adeò, ut si contra latam à subdelegato sententiam appellatur, ad ipsum deferenda sit appellatio. Idemq. dicendum est, si articulum causæ medium, v.g. litis contestationem, aut testium receptionem sibi referuauit: Veruntamen, si articulus, quem delegatus sibi referuarat, peractus sit, censetur officio suo functus, ut postea non ad ipsum, sed ad primum delegantem appellari debeat, ut hic docet Ioan. Andr.n.1. Dominici.col.2. §. Sed pone.

CAPITVLVM VIII.

Cum plures.

PARAPHRASIS.

Si duo, vel plures à Papa dati sint Iudices delegati, aut executores, hac forma, ut plures, vel singuli procedant; censentur habere iurisdictionem in solidum, ita ut etiam vnus solus, qui præoccupauit, mandatum exequi debeat: eoque negotium inchoante, alij se intromittere non possint, nisi ille infirmitate, aliâue causa impeditus sit; vel negotij expeditionem malitiosè differat.

SUMMARIVM.

1. Si plures in solidum sint delegati, quilibet cognoscere potest, & datur locus præuentionis.
2. Et vno illorum causam inchoante censetur iurisdictione perpetuata etiam quoad alios.
3. Si tamen simul omnes cognoscere causam incipiunt, ab vno sine reliquis expediri non potest.

NOTANDUM Vn. Si plures iurisdictionem habeant in solidum, ita ut etiam seorsim eam exercere possint, datur locus præuentioni: neque alij licitè, aut vali-

dè se immiscant, nisi qui præoccupauit, exequi impeditus sit, aut malitiosè differat. Consentit l. 1. ff. de offic. consulis, & dixi de hoc in c. prudentiam, 2. hoc tit. Videri potest Ancharanus not. 3. Ioan. Andr.n. 2. ubi ait, si delegatus, qui inchoauit, in remotas terras abiit, & causa expedienda esse existimetur, quòd collega eam assumere possit.

§. Iurisdictione.

SI ex pluribus in solidum delegatis vnus negotium inchoauit, censetur iurisdictione perpetuata etiam quoad alios; ita ut si delegans moriatur, itèmq. delegatus, qui causam præoccupauit, reliqui delegati eandem finire possint. Ratio reddi debet: Quia ab initio Iudices dati sunt cum quadam communione, ut non solum coniunctim procedere possint, sed etiam diuisim, & ita quidem, ut si is, qui præoccupauit, impeditus sit, vel longè abeat, aut moriatur, alter in eius locum succedat, & causam perficiat. Vide Ioan. Andr.cit.n.2.

QVÆRES: Si secundum dictam formam Iudices dati causam simul cognoscere incipiant, potèstne ab vno sine reliquis expediri. Resp. cum Lapo hic n. 3. Non posse vnum eorum sine alijs non requisitis, nec impeditis procedere, quia sicuti vno inchoante ac præoccupante alij procedere non possunt, ita & omnibus inchoantibus, ac veluti occupantibus causam, vnus sine alijs procedere prohibetur.

Porro quæ hoc c. dicta sunt, locum non habent, si commissio facta sit sub ea forma; Quòd si non omnes &c. vnus procedat: tunc enim singuli procedere non possunt, nisi in defectum aliorum: quare non datur locus præuentioni, cum non habeant iurisdictionem in solidum.

CAPITVLVM IX.

Si super.

PARAPHRASIS.

Sicuti gratia alicui à Sede Apostolica facta morte concedentis non exinguitur, tam-

eti

et si res integra sit, seu executioni non mandata; Ita etiam æquum est, ut si aliquis executor gratiæ deputatus sit, eius potestas morte deputantis non extinguatur: eo quod accessorium naturam sequi debeat sui principalis. Nam alioquin vel gratia inutilis quandoque omnino fieret, vel eius executio longo tempore, non sine dispendio eius, cui gratia collata est, differreretur.

SUMMARYM.

1. *Gratia, quæ eidem confertur, qui eam exequitur, morte concedentis non extinguatur, licet res integra sit.*
2. *Idem est, si alij etiam gratia facta sit, & alium eam exequitur: secus autem, si sit gratia faciendæ.*

Aduerte: Quod gratia interdum eidem confertur, qui eam exequitur, interdum verbò gratia confertur alteri; alius verbò est, cui executio mandatur. In priori casu, certum est, gratiam non extinguere morte concedentis, tametsi res integra sit, seu privilegiatus privilegio suo nunquam usus fuerit. Ita etiam habetur in c. si cui, 35. de præb. in 6. Quod concessa alicui facultas conferendi beneficia personis idoneis, nullà nominatim expressa, non expiret morte concedentis: Idemque eo modo dicendum de facultate abfoluendi à peccatis, censuris, dispensandi in votis, &c. Et non tantum si eiusmodi facultates à Papa concessæ sint, sed etiam ab alijs Ordinarijs, vti ex cõmuni docet hic Dominicus. col. 1. Ancharanus in fine, Sanchez lib. 8. de matrim. disp. 28. n. 43. Suarez lib. 8. de legibus, c. 3. n. 5. Et hoc signum esse solet, si facultas abfoluendi, dispensandi, beneficia conferendi indeterminatè, seu sine personarum determinatione, alicui seu personæ, seu communitati v.g. Religiosorum concessa sit, ipsius gratiam seu fauorem esse, qui morte concedentis non extinguatur, nisi tunc reuocetur, iuxta cit. c. is cui.

2. *est inter gratiam factam, & faciendam. De gratia facta duntaxat sermo est in hoc c. vii*

notat Gl. hic communiter recepta, Ioan. Mo-
nach. n. 5. Ioan. Andr. n. 2. *Quare regula no-
tanda est: Quod sicuti gratia facta morte con-
cedentis non expirat, ita neque executio
gratiæ, tametsi res integra sit. Idque ampliari
debet primò: Tametsi gratia acceptata nõ-
dum sit; dummodò à Superiore ex debito
officij facta, v. g. gratia beneficii Ecclesiasti-
ci, dispensationis, absolutionis. Ita docet hic
Lapus, & Dominicus. col. 2. ver. Quæro an isto
textus, Sanchez cit. n. 43. & docui lib. 3. tr. 4.
c. 1. n. 6. arg. c. si tibi absenti, 17. de præb. in 6.
Amplari debet secundò: Tametsi non execu-
tio mera, sed mixta cum aliqua causæ cogni-
tione alicui mandata sit, vti docent Garcias
p. 6. de benefic. c. 2. §. 3. n. 88. Gutierrez lib. 2.
canon. qq. c. 17. Sanchez cit. disp. 28. n. 43.
Vt si Pontifex in forma *Dignum* mandet ali-
cui beneficium iam vacans conferri, si preces
veritate nitantur, aut præmissa citatione par-
tis, seu possessoris intrusi. Eademque ratio-
ne probabiliter dicitur cum dicitur. gratia, n.
3. Garcia cit. §. 3. n. 312. Rodrig. to. 2. regul.
q. 47. a. 7. Henric. lib. 7. c. 2. n. 7. Sanchez n.
87. Si Papa, post intellectas causas dispen-
sandi v. g. super impedimento matrimonij
committit Officiali Episcopi, vt dispensatio-
nem conferat, si preces veritate nitantur,
posse illum exequi, etiam post mortem Pon-
tificis: Quia Pontifex, quatenus est ex sua
parte, gratiam iam fecerat: executorem au-
tem (quamuis mixtum, & cum causæ cogni-
tione) Officialem constituit. Idemque dici
debet de alijs eiusmodi executio-ribus necessa-
rijs, qui ad gratiæ executionem deputati
debet in provincia, iuxta Trid. Sess. 22. c. 5.
de reform.*

Neque obstat huic doctrinæ c. si cui, 36.
de præb. in 6. vbi dicitur, si alicui à Sede A-
postolica mandatum sit, vt certæ personæ v.
g. Titio beneficium proximè vacaturum præ-
uideat, morte mandatis expirare gratiam,
si res integra sit. Nam hæc est gratia non fa-
cta, sed faciendæ; cum ad incertum ac non-
dum vacans beneficium collata, nullam om-
nino prouisionem ex parte Pontificis conti-
neat, sed merum prouidendi mandatum,
quod morte mandantis extingui solet. Secus
verò

verò dicendum esset, si Papa alicui canoniam ipsemet conferret, atque insuper mandaret Canoniceis v.g. aut Officiali Episcopi, vt proximè vacaturam præbendam ipsi assignari faceret, vti bene monet Gl. in cit. c. si cui, Garcias cit. p. 6. §. 3. n. 305. Nam hoc casu gratia est facta à Papa, & executio alteri demandata. Accedit, quòd fortasse c. illud in materia beneficiis, quòd fraudis periculum valde odiosa stricissimi iuris esse solet, specialiter constitutum fuerit, ideòque ad alios casus transferri non possit, vti Suarez annotauit cit. c. 31. n. 14. Aliter verò sed minus conuenienter textui cit. c. explicant Sanchez loco cit. num. 87. & alij apud Garciam num. 302.

CAPITVLVM X.

Si is, cui.

PARAPHRASIS.

Episcopo, vel Abbati, nomine proprio non expresso, à Sede Apostolica causa delegata erat: is eam subdelegauit non in totum, sed reseruauit sibi sententià: Cùm autem subdelegatus in causa procederet, interim subdelegans Episcopus, vel Abbas excommunicationem incurrit, aut vità excedit: hoc casu si accidat, vt à subdelegati sententia appelletur, ad primum delegantem deferenda est appellatio: ne si diutius expectandum sit, donec absolutio conferatur, vel alius Prelatus substituatur, causæ expeditio cum partium damno nimis prorogetur.

SUMMARIVM.

1. Propter longinquam absentiam delegati, eo intermisso, appellari potest à subdelegato ad delegantem.
2. Si Episcopus, cui à Papa intuitu dignitatis causa demandata fuit, tempore data literarum in viuis fuit, mortuus autem est ante præsentationem, substitutus eam exequi potest.

NOTANDVM Vn. Licet ordinariè à subdelegato, cui causa non tota commissa erat, appellandum sit ad subdelegantem, & eo mortuo, ad successore eius in dignitate, (si delegatio intuitu dignitatis facta fuit) vti constat ex c. cum te, 18. & c. super quæstionum, 27. §. porro, extrà hoc tit. limitari tamen id debet, Nisi exinde partibus litigantibus dispendium generari possit, quia causa nimis diu protraheretur. Etenim contra iuris communis tenorem, quædam specialiter constitui ad vitandum præiudicium litigantium, vel aliorum, monet Gl. hic ex c. Abbate, 3. de sent. & re iudic. in 6. Quare eadem ratione docent hic Ioan. Andr. n. 1. & Ancharanus not. 4. Propter longinquam absentiam delegati, eo intermisso, appellari potest à subdelegato ad delegantem. Longinquitas, inquam, nam si modicum, aut tolerabile sit impedimentum causæ protrahendæ, non id eo à communi iure recedendum erit. Quare etiam in casu huius c. si mox absolutio conferenda erit delegato, aut post breue tempus successor cum iurisdictione instituendus, tum ad eum, non ad primum delegantem appellatio deuolui debet, vti Ancharanus & Dominicus hic admovent, post Gl. hic ver. durante.

QUÆRUNT hic Lopus, & Dominicus, Si Episcopus, cui à Sede Apostolica intuitu dignitatis causa delegata erat, tempore datæ literarum in viuis fuit, sed mortuus ante præsentationem, vtrum exequi possit substitutus. Et rectè respondent, quòd possit: Quia rescripta Apostolica, perinde vt leges, vim ac valorem aliquem consequuntur ipsa expeditione, tametsi nondum cognita, vel acceptata sint, vti suprà etiam dictum.

CAPITVLVM XI.

Ab arbitris.

SUMMARIVM.

Ab arbitris iuris ad Papam appellandum est, à voluntariis absolute appellari non potest, sed supplicari.

Si appelletur ab arbitris, qui ex iuris præscripto à partibus eligendi sunt, vt de causa suspicionis Iudici obiecta cognoscant, iuxta c. suspicionis, 19. extrà, & c. si contra hoc lib. & tit. Item si appelletur ab arbitris, qui ex præscripto c. pastoralis, 14. de rescript. à partibus eligi debent, si diuersi Iudices super reuocatione litterarum Apostolicarum discordent: his, inquam, casibus, ad Sedem Apostolicam appellatio deferenda est.

Ratio, cur non ad Iudices appellandum sit, ea dari debet, quia sicuti ipsi dubij ac suspecti sunt circa causam principalem, ita etiam circa accessoriā, à qua appellatur: Vt quia arbitri dilationem nimis breuem concesserunt, c. 1. de dilation. vel sententiam super causa suspicionis iniquam pronūtiarunt.

Cōtra hæc obijci solet, quòd ab arbitris appellari non possit, l. 1. C. de recept. arbitris, c. sanè, 14. caus. 2. q. 6. secundum verā eiuslectionem. Respondet hic Gl. cōmūiter recepta, ver. appellandum, Ancharan, ibid. Gl. marginalis, in l. arbitrio, 9. ff. Qui satisfacere cogantur, loach. Mynsinger lib. 4. obseruat. 68. Quòd arbitri alij sunt voluntarij, qui libera partium voluntate eliguntur, & ab his non appellatur: quamuis si iniquum arbitramentum, seu laudum pronuntiasse videantur, Iudici supplicari, seu officium eius implorari possit, vti Gl. margin. hic notat, ex c. 2. de arbitris. Alij verò sunt arbitri necessarij, qui ex iuris, aut statuti alicuius præscripto vel Iudicis coactione à partibus eligi debent: & ab his appellari potest ad eum, qui iuri aut statuto præsidet, vel qui ad arbitros eligēdos compulsi, vt hic apparet. Ratio est: Tum quia horum arbitrorum pronuntiatio magis ad iudicialis sententiæ naturam accedit, adeò vt exinde actio in factum nascatur, teste Mynsingero in cit. loco: tum quia æquum est, vt is potius per remedium appellationis succurratur, qui ad arbitros cōpulsus fuit, quàm vt is, qui sponte eos elegerunt: sibi enim imputare debent, quòd in eos viro consenserint. Ita Gl. fin. hic, & Ancharanus. Non desunt tamen DD. apud Domin. Geminianum hic, in fine c. Gl. margin. in cit. l. arbitrio, qui arg. eius l. vniuersim, do-

cent, ab arbitris electis super incidente in iudiciū appellari posse.

CAPITVLVM XII.

Is cui.

PARAPHRASIS.

Si cui Papæ commiserit, vt personæ certæ in certa Ecclesia, diocesi, aut provincia beneficium provideat, potest is provisionem hanc alteri committere. Sin autem nullā certā personā nominatā, alicui mandetur, vt personæ idoneæ certam Ecclesiam vel beneficium provideat, non potest provisionem alteri demandare: eò quòd ipsius industria specialiter electa censetur. Præterquam, si in forma commissionis ipsi factæ contineat, vt per se, vel per alium exequatur.

SUMMARIVM.

Executor datum à Papæ vices suas alteri committere potest, nisi persona industria electa fuerit.

NO T A N D U M Vn. Executor à Papæ constitutus interdum vices suas alteri committere potest. Cui tamen contradicere videtur c. vlt. §. cæterum, extrà, eod. Resp. vt ibi dictum fuit, Regulam, quæ ibi traditur, quòd executor constitutus alteri vices suas delegare non possit, vniuersaliter veram non esse, sed tantum, si ex qualitate causæ, seu commissionis præsumi possit, personæ industriam electam fuisse. Vt in casu huius c. Si ipsemet cōmittens principalis nominet personam, cui beneficium providendum sit, si idonea reperitur, seu, si preces veritate nitantur, tum parum plerumq; refert, verum per se, an per alium exequatur. Sin autem nulla persona nominata, eius arbitrio & electioni committatur, cui providendum sit, tum committens censeri debet ad industriam, & discretionem respexisse.

Exinde infert hic Domin. Si testator executores constituit, quorum arbitrio & electio-

electione inter pauperes legata distribuatur, quod non possint hoc mandatum, seu fideicommissum per alios exequi, cum censetur electa industria, & discretio eorum. Secus autem, si ipsemet testator certos pauperes, aut pias communitates, seu Ecclesias nominavit, quibus legata dari debeant.

CAPITVLVM XIII.

Statuimus.

PARAPHRASIS.

Sicuti à Sede Apostolica mandatum sit, ut in certo loco inquisitionem instituat, vel aliud peragat, atque propter malitiam & potentiam eius, contra quem inquiri debet, aut fautorum eiusdem, eo loco securè exequi nequeat, tum alium locum commodum & securum ad executionem eligere potest: ne alioquin malitiosè impedire volens ex fraude sua commodum reportet. Idemque agendum, si alia rationalis causa subsit, ob quam in loco designato executio mandati perfici nequeat: ne alioquin mandatum à Apostolicum impediri, aut nimis differri contingat.

SUMMARIVM.

1. *Locus iudicii debet primò esse idoneus, hoc est, non longè distans à partibus atque personis, à quibus inquisitio capienda: Secundo, securus, ad quem tuto partes, Advocatus & testes accedere possint. Tertiò, honestus, ut iudicium non fiat in lupanari, tabernà, &c.*
2. *Si locus in fauorem partium designatus est pro iudicio ab inferiore Ordinario, cum consensu communi partium, potest iudicium ad alium locum prorogari, modo is subiectus sit deleganti, vel accedat consensus eius iudicis, qui iurisdictioni preest.*
3. *Ab sine consensu partium non potest alium locum deligere iudex delegatus, si non procul absit Ordinarius, vel alius de periculum in mora non sit.*

QUOD Bonifacius VIII. tradidit in c. statutu, 11. de resc. in 6. §. in nullo, Iudicè, cui commissum est, ut causam in certo loco cognoscat, absque partium consensu non posse aliud locum eligere, id in hoc c. ab eodem Bonifacio limitatur. Nisi vel ob malitià aduersarii, vel quæcumque aliam causam delegatus Papæ impediatur in loco sibi constituto procedere, tunc alium idoneum & securum eligere posse.

NOTANDVM I. Propter necessitatem aliqua permittantur, quæ alioquin secundum ius concessa non sunt: cum necessitas legi non subiacet, c. 2. de obseru. ieiunij.

NOTANDVM II. Circa locum iudicii duplex consideratio esse debet: Prima, ut idoneus sit: videl. non longè distans à partibus, atque personis, à quibus iurisdictioni capienda est: ne ob itineris longitudinem sumptus magni fieri debeant, arg. cit. c. statutum, §. cum autem, & l. cum post, 26. C. de appellat. Deinde, ut sit securus locus, ad quem partes, itemque Aduocati, ac testes sine periculo accedere possint, c. accedens, 4. Ut lite non contestata, c. ex parte, 47. de appellat. Altera consideratio; ut locus in quo iudicium peragitur, honestus sit; non in taberna, aut lupanari, ait Ancharanus hic.

QVÆRIT GL. hic ver. Apostolica sede. Si ab inferiore Ordinario causa committatur in certo loco tractanda, & ibi non possit, num in alio comodo & honesto tractare licitum sit. Respondeo & dico I. Si locus in fauorem partium (ut plerumque fieri solet) designatus sit, possunt partes communi consensu iurisdictionem ad alium locum prorogare, dummodò deleganti subiectus sit, vel accedat consensus eius Iudicis, qui iurisdictioni preest, vt docet Abb. in c. P. & G. n. 12. extra eod. tit.

Dico II. Absque partium consensu Iudex delegatus non potest alium locum deligere. Quia si impedimentum incidat, quod minus in loco designato processui institui queat, plerumque Ordinarius delegans, v. g. Episcopus consuli poterit. Ita Gl. cit. Si tamen is longè absit, vel ob aliam causam periculum in mora sit, ut causa diutius differri non

Q999 2 possit,

possit, arbitror, quod delegatus quilibet, spectata qualitate causæ, aliisque circumstantiis, ad alium locum partes citare non prohibeatur. Cum enim hoc casu eadem ratio necessitatis, & cuiusdam æquitatis, militet in delegato Episcopi v. g. quæ in delegato Papæ, idem ius censeretur debet.

CAPITVLVM XIV.

Si à subdelegato.

PARAPHRASIS.

Papa Titio causam delegat: is subdelegauit Caio referuatà sibi sententià, vel executione: Cum autem Caius partem citasset, ea exceptionem proposuit, quod non teneatur coram ipso respondere; eod quod Papa delegatus mortuus fuerit, antequam causa vel à delegato, vel subdelegato cœpta esset. Sed Caius reiecta exceptione, procedere volebat: Tum pars ad appellationem confugit. Queritur ergo, ad quem appellare debeat. Respondet Bonifac. VIII. Quod ad primum delegantem: Si enim pars litigans appellaret ad delegatum, esset contraria sibi ipsi, quia appellando fateretur delegatum iurisdictione præditum esse, quod tamen antea excipiendo contra eundem negat. Quare idem quoque dicendum in alijs omnibus casibus, quibus delegatus negatur iurisdictionem habere, quod non ad ipsum, sed ad primum delegantem appellari debeat.

SUMMARIVM.

Si Reo negante iurisdictionem delegati, subdelegatus pro delegato pronunciet, appellandum est ad primum delegantem.

NOTANDVM I. Etiam ipse Iudex subdelegatus, si negetur ipsi iurdictio, de hac causa cognoscere potest: præterquam si ut suspectus recusetur, sicuti dixi in c. si contra, 4. hoc lib. & tit.

NOTANDVM II. Tametsi ordinariè appellatio à subdelegato fiat ad subdelegatam,

si quippiam de iurisdictione sibi referuauit, c. super quæstionum, 27. §. porro, extrà, eod. & c. si delegatus, 7. hoc lib. & tit. excipitur tamen debet, si Reo inficiente iurisdictionem delegati, subdelegatus pro delegato pronunciet, tum si à sententia ista appelletur, ad primum delegantem appellandum erit. Porro causas, ob quas iurdictio delegato negari potest, recenset Gl. hic, ver. in alijs casibus, Videl. si dicatur subdelegatum tempore rescripti excommunicatum, aut aliàs subdelegationis incapax, aut commissionem ab eo reuocatum, &c.

Querit hic Gl. ver. processum: Si posteaquam delegatus causam subdelegauit, morietur primus delegans ante partium citationem, num perpetuata sit iurdictio, an extincta. Et ipsa respondet: Perpetuatam esse: Cum enim subdelegare iurisdictionis actus sit, sequitur causam non esse integram, sed cœptā. Sed contrarium est verum, quod docui in c. licet, 30. extrà, hoc tit. & satis colligitur ex textu, ver. antequam in aliquo processum.

CAPITVLVM VLT.

Hac constitutione.

PARAPHRASIS.

Statuit Bonifac. VIII. vt Conseruatores, qui à Sede Apostolica concedi solent, vt ab iniurijs ac violentijs manifestis tueantur, deputari non possint, nisi Episcopi, aut Superiores eorum, vel Abbates, vel qui dignitatem, seu personatum in Ecclesia Cathedrali, aut Collegiata obtinent. Neque conseruatorem aliquis habere possit eum, cui ipsemet Conseruator datus fuit, Sed neque aliquis conseruatorem habeat, qui sub ipsius iurisdictione, dominio, vel districtu Ecclesiastico, aut temporalis existit: Excipiuntur tamen Reges, ac Regines, si ipsis Conseruator datus sit, qui in temporalibus subiectus.

SUMMARIVM.

1. *Conseruator iudex delegatus est, differt tamen in aliquibus ab alijs delegatis.*

2. *Reli-*

2. *Religiosi Ordinum mendicantium præter personas hac constitutione expressas in suos Conseruatores assumere possunt Canonicos Ecclesiarum Cathedralium & Vicarios Episcoporum.*
3. *Non possunt Conseruatores ultra dietam cognoscere, aut partem citare, exceptis Mendicantibus; quorum Conseruatores per privilegia eis concessa extra provinciam partes trahere possunt, modo non ultra tres dietas.*
4. *Conseruator non potest causam, vel articulum cause alteri committere, nisi in literis Apostolicis talis licentia concessa sit; excepta citatione partium, & denuntiatione sententia.*
5. *Si Conseruatores de alijs, quàm de manifestis iniurijs & violentijs cognoscant, seu ad aliamque iudicalem indaginem requirunt, se intromiserint, per annum ab officio sunt suspensi; pars autem, qua hoc fieri procurat, excommunicationem incurrit.*
6. *Conseruatoris officium per mortem concedentis Papæ expirat, quoad negotia nondum finita.*
7. *Religiosi, etiam vacante Sede Apostolica, Conseruatores deputare possunt; ipsi tenentur causam suscipere, & exequi, etiam innocato, si opem sui, auxilio brachij secularis.*

ut præter personas hac constit. expressas, etiam Cathedralium Ecclesiarum Canonicos, Vicarios Episcoporum (de quibus spectato communi iure dubitari posset) assumere possint, ut videre licet apud Rodriq. tom. 1. regul. qq. q. 65. a. 3. & Compend. Societatis I. 3 v. ver. Conseruator, §. 1.

s. Conseruatores.

Non possunt Conseruatores ultra dietam, seu iter diei mensurandam à finibus diocesis, aut provinciae, in qua deputati sunt, cognoscere, aut partem citare. Idem de delegato Iudice habetur in e. rescriptum, 11. §. cum verò, de rescript. Differentia autem est secundum Gl. hio; quòd iurisdicctio delegati cum partium consensu de loco ad locum prorogari possit, cit. e. statutum, §. in nullo: Sed non ita iurisdicctio Conseruatoris, uti ex sine e. colligitur.

Sed huic Constitut. derogatum esse per privilegia Mendicantibus concessa, dummodo eorum Conseruatores non ultra tres dietas extra provincias partes trahant, leges apud Rodriq. cit. q. 65. a. 7. Vide etiam Compend. Priu. Soc. I. 3 v. ver. Conseruator, §. 4.

s. Vices.

Iudex Conseruator non potest causam, aut articulum cause alteri committere, nisi in literis Apostolicis talis licentia concessa sit. Excipiuntur verò citatio partium, & denuntiatio sententiae: quas Conseruatori alijs personis eiusdem diocesis ac provinciae committere concessum est, dummodo eam qualitatem habeant, ut Sedis Apostolicæ Conseruatores esse queant.

NOTANDUM Vn. Differentia etiam hæc est inter Sedis Apostolicæ delegatum, & Conseruatorem; quòd ille causam totam vel nõ totam libere subdelegare possit: Non item conseruator, nisi in dictis casibus. Verum per privilegia Mendicantibus concessa eorum Conseruatores Vices suas alteri committere posse, tradit idem Rodriq. a. 10. &

NOTANDUM Vn. Tametsi Conseruator sit Iudex delegatus, multa tamen pecuniaria habet, in quibus ab alijs delegatis differt: Nam delegatus Papæ potest esse Canonicus Ecclesiæ Cathedralis, non item Conseruator: Iudex delegatus impetrari potest ab aliquo, cui & ipse in alia causa delegatus Iudex datus est: sed & ille, qui subditus suus est: saluo in utroque casu iure reculationis, seu exceptionis: Sed Conseruatoris deputatio in his casibus irrita est ipso iure, sicuti constat ex sine huius e. Ita Gl. in hoc e. ver. edita. Aliæ differentiae infra ponuntur.

2. Porro Religiosis Ordinum Mendicantium Pontificijs privilegijs concessum est,

habetur in Compend. Privileg. Societ. In-
st. v. §. 2.

s. Vt autem.

Si Iudices Cōseruatores limites potestatis
sue excedendo, de alijs quā manifestis
iniurijs cognoscant, vel ad ea, quæ iudicia-
lem indaginem requirunt, se intromittant,
per annum suspensionem ab officio ipso iure
incurrunt. Pars verò litigans, si talem Con-
seruatori in concessam cognitionem fieri pro-
curat, ex communicationem incurrit, à qua
absolui non potest, priusquam alteri parti in-
tegrè restituat expensas, quas ob eam cau-
sam facere debuit.

Sed quòd Conseruatores Religiosorum
etiam in non manifestis, ac iudiciale m
cognitionem requirentibus procedere possint,
dixi in c. 1. hoc lib. & tit.

§. Officium.

Conservatoris cuiuscunque officium per
mortem concedentis Papæ ipso iure ex-
pirat, quoad negotia nondum cōcepta. Sed
dubium est: Si Religiosi Conseruatorem
deputent ad cōseruationem privilegiorum
suorum, accidat verò Pontificem vitā excede-
re, vtrum Conseruator ab eis deputa-
tus procedere possit, tametsi ante mor-
tem Pontificis causam non cōperat. Vide-
tur negare Sanchez lib. 8. de matrim. disp.
28. a. 43. argum. huius c. Sed contrarium
asserendum est cum Rodriq. cit. q. 65. a. 6.

Si enim privilegium Conseruatores de-
putandi à Sede Apostolica Religiosis conce-
ssum perpetuū durat, donec reuocetur, sequi-
tur quòd semper, etiam vacante Sede Apo-
stolica, Conseruatores deputare possint, ij-
que teneantur causam suscipere, & exequi,
etiam inuocato, si opus sit, auxilio bra-
hij secularis, sicuti in privilegijs contine-

tur. Sed verum est antecedens, vti rectè o-
stēdit Rodriq. cit. loco: Ed quòd privilegia
Ordini Regularium alterius Communitati
concessa in eo de natura realium privilegi-
orum, participant, quòd cum personis ex-
tinguatur, vti constat ex l. forma, 4. §. quam-
quam, ff. de censibus, & dixi lib. 1. Th. mor.
tr. 4. c. 23. n. 4.

Confirmatur: Vel Conseruatoris offi-
cium ac potestas inuulilis & irrita esset, pro-
pter mortem v. g. Pij V. qui privilegia Re-
gularibus concessit, vel inutilis ac irrita fie-
ret per mortem huius Pontificis. Non pri-
mum: quia tum fateremur, penitus sublata
esse privilegia illa Regularium, quod ne-
mo ait. Non secundum: Quia in c. hoc dicitur
, officium Conseruatoris extingui per
mortem concedentis: Pontifex autem qui
nunc moritur, Conseruatorem non conce-
ssit, vt primus: Ergo &c.

Quare respondetur ad argum. ex hoc §.
desumptum: Si Papa ipsemet Conseruato-
rem specialiter ac directè designauit ad pri-
uilegia Religiosorum in aliquo casu defen-
denda, eius potestatem extingui quoad ne-
gotia non cōcepta, per mortem committentis:
Secus, si privilegium datum sit Regularibus,
vt ipsi quocunque occurrente tempore Con-
seruatorem sibi eligere seu deputare possint.
Cum enim deputatus Conseruator in hoc
casu proueniat ex privilegio perpetuo, eius
naturam sequi debet, vt talis Conseruator
non auctoritate huius, aut illius Pontificis,
sed ipsius Apostolicæ Sedis, quæ semper du-
rat, à legatus censeri debeat, argum. c. si su-
per 9. hoc lib. & tit.

§. Circa.

Quæ in cit. c. statutum, §. Insuper; &
seqq. circa Iudices delegatos à Bonifac:
VIII. decreta sunt, ea etiam à Iudicibus
Conseruatoribus obseruari debent.

TITVLVS XXX.

DE OFFICIO LEGATI



Intulus iste merito hic interponitur, quia Legatus Apostolicus partim cum delegato Iudice conuenit, partim cum Ordinario; quamuis absolute loquendo officium eius ordinarium sit, sicuti Proconsulis, aut Praefidis provinciae officium, de quo lib. 1. ff. tit. 16. & 18. & videri potest c. 2. eod. tit. in 6. Loquimur autem de Legatis Sedis Apostolicae, qui ad prouinciam aliquam gubernandam cum iudiciaria potestate destinantur: Non item de legatis seu nuntijs, qui ad certum negotium expediendum mittuntur. De quibus Syl. ver. delegatus n. 16.

CAPITVLVM I.

Cum non ignoretis.

PARAPHRASIS.

Si Archiepiscopus aliquis dignitati ac sedi suae Apostolici Legati munus annexum habeat, licet ut Metropolitanus causas eorum, qui Suffraganeis suis subditi sunt, cognoscere nequeat, nisi per appellationem, tamen ut Legatus Apostolicae Sedis in omnibus causis, siue per appellationem, siue per simplicem querelam ad ipsum deferantur, procedere potest, cum in prouincia sua Papae vices gerat.

SUMMARYM.

1. *Triplex est Legatus Apostolicus. Vnus à Latere Pontificis, siue Cardinalis; alius non à Latere destinatus in Prouinciam; alius Legatus natus.*
2. *Legati destinati ad Prouinciam dici possunt Vicarij Papae.*
3. *Legatus à Latere, vel qui cum simili potestate missus est, habet iurisdictionem*

in exemptos, exceptis casibus Sedis Apostolicae specialiter reſeruatæ; alij Legati hanc potestatem non habent.

4. *Vnde Legatus à Latere beneficia ecclesiastica etiam exempta, & ad exemptos spectantia conferre potest.*
5. *Legatus in Prouincia est ordinarius Iudex, ita vt concurrat cum Episcopo in omnibus causis subditorum: eas tamen suscipere non debet, nisi ad ipsum per appellationem deuoluatur, vel Episcopus eas intra biennium à die mora lue desuare negligat.*

Supponendum est, quodd triplex sit Legatus Apostolicus, uti sumitur ex c. 1. eod. tit. in 6. Vnus à Latere Pontificis, siue Cardinalis; alius Legatus non à latere destinatus ad Prouinciam. Alius denique Legatus natus, qui munus Legationis consequitur ipsa consecutione Ecclesiae Metropolitanæ, cui officium seu dignitas Legati in perpetuum annexa est. Talis in Germania nostra est Archiepiscopus Salisburgensis, in Anglia Archiepiscopus Cantuariensis, in Italia Archiepiscopus Pisanus, in Gallia Archiepiscopus Rhemensis, teste Nicol. Boerio de potestate Legati à Latere, q. 3. In Bohemia Pragensis, uti ex Baldo refert Tuschas ver. Legatus, concl. 157. Videri hic potest Imola, n. 7. & quæ dixi lib. 1. Th. mor. tr. 4. c. 7. §. 6.

NOTANDVM I, Legati Apostolici in Prouincia, ad quam deputati sunt, dici possunt Vicarij Papæ: quia ijs locis Apostolica auctoritate funguntur. Cum enim Summus Pontifex per totum Christianum Orbem iurisdictionem exerceat, c. cuncta, 17. causa 9. q. 3. ideo in partibus remotis Vicarios suos punit, qui vice ipsius ordinariam iurisdictionem in omnes de prouincia exerceant, uti videre licet apud Leon. I. epist. 94. Iustinianum collat. 9. tit. 14. Nouel. 131. apud Bellar-

Bellarminum lib. 2. de Pontific. c. 20. Ad eum fermè modum, sicuti suprà de Archidiaconis dictum est, quod quibusdam regionibus in partibus diocesis constituti sint Vicarii Episcoporum, exercentes ordinariam iurisdictionem Episcopis subordinatam.

Querit Gl. hic, ver. vniuersas, Vtrum Legatus Apostolicæ Sedis iurisdictionem habeat in exemptos? Resp. ex doctrina eiusdem Gl. Abb. hic, n. 8. Mol. cit. disp. 9. n. 10.

3 Quod Legatus à Latere, aut qui cum simili potestate missus est, in exemptos iurisdictionem exerceat, exceptis casibus Sedi Apostolicæ specialiter reservatis; sed alij Legati talem potestatem non habeant. Ita colligitur ex c. 1. de verb. signif. in 6. & c. Si Abbatem, 16. de elect. in 6.

4 Ex quo inferunt DD. communiter, quod Legatus à Latere conferre possit beneficia, spectantia ad collationem exemptorum, etiam si ipsamet beneficia exempta sint, vt videre est apud Garc. p. 5. c. 3. n. 19. Non tamen ea conferre potest, quæ Episcopus confert ex Apostolica delegatione & auctoritate, videl. quæ ad ipsum deuoluta sunt, ob negligentiam Prælati Regularis exempti, Clem. 1. de suppl. negl. Præl. & docet Garcias n. 32.

5 NOTANDUM II. Legatus in Prouincia est Ordinarius Iudex, ita vt concurrat Episcopo in omnibus causis subditorum: aded, vt ab inferioribus Iudicibus sub Episcopo constitutis ad Legatum appellari possit, sicuti ad ipsum Episcopum. Quæ est doctrina fermè communiter recepta Guil. Durandi in speculo, tit. de Legato, §. Ioann. Turrecrematæ in c. Si quis veltrum, 4. causa 2. q. 6. Ioann. Andr. in c. quod translationem, n. 10. hoc tit. Abb. hic n. 7. Sed nouo iure Concil. Trident. sess. 24. c. 20. de reformat. Legatorum potestas restricta est, vt causas subditorum prouincialium non cognoscant, nisi Ordinarius intra biennium à die litis motæ numerandum negligat, vel si per appellationem à sententia definitiua ad Legatum deuoluantur. Et in ipso appellationis processu seruari debet constitutio Innocent. IV. in c. Romana, 3. de appellat. in 6. vti præcipit Trident. sess. 22. c. 7. de refor-

mat. Item, quod attinet ad appellationes in causa criminali, seruari debet constitut. Trident. sess. 13. c. 3. de reformat.

CAPITVLVM II.

Studuisti.

PARAPHRASIS.

Si in Prouincia sit Legatus Generalis, & superueniat delegatus Papæ in causa speciali, queritur, vtrum Legatus Generalis supercognitione, aut processu in hac causa se immiscere possit. Negat Cælestinus III. ea allata ratione; Quia mandatum speciale derogat generali. Si tamen sententia à delegato legitime lata fuit, potest eam legatus confirmare & executioni mandare.

SUMMARIUM.

1. Commissio specialis derogat generali.
2. Potest tamen acta delegati specialis rescindere Legatus generalis, si ille contra formam mandati procedat.
3. Potest etiam sententiam delegati specialis rationabiliter latam confirmare.
4. Delegatus autem specialis generalem compellere potest ad sententiam suam executionem.

NOTANDUM Vn. Commissio specialis derogat commissioni generali: Sensus est; Si aliquis generalem commissionem habeat omnia negotia exequendi, aut causas omnes cognoscendi: Alius vero habeat commissionem specialem super causa certa; Specialis iste Commissarius superat generalem, vt is immiscere se non debeat, nec impedire specialem. Ita simili ratione in c. 1. & c. pastoralis, 14. de refer. dicitur, quod rescriptum speciale derogat generali, tametsi de eo mentionem non faciat.

Limitat hic Ioan. Andr. n. 2. Abb. n. 2. Barb. col. 2. Quod superueniente causa noua, Procurator, aut Commissarius generalis prohibere possit

Nisi.

possit speciali, ne procedat, aut formam procedendi eidem præscribere, argum. l. si hominem, 30. ff. mandati, & docui lib. 1. Th. mor. tr. 4. c. ult. n. 7. prope finem.

2. Ex hac ipsa limitatione colligitur: Si delegatus specialis contra formam mandati procedat, quod Legatus se immiscere & quæ acta sunt, rescindere possit: quia ut Barbatia hic notauit, col. 23. Legatus generalis iurisdictionem in negotio speciali habitualiter retinet, ut processum delegati, si contra formam mandati institutus sit, rescindere possit, aut irritum declarare, ut etiam ex hoc c. ducto argumento ex sensu contrario colligitur: Dicitur enim, quod Legatus processum delegati specialis, si secundum formam mandati institutus est, irritare non possit: Ergo poterit irritare, si contra for-

3. mam mandati actum. Huc etiam pertinet, quod adiungitur, Legatum confirmare posse sententiam delegati, si rationabiliter lata est. Nam huiusmodi confirmatio saltem ad hoc inferuiet, ut eam de nullitate arguere non possit. Alioquin verò, cum auctoritatis & iudicialiter facta non sit, sed tantum approbationem, ac testimonium quoddam contineat, ideo firmitatem non tribuit, imò parum confert sententiæ, ut Innocent. hic notat.

4. Quærent hic DD. Vtrum delegatus specialis ad executionem sententiæ suæ Legatum generale compellere possit? Negat Gl. hic ver. confirmare valebit, & alij apud Ioann. Andr. in fine huius c. Nisi Legatus ibi sit etiam Ordinarius, ut in casu c. præced. Sed rectius affirmatur cum Imola tit. 5. Abb. n. 5. Quia delegatus in causa sibi commissa Superior est omnibus alijs Ordinarijs, arg. c. sanè, 11. de offic. delegati. Quare ob hanc ipsam rationem delegatus specialis contra Legatum generale, iniuste impedire volentem, per censuras procedere potest, habita tamen ratione dignitatis, iuxta c. pastoralis, 28. de offic. delegati, & c. 2. eod. in 6. Et tradit Cardinal. Tuschus ver. Legatus, eoncl. 157. quod iudex Conferuator contra Legatum natum, aut Legatum de Latere, iniuste impedire volentem, procedere possit.

Legatus Sedis Apostolicæ, quamuis à Latere sit; translationem Episcopi, sine speciali commissione ac mandato instituere non potest, cum sacrorum canonum statuta, & generalis Ecclesiæ consuetudo id fieri non permittat. De hac re dictum fuit in c. 1. & toto tit. de translat. Episc.

CAPITVLVM IV.

Quod translationem.

PARAPHRASIS.

Legatus Papæ à Latere, quamuis generalis legationis officium in Regno aliquo sibi commissum habeat, non potest tamen sine mandato speciali ea expedire, quæ Summo Pontifici in signum priuilegij, seu prærogatiuæ specialis reservata sunt. Neque obstat, quod aliqua huiusmodi, propter longam consuetudinem specialiter committendi, Legati à Latere veluti iure suo expediant, ut cum percussores clericorum à canonis excommunicationibus absoluant, non tamen hinc sequitur, quod etiam alia specialia, atque Pontifici reservata exercere queant, v. g. Episcoporum dioeceses vnire, aut diuidere, Primatem creare, & Episcopatus ei subijcere, &c.

SUMMARIUM.

1. *Quæ Principi specialiter reservata sunt, ea per diuturnam seu immemoriali temporis possessionem cum bona fide usucapi possunt, modo persona absque priuilegio ac concessione capax sit possessionis.*
2. *Aduersus ea, quæ ad supremam Principis potestatem intrinsecè spectant, præscribi non potest.*
3. *Præscriptio non extenditur de casu ad casum, præsertim maioris præiudicij.*
4. *Potestas Legati & absolutæ, & secundum*

Rrr

dum extensionem, aut restrictionem pendet ex voluntate Papæ.

5. *Nulli, cuiuscunque dignitatis sit, credendum, si asserat, se cum mandato Principis venire, nisi scriptis probauerit.*

DE casibus specialiter reservatis Sum. Pontifici dixi in cit. c. 1. de translat. Episcop. & lib. 1. Th. mor. tr. 4. c. 7. n. 22. cum Gl. hic ver. reservata, & plures legi possunt apud Hostiensem in Sum. huius tit. §. Quid pertinet. Durand. in speculo, de offic. legati, §. 6.

1. **NOTANDUM I.** Quæ Principi specialiter reservata sunt, ea per diuturnam, seu immemorialis temporis possessionem cum bona fide vsucripi possunt. Ita sumitur etiam ex c. super quibusdam, 16. de ver. signif. vbi Gl. ait ver. non extat; Quodd immemorialis consuetudo ius inducat, ideoque opus non sit titulum, seu concessionem allegare: cum ipsa talis immemorialis consuetudo privilegiata sit, ut vim tituli habeat, argum. l. hoc iure, §. ductus, ff. de aqua quotid. & æstiva, & notat Imola hic n. 3. contra Gl. à multis ibi receptam in c. vn. ver. non obstante, de Cler. & not. in 6.

Sed limitari debet primò: Dummodò persona absque privilegio ac concessionem possidere possit: alioquin enim vsucapionem, præscriptionemque procedere impossibile est, argum. c. causam, 7. de præscript. Sic v. g. Legati à Latere, cum sint personæ Ecclesiasticæ, per diuturnam consuetudinem acquirere potuerunt potestatem absoluendi à censura canonis. Sed Reges, seu potestates laicæ talem facultatem nullo vnquam tempore præscribere possunt, cum eius capaces non sint: nisi ex commissione per Pontificiæ potestatis plenitudinem facta, vti docui lib. 1. Th. mor. tr. 5. p. 1 c. 3. n. 5. §. Controversia.

2. Limitari debet secundò: Quodd aduersus ea, quæ ad supremam Principis potestatem intrinsecè spectant, præscribi non potest, vti docui lib. 3. Th. mor. tr. 1. c. 8. n. 6. illat. 2. & exemplum affert hic Abb. n. 2. Quodd nemmo Christianus vlla consuetudine obtinere

possit, vt Papæ in spiritualibus subiectus non sit: quia ad intrinsecam Papalis potestatis à Christo profectam institutionem spectat, vt omnium fidelium supremus Ordinarius pastor sit.

NOTANDUM II. Præscriptio, cum sit stricti iuris, non extenditur de casu ad casum, præsertim maioris præiudicii. Vt in proposito: Ex eo, quodd Legati de Latere vnus casum Pontifici reservatum, videl. absolutionem à canonis sententia, præscripserunt, inferri nõ potest, quodd etiam alias, & æq. maiores causas Sedi Apostolicæ reservatas expedire possint. Ita notat hic Abb. n. 5. ex Bartol. in l. 1. ff. de itinere, actique priuato.

Sed contra textum c. obijcit Abb. hic n. 4. Per actus merè voluntarios, seu gratuitos non introducitur præscriptio iuris, secundum receptam doctrinam Innocentii in c. cum Sutrina, n. 5. de causa posses. & propriet. & docui lib. 3. Th. mor. tr. 1. c. 8. n. 8. Ergo ex eo, quodd Papa Legatis Cardinalibus ex gratia speciali frequenter concesserit facultatem absoluendi à censura canonis, non poruit hoc ius absolutionis generatim introduci. Resp. Rectè ostenditur hac obiectione, quodd præcisè ex repetitis cõcessionibus gratuitis non potuerit introduci ius consuetudinis: Veruntamen; si Princeps Legatis à se missis plerumque facultatem aliquam concesserat, præsumptio esse solet, quodd contentus sit, vt etiam alij, qui cum simili dignitate destinantur, tali facultate gaudeant. Quodd si Princeps id fieri sciat, & non prohibeat, censetur tacitè consentire, vt temporis diuturni præscriptione opus non sit. Sin verò nesciat, ideoque nec consentiat, tum præsumptio illa conducit ad bonam fidem ingegendam, cum qua, concurrente temporis diuturnitate, vsucripio absoluetur, iuxta ea quæ dixi lib. 1. Theol. moral. tr. 4. c. ult. n. 10. & 11.

Veruntamen per eiusmodi longam consuetudinem, tanquam titulum præsumptum plus non acquiritur Legatis, quàm ipsis acquireretur per titulum expressum, seu privilegij concessionem, videl. vt nihilominus talis facultas absoluendi ipsis non minus,

nus, quàm aliæ gratiæ sine iniuria auferri possint, iuxta ea quæ dixi in c. Venerabili, 37. prope finem, de offic. iud. delegati.

4 Ex dictis inferitur, quòd potestas Legati & absolutè, & secundum extensionem aut restrictionem pendeat ex voluntate Papæ legantis, ad eum fermè modum, sicuti potestas Vicarij generalis pendet à voluntate constituentis: episcopi. Quæ de rescribit Guilielm. Durandus in Speculo lib. 1. p. 1. de offic. Legati, §. 4. n. 4. In primis, si Legatus in provinciam veniat, potestatis seu Legationis literas à mandato Apostolicum exigere possit, argum. c. Ego N. 4. vers. Legatum, de iureiur. & l. vn. C. de mandatis Principum,

5 ubi dicitur, quòd nemini, quacunque dignitate fulgeat, credendum sit, si asserat se cum mandatis Principis venire, nisi scriptis probaverit. Cum enim Romana Ecclesia nullam legationem suscipiat, nisi exhibitis literis signatis, c. vlt. d. 97. ideo neque alij Legatos Romanos absque literis suscipere cogunt: Quod enim quisque iuris in alios statuit, eodem ipse vti debet l. 1. ff. Quod quisque iuris &c. & c. cum omnes, 6. de Constitut. Quamobrem solent Apostolicæ Sedis Legati, cum primum in Provinciam venerint, legationis suæ literas publicare, ne quisquam ignorantiam prætere possit, argum. c. 1. de postul. Prælator. Et Couar. in pract. qq. c. 35. n. 4. testatur in Hispaniæ & Galliæ regnis nullum Apostolicum Legatum suscipi, nisi prius literas Regio Senatui exhibuerit, idque improbari nulla ratione posse, ait Molina tr. 5. de iust. disp. 9. n. 4. Licet aliter sentire videatur Azor tom. 2. lib. 5. c. 27. q. 8. Id verò fatentur hic Canonistæ communiter, & in c. quod super, 7. de Fide instrum. ubi Abb. n. 5. Felin. n. 8. quòd propter excellentiam & auctoritatē personæ, si Ecclesiæ Romanæ Cardinalis vel alius notus: & minimè suspectus legationis officium sibi commissum assueverit, credi possit, imò interdum ex æquitatis decore credi debeat, argum. cit. c. vlt. saltem quoad ea, quæ in generali officio Legati continentur, non ita verò quoad ea, quæ specialem commissionem requirunt, & præiudicialia esse

possunt; horum enim fidem per literas authenticas Legatus facere deberet, vti etiam docui lib. 1. Th. mor. tr. 4. c. 7. n. 22. Quare admonet Durandus cit. loco, & Petr. Andr. Gambarus de auctor. Legati de Latere lib. 1. §. Ingressus verò, vti qui à Legato à Latere dispensationem aliquam (v. g. super impimento matrim. in secundo gradu consanguinitatis aut affinitatis impetrant) talem potestatem Legato commissam ex literis eius publica Notarij manu transcribi curent: Quamvis ipsemet Durandus moneat, hæc raro observari, & fidem facile haberi Apostolicis Legatis.

CAPITVLVM V.

Licet.

PARAPHRASES.

Canonici Tranenſes in Episcopum elegerant Guilielmum Fratrem Abbatis Cassanensis: Eam electionem Legatus Apostolicus examinavit, atque examinationem ad Pontificem transmisit: Sed postea novum super eadem electione examen instituere ausus est, Quo intellecto Innocent. III. rescripsit, posterius examen irritum esse, & inane; quia Legatus super causa electionis, posteaquam ad Sedem Apostolicam transmisit, iurisdictionem nullam habuit.

SUMMARIUM.

1. Legatus super electione Episcopi potest examen instituere: imò Legatus à Latere, vel quicum potestate à latere missus est, potest Episcoporum electionem, & aliorum Prælatorum immediatæ Sedis Apostolicæ subiectionum confirmare.
2. Alias examen & informationem ad Sedem Apostolicam mittere debet, & ex eo tempore iudex esse desinit, neque amplius se immiscere debet.

NOTANDUM I. Apostolicæ Sedis Legatus super electionis Episcopi examē
Rrrr 2 insti-

instituire potest: Imò, si Legatus à latere velcum potestate Legati à latere missus sit electione Episcoporum, & aliorum Prælatorum Sedi Apostolicæ immediatè subiectorum, confirmare potest, & Si Abbatem, § 6. de elect. in 6. Alioquin examen & informationes ad Sedem Apostolicam mittere debet, & ex eotempore se non amplius immiscere, vt hic dicitur.

2. **NOTANDUM II.** Si Iudex, examen causæ, seu causam instructam, ad Principem referre decreuerit, & partes approbant, suspensio interim est eius iurisdicção, vt procedere, vel immutare aliquid non possit. Ita etiam habetur in l. ex illo, § 3. C. de appell. c. nomen, § 2. quod est S. August. epist. 137. ad Clerum & populum Hipponensem, causa 2. q. 1. Sed cum partium consensu Iudex causam resumere potest, vt Gl. hic docet. ver. transtulerat, argum. l. 2. C. de relationibus. Veruntamen postquam relatio seu causa instructa Principi presentata est, tum neq; cum partium consensu Iudici cognoscere, aut quippiam immutare concessum est, ne illudatur Principi, vt colligitur ex c. bonæ, 4. de postul. Prælator. & monet Ioann. Andr. hic n. 4. Imola n. 6. Abb. n. 3. Plura de hac materia docet Ioann. Andr. & alij DD. in c. intimasti, 68. de appellat.

CAPITVLVM VI.

Dilectus.

PARAPHRASIS.

Episcopus Prænestinus Apostolicæ Sedis Legatus Roberto Methensi Canonico Ecclesiæ S. Trudonis contulerat: Sed Methensis Archidiaconus molestaciones intulit Canonico, non permittens eum pacificæ possessione frui, eò quod ipso inconsulto, ad quem ius presentandi pertinebat, Ecclesiam adeptus esset. Hoc intellecto, Papa Innocent. III. quibusdam à se delegatis mandauit, vt dictum Archidiaconum, remota appellatione, cogant cessare à molestacionibus: propterea quod Prælatus plus

iuris habeat in beneficiorum concessione, quam patronus: Neq; patrono præiudicium inferatur, si quando ipso inconsulto Apostolicæ Sedis Legatus Ecclesiam aliquam conferat.

SUMMARYM.

1. *Legatus de latere conferat beneficium vacans, licet sint inris patronatus ecclesiastici; non autem si sint inris patronatus laicorum.*
2. *Neque sament in sex mensibus assignatis per Concordata Germania ordinarijs Collatoribus, eos prænieniendo, beneficium conferre potest.*
3. *Plus iuris conferitur per institutionem Prælati ad beneficium, quam per præsentionem patroni.*

NOTANDUM I. Legatus Sedis Apostolicæ, si à latere sit seu Cardinalis, conferre potest beneficia, sita in provincia sua, tamen si sint de iure patronatus Ecclesiastici: Sed iuripatronatus laicorum, aut etiam clericorum, si ex bonis patrimonialibus acquisitum sit, Legatus derogare non potest. & cum dilectus, 28. iun. Gl. magna, de iure patron. Cum neque Papa huic iuri derogare vnquam censeatur, nisi exprimat, vt docui lib. 4. Th. mor. tr. 2. c. 13. q. 3. & tradit hic Abb. n. 4. cum Gl. recepta in Clem. 2. de præbend. ver. Apostolicis.

Id verò dubitatur, An Legatus à latere in sex mensibus assignatis per Concordata Germaniæ ordinarijs Collatoribus, eos prænieniendo, beneficia conferre possit. Ita affirmat Ioann. Chokier in reg. Cancell. 40. de derogat. iurispatron. n. 75. Garcias. pag. 5. de benefic. c. 3. n. 42. Sed contrarium, vt æquius, magis placet, quod Rotam Romensis Aduocati referunt apud Gambarum potest. Legati à latere circa beneficia, lib. 3. n. 207. Quia Concordata Nicolai V. cum natione Germanica censentur transisse in pactum, cui nec Sum. Pontifex derogare solet, licet ex plenitudine potestatis suæ, absolute loquendo derogare possit. Sin autem beneficiorum collatio propter inferiorum Collatorum

latorum negligentiam ad Papam deuoluta sit, Legatus Apostolica auctoritate conferre poterit, secundum Gl. fin. communiter receptam in c. 1. eod. in 6.

NOTANDUM II. Plus iuris confertur per institutionem Prælati ad beneficium, quam per præsentationem patroni. Nam, vt Innoc. hic ait, per collationem, seu institutionem acquiritur prout ius in beneficio: non item per præsentationem; sed solum acquiritur præsentatio actio personalis contra Episcopum, vt ipsum instituat, si idoneus sit, c. pastoralis, 29 de iure patronatus. Quare hæc est Innocentij ratiocinatio: Si Legatus à latere ordinario collatori, seu Prælato Ecclesiastico præiudicare potest, præueniendo eum in collatione beneficii, c. si à sede, 30 de præb. in 6. multo magis præiudicare potest patrono Ecclesiastico: cum is minus ius habeat, quam collator: partim quia ille ex gratia habet ius patronatus, collator autem ratione officij, seu dignitatis suæ: partim quia, vt dictum est, præsentatio parum iuris tribuit instituendo, sed multum collatio sui institutio.

Accedit, si in aliquo casu Pontifex, vel Legatus eius beneficium conferat patrono inconsulto, ipsi tamen ius patronatus non auferatur, cum in alijs casibus præsentare possit.

CAPITVLVM VII.

Nouit.

PARAPHRASIS.

Legatus Apostolicæ Sedis mandatum habuerat à Pontifice, vt regnum Franciæ interdicto subieceret, quod etiam executus est. Sed Rex Galliarum putabat irritam esse promulgationem, quod facta esset à Legato, posteaquam fines regni Franciæ egressus esset. Sed Innoc. III. respondit, id nihil referre: Quia licet fines regni exierit, non tamen terminos suæ legationis egressum esse: cum non tantum in regnum Francorum, sed etiam in Vienensem, Lug-

dunensem, & Bisuntinam prouincias Legatus destinatus fuerit.

SUMMARYM.

1. *Legatus ad plures prouincias in vna earum existens iurisdictionem exercere potest erga alias.*
2. *Non autem exercere iurisdictionem suam potest extra legationis suæ fines, nisi voluntariam dispensando, absoluen-do, legitimando, &c.*

NOTANDUM I. Si Legatus ad plures prouincias destinatus sit, tum in vna earum existens iurisdictionem exercere potest erga alias. Nam sicut Pontifex in quacunque orbis terrarum parte existens iurisdictionem erga quoslibet Christianos exercere potest, ita & Legatus in quocunque loco prouinciæ aut prouinciarum suæ legationi attributarum iurisdictionem exercet erga prouinciales quoslibet sibi à Papa subiectos. Sed bene monet Abb. hic n. 2. quod Legatus partes non debeat sumptibus grauare, extra prouinciæ trahendo, cum possit causam alteri delegare, imò etiam Vicarium constituere, sicuti Episcopus: Nam etiam proconsules, & Præsides prouinciarum (quibus Legati æquiparantur cap. 2. eod. tit. in 6.) Vicarios constituebant, vt colligitur ex lib. 1. tit. 16. ff. de officio Proconsulis, & Legati.

NOTANDUM II. Legatus extra legationis seu prouinciarum sibi commissarum fines existens, iurisdictionem exercere non potest. Ita etiam de Proconsule statutum est in l. 1. ff. de Proconsule: *Potestatem non exercet, nisi in ea prouincia sola, quæ ei decreta est.*

Verum bene monet ibi Gl. margin. & Gl. hic ver. terminos, Innoc. n. 2. Abb. n. 3. Quod Legatus extra prouinciæ, sicuti & quilibet alius Ordinarius extra diocesin existens, possit exercere iurisdictionem voluntariam, dispensando, absoluen-do, legitimando, beneficia & gratias conferendo, vti constat ex l. 2. ff. de offic. Proconsul. Rationem Jedit in lib. 1. tr. 5. p. 1. c. 4. n. 2. & seqq. Quia vnica causa, cur Ordinarius extra territorium

Rrrr 3 suum

suum iurisdictionem exercere non possit, ea est, ne iudicii processum instituendo alterius territorij iurisdictionem violare, sibi que arrogare censeatur, c. 2. de constit. in 6. Quia ratione cessante, videl. si nullus iudicii processus, vel causæ cognitio necessaria sit, & in iurisdictione voluntaria, vt in absolutione à peccatis & censuris, in delegatione causarum, aut si causa v.g. excommunicationis inferenda notoria sit; vel denique si Ordinarius loci consensum præbeat, vt docet Nauar. c. 27. man. n. 6. & dicam in c. vt litigantes, 5. de off. ord. in 6.

CAPITVLVM VIII.

Volentes.

PARAPHRASIS.

Gregor. IX. Pontifex Apostolicæ legationis officium in provincia sua commisit Patriarchæ Hierosolymitano; ita tamen, vt si accidat Legatum à latere eò destinari, interit dum ibi commoratur, legationis suæ potestatem Patriarcha non exerceat.

SUMMARIUM.

1. *Officium Legati Apostolici suspensum est, superueniente alio digniore.*
2. *Missio vno Legato, si mittatur postea adhuc alius, prior non censetur ideo renouatum.*

NOTANDVM I. Officium Legati Apostolici, superueniente Legato digniore, videl. qui sit Cardinalis, seu de latere Papæ, non quidem expirat, sed interim suspensum est. Habet itaque iurisdictionem in habitu, non in actu, vt docet Imola hic n. 4. Ratio est, quæ in textu indicatur: Quia Legatus à latere speciali modo Pontificem repræsentat: ergo æquum non est, vt eo præsentem, quispiam Apostolicam, seu Pontificiam auctoritatem exerceat, nisi Legatus ei causam committendam duxerit. Exinde porro colligitur, quòd neque Legatus à latere iurisdictionem aliquam exercere debeat, si ipsemet

Pontifex in loco præsentem sit, vt docet Dur. tit. de Legato, §. finitur, n. 5. arg. c. antiqua, 23. §. Dominicz, de priuil.

NOTANDVM II. Si Pontifex postquam vnum Legatum ad provinciam destinauit, alium mittat, non ideo prior reuocatus censetur. Ita docet Dur. in speculo, tit. de Legato, §. Finitur, prope finem. Imola hic n. 6. Abb. n. 2. post Gl. communiter receptam in c. 3. causa 25. q. 2. ver. prætermitti, arg. l. 2. C. de testam. tutela, vbi dicitur, quòd testator dando alterum tutorem non censetur reuocare eum, quem prius dederat: Licet aliud sit in procuratore, l. si quis cum, 31. §. Iulianus, ff. de procurat. & c. penult. de procur. Discriminis ratione hic assertit Abb. n. 3. & cit. c. penult. n. 4. Quia Procuratores, si plures sint, occidere facile potest, vt mutuo se impedian, & vnus alteri repugnet: Sed duo Legati, sicuti & duo Vicarij generales & æquales, habent iurisdictionem in solidum; idque interdum necessarium esse potest, vt causæ citius expediantur, arg. l. 1. ff. de officio consulis.

CAPITVLVM IX.

Excommunicatis.

PARAPHRASIS.

Legati, non de latere, ad provinciam destinati, solos provinciales ab excommunicatione lata contra Clericorum percussores absoluerè possunt, dum in provincia existunt: At verò Legati nati, seu quibus munus legationis Apostolicæ ratione dignitatis suæ competit, ij neque provinciales subditos absoluerè possunt, nisi talis facultas eis specialiter concessa sit.

SUMMARIUM.

1. *Legatus à Latere, vel qui cum potestate à latere missus est, à die egressus sui ex Vrbe vsque ad reditum in Urbem quoscunque Clericorum percussores ab excommunicatione absoluerè potest, modo non sit renouatum.*

2. *Legatus non à Latere, sed ratione personæ, tantum provinciales absolvere potest, dum in provincia existit.*

NOTANDUM Vn. Legatus à latere, vel qui cum potestate Legati à latere missus est, à die egressus sui ex Vrbe, vsque ad reditum in Urbem, quoscunque Clericorum percussores ab excommunicatione can. si quis suadente, 17. q. 4. absolvere potest, dummodò à Pontifice reuocatus non sit, iuxta ea quæ dicam c. seq. Ita per sensum contrarium colligitur ex hoc c. & c. quod translat. suprà eod. tit. & tradit Gl. communiter recepta, ver. mittuntur, Innoc. Imola n. 2. Abb. n. 3. Molinatr. 5. de iust. disp. 9. n. 4. Qui tamen rectè monent, quòd ab alijs casibus Papæ reservatis Legati à latere absolvere non possint, absque specialì commissione, vti constat ex cit. c. quod translationem. Quamvis contrarium doceat Azor tom. 2. lib. 4. cap. 33. q. 6. verè Item Legatus.

2. **N**OTANDUM II. Legatus non à latere, cui legationis officium, non ratione dignitatis, sed vt privilegium personale competit, provinciales tantum absolvere potest, dum in provincia existit. Ita per sensum contrarium colligitur ex hoc c.

Sed dubitatur primò: Vtrum absolvere possint aliunde aduentantes, seu peregrinos, si ibi canonis censuram contraxerunt. Videtur esse negandum; arg. l. provinciales, 190. ff. de verb. signif. vbi dicitur, provinciales eos dicendos esse, qui in provincia domicilium habent. Nihilominus Hostiens. & Abb. hic n. 6. probabiliter affirmant: Quia in materia fauorabili verbum provincialium latè accipi potest, vt omnes tum inhabitantes, tum subditos comprehendat. At verò ratione delicti efficitur aliquis subditus iurisdictioni ei⁹ loci, in quo deliquit, c. vlt. de foro compet.

Dubitatur secundo: Si subditus seu provincialis in alieno territorio canonis excommunicationem contraxit, vtrum ad provinciam reuersus à Legato absolui possit? Negat Hostiensis in Sum. huius tit. §. Et in quo loco. Sed alij apud eundem, & apud Durand. cit. tit. §. nunc dicamus, n. 11. quos

sequitur Vincentius apud Imolam hic n. 9. & Abbas n. 6. Quia sicuti subditi extra territorium delinquentes ab Ordinario suo puniri possunt, arg. c. cum contingat, 13. de foro compet. ita & absolui.

Dubitatur terciò: Vtrum Legatus subditos alterius provincie absolvere possit cum consensu Ordinarij eorum. Affirmat Durand. cit. §. Nunc dicamus, n. 9. Sed contrarium magis placet, quod hic Abb. tradit n. 5. vbi generalem regulam tradit, quòd potestas alicui competens ex privilegio, non possit ita prorogari sicuti quæ communi iure competit. Arbitror verò distinguendum esse: vtrum restrictio potestatis fiat in fauorem Ordinariorum, tum probabiliter dicitur eos prorogare posse, vt dixi in c. 1. de suppl. negl. Prælator. An verò restrictio potestatis fiat in fauorem publicum, aut in fauorem ipsius principis privilegiantis, tum inferiores prorogare non possunt: vt in casu proposito, quando nec ipsi Episcopi ab excommunicatione canonis absolvere possunt, consequenter nec alijs potestatem extendere. Quare hoc loco dici potest, quòd qui privilegium dare non potest, neque extendere possit.

CAPITVLVM VLT.

Nemine.

PARAPHRASIS.

Statuta, quæ Legatus in provincia condidit, durant tanquam perpetua, tamen si Legatus recesserit. Sin autem causas alijs delegarit, & ante eius discessum citatio facta non sit, iurisdicctio delegatorum expirat.

SVMMARIVM.

1. *Iurisdicctio Legati expirat cum egressu eius à provincia.*
2. *In accessu & regressu ad provinciam, gestas insignia legationis.*
3. *Finitur Legati iurisdicctio quatuor potissimum modis. 1. Si ad certum tempus*

- pus datus est, eo finito expirat eius iurisdictione.* 2. *Si à Pontifice renocatus sit, vel sponte prouincià egressus, non reuerfurus.* 3. *Si dubium negotium retulit ad Papam, quoad illam causam iurisdictione eius extincta est.* 4. *Morte eius finitur.*
4. *Duranti Legati statuta, etiam post mortem eius, & legatione finita.*
5. *Non potest Legatus statuta condere contra sed bene prater ius commune canonicum, quæ ad mores reformandos spectant.*
- Ad ea tamen statuta, quæ præiudicialia sunt, requiritur consensus eorum, quorum interest.*
6. *Processus iudicialis incipit per citationem expeditam à iudice.*

NOTANDUM I. Posteaquam Legatus Apostolicus è prouincia egressus est, iurisdictione eius expirat. Quare ex eo tempore non potest causam alicui delegare: cum enim ipsemet iurisdictionem non exerceat, neque alteri eam mandare potest, arg. l. obseruare, 3. ff. de offic. Proconsulis. Et idem est in accessu ad prouinciã, quod iurisdictionis exercitium non habeat, nisi cum in prouinciã deuenit; nisi quod ob necessitatem, quia v. g. infirmitate impeditus procedere non valet, alteri demandare possit, sicuti de Proconsule habetur in l. obseruare, 4. ff. de offic. Proconsul. Valere autem argumentum à potestate Proconsulis, aut Præsidis prouinciæ ad Legatum Apostolicæ Sedis, colligitur ex c. 2. hoc tit. in 6.

2. Cæterum in accessu, & regressu ad prouinciã Legatus insignia legationis gestat, atque imperium veluti in habitu tenet, arg. l. 2. & l. vlt. ff. de offic. Proconsul. licet non quoad exercitium, saltem quod attinet ad iurisdictionem contentiosam. Quid autem in iurisdictione voluntaria possit, antequam in Urbem aduenerit, ex consuetudine petendum esse, significat Durandus cit. §. Finitur, n. 5. ubi testatur, quod Legatus in transitu per vias & vicos populo benedicere soleat. Pro pleniori intellectu aduerte ex Hosti-

si in Sum. huius tit. §. vlt. Durando cit. §. Finitur, Gl. in 4. præfenti, ver. finitur legatio, eod. in 6. Quod Legati iurisdictione quatuor potissimum modis finitur: Primò: Si ad certum tempus datus sit, eo finito extinguatur illius iurisdictione, arg. c. de causis, ff. de offic. delegati. Secundò: Si Legatus à Pontifice renocatus sit, vel sponte prouinciã egressus sit, non reuerfurus, arg. l. 3. ff. de offic. Præsidis: Præfets prouincia in sua prouincia homines tantum imperium habet: & hoc dum in prouincia est, nam si excesserit, priuatus est. Nota autem, quod dixi, non reuerfurus: Nam si prouinciã ad tempus excedat, mox reuerfurus, iurisdictionem non amittit; licet contentiosam cum causæ cognitione, ac pro tribunali sedens, exercere nequeat, vt supra dixi in c. nouit, 7. hoc tit. & docet Gl. in cit. l. 3. ver. priuatus est, Dur. cit. §. Finitur, princ. Tertiò: Postquam Legatus dubium negotium aliquod retulit ad Pontificem, iurisdictione quoad illam causam finita est. c. licet, hoc tit. Quartò: Morte ipsius Legati finitur eius iurisdictione cum officium & potestas legationis ipsi personaliter data sit, ita vt successorem non habeat.

NOTANDUM II. Legatus Sedis Apostolicæ statuta condere potest, quæ suapte natura perpetua & duratura sunt, tametsi eorum auctor mortuus, aut priuatus sit, vt dixi lib. 1. tr. 4. c. 1. condit. 6. Sed non potest Legatus statuta ferre contra ius commune canonicum, sicuti neque Episcopus, c. quod super, de maior. & obed. & monet Innoc. hic, Imola n. 9. Quia inferior non tollit legem Superioris, arg. c. inferior, d. 21. Sed præter ius commune, quæ ad mores reformandos spectant, statuere potest; cum sit ordinarius iudex in prouincia, c. 2. iun. Gl. ver. plantent, eod. tit. in 6. Ad ea tamen statuta, quæ præiudicialia alijs sunt, requiritur consensus eorum, quorum interest, vt colligitur ex doctrina Innoc. hic, & tradit Abb. n. 7.

NOTANDUM III. Processus iudicialis incipit per citationem expeditam à iudice: quare ex eo tempore perpetua est iurisdictione delegati; ita vt morte naturali aut ciuili delegantis non expiret. Ita docui in c. gratum:

tum, 10. de offic. delegati, & tradit Gl. hie ver. citatio, Abb. n. 10. & 11.

CAPITVLVM I.

cod. Tit. iq 6.

Officij.

Legati Sedis Apostolicæ, qui non sunt à latere Pontificis, ratione legationis sibi generaliter commissæ, beneficia conferre non possunt, sed ad hoc speciale licentiam desiderant. At verò Legati à latere, ratione muneris sui, adeoque veluti ordinario iure beneficia conferunt: quia sicuti honoris prærogatiuâ alijs excellunt, ita etiam maiore par est eos auctoritate pollere.

NOTANDVM Vn. Sicuti secundum ius Cælareum nomen præsidis generale est, l. 1. ff. de offic. Præsidis, Proconsul autem maximam inter Præsides prouinciarum potestatem, & maius omnibus in prouincia post Principem imperium gerebat, l. & ideo, 8. ff. de offic. Proconsul. ita nomen Legati Apostolici generale est. Sed Legati Cardinales maximam inter omnes potestatem, & summum in prouincia post Papam imperium gerunt, eo quod à latere Pontificis assumpti, eum propinquius referant, seu repræsentent. Vide quæ dixi lib. 1. tr. 4. c. 7. n. 22. & lib. 4. ar. 2. c. 10. n. 7.

CAPITVLVM II.

Legatos.

PARAPHRASIS.

Legati, qui à Sede Apostolica ad prouincias destinantur, sicuti olim Proconsules ac Præsides, inter ordinarios Iudices numerari debent: quumobrem eorum officium ac potestas morte Pontificis legantis non expirat.

SUMMARIVM.

1. Legatus Pontificis ad prouinciam destinatus habet iurisdictionem ordinariam; unde per mortem Pontificis non expirat.

2. Est tamen quodammodo extraordinaria, cum non sit perpetua & stabilis.

3. Vacante Sede Apostolica, Cardinales Legatum ordinariæ reuocare non possunt.

NOTANDVM Vn. Legatus Pontificis ad prouinciam destinatus habet iurisdictionem ordinariam, ac propriam, quæ proinde morte Pontificis legantis non extinguatur, tamen si iurisdictione uti non cæperit, imò ad prouinciam non aduenerit ante obitum Papæ, ut bene docet Gl. hic ver. declaramus, quam referant, & non improbant Ioan. Andr. & Dominicus, contra Durand. cit. §. Finitur n. 4. Nam Legatus cum primum Vrbe egressus est, dignitatem gerit, & potestatem in habitu, licet non exerceat ante prouincie ingressum, arg. l. 1. & 4. ff. de officio Proconsul. Ergo, sicuti alij Ordinarij, eam non amittit, donec reuocetur.

Aduerte tamen ex doctrina Gl. in Clem. 2. ver. nolumus, ibid. Zabar. q. 17. de offic. Ordinarij, Mol. tr. 5. de iust. disp. 9. Tamen si iurisdictione & potestas Legatorum Apostolicorum simpliciter loquendo ordinaria sit, esse tamen quodammodo extraordinariam, & superinductam: cum non sit perpetua, & stabilis, sed personæ ita inhærens, vt eam mortuâ, vel reuocatâ extinguatur, & ad successorum transire non censeatur, uti etiam dixi suprâ.

QVÆRITVR hoc loco: An vacante Sede Papali, Cardinales Legatum reuocare possint? Resp. cum Dur. cit. §. Finitur, n. 5. Gl. cit. & Dominico, quod ordinariæ reuocare non possint: cum Cardinales vacante sede iurisdictionem Pontificalem non exercent, sed id solum sollicitè curare debeant, vt Ecclesiæ bonum pastorem eligant, sicuti dixi lib. 1. tr. 4. c. 7. §. 7. At verò si causa grauis & vrgens postulare videret, reuocare poterunt Legatum; præsertim, si nondum prouinciam ingressus sit: ideòque iurisdictione non plene ipsi acquisita sit. Et verò hoc casu frequentius videri poterit necessarium reuocari Legatum, vt à nouo Pontifice cum nouis mandatis, & instructionibus ad prouinciam destinari possit.

CAPITVLVM III.

Præsenti.

PARAPHRASIS.

Si Legatus à latere beneficium proximè vacaturum in Ecclesia aliqua sibi referuet in fauorem certæ personæ; datis executoribus: atque accidat legationem eius prius finiri, (puta per mortem, reuocationem, aut reditum in Urbem) quàm collatio beneficii vacantis facta est, tum referuatio & omnis processus super beneficio irritus censeri debet.

SUMMARIUM.

1. Legatus à Latere potest beneficia, antequam vacent, sua collationi referuare, etiam in fauorem certæ personæ.
2. Pendente vna reservatione sua in ecclesia Cathedrali, vel Collegiata, non potest aliam reservationem facere, nec si in beneficiis alijs ad vniuersam collationem spectantibus aliquod referuauit, potest aliud beneficium in eiusdem Collatoris præiudicium sibi referuare.

NOTANDVM Vn. Legatus à Latere potest beneficia, antequam vacent, suæ collationi referuare, etiam in fauorem certæ personæ: Sed non potest ita referuare, vt personæ ius aliquod conferatur ad petendum; cum per tale ius expectatiuæ præbeat occasio mortem alteri machinandi. Ita habetur in c. 2. de concess. præb. & docet Zabara. Clem. 2. de offic. Ordin. q. 3. Anchar. in c. si eum, de præb. in 6. Garcias de benefic. p. 3. c. 5. n. 3. Azor tom. 2. lib. 5. c. 29. q. 1. & seqq. & dixi lib. 4. tr. 2. c. 10 n. 2. ver. præterea, & videri potest Trident. Sess. 24. c. 19. de reformat.

QUERIT hic Gl. ver. finitur legatio: Si Legatus causam alteri delegarit, iurisdicctio delegati perpetuata censetur per solam citationem. Cur ergo executoris iurisdicctio ac potestas non similiter perpetuatur, si in cau-

sa illa procedere cœpit, partes citando, potestatem publicando, &c. Respondet rectè; Quia reservationes beneficiorum odiosæ, ac restringendæ sunt; quippe cum per eas Ecclesiæ grauentur, & ordinarijs collatoribus præiudicetur. Si tamen Papa, vel Legatus ex mandato specialis Papæ referuet beneficium in fauorem certæ personæ, non extinguitur potestas executoris, si in negotio progressi cœpit, vt docet Guil. Dur. tit. de Legato, §. Nunc trademus, n. 14. Gl. hic ver. finitur, Dominic. col. 3. & constat ex c. si cui, 35. in fine, de præb. in 6. Deinde si Legatus à latere aliquem Canonicum creauit, constituto executore, vt proximè vacaturam præbendam ei conferat, quòd executor exequi possit, etiam finita legatione mandantis, tradit Gl. margin. hic: propterea quòd Canonico de iure debeatur præbenda, vt dixi cit. c. 10. n. 2. Vide Anchar. in cit. c. si eum.

§. Cæterùm.

SI Legatus à latere in Ecclesia Cathedrali, 2 vel Collegiata beneficium vacaturum suæ collationi referuauit, non potest ea pendente aliam reservationem facere. Et si ex beneficijs alijs ad vniuersam collationem spectantibus aliquod referuauit, non potest ea adhuc pendente, aliud beneficium in eiusdem collatoris præiudicium sibi referuare. Vide etiam quæ dicta sunt in c. mandatum, 38. de rescript.

CAPITVLVM IV.

Deliberatione.

PARAPHRASIS.

Legatus, etiam si à latere sit, non potest Ecclesias Cathedralis, aut Collegiatas conferre, aut collationi suæ referuare. Idemque dicendum de dignitatibus, quæ in Cathedralibus post Episcopatum maiores sunt, videl. apud nos Præposituræ, si per electionem Capitalarem prouideri solitæ, quòd Legatus se immiscere, & electores impedire haud possit.

S / M-

SUMMARIUM.

1. Beneficia electiva conferre, aut sibi reservare non potest Legatus à latere, nisi devoluantur ad Papam, & intra provinciam existant.
2. Reservata Papa absq; speciali eius mandato conferre non potest.
3. Nec alicui potest seu in genere, seu in specie facultatem facere accipiendi resignationes beneficiorum, & ea personis idoneis conferend.
4. Potest tamen alicui committere beneficij resignationem, & hac accepta eidem committere, ut persona idonea conferat.
5. Resignationes beneficiorum liberas & absolutas recipere potest, uti & eas, quæ sunt causa permutationis; non autem quæ sunt sub conditione, & in favorem certa persona.

NOTANDUM Vn. Legatus non potest se immiscere beneficijs electivis, ea conferendo, aut sibi reservando. Quia id cederet in præiudicium Electorum, quibus nec Papa facile derogare solet; sed liberam illis eligendi libertatem relinquere, argum. c. cum in illis. 16 §. Illis verb., de præb. in 6. & rident. potest Azortom. 2. lib. 5. c. 28. q. 16.

Sin autem eiusmodi dignitates electivæ aliæque beneficia intra provinciam existentia ad Papam devoluta sunt, ob electorum vel collatorum negligentiam, tunc Legatus ea conferre potest, sicuti ex communi docet Syl. ver. delegatus, quæst. 13. ver. Querit, Gambarus de auctor. Legati à latere, lib. 3. n. 620. Erasmus Chokier de iurisd. ordinariæ erga exemptos, p. 4. q. 30. Garc. cit. p. 5. c. 3. n. 21. post Gl. fin. in c. 1. hoc lib. & tit. vbi ex Goffredo refert, quod Legatus à latere ea præcipuè beneficia conferre possit, quæ ad Papam devoluta sunt, quippe cuius vices in provincia gerit. Iud. monent Gambarus & Garcias II. cc. quod Legato non currat tempus semestre, sub pena privationis pro ea vice constitutum in Concil. Lateranensi, c. 2. de concess. præb. Quandoquidem à Legato,

tanquam Apostolicam auctoritatem habente, non fit devolutio ad Papam.

Cæterum quæ Summus Pontifex suæ collationi beneficia reservavit, uti videre est in extrauag. Ad regimen, de præb. ea Legatus absque speciali mandato conferre non potest, arg. c. quod translationem, 4. extra hoc tit. & docui lib. 4. tr. 2. c. 10. n. 7.

s. Prohibemus.

Legato à latere concessum non est potestatem alicui seu in genere, seu in specie facere, ut beneficiorum resignationes accipiat, & ea personis idoneis conferat. Ratio prohibitionis est. Quia occasione talis commissionis vacatio beneficiorum modis illicitis procurari potest, contra Conc. Lateran. c. 2. de concess. præb. Posset tamen Legatus alicui committere beneficij resignationem, & postquam resignatio accepta est, eidem committere, ut persona idonea conferat, sicuti Gl. communiter recepta hic docet, ver. vnicuique, & dixi in c. 2. de Vicario, in 6.

NOTANDUM Vn. Legatus à latere beneficiorum resignationes liberas & absolutas recipere potest, uti etiam colligitur ex c. si Abbatem, 36. de elect. in 6. Eas quoque resignationes, quæ sunt causa permutationis, non autem quæ sunt sub conditione, & in favorem certæ personæ, sicuti ex communi docet Flamin. Parisijs lib. 7. de resignat. benefic. quæst. 13.

CAPITVLVM VLT.

Collatio.

SUMMARIUM.

1. Collatio beneficij à Legato motu proprio facta alteri aliud habenti, valida est, modo beneficia impossibilia non sint.
2. Collatio Ordinariorum cur ob infirmitatem prioris beneficij non infirmatur, cum tamen collatio Legatorum per infirmitatem prioris vitietur.

Beneficij collatio irrita est, si à Sedis Apostolicę Legato impetrata sit, non facta alterius beneficij prius possessi mentione. Consentit Clem. 2. de offic. Ordinarij.

Verum, si alij Ordinarij beneficia conferant, necesse non est in impetratione beneficij prius habiti mentionem facere, vti habetur in cit. Clem. 2. Quamvis prius dimitti debeat, si vtrumque simul possideri non possit, vt Gl. hic notat ver. mentio. Rationem differiminis inter Legatum, & alios Ordinarios affert Gl. ver. nolumus: Quia potestas conferendi beneficia Legatis de latere concessa est quasi extraordinaria & superinducta, cedens in præiudicium aliorum collatorum, consequenter restringenda: sed aliorum Ordinariorum collatio est naturalis ac fauorabilis amplianda.

Aliam rationem dare possumus ex Zabarel. in cit. Clem. q. 17. Quia Legatus de latere Apostolica auctoritate confert, ideo eius collatio imitatur collationem Papę, quę per

subreptionem impetrata censetur, si prioris beneficij mentio non fiat: propterea quod Pontifex plerumque nesciat, quę quisq; Clericus beneficia obtineat. Quę ratio ferme etiam procedit in Legato à latere: Quare probabiliter dici potest, cum Gl. hic, ver. mentio, & Gl. in cit. Clem. 2. ver. facta, Zabarel. ibid. q. 4. & alij apud Ancharan. hic, contra Ioan. Monachum hic, & Lapunt. n. 6. Si metu proprio Legatus beneficium conferat alterum habenti, valere collationem, arg. c. si motu, 23. de præb. in 6. dummodò beneficia impossibilia non sint. Et quę dicta sunt de Legatis à latere, eadem dici debent de alijs Legatis, si ex speciali privilegio aut delegatione Papę beneficia conferant, vti Gl. tradit in cit. Clem. & ibid. Cardin. Zabarel. q. 1.

Aliorum autem Ordinariorum collationes ideo non infirmantur ob prioris beneficij tacurnitatem, quia ferme notitiam habent, quaha beneficia Clerici singuli possideant.

TITVLVS XXXI. DE OFFICIO IVDICIS ORDINARIJ.

CAPITVLVM I.

SVMMARIVM.

Perniciosam.

PARAPHRASIS.



Piscopi potestatem habent in diocesibus suis adulteria, aliisque scelera secundum canones inquirendi, eaque puniendi. Quod si necesse sit, etiam secularis magistratus auxilium implorent, non vt vnus Magistratus alteri præiudicet, (cum discretę eorum potestates sint) sed vt mutuis auxilijs id quod Deo placitum est, exequantur.

1. *Episcopus electus & confirmatus est Ordinarius iudex in diocesi sua in ordine ad Clericos, non exemptos; in ordine ad laicos, si causa spirituales sint & mixta.*
2. *Idem est de Prælatis exemptis, qui in subditos suos habent quasi Episcopalem iurisdictionem.*
3. *Legati Apostolici, Episcopi, & similes Prælati merum & mixtum imperium habentes possunt contra Reos procedere ad panam carceris, exilij, trivernium, verberum, non tamen ad mutilationem & mortem.*
4. *Iudex Ecclesiasticus, si opus est, brachium*

secu

seculare invocare debet.

5. *Eiusdem officij est ad petitionē Magistratus secularis subditos eius contumaces per censuras ad obedientiam compellere.*
 6. *Secularis Magistratus requisitus ab Ecclesiastico, si renuat ferre auxilium, censuris ad hoc cogi potest.*

NO T A N D U M I. Episcopus est Ordinarius Iudex in diocesi sua. Quod intelligitur in ordine ad Clericos, non exemptos. Atque in ordine ad Laicos, si causæ spirituales sunt, vel mixtæ, c. cum sit, 8. c. ex tenore, 1. de foro compet. Nomine autem Episcopi, cui iurisdiclio in foro externo cõpetit, intelligitur qui electus, & confirmatus est, iuxta c. transmissam, 15. de elect. Et quod dicitur de Episcopo, locum etiam habet in Prælatis exemptis, qui in subditos suos quasi Episcopalem iurisdictionem exercent.

Corollarium. Cùm Legati Apostolici, Episcopi & similes Prælati merum & mixtum imperium habeant, exceptis ijs, quæ ad primum gradum pertinent, & Principi specialiter referuata sunt, vt dixi lib. 1. Theol. mor. tr. 4. c. 5. n. 11. ideo contra reos procedere possunt ad pœnam carceris, exilij, trireremium, verberum, non tamen ad mutilationem, mortem; Sed, si crimen mereatur, degradare debent, & degradatum Iudici seculari tradere. Ita docet Nau. tn c. nullam, 18. q. 2. n. 52. seu q. sua, 18. Mol. tr. 5. disp. 7. vbi aiunt, hæc etiam locum habere in Prælatis Ordinum exemptorum; cùm respectu suorum Regularium veluti Episcopalem iurisdictionem obtineant, iuxta c. Abbates, 3. de priuileg. in 6. Verùm in ijs quæ ad hæreticis iudicium spectant, Religiosi etiam exempti inquisitori hæreticæ prauitatis, aut, si talis non adsit, Episcopi, tanquam Sedis Apostolicæ delegati, subsunt iurisdictioni, c. ad abolendam, 9. in fine, extr. de hæreticis.

NO T A N D U M II. Si Iudex Ecclesiasticus in exercenda iurisdictione sufficiens nō sit, subsidium à seculari magistratu petere debet, vt etiam infrā habetur c. quoniam, 14. hoc tit. & in c. Princeps, 20. causa 23. q. 5. Quia dux potestates, Ecclesiastica & secula-

ris, se mutuo adiuuare debent, vt Gl. hic monet, ver. publicum argum. c. cum ad verum, d. 96.

Corollarium: Æquitas postulat, vt Iudex Ecclesiasticus, ad petitionem magistratus secularis subditos eius inobedientes, & contumaces per censuras ad obedientiam cõpellat, sed facta prius fide, & exhibitio processu, vt crimen contumaciæ appareat: Secularis autem Iudex, requisitus ab Ecclesiastico vt subsidium afferat pro sententiæ suæ executione, si renuat, etiam censuris cogi potest, secundum Gl. cit. quam hic sequitur Innoc. & Abb. n. 11. & sumitur ex c. vt inquisitionis, 18. §. prohibemus, de hæret. in 6. Neque potest Iudex secularis processum iudicij ab Ecclesiastico petere, si crimen merè Ecclesiasticum sit, vt hæreticis: cùm de tali crimine nec directè nec indirectè cognoscere possit, sed post latam à Iudice Ecclesiastico sententiā, meram executionem sibi demandatam habet, vti constat ex cit. §. prohibemus, & explicat Abb. cit. n. 11. & 12. Prosp. Farinac. tract. de hæresi, q. 186. §. 9. Secus verò est, si in alio crimine deprehensus Clericus tradatur Iudici seculari, ita vt efficiatur de foro seu iurisdictione eius, vt tradit Abb. hic. n. 12. Id verò non placet, quod idem ait n. 167. 168. Iudicem secularem compelli posse ad exequendam Iudicis Ecclesiastici sententiā, tamen si notorium sit, eam iniustam & irritam esse. Vide quæ dixi in tit. de Iudice delegato.

CAPITVLVM II.

Si Sacerdos.

PARAPHRASIS.

Si Sacerdos pro certo sciat (notitiā occultā) aliquem esse criminis reum: vel si ex sacramentali confessione cognouit, non debet illum nominatim arguere in publico; sed indeterminatè, sicut Christus dixit: *Vnus vestrum me traditurum est*, Matth. 20. Præterquam, si iudiciario ordine crimen probatum fuerit Sacerdoti. Deinde,

is, cui damnum illatum est, petat sibi iustitiam administrari, non prohibetur Sacerdos (qui iurisdictione præditus est, v.g. Vicarius Episcopi) auctorem damni per sententiam generalem ac indefinitam excommunicare; nõ obstante quòd illum ex confessione nouerit: sed nominatim non potest eum à sacra communione remouere, quandoquidem eius crimen scit non vt Iudex, sed vt Deus, id est, Dei locum tenens. Quamobrem neq; Christus Iudam à communione remouit. Debet tamen eum admonere, ne se Sacramentis ingerat.

SUMMARY.

1. *Crimen alterius aliquis nescire potest tribus modis, vt persona priuata, vt publica, à populo vel magistratu constituta in foro externo iudicij; & denique vt Vicarius Christi, seu vt publica persona à Deo constituta in foro penitentia.*
2. *Crimina occultè cognita, in occulto corripiri debent.*
3. *Prelatus crimine ex confessione sacramentali cognito, potest accusationem, vel denuntiationem contra criminofum admittere, & consilium vel confessum in foro externo punire.*
4. *Interrogatus de delicto ex sola confessione cognito, potest etiam iurare se nescire, scilicet, vt personam priuatam, vel vt reuelare sibi liceat.*
5. *Peccatori ex sola confessione cognito negari nequit etiam secretò petenti Eucharistia, vel aliud sacramentum.*
6. *Quà cautelâ loquendum in publica concione de criminibus in confessione sacramentali cognitis.*
7. *Confessarius in ipsa Confessione monere debet peccatori: indispotum, ne ad SS. Eucharistiam sumendam accedat.*
8. *Potest excommunicari per sententiam generalem occultus auctor illius damni ab eo, cui crimen confessus est.*

mò, vt persona priuata: Secundò, vt Iudex, seu vt persona publica, à populo, vel magistratu constituta in foro externi iudicij. Tertiò, vt Vicarius Christi, seu vt persona publica à Deo constituta in foro penitentia. Ita notat hic Abb. n. 4.

NOTANDUM II. Crimina, quæ occultè cognoscuntur, in occulto corripiri debent, non in publicum euulgandò, quia de re dixi. 3. Th. mor. tr. 3. vbi de denuntiatio fiat.

NOTANDUM III. Si Prelatus crimine ex confessione sacramentali cognouerit, non ideo prohibetur accusationem, vel denuntiationem contra criminofum admittere, & consilium vel confessum in externo foro punire: dummodò hæc aliunde hausta criminis cognitio nullo modo adiuuetur ex notitia fori penitentialis. Ita ex communi docui lib. 5. Th. mor. tr. 6. c. 14. n. 3.

NOTANDUM IV. Si Confessarius interrogetur de alterius delicto, quod ex sola confessione cognouit, dicere, imò iurare potest, se nescire, videl. vt personam priuatam, vel eo modo, vt reuelare ipsi liceat; quamuis sciat, vt persona publica, seu vt Vicarius Dei sub sigillo sacramentali. Ita ex communi docui lib. 4. Th. mor. tr. 3. c. 13. n. 6. §. interim.

NOTANDUM V. Peccatori ex sola confessione cognito non potest Sacerdos Eucharistiam, aliudue sacramentum petenti negare. Idque verum est, tametsi peccator secretò petat sacramentum: eò quòd denegatio hæc tacitam peccati ex confessione cogniti exprobrationem contineat, vti ex probabiliori dixi lib. 5. Theol. mor. tr. 4. c. 6. n. 10.

Dubitatur primò: Verumne sit, quod in hoc e. dicitur, Sacerdotem, si peccatum alicuius in confessione cognouerit, posse eum indeterminatè, ac nulla nominata persona, arguere? Item, quod in fine e. dicitur, vt Sacerdos seu Confessarius admonere peccatorè, ne se sacramentis ingerat. Nam talis admonitio exprobrationem peccati continet, à qua Confessarius abstinere debet, ne confessionem odiosam reddat. Ad I. resp. Quòd Confessarius pro publica concione non prohibea-

NOTANDUM I. Tribus modis potest aliquis crimen alterius nosse: Pri-

etur in ehi generatim in crimina, quæ ex cõfessione sacra cognouit: ita tamen, vt nemo meritò suspicari possit, aliquem in particulari fugillari. Sed nec generatim dicere potest, talia in ciuitate aut pago committi peccata, si ex cõfessione cognita, & aliàs notoria non sint. Ad II. resp. Quòd Confessarius in ipsa cõfessione monere debet peccatorem, ne ad sacram Eucharistiam accedat, si dispositus non sit, vt absolutionem à peccatis mereatur. Deinde, si crimen in publico notorium exiit, v. g. Presbyteri cædes, sed auctor ignotus, qui peccatum Sacerdoti cõfessus est; non prohibetur is pro concione admonere auctorem indeterminatè, vt ad Sacramenta non accedat, qui hoc crimen commisit, nisi Dio & Ecclesiæ, quatenus oportet, satisfecerit.

8. Dubitatur secundò: Quo pacto intelligendum sit, quòd dicitur, Sacerdotem (si iurisdictione in foro externo præditus sit) penitente læso, posse excommunicare occultum auctorem illati damni, non obstante, quòd ipsi crimen confessus fuerit. Respond. Intelligendum id videtur de excommunicatione per sententiam generalem, nisi intra certum tēpus iniustus raptor v. g. rem ablatā restituerit, vt ipso facto excommunicationem incurrat. Quæ de re dixi lib. 1. Th. mor. tr. 5. p. 1. c. 2. n. 2. §. censura.

CAPITVLVM III.

Cùm ab Ecclesiarum.

PARAPHRASIS.

Si inferior Prælatus sententiam excommunicationis aut interdicti, ex rationabili causa tulit in clericos, vel laicos suæ spirituali iurisdictioni subiectos, Episcopus curare debet, vt censura illa inuolabiliter obseruetur, neque potest eam relaxare, sine præscientia auctoris & ante præstitam congruam satisfactionem.

SVMMARYM.

1. Explicatur regula: Superior Prælatus

relaxare potest censuram latam ab inferiore.

2. Episcopus in iurisdictione erga subditos concurrens cum inferiore sibi subordinato, licet absolute loquendo, possit excommunicatos, aut interdictos ab inferiore Prælato absoluerè, si tamen excommunicatio rationabiliter lata sit, non decet enim hac potestate vti, nisi prius audito Excommunicatore, & debità præsentià satisfactione.
3. Excommunicatum ab Episcopi Vicario, vel aly: ab eo delegatis, & adnatum illius amobilibus, potest Episcopus arbitrari suo absoluerè.
4. Parochi de iure communi censuras ferre non possunt.

Explicanda hic est regula, quam cum Gl. hic ver. non relaxes, docet Abb. hic n. 9. S. Th. in 4. d. 18. q. 2. a. 5. Palud. ibid. q. 5. a. 2. Syl. ver. absolutio 2. in. princ. Couar. in c. alma. p. 1. §. 12. n. 2. Suar. de censur. disp. 5. Quòd superior Prælatus relaxare possit censuram latam ab inferiore. Id verò intelligi debet de ijs superioribus Prælatis, qui iurisdictionem obtinent in ipsos censurà ligatos, & non tantum in excommunicatorem.

Ob cuius conditionis defectum Archiepiscopus absoluerè non potest excommunicatos à Coepiscopis; eum in subditos eorum iurisdictionem nō obtineat, nisi ad ipsum appellatū sit, c. Romana, 3. de appell. in 6. & rotat Holt. in sum. tit. de sent. excom. §. 12. v. est & alia regula. Consequenter, si alicubi cõsuetudine præscripta introductum sit, vt Archidiaconus v. g. iurisdictione exerceat in Clericos sibi subiectos, excluso Episcopo, ita vt Episcopus interficere se non possit, tunc Episcopus excommunicatos ab Archidiacono absoluerè nequit, vti rectè docent Palud. Cou. Syl. cit. II. argum. c. dilecto. 10. de offic. Archidiaconi; & c. auditis, 15. de præscript. vbi Abb. n. 4. notandum esse ait, quòd totum ius Episcopale ab inferiore contra Episcopum præscribi possit.

Atque sic seu de iure, seu consuetudine in praxi obseruatur, vt excommunicatos à Præ-

à Prælatiſ Monafteriorum non exemptorum Epifcopus abſolvere non poſſit, niſi ad ipſum appellatum ſit, vti notat hic Abb. n. 10. Palud. cit. loco: Ratio eſt, quòd Epifcopus non habeat plenam iuriſdictionem in regulares: cùm eorum correſtio primo loco ad Abbatem ſpectet, & Epifcopus ſe immiſcere non debeat: niſi concurrente negligentia, aut malitia Prælati, vel ſi crimina graui ſint, præſertim quæ depoſitionem merentur, ſecundùm Gloſſ. in c. quanto, 7. hoc tit. & docui lib. 1. Th. mor. tr. 5. p. 1. c. 7. n. 2. §. De Superiore.

Sin autem ſubditus duos habeat Superiores cum ſubordinatione, quibus plenè ſubiectus ſit, ita vt vterque illi præcipere, eumque punire, conſequenter & pœnam relaxare poſſit, tum veriſſima eſt regula: Quòd excommunicatum, ſuſpenſum, vel interdictum à Prælato inferiore, Superior abſolvere poſſit: Sed non vice verſa. Quamobrem Papa excommunicatos à quibuſcunque Ordinarijs abſolvere poteſt. Generalis itò Ordinatio eos, quos Prouincialis excommunicauit: Et Prouincialis, quos Guardianus, Prior, aut Reſtor ei ſubordinatus excommunicatione, aliàue cenſurà irretiuit.

- 3 Sed quid dicemus de Epifcopo, ſi in iuriſdictione erga ſubditos concurrat cum inferiore ſibi ſubordinato? Reſpond. & Dico I. Si inferior ordinariam iuriſdictionem in foro externo habeat, quia non ab homine, ſeu Epifcopo, ſed ſecundùm legem, aut conſuetudinem diœceſis conſtituitur, vti quibuſdà locis Archidiaconi, & Decani, etiam rurales, vti Palud. aduertit loco cit. tum locum habet reſponſio huius c. iun. Gl. communiter recepta, ver. non relaxes. Quòd licet, abſolutè loquendo, Epifcopus poſſit excommunicare, aut interdictos ab inferiore Prælato abſolvere; tamen, ſi cenſura rationabiliter lata ſit, hac ſua poteſtate vti eum non deceat, niſi priùs conſulto, & auſcitu cenſuræ auctore, & debita præſtita ſatisfactione. Quæ eſt communis ſententia, bene explicata à Suar. cit. ſect. 2. n. 17. & 18.

- 3 Dico II. Si Epifcopi Vicarius, vel alij ab ipſo delegati, & ad nutum illius amobiles

aliquem excommunicarunt, poteſt eum Epifcopus abſolvere arbitrato ſuo. Ita ſignificat Palud. cit. loco. Ratio eſt: Quòd tales Vicarij & delegati non proprio iure, ſed iure & auctoritate alterius iuriſdictione fungantur: Quare neque inter Prælatos numerari poſſunt, de quibus ſolis in hoc c. mentio eſt.

Sed quaeritur de parochiis, qui & Plebani 4 dicuntur, vtrum nomine Prælatorum comprehendantur, ita vt ipſi in Parochianos ſuos cenſuras ferre poſſint. Ita affirmat Gl. magna hic, Ioann. Andr. n. 4. Imola n. 2. arg. huius c. Sed contrarium rectè docet Abb. in c. 2. hoc tit. n. 10. Quòd parochi locorū, ſpectato communi iure, ſeu ſecluſo ſpeciali priuilegio, aut præſcriptione, cenſuras ferre non poſſint, vti etiam ex praxi Eccleſiarum conſtat. Nam cenſuram ferre pertinet ad iuriſdictionem fori externi, vti aperte colligitur ex hoc c. & c. querenti, 10. de verb. ſignif. c. 1. de ſent. excom. in 6. Sed Parochi, ſpectato communi iure, iuriſdictionem in foro externo non exercent, ſed tantùm in pœnitentiali, vti colligitur ex c. de perſona, 38. iun. Gl. ver. non ab alio, cauſa 11. q. 1. Ergo &c.

Ad argum. ex hoc textu deſumptum reſpondetur, Plebanum iſtum non fuiſſe ſimplicem parochum ſeu Curatum, cùm inter Prælatos numeretur, ideòque in externo foro iuriſdictionem ordinariam ac perpetuam erga parochianos habuerit, Eccleſiæ ſuæ iure ſpeciali annexam, vel Capituli auctoritate ſibi acquiſitam, vti ſingulariter notauit Innoc. in c. quanto, 7. n. 2. hoc tit.

CAPITVLVM IV.

Cùm vos.

PARAPHRASIS.

Si Patroni Eccleſiarum laici indignos Epifcopo præſentent, vel ſi inter ipſos & Epifcopum de iure præſentandi controuerſia exiſtat, vel ſi alia cauſa obſtet, quòd minùs Eccleſiæ ſtatim prouideri poſſit beneficiatus, tum Epifcopus, remota appellatione, œconomos interim conſtituat, qui Eccleſiam

Ecclesiæ aut beneficij vacantis fructus percipiant, eosque in Ecclesiæ utilitatem conuertant, aut successori referuent.

SYMMARIUM.

1. Patronus laicus indignum presentans, pro ea vice iure presentandi priuatus non est, sed alium idoneum presentare debet.
2. Quid si intra quadrimestre tempus non sit, libera collatio seu prouisio collatori ordinario relinquuntur.
3. Capitulum, vacante Sede, non potest conferre beneficia, quorum collatio libera ad Episcopum spectat: potest tamen æconomum constituere, & beneficium ad sex menses commendare.
4. Patronus Ecclesiasticus, vacante beneficio, potest æconomum constituere; non item patronus laicus, nisi priuilegio populi vel consuetudine legitime præscripta munitus sit.
5. Qui habet ius instituendi beneficium, vacante beneficio, potest et ponere æconomum, dum idoneus ad presentationem patroni laici instituatur.

NOTANDUM I. Si patronus laicus indignum præsentet, non ideo pro ea vice priuatus est iure præsentandi, sed iubendus est alium, eumque idoneum præsentare. Ita Gl. hic, quam sequitur Innoc. hic in princ. Ioann. Andr. n. 2. Imola n. 3. & docui lib. 4. Th. mor. tr. 2. c. 13. n. 7. & colligitur ex textu: Si enim præsentando indignum laicus patronus ea vice priuatus esset, non Episcopus statim prouidere posset, nec opus foret æconomum, sed administratorem fructuum constitui. Ceterum, si patronus laicus qui indignum præsentauit, intra tempus quatuor mensium ipsi ad præsentandum designatos (c. quoniam, 3. c. cum propter 24. de iure patron.) alium præsentare præmitterat, tum libera collatio seu prouisio collatori ordinario relinquuntur, sicuti notat Ioann. Andr. cit. n. 12. Et quoddam paria sint nullum præsentari, & indignum seu inhabilem præsentari. Et

rit tamen necessarium, ut Episcopus seu collator mox significet patrono, præsentatum indignum esse. Sin autem patronus contendat dignum & idoneum esse, dum ealis deciditur, prouidere non potest, sed Episcopus æconomum constituere cogitur, uti constat ex hoc c. & notat Ioann. Andr. n. 2. Imola n. 2.

Corollarium. Licet Capitulum, vacante Sede, conferre non possit beneficia, quorum collatio libera ad Episcopum spectat, potest tamen interim, dum Prælati substituitur, æconomum constituere, sicuti & beneficium ad sex menses commendare, uti dixi lib. 1. Theol. moral. tr. 4. c. 7. n. 13. & docet hic Abb. n. 2.

NOTANDUM II. Discrimen est inter patronum Ecclesiasticum, & patronum laicum; quod ille Ecclesiæ, aliòque beneficio vacante, redditum administrationem, & custodiam habeat, idèque æconomum seu reddituum administratorem ibi constituere possit, argum. c. 3. §. In Ecclesijs, de Priuileg. & c. in Lateranensi, 31. de præb. & docet hic Innoc. n. 1. Ioan. Andr. n. 15. Abb. n. 8. At verò Patronus laicus, ne quidem vacante beneficio, reddituum administrationem & custodiam sibi vindicare potest, consequenter nec æconomum deputare; præterquam nisi Priuilegio Papali, vel consuetudine legitime præscripta munitus sit, iuxta c. generali, 13. de elect. in 6. & tradit Ioann. Andr. hic n. 15. Idèque bene notandum monet hic Abb. n. 4. quia sæpe laici patroni administrationes eiusmodi aut custodias fructuum sibi contra iura vendicant.

NOTANDUM III. Qui habet ius instituendi beneficium, vacante beneficio potest ibi æconomum ponere, donec aliquis idoneus ad presentationem patroni institutur. Ita Gl. ver. æconomus, in fine, Ioan. Andr. n. 16. Abb. n. 8. Sed intelligi hoc debet, si patronus laicus sit: Sin autem Ecclesiasticus, ipse, non autem Collator æconomum ponere potest, ut supra dixi: Ratio discriminis est: Quia Ecclesiasticus (non item Laicus Patronus) bonorum Ecclesiasticorum administrationi se ingerere potest:

T t t

Qui

Qui autem per alium facit, perinde est, ac si faciat per seipsum, reg. 72. in 6.

NOTANDUM IV. Fructus beneficij vacantis in eiusdem utilitatem expendi, aut successori referuari debent. Ita habetur in fine huius c.

CAPITVLVM V.

Ex parte

PARAPHRASIS.

Aliquis ab Episcopo suo excommunicatus, à Pontifice absolutionem impetrauit, causam excommunicationis aliam, quàm re ipsa erat prætexens; quæritur, vtrum talis pro absoluto habendus sit. Resp. Alexander III. Si Episcopo certò constet, quòd ille veram excommunicationis causam supprimendo, & falsam suggerendo Pontifici imposuerit, debet ipsum per censuras compellere, vt cum literis eiusdem Episcopi verum causæ processum continentibus, ad Sedem Apostolicam se conferat. Sin autem non certò constet, sed suspectum duntaxat hominem habet, de suppressa veritate causæ, tunc eum compellat ad canonicam purgationem coram ipso præstandam, videl. vt testes idoneos afferat, qui testentur illum causam excommunicationis suæ fideliter exposuisse Pontifici.

SUMMARIUM.

1. *Impetrans absolutionem ab excommunicatione subreptitiam, per suppressionem veræ causæ, & suggestionem falsæ non debet censeri absolutus.*
2. *Si quis de crimine commissio verisimiliter suspectus sit, potest ei canonica purgatio indicí.*

NOTANDUM I. Impetrans absolutionem ab excommunicatione subreptitiam, per suppressionem veræ causæ, & suggestionem falsæ, censeri non debet absolutus. Ratio est: Quia ad absolutionem à censura ex parte absoluentis duo requiruntur, pote-

tas & voluntas. Tamen autem in Papa non desit potestas, validdè absoluendi excommunicationem, non subsistente, aut ignorata iusta absoluendi causa, vt constat ex c. venerabilibus 27. §. sanè, vers. vbi autem de sent. excoñ. in 6. tamen presumendum non est, Papam ita absolvere velle, si per falsam narratam circumuentus sit, arg. c. 2. de filijs Presbyt. in 6. Quòd si verò aliquis ex pluribus causis excommunicatus, v.g. ob Clerici percussionem, & Ecclesiasticæ immunitatis violationem, absolutionem impetret expressè vna causa, & altera suppressa, valebit absolutio ab vna excommunicatione, altera permanenti, iuxta c. cum pro causa. 7. de sent. excoñ. Sed non rectè Gl. hic ait, ver. redire, duabus irritum excommunicationibus indigere duabus absolutionibus: Imò verò sufficit vna absolutio, dummodò absoluentis potestas, & voluntas se extendat ad vtramque. Plerumque tamen in absolutione additur causa, ob quam censura contracta: *Absoluo te ab excommunicatione, quam contraxisti ob clericum percuttionem &c.* Vide quæ dixi lib. 1. Th. mor. tr. 5. p. 2. c. 6. n. 10.

NOTANDUM II. Si quis de crimine commissio verisimiliter suspectus sit, potest ei canonica indicí purgatio. Ita habetur in c. 51. quis, 4. de purgat. canonica, vbi Gl. ait: Verisimilis suspicio inducit purgationem canonicam, idemque hic tradit Ioann. Andr. n. 10 Abb. n. 7. Imola n. 7. post Innocent. in fine huius c. qui tamen bene monet, requiri, grauem seu urgentem suspicionem, eamque publicè probabilem; alioquin non indicendam purgationem canonicam, nisi ei, qui publicè apud viros probos infamatus est. Est hoc casu verum est dictum Gl. fin.

CAPITVLVM VI.

Significauit.

PARAPHRASIS.

Aliqui consanguinitate, vel affinitate coniuncti, tanquam veri coninges sint, conuiebant: eos Episcopus, cum separari contumaciter recusarent, excommunicauit.

uit. Sed illi conquerentes apud Pontif. de iniusta excommunicatione, impetrarunt literas ad Iudices delegatos, vt si ita esset, absoluerentur, & causa postmodum cognosceretur, iuxta c. cum contingat, 3. 6. de officio delegati. Absoluti fuerunt, sed postea, non vti oportebat, à delegatis in causa processum ad testium receptionem &c. quare illi in nefarij incesu crimine perseuerant, & causa debitum finem non assequitur. Hoc casu, ait Cælestinus III. posse Episcopum sceleratos illos in crimine persistentes denuo excommunicare, neque iterum absoluendos fore, donec testium receptio, & alia ad causæ processum pertinentia legitimè peracta sint: propterea quoddam homines illi ex dolo suo commodum referre nō debeant; neq; ex delegatorum Iudicum desidia aut malitia peccati sui suffragium consequi.

SUMMARIUM.

1. *Quotiescunque agitur de peccato publico & scandaloso tollendo, Ordinarius delegatorum Iudicum desidia vel malitiam supplere potest, quatenus necessarium est ad amouendum peccatum.*
2. *Abuens beneficio absolutionis ab excommunicatione, quam ante licem obtinuit, & in eandem reincident, non est absolueudus, donec causa transacta sit.*
3. *Scienter contrahentes intra quartum consanguinitatis aut affinitatis gradum, vel cum moniali, ipso facto excommunicationem incurrunt.*

NOTANDVM I. Si causa aliqua ad Ordinarij iurisdictionem alioquin pertinens, per querelam, aut appellationem partis ad Iudices delegatos malitiosè deuoluatur, & illis in causa non procedentibus, ea occasione nutriatur peccatum, potest Ordinarius, non obstante illa deuolutione contra sceleratos procedere, eos, si contumaciter in crimine persistent, excommunicando. Ita ex Hostiensis Ioann. Andr. n. 9. Abb. n. 2. vbi aiunt, tamen in hoc casu specialis refera-

tur, tamen ex ratione æquitatis, ac necessitatis generatim dici debet; Quotiescunque agitur de peccato, videl. publico, & scandaloso tollendo, quod Ordinarius delegatorum iudicum desidia vel malitiam supplere possit, quatenus necessarium est ad amouendum peccatum. Nam recursus ab inferiore ad superiorem Iudicem, in subsidium innocentium, & iustitiæ defensionem inuentus, non debet conuerti ad malitiæ defensionem, & patrocinium peccati: cum Superior iura naturalia & diuina tollere haud possit. Quamobrem existimandum est, idem eadem ratione sentiendum, si ab Episcopo ad Metropolitanum recurratur, atque ipso negligente procedere, reus in crimine persistat cum scandalo, quod Episcopus per censuras compellere hominem possit ad tollendum peccatum.

NOTANDVM II. Si quis ante litigium promittens parere mandatis Ecclesiæ ab excommunicatione absolutus fuit, iuxta cit. c. cum contingat. postea verò, quia absolutionis beneficio abutitur, non est denuo absolueudus, donec causa transacta sit. Ita hic Gl. margin. ex Hostiensis, Imola n. 5. Abb. in fine huius c. & simile habetur in c. quæstioni, 21. de appellat. & c. venerabilibus, 7. 9. Porro, de sentent. excomm. in 6.

Id Porro hic addendum; Nouiore iure 3 Clem. vn. de consanguinit. & affinit. scienter contrahentes intra quartum consanguinitatis aut affinitatis gradum, vel cum Moniali, ipso facto excommunicationem incurrere.

CAPITVLVM VII.

Quanto.

PARAPHRASIS.

Religiosi quidam, cum pecuniâ collegissent ex redditibus beneficiorum, quæ vt obedientiarj administrauerant, à claustro se subducentes, in Principum ac potentum virorum curijs vagabantur. Eo intellecto Innoc. III. scribit Archiepiscopo Austiano,

Tttt 2 fi

si tales in provincia sua repererit, quod monere debeat Abbates, ut illos ad claustrum reducant, & quæ ut propria possidebant, in manibus ipsorum resignent, cōuertenda in utilitatem Monasterij, secundum eorundem Abbatum consilium: Sin autem Abbates, post monitionem id facere neglexerint, tum ipsemet Archiepiscopus, tanquam Ordinarius loci, Monachos per suspensionem officij ac beneficij, ad ea quæ dicta sunt, res nota appellatione, compellat. Videri etiam potest Clem. 1. §. Quia verò, de statu Monach.

SUMMARIUM.

1. *Quæ Religiosus etiam propriâ parsimoniâ acquirat, absque Prælati licentia rationabili seruare non potest.*
2. *Correctio Regularium primo loco ad Abbatem, alioquin Præpositum regularem spectat, & quæ negligente ad Episcopum.*
3. *Exempti Regulares in omnibus causis criminalibus subsunt iurisdictioni & correctioni Prælatorum regularium, exceptis quibusdam specialibus casibus.*
4. *Regulares non exempti duos Superiores habent, Ordinarius Prælatum, & Episcopum: illi quidem ratione voti obedientia in ijs, quæ regularem obseruantiam & disciplinam concernunt; huic autem subsunt, ut a clericis legi iurisdictionis.*
5. *In ciuilibus causis, ut si Religiosus debitor fiat coram Episcopo iudicialiter cōueniendus erit.*

NOTANDUM I. Quæ Religiosus, etiam propriâ parsimoniâ acquirat, seruare non potest absque Prælati rationabili licentia, cum ad Monasterium pertineat, e. non dicatis, 1. causa 12. q. 1. c. 2. e. cum ad Monasterium, 6. de statu Monachorū Casus est iste: Religiosus à Prælati suo deputatus est Vicarius alicui parochiæ seculari Monasterio incorporatæ, assignatis ad victum eius certa reddituum portione, si postea ad Monasterium reuocetur, pecunias, & alia quæ collegit, etiam genus suum de fraudans, retinere non potest, sed Monasterio relinquere

re debet, secundum Abbatis voluntatem ac dispositionem distribuenda.

Sin autem regularis alicui beneficio seculari, vel regulari, v. g. prioratui præfectus sit, cuius redditus nō sunt incorporati Monasterio aut Abbatis mensæ, tunc redditus superflui seu à Regulari beneficiario non absumpti, pertinent ad beneficium, seu Ecclesiam, cui seruit, uti obseruat hic Abb. n. 2. Nauar. comment. 2. de Regular. n. 6. & dixi lib. 4. Th. mor. tr. 5. c. 7. n. 17. & 18.

NOTANDUM II. Correctio Regularium primo loco ad Abbatem, alioquin Præpositum regularem spectat, & quæ negligente ad Episcopum. Ita Gl. magna communiter recepta. Sed, ut hæc res plenè intelligatur, ita distinguendum est ex doctrina Innocent. hic num. 1. Abbat. num. 3. Velloquimur de exemptis, vel de non exemptis. Exempti in omnibus causis criminalibus subsunt iurisdictioni, & correctioni Prælatorum regulariū, exceptis casibus quibusdam specialibus.

I Est in sess. 6. Trident. c. 3. de reformat. Quod regularis extra Monasterium, seu conuentualem domum aut residentiam degens, ab Ordinario loci, tanquam Apostolicæ Sedis delegato visitari, corrigi, ac puniri possit. Exiit ita verò Sanchez lib. 7. de matrim. disp. 33. n. 23. Episcopos non posse censuras ferre in Regulares exemptos, nisi hoc ipsum eis peculiariter concessum sit: id quæ propter Mendicantium priuilegia, ne à quouis Ordinario loci excommunicari, suspendi, aut interdicti possint, arg. c. 1. de priuileg. in 6.

II Est in sess. 25. c. 14. de Regul. Si Regularis exemptus in Monasterio degens, extra claustra deliquerit, ita ut populo scandalo sit, Episcopus tempus præfigere potest Prælato Ordinis, intra quod reus ille feruere puniatur, & de punitione Episcopus certior fiat: sin id intermitat Prælatum, à Superiore suo officio priuetur, & Regularis, qui deliquit ab Episcopo puniatur. Videri potest Barbosa de offit. Episc. p. 3. alleg. 205. n. 19. & 20.

III. In sess. 25. c. 4. de Regular. Vbi prohibetur, ne Religiosus sine licentia Superioris

oris à suo Conuentu recedat, etiam prætextu accedendi ad Superiores suos, nisi ab ijs vocatus sit: alioquin ab Ordinario loci, tanquam defector Instituti puniatur. Excipi tamen debet; nisi ex graui & iusta causa ad superiorem Prælaturam se conferat, vt quia ab immediato Prælato iniuste grauatur, vt docet Nau. comment. 2. de Regul. n. 61. Rodriq. tom. 2. Regul. q. 30. a. 3.

IV. Est in eodem c. 4. Quod qui studiorum causa ad Vniuersitates mittuntur, in Conuentibus habitare debeant; alioquin ab Ordinarijs contra eos procedi possit. His adde; Quod professus, seu Religiosus quilibet excommunicationis sententiam ipso facto incurrat, si absque Prælati licentia, cum consilio Conuentus, aut maioris partis, ad quæuis studia extra Monasterium se conferat. c. 2. Ne Clerici, vel Monachi, in 6. De quo videri potest Sanch. tom. 2. moral. lib. 7. c. 8. n. 72.

V. Est in sefs. 7. c. 15. de reform. In ciuilibus causis mercedum, & personarum miserabilium, Regulares, etiam exempti, si extra monasterium, seu Conuentum regularem degant, coram locorum Ordinarijs tanquam à Sede Apostolica delegatis, conueniri, & ad debitum soluendum iustitia exigente compelli possunt.

VI. In causa hæresis, aut similibus criminibus ad tribunal sanctæ inquisitionis pertinentibus Regulares exempti subsunt iurisdictioni Ordinariorum; si in ijs locis inquisitores non sint, vt i supra dixi.

VII. Ordinarij locorum, etiam Regulares exemptos, si Ecclesias curatas quantumuis exemptas obtineant, compellere possunt, si ipsi videatur, etiam per censuras, vt diebus saltem Dominicis, & festis solemnibus plebem sibi commissam salutari verbo pascant.

Additur I. Quod Regulares cuiuscunque Ordinis, neque in ipsis Ordinibus Ecclesiis prædicare possint, nisi se Episcopo, cum licentia & approbatione Superioris sui se præsentarint; & quod benedictionem accipere teneantur, antequam prædicare incipiant.

Additur II. Si Prædicator errores, aut scandala disseminet in populum, Episcopus

ei prædicationem interdicere, sin autem etiam hæreses prædicauerit, Episcopus contra eum, si exemptus sit, tanquam Apostolicæ Sedis delegatus procedere debet. Vide etiam Sefs. 24. c. 1. de reform. vers. nullus. & decretum Gregor. XV. quod incipit: *Inscrutabili*.

VIII. In Trident. Sefs. 24. c. 1. de reform. matrim. Si regularis alterius parochiæ sponso sine proprij parochi licentia matrimonio coniungere, aut benedicere ausus fuerit, ipso iure tamdiu suspensus manet, donec ab Ordinario eius loci absoluitur.

IX. In Trident. Sefs. 25. c. 16. de Regular. Quod Episcopi regulares quoscunque etiam per censuras compellere possint, ne quidquam ex bonis Nouitijs accipiant, & vt acceptum abeunti ante professionem restituant. Ita Rodriq. tom. 2. q. 64. a. 11. Sanchez lib. 7. de matrim. disp. 33. n. 23.

X. Eadem Sefs. 25. c. 5. de Regularibus; Episcopi, tanquam Sedis Apostolicæ delegati, etiam per censuras compellere possunt Moniales exemptas ad clausuram seruadant. Neque ipsis post professionem ex Monasterio egredi concessum est, nisi ex causa legitima ab Episcopo approbata.

XI. In Trident. Sefs. 22. decreto de vitandis, & obseruandis circa celebrat. missæ: Quod Episcopi & Sedis Apostolicæ delegati, etiam per censuras procedere possint contra exemptos, si in oratorijs priuatis, aut horis non debitis celebrent; & cogere eos, vt quæcunque superstitiones ablegent.

XII. In Sefs. 24. c. 2. de reform. Quod ad synodum, quæ quotannis ab Episcopis institui deberet, exempti omnes, qui aliàs, cessante exemptione, interesse deberent, nec Capitulis generalibus subduntur, accedere teneantur. Ratione verò Ecclesiarum secularium, annexarum Monasterijs exemptis, quicunque illarum curam gerunt, Synodo interesse cogantur. Vide quod dixi in c. 2.

XIII. In Trident. Sefs. 25. c. 12. de reform. Censuræ & interdicta, à Sede Apostolica emanantia, vel ab Ordinarijs promulgata Regulares in Ecclesijs suis, Episcopo præcipiente, publicare ac seruare debent. Dies

item festos, quos in diœcesi seruandos Episcopus præceperit, Regulares etiam exempti obseruari coguntur. Vide Rodriq. tom. 2. q. 71. a. 1.

XIV. Regulares etiam exempti ad publicas processiones vocati, accedere debent. Controuersias quoque, quæ in processibus, aut defunctorum corporibus sepeliendis cum scandalo interdum oriuntur, Episcopi componere debent.

XV. In Regulares confessarios, & Administratores Bonorum Monasteriorum, Monialium, etiam exemptarum, Episcopis potestas concessa est à Greg. XV. Papa cit. decreto Inscrutabili: Et ut Episcopus vnâ cum Prælatis seu superioribus Regularibus electioni Abbatissæ, seu Præpositæ per se vel suum delegatum præsidere possit.

XVI. Regulares, etiam exempti, si sint testamentorum executores, ab Episcopo compelli possunt ad rationem ipsi reddendam, & si malè gesserint, ab eodem puniri, iuxta Clem. Vn. de testam. & tradit ex communi Barbosa p. 3. allegat. 82. n. 34.

Quod verò attinet ad Regulares non exemptos, ij duos Superiores habent, Ordinis Prælatus, & Episcopum. Sed discrimen est, quòd Prælato Ordinis obedire teneantur ratione voti obedientiæ, in ijs videl. quæ ad regulares obseruationes, & disciplinam Monasterij pertinent: quare in his magis est obediendum Prælato, quàm Episcopo, iuxta doctrinam S. Th. in 2. d. 44. in fine, in expol. literæ ad 3. Innoc. hic n. 2. Abb. n. 5. & explicant Syl. ver. obedientia, q. 9. Sanch. lib. 6. moral. c. 1. n. 12. & dixi de hoc in c. ad aures, 5. de tempor. ordinat. Atque adeò Prælatus Ordinis potestatem habet subditos suos regulares ad regularem disciplinam adigendi, ut contumaces & incorrigibiles eicere queat, vt i. Innoc. Abb. Syl. tradunt cit. locis. At verò Episcopo Regulares subfunt non ratione voti, sed vt alij Clerici iurisdictionis legi subiecti sunt, vt dixi in qq. disput. de elect. q. 227. Quare in ijs, quæ ad ecclesiasticam disciplinam continent, & quoad punitionem criminum grauiorum, præsertim quæ depol-

tionem merentur, propriè & directè subiciuntur Episcopo, eùm etiam ipsi Prælati non exempti in his subfint, vt aduertit Syl. ver. obedientia, q. 10. dicto 2. Abb. in c. repet. si quis contra, n. 51. de foro compet. Sanch. cit. loco, & alij.

Cæterùm, si Prælatus Monasterij non exempti negligens sit in regulari disciplina cõseruanda, & quotidianis lapsibus puniendis, nemo dubitat, ad Episcopum pertinere iurisdictionis huius exercitium. Nam ob eam causam monasteria visitat, & inquit, vtrum regula Ordinis obseruetur, morum ac disciplinæ integritas vigeat: alioquin frustranea sermè esset subiectio Monasteriorum erga Episcopum, nisi tali potestate præditus esset, sicuti rectè ostendit Suar. de Reg. tom. 3. lib. 10. c. 11. n. 15. Quòd verò ibidem ait, quamuis dubius, Religiosos non exemptos Episcopo subesse non tantùm secundum potestatem iurisdictionis, quam habet erga omnes ecclesiasticas personas, vt eas ad officiũ, & quæ ad salutem conuenientia sunt, adigat, sed etiam ratione voti obedientiæ, quod probabiliter arbitratur, non tantùm Ordinis Prælato fieri, sed etiam Episcopo. id à DD. alijs non recipitur; quare nec credibile est, talem esse vouerunt intentionem, aut Ecclesiæ praxin.

In ciuilibus autem causis, si Religiosus v. g. in Academia studiorum causa degens debitor fiat, coram Episcopo potius iudicialiter conueniri debet, quàm coram Abbate, quia is esset iudex in factis proprio, cùm solutio ex bonis monasterij fieri debeat. Sin autem monasterium, ad quod professus pertinet, & ex cuius bonis solutio fieri debet, subiectum sit Abbati alterius monasterij, coram ipso & quæ accoram Episcopo conueniri poterit. Quare hoc casu Episcopus & Abbas concurrunt in iurisdictione, vt Innoc. & Abb. hic n. 5. docent. Videri potest idem Abb. in c. repetit. si quis contra, num. 50. de foro compet.

CAPITVLVM VIII.

Ad reprimendam.

PARAPHRASIS.

Si Episcopus diocesanum suum excommunicauit, alij etiam Episcopi, ipseque Metropolitanus hominem pro excommunicato habere debent. Quia sicut ipsi latas à se sententias feruari volunt, ita etiam oportet, vt ab alijs canonicè promulgatas censuras obseruari faciant. Sin verò excommunicatus ab Episcopo, de iniusta excommunicatione apud Archiepiscopum conqueratur, quandoquidem excommunicationis sententia per appellationem non suspenditur, ideo Archiepiscopus deferens Coepiscopo mittere debet excommunicatum ad excommunicatorem suum, vt ab eo secundum Ecclesiæ formam absoluat: sin is recuset, tunc Archiepiscopus eundem absoluat, recipiens ab eo (nisi legitime constitit, iniuste excommunicatum fuisse) iuratoriam cautionem, quod Episcopo competentem satisfactionem præstare velit. Quod si facere contempserit, eadem qua antè tenebatur, excommunicationis sententiâ, remota appellationis, eum constringat.

S Y M M A R I V M.

1. *Excommunicatus in vno loco, vbiq; excommunicatus est.*
2. *Appellatio à sententia excommunicationis, alteriusue censura non parit effectum suspensiuum, sed tantum deuolutiuum.*
3. *Excommunicatos ab Episcopo Metropolitanus, tamen si ad ipsum appellatum sit, ordinari non ipsemet absoluit, sed ad Excommunicatorem remittere debet; nisi periculum in mora sit, vel Episcopus absolvere renuat, aut legitime confiteri excommunicationem iniuste illatam esse.*

4. *Ante absolutionem ab excommunicatione in externo foro causæ satisfaciendo exigenda est.*

NOTANDVM I. Excommunicatus in vno loco, vbiq; excommunicatus est: quia excommunicatio afficit personâ, eamque comitatur sicuti lepra, ait Abb. hic n. 2. Idemque dicendum de Iudicis, aut legis sententia infamiam, aut inhabilitatem aliquam inuehente, iuxta l. non potest, 63. ff. de furtis. vbi dicitur, impossibile esse, vt furti damnatum non sequatur infamia. Verum verò excommunicatus non toleratus, si aliò se conferat, vbi eius excommunicatio publicè ignoratur, vitandus sit ab ijs, qui eam priuatim sciunt, dixi lib. 1. tr. 5. p. 1. c. 4. n. 3.

NOTANDVM II. Appellatio à sententia excommunicationis, alteriusue censuræ non parit effectum suspensiuum, sed tantum deuolutiuum. Ita etiam habetur in c. is cui, 20. §. sanè, de sent. excomm. in 6. & docent DD. in c. pastoralis, 53. §. verum, de appellat. & dixi lib. 3. tr. 6. c. 6. n. 5. & explicat hic Abb. n. 9. Sensus est: Quod sententia excommunicationis, alteriusue ecclesiasticæ censuræ (dummodò ipso iure irrita non sit) executionem secum trahat, hominemque re ipsa priuet bonis communibus Ecclesiæ, ad eò vt non obstante appellatione, homo priuatus maneat, & vt priuatus denuntiari possit, vti expressè habetur in cit. §. verum. Interim hunc saltem effectum parit appellatio, vt Iudex, ad quem appellatum, causam & iustitiam excommunicationis cognoscat, atque hominem, si ipsi videatur, absolendum esse declaret.

Ratio, cur appellatio ab excommunicatione, aliæue censura, effectum suspensiuum non pariat, assertur in Gl. hic, ver. suspenditur, & clarè habetur in cit. §. verum; quia executionem excommunicationis secum trahit. Contra quam rationem, tanquam insuffcientem, obijcit Gl. in cit. verum, §. cum executionem. Etiam sententia condemnationis de furti crimine v.g. executionem secum trahit, vti habetur in cu. l. non potest. Et tamen per appellatorem effectus eius suspenditur, vti habe-

habetur expresse in l. furti, 6. ff. de his qui notantur infamia. *Si furti, vel aliis famosis actionibus condemnatus provocauit, pendente iudicio, nondum inter famosas habetur.* Resp. Ita iure civili statutum esse, vt tametsi sententia absolute lata sit, tamen non omnino efficaciter censetur afficere personam, donec elapsum sit tempus decendij, quod pro appellationis subsidio conceditur. At verò censuræ, præsertim excommunicationis sententiarum, quæ ex ecclesiastica à Christo tradita potestate, seu clauæ procedunt, si absolute à licui imponantur, efficaciter in eum transeunt iuxta verbum Christi Domini Matth. 18. *Quacunque alligaueritis super terram, erunt ligata & in calo.* Neque alium decet esse modum liberandi se à vinculo per Ecclesiam iniecto, nisi per eiusdem absolutionem: quare subiungitur: *Et quacunque solueritis, erunt soluta & in calo.* Exinde verò provenit commune Canonistarum pronuntiatum; Excommunicationis sententiam, aliâque propriè dictam censuram alio modo tolli non posse, nisi per canonicam absolutionem.

3. NOTANDUM III. Excommunicatos ab Episcopo, Metropolitanus, tametsi ad ipsum appellatum sit, ordinariè non ipsemet absoluit, sed ad excommunicatorem remittere debet. Excipitur primò: Nisi periculum in mora sit, iuxta c. sacro 48. de sent. excomm. Secundò: Si Episcopus absoluit renuat, tunc Archiepiscopus absoluit, vt hic. Tertiò: Si legitime constat, excommunicationem iniuste illatam esse, vt hic. Verantamen si de hac iniustitia cognoscendum sit, excommunicator Episcopus citari debet, vt eo præsentè cognitio fiat, sicuti monet Gl. in cit. c. sacro, ver. constituet, & sumitur ex c. Romana, 3. §. sententias, de appellat. in 6. Videri potest Syl. ver. absolutio, 2. q. 7. Tabiena ver. Archiepisc. n. 3. Suarez de censur. disp. 7. sect. 2. n. 3. 2. & quæ scribit Quaranta in Summa Bullarij, ver. Archiepiscopi auctoritas 18.

4. NOTANDUM IV. Ante absolutionem ab excommunicatione in externo foro cautio de satisfaciendo exigenda est, saltem iu-

ratoria. Quod intelligitur, si absolvendus de violando iuramento suspectus non sit, vt hic notat Abb. c. 4. & dixi lib. 1. tr. 4. p. 2. c. 6. q. 2. dicto 4.

CAPITVLVM IX

Duo simul.

PARAPHRASIS.

Primates, ac Patriarchæ, licet honoris prærogatiuis inter alios habeant, tamen non exercent iurisdictionem erga subditos Archiepiscoporum, nisi vel sacri Canones concedant (vt in causis appellationum) vel diuturna consuetudo, vel speciale Apostolicæ Sedis privilegium, seu id Ecclesiæ, seu personæ datum sit.

SUMMARIUM.

De causis eorum, qui Archiepiscopis, & Episcopis subditi sunt, nec Patriarcha, nec Primas cognoscit, nisi per appellationem legitimam, aut vigore consuetudinis seu privilegij.

NOTANDUM I. Sicuti plures Episcopi sunt sub vno Archiepiscopo, seu Metropolitano, ita plures Metropolitanus sunt sub vno Primatè seu Patriarcha, vt colligitur etiam ex c. 1. d. 99. Quare sicuti Metropolitanus spectato communi iure, causas eorum, qui Coepiscopi subiectioni sunt, non cognoscit, nisi per appellationem ad ipsum deuoluantur, c. pastoralis, 11. hoc tit. Ita nec Patriarcha, aut Primas cognoscere potest causas eorum, qui eiusdem regni, aut regionis Archiepiscopis subiectioni sunt, nisi per viam appellationis. Ita Gl. magna hic, Imola hic n. 2. Abb. n. 1.

NOTANDUM II. Iurisdicctio ordinaria tribus modis comparari potest, Vel ex lege, seu canone: Vel ex consuetudine legitime præscripta: Vel ex Principis privilegio, dato dignitati, aut personæ. Ita Imola hic n. 1.

Quærent hic, quod discrimen sit inter Patriarcham, & Primatem. Resp. Omnis Patriarcha-

triarcha etiam Primas dici potest, seu primas, aut primariæ Sedis Episcopus, vti colligitur ex c. primas, d. 99. & docet Petr. Greg. Tholos. lib. 15. syntag. c. 10. Sed non omnes Primates Patriarchæ dici possunt, quia maius Patriarcharum nomen ac dignitas censetur, vti bene docet Guil. Dur. in specul. tit. de iurisdic. omnium Iudicum, n. 8. & Ioan. Andr. hic n. 8. Nam primis seculis, vique ad Iustinianum Imperatorem, eæ tantum Ecclesiæ Patriarchales dicebantur, quas S. Petrus Episcopus ac Pater fundavit, iisque vt proprius Episcopus præfuit, videl. Romana, Alexandrina, & Antiochena: sed temporis successu obtentum, vt etiam Constantinopolitana, Hierosolymitana, & aliæ quædam principales Patriarchales Ecclesiæ dicerentur: De quibus rectè intelligitur, quod hic Gl. docet ver. Patriarcha, diuersitatem (inter Patriarcham & Primatem) in nomine esse, sed dignitatem eandem.

CAPITVLVM X.

Quod sedem.

PARAPHRASIS.

Iuronenfis Archiepiscopus quæsiuit ex Innocent. III. Si infirmitate, aliæ causa impeditus esset, quod minus Suffraganeum seu Episcopum provincie sue conservare posset, vtrum alteri Coepiscopo vices suas committere concessum sit. Respondet Papa, id licitum esse; dummodò Episcopus ille Catholicus sit, & in gratia communionis cum Sede Apostolica constitutus.

SUMMARIUM.

1. Munus consecrandi Episcopos ad Archiepiscopum secundum Canones pertinet, consuetudo apud nos obtinuit, vt ad consecrationem Episcopi vicinus Episcopus adhibeatur, assistentibus duobus alijs Episcopis, saltem titularibus.
2. Episcopi & Archiepiscopi etiam ea, quæ meri imperij sunt, alteri committere possunt.

NOTANDVM I. Munus consecrandi Episcopos secundum Canones ad Archiepiscopum pertinet, iuxta c. 1. & seqq. d. 65. quoniam, d. 75. Ita vt ipse sit principalis consecrans, assistentibus sibi duobus Episcopis, c. porro, d. 66. Apud nos verò consuetudo obtinuit, vt ad consecrationem Episcopi, vicinus aliquis Episcopus adhibeatur, assistentibus ei alijs duobus Episcopis, saltem titularibus.

NOTANDVM II. Episcopi, & Archiepiscopi etiam ea, quæ meri imperij sunt, alteri committere possunt. Ita Gl. hic communiter recepta ver. committere, quam commendans Abb. n. 4. ait: Quod de iure canonico omnia delegari possunt ab Ordinarijs, etiam quæ sunt meri, & mixti imperij. Secus autem est de iure ciuili, vti constat ex l. 1. ff. de officio eius, cui mandata est iurisdic. vbi habetur, Ea, quæ ad merum, & mixtum imperium spectant, maioribus tantum iudicibus, in speciale eorum privilegium, concedi, idè quæ delegari non posse (ordinariæ, & seculæ absentia, aliæ impedimento) sed ea duntaxat delegabilia esse, quæ iure magistratûs, id est, cuiuslibet magistratui, seu iurisdictionem ordinariam habenti, competunt. At verò delegati à Principe, tam ciuili quàm canonico iure, causas quasunque, etiam criminales delegare possunt, nisi appareat personæ industriam specialiter electam esse, vti constat ex l. 1. in fine, C. qui pro sua iurisdic. iun. Gl. margin. & docet Innoc. in c. venerabili, princ. de offic. deleg. Porro quid sit imperium merum, quid mixtum, quid simplex iurisdictionis, legi potest apud Guil. Durandum in specul. tit. de iurisdic. omn. Iudic. Bartol. in l. Imperium, ff. eod. tit. Abb. hic n. 5. & lib. 1. moral. tr. 4. c. 6.

NOTANDVM III. Cum conceditur facultas accipiendi ordinationem ab Episcopo, intelligitur de Catholico, & qui Sedis Apostolicæ communionem habet, idè quæ schismaticus non sit, neque excommunicatus, aut suspensus. Ita Gl. hic ver. gratiæ. Constat c. quia, 5. de elect. c. 2. de ordinatis ab Episcopo, & c. 1. & 2. de Schismaticis.

Vuuu

CAP.

CAPITVLVM XI.

Pastoralis.

PARAPHRASIS.

Si ad Archiepiscopum causa aliqua per appellationem deuoluta sit, potest eam Coepiscopi sui subdito (v.g. Collegiatæ Ecclesiæ Decano, aut Canonico) delegare, non tamen eundem ad suscipiendam delegationem compellere; cum in subditos Coepiscoporum, exceptis quibusdam articulis, iurisdictionem nullam habeat; sed tantum in ipsos Coepiscopos.

SUMMARIUM.

1. Si causa civilis inter Episcopum & eius Clerum agitur, eligendi sunt arbitri ex partium consensu. Si criminalis, ad Archiepiscopum in Synodo residentem causa deferenda est; qua si non habeatur, nec in Provincia ab Vrbe remota ad Apostolicum Legatum, ea ad Archiepiscopum deuoluitur.
2. De iure canonico causa appellationis delegari potest, non autem de iure civili.
3. Superior causam delegare potest etiam non subdito suo.
4. Excommunicatum nemo absolueret, prater excommunicationis Auctorem, Superiorem, aut Successorem, excepto articulo mortis.
5. Qui ob contumaciam Rei missus est in possessionem, causâ rei seruanda, Reo intra annum non comparente, nec praestante cautionem de iudicio sisti, verum possessor constituitur.
6. Si quid agendum coram suo iudice v.g. cautu praestanda de iudicio sisti, in eius absentia coram alieno iudice, aut alia publica & honesta persona, v.g. tabellione, id agi potest.
7. Non sufficit cautio oblata, sed praestanda est, nisi per aduersarium sit, quò minus oblata recipiatur.

NOTANDVM I. Licet Archiepiscopus sit Ordinarius Superior Coepiscoporum, tamen in subditos eorum iurisdictionem exercere non potest, praeterquam in casibus iure expressis. De hac redixi in c. 1. de suppl. negl. Prælat. in 6. & lib. 1. Theol. moral. tr. 4. c. 7. §. 3.

QUÆRES: Si inter Episcopum, & Clericum sibi subditum controuersia existat, utrùm Archiepiscopus Iudex esse possit. Causa quærendi est: Quia cum ipsemet Episcopus in propria causa Iudex esse nequeat, videtur consequens, vt ea ad proximum Ordinarium deuoluatur: quandoquidem Metropolitanus ordinarius Iudex est totius provinciae suæ, vt constat ex c. 2. causa 9. q. 2. Quamuis habeat iurisdictionem potius habitualement, & non expeditam, nisi in casibus iure expressis, vt Gl. hic monet, ver. exceptis.

Resp. ad q. Si causa civilis inter Episcopum, & Clericum agitur, eligendi sunt arbitri ex partium consensu, vt habetur in c. si Clericus, 46. causa 11. q. 1. Vbi Gl. communiter recepta ver. arbitros, ibidem Ioan. Turrecremata, Gl. item in c. irrefragabili, 13. §. cæterum, hoc citant, quod Episcopus compellere possit subditum, quòcum controuersia ipsi est, ad arbitros eligendos. Sin autem criminalis causa inter Episcopum & subditum suum agitur, ait Gl. hic ver. exceptis, Hostiensis in sum. huius tit. ver. crimen, Abb. in cit. §. Cæterum, n. 1. ibid. Vincent. & Ioan. Andr. n. 29. Syl. ver. Archiepiscopus, q. 1. casu 6. ad Archiepiscopum in Synodo residentem causam deferendam esse, vt colligitur ex c. 2. causa 9. q. 3. & c. sicut, 25. de accusat.

Verum, si Synodus provincialis non habeatur, (sicuti apud nos in Germania intra hominis memoriam Synodus provincialis celebrata non fuit) & ponamus v.g. Episcopum à Clerico non exempto iniuriâ, aut damno iniusto affectum esse, nullumque in provincia ab Vrbe remota esse Apostolicum Legatum seu Vicarium; quis erit iudex in hac causa? Episcopus esse non potest in causa pro-

sa propria : Ad arbitros autem consuetum non est confugere in causa criminali, c. causa, 9 de integritate restit. & notat Gl. in c. irrefragabili, §. cæterum ver. super hoc delegatus, hoc tit. Profecto necessarium est dicere, quod ad Archiepiscopum causa deuoluatur, cum alioquin Ecclesiastico statui non satis prouisum esset. Et ita docet hic Imola n. 10 addition. ad Io. Andr. in cit. c. irrefragabili. Confirmatur: Archiepiscopus secundum sacros canones, est ordinarius prouinciæ iudex: quod autem eius iurisdictionis erga subditos Coepiscoporum suspensa, seu impedita sit quoad exercitium, id potissimum in gratiam Coepiscoporum introductum est. Quæ ratio si cesseret, quia Episcopus cupit, imò res ipsa postulat, ut Archiepiscopus iudicium suum interponat, rectè dicitur, Archiepiscopum in tali casu iudicem esse posse; ita tamen, ut allata causa suspicionis probabili, recusari, atque ab eo ad Papam appellari possit.

2 NOTANDVM II. Secundum ius canonicum causa appellationis delegari potest. Secus autem est de iure ciuili, uti videre est in Auth. ad hæc. C. de Iudicijs, & notat hic Abb. n. 3.

3 NOTANDVM III. Superior causam delegare potest non tantum subdito suo, sed etiam non subdito. Sufficit enim causam esse de iurisdictione delegantis, licet is, cui delegatur, non sit de iurisdictione. Discrimen autem est, quod subditum compellere potest ad suscipiendum, uti constat ex c. præced. Non subditus autem cogi non potest ad acceptandam causam, uti hic dicitur, & docet Gl. in l. vn. C. Qui pro sua iurisdictione. Gl. huius c. ver. nullam habet.

s. Præterea.

PARAPHRASIS.

Iudex à Papa delegatus, reum citauit, & cum in comparendo contumax esset, eum excommunicauit, atque actorem in possessionem misit causa rei seruandæ: postea verò idem delegatus è uiuis excessit.

Quæritur hoc casu, utrum Ordinarius loci reum satisfacere uolentem absolueret possit, etque possessionem restituere, recepta cautione sufficiente. Respondet Innocentius III. Cum delegatus in causa illa maior sit Ordinarius, ideo ab illo excommunicatum absolueret non potest: sed solus Papa, vel si delegatus successorem habeat in onere ac honore, neque item amissam possessionem per alium, quam Summum Pontificem (aut per Legatum eius) recuperare poterit. Verum ne actor ultra annum retinens possessionem per prescriptionem tutus reddatur, veramque possessionem acquirere censatur, id consilij datur, ut reus coram Ordinario loci, vel publicis personis cautionem afferat, quod iuri pariturs sit. Sic enim ueluti interrumpetur prescriptio annalis, ut etiam post annum possessionem recuperare per Sedem Apostolicam mereatur.

NOTANDVM I. Excommunicatum ab homine nemo absolueret potest, præter excommunicationis auctorem, superiorem, aut successorem: excepto articulo mortis. De hac re dixi suprâ, & lib. 1. tract. 5. p. 1. c. 7. num. 2.

Porrò per mortis articulum, in quo omnis casuum reservatio cessat, ita ut quilibet Sacerdos à quacunque excommunicatione, etiam Papæ reservata absolueret possit, non est intelligendus quasi ultimus uitæ spiritus. sed quodecunque periculum moriendi probabile, uti bene hic declarat Abb. n. 3. & dixi lib. 5. tr. 6. c. 12. n. 13. §. His adde.

NOTANDVM II. Si causa commissa sit Prelato, v. g. Episcopo, intuitu dignitatis, tum successor eius in dignitate succedet etiam in onere delegationis, uti dictum est in c. quoniam, 14. de offic. delegati. Vocatur autem onus delegationis, quia non gratiam continet, sed mandati obligationem imponit, uti dictum.

NOTANDVM III. Qui ob contumaciam Rei missus est à Iudice in possessionem, causa rei seruandæ, spatio anni custodiam potius, quam veram ac stabilem possessionem

nem habere censetur, eo autem finito, si reus, ante tempus illud, præstita cautione de iudicio sisti, & exhibita satisfactione pro damno ex absentia sui illato non repetuerit, ellicitur verus possessor, ita ut fructus ex re percipere, & eam vsu capere possit, aliæque possessionis commodum habere. Ita legitur etiam in c. quoniam. 5. §. in alijs, iun. Gl. ver. affectus. Ut lite non contestata &c. & c. 2. iun. Gl. ver. distrahunt, de sequestratione posses. & fructuum. Videri potest Durand. in spec. lib. 2. p. 1. tit. de primo decreto, §. lam de effectu, col. 3. & seqq.

6. **NOTANDUM I V.** Si quid coram Iudice suo agendum sit, v. g. cautio præstanda de iudicio sisti, illo absente aut mortuo, agi hoc ipsum potest coram Iudice alieno, aut alia publica & honesta persona, videl. tabellione aut, si nec is adsit, coram duobus aut tribus testibus tabellionis vicem suppletibus, vti colligitur ex l. 2. c. de annali except. & docet Imola hic n. 17.

7. **NOTANDUM V.** Non sufficit se offerre ad cautionem præstandam, nisi etiam præstetur. Præterquam si per aduersarium stet, quod minus cautio oblata recipiatur. Ita notat Gl. fin. hic, & constat ex c. 1. & 2. de eo qui mittitur in possessionem, &c.

CAPITVLVM XII.

Licet.

PARAPHRASIS.

Innocentius III. mandauerat Episcopo Parisiensi, ut instituta inquisitione de criminibus, si quos seu Religiosos, seu seculares Clericos deliquisse deprehenderit, eos secundum canonicas sanctiones remota appellatione puniat, & quæ ad morum reformationem pertinere videntur, constituat. Dubitatum verò fuit, num per hoc Metropolitanæ iurisdictioni derogauerit Pontifex, quò minus ad ipsum à sententia, aut grauiamine Episcopi appellari possit in casibus, quibus id alioquin permillum est. Respondet Pontifex, derogatum non

esse: cum Parisiensis Episcopus non propterea tanquam Sedis Apostolicæ delegatus, sed vt ordinarius Iudex procedat.

SUMMARYM.

1. *A correctione legitima non potest fieri appellatio, nisi in eius modo excedatur.*
2. *Episcopus habet iurisdictionem ordinariam in inquirendis & puniendis criminibus, non tantum secularium clericorum, sed etiam Religiosorum non exemptorum, saltem si graua delicta sint.*
3. *Superior inferiori iudici ordinario mandans, quæ ad ordinarium eius officium spectant, non constituit eum delegatum, sed tantum excitare vult iurisdictionem ordinariam.*
4. *Quod si autem inferior nihilominus procedat vt delegatus, processus & acta non valent.*

Pro intellectu sciendum est, quod à correctione legitima, seu quæ fit secundum canones, non possit fieri appellatio, nisi in corrigendo modus excedatur, sicuti habetur in c. seq. & in c. ad nostram, 3. c. reprehensibilis, 26. c. cum speciali, 61. §. Porro, de appellat. Nam talis correctio est veluti executio canonis: ab executore autem, nisi metas excedat, appellare non licet, l. ab executione, 5. C. Quorum appellationes non recipiuntur. Cum hac doctrina consentit Synodus Trident. sess. 22. c. 1. de reformat.

NOTANDUM I. Episcopus habet iurisdictionem ordinariam in inquirendis, ac puniendis criminibus, non tantum secularium Clericorum, sed etiam Religiosorum non exemptorum, saltem si graua delicta sint, vti etiam dixi in c. quantò, 7. hoc tit.

NOTANDUM II. Si Superior inferiori Iudici ordinario ea mandet, quæ ad ordinarium eius officium spectant, non censetur eum facere delegatum, sed excitare tantum iurisdictionem, seu commonere & impellere ipsum ad officium præstandum. Ita notauit Gl. in c. in aliquibus, 4. de re scripti in 6. Innocent. hic n. 1. Imola n. 8. Sed limi-

tari

tari debet primò: Nisi expresse addatur, vt Episcopus v.g. auctoritate Apostolica, vel vt delegatus Sedis Apostolicæ procedat, sicuti Gl.cit.monet. Secundò: Nisi ex adiunctis aliud colligatur; vt quia Papa formam procedendi præscribit, quæ ordinariæ iurisdictionis limites excedit, v.g. vt in causa, in qua appellare licitum est, remota appellatio ne procedatur, sicuti Inn. notat, & Abb. n. 3.

In dubio autem potius existimandum est Principem voluisse excitare iurisdictionem ordinariam; adeò vt verba rescripti, si id fieri possit, secundum ius commune, & non vt specialem commissionem continentia intelligi debeant: præsertim si secundum alium intellectum verborum, alteri præiudicium fieret, vti etiam habetur infra c. pen. hoc tit. & notat Gl. magna hic in fine. Innoc. in hoc c. 4. Quærit hic Abbas: Si Papa per rescriptum noluerit causam delegare, sed iurisdictionem Episcopi ordinariam exercere; is autem per errorem procedat vt delegatus, num processus & acta valent. Negatiue respondet, & rectè: Quia auctoritate ordinaria, qua procedere potuit, noluit. qua autem procedere voluit, auctoritate delegata, non potuit, cum ea commissio non sit. Ergo irrita sunt acta, argum. c. cum semper, 23. de officio delegati. Vide eundem Abb. in c. cum ex officij. n. 29. de præscriptis.

CAPITVLVM XIII.

Irrefragabili.

PARAPHRASIS.

Prælati Ecclesiarum ad corrigenda crimina, & reformandos mores subditorum, maxime clericorum, prudenter ac diligenter attendere debet; ne aliqui subditorum peccata ipsis imputentur. Atque vt correctionis officij libere exercere possint, decernit Innoc. III. in Concilio generali Lateranensi, quòd nec consuetudo, nec appellatio executione ipsarum valeat impedire, præterquam si modum in corrigendo excedat. Quòd si in aliqua

Ecclesia consuetudo obtineat, vt Canonici à Capitulo puniantur, tum eo negligente, Episcopus moneat, iubeat, ac competentem terminum statuatur, intra quem correctio fieri debeat: alioquin ipsemet Episcopus, prout animarum eius cura requirit, corrigere per censuras Ecclesiasticas non intermitat.

SVMMARIVM.

1. Prælati Ecclesiarum ex officio tenentur subditorum, præsertim clericorum crimina corrigere.
2. Inferior Episcopo v.g. Capitulum Cathedralis aut Decanum vel Archidiaconum, contra Episcopum præscribere potest iurisdictionem in diocesanos v. g. Canonicos, aliosque clericos, etiam priuatiue.
3. Neg. tamen vlla consuetudine Episcopo omne ius corrigendi, etiam in habitis, adimitur.
4. Si inferior negligens fuit in officio suo, & illud definito tempore non faciat, ipse facit superior.
5. Canonici seu Capitulum Cathedralis non potest vigore vllius consuetudinis cessationem à diuini imponere absque causa rationali & manifesta.

NOTANDVM I. Prælati Ecclesiarum, ex officio tenentur subditorum, præsertim Clericorum, crimina corrigere: alioquin peccata ipsis imputantur, tanquam indirectè voluntaria: cum ea, vt supponimus, possint impedire, & ratione officij sui, adeoque ex iustitia impedire obligati sint. Vide quæ dixi lib. 1. Th. mor. tr. 2. c. 3. n. 8.

NOTANDVM II. A correctione Prælati non appellatur, nisi is modum excedat. Qua de re dixi c. præc.

NOTANDVM III. Inferior Episcopo, v.g. Capitulum Cathedralis, aut Decanus, vel Archidiaconus, contra Episcopum præscribere potest iurisdictionem in diocesanos, v.g. Canonicos aliosque Clericos: etiam priuatiue, seu excluso Episcopo, vti aperte colligitur ex textu, & docet Abb. hic n. 1. & in c. pastoralis. n. 7. hoc tit.

Vuuu 3

Limi

3 Limita: Quòd consuetudo non va'eat, per quam Episcopo omne ius corrigendi, etiam in habitu admittitur, ita vt tametsi Capitulum, Decanus, vel alius, ad quem de consuetudine pertinere debet, id negligat, Episcopus se immiscere non possit. Nam talis consuetudo esset Ecclesijs damnosa, imò contra institutionem officij Episcopalis, quod se ad totam dioccesin, seu omnes diocesanos, qui specialiter exempti non sunt, extendit, argum. c. cum non liceat, 12. de prescript.

4 **NOTANDVM IV.** Si inferior in officio suo negligens sit, modus compellendi illum est, vt definiatur tempus, intra quod rem expedire teneatur; alioquin ipsemet Superior, quod iustum ac debitum est, statuat, & exequatur. Atque hac ratione in iurisdictionalibus Superior supplet negligentiam inferioris; v. g. Episcopus negligentiam Capituli, vel Decani Cathedralis: sed non vice versa. Tametsi enim in beneficiorum collatione propter negligentiam Episcopi potestas ad Capitulum deuoluatur, c. 2. de concess. præbend. non ita tamen in exercenda iurisdictione. Quia maior vnio est inter Episcopum & Capitulum in beneficiorum collatione: At verò iurdictio, spectato cò-muni iure, Episcopi propria est, licet consilium Capituli requiri debeat. Vide Abb. hic n. 3.

§. Cæterùm.

PARAPHRASIS.

Si Canonici absq; causa rationabili & manifesta cessauerint à diuinis, præsertim si id agant in Episcopi contemptum, is nihilominus, si voluerit, in Ecclesia Cathedrali officia diuina celebrare potest. Et Metropolitanus, ad querelam Episcopi, tanquam Sedis Apostolicæ delegatus, per censuram Ecclesiasticam, cognita veritate Canonicos compescat.

5 **NOTANDVM Vn.** Etsi Canonici, seu Capitulum Cathedrale iurisdictionem in Ecclesiasticis alicubi per præscriptam cò-

suetudinem exerceat, non potest tamen cessationem à diuinis imponere absque causâ rationabili, & manifesta: Alioquin Episcopus ad obseruationem non tenetur, & de eo conqueri potest apud Metropolitanum.

Sed quare dicitur, quòd Metropolitanus tanquam delegatus Sedis Apostolicæ procedere debeat, cùm ordinario, seu metropolitano iure, Episcopo conuenerit, cognoscere possit, saltem si causa ipsius Episcopi agitur, ita vt ipsemet Iudex esse nequeat, iuxta ea quæ dixi supra in c. pastoralis. Respondeo cum Ioann. Andr. hic n. 29.

Quia causa ardua est, ex cuius tractatione scandalum atque perplexitas oriri potest, meritò visum fuit, eam à Metropolitanò auctoritate Apostolica, ideoque efficacius expediendum esse. Vide c. quamuis, 8. eod. tit. in 6.

CAPITVLVM XIV.

Quoniam.

PARAPHRASIS.

Si in aliqua ciuitate aut diocesi, populi diuersarum linguarum ac rituum degant, præcipit Concilium Lateranense sub Innocent. III. vt Episcopus loci idoneos Ministros ipsis constituat, qui secundum diuersitatem rituum, ac linguarum sacramenta ministrent, ac Verbum Dei prædicent. Id verò omnino prohibetur, nō in vna ciuitate aut diocesi duo sint Episcopi. Sed si ob dictas causas necessarium videatur, poterit Episcopus Suffraganeum Episcopum constituere, tanquam Vicarium suum, qui ipsi in omnibus obediât, ac subiectus sit. Alia autem ratione si quis ad Episcopalia munera se ingesserit, ipso facto excommunicatus sit, & ab omni ministerio ecclesiastico deponendus; inuocato etiam, si opus sit, auxilio brachij secularis.

SVMMARIVM.

1. Valde conueniens est, vt Romana Ecclesia ritus reliqua ecclesijs sequatur.

3. In

2. *In una diœcesi non possunt esse duo Episcopi principales, seu potestate æquales; potest tamen Episcopum constituere sibi Suffraganeum.*
3. *Ordinarius, si vergeat necessitas, potest brachium seculare innocare ad iustitiæ defensionem aut executionem.*

cessarium sit ad iustitiæ defensionem, aut executionem, brachium seculare in subsidium innocare potest. Quæ de re dixi in c. 1, de offic. delegati.

CAPITVLVM XV.

Inter cætera.

PARAPHRASIS.

Sicut corpus cibo materiali indiget, vt conseruetur, & augeatur; ita omnino necessarius est cibus spiritualis, quod est verbum Dei. Quare cum sepe accidat, vt Episcopi, quibus id ex proprio officio incumbit, populis, præsertim per diœceses amplas, ob multas eorum occupationes, & alia impedimenta, verbum Dñi per seipsos ministrare non possint, decreuit Concil. Lateranense sub Innoc. III. vt Episcopi per diœceses, viros idoneos, potentes in opere ac sermone, ad prædicationis officium assumant; ijsq; ad victum necessaria provideant.

s. Vnde.

In Cathedralibus, & Collegiatis Ecclesijs viri idonei cõstitui debent, tanquam Coadiutores Episcoporum, tum in officio prædicationis, tum in audiendis confessionibus, & penitentij iniungendis, ac cæteris, quæ ad salutem pertinent animarum.

SUMMARIUM.

1. *Episcopus est ordinarius pastor totius diœcesis, cui proinde ex officio incumbit populum verbo Dei pascere, & Sacramenta eidem ministrare.*
2. *Concurrit cum alio in administratione Sacramentorum cum omnibus Curatibus ecclesiasticis non exemptarum.*
3. *Ad eundem de communi iure spectat ius Cathedra, contra quod nulla consuetudine ita præstribi potest, vt omnis ei cura circa munus prædicandi auferatur.*

NOTAN-

1. **NOTANDVM I.** Fieri potest, vt in eadem ciuitate diuersi ritus obseruentur in Sacramentorum administratione. Ex quo colligit Abb. hic n. 2. & c. pastoralis, n. 9. hoc tit. non esse necessarium, vt Clerici omnes in diuinis officijs, & sacramentorum ministracione conformet se Ecclesiæ metropolitane: cum possint etiam proprium ritum retinere, argum. c. de trina, 80. d. 4. de consecr. Id verò valdè conueniens est, vt Romanæ Ecclesiæ ritus reliquæ ecclesiæ sequantur, vt dixi lib. 5. Th. mor. tr. 2. c. 8. d. 4. & 5.

2. **NOTANDVM II.** In vna diœcesi non possunt esse duo Episcopi principales, seu potestate æquales. Racionem attuli in c. Michæ, 13. de filiis Presbyt. Potest tamen Episcopum constituere Suffraganeum: Id verò indubitatum, ac valdè frequens est circa ea, quæ ad Ordinis potestatem spectant. Sed hic sermo etiam est de potestate iurisdictionis, quia dicitur, quod Episcopus, propter necessitatem, Catholicum Præfulem, tanquā Vicarium sibi subiectum, constituere possit. Atque talis Vicarius Episcopus, secundum Gl. communiter receptam, ver. Vicarium, habebit iurisdictionem ex canone ordinariā, ac perpetuam, Episcopo subordinatam, sicuti de Archidiacono suprà dictum est. In quo plurimum differt à generali Vicario, de quo dictum est tit. de officio Vicarij, in 6. Porro ad Sedem Apostolicam pertinebit examinare, num ob aliam similem necessitatis causam opus sit Episcopo perpetuum Vicarium ac Coepiscopum in iurisdictione exercenda subordinatum adiungere. Cum id à iure communi exorbitans, & non nisi dispensatiue permitti possit, vt Gl. notat ver. necessitas, ibid. Innocentius.

3. **NOTANDVM III.** Ordinarius, si ne-

Conquerente.

PARAPHRASIS.

Ecclesiæ parochiales Monasterio S. Benedicti montis Subasij incorporatæ erant: Episcopus Assisinatensis præter alia iura Episcopalia, etiam procuraciones ratione visitationis exigebat. Sed æconomus Monasterij, asserens Capellas, seu Parochias ad has exactiones nõ sufficere, petebat specificari, quænam ratione iuris Episcopalis deberentur: quibusdam verò specificatis, lis inter partes mota, & legitimè contestata fuit. At verò Honorius III. inspectis probationibus, quæ ab utraque parte allatæ sunt, decreuit, vt Episcopus in Capellis seu parochijs illis habeat ius tum legis iurisdictionalis, tum etiam diocesane; ita tamen, vt habita ratione facultatum, moderata à dictis capellis ex-actio fiat.

SUMMARIUM.

1. *Monasteria quantumvis exempta, ratione tamen parochiarum secularium, quæ ipsis incorporatæ sunt, obligantur lege iurisdictionalis, & diocesana.*
2. *In quibus consistat lex iurisdictionalis.*
3. *In quibus lex diocesana.*
4. *Procuraciones tempore visitationis ab ecclesijs moderate accipiendæ, neque ea ultra vires granandæ.*

NOTANDVM I. Licet Monasteria, quæ alioquin iurisdictioni Episcoporum subijciuntur, exempta sint à lege diocesana, quod attinet ad cathedralicum, subsidium charitativum, & quartam decimarum, tamen hæc exemptio non extenditur ad capellas, seu parochias seculares ipsis incorporatas: Nam ratione harum parochiarum, nisi & ipse ab Episcopo exemptæ sint, Monasteria omnia, quomodocumque secundum se exempta sint, obligantur tum lege iurisdictionali, tum diocesali. Hac de re dixi in qq. disput. de elect. q. 209. & 227. & videri potest

NOTANDVM I. Episcopus est ordinarius pastor totius diocesis, cui proinde ex officio incumbit populum verbo Dei paciscere, & Sacramenta eidem ministrare. Quia verò per se ipsum solus omnia efficere non potest, ideo curam sollicitam gerere debet, vt viri idonei per parochias, aliisque Ecclesijs ordinentur ad talia populo ministranda.

Corollarium I. Episcopus cum omnibus Parochijs, aliisque Curatis Ecclesiarum non exemptarum concurrit cumulatiuè, ita vt ipse, vel Vicarius eius, à peccatis absolueret, & Sacramenta fidelibus ministrare possit. iuxta c. 2. de offic. Archipresbyt.

Corollarium II. Spectato communi iure, ad Episcopum pertinet ius Cathedralis seu munus prædicandi ad plebes, personis idoneis committendi. Quod si hoc ius alij inferiores per consuetudinem præscripserunt, non propterea omnis cura & sollicitudo Episcopo ablata est: sed nihilominus attendere debet, & si inferiores in ea re negligentes repperit, tempus constituere, intra quod Ecclesijs bene provideatur, sin minus, ipse providere poterit, vt hic Ioann. Andr. annotauit n.9. & sumitur ex c. irrefragabili, hoc tit.

Rectè interim aduertit Abb. hic n. 1. Quod etiam Parochi, aliique Curati cumulatiuè (id est, Episcopo non excluso) officium prædicandi in Ecclesia habent. quod proinde ipsis ab Episcopo auferri non debet, si ad hoc munus idonei sint, & rectè prætare possint. Quia Verù Dei prædicare (sicuti & confessiones audire, aliisque Sacramenta ministrare) pertinet ad Curam animarum, iuxta Clem. Dudum. §. verum, de sepult. Religiosis autem, sicuti & alijs quibusdam, competit hoc ex privilegio Papæ, aliorumque Ordinariorum concessione, cit. Clem. dudum, & c. excommunicamus, 13. §. Quia verò nonnulli, de sent. excomm. & videri potest Sebast. Sapia addit. ad Abbat. hic, Barbosa de potest. Episc. p. 3. allegat. 76.

Concil. Trident. sess. 5. c. 2. de reformat. & sess. 24. c. 4. de reform.

potest Gl. finalis in c. dilectus, 18. hoc sit. Hostiensis in sum. huius tit. §. sunt autem quedam.

NOTANDUM II. Lex iurisdictionalis, ad quam Ecclesie omnes, etiam Monasteria, quæ exempta non sunt, obligantur, in his consistit: I. In præstanda obedientia, ac subiectione, seu in parendo mandatis Episcopi. II. Institutio, & destitutio in beneficijs, spectato communi iure, ad Episcopum spectat, c. cum ex iniuncto, 12. in fine, de hæret. III. Correctio, visitatio, morum reformatio censura Ecclesiastica, iurisdictionis causarum ad forum externum Ecclesiasticum spectantium. IV. Publicæ poenitentiae impositio, c. accedentibus, 12. de excess. Prælatorum; Sacramentorum receptio, absolutio, item indulgentia, dispensatio.

NOTANDUM III. Lex diocesana, cui Monasteria omnia ratione capellarum sibi incorporatarum, si exemptæ non sint, subijciuntur, in his consistit: I. Ex actio antiqua cathedralici, videl. duorum solidorum, c. inter cætera, 8. causa 10. q. 3. II. Subsidiij charitatiui petitio secundum facultates Ecclesie, alteriusve beneficii, vt hic, & in c. cum Apostolus, 6 §. Prohibemus, de censibus, & dixi de hoc lib. 3. p. 1. c. 3. §. vn. III. Quarta portio decimarum Episcopis præstanda, spectato communi iure, c. de quarta, 4. de præscript. Hæc tamen prælatio pluribus locis per desuetudinem abolita est, vt dixi lib. 4. Theol. moral. tr. 6. c. 4. n. 6. IV. Portio canonica ex legatis, & funeralibus oblationibus, vbi ea in viâ est: Imò ad hanc Monasteria, etiam exempta, obligantur. Qua de re videri potest Trident. sess. 25. c. 13. de reformat. & quæ dixi lib. 3. Th. mor. tr. 5. c. ult. n. 13. V. Procuraciones, seu victualia præstari solita, dum Episcopus, vel alius eius iussu visitat. Ad eiuſmodi procuraciones etiam Monasteria, quæ Episcopo subiecta sunt, obligantur, c. sopitæ, 14. de censibus: quandoquidem procuratio annexa est visitationi, c. cum venerabilis, 2. eod. tit. Quamobrem aliqui procuraciones has ad legem iurisdictionalem reuocant. VI. Ad Synodum conuocatio eam

eam ad legem diocesana spectare, dicitur in c. quod super, 9. de maior & obed. Verùm neq; à Synodo Abbates Monasteriorum hodierno iure liberantur, vt ibi dicam. De lege diocesana, & iurisdictionali vide plura apud Canonistas in c. dilectus, hoc tit. vbi Abb. n. 4. Imola. n. 6.

NOTANDUM V. Procuraciones tempore visitationis ab Ecclesijs accipiendæ sunt, habita ratione facultatum, & ita moderate, vt nequaquam grauentur. Qua de re Concil. Trident. sess. 24. c. 3. de reformat. Paulus Piascius in praxi Episc. p. 1. c. 3. n. 14. Paulus Salodius de visitat. p. 2. c. 1. §. Nec videtur, Ioann. Franciscus Pavinus de visitationibus, p. 1. q. 6. n. 8. & 9. vbi monent, si Ecclesie omnino pauperes sint, quòd Episcopus proprijs sumptibus eas visitare teneatur. Quod vt communiter receptum tradit etiam Zerola in praxi ver. visitatio, p. 1. dub. 7. Barbosa de potest. Episc. p. 3. alleg. 73. n. 51, 52. Syl. ver. visitatio q. 5.

CAPITVLVM XVII

Vt iuxta.

PARAPHRASIS.

Ne dissolutionis materia præbeatur, Archiepiscopus (vel Episcopus) cum Monasteria sibi subiecta visitat, non debet seculares secum ducere ad Capitulum, in quo visitatio peragitur, præter duos aut tres Canonicos, adiunctis etiam personis Religiosis, quatenus id expedire videbitur.

SUMMARYM.

1. *Ad visitationem Religiosorum pauci adhibendi: sique idonei, præsertim Canonici, si Episcopus ipse visitet.*
2. *Decens est, vt non solum seculares adhibeantur, sed vnus, aut plures Religiosi.*

NOTANDUM I. Ad visitationem Religiosorum oportet adhibere paucos viros idoneos, qui Ecclesiastici esse debent, præsertim Canonici Ecclesie Cathedralis. Id verò intelligendum est, si Episcopus per se ipsum visitet: decens enim est, vt duos canonicos,

XXXX

nonicos,

nonicos, tanquam consiliarios & laterales suos secum ducat, argum. c. ad audientiam, 15. de cleric. non resident. Sin autem alij, quàm Canonici, ad visitandum magis idonei sint, eos adhiberi posse, ex Hostiensis docent Ioann. Andr. hic n. 7. Imola n. 2.

NOTANDUM II. Decens est, ut ad visitationem Religiosorum non soli seculares Clerici adhibeantur, sed vnus, aut plures Religiosi: quippe cum hi maiorem regularis disciplinæ cognitionem atque experientiam habentes magis idonei censentur, ut Gl. hic monet, ver. adiunctis, argum. c. in singulis, 8. de statu Monachorum, & consentit Extravagans, Bonifac. VIII. quæ incipit: *Debent* hoc tit. iun. Gl. ver. Religiosa.

CAPITVLVM XVIII.

Dilectus.

PARAPHRASIS.

Cum Abbas Monasterij Rothomagensis cõtenderet, tertiam partem multarum pecuniarum, quas Parochiani in quinque parochijs soluere cogentur, ex consuetudine antiqua ad ipsum Monasterium spectare: Innocentius III. quibusdam mandauit, ut auditis ijs, quæ tum ex parte Abbatis, tum ex parte Episcopi Venetensis proponerentur, causam instructam ad ipsum remitterent. Sed Episcopus processum iudicij impedire volebat, ex allegatione sententiæ, quæ pro ipso contra Monasterium lata esset, quod circa legem diocesanam in Ecclesijs quibusdam nullum eidem Monasterio ius competeret. Quamobrem conquestus est Abbas Honorio III. qui Innocentio successerat, cum hic non agatur de lege diocesana, sed de lege iurisdictionali, videl. de citatione, causarum examinatione, definitione ac prouisione, quam ad se quoad tenus pertinere Abbas contendebat, ideo ne patiatur, prætextu sententiæ illius, causæ processum vltius impedire. Hoc intellecto, Honorius mandat dictis Iudicibus, ut non

obstante illa sententiâ, in negotio ipsius commissio procedant.

SUMMARYM.

1. *Iudex ecclesiasticus potest imponere multas non tantum subiectis sibi clericis, sed etiam laicis, in causis ad forum ecclesiasticum spectantibus.*
2. *Consuetudo antiqua, præsertim immemorialis, sufficit ad obtinendum & retinendum ius v. g. iurisdictionis in præiudicium Episcopi, licet titulum allegari nequeat.*
3. *Exceptio rei iudicate opponi potest ad impediendum actionis processum.*

NOTANDUM I. Iudex Ecclesiasticus (qualis erat hic Abbas ratione Monasterij sui) potest imponere multas pecuniaras non tantum subiectis sibi clericis, sed etiam laicis, intellige in causis ad forum ecclesiasticum spectantibus. Ita sumitur ex c. statuimus, 55. causa 16. q. 1. & tradit ibi Gl. ver. bannum, Ioann. Andr. hic n. 7. Abb. not. 1. Imola n. 1. & 10. Felious in c. irrefragabili, 8. Cæterum, n. 6. hoc tit. Hostiensis in sum. huius tit. n. 4. Zerola in praxi, p. 1. ver. compositio, n. 2. Couar. lib. 2. ver. resol. c. 9. vers. quartum, Barbosa p. 3. allegat 107. n. 18. Qui etiam addunt, quod Ordinarius, videl. Episcopus, vel similis Prælati potestatem suam Camera seu fisco applicare possit, argum. huius c. Quamuis melius agat, si ad alium pium vsum applicet. Sed vide, quæ ex Concil. Trident. sess. 25. c. 3. de reformat. dicam infra.

NOTANDUM II. Consuetudo antiqua, præsertim si immemorialis sit, sufficit ad obtinendum, ac retinendum ius v. g. iurisdictionis in præiudicium Episcopi, tamen titulus allegari non possit. Ita Imola hic n. 3. Abb. n. 3. & dixi de hoc in c. quod translationem, 4. de offic. Legati.

NOTANDUM III. Exceptio rei iudicæ, tanquam litis finitæ, opponi potest ad impediendum actionis processum. Ita Imola hic n. 4. Sed requiritur, ut sit causa eadem,

DOM

non diuersa, sicuti constat ex hoc c. & tradit Gl. in c. penult. ver. sine dolo, ad finem, de except.

CAPITVLVM XIX.

Graue.

PARAPHRASIS.

Gregorius X. Pontifex scripserat Episcopo Suanensi, vt clericorum diocesis sue correctioni intenderet. Ocasione eius mandati idem Episcopus in Ecclesias quasdam intra diocesin suam existentes, atq; ad Monasterium quoddam pertinentes interdicti sententiam, atque in clericos earundem suspensionem promulgauit; tametsi nullam ordinariam seu delegatam iurisdictione haberet, & Abbas Monasterij per se ipsum paratus esset corrigere. Quamobrem præcipit Pontifex Episcopo, si ita se res habeant, vt per se ipsum corrigens, quæ imprudenter attentauit, dictas sententias seu censuras relaxet.

SUMMARIVM.

1. Si Papa mandat Episcopo, vt corrigat Clericos suos, nō facit eum delegatum, sed excitare vult officium eiu ordinarium.
2. Si eidem mandat, vt beneficium proximè vacaturum in diocesi, Apostolica auctoritate conferat Titio, extendi debet hoc mandatum etiam ad beneficia diocesis exempla.

DVobis modis casus huius c. intelligi potest: Primus est Gl. fermè communiter receptæ, quod Ecclesiæ istæ vnâ cum Clero, aut etiam populo fuerint exemptæ ab Episcopo. Et huic intellectui fauet, quod dicitur, Episcopum nullam iurisdictionem habuisse. Sed obstat argumentum à sensu contrario: Estimatur enim in textu, quod Episcopus iurisdictionem in Ecclesias, & Clericos exercuerit, tamen Abbas per se ipsum corrigere paratus fuerit: quasi negli-

gente Abbate, seu in defectum Abbatis, corrigendi potestas ad Episcopum deuoluta esset. Id verò dici non potest, si Abbas ab Episcopo exemptus fuit, ideoque iurisdictionem quasi Episcopalem habuit, vti Gl. hic notauit argum. c. 2. de suppl. negl. Prælator.

Alter intelligendi modus, qui mihi magis placet, est Abbat. hic n. 7. Quod Abbas per consuetudinem, aut privilegium speciale in Ecclesias quasdam diocesis, & Clericos aut etiam parochianos earum iurisdictione acquisuerit, excluso Episcopo; ita vt se eis immiscere non possit, nisi in defectum seu propter negligentiam Abbatis, vti dixi in c. irrefragabili, 13. hoc tit. Neq; obstat, quod dicitur hic, Episcopum nullam iurisdictione habuisse; id enim verum est secundum exercitium, & effectum, dum Abbas per se corrigere paratus esset. Quamobrem sententiæ eiusdem Episcopi ipso iure irritæ erant, iuxta ea quæ dixi in c. cum ab Ecclesiis, 13. hoc tit. Verbum autem istud *relaxes*, licet secundum propriam significationem supponat actum validum esse; tamen ex subiecta materia sæpe apparet, sermonem esse de relaxatione facti, quæ aliud nō est, quàm reuocatio sententiæ, vti notat hic Gl. ver. *relaxes*, Imola in fine huius c. Abb. n. 10. & in simili tradit Gl. in c. 2. ver. *causauimus*, Vt lite non contestata &c.

NOTANDVM Vn. Si Pontifex mandet Episcopo, vt corrigat Clericos suæ diocesis, non censetur eum facere delegatum, sed excitare officium eius ordinarium, iuxta ea quæ dicta sunt in c. licet, 12. not. 2. hoc tit.

Querunt hic DD. Si Papa mandet Episcopo, vt beneficium, quod proximè vacaturum est in diocesi, Apostolica auctoritate conferat Titio, an istud mandatum extendi etiam debeat ad beneficia diocesis, quæ ab Episcopo exempta sunt. Probabiliter affirmatur cum Ioann. Andrea in c. Abbatem, 40. n. 6. de rescript. Gl. in Clem. vn. §. Præterea, ver. primi anni, de excess. Prælatorum, Abbate hic n. 5. Quia ex commissione apparet, quod Papa non excitet ordinarium of-

X x x x 2 ficiu

ficiū Episcopi, sed quod faciat illum delegatum suum: quamobrem sicuti alius quilibet vi talis mandati Apostolici quodlibet beneficium in diocesi situm conferre possit, ita & Ordinarius seu Episcopus, cum officium ordinarium conferendi per accidens se habeat. Sed alius & diuersus casus est, de quo dixi in c. si propter, 10. de re script. in 6.

CAPITVLVM Vlt.

His, quibus.

ΠΑΡΑΡΗΚΑΣΙΣ.

Li, quibus ex officio competit in certis casibus à canonis excommunicatione, propter Clerici percussione[m] absoluer[e], possunt hanc absolue[n]di facultatem, si quando expedire iudicant, alteri committere.

ΣΥΜΜΑΡΙΩΝ.

1. Cuius competat iure communi, aut privilegio specialis aliqua potestas, v. g. absolue[n]di à peccatis, censuris, dispensandi &c. ratione officij sui transmissibilis ad successores, vel quasi successores, in eam potestatem alijs delegare potest.
2. Et quidem non tantum particularim, sed generaliter.
3. Nec tantum ministerium absolue[n]di alteri committere potest, sed etiam causæ cognitionem &c. nisi specialiter indubia & discretio persona electa fuisset.
4. Delegatus, vel etiam sub delegatus nudum ministerium absolue[n]di sine causa cognitionis nec committere alteri potest, dummodo ipse iurisdictione aliqua prædatus, & non nudum ministerium es commissum sit ad absolue[n]dum, dispensandum, &c.

PRO intellectu huius c. aduerte primò: Sermonem hic esse de ijs, quibus ex officio, siue iure proprio & ordinario competit absolutio à censura canonis. Videl. Legatis Sedis Apostolicæ: Item quibusdam Prelatis, quibus per speciale privilegium ta-

lis absolue[n]di potestas ratione Sedis, ac dignitatis sum, adeoque in perpetuum competit: Etenim talis perpetua commissio in ordinariam transiit, sicut docet Baldus in l. 1. q. 9. de offic. Consulis, Felinus in c. licet, n. 4. hoc tit. Sanch. lib. 2. de matrim. disp. 40. n. 14. Item in casibus iure concessis, & quotiescunque Papa pro petenda absolutione, adiri nequit, potestas absolue[n]di ad Episcopum, tanquam proprium Ordinarium deuoluitur, vti hic notat Gl. recepta, ver. casibus. Quin & Prelatis regularibus à canonis excommunicatione propter Clerici aut Monachi percussione[m] incurfa, absolue[n]di potestas in certis casibus, tanquam ordinaria competit, cum dignitati eorum annexa sit, c. cum illorum, de sentent. excommunit.

Aduerte secundo: Quod hic dicitur de absolutione à canonis censura, id exempli causa dictum est: generaliter autem intelligi debet de quacunque potestate absolue[n]di à peccatis, aut censuris, item dispensandi in votis aut iuramentis: aut in matrimonij impedimentis propter difficultatem adue[n]di Papam. Ita indicat Ioann. Andreas hic n. 3. Felinus in principio. Ratio est: Quia si alicui iure communi, aut privilegio specialis competat aliqua potestas ratione officij sui, transmissibilis ad successores, aut quasi successores (quod dico propter Legatos Apostolicos, & Vicarios Episcoporum) tunc non potest censi electa indutris personæ: Ergo nihil obstat, quo minus alteri delegetur, vti ratiocinatur Iason in k. more, n. 65. ff. de iurisdic. omni. iudicium, Sanch. cit. disputat. 40. n. 17. Nauas lib. 5. consil. 11. n. 4. de privileg. eda. 2.

His adde I. Quod dictæ potestates absolue[n]di non tantum particularim committi queant, sed etiam generaliter, propter regulam communiter receptam: Ea quæ iure ordinario alicui competunt, absolue[n]t, & generatim delegari posse, vti docent Nauas. lib. 5. consil. 15. de sentent. excommunit. edit. 1. Sanchez cit. loco

Adde II. Ex eodem Nauas, in cit. consil. 11. n. 4. Non tantum nudum ministerium absolue[n]dis alteri committi posse: sed etiam causæ

causæ cognitionem, ac pœnitentiæ impositionem, &c.

Exempe: Nisi ex commissione, seu priuilegiij concessione appareat, eam specialiter factam esse Prælato, eo quod propter officij auctoritatem & discretionem ad hoc munus absolutionis magis idoneus reputatus sit, vñ in casu c. 2. & c. cum illorum, de sent. excomm. tñ. ubi absolutio Monachi à censura canonis Abbati, propter discretionem & prouidentiam (quæ in talī persona inesse præsumitur) specialiter committitur.

4. Veruntamen id generatim dici potest, quod quicumque delegatus, aut etiam subdelegatus, tametsi iurisdictionem alteri committere nequeat, tamen nudum ministerium absoluedi sine causæ cognitione committere possit, sicuti ex Nauar. c. 27. man. n. 45. annotauit in c. super questionum, 27. §. porro, hñt. 4. Dummodò iurisdictione aliqua præditus sit, & non nudum ministerium ipsi commissum ad absoluedum, dispensandum, &c. Id enim plerumque personaliter exequi, & non alteri delegare debet, uti constat ex c. vii. §. ceterum, de offiō. delegati, & notat Gl. fin. hñc. & Ioan. Andr. n. 3. Imola n. 2.

CAPITVLVM I.

cod. Tit. in 6.

Romana.

PARAPHRASIS.

Archiepiscopo concessum non est in Coepiscoporum diocæsisbus cōstituerē Vicarios, Officiales foraneos, ad quos causæ appellationum deferri debeant. Quia cum ipsimet Archiepiscopo secundum Canones (extra casus speciales in iure concessos) non liceat dioceses Suffraganeorum ingredi, & in ijs iudicare, aut quolibet ordinare, sequitur, quod neque alium loco suo constituere possit. Verum quidem est, quod Archiepiscopus causam ad se vñ appellationis deuolutam, alieui in diocesi suis Suffraganeis delegare possit, quia ex

eo tempore iurisdictionem acquisiuit in appellatam, & appellatum, quæ proinde delegabilis est. Sed antequam ad eum appellatum sit, nullam iurisdictionem habet in subditos Suffraganeorū: ergo non potest aliquos cōstituerē, qui in futuris appellationum causis citationes partium faciant, aut inhibitiones erga Iudicem à quo, nō in causā procedat. Ceterum si legitime præscripta cōsuetudo vigeat, ut Archiepiscopus in diocæsisbus Coepiscoporum Vicarios habeat, ea subsistere potest; ita tamen, ut inhibitiones, nō in causis procedatur, non faciant, priusquam ad Curiam Archiepiscopalem appellatum sit.

S Y M M A R I V M.

1. Archiepiscopi in diocæsisbus Suffraganeorum iurisdictionem nullam exercet, unde non potest in ijs Officiales seu iudices constituere super causis in futurum emergentibus; nisi immemorialis & bona consuetudine id præscriptum esset.
2. Delegatus ab Archiepiscopo censuram in Coepiscopum ferre potest.
3. Officialis eius nec valide nec licite id potest, nisi specialiter ei, vel Vicario causam aliquam Archiepiscopus deleget.

NOTANDVM I. Archiepiscopus in diocæsisbus Suffraganeorum iurisdictionem nullam exercet: cum non sit Iudex ordinarius diocæsanorum, nisi in habitu, seu respectu quorundam emergentium euentuum, v. g. si ad ipsum appelletur, uti dixi in c. pastoralis, 1. t. extrā, hoc tit. Consequenter non potest Archiepiscopus in diocæsisbus Coepiscoporum Officiales, aut Iudices creare super causis in futurum emergentibus: quia hæc institutio Officialium ad eos propriè pertinet, qui actuale in loco iurisdictionem obtinent, & exercent.

Idque aduerte debent locorum defensores, præsidēs, & patroni, quibus iurdictio nulla competit, nisi in certis casibus, quod loco sui constituere non possint Officiales, seu Vicedomines, quippe per quos perturbatio-

XXX

no

nes & grauamina maiora inferri solent, iuxta Authent. de defensor. ciuitatum, §. nulla existente licentia, col. 3. & ex doctrina Hostiensis notat hinc Dominicus, col. 1.

Permittitur tamen consuetudo, si immemorialis & bona præscripta sit, vt tales Officiales in diocæsisbus Coëpiscoporum constituantur, ita tamen vt sedecæsanorum causis non immisceant, priusquam ad Archiepiscopum appellatum sit: nam alioquin iurisdictiones diocesium confunderentur, quod sacris Canonibus, & Ecclesiasticæ hierarchiæ institutioni aduersatur.

s. Officiales.

PARAPHRASIS.

Generalis Vicarius seu Officialis Archiepiscopi. dum ipsemet Archiepiscopus in provincia est, aut non longè distans, in neminem Suffraganeorum seu Coëpiscoporum, interdicti, suspensionis, aut excommunicationis sententiam præferre potest, idque propter reuerentiam officij ac dignitatis Episcopalis.

QUÆRTA primò: An idem sententiam sit de delegatis ab Archiepiscopo, quod censuram in Coëpiscopum ferre non possint? Ita affirmat Gl. fin. hic, Petr. Ancharan. in fine c. & alij. Sed contrarium magis placet. Quia de delegatis id cautum non est: ergo statamus regula communi, quod delegatus in causa sibi commissâ erga subditum delegantis (qualis est Episcopus comparatione Metropolitanæ sui) maiorem illo potestatem habeat, atque si necessitas postulare videatur, etiam per censuram eum compellere possit, arg. c. sancti, 11. de offic. delegati. Accedit, quod diuersa sit ratio in delegatis & Officialibus: Nam hi idem habent consistorium cum Archiepiscopo, at verò ab illis, si seuerius procedant, appellari potest ad Archiepiscopum, vt Ioan. Andr. annotauit in fine huius c.

QUÆRTA secundò: Vtrum sententia seu censura valida sit, licet iniusta, si in Episcopum feratur à Vicario seu Officiali Ar-

chiepiscopi. Esse validam, affirmat Gl. hic, ver. non attènt, quam sequitur Ioan. Andr. n. 4. Petr. Ancharan. ver. Quæro, si contra prohibitionem. Sed contrarium rectius, vt arbitror, docent Archidiaconus, & Ioan. Monachus hic n. 11. Moueor hac ratione: Quia Officiales Episcoporum & Archiepiscoporum nihil valde præstare possunt, nisi quod ipsis communi iure, vel speciali voluntate constituentis concessum est, vt ex communi dixi in c. 2. de offic. Vicarij, in 6. Cum itaque ius commune Officiali neget potestatem ferendi censuras in Coëpiscopos, consequenter neque Archiepiscopus talem potestatem vicariati eius contra Canonum statuta annectere possit, sequitur, quod Officialis in Coëpiscopum nec licitè, nec valde censuras ferre queat.

Cæterum, si Archiepiscopus causam aliquam specialiter deleget Vicario, tum valde probabile est, valituram sententiam censuræ, quamvis tali potestate vti non debeat, nisi necessitas postulet, idque propter reuerentiam Episcopalis officij, arg. huius textus.

QUÆRTA tertio: Quæ hic dicuntur de Coëpiscopo, vtrum etiam locum habent in electo & in confirmato, licet nondum consecrato.

Affirmandum est cum Ioan. Monacho hic n. 13. Petr. Anchano q. penult. contra Dominicum, ver. Quæro, quia prohibentur. Nam Episcopus confirmatus gerit officium Pontificale, quoad iurisdictionalia, c. transmissam, 15. de elect. atque in culmine honoris constitutus est, vt reuerentia præ alijs ipsi debeatur, arg. c. 2. de transl. Episcopi, & c. accedentibus, 12. de excess. Prælatorum.

CAPITVLVM II.

Si Canonici.

PARAPHRASIS.

Si Canonici cessationem à diuinis ponere velint in Ecclesiis, in quibus id ipsis ob consuetudinem, vel aliàs (videl. per concessionem, seu priuilegium) concessum est,

est, cessationis causam publico, & authentico instrumento exprimere, & ei, contra quem cessare volunt, exhibere tenentur. Alioquin si id omiserint, aut causam cessandi non fuerit inuenta canonica, fructus ex ea Ecclesia prouenientes pro tempore, quoad diuini cessatum est, percipere non possunt, atque perceptos restituere debent, eidem Ecclesie applicandos: atque insuper ei, contra quem cessatio instituta fuit, de illato damno, & iniuria satisfacere coguntur. Sin autem causa cessandi canonica reperta fuerit, cum is, cuius culpa cessatio instituta est, obligatur Canonicis ad præstandum interesse, & Ecclesie ad multam Superioris arbitrio taxandam.

SYMMARIUM.

1. Beneficiarius culpabiliter negligens officium in Ecclesia præstare fructus percipere non potest.
2. Iniuste læsus duplicem ciuilem actionem instituere potest; unam merè ciuilem, ad compensationem damni, alteram ad penam seu multam applicandam auctori.
3. Dans causam culpâ vel dolo cessationi à diuinis obligatur ministris, ipsiq; ecclesia ad compensationem damni, aut lucri cessantis, deinde compelli potest ad penam pecuniariam ecclesia dandam in satisfactionem.

DE cessatione à diuinis, quid sit, à quo, & ob quam causam ferri possit, dixi in lib.

1. Th. mor. tr. 8. p. 4. c. ult.

NOTANDUM I. Si beneficiarius culpabiliter negligat officium in Ecclesia præstare, fructus inde prouenientes percipere non potest. Nam beneficium datur propter officium, c. ult. de rescript. in 6. Ergo si officium non præstetur, beneficij fructus denegari, aut repeti possunt, tanquam dati ob causam, causa non secuta, tit. ff. de conditione causa data, causa non secuta.

NOTANDUM II. Iniuste læsus duplicem actionem ciuilem simul instituere potest: Vna est merè ciuilis ad compensatio-

nem damni illati, quæ actio etiam ad heredes & contra heredes transit. Alia est actio, quæ dicitur ciuilis iniuriarum, ad penam seu multam applicandam auctori, vt pro illata iniuria ipsi satisfiat. Et hæc actio pœnalis est, ideòque hæredi non conceditur, nec contra hæredem iniuriantis, si lis cum eo contestata non fuerat, l. iniuriarum, 13. ff. de iniurijs, & dixi lib. 3. tr. 3. p. 2. c. 6. n. 6. Videri hic potest Gl. ver. damnis, Petr. de Ancharano not. 6. & 7.

NOTANDUM III. Si quis culpâ, vel dolo causam præbuit, cur in Ecclesia diuina officia non celebrarentur, inprimis obligatur ministris, ipsiq; Ecclesie ad interesse, seu compensationem damni, aut lucri cessantis, si videl. oblationibus, & elemosynis interim priuati fuerunt, vti Ancharanus notat col. 2. Deinde qui iniuriam Ecclesie, aut ecclesiasticæ immunitati intulit, ab Ecclesiastico Iudice compelli potest ad penam pecuniariam exhibendam Ecclesie, in satisfactionem.

CAPITVLVM III.

Ordinarij.

PARAPHRASIS.

Qui plures dignitates seu personatus, vel beneficia curata, vel vnâ cum dignitate beneficium curatum obtinent, ab Ordinarijs suis compelli debent, vt intra tempus iuxta facti qualitatem ipsis destinandum, dispensationem Pontificiam exhibeant, cuius vigore plura, alioquin incompatibilia beneficia, possidere queant. Quod si dispensationem, iusto impedimento cessante, exhibere intermittant, Ordinarij collatores beneficia, tanquam non canonicè acquisita, & ipso iure vacantia personis idoneis conferre debent, iuxta c. de multis 8. de præb. & extranag. execrabilis, eod. tit. Sin autem dispensatio super pluralitate beneficiorum incompatibilium sufficiens exhibeatur, tum nihilominus attendere debet Ordinarius.

vt pro-

ut prout officio suo in pluribus beneficijs satisfaciatur, neque cura animarum aut alia debita seruitia negligantur. Quod si denique exhibita dispensatione dubitetur, num ea sufficiens sit, tum Sedes Apostolica consulenda erit.

s. In conferendis.

Habenti duo, vel plura incompatibilia beneficia, (cuiusmodi sunt curata, ac dignitates seu personatus) aliud simile conferri non debet, nisi prius ostendat, se super prioribus simul possidendis legitimam dispensationem Papalem obtinuisse. Ea autem ostensa, tum demum aliud simile dispensato conferri potest, si vel una cum obtentis vi eiusdem dispensationis aliud consequi valeat; vel si prius obtenta dimittere paratus sit. Alioquin noui beneficii collatio irrita erit.

SUMMARY.

1. Ordinarius est inquirere, an beneficiatus ad beneficia canonice institutus sit.
2. Si iuris presumptio est contra possessorem, cogi se potest ad exhibendum titulum.
3. Ordinarius tenetur admittere dispensationem Papae super pluralitate beneficiorum, aut incompatibilitate, dubitans tamen de eius valore, ad Papam recurrere debet, & compellere dispensatos ad beneficia recte administranda, vel dimittenda.

Quænam sint beneficia incompatibilia, ut simul possideri non possint, absque Sum. Pontif. dispensatione, dixi in c. dudum, 54. de elect. & lib. 4. Th. mor. tr. 2. c. 8. assert. 2.

NOTANDUM I. Ad Ordinarium spectat inquirere, num beneficiati ad beneficia canonice instituti fuerint. Nomine autem Ordinarii secundum materiam subiectam intelligitur hoc loco, qui institutionem ac constitutionem in beneficijs habet, uti Gl. hic notat ver. locorum.

NOTANDUM II. Si notorium sit, aliquem ipso iure priuationem beneficii, vel poenam

aliquam incurrere, Ordinarius iudex tempus aliquod statuere potest ad excusationem afferendam, quam si non attulerit reus, absque aliâ iudicis sententiâ, sententiâ à lege decreta executioni mandari potest. Ita cum Domin. in c. cum secundum, §. confiscationi, de hæret. in 6, notauit Alex. de Neuo in c. peruenit, n. 14. de appell.

NOTANDUM III. Si iuris presumptio sit contra possessorem, cogi potest ad exhibendum titulum: ut in casu huius c. ad exhibendam dispensationem Papalem super pluralitate beneficiorum incompatibilium. Ita hic Archidiaconus & Petr. Ancharanus not. 2. ubi addunt, & colligunt ex textu huius c. Si intra terminum præfixum titulus non exhibetur, quod possessor iniuste detinere præsumatur, ideoque per sententiâ priuatur, aut priuatus declarari, ac beneficium alteri conferri possit.

Vtrum verò beneficium vnum, vel plura compatibilia possidens, ad ostendendum titulum ab Ordinario cogi possit, disputant Ioan. Andr. & Gl. super c. 1. de reg. iuris, in 6. & alij Canonistæ in c. dilecto, 25. num. 8. de præb. Ancharanus hic oppos. 3. Summa est: Quod non possit compelli ad titulum exhibendum, si beneficium in possessione pacificâ aliquandiu tolerauit, cum sit presumptio pro possessore: Nihilominus contra eum procedere potest, ostendendo non canonice inuestitum fuisse, uti sumitur ex cit. c. dilecto.

NOTANDUM IV. Licet Ordinarius dispensationem Papæ super beneficiorum pluralitate, aut incompatibilitate admittere teneatur; atque orto dubio de dispensationis valore, illud discutere ipse non possit, sed ad Sedem Apostolicam, ynde emanauit, remittere debeat, uti habetur in hoc c. 6. Si verò, nihilominus compellere potest dispensatos, ad beneficia recte administranda, aut dimittenda. Quandoquidem Papæ intentio nec est, nec esse potest ita dispensandi, ut animarum cura, aut diuina officia negligantur: Neque per dispensationem Papalem admittitur Ordinarijs potestas, imò officium & obligatio, per quam providere tenentur, ut beneficia

neſicia ſibi ſubiecta recte adminiſtrantur. Ita notat hic Petr. Ancharan. not. 5. Ioan. Andr. in addit. Gl. ver. cura.

CAPITVLVM V.

Vt litigantes.

CAPITVLVM IV.

Quia plerique.

PARAPHRASIS.

Perperam agunt Prælati, & caſtigacione digni ſunt, qui ſubditos ſuos ſub cenſuræ comminatione, aut iuramento aſtringant, ne ſuperioribus Prælatiſ, vel Apoſtolicis Legatiſ, aut Inquiſitoribus ſtatum Eccleſiarum, vel perſonarum inquirentibus exponant. Atque eiſmodi ſententiæ, promiſſiones, & iuramenta irrita, & inania eſſe decernuntur.

SUMMARIUM.

1. Promiſſio non obligat, ſi facta ſit contra ius publicum, vel contra obedientiam Superiorum.
2. Neque obligat facta de re illicita, etiam ſi iuramentum accedat.

NOTANDVM I. Promiſſio non obligat, ſi facta ſit contra ius publicum, vel contra obedientiam Superiori debitam. Nam *primariorum* conuentio iuri publico non derogat, reg. 45. ff. & c. ſi diligenti, 12. de foro comper. Et in malis promiſſiſ ſidem non expedit obſeruari, reg. 69. in 6. Cùm impoſſibile ſit, aliquem obligari ad id, quod ſine ſcelere impleri nequit. Cùm itaque ſubditus legitime interroganti Superiori veritatem edicere teneatur, ideo non poteſt ille ſe obligare ad tacendum. Vide quæ dixi lib. 3. tit. 3. p. 2. c. 4. aſſert. 8. & tract. 6. c. 2. n. 3.

NOTANDVM II. Promiſſio de re illicita non obligat, tamen ſi iuramentum accedat. Nam *iuramentum inſtitutum non fuit, vt eſſet vinculum iniquitatis*, c. quanto, 18. de iureiur. Ex reg. 58 in 6. Non eſt obligatorium contra bonos mores præſtitum iuramentum.

PARAPHRASIS.

Vt litigantes à laboribus, & expenſiſ releuentur, ſtatuit Bonifac. VIII. ne Archiepiſcopus cauſas ſubditorum Coepiſcopi, quæ per appellacionem, vel aliâ iure metropolitano ad ipſum deuoluta eſt, alibi cognoscere, aut cognoscendam delegare poſſit, quàm in propria ciuitate, aut diœceſi, vel in eadem diœceſi, ex qua cauſa proſecta eſt: præterquàm ſi per conſuetudinem aliud obtentum ſit.

SUMMARIUM.

1. Archiepiſcopus de iure communi non poteſt cauſam cognoscere in diœceſi Coepiſcopi, niſi ex ea ad ipſum deuoluta ſit.
2. Cauſa appellacionis ſecundum ius canonicum delegari poteſt etiam à non Principe, ſeu ſupremo iudice.

NOTANDVM I. Discrimen eſt inter Legatum ad plures prouincias deſtinatum, & Archiepiſcopum pluribus diœceſiſ præſidentem: Quod ille in quouis prouinciarum loco cauſas cognoscere poſſit per ſe, vel per alium, c. nouit, 7. de offi. Legati. At verò Archiepiſcopus, ſpectato iure ordinario, non poteſt cauſam cognoscere in diœceſi Coepiſcopi, niſi ex ea ad ipſum deuoluta ſit. Ratio discriminis eſt: Quia Legato in omnes legationis ſue prouincias iuriſdictiõis exercitium competit: Sed Archiepiſcopus iuriſdictiõnem non exercet in diœceſiſ Coepiſcoporum, præter caſus iure ipſiſ permiſſos. Ita notat hic Ancharanus not. 2. Dixi autem, iure ordinario non poſſe Archiepiſcopum cauſas cognoscere in qualibet diœceſi prouinciæ.

Excipitur enim primò; Niſi conſuetudine aliud receptum ſit: Secundò; Niſi partes conſentiant, vt in alio loco, ſeu diœceſi cauſa tractetur, arg. c. ſtatutum, 12. §. in nullo, de reſcript.

Yyy

rescript. in 6. Dummodò etiam Ordinarius loci contentus sit, vti constat ex c. 1. eod. de offic. Ord. in 6. & notauit GL hic ver. expensis, Dominic. GL 2.

Sed in diocesi, vnde causa profecta est, Archiepiscopus eam iudicare potest, per se, vel per alium. Imò addendum est, quòd causa mediocritas, & itineris longinquitas sepe non permittat, vt causæ appellationum in Metropolitana Curia audiantur, ideòque in diocesi litigantium per delegatum expediri debeant, arg. l. cum post, 26. C. de appellat.

NOTANDUM II. Causa appellationis secundum ius canonicum delegari potest etiam à non principe, seu supremo Iudice. Ita hic, & c. super quæstionum, 27. ver. Nos autem, de offic. delegati, & docent Imola, & Abb. in c. ex literis 4. paulò post princ. de in integrum restit.

CAPITVLVM VI

Si Episcopus.

PARAPHRASIS.

Si Episcopus diocesim non per se, sed per alium visitet, visitatori ipsemet providere debet necessaria, videl. famulos, equos, salarium, iuxta c. inter cætera, 15. extra, hoc tit. Visitati autem solùm præbere coguntur necessaria ad viſitum, iuxta c. 1. & seqq. de censibus, in 6.

SVMMARIVM.

1. Nomine victualium comprehenduntur cibus & potus, non famuli, vestes, &c. nomine autem alimentorum præter victum etiam alia ad sustentationem necessaria comprehenduntur.
2. Episcopus non personaliter visitans, à visitatione per alium nil potest exigere.

NOTANDUM Vn. Nomine victualium non comprehenduntur famuli, vestes, equi, salaria: sed cibus, & potus, iuxta l. Diarijs, 21. ff. de alimentis, vel cibarijs legatis: Quare & diarium appellari solet, quod in

unum diem alicui ad viſitum ministratur. Sed nomen alimentorum præter victum, etiam alia ad sustentationem necessaria, vt vestes, habitationem, &c. comprehendit, l. legatis, 6. ff. eod. & dixi lib. 5. tr. 10. p. 3. c. 5. n. 7. §. Tertium.

S. Idem.

Episcopus ob id, quòd personaliter non visitat, à visitatis per alium non potest quidquam exigere. Ratio est: Quia procuraciones seu victualia debentur ratione visitationis, iuxta c. cum venerabilis, 21. & c. procuraciones, 23. de censibus: Ergo si Episcopus personaliter non visitet, nihil exigere potest: sed ille accipiet, per quem Ecclesie sue visitantur.

Simile quiddam est: Subditi in Germania, præsertim coloni originarij, domino suo aduentanti, aut prætereunti angarias seu vehiculares præstationes debent, obsequij causa. Quòd si verò accidat, vt nunquam, aut rarissimè ad aliquem locum accedat, non potest loco eiusmodi angariarum aliud quippiam exigere: Multò minùs ius angariarum vicino alicui domino vendi potest, partim quia hæ angariæ obsequij causa domino personaliter præſenti ex antiquissima consuetudine debentur, non alteri: partim quia angariæ inter regalia numerantur, quæ vendi, seu alienari non possunt.

CAPITVLVM VII.

Cùm Episcopus

PARAPHRASIS.

Episcopus tanquam Ordinarius Iudex, per se vel per alium in quouis loco diocesis suæ non exempto, pro tribunali sedens, causas ad forum ecclesiasticum spectantes audire potest, atque personas ecclesiasticas, cum earum excessus ita metentur, capere, & incarcerare: atque reliqua, quæ ad eius officium spectant, liberè exercere.

SUMMARIVM.

1. *Episcopus in diocesi sua ordinariam generalem iurisdictionem obtinet; non item Archidiaconi, & inferiores Prælati.*
2. *Locus intra diocesin exemptus æquiparatur loco extra diocesin quoad exclusionem iurisdictionis Episcopi, non autem quoad alia.*
3. *Index Ecclesiasticus per suos ministros criminofum capere, & incarcerare potest, etiam laicum non tantum ob crimen hæresis, sed etiam ob alia, quæ vel merò ecclesiastica sunt, vel mixta fori, ut peritium, blasphemia, &c.*

NOTANDUM I. Episcopus in diocesi sua ordinariam generalem iurisdictionem obtinet. Quod Gl. magna hic not. 1. ait esse proprium Episcopi, adde tu, vel alterius Episcopalem iurisdictionem in territorio omnimodè exempto excentis. Non ita quæro Archidiaconi, & alij inferiores Prælati territorium iurisdictionis suæ habere consentur. Quod eo inferuire, admonet Glossa; Quod si Clericus peregrinus in Archidiaconatu delinquat, Archidiaconus eum sua auctoritate punire non possit, sed Episcopus, tanquam proprius & generalis loci Ordinarius.

NOTANDUM II. Locus intra diocesin exemptus æquiparatur loco extra diocesin, quod attinet ad excludendam iurisdictionem Episcopi: Non autem quoad alia, secundum Gl. in Clem. frequens, ver. primo anno, de excessib. Prælat. Habet autem Episcopus intentionem iurisdictionis sibi competentis ex communi iure fundatam erga loca, & personas intra diocesin consistentes: vt si exemptio aliqua prætendatur, ea ostendi debeat, vti hic notauit Gl. ver. habere, Petr. Ancharan. not. 1. & sumitur ex c. cum personæ, 7. de priuileg. in 6.

NOTANDUM III. Index Ecclesiasticus, videl. Episcopus, vel simili potestate præditus, per ministros suos criminofum capere, & incarcerare potest. Id verò indubitum est, quoad personas ecclesiasticas; imò

etiam laicos in crimine hæresis, iuxta c. vt commissi, 12. & c. vt inquisitionis, 18. de hæreticis, in 6. Sed dubium est de laicis, vtrum ab Episcopo capi & incarcerari possint ob alia crimina, quæ vel merò ecclesiastica sunt, vt simonia, &c. vel mixta, seu vtriusque fori, vt peritium, blasphemia, sacrilegium, &c. Negant hic Ioan. Andr. & Ancharanus, Felinus in c. cum sit, n. 20. de foro compet. arg. huius c. Quia Pontifex ait, Episcopum ecclesiasticas personas capere posse propter delicta: Ergo id ipsum negare videtur de laicis. Sed contrarium recte docet hic Dominicus Geminianus col. 2. Felinus, seu additio eius loco cit. Did. Couar. in pract. qq. c. 10. n. 2. Iulius Clarus in pract. crimin. q. 37. n. 8. testantes ita in Gallijs & Hispanijs obseruari, Cardinal. Tuschus ver. Episcopus, concl. 253. D. Martia de iurisdic. p. 1. c. 50. n. 8. Nam Episcopus in foro suo ecclesiastico exercet imperium merum, ad quod pertinet ius facinorosos capiendi, incarcerandi, puniendi, vti constat ex c. 1. extra, hoc tit. & docent DD. in l. imperium, 3. ff. de iurisdic. omn. iudicium, Mol. tr. 5. de iust. disp. 7. Atqui non tantum Clerici, sed etiam laici in quorundam criminum causis foro ecclesiastico Episcopi subduntur, vti constat ex ijs, quæ dixi lib. 4. tr. 9. c. 2. Ergo, &c.

Ad argum. ex hoc textu desumptum, respondet Dominicus. Argumentum à sensu contrario efficax non esse, si in oppositum habeantur iura expressa: sed quoddam Episcopus ius habeatq. incarcerandi, & castigandi laicos propter crimina ecclesiastica, aperte sumitur ex c. contra idolorum, 10. iun. Gl. causa 26. q. 5. & alijs iuribus.

Responderi etiam potest: Ideo Bonifacium personarum ecclesiasticarum mentionem fecisse, quia in eas generatim & indifferenter iurisdictionem Episcopus exercet, non item in laicos, sed tantum respectu certarum causarum, seu criminum, quæ hoc loco specificare ac distinguere Pontifici propositum non erat.

Confirmatur: Ideo contrariæ sententiæ Doctores negant Episcopum erga laicos capturæ, & carceris: quia ipse spiritali potestate

Yyyy 2 na con

na Contentus esse debeat, & temporalem Iudici seculari relinquere, saltem si loquamur de criminibus mixti fori. *Que doctrina si vera esset, neque poenam seu multam pecuniariam Episcopus laico inferre posset, v. g. ob blasphemiam, clerici percussione, aut immunitatis Ecclesiasticæ violationem: cum tamen oppositum seruetur in praxi, & consentiant DD. communiter apud Tuscum ver. Episcopus, c. ocl. 253. & alios allegatos suprâ: & consentit Trident. sess. 25. c. 3. de reform. vbi tamen asiangitur, quod multæ causis pijs applicari debeant.*

CAPITVLVM VIII.

Quamuis.

PARAPHRASIS.

Canonici regulares, aut seculares, quibus per consuetudinem, aut priuilegium competit, cessationem à diuinis officijs indicare, non possunt id agere, nisi omnes, etiam absentes vocentur, sicuti mos est convocandi ad electionem Prælati: Tum verò præmissa deliberatione, si cessandum esse iudicetur, Episcopo aut alteri Clerico, vel laico, ob cuius iniuriam cessatio indicenda est, insinuare debent, vt iniuriam, vel offensam emendet. Quod si fecerit, intermittenda erit cessatio. Sin recuset, & Capitulum ad cessationem procedendum esse arbitretur, vtrique pars, videlicet cessans, & contraquam cessatur, intra mensis spatium iter ad Sedem Apostolicam per se ipsos, vel per Procuratores arripere debent, acta & munimenta simul afferentes, &, quamprimum fieri potest, coram Papa se præsentantes, vt negotio finis imponatur: Alioquin, si hæc non seruet pars cessans, non obstante cessationis seu organorum suspensionis edicto, diuina officia, vt prius, celebranda erunt. Vide Gl. hic ver. mittendo.

* * *

S Y M M A R I V M.

Canonici ex tribus causis cessationem à diuinis instituere possunt. 1. Propria auctoritate, si id eis consuetudo permittat. 2. Ex decreto Comitij provincialis. 3. Ex mandato Episcopi seu superioris Ordinarij.

Aduertendum cum Petr. Ancharano in fine huius c. Dominico in verf. *Quæro*, an forma. Quod Canonici ex tribus causis cessationem instituere possint. Primò, Propria auctoritate, si id eis consuetudo permittat, tunc seruare debent formam in hoc c. traditam.

Secundò; Ex decreto Concilij provincialis, tunc obedire tenentur, absq. vlla mora, & antecedente discussione, vti colligitur ex Clem. 1. de sent. excomm.

Tertiò, Ex mandato Episcopi seu Superioris Ordinarij: Id verò dupliciter fieri potest; Vel enim Superior cessationem fieri imperat, cum negotium ante non discussione, consequenter discussionem ipsis Canonici relinquit, tum obseruare debent formam hic traditam. Vel Superior cognita causa cessationem à diuinis indicendam esse decreuit, solamque executionem mandat Capitulo, tum obseruari non debet forma hic tradita. Sed nec ipsemet Superior eam obseruare tenetur, cum Capitulo speciatim præscripta sit, idèòque tanquam exorbitans à iure communi, & ius speciale, ad alios casus aut personas extendenda non sit.

CAPITVLVM VLT.

Præsent.

PARAPHRASIS.

Prælati, aliæque Ecclesiasticæ personæ vacantium dignitatum, personatum, aut Ecclesiarum, ad suam collationem, præsentationem, vel custodiam pertinentium redditus occupare, vel in vsus proprios conuertere prohibentur; cum ij ad vtilitatem earundem Ecclesiarum seu beneficij applicari, vel successorij reseruati debeant.

beant. Alioquin Episcopi ab ingressu Ecclesie, alij verò ab officio & beneficio tamdiu suspensi manent, donec acceptum restituerint. Excipitur tamen, nisi Prælati, aut alijs personis ex speciali privilegio, aut legitime præscripta consuetudine, aut alia rationabili causa ius cõpetat redditus beneficij vacantis accipiendi: Id verò ita intelligi debet, vt ante omnia deducantur debita, necessariæ item expensæ, aliæque onera beneficio incumbentia.

SUMMARIUM.

1. Mortuo Prælate, aut Beneficiario, fructus ab ipso collecti, & qui vacante Ecclesia, aut personatu percipiuntur, in eisdem ecclesia, aut personatu utilitatem, vel futuro successori cedunt, aliud est de fructibus à beneficiario collectis.
2. Bona alicuius censeri debent, deductis debitis; annui autem proventus, deductis expensis necessarijs, & præstandis oneribus.

NOTANDUM I. Mortuo Prælate, aut beneficiario, fructus ab ipso collecti, &

qui vacante Ecclesia, aut personatu percipiuntur, ad eisdem Ecclesie, aut personatus utilitatem conuerti, vel futuro successori reservari debent. Sed quod attinet ad fructus à beneficiario collectos distinguendum est cum Petr. Ancharano hic: Vel beneficiarius habuit tantum administrationem reddituum, qualem habere solent Episcopi, & aliarum Ecclesiarum collegiarum Prælati, tum indistinctè seruari solet, quod in hoc c. dicitur. Vel beneficiarius habuit dominium reddituum, sicuti Parochi, Canonici, & similes beneficiati habent: tum variè sunt ecclesiarum cõsuetudines. Quibusdam enim locis liberè testantur de Ecclesiasticis redditibus, quos collegerunt, imò ijs ab intestato morientibus proximi consanguinei succedunt. Quæ de re dixi in lib. 4. Theol. moral. tr. 2. c. 3. q. 1. Alijs locis Episcopus huiusmodi redditus accipit: quod per consuetudinem licitum esse potest, vt ex hoc c. constat.

NOTANDUM II. Bona alicuius censeri debent, deductis debitis, & proventus annui æstimantur, deductis necessarijs expensis, & præstandis oneribus, l. fructus. 7. ff. soluto matrimonio.

TITVLVS XXXII.

DE OFFICIO IUDICIS.

CAPITVLVM I.

Ex literis.

PARAPHRASIS.

Controuerfia orta erat inter Abbatem ac Conuentum Fosse nouæ, & Abbatem ac Conuentum Monasterij Canensis, super
 Yyyy 3 per



Ostquam de Iudicibus tum delegatis, tum ordinarijs dictum est, subiicit Compiler tit. de Iudicibus in communi, imitatus nimirum ordinem ff. veteris, in quo post specialium Magistratum ac delegatorum Iudicum officia, agitur in communi de omnium Iudicum Iurisdictione, lib. 2. tit. 1.

per quibusdam possessionibus Monasterij S. Petri, quod erat subiectum Monasterio Fossanouze. Sed quia pars ista Aduocatum habere non poterat, officium Archiepiscopi implorauit: Is Magistrum Romanum Clericum suum constituit ad patrocinium in causa illa prestandum. Sed Stephanus Canensis Monachus se opposuit excipiendo, quod is esset domesticus Iudicis delegati, vid. Archiepiscopi. Hæc oppositio cum ad Sedem Apostolicam perlata esset, respondet Honorius III. ea nihil obstante in negotio procedendum esse.

SUMMARIUM.

1. Monasterium agere potest pro iuribus ac possessionibus Monasterij sibi subiecti.
2. Ad officium Iudicis pertinet, ut prouideat Aduocatum Parti, qua habere eum non potest. Et si pauper sit, etiam gratis ille patrocinari debet.
3. Prouidendum ab eodem, ut æqualitas sit inter Aduocatos; ne pro vna parte fuerintissimi, ex altera rudes & minus versati constituantur.
4. Religiosus in causa sui Monasterij, iubente Prelato, potest esse Aduocatus, vel Procurator.
5. Subditus, vel familiaris Iudicis potest esse Aduocatus partis litigantis, nec recusari debet.
6. Testis produci potest ex domo Iudicis ad instantiam partis. Is tamen tantam fidem non mereatur, si Iudex ex officio procedat.

NOTANDUM I. Monasterium agere potest pro iuribus ac possessionibus Monasterij sibi subiecti: quemadmodum Episcopus agere potest pro iuribus Ecclesiæ sibi subiectæ, vti colligitur ex c. sancimus, 21. iun. Gl. ver. Episcopus, C. de sacros. Ecclesijs c. vlt. de success. ab intestato, iun. Gl. magna, & tradit hic Abb. n. 1. Adde, vt si Ecclesiæ parochiali v. g. quippiam iniuste ademptum sit, cum Parochus seu Rector,

tum etiam Episcopus actionem instituere possit. Vide quæ dicam in tit. de iudicijs.

NOTANDUM II. Si pars litigans Aduocatum idoneum habere non possit, ob paupertatem, iudicij imbecillitatem, Aduersarij potentiam, aliamque causam, Iudex (siue is ordinarius sit, siue delegatus) ex officio illi prouidere debet, l. 1. §. ait Prætor, ff. de postulando, l. nec quicquam, 9. §. Aduocatos, ff. de offic. Proconsulis, l. prouidendum, 7. C. de postulando. Et hoc casu Aduocatus compelli potest ad causam suscipiendam; alioquin, nisi iustam excusationem adferat, munere aduocandi priuandus, cit. l. prouidendum. Non tamen gratis officium suum prestare tenetur, sed constituto salario, quod clientulus hodie dare solet, cum olim ex publico Aduocatis salaria statuta essent, vti Gl. monet in cit. l. Videl, l. §. Honorarijs, ff. de varijs, & extrapod. cognitionibus, ex g. vlt. 14. q. 5.

Sed quid, si clientulus pauper sit, qui salarium dare non possit, aut ægerimè possit, debetne gratis patrocinari Aduocatus, & ad hoc à Iudice compelli? Ità affirmandum cum Gl. hic ver. implorando, Hostiensis, & Abbate hic n. 5. Imola n. 6. Syl. ver. Aduocatus, q. 16. Idemque de Medico dicendum esse monet Imola, n. 7. si inops, qui curatione indiget. Idque manifestum est ex charitatis, ac miseri cordis lege.

His adde, quod in cit. l. prouidendum præcipitur Iudici, vt attendat, ne pro vna parte peritissimi Aduocati sint, ex altera rudes ac minus versati: Sed in iudicantis officio sit, vt par causidicorum distributio fiat, & exequatur partibus auxilium. Ad id vero Iudices parum attendere solent; quamuis deberent, si inæqualitas nimia sit, præsertim ob vnius partis potentiam.

NOTANDUM III. Religiosus in causa sui Monasterij, iubente Prelato, potest esse Aduocatus, vel Procurator, vti etiam dixi lib. 3. Th. mor. tr. 4. c. 26. n. 12.

NOTANDUM IV. Subditus, vel familiaris Iudicis potest esse Aduocatus partis litigantis; neque ob eam causam recusari debet.

Si obijciat: Iudex vt suspectus recusari potest, si sit dominus partis litigantis, c. causam, 17. c. infinuante, 25. de offi. delegati: Ergo recusari etiam potest, si sit dominus Aduocati. Respondetur neg. conseq. Nam causa magis pertinet ad partem litigantem, quam ad Aduocatam: quare maius periculum est subvertedi iustitiam Iudicis, si pars litigans sit familiaris Iudici, quam si Aduocatus sit. Fatentur enim Hostiensis, & Abb. hic n. 6. Imola n. 9. Si Aduocatus versurus perpetuo assisteret Iudici non satis cordato, sed deceptioni atque affectioni obnoxio, iustam esse posse causam recusandi Iudicem.

Sed potestne testis produci ex domo Iudicis? Respondet Abb. hic n. 6. Vel Iudex procedit sua sponte, seu ex officio, tunc testis ab ipso productus ex familia sua, non tantam fidem meretur, vt alius quispiam: Vel Iudex procedit ad instantiam partis, tum nihil refert, ex illius domo seu familia testes produci.

CAPITVLVM II.

Iudicis.

PARAPHRASIS.

Cum Iudicis officium, loco actionis imploratur, vt cum restitutio in integrum principaliter imploratur, tum litis contestatione opus est: Sin autem incidenter tantum ante, vel post ingressum cause, Iudicis officium impleretur, tum litis contestatio non requiritur.

SYMMARIVM.

1. Duplex est Iudicis officium, mercenarium, & nobile: & hoc iterum duplex, interdum enim Iudex motu proprio, & ex merito officio procedit, interdum autem a parte, v. g. laesa eius officium imploratur.
2. Discrimen inter actionem, & implorationem officii.

3. Cum imploratur Iudicis officium nobile, principaliter contra certam personam, & cum causa cognitione, fit litis contestatio: scilicet contingit in mercenario.

Pro intellectu aduerte, quod duplex sit Iudicis officium. Vnum actioni deferuiens, quod mercenarium dicitur, quia illud impartiri Iudex non potest, nisi praecedente actione, per quam petitur, quod sibi ab altero debetur, vti explicauimus lib. 1. Th. mor. tr. 4. c. 5. n. 7. Aliud verò est Iudicis officium per se stans, & actioni non alligatum, quod & nobile appellatur. Id verò duplex est: Nam interdum Iudex a partibus non adactus, nec rogatus, motu proprio, & ex merito officio suo procedit, v. g. ad inquirendum, & crimina puniendae. Interdum verò procedit, quia a parte, v. g. laesa, eius officium imploratur: Et hoc casu imploratum officium instar actionis est. Differunt verò actio, & imploratio officii: Nam actio supponit ius ex parte agentis, & debitum seu obligationem ex parte eius, contra quem actio tendit, Instit. de actionib. in princ. At verò qui Iudicis officium implorat, ius propriè nullum praetendit, sed aequitatem, propter quam Iudex succurrere potest, & quandoque debet. Quamobrem haec officij imploratio extraordinarium remedium censetur, aliis non instituendum; nisi cum ordinarium actionis remedium deficit, arg. l. in causis, 16. ff. de minoribus, & dixi lib. 1. Th. mor. tr. 4. c. 11. princ. Videri potest Bartol. in l. 1. n. 10. ff. de iurisdic. omnium Iudicum, Durand. in speculo, tit. de officio omnium Iudicum, §. 2. Imola hic col. 1. Abbas n. 2.

His intellectis, duæ ex textu nostro doctrinae notandæ sunt. Prima. Si officium Iudicis principaliter imploratur contra certam personam, & necessaria sit cognitio causae, tum post exhibitum libellum, fieri debet litis contestatio. Aduerte, quod dico, si contra certam personam, a qua aliquid petitur. Alioquin enim, si Minor natus, v. g. petat se restitui, quia laesus est ex hereditate adita, a qua abstinere mauult, opus non est litis contestatione.

testatione, ut colligitur ex Auth. si omnes, C. si minor ab hereditate abstineat, & docet Gl. hic ver. pro actione. Deinde dico; Si necessaria sit cognitio: Nam in causa notoria, ut si filius à patre alimenta petat, non est necessaria litis contestatio: sed de plano procedendum est, iuxta l. nec quicquam, 9. §. de plano, ff. de offic. Proconf.

Altera. Si officium Iudicis, ante, vel post litis ingressum, seu contestationem, incidenter imploratur, necesse non est, ut ideo litis contestatio instituat. Exemplum prio-

ris: Si quis ante litis contestationem petat Aduocatum sibi à Iudice dari, vel ex parte aduersa amoveri, iuxta ea quæ dixi c. præced. Exemplum posterioris: Si quis post litis contestationem, aut etiam post sententiam latam pars alleget errorem facti, per quem necessariam probationem intermisit, ad quam proponendam rogat se admitti Iudicis officio, iuxta c. 3. de in integr. restitut. Videri potest Durandus in cit. §. 2. Abb. hic n. 5. & 10.

TITVLVS XXXIII. DE MAIORITATE ET OBE- DIENTIA.

Distinquam de Ecclesiasticorum Ministrorum ordinatione, officijs, ac potestate dictum est, subiungitur hic tit. ad ostendendum, inter illos non esse honoris ac potestatis æqualitatem, sed subordinationem: ut alij maiores ac digniores sint, alij minores, ac subiecti. Quemadmodum enim in cælesti hierarchia inter Angelos, & Archangelos, & superiores potestates ac virtutes, quidam ordines, & gradus reperiuntur, ita similiter, in hierarchia, siue bene à Christo fundata & ordinata Ecclesia, uti habetur in c. ult. d. 89.

CAPITVLVM I

Cum certum.

Honoris prærogatiua alios antecedit, qui prius canonicam in Ecclesia ordinationem accepit. Hæc honoris prærogatiua, quæ Ministris Ecclesiæ antiquioribus (non ætate, sed secundum tempus ordina-

tionis, institutionis) debetur) consistit in prioritate sessionis, processionis, subscriptionis, responsionis conuentualis &c. Ita enim merito obseruari solet, ut inter Parochos, alijsque Sacerdotes, Canonicos, ac Religiosos Professos, si cæteroquin pares sint in ordine ac gradu, reliquos antecedant, qui prius instituti, aut Ordinem professi sunt. Idem quoque inter seculares Congregationes obseruatur, v. g. Consiliarij, Assessores in eurijs Principum; Professores, & Magistri in Academijs, prout quisque eorum ante, vel post alios institutus, vel creatus est, locum inter eos sibi vendicet: Siquidem hoc cōducit ad multas lites euitandas. Quod si verò contingat, eodem tempore institutos esse, qui ceteroquin etiam ante gestis officijs pares sint, tum ætati merito deferendus erit. Quia ratione inter nobiles & illustres eiusdem gradus personas quibusdam regionibus receptum, ut in conuentibus ac congressibus maiores natu antecedant.

Ratio horum reddi debet: Quia honor maior in republica ijs debetur, qui & plus meriti, & sapientiores peritioresque sunt. Sed

Legebatur.

PARAPHRASIS.

Veluti iniuriam infert Episcopo Clerico sibi subiecto, si ab eo sponsonem obedientie in scripto exigat (vel iuramentum) cum sufficiat verbalis, seu manualis promissio. Ita communiter hunc textum intelligunt Canonistæ.

SUMMARIUM.

1. *Iniuria infertur obligato, si cautiones superflue ab ipso exigantur.*
2. *Clerici nullam administrationem habentes ad iuramentum obedientie Episcopo præstandum non tenentur, nisi inobedientes & rebelles sint, vel excommunicati.*

NOTANDVM I. Quasi iniuria inferri censetur obligato, si cautiones superflue ab ipso exigantur. Vt si debitor, qui si de dignus est, & ad soluendum idoneus, pro leui debito, supra simplicem promissionem, ad cautionem iuratoriam, vel fideiussoriam adigatur: Multò magis iniuria infertur debitori, si, cum fideiussores vel pignora exhibere paratus sit, in carcerem propter debita civilia conijciatur, vti hic Abb. notat n. 1. Felinus in princ. Etenim iudicem quoque, & Magistratum iniuriam facere posse, & contra eum iniuriarum actione agi, constat ex l. Nec Magistratibus, §. 2. ff. de iniurijs.

NOTANDVM II. Non est consuetum, 2. vt simplices clerici, ac beneficiati, seu qui administrationem nullam habent, ad iuramentum obedientie Episcopo præstandum compellantur, c. nullus, §. de iureiur. Præterquàm si inobedientes ac rebelles reperti sint, vel excommunicati, vti Abb. hic monet, n. 3. & in cit. c. nullus, n. 2. Porro, num Parochi seu Curati, cum inuestiuntur, Episcopo iurare debeant, id pendet ex cuius-

Zzzz que

Sed qui diutius in Ecclesiâ, alteriusve Reip. obsequijs extiterunt, horum & merita maiora sunt; & maior sapientia, ac peritia. Hæc enim per experientiam acquiritur: Experientia autem per vsum diuturnum comparatur. Atque adeò quidem quod antiquius, idem & venerabilius esse censetur, vt hæc etiam pro Synonymis linguâ Romanâ habeantur, vti constat ex l. postliminium, §. filius, ff. de captiuis, & postlim. reuerfis, atque annotauit Andr. Tiraquell. de iure primigeniorum, in præfat. n. 86.

Corollarium. Ex doctrina huius c. infert Innocent. hic. Abb. n. 4. Quòd in Conuentibus, in quibus v. g. vacante dignitate nemo est, qui Capitulo præsit, senior Capitulares conuocare solet; (non item punire non accedentes, cum iurisdictione præditus non sit) item congregato Capitulo, propositionem facere; præsentium sententiam exquirere; & in electione Prælati suffragium ante alios dare; denique electionis decretum promulgare. Qua tamen in re cuiusque Ecclesiæ consuetudo attendenda est; cum in iure nihil specificè statutum sit. Videri etiam potest Felinus hic.

CAPITVLVM II.

Si quis.

Qui Episcopi mandato repugnauerit, excommunicari debet.

Intelligitur hoc, si diocesanus (præsertim Clericus) contumaciter se opponat Episcopi præcepto, atque in re, quæ vel secundum se, vel propter circumstantias, ipsâque repetitis monitiones grauis appareat, tantæque obligationis capax, vti explicauit lib. 1. Theol. moral. tr. 4. c. 14. n. 2. & 3. Et quod hic dicitur de Episcopo, secundum proportionem intelligi etiam debet de alijs

Ecclesiasticis Superioribus, seu Prælati.

que Ecclesie consuetudine, secundum eundem Abb. in. Gl. 1.

CAPITVLVM IV.

Omnes.

P Rincipes ipsi, sicuti & alij omnes, Episcopo suo obedire debent.

NOTANDVM Vn. Rex seu Princeps, sicuti & reliquus populus Christianus, Episcopo tanquam Ordinario suo, in spiritualibus subiectus est; nisi quod in quibusdam speciali priuilegio, aut immemorali consuetudine Principes personæ eximantur, v. g. quod cuilibet sacerdoti approbato de peccatis confiteri possint.

Porro, si Princeps in provincia, aut regno suo plures Episcopos habeat, eius leci, seu ciuitatis Episcopus, in qua Princeps principalem sedem tenet, erit quoque ipsius Ordinarius, vt v. g. matrimonium contrahenti assistere possit; non item alterius ciuitatis Episcopus, in qua Princeps ordinariè non habitat, sicuti bene hic Gl. monet, ver. omnes Principes.

Adde pro doctrina huius c. S. Ignatium Martyrem in epist. ad Philadelpheios: *Clerici, una cum populo vniuerso, militibus, Principibus, atque Cesare, ipsi Episcopo pareant.* S. Nazianzen. orat. 17. ad ciues: *Vos quoque (Principes ac Præfecti) lex Christi imperio meo, ac throno subijcis: Imperium enim nos quoque gerimus, addo etiam præstantius, ac perfectius: nisi verò æquum est, spiritum carni fasces submittere, & celestia terrenis cedere.* Vide plura in hanc sententiam lib. 4. Theol. moral. c. 9. n. 1.

CAPITVLVM V.

Illud.

E piscopus Hildesheimensis relicta sua Ecclesia, propria auctoritate transtulit se ad Ecclesiam Herbipolensem, vt supra legitur in c. 3. & 4. de translac. Episcopi:

In excusationem attulit, quod ea translatio cederet in commodum temporale eiusdem Ecclesie Herbipolensis. Sed id rejicit Papa Innocent. II l. *Quia* propter commodum temporale, non est abijciendum obedientie bonum; cum id præstantius sit, quippe spirituale, quod temporali præferendum est.

NOTANDVM Vn. Non est sufficiens causa legem violandi, quod inde bonum aliquod euenturum sit. *Quia* non sunt facienda mala, vt eueniant bona, vt dixi lib. 1. Theol. moral. tr. 2. c. 9. n. 7.

CAPITVLVM VI.

Solitæ.

PARAPHRASIS.

Innocentius III. Imperatorem Constantinopolitanum per litteras reprehenderat, quod Patriarcham Constantinopolitanum in scabello iuxta pedes suos ad læuam partem considerare faciat. Id ægrè accipiens Imperator, rescripsit; Imperatoriam potestatem præferendam esse Sacerdotio; huius suæ opinionis non veram causam seu argumentum, sed occasionem accipiens ex dicto S. Petri epist. 1. c. 2. *Subiecti igitur estote omni creaturæ propter Deum suæ Regi tanquam præcellenti.* Ad hoc respondetur; Apostolum loqui ad subditos, vt omnibus Superioribus, seu potestatem supra se habentibus obediant; ne videl. aliquis existimet, Christianos per susceptam Christi legem ab humanis potestatibus exemptos, a liberis esse. Neque enim uerò Imperatori, aut Regi denegatur imperium, ac potestas, sed in temporalibus duntaxat; atque in illos Christianos, qui ab ipso præsciunt temporalia. At verò Pontifex in spiritualibus excellit: quippe quæ temporalibus digniora sunt, sicuti anima corpori præfertur. Potest etiam prærogatiua Sacerdotij ex eo intelligi, quod Ierem. cap. 1, non Regi, vel ex re-

gia stirpe oriundo, sed ex Sacerdotali prolapia descendenti dictum legimus: *Eccē constitui te hodie super gentes, & super regna &c.* Ex quibus apparet, quodd Pontifex, quamvis potius monuerit Imperatorem, tamen iuste etiam increpare potuisset, cum Imperator se non possit à iurisdictione Pontificis, B. Petri successoris, eximere, si Ecclesie filius esse velit: quandoquidem B. Apostolo ues generatio, & sine differentia commissæ sunt, dicente Domino: *Pascites meos*, Ioann. 21. Sicut & generatim dictum est Petro, & successoribus Matth. 18. *Quidquid ligaueris super terram, erit ligatum & in calis.*

SUMMARY.

1. *Potestas ecclesiastica maior & dignior est seculari potestate, ut anima corpore.*
2. *Principes ac Domini seculares reuerentiam debent Sacerdotibus, maxime Prelatis, decet etiam, ut in Conuentibus Episcopi dexteram, Duxes seculares sinistram occupent.*
3. *Persona ecclesiastica subsunt Imperatori ratione feudislium bonorum, quæ in Imperio obtinent.*

NOTANDUM I. Potestas Ecclesiastica maior ac dignior est seculari potestate, sicuti anima dignior est, quam corpus: & temporalia omnia subsunt, ac subordinata sunt spiritualibus, atque æternis: Sic ergo Respubl. & Magistratus secularis subordinatus esse debet Reipubl. & Magistratui Ecclesiastico, eiusque imperium accipere in ordine ad finem supernaturalem, sicuti explicauit lib. 1. Theol. moral. tr. 4. c. 6. princ.

NOTANDUM II. Principes, ac Domini seculares reuerentiam debent Sacerdotibus, ijs maxime, qui in Ecclesia potestatem exercent, ut Episcopi, & similes Prelati. Idque obseruari decet, ut Episcopi in conuentibus ad dexteram collocentur, Du-

ces seculares vero ad sinistram, ut hic notauit Ioann. Andr. n. 18. Abb. n. 7.

NOTANDUM III. Personæ ecclesiasticæ subsunt Imperatori ratione feudislium bonorum ac iurium, si quæ in Imperio obtinent. *Quia de re in c. verum, 7. de foro compet. & dixi lib. 4. Theol. moral. tr. 9. c. 5. n. 2.*

CAPITVLVM VII

Per tuas.

QUæsitum fuit ex Innoc. III. Vtrum clericus, qui ordinem Subdiaconatus à Pontifice accepit, idcirco ab obedientia Episcopi exemptus sit. Respondit Papa, tametsi decens sit, ut tales, si cætera paria sint, plus inter alios clericos honorentur, quos Summus Pontifex ordinatione sua dignos iudicauit, tamen per eam ab obedientia, & subiectione, quam alioquin Episcopo debet, haud liberati.

Contra responsionem Innocent. obijci potest: Quod baptizatus, vel ordinatus à Ministro digniore, non plus accipiat, quam baptizatus, aut ordinatus à Ministro vili, cum omnes conferant Sacramentum in virtute Christi, tanquam principalis baptizantis, ordinantis, iuxta doctrinam S. August. relatum in c. cum tantum, 45. d. 4. de consecr. Ergo non rectè dicitur, Subdiaconum magis honorandum esse, quodd à Summo Pontifice ordinatus fuerit. Respond. Hoc non ideo dici, quodd amplius quid per sacramentalem ordinationem, à Papa collatam, acceperit; sed quia Pontifex eum dignum sua ordinatione iudicauit, testimonio huic meritò deferendum esse, ut tales præ alijs honorentur, ac promouantur.

Querunt hic Canonistæ. Vtrum Episcopus ordinatum à Papa ob crimen in perpetuum ab ordine suscepto suspendere, aut deponere possit. Negat Gloss. ver Subdiaconatus; Innocent. ibid. & alij apud Ioann. Andr. n. 5. Fundamentum esse potest: Quia tales non possunt ab Episcopo ad vltiorem ordinem promoueri, c. cum in distri-

Zzzz 2 buen

buendis, t. 2. de tempor. ordinat. Ergo neque ab ordine deponi. Sed contrarium placet, quod tradit Abb. hic n. 2. Felinus col. 1. Cum enim Episcopus in clericis à Papa ordinatos iurisdictionem retineat, sequitur quod eos ob crimen punire, & exigente causa, suspendere, ac deponere possit; cum id nullibi interdictum reperitur. Quemadmodum & clericum à Papa prouisum, & institutum, Episcopus ob commissum crimen suspendere, vel beneficio priuare potest. Ad argum. respondetur, neg. conseq. Quod enim ordinatum à Pontifice Episcopus proprius ad altiorum ordinem promouere non possit, id priuilegium quoddam est cedens in præiudicium potestatis ordinariæ: Ergo extendi non debet ad alium non expressum; præsertim cum ordinatus, priuilegio suo abutens, hanc extensionem fauorabilem non mereatur, argum. c. priuilegium, 63. causa, 11. q. 3.

CAPITVLVM VIII.

Inter quatuor.

PARAPHRASIS.

Constantinopolitana Ecclesia in schisma, ac rebellionem inciderat: quamobrem Catholicæ, quæ antè subiectionem erant Ecclesiæ, se ab illa separarunt, obedientiam & subiectionem denegantes. Sed posteaquam à Venetis Constantinopolis recepta, & Catholicus Patriarcha institutus fuit, is petijt ab Innocent. III. vt Ecclesiæ, atque Episcopi, qui tempore schismatis pro liberis habebantur, nunc mutato rerum statu ad pristinam subiectionem obligati declararentur. Ad hoc respondit Papa: In absentia illorum Episcoporum, qui nec citati, nec conuicti sunt, nihil se in eorundem præiudicium statuere posse: Quod si verò Patriarcha iudicialiter contra illos agere velit, iustitiam se ipsi non negaturum.

1. *Ecclesia in hæresin aut schisma lapsa, ecclesiasticis iuribus ac priuilegijs priuatur.*
2. *Ad conseruationem tamen iurium Ecclesiæ sufficit ex Conuentu vnum contradicere.*
3. *Ecclesia ubi ad fidem Catholicam redierit, potest restitutionem petere amissorum iurium: qua si vacantia sunt, ipso iure ea recuperabit, si autem ab alijs possidentur, per iudicij sententiam Ecclesiæ restituenda est.*
4. *Si translatio iurium per Principem, v. g. Papa auctoritatem in alium absolute facta est, Ecclesiæ priuata restitui non debet.*

NO T A N D U M I. Si Ecclesia aliqua in hæresin, aut schisma labatur, iuribus ac priuilegijs Ecclesiasticis priuatur, ita vt alie inferiores in spiritualibus antea subiectæ Ecclesiæ, ac populi Christiani immunes ab illa efficiantur, saltem post sententiam declaratoriam hæresis, aut schismatis incurſi. Ita de hæresi colligitur ex c. vt commissi, 12. §. priuandi, de hæret. in 6. De Schismate verò ex c. Nouatianus, 6. causa 7. q. 1. c. didicimus, 3. 1. causa 24. q. 1. S. Th. 2. 2. q. 139. a. 3. Ratio est manifesta: Cum enim hæretici, & Schismatici extra Ecclesiam sint, non decet eos Ecclesiæ iuribus ac priuilegijs gaudere.

Sed vt hæc res plenius declaretur, ita distingue: Vel solus Prælati, v. g. Episcopus, in hæresin, aut schisma lapsus est; tum ipso excommunicato, & priuato, Ecclesia iura sua retinet: quandoquidem *delictum personæ non debet in Ecclesia detrimentum redundare*, reg. 76. in 6. Et cum Prælati iura Ecclesiæ absque consensu Capituli per pactum alienare ac perdere non possit, multò minus poterit per proprium delictum, vt tradunt Anton. de Butrio, & Felinus hic n. 10. Idemque dicendum, si Capitulares defecerint, sed Prælati Catholicus maneat, quod iura Ecclesiæ suæ retinere possit. Vel vnà cum Prælato, v. g. Episcopo, etiam Capitulum & cle-

rus ab vnitatē Ecclesiæ deficit: Hoc casu amitti iura ac priuilegia, etiam secundum proprietatem, docet hic Imola, cit. n. 10. Felinus n. 3. ver. secundum casus. Quia delictum Prælati, si Conuentus consentiat, Ecclesiæ obesse potest, arg. c. 2. iun. Gl. ver. ipsius dolum, de ordine cognit. & l. iubemus, 10. vbi Bartol. n. 4. de sacrosanctis Ecclesiis, & consentit Gl. in cit. reg. 76. Sed contrarium asserunt Ioan. Andr. hic n. 4. Abb. n. 5. Tamen si Episcopus vnâ cum clero, & populo vniuerso in hæresin aut schismam labatur, iura & priuilegia manere penes ecclesiam, sicuti si omnes peste aut ruinâ extincti sint, priuilegia loco adhærebunt. Nihilominus prior sententia mihi magis placet; cum id in quibuscunque vniuersitatibus receptum sit, quod totum corpus delinquendo iura perdere possit.

2. Limita primò cum addit. Alex. ad Bartolum in cit. l. iubemus; Quòd sufficit vnum ex Conuentu contradicere; tunc enim alijs priuatis, iura Ecclesiæ penes ipsum remanebunt. Et bene hoc aduertendum est; Tamen si gesta à maiore parte Capituli valeant ad utilitatem Ecclesiæ, alijs contradicentibus, tamen vnus contradictio impedire potest, quò minus valeant gesta ad delictum, & damnum ecclesiæ imputandum.

3. Limita secundò: Quòd Ecclesia, cum ad fidei Catholicæ vnitatem reuerfa est, restitutionem amissorum iurium petere possit. Quia in re iterum distinguere oportet: Vel enim iura amissa ab alijs possidentur, vel vacant. Si vacantia sunt, tum ipso iure illa recuperabit Ecclesia, veluti postliminij lure, vti tradit hic Imola n. 10. Felinus n. 4. arg. c. quia, 5. de elect. Sin iura ab alio possessa, v. g. ius conferendi ecclesias & beneficia, ius præsentandi, immunitas à decimis, à subiectione: tunc per Iudicis sententiam ecclesia restituenda est, vti ex hoc colligitur. Indicat enim Innoc. iustam esse petitionem Patriarchæ, vt Ecclesia Constantinopolitana ad pristina iura restituatur, sed hanc restitutionem fieri non posse, nisi citata & audita parte, cuius id interest. Ita Innoc. hic notat, & Abb. not. 1.

4. Sed quid si per Principis, videl. Papæ

authoritatem, iurium translatio in aliam ecclesiam interim facta sit, fierine debet restitutio ecclesiæ priuatæ, posteaquam ad fidei vnitatem reuerfa est? Negatiuè respondendum est; Si translatio in aliam absolutè facta fuit; & non tantum sub conditione dependente ab ecclesiæ rebellionē. Sic docent Imola hic, & Felinus, post Bartol. in l. Gallus, 29. §. Et quid si tantum, n. 11. ff. de liber. & posthumis, vbi ait; Quòd in integrum restitutio facta à Principe non auferit ius alterius: Et sic debet limitari l. 1. & seqq. C. de sententiam passis, qua dicunt; quòd restitutio recuperet bona: Intelligitur enim de bonis, qua in alium translata non sunt. Eodem modo, inquit Abb. hic n. 2. Si ciuitate in perduellionem lapsa, Princeps in criminis poenam, pagos vel castra ab illius iurisdictione liberat, restituta postea ciuitate, ius immunitatis, si absolutè concessum fuit, retractari non debet: quandoquidem restitutio fieri debet sine præiudicio aliorum, quibus interim ius quaesitum est, arg. l. 2. ff. de decurionibus, ex qua Bartolus ibid. responsum fuisse inquit; quòd Doctor ex Collegio absolutè ac in perpetuum exclusus, si postea restituitur, non pristinum locum obtinere debeat; sed post alios, quibus ius post ipsius priuationem acquisitum erat.

CAPITVLVM IX.

Quod super.

PARAPHRASIS.

Abbates, & Sacerdotes, lege diocesana subiecti Episcopo, si ad Synodum vocati, venire contemnunt, per censuram ecclesiasticam compelli possunt, dummodò Episcopus non ideo Synodum congregare intendat, vt aliquidi sacris canonibus contrarium statuat.

SUMMARIVM.

1. Abbates & Sacerdotes diocesani ad Synodum Episcopalem venire debent.

ZZZZ 3

2. Epi-

2. *Episcopus nil contra sacros Canones statueret potest.*
 3. *Subditus non tenetur se sistere Superiori, si in citatione exprimitur causa iniusta, vel si notorium sit, eum ad opus illicitum vocari.*

Vtrum Abbates Episcopo subiecti ad Synodum, perinde ut alij Sacerdotes, præsertim curati, accedere debeant, olim dubitatum erat. Negat enim Gratianus in causa 18. q. vlt. c. vlt. GL hic ver. diocesana, arg. c. Episcopus, 1. d. 18. Innoc. & Felinus in hoc c. Henricus Bottæus de Synodo Episc. p. 2. n. 4. Sed contrarium, quod videl. Abbates venire debeant ad Synodum, aperte dicitur in hoc c. & in c. penult. & vlt. c. ad. d. c. Abbates, 16. causa 18. q. 2. c. ex ore 17. de priuilegiis. & docuit Hugo apud Abb. hic in G). 1. Innoc. in c. graue, n. 1. de præb. Sylver. concilium, q. 6. Zerola in praxi, p. 1. ver. Concilium, ad 3. Et ita consuetudine in his regionibus obseruatur, quæ planè conformis est Constit. Trident. sess. 24. c. 2. de reform. vbi etiam hoc adiunctum est: *Quod exprimitur omnes, qui aliam, cessante exemptione, Synodo diocesana interesse debent, neq. Capitulis generalibus subduntur, accedere sciuntur:* Sitamen & hij, vel quicunq. alij secularium Ecclesiarum etiam incorporatarum curam gerant, Synodo interesse coguntur. Ex quo loco manifestè apparet, quod Concil. Trident. tanquam indubitatum supponat, Abbates non exemptos ad Synodum obligari: Sicuti & Clemens IV. supponere videtur in c. vt Apostolicæ, 6. de priuilegiis, in 6. vbi statuit, vt Abbates non exempti in Synodis vtantur mitris simplicibus, albis, & planis; Exempti autem, qui interesse tenentur, mitris auratis, sed sine gemmis, ac laminis aureis, vel argenteis.

De secularibus quoque Sacerdotibus, ac beneficiatis, qui curati non sunt, vtrum ad Synodum venire teneantur, dubitari solet, vt videre hic est apud Abb. not. 1. Henricum Bottæum de Synodo Episc. p. 2. n. 17. & 18. Sed respondetur. Quod ad Synodum Episcopalem, institutam ad cleri totius reformationem, vel statuta generalia edenda, omnes Sacerdotes, & clerici venire teneantur, si vo-

centur, vt habetur expressè in c. vlt. d. 18. & tradit Innoc. in c. graue, n. 1. de præb. Non tamen debent vocari v. g. Canonici omnes, sed aliqui, qui nomine omnium veniant: ne alioquin Ecclesiæ debito seruitio, & cultu diuino priuentur, vt notauit Barbosa de potest. Episc. p. 3. alleg. 93. n. 11. Quamobrem in his regionibus, vbi amplæ dioceses sunt, neque omnes Curati aduocantur, sed tantum præcipui. Videri potest Paulus Piascius in praxi p. 2. c. 2. a. 1. Henricus Bottæus de Synodo p. 2. n. 18. & seqq.

Porro ex hoc c. duo notanda existunt: 1. Episcopus nihil contra sacros Canones statuere potest, vt etiam indicatur in c. institutionis, 7. causa 25. q. 2. Quamuis Ducibus secularibus contra Cæsareas leges quandoque statuere concessum sit, vt dixi lib. 1. tr. 4. c. 7. §. 2. vers. ex his, & tradit Abb. hic, n. 1.

NOTANDUM II. Subditus non tenetur se sistere Superiori, si in citatione exprimitur causa iniusta, vel si notorium sit, eum ad opus illicitum accersiri. Ita notat hic Abb. prope finem c. & videri potest Innoc. in c. 2. col. 1. de dilationibus.

CAPITVLVM X

Cum in Ecclesiis.

PARAPHRASIS.

Quatuor regulares Canonici contra Priorem suum superbi se erigentes, licet corporale ipsi de præstanda obedientia iuramentum ediderint, tamen per omnia ipsi restiterunt. Quamobrem ab eodem Priore excommunicati fuerunt. Volebat quidem Prior à censura illos absolvere, si de parendo mandatis eius iuramentum præstare yellent, (sicuti Imola, & Abb. ex antiqua lect. referunt) sed Canonici spreto Priore, ad Sedem Apostolicam se contulerunt. Simul autem Innocent. III. Papa plurium Prælatorum authenticis scriptis certior factus erat de Canonicorum contumacia, qui eosdem, exacto prius corporali iuramento, ab excommunicatione absol-

absoluit, præcipiens, vt ad claustrum suum redeuntes Priori obedientiam debitam præstent: Hic verò mandat quibusdam Abbatibus, vt Canonicos illos ad obediendum Priori suo per censuras ecclesiasticas compellant: Insuper, ne de pertinacia & malitia sua gloriari possint, cogant eos, (si expedire videatur) ad iuramentum præstandum Priori, quod antè superbè ipsi negauerant, de parendo mandatis eius. Sin hæc facere recusent, de fratrum consortio penitus excludantur.

SUMMARIUM.

1. *Praelatus regularis subditis suis regularibus ob eorum contumaciam excommunicationem & alias censuras inferre potest.*
2. *Regulares & simplices Beneficiati cogi possunt ad iuramentum de obedientia præstandum.*
3. *Periurus iterum ad iurandum compelli potest: quatenus id cedit in obligationem iurantis, non autem quatenus id cedere potest ad iurantis honorem, vel aliorum præiudicium.*
4. *Religiosus Praelato inobediens ac contumax, à fratrum consortio separari debet: quod si Monasterio graue sit, & contumacia atque incorrigibilitas mereatur, eiçi potest ex ordine, non citius recipiendus, quam resipiscat.*

NOTANDUM I. Praelatus regularis subditis suis regularibus, propter contumaciam eorum, excommunicationem, aliasque censuras inferre potest, vti etiam habetur in c. sicut, § 3. vbi id notat Gl. ver. sub interminatione anathematis, de simonia.

NOTANDUM II. Licet Regulares, sicuti & seculares beneficiati, qui animarum curam, & administrationem non gerunt, ad iuramentum Praelato præstandum compelli non soleant, iuxta c. legebatur, hoc tit. Exeipi tamen debet, nisi inobedientes, ac contumaces aut de inobedientia suspecti extiterint, tum cogi possunt ad iuramentum de o-

bedientia, vti ibi etiam annotaui, & tradit addit. Gl. super c. seq. ver. obedientiam.

NOTANDUM III. Qui iuramentum suum violando periurium incurrit, iterum ad iurandum compelli potest, quatenus id cedit id obligationem ipsius, non autem quatenus id cedere potest ad iurantis honorem, vel aliorum præiudicium, iuxta c. testimonium, § 4. de testibus, & post Gl. hic ver. iuramento, notat Abb. hic n. 4.

NOTANDUM IV. Religiosus Praelato inobediens, ac contumax à Fratrum consortio separari debet, ne & ipsos, tanquam ouis scabiosa, inficiat. Intelligunt autem id Ioan. Andr. & Imola hic n. 8. quòd in ergastulum includi debeat. Sin autem id graue sit Monasterio, & contumacia atque incorrigibilitas mereatur, eiçi posse ex Ordine, non iterum suscipiendum, donec ad mentem redierit, constat ex ijs, quæ dixi lib. 4. tr. 5. c. 13.

CAPITVLVM XL.

His quæ.

PARAPHRASIS.

In controuersia, quæ erat inter Cardinalem tituli S. Laurentij in Damaso, & parochias eidem subiectas, sententiam tulit Honorius III, vt Presbyteri, ac Clerici eorundem parochiarum Cardinali obedientiam, ac reuerentiam deferant, pro scrutinio, (seu examine Cathemenis suis adhibendo) Baptismo, & Capitulo celebràdæ Ecclesiæ eiusdem tituli, temporibus consuetis, veniant, correctionem Cardinalis, sicuti & censuras, quas fortè in ipsos, aut ecclesias eorum tulerit, recipiant, ac obseruent. Cùm autem Ecclesiæ tituli eiusdem Cardinalis vacauerit, tunc ipsi Capellani ac Clerici ea, quæ dicta sunt (de scrutinio, Baptismo, Capitulo, & celebrandis) præstabant, præterquam quòd correctionem, excommunicationis, ac suspensionis sententiam, ob bonum pacis, Pontifex sibi ipsi reservare voluerit.

SUMMARIUM.

1. *Cardinales Romana Ecclesia ordinariam & quasi Episcopalem iurisdictionem obtinent in ecclesiis sui tituli.*
 2. *Mortuo Prelato, seu vacante praelatura, administrat & iurisdictionem exercet Capitulum Cathedralis ecclesie, & ecclesiarum aliarum omnimodè exemptarum.*
 3. *Exercet eandem iurisdictionem Capitula ecclesie Collegiatae, si paps & Prelatus simul iurisdictione competiti.*
 4. *Si Prelatus ecclesie Collegiatae secularis non exemptae, in Clericos iurisdictionem obtinet, vacante praelatura, non transsit ea in Capitulum, sed in Episcopum.*
 5. *Idem fit vacante praelatura regulari: si Monasterium enim Episcopo subiectum est, ad ipsum etiam, & non ad Capitulum seu Conuentum transsit.*
 6. *In absentia Prelati, eius potestas alteri delegari potest, cui perinde obediendum, atque ipsi Prelato, in huius autem praesentia, an Prior claustralis, Decanus, Rector chori, & similes Officiales habeant propriam iurisdictionem & potestatem precipiendam in virtute obedientiae, pendet ex cuiusque Religionis statutis & consuetudine.*
- Iure tamen communij talem potestatem hi non habent, licet habeant aliquam, vj cuius in conscientia eis obediri debet.*

NOTANDUM I. Cardinales Ecclesiae Romanae ordinariam, & quasi Episcopalem iurisdictionem obtinent in Ecclesiis sui tituli, & consequenter in parochias, ac capellas, & Clericos earundem, quae ecclesiae illi principali pleno iure subiectae sunt. Ita notavit Innoc. in c. 2. de Capellis Monachorum, Ioan. Monachus in c. vn. hoc tit. in 6. Abb. hic n. 1.

NOTANDUM II. Mortuo Prelato, seu vacante praelatura, Capitulum administrat, & iurisdictionem exercet. Id verò indubitatum est de Capitulo Cathedrali, & habetur in c. cum olim, 14. hoc tit. Sed ex textu nostro colligitur, idem sentiendum esse

de Capitulo Ecclesiae non Episcopalis, adeò, vt nisi Papa sibi specialiter hic reseruasset, spectato ipso communi iure, Capitulum etiam excommunicationis sententiam, aliàsque censuras ferre poruisset in subditos contumaces, sicut rectè hic obseruat Abb. n. 2. Sed aduerte, id solum ex textu isto ostendi de Capitulis Ecclesiarum omnimodè exemptarum, & quasi Episcopalem iurisdictionem habentium, de quibus proinde affirmandum est, quòd vacante Sede omnem iurisdictionem, & administrationem habeant, sicuti Capitula Cathedralia. Idque etiam in praxi obseruatur.

Sed dubium restat de Capitulis Ecclesiarum non exemptarum, seu illarum seculares sint, seu regulares, vtrum vacante praelatura, iurdictio transeat ad Capitulum, seu Conuentum: v. g. Si Abbas mortuus sit, vtrum Conuentus, vel qui Conuentui praestet, claustralis Prior aut Decanus, regularem inobedientem censurà contingere, vel quippiam in obedientiae virtute eidem precipere possit. Eademque difficultas est, si Praepositus aut Decanus Collegiatae Ecclesiae secularis iure communi, aut speciali iurisdictionem dignitati suae annexam in clericos priuatiue, ita vt Episcopus, in prima instantia, dummodò officium suum praestet, immiscere non possit, an vacante praelatura, talis iurdictio transeat ad Capitulum.

Hanc q. latè tractat Felin. in hoc c. & pluribus rationibus ostendit, spectato iure communi, negatiue respondendum esse, nihilominus affirmatè partem magis communiter teneri, quòd etiam in his inferioribus, & Episcopo subiectis Ecclesiis, vacante Sede, Capitulum seu Conuentus iurisdictionem exerceat, sicuti inter alios docuerunt Dominici, in c. 2. col. de testam. in 6. Ioann. Franciscus Pavinus de potestate Capituli, vacante Sede, praelud. 6. n. 16. Respondeo & Dico I. Si iurdictio Prelato & Capitulo Ecclesiae Collegiatae competat simul & coniunctim, tunc mortuo Prelato, Capitulum iurisdictionem exercet. Ita bene docet Felinus hic, vers. Secundus casus, & sumitur ex c. vn. Ne Sede vacante, in 6.

Dico

4 Dico II. Si Prælatus Ecclesiæ secularis Collegiaræ, quæ exempta non est, iurisdictionem in Clericis obtineat, vacante prælatura, non tranſit ea in Capitulum, sed in Episcopum. Hæc videtur esse sententia Innoç. in c. cùm accessissent, n. 3. de Conſtit. Felini in 4. & 5. motiuo. Probatur: Si enim Prælatus inferior, Episcopo subiectus iurisdictionem per consuetudinem legitimè præscriptâ comparauit, cùm præscriptio sit stricte iuris, dicendum est, potestatem, quam Prælatus acquisiuit, ad Capitulum non transire, nisi & ipsum in præscripta consuetudine sit, vt vacante sede iurisdictionem exercere queat. Sin autem speciali iure seu priuilegio Prælato concessa sit iurisdictione, tum nota est regula Canonistarum, ad Capitulum transire ea, quæ Prælato non communi, sed speciali iure concessa sunt, vt hic Felinus notat mot. quinto, & dixi lib. 1. tr. 4. c. 7. n. 14.

6 Dico III. Neque vacante Prælatura regulari Capitulum seu Conuentus iurisdictionem exerceat, sed ea ad Episcopum spectat, si Monasterium ipsi subiectum sit. Ita sentit Imola hic, Ioan. Andr. in c. 2. n. 3. de testam. in 6. ibid. Archidiaconus, quem allegat Felinus hic, motiuo 4. vbi ait, incautè locutum fuisse Dominic. in c. 2. de testam. in 6. quod secundum iura Conuentus succedat Abbati in iurisdictione; nam secundum Archidiacon. & Ioan. Andr. *Episcopus habet curam status Monasterij, vacante sede, & ipse dat administrationem in temporalibus, & spiritalibus.*

Id verò probatur primò: Quia Episcopus habet omnem iurisdictionem in Monasteria non exempta: tamen verò eam exercere non possit in ijs, quæ pertinent ad disciplinam regularem, dum Prælatus officio suo fungitur: eo tamen deficiente, ad ipsum Episcopum deuoluitur iurisdictionis exercitiũ, iuxta ea quæ dicta sunt in c. quanto, 7. & c. penult. de offic. Ordinarij.

Secundò: Prælato Ordinis Religiosi potissimum subduntur ratione voti obedientiæ, secundum S. Th. in 2. d. 44. in fine. Atqui obedientiæ votum præstat ipsi Ordinis Prælato, non autem Capitulo, aut Priori clau-

strali. Ergo mortuo Prælato, potestas & iurisdictione Prælati, per quam in virtute obedientiæ, vel sub pœna excommunicationis precipere potest, non tranſit ad Capitulum, vel Seniores, seu Priores.

Quærit aliquis: Vtrum Prælatus Ordinis potestatem & iurisdictionem suam alteri delegare possit, cui proinde etiam ex vi voti obediri debeat. Resp. In absentia Prælati haud dubiè potestatem delegari posse alteri, cui tanquam vices tenenti in Monasterio perinde obediendum sit, atque Prælato ipsi. At verò in præsentia Prælati, vtrum videlicet Prior claustralis, Decanus, Rector chori, & similes Officiales seu Vicarij propriè dictam iurisdictionem, atque potestatem præcipiendi in virtute obedientiæ habeant, id ex cuiusque Religionis statutis, & consuetudine cognoscendum est. At verò iure ordinario, & communi negandum est, in his esse talem potestatem, vt bene tradit Suarez cit. c. 11. n. 19. Nihilominus negari non debet, quin dictæ personæ iuxta potestatem sibi commissam, vim aliquam gubernandi ac præcipiendi habeant, ita vt obediri illis etiam in conscientia debeat: sicuti & Ludimagistro in schola, patrifam. in domo: licet propriè dicta iurisdictione careant. Idemque sentiendum, si plures Religiosi simul mittantur ad peregrinationem, vel ad studia literarum, & vnus tanquam senior, aut maturior alijs præficiatur. Quare hinc etiam inferitur, quod mortuo Prælato, qui Prior, Senior, aut Decanus est in Capitulo, iuxta cuiusque Ordinis, aut Monasterij consuetudinem, alios gubernare, ipsique præcipere possit, tamen si propriè dictam iurisdictionem non exerceat, cùm neque verè Prælatus, aut Viceprælatus sit, nisi moris esset in Religione, seu regula, & statuta Ordinis exigant, vt vacante Prælatura, seu Prior, seu alius locum Prælati teneat, interim dum alius constituatur. Ratio reddi debet: Quia Religiosi promittunt obedientiam secundum Ordinis regulam, atque statuta laudabiliter recepta.

Aaaa

CA-

CAPITVLVM XII.

Dilecta.

PARAPHRASIS.

Licet Abbatisa Canonicas suas, & Clericos iurisdictioni suæ subiectos excommunicare nequeat, potest tamen ipsis præcipere, atque ob inobedientias, & culpas punire, etiam interdicens eis officium, atque fructibus beneficiorum priuando.

SUMMARIUM.

1. *Abbatissa & Priorissa iurisdictionis spiritualis, eius præsertim, quæ clauis est ad ligandum & soluendum, incapaces sunt.*
2. *Vsum tamen quandam iurisdictionis huius habent ex commissione Prælatorum; adeo, vt Clericos ad beneficia pleno iure sibi subiecta instituere possint.*
3. *Potest etiam Abbatissa, seu regularis Præposita, Monialibus suis præcipere in virtute S. Obedientie, seu S. Spiritus.*
4. *Iurisdiclio spiritualis differt à potestate gubernatiua spirituali; hanc, non illam prædicta Præposita habent.*

NOTANDVM Vn. Abbatissæ, & Priorissæ iurisdictionis spiritualis, eius præsertim, quæ est clauis Ecclesiasticæ ad ligandum & soluendum, incapaces sunt: quæ ob rem nec excommunicare, nec aliam propriè dictam censuram ferre queunt. Nihilominus ex commissione Prælatorum, habent vñm quandam, seu exercitium spiritualis iurisdictionis, adeo, vt Clericos ad parochias, & alia sibi pleno iure subiecta beneficia instituane, & alia præstent, de quibus plenè dixi in lib. 1. tr. 5. p. 1. c. 3. n. 3. & 4. & legi potest Syl ver. Abbatissa, q. 2. & 3. Azor tom. 1. lib. 13. c. 10. quæst. 6.

Hic quæstio tractanda est; Vtrum Abbatissa, seu regularis Præposita Monialibus suis præcipere possit in virtute S. Obedientie, seu in virtute S. Spiritus. Negat Sanchez lib.

6. moral. c. 2. n. 21. & alij apud ipsum. Nam præceptum imponere in virtute sancti Spiritus, vel in virtute S. Obedientie, pertinet ad gubernationem spiritualem, Atqui Abbatissa non habet gubernationem spiritualem, sed tantum temporalem, & politicam, sicuti quævis materfamilias, vt etiam Sotus in 4. d. 20. q. 1. a. 4. Rodriq. tom. 1. regul. q. q. 15. a. 1. & alij communiter tradunt. Exinde infert Sanchez n. 30. Tametsi aliqua materia capax esse possit obligationis sub mortali, si præcipiatur à Prælo Ordinis, vel Episcopo, quippe qui finem alio rem supernaturalem spectat, non ideo consequens esse, vt eadem materia sufficiens sit, si præcipiatur à Præposita seu Abbatissa, quippe minùs præstantem, vid. temporalem finem perse, ac directè intendente. Nam ob hanc ipsam causam auditio Missæ v. g. ab ecclesiastica potestate præcipi potest sub peccato mortali, cum omissione etiam vnus diei grauis iactura spiritualis animæ inferri possit. Sed in ordine ad finem politicum, quem per se ac directè spectat, v. g. Magistratus Academicus, & similiter Abbatissa, seu Præposita, non potest hæc res adeo grauis videri, & tantæ obligationis capax. Contrarium docet Azor tom. 1. lib. 13. c. 10. q. 7. & melius Suarez tom. 3. de Relig. lib. 10. c. 11. n. 20 quæ sententia mihi nunc placet. Nam reuerà Moniales vouent obedientiam Abbatissæ, tanquam Præfectæ, ac matri suæ spirituali. Quare negari debet, quodd gubernatio, seu potestas præcipiendi in Abbatissa residens, per se ac directè non spectet finem supernaturalem, seu quodd Abbatissa Moniales suas ad regulæ, & votorum suorum obseruationem compellere non possit, per se atque directè propter perfectionem earum spirituales.

Si obijcias: Abbatissa non habet propriè spirituales iurisdictionem, quæ ob rem excommunicare non potest: Ergo nec habet potestatem seu gubernationem spiritualem, ita vt præcepta spiritualia, seu in ordine ad finem spirituale imponere queat. Resp. negando consequ. Pro cuius intellectu aduerte, iurisdictionem spiritualem differre à potestate gubernatiua idem spirituali; & has potes

potestates interdum coniunctas, interdum verò separatas esse. Coniunctæ sunt in Præſſato Ordinis: Nam is imprimis ob votum obedientiæ, ſibi vt patri ſpirituſali præſſitutum, poteſtatem habet Regularibus imponendi præcepta ſpirituſalia, ac præcipiendi in virtute S. Spiritus, &c. Deinde verò habet iuriſdictionem ſpirituſalem atque eccleſiaſticam, cuius fundamentum, ſeu potiùs occaſio eſt triſſum votorum ab Eccleſia acceptorum editio: ſed proximè ac directè ea poteſtas non provenit à vouentibus, ſed à Superioribus Eccleſiæ Præſſatis, ipſoque Sum. Pontifice, vnde omnis eccleſiaſtica iuriſdictione, ligandi ac ſoluendi poteſtas conueniente ordine deriuatur. Separatæ autem eſſent iſtæ duæ poteſtates in caſu, ſi laicus v.g. aut clericus ſecularis Confeſſario, tanquam ſpirituſali Patri ſuo, obedientiam voueret. tum Confeſſarius licet iuriſdictionem eccleſiaſticam in eum nō haberet, vt v.g. eum excommunicare poſſet, aut in eius votis diſpenſare, &c. quamobrem neque Præſſatus eiſeſſet, nihilominus ſpirituſalia ei præcepta imponere, atque in virtute S. Obedientiæ ipſi, quæ ad ſalutem animæ ſpectant, præcipere poſſet. Ita nos dicimus de Abbatibus ac Prioribus, quamuis ipſe habeant ſaltem uſum quendam ſeu exercitium iuriſdictionis ſpirituſalis, ita vt quodammodo Præſſatæ dici mereantur: quamuis earum præſſatura & poteſtas multum dependens, & ſubordinata ſit Præſſatis Viris.

CAPITVLVM XIII.

Dilecti.

PARAPHRASIS.

Archiepiſcopus, & Patriarcha Grædenſis exigebat à Caſtellano epicoſpo iuramentum ad plura ſe extendens, quàm alioquin Suffraganei epicoſpi metropolitanis ſuis iurare cōſueuerant. Quod cū viderent Archidiaconus, & Capitulum Caſtellanum, attendentes exinde Eccleſiæ ſuæ præiudicium generari poſſe, ad Sedem Apoſtoli-

cam appellarunt. Recepta appellatione mandat Gregor. IX. vt Grandenſis Patriarcha contentus formâ canonicâ iuramenti, quod Pontifex ab Epicoſpis immediatè ſibi ſubiectis recipere ſolet, c. Ego N. 4. de iureiur. nihil ultra eam formam prætextu iuramenti, quod propter conſuetudinem ſe recepiſſe aſſerit, à dicto Epicoſpo exigat; ſciens, quod Papa illum à iuramento, quoad alios ultra communem formam contentos articulos abſoluerit, vel potiùs non obligatum eſſe declararit.

SUMMARIUM.

1. Si Epicoſpus eccleſiam alteri ſubijcere, vel omni quodlibet imponere aſſerit, Capitulum ſe opponere, & appellare poteſt. Imò quibus eiſeſſet Clericus, & in horum deſectu Superior ex officio ſuccurrere debet.
2. Simile eſt, ſi dominus ſoci territorium aut iuriſdictionem alteri ſubijcere velit. ſubditi enim & vaſalli contradicere poſſunt.
3. Si quis contra gravamen extraiudicialiter appellauit, quæ poſtea contra appellatum aſſa, vel attentata ſunt, iudicis officio reſcinduntur, ſi quidem cauſa appellationis iuſta & probabilis fuerat.
4. Iuramentum non obligat cedens in præiudicium Eccleſiæ, vel perſonæ tertie.
5. Vt conſuetudinis diſtincta obſeruari poteſt, vt Metropolitanus Coſpiſcopus iuramentum obedientie præſtare debeat.

Pro intellectu duo aduertenda ſunt: I. Quod olim Epicoſpi Metropolitanis ſuo, à quo confirmationem accipiebant, iuramentum obedientiæ ac fidelitatis præſtare ſoliti ſint, nunc verò id iuramentum præſtant Pontifici, vt Abb. hic notat n. 3. II. Non ſatis ex textu apparet, vtrum Patriarcha ab Epicoſpo Caſtellano iuramentum receperit ante interpoſitum appellationem, an verò poſt appellationem. Si poſtea accepit, tum

Aaaa 3 ver.

verbum *exigeres* propriè afficit ipsam iuramentum, ut sensus sit, eum Capitulum & Archidiaconus viderent, quod Patriarcha postulare sibi tale iuramentum præstari, appellarent, ne id fieret: Sed non obstante appellatione præstitum fuit iuramentum. Sin autem iuramentum fuit factum ante appellationem, tum verbum *exigeres* refertur ad effectum iuramenti, ut sensus sit, eum viderent exigi, quod iuratum erat, cum Ecclesiæ suæ præiudicio, ad Sedem Apostolicam appellasse.

1. **NOTANDUM I.** Si Episcopus Ecclesiam alteri subijcere, aut quodlibet onus imponere attentet, Capitulum se opponere, & appellare potest: Imò non tantum Capitulum, sed etiam alius quilibet eius Ecclesiæ Clericus, e. si quis, d. de rebus Ecclesiæ non alienandis. Quod si omnes tacerint, Superior ex officio succurrere debet: eum agatur causa publica Ecclesiæ, sicuti notat Imola hic n. 7. Abb. n. 3. Felinus §. Quilibet de Clero. Et simile esse aiunt, si Dominus loci territorium, aut iurisdictionem alteri subijcere velit, quod subditi & vassalli contradicere possint, cum ipsorum interfit, ne pluribus dominis seruiant, maioribusque oneribus grauentur, uti Imola hic notat n. 5. Abb. n. 1. arg. e. vlt. hoc tit. iun. Gl. ubi idem Abb. ait: Quod dominus non potest componere super iure superioritatis in præiudicium subditorum, atque consensu eorumdem. Nam interest eorum non habere multos dominos, aut dominum non mutari. Merito autem opponebant se hoc loco Canonici, quia iuramentum exigebatur ab Episcopo prætextu consuetudinis, consequenter ita, ut esset onus reale ipsius Sedis Episcopalis, atque ad successores transiens, sicuti ex Glossa. idem Imola aduertit hic n. 8.

3. **NOTANDUM II.** Si quis contra gravamen extraiudicialiter appellauit, quæcunque postea contra appellationem acta vel attentata sunt, Iudicis officio rescinduntur, si causa appellationis iusta ac probabilis fuerat. Ita tradit Imola hic n. 1. 2. Felinus n. 4, ubi latè prosequitur, quod remedium reuocandum attentorum melius sit, quam inter-

dictum vnde vi, seu possessionis recuperandæ: nam appellanti sufficit ostendere, quod tempore appellationis fuerit in possessione: nam hoc ostenso, etiam summaria cognitione, contra quemcumque possessorem reuocandus est in pristinum statum, reuocatis omnibus attentatis post appellationem. Dixi de hac re in qq. disput. de elect. q. 1. §. & docent DD. in c. causis 30. de elect.

NOTANDUM III. Iuramentum non obligat, quatenus cedit in præiudicium, seu iniustam lisionem Ecclesiæ, vel personæ tertie. Nam sicuti simplici promissione se ipsum quisque obligare potest, non alium, neque Ecclesiam suam sine debita solemnitate; Ita neque accessione iuramenti: Nam iuramentum retinet naturam actus, cui adiungitur, uti docent DD. in l. vlt. C. de non numerata pecunia.

Quæri potest hoc loco: Num Metropolitanus per consuetudinem diuturnam obtinere possit contra Coepiscopum, ut in sui institutione iuramentum obedientie secundum certam formam præstare cogatur. Arbitror esse affirmandum, cum Abb. hic, in Gl. penult. Verum in hoc casu opus erit consuetudine immemoriali, qualis hic defecerat, aut ostendi nõ poterat: Cum enim canones certam formam iurandi præscriberet, ideo Metropolitanus aliud iuramentum exigens habebat sibi ius commune contrarium, consequenter opus erat ostendere consuetudinem, cuius iurij nulla memoria existeret, iuxta c. 1. de præscript. in 6.

CAPITVLVM XIV.

Cum olim.

PARAPHRASIS.

Vacante Prælatuſa Monasterij Saluatoris Mellanenſis, Conuentuales in Abbatem elegerunt personam indignam: quamobrem pro ea vice eligendi potestate priuati erant. Sed Gregor. IX. ex gratis speciali concessit illis eligendi seu postulandi facultatem: Adjiciens tamen ad datum, ut, quia eo tempore Ecclesia Cathedralis Mellanenſis

Messanenſis vacabat, Abbatem à ſe electum præſentent Capitulo Meſſanenſi, ut electionem confirmet, vel infirmet, ſicut de iure fieri oportet.

S U M M A R I U M.

1. Capitulares etiam inferiorum eccleſiarum eligentes indignum in Prælatum, ipſo iure ipſo vice priuantur eligendi poſſeſſare.
2. Vacante Sede Epiſcopali, Capitulum confirmat & infirmat electionem Abbatum, & aliorum Prælatorum, qui non excepti ſunt.
3. Inſtituti etiam præſentatos ad beneficia præſentare, non autem ea conferre poſſunt, quæ libera ad Epiſcopum ſpectantis collationis ſunt.
4. Neque eorum beneficiorum collationes, aut Prælatorum electiones inſtituere poſſunt, quæ ad Epiſcopum deuolutæ ſunt.
5. Capitulum Cathedralis eccleſiæ, Sede Epiſcopali vacante, exercet omniam iuriſdictionem Epiſcopalem ordinariâ, tam temporalem, quàm ſpécialem, præterquàm quod alienationes & donationes facere, & quæ arduæ ac præiudicialia eſſe poſſint, expedire nequeat.
6. Poſſeſt Capitulum vacante Sede, in caſibus Epiſcopalibus diſpenſare & abſoluere, & per conſequens Penitentiarium conſtituere, qui à peccatis reſeruationis abſoluat.
7. Poſſeſt Statuta obligantia totam diœceſim facere, quæ perpetua ſunt, & durent etiam conſtituto Prælato, qui tamen ea reuocare poſſeſt, ſi telis, modo in ea non inſeruit.
8. Poſſeſt etiam compellere executores reſtamentorum ad exequendum, eos punire, & ab ijs rationes exigere.
9. Indulgentias dare non poſſeſt.
10. Neque onerare Epiſcopatum pecunijs mundæ acceptæ, niſi utilitas & magna neceſſitas ac euidenti ad hoc cogat.
11. Non poſſeſt Capitulum eccleſiæ regula-

riæ Cathedralis Religioſæ ad Monafterium Sede vacante admittere; per conſuetudinem tamen hanc poſſeſſatem acquirere poſſeſt.

11. Reſignationes beneficiorum abſolue factæ à Capitulo à vacante Sede, recipi non poſſunt.
12. Poſſeſt Capitulum dare Abbati, vel ſimili Prælato licentiam tranſeundi ad Prælaturam alterius diœceſis.
13. Nomine cauſarum arduarum, quæ vacante Sede à Capitulo expediiri non poſſunt, intelliguntur ea, quæ grauia & ſecundum conſuetudinem eccleſiarum ſolis Epiſcopis competere conſentur, vbi ſunt Synodus congregare, diœceſim viſitare, Capitulum inſtituere &c. & hac extra neceſſitatem cauſarum Capitulo non competunt.

N O T A N D U M I. Non tantum Eccleſiæ Cathedralis, ſed etiam inferiorum Eccleſiarum Capitulares ipſo iure eligendi pro vna vice poſſeſtatem priuantur, ſi perſonam indignam in Prælatum eligant. Ita ſumitur ex hoc e. ſecundum communem eius intellectum.

N O T A N D U M II. Vacante Sede Epiſcopali, Capitulum ordinariam Epiſcopalem iuriſdictionem exercet: quatenus electos Abbates, & alios Prælatos non exemptos confirmat, ut hic apparet. & præſentatos à patronis inſtituit, e. 1. de inſtit. Sed quæ liberæ ad Epiſcopum ſpectantis collationis beneficia ſunt, Capitulum vacante Sede conferre non poſſeſt, cit. e. 1. Quia electos confirmare, & præſentatos inſtituere, ſi idonei ſunt, neceſſitatis actus ſunt: Sed libera collatio donationem magis continet, quæ Sede vacante Capitulo interdicitur eſt. Quam rationem aſſert Gl. in cit. e. 1. ver. non poſſit. Abb. hic col. 1. argum. e. ult. de offic. Vicarij in 6. Rebuffus in præxi tie. de deuolut. n. 101. Garcias de benef. p. 5. c. 7. & ſeqq. Vbi generalem limitationem comprobat: Quotieſcunque collatio beneficij, alioquin non patronati, neceſſaria eſt, ut quia certæ perſonæ, aut alicui ex

certa familia conferri debet, à Capitulo fieri posse.

NO TANDUM III. Capitulum vacante Sede beneficiorum collationes aut Prælatorum electiones instituere non potest, quæ ad Episcopum deuolutæ sunt. Id docui in qq. de elect. q. 102. & tradit hic Abb. col. 2. Lapis in c. vn. hoc tit. in 6. Franc. Pavinus de potestate Capituli vacante Sede p. 2. q. 2. Rebuffus in praxi tit. de deuolutione. n. 93. contra Ioann. Andr. c. quamquam, de elect. in 6. Anchar. in c. vn. hoc tit. in 6. Ex sumitur ex hoc c. Nam alioquin Pontifex non præiudicaret Capitulo Messanensi, si propter delictum Conuentus electionis Abbatis ad ipsum pertinuisset: Non enim facile gratiam Pontifex conferre solet cum derogatione iuris alieni. Sed quia Sedes tunc vacabat, ideo ne Abbatis electio diu differretur, Pontifex ex gratia permisit Conuentui nouam electionem. Et confirmatur hæc doctrina ex c. vn. Ne Sede vacante, in 6. ubi regula negatiua habetur, quod beneficia ad Episcopum collationem spectantia Sede vacante Capitulum conferre non possit: neq. in iure reperitur exceptio aliqua quoad casum istum deuolutionis. Accedit, quod Pius V. in Bulla 161. quæ incipit: *Sanctissimus*, omnia beneficia, quorum collatio ad Episcopum quomodolibet pertinet, vacante Sede sibi reseruauit.

Cæterum, cum de potestate Capituli varia dicant Doctores, ut videre licet apud Abb. & Felinum hic, Ioann. Franc. Pavin. de offic. & potest. Capituli Sede vacante, Quarantam in Bullario, ver Capitulum Sede vacante, Barbosa de potest. Episc. p. 3. alleg. 73. placet de ea re generalem Regulam statuere. Capitulum Sedis Cathedralis vacante Sede exercet omnem administrationem, & iurisdictionem Episcopalem ordinariam tam temporalem, quam spirituales, præterquam quoddam alienationes, & donationes facere non possit, neque quæ ardua, & præiudicialia esse possunt, absq. necessitate ab eo expediri. Videri potest Ioann. Franc. Pavinus de potest. Capituli Sede vacante. q. 1. & seqq. Dixi primò: Quoddam pos-

sit Capitulum exercere iurisdictionem Episcopi ordinariam: siue ea ex iure communis competat, siue per consuetudinem acquisita sit, ut hic Abb. docet q. 10. siue ea speciali iure ac privilegio in perpetuum concessa sit Episcopis, ita ut in ordinariam transseat, cuius exemplum habes in Concil. Trid. sess. 24. c. 6. de reform. Nam in tali potestate, quæ Episcopis iure speciali ordinario competit, Capitulum succedere, plerique DD. docent apud Sanchez lib. 8. de matrimonio. disp. 2. n. 10. Barbosa in remiss. super cit. c. 6. Trident. Secus est, si Episcopis absolute & in perpetuum aliquid commissum sit, ut expediant authoritate Apostolica, seu ut delegati Sedis Apostolicæ: talis potestas ad Capitulum non transit; nam Capitulum succedit Episcopo in iurisdictione ordinaria, non in delegata. Si autem Episcopis per viam iuris in perpetuum quippiam commissum sit, ut tanquam Sedis Apostolicæ delegati expediant, censetur esse potestas non ordinaria, sed delegata, secundum Gl. in c. ad abolendam, q. ver. delegatis, de hereticis, Abb. hic dub. 5. Barbosa cit. ver. Capitulum in princip. & de potest. Episcop. p. 3. alleg. 92. Garcia de benefic. p. 5. c. 7. n. 39. & alij apud Pavinum p. 1. q. 10. Sanchez cit. n. 10. Nam hoc ipso quoddam authoritate Apostolica procedere debent Episcopi, non agunt ex proprio seu ordinario Episcopali officio, adeoque non iure ordinario, sed delegato, argum. c. ult. de offic. Ordinarij. Exemplum afferunt Lapis, & Ancharan. in c. vn. hoc tit. in 6. ex Clem. 2. de statu Monachorum, ubi statuitur, ut Ordinarij locorum Monasteria Monialium, quæ exempta non sunt, authoritate ordinaria, quæ autem exempta sunt, tanquam Sedis Apostolicæ delegati, singulis annis visitent: Et plura alia per Trident. Concil. Episcopis concessa sunt, ut in Religiosos exemptos exercere valeant, tanquam Sedis Apostolicæ delegati, de quibus dixi in c. quanto. 7. de offic. ordinarij.

Potest autem Capitulum vacante Sede in casibus, qui vel per se, vel per accidens, (videl. propter difficultatem adeundi Pontificem)

tificem) Episcopales, seu ordinariæ Episcopalis iurisdictionis sunt, dispensare, & absolueri, consequenter Pœnitentiarum constituere, qui à peccatis referuatim absoluat, uti notauit Abb. in c. his quæ, in fine, hoc tit. Quaranta cit. ver. Capitulum Sede vacante, q. 3. & constat ex c. vn. hoc tit. in 6.

Potest item Capitulum vacante Sede facere statuta obligantia totam diocesim, ita ut perpetua sint, & durent etiam constituto Prælati, qui tamen, si velit, eadem reuocare poterit: cum pari, videl. Episcopali iurisdictione præditus sit, nisi in illa iuravit: dummodò honesta & laudabilia sint, neque Ecclesiæ, aut Episcopali iuribus iuste acquisitis præiudicantia: alioquin enim non valet iuramentum: cum Canonici vacante Sede nihil possint statuere de rebus Episcopatus, in ipsius præiudicium, c. sicut, 27. iun. Gl. ver. in c. damnunt, de iureiur. & tradit Felinus in c. cum omnes, n. 10. de Constit. Pavinus p. 1. q. 6. n. 8.

Potest etiam Capitulum vacante Sede compellere executores testamentorum ad exequendum, & negligentes punire, atque rationes ab eisdem exigere, sicut Episcopi possunt: cum hæc ad ordinariam eorum iurisdictionem spectent, c. tua, 17. c. Ioannes, 19. vbi Couar. n. 1. de testament. Cardinal. Zabarel. in Clem. vn. col. 2. ver. Quæro cum vario modo, de testament. Ancharan. in c. vn. hoc tit. in 6. Pavinus in cit. tract. p. 2. Quaranta q. 7.

Id verò magis dubitatur, Verùm Capitulum vacante Sede Cathedrali indulgentias dare possit. Affirmat Abbas hinc q. 13. Pavinus de potest. Capituli Sede vacante, p. 1. q. 4. Sed alij Canonistæ, ut Pavinus testatur, communiter negant: Quia, ut Ecclesiæ praxis testatur, potestas dandi indulgentias Episcopis concessa est ratione dignitatis, ac præminentie Episcopalis; quare alij qui Episcopi non sunt, licet Episcopalem vel quasi Episcopalem iurisdictionem exercent, non conceditur, uti notauit etiam Suar. p. 3. t. 4. disputat. 54. l. 4. n. 5.

Dixi secundò: Quod Capitulum dona-

iones, & electiones bonorum, seu iurium Episcopatum Sede vacante instituere non possit, c. si qua de rebus, 42. causa 12. q. 2. & dixi lib. 1. Theol. moral. tr. 4. c. 7. n. 14. Sed neque per quibus merito acceptis Capitulum onerare potest Episcopatum nisi utilitas, ac necessitas magna & euident sit, ut & id facere potest, ita ut successor obligetur, tanquam cuius negotium utiliter gestura fuerat, uti docet Gl. recepta in c. cupientes, 16. §. ad hæc. ver. aliunde, de elect. in 6. Pavinus p. 2. q. 8. n. 20. Gutierrez lib. 1. canon. qq. c. 1. n. 132. Quaranta loco cit. q. 6.

Deinde, sicuti Capitulum Sede vacante non potest beneficia secularia conferre, quæ ad Episcopi collationem, præsentationem, vel electionem spectant, c. 2. Ne Sede vacante, ita nec potest Religiosos ad Monasterium admittre, si Ecclesiæ regularis Cathedralis Capitulum sit, argum. c. vn. Ne Sede vacante in 6. & tradit Gl. in c. vlt. ver. creari, de regular. in 6. ibid. Dominicus in fine, Syl. ver. religio, 3. q. 13. Sanch. lib. 5. moral. c. 4. n. 67. Pavinus in cit. tract. p. 1. q. 8. n. 8. Quod Capitulum, seu Conuentus regularis siue Ecclesiæ Cathedralis sit, siue non Cathedralis, vacante Sede seu Prælati, non possit Religiosos ad professionem admittre: quandoquidem talis admissio seu creatio Monachi, spectato communi iure, ad solum Abb. spectat, argum. c. nullam, 9. causa 18. q. 2. & c. Ad Apostolicam, 16. de Regular. & ex communi docet Sanchez cit. c. 4. n. 64. Verùm per consuetudinem Conuentus acquirere potest ius ad professionem admittendi: Quod maximè locum habet, si Ecclesiæ Cathedralis sit, eiusque Episcopus non professus, vel si Monasterium incorporatum, vel commendatum sit Prælati seculari, qui fortassis nec residet in Monasterio, facile inquam, seu consuetudine seupriuilegio, acquirit potest. Conuentui, vel ei, qui Prior aut Præpositus est Conuentui, ut Monachos creet, seu ad professionem admittat.

Denique resignationes beneficiorum, si absolute & simpliciter fiant, à Capitulo vacante

vacante Sede recipi non possunt, spectato communi iure. Ita docet Flaminus de resignat. lib. 7. q. 23. n. 37. Rebuff. in praxi. tit. de deuolut. n. 59. q. 9. limit. 5. argum. c. vn. §. cūm verò. Ne Sede vacante, in 6. vbi dicitur, quòd Capitulum in beneficijs ad Episcopi collationem spectantibus se intrmittere non possit: Accedit, quòd resignationem beneficii accipere, est gratia seu remissio obligationis, argum. c. admonet. 4. de renunt. & ex communi tradit Garcias de benef. p. 5. c. 7. n. 2. Ergo à Capitulo fieri non debet, cūm vacante Sede iura Episcopalia diminui non debent. Secus verò dicendum, si collatio beneficii ad Episcopum & Capitulum simul pertineat. vel si resignatio accipitur propter crimen commissum, seu in pœnam: aut ob aliquam necessitatem: vel si causa permutationis: his casibus Capitulum potestatem dare poterit, vt iisdem DD. notant. Atque obeandem causam Capitulum, vacante Sede, beneficiorum vniones instituere, quia & beneficia diuidere potest: quia eiusmodi propter utilitatem Ecclesię, seu ob causam rationabilem fieri solita ad Episcopalem iurisdictionem spectant: Ergo à Capitulo, vacante Sede, expediuntur, dummodò eiusmodi vnio, aut diuisio non per se tendat in Capituli utilitatem; neque per eam iuri Episcopali præiudicetur, vt dixi lib. 4. Theol. moral. tr. 2. c. 9. n. 6.

§ 2 Sed numquid Capitulum vacante Sede licentiam dare potest Abbati, vel simili Prælato transeundi ad Prælaturam alterius diocesis. Gl. hic negat ver. Capitulo, eò quòd hæc sit veluti species quædam alienationis. Sed præstat, vt affirmemus cum Abb. hic dub. 2. Ioan. Andr. c. si Abbatem, 36. de elect. in 6. Pauino in clt. tract. p. 1. q. 8. n. 2. Nam hæc non est proprie alienatio, vt colligitur ex c. si Religiosus, 27. §. Quia verò, de elect. in 6. Ergo locus est regulę, quòd Capitulum succedat in potestate ista, cūm ad Episcopalem iurisdictionem spectet.

§ 3 Tertio dixi in regula: Quòd quæ ardua sunt, &c. Capitulum absque necessitate expedire non possit. Quod non ita generali-

ter accipi debet: quasi causas arduas Capitulum vacante Sede expedire nequeat: cūm talem absolutam prohibitionem in iure non reperiamus. Etenim causę matrimoniales graues, & arduę censentur, c. 1. de consang. & affinit. & tamen vacante Sede Capitulum eas cognoscit, argum. c. veniens, 7. de eo qui duxit, & docet Pauinus q. 1. p. n. 8. Quaranta ver. Capitulum Sede vacante. q. 5. Sed debet intelligi, quòd quæ grauiora, & secundum consuetudinem Ecclesiarum, solis Prælati seu Capituli Ecclesiarum Episcopis competere censentur, vt Synodum congregare, discessum visitare, charitativum subsidium postulare, Capitulum instituere non possit, nisi necessitas cogat, sicut de visitatione in necessitatis casu tradit Pauinus p. 1. q. 7. Barbosa de potest. p. 3. allegat. 73. n. 24. Et de subsidio charitativo docet idem Pauinus p. 1. q. 19. n. 18. De Synodo verò, num à Capitulo vacante Sede congregari possit, tractat idem Pauinus p. 1. q. 7. n. 3. Henricus Bottæus de Synodo Episc. p. 1. q. 6. n. 40. & vterque affirmat. Sed arbitror, eodem modo dicendum esse de Synodo, sicut de visitatione, absque necessitate instituendas non esse à Capitulo, si paulò post Episcopum instituendus speretur: Secus, si Sedes diu vacatura sit, vt quia Episcopus ab hostibus captus sit, vel si alia necessitas, ingruat, vt res moram non patiatur.

CAPITVLVM XV.

Statuimus.

PARAPHRASIS.

Statuit Gregor. IX. vt in Ecclesiā S. Marię maioris in Vrbe Clerici alij alios antecessant secundum ordinum gradus, & non quatenus prius recepti sunt: Et similiter in portione beneficii percipienda qui maiores in ordine sunt, etiam si posterius recepti alij potiores sint, denique vt qui in minoribus ordinibus sunt, seruitia consueta peragant.

SYMMARIUM.

1. *Consuetudo Urbis fuit, ut Clerici minores in Canonicos assumerentur, nulla redituum portione seu beneficio assignato usque ad tres vel quatuor annos. Et qui maior in his erat ordine, licet postremus esset assumptus, in loco, & portione praefereretur.*
2. *Contraria est multarum ecclesiarum consuetudo, ut Canonici prius recepti, licet maiores sint ordine, in loco, & qui tempore antiquiores, in prae-benda praeferantur, non habita ratione, an Sacerdotes sint, Diaconi, an Subdiaconi tantum.*

Hec Constitutio localis est, pro Ecclesia Urbis; in qua consuetum erat, ut Clerici minores in Canonicos reciperebantur, nulla eis reddituum portione, seu beneficio assignato, usque ad tres, vel quatuor annos: atque interim seruitia Ecclesiae peragere debebant, videl. ecclesiam purgare, campanas pulsare, lampades accendere. Cum vero in promotione horum ad prae-bendas, seu beneficia antea haberetur ratio antiquitatis, ita ut qui prius receptus esset, in consequenda prae-benda, seu portione beneficii praeferretur, item ut inter ipsos prae-bendatos, qui tempore priores erant, alios antecederent: sustulit hoc Gregor. IX. & statuit, ut in his non temporis, sed suscepti ordinis ratio haberetur, ut ita ad promerendum ac desiderandum ascensum in ordinibus excitentur, iuxta c. queris, 6. de aet. & qual. ordin. Ita explicat Innoc. hic, & Ioan. Andr. n. 7.

2. Sed contraria est multarum Ecclesiarum consuetudo, ut Canonici prius recepti alios antecederent, licet hi maiores in ordine existant: Item ut qui tempore antiquiores sunt, in assignatione prae-bendarum alijs praeferantur, non habita ratione, utrum Sacerdotes sint, Decani, an Subdiaconi tantum. Hanc consuetudinem damnat Abb. hic, quod sit contra Ecclesiae honestatem. Sed non est audiendus: Tamen enim consuetudine intro duci non possit, ut, si caetera aequalia sint,

Diaconi Presbyteris, & Subdiaconi Diaconis anteferantur, tamen si aliqua honesta & rationalis prae-rogativa adsit, adeoque caetera paria non sint, tum nihil obstat, consuetudinem talem introduci: Est autem temporis, seu antiquitatis prae-rogativa admodum rationalis, ut constat ex reg. 54. Qui prior tempore, posterior est iure, & docet hic ex Hostiensis Felinus, argum. c. ult. de consuet. in 6. ut approbatur consuetudo, ut vacante aliqua prae-benda antiquiores Canonici ius optandi habeant, nulla habita ratione sacrae ordinationis suae.

Sed contra textum obijci potest: quod is, qui prius in Canonicum receptus est, alijs postea receptis in assignatione prae-bendae sit praeferendus, iuxta c. quia saepe, 15. de prae-b. in 6. & c. dilectus, 27. extra, eod. ubi additur, si factus factum fuerit, quod Canonici interim ex ecclesiae redditibus providere teneantur, donec ei beneficii prae-benda designetur: Quibus constitutionibus repugnare videtur hoc c. Resp. Non repugnare: Loquitur enim de clericis minoribus, qui secundum eius ecclesiae consuetudinem in Canonicos recipiebantur, ea conditione, ut prae-bendam assequerentur citius, aut tardius, prout spectatis eorum meritis, & ordinis gradu, Ecclesiae Praelato visum esset. Sed iura superius allegata loquuntur, in casu, quo aliquis in Canonicum assumitur, ita ut vel statim ei prae-benda assignanda sit, vel cum proxime vacatura est. Videri potest Innocent. hic, & Abb. in fine cap.

CAPITVLVM XVI

Cum inferior.

PARAPHRASIS.

Cum Archiepiscopus Colocensis ex mandato Pontificis Monasterium quoddam in Firmiensi Archidiaconatu Colocensis diocesis constitutum erexisset in Ecclesiam Cathedrali, Archidiaconus Firmienfis in Episcopum inibi consecratum, & Ec-

Bbbb clusam

clesiam eius, iurisdictionem exercere ausus fuit. Id absolum esse iudicans Gregorius I. X. c. quodam inferior Superiorem soluere, & ligare non possit, sed Superior inferiorem, mandat Archiepiscopo, ut id Archidiacono erga Episcopum & Ecclesiam eius inhibeat, quippe cum à iurisdictione illius ipso facto exempta sit. Si verò per hoc Archidiaconi iura diminuantur, ipsi aliunde in diocesi eadem, ubi expedire iudicauerit Archiepiscopus, compensationem facere debet, tamen sine præiudicio iuris alieni.

SUMMARIUM.

1. *Monasterium erigi potest in Ecclesiam Cathedrali, nam eius Prælatus regularis, vel secularis, Episcopus existat, qui hoc ipso exemptus est à iurisdictione Prælati non Episcopi.*
2. *Episcopo noniter instruito si Archidiaconatus intra fines eius diocesis existat, Archidiaconus subiectus erit.*
3. *Archiepiscopus delinquens in diocesi sui Coepiscopi, ab eo puniri non potest.*
4. *Puniri tamen potest Episcopus extraneus à Prælato non Episcopo, v. g. Abbate, vel Praeposito exempto, si in huius territorio delinquat, siq. ratione delicti eius subditus.*
5. *Hæc duo ordinariè connexa sunt: qui ligare potest, potest etiam soluere, & vice versa.*

NOTANDUM I. Monasterium Religiosi Ordinis erigi potest in Ecclesiam Cathedrali, ita ut Prælatus eius, regularis, aut secularis, Episcopus existat. Ita etiam habetur in c. 1. Ne Sede vacante, iuncto c. nullus, 28. de elect. in 6.

NOTANDUM II. Si Ecclesia Collegiata, aut Conuentualis in Cathedrali erigatur, ipso facto eximitur à iurisdictione Prælati, qui Episcopus non est. Ita Innocent. & Ioann. Andr. hic n. 1. Abb. not. ult. Imola n. 2. contra Gl. ver. exemptum. Ratio est: Quia non est conueniens, sed alienum ab

Ecclesiastica bene instituta hierarchia, ut iurisdictione Episcopalis, quæ superior esse debet, ac veluti culmen Ecclesiasticæ potestatis, subijciatur iurisdictioni inferiori, videl. Archidiaconali.

Corollarium: Si Episcopo noniter instruito assignetur diocesis, intra cuius fines Archidiaconatus existat, tum Archidiaconus illi subiectus erit, spectato communi iure, argum. c. regenda, 4. causa 10. q. 3. c. cum personæ, 7. de priuileg. in 6. Sin autem Archidiaconatus non comprehendatur in diocesi illius, tum nec Archidiaconus Episcopo, nec Episcopus Archidiacono subiectus erit.

Corollarium II. Si Archiepiscopus delinquat in diocesi Coepiscopi sui, ab eo puniri non potest: quia inferior non potest ligare, aut soluere Superiorem suum: Similiter quæ si Episcopus delinquat in Archidiaconatu suæ iurisdictioni subordinato. Quare talis causa ad Superiorem Iudicem, videl. ad Papam, vel Metropolitanum deferenda erit, secundum doctrinam Innoc. hic communiter receptam.

Sed id in questione est: Si Episcopus extraneus delinquat in territorio Prælati non Episcopi, v. g. Abbatis, vel Praepositi exempti, utrùm ab eo puniri possit, siue tridum ratione delicti efficiatur subditus eius. Affirmandū est eum Innocent. hic, Abb. Felino, & alijs: Quia maius hoc per accidens se habet, ideoque Episcopus in aliena diocesi, aut territorio delinquens quasi persona priuata censetur. ut docet Abb. in c. sanè, 3. n. 4. de foro compet. arg. l. 3. ff. de offic. Præsidis, iun. Gl. ver. Præses. Quemadmodum & Archiepiscopus si in diocesi aliqua extra prouinciam suam delinquat, Episcopi eius loci iurisdictioni subijcitur; ita tamen ut deferatur dignitati Episcopali, & in maioribus causis contra Episcopos non procedatur, cum Sedi Apostolicæ referentur, ut Gl. notauit in c. Inquisitores, 16. ver. Apostolicæ, de hæret. in 6. & dixi lib. 1. Theol. moral. tr. 4. c. 7. n. 7.

Nec obstat, si obijcias, quoddam maior non subijciatur minori: Ergo nec Archiepiscopus

piscopus alieno Episcopo subijci potest. Respondetur enim, antecedens formaliter intelligendum esse, quod maior ei, cuius maior seu Superior est, & vno verbo, suo inferiori non subdatur. Archiepiscopus non est maior, seu Superior Episcopi alieni: ergo nihil obstat, quin ipsi ratione delicti subijciatur. *Qua* ratione ait Abb. in c. dilecto, 40. n. 12. de testibus, quod Iudex maior ac dignior potestate si falsum deponat coram Iudice minore, sibi tamen non subdito, ab ipso puniri possit, quia respectu eius habet se ut priuata persona. Præterea, dictum illud, Superior ligari, aut solui non potest ab inferiore, seu subdito suo, limitari debet. Nisi se sponte ei subijciat, in casu, quo id lex seu canon permittit. *Qua* ratione Pontifex subijcit se Confessario suo in foro penitentiarum.

5 NOTANDUM III. Hæc duo connexa esse solent. Quod qui ligare potest, idem & absoluere, ac vice versa: adeoque eiusdem est ligare, cuius & soluere. Ita ex textu hoc colligit Gl. communiter recepta, ver. ligare. Sed est id intelligendum, si alicui ex officio, seu iure ordinario horum vnum competere debeat, ut hic notat Ioann. Andr. n. 11. Abb. ad cit. Gl.

Deinde intelligi debet de iurisdictione fori externi: At verò in foro penitentiarum Parochi iure ordinario absoluunt ab excommunicationibus non reservatis, & tamen excommunicare non possunt. Sed & in iurisdictione externi fori regula non est vniuersalis; cum fallat in Legato Papæ à latere, qui ex Provincia abiens excommunicare non potest, & tamen clericorum percussores absoluere potest, argum. c. excommunicatis, 9. de offic. Legati, & notauit Ioann. Andr. cit. n. 11.

CAPITVLVM VI.

Humilis.

PARAPHRASIS.

Controuersia diu agitata fuit inter Burdegalem & Bituricensem Archiepisco-

pos de iure primatus, quod Bituricensis se habere cõtendebat. Tandem Papa Gregor. IX. prouisionem misit, per quam partes componerentur: Super ea prouisione iubet Burdegalem prouincias Prælatorum tunc præsentium, & Capituli Bituricensis consensum requiri, eoque habito prouisionem publicari. Quod si aliqui consensum dare reculent, tum ommissa publicatione, si Prælati sint, qui contradicunt, personaliter, sin alij (videl. Capitula) per Procuratores idoneos ad Sedem Apostolicam accedere cogantur, persecuturi ius suum, & si in causa succubuerint, parti alteri in expensis satisfacturi.

S V M M A R I V M.

1. In causa etiam ardua totam prouinciã concernente sufficit, si consentiant Prælati, & Capitula Cathedralia.
2. Si quid statuendum in causa ardua, concernente statum Episcopatus seu Ecclesie Cathedralis, tum Capitula non tantum consilium, sed etiam consensus necessarius est.
3. Ad tractatum vniuersitatis de iure communis (excepta electione Prælati) absentes vocari non debent, etiam in causa ardua, quamuis securus sit, ut, quatenus fieri potest, vocentur.
4. Capitula non aliter citari solent, nisi ut Procuratorem mittant.

NOTANDUM I. In causa, etiam ardua, totam prouinciã concernente, sufficit, si consentiant Prælati, & Capitula Cathedralia: hi enim tanquam præcipui, representant totum clerum. Ideo autem ipsorum consensum requiritur, quia interest eorum, si subsint alteri Episcopo, tanquam Primati, cum ab eo visitari possint, uti Gl. notauit, ver. Prælatorum, & consentit c. ult. de his quæ sunt à Prælati &c.

NOTANDUM II. Si quid constituendum sit in causa ardua, concernente statum Episcopatus, seu Ecclesie Cathedralis, tum Capituli non tantum consilium, sed etiam consensus necessarius est: Idque propter communionem, quæ est capituli cum cor-

B b b b b 2 pore.

pore. Ita sumitur ex hoc & notavit Innocent hic n. 2. Ioann. Andr. n. 6. Sed Prælatorum Bituricensis provincie assensus necessarius non erat, quia ipsorum non intorcerat, seu de ipsorum præiudicio non agebatur.

3 NOTANDUM III. Spectato communi iure, ad tractatus Vniuersitatis (excepta electione Prælati) necesse non est absentes vocari, tamen si causa ardua sit. Ita docet Gl. in c. 2. ver. ipsorum, de testibus, in 6. Abb. hic not. 2. & plerique alij apud Felinum in e. cum omnes, n. 22. de Constit. argum. e. hoc ius, causa 10. q. 2. Sed quia Innocent. in c. 2. circa medium, de noui operis nuntiat. & alij quidam contrarium sentiunt, id eo securius est, ut in rebus valde arduis etiam absentes, quatenus fieri potest, vocentur: quod etiam quibusdam Ecclesijs per consuetudinem receptum est.

4 NOTANDUM IV. Capitula non aliter citari solent, nisi ut Procuratorem mittant. Quia si totum Capitulum personaliter ve-

niret, Ecclesia seruitio suo destitueretur. Ita Abb. hic, ver. Item nota.

CAPITVLVM Vn. cod. Tit. in 6.

Episcopali.

Verante Sede Episcopali, Capitulum, seu alius, ad quem tunc Episcopalis iurisdicção spectat (videl. administrator à Papa constitutus, iuxta c. is cui, 42. de elect. in 6. c. vlt. de suppl. negl. Prælat. eod. lib. Vel is, quem Capitulum ut administrator constituerit, secundum Gl. hic ver. ad quem) potest excommunicatus à iure, vel ab homine absolueri, sicuti Episcopus posset, si viveret: nisi Sedes Apostolica specialiter interdixerit.

NOTANDUM Vn. Capitulum, vacante Sede, exercet iurisdictionem Episcopalem, exceptis ijs causis, quos vel ipsum commune ius excipit, vel Pontifex speciatim interdicit. Quia de re sufficienter dictum est in c. cum olim, 14. extra, hoc tit.

TITVLVS XXXIV. DE TREVGA ET PACE.

Postequam de Ecclesiasticis potestatibus atque iudiciis dictum fuit, consequens esset, ut de ipsis iudicijs ageretur: Sed quia præstat, ut, si fieri possit, dissidentes ac litigantes, seu Superiorum auctoritate, seu proprijs passionibus ac transactionibus ad concordiam redigantur, ideo de pace, treuga, seu belli inducijs, pactis, & transactionibus subiungitur, ante tractatum de iudicijs. Quod & Iureconsultos egisse videbis in lib. 2. tit. 14. fforum.

SVMMARYM.

1. Si publica dissidia seu bella inter ciuitates seu populos subiectos oriantur, ad Principem seu Superiorem spectat, ut partibus compositionem seu pacem imperet.
2. Si primati inter se lites foueant, & iudicio contendere velint: ordinarij cogi non possunt ad transactionem.
3. Qui probabiliter times ab aduersario suo offensionem, vel violentiam, potest à iudice petere, ut ille præstet cautionem de non offendendo.

Dispar

Disputant hic Abb. & Felinus: Verum superior Ecclesiasticus, aut secularis cogere possit subditos ad transigendum, seu pacem componendum. Resp. & dico I. Si publica dissidia, seu bella inter ciuitates, aut populos subiectos oriantur, ad Principem seu Superiorem spectat, vt partibus compositionem, & pacem imperet, iuxta Auth. de mandatis Principum. §. Deinde iun. Gl. ver. pacem & l. congruit, 13. de offic. Præsidis, vbi id notat Bartol. n. 4. Abb. hic n. 1. Et n. 2. inquit, Si Princeps subditos ad pacem faciendam cogere potest, multo magis ad treugam seu inducias belli: Qui enim totum potest efficeret, is etiam partem: sed induciæ sunt veluti pars factæ pacis, seu pax: & securitas ad tempus rebus, ac personis constituta secundum Gl. in c. 1. ver. trougas, hoc tit.

Dico II. Si priuati inter felites foueant, & iudicio contendere velint, ordinariè cogi non possunt ad transactionem. Ita habetur in Auth. Vt litigantes iarent, cap. vlt. ex comuni docet Felinus hic prima.

Excipitur primò: Nisi exinde bellum publicum, aut alia Reipubl. turbatio timeatur, vti docent DD. communiter, arg. cit. l. congruit, & videri potest Felinus congruent. 4. & 5. Eademque ratione summus Pontifex Christianos Principes ad pacem inuendam compellere potest, si ex bello magnum Ecclesiæ detrimentum, & animarum periculum timeatur, vti hic docet Abb. arg. c. noui, 13. de iudic. & c. 1. hoc tit.

Excipitur secundò: In causa valde intricata, si partes diu litigauerunt, & finis controuersie breui tempore non speretur, iudex ad compositionem, vel compromissum cogere potest, non tantum si causa sit criminalis, super qua transigi potest, sed etiam, si ciuili: Ita Abb. hic n. 2. Felinus n. 1. Imola in c. 7. de mutuis petitionibus, n. 9. arg. c. placuit, d. 90.

Excipitur tertio: Quod in causis, quæ Principis heretæ dispositioni subiectæ sunt, partes litigantes citius compelli possunt ad componendum. Huiusmodi sunt causæ beneficiarum comparatione Papæ, vti docet

Imola l. c. Abb. in c. eodem prædicto, n. 6. de pactis, Felinus hic, fallent. 2.

Secundò disputant hic Abb. & Felinus, n. 16. Qui verisimiliter timet, ne ab aduersario suo offendatur, aut violentiam patiatur, vtrum iudicis officium implorare possit, vt illum adigat ad præstandam cautionem sufficientem de non offendendo: Responso est affirmatiua: dummodò periculum offensionis notorium sit, alioquin causæ cognitio præmittatur. Quod si etiam alter probabilem timorem offensionis alleget, tum mutuum cautionem præstare cogentur, vt Felinus hic notat declarat. 6. Atque hoc casu mutui fœderis, qui prior offenderit, violatæ pacis pœnas incurret, non autem qui posterius: quandoquidem promissio vel iuramentum non offendendi tacitam conditionem habet, si & tu promissam pacem seruaueris, arg. c. peruenit, §. de iureiur. & reg. 76. *Frustra fidem quis sibi postulus seruati ab eo, cui fidem à se præstam seruare recusat.*

CAPITVLVM L

Treuga.

PARAPHRASIS.

Certis anni diebus, ob mysterium ac feruentiam sacri temporis ab armis cessandum est, seu indociæ seruandæ. Si quis autem violare ausus fuerit, Episcopus proprius, post tertiam monitionem, excommunicationis sententiam in illum scribat, atque vicinis Episcopis scriptam denuntiet, vt confirmat ab omnibus sententia, nemo hominem illum in communicationem recipiat.

SUMMARIVM.

1. Inducia alia conuentionales, & alia legitima (seu per legem constituta, & hoc c. enumerant) quibus tamen dudum derogatum, vel hac constitutio nunquam recepta est.

2. Ad Episcopos potissimum spectat, vt pæ-

Bbbbb 3

cem inter Christianos Principes, quatenus id possibile est. constituant.

S V M M A R I V M.

1. *Persona hic recensita debent plena securitate tempore belli gaudere, scilicet persona Ecclesiastica, peregrini, mercatores, & agricola.*
2. *Mercatores tamen & agricola suis bonis spoliari possunt, si aliter pax & victoria obtineri nequeat. Interdum etiam deuastatione agrorum puniri subditi possunt & debent, si tanta sit alicuius Communitatis peruersitas & contumacia, ut malum hoc necessario remedio opus habeat.*

A Duerre, quoddam induciæ aliarum conuentionalium sint, & aliarum legitimarum, seu per legem aut Superioris præceptum constitutarum. Conuentionales inter gentium iura numerantur in eius gentium, §. d. 1. Nam omnium gentium consuetudine, secundum naturalem æquitatem constitutum est, ut etiam hosti fides data seruetur, cum alioquin humani generis societas consistere bene non potest, sicuti dixi lib. 2. tit. 3. c. 12. §. 5. Per legem constitutarum induciæ sunt, quarum hoc c. numerantur. Verum per diuturnam consuetudinem his inducijs dudum derogatum fuisse, aut fortasse constitutionem istam nunquam receptam fuisse, monet Gl. communiter recepta, hic, ver. frangere, & videri hic potest Abb. n. 4.

NOTANDVM II. Ad Episcopos potissimum spectat, ut pacem inter Christianos, quatenus id possibile est, constituant: cum charitate, & pace nihil præstantius, & ad animarum salutem magis necessarium sit. Videri possunt, quarum Gratianus congestit d. 90.

CAPITVLVM II.

Innouamus.

PARAPHRASIS.

Presbyteri (seu Clerici) Monachi & eorum Conuersi, item peregrini, mercatores, rustici, viatores, & in agricultura existentes, animalia quoque, quibus arant, & semina portantur ad agros, plena securitate gaudeant.

Inter personas hic numeratas quedam non sunt partes Reipublice nocentis, contra quam iustum bellum offensiuum geritur, videlicet personarum Ecclesiasticarum, ac peregrinorum: Et hæc bonis suis spoliari non possunt, multo minus in corpore puniri, cum nec per se ipsas iniuriam intulerint, ut ponimus, nec per accidens, seu ratione Reipublice nocentis, cum eius partes seu membra non sint. Quædam verò personarum sunt partes Reipublice nocentis, ut mercatores, & agricolæ; & his parcendum est propter publicam necessitatem, ne commercij & agriculturæ impeditis, maius incommodum inferatur.

Interdum tamen licitum esse dictas personas bonis suis spoliare, si aliter victoria & pax obtineri nequeat, tradidi in lib. 2. tit. 3. c. 12. §. 3. dicto 3. Interdum verò tanta alicuius Communitatis peruersitas est, & contumacia, ut quibuscunque modis, etiam deuastatione agrorum, puniri subditos eius licitum, imò necessarium sit: præterquam quod ipsi etiam interdum mercatores, & agricolæ personaliter nocentes, idcirco puniendi sint, Vide quæ dixi eod. c. 12. §. 1. & 3.



TITVLVS XXXV.

DE PACTIS.

CAPITVLVM PRIMVM.

Antigonus.

PARAPHRASIS.



A^{CT}A inter Christianos inita seruari debent: & qui violare volunt, censuris Ecclesiasticis ad obseruationem compellantur.

SVMMARIVM.

Ex pacto nudo secundum ius canonicum oritur actio, si tres condiciones concurrant. Prima est, si intentio promittentis fuit, sese ex iustitia obligandi. Secunda, si versetur promissio circa causam ad forum ecclesiasticum spectantem. Tertia, si causa addita, cur aliquid sit dandum, aut faciendum.

EX hoc textu colligit Canonistæ communiter, vt videre est apud Abbatem & Felinum hîc; quòd secundum ius canonicum ex pacto nudo, seu simplici promissione, si acceptata sit, oriatur actio, id est, ius petendi in Ecclesiastico iudicio, quod promissum est; Nam actio in iudicio concedenda est, si lex assitit promissioni factæ, l. legitima, 6. ff. de pactis, l. vn. C. de conditione ex lege. Atqui lex Ecclesiastica, siue canon assitit pacto nudo, & simplici promissioni, si acceptata sit, vti constat ex hoc c. & c. 3. eod. tit. Ergo ex pacto etiam nudo in foro Ecclesiastico actio concedenda est. Ratio reddi debet: quia pacta, & promissiones quæcunque, si ex obiecto malæ non sint, atque à promissario acceptatæ, obligant in conscientia, atque sub peccato mortali: Cùm itaque in foro ecclesiastico Iudex præcipue intendat animarum salutem, meritò compellit pro-

mittentes ad conuentorum obseruationem.

Verùm hæc doctrina quibuldam declarationibus indiget: Prima. Quòd actio ex simplici acceptata promissione oriatur, si promittentis intentio fuit se ex iustitia obligandi: secus autem, si ex virtute fidelitatis, aut veracitatis tantum promiseris alicui te donaturum, mutuaturum; tum is, cui promissisti, actionem contra te, seu ius exigendi tanquam debitum non acquirit, vti docui lib. 3. tr. 4. c. 1. a. n. 1. Et verò cùm hodie promissiones absque animo ex iustitia se obligandi facillimè ac frequenter fiant; quia promissis diues quilibet esse potest: inde accidit, vt Iudex Ecclesiasticus ad eiusmodi simplicium promissionum obseruationem rarò compellat.

Alterà. Ex nudo pacto, seu simplici promissione secundum ius canonicum actio conceditur in causis, quæ seu ratione personarum, seu ratione materiæ ad forum Ecclesiasticum spectant: in alijs verò causis locum habere potest denuntiatio canonica, vti dixi cit. tr. 4. c. 2. in fine, & plura dici debent in e. nouit, 1. 3. de iudicijs.

Tertia. Ex nudo pacto, aut simplici promissione actio conceditur, si causa adiecta sit, cur aliquid dandum, aut faciendum sit; vt si constat, Titium promississe se ex liberalitate mihi donaturum, mutuaturum, aut vaccam pro obsequio ipsi præstando daturum; tum obligatio & actio inde oriatur. Sin verò absque causæ, seu tituli expressione tantummodo dixerit Titius, se mihi pecunias, aut vaccam daturum, non censetur orta obligatio & actio, nisi ex coniecturis præsumptio fiat, quòd simpliciter donandi animum habuerit, vti tradit Mol. in tr. 2. de iust. disp. 257. n. 4. & 5. & videri possunt, quæ dixi in cit. cap. 2. num. 3.

Corol.

Corollarium. Si Titius mihi centum aureos promisit, ut Romam eam, iure civili non compellitur ad numerandam pecuniam; sed etsi numerauerit, per penitentiam recedere potest, ac pecuniam repetere, antequam ego conditionem impleui, seu iter arripui; dummodò refarciat, si meā inter sit pactum impletum non esse, l. si pecuniam, 5. ff. de condit. causa data, &c. Sed secundum ius canonicum, & forum conscientie ita paciscens cogitur stare promissis; quamdiu altera pars parata est implere conditionem, seu promissum suum, ut bene docet hic Felinus declarat. septima. Quar. in c. quauis pactum, p. 2. §. 4. n. 14. & dixi in cit. tr. 4. c. 3. n. 3.

CAPITVLVM II.

Quotiens.

PARAPHRASIS.

Conuentiones, seu pacta, quæ in Ecclesiis v.g. fiunt, Pontifex consensu suo postea præstito confirmare, & ratificare potest.

SYMMARIVM.

Conuentio aliquo modo valida, saltem iure nature, per consensum Superioris postea adhibitum validatur, & confirmatur.

Disputant hic Doctores, utrum consensus postea adhibitus actum ratificare aut confirmare possit. Bene respondent hic Imola, Innoc. in c. cum consuetudinis, de consuet. Bartol. in l. obseruare, n. 7. ff. de offic. Proconsulis. Vel actus secundum substantiam omnimodè, etiam spectato naturali iure, irritus est; & subsequente consensu non confirmatur, aut ratificatur: quia quod non est, id confirmari non potest; neque firmatur tractu temporis, quod ab initio de iure non subsistit, reg. 18. in 6. Vel aliquo modo validus est, saltem spectato naturali iure, tum consensu postea adhibito confirmatur. Sic enim alienatio rerum facta à Prælato, per consensum Capituli postea præstitum ratificatur, c. 3. de his quæ fiunt à Prælati, &c.

Item alienatio facta à Rectore Ecclesiæ inferioris, confirmatur per consensum Superioris, (videl. Episcopi, aut Papæ) postea adhibitum, arg. huius c. Vide quæ dixi in c. prudentiam, 20. §. Sed ut hæc, not. 2. de offic. delegati.

Sed obijciunt l. obligari, 9. §. Tutor. ff. de auctorit. tutorum, ubi dicitur, contractum pupilli non confirmari, si tutor auctoritatem postea præbeat. Respondeo cum Gl. margin. in cit. c. 3. Innoc. in cit. c. cum consuetudinis; Auctoritatem plus aliquid esse, quam nudum consensum. Nam qui auctoritatem præstat, is principalis esse debet, ut absque eo actus valere non possit pro tempore, quo gestus est; licet valere possit pro tempore, quo auctoritas interuenit, uti Abb. hic annotauit.

CAPITVLVM III.

Qualiter.

Quæ promissa sunt, opere adimpleri debent. Vide quæ dicta sunt in cap. 1. hoc titulo.

CAPITVLVM IV.

Cum pridem.

PARAPHRASIS.

Inter Monachos de Acra, & Publium Clericum fratremque ejus germanum controversia erat super Ecclesia quadam, & Capella, quibus Publius, ejusque frater se à Monachis deiectos dicebant. Postea autem inter se priuata auctoritate transegerunt, ut Publius ac frater ejus lite cederent; Monachi autem eisdem tres marchas argenti soluerent in compensationem expensarum. Eam postea compositionem seu transactionem Apostolica auctoritate confirmari volebant: Sed Alexander III. admittere noluit, eo quod illicitæ seu simoniacæ pactionis speciem contineret. Quamobrem alium partibus compositionis modum proposuit, ut videl. Publius pro se, & fratre suo liti renuntiaret, idè

que instrumenta authentica traderet, quæ super illa causa habebat, ipsi autem Monachi de alio beneficio prouiderent. Cùm autem Monachi compositioni huic non acquiescerent, mandauit Papa, vt nisi beneficium dictis fratribus assignent, ipsi ad Ecclesiam, & Capellam restituantur, si iudicibus super hac causa delegatis constituerit, eos absque ordine iudiciario deiectionos fuisse. Idque non obstantibus literis confirmationis, quas Monachi à Papa impetrauerant.

SUMMARIUM.

1. *Illicita & simoniaca est transactio, si propria auctoritate vna pars lite, & iure beneficiario cedat, altera verò temporale quippiam offerat.*
2. *Resignans ius suum v. g. beneficiarium, cogendus est tradere instrumenta.*
3. *Papa licet possit litigantes super beneficio per pleuitudinem suæ potestatis cogere ad renunciandum & componendum, non tamen facile solet, nisi gravis causa urgeat.*
4. *Renuncians beneficio in manibus Superioris per transactionem, vt pars altera quippiam præstet, hac conditione non impletà beneficium repetere potest, & quidem propria etiam auctoritate, si resignatio facta sit in manibus Papa.*

NOTANDUM I. Illicita, & simoniaca censetur transactio, si propria auctoritate fiat, vt vna pars lite, & iure beneficiario cedat, altera verò temporale quippiam offerat, v. g. expensas factas restituat. Idque diligenter annotandum esse, monet Imola hic n. 2. quia sæpe tales illicitæ pactiones intituuntur, quæ de iure non valent, sed damnatæ sunt, c. ult. hoc tit. c. constitutus. 4. de transact. c. quæ situm. 6. de rerum permut. Sed interueniente Superioris auctoritate nihil prohibet talem transactionem inter partes institui, vt vna earum lite, & iure, si quod habet in beneficio, abscedat, altera ipsi expensas factas refundat, aut pensionem annuam soluat, vti

docui lib. 4. tr. 10. e. ult. n. 51. 58. & 59. & videri hic potest Innoc.

NOTANDUM II. Qui renuntiauit iuri suo, v. g. beneficii, cogendus est tradere instrumenta, cùm ipsi prodesse amplius non possint. Ita etiam sumitur ex l. ult. C. ad exhibendum, vbi generatim dicitur; quòd is, cui satisfactum est, cogi possit ad exhibenda ac reddenda instrumenta, quæ ad eam causam pertinent, quippe cùm ex ijs nihil iam petere possit. Ita Gl. hic ver. resignauit.

NOTANDUM III. Quamuis Sum. Pontifex litigantes super beneficio per plenitudinem potestatis suæ cogere possit ad renunciandum, & componendum, tamen id non facile solet; nisi causa valde intricata sit, vel diu litigatum, vel alia necessitatis causa urgeat: Imò tali casu etiam Iudex inferior compositionem imperare poterit, vt dixi in rubr. de treuga, & videri hic potest Abb. n. 6.

NOTANDUM IV. Si quis renuntiauit beneficio in manibus Superioris per viam transactionis, vt pars altera quippiam præstet, non impletà istâ conditione, beneficium suum repetere potest; Imò verò propria auctoritate reassumere, saltem si resignatio facta fuit in manibus Papæ, sicuti in simili de permutatione beneficiorum dixi lib. 4. tr. 2. c. 17. n. 7. §. Hinc etiam, & videri potest Imola hic n. 7. Abb. n. 11. Gl. ver. restitui faciatis.

CAPITVLVM V.

Accepimus.

PARAPHRASIS.

Sacris canonibus inimica, atque irrita est pactio, si quis ita in Ecclesia instituat, vt post mortem eius certum successorem v. g. cognatum suum habeat.

SUMMARIUM.

Non valet pactum de succedendo in ecclesiasticis beneficiis, unde etiam promissiones de beneficio nondum vacante prohibita

Casco sunt,

sunt, neque Coadiutor Pralato dari potest cum succedendi potestate, nisi ex plenitudine potestatis papalis.

NOTANDUM Vn. Pactum de succedendo in Ecclesiastici beneficijs reprobatur, vti etiam constat ex c. ex transmissa. 7. de filijs Presbyter. c. 2. de concess. præb. & in c. Apostolica. 7. causa 8. quæst. 1. quibus habetur, quodd Ecclesiæ, & beneficia ecclesiastica non per successionem veluti hæreditariam, sed per canonicam electionem, aut institutionem obtineri possint; & quidem non antè, quàm ea vacent. Quamobrem & promissiones de beneficio nondum vacante prohibita sunt, c. 3. de concess. præbendæ: Neque Coadiutor Pralato dari potest, cum succedendi potestate, vti tradit Trident. Concil. sess. 25. c. 7. de reform. & dixi de hoc in qq. disput. de elect. c. 4. q. 30. Excipitur verò plenitudo potestatis papalis; per quam talia fieri possunt, sicuti ex communi smola monet in hoc c.

CAPITVLVM VI.

Cum Clerici.

PARAPHRASIS.

Decedentibus Reſtoribus quarundam Ecclesiarum, ex quibus pensio annua Collatori, v. g. Episcopo, solui consueverat, Clerici promittebant maiorem pensionem se soluturos, si instituuntur. Hoc intellectu mandas Alexander III. Archiepiscopo Cantuariensi, vt talia imposterum fieri prohibeat; qui autem contra prohibitionem, per detestabile eiusmodi simoniæ vitium instituti fuerint, appellatione remota, ab Ecclesiis remoueat, atque ecclesiastica seueritate puniat.

SVMMARIVM.

1. *Simoniacum pactum est, si quis promissa pensionem annuam, vel augmentum pensionis antiqua, si in beneficio instituat.*

2. *Ob rationabilem tamen causam potest Episcopus cum consensu Capituli pensionem vacantis beneficii augere, sed ante eius collationem.*
3. *Potest & monasterium, si in parochia v. g. sibi incorporata faciat inuestiri Vicarium, reseruata sibi pensione, aut etiam notabiliter & constanter reditibus parochialibus, eandem augere; modo augmentum illorum non proueniat ex industria Vicarij.*

NOTANDUM Vn. Simoniacum pactum est, si quis promittat pensionem annuam, aut augmentum pensionis antiquæ se soluturum, si in beneficio instituatur: Quia promittitur aliquod temporale pro spirituali, vti etiam constat ex c. vn. in fine. Vt ecclesiastica beneficia sine diminutione conferantur.

Pro pleniore intellectu aduerte, quodd interdum Ecclesiis, alijsue beneficijs pensiones imposita sint, seu Papæ auctoritate ad subleuandam inopiam mensæ Episcopalis; vel auctoritate Episcopi, cum Capituli consensu, ad subleuandam inopiam fabricæ Ecclesiæ Cathedralis, aut soluenda debita Episcopatus, vti docui lib. 4. tr. 2. c. 18. q. 3. n. 4. Dicitur itaque in hoc c. si quispiam in tali beneficio instituendus promittat maiorem pensionem, quàm antè consueverat, se soluturum, vt institutionem facilius consequatur, pactiorem fore simoniacam. Cæterum ob causam rationabilem necessitatis quandoque non prohibetur Episcopo cum Capituli consensu pensionem beneficii vacantis augere, si videl. maiores nunc quàm antea prouentus ex beneficio proueniant. Sed debet hæc auctio, & omnis impositio pensionis fieri ante beneficii collationem; quia si in ipsa collatione fiat, periculum est prauitatis simoniacæ, quando pensionis solutio in commodum Collatoris directè, vel indirectè cedit, vti dixi in cit. c. 18. n. 5.

QVÆRIT hic Abbas Panormit. Si Monasterium v. g. in parochia sibi incorporata faciat inuestiri Vicarium, reseruata sibi pensioni annua, secundum reddituum facultatem,

VRID

3. utrum auctis redditibus parochialibus pensio augenda sit. Et respondet affirmatiue; sicuti & vice versa, diminutis redditibus, pensionem diminui æquum est. Id verò intelligi debet primò, si auctio & diminutio reddituum notabilis sit, & non vno tantum, sed pluribus annis durans. Secundò, si maior reddituum prouentus ex industria Vicarij seu beneficiati proueniat, pensio augenda non est, ne ipsi diligentia sua damnosa sit iuxta l. ult. C. de alluionibus, & notat hic Gl. ver. pensiones, & in simili dixi lib. 3. tr. 4. c. 22. q. 5.

De pœnis, quibus collatio beneficij facta per simoniam obnoxia est, vide quæ dixi lib. 4. tr. 10. c. ult. §. 7.

CAPITVLVM VII.

Plerique.

PARAPHRASIS.

Clerici tum regulares, tum seculares, domos suas locabant, aut feuda concedebant, pacto in præiudicium Ecclesiarum parochialium appposito, vt conductores, aut feudatarij decimas ipsis soluerent, vel sepulturam apud eos eligerent. Tale pactum Innoc. III. irritum esse decernit, præcipiens, vt quidquid occasione eius perceptum fuit, Ecclesiæ parochiali redatur.

SUMMARIVM.

1. Non tenet pactum cedens in alterius non consentientis præiudicium.
2. Prohibitum & irritum est pactum, vt quis extra suam parochiam in ecclesia regulari, vel seculari sepeliri debeat.

NOTANDVM I. Non valet pactum, quatenus in alterius non consentientis præiudicium cedit. Idque maximè verum est, si pactum priuatorum iuri publico Ecclesiæ repugnet, vt hic, & consentit c. si diligenti, 12. de foro compet. & l. inter, 42. ff. de pactis.

His adde, si decimæ ex tali pacto Clericis traditæ sint, quòd Parochus, cui decimæ debentur, agere possit vel contra Parochianos actione personali ex canone, vel contra Clericos decimarum possessores actione veluti reali, vt colligitur ex c. pastoralis, 28. de decimis, & c. Si quis laicus, 42. causa 16. q. 1. iuncta Gl. ver. inde abstrahere, & tradit Gl. in c. in aliquibus, 32. de decimis, vbi ait: *Pactum non nocet Ecclesiæ, quin à quolibet possessoris possit petere decimas.* Vide quæ dixi lib. 4. tr. 6. c. 2. n. 4.

NOTANDVM II. Prohibitum atque irritum est pactum, vt quispiam fidelium extra parochiam suam in Ecclesia regulari, vel seculari sepeliri debeat, vt etiam habetur in c. 1. de sepult. in 6. & Clem. Cupientes, §. sanè, de pœnis. Licet enim quisque sepulturam in alia, quam parochiali sua Ecclesia, eligere possit, c. 1. de sepulturis, non tamen promissione, seu fide data ad id astringi debet, vt Abb. hic monet not. 2. & videri possunt quæ dixi lib. 3. tr. 5. c. ult. q. 2. & 3.

CAPITVLVM VLT.

Pactiones.

PARAPHRASIS.

Irritæ sunt pactiones, quæ fiunt pro spiritualibus obtinendæ: quandoquidem etiam secundum leges ciuiles, pactum turpe, aut rei turpis, seu impossibilis de iure, aut de facto, obligationem nullam parit.

SUMMARIVM.

1. Turpe, simoniacum, & irritum est pactum pro obtinenda re spirituali. intellige, si vicissim detur res temporalis, vel spiritualis, cui temporale annexum est.
2. Promissio turpis, seu de re turpi, nullam obligationem parit.

NOTANDVM I. Turpe, simoniacum, & irritum est pactum pro obtinenda re spirituali, quod intellige, si vicissim detur res temporalis, aut spiritualis, cui temporale annexum est. Sin verò pro re merè spirituali
Ccccc 2 pro-

promittatur, aut detur alia res merè spiritualis, non est pactio turpis, aut simoniaca. Voco autem hic rem temporalem, quæ est pretio æstimabilis; rem autem merè spiritualem, cui nihil pretio æstimabile annexum est, vt sacræ reliquiæ.

Exemplis declaratur: I. Si collatori v. g. Episcopo obsequia tua seu seruitia in vnum, vel alterum annum promittas, vt beneficium tibi conferat, simoniacum pactum est; quia pro spirituali beneficio promittitur temporale & pretio æstimabile seruitium.

II. Si quis Capellaniam collatiuam, aut non collatiuam propria auctoritate commutet cum beneficio v. g. parochiali, simonia committitur; quia commutatur spirituale cum altero spirituali; cui temporale annexum est, iuxta c. quæsitum, 5. de rerum permut. & explicauit lib. 4. tract. 10. cap. vlt. n. 51. Simili ratione, si Episcopus alicui beneficium conferat, eo adiecto pacto, vt sacræ reliquiæ ipsi donentur, simoniaca & turpis est conuentio; quia res spiritualis, vid. sacræ reliquiæ comparantur per beneficium, cui temporales redditus annexi sunt.

III. Si promittam me recitaturum tria rosaria pro Titio, ea conditione vt ipse pro me sacrificet, licita est conuentio; quia res merè spiritualis pro re merè spirituali promittitur. Simili ratione concessum est sacras reliquiæ cum alijs sacris reliquijs commutare: nisi vnæ reliquiæ pretiosiora inuolucra habeant, tum periculum ac suspicio est, quod temporalis pretij ratio habeatur in commutatione, nisi appareat, gratis dari, seu condonari.

NOTANDUM II. Promissio turpis, seu de re turpi, atque inhonesta, nullam obligationem parit. Quia nemo potest ad impossibile obligari, reg. 6. in 6. Siue id sit impossibile de facto, vt cælum digito contingere; siue de iure, vt hominem occidere, sacrilegium facere. Consentit l. 26. & 27. ff. de verb. oblig. Generaliter nouimus, turpes stipulationes nullum esse momenti: Veluti si quis homicidium vel sacrilegium facturum promittat.

Sed aduertendum hoc loco est, interdum contingere, vt promissio pecuniæ ob causam turpem, dum ea pendens est, turpis & non obligatoria censeatur; sed post finitam causam, seu impletam conditionem obligare incipiat; idèoque nec repeti possit, quod ob talem causam datum fuit. Vt si promiseris mulieri pecuniam te daturum, si corporis tui copiam faciat, nulla oritur obligatio, cum promissio sit ob turpem causam: sed postquam causa, ob quam promissio facta est, completa fuit, tum obligaris ad soluendum; & quod soluisi, repetere non potes: Quia licet turpiter illa faciat, quod sit meretrix, non tamen turpiter accipit, cum sit meretrix, ait Vlpian. in l. 4. in fine, ff. de condict. ob turpem causam, & copiosius dixi in lib. 3. tract. 4. c. 4. assert. 8. §. Veruntamen. Videri etiam potest Bartolus super cit. l. generaliter, 26. ff. de verb. oblig.

CAPITVLVM I. cod. Tit. in 6.

Pactum.

PARAPHRASIS.

Religiosi alicuius Monasterij, qui ex priuilegio Apostolico liberam habent facultatem in sua Ecclesia sepeliendi parochianos, pacti sunt cum Rectore parochialis Ecclesiæ, quod vel omnes parochianos, vel certos aliquos ad sepulturam recipere nollent: dubitatum fuit, vtrum hoc pactum Monachi seruare debeant, idèoque si parochianus apud ipsos sepulturam elegerit, reculare debeant. Affirmatiue respondet Gregor. IX. Quia per pactum istud accepto priuilegio derogatum fuit.

SUMMARIUM.

1. Priuilegio Apostolico priuilegiari renunciare possunt, si eorum tantum commodum seu fauorem concernat.
2. Rector Ecclesiæ, sine Parochus etiam su-

*ne Superioris auctoritate pacisci potest
in fauorem & commodum ecclesie sue.*

NOTANDUM I. Priuilegio Apostolico priuilegiati renuntiare possunt, si eorum tantum commodum, seu fauorem concernat. Constat e. c. Cum M. 9. de Constit. e. si de terra. 6. e. accedentibus 19. de priuilegio. Quia liberum est cuique iuri suo renuntiare, cit. e. si de terra. Accedit, quod renuntiatio hæc priuilegij ideo facilius admittitur, quia per eam reditur ad ius commune, quod fauorabile est. Etenim spectato iure ordinario, ad solas Ecclesias parochiales ius sepeliendi parochianos spectat; ad alias autem Ecclesi. Collegiatis, aut Conuentuales non nisi ex priuilegio, vti docui lib. 3. Th. mor. tr. 5. c. ult. n. 3.

Obijcies: Parochiani habent liberam facultatem eligendi sepulturam extra parochiam suam, e. 1. de Sepulturis: Ergo non possunt repelli, si voluerint sepeliri in Ecclesia eius Monasterij, cuius incolæ priuilegio renuntiarunt: quandoquidem pactum non obligat, quatenus cedit in præiudicium alterius non consentientis, e. penult. extrâ, hoc tit. Resp. Quod Parochiani eligere possunt sepulturam non in omni Ecclesia, sed in ea tantum, quæ ius sepeliendi habet: At verò Monasterium ius sepeliendi perdidit, postquam priuilegio suo renuntiavit. Accedit, quod licet Parochiani ius habeant extra Parochiam eligendi sepulturam, si admittantur, non tamen cogere possint, vt recipiantur, sicuti Anchar. & Dominic. hic notantur.

NOTANDUM II. Rector Ecclesiæ, siue Parochus etiam sine Superioris auctoritate pacisci potest in fauorem & commodum Ecclesiæ suæ. Ita colligitur ex hoc textu, & docent Ioann. Andr. & Petr. Anchar. hic in princ. Domin. Geminianus in fine, & sumitur ex l. non eominus. 14. C. de Procurator. vbi habetur; Licet sententia lata contra Minorem nam agentem per procuratorem absque tutoris auctoritate non valeat, iuxta l. 1. & 2. ff. Qui legit. person. standi & c. valere tamen, si pro Minore pronun-

tiatum fuerit: Quia lex, quæ minoribus læsis ob ætatem subuenit, non rebus prosperè gestis obesse debet. Ecclesia autem iure Minoris fungitur, e. auditis. 3. de integ. restitut. Quare de ea dici potest, Licet administratores, vel Rectores eius obesse ei non possint alienando, absque Superioris auctoritate, vti constat ex c. Abbatibus. 41. causa 12. q. 1. & docent DD. nominatim Abb. in c. 1. n. 5. De his quæ fiunt à Prælati & c. posse tamen Rectores Ecclesijs suis prodesse acquirendo, v. g. donationes aut debitorum remissiones acceptando, vti etiam dixi lib. 3. Theol. moral. tr. 4. c. 1. coroll. 2.

CAPITVLVM II.

Quamuis.

PARAPHRASIS.

Licet lex ciuilis improbet pactum inter patrem & filiam, quod dum nuptui traditur, contenta dote paterna, hæreditati renuntiet, si tamen huiusmodi pacto iuramentum absque vi, & dolo accesserit, omnimodè seruandum est, cum sine peccato, seu salutis æternæ dispendio seruari possit, neque in alterius cuiuspiam detrimentum redundet.

SUMMARIUM.

1. Legi improbandi pactum, quod filia contenta dote nullum ad bona paterna regressum habeat, per contrariam consuetudinem, aut statutum municipale derogari potest.
2. Pactum affirmatiuum de succedendo in hæreditate, ne apposto quidem iuramento confirmatur, secus est quando pactum est negatiuum de non succedendo.
3. Quibus hæres necessarius si hæreditati cum iuramento renuntiet, valida est renuntiatio, modo dolo, aut vi nulla interueniat; alterutro enim horum inter-

ueniente pactum renunciationis efficacem obligationem non parit.

4. In renunciatione filia maximè attendendum est ad causam, ob quam, vel in cuius fauorem facta sit, si verbis expressum non sit.
5. In dubio interpretari oportet renunciationem, ut quàm minimè ladat renunciantem.
6. Iuramentum promissorium seruandum est, si absque dolo, aut vi praestitum, in salutem propria dispendium, aut terciae personae prauidicium non cedat.

LEx improbens pactum, quoddam filia cōtentā dote nullum ad bona paterna regressum habeat, est in ordine 3. C. de collationibus: Etenim propter bonum publicum Cæsaris legibus constitutum est, ut hæreditas pactis nec dari, nec auferri possit, l. hæreditas, 5. C. de pactis conuentis, l. si quando, 35. §. illud, C. de inoffic. testam. & videri potest Couar. in hoc c. princip. n. 1.

Verùm cum hæc constitutio non ex naturali, sed civili tantum iure sit, hinc sequitur primò: Quoddam derogari possit per contrariam consuetudinem, aut statutum municipale. Quia ratione in Germania inter personas illustres ac nobiles vsurpatum est, ut pacta gentilitia fiant, *Erbenigung* / quibus fæminæ accepta aliqua bonorum mobilium portione, reliquæ hereditati masculis obuenturæ renuntient, ob familiæ conseruationem. Quia de re videri potest And. Gaill lib. 2. obseruat. 127.

Sequitur secundò: Quoddam Princeps, qui in Imperio est Imperator, eiusmodi pacta, quæ de succedendo, aut non succedendo in hæreditate contra ius commune instituuntur, approbare possit, sicuti ex communi docent Molin. tr. 2. tom. 3. priore, disp. 578. Gaill loco cit. Constat enim, Principem legibus non ita astringi, quin eis ex causa iusta derogare, seu dispensare possit. Quamobrem ob maiorem securitatem consuetum est in Germania, ut dicta gentilitia pacta imperatoria auctoritate confirmantur.

Diferimen autem est inter pactum affirmatiuum de succedendo in hæreditate, & inter negatiuum de non succedendo: quoddam illud ne quidem appposito iuramento confirmetur, ita ut actio ex iustitia tribuatur. Quare si Titius Caio iuratus promittat, se hæredem ipsum instituturum esse, ac postea mutata voluntate alium instituat, licet Titius periurij erimen incurrat, tamen valebit institutio, neque contra Titium, aut eo mortuo contra hæredem institutum actio concedetur. Idque meritò civilibus legibus constitutum fuit, quia tale pactum de succedendo, cum animum præbeat mortis machinandæ promissori, bono communi multum incommodare censetur, ut dixi lib. 4. Theol. moral. tr. 3. c. 8. At verò pactum de non succedendo, seu renuntiatio hæreditatis, cum ausam mortis machinandæ nullam præbeat, iuramento confirmari potest, ita ut exinde actio oriatur contra renuntiantem, sicuti ex communi docet Petr. Ancharan. hic col. 2. Dominie. in Gl. fin. Couar. in hoc c. p. 3. initio n. 1. §. Igitur,

Sed pro maiore intellectu huius c. queritur primò: Cur de filia renuntiante duntaxat mentio fiat? Resp. Id exempli causa factum esse, quia frequentius filia, quam filij hæreditati paternæ renuntiare solent. Idem verò omnino sentiendum est de quouis hærede necessario descendente, vel ascendente, si hæreditati sibi debite cum iuramento renuntiet, renuntiationem validam esse, sicuti ex communi docet Couar. in hoc c. p. 3. §. 1. & 2. Requiritur tamen, ut renuntians pubes sit: at verò impubere ex iuramento non obligari civiliter, docent DD. in Auth. Sacramenta puberum, C. si aduersus venditionem, & Domin. hic col. 1. Gl. ver. seruari debet, Couar. p. 3. §. 1. n. 3.

Queritur secundò: Si aliquis ex descendentibus v. g. filius, vel filia hæreditati paternæ, aut maternæ omnino, & in totum renuntiet, nulla portione accepta, utrùm renuntiatio propter appositum iuramentum valeat? Negat Petr. de Ancharano hic col.

1. arg. huius c. ver. dote contenta. Sed distinguendum cum Dominico hic col. 2. *Conuar. §. 2. n. 6.* Molina cit. *disput. 587. concl. 3. parte 4. & disp. 579. n. 33.* Si filius, aut filia aliunde bona habeat, vel per industriam suam, aut alio quouis modo acquirere possit, quæ sufficiant ad sustentationem, valet talis renuntiatio iurata. Sin autem filius vel filia bona sufficientia ad sustentationem non habeat, nec facile habere possit, tunc pactum renuntiationis, nisi alimenta necessaria excipiantur, iuri naturali repugnat, cui iuramentum præiudicari nequit. Atque ob hanc formatur casus huius c. de filia, quæ dote contenta, reliquæ hæreditati renuntiat, quia si aliunde marito vel Monasterio dotem (quæ instar alimentorum esse censetur) afferre non possit, hæreditati paternæ, aut maternæ renuntiare haud poterit.

QUÆRITUR tertio, Cur dicatur, iuramentum omnino seruandum, si neque vi, neque dolo adhibito præstitum sit. Respondeo, cum Dominico hic in fine col. 1. ideo sic dici; Quia si dolo, aut vis aliqua interuenit, licet iurans, ob reuerentiam Numinis diuinæ, ex Religionis virtute obligetur, potest tamen iuramenti relaxationem petere, ut docui lib. 4. *Th. mor. tr. 3. c. 7. q. 5.* Potest etiam Magistratus cogere eum, qui dolum aut vim intulit, ut iuramentum remittat, aut illo etiam nolente ipsemet iudex relaxare, ut docui cit. *tr. 3. c. 4. n. 3. & c. 11. n. 9.* Exemplum doli est, si parentes persuadeant filiæ, minores esse facultates suas, quam reuera sint, ut contenta dote modica reliquæ hæreditati renuntiet. Exemplum illatæ vis, seu inuoluntarij mixti est, si ideo filia renuntiet hæreditati paternæ, quia nisi id faciat, dotem à patre consequi non potest. His casibus, pactum renuntiationis iuramento non confirmatur efficaciter: quomobrem filia, si iuramenti relaxationem impetret, hæreditatem sibi debitam petere potest, imò nepotes ex filio, aut filia, quæ renuntiauerat, iuramenti relaxatione non indigent ad petendam hæreditatem: cum iuramenti obligatio, utpote personalis, illos

non afficiat, pactum autem renuntiationis, si per vim extortum sit, efficacem obligationem non pariat, uti obseruauit *Couar. in hoc c. p. 3. §. 2. n. 6.* Mol. cit. *disp. 579. n. 14. 28. & 35.*

Ad extremum, bene monet *Couar. cit. p. 3. §. 3. n. 4.* Andr. Gaill. p. 2. obseruat. 148. n. 4. Mol. cit. *disp. 579. n. 19.* Quòd in renuntiatione filiæ, si verbis sufficienter expressum non est, maxime attendendum sit ad causam, ob quam facta, vel in cuius fauorem facta est: num potissimum in fauorem fratrum, tunc ijs mortuis filia admittenda erit ad hæreditatem, quia deficit conditio, ob quam iuri suo renuntiauerat. An verò in fauorem agnationis propagandæ, tunc non admittitur ad hæreditatem paternam, etiam mortuis fratribus, si agnatus lateralis supersit. An denique simpliciter renuntiari in fauorem patris, ut liberè de rebus suis disponere possit, quia ipsa Monasterium v. g. ingressura est, tunc regressum non habebit ad capeffendam hæreditatem paternam, tamen si omnes agnati ante patrem moriantur. In dubio autem ita interpretari oportet renuntiationem, ut quam minimè lædat renuntiantem: cum ea stricti iuris existat, uti ex communi docui lib. 3. *Th. mor. tr. 5. c. 7. n. 2.* ubi plura leges, quæ hoc loco omissa sunt.

His explicatis notanda est regula huius textus: Iuramentum promissorum inuoluntabiliter seruari debet, si absque dolo, aut vi præstitum, in salutis propriæ dispendiū aut tertię personæ præiudiciū non cedat. Qua de re plenè dixi lib. 4. *Theol. moral. tr. 3. c. 6. & seqq.*

CAPITVLVM VI.

Quia ex eo.

PARAPHRASIS.

Pacta, & transactiones, quæ inter Religiosos mendicantes, & Prælatos, Capitula, & Rectores Ecclesiarum &c. super iuribus parochialibus, aut similibus articulis

calis inita sunt à Prioribus Conuentualibus, aut Guardianis cum consensu Conuentus, rata esse debent & firmiter obseruari, tametsi Prouincialis, aut Generalis eorum, vel Sedis Apostolicæ assensus non accesserit, neque eiusmodi pacta in prouincialibus, aut generalibus Capitulis approbata fuerint. Idque propterea, vt dicti Religiosi puritatem suam conseruent, & scandala, quæ aliquin oriri possent, caueantur,

SUMMARIUM.

1. *Hac constitutione privilegia ab Alexandro & Honorio IV. Fratribus minoribus concessa, suis reuocata; ea autem post Sixtum IV. eisdem restituit.*
2. *Quid in contractibus & alienationibus in Mendicantium Ordinibus obseruandum sit, ex cuiusque consuetudine & statutis, Apostolicisq. privilegijs & decretis, Bonifacij VIII. constitutione posterioribus petendum est.*

HAc Constitut. Bonifacij VIII. correpta ac reuocata sunt privilegia, quæ prius Fratribus Minoribus ab Alexandro

IV. & Honorio IV. concessa erant, apud Rodriq. tom. 1. regul. q. 27. a. 3. Sed postea Sixtus IV. reduxit eos ad pristina iura & privilegia apud eundem Rodriq. vbi ait: *Et sic in nostra sacra Religione Minorum obseruatur: Nullus enim Guardianus, neque Abbatissa etiam cum consensu suorum Conuentuum, aliquem contractum efficere potest, sine expressa P. Prouincialis auctoritate. Quemadmodum enim Rector Ecclesiæ Collegiatæ inferioris præter consensum Capituli sui, impetrasse etiam debet Episcopi consensum, vt iura & bona immobilia Ecclesiæ suæ alienare possit, vt colligitur ex c. 2. de transf. act. vbi id docet Abb. n. 3. ita etiam Rector Monasterij subordinatus Generali, tanquā Episcopalem iurisdictionem erga suos habenti, eiusdem quoque auctoritatem & assensum requirere debet ad alienationem. Is porro Generalis Prouincialibus suis potest, & frequenter committere solet, vt dictum assensum ipsimet præstent.*

Quapropter, quid in contractibus & alienationibus iurium suorum in Mendicantium Ordinibus obseruandum sit, ex cuiusque consuetudine & statutis, Apostolicisque privilegijs & decretis, Bonif. VIII. constitutione posterioribus, petendum est.

TITVLVS XXXVI. DE TRANSACTIONIBVS.

CAPITVLVM PRIMVM.

Sicut graue.

PARAPHRASIS.



Ersonæ quædam Ecclesiasticæ controuerſiam, quam inter se de bonis, aut iuribus suis habebāt, salubri transactione finierunt, petentes à Gregor. I. Pontifice,

vt eam auctoritate sua confirmaret. Quamobrem respondit Pontifex, instrumenta omnia, & quidquid aliud est, quod parti vni aut alteri super causis transactione finitis fauere possit, iam pro irrito, & vacuo habendum esse, solamque transactionis conventionem obseruandam. Sed etsi in ea per incuriam, vel imperitiam defectus aliquis commissus sit, se illum Apostolica auctoritate & cōfirmatione ex certa scientia supplere.

NOTAN-

SYMMARIUM.

1. *Lites inter Christianos, maximè Ecclesiasticos, per transactionem aut compositionem partium componenda & finienda.*
2. *Transactio bona fide & sine dolo facta, paris exceptionem litem finit, ut instar rei iudicata haberi debeat, ita ut si læsio gravis partis post transactionem appareat, nihilominus tamen transactio firma manere debet, neque rescindi, secus est, si læsio fiat in ipsa transactione.*
3. *Confirmatio Principis si fiat ex certa scientia, seu cum causâ cognitione supplet defectum alius, qui confirmatur; si quidem sit defectus iuris positivi, & non naturalis, nec specialia dispensationis expressionem exigat.*

NOTANDUM I. Consultum & salubre est, ut lites inter Christianos, maximè Ecclesiasticos personas, per transactionem, aut compositionem partium finiantur. Ita sumitur ex hoc c. ver. salubrem, & annotatur lib. 2. tr. 4. c. ult. n. 8. in fine.

NOTANDUM II. Tametsi post transactionem, repertis v. g. instrumentis, appareat, re ipsa graviter læsam esse unam transigentium partem, ut nec dimidium eius, quod ipsi re ipsa competeat, acceperit, tamen transactio firma manere debet, neque rescindi. Ita etiam habetur in l. Lucius. 78. in fine, ff. Ad Trebellian. & in l. sub prætextu, 19. & 29. C. de Transactionibus. Ratio est: Quia in casu dubio, & controuerso veraque pars incerto eventui se sponte committit, perinde ac in ludo: dummodò dolus alterius partis non interueniat, ut si fraudulenter occulter ea, quæ manifestari debent, uti colligitur ex cit. l. 19. Quare dici solet, quodd transactio, si bona fide & sine dolo facta sit, litem finitam faciat, ut instar rei iudicatz haberi debeat.

Intelligitur autem tradita doctrina, si læsio partis postea appareat, v. g. propter instrumenta nouiter repta. Sin verò læsio

iniusta in ipsa transactione contingat: quia reuerà ius dubium, quod vna pars habebat, maius tunc maiorisue ponderis erat, quàm æstimabatur, inæqualitas hæc in conscientie foro ad æqualitatem reduci debet: Imò etiam in conscientie foro remedium rescissionis ex lib. 2. C. de rescind. vendit. dari deberet, perinde ut in alijs onerosis ac reciprocis contractibus, si læsio ultra dimidium iusti fuit, sicut bene cum Bartolo & alijs docet Mol. tr. 2. de iust. disp. 5 § 6. n. 16. Quamvis talis rescissio in transactionibus concedi vix soleat, nisi læsio enormissima sit, ideòque dolus præsumatur, uti docui cit. c. ult. n. 2. Vel nisi Minor natus, aut Ecclesia in huiusmodi transactione læsa sit, tum ei Iudicis officio succurritur per in integrum restitutionem, iuxta l. 1. & 2. C. Si aduersus transactionem.

NOTANDUM III. Confirmatio Principis, si fiat ex certa scientia, seu cum causâ cognitione, supplet defectum actus, qui confirmatur. Hoc loco aduerte, quodd duplex sit confirmatio, ut videre est apud Imolam hic in fine. Tabienam ver. confirmatio, n. 14. & 15. Tuschum eod. ver. concl. 710. Vna in forma communi, quæ ius aut valorem actui non tribuit, sed supponit; ideòque approbat actum, quatenus de iure validus est, iuxta c. 1. & 2. de confirmat. utili, & inutili. Altera est confirmatio ex certa scientia, si nimirum Princeps actum approbans seu confirmans eius plenam cognitionem se habere significet. Et talis confirmatio ius ac valorem tribuit actui, si defectu aliquo, seu requisita solemnitate careat, ut hic apparet.

Sed limitandum est primò: Quodd confirmatio ex certa scientia suppleat defectus iuris positivi, quippe in quibus Princeps dispensare potest, non item suppleat defectus iuris naturalis: Ut si contractus vfurarius fuit, confirmatione Principis, tametsi ex certa scientia facta dicatur, nõ poterit validari, uti bene notat Imola hic in fine, Abb. n. 5.

Limitandum est secundò: Quodd per generalia verba, confirmamus ex certa scientia, vel per plenitudinem potestatis, ut vires habeat plenissima notio, &c. non censetur

D d d d d suppleri

suppleri defectus, qui specialem dispensationis expressionem desiderat, cuiusmodi est personæ inhabilitas, vel si confirmatio cedat in præiudicium aliorum. Exempli causa confirmatio electionis factæ de intruso, tametsi dicatur facta ex certa scientia, censetur subreptitia, nisi mentio fiat intrusionis. Similiter, si alicui possessiones per violentiam acquisitæ confirmantur ex certa scientia, censetur subreptitia confirmatio, nisi mentio fiat violentæ occupationis, vel nisi aliunde constet, Principem eius notitiam habuisse. Vt docet Specul. tit. de legato, §. Nunc ostendendum, ver. 18. Tabiena cit. n. 15. Bertachinus in repert. ver. confirmatio priuilegiorum, Tuschus cit. concl. 710. n. 22.

CAPITVLVM II.

Statuimus.

PARAPHRASIS.

Alexander III. scripsit ad quosdam, si inter ipsos & personam aliquam Ecclesiasticam, cum consensu Episcopi, compositio super decimis facta fuit, eam firmam esse oportere.

SUMMARIUM.

1. In alienationibus & transactionibus super iuribus ecclesiæ inferioris, requiritur consensus Episcopi, aut Archiepiscopi, cui talis ecclesiæ subiecta est. Idem sentiendum de Prælati exempti, si quasi Episcopalem iurisdictionem habeant; imò etiam de non exemptis, si legitime præscriperunt iurisdictionem erga ecclesias sibi subiectas, Episcopo excluso.
2. Perest Parochus super decimis soluendis pacificariam sine consensu Episcopi, ita tamen, ut pactum non sit perpetuum, nec parias obligationem, nisi personalem, nec ecclesiam afficiat.

NOTANDVM Vn. In alienationibus, & transactionibus super iuribus eccle-

siæ inferioris, requiritur consensus Episcopi, aut Archiepiscopi, cui talis ecclesiæ subiecta est. Idem verò sentiendum est de Prælati quibuscunque, si ab Episcopo exempti veluti Episcopalem iurisdictionem habeant, quòd alienationibus & transactionibus Ecclesiarum plenissimo iure sibi subiectarum, assensum præbere possint, secundum Gl. in Clem. 1. ver. proprij, de reb. Eccles. non alienandis, Imola hic n. 5. Abb. 4. Qui hoc ipsum extendit ad Prælatos & Capitula non exempta, si legitime præscripta consuetudine iurisdictionem erga Ecclesias sibi compararunt, iuxta ea quæ dixi in c. 3. de offic. Iudic. ordinarij.

Porrò ex hoc c. ver. personam Ecclesiasticam, colligunt Canonistæ aliqui, uti videre licet apud Ioann. Andr. hic n. 9. Abbat. n. 8. Quòd compositio super decimis absq; Papæ auctoritate fieri non possit cum laico. Sed id ex textu non colligitur, quia potius contrarium, uti Hostiensis, & Imola hic annotarunt: Videtur enim Papa scripsisse ad laicos, si inter ipsos & ecclesiasticam personam, ad quam nomine Ecclesiæ suæ ius decimarum spectat, Episcopi consensus intercessit, eam perpetuò obseruandam esse. Quare ita docet Gl. hic ver. personam Ecclesiasticam, Imola & Abb. li. ec. Tametsi enim Episcopus laicos, imò & clericos absolute, ac in perpetuum eximere non possit ab obligatione decimas persolvendi, (cùm ea ex iure vniuersali canonico descendat, quòd inferior Papæ remittere, aut relaxare nonquit) potest tamen Episcopus in controuersia super decimarum solutione cum laicis compositionem, seu transactionem facere: v.g. si dubium sit, an immunitatem ad decimas personalibus, aut prædialibus, in totum, vel secundum partem præscriperint, uti dixi lib. 4. Theol. moral. tr. 6. c. 6. assert. 9.

QVÆRITS. Vtrum persona ecclesiastica v.g. Parochus super decimis soluendis cum Parochianis transigere possit, etiam sine Episcopi consensu? Respond. Non posse ita transigere, ut pactum perpetuum sit, & successeurs etiam obliget, posse tamen transigere ad vitam suam, ita ut obligatio personalis

fit, Ecclesiâque non afficiat. Ita notavit Gl. in c. 3. ver. eandem conventionem, de decimis, & dicitur infra hoc tit. c. de cætere, & c. veniens. Dummodò iure diocesano tales portiones seu contractus prohibiti non sint.

CAPITVLVM III. Contingit.

PARAPHRASIS.

Queritur, quid iuris sit, si Abbas, vel Prior Conventualis in causa dubia coram Iudice ordinario, aut delegato, cum parte adversaria transactionem fecit, sed Capitulum seu Conuentus eam reuocare velit; Resp. Alexander III. Si Abbas, aut Prior literas Capituli de ratihabitione habuit, id est, quod Capitulum rata habere velit, quæ ille gesserit, tum transactionem reuocare non potest, quasi in eam non consenserit. Quod maxime verum est, si transactione aliquot annis (videl. quadriennio, quod Capitulo, si lætum fuit, ad petendam restitutionem in integrum conceditur) seruata est. Ita explicat Innocent. & Gl. ver. aliquot annis.

SVMMARIVM.

1. Superior alicui causam, secundum iura decidendam, delegans, non aufert illi facultatem admittendi transactionem.
2. Licet Abbas etiâ solus in iudicio agere, & conueniri possit; non tamen potest transigere absque Capituli consensu, nisi super rebus, quarum alienatio ipsi permissa est.

NOTANDVM I. Si Superior controuersiam alicui deleget, vt eam secundum iura decidat, non aufert illi facultatem admittendi transactionem, vti etiam constat ex c. de cætere, hoc tit. Nam vniuersum loquendo, ad Iudicem pertinet, si fieri possit, partes ad concordiam reducere, iuxta c. vlt. hoc tit.

NOTANDVM II. Licet Abbas, etiam solus, iudicio agere, & conueniri possit (sal-

tem si causa valde grauis non sit) cum ad ipsum generalis, & libera administratio pertineat, vti dixi in c. edoceri, 21. de rescript. non tamen potest transigere absque Capituli consensu. Ita docet Gl. hic communiter recepta, ver. literas, Hostiensis in sum. hoc tit. §. Quis potest transigere, Innocent. Ioann. Andr. hic. Ratio est: Quia per transactionem deueniri solet ad alienationem: Ergo sicuti Prælatus res Ecclesiæ, absque Capituli consensu alienare non potest, ita neque super eis transigere, arg. reg. 84. in 6. *Cum quid una via prohibetur alicui ad id alia non debet admitti.*

Porro hinc sequitur, quod Prælatus, v. g. Abbas in causa dubia absque Capituli consensu, transigere possit super rebus, quarum alienatio ipsi permissa est, videl. super rebus modicis, & parum vtilibus, vel super rebus mobilibus non pretiosis, aut quæ seruando seruari non possunt; Item, quod transigere possit super immobilibus, aut mobilibus pretiosis &c. non ita vt ea perdat, sed vt ea, aliquâ datâ pecuniâ, retineantur, iuxta receptam doctrinam Gl. in l. nulli, 13. ff. de Transact. Abb. hic n. 3. & dixi lib. 3. Th. mor. tr. 4. c. vlt. n. 4.

Deinde limitanda est tradita doctrina: Quod Abbas in causa dubia cum legitimo Superioris sui consensu, transigere possit etiam alienando immobilia, si Conuentus generalem ac liberam ei potestatem fecit se rata habiturum, quæcunque in tali causa egerit. Ita colligitur ex hoc c. & tradit Gl. hic ver. literas, Imola n. 6. Bartolus in l. Procurator cui, 58. ff. de Procurator. Gl. in l. Si Procurator, 10. verb. plenam, C. eod. ait: Quod Procurator ad agendum constitutus transigere possit, si habeat mandatum generale & liberum, non item, si habeat mandatum generale tantum, iuxta l. mandato, 60. ff. de Procuratoribus, & c. qui ad agendum, 4. de procur. in 6. Quare idem quoque de Prælatis Ecclesiarum, & quibuscunque administrationibus dicendum, si habeant literas generales ac plenas de ratihabitione, quod omnia facere possint, etiam transigere, & alienare, sicuti si expressum & spe-

cialem consensum habeant; excepto quod donare nequeant, sicuti traditur in cit. l. Procurator cui, iun. rubr. & Gl. & videri potest Gl. inc. petitio, 9. ver. generales, ibid. Abb. de procurat.

CAPITVLVM IV.

Constitutus.

PARAPHRASIS.

Inter Gasparem & Alexandrum Clericos controuersia erat super quadam Capella, quam ipsi per transactionem, fide inuicem data, finierunt. Sed cum Alexander transactione stare nollit, ad Pontificem causa deuenit, qui respondit; Huiusmodi transactione continere speciem simoniæ; quare eam in irritum reuocatam, controuersiam inter dictos clericos secundum iura dirimendam esse.

SYMMARIUM.

Transactio propriè dicta super beneficio seu iure beneficiali, si propria auctoritate fiat, tanquam Simoniacam damnatur.

NOTANDVM Vn. Transactio super beneficio, seu iure beneficiali, si propria auctoritate fiat, tanquam simoniaca damnatur, vt hic, & in c. super eo, 7. hoc tit. & dixi lib. 4. tr. 10. c. ult. n. 57. Intelligitur autem hoc, si sit propriè dicta transactio super causa beneficiali dubia. Sin autem beneficij alicuius possessor liquidum in eo ius habeat, atque iniusto petitori pecuniam v. g. offerat, vt à vexatione desistat, simoniacus cenferi non potest: cum pecuniam non det pro iure beneficij acquirendo, aut stabiliendo, sed pro iniuria, seu vexatione redimenda, vt dixi cit. c. ult. n. 22. Cæterum in externo foro præsumptio erit contra eum, quæ ita transigit, vt proind. consultum non sit, tales pactiones inire, nisi notorium sit, quod alter iniuste vexare intendat.

Porro, vtrum ludicis seu Superioris au-

thoritæ transactio super lite beneficiaria fieri possit, dicitur hoc tit. c. super eo, 7. & dixi cit. c. ult. n. 58. Denique dixi Transactionem, tanquam simoniacam damnari: quia interdum non committitur simonia ex rei natura; sed solum ex Ecclesiastico iure, quo omnes pactiones circa beneficia, si propria auctoritate fiant, damnantur, tanquam simoniæ speciem gerant. Verum eiusmodi non esse propriè peccata simoniæ, tanquam probabilius docui in cit. c. ult. n. 66. Quare aliqui existimant, nominatim Abb. hic, n. 3, non eisdem penis subiectam esse simoniam, quibus alia propriè dicta simoniæ peccata subiecta sunt: licet contrarium sentiat Gl. hic ver. audiat, & alij, quos secutus sum cit. n. 66. dicto 2. & sumitur ex c. cum olim, 7. de rerum permutat.

CAPITVLVM V.

De cætero.

PARAPHRASIS.

Cum duo Parochi Titius & Caius, super iure cuiusdam Capellæ controuersiam haberent, Titius impetratis literis Apostolicis ad Iudicem delegatum, coram eo transactionem fecit cum aduersario, absque diocesani consensu: quæritur, an ea rata esse debeat. Respondet Alexander III. Si alioquin iuri contraria non sit, ab Episcopo improbari non posse: dummodò transactio ita fiat, vt qui in capella antea institutus erat, v. g. Titius, ius suum beneficiale retineat. Cæterum, si alteri Parochiæ, cui aduersarius Caius præest, absque Episcopali auctoritate census ex capella illa soluendus sit, is vitam Titij excedere non debet. Ita Hostiensis apud Imolam hic, col. 1.

SYMMARIUM.

1. *Litigans super beneficio coram Iudice à Papa delegato transigere potest, etiam absque consensu Ordinarij, sine quo tamen*

men beneficiatus cedere beneficio non posset; quamvis ad præstandum consensum ille cogi posset a delegato, si renuntiationem factam causâ concordia irrationabiliter acceptare nolit.

2. *Per transactionem litis finienda causâ institutam auctoritate iudicis delegati, onus pensionis imponi potest non beneficio, sed parti transigenti ad certos annos, vel tempus vite ipsius.*
3. *Secundum Curia Romana praxin Episcopis hodie non licet (olim videtur licuisse) pensiones, præsertim in perpetuum, beneficiis imponere.*

NOTANDUM I. Litigans super beneficio coram Iudice delegato à Papa transigere potest, etiam non interveniente consensu Ordinarij. Si tamen beneficiatus beneficio cedere velit, id sine assensu Episcopi collatoris fieri non debet, iuxta c. admonet, 4. de renunt. & notat Abb. hic, n. 1.

Quòd si is absque causâ rationabili abnueret acceptare renuntiationem, factam causâ concordiz, seu ut à lite recedatur, interdum cogi posset à Iudice delegato, arg. c. præterea, 5. l. de offic. delegati, ex quo habetur: quòd Papa alicui causam delegans, censetur committere omnia, quæ ad causæ expeditionem necessaria sunt.

NOTANDUM II. Per transactionem, litis terminandæ causâ institutam auctoritate Iudicis delegati, onus pensionis aut census imponi potest non ipsi beneficio, ita ut ad successores transeat, sed parti transigenti ad certos annos, aut ad tempus vite ipsius. Ita etiam habetur in c. nisi, 2. 1. de præb.

QVÆRES: Vtrum ipse Episcopus, cura consensu Capituli, ex causâ rationabili beneficium pensionem seu censum in perpetuum gravare possit. Resp. Spectato iure antiquo, videtur affirmadum, arg. huius textus, verb. absque Episcopali auctoritate, & c. expofuisti, 3. vbi id docet Abb. n. 8. de præbend. & c. extirpandæ, 30. §. Qui verò, eod. tit. vbi id docet Imola n. 17. Prohibetur enim ibi, ne id fiat in fraudem, ergo secus est, si ex causâ iusta & rationabili. Quamobrem S. Th. 2. 3.

q. 100. a. 4. in fine ita scribit: *Si Episcopus, antequam beneficium alicui conferat, ob aliquam causam ordinaverit aliquid subtrahendum de fructibus beneficij conferendi, & in pios usus expendendum, non est illicitum.* Et Abb. in cit. §. qui verò, n. 7. Tene mente, quòd cessante fraude, potest ex præventibus unius beneficij conficius aliud beneficium. Et sic collige bonam practicam: ubi est aliare multum pingue, vel Ecclesia multum abundans, poterit Superior, maximè ea vacante, ex certis redditibus cõstituire aliud beneficium pro Sacerdote, vel Clerico; vel poterit pensio assignari, dummodò non fiat in fraudem.

Et profectò id quandoque necessitas postulat: Ponamus enim, Parochiam aliquam in redditibus annuis habere sex millia florenorum; aliam verò Ecclesiam, cui plura onera incumbunt, habere tantum quadringentos, nonne poterit, imò debet Episcopus ex abundantioris parochiæ redditibus, patrono consentiente, detrachere ad subleuandam inopiam alterius Ecclesiæ parochialis, aut Collegiatæ, alteriusve beneficij. Verum; tamen secundum Curia Romanæ praxin Episcopis hodie concessum non esse, ut pensiones, præsertim in perpetuum, beneficiisq. imponant, dixi lib. 4. tr. 2. c. 13 q. 5. & c. 18. quæst. 3.

CAPITVLVM VI.

Ex literis.

PARAPHRASIS.

Duo Clerici, Romanus & Antonius, super Ecclesia quadam controversiam habentes, coram Episcopo Vigorensi, Apostolicæ Sedis delegato, transigerunt; eiusque transactionis auctor fuit Guilielmus alterius partis Aduocatus, qui & in instrumento transactionis tanquam testis subscripsit. Sed idem Guilielmus, persuadens sibi, dictam transactionem simoniacam, ideòque irritam esse, eandem Ecclesiam ipsemet à Sede Apostolica impetrauit, dissimulans se transactioni illi interfuisse,

Dddd 3 eique

eique patrociniatum fuisse: Imò etiam tacuit, se tempore impetrationis laicum esse, ac nondum tonsuratum. Quamobrem scribit Alexander III. super petenda Ecclesia illa silentium ei imponendum esse. Ita intelligunt Innocent. Ioan. Andr. & Abbates.

SUMMARYM.

1. *Advocatus & Procurator non potest in eadem causa, cuius est Advocatus & Procurator, esse testis: potest tamen, si ea per transactionem componatur.*
2. *Auctor, mediator, aut suaser alicuius transactionis, aut contractus, non auditur postea, si eum ut irritum vel inane impugnare velit.*
3. *Laicus, seu non tonsuratus, non est capax beneficii.*
4. *Si quis in possessionem beneficii evidenter intrusus est, nullo colorato titulo vel probabili munitus, tum huius possessionis in impetratione beneficii mentio nulla facienda est: secus est, si quis sit in possessione saltem colorata.*
5. *Testis contractui consensisse presumptus, non potest eum impugnare: secus est, si contractum non approbavit.*

NOTANDUM I. Licet Advocatus, (Uxi & Procurator) non possit esse in eadem causa testis pro eo, cuius Advocatus vel Procurator fuit, c. ult. de testibus, in 6. l. ult. ff. de testibus; potest tamen Advocatus, in causa, si ea per transactionem componatur, testis esse huius transactionis, Ita Anton. de Butrio, & Imola hic n. 2. Abb. n. 1. Cum enim per transactionem finiat lis, sequitur quod definat esse Advocatus; ideòque non simul est Advocatus, & testis in eadem causa: sed qui fuerat Advocatus in controversia, ea finita per transactionem, incipit esse testis transactionis. Simili ratione ait Innocent. apud Imolam hic, n. 13. Abb. cit. num. 1. Si quis testis subscripsit in instrumento emptionis, alteriusque contractus, quod postea deinde ut Advocatus adhiberi,

fiagatur de executione contractus. Iam enim non testificatur; sed qui antea fuerat testis, eiusque testimonium firmum manet, modò ut Advocatus adhibetur. Cæterum, si de viribus instrumenti dubitetur, non possit eius testimonium recipi, dum Advocatus est.

NOTANDUM II. Qui est auctor, mediator, aut suaser alicuius transactionis, aut contractus, nò auditur postea, si eum ut irritum, vel iniustè impugnare velit: quia allegat propriam turpitudinem, ideòque, audiendus non est, iuxta c. inter dilectos, 8. de donation. Gl. ver. turpitudinem. Ita explicant hunc locum Ioan. Andr. hic n. 3. Imola n. 13. Abb. n. 4.

NOTANDUM III. Laicus, seu non tonsuratus non est, capax beneficii: quare in impetratione beneficii mentio fieri debet de clericali, c. cum adeo, 17. de rescript. Nisi Papa ex certa scientia scribat pro aliquo nondum Clerico, qui Clericus fieri vult, ut beneficium ei conferatur, tunc prius tonsurari debet, & postea in beneficio institui, sicuti hic docet Abb. n. 3.

QVÆRITUR I. Si alius quispiam Ecclesiam, quæ ex simoniaca transactione ab aliquo possidebatur, tanquam vacantem impetrasset, nulla facta mentione possessionis; ytrum impetratio subreptitia sit. Respondeo cum Ioan. Andr. hic n. 3. Imola n. 2. Abb. in c. cum nostris, 6. num. 16. Si aliquis in possessionem beneficii evidenter intrusus est, nullo colorato seu probabili titulo munitus, tum huius possessionis necesse non est mentionem fieri, arg. c. super literis, 20. de rescript. Sin autem aliquis est in possessione saltem colorata, ut quia à legitimo Ordinario inuestitus est, quamvis institutio aliquo vizio laborare videatur, eius possessionis in impetratione beneficii mentio facienda est, cum prius de iure & titulo possessoris cognoscenda debeat, quam ei beneficium auferatur, arg. cit. c. cum nostris.

QVÆRITUR II. Si aliquis ut testis presentiam suam exhibuit contractui, vel subscriptionem, an eum postea ut irritum oppugnare possit. Resp. Si censi possit in contractum consensisse, tunc impugnare eum

NON

non potest; sed si contractum non approbabit. Prior pars sumitur ex hoc c. & casus sunt: I. Si agatur de eius præiudicio, & cum id sciat, non contradicat, l. fideiussor, 26. §. Pater, jun. Gl. ver. manifestum, ff. de pignori-
bus, & sumitur ex c. penult. de sent. & re iudic. II. Si testificatio pertinet ad substantiam contractus, quia sine ea valide fieri non potest, tam tacitus consensus & approbatio adesse videtur, vti Gl. docet in l. Caius, 39. ver. non obesse, ff. de pignorat. act. & Imola hic. Posterior pars ex eo probatur, quia testis solum testatur de his, quæ sunt facti, & non de his, quæ sunt iuris, ait Abb. hic n. 5. & confirmari potest ex regula, quæ traditur in cit. c. penult. & tit. 60. Cod. lib. 7. *Res inter alios acta aliis regulariter non nocet.*

CAPITVLVM VII.

Super eo.

PARAPHRASIS.

Si de Ecclesiastico beneficio, aut quavis re spirituali litigetur, transactio fieri non potest, ita vt retento vel accepto spirituali, vicissim aliquid detur vel remittatur: cum talis commutatio, seu reciproca obligatio speciem simoniæ habeat. At verò amicabile, & gratuita compositio in talibus fieri potest.

SUMMARIVM.

1. *Super ecclesiastico beneficio non potest transigi, sed potest amicabilem componi.*
2. *Si vni parti litigantium super beneficio temporale quiddam detur, non in compensationem dubij iuris, sed ob aliam causam, & nominatim ob bonum pacis & concordiam, tanquam simoniacum & illicitum, damnari non debet, si iudicis auctoritate fiat. Cautè tamen agendum, ne simoniaca passionis affectus admisceatur.*
3. *Reprobatur tamen talis pactio seu transactio, si à partibus iniuriam habuerit.*

1. *Lis beneficiaria ita componi potest, vt ex vna parte retento beneficio, alteri detur aliud beneficium, aut spiritalis pensio, modo fiat auctoritate Superioris, licet conuentio à partibus inchoetur.*

DE hac re plene dixi lib. 4. Th. mor. tr. 10. c. ult. §. 5. q. 7. Hic breuiter, & clare statuo has assertiones: Prima, Orta lite beneficiaria, partes amicabiliter eam vel perse, vel per arbitros componere possunt, ita vt beneficium vni videl. possessori, seu instituto relinquatur, alter verò iure suo cedat. Neque obstat, si hoc casu pars illa, cui beneficium relictum est, gratis, & non ex præcedente aliqua pactione, datum alteri offerat.

Secunda, Transactio super beneficio, data re aliqua temporali, neque priuato partium consensu, neque iudicis auctoritate fieri potest, prout etiam habetur in c. ult. de rerum permut. Probatur ratione allata in hoc c. Simoniacum & illicitum pactum est, si pro iure spiritali detur, vel promittatur aliquid temporale. Id autem fit in tali transactione super beneficio, si vnus litigantium dubium ius in eo habeat, & alter det, vel promittat v. g. tres argenti marchas, si iure suo cedat, aut renuntiet: Consequenter id neque partium conuentione, neque iudicis auctoritate fieri potest.

Tertia. Si vni parti litigantium, super beneficio, temporale quippiam, v. g. vnus aut duorum annorum redditus, designetur, non in compensationem dubij iuris (quæ, vt paulò ante dixi, simoniaca pactio esset) sed ob aliam causam, & nominatim ob bonum pacis, & concordiam, non debet id tanquam simoniacum, aut illicitum damnari, si iudicis ordinarij, aut delegati auctoritate fiat. Quamuis cautè agendum sit, ne simoniacæ pactionis affectus admisceatur. Ita habetur in c. 2. de arbitris, & c. nisi, 21. de præs. Cæterum, si talis pactio seu transactio à partibus initium habuerit, reprobari debet, c. cum pridem, 4. de pactis.

Quarta. Lis beneficiaria per transactionem ita componi potest, vt ex vna parte re-

tento beneficio, alteri parti datur aliud beneficium, aut spiritualis pensio. Dummodò Superioris auctoritas accedat; tamen si conventio à partibus initium coeperit, vti dixi cit. §. 5. n. 5. ver. Illud. Ratio est: Quia vnum spirituale pro alio spirituali commutare, non censetur esse simoniacum suapte naturâ. Quamvis talis pactio, circa beneficia & pensiones ecclesiasticas, si priuata auctoritate fiat, tanquam simoniaca iure ecclesiastico prohibeatur, vt dixi suprà in c. constitutus, hoc tit.

CAPITVLVM VIII.

Veniens.

PARAPHRASIS.

Monachi cuiusdam Monasterij terram habebant in parochia S. Mariæ, in qua coloni illorum omnia Sacramenta percipiebant, & tamen decimas soluere recusabant, cuiusdam transactionis prætextu, quam Monachi cum Paracho præfessore fecerunt, vt tantum tertiam partem decimarum de quibusdam prædijs exoluant. Hoc intellecto, respondit Alexander III. Nisi Monachi ostendant, transactionem hanc Apostolicam auctoritate confirmatam esse, ea non obstante (cùm inter personas transigentes tantum facta Ecclesiam ipsam, & successores seu parochos sequentes non afficiat) compellantur Monachi ac coloni eorum ad decimas ex quibuslibet rebus integrè persoluedas, atque insuper ad æstimationem eorum, quas hætenus illicitè detinuerunt.

SVMMARIVM.

1. Religiosi de iure communi obligantur ad decimas soluendas prædiales, in cuius parochia eorum prædia sita sunt; ex privilegio autem Papa ab his soluendis exempti sunt.
2. Transactio, & quicquid contractus à Rectore ecclesie, vel alio beneficiato iniuriæ absque Superioris auctoritate super inri-

bus aut redditibus suis, non transgreditur vitam eius, neque ecclesiam aut successores suos obligare potest.

3. Decimas iniuriæ detinentes seu non soluentes, condemnari debent ad eorum solutionem in posterum faciendam, & ad non soluturum, si ea non extent, æstimationem.

NOTANDVM I. Religiosi, spectato communi iure, obligantur ad decimas prædiales soluendas Paracho, in cuius parochia eorum prædia sita sunt, sicuti dixi lib. 4. tr. 6. c. 3. n. 4. Privilegijs tamen Summi Pontificum hodie exempti sunt, vt ad eas decimas per se, & personali obligatione non teneantur. Cuius privilegij vtilitas in eo consistit, quòd si nouales, seu terras, quæ antea decimis altitæ non erant, ipsi excolant, decimas dare non debeant. Si vero colonis tradant, tum hi decimis obligantur, secundum partem fructuum, qui ad ipsos perueniunt. Quia privilegium exemptionis à decimis concessum personis religiosis, non extenditur ad alios, c. sanè, 9. de privileg.

NOTANDVM II. Transactio, & quicquid contractus, quem Rector Ecclesie aliusque beneficiatus absque Superioris legitima auctoritate facit super iuribus, aut redditibus suis, non transgreditur vitam eius, neque Ecclesiam, aut successores suos obligare potest. Vbi discrimen notandum inter dominos absolutos prædiorum, ac iurium, & inter beneficiatos, qui ecclesiasticorum prædiorum ac iurium domini non sunt, sed vsufructuarij, seu potius vsuarij, quòd illi transactionibus hæredes quoque suos obligare possint, quin & pactum reale, seu quo res ipsa afficiatur & obligetur, instituire, iuxta l. iurifigentium, 7. §. pactorum, ff. de pactis. At vero beneficiati non nisi personale, seu quod solam personam beneficiati allicere, non item Ecclesiam, aut successores, l. idem, 2. §. ff. eod. & dixi de hoc lib. 3. tr. 4. c. 10. n. 5.

NOTANDVM III. Qui decimas iniuriæ detinuerunt, seu soluere neglexerunt, ij condemnari debent, vt & in posterum soluant, & hætenus non soluturum, si ea non extent, æstimationem præstent.

CAPITVLVM IX.

Præterea.

PARAPHRASIS.

Inter quosdam Laicos, & Religiosos controuersia erat de iure præsentandi ad Ecclesiam parochialem; quam ita transegerunt, vt ius præsentandi ad laicos pertineret; Religiosis autem ex dicta Ecclesia pensio ardua, quæ antea dari solita non est, proveniret. Hanc pactiõnem simoniacam effusi, respondit Lucius III. ac proinde irritam, ex quo Religiosi nullum commodum percipere possint.

SUMMARIVM.

Super iure patronatus non licet transigere, interuentu rei temporalis.

NOTANDVM I. Super iure patronatus, seu iure præsentandi non est licitum transigere, interuentu rei temporalis. Nam res spiritualis absque simonia promitti, aut dari non potest pro pecunia, seu alia re temporali & pecunia æstimabili, c. super eo, hoc tit. Atqui ius præsentandi ad beneficium perinde ac ius eligendi, vel confirmandi, spirituale est, vti docui lib. 4. tr. 1. o. c. ult. n. 60. Ergo super iure præsentandi interuentu rei temporalis, ac pretio æstimabilis transigere simoniacum, & illicitum est. Quomodo autem ius patronatus vendi possit, non per se, sed per accidens, seu accessorie, dixi lib. 4. tr. 2. c. 13. q. 9. §. Denique.

CAPITVLVM X.

Præterea.

PARAPHRASIS.

Controuersia erat de Capella quorundam Monachorum, vtrum subiecta esset Ecclesie matri: Monachi cõstebantur subiectam olim fuisse, sed postea transactione quadam liberatam; quia censum annuum constituerant matri Ecclesie soluere.

dam, vt capella à subiectione eius eximeretur. Sed pro maiore, seu matrice Ecclesie allegabatur, quoddam super spirituali subiectione transigere non liceat. Ad hæc respondet Cælestinus III. Cùm Fratres consteantur, capellam illam matri Ecclesie subiectam fuisse; at verò per transactionem, quippe irritam & simoniacam, liberata non sit, ideo contra illos sententiam ferendam esse. Neque referre aie Pontifex, quoddam determinatè non sciatur, quantus fuerit census ille; quia quantuscunque fuerit, constat transactionem de censu soluendo pro exemptione à spirituali subiectione simoniacam esse.

SUMMARIVM.

1. Super spirituali subiectione non licet transigere, data re aliqua temporali.
2. Non refert ad simoniam peccatum, an quis pro beneficio v. g. acquirendo nullum, vel parum dederit, si ad huius intentioem insituendi reciprocum quasi pactiõnem.
3. Si constet personas, vel locum olim alteri subiectum fuisse, presumptio est adhuc eum subiectum esse, nisi contrarium ostendatur.

NOTANDVM II. Accidit interdum, vt Reus excipiendo, fateatur intentionem seu allegationem aliquam Actoris. Quo casu Actor reiicere, vel oppugnare potest exceptionem, acceptando interim confessionem, quæ in ea continetur. Vt in proposito exemplo: Cùm Monachi excipiendo dicerent, se super subiectione transigisse cū ecclesia matrice, Prior eius acceptauit, quoddam fatebantur capellam subiectam fuisse, sed transactionem tanquam irritam, & simoniacam reiecit. Ita Imola hic n. 2. Abb. n. 1.

NOTANDVM III. Super spirituali subiectione non potest fieri transactio, dato aliquo temporali. Ita etiam dixi in c. præced. & c. super eo, hoc tit. Et tradunt hic Hostiens. & Imola in fine c. vbi bene addunt contra Innocentium, Si matrix Ecclesie capellæ censum soluere debuisset, quoddam Monachi non potuissent illum remittere, pro eo vt ca-

Eccc
pella

pella à subiectione eximeretur. Quia remittere idem est, quoddare, iuxta l. 2. ff. de calumniarioribus. Quare sicuti temporale pro spirituali dare simoniacum est, ita & remittere.

2. **NOTANDUM III.** Non refert ad simoniæ peccatum, vtrum aliquis pro beneficio v.g. acquirendo præsentatori, vel collatori multum dederit, an parum; si adfuit intentio reciprocæ quasi pactionem instituendi. Verum ob dati exiguitatem, sæpe præsumptio fieri potest, fuisse donum liberale & gratuitum, non datum per modum compensationis pro beneficio.

3. **NOTANDUM IV.** Si constat personas, vel locum olim fuisse alteri subiectum, præsumptio est, adhuc subiectum esse, nisi contrarium ostendatur, arg. l. siue, c. 6. C. de probat. & notat Abb. hic n. 3.

CAPITVLVM VLT.

Ex parte.

PARAPHRASIS.

Cùm Græci multa perperam contra sacros canones agerent, Cardinalis tituli S. Præxedis consuluit Honorium III. quidnam ipsi agendum esset. Respondit, Quod non tantum secundum canonicas sanctiones procedere possit definiendo, sed etiam componendo, ac transigendo, interdum aliquid de severitate remittens, prout status imperij & delinquentium multitudo exigere videtur. Exceptis tamen, quæ eiusmodi compositionis, aut dispensationis remedium non admittunt: quale est matrimonij Sacramentum, in quo Iudici concessum non est à severitate canonica recedere. In ijs porro, de quibus ius expressum non habetur, æquitate seruata procedat Cardinalis, in mitiorem partem semper declinando, quatenus personæ,

causæ, loca, & tempora postulare videbuntur.

SUMMARYM.

1. *Toto populo, vel multitudinis hominum delinquente, multum de gravitate pœnæ remitti conuenit.*
2. *Compositio, transactio, & dispensatio ad ea tantum se extendunt, quæ in nostra potestate sunt, non ad ea, quæ certam ex diuina lege constitutionem aut obligationem habent.*
3. *Vbi ius expressum non est, iudex benigniorem partem sequi debet, habita ratione personarum, loci, temporis, &c. Si autem lex expressa est, secundum eam iudex iudicare debet, nisi supremus sit seu Princeps, qui in lege ex iusta causa dispensare potest.*

NOTANDUM I. Si totus populus, seu multitudo hominum deliquerit, multum de gravitate pœnæ remitti conuenit. De hoc dixi lib. 2. tit. 3. c. 12. n. 7. & habetur c. quoties à populis 1. causa 1. q. 7. Et in c. vt constitueretur, 25. d. 50. vniuersim dicitur, interdum esse detrahendum aliquid severitatis, ut maioribus malis sanandis charitas succera subueniat.

NOTANDUM II. Compositio, transactio, sicuti & dispensatio ad ea se tantum extendunt, quæ in nostra potestate consistunt; non item ad ea, quæ certam ex diuina lege constitutionem, aut obligationem habent: cuiusmodi est matrimonij Sacramentum, & alia eiusmodi.

NOTANDUM III. Vbi ius expressum non est, iudex potius benigniora sequi debet, inspectis qualitatibus causæ, personarum, loci, temporis, &c. Sin autem lex expressa sit, secundum eam iudex iudicare debet, nisi supremus sit, seu Princeps, qui in lege ex iusta causa dispensare queat, l. 1. C. de iegibus, c. iudicet, 4. causa 3. q. 7.

TITVLVS XXXVII.

DE POSTVLANDO.

SI partes in causa aliqua contententes inter se non paciscantur aut transigant, tunc iudicium, seu Iudicis sententiam implorant; & ob eam rem ante omnia Aduocatos, & Procuratores idoneos quaerunt, de quibus hoc & seq. tit. agitur, tanquam de quibusdam praeparatorijs ad iudicia. Videri potest Gl. super rubric. Cod. hoc tit.

Tametsi verò postulandi nomen latius accipitur in l. i. ff. de postulando; *Postulare est desiderium suum, vel amici sui in iure apud eum, qui iurisdictioni praest, exponere, vel alterius desiderio* (id est, actoris petitioni in sua, vel amici causa) *contradicere*, hic tamen strictius accipitur, pro officio Aduocati, seu eius, qui pro altero in iudicio praesente, & causam pro se agente, postulat.

CAPITVLVM I.

Clerici.

PARAPHRASIS.

Qui in sacro ordine constituti sunt Clerici, omnes, qui autem in minoribus, si beneficiati sint, coram Iudice seculari in negotijs secularibus Aduocati esse prohibentur; nisi causam propriam, aut Ecclesiae suae prosequantur; vel pro miserabilibus personis, quae se ipsas defendere non possunt.

SVMMARYM.

1. Clericus in minoribus potest esse Aduocatus & Procurator ad lites, nisi sit beneficiatus, vel causa criminalis, in qua periculum sit condemnationis ad mortem, vel mutilationem membri.
2. Clerici in maioribus non Sacerdotes possunt esse Aduocati in omnibus causis coram Iudice ecclesiastico: coram seculari vero in causis ecclesiasticis, vel secularibus,

si causam suam, vel ecclesiae suae, non personarum miserabilium prosequantur. Miserales persona hic censentur etiam ii, qui licet diuites, seipsos neg. defendere, neque Aduocatum acquirere possunt.

3. Clerici Sacerdotes neque in ecclesiastico foro vs Aduocati stare debent, exceptis causis de quibus c. vlt. hoc tit.

HAnc materiam, vtrum Clericus possit esse Aduocatus, vel Procurator ad lites, prosecutus sum lib. 3. tr. 4. c. 26. n. 11. Est verò ita distinguendum: Vel est Clericus in minoribus, vel in maioribus. Si in minoribus tantum, aduocatus esse non prohibetur. Excipe primò, si beneficiatus sit; tum de eodem sentiendum, quod de Clericis in maioribus, qui Sacerdotes non sunt, paulò post dicitur. Excipe secundò; Quod propter periculum irregularitatis Clericus non debeat esse Aduocatus in causa criminali, praesertim pro Actore contra reum; si condemnatio ad mortem, vel membri abscissionem sequi possit, c. sententiam, 9. Ne Clerici, vel Monachi.

Clerici in maioribus, si Sacerdotes non sint, Aduocati & Procuratores in omnibus causis esse possunt coram Iudice Ecclesiastico, coram seculari verò Iudice in causis Ecclesiasticis, sicuti per sensum contrarium colligitur ex hoc c. & docet hic Ioan. Andr. Abb. n. 3. Imolan. 2. & 3. Abb. in c. 2. Ne Clerici vel Monachi, arg. c. per venerabilem 13. Qui filij sint legitimi. Porro causas seu negotia ad seculare tribunal spectantia, varijs rationibus Ecclesiastica censeri debent: Vt quia persona litigans Ecclesiastica est, videl. Actor, qui forum Rei laici sequi debet, c. cum sit, 8. de foro compet. Vel ratione rei, vt quia res Ecclesiae feudalitatis est, & domino seculari obligata, c. nouit, 13. de iudicijs.

Sed & in causis secularibus, & coram Iudice seculari postulare, & Advocati esse possunt Clerici in maioribus, ac beneficiati omnes, si causam suam, vel Ecclesiæ suæ, aut personarum miserabilium prosequantur. Personæ autem miserales censi debent etiam quæ alioquin divites sunt, si neque se ipsos defendere, neque Advocatum alium acquirere possint præter Clericum.

- 3 Denique si Clerici Sacerdotes sint, neque in Ecclesiastico tribunali ut Advocati stare debent, exceptis causis seu negotiis, de quibus dicitur c. ult. hoc tit.

CAPITVLVM II.

Ex parte.

PARAPHRASIS.

Quidam Canonici regulares Advocati officium cum in Ecclesiastico, tum in seculari exercere soliti sunt, ea excusatione, quod canones, ut c. de præsentium, 20. c. Monachi 35. causa 16. q. 1. Monachis, non item Canonici prohibeant officium Advocati, vel Procuratoris. Sed Innocentius III. Pontifex respondet; Licet de Monachis specificè expressum fuerit, tamen, quoad hunc articulum, idem quoque intelligendum de Canonici regulares, ut Advocati, Procuratores, atque forensium negotiorum executores esse non possint, nisi pro utilitate Monasterij sui, & tunc Abbas, seu Præpositi regulares accedente consensu.

SUMMARIUM.

1. Statuta in Iure de Monachis non ob specialem rationem solitudinis, sed ob generalem rationem religionis de omnibus, saltem claustralibus Religiosis intelligenda sunt.
2. Religiosi prohibentur officium Advocati vel Procuratoris in iudicio exercere; præterquam in causa monasterij, accedente mandato Prælati; vel sine hoc in

causa propria, si suum Prælatum ad cust.

3. In causa alterius monasterij, vel quacunque causa pia, casu, quo nemo haberi possit, qui eum defenderet, probabile est, Religiosum posse cum Superioris sui mandato una vel altera vice postulare.

NOTANDVM I. Quæ de Monachis in Iure statuta reperiuntur, non ob propriam qualitatem solitudinis, sed ob generalem rationem religionis, per quam a mundo abstracti, Dei cultui se totos tradiderunt, ea de omnibus saltem claustralibus Religiosis intelligenda sunt. Ita sumitur ex hoc c. & notat singulariter Abb. hic n. 1. Sæpe enim fit, ut in constitutione aliqua species aliqua præcipua pro genere ponatur, ita ut ob identitatem rationis etiam in alijs speciebus locum habere debeat. Quæmadmodum in hoc ipso c. nomen Abbatis sumitur pro quocunque Prælato regulari.

NOTANDVM II. Religiosi prohibentur officium Advocati, vel Procuratoris in iudicio exercere, præterquam si agatur causa Monasterij, & Prælati mandatum accedat. Consentit Clem. Religiosus, de Procuratoribus, ubi additur, Quod sicuti Religiosus in iudicio Procurator esse non potest, ita nec alium Procuratorem constituere, aut sibi substituere. Sed rectè excipit Gl. ver. constituere, eos casus, quibus Religiosus absque mandato Prælati in iudicio agere potest, ut cum Prælatum suum accusat, c. ex parte, 1. de accusat. Nam ipsæ etiam Procuratorem loco suo constituere poterit. Imò melius est, ut per Procuratorem agat, quam per se ipsum, c. vn. de Syndico. Deinde si duo Religiosi ut eiusdem causæ consortes in iudicio agere possint, unus alterum Procuratorem constituere non prohibetur, uti habetur in cit. Clem.

Sed numquid Religiosus cum Prælati sui mandato Advocatus esse potest pro personis miserabilibus. Ita affirmat Vincen-
tius apud Speculator, lib. 1. part. 4. tit. de Advocato, §. 1. num. 3. Imola hic, num. 3. Sed prælati, ut cum alijs negemus: Quia iste
casus

De Postulando.

casus in iure non reperitur exceptus: Ergo statim regula generali, quod Religiosus esse non possit Aduocatus, nisi in causa Monasterij, cum Prælati mandato. Cæterum, si ageretur causa alterius Monasterij, aut Ecclesiæ, & vno verbo causa pia, & nemo haberi posset, qui eam defenderet, hoc casu probabilis videri potest prior sententia, quod propter æquitatem, Religiosus cum Abbatibus, seu Superioris sui mandato Aduocati munus vna, aut altera vice assumere possit.

Ea verò nimis ampla videtur explicatio, quam tradit Innocent. in c. cum l. & A. n. 2. de sent. & re iudic. Quod Religiosus mandante Prælato possit esse Aduocatus in iudicio, non tantum si de commodo Monasterij directè agatur, sed etiam, si indirectè, vt quia causa agitur amici, vel fautoris, ex quo commoda Ecclesiæ provenire possunt. Sed oppositum in praxi seruatur, & sequitur Syl. ver. Aduocatus, q. 7. arg. cit. e. de præsentium, & c. non magnopere, 13. Ne Clerici vel Monachi, ibi: *Ne occasione scientia spirituales viri mundanis rursus aditionibus inuoluantur.* Videt etiam quæ dicuntur in c. 2. Ne clerici vel Monachi &c.

CAPITVLVM III.

Cum Sacerdotis.

PARAPHRASIS.

Sacerdotes in iudicio agere, vel postulare non debent, nisi suum, vel Ecclesiæ, suæ, aut, postulante necessitate (quia videl. alius Aduocatus tam idoneus haberi non potest) coniunctarum, vel miserabilium personarum, causam prosequantur. Ratio adiungitur: Quia officium Sacerdotis esse debet nulli nocere, omnibus autem velle prodesse.

SVMMARIVM.

1. Clericus in causa ecclesiæ suæ potest esse iudex & testis.
2. Sacerdoti in iure perito licet pro spiri-

tuali fratre v.g. Canonico postulare, si is alium aduocatum idoneum habere nequeat.

3. Aduocatus dum vni parti patrocinatur, alteram oppugnat.
4. Clericus, qui contra ecclesiam, à qua beneficium habet, postulat, beneficio priuandus est.
5. Si quis postulet contra alium donatorem suum, donatio illi facta reuocari potest. Nisi Superioris mandatum cogat, vel pro coniuncta sibi persona postulet.
6. Aduocatus contra Rempublicam, vel dominum, à quo salarium habet, aduocare non potest, nisi Superioris vel Principis præceptum cogat.

NOTANDVM I. Causa Ecclesiæ ponitur vt diuersa à causa propria. Quamobrem licet Clericus in causa propria iudex, aut testis esse nequeat, potest tamen esse in causa Ecclesiæ suæ, iuxta e. in super, 6. de testibus, & tradit Gl. in e. si quis erga, 16. causa, 2. q. 7. Abb. in e. 1. n. 1. hoc tit. & dixi lib. 3. Theol. moral. tr. 6. e. 2. q. 4. except. 3. & e. 4. q. 2. ver. decimo, Sed de hac re dicam plenius infrà in e. cum venissent, de iudic.

Dubitant Canonistæ: Vtrum inter con-
iunctas personas enumerentur etiam fratres spirituales. v.g. Concanonici. Ita affirmat Gl. hic ver. pro seipso. Sed præstat, vt dicamus, sermonem esse de coniunctione sanguinis, iuxta communem explicationem apud Abb. hic n. 4. ver. Aduerte. Nihilominus ob paritatem, seu maioritatem rationis, & secundum æquitatem admitti posset sententia Gl. vt Sacerdoti in iure perito liceat pro spiritali fratre, si alium tam idoneum aduocatum habere non possit, postulare.

NOTANDVM II. Aduocatus dum vni parti patrocinatur, alteram oppugnat. Quare cum Sacerdotis officium sit, omnibus benefacere velle, ideo ab eo aliquid est Aduocati munus, seclusa necessitate.

* * *

E e e e 3

3. Cl.

S. Clericus.

PARAPHRASIS.

Si Clericus, contra Ecclesiam, à qua beneficium obtinet, pro extraneo aliquo Aduocatus, vel Procurator existat, tanquam ingratus beneficio priuari debet.

Ratio huius est, quia etiam vassallus beneficio feudi priuatur, si contra dominum suum militauerit, lib. 2. feudorum, tit. 24. Quæ fuit prima causa feudi amittendi. Aduocatus autem militibus comparatur, cum per eos hominum vita, & patrimonium defendantur, l. Aduocati, t. 4. C. de Aduocatis & c. Eademque ratione, si Aduocatus contra alium donatorem suum patrocinium alieui præstet, donatio illi facta ob ingratitudinis notam reuocari potest, sicuti tradit Abb. hic n. 2. Andr. Gaill lib. 1. obseruat. 88, n. 6. argum. huius textus, & c. ult. de donat.

Sed excipi debet primò, Nisi Superioris præceptum, idèque necessitas quædam co-

gat. Quæ tamen facile imponi non debet Aduocatis, vt contra dominos, aut ingnes benefactores suos operam suam in iudicio præstare cogantur.

Excipi debet secundò argum. huius textus: Si pro persona sibi coniuncta postulet: perinde enim censetur, ac si propriam causam ageret. Quæ de re Specul. lib. 1. p. 4. tit. de Aduocato, §. 1. n. 30. Ioan. Andr. hic n. 7.

Illud in questione est, vtrum Aduocatus patrocinium præstare possit contra Rempubl. vel dominum, à quo salarium habet, vt paratus sit causas eius defendere, si vocetur. Affirmat Abb. hic n. 3. Quia salarium Aduocatus non accipit vt donum, seu beneficium, sed tanquam meritum, seu mercedem. Sed contrarium docent Bartol. in l. 2. C. Aduocatis diuers. iudicum, Andr. Gaill loco cit. Et hæc sententia in praxi apud nos viget, quod ea conditione expressa, vel tacita conditione salarium annuum Aduocato constituitur, vt contra constituentem aduocare ipsi non liceat, nisi Superioris, seu Principis præceptum cogat.

TITVLVS XXXVIII. DE PROCVRATORIBVS.



Vomodo Procurator ad lites differat ab Aduocato, leges in Theol. morali lib. 3. tr. 4. c. 26. n. 7. §. Procurator, & n. 8.

CAPITVLVM I.

Alia.

PARAPHRASIS.

Cum Episcopi Salonitani causa Romæ decidenda esset, quidam eò accesserunt, vt causam eius prosequerentur: Sed Epi-

scopus rescripsit, se illos non misisse, idèque quæ cum ipsis acta sunt, irrita esse oportere. Postea autem cum idem Episcopus alios submitteret, neque ipsis fidem habendam esse iudicauit Gregor. I. Pontifex, eò quod mandatum procuratorum exhibere non potuerint. Mandat itaque idem Gregorius, vt personam instructam cum mandato legitimo, subscriptionibus Capituli, & testium laborato, alijsque actis authenticis transmittat: vt quidquid cum tali procuratore actum fuerit, de iure subsistat.

SYM.

SUMMARY.

1. De gestis cum Procuratore falso seu qui mandatum non habuit, non tenetur dominus seu principalis sed ipsemet Procurator conveniri potest.
2. In casu dubio, an Procurator mandatum habeat, prestata cautione de rato admitti potest, non tamen debet, si nihil asserat, nisi meram assertionem, dicendo scilicet semissum esse seu mandatum habere.
3. Non opus erit cautione de rato, si mandatum Procurator per testes probare velit. Si tamen insufficiens ad solvendum videatur, cautio fideiussoria exigere potest.
4. In gestis ab Universitate v. g. Capitulo, qui de Capitulo sunt, & consensum prestare, debent, non possunt describi tanquam testes.

testes probare velit, admittendus est, ita ut opus non sit cauere de rato, quia nihilominus obligabitur adversario, si sefellere: Quod si autem procurator sufficiens non videatur ad solvendum, tum cautio fideiussoria exigere potest. Vide Gl. hic ver. portitoribus, Bartol. cit. l. Abb. hic n. 5.

NOTANDUM III. In gestis ab Universitate, v. g. Capitulo, ij, qui de Capitulo sunt, & auctoritatem seu consensum prestare debent, non possunt describi tanquam testes, uti Imola hic monet n. 3. & sumitur ex c. literis, 6. de transact.

CAPITVLVM II.

Querelam.

PARAPHRASIS.

Inter Episcopum Sabinensem, & Antonium Clericum controversia erat, quam Pontifex Vigornensis Episcopo commiserat: Is citavit Antonium, qui tunc ob infirmitatem accedere non potuit: eamque excusationem suam per missos ad Episcopum probare paratus erat. Sed hoc non obitante, Episcopus Vigornensis dictum Clericum in expensis condemnauit, propterea quod ad terminum constitutum non aduenisset. Postea vero Papa Alexander III. eundem sententia hac absolvendum esse dixit: quia citatus ad iudicium in causa graui, si propter met venire nequeat, iniustus cogi non possit, ut procuratorem mittat.

SUMMARY.

1. Infirmitas grauius habet iustam causam non veniendi ad iudicium; nec tenetur mittere Procuratorem, si causa grauis & ardua sit.
2. Sententia contra absentem, velus consummatam, lata ipso iure irrita est, si iura disci constet, vel probata est iusta absentia causa: valet autem, si eidem non constet de impedimento, vel probabili

NOTANDUM I. De gestis cum Procuratore falso, seu qui mandatum non habuit, non tenetur dominus, seu principalis, uti etiam habetur in l. licet, 24. C. de Procurator. l. 3. §. falsus, ff. rem ratam habere. Sed ipsemet procurator conveniri potest, l. Plautius, 61. ff. de procur. & notat ibi Gl. margin. Abb. hic not. 1.

NOTANDUM II. Tamen si in casu, cum dubitatur, utrum procurator mandatum habeat ad litigandum (v. g. si sigillum instrumenti incognitum sit) prestata cautione de rato, admittatur, l. 1. C. de procur. tamen admitti haud debet, si nihil asserat, nisi meram assertionem, dicendo videlicet se missum esse, seu mandatum habere, uti colligitur ex hoc c. & tradit ibi ex communi Bartol. §. Secundo dicitur, contra Gl. in cit. l. 1. ver. cautio, ubi non recte ait, rem dubiam fieri, eo ipso quod procurator asserit se mandatum habere, & adversarius id ipsum negat. Cum enim affirmanti probatio incumbat, ideo si nihil omnino probet, non censetur dubia; cum presumptio contra illum sit.

Ceterum in casu, quo de procuratorio mandato dubitatur, si illud procurator per

habilitur idignores, debet tamen. petita restitutione in integrum, rescindi.
 8. *Si impedimentum perpetuum, aut diu sit duraturum, nec causa differri queat, mittendum est Procurator.*

NOTANDUM Vn. Infirmirate graui detentus, habet iustam causam non veniendi ad iudicium: Neque tenetur Procuratorem mittere, si causa grauis seu ardua sit. Vide l. 2. §. 1. ff. si quis cautionibus, & l. quæsitum, 60. ff. de re iudic. Innocent. hic n. 1.

Quæstio est: An mero iure valida sit sententia contra absentem, veluti contumacem lata, si iustum non veniendi impedimentum habuit. Respondeo, cum Gl. margin. in cit. l. quæsitum, Abbate hic n. 4. Vel Iudici constat seu probata est iusta absentie causa, tum ipso iure irrita est sententia, cit. l. quæsitum. Vel non constat Iudici de impedimento, sed probabiliter ignorat: tum valet sententia condemnatoria, debet tamen, petita restitutione in integrum, rescindi, argum. c. ex literis, de in integr. restitutione.

3. Cæterum, si impedimentum perpetuum sit, aut diu duraturum, & causa differri nequeat, tunc impeditur procuratorem mittere debet, ut docet Gl. in c. cum delicti, 6. de dolo & contumacia, Bartol. in l. 1. ff. de diuers. & temporal. præscript. Abb. hic n. 7.

CAPITVLVM III.

Ex insinuatione.

PARAPHRASIS.

Cum inter Archidiaconum Sagiensem & Magistrum Gasparem controuersia super præbenda mota esset, Archidiaconus præsentibus duobus clericis Procuratori suo inhiuit, ne mandato, seu instrumeto suo procuratorio vteretur: Sed ipse, sprete ea inhibitione seu reuocatione, nihilominus litigauit, & contra se latam

sententiam reportauit. Accidis autem; ut vnus ex duobus clericis, qui de reuocatione ista testari deberet, vitâ excederet. Hoc in casu mandat Clemens III. ut recepto iuramento tum à clerico superstitite, tum ab ipso Archidiacono, præbenda illa, non obstante sententia prius lata, eidem restitueretur, dummodò canonicum aliud non obstat impedimentum: Facta autè restitutione, si idem Archidiaconus institutionem suam probauerit, tunc ea rata permanere, remota appellatione, debet,

SUMMARYM.

1. *Procurator, etiam per instrumentum institutum, solis verbis seu scriptura reuocari potest: reuocatio autem si facta negetur à Procuratore, per duos testes probari debet.*
2. *Vnus testis facit semiplenam probationem, ita ut in causa non criminali, nec famosa, aut valde ardua iuramentum quandoque deferri possit ad integra probationis complementum.*
3. *Spoliatus à Iudice per sententiam nullam, potest petere restitutionem; restituenda etiam est ei possessio, antequam de proprietate rei cognoscatur.*
4. *Restitui tamen non debet, si obstat canonicum impedimentum.*
5. *Si possessori, restitui ini commune, tenetur ostendere titulum possessionis suæ.*
6. *Litteras papales impetrans ad beneficium, tanquam de iure vacans, quod de facto possideretur, debet ostendere nullitatem.*

NOTANDUM I. Procurator, etsi per litteras seu instrumentum constitutus sit, potest solis verbis, sine scriptura reuocari. Necesse tamen est, ut reuocatio probetur, v. g. per duos testes, si eam factam esse Procurator neget.

NOTANDUM II. Vnus testis in iudicio facit probationem semiplenam; adeo ut in causa non criminali, nec famosa, aut valde ardua, iuramentum à Iudice quandoque

que deferri possit ad integræ probationis complementum. Ita habetur in hoc c. & consentit l. in bonæ fidei, 3. iun. Gl. C. de rebus creditis, Gl. in c. vlt. ver. à te, de iureiur. & dixi lib. 4. Th. mor. tr. 3. c. 5. n. 3.

NOTANDVM III. Spoliatus à Iudice per sententiam nullam, potest petere restitutionem, ita vt prius de proprietate non cognoscatur, quàm possessio ei restituta sit, vti etiam dixi c. causa, 22. not. 2. de offic. delegati. Si tamen Iudex probabili errore ductus est, vt quia nesciuit, Procuratorem reuocatum fuisse, tunc agi non potest contra eum interdicto vnde vi; cùm iniuriam non intulerit; sed per viam nullitatis, vt Iudex ex officio, declarata sententiâ nullâ, restitutionem faciat. Qui videtur esse casus huius c. & docet Innocent. hic n. 2. Abb. n. 4.

NOTANDVM IV. Spoliatus restitui non debet, si canonicum obiter impedimentum. Et Gl. quidem hoc ver. quatuor affert exceptiones, quæ spoliato restitutionem petenti obijci possint: I. Quòd excommunicatus sit, ac nondum absolutus. II. Quòd pactus sit de restitutione non petenda. III. Quòd contra ipsam spoliatorum sententia lata sit super proprietate. Nam agenti possessorio iudicio obstat exceptio notorij defectus proprietatis, sicuti dixi lib. 5. Theol. mor. tr. 10. p. 4. c. 7. n. 10. IV. Quòd sententiam Iudicis, ob quam possessione deiectus fuit, cùm nullitatis arguere posset, ratam habuerit.

NOTANDVM V. Si ius commune resistat possessori (vt in casu huius c. quòd Archidiaconus aliam insuper præbendam incompatibilem habeat) tum tenetur ostendere titulum possessionis suæ, vti dixi in c. 3. not. 2. de offic. Ordin. in 6. & tradit Gl. hic ver. probare. Veruntamen etiam in causa beneficiaria, spoliatus possessione prius restitui debet, quàm titulum institutionis suæ exhibere, aut probare teneatur, sicuti aperte colligitur ex hoc c. & contra multos docet Abb. in c. in literis, n. 12. & seqq. de restit. Spoliatorum. Dummodò notorium non sit, titulum seu ius beneficiij nullum cōpetere, vt supra dixi not. 4.

Corollarium. Si quis literas Papales impetrat ad beneficium, tanquam de iure vacet, quod de facto possidetur, debet ostendere nullitatem; cùm alioquin præsumptio sit pro possessore, l. vlt. C. de rei vindicatione. Ita Abb. hic n. 9.

CAPITVLVM IV.

In nostra.

PARAPHRASIS.

In criminali aliqua causa, quæ erat inter Tullensem Episcopum, & Decanum, Episcopus duos Presbyteros Procuratores destinauit ad Sedem Apostolicam; sed paulò post de fide illorum dubitans, mandatum procuratorum ab eisdem reuocauit. Sed illi nihilominus, tamen si literas mandati reuocatorias receperissent, in iudicium ingressi vnâ cum aduersario literas Apostolicas ad Iudices delegatos impetrarunt. Coram his Episcopus excipiens, inducias sibi dari postulauit ad probandum, quòd falsi Procuratores fuerint. Sed Iudices exceptione ipsa tanquam inutili reiecta, dilationem concedere recusarunt; quare Episcopus ad Sedem Apostolicam appellauit. Verùm ea non obstante, Iudices lite non contestata, ac iuris ordine prætermisso, testes contra Episcopum receperunt, eumque à Tullensi Ecclesia remouerunt. Mirabilia hæc visa sunt Innocent. III. Sed vera esse credidit, quia viri Religiosi, prouidi, honesti, cum iuramento de ijs testati fuerunt. Quamobrè idem Innocentius processum Iudicum illorū irritandum, seu potius irritum esse iudicauit propterea quòd falsi Procuratoris exceptio non solum ante, sed etiam post laram sententiam obijci possit; ita vt iudicium, seu acta iudicii nullius momenti sint, si talis exceptio probata fuerit.

SUMMARIUM.

1. Presbyter potest constitui Procurator Episcopi ad lites.
2. Acta iudicii cum procuratore falso nullius momenti sunt, per se loquendo; & talis exceptio etiam post litem contestatam, & latam sententiam opponi debet.
3. Si persona ad procurandum inhabilis vel prohibita constituta sit, qua per se in iudicio stare potest, tum exceptio contra illam opponi debet ante litem contestationem, post illam autem opponi potest, si per se stare non possit in iudicio.

NOTANDUM I. Presbyter potest constitui Procurator Episcopi ad lites. Quod videtur esse contra c. vii. de postulando: Sed respondetur, Ob coniunctionem, & reuerentiam, quam Presbyter Episcopo suo debet, non minus posse eum postulare, vel Procuratorem agere pro Episcopo, quam pro Ecclesia sua. Ita Ioan. Andr. hic n. 2. Abb. not. 2. Idque maxime locum habet, si Episcopus defendendus sit.

NOTANDUM II. Acta iudicii cum Procuratore falso (id est, qui mandatum procuratorium non accepit, vel à quo reuocatum fuit) nullius momenti sunt, per se loquendo. Quamobrem talis exceptio, sicuti & omnis alia, quæ est de nullitate iudicii, etiam post litem contestatam, imò post latam sententiam opponi potest. Ita Gl. hic communiter recepta, ver. exceptio, & habetur in l. licet, 24. C. eod.

3. Sed quid? Si aliquis secundum iura inhabilis, aut prohibitus (vt Clericus, Minor natus, aut Religiosus) procurator constitutus sit. Resp. cum Bartolo in l. filiusfamil. §. Veterani, n. 9. ff. de Procur. Abb. c. penult. n. 6. infra, eod. distinguendum esse: Si enim sit persona, quæ per se in iudicio stare potest, vt clericus, miles, mulier, tum exceptio contra illam ante litem contestationem opponi debet: alioquin, si non opponatur, efficietur dominus litis, vt deinde repelli

nequeat, iuxta l. ita demò, 13. Jun. Gl. C. eod. Sin autem per se stare non possit in iudicio, vt amens, pupillus, Religiosus, tum exceptio etiam post litem contestationem opponi poterit.

CAPITVLVM V.

TUX.

PARAPHRASIS.

Si maritus uxorem coram seculari Iudice de adulterio accuset criminaliter ad poenam legalem ei inferendam, non per procuratorem, sed personaliter præsens esse debet; cum se inscribere, & ad talionis poenam obligare debeat. Sin autem uxorem accusare velit coram Iudice Ecclesiastico ad diuortium instituendum, tum licet se inscribere debeat, vt nomen, locum, tempus, & alia lege ciuili requisita designet, quin tamen ad talionis poenam, si forè in probatione defecerit, obligare se non tenetur, ideo sustineri potest, si necessitas id postulet, vt per procuratorem agat: Quia eiusmodi accusatio est de crimine sit, non tamen est criminalis; sed veluti mixta inter ciuilem & criminalem. Securius tamen erit, si partes principales personaliter in iudicio compareant.

SUMMARIUM.

1. In causa criminali, vbi non pecuniaria multa, sed maior poena, seu capitalis poena pro crimine imponenda sit, partes personaliter adesse debent. Si tamen reus adesse commòdò nequeat, per procuratorem se defendere potest.
2. Qui alterum criminaliter accusat, inscribere se, & ad poenam talionis obligare debet sed hodiò per defensionem sublata est.
3. Iudex secularis cognoscit de adulterio, si agatur criminaliter ad poenam singularem; Ecclesiasticus si agatur ad diuortium, seu totius separationem.
4. Insistens criminaliter actionem contra adulter-

adulteram ad publicam eius punitionem, finito hoc iudicio non potest agere ad diuortium instituendum; vel vice versa, finito iudicio diuortij, eandem criminaliter accusare.

5. *Si autem propriè, & directè agatur de interesse seu compensatione damni rei familiaris, actio hac civilis non præiudicat criminali, sed vna finita, altera institui potest, simul tamen utraque intentari nequit.*

Pœna adulteris decreta erat capitis amputatio, l. quamuis, 30. C. Ad l. Iuliam de adulteris. Ea tamen correctâ fuit in feminis adulteris, vt verberatæ in Monasterium detrudantur, Auth. Sed hodie, C. eod. Nunc verò multis locis ob adulterij crimen exilium, aliâue arbitraria pœna decernitur, sicuti collatur Iac. Menochius de arbit. qq. casu. 419. n. 74. Alia insuper pœna adulteris decreta est in l. consensu 8. §. 1. C. de repudijs, nouella Iustiniani 117. Vt liceat matri, §. Quia verò plurimas, & approbatur in e. plerumq; de donat. inter virum & vxorem; vt ob vxoris adulterium vir dotem eius lucretur, neq; restituere cogatur, & similiter vxor donationem propter nuptias ob adulterium mariti. Quia de re dixi in lib. 3. tr. 4. c. 13. n. 7. & videri potest Sanchez lib. 10. de matrim. disp. 8. q. 1.

1. **NOTANDVM I.** In causâ criminali, si non pecuniaria mulcta, sed pœna maior seu capitalis pro crimine imponenda sit, partes personaliter adesse debent. Ita hic, & in e. veniens, 15. de accus. l. 1. ff. An per alium causæ, &c. Id verò maximè verum est, si loquamur de Actore, seu Accusatore in criminali causa, vt ex hoc e. apparet. At verò Reus criminaliter accusatus, si absens se sistere commodè non possit, per procuratorem defendi potest, colligitur ex l. 3. C. de accusat. & l. seruum, 33. §. Publicè, ff. de Procur. & ex e. præc. & docet Iacob. Cuiasius lib. 20. obseruat. 20. sicut eum citat & sequitur Fashingus lib. 1. controuerf. iuris. c. 24. Quamuis Gl. in cit. c. præc. ver. præsentia, dicat procuratorem in causa criminali, tantum interueni-

re posse ad inquisitionem, aut exceptionem seu ad allegandam causam absentie, iuxta l. absens, 71. ff. de procur. & videri potest Gl. in cit. c. veniens, ver. criminali.

NOTANDVM II. Qui alterum criminaliter accusat, inscribere se, & ad talem pœnam obligare debet, si probare crimen non potuerit, qualem alter sustinere deberet, si conuictus fuisset, l. vlt. C. de accusat. & subscript. Quamuis autem hæc pœna talionis sublata fuerit, si maritus vxorem de adulterio accusaret, cit. l. quamuis; tamen iterum restituta est in cit. nouella Iustiniani 117. Vt liceat matri, §. Si de adulterio, & habetur in hoc. e. Sed hodie per consuetudinem iterum desisse talionis pœnam, testatur Clarus in præc. crimin. q. 81. n. 3. & dixi lib. 3. Th. mor. tr. 6. c. 3. n. 4.

NOTANDVM III. Secularis Iudex de adulterio cognoscit, si agatur criminaliter ad pœnam sanguinis: At verò Ecclesiasticus Iudex, non secularis, de adulterio cognoscit, in ordine ad diuortium, seu tori separationem, vti hic habetur, & in g. 1. Vt lite non contestata, & tradit S. Th. in 4. d. 35. q. vn. a. 3. ad 5. Sicut enim individuum nexum matrimonij, ob rationem Sacramenti, ad Ecclesiam pertinet cognoscere, & auctoritati conseruare, ita etiam de causis eius dissoluendi iudicium ferre. Vide plura lib. 4. Th. mor. tr. 9. c. 2. n. 5.

Querunt hic Canonistæ: Si quis contra adulteram criminalem actionem instituit ad publicam eius punitionem, vtrum finito hoc iudicio, possit etiam agere ad diuortium instituendum, seu tori separationem; aut, vice versa, finito iudicio diuortij, eandem criminaliter accusare. Responsio est negatiua cum Abb. hic n. 5. Soto lib. 4. sentent. d. 37. q. vn. a. 3. vers. colligito ergo, & constat ex l. interdum, 4. ff. de publ. iudicijs, & Quod Senatusconf. 6. ff. de iniurijs, ibi: *Si actum est publico iudicio, denegandum est priuatum; similiter ex diuortio, & tradit Gl. §. in summa, Instit. de actionibus.* Ratio est: Quia indecens videretur, vt aliquis idem delictum bis puniri postulo-

FFFF 2 let.

let. Vtraque autem actio tendit ad punitionem, licet altera ad publicam vindictam, altera verò ad priuatam. A e simili ratione, Si quis criminaliter egit contra adulteram, nō potest deinde agere ad dotis amissionem, sicut ex communi docet Sanchez lib. 10. disp. 8. n. 19. Cū & hæc pœna quædā sit licet applicanda auctori, seu accusatori. Quamobrem talis actio quodam modo civilis censetur, seu, vt hoc c. dicitur, mixta ex criminali & civili.

5 At verò si propriè ac directè agatur de intereffe, seu iactura rei familiaris compensanda, ea actio civilis non præiudicat criminali, adeò, vt vno iudicio finito, alterum iudicium institui possit, videl. vt postquam aliquis contra vulnerantem criminaliter egit, postea damni illati compensationem petat: vel post impetratam damni compensationem, publicam vindictam sicuti habetur expressè in l. vn. C. Quando civilis actio criminali præiudicat. Sed simul vtraque actio intentari non potest, vti Gl. communiter recepta ibid. notat. Cæterum vnà cum actione criminali posse etiam incidenter, & accessorie adiungi, vt damnum seu rei familiaris detrimentum compensetur, tradit Clarus in præf. crimin. q. 2. n. 2. Molina tr. 3. de iust. disp. 40. n. 19.

Accedit, quòd Iudex ex officio suo, nō obstante accusatione criminali, compellere possit iniuste ludentem ad damni compensationem, nisi pars læsa remittere videatur, vti testatur Sanchez cit. n. 19. Mol. cit. n. 19. Quemadmodum & Iudex finito iudicio priuato ex actione, quam mixtam diximus, criminale iudicium ad publicam vindictam ex officio instituere non prohibetur, teste Claro cit. p. 2. n. 7.

CAPITVLVM VI.

Cū pro causa.

PARAPHRASIS.

Si alicuius Ecclesiæ Clericus, v.g. Canonicus ostenderit, se ex mandato Capituli, Romam profectū esse, vt negotia aliqua promoueret, expensas ob eam causam factas repetere potest. Consensit. c. 2. causa

12. q. 4. iun. Gl. vbi habetur; Si Sacerdos, seu Ecclesiæ Rector, seu prælatus aliquid ex proprijs, seu patrimonialibus expendit in ecclesiæ rebus, ei restituendum esse. Quod & Abb. hic docet. n. 1.

SUMMARYM.

1. Procurator & mandatarius quilibet repetere potest omnes expensas à domino occasione mandati vel negotij sibi commissi factas, etsi euenit infelix fuerit.
2. Similiter agens sine mandato negotia absentis vtiliter ac rationaliter repetit actione negotiorum gestorum.
3. Qui propter aliam causam intrus est ad Curiam Romanam, cui ego mea quod negotia demandem non potest se repetere a me sumptus itineris.

NOTANDVM I. Procurator, sicuti & quilibet alius mandatarius, repetere potest expensas omnes, quas occasione mandati, seu negotij sibi commissi, facere debuit, tametsi euentus infelix fuerit. Ita, Gl. communiter recepta hic ver. propter hoc, & habetur in l. etiam si, 4. C. Mandati, vbi habetur, quòd procurator repetat sumptus litis, tametsi in causa succubuerit, dummodò eius culpa non acciderit. Quia nemini officium suum damnosum esse debet, vti docui lib. 3. tr. 4. c. 26. n. 3.

Addit Gl. ver. de mandato, Tametsi aliquis non interueniente mandato, negotia absentis vtiliter ac rationaliter gesserit, expensas actione negotiorum gestorum repeti posse, tametsi euentus infelix fuerit, l. sed an, 10. §. 1. ff. de negot. gestis, & docui cit. tr. 4. c. 28. n. 1. Veruntamen hoc discrimen est, quòd si mandatum alicui sit, vt negotium alterius suscipiat, non consideretur, vtrum vtile seu cōsultum domino fuerit suscipi, aut tractari: Sed in actione negotiorum gestorum absq. præcedente mandato, id maxime spectari debet, vti constat ex cit. §. 1.

NOTANDVM II. Si alicui in propria, aut alterius causa à Romam v.g. profecturus, mandem, vt mea quoq. negotia peragat, non potest is à me repetere sumptus itineris, quos aliquin etiam abique meo mandato facturus fuisset, Ita colligitur ex hoc c. ver. propter

pter hoc, & l. ex parte 39. ff. famil. herciscundaz, & notat Gl. in hic, Imola n. 1. Abb. n. 2.

CAPITVLVM VII.

Quia in causis.

PARAPHRASIS.

Vniuersitas scholarium Parisiensium, cum interdum in iudicio stare deberet seu agendo, seu defendendo, & omnes comparere non possent, petierunt ab Innoc. III. vt ipsis liceret Procuratorem, seu Syndicum instituere. Respondit Papa; Tamen si id eis, spectato communi iure concessum sit, tamen etiam auctoritate Apostolica se ipsis instituendi Procuratoris facultatem concedere.

SUMMARIVM.

1. Vniuersitas potest ad causas agendas Procuratorem instituere.
2. Scholares ubi consuetum est, possunt inter se facere Collegium seu Vniuersitatem, ita vt Rectorem & Officiales eligant, atque statuta condant pertinentia ad facultatem suam ita tamen, vt hoc modo superiori Magistratui subiecti, seu subordinati sint.
Idem potest Communitas opificum in approbatis rebus publicis.
3. Quae iuri communi concessa sunt, interdum à Principe conceduntur ad maiorem confirmationem & securitatem.

NOTANDVM I. Vniuersitas potest ad causas in iudicio agendas Procuratorem instituere. Nam etsi Procurator designatur, qui mandatu domini negotia aliena administrat, l. 1. ff. de Procurator. Tamen ipsa Vniuersitas, tanquam persona ficta, loco domini habetur, vt i. Gl. hic ait ver. de iure communi. Veruntamen Procurator ab Vniuersitate constitutus proprio vocabulo Syndicus, vel Actor appellatur, l. 1. §. Quibus, ff. Quod cuiusque Vniuersitatis, & c. vn. de Syndico.

NOTANDVM II. Scholares, vbi id consuetum est, facere possunt inter se Collegi-

um, seu Vniuersitatem, ita vt Rectorem, & Officiales eligant, atq; statuta condant pertinentia ad facultatem suam; attamen hoc modo, vt superiori Magistratui subiecti, seu subordinati sint. Ita sumitur ex hoc c. & ex l. vlt. C. de iurisdic. omn. iudicum, vbi hoc ipsum traditur de communitatibus opificum in Rebus publ. approbatis, & videri potest Bartol. & Abb. hic not. 2.

Contrarium tamen docet Gl. in cit. l. vlt. Quia Scholares, inquit, professionem non exercent, sed sub exercentibus sunt discipuli. Quemadmodum nec opificum discipuli Vniuersitatem, seu Collegium faciunt, sed eorum Magistri. Sed respondet hic Abbas; Quod etiam ipsi Scholares ad quaedam sua negotia tractanda conuenire possint, & quibuscumque locis soleant, ita vt propria & ipsi iura, statuta, directores, &c. habeant. Imò ait Accursius in cit. l. 1. ff. Quod cuiusque Vniuersitatis, ver, aliorum; si sex studiosi in vna domo habitent, quod facere possint Collegium licitum, ita vt Syndicum ipsis instituere liceat.

NOTANDVM III. Quae iure communi concessa sunt, interdum à Principe conceduntur ad maiorem confirmationem, & securitatem. Quia concessio specialis pluri aestimatur, quam generalis. Ita sumitur ex hoc c. & annotauit lib. 1. tract. 4. c. 23. n. 7. ex cept 3.

CAPITVLVM VIII.

Auditis.

PARAPHRASIS.

Controversiae quaedam erant inter Episcopum Egitanensem, & Episcopum Colubriensem, quas Papa Iudicibus delegauerat. Sed cum iustitia processus Iudicum delegatorum in dubium reuocaretur, impetrauit Colubriensis Episcopus, vt causa tota ad Sedem Apostolicam auocaretur. Verum cum tota causa processum examinata, & conclusa esset, vt nihil restaret praeter sententiam ferendam, idem Episcopus Procuratorem, quem pro causa illa constituerat, non absque Sedis A-

FFFF 3 posito-

postolicę contemptu, & aduersarie partis dispendio, reuocauit. Sed ea reuocatione non obstante, Honorius III. sententiam tulit processus illos Iudicum, & quę inde secuta fuerunt, irrita pronuntians; insuper Episcopum Colubriensem condemnans in expensis, quos Egitanensis fecit ex eo tempore, quo Procurator reuocationis literas accepit, & quas idem Episcopus faciet, quoad Colubriensis per se, vel per idoneum Procuratorem adueniet in negotio principali legitime processurus.

SUMMARIUM.

1. *Citatus ad totam causam censetur ponitur max. si recedat v. g. Procuratorem reuocando, & alium non submitiendo; unde causam cognita & conclusa processus potest ad sententiam ipso non citato.*
2. *Ab eo tempore, quo pars litigans incipit esse contumax, debet ea Aduersario condemnari in expensis, quas morando facere cogitur.*

NOTANDUM I. Qui citatus est ad totam causam, maxime quam ipsemet ad Iudicem traxit seu aduocauit, censetur contumax si recedat, v. g. Procuratorem reuocando, & alium non submittendo. Quamobrem, si causa tum cognita & conclusa sit, procedi potest ad sententiam, etiam ipso non citato, propter contumaciam eius. Ita Innoc. hic.

Si querat: Cur ergo Papa non etiam processit in questione principali, non obstante reuocatione Procuratoris & Respondi: Quia lis super principali questione coram Papa nondum contestata erat, ideo vi generalis citationis procedi non poterat, parte absente. Ita Innoc. & Abb. hic n. 8.

NOTANDUM II. Si pars litigans incipiat esse contumax, neque per se, neque per Procuratorem comparendo, ex eo tempore aduersario condemnari debet in expensis, quas morando facere cogitur. Ita Abb. hic n. 10. arg. l. si quis inficiatus, §. iuncto Bar-

tol. ibid. n. 1. ff. de positi. & habetur in g. cum dilecti, 6. de dolo & contumac.

CAPITVLVM IX.

Petitio.

PARAPHRASIS.

Episcopus Mutinensis est diocesi discessurus, duos Canonicos Vicarios seu Procuratores generales constituit. Sed cum in iudicio comparerent, exceptum contra ipsos fuit, quod in instrumento procuratoris Syndici, vel actores Episcopi non vocarentur. Respondit Honorius III. exceptionem hanc nullius momenti esse; cum satis ex tenore instrumenti appareat, quod Episcopi intentio fuerit liberam illis pro se in iudicio agendi, ac respondendi dare potestatem.

SUMMARIUM.

1. *Non est labrandum de verbis instrumenti, aut cuiusque dispositioni, si de mentis seu intentione Auctoris constet, nisi etiam verborum solemnitas ad aliquem alium requiratur tanquam forma substantialis,*

Cur isti Canonici, constituti vt procuratores Episcopi, a iudicio repelli possent viderentur, hæcebat. Nam Procurator est, qui negotia alieni domini mandato administrat, l. 1. ff. de Procurator. Atqui Episcopus non dominus est bonorum Ecclesię, sed Administrator, & Curator, c. 2. de donat. Ergo is Procuratorem pro causis Ecclesię suę instituere non potest, sed Syndicum, seu Actorem, iuxta l. 1. ff. Quod cuiusque Vniuersitatis, &c. Confirmatur ex eo, quod neque pater aut curator ante litem contestationem procuratorem in iudicio constituere possit, l. neque tutores, §. C. de Procuratorib. Neque Procurator alium Procuratorem ante litem contestationem dare, c. 1. §. licet, eod. tit. in 6. Responderi debet, Tamen si Procurator, si strictè & proprie loquendum sit, ita accipitur,

prior, sicuti IC. definiuit; tamen, quis Rectores Ecclesiarum & civitatum loco domitorum habeatur, ideo nihil ob stare, quin eorum Syndici & actores Procuratores appellentur. Profecto, cum ex verbis instrumenti constet, quod Episcopus Canonici generalem, & quidem liberam in iudicio agendi ac respondendi potestatem dare voluerit, nihil interest, utrum eos Procuratores, an Syndicos appellarit. Vide quæ dixi lib. 3. tit. 4. c. 26. n. 13.

Ad confirmationem diei debet, cum Innoc. hic, n. 2. Abb. 3. sed opponitur contra prædicta, Zabari. in Clem. 3. de Procurator. Quod maior sit potestas ac liberior administratio Episcopi, alteriusve Prælati, quam sit potestas aut administratio tutoris, curatoris, procuratoris. Imò generalem regulam tradit Abb. Quod quilibet beneficiatus aut Rector Ecclesiæ, sicuti per se agere in iudicio potest pro iuribus Ecclesiæ suæ, absque Superioris requisito consensu, ita & procuratorem constituere.

NOTANDUM. Non est laborandum de verbis instrumenti, aut cuiusque dispositionis, si de mente, seu intentione auctoris constat. Consentit g. humanæ; causa 22. q. 5. Ratio est, quæ ibidem indicatur: Cum enim verba instituta sint ad intentionem mentis declarandam, ideo illi accommodari debent, & non intentio verbis. Excipe, si certa verborum solemnitas ad aliquem actum requiratur, tanquam forma substantialis, tum ea non adhibita, etsi constet de loquentis intentione, irritus est actus, arg. c. vn. de potest. Prælati 6.

CAPITVLVM X.

Accedens.

PARAPHRASIS.

Nobilis mulier de Massa filio suo (cuius uxor fuit, ut Innoc. hic commentator) desponsauerat Vbaldi cuius Pisani filiam; postea cum mulier à promissione nominis filij factam recedere vellet, sub pote-

state eius Pisani detenta fuit. Hac recognita, rescripsit Gregor. IX. ad Vbaldum, mulierem illam curet secure deduci ad castrum suum, ut ibi libera existens Procuratorem ad Sedem Apostolicam mittere possit. Et ipse quoque Vbaldus Procuratorem idoneum super causa illa sponsalitorum ad eandem sedem mittat, data ei plena potestate ad agendum, & respondendum.

SUMMARYM.

1. *Parentes & tutores loco liberorum, aut pupillorum more antiquo sponsalia contrahunt, adolescente tamen & puella liberè consensientibus.*
2. *Patrus, aut quemcumque actum cum altero institutum non debet ab eo detineri violenter, aliud actum rescindi possunt, intentata actione, Quod metus causa.*
3. *Procurator constitutus ad agendum, censetur etiam constitutus ad respondendum, si à reo conveniatur.*

NOTANDUM I. Parentes, & tutores loco liberorum, aut pupillorum, quos in potestate, & sub cura sua habebant, secundum antiquum morem sponsalia contrahabant, uti videre est apud Sanch. lib. 1. de matrim. disp. 1. Requiritur tamen, ut adolescens, & puella, pro quibus sponsio fit, liberè consentiant, sicuti dixi lib. 5. tit. 1. c. 1. n. 13. & tradit Gl. hic, ver. respondendum.

NOTANDUM II. Patrus, aut quemcumque actum cum altero institutus non debet ab eo detineri violenter; alioquin quod actum fuit, rescindi poterit, intentata actione. Quod metus causa, iuxta l. Quin in carcerem, 22. ff. Quod metus causa, Vbi Bartolus communiter receptus tradit: quod iniuste detentus in carcere, vel sub custodiis, sicuti deintore contrahat, aut in eius commodum testamentum faciat, per actionem, seu exceptionem quod metus causa, se defendere possit, quod minus acta valent.

NOTANDUM III. Procurator, qui constituitur ad agendum, censetur etiam constitutus ad respondendum, si à Reo reconven-

ciatur, vti docet Gl. margin. in l. Mutus. 43. §. pœna, ff. de Procurator. Nam alioquin repelli poterit ab actione, nisi paratus sit, vel etiam promittat (si in procuratorio mandato expressum non sit) dominum suum defendere, seu pro eo respondere, iuxta cit. §. pœna, & l. vn. C. de satisfaciendo, & tradit Gl. hic ver. respondendum, Abb. n. 5.

CAPITVLVM XI.

Dilectus.

PARAPHRASIS.

Magister Laurentius Parochus Ecclesie de Launa cum studiorum causa (permittente ac dispensante Episcopo, c. cum ex eo, 34. de elect. in 6.) Bononiam profectus esset, Procuratorem generalem ad omnia negotia sua reliquit. Postea Richardus Presbyter in controuersia quadam super eadem Ecclesia literas Apostolicas ad iudices quosdam impetrauit, quarum vigore Parochus ille ad iudicium citatus est. Cum autem Procurator ejus loco comparens dilationem temporis competentis peteret, intra quod dictum Parochum Dominum suum consulere posset, num in iudicio contendere, an liti cedere deberet, iudices illi inducias denegarunt. Quare Procurator ad Sedem Apostolicam appellauit. Ad hæc rescripsit Gregor. IX. si ita sit, vt narratur, omnia quæ post interpositam appellationem à iudicibus acta sunt, pro irritis habenda esse.

SUMMARIVM.

1. Procurator generalis loco absentis constitutus ad negotia omnia, censetur etiam constitutus ad lites in iudicio.
2. Consultum & consuecum est, vt, si fieri possit, prius ipse principalis citetur, & in huius primum defectum Procurator generalis.
3. Procuratori inducia concedenda sunt, si petat ad dominum super re aliqua consulendum, nisi in casu, quo instructus in causa à domino mittendus fuisset.

NOTANDVM I. Procurator generalis loco absentis constitutus ad negotia omnia, censetur etiam constitutus ad lites in iudicio. Ita notat Gl. hic, ver. generalis. Imola num. 1. ex c. qui generaliter, 5. eod. in 6.

NOTANDVM II. Consultum, & vstitutum est, vt, si fieri possit, prius ipsemet dominus seu principalis citetur, in defectum autem domini, ejus Procurator generalis. Ita sumitur ex hoc c. verb. eodem Rectore citato, & tradit Gl. in c. 3. ver. ad domum, de dolo & contum. Bartolin. l. 3. n. 2. C. de Procurator. Abb. sic n. 4.

NOTANDVM III. Procuratori induciæ concedendæ sunt, si eas petat ad dominum super re aliqua consulendum. Quia tamen in re ista distinguunt hic Anton. & Imola n. 6. Abb. n. 5. Durand. in Spec. lib. 2. p. 1. de dilation. n. 8. Si dominus citatus fuit, explicata ipsa causa, & inserto libello actoris, tum Procuratori induciæ concedi non debent; cum in causa illa instructus à domino mittendus fuisset, arg. c. 2. de dilat. & videri potest Abb. in c. coram, 7. n. 3. de in integr. restit. Præterquam si aliquid de nouo emergat, antè non præuisum: Vel si eò deueniatur, vt v. g. transigendum sit, quod Procuratori absque mandato speciali concessum non est, §. qui ad agendum, 4. eod. in 6. Sin verò dominus generatim, causa non satis expressa, citatus fuit, ita vt Procuratorem instructum mittere non potuerit, tum induciæ ad consulendum dominum Procuratori petenti concedi debent.

CAPITVLVM XII.

Constitutis.

PARAPHRASIS.

Controuersia erat inter Henricum Priorem Sagiensem, & Titum laicum, super quadam pecunia, quam Titus nomine vxoris suæ mutuo datam, à Priore reperebat. Hanc causam Gregor. IX. Ottoni Subdiacono suo commisit. Sed Prior ille post libellum sibi oblatum, non accepta à Subdiacono

diacono Auditore licentia, Româ discessit. Procuratorem relinquens, data ei potestate ad agendum duntaxat. Auditor autem ille quia videbat, Procuratorem ratione huius mandati, idoneum non esse ad defendendum, Priorem contumacem esse iudicauit, & parti alteri, præmissa taxatione, ad certam pecuniam summam ratione expensarum, condemnauit. Quod Auditoris factum Papa postea ratum habuit.

SUMMARIVM.

1. *Maritus nomine vxoris sue agere potest, ad debitorum solutionem.*
2. *Procurator non habens mandatum sufficiens, perinde censeri debet, ac si nullus sit, unde contra constituentem talem Procuratorem procedi potest tanquam contra contumacem, ita ut parti aduersa in expensis condemnetur.*
3. *Condemnatio autem in expensas fieri debet præiuncta taxatione Iudicis, & iuramento partis expensas representis.*

NOTANDVM I. Maritus nomine vxoris sue agere potest, ad debitorum solutionem. Sed distinguendum; quod bona vxoris alia sint dotalia, alia verò paraphernalia: Et hæc duplicis generis, vel enim mariti administrationi commissa, vel non commissa, sed penes vxorem manentia, vti docui lib. 3. tract. 4. c. 13. n. 9. & tradit Abb. hic n. 5. Bartol. & alij Legistæ in l. Maritus, 21. C. de Procurator. Pro bonis dotalibus (vt si vxor marito instrumenta debitorum suorum in dotem dedit) maritus suo nomine agit, cum veluti dominus dotis constante matrimonio reputetur, l. 2. C. de action. & obligat. Similiter quoque maritus agere potest pro bonis paraphernalibus, penes ipsum existentibus, arg. l. ult. C. de pactis conuentis, vbi DD. aiunt, quod ex traditione paraphernalium, vel instrumentorum eius, facta marito, censetur ei relicta administratio, ita vt tanquam Procurator in iudicio nomine vxoris admittendus sit, tamen si non caueat de rato. Denique pro bonis paraphernalibus penes

vxorem existentibus ad agendum maritus admittitur, etiam sine mandato, tanquam persona coniuncta, dummodò caueat de rato, sicuti habetur in cit. l. Maritus, & tradit Gl. hic ver. sue vxoris nomine.

NOTANDVM II. Procurator, qui non 2 habet mandatum sufficiens (v.g. qui à Reo datus est ad agendum duntaxat, & non ad defendendum,) perinde censeri debet, ac si nullus sit, iuxta l. 1. §. Quod si nemo, iun. Gl. ver. inhabilis, ff. quod cuiuscunque Vniuersitatis, &c. Quare contra eum, qui talem Procuratorem dedit, & necper seipsum compareret, aut, si comparuit, iterum recessit, procedi potest, tanquam contra contumacem, ita vt parti aduersæ in expensas condemnetur, iuxta e. auditis, 8. hoc tit. Addit Innoc. hic n. 3. Ioan. Andr. n. 19. Si Procurator in iudicio datus dominum defendere nolit, principalem in expensis aduersario condemnandum esse, quia sibi imputare debet, quod talem Procuratorem constituerit. Cæterum aduersus Procuratorem actione mandati agere poterit principalis, deinde quatenus suum interest, causam in iudicio defensam non fuisse.

NOTANDVM III. Condemnatio in expensas fieri debet præcedente Iudicis taxatione; quin & iuramento partis, quæ expensas repetit, vti Gl. hic docet, ver. taxatione, arg. c. ult. de ijs quæ vi &c.

CAPITVLVM XIII.

Mandato.

PARAPHRASIS.

Si dominus Procuratorem ad iudicia constitutum, ignorante aduersario, vel iudice post litem contestatam reuocauit, acta cum Procuratore reuocato valent.

SUMMARIVM.

1. *Acta cum Procuratore reuocato irrita sunt, si reuocatio vel Aduersario, vel Iudici intimata est.*

Gggg

270

2. *Ut acta iudicij firma sint, debet reuocatio Procuratoris facta fuisse, postquam eius constitutio intimata fuit Iudici, vel Adversario, seu extra iudicium, seu apud acta iudicij, seu per ipsam litem contestationem. Irrita acta iudicij debent, si constitutus, & reuocatus sit Procurator, antequam eius constitutio parti, vel iudici sit insinuata.*
3. *Procurator post litem contestationem reuocari non potest, nisi causa prius cognita.*
4. *Morte mandantis, re adhuc inter partes integra, scilicet ante litem contestationem, expirat Procuratoris potestas ac mandatum: nisi rem pro Procuratore seu defensore suo sciens extra vel intra iudicium fideiusserit iudicium solui.*
5. *Morte mandantis post litem contestationem non expirat potestas & mandatum Procuratoris: nisi hic constitutus sit in causa ecclesie aut beneficii à Rectore ecclesie, vel alio beneficiato: tunc enim etiam post litem contestationem expirat.*
6. *Procurator constitutus à solo Prelato ad negotium, quod sede vacante expediri potest à Capitulo, post mortem Prelati confirmari debet à Capitulo, nisi eum amandare malis. Secus est, si à Prelato una cum Capitulo constitutus sit, tunc enim merito Prelato non expirat mandatum Procuratoris.*

Circa hunc textum, imprimis aduertit Gl. fin. copulam vel copulatiue accipiendam esse, ut sensus sit, si tam aduersario, quam iudice ignorante, &c. Ita enim colligitur ex l. si Procuratorem, 65. ff. de Procurator. l. vn. C. de satisfando, & ex infirmatione, 3. supra, hoc tit. ex parte, 33. de rescriptis.

1. *Quare regula hæc notanda: Acta cum Procuratore reuocato irrita sunt, si vel Adversario vel Iudici reuocatio intimata est: sin autem neutri intimata, valēt. Nota, quodd dico intimata. Quia non sufficit reuocationem aliunde innotescere: sed necesse est, ut ipse qui Procuratorem constituit, iudici vel aduersario reuocationem eius significet, uti*

hic notat Ioan. Andr. in Gl. a. Abb. in fine huius c. & in simili docet Sanchez lib. 3. de matrim. disp. 3. o. n. 12.

Ratio reddi debet: Quia si semel Procurator datus iudici, vel parti aduersarie intimatus est, tum eorum interest, ut reuocatio mandati procuratorij non fiat, nisi & ea ipsis intimetur, ne aliquin frustra in iudicio fatigentur. Tametsi verb consultum sit, ut vtrique tam aduersario quam Iudici intimetur, habebit tamen effectum reuocatio, si vel soli aduersario fiat; quia ex eo tempore non poterit aduersarius contendere cum Procuratore, quem falsum seu reuocatum esse nouit: Aut si soli Iudici fiat, cum ex eo tempore processus & acta nullitatis argui possint, iuxta c. 1. hoetit. Sed antequam intimatum illis est procuratorum mandatum, sufficit reuocationem mandati innotescere Procuratori, quippe cum quo solo actum fuerat. Ita colligitur ex cit. l. si Procuratorem, & cit. l. vn.

In tradita doctrina consentiunt DD. Nisi quodd aliqui existimant. Si reuocatio mandati procuratorij aduersario, non item iudici intimata sit, acta & sententiam secutam ipso iure valere; quamuis per exceptionem rescindi possint iudicis officio; ne aduersarius ex propria deceptione commodum ferat. Ita Gl. in cit. l. vn. ibid. Bartol. n. 12. Ioan. Andr. c. ex infirmatione, n. 5. hoc tit. Quibus contradicit Gl. hic, & Abb. n. 5. arg. c. ex parte, 33. de rescriptis.

Maius dubium est: Vtrum acta iudicij valere debeant, si reuocatio Procuratoris iudice, & aduersario ignorante facta fuit ante litem contestationem. Glossa fin. hic affirmat. Sed ob stare videtur textus huius c. faciens mentionem litem contestatæ, quasi aliter sentiendum sit, si Procuratoris reuocatio ante litem contestationem facta fuerit. Arbitror respondendum, ex cit. l. si Procuratorem, 65. ff. hoc tit. & l. vn. C. de satisfando. Id solum requiri, ut acta iudicij firma sint, quodd reuocatio Procuratoris facta fuerit, posteaquam eius constitutio intimata fuit iudici, vel aduersario; seu extra iudicium, seu apud acta iudicij, seu per ipsam litem contestationem.

qui,

qui, tanquam apertissimus modus iniquitatis affertur in isto c. Sin autem Procurator constitutus, atque etiam reuocatus sit, antequam eius constitutio parti, vel iudici insinuat; tum absolūtè loquendo, Procurator falsus censetur, vt quæcunque cum ipso acta fuerint, irrita iudicari debeant, iuxta c. ex insinuatione, 3. hoc tit.

Exinde intelligitur doctrina Bartoli in c. l. vn. not. 2. Abb. hic n. 5. Si Procurator generalis constitutus sit, atque oriā aliquā controuersia eidem inhibita, ne causam hanc suscipiat, eius fe immisceat, opus non esse, vt hæc specifica reuocatio Aduersario, vel iudici intimetur: Excepto, si aliquis certo loco, aut negotiorum generi aliquem præferat ad omnia sua negotia Procuratorem, seu auctorem, vt etiam dixi in g. ex parte, § 3. de rescript.

3 Restant qq. Prima. Vtrum Procurator post litem contestationem, etiam inuitus, reuocari possit. Respondeo; De hoc extare l. post litem, 17. & l. quæ omnia, 2. §. ff. de Procurator. Quod reuocari non possit, nisi causa prius cognita: Cum ex eotempore tum aduersarii, tum ipsius Procuratoris (quippe qui dominus litis factus est, l. Procuratoribus, 2. C. de Procurator.) inter sit, ne temerè reuocetur. Videri potest Gl. in l. ante litem, 16 ff. eod. Bartol. in c. l. post litem, Imola hic n. 6. Zabarella in Clem. vlt. de Procurator. col. 2. vbi dicunt ex ll. allegatis, quod Procurator, postquam reuocatus est, se ingerere non debeat, quia suspectum se redderet: possit tamen petere, vt causæ reuocandi, iustane sit, cognoscatur, pro defensione famæ suæ.

¶ Altera. Quid operetur tacita reuocatio Procuratoris, quæ sit per mortem mandantis? Respondeo, & dico I. Si is, qui Procuratorem constituit, & adhuc inter partes integræ, videl. ante litem contestationem moriatur, expirat Procuratoris potestas, ac mandatum, expirat Procuratoris potestas, ac mandatum. Ita sumitur ex l. p.ault. ff. quæ sententiæ sine appellat. & l. de qua re, 74. §. cum absentem, ff. de iudic. & docet Bartol. in cit. l. si Procuratorem, Abb. hic, n. 6. Excipe: Si reus pro procuratore seu defensore suo id

sciente extra, vel intra iudicium fideiussert indicatum solui, iuxta §. Si verò aliquis, Init. de satisf. dat. tum Procurator non obstante morte domini, ad iudicium accipiendum compellendus est, si defunctus, 15. de Procurat. & notant Bartol. Abb. l. cc. Zabar. cit. Clem. vlt.

Dico II. Si dominus post litem contestationem moriatur, non expirat potestas & mandatum Procuratoris, cum transeat obligatio ad hæredem domini. Ita Gl. communiter recepta cit. Clem. vlt. ver. pro Ecclesiis. Quia mandatum morte mandantis non expirat, se res integra non sit, vt docent DD. in l. mandatum, 15. C. Mandati, & §. Rectè, Init. vbi videri potest Angelus Aretinus, col. 1. qui optimè explicat, quando res integra esse desinat, videl. in iurisdictione mandata, si citatio facta sit, vt dixi in c. gratum, 20. de offic. deleg. In procuratorio verò mandato ad iudicia, si litem contestatio facta sit, arg. cit. Clem. vlt. de Procurat. & tradit Gl. communiter recepta in cit. l. mandatum. Vel si ante litem contestationem Reus pro Procuratore suo sciente, ac volente satisfecerit, vt supra didimus. In procuratorio verò mandato ad negotia sufficit, si præparationes necessariae factæ iam sint.

Excipi debet: Quod per mortem Prælati, aut Reitoris Ecclesiæ, ateriū sue beneficiati, potestas ac mandatum Procuratoris ab illo constituti in causa ecclesiæ, aut beneficii, reuocatum censetur, tamen si litem contestata fuerit, & expressè in cit. Clem. vlt. Rationem huius constit. assert. Gl. ver. reuocari: Quia sede vacante, cum Ecclesiæ tunc defensore careat, iudicium de bonis aut iuribus eius agitari non debet, c. 1. Ne sede vacante, & dixi lib. 1. tract. 4. c. 7. n. 12. Verum hæc ratio non videtur esse adæquata, cum in dicta Clement. idem statutum sit de Procuratore ad negotia, quod eius mandatum expiret, mortuo Prælato Ecclesiæ, tamen si negotia cœpta sint. Generalior itaque ratio dari debet ex Zabar. in cit. Clem. q. 3. ratione 4. Gl. hic, ver. Contestata. Cum enim Procurator loco, ac vice domini, seu constitutus agat, ideo si potestas constituta

entis omnino extincta sit, seu non perseueret, tum etiam Procuratoris potestas ac mandatum extingui debet, sicuti hoc eodem simili ratione de Vicario, & quouis substituto docui in c. 1. de offic. Vicarij, in 6. Atqui mortuo Prælato, seu vacante sede ius prælaturæ expirauit; cum non transeat ad aliquem tantquam successorem, qui eadem cum defuncto persona censeatur, sicuti hæres cum persona defuncti. Ergo per mortem Prælati, aut beneficiati constitutis Procuratorem super iuribus aut bonis Ecclesiæ, vel beneficij, mandatū procuratorium extinguitur. Quāobrem generatim etiam dictum est in c. de cetero, & c. super eo, quod beneficiatus super iure beneficii pacisci non possit vltra tempus vitæ, neque successorem in beneficio obligare.

- 6 Corollarium. Si negotium, ad quod Procurator constitutus fuerat, tale sit, vt sede vacante expediri possit à Capitulo; tum distinguendum est, virum solus Prælatus v.g. Episcopus Procuratorem constituerit super bonis pertinentibus ad mensam suam, distinctam à mensa Capitulari, hoc casu post mortem Prælati Capitulum, quod in administratione succedit, confirmare debet mandatum Procuratoris, nisi eum amandare malit, sicuti de potestate Vicarij dictum fuit cit. c. An verò Procurator à Prælato vnā cum Capitulo constitutus sit ad gerenda negotia communia; tum mortuo Prælato non expirat mandatū Procuratoris: Cum enim à Capitulo etiam constitutus sit, sufficit eius auctoritas ad sustinendum mandatum procuratorium, sicuti Gl. hic tradit ver. reuocari, Zabara. q. 7. Nihil obitante, quod fortasse omnes Capitulares, à quibus constitutus est Procurator, alij postea subrogatis mortui fuerint: cum non à singulis, sed à Collegio seu Vniuersitate mandatum acceperit, vt notat Gl. margin. in cit. Clem.

vt.



CAPITVLVM XIV.

Non iniuste.

PARAPHRASIS.

Tria hic respondet Gregor. IX. I. Filiusfam. potest constitui Procurator. non tantum ad lites exortas, sed etiam ad futuras. II. Filiusfam. sicuti & quouis alius, si simul cum alio, vel pluribus, aut Procurator in solidum datus fuit, præoccupando negotium antefertur, vti etiam habetur in c. si duo, 6. eod. in 6. & l. pluribus, 32. ff. eod. Sin verò diuersis temporibus dati sint Procuratores, tum per posterioris constitutionem prioris procuratio reuocata censeatur. III. Procurator à sententia contra ipsum lata, si expedire videatur, appellare debet, aut, si iusta causa impediatur, domino intimare, vt appellet. Cæterum ipse Procurator, si nolit, appellationem prosequi non cogitur.

SUMMARYM.

1. Filiusfamilias si maior natu sit, Procurator constitui potest, etiam non requisito patris consensu.
2. Procurator etiam ad futuram, & nondum exortam litem constitui potest.
3. Post vnum Procuratorem datum constitutus alium, priorem reuocat, nisi vnus sit generalis, & alter specialis.
4. Procurator contra latam sententiam appellare potest, & plerumq. debet.

NOTANDVM I. Filiusfamilias si maior natu sit, Procurator constitui potest, etiam non requisito patris consensu, l. filiusfam. 8. iun. Gl. margin. ff. de Procuratoribus, & expressius in c. qui generaliter, 5. §. nedum, eod. tit. in 6. Ratio reddi debet: Quia filiusfam. etiam sine patris auctoritate contrahendo, videl. mandatum suscipiendo, satisfaciendo in iudicio, &c. obligari potest, vt dixi lib. 3. tr. 4. c. 8. assert. 2.

No-

2. **NOTANDUM II.** Procurator etiam ad futuram, seu nondum exortam litem constitui potest, iuxta l. 3. ff. eod. Quare annotauit Durandus tit. de Procuratoribus, §. 3. n. 9. verſ. *Sed quid ſi Procuratorium*; Si procurator generatim ad iudicia conſtitutus ſit, exſeſcendendum eſſe procuratorium etiam ad lites futuras. Quia propoſitio indefinita in materia non odioſa accipitur pro vniuerſali, arg. e. quia circa, 2. 2. de privileg. Et ſic non obſtat e. ult. de reſcriptis; Quia vt ibi dixi, reſcripta ad lites, tanquam odioſa, ſtrictam interpretationem habere debent.

3. **NOTANDUM III.** Qui poſt vnum procuratorem datum, alium conſtituit, priorem tacite reuocare cenſetur, l. ſi quis, 3. 1. §. Iulianus, iun. G. ver. videri, ff. eod. & videri debent, quæ dixi in c. volentes, de offic. Legati. Excepi: Nifi vnus ſit procurator generalis, alter ſpecialis, ſeu in certa cauſa. Nam in hoc caſu ſpecialis commiſſio non derogat generali; ſed ordinem præſcribit, vt prior admittatur ſpecialis, & in eius defectu generalis; ſecundum doctrinam Bald. in l. 2. n. 7. verſ. de vno quæro, C. ſi ſiſcus, vel priuatus, ex l. quoniam, C. de conuenientis ſiſci debitoribus, lib. 10. Nota hic obiter Si duo ſint tutores, aut duo executores teſtamenti, vnus ab altero debitum exigere poteſt, licet ſimpliciter, & non in ſolidum (id eſt, vt vnus etiam ſeorſim ſine altero) conſtituti ſint. Cuius ratio eſt: Quia hiſ caſibus dominus ipſe exigere non poteſt: Ergo propter neceſſitatē ſalutis hic regula, quod vnus ſine altero agere nil poſſit. Abb. hic. n. 8.

4. **NOTANDUM IV.** Procurator datus ad litem, contra latam ſententiā appellare poteſt, & plerumque debet: Imò & appellationem, vigore prioris mandati procuratorij, proſequi non prohibetur: non tamen ad id obligatur; dummodo domino maturè denuntiet, vt ipſe proſequi poſſit, l. inuitus, 17. iun. Gl. C. de procur. Excepi cum Abb. hic n. 13. Nifi ſit procurator generalis, ſeu datus ad omnes cauſas, tunc appellationem proſequi obligatus eſt: cum & cauſa appellationis iudicialis ſit.

CAPITVLVM VI.

Conſulti.

PARAPHRASES.

Procurator ad impetrandum reſcriptum conſtitutus erat ab aliqua Communitate, cuius maiores ſeu ſenatores iurati, per quos Communitas illa regebatur, excommunicati erant, eo tempore, quo procuratoris officium iniunctum fuit; quæritur, vtrum Procurator per exceptionem repellere poſſit, tanquam conſtitutus ab excommunicatis. Reſpondet Gregorius IX. Non eſſe repellendum; exceptis tribus caſibus: I. Nifi excommunicati in literis procuratoris expreſſi fuerint. II. Nifi aliàs eorundem excommunicatorum auctoritate Procuratoris inſtitutio facta ſit. III. Nifi Communitas ſciens illos eſſe excommunicatos, vnà cum ipſo Procuratorem conſtituerint.

SUMMARIUM.

1. *Excommunicatus vti per ſeipſum reſcriptum papale impetrare non poteſt, neque in iudicio agere; ita neque præſtare ea poteſt per procuratorem.*
2. *Præſtato v. g. Epifcopo in excommunicationem lapſo, eo tempore ſuſpenſum eſt officium procuratoris; perinde ac Vicarij generalis.*
3. *Actus geſtus ab vniuerſitate ſeu auctoritate iuſta non ideo vitantur, quod aliqui inter eos (licet præſcripti verbis, Conſulēſque ſint) inhabiles exiſtant, videl. excommunicati; niſi hi in procuratorio ſint expreſſi, vel eorum auctoritate ætate reuerentia gerantur, vel ad eum gerendum ſciēter ſint admiſſi.*

NOTANDUM I. Sicut excommunicatus per ſeipſum reſcriptum Papale impetrare non poteſt, e. 1. de reſcript. Sed neque in iudicio agere, vti habetur in c. decernimus, de ſent. excommun. Ita neque præſtare ea per procuratorem.

G G G G G 1 Corol.

3 Corollarium: Si Prælati, v. g. Episcopus, in excommunicationem lapsus sit, eo tempore suspensus est officium procuratoris, perinde vt Vicarij generalis, iuxta c. 1. de offic. Vicarij, in 6. Et ita docet Gl. fin. in Clem. vlt. de Procurator. Vide quæ dixi lib. 1. Th. mor. tr. 5. p. 2. c. 2. n. 14.

3 NOTANDUM I. Actus gestus ab Vniuersitate, seu auctoritate Vniuersitatis, non ideo vitiat, quod aliqui inter eos (tamen si maiores sint, seu Officiales præfidentes, videl. Præfetti Vrbs, Consules) inhabiles existant, videl. excommunicati. Ratio est: Quia cum inhabiles illi priuati sint, ius totum Vniuersitatis penes alios non priuatos residet, tamen si vnus tantum esset, arg. c. 2. de postul. Prælatorum, & l. sicut, 7. Quod cuiuscunque Vniuersitatis, vbi & ratio assignatur. Quia quæ geruntur ab Vniuersitate, non geruntur à singulis: ergo tamen si aliqui decedant, aut priuati sint, ius totum Vniuersitatis in vnico conseruari potest. Alia verò ratio est, si quid agatur à pluribus, vt singuli sunt, v. g. si plures Iudices delegati simul sententiam dicant, & vnus eorum excommunicatus sit, sententia irrita est, argum. c. cum super, 23. de offic. delegati, & l. Pedius, 7. 6. Vnde ff. de receptis arbitris, & tradit hic Abb. n. 4.

Excipiendum est primò: Nisi inhabiles, v. g. excommunicati in constitutione actus exprimantur: v. g. Nos Consul, Camerarius, Senatores & tota Communitas decernimus, constituimus, &c. tum videtur actus irritus, si Consul, v. g. aut Camerarius excommunicatus sit, esto alij habiles illius inhabilitatem ignorent. Ita colligitur ex hoc c. & tradit Gl. ver. expressi, Imola n. 9. Abb. n. 7. Quia actus talis, videl. decretum, aut procuratoris constitutio fit auctoritate consulis, & Camerarij: Fit enim auctoritate Collegij seu Vniuersitatis, quatenus eius pars, & quidem primaria est etiam Consul, aut Camerarius.

Corollarium. Si Decanus, aut senior excommunicatus electionem Capitularem hoc modo formet, *Ego, & omnes mihi consen-*

tientes eligo Titum, talis electio impugnari potest, tanquam facta ab excommunicato. Quia reuerà hæc electio facta fuit à Capitulo, quatenus etiam Decanum comprehendit, vt ex forma apparat. Neque refert, quod alij Capitulares habiles etiam sine Decano electionem promulgare, aut alij Senatores sine Camerario v. g. decretum constituere potuissent. Tamen enim potuissent, tamen noluerunt, seu non fecerunt: Ergo dicere hoc casu licet, sicut in cit. c. cum super. Quod potuerunt, id noluerunt, quod autem voluerunt, id non potuerunt.

Alia verò ratio est, si alij quidam in scrutinio Decano consenserant, qui excommunicati erant: eorum inhabilitas non officit electioni: cum per particulam, & *alijs mihi consentientes*, non censentur comprehendi inhabiles & priuati, sed habiles tantum. Idemque similiter dicendum, si aliqui ex senatoribus, nominatim non expressi in decreto, excommunicati, alièrue inhabiles existant.

Excipiendum secundò: Si actus reuerà geratur auctoritate excommunicati, tamen si persona eius non exprimatur: Vt si decretum communis valere non possit sine assensu Consulis, aut subscriptione Camerarij: quippe cum re ipsa ab eorum auctoritate procedat. Ita colligitur ex hoc c. & docet Gl. ver. expressi.

Excipiendum tertio: Si habiles scienter admiserunt inhabiles ad actum, v. g. ad procuratoris constitutionem Prælati, electionem peragendam, decretum faciendum. Etenim hoc casu censentur velle actum peragere vnà cum inhabilibus. Nisi contrarium protestentur expressè, si inhabiles commode repellere non possint. Nisi malis disere, id decretum esse in penam seu odium admittentium inhabilem, ideòque actum hoc casu validum esse, donec rescindatur, vti docui in qq. de elect.

q. 26.

* * * *

* * *

CAP.

CAPITVLVM I. cod.

Tit. in 6.

Non indiscrere.

PARAPHRASIS.

Laicus à Iudice admitti potest vt procurator ad agendum & defendendum in causis spiritualibus: cum nullus Ecclesiasticus canon prohibeat.

SUMMARIUM.

1. Laicum in causis ecclesiasticis Iudex esse nequit, potest tamen esse procurator.
2. In materia communiter concessa hoc ipso, quod aliquod genus personarum non est prohibitum in iure, censeri debet admissum.
3. Procurator in rem suam datum alium procuratorem etiam ante litem contestationem substituere potest.
4. Et hic iussu aut voluntate domini substituitur, potius domini, quam substituentis procuratoris procurator esse censetur.
5. Procurator generalis ad negotia datum alium cum simili potestate constituere nequit: potest autem specialis, nisi iudicialis persona electa sit.

NOTANDVM I. Licet laicus in causis ecclesiasticis Iudex esse nequeat. c. 2. de iudicijs, potest tamen esse procurator. Ratio discriminis est: Quia in Iudice fundata esse debet potestas & iurisdictio, quam si Ecclesiastica sit, non cadit in laicum: At verò procuratoris potestas magis vicaria est, quia non suo, sed alieno nomine agit, ac defendit. Et addendum cum Petr. Ancharanò hic not. 2. Bartol. in l. quod possessio, 49. §. Et si possessio, n. 2. ff. de acquir. possess. Quòd procurator in causis spiritualibus nudum omnino ministerium exhibeat, ita vt nullum ius in eo radiceatur, sed recta via abque cessione transiat ad principalem. Eademque ratione tradit hic Gloss. mar-

gin. Quòd laicus à clerico censetur possit procurator ad renuntiandum beneficio, item ad acceptandum beneficium ipsius nomine, iuxta c. accedens, 24. de praebeendis.

NOTANDVM II. In materia communiter concessa, cuiusmodi est officium procuratoris, hoc ipso quòd aliquod personarum genus in iure prohibitum non reperitur, censeri debet admissum.

§. Licet.

PARAPHRASIS.

Procurator alium loco suo procuratorem substituere potest, lite iam contestata: cum dominus litis effectus sit. Sed ante litem contestationem substituere alium nequit, nisi in rem suam procuratori datus sit, Vel nisi substituendi à domino (quamuis nulla nominata certa persona) potestatem acceperit.

PRo intellectu huius §. aduerte primò; Quòd per litem contestationem partes quasi contractu ineant, ac mutuam obligationem, iuxta l. 3. §. idem scribit, iun. Gl. margin. Atque ita quidem, vt directae obligationes & actiones ordinariè tédant in ipsum procuratorem, seu ad negotia seu ad iudicia constitutus sit, quas deinde actiones mandanti cedere debet procurator, vt dixi lib. 3. Th. mor. tr. 4. c. 26. n. 14. Et ob hanc causam procurator per litem contestationem dominus litis effectus censetur, ad eò, vt reuocari deinde non possit, nisi causa prius cognita sit, vt suprà dictum: Item, vt alium loco suo substituere possit, vt hic dicitur, & habetur in l. quod quis, §. l. neque, C. de Procur. Præterea, vt si post litem contestatam ad testes v. g. producendum pars litigans citanda sit, non ad principalem, sed ad procuratorem citatio dirigi debeat, sicut ex communi notat Ancharan. in c. seq. not. 6. Denique vt sententia condemnatoria in ipsum procuratorem, non in dominum concipi debeat, secundum ciuilem iuris subtilitates, vt videre licet in l. 1. C. de sentent. & interlocut. omnium Iudicum, & censetur c. penult. iun. Gl. ver. ipsum extrahere

tit. Tametsi id, præsertim in foro Canonico, non semper obseruetur, sicuti dixi supra cit. n. 14.

3. Aduerte secundò, Procuratorem in rem suam, seu in proprium commodum dari, cum ipsi actiones & iura ceduntur, vt pro se in iudicio exigere possit: Exemplum dat Glossa: Si pater filio suo, aut alteri personæ cedat iura & debita sua iuxta l. illam, § 3. C. de donat. is cessionarius directas actiones (quippe quæ à contrahentium ossibus auelli non possunt) exercebit nomine cedentis: viles autem seu cessas nomine suo, seu in propriam utilitatē. Et talis in rem suam datus procurator alium etiam ante litem contestationem substituere potest. Verum non aberrabit, qui dixerit, hunc propriè procuratorem non esse; cum non tam aliena, quàm propria negotia tractet, sicuti notauit hic Petr. Ancharan. not. 4 Gl. in supra cit. l. 1. ver. aliena.

4. Aduerte tertio: Si Procurator ante litem contestationem iussu, aut voluntate domini procuratorem alium substituit, is domini potius, quàm substituētis procuratoris procurator esse censetur, sicuti Gl. hic annotauit ver. substituendi, ex l. Item, § 6, §. Si decuriones, ff. Quod cuiuscunque vniuersitatis. l. 2. ff. de Procurator. vbi dicitur, quòd procurator certus esse debeat: Siquidem in hoc certus redditur, per substituētis deputationem.

Eademque ratione docet Bartol. in l. quidam 6. n. 7. ff. de rebus dubijs: Quòd testamentarius executor incertus, certificandus tamen à Titio, vel futuro aliquo euentu, institui possit: v. g. Relinquo executorem Præfectum Xenodochij, qui tempore mortis meæ fuerit: Vel, Eum quem Titius frater meus nominauerit. Cuius contrarium aliqui docent apud Ancharan. hic §. sed nuncquid: cum neque tutor ita institui possit, vt DD. communiter fatentur ex l. tutor incertus 20. ff. de testam. tutela. Sed respondet Bartol. id specialiter statutum esse filiorum fauore, vt pater ipsemet tutorem eis deligere ac nominare deberet. Sed cum pro-

curatorem, vel hæreditatis suæ executorem aliquis constituit, de ipsius constitutentis bonis agitur; ac proinde maiore disponendi libertate gaudere debet.

S. Procurator.

Procurator ad negotia datus liberè, quandoq; vult, procuratorem alium deputare potest.

Sed pro declaratione huius §. distinguendum. Num procurator sit generalis, an specialis, seu ad certam causam datus. Generalis procurator alium cum simili generali potestate constituere nequit, sed vnam, vel plures causas particulares delegare potest, l. 1. §. Magistrum autem, ff. de exercitatoria act. Specialis autem procurator negotium sibi demandatum alteri committere potest, l. si procuratorem, §. 8. Si quis mandauerit, ff. mandati, l. si ego, ff. Quod vi, aut clam. Nisi personæ industria electa esse censetur, tum alteri committere non potest argum. c. vlt. hoc lib. & tit. & c. is cui, 12. de offic. delegati, & docet Bartolus communiter receptus in l. penult. ff. de diuers. & temporal. præscript.

CAPITVLVM II.

Quamuis.

SVMMARIVM.

1. Procurator ante litem contestationem etiam sine causa remoueri potest.
2. Præter alias tamen expensas etiam salarii et præstandum eris.
3. Post litem contestationem neque ipse procurator recedere potest.
4. Dominus vñ cum procuratore potest adesse causæ, maxime si de collusionē timeat.
5. Et si dominus ante latam sententiam moriatur, mandatum procuratoris & litem instantia non finitur.

Ante litis contestationem dominus Procuratorem (nisi in rem suam datus sit)

liberè reuocare potest; non item post litem contestatam, nisi rationabilis reuocandi causa subsit, vt quia inimicus domini redditus, vel alia ratione suspectus est, aut aduersarij affinis, vel hæres factus: item si eum Religionē ingredi, in longinquas terras abire, ægritudine aut vinculis detineri contingat. Consentit l. ante litem, 17. & seqq. ff. de Procurator. & l. procuratoribus, 22. C. eod. Veruntamen procurator, si domino, etiam post litis contestationem remouere volenti, resistat, & operam suam inuito ingerat, eo ipso suspectum se reddet. Quare ad hoc tantum petere potest, vt causa remotio- nis cognoscatur, vt famam suam illæsam cōseruet, l. quæ omnia, 25. ff. eod. Quod si verò aduersarius, quocum lis contestata vel aliter inchoata est, procuratorem mutari nolit, tum causa cognoscenda erit ad hoc, vt appareat, remoueri ne procurator debeat, necne, sicuti Gl. docet, ver. suspectum,

2 Porro si procurator absque culpa sua remouetur, præter alias expensas etiam salarium præstandum esse, docet Bartol. in l. post litem, ff. eod.

3 Corollarium. Neque ipsemet procurator recedere potest post litis cōtestationem, nisi necessarium impedimentum accadat, sicuti notat Gl. Ioann. Andr. in c. seq. ver. susceptum. Sed ante litis contestationem, adeoque dum res integra est, procuratorem resignare potest: nisi reus pro procuratore sciens & non contradicente satisfacerit, seu fideiussit iudicatum solui, tunc cogitur procurator ad iudicium accipiendum, seu litem contestandam, l. si defunctus, 15. ff. eod.

Porro quomodo iudicii instantia, seu litis prosecutio, à procuratore, quocum lis contestata erat, in nouum procuratorem, vel ipsum dominum per se agere volentem transferri possit, explicat Bartol. in l. mutari, 24. ff. eod. Ancharan. hic not. 3. Videlicet vt noua litis contestatio fiat, secundum Gl. margin. cit. l. mutari. Vel vt procurator ius instantiæ alteri cedat, l. in causæ, 26. §. Si ex parte, iun. Gl. margin. ff. eod.

§. Verum.

Tamet si procurator, quodcum lis contestata est, non remouetur, potest tamen ipse dominus vnà cum procuratore iudicio adesse, præsertim si collusionem aliquam fieri suspicetur. Quærit Gl. hic, ver. adesse: Ad quidnam profit domino, si in iudicio cum procuratore adsit. Respondet; Quia testes, & probationes adducere poterit, quas procurator omitteret: Vel ipse met procurator testes & probationes, quas dominus volet, exactè produci curabit. Vide Baldum in suprâ cit. l. procuratoribus.

QUÆ RES denique: Quid si dominus ante latam sententiam moriatur, finiturne mandatum procuratoris: aut, si non finitur, cuius vicem seu locum ille gerit? Respondet ex l. nulla, 23. C. eod. Per mortem domini, procuratoris mandatum, & litis instantiam non finiri. Quare si sententia contra eum formanda erit, tanquam contra procuratorem hæredis, formanda erit, sicuti Baldus monet cit. l. nulla, n. 5.

CAPITVLVM III.

Is qui.

Procurator qui per facultatem à domino acceptam alium sibi substituit, reuocare non potest substitutum, postquam is mandatum suscepit. Præterquam si procurator etiam reuocandi potestatem à domino acceperit. Tamen aliud dicendum sit de delegato Sedis Apostolicæ; quippe qui causam à subdelegato arbitrato suo reuocare potest, si res adhuc integra sit, c. quamuis, 6. de offic. delegati, in 6.

Rationem discriminis inter procuratorem & delegatum Sedis Apostolicæ dare possumus ex doctrina Laurentij apud Zabarell. in Clem. vlt. col. 5. de Procur. Quia delegatus potestatem subdelegandi habet à lege. At verò procurator ad lites substituendi facultatē à lege non habet, ante litis contestationē, sed eam ab homine accipit. Quamobrē, si solum substituendū, non etiam substitutum

reuocandi à domino facultatem acceperit, posteaquam substituit, officio suo functus censetur.

Quamobrem hoc c. locum non habet, si Procurator post litis contestationem alium iure suo substituat, iuxta c. 1. §. licet, hoc lib. & tit. Nam eodem iure reuocare eum, atque causam reassumere poterit, si res integra sit, seu iudicium necdum in eum translatum: At verò post litis contestationem, aut aliter iudicio cepto per institutum, reuocare eum potest, causa reuocationis prius cognita, sicuti dictum est suprà c. 2.

s. Verùm.

Si procurator ad causas plures vel omnes constitutus in vna earum alterum substituerit, in alijs causis procuratoris officium exercere non prohibetur. Ratio est manifesta, quia tamen substituat sibi procuratorem in vna causa, retinet tamen potestatem, nec est functus officio suorum alijs causis.

CAPITVLVM IV.

Qui ad agendum.

Procurator generalis, tamen cum clausula constitutus sit, ut omnia expedire possit, etiamsi speciale mandatum exigant, ex vi huius generalitatis admitti non debet ad aliquem articulum, in quo speciale mandatum requiritur.

Ratio reddi debet: Quia hoc ipso quòd iura ad quædam præstanda speciale mandatum exigunt, non sufficit commissio generalis, & non specificata, in c. vlt. q. vlt. de off. sic. Vicarij in 6.

s. Sed si aliquis.

Si in procuratorio mandato vnus vel plures articuli ex ijs, qui speciale mandatum requirunt, expressi sint, adiecta clausula generali, tunc etiam ad casus non expressos procurator admittendus est.

Exemplum est: Si constitui procuratorem ad iudicia, data ei plena potestate, ita

ut etiam transigere possit, & alia omnia præstare, quæ mandatum speciale exigunt, hoc casu admittendus etiam est si iuramentum parti aduersariæ deferre velit. Sed declarandum, ac limitandum est primò, Quòd clausula illa, & alia, extenditur tantum ad similia & minora, non item ad maiora expressis, iuxta c. Sedes, 15. de rescriptis, & habetur expressè in Clem. 2. hoc sit. Si procurator constitutus sit ad agendum, & defendendum, atque iurandum de calumnia, & alia omnia agendi, quæ speciale mandatum requirunt, quòd vi huius mandati electo, contra quem in iudicio agit, obijcere non possit crimina seu defectus, ut quòd sit homicida & irregularis. Quia causa ista grauior est, quàm sit facultas de calumnia iurandi in animam domini, c. vlt. de iuram. calumnie, in 6.

Declarandum est secundò, Quòd expressio articuli specialis fieri debeat per modum permissionis, ut in proposito exemplo: Non autem per modum exceptionis: v. g. Constituo Titium procuratorem generaliter ad omnia, excepto quòd transigere non possit; vi huius excipientis particulæ, (quippe quæ non augendi, sed diminuendi causa apposita censetur) alia similia efficere non potest, vti Gl. margin. hic monet, & docuit, c. vlt. q. 3.

s. Procurator.

Non potest procurator absque mandato speciali iuramentum aduersariæ deferre ad lites decisionem, nec transigere, aut pacisci: nisi bonorum, vel causæ libera administratio ipsi commissa sit.

Pro intellectu aduerte; Quòd Procuratoris officium, cum species mandati sit, ad plura se non extendat, quàm iussam fuerit, iuxta l. diligenter, mandati. Quare si procurator ad lites constitutus sit, agere ac defendere potest, sicuti litis instantia exigit. At verò pacisci, transigere, vel compromittere non potest, cum hæc ad iudicia per se non pertineant. At verò administrator bonorum, seu iurium, si cum libera seu plena potestate da-

tus sit, ea quæ dicta sunt, præstare potest, ut dixi in c. 2. de suppl. negl. Prælat. in 6. & in c. contingit, 3. in fine, extra de transact. & docet Bartolus in l. mandato, 60. ff. de procurat. Quare procurator ad lites, cui insuper libera causæ administratio commissæ est, transigere etiam aut compromittere poterit, ut etiam indicatur in l. procurator cui, 58. ff. eod.

Similiter dicendum de procuratore ad negotia generaliter constituto, quod alienare & transigere absque speciali mandato non possit, ut hoc c. indicatur, & habetur in cit. l. mandato, & l. procurator totorum, 63. ff. eod. Si autem libera bonorum administratio data sit, tum omnia facere potest, præterquam quod donare non possit, ut dixi in cit. c. 2. de suppl. negl. Prælat. in 6.

CAPITVLVM V.

Qui generaliter.

Qui procurator ad negotia generaliter constitutus est, is etiam agere, ac defendere in iudicio potest; exceptis casibus, qui mandatum speciale requirunt. Hos speciales casus Gl. recenset in c. præced. ver. vel pacisci.

NOTANDVM Vn. Procurator constitutus ad omnia negotia, censetur etiam constitutus ad agendas causas in iudicio, cum & hæc negotia quædam sint. Sed non vice versa, constitutus procurator ad causas iudicarias, alia etiam negotia domini expedire potest. Cum mandatum extendi non debeat de causa ad causam, l. si procurator, 10. C. eod.

§. Nedum.

Fliusfam. absque patris consensu procurator esse potest non tantum ad negotia, sed etiam ad iudicia. Hac de re dixi in c. penult. not. 1. hoc tit. in antiquis.

s. Licet.

Procurator ad iudicia constitui non potest, nisi maior xxv. annis: Sed procu-

ratori ad negotia sufficiunt anni xvii. completi. Hac de re dixi lib. 3. Theol. moral. tr. 4. c. 26. n. 7. §. Procurator.

CAPITVLVM VI.

Si duo.

PARAPHRASIS.

Si duo Procuratores simul constituti simpliciter, unus sine altero admitti non debet: Secus verò est, si uterque in solidum deputatus sit: tunc ille præferendus est, qui causam per lites contestationem præoccupauit: Ita ut alter se postea immiscere haud possit; cum ille dominus lites effectus fuerit. Quod si verò in mandato adiectum sit, ut occupantis melior conditio non sit, hæc clausula saltem id operabitur, ut si illum mori, abesse, aut morbo aliæ ratione impediri contigerit, alter causam inchoatam assumere & perficere possit: præterquam si alium sibi procuratorem substituerit, is enim præferri debet.

SUMMARIVM.

Si duo procuratores super eadem causâ successiue constituti sint, posteriore constituto censeri debet reuocatus prior. Si simul autem sint ambo constituti & simpliciter, ambo admitti debent, ita ut unus sine altero nil efficiat; si uterque in solidum, tunc uno per lites contestationem præoccupante, alter omnino exclusus est, nisi clausula in mandato contenta unius præoccupationi, & alterius exclusioni præiudices.

Si duo procuratores super eadem causâ seu lite constituantur, ita distingue: Vel simul constituti sunt, vel non simul. Si hoc secundum, posteriore in eadem causa designato, censeri debet prior reuocatus, c. si quis, 31. §. Iulianus, ff. eod. Idque locum habet, tametsi posterior mandatum non suscepit, H h h h h 3 secundum.

secundum Gl. communiter hic receptam, ver. secus. Quod si simul constituti sunt, tunc vel simpliciter, vel in solidum; Si simpliciter, ambo admitti debent, & vnus sine altero nihil efficere poterit. Quod idem de iudicibus simul delegatis habetur in c. causam, 16. de offic. delegati, c. prudentiam, 21. eod. eit. Sin verò vterq; in solidum, id est, vt singuli seorsim litem prosequi possint, tunc vno per litis contestationem causam preoccupante, alter omnino exclusus est. Præterquã si in mandato contineatur clausula, qua huic preoccupati vnus, & exclusioni alterius derogatum sit. Hæc enim clausula licet efficere nequeat, vt, dum is, qui prior litem contestatus fuit, iudicium prosequi vult, & potest, se alter immisceat (cūmid bono publico, & litium expeditioni aduersetur) tamen id saltem operatur, vt si ille qui preoccupauit, impeditus sit, aut causam prosequi nolit, in hoc euentu alter suscipere non prohibeatur, dummodò ille neminem in locum suum substituerit, sicuti in textu dicitur. Ita explicat Gl. hic ver. occupantis, vbi regulam allegat: Si quod ago, non valet in totum, valebit ea parte ac modo, quo valere potest.

QVÆRIS: Quare iudicibus duobus in solidum delegatis, si qui preoccupauit, procedere nolit, aut impeditus sit, alter succedere potest, et si id in commissione expressum non fuerit, iuxta c. cum plures, 8. de offic. delegati, in 6. Duobus autem constitutis procuratoribus, vno preoccupante, alter penitus exclusus censetur, nisi huic exclusioni per clausulam derogetur. Respondet, Quia Iudices in solidum delegati ab ipsa lege, seu canone communionem quandam habere censentur, ob velociorem causarum seu litium expeditionem, sicuti dictum fuit in cit. c. cum plures. At verò Procuratores in solidum constituti à iure communionem non habent: (cū pluralitas

Procuratorum negotij expeditionem potius impediatur) quare eam ab homine accipere de-

bent.

* * *

§ Cæterum.

Si is, qui preoccupauerat, ac postea cessauerat, propter impedimentum, eo sublato causam resumere velit, admitti non debet: nisi & alter, qui causam suscepit, impeditus tunc reperitur.

§. Sanc.

Si in causis spiritualibus, quæ celeriores expeditionem postulant, videl. electionum, postulationum, prouisionum, duo Procuratores non in solidum dati sunt, index, quem magis idoneum censuerit, eligere potest: ne alioquin propter eorum concursum negotia intrinsecari contingat. Neq; alter Procurator admitti amplius debet, nisi qui preoccupauerat, causam prosequi nolit, aut non possit.

CAPITVLVM VII.

Licet.

PARAPHRASIS.

Titius absens misit mandatum procuratori-um ad Caium, is suscipere recusauit: postea verò mutata voluntate suscepit. Quæritur, an id fieri poterit. Affirmat Bonifacius VIII. Dummodò ille, qui Procuratorem constituit, in eadem perseuerarit voluntate.

SUMMARIVM.

1. Procurator non cogitur suscipere officium procuratoris, susceptum verò exequi cogitur, vel maturè re adhuc integra ei renunciare.
2. In mandato & alijs contractibus, qui mutuo consensu perficiuntur, licet alter dissenserit, si tamen postea consentiat, rarus est contractus, modo alter in prima voluntate perseuerauerit.
3. Idem est in actis electionis, & collationis beneficij.

NOTANDVM I. Procurator non cogitur suscipere officium procuratoris, l. filius.

1. filiusfam. 8. §. Inuitus, ff. eod. l. inuitus, 17. C. eod. Posteaquam verò suscepit, exequi cogitur, vel maturè renuntiare, dum res integra est, iuxta §. mandatum, Inst. de mandato, & l. si mandauero, 22. §. ult. ff. mandati.

Cæterum posteaquam Procurator se satisfecit de soluendo iudicato, vel si ipse reus loco Procuratoris scientis satisfecit, tum renuntiare procuratori, absque iusta & urgente causa, seu impedimento non permittitur, l. mutus, 43. §. Qui non cogitur, ff. eod. & Clem. 1. eod. tit. Vide Gl. in ead. Clem. ver. cogi.

2. NOTANDUM II. In mandato, & alijs contractibus, qui mutuo consensu perficiuntur, si pactionem offerenti seu contrahere volenti aliquis dissentiat, sed postea consentiat, ratus erit contractus: dummodò ille in eadem manserit voluntate. Ita Gl. margin. hic, & Petrus Ancharanus not. 2. Refert tamē, utrum absens sit, an præsens, qui stipulationem, seu pactionem obtulit. Si enim absens sit, & de dissensu alterius nihil intellexit, nec probabiliter suspicari possit, præsumitur in eadem perseverasse contrahendi voluntate, sicuti indicat Gl. magna hic in fine dicens, quod voluntas semel posita, semper præsumitur, nisi contrarium probetur. Sin verò præsens sit, & dissensum alterius, cui pactionem obtulit, cognoscat, tum si ille pœnitentiā ductus de nouo consentire velit, respondere potest, se iam mutasse voluntatem, ita ut contractus consistere nequeat: eò quod ad eius constitutionem necessarium sit, ut consensus partium vniantur, seu eodem tempore concurrant, arg. l. 2. iun. Gl. ver. consentire, ff. de obligat. & actionibus.

3. Corollarium. Idem eadem ratione docet Gl. fin. communiter recepta de electione. Si videl. electus, cum ipsi præsentatur electio, ei renuntiet, mox verò penitentiā ductus acceptet, validam fore acceptationem; dummodò electores voluntatem interim non mutarint, seu quod idem est, renuntiationem electi non acceptarint. Sed & idem in collatione beneficii absenti facta locum ha-

bere, quod dictum est, tradit hic Petr. Ancharanus, ver. opponit.

CAPITVLVM VIII.

Si quem.

SUMMARIVM.

Dominus constituens Procuratorem, quia eum abesse oportuit, reuersus ad locum iudicij censetur reuocare Procuratorem, nisi ex circumstantiis contrarium colligatur, vel constitutus sit sub hac forma: Quoties me abesse contigerit.

SI Titium Procuratorem constitueris sub hac forma, quoties te abesse contigerit, tametsi postea reuersus ipsemet causam tractandam assumas, non ideo Procuratorem reuocare censendus es. Quin imò Titius Procuratoris officium iterum assumere poterit, quoties te absentare contigerit.

Sin autem Procuratorem simpliciter constitueris, ac deinde, seu ante, seu post litis contestationem, ad iudicium venias, non ut Procuratori assistas, sed ut ipsemet causam tractes, tum procuratorium ab illo mandatum reuocare censeberis: Nisi contrarium expressè protesteris, vel ex coniecturis appareat, quod nolis eum simpliciter amouere. Ut si certum causæ articulum, de quo maiorem ipse cognitionem habes, tractandum tibi assumas; aut si Procurator se ad tempus absentet, vel infirmus sit, &c. Hanc materiam latius tractat Petr. Ancharanus in c. 2. hoc lib. & tit. Ita distinguens: Vel dominus causæ Procuratorem constituit, quia ipsomet abesse oportuit: tunc si reuersus sit ad locum iudicij, censetur reuocare Procuratorem, uti docent DD. in l. Qui mutuum, § 6. §. Non ideo minus, ff. mandati.

Excipe I. Nisi ex circumstantiis contrarium colligatur; ut quia patitur eum omnia agere, sicuti prius, arg. l. item queritur, 13. §. Qui repleto, ff. locati, & videri potest Domin. hic.

Excipe II. Nisi constitutus sit sub ea forma,
H h h h h ; ma,

ma, quoties me abesse contigerit: Tunc enim non sublata, sed suspensa cenferi debet potestas Procuratoris, dum iterum dominus discedat.

Vel non, saltem principaliter, ob causam absentiae Procuratorem constituit, tunc si veniat ad iudicium tantummodo ut assistat Procuratori, eumque agentem dirigat, aut iuuet, certum est non reuocari eius officium, iuxta l. Paulus, 69. ff. de Procurator. Sin autem causam in persona sua tractandam assumat, refert, an praesente & non impedito Procuratore id agat, an vero eodem absente, vel impedito. Hoc posteriore casu non censetur eum reuocare: sed priore maxime; nisi contrarium exprimat, vel ex coelestis praesumi possit.

QVÆSTIO: Quomodo fieri potest, ut dominus contestatae litis instantiam à Procuratore in se transferat. Respondeo: Si Procurator addit, & non contradicat, tum hoc ipso consentiente, & litis instantiam eodem domino censebitur, iuxta l. in causae, §. 27. §. Si ex parte, ff. eod. & videri potest Ancharan. cit. l. 60. Geminianus hic, super Gl. ver. siue post. Sin vero Procurator, vel ipse aduersarius se opponat, tunc reuocari non potest, nisi causa prius cognita, sicuti supra dictum est.

CAPITVLVM VLT.

Procurator.

PARAPHRASIS.

Procuratoris mandatum ad matrimonium contrahendum censetur esse speciale: Et quamuis aliquin Procurator ad negotia alium Procuratorem substituere possit, iste tamen non potest, nisi specialiter ei commissum fuerit: propterea quod negotium istud valde arduum sit.

SVMMARIVM.

1. *Causa matrimonij, maxime per Procuratorem contrahendi, valde ardua est; hinc Procurator ad hoc debet habere speciale mandatum.*

2. *Nec potest alium sibi substituere.*
3. *Et si talis Procurator reuocatus fuerit, contrahi matrimonium valide non potest, etsi & ipse, & persona, cum qua contrahendum erat, reuocationem ignoret.*
4. *Idem est in sponsalibus.*

NOTANDVM I. Causa matrimonij, praesertim per Procuratorem contrahendi, valde ardua censetur, propter periculum, quod inde prouenire potest, si negotium istud imprudenter tractetur. Quam obrem mandatum istud adeo speciale censetur, ut sub generali clausula, & alia omnia, non comprehendatur: Imò etiam expressiorem, seu determinationem personae, quacum contrahendum sit, requirat. vti hic Gl. notauit ex l. generali, §. 4. ff. de ritu nuptiarum, vbi rubr. ex Baldo: *Generale mandatum de nuptijs non sufficit, nisi mandantis ratihabitis sequatur.* Ratio est: Quia consensus contrahentium in personam determinationem de substantia matrimonij existit.

NOTANDVM II. Si negotium valde arduum committatur, ita ut industria personae electa videatur, non est Procuratori concessum alium sibi substituere. De hoc dixi etiam supra c. 1. in fine, hoc lib. & tit.

§. Sanè.

Si Procurator ad matrimonium cum certa persona contrahendum constitutus, reuocatus fuerit, postea contrahi non potest; tametsi & Procurator, & persona, quacum contrahendum erat, reuocationem ignorarit.

Est verò id speciale in matrimonio, sicuti dixi in §. ex parte, §. 33. de rescript. §. Pro plenipote, & in c. 1. hoc lib. & tit. Ratio assertur in fine huius §. Cum enim vtriusque partis formalis ac mutuos consensus sit de substantia matrimonij contrahendi, adeo ut per ius positium suppleri haud possit; consequens est, si altera pars consensum reuocauerit, matrimonium postea à Procuratore contractum, subsistere non posse. Vide quae dixi lib. 5. tr. 10. p. 2. c. 1. & c. 7.

QVÆ

4. **QVÆRES:** Quæ hîc dicta sunt de matrimonio, vtrum etiã ad sponsalia transferri possint: Vt & ea speciale mandatum requirant, & Procurator alium sibi substituere nō possit, & post reuocationem etiã ignoratam inualide contrahat. Responso est affirmatiua, cum Dominico hîc, ver. Qværo, Sanchez lib. 2. de matrim. disp. 11. n. 2. Quia sponsalia sunt via, ac dispositio ad matrimonium, ac proinde eius quodammodo naturam, ac conditiones participant, arg. l. oratio, 16. ff. de sponsalibus.

TITVLVS XXXIX.

DE SYNDICO.

CAPITVLVM Vn.

Sicur.

PARAPHRASIS.

Qregorius I. Papa in hoc c. ait, Se sollicitè curare, vt Monachi à forensibus litigijs abstineant, interim verò iura eorum ac bona non negligantur. Quamobrem mandat cuidam Subdiacono, vt Monasterij cuiusdam generalem Procuratorem, seu Syndicum, designato ipsi salario, constituat. Præstat enim, vt modicum aliquid expendant serui DEI, quàm vt ipsimet forensium causarum strepitu implicentur.

SVMMARIVM.

1. *Religiosi in causa monasterij ex mandato Prælati officio Procuratoris fungi possunt, consultius tamen est, vt Syndicum seu Actorem constituent.*

2. *Licet Religiosos deceat pacem & concordiam sectari; iura tamen & bona ecclesie sue defendere debent, nisi quòd scandali vitandi causâ interdum aliquid dimittere possint.*

NOTANDVM I. Tametsi Religiosi in causa Monasterij ex mandato Prælati Procuratoris officio fungi possint, c. 2. de postulando; e. insuper, 6. de testibus. consultius tamen est, vt ipsimet à forensibus litigijs abstinentes, Syndicum seu Actorem constituent. Excipe cum Abb. hic n. 4. Nisi Monasterium tam inops sit, vt salarium Procuratori dare non possit: vel nisi Procuratorem alium idoneum, aut fidelem acquirere nequeat.

NOTANDVM II. Tametsi Religiosos deceat quàm maximè iurgia vitare, & quæ pacis & concordie sunt sectari; interim tamen iura ac bona ecclesie sue defendere debent. Nisi quòd vitandi scandali causâ interdum aliquid dimittere possint. Quæ de redixi lib. 2. Theol. moral. tr. 3. c. 13. n. 9.



TITV.

TITVLVS XL.

DE IIS, QVÆ VI, METVSVE

CAVSA FIVNT.



N hoc, & seq. titulo agitur de Prætorij remedij, per quæ læsis in contractu, aut quasi contractu per metum, seu vim iniustam, aut ob ætatem vel similem causam, subuenitur per in integrum restitutionem; non iuris ciuili rigore spectato, sed propter æquitatem.

SUMMARYM.

1. *Metum passo in contractibus, vel similibus actibus non datur propriè dicta actio, sed ei succurritur per officium iudicis.*
2. *Vt ei detur restitutio in integrum, duo requiruntur, vt scil. metus sit grauis, seu cadens in virum constantem, & vt, qui vim passus est, damnum inde accep- perit.*

hoc tit. II. Vt qui vim passus est, damnum inde acceperit, l. sed & §. Quæri, ff. eod. vbi Iulianus respondet, Eum, qui debitori suo vim adhibuit, vt solueret, hac actione seu edicto, Quod metus causi, non teneri; quia damnum non intulit: attamen in legem Iuliam de vi incidisse, vt debitum suum amisisset iudicandus sit. Ratio reddi debet: Quia per hanc actionem petitur restitutio in integrum: hæc autem læsionem supponit, iuxta definitionem Gl. in c. 3. ver. contra reliquam, de in integrum restitut. Restituere in integrum est reducere ad eum statum, in quo erat ante læsionem.

CAPITVLVM I.

Relatum.

PARAPHRASIS.

PRo hac specie restitutionis in integrum, duo ab initio annotanda esse putauit: Primum. Tamen metum passo in contractibus, vel similibus actibus, propriè dicta actio non competat; cum propriè dictum ius suum non prosequatur: sed potius Iudicis officium hic interuenit, quod & imploratur, vt læsis subueniat; nihilominus à Iureconf. frequenter actio quod metus causa vocatur, quia re ipsa parum interest inter actionem, & officij Iudicis implorationem, si illud Iudex exhibere teneatur, sicut inter alios annotauit Ioan. Mauritius tract. de in integr. restit. cap. 11.

2 Alterum: Vt ex causa metus restitutio in integrum concedatur; duo potissimum requiri: I. Vt metus grauis sit, seu cadens in virum constantem; non autem leuis, seu vani hominis motus, l. metum, §. de 6. ff.

Vir nobilis ac potens cum uxorem de adulterio suspectam haberet, iussit militibus suis, vt eam in siluam educerent, & occiderent; Illi parentes mandato, cum iam gladium euaginantem, misericordià moti pepercerunt eidem, hac conditione, vt in Monasterio habitum susciperet. Postea maritus duos Episcopos misit, vt uxori in Monasterio votum Professionis imponerent: sed cum res ipsa suspecta esset, eò quod mulierem iuuenem esse, & filiū paruulum habere viderent, seorsim ductam illam examinarunt. Quæ rem ipsis aperuit, quod mortis timore Monasterium ingressa esset, & inde exire vellet, si posset. Nihilominus alter Episcoporum, vt mariti tyrannidi satisfaceret, velum ei imposuit, simulans se eam professam facere.

ere. Sed postea marito mortuo, dicta mulier ex Monasterio egressa alteri viro nupsit: quos coniuges, tanquam male copulatos, Episcopus Calaguritanus ad instantiam Monialium, excommunicauit. His intellectis, mandat Alexander III. quibusdam à se delegatis; vt dictam mulierem ac virum eius (recepto prius iuramento, quodd mandatis ipsorum parere velint) ab excommunicatione absoluant; deinde vocatis ad se tam muliere, quam Priorissâ & Monialibus, si probatum fuerit, quodd mulier illa non timore mortis Religionem suscepit; aut, si mortis timore factum, quodd professionem postea ratam habuerit, eam ad Monasterium redire, & habitum Religiosum iterum assumere, censurâ ecclesiasticâ compellant.

SYMMARIUM.

1. *Excommunicatos ab inferiore Prelato, si dubium est de iustitia excommunicationis, absolui potest & debet à Superiore, exacto tamen iuramento, quodd mandatis ecclesiæ parere velis.*
2. *Professio religiosa facta ex metu graui & iniuste incusso, ipso iure ecclesiastico est irrita.*
3. *Quæ tamen, etsi ob defectum consensûs voluntarij irrita fuerit, per subsequentem ratificationem conualescit.*
4. *Afferens factam ex metu professionem, metum probare tenetur.*
5. *Ad ratificationem autem aquè arg., ad professionem requiritur voluntarium plenum, vt proinde durante metu rata haberi possit professio.*

NOTANDUM I. Excommunicatos ab inferiore Prelato, si dubium sit de iustitia excommunicationis, Superior absolvere potest, ac debet, exacto iuramento, quodd mandatis suis, seu mandatis Ecclesiæ parere velint. Ita notat Imola hic n. 9.

NOTANDUM II. Matrimonium spirituale, seu professio religiosa perinde ac matrimonium carnale, si ex metu graui & iniuste incusso contractum sit, ipso iure Ecclesiastico irritum est, vti ex hoc textu colligi-

tur, & ex c. ult. Qui Clerici, vel Monachi, & dixi lib. 3. tr. 4. c. 6. n. 3. ver. Tertio, & lib. 4. tr. 5. c. 5. n. 6. & seqq. vbi hanc rem plenè tractauit.

NOTANDUM III. Professio religiosa, etsi ob defectum consensûs voluntarij irrita fuerit, tamen per subsequentem ratificationem expressam, aut tacitam (quæ v. g. si habitum religiosum gestando) conualescit, arg. c. cum virum, 22. de Regular. Vide quæ dixi cit. c. 6. n. 1. & 8.

QVÆRES primò: Cur in textu dicatur, quodd Episcopus ille simularit se velum (intellige professionis) mulieri imponere. Respondet: Quia cum protestationem mulieris audiret, quodd vi mortis ad religiosum habitum, & institutum suscipiendum adigeretur, aliquin nequaquam susceputura, sed egressura, facillè intellexit eius professionem irritam esse; & tamen vt Nobili viro satisfaceret, quasi professionem facienti velum imposuit.

QVÆRES secundò: Cuiam parti in tali casu probatio imponenda sit; Num mulieri afferenti se graui metu adactam ad professionem: an verò Abbatissæ & Conuentui, illam sibi repetenti ac vindicanti, vt probent coactionem non interuenisse, seu spontaneam professionem fuisse. Respond. Si constet, vel mulier fateatur factum, videl. professam se esse, aut habitum professionis suscepisse, tum præsumptio est contra illam; vt proinde oppositam exceptionem metus illati probare teneatur, argum. l. non est, 33. ff. hoc tit.

Neque verò id in textu nostro negatur; quin potius supponitur, inquisitionem factam, aut faciendam esse de narratis, num vera sint; quodd videl. mulier coram Episcopis, mortis compulsionem narrando contra velum professionis protestata fuerit; item quodd dum maritus vivebat, ob atrocitatem eius, contra professionem reclamare, & Monasterio egredi ausu non fuerit. Hòc casu cum probationes, seu præsumptiones pro muliere adessent, rectè Pontifex respondit; Eam ad Religiosum habitum assumendum compellendam non esse, nisi Moniales o-

IIIII
sten-

stenderint, quoddam professionem sponte fecerit: (iuxta ea quae in simili dixi c. super eo, 6. de renunt.) aut quoddam metu cogente factam, eo postea cessante, ratam habuerit.

5. Nota quod dico: Eo postea cessante: Quia dum metus durat, non potest aliquis ratam habere professionem. Cum ad ratificationem professionis non minus requiratur voluntarium plenum, quam ad ipsam professionem. Et quae hic dicta sunt de professione religiosa, similiter locum habent in matrimonio carnali, iuxta c. cum virum, 12. de Regularibus.

CAPITVLVM II.

Abbas.

PARAPHRASIS.

Remigio Clerico Abbas S. Cadmundi Ecclesiam consulit: Sed postea milites suos misit, qui illum domo expellerent cum omni substantia sua, nisi Ecclesiam iuratus resignaret. Quod cum Remigius tali modo coactus fecisset, Abbas dictam Ecclesiam alteri concessit. Hac re intellecta, Alexander III. mandat, ut Remigius omnia integre restituatur: Quia quae metu, aut vi iniusta sunt, de iure in irritum reuocari debent.

SUMMARIVM.

1. Metus mortis, amissionis bonorum seu omnium, seu magnae partis censeri debet iustus, graui & cadens in virum constantem.
2. Pacta, contractus, transactiones, quae ex metu sunt, ipso iure valida sunt, rescindi autem debent actione Quod metus causa &c. per restitutionem in integrum.
3. Repetere potest, qui graui metu ad alium aliquid dedit: & si nondum dedit, repellere potest metum inferentem per exceptionem. Quod metus causa &c.
4. Per vim cogens alterum ad donandum, rei donata acquiri dominium, sed ante iudicis sententiam tenetur in conscientia donatori restituere damnum. Si au-

tem cogat ad donandum aliquid tertiae personae, tunc dimissus actionem habet etiam aduersus vim inferentem, & eius heredes: alteram aduersus donarium: qui tamen in foro conscientiae, si iniusta conditionis participet, non fuit ad nullam restitutionem tenetur.

5. Actio Quod metus causa paralis, unde non nisi intra annum, etiamque vilem competit, ira ut si intra eum non iudicata fiat restitutio, vim inferens in quadruplam sit condemnandus; alio iuramentum in simplum.
6. Matrimonium, sponsalia, professio religiosa, Electio Summi Pontificis, iurisdictio per vim iniustam impetrata, absolutio à censura, infirmantur iure speciali ecclesiastico, aut ciuili, per vim aut metum grauem iniuste incussum, ita ut ab initio nullum robore sint.

NOTANDVM I. Non tantum mortis & metus, sed etiam amissionis bonorum, seu omnium, seu magnae partis, censeri debet iustus, grauis, & cadens in virum constantem. Ita Ioannes. Andr. n. 2. & alij communiter. Vide quae dixi lib. 1. Theol. mor. tr. 2. c. 6. n. 5. §. Porro:

NOTANDVM II. Pacta, contractus, & transactiones, quae ex graui, & iniuste illato metu sunt, ipso iure valida sunt: sed actione Quod metus causa &c. per restitutionem in integrum rescindi debent. Ita Gl. hic var. coactus, Imolan. 7. Abb. n. 5. Gl. magna in c. vn. eod. tit. in 6. & docui cit. tr. 2. c. 6. n. 7. & 8. & lib. 3. Theol. mor. 4. c. 6. n. 2. Ratio prioris partis est: Quia pactiones, transactiones, renuntiationes perficiuntur mutuo voluntario consensu. l. ff. de pactis. Metus autem, absolute loquendo, consensum voluntarium non tollit, sed tantum secundum quid: quia admitteret voluntarium conditionatum: quandoquidem qui metu agit, id nosset agere, si metus abesset, sicut docet S. Th. 1. 2. q. 6. a. 6. & Paulus IC. in l. si mulier, 21. §. Si metu, ff. Quod metus causa. Posterior verò pars constat ex eod. tit. l. 1. & seqq. Ratio peti debet ex aequitate, secundum

dãam quam grãui metu adactis, ac læsis, si actionem Quod metus causa intentarent, succurrendum esse Prætor iudicauit per in integrum restitutionem; videl. vt quæ per eiusmodi metum acta sunt, perinde rescindantur, ac si ab initio irrita fuissent, vt ex hoc e. colligitur. Quare Gl. ait in c. auditis, 3. ver. contra reliquam, tit. seq. Quod in integrum restituere aliud non sit, quàm reducere ad eum statum, in quo erat antelæsionem.

³ Corollarium I. Si quis graui metu adactus ad contrahendum, aliquid dedit, repetere illud potest, petendo coram Iudice restitutionem in integrum actione Quod metus causa: Sin autem nondum dedit, tum illum, quocum contraxit, repellere potest per exceptionem Quod metus causa, sicuti bene hic annotauit Imola n. 7. & sumitur ex l. inuitus 98. ff. de reg. iuris. Cui damus actionem eisdem exceptionem conuenire multò magis quis dixerit: Atqui metu graui adactus ad contrahendum, si soluendo læsi sint, actio conceditur ad repetendum, vt suprà dictum: Ergo si necdum soluerunt, contra petitores, extra de intra iudicium, excipere possunt, quod minus soluant. Veruntamen si quis metum iniustum incutienti iurarit se soluturum, tum iuramentum religione obstringitur, nisi eius relaxationem impetret: quam etiam in casu huius e. Pontificem concessisse, existimandum est.

⁴ Corollarium II. Si Titius alterum per vim coegit, vt ipsi rem aliquam donaret, tamen si rei acta donatæ dominium acquisierit, tamen in conscientia, etiam ante Iudicis sententiam, obligatus est, vt dominum, quod per vim iniustam intulit, donatori restituat, adeoque in integrum eum restituat, quatenus læsus est. Quod si verò idem Titius alteri coegit, vt tertie personæ v. g. Caio rem donaret, hoc casu multò magis Caius rei donatæ dominium acquirit. Habet verò tunc vim passus duplicem actionem, vnâ personalem contra Titium, & hæredes eius, vt restituant ipsi damnum, seu quantum interest, vim illatam non fuisse: alteram verò habet aduersus Caium donatarium, vel quemuis alium possessorem, ad quem res donata, vel

commodum aliquod peruenit: Et vocatur hæc actio in rem scripta, competens quasi domino, seu vtili actionem vindicationis ex Prætoria æquitate habenti, iuxta l. metum, 9. §. volenti, §. licet, & §. cum autem, ff. hoc tit. & l. 3. l. non interest, 5. C. eod. & videri potest Ioann. Faber & Angelus §. Quadrupli, Initio, de actionibus. Cæterum in conscientie foro, tertia illa persona, videl. Caius si iniuste coactionis particeps non fuit, ad nullam restitutionem obligatur: Neque enim ratione rei possesse, cum aliena verò non sit, sed propria: neque ratione iniuste acceptionis, cum iniuriæ particeps non sit, vt ponimus.

⁵ His adde: Hanc actionem Quod metus causa, eatenus penalem esse, quia si intra annum (eiisque vtilem) instituat contra eum, qui vim intulit, aut contra alium possessorem, & is restituere cunctatus fuerit, tum in quadruplum condemnandus erit, alioquin in simplum duntaxat, l. Item §. 14. §. hucusque, & seqq. ff. eod.

Porro aliquæ passionēs, seu promissiones sunt, quæ speciali iure Ecclesiastico, aut ciuili infirmæ sunt, ita vt ab initio nulli roboris sint, si grauis, & iniuste incussus metus causam præbuit: Videl. matrimonium, & sponsalia, professio religiosa, de quibus dixi lib. 3. Th. mor. tr. 4. c. 6. n. 3. Electio Summi Pontificis, vt dixi in qq. de elect. q. 123. Item iurisdicctio per vim iniustam ac violentiam grauem impetrata ipso iure nulla est, argum. l. 2. §. Aut si putauerunt, iun. Gl. margin. ff. de iudicijs, & probabiliter docent Gl. hic v. coactus, Baldus in l. decernimus, 16. §. Sed pone quod Tyrannus, C. de sacros. Ecclesijs, Abb. hic. n. 12. Alium casum habes in Clem. 2. de penis, & dicam de hoc §. seq. Deniq; absolutio à censura per grauem vim extorta, irrita est, c. vn. eod. tit. in 6.

Alios casus Gl. cit. refert, quos bene hic reijcit Abb. Sed & ipse aliquos ex sua sententia assert, qui reijci possunt: Vt quoddam promissio à detructo in carcerem ipso iure irrita sit, argum. l. 2. ff. hoc tit. Qui in carcerem quem detruxit, vt ei aliquod extorqueret, quidquid ob hanc causam factum est, nullius

momenti est. Sed Bartol. ibi bene monet, nihil aliud ea lege constitui, nisi quod carcer iustum, acque in constantem virum cadentem metum inferre censendus est. Et Baldus egregie ibi ait; Quod promissio talis nullius momenti sit, non in se, sed quoad effectum, quia videl. per actionem *Quod metus causa* rescindi, seu in irritum reuocari debet.

Præterea quæ idem Panormit. allegat ex l. 1. §. ult. ff. de auctor. Tutor si iniustus reus sit per vim, non valet quod agitur. Et ex l. qui testamento, 20. §. ult. ff. Qui testamenta facere possunt: Si deienti sine iniuria testes, non valere testamentum; hoc ad propositum nostrum facere non videtur. Nam in casu priore ad contractum pupilli requiritur, ut consensus seu auctoritas interueniat. Ad consensum autem non sufficit mera corporalis præsentia, ut si quis iniustus per vim in loco detineatur, is non consentit: quia talis coactio omnem consensum tollit, ut dixi lib. 1. tr. 2. c. 6. n. 6. & ita cit. §. explicat ibi Bartol. dicens. *posse esse præsentia sine consensu*: Posterior autem casus ideo ad propositum non est, quia intestibus non requiritur consensus; sed tantum præsentem intelligunt, quod agitur: quod fieri potest, etiam si vi detineantur, iuxta l. 209. ff. de verb. signifi. Est tamen id speciale in testibus testamentariis, quod rogati esse debeant, l. hæredes palam, 2. §. In testamentis, ff. Qui testamenta, nec eorum præsentia sufficit, si iniusti detineantur, sicuti optimè annotauit Sanchez lib. 3. de matrim. disp. 39. in fine. Vide quæ dixi lib. 5. tr. 10. p. 2. c. 4. n. 6.

CAPITVLVM III.

Ad aures

PARAPHRASIS.

Quidam in Plebanum seu Rectorem cuiusdam Ecclesie concorditer electus non fuit, vno electore excepto. Sed propter laicorum se opponentium terrorem, electionis iuri renuntiavit. Quæ re intellecta

Clemens III. respondit, nec obstante hæc renuntiatione (dummodo iuramento, vel fide interposita confirmata non fuerit) electum Ecclesie illi, cui renuntiauerat, præfici posse.

S V M M A R I V M.

1. Renuntians iuri ecclesiastice electionis ob grauem metum seu terrorem iniustus nihilominus potest.
2. Neg, tamen talis renuntiatio ipso iure irrita est, sed irritari à Superiore potest per restitutionem in integrum.
3. Valet ea renuntiatio coram Superiore facta ipso iure, si electio à Superiore confirmata fuit; restituendus autem est ab ecclesiastico iudice renuntians in integrum.
4. Excipitur casus extorta resignationis beneficiorum à dominis temporalibus si ipsi viros ecclesiasticos capiant, ut resignationis beneficiorum extorqueant, talis enim resignatio inualida est.
4. Iuratus renuntians iuri electionis obligatur iuramento, potest tamen potest eius relaxationem, quam etiam iudex non rogatus ex officio facere non prohibetur.

NOTANDVM I. Qui iuri ecclesiastice electionis renuntiavit ob grauem metum, seu terrorem illatum, non obstante tali renuntiatione, institui potest.

QVÆRES I. Vtrum talis renuntiatio per metum extorta ipso iure irrita sit. Respondet cum Abb. hic n. 2. contra Imolam n. 2. Non esse ipso iure irritam, sed volente eo, qui ita renuntiavit, à Superiore per restitutionem in integrum irritari posse, perinde ac si ab initio nullius momenti fuisset, iuxta ea quæ c. præ. dicta sunt.

QVÆRES II. Quid si electio à Superiore confirmata fuerit, censeri sine debet ipso iure valida renuntiatio, facta coram legitimo Superiore; ob terrorem v. g. laicorum. Respondet ipso iure valere; sed Iudicis Ecclesiastici

SUMMARIVM.

1. *Iuramentum promissorium est stricta obligationis, vi non amplius obliget, quam secundum strictam verbum interpretationem promissum fuit.*
2. *Qui resignavit beneficium coactus ex metu gravi in manibus Superioris v. g. duplici remedio id recuperare potest, intentata scilicet vindicatione vtilis, seu actione in rem scripta, vel actione Quod metus causa.*

4. **NOTANDVM II.** Si quis iuri electionis renuntiavit iuratus, quod vid. prælatum nonquam acceptare, seu nunquam præfici vellet, is obligatur iuramento. Nihilominus petere potest relaxationem iuramenti, imò, tametsi non petatur, iudex ex officio suo iuramentum relaxare, & acceptandi facultatem restituere potest, secundum ea, quæ dixi lib. 4. tr. 3. c. 7. n. 1. in fine, & tradit hinc Glan. Abb. n. 8. Imola. n. 7. & sumitur ex c. si verò, 8. de iureiur. Ceterum, an, & quomodo fidei interpositio, cuius hinc mentio fit, à iuramento differat, clarè explicauit eod. tr. 3. c. 1. n. 2. .

CAPITVLVM IV.

Ad audientiam.

PARAPHRASIS.

Magister Guilielmus Rector Ecclesiæ de Cheuellis grauissimo metu per Regem incusso adactus fuit, vt dicerent Ecclesiam in manibus eorum, ad quos pertinebat, iuratus resignaret. Hoc intellecto, rescripsit Innocent. III. Cùm ea, quæ vi, metusue causa fiunt, carere debeant robore firmitatis, ideo si constiterit, metum illum grauem fuisse, seu qui potuerit ac debeant cadere in virtutem constantem, tum non obstat iuramento, Ecclesiam Guilielmo restituendam esse, quippe cùm vigore eius iuramenti obligatus tantum foret ad resignandum, non verò etiam ad non repetendum.

NOTANDVM Vn. Iuramentum promissorium, (præsertim si iniquè extortum sit, seu ex parte promissarii turpitudinem contineat) non amplius, sed restrictam obligationem continet, ita videl. vt non amplius obligare censetur, quam secundum strictam verborum interpretationem promissum fuit. Ita docui lib. 4. tr. 3. c. 7. n. 2. arg. huius c. Cùm enim Guilielmus iurauerit duntaxat se parochiam resignaturum, nõ obstante hoc iuramento, potest parochiam repetere, seu petita restitutionis in integrum actione *Quod metus causa*, seu simpliciter repetitione, quæ est vindictio vtilis, seu actio in rem scripta, iuxta ea, quæ supra dixi, & annotauit hic Abb. n. 1. Quod metu graui adactus ad beneficium v. g. 10 manibus Superioris resignauit, duo remedia habeat ad recuperandum: Primum est, si repetat beneficium, aliamue rem, quam metu cogente tradidit, intentata actione vtili. Ideo autem hæc actio in rem, seu vindictio *vtilis* appellatur: quia directum dominium, seu ius in re, quod secundum communiam civilia, imò & gentium iura ablatum est. Prætor dare non potuit. Alterum verò remedium est actionis quod metus causa, per quam Iudicis officio omnia integrè restituantur, ac si nihil actum fuisset.

QVÆRES. Cur in casu prioris c. iuramentum impediebat clericum renuntiantem beneficio, quò minus eidem præfici potuerit, nisi iuramentum à Superiore relaxatum esset. At verò in casu huius c. iuramentum non impedit, quò minus renuntians idem

IIIII 3 bene si-

beneficium petere ac consequi possit. Resp. cum Gl. hic ver. repetendum : Quia electus in priore casu iuravit, se plebaniam illam nunquam acceptaturum. In hoc autem Guilielmus iuravit tantum, se parochiam resignaturum ; non autem iuravit, se resignatam non repetiturum. Simile est : Si quis latroni ob mortis metum iuraverit pecunias daturum, datas repetere potest, iuxta c. debitorum, 6. de iureiur. Sin autem iuravit, se daturum, & nunquam repetiturum ; tum repetere non potest, nisi prius impetrata ab Episcopo iuramenti relaxatione, quæ tamen concedenda non est, si in contemptum religionis Christianæ cessura videatur, ut si v. g. Turcis, pretium redemptionis iuramento promissum sit.

CAPITVLVM V.

Sacris.

PARAPHRASIS.

Quæsitum erat ex Innoc. III. Vtrum is, qui inuitus communicat cum excommunicato, excommunicationem & ipse contrahat ? Respondet, esse distinguendum : Si enim absolute inuitus est, quia patitur propriè dictam coactionem, tum excommunicationem non incurrit : cum non agat voluntariè, sed potius agatur ac patiatur. Sin autem inuitus est secundum quid, quia metu mali adigitur ad faciendum, quod alioquin facere nollit. Tum metus minuit quidem culpam ; sed quia eam non omnino aufert (cum ob nullum metum liceat mortaliter peccare) ideo existimandum est, ita communicantem cum excommunicato, excommunicationis labi & ipsum inquinari.

SYMMARIUM.

7. *Distrimen inter violentiam seu coactionem, & metus illationem.*
8. *Qui cum irratione excommunicatione muliere scienter communicat in crimine.*

mine, ob quod excommunicatus ille est, tum & ipse maiorem excommunicationem contrahit ; minorem quæ si in alijs negotijs cum eo communicet sine iusta causa excusante ; & excommunicatus si non toleratus seu vitandus.

3. *Potius omnia mala toleranda, quam peccatum mortale, imò & veniale minimum committendum.*
4. *Quadam lege positiva prohibita desinunt esse peccata ; & prohibita ex occurrentibus aliquibus circumstantijs, v. g. comestio carnis die Veneris facta ex illatione metus grauis, nisi fiat in contemptum religionis.*
5. *Peccans ob metum ab extrinseco illatum prius delinquit, quam si nullo cogente metu malum agat.*

Hoc c. difficultatem mouet interpretibus, propterea quoddam casus, qui Pontifici propositus erat, hic non exprimatur, sed solum responsio eius. Sufficit itaque ad desendendum hoc c. si casum aliquem proponamus, in quo responsio Innocentij locum habere possit : Aliquis hæreticus populo denuntiatus est vt vitandus ; nihilominus publice conieponatur, apti sacrificet in Ecclesia ; atque clerici v. g. à seculari magistratu in contemptum Fidei, aut potestatis Ecclesiasticæ compelluntur ad assistendum concioni, aut Missæ eius. Queritur, an excommunicationem & ipsi, saltem minorem, contrahant communicando cum excommunicato denuntiato. Respondetur rectè : si per vim, seu coactionem propriè dictam ibi detineantur, non contrahunt excommunicationem ; cum enim moralem ac voluntariam actionem non exercent, dici non potest, quod cum excommunicato communicent. Sin autem ob metum magistratus assistant, tunc contrahunt & ipsi excommunicationis labem ; siquidem hoc casu metus eos non excusat, quod minus mortaliter peccent, etiam contra ipsam Ecclesiasticam legem, quæ prohibetur communicare cum excommunicato. Tametsi enim ordinariè leges Ecclesiasticæ, ipsæque censuræ non obligent cum per-

periculo grauis mali incurrendi; ideoque metus grauis excuset à præceptis, & censuris Ecclesiasticis; non tamen in tali casu, quo directè agitur de defendendo honore Dei, Fidei veritate, aut Ecclesiæ potestate, sicuti docui lib. 1. Th. mor. tr. 4. c. 4. n. 6. & seqq. & tr. 5. p. 1. c. 5. coroll. 5.

NOTANDUM I. Si propriè loquendum sit, discrimen est inter violentiam, seu coactionem, & metus illationem. Nam qui violentiam, seu coactionem patitur, absolutè inuitus est: cum non agat ipse, sed agatur: vt si aliquis in loco auribus aut oculis apertis, per vim declinetur, is cogitur adesse, audire, videre. Qui autem metu adactus agit, quod alioquin non ageret, v. g. vt Misere, vel concioni assistat, is simpliciter inuitus non est, sed potius volens: Est tamen inuitus secundùm quid, seu conditionaliter: nollem, nisi malum maius timerem. Ita hanc rem bene explicat Ioan. Andr. hic n. 15.

NOTANDUM II. Qui cum irretito excommunicatione maiore scienter communicat, excommunicationem & ipse contrahit. Sed distinguendum: Vel enim cum excommunicato aliquis communicat in crimine, ob quod excommunicatus est, tum & ipse maiorem excommunicationem contrahet, c. si concubinæ, 55. de sent. excomm. Vel communicat in alijs negotijs sacris, vel politicis, tum minor excommunicatio contrahitur, c. statuimus, de sent. excomm. in 6. Opus tamen est ad hanc censuram incurrendam, vt excommunicatus, quocum nulla iusta causa excusatus communicas, non toleratus seu vitandus sit. Vide quæ dixi lib. 1. Th. mor. tr. 5. p. 2. c. 3.

NOTANDUM III. Potius omnia alia mala sustinere debemus, quàm vt peccatum mortale (inid estiam veniale, quantumvis minimum) admittamus, vt dixi lib. 1. tr. 2. c. 6. n. 4. §. Notandum. Verùm quædam non ita intrinsecè ac per se peccata ac prohibita sunt, quin occurrentibus aliquibus circumstantijs, atque hæc ipsa metus grauis illatione, desinant esse peccata ac prohibita. Quod maxime in ijs euenit, quæ postius la-

ge prohibita sunt, vt carnes die Veneris comedere, cum excommunicatis in sacris, aut politicis negotijs communicare; dummodò id non fiat in Fidei, Religionis, aut potestatis Ecclesiasticæ contemptum, vt suprà dixi, Vide Abb. hic n. 5. & quæ dicta sunt lib. 4. Th. mor. tr. 2. c. 8. princ.

NOTANDUM IV. Qui ob metum ab extrinseco illatum peccat, minus delinquit, quàm si nullo cogente metu malum agat. Vt si quis mortis metu adigatur ad matrimonium cum consanguinea sua non tantùm contrahendum, sed etiam consummandum. Quamuis & iste mortaliter peccet, minus tamen, quàm si metus abesset. Quia quod metu fit, minus voluntariè fit, hoc ipso, quod inuoluntarium admixtū habet: consequenter minus peccatum est. Quare & in externo foro mitius puniendus est, qui ob metum delinquit, quàm si sponte, vt Abb. hic monet n. 2.

CAPITVLVM VI.

Cum dilectus.

PARAPHRASIS.

Canonici in Insulis habitantes votum iuramentum ediderunt, quod regulam Cisterciensium assumere, & suam Ecclesiam eidem Ordini incorporari, quantum in ipsis esset, permittere vellent. Postea verò penitentia ducti restitui se, ac liberari petebant, allegantes metum & dolum, quo inducti fue rint ad tale votum, ac iuramentum edendum. Sed Innoc. respondit, chim hoc iuramentum in salutis dispendium non vergat, obseruandum esse, neque permittendum, vt periurijs via aperiat. Neque causam sufficientem adesse restitutionis in integrum: Quod enī metum allegant, constat eum non fuisse mortis, aut corporis cruciatus, vel similem, qui in virū constantem cadat. Quod verò dolo se inductos asserunt, ea non tam circumuentio, quàm saguitas ipso- rum censenda est.

SYMMARIUM.

1. *Iuramentum promissorium erga hominem omnimodè & sine spe relaxationis seruari debet, si sine dispendio salutis æternæ seruari potest, nisi causa iuramenti data fuerit per metum, vel propriè dictam deceptionem.*
2. *Tale iuramentum non debet, & ordinariè non potest relaxari, nisi per plenitudinem potestatis Pontificiæ ex causa grauissima.*
3. *Iuramentum promissorium per metum grauem licet iniuste extortum obliget, non tamen omnimodè & efficaciter, cum relaxatio iuramenti possit impetrari.*
4. *Idem est, si metu leui fuit incussus ab ipsomet promissario.*
5. *Dolus malus propriè est machinatio quadam ad alterum (prudenter) decipiendum accommodata.*
6. *Homini simplici decepto non succurritur in foro externo, nisi simplicitas & deceptio sit inuincibilis, tum quidem ei succurritur quandoque iudicij officio per restitutionem in integrum, non autem per actionem de dolo.*

Etiam isto casu satis explicatus non est. cum in specie non dicatur, quidnam metuerint Canonici, aut quam calliditate inducti fuerint ad votum, & iuramentum. Sed ex responsione Innoc. III. colligitur, metum grauem fuisse, & deceptionem potiùs passiuam, quàm actiuam.

NOTANDUM Vñ. Iuramentum promissorium erga hominem omnimodè, & sine spe relaxationis seruari debet, si sine dispendio salutis æternæ seruari possit: nisi grauis, metus, aut propriè dicta deceptio causam iurandi præbuerit. Ita etiam habetur in c. 2. de pactis, in 6.

Aduerte autem primò; Quòd sermo sit de iuramento promissorio erga hominem, sed in utilitatem hominis tendens, quale fuit istorum Canonorum, iurantium Cisterciensibus, quòd eorum regulam assumere, & Ecclesiam suam Ordini adiungere vellent,

Cum enim per tale iuramentum ius homini acquisitum sit, non debet, & ordinariè non potest relaxari, nisi per plenitudinem potestatis Pontificiæ, ex causa grauissima, vti docet Sanchez lib. 3. moral. c. 2. n. 2. & videri possunt, quæ dixi lib. 4. tr. 3. c. 1. n. 5. Quòd si Canonici illi votum, quamuis iuratum, solij Deg concessissent, tum faciliùs dispensationem impetrare potuissent. Quia Deus soluendi ac ligandi potestatem Ecclesiæ concessit, idèòque ius suum remittere censetur, si Pastor Ecclesiæ ita expedire iudicet ad animarum salutem.

Aduerte secundò, quòd dixi: Si iuramentum absque salutis dispendio seruari possit. Nam si iuramentum sit de re illicita, seu de eo, quòd absque peccato impleri nequeat, tum ab initio nullam obligationem habet, vti docui eod. tr. 3. c. 6. n. 1.

Aduerte tertio; Quòd excipitur metus grauis. Id verò non ita intelligi debet, quòd promissorium iuramentum per metum grauem, etiam iniuste extortum non obliget, sed quòd non obliget omnimodè, & efficaciter, cum relaxatio iuramenti possit impetrari. Ita habetur in c. si verò, 8. de iureiur. Sed quid dicendum, si metu non graui, sed leui iniuste incusso aliquis inductus sit ad iuramentum promissorium, vtrum relaxatio ordinariè (seu extra plenitudinem potestatis Pontificiæ) concedi possit etiam ab Episcopo? Negant Abb. hien. 10. Felinus c. 2. n. 3. de iureiur. Sanchez lib. 4. de matrim. disp. 30. n. 9. Syl. ver. iuramentum, 4. q. 7. in fine, arg. huius c. & cit. c. si verò & l. metum, ff. hoc tit. vbi dicitur, Metum accipiendum hic esse non quemuis timorem, sed maioris malitatis.

Nihilominus affirmant Hostiens. & Ioan. Andr. in c. verum, n. 6. ibid. Abb. sibi contrarius, n. 3. Alex. de Neuo, n. 7. & S. de iureiur. Couar. reg. peccatum, p. 2. §. 3. n. 7. Et hæc sententia mihi placet, si ipsemet promissarius metum iniustum, quamuis leuem incussit, quòd in odium eius, ne ex propria iniquitate commodum ferat, iuramentum à Iudice relaxari possit. Ratio est: Quia cum ius efficax promissario iniusto acquisitum non sit (in conscientia enim foro læsum in integrum

grum

grum restituere cogitur) consequens est, nullam illi iniuriam fieri, si iuramentum relaxetur.

Ad argum. ex hoc c. desumptum, resp. Non constare, quod in casu huius c. metus aliquis, quamvis levis, ab ipsis Cisterciensibus Monachis iniuste incussus fuerit, ad extorquendum iuramentum. Ad c. si verò, & l. metum, ff. hoc tit. respond. duabus de causis iure tum civili, tum canonico ponderari, vtrum metus levis fuerit, an gravis. Prima est: Quia vt promissio per metum extorta rescindi possit, requiritur, vt metus inuoluntarium mixtum effecerit, quia promittens nolisset promittere, nisi coactus fuisset. Id autem facile præsumitur, aut probatur, si metus gravis sit, & calens in virum constantem. Secunda. Quia metum passio Prætor actionem *Quod metus causa* non impertitur, nisi fuerit gravis, seu iustus. Interim tamen iudex, etiam sine intentata actione, ex officio suo succurrere potest iniuste læso per metum leuem, vt eum in integrum restituat, relaxato iuramento, sicuti bene docet Alex. de Neuo cit. n. 8. & Gl. hic ver. metum mortis. & docui lib. 3. tr. 4. c. 6. assert. 3. Multo verò magis pro conscientie foro Prælati, v. g. Episcopus iuramentum in tali casu relaxare poterit, ad hunc finem, vt iniustum, quamvis leuem metum passus contra exigentem promissa per exceptionem se defendere possit, sicuti docet Sanchez cit. loco.

5 Aduerte quartò, Quod dolus malus sit machinatio quædam ad alterum decipiendum accommodata, l. 1. §. Dolus, ff. de dolo malo. & Seruius apud Cic. lib. 3. de offic. Cùm verò machinatio, aut operatio quæcunque accommodata non est ad decipiendum prudentes, & cordatos, tum si quispiam decipiatur, non est propriè dolus, sed simplicitas ac fatuitas seipsum decipientis. Quamobrem tali homini in foro externo non succurritur, vtj ex hoc c. colligitur, & notauit hic Abb. n. 1. Imolan. 2.

6 Cæterum si simplicitas, & deceptio inde orta in homine sit inuincibilis, tunc credibile est, in foro conscientie ita deceptum defendere se posse: Imò in externo etiam foro

Iudicis quandoque officio succurri per in integrum restitutionem. Etenim plerumque culpa non vacat, qui cum tali homine contrahit: Sed actioni de dolo (in qua condemnatus infamis efficitur) locus hic non erit, cùm dolus propriè admissus non sit, vt supra dictum.

CAPITVLVM VLT.

Super eo.

PARAPHRASIS.

Si quis per testes legitimè probauerit, se à quibusdam spoliatum esse, rectè faciet iudex, si spoliato iuramentum facere permittat, quanti res amissas damnumque suum æstimet; & ad hoc spoliatores condemnent: præcedente tamen taxatione, quæ fieri debet pro personarum, & negotij qualitate.

SUMMARIUM.

1. Si constet, vel probatum sit, quempiam per vim iniustam esse lesam, quantitas & æstimatio lesionis per iuramentum læsi, praua iudicis taxatione probari potest.
2. Ad hoc samentum non facile deueniendum est, si per testes etiam domesticos (qui in hoc casu sunt admittendi) probatio haberi potest.
3. Neque locus est iuramento huic veritatis, seu vera æstimationis, si non contra ipsam, qui violentiam intulit, sed contra alium instituitur nec violentia, nec doli participem.
4. Si iuramentum hoc deferendum est à iudice, deferri ab eo debet audito læso, & prius taxata quantitate.

NOTANDVM Vn. Si constet, vel probatum sit, per vim iniustam quippiam ablatum esse, tum quantitas & æstimatio rerum ablatarum per iuramentum læsi, præcedente iudicis taxatione, probari potest. Et dicitur hoc iuramentum *veritatis* seu *vera æstimationis*, vt dixi lib. 4. tr. 3. c. 5. n. 1. alterò.

Kkkk

Sum.

Sumptum autem est hoc c. ex l. si quando, C. Vnde vi; Circa cuius intellectum ex Gl. Bartolo, & alijs hæc aduertenda sunt: I. Ante omnia in iudicio patefactum, aut li- quidò probatum esse oportet, violentiam illatam fuisse. Ita habetur in cit. l. iun. Gl. ver. patefacta. Ait tamen Abb. hic, n. 2. etiam per indicia, quæ violentiam præsumptionem pariunt, probari posse vim illatam, aut furtum commissum esse, in ordine ad damni illati compensationem, iuxta ea quæ dixi lib. 3. p. 2. c. 2. n. 2. & tr. 6. c. 2. n. 6. aduert. 3.

II. Duabus de causis iuramentum hoc iudiciale præstitum à læso sufficere debet ad probandum res amissas, & æstimationem earum: Videl. *Inopis probationis*, quia aliter id probari non potest: Et *odium delinquentis*, seu vim iniustam inferentis. Ita Gl. communiter recepta in cit. l. ver. manifestet, arg. l. sancimus, 15. C. de iudicijs.

3. Ceterum si aliter, videl. per testes, etiam domesticos, (quos in tali casu admittendos esse monet Abb. hic, & docui cit. tr. 6. c. 4. num. 4. §. Tertio, & §. quarto) probatio haberi possit, tunc ad iuramentum confugiendum facile non est, ne periculis via aperiatur. Deinde huic iuramento veritatis, seu veræ æstimationis locum non esse arbitratu Bartol. in cit. l. si quando, num. 4. Abb. hic num. 5. Exemplum afferunt: Si non contra ipsum, qui violentiam intulit, sed contra alium instituat, qui violentiæ, aut doli particeps non fuit. Ponamus statum esse municipale, vt, si quispiam prope ciuitatem spoliatus sit, ipsa ciuitas damnnum rescire cogatur, in defectum spoliatorum. Tum si comites de spoliatione, nesciant autem quid, vel quantum amissum est, tunc opus erit afferre probationem, saltem semiplenam, quæ accedente iuramento iudiciali complebitur, iuxta l. in bonæ, 3. C. de rebus creditis. Quare si rectè attendimus, hoc tantum discrimen esse videntur in casu, quo odium delinquentis concurrit, & casum, in quo non concurrit: quòd in hoc maiora indicia requirantur, vt iuramentum deferri possit: in illo autem casu indicia minora, non autem omnino nõ requirantur, vt i

colligitur in hoc c. iun. Gl. ver. personarum, & l. in actionibus, 5. ff. de in litem iurando, §. Planè.

Hic adde, quæ hic dicta sunt de ablatis per violentiam, similiter locum habere in amissis per furtum, aut quodcunque aliud maleficio; si de facto constet, iuramentum æstimationis deferri posse, ob probationis alterius inopiam, sicuti notauit Gl. in cit. §. planè, in fine, & Gl. in cit. l. cum furti, 9. verf. Tu dic melius, Abb. hic n. 6.

III. Si à iudice deferendum sit iuramentum veræ æstimationis, siue propter illatum damnum ex maleficio, siue propter expensas factas post contumaciam Rei absentis iuxta cit. l. sancimus, 5. & c. constitutis, 12. de Procurat. tum Iudex, audito læso, prius taxare debet quantitatem, ac postea deferre iuramentum, videl. vt pars iuret tantum, & non minus damni, aut expensarum factum esse; denique condemnare debet contumacem, aut damnificantiem ad restitutionem: Ita vt non in minus condemnet, quàm iuratum fuit. Hæc habentur nouiore iure Authent. Post iusiurandum, C. de iudicijs. Ratio est: Quia si post iuramentum Iudex quantitatem taxaret seu minueret, iuramentum periculi argueret. Sin autem Reum in minus condemnaret, quàm post taxationem iuratum fuit, tum sententia eius iniusta foret, nisi euidenter constaret, errorem commissum fuisse, vt Innoc. hic docet n. 5. Imola n. 8. §. Et ex hoc apparet.

Sed alia ratio est de iuramento affectionis; cum sæpe fiat, vt ob eam res plurius æstimetur à possessore suo, quàm reuera valeat, idèque singularis ista affectio à communi & veræ æstimatione multum discrepet, ideo Iudex etiam post præstitum iuramentum taxare, atque in minus condemnare potest, quàm iuratum fuit, iuxta l. videamus, 4. §. Item videndum, vbi id Gl. monet, ver. ex magna causa, verf. Tu dicas, ff. de in litem iurando, Imola hic num.

2. & 8.

* * *

CA

CAPITVLVM VNICVM

cod. Tit. in 6.

Absolutio.

PARAPHRASIS.

Si absolutio, aut reuocatio excommunicationis, suspensionis, aut interdicti per vim, aut metum iniuste extorta sit, huius constitutionis auctoritate irrita censi debet. Et qui ita extorquet, ipso facto excommunicationem incurrit.

SYMMARIVM.

1. *Excommunicatus vnâ excommunicatione iterum ex alia causa excommunicari potest.*
2. *Si sententia censura fuerit inualidè lata, non est locus huic constitutioni.*
3. *Locus autem ei est etiam in casu, quo quis absolutionem à minore excommunicatione per vim extorquet.*

NOTANDVM I. Ille est casus specialis, in quo acta per metum (intellige grauem, secundum Gl. fin. hic communiter receptam, Suarez de censur. disp. 23. sect. 4. num. 11. contra Caiet. in summa ver. excommun. cap. 41.) ipso iure irrita sunt: cum alioquin acta per metum rescindi debeant. Ita Gl. hic communiter recepta, ver. absolutionis beneficium, Suarez de censur. disp. 7. sect. 6. n. 13.

NOTANDVM II. Excommunicatus

vnâ excommunicatione, iterum ex alia causa excommunicari potest. Ita colligitur ex hoc c. & tradit Gl. hic, ver. excommunicationis, Gl. in c. vlt. causa 3. q. 4. ver. anathemate.

QVÆRITVR primò: Quid significetur per reuocationem excommunicationis metu extortam. Resp. Hoc verbum videtur esse adiectum contra illos, qui se iniuste excommunicatos, suspensos, aut interdictos esse contendunt, & ideo vi extorquent à suis excommunicatoribus, &c. vt sententiam suam, tanquam perperam latam reuocent.

Cæterum, si sententia censuræ inualidè lata fuisset, & non tantum iniuste, tum non videtur esse locus huic constitutioni, sicut bene docet Suarez cit. sect. 4. n. 12. Cum enim ea pœnalis sit, intelligi debet secundum effectum, si videl. aliquis per vim extorqueat censuræ alicuius absolutionem, aut reuocationem. Si autem inualida, seu nulla censura sit, tum non extorquetur absolutio, aut reuocatio alicuius censuræ.

QVÆRITVR secundò: Vtrum constitutio hæc locum habeat, si quis absolutionem à minore excommunicatione per vim extorqueat. Affirmandum est cum Geminiano in fine huius c. Suarez cit. disp. 7. sect. 6. n. 13. qui ait esse communem sententiam. Apparet enim propositum fuisse Pontifice extorsionem cuiuscunque absolutionis, aut reuocationis censuræ irritam, & pœnæ canonicæ obnoxiam reddere. Accedit, quòd hæc constitutio potius fauorabilis, quàm odiosa sit; idèoque potius amplianda; cum principaliter attendat ad defensionem potestatis Ecclesiasticæ contra iniquos violatores.



TITVLVS XLI. DE IN INTEGRVM RESTI- TVTIONE.

CAPITVLVM PRIMVM.

Requisiuit.

PARAPHRASIS.



Prædix cuiusdam ecclesiæ eo-
lonis data fuerunt sub cen-
suo modico, queritur, vtrum ta-
lis alienatio rata manere de-
beat, an reuocari. Respondet

Alexander III. Si manifestè appareat, ec-
clesiam læsam fuisse, quæ ita alienata sunt,
ad eiusdem proprietatem, seu dominium
reducenda esse, propterea quod Episco-
pus conditionem ecclesiæ deteriore fac-
ere non potuerit, atque ecclesia iure Mi-
noris natu gaudeat, vt semper illæsa ser-
uari debeat. Cæterum si coloni interim
dicta prædia expensis vel labore suo me-
liora reddiderint, sumptibus bona fide
factis non conuenit eos defraudari.

SVMMARIVM.

1. Ecclesia instar Minoris illæsa seruari de-
bet beneficio restitutionis in integrum.
2. Vt autem Minor vel Ecclesia per contra-
ctum, vel quasi contractum læsa resti-
tui debeat, necesse est, vt læsio gravis vel
notabilis appareat, vel in iudicio ostendatur.
3. Ita autem restitui debet, vt tamen ipsa lu-
crum non reportet cum alterius partis
detrimento.
4. Et priusquam restituatur aduersus em-
ptorem, pretium emptionis reddere de-
bet, & donec hoc soluat, emptor se re-
stitutione rei defendere potest.

5. Expensa facta ab emptore in rem em-
ptam à Minore vel Ecclesia, debent esse
necessaria vel utiles, non autem volu-
ptuaria, non enim hæc, sed illa sola resti-
tuntur.
6. Si valor meliorationum tempore resti-
tutionis faciendæ minor est, quàm expen-
sarum & laboris, sufficit restituere va-
lorem presentis meliorationis.
7. Si autem superet, sufficit restituere expen-
sas & laboris estimationem.
8. Si restitutio in integrum faciendæ est Ec-
clesiæ, vel Minori læsa in alienatione
fundi, fructus percepti ab emptore re-
stituendi non sunt, siue adhuc extiterint, si-
ue exinde locupletior factus sit.
9. Si Minor vel Ecclesia in contractu v. g.
emptionis aut venditionis læsa est tan-
tum in pretij quantitate, sufficit contra-
ctum pretij iustitiâ compleri, nec opus
est eum rescindi.

Licet aliqui Canonistæ existiment, ca-
sum huius intelligendum esse de con-
tractu locationis ad tempus longum, cum &
hæc alienatio quædam censetur, vt dixi lib.
3. tract. 4. c. 10 n. 1. tamen litera contradicit,
cum dicitur proprietatem Ecclesiæ restitu-
endam esse, cum tamen in contractu locatio-
nis ad tempus longum non rei proprietas,
sed dominium tantum vile transferatur. In-
gitur intelligi debet casus de contractu cen-
suali reuerfatiuo, qui ita institui solet, vt
fundus pleno dominij iure in alterum, v. g.
colonus transferatur, reuerfata pensione
annua ex eodem fundo, iuxta l. vit. C. de re-
rum permutat.

NOTANDVM I. Ecclesia, instar Minoris
notu, semper illæsa seruari debet, per bene-
ficiu

Restitutio in integrum. Ita etiam habetur in c. 3. hoc tit. Ratio afferri debet: partim quia magnus, & publicus est Ecclesie fauor; partim quia rebus Ecclesie administratores præficiuntur, sicuti pupillis & Minoribus natu curatores: Quare de vtrisque eadem ratione dicendum, quod per contractus, & quasi contractus rem meliorem facere possint, non item deteriozem. Est autem lōgè maius Ecclesie, quàm Minoris natu priuilegium: propterea quod in Ecclesia nō certo tēpore aut annis definitum sit, sed semper duret, quippe eūm ecclesie fauor semper maneat. Volo dicere: Quotiescūq; Ecclesia in contractu, aut quasi contractu lædatur, peti posse in integrum restitutionem, tamē intra quadriennium post apparentem læsionem, ut inf. à dicam, & videri hic potest Abb.

NOTANDVM II. Vt Minor, vel Ecclesia, quæ contractum, aut quasi contractum valide instituit, in integrum restitui debeat, necessarium est, vt læsio appareat, vel in iudicio ostendatur. Neque enim hoc loco præsumptio aliqua est contra eum, quocum contractum est, vt satis fit læsionem probari per iuramentum partis, sicuti in casu c. ult. De his quæ vi, vt bene hic annotauit Aug. Berouius n. 7. vbi regulam tradit: Si damnum seu læsio allegetur proueniens non ex maleficio, sed ex contractu, aliōue gesto, tum non periuramentum, sed per testes probari debet.

Adde, quod ostendendum sit, non qualemennque, etiam modicam læsionem interuenisse (nam minima, seu modica non curat Prætor) sed grauem seu notabilem, c. penult. iun. Gl. ver. enorme, de rebus Ecclesie non alienandis, & l. scio, 4. ff. hoc tit. vbi Bartol. ait: Quod in his, quæ contra ius commune conceduntur (quale est beneficiū restitutionis in integrū) de minimis seu modicis nō curatur.

Debet autem damnum non absolute spectari, sed cum ordine ad materiam contractus: Vt si Minor, vel Ecclesia prædium, cuius iustum pretium est mille florenorū, vendat 70. nō restituitur, quia modica læsio est: Sin autem prædium, quod minimum valuit 120. ipsa vendidit 70. restitutio conceditur. Ita Abb. hic n. 7. & Molina.

NOTANDVM III. Minor, vel Ecclesia in contractu, aut quasi contractu læsa, ita restitui debet, vt tamen ipsa lucrum non reportet cum alterius partis detrimento: Id enim æquitas non patitur, vt alter cum alterius detrimento locupletetur, iuxta reg. locupletari, ff. de reg. iuris: Ita sumitur ex hoc c. & habetur expressè in l. vn. C. de reputationibus: *Qui restituitur in integrum, sicut in damno morari (seu versari) non debet, ita nec in lucro*, vbi supplet Gl. cum alterius iactura. quare dicunt DD. vt videtur est apud Berouium n. 20. Sfortiam tract. de restit. in integr. p. 1. q. 47. a. 1, quod restitutio vtrique parti communis sit, quia vterque cōtraheñtium in pristinū statum reponendus est.

Hinc sequitur primò, Quod Minor, vel Ecclesia, quæ aduersus emptorē restituitur, imprimis pretium emptionis reddere debeat, l. pretia, 10. C. de prædijs minorum: Deinde expensas omnes, quas emptor vtiliter in se fecit, vnā cum laboris æstimatione, vt hic dicitur, & in l. intra, 39. in fine. ff. de minoribus. Et restit. monent Abb. hic n. 3. Berouius n. 23. Guil. Redoanus de rebus Ecclesie non alienandis, q. 23. vbi de restit. in integrum, §. Sed in casu, n. 23. Emptorem, donec ei ista soluantur, retentione rei se defendere posse. Quemadmodum pictor v. g. aut scriptor interim, donec ei satisfiat de mercede, retentionem membranæ habet, in qua scripsit, aut pinxit, secundūm Gl. in l. Si non fortem, 26. §. licentum, ver. retineatur, ff. de condiēt. indebiti.

Verūm, quod attinet ad pretium, si Minor etiam cum auctoritate tutoris aut curatoris (sed sine iudicis interueniente decreto) solutum fuit ab emptore, sed non versum in in rem eius, quia absumptum fuit, neque inde Minor locupletior factus: hoc casu ipsum per restitutionem in integrum defendendum esse, vt restituere non cogatur l. Sine, 32. §. Interposito, ff. de administrat. tutorum, §. At ex contrario, Instit. Quibus alienare non licet, & tradit ex communi Sfortia cit. q. 47. a. 4. Quare monent DD. cautos esse debere debitores Minorum, vt cum Minoribus natu debita soluere volūt, iudicis auctoritatem & decretum adhibeant, exco-

Kkkkk

pa

pta solutione annuorum reddituum, ad quam tutoris seu curatoris auctoritas sufficit, l. sancimus, 24, C. de administr. tutorum.

Aduerte tamen, paulò mitius de hac re locutum esse IC. Paulum in l. Quod si minor, §. restitutio, ff. de minoribus; Cum quis ex necessitate soluit, (intellige cum tutoris consensu) quod pupillo debitum est, mitius cum ipso agendum esse, quàm si pecuniam eidem credidit; vt in priore casu: tunc solum pretium amittat, quando illud soluit, cum dissipaturum, aut amissurum non ignoraret, adeoque absque culpa non fuit; secus autem si culpæ expers fuit. Videri potest Mol. cit. disp. 463. princ.

5. Quod attinet ad expensas factas ab emptore in rem emptam à Minore, vel Ecclesia, in primis debent ex esse necessariæ, aut vtilis, non ad voluptatem institutæ. hæ enim non restituuntur, vt constat ex cit. l. Si ne, §. Item respondit; *Sumptibus voluptatis causa ab emptore factis adolescentem restituendum non esse.* Additur tamen; *Quæ ab eodem adificio ita auferri possunt, vt in facie pristina (id est, quæ fuit ante venditionem) adificium esse possit, emptori auferre permittit oportere.*

Deinde, quod attinet ad expensas necessarias, & vtilis, controuersia est inter DD. verùm ex vna cum æstimatione laboris, computandæ ac restituendæ sint absolute; an verò in ordine ad valorem meliorationum, quem tempore restitutionis faciendæ habent. Respondeo ex communi sent. quam tradunt hic Abb. n. 4. Berouius n. 38. Sfortia cit. q. 47. Ioann. Garfias de melioramentis & expensis, c. vlt. n. 3. Molina tract. 2. disp. 463. n. 10. & 11. & Dico I. Si valor meliorationum tempore restitutionis faciendæ minor est, quàm sit æstimatio expensarum & laboris, sufficit restituere valorè præsentis meliorationis. Exempli causa: Aliquis in fundum expendit mille, sed meliorationes tempore restitutionis valent tantum 500. sufficit restituere 500. Itasumitur ex l. in fundo, §. 8. ff. de rei vindic. Ratio reddi debet. Nam alioquin Minor, vel Ecclesia de nouo læsionem contraheret, ideò

que non ipi integrum restitueretur. Et cum alterutrum hoc casu iacturam pati oporteat, magis est, vt dicamus ad eum pertinere, qui expensas faciendo causam præbuit.

Dico II. Si valor meliorationum tempore restitutionis faciendæ superet valorem seu æstimationem expensarum ac laboris, tunc sufficit restituere expensas, & laboris æstimationem. Ita sumitur ex hoc c. & cit. l. in fundo, vbi ita statuitur, de bonæ fidei possessore, si rem alienam, in quam sumptus fecit, restituere cogatur. Ratio asserptionis reddi debet: Cum enim augmentum, seu melioratio accessoria sit rei, ideò cum eius restitutione venire debet: quambrem fictione iuris censeatur semper fuisse in dominio eius, cui restitui debet, dummodò ipse indemnis seruetur, restituendo ipsi expensas, atque laboris æstimationem. Quare idem eadem ratione dicendum in alijs restitutionibus, quæ sunt v.g. per rescissionem alienationis ob læsionem vltra dimidium iusti, item à vasallo, emphyteuta, fideicommissario. Veruntamen testatur Aluarus Valsal. apud Molinam cit. disp. 463. n. 11. In Lusitania consuetudine receptum esse, vt semper attendatur ad valorem augmenti, quem habet tempore restitutionis, siue is maior, siue minor sit, quàm valor expensarum, &c.

Idq, vt expeditum, ita satis æquum videtur, si restitutio faciendæ sit ab ijs, qui dominium fundi, seu plenum, habuerunt, vt emptor; seu saltem vtile, vt vasallus, fideicommissarius &c. ideòque augmentum in re propria fecerunt; consequenter dici posse videtur, quòd repetere possint meliorationes, quatenus tempore restitutionis valent. Nam alioquin si minus emptori restituatur, tum venditor locupletabitur, cum iactura emptoris, si æstimemus, quòd, vt dixi, rem, quæ sua erat, tradere cogatur. Et ita sumi posse videtur ex l. domos, §. 8. ff. de Legat. vbi lason n. 4. Et confirmari potest ex l. vlt. §. Si per mulierem, ff. de fundo dotali, vbi respondetur; Si maritus, vxore mortua, fundum dotalem restituere debeat, in quo meliorationes fecerat; donec earum valor restituatur, retinere illum posse fundum,

impò

imò & fructus lucrari non omnes, sed quatenus ex melioramentis percipiuntur, non aliam quidem ob causam, nisi quia ex re sua fructus lucratur. Videri potest Mol. cit. disp. 463. n. 14.

QVÆRITVR primò: Quando restitutio in integrum facienda est, quia Ecclesia, vel Minor in alienatione fundi læsus est, vtrum etiam fructus percepti ab emptore restituendi sint, si adhuc extant, vel eximè locupletior factus sit. Ita affirmat hic Abb. n. 4. Berouius n. 41. Couar. 1. resol. c. 3. n. 1. & docuisse videtur Paulus in cit. l. Quod si minor, §. restitutio. Ratio dari debet, quia emptor in tali casu, quo fundus restituendus venit, bonæ fidei possessori iuris quadam fictione comparari solet: At verò bonæ fidei possessor fructus extantes, aut quatenus locupletior factus est, restituere cogitur, aut pro sumptibus, seu expensis, quas in rem fecit, computare, iuxta l. sumptus, 48. ff. de rei vindic. & dixi lib. 3. Theol. moral. tr. 2. c. 3.

Sed contrarium rectè docet Molin. tr. 1. tom. 2. disp. 575. Less. lib. 2. c. 17. dub. 10. & sumitur aperte ex c. penult. de rebus ecclesiæ non alienand. vbi Pontifex cõcessa restitutione in integrum alicui Monasterio, omnes fructus ex fundo feudali perceptos adiudicat Laico perceptori, tametsi plurimū superarēt sumptus & laborem in fundo colendo adhibitum. Ratio est manifesta: Quia fructus ex fundo percepti pertinent ad eius dominum: Emptor autem erat dominus fundi: ergo sibi acquisiuit fructus. Neque ratio est, cur per restitutionem in integrum Ecclesiæ, vel Minori adjudicentur, cum ratione fructuum læsus non fuit, quando, vt ponimus, iustum pro re vendita pretium accepit, quod & elocare potest. Sin autem pretium minus iusto fuit, tunc fateri oportet, fructus restituendos esse, non totaliter, sed secundum proportionem læsionis, seu pretij diminuti.

Ad l. Quod si minor, respondeo cum Molina cit. disp. 463. n. 6. Non omnia Veterum IC. responsa, tanquam indubitata nobis recipienda esse, cum quidam illorum

subtilitatem magis suo pte ingenio excogitam sectentur, quàm naturalem æquitatem: non raro etiam contraria diuersorum Auctorum responsa habeantur, quæ in iuris corpore digesta non sunt, vt iuris auctoritatem omnia habeant (cum id fieri impossibile sit) sed vt, quod magis rationi conueniens videtur, amplectamur, vt etiam Couar. annotauit cit. c. 3. n. 7. allegans alium huius rei testem Francisc. Balduinum in Iustitiano.

QVÆRITVR II. Si Minor, vel Ecclesia in contractu v. g. emptionis aut venditionis læsa est, non quia absolute loquendo non expediebat contractum institui, sed tantum in pretij quantitate, vtrum contractus rescindi debeat, an verò pretij iustitia compleri? Prior pars quæstionis videtur colligi ex isto c. Sed contrarium cum Gl. & Bartolo in l. si quidem, C. de prædijs Minorum, docent Abb. in c. constitutus, in fine, Mol. & Less. ll. cc. Sfortia de restit. in integrum, p. 1. q. 57. 2. 4. Emptorem, v. g. qui iusto minus pretium soluit, cogendum non esse, vt rem emptam restituat, si malit pretium vsque ad æqualitatem iusti addere. Quia satisfit, si Ecclesia vel Minor restituitur, quatenus læsus est. Ponimus autem, tantum esse læsum circa pretij quantitatem, quia minorem iusto accepit: Ergo satis restituitur, si pretij defectus suppleatur. Accedit, quod, si facili de causa contractus cum Ecclesijs, vel Minoribus instituti penitus rescindi sint, id in ipsorum etiam detrimentum redundabit, quia nemini persuasum debetur, vt cum ipsis contrahere velit, sicut annotauit IC. cit. l. Quod si minor, §. Non semper.

Ad textum huius c. Abb. in cit. c. constitutus, ait, duobus modis intelligi posse, Vel quod Ecclesia læsa etiam fuerit circa ipsam alienationem, quia existimauerat, eam sibi expedire, eum postea contractum appareret: Vel quod emptor noluerit pretium iustum supplere, ideoque contractum rescindendum fuisse.

Cùm venissent.

PARAPHRASIS.

Monachi Rothomenses Abbatem elegerunt, opponente se Episcopo Venetensi, quia sibi ius competat Prælatos constituendi in Monasterijs diocesis suæ. Ad hanc controuersiam Iudices à Sedē Apostolicā communi partium consensu imperati sunt; quorum duo cùm ad Monasterium accederēt, electus, qui & intrusus dicebatur, id præsentis iuri suo renuntiavit. Sed Iudices præceperunt Monachis, ut Syndicum, seu procuratorem, ad causam illam constituent, & deinceps Abbatem eligere non audeant, donec cognoscatur de iure, quod Episcopus sibi vendicabat. Monachi procuratorem quidem constituerunt, sed electionem nihilominus peragere ansunt; quam proinde Episcopus petijt infirmari, & se in possessionem restitui, quā spoliatus fuit. Iudices porro per sententiam definitiuam electionem illam cassarunt; eamque sententiam Procurator Episcopi à Sedē Apostolicā cōfirmari voluit. Verūm ad hæc ex parte Monachorum responsum fuit, quòd Procurator ipsorum coram Iudicibus proposuerit, Monasterium ad Sedem Apostolicam pertinere, sed Iudices eo nihil obstante, ut supra dictum est, animosè iuris processerunt. Hæc cùm ex parte utraq; proposita essent, Innoc. III. inspectis priuilegijs exemptionis, quæ à varijs Pontificibus Monasterio concessæ erant, & Procurator in mediū producere neglexerat (protestatus tamen de iure non tam suo, quàm ipsius Sedis Pontificis) ne negligentia eius in damnum Monasterij, imò ipsius etiam Apostolicæ Sedis redundaret, aduersus sententiam dictorum iudicū restitutionem conceisit. Electionem autem, quæ, ut dicebatur, concordatæ facta fuit, neque confirmandam,

neque infirmandam esse iudicauit, donec controuersia, ex qua dependet, dirimatur.

SVMMARIVM.

1. Episcopus per consuetudinem præscriptam obtinere potest ius eligendi Prælatos, etiam regulares in diocesi sua.
2. Restituitur ecclesia, si læsa est propter negligentiam procuratoris, quia iura ecclesie non produxit.
3. Ius exemptionis pertinet ad ecclesiam exemptam v.g. Monasterium, & ipsam etiam Sedem Romanam. unde Monasterium ei renuntiare non potest, nec amittere priuilegium per usum præscriptionis, nisi tempore centum annorum.
4. Si pendente lite de iure electionis, ea interim instituta sit, ante litem decisionem nec confirmari, nec infirmari debet.

NOTANDVM I. Episcopus per consuetudinem præscriptam obtinere potest ius eligendi Prælatos, etiam regulares, in diocesi sua. Ita colligitur ex hoc c. & notant hic Ioann Andr. n. 3. Abb. not. 2. Nam Episcopus ius eligendi Abbatem sibi vendicans, intentionem suam in eo fundabat, quòd Monasterium in diocesi sua situm erat.

NOTANDVM II. Si Ecclesia in iudicio læsa est, contra se reportans Iudicis sententiam, eò quòd Procurator probationes producere neglexit, restitutionem in integrum petere potest: id verò certum est, si procurator ipse dampnum illarum refarcire non possit, ut in casu huius c. Sed si contra Procuratorem agi possit, tum neque Minorem faciliè audiendum esse, IC. respondit in l. cùm mandatu, 23. vers. si autem, ff. de minorib. & tradit ibi Bartolus, & Gl. marginalis. Quamuis Gl. hic, ver. restituimus, Anton. & alij apud Abb. hic n. 18. arbitrentur in optione Minoris, vel Ecclesiæ esse, agere contra Procuratorem negligentem, aut petere restitutionem in integrum, argum. etiam, j. C. Si tutor, vel curator interuenierit. Sed respondet Bartol. eam legem loqui de curatore seu administratore necessa-

rio:

rio: quamobrem idem rectè tradit Gl. in c. ex presentium, 3. ver. necessitate, de pignoribus; Si Prælatus, aut Ecclesiæ Rector in iudicio agendo, aut extra iudicium contrahendo Ecclesiam damnificauit, in optione eius esse agere contra Prælatum, vel petere restitutionem in integrum. Hic autem de Procuratore agimus, qui voluntarie assumitur, seu eligitur.

3. **NOTANDUM III.** Ius exemptionis, seu immediatæ subiectionis erga Sedem Apostolicam, censetur pertinere non tantum ad ecclesiam exemptam, v.g. Monasterium, sed etiam ad ipsam Sedem Romanam. Ex quo inferes primò. Monasterium huic privilegio exemptionis renuntiare non posse; quia cederet id in præiudicium Sedis Romanæ, cùm tempore, 5. de in integr. restit. Secundo: Ad amittendum hoc privilegium per viam præscriptionis opus esse eo tempore, quod requiritur solet ad præscribendum contra Ecclesiam Romanam, videl. centum annis, vti dixi lib. 1. tr. 1. c. 8. n. 13. §. Tertio.

4. **NOTANDUM IV.** Si pendente lite de iure electionis, ea interim instituta sit, confirmari non debet, antequam lis decidatur, Sed neque infirmari eam conuenit, cùm eius vis suspensa sit, ac dependens à futuro euentu litis. Vide quæ hic docet Innocent. n. 2. & seqq. Abb. n. 22. Imola n. 20. vbi docent, quomodo possessio iuris eligendi, & similia incorporealia iurium acquirantur, vel amittantur.

CAPITVLVM III.

Auditus.

PARAPHRASIS.

Controuersia erat inter Episcopum Vigoricensem, & Abbatem de Eufecam, super quibusdā Ecclesijs, quas Episcopus contendebat sibi lege diœcesana subiectas esse, Sed Abbas dicebat ab Episcopali iurisdictione omnino exemptas esse. Visus autè actis & probationibus, quæ ex parte vtriusq. coram Iudicibus delegatis exhibitæ erant, respondit Innocentius I. I. satis cognouisse se, Ecclesias illas per privilegia Pôtiuncum ex-

emptas non esse ab Episcopi iurisdictione. Verum ex testium testimonijs satis colligi, quoddā Abbates Ecclesias illas tanto temporis decursu possederint pleno iure, vt appareat eos Episcopalem ibi iurisdictionem contra diœcesanum præscripsisse: nisi fortè Ecclesia Vigoricensis tanto tempore vacaret, vt subdūto eo vacationis tempore, præscriptio completa non sit. Tametsi verò in hac controuersia vtrique conclusum sit; quia tamen vtraque pars asserit se probationem necessariam omisisse, idèd Innocent. considerans, quoddā vtraque Ecclesia pari iure Minoris fungatur, seu pariter privilegiata sit, vtramq. restituit ad probationem, quam omisit, asserendam: ne vel vna, vel altera pars grauè iacturâ iuris sui patiatur.

SVMMARIVM.

1. *Ecclesia secularis, aut regularis intra diœcesin existens ab Episcopi iurisdictione eximi potest duobus modis: privilegio Papa, & præscriptione longissimi temporis.*
2. *Prælatus pleno iure exempti ab Episcopo quasi episcopali iurisdictionem habet.*
3. *Præscriptio contra Ecclesiam inchoata, vacante prælatura, suspensa est.*
4. *Terminus probationis peremptorius, seu cum exclusione datæ, ligat etiam ecclesiam; conceditur tamen beneficium restitutionis, si necessaria probatio omissa fuit. Idem est de Minoribus.*
5. *Ad restitutionis autem beneficium requiritur, vt Ecclesia propter probationes non productas perseueret in damno pecuniario, aut lucris amissis.*
6. *Ecclesia laica restituenda est etiam contra aliam ecclesiam, vti & Minor laicus contra alium Minorem.*

NOTANDUM I. Duo sunt modi, quibus Ecclesia secularis, aut regularis, intra diœcesin existens, ab Episcopi diœcesani iurisdictione eximi, & sub immediata Sedis Apostolicæ obedientia constitui potest. Primus est, per privilegium Papæ. Se-

candus, per temporis longissimi præscripti-
onem, videl. 40. annis cum titulo; at verb
immemoriali tempore, si titulus absit, ar-
gum. c. 1. de præscript. in 6.

2. NOTANDUM II. Prælati, qui pleno
seu, vt alij dicunt, plenissimo iure, id est,
omnimodè ab Episcopo diocesano, ratione
Ecclesiarum suarum, exempti sunt, quasi E-
piscopalem iurisdictionem obtinere censentur.
Hac de re dixi in qq. de elect. q. 206.

3. NOTANDUM III. Præscriptio seu v-
fucapio contra Ecclesiam inchoata, vacante
Prælatura, suspensa manet ac veluti dormit,
ita vt tempus vacationis auferris, seu non cõ-
putari debeat. Ita etiam habetur in c. de
quarta. 4. de præscripta. Ratio est: Quia Ec-
clesia tunc defensor caret, c. 1. & vlt. Ne Se-
de vacante &c. Quandoquidem Capitulum
pro iuribus Episcopalibus Sede vacante in
iudicio contendere non potest, cit. c. vlt. iun.
Gl. ver. vacante. Vide quæ dixi lib. 3. Th.
mor. tr. 4. c. 11.

4. NOTANDUM IV. Terminus probati-
onum peremptorius, seu cum exclusione
datus, altringit etiam Ecclesiam. Sed con-
ceditur beneficium restitutionis in integrũ,
si necessaria probatio omisa fuit. Ita habet-
ur etiam in Clem. vn. hoc tit. Exemplum
est: Procurator alicuius Ecclesiæ à iudice
impetrauit duorum mensium spatium, intra
quod testes, aliasque probationes afferre
possit. Finito illo tempore, non admittetur
Ecclesia ad probandum, nisi restitutionem
in integrum impetret, si probationem neces-
sariam Procurator producere intermisit.
Sed & idem dicitur de natu Minoribus, ob
allegationem obtrahendæ causæ necessariam
in iudicio omisam, restituendos esse. l. Mi-
nor, § 6. ff. de Minoribus.

5. Requiritur tamen ad huiusmodi restitui-
tionem, vt Ecclesia propter probationes non
productas versetur in damno pecuniario, aut
lucris amissione: Alioquin non restituetur;
v. g. quod crimina non probauerit contra li-
tigantem super beneficio, sicvlti docet Du-
rand. lib. 2. speculi, p. 3. tit. de restit. in in-
tegrum, §. 2. n. 7. vers. Sed pone, argum.
l. auxilium, § 7. ff. de Minoribus.

NOTANDUM V. Ecclesia læsa restitui-
enda, etiam est contra alium; quemadmo-
dum & Minor læsus contra Minorem resti-
tuitur, l. veram, § 1. Item queritur, ff. de
Minoribus.

Obijcies: Si duorum paria priuilegia
concurrunt, cassato vtroque, seruari debet
ius commune, vt docent DD. nominatim
Abb. in c. præsentia, n. 37. de probat. ex l.
assiduus, C. Qui potiores in pignore. Res-
pond. cum Bartolo in Auth. Quas actiones,
n. 3. C. de SS. Ecclesijs, Abbate loco cit.
Id verum esse, si duo pariter respectu eius-
dem causæ priuilegia sint: Secus si in ge-
nere tantum priuilegiati, sed respectu causæ
non par sit vtriusque conditio, & fauor: Ita
enim accidit in restitutionibus in integrum,
per quas illi parti potius subueniendum est,
quæ in damno, seu amissione iuris sui versa-
tur. Sin autem nesciatur, vtri parti pariter
alioquin priuilegiatæ, reuerà ius competat,
de quo non amittendo contendit, tunc vtra-
que, si læsa videatur, interim restituatur, do-
nec veritas in iudicio appareat, vt in casu hu-
ius c. Vide quæ dixi cit. tr. 4. c. 11. n. 2. §.
Ex multorum.

CAPITVLVM IV.

Ex literis.

PARAPHRASIS.

Inter duos coniuges causa matrimonialis
agitabatur, quam Pontifex Innocent. III.
quibusdam Iudicibus delegarat; qui cum
diuortij sententiam protulissent, mulier
ad Sedem Apostolicam appellauit: Eam
appellationis causam Papa Abbati, & Ar-
chipresbytero Paduano commisit. Abbas
(cui alter vices suas commiserat) quia
videbat mulierem ad terminum perem-
ptorium non comparuisse, inspectis actis
priorum Iudicum, eorundem sententiam
confirmauit. Cum hoc intellexisset pater
mulieris, accessit ad Abbatem, & iuramen-
to confirmauit, quemdam fraudulenter
venisse ad ipsos, falsas literas afferens,
quibus continebatur, vt diebus octo post
terminum constitutum Abbatis (cui im-
pedi-

pedimentū necessarium incidisse narratur, cur ad diem antea definitam adesse nō posset) conspectui se sifterent : Cū verò Abbas ipis fidem super hac re habere noller, dicta mulier ad Sedem Apostolicam appellauit, & supplicauit. Hac re intellecta, respondet Innocentius: Tametsi fraus, quæ allegatur, plenè probata non sit, tamen secundum canonicam equitatem, se supplicationem mulieris admitte- re, etque pro matrimonio postulanti bene- ficiū restitutionis ad nouam causæ audientiam concedere. Ideòque alijs Iudicibus mandat, vt de causa appellationis cognoscentes, primorum Iudicū sen- tentiam confirmet, vel infirmet, prout ipsis iustum esse visum fuerint.

SYMMARIVM.

1. *Sententia in causa matrimoniali non transit quidem in rem iudicatam, quoad veritatem; transit tamen quoad instantiam iudicij.*
2. *Causæ matrimoniales non tantum Episcopis, sed etiam alijs in dignitate constitutis delegantur.*
3. *Dubitanti, an capax sit remediij ordinarij appellationis, potest adiungere supplicationem extraordinarij, videl. restitutionis in integrum.*
4. *Qui appellat, iustitiam sibi administrari postulat contra errorem iudicij, vel iniquitatem.*
5. *Supplicatio strictè accepta ad inferiorem iudicem dirigi non potest; potest autem latè accepta, quæ suspendit etiam sententia executionem.*
6. *Etiam Maiores natu quandoque restituuntur, si grauius lassi sint, ad hanc autem restitutionem opus est, vt præter laesionem alia iusta causa restitutionis v. g. absentia, detentio, ignorantia probabilis ostendatur.*
7. *In causa fauorabili, vbi est matrimonialis, causā semiplenè probatā, potest interdum Iudex, præsertim supremus, per restitutionem in integrum indere, vt causa demo cognoscatur.*

NOTANDVM I. Licet sententia in causa matrimoniali non transeat in rem iudicatam, quoad veritatem, transit tamen quoad instantiam iudicij, ita vt nouo processu opus sit, nisi restitutio in integrum petatur. Ita Ioan Andr. hic in Gl. penult. Alex. de Neus in e. lator, 7. n. 12. de sent. & re iudic.

NOTANDVM II. Causæ matrimoniales non tantum Episcopis, sed etiam alijs in dignitate constitutis personis à Sedē Apostolica delegantur. Addit verb Abb. n. 2. Quod nec Episcopus prohibeatur causam matrimonialem alteri idoneo delegare.

NOTANDVM III. Dubitans num ordinarij appellationis remedium sibi competat, potest in eius defectum, adeoque sub conditione, si prioris remediij capax non sit, adiungere extraordinarij remediij, videl. restitutionis in integrum, supplicationem. Ita Imola hic, n. 5. Abb. n. 3. Pro cuius intellectu

Aduerte primò, Quod qui à sententia Iudicis appellat, is iustitiam postulat contra Iudicis errorem, aut iniquitatem sibi administrari. Quare si Iudex videatur rectè sententiam tulisse (vt in casu proposito, quando Iudex sententiam tulit parte absente, quæ post lapsum termini peremptorij contumax apparebat) tum non recipitur appellatio. Suscipi tamen poterit supplicatio, in ordine ad restitutionem in integrum, quia ea plerumque non supponit Iudicis aliquam iniquitatem, sed aliam causam, v. g. absentiam, probabilem ignorantiam, tertiz personæ fraudem, ob quam læso succurri debeat.

Porro tametsi restitutio in integrum oblationem maioribus natu non concedatur, si ordinarij appellationis remedium intentari possit, attamen Minori, sicuti & Ecclesiæ, concedenda est restitutio, tametsi appellare possit, propterea quod remedium restitutionis facilius minùsque odiosum sit, quàm appellationis remedium (cū in ea error seu iniustitia Iudicis inferioris coram Superiore ostendēda sit) sicuti Abb. notauit in e. seq. n. 18. Sin autem Minor, aut Ecclesiā ipso iure tuta sit, vt quia sententia irrita est, tum ei extraordinarij remedium restitu-

LIII 2 tionis

tionis non conceditur, cum per ordinariam viam nullitatis agere possit, l. in causis, §. 6. ff. de Minoribus.

5 Aduerte secundò, Quòd supplicatio in ordine ad Iudicem tribus modis accipiat: Primò latissimè, pro quibuscunque precibus Iudici porrectis, siue ad iustitiam, siue ad gratiam impetrandam. Secundò latè, pro petitione restitutionis in integrum contrariam sententiam: Et hæc supplicatio præter lesionem, causam prætendit, siue ea sit imbecillitas ætatis, siue fauor publicus Ecclesiæ, siue alia causa in iure probabilis, ob quâ Iudex ex officio succurrere debeat, ideòque restitutio in integrum partim de iustitia, partim de gratia participat. Tertiò strictè accipitur supplicatio, per quam, allegata læsione, petitur, vt sententia rescindatur ex sola gratia & benignitate Principis, eo quòd appellationis remedium nullum haberi possit, ideòque æquum videatur, vt succurratur extraordinariè. Et talis supplicatio ad inferiorem Iudicem dirigi non potest; cum nemo præter Principem, sententiam Iudicis, extra casus iure concessos, retractare, & plerumque ius parti quæsitum, tollere possit. Videri potest Innocent. hic n. 3. Gl. ver. supplicauit, Abb. n. 10. Beroius, n. 20. Abb. c. seq. n. 17. Sfort. de rest. in integr. p. 1. q. 1. a. 7.

Inter has duas posteriores supplicationes, duplex discrimen occurrit. I. Supplicatio latè accepta non solum erga Principem, sed etiam erga Iudicem inferiorem fieri potest; cum sit imploratio Iudicis officij, quòd secundum iura impartiri debet petenti, supposita causæ cognitione. Et ita quidem, vt vel ipse, qui sententiam tulit, contra eam restitutionem in integrum causâ cogniti dare possit; Vel Superior eius, aut quasi Superior, v. g. Episcopus contra Vicarij sui generalis sententiam. Sed vice versa, Vicarius restitutionem dare non potest contra sententiâ Episcopi, vt docet Abb. in c. seq. n. 3. Quia inferior nõ restituit contra sententiam Superioris, l. Minor, §. 8. ff. de Minoribus.

Secundum Discrimen. Supplicatio latè accepta magis conuenit cum appellatione,

quia & illa suspendit sententiæ executionem; Non item supplicatio strictè sumpta: sed cautio dari debet de restitutione facienda, si supplicans causam obtineat, iuxta Auth. Quæ supplicatio, C. de precibus Imperatori offerendis, & docet Abb. in c. suscitata, n. 10. hoc tit. discriminis huius rationem afferens: quia vt suprà dictum fuit, supplicatio latè sumpta iustitiæ aliquo modo ininitur, at verò strictè sumpta soli gratiæ. Vtriusque tamen supplicationis admissio extendit, vt causæ audientia de nouo concedatur, vt appareat, num sententia prius lata rescindenda, an verò confirmanda sit, vt dicitur in fine huius c.

Loquimur verò in casibus, quibus sententia ipso iure consistit. Sin verò condemnatus eam nullitatis arguere velit, quia v. g. ordo iudiciarius seruatus non est, l. probatam, 4. C. de sententijs, tum actionem contra Iudicem instituire poterit, nec opus erit extraordinario supplicationis remedio, quippe quod, sicuti & appellatio, ad rescissionem sententiæ, post causam cognitam tendit.

NOTANDVM IV. Etiam maioribus natu, si grauior læsi sint, quandoque, per restitutionem in integrum succurrunt, vt videre est tit. ff. Ex quibus causis maiores &c. Sed discrimen inter restitutionem, quæ conceditur Minori, & Ecclesiæ, eamque, quæ conceditur maiori; quòd ad eam sufficiat ostendere lesionem grauem, ad hanc præter læsionem, necesse est aliam iustam causam demonstrasse, v. g. absentia, detentionis, probabilis ignorantia, ob quam lapsus per Iudicis officium restituendus videatur, vt docui lib. 3. Th. mor. tr. 4. c. 11. n. 6.

NOTANDVM V. In causa fauorabili, cuiusmodi vel maximè est matrimonialis, si causa maiorem natu restituendi semiplenè probata sit, v. g. per vnum testem, aut iuramentum, potest quandoque Iudex, præsertim supremus, per restitutionem in integrum iurare, vt causa denuo cognoscatur. Idque secundum canonicam benignitatem; cum secundum canones non ad rigorem & subtilitatem iuris, sed magis ad id, quod æquum, & rationabile est, attendi debeat, c. 1. de Jo-
lo &

lo & contumacia. c. in causis, 19. de sentent.
& re iudic.

CAPITVLVM V.

Tum ex literis.

PARAPHRASIS.

Controversia erat super quibusdam parochiis inter Ecclesiam Ofsensem, & Ilerdensensem, coram Eugenio III. Papa: Is sententiam tulit pro ecclesia Ofsensi. Sed cum pars aduersa se per eam sententiam enormiter lesam esse conquereretur, Anastasius IV. Cælestino tum in Hispanijs legationis officio fungenti causam constitit: Is cepit eam cognoscere, sed non terminavit. Interim moritur Anastasius, cui Alexander III. succedit. Alexandro verò dictus Cælestinus III. qui eandem causam Cardinali Diacono delegavit, eo tenore, ut inspectis Ilerdensis Ecclesie privilegiis, & auditis rationibus, priore Eugenij sententia nihil obstante, sententiam definitivam proferret, & executioni mandari curaret. Verum licet causa cepta, & testes aliqui producti fuerint, tamè mandatum Sedis Apostolicæ adimpletum non fuit. Quamobrem Antonius Ilerdensis Canonicus postulavit ab Innoc. III. qui Cælestino successerat, ut ex officio suo Ilerdensi Ecclesiam contra Eugenij sententiā restitueret. Papa itaque cum Cardinalibus suis, aliisque viris peritis considerans, quòd Cælestinus restitutionis beneficiū iudicavit esse concedendum, dum causam illam Cardinali commisit, facile inde collegit, se quoque supplicationem illam admittere debere: præsertim cum & Romani Pontificis sententia possit in melius commutari, si vel falsitas, aut veri dissimulatio obrepserit, vel temporis necessitas ad quiddam statuendum compulerit. Imò secundum civilia iura, Princeps etiam bis iudicatas causas examinari permiserit, num ijs rescissis restitutio in integrum danda; Sed & registrum Eugetij Papæ iustitrandò perspexisse sibi Innoc. ait

quòd sententia illa primo sui Pontificatus mense promulgata fuerit, cum de meritis causæ non satis poterat esse instructus. Nitebatur enim is ad ferendam sententiam contra Ilerdensensem ecclesiam, ea potissimum ratione, quòd privilegium Urbani II. eidem Ecclesie concessum falsitatis argueretur; cum tamen postea in Registro eiusdem Urbani repertum fuerit incorruptum. Propter hæc in eam sententiam tandem it Pontifex, ut in presentia partium (quippe quarum assertiones merita causarum aperiuntur) cognoscatur, verum restitutio in integrum data iam sit, aut deinceps danda, ostendat: Itaque mandat Episcopo, & Capitulo Ofsensi, ut ad festum B. Lucæ personaliter, vel per idoneum procuratorem Romæ se stantem ostensuri possint, quòd sententia Eugenij retractanda non sit; aut si iudicatum fuerit, retractandam esse, ad principale negotium pertransandum sint sufficienter instructi, hoc scientes, cum propter locorum distantiam sine magnis sumptibus ac laboribus sæpius ad eos recursus haberi nequeat, si ad dictum terminum, qui ut peremptorius assignatur, mandatis non paruerint, nihilominus in negotio ipso Papam processurum esse, quantum de iure poterit.

SYMMARIUM.

1. Licet à sententia Papa alicuiusve Principis appellari nequeat, potest tamen eadem supplicari.
2. Tertio appellans contra sententiam adversus se latam & confirmatam; audiendus non est; supplicare tamen potest, ut causa bis iudicata de novo cognoscatur, & deprehenso errore rescindatur.
3. Si ob temporis angustias Index non potuit instrui de meritis causæ, sententia ipso iure nulla est.
4. In dubio de privilegij tenore, recurrendum est ad originale, quod esse solet in Principis registro. In dubio autem de actus iudicij ad Notarii protocolum.

L. IIII 3

s. Ra.

5. *Restitutio in integrum contra sententiam iudicis non agitur, nisi partibus presentibus, & cum litis contestatione.*
 6. *Citatio peremptoria aequivalens citationi prima ad conuincendam contumaciam citati, si ad terminum prefixum non compareat.*

NOTANDUM I. Licet à sententiâ Papæ, alteriusve Principis appellari nequeat, potest tamen eidem supplicari, siue id fiat, vt ex officio propter causam iustam succurratur per in integrum restitutionem, siue id fiat, solam gratiam & benignitatem Principis postulando; eò quod appellationis auxilio locus nullus esse possit, iuxta ea, quæ præc. c. dista sunt, & sumitur ex Auth. *Quæ supplicatio*, C. de præcib. Imperat. offerendis, & l. vn. C. de sententijs Prætorio Præfæcti, & tradit Gl. in c. præc. ver. supplicauit, Imola ibid. n. 11. Beronius n. 15.

NOTANDUM II. Licet tertio appellans contra sententiam aduersus ipsum latam & confirmatam audiendus non sit, l. vn. Cod. Ne liceat in vna, & c. c. sua 65. de appellat. admittitur tamen supplicatio, vt causa bis iudicata denuo cognoscatur, & si error commissus appareat, sententia, quamvis confirmata, rescindatur.

NOTANDUM III. Si iudex tempus sufficiens non habuit ad acta cognoscenda, præsumptio aliqua est, quod non satis instructus de meritis causæ eam tulerit: vt proinde facilius dari debeat restitutio in integrum. Si autem tam parum temporis habuit iudex, vt impossibile sit eum de causæ meritis instrui, sententia ipsius ipso iure irrita est, quia processit absque causæ cognitione, sicut docet Bartolus in l. prolatam, n. 10. C. de sententijs, & videri hic potest Abb. n. 6. Et adeo hæc vera sunt, vt etiam mandatum Papæ circa factum, quod causæ cognitionem requirit, ea prætermissa non habeat vim sententiæ, nisi constet de certa scientia illius, secundum Innoc. hic n. 1. Abb. n. 8.

NOTANDUM IV. Si dubitetur de privilegij tenore, reuocandum est ad originale, quod in Principis registro regi non solet.

Est enim registorum scrinij locus, in quo Epistolæ, & rescripta cuiusque Pontificis reseruantur. Pari modo, cum de actis iudicij dubitatur, ex Notarij protocollo cognosci debent, c. quoniam, l. 1. de probat.

NOTANDUM V. Si restitutio in integrum contra iudicis sententiam petatur, ante omnia præsentibus partibus, & quidem lite inter eas contestata, cognosci debet, num concedenda sit, necne; Et si concedendam iudex iudicauerit, tum ad nouam causæ principalis audientiam, si ea petatur, partes admitti poterunt. Ita sumitur ex hoc c. propè finem, & videri potest Innoc. n. 2. Abb. n. 15. Quemadmodum & appellatio, cui hæc restitutio quodammodo æquiparatur, ordinariè non agitur, nisi partibus præsentibus, & cum litis contestatione, vt supponitur in l. vn. C. Ne liceat in vna, & c.

NOTANDUM VI. Vacitatio peremptoria, si habeat terminum competentem, præsertim si, vt fieri solet, in ea temporum assignentur intervalla, æquivalens citationi grinz, ad conuincendam contumaciam citati, si ad terminum præfixum non compareat, iuxta c. 1. iun. Gl. ver. peremptorium, de dilatione, Gl. in c. constitutionem, & 9. ver. vna pro omnibus, de sent. excom. in 6.

CAPITVLVM VI.

Suscitata.

PARAPHRASIS.

Inter Episcopum Burgensem, & Monasterium Ouienſe controuersia erat super quatuor articulis, & quibusdam decimis, quæ Monasterio per transactionem acquisitæ dicebantur: Ea denique ad Sedem Apostolicam delata est; vbi Innoc. III. contra Monasterium sententiam tulit. Sed Procurator Monasterij ad probandam præscriptionem tam super quatuor articulis, quam super decimis, restitutionem in integrum petijt. Eam Papa concedendam esse iudicauit; hac conditione, vt lata sententia prius executioni

manu

mandetur; Episcopus autem cautionem idoneam præstet, si Monasterio causa ad iudicata fuerit, quod omnia, quæ occasione sententiæ obtinuit, restituere velit. Ita enim utriusque parti, ad auertendas malitias hominum, profusum erit; ut nec effectus sententiæ in damnum Episcopi impediatur, nec executio sententiæ in Monasterij detrimentum redundet.

SYMMARIUM.

1. *Contra sententiam latam à Principe peti potest restitutio in integrum.*
2. *Et iusta causa est eam impetrandi, si procurator ecclesie exceptionem peremptoriam in iudicio proponere omisit.*
3. *Iudex vri dilatorius exceptiones non facile debet admittere, ita nec peremptorias facile rejicere.*
4. *Concessio restitutionis in integrum contra sententiam iudicis suspendit ordinariè executionem sententiæ, nisi sit præsumptio malitiæ contra petentem restitutionem, quod causa differendi executionem hoc petat, quo casu executio fit, præstita cautione.*
5. *Si tamen petens restitutionem, lesionem & causam iustam restitutionis probare velit, interdum tollet malitiæ suspicionem.*

NOTANDUM I. Contra sententiam latam à Principe peti potest restitutio in integrum. Ita apparet hic, & dixi suprà in c. ex literis.

NOTANDUM II. Causa iusta impetrandi restitutionem in integrum contra latam sententiam hæc est, si Procurator Ecclesiæ exceptionem peremptoriam (quod videlicet ea per præscriptionem tuta sit) in iudicio proponere intermisit.

NOTANDUM III. Licet Iudex non facile admittere debeat exceptiones dilatorias, si sit præsumptio, aut suspicio, quod malitiosè opponantur; tamen peremptorias, qualis est hæc, quod contra actionem præscriptum sit, non debet Iudex facile rejicere, secundum Innoc. in c. post electionem, §. sed

quæres. de concess. præb. & sequitur hic Abb. n. 3. Vide quæ dixi lib. 3. tr. 1. c. 8. n. 1.

NOTANDUM IV. Licet concessa restitutione in integrum, executio latæ sententiæ ordinariè loquendo, differri debeat, l. vn. C. de restitut. in integrum; limitari tamen debet, Nisi præsumptio adsit, quod malitiosè restitutio petatur ad executionem impediendam, tum ea secundum æquitatis rationem statim fieri debet, præstita cautione, de qua in textu dicitur, & videri hic potest Gl. ver. pensata, Innoc. ver. impediri, Imola n. 12.

Sublimitari debet: Nisi executio sententiæ reuocabilis non sit, ut quia condemnatus cum infamia relegendus, aut in carcerem detrudendus esset, secundum doctrinam Baldi in cit. l. vn.

Præterea, si petens restitutionem in integrum, lesionem & causam iustam restitutionis in continenti probare velit, interdum tollet malitiæ suspicionem, idè quæ audiendus erit. Vide Gl. hic ver. sententiæ, Abb. n. 8.

CAPITVLVM VII.

Coram.

PARAPHRASIS.

Inter Archiepisc. Tolentanum, & Archiepisc. Bracharensem coram Innocent. III. lis contestata erat super iure primatiæ: Papa eam quibusdam ludicibus commisit, qui partes ad sententiam accipendam remiserunt ad Sedem Apostolicam termino peremptorio assignato, intra quem se cum actis, & omnibus munimentis Apostolico conspectui præsentare deberent. Sed non nisi post elapsum terminum, & longam expectationem comparuerunt coram Hondrio III. successore Innocentij Procuratores Ecclesiæ Bracharensis, necdum afferentes testium depositiones, & munimenta, idè quæ aliam dilationem instanter postulantes. Cum autem Pontifex interloquendo dixisset, dilationem negandam esse, tunc Procuratores restitutionem in integrum ad causam in-

ſe inſtructionem exhibendam Bracharenſi Eccleſiæ petuerunt, exhibentes ſuper hoc mandatum ſpeciale. Id verò Pontifex uſque ad octauam Pentecoſtes concedendum eſſe iudicauit,

SUMMARYM.

1. *Termini iudiciales etiam Eccleſias & Minores ligant, ita ut neque hi, neque illi poſt peremptorium audiantur, conceditur tamen illis reſtitutio in integrum,*
2. *Procurator hic Monafterij ad petendam reſtitutionem, videtur indiſpenſabilem dato ſpeciali.*

NOTANDUM I. Termini, ſeu præſcriptiones iudiciales conſtringunt etiam Eccleſias, ac Minores, vt poſt elapſum tempus audiendi non ſint. Sed conceditur eis reſtitutio in integrum, ita etiam ſumitur ex l. i. C. ſi ſæpius reſtitutio, &c. & c. vlt. hoc tit. quibus locis habetur, quòd Minor, vel Eccleſia ſi intra decendium contra ſententiam non appellauit, per in integrum reſtitutionem adiuuanda ſit.

Neque his obſtat. vlt. C. In quibus cauſis in integrum reſtitutio, vbi dicitur, Quòd præſcriptiones temporales (excepta xxx, vel xl. annorum) ipſo iure non currant contra Minores. Nam l. illa non loquitur de præſcriptionibus ſeu terminis iudicialibus, in quibus id ſpeciale cenſeri debet, quòd currant contra omnes, ſicuti notauit Bartol. in l. i. C. ſi ſæpius in integrum, &c. Hoſtienſis & Abb. c. vlt. n. i. hoc tit.

NOTANDUM II. Si quis ad certum terminum in cauſa inſtructus comparere debuit, procuratori nouæ induciæ ordinariæ non conceduntur, De hoc dixi ſuprà in c. dilectus, 11. de procurator.

2. *Diſputat hic Gl. ver. mandatum, vtrum Procurator Monafterij ad petendam reſtitutionem in integrum indiſpenſabilem mandato ſpeciali. Videtur affirmandum ex hoc textu, & Lillud, 25. §. Si talis. ff. de Minoribus. Sed contra eſt, quod tradit Gl. communiter*

recepta in c. præced. ver. poſtulauit. Quòd Procurator (intellige ſimplicem, vt excluamus tutores, & ſimiles adminiſtratores, qui à iure poteſtatem habent) non audiatur ſine mandato ſpeciali, ſi reſtitutionem petat principaliter, ſecus, ſi incidenter. In caſu autem huius c. incidenter petebatur reſtitutio ſuper termino preemptorio: Ergo ſufficiebat Procuratori mandatum generale ad cauſam proſequendam. Duobus modis reſponderi poteſt cum Hoſtienſi apud Ioan. Andream hic n. 5. & c. præced. n. 6. Primò; Narrari hęc factum, quòd Procurator ad hanc cauſam habuerit mandatum ſpeciale, ſaltem generaliter ipſi datum, vt petitionem in integrum petere poſſet. Secundò; Quòd forte interlocutoria illa ſententia elapſo decendio tranſierit in rem iudicatam; c. cum dilectus, 3. in fine, de elect. Nam ex eo tempore procurator etiam cõtra interlocutoriam, ſicuti contra definitiuam ſententiam non admittitur ad petendam reſtitutionem abſque mandato ſpeciali, Rationem dat Gl. in c. præced. ver. poſtulauit: Quia reſtitutio in integrum contra ſententiam dari plerumque ſolet loco appellationis: quemadmodum itaque intra decendium poſt latam ſententiam definitiuam, aut interlocutoriam appel debet Procurator, c. penult. de Procurat. ita & reſtitutionem in integrum petere: Cùm enim hoc cauſæ connexum ſit, vnà cum cauſa committi cenſetur. Videri etiam poteſt Abb. in cit. c. præced. n. 5.

CAPITVLVM VIII.

Conſtitutus.

PARAPHRASIS.

Quidam coniuges Guilielmus & Anna quãdam poſſeſſiones habebant communes (videl. ipſis communiter donatas, aut ex communi pecunia emptas) mortuà Annà, Guilielmus poſſeſſiones illas vendere volens emancipauit duos ex eadem Anna natos Guilielmum & Ignatium, vt venditioni conſenſum præbere poſſent. Poſt factam

Actum venditionem, fratres illi supplicarunt Gregorio IX. Pontifici, ut vel contractum illum irritum declararet; vel (cùm adhuc existent intra tempus ad petendam restitutionem in integrum iure indultam) tum quoad partem ex materna hereditate ad se pertinentem; tum quoad alteram partem, quam iuxta municipalem consuetudinem tanquam patris consanguinei intra diem & annum, oblato eodem pretio retrahere potuissent, sed facere omiserunt, in integrum restituerentur, quandoquidem in utroque horum graviter læsi fuerunt. His relaxis, mandat Papa, si ea vera sint, ut dicta venditio, quoad partem eam, quæ dictos fratres contingit, irrita pronuntietur, si debitæ iuris solemnitatibus destituta fuerat, si autem debita solemnitas interuenerit, sed eos læsos esse constiterit, tam super sua, quàm super paterna portione, Apostolica auctoritate in integrum restituantur, dummodo pretium, ut promittunt, emptori vel heredibus eius refundant.

SUMMARIUM.

1. Pater licet habeat usumfructum & administrationem bonorum matris, quæ filius in potestate sua constitutus obtinuerunt, non potest tamen ea alienare, etiam consentientibus filiis.
2. Irrita est alienatio immobilium facta à Minore sine debita solemnitate, scilicet iudicis auctoritate, & si facta est, rem alienatam Minor per viam nullitatis recuperare, vel in dubio de nullitate contractus, per viam restitutionis in integrum iuvare potest.
3. Statuta municipalia favorabilia generaliter pro communitate lata etiam clericos comprehendunt.
4. Minoribus & Ecclesiis per restitutionem in integrum succurritur, siue læsi sint in damno, siue in lucro cessante.

NOTANDUM I. Licet pater habeat usumfructum & administrationem bonorum matris, quæ filius in potestate

sua constitutus obtinuerunt, l. 1. c. de bonis maternis; non potest tamen ea alienare, etiam consentientibus filiis, ut ex hoc c. colligitur, & habetur in cit. l. 1. & l. 2. c. eod. l. quæcunque, 4. c. de bonis quæ liberis. Ob hanc itaque causam Guilielmus filios suos emancipavit, ut eorum bona, ipsi sibi et consensum præbentibus, alienari possent. Ita Gl. hic ver. eisdem, Innoc. n. 1. & videri potest Imola n. 3.

NOTANDUM II. Si Minor sine debita solemnitate, videlicet iudicis auctoritate non interueniente, bona immobilia alienet, irrita est alienatio, l. cùm emancipatis, §. l. non solum, 4. c. de prædijs Minorum, & dixi lib. 3. tit. 4. c. 1. n. 2. Quare tali casu Minor rem alienatam repetere potest per viam nullitatis, ut restitutioni in integrum locus esse non debeat, iuxta l. in causæ, 16. ff. de Minoribus. ubi dicitur, si consensu actionis auxilio, seu vero iure civili rem alienatam Minor recuperare possit, non tribui ei extraordinarium Prætoris auxilium. Sin verb dubitet de nullitate contractus, tunc alternativum libellum porrigere nõ prohibetur (secundum doctrinam Innoc. hic, n. 2. Abb. n. 9.) videlicet ut vel contractus pronuntietur nullus; aut si vero iure valuit, in integrum restituitur. Etenim, licet possessiones Minoris aut Ecclesiæ omni adhibita solemnitate, etiam cum Superioris seu iudicis decreto alienatæ sint, si tamen læsio gravis interuenit, concedenda est in integrum restitutio, l. siquidem 11. c. de prædijs Minorum.

NOTANDUM III. Statuta municipalia, quæ non onus, sed potius favorem continent, si generaliter pro communitate lata sint, comprehendunt etiam clericos, cùm & ipsi Reipubl. membra sint. Ita sumitur ex hoc c. & dixi de hac re in c. Ecclesia, 10. de Constit. & tradit Abb. hic, n. 3. Imola n. 6.

NOTANDUM IV. Minoribus, ac pariter Ecclesiis, per restitutionem in integrum subuenitur, non tantum si læsi sint in damno, sed etiam in lucro cessante. Ita docui lib. 3. tract. 4. c. 11. n. 2. & sumitur ex hoc textu: cùm enim fratres hi in duobus læsi essent, & quoad suam prædiorum portionem,

M m m m m

quam

quam cum proprio detrimento vendiderant, & quoad portionem patris, quam cum lucro suo intra annum retrahere poterant, & intermiserunt; super utroque restitutionem in integrum à Papa impetrarunt.

Porrò de gentilitio re tractu, seu facultate possessiones venditas intra certum tempus iure proximæ consanguinitatis ad se reuocandi, oblatò eodem pretio, dixi lib. 3. tr. 4. c. 17. §. 6.

CAPITVLVM IX.

Causa.

PARAPHRASIS.

Restitutio in integrum peti debet à Iudicibus ordinarijs administrationem habentibus, vel ab eorum delegatis; siue causa restitutionis ipsis specialiter delegata sit, siue ea in commissam controuersiam incidenter veniat. At verò delegati à Iudicibus ordinarijs, qui non administrationem, sed simplicem iurisdictionem habent, sicuti & arbitri, de causa restitutionis cognoscere non possunt, nisi incidenter. Similia habentur in l. vii. C. Vbi & apud quem.

SUMMARIVM.

1. *Iurisdicctio alia est ordinaria, alia delegata. Ordinaria vel conferunt cum administratione rerum aut iurium in territorio, & continet merum vel mixtum imperium; & dicitur simplex iurisdicctio. Habens ordinariam delegationem delegare potest, non item habens tantum delegatum, nisi sit delegatus Principis.*
2. *Habens ordinariam iurisdictionem cum administratione in integrum restituere potest.*
3. *Idem possunt delegati ad vniuersitatem causarum, si cum administratione in aliquo territorio constituti sunt.*
4. *Solus Princeps aliquem restituere potest aduersus sententiam sui delegati.*

5. *Habens simplicem ordinariam iurisdictionem, de causa restitutionis in integrum cognoscere non potest.*
6. *Iudex delegatus non potest in integrum restituere principaliter, nisi ex speciali commissione data ab habente merum & mixtum imperium.*
7. *Habens iurisdictionem quancunque, etiam tantum delegatam, potest incidenter causâ cognitâ in integrum restituere.*
8. *Arbitri non potest restituere in integrum, potest tamen incidenter quæstionem restitutionis huius decidere, an restitutio à iudice sit petenda, necne.*
9. *Arbitri in causa matrimoniali, vel libertatem concernente, vel criminali assumi non potest.*
10. *Causa, quæ à maioribus iudicibus expendi debent, ut matrimoniales, criminales criminaliter intentata, & quæcunque Iudicis officio nobili exercentur, arbitri committi non possunt.*

PRo intellectu aduerte, Quòd iurisdicctio alia ordinaria est, & alia delegata. Iurisdicctio ordinaria duplex est. Vel enim conferatur cum administratione rerum, aut iurium in territorio aliquo; & continet merum, aut mixtum imperium. Vel sine administratione mera in territorio iudicandi potestas conferatur, & dicitur simplex iurisdicctio. Porrò quicunque ordinaria iurisdicctione præditi sunt, in causam delegare possunt; non item qui delegatam tantum habent, nisi sint delegati Principis.

Nunc ponuntur assertiones: Prima. Qui ordinariam iurisdictionem cum administratione, idè quæ imperium aliquod habent, ut Episcopus, Vicarius generalis, & Prælati omnes Ecclesiastici, in integrum restituere possunt. Ratio est, quia exercent officium nobile, sicuti explicauimus lib. 1. tr. 4. c. 5. n. 8.

Secunda. Delegati ad vniuersitatem causarum, si cum administratione iurium in territorio aliquo positi sint, causam restitutionis in integrum tractare possunt: quia ordinarijs æquiparantur. Ita docet Bartolus in c. lvi. n. 4. Abb. in c. 7.

Corollarium: Solus Princeps restituere aliquem potest aduersus sententiam sui delegati, vti Abb. hic monet, n. 7. Nam nec ipse met delegatus in integrum restituere potest, nisi talis facultas ei specialiter commissa sit: Neque Ordinarius, v.g. Episcopus, quia delegatus in ea causa maior est Ordinario, & paritatis, l. 1. §. præterea, de offic. delegati, inferior autem Iudex non restituit contra sententiam superioris, l. minor, ff. hoc tit.

4 Tertia. Qui simplicem ordinariam iurisdictionem habent, de causa restitutionis in integrum cognoscere non possunt. Ita habetur expressè in cit. l. vlt. & per sensum contrarium sumitur ex hoc c. Ratio est: Quia simplicem iurisdictionem habens, liberum officium non exercet, sed mercenarium, seu actioni merè ciuili deferuiens, vti dixi in cit. c. 5. n. 7. At verò restitutio in integrum est actus imperij mixti, ex nobili Iudicis officio proueniens, vt ibidem dictum est. Exemplum iurisdictionis simplicis, seu sine administratione, habemus in Authent. Habita, C. Ne filius pro patre, vbi l'idericus Imperator licetiam dat Scholaribus, vt lites suas, si velint, proponant coram Magistris seu Professoribus suis, quibus ea lege iurisdictionem (videl. simplicem, & sine administratione) tribuit.

5 Quarta. Iudex delegatus in integrum restituere non potest principaliter, nisi id ei specialiter commissum sit ab eo, qui potestatem habet, videl. à magistratu habente merum, aut mixtum imperium, non item à Iudice habente iurisdictionem simplicem. Cum enim causam restitutionis tractare non possit, consequenter nec alteri delegare: quia nemo dat, quod non habet.

6 Quinta. Quicumque iurisdictionem aliquam, etiam delegatam tantum, habent, causam cognitam in integrum restituere possunt incidenter: v.g. si Minor vel Ecclesia in peremptorio termino læsa sit, Iudex delegatus eam restituere potest. Ratio est, quam Baldus dat in cit. l. vlt. Quia delegatus ad causam principalem, videtur etiam delegatus ad quamlibet eius incidentem: quare ad inci-

dentia, seu accessoria (nisi sint maioris præiudicij) non est necessaria noua commissio. Quare in l. quoties, 3. C. de Iudicijs, generaliter docetur; quòd Iudex causæ principalis cognoscere etiam possit de questione incidente, tametsi non possit, si principaliter moueretur. Et simili ratione suprà dictum, ac singulariter notat Gl. in c. suscitata. ver. postulat, hoc tit. *Quòd procurator constitutus ad causam, consequenter restitutionem in integrum petere possit super articulo incidente.*

Sexta. Arbitrarius non potest in integrum restituere. Quia non imperium, imò nec simplicem iurisdictionem, sed meram cognitionem habet, partium consensu imperitiam, iuxta l. 1. C. de receptis arbitris, l. aut Praetor, 5. de Iudicijs.

Si tamen in causam arbitris commissam incidat questio restitutionis in integrum, possunt ratione compromissi eam decidere, non vt ipsi restitutionem faciant, (quod fieri non posse, satis indicatur in cit. l. vlt.) sed vt determinent, num restitutio à Iudice petenda sit, necne. Vide Gl. hic ver. incidenter, Bartol. in cit. l. vlt. n. 5. Gl. in c. cum dilectus, 6. ver. nisi de his. de arbitris.

§. In matrimoniali.

IN causa matrimoniali, aut in qua de libertate agitur, vel criminali, arbitrarius assumi non potest: cum tales causæ Iudices maiores requirant. Consentis l. non distinguemus, 3. 2. ff. de recept. arbitris.

NOTANDUM Vn. Causæ, quæ à maioribus Iudicibus expediri debent, quia valde arduæ, & maximi præiudicij sunt; vt matrimoniales, & quibus agitur de hominis libertate; item criminales causæ, si criminaliter intententur; & quæcumque Iudicis officio nobis exercentur, ex arbitris commissi non possunt. Vide Abb.

hic n. 4.

* * *

CAPITVLVM VLT.

Beneficio.

PARAPHRASIS.

Si Ecclesia contra latam sententiam non appellauit, sed restitutionem in integrum petiuit, & repulsa est, iterum in alio iudicio restitui non debet, nisi ad petendam appellationem. Si tamen noua causa emerget, videl. nouæ defensiones ostendantur, tum simpliciter ei, cognita causa, restitutio concedi poterit. Habentur hæc in tribus ll. C. Si sæpius restitutio in integrum postuletur.

SUMMARIUM.

1. Sententia lata super restitutione in integrum transiit in rem iudicatam, nisi intra decendium appellatum sit.
2. Unde contra denegatam restitutionem Minor aut Ecclesia non restituitur, nisi ex noua emergente causa.
3. Qui de causa restitutionis contra omnissam appellationem cognoscere debet, est non tantum iudex æquo, sed etiam iudex ad quem, si quidem is sit absolute Superior, secus est, si sit tantum Superior postea appellatione.

- * **NOTANDVM** Vir. Sententia lata super restitutione in integrum, transiit in rem iudicatam, nisi intra decendium appellatum sit. Ex merito hoc casu non auditur condemnatus, v.g. Minor, si petat restitutionem contra sententiam. Nam iudex iterum cognoscendo de eiusmodi causa, in dubiū reuocaret, quæ antè ab ipso iudicata fuerant. Quod fieri non debet, præterquam si noua causa restitutionis, videl. nouæ defensiones contra Aduersarium emergant. Exempla sunt: Si Minor, vel Ecclesia petens restitutionem in integrum propter non exhibitam priuilegia succubuit, potest denud petere, allegando præscriptionem, quam antea allegare intermiserat. Item, si Ecclesie, cum ob Procuratoris negligentiam in contractu vel iudicio damnnum passus esset, restitutio denegata fuit,

ed quodd à Procuratore dampni relaxatione recuperare possit, secundum ea, quæ ex multis sententia dicta sunt in c. 2. hoc tit. Sed postea procurator reperitur, vel de nouo efficitur impar ad soluendum, restitutio ecclesie concedi debet: quia cum ea prius denegata fuerit veluti per accidens, quia à procuratore damnnum rescire posse videbatur: hac autem causa, ac veluti obstaculo restitutionis remoto, manet integra causa, quæ perse est, restituendi ecclesiam, videl. læsa enormis, alio remedio non emendabilis.

At verò restitutio causæ cognitæ concedenda est Ecclesie aut Minori, ed quodd non appellauit. Quandoquidem hæc noua restituendi causa est, diuersa ab illa, quæ antè iudicata erat.

Sed quis Iudex de causa restitutionis contra omnissam appellationem cognoscere debet. Respondet Bartolus in l. 1. not. vlt. C. Si sæpius: Quodd non tantum Iudex à quo, sed etiam Iudex ad quem. Quodd verum est, si is sit absolute Superior: secus, si sit tantum Superior, posita appellatione, vt Archiepiscopus comparatione subditorum Suffraganeis sui. Talis enim adiri non potest, nisi ius appellandi competat: At verò post decendium à lata sententia ius appellandi non competit, nisi restitutio in integrum præcesserit, hoc uti Abb. hic notat in fine c.

CAPITVLVM PRIMVM

cod. Tit. in 6.

Ecclesia.

PARAPHRASIS.

Si Ecclesia ex contractu, vel Iudicis sententia læsa sit, atque intra quadriennium petere restitutionem in integrum per negligentiam intermitat, postea ad beneficiū restitutionis admitti non debet, nisi ostensum fuerit, præuocationem, aut fraudem interuenisse, (quia videl. collusum fuit cum Prælato, seu administratore bonorum, vel is fraude circumuentus ne restitutionem peteret) aut si alia rationabilis

bilis causa adit, propter quam Superior beneficium restitutionis etiam postea concedendum esse arbitretur.

S Y M M A R I U M.

1. Minor & Ecclesia integrum quadriennium habens ad petendam restitutionem, quod respectu Minoris incipit ab exacto anno xxv. & durat usque ad completum xxxix. respectu vero ecclesie lae incipit à tempore factae laesionis, scil. à tempore contractus celebrati, vel sententia lata.

2. Nomine ecclesie omnia loca pia, & Collegia Clericorum ac Religiosorum comprehenduntur, etiam Xenodochia, si cum Episcopi auctoritate fundata sint. Confraternitates, si ad pietatem seu Religionis augmentum sunt instituta.

Collegia Studiosorum, nunc antiquum ecclesiam, sed quia in hijs multis sunt nati Minores, petere possunt restitutionem, sicut & quilibet republ. aut Communitas. Nomine autem republ. veniunt etiam ciuitates & vici, si iurium communium administratores habeant.

Non autem capaces sunt restitutionis Congregationes seu Collegia opificum, mercatorum, &c.

3. Ecclesia gaudet beneficio restitutionis, etsi nondum extructa, sed primum extruenda sit.

4. Interdum ea etiam post quadriennium gaudet hoc beneficio, vti & respublica.

5. Causa beneficij huius restitutionis post quadriennium praeter collisionem & fraudem est laesio valde enormis, inculpa ignorantis, alitudo iustum impedimentum obfians, quò minus intra quadriennium restitutio peteretur.

6. Et hac extraordinaria restitutio dari potest usque ad annos xxx. vel xl.

prout etiam habetur in Clem. vn. hoc tit. Sed discrimen est, quòd hoc quadriennium Minori incipit ab ætate legitima, seu exacto anno xxv. & durat usque ad completum xxxix. At verò in Ecclesia lae incipit à tempore factae laesionis, videt. à tempore celebrati contractus, aut lae sententiae, sicuti Dominicus hic docet. col. 3. vers. Sed quandoque.

Nomine autem Ecclesiae intelliguntur omnia loca pia, & Collegia Clericorum, & Religiosorum; comprehenduntur etiam Xenodochia, si cum Episcopi auctoritate fundata sint, l. omnia, 24 C. de Episcop. & Clericis, & ex communis docet Dominicus in e. seq. q. 1. Quin & simili ratione Confraternitates, si ad pietatem, seu Religionis augmentum institutae sint, teste Abb. in c. 1. extra, hoc tit. n. 15. vbi addit; Quòd & Collegium Studiosorum in integrum restitutionem petere possit, non tanquam Ecclesia; sed quia in eo multi sunt nati Minores.

His addit, quòd & Respublica, seu Communitas quaelibet perinde vt Ecclesia, restitutionem in integrum petere possit, l. quadriennij tempore post laesionem, Respublica, 4. C. Quibus ex causis maiores &c. Nomine autem Respublicae, etiam ciuitates, oppida, & vici comprehenduntur, si bonorum seu iurium communium administratores habeant; Non item Congregationes, seu Collegia opificum, mercatorum &c. vti tradit Abb. loco cit. Molin. tom. 2. disp. 474 n. 4.

Id in questione est, Vtrum Ecclesia gaudet beneficio restitutionis, si nondum extructa est, sed extruenda: Exempli causa: Aliquis decem millia litigiosa legauit pro Ecclesiae extruenda, & ob negligentiam executoris deserta fuit appellatio interposita à testatore. Respondet Dominicus, prop. finem huius e. Si coepit & edificari, tunc gaudere; secus, si coepit non est, argum. l. 7. ff. de statu hominum, vbi dicitur; Qui in vtero est, pro iam nato haberi, si de comamodo eius agatur. Arbitror verò dici posse, etiam si Ecclesia coepit non sit edificari, tamè vt causae pia restitutionis in integrum dari possit, saltem eo modo, sicuti & maioribus natu, & non priuilegiatis ex causa iustae & euidentis

M m m m m 3 eo nec

NOTANDUM I. Sicuti Minor quadriennium continuum habet ad petendam restitutionem, l. vlt. C. de temporib. in integrum restitutionis; ita etiam Ecclesia,

conceditur, tit. ff. & Cod. Ex quibus causis maiores. Et ad id multum iuare debet causa, pietatis, ac religionis.

4. **NOTANDVM II.** Ecclesie (sicuti & Reipubl.) interdum etiam post elapsum quadriennium concedi debet in integrum restitutio.

QVÆRITVR primò: Vtrum id sit speciale in Ecclesia, & Reipubl. vt etiam post quadriennium ipsi quandoque subueniatur. Respondeo cum Mol. cit. disp. 574 n. 3. Es- se id speciale, partim propter fauorem publicum, qui semper manet: partim quia Ecclesie tanquam persone scilicet citius succurri debet, cum per administratores gubernetur, quorum negligentia seu delictum non est æquum illi imputari. Sed Minor posteaquam ætatem legitimam consecutus est, maiorem fauorem iam non meretur, quam alij, idcirco ex ijs tantum causis subueniri ipsi debet, ob quas etiam maiores nato restituuntur, vt dixi lib. 3. Th. mor. tr. 4. c. 11. n. 5. add. 1.

5. **QVÆRITVR** secundò: Quznam sint illæ alie causæ, præter collusionem, & fraudem, ob quas finito quadriennio Ecclesie in integrum restitui debent. Respondeo, duas potissimum à Doctores afferri: I. Si læsio valde enormis fuerit, vt videre licet apud Couar. 1. resol. c. 2. n. 11 Mol. cit. n. 3. & sumitur ex c. penult. de rebus Ecclesie non alienandis. Quznam autem talis læsio censenda sit, iudicis arbitrio committendum esse videtur, teste Couar. cit. n. 11, vers. Secundo, Mol. n. 3. in fine. II. Si inculpata ignorantia, aliudue iustum impedimentum obtitit, quò minus restitutio intra quadriennium peteretur, sicuti explicauit cit. c. 11. n. 4. Tale impedimentum in specie censetur, dum Prelatus, qui malè administravit, in viuis est, & non faciliè adducitur, vt proprium factum retractet, vel si à Iudice, qui sententiam tulit, propter metum non audeat Ecclesie restitutionem petere, iuxta ea quæ narrantur in c. tum ex literis, vbi Abb. n. 10. hoc tit.

QVÆRITVR tertio: Quanto tempo-

re Ecclesia, vel Reipubl. post elapsum quadriennium ex supradicta aliqua causa restitui possit? Respondeo cum Couar. cit. c. 3. n. 12. in fine: Hanc restitutionem ex Iudicis officio extraordinariè dari posse, vsq; ad annos xxx. argum. I. sicuti in rem, C. de præscript. x. vel. xl. annorum, vbi Gl. margin. ait, ver. persecutione; Quòd contra Iudicis officium ordinariè non præscribatur ante tempus longissimum, videl. xxx. annos.

CAPITVLVM II.

Si aduersus.

PARAPHRASIS.

Si Prelatus aliùsue Procurator Ecclesie in iudicio agens confessionem fecerit, ex qua Ecclesia læsa fuit; post elapsum quadriennium, si restitutio in integrum peti per negligentiam intermissa fuit, amplius non conceditur; nisi rationabilis causa aliud persuaferit. Ceterum si errorem qui in facto consistat, circa confessionem suam Ecclesie reuocare velit, semper auditur (sicuti & priuatus quilibet) donec causa finita sit.

SUMMARIVM.

1. Ecclesia læsa per Prelatum vel Procuratorem, qui in iudicio aliquid fassus fuit, quod probari non poterat, succurritur duobus modis, petitione restitutionis in integrum, & renouatione confessionis, allegando errorem facti (non iuris) commissum esse.
2. Error autem probari debet ante latam sententiam, non causæ conclusionem.

PRo intellectu huius eaduerte; Si Prelatus v.g. nomine Ecclesie agens in iudicio quippiam fateatur, quod probari non potest, atque idcirco Ecclesia nocumentum incurrat, duplex modus est succurrendi: Primus, vt Ecclesia petat restitutionem in integrum, quo casu sufficiet ei probare læsionem

nem grauem, eum hæc sufficiens causa sit restituendi Ecclesiam. At verò maiornatu si ex hoc capite beneficium restitutionis post latam v.g. sententiam petere vellet, ex clausula Prætoris generalis: *Siqua alia causa &c.* probare teneretur non tantum læsionem, sed etiam errorem facti in confessione commissum. Ita Gl. hic ver. confessionem, Petr. Anchar. col. 2. Dominic. col. 1. ver. Nota bene illam Gl. Alter modus est, si confessio reuocetur, allegando errorem commissum fuisse. Quod intelligi debet de errore facti, non iuris: Nam iuris error ordinariè excusatur l. 2. ff. de confessis, l. error, 8. ff. de iuris, & facti ignorantia.

Exempli causa: Si Prælatus in iudicio fateatur, Capituli consensum ad alienationem rei Ecclesiasticæ interuenisse, eum non interuenierit, error facti est: Sin autem alienationem absque Capituli consensu factam Prælatus in iudicio validam fateatur, seu

propter iuris ignorantiam non alleget, Capituli consensum non interuenisse; error iste obest Ecclesiam: quamuis petere possit restitutionem in integrum.

Deinde necesse est, vt error facti, qui commissus esse dicitur, ante latam sententiam probetur, sicuti ex hoc textu colligitur, & habetur in c. ult. de confessis, & tradit Gl. in cit. l. 2. vbi ait; Quod confessio facti erronea vsque ad sententiam reuocari possit.

Sed quid? Si in causa inclusum sit, ita vt nihil restet, nisi ferenda sententia, vtrum error facti reuocari possit. Negat Ioan. Mo-nachus hic n. 2. argum. c. auditis, 8. de Procurator. quam sequitur Ioann. Andr. Dominic. Petr. Anchar. not. 4. Quia postquam in causa conclusum est, non admittitur probatio partis, atqui sine probatione error facti frustra allegatur. Nisi notorium sit, errorem commissum esse; vel Iudex ex officio de commisso errore cognoscere velit.

TITVLVS XLII.

DE ALIENATIONE IVDICII MV.


TANDI CAUSA FACTA.

CAPITVLVM I.

SUMMARIVM.

Ex quorundam.

PARAPHRASIS.

 I quis metu iudicii futuri, quia scit rescriptum contra ipsum impetratum esse, rem, super qua controuersia erit, alienet vendendo, donando &c. tum pet rescriptum, quod impetratum erat contra alienantem, is ipse conueniri poterit, in quem res translata est.

1. Contra alienantem dolo malo rem litigiosam in alium iudicij mutandi causa, datur actio in factum ad interesse; contra possessorem res vindicatio.
2. In duobus autem casibus censetur qui dolo malo rem alienasse. 1. Si eam in extraneam personam transulit. 2. Si in alium sub eodem Iudice constitutum, sed potentiorē alienauit.
3. Idem est de actore, si is causa iudicij mutandi actionem suam in potentiorē dolo alienatis succurrendum animatus ipsi est per restitutionem in integrum.

4. Cetero

4. *Comperis autem hoc statutum, quando sit alienatio mutandi iudicium futurum: & non illud, quod iam fuit captum.*

Pro intellectu huius materiæ, aduerte primò: Quòd Prætor æquitatem motus, edicto cauerit, vt si quis iudicij mutandi causa, videl. quia suspicatur litem sibi mouendam esse, rem, super qua lis est, dolo malo in alium transtulerit, teneatur præstare omnia, quatenus interest petitoris, rem ita per fraudem alienatam non fuisse: Et dicitur hæc actio, per quam conuenitur alienans, Actio in factum, qua intentata Prætor ex officio succurrit petitori læso, restituendo illum in integrum, vt omnia consequatur perinde ac si alienatio facta non esset.

2. Duobus autem casibus censetur quis dolo rem alienasse, seu in alterum possessionem transtulisse: I. Si in extraneam personam, videl. quæ sub eodem Iudice non est, transtulerit: quia fatigat aduersarium suum, vt ad alium Iudicem adire cogatur, II. Si in ipsi-um quempiam sub eodem Iudice constitutum, sed potentiorum transtulerit: Etenim vtroque casu aduersarij conditionem duriores facit, vt proinde ipsi subueniendum sit. Hæc habentur l. 1. & 2. seqq. ff. de alienatione iudicij mutandi causa, l. vn. C. deod. Ceterum si quis ob morbum, occupationes, aliâque necessitatem alienarit, non erit locus huius edicto, quippe quod dolum requirit, l. 4. §. si quis autem, ff. eod. Parum autem referre, ait Abbas hic n. 1. vtrum quis directè & expressè rem alienando, extraneum vel potentiorum possessorem constituat; an verò ipso facto recedat de possessione, vt alter ingreditur & occupet, si id in fraudem, seu dolo malo faciat.

3. His adde: Quòd idem locum etiam habet in actore, si causa iudicij mutandi actionem suam in potentiorum dolo transtulit, succurrendum ei esse per in integrum restitutionem, argum. e. seq. & tradit hic Abb. n. 6. quòd agere possit contra cedentem, & repetere, quanti sua interest, actionem in alium translatam non esse; quamuis etiam possit cessionem repellere per exceptionem, quòd

alienatio in ipsum mutandi iudicij causa facta fuerit, iuxta l. penult. vbi Bart. n. 1. ff. hoc tit.

Aduerte secundò, Cùm hic agitur de alienatione iudicij mutandi causa, suppleendum esse *factam*. Nam si lite intentata, seu coëpta res litigiosa alienetur, alienatio ipso iure irrita est, ita vt vitium litigiosi vnâ cum re ad quemuis possessorem, quamuis ignorantem, transeat, ab eoque vindicari possit, perinde ac si nihil actum fuerit, l. 2. C. de litigiosis, & docet Couar. in pract. qq. c. 15. n. 7. Qui autem rem litigiosam alienauit, & qui alienatam sciens accepit, subiecti sunt pœnis, de quibus habetur l. vlt. C. de litigiosis.

Circa hoc autem e. dubitari potest; Vtrum in eo aliquid speciale contingatur, quod iure civili expressum non fuerat. Videtur esse negandum; cùm solum decernatur, rem futuri iudicij mutandi causa alienatam, & translatam ad eius ad restitutionem, remota appellatione, cogi posse. Id verò expressè cautum fuit, l. vn. C. hoc tit. & tradit Gl. hic ver. commutationem, Durand. in speculo, lib. 2. p. 1. tit. de cess. actionis, §. 1. n. 14. Quòd facta alienatione rei mutandi iudicij, non tantum qui alienauit, actione in factum conueniri possit, sed etiam possessor rei vindicatione. Sed contrarium colligitur ex verbis e. huius, providere volentes, & tradit hic Abb. n. 2.

Ad obiectionem respondetur; Legibus civilibus statutum esse, vt possessor rei ita alienatæ conueniri possit coram suo Iudice, non item coram alieno. Hic autem providetur, vt etiam coram alieno, videl. coram delegato conueniri possit, ratione rescripti imperati non contra ipsum, sed contra alienantem. Specialis itaque prouisio in hoc consistit, quòd licet aliquoquin rescriptum non extendatur ad successorem singularem, cùm ordinariè rescriptum non debeat extendi ultra personam expressam, c. P. & G. 40. de offic. delegati, excipitur tamen iste casus: Si quis ob timorem rescripti contra se im-
petrati, & causa mutandi iudicij per fraudem rem alienauerit, hoc casu possessor si fraudis cõscius fuit, vigore eiusdem rescripti conueniri possit. Firmitaque extensio rescripti hoc casu,

casu, ob scientiam & dolum possessoris, ut colligitur ex verbo in possessionem ingesserim. Postea verò, cum res alienata à possessore repetita fuerit, nihilominus actio competet ex hoc edicto, ut reliquum damnum & expensis refarcire cogatur is, qui mutandi iudicij causa alienauit.

CAPITVLVM II

Ex parte.

PARAPHRASIS.

Scabini, seu maiores oppidorum apud Hipretum quaesti sunt Gregorio I X. quòd emergentibus controversijs inter laicos, cum causae ad tribunal seculare deferri deberent, Clerici dono, vel pretio actiones sibi cedi faciant, ut aduersarios ad Ecclesiasticum forum trahere possint, & emolumentum inde aliquod consequi. Quia verò huiusmodi litium sessiones, & emptiones Cæsareis legibus prohibita sint, adeò ut causam amittere debeant ij, qui potentiorum patrociniū aduocare presumunt: Et quia eiusmodi actionum merces odiosae sint; cum ex fonte cupiditatis procedere soleant, idè mandat Papa quibusdam Iudicibus, ut dictos Clericos ab eiusmodi praesumptione per Ecclesiasticam censuram abstinere compellant.

SUMMARIUM.

1. Non potest potentior ratione officij vel potestatis alieno vel suo nomine causam in iudicium adducit am agere; poena est, ut causa cadat, qui eim patrociniū adducit, vel actionem ei per fraudem cedit, & cessio effectū careat.
2. Secessio alteri, quam potentiori, dolosa tamē & simulata sit, nullum efficaciam est.
3. Vt sit alienatio rei vel actionis prohibita, debet res vel actio ad rem nondum capto iudicio, sed metu futuri iudicij esse alienata.
4. Prohibetur, ne res vel actio litigiosa in

alium transferatur; hoc enim casu alienatio, etiam capta lite, inuicem causae irrita est.

5. Res efficitur litigiosa actione reali per citationem expeditam, & lite iam capta; qua pendente, res & actio inuicem alienatur.
6. Per ultimam voluntatem seu legatum res aut actio litigiosa in alterum transferri potest: quo casu, non legatarius, sed haeres litem proseguere potest, licet commodum ad legatarium pertineat.
7. Per ultimam voluntatem actiones & lites Clericis cedi, seu legari possunt.
8. Neque ijs absolute prohibuitur, ne actiones personales seu iura creditorum emant; multo minus ne dono accipiant, sed ne id per dolum fiat causa mutandi iudicij, vel reales actiones in iudicium deductae emanent.
9. Dedecet etiam Clericos nundinationes actionis personalium, si dubia sint, & si cum scandalo & periculo peruerrendi iustitiam fiant, sub censura prohiberi possunt.

PRo intellectu aduerte, Distinguendum esse inter tres modos alienationum Cæsareis legibus prohibitarum. Primus est in tit. C. Ne liceat potentioribus; ubi duo prohibentur, Vnum, ne potentioris alicuius patrociniū impetretur ad causam in iudicio agendam; item, ne causa in iudicium deducta alicui cedatur, ut eam nomine suo prosecute: Vno verbo, qui potentior est (intellige ratione officij, & potestatis) neque alieno, neque proprio nomine causam in iudicium deductam agere potest. Poena verò est, ut qui patrociniū potentioris adducit, causa cadere debeat, l. 1. C. eod. Et qui potentiori actionem cedit, causa itidem cadat, & cessio effectum non habeat, l. 2. C. eod. & dixi de hac re lib. 3. Th. mor. tr. 4. c. 17. n. 32. Sed videri hic potest Abb. n. 4. Specul. lib. 2. p. 1. tit. de cessione act. §. 1. n. 4. ubi monet, his legibus poenalibus locum non esse, si quis potentiori etiam ratione potestatis seu officij, actionem cedat aut vendat bona

Nonnan fide.

fide nō per fraudem seu opprimendi aduersarij causa. Quod & praeſumi debet, si ex rationabili causa, aut necessitate cessio fiat.

2. Contra verò accidere solet, vt tamenſi venditio, aut cessio actionis non potentiori ratione officij, sed alteri facta sit, ex circumstantijs tamen dolosa seu simulata, ideòque nullius efficaciz censenda sit: Vt si cessio facta sit magis priuilegiata personæ, quæ vexare possit. Vel si exiguo pretio actio vendita sit; vel partim donata, partim vendita. Quia de re extat l. ult. C. Mandati, vbi videtur potest Bartolus. Et plures causæ simulatae ac prohibita cessionis videri possunt apud Durand. in speculo lib. 2. p. 1. tit. de cels. actionis, §. l. n. 7. Abb. hic n. 4. & seqq.

3. Alter modus est; Ne res, vel actio ad rem, nondum cæpto iudicio, sed metu futuri iudicij transferatur in aliam personam, videl. extraneam, vel quacunque ratione potentioſiorem, ita vt appareat dolo id actum, vt aduersarij conditio durior efficiatur. De hoc actum fuit in c. præc. & extat titulus ff. & Cod. de alienatione iudicij mutandi causa. Tertius verò modus est; Ne res, vel actio litigiosa in alium transferatur, ff. & C. de litigiosis. Hoc casu alienatio ipso iure ciuili irrita est, vt nullo Prætorio remedio opus sit; exceptis casibus, quos videre potes apud Durand. in speculo, cit. §. 1. n. 5.

Hinc sequitur, quod facta alienatione rei litigiosæ, perinde vt prius in iudicio procedatur; & si Reus principalis condemnatus sit, contra nouum possessorem (sive is sciens, sive ignorans fuerit) executio fiat, absque nouo processu: quia sufficit cognouisse, lite iam cæpta alienationem factam fuisse, vt notauit Abb. c. seq. n. 8. Gaill lib. 1. obseruat. 118. n. 2. argum. cit. l. fin. Ratio est; Quia vt Couart. cit. n. 7. Postquam res litigiosa effecta est, non potest eius status mutari quoad iudicij ordinem, & causæ cognitionem, neque potest lis cursus impediri, duriorue fieri conditio actoris.

QVÆRES: Quando lis cæpta cenſeri debet ad hoc, vt res tanquam litigiosa alienari non possit. Respondeo, de hac re extare Aui-

thent. Litigiosa, C. de litigiosis, secundum quam distinguere oportet, interprete Couart. in pract. qq. c. 15. n. 6. quem sequitur Gaill l. e.

Si res petatur actione reali, ad petendum dominium vel quasi dominium, res litigiosa efficitur per citationem expeditam: Sin verò actione personali tendente ad rem tradendam, v. g. ex empto, tum litigiosa redditur per litem contestationem, iuxta l. 2. C. de litigiosis, quamuis non pauci velint apud Couart. cit. loco, legem hanc, quod attinet ad actionem personalem, omnino sublatam esse per dictam Authent. ideòque rem nunquam effici litigiosam, nisi actio realis intentata sit.

Hispotro addendum: Quod non tantum Reus post cæptam litem, pendente controuersia, rem inuuliter alienet, sed etiam actor actionem suam, aut rem super qua actionem habet, vt habetur in cit. l. 2. & l. ult. & videri potest Baldus ead. l. 3. Moltr. 2. tom. 2. disp. 340. n. 8. vbi hac eadem explicatur secundum iura regni Lusitaniz.

Verumamen per vltimam voluntatem, seu Legatum res, aut actio litigiosa in alterum transferri potest; hoc tamen casu legatarius litem prosequi non potest, sed hæres commodum tamen, & vtilitas ad legatarium pertinebit: quia existimandum est, testatorem litem euentum legasse alteri voluisse. Quare cum eius interſit, liti adesse non prohibetur, vt collusionem fieri impediatur. Authent. Nunc si hæres, C. de litigiosis. His intellectis QVÆRITVR: Quidnam à Gregorio IX. hoc constitutum sit, seu vtrum vniuersim Clericis cessio actionum & litium fieri prohibeatur? Respondeo, & Dico I. Per vltimam voluntatem actiones, & lites Clericis cedi, sequi legari possunt. Partim quia hoc nullibi prohibitum reperitur, sed absolute concessum in l. nomen, 34. ff. de legatis, 3. partim quia cessat præſumptio fraudis; cum moriturus censetur esse memor salutis suæ, vt Abb. hic notat in fine c.

Dico II. Clericis absolute non est prohibitum, ne actiones personales, seu iura creditorum emanent, multò minus ne dono accipiant, sed ne id per dolum fiat causa mutandi iudicij

iudicij, v. g. si talis causa, aut loci consuetudo sit, vt reus sequi debeat forum actoris, vel si Clericus, videl. Prælati ratione potestatis cōpescere possit reum sibi subditum. Quid de re videri potest Durandus in speculo, cit. §. 1. n. 13. Bartolus in l. 3. ff. hoc tit. litem, ne actiones in iudicium deducantur reales gmentur,

Præterea dubitari non potest, quin actionum etiam personalium, dubiarum, seu incertarum mercationes Clericos valde dedecent, ideoque si cum scandalo, & periculo pervertendi iustitiam fiant, sub censura ipsis prohiberi possunt, vti colligitur ex isto,

TITVLVS XLIII. DE ARBITRIS.

SUMMARY.

1. *Arbiter (latius sumendo hoc nomen) idem est, quod arbitrator, strictè autem accipitur pro eo, qui ex legis præscripto seu partium conventionione de causa controversa suum arbitrium pronunciat, quo partes stare debeant.*
2. *Sunt autem arbitri alij iuris, qui & necessarij vocantur, alij vero voluntarij seu compromissarij.*
3. *Inter utroq; varia discrimina sunt. I. Arbitri iuris cogi possunt ad suscipiendum hoc munus, non item compromissarij.*
4. *II. Arbitri iuris iurisdictionem habent, ideoque omnia agunt vt iudices; Compromissarij nullam habent iurisdictionem, unde etiam, vt eorum arbitrium distinguatur à iudicio sententia, vocatur illud laudum.*
5. *III. Ab arbitris iuris appellari potest à compromissarijs autem tantum fieri potest reclamatio seu peritio, vt arbitrium reducatur ad iustitiam.*
6. *Duplex genus est arbitrorum compromissariorum, vnum eorum, qui ordinem & formam iudicij servare tenentur alterum eorum, qui sine hoc ordine & forma iudicij ex æquo & bono de causa i-*

psis per compromissum commissi arbitrantur, & hi propriè vocantur arbitratores, illi arbitri.

7. *Præter hos arbitros & arbitratores sunt alij, qui dicuntur amiables cōpositores, qui non tenentur, vt illi secundum terminos iuris & merita causa pronunciare, sed principaliter attendere ad pacem inter partes stabiliendam.*



Arbitri nomen ab arbitrandò dictum est, vt idem sit arbitrator, seu estimator. Sed strictius nomen arbitri accipitur pro eo, qui ex legis præscripto, aut partium conventionione suum arbitrium circa controversiam aliquam pronunciat, quo partes stare debeant.

Sunt autem alij arbitri iuris, qui & necessarij dicuntur, quia ex legis, aut statuti necessitate seu à iudice, seu à partibus constituendi sunt, vt videre est in c. suspicionis, §. 9. de offic. deleg. 2. ab arbitris, 11. eod. in 6. c. si Clericus, 11. q. 1. Alij vero sunt arbitri voluntarij seu compromissarij, qui ex libera partium voluntate ac compromisso constituuntur.

Inter utroque arbitros varia discrimina sunt, potissimum ista: I. Arbitri iuris, cum

ex præscripto legum eligendi sunt, compelli possunt ad suscipiendum hoc munus, ut docet Mol. tr. 5. de iust. disp. 23. n. 10. Sed arbitri compromissarii liberè suscipiunt, aut respuunt compromissum, postquam verò (interueniente stipulatione secundum ius ciuile; aut nudo pacto secundum ius canonicum, & in conscientie foro) acceptarunt compromissum, tunc procedere, & arbitrium dicere coguntur, l. 3. §. 1. ff. de receptis arbitris. Præterquam, si necessarium eis impedimentum incidat, ut inualetudinis, priorum negotiorum occupatio, profectio vrgens, inimicitie capitales inter arbitrum & litigatorem &c. tum causa cognita, excusatio recipitur, l. licet, 15. ff. eod.

- 4 II. Arbitri iuris iurisdictionem habere censentur, ex lege ipsis competentem, id eoque ut veri Iudices omnia agere possunt, quæ ad causæ definitionem necessaria sunt, videl. partibus terminum, etiam peremptorium, præscribere, citare & compellere testes, atque inobedientes punire, argum. cit. c. suspensionis, ubi id notat Gl. ver. ad quos omnia. Abb. n. 3. At verò arbitri compromissarii iurisdictionem nullam habent; cum eà à partibus accipere non possint: quare nec testes ad comparendum compellere, aut punire possunt; neq. partibus contententibus imperare, nisi quatenus se per compromissum liberè astrinxerunt. Quamobrem eorū arbitrium ut à Iudicis sententiâ distinguatur, *laudum* à Doctoribus appellari solet. Atque tota eorum potestas à partibus compromittentibus deriuatur, ut de nulla re statuere possint, nisi de qua compromissum, & quatenus compromissum est, l. non distinguemus. 32. §. de officio, ff. eod.

- 5 III. Ab arbitris iuris appellari potest, cum veri Iudices sint, cit. c. ab arbitris: Sed à compromissariis, seu voluntariis arbitris appellari nequit, l. c. de receptis arbitris, l. nō distinguemus, 32. §. cum quidam ff. eod. Cuius ratio est, quia sponte se obligarūt partes ad standum arbitrio, seu laudo: ergo illud refutare non debent. Si tamen arbitrium seu *laudem* manifestam iniquitatem continere

videatur, multò magis si arbitri per dolum, collusionem, seu ex falsis probationibus processisse noscantur, tum contra partem aduersariam, si executionem arbitrij seu in iudicio coram ordinario Iudice, seu extra iudicium petat, exceptio de dolo opponi potest, cit. l. non distinguemus. §. cum quidam. Quamobrem breuiter dici potest, tamen si à laudo arbitrorum non detur propriè appellatio, posse tamè fieri reclamationem, seu petitionem, ut arbitriū reducatur ad iustitiam, secundum boni ac prudentis viri iudicium, sicuti dicitur in fr. in c. per tuas, p. hoc tit.

Arbitrorum compromissorum duplex genus est, sicuti videre est apud Abb. in c. Quinquauallis, n. 7. de iureiur. Syl. ver. arbitrorum, q. r. Vnum eorum, in quos seu expressè, seu tacitè ita compromissum est, ut ordinem ac formam iudicij seruare teneantur, ita ut coram eis libellus offerri, lis cōstet, & reliqua obseruari debeant, quæ ad iudicium requiruntur: Et de hoc compromisso sermo est in l. 1. ff. eod. ubi dicitur, quòd compromissum ad similitudinem iudiciorum redactum sit. Interim verò non prohibentur partes etiam his arbitris aliquid de solemnitate seu forma iudicandi remittere: cum omnis eorum potestas à partium voluntate pendet, ac mensuretur. Idque colligitur ex l. diem, 27. §. Si quis litigatorum, ff. hoc tit. & ex comuni docet Molin. tr. 5. disp. 33. n. 1.

Alterum verò arbitrorum genus est, in quos à partibus, præsertim circa contractus perficiendos, aut damna illata rescindienda ita compromittitur, ut non obseruato iuris ordine, sed cognitâ & examinatâ causâ, sicuti ipsis visum fuerit, arbitrentur. Ut si duo consentiant, agrum eo pretio venditū ac emptum esse, quod Titius eo inspecto æstimauerit, seu arbitratu sit: Vel ut pro vulnere illato lædents tantum dare debeat, quantum eo inspecto, arbitratu fuerit Caius. Ex hi extra iudicalem indaginem, seu non secundum iudicij formam arbitantes, proprio vocabulo à DD. appellari solent *arbitratores*, & eorum sententia *arbitramentum*: Qui verò secundum formam iudicij procedant, & de quibus

quibus tit. ff. & C. de receptis arbitris frequens mentio est, ij propriè arbitri appellatur, & eorum sententia *arbitrium* seu *laudum*. Quamvis in iure ipso inter hæc vocabula *arbitri*, & *arbitratores*, nullum discrimen reperiri, rectè monuerit Molin. disp. 38. n. 10.

Aliud discrimen inter arbitros ita strictè acceptos, & arbitratores afferunt Bartol. in l. societatem, §. arbitrorum, ver. In summa hoc habet, ff. pro socio, Abb. in c. Quintanalis, de iureiur. n. 29. & 30. Quòd sententia arbitratoris, ad petitionem partis, propter iniquitatem seu læsionem enormem reduci debeat ad æqualitatem secundum boni viri arbitrium, non item sententia arbitri, sed ea observari debeat, siue æqua, siue iniqua sit, dummodò dolus absit. Verùm hæc doctrina in iure fundata non est, sicuti rectè ostendit Mol. disp. 30. ex l. in proposita, 78. & seq. ff. pro socio, & l. si libertus ita, 30. ff. de operis libertorum, quibus locis generatim dicitur, non esse mentem compromittentium in arbitrum stare eius iudicio, si iniquè arbitratus fuerit. Præterquam, si expressè conventum fuerit, ut arbitrium, qualecunque fuerit, seu æquum, siue iniquum, acceptetur, iuxta cit. l. societatem, §. arbitrorum. Verùm in dubio id nunquam præsumendum, sed potius ita in arbitros præsumendum conveniunt, ut ita arbitrentur, sicuti virum bonum arbitrari oporteret, iuxta cit. l. si libertus.

7 Porro præter dictos arbitros, & arbitratores, quorum utriusque arbitrium ferre debent secundum merita causæ ipsi commissæ, aliqui sunt, qui dici propriè solent compositores amicabiles, quibus hoc proprium est, quòd non præcisè secundum terminos iuris, aut causæ merita pronuntiare debeant, sed principaliter attendere ad pacem & concordiam inter partes stabiliendam, cuiusque ratione vni parti aliquid demere, & alteri adjudicare, dummodò id fiat absque læsione magna. Tales compositores (qui quandoque etiam arbitratores appellari solent, ut dixi lib. 4. tr. 5. c. 11. n. 6.) in duplici genere sunt, sicuti bene annotavit Mol. disp. 30. num. 9. Alij compromissarii, seu in quos partes compromittunt. volentes inter se amicabiliter

componi ad concordiam stabiliendam. Alij autem non compromissarii, qui non præcedente partium sponfione, seu pacto: sponte, vel aliorum suasu, aut mandato v. g. Principis accedunt ad compositionem amicabilem proponendam, in quam sperant partes consensuros, ne litibus diu fatigari eos necesse sit, iuxta Authent. Si verò, C. de iudicijs. Et hi compositores, proxenetæ similes sunt, seu mediatoribus; non item propriè arbitri aut arbitratores dici debent, ut colligitur ex l. Pomponius, 3. §. recepisse, ff. hoc tit.

Ante tractatum autem de iudicijs, placuit IC. agere de arbitris; partim quia arbitria ad iudiciorum formam redacta sunt, l. 1. ff. de recept. arbitris, partim quia sicuti suprà præmissum fuit de pactis & transactionibus, per eas non raro lites terminantur, ut ad iudicium venire necesse non sit, ita etiam lites plurimæ per arbitros componi solent. Quare de utriusque transactionibus & compromisso ante iudicia præmittitur.

CAPITVLVM I.

Sanè,

PARAPHRASIS.

Statuit Concilium Africanum, si inter Episcopos controversia oriatur, eamque per arbitros de finiri consentiant, ut vel unus eligatur, vel tres; ita ut quod omnibus, vel duobus placuerit, id ratum sit.

SUMMARIUM.

1. *Controversia communi consensu partium committi potest arbitris definienda, non tamen debet, nisi in ceteris quibusdam casibus.*
2. *Consultum est, ut in arbitros numero impares compromittatur, potest tamen etiam in numero pares.*
3. *Et eis discordantibus statuit sententiâ maioris partis, necesse tamen est, ut omnes præsentés sint.*

NOTANDVM I. Si aliqua controversia orta sit, partes communi consensu arbitris eam definiendam committere possunt.

NONN 3

sunt.

sunt. Sed non coguntur; nisi vel municipale statutum, aut familiaris pacta ita præcipiant; aut lex communis in aliquo casu iubeat, ut in c. suspensionis, 39. de offic. delegati.

NOTANDUM II. Consultius est, ut arbitri impari numero assumantur, quam pari. Potest tamen etiam in arbitros pares numero compromitti, sicuti infra dicitur, & videri potest Gl. hic ver. vñus eligatur.

NOTANDUM III. Si tres, pluresve arbitri constituti sint, & inter se dissentiant, statuitur sententiâ partis maioris. Ita etiam habetur sententia c. 1. eod. in 6. vbi id notat Gl. magna. Necessitas tamen est, ut omnes præsentés sint, quandoquidem ita dati sunt, ut tres, non duo arbitrentur. Quare vno eorum absente, tametsi reliqui consentiant, non valet arbitrium; cit. l. item si, §. Celsus, & l. seq. Quemadmodum neque pluribus delegatis iudicibus, sententia valet, nisi omnes præsentés sint, quia omnes iudicare iussi sunt, l. duo ex tribus 39. ff. de sententia, & re iudic. Et quod maior pars totius numeri statuerit, id perinde censetur, ac si omnibus placuisset, l. quod maior 19. ff. ad Municipale. Vide Gl. hic ver. aut duorum, & quæ dicuntur in c. 2. eod. in 6.

CAPITVLVM II.

Non sine,

PARAPHRASIS.

Robertus Archidiaconus in Ecclesia S. Aliphridi sacellanum instituit Alanum: mortuo Roberto nepos eius (ex fratre) Marcus, qui Roberto successerat, Alanum de nouo instituit, seu potius confirmavit: sed postea multis eum exactiõibus indebitis grauauit, ac denique Capellaniâ cedere voluit, promissis ei quinque marchis argenti pro annua pensione: sed cum Alanus morem gerere nollet, eum Capellaniâ spoliavit. Cum verò Alanus exul iustitiam obtinere non posset, nec suam vltius inopiam sustinere, Marcus per fraudem extorsit à dicto Alano, ut iuratus consentiret in duorum clericorum super

hæ re arbitrium. Hi Marco fauentes iusserunt, ut acceptis quinque argenti marchis lite ac iure suo cederet. His intellectis, mandat Alexander III. Archiepiscopo Eboracensi, si cognouerit dictos clericos tam nequiter arbitratos esse, Presbyterum Alanum ab obseruatione iuramenti Apostolica auctoritate absoluat; Sin autem arbitrium seu laudum illorum æquum esse intellexerit, vtramque partem ad eius obseruationem, postposita appellatione, compellat.

SYMMARIVM.

1. Cui beneficium, vpl quauis gratia collata est, potest eius collationem iterum petere, neque ideo prima renunciat.
2. Si appareat dolus, vel iniquitas in laudo, non est necesse illud obseruari, sed potest opponi exceptio, si pars altera arbitrij executionem petat.
3. Arbitrium de danda re temporali pro iure beneficii si moniacum est, ideoque non obseruandum.

NOTANDUM I. Is, cui beneficium, vel quauis gratia collata est, potest iterum eius collationem petere. Nec propterea videtur renuntiare primæ, aut eius inualiditatem agnoscere; cum id facere possit ad cautelam, si forte prior collatio non sufficiat, aut defectu aliquo laboret, ut tutior sit per secundam. Ita significat Gl. hic ver. ordinauerit, & docet Abb. hic not. 3.

NOTANDUM II. Si appareat dolus, seu iniquitas in laudo arbitrorum, necesse non est illud obseruare; cum possit opponi exceptio de dolo, si pars altera arbitrij executionem petat, l. non distinguemus, §. 2. §. Cum quidam, de receptis arbitris & l. 3. Cod. eod. & colligitur ex textu isto, secundum vnum eius intellectum; Quod arbitrium reprobatum fuerit, quia dolus, & fauor erga alteram compromittentium partem ei causam præbuit.

NOTANDUM III. Si arbitri pronuntient, aliquid temporale dandum esse pro dimittendo iure beneficii spiritualis, tale pronun-

larum, seu laudum simoniacam prauitatem continet, idēque obseruandum non est. Ita habetur in c. vlt. de rer. permut. & sumitur ex hoc c. secundum alterum, eūq; textui magis conformem intellectu. quia clerici illi adeo nequiter arbitrati sunt, vt simoniacam commutationem imperarēt: vnde iudicatum est, eorum laudum obseruandū non esse; & à iuramento absoluedum esse Alanum, seu (vt Gl. hic interpretatur) potius declarandum iuramenti obligatione cum non astringi; cum is hoc voluerit, nec potuerit se obligare ad obseruandum laudum simoniacum. Idēque sentiendum de quouis laudo, si eo præcipiatur, quod sine peccato fieri non potest, esse ipso iure irritum.

Obijcies: Quodd arbitri, sicuti & iudices, in lite beneficiaria vni beneficium adiudicare possint, eūq; grauari, vt pro bono pacis pecuniam parti alteri persoluat, iuxta c. nisi, 21. de præb. Respondet; Id verum esse, si duo ponantur: I. Quodd compromittentes expressē, aut tacitē voluerint, vt arbitri tanquam amicales compositores procedant. Secundō, quodd præsumi aliquo modo possit, talem compositionem pro bonis pacis ac concordie decerni. At verò in nostro casu, si narrata vera fuerint, præsumptio contraria aderat, videl. pecunias offerendas esse pro iure beneficij, quippe quod indubie competeat Alano, cum iniquē spoliatus fuerit. Cæterum, quia fortasse arbitri ostendere poterant, rem aliter se habuisse, & argenti marchas non pro beneficii iure, sed concordie causa ob dubium litis euentum imperatum fuisse, ideo subiunxit Pontifex, si arbitrium requitate subnixum fuerit, obseruandum fore. Ita Abb. hic n. 10. & 14. Vide quæ dixi c. super eo, 7. de transact.

CAPITVLVM III.

Peruenit.

PARAPHRASIS.

Cum Gaspar Guilielmus Clerici sororem duxisset, Guilielmus in dotem promissit mu-

lieri, se quinque solidos sterlingorum annuatim daturum esse. Sed quia super hac promissione controuersia inter illos orta fuit, in quatuor arbitros compromiserunt: Illi arbitrati sunt, quodd Gaspar decimas, quas Clericus in parochia illius sitas habebat, pro solidis illis percipere debeat. Hoc intellexit, Alexander III. Gasparem moneri, & Ecclesiasticæ censuræ compelli, vt decimas illas dimittat, & nihil ex ijs sibi vendicare præsumat; propterea quodd tale arbitrium Ecclesiæ in futurum posset esse perniciosum: Guilielmo autem clerico persuadeatur, vt cum dicto Gaspare amicabiliter rem componat.

SYMMARIVM.

1. *Laudum codens in detrimentum Ecclesiæ non valet, cuiusque executionem Prælatus impedire debet.*
2. *Decima in dotem dari non possunt.*
3. *Ecclesiæ succurrendum in periculo graminis presentis & futuri.*

NOTANDVM I. Non valet arbitrium, seu laudum, si in detrimentum seu præiudicium Ecclesiæ tendat. Et ad Ecclesiæ Prælatum pertinet, se opponere, & executionem laudi impedire. Sed quare hoc laudum Ecclesiæ perniciosum esse potuit in futurum? Resp. cum Gl. hic, ver. existere. Quia si clericus durante illo matrimonio mortuus fuisset, decimæ dotis nomine dote recuperari facile non potuissent à Gaspare: quæ res in detrimentum Ecclesiæ, & successoris in beneficium redundasset, iuxta ea quæ dicta sunt in c. veniens, 8. not. 1. de transact. Ita explicat Innocent. hic. Ex quo colligitur, Tameñ beneficiatus decimas alteri vendere, aut locare possit ad vitam suam arg. cap. 2. de locato, non posse tamen eas filijs, vel forori suæ dare in dotem, Quia dos dari debet, vt saltem toto matrimonio duret; quod beneficiatus promittere non potest, cum nesciat, se tandem victurum esse. Accedit aliud absurdum; quodd i, cui decimæ locatz, aut venditæ sunt, eas percipiat & eo, ad nomi-

nomine clerici. ad quem ius radicale pertinet. At verò maritus fructus dotis percipit & administrat nomine, ac loco vxoris suæ: quare inconueniens videtur. vt decimæ clericales marito in dotem dentur, sicuti Ioan. Andr. hic notat n. 6.

NOTANDVM II. Ecclesiæ succurrendum est non tantum si timeatur grauamen de præsentē, sed etiam, si in futurum. Exemplum affert Abb. hic num. 4. Ecclesia fundum pro iusta pensione locauit alicui potenti, à quo probabiliter timetur; futuro tempore pensionis solutionem difficile impetrari posse; videtur illi concedenda restitutio in integrum, propter dictum periculum.

CAPITVLVM IV.

Dilecti.

PARAPHRASIS.

Inter Abbatem & Conuentum Ordinis Cisterciensis, atque Hospitalarios controuersia erat de vsu cuiusdam nemoris: Compromissum fuit à partibus in Regnam Galliarum. Ea intellexit causæ meritis, arbitrium seu laudum, adhibito Episcoporum quorundam consilio, pronuntiauit. Sed Hospitalarij putarunt sibi obseruandum non esse; eò quod fœmina arbitrium dicere non possit. Ad hoc respondit Innoc. III. Licet fœminæ secundum iura à publicis muneribus remotæ sint; & in l. vlt. C. de arbitris specialiter caueatur, vt mulieres, quantumcunque præcellentes aut sapientes sint, arbitrium dicere nō possint, & adeo quidem, vt neque liberti, si in patronam sub pœnæ stipulatione promiserint, arbitrium seruare, aut pœnam soluere teneantur; Quia tamen iuxta approbatam consuetudinem, quæ in partibus Gallicanis pro lege obseruatur, fœminæ præcellentes in suos subditos iurisdictionem exercent; ideò Hospitalarios cogendos esse, vt dictum arbitrium, præsertim cum Episcoporum cōsilio, prouidè latum obseruent, sub pœ-

na in compromisso per mutuum consensum constituta.

SYMMARIUM.

1. *Fœmine ab omnibus officiis ciuilibus ac publicis remote sunt, nisi ad eas iure proprio pertineat regnum, ducatus, aut comitatus, aut per consuetudinem regionis ob coniunctionem cum rege auiduce iurisdictionem aliquam ab ipso participant; vt iudicare possint.*
2. *De communi iure fœmina non potest dicere arbitrium, potest tamen in eam compromitti, vt arbitratrix sit in aliquo v.g. contractu, vel controuersiam amicabiliter componat.*
3. *Pactum iuratum, quod duo velint stare arbitrio fœminæ, ligat.*
4. *Clerici, & Ecclesiarum Rectores in causis temporalibus possunt valide compromittere in laicum, appositâ etiam pœnâ.*

NOTANDVM I. Fœminæ ab omnibus officiis ciuilibus, ac publicis remotæ sunt: quare nec iudices esse possunt, nec magistratum gerere, nec pro alio in iudicio postulare, nec procuratores existere, vti habetur reg. 2. ff.

Excipitur primò: Si ad mulierem iure proprio, v.g. hæreditario, pertineat regnum, ducatus, aut comitatus, tum iurisdictionem ipsamet spectato communi iure, exercere potest, sicut hic docet Innoc. n. 1. & constat ex ijs, quæ dixi lib. 1. tr. 4. c. 8. n. 4. & 5.

Excipitur secundò: Nisi consuetudo regionis obtinuerit, vt mulieres præcellentes, ob coniunctionem cum marito Rege, aut Duce, non tantum dignitatem, sed etiam iurisdictionem aliquam ab ipso participant, ita vt inter suos iudicare possint.

NOTANDVM II. Cum fœmina secundum leges communes iudicii officio fungi non possit, sequitur quod nec arbitrium dicere possit: quandoquidem arbitria ad iudiciorum similitudinem redacta sunt, l. 1. ff. de arbitris. Et vice versa, si fœminæ secundum regionis consuetudinem, aut alio iure liceat

liceat iudicare, consequenter etiam arbitrari. Ex quo colligit Abb. hic n. 5. quod consuetudo præscripta extendi debeat de casu ad casum, omnimodè secundùm iura æquiparatum, sicuti in simili dixi in c. bonæ, 4. de postul. Prælatorum.

2. Veruntamen licet mulier spectato communi iure, non possit dicere arbitrium, quippe quod veluti ius facit, & sententiæ iudicialis auctoritatem habet, potest tamen in mulierem compromitti, vt in aliquo contractu arbitratrici sit, vel in controuersia amicabilem componat: cum tale arbitramentum, vel compositio extraiudicialis censeatur, neque secundùm iuris terminos fieri debeat.

3. QUÆRITVR hic: Si partes cum iuramento consenserint in mulierem, quod eius arbitrio stare velint, vtrum ad hoc obligentur. Negat hic Abb. n. 2. Cum enim potestas, & officium arbitri inter ciuilia & publica numeretur, non potest à partibus conferri mulieri, quæ secundùm iura incapax est: quandoquidem priuatorum pactis non potest iuri publico derogari, c. si diligenti, 12 de foro compet. Sed placet magis, quod tradit hic Beroius n. 6. Licet arbitrium obseruandum non sit ex vi sententiæ, tanquam habentis auctoritatē iuris, sicuti rectè ostensum fuit, & colligitur etiam ex l. 3. ff. de iurisdict. omnium iudicum: nihilominus obseruandum esse ex vi pacti iurati: cum tale pactum, quod duo velint stare arbitrio fœminæ, non sit contra bonos mores naturales, siue non contineat peccatum, iuxta ea quæ dixi lib. 4. tr. 3. c. 6. assert. 6. Videri potest Gl. in l. 2. ver. non fuit, C. Communia vtriusque iur. licij.

4. NOTANDVM III. Clerici, & Ecclesiarum Rectores in causis temporalibus compromittere possunt in laicum, appositâ etiam pœna. Quæ dere infrâ.

CAPITVLVM V.

Cum tempore.

PARAPHRASIS.

Ortis controuersis inter Abbatem de Pigrauiâ ex vna parte, & Episcopum Mer-

spergensem, & dicti Abbatis Monachos quosdam ex altera parte, super ijs, fide inuicem data, à partibus compromissum fuit in Archiepiscopum Magdeburgensem, tanquam arbitrum: Quare præcipit Innoc. III. vt arbitrium seu laudum Archiepiscopi obseruetur, ijs exceptis capitulis, quæ contra libertatem, & exemptionem Monasterij, ac capellarum eius in arbitrio expressa fuerunt. Nam tametsi Abbas vtrò vellet, tamen nequaquam posset absque Romani Pontificis licentia renūciare priuilegijs ac indulgentijs, quibus indicatur Monasterium illud ad ius & proprietatem Ecclesiæ Romanæ pertinere.

SUMMARIVM.

1. *Laudum irritum quoad aliqua capitula potest quoad alia esse validum.*
2. *Ecclesia exempta, & Sedi Apostolica immediatè subiecta, priuilegijs suis absque Pontificis auctoritate renūciare non potest.*
3. *Definiri potest per arbitros controuersia de capella seu parochia, vtrum plenius in re incorporata & subiecta sit Monasterio.*
4. *Qui rem alienare, aut iuri suo renūciare non possunt, nec compromittere possunt.*

NOTANDVM I. Si laudum, dictum super pluribus capitulis, quoad vnum capitulum rescindi, aut iure ipso irritum iudicari debeat, ratum tamen manere debet quoad alia capitula, si inter se connexa non sint, sed independentia, iuxta iuris reg. 37. in 6. *Utile per inutile non vitiatur*: dummodò vtile ab inutili separari possit. Et idem est in sententiâ iudicis super pluribus articulis, vt si contra vnum articulum Minor v. g. restituendus sit, rescissa sententiâ quoad eum articulum, firma tamen maneat quoad alia non coherrentia, letiam, 22. §. ex causa, ff. de Minoribus.

NOTANDVM II. Ecclesia exempta, & Sedi Apostolicæ immediatè subiecta priuilegijs suis absque Romani Pontificis auctoritate

Ooooo

sitate

ritate renuntiare non potest. Rationem affert ipsemet Innoc. in textu : Quia talis renuntiatio cederet in præiudicium Romanæ Sedis , ad cuius proprietatem proximè , ac priuatiuè (id est , exclusio omni alio Ordinario) spectat. De hoc dixi suprà in c. 2. de in integrum restit.

Verumtamen si principaliter non agatur de libertate seu exemptione alicuius Monasterij , & per consequens de annexis capellis : sed confitit , quòd Monasterium v. g. exemptum sit , principalis controuersia sit de Capella seu Parochia , utrùm iure pleno incorporata & subiecta sit Monasterio , tum litem per arbitros definiri posse , colligitur ex c. cum olim , 18. de præscript. vbi id annotauit Abb. n. 8. & Innoc. hic , §. Hæc autem decretales , Imola n. 6. Etenim nihil frequentius est , quàm vt per arbitros definiatur controuersia , inter duos Prælatos quasi Episcopalem iurisdictionem habentes exorta , seu de aliqua parochia , seu de iure eligendi , instituendi , &c. ad vtrum eorum pertinere debeat.

§ NOTANDUM III. Qui rem alienare , aut iuri suo renuntiare non possunt , ij nec compromittere possunt , arg. l. non solum . 4. C. de prædij Minorum . Quia per compromissum deveniri potest ad alienationem , seu renuntiationem . Quemadmodum nec vassallus super feudo compromittere potest absque licentia domini sui , secundum Hostiens. in sum. hoc tit. §. De qua re possit , n. 7. Verùm hæc intelligenda sunt quoad certum effectum , ita videl. vt vis seu potestas compromissi non se extendat ad alienationem : Alioquin , absolute loquendo , compromitti potest super rebus , aut iuribus , quæ alienari non possunt : quia intelligitur , secluso periculo alienationis , vt hic Anton. & Abb. notant num. 4. & in simili dixi lib. 3. tr. 4.

c. 3. l. num. 4.

* * *

CAPITVLVM VI

Cum dilectus.

PARAPHRASIS.

Cum Reus in iudicio conuentus actorem coram eodem iudice reconuenire possit , c. 1. & 2. de mutuis petition. videbatur , quòd idem etiam in arbitrio locum habeat. Sed Innoc. III. neganter respondet , propterea quòd arbitri de ijs tantum iudicare possint , super quibus in ipsos commissum fuit.

PARAPHRASIS.

1. *Coram arbitris reus conueniri non potest , potest autem coram iudice .*
2. *Est locus reconuentioni coram arbitris iuris .*
3. *Non autem coram iudice delegato , si in communi partium voluntate electus sit .*
4. *Arbitrium de ijs tantum ferri debet , quæ in compromisso sunt comprehensa , vel cum ijs connexa .*

V Era , & adæquata ratio , cur in iudicio reconuentioni locus sit , non item coram arbitris , hæc reddi debet , ex doctrina Bartoli in Auth. Et consequenter , n. 20. C. de sent. & interlocut. iudicum . Quia ad iudicem ordinarium , vel delegatum Reus trahitur inuitus ad instantiam Actoris : quare is conueniri non potest , si & ipse vicissim a Reo coram eodem iudice conueniatur . At verò arbitri partium voluntate , ac conuentione eliguntur : quare non extenditur compromissum , nisi ad ea , quæ expressa sunt , & necessarii connexa .

Hinc sequitur primum : Quòd coram arbitris iuris , seu qui ex iuris dispositione eligi debent , v. g. si clericus contra Episcopum suum controuersiam moueat , c. i. clericus , 1. q. 1. hoc casu reconuentioni locus esse debet , uti ex communi docet Abb. hic n. 7. Molina tr. 5. disp. 44. n. 7. Vbi exceptionem affert , nisi arbitri eligantur ad certum causæ articulum

lum definiendum, v. g. vtrum iudex tanquam suspectus recusari possit, quippe quod citò expediri oportet, ne progressus causæ principalis impediatur, c. 2. de appellat. in 6.

Sequitur secundò: Quod tradit Bartol. in cit. Auth. n. 21. Si iudex delegatus communi partium voluntate electus sit, non esse locum reconventioni: quia sibi Reus conveniunt imputare debet, quod in petitione Iudicis causam reconventionis non expresserit.

Porro ex textu huius generalis doctrina notanda est: Quod arbitrium, seu arbitramentum de ijs duntaxat ferri debet, super quibus compromissum est. Ita ver. Nisi de his: *Quia arbitria*, inquit, *strilla via incedunt, cum nihil extra compromissum facere possit arbiter*, l. non distinguemus, 32. §. ult. ff. hoc tit. Veniunt tamen etiam ea, quæ dependentia seu necessario connexa sunt: vti sunt fructus percepti ex re, super qua compromissum est, teste Ioan. Andr. hic n. 6. Item si illi, cui res litigiosa adiudicatur, imperetur pecunia, quam parti alteri dare debeat in cõpensationem dubij sui iuris, sicuti Molina explicat n. 6. Deinde, licet arbiter partem multare non possit, v. g. propter contumaciam eius in parendo, nisi de pœna conventum fuerit: potest tamen condemnare ad præstandas expensas & sumptus, vti idem Ioan. Andr. monet cit. loco. Denique potest diem solutioni assignare, iuxta l. Quid tamen, 21. §. Intra tantum, & l. Celsus, 23. ff. eod. & tradit Gl. cit. Innocent. hic, & alij.

CAPITVLVM VII.

Cum olim.

PARAPHRASIS.

Controuersia erat inter Priorem Ecclesiæ S. Bartholomæi, & Hospitalarios S. Bartholomæi de iure eligendi Rectorem Hospitalis, quod Prior sibi competere dicebat. Ea causa Iudicibus delegata erat: in quos denique partes compromiserunt, & quam in arbitros: & arbitrium tulerunt,

atque in publico Instrumento Romanam miserunt ad Innoc. III. qui inspecta diligenter forma arbitrij, cognouit, quod Prior teneatur cum fratribus Hospitalis tractare de idoneo Rectore, audito consilio eorum; ac postea aliquem eligere: Quapropter si is electionem alio modo instituerit, irrita iudicari debet: Sin verò præcesserit tractatus, seu consilium Fratrum auditum fuerit, tum Prior liberè eligere potest, quem voluerit, dummodò idoneum: siue Fratres in eundem consenserint, siue non.

SUMMARIUM.

1. *Partes compromittere possunt etiam in iudicem seu ordinarium seu delegatum.*
2. *Qui in expeditione alicuius negotij tenetur alicuius consilium exquirere, non propterea & illud sequi cogitur.*

NOTANDVM I. Partes compromittere etiam possunt in iudicem, seu is ordinarius sit, seu delegatus, vti docet Gl. communiter recepta, c. cum tempore, ver. Magdeburgensis Episcopi, hoc tit. & quoad iudicem ordinarium sumitur ex c. ex parte, 10. hoc tit. Conferat autem tale compromissum ad hoc, vt à sententia appellari non possit.

NOTANDVM II. Qui ex lege, statuto, aut pacto in expeditione alicuius negotij tenetur adhibere consilium alterius, non propterea illud sequi cogitur. Ita etiam traditur in c. cum in veteri, 52. iun. Gl. ver. expectatum, de elect. & dixi de hoc in qq. de elect. q. 89. & videri hic potest Abb. n. 5.

CAPITVLVM VIII.

Contingit.

PARAPHRASIS.

In causa ecclesiastica compromitti non potest in laicum: cum non debeat, & laici de causis ecclesiasticis cognoscant, aut arbitrentur.

SUMMARIUM.

1. *Laicus uti non potest esse iudex in causa ecclesiastica, ita nec arbiter, nec arbitrator.*
2. *Ex plenitudine tamen potestatis papalis potest causa ecclesiastica committi laicis, & in eisdem compromitti.*

NOTANDUM Vñ. Sicuti laicus non potest esse iudex in causa ecclesiastica, c. 2. de iudicijs, c. lator, 5. Qui filij sint legitimi, ita nec arbiter, vel arbitrator. Quia vniuersim indecens est, si laici ecclesiastica negotia tractent. Excipitur tamen plenitudo papalis potestatis, per quam ecclesiastica causa laicis committi potest. Vide Gl. hic, ver. spiritualibus, & quæ dicuntur e. seq. At verò in causis Ecclesiarum, & Clericorum temporalibus compromitti posse in laicum, constat ex c. dilecti, 4. h. tit.

CAPITVLVM IX.

Per tuas.

PARAPHRASIS.

Controuersia erat inter Hospitalarios S. Ioannis, & Plebanum de Piscia, super Hospitali S. Allocij. Ea commissa erat Archiepiscopo Genuensi. Sed postea Procurator Plebani & pars aduersaria cum consensu Archiepiscopi compromiserunt in arbitros, clericum vnum, & duos laicos, interposito iuramento. Sed cum arbitriū pronuntiatum fuisset, & executioni mandandum per Archiepiscopum Pisanum ex Innocent. III. commissione, Plebanus se opposuit, tribus alaxis rationibus: Prima, quia Procurator generale tantum mandatum accepit, non autem speciale ad compromittendum, vel transigendum: Altera, quia Procurator non fuerat cum consensu Capituli institutus. Tertia, quod arbitrium à duobus laicis vnà cum clerico fuerit pronuntiatum, quamuis cum consensu Archiepiscopi. Cum hæc ad Innocentium relata essent, rescriptis ad Archi-

episcopum. Si ex parte Plebani arbitrium approbatum, seu exomologatum fuit, ratum esse oportere, & executioni mandandum: Sin autem approbatum non fuit, tunc distinguendum, vtrum poena compromisso apposta fuerit, necne: Si apposta, adeam agi potest: sin nulla apposta poena, tunc procurator conueniri poterit ad præstandum interesse, quia iuramento suo seipsum, non Ecclesiam obligare poterat. Quod verò obiectum fuit de duobus laicis, in quos vnà cum clerico compromissum erat, id nihil ob stare debet: cum id factum fuerit ex consensu & auctoritate Archiepisc. Genuensis, cui causa à Pontifice delegata erat.

SUMMARIUM.

1. *Qui transigere non potest, nec compromittere potest.*
2. *Arbitrari solus laicum in ecclesiastica causa (excepta plenitudine potestatis papalis) non potest, potest autem vnà cum clerico, accedente consensu ecclesiastici Prelati.*
3. *Si per stipulationem iure civili vel canonico per nudum pactum absoluit compromissum fuit in arbitros, actio competit, ut obseruetur arbitrium, vel pars nolens seruare soluat alteri parti, quantum eius interest.*
4. *Nisi compromittens approbauerit laudum, tunc indistinctè seruari debet.*
5. *Aut manifestam iniquitatem laudum contineat, tunc pars altera intra decem dies reclamando actionem competentem compromittens debilitat.*

Reclamatio autem hæc fieri debet apud proprium iudicem reclamantis.

6. *Si fuit compromisso poena apposta, licet compromissori à sententia recedere, sed poenam soluere cogitur.*
7. *Excipe 1. Nisi expresse sententia arbitri ab eo approbata fuerit: quo casu stare eâ cogitur, nec sufficit poenam soluere.*
8. *Excipe secundo: Nisi adiecta sit clausula, ut nihilominus arbitri sententia va-*

ta ma-

ta maneat. tunc enim transgressor ad compromissi observantiam, & ad penam cogi potest.

9. Iuramentum obligat ipsum iurantem personaliter, non aliam personam, nisi habeatur speciale mandatum iurandi in animam alterius.

10. Si procurator absque mandato compromisit, contra ipsum executio fieri potest.

11. Si compromissor iuravit, se arbitri sententiam statutum esse, ex tali iuramento iure civili nulla tribuitur actio, secus de iure canonico.

12. Si compromissoris iurantis intentio se extendit etiam in eum casum, ut se obligare voluerit ad standum arbitrio, et si illud iniquum foret, tunc reclamare poterit: secus est, si intentio saltem habitualis se eiusque non extendit, vel dubium sit, an se eiusque extendit.

13. Iuratus compromissor satisfaci, si interesse praestet.

14. Satisfaci etiam, si penam solvat, in casu, quo compromissum cum pena violationi adiecta, iuramento confirmatur.

trium, sicuti & consilium suum proferre super causa Ecclesiastica, cum non sint actus iurisdictionis, in laicum cadere possunt. Quare laici in Consistorijs & episcoporum consiliarij & assessores esse possunt, sed non Iudices.

NOTANDUM III. Si in arbitros per stipulationem spectato civili iure, aut per nudum pactum secundum ius canonicum, compromissum fuit, refert, utrum absolute compromissum fuerit, an verò apposta potna, quæ soluenda sit ab eo, qui arbitrio non steterit. Priore casu actio competit, ut observetur arbitrium, aut, si vnus compromittentium servare molit, ut solvat alteri parti, quantum eius interest, l. diem, 27. §. vit. ff. eod.

Excipe I. Nisi compromittens expresse, vel tacite receperit, seu approbaverit sententiam seu laudum arbitri, tunc indistinctè servari, & executioni mandari debet, ut hic habetur, & in l. ne in arbitris, 4. l. cum antea, §. C. eod. Quamvis autem eo loco ad approbationem seu exomologationem laudi, si ea expresse fiat, subscriptio requiratur, tamen secundum ius canonicum, & conscientiam, (ubi ad veritatem magis attenditur) ea necessaria non videtur, ut Hostiens. Anton. & Abb. hic monent, n. 9.

Excipe II. Si laudum manifestam iniquitatem continere videatur; idèque pars altera intra dies decem reclamet, seu contra laudum exepiat, hac enim reclamatione debilitabitur actio alteri compromittentium còpetens, cit. l. cum antea. Vbi dicitur, quòd contradictio, seu reclamatio ista intra dies decem destinanda sit ad aduersarium, vel ad Iudicem. Sed ad quem Iudicem? Resp. Ad proprium Iudicem reclamantis, vt videl. si actio contra ipsum intentata, vel intentanda sit, reclamatio ista exceptionis instar sit, sicuti docet c. Quintavallis, n. 9. de iureiur. Mol. tr. 5. disp. 35. n. 8. licet alij aliter sentiant. Quamobrem nota hic, quòd vir bonus, ad quem recurritur, ut arbitrium vel rescindat, vel ad æqualitatem reducat, sit ipsemet Iudex, sicuti ibid. Abb. monet n. 3. argum. l. continuus, 137. §. cum ita; ff. de verb. oblig. Quòd si verò compromittens decem

OOOOO 3 dies

NOTANDUM I. Qui transigere non potest, is nec compromittere: cum par sit viriusque ratio, atque ad eundem effectum tendant. Ita Imola hic, n. 2. Abb. in c. exposita, n. 3. eod. tit. & videri potest c. qui ad agendum, 4. iun. Gl. ver. vel pacisci, de Procurat. in 6.

NOTANDUM II. Licet laicus, si solus sit, super causa Ecclesiastica arbitri deputari non possit, excepta plenitudine potestatis Papalis; tamen vbi cum clerico super tali causa arbitri constitui potest, si Ecclesiastici Prælati assensus accedat, ut hic apparet.

Dices: Igitur Episcopus laico, vna cum Clerico causam Ecclesiasticam delegare poterit iudicandam. Respondeo cum Ioann. Andr. hic n. 12. Gl. in c. præc. ver. spiritualibus, Abb. ibid. n. 4. negandam esse consequentiam. Nam iudicare in causa spirituali, seu Ecclesiastica est actus iurisdictionis spiritualis, quæ in laicum cadere non potest. Sed arbi-

dies post latum arbitrium neque reclamet, neque expresse approbet, sed sileat, tunc ea tacita approbatio reputabitur, ut postea reclamare seu quasi appellare non liceat, ut colligitur ex cit. l. cū mantea, & docet Gl. communiter recepta in l. 1. ver. actio, vers. Sed cū, C. eod. contra Bartolum ibid. n. 3.

6 In posteriore casu si pœna transgressori adiecta sit, compromissor à sententiā recedere potest, sed pœnā soluere cogitur, l. 1. Gl. ver. metu, & Auth. decernit, C. eod. Idemque locum habet in omni pœna conventionali, si vel contractui, vel transactioni adiecta sit, ut videre licet apud Mol. tr. 2. disp. 556. n. 10.

7 Excipe primò: Nisi sententiā arbitri expresse approbata seu exomologata fuerit à compromittente, tunc eludere cogitur, neque sufficit pœnam soluere: secus autem est, si tacite tantum sit approbata, per lapsum dierum decem, sicut Mol. docet cit. disp. 35. n. 12. & sumitur ex cit. Auth. decernit. Quare tacita exomologatio eò tantum inferuit, quòd quis post lapsum dierum decem reclamare non possit.

8 Excipe secundò: Nisi adiecta sit clausula, ut nihilominus sententiā arbitri rata maneat, tunc qui contravenit, & pœnam soluere, & sententiæ parere cogitur, arg. l. penult. ff. de transact. l. cū proponas, 17. C. eod. ubi hæc traduntur de transactione, si rato manente pacto, pœna adiecta sit, transgressorem & ad pœnam compelli posse, & ad transactionis observationem: Idemque est in arbitrio, ut videre potest apud Mol. tr. 2. disp. 556. n. 10. itn. tr. 3. disp. 35. n. 16. 17.

Veruntamen tamen si pœna quomodocunque adiecta sit, potest tamē compromittens reclamare allegando iniquitatem manifestā, vel fraudem. Neque enim partes à arbitros compromississe censendi sunt, etiam si iniquè pronuntiauerint: prohibentur autem partes inter compromittendum renuntiare reclamationi, ita ut utrinque observandum sit arbitrium, tamen iniquum fuerit, iuxta l. societatem, 67. §. arbitrorum, ff. pro sociis. Nihilominus tamen exceptio competit, si dolus aduersarij intercessit: quā-

doquidem conueniri haud potest, ut quispian de dolo proprio non teneatur, sicut bene tradit Mol. tract. 5. disp. 30. & disp. 35. num. 10.

NOTANDUM IV. Iuramentum ipsum iurantem personaliter, non aliam personam obligat: Nisi habeatur speciale mandatum ad iurandum in animam alterius. Quia de re videri potest Innocent. hic n. 4. Sanch. lib. 3. moral. c. 13. n. 17. & seqq.

NOTANDUM V. Si Procurator absque mandato compromissit, contra ipsum excurio fieri potest. Et habet id locum in omni procuratore, qui se ad aliquod nomen absentis præstandum offert, cuius mandatum non habet, l. Plantius, 61. ff. de Procurator.

Restat quæstio: Si compromissor iurauit, se arbitri sententiā statutum esse, ad quidnam obligetur. Respondeo & Dico I. Licet ex tali iuramento civili iure Auth. de Iudicibus, §. Quia verò, nulla tribuatur actio, sed perinde esse debeat, ac si appositum non fuerit, secus tamen dicendum de iure canonico, sicut ex communi tradunt Abb. hic n. 13. & c. 2. n. 8. eod. Molin. tr. 4. disp. 36. contra Bartol. in cit. Auth. Nam omne iuramentum promissorum seruandum est, si sine peccato seruari possit.

Dico II. Si compromissum iuramento firmatum sit, pendet ex intentione iurantis, utrum se obligare voluerit etiam in eum casum, tamen iniquum arbitrium fuerit: Tunc obligatur, ut reclamare seu reductionem ad æquum boni viri, id est, iudicis arbitrio petere haud possit. Secus verò est, si intentio, saltem habitualis, se eò usque non extendat.

Sed quidnam in dubio præsumendum est? Mol. cit. disp. 36. n. 3, ait: In dubio standum esse arbitrio, tamen iniquum sit, nisi iuramenti relaxatio obtineatur. Sed contrarium rectè docuisse videtur Celsus in l. si libertus, 30. ff. de operis libertorum, cum ait: Ea ferè mens est personam arbitrio substatuentium (quamvis cum iuramento, ut in casu istius l.) ut quia sperent eum rectè arbi-

arbitraturum, id faciant, non quia vel immodice obligari velint. Et consentiunt eo, quod docui lib. 4. Th. mor. tr. 3. c. 9. corol. 2. & 3.

13 Dico III. Si quis iuratus promiserit, arbitri sententiā se statuturum, satis facit, si interesse præstet. Ita sumitur ex hoc c. & cum Innoc. hic n. 3. docui lib. 4. Th. mor. tr. 3. c. 9. corol. 2. exemplo 3. contra Abb. hic n. 13.

14 Dico IV. Si quis compromissum cum pœna violatori adiecta, iuramento confirmavit, satis facit, si pœnam soluat. Ita Innoc. hic, & docui loc. cit. cōtra Abb. hic n. 14. Mol. cit. disp. 3. n. 20. & disp. 3. 6. ubi ait, quod iuramentum appositum pactioni cum adiectione pœnæ, habeat vim clausulæ, *raro nihilominus manente pacto*; argum. l. si quis maior, 4. t. C. de transact. Ad quam facilis est responsio. legem pœnalem esse, in pœnam periurij latam; ut qui transactionem, vel pactum iuratum violavit, infamis fiat, & actione priuatus, omni emolumento ex pactione careat. Quæ non obligant ante Iudicis sententiam, ac condemnationem. Probari autem debent hæc duæ assertiones ex eo; quia iuramentum in dubio intelligi debet secundum terminos iuris, & secundum naturam actus, cui apponitur, c. quemadmodum, 25. de iureiur. Atqui compromissum cum adiectione pœnæ eam suapte natura, & iuris constitutione obligationem parit, ut vel stare oporteat arbitrio, vel pœnam soluere: Ergo ita etiam obligat, si iuramentum accedat, quippe quod obligationem non extendit, sed tantum intendit. Interim nemo negat, aliam posse esse intentionem iurantem (quæ tamen in dubio non præsumitur) videl. obligandi se specificè ad servandum arbitrium, atque insuper, si non observauerit, ad pœnam solvendam.

CAPITVLVM X.

Ex parte.

PARAPHRASIS.

Cum Canonici Ecclesiæ S. Cuthberti in discordia eligerent alij quidem Henricum

de Iuliacò, alij verb Confadum de Lombardia; duo isti curarunt compromissum fieri in Archiepisc. Coloniensem: Is easus meritis diligenter auditis, ne peripetis, diem partibus designavit ad sententiam definitivam ferendam. Interea autem moritur Henricus. Quo audito Archiepisc. prohibuit Canonicis, ne pendente sua sententia, ad aliam electionem procederent: sed aliqui non obtemperantes Beatum Cantonicum Coloniensem elegerunt. Igitur cum die constituto in præsentia partium compromittentium sententia ferri deberet, Beatus ille electus venit, & allegavit ulterius procedendum non esse; cum per Henrici mortem compromissum finitum fuerit. Super hac re consultus Honorius III. respondit; Tamen si compromissum morte Henrici finitum fuerit, tamen de prioris electionis meritis cognosci prius oportuisse, quam procederetur ad secundam: quandoquidem si Conrado superstiti ius competat ex electione, satis constat, posteriore penitus non valere.

SUMMARYM.

1. *Discordia in causa electionis per arbitros terminari potest, in ordine ad compromittentes, non autem confirmatorem, cui praiudicari non potest.*
2. *Arbiter suam sententiam in præsentia promittentium pronunciare debet, & quidem intra tempus ipsi à partibus constitutum, alias exprimit compromissum, nisi temporis prorogatio arbitro concessa sit.*
3. *Si duobus in discordia electis, morte alterius, vel remissione, aut causa eisdem abiudicata procedi ad electionem novam non potest, nisi finita sit super iure coelecti superstitis.*
4. *Si in ordinarium super causa electionis compromissum est, morte unius compromittentium finitur compromissum, non autem iurisdicctio eius ordinaria.*

NOTANDVM I. Discordia in causa electionis per arbitros terminari potest.

Quia

Quod verum est in ordine ad ipsos compromittentes, non item vt Confirmatori præiudicetur, quò minus de iuribus electionis & iure electi, pro quo arbitri iudicant, cognoscere possit, ac debeat. Verùm hoc loco in ipsum Confirmatorem compromissio facta fuit, vt & in c. cum inter, 21. de elect.

2 NOTANDUM II. Arbitr suam sententiam, seu laudum in præsentia partium compromittentium pronuntiare debet: quamobrem partes citare potest, vt ad certum diem compareant: Vt hic apparet, & in l. Quid tamen, 21. §. plenum, in fine, ff. eod. Debet autem arbitr intra tempus, quod illi à partibus constitutum fuit, arbitrium ferre, alioquin expirat compromissum, nisi temporis prorogandi potestas arbitro data sit, l. non distinguemus, 32. §. ult. & l. seq. ff. eod. Sin autem tempus nullum arbitr definitum fuit, tunc intra tempus, quod congruum videri potest, postulante parte altera, ad sententiam dicendam cogi potest, sicut docet Mol. tr. 5. disp. 43. fin. Vide l. quod tamen, 21. aliàs incipit, si cum dies, ff. eod. ubi etiam disputatur, in quo loco arbitri pronuntiare debeant.

3 NOTANDUM III. Si ex quòbus in discordia electi alter moriatur, aut renuntiet, aut ei causa abiudicetur, ad nouam electionem procedi non potest, donec lis super iure coelecti superstitis finita sit. Ita etiam habetur in c. 1. & 2. Vt lite pendente, in 6.

4 NOTANDUM IV. Si in ordinarium super causa electionis compromissum sit, licet morte vnus compromittentium finiat potestas compromitti, vt dicam in c. ult. hoc tit non tamen finitur iurisdictio eius ordinaria. Vide Abb. hic, n. 4.

CAPITVLVM XI.

Exposita.

PARAPHRASIS.

Inter Episcopos Feltrensem & Beluenensem ex vna parte, & ciues Teruifinos

ex altera parte controuersia erat super strictu & quibuldam alijs rebus. Ea per Episcopum Hostiensem Apostolicæ Sedis legatam terminata fuit. Sed postea alijs exinde ortis discordijs, partes compromiserunt in Ducem Venetorum, obsidibus ab vtraque parte datis. Sed & Papa Honorius III. eidem Duci per literas mandauit, vt partes componere curaret. Sed cum Dux à Legato antea latam sententiam immutare ausus esset, rescripsit Honorius; Intentionis suæ non fuisse, ei committere, vt controuersias latæ per Legatum sententiâ sopitas reuocaret: Quare mandat quibuldam à se delegatis, vt non obstantibus prioribus literis suis, quæcunque per Ducis arbitrium aduersus Legati sententiam decreta esse inuenerint, in irritum reuocent, ac directè prohibeant Duci, ne vltius in compromisso procedat: eundemque ad restitutionem obsidum, quos ad compromissi obseruationem stabiendam acceperat, per censuram Ecclesiasticam compellant.

SUMMARIVM.

1. *Compromissum fieri non potest super his, quæ per certam sententiam decisa sunt.*
2. *Ad confirmationem compromissi obsides dari possunt.*

NOTANDUM I. Compromissum fieri non potest super ijs, quæ per indubitatam sententiam decisa sunt. Nam compromissum, sicuti & transactio, super causa dubia fieri debet, non super certa. Ita Innoc. hic, Ioann. Andr. n. 3. Imola n. 2. quamuis aliter Abb. hic n. 3. Cur autem in casu isto arbitrii Ducis non valuerit, causa manifesta est, quia excessit limites compromissi. Cum nec Episcopus potuerit in Ducem compromittere super iuribus Ecclesiæ per Legati sententiam acquisitis; neque Papa voluerit tale compromissum committere, aut concedere.

NOTANDUM II. Ad confirmationem compromissi obsides dari possunt. Idque

que consuetum esse inter viros potentes, ait Abb. hic n. 2. quippe qui non ita facile conueniri, aut cogi possunt ad arbitrij obseruationem.

CAPITVLVM XII.

Innotuit.

PARAPHRASIS.

Inter Guilielmum & Ottonem Laicos controuersia erat super quadam pecunie summa. Papa eam quibuscumque Iudicibus commisit, qui cum in causa procederent, denique partes in duos arbitros compromiserunt, ea forma, ut si ipsi discordarent, Iudices delegati tertium ipsis arbitrum adiungerent, retenta penes se potestate partes ad arbitrij obseruationem compellendi. Et ita quidem factum, ut cum duo illi conuenire non possent, tertius ipsis adiunctus fuerit, qui cum eorum altero consentiens, contra vnum compromittentium sententiam tulit. Et cum Iudices illi delegati eum ad obseruationem compellere vellent, sic se grauari sentiens, ad Sg.lem Apostolicam appellauit. Sed Iudices, appellatione non obstante, excommunicationis sententiam in eundem tulerunt. His intellectis, respondit Gregorius IX. si ita se res habeat, excommunicationis istam sententiam declarandam esse irritam eo quod Cæsareis legibus decretum sit, ut compromissum de assumenda persona incerta nullius roboris sit.

SUMMARIUM.

1. A Iudicibus in fauorem partium delegatus transiri potest ad arbitros.
2. Et ab his arbitris rursum ad Iudices delegatos recedi potest, cum horum iurisdictione durante controuersia duret.
3. Non valet compromissum factum in duos cum adiecto, ut in casu discordia eligatur tertius, nisi certa persona nominetur, v. g. Sempronius.

4. In hoc casu arbitri discordes cogendi sunt a Iudice, ut tertiam personam sibi assumant, cuius auctoritati pareantur.
5. Et si non erit verum compromissum arbitrorum, sed potius descriptum ex legi præscripto constitutum.

NOTANDVM I. Si causa Iudicibus delegata sit in fauorem partium, possunt ex reliquis Iudicibus delegatis, in arbitros compromittere: cum fauori rescripti renuntiare queant. c. ad Apostolicam, 16. de regul. vbi dicitur, quod aliquis renuntiare possit ei, quod pro se introductum est. Sequi autem eris, si ob fauorem publicum causa delegata sit, sicuti hic monet Abb. n. 2.

Hic adde primò: Quod partes eo etiam modo à Iudicibus ad arbitros recedere possint, ut tamen Iudices retineant potestatem compellendi partes ad arbitrij obseruationem, & eatenus prorogare Iudicum delegatorum iurisdictionem, vti ex hoc c. colligitur: quandoquidem id factum Pontifex non reprobabat.

Adde secundò: Quod partes, si velint, relicto compromisso, si res integra sit, iterum ad Iudices delegatos recurrere possint: cum eorum iurisdictione extincta non sit, dum controuersia manet, sicuti ex communi Imola hic docet, n. 6. adeò ut si per compromissarios non expediat, eam reassumere possint.

NOTANDVM II. Si in duos arbitros à partibus compromissum sit, ea conditione, ut si inter se dissentiant, assumant tertium, non valet compromissum: scilicet, si certa persona nominetur, v. g. ut Sempronius adiungatur. Ita habetur in l. Item si vnus, 17. §. Si in duos, ff. hoc tit. Ratio ibi adiungitur: Quia fieri posset, ut etiam in eligendo tertio, si is à partibus nominatus non sit, arbitrer dissentiret, ideòque causa nunquam expediretur.

Quid itaque fiet, si in duos arbitros compromissum sit, & ij discordent? Respondet, huic casui prouisum esse in cit. l. Item, §. Principaliter, A Iudice cogendos esse, ut tertiam personam sibi assumant, cuius auctoritati

ppppp pare-

Cùm à nobis.

PARAPHRASIS.

Inter Archiepiscopum Senonensem, & Abbatissam ac Conuentum Monasterij Iotrensis controuersia erat super eo, quòd Archiepiscopus volebat Monasterium sibi iure Metropolitano subiectum esse. Partes sub certa poena compromiserunt in Legatum Sedis Apostolicæ Cardinalem, quòd eius ordinationi factæ per ipsum met, vel per duos ab ipso constitutos mediatores omnimodè parere uolint. Igitur causa terminata fuit à Capellano Sedis Romanæ, & Archidiacono Senouensi, qui ut mediatores seu arbitri à dicto Archiepiscopo deputati erant: Et quòd ab his actum fuit, Gregor. IX. Apostolica auctoritate confirmat.

SYMMARIVM.

Arbiter vices suas alteri delegare non potest, dari tamen ei potestas potest à partibus, ut si uoluit ipse per se causam definire, unum alium uel plures constituat, per quos ea definiauit.

NOTANDVM Vn. Licet arbiter vices suas alteri delegare non possit, non distinguemus, 32. §. Quæsitum, ff. hoc tit. potest tamen illi à partibus dari potestas, ut si ipse arbitrium dicere nolit, alium constituat unum, uel plures per quos arbitrium dicatur. Ita Gl. hic ver. Mediatorum in resp. 2. Imola n. 7. Abb. n. 1. solut. 2. & sumitur ex cit. §. Quæsitum, &c.

CAPITVLVM VI.

Compromissum.

PARAPHRASIS.

Si ante latum arbitrium alter compromissentium moriatur, extinguatur compromissum.

pareatur. Ideo autem iura uoluerunt, ut arbitri discordes tertium assumant cum Iudicis auctoritate, & non ex partium compromisso: quia partes compromittentes non habent potestatem compellendi arbitros, sicut Iudex habet. Vide Bartolum in cit. §. Principaliter, & quæ hic congerit Abb. n. 8.

QVÆRITVR primò: Si compromissum sit in arbitros ea conditione, ut habeant potestatem, si discordes sint, tertium eligendi, atque in electione tertij concordent, ualebit necalis electio? Respondeo, Non ualebit: Cùm enim ab initio inutilis fuerit hæc compromissio, traçtu temporis conualescere non potest. Imò Abb. hic n. 8. in 3. casu cum Ioan. Andr. uult, quòd totum compromissum corruat, si cum dicta conditione seu forma factum sit, ita ut nec arbitri duo concordantes dicere possint sententiam. Sed contrarium puto esse probabilius; quòd talis modus adiectitius, uidel. ut si discordarent, tertium eligere possint, non debeat ipsum principale compromissum infringere, sed potius pro non adiecto haberi, ita ut compromissum irritum sit, non absolutè, & in se, sed quoad illum modum, argum. reg. 37. io 6. *Utile per inutile non vitiatur.*

QVÆRITVR secundò: Vtrum is, qui Iudicis imperio ab arbitris assumptos est tertius, uerus arbiter compromissarius sit? Respondeo cum Bartolo cit. §. Principaliter, n. 2. Non esse uerum compromissarium arbitrum, cùm à partibus constitutus non sit: sed potius diremptorem ex legis præscripto cõstituendum; cuius uoluntati arbitri dissidentes parere teneantur censendus est.

QVÆRITVR tercio: Quo iure Pontifex de causa ciuili inter laicos temporali suæ iurisdictioni non subiectos iudicare, seu Iudices delegare potuerit. Respond. cum Ioan. Andr. hic, n. 2. Causam aliquam extraordinariam interuenisse, v. g. negligentiam Iudicis secularis, iuxta c. licet, 10. de foro compet. uel aliam, quæ cùm non exprimitur, non possumus diuinando assequi.

missum, nec transibit obligatio ad hæredem, nisi de hoc cautum fuerit.

SUMMARIUM.

1. *Obligatio ex compromisso ad hæredes compromittentium non transiit, nisi de hoc cautum fuerit in compromisso.*
2. *Compromissum à Prælato, vel Rectore ecclesie super eius iuribus (de quibus ipse solus disponere non potest) factum, ante laicam sententiam, morte Prælati vel Rectoris non extinguitur, secus est, si compromissum sit super re aut iure, de quo ipse solus disponere possit.*

NOTANDUM VN. Licet actio & obligatio ex pactis, & contractibus ordinariè transmittatur ad hæredes, tamen si de ijs mentio nulla facta sit, l. veteris, 22. C. de cōtrah. stip. tamen ex compromisso obligatio ad hæredes compromittentium nō transmittitur, nisi id cautum sit. Ita etiam habetur in l. diem, 27. §. Si hæredis, ff. hoc tit. Rationem affert Gl. hic, ver. hæredes: Quia compromissa stricti iuris sunt, non extendenda vltra ea, de quibus cautum fuit, c. non distinguemus, 32. §. de officio, ff. eod. Sed hæc ratio non plenè satisfacit: cū aliarum conuentionum obligationes quantumvis stricti iuris censeantur, tamen ad hæredem transeant, quippe quæ eadem persona cum defuncto censetur. Quare aliam magis propriam causam dat Abb. hic: Quia in arbitros, & arbitratores partes compromittunt ex singulari erga eos fiducia: quam hæres non semper habet; sed mauult, vt controuersia per ludices viā ordinariā expeditur.

Quæ eadem ratio assignari potest, cur arbitri compromissarius loco suo alium deputare non possit, nisi hoc expressè ipsi commissum fuerit, cit. l. non distinguemus, §. Quæsitum: quia censetur compromissum factum ex speciali fiducia erga hanc personam. Quæ eadem similiter dici possunt de executoribus testamentarijs.

3. *Quæritur hoc loco, si Prælatus aut Rector Ecclesie super eius iuribus compro-*

missis, vtrum per eius mortem extinguatur compromissum. Garbierum nondum latum sit. Facilis est responsio, cum Abb. hic, n. 9. Si compromissum sit super re aut iure Ecclesie, de quo Rector eius, seu beneficiarius solus disponere potest alienando, transigendo, compromittendo, tunc extinguitur compromissum; quippe cū de rebus Ecclesie disponere non possit vltra tempus vite sue, vti dictum est in c. veniens, 8. de transact. Sin autem super iuribus Ecclesie, de quibus solus Prælatus disponere non potest, compromissum factum est cum debita solemnitate, videlicet interueniente consensu Capituli, & Superioris, &c. tum non extinguitur per mortem Prælati: cū ipse non fuerit principalis compromittens, sed minister tantum compromittentis Ecclesie.

CAPITVLVM PRIMVM

cod. Tit. in 6.

Si ex tribus.

SI factio compromisso inter te & Titium in arbitros tres, duo eorum te condemnent in decem, tertius in quinque, stat arbitrium quoad decem: Sin autem vnus ex tribus in quindecim te condemnet, alter in decem, tertius in quinque, efficax est sententia quoad quinque, cū in eā summa omnes concordet sint.

Prior pars huius responsionis tradita etiam est in c. i. extrā, eod. Posterioris autem partis, de qua dubitari posset, rationem dare debemus: Quia si fieri possit, ita arbitrium, sicuti & actum quemlibet interpretari oportet, potius vt valeat, quàm vt pereat: Id autem in proposito fit, cū ad sustentandum arbitrium consideratur in summa maiore etiam minorem inesse; adeoque qui ad quindecim, aut decem condemnauit, etiam ad quinque condemnasse censendus est.

Nisi malis dicere, Quòd in proposito casu eatenus arbitrii efficax censi debeat, quòd minimim debeatur quinque: Vtrum autem plus non debeat, id indecisum manet;

Ppppp 2 Enim

Enimvero si vnus aut alter arbitrorum praesentiet, non minoris condemnari te posse, quam in decem, aut in quindecim: manifeste apparet, arbitros concordēs non esse. Quemadmodum si in res compromissum sit arbitrares, quanti equum vendendum aestimauerint, & vnus arbitretur de aureis 60. aliter de 40. tertius de 30. dici non potest, pretium equi fore aureorum 30.

CAPITVLVM II.

Vt quaestionibus.

SYMMARIVM.

1. Si ex tribus arbitris non legitimè impeditus nolit causa examinanda, vel definienda interesse de iure canonico (non autem ciuili) duo procedere poterunt, ac si ille praesens esset.
2. Circa iudices autem delegatos antiqua in seruanda sunt.
3. Haec constitutio Bonifacij VIII. seruanda tantum est in foro ecclesiastico, & in terris Romana Ecclesia temporalis iurisdictioni subiectis.
4. A sententia arbitri compromissarij appellare non licet, nec petere reductionem ad arbitrium boni viri.
5. Permissa samen est reductio à laudo arbitriaris.
6. Ea autem reductio petenda est à iudice ordinario, coram quo alijs, secluso compromisso, agendum erit.
7. Neque intra decem dies tantum, sed triginta annos à dato arbitrio hac reductio peti potest.
8. Licet appellare à iudice, qui super reductione cognouit.

SI ex tribus arbitris vnus legitimè requisitus ad causam vnā cum alijs examinandam & definiendam, nolit interesse, cum legitimè impeditus non sit, tum alij duo absque illo liberè procedere, ac negotium definire possunt, sicuti possent, si ille praesens esset, sed cum ipsis consentientibus consentire

nollet. Quamuis aliter secundum ius civile statutum sit. Verum, quod iudices delegatos attinet, in ijs seruandum est ius antiquum, si tres delegati sint, non adiecta clausula, Si non omnes, duos absente tertio praestare nihil posse.

Haec est noua constitutio Bonifac. VIII. Nam antea etiam in foro canonico seruabatur lex ciuilis item si vnus, 17. §. Celsus, ff. hoc tit. Si in res fueris compromissum (respondit Celsus) sufficere quidem duorum consensum, si praesens fuerit & tertius: alioquin absente eo, licet duo consentiant, arbitrium non valere: quia in plures fuit compromissum, & potius praesentia eius trahet illos in eius sententiam.

Ceterum si partes compromittentes noluerint valere arbitrium, nisi omnibus praesentibus negotium examinatum & definitum sit, tum non erit locus huic constitutioni: cum compromissum ex partium compromittentium voluntate pendere debeat, vt rectè hic notat Gl.

Ad extremum moneo primò, dictam Bonifacij constitutionem seruandam tantum esse in foro ecclesiastico, & in terris Romanae Ecclesiae temporali iurisdictioni subiectis: ciuilem verò constitutionem adhuc locum obtinere in foro seculari, propter regulam, quam tradidi lib. 1. tr. 4. c. 8. n. 8. Si lex ciuilis & canonica circa materiam non ecclesiasticam, sed politicam, discrepent, vtramque in suo foro seruandam esse.

Moneo secundò: Constitutionem Bonifacij non aliter intelligendam esse, etiam pro foro ecclesiastico, & in terris Romanae Ecclesiae temporali iurisdictioni subiectis, quam si maior pars arbitrorum adsit, & reliqui vocati ac requisiti, vt interfint, absque iusto impedimento negligentia aut malitia interesse noluerint; si enim iustum habeant impedimentum, vt interesse nequeant, tunc etiam de iure canonico inualidum erit arbitrium, quod sine his feret maior pars arbitrorum.

Quæritur potest hic I. Cum à sententia arbitri compromissarij non liceat appellare, annon peti possit reductio ad arbitrium boni

ni viri, vt hoc saltem remedio parti læsæ succurratur? Affirmant quidem nonnulli; reſtiſ autem negatur. Ratio eſt primò, quia ſententia arbitri cùm homologata & approbata eſt, ſiue expreſſè ſiue tacitè, lapſu decem dierum illi ſtandum eſt, l. 17. §. 2. ff. hoc tit. Ratio eſt ſecundò, quia compromittendo tranſigere quis videtur, quòd velit acquieſcere ſententiæ arbitri, & deſiſtere ab ulteriori proſecutione: ea eſt autem natura tranſactionis, vt litem ſemel peream deciſam inſtaurare non liceat, ne quidem prætextu enormis læſionis, ita communiter DD. ad tit. ff. de tranſaction.

Quemadmodum igitur compromiſſum alio nullo iure, quàm tranſactionis cenſetur, ita læſo per ſententiam & eo latam nullum aliud remedium vel auxilium ſuppetit, quàm exceptionis erroris, metùs, doli, falſitatis, quæ omnibus tranſactionis ſpeciebus opponi poſſunt, l. ſub prætextu, & l. interpolita, l. ſiue, & l. penult. C. de tranſact. Et his quidem exceptionibus opponendis nullum certum tempus præſcriptum eſt, ſed perpetuò, etiam vltra triginta vel centum annos, opponi poſſunt, Gl. in l. 3. ver. perſecutione, C. de præſcript. 30. ann. & in l. ſi pactum, C. de except. Bald. in tr. de præſcript. 4. par. princ. q. 37. Weſenbec. ad tit. de except. n. 12.

Et hæc quidem procedunt de vero arbitro compromiſſario; nam arbitratoris ſeu amicabileſ compoſitoris ſententiam ad arbitrium boni viri reduci poſſe docet Bartol. & laſon in l. arbitro, ff. qui ſatiſdant. cog. quibus ſubſcribitur Gaill l. 1. obſeru. 150. n. 9. Guido Papæ deciſ. 519. non quidem abſolutè, vt duo priores DD. ſed in eo caſu ſolùm, quo non tantùm per laudum compromittentium alterutrius læſio modica, verùm enormis valde contigiffet, tunc cenſent reductionem eſſe admittendam.

Quæſitum II. Coram quo iudice reductio petenda ſit? Variant DD. nam Lud. Rom. conſil. 265 & Aſilius deciſ. 51. cenſent eſſe arbitratoris iudicem adeundum; eò quòd hæc petitio habeat ſpeciem appellationis; appellatio autem ſit ad Superiorem pronuntiantis ſententiam. Verùm alij re-

ctius ſentiunt adeundum eſſe iudicem ordinarium, coram quo, ſcluſo compromiſſo, agendum erat; cùm petitio hæc ſit promouatio quædam ad iudicem competentem, qualis in hoc caſu non eſt alius, quàm iudex rei, qui ſcilicet eſſet iudex cauſæ, ſi actor voluiſſet in iudicio litigare. Ita Bartol. in l. Societatem, §. arbitratorum, ff. pro ſoc. Panor. mit. in c. Quinta uallia, n. 39. de iureiur. & in c. cùm dilectus, n. 20. de arbit. Bald. Angel. & Caſtro in l. 1. C. vbi & apud quem. Et hanc opinionem ait Gaill cit. loc. n. 2. etiam Cameram Imperialem ſequi, multiſque præiudicijs eſſe confirmatam. Neque contrariæ opinionis fundamentum firmum eſt; quia hæc reductio non per omnia ſimilis eſt appellationi, ſed in eo ſolùm, quòd ſententia arbitratoris retractetur.

Quæſitum III. Ad quod uſque tempus reductio à laudo arbitratoris peti poſſit? Reſp. Quamuis ſint, qui velint infra decem dies poſt latum laudum ſeu arbitramentum eſſe petendam, communior tamen ſententia eſt, eam uſque ad triginta annos peti poſſe: cuius ratio eſt, quòd ius petendi reductionem ad arbitrium boni viri ſit perſonale, quod non præſcribitur, niſi triginta annis, l. ſicut, C. de præſcript. 30. vel 40. annor. cui non obſtat l. penult. C. de arbit. quæ ſtatuit tempus decem dierum ad reclamandum à ſententia arbitri, quia hæc lex loquitur de arbitris electis ex compromiſſo, à quorum ſententia appellare non licet, nec reductionem petere; hic autem ſermo eſt de arbitratoribus, de quibus nobiſcum ſentiunt Gaill cit. obſeru. 150. n. 2. Maranta p. 6. de appellat. n. 112. & ſeqq. Aſili. deciſ. 132.

Quæſitum IV. An à iudice reductionis cauſam definiente, confirmando vel retractando laudum, appellari poſſit? Negant Bartol. & alij, eò quòd appellare non liceat à iudice, qui vt vir bonus arbitrat; Sed reductio ſit ad virum bonum, hoc eſt, iudicem ordinarium, ergo appellandi locus non eſt. Adde, quòd hic iudex ſuccedit in locum arbitratoris, à quo appellare permiſſum non eſt, l. 76. in fin. ff. pro ſoc.

Ppppp } Sed

Sed rectius affirmant Baldus in l. vi. n. 7. C. meliceat in vna, eadēque causa. Covarr. l. 2. variar. resolut. c. 12. n. 3, & Gail cit. loc. obseru. 149. n. 5. ea ratione ducti, quod qui pronunciat super causa reductionis, sit iudex ordinarius, à quo licet appellare, nisi expresse prohibetur sit, l. 20. C. de Appellat. Cū autem in hoc casu appellatio non reperiatur prohibita, merito eius beneficium grauo permittendum est.

Neque obstat fundamentum oppositæ opinionis, quia licet ei vt viro bono commissum sit arbitrium reductionis, & succedat in locum arbitratoris, à quo non appellatur, per hoc tamen non desinit esse iudex ordinarius, à quo appellare concessum est. Cōfirmatur nostra hæc opinio ex l. 76. ff. pro loc. vbi Paulus ait: Iniquitatem arbitri instituto iudicio corrigi, quo casu appellari posse dubium non est.

FINIS LIBRI PRIMI.



TYPO.

T Y P O G R A P H V S L E C T O R I.

A Mice Lector: Hic præcipua Errata tibi damus: quæ ut plurimum ex dubio, vel inconstanti charactere. Scriptoris in huius Libri primæ editionem irrepserunt. Si quæ alia adhuc (foris graviora etiam) per operarum incuriam, aut aliunde ei adhaeserunt, quæ proprietatem relegendis ad eum effugerint, ea si animadvertes, facili, ut spero, pro tua prudentia condonabis. & pro humanitate tua, ut suo tempore emendari possint, benignè monebis.

Fol.	Col.	Verf.	Mendum.	Emendatum.	Fol.	Col.	Verf.	Mendum.	Emendatum.
4	1	6	explicante	explicatur.	156	2	19. à fin.	de	ab
8	1	5. à fin.	separare	superare.	157	1	14. à fin.	ipsa	ipsi.
12	2	12. à fin.	externam	externum.	163	2	11	presumptionis.	presumptu- nema.
23	1	12	deficiendum	destruendū.					
46	1	13. à fin.	principali	principalis.	164	1	8	parte	partis.
50	2	24	in firmā	in prima.	eod.	1	15	per formati	addē, sicut.
16	1	12. à fin.	Suarez	Sanchez				seruiniij	
62	2	21	cam	tam.	eod.	1	12. à fin.	declarat	declaratur.
64	1	9	corroboratum	corroboratū	eod.	2	10	respondens	respondet.
91	1	9	ad	ut.	167	2	17. à fin.	ius special	iura spe- cialia.
119	2	19. à fin.	pastorales	personales.				si	nisi.
140	1	7. à fin.	exemptorie	executorie.	169	1	11	sine	sine.
eod.	1	5. à fin.	exemptoris	executoris.	171	1	11	conditio	conditio.
141	2	17. à fin.	spirituale	speciale.	172	1	11. à fin.	discursum	conditio.
155	2	16. à fin.	Titium	Caium.	173	1	21	discursum	discursum.
160	1	14. à fin.	derogatus censetur.	derogatus (non censetur.	181	1	14	in spaces huius	addē, huius.
					182	1	15. à fin.	exigat	exigant.
166	1	4	iudices	iudicis.	eod.	2	5. à fin.	venditoris	venditoris.
171	2	10	vel	ver.	185	1	11	minor	maior.
172	1	25. à fin.	et	&	187	1	11	ad	ut.
eod.	1	6. à fin.	in scriptura	& scriptura.	188	1	11	aliquis eo	aliquis eo
174	1	25	asserenda, ser-	offerenda, ser-	189	1	4. à fin.	merito	merito.
			uari debeat	uari debent.	190	1	11	depositione	dispositione.
197	2	18. à fin.	affectu	effectū.	197	2	19. à fin.	inferat	asserat.
206	1	12. à fin.	dignitate	dignitati.	401	1	8	definitus	definitus.
204	1	17	necessarius.	necessaria.	415	2	17	Titium	Caium.
210	1	15. à fin.	nullo	nulla	417	1	2	&	et.
211	2	24	postularie	postularint.	416	1	8. à fin.	perueniat	perueniat.
214	2	22	instituta	instituta.	427	2	11.	erant	erat.
215	2	12. à fin.	actum	factum.	432	1	12. à fin.	allegatus	allegatus.
217	2	2	ea	eo.	434	1	3. à fin.	ex	eo.
218	1	18	ex	ex.	eod.	2	4	prohibita	addē, con- cessum.
222	2	6. à fin.	opponerent	opponerent.					
222	1	14	vocatio	vacatio.	463	1	4. à fin.	ardore	ardor.
eod.	1	11. à fin.	ff.	dele	465	1	19. à fin.	subijciant	subijciunt.
263	2	23. à fin.	quem	quam.	466	1	5. à fin.	Ananias	Andreas.
291	1	15. à fin.	administratori	administrati- oni.	eod.	1	3. à fin.	denuntiatione	denuntiatione.
					eod.	2	25	portione	pachione.
295	1	14. à fin.	ob	dele	468	2	6	facile	facili.
297	2	9. à fin.	vis	ius.	471	1	14	hic	hic.
298	1	22	ipsam	seipsum.	eod.	1	16	debent	debet.
303	1	24	vocati	vocandi.	472	1	18	beneficiali	addē, renun- ciabat.
312	2	4	permittendum non est.	addē, ut renocare possit.	477	1	8	episcopatum	addē, relicto.
					481	2	15	revertuntur	revertantur.
333	1	15. à fin.	electio	ecclesia.	495	2	22. à fin.	ecclesia	ecclesia.
333	2	12	rescindendus	dele, non.	497	2	17. à fin.	regularis	secularis.
			non esse		500	1	14	semestre	intra semestris.
344	1	2	seculum	seculum.	504	1	7	Quia	Quia.
eod.	1	19	sequitur	requiritur.	513	1	8. à fin.	ut.	ut.
345	2	21	quia	quia.					

Fol.	Col.	Verf.	Mendum.	Emendatum.	Fol.	Col.	Verf.	Mendum.	Emendatum.
519	2	8	sententiae	sententia.	683	2	18	iurisdicatio	inquisitio.
520	2	13. à fin.	ex	est.	684	2	10	subdelegatum	subdelegatam
627	2	4	ordinantis	ordinanti.	691	1	12	cogunt	coguntur.
528	1	13	minus	nimis.	cod.	2	vlt.	super	adde causa.
529	2	12	coguntur	cogantur.	695	1	penult.	sed alij	adde affirmant.
531	2	20	non	dele.	701	2	9	vlt.	et
543	1	13. à fin.	nullo	adde, iure.	702	2	6. à fin.	admonere	admonest.
557	2	20. à fin.	possit	possint.	707	2	24	abugitur	adde in tandem
578	1	9	subiacent	subiacant.					excommunicatio
599	2	15. à fin.	pluribus	in pluribus.					tionē redpant.
583	2	10	vntum	vntam.	711	2	5. à fin.	lege se	Gl. in cit. s. ve-
588	1	2	&	sed.					rum, ver. cum
589	1	21	quod dimisso	quod vno di-					executionem.
				misso.	717	1	21	exercere	excitari.
590	1	4	proprias	proprios.	716	2	6	& bona	adde fide.
591	1	18. à fin.	cuiusdam	cuiusdam.	743	2	6	id	ad.
605	2	5	dat	non dat.	747	1	14. à fin.	quamvis	tamen.
611	1	14	ob	&	748	1	17. à fin.	atque	absque
612	1	5	delegata	delegato.	cod.	1	vlt.	reuocandum	reuocandorum
616	2	5	Vincetrix	Vincetrix				attentorum	attentorum.
617	2	4. à fin.	si Episcopo	adde à propi-	752	2	17. à fin.	spretur	spereur.
				quo.	753	2	10	vlt.	vbi
621	2	12. à fin.	vniuersalem	vniuersitatem.	767	1	14	ob hanc	adde causam.
622	1	17	& si	eti.	771	2	4. à fin.	administra-	administrato-
625	2	9	aliquis	aliqua.				tionibus.	ribus.
631	2	7	parti	pacti.	773	2	7	præuentibus	prouentibus.
636	2	20. à fin.	val-de	val dē.	776	1	11. à fin.	corum	carum.
638	1	11	cooperandum	comparendum.	777	1	vlt.	soluendam	soluendum.
639	2	14	testis	testi.	790	2	16. à fin.	hæc erat	adde causa.
649	2	8	exemptionem	exemptionem.	791	1	vlt.	factam	facta.
cod.	2	11	cognoscere	adde potest.	797	1	7	procurtorium	procuratorium.
cod.	2	9. à fin.	obseruata	obseruato.	799	2	16	procurator	procurator.
650	1	17	sum	cam.	cod.	2	23	Gl. margin.	adde ff. de pe-
653	1	14	q. 19.	dele q.					culio.
664	1	7. à fin.	in	vi.	819	2	8. à fin.	Pontifice	Pontifici.
666	2	21	ponat	proponat.	826	2	3	alium	aliam.
cod.	2	18. à fin.	ordinariē	ordinariā.	833	2	21. & 28.	vero	mero.
670	1	4	delegent	deligant.	838	2	20. à fin.	Ecclesię	Ecclesia.
673	2	2	regularibus	à regularibus.	839	1	13	excusatur	non excusatur.
675	1	18. à fin.	delegato	subdelegato.	840	1	6. à fin.	ci	reo.
cod.	1	vlt.	non potest	dele non.	cod.	2	25	mutandi iudici	adde causa.
677	1	16. à fin.	dum	tum.	853	2	8. à fin.	docet	adde Abbinc.
cod.	2	10	nositur	nascitur.	cod.	2	vlt.	decem	iota decem.
683	2	15	in forma	dele in	854	2	20. à fin.	promissorum.	promissorum.

